

第十通第五種

續通志

第二冊

商務印書館發行

第十通第五種

續通志

第二冊

清高宗敕撰

列傳

唐十一

蘇世長良嗣 韋雲起 孫伏伽

張玄素

蘇世長京兆武功人父振周宕州刺史建威縣侯世長十餘歲上書周武帝問讀何書以孝經論語對令舉其詞對曰孝經曰為國者不敢侮寡論語曰為政以德帝善之使卒學虎門館父死王事有詔襲爵世長號踊不自勝帝為改容入階為長安令數條上便宜大業末為都水少監督漕上江會場帝被弑發喪慟聞道路王世充僭號以為行臺右僕射與豆盧行襄輔兄子弘烈鎮襄陽高祖與二人有舊數遣使諭降行襄殺之洛陽平始與弘烈來歸帝誅行襄而責世長世長曰古帝王受命比之逐鹿豈有獲鹿後忿同獵者問爭肉罪耶今陛下應天順人安可忘管仲雍齒事且武功舊人亂離後死亡畧盡唯臣幸存若殺之是絕其類也帝笑釋之授五山屯監引見玄武門與語平生調之曰卿自謂佞耶直耶對曰愚且直帝曰然則何為背世充歸我曰世充平天下為一臣智窮力屈乃歸陛下使世充不死臣據漢南猶為勃敵帝大笑復嘲之曰卿名長意短口正心邪世長曰名長意短誠如聖旨口正心邪未敢奉詔昔竇融以河西降漢十世封侯臣舉山南歸國唯蒙屯監帝悅拜諫議大夫從獵涇陽大獲帝謂左右曰今日畋樂乎世長曰不滿十旬未為樂也帝色變既而笑曰狂態發耶對曰為臣計則狂為陛下計忠矣時帝將遂獵武功世長諫曰武功新經突厥寇暴陛下未之救

郵又獵其地百姓何以堪不聽侍宴披香殿酒酣進曰此殿場帝作耶帝曰卿言似忠實詐豈不知此殿我所營對曰臣實不知但見傾宮鹿臺非受命帝王節用愛人者所為且陛下武功舊宅纔底風雨時以為足今承隋之後正宜刈奢淫復素朴今乃即其宮加雕飾欲易其亂得乎帝深然之後歷陝州長史天策府軍諮祭酒文學館學士貞觀初使突厥與頡利爭禮不受賂遣朝廷稱之出為巴州刺史舟敗溺死世長有機辯淺於學嗜酒簡率無威儀初在陝邑里犯法不能禁乃引咎自撻於都街伍伯嫉其詭鞭之見血世長不勝痛呼而走人笑其不情子良嗣

良嗣高宗時為周王府司馬王年少舉事不法良嗣數匡諫且繩府屬之不職者帝異之遷荊州長史宦者探竹江南將時上苑所過橫暴至荆良嗣囚之上書言狀帝下詔慰獎取竹棄之徙雍州長史時關內大饑人相食良嗣為政嚴盜發三日必獲人不敢犯武后臨朝遷工部尚書拜納言封溫國公留守西京賞遇尤渥尚方監裴匪躬請鑿苑中蔬果收其利良嗣曰公儀休一魯相猶能拔葵去織豈有天子而賣蔬果與人爭利遂止入為文昌左相同鳳閣鸞臺三品遇僧懷義於朝懷義偃蹇良嗣叱左右批其頰曳去武后聞之戒曰阿師弟於北門出入南衙宰相往來勿犯也載初元年罷左相加特進仍知政事與韋方質素不協方質坐事當誅辭引良嗣后難其非良嗣惻謝不能與輿還第卒贈開府儀同三司益州都督良嗣在荊州時州有河東寺木後梁蕭譽為兄河東王譽建也良嗣曰江漢間與河東何與秦易之人恨其少學云子踐言官太常丞為酷吏所

搆貶死嶺南追削良嗣官舊籍其家神龍初復贈司空以踐言子務元襲溫國公終邢王府長史

弁字元容世長五世從孫第進士授奉天主簿德宗出符縣令在府官屬惶懼欲遁弁曰昔肅宗幸靈武新平安定二郡坐避匿斬君知之乎眾乃定車駕至儲侍畢給帝嘉之朱泚平累擢倉部郎中判度支案裴延齡死以度支郎中副知度支事度支有副自弁始弁通學術吏事精明承延齡後平賦役略去煩苛人頗賴之久之遷戶部侍郎仍判度支改太子詹事舊制詹事班在太常宗正卿下竇參卑之徙置河南太原尹下弁造朝輒就舊位被劾詔原之坐前以腐粟給邊貶汀州司戶參軍兒姦時為贊善大夫晁京兆士曹參軍皆坐貶以年老失明聽還冕賞集本朝事著會要四十卷既貶有薦其才者亦追還然竟不用弁後起滁州刺史卒弁聚書至二萬卷手自校定當時稱與祕府判度支時方旱州縣有貞元八年前進米三百八十萬斛人亡數在奏請出以貸貧民至秋而償詔可當時罪其欺罔案舊書弁與兒姦並並在儒學傳今從新書附世長傳後 韋雲起京兆萬年人隋開皇中以明經補符璽直長嘗奏事文帝前令言外事不便者時柳述侍側雲起即奏述性豪侈更事特以主厝故握兵要議者謂陛下官不擇賢亦不便之大者帝顧述曰雲起之言汝藥石也可師之仁壽初詔百官舉所知述薦雲起授通事舍人大業初改謁者契丹寇營州詔雲起護突厥兵討之啟民可汗發騎二萬授節度雲起分爲二十營營相去一里四道並進下令聞鼓行聞角止非公使毋走馬已而紇斤一人犯法紇斤舊書斬以徇於是酋長皆膝行而

進莫敢仰視契丹本事突厥不虞有他雲起既入其境使突厥詐云詣柳城與高麗交易令營中敢言有隋使者斬去賊營百里偽引而南夜還隱明掩擊之獲男女四萬以女子及畜產之半賜突厥餘將入朝而盡殺其男子煬帝大喜擢治書侍御史因劾奏虞世基裴蘊怙寵放命四方有變不以聞聞不以實朝議以賊少發兵不多數致敗北請付有司論罪鄭善果奏雲起嘗大臣毀朝政妄作威權左遷大理司直帝幸江都請告歸高祖入關上謁長樂宮授司農卿封陽城縣公武德初進上開府儀同三司判農圃監時議將討王世充雲起上言京邑初平物情未附頻年饑饉寇盜尚多梁師都北連突厥尤為腹心之患若捨此東討恐姦人乘虛為禍不若戢兵務農先安關中從之尋命總幽靈以北九州兵禦突厥累遷遂州都督轉益州行臺兵部尚書僕射竇軌數奏生獠反冀得集兵以威眾雲起每執不從而竇軌亦宣言雲起交通生獠規利由是有隙雲起弟慶儉慶嗣並事隱太子太子死詔軌子馳驛報軌軌疑雲起有變先設備而後告之雲起不信曰詔安在軌曰公建成黨今不奉詔同反明矣遂殺之初雲起師博士王頌即隋書文學傳中王頌嘗言韋生識悟富貴可自致然疾惡太甚恐不得其死訖如言子師實官太子少詹事封扶陽郡公師實子方質武后初為鳳閣侍郎同鳳閣鸞臺平章事遷地官尚書嘗有疾武承嗣兄弟往候方質據牀自若或曰倨見權貴且速禍方質曰吉凶命也丈夫豈能折節近戚以苟免哉俄為酷吏所構流儋州卒按新書本紀方質亦被殺籍其家神龍初復官

孫伏伽貝州武城人仕隋為萬年縣法曹武德初上言

三事其一謂隋之所以失天下者以不聞其過也窮奢極欲使天下肝腦塗地戶口減耗盜賊日滋而朝臣不敢言向使開不諱之路選賢授能賞罰得中人人樂業誰能搖動者乎陛下勿以唐得天下之易遂忘隋失天下之不難今聞陛下即位之明日有獻鶴者受而不御盧牟子獻琵琶張安道獻弓箭並蒙賞勞陛下所少者豈此物哉其二謂百戲散樂並非正聲隋末始見崇用近太常假民間裘襦五百將以衣妓工待五月五日玄武門游戲臣以為非貽子孫之謀論語云放鄭聲今散妓是也臣愚請並廢之其三謂性相近習相遠今太子諸王左右不可不擇夫不義無賴及馳騁射獵歌舞聲色慢游之人望以拾遺補闕必不能也泛觀前代子孫不孝兄弟離間莫不由左右亂之願選賢才澄僚友之選帝自即位未有諫者至是得伏伽疏大悅超擢治書侍御史賜帛三百匹仍下詔獎其誠懇以風勵羣臣時軍興賦斂重伏伽數請釐損帝謂裴寂曰隋為無道主驕臣諂上不聞過下不盡忠以至於亡我今不然平亂任武守成任文比每虛心接待冀聞讜言然唯李綱能盡忠款孫伏伽可謂誠直餘則仍踵敝風豈朕所望哉王世充竇建德平大赦天下既又欲徙其支黨伏伽諫曰臣聞王言無戲故書曰爾無不信朕不食言陛下制詔曰常赦不免皆原之是非直赦有罪乃亦與天下更新辭也何以世充建德部下赦後又欲遷之書曰嚴厥渠魁脅從罔治今世充尚免其下何辜往者天下未平自須應機制變今四方已定設法當與天下共守之若自為不信欲人之信豈可得哉臣謂賊黨於赦合免者宜一切加原又請置諫官帝皆納之太宗即位封樂安

縣男遷大理少卿帝數出馬射伏伽諫曰臣聞天子之居禁衛九重動則出警入蹕此非徒示尊嚴為社稷生人計也比聞陛下走馬射帖殆非所以導養聖躬垂憲後代帝悅曰卿能言朕非朕能改之後坐奏因誤失免官尋起為刑部郎中累大理卿司農市木植倍直與民右丞韋悰劾吏隱沒下大理訊伏伽曰緣官市貴故民直賤臣見司農識大體不見其罪帝悟顧悰曰卿不逮伏伽遠矣久之出為陝州刺史致仕顯慶三年卒張玄素蒲州虞鄉人仕隋為景城縣戶曹竇建德陷景城將殺之縣人千餘號泣請代曰此清吏殺之是無天也建德命釋縛署治書侍御史不拜聞江都之變始為建德黃門侍郎建德平授景州錄事參軍太宗即位召問政對曰自古未有如隋亂者豈非君自專法日亂乎夫人主身決庶務縱十中其五信善矣其如五之不中者何一日萬幾積其失不亡何為若上賢右能使百司各善其職則高居深拱誰敢犯之隋末盜起爭天下者不十數人餘皆保城邑以歸命有道是背上怙亂者鮮特人主不能安之而挺之亂耳陛下近鑒危亡日慎一日雖堯舜何以加帝曰善拜侍御史遷給事中貞觀四年詔發卒修洛陽宮乾陽殿以備巡幸玄素上疏陳五不可謂東都未有幸期前事土木諸王出藩又當營構科調頻煩一也向平東都層觀廣殿皆敬毀之今復興築頓乖初意二也國無兼年之儲又與不急之務時向東都故云不急之務新書云陛下每言巡幸勞役過度者不急之務徒馬勞費似失其意今從舊書怨讟將起三也百姓承亂離之後財力凋盡三五年間恐未平復而又重耗其力四也漢高祖將都洛陽婁敬一言即日西駕以洛陽形勝不及關內也陛下化凋弊

之俗爲日尙淺詎可東巡以搖人心五也又言隋家營殿伐木豫章二千人挽一材以鐵爲轂不數里輒壞別數百人齎轂隨之終日行不三十里計一材費數十萬工揆其餘可知已昔阿房成秦人散章華就楚眾離乾陽畢功隋人解體今民力未及隋日而役殘創之人襲亡國之軌臣恐陛下之過甚於煬帝矣帝曰卿謂我不如煬帝何如桀紂對曰若此役不息亦同歸於亂耳帝顧房玄齡曰洛陽朝貢道均朕營之將以便四方百姓今玄素言如此後雖當住露坐亦無傷也卽詔罷役賜玄素綵二百匹魏徵聞之歎曰張公論事遂有回天之力可謂仁人之言哉歷太子少詹事遷右庶子時太子承乾事游畷不悅學玄素上書曰古者三驅非以教殺除民害也今反以獵爲娛豈不損盛德哉書曰事不師古匪說攸聞然則明道在學古學古在師訓孔穎達奉詔勸講宜數延問更博選賢傑朝夕與相觀摩日知所無月無忘所能斯善矣凡人性不勝情耽惑成亂忠信既塞君道乃虧古人云勿以惡小不去善小不爲禍福之來皆根於初初尙不慎終將焉保太子不納又上書曰周公大聖人猶握髮吐餐以延白屋況下於周公者哉殿下睿質已隆尙須充以學力孔穎達趙弘智等皆宿德鴻儒兼達政要望數召見講論古今必多裨益至雕蟲小技之流祇可閒取以代博奕耳騎射游畷酣歌戲玩雖悅耳目實穢心神夫心爲萬事主動而無節則亂臣恐殿下敗德之源在此矣十四年擢銀青光祿大夫行左庶子太子久不見賓友玄素曰宮中祇婦人耳不知如樊姬者有幾主上妙簡賢才以爲寮佐乃經時不得一見將誰爲納誨哉太子嫉其數諫遣戶奴夜以

馬過擊之幾死又嘗聞宮中擊鼓叩關正言太子出鼓對玄素破之旣而敗德日聞玄素又上書諫舉周宣帝爲太子時失德終致覆國及隋太子勇驕侈被讒見廢事爲近事之鑒且言主上以父子之親詔殿下資用不爲節限詔在貞觀十六年乃詔未六旬而用踰七萬驕奢無藝孰有過此龍樓望苑爲工匠之肆所施與者非游手雜色則圖畫雕鏤之人旣關問安視膳之宜又無愛學好道之實在外已有此失隱密之中尙可勝計哉書入太子怒遣刺客伺之俄太子廢玄素坐除名十八年起潮州刺史徙鄧州高宗時致仕卒始玄素與孫伏伽在隋皆爲令史帝嘗問玄素歷官所由玄素深自愧恥褚遂良諫曰臣聞聖主不戲言於臣陛下以玄素任三品佐儲闈豈宜復對羣臣窮其門戶使置身無地乎帝曰朕亦悔之伏伽雖廣坐陳說往事無所隱焉

欽定續通志卷二百十一

列傳

唐十二

韋挺 待價 萬石

武楊弘禮 弘武 纂

劉德威 審禮 廷嗣

趙弘智

權萬紀 懷恩

閻立德 敬 立本 用之

蔣儼

韋機

姜師度 強循

張知譽

韋挺京兆萬年人父冲仕隋為民部尚書挺少與隱太子善高祖入長安署隴西公府祭酒累遷太子左衛驍騎檢校左衛率太子遇之厚宮臣無與比武德七年帝避暑仁智宮或言太子與宮臣謀逆又楊文幹反亂連東宮帝責宮臣由是挺與杜淹王珪等皆流嶺州未幾召拜主爵郎中貞觀初王珪數薦之累遷黃門侍郎拜御史大夫扶陽縣男太宗謂曰卿之任大夫獨朕意左右無為卿地者挺曰臣驚下不足辱高位且非勳舊願後臣以勸立功者不聽是時承隋大亂風俗薄惡人不知教挺上言父母之喪創已痛深今衣冠士族辰日不哭謂為重喪親賓來弔輒不臨舉又閭里細人每有重喪不即發問先造邑社待營辦具乃始發哀至假車乘雇棺槨以榮送葬既葬隣伍會集相與酣醉名曰出孝夫婦之道王化所基故有三日不息燭不舉樂之感今昏嫁之初雜奏絲竹以窮宴歡並乖禮憲請一切懲革俄復為黃門侍郎兼魏王泰府事泰貶改太常卿初挺為大夫時馬周為監察御史挺不甚禮及周為中書令帝欲用挺周言挺很於自用非宰相器遂止帝將討高麗擇主餉運者周言挺才任羸使帝謂然挺父故為營州總管嘗經略高麗故札藏家挺上之帝悅曰自幽距

遼二千里無州縣吾軍靡所仰食卿為朕圖之苟吾軍用不乏是公之功其自擇文武官四品十人為子使取幽易平三州銳士若馬各三百以從即詔河北列州皆取挺節度許以便宜帝親解貂裘及中廢馬賜之挺遣燕州司馬王安德行渠作漕艦轉糧自桑乾水抵盧思臺行八百里渠塞不可通挺以方苦寒未可進遂下米臺側廬之待凍泮乃運以為解即上言度王師至食且足帝不悅曰兵密拙速無工遲我明年師出挺乃度它歲運何哉即詔韋懷質馳按懷質還劾挺在幽州日置酒弗憂職不前視渠即造船行粟及至盧思臺乃悟非是欲進則不得還且水涸六師所須恐不如陛下之素帝怒遣李道裕代之傳唐臨馳傳械挺赴洛陽廢為民以白衣從軍帝破蓋牟城詔挺將兵鎮守示復用城與賊新城接日夜轉鬪無休時挺以失職內不平作書謝所善衛士公孫常會常以他事繫獄死索橐中得挺書意怨望貶象州刺史歲餘卒年五十八子待價萬石待價初為左千牛備身承徽中江夏王道宗得罪待價以婿貶盧龍府果毅時將軍辛文陵招慰高麗次吒護真水為虜所襲待價與薛仁貴率所部兵救之文陵亦苦戰遂免待價重創矢著左足隱不言卒以疾免起為蘭州刺史吐蕃盜邊為涼州大都督府司馬俄遷肅州刺史以功召拜右武衛將軍儀鳳三年吐蕃復入寇以待價檢校涼州都督兼知鎮守兵馬事召還封扶陽侯武后臨朝攝司空護營乾陵改天官尚書同鳳閣鸞臺三品待價起武力典選無銓總才朝野共蚩薄之俄為燕然道行軍大總管禦突厥踰年還拜文昌右相仍同三品累表辭不聽且謂盡力行陣許之於是拜安息道

行軍大總管督三十六總管以討吐蕃進爵為公軍至寅識迦河與吐蕃合戰勝負略相當會其副閻温古逗留又天大寒待價不善撫御師人多死餉乏乃旋師頓高昌后大怒斬温古流待價繡州卒曾孫武武年十一廕補右千牛累遷長安丞德宗幸梁州委妻于奔行在除殿中侍御史元琇為水陸轉運使表武以倉部員外郎充判官謀不用杜門數月而琇敗轉刑部員外郎是時帝以反正告郊廟大兵後典章不完執事者時時咨武武酌宜約用得禮之衷羣司奉焉後為絳州刺史鑿汾水灌田萬三千餘頃靈書勞勉憲宗時入為京兆尹護治豐陵未成卒贈吏部尚書萬石善音律上元中遷累太常少卿當時郊廟無會樂曲皆萬石與太史令姚元辯增損之號任職始萬石奏太樂博士弟子遭喪者請卒哭追集侍御史劉思立劾奏萬石官太常首紊風化請付吏論罪高宗方委任萬石罷其奏後知吏部選事卒於官

楊弘禮字履莊隋尚書令素弟之子與玄感不協嘗表其必亂玄感誅父岳繫長安獄煬帝使赦之比至岳已死高祖即位詔弘禮襲清河郡公除太子通事舍人貞觀中累遷中書舍人太宗征高麗拜兵部侍郎駐蹕之役領步騎二十四軍跳出賊背所向摧靡帝自山下望其眾袍仗精整人人盡力壯之謂許敬宗曰越公兒郎故有家風時宰相悉留定州輔皇太子唯褚遂良敬宗弘禮掌行在機務還拜中書侍郎遷司農卿為崑丘道副大總管破處密殺焉書王降駁支部獲龜茲于闐王凱旋會帝崩大臣疾之下遷涇州刺史永徽初追論其功遷勝州都督改太府卿卒贈蘭州都督諡曰質弟弘

武
 弘武少修謹永徽中累為吏部郎中太子中舍人高宗東封泰山自荊州司馬擢司戎少常伯從帝遷西臺侍郎帝嘗讓曰爾在戎司授官多非其才何邪弘武曰臣妻剛悍此其所屬不敢違以諷帝用后言也帝笑不罪乾封二年同東西臺三品弘武無他才特謙慎自守然居職以清簡稱卒贈汴州刺史諡曰恭三子元亨元禧元禕元禕為尚舍奉御善醫武后所信愛嘗忤張易之易之奏素在隋有逆節子孫不可供奉后乃詔素及兄弟子孫不得任京官及侍衛貶元亨睦州刺史元禧資州刺史元禧榜州司馬易之誅復任京官並至刺史繫字續卿引禮族父大業時第進上為朔方郡司法書佐坐玄感近屬廢居蒲城高祖度河上謁長春宮遷累侍御史數上書言事稱旨除考功郎中貞觀初為長安令賜爵長安縣男有告女子袁妖逆者繫按之情不得袁敗太宗惡其不忠將殺之温彥博救得免後為吏部侍郎抑文雅進黠吏度時舞數以自進終戶部尚書贈幽州都督諡曰恭繫從子昉武后時為肅機字文化及子詠治先蔭昉方食未卽判遽曰肅機而未食庸知天下有冤而求食乎昉怒取牒署曰父弑隋王子詠隋資可乎人服其敏終工部尚書

劉德威徐州彭城人有幹略隋大業末從裴仁基討淮賊手劍賊酋傳行在後歸李密使守懷州密降俱入朝授左武候將軍封滕縣公詔將兵擊劉武周因判并州總管府司馬齊王元吉棄州遁德威總留府事賊薄城民皆叛附賊遂為武周所獲使率本部伺地涪州得自拔歸盡上賊中虛實高祖嘉納改彭城縣公未幾檢校

大理少卿從平洛陽有功轉刑部侍郎加散騎常侍妻以平壽縣主貞觀初歷大理卿綿州刺史政號廉平百姓立石頌德尋檢校益州大都督府長史入為大理卿太宗問曰比刑網寔密答安在德威曰在君不在臣下之寬猛視主之好律失人者減三失出者減五今坐入者無辜坐出者有罪所以吏務深文為自營計非有教使然也帝然其言後遷刑部尚書檢校雍州別駕詔至齊州按齊王祐獄還半道同祐反入據濟州詔德威就發河南兵經略之會母喪免既除為同州刺史永徽三年卒官年七十一贈禮部尚書幽州都督諡曰襄陪葬獻陵德威於閨門友睦為人寬平生所得奉祿以分宗親無留藏

子審禮審禮少喪母為祖母元所養隋末大亂道不通審禮尚少自鄉里負祖母度江轉側避地及天下平西入長安元每疾病必親煮藥嘗而進元曰兒孝通顯吾一顧念疾輒開貞觀中歷左驍衛郎將父喪免比葬徒跣血流行路吞嘆服除當襲爵讓其弟不聽事繼母尤謹與弟延璟友愛得祿多資之而妻子執寒苦晏如也再從皆同居合二百口內外無間言遷工部尚書檢校左衛大將軍儀鳳三年吐蕃寇涼州副中書令李敬玄討之遇虜青海上與戰敬玄逗撓不前審禮敗為虜執其子尚乘直長殆庶及延景詣闕待罪請入賊以贖有詔審禮徇忠以沒非有罪官各還職特詔殆庶易從省之既至而審禮卒易從晝夜哭不止吐蕃哀其志乃還父尸徒跣萬里扶護以歸當時號孝義劉家審禮贈工部尚書諡曰億延景字冬冬終陝州刺史睿宗初以后父追贈尚書右僕射陪葬乾陵易從累遷彭城長

史任城縣男永昌中為酷吏周興誣搆坐死刑將百姓奔走解衣投地曰為長史祈福有司平直乃十餘萬天下冤之子昇年十餘歲流嶺表六道使誅流人昇以信愛為首領所庇免後易姓温北歸洛景雲中特授右武衛騎曹參軍開元中累遷中書舍人太子右庶子昇能文善草隸

審禮從弟延嗣為潤州司馬徐敬業攻潤州延嗣與刺史固守城陷敬業遂以隆延嗣曰吾世蒙恩今城不守所負多矣詎能苟生為宗族羞敬業怒將斬之其黨魏思温救止繫江都獄敬業敗錄忠當徵以表災近親裁遷梓州長史轉汾州刺史宗族至刺史者二十餘人趙引智河南新安人元魏車騎大將軍肅之孫以孝聞仕隋為司隸從事武德初大理卿即楚之白為詹事府主簿太宗時預論讓累遷黃門侍郎兼弘文館學士移病出為萊州刺史稍遷太子右庶子父事兄弘安俸祿歸之不敢私弘安卒哀慟過期奉嫂甚撫兄子慈均所生曾太子廢免官俄拜光州刺史永徽初入為陳王師講孝經百福殿諸儒詰難隨問酬悉舌無留語高宗喜曰試為我陳經之要對曰天子有爭臣七人雖無道不失天下願以此獻帝悅賜絹二百名馬一四年進國子祭酒仍為學士卒年八十二諡曰宣弘安亦終國子祭酒曾孫矜舉明經調舞陽主簿吳少誠反以縣歸歷襄陽丞客死柳州官為斂葬後十七年子來章始壯自襄陽往求其喪不得野哭再闕卜人秦謂為筮曰金食其墨而火以貴其墓直丑在道之右南有貴神冢土是守宜遇西人深目而髻乃得其實明日有老人過其所問之得矜墓直社北遂歸葬弘安墓次時人哀來章

孝皆爲出涕云

權萬紀其先出天水後徙京兆萬年父琢玠隋匡州刺史萬紀性悻直自潮州刺史擢治書侍御史房玄齡王珪掌內外官考萬紀奏其不平帝命推之魏徵曰玄齡等皆大臣所考有私萬紀在朝堂無駁正今始彈奏非誠心爲國也帝乃止然以萬紀不阿貴近頗獎禮之又建言宇文智及隋逆臣其子不宜任千牛帝從之河內人李好德以心疾爲妖言張蘊古案其獄言不當坐萬紀劾其阿縱蘊古坐斬事詳蘊古傳本傳不載時萬紀與侍御史李仁發皆以敢言進大臣數被譴怒魏徵諫曰小人以訐爲直以讒爲忠陛下欲以警策羣臣而彼挾恩依勢所彈射皆不實深恐上損聖明帝悟徙萬紀散騎常侍而免仁發數年召復故官奏言宣饒部中每歲鑿山冶銀可得數百萬帝曰朕所乏者嘉謀賢士今卿以利規我欲方我漢桓靈耶斥使還家久之由御史中丞進尚書左丞出爲西韓州刺史徙吳王長史王畏其直善待之會齊王祐不奉法帝以萬紀能左右吳王因徙爲祐長史祐比昵羣小萬紀驟諫不入遂以聞帝遣劉德威案問因徵祐及萬紀入京祐恐會萬紀先發即遣所親燕宏亮追殺之支解投園中事詳并殺典軍韋文振文振亦嘗諫祐不聽以告萬紀故并殺之祐誅贈萬紀齊州都督武郡公諡曰敢舊書作文振亦贈左武衛將軍襄陽縣公萬紀子玄初舊書作玄福高宗時兵部侍郎懷恩萬紀族孫祖弘壽爲隋臨汾司倉書佐高祖入長安擢太僕卿封盧國公卒諡曰恭懷恩襲爵累遷尙乘奉御御人安畢羅爲高宗所寵見帝戲慢不恭懷恩奏事見之退杖之四十帝嗟賞曰良吏也擢萬年令賞罰

明見惡輒取時人語曰蜜飲三斗塵無逢權懷恩歷慶萊衛邢宋五州刺史洛州長史所居威名赫然吏重足立姿狀沈毅每盛服妻子不敢仰視嘗過汴州時刺史楊德幹亦以嚴稱汴橋新成立木中途以止過車懷恩適見之謂德幹曰民不可止耶焉用此德幹慚服還益州大都督府長史卒從子楚璧爲左領軍衛兵曹參軍玄宗在東都楚璧與李齊損等擁兵夜入宮城作亂伏誅籍其家懷恩入循吏傳而萬紀附今從新書懷恩舊書以關立德名讓以字行京兆萬年人父毗隋殿內少監本以工藝進故立德與弟立本並機巧習藝事武德初爲秦王府士曹參軍從平東都遷尙衣奉御製袞冕等皆有典法貞觀初擢將作少匠封大安縣男護治獻陵遷大匠文德皇后崩營昭陵坐弛職免起爲博州刺史太宗幸洛陽詔立德擇爽塏地建離宮清暑乃起襄城宮於汝州西山費百餘萬旣成煩燥不可居坐免未幾復爲大匠就洪州造浮海大航遂從征高麗車駕至遼澤泥淖亘二百里不可通立德布土作橋軍無留行按新書布土作橋事載在還軍時但車駕已過則此路便當通使命轉軍餉安得復有二百里泥淖未除舊書載在初至遼澤時與通帝悅厚賜之又規築土山以攻安市城不克傳作破安從還營翠微玉華二宮進工部尙書帝崩復典陵事進爵縣公永徽五年帝幸萬年宮立德留守因領徒四萬治京城卒贈吏部尙書并州都督陪葬昭陵諡曰康

望坐者甚慙歸戒其子勿習然性所好竟不能罷也既輔政但以俗材應務無所稱述時姜恪以軍功爲左相人因有左相宣威沙漠右相馳譽丹青之嘲咸亨中官名復舊改中書令卒諡曰文貞

知微立德孫聖曆中爲豹韜衛將軍默啜請婚武后遣知微持金帛送武延秀往默啜謂延秀非天子兒因之挾知微入寇以爲南面可汗破趙定等州及中宗自房陵還東宮始棄趙州去因縱知微還后命礫之天津橋南夷其三族新書言默啜挾知微入寇朝廷以知微賈賜百官甘心焉與舊書所載頗異然通鑑所載知微事尤詳綱目亦多採之大意皆與舊書合通鑑出於實錄其言較爲可子則先以武三思壻免死據今從之

用之立德曾孫初爲彭州參軍攝錄事一日糾不法及愆謬數十事太守知其才舉通事舍人累遷右衛郎將知引駕仗金吾將軍李質升殿不解刀阿却之請按法行罰左右震悚初有司以三衛執扇登殿用之奏三衛皆趨悍不宜邇御座請以宦者代之遂爲故事終金吾將軍

蔣儼常州義興人舉明經爲右屯衛兵曹參軍太宗將征高麗募爲使者莫應儼奮請行旣至莫離支以兵脅之不屈囚土窟中高麗平乃得歸長朝散大夫遷幽州司馬巡察使劉祥道奏最狀擢會州刺史入爲殿中少監數陳時政利病高宗納之遷蒲州刺史州戶獄繁刺史多以罪去儼至發隱禁姦號爲良吏永隆二年以老致仕尋召爲太僕卿以父諱辭改太子右衛副率中宗在東宮有過儼輒諫不見用時田游巖起處士爲洗馬太子所尊禮儼貽書責其不言游巖愧不能答遷右衛大將軍封義興縣子以太子詹事致仕卒年七十八

中宗立以舊恩贈禮部尚書

韋機新書作京兆萬年人父恪洛州司馬機貞觀時為

左千牛曹參軍使西突厥冊同俄設為可汗會石國

叛道梗二年不得歸因錄所過風俗物產為西域記還

朝上之帝大悅累遷殿中監顯慶中為檀州刺史邊人

不知重儒乃修學宮畫孔子七十二子及漢晉諸儒像

自為贊敦勸生徒俗以大化契苾何力討高麗值灤水

漲留軍三日機輸糧無闕擢司農少卿主東都營田受

詔完葺宮苑宦者犯法杖之後奏帝善之賜絹五十匹

日後有犯者治勿奏也進司農卿時東都宮室日圯帝

欲更作之而惜其費機曰臣任司農省常費積二十萬

緡足以集事帝大悅詔兼將作少府二職督營宿羽高

山上陽等宮上陽制度尤壯麗帝幸東都徙居之僕射

劉仁軌以為非待御史狄仁傑劾機導上奢泰會機家

人犯盜竟坐免官按機之免通鑑言仁傑劾奏本

士朱欽遂為武后所寵姦賊狼籍機以白帝帝遣中使

慰諭遂滴欽遂於邊后銜之永清中帝召機以布衣檢

校園苑將復用之后撝之而止終檢校司農少卿孫岳

武后時為汝州司馬以辨治稱召授尚舍奉御出為太

原尹以不習武辭忤旨下遷宋州長史歷廬海等州刺

史並著風跡睿宗立召為殿中少監寶懷貞等誅坐貶

渠州別駕起陝州刺史卒子景駿別有傳舊書稱韋機

佈路罷海運遷司農卿出為陝州刺史太原倉為水陸

運所湊師度使依高為詹注米於舟以達諸河人得不

勞拜太子詹事玄宗移營州治柳城拜營田度支修築

使進河中尹安邑鹽池涸發卒濬之置鹽屯收利不貲

徙同州刺史引洛水以灌朝邑河西二縣過河以灌通

靈陂收棄地二千頃為上腴置十餘屯帝嘉其功加金

紫光祿大夫賜帛三百匹進將作大匠左拾遺劉彤請

權鹽鐵代貧民賦詔強循與師度會天下按察使議其

法後不行卒年七十餘師度好興作所至繇役紛紜不

能皆便然所就必為後世利時太史令傅孝忠以知星

名人為語曰孝忠仰天師度知相地嘲所嗜也

強循字季先鳳州人歷雍州司士參軍華原無井人畜

多喝死循始教人治渠灌田人號強公渠歷大理少卿

太子右庶子為政不事威嚴遇人盡信不疑然當時恨

其少文云

張知謩字匪躬幽州方城人舊書作瀟徙家岐兄弟五

人知玄知晦知泰知默皆明經高第曉吏治調露後知

謩知泰知默並官臺省知謩又歷十一州刺史所至有

威嚴萬歲通天中知謩自德州入計武后奇其貌詔工

部知謩與董元質崔敬嗣相繼為刺史獨供奉不少懈

帝復位召知謩為左衛將軍封范陽郡公而以知泰為

御史大夫封漁陽郡公知泰後以忤武三思出為并州

驚擾識者薄之知默與來俊臣周興等掌詔獄數陷大

臣其後以酷吏子孫禁錮為張氏羞知玄子景昇知泰

子景佚開元中並至顯官蔣儼韋機姜師度強循張知

謩等舊書並入循史傳新書

改附於此蓋以與循史

之實不甚應也今從之

列傳

唐十三

長孫无忌敏 操 褚遂良 韓瑗

來濟 李義琰 裴 上官儀

長孫无忌字輔機性通悟博涉書史始高祖兵渡河進
謁長春宮授渭北道行軍典籤從秦王征討有功累擢
比部郎中上黨縣公太子毒王王病舉府危駭房玄齡
謂无忌曰禍隙已芽敢不旋踵矣夫就大計者遺細行
周公所以紕管蔡也遂俱入白王請先事誅之王未許
无忌引舜浚井塗廩事喻之王未決事益急乃遣无忌
房玄齡杜如晦定計无忌與尉遲敬德侯君集張公謹
劉師立公孫武達獨孤彥雲杜君綽鄭仁恭李孟嘗計
兼平之王為皇太子授左庶子即位遷吏部尚書以功
第一進封齊國公帝以无忌佐命元勳地兼外戚又少
相友善倚日厚常出入臥內進尚書右僕射突厥頡利
可汗已盟而政亂諸將請遂討之帝顧新盟不取為失
機取之失信計猶豫以問大臣蕭瑀曰兼弱攻昧討之
便无忌曰今我務戢兵待其至乃可擊使遂弱且不能
來我又何求臣謂按甲存信使帝曰善然卒取突厥厥
有言无忌權大盛者帝持表示无忌曰我與公君臣間
無少疑使各懷所聞不言則蔽矣因普示羣臣曰朕子
幼无忌於我有大功視之猶子也疏聞親新舊謂之
不順朕無取焉无忌深以盈滿為誠懇辭機密后又數
言之遂解僕射授開府儀同三司與房元齡杜如晦尉
遲敬德皆以元勳封一子郡公進冊司空知門下尚書
省事无忌辭又因高士廉口陳以外戚位三公嫌議者

謂天子私后家帝曰朕任官必以才否則雖親若襄邑
王神符不妄授若才雖仇如魏徵不棄也夫緣后兄愛
昵厚以子女玉帛豈不可以其兼文武兩器朕故相之
公等孰不曰然无忌固讓優詔答之帝又思所與共艱
難賴无忌以免作感風賦以賜且況其功帝欲功臣並
世襲刺史貞觀十一年乃詔以无忌為趙州刺史以趙
為公國房玄齡為宋州刺史國於梁杜如晦贈密州刺
史國於萊李靖濮州刺史國於衛高士廉申州刺史國
於申侯君集陳州刺史國於陳道宗鄂州刺史王江夏
孝恭觀州刺史王河間尉遲敬德宣州刺史國於鄂李
勣蘄州刺史國於英段志玄金州刺史國於襄程知節
普州刺史國於盧劉弘基朗州刺史國於夔張亮澧州
刺史國於鄖凡十有四人餘官食邑竝如故无忌等辭
曰羣臣披荆棘事陛下今四海混一誠不願遠遠左右
而使世牧外州與遷徙等又與玄齡上表固辭遂止後
帝幸其第自家人姻婭勞賜皆有差久之進位司徒十
七年令圖畫无忌等二十四人於凌烟閣優詔褒之太
子承乾廢帝欲立晉王未決坐兩儀殿羣臣已罷獨留
无忌玄齡勸言東宮事因曰我三子一弟未知所立吾
心無聊即投牀取佩刀自向无忌等驚爭抱持奪刀授
晉王而請帝所欲立帝曰我欲立晉王无忌曰謹奉詔
異議者斬帝願王曰舅許汝矣宜即謝王乃拜帝復曰
公等與我意合天下其謂何答曰王以仁孝聞天下久
矣固無異辭有如同臣負陛下百死於是遂定以无
忌為太子太師按新書載无忌以太師同中書門
下三品且謂同三品自此始考其實不
然无忌為太子太師玄齡為太傅蕭瑀為太保李勣為
詹事皆十七年四月己丑日事是時无忌玄齡已為宰
相其同中書門下三品者謂瑀勣耳本紀及宰相表書
以瑀勣同三品而不及无忌玄齡最可據即百官志亦

謂同三品之名自勣始不云自无忌又欲立吳王恪无
忌密爭止之帝征高麗詔攝侍中還辭師傅官聽罷太
子太師遙領揚州都督帝常從容問曰朕聞君聖臣直
人常苦不自知公宜面攻朕得失无忌曰陛下神武聖
文冠卓千古誠不見有所失帝曰朕冀聞過公等乃相
諛說朕當評公等可否以相規謂高士廉心術警悟臨
難不易節所之骨鯁耳唐儉有辭善和解人酒杯流行
發言可意事朕二十年未嘗一言國家事場師道性謹
審自能無過而懦不更事緩急非可倚岑文本敦厚文
章論議其所長也謀長經遠自當不負於物劉洎堅正
其言有益不輕然諾於人能自補闕馬周敏銳而正評
裁人物直道而行所任皆稱朕意褚遂良饒亮有學術
竭誠親於朕若飛鳥依人自加憐愛无忌應對機敏善
避嫌求於古人未有其比總兵攻戰非所善也二十三
年帝疾甚召入臥內帝引手捫无忌頤无忌哭帝感塞
不得有所言朔日與遂良入受詔願遂良曰我有天下
无忌力也爾輔政勿令讒毀者害之有頃崩方在離宮
皇太子悲慟无忌曰大行以宗廟社稷屬殿下宜速即
位因秘不發喪請還宮太子即位是為高宗進无忌太
尉檢校中書令兼知門下尚書二省固辭尚書省許之
帝欲立武昭儀為后无忌固言不可帝密以寶器錦帛
十餘車賜之又幸其第擢三子皆朝散大夫昭儀母復
詣其家中請許敬宗數勸之无忌厲色折拒帝後召无
忌遂良及于志寧言后無息昭儀有子必欲立之者无
忌已數諫即曰先帝付託遂良願陛下訪之遂良極道
不可帝不聽后既立以无忌受賜而不助己銜之敬宗
揣后指陰使洛陽人李奉節上无忌變事與侍中辛茂

將臨按傅致反狀帝驚曰將妄人構間殆不其然敬宗具言反迹已露陛下不忍非社稷之福帝泣曰我家不幸高陽公主與我同氣往謀反今舅復爾使我重愧天下奈何對曰房遺愛口乳臭與女子反安能就事无忌姦雄天下所畏服一旦竊發陛下誰使禦之今即急急攘袂一呼以嘯同惡且為宗廟憂陛下不見隋室乎宇文化及父宰相弟尚主而身掌禁兵煬帝處之不疑然而起為戎首遂亡隋願陛下決之帝猶疑更詔審覈明白敬宗言无忌反明甚請速捕帝泣曰舅果爾我決不忍殺後世其謂我何敬宗曰漢文帝舅薄昭從代來有功後坐殺人帝惜撫法令羣臣喪服就哭之昭自殺良史不以為失今无忌忘先帝之德舍陛下至親乃欲移社稷敗宗廟豈特昭比邪在法吏五族臣聞當斷不斷反受其亂乘機亟行緩必生變无忌與先帝謀取天下天下伏其智王莽司馬懿之流今逆徒自承何疑而不決帝終不質問遂下詔削官爵封戶以揚州都督一品俸置於黔州所在發兵護送流其子祕書監沖等於嶺外從弟渝州刺史知仁貶翼州司馬後數月又詔司空勳中書令敬宗侍中茂將等覆按反獄敬宗令大理正袁公瑜御史宋之順等即黔州暴訊无忌投縶卒冲免死殺族子祥流族弟思於檀口大抵暮親詣諸徒初无忌與遂良悉心奉國以天下安危自任故永徵之政有貞觀風帝亦資禮老臣拱己以聽綱紀設張此兩人維持之也既二后廢立計不合姦臣陰圖帝暗於聽受卒以屠覆自是政歸武氏幾至亡國上元元年追復官爵以孫元翼襲封舊書載是年以孫延主齊獻公之祀而不及元翼襲封事又考宰相世系表元翼即延之子於无忌為初无忌自作墓昭陵堂中至是曾孫疑本傳孫者誤

許還葬文宗開成三年詔曰每覽國史至太尉无忌未嘗不廢卷而歎其以裔孫均為荷氏令无忌從父敬字休明隋煬帝為晉王敞以庫直從敗驪山王凌危逐鹿因敵諫乃止即位頗見識擢及幸江都留守禁禦高祖入關率子弟謁新豐授將作少監出為杞州刺史貞觀初坐受賕免太宗以后屬歲私給虞償其費累封平原郡公卒贈幽州都督諡曰良陪葬昭陵從父弟操字元節父覽為周大司徒薛國公操有學術初高祖辟署相國府金曹參軍未幾檢校廣州刺史從秦王征討嘗侍旁與聞祕謀徙陝州城中無井人勤于汲操為醜河溜入城百姓利安以母喪解長老守闕頌遺愛服除封樂壽縣男為齊揚益三州刺史課皆最下詔褒揚承徵初以陝州刺史卒贈吏部尚書賜諡曰安葬絳鼓吹至虞罷

子詮尚新城公主詮女兄為韓瑗妻无忌得罪詮流嶺州有司希旨殺之詮有甥趙持滿者工書善騎射力搏虎走逐馬而仁厚下士京師無貴賤愛慕之為涼州長史常逐野馬射之矢洞於前邊人畏伏詮之貶許敬宗懼持滿才能仇已追至京屬吏訊榜色不變曰身可殺辭不可枉遂死獄中

褚遂良字登善通直散騎常侍亮子隋大業末為薛舉通事舍人仁果平授秦王府鎧曹參軍貞觀中累遷起居郎博涉文史工隸楷太宗嘗歎曰虞世南死無與論書者魏徵白見遂良帝令侍書帝方博購王羲之故帖天下爭獻莫能質真偽遂良獨論所出無舛冒者十五年帝將有事泰山至洛陽星孛太微犯郎位遂良諫曰陛下方告成岱宗而彗輒見此天意有所未合昔漢武

帝行岱禮優柔者數年臣愚願加詳慮帝密詔罷封禪遷諫議大夫兼知起居事帝曰卿記起居大抵人君得觀之否對曰今之起居古左右史也善惡必記戒人主不為非法未聞天子自觀史也帝曰朕有不善卿必記那對曰守道不如守官臣職載筆君舉必書劉洎曰使遂良不記天下之人亦記之矣帝以為然謹按通鑑輯唐室出言應達決於千里之外鶴鳴豈聞理固不與太宗欲觀起居注其於易義固未津逮即遂良不與觀何如劉洎一時魏王奉禮秩如嫡羣臣未敢諫帝從容訪左右曰方今何事尤急遂良曰今四方仰德誰弗率者唯太子諸王宜有定分帝曰有是哉朕年五十日以衰怠雖長子守器而弟支子尚五十人心常念焉公等為我簡賢者保傅之且事人久則情媚孰非意窺窺多由此作於是限王府官僚不得過四考帝嘗問舜造漆器禹雕其俎當時諫者十餘人小物何必爾邪遂良曰奢靡之始危亡之漸也漆器不止必金為之金又不止必玉為之是以諫者救其漸帝咨美之於時皇子雖幼皆外任都督刺史遂良諫曰陛下誠以至親扞四方雖然刺史民之師帥也得人則一部蘇息失人則合州勞弊故漢宣帝曰與我共治惟良二千石乎臣謂皇太子未冠者可且留京師教以經學仰畏天威不敢犯禁養成德器審堪臨州然後敦遣昔東漢明章諸帝友愛子弟雖各有國幼者率留京師訓飭以禮訖其世諸王子弟雖各以惡敗自餘食和染教皆為善良此前事已驗惟陛下省察帝嘉納太子承乾廢魏王泰開待帝許立為嗣因謂大臣曰秦昨日投我懷中云臣今日始得為陛下子更生之日也臣惟有一子百年後當殺之傳國晉王朕甚憐之遂良曰陛下失言安有為天下

主而殺其愛子傅國晉王乎陛下昔以承乾爲嗣復寵受奉嫡庶不明紛紛至今若必立奉非別置晉王不可帝泣曰我不能即詔長孫无忌房玄齡李勣與遂良等定策立晉王爲皇太子時飛雉數集宮中帝問此何祥也遂良曰昔秦文公時有假子化爲雉鳴陳倉雄鳴南陽假子曰得雄者王得雌者霸文公遂雉諸侯始爲寶雞祠漢光武得其雄起南陽有四海陛下本封秦故雌雄並見以告明德帝悅曰人之立身不可以無學遂良所謂多識君子哉俄授太子賓客薛延陀請昏帝已納其聘復絕之遂良以爲虧信夷狄且生嫌隙不納帝欲自征高麗遂良固勸無行一不勝師必再興爲忿兵兵忿者勝負不可必帝然之會李勣詆其計帝意遂決遂良懼上言請譬諸身兩京腹心也四境手足也殊裔絕域殆非支體所屬高麗王陛下所立莫離支殺之討其逆夷其地固不可失但遣一二勇將討銳兵十萬唾手可取臣聞涉遼而左或水潦平地淖深三尺海壤荒漫決非萬乘所宜行是時帝銳意蕩平不見省進黃門侍郎參綜朝政莫離支遣使貢金遂良曰古者討弑君之罪不受其賂魯納郈鼎太廟春秋譏之今莫離支所貢不臣之餽不容受詔可以其使屬吏帝既平高昌歲調兵千人往屯遂良諫不可帝志取西域置其言不用西突厥寇西州帝曰往魏徵稽遲良勸我立魏文泰子弟不用其計乃今悔之帝於寢宮側別置院居太子遂良諫以爲朋友深交者易怨父子溺愛者多愆宜許太子閒還東宮近師傳專學藝以廣懿德帝從其言父喪免起復拜中書令帝寢疾召遂良長孫无忌曰漢武帝託霍光劉備託諸葛亮朕今委卿矣謂太子曰无忌遂

良在而無憂因命遂良草詔高宗即位封河南縣公進郡公坐事出爲同州刺史再歲召拜吏部尚書同中書門下三品監修國史兼太子賓客進拜尚書右僕射帝將立武昭儀召長孫无忌李勣于志寧及遂良入或謂无忌當先諫遂良曰太尉國元舅有不如意使上有棄親之譏又謂勣上所重當進曰不可司空國元勣有不如意上有斥功臣之嫌吾奉遺詔若不盡愚無以下見先帝既入帝曰罪莫大於絕嗣皇后無子今欲立昭儀謂何遂良曰皇后本名家奉祀先帝疾執陛下手語臣曰我兒與婦今付卿且德音在陛下耳可遽忘之皇后無他過不可廢帝不悅翔曰復言對曰陛下必欲改立后者請更擇貴姓昭儀昔事先帝身接帷第今立之奈天下耳目何帝羞默遂良因致笏殿階叩頭流血曰還陛下此笏勾歸田里帝大怒命引出武氏從幄後呼曰何不撲殺此獠无忌曰遂良受顧命有罪不加刑會李勣議異武氏立乃左遷遂良潭州都督吳綱糾譏紀永徽六年九月庚午貶遂良爲潭州都督十月乙卯立宸妃武氏爲皇后宰相表載遂良貶官日月亦同然則傳所顯慶二年徙桂州未幾貶愛州刺史遂良內憂禍恐死不能自明乃上表曰往者承乾廢卒文本劉洎奏東宮不可少曠宜遣濮王居之臣引義固爭明日仗入先帝留无忌玄齡勣及臣定策立陛下當受遺詔獨臣與无忌二人在陛下方草上號勸臣即奏請即位大行柩前當時陛下手抱臣頸臣及无忌請即還京發哀大告內外盡謚臣力小任重動貽伊戚螻蟻餘齒乞陛下哀憐帝昏懦幸於武后訖不省歲餘卒年六十三後二歲許敬宗李義府奏長孫无忌逆謀皆遂良驅扇乃削官爵二子彥甫彥冲流愛州殺之帝遺詔聽其家

北還神龍中復官得德宗追贈太尉文宗時詔以遂良五世孫虔爲臨汝尉安觀察使高駉表遂良客愛州二男一孫耐咸通九年詔訪其後護喪歸葬陽翟云遂良曾孫璆字伯玉擢進士第累拜監察御史襄行先天中突厥圍北廷詔璆持節監總督諸將破之遷侍御史拜禮部員外郎卒韓瑗字伯玉京兆三原人父仲良武德初與定律令建言古法繁素請崇寬簡以示惟新于是采開皇律宜于時者定之終刑部尚書秦州都督府長史穎川縣公瑛少負節行博學曉吏事貞觀中以兵部侍郎襲爵永徽三年遷黃門侍郎俄同中書門下三品監修國史加銀青光祿大夫進侍中兼太子賓客王皇后之廢瑛雪泣言曰皇后乃陛下在藩時先帝所娶今無罪輒廢非社稷計不納明日復諫曰王者立后配天地象日月匹夫匹婦尙知相擇況天子乎詩云赫赫宗周褒姒滅之臣讀至此嘗輟卷太息不圖本朝親見此禍帝大怒詔引出褚遂良貶潭州都督明年瑛上言遂良受先帝顧託一德無二況被遷已閱寒暑其責塞矣願寬無辜以順眾心帝曰遂良之情朕知之矣其悻悻好犯上朕責之詎有過邪瑛對曰遂良社稷臣臣恐蒼蠅點白損陷忠貞非國家之福帝愈不聽瑛憂憤自表歸田里不報顯慶二年許敬宗李義府奏瑛以桂州授遂良桂用武地倚之謀不軌于是更徙遂良愛州貶振州刺史踰年卒年五十四長孫无忌死義府等復奏瑛與通謀遣使即殺之既至瑛已死發棺驗視乃還迫削官爵籍其家子孫謫廣州官奴神龍初武后遺詔復官爵自瑛與遂良相繼死內外以言爲諱將二十年帝造奉天宮御史

李善感始上疏極言時人喜之謂為鳳鳴朝陽

來濟揚州江都人父護兒隋左翊衛大將軍宇文化及

難圍門死之濟幼得免轉側流離而篤志為文章善議

論曉暢時務擢進士貞觀中累遷通事舍人太子承乾

敗太宗問侍臣何以處之莫敢對濟曰陛下上不失為

慈父太子得盡天年則善帝納之除考功員外郎十八

年初置太子司議郎高其選而以濟為之兼崇賢館直

學士遷中書舍人永徽二年拜中書侍郎兼弘文館學

士監修國史俄同中書門下三品加銀青光祿大夫封

南陽縣男遷中書令檢校吏部尚書武氏有寵特號宸

妃濟與韓瑗諫妃有常員今別立號不可及將立為后

又上疏引周漢故事聞陳禍福武氏已立不自安后更

謾言濟等忠鯁恐前經執奏輒懷反仄請加賞慰而實

銜之帝示濟及瑗濟等益懼顯慶初兼太子賓客進爵

為侯帝嘗從容問馭下所宜濟曰昔齊桓公出遊見老

人命之食曰請遺天下食遺之衣曰請遺天下衣公曰

吾府庫有限安得而給老人曰春不奪農時即有食夏

不奪蠶工即有衣由是言之省徭役馭下之宜也于時

山東役丁歲別數萬人又議取庸以償雇紛紛煩擾故

濟對及之二年兼詹事尋坐稍違夏事貶台州刺史久

之徙庭州龍朔二年突厥入寇濟總兵拒之謂其眾曰

吾嘗絀刑網蒙赦不死今當以身塞責遂不介冑而馳

賊沒焉年五十三贈楚州刺史給靈輜還家初濟與高

遂以處約為通事舍人皆至公輔濟異母兄恆上元中

為黃門侍郎同中書門下三品兄弟俱以學行稱

李義琰魏州昌樂人其先出隴西望姓及進士第補太

原尉李勣為都督僚吏憚其威義琰獨敢延辨曲直勣

甚禮之徙白水令有能名擢司刑員外郎義琰姿體魁

秀博學有智識累遷中書侍郎上元中進同中書門下

三品兼太子右庶子高宗欲使武后攝國政義琰與郝

處俊固爭事得寢章懷太子之廢盡救官臣罪庶子辭

元超等皆舞蹈義琰獨引咎涕泣指紳義之帝每顧問

必鯁切不回宅無正寢義琰市堂材送之義琰曰以

吾為國相且自愧尚營美宇是速吾禍義琰曰凡仕為

丞尉且崇第舍位高安可偃下哉答曰事難全遂物

不兩與既處貴仕又廣居宇非有令德必受其殃卒不

許後其本久腐乃棄之義琰改葬其先使舅家移塋而

兆其所帝聞怒曰是人不可使秉政義琰懼以疾乞骸

骨遷銀青光祿大夫聽致仕乃歸田里公卿以下悉祖

儀通化門外時人比漢疏廣垂拱初起為懷州刺史自

以失武后意辭不拜卒子巢幼豪俊善騎射而不洽細

行義琰絕其交游後亡走闕下獻書陳利害拜監察御

史與李義府同按柳爽韓瑗獄遷殿中上書忤旨貶龍

編主簿義琰從祖弟義琛

義琛擢進士第歷監察御史貞觀中文成公主貢金遇

盜於岐州主名不立太宗召羣御史至目義琛曰是人

神情爽拔可使推捕義琛往數日獲賊帝喜為加七階

遷刑部侍郎為雍州長史時關輔大饑詔貧人就食商

鄧義琛恐流徙不還上疏固爭左遷黎州都督降岐州

刺史子綰為柏人令有仁政縣為立祠

上官儀字游韶陝州隰人父弘為隋江都宮副監為陳

稜所殺儀幼匿免言為沙門服寢工文詞涉賈墳典貞

觀初擢進士第召授弘文館直學士遷祕書郎太宗每

屬文遣儀視稿宴私未嘗不預轉起居郎高宗即位為

祕書少監進西臺侍郎同東西臺三品儀工詩其詞綺

錯婉媚及貴顯人多效之謂之上官體麟德元年梁王

忠抵罪許敬宗構儀與忠通謀下獄死籍其家

子庭芝歷周王府屬亦被殺庭芝女中宗時為昭容追

贈儀為中書令秦州都督楚國公庭芝黃門侍郎岐州

刺史天水郡公以禮改葬

欽定續通志卷二百十四

列傳

唐十四

于志寧 休烈 龍威 高季輔 張行成

杜正倫 求仁 咸 崔知溫 知悌 高智周

郭正一 崔敦禮 盧承慶 承泰

劉祥道 齊賢 從 李敬玄 元素 張處約 佺

邢文偉 高子貢

于志寧字仲謚京兆高陵人曾祖謹周太師燕國公父

宣道隋內史舍人大業末志寧調冠氏縣長山東盜起

棄官歸高祖入關迎謁長春宮授銀青光祿大夫太宗

為渭北道行軍元帥補記室與殷開山等參謀議薛仁

果平識褚亮於囚虜中遷天樂府中郎文學館學士引

亮與同列貞觀三年為中書侍郎太宗嘗宴近臣問志

寧安在有司奏敕召三品志寧品第四 按舊書職官志

正四品上大廡二帝悟特詔預宴因加駘騎常侍太子

左庶子黎陽縣公是時議立七廟羣臣請以涼武昭王

為始祖志寧以涼非王業所因獨建議違之帝詔功臣

世襲刺史志寧以古今事殊非久安之道帝皆從之嘗

謂志寧曰太子幼卿當輔以正道無使邪僻啟其心太

子敏有過惡志寧欲止之上諫苑以諷帝見大悅賜黃

金十斤絹三百匹俄兼詹事以母喪免有詔起復本官

固請終喪帝遣宇文本敦譬乃就職時太子以農時造

曲室累月不止又好音樂過度志寧諫以為今東宮乃

隋所營當時號為侈麗豈容復事磨礪宋飾於其間丁

匠官奴皆犯法亡命鉗鑿繩杵往來出入監門宿衛直

宮中數聞樂聲太樂官伎輒留不出往年口敕丁寧殿

下可不思之太子不納而左右多任宦官志寧復諫以

為奄宦之徒體氣非全託親近為威權假出納為禍福

杜漸防萌不可不慎太子益不悅東宮僕御舊得番休

而太子不聽又私引突厥與相狎比志寧懷不能已上

疏極言太子大怒遣張師政紇千承基往刺之二人潛

入其第見志寧憔悴在苦塊中不忍殺乃去太子敗帝

知其狀謂曰聞公數諫承乾不聽公故至此是時宮臣

皆罪廢獨志寧蒙勞免晉王為皇太子復拜左庶子遷

侍中永徽元年加光祿大夫封燕國公監修國史三年

洛陽人李宏泰誣告長孫无忌反有詔不待時斬之志

寧以為方春少陽用事不宜行刑且誣謀非本惡逆請

依律待秋分乃決從之衡山公主既公除將下嫁長孫

氏志寧以為為禮女十五而笄二十而嫁有故二十三年

而嫁固知遇喪須終三年春秋魯莊公如齊納幣母喪

未再替而鬪婚二家不識以其失禮明也今議者云公

除從吉此漢文創制為天下百姓耳公主身服斬衰服

可以例除情不可以例改心喪成婚非人情所忍於是

詔公主待服除乃婚拜尚書左僕射同中書門下三品

頌之兼太子少師顯慶元年遷太傅嘗與右僕射張行

成中書令高季輔俱賜田志寧奏臣家自周魏來世居

關中貴業不墜今行成季輔始營產土願以臣有餘賜

不足者帝嘉之分其田以與二人顯慶四年以老乞骸

骨詔解僕射拜太子太師仍同中書門下三品王皇后

之廢長孫无忌褚遂良固爭不見從志寧不敢言武后

復左光祿大夫太子太師志寧愛賓客樂引後進然多

嫌畏不能有所薦達士讓少之前後預撰格式律令禮

典五經諸史賞賜不可勝計又嘗與李勣修定本草并

圖合五十四篇行於代玄孫休烈 按新書作留孫今從

休烈善文章與會稽賀朝萬齊融延陵包融齊名開元

初第進士又擢制科歷祕書省正字吐蕃金城公主請

文籍四種玄宗詔祕書寫賜休烈上疏曰昔東平王求

史記諸子漢不與之以史記多兵謀諸子雜詭術也東

平漢之懿戚尚不示征戰之書今西戎國之寇讐安可

貽以經典公主下嫁異國反求良書殆有姦人勸導其

中若陛下慮失其情示不得已請去春秋夫春秋當周

德既衰諸侯強盛征伐競興情偽於是乎生變詐於是

乎起誠與之國之患也疏入詔中書門下議侍中裴光

庭曰吐蕃不識禮經孤背國恩今漸以詩書陶以聲教

斯可致也休烈但見情偽變詐於是而生不知忠信節

義亦於是乎在帝曰善遂與之 謹按通鑑輯覽

御與慮資權略而生變詐書生迂闊之論真不值一哂且

求書者乃唐之公主非吐蕃也彼吐蕃即欲生變詐亦

何藉於觀漢書哉記載者不特不達蕃即欲生變詐亦

事機亦且昧於文義矣今錄識於此累遷起居郎直集

賢殿學士比部郎中楊國忠為宰相斥不附己者出為

中都郡太守肅宗立休烈奔行在擢給事中遷太常少

卿知禮儀事兼修國史帝嘗謂曰良史者君舉必書朕

有過失願卿何如對曰禹湯罪己其興也勃焉有德之

君不忘規過于時經大盜後史籍燔闕休烈奏國史開

元寶錄起居注及餘書三千八百餘篇藏與慶宮兵興

完休烈獻五代論討著舊章天子嘉之轉工部侍郎仍
 修國史宰相李揆其與已齊列奏徒休烈愈國子祭
 酒權留史館修撰以卑下之休烈安然無屑意乾元初
 始詔百官元旦冬至於光順門賀皇后休烈奏周禮有
 命夫朝人君命婦朝女君自顯慶以來則天皇后甫行
 此禮而命婦與百官雜處在禮不經帝罷之代宗嗣位
 甄別名品元載稱其清詠拜左散騎常侍兼修國史加
 禮儀使遷太常卿累遷工部尚書封東海郡公雖歷清
 要不洽產性恭儉仁愛無喜愠之容樂賢下士善推轂
 甚眾年老篤意經籍嗜學不厭卒年八十一帝為歎息
 贈尚書左僕射諡曰元二子益肅及休烈時相繼為翰
 林學士益天寶初及進士第肅終給事中贈吏部侍郎
 肅子教

教字蹈中以高才擢進士為祕書省校書郎于時楊繼
 李鄴呂元膺相繼辟幕府元和初拜監察御史五遷至
 右司郎中進給事中左拾遺屢嚴為元稹李紳所厚與
 蔣防俱薦為翰林學士李逢吉誣紳罪逐之而出嚴為
 信州刺史防江州刺史赦封還詔書摺紳意申嚴狂及
 駁奏下乃論貶嚴太輕眾皆嗤諫逢吉乃厚赦三遷至
 戶部侍郎出為宣歙觀察使放修謹家世用文學進初
 為時所稱及居官無所建明不逞物以自容名益減卒
 贈禮部尚書四子球珪瓌璋皆清顯球知名

琮字禮用落魄不事事以門資為吏久不調謝馬都尉
 鄭顥獨器之宣宗詔遷士人尚公主者顥語琮曰子有
 美才不飾細行為眾毀所抑能為之子琮許諾中書舍
 人李潘知貢舉顥以琮託之擢第授左拾遺初尚承福
 公主主未降食帝前以事折七箸帝知其不可妻士大

夫更詔尚廣德公主咸通中以水部郎中為翰林學士
 遷中書舍人閏五月轉兵部侍郎判戶部八年同中書
 門下平章事進中書侍郎兼戶部侍郎為韋保衡所構
 檢校司空山南東道節度使三貶韶州刺史保衡敗僖
 宗以太子少傅召未幾復為山南節度使入拜尚書右
 僕射黃巢陷京師以病臥家巢欲起為相琮辭疾賊迫
 脅不止乃曰吾死在旦夕位宰相義不受汚賊遂害之
 龐嚴字子肅壽州壽春人第進士舉賢良方正策第一
 拜拾遺辭章峭麗累遷駕部郎中知制誥坐累出復入
 稍遷太常少卿太和五年權京兆尹強幹不阿貴勢然
 貪利溺聲色卒於官

高馮字季輔以字行德州穆人居母喪以孝聞兄元道
 仕隋為汲令縣人反城應賊殺元道季輔率其黨與縣
 人戰擒之斬首以祭賊眾畏服更歸附之至數千人俄
 與武陟李厚德將其眾降授陟州總管府戶曹參軍貞
 觀初拜監察御史彈治不避權要累轉中書舍人列上
 五事以為今天下大定而刑未措何哉良由謀猷之臣
 不崇簡易之政臺閣之吏昧於經遠之道執憲者以深
 刻為奉公當官者以侵下為益國如尚書八座人上所
 責成者也宜擇溫厚修潔者任之敦樸素革浮偽使家
 議慈孝人知廉恥自然禮節興而禍亂息矣竊見陛下
 躬行節儉而營繕未息正丁正匠不能給驅使又和雇
 以重勞費人主所欲何求而不得願愛其財毋使殫惜
 其力毋使斂畿內數州京師之本土狹人庶儲蓄少而
 科役多宜蒙優貸令得休息強本弱支之義也至江南
 河北人頗舒閒宜為差等均量勞逸公侯勳戚之家邑
 人俸稍足以奉養而貨息出舉爭求什一下民化之競

為錐刀宜加懲革仕以代耕而今外官卑品皆未得祿
 夫飢寒切身雖夷惠不能全其行不恤其匱而責其廉
 正恐巡察歲出軒輊繼軌而侵漁不息也宜及戶口漸
 繁倉庾日實稍加廩賜使得事父母養妻子然後督責
 其效則庶官畢力矣密王元曉等俱陛下懿親當正其
 禮比見帝子拜諸叔諸叔答拜爵封既同當明昭穆願
 垂訓正以為彝法書奏帝稱善進授太子右庶子數上
 書切言得失帝賜鍾乳一劑曰爾進藥石之言朕以藥
 石相報後為吏部侍郎善銓敘人物帝賜金背鏡一沉
 其清鑒焉久之遷中書令檢校吏部尚書監修國史進
 爵修縣公永徽初加光祿大夫侍中兼太子少保感疾
 歸第有詔以其兄瓌州刺史季通為宗正少卿視疾遣
 中使日候增損卒年五十八贈開府儀同三司荆州都
 督諡曰憲子正業仕至中書舍人坐善上官權貶嶺表
 張行成字德立定州義豐人少師事劉炫炫謂門人曰
 行成體局方正廊廟才也大業末察孝廉為謁者臺散
 從員外郎後為王世充度支尚書世充平以隋資補數
 熟尉家貧代計吏集京師擢制舉乙科調富平主簿有
 能名召補殿中侍御史糾劾嚴正太宗以為能謂房玄
 齡曰古今用人未有不因介紹若行成者朕自舉之無
 先容也常侍宴帝語山東及關中人意有同異行成曰
 天子四海為家不容以東西為限是示人以隘矣帝稱
 善賜名馬一錢十萬衣一稱自是有大政事令與議焉
 累遷給事中帝嘗謂羣臣朕為人主兼行將相事豈不
 是尊公等名行成退上疏以為左右文武誠無將相才
 奚用大庭廣眾與之量較損萬乘之尊與臣下爭功哉
 帝嘉納之轉刑部侍郎太子少詹事太子駐定州監國

謂曰吾乃送公衣錦過鄉耶令有司祠其先墓行成薦其里人魏唐卿崔寶權馬龍駒張君劭皆以學行聞太子召見以其老不可任以事厚賜遣之太子使行成詣行在帝見悅甚賜勞尤渥還爲河南巡察大使稱旨檢校尚書左丞是歲帝幸靈州詔皇太子從行成諫曰皇太子宜留監國對百寮曰決庶務既爲京師重且示四方盛德帝以爲忠遷侍中兼刑部尚書高宗即位封北平縣公監修國史時晉州地震不息帝問之對曰天陽也君象地陰也臣象君宜動臣宜靜今靜者願動恐女謁用事大臣陰謀又諸王公主參承起居或伺閒隙宜明設防閑且晉陛下本封應不虛發伏願深思以杜未萌帝然之詔五品以上極言得失俄拜尚書左僕射太子少傅永徽四年自三月不雨至五月行成懼以老乞身制答曰古者策免乖罪己之義此在朕寡德非宰相咎行成固請帝泣留之不得已復視事未幾卒於尚書省舍年六十七詔九品以上就第哭比斂三遣使賜內衣服尚宮循其家護視贈開府儀同三司并州都督諡曰定弘道元年詔配享高宗廟廷按新舊書皆以張易之曰宗附行成傳後

逆鱗要者死人君亦有之卿屬迷犯吾鱗補闕失朕其慮危亡哉思卿至意故舉酒以相樂也各賜帛有差太子監國詔正倫行左庶子兼崇賢館學士帝謂正倫吾兒幼未有就德我嘗物物戒之今當監國不得朝夕見故輟卿子朝以佐太子擢中書侍郎封南陽縣侯仍兼太子左庶子出入兩宮典機密以辦治稱後太子稍失道帝語正倫太子數私小人卿可審喻之教而不從其語我來改正倫顯諫無所避太子不從輒道帝語督切太子即表聞帝責曰何漏洩我語對曰開示不入故以下語怖之帝怒出爲穀州刺史再貶交州都督太子廢坐受金帶流驪州久之授鄂石二州刺史顯慶元年擢黃門侍郎兼崇賢館學士進同中書門下三品又兼度支尚書仍知政事遷中書令封襄陽縣公初正倫已通貴季義府官尚微及同執政不能下中書侍郎李友益義府族也晚附正倫同撫義府缺義府使人告正倫友益交通罔上有異計高宗惡之出正倫爲橫州刺史流友益峰州正倫卒於貶所按新書稱正倫擊杜固日乃止其事近怪且謂城南諸杜自此不振尤疑誕不足信殆類世之爲形家言者託此以神其術而史官無識據摭及之正倫工屬文嘗與中書舍人董思恭夜直論文思恭歸謂人曰與杜公評文今日覺吾文頓進無子以兄子志靜爲嗣從子求仁孫咸皆顯名

今改入依幸此從制
杜正倫相州涇水人隋世重舉秀才天下不十人而正倫一門三秀才皆高第爲世故羨調武驕尉太宗素知名表直秦王府文學館貞觀元年魏徵薦其才擢兵部員外郎俄遷給事中知起居注帝嘗曰朕坐朝不敢多言必待有利於民乃出諸口正倫曰臣職左史陛下一言失非止損百姓且筆之書千載累德帝悅賜采緞二百進累中書侍郎與韋挺虞世南姚思廉論事稱旨帝爲設宴具召四人者謂曰我聞神龍可授以馴然領有

求仁有雅才永清中投監察御史坐事爲夥令與徐敬業舉兵爲興復府長史死於難
咸擢進士第累遷右臺監察御史牂州反咸監軍出討賊保壘自固道荒漫師不能進咸乃息士示不欲戰陰伺之時早暑風熾成縱火謀而前賊眩怖相失自騰踐死擒其首遂平之遷侍御史出爲汾州長史開元中爲

河北按察使坐用法深刻貶睦州司馬
崔知溫字禮仁許州鄆陵人仕爲左千牛稍遷靈州司馬境有渾斛薩萬帳數擾齊民農皆釋耒習騎射以扞賊知溫表徙河北虜不樂遷將軍契苾何力爲言乃止知溫固請疏十上報卒徙河北自是人得就耕渾斛薩至徙地願善水草亦志遷後入朝過州謝曰初徙且怨公今地膏腴眾孳息更荷公恩皆再拜四遷蘭州刺史党項羌三萬人寇州兵寡眾懼不知所出知溫開關不設備羌怪之不敢進俄會將軍權善才率兵至大破其眾善才欲窮追取之知溫曰古善戰弗逆奔且谿谷複深草木荒延萬一有變恐悔善才曰善分降口五百贈知溫辭曰我議公事圖私利耶累遷尚書左丞轉黃門侍郎修國史永隆初以秩卑特詔同門下三品兼修國史遷中書令卒年五十七贈幽州大都督諡曰忠子泰之開元時爲工部尚書諤之爲將作少匠與誅二張功封博陵縣侯實封二百戶終少府監
兄知悌亦至中書侍郎與戴至德郝處俊李敬玄等同賜飛白書贊而知悌敬玄以忠勤見表遷尚書左丞裴行儉之破突厥斬泥孰旬殘落保狼山詔知悌馳往定襄慰將士佐行儉平夷寇有功終戶部尚書
高智周常州晉陵人第進士補越王府參軍遷費令與丞尉均取俸民安其化刻石頌美入擢祕書郎弘文館直學士三遷蘭臺大夫孝敬在東宮與司文郎中賈敦司經大夫王真儒並爲侍讀得告還鄉里數曰進不知退取禍之道也即移病去俄拜壽州刺史其治尚文雅行部先見諸生質經義及政得失既乃錄獄訟考耕餉勤惰以爲常遷正議大夫黃門侍郎儀鳳初進同中書

門下三品遷太子左庶子是時崔知溫劉景先修國史故智周與郝俊慶監泄久之罷為御史大夫與薛元超裴炎同治章懷太子獄無所同異因表去位高宗美其

授右散騎常侍請致仕聽之卒年八十二贈越州都督諡曰定按新書智周傳附載石仲寬蔣子慎二事仲孫在安史及朱泚時皆汙偽官而此稱其累葉貴顯有清白名與喬珠傳所記尤乖異吳氏糾繆駁之甚當今取不

郭正一定州鼓城人貞觀時由進士第歷中書舍人弘文館學士永隆中遷祕書少監檢校中書侍郎詔與郭待舉岑長倩魏玄同竝同中書門下承受進止平章事平章事自正一等始按本紀及宰相表此永清中真遷中書侍郎執政久明習故事文辭詔敕多出其手劉蕃禮與吐蕃戰青海大敗高宗召羣臣問所以制戎正一曰吐蕃曠年梗寇師數出坐費糧費近討則喪威深入則平能得其巢穴今上策莫如少募兵且閉烽墩勿事侵擾須數年之遲力有餘人思戰一舉可破矣劉齊賢

皇甫文亮等議亦與正一合帝納之武后專國罷為國子祭酒出檢校陝州刺史與張楚金元萬頃皆為周興所誣搆殺之籍入其家妻息流放文章無存者

崔致禮舊書本名元禮高祖改名字安上祖仲方在隋為禮部尚書其先博陵著姓魏末徙為雍州咸陽人敦禮涉書傳矜節義武德中官通事舍人善詞令進止觀者皆竦動嘗持節幽州召盧江王瑗瑗已舉兵執之脅問朝廷事敦禮不為言太宗壯之還為左衛尉賜金幣良馬擢

中書舍人累遷兵部侍郎出為靈州都督召還拜兵部尚書詔輯撫回紇鐵勒部姓會薛延陀寇邊與李勣合兵破之置祁連州處其餘眾瀚海都督回紇吐迷度為

下所殺詔往綏定立其嗣而還敦禮通知外國情偽少慕蘇武為人故屢使突厥前後建明允會事機承徽四年拜侍中監修國史累封固安縣公進中書令兼檢校太子詹事以久疾自言不任事奉兩宮更拜太子少師同中書門下三品弟餘慶時為定襄都督府司馬召使待疾卒年六十一高宗為舉哀東雲龍門賜布祕器尤厚贈開府儀同三司并州大都督諡曰昭陪葬昭陵餘慶位亦至兵部尚書

盧承慶字子餘幽州涿人隋散騎侍郎思道之孫父亦松為河東令與高祖雅故聞兵興迎見霍邑拜行臺兵部郎中終率更令范陽郡公承慶美儀矩博學而才少襲爵貞觀初為秦州參軍入奏軍事太宗偉其辯擢考功員外郎累遷民部侍郎帝問歷代戶版承慶敘夏商至周階增損曲折引據詳帝嗟賞俄兼檢校兵部侍郎知五品選辭曰選事在尚書臣掌之為出位帝不許曰朕信卿卿何不自信歷雍州別駕尚書左丞承徽時坐事貶蘭州司馬閔歲改洪州長史帝將幸汝州湯泉拜汝州刺史顯慶四年以度支尚書參知政事尋同中書門下三品坐調非法免俄拜潤州刺史進拜刑部尚書以金紫光祿大夫致仕卒臨終戒其子曰死生至理

猶朝有暮吾死斂以常服晦朔無薦牲葬勿卜日器用陶漆棺而不柳墳高可識碑誌著官號年月無用虛文贈幽州都督諡曰定初承慶典選校百官考有坐漕舟溺者承慶以失所載考中下以示其人無愠也更曰非力所及考中中亦不喜承慶嘉之曰罷辱不驚考中上其能恕人之過著人之善類皆如此也謹按通鑑載選校法其能恕人之過著人之善類皆如此也

加其類寔廣殆非經久之制三日承徽以來在官者或

不取弟承業承泰承業為雍州長史尚書左丞有能名承泰字齊卿長安初為雍州參軍武后詔長史薛季昶擇僚吏堪御史者季昶訪於齊卿齊卿曰長安尉盧懷慎李休光萬年尉李又崔湜咸陽丞倪若水蓋屋尉田崇璧新豐尉崔日用季昶用其言後皆為通顯巨入及拜幽州刺史而張守珪隸果毅齊卿厚遇之曰君十年之後必至節度使已而果然喜飲酒踰斗不亂寬厚樂易士友以此親之終太子詹事廣陽縣公承慶從孫藏用別有傳

劉祥道字同壽魏州觀城人父林甫武德時為內史舍人典機密以才稱與蕭瑀等撰定律令著律議萬餘言歷中書吏部二侍郎賜爵樂平縣男唐沿隋制十一月聽選隨到輒擬於是官無滯人始天下初定州府及詔使以赤牒授官至是罷悉集吏部調至萬員林甫隨才銓錄咸以為宜論者方隋高孝基祥道少襲爵歷御史中丞顯慶中遷吏部黃門侍郎知選事既世職乃釐補

敝闕上疏陳六事一曰今取士多且濫入流歲千四百多也雜色入流未始銓汰濫也故其務者善人少惡人多臣謂應雜色進者切責有司試判為第四第一付吏部二付兵部三付主爵四付司勳若坐負當責雖經赦仍配三司不者還本貫則官不雜矣二曰內外官一品至九品萬三千四百六十五員大抵三十而仕六十而退取其中數不三十年存者略盡若歲入流五百人則三十年自相充補況三十年外在官猶多不慮其少今

入流歲千四百其倍兩之又停選六七千人復年別新加其類寔廣殆非經久之制三日承徽以來在官者或

以善政據論事者或以單言進而序諸生未聞甄異是獎勵之道未周也四曰唐有天下四十年未有舉秀才者請自六品以下至草野密加搜訪無令赫赫之辰斯學遂絕五曰唐虞三載考績黜陟幽明二漢用人亦久其職今任官率四考罷官知秩滿則懷去就民知遷徙則苟且以去就之官臨苟且之民欲移風振俗烏可得乎請四考進階八考聽選以息迎新送故之弊六曰三省都事主事主書比選補皆取流外有刀筆者雖欲

參用士流率以偽類為恥前後相沿遂成故事且掖省崇峻王言祕密尚書政本人物所歸專責曹吏理有未盡宜稍革之以清其選會中書令杜正倫亦言入流者眾為官人微乃詔與祥道參議而執政憚改作又以動戚子進取無他門遂格稍遷司刑太常伯每覆大獄必歛歎累歎奏決日為再不食詔巡察關內道多振寬濼兼沛王府長史麟德元年拜右相祥道性審謹居宰相憂畏不自堪數陳老病旬解坐與上官儀善罷為司禮

太常伯高宗封泰山有司請太常卿亞獻光祿卿終獻祥道建言三代六卿重故得佐祠漢魏以來權歸臺省九卿為常伯屬官今封岱大禮不以八座用九卿無乃徇古名亡實事乎帝可其議以司徒徐王元禮亞獻祥道終獻禮成進爵廣平郡公乾封元年以金紫光祿大夫致仕卒年七十一贈幽州都督諡曰宣子齊賢龔爵

齊賢後改名景先由侍御史出為晉州司馬帝以其方直尊憚之時將軍史興宗從獵苑中言晉州出佳鶴可捕取帝曰齊賢豈捕鶴人耶累遷黃門侍郎永清元年進同中書門下平章事武后時代表炎為侍中辨炎不反后怒左遷晉州刺史道貶吉州長史永昌中為酷吏

所陷繫州獄自經死建中三年贈太子太僕齊賢三世皆為兩省侍郎及典選叔父應道從父弟令植等八人前後為吏部郎中員外世以為罕

令植孫從一擢進士宏詞第調渭南尉為常袞盧杞所厚薦授監察御史普王討李希烈表為元帥判官德宗居奉天超拜刑部侍郎同中書門下平章事從幸梁州改中書侍郎貞元初以疾自劾為戶部尚書卒贈太子太傅

李敬玄亳州譙人該覽羣籍善於五禮高宗在東宮馬周薦其才召入崇賢館侍讀假中祕書讀之為人峻整然造請不憚寒暑許敬宗頗薦延之歷西臺舍人弘文館學士遷右肅機檢校太子右中護總章二年拜西臺侍郎同東西臺三品兼檢校司刑少常伯時員外郎張仁緯有敏才敬玄委以曹事仁緯為造姓態狀式銓簿

鉗鍵周密病心太勞死敬玄因其法衡綜有序白示徵後選員寢多惟敬玄居職有能稱性彊記雖官萬員遇諸道未嘗忘姓氏有來訴者口論書判參舛及殿果本末無少終天下服其明杭州參軍徐太玄有同僚張惠以賊抵罪太玄哀惠母老乃詣獄自言與惠偕受薄其罪惠得不死太玄坐免官十年敬玄廉知之擢為鄭州

司功參軍太玄由是知名後仕至祕書少監申王師以德行聞其鑿拔率若此咸亨二年轉中書侍郎又改吏部兼太子右庶子同中書門下三品監修國史進吏部尚書居選部八人多附擢凡三娶皆山東舊族又與趙李氏合譜故臺省要職多族屬姻家高宗知之不悅儀鳳元年拜中書令封趙國公劉仁軌西討吐蕃有所建請敬玄數持異由是有隙因奏河西鎮守非敬玄不可

敬玄辭以非將帥才且仁軌遲憾故強臣以不能帝厭之因曰仁軌若須朕朕且行卿安得辭乃拜洮河道大總管兼鎮撫大使檢校鄯州都督統兵十八萬代仁軌與吐蕃將論欽陵戰青海使劉審禮為先鋒塵虜敬玄按軍自如審禮戰歿尚首鼠不進乃屯承風嶺又阻溝

淖莫能前賊屯高壓其營偏將黑齒常之率死士夜擊賊敬玄始得至鄯州又戰湟州遂大敗數稱疾求罷歸許之既入見不引謝即還府視事帝察之實不病貶衡州刺史久之遷揚州長史卒官贈兗州都督諡曰文憲

揆次禮論及它書數十百篇二子思沖守一思沖神龍初歷工部侍郎左羽林軍將軍從節愍太子誅武三思兒殺籍其家守一鄂令孫神別傳

敬玄弟元素為武德令刺史李文暉橫調民黃金造常滿尊以獻官屬無敢諫元素固爭文暉為少損更以私財助之延載初魏文昌左丞遷鳳閣侍郎同鳳閣鸞臺平章事為武懿宗所構與綦連耀等同誅神龍中追洗其辜

孫處約始名道茂汝州郟城人貞觀中為齊王祐記室祔多過失數上書切諫王誅帝得其書咨歎之擢中書舍人高宗即位杜正倫請增舍人員帝白處約一人足辦我事止不除以論撰勞數賜段物再遷司禮少常伯

麟德元年以西臺侍郎同東西臺三品為少司成以老致仕卒按舊傳載處約與李勣許敬宗同知國政在永後遇與考新舊本紀及通鑑皆與新傳合知舊史誤也子任延和初為羽林將軍

幽州都督率兵十三萬討奚李大酺分三屯以副將李楷洛周以梯領之次冷硯楷洛與大酺戰不勝壯校多沒倭氣禪乃給言天子詔我招慰楷洛違詔妄戰當斬

志四五四一

遣人謝大酺大酺曰審爾願出天子賜明不欺佞擊聚軍中幣萬餘匹悉袍帶并與之大酺知佞詐好語勸引還而佞部伍離沮奚逼之大敗死者數萬佞以梯同見獲送默啜所殺之

邢文偉涿州全椒人與歷陽高子貢壽春裴懷貴俱以博學聞咸亨中歷太子興膳丞時孝敬罕見宮臣文偉輒減所供膳上書曰古者太子既冠則有司過之史虧膳之宰史不書過死之宰不徹膳死之皇帝簡料英俊自庶子至司議舍人學士侍讀使佐殿下成就聖德比者不甚廷議謁對稀簡三朝之後與內人獨居何由發揮天資使滑哲文明哉今史既闕官宰得奉職謹守禮經以聞太子答曰幼嗜墳典孰誦致勞比苦風虛奉陛下恩旨不許彊勉加以趨侍朝夕屢闕坐朝乖廢學緒觀尋求請良符宿志自非義均弼諧渠能進此藥石文偉由是益知名後右史缺高宗謂侍臣曰文偉切諫吾兒此直臣也遂授之武后時累遷鳳閣侍郎兼弘文館學士載初元年為內史按宰相表載初元年文偉同鳳閣鸞臺平章事其守內史則在天授元年宗秦客以姦賊抵罪文偉坐所善貶珍州刺史會它使者至文偉內悸自經死

高子貢善太史書與朱敬則善擢明經歷祕書省正字弘文館直學士不得志因棄官去徐敬業起兵弟敬猷統兵五千逼和州子貢率鄉人數百拒之賊引去以功擢朝散大夫為成均助教東莞公融嘗為和州刺史從子貢受業及融謀舉兵令黃公譔見子貢推為謀主書疏往返因結諸王內應謀洩坐死

列傳

唐十五

傅奕

呂才

陳子昂

王無競

趙元

傅奕相州鄴人隋開皇中以儀曹事漢王諒諒反問奕今茲榮感入井果若何對曰東井黃道所由榮感之舍烏足怪耶若入地上井乃為災諒怒俄及敗奕以對免徒扶風高祖為扶風太守禮之及即位拜太史丞會令庚儉以父質言占候忤煬帝死懲其事恥以術宦薦奕自代奕遷令與儉同列數排毀之儉不為恨於是人多儉仁厚而稱奕之率直時國制草創多仍隋舊奕謂承亂世之後當有變更請改正朔易服色變律令革官名太僕卿張道源建言官曹文簿繁總易欺請減之以鈐吏姦公卿舉不為然奕獨是之為眾沮訛不得行武德七年上疏極詆浮圖法曰西域之法無君臣父子以三塗六道嚇愚欺庸追既往之罪窺將來之福至有身陷惡逆獄中禮佛口誦梵言以圖偷免且生死壽夭本諸自然刑德威福繫之人主今其徒矯託皆云由佛攘天理竊主權書曰惟辟作福惟辟作威惟辟玉食臣有作福作威玉食害于而家凶于而國五帝三王未有佛法君明臣忠年祚長久至漢明帝始立胡祠然惟西域桑門自傳其教西晉以上不許中國髡髮事胡至石苻亂華乃弛厥禁主庸臣佞政虐祚短事佛致然梁武齊襄尤足為戒昔褒姒一女榮惑幽王能亡其國況今僧尼十萬刻繪泥像以惑天下有不亡乎陛下以十萬之眾自相夫婦十年滋產十年教訓兵農兩足利可勝紀耶昔高齊章仇子他言僧尼塔廟外見毀宰臣內見疾如

矯陽讒陰諂卒死都市周武帝入齊封寵其墓臣竊賢之又上十二論言益痛切帝下奕議有司唯道源佐其請中書令蕭瑀曰佛聖人也非聖人者無法請誅之奕曰禮始事親終事君而佛逃父出家以匹夫抗天子以繼體悖所親瑀非出空桑乃尊其言蓋所謂非孝者無親瑀不答但合掌曰地獄正為是人設矣帝善奕對未及行會傳位止初九年太白躔秦分奕奏秦王當有天

下帝以奏付王及太宗即位召賜食謂曰向所奏幾敗我雖然自今毋有所諱而不盡言又嘗問卿拒佛法奈何奕曰佛西胡黠人爾欺誅夷狄以自神至入中國而

熾兒幻夫模象莊老以文飾之有害國家而無補百姓也帝異之按通鑑云時有西域僧善咒術能令人立死復亡之復生蘇蓋邪不勝正理或有之然貞觀十三年卒年八十五遺言戒其子習六經名教言勿為妖胡之法死當裸葬奕雖善數然當自言其學不可以傳又注老子并集晉魏以來與佛議駁者為高識篇武德時改漏刻法又十二軍號皆奕所定云

呂才博州清平人貞觀時祖孝孫增損樂律與音家王長通白明達更質難不能決太宗詔侍臣舉善音者中書令溫彥博白才天悟絕人間見一按輒究其妙侍中王珪魏徵盛稱才製尺八凡十二枚長短不同與律諧契即召才直引文館參論樂事帝嘗覽周武帝三局象經不能通或言太子洗馬蔡允恭能之召問允恭少通其略老乃志試問才退一夕即解其圖以問允恭記其舊與才正同由是知名擢累太常博士帝病陰陽家所傳書多謬偽淺惡世益拘畏命才與宿學老師刪落煩訛擬可用者為五十三篇合舊書四十七凡百篇詔頒

天下才於持議儒而不理推本經誼以救俗失辭指明切有益時事故刻其三篇卜宅篇曰詩稱相其陰陽書云惟洛食卜宅吉凶其來尚矣至於近世乃有五姓之說謂宮商角徵羽天下萬姓悉配屬之以處吉凶然言皆不類如張王為商武庚為羽是以音相諧附至柳為宮趙為角則又不然其間一姓而兩屬復姓數字不得所歸是直野人巫師說爾按堪輿經黃帝對天老始言五姓且黃帝時獨姬姜數姓耳後世賜族者浸多管蔡邠霍魯衛毛聃邵雍賸畢原鄆卮本之姬姓孔股宋華向蕭毫皇甫本之子姓至因官命氏因邑賜族本同未異亦為配官商哉春秋以陳衛秦為水姓齊鄭宋為火姓或所出之祖所分之星所居之地以著由來非宮商角徵羽相管攝也祿命篇曰漢宋忠實誼譏司馬季主曰卜筮者高人祿命以悅人心矯言禍福以規人財王充曰見骨體知命祿見命祿知骨體此則祿命之書行之已久推索本原固不其然積善之家必其餘慶豈建祿而後吉乎積惡之家必其餘殃豈劫殺而後災乎學也祿在其中不必生當建學文王憂勤損壽初非月值亡長平坑降卒非俱犯三刑南陽多近親非俱當六合歷陽成湖不共河魁蜀郡炎火不盡災厄世有同建與祿而貴賤殊域其命若胎而夭壽異科魯桓公六年七月莊公生披麻歲在乙亥月建申然則值祿空亡據法應窮賤又觸句絃六害借驛馬身剋驛馬三刑法無官火命七月生當病鄉法曰為人延弱姓陋而詩言莊公曰猗嗟昌兮頤而長兮美目揚兮巧趨踰兮唯向命一物法當壽而公薨止四十五一不驗秦莊襄王四十八年始皇帝生以正月故名政是歲壬寅正月命借

祿於法無官假得祿奴婢應少又破驛馬三刑身尅驛馬法望官不到金命正月生當絕為人無始有終老而吉又建命生法當壽帝崩時不過五十二不驗漢武帝以乙酉歲七月七日平日生當祿空亡於法無官雖向驛馬乃隔四辰法少無官老而文武帝即位年十六未年戶口減耗三不驗後魏高祖孝文帝生皇興元年八月是歲丁未為背祿命與驛馬三刑身尅驛馬於法無官又生父死中法不見父而孝文受其父顯祖之禪禮君未踰年不得正位故天子無父事三老也孝文受禪異於常禮躬率天下以事其親而法不合識父四不驗宋高祖癸亥三月生祿與命皆空亡於法無官又生子墓中法宜嫡子雖有次子當早卒而高祖長子先被弑次子義隆享國又生祖祿下法得嫡孫財若祿其孫劭潛皆篡逆幾失宗祧五不驗葬篇曰經曰葬者藏也欲人之弗得見也又曰卜其宅兆而安厝之朝市賈遷不可知泉石頽齧不可常是以謀及卜筮庶無後難斯則備於慎終之禮也後代葬說出於巫史或選年月便利或量墓田遠近一物有失便謂災及死生多為妨祭以售其術附妄憑妖至有百二十家春秋王者七日而殯七月而葬諸侯五日而殯五月而葬大夫三月士庶人逾月貴賤不同禮亦異數故先期而葬謂之不懷後期不葬謂之殆禮此則葬有定期不擇年與月一也又曰丁巳葬定公而不克葬至於戊午襄事君子善之禮卜葬先遠日者自未而進避不懷也今葬書以己亥日最凶謹按春秋是日葬者凡有二十餘族此葬不擇日二也禮周尚赤大事用且殷尚白大事用日中夏尚黑大事用昏大事者何喪葬也此直取常代所尚而不擇

時早晚也子產及子太叔葬鄭簡公於是司墓大夫室當樞路若壞其室即平旦而棚不壞其室即日中而棚子產不欲壞室欲待日中子太叔曰若日中而棚恐久勞諸侯大夫來會葬者此惟論人事可否不問時之得失也曾子曰葬逢日蝕舍於路左待明而行所以備非常也依舊書多取乾艮二時乃近夜半今推檢禮傳葬不擇時三也葬書以官爵富貴年壽修促子姓蕃衍皆葬之所致易曰聖人之大寶曰位何以守位曰仁書曰立功立事可以永年未聞舍人事而責地形臧孫有後於魯不聞葬得吉也若救絕嗣於荆不聞葬得凶也此葬有吉凶不可信四也今葬法皆據五姓便利而古之葬並在國都之北趙氏之葬在九原漢家山陵或散處諸域又何上利下利大墓小墓為哉然劉之子孫本支不絕趙後與六國等王此則葬用五姓不可信五也且人有初賤而後貴始泰而終否者子文為令尹三仕三已展禽三黜於士師彼冢墓已定而不改此名位不常何也故知榮辱升降不由於葬六也世之人為葬巫所欺忘辨踊荼毒以期倖幸於是相塗靡希官爵擇日時規財利謂辰日不哭遂欣然而受弔謂同屬不得臨塋乃吉服不送其親詭禮禮俗不可以法七也帝又詔造方域圖及教飛騎戰陳圖屢稱旨擢太常丞麟德中以太子司更大夫卒生預修書及著述甚多子方毅七歲能誦經太宗聞其敏召見奇之賜束帛長為右衛監曹參軍母喪以毀卒布車從母葬通人郎餘令以白粥玄酒生芻祭路隅世共哀之

陳子昂字伯玉梓州射洪人家世豪富年十八未知書地日入鄉校感憤痛自修飭文明初舉進士時高宗崩將遷梓宮長安於是關中無歲子昂盛言東都勝豈可營山陵上書曰臣聞秦據咸陽漢都長安山河為固而天下服者以北假胡苑之利南資巴蜀之饒轉關東之粟而收山西之儲故能長驅利策橫制宇宙今則不然燕代迫匈奴巴隴嬰吐蕃秦之首尾不完所餘獨三輔閒耳頃遭荒饉百姓荐饑薄河而右惟有赤地循隴以北不逢青草父兄轉徙妻子流離賴天悔禍去年薄稔贏耗之餘得保性命然流亡未還阡陌無主至於蓄積尤可哀傷陛下以先帝遺意方欲長驅大駕按節西京千乘萬騎何從仰給山陵窮復必資徒役率墮敝之眾興數萬之軍調發近畿督扶稚老鑿山輦石驪以就功春作無時秋成絕望凡此嗷嗷再罹艱苦有不堪其困則逸為盜賊揭挺叫噉可不深圖哉且天子以四海為家舜葬蒼梧禹葬會稽豈愛夷裔而鄙中國邪示無外也周平王漢光武都洛而山陵廢廟並在西土者實以時有不可故遺小存大去禍取福也今景山崇秀北對嵩邱右眇汝海祝融太昊之故墟在焉園陵之美復何以加且太原屠鉅萬之倉洛口儲天下之粟乃欲舍而不顧儼鼠竊狗盜西入陝郊東犯虎牢取敖倉一抔粟陛下何與邊之武后奇其才召見金華殿擢麟臺正字垂拱初條上利害三事其一言九道出大使巡按天下申黜陟求人瘼臣謂計有未盡也且陛下發使欲使百姓知天子夙夜憂勤之也羣臣知考績而任之也姦暴不逞知將除之也則莫如擇仁可以恤孤明可以振滯剛可以折彊禦者然後為之故轉軒未動而天下翹然待之矣今使且未出道路之人皆已指笑欲望進賢退下肖豈可得邪宰相奉詔書有遣使之名無任使之實

使愈出天下愈微徒令百姓治道路送往迎來不見其益其二言刺史縣令政教之首陛下布德澤下詔書必待刺史縣令謹宣而奉行之不得其人則委棄有司掛牆屋耳故宰相者陛下之腹心刺史縣令者陛下之手足國家興衰在此職也今吏部調縣令如補一尉但計資考不求賢良有如下次用人則天下翳然相誘故庸人任職教化陵遲欲與太平宜革斯弊其言天下有危機禍福因之而生機靜則有福動則有禍今軍旅之弊夫妻不得安父子不相養五六年矣自劍南盡河隴山東由青徐曹汴河北舉滄瀛趙鄭或因水旱或頓兵疫死亡流離略盡尙賴陛下憫其失職凡兵戍調發一切罷之使人得妻子相見父兄相保可謂能靜其機也然臣恐將相有貪夷狄利以廣地疆武說陛下者欲動其機機動則禍構宜修文德去刑罰勸農桑以息疲民於時吐蕃九姓叛詔田揚名發金山道十姓兵討之十姓君長以三萬騎戰有功遂請入朝后賁其嘗不奉命擅破回紇不聽子昂上疏曰國家能制十姓者繇九姓疆大臣伏中國故勢微弱委命下吏今九姓叛亡北蕃喪亂君長無主回紇殘破磧北諸姓已非國有欲犄角亡叛唯金山諸蕃共爲形勢有司乃以揚名擅破回紇歸十姓之罪拒而遣還不使入朝恐非羈戎之長策也十姓內無國家親信之恩外有回紇報讐之患懷不自安烏駘狼顧則河西諸蕃自此拒命矣且夷狄相攻中國之禍今回紇已破既無可言十姓非罪又不當絕罪止揚名足以慰其首領矣近詔同城權置安北府其地當磧南口制匈奴之衝常爲劇鎮臣頃聞磧北突厥之歸者已千餘帳來者未止甘州降戶四千帳亦置同城

今磧北喪亂荒饑之餘無所存仰陛下開府招納誠覆全戎狄之仁也然同城本無儲峙而降附蕃落不免寒饑更相劫掠今安北有官牛羊六千粟麥萬斛城孤兵少降者日眾不加救郵盜劫日多夫人情以求生爲急今有粟麥牛羊爲之餌而不救其死安得不爲盜乎盜興則安北不全甘涼以往躡以待陷後爲邊患禍未可量且夷狄代有雄傑與中國抗有如勃起招台遺散眾或歸之此國家大機不可失也又謂河西諸州軍興以來公私儲蓄尤可嗟痛涼州歲食六萬斛屯田所收不能償墾陛下欲制河西定亂戎此州空虛未可動也甘州所積四十萬斛觀其山川誠河西喉咽地北當九姓南逼吐蕃姦回不測伺我邊罅故甘州地廣粟多左右受敵但戶止三千勝兵者少屯田廣夷倉庾豐衍瓜肅以西皆仰其餉一旬不往士已枵飢是河西之命係于甘州矣且其四十餘屯水泉良沃不待天時歲取二十萬斛但人力寡乏未盡墾發異時吐蕃不敢東侵者繇甘涼土馬疆盛以抗其入今甘州積粟萬計兵少不足以制賊致吐蕃敢大入燔蓄穀蹂諸屯則河西諸州我何以守宜益屯兵外得以防盜內得以營農取數年之收可飽士百萬則天兵所臨何求不得哉其後吐蕃果入寇終后世爲邊患最甚后方謀開蜀山由雅州道窮生羌因以襲吐蕃子昂上書以七驗諫止之曰臣聞亂生必由於怨雅州邊羌自國初以來未嘗一日爲盜今無罪蒙戮怨必甚怨甚則蜂屯蟻聚相煽以變而邊邑連兵守備不解蜀之禍構矣東漢喪敗亂始諸羌一驗也吐蕃點猶抗天誅者二十餘年前日薛仁貴郭待封以十萬眾敗大非川一甲不返李敬玄劉審禮舉十八

萬眾困青海身執賊廷開隴爲空今乃欲建李處一爲上將驅疲兵襲不可幸之吐蕃舉爲賊笑二驗也夫事有求利而得害者昔蜀與中國不通秦以金牛美女啖蜀侯侯使五丁力士棧褒斜鑿通谷迎秦之饋秦隨以兵而地入中州三驗也吐蕃愛蜀富思盜之矣徒以障隧隘絕頓餓不得噬今撤山羌開險使賊得收奔亡以攻邊是除道待賊舉蜀以遺之四驗也蜀爲西南一都會國之寶府又人富粟多浮江而下可濟中國今圖僥倖之利以事西羌得羌地不足耕得羌財不足富是過殺無辜之眾以傷陛下之仁五驗也蜀所恃有險也蜀所安無役也今開蜀險役蜀人險開則便寇人役則傷財臣恐未及見羌而姦盜在其中矣異時益州長史李崇真託言吐蕃寇松州天子爲盛軍師趣轉餉以備之不三年巴蜀大困不見一賊而崇真姦賊已鉅萬今得非有姦臣圖利復以生羌爲資六驗也蜀土延屨不知兵一虜持矛百人不敵當若西戎不卽破滅臣見蜀之邊陲且不守而爲羌夷所暴七驗也國家近廢安北拔單于棄龜茲放疏勒天下翕然以爲務仁不務廣務養不務殺今徇貪夫之議誅無罪之羌遺全蜀患此臣所未論方今山東饑關隴弊生人流亡誠陛下寧靜思和天人之時安可動甲兵興大役以自生亂又西軍失守北屯不利邊人駭情今復舉輿師投不測小人徒知議夷狄之利非帝王至德也后復召見使論爲政之要適時不使者子昂乃奏八科一措刑二官人三知賢四去疑五招諫六勸賞七息兵八安宗子俄遷右衛曹曹參軍后既稱皇帝改號周子昂上周受命頌母喪去官服終擢右拾遺子昂多病居職不樂會武攸宜討契

丹表子昂參謀次漁陽前軍敗舉軍震恐攸宜輕易無將略子昂諫曰陛下發天下兵以屬大王安危成敗在此舉安可忽哉今大王法制不立有如兒戲願審智慮量勇怯度眾寡以長攻短此刷恥之道也能聽愚計分麾下萬人爲前驅契丹小醜指日可禽攸宜以其儒者謝不納居數日復進計攸宜怒徙署軍曹子昂知不合不復言聖曆初以父老表解官歸侍詔以官供養會父喪廬冢次每哀慟聞者爲涕縣令段簡貪暴聞其富欲害之家人納錢二十萬緡簡薄其賂捕送獄中憂憤死年四十三子昂資褊躁然輕財好施篤朋友與陸餘慶王無競房融崔泰之盧藏用趙元最厚唐興文章承徐庾餘風子昂始變雅正初爲咸亨詩三十八章王適曰是必爲海內文宗乃請交子昂所論著當世以爲法子光與趙元子少微俱以文稱光終商州刺史子易甫簡甫皆位御史

王無競者字仲列世居東萊宋太尉弘之遠裔家足于財頗負氣豪縱擢下筆成章科調樂城尉三遷監察御史改殿中會朝宰相宗楚客楊再思離立偶語無競揚笏曰朝禮尙敬公等大臣不宜慢常典楚客怒徙無競太子舍人神龍初詆權幸出爲蘇州司馬張易之等誅坐常交往貶廣州仇家矯制榜殺之

趙元者字貞固河間人祖拔號通儒在隋與同郡劉焯俱召至京師補黎陽尉徙居汲元少負志略好論辨來游雜陽士爭慕嚮所與造謝皆縉紳選調宜祿尉到職非公事不言彈琴蒔藥如隱者之操卒年四十九其友魏元忠孟誥朱之問崔璩等共諡昭夷先生

欽定續通志卷二百十五

劉仁軌

裴行儉光庭 稭 裴師德

劉仁軌字正則汴州尉氏人少貧賤好學值亂不能安業每動止畫地書空寓所習卒以通博聞武德初河南道安撫大使任瓌上疏有所論奏仁軌見其藁為竄定數言瓌驚異赤牒補息州參軍轉陳倉尉部人折衝都尉魯寧者豪縱犯法縣莫敢屈仁軌約不再犯而寧暴橫自如仁軌榜殺之州以聞太宗曰尉而殺吾折衝可乎召詰讓仁軌對曰寧辱臣臣故殺之帝以為剛正夏擢咸陽丞貞觀十四年校獵同州時秋斂未訖仁軌諫曰今茲澍澤霑足百穀熾茂收纒十二常日微調已有所妨又供獵事繕橋治道役雖簡省猶不損數萬少延一句使場圃畢勞陛下六飛徐驅公私交泰聖書褒納拜新安令累遷給事中為李義府所惡出為青州刺史顯慶五年伐百濟義府欲斥以罪使督漕而船果覆沒坐免官白衣隨軍按舊書載仁軌監統水軍征遼以後明坐免新書及張鷟朝野僉載皆云在百濟非征遼也又通鑑考異云仁軌從軍乃初蘇定方既平百濟留郎將劉仁願守其城左衛中郎將王文度為熊津都督撫納殘黨文度死有濟故將福信及淳屠道琛迎故王子扶餘豐立之引兵圍仁願詔仁軌檢校帶方州刺史統文度之眾并發新羅兵為援仁軌將兵嚴整轉關陷陣所向無前信等釋仁願圍退保任存城既而福信殺道琛并其眾招還叛亡勢張甚仁軌與仁願合則解甲休士時定方伐高麗圍平壤不克高宗詔仁軌拔軍就新羅與金法敏議去留計將士咸欲還

仁軌曰春秋之義大夫出疆有可以安社稷便國家者得專之今天子欲滅高麗先誅百濟留兵鎮守制其心腹宜厲兵秣馬乘無備擊不意百下全戰勝之日開張形勢騰傲濟師聲援接虜亡矣今平壤不勝熊津又拔則百濟之燼復炎高麗之滅無期吾等雖入新羅正似坐客有不如志悔可得邪扶餘豐猜貳表合內攜勢不支久宜堅守伺變以圖之不可輕動眾從其議乃請益兵時賊守眞岷城仁軌夜督新羅兵薄城拔堞比明入之遂通新羅饋道而豐果襲殺福信遣使至高麗倭勾援會詔遣右威衛將軍孫仁師率軍浮海而至士氣頗振於是諸將議所向或曰如林城水陸之衝蓋先擊之仁軌曰兵法避實擊虛如林險而固攻則傷士守則曠日周留賊巢穴羣凶聚焉若克之諸城自下於是仁師仁願及法敏帥陸軍以進仁軌與仕爽扶餘隆繇熊津白江會之遇倭人白江口四戰皆克焚四百艘海水為丹扶餘豐脫身走偽王子扶餘忠勝志等率其眾與倭人降獨首帥遲受信據任存城未下始定方破百濟首領沙吒相如黑齒常之嘯亡散據險以應福信至是皆降仁軌以赤心示之俾取任存自效即給鎧仗糧糗仁師曰夷狄野心難信若授甲濟粟資寇便也仁軌曰吾觀相如常之忠勇有謀因機立功尚何疑二人訖拔其城遲受信委妻子奔高麗百濟餘黨悉平仁師等振旅還詔留仁軌統兵鎮守百濟時被亂殞屍如莽仁軌始命瘞埋弔祭焉葺復戶版署官吏開道路營聚落復防堰振貧乏勸課耕種為立官社民皆安其所遂營屯田以經略高麗仁願至京師帝勞曰卿本武將軍中奏請皆有文理何道而然對曰仁軌之辭非臣所

能帝歎賞之超進仁軌六階真拜帶方州刺史賜第一區厚資妻子璽書褒勉先是貞觀示徵中士戰歿者皆詔使弔祭或以贈官推授子弟顯慶後討伐恩賞殆絕及破百濟平壤有功者皆不甄敘州縣購募不願行身壯家富者以財參逐率得避免所募皆僿劣寒慙無關志仁軌具論其弊請加慰資以鼓士心又表用扶餘隆使綏定餘眾帝乃以隆為熊津都督時劉仁願為卑列道總管詔率兵度海使代舊屯與仁軌俱還仁軌曰國家懸軍海外欲以經略高麗方農時而吏與兵悉被代新至者未習萬一蠻夷生變誰與捍之不如留舊兵令收穫辦具資糧節級遣還仁軌當留未可去仁願不可曰吾但知準詔耳仁軌曰不然苟利國家知無不為臣之節也因陳便宜願留屯詔可由是以仁願為不忠始仁軌任帶方州謂人曰天將富貴此翁邪乃請所頒屠及宗廟諱或問其故答曰當削平遼海願示本朝正朔卒皆如言及封泰山仁軌乃率新羅百濟僭羅倭四國酋長赴會天子大悅擢為大司憲遷右相兼檢校太子左中護累功封樂城縣男總章元年為熊津道安撫大使兼溟江道總管副李勣討高麗平之以疾辭位進金紫光祿大夫聽致仕俄召為隴州刺史拜太子左庶子同中書門下三品監修國史咸亨五年為雞林道大總管東伐新羅仁軌率兵絕瓠蘆河攻大鎮七重城破之進爵為公及兄子授上柱國者三人州黨榮之號所居為樂城鄉三柱里俄拜尚書左僕射兼太子賓客仍知政事吐蕃入寇命為洮河道行軍鎮守大使永隆三年加太子少傅數乞骸骨聽解左僕射帝幸東都太子監國詔仁軌與裴炎薛元超留輔及太子赴東都又詔

太孫重昭留守仁軌副之武后臨朝復拜左僕射太孫廢仁軌專知留守事上疏辭疾因陳呂后祿產禍敗事以規后后遣武承嗣齋靈書慰勉改文昌左相同鳳閣鸞臺三品卒年八十五詔百官赴哭冊贈開府儀同三司并州大都督陪葬乾陵賜其家實封三百戶仁軌雖貴顯不自矜倨接舊故如布衣時嘗為御史袁異式所劾慢辱之舊使引決及拜大司憲異式尚在臺不自安因醉以情自解仁軌持觴曰所不與公者有如此觴後既執政薦為司元大夫然官由州縣至宰輔善致聲譽得吏下歡心及鎮洮河奏請機急多為李敬玄抑卻仁軌乃表敬玄為帥以代已果覆其眾裴炎下獄仁軌方留守京師郎將姜嗣宗以使來因語炎事且曰炎異於常久矣仁軌曰使人知邪曰知及還表嗣宗知炎反狀不告武后怒拉殺之子璿官太子舍人垂拱中為酷吏所殺中宗即位以仁軌有東宮舊再贈司空璿子晃開元中為給事中表請立碑追諡曰文獻

裴行儉字守約絳州聞喜人父仁基隋光祿大夫自王世充所謀歸國被害贈原州都督諡曰忠行儉幼引蔭補弘文生貞觀中舉明經調左屯衛倉曹參軍時蘇定方為大統軍謂曰吾用兵世無可教者子其人乎乃盡畀以術遷長安令高宗將立武昭儀行儉以為國家憂從此始與長孫无忌褚遂良祿議大理袁公瑜搃語昭儀母左除西州都督府長史麟德二年擢累安西都護西域諸國多慕義歸附召為司文少卿遷吏部侍郎與李敬玄馬載同典選有能名時號裴馬舊書云時稱裴李行儉始設長名榜銓注等法又定州縣升降資擬高下為故事上元三年吐蕃叛出為洮州道左二軍總管改秦州

右軍並受周王節度儀鳳二年十姓可汗阿史那都支及李遮旬誘蕃落以動安西與吐蕃連和朝廷欲討之行儉議曰吐蕃叛洩方熾敬玄失律審禮喪元安可更為西方生事今波斯王死其子泥涅師質京師有如遣使立之即路出二蕃若權以制事可不勞而功也帝因詔行儉冊送波斯王且為安撫大食使經莫賀延磧風磧書其導者迷將士饑乏行儉止營致祭令曰水泉非遠眾少安俄而雲徹風恬行數百水草豐美後來者莫識其處眾皆驚以方漢貳師將軍至西州諸蕃郊迎行儉召豪傑千餘人自隨揚言大熱未可以進宜駐軍須秋都支規知之不設備行儉徐召四鎮酋長偽約略謂曰吾念此樂未始忘孰能從吾獵者於是子弟願從者萬人乃陰勒部伍數日倍道而進去都支帳十餘里先遣其所親問安否外若閒暇非討襲者又使人趣召都支都支本與遮旬計及秋拒使者已而聞軍至倉卒不知所出率子弟五百餘人詣營謁遂禽之是日傳契箭召諸部酋後悉來請命竝執送碎葉城簡騎騎齎襲遮旬道獲遮旬使者釋之俾前往諭其主并言都支已禽狀遮旬乃降悉俘至京師將吏為刻石碎葉城以紀功帝遣勞宴曰行儉提孤軍深入萬里兵不血刃而叛黨禽夷可謂文武兼備矣其兼授二職即拜禮部尚書兼檢校右衛大將軍調露元年突厥阿史德溫傅反單于管二十四州叛應之眾數十萬都護蕭嗣業討賊不克死敗係踵詔行儉為定襄道行軍大總管討之率太僕少卿李思文營州都督周道務部兵十八萬合西軍程務挺東軍李文暉等總三十餘萬旗幟亘千里行儉威節制之先是嗣業饋糧數為虜鈔軍餒死行儉曰

以謀制敵可也因許為糧車三百乘車伏壯士五輩齎陌刀勁弩以羸兵挽進又伏精兵踵其後虜果掠車羸兵走險賊驅就水草解鞍牧馬方取糧車中而壯士突出伏兵至殺獲幾盡自是糧車無敢近者大軍次單于比暮已立營壘壕既周行儉更命從營高岡吏白土安堵不可擾不聽促徒之比夜風雨暴至前占營所水深丈餘眾莫不駭歎問何以知之行儉曰自今第如我節制毋問我所知也謹案通鑑輯覽 御批行儉於各五壯士當為一千五百人虜以為糧車擊三百乘必紛紛散行前後不齊且此驅行之際虜豈不覺必待取糧而後千五百人者齊自車中躍出無擊是謂為之期會記者欲奇其事而不自覺其必無是理致人疑笑矣又下營當避溪壑水險必至之處行圍亦然有何賊拒奇而致諸將之驚服行儉且自以為神益足鄙耳賊拒黑山數戰皆敗行儉縱兵前後殺虜不勝計偽可汗泥熱嗣為其下所殺持首來降又擒大首領奉職而還餘黨走狼山行儉既還阿史那伏念偽稱可汗復與溫傅合明年行儉還總諸軍頓代州之陘口縱反間說伏念令與溫傅相貳伏念懼密送款且請縛傅自效行儉祕不布密以聞後數口煙塵漲天而南斥埃惶駭行儉曰此伏念執溫傅來降非他也且受降如受敵乃敕嚴備遣單使往勞旣而果然於是突厥餘黨悉平帝悅遣戶部尚書程知梯勞軍初行儉許伏念以不死侍中裴炎害其功建言伏念為程務挺張虔勗晉逐又磧北回紇逼之計窮而降卒斬伏念及溫傅於都市行儉之功不錄封聞喜縣公行儉歎曰渾濬之事古今恥之但恐殺降則後無復來矣遂稱疾不出永淳元年十姓突厥車薄叛復為金牙道大總管未行卒年六十四贈幽州都督諡曰獻昭皇太子遣官護視家事子孫自立乃停中宗即位再贈揚州大都督行儉工草隸名家帝嘗以緡

素詔寫文選覽之祕愛其法貨物良厚行儉每曰稽遂
良非精華佳墨未嘗輒書不擇筆墨而妍捷者余與虞
世南耳所誤選譜草字雜體數萬言又為營陣部伍料
勝負別器能等四十六訣武后詔武承嗣就第取去不
復傳行儉通陰陽曆術每戰豫道勝日善知人在吏部
時見蘇味道王勣謂曰二君後皆掌銓衡李敬玄盛稱
王勃楊炯盧照鄰駱賓王之才引示行儉行儉曰士之
致遠先器識後文藝如勃等雖有才而浮躁銜露豈草
爵祿者哉炯頗沈默可至令長餘皆不得其死所引偏
裨若程務挺張度最崔智晉王方翼党金毗劉敬同郭
待封李多祚黑齒常之類為世名將傑奏至刺史將軍
者數十人嘗賜馬及珍鞍令私馳馬馬蹶鞍壞懼而
逃行儉招還之不加罪初李都支遮旬獲寶不貲蕃
酋將士願觀焉行儉因宴偏出示坐者有碼碯盤廣二
尺文采粲然軍吏趨跌盤碎惶怖叩頭流血行儉笑曰
爾非故也何至是色不少吝帝賜都文資產皿金三千
餘物橐駝馬牛稱是行儉分給親故泊麾下數日輒盡
子光庭

光庭字連城早孤母庫狄氏有婦德武后召入宮為御
正甚見親寵光庭由是累遷太常丞以武三思壻坐貶
郢州司馬開元中擢兵部郎中鴻臚少卿性靜默寡交
游雖驟歷臺省人未之許既而以職業稱議者更推之
玄宗有事岱宗張說以天子東巡京師空虛恐夷狄乘
間竊發議欲加兵守邊召光庭與謀對曰封禪者所以
告成功也夫成功者德無不被人無不安萬國無不懷
今將告成而懼夷狄非昭德也大興力役用備不虞非
安人也方謀會同而阻戎心非懷遠也此三者名實乖

矣且諸蕃突厥為大貲幣往來願修和好有年矣若遣
一使召其大臣使赴行在必欣然應命突厥受詔則諸
蕃君長必相率而來我偃旗息鼓不復事矣說曰善吾
所不及因奏用其策突厥果遣使來朝東封還遷兵部
侍郎久之拜中書侍郎同中書門下平章事兼御史大

夫遷黃門侍郎拜侍中兼吏部尚書弘文館事士撰搖
山往則維城前軌二篇獻之手制褒美詔皇太子諸王
於光順門見光庭謝所以規諷意光庭又引壽安丞李
融拾遺張琪著作佐郎司馬利賓直弘文館撰續春秋

經傳自戰國訖隋表請天子修經光庭等作傳書久不
就時有建言唐應為金德者中書令蕭嵩請百官普議
光庭以唐符命表著天下久矣不可改亟奏罷之二十
年封正平縣男初知星者言上象變不利大臣請禳之

光庭曰使禳可禳而去則福可祝而來也論者以為知
命卒年五十八贈太師初吏部求人不足以資考為限所
獎拔惟其才往往得俊又任之士亦自奮其後士人猥
眾專務趨競銓品枉撓光庭懲之因行儉長名榜乃為

循資格無賢不肖一據資考配擬又促選限盡正月任
門下省主事閻麟之專主過官凡麟之裁定光庭輒然
可時語曰麟之口光庭手素與蕭嵩輕重不平及卒嵩

奏一切罷之光庭所引盡斥外官博士孫琬以其用循
資格非獎勸之誼諡曰克平舊書通鑑並無平字按諡
制曰平孫琬正取執事有制之義時以為希嵩意帝聞
當有平字為是唐會要亦是克平特賜諡曰忠憲舊書通鑑會
要並作忠獻詔張九齡文其碑

子稹以蔭仕累遷起居郎開元末壽王瑁以母寵欲立
為太子稹陳申生戾園禍以諫玄宗改容謝之詔授給
事中稹曰陛下絕招諫之路為日滋久今臣一言而荷

殊寵則言者將眾何以錫之帝善其讓止不拜授祠
部員外郎卒子倩字容卿歷信州刺史勸民墾田二萬
畝以治行賜金紫服代第五琦為度支郎中卒諡曰節
子均

均字君齊以明經為諸暨尉數從使府辟以才顯張建
封鎮濠壽表團練判官時李希烈以淮蔡叛建封并賊
均參贊之以勞加上柱國襲正平縣男遷累膳部郎中

擢荆南節度行軍司馬就拜荆南節度使劉闢叛先駭
黔巫舊荆楚以固首尾均發精甲三千逆擊之賊望風
奔卻加檢校吏部尚書初均與崔太素俱事中人竇文

場太素嘗晨省文場入臥內自謂待已至厚徐觀後榻
有類仲者乃均也德宗以均任方鎮欲遂相之諫官李
約上疏斥均為文場養子不可汙台輔乃止元和三年

入為尚書右僕射判度支俄檢校左僕射同中書門下
平章事為山南東道節度使累封郇國公以財交權倖
任將相凡十餘年荒縱無法度卒年六十二贈司空

婁師德字宗仁鄭州原武人第進士調江都尉揚州長
史盧承業異之曰子台輔器也當以子孫相談詎論僚
吏哉上元初為監察御史會吐蕃盜邊劉審禮戰敗師

德奉使收敗亡於洮河因使吐蕃其首領論贊婆等自
赤嶺操牛酒迎勞師德喻國威信開陳利害虜為畏悅
後募猛士討吐蕃乃自奮戴紅抹額來應詔高宗假朝
散大夫使從軍有功遷殿中侍御史兼河源軍司馬并
知營田事與虜戰白水澗八遇八克天授初為左金吾
將軍檢校豐州都督衣袴率士屯田積穀數百萬兵
以饒給無轉餽和羅之費武后降書勞之長壽元年召
授夏官侍郎尚書事進同鳳閣鸞臺平章事後嘗謂

師德師在邊必待營田公不可以劬勞憚也乃復以爲河源積石懷遠軍及河蘭鄯廓州檢校營田大使入遷秋官尙書原武縣男改左肅政御史大夫竝知政事證聖中與王孝傑拒吐蕃於洮州戰素羅汗山敗績貶原州員外司馬萬歲通天二年入爲鳳閣侍郎同鳳閣鸞臺平章事後與武懿宗狄仁傑分道撫定河北進納言更封譙縣子隴右諸軍大使復領營田聖曆三年突厥入寇詔檢校并州長史天平軍大總管九月卒於會州年七十贈幽州都督諡曰貞葬給往還儀仗師德長八尺方口博脣深沈有度量人有忤已輒遜以自免不見容色嘗與李昭德偕行師德素豐頤不能遽步昭德遲之恚曰爲田舍子所留師德笑曰吾不田舍復在何人其弟守代州辭之官敎之耐事弟曰人有唾面潔之乃已師德曰未也潔之是違其怒正使自乾耳謹按通鑑師德高而不危滿而不溢處榮寵者自有正道輔覽在夏官笑而受唾豈以直報怨之義師德之言鄙極矣注選選者就按閱簿師德曰容我擇之可乎選者不去乃灑筆曰墨汗爾狄仁傑未輔政師德薦之及同列數擠令外使武后覺問仁傑曰師德賢乎對曰爲將謹守賢則不知也又問知人乎對曰臣嘗同僚未聞其知人也后曰朕用卿師德薦也誠知人矣出其奏仁傑慙已而歎曰婁公盛德我爲所容乃知吾不逮遠矣總邊要爲將相者三十年恭勤樸忠無適莫方酷吏殘鷲人多不免獨能以功名始終與郝處俊相亞世之言長者稱婁郝

列傳

唐十七

史大奈

馮盎智藏

阿史那社余忠

執失思力

契苾何力明

黑齒常之

李謹行

泉男生獻誠

李多祚李湛

論弓仁惟貞

尉遲勝

尙可孤

裴琬

史大奈本西突厥特勒也與處羅可汗入隋事煬帝從

伐遼積勞為金紫光祿大夫後分其部於樓煩高祖興

太原大奈提其眾隸麾下桑顯和戰飲馬泉諸軍卻大

奈以勁騎數百背擊顯和破之軍遂振授光祿大夫從

平長安賞帛五千匹賜姓史從秦王平薛舉王世充竇

建德劉黑闥功殊等積前後賜侍女三雜采萬段貞觀

初擢累右武衛大將軍檢校豐州都督封寶國公食封

戶三百卒贈輔國大將軍

馮盎字明達高州良德人本北燕馮弘裔孫弘不能以

國下魏亡奔高麗遣子業以三百人浮海歸晉弘已滅

業留番禺至孫融事梁為梁州刺史子寶聘越越大姓洗

氏女為妻遂為首領授本郡太守至盎三世矣隋仁壽

初盎為永康令湖成等五州獠叛盎馳至京師請討之

文帝詔左僕射楊素與論賊形勢素奇之曰不意蠻夷

中乃生是人即詔盎發江嶺兵擊賊平之拜漢陽太守

從煬帝伐遼東遷左武衛大將軍隋亡奔還嶺表嘯署

首領有眾五萬番禺新興名賊高法澄洗寶微等受林

士弘節度殺官吏盎率兵破之寶微兒子曰智臣復聚

兵拒戰盎進討兵始合輒釋胄大呼曰若等識我耶眾

委戈袒拜賊遂潰禽寶微智臣等遂有番禺蒼梧朱崖

地自號總管或說盎曰隋季崩蕩海內震騷唐雖應運

而德教未孚嶺越無所係屬公克平二十州地數千里

名位未正請上南越王號盎曰吾居越五世矣牧伯惟

我一姓子女玉帛吾有也人生富貴如我希矣常恐忝

先業尙自王哉武德五年按通鑑亦作五年始以地降高

祖析為高羅春白崖儋林振八州授盎上柱國高州總

管封越國公舊書作封吳拜其子智戴為春州刺史智或為

東合州刺史盎徙封耿貞觀初盎與酋長談殿等迭相

攻擊久未入朝諸州奏稱盎反前後以數十太宗召右

武衛將軍爾暮發江淮卒將討之魏徵諫曰天下初定

嶺南瘴癘險遠不可以宿大兵且盎反狀未成不宜動

眾帝曰告者道路不絕何云反狀未成對曰盎若反必

分兵拒險搶掠州縣今告者已數年而兵不出境此不

反明矣彼為諸州所告懼死不敢入朝若遣信臣示

以至誠彼喜於免禍必自歸按此事舊書不載新書所

新書云人告盎反盎舉兵拒境故太宗出師以魏徵之

言考之亦不合通鑑據太宗實錄及魏文貞公故事當

得其實今用帝乃遣散騎常侍韋叔諧通鑑作散騎喻

之以易本傳帝乃遣散騎常侍韋叔諧通鑑作散騎喻

盎蓋遣智戴入侍帝曰徵一言實於十萬眾時替兵已

出欲遂有功遣副將上蓋可擊狀帝不許罷之五年盎

來朝宴賜甚厚俄而羅寶諸洞獠叛盎率眾二萬為

諸軍先鋒賊據險不可攻盎持弩語左右曰矢盡勝負

可知矣發七矢斃七人賊退走盎縱兵乘之斬首千餘

級帝詔智戴還慰省賞子不可計奴婢至萬人盎善為

治閩簿最擅姦伏得民懼心卒贈左驍衛大將軍荆州

父至洛陽統本部銳兵宿衛煬帝遇弒引其下逃歸時

盜賊多嶺嶠路絕智戴轉戰而前至高源俚帥裔為謀

王會盎至智戴得與盎俱去後入朝帝勞賜加等授衛

尉少卿聞其善兵指雲問曰下有賊今可擊乎對曰雲

狀如樹方辰在一金金利木柔擊之勝帝奇其對累遷左

衛將軍卒贈洪州都督

阿史那社余突厥處羅次子也年十一以智勇聞拜拓

設建牙積北與頡利子欲谷設分統鐵勒回紇僕骨同

羅諸部處羅卒哀毀如禮治眾十年無課斂或勸厚賦

以自奉荅曰部落豐餘於我足矣故首領咸愛之頡利

數用兵社余諫弗納貞觀元年鐵勒回紇解延陀等叛

敗欲谷設於馬獵山社余助擊之弗勝明年將餘眾西

保可汗浮圖城會頡利滅西突厥統葉護又死奚利必

陁陸可汗與泥孰爭國社余引兵襲之得其半國有眾

十餘萬乃自號都布可汗謂諸部曰始為亂破吾國者

延陀也今我據西方而不平延陀是忘先可汗非孝也

事脫不勝死無恨酋長皆曰我新得西方須留撫定今

棄之遠擊延陀延陀未禽葉護子孫將復吾國社余不

從選騎五萬討延陀積北連兵十旬士卒苦久稍潰去延

陀縱擊大敗之乃走保高昌眾纔萬人又與西突厥不

平由是率眾內屬十年入朝舊書作授左驍衛大將軍

處其部於靈州詔尙衡陽長公主為駙馬都尉典衛屯

兵十四年以交河道行軍總管平高昌諸將咸受賞社

余以未奉詔秋豪不敢取見別詔然後受又所取皆老

弱陳弊太宗美其廉賜高昌寶刀雜采千段詔檢校北

門左屯營封畢國公從征遼東中流矢擗去復戰所部

奮厲皆有功還擢兼鴻臚卿二十一年以崑邱道行軍

大總管與契苾何力郭孝恪楊弘禮李海岸等五將軍發鐵勒十三部及突厥騎十萬討龜茲師次西突厥擊處密處真敗之處真通鑑作處月入自焉耆西兵出不意龜茲震恐進屯磧石伊州刺史韓威以千騎先進石騎衛將軍曹繼叔次之至多褐城其王率眾五萬抵戰威陽卻

王悉兵逐北威與繼叔殊死戰大破之社余因拔都城王輕騎遁社余留孝恪守自率精騎追躡行六百里王據大撥換城嬰險自固社余攻凡四十日下之擒其王併下五大城遣左衛郎將權祇甫狗諸酋長示禍福降者七十餘城宣諭威信莫不歡服刻石紀功而還因說

于闐王入朝獻馬畜三百餘軍西突厥焉耆安國皆爭犒師孝恪之在軍牀帷器用多飾金玉以遺社余社余不受帝聞曰二將優劣不復問人矣帝崩請以身殉衛陵寢高宗不許遷右衛大將軍永徽六年卒贈輔國大將軍并州都督陪葬昭陵治家象蔥山諡曰元子道真

歷左屯衛大將軍咸亨初為遷婆道副大總管薛仁貴討吐蕃以援吐谷渾為論欽陵所敗盡失其兵詔有司問狀免死為民

阿史那忠者字義節蘇尼失子也資清謹以功擢左屯衛將軍尚宗室女定襄縣主始詔姓獨著史居父喪哀慕過人會立阿史那思摩為突厥可汗以忠為左賢王及出塞不樂見使人必泣請入侍許焉封薛國公擢右驍衛大將軍四十八年無纖隙人比之金日磾卒贈鎮軍大將軍諡曰貞陪葬昭陵

執失思力突厥酋長也貞觀中護送隋蕭后入朝授左領軍將軍會頡利敗太宗令思力諭降渾斛薩部落稍親近帝遂免苑中思力諫曰陛下為四海父母乃自輕

臣竊殆之帝異其言後復逐鹿思力脫巾帶固諫帝為止及討遼東詔思力屯金山道領突厥并捍延陀延陀兵十萬寇河南思力示羸不與戰賊深入至夏州乃整陣擊敗之追躡六百里會毗伽可汗死耀兵積北而歸復從江夏王道宗破延陀餘眾與平吐谷渾詔尙九江

公主拜駙馬都尉封安國公坐交房遺愛高祖以其戰多赦不誅流蒲州主請削封邑偕往主前卒龍朔中以思力為歸州刺史卒麟德元年復公主封邑贈思力勝州都督諡曰景

契苾何力鐵勒哥論易勿施莫質可汗之孫父葛隋末為莫質咄特勒以地近吐谷渾隘狹多厲喝往去熱海上何力九歲而孤號大俟利發貞觀六年與母率眾千餘詣沙州內屬太宗處其部於甘涼二州擢何力左領軍將軍九年舊書作七年與李大亮薛萬徹萬均討吐谷渾於赦水川萬均率騎先進為賊所包兄弟皆中創墜馬步鬪士死十七八何力馳壯騎圍奮擊虜披靡去是時吐谷渾王伏允在突論川何力欲襲之萬均懲前敗以爲不可何力曰賊無城郭逐薦草美水以爲生不乘其不虞正恐為驚魚駭後無以窺其巢穴乃闔精騎千餘直擣其牙斬首數十級獲橐駝馬牛羊二十餘萬俘其妻子伏允身免有詔勞軍於大斗拔谷萬均恥名出其下乃排何力引功自名何力不勝憤挺刀起將殺之諸將勸止及還帝問其故何力具言萬均敗狀帝怒將解其官授何力何力頓首曰以臣而解萬均官恐四夷聞者謂陛下重夷輕漢則誣告益多又夷狄無知謂漢將皆然非示遠之義帝重其言乃止有詔宿衛北門檢校屯營事尙臨洮縣主十四年為蔥山道副大總管與

討高昌平之始何力母姑臧夫人與弟沙門在涼州沙門為賀蘭都督十六年詔何力往視母於是辭延陀毗伽可汗方強契苾諸酋爭附之乃脅其母使從何力驚謂其下曰上於爾有大恩且遇我厚何遽反皆曰可敦都督去矣尙何顧何力曰弟往待足矣我義許國不可行眾執之至毗伽可汗下何力箕踞拔佩刀東向呼曰有唐烈士受辱賊廷邪天地日月臨鑒吾志卽割左耳誓不屈毗伽怒欲殺之其妻諫而止何力之被執也或讒帝曰何力入延陀如涸魚得水其脫必遽帝曰不然若人心如鐵石殆不肯我會使至言狀帝泣下卽詔兵部侍郎崔敦禮持節許延陀尙主因求何力乃得還投右驍衛大將軍公主任行有日何力陳不可帝曰天子無戲言既許之臣奈何何力曰禮有親迎宜詔毗伽身到京師或謂靈武彼畏我必不來則媾不成而憂憤不知所出下必攜貳不及一年交相疑沮毗伽素狠戾必死死則二子爭國內叛外攜不戰而擒矣帝然之毗伽果不敢迎鬱悒不得志而少子拔酌殺其庶兄突利

夫自立國中亂如其策云帝征高麗詔何力為前軍總管次白崖城中賊稍創甚帝自為傳藥城拔得刺何力者高突勃驍使自殺之辭曰彼爲其主冒白刃以刺臣此義士也犬馬猶報其養況於人乎卒舍之俄以崑邱道總管平龜茲帝崩欲以身殉高宗諭止承徽中西突厥阿史那賀魯以處月處密姑蘇歌邏祿卑矢五姓叛寇延州陷金嶺略蒲類詔何力為弓月道大總管率左武衛大將軍梁建方統秦成岐雍及燕然都護回紇兵八萬討之處月酋朱邪孤注遂殺招慰使果毅都尉單道惠據牢山以守何力等分兵數道攀巔而上爭攻之

道惠據牢山以守何力等分兵數道攀巔而上爭攻之

道惠據牢山以守何力等分兵數道攀巔而上爭攻之

道惠據牢山以守何力等分兵數道攀巔而上爭攻之

道惠據牢山以守何力等分兵數道攀巔而上爭攻之

道惠據牢山以守何力等分兵數道攀巔而上爭攻之

賊大潰孤注夜遁輕騎窮蹙行五百里孤注戰死虜渠帥六十俘斬萬餘牛馬雜畜七萬取虛密時健侯斤台支賀等以歸遷左驍衛大將軍封郿國公顯慶中爲沮江道行軍大總管與蘇定方及右驍衛大將軍劉伯英

伐高麗不克龍朔初復拜遼東道行軍大總管率諸蕃三十五軍進討帝欲自率師繼之次鴨綠水蓋蘇文遣泉男生以精兵數萬拒險莫敢濟會冰合力引兵

謀而濟賊驚遂潰追奔斬首三萬餘級眾降男生脫身走有詔班師時鐵勒九姓叛詔何力爲安撫大使何力以輕騎五百馳入其部虜大驚何力諭曰朝家知而誅

九姓大喜共擒僞渠護及特勒等二百餘人何力數其罪誅之餘眾遂安士卒道死者令所在收瘞蠲護其家未幾蓋蘇文死男生爲弟所逐使子詣請降乃拜何力爲遼東道行軍大總管安撫大使經略之副李勣同

趨高麗勣已拔新城留何力守時高麗兵十五萬屯遼水引棘鞬數萬眾背南蘇城何力奮擊破之斬首萬級乘勝進拔八城引兵還與勣會合攻辱夷大行二城克

之進拔扶餘勣勒兵未進何力率兵五十萬先趨平壤勣繼進攻凡七月拔之虜其王以獻進鎮軍大將軍行左衛大將軍徙封涼州總章儀鳳間吐蕃滅吐谷渾勢益張入寇鄯廓河坊等州詔周王爲洮州道相王爲涼州道行軍元帥率何力等討之二王不行亦會何力卒贈

輔國大將軍并州大都督陪葬昭陵諡曰毅舊書云諡烈子明字若水孺祿授上柱國封漁陽縣公年十三遷奉輦大夫李敬玄征吐蕃明爲拍海道經略使以戰多進左威衛大將軍襲封賜錦袍寶帶它物蕃影擢嫡子三

品官再遷雞田道大總管至烏德韃山誘附二萬帳武后時明及母臨洮縣主皆賜姓武以左鷹揚衛大將軍卒年四十六贈涼州刺史諡曰靖明性淹厚喜學長辯論子聳襲爵

黑齒常之百濟西部人長七尺餘驍毅有謀略爲百濟達率兼風達郡將猶唐刺史云蘇定方平百濟常之以所部降而定方囚老王縱兵大掠常之懼與左右酋長

十餘人遁去嘯合通亡依存山自固不旬日歸者三萬定方勒兵攻之不克常之遂復二百餘城龍朔中高宗遣使招諭乃詣劉仁軌降累遷左領軍員外將軍洋州刺史儀鳳三年從李敬玄劉審禮擊吐蕃審禮敗敬

玄欲引還阻泥溝兵不得出賊屯高壓官軍常之夜率敢死士三百人掩其營殺數百人賊首跋地設棄軍走敬玄出此得還帝歎其才擢左武衛將軍檢校左羽林軍賜金帛殊等進爲河源軍副使調露中吐蕃使贊婆

等入寇屯良非川李敬玄禦之敗常之引精騎三千夜襲其軍斬首二千餘級獲羊馬數萬贊婆等單騎去即拜河源道經略大使因建言河源當賊衝宜增兵鎮守而運饌須廣乃斥地置烽七十所墾田五千頃歲收粟

百餘萬斛由是食衍士精成邊有備永隆二年贊婆營青海常之馳掩其屯破之悉燒糧倉獲羊馬甲首不計詔書勞賜凡茲軍七年吐蕃懼畏不敢盜邊封燕國公垂拱中突厥復犯塞常之率兵追擊至兩井忽與賊遇

賊騎三千方環甲常之見其羸以三百騎突之賊皆棄甲去其幕賊大至常之潛使人伐木列炬營中若烽燧然會風起賊疑救至遂夜遁久之爲燕然道大總管與李多祚王元言等擊突厥骨咄祿元珍於黃花堆破之

追奔四十里賊潰歸磧北會左監門衛中郎將契寶壁欲窮追要功詔與常之共計寶壁獨進爲虜所覆舉軍沒寶壁下吏誅常之坐無功會周興等誣其與右鷹揚將軍趙懷節反捕繫詔獄投縊死常之御下有恩所乘

馬爲士所箠或請罪之答曰何遽以私馬鞭官兵乎前後賞賜分麾下無留貲及死人皆哀其枉李謹行鞞鞞人父突地稽部酋長也隋末率其屬千餘

內附居營州授金紫光祿大夫遼西太守武德初奉朝貢以其部爲燕州授總管劉黑闥叛突地稽身到定州上書秦王請節度以戰功封者國公徙部居昌平高開

道以突厥兵攻幽州突地稽邀擊敗之貞觀初進右衛將軍賜氏李謹行偉容貌勇蓋軍中累遷營州都督家童至數千以貨自雄夷人畏之爲磧石道經略大使欽

陵眾十萬寇遼州堪邏不知謹行聞虜至即植旗伐鼓開門以伺欽陵疑有伏不敢進上元三年破吐蕃於青海鹽書勞勉封燕國公卒贈幽州都督陪葬乾陵

泉男生字元德高麗蓋蘇文子也九歲以父任爲先人遷中裏小兒猶唐謁者也又爲中裏大兄知國政凡辭令皆男生主之進中裏位鎮大兄久之爲莫離支兼三軍大將軍加大莫離支出按諸部而弟男建男產知國

事或曰男生惡君等逼已將除之建產未之信又有謂男生將不納君男生遣謀往男建捕得即矯高藏命召男生懼不敢入男建殺其子獻忠男生走保國內城率其眾與契丹鞞鞞兵內附遣子獻誠訴諸朝高宗拜獻誠右武衛將軍賜乘輿馬瑞錦寶刀使還報詔契苾何力率兵援之男生乃免授平壤道行軍大總管兼持節安撫大使舉哥勿南蘇倉嚴等城以降帝又命西臺舍

人李虔繹就軍慰勞賜袍帶金釵七事明年召入朝詔所過州縣傳合作鼓吹右羽林將軍李同以飛騎仗迎之遷遼東大都督玄菟郡公賜第京師因詔還軍與李勣攻平壤使浮屠信城舊書高麗傳作信成為內開引高麗銳兵潛入禽高藏詔遣子齋手制金卽遊水勞賜還進右衛大將軍下國公賜寶器宮侍女二馬八十儀鳳二年詔安撫遼東并置州縣招流亡平斂賦罷力役民悅其寬卒年四十六帝為舉哀贈并州大都督喪至都詔五品以上官哭之諡曰襄勒碑著功男生純厚有禮奏對明辨善射藝其初至伏斧鑕待罪帝宥之世以此稱焉獻誠天授中以右衛大將軍兼羽林衛武后嘗出金幣命宰相南北右郡臣舉善射五輩中者以賜內史張光輔舉獻誠獻誠讓右玉鈐衛大將軍群吐摩支摩支固辭獻誠曰陛下擇善射者然皆非華人臣恐唐官以射為恥不如罷之后嘉納來俊臣嘗求貨獻誠不答乃誣謀反縊殺之后後知其冤贈右羽林衛大將軍以禮改葬

李多祚其先鞞鞞酋長號黃頭都督後入中國世系湮遠至多祚驍勇善射以軍功累遷右鷹揚大將軍討黑水靺鞨誘其渠長置酒高會因醉斬之擊破其眾室韋及孫禹榮之叛多祚與諸將進討以勞改右羽林大將軍遂領北門衛兵張柬之將誅二張以多祚素感築可動以義乃從容謂曰將軍居北門幾何曰三十年矣將軍擊鐘鼎食貴重當世非大帝恩乎多祚泣數行下曰死且不忘束之曰將軍知感恩則知所以報今在東宮乃大帝子而髮豎擅朝危逼宗社國家廢興在將軍將軍誠有意乎舍今日尚何在答曰苟援王室惟公所使

乃引天地以自誓辭氣毅然束之遂定謀以敬暉李湛為右羽林將軍命總禁兵與多祚王同皎請太子至玄武門斬關入及長生殿按桓彥範傳云時后處迎仙宮之集仙殿二處不同未知孰是白武后曰諸將誅逆臣易之昌宗恐漏大謀不敢豫奏頓首請歸死后病臥顧湛曰我於爾父子不薄亦豫是邪中宗復位封多祚遼陽郡王食實戶五百帝祠太廟特詔多祚與相王登輿夾侍監察御史王覲謂多祚人雖有功不宜共輿輦帝曰朕推以心腹卿無復言崔玄暉等得罪多祚畏禍及故陽厚章氏節愍太子誅武三思多祚與成王千里率兵先至玄武樓下具言所以誅三思狀按兵不戰宮闈令楊思勗方帝帝即挺刀斬其婿羽林中郎將野呼利兵因沮潰多祚為其下所殺二子亦見害籍沒其家景雲初追復官爵并有家屬李湛者義府最幼子字興宗沈厚有度六歲授周王府文學累遷右散騎常侍襲河間郡公武后徙上陽宮留湛宿衛頃之復為右散騎常侍賜鐵券三思惡之貶果州刺史歷洛絳二州累遷右領軍大將軍開元十年卒贈幽州都督初義府以立武后故得宰相而湛為中興功臣不以其父惡為貶云

論弓仁本吐蕃族也父欽陵世相其國聖歷二年弓仁以統吐渾七千帳自歸授左玉鈐衛將軍封酒泉郡公神龍三年為朔方軍前鋒游奕使時張仁愿築三受降城弓仁以兵出諸真水草心山為避衛開元初突厥九姓亂弓仁引軍渡漠瀚白檉林收火拔部喻多真種落降之跋跌思太叛戰赤柳澗弓仁騎才五百自新堡進時賊四環之眾不敵弓仁椎牛誓士自若再宿憤圍出人服其壯凡閱大小戰數百未嘗負賜寶玉甲第良田

等同列莫與比累遷左驍衛大將軍朔方副大使會病玄宗遣上醫馳視卒年六十六贈掖川郡王諡曰忠孫惟貞惟貞名瑒以字行志向恢大開元末為左武衛將軍肅宗在靈武以衛尉少卿募兵綏銀闕旬眾數萬從還鳳翔遷光祿卿為元帥前鋒討擊使戰陝州以功進殿中監史思明攻李光弼於河陽周摯以兵二十萬陣城下惟貞請銳卒數千鑿數門出自旦及午苦戰破之光弼表為開府儀同三司光弼討史朝義以惟貞守徐州賊將謝欽讓據陳乃假惟貞潁州刺史斬賊將降者萬人封蕭國公實封百戶光弼病表以貞代擢左領軍衛大將軍為英武軍使卒

尉遲勝本王子闡國天寶中入朝獻名玉良馬玄宗以宗室女妻之授右威衛將軍毗沙府都督歸國與安西節度使高仙芝擊破薩毗播仙累進光祿卿祿山反勝使弟囉攝國事身率兵五千赴難國人共留勝勝以少女為質而行肅宗嘉之拜特進兼殿中監廣德中進驛騎大將軍遣還固請留宿衛加開府儀同三司封武都郡王實封百戶勝請授國於囉詔可勝既留乃穿築池觀厚賓客士大夫多從之游從德宗之興元為右領軍將軍歷睦王傳貞元初曜上言國中以嫡承嗣今勝讓國請立其子銳帝欲遣銳襲王勝固辭以曜久行國事人安之銳生京華不習其俗不可遣當是時兄弟讓國人莫不賢之睦府除徒原王傳卒贈涼州都督尚可孤字可孤東郡鮮卑宇文之別種世處松漠開天寶末隸范陽節度使安祿山復事史思明上元中自賊所歸累受左右威衛大將軍封白水縣伯為神策大將

以功試太常卿徙封馮翊郡王食實戶一百五十魚朝
恩主衛兵器其勇養爲子名智德使將兵三千屯扶風
武功歷十餘年隊伍閑整朝恩死詔賜氏李名嘉勳李
希烈叛擢爲招討應援荆襄使復本姓名累戰有功朱
泚之難召可孤可孤率兵三千道襄鄆而西屬賊銳乃
壁七盤僞將仇敬忠等來寇可孤擊卻之遂收藍田德
宗將遷梁州命引兵守灊上拜神策京畿渭南商州節
度招討使敬忠拒戰可孤急擊斬之進軍與李晟收長
安爲先鋒以功加檢校尚書右僕射封馮翊郡王食實
戶二百又會諸軍進討李懷光次沙苑卒於軍贈司空
舊書作司徒可孤性謹審沈壯既有勳勞未嘗自論功御眾
公嚴晟數稱之

裴玢五世祖糾本王疏勒武德中來朝拜鷹揚大將軍
封天山郡公留不去遂籍京兆玢初事金吾將軍論惟
明爲僉力德宗在奉天以功封忠義郡王從惟明鎮鄜
坊署牙將後節度使王棲曜卒中軍將何朝宗夜縱火
作亂玢獨匿不出遲明禽朝宗以待命有詔并軍司馬
崔略斬之以同州刺史劉公濟領節度擢玢爲司馬踰
年公濟卒乃授玢節度使元和三年徙山南西道玢爲
治嚴稜畏遠權勢不務貢奉蔬食敝衣居處取避風雨
而已倉庫完實百姓安之當世將帥未有及者以疾辭
位入朝不事騶仗妻乘竹輿二侍婢黃碧縑服七年卒
贈尚書左僕射諡曰節

欽定續通志卷二百十七

列傳

唐十八

郭孝恪

張儉

王方翼

蘇定方

薛仁貴

高程務挺

王孝傑

唐休璟

張仁愿

王峻

郭孝恪許州陽翟人少有志節隋亂率少年數百附李密密喜謂曰世言汝穎多奇士不謬也使與李勣守黎陽密敗勣遣孝恪送款封陽翟郡公拜宋州刺史詔與勣經略武牢以東所定州縣委以選補竇建德之援洛也孝恪上謁秦王進計曰王世充力竭計窮其面縛可跂足待建德悉眾遠來糧餉阻絕殆天亡時也若固守武牢以軍汜水逐機應變禽珍必矣王然之賊平置酒大會洛陽宮語諸將曰孝恪策禽賊王長先下漕功固在諸君右遷上柱國歷真趙江涇四州刺史所至有能名改左驍衛將軍累加金紫光祿大夫貞觀十六年拜涼州都督改安西都護西州刺史其地高昌舊都流徙罪人與鎮兵雜處限以沙磧隔絕中國孝恪推誠撫御盡得其歡心初王師滅高昌詔以所虜焉耆生口七百還焉耆王王叛歸欲谷設可汗孝恪請擊之即拜西州道行軍總管率步騎三千出銀山道夜襲其王龍突騎支虜之帝悅降璽書褒勞俄拜崑邱道副大總管進討龜茲破其國城乃自留守遣餘軍分道進龜茲國相那利遁去孝恪以餘部未平出營於外國人有謂孝恪曰那利得土心今亡在外勢必為變城中頗有異志願公備之孝恪怒其言不設備那利果率眾陰與城內胡為

應薄城鼓譟始覺之乃率千餘人合戰城中舉應那利孝恪殊死鬪中流矢卒子待詔亦歿將軍曹繼叔進兵復拔其城太宗責孝恪斥城不明至顯覆奪其官後愍死戰更為舉哀高宗即位追還官爵贈待詔游擊將軍賻物三百段次子待封官左豹騎衛將軍咸亨初副梓仁貴討吐蕃戰大非川敗績貸死為民

張儉字師約京兆新豐人隋相州刺史皖城郡公威孫父植車騎將軍連城縣公儉高祖從外孫也舊書作高祖起儉以功除右衛郎將遷朔州刺史時頡利可汗方疆每有求取所遺書輒稱詔數邊奉承不敢卻及儉獨拒不受大教民營田歲收穀數十萬斛雖霜旱勸百姓相振贍免飢殍州以完安李靖既平突厥有思結部者窮歸於儉儉受而安輯之其在磧北者親戚私相過省儉不禁示羈縻而已儉徙勝州後將不察其然遠奏思結叛朝廷議進討時儉以母喪奪服為使者撫納之儉單騎入其部召酋帥慰諭推腹心咸匍匐歸命因舉徙代州遂檢校代州都督儉勸墾田力耕歲數稔私蓄富貴儉恐虜易驕乃建平糶法入之官虜悅喜由是儲斛流羸遷營州都督兼護東夷校尉坐事免詔白衣領職營州部與契丹奚靺鞨諸蕃切咿高麗引眾入寇儉率兵破之俘斬略盡復拜營州都督太宗將征遼東遣儉率蕃兵先進略地至遼西川漲久未渡帝以為畏懦召還見洛陽官陳水草美惡山川險易并久不進狀帝悅拜行軍總管使領諸蕃騎為六軍前鋒時高麗候者言莫離支且至帝詔儉自新城路邀擊虜不敢出儉進度遼趨建安城破賊斬數千級累封皖城郡公後改東夷校尉官為都護府即以儉為都護永徽初加金紫

光祿大夫卒年六十諡曰密儉兄大師太僕卿華州刺史武功縣男弟延師左衛大將軍范陽郡公性謹良典羽林兵三十年未嘗有過卒贈荊州都督諡曰敬陪葬昭陵儉兄弟三人門皆立戟時號三戟張家

王方翼字仲翔并州祁人祖裕隋州刺史尚同安大長公主官開府儀同三司卒諡曰文方翼早孤哀毀如成人時號孝童母李為主所斥居鳳泉墅方翼尚幼雜傭保執苦不棄日墾田植樹治林塋堅完牆屋燂松丸墨為富家主薨還京師嘗夜行見長人丈餘引弓射仆之乃朽木也太宗聞擢右千牛高宗立而從祖女弟為皇后調安定令誅滅大姓姦豪脅息徙瀚海都護司馬坐事下遷朔州尚德府果毅歲餘代還居母喪哀瘠甚帝遣侍醫療視其友趙持滿誅死尸諸道親戚莫敢視方翼曰樂布哭彭越義也周文王掩骼仁也絕友義蔽主仁何以事君遂往哭其尸具禮收葬金吾劾繫帝怒之不罪再遷肅州刺史州無墜塹寇易以攻方翼乃發卒建樓堞斯多樂水自環烽邏精明儀鳳間河西蝗獨不至方翼境而它郡民或餓死皆重繭走方翼治下乃出私錢作水碓簿其贏以濟飢瘵構舍數十百楹居之全活甚眾芝產其地表行儉討遮旬奏為副兼檢校安西都護徙故都護杜懷寶為庭州刺史方翼築碎葉城面三門紆還多趣以詭出入五旬畢西域胡縱觀莫測其方略悉獻珍貨未幾徙方翼庭州刺史而懷寶自金山都護更鎮安西遂失蕃戎之和永淳初十姓阿史那車簿嘍叛圍弓月城方翼引軍戰伊麗河敗之斬首千級俄而三姓咽麴兵十萬踵至方翼次熱海進戰矢著臂引佩刀斷去左右莫知所部雜虜謀執方翼為內應方

翼悉召會軍中厚賜以次出壁外縛之會大風雜金鼓而號譟無聞者殺七千人即遣騎分道襲咽麴等皆驚潰烏鶻引兵遁去禽首領突騎施等三百人西戎震服初方翼次葛水暴漲師不可度沈祭以禱師涉而濟又七月次葉河無舟而冰一夕合時以爲祥西域平以功遷夏州都督屬牛疫民廢田作方翼爲耨耕法張機鍵力省而見功多百姓順賴明年召方翼議西域事引見奉天宮賜食帝前帝兒衣有汗濯處問其故具對熱海苦戰狀視其劍帝咨嗟久之賜賚良厚俄而妖賊白鐵余以綏州反詔方翼與程務挺討之飛槍擊賊火其柵平之封太原郡公阿史那元珍入寇被詔進擊時庫無完鎧方翼斷六板畫虎文鈞聯解合賊馬忽見奔駭遂敗獲大將二因降桑乾舍利二部武后時王后屬無在者方翼自視功多翼不坐而后內欲因罪除之未得也及務挺被殺即并坐方翼追入朝捕送獄流崖州卒於道年六十二神龍初復官爵方翼善書與魏叔琬齊名子珣字伯玉與兄瑛弟瑑以文學稱時號三王天授初珣及進士第應制科遷藍田尉以拔萃擢長安尉因進見武后召問刑政嘉之詢其族氏對曰廢后臣之姑也后不悅左遷亳州司法參軍神龍初爲河南丞武三思矯制貶臨川令宋璟輔政召授侍御史出許州長史歲旱珣時假刺史事開廩振民即自劾玄宗赦之累遷工部侍郎而珣至中書舍人珣嘗爲祕書少監數年而珣繼職終右散騎常侍卒贈戶部尚書諡曰孝子錡天寶中歷右補闕殿中侍御史瑑子錡自有傳

五從父戰數先登陷陣豈卒代領其眾破劇賊張金稱楊公卿追北數十里自是賊不入境鄉黨賴之貞觀初爲匡道府折衝從李靖襲突厥頡利于積口率二百騎爲前鋒乘霧行去賊一里許霧霽見可帳馳殺數百人頡利及隋公主惶窘各遁去靖亦尋至餘黨悉降再遷左衛中郎將與程名振討高麗破之拜右屯衛將軍臨清縣公從程知節征賀魯至鷹娑川賀魯率二萬騎來拒總管蘇海政連戰未決鼠尼施等復引二萬騎爲援定方始休士見塵起率精騎五百踰嶺馳擣賊營賊眾大潰殺千餘人所棄鎧仗牛馬藉藉山野不可計副總管王文度嫉其功謬謂知節曰賊雖走軍死傷者眾今當結陣外向置輜重於中人馬被甲賊來即戰是謂萬全又矯稱別奉聖旨以知節恃勇輕敵使文度節制遂收軍不許深入於是馬羸卒勞無鬪志定方說知節曰天子詔討賊今反自守何功之立且公爲大將而闕外之事不得專顧副將乃得專之理有不其然胡不囚文度待天子命不從至恒篤城有胡人降文度猥曰比我師還此輩復作賊不加殺之取其貲定方曰此乃自作賊耳及分財定方一不取高宗知之乃高宗顯慶元年事新書作太宗誤今改比比知節等還悉下吏當死貨爲民擇定方伊麗道行軍大總管復征賀魯以任雅相回紇婆濶爲副出金山北先擊慮木昆部破之俟斤賴獨祿擁眾萬帳降定方撫之發其千騎并回紇萬人進至曳陁河賀魯率十姓兵十萬拒戰輕定方兵少舒左右翼包之定方令步卒據高嶺稍外向親引勁騎陣北原賊三突步陣不能入定方因其亂擊之鏖戰三十里斬首數萬級賊大奔明日振兵復進五弩失畢舉眾降賀魯獨與處

木昆屈律啜數百騎西走定方令副將蕭嗣業回紇婆濶率雜虜兵趨那羅斯川追北定方與雅相領新附兵絕其後會大雪吏請少休定方曰虜恃雪方止舍謂我不能進若縱使遠遁則莫能禽遂勒兵進至雙河與彌射步真合距賀魯所百里下令陣而行薄金牙山賀魯將敗定方縱擊破其刃下數千人悉歸所部賀魯走石國彌射子元爽以兵與嗣業會縛賀魯以還由是修亭障列蹊墜定疆畛問疾收膏唐之州縣極西海矣高宗臨軒定方戎服奉賀魯以獻策功拜左驍衛大將軍刑國公別封子慶節爲武邑縣公會思結關侯斤都曼先鎮諸胡劫所部及疏勒未俱波喝槃陀三國復叛詔定方還爲安撫大使率兵至葉葉水而賊保馬頭川定方選精卒萬人馬三千襲之晝夜馳三百里至其所都曼驚戰無素遂大敗走馬保城師進攻之都曼計窮遂面縛降俘獻於乾陽殿有司請論如法定方頓首請曰臣向論陛下意許以不死願句其命帝曰朕爲卿全信乃宥之蔥嶺以西遂定加食邢州鉅鹿三百戶遷左武衛大將軍出爲神邱道大總管通鑑考異云舊書定方傳道大總管今從此年率師討百濟自城山濟海至熊津寶錄及新唐書本紀新羅傳皆云定方爲熊津口賊瀕江屯兵定方出左淮乘山而陣與之戰賊敗死者數千王師乘潮而上舳艫銜尾進鼓而謀定方將步騎夾引直趨真都城賊傾國來酣戰破之殺虜萬人乘勝入其郭王義慈及太子隆北走定方進圍其城義慈子奉自立爲王率眾固守義慈之孫文思曰王與太子出而叔豈得擅爲王若王師還我父子安得全遂率左右絕城下人多從之奉不能止定方使士登城建唐旗幟於是秦開門請命其將爾植與義慈降隆及諸城送

款百濟悉平倅義慈隆泰等獻東都定方所滅三國皆生執其王賞賚珍寶不勝計加慶節尙董奉御未幾定方爲遼東道行軍大總管俄徙平壤道破高麗之眾於俱江奪馬邑山爲營遂圍平壤會大雪解圍還拜涼州安集大使以定吐蕃吐谷渾乾封二年卒年七十六帝悼之責謂侍臣曰定方於國有功當褒贈若等不言何邪乃贈左驍衛大將軍幽州都督諡曰莊

柳曰夫有高世之材要須遇時乃發今天子自征遼東求猛將此難得之時君孟圖功名以自顯富貴還鄉葬未晚仁貴乃往見將軍張士貴應募至安地會即將軍劉君弔爲賊所圍仁貴馳救之斬賊將係首馬鞍賊皆懼伏由是知名王師攻安市城高麗莫離支遣將高延壽等率兵三十萬拒戰倚山結屯太宗命諸將分擊之仁貴恃驍悍欲立奇功乃著白衣自標顯持戟腰鞭兩弓大呼赴賊所向披靡軍乘之賊遂奔潰帝望見遣使馳問先鋒白衣者誰曰薛仁貴帝召見嗟異賜金帛口馬甚眾授遊擊將軍雲泉府果毅令北門長上師還帝謂曰朕舊將皆老欲擢驍勇付閭外事莫如卿者朕不喜得遼東喜得卿也遷右領軍中郎將高宗幸萬年宮山水暴至夜突玄武門宿衛皆散走仁貴曰當天子緩急安可懼死遂登門大呼以警宮內帝遽出乘高俄而水入帝寢帝曰賴卿以免始知有忠臣也賜以御馬蘇定方討賀魯仁貴上疏曰臣聞兵出無名事故不成明其爲賊敵乃可服今泥熟爲賀魯所破虜係妻子漢兵有於賀魯部落轉得其家口者宜悉取以還厚加賚遣使百姓知賀魯爲暴而陛下至德也帝納之遂還其家屬

泥熟請隨軍效死顯慶三年詔副程名振經略遼東破高麗於貴端城斬首二千級明年與梁建方契苾何力遇高麗大將溫沙多門戰橫山仁貴獨馳入所射皆應弦仆又戰石城有善射者殺官軍十餘人仁貴怒單騎突擊賊弓矢俱廢遂生禽之俄與辛文陵被契丹於黑山執其王阿卜固獻東都拜左武衛將軍封河東縣男詔副鄭仁泰爲鐵勒道行軍總管將行宴內殿帝曰古善射有穿七札者卿試以五甲射焉仁貴一發洞貫帝大驚更取堅甲賜之時九姓眾十餘萬令驍騎數十來挑戰仁貴發三矢輒殺三人於是虜氣懾皆降仁貴慮爲後患悉坑之轉討積北餘眾僞爲葉護兄弟三人以歸軍中歌曰將軍三箭定天山壯士長歌入漢關九姓

逐衰鐵勒有思結多覽葛等部先保天山及仁泰至懼而降仁泰不納虜其家以賞軍賊相率遁去有候騎言虜輜重畜牧被野可往取仁泰遂騎萬四千卷甲馳絕大漠至仙萼河不見虜糧盡還人飢相食比入塞餘兵纔二十之一仁貴亦取所部爲妾多納賂遺爲有司劾奏以功見原乾封初高麗泉男生內附遣將軍龐同善高侃往慰納弟男建率國人拒擊乃詔仁貴率師爲後援同善至新城夜爲虜襲仁貴擊之斬首數百級同善進次金山軍敗高麗乘勝進仁貴擊虜斷爲二眾即潰斬賊五千拔南蘇木底蒼巖三城遂會男生軍手詔勞勉仁貴負銳提卒二千進攻扶餘城諸將以兵寡勸止仁貴曰在善用不在眾身帥士遇賊輒破殺萬餘人拔其城因旁海略地與李勣軍合扶餘既降它四十城相率送款威震遼海有詔仁貴率兵二萬與劉仁軌鎮平壤拜本衛大將軍封平陽郡公檢校安東都護移治新

城撫孤存老檢制盜賊隨材任職褒崇節義高麗士眾皆欣然忘亡咸亨元年吐蕃入寇命爲邏娑道行軍大總管率將軍阿史那道真郭待封擊之以援吐谷渾待封嘗爲鄯城鎮守與仁貴等夷及是恥居其下頗違節度初軍次大非川將趨烏海仁貴曰烏海地險而瘴吾入死地可謂危道然速則有功遲則敗今大非嶺寬平可置二柵悉內輜重留萬人守之吾倍道掩賊不整滅之矣乃約齋至河口遇賊破之多所殺掠獲牛馬萬計進至烏海城以待援待封初不從領輜重進吐蕃

牽眾二十萬邀擊取之糧仗盡沒待封保險仁貴退軍大非川吐蕃益兵四十萬來戰王師大敗仁貴與吐蕃將論欽陵約和乃得還吐谷渾遂沒仁貴歎曰今歲在庚午星在降婁不應有事西方鄧艾所以死於蜀吾固知必敗有詔原死除名爲庶人未幾高麗餘眾叛起爲雞林道總管復坐事貶象州會赦還帝思其功乃召見曰疇歲萬年宮微卿我且爲魚前日殄九姓破高麗爾功居多人有言向在烏海城下縱虜不擊以至失利此朕所恨而疑也今遠西不寧瓜州路絕卿安得高枕不爲朕指麾邪於是拜瓜州長史右領軍衛將軍檢校代州都督率兵擊突厥元珍於雲州突厥問曰唐軍爲誰曰薛仁貴突厥曰吾聞薛將軍流象州死矣安得復生仁貴脫兜鍪見之突厥相視失色下馬羅拜稍稍遁去仁貴因進擊大破之斬首萬級獲生口三萬牛馬稱是永淳二年卒年七十贈左驍衛大將軍幽州都督官給舉喪還鄉里

曰義倉本備水旱安可絕眾人之仰私一家報上不與會俊臣得罪亦止後突厥擾河北武后以訥世將詔攝左威衛將軍安東道經略使對同明殿具言醜虜馮暴以廬陵王藉言今雖還東宮眾未堅信若此命不易賊不討而解后納其言俄遷幽州都督安東都護改并州長史檢校左衛大將軍訥久處邊有戰功開元初玄宗講武新豐詔訥為左軍節度時諸部頗失序唯訥與解琬軍不動帝令輕騎召之至軍門不得入禮成尤見慰勞明年契丹突厥連和數入邊訥建議請討詔監門將軍杜賓客定州刺史崔宣道與訥帥眾二萬出檀州賓客議方暑土負戈羸糧深入寇境慮無功姚元崇亦持不可訥獨曰夏草薦茂蒸犢方息不費饋餼因盜資振國威靈不可失也天子方欲夸威四夷喜奇功乃聽訥言而授紫微黃門三品以重之師至灤河與賊遇諸將不知如為虜覆盡亡其軍訥脫身走而罪宣道及大將李思敬等八人有詔斬以徇獨賓客免盡奪訥官爵俄而吐蕃大酋達延乞力徐等眾十萬寇臨洮入蘭州剽牧馬詔訥白衣攝羽林將軍為隴右防禦使與王峻擊之追及賊戰武階驛角劫之破其眾尾北至洮水又戰長城堡殺虜數萬禽其酋六指鄉彌洪悉收所掠及仗械不貲時帝欲自將北伐及訥大克乃止行命紫微舍人倪若水即軍陟功狀拜訥左羽林大將軍復封平陽郡公以子暢為朝散大夫又授涼州鎮軍大總管赤水建康河源邊州皆隸節度俄為朔方行軍大總管久之以老致仕卒年七十二贈太常卿諡曰昭定訥性沈勇寡言其用兵臨大敵益壯弟楚玉開元中為范陽節度使以不職廢生子嵩

嵩生燕薊聞氣豪邁不肯事產利以膂力騎射自將豫安祿山亂晚為史朝義守相州僕固懷恩破朝義長驅河朔嵩震懼迎拜軍門懷恩釋之奏為檢校刑部尚書相衛洛邢等州節度使方大亂後人亦厭禍嵩謹奉職頗有治名大曆初封高平郡王實封二百戶號其軍為昭義遷檢校尚書右僕射更封平陽七年卒贈太保詔其弟嵩知留後事累加檢校太子少師十年為其將裴志清所逐以兵歸田承嗣嵩奔洛州請入朝降服待罪銀臺門赦之乃分其地以嵩族子擇為相州刺史雄衛州刺史堅洛州刺史承嗣誘雄亂不從遣客刺殺之初嵩好蹴鞠隱士劉鋼勒止曰為樂甚眾何必乘危邀譽刻歡嵩悅圖其形坐右嵩子平

平字坦塗年十二為磁州刺史父喪軍吏以故事晉知留務偽許之已而讓嵩夕以喪歸累授右衛將軍宿衛三十年宰相杜黃裳擢為汝州刺史治有風績王師討蔡絛左龍武大將軍授鄭滑節度使數戰有功始河溢狐子東泛滑距城纔二里所平按求故道出黎陽西南因命其左裴弘泰往請魏博節度使田弘正弘正許之乃籍民田所當者易以它地疏道二十里以醴水悍還墺田七百頃於河南自是滑人無患入為左金吾衛大將軍未幾復帥鄭滑李師道平詔分淄青齊登萊五州為平盧軍從平為節度使王庭湊圍牛元翼棣州危詔平出援平遣將李叔佐率兵二千往刺史王稷餽餉陘狹眾潰而歸推突將馬士端為帥劫屯士萬人薄州堞城中兵寡平悉公帑家資募銳卒二千迎戰以奇兵掩賊輜重賊狼顧遂大敗降餘黨平引謀亂者二千人斬堂皇下脅從皆縱還田里威震一方詔遷檢校尚書右

僕射封魏國公在鎮六年兵盡完礪舊賊均一寶曆初入朝民鄣路願留數日得出拜檢校司空河中絳隰節度使復得隸晉慈二州益兵三千進檢校司徒更封韓召拜太子太保以司徒致仕卒年八十贈太傅

子從字順之以蔭授左清道率府兵曹參軍累遷汾州刺史隄文谷瀘河二水引灑公私田汾人利之徙濮州儲粟二萬斛以備凶災於是山東大水詔右司郎中趙樛為振郵使樛表其才擢將作監終左領軍衛上將軍贈工部尚書

程務挺洛州平恩人父名振隋大業末仕竇建德為普樂令盜不跡境俄棄職自歸高祖詔授示靈令使率兵經略河北即夜襲鄴縣俘男女千餘人以歸去數舍闕婦人方乳者九十餘人還之鄴人感其仁劉黑闥陷洛州名振與刺史陳君賓自拔歸母妻為賊所得名振率眾千餘掠冀貝滄瀛等州邀擊糧道悉毀賊水陸餉具黑闥怒殺其母妻賊平請手斬黑闥以其首祭母拜營州長史封東平郡公賜物二十段黃金三百兩轉洛州刺史太宗征遼東召問方略不合旨帝勃然詰之名振辯對益詳帝意解謂左右曰房玄齡常在朕前見朕噴餘人色不能主名振生平未識我一且請讓而辭吐不屈奇士哉拜右驍衛將軍平壤道行軍總管攻沙卑城破獨山陣皆以少擊眾號為名將遷營州都督兼東夷都護擊高麗於貴端水焚其新城歷晉蒲二州刺史鑣方道總管卒贈右衛大將軍諡曰烈務挺少從父征討以勇力聞拜右領軍衛中郎將破突厥六萬騎於雲州會偽可汗阿史那伏念叛總管李文暉等三將以次奔敗詔裴行儉討之以務挺副檢校豐州都督時伏念屯

金可山務挺與副總管唐玄表引兵赴之伏念懼乃間道降於行儉故裴炎以為非行儉功遷務挺右武衛將軍封平原郡公綏州部落稽白鐵余據城平叛建偽號署置百官進攻綏息大弒殺官吏火區舍詔務挺與夏州都督王方翼討之務挺生禽白鐵余進左驍衛大將軍檢校左羽林軍副聖初與右領軍大將軍張虔勗等謀廢中宗立豫王為皇帝累被裴炎以左武衛大將軍為單于道安撫大使禦突厥務挺善綏御士服其威愛突厥憚之不敢盜邊裴炎下獄務挺密表申治又素與唐之奇杜求仁善或言務挺與炎及徐敬業潛相援結后遣左鷹揚將軍裴紹業即軍中斬之籍其家突厥聞務挺死率相慶為立祠每出師輒禱焉

王孝傑京兆新豐人少以軍功進儀鳳中劉審禮討吐蕃孝傑以副總管戰大非川為虜執贖普見之曰貌類吾父故不死歸之武后時為右鷹揚衛將軍孝傑居虜中久悉其虛實長壽元年為武威道總管與阿史那忠節討吐蕃克龜茲于闐疏勒碎葉等城武后曰貞觀中西境在四鎮其後不善守棄之吐蕃今故土盡復孝傑功也乃遷左衛大將軍進夏官尚書同鳳閣鸞臺三品清源縣男諡聖初復為朔方道總管與吐蕃戰不利免會契丹李盡忠等叛有詔起白衣為清邊道總管將兵十八萬討之軍至東碓石谷與賊接道隘虜眾孝傑率銳兵先驅出谷整陣與賊戰而後軍總管蘇宏暉以其軍退援不至為虜所乘軍潰孝傑墮谷死士相蹂且盡時張說以管記還白狀具陳孝傑乃心國家敢深入以少當眾雖敗功可錄也乃贈夏官尚書耿國公以其子無擇為朝散大夫遣使者斬宏暉使未至而宏暉已立

功遂贖罪

唐瑋字休璟以字行京兆始平人曾祖規為後周驃騎大將軍休璟少孤授身於馬嘉運傳禮於賈公彥舉明經高第為吳王府典籤改營州戶曹參軍會突厥誘奚契丹叛都督周道務以兵授休璟破之於獨護山數賊多遷朔州長史永淳中突厥圍豐州都督崔智辯戰死朝廷議棄豐保靈夏休璟以為不可上疏曰豐州控河遏寇號為襟帶自秦漢以來常郡縣之土田良美宜耕牧隋季喪亂不能堅守乃遷就靈慶戎羯交侵始以靈夏為邊界貞觀末募人以實之西北一隅得以完固今而廢之則河傍地復為賊而有靈夏亦不足自安非國家利也高宗從其言垂拱中遷安西副都護會吐蕃破焉着安息道大總管韋待價等敗休璟收其潰亡以定西土授靈州都督乃陳方略請復四鎮武后遣王孝傑拔龜茲等城自休璟倡之聖曆中授涼州都督右肅政御史大夫持節隴右諸軍副大使吐蕃大將趨莽布支率騎數萬寇涼州人洪源谷休璟以兵數千臨高望之見賊旗鎧鮮明謂麾下曰吐蕃自欲陵死獲婆降莽布支新將兵欲以示武且其下皆貴臣酋豪子弟騎雖精不習戰吾為諸君取之乃被甲先登六戰皆克斬二將獲首二千五百築京觀而還吐蕃來請和既宴使者屢覘休璟后問焉對曰洪源之戰是將軍多殺臣士卒其勇無比今願識之而後異擢為右武威金吾二衛大將軍西突厥烏質勒與諸蕃不和舉兵相攻安西道閉武后詔休璟與宰相計議不少選畫所當施行者既而邊州建請屯置盡如休璟策后曰恨用卿晚進拜夏官尚書同鳳閣鸞臺三品后謂楊再思李嶠姚元崇等曰休

璟練知邊事卿輩十不當一改太子右庶子仍知政事會契丹入塞復以夏官尚書檢校幽營等州都督安東

都護時中宗為皇太子休璟將行進啟曰舅之兄弟恩寵過幸數入禁闈非人臣所宜願加防察帝復位召授輔國大將軍同中書門下三品酒泉郡公謂曰初欲召公計事以有北狄憂前日直言今未忘也加特進尚書右僕射賜邑戶三百封宋國公是歲大水上疏自劾免不許累遷檢校吏部尚書景龍二年致仕未幾復起為太子少師同中書門下三品監修國史景雲初以特進為朔方行軍大總管備突厥停舊封別賜百戶明年復請老給一品全祿延和元年卒年八十六贈荊州大都督諡曰忠休璟以儒者號知兵自碣石踰四鎮其開縣地幾萬里山川夷坦障塞之要皆能言之故行師料敵未嘗敗初得封以賦絹數千散賜其族又出財數十萬大為塋墓盡葬其五服親當時稱重惟張仁愿議築受降城而休璟獨謂不可卒就之而漠南無虜患始致仕已踰八十猶託倚權近求復用於是賀婁尚宮方用事附者輒榮赫休璟乃為子娶其義女故復起宰相頗為時所譏其當國亦無它裨益云子先慎至陳州刺史先擇為石金吾衛將軍

張仁愿華州下邽人本名仁直以睿宗諱音近避之有文武材武后時累遷殿中侍御史御史郭弘霸者舊書作郭稱后乃彌勒佛身又鳳閣舍人張嘉福王慶之請以武承嗣為皇太子遷仁愿聯章仁愿正色拒之後王孝傑為吐刺軍總管與吐蕃戰不利仁愿監其軍因入言狀孝傑坐免擢仁愿侍御史萬歲通天中監察御史孫承景監清邊軍戰還自圖先鋒當矢石狀武后數曰御

史乃能如是乎擢為右肅政臺中丞詔仁愿即敘其麾下功臣愿先問承景破敵曲折承景實不行所問皆窮仁愿劾奏承景罔上虛列虜級貶為崇仁令以仁愿代為中丞檢校幽州都督默啜寇趙定還出塞仁愿以兵邀之賊引去矢著其手武后遣使勞問賜藥傅注遷并州都督長史神龍中進左屯衛大將軍兼檢校洛州長史會穀貴多盜仁愿一切捕殺積府門畿旬震懾無敢犯先是賈敦頤嘗為長史有政績時人為之語曰洛有前賈後張敵京三王三年朔方軍總管沙吒忠義為突厥所敗詔仁愿攝御史大夫代之既至賊已去引兵踵擊夜掩其營破之始朔方軍與突厥以河為界北

匪有拂雲祠突厥每犯邊必先謁祠禱解然後糾兵度河時默啜悉兵西擊突騎施娑葛仁愿請乘虛取漠南地於河北築三受降城絕虜南寇路唐休璟以為兩漢以來皆北守河今築城虜腹中終為所有仁愿固請中宗從之表留威滿兵以助功威陽兵二百人地歸仁愿禽之盡斬城下軍股栗役者盡力六旬而三城就以拂雲為中城南直朔方西城南直靈武東城南直榆林三壘相距各四百餘里其北皆大磧也斥地三百里而遠又於牛頭朝那山北置烽燧千三百所自是突厥不敢踰山牧馬朔方益無寇歲損費億計減鎮兵數萬初建三城也不置壘門曲敵賊格或曰邊城無守備可乎仁愿曰兵貴攻取賤退守寇至當併力出拒敢回望城者斬何事守備退怯其心哉後常元楷代為總管始築壘門議者益重仁愿而輕元楷景龍二年拜左衛大將軍同中書門下三品封韓國公春還朝秋復督軍備邊帝為賦詩祖道賞賚不貲遷鎮軍大將軍睿宗立乃致仕

加兵部尚書廩祿全給開元二年卒贈太子少保仁愿為將號令嚴將吏信伏拔邊撫師賞罰必直功罪後人思之為立祠受降城出師輒享焉宰相文武兼者當時稱李靖郭元振唐休璟仁愿云在朔方奏用御史張敬忠何鸞長安尉寇泚郭尉王易從始平主簿劉體微分總軍事太子文學劉彥昭為管記義烏尉晁良貞為隨機皆著稱後至大官世名仁愿知人子之輔至趙州刺史張敬忠自監察御史累遷吏部郎中開元七年拜平盧節度使

王峻滄州景城人後徙洛陽父行果為長安尉知名峻弱冠擢明經第調清苑尉歷除殿中侍御史會朔方元帥魏元忠討賊不利劾奏副將韓思忠敗律當誅峻以思忠偏裨權不已制且其人勇智可惜不宜獨誅固爭得釋峻亦出為渭南令景龍末授桂州都督州有兵舊常仰餉衛承峻始築羅郭罷戍卒埭江水開屯田數千頃以息轉漕百姓賴之後求歸上冢州人詣闕留有詔往往羅寇暴戶口彫瘵宜即留以須政成在桂踰期年州人勾刻石頌德初劉幽求放封州廣州都督周利貞必欲殺之道出峻所峻知其故留不遺利貞移書督趣幽求懼曰勢且難全正恐累君奈何峻曰公之坐非朋友所絕峻在終不忍公無罪就死俄崔湜等誅幽求復執政故詔幽求為刻石辭遷鴻臚少卿充朔方軍副大總管安北大都護豐安定遠等城並受節度進太僕少卿龍右羣牧使開元二年吐蕃以精甲十萬寇臨洮次大來谷其酋全達延以兵踵而前峻率所部二千與臨洮軍合料奇兵七百易胡服夜襲去賊五里令曰前遇寇士大呼鼓角應之賊驚疑伏在旁自相鬪死者萬計

俄而詳訥至武階距大來二十里賊陣兩軍開互一舍而近峻往迎訥夜使壯士銜枚塵突虜駭引去追至洮水敗之俘獲如積以功加銀青光祿大夫清源縣男兼原州都督以子班為朝散大夫又進并州都督長史明年突厥默啜為拔曳固所殺其下多降分置河曲既而小殺繼降降者稍稍叛去峻上言突厥向以國亂款塞降附與部落本無嫌隙今徒處河曲使內伺邊罅久必為患比者不受要約兵已屢動擅作烽區閉障行李虜脫南牧降帳必與連衡以相應接表裏有敵雖韓彭孫

吳無所就功請至農隙令朔方軍大陳兵召酋豪告以禍福昭以金繒且言南方麋鹿魚米之饒並遷置淮右河南寬鄉給之程糧雖一時之勞然不二十年漸服諸華料以充兵則皆勁卒議者若謂降狄不可以南處則高麗舊俘置之沙漠之曲西域編夷散在青徐之右何獨降胡不可徒歎臣復料議者必曰故事置於河曲前日已盡今無獨異且往者預利破亡邊鄙安定故降戶不生他心今虜未殄滅此降人又皆威屬固不與往年同臣請以三策料之悉其部落置內地獲精兵之實閉點虜之患此上策也亭障之下蕃華參處廣屯戍為備擬費甚人勞下策也置之胡塞滋成禍萌此無策也留待河水恐即有變書未報而虜已叛乃敕峻將并州兵濟河以討之峻開行倍道卷甲舍幕夜趨山谷中遇雪盛恐失期仰天誓曰峻若事君不忠不討有罪天所殛者當自蒙罰士眾何辜心誠忠而天監之則止雪反風以濟戎事須臾雪止時叛胡分二道走峻自東道追及之獲級三千以功遷左散騎常侍朔方行軍大總管改御史大夫蹶跌部及僕固都督勺磨等散保受降城左

右潛引突厥內擾峻密言上盡誘而誅之拜兵部尚書復爲朔方軍大總管九年蘭池胡康待賓據長泉反陷六州詔郭知運與峻討平之封清源公官一子玄宗以宮人賜知運等峻獨不敢取曰臣之事君猶子事父詎有常近鬪掖而臣子敢當乎誓死以免見聽初峻奏朔方兵力有餘願罷知運獨當戍未報而知運至故不協峻所降附知運輒縱擊賊意峻實已乃復叛峻坐貶梓州刺史改太子詹事中山郡公進吏部尚書太原尹代張說爲兵部尚書同中書門下三品充朔方軍節度大使河北河西隴右河東之軍盡屬是冬帝親郊追會大禮峻以水壯請留將兵待邊手救慰勉會有人告許州刺史王喬謀反辭逮峻詔源乾曜張說雜訊無狀以黨與貶蘄州刺史遷定州復以戶部尚書爲朔方軍節度使卒贈尚書左丞相諡曰忠烈峻氣貌偉特時謂爲熊虎相感慕節義有古人風其操下肅壹吏人畏愛始二張之誣魏元忠峻獨上疏申治宋璟曰魏公全矣子再觸逆鱗其殆乎峻曰魏公以忠獲罪苟得辯雖死弗悔峻卒後信安王禕討奚於幽州告捷且言戰時士咸見峻與部將高昭麾兵赴敵天子嗟異戶部郎中陽伯成上疏請封峻墓表異之優其子孫帝乃遣使祭峻廟進諸子官

欽定續通志卷二百十八

欽定續通志卷二百十九

列傳

唐十九

王義方

員半千

韓思彥

蘇安恆

薛登

王求禮

柳澤

馮元常

蔣欽緒

王義方泗州漣水人客于魏孤且窳事母謹甚淹究經術性審特高自標樹舉明經詣京師客有徒步疲于道者自言父宦遠方病且革欲往省困不能前義方哀之解所乘馬以遺不告姓名去由是譽振一時不肯造請貴勢太宗使宰相聽其論於是尙書外郎獨孤慙以儒

顯義方引逮百家異同連折惹直出其上補晉王府參軍直宏文館魏徵異之欲妻以夫人之姪辭不娶俄而徵薨乃娶人問其然曰初不附宰相今感知己故也素善張亮亮抵罪故貶吉安承道南海舟師持酒脯請福義方酌水誓曰有如忠獲戾孝見尤四維廓氛千里安流神之聽之無作神羞是時盛夏濤霧蒸湧既祭天雲

開露人壯其誠吉安介蠻夷便悍不馴義方召首領稍選生徒爲開陳經書行釋奠禮清歌吹籥登陸立人悅順久之徒洹水丞而亮兄子皎自朱崖還依義方將死誣妻子願以尸歸葬義方許之以皎妻少故與之誓於神使奴負輓輅馬載皎妻身步從之既葬皎原武

歸妻其家而告亮亮乃去遷雲陽丞顯慶元年擢侍御史不再旬會李義府私縱囚婦滑于追大理丞畢正義縊死詳見義府傳無敢白其姦義方自以興縣屬不三時拜御史且疾當世附離匪人以欺朝廷內決劾奏意必得罪卽白母母曰昔王母伏劔成陵之誼汝能盡忠吾死

不恨義方卽上言義府於輦轂之下作姦肆虐擅殺六品寺丞就令正義自縊亦由畏義府權勢殺身滅口如此則生殺之威不自主出履霜堅冰漸不可長請下有司雜治正義死狀卽具法冠對仗叱義府下跪讀所言帝方安義府狡佞恨義方以孤士觸宰相貶萊州司戶參軍歲滿不復調往客昌樂聚徒教授母喪隱居不出

卒年五十五義方爲御史時買第後數日喪庭中樹復召主人曰此佳樹得無欠償乎又子之錢其不貪類此始魏徵愛其材也每恨太直後卒以疾惡不容於時既死門人員半千何彥先行喪廬家側三年乃去彥先齊州全節人武后時位天官侍郎

員半千字榮期齊州全節人其先本彭城劉氏十世祖凝之事宋起部郎及齊受禪奔元魏以忠烈自比伍員因自姓員終鎮西將軍平涼郡公半千始名餘慶羈弗通書史客晉州舉童子房玄齡異之對詔高第已能講易老子長與何彥先同事王義方以邁秀見賞義方常曰五百歲一賢者生子宜當之因改今名凡舉八科皆中咸亨中上書高自稱譽不報調武陟尉歲旱勸令殷子良發粟振民不從及子良謁州半千悉發之下賴以濟刺史大怒囚半千於獄會薛元超持節渡河讓太守曰君有民不能恤使惠出一尉尙可罪邪釋之俄舉岳牧高宗御武成殿問兵家有三陣何謂邪眾未對半千進曰臣聞古者星宿孤虛天陣也山川向背地陣也偏伍彌縫人陣也臣謂不然夫師以義出沛若時雨得天之時爲天陣定食約費且耕且戰得地之利爲地陣舉三軍士如子弟從父兄得人之和爲人陣全是則何以戰帝曰善旣對策擢高第歷華原武功尉厥卑劇求

爲左衛曹參軍使吐蕃將行武后曰久聞爾名謂爲古人乃在朝那境外事不足行宜留待制卽詔入閣供奉遷司賓寺主簿稍與邱悅王勣石抱忠同爲宏文館直學士又與路敬滂分日待制顯福門下累擢正諫大夫兼右控鶴內供奉半千以控鶴在古無有而授任者皆浮佞少年非朝廷德選請罷之旨下遷水部郎中會詔擇牧守除棣州刺史復入爲宏文館學士武三思

用事以賢見忌出蒙斬二州刺史半千不願任吏常以文雅粉澤故所至禮化大行睿宗初召爲太子右諭德仍學士職累封平原郡公表句骸骨有詔聽朝朔望半千事五君有清白節開元九年遊堯山沮水閒愛其地遂定居卒年九十四卽葬焉吏民哭野中抱忠長安人善屬文初置右臺職官志光宅元年分臺爲左右自清道率府長史爲殿中侍御史進檢校天官郎中領選清平坐綦連耀伏誅悅河南人亦善論讓仕至岐王傅

韓思彥字英遠鄧州南陽人遊太學事博士谷那律律爲匪人所辱思彥欲殺之律不可舉下筆成章志烈秋霜科擢第授監察御史昌言當世得失高宗夜召加二階待詔宏文館仗內供奉巡察劍南益州高資兄弟相訟累年不決思彥救尉宰飲以乳二人齧肩相泣曰吾乃夷獠不識孝義賴公痛我乃請輟訟至西洱河誘叛蠻降之會蜀大饑開倉振民然後開鹽書褒美使并州有賊殺人主名不立醉胡懷刀而汗訊掠已服思彥疑之晨集童兒數百暮出之如是者三因問兒出亦有問者乎皆曰有之乃物色推訊遂禽真盜後太白書見勸帝修德蒼天譴帝讓中書令李義府曰八品官能言得失而卿言沒富貴主何事邪義府謝罪司農武惟良擅

志四五六五

月并州賦二百萬緡思彥効處死武后為請而免義府與諸武共譖思彥出為山陽丞初尉遲敬德子姓陷大逆思彥按釋其寃至是贈黃金良馬思彥不受至官闕月自免去放蹟江淮間久之補建州司戶參軍帝召問不見卿入今何官邪思彥泣道所以然帝謂宰相此亦太屈復召為御史俄出為江都主簿又徙蘇州錄事參軍罷客汴州張僧徹者廬墓三十年詔表其閭請思彥為頌餉緡二百不受固請為受一匹命其家曰此孝子緡不可輕用上元中復召見思彥久去朝儀矩梗野拜忘蹈舞又詆外戚擅權后惡之中書令李敬玄劾奏思彥見天子不蹈舞負氣鞅鞅不可用時已拜乾封丞故徙朱鸞承遷賀州司馬卒始思彥在蜀引什邡令鄒輝右坐曰公且貴願以子孫諒公比其斥而憚已為文昌左丞子琬

琬字茂貞州舉茂才擢第又舉文藝優長賢員方正連中拜監察御史景雲初按唐會要載此上言國安危在於政政以法暫安焉必危以德始不使焉終治故以智治國國之賊不以智治國國之福貞觀永徽之間農不勸而耕者眾法施而犯者寡在位忠正清白者比肩立罰雖輕而不犯賞雖薄而勸位尊不佞家富不奢學校不厲而勸道佛不懲而戒其故奈何維以王道也自茲以來任巧智斥謬譎趨勢者進守道者退貪冒者謂能清貞者謂孤浮沈者謂黠剛正者謂愚人趨家競風俗淪替其故奈何行以霸道也貞觀永徽之天下亦今日天下道薄相反由治則然今為治者不務省事而務捉搦夫捉搦者法也法而益國設之可也此法令數改行未見益止未見損譬奕者一棊為善而復之者愈善故

日設法不如息事事息則巧不生又言臣竊聞永淳時雍邱令尹元貞坐婦女治道免官令婦女夫役所在有之不知怪也調露時河內尉劉憲父喪人有請其員者有司以為名教不取今且謂為見機太宗朝司農以市木槿倍價抵罪大理孫伏伽言官直貴故百姓直賤臣見司農識大體未聞其過太宗曰善今和市韻刻別名為和而實奪之往者學生佐史里正每一員闕擬者十人今當選者亡匿以免往選司從容有禮今如仇敵賈販耳往官將代儲什物俟其至今交罷執符紛競校在亡往商賈出入萬里今市井至失業往家藏鏹積粟相夸今匿貨以示贏往召募人賈其勇今差勒闔宗逃亡往倉儲盈衍今所在空虛若此者臣竊言之不可悉數夫亂繩已結急引之則不可解今刻薄吏能結者也舉劾吏能引者也而解者卒未見其人願取奇材卓行者量能授官庶有益風化又言仕路太廣故棄農商而趨之一夫耕一婦蠶衣食百人欲儲蓄有餘安可得乎書入不報出監河北軍兼按察使先天中賦絹非時於是殺賤縑益貴丁刑二縑人多徒亡琬移檄罷督乃聞詔可開元中遷殿中侍御史坐事貶官卒

蘇安恆冀州武邑人博學尤明周官春秋左氏學武后末年太子雖還東宮政事一不與大臣畏禍無敢言安恆投匭上書曰陛下膺先聖顧託受嗣子揖讓應天順人二十餘年豈不聞虞舜衰裳周公復辟事乎今太子孝謹春秋盛世使統臨宸極何異陛下身撫天下哉胡不傳位東宮休養聖躬自昔天下無二姓並興且梁河內建昌諸王以親得封恐萬歲後不能良計宜退就公侯任以閒簡又陛下二十餘孫無尺土封非長久計也

請以都督府要州分而王之縱今尚幼且擇立師傅養成德器藩屏皇家書奏后雖猜克不能無感乃召見賜食厚慰遣之明年復諫曰天下者高祖太宗之天下陛下雖居正統實唐舊基今太子年德已盛尚貪有大寶忘母子之恩何施顏面見唐宗廟大帝陵寢哉臣謂天意人事還歸李氏物極則復器滿則傾陛下以臣為忠則擇是而用以為不忠則斬臣頭以令天下書聞不報於是魏元忠為張易之兄弟所構獄方急安恆獨申救曰陛下始革命勤政博謀天下皆以為明王暮年厭怠天下以為暗君元忠位宰相履忠正邪佞之徒嫉之若讎易之兄弟無功無德位勢隆極指馬獻蒲先善善良自元忠下獄人人偶語謂易之交亂且及四國烈士撫髀忠臣鉗口懼迂易之等意徒死無益況賊虜方強賦斂重困而自縱讒慝搖撻還遷臣恐四夷拭目窺覷為邊鄙患百姓託義以清君側逐鹿之人叩關而至陛下何以謝之臣今計者莫若收雷電之威解恢恢之網復爵還位君臣如初則天下幸甚陛下縱不能斬佞臣塞人望且當抑奪榮寵弱其羽翅無使驕驕為社稷之憂疏奏易之等大怒欲殺之賴鳳閣舍人桓彥範等悉力營解乃免神龍初為習藝館內教節愍太子難或議安恆豫謀死獄中睿宗立知其枉詔贈諫議大夫

薛登常州義興人父士通為隋鷹揚郎將江都亂與州民間人嗣安據城拒賊武德初持地自歸授東武州刺史輔公祏反士通與賊將西門君儀戰破之及平封臨汾侯終泉州刺史登賈通文史善議論證該審與徐堅劉子玄齊名調閣中主簿天授中累遷左補闕時選

舉濫甚乃上疏曰比觀舉薦類不以才馳聲假譽互相推引非所謂報國求賢者也古之取士考素行之原詢鄉邑之譽崇禮讓明節義以敦樸為先雕蟲為後故人崇勸讓士去輕浮蓋冀缺以禮讓升而晉人知禮文翁以經術教而蜀士多儒未有上好而下不從者也漢世求才猶徵百行閭里推高然後府寺交辟魏取放達晉先門閥梁陳薦士特尚詞賦隋文帝納李諤之言詔禁文章浮詞時泗州刺史司馬幼之表不典實得罪由是風俗稍改煬帝始置進士等科後生復相馳競赴速趨時縉級小文名曰策學不以指實為本而以浮虛為貴方今舉士尤乖其本明詔方下固已驅馳府寺之廷出入王公之第陳篇希恩奏記誓報故俗號舉人皆稱竟舉竟者自求也循常之人弃疏取附戚施拜伏寢以成風願陛下降明制頒峻科斷無當之游言收實用之良策文試效官武閱守禦昔吳起將戰左右進劔吳子辭之諸葛亮臨陣不親戎服蓋不取弓劍之用也漢武帝聞司馬相如之文恨不與同時及其至也終不處以公卿之位非所任故也漢法所舉之主終身保任揚雄之坐田僕成子之得魏相賞罰之令行則請謁之心絕退讓之義著則貪競之路銷請寬年限以容簡汰不實免官得人加賞自然見賢不隱貪祿不專矣時四夷貢子多在京師及還竝為邊害登諫曰伏見突厥吐蕃契丹往因入侍並被獎過官戎秩步竇門窺圖史成敗熟山川險易狼子辜恩懼為後患昔申公奔齊使子狐庸為吳行人教吳戰陣使之叛楚漢遷五部匈奴於汾晉卒以劉石作難今皇風所覃合議革面由余效忠日禪盡節然臣慮備豫不謹則夷狄稱兵不在方外非貽謀之

道竊謂願充侍子可一切禁絕先在國者不使歸蕃則夷人保疆邊邑無事武后不納久之出為常州刺史屬宣州賊鍾大眼亂百姓潰震登嚴勒守備圍境賴安再遷尚書左丞景雲中為御史大夫僧慧範怙太平公主勢奪民邸肆官不能直登將治之或勸以自安荅曰憲府直枉朝奏暮黜可矣遂劾奏反為主所構出岐州刺史遷太子賓客開元初為東都留守再為太子賓客登本名謙光以與皇太子名同詔賜今名坐子累歸田里家苦貧詔給致仕祿卒年七十三贈晉州刺史王求禮許州長社人武后時為左拾遺監察御史后方營明堂瑠瑯謫怪侈而不法求禮以為瓊臺瑤室之比非所謂茅茨采椽者自軒轅以來服牛乘馬今輦以人負則人代畜上書譏切不報契丹叛使孫萬榮寇河北詔河內王武懿宗禦之懦縮不進賊掠數州去懿宗乃條華人為賊誣誤者數百族請誅之求禮奏曰誣誤之人為虜脅制密素持叛心哉懿宗擁兵數十萬聞敵至走保城邑乃更移禍無辜之人請斬懿宗首以謝河北懿宗大懼乃盡赦其人當是時契丹陷幽州饋輓屈竭左相豆盧欽望請停京官九品以上兩月俸助軍興求禮曰公祿萬鍾正可輟仰祿之人可奈何欽望拒不應既奏求禮歷階進曰天子富有四海何待九品俸使宰相奪之以濟軍國用乎姚璹曰秦漢皆有稅算以佐軍求禮不識大體對曰秦漢虛天下事邊奈何使陛下效之後乃止久視元年三月大雨雪按新書作久視二年元長安無久視二年三月也五行志久視元年三月大雪疑即此事而誤蘇味道等以為瑞率羣臣入賀求禮讓曰季春雨雪為瑞雪則冬月雷豈為瑞雷邪味道

不從既賀者入求禮即厲言今陽氣憤升而陰冰激射此大災也王荒臣佞瑞何自來羣臣震恐后為罷朝然以剛正故仕不達神龍初終衛王府參軍柳澤蒲州解人曾祖亨字嘉禮大業末為王屋長陷李密已而歸京師高祖以外孫寶妻之三遷左衛中郎將壽陵縣男以罪貶邛州刺史進散騎常侍代還數年太宗召見拜光祿少卿亨射獵無檢帝謂曰卿於朕舊且親然多交游自今宜少戒亨由是痛飭厲謝賓客力事終檢校岐州刺史贈禮部尚書幽州都督諡曰恭舊作譚澤風度方嚴景雲中為右率府鎧曹參軍四歲不遷先是中宗時長寧宜城安定諸公主及后女弟昭容上官與其母鄭尚宮柴隴西夫人趙及姻聯數十族皆能降墨敕授官號斜封及姚元崇宋璟輔政白罷斜封官數千員元崇等罷去太平公主盡奏復之澤詣闕上疏曰臣竊見神龍以來紀綱大壞內寵專命外嬖制權因貴憑勢實官鬻爵天下瀕亂幾危社稷陛下耳目所親豈可忘誠且斜封官者皆僕妾私謁迷謬先帝陛下即位之初用元崇等計悉以停廢今又收用天下咸稱太平公主與胡僧慧範以此謀陛下又尚醫奉御彭君慶以巫覡小伎超授三品輕用名器加非其人臣聞賞一人而千萬人悅者賞之罰一人而千萬人勸者罰之惟陛下裁察疏入不報澤入調會有詔選者得言事乃上書曰臣聞危者保其存也亂者有其理也安不忘危理不忘亂則克享天心國家長保夫驕奢起於親貴綱紀亂於寵倖禁之於親貴則天下從制之於寵倖則天下畏親貴為而不禁寵倖撓而不制故政不常令不一則姦詐起而暴亂生焉雖朝施暮戮而法不行矣陛下

欲親與愛莫若安之福之寵祿之過罪之階也非安之也驕奢之淫危之梯也非福之也今儲宮肇建王府復啟願采溫良博聞恭儉忠鯁者為之僚友仍請東宮置拾遺補闕使朝夕講論出入侍從交修不逮又今貴戚

打毬擊鼓飛鷹奔犬狎比胥人盤游敷澤書曰內作色荒外作禽荒惟陛下誕降謀訓勸以學業示之以好惡陳之以成敗則長享福祿矣頃章庶人安樂公主武延秀等可謂貴且寵矣權侖人主威震天下然怙修滅德

神怒人棄豈不謂愛之太極富之太多乎殷鑒不遠在夏后之世睿宗善之拜監察御史開元中轉殿中侍御史監嶺南選時市舶使石威衛中郎將周慶立造奇器以進澤上書曰慶立雕製詭物造作奇器乃治國之巨

靈明王所宜嚴罰者也陛下新即位固宜昭宣菲薄廣示節儉豈可以怪好示四方哉書奏玄宗稱善應遷太子右庶子為鄭州刺史未行卒贈兵部侍郎澤從祖範

爽 範貞觀中為侍御史時吳王恪好田獵範彈治之太宗曰權萬紀不能輔道恪罪當死範進曰房玄齡事陛下猶不能諫止敗獵豈宜獨罪萬紀帝怒拂衣起頃之召謂曰何廷折我範謝曰主聖則臣直陛下仁聖敢不盡

愚帝乃解高宗時歷尚書右丞揚州大都督府長史 爽字子邵父隋時使高麗卒故往迎喪號踊盡哀為夷人所慕貞觀中累遷中書舍人外孫為皇后遷中書侍郎

進中書令皇后挾媚道覺罷為吏部尚書后廢貶愛州刺史許敬宗等構爽通宮掖謀行鳩毒與褚遂良朋黨罪大逆遣使殺之沒其家神龍初乃復官爵子孫親屬緣坐者悉免開元初澤兄渙為中書舍人上言臣從

伯祖爽去顯慶三年與褚遂良等五門同被譴戮雖被原雪而子孫殆盡唯曾孫無忝客籍翼州陛下先天後詔書嘗任宰相並錄其後況臣之伯祖無辜被誅今蒙

宥未還後嗣倚處願許伯祖歸葬孤孫北遷於是詔無忝護喪歸鄉里官給喪事無忝後歷潭州都督馮元常相州安陽人曾祖子球北齊右僕射叔祖慈明

仕隋為內史舍人奉詔討李密為密將所縛身數創密厚禮之情謂曰東都危蹙我欲率四方賢豪建功業幸

亡命至今復圖反噬何邪密囚之俄為翟讓所殺武德初贈吏部尚書諡壯武元常舉明經及第調凌儀尉高

宗時擢累監察御史劾南道巡察使與利除害蜀人甚賴歷尚書左丞嘗密諫帝中宮權重宜少抑帝雖置其

計而內然之由是為武后所惡元常在職修舉識鑿澄遠帝委遇特厚帝不豫詔平章百司奏事武后擅朝嵩陽令樊文進瑞石后暴石朝堂示百官元常奏石妄偽

不可以示羣臣后怒出為隴州刺史會天下岳牧集乾陵后不欲元常得會故道從眉州刺史劒南有光大盜

夜掠人晝伏山谷元常喻以恩信約悔過自新賊相率脫甲面縛賊平轉廣州都督安南酋領李嗣仙劫州縣

詔元常討之率士卒航海馳檄先示禍福賊黨多降元常斬首惡而還雖有功猶以拂旨見怨不錄功凡三徙終不得至京師卒為酷吏周興所陷追赴都下獄死元常闔門雍睦有禮法雖小功喪不御私室神龍中旌其

斥俸餘以給貧窮咸譏其近名元淑曰吾性也不為苦中宗降璽書勞勉付狀史館元淑約潔過於元常然剛直不及也終祠部郎中

蔣欽緒萊州膠水人工文辭擢進士第累遷大常博士中宗始親郊國子祭酒祝欽明建言皇后應亞獻帝疑

之詔禮官議眾曲意阿徇欽緒獨抗言不可諸儒壯其節歷吏部員外郎始韓琬為高郵主簿使京師自負其

才有不遇之言題客舍它日欽緒見之笑曰是子歎後時邪久之琬舉賢良方正欽緒擢其文異等其務薦引

士類此欽緒精治道馭吏整嚴雖銖杪罪不貸出為華州長史蕭至忠自晉州被召過欽緒欽緒本姻家因戒

曰以君才不患不見用患非分而求耳至忠竟及禍開元十三年以御史中丞錄河南囚宣慰百姓振窮之徒

吏部侍郎歷汴魏二州刺史卒 子沈亦博學以孝廉授洛陽尉遷監察御史與兄演浴弟清俱為才吏有名天寶間始尹河南

舊書作長史按是時已改為尹 韓朝宗裴迴嘗委以訊覆檢句處事平允剖斷精當羣僚莫能望也乾元中歷陸渾蓋屋咸陽高陵四縣令美政流行長老紀焉郭子儀軍出其縣救麾下曰蔣沈賢令供億當有素得蔬飯足矣毋撻其清也遷長安令以刑部郎中兼侍御史領渭橋運出納使元載持政守道

士類不遷沈以故滯郎位不得調常袞代相聞士議恨沈屈擢御史中丞東都副留守再遷大理卿持法明審號稱職德宗出奉天沈奔行在為賊所拘欲誘署偽職沈絕食不應命竄伏里中不復見京師平乃出擢右散騎常侍卒年七十四贈工部尚書

與愷同死安祿山亂贈禮部侍郎敬宗時錄其孫郾爲
伊闕令初清蒙難以秩卑不及諡大和初吏部郎中王
高言之朝進諡曰忠

欽定續通志卷二百十九

續通志 卷二百十九 列傳 唐

志四五六九

唐臨 張文瓊 徐有功

唐臨字本德京兆長安人周內史璉之孫其先自北海內徙武德初隱太子討王世充臨以策進說太子引直典書坊授右衛率府鎧曹參軍太子廢出為萬泉丞有輕囚久繫方春農事興臨說今可且出囚使就賦畝不許臨曰若有所疑臨請執其罪令移疾臨悉縱歸與之約囚如期還再遷侍御史大夫韋挺責著位不肅明日挺越次與江夏王道宗語臨進曰王亂班道宗曰與大夫語何至爾臨曰大夫亦亂班挺失色眾皆悚伏俄持節按獄交州出冤繫三千人累遷大理卿高宗嘗錄囚臨占對無不盡帝喜曰為國之要在用法刻則人殘寬則失有罪惟是折中以稱朕意他日復訊餘司斷者輒紛訴不已獨臨所訊無一言帝問故荅曰唐卿斷囚不寬所以絕意帝歎曰為獄者不當若是邪永徵元年拜御史大夫蕭齡之嘗任廣州都督受財當死詔羣臣議請論如法詔戮於朝堂臨建言羣臣不知天子所以議之意在律有八王族戮於隱議親也刑不上大夫議貴也今齡之貪賊狼戾死有餘咎陛下以異於他囚故議之有司又令人死非堯舜所以用刑者不可為後世法帝然之齡之齊高帝五世孫由是免死臨累遷吏部尚書初來濟謫台州李義府謫普州臨奏許禱為江南巡察使張倫劾南巡察使禕與濟善而倫與義府有隙武后常右義府察知之謂臨遺所私督其過坐免官起為湖州刺史卒年六十臨儉薄寡欲不治第宅性寬簡

專務掩人過見妻子必正衣冠

兄岐武德初為秦王府記室從王征討掌書檄貞觀中官吏部侍郎先是選集四時補擬不為限按請以冬初集盡季春止後遂為法按唐會要武德初因隋舊制以十一月起選至春即停至貞觀四年劉林甫為吏部侍郎以選限既促多不究悉遂奏四時選隨到注擬當時以為便貞觀十九年十一月馬周為吏部尚書以四時持衡略無暇休遂奏請取所由周解十一月一日赴省三月三十日登畢按唐書云貞觀八年唐改為吏部侍郎以時漸太平選人稍眾請以冬初一時大集季春奉命而畢至今行用之諸史又云是會要兼存之以示傳疑今新舊唐書並用韋述之說以宋分撰各據所聞取舍不同致有此差互耳終益州長史贈太常卿子之奇給事中坐章懷太子屬徙邊後除括蒼令與徐敬業起兵誅臨孫紹

政裁損凡明器不許列衛路惟陳墓所昏家盛設障車

擁道為戲樂損費動萬計傷化素禮不可示天下事雖不從議者美歎睿宗即位數言政損益再遷給事中兼太常少卿先天二年玄宗講武驪山紹以典儀坐失軍容當斬帝怒甚執蘇下左右猶冀少貸金吾將軍李邕傳傳詔斬之時深告逸帝亦悔俄詔罷邕官擯死於家張文瓊字稚圭貝州武城人大業末徙家魏州之昌樂幼孤事母兄以孝友聞貞觀初第明經補并州參軍時李勣為長史嘗歎曰稚圭今之管蕭吾所不及勣入朝文瓊與屬僚二人皆餞勣贈二人以佩刀玉帶而不及文瓊文瓊以疑請勣曰子無為嫌若某猶豫少決故贈以刀欲其果於斷某放誕少檢故贈以帶俾其守約束君子才無施不可焉用贈因極推引再遷水部員外郎時兄文琮為戶部侍郎於制兄弟不並臺閣出為雲陽令累授東西臺舍人參知政事總章二年遷東臺侍郎同東西臺三品按新舊唐書云傳作乾封二年考本紀及宰相表皆云乾封二年文瓊以東臺舍人參知政事總章二年以東臺侍郎同東西臺三品本傳云乾封乃總章之誤今改正之遂與勣同為宰相俄知左史時事高宗造蓬萊上陽合璧等宮復征討四夷京師養餒馬萬匹帑廩虛文瓊諫曰王者養民逸則富以康勞則怨以叛秦漢廣事四夷造宮室至二世土崩武帝末年戶口減半夫制治於未亂保邦於未危隋監未遠不可不察帝善其言賜繒錦百段為減廩馬數千改黃門侍郎兼太子右庶子又兼大理卿不旬日斷疑獄四百抵罪者無怨言嘗有小疾囚相與齋禱願亟視事時以執法平恕方戴胄後拜侍中兼太子賓客諸囚聞其遷皆垂泣其得人心如此性嚴正未嘗回容諸司奏議悉心糾駁故帝委之或時移疾他宰

相奏事帝必問與文璣議未若不者曰往其壽之或曰已議即皆報可新羅叛帝將出兵討之時文璣病臥家自力請見曰吐蕃盜邊兵屯境未解新羅復叛議者欲出師二虜俱事臣恐人不堪弊請息兵修德以懷異俗詔可初同列以堂饌豐餘欲少損文璣曰此天子所以重樞務待賢才也吾等若不任職當自引避不宜節減以自取名眾乃止卒年七十三贈幽州都督諡曰懿以警事孝敬皇帝詔陪葬恭陵四子潛為魏州刺史沛同州刺史治衛尉卿涉殿中監父子皆至三品時謂萬石張家韋溫誅涉為亂兵所殺

文琮好自寫書筆不釋手子弟諫止曰吾好此不為倦貞觀中為治書侍御史遷亳州刺史永徽初獻文皇帝頌優制褒美拜戶部侍郎坐房遺愛從母弟出為建州刺史州尚淫祀不立社稷文琮下教建壇墮民悅從之卒于官

子錫久視初為鳳閣侍郎同鳳閣鸞臺平章事代其甥李嶠為宰相請遷虜陵王不為張易之之所右與鄭果俱知選坐洩禁中語又賂謝鉅萬下獄武后將斬之既而流循州神龍中累遷工部尚書兼修國史東都留守韋后臨朝詔同中書門下三品未幾出為絳州刺史按新旬日出絳州吳綽糾繆曰據睿宗紀張錫以景雲元年六月壬午同三品至七月壬戌貶絳州刺史乃四十日非旬日也累封平原郡公卒文琮從父弟文收終太子令據改

李更令善音律著新樂書十餘篇徐有功名弘敏避孝敬皇帝諱以字行國子博士文遠孫也舉明經累補蒲州司法參軍襲封東莞縣男為政仁不忍杖罰民服其恩更相約曰犯徐參軍杖者必斥之訖代不辱一人載初元年累遷司刑丞時酷吏周興

來俊臣邱神勣王弘義等構陷無辜皆抵極法朝野震恐莫敢正言獨有功數犯顏爭枉直后屢詰折抑有功爭益牢時博州刺史琅邪王沖責息錢於貴鄉遣家奴督斂因遺書與尉顏餘慶相問會沖坐逆誅魏州人告餘慶豫沖謀后令俊臣鞠治以反狀聞有司議餘慶更承昌救法當流侍御史魏元忠謂餘慶為沖督償通書合謀明甚請誅死籍其家詔可有功曰承昌救令與虺貞同惡魁首已伏誅支黨未發者原之書曰戮厥渠魁律以造意為首尋赦文云已伏誅則魁首無遺餘慶赦後被言是謂支黨今以支為首是以生入死赦而復罪不如勿赦生而復殺不如勿生竊謂朝廷不當爾后怒曰何謂魁首答曰魁首者元謀后曰餘慶安得不為魁首答曰若魁首者虺貞是已既已伏誅餘慶今方論罪非支黨何后意解乃曰公更思之遂免死當此時左右及衛仗在廷階者數百人皆縮項不敢息而有功氣定言詳毅然不撓有韓紀孝者受徐敬業偽官前已物故推事使顧仲琯籍其家詔已報可有功追議曰律謀反者斬身亡即無斬法無斬法則不得相緣所緣之人亡則所因之罪減詔從之如此護有者數千百姓累轉秋官郎中鳳閣侍郎任知古冬官尚書裴行本等七人被誣當死后謂宰相曰古人以殺止殺我今以恩止殺就羣公句知古等賜以再生可乎俊臣張知默固請如法后不許俊臣獨引行本更驗前罪有功奏曰俊臣違陛下再生之賜不可以示信於是悉免死道州刺史李仁褒兄弟為人誣構有功爭不能得秋官侍郎周興劾之曰漢法附下罔上者斬面欺者亦斬在古析言破律者殺有功故出反囚罪當誅請按之后不許猶坐

免官俄起為左肅政臺侍御史天下間有功復進皆欣然相賀時有詔公坐流私坐徒以上會赦免踰百日不首者復論有功奏曰陛下寬殊死罪已發者原之是通改過之心自新之路故律告赦前事以其罪坐之若無告言所犯終不自發如告言赦前事則與律乖今赦前之罪不自言者還以法論思雖布天下而一罪不能貸臣竊為陛下不取后更詔五品以上議可又上疏論天官秋官及朝堂三司理國使愆失言今選曹諉囑公行

露謗滿路獄吏行酷法妄劾斷事表生情法外構理雖朝堂進表列國內牒叫閤弗聽叩岐弗聞使申其冤正增其枉誠令天官銓注有所不非法司推斷舞法深詆三司理國受所上章擁塞不白者皆許臣按驗劾發奪祿貶勞不越月踰時可致刑措后納之竇孝謀妻龐為其奴婢以妖祟教為夜解因告以厭詛給事中薛季昶鞫之龐當死子希城訟冤有功明其枉季昶劾有功黨惡逆當棄市有功方視事令史泣以告有功曰豈獨吾死而諸人長不死邪安步去后召詰曰公比斷獄多失出何邪對曰失出臣小過好生陛下大德后默然龐得減死有功免為民起拜右司郎中轉司刑少卿與皇甫文備同按獄誣有功縱逆黨久之文備坐事下獄有功出之或曰彼嘗陷君於死今生之何也對曰不可以私害公嘗謂大理人命所繫若阿旨詭辭以求苟免天下何望故持平守正執志不渝凡三坐大辟將死泰然不憂赦之亦不喜后以此重之所全活甚眾酷吏由是少

衰改司僕少卿卒年六十八贈司刑卿中宗即位加贈越州都督舊書作越州刺史唐會要亦作都督遣使就第弔祭賜物百段授一子官開元初竇希城等請以己官讓有功子愉以

免官俄起為左肅政臺侍御史天下間有功復進皆欣然相賀時有詔公坐流私坐徒以上會赦免踰百日不首者復論有功奏曰陛下寬殊死罪已發者原之是通改過之心自新之路故律告赦前事以其罪坐之若無告言所犯終不自發如告言赦前事則與律乖今赦前之罪不自言者還以法論思雖布天下而一罪不能貸臣竊為陛下不取后更詔五品以上議可又上疏論天官秋官及朝堂三司理國使愆失言今選曹諉囑公行

露謗滿路獄吏行酷法妄劾斷事表生情法外構理雖朝堂進表列國內牒叫閤弗聽叩岐弗聞使申其冤正增其枉誠令天官銓注有所不非法司推斷舞法深詆三司理國受所上章擁塞不白者皆許臣按驗劾發奪祿貶勞不越月踰時可致刑措后納之竇孝謀妻龐為其奴婢以妖祟教為夜解因告以厭詛給事中薛季昶鞫之龐當死子希城訟冤有功明其枉季昶劾有功黨惡逆當棄市有功方視事令史泣以告有功曰豈獨吾死而諸人長不死邪安步去后召詰曰公比斷獄多失出何邪對曰失出臣小過好生陛下大德后默然龐得減死有功免為民起拜右司郎中轉司刑少卿與皇甫文備同按獄誣有功縱逆黨久之文備坐事下獄有功出之或曰彼嘗陷君於死今生之何也對曰不可以私害公嘗謂大理人命所繫若阿旨詭辭以求苟免天下何望故持平守正執志不渝凡三坐大辟將死泰然不憂赦之亦不喜后以此重之所全活甚眾酷吏由是少

衰改司僕少卿卒年六十八贈司刑卿中宗即位加贈越州都督舊書作越州刺史唐會要亦作都督遣使就第弔祭賜物百段授一子官開元初竇希城等請以己官讓有功子愉以

免官俄起為左肅政臺侍御史天下間有功復進皆欣然相賀時有詔公坐流私坐徒以上會赦免踰百日不首者復論有功奏曰陛下寬殊死罪已發者原之是通改過之心自新之路故律告赦前事以其罪坐之若無告言所犯終不自發如告言赦前事則與律乖今赦前之罪不自言者還以法論思雖布天下而一罪不能貸臣竊為陛下不取后更詔五品以上議可又上疏論天官秋官及朝堂三司理國使愆失言今選曹諉囑公行

報舊德由是自大理司直遷恭陵令會昌中追諡忠正
或稱有功仁恕過漢于張起居舍人盧若虛曰徐公當
雷霆之震而能全仁恕雖千載未見其比五世孫商別
有傳

欽定續通志卷二百二十

續通志 卷二百二十 列傳 唐

志四五七三

列傳

唐二十一

崔義玄 神基 神慶 楊再思 季昭 蘇味道

李嶠 崔融 徐彥伯

李迥秀 韋巨源 竇懷貞 統

宗楚客 紀處誦 祝欽明 郭山僧 蕭至忠

盧臧用 趙彥昭 和逢堯

崔義玄貝州武城人隋亂往見李密密不用河內賊黃君漢為密守柏崖義玄見羣鼠度河稍刃有華文曰此王敦亡兆也因說君漢以城歸乃拜君漢懷州刺史行軍總管以義玄為司馬王世充將高毗寇河內義玄擊走之多下屯堡君漢以所掠子女金帛分之拒不受以功封清邱縣公太宗討世充數用其謀東都平轉隰州都督府長史貞觀初歷左司郎中兼韓王府長史與王友孟神慶俱以介直任承徽中累遷婺州刺史時睦州女子陳碩真舉兵反破睦州攻歙殘之分遣其黨圍婺州義玄發兵拒之時百姓訛言碩真嘗昇天能役使鬼物犯其兵馬者輒滅宗眾皆洵懼司功參軍崔玄籍曰仗順起兵猶無成此乃妖人勢不持久義玄乃署玄籍先鋒而自統眾繼之至下淮戍禽其謀數十人有星墜賊營義玄曰賊必亡詰朝奮擊左右有以盾障者義玄曰刺史而有避邪誰肯死敕去之由是眾為用斬首數百級降其眾萬餘賊平拜御史大夫義玄有章句學先儒疑謬或音故不通者輒采諸家條分節解能是正之高宗詔與博士討論五經正義武氏為皇后義玄贊帝決又以后旨按長孫无忌等誅之終蒲州刺史年七十

續通志 卷二百二十一 列傳 唐

一贈幽州都督諡曰貞后持政贈揚州大都督賜其家實封戶二百子神基神慶

神基襲爵長壽中為司賓卿同鳳閣鸞臺平臺事為酷吏所構流嶺南中宗初稍用為大理卿卒

神慶舉明經武后時累遷萊州刺史入朝待制德歲殿奏事稱旨后以厯官有佳政且其父子已有功擢拜并州長史謂曰并州朕鄉里宿兵多前長史皆尚書為之

今授卿宜知所以委重者乃親為按行圖擇日而遣之神慶始至有詔改錢幣法州縣布下俄而物價踊昂百姓驚擾神慶質其非於朝果蒙猜妄為之后喜下制褒美初州隔汾為東西二城神慶跨水聯堞合而一之歲

省防禦兵數千神基既下獄馳赴都告變得召見后出具獄示之神慶為申理得減死然用是貶歙州司馬長安中累轉禮部侍郎數上疏陳時政轉太子右庶子封魏縣子

是時突厥使者入見皇太子合預朝參有司移文東宮召太子神慶諫曰五品以上佩龜者蓋防徵召之詐內出龜以合之況太子乎古者召太子用玉契此

誠重慎防萌之意不可不察凡慮事於未萌之前故長無悔吝之咎今太子與陛下異宮非朝朔望而別喚者

請降墨敕玉契詔可尋詔與詹事祝欽明更日侍讀東宮厯司刑司禮二卿神慶嘗受詔推張昌宗獄頗闊略

神龍初昌宗伏誅坐流欽州卒五王得罪緣昌宗被流者皆詔原雪贈神慶幽州都督

神慶子琳明政事開元中與高仲舒同為中書舍人侍中宋璟親禮之每所訪逮嘗曰古事問仲舒今事問琳

尚何疑累遷太子少保天寶二年卒祕書監琳長子儼諫議大夫其羣從數十人自興德里謁大明宮冠蓋駟

呵相望每歲時家宴以一榻置笏猶重積其上琳與弟太子詹事珪光祿卿瑤俱列榮載世號三載崔家開元天寶間中外宗屬無總麻喪初玄宗每命相皆先書其名一日書琳等名覆以金甌會太子入帝謂曰此宰相名若自意之誰乎即中且賜酒太子曰非崔琳盧從愿乎帝曰然賜太子酒時兩人有宰相相望帝欲相之數矣以族大恐附麗者眾卒不用

楊再思鄭州原武人第明經調玄武尉累遷天官員外郎歷左右肅政臺御史大夫 新書作御史中丞按本紀八月己巳以左肅政臺御史大夫楊再思為鸞臺侍郎即同鳳閣鸞臺平章事與舊書本傳今從之延載初擢鸞臺侍郎同鳳閣鸞臺平章事尋轉鳳閣侍郎封鄭縣侯遷內史居宰相十餘年阿諛取容無所薦達人主所不喜毀之所善譽之畏慎足恭未嘗忤物或曰公位尊何自屈折答曰世路孔艱直者先禍不爾豈全吾軀於時水滸坊門以禳再思入朝有車陷於濫此牛不前患曰癡宰相不能和陰陽而閉坊門遣我艱於行再思遣吏謂曰汝牛自弱不得獨責宰相張昌宗坐事

司刑少卿桓彥範劾免其官昌宗訴諸朝武后意申釋之問宰相昌宗於國有功乎再思曰昌宗獨陛下丹餌服之有效此實莫大之功后悅昌宗還官自是天下貴彥範而賤再思左補闕戴令言作兩腳狐賦以譏之再思怒謫令言為長社令士愈嶷諛易之兄司禮少卿

同休請公卿宴其寺酒酣戲曰公面似高麗再思欣然翦殺綴申上反披紫袍為高麗舞繁頭舒手舉動合節滿坐鄙笑昌宗以貌倖俾再思每日人言六郎似蓮華非也正謂蓮華似六郎耳其巧諛無恥類如此俄檢校右庶子中宗立拜戶部尚書同中書門下三品京師留

守封弘農郡公加兼揚州長史檢校中書令改侍中鄭國公賜實封戶三百為順天皇后奉冊使武三思誣陷王同皎再思與李嶠韋巨源按獄希意抵同皎死眾以為冤復拜中書令監修國史遷尚書右僕射仍同三品卒贈特進并州大都督陪葬乾陵諡曰恭

弟季昭中茂才第為殿中侍御史武后誅駙馬都尉薛紹宗兄顯為齊州刺史命季昭按之不得反狀后怒放於沙州赦還為懷州司馬

蘇味道趙州樂城人九歲能屬辭與里人李嶠俱以文翰顯時號蘇李建冠州舉進士中第累調咸陽尉吏部侍郎裴行儉才之會征突厥引管書記裴居道為左金吾衛將軍情味道作章攬筆而具開微清密當時盛傳

延載中以鳳閣舍人檢校侍郎同鳳閣鸞臺平章事歲餘為真坐事出為集州刺史俄召拜天官侍郎聖歷初復以鳳閣侍郎同平章事長安元年與張錫俱坐法繫司刑獄錫雖下吏氣象自如味道獨席地飯蔬為危懼

可憐者武后聞之放錫嶺南釋味道案味道與張錫繫獄事舊書不載新書本傳以為證聖元年脫集州刺史時事以本紀及宰相表二人歷官始末考之知本傳誤也吳縝糾謬曰當張錫之初張錫猶未為相味道既集州自有所坐耳與張錫同下獄錫是再入相之後久視長安之間錫離流竄味道獲免未嘗被責也論甚允協今依通鑑載在長安元年奉使幽平等州按察兵馬二年進同鳳閣鸞臺三品更葬其親有詔州縣治喪

事因庸役過程又侵毀鄉人墓田為蕭至忠所劾貶坊州刺史遷益州大都督府長史張易之敗坐黨附貶眉州刺史復還益州長史未就道卒年五十八贈冀州刺史味道練臺閣故事善占奏然其為相特異位未嘗有所發明脂韋自營而已常謂人曰決事不欲明白誤則有悔模稜持兩端可也故世號蘇模稜手性友愛其弟

太子洗馬味元嘗請託不遂因慢折之味道怡然不以為忤有文集行於世

李嶠字巨山趙州贊皇人早孤事母孝為兒時夢人遺雙筆自是有文辭十五通五經辭元起稱之二十擢進士第始調安定尉舉制策甲科遷長安時議尉名文章者駱賓王劉光業嶠最少與等夷授監察御史高宗擊

邕巖二州叛獠詔嶠監軍事入洞喻降之由是罷兵稍遷給事中會來俊臣構狄仁傑李嗣真裴宣禮等獄將抵死救嶠與大理少卿張德裕侍御史劉憲覆驗德裕等內知其冤不敢異嶠曰知其枉不申是謂見義不為

者卒與二人列其枉忤武后后出為潤州司馬久乃召為鳳閣舍人文冊大號令多詔為之初置右御史臺察州縣吏善惡風俗得失嶠上疏曰禁網太疏法象宜簡簡則法易行而不煩雜疏則所羅廣而不苛碎伏見垂

拱時諸道巡察使科條四十有四至別敕令又三十餘條而使以三月出都十一月奏事時限迫促簿書填委奔逐不暇而每道所察吏多者二千少亦千計欲令品

覈褒貶曲盡行能不亦難哉臣願量其功程與以節制使器周於用力濟於時然後得失可以精覈矣又言今所察按準漢六條推而廣之則無不包矣無為多張事

目空費簿書且朝廷幾事常在四方故冠蓋相望郵驛繼踵今巡使已出使凡外州之事悉得專之則傳驛大減矣請率十州置一御史以替歲為之限容其身到屬

縣過閭里督察姦詆采訪風俗然後可課其成功且御史出入天禁其於勵已自修奉職存憲比他吏相百也

按幼回庸糾摭隱欺比他吏相十也陛下誠用臣言妙擇賢能委之心膺莫不盡力效死矣武后善之下制析

天下為二十道擇堪使者為議者所沮竟不行俄知天官侍郎事遷麟臺少監同鳳閣鸞臺平章事遷鸞臺侍郎會張錫輔政嶠其出也罷為成均祭酒俄檢校文昌

左丞留守東都長安三年以本官復為平章事知納言遷內史嶠辭煩劇復為成均祭酒平章事如故武后將建大像於白司馬坂嶠諫造像雖俾浮屠屠錢然非州縣承辦不能濟是名雖不稅而實稅之臣計天下編戶貧弱者眾有賣舍帖田供王役者今造像錢積十七萬緡若頒之窮人家給千錢則紓十七萬戶飢寒之苦德無窮矣不納張易之敗坐附會貶豫州刺史未行改通州數月以吏部侍郎召俄遷尚書神龍二年代韋安石為中書令嶠在吏部時陰欲籍時望復宰相乃奏置員外官數千既見官僚猥眾府庫虛耗乃上書引咎辭職并陳利害十餘事略曰元首之尊居有重門擊柝之衛

出有清警戒道之禁所以備非常息異望也陛下厭崇遠輕尊嚴微服潛遊閱歷過市行路私議朝廷驚懼如禍產意外縱不自惜奈宗廟蒼生何又分職建官不可以濫自帝室中興以不慎爵賞為惠冒級躡階朝陞夕

改正闕不給加以員外內則府庫為殫外則黎庶蒙害非求賢助治之道也請敕有司料其可用者進不可用者退又遠方夷人不堪治事國家向務撫納而官之非

立功首長類糜俸祿願商度非要者一切放還又易稱何以守位曰人何以聚人曰財今百姓之寔不安居處

不可以守位倉儲蕩耗財力傾殫不足以聚人山東病水潦江左困輸轉國匱於上人窮於下如令邊場少疏

盜賊輩起何財召募何眾閑過乎又崇作寺觀功費浩廣今山東歲饑糟糠不厭而投難呢之會收庸調之半

用吁嗟之物以榮土木恐怨結三靈誇蒙四海又比緣
征戎巧詐百出破役隱身規脫租賦今道人私度者幾
數十萬其中高戶多丁黠商大賈跪作臺符驛名偽度
且國計軍防並仰丁口今丁皆出家兵悉入道行租
賦何以備之又重賂貴近補府若史移沒籍產以州縣
甲等改爲下戶當道城鎮至無捉騾者役逮小弱即破
其家願許十道使訪察括舉使姦猾不得容隱又太常
樂戶已多復求訪散樂獨持鼓者已二萬員願量留
之餘勒還籍以杜妄費中宗以其身宰相乃自陳失政
句罷官無所嫁非手詔詰讓嶠惶恐復視事舊書云中
制慰諭而不允與此異三年加修文館大學士封趙
國公以特進同中書門下三品睿宗立罷政事下除俄
州刺史致仕初中宗崩嶠嘗密請相王諸子不宜留京
師及玄宗嗣位獲其表宮中或請誅之張說曰嶠誠懼
逆順然爲當時謀吠非其主不可追罪天子亦願數更
赦遂免貶滁州別駕聽隨子虔州刺史暢之官改廬州
別駕卒年七十嶠富才思有所屬綴人多傳諷武后時
汜水獲瑞石嶠爲御史上皇符一篇爲世譏薄然其仕
前與王勃楊炯接中與崔融蘇味道齊名晚諸人沒而
爲文章宿老一時學者取法焉

崔融字安成齊州全節人擢八科高第累補官門丞崇
文館學士中宗爲太子時選侍讀典東朝章疏武后幸
嵩嶽見融銘跋母碣歎美之及已封即命銘朝覲授
著作佐郎遷右史進鳳閣舍人時有司議關市行人盡
征之融上疏謂周官九賦其七曰關市以市多淫巧而
關通末游欲止抑之故加稅耳然唯斂工商而不及往
來今一切通取則事不師古且四人異業舊矣復動而
搖之市者兼受善惡也若甚則細人無所容細人無所
容久必爲亂天下之關必險道市必要津豪宗惡少在
焉聞一旦變法或致騷動恐南走蠻北走狄今江津河
許列鋪納稅檢復稽留加以主司傲賂觸途淹久失時
廢業人不聊生魏晉齊隋亦所不行況陛下乎后納之
除司禮少卿仍知制誥張易之兄弟頗延文學士融與
李嶠蘇味道麟臺少監王紹宗降節依附易之誅貶袁
州刺史召授國子司業與修武后實錄勞封清河縣子
融爲文華婉當時未有輩者朝廷大筆多手較委之其
洛出寶圖頌尤工撰武后哀冊最高麗絕筆而死時謂
思苦神竭云年五十四贈衛州刺史諡曰文膳部員外
郎杜審言爲融所獎引爲服總麻六子其聞者禹錫翹
禹錫開元中中書舍人翹禮部尚書孫巨右補闕亦有
文曾孫從自有傳

徐彥伯兗州瑕邱人名洪以字顯七歲能爲文結廬太
行山下辟元超安撫河北表其賢對策高第調永壽尉
蒲州司兵參軍時司戶韋皋善判司士李巨工書而彥
伯屬辭時稱河東三絕遷職方員外郎奉迎中宗房州
進給事中武后撰三教珠英取文辭士皆天下選而彥
伯李嶠居首遷宗正卿出爲齊州刺史帝復位改太常
少卿以修武后實錄勞封高平縣子爲衛州刺史政有
善狀璽書嘉勞移蒲州以近畿會郊祭上南郊賦一篇
辭致典縟擢修文館學士工部侍郎歷太子賓客以病
乞骸骨許之開元二年卒彥伯事寡嫂謹撫諸姪同己
子秉筆累朝後來翕然慕效晚爲文稍澀澀然當時不
及也始武后時大獄興王公卿士以語言爲酷吏所引
死徒不可計彥伯著樞機論謂否泰榮辱一繫於言言
以濟身亦以覆身無常階亂不密致危不可不慎以爲
世戒云

李迥秀字茂之太亮族孫也及進士第又中英才傑出
科調相州參軍事累轉考功員外郎武后愛其材遷鳳
閣舍人大定初檢校夏官侍郎領選銓沈沈文武號稱職
進同鳳閣鸞臺平章事張易之兄弟貴驕因撓意諧媚
士論頓減俄坐賊貶廬州刺史易之誅貶衡州長史中
宗即位召授將作少監累遷鴻臚卿修文館學士出朔
方道行軍大總管還拜兵部尚書卒年五十贈侍中迥
秀少聰悟多通賓客喜飲酒雖多不亂當時稱其風流
母少賤妻嘗詈廢婢母聞不樂迥秀即出其妻或問之
答曰娶婦要欲事姑苟違顏色何可留武后嘗遣內人
候其母或迎置宮中後所居堂產芝草大乳鄰貓中宗
以爲孝感旌大門闔子齊損開元中以謀逆誅
韋巨源與安石同系後周京兆尹總曾孫祖貞伯舊書
作匡
伯襲鄆國公入隋改舒國巨源有吏幹武后時累遷夏
官侍郎同鳳閣鸞臺平章事其治委碎無大體句校省
中遺隱下符斂克雖收其利然爲下所怨苦坐李昭德
累貶麟州刺史尋拜地官尚書神龍初以吏部尚書同
中書門下三品時要官缺執政以次用其親巨源秉筆
當除十人楊再思得其一試問餘授皆諸宰相近屬再
思喟然曰吾等誠負天下巨源曰時當爾耳是時雖賢
有德終莫得進士大夫莫不解體會安石爲中書令避
親罷政事尋遷侍中舒國公韋后與敘昆弟附屬籍三
思封戶在貝州屬大水刺史宋璟議免其租巨源以爲
蠶桑可輸絲是河朔人多流徙者景龍二年韋后自言
衣笥有五色雲巨源倡其爲勸中宗宣布天下帝從其

言因是大赦巨源見帝昏惑乃與宗楚客鄭愔趙延禧等推處祥妖陰導韋氏行武后故事俄遷尚書左僕射仍知政事帝方南郊巨源請后為亞獻而自為終獻及臨淄王平諸韋為亂兵所殺年八十睿宗立贈特進荊州大都督博士李處直請諡為昭戶部員外郎李邕以巨源附武三思為相託韋后親屬諡昭為非處直執不改邕列陳其惡不見用然世皆直邕韋氏自安石及武后時宰相待價巨源皆近親其族至大官者又數十人竇懷貞字從一左相德元子少詭激兄弟宗族與馬豪修懷貞獨贏儉致名譽仕累清河令有治狀後遷越州都督揚州長史神龍中進左御史大夫兼檢校雍州長史韋后干預朝政避后父之諱以字稱會咸隆中宗夜宴近臣謂曰聞卿喪妻今欲繼室可乎懷貞唯唯俄而禁中寶扇郭衛有衣翟衣出者已乃后乳媪王所謂莒國夫人者故蠻婢也懷貞納之不辭世謂媪婿為阿蒼懷貞每謁見奏請輒自署皇后阿蒼而人或謂為國蒼軒然不慙以自媚於后又附宗楚客安樂公主等以取貴位為素議所斥名稱盡矣韋后敗斬妻獻其首貶濠州司馬再徙益州長史乃復故名景雲初以殿中監召開月遷左御史大夫同中書門下平章事封中山縣公再遷侍中方太平公主用事懷貞傾已附離日視事退輒詣主第刺取所欲奢宗為金仙玉真二公主營觀費鉅萬諫者交疏不止唯懷貞勸成之躬護役作族弟維鑿諫曰公位上衮當思獻可替否輔天子而計較瓦木雜廁工匠閒使海內何所瞻仰乎不答督繕益急時諱曰前作后國蒼後為主邑丞言事公主如邑官屬也俄罷為左御史大夫踰年復同中書門下三品兼太子詹

事監修國史又以尚書右僕射兼御史大夫軍國重事宜共平章玄宗受內禪進左僕射封魏國公與太平公主謀逆既敗投水死追戮其尸改姓毒氏然生平所得俸祿悉散親族無留畜敗時家惟粗米數石而已性諂詐善諸結權貴宦者用事尤所畏奉或見無須者誤為之禮監察御史魏傳弓嫉中人輔信義劾奏其姦懷貞曰是安樂所信任者奈何繩之傳弓曰王綱壞矣正坐此屬今日殺之明日誅無所悔懷貞猶固止之傳弓者鉅鹿人忠養士也終司農丞懷貞從子兢字思慎舉明經為英王府參軍尚乘直長調鄆令修郵舍道路設冠婚喪紀法百姓德之宗楚客字叔敖其先南陽人曾祖丕後梁南弘農太守梁亡入隋居河東之汾陰故為蒲州人父岌仕魏王泰府與謝偃等撰括地志楚客武后從姊子及進士第累遷戶部侍郎兄秦客垂拱中勸武后革命進為內史而弟晉卿典羽林兵後兄弟並坐姦賊流嶺外歲餘秦客死而楚客等還俄檢校夏官侍郎同鳳閣鸞臺平章事與武懿宗不協會賜將作材營第僭侈過度為懿宗所劾自文昌左丞貶播州司馬晉卿流峯州稍為豫州長史遷少府少監岐陝二州刺史久之復以夏官侍郎同鳳閣鸞臺平章事坐聘邵王妓貶原州都督神龍初為太僕卿鄆國公武三思引為兵部尚書以晉卿為將作俄同中書門下三品韋后安樂公主親賴之與紀處訥為黨世號宗紀景龍二年詔突厥娑葛為金河郡王而其部闕吸思節路楚客等罷之娑葛怨將兵患邊監察御史崔琬廷奏楚客處訥專威福有無君心納境外交

為國取怨晉卿專徇賊私驕恣跋扈並請收付獄三司推鞠故事大臣為御史對仗彈劾必趨出立朝堂待罪楚客乃厲色大言性忠鯁為琬誣詆中宗不能窮也詔琬與楚客處訥約兄弟兩解之故世謂帝為和事天子尋遷中書令韋氏敗與晉卿同誅楚客性明達武后時降突厥奮實力吐敦者部落在平夏會邊書至言吐敦反楚客為兵部員外郎后召問方略對曰吐敦者臣昔與之言其為人忠義和厚且國家與有恩必不反其兄之子默子者焚棹與吐敦不和今言叛疑默子為之然無能為俄而夏州表默子劫部落北奔為州兵及吐敦所擒後張仁愿請築三城議者或不同獨楚客言萬世利也然冒於權利干進不止嘗密語其黨曰始吾在卑位尤愛宰相及居之又思天子南面一日足矣雖外附韋氏而內畜逆謀故卒以敗晉卿雖不學然性惆儻乖拱後武后任之宮苑開殿內外眾作無不總開中獄造明堂鑄九鼎有力焉紀處訥者秦州上邽人其妻武三思婦之姊縱使通三思絲是款呢進為太府卿神龍元年夏大旱穀價騰踊中宗召問所以救人者三思知之陰諷太史迦葉志忠奏是夜攝提入太微近帝座此天子與大臣接有納忠之符帝信之下詔褒美賜處訥衣一副采六十段與楚客並同三品進侍中後伏誅祝欽明字文思京兆始平人父緝字叔良少通經頗著書質諸家疑異門人張後肩既顯官薦于朝詔對策高第終無極尉欽明擢明經為東臺典議永淳天授間又中英才傑出業與六經等科拜著作郎為太子率更令中宗在東宮欽明兼侍讀授太子經兼弘文館中士中

宗復位擢國子祭酒同中書門下三品進禮部尚書封
魯國公食實封戶三百桓彥範崔之暉表恕已敬暉等
皆從受周官大義朝廷尊之以匪親忌日爲御史中丞
蕭至忠所劾貶申州刺史入爲國子祭酒景龍三年天
子將郊欽明與國子司業郭山樞陰迎韋后意謬立議
曰周官天神曰祀地祇曰祭宗廟曰享太宗伯曰凡大
祭祀王后不預則攝而薦豆遵徹追師掌后首服以待
祭祀內司服掌后六服祭祀則供又九嬪凡大祭祀后
祿獻則贊瑤爵然則后當助天子祀天神祭地祇明矣
鄭玄稱闕狄后助王祭羣小祀之服小祀尙助況天地
哉闕狄之上猶有兩服一禕衣二禴狄若是而闕狄既
助祭小祀知禴狄助祭中祀禕衣助祭大祀鄭舉一隅
故不委說且周禮正文凡大祭祀不專言宗廟故云凡
也世婦職但云詔后之禮事亦不專言宗廟又春秋外
傳云禘郊天子親射其牛王后親春其柔祭統曰祭也
者必夫婦親之所以備內外之官哀公問孔子曰冕而
親迎不已重乎答曰合二姓之好以繼先聖之後以爲
天地宗廟社稷主君何謂已重焉則知后宜助祭臣請
因經誼制儀典帝頗以爲疑召禮官實問於是太常博
士唐紹蔣欽緒對欽明所引皆宗廟禮非祭天地者周
隋而上無皇后助祭事帝令宰相參訂紹欽緒又引博
士彭景直其議曰周官所云祀祭享皆互言典瑞兩圭
有邸以祀地則地亦稱祀司几筵設祀先王之胙席則
宗廟亦稱祀內宗掌宗廟祭祀此又非獨天稱祀地稱
祭也傳曰聖人爲能饗帝春秋祭祀以時思之皆互言
也據此則欽明所執天曰祀地曰祭廟曰享未得爲定
明矣又周禮凡言大祭祀者祭天地宗廟之總名不獨

天地爲大祭也鬱人大祭祀與量人受舉學之卒爵尸
與畢皆宗廟之事九嬪職大祭祀后祿獻則贊瑤爵祭
天無祿亦無瑤爵此乃宗廟稱大祭祀之明文欽明所
執大祭祀即爲祭天地未得爲定明矣欽明據大宗伯
之職以謂后有祭天地之禮按經凡祀大神祭大祇享
大鬼若王不與祭祀則攝位此已上一凡兼言王祭天
地宗廟之事下文云凡大祭祀王后不與則攝而薦豆
遵徹此一凡直是后祭宗廟之事爲嫌后有祭天地之
疑故重起後凡以別之耳此足本經科斷明白且內宗
外宗所掌皆佐王后廟薦無佐祭天地語有如助祭天
地誰當贊佐者是則攝薦爲宗廟明甚內司服掌后祭
服無祭天服三禮義宗云后不助祭天地五岳故無其
服又言后有五輅以重翟從祭先王先公以厭翟從饗
諸侯以安車朝夕見王以翟車采桑以輦車游宴按此
后無祭天車明甚歷代史籍郊天祭地代有其禮並不
見皇后助祭之事請稽古志遵舊典時左僕射韋巨源
更傳欽明議帝果用其言以皇后爲亞獻取大臣李嶠
等女爲齋孀奉豆遵禮成詔齋孀有夫者悉進官初后
屬婚上食禁中帝與羣臣宴欽明自言能八風舞帝許
之欽明體肥醜據地搖頭睨自左右顧眄帝大笑吏部
侍郎盧藏用歎曰是舉五經掃地矣景雲初侍御史倪
若水劾奏欽明山樞等腐儒無行以詔伎亂常改作使
曲臺之禮園丘之制百世所傳一朝墮放今聖德中興
不宜使小人在朝請斥遠之以肅周行乃貶欽明饒州
刺史山樞括州刺史欽明於五經爲該淹自見坐不孝
免無以深戒乃附韋氏圖再用又坐是見逐諸儒共
羞之後徙洪州都督入爲崇文館學士卒

郭山樞者河東人善治禮景龍中累遷國子司業帝昵
宴近臣及修文學士詔徧爲伎工部尙書張錫爲潛容
孀舞將作大匠宗晉卿爲渾脫舞左衛將軍張洽爲黃
靡舞給事中李行言歌駕車西河曲餘臣各有所陳皆
鄙黷而山樞奏無所習惟知誦詩乃誦鹿鳴蟋蟀二篇
未畢中書令李嶠以其近規諷止之帝嘉其直下詔褒
答賜服一稱其後與欽明僻論阿世不能終其守久之
復拜國子司業
蕭至忠沂州丞人曾祖德言爲祕書少監按新書云祕
德言非也據
宰相世系表至忠爲德言
曾孫舊書亦並作曾孫
至忠少與友期諸路會雨雪
人引避至忠曰寧有與人期可以失信卒友至乃去眾
歎服仕爲伊闕洛陽尉遷監察御史劾奏鳳閣侍郎蘇
味道賊貪起拜吏部員外郎至忠長擊斷譽聞當時中
宗神龍初爲御史中丞始至忠爲御史而李承嘉爲大
夫嘗讓諸御史曰彈事有不咨大夫可乎眾不敢對至
忠獨曰故事臺無長官御史天子耳目也其所請奏當
專達若大夫許而後論即劾大夫者又誰白哉承嘉慙
至是承嘉爲戶部尙書至忠劾祝欽明實希玠與承嘉
等罪百寮震悚遷吏部侍郎猶兼中丞節愍太子以兵
誅武三思而敗宗楚客等諷侍御史冉祖雍上變言相
王與太子謀帝欲按之至忠泣曰往者天后欲以相王
爲太子而王不食累日獨請迎陛下其讓德天下莫不
聞陛下貴爲天子不能容一弟受人羅織邪竊爲陛下
不取帝納其言止尋授中書侍郎同中書門下平章事
上疏陳時政曰求治之道首于用賢苟非其才則官曠
官曠則事廢事廢則人殘歷代所以陵遲者此也今授
職用人多因貴要爲粉飾上下相蒙苟得是競夫官爵

公器也恩倖私惠也金帛富之樂肉食之以存私澤可也若公器而私用之則公義不行而勞人解體私謁開而正言塞日腹月削卒見彫弊今列位已廣冗員復倍臺閣之內朱紫充滿官秩益輕恩賞彌敷才者不用用者不才又宰相要官子弟竝罕才藝而更相諉託列試榮班臣願陛下愛惜爵賞官無虛授進大雅於樞近退小人於閣左使政令惟一私不害公則天下幸甚且貞

世卿族一舉而滅之可哀也已不喜接賓客以簡儉自高故生平奉賜無所遺施及籍沒珍寶不可計然玄宗賢其為人後得源乾曜亟用之謂高力士曰若知吾進乾曜遠乎吾以其貌言似蕭至忠力士曰彼不嘗負陛下乎帝曰至忠誠國器但晚謬爾弟元嘉工部侍郎廣微工部員外郎

為隨駕隱士晚乃徇權利務為驕縱素節盡矣司馬承禎嘗召至闕下將還山藏用指終南曰此中大有佳處承禎徐曰以僕視之仕宦之捷徑耳藏用慙無子弟若虛多才博物隴西辛怡諫為職方有獲異鼠者豹首虎臆大如拳怡諫謂之鼯鼠而賦之若虛曰非也此許慎所謂鼯鼠豹文而形小一坐驚服終起居即集賢院學士

觀故事宰相子弟多居外職非直抑疆宗亦以擇賢才爾請自宰相已下及諸司長官子弟竝授外官其宦百姓表裏相統帝不納俄為侍中中書令時楚客懷姦植黨而韋巨源楊再思李嶠務自安無所礙正至忠介其間獨不詭隨時望翕然歸重帝亦曰宰相中至忠最憐我韋后嘗為其弟洵與至忠殤文冥婚至忠又以女妻后舅崔從禮子無詖兩家合禮帝主蕭后主崔時謂天子嫁女皇后娶婦唐隆元年以后黨應坐而太平公主

廬藏用字子潛幽州范陽人父瓌魏州長史號才吏藏用能屬文舉進士不得調與兄徵明偕隱終南少室二山學練氣辟穀術長安中詔授左拾遺武后作興泰宮於萬安山上疏諫曰陛下離宮別觀固多矣又窮人力以事土木臣恐議者以陛下為不愛人而奉己也且頃歲穀雖頗登而百姓未有儲蓄陛下東巡西幸訖靡休息斤斧之役歲月不空不因此時施德布化而又廣宮苑臣恐下未易堪今左右近臣以諛意為忠犯忤為患至令陛下不知百姓失業百姓亦不知左右傷陛下之仁也忠臣不避誅震以納君於仁明主不惡切詆以趨名於後之下臣此章與執事者共議可否不從姚元崇持節靈武道奏為管記還應縣令舉甲科為濟陽令神龍中累擢中書舍人數糾駁偽官歷吏部黃門侍郎修文館學士坐親累降工部侍郎進尚書右丞附太平公

趙彥昭字奕然甘肅張掖人父武孟少遊獵以所獲饋其母母泣曰汝不好書而放蕩如是吾安望哉不為食武孟感激遂力學淹該書記自長安丞為右臺侍御史著河西人物志十篇彥昭少豪邁風骨秀爽及進士第調為南部尉與郭元振辟稷蕭至忠善自新豐丞為左臺監察御史景龍中累遷中書侍郎同中書門下平章事金城公主嫁吐蕃以彥昭為使彥昭顧已處外恐權寵奪移不悅司農卿趙履温曰公宰相而為一介使不亦鄙乎彥昭問計安出履温乃為請安樂公主留之遂以將軍楊矩代睿宗立出為宋州刺史坐累貶歸州俄授涼州都督為政嚴下皆股慄入為吏部侍郎持節按邊遷御史大夫蕭至忠等誅郭元振張說言彥昭與祕謀改刑部尚書封耿國公實封百戶彥昭本以權幸進中宗時有巫趙挾鬼道出入禁掖彥昭以姑事之嘗衣婦服乘車與妻偕謁其得宰相巫力也於是殿中侍御史郭震劾暴舊惡會姚崇執政惡其人貶江州別駕卒和逢堯岐州岐山人武后時負鼎詣闕下上書自言願助天子和飭百度有司讓曰昔桀不道伊尹負鼎于湯今天子聖明百司以和尙何所調達竟不能答流莊州十餘年乃舉進士高第累擢監察御史突厥獻驘請尙

風采遼巡畏俯謂人曰是宜相天子何乃居外乎太平寢用事至忠乃自附納且勾還主以至忠子任千牛死韋氏難意其怨望能助已即請於帝拜刑部尚書復為中書令封鄴國公乃參主謀逆先天二年主敗至忠遁入南山數日捕誅之籍其家至忠始在朝有風望容止閑敏見推為名臣外方直糾擿不法而內無守觀時輕重而去就之始為御史桓彥範等頗引重五王失政更因武三思得中丞附安樂公主為宰相及韋氏敗遽發

州司戶參軍遷黔州長史判都督事卒於始興藏用善龜九宮術工草隸大小篆八分善琴奕士貴其多能嘗以俗徇陰陽多拘畏垂至理乃為折滯論以暢其方世謂知言少與陳子昂趙貞固友善二人前死藏用撫其孤有恩人稱能終始交始隱山中時有意當世人目

能自返也娣嫁蔣欽緒欽緒每戒之至忠不聽數曰九

章洵壘持其女板歸後依太平復當國嘗出主第遇宋

其孤有恩人稱能終始交始隱山中時有意當世人目

能自返也娣嫁蔣欽緒欽緒每戒之至忠不聽數曰九

公主逢堯以御史中丞攝鴻臚卿報可默啜遣貴近詣利來曰詔送金鑲具鞍乃塗金非天子意使者不可信雖得公主猶非實請罷和親欲馳去左右色動逢堯厲聲曰漢法重女婚而送鞍具欲安且久不以金爲貴可汗乃貪金而不貴信邪默啜聞曰漢使至吾國眾矣斯食鐵石人不可易因備禮以見逢堯說之曰天子昔爲單于都護思與可汗通舊好可汗尙嚮風慕義襲冠帶取重諸蕃默啜信之爲斂髮紫衣南面再拜稱臣遣子入朝逢堯以使有朗擢戶部侍郎坐善太平公主斥朗州司馬終柘州刺史逢堯詠詭當大事敢徼福故卒以附麗廢然唐與奉使者稱逢堯

欽定續通志卷二百二十一

列傳

唐二十二

郝處俊

象賢 狄仁傑 光嗣 兼審 朱敬則 仁軌

兼審 朱敬則 仁軌

郝處俊安州安陸人父相貴與婦翁許紹據峽州歸國拜滁州刺史封甌山縣公處俊十歲而孤故史歸千縑賙之讓不受及長好學嗜漢書略能暗誦貞觀中第進士解褐著作佐郎襲父爵兄弟友睦事諸舅謹甚再轉滕王友珩為王府屬棄官去久之召拜太子司議郎累遷吏部侍郎高麗叛詔李勣為涇江道大總管處俊副之師入虜境未陳賊遽至舉軍危駭處俊方據胡牀餐乾糲不顧密料簡精銳擊卻之眾壯其膽略入拜東臺侍郎時浮屠盧伽逸多治丹日可以續年高宗欲遂餌之處俊諫曰修短有命異方之劑安得輕服昔先帝詔浮屠那羅邇婆寐案其方書為祕劑取靈醜怪石歷歲乃能就先帝餌之大漸上醫不知所為議者請申顯戮又恐取笑夷狄法遂不行前鑑不遠惟陛下深察帝納其言進同東西臺三品咸亨初幸東都皇太子監國諸宰相皆留而處俊獨從帝嘗曰我嘗疑秦法為寬荆軻匹夫耳七首竊發羣臣荷戟莫敢拒豈非習慢使然處俊對曰此乃法急耳秦法輒升殿者夷三族人皆懼族安敢拒曹操著令曰京城有變九卿各守其府後嚴才亂與徒數十人攻左掖門操登銅爵臺望之無敢救者時王修為奉常聞變召車騎未至領官屬步至宮門操曰彼來者必王修乎此由修察變識機故冒法赴難向若拘常則遂成禍矣故王者設法不可急亦不可慢帝曰善轉中書侍郎監修國史初顯慶中合狐德萊劉焯

之撰國史其後許敬宗復加敘次帝恨敬宗所紀失實更命宰相刊正且曰朕昔從幸未央宮辟仗既過有橫刀伏草中者先帝斂轡卻謂朕曰事發當死者數十人汝可命出之史臣惟敘此為實處俊曰先帝仁恩溥博類非一臣之弟處俊被擇供奉時有三衛誤拂御衣者懼甚先帝曰左右無御史我不汝罪帝曰此史臣應載處俊乃表左史李仁實欲刪整偽辭會仁實死而止上元初帝觀翻翔鸞閣時赤縣與太常音技分東西朋帝詔雍王賢主東周王顯主西因以角勝處俊曰禮所以示童子無誑者恐其欺詐之心生也二王春秋少意操未定乃分朋造黨使相誇競彼俳兒優子言辭無度爭勝負相讒誦非所以導仁義示雍和也帝遽止歎曰處俊遠識非眾臣所逮遷中書令兼太子賓客檢校兵部尚書帝多疾欲令武后攝知國事處俊諫曰天子治陽道后治陰德帝之與后猶日之與月陽之與陰各有所主不相奪也天下者高祖太宗之天下非陛下之天下正應謹守宗廟傳之子孫不宜持國與人中書侍郎李義琰曰處俊言可從惟聖慮無疑則蒼生幸甚事遂阻又兼太子左庶子拜侍中罷為太子少保開耀元年卒年七十五贈開府儀同三司荊州大都督帝哀歎其忠舉哀光順門祭以少牢賜絹布八百段米粟八百石詔百官赴哭官庀葬事子北叟固辭未聽裴炎為白帝曰處俊死諉臣曰生無益於國死無煩費凡詔賜願一罷之帝聞惻然答其意止賻物而已處俊資約素土木形骸然臨事敢言自秉政在帝前議論諄諄必傳經義凡所規獻得大臣體武后雖忌之以其操履無玷不能害與舅許圍師同里俱宦達鄉人田氏彭氏以高貴顯

故江淮間為語曰貴如郝許富如田彭新書郝處俊傳處俊相高宗仁傑相武后相去二十餘年新書敘次失倫今易之子通事舍人后素衛處俊故因事誅之臨刑極罵乃死後怒合離磔其尸斷夷祖父棺冢自是將刑人必先以木丸塞口訖于則天_{之世}狄仁傑字懷英并州太原人祖孝緒貞觀中尚書左丞父知遜夔州長史仁傑兒時門人有被害者縣吏就詰眾皆按對仁傑誦書不置吏讓之答曰黃卷中方與聖賢對何暇偈俗吏語耶舉明經調汴州參軍為吏誣訴黜陟使閻立本召訊異其才謝曰仲尼稱觀過知仁君可謂滄海遺珠矣薦授并州法曹參軍親在河陽仁傑登太行山反顧見白雲孤飛謂左右曰吾親舍其下瞻恨久之雲移乃去同府參軍鄭崇質母老且疾當使絕域仁傑謂曰君可貽親萬里憂乎詔長史陶仁基請代行仁基咨美其誼時方與司馬李季廉不相語曰吾等可少愧矣則相待如初每日狄公之賢北斗以南一人而已稍遷大理丞歲中斷滯獄萬七千人無冤詎者左威衛大將軍權善才右監門中郎將范懷義坐誤斨昭陵柏罪當免善書止權善才一人高宗詔誅之仁傑奏不應死帝怒曰是使我為不孝子耶仁傑曰漢有盜高廟玉環文帝欲致之族張釋之廷諍曰假令取長陵一抔土法何以加于是罪止棄市陛下作法縣之象魏固有差等犯不至死而致之死萬姓何所措其手足伐一柏殺二臣千載之後謂陛下為何如主帝意解遂免死數日授侍御史左司郎中王本立怙寵自肆仁傑劾奏其惡有詔原之仁傑曰朝廷惜賢如本立者不少陛下惜有罪虧成法曲放本立臣願先斥為羣臣戒本

立竟抵罪縣是朝廷肅然使岐州亡卒數百剽行人道不通官捕繫盜黨窮訊而餘曹紛紛不能制仁傑曰是其計窮且為患乃明開首原格出擊者稟而縱之使相曉皆自縛歸帝歎其達權宜遷度支郎中帝幸汾陽宮為知頓使并州長史李冲玄以道出妬女祠俗言盛服過者致風雷之變更發卒數萬別開馳道仁傑曰天子之行風伯清塵雨師灑道何如女避邪止其役帝壯之曰真丈夫哉出為靈州刺史撫和戎落得其歡心郡人勒碑以頌入拜冬官侍郎持節江南巡撫使吳楚俗多淫祠仁傑一禁止凡毀千七百所止留夏禹吳太伯季札伍員四祠而已轉文昌右丞出豫州刺史時越王兵敗支黨餘二千人論死仁傑釋其械密疏曰臣欲有所陳似為逆人申理不言且累陛下欽恤意表成復毀自不能定然此皆非本惡伏望哀其誣誤有詔悉諷戍邊因出靈州父老迎勞曰狄使君活汝邪相與哭碑下囚齋三日乃去至流所亦為立碑初宰相張光輔討越王軍中特功多暴索仁傑拒之光輔怒曰州將輕元帥邪仁傑曰亂河南者一越王貞耳公董士三十萬以平亂縱使暴橫使無辜之人咸墜塗炭是一越王死萬越王生也且王師之至民歸順以萬計自絕而下四面成蹊奈何縱邀賞之人殺降以為功冤聲騰沸所不忍聞如得上方斬馬劍加君頸雖死不恨光輔不能詰還奏仁傑不遜左授復州刺史徙洛州司馬天授二年以地官侍郎同鳳閣鸞臺平章事武后謂曰卿在汝南有善政然有譖卿者欲知之乎謝曰陛下以為過臣當改之以為無過臣之幸也譖者乃不願知后歎其長者時太學生乞假后亦報可仁傑曰人君惟生殺柄不以假人至

簿書期會宜責有司尚書省決事左右丞不旬杖左右丞相不判徒況天子乎學徒取告丞簿事耳若天子為之發教天下事幾較可盡乎為定令示之而已后納其言會為來俊臣所構捕送制獄于時訊反者一問即承聽減死俊臣引仁傑置對答曰有周革命我乃唐臣反固實俊臣乃少寬之判官王德壽以情謂曰我意求少遷公為我引楊執柔為黨公且免死仁傑歎曰皇天后土使仁傑為此乎即以首觸柱血流沫面德壽懼而謝守者浸弛即可筆裂帛書冤置褚衣中好謂吏曰方暑請付家徹絮仁傑子光遠得書上變后覽之以問俊臣對曰仁傑下獄未禡巾帶寢處甚安苟無事實安肯承反后遣使索視俊臣命仁傑巾帶見使者為作謝死表附使以聞后乃召見仁傑謂曰承反何耶對曰不承反死咎掠矣示其表曰無之后知表詐因免死謹按通鑑載仁傑不承則死于拷掠之對明是貪生論者以為留其身以復唐祚然終仁傑之世唐祚何嘗復哉雖云善善欲長武承嗣屢請誅之后曰命已行不可返未免阿其所好時同被誣者鳳閣侍郎任知古等七族悉得貸御史霍獻可以首叩殿陛苦爭欲必殺仁傑等乃貶仁傑彭澤令邑人為置生祠萬歲通天中契丹陷冀州河北震動擢仁傑為魏州刺史前刺史懼賊至驅民保城修守具仁傑至悉放歸農畝曰賊在遠何自疲民萬一虜來吾自辦之何預若輩虜聞亦引去民愛仰之復為立祠俄轉幽州都督賜紫袍纓帶后自製金字十二于袍以旌其忠召拜鸞臺侍郎復同鳳閣鸞臺平章事時發兵戍疏勒四鎮百姓怨苦仁傑諫曰天生四夷皆在先王封域之外東距滄海西隔流沙北橫大漠南阻五嶺天所以限中外也自典籍所紀聲教所暨三代不能至者國

家既已兼之乃復用武荒外邀功絕域竭府庫之實以爭曉確不毛之地得其人不足以增賦獲其土不可以耕織苟求遠撫長駕之名不務固本安人之術此秦皇漢武之所行非五帝三王之事業也今國家師旅歲出所費浸廣右戍四鎮左屯安東調發日加百姓虛弊且關東饑饉蜀漢流亡江淮而南賦斂不息人不復本則相率為盜本根一搖憂患非淺昔漢元帝納賈捐之之謀而罷珠崖宣帝用魏相之策而棄車師田貞觀中克平九姓冊拜李思摩為可汗使統諸部夷狄叛則伐降則撫得推亡固存之義無遠戍勞人之役此近日之令典經邊之故事也今阿史那斛瑟羅皆陰山貴種代雄沙漠若委之四鎮以統諸蕃建為可汗遣禦寇患則國家有繼絕之美無轉輸之苦省軍費于遠方并甲兵于要塞救邊吏謹守備待其自至然後擊之以逸待勞則戰士力倍以主禦客則我得其便堅壁清野則寇無所得自知深入有顛覆之慮深入無虜獲之益如此數年二虜不討而服矣又請廢安東復高姓為君長省江南轉饒以息民不見納武承嗣三思營求為太子后意未決仁傑嘗從容奏曰文皇帝櫛風沐雨親冒鋒鏑以定天下傳之子孫先帝以二子託陛下今乃欲移之他族無乃非天意乎且姑姪之與母子孰親陛下立子則千秋萬歲後配食太廟承繼無窮立姪則未聞姪為天子而耐姑于廟者也它日所謂曰朕夢大鸚鵡兩翼皆折何也對曰武者陛下之姓兩翼二子也陛下起二子則兩翼振矣后由是無立承嗣三思意仁傑每宴見言及廬陵王輒以母子恩情委曲開譬后雖忤忍不能無感卒召還按新書本傳后欲以三思為太子以問宰相眾莫敢對仁傑曰臣觀天人未厭唐德比句奴犯

邊使三思募兵踰月不及千人盧陵王之不決日輒
五六萬欲統統不勝何也仁傑與王怒罷同辭對曰雙陸
不勝無子也天其意也仁傑曰王怒罷同辭對曰雙陸
所謂盧陵王公何通北元帥在立為太子後且當是時齊宗
既皇嗣若在宮中亦不得言自房陵還宮后匿之帳中召
仁傑以廢為言仁傑慷慨奏言發涕流后遣出中
宮人無知者物議安審是非后乃復置中宗于
龍門具禮迎歸人情感悅新書所載略同云后威仁傑
召見仁傑云按此處亦出狄梁公傳均未可信然舊
書謂密召廢而仁傑不知猶之可也合彦伯以六品
郎官銜命奉事經旬月而為宰相者曾復無聞見不
其抵牾今皆削之 幸拜納言兼右肅政御史大夫突厥
而存其近是者 趙定殺掠甚眾詔仁傑為河北道行軍元帥假以便
宜突厥盡殺所得男女萬計由五回道去仁傑追不能
逮更拜河北安撫大使 按以上皆聖歷元年事宰相表
時民多脅從於賊賊已去懼誅逃匿仁傑上疏言山東
比緣軍興調發頻重傷破家產又官吏侵漁州縣科役
督趣鞭笞情危事迫不循禮義有利則歸且圖賂死此
君子所愧而小人之常民猶水也壅則為淵疏則為川
通塞隨流豈有常性今負罪之伍潛竄山澤赦之則出
不赦則狂山東羣盜綠茲聚結臣以為邊鄙警誓不足
為憂中土不寧此為大事罪之則眾情恐懼怨之則反
側自安伏願曲赦河北諸州一無所問詔可還除內史
后幸三陽宮王公皆從獨賜仁傑第一區春禮卓異時
無輩者是時李楷固駱務整討契丹克之獻俘含樞殿
后大悅二人者本契丹李盡忠部將盡忠入寇楷固等
數挫王師後降有司請論如法仁傑稱其驍勇可任若
貸死必感恩效節又請授以官爵委之專政至是凱旋
后舉酒屬仁傑賞其知人授楷固左玉鈐衛將軍燕國

公賜姓武務整石武威衛將軍后將造浮屠大像度費
數百萬官不能足更詔天下僧日施一錢助之仁傑言
今之伽監制過宮闈窮奢極壯工不使鬼不免役人物
不天降終須地出不損百姓且將何求今邊垂永寧宜
寬征鎮之徭省不急之務就令雇作以濟窮人既失農
時是為棄本且無官助理不得成既費官財又竭人力
一方有難何以救之后由是罷役久視元年九月卒
作聖歷三年五月即改元久視而仁傑之 年七十一贈
卒在九月不得稱聖歷三年也改正 年七十一贈
文昌右相諡曰文惠仁傑所薦進若張柬之桓彥範敬
暉姚崇等皆為中興名臣始居母喪有白鵲馴擾之祥
中宗即位追贈司空睿宗又封梁國公 謹按通鑑輒覽
之罪實浮于呂氏蓋武氏革命而呂氏未革命也為當
世之臣者不能為魯敬業之討賊則惟有棄冠服而逃
耳如狄仁傑一再相彼盡心乃事而後世反以復唐之
功歸之仁傑託于明哲保身竟事以教之論而未終唐
夫子至死不變之語是非倒置莫甚于此余故表而正之 光嗣景暉
光嗣聖歷初為司府丞武后詔宰相各舉尚書郎一人
仁傑薦光嗣由是拜地官員外郎以稱職間后曰祁奚
內舉果得人歷滎許貝三州刺史母喪奪為太府少卿
固讓睿宗嘉其誠許之累遷揚州長史以罪貶兪州別
駕卒景暉官魏州司功參軍食暴民苦之因共毀其父
生祠不復奉至元和中田弘正鎮魏博始奏奪之血食
不絕族孫兼謙
兼謙字汝諧及進士第辟襄陽府使剛正有祖風令狐
楚執政薦授左拾遺數上書言事歷刑部郎中鄆鄧鄭
三州刺史歲旱饑發粟賑濟民人不流徙改蘇州以治
最擢給事中左藏史盜度支繚帛文宗以經赦詔勿治
兼謙封還詔書帝諭之曰嘉卿舉職然朕已赦其長官
吏亦宜有顧此後事有不可勿以還詔為憚遷御史中

丞帝曰御史臺朝廷綱紀二臺正則朝廷治朝廷正則
天下治良忌願望則職業廢矣卿梁公後當嗣家聲兼
謨頓首謝江西觀察使吳士矩加給其軍擅用上供錢
數十萬兼謨劾奏觀察使為陛下守土宜國詔條知臨
戎賞士州有定數而與奪由已貽弊一方為請遣使
請付有司治罪士矩繇是貶蔡州別駕兼謨歷兵部侍郎
河東節度使還為尚書左丞武宗時為益王傅俄領
天平節度使辭疾以祕書監歸洛陽遷東都留守卒
朱敬則字少連亳州永城人以孝義世被旌顯一門六
闕相望敬則志尚恢博好學重節義然諾善與人交振
其急難不責報子人與左史江融左僕射魏元忠善咸
亨中高宗聞其名召見異之將加擢用為李敬玄所毀
故授涇水尉累除右補闕初武后稱制天下頗多異議
遂開告密羅織之路與大獄誅將相大臣至是已革命
事漸寧敬則諫曰臣聞李斯之相秦也行申商之法重
刑名之家杜私門張公室棄無用之費損不急之官惜
日愛功亟戰疾耕既庶而富遂厲諸侯此救弊之術也
故曰刻薄可施於進趨變詐可陳于攻戰天下已平故
可易之以寬簡潤之以淳和秦乃不然淫虐滋甚往而
不反卒至土崩此不知變之禍也陸賈叔孫通事漢祖
當榮陽成皋間糧餉窮智勇困未嘗敢開一說效一奇
惟進豪猾貪暴之人及區宇適定乃陳詩書說禮樂開
王道高帝忿然曰吾以馬上得之安事詩書對曰馬上
得之可馬上治之乎帝默然於是賈著新語通定禮儀
此知變之善也向若高帝斥二子置詩書重攻戰尊首
級則復道爭功拔劍擊柱屢漏不保何十二帝二百年
乎故曰祠祝畢芻狗捐瀆精流糟粕棄國家自文明以

來天地草昧內則流言外則搆難不設鉤距無以順人不切刑罰無以息暴于是置神器開告端故能不出房闈而天下晏然臣聞急趨者無善迹促柱者無和聲拯溺不規行療饑不鼎食向時之祕策乃當今之芻狗也願鑒秦漢之失考時事之宜下寬大之令流曠蕩之澤去萋斐之角牙頓姦險之芒刃塞羅織之妄源埽朋黨之險迹曠然使天下更始豈不樂哉后善其言遷正諫大夫兼修國史乃請高史官選以求名才侍中韋安石嘗閱其史彙歎曰董狐何以加時賦斂繁重民多蕩析

后數召入禁中訪得失進同鳳閣鸞臺平章事張易之搆魏元忠張說欲誅之無敢言者敬則獨奏曰元忠說秉心忠一而所坐無名殺之失天下望乃得不死以老疾還政事俄改成均祭酒冬官侍郎易之等集名儒議三教珠英又繪武三思李嶠蘇味道李迥秀王紹宗等十八人像以為圖欲引敬則固辭不與世潔其為人出為鄭州刺史遂致仕侍御史冉祖雍誣奏與王同皎善貶涪州刺史既明非其罪改廬州代還無淮南一物所乘止一馬子曹步從以歸卒年七十五敬則與三從昆弟居四十年貲產無異及執政每以用人為先細務不省也嶺表蠻叛以裴懷古有文武才用為桂州都督蠻服其威惠相率降薦魏知古為鳳閣舍人張思敬為右史皆稱職初二張權寵盛敬則密謂敬暉曰公若假太子令舉北軍誅易之兄弟兩飛騎力耳暉卒用其策始崔寔仲長統王郎曹囧論封建指秦為失敬則以為秦漢世禮義陵遲不可復用周制封諸侯著論明之儒者以為知言睿宗嗣位嘗曰神龍以來忠于本朝者李多祚王同皎韋月將燕欽融並衰復矣尚有遺者耶劉幽

求曰朱敬則忠正義烈天下所推往為宗楚客冉祖雍等所誣謫守刺史長安中嘗語臣曰相王必受命當悉心事之及韋氏干紀臣遂見危赴難雖天誘其衷亦敬則啟之于是追贈祕書監諡曰元

敬則兄仁軌字德容隱居養親嘗誨子弟曰終身讓路不枉百步終身讓畔不失一段有赤烏白鵲棲所居樹按察使趙承恩表其異及卒郭山暉員半千魏知古共諡為孝友先生

欽定續通志卷二百二十一

列傳

唐二十三

王方慶 字績先 景倩 景融 宏景 嗣立 恆

陸元方 字希聲 餘慶 琛 王及善

李日知 杜景儉 李懷遠 景伯 彭年

豆盧欽望 史務滋 崔元綜 周允元

王績字方慶以字顯其先自丹陽徙雍咸陽父宏直為

漢王元昌友王好畋遊上書切諫王稍止然益疏斥終

判王友 魏州刺史 魏州刺史 魏州刺史 魏州刺史 魏州刺史

參軍受司馬遷班固二史於記室任希古希古他遷就

卒其業武后時累遷廣州都督南海歲有崑崙舶市外

區琛前都督路元韻冒取其貨船酋不勝忿殺之方

慶至秋毫無所索始部中首領多貪縱民有詣府訴者

府官以先受首領參餉未嘗治方慶約官屬不得與交

通犯者痛論以法境內清畏議者謂有唐以來治廣未

有如方慶者號第一下詔賜瑞錦雜絲以著善政轉洛

州長史封石泉縣子遷鸞臺侍郎同鳳閣鸞臺平章事

進鳳閣侍郎神功初清邊道大總管武攸宜破契丹凱

還且獻俘內史王及善以孝明帝忌月請鼓吹備而不

作方慶曰晉穆帝納后當康帝忌月時以為疑荀訥謂

禮有忌日無忌月自月而推則忌時忌年愈無理據世

用其言臣謂軍方大凱作樂無嫌詔可武后幸玉泉祠

以山道險欲御腰輿方慶奏昔漢元帝御樓船張猛進

諫今山阿危峭陟道曲狹比於樓船危乃更甚陛下柰

何輕踐畏塗哉后為罷行方慶嘗以合莽及大功喪未

葬不聽朝賀未除弗豫享宴比羣臣不遵用類案教誼

不可長有詔中責內外畏之后嘗就求義之書方慶奏

十世從祖義之書四十餘紙太宗求之先臣悉上進今

所存惟一軸并上十一世祖導十世祖洽九世祖洵八

世祖曇首七世祖僧綽六世祖仲寶五世祖鸞高祖規

曾祖襄并九世從祖獻之等凡二十八人書共十篇后

御武成殿偏示羣臣詔中書舍人崔融序其代閱號寶

章集復以賜方慶士人歎其寵以老乞身改麟臺監修

國史中宗復為皇太子拜方慶檢校左庶子后欲季冬

講武有司不時辨遂用明年孟春方慶曰按月令孟冬

天子命將帥講武習射御角力此乃三時務農一時講

武安不忘危之道孟春不可以稱兵兵金也金勝木方

春木王而舉金以害盛德逆生氣孟春行冬令則水潦

為敗雪霜大摯首種不入今孟春講武以陰政犯陽氣

害發生之德臣恐水潦敗物霜雪損稼夏麥不登願陛

下不違時令前及孟冬以順天道手制褒允是歲真拜

左庶子進封公奉入同職事三品兼侍太子讀書方慶

奏人臣於天子未有斥太子名者晉山濤啟事稱皇太

子而不名孝敬為太子更引為崇沛王為太子更賢為

文今東宮門殿名多觸犯請一改之以協舊典制可初

方慶為相時子為眉州司士參軍后曰君在相位何子

之遠對曰廬陵是陛下愛子今尚在遠臣何敢近人以

比倉唐之悟魏文侯焉長安二年卒贈兗州都督諡曰

貞中宗復位以東宮舊臣贈吏部尚書方慶博學練朝

章著書二百餘篇尤精三禮學者有所咨質酬復淵詣

故門人次為禮雜答問 藝文志 王方慶禮雜問 家聚書 答十卷 本傳作雜禮非

多不減祕府圖書皆異本方慶歿後諸子不能業隨皆

散亡孫備六世孫瑒瑒曾孫搏皆別傳

備字靈龜明經調莫州參軍辟范陽節度使張守珪幕

府時契丹屈烈部將謀入寇河北駭然備至虜中脅說

禍福虜乃不入天寶末拜博陵常山二太守副河北招

討卒贈大常卿自喪至備六世封石泉云備孫遂

遂好興利操下以嚴累遷鄧州刺史太府卿西北供軍

使與度支潘孟陽爭營田事憲宗怒出遂為柳州刺史

會用兵淮西亟財賦籍遂彊幹拜宜欽觀察使淮蔡平

師東討李師道召為光祿卿淄青行營糧料使辭卿職

換檢校左散騎常侍兼御史大夫始調兵食歲三百萬

俄而賊誅遂簿羨賞百萬以獻帝高其能于時析齊為

三鎮即拜遂沂沭海觀察使遂資編刻杖扑皆踰制盛

夏治署舍墻垣程督慘峭將吏素悍戾遂輒罵曰反殘

賊人人羞忿裨校王弁與役人浴于川語曰天方雨牆

且毀等罪耳乃謀亂明日遂方燕集弁率其黨挾兵進

遂驚匿廁下執而數其罪殺之其副張敦實官屬李炬

甫皆死弁自知留事帝以沂海新定畏青鄆亦搖乃拜

弁開州刺史至徐州械送京師斬東市監軍上遂所製

杖出示於朝為戒云

韋思謙名仁約以近武后父諱為嫌遂以字行鄭州陽

武人八歲喪母以孝聞及進士第累調應城令負殿不

得進官吏部尚書高季輔曰自居選部始得此一人豈

以小疵棄大德耶擢監察御史常曰御史出都不能動

搖山岳震懼州縣誠曠職耳中書令褚遂良市地不如

直思謙劾之罷為同州刺史及復相出思謙清水令或

甲之答曰吾狷直之性觸機輒發暇卹身乎丈夫當敢

言地要須明目張膽以報天子焉能碌碌保妻子耶沛

王府長史皇甫公義引為倉曹參軍謂曰公非池中物

屈公為數旬客以重吾府改侍御史高宗賢之每召與
語雖甚倦徒倚軒檻猶數刻罷疑獄劇事多與參裁武
候將軍田仁會誣奏御史張仁禕帝廷詰仁禕懦不得
對思謙歷階而進曰臣與仁禕連曹素知狀因言仁會
榮或聖聰陷人不測詞旨詳暢帝善之仁禕得不坐累
遷右司郎中尚書左丞振明綱轄朝廷肅然進御史大
夫性譽顏色莊重不可犯見王公未嘗行拜禮或勸
之答曰耳目官固當特立鵬鸞鸞豈眾禽之偶奈何
設拜以狎之帝崩思謙扶疾入臨俯伏號絕詔給扶持
轉司屬卿復為右肅政大夫故事大夫與御史鈞禮思
謙獨坐受拜或以為疑思謙曰班列固有差奈何尚姑
息耶垂拱初封博昌縣男同鳳閣鸞臺三品轉納言辭
疾不許詔肩輿以朝聽子孫侍以大中大夫致仕卒贈
幽州都督子承慶嗣立

承慶字延休性謹畏事繼母為篤孝擢進士第補雍王
府參軍府中文翰悉委之王為太子遷司議郎儀鳳中
詔太子監國太子稍嗜聲色興土功承慶見造作玩好
浮廣倡優鼓吹譁譁戶奴小人皆得親左右承慶色恐
因是作威福宜加繩察乃上疏極陳其端又進諭善箴
太子頗嘉納太子廢出為烏程令累遷鳳閣舍人掌天
官選屬文敏無留思雖大詔令未嘗著察忤大臣意出
為沂州刺史明堂災上疏諫以文明垂拱後執政者未
滿歲率以罪去大抵皆惡逆不道夫構大廈濟巨川必
擇文梓求餘艘若亟毀而取則是用朽木乘膠船也臣
謂陛下求賢之意切而取人之路寬故一言有合而付
大任夫以堯舜舜猶歷試諸難况庸庸者可超處輔相
以百揆萬幾輕畀小人哉書不報未幾復為舍人掌選

病免改太子諭德歷豫號二州刺史有善政轉天官侍
郎修國史凡三掌選銓授平允議者公之長安中拜鳳
閣侍郎同鳳閣鸞臺平章事張易之誅承慶以素附離
免冠待罪時議草赦令咸推承慶召使為之無撓色誤
辭援筆而就眾歎其壯然猶流憤表歲餘拜辰州刺史
未行以祕書員外少監召兼修國史封扶陽縣子詔撰
武后紀聖文中宗善之遷黃門侍郎未拜卒帝悼之召
其弟相州刺史嗣立會葬因拜黃門侍郎繼其位贈禮
部尚書諡曰溫

嗣立字延構與承慶異母少友梯母遇承慶嚴每笞輒
解衣求代母不聽即遣奴自捶母感寤為均愛世比晉
王覽第進士累調雙流令政為二川最承慶解鳳閣舍
人武后召嗣立謂曰爾父往日嘗稱二子忠且孝堪事
朕比兄弟稱職如而父言今使卿兄弟自相替代以為
美談即拜鳳閣舍人時學校荒廢刑罰濫酷乃上書極
陳承清已來庠序墮散胄子衰缺輕儒學之官弛章句
之選貴閥後生以微倖升寒族平流以替業去垂拱後
仕入彌多請託公行選補逾濫故使海內黔首騷然不
安州縣官察貪鄙未息陛下誠下明詔追三館生徒赦
王公以下子弟一入大學崇飾館廟尊尚師儒發揚觀
聽海內嚮風然後審界銓總妙擇良能以之臨人則官
無侵暴之政民有安樂之心矣又曰揚豫之後大獄屢
興窮治連捕數年不絕大稍伺閒巧相影響構似是之
言成不赦之罪恣行楚慘類自誣服王公士人至連頸
就戮道路藉藉咸知非辜而鍛鍊已成不可翻動小則
身誅大則族夷相緣共坐者庸可勝道彼皆報讎復嫌
苟圖功效求官賞耳且如仁傑元忠俱罹枉陷勘鞠之

際皆自誣嚴向非陛下明賞則蘊醢之戮已及其身今
擢而升之並稱良輔可知往之得罪者冤濫良多矣臣
願陛下廓天地之量施雷雨之仁取垂拱以來罪無重
輕所不赦者普皆原洗死者還官生者丐命則天下瞭
然知向所陷罪非陛下之意幽明歡欣咸召和氣太
平之美亦何遠哉長安中拜鳳閣侍郎同鳳閣鸞臺平
章事時州縣非其人后以為憂李嶠唐休璟曰今朝廷
重內官輕外職每除牧守皆訴不行比所遣外任多是
貶累風俗不澄實由於此請選臺閣賢者分典大州自
近臣始后曰誰為朕行嗣立曰內典機要非臣所堪請
先行以示羣臣后悅以本官檢校汴州刺史由是左肅
政大夫楊再思等十八人悉補外未幾承慶知政事嗣
立以成均祭酒徙魏洛二州政無它異坐承慶左授饒

州刺史按新書云坐生二張貶饒州疑非是蓋承慶生
州刺史附會二張嗣立則止緣親累耳不然承慶流嶺
表而嗣立裁得左遷何輕蘇州刺史入為黃門侍郎
重相懸乃爾耶今從舊書蘇州刺史入為黃門侍郎
轉太府卿修文館大學士中宗景龍中拜兵部尚書同
中書門下三品時崇飾觀寺用度百出又恩倖食邑者
眾嗣立建言今廩帑耗竭無一歲之儲假遇水旱人須
賑給徵發時動士待資裝陛下何以具之伏見營立寺
觀累年不絕鴻侈繁麗務相矜勝大抵費常千萬以上
轉徙木石人牛不停費功害農怨嗟盈路即有水旱為
災戎狄構患雖龍象如雲何救萬分之一又食封之家
日月猥眾昨略問戶部云用了六十餘萬丁課二絹即
則七八十萬比諸封家所入已寡國初功臣共定天下
食封者不過三二十家今橫恩特賜至百四十家以上
天下租賦大半私門私門有餘徒益奢侈公家不足坐

致憂危制國之方豈謂爲得又封家徵求各遺奴阜凌
戾侵漁百姓怨歎裏頭中物誅責紛紜曾無少息下民
寔乏何以堪命臣願以丁課一送太府封家詣左藏請
受禁止自微以息重困臣聞古者取士必先鄉曲之譽
然後辟於州郡州郡有聲然後辟於五府五府著聞乃
升諸朝得不謂所擇悉而所歷深乎今之取人未試而
遽遷進趨倖幸比肩係踵故文者治官則回邪賊汚武
者治軍則庸懦怯弱補授亡限員外置官數倍正缺吏
困供承官竭資奉國家大事豈甚於此刺史縣令治人
之首比年已來不加簡擇京官有犯及聲稱下者方遣
牧州吏部選人年高不善刀筆者乃擬縣令以此理人
何望率化願下有司精加汰擇自今應除諸曹侍郎兩
省二臺及五品以上清望官先於刺史縣令中選用所
冀守宰稱職以興太平帝不聽嗣立與皇后屬疏帝特
詔附屬籍願待甚渥營別第驪山鸚鵡谷帝臨幸命從
官賦詩制序冠篇賜賜優備因封嗣立道遙公名所居
曰清虛原幽棲谷嗣立獻木栴藤盤數十物唐隆初拜
中書令皇后敗幾死于亂靈王爲救免出爲許州刺史
以定策立睿宗賜封百戶徙汝州入爲國子祭酒太子
賓客坐宗楚客等削遣制事不執正貶岳州別駕再徙
爲陳州刺史開元中河南道巡察使表其廉欲復用會
卒年六十六贈兵部尚書諡曰孝初嗣立代承慶爲鳳
閣舍人黃門侍郎承慶亦代爲天官侍郎及知政事父
子兄弟並爲宰相世罕其比二子恒濟知名
恒開元初爲錫山令政寬惠吏民愛之天子東巡州縣
供張皆鞭扑趣辦恆不立威而事給姑子御史中丞宇
文融薦恆有經濟才讓以其位擢殿中侍御史累轉給

事中爲隴石河西黜陟使時河西節度使蓋嘉運恃左
右援橫恣不法妄列功狀恆劾奏之人代其恐出爲陳
留太守卒
濟開元初調鄆城令或言吏部選縣令非其人及謝官
日引入殿延問安人策一道試者二百餘人惟濟居第
一不能對者四五十人悉免官於是擢濟醴泉令侍郎
盧從愿李朝隱並貶爲刺史濟四遷戶部侍郎爲太原
尹著先德詩四章世服其典懿天寶中授尚書左丞凡
三世居之濟文雅頗能修飾政事所至有治稱終馮翊
太守子與夏令亦以能政聞
嗣立孫宏景擢進士第數佐節度府以左補闕召爲翰
林學士蘇光榮爲涇原節度使宏景當草詔書辭不如
旨罷學士累遷度支郎中出爲縣州刺史李夷簡鎮淮
南奏以自副召入再遷給事中駙馬都尉劉士涇賂權
近擢太僕卿宏景上還詔書穆宗使喻其先人昌有功
朕所以念功睦親者宏景固執帝怒使宣慰安南由是
有名一以爲憲宗一以爲穆宗未知孰是時蕭俛輔政
宏景議論常佐佑之再遷吏部侍郎銓綜平序貴幸憚
其嚴不敢恩以私歷陝虢觀察使召拜尚書左丞駁正
吏銓所除六十餘官不當進資於是鄭綱丁公著楊嗣
復皆奪俸郎吏肅然望風修整吏部員外郎楊虞卿以
累下吏詔宏景與御史詳讞虞卿私造門宏景厲言曰
有詔按公尚私謁邪虞卿多朋助自謂必見納及是惶
恐去遷禮部尚書東都留守卒年六十六贈尚書左僕
射宏景以直道進議論持正有守當時風教所倚賴爲
長慶名卿
陸元方字希仲蘇州吳人陳給事中黃門侍郎琛之曾

孫元方初明經後舉八科皆中累轉監察御史武后時
使嶺外方涉海風濤驚壯舟人懼元方曰吾受命不私
神豈害我趣使濟而風訖息使還除殿中侍御史擢鳳
閣舍人秋官侍郎爲來俊臣所陷后置不罪遷鸞臺侍
郎同鳳閣鸞臺平章事坐附會李昭德貶綏州刺史擢
天官侍郎兼司衛卿或言其薦引皆親黨后怒免官令
白衣領職元方薦人如初后召讓之對曰舉臣所知不
暇問讎黨又薦其友崔玄暉有宰相才后知無他復拜
鸞臺侍郎同鳳閣鸞臺平章事後嘗問外事對曰臣備
位宰相大事當白奏民間碎務不敢以聞忤旨下除太
子右庶子進文昌左丞卒元方素清慎再執政每有遷
除后必先訪問外祕莫知臨終取素囊焚之曰吾陰德
在人後當有興者又有一柳生平所緘鑰者歿後家人
發之乃前後詔敕贈越州都督諸子皆美才而象先景
倩景融尤知名
象先器識沈邃舉制科高第爲揚州參軍事時吉瑒與
元方同爲吏部侍郎瑒擢象先爲洛陽尉元方不肯當
瑒曰爲官擇人豈以吏部子廢至公邪卒以授俄遷監
察御史累授中書侍郎景雲中進同中書門下平章事
監修國史初太平公主謀引崔湜爲宰相湜固讓象先
主不得已爲言之遂並知政事然其性恬靜寡欲議論
高簡爲時推尚湜嘗曰陸公加於人一等公主旣擅權
宰相爭附之象先未嘗往謁及謀逆召宰相議曰靈王
長不當廢嫡立庶象先曰帝得立何也主曰帝有一時
功今失德安可不廢對曰立以功者廢必以罪今不聞
天子過失安得廢主怒更與寶懷貞等謀卒誅死時象
先與蕭至忠岑羲等坐爲主所進將同誅玄宗遽召免

之曰歲寒然後知松柏之後凋也以保護功封充國公賜封戶二百初難作容宗御承天樓羣臣稍集帝麾曰助朕者留不者去於是有投名自驗者事平玄宗得所

謝曰赴君之難忠也陛下以德化天下奈何殺行義之人故臣違命安反側者其敢逃死帝席善之時窮治至忠義等黨與象先密為申救保全其眾當時無知者

謹按通鑑輒覽 御批象先於窮治私黨時從中密贊外人豈能與聞既未自言則其申理之事何由得傳於後紀載家阿其所好 罷為益州大都督府長史劍南自相矛盾大率如是

按察使為政尚仁恕司馬韋抱真諫曰公當稍行扑罰以立威名不然民慢且無畏答曰政在治之而已何必樹威卒不從而蜀自化累徙蒲州刺史兼河東按察使

小吏有罪誠遣之錄事白曰法宜杖象先曰人情大抵而不相遠彼豈不曉吾言若必行杖當以汝為始錄事慙而退嘗曰天下本無事庸人擾之為煩耳第澄其源何

憂不簡邪故所至民吏懷之入為太子詹事歷戶部尚書舊書作 知吏部選事母喪免起為揚州大都督府長史舊書作 同 遷太子少保卒年七十二贈尚書左丞相

諡曰文貞始象先名景初睿宗改賜今名 弟景倩為扶溝丞河南按察使畢構覆州縣殿最欲必得實有吏言狀曰某彊清某詐清惟景倩曰真清終監

察御史 景融長七尺美姿質寬中而厚外博學工筆札以蔭補千牛轉新鄭令政有風績累遷工部尚書東京留守卒贈廣陵郡都督景融於象先後母弟也象先被笞景融諫不入則自楚母為損威人多其友四世孫希聲

希聲博學善屬文通易春秋老子論著甚多商州刺史

鄭愚表為屬後去隱義興久之召為右拾遺時檢腐乘權歲數歎梁宋尤甚希聲見州縣剝敝上言當謹視盜賊明年王仙芝反株蔓數十州遂不制累擢欽州刺史

昭宗聞其名召為給事中拜戶部侍郎同中書門下平章事在位無所輕重以太子少師罷李茂貞等兵犯京師與疾避難卒贈尚書左僕射諡曰文

元方從父餘慶陳右衛將軍詢孫方雅有祖風已冠名未顯兄玄表嗜日爾名宦不立奈何餘慶感激閉戶誦書三年以博學稱舉制策甲科補蕭尉累遷陽城尉武

后封嵩山以辦具勞擢監察御史聖歷初靈勝二州党項誘北胡寇邊詔餘慶招慰喻以恩信蕃酋率眾內附遷殿中侍御史鳳閣舍人嘗命草詔殿上恐懼不能得

一詞降左司郎中久之封廣平郡公太子右庶子餘慶於寒品晚進必悉力薦藉人有過輒面折退無一言開元初為河南河北宣撫使薦富春孫恣京兆韋述吳興

蔣洵河南達奚珣後皆為知名士遷大理卿終太子詹事諡曰莊雅善趙貞固盧藏用陳子昂杜審言宋之問舉構郭襲微司馬承禎釋懷一時號方外十友餘慶才

不逮子昂等而風流敏辯過之初武后時酷吏用事中宗朝倖臣貴主斜封大行昭利嵩禍之人與相乾沒雖亟責驟用而數不反踵餘慶以道自將雖仕不赫赫訖無悔尤

子琰字仲采舉明經補長安尉以清幹稱開元初中朝臣子弟不任京畿改新鄉令人為立祠用按察使宇文融薦遷池州令累遷兵部郎中東曠騎使還除洛陽令

時車駕在洛推勒姦家人不敢犯為中書令蕭嵩所器嵩罷忙宰相仲陰廉嵩短琰曰與人交過且不可言况

無有邪以是忤貴近出為太原少尹累徙西河太守封平恩縣男屬邑多虎前守設檻罽罽至徹之而虎不為累

王及善洛州邯鄲人父君愕有沈謀王君廓掠邯鄲君愕往說曰隋氏失御豪俊共救其亂宜撫納遺賫而保全之觀時變待真主足下無尺寸之地兼旬之糧劫眾

而與但恣殘剝所過失望竊為足下羞之君廓謝曰計安出答曰井陘之險可先取君廓從其言遂屯井陘山高祖入關與君廓偕來拜君愕大將軍封新興縣公累

遷左武衛將軍從太宗征遼領左屯營兵與高麗戰駐蹕山死于陣贈左衛大將軍幽州都督邢國公陪葬昭陵及善以父死事授朝散大夫襲邢國公爵皇太子弘

立擢及善左奉裕率太子宴于宮命宮臣擲倒及善辭曰殿下自有優人臣苟奉命非羽翼之美太子謝之高宗聞賜絹百匹除右千牛衛將宣帝曰以爾忠謹故擢

三品要職羣臣非搜辟不得至朕所爾佩大橫刀在朕側亦知此官貴乎病免召為衛尉卿垂拱中應司屬卿山東飢詔為巡撫賑給使拜春官尚書出為秦州都督

益州長史加光祿大夫以老病致仕神功元年契丹擾山東擢魏州刺史武后勞曰逆虜盜邊公雖病可與妻

子行日三十里為朕臥治為屏蔽也因延問朝政得失及善陳治亂所宜后悅曰禦寇末也輔政本也公不可行留拜內使來俊臣繫獄當死欲釋不誅及善曰俊臣凶狡不道引亡命污戮善良天下疾之不勦絕元惡

且搖亂胎禍憂未既也后納之盧陵王之還密贊其謀既為皇太子又請出外朝以安羣臣及善不甚文而清正自持臨事不可奪有大臣節時二張怙寵每待宴無

人臣禮及善數裁抑之后不悅曰卿年高不宜侍遊燕
但檢校閣中及善即移病月餘后不復問數日中書令
可一日不見天子乎遂乞骸骨猶不許改文昌左相同
鳳閣鸞臺三品卒年八十二贈益州大都督諡曰貞陪
葬乾陵

李日知鄭州榮陽人及進士第天授中歷司刑丞時法
令嚴吏爭為酷日知獨平寬無文致嘗免一囚死少卿
胡元禮執不可曰吾不去曹囚無生理日知曰僕不去
曹囚無死法皆以狀讞而武后用日知議神龍初為給
事中母老病取急調侍數日須髮輒白母未及封而卒

方葬吏乃齋贈制日知殞絕于道左右為泣莫能視巡
察使路敬潛欲表其孝使求狀辭不報服除累遷黃門
侍郎景雲初同中書門下三品新書本傳作景龍初同
中書門下平章事今從
睿宗紀及轉御史大夫仍知政事初安樂公主館第成
中宗臨幸燕從官賦詩日知卒章獨以規誠睿宗佗日

謂曰卿日雖朕亦不敢諫非公挺直何能爾二年拜侍
中尋罷為戶部尚書按宰相表日知以景雲元年同中
書門下三品二年四月守侍中十
月罷為戶部尚書驗之睿宗紀皆合本傳以為屢乞骸
骨許之日知將有請不謀于家歸乃治行妻驚曰產利
空空何辭之遽日知曰仕至此已過吾分人亦何厭之
有若厭于心無日而足也既罷不治田園唯飾臺池引

賓客與娛樂開元三年卒日知貴諸子方總角皆通婚
名族時人譏之後少子伊衡以妾為妻鬻田宅至兄弟
訟聞家法遂替云

杜景儉新書作景佺今
從舊書及通鑑冀州武邑人性嚴正舉明經中
第累遷殿中侍御史出為益州錄事參軍時隆州司馬
房嗣業徙益州司馬詔未下欲即視事先答責吏以示

威景儉謂曰公雖為司馬此州未受命何急數日祿邪
嗣業怒不聽景儉曰公持咫尺制真偽莫辨即欲攪亂
一府敬業揚州之禍非此類邪此左右罷去既乃除荆
州司馬吏歌之曰錄事意與天通州司馬折威風由是
浸知名入為司刑丞與徐有功來俊臣侯思止專治詔

獄時稱過徐杜者生來侯者死改秋官員外郎與侍郎
陸元方按員外郎侯味虛罪已推輒釋之武后怒其不
待報元方大懼景儉獨曰陛下明詔六品七品官文辨
已定待命于外今雖欲罪臣柰明詔何宰相曰詔為司
刑設何預秋官邪景儉曰詔令一布無臺寺之異后以

為守法擢鳳閣舍人遷洛州司馬延載元年檢校鳳閣
侍郎同鳳閣鸞臺平章事後嘗季秋出黎華示宰相以
為祥眾賀曰陛下德被草木故秋再華周家仁及行葦
之比景儉獨曰陰陽不相奪倫瀆即為災故曰冬無愆

陽夏無伏陰春無淩風秋無苦雨今花木黃落而木復
華瀆陰陽也竊恐陛下布德施令有所虧紊臣位宰相
助天治物治而不和臣之咎也頓首謝罪后曰真宰相
也謹按通鑑輒覽 御批景儉不以秋月黎華為瑞
雖似優於阿諛者然是時女主臨朝陰陽倒置此即
呂后時桃李秋華之轍景儉視類為相何變理之足
云乃以草木榮落非時引咎自責顯附於方正之操而
陰售其固寵之術此與摸稜者流相去無幾胡實責其
所愚 會李昭德下獄景儉苦申救后以為面欺左遷秦
州刺史入拜司刑卿聖歷元年復以鳳閣侍郎同鳳閣

鸞臺平章事舊書作聖歷二年本紀及宰相
表以為神功元年閏十月事契丹入寇
陷河北數州虜已去武懿宗欲盡論其罪景儉以為為
從可原后如其議罷為秋官尚書坐漏省內語降司刑

少卿出為并州長史道病卒贈相州刺史初名元方垂
拱中改今名

李愼遠字廣德邢州柏仁人少孤嗜學宗人欲藉以高
蔭愼遠辭退曰因人之勢高士恥之假蔭而官豈吾志
耶擢四科第累轉司禮少卿出為本州刺史改冀州遷
揚益二都督府長史徙同州刺史治尚清簡累遷鸞臺
侍郎進同鳳閣鸞臺平章事封平鄉縣男以左散騎常

侍同中書門下三品爵趙郡公賜實封戶三百以老聽
致仕中宗還京師召知東都留守復加同中書門下三
品懷遠久貴益素約不治居室嘗乘款段馬僕射豆盧
欽望謂曰公貴顯顧當然邪答曰吾幸其馴不願它駿
神龍二年卒帝賜錦衾斂自為文祭之贈侍中諡曰成

子景伯景龍中為諫議大夫中宗宴侍臣及朝集使酒
酣各命為回波詞或以詔言媚帝或要巧恩寵至景伯
獨為箴規語以諷帝帝不悅中書令蕭至忠曰真諫官
也景雲中進太子右庶子時有建言置都督府非是詔

羣臣普議景伯與太子舍人盧備議今天下諸州分隸
都督專生殺刑賞使授非其人則權重叢生非疆幹弱
枝經邦軌物之誼願罷都督留御史以時按察秩卑任
重以制姦宄便絲是停都督終右散騎常侍

子彭年有才剖析明悟歷遷中書舍人吏部侍郎與李
林甫善以賊敗長流臨賀郡天寶十二載擢為濟陰太
守徙馮翊天子幸蜀陷於賊脅以為官憂憤死贈禮部
尚書

豆盧欽望雍州萬年人祖寬隋文帝外孫為梁泉令高
祖定關中與郡守蕭瑀率豪姓進款擢殿中監子懷
讓尚萬春公主詔寬用魏太和詔去豆姓著盧貞觀中
遷禮部尚書左衛大將軍芮國公卒贈特進并州都督
陪葬昭陵諡曰定復其舊姓欽望累官越州都督司賓

卿長壽二年拜內使封芮國公李昭德被罪有司劾奏
欽望阿順昭德不執正附臣罔君貶趙州刺史入爲司
禮卿遷秋官尚書中宗還東宮拜太子宮尹進文昌右
相同鳳閣鸞臺三品罷爲太子賓客帝復位擢尚書左
僕射平章軍國重事欽望居宰相積十餘年方易之三
思等怙勢宣烝窺聞王室觖冀非常不能有所裁抑獨
謹身自全進開府儀同三司檢校安國相王府長史卒
年八十贈司空并州大都督陪葬乾陵諡曰元武后時
宰相又有史務滋崔元綜周允元略可述者附左方
史務滋宣州溧陽人累吏勞遷司賓卿進拜納言后革
命詔務滋等十人分行天下雅州刺史劉信實兄弟爲
侍御史來子珣誣其反詔務滋與來俊臣雜治俊臣言
務滋與囚善掩其反狀后命俊臣并治遂自殺
崔元綜鄭州新鄭人祖君肅武德中爲黃門侍郎鴻臚
卿元綜天授初以鸞臺侍郎同鳳閣鸞臺平章事性恪
慎坐政事堂束帶終日不休偃尤護細行然外若謹厚
而中刻薄每受制鞠獄必操垢索疵不入死不肯止人
畏鄙之未幾坐事流振州瑄紳爲慶會赦還除監察御
史遷蒲州刺史致仕善攝生年九十餘卒
周允元字汝良豫州安城人自右肅政御史中丞拜檢
校鳳閣侍郎同鳳閣鸞臺平章事武后宴宰相詔陳書
傳善言允元曰恥其君不如堯舜武三思劾奏語指斥
后曰聞其言足以誠安得爲過卒贈貝州刺史

列傳

唐二十四

裴炎 伯先 劉祿之 郭翰 元同

李昭德 吉頊

裴炎字子隆絳州聞喜人寬厚寡言笑有奇節補弘文生休辭他生或出游炎讀書不廢有司欲薦狀以業未就辭在館十年尤通左氏春秋舉明經及第補濮州司倉參軍慶歷御史起居舍人遷黃門侍郎調露二年同中書門下三品進拜侍中高宗幸東都留皇太子京師以炎調護帝不豫太子監國詔炎與劉齊賢郭正一於東宮平章政事及大漸受遺輔太子是為中宗改中書令舊宰相議事門下省號政事堂長孫無忌以司空房玄齡以僕射魏徵以太子太師皆知門下省事至炎以中書令執政事筆故徙政事堂於中書省中宗欲以后父韋玄貞為侍中及授乳媪子五品官炎固執不從帝怒曰我意讓國與玄貞豈不可可惜侍中邪炎懼因與武后謀廢帝后命炎泊劉祿之率羽林將軍程務挺張虔勗勒兵入宮宣太后令扶帝下殿帝曰我何罪后曰以天下與玄貞安得無罪乃廢帝為廬陵王謹案通鑑御批武氏竊神器已非一朝廢立之謀固不俟中宗失言而後定然中宗謂位日淺他務未遑亟欲官后父且輕視以天下與人為怒時理憤語其父子皆更立豫閣如出一轍而受制房帷之病亦見端於此矣王為皇帝以定策功封永清縣男后已持政稍自肆於是武承嗣請立七廟追王其先炎諫曰太后天下母以盛德臨朝宜存至公不容追王祖考示自私且獨不見呂氏事乎后曰呂氏之王權屬生人今乃追崇先世存亡迹異安得同哉炎曰蔓草難圖漸不可長后不悅而

續通志 卷二百二十四 列傳 唐

罷承嗣又諷太后誅韓王元嘉魯王靈夔以絕宗室望劉祿之韋仁約畏默不敢言炎獨固爭后愈銜怒未幾賜爵河東縣侯徐敬業兵與后議討之炎曰天子年長矣不豫政故暨子有辭今若復子明辟賊不討而解御史崔謩曰炎受顧託身總大權聞賊不討乃請太后歸政此必有異圖后乃捕炎送詔獄遣御史大夫鸞味道御史魚承暉參鞠之通鑑考異曰新傳云炎謀乘太后久兩太后不出而止若炎實有此謀則太后殺之宜矣且炎為此謀必有同黨當炎下獄崔謩李景讓輩無事猶欲賂之況有此迹其同鳳閣侍郎胡元範奏曰炎社稷臣有功於國悉心事上天下所知臣明其不反納言劉齊賢左衛率蔣儼繼辨之后曰炎反有端顧卿未知耳元範齊賢曰若炎反臣輩亦反矣后曰朕知炎反卿輩不反遂斬於都亭驛爇被劾或勉其遜辭炎曰宰相下獄焉有更全之理卒不折節籍其家無擔石之贏初炎見裴行儉破突厥有功沮薄之乃斬降虜阿史那伏念等五十餘人議者恨其媚克且使國家失信四夷以為陰禍有知云睿宗立贈太尉益州大都督諡曰忠元範申州義陽人廉介有才以救炎故流死嶺州舊書作瓊州炎從子伯先

伯先未冠推蔭為太僕丞炎死坐流嶺南上變求面陳得失后召見盛氣待之曰炎謀反法當誅尚何道伯先對曰陛下唐家婦身荷先帝顧命今雖臨朝當責任大臣須東宮年就德成復子明辟奈何遽任諸武斥宗室炎為唐忠臣而戮逮子孫海內憤怨臣愚謂陛下宜還太子東宮罷諸武權不然豪傑乘時而動不可不懼后怒命曳出杖之朝堂長流漢州歲餘逃歸為吏蹟捕流北廷復無名檢專居賄以財自雄養客數百人自北廷

屬京師多其客謂知朝廷事聞知十常七八時補關李秦授為武后謀曰讖言伐武者劉劉無疆姓殆流人乎今大臣流放者數萬族使之叶亂社稷憂也后謂然遣使者慰安流人實命殺之伯先前知奔突厥都護遣兵追之為所執械繫獄以狀聞會武后有詔赦流人伯先得不死中宗復位求炎後授伯先太子詹事丞遷秦桂廣三州都督坐累且誅賴宰相張說右之免官久乃擢范陽節度使太原京兆尹以京師官尤奏罷畿縣員外及試官進工部尚書累封翼城縣公年八十六以東京留守卒

劉祿之字希美常州晉陵人父子翼在隋為著作郎峭直有行嘗面折僚友短退無餘嘗李伯藥曰劉四黑人人多不恨貞觀初召之辭以母老詔許終養江南道巡察使李襲譽表所居為孝慈里母喪除召拜吳王府功曹參軍終著作郎弘文館直學士祿之少與孟利貞高智周郭正一俱以文辭稱號劉孟高郭並直昭文館俄遷右史弘文館直學士上元中與元萬頃等偕召入禁中論次新書凡千餘篇高宗又密與參決時政以分宰相權時謂北門學士兄懿之亦給事中並居兩省時人榮之先是姊為內官武后遣至外家問疾祿之因賀蘭敏之私省之坐流嶺州后為丐還除中書舍人儀鳳中土蕃寇邊帝訪侍臣人異謀祿之獨勸帝戢威紓百姓之急帝內其言俄拜相王府司馬檢校中書侍郎帝謂曰以卿忠孝門故藉師範冀逢在麻不扶自直也后既立王為帝以其參預大議愈親之擢中書侍郎同中書門下三品賜爵臨淮縣男方是時詔令叢繁祿之思致華敏裁可占授少選可待也司馬員外郎房先敏坐

志四五九三

累貶衡州司馬訴於相府審味道謂曰太后旨禱之曰乃上從有司所奏云后聞以味道歸非於上貶青州刺史加禱之太中大夫賜物百段後私語鳳閣舍人賈大隱曰后能廢昏立明盍反政以安天下大隱表其言后怒曰禱之乃負我垂拱中或告禱之受歸誠州都督孫萬榮金與許敬宗妾私通太后遣肅州刺史王本立鞠治以赦示禱之禱之曰不經鳳閣鸞臺何謂之赦后以爲拒制使賜死於家年五十七初禱之得罪睿宗以舊屬申理之姻友冀得釋禱之曰吾死矣太后威福由已而帝營救速吾禍也在獄上疏自陳臨死洗沐神色自若命其子執筆占爲表子號塞不能書禱之乃自捉筆得數紙詞懇哀到入皆傷之麟臺郎郭翰太子文學周思鈞悵歎其父后惡之貶翰巫州司法參軍思鈞播州司倉參軍睿宗嗣位贈禱之中書令

翰嘗爲御史巡察隴右多所按劾次靈州時狄仁傑爲刺史民爭言有異政翰就館以筆紙置於案謂僚屬曰入其境其政可知願薦使君美於朝毋久留卽命駕去後改麟臺郎

魏元同字和初定州鼓城人進士擢第調長安令累官司列大夫坐與上官儀善流嶺外上元初會赦還工部尚書劉審禮表其材拜岐州長史再遷吏部侍郎永淳元年詔與中書門下同承受進止平章事封鉅鹿男上疏言選舉法弊曰周禮太宰內史並掌爵祿廢置司徒司馬別掌興賢詔事分任於羣司而統之以數職王命其大者而自擇其小者漢制諸侯得自置吏四百石以下州郡掾吏督郵從事悉任之於牧守爰自魏晉始歸吏部遂相祖襲以迄於今用刀筆以量才按簿書而察

行法與世敝其來久矣又居此任者間非其選爲人擇官爲身擇利下筆繫親疏措情觀勢要遊宦之途同乎市井夫聽言觀行聖者難之今使百行九能折之於一面具僚庶品專斷於一司不亦難乎且臣聞從政莅官不可以無學今貴戚子弟例早求官弘文崇賢千牛輩脚之類程較既淺技能亦薄而門閥有素資望自高少仕則廢學輕試則無才又勳官三衛流外之屬不待州縣之舉直取書判非先德後言之誼臣聞國之用人如人之用財貧者厭糟糠富者餘粱肉故當衰敝乏賢則磨策朽鈍而乘馭之太平多士則避東髦俊而任使之今選者猥多宜以簡練爲急竊見制書三品至九品並得薦士此誠仄席旁求意也但褒貶不明故上不憂黜責下不盡搜剔苟以應命莫慎所舉耳惟賢知賢聖人篤論身且濫進豈知人不擇舉者之行能而責所舉之庸濫不可得已以陛下聖明國家德業而不建經久之策爲無窮之基但願望魏晉遺風臣竊感之願少遵周漢之規以分吏部選卽所用詳所失鮮矣不納進拜文昌左丞鸞臺侍郎同鳳閣鸞臺三品遷地官尚書檢校納言元同與裴炎縮交能保終始故號耐久朋先是狄仁傑督太原運失米萬斛將坐誅元同救免而河陽令周興未知也數於朝堂聽命元同曰明府可去矣毋久留興以爲沮已銜之至是誣元同言太后老矣當復皇嗣后不察賜死於家年七十三初監察御史房濟監刑謂曰丈人蓋上變翼召見得自陳元同曰人殺與鬼殺等耳不能爲告事人元同子恬字安禮事親以孝聞第進士爲御史主簿開元中至頴王傅

李昭德雍州長安人父乾祐貞觀初爲殿中侍御史劾令裴仁軌私役門卒太宗欲斬之乾祐曰法令與天下共之非陛下獨有也仁軌以輕罪致極刑非盡一之制刑罰不中則民無所措手足帝意解繇是免死遷侍御史母卒廬墓側負土成墳帝遣使就弔表異其閭厯治書侍御史有能名永徽初擢御史大夫爲褚遂良所惡出爲邢魏二州刺史乾祐雖強直而昵小人嘗爲書與所善吏刺取朝廷事逃隱其辭遂良自發於朝坐流羅州召拜滄州刺史舊書云生流愛州乾元入爲司刑太常封中起爲桂州都督伯坐漏禁中語免官卒昭德彊幹有父風擢明經累官御史中丞永昌初坐事貶振州陵水尉還爲夏官侍郎如意元年拜鳳閣侍郎同鳳閣鸞臺平章事武后營神都昭德規創文昌臺及定鼎上東諸門標置華壯洛有二橋司農卿韋機徙其一直長夏門民利之然洛水歲涇蓄之繕者告勞昭德始累石代柱銳其前斷殺暴濤水不能怒自是無患俄檢校內史辭機義討突厥以昭德爲行軍長史不見虜還武承嗣任文昌左相昭德諫曰承嗣已王不宜典機衛以戒眾庶且父子猶相篡奪況姑姪乎后覆然曰我未之思也乃罷承嗣爲太子少保洛陽人王慶之率險數百人請以承嗣爲皇太子后不許因請后遣昭德詰其故昭德督殺慶之餘黨散走謹案通鑑載昭德詰其故昭德督殺慶之餘黨散走昭德於皇嗣一節良心未盡漸滅猶徘徊觀望慶之欲遂惡而適以逢怒矣因奏曰自古有姪爲天子而爲姑立廟乎以親親言之天皇陛下夫也皇嗣陛下子也當傳之子孫爲萬世計陛下承天皇顧託而有天下若立承嗣臣見天皇不來食矣后乃止承嗣諳短之后曰吾任昭德而獲安枕是代我勞非而所及也時朝廷進用諛佞幸恩者眾有人獲洛水白石而赤文者獻闕下

曰此石赤心故以獻昭德叱曰落水餘石豈盡能反邪左右皆笑時來俊臣侯思止舞文法數誅陷大臣人皆懾懼昭德每奏其誣罔不道狀卒榜殺思止其黨稍懼沮然昭德頗怙權爲眾指目魯王府功曹參軍邱愔上疏曰陛下天授以前萬幾獨斷公卿百執事具職而已自長壽以來厭怠細政權委昭德秉總權綱而才小任重負氣彊復聳旨下民芻狗同列作福專威橫絕朝野臣伏見南臺敕目羣臣奏請陛下制已日可而昭德建言不可制又從之昭德參奉機密不預申獻替而畫可已行方輿駭異是陽露專權以示於人歸美引咎詎不如此臺寺庶官望塵憎氣一切奏獻與奪事宜皆承風指臣觀其膽乃大於身鼻息所衝上拂雲漢履霜堅冰須防其漸大權一去收之良難願陛下鑒察又果毅鄧注著石論數千言述其專恣鳳閣舍人逢弘敏以聞后由是惡之謂姚璿曰誠如所言昭德固負國矣乃貶欽州南賓尉俄召授監察御史萬歲通天二年來俊臣誣以逆謀既而俊臣亦下獄同日誅時甚雨眾庶莫不冤昭德而快俊臣神龍二年贈左御史大夫建中三年加贈司空

吉瑒洛州河南人性陰克敢言事舉進士及第調明堂尉父哲爲易州刺史坐昧當死瑒以二女弟進武承嗣承嗣表貨哲死遷瑒龍馬監劉思禮謀反瑒上變事後命武懿宗雜訊因諷囚引生平所狎者三十六姓捕繫詔獄撈楚百慘以成其獄同日論死天下冤之權右肅政臺中丞來俊臣下獄當死狀三日不下瑒從武后游苑中因閒言俊臣誣殺忠良罪惡如山國誣賊也尚何惜於是后斬俊臣突厥陷趙定授檢校相州刺史且募

兵制虜南向瑒辭不知武后曰賊方走藉卿坐鎮耳初太原温彬茂臨死封一笥書誘妻曰吾死後須年及垂拱獻之垂拱初妻上其書言后革命及突厥至趙定事故后知虜且還瑒至募士無應者俄詔以皇太子爲元帥應募日數千瑒還言狀后曰人心若是邪卿可爲羣臣道之瑒誦語於朝諸武惡之始瑒善張易之與田歸道辭稷員半干李迥秀皆爲控鶴內供奉瑒又彊敏故后倚爲腹心聖歷二年進天官侍郎同鳳閣鸞臺平章事嘗與武懿宗爭論殿中懿宗陋俯僂瑒嚴語侵之無所容假后怒曰我在乃藉諸武他日安可保銜之張易之兄弟以寵盛思自全問瑒計安出瑒曰公家以倖進非有大功於天下勢必危吾有不朽策願效之非止保身且世世不絕昨易之流涕請瑒曰天下思唐久矣廬陵斥外相王幽閉上春秋高諸武非海內屬意公蓋從容請相王廬陵以副人望易弔爲賀之資也易之昌宗乘閒如瑒教后意乃定既而知瑒與謀召見問狀瑒對廬陵相王皆陛下子先帝顧託於陛下當速有所付乃還中宗明年瑒坐弟冒僞官貶琰川尉及辭召見泣曰臣去國無復再謁願有所言然疾棘請須臾閒后命坐瑒曰水土皆一盞有爭乎曰無曰以爲塗有爭乎曰無曰以塗爲佛與道有爭乎曰有之瑒首謝曰雖臣亦以爲有夫皇子外戚有分則兩安今太子再立而外家諸王並封陛下何以和之貴賤親疏之不明是驅使必爭臣知兩不安矣后曰朕知之業已然且奈何瑒尋徙始豐尉客江都卒中宗之立瑒實倡之會得罪無知者睿宗初有發明其忠乃下詔贈御史大夫

欽定續通志卷二百二十四

列傳

唐二十五

張廷珪 見素 諱

韓思復 朝宗 依 宋務光 辛替否

武平一 李又 賈曾 至

張廷珪河南濟源人慷慨有志尚第進士補白水尉舉制科異等累遷監察御史按勃平直武后稅天下浮屠錢營佛祠於白司馬坂作大象廷珪諫以為傾四海之財殫萬民之力窮山之木為塔極冷之金為象然猶佛氏所謂有為之法不足高也填塞湖穴覆壓蟲蟻且巨億計工員窮窶驅役為勞饑渴所致疾疹方作又僧尼乞旬自贖而州縣督輸星火迫切鬻賣以充非所謂隨喜者也今天下虛竭蒼生彫弊宜先邊境實府庫養人力后善之召見長生殿賞慰甚厚因是罷役會詔市河南河北牛羊刺益奴婢置監登萊以廣軍資廷珪上書曰今河南牛疫十不一存詔雖和市甚于抑奪併市則價難準簡擇則吏求賄是牛再疫農重傷也高原耕地奪為牧所兩州無復丁田牛羊踐暴舉境何賴刺益奴婢多國家戶口姦豪掠買一入於官永無免期南北異宜至必生疾此有損無益也抑問之官所恃在民民所恃在食食所資在耕耕所資在牛牛廢則耕廢耕廢則食去食去則民亡民亡則何恃為君羊非君國切要假令蕃滋不可射利后乃止張易之誅議窮治黨與廷珪言易之盛時趨附奔走半天下盡誅則已暴尉一二則治不平易一切洗貸中宗納之神龍初詔白司馬坂復營佛祠廷珪方奉詔抵河北道出其見營築勞亟懷

不能已上書切爭且言自中興之初下詔書弛不急斥少監楊務廉以示中外今土木復興不稱前詔願罷之以紓窮乏帝不省尋為中書舍人再遷禮部侍郎玄宗開元初大旱關中飢詔求直言廷珪上疏曰古有多難興國殷憂啟聖蓋事危則志銳情苦則慮深故能轉禍為福也景龍年間凶黨構亂陛下神武迅掃氛垢日月所燭無不澤濡明明上帝宜錫介福而頃陰陽愆候九穀失稔關輔尤劇臣思天意殆以陛下春秋鼎盛不崇朝有大功輕堯舜而不法思秦漢以自高故昭見咎異欲日慎一日永保太和願陛下畏天戒恤人窮約心削志考前王之書敦素樸之道登端士放佞人屏後宮減外廢去淫巧捐珠璧場無蹴鞠之玩野絕從禽之樂休遠境罷縣戍矜惠憐獨蠲薄徭賦自然和氣上通珍祥下降況今陛下受命伊始華夷百姓清耳以聽刮目以視冀有聞見安可怠棄典則坐孤其望哉再遷黃門侍郎監察御史蔣挺坐法詔決杖朝堂廷珪執奏御史有譴當殺殺之不可辱也士大夫服其知體王琚持節巡天兵諸軍方還復詔行塞下議者皆謂將襲回紇廷珪陳五不可且言中國步多騎少人齎一石糧負甲百斤盛夏長驅晝夜不休勞逸相絕其勢不敵一也出軍掩敵兵不數萬不可以行廢農廣饋飢歲不支二也千里遠襲其誰不知賊有斥候必能預防三也狄人獸居曠漠警之石田克而無補四也天下無年當養人息兵五也又請復十道按察使巡視州縣然納之因詔陸象先等分使十道時遣使齎錦至石國市犬馬廷珪言不宜勞遠人致異物儀坐漏禁內語出為沔州刺史頻徙蘇宋魏三州初景龍中宗楚客紀處訥武延秀韋溫

等封戶多在河南河北諷朝廷詔兩道蠶產所宜雖水旱得以蠶折租廷珪謂兩道倚大河地雄奧股肱走集宜得其歡心安可不恤其患而殫其力若以桑蠶所宜而加別稅則隴右羊馬山南椒漆山之銅錫鉛錯海之蜃蛤魚鹽水旱皆免寧獨河南北外於王度哉願依貞觀永徵故事準令折免詔可在官有威化入為少府監封范陽縣男以太子詹事致仕卒贈工部尚書諡貞穆廷珪偉姿儀善八分書與李邕友善及邕顯於仕屢表薦之人尚其方介去

韋湊字彥宗京兆萬年人祖叔諧貞觀中為庫部郎中與弟吏部郎中叔謙兄主爵郎中季武同省時號三列宿湊永淳初解褐授婺州參軍徙資州司兵觀察使房昶才之表于朝遷揚州法曹州人孟神爽罷仁壽令豪縱數犯法交通貴戚吏莫敢繩湊按治杖殺之遠近稱服人為相王府屬時姚崇兼府長史嘗曰韋子識遠文詳吾恨晚得之六遷司農少卿忤宗楚客出為貝州刺史睿宗立授鴻臚少卿徙太府兼通事舍人時改葬故太子重俊有詔加諡又詔雪李多祚等罪議贈官湊上言王者發號出令必法天道善善著惡惡明也賞罰所不加則考行立諡以褒貶之臣議其君子議其父曰靈曰厲者不敢以私亂公也臣伏見故太子與多祚等挺北軍犯宸居破扉斬關兵指黃屋騎騰紫微和帝御元武門親諭逆順太子據鞍自若督眾不止逆黨悔非回兵執賊多祚伏誅太子乃遁明日帝見羣臣涕數行下曰幾不與公等相見其為危甚矣臣子之禮過位必趨蹙路馬芻有誅昔漢成帝為太子行不敢絕馳道秦師免胄過周北門王孫滿策其必敗推此則太子稱兵宮

中為悖已甚以斬三思父子而嘉之乎則弄兵討逆以安君父可也因欲自立則是為逆又奚可褒此時韋氏逆未明義未絕於太子母也子無廢母之理非中宗命廢之則又劫父廢母且君或不君臣安可不臣父或不父子安可不子晉太子申生諡曰恭漢太子據諡曰戾今太子乃諡節閔臣所未諭請易諡以合禮經其多祚等罪云免而不云雪帝瞿然引內閣中勞曰誠如卿言業已爾奈何對曰太子實逆不可以衰請質行以示時大臣亦重改唯罷多祚等贈官景雲初作金仙等觀濬諫以為方農月興功雖貴出公主然高直售庸則農人捨耕取僱趨末棄本恐天下有受其飢者不聽濬執爭以萬物生育草木昆蟲傷伐甚多非仁聖本意帝詔外詳議崔湊岑義謂曰公敢言此大是難事湊曰食厚祿死不敢顧況聖世必無死乎朝廷為減費萬計出為陝汝岐三州刺史開元初欲建碑靖陵湊以古園陵不立碑又方早不可興工諫而止遷將作大匠詔復孝敬皇帝廟號義宗湊諫曰傳云必也正名禮祖有功宗有德其廟百世不毀商有三宗周宗武王漢文帝為太宗武帝為世宗歷代稱宗者皆方制海內德澤可尊列於昭穆是謂不毀孝敬皇帝未嘗南面且別立寢廟無稱宗之義遂罷遷右衛大將軍玄宗謂曰故事諸衛大將軍與尚書更為之近時職輕故用卿以重此官其母辭尋徙河南尹封彭城郡公會洛陽主簿王鈞受賊抵法因出湊曹州刺史久之遷太原尹兼北都軍器監邊備修舉及病遣上醫臨治卒年六十五贈幽州都督諡曰文子見素

見素字會微質性仁厚及進士第授相王府參軍襲父爵擢累諫議大夫天寶五載為江西山南黔中嶺南道黜陟使繩糾吏治所至震畏遷吏部侍郎新書作文部十一載始改吏部曰文部而見素為侍郎按天寶十九載事時尚未稱文部也今從舊書平判皆誦於口銓敘平允官有句求輒下意聽納人多德之十三載秋雨潦閔六旬帝謂宰相非其人罷左相陳希烈詔楊國忠審擇大臣時吉溫得幸帝欲用之溫為安祿山所厚國忠懼其進沮止之謀於中書舍人竇華宋昱皆以見素安雅易制國忠入白帝帝亦以相王府屬有舊恩遂拜武部尚書同中書門下平章事集賢院學士知門下省事明年祿山表請蕃將三十二人代漢將帝許之見素不悅謂國忠曰祿山反狀暴天下今又以蕃代漢難將作矣國忠不應見素曰知禍之芽不能防見禍之形不能制焉用彼相明日當懇論之既入帝迎諭曰卿等有疑祿山意耶國忠見素趨下流涕且陳祿山反明甚詔復位因以祿山表置帝前乃出帝令中官袁思荪傳詔曰此姑忍朕徐圖之由是奉詔然每進見未嘗不為帝言之帝不入其語未幾祿山反從帝入蜀陳玄禮之殺國忠也兵傷其首眾傳聲曰毋害韋公父子獲免帝令壽王賜藥傳創次巴西詔兼左相封幽國公肅宗立與房瑄崔渙持節奉國璽及冊宣揚制命帝曰太子仁孝去十三載已有傳位意屬方水旱左右勸我且須豐年今帝受命朕如釋負矣頰卿等遠去善輔導之見素涕泣拜辭又命見素子諤及中書舍人賈至為冊使判官謁見肅宗於順化郡肅宗聞瑄名且舊虛懷待之以見素嘗附國忠禮遇獨減是歲十月丙申有星犯昴見素言於帝曰昴者胡也天道諺見所應在人祿山將死矣帝曰日月可知乎見素曰福應在德禍應在刑

昂金忌火行當火位昂之昏中乃其時也既死其月亦死其日明年正月甲寅祿山其殪乎帝曰賊何等死答曰五行之說子者視妻所生昂犯以丙申金木之妃也木火之母也丙火為金子申亦金也二金本同未異還以相尅賊殆為子與首亂者更相屠戮乎及祿山死日月皆驗按肅宗本紀至德二載正月乙卯安慶緒殺其父祿山通鑑稱李猪兒夜殺祿山至乙卯旦慶緒即皇帝位然後發喪然則祿山實以甲寅死本紀據其發喪之日書之耳明年三月至鳳翔拜尚書左僕射罷知政事初行在所承喪亂後兵吏三銓簿領煬散選部文符偽濫帝欲廣懷土心至者一切補官不加檢復見素奏宜明條綱以為持久帝未及從既還都選者猥集補署無所日訴于朝乃追行其言會郭子儀亦為僕射徒見素太子太師詔至蜀郡奉迎太上皇以功食實封三百戶上元初以疾求致仕許之詔朔朔望寶應元年卒年七十六贈司徒諡忠貞子諤諤歷京兆府司錄參軍國忠之死軍聚不解陳玄禮請殺貴妃以安眾帝意猶豫諫曰今宗廟震驚陛下棄神器奔草莽惟割恩以安社稷因叩頭流血帝寤賜妃死軍乃大悅擢諤御史中丞為置頓使乘輿將行或曰國忠死不可往蜀請之河隴或請幸太原朔方涼州或曰如京師雜然不一帝心向蜀未能言諤曰今兵少不能捍賊還京非萬全計不如至扶風徐圖去就帝問於眾眾然之還至扶風乃決西幸後終給事中頭字周仁諤弟益之子通陰陽象緯博知山川風俗論議典據以門調補千牛備身自鄠尉列入等授萬年尉歷御史補闕與李約李正辭更進諷諫數移大事表增章貫之李絳崔羣蕭範皆布衣舊繼為宰相朝廷典章多所咨逮嘗曰吾儕五人智不及一章公長慶初為大

理少卿累遷給事中敬宗立授御史中丞爲戶部侍郎
從吏部卒贈禮部尚書所著易緝解推演終始有深誼
既喜接士後士莫不造門而李逢吉方結黨與擅國政
頗博會之素議遂衰然節儉自居天下推其尙云
維字文紀叔謙孫進士對策高第擢武功主簿督役乾
陵會歲飢均力勸功人不知勞坐徐敬業親貶五泉主
簿徙內江令教民耕桑縣爲刻領遷戶部郎中善裁剖
時員外宋之問善詩故時稱戶部二妙終太子右庶子
弟繩長文辭舉孝廉以母老不肯仕踰二十年乃歷長
安尉威行京師擢監察御史更泗涇鄜三州刺史天寶
初入爲祕書少監玄宗尙文視其職如尙書丞郎繩刊
正圖籍以善職稱陳王傳

虛心字無逸維子舉孝廉遷大理丞侍御史神龍中按
大獄僕射竇懷貞侍中劉幽求有所輕重虛心據正不
撓景龍中屬羌叛旣禽捕有詔悉誅虛心惟論酋長死
原活其餘遷御史中丞歷荆潞揚三大都督府長史荆
州有鄉豪負勢干法虛心籍其貲入之官以廬江多盜
遂縣舒城盜賊爲衰入爲工部尙書東京留守累封南
皮郡子卒贈揚州大都督諡曰正弟虛舟歷洪魏二州
刺史有治名入爲刑部侍郎初維爲郎蒔柳于廷及虛
心兄弟居郎省對之輒斂容自叔謙後至郎中者數人
世號郎官家

韓思復字紹出京兆長安人祖倫貞觀中歷左衛率封
長山縣男思復少孤年十歲母爲語父亡狀感咽幾絕
故倫特愛之嘗曰吾兒必大吾宗家富有金玉車馬玩
好未嘗省篤學舉秀才高第襲祖封永淳中家益窳歲
飢京兆杜瑾者以百綾餉思復思復方併日食而綾完

封不發調梁府倉曹參軍會大旱輒開倉賑民州劾責
對曰人窮則濫不如因而活之無趣爲盜賊州不能誅
轉汴州司戶仁恕不行鞭罰以親喪去官鬻新自給姚
崇爲夏官侍郎識之擢司禮博士五遷禮部郎中武攸
寧母亡請鼓吹思復持不可而止坐爲王同皎所薦貶
始州長史遷滁州刺史州有銅官人鑛鑿尤苦思復爲
賈他鄙費省獲多有黃芝五生州署民爲刻頌其祥徙
襄州入拜給事中帝作景龍觀思復諫曰禍難初弭土
木遽興非愛物恤人所急不見省嚴善思坐譙王重福
事捕送詔獄有司劾善思任汝州刺史與王游至京師
不暴王謀但奏東都有兵氣匪反罔上宜伏誅思復曰
往韋氏擅內謀危社稷善思詣相府白陛下必即位今
詔追善思書至卽發使有逆節者肯遽奔命哉請集百
官議議多同善思得免死流靜州遷中書舍人數指言
得失頗見納用開元初爲諫議大夫山東大蝗宰相姚
崇遣使分道捕瘞思復上言夾河州縣飛蝗所至苗輒
盡今游食至洛使者往來不敢顯言且天災流行庸可
盡瘞望陛下悔過責躬損不急之務任至公之人持此
誠實以答譴咎其驅蝗使一切宜罷玄宗然之出其疏
付崇崇請遣思復使山東按所損還以實言崇又遣監
祭御史劉沼覆視沼希宰相意悉易故牒以聞故河南
數州賦不得蠲崇惡之出爲德州刺史拜黃門侍郎帝
北巡爲行在巡問賑給大使遷御史大夫性恬澹不喜
爲繩察徙太子賓客進爵伯累遷吏部侍郎復爲襄州
刺史治行名天下代還仍拜太子賓客卒年七十四諡
曰文天子親題其碑曰有唐忠孝韓長山之墓故吏盧
僊臣人孟浩然立石峴山初鄭仁傑李無爲者隱居太

白山思復少從二人游嘗曰子識清貌古恨仕不及宰
相也子朝宗

朝宗初歷左拾遺睿宗詔作乞寒胡戲諫曰昔辛有過
伊川見被髮而祭知其必戎今乞寒胡非古不法無乃
爲狄又道路籍籍咸言皇太子微服觀之且匈奴在耶
刺客卒發大憂不測白龍魚服可深畏也況天象變見
疫癘相仍歷兵助陰是謂無益帝稱善特賜中上考帝
傳位太子朝宗與將軍履承宗諫曰太子雖睿聖宜且
養成盛德帝不聽累遷荆州長史開元二十二年初置
十道採訪使朝宗以襄州刺史兼山南東道襄州南楚
故城有昭王井傳言汲者死行人雖渴困不敢視朝宗
移書諭神自是飲者亡恙人更號韓公井坐所任吏擅
賦役貶洪州刺史天寶初召爲京兆尹分渭水入金光
門匯爲潭以通西市材木出爲高平太守始開元末海
內無事詔言兵當興衣冠潛爲避世計朝宗慮終南山
爲長安尉霍仙奇所發玄宗怒使侍御史王鏐訊之貶
吳興別駕卒朝宗喜識拔後進嘗薦崔宗之嚴武於朝
當時士咸歸重之

朝宗孫欽字相之性清簡元和初第進士自山南東道
使府入爲殿中侍御史累遷桂管觀察使部二十餘州
自參軍至縣令無慮三百員吏部所補纔十一餘皆觀
察使商才補職欽下車悉來謁一吏持籍請補缺員欽
下教曰居官治吾不奪其不奉法無望縱舍缺者須按
籍取可任之會春服使至鄉有豪猾厚進賄使者求
爲縣令使者請欽欽許之既去召鄉豪責以撓法笞其
背以令部中自是豪右畏戰時詔置五管監兵盡境賦
不足充其費欽處以儉約遂爲定制羣以爲難卒贈工

部侍郎

宋務光字子昂一名烈汾州西河人舉進士及第調洛陽尉遷右衛騎曹參軍龍元年大水詔文武九品以上官直言極諫務光上書曰后王樂聞過罔不興拒諫罔不亂樂聞過則下情通下情通則政無缺此所以興也拒諫則羣議壅登議壅上孤立此所以亂也臣嘗觀大人相與之際有感必應其間甚密是以致失於此變生於彼易曰天垂象見吉凶聖人象之竊見自夏以來水氣勃戾天下多罹其災洛水暴漲漂損百姓傳曰簡宗廟廢祠祀則水不潤下夫王者即位必郊祀天地嚴配祖宗自陛下御極郊廟山川不時薦見又水者陰類臣妾之道陰氣盛則水泉溢後廷近習或有離中饋之職以干政願深思天變杜絕其萌又自春及夏牛多病死疫氣浸淫傳曰思之不睿時則有牛禍意者萬幾之事陛下未躬親乎冕錯曰五帝其臣不及則自親之今朝廷賢佐雖多然莫能仰陛下清光願勸思法宮凝就大化以萬方為念不以聲色為娛以百姓為憂不以犬馬為樂臣聞三五之君不能免淫亢願備禦存乎人耳災輿細微安之不怪及禍變已成駭而圖之猶水決治防病因求藥雖復僥倖尙何救哉且數年以來公私乏竭戶口減耗家無接新之儲國乏俟荒之蓄陛下近觀朝市則以為既庶且富試踐閭閻則百姓衣馬牛之衣食犬彘之食十室而九丁壯盡於邊塞婦孤轉於溝壑猛吏奮毒急政破資馬困斯佚人窮斯詐起為姦盜從而刑之良可歎也今人貧而奢不息法設而偽不止長吏貪冒選舉以私稼穡之人少商旅之人眾願坦然更化以身先之凋殘之後緩其力役久弊之極訓以敦

龐十年之外生聚方足臣聞太子者君之貳國之本願

擇賢能早建儲副安社稷慰黎元姻戚之閒謗議所集積疑成患憑寵生災愛之適以害之也如武三思等誠不宜任以機要國家利器庸可久假於人祕書監鄭普思國子祭酒葉靜能挾小道淺術列朱紫取銀黃虧國經悖天道此誠治亂安危所繫願陛下遠佞人親有德乳保之母妃主之家以時接見無令媢黷疏奏不肖俄以監察御史巡察河南道時滑州輸丁少而封戶多每配封人皆亡命失業務光建言通邑大都不以封今命侯之家專擇雄與滑州七縣而分封者五王賦少於侯租入家倍於輸國請以封戶均餘州又請食賦附租唐歲送停封使息傳驛之勞不見納以考最進殿中侍御史遷右臺嘗薦汝州參軍事李欽憲後為名臣卒年四十二時又有清源尉呂元泰亦上書言時政曰國家者至公之神器一正則難傾一傾則難正今中興政化之始幾微之際不可不慎自頃營寺塔度僧尼施與不絕非所謂急務也林胡數叛獯虜內侵裕藏虛竭戶口亡散天下人失業不謂太平邊兵未解不謂無事水旱為災不謂年登倉廩未實不謂國富而乃驅役飢凍彫鏹木石營構不急勞費日深恐非陛下中興之要也比見坊邑相率為渾脫隊駁馬胡服名曰蘇莫遮旗鼓相當軍陣勢也騰逐喧譟戰爭象也錦繡夸競害女工也督斂貧弱傷政體也胡服相歡非雅樂也渾脫為號非美名也安可以禮義之朝法胡虜之俗詩云京邑翼翼四方是則非先王之禮樂而示則於四方臣所未諭書聞不報

主府官屬而安樂府補授尤濬武崇訓死主弃故宅別築第修費過度又盛興佛寺公私疲匱替否上疏曰古之建官員不必備九卿已下或有其位而闕其選故賞不借官不濫士有完行家有廉節朝廷有餘奉百姓有餘食下忠於上上禮於下委裘而無倉卒之危垂拱而無顛沛之患夫事有惕耳目動心慮而行之於今不以為怪者臣得言之陛下百倍行賞十倍增官金銀不供於印東帛不充於錫何所媿於無用之臣何所歎於無力之士而使富商豪賈盡居纓冕之流鸞伎行巫咸涉膏腴之地古語曰福生有基禍生有胎且公主陛下愛子也選賢嫁之設官輔之傾府庫以賜之壯第觀以居之廣池築以嬉之可謂至重至憐也然用不合古義行不根人心將變愛成憎轉福為禍何者竭人之力怨也費人之財怨也奪人之家怨也愛一女取三怨於天下使邊疆之士不盡力朝廷之士不盡忠人心散矣獨持所愛安歸乎向使魯王賞同諸罔則亦有今日之禍無曩日之禍人徒見其禍不知禍所自來去年七月五日已見其徵矣而今事無改易尙更因循弃一宅造一宅忘前悔忽後禍臣竊謂陛下乃情之非愛之也臣聞君以人為本本固則邦寧邦寧則陛下夫婦母子長相保也微不可不防遠不可不慮今疆場危駭倉廩空虛卒輸不充土賞不及而大建寺宇廣造第宅伐木空山不給棟梁運土塞路不充牆壁所謂佛者清淨慈悲體道以濟物不利己以損人不榮身以害教今三時之月掘山穿地損命也殫府虛帑損人也廣殿長廊榮身也損命則不慈悲損人則不愛物榮身則不清淨寧佛者之心乎昔夏為天子二十餘世而商受之商二十餘世而

周受之周三十餘世而漢受之由漢而後歷代可知豈窮金玉修塔廟方得享久長之祚乎臣以為滅彫琢之費以賙不足是有佛之德息穿掘之苦以全昆蟲是有佛之仁罷營構之直以給邊垂是有湯武之功回不急

之祿以購廉清是有唐虞之治陛下緩其所急急其所緩親未來疏具在失眞實冀虛無重俗人之所爲而輕天子之業臣竊痛之陛下常欲填池壑損苑囿以賑貧

人今天下之寺無數一寺當陛下下一宮壯麗甚之用度過之十分天下之財而佛有七八陛下何有之矣百姓何食之矣雖以陰陽爲炭萬物爲銅役不食之人使不

衣之士猶尚不給況必待天生地養風動雨潤而後得之乎臣聞國無九年之儲曰非其國今計倉粟度府庫百僚共給百事用度臣恐不能卒歲一旦風塵再擾霜

雪葶藶沙門不能撥甲冑寺塔不足攘飢饉臣竊危之帝不省睿宗立罷斜封官千餘人俄詔復之方營金仙

玉貞觀替否以左補闕上疏曰臣謂古之用度不時爵賞不當國破家亡者口說不若身逢耳聞不若目見臣

請以有唐治道得失陛下所及見者言之太宗陛下之祖撥亂立極得至治之體省官清吏舉天下職司無虛

授用天下財帛無枉費賞必待功官必得才爲無不成征無不服不造寺觀而福祿至不度僧尼而咎殃滅陰

陽不愆五穀遂成粟腐帛爛萬里貢賦百蠻歸款享國久長多歷年所自帝皇以來未有若斯神聖者也陛下

何不取而則之中宗陛下之兄居先帝之業忽先帝之化不聽賢臣之言而悅子女之意虛食祿者數千人妄

食土者百餘戶造寺蠹財數百億度人免租庸數十萬是故國家所出日加所入日減倉不停半歲之儲庫不

貯一時之帛所惡者逐逐必忠良所愛者賞賞皆蠹惡朋佞喋喋交相傾動奪百姓之食以養殘凶剝萬人之

衣以塗土木人怨神怒親忽眾離水旱疾疫六年之閒三禍爲變享國不永受終於凶婦取譏萬代詒笑四夷

陛下之所親見也何不鑒而改之法太宗治國泰山之安立可致矣法中宗治國累卵之危亦立可致矣頃自夏已來淫雨不解穀荒于壟麥爛于場入秋亢旱霜損

蟲暴草木枯黃下人咨嗟未知所濟而營寺造觀日繼千時道路流言計用緡錢百餘萬陛下知倉有幾歲儲

庫有幾歲帛百姓何所活三邊何所輸而以百萬緡錢構無用之觀受天下之怨陛下忍棄太宗之治本不忍

棄中宗之亂階忍棄太宗長久之謀不忍棄中宗短促之計何以繼祖宗觀萬國耶往見明教自今已後一用

貞觀故事且貞觀之時有如今日營寺觀加浮屠道士益無用之官行不急之務者乎陛下在韋氏時切齒羣

凶今貴爲天子不改其事臣恐復有切齒於陛下者也往者和帝之憐悖逆也時追貶安樂公主宗晉卿勸爲第

宅趙履溫勸爲園亭工徒未息義兵交馳亭不得游宅不得息信邪佞之說成骨肉之刑此陛下之所親見也

今茲二觀臣必知非陛下公主之本意得無晉卿之徒陰勸爲之冀諛骨肉不可不察伏惟陛下權停二觀以

須豐年以所費之財爲公主給貧窮墮府庫則公主福德無窮矣疏奏帝不能用然嘉其切直稍遷右臺殿中

侍御史雍令劉少微恃權貪贓替按之岑義屢以爲請替否曰我爲憲司懼勢以縱罪謂王法何少微坐死

累遷穎王府長史卒年八十餘武平一名甄以字行潁川郡王載德子也博學通春秋

工文辭武后時畏禍不敢與事隱嵩山修浮圖法屢詔不應中宗復位平一居毋喪迫召爲起居舍人丐終制

不見聽景龍二年兼修文館直學士時天子暗柔不君韋后悉亂外戚盛平一重斥語即自請抑母黨上言去

歲獎或入羽林太白再經天太陽虧月犯大角臣聞災不妄生上見下應信如景響陛下天性孝愛戚屬外家

恩治澤濡臣一宗階三等家數侯朱輪華轂過許史梁鄧遠甚恩崇者議積位厚者贊遠故月滿必虧日中則移時不再來榮難久藉昔永清之後王室多難先聖從

權故臣家以宗子竊祿疏封今上聖復辟宜退守園廬乃再假光寵爵封如初高班厚位遂超涯極故陰氣鬱

陽沔洛汎溢昔王族驕盈梅福上書實氏專縱丁鴻進諫且后妃之家恩過寵深一朝覆沒遂無噍類願思抑

損之宜長遠之策推遠時權以全親親帝慰勉不許遷考功員外郎于時太平安樂公主各立黨相報毀親貴

離閔帝患之欲令敦和以訪平一因上書曰病之在四體者跡分而易逐居心腹者候遠而難治刑政乖舛四

支疾也親權猜開心腹患也自頃權貴猜防外和內難怨結如姬疑生骨肉邀榮之徒說獻忠欸膏脣之伍苟

輪譏計故過從絕猜嫌構親愛乖黨與生積霜成冰禍不可既願悉召近親貴人會宴內殿告以輯睦申以恩

勤斥姦人塞讒路若猶未已則捨近圖遠抑慈示嚴惟陛下之命帝美其忠切卒不用初准日用自言明左氏

春秋學宅日學士大集日用問魯三桓鄭七穆云何平一誦答如流因問日用曰公言齊桓公楚莊王時諸侯

屬齊若楚凡幾平公靈王時諸侯屬晉楚凡幾晉六卿齊楚執政幾何日用謝以不知平一條舉始末無留

語一坐驚服後宴兩儀殿帝命后兄光祿少卿嬰監酒嬰滑稽敏給詔學士嘲之嬰能抗數人酒酣胡人襪子何懿等唱合生歌言淺穢因倨肆欲奪司農少卿宋廷瑜賜魚平一上書諫曰伏見胡樂施于聲律本備四夷之數比來日益流宕異曲新聲哀思淫溺始自王公稍及閭巷妖伎胡人街童子或言如主情貌或列王公名質詠歌舞蹈號曰合生昔齊衰有行伴侶陳滅有玉樹後庭花趨數驚僻皆亡國之音夫禮慊而不進即銷樂流而不反則放臣願屏流僻崇肅雅凡胡樂備四夷外一皆罷遣況兩儀承慶殿者陛下受朝聽訟之所比大饗羣臣不容以倡優嫖狎虧汗邦典不納玄宗立貶蘇州參軍徒金壇令平一見寵中宗時雖宴豫嘗因詩頌規誠然不能卓然自引去故被謫既謫而名不衰開元末卒孫元衡儒術別傳

李又字尚真趙州房子人年十二工屬文中書令辭元起曰是子且有海內名第進士茂才異等累調萬年尉長安三年詔雍州長史薛季昶選部吏才中御史者季昶以又聞擢監察御史劾奏無避景龍初葉靜能怙勢又條其姦中宗不納遷中書舍人修文館學士帝遣使江南發在所庫貲以贖生父上疏以為江南魚鼈之利衣食所費江湖之生無既而府庫之財有限與其拯物不如憂民且鸞生之徒惟利所視錢刀日至網罟歲廣施之一朝營之百倍若回所贖之貲減方困之徭其澤多矣韋氏之變詔令嚴促多又草定進吏部侍郎仍知制誥與宋璟等同典選事請謁不行時人語曰李下無蹊徑改黃門侍郎封中山郡公制敕不便輒駁正貴幸有求官者睿宗曰朕非有祈願李又不可耳諫罷金仙

玉貞二觀帝雖不從優容之太平公主干政欲引又自附又深自拒絕開元初姚崇為紫微令薦為侍郎外託引重實去其糾駁權畏又明切也未幾除刑部尚書卒年六十八贈黃門監諡曰貞又沈正方雅識治體時稱有宰相器事兄尚一尚貞孝敬甚兄弟俱以文章名同為一集號李氏花萼集尚一終清源尉尚貞博州刺史賈曾河南洛陽人父言忠事母以孝聞補萬年主簿護

役蓬萊宮或短其苛高宗廷詰辨列詳諱異之擢監察御史方事遼東奉使稟軍餉還奏山川道里并陳高麗可破狀帝問諸將材否對曰李勣舊臣陛下所自悉麗同善雖非鬪將而持軍嚴整辭仁貴勇冠三軍高俛忠果有謀契苾何力性沉毅持重有統御才然夙夜小心忘身憂國莫逮於勣者帝然所許眾亦以為知言累轉吏部員外郎李敬玄兼尚書言忠尚氣及主選不能下貶邵州司馬失武懿宗意下獄幾死左除建州司戶參軍卒曾少有名景雲中為吏部員外郎玄宗為太子

遴選宮僚以曾為舍人太子數遣使采女樂就率更寺肄習曾諫曰昔齊以女樂饋魯而孔子行秦以女妓遺戎而由余出良以容哇狡蠱心喪志上行下效淫俗將成敗國亂倫實由茲起故大聖名賢疾之最甚殿下監撫餘閑宴私多豫後廷伎樂古或有之猶當祕隱不以示人至於所司教習章示羣寮慢伎淫聲實虧睿化願下教令屏倡優女子諸使者採召一切罷止太子手合嘉答俄擢中書舍人以父嫌名不拜徙諫議大夫知制誥舊書云拜諫議之明年有事南郊按睿宗親郊在太極元年則曾之從官是景雲二年事也唐會要載曾以太子舍人諫女樂為先天元年正月事先天元年即太極元年曾是時已遷諫議矣會要誤天子親郊有司議不設皇地祇位曾請合享天地如古制并

從祀等坐睿宗詔宰相禮官議皆如曾請開元初復拜中書舍人曾固辭議者謂中書乃曹司非官稱且嫌名在禮不諱乃就職與蘇晉同掌制誥皆以文辭稱時號蘇賈後坐事貶洋州刺史歷虔鄭等州刺史遷禮部侍郎卒于至

至字幼鄰擢明經第解褐單父尉從玄宗幸蜀拜起居舍人知制誥帝傳位至當讓册既進稟帝曰昔先天誥命乃父為之辭今茲命冊又爾為之兩朝盛典出卿家父子手可謂繼美矣至頓首鳴咽流涕歷中書舍人至德中將軍王去榮殺富平令杜徽去榮富平人故通鑑云木縣令肅宗新得陝且惜去榮善用礮從通鑑補詔貸死以流人使自效至諫曰去榮挾私怨殺縣令有犯上之逆易曰臣弑君子弑父非一朝一夕之故其所由來者漸矣若縱去榮可謂生漸矣議者謂陝郡初復非其人不可守然則它無去榮者何以亦能堅守乎若以一能免殊死彼孤矢絕倫劍術無前者恃能犯上何以止之若捨去榮誅將來是法令不一誘人入罪也惜一去榮殺十去榮之材其傷蓋多且逆亂之人彼此一也亂於富平能治於陝乎悖於縣令能不悖於君乎律令者太宗之律令陛下不可以一士小材廢祖宗大法帝詔羣臣議太子太師

章見素文部郎中崔器等等皆以為法者天地大典王者不敢專也於律殺本縣令列於十惡而陛下寬之王法不行人倫道屈臣等奉詔不知所從去榮未技陝郡不以之存亡王法有無國家乃為之輕重請論如法詔可按殺人者死固不可赦而去榮乃殺本縣令故賈至等所爭尤大新書載此事殊不得其要領今願以通鑑易書云詔可未知孰是如仍舊書 蒲州刺史以河東瀕賊徹傳城廬舍五千室不使賊得保聚民大擾詔遣至

慰撫官助營完蒲人乃安坐小法貶岳州司馬實應初
召復故官遷尙書左丞楊綰建請依古制縣令舉孝廉
于刺史刺史升天子禮部詔有司參議多是紹言至議
以爲自晉後衣冠遷徙人多僑處因緣官族所在占籍
今鄉舉取人未盡請廣學校增國子博士員十道大州
得置大學館詔博士領之召置生徒使保桑梓者鄉里
舉焉在流寓者庠序推焉議者更附至議轉禮部侍郎
待制集賢院大厯初徙兵部累封信都縣伯進京兆尹
七年以右散騎常侍卒年五十五贈禮部尙書諡曰文

欽定續通志卷二百二十五

列傳

唐二十六

桓彥範

楊仲昌

楊元琰

張柬之

敬暉

袁恕己

桓彥範字士則潤州丹陽人以門蔭調右翊衛遷司衛主簿狄仁傑曰君才識必能自致遠大厚為禮尋擢監察御史累遷中丞長安中為司刑少卿張昌宗引妖人占已有天分宋璟請窮治其姦武后以昌宗嘗自歸不許彥範諫曰昌宗包藏禍心億測天命事敗得引首以免未敗則候時為逆此凶詭之臣獎惑聖心且既自歸露而尚與妖人祈福禳厄則果於必成初無悔意今而宥之誠恐昌宗自謂得計人亦以為應運浩然從之是縱成其亂也父在子稱尊為逆子君在臣圖位為逆臣請付三司考治不納時內史李嶠等屢奏往為酷吏破家者請皆雪依違未從彥範復上言自文明後得罪惟揚豫博三州不免它可悉赦疏十上卒見聽嘗曰天理人命所繫必不能順旨詭辭以求苟免張柬之將誅易之等引與定策於是以彥範敬暉為左右羽林將軍屬以禁兵時中宗每北門起居因得謁陳祕計神龍元年正月彥範暉率羽林兵與將軍李湛李多祚楊元琰薛思行等千牛騎五百人討賊令湛多祚就東宮迎中宗至玄武門彥範等斬關入士皆鼓譟時武后處迎仙宮之集仙殿斬易之等麻下后聞變而起見中宗曰乃汝耶豎子誅可還宮彥範進曰太子今不可以歸往天皇棄羣臣以愛子託陛下今久居東宮羣臣思天皇之德不血刃清內難此天意人事歸李氏臣等謹奉天意

惟陛下傳位萬世不絕天下之幸后乃卧不復言明日中宗復位以彥範為侍中封諶郡公賜實封五百戶上書曰伏見陛下臨朝視政皇后必施帷殿上預聞政事臣愚謂古王者謀及婦人皆破國亡身傾軛繼路且以陰乘陽違天也以婦凌夫違人也違天不祥違人不義故書曰牝雞之晨惟家之索易曰無攸遂在中饋言婦人不得預外政也願令皇后無居正殿千外朝深居宮掖修陰教以輔佐天子又道路籍籍皆云胡僧慧範託浮屠法詭惑后如出入禁輿瀆撓朝政陛下常輕騎微服數幸其居上下汗慢君臣虧替孔子曰執左道以亂政者殺假鬼神以危人者殺今慧範之罪不殊於此不急誅且有變願早裁之帝不省納俄墨敷以方士鄭普思為祕書監葉靜能為國子祭酒彥範執不可帝曰要己用之不可止彥範曰陛下始復位制詔軍國皆用貞觀故事貞觀時以魏徵虞世南顏師古為監以孔穎達為祭酒如普思等方伎猥下安足繼蹤前烈臣恐物議謂陛下官不擇才以天秩加私愛不從時武三思以遷太后衛志慮不利諸武而韋后雅為帝寵畏且三思與丞亂由是朋讒奇中未幾罷彥範等政事五月加特進封扶陽郡王賜姓韋同后屬籍錫金銀繡繡皆以鐵券恕十死令朝朔望尋出為涪州刺史改濠州王同皎謀誅三思事洩三思誣彥範等同逆陰令許州司功參軍鄭愷上變乃貶彥範涪州司馬敬暉崖州司馬袁恕己寶州司馬崔元暉白州司馬張柬之新州司馬悉奪勳封三思又疏韋后隱穢榜於道請廢之帝震怒三思猥曰此殆彥範輩為之命御史大夫李承嘉鞫狀物色其人承嘉即奏彥範暉束之恕己元暉暴詘搖變內託廢

后而實危君人臣無將當伏誅詔有司議罪大理丞李朝隱執奏彥範等未訊即誅恐為讐家誣讒請遣御史按實卿裴諒請即誅斬家籍沒帝業嘗許以不死遂流瀛州禁錮終身子弟年十六以上謫徙嶺外擢承嘉金紫光祿大夫襄武郡公后又賜絲五百段錦被一張進談刑部尚書而貶朝隱聞喜合三思又諷節愍太子請夷彥範等三族帝不從三思慮五人者且復用乃納崔湜計遣周利貞矯制殺之利貞至貴州逢彥範即縛曳竹槎上肉盡杖殺之年五十四睿宗即位彥範等並追復官爵賜實封二百戶還其子孫諡曰忠烈開元六年詔與暉元暉束之恕己皆配享中宗廟庭建中二年復贈彥範為司徒暉太尉元暉太子太師束之司徒恕己太子太傅彥範工屬文然不甚喜觀書所志惟忠孝大略居若不能言及議論帝前雖被詰讓而安辭定色辯爭愈切誅二張也東之勒兵景運門將遂夷諸武涪州長史薛季昶勸曰二凶雖誅祿祿猶在請除之會日暮事遽彥範不欲廣殺因曰三思枕上肉爾留為天子藉手季昶歎曰吾無死所矣俄而三思竊入宮因韋后反盜朝權同功者歎曰死我者桓君也彥範亦曰主上昔為英主故吾留武氏使自誅定今大事已去得非天乎通鑑考異曰舊唐書薛季昶傳敬暉傳唐統紀唐歷狄梁公傳皆云張柬之敬暉不欲誅武三思惟御史臺記以為束之固爭而彥範不從新唐書彥範傳亦云彥範不欲廣殺按束之時為宰相首建此謀當是與桓敬等皆不可不應獨由彥範也按此事傳聞異辭古者擇焉初將起事告其母母曰忠孝不並立義先國家可也御史李福業者嘗與彥範謀及破殺福業亦流番禹後亡匿吉州參軍敬元禮家吏捕得元禮俱坐死福業將刑謝元禮曰子有親吾甚愧恨元禮曰公窮而歸我我得

己平見者傷之時監察御中盧襲秀亦坐與桓敬善為再祖雍所按不屈或報曰南使至桓敬已死襲秀泣然祖雍怒曰彥範等負國君乃流涕且君下獄諸弟皆縱酒無憂色何邪對曰我何負哉正坐與彥範善耳今盡殺諸弟則已如獨殺襲秀恐公不得高枕而眠祖雍色動握其手曰當活公遂得不坐襲秀者其祖方慶武德中為察非掾秦王器之嘗引與議建成事方慶辭曰母老矣身歸養王不逼也貞觀中為臺城令彥範弟玄範官至常州刺史臣範工部侍郎

薛季昶者絳州龍門人武后時上書自布衣擢監察御史以累左遷平遙尉復拜御史擢給事中夏官郎中侯味虛將兵討契丹不利妄言賊行有蛇虎導軍拜季昶為河北道按察使季昶馳至軍斬味虛以聞威震北方臺城尉吳澤射殺驛使髡民女髮為髻州不能劾季昶杖殺之然後布恩信甄表善長數月為御史中丞坐事左遷久乃入為雍州長史遷文昌左丞為涪州長史預誅易之等功進戶部侍郎五王失柄出季昶荆州長史貶儋州司馬初季昶與昭州首領周慶立廣州司馬光楚咨不叶懼二怨不敢往仰藥死葬昭州睿宗立詔贈左御史大夫同彥範等賜一子官

楊元琰者字溫鏡州閩鄉人漢太尉震十八代孫居父喪七日不食服除補梓州參軍平棘令課第一御史府表其政再擢永寧軍副使件用事者免勅初中為安南副都護三徙為荆府長史五遷州刺史咸有風績初張柬之代為荆州其乘艦江中私語外家革命元琰悲涕慷慨有匡復之志柬之執政故引為右羽林將軍謂曰江上之言君臣忘之今可以勉乃與李多詐等定計斬

二張進雲麾將軍封弘農郡公實戶五百賜鐵券恕十

死敬暉等為武三思所構元琰知禍未已乃請祝髮事浮屠悉還官封中宗不許暉聞尚戲曰胡頭應祝以多鬣似胡云元琰曰功成不懼懼亡暉感之然已不及計暉等死獨元琰全再遷衛尉卿又上官封願追寵其親帝哀憐贈越州都督長史李多詐死太子難元琰坐厚善繫獄蕭至忠救之免睿宗立數上書乞骸骨不聽四遷刑部尚書封魏國公徙太子賓客詔設位東宮太子為拜俄致仕開元六年卒年七十九諡曰忠生平無留著中外食其家常數千人臨終教諸子薄葬

子仲昌字蔓以通經為修文生累調不甚顯以河陽尉對策玄宗擢第一授蒲州法曹參軍判人異等遷監察御史坐累為孝義令太守蕭恕表其政徙下邳終吏部郎中仲昌資長子吏常分父邑租振宗黨御身儉約善與人交士樂從之游云

敬暉字仲暉絳州平陽人弱冠舉明經聖歷初為衛州刺史是時河北經突厥所騷方秋而城暉曰金湯非粟不守豈有棄農畝事池隍哉縱民歸斂閩部賴安遷夏官侍郎出為秦州刺史改涪州長史武后幸長安為副留守以治幹聞長安二年授中臺右丞以誅二張功加金紫光祿大夫為侍中平陽郡公實封五百戶進封齊國暉表請降諸武王爵絛是皆為公三思憤俄封平陽郡王加特進罷政事初易之已誅薛季昶請收諸武暉亦苦諫不從三思濁亂暉每椎坐帳恨彈指流血尋及貶又放瓊州按本紀云流敬暉於嘉州相表同今從本傳及通鑑為周利貞所害睿宗時追復官爵又贈秦州都督諡曰肅愍

學行稱叔父秘書少監行功器之舉明經為高陵主簿居父喪盡禮廬有燕來巢其乳母廬有賢操常戒曰吾聞姨兄辛元馭云子姓仕宦有言其貧囊不自存此善也若貨貨盈衍惡也吾嘗以為確論比見親表仕者務多財以奉親而親不究所從來必出於祿廩則善如其不然何異盜乎今為吏宜識吾意故元暉所守以清白名母亡哀毀甘露降庭樹後以庫部員外郎累遷鳳閣舍人長安元年為天官侍郎當公不受私謁執政忌之改文昌左丞不踰月武后曰卿向改職乃聞令史設齋相慶此欲肆其貪耳卿為朕還舊官乃復拜天官侍郎厚賜綵物三年授鸞臺侍郎同鳳閣鸞臺平章事兼

太子左庶子四年遷鳳閣侍郎先是酷吏誣籍數百家元暉開陳其枉后感悟皆為原洗宋璟劾張昌宗不軌事元暉頗助璟及有司正昌宗罪而元暉弟昇為司刑少卿執論大辟兄弟守正如此后久疾宰相不召見者累月及少開元暉奏言皇太子相王皆仁明孝友宜侍醫藥不宜引異姓出入禁闈后慰納以誅二張功為中書令博陵郡公后遷上陽宮願元暉曰諸臣進皆因人而元暉我所擢何至是對曰此正所以報陛下也俄拜博陵郡王罷政事冊其妻為妃賜實封五百戶檢校益州大都督府長史知都督事會貶又流古州道病卒年六十九諡曰文獻元暉三世不異居貧寓郊墅羣從皆自遠會食無它爨與昇尤友愛族人貧孤者撫養教勵後雖秉權而子弟仕進不使踰常資當時稱重少頗屬辭晚以非己長不復構思專意經術子璩亦有文開元二年詔與東之孫忠並為朝散大夫璩終禮部侍郎璩

子漢

漢博綜經術長論議十歲居父喪毀辟加入陸元方異之起家亳州司功參軍還調於是入判者千餘吏部侍郎嚴挺之施特樹鬻尊銘謂曰子清廟器故以題相命累遷司門員外郎楊國忠惡不附己出爲巴西太守玄宗西狩迎謁於道帝見占奏以爲明治體恨得之晚房瑄亦薦之即日拜門下侍郎同中書門下平章事肅宗立與韋見素等同赴行在時京師未復舉選不至詔渙爲江淮宣諭使收采遺逸不以親故自嫌常曰卿才處謗吾不忍爲然聽受不甚精以不職罷爲左散騎常侍兼餘杭太守江東採訪防禦使入遷吏部侍郎集賢院待制簡淡自處時望尤重遷御史大夫元載輔政與中官董秀盤結固寵渙疾之因進見極論載恃權樹黨毀法驚恩帝默然會渙兼稅地青苗錢物使以錢給百官而吏用下直爲使料上直爲百司料載諷皇城副留守張清擿其非詔尙書左丞蔣渙按實由是貶道州刺史卒贈太子太傅諡曰元子縱

縱絲協律郎三遷監察御史會詔擇令長授藍田令德化大行縣人立碑頌德累遷金部員外郎渙之貶縱棄官就養後爲汴西水陸運兩稅鹽鐵等使王師圍田悅之食詔縱餉四節度糧軍無乏德宗出奉天方鎮兵未至縱勸李懷光奔命悉軍財稱所須懷光兵疲久戰大河中遷延不進縱以金帛先度日濟者卽賜眾趨利爭西遂及奉天遷京兆尹上言懷光反覆不情宜備之及帝徙梁州追扈不及左右短縱殆不來帝曰知縱者朕也非爾輩所及後數日至授御史大夫處大體不急細事獄訴付成僚屬而已自兵興內外官冗溢時議併省縱奏兵未息朝廷頻詔錄勞諸道敘優日廣若停減吏

員非但承優者無官可敘亦恐序進者無路勝置矣詔可貞元元年天子郊見爲大禮使歲旱用屈縱博裁文物儉而不陋除吏部侍郎尋爲河南尹時兵難定民彫耗縱治簡易獨略細苛先是戍邊者道由洛儲餼取於民縱始令官辦使五家相保自占發斂以絕胥吏之私又引伊洛漑高仰通利里閭人甚宜之入爲太常卿封常山縣公卒年六十二贈吏部尙書諡曰忠初渙爲元載所抑縱訖載世不求聞達渙有嬖妾縱以母事之妾剛酷雖縱顯官而數言詬然率妻子候顏色承養不懈時以爲難孫礪

礪字東標及進士第遷右拾遺武宗方討澤潞礪建議請納劉稹降降旨貶鄧城令稍轉商州刺史擢河南尹右散騎常侍再爲河南尹邑有大賈王可久轉貨江湖間值麗助亂盡亡其貲不得歸妻詣卜者楊乾夫吞存亡乾夫悅其色且利其富旣占陽驚曰乃夫殆不還矣卽陰以百金謝媒者誘娶之遂爲富人徐州平可久丐而歸往見妻乾夫誦逐之妻詣吏自言乾夫厚納賄反罪可久再訴復坐誣可久恨歎遂失明礪得其情卽敕吏掩乾夫并前獄吏下獄悉發賊姦一日殺之以妻還可久時淫濼獄決而齊都民歌舞之徙陝虢觀察使軍亂貶懷州司馬卒

張柬之字孟將襄州襄陽人少涉經史補太學生祭酒令狐德棻異其才以王佐期之中進士第調清源丞承昌元年以賢良召年七十餘矣對策者千餘柬之第一授監察御史遷鳳閣舍人時突厥默啜有女請和親武后欲令武延秀娶之柬之奏古無天子取夷狄女者忤旨出爲合蜀二州刺史故事歲以兵五百戍姚州地險

瘴到屯輒死柬之論其弊曰姚州古哀牢國唐蒙開夜郎滇笮而哀牢不附光武末始請內屬置永昌郡統之賦其鹽布殖屬以利中土諸葛亮五月渡瀘收其產入以益軍儲使張伯岐選其勁兵以增武備故蜀志稱亮南征後國以富饒此前世置郡以其利之也今鹽布之稅不供珍奇之貢不入戈戟之用不實於戎行資貨之資不輸於大國而空竭府庫驅率平人受役蠻夷肝腦塗地臣竊爲陛下惜之昔漢歷博南山涉蘭倉水更置博南哀牢二縣蜀人愁苦行者歌曰歷博南越蘭津度蘭倉爲他人蓋識其貪珍奇之利而爲蠻夷所驅役也漢獲其利人且怨歌今減耗國儲費調日引朝廷無絲髮之利而百姓蒙終身之酷臣竊爲國家痛之往諸葛亮破南中卽用渠率統之不置漢官不留戍兵言置官留兵有三不易置官必表漢雜居猜嫌將起留兵轉糧爲患滋重後忽反叛勞費必甚故粗設綱紀自然久定臣謂亮之策誠盡羈縻蠻夷之要今姚州官屬旣無固邊厭寇之心又無亮且縱且擒之伎唯詭謀狡算恣情割剝扇動酋渠造成朋黨折支詔笑取媚蠻夷提挈子弟聚會蒲博凡逋逃亡命在彼州者戶贏二千專事剽奪且姚州本龍朔中武陵王簿石子仁奏置其後長史李孝讓辛文協死於羣蠻詔遣郎將趙政貴討擊兵無譙類又以將軍李義總繼往而郎將劉惠基戰死其州遂廢垂拱中蠻郎將王善寶昆州刺史龔乾福復請置州言課稅自支不旁取於蜀及置州後掾李稜爲蠻所殺延載中司馬成琛更置瀘南七鎮戍以蜀兵蜀史騷擾于今不息宜罷姚州隸揚府歲時朝覲同蕃國廢瀘南諸鎮而設關瀘北非命使不許交通增嵩屯兵擇

清良吏以統之臣愚以為便疏奏不納俄為荊州大都督府長史先是武后謂狄仁傑曰安得一奇士用之仁

傑曰陛下求文章資歷則李嶠蘇味道足矣若與成天下務荊州長史張柬之雖老宰相才也按仁傑薦柬之

安中孝仁傑以久視元年卒次年始改元長事斬書繫之長安斬書謀也吳續糾謬亦嘗譏之今從節明即召為洛州司馬它日又求人仁傑曰臣嘗薦張柬之未用也后

曰遷之矣曰臣薦宰相而為司馬非用也乃授司刑少卿遷秋官侍郎後姚崇為靈武軍使將行后詔舉外司

可為相者崇曰張柬之沈厚有謀能斷大事其人老惟丞用之即日召見拜同鳳閣鸞臺平章事進鳳閣侍郎

誅二張也東之首發其謀以功擢天官尚書同鳳閣鸞臺三品漢陽郡公實封五百戶不半歲以漢陽郡王加

特進罷政事東之既失權願還襄州養疾乃授襄州刺史中宗為賦詩祖道又詔羣臣饒定鼎門外至州持下

以法雖親舊無所縱貸會漢水漲齧城郭東之因壘為隄以遏湍怒闔境賴之又懇解王爵不許俄及貶又流

流州憂憤卒年八十二景雲元年贈中書令諡曰文貞授一子官東之剛直達於學論文書數十篇子愿湍愿

仕至襄州刺史湍以著作佐郎侍父襄陽特其家立功簡接鄉人鄉人怨之

袁恕己滄州東光人仕累司刑少卿知相王府司馬與誅二張又從相王統南衛兵備非常以功加銀青光祿

大夫中書侍郎同中書門下三品封南陽郡公實封五百戶將作少匠楊務廉者以下巧進恕己恐其復啟游

娛侈麗之漸言於中宗曰務廉位九卿忠言嘉謨不聞而專事營構以媚上不斥之亡以昭德乃出為陵州刺史未幾恕己拜中書令特進南陽郡王罷政事及貶又

流環州為周利貞所逼恕己素餽黃金至是飲野葛數升不死憤懣抔土以食爪甲盡不能絕乃擊殺之諡曰

貞烈孫高 高字公頤少慷慨有節尚擢進士第代宗時累遷給事中

中德宗將起盧杞為饒州刺史高當草詔見宰相盧翰劉從一曰杞當國矯誣陰賊使宗祐失守朝廷不寘以

法才示貶黜今還授大州天下其謂何翰等不悅命舍人作詔詔出高執不下奏曰杞罪萬誅陛下赦不誅今

復拜刺史誠失天下望願問外廷并敕中人聽於民若億兆異臣之言臣請前死諫官亦力爭帝前乃與杞上

佐翌日遣使慰高曰朕惟卿言切至己如奏太子少保韋倫曰高言勁挺自是陛下一良臣宜加優禮貞元二

年帝以大盜後關輔百姓貧田多荒蕪詔諸道上耕牛委京兆府勸課量地給牛不滿五十畝不給高以為聖

心所憂乃在窮乏今田不及五十畝即是窮人請兩戶共給一牛從之卒年六十中外悵惜憲宗時李吉甫言

其忠嘗特贈禮部尚書文宗開成三年又詔元暉曾孫郢為監察御史暉曾孫元膺河南丞東之四世孫憬壽

安尉恕己曾孫德文校書郎始帝訪御史中丞狄兼謩以仁傑功且言五王過烈乃求其後秩以官唯彥範後

無聞

欽定續通志卷二百二十六

列傳

唐二十七

劉幽求

鍾紹京

崔日用

王瑒

王毛仲

陳元禮

劉幽求冀州武強人聖歷中舉制科中第調閩中尉刺史不禮棄官去久之授朝邑尉桓彥範等誅二張而不殺武三思幽求謂曰公等無葬地矣不早計後且噬臍不從既五王皆為三思構死臨淄王入誅韋庶人預參太策是夜號令詔敕一出其手以功授中書舍人參知機務爵中山縣男實封二百戶授二子五品官二代俱贈刺史睿宗立進尚書右丞徐國公增封戶至五百賜物千段奴婢二十人第一區良田千畝金銀雜物稱是景雲二年以戶部尚書罷政事不旬月遷吏部拜侍中加贈實封二百戶賜鐵券免十死先天元年為尚書右僕射同中書門下三品監修國史而實懷貞為左僕射崔暹為中書令附太平公主有逆計幽求與右羽林將軍張暲定計使暲說玄宗曰暹等皆太平黨與日夜陰計若不早圖且產大害太上不得高枕矣臣請習羽林兵除之通鑑考異曰舊傳云幽求自謂功在朝臣之右志求左僕射崔暹為中書令心甚不平形於言色乃與張暲請誅之按幽求素盡心於玄宗暹等附太平非幽求因私忿而害之也考異之言甚是新書亦承用舊傳今帝許之未發也而暲漏言於侍御史鄧光賓帝懼卽列其狀睿宗以幽求等屬吏劾奏以疏聞親罪應死帝密申右之乃流幽求封州嶧峰州光賓補州明年太平公主誅卽日召復舊官知軍國事還封戶賜錦衣一襲開元初進尚書左丞相兼黃門監俄以太子少保罷姚崇素忌之奏幽求鬱快散職有怨言詔有司鞠

治宰相盧懷慎等奏言幽求輕肆不恭失大臣體貶睦州刺史削實封戶六百遷杭柳二州志憤卒於道年六十一贈禮部尚書諡曰文獻六年詔與蘇瓌配享睿宗廟庭建中中追贈司徒

鍾紹京虔州贛人初為司農錄事以善書直鳳閣武后時署諸宮殿明堂及銘九鼎皆其筆也景龍中為苑總監會討韋氏難紹京帥戶奴丁夫從事平夜拜中書侍郎參知機務明日進中書令越國公實封五百戶實賜與劉幽求等既當路以賞罰自肆當時惡之因上疏讓官睿宗用薛稷謀進戶部尚書出為彭州刺史玄宗卽位復拜戶部尚書增實封改太子詹事不為姚崇所喜與幽求並以怨望得罪貶果州刺史賜封邑百戶後坐

它事貶懷恩尉悉奪階封再遷温州別駕十五年入朝見帝泣曰陛下忘疇日事邪忍使棄死草莽且同時立功者今骨已朽而獨臣在陛下不垂愍乎帝惻然卽日授太子右論德久之遷小詹事年踰八十以官壽卒紹京嗜書畫如王羲之獻之褚遂良真跡藏家者至數十百卷建中中追贈太子太傅

崔日用滑州靈昌人擢進士第為芮城尉大足元年武后幸長安陝州刺史宗楚客委以頓時饋獻豐甘稱過實使者楚客歎其能亟薦之擢為新豐尉遷監察御史陰附安樂公主得稱選神龍中鄭普思納女後宮日用劾奏中宗初不省廷爭切至普思竟得罪時諸武及楚客等權寵交煽日用多所結納驟拜兵部侍郎宴內殿酒酣起為回波舞求學士卽詔兼修文館學士帝崩韋后專制畏禍及更因憎普潤道士王暉私謂臨淄王以自托且密贊大計王曰謀非計身直紆親難爾日用曰

至孝動天舉無不克然利先發遲恐生變及韋氏平夜詔權雍州長史以功授黃門侍郎參知機務封齊國公賜實戶二百坐與薛稷忿競罷為婺州長史歷揚汴充三州刺史由荊州長史入奏事因言太平公主逆節有萌陛下往以宮府討有罪須臣子與謀今據大位一下制書定矣帝曰畏驚太上皇奈何日用曰庶人之孝承順顏色天子之孝惟安國家定社稷若令姦宄竊發以亡大業可謂孝乎請先安北軍而後捕逆黨於太上皇固無所驚帝納之討逆詔權檢校雍州長史以功益封二百戶進吏部尚書會帝誕日用采詩大小雅二十篇及司馬相如封禪書獻之借以諷諭且勸告成事詔賜衣一副物五十段坐兄累出為常州刺史後以例減封戶三百徙汝州開元七年詔以日用曾贊大謀功多不宜減封復食二百戶徙并州長史卒年五十并人懷其惠吏民數百皆編服送喪贈吏部尚書諡曰昭再贈荊州大都督日用才辯絕人見事敏速能乘機反禍為福以取富貴先天後求復相然亦不獲也嘗謂人曰吾平生所事皆適時制變不專始謀然每一反思若芒刺在背云子宗之襲封亦好學寬博有風檢與李白杜甫以文相知者

從父兄日知字子駿少孤貧力學以明經進至兵部員外郎與張說同為魏元忠朔方判官稱健吏遷洛州司馬會譙王重福之變官司逃日知獨率吏卒助屯營擊賊以功加銀青光祿大夫遷殿中少監建言廐馬多請分收隴右省闔畿調授荊州長史四遷京兆尹封安平縣侯坐賊為御史李如璧所劾貶歙縣丞後歷殿中監進中山郡公說執政薦為御史大夫帝不許遂為左

志四六〇九

羽林大將軍俄授太常卿自以處朝廷久每入謁必與尚書商時謂尚書書行終潞州長史諡曰襄

王瑒懷州河內人少孤敏悟有才略明天文象緯以從父隱客嘗為鳳閣侍郎故數與貴近交時年甫冠見駙馬都尉王同皎同皎器之會謀刺武三思瑒義其為即與周璟張仲之等共計事洩亡命自備於揚州富商家識非庸人以女嫁之厚給以貲睿宗立瑒自言本末主人厚齋使還長安玄宗為太子開游獵韋杜閒休樹下瑒以備服見且請過家太子許之至所廬乃蕭然窶陋坐久殺牛進酒殊豐厚太子駭異自是每到韋杜輒止其廬初太子在潞州襄城張暉為銅鞮令性豪殖喜賓客七獵事厚奉太子數集其家山東倡人趙元禮有女善歌舞得幸太子止暉第其後生子瑛者也太子已平內難召暉拜宮門郎與姜皎崔滌李令問王守一薛伯陽等並侍左右令問緊擢殿中少監守一太僕少卿此數人以東宮皆勢重天下瑒是時方補諸暨縣主簿過謝東宮至廷中徐行高視侍衛呵止曰太子在瑒曰在外惟問太平公主不聞有太子太子本有功於社稷孝於君親安得此聲太子遽召見瑒曰韋氏躬行殺逆天下動搖人思李氏故殿下取之易也今太平凶狡無比左右大臣多為其用天子以元妹能忍其過臣竊為殿下寒心太子命坐且泣曰計將安便瑒曰誠召張說劉幽求郭元振等計之憂可紓也太子曰先生何以自隱而日與寡人游瑒曰臣善丹砂且工諸隱願比優人太子喜恨相知晚翌日授詹事府司直內供奉兼崇文學士日與諸王及姜皎等人侍獨瑒常豫祕謀不踰月遷太子舍人兼諫議大夫太子授內禪擢中書侍郎公主

謀益甚時劉幽求張暉皆得罪瑒見事迫請帝決策先天二年七月乃與岐王薛王姜皎李令問王毛仲王守一以鐵騎至承天門太上皇聞外譁謀召郭元振升承天樓閉關以拒侍御史任知古在朝堂募數百人不得人少選瑒從帝至樓下誅蕭至忠岑寶懷貞常元楷李慈北闕下賈膺福李猷於內客省事平瑒進戶部尚書封趙國公皎工部尚書楚國公毛仲輔國大將軍崔國公守一太常卿晉國公各食實戶五百令問殿中監宋國公實戶三百瑒皎令問辭不就以舊官增戶二百帝召燕內殿賜金銀雜皿皆一牀帛二千第一區帝於瑒眷委特異豫大政事時號內宰相每見閣中視日薄乃得出遇休日使者至第召之而皇后亦使向宮勞瑒母賜賚接足羣臣不能無望或說帝曰王瑒麻嗣宗皆詭譎縱橫可與履危不可與其安天下已定宜益求純樸經術士以自輔帝稍疏之俄拜御史大夫持節巡天兵以北諸軍改紫微侍郎未至拜澤州刺史削封戶百

受饋遺至數百萬侍兒數十寶帳備具閨門三百口既失志稍自放不能遵法度在州與官屬小史酋豪飲譁博博藏鉤為樂每徒官車馬數里不絕從賓客女伎馳弋凡四十年李崑故與瑒善皆華省外遷書疏往復以譴謫留落為嫌李林甫恨瑒恃功使氣欲除之使人劾發瑒宿憾制封階貶江華員外司馬又使羅希奭深按其罪瑒懼仰藥不及死希奭縊之時人哀其無罪始瑒為中書侍郎母居洛陽來京師讓瑒曰爾家上世皆州縣職今汝無攻城野戰勞以詔佞取容海內切齒吾恐汝家墳墓無人復掃除也瑒卒不免實應元年贈太子

少保太平之誅張暉召還為大理卿封鄧國公實封戶三百進京兆尹入侍宴樂出主京邑時人以為龍然自以幹治稱累遷太子詹事判尚書左右丞再為羽林大將軍三至左金吾大將軍以年高加特進子履冰季良弟晤仕皆清近暉嘗還鄉上蒙帝賜詩及錦袍繒絲乘驛就道敕州縣供擬卒年九十贈開府儀同三司履冰歷金吾將軍季良殿中監

王毛仲高麗人父坐事沒為官奴生毛仲長事臨淄王王出潞州有李守德者為人奴善騎射王市得之並侍左右而毛仲為明悟景龍中王還長安二人常負房簾以從王數引萬騎帥長及豪俊賜飲食金帛得其驩心毛仲曉旨亦布誠結納王嘉之韋后稱制令韋播高嵩為羽林將軍相萬騎以奇峭樹威果毅葛福順陳玄禮訴於王王方與劉幽求等謀舉大計幽求諷之皆願効死遂入討韋氏守德從帝止苑中而毛仲匿不出事定數日乃還不之責例擢將軍王為皇太子以毛仲知東宮馬駝鷹狗等坊不旬歲至大將軍階三品與誅蕭至忠等以功進輔國大將軍檢校內外閑廐知監收使進封霍國公實戶五百與諸王及姜皎等特禁中至連榻而坐帝暫不見惴惴若有失見則釋然開元九年詔持節為朔方道防禦討擊大使與左領軍大總管王峻天兵軍節度使張說幽州節度使裴奭先等數計事毛仲始見飾擢頗持法不避權貴兩管萬騎及閑廐官吏憚之無敢犯於牧事尤力婉息不嘗初監馬二十四萬後乃至四十三萬牛羊皆數倍時苜蓿首藎千九百頃以禦冬市死畜售絹八萬募嚴道焚燼千口為牧園檢勒芻菽無漏隱歲贏數萬石從帝東封取牧馬數萬匹每

志四六一〇

色一隊相開如錦繡帝才之還加開府儀同三司自開元後唯王仁皎姚崇宋璟及毛仲得之然資小入志既滿不能無驕遂求爲兵部尙書帝不悅毛仲鞅鞅又與葛福順爲姻家而守德及左監門將軍盧龍子唐地文左右威衛將軍王景耀高廣濟數千人與毛仲相倚仗爲姦毛仲恃舊最不法中使至其家稱詔毛仲不甚恭位卑者或踞見逆意卽侮辭以氣凌之高力士楊思勗等銜之嘗生子帝命力士就賜仍授子五品官還問曰毛仲喜乎力士奏毛仲熟視臣曰是子亦何辱三品官帝大怒力士等知帝怒它日從容曰北門奴官皆毛仲所與不除之必起大患後毛仲移書太原索甲仗少尹嚴挺之以聞帝恐毛仲遂亂匿其狀十九年有詔貶讓州福順壁州守德嚴州盧龍子唐地文振州王景耀黨州高廣濟道州並爲別駕員外置毛仲四子悉奪官貶惡地緣坐數十人有詔縊毛仲於零陵守德位武衛將軍嘗遇故主於道主走避守德命左右迎之至第親上食奉酒主流汗不敢當數日入奏曰臣蒙國恩過分而故主無寸祿請解官授之帝嘉其志擢爲郎將

陳元禮宿衛宮禁以瀆篤自檢帝嘗欲幸虢國夫人第諫曰未宜敕不可輕去就帝爲止後在華清宮正月望夜將出遊復諫曰宮外曠野無備豫陛下必出遊願歸城關帝不能奪安祿山反謀誅楊國忠關下不克至馬嵬卒誅之從入蜀還封蔡國公及李輔國遷帝西內元禮以老卒

欽定續通志卷二百二十七

列傳

唐二十八

魏元忠

韋安石 步 抗 賦 叔夏

郭元振

魏元忠宋州宋城人爲太學生跌蕩少檢久不調整屋人江融曉兵術元忠從之游盡傳所學儀鳳中吐蕃數盜邊元忠上封事洛陽官言命將用兵之要曰天下之柄有二文武而已至制勝御人其道一也今言武者先騎射而不積之以權略言文者首篇章而不取之以經綸養由基射能穿札不止鄢陵之奔陸機識能辨亡無救河橋之敗本末之效斷可知矣夫才生於世世實須才何世而不生才何才而不資世故物有不求未有無物之歲士有不用未有無事之時漢拜韓信舉軍驚笑蜀用魏延羣臣缺望此富貴者易爲善貧賤者難爲功也昔漢文帝時魏尚李廣並身任邊將位爲郡守夫以李廣才氣天下無雙爾時胡騎馮陵足申其用而文帝不能大任反歎其生不逢時削魏尚之爵而罰作之乃遠想廉頗李牧此身爲時主所知而不得盡其才也晉羊祜獻計平吳賈充苟且沮之祜歎曰天下事不如意十常七八緣苟賈不同竟不大舉此位據立功之地而不獲展其志也況布衣韋帶之人懷奇抱策上書闕下望朝奏而夕召豈易得哉臣願歷訪文武五品以上得無有智如羊祜武如李廣而不得聘其才略者乎使各言其志毋令久失職又曰語有之人無常俗政有治亂軍無常勝將有能否由此觀之安邊境立功名在於良將也且上智下愚明暗異等多算少謀厥竄殊科故魏

用栢直以拒漢韓信輕爲豎子燕任慕容評以抗秦王猛謂之奴才今朝廷用人類取將門子弟亦有死事之家而蒙抽擢者此等非幹略若之何使當閭外之任故且建功者言其所濟不言所起言其所能不言所藉若陳湯呂蒙馬隆孟觀悉出貧賤而勳伐甚高不聞其家世將帥也故陰陽不和擢士爲相蠻貊不共故卒爲將今以四海之廣億兆之眾其中豈無卓越奇絕之士臣恐未之思也夫何遠之有又曰賞者禮之基罰者刑之本禮崇謀夫竭其能賞厚義士輕其死刑正君子勗其心罰重小人懲其過賞罰者軍國之綱紀政教之藥石吐蕃本非勍敵而薛仁貴郭待封至棄甲喪師脫身以免國家寬政罪止削除漏網吞舟何以過此雖陛下遲念舊恩顧收後效然朝廷所少豈此一二入乎夫賞不勸謂之止善罰不懲謂之縱惡臣誠疏職干非其事豈欲開陛下君臣生厚薄哉正以刑賞一虧百年不復今罰既不行賞復難信故議者皆謂此日征行虛立賞格而無其實良由中才之人不識大體恐資勳庸竭府庫留意錐刀以爲益國所謂惜毫釐失千里者也自蘇定方平遼東李勣破平壤賞既不行勳亦淹滯歲月紛淆眞僞相錯臣以吏不奉法慢自京師僞勳所由主司之過其則不遠近在尚書省中然未聞斬一臺郎戮一令史使天下聞知陛下何照遠而不照近哉神州化首文昌政本治亂依在臣故冒死而言夫明鑑所以照形往事所以知今臣請借今以爲喻貞觀中萬年尉司馬玄景舞文邀利棄之都市後征高麗總管張君又擊賊不進斬之旗下臣以爲僞勳之罪多於玄景仁貴等敗重於君又向使早誅仁貴待封則諸將豈得失利於後

故慈父多敗子嚴家無格虜此言雖小可以喻大又今之將吏率多貪暴所務惟狗馬財物無趨奢吳起散金養士之風以此行軍臣恐戎敵之平未可旦夕望也又師行必藉馬力不數十萬不足與虜爭臣請天下自王公及齊人挂籍之口人稅百錢又弛天下馬禁使民得乘大馬不爲數限官籍其凡勿使得隱不三年人閒畜馬可五十萬卽詔州縣以所稅口錢市之若王師大舉一朝可用且虜以騎爲疆若一切使人乘之則市取其良以益中國使得漸耗亦國家之利也高宗善之授祕書省正字直中書省仗內供奉遷監察御史帝嘗從容曰外以朕爲何如主對曰周成康漢文景也然則有遺恨乎曰有之王義方一世豪英而死草萊議者謂陛下不能用賢帝曰我適用之間其死願已無及元忠曰劉藏器行副於才陛下所知今七十爲尚書卽徒歎彼而又棄此帝默然慙又明年遷殿中侍御史徐敬業舉兵詔元忠監李孝逸軍至臨淮而偏將雷仁智軍敗孝逸懼其鋒未敢前元忠曰公以宗室將天下安危所繫且海內承平日久聞狂狡竊發皆注心傾耳以待其誅今軍不進使遠近解情萬一朝廷以他將代公將何辭以逃逗撓之罪孝逸然之乃部分進討時敬業保下阿谿弟敬猷屯淮陰咸請先擊下阿阿敗淮陰自破今淮陰急敬業必救是腹背受敵也元忠曰不然賊勁兵盡守下阿利在一決萬一失捷則大事去矣敬猷博徒不知戰且兵寡易搖大軍臨之其勢必克既克敬猷乘勝而進彼引救不及又恐我之直擣江都必邀我於中啓吾乃以逸擊勞破之必矣譬之逐獸弱者先擒今捨必擒之弱而趨難敵之強非計也孝逸乃引兵擊淮陰敬

獸脫身遁遂進擊敬業平之還授刑正遷洛陽令陷周興獄當死以平楊楚功得流歲餘為御史中丞復為來俊臣所構將就刑神色不動前死者宗室子三十餘尸相枕藉元忠顧曰大丈夫行居此矣俄敕鳳閣舍人王隱客馳騎免死傳聲及于市諸囚歡叫元忠獨堅坐左右命起元忠曰未知實否既而隱客至宣詔已乃徐謝亦不改容流費州復為中丞歲餘陷侯思止獄仍放嶺南酷吏誅人多訟元忠者乃詔復舊官因侍宴武后曰卿累負謗錄何耶對曰臣猶鹿也羅織之吏如獵者苟須臣肉為羹耳彼將殺臣以求進臣顧何辜聖歷二年為鳳閣侍郎同鳳閣鸞臺平章事俄檢校并州長史天兵軍大總管以備突厥遷左肅政臺御史大夫兼檢校洛州長史治號威明張易之家奴暴百姓橫甚元忠笞殺之權豪憚服俄為隴右諸軍大使以討吐蕃又為靈武道行軍大總管禦突厥元忠馭軍持重雖無赫赫然功而亦未嘗敗中宗在東宮為檢校左庶子時二張勢傾朝廷元忠嘗奏曰臣承先帝之顧且受陛下厚恩不能狗忠使小人在君側臣之罪也易之等恨怒因武后不豫即其謂元忠與司禮丞高談謀挾太子令天下遂下制獄詔皇太子相王及宰相引元忠等廷辯不能決昌宗乃引張說為證說初偽許之至是迫使言狀不應后又促之說曰臣不聞也易之等遽曰說與同逆說曩嘗謂元忠為伊周夫伊尹放太甲周公攝王位此反狀明甚說曰易之昌宗安知伊周臣乃能知之伊尹周公歷古以為忠臣陛下用宰相不遣學伊周將何效焉且臣豈不知附易之立取臺衡附元忠立致滅族但懼元忠之冤不敢面欺耳后寤其讒然重違易之故貶元忠

高要尉中宗復位召為衛尉卿同中書門下三品不閱旬遷兵部尚書進侍中武后崩帝居喪軍國事委元忠裁可拜中書令封齊國公神龍二年為尚書右僕射知兵部尚書當朝用事羣臣莫敢望謁告上冢詔宰相諸司長官祖道東門賜錦袍給千騎四人侍賜銀千兩元忠到家於親戚無所賑施及還帝為幸白馬寺迎勞之安樂公主私請廢太子求為太女帝以問之元忠元忠曰公主而為太女駙馬都尉當何名主恚之曰山東木彊安知禮阿母子尚為天子我何嫌宮中謂武后為阿母子故主稱之元忠固稱不可乃止武三思用事羣月將高軫上書言其惡帝撈殺之後莫敢言王同皎謀誅三思不克反被族元忠居其間依違無所建明初元忠相武后有清正名天下傾望冀幹正王室武后之崩也三思矯造制慰諭之賜實封百戶元忠捧制感咽涕泗見者曰事去矣至是嘗望大滅陳郡男子袁楚客者通鑑作酸肅尉以書規之曰主上新服厥命維新厥德當進君子退小人以興大化豈可安其榮寵循默而已今不早建太子擇師傅而輔之一失也公主開府置僚屬二失也崇長緇衣使遊走權門借勢納賂三失也俳優小人盜竊品秩四失也有司選進賢才皆以貨取勢求五失也寵進宦者殆滿千人為長亂之階六失也王臣貴戚賞賜無度競為侈靡七失也廣置員外官傷財害民八失也先朝宮女得自便居外出入無禁交通請謁九失也左道之人榮感主聽盜竊祿位十失也凡此十失者君侯不正誰與正之哉元忠得書益慙謹按通鑑輯覽素負重望頗能不為利害動心乃自嶺表召還賴收前職捧制成咄咄時名節歸地蓋不特酸肅對責以十失已知其無能為矣行百里者以三思權專思有以誅之會半九十里晚節可不慎哉

節愍太子起兵與聞其謀太子已誅三思引兵走闕下元忠子太僕少卿昇遇於永安門太子舊使從戰已而被殺議者未辨逆順元忠誦言曰既誅賊謝天下雖死鼎鑊所甘心惟皇太子沒為恨耳帝以其嘗有功且為高宗武后素所禮置不問宗楚客紀處訥大怒因請夷其族不聽元忠不自安上政事及國封詔以特進齊國公致仕朝朔望楚客等引姚廷筠為御史中丞暴奏反狀由是貶渠州司馬楊再思李嶠皆傳致元忠罪唯蕭至忠議當申宥之楚客復遣再思與冉祖雍奏元忠緣逆不宜處內地監察御史袁守一固請行誅遂貶務川尉守一又劾天后嘗不豫狄仁傑請陛下監國元忠止之此其逆久萌帝謂楊再思曰事君者當一其心豈有主上小疾遽請太子知事者朕未見元忠過也元忠至涪陵卒年七十餘景龍四年贈尚書左僕射齊國公本州刺史睿宗詔陪葬定陵以實封一百五十戶賜其子冕開元六年諡曰貞元忠始名真宰以諸生見高宗高宗慰遣不知謝即出儀奉自安帝目送之謂薛元超曰是子未習朝廷儀然名下不虛意謂是真宰相也避武后母諱改今名

章安石京兆萬年人曾祖孝寬為大司空鄆國公祖律大業末為民部侍郎與元文都等留守洛拒李密戰上東門為密禽密敗復歸洛世充平高祖素與善授諫議大夫檢校黃門侍郎陵州刺史卒父琬仕為成州刺史安石舉明經調乾封尉永昌元年遷雍州司兵參軍蘇良嗣當國謂安石大才當大用徒勞州縣可乎薦於武后擢膳部員外郎遷并州司馬有善政后手制勞問陟拜德鄭二州刺史安石性方重不苟言笑其政尚清

嚴吏民尊畏久視中遷文昌右丞以鸞臺侍郎同鳳閣
鸞臺平章事兼太子左庶子仍侍讀尋知納言事時二
張及武三思寵橫安石數折辱之會侍宴殿中易之引
蜀商宋翽子等博塞后前安石跪奏商等賤類不當戲
殿上顧左右引出坐皆失色后以安石辭正改容慰勉
鳳閣侍郎陸元方自以爲不及退告人曰韋公眞宰相
后嘗幸興泰宮議趨疾道安石曰此道板築所成非自
然之固千金子且誠垂堂況萬乘可輕乘危哉后爲回
輦長安二年同鳳閣鸞臺三品俄又知納言檢校揚州
大都督府長史神龍元年罷政事俄復同三品遷中書
令兼相王府長史封鄜國公賜封三百戶加特進爲侍
中中宗與韋后以正月望夜幸其第賚賜不貲帝嘗幸
安樂公主池王請御船安石曰御輕舟乘不測非帝王
事乃止睿宗立授太子少保改封鄜國復爲侍中中書
令進開府儀同三司太平公主有異謀欲引安石數因
其婿唐賧邀之拒不往帝一日召安石曰朝廷傾心東
宮卿胡不察對曰太子仁孝天下所稱且有大功陛下
今安得亡國語此必太平公主計也帝矍然曰卿勿言
朕知之主竊聞乃構飛變欲訊之賴郭元振保護免遷
尚書右僕射兼太子賓客同三品俄罷政事留守東都
會妻薛怨婿婢笞殺之爲御史中丞楊茂謙所劾下遷
蒲州刺史徙青州安石在蒲太常卿姜皎有所請拒之
皎弟晦爲中丞以安石昔相中宗受遺制而宗楚客韋
溫擅削相王輔政語安石無所建正諷侍御史洪子與
劾舉子與以更改不從監察御史郭震奏之有詔與韋
嗣立趙彥昭等皆貶安石爲汪州別駕皎又奏安石護
作定陵有所盜沒詔籍其贓安石歎曰祇須我死乃已

發憤卒年六十四開元十七年贈蒲州刺史天寶初加
贈左僕射鄜國公諡文貞二子陟斌

陟字殷卿與弟斌俱秀敏神龍二年安石爲中書令陟
甫十歲授溫王府東閣祭酒朝散大夫善文辭書有楷
法一時知名士皆與游開元中居喪以父不得志歿乃
與斌杜門不出八年親友更往敦曉乃強調爲洛陽令
宋璟見陟歎曰盛德遺範盡在是矣累除吏部郎中中
書令張九齡引爲舍人與孫逖梁陟並司書命時號得
才遷禮部侍郎陟於鑿裁尤長故事主司取人以一日
試爲高下陟許自通所工先就其能試之已乃程考由
是無遺材遷吏部侍郎選人多僞集與正調相冒陟風
采嚴正臆辨無不首伏每歲黜正數百員號爲精敏自
以才地可坐階三公居常簡貴視僚黨譽然其以道誼
合雖後進布衣與均禮李林甫忌之出爲襄陽太守徙
河南採訪使以判官員錫善訊覆支使韋元甫工書奏
時號員推韋狀陟皆倚任之俄襲鄜國公坐事貶守鍾
離義陽後爲河東太守兼本道採訪使以失職內怏怏
頗餽謝權倖欲自結天寶十二載入考華清宮楊國忠
惡其才望諷拾遺吳豸之使發陟罪豸之乃劾陟饋遺
事國忠又使韋元忠左驗陟惶悸路吉溫求謀由是俱
得罪陟貶桂嶺尉按通鑑以此爲十二載事蓋陟以十
二載請行在二貶官則右明年也
再貶平樂會安祿山陷洛陽弟斌沒賊國志欲構陟與
賊通密諭守吏合脅陟使憂死州豪傑共說曰昔張說
被竄匿陳氏以免今若詔書下誰敢庇公願公乘扁舟
遁去事寧乃出不亦美乎陟慨然曰命當爾其敢逃刑
因堅卧不出歲餘肅宗即位起爲吳郡太守會永王兵
起委陟招諭乃授御史大夫江東節度使與高適來瑄

會安州陟爲載書登壇誓眾辭旨慷慨士皆隕泣永王
敗帝趣陟赴鳳翔初季廣琛從永王亂非其本謀陟表
廣琛爲厯陽太守慰安之至是恐廣琛有後變乃馳往
慰諭而後赴徵帝雅聞陟名欲倚以相及是遷延疑有
顧望意止除御史大夫會杜甫上表論房琯詞意迂慢
帝令陟與崔光遠顏真卿按之陟奏甫言雖狂不失諫
臣體帝慈是疏之將軍王去榮殺其本縣令帝將有之
陟又以爲不可時朝臣著位不肅殿中有相弔哭者帝
以陟不任職用顏真卿代之更拜吏部尚書久之宗人
伐墓栢坐不相教貶絳州刺史遷授太常卿呂誼入輔
薦爲禮部尚書東京留守史思明逼伊洛李光弼議守
河陽陟率東京官屬入關避之詔授吏部尚書就保永
樂不許至京卒年六十五贈荊州大都督陟早有名而
爲林甫國忠擯廢及肅宗擇相自謂必得以後至不用
鬱鬱不得志疾且卒歎曰吾道窮於此乎性修縱喜飾
服馬侍兒闈童列左右常數十侖於王宮主第窮治饌
羞擇膏腴地藝穀麥以鳥羽擇米每食視庖中所棄其
直猶不減萬錢寢公侯家雖極水陸曾不下筋常以五
采棧爲書記使侍妾主之陟惟署名自謂所書陟字若
常博士程皓議諡忠孝顏真卿以爲許國養親不兩立
不當合二行爲諡主客員外郎歸崇敬亦駁正之右僕
射郭英又卒用太常議云

斌父爲相時授太常通事舍人少修整好文藝容止嚴
峭有大臣體與陟齊名開元中薛王業以女妻之遷祕
書丞天寶中爲中書舍人兼集賢院學士改太常少卿
李林甫構韋堅獄斌以宗累貶巴陵太守移臨汝久之

進至大功則豈無加報於外孫乎外孫而報以大功則本宗之庶孫用何等耶帝手敕曰議既為姨舅服小功則舅母不得全降宜服總堂姨舅宜袒免若謂所服不得過本宗復為外曾祖父母外伯叔父母制服亦何傷皆親親意也侍中裴耀卿中書令張九齡禮部尚書李林甫奏言外服無降甥為舅母報之夫之甥既報則夫之姨舅又當服恐所引益疏詔曰姨舅屬近以親言之亦姑伯之匹可曰所引疏耶婦人從夫者也夫於姨舅既服矣從夫而服是謂睦親卿等宜熟計權卿等奏曰舅母總堂姨舅袒免請準制旨自我為古罷諸儒議制曰可二十六年詔給每月奏月令一篇每孟月朔日於宣政側設榻東向置案給坐讀之諸司官長悉升殿坐聽餘罷高宗上元三年將給享議者以禮緯三年詔五年禘公羊家五年再殷祭二家舛互莫能斷決太學博士史璨新書作史元會要作史元璨議曰春秋僖公三十三年十二月魯文公二年八月丁卯大享於太廟公羊曰禘也則三年喪畢新君之二年當給明年當禘羣廟僖公宣公八年皆有禘則後禘距前禘五年以此定之則新君之二年給三年禘已後五年再殷祭則六年當給八年當禘昭公十一年齊歸魯十三年喪畢當給為平邱之會冬公如晉至十四年給十五年禘傳曰有事於武宮是也至十八年給二十年給二十三年給二十五年禘昭公二十五年有事於襄公是也則禘後三年而給又二年而禘合於禮經議遂定睿宗喪畢給於太廟自後三年一給五年一禘至開元二十七年經五禘七給是歲給奏四月已禘孟冬又給祭數而請請以今年夏禘為大祭之源是後二年而冬禘又三年而夏禘五年再

殷周而復始制從之按史記之議依鄭康成禘禘志為此則五年之中止有一禘一禘兩至開元時不用增議而五年一禘各自宗喪畢始給七年始禘推至二十七年應有五禘八給是歲夏禘已過而冬禘未行故止有三年禘也自此以後又用章紹之議禘後二年而禘又三年而禘五年再祭與史璨議同然璨則前三而省其辭於沿革之故全不分明今頗為是正而疏通之紹終太子少師

抗者安石從父兄子弱冠舉明經累官吏部郎中景雲初為永昌令不事威刑而治前令無及者遷右御史臺中丞邑民詣闕留不聽乃立碑著其惠開元三年自太子左庶子為益州長史授黃門侍郎河曲胡康待賓叛詔持節慰撫抗於武畧非所長稱疾逗留不及賊而返俄代王峻為御史大夫兼按察京畿授安州都督累遷刑部尚書分掌吏部選卒抗清儉不治產及終無以葬元宗聞之特給柩車贈太子少傅諡曰貞

郭震字元振魏州貴鄉人以字顯長七尺美鬚髯少有大志年十六與薛稷趙彥昭同為太學生家嘗送資錢四十萬會有服服者叩門自言五世未葬願假以治喪元振舉與之不問名氏復等嘆駭十八舉進士為通泉尉任使使氣廢去小節嘗盜鑄及掠賣部中口千餘以餽遺賓客百姓厭苦武后知所為召欲詰責既與語奇之索所為文章上寶劍篇后覽嘉歎即授右武衛鎧曹參軍進奉宸監丞會吐蕃乞和其大將論欽陵請罷四鎮兵披十姓之地乃以元振充使因覘虜情還上疏曰臣聞利或生害害亦生利國家所患唯吐蕃與默啜耳今皆和附是將大利於中國也然圖之不審害且隨之欽陵欲裂十姓地解四鎮兵此動靜之機不可輕也今若直過其意恐邊患之起必甚於前宜為計以緩之藉

積通志 卷二百二十八 列傳 唐

事以誘之使彼和望勿絕則惡意亦不得頓生且患在外者十姓四鎮是也患在內者甘涼瓜肅是也關隴屯戍向三十年力用困竭脫甘涼有一日警豈堪廣調發耶善為國者先料內以敵外不食外以害內然後夷夏晏安昇平可保欽陵以四鎮近已畏我侵掠此吐蕃之要然青海吐渾密邇蘭鄯易為我患斯亦國家之要今宜報欽陵曰四鎮本扼諸蕃走集以分其力使不得併兵東侵今委之則蕃力益強易以擾動必實無東侵意當以吐渾諸部及青海故地歸於我即俟斤部落亦還吐蕃如此則足杜欽陵之口而和議未絕也且西邊諸國款附歲久論其情義豈可與吐蕃同日語今未知利害未審情實而遽分裂之亦恐傷諸國意非制御之畏算也后從之又言吐蕃倦罷戍久矣咸願解和以欽陵欲裂四鎮專制其國故未歸欽陵下誠能歲發和親使而欽陵常不從則其下必怨斯亦離間之漸也后然其計後數年吐蕃君臣相猜攜卒誅欽陵而其弟贊婆等來降因詔元振與河源軍大使夫蒙令鄉率騎往迎授主客郎中久之突厥吐蕃聯兵寇涼州拜元振涼州都督即遣之初州境輪廣纔四百里處來必傳城下元振始於南破口置和戎城北積置白亭軍制東要路遂拓境千五百里自是州無虜憂又遣甘州刺史李漢通闢屯田盡水陸之利舊涼州粟斛售數千至是歲數登至匹縑易數十斛積軍糧支數十年牛羊被野治涼五歲善撫御夷夏畏慕令行禁止道不舉遺河西諸郡置生祠碣碑頌德神龍中遷左驍衛將軍安西大都護西突厥酋烏質勒部落盛強欽塞願和元振即其牙帳與計事會大雨雪元振立不動烏質勒已老數拜伏不勝寒

會罷即死其子娑葛以元振計殺其父謀勒兵襲擊副使解琬知之勸元振夜遁元振不聽堅卧帳中為不疑者明日素服往弔道逢娑葛兵虜不意元振來遂不敢逼揚言迎衛進至其帳修弔禮哭甚哀為留數十日助喪事娑葛感義更遣使獻馬五千駝二百牛羊十餘萬制詔元振為金山道行軍大總管烏質勒之將闕啜忠節與娑葛交怨屢相侵而闕啜兵弱不支元振奏請追闕啜人宿衛徙部落置瓜沙間詔許之闕啜遂行至播仙城遇經略使周以悌以悌說之曰國家厚待待君以部落有兵故也今獨行入朝一羈旅胡人耳何以自全乃教以重寶賂宰相無入朝請發安西兵導吐蕃以擊娑葛求阿史那獻為可汗以招十姓請郭虔瓘使拔汗那蒐其鎧馬以助軍既得復讐部落更存闕啜然之即勒兵擊於闕坎城下之因所獲遣人開道齎黃金分遺宗楚客紀處誦使就其謀元振知之疏曰往歲吐蕃犯邊正以求十姓四鎮之地不獲故耳比以國多內難人畜疲癯恐中國乘其敝故屈志請和非實忘十姓四鎮也國力殷足勢且必爭今忠節不論國家大計且欲為吐蕃導四鎮危機恐從此啟吐蕃得志忠節亦當在賊掌股彼豈得復事唐也往吐蕃於國無恩力猶欲爭十姓四鎮今若效力樹恩則請分於闕疏勒不知以何理抑之且其國諸蠻及娑羅門方自嫌阻藉令求我助討亦不知以何辭拒之是以古之賢人不願夷狄忘惠非不欲其力懼後求無厭益生中國事也臣愚以為用吐蕃之力不見其便又請阿史那獻者其非以可汗子孫能招殺十姓乎但獻父元慶叔模羅兒俊子并斛瑟羅及懷道等俱可汗子孫也往者徧曾立之欲以

招撫十姓皆不能致尋自破滅何則此屬非有過人之才思威不足以動眾況獻又疏遠於其父兄乎若兵力足取十姓不必要須可汗子孫也又請以郭虔瓘董兵稅馬於拔汗那往虔瓘已嘗與忠節擅入其國臣時在疏勒不聞得一甲一馬而拔汗那挾忿侵擾南導吐蕃將俊子以擾四鎮且虔瓘往至拔汗那國四面無助若履虛邑猶引俊子為蔽況今北有娑葛知虔瓘之西必引以相援拔汗那倚堅城而抗於內突厥邀伺於外虔瓘等豈能復如往年得安易之幸哉疏奏不省楚客等因建遣攝御史中丞馮嘉賓持節安撫闕啜以御史呂守素處置四鎮以牛師獎為安西副都護代元振領甘涼兵召吐蕃併力擊娑葛娑葛之使娑臘知楚客謀馳報之娑葛怒即發兵出安西撥換馬者疏勒各五千騎於是闕啜在計舒何與嘉賓會娑葛兵奄至禽闕啜殺嘉賓又殺呂守素於辟城牛師獎於火燒城遂陷安西四鎮路絕元振屯疏勒水上未敢動楚客復表周以悌代元振且以阿史那獻為十姓可汗置軍焉着以取娑葛娑葛上表請斬楚客且遺元振書自言無仇於唐而楚客等受闕啜金欲加兵擊滅我豈得坐而待死元振奏之楚客大怒誣元振有異圖召將罪之元振使子鴻開道具奏其狀乞留定西土不敢歸京師以悌乃得罪流白州復以元振代之而赦娑葛睿宗立召為太僕卿將行安西酋長有務面哭送者旌節下玉門關去涼州猶八百里城中爭具壺漿歡迎都督嗟歎以聞景雲二年進同中書門下三品遷吏部尚書封館陶縣男先天元年為朔方軍大總管築豐安定遠城兵得保順明年以兵部尚書復同中書門下三品玄宗諒太平公主也

睿宗御承天門諸宰相走伏外省獨元振總兵扈帝事定宿中書者十四昔乃休進封代國公實封四百戶賜一子官物千段俄又兼御史大夫復為朔方大總管以備突厥未行會玄宗講武驪山帝怒軍容不整引坐纛下將斬之劉幽求張說跪馬前諫曰元振有大功難得罪富有乃赦死流新州開元元年帝思舊功起為饒州司馬快悞不得志道病卒年五十八年贈太子少保元振雖少雄邁及貴居處儉約手不置書人莫見其喜愠朝還對親欣欣退就室儼如也距國初仕至宰相而親具者唯元振云

欽定續通志卷二百二十八

姚崇 英 合 宋璟

姚崇字元之陝州栎石人父善懿 新書名懿字善懿貞世系表云字善意

觀中為嶺州都督崇少倜儻尚氣節長乃好學仕為孝

敬挽即舉下筆成章授濮州司倉參軍五遷夏官郎中

契丹擾河北兵檄填委崇奏決若流武后賢之即拜侍

郎后嘗語左右往周興來俊臣等數治詔獄朝臣相逮

引一切承反朕意其枉更界近臣臨問皆得其手牒不

寬朕無所疑即可其奏自俊臣等誅遂無反者然則向

論死得無冤邪崇曰自垂拱後被告者類自誣當是時

以告言為功故天下號曰羅織甚於漢之鈞黨雖陛下

使近臣覆訊彼尚不自保敢一搖手以悖酷吏意哉且

被問不承則重罹其慘如張虔勗李安靜等皆是也今

賴天之靈發寤陛下凶豎殲夷朝廷又安今日已後臣

以一門百口保內外官無復反者乞陛下得告牒置弗

推若後反逆有實臣請坐知而不告之罪后悅曰前宰

相務順可陷我為淫刑主聞公之言乃得朕心賜銀千

兩聖歷元年 新書本傳 三年誤進 同鳳閣鸞臺平章事遷鳳閣

侍郎長安四年以母老請納政詔拜相王府長史歸侍

疾 宰相表四年六月罷為相王府長史舊書亦同新書本傳兼相王府長史在歸養之前未知其審

餘復兼夏官尚書同鳳閣鸞臺三品崇建言臣事相王

而夏官本兵臣非惜死恐不益王乃詔改春官張易之

私有請於崇崇不納易之譖於后降司僕卿猶同鳳閣

鸞臺三品出為靈武道大總管張柬之等謀誅二張崇

適自屯所還遂參計議以功封梁縣侯實封二百戶后

遷上陽官中宗率百官起居王公更相慶崇獨流涕東

之等曰今豈涕泣時邪恐公禍由此始崇曰比與討逆

不足以語功然事天后久違舊主而泣亦人臣終節也

由此獲罪甘心焉俄為亳州刺史歷宋常越許四州睿

宗立拜兵部尚書同中書門下三品進中書令玄宗在

東宮太平公主干政宋王成器等分典閑廐禁兵崇與

宋璟建請主就東都出諸王為刺史以一人心帝以謂

主主恐太子懼上疏以崇等甚聞王室請加罪貶為申

州刺史移徐潞二州遷揚州長史政條簡肅人為紀德

於碑徙同州刺史先天二年玄宗講武新豐故事天子

行幸牧守在三百里者得詣行在時帝亦密召崇見之

甚歡因吞天下事表察不知倦帝曰卿宜速相朕崇知

帝大度銳于求治乃先設事以堅帝意即陽不謝帝怪

之崇因跪奏臣願以十事聞陛下度不可行臣敢辭帝

曰試為朕言之崇曰垂拱以來以峻法繩下臣願政先

仁恕可乎朝廷覆師青海未有牽復之悔臣願不倖邊

功可乎比來王侯冒觸憲網皆得以寵自解臣願法行

自近可乎后氏臨朝喉舌之任出闈人之口臣願宦豎

不與政可乎戚里貢獻以自媚於上公卿方鎮寢亦為

之臣願租賦外一絕之可乎外戚貴主更相用事班序

荒雜臣請戚屬不任臺省可乎先朝養狎大臣虧君臣

之嚴臣願陛下接之以禮可乎燕飲融羣月將以忠被

罪自是諍臣沮折臣願羣臣皆得批逆鱗犯忌諱可乎

武后造福先寺上皇造金仙玉真二觀費鉅百萬臣請

絕道佛營造可乎漢以祿莽閭梁亂天下國家為甚臣

願推此鑿戒為萬代法可乎帝曰朕能行之崇乃頓首

謹按通鑑輯覽 御批姚崇以十事堅上意史書皆為體稱今就其事彙之曰不幸邊功而薛誦王峻何以

屢致敗即曰宦豎不與政事而高力士楊思勳何以寵

任不衰且崇於玄宗之不應權而趨出朝高力士為之

周旋更私出道上請崇崇乃安則崇之所要與玄宗之

之所謂能行者果安在而崇豈真能不結內侍者哉翌

日拜兵部尚書同中書門下三品進封梁國公遷紫微

令固辭實封乃停舊食賜新封百戶先是中宗時公主

外戚皆奏度僧尼溫戶彊丁因避賦役至是崇建言佛

不在外悟之於心行事利益使蒼生安穩是謂佛理烏

用姦人以沮真教帝善之詔天下汰僧偽濫萬二千餘

人崇嘗於帝前序次郎吏帝仰視殿屋再三言之卒不

荅崇懼趨出內侍高力士曰陛下新即位宜與大臣裁

可否今崇亟言奈何不一省察帝曰我任崇以政大事

吾當與決至用郎吏崇顧不能而重煩我邪會力士宣

事至省中為道上語崇乃安由是進賢退不肖而天下

治開元四年 按舊書本紀三年四年皆有崇奏請捕蝗傳之山東大蝗民不敢捕崇奏詩云秉彼蠹賊付界炎

火漢光武詔曰勉順時政勸者農桑去彼螟蟻以及蝨

賊此除蝗義也且蝗畏人易驅又田皆有主使自救其

地必不憚勤請夜設火坎其旁且焚且瘞乃可盡乃出

御史為捕蝗使分道殺蝗汴州刺史倪若水上言除天

災者當以德昔劉聰除蝗不克而害愈甚拒御史不應

命崇牒報若水曰劉聰傷主德不勝祇今日聖朝祇不

勝德古者良守蝗不入境若其修德可免彼豈無德致

然坐視不救因以無年刺史其謂何若水懼乃縱捕蝗

十四萬石時議者喧譁帝疑復以問崇對曰今蝗滿山

東日漸蕃息河南河北家無宿藏一不收穫則流離相

踵安危所繫何可不圖縱使除之不盡猶勝養以成災

帝然之盧懷慎曰殺蟲太多恐戾和氣願公思之崇曰

縱之穀且盡如百姓何殺盡救人禍歸於崇不以該公也蝗害訖息於是帝方躬萬幾朝夕詢逮它宰相畏帝威決皆謙憚唯獨崇佐裁決故得專任會懷慎卒崇病店移告凡大政事帝必令源乾曜就咨焉乾曜所奏善帝則曰是必崇畫之有不合則曰胡不問崇乾曜謝其未也乃已帝欲崇自近詔徒寓四方館日遣問食飲起居尚醫尚食踵道崇以館局華大不敢居帝使語崇曰恨不使卿處禁中此何足辭久之紫微史趙誨受夷人昧當死崇素親倚署奏營減帝不悅時曲赦京師特赦杖誨流嶺南崇惶懼上還宰政引宋璟自代乃以開府儀同三司罷政事帝將幸東都而太廟屋自壞帝問宰相宋璟蘇頌同對曰三年之喪未終不可以行幸壞歷之變天所以示教戒陛下宜停東巡修德以答天譴帝以問崇對曰隋取符堅故殿以營廟而唐因之木久當毀偶與行會何足異也且陛下以關中無年輸餉告勞因幸東都百司供擬既具不可失信臣以為舊廟難復完可奉神主於太極殿更作新廟以申誠敬車駕依前進發帝曰卿言正契朕意賜絹二百匹詔所司如崇言天子遂東因詔五日一參入閣供奉八年授太子少保

以疾不拜明年卒年七十二贈揚州大都督諡曰文獻遺令誠子孫薄葬勿用浮屠法十七年追贈太子太保崇尤長吏道處決無淹思三為宰相常兼兵部故屯戍斥候士馬儲械無不諳記玄宗初立賓禮大臣故老雅尊遇崇每見便殿必為之興去輒臨軒以送它相莫如也時承權威干政之後綱紀大壞先天末宰相至十七人臺省要職不可數崇常先有司罷冗職修制度擇百官各當其材絲是天子責成於下而權歸於上矣然資

權譎始為同州張說以素憾諷趙彥昭刻崇及當國說懼潛詣岐王申欵崇它日朝眾趨出崇曳踵為有疾狀帝問損足乎對曰臣心有憂痛不在足間以故曰岐王陛下愛弟張說輔臣而密乘車出入王家恐為所誤故憂之於是出說相州魏知古崇所引及同列稍輕之出攝吏部尚書知東都選知古城馬時崇二子在洛通賓客饋遺憑舊請託知古歸悉以聞他日帝召崇曰卿子才乎皆安在崇揣知帝意曰臣二子分司東都其為人多欲而寡慎是必嘗以事干魏知古臣未及問之帝始以崇必為其子隱及聞乃大喜問安從得之對曰知古臣所薦也臣子必謂其見德而請之帝於是愛崇不私而薄知古欲斥之崇曰臣子無狀撻陛下法而遂知古外必謂陛下私臣乃止然卒罷為工部尚書崇始名元崇以與突厥吃刺同名武后時以字行至開元世避帝號更以今名謹按通鑑通鑑覽御批崇之改名真所且尊號有嗣世遞加者勢必至無名可取三子彝彝奕又豈直韓愈二名嫌名之譏足以盡之

皆至卿刺史奕少修謹崇欲使習知吏道故自右千牛進至太子舍人皆平遷開元中有事五陵有司以鷹犬從奕曰非禮也秦罷之請治劇為睢陽太守召授太僕卿後為尚書右丞子閔按舊書以閔為彝子新書世系表以居右相牛仙客幕府仙客病甚閔強使薦奕及盧奐為宰相仙客妻以閔閔坐死奕貶永陽太守卒曾孫合勗按世系表以勗為彝之曾孫合為崇弟元表之曾孫與本傳異

合元和中進士及第調武功尉善詩世號姚武功者遷監察御史累轉給事中奉先馮翊二縣民訴牛羊使奪其田詔美原主簿朱倚覆按猥以田歸使合劾發其私

以地還民歷陝虢觀察使終祕書監勗字斯勤長慶初擢進士第數為使府表辟進監察御史佐鹽鐵使務累遷諫議大夫更湖常二州刺史為宰相李德裕厚善及德裕為令狐綯等譖遂適索支黨無敢通勞問既居海上家無資病無湯劑勗數饋餉候問不傳時為厚薄終喪王傳宋璟邢州南和人七世視弁為元魏吏部尚書璟耿介有大節好學工文辭舉進士中第調上黨尉為監察御史遷鳳閣舍人居官鯁正武后高其才張易之誣御史大夫魏元忠有不臣語引張說為驗將廷辯說惶遽璟謂說曰名義至重不可陷正人以求苟免緣此受謫芬香多矣若有不測吾且叩閣救將與子偕死說感其言以實對元忠免死璟後遷左臺御史中丞會飛書告張昌宗引相工觀吉凶者璟請窮治后曰昌宗已自言於朕璟曰昌宗事露始自陳且謀反大逆無容首免請正國法后温言解之璟聲色愈厲曰昌宗分外承恩臣知言出禍從然義激於心雖死不恨后不憚姚瑋舊書及通鑑俱再思遠傳詔令出現曰天顏咫尺親奉德音不煩宰相擅宣王命后不得已遣昌宗詣臺璟庭立而按之事未畢特詔原之敕昌宗詣璟謝璟不見曰公事公言之若私見法無私也歎曰不先擊豎子腦裂負此恨矣新舊書並

昌宗占相事耳無絲及易之今據改嘗宴朝堂二張列卿三品璟階六品居下坐易之詔事璟虛位揖曰公第一一人何下坐璟曰才劣品卑卿謂第一何邪是時朝廷以易之等內寵不名其官呼易之五郎昌宗六郎鄭善果謂璟曰公索何謂五郎為卿璟曰以官正當為卿君非其家奴何郎之云自是易之等積怨常欲中傷后知

果謂璟曰公索何謂五郎為卿璟曰以官正當為卿君非其家奴何郎之云自是易之等積怨常欲中傷后知

果謂璟曰公索何謂五郎為卿璟曰以官正當為卿君非其家奴何郎之云自是易之等積怨常欲中傷后知

之得免嘗詔按獄揚州辭曰此監察御史職也又詔按
幽州都督屈突仲翔璟言御史中丞非重國大事不出
使仲翔罪止贓今使臣往此必有危臣者既而詔副李
嶠使隨蜀璟復言隴右無變臣以中丞副李嶠非朝廷
故事終辭易之初冀璟出則劾奏誅之計不得行俄二
張死乃免按新書云二張同璟家婚禮將遣客刺殺之
有告璟者璟乘車舍他處所刺不得發此事
書不載蓋出御史臺記通鑑考異云若實有其迹事
安得不自陳于太后若無其迹則人妄言耳今不取
神龍初為吏部侍郎中宗嘉其直令兼諫議大夫內供
奉仗下與言得失遷黃門侍郎武三思怙寵數有請於
璟璟厲答曰今復子明辟王宜以候就第安得尚干朝
政獨不見產祿事乎後章月將告三思亂宮掖三思諷
有司論大逆不道帝詔誅之璟請付獄按罪帝怒璟曰
人言后私三思陛下不問即斬之臣恐有竊議者請按
而後刑帝愈怒璟曰請先誅臣不然終不奉詔帝乃流
月將嶺南會車駕還西京詔璟權檢校并州長史未行
又檢校貝州刺史時河北水歲大饑三思封邑在貝州
專使督其租璟拒不與故為所擠歷杭相二州政清毅
吏下無敢犯者遷洛州長史睿宗立以吏部尚書同中
書門下三品玄宗在東宮兼右庶子先是崔湜鄭愔典
選為戚近干奪至豫用二年員闕猶不能給更置比冬
選流品清并璟與侍郎李又盧從愿澄革之銓總平允
太平公主不利東宮嘗駐輦光範門伺執政以諷之璟
昌言曰太子有大功宗廟社稷主也安得異議乃與姚
崇白奏出公主諸主於外帝不能用貶楚州刺史歷竟
冀魏三州河北按察使進幽州都督以國子祭酒留守
東都遷雍州長史玄宗開元初以雍州為京兆府復為
尹進御史大夫坐小累為睦州刺史按通鑑開元三年
璟坐監朝堂杖輕

既睦州刺史四年始內召書本傳從廣州都督廣人
為開元初即召拜刑部尚書并也徙廣州都督廣人
以竹茅茨屋多火璟教之陶瓦築堵列邸肆越俗始知
棟梁利而無延燒患召拜刑部尚書四年遷吏部兼侍
中帝幸東都次峭谷馳道隘稽擁車騎帝命黜河南尹
李朝隱知朝使王怡等官璟曰陛下富春秋今始巡守
以道不治而罪二臣繇此相飭後有受其蔽者帝遽命
捨之璟謝曰陛下向以怒責之以臣言免之是過歸於
上而恩在下姑聽待罪於朝然後詔還其職進退得矣
帝善之累封廣平郡公廣人為璟立遺愛頌璟上言臣
之治不足紀廣人以臣當國假之光寵成彼詔諛欲革
此風望自臣始有詔許停帝嘗命璟與蘇頌制皇子名
與公主號遂差次所封且詔別擇一美稱及佳邑封上
璟奏言七子均養詩人所稱今若同等別封或母寵子
愛恐傷鳩鴛之平臣不敢奉詔帝歎重其賢皇后父王
仁皎卒將葬用昭成皇后父寶孝謀故事墳高五丈一
尺璟與蘇頌請如著令帝已然可明日復詔如孝謀者
璟遭詔曰孝謀踰制當時無人極言其失豈可今日復
踵而為之貞觀時嫁長樂公主資送欲倍長公主魏徵
不可太宗欣納又文德皇后降使厚謝韋庶人追王其
父擅作鄂陵而禍不旋踵今以后父之尊欲高大其墳
何足為難而臣等再三進言者欲成朝廷之政中宮之
美爾帝曰朕常欲正身率下況於妻子何敢私之然此
乃人所難言公等乃能之即可其奏又遣使賫綵絹四
百匹會日食帝素服俟變錄因多所貸遣賵郵災患罷
不急之務璟曰臣聞日蝕修德月蝕修刑親君子遠小
人止女謁放讒夫此所謂修德也囹圄不擾兵甲不瀆
官不苛治軍不輕進此所謂修刑也君子恥言浮於行

願陛下推至誠行之無事空文帝嘉納後以開府儀同
三司罷政事京兆人權梁山謀逆敕河南尹王怡馳傳
往按牢械充滿久未決乃命璟為京兆復按其獄璟至
惟罪元謀數人其餘緣梁山詭稱婚集因假貸得罪及
脅從者悉奏原之十三年東巡泰山新舊本傳作
十二年璟復
為留守帝將發謂曰卿國元老別方歷時宜有嘉謀以
遺朕璟因極言得失手制答曰所進當書之坐右出入
觀省以誠終身賜賚優渥進兼吏部尚書十七年為尚
書右丞相而張說為左丞相源乾曜為太子少傅同日
拜有詔太官設饌太常奏樂會百官尚書省東堂帝賦
三傑詩自寫以賜二十年請致仕許之仍賜全祿退居
洛乘輿東幸璟謁道左詔榮王勞問別遣使賜藥餌二
十五年卒年七十五贈太尉諡文貞璟風度凝遠人莫
涯其量始自廣州入朝帝遣內侍楊思勗驛迓之未嘗
交一言思勗自以將軍貴幸訴之帝帝益嗔重璟為宰
相務清政刑使官人皆任職聖歷後突厥默啜數窺邊
九姓拔曳固斬之其首與入蕃使郝靈仙傳詣京師靈
佞自謂還必厚見賞璟顧天子方少恐後干寵陷利者
夸威武為國生事故抑之踰年纔授右武衛副將軍靈
佞憤死張嘉貞後為相閭堂按見其危言切議未嘗不
失聲嘆息六子昇尚渾恕華衡昇太僕少卿尚漢東太
守渾與李林甫善歷諫議大夫平原太守御史中丞東
京採訪使在平原暴斂求進至重取民一年庸租使東
京時薛稷甥女鄭寡而美渾使河南尉楊朝宗聘而已
納之薦朝宗為赤尉恕以都官郎中為劍南採訪判官
數貪縱不法陰養刺客天寶中渾恕尚並以贓敗渾流
高要恕流海康尚貶臨海長史華衡亦皆坐貪得罪廣

德中渾起爲太子諭德物議穢薄之昆弟皆荒飲俳嬉
而衡最險悖廣平之風衰焉

蘇瓌 字昌容雍州武功人隋尚書僕射威之曾孫父直

蘇瓌字昌容雍州武功人隋尚書僕射威之曾孫父直

台州刺史 瓌之伯父舊書 瓌擢進士第補恆州

參軍居母喪哀毀加人左庶子張大安表舉孝悌擢瓌

王府錄事參軍歷朗歙二州刺史時來俊臣貶州參軍

人懼復用多致書請瓌瓌叱其使曰吾忝州牧高下自

有體能優待小人乎遂不發書俊臣未至迫還恨之由

是連外徒不得入久之轉揚州大都督府長史州據都

會多名珍怪產前長史張潛於辯機貴取鉅萬瓌單身

襍被自將徙同州刺史咸早兵當番上者不能赴瓌奏

宿衛不可關宜月賜增半糧俾相給足則不關番又請

卻進獻罷營造不省時十道使括天下亡戶初不立籍

人畏搜括即流入比縣旁州更相掩蔽瓌請罷十道使

專責州縣瓌立簿籍天下同日檢正盡一月止歲一括

實以免勞弊武后鑄浮屠立廟塔役無虛歲瓌以為糜

損浩廣又天下僧尼濫偽相半請併寺著僧常員數缺

則補后善其言神龍初入為尚書右丞封懷縣男 舊書

淮陽縣子進淮陽縣侯與此異 瓌明曉法令多識臺省舊章一朝格式

皆所刪正再遷戶部尚書拜侍中留守京師鄭普思以

妖幻位祕書員外監支黨偏岐隴間相煽誅為亂瓌捕

繫普思窮訊普思妻以左道得幸幸后出入禁中有詔

勿治瓌廷爭帝猶依違司直范獻忠進曰瓌為大臣不

能前誅逆豈而報天子罪大矣臣請先斬瓌於是僕射

魏元忠頓首曰瓌長者用刑不枉普思法當死帝不得

已流普思於儋州餘黨論死累拜尚書右僕射同中書

門下三品進封許國公帝南郊祝飲明建白皇后為亞

獻安樂公主為終獻瓌以為非禮帝前折愧之帝昏懦

不能從時大臣初拜官獻食天子名曰燒尾瓌獨不進

及侍宴宗晉卿嘲之帝默然瓌曰宰相變和陰陽代天

治物今粒食踴貴百姓不足衛兵至三日不食臣誠不

稱職不敢燒尾帝崩遺詔皇太后臨朝相王以太尉輔

政后詔宰相議禁中宗楚客曰太后臨朝相王有不通

問之嫌不宜輔政瓌正色曰遺制乃先帝意安得輒改

楚客等怒卒削相王輔政事瓌稱疾不朝是月韋氏敗

睿宗即位進左僕射景雲元年老病罷為太子少傅是

冬卒年七十二贈司空荊州大都督諡曰文貞遺令薄

葬布車一乘瓌治州考課常最為宰相陳當世病利甚

多韋温始為汴州司倉參軍以賊被杖及用事憚瓌正

卒不敢傷開元二年賜其家實封百戶長子頤固辭乃

擢中子又左補闕六年詔與劉幽求配享睿宗廟庭文

宗太和錄舊德官其四代孫翔 按世系表 瓌六子頤

詵尤顯

頤字廷碩少敏悟一覽千言輒覆誦第進士調烏程尉

武后封嵩高舉賢良方正異等除左司禦率府曹參

軍吏部侍郎馬載曰古稱一日千里蘇生是已再遷監

察御史長安中詔覆來俊臣等寃獄頤驗發其誣多從

洗有遷給事中修文館學士拜中書舍人時瓌同中書

門下三品父子同在禁禁朝廷榮之玄宗平內難書詔

填委獨頤在太極後閣口所占授功狀百緒輕重無所

差中書令李嶠曰舍人思若涌泉吾所不及遷太常少

卿仍知制誥父喪起為工部侍郎辭不拜終制乃就職

帝問宰相有自工部侍郎得中書侍郎乎對曰陛下任

賢惟所命何資之計乃詔以頤為中書侍郎帝勞曰方

美官缺輒欲用卿然宰相議無及者朕為卿恨陸象先

歿紫微侍郎未嘗補朕思其人無易卿者頤頓首謝明

日加知制誥給政事食給食自頤始時李義對掌書命

帝曰前世李嶠蘇味道文擅當時號蘇李今朕得頤及

又何愧前人哉俄襲封許國公吐蕃盜邊諸將數敗虜

益張秣騎內侵帝欲自將兵討之頤諫曰古稱荒服取

荒忽之義非常奉職貢也故來則拒去則勿逐遠夷左

衽不足以辱天子雖然兵法先聲後實陛下如班親征

之詔而蔽越將謀夫投會濟師則吐蕃不日崩破亦無

待躬致天討也臣謂岐隴凋弊積年若干乘萬騎供億

不涯誠恐徭役內興寇掠外虞斯人不堪一也戎虜之

性驟往倏來取不恥奔勝不讓成若大軍一臨邊怖震

鳥散彼出多方我受其悞二也太上皇聞陛下身對寇

場不能無憂烝烝之思何以自安三也帝不首頤復上

言王者之師有征無戰不當屈萬乘之尊為一日之敵

願稍遷延以須西音會薛訥大破吐蕃俘獲不貲由是

帝止不行時詔立靖陵碑命頤為之詞辭曰前世帝后

不志碑事弗稽古謂之不法若靖陵獨建即祖宗諸陵

皆須追造帝乃止 按舊書及會要並云帝欲建碑因頤

開元四年進同紫微黃門平章事修國史與宋璟同當

國璟剛正多所裁決頤能推其長在帝前敷奏現有未

及或少屈頤輒取成之故帝未嘗不從二人相得歡甚

璟嘗曰吾與蘇氏父子同為宰相僕射長厚自是國器

若獻可替否事至即斷盡公不顧私則今丞相為過之

八年罷為禮部尚書檢校益州大都督長史按察節

度劍南諸州時蜀彫彫人流亡詔額收劍南山澤鹽鐵
自贍額尚簡靜重興力役即募戍人輸雇直開井置鑪
量入計出分所贏市穀以廣見糧時前司馬皇甫恂使
蜀檄取庫錢市錦牛臂琵琶捍撥瓊瓊額不肯子因
上言遣使銜命先取不急非陛下以山澤贍軍費意或
謂明公在遠豈得忤上意頌曰不然明主不以私愛奪
至公我可以遠近廢忠臣節邪嶺州巒茸院與吐蕃連
謀入寇獲謀者吏請討之頌不聽移書還其謀曰毋得

爾苜院羞悔不敢侵邊從封泰山詔頌朝覲壇世咨其
文邊分主十餘事卒年五十八帝猶視朝起居舍人韋
述上疏曰貞觀永徽時大臣薨輒置朝舉哀成終始恩
上有旌賢錄舊之德下有生榮死哀之美故禮部尚書
頌累葉輔弼奉事軒陛二十餘年今奄忽不還邦人痛
嗟惟惟蓋之舊股肱之戚宜節廢朝明君臣之誼帝曰
固朕意也即日帳次哭洛城南門不朝詔贈右丞相諡
曰文憲葬日帝游咸宜宮將獵問之半道而還頌性廉
儉奉稟悉推散諸弟親族儲無長貲自景龍後與張說
以文章顯稱望畧等故時號燕許大手筆帝愛其文曰
卿所為詔令別錄副本署臣某撰朕當留中後遂為故
事其後李德裕著論曰近世詔誥惟頌敘事外自為文
章云

誥字廷言舉賢良方正高第補汾陰尉遷祕書正學
士累轉給事中時頌為紫微侍郎固辭帝曰古者內舉
不避親今朕自用誥卿何辭頌之出徐州刺史治有迹
卒贈吏部侍郎世系表誥子煊按世系表煊為頌之
以蔭補千牛十餘歲強學有成人風頌曰吾家有子累

遷殿中侍御史長安令安祿山陷京師震與尹惟光遠

殺開遠門吏棄家出奔會肅宗興師靈武震晝夜馳及
行在帝嘉之拜御史中丞遷文部侍郎廣平王為元帥
以震為糧料使二京平封岐陽縣公改河南尹九節度
兵敗相州震與留守崔圓奔襄鄧貶濟王府長史起為
絳州刺史進戶部侍郎判度支為秦建陵陵鹵簿使以
勞封岐國公拜太常卿代宗將幸東都復以震為河南
尹未行卒贈禮部尚書

幹瓌從父兄也父勗武德中為秦王諮議典籤文學館
學士尚南康公主拜駙馬都尉遷魏王秦府司馬博學
有美名秦重之勸開館引文學士揀括地志歷吏部侍
郎太子左庶子卒幹擢明經授徐王府記室參軍王好
敗每諫止之垂拱中遷魏州刺史河朔饑前刺史苛暴
百姓流徙幹檢吏督姦勸課農桑由是流冗盡復以治
稱拜右羽林軍將軍遷冬官尚書來俊臣素忌之譴幹
與琅邪王冲通書繫獄發憤卒

張說字道濟或字說之其先范陽人後徙洛陽永昌中
武后策賢良方正說所對第一后署乙等授太子校書
郎遷左補闕舊書作右補闕久視中后避暑三陽宮汜秋未還
說上疏曰宮距洛城百六十里有伊水之隔嶠坂之峻
過夏涉秋水潦方積道壞山險不通轉運河廣無梁咫尺
千里扈從兵馬日費資饑連雨彌旬卽難周濟陛下
太倉武庫並在都邑紅粟利器蘊若山邱奈何去宗廟
之上都安山谷之僻處是猶倒持劍戟示人鑄柄臣竊
為陛下不取夫禍變之生在人所忽故曰安樂必戒無
行所悔此不可一也宮城編小萬方輻湊填郭溢郭併
鋪無所排斥居人蓬宿草次風雨暴至不知庇託孤悻
老病流轉衢巷陛下作人父母將若之何此不可二也

池亭奇巧蕩誘上心削巒起壘場流漲海俯貫地脉仰
出雲路易山川之氣奪農桑之土延木石運斧斤山谷
連聲春夏不輟勸陛下作此者豈正人邪詩云人亦勞
止迄可小康此不可三也御苑東西二十里外無墻垣
局禁內有榛叢谿谷猛獸所伏暴戾所憑陛下往往輕
行警蹕不肅厯蒙密乘險巖卒有逸獸狂夫驚犯左右
豈不殆哉易曰思患豫防願為萬姓持重此不可四也
今北有胡寇觀邊南有夷獠騷擾關西小旱耕稼是憂
安東近平輪漕方始臣願及時旋軫深居上京息人以
展農修德以來遠罷不急之役省無用之費天下幸甚
后不省擢鳳閣舍人張易之誣陷魏元忠也授說證其
事說廷對言元忠實無後言乃易之誣構耳件后旨坐
流欽州中宗立召為兵部員外郎累遷工部兵部二侍
郎以母喪免既暮詔起為黃門侍郎固請終制祈陳哀
到時禮俗衰薄士以奢服為榮而說獨以禮終天下高
之除喪復為兵部兼修文館學士舊書作弘文館按會
館為昭文館二年又改為睿宗即位擢中書侍郎兼雍
修文館此當作修文館是州長史譙王重福死東都支黨數百人獄久不決詔說
往按一宿而罪人得乃誅張靈均鄭愔餘誣悉原帝
嘉其不枉直不漏惡慰勞之元宗為太子說與褚無量
侍讀尤見親禮踰年進同中書門下平章事監修國史
景雲二年帝謂侍臣曰術者言五日內有急兵入宮為
我備之左右莫對說進曰此讒人謀動東宮耳陛下若
以太子監國則名分定義贍破蜚禍塞矣帝悟下制如
說言明年皇太子即皇帝位太平公主引蕭至忠崔暹
等為宰相以說不附已授尚書左丞罷政事為東都留
守說知太平公主等懷逆因以佩刀獻元宗請先決策

帝納之至忠等已誅召爲中書令封燕國公實封二百戶始武后末年爲漢寒胡戲中宗嘗乘樓縱觀至是因四夷來朝復爲之說上疏曰韓宣適魯見周禮而歎孔子會齊數倡優之罪列國如此況天朝乎今四夷請和使者入謁當接以禮樂示以兵威雖曰戎夷不可輕易焉知無駒支之辭由余之賢哉且乞寒濊胡未聞典故裸體跳足汨泥揮水盛德何觀焉恐非于羽柔遠樽俎折衝之道納之自是此戲遂絕素與姚元崇不平罷爲相州刺史河北道按察使坐累徙岳州停實封說既失執政意內自懼雅與蘇瓊善時瓊子頌爲相因作五君詠獻頌其一紀瓊也候瓊忌日致之頌覽詩嗚咽未幾見帝陳說忠善有勳不宜棄外遂遷荆州長史俄以右羽林將軍檢校幽州都督入朝以戎服見帝大喜授檢校并州長史兼天兵軍大使修國史敕齋橐卽軍中論議朔方軍大使王峻誅河曲降虜阿布思也九姓同羅拔野固等皆疑懼說持節從輕騎二十直詣其部宿帳下召見酋豪慰安之副使李憲以虜難信不宜涉不測馳狀以諫說報曰吾內非黃羊不畏其食血非野馬不畏其刺士當見危致命亦吾效死秋也由是九姓遂安峻後討蘭池叛胡康待賓詔說相聞經畧時党項羌亦連兵攻銀城說將步騎萬人出合河關掩擊破之追北至駱馳堰羌胡自相猜夜關待賓遁入鐵建山餘眾奔潰說招納党項使復故處副使史獻請盡誅之說不從奏置麟州以安羌眾召拜兵部尚書同中書門下三品讓宋璟陸象先不許明年詔爲朔方節度大使親行五城督士馬時慶州方渠降胡康願子反自爲可汗掠牧馬西涉河出塞說進討至木槃山禽之俘獲三千餘人

乃議徙河曲六州廢胡五萬餘口於唐鄧仙豫開空河南並朔方千里之地以功賜實封三百戶故時邊鎮兵贏六十萬說以時平無所事請罷二十萬還農天子以爲疑說曰邊兵雖廣諸將但欲自衛及雜使營私爾若禦敵制勝實不在多耳以陛下之明四夷畏威不慮滅兵而招寇冠乃從之時衛兵貧弱番休者亡命畧盡說建請一切召募疆壯優其科條不問色役不旬日得勝兵十三萬分補諸衛以彊京師後所謂曠騎者也帝自東都將還京因幸并州說見帝曰太原王業所基陛下巡幸振耀威武以申永思繇河東入京師有漢武雖上祠此禮廢關歷代莫舉願爲三農祈穀誠四海之福帝納其言過祠后土乃還進中書令說又倡封禪議受詔與諸儒草議多所裁正帝召說與禮官學士置酒集仙殿曰朕今與賢者樂於此當遂爲集賢殿乃下制改麗正書院爲集賢殿書院而授說學士知院事東封還爲尙書右丞相兼中書令詔撰封禪壇頌刻之泰山以夸成功初源乾曜不欲封禪說固請乃不相平及升山執事官當從者說皆引所厚超階入五品從兵唯加勳而無賜物眾怨其專宇文融先獻策括天下游戶及籍外剩田置十道勸農使分往檢察說畏其擾數沮格之至是融請吏部置十銓與蘇頌等分治選事每有論請皆爲說所抑於是銓綜失敘融恨之乃與崔隱甫李林甫其劾奏說引術士夜解及受職等狀其言醜慘帝怒詔乾曜隱甫刑部尙書韋抗卽尙書省鞠之發金吾兵圍其第說兄左庶子光詣朝堂割耳稱寃帝遣高力士往視還奏說遂首垢面席裏於瓦器中食惟懼待罪帝意憐之力士因言說有功於國帝以爲然乃止停說中書

令在集賢院專修國史又乞停右丞相不許然每軍國大務帝輒訪焉隱甫等恐說復用巧文詆毀素忿說者又著疾邪篇帝聞因令致仕始爲相時帝欲事吐蕃說密請講和以休息郭塞帝曰朕待王君奭計之說出告源乾曜曰君奭好兵以求利彼入吾言不用矣後君奭破吐蕃於青海西說策其且敗因上嶺州關羊於帝以申諷諭按開元十五年正月王君奭破吐蕃於青海西九月瓜州陷新書獻關羊在瓜州未失之前見說先事納忠之意舊傳曰使羊能言必將曰關而不解致在瓜州失守後非是曰使羊能言必將曰關而不解立有死者所賴至仁無殘量力取歡焉帝識其意納之賜緜千匹後瓜州失守君奭死十七年復爲右丞相遷左丞相上日敕所司供帳設樂內出醪饌帝爲賦詩以修謁陵儀注功授開府儀同三司十八年十二月卒年六十四爲停元正朝會贈太師諡曰文貞帝爲自製碑文說敦氣節立然許喜推藉後進於君臣朋友大義甚篤帝在東宮所與祕謀密計甚眾後卒爲宗臣朝廷大述作多出其手帝好文辭有所爲必使視草善用人之長多引天下知名士以佐佑王化粉澤典章成一王法天子尊尙經術開館置學士修太宗之政皆說倡之爲文屬思精壯長於碑誌既謫岳州而詩益悽婉人謂得江山助云常典集賢圖書之任開雖致仕一歲亦修史於家始帝欲授說大學士辭曰學士本無大稱中宗崇寵大臣乃有之臣不敢以爲稱固辭乃免中書舍人陸舊書作徐堅誤以學士或非其人而供擬太厚無益國家議白罷之說聞曰古帝王功成則有著滿之失或輿池觀或尙聲色今陛下崇儒尙道躬自講論詳延豪俊則麗正乃天子禮樂之司所費細而所益者大陸生之言蓋未達邪帝知遂薄堅說嘗自爲其父碑帝爲書其額曰

嗚呼積善之墓說歿後帝使就家錄其文行於世開元後宰相不以姓著者曰燕公云大曆中詔配享玄宗廟廷子均均墳

均亦能文自太子通事舍人累遷主爵郎中中書舍人開元十七年說授左丞相校考官考注均考曰父教子忠古之善訓王言帝載尤難以任庸以嫌疑而撓紀綱考上下當時亦不以爲私後襲燕國公累遷兵部侍郎以累貶饒蘇二州刺史久之復爲兵部侍郎自以己才當輔相爲李林甫所抑林甫卒倚陳希烈冀得其處既而楊國忠用事希烈罷而均爲刑部尚書坐均貶建安

太守還授大理卿居常歛望不平祿山盜國爲僞中書令肅宗反正兄弟皆論死房瑄聞之驚曰張氏滅矣乃見苗晉卿營解之帝亦願說有舊詔免死流合浦建中初贈太子少傅子濛事德宗爲中書舍人

均尚靈親公主時說居中秉政均爲舍人諸父光爲銀青光祿大夫榮盛冠時玄宗眷均厚即禁中置內宅侍爲文章珍賜不可數均供奉翰林而均所以所賜夸均均曰此婦翁遺婿非天子賜學士也帝嘗幸均內宅顧均曰希烈辭宰相孰可代者均錯愕未得對帝曰無踰吾愛璿矣均頓首謝既而不果用均始怨望

新舊書並云希烈罷相國忠舉韋見素代之均深歎望按天寶十三載三月祿山還鎮均因國忠之語貶盧溪司馬八月韋見素乃知政事而云均爲此歎望非也今從通鑑改正天寶十三載祿山入朝帝欲加同平章事國忠曰祿山有軍功然不識字與之恐四夷輕漢乃止及還范陽詔高力士餞滄坡力士歸曰祿山意

快快若伺知宰相之命不行也帝以語國忠國忠曰必張相告之新舊書並云祿山以破奚契丹功求帶平章事按祿山若有是請而玄宗不與則祿山之快快固宜不待張相告之而始歎望也通鑑以爲出自帝意於情事較合今據改帝怒盡逐其

兄弟以均守建安而均爲盧溪郡司馬均自給事中爲宜春郡司馬歲中還均爲太常卿帝西狩至咸陽惟韋見素楊國忠魏方進從帝謂力士曰若計朝臣當孰至香力士曰張均兄弟世以恩戚貴其當即來房瑄有宰相望而陛下久不用又爲祿山所器此不來矣帝曰未可知也後瑄至召見流涕帝撫勞且問均均安在瑄曰臣之西亦嘗過其家將與偕來均曰馬不善馳當繼行然臣觀之恐不能從陛下矣帝嗟恨顧力士曰非若所料也均遂與希烈皆相祿山均死賊中

欽定續通志卷二百三十

列傳

唐三十一

魏知古

盧慎慎

李元紘

杜暹

張九齡

韓休

魏知古深州陸澤人方直有雅才擢進士第以著作郎修國史累遷衛尉少卿檢校相王府司馬神龍初為吏部侍郎以母喪解服除為晉州刺史睿宗立以故屬拜黃門侍郎兼修國史會造金仙玉真觀雖盛夏工程嚴促知古諫曰臣聞古之君人必時視人之所勤人勤於力則功築罕人勤於財則貢賦少人勤於食則百事廢故曰不作無益害有益又曰罔拂百姓以從己之欲禮季夏之月樹木方盛無有斬伐不可以興土功今為公主造觀將以樹功祈福而地皆百姓所宅卒然迫逼令其轉徙扶老攜幼別椽發瓦呼嗟道路乖人事違天時起無用之作崇不急之務羣心震搖眾口藉藉陛下為人父母欲何以安之且國有簡冊君舉必記言動之微可不慎歟願下明詔順人欲除功役收之桑榆其失不遠不納復上疏言今風教頹替日甚一日府藏空屈人力斲敝管作無涯吏員浸增諸司試補員外檢校官已贏二千太府之帛為殫太倉之米不支臣前請停金仙玉真說亦未止前水後旱五穀不立絲茲向春必甚饑饉陛下欲何方以賑之又突厥於中國為患日久其人非可以禮義誠信約也雖遣使請婚恐豺狼之心弱則順伏疆則驕逆月滿騎肥乘中國饑虛講親際會窺犯亭鄣復何以防之帝嘉其直以左散騎常侍同中書門下三品玄宗在春宮又兼左庶子先天元年為侍中從

繼渭川獻詩以諷手制褒答明年封梁國公實慎貞等詭謀亂國知古密發其姦慎貞誅賜封二百戶玄宗恨前賞薄手敕更加百戶是冬詔知東都吏部選事以稱職聞優詔賜衣一副自是恩意尤渥由黃門監改紫微令宰相表與姚元崇不協除工部尚書罷政事開元二年卒年六十九宋璟聞而嘆曰叔向古遺直子產古遺愛兼之者其魏公乎贈幽州都督諡曰忠所薦洹水令呂太一蒲州司功參軍齊翰右內率騎曹參軍柳澤密縣尉宋遙左補闕袁晁右補闕封希顏伊闕尉陳希烈皆有聞於時文宗太和二年求其曾孫處訥授湘陽尉與魏徵裴冕後擢任之

盧慎慎其先范陽著姓祖振仕為靈昌令遂為縣人慎慎童時父友韓思彥見之嘆曰此兒器不可量及長第進士歷監察御史神龍中遷侍御史中宗謁武后上陽宮后詔帝十日一朝慎慎諫曰昔漢高帝五日一朝太公於櫟陽宮以起布衣登皇極子有天下尊歸於父故行此耳今陛下守文繼統何所取法況應天去提象纓二里所騎不得成列車不得方軌於此屢出萬有一犯屬車之塵雖罪之何及臣愚謂宜遵內朝以奉溫帝無煩出入不省遷右御史臺中丞上疏陳時政曰臣竊見比來州牧上佐及兩畿縣令多者一二歲少者三五月遽即遷除不論課最使人皆爭求冒進不顧廉恥尚何暇為陛下宣風化恤人瘼故人知吏之不久不率其教吏知遷之不遷不究其力媮處爵位以養望雖明主有勤勞天下之意然僥幸路啟上下相蒙其為苟且而已漢宣帝綜覈名實興治致化黃霸良二千石也加秩賜金就旌其能終不使遷前代之美政也臣請都督

刺史上佐畿令任未四考不得遷除察其治效尤異者或賜車裘或加祿秩或降使臨問璽書慰勉須公卿闕則擢之以屬能者其不職或貪暴者免歸田里以明聖朝賞罰之信又竊見今京諸司員外官所在委積多者數十餘倍近古以來未之有也泰廩之費歲巨億萬徒竭府藏豈致治意哉方今倉庫空虛民力敝極河渭漕輓不給京師公私耗損不可勝計况邊隅未靜兵革猶興一旦水旱成災租稅減入軍國急務何以濟之臣請諸司員外官有才能器識堪為州牧縣令及上佐者並加遷擢使宣力四方責以治狀有老病若不任職者一廢省之使賢不肖較然殊實此濟時之切務也又竊見內外官有隸餉狼籍鞠按非虛刑憲已極者雖坐流黜旋復舊資還為牧宰或江淮嶺嶺租示懲貶夫以犯罪之吏收還方是謂屈法惠姦恤近遺遠凡左降之人辭能省過必懷自棄長惡滋深則小州遠郡蠻貊夷落何負聖化而獨受其弊政乎況邊徼之地夷夏雜處憑險恃遠易擾難安官非其才凌虐侵剝小則黎庶流亡大則起為盜賊由此言之不可用凡才而況於猾吏乎臣請內外官犯贓論廢者並削迹替祿不數十年不賜齒錄疏奏不報遷黃門侍郎賜爵漁陽縣伯與魏知古分領東都選開元元年進同紫微黃門平章事三年改黃門監通鑑作薛王舅王仙童暴百姓憲司按得其罪有詔紫微黃門覆實慎慎與姚崇執奏仙童罪狀明甚若御史可疑則它人何可信由是獄決慎慎自以才不及崇故事皆推而不專時議為伴食宰相四年兼吏部尚書以疾乞骸骨許之卒贈荊州大都督諡曰文成遺言薦宋璟李傑李朝隱盧從愿帝悼之懷慎清儉不營產

服器無金玉文綺之飾雖貴而妻子猶寒飢所得祿賜子故人親戚隨散輒盡赴東都掌選奉身之具止一布囊既屬疾宋璟盧從愿候之見傲賁單精門不施箔會風雨至舉席自障日晏設食蒸豆兩器菜數楮而已臨別執二人手曰帝求治切然享國久稍倦於勤將有憺人乘閒而進矣公第志之及治喪家無留儲帝時將幸東都四門博士張星上言懷慎忠清以直道始終不加優錫無以勸善乃下賜其家物百段米粟二百斛帝後還京因校獵鄆杜問望懷慎家環堵卑陋以縑帛賜之值懷慎大祥為罷獵經其墓碑表未立停蹕臨視泣然流涕詔官為立碑令中書侍郎蘇頌為之文帝自書子免奕

免早修整為吏有清白稱歷御史中丞出為陝州刺史開元二十四年帝西還次陝嘉其美政題贊於聽事曰專城之重分陝之雄亦既利物內存匪躬斯為國寶不陸家風尋召為兵部侍郎天寶初為南海太守南海水陸都會物產瓌怪前守劉巨麟彭杲皆以贓敗故以免代之汙吏斂手中之市舶者亦不敢干其法遠俗為安時謂自開元後四十年治廣有清節者宋璟李朝隱奕三人而已終尚書右丞奕見忠義傳

李元紘字大綱其先滑州人後世古京兆萬年本姓丙氏曾祖榮仕隋為屯衛大將軍煬帝使督京師之西二十四郡盜賊善撫循能得土心高祖與之厚及兵入關以眾歸授宗正卿應國公賜姓李後為左監門大將軍以其老聽乘馬按視官禁八十餘卒諡曰明祖寬高宗時為太常卿隴西公父道廣武后時為汴州刺史有善政突厥契丹寇河北議發河南兵擊之百姓震擾道廣

悉心撫定人無離散遷殿中監同鳳閣鸞臺平章事封金城侯卒贈秦州都督諡曰成元紘早修謹仕為雍州司戶參軍時太平公主勢震天下百司順望風指嘗與僧寺爭碾磴元紘斷還僧寺長史竇懷貞大驚趣改之元紘大署判後曰南山可移此判不可動懷貞不能奪改好時令遷潤州司馬以辦治得名開元初為萬年令賦役稱平擢京兆少尹詔決三輔渠時王主權家皆旁渠立磴諸渠爭利元紘敕吏盡毀之分溉渠下田民賴其恩三遷吏部侍郎會戶部楊瑒白知慎坐支調失宜貶刺史帝求可代者公卿多薦元紘帝欲擢為尚書宰相以資薄乃為戶部侍郎條陳利害及時政得失帝才之謂可承輔賜衣一稱絹二百疋明午遂拜中書侍郎

同中書門下平章事封清水縣男元紘當國務浚涯檢抑奔競夸進者憚之五月五日宴武成殿賜羣臣襲衣特以紫服金魚錫元紘及蕭嵩羣臣無與比是時廢京師職田議者欲置屯田元紘曰軍國不同中外異制若人閑無役地棄不墾以閑人耕棄地省饋運實軍糧於是屯田其為益多矣今百官所廢職田散在諸縣弗可聚也百姓私田皆力自耕不可取也若置屯即當公私相易調發丁夫調役則業廢於家免庸則賦闕於國內地為屯古未有也恐得不補失徒為煩費遂止初左庶子吳兢為史官撰唐書及唐春秋未成以喪解後上書請畢其功詔許就集賢院成書張說致仕詔在家修史元紘因言國史記人君善惡王政損益褒貶所繫前聖尤重今國之大典分散不一且太宗別置史館禁中所以祕嚴之也請救說等以書就館參會撰錄詔可後與杜暹不協數辨爭帝前帝不擇皆罷之以元紘為曹

州刺史徙蒲州引疾去後以戶部尚書致仕復起為太子詹事卒贈太子少傅諡曰文忠元紘再世宰相有清節當國累年未嘗改治第宅僅馬敝弱得封物調給親族宋璟嘗嘆曰李公引宋逸之美黜劉冕之貪為國相家無留儲雖季文子之德何以加之杜暹濮州濮陽人父承志武后時為監察御史懷州刺史李文暉為人所告詔承志推驗無實文暉宗室近屬也卒得罪承志坐貶為方義令遷天官員外郎見羅織獄輒移疾去卒于家自高祖至遷五世同居居尤恭謹事繼母孝擢明經第補婺州參軍秩滿歸吏以紙萬番贖之暹為受百番罪嘆曰昔清吏受一大錢何異哉為鄭尉復以清節顯華州司馬楊孚公直士也每咨重暹會孚遷大理正暹適以累當坐孚曰使若人得罪思安勸乎以狀言執絲是擢大理評事開元四年以監察御史覆屯積西會安西副都護郭虔瓘與西突厥可汗阿史那獻鎮守使劉遐慶更相訟詔暹即拔還入突騎施帳究索左驗虜以金遺暹逼固辭左右曰公使絕域不可失戒心乃受焉陰埋幕下已出境乃移文令收取之突厥大驚度噴迫之不及去遷給事中中以母喪解會安西都護張孝嵩遷太原尹或言暹往使安西虜伏其情今猶慕思乃奪服拜黃門侍郎兼安西副大都護明年子闕王尉遲眺約突厥諸國叛暹覺其謀發兵討斬之支黨悉誅更立君長于闐遂安以功加光祿大夫守邊四年按暹以開元十二年三月起為安西都護十四年九月入相首尾僅三年耳新舊書皆云在邊疑誤

書門下平章事遣中使往迎謁見賜絹二百馬一匹第一區與李元紘不相得罷為荊州都督長史歷魏州刺

史太原尹帝幸北都進戶部尚書計扈蹕還復東幸以
暹為京留守暹率當番衛士繕修三宮增城浚池督役
不少懈帝聞嘉之數賜書褒勞進禮部尚書封魏縣侯
二十八年卒贈尚書右丞相太常諡曰貞肅右司員外
郎劉同昇等以暹行忠孝諡有未盡博士裴總謂暹往
以墨衰受命安西雖勤勞于國不得盡孝其子列訴帝
更敕有司考定卒諡貞孝暹友愛撫異母弟甚厚其
為人少學術當朝議論時失淺薄然能以公清勤約自
將自弱冠誓不通親友獻遺以終身既卒尚書省及故
吏致賻其子孝友一不受以行暹素志云暹族子鴻漸
鴻漸字之巽父鵬舉與盧藏用隱白鹿山以母疾與崔
沔同受醫於蘭陵蕭亮遂窮其術歷右拾遺玄宗東行
河因游畋上賦以風終安州刺史鴻漸第進士解褐延
王府參軍安思順表為朔方判官祿山亂皇太子按軍
平涼未知所適議出蕭關趨豐安鴻漸與六城水運使
魏少游節度判官崔漪支度判官盧簡金關內鹽池判
官李涵謀曰平涼散地非屯兵之所靈武兵食完富若
奉迎太子西詔河隴北結回紇收其勁騎與大兵合鼓
而南雪社稷之恥此大計也即具上兵馬招輯之勢且
錄軍資器械儲備凡最使誦詣平涼見太子太子大悅
會裴冕至自河西亦勸之朔方而鴻漸與漪至白草頓
迎謁說曰朔方天下勁兵處也今回紇請和吐蕃結附
天下列城堅守以俟與廢嚴下治兵靈武按轡長驅移
檄四方收覽忠義則逆賊不足屠也太子喜曰靈武我
之關中卿乃吾之蕭何也既至靈武鴻漸即與冕等勸
即皇帝位以係中外望六請見聽通鑑云棧五鴻漸明
省朝章采舊儀設壇壇城南先一日草其儀上之太子

曰聖皇在遠寇逆方結宜罷壇場它如奏太子即位授
鴻漸兵部郎中知中書舍人事俄為武部侍郎還河西
節度使兩京平又節度荆南乾元二年襄州大將康楚
元等反偽稱南楚霸王襲荊州鴻漸棄城遁入皆南奔
爭舟溺死者甚眾禮朗復鄂等州聞鴻漸出皆竄伏山
谷俄而商州刺史章倫平其亂久之乃召鴻漸為尚書
右丞太常卿充禮儀使泰建二陵制度皆鴻漸綜正以
優封衛國公又建言周官凶荒殺禮今承大亂民人夷
殘其婚葬鹵簿非於國有大功及二等等以上親皆不許
給詔可代宗廣德二年以兵部侍郎同中書門下平章
事尋進中書侍郎崔旰殺郭英又據成都邛州牙將柏
貞節通鑑作瀘州牙將楊子琳劍州牙將李昌夔以兵
討旰蜀劍大亂命鴻漸以宰相兼成都尹山南西道劍
南東川副元帥劍南西川節度副大使往鎮撫之鴻漸
性怯懦而晚節溺浮圖道畏殺戮及逾劍門懲艾張獻
誠敗且憚旰雄武先許以不死旣見禮遇之不敢加譙
責反委以政因薦旰為成都尹而授貞節邛州刺史子
琳瀘州刺史通鑑茂琳子琳昌各罷兵大歷二年還朝
盛言旰威略可任宜為留後議者疾其長亂進門下侍
郎仍知政事三年兼東都留守河南淮南山東道副
元帥辭疾不行又讓山南劍南副元帥聽之四年疾甚
辭宰相罷三日卒年六十一贈太尉諡曰文憲鴻漸自
蜀還食千僧病甚令僧剔頂髮遺命依淨圖葬不為封
樹

始調校書郎以道侔伊呂科策高第為左拾遺時玄宗
即位未郊見九齡建言天百神之君王者所由受命也
自古繼統之主必有郊配蓋敬天命報所受也不以德
澤未洽年穀未登而闕其禮漢丞相匡衡曰帝王之事
莫重乎郊祀董仲舒亦言不郊而祭山川失祭之序逆
於禮故春秋非之陛下紹休聖緒于今五載而未行大
報考之于經義或未通願以迎日之至升紫壇陳采席
定天位則聖典無遺矣又言乖政之氣發為水旱天道
雖遠其應甚速昔東海枉殺孝婦天旱久之一吏不明
匹婦非命則天昭其冤况六合元元之眾縣命於縣令
宅生於刺史陛下所與共治尤親於民者乎若非其任
水旱之繇豈唯一婦而已今刺史京輔雄望之郡猶少
擇之江淮隴蜀三河大府之外稍非其人繇京官出者
或身有累或政無狀用牧守之任為斥逐之地武夫流
外積資而得不計於才刺史乃爾縣令尙可言哉古者
刺史入為三公郎官出宰百里今朝廷士入而不出其
於計私甚自得也京師衣冠所聚身名所出從容附會
不勤而成是大利在於內而不在于外也智能之士欲
利之心安肯復出為刺史縣令哉臣愚謂欲治之本莫
若重守令守令既重則能者可行宜遂科定其資凡不
應都督刺史雖有高第不得任侍郎列卿不應縣令雖
有善政不得任臺郎給舍都督守令雖遠者使無十年
任外如不為此而救其失恐天下猶未治也按通鑑開元二年正
月制選京官有才識者除都督刺史都督刺史有政績
者除京官使由入常均采為極式新書選舉志以為從
九齡也又古之選士惟取稱職是以士修素行而不為
僥幸姦偽日止流品不雜今天下不必洽於上古而事
務日倍於前誠以不正其本而設巧於末也所謂末者

吏部條章舉贏千刀筆之人溺於文墨巧史得徒緣
姦而奮臣以為始造簿書備遺忘耳今反求精於案牘
而忽於人才是所謂遺劍中流鏤舟以記者也夫吏部
尚書侍郎以賢而授者也豈不能知人如知之難拔十
得五斯可矣今膠以格條據資配職故時人有平配之
謂官曹無得賢之實臣謂選部之法敝於不變今若刺
史縣令精覈其人則管內歲當選者使考才行可入流
品然後送臺又加擇焉以所用眾寡為州縣殿最則州
縣慎所舉可官之才多吏部因其成無庸人之繁矣今
歲選乃萬計京師米物為耗豈多士哉蓋冒濫抵此爾
方以一詩一判定其是非適使賢人遺逸此明代之闕
政也如知其賢能各有品第每一官缺不以次用之豈
不可乎朝廷以令名進人士亦以修名獲利之出眾
之趨也不如此則小者得於苟求一變而至阿私大者
許以分義再變而成朋黨矣故用人不可不第其高下
高下有次則不可以妄干天下之士必刻意修飾而刑
政自清此興衰之大端也俄遷左補闕九齡有才鑿吏
部試拔萃選人及應舉者常與右拾遺趙冬曦考次號
稱詳平改司勳員外郎時張說為宰相親重之與通譜
系常已後出詞人之冠也遷中書舍人內供奉封曲江
男進中書舍人會帝封泰山說多引兩省錄事主書及
所親攝官升山超階至五品九齡當草詔謂說曰官爵
者天下公器先德望後勞舊今登封告成千載之絕典
而清流隔於殊恩胥史濫加章敬恐制出四方失望方
進草尚可以改公宜審計說曰事已決矣悠悠之言不
足慮既而果得謗御史中丞宇文融方事田法有所關
奏說輒建議違之融積不平九齡復勸說為備說不聽

俄為融等痛譏幾不免九齡亦改太常少卿出為冀州
刺史以母不肯去鄉里改表換洪州都督徙桂州兼嶺
南按察選補使始說知集賢院嘗薦九齡可備顧問說
卒天子思其言召為祕書少監集賢院學士知院事會
賜渤海詔而書命無足為者乃詔九齡為之被詔輒成
遷工部侍郎知制誥數乞歸養詔不許以其弟九臯九
章為嶺南刺史歲時聽給驛官家遷中書侍郎以母喪
解毀不勝哀有紫芝產坐側白鳩白雀巢家樹是歲奪
哀拜中書侍郎同中書門下平章事固辭不許明年遷
中書令始議河南開水屯兼河南稻田使上言廢循資
格復置十道採訪使李林甫無學術見九齡文雅為帝
知內忌之會范陽節度使張守珪以斬可突干功帝欲
以為侍中九齡曰宰相代天造物有其人然後授不可
以賞功帝曰假其名若何對曰名器不可假也有如平
東北二虜陛下何以加之遂止又將以涼州都督牛仙
客為尚書九齡執曰不可尚書古納言唐家用舊相
及歷內外責任有德望者為之仙客河湟一使典耳使
班常伯天下其謂何又欲賜實封九齡曰漢法非有功
不封唐遵漢法太宗之制也邊將積穀帛繕器械職耳
陛下賞之金帛可也不宜裂地以封帝怒曰豈以仙客
寒士嫌之邪卿固素有門閥哉九齡頓首曰臣荒陬孤
生陛下過聽以文學用臣仙客擢胥史目不知書韓信
淮陰一壯夫羞絳灌等列陛下必用仙客臣實恥之帝
不悅翌日林甫進曰仙客宰相材也乃不堪尚書邪九
齡文吏拘古義失大體帝因是決用仙客不疑九齡既
戾帝旨固內懼恐遂為林甫所危因帝賜白羽扇乃獻
賦自況其末曰苟効用之得所雖殺身而何忌又曰縱

秋氣之移奪終感恩於篋中帝雖優答然卒以尚書右
丞相罷政事而用仙客自是朝廷士大夫持祿養恩矣
嘗薦長安尉周子諒為監察御史子諒劾奏仙客語援
讖書帝怒杖子諒于朝堂流襄州死於道九齡坐舉非
其人貶荊州長史雖以直道黜不戚戚望望惟文史自
娛久之封始興縣伯請還展墓病卒年六十八贈荊州
大都督諡曰文獻九齡體弱有醜藉故事公卿皆指笏
于帶而後乘馬九齡獨常使人持之因設笏囊自九齡
始帝雖罷九齡每用人必曰風度得如九齡否初千秋
節王公並獻寶鏡九齡上事鑿十章號千秋金鑑錄以
伸諷諭與嚴挺之袁仁敬梁昇卿盧怡善世稱其交能
終始者及為相諤諤有大臣節當是時帝在位久稍怠
于政故九齡議論必極言得失所推引皆正人武惠妃
謀陷太子瑛九齡執不可妃密遣宦奴牛貴兒告之曰
廢必有與公為援宰相可長處九齡叱曰房嬸安有外
言哉連奏之帝為動色故卒九齡相而太子無患按九
齡以
二十四年十一月罷政事太子瑛以二十五年四月廢
故云卒九齡相而太子無患文義甚明事實甚合而吳
縝糾謬妄下書議以為安祿山初以范陽偏校入奏氣
似瀆而虛殊不可解安祿山初以范陽偏校入奏氣
驕蹇九齡謂裴光庭曰亂幽州者此胡雖也及討奚契
丹敗張守珪執如京師九齡署其狀曰穰苴出師必誅
莊賈孫武習戰猶戮宮嬪守珪法行于軍祿山不容免
死帝赦之九齡曰祿山狼子野心有逆相宜即事誅之
以絕後患帝曰卿無以王衍知石勒而害忠良卒不從
帝後在蜀思其先見為泣下且遣使祭于韶州厚郵其
家開元後天下稱曰曲江公而不名云建中元年德宗
賢其風烈復贈司徒事見舊書德宗本紀與新書本傳
合舊傳云上皇幸蜀詔司徒非
是子拯居父喪有節行後為伊闕令祿山盜河洛陷焉

終不受偽官賊平擢太子贊善大夫九齡弟九臯亦有名終嶺南節度使其曾孫仲方

仲方生岐秀父友高郢異之曰是兒必為國器使吾得位將振起之貞元中擢進士宏辭為集賢校理以母喪

免會郢拜御史大夫表為御史進累倉部員外郎呂溫等以劾奏宰相李吉甫不實坐斥去仲方以溫黨補金

州刺史宦人奪民田仲方三疏申理卒與民直入為度支郎中吉甫卒太常諡恭懿博士尉遲汾請諡敬憲仲

方挾前怨建議駁之其言醜訐憲宗惡之貶遂州司馬稍進河南少尹鄭州刺史敬宗立李程輔政引為諫議

大夫帝時詔王播造競渡舟三十艘度用半歲運費仲方見延英論諍堅苦帝為減三之一又詔幸華清宮仲

方曰萬乘之行必具葆衛易則失威重不從猶見慰勞郭令崔發以辱小黃門繫獄逢赦不見宥仲方曰恩被

天下而不行御前乎發絲是不死太和初出為福建觀察使召還進至左散騎常侍李德裕秉政以太子賓客

分司東都德裕罷復拜常侍李訓之變大臣或誅或繫翌日羣臣謁宣政殿闔不啟羣臣錯立朝堂無史卒贊

候久乃半扉啟使者傳召仲方曰有詔可京兆尹然後門闕喚仗于時族夷將相體足旁午仲方皆密使識其

口俄許收葬故骸不相亂已而禁軍橫恣仲方不能有所繩劾宰相鄭覃更以辭元賞代之出為華州刺史

召入授祕書監封曲江縣伯卒年七十二贈禮部尚書諡曰成仲方確正有風節既駁吉甫諡世不直其言卒

不至顯既殺人多傷之

韓休京兆長安人父大智洛州司功參軍其兄大敏

世表大敏乃仕武后為鳳閣舍人梁州都督李行褒為

大智之弟

部人告變詔大敏鞠治或曰行褒諸李近屬后意欲除

之無列其冤恐累公大敏曰豈顧身枉人以死乎至則

驗出之后怒遣御史覆按殺行褒而大敏賜死于家

休工文辭學賢長玄宗在東宮令條對國政與校書郎

趙冬曦並中乙科擢左補闕判主爵員外郎進至禮部

侍郎知制誥出為虢州刺史虢于東西京為近州乘輿

所至常稅殿芻休請均賦它郡中書令張說曰免虢而與它州此守臣為私惠耳休復執論吏白恐忤宰相意

休曰刺史不能救百姓之敝何以為政雖得罪所甘心焉說如休請以母喪解服除為工部侍郎知制誥遷尚

書右丞侍中裴光庭卒帝救蕭嵩舉所以代者嵩稱休志行遂拜黃門侍郎同中書門下平章事休直方不務

進趨既為相天下翕然宜之萬年尉李美玉有罪帝將放嶺南休曰尉小官所犯非大惡今朝廷有大姦請得

先治金吾大將軍程伯獻恃恩而食室宅輿馬僭法度臣請先伯獻後美玉帝不許休固爭曰細罪且不容巨

猾豈得不問陛下不出伯獻臣不敢奉詔帝不能奪初嵩以休柔易故薦之休臨事或折正嵩嵩不能平宋璟

聞之曰不意休能爾仁者之勇也嵩寬博多可休峭鯁時政所得失言之未嘗不盡帝嘗獵苑中或大張樂稍

過差必視左右曰韓休知否已而疏輒至嘗引鑑默不樂左右曰自韓休為相陛下殊瘦於昔何不逐之帝曰

吾雖瘦天下肥矣且蕭嵩每啟事必順旨我退而思天下不安寢韓休敷陳治道多訐直我退而思天下寢必

安吾用休社稷計耳後以工部尚書罷遷太子少師封宜陽縣子卒年六十八贈揚州大都督諡曰文忠寶應

元年贈太子太師子浩洽洪泚混渾洞皆有學尚浩萬

年主簿坐籍王鉷家賁有隱人為尹鮮于仲通所劾流

循州洪為司庫員外郎與泚皆以累貶洪後為華州長

史渾大理司直安祿山陷京師逼以官浩與泚洪渾渾

出奔將走行在浩泚渾及洪四子復為賊禽殺之洪善

與人交有節義藉甚于時見者為流涕肅宗以大臣子

能死難詔贈浩吏部郎中洪太常卿渾太常少卿泚上

元中終諫議大夫洽終殿中侍御史

混字太冲以蔭補左威衛騎曹參軍至德初避地山南

採訪使李承昭表為通州郡長史改彭王府諮議參軍

初泚知制誥當草王璵詔無借言銜之及當國混兄弟

皆斥冗官璵罷乃擢殿中侍御史三遷吏部員外郎性

彊直明吏事莅南曹五年簿最詳緻再遷給事中知兵

部選時盜殺富平令韋當賊隸北軍魚朝恩庇之請原

死混執奏伏辜遷右丞知吏部選以戶部侍郎判度

支自至德已後所在軍輿賦稅無藝帑司給輸多務因

循混清勤檢轄吏下及四方輸將犯者痛報以法會歲

數稔兵革少息故儲積穀帛稍豐實然覆治案牘深文

鉤剝人亦咨怨大歷十二年秋大雨害稼京兆尹黎幹

言狀混恐有所蠲貸固表不實代宗令御史行視諸縣

凡損田三萬餘頃始涇南令劉藻附混言部田無害御

史趙計按驗如藻言帝又遣御史朱敖覆實書田三千

頃帝怒曰縣令職在養民而田損不問豈郵隱意邪貶

藻南浦員外尉計斥為豐州司戶員外參軍方是時潦

敗河中鹽池混奏池產瑞鹽帝疑遣諫議大夫蔣鎮廉

狀鎮畏混還乃賀帝且請置祠詔號寶應靈慶池德宗

立惡混培刻徙太常卿議者不厭乃出為晉州刺史未

幾遷浙江東西觀察使尋檢校禮部尚書為鎮海軍節

唐會要建中二年六月置浙江東西節度使 綬輯

度使尋改為鎮海軍以團練為節度使理潤州

百姓均租調不踰年境內稱洽帝在奉天淮沔震驗

訓士卒分兵戍河南既狩梁州又獻縑十萬匹請以

兵三萬助討賊有詔嘉勞進檢校尚書右僕射封南陽

郡公李希烈陷汴州混遣裨將王柄曜李長榮柏良器

以勁卒萬人進討次睢陽而賊已攻宣陵柘陽等破走

之漕路無梗完靖東南混功居多自京都亂即於所部

閉關梁紫牛馬出境築石頭五城穿近百所繕館第

數十修塢壁起建業抵京峴樓雉相屬以備車駕渡江

且申傲自守也自德宗出狩及還京師軍用既繁道路

又阻關中饑饉加之蝗旱江南兩浙轉輸粟帛府無虛

月軍國皆仰給焉李晟屯渭北混運米百艘饋之臨江

願僚吏曰天子蒙塵臣下之恥也乃自舉一囊將佐以

下爭負之須臾而畢船置千弩手有寇則扣舷相警賊

不能剽時關中斗米五百及混米至價減十之八貞元

元年加檢校左僕射同中書門下平章事江淮轉運使

封鄭國公以繕治石頭城人頗言有窺望意雖帝亦惑

之會李泌開關辨數帝意乃解二年更封晉是歲入朝

獻羨錢五百餘萬婚詔加度支諸道轉運鹽鐵等使石

丞元琇判度支也以關輔旱請運江南租米西給京師

帝委混專督之而琇畏其剛復難其事請自江至揚子

一賦而軍興皆濟可謂勞臣今被謫無名刑濫人懼且

合權臣逞志公胡不請三司鞫之滋映不能用給事中

袁高抗疏申執混指為黨與寢不報劉玄佐不朝帝密

詔混諷之及過汴玄佐素懼混修屬吏禮混結為兄弟

入拜其母置酒設女樂酒行混曰宜早見天子不可使

夫人白首與新婦子孫填宮掖也玄佐泣悟混以錢二

十萬緡為辦裝又以綾二十萬緡軍玄佐入朝混薦可

任邊事時兩河罷兵混上言吐蕃盜河湟久近歲衰弱

而西迫大食北抗回鶻東抗南詔分軍外戰兵在河隴

者不過五六萬若朝廷命將以十萬眾城涼鄯洮渭各

置兵二萬為守禦臣請以本道財賦饋軍給三年費然

後營田積粟且耕且戰則河隴之地可翹足而復帝善

其言因訪玄佐玄佐請行會混病甚張延賞奏滅州縣

冗官收祿俸募戰士西討玄佐慮延賞斬削資儲辭大

戎未費不可輕進因稱疾延賞知不可用乃止混尋卒

年六十五贈太傅諡曰忠肅混幼有美名所與遊皆天

下豪俊性節儉衣裘茵祗十年一易甚暑不執扇居處

陋薄取庇風雨門當列戟以父時第門不忍壞乃不請

堂先無挾庶弟洞稍增補之混見即徹去曰先君容焉

吾等奉之常恐失墜安敢改作以傷儉德居重位不為

家人資產自始仕至將相乘五馬無不終櫪下好鼓琴

書得張旭筆法畫與宗人幹相埒以非急務故自晦不

及隣伍坐死數十百人及入朝自以宿齒早達稍薄後

進丞即卿佐接之簡倨人以此怨之按李泌稱混公忠

之而混亦卒能以臣節始終不媿其語特其剛強刻急

取怨于眾故一時議論無右之者石鏡之役誘誑沸騰

而本傳載其耀武海上會兵金山與陳少遊以金繒相

餉遣兵還李長榮以親吏盧復為宣州刺史等事皆微

文刺譏疑是當時秉筆者削之辭而新舊書相子羣

承載之不及致察耳今皆削之以祛後世之惑

皇羣終國子司業

臯字仲聞資質重厚有大臣器由雲陽尉策賢良方正

異等拜右拾遺累遷考功員外郎父喪德宗遣使弔問

俾論議混行事號泣承命立草數千言以進帝嘉之服

除宰相擬考功郎中帝為加知制誥遷中書舍人御史

中丞兵部侍郎號稱職俄拜京兆尹奏署鄭絳為倉曹

參軍絳苛斂吏乃說臯悉索府中雜錢折糶粟麥三十

萬石獻于帝臯悅之奏為與平令貞元十四年大旱民

請蠲租賦臯府帑已空內憂恐奏不敢實會中人出入

百姓遮道訴之事聞貶撫州員外司馬未幾改杭州刺

史入拜尚書右丞王叔文用事臯嫉之謂人曰吾不能

事新貴從弟睡以告叔文叔文怒出為鄂岳觀察

使叔文敗即拜節度使鎮海入為戶部尚書歷東都留

守忠武軍節度使以簡儉為治所至有績召拜吏部尚

書兼太子少傅莊憲太后崩充大明宮留守穆宗立以

舊傳恩加檢校尚書右僕射俄為真又進左僕射長慶

四年復為東都留守卒于道年七十九贈太子太保諡

曰貞臯貌類父既孤不復視鑑生知音律常曰長年後

不願聽樂以門內事多逆知之聞鼓琴至止息歎曰美

哉稽康之為是曲其當晉魏之際乎其音主商商為秋

秋者天將搖落肅殺其歲之晏乎晉乘金運商又金聲

此所以知魏方季而晉將代也緩其商絃與宮同音臣

奪君之義知司馬氏之將篡也王陵母邱儉文欽諸葛誕繼爲揚州都督咸有興復之謀皆爲司馬懿父子所殺康以揚州故廣陵地陵等皆魏大臣故名其曲曰廣陵散言魏散亡自廣陵始止息者晉雖暴興終止息於此其哀憤躁躐憐痛迫脅之音盡于是矣永嘉之亂其兆乎康避晉魏之禍託以鬼神以俟後世知音云

洄字幼深蔭補弘文生滿歲參調吏部侍郎達奚珣以地望抑之除章懷太子陵令安祿山亂家七人遇害洄避難江南蔬食不聽樂乾元中授陸州別駕劉晏表爲屯田員外郎知揚子留後召拜諫議大夫與補闕李翰數上章言得失擢知制誥坐與元載善貶邵州司戶參軍德宗卽位起爲淮南黜陟使復爲諫議大夫晏被罪天下錢穀歸尙書省而省司失職久無綱紀莫總其任乃擢洄戶部侍郎判度支洄上言江淮七監歲鑄錢四萬五千緡輸京師工用運轉每緡度二千是本倍于子今商州紅崖冶產銅而洛源監久廢請鑿山取銅卽冶舊監置十鑪鑄之歲得錢七萬二千緡度費每緡九百則得可浮本矣江淮七監請皆罷又言天下銅鐵冶乃山澤利當歸王者請悉隸鹽鐵使從之復罷省胥史冗食二千人積米長安萬年二縣各數十萬石視年豐耗而發斂焉故人不艱食洄與楊炎善炎得罪不自安無何阜上疏理炎罪帝意洄教之貶蜀州刺史興元元年入爲兵部侍郎轉京兆尹貞元十年終國子祭酒贈戶部尙書

欽定續通志二百三十一

列傳

唐三十二

張嘉貞 延賞

裴輝卿 宏靖

源乾曜 光裕

蕭高華

張嘉貞本范陽舊姓高祖子吒世系表作吒子仕隋終河東郡

承遂家蒲州為荷氏人以五經舉補平鄉尉坐事免長

安中侍御史張循憲使河東事有未決病之問吏曰若

願知有佳客乎吏以嘉貞對循憲召見咨以事嘉貞條

析理分莫不洗然循憲大驚試命草奏皆意所未及及

還武后以為能循憲對皆嘉貞所為因請以官讓后曰

朕寧無一官自進賢邪召見內殿嘉貞儀止秀偉奏對

侃侃后異之拜監察御史擢循憲司勳郎中醜其得人

累遷兵部員外郎時功狀盈几郎吏不能決嘉貞為詳

處不閱旬廷無稽牒進中書舍人歷梁秦二州都督并

州長史政以嚴辦吏下畏之奏事京師立宗善其政數

慰勞嘉貞自陳少孤與弟嘉祐相恃以長今為鄆州別

駕願內徙使少相近冀盡力報死無恨帝為徙嘉祐忻

州刺史突厥九姓新內屬雜處太原北嘉貞請置天兵

軍綏護其眾即以爲天兵使明年入朝或告其反舊書云其在軍奢僭及贖賄御史大夫王陵因劾奏之按無狀帝令坐告者嘉貞辭

曰國之重兵利器皆在邊今告者一不當即罪之臣恐

塞言路且爲未來之患遂得減死天子以爲忠且許以

相嘉貞因曰昔馬周起徒步謁人主血氣方壯太宗用

之能盡其才甫五十而沒向使用少晚則無及已陛下

不以臣不肖必用之要及其時後衰老無能爲也帝曰

第往行召卿及宋璟等罷即以爲中書侍郎同中書門

下平章事遷中書令居位二年善敷奏敏於裁遣然疆

際論者恨其不裕帝數幸東都洛陽主簿王鈞者爲嘉

貞繕第會以贓聞有詔杖之朝堂嘉貞畏讎染促有司

速斃以滅言祕書監姜皎得罪嘉貞希權幸意請加詔

杖已而皎死會廣州都督裴伯先抵罪帝問法如何嘉

貞復援皎比張說曰不然刑不上大夫以近君也士可

殺不可辱皎官三品且有功若罪應死即殺獨不宜廷

辱以卒伍待也況勳貴在八議乎事往不可咎伯先豈

容復黜哉帝然之嘉貞退不悅曰何言事之深也說曰

宰相時來則爲非可長保若貴臣盡杖正恐吾輩及之

渠不爲天下士君子地乎初嘉貞在兵部而說已爲侍

郎及皆相說位其下議論無所讓故說不平未幾嘉祐

拜金吾將軍兄弟要近人頗憚媚帝幸太原嘉祐以贓

聞說誑嘉貞素服待罪不復入謁遂出爲幽州刺史舊書通鑑俱作幽州說代其處嘉貞銜悔謂人曰中書令幸二員何

相迫邪踰年爲戶部尚書益州長史判都督事詔宴中

書省與宰相會嘉貞銜說不已於坐慢罵說源乾曜王

峻其平解乃得去明年王守一死坐與厚善貶台州刺

史俄拜工部尚書爲定州刺史知北平軍事封河東侯

及行帝賦詩詔百官祖道上東門久之以疾旬還東都

詔醫馳驛護視卒年六十四贈益州大都督諡曰恭肅

嘉貞性簡疏與人不疑內曠如也或時以此失有嗜進

者汲引之能以恩終始所薦中書舍人苗延嗣呂太一

考功員外郎員嘉靜殿中侍御史崔誥皆位清要日與

議政事故當時語曰令君四俊苗呂崔員其始爲中書

舍人崔湜輕之後與議事正出其上湜驚曰此終其坐

後十年而爲中書令嘉貞雖貴不立田園有勸之者答

曰吾嘗相國矣未死豈有饑寒憂若以謫去雖富田產

猶不能有也近世士大夫務廣田宅爲不肖子酒色費

我無是也引萬年主簿韓朝宗爲御史卒後十餘歲朝

宗以京兆尹見帝曰陛下待宰相進退皆以禮身雖沒

子孫咸在廷張嘉貞晚一息寶符獨未官帝惘然召拜

左司禦率府兵曹參軍賜名曰延賞

延賞雖蚤孤而博涉經史通吏治苗晉卿尤器許以女

妻之肅宗在鳳翔擢監察御史辟署關內節度使王思

禮從事思禮守北都表爲副入遷刑部郎中始元載破

用以晉卿力故厚遇延賞薦爲給事中御史中丞大厯

初除河南尹諸道營田副使河洛當兵衝邑里墟榛延

賞政簡約輕徭賦疏河渠築宮廟數年流庸歸附都關

完雄有詔褒美時罷河南山南等副元帥兵屯東都詔

延賞知留守以兵屬居五年治行第一召還會李少良

劾元載陰罪載斥其狂下御史臺治訊而延賞適拜大

夫不滿所私出爲淮南節度使歲旱民它遷吏禁之延

賞曰食者人恃以活拘此而斃不如適彼而生苟存吾

人何限爲乃具舟遣之救吏爲修室廬寬通債已而歸

更增於舊瓜步舟艦津濟而遙繫江南延賞請度屬揚

州自是行無稽獲會母喪免服除累拜荆南劍南四川

節度使建中中西山兵馬使張泚製成都爲亂延賞奔

鹿頭戍泚亂不設備延賞謀知之遣將叱干遂捕

斬泚復成都自楊國忠討南蠻三蜀疲弊及乘輿臨狩

廩用百出後更郭英父崔寧楊子琳亂公私蕭然延賞

事爲之制簿入謹出府庫遂實德宗在奉天貢獻踵道

及次梁荷劔蜀爲根本即拜中書侍郎同中書門下平

章事帝還詔入秉政初李晟總神策軍成成都及還以

營妓自隨延賞遣吏奪取故展銜之謹按通鑑補覽

原不可相然晟為大將不宜取妓又以私憾職成弊至

端則取禍不得謂無因自不待尚結贊之反聞耳

是鎮鳳翔帝所倚重表陳宿憾帝不得已罷延賞為尚

書左僕射然雅意決用之以晟嘗為韓滉識擢命混移

書道意及俱入朝混從容邀晟平憾且使薦延賞於帝

於是復拜平章事既而宴禁中帝出瑞錦一端分繫之

以示和解晟因為子請婚延賞不許晟曰吾武夫雖有

舊惡杯酒間可解儒者難犯外睦而內含怒今不許婚

毀未忘也先時吐蕃尚結贊請和晟奏戎狄無信不可

許混亦請調軍食峙邊無聽和帝疑將帥邀功生事議

未決會混卒延賞揣帝意遂罷晟兵奏以給事中鄭雲

達代之帝曰晟有社稷功俾自擇代者乃用邢君牙而

拜晟太尉兼中書令奉朝請是夏吐蕃背約劫渾城將

校多沒如晟等策故事臨軒冊拜三公中書令讀冊侍

中贊禮或闕則宰相攝事晟當拜而延賞薄其禮用尙

書崔漢衡劉滋代攝唐會要兵部尙書崔漢衡讀冊左

行事自時議遣劉元佐復河湟延賞因建言今官繁費

廣宜并省其員悉收粟料糧課輸京師賞戰士帝許之

即詔上州留上佐錄事參軍司戶兵司士各一員餘

參軍留半中州減司土上縣令尉具中縣省尉京兆河

南府司錄判官赤縣丞簿尉各省半餘府準上州詔下

內外始怨元佐辭西討延賞更用李抱真抱真怨延賞

奪晟兵不肯行田是功臣解體是年除吏千五百員當

省者千餘道路謗浸淫聞於帝延賞懼請詔州縣或

考先滿或攝掌遇停限而官見乏者聽在所擇省員有

幹學者權補以才不以資而大臣馬燧白志貞韋倫表

言省官太甚不可行會延賞疾宰相李泌一切奏復卒

年六十一贈太保諡曰成肅延賞更四鎮所至民頌其

愛及當國飾情復怨不稱所望然帝待遇厚稱其奏議

有宰相體專屬以吏事而以軍食委李泌刑法委柳渾

時以為任職子宏靖

宏靖字元理世系表雅厚直以蔭為河南參軍杜亞

辟佐其府亞疑牙將令狐連劫餉綱宏靖直其在亞怒

斥出府裴延齡為德陽公主治第欲徙宏靖先廟上疏

自言德宗異之擢監察御史累遷戶部侍郎陝州觀察

使徙河中節度使元和九年拜刑部尙書同中書門下

平章事吳少陽死其子元濟擅總留務憲宗欲誅之宏

靖請先遣使弔贈待不恭乃加兵詔可進中書侍郎封

高平縣侯武元衡遇害賊未得王承宗即斬卒張晏被

告詔付御史臺劾驗有狀宏靖疑御史傳致晏罪言之

帝不聽遂誅晏并討承宗宏靖曰戎事並興鮮有濟不

如悉力淮西已乃治河朔議再迂乃歸政以檢校吏部

尙書同平章事為河東節度使未及鎮詔伐承宗宏靖

自以諫不聽思自劾乃大閱兵請身討賊詔許出軍毋

親往既王師無功帝憶曩言下詔褒美宏靖亦遣使聞

道喻承宗承宗款附是時布衣相者奉裴度書在說承

宗事見度者二傳非特宏靖力也

召拜吏部尙書徙節宣武宣武承韓宏唐政代以寬簡

民便安之長慶初劉總舉所部內屬請宏靖為代進檢

校司空仍同中書門下平章事充盧龍節度使始入幽

州老幼夾道觀河朔舊將與士卒均寒暑無障蓋安輿

宏靖素貴肩輿而行人駭異俗謂祿山思明為一聖宏

靖懲始亂欲變其俗乃發墓毀棺眾滋不悅旬一決事

賓客將吏罕聞其言委成於參佐韋雍張宗厚通鑑作

張宗元

又不通大體殿刻軍賜專以法根治之官屬輕悅酣肆

夜歸燭火滿街前後呵止其誦責士皆曰反虜嘗曰天

下無事而輩挽兩石弓不如識一丁字軍中以氣自任

銜之總之朝詔以錢百萬緡賚將士宏靖取二十萬充

府雜費有怨言會雍欲鞭小將蒨人未嘗更笞辱不伏

宏靖繫之是夕軍亂囚宏靖斷門館掠其家貴婢妾執

雍等殺之判官張徹始就職按韓愈作徹墓誌稱徹先

御史而宏靖密奏留之發半道詔還鎮數日軍亂得為

斬書云始就職舊書云自遣使歸皆未核其實

殺與宏靖同被囚尋異其謀欲選別館徹大罵曰汝何

敢反行且族滅眾怒擊殺之數日吏卒稍自悔詣館謝

宏靖願革心事之三請不對眾曰公不赦我矣軍中可

一日無帥乎遂取朱克融主留後詔貶宏靖太子賓客

分司東都再貶吉州刺史明年出幽州改撫州刺史稍

遷太子少師卒年六十五贈太子太保宏靖少有令聞

杜鴻漸杜佑皆器許歷臺閣顯級人以為有輔相才及

居位簡默自處無所規拂幽薊初效順不能因俗制變

故范陽復亂家聚書畫伴祕府先第在東都思順里時

號三相張家子文規次宗裴度秉政引文規為右補闕

度出襄陽貶温令度奏置幕府累轉吏部員外郎右丞

韋温劾文規父昔被囚逗留不赴難不宜任省署出為

安州刺史終桂管觀察使子彥遠博學有文辭乾符中

至大理卿次宗開成初為起居舍人文宗始詔左右史

立螭頭下記宰相奏對既退帝召見審正是非故開成

時事為最詳以稱職兼集賢院直學士文規左遷改國

子博士史館修撰李德裕再當國引為考功員外郎知

制誥出澧明二州刺史卒孫茂樞按世系表茂樞乃宗

之子未知孰是

字休府及進士第天祐中累遷祠部郎中知制誥坐柳

璨事貶博昌尉

志四六三六

源乾曜相州臨漳人祖師民隋刑部侍郎父直心高宗時太常伯流死嶺南乾曜第進士神龍中以殿中侍御史黜陟江東秦課最還議大夫景雲後公卿百官上已九日廢射禮按會要麟德元年三月三日展大射禮新書謂景雲自後遂不行至景雲二年乾曜上此疏後始廢非也乾曜以為古之擇士先觀射禮所以別邪正觀德行中祭祀辟寇戎古先哲王莫不遞襲比年以來射禮不講所司恠費而舊典為虧請依故事舉行開元初邪王府吏犯法元宗敕左右為王求才長史太常卿姜皎薦乾曜自梁州都督召見神氣爽澈占對有序帝悅之擢少府少監兼邪王府長史累進尚書右丞四年拜黃門侍郎同紫微黃門平章事踰月與姚崇俱罷會帝東幸以京兆尹留守京師治尚寬簡人安之居三年政如始至仗內失白鷹詔京兆督捕獲於野絳榛死吏懼得罪乾曜曰上仁明不以畜玩實罪苟獲履尹專之遂入自劾帝不問眾伏其知體而善引咎八年復為黃門侍郎同中書門下三品進位侍中建言大臣子併求京職使俊父之士率任外官非平施之道臣三子俱在京師請出二補外詔可乃以子河南參軍弼為絳州司功太祝潔為鄭尉詔曰乾曜身率庶寮既請外其子又復下遷傳不云乎范宣子讓其下皆讓其令文武官父子昆弟三人在京師者分任於外繇是公卿子弟皆出補帝嘗自較其考與張說偕賜時議者言國執政所出同休戚不崇異無以責功帝乃詔中書門下其食實戶三百堂封自此始東封還為尚書左丞相仍兼侍中久之罷侍中遷太子少師避祖名更授少傅封安陽郡公帝幸東都以老疾不任陪扈卒贈幽州大都督乾曜歷官皆以清慎恪敏得名為相十年與張嘉貞張說李

元絃杜暹先後同秉政事未嘗廷議可否晚節唯唯聯署而已務為寬平悖大故鮮咎悔初因姜皎薦及皎為嘉貞所排至得罪訖不申救君子譏焉族孫光裕亦有名居官號清愿撫諸弟友義為中書舍人與楊滔劉令植同刪著開元新格歷尚書左丞會選諸司長官為刺史光裕任鄭州為世良吏卒官子洎以雍睦保家士友推之天寶中為給事中襄州刺史安祿山犯河洛為江陵大都督長史以禦賊卒贈禮部尚書諡曰懿蕭嵩特進宋國公瑀從曾孫也祖鈞博學有才望永徽中歷諫議大夫宏文館學士左武侯侯別駕盧文操盜庫物高宗命殺之鈞曰文操誠不可赦但恐天下謂陛下重財輕法任喜怒殺人帝曰真諫議也詔原死太常樂工為宮人通問遺特詔殺之且附律鈞言工所犯在未附律前不應死乃流工遠裔終太子率更令父瓏渝州長史居母喪以毀卒嵩貌偉秀美鬚髯始娶會稽賀晦女僚婿陸象先宰相子時為洛陽尉已有名而嵩汨汨未仕善相人夏榮謂象先曰君後十年貴冠人臣然不若蕭郎位重年高一門皆貴人未之許神龍元年始調洛州參軍事桓彥範為刺史待以異禮河北黜陟使姜師度表為判官舊書景雲元年為醴泉尉時陸象先已知政事嵩又遷遷為中書侍郎引為監察御史及象先知殿中侍御史開元初擢中書舍人時崔琳王邱齊澣皆有名以嵩少術學不以輩行許也獨姚崇稱其遠到歷宋州刺史遷尚書左丞十四年以兵部尚書領朔方節度使既赴軍有詔供帳錢定鼎門外玄宗賦詩勞行會吐蕃大將悉諾邏恭祿及燭龍恭布支陷瓜州執刺史田元獻回紇又殺涼州守將王君奭河隴大震帝擇

堪任邊者徙嵩河西節度使判涼州事封蘭陵縣子嵩表裘寬郭虛己牛仙客置幕府以建康軍使張守珪為瓜州刺史完樹啤鳩懷保邊人於時悉諾邏恭祿威懾諸部吐蕃倚其健噫邊嵩乃縱反開示疑端贊普果誅之使悉末明攻瓜州守珪拒甚力虜引卻會鄯州都督張志亮舊書本紀及吐蕃傳作張忠亮實錄唐歷作志亮破賊青海西嵩又遣副將杜賓客率彊弩四千與吐蕃戰邪連城下自晨鬪迄晡乃大潰斬一將虜震虞山谷露布至帝大悅授嵩同中書門下三品又官一子恩願第一十七年進兼中書令自張說罷相令缺四年嵩得之然常遙領河西節度在公慎密人莫見其際子衡尚新昌公主嵩妻入謁帝呼為親家儀物甚盛俄封徐國公初裴光庭與嵩數不協光庭卒帝委嵩擇相嵩推韓休及休同位峭正不相假至校曲直帝前嵩慙乞骸骨帝慰之曰朕未厭卿何庸去乎嵩伏曰臣待罪宰相爵位既極幸陛下未厭得以乞身有如厭臣首領且不保又安得自遂因流涕帝為改容乃授尚書右丞相與休皆罷是日荊州進黃柑帝以紫粉包賜之擢子華給事中之進太子太師而幽州節度使張守珪坐路中人牛仙童得罪李林甫素忌嵩因言嵩嘗以城南墅遺仙童貶青州刺史尋復拜太子太師固請老見許嵩退修葺園區優游自怡而華為工部侍郎衡以尚主位三品就養年踰八十五豔其榮天寶八載卒贈開府儀同三司華謹重方雅有家法嗣爵天寶末為兵部侍郎祿山亂陷賊逼守魏州郭子儀攻安慶緒於相州華聞道奉表欲舉魏以應為賊所執會崔光遠得魏州破賊出之魏人德華庇免爭來詣光遠乞留有詔即授刺史史思明

反子儀懼復失華乃表崔光遠代之而召置軍中相州兵潰華還朝猶以汗賊降試祕書少監稍遷尚書右丞擢河中晉絳節度使上元初以中書侍郎同中書門下平章事李輔國用事求宰相華扼之輔國怨會肅宗大漸矯詔罷華為禮部尚書引元載以代載助輔國貶華為峽州司馬卒二子恆悟恆子俛悟子自有傳

復字履初衡子生戚里嫻從豪汰以服御輿馬相夸復常衣垢弊以清操顯力學非名士夙儒不與游華每歎曰此子當與吾宗推主蔭為宮門郎廣德中歲大饑家百口不自振議鬻昭應墅宰相王縉欲得之使弟紘說曰以君才宜在左右胡不以墅奉丞相取右職復曰嚮先人墅以濟傭單吾何用美官使門內餒且寒乎縉憾之由是廢數歲乃歷欽池二州刺史舊書云自常州刺史為潭州刺史與此治狀應條遷湖南觀察使改同州刺史歲歎州有京畿觀察使儲粟復輒發以貸人有司劾詔削階停刺史或弔之復曰苟利於人胡責之辭久乃拜兵部侍郎普王為襄漢元帥進復戶部尚書統軍長史舊制為行軍長史德宗以復父諱更之未行扈符奉天帝惡摩隘欲西如鳳翔依張鎰復曰鳳翔乃泚舊兵今泚悖亂當有同惡者雖鎰臣畏不免帝曰朕業行留一日以驗爾言俄而鎰為李楚琳所害以是拜吏部尚書同中書門下平章事復嘗言艱難以來始用宦者監軍權望太重是曹止可委官掖事兵要政機巨使參領帝不聽又言

陛下初政清明自楊炎盧杞柄用滓穢盛德播越及茲今陛下深革睿思臣敢不盡力若使臣依阿偷免不敢當宰相蓋按通鑑新寬 御批德宗親臣官祖盧杞至再亦已及其身蕭復抗直雖不量鑿而播遷正柄然比之當時朝臣可謂鐵中錚錚者矣

或詔諛阿匱復厲言杞詞不正帝色略謂左右曰復慢我因詔復充山南江淮南嶺南等道宣撫安慰使興元初進門下侍郎初淮南陳少游左附李希烈而張鎰判官韋臯殺邠隴叛卒不應楚琳復還執政建言陛下反正功臣已貴矣唯甄善汰惡為未明少游位將相首臣賊臯名淺官下獨挺挺抗忠如以臯代少游則天下瞭然知逆順之理帝許之復出中官馬欽緒摺宰相劉從一附耳語既而從一密諭復曰有詔與公議向所奏不欲李勉盧翰聞知復曰朝廷大事正當謀及公卿如勉等非其人當罷去既曰宰相而謀議可獨避之乎今與公行此或可第恐寢以為常政由是敝從一以聞帝不悅復辭疾上政事許之弟升尚部國大長公主肅宗女也升早卒主以姦蠱事再得罪廢諸子悉逐醜地帝街曩枝故復坐是檢校太子左庶子廢居饒州貞元四年卒年五十七復望闕高華厲名節不通狎流俗及為相臨事嚴方數拂帝意故居位亟解性孝友既貶晏然口未嘗言所累復子湛湛子寅咸通中位宰相無顯功史逸其傳實于遵有傳

裴耀卿字煥之靈州刺史守真次子也數歲能屬文擢童子舉稍遷祕書省正字相王府典籤與孫邱悅文學韋利器更直備顧問府中號學直王卽帝位授國子主簿累遷長安合舊有酈戶和市法百姓厭苦耀卿一切責豪門坐賈預給以直絕餽欺之弊及去人思之為濟州刺史濟當走集地廣而戶寡會天子東巡耀卿置三梁十驛科斂均省為東州知頓最封禪還次宋州宴從官帝歡甚謂張說曰前日出使巡天下觀風俗察吏善惡不得實今朕有事俗宗而懷州刺史王邱餽蓋之外

一無它獻魏州刺史崔沔供帳不施錦繡示我以儉濟州刺史裴曜卿上書數百言至曰人或重擾即不足以告成朕置書座右以自戒此三人者不勞人以市恩真良吏矣俄徙宣州通鑑作定州前此大水河防壞諸州不敢擅興役曜卿曰非至公也乃躬護作役未訖有詔徙官曜卿懼功不成弗即宣而撫巡飭厲愈急隄成發詔而去濟人為立碑頌德歷冀州入拜戶部侍郎開元二十年副信安王禕討契丹又持帛二十萬賜立功奚官耀卿曰幣涉寇境不可以不備乃令先與期而分道賜之一日畢突厥至韋果邀險來襲而曜卿已還遷京兆尹明年秋雨害稼京師飢帝將幸東都召問所以救人者耀卿曰陛下既東巡百司畢從則大倉及三輔積貯可遣重臣分道賑給計可支一二年自東都益廣漕運以實關輔待稍充實則乘輿西還事茂不濟且國家帝業本在京師當百代不易但秦中地狹穀少水旱易匱往貞觀永徽時祿粟數少歲漕粟二十萬略足今用度濶廣漕運數倍猶不能支故數東幸以就菽粟為國大計臣願廣陝運道使京師常有三年食雖水旱不足憂今天下輸丁約四百萬每丁支出百錢為陝洛運費又益半為營害用分納司農及河南陝州又合租米悉輸東都從都至陝河路艱險既用陸運無由廣致若廣漕路變陸為水則所支有餘動贏萬計且河南租船候水始進吳工不習河漕處處停留易生隱盜請置倉河口以納東租然後官自顧載分入河洛度三門東西各築一倉自東至者東倉受之三門迫險則旁河鑿山以開車道運數十里西倉受之度宜徐運抵太原倉趨河入渭更無留阻可減費鉅萬天子然其計拜黃門侍郎同中

更無留阻可減費鉅萬天子然其計拜黃門侍郎同中

書門下平章事充轉運使於是置河陰集津三門倉鄭氏食

貨略引天下租絲盟津泝河而西三年積七百萬石省

運費三十萬緡或曰以此緡納於上足以明功答曰是

謂以國財求寵其可乎敕吏以為和市費遷侍中二十

四年以尚書左丞相罷封趙城侯夷州刺史楊潒以贓

抵死有詔杖六十流古州耀卿上言刺史縣令為人父

母風化所瞻今決杖贖死恩則已優而解體受笞事頗

為辱恐非崇守長勸風俗之意謂凡刺史縣令於本部

決杖特乞停減從之是時特進蓋嘉運破突騎施還詔

為河西隴右節度使因令經略吐蕃嘉運以新立功日

酣邀未赴屯耀卿言於帝曰嘉運精勁勇烈誠有餘然

臣見其夸言驕色竊憂之恐不足與立事今盛秋防邊

日月已薄當與軍中士卒相見夫兵未及訓不能知法

士未懷惠不可其心縱使幸而有功非師出以律之義

且萬人之命倚於將軍今酣啾朝夕肆自安恐非愛

人憂國者苟不易帥宜嚴詔申約以督其行帝乃促嘉

運詣部卒無功還天寶初進尚書左僕射俄改右僕射

而李林甫代之舊書作改為尚書右僕射上日林甫至

本省具朝服劔佩博士導郎官唱按禮畢就耀卿聽事

乃常服以贊者主事導唱林甫驚曰班爵與公同而禮

數異何也耀卿曰比苦眩不堪重衣又耶博士紛泊非

病土所宜林甫默然慙居一歲卒年六十三贈太子太

傅諡曰文獻子綜吏部郎中綜子佑

佑字宏正幼能文第進士補校書郎判入高等授藍田

尉德宗詔發畿縣民城奉天嚴郢為京兆政刻急本曹

尉韋重規妻孔且疾畏郢之暴不敢免佑請代役無愆

程當時稱其義帝幸梁佑奔見行在授補闕李懷光以

河中叛佑建議請討帝深器之詔用盧杞為饒州刺史

與諫官執不可歷遷諫議大夫黔中觀察使韋士文為

夷獠所逐詔佑代之部夷安服歷同州刺史中書舍人

遷尚書右丞時李巽以兵部尚書領鹽鐵將遷使局就

本曹經構已半會佑至以為不可異雖怙恩而彊猶撤

之時重其有守改吏部侍郎以疾為國子祭酒工部尚

書卒贈吏部尚書諡曰貞佑清勁明銳所與友皆第一

流鄭餘慶尤厚善既歿餘慶為行服士林美之

李適之恒山王承乾孫也始名昌神龍初擢左衛郎將

開元中累遷通州刺史以辦治聞按察使韓朝宗言諸

朝擢秦州都督徙陝州刺史河南尹為政不苟細吏民

便之元宗患穀洛歲暴耗徭力詔適之以禁錢作三大

防曰上陽積翠月陂自是水不能患刻石著功進御史

大夫二十七年兼幽州長史知節度事適之以祖被廢

而父象見逐武后時葬故有闕至是丐陪瘞昭陵關中

詔可褒冊典物焜照都已行道為吝歎遷刑部尚書適

之喜賓客飲酒斗餘不亂夜宴娛晝決事案無留辭天

寶元年代牛仙客為左相累封清和縣公與李林甫爭

權不協林甫陰賊即好謂適之曰華山生金采之可以

富國顧帝未之知適之性疏信其言他日從容為帝道

之帝喜以問林甫對曰臣知之舊矣顧華山陛下本命

王氣之舍不可以穿治故不敢聞帝以林甫為愛己而

薄適之不親於是皇甫惟明韋堅裴寬韓朝宗皆適之

厚善悉為林甫所構得罪適之懼不自安乃上宰相求

散職以太子少保罷欣然自以為免禍俄坐韋堅累貶

宜春太守會御史羅希夷陰被詔殺堅等貶所州縣震

恐及過宜春適之懼仰藥自殺舊書以李季卿為適之

子新書作李適子別見

文苑傳按世系表適之一子名

書別無名季卿者新書為是

欽定續通志卷二百三十二

志四六三九

續通志 卷二百三十二 列傳 唐

唐

唐

唐

唐

唐

唐

列傳

唐三十三

蘇珣

尹思貞

畢構

李傑

解琬

裴淮寬 蕭

鄭惟忠

王志愔

盧從愿

李朝隱

王邱

嚴挺之 武

蘇珣雍州藍田人中明經第調鄆尉時李義琰為雍州

長史郗多訟日至長史府珣裁決明辨自是無訴者義

琰異之願聽事曰此公坐也恨吾齒晚不及見垂拱初

為監察御史武后將殺韓鳳諸王付珣密陳按訊珣推

之無狀或言珣與韓魯等有私后詰之挺議無所撓后

不悅曰卿大雅士此獄不足誣卿即詔監軍河西五遷

右司郎中御史王宏義附來俊臣為酷世畏疾莫敢觸

其鋒會督伐材於號督過程丁夫多死珣按奏引義

坐免遷給事中進左肅政臺御史大夫后營大像白司

馬坂廩用億計珣上疏切諫見納中宗將斬韋月將珣

執據時令不可以大戮忤三思意改右臺俄出為岐州

刺史復為右臺大夫會節愍太子貶詔株索支黨時睿

宗居藩為獄辭牽逮珣密啟保辯亦會宰相開陳帝感

悟多所舍貨擢戶部尚書封河內郡公以檢校太子詹

事致仕卒年八十一贈兗州都督諡曰文

子晉數歲知為文作八卦論吏部侍郎房穎叔祕書少

監王紹宗歎曰後來之王粲也舉進士及大禮科皆上

第先天中為中書舍人元宗監國所下制命多晉及賈

曾為之屢獻讜言天子嘉允出為泗州刺史以珣老請

解職奉養珣卒歷戶部侍郎襲爵遷吏部時宋璟兼尚

書事晉與齊澹更典二都選既糊名校判而晉獨事實

拔當時譽之及裴光庭知尚書有過官應批退者就籍

以朱筆點頭而已晉因榜選院曰門下點頭者更擬光

庭以為悔己出晉汝州刺史遷魏州終太子左庶子始

晉與洛人張循之仲之兄弟善而二人以學顯循之上

書忤武后見殺仲之神龍中謀去武三思為宋之孫

通作宋等所發死晉厚撫其子漸為營婚宦晉卒漸喪之

若諸父云

尹思貞京兆長安人弱冠以明經第調隆州參軍事屬

邑豪蒲氏鰲肆不法州檄思貞按之適其姦賊萬計卒

論死部人稱慶刻石以紀其事遷明堂令以善政聞擢

殿中少監檢校涪州刺史會契丹孫萬榮亂胡方震驚

思貞循撫境內獨無擾武后璽書褒慰長安中遷秋官

侍郎忤張昌宗意出為定州刺史召授司府少卿時卿

侯知一亦厲威嚴吏為語曰不畏侯卿杖祇畏尹卿筆

加銀青光祿大夫其家坎地獲古戟十二俄而門樹戟

時人異焉神龍初擢大理卿雍人韋月將告武三思大

逆中宗命斬之思貞以方發生月固奏不可乃決杖流

嶺南三思諷所司加法殺之復固爭御史大夫李承嘉

附三思而以他事禁思貞不得謁思貞謂承嘉曰公為

天子執法乃擅威福慢憲度諛附姦臣圖不軌今將除

忠良以自恣邪承嘉慙怒劾思貞出為青州刺史治州

有績蠶一歲四熟黜陟使路敬潛至部歎曰是非善政

致祥乎表言之睿宗立召授將作大匠封天水郡公僕

射寶懷貞護作金仙玉真觀廣調夫匠思貞數有損節

懷貞讓之答曰公輔臣也不能宣贊王化而土木是興

以媚上害下又聽小人譖廷辱朝士今不可事公矣乃

拂衣去園門待罪帝知之特詔令視事懷貞誅 按金仙

觀作於景雲二年懷貞伏誅乃開拜御史大夫累遷工

元元年事舊書云其年懷貞誅諫拜御史大夫累遷工

部尚書請致仕許之開元四年卒年七十七贈黃門監

諡曰簡思貞前後為刺史十三郡其政皆以清最聞

畢構字隆擇河南偃師人六歲能為文及冠擢進士第

補金水尉遷九隴主簿居親喪毀棘已除猶屏處邱

園武后召為左拾遺神龍初遷中書舍人敬暉等表諸

武不宜為王構當讀表抗聲析句左右聽者皆歷然可

曉三思疾之出為潤州刺史政有惠愛徙衛同陝三州

遷益州府長史景龍末召為左御史大夫會平諸韋治

其黨衣冠多坐構詳比重輕皆得其情時李傑為河南

尹與構皆一時選世稱畢李封魏縣男復為益州長史

按察劍南振弊稅私號為清嚴睿宗嘉構修潔獨行有

古人風其治術又為諸使最乃賜璽書袍帶再遷吏部

尚書並遙領益州長史徙廣州都督玄宗立授河南尹

進戶部尚書久之移疾帝手疏醫方賜之當時以戶部

為凶官遽改太子詹事冀其愈會卒贈黃門監諡曰景

始構喪繼母而二妹襁褓身鞠養至成人妹為構服三

年弟栩以太府主簿留司東都聞疾馳歸哀毀如大喪

雖變服未嘗笑天下稱其友悌終荊州司馬構子炕天

寶末為廣平太守拒安祿山城陷覆其家贈戶部尚書

炕生珂始四歲與弟增以細弱得不殺為賞口河北平

宗人宏贖出之後舉明經為臨瀛尉徐州節度使張建

封高炕節間珂篤行表署幕府攝符離令後調王屋尉

以謹廉問喜賓客家未嘗以有無計及歿無貲治喪云

李傑本名務光相州澄陽人後魏并州刺史寶之裔孫

少以孝友著擢明經第解褐齊州參軍事累遷天官員

外郎爲吏詳敏有治譽以採訪使行山南時戶口逋蕩細弱下戶爲豪力所兼傑爲設科條區處檢防亡匿復業者十七八神龍中爲河東巡察黜陟使課爲諸道最先天中進陝州刺史水陸發運使置使自傑始改河南尹傑既精聽斷雖行坐食飲省治不少廢絲是府無淹事人吏愛之寡婦有告其子不孝者傑物色非是謂婦曰子法當死無悔乎答曰子無狀靈悔乃命市棺還敏之使人迹婦出與一道士語頃持棺至傑命捕道士按問乃與婦私不得逞傑殺道士內于棺河沐之交舊有梁公球廢不治南方漕弗通傑調汴鄭丁男復作之不惜費而利入代宋璟爲御史大夫尙衣奉御長孫昕皇后妹婿也素惡傑遇于道與所親楊仙玉共毆辱之傑訴曰敗髮膚痛在身辱衣冠恥在國帝怒詔杖殺昕等於朝堂以謝百官降書慰傑以護作橋陵封武威縣子初傑引侍御史王旭爲護陵判官旭貪賊傑將繩之未及發反爲所構出衢州刺史遷揚州大都督府長史復爲御史劾免開元六年卒帝悼之特贈戶部尙書

解琬魏州元城人舉幽素科調新政尉後自成都丞奏事稱旨超遷監察御史以喪免武后知琬習邊事奪服往撫羌夷琬固乞終喪后嘉許之詔服除赴屯遷侍御史安撫烏質勒及十姓部落以功擢御史中丞兼北廷都護西域安撫使琬與郭元振善宗楚客惡之左授滄州刺史爲政引大體部人順附景龍中遷御史大夫兼朔方行軍大總管前後乘邊積二十年大抵務農習戰多爲長利華虜安之景雲二年復爲朔方軍大總管分遣隨軍要籍官河陽丞張冠宗肥鄉令韋景駿普安令于處忠科三城兵省其戍十萬人改右武衛大將軍兼

檢校晉州刺史濟南縣男以老丐骸骨不待報輒去優詔以金紫光祿大夫聽致仕准品給全俸璽書勞問會吐蕃騷邊復召授左散騎常侍詔與虜定經界因諧輯十姓降戶琬建言吐蕃不可以信約請調兵十萬屯秦渭閒防遏其姦是冬吐蕃果入寇爲秦渭兵擊走之俄復請老不許遷太子賓客年八十餘開元五年終同州刺史

裴濯絳州聞喜著姓父瑗之永徽中爲同州司戶參軍年甚少刺史李崇義輕之鐫論曰同三輔吏事繁子盍求便官毋留此瑗之唯唯吏白積案數百崇義讓使趣斷瑗之曰何至逼人乃命吏連紙進筆爲省決一日畢既與奪當理而筆詞動妙崇義驚曰子何自晦成吾過耶由是名動一州號霹靂手後爲永年令有惠政吏刻石頌美以倉部郎中病廢准侍疾十餘年不肯仕瑗之沒始擢明經調陳留主簿遷監察御史時崔暹鄭愔典吏部坐姦賊爲李尙隱所劾詔准按訊而安樂公主上官昭容阿黨混等准執正其罪天子稱之累進中書舍人睿宗造金仙玉眞二觀時早甚役不止灌上言春夏

毋聚大眾起大役不可興土功妨農事若役使乖度則有疾疫水旱之裁此天人常應也今自冬徂春雨不時降人心憔悴莫知所出而土木方興時曠之孽職爲此發春秋莊公三十一年冬不雨是時歲三築臺僖公二十一年夏大旱是時作南門陛下以四方爲念宜下明制令二京營作和市木石一切停止有如農桑失時戶口流散雖寺觀營立能救飢寒敵哉不報還兵部侍郎以銓總勞特授一子官開元五年爲吏部侍郎甄拔佳士爲多拜御史大夫濯雅與張說善說方宰相數薦之

濯長於敷奏天子亦自重焉擢吏部尙書家世儉素而晚節稍畜妓妾爲奢侈事議者以爲闕改太子賓客卒贈禮部尙書諡曰懿從祖弟寬

寬性通敏工騎射軍謀投壺略通書記景雲中爲潤州參軍事刺史韋誦有女擇所以歸會休日登樓見人於後圃有所瘞藏者訪諸吏曰參軍裴寬居也召問狀答曰寬義不以包苴汗適有人以鹿爲餽致而去不敢自欺故瘞之說誦異乃引爲按察判官許妻以女歸語妻曰常求佳婿今得矣明日韓其族使觀之寬衣碧瘳而長既入族人皆笑呼爲碧鶴雀誦曰愛女宜爲賢公侯妻何可以貌求人卒妻寬舉拔萃爲河南丞遷長安尉宇文融括天下田奏爲江東覆田判官改太常博士禮部建言忌日享廟應用樂寬自以情立議曰廟尊忌卑則作樂廟卑忌尊則備而不奏中書令張說是之請如寬議遷刑部員外郎萬騎將軍馬崇白日殺人而王毛仲侍貴倖將鬻其獄寬固執不從河西節度蕭嵩表爲判官歷兵部侍郎宰相裴耀卿領江淮運列倉河陰奏寬爲戶部侍郎自副遷吏部出爲蒲州刺史州久旱寬入境輒雨徙河南尹不附權貴河南大治縣金吾大將軍授太原尹帝賦詩褒饒天寶初由陳留太守拜范陽節度使時北平軍使烏承恩虜酋也與中人通數賄賂寬以法繩治檀州刺史何僧獻生口數十寬悉歸之故夷夏感附三載用安祿山守范陽召寬爲戶部尙書兼御史大夫裴敦復平海賊還廣張功簿寬密白其妄帝素重寬會河北部將入朝盛譽寬政且言華虜猶思之帝嗟賞賚倚加厚李林甫恐其遂相又惡寬善李適之乃漏寬語以激敦復先是寬以所善請於敦復林甫趣

濯長於敷奏天子亦自重焉擢吏部尙書家世儉素而晚節稍畜妓妾爲奢侈事議者以爲闕改太子賓客卒贈禮部尙書諡曰懿從祖弟寬

寬性通敏工騎射軍謀投壺略通書記景雲中爲潤州參軍事刺史韋誦有女擇所以歸會休日登樓見人於後圃有所瘞藏者訪諸吏曰參軍裴寬居也召問狀答曰寬義不以包苴汗適有人以鹿爲餽致而去不敢自欺故瘞之說誦異乃引爲按察判官許妻以女歸語妻曰常求佳婿今得矣明日韓其族使觀之寬衣碧瘳而長既入族人皆笑呼爲碧鶴雀誦曰愛女宜爲賢公侯妻何可以貌求人卒妻寬舉拔萃爲河南丞遷長安尉宇文融括天下田奏爲江東覆田判官改太常博士禮部建言忌日享廟應用樂寬自以情立議曰廟尊忌卑則作樂廟卑忌尊則備而不奏中書令張說是之請如寬議遷刑部員外郎萬騎將軍馬崇白日殺人而王毛仲侍貴倖將鬻其獄寬固執不從河西節度蕭嵩表爲判官歷兵部侍郎宰相裴耀卿領江淮運列倉河陰奏寬爲戶部侍郎自副遷吏部出爲蒲州刺史州久旱寬入境輒雨徙河南尹不附權貴河南大治縣金吾大將軍授太原尹帝賦詩褒饒天寶初由陳留太守拜范陽節度使時北平軍使烏承恩虜酋也與中人通數賄賂寬以法繩治檀州刺史何僧獻生口數十寬悉歸之故夷夏感附三載用安祿山守范陽召寬爲戶部尙書兼御史大夫裴敦復平海賊還廣張功簿寬密白其妄帝素重寬會河北部將入朝盛譽寬政且言華虜猶思之帝嗟賞賚倚加厚李林甫恐其遂相又惡寬善李適之乃漏寬語以激敦復先是寬以所善請於敦復林甫趣

濯長於敷奏天子亦自重焉擢吏部尙書家世儉素而晚節稍畜妓妾爲奢侈事議者以爲闕改太子賓客卒贈禮部尙書諡曰懿從祖弟寬

寬性通敏工騎射軍謀投壺略通書記景雲中爲潤州參軍事刺史韋誦有女擇所以歸會休日登樓見人於後圃有所瘞藏者訪諸吏曰參軍裴寬居也召問狀答曰寬義不以包苴汗適有人以鹿爲餽致而去不敢自欺故瘞之說誦異乃引爲按察判官許妻以女歸語妻曰常求佳婿今得矣明日韓其族使觀之寬衣碧瘳而長既入族人皆笑呼爲碧鶴雀誦曰愛女宜爲賢公侯妻何可以貌求人卒妻寬舉拔萃爲河南丞遷長安尉宇文融括天下田奏爲江東覆田判官改太常博士禮部建言忌日享廟應用樂寬自以情立議曰廟尊忌卑則作樂廟卑忌尊則備而不奏中書令張說是之請如寬議遷刑部員外郎萬騎將軍馬崇白日殺人而王毛仲侍貴倖將鬻其獄寬固執不從河西節度蕭嵩表爲判官歷兵部侍郎宰相裴耀卿領江淮運列倉河陰奏寬爲戶部侍郎自副遷吏部出爲蒲州刺史州久旱寬入境輒雨徙河南尹不附權貴河南大治縣金吾大將軍授太原尹帝賦詩褒饒天寶初由陳留太守拜范陽節度使時北平軍使烏承恩虜酋也與中人通數賄賂寬以法繩治檀州刺史何僧獻生口數十寬悉歸之故夷夏感附三載用安祿山守范陽召寬爲戶部尙書兼御史大夫裴敦復平海賊還廣張功簿寬密白其妄帝素重寬會河北部將入朝盛譽寬政且言華虜猶思之帝嗟賞賚倚加厚李林甫恐其遂相又惡寬善李適之乃漏寬語以激敦復先是寬以所善請於敦復林甫趣

濯長於敷奏天子亦自重焉擢吏部尙書家世儉素而晚節稍畜妓妾爲奢侈事議者以爲闕改太子賓客卒贈禮部尙書諡曰懿從祖弟寬

敦復發之敦復未及聞扈幸溫泉宮而其下裨將程藏
曜曹鑿自以他事繫臺實捕按之敦復謂寬求致其罪
遽以金五百兩賂貴妃姊因得事聞於帝由是貶寬雖
陽太守及韋堅獄起寬復坐親貶安陸別駕林甫使羅
希夷殺李適之也亦使過安陸將怖殺寬寬叩頭祈哀
希夷乃去寬懼終見殺巧為浮屠不許稍遷東海太守
徙馮翊入為禮部尚書卒年七十五贈太子太傅寬兄
弟八人皆擢明經任臺省州刺史性友愛於東都治第
八院相對甥姪亦有名稱常擊鼓會飯其為政務清簡
所益人愛之世皆冀其得宰相天寶間稱舊德以寬為
首然戡于佛喜與桑門游習誦其書老彌篤云子譜
請字士明擢明經調河南參軍事性通綽不好苛細累
遷京兆倉曹參軍虢王巨表署襄鄧營田判官母喪居
東都會史思明亂逃山谷間思明故寬將德寬舊恩且
聞諸名遺捕騎跡獲之喜甚呼為郡君偽授御史中丞
賊殘殺宗室誦陰緩之全活者數百人又嘗疏賊盧實
於朝事泄思明恨罵危死而免賊平除太子中允遷考
功郎中數燕見奏事代宗幸陝請徒步挾考功南曹印
赴行在帝曰疾風知勁草信矣將用為御史中丞為元
載沮抑故拜河東租庸鹽鐵使時關輔旱請入計帝召
至便殿問權酷利歲出內幾何請久不對帝復問曰臣
有所思帝曰何邪請曰臣自河東來涉三百里農人愁
嘆穀未種誠謂陛下軫念元元先訪疾苦而乃責臣
以利孟子曰仁義而已何以利為故未敢即對帝曰微
公言朕不聞此拜左司郎中數訪政事載忌之出為處
州刺史歷饒廬毫三州除右金吾將軍德宗新即位以
刑名治天下百吏震服時大行將藏陵事禁屠殺郭子

儀家奴宰羊謂列奏帝謂不畏疆禦善之或曰尙父有
社稷功豈不為庇之請笑曰非君所知尙父方貴盛帝
新即位必謂黨附者眾今發其細過以明尙父威權不
足畏上尊天子下安大臣不亦可乎時朝堂別置三司
決庶獄辯爭者輒擊登聞鼓請上疏曰諫鼓謗木之設
所以達幽枉延直言今詭猾之人輕動天聽爭纖微若
然者安用吏治乎帝然之於是悉歸有司請惡法吏舞
文或挾宿怨為重輕因獄獄官箴以諷坐所善僧抵法
貶閬州司馬俄召為太子右庶子進兵部侍郎至河南
尹東都副留守凡五世尹河南請視事未嘗敢當正處
以寬厚和易為治不鞠人以贖卒年七十五贈禮部尚
書
寬弟子胄字允叔擢明經佐李抱玉鳳翔幕府不得意
謝歸更從宣歙觀察使陳少游抱玉怒劾貶桐廬尉時
李栖筠觀察浙西幕府皆一時高選判官許鳴謙名知
人見崔造及胄器之白栖筠取胄為支使代宗惡宰相
元載怙權召栖筠為御史大夫欲以為相栖筠引胄殿
中侍御史尤為載所惡會栖筠卒胄護喪歸洛陽人為
危之胄屹然不沮少游復表為淮南觀察判官載誅
始拜刑部員外郎遷宣州刺史楊炎當國為載復讐窮
據所惡會胄部人積胄雜奉為賊炎遣員寓憂劾峭詆
貶汀州司馬稍遷京兆少尹以父名不拜換國子司業
遷江西觀察使初李兼嘗罷南昌卒千餘人收資稟為
月進胄白罷之焚澤徙襄州宰相議所代德宗雅記胄
才遂拜荆南節度使是時方鎮爭剝下希恩製重錦異
綾名貢奉有中使者即悉公帑市歡胄待之有節獻餉
直不數金宴勞止三爵是時武臣多斯役待賓介不以

禮少失意則以罪中傷之胄亦劾斥其管記梁易從世
恨胄之流于俗卒年七十五贈尚書右僕射諡曰成
鄭惟忠宋州宋城人第進士補并陘尉天授中以制舉
召見廷中武后問舉者何所事為忠對皆不合旨惟忠
曰外揚君之美內正君之惡后曰善擢左司禦曹曹參
軍事遷水部員外郎后還長安復以待制召后曰非嘗
於東都對忠臣者乎朕今不忘遷鳳閣舍人中宗立擢
黃門侍郎時議禁嶺南舊戶不得畜兵惟忠曰善為政
者因其俗且吳都賦所謂家鶴膝戶犀渠此民風也禁
之得無擾乎遂止進大理卿節愍太子敗守衛註誤並
擬配流諸草黨請悉誅之帝欲改推惟忠奏大獄始判
復改訊恐反側者不自安且失信天下有詔百司參議
卒論如前所全貸為多俄授御史大夫持節賑給河北
道且許黜陟守宰還奏稱旨封榮陽縣男遷太子賓客
卒贈太子少保
王志愔博州聊城人擢進士第中宗神龍中為左臺侍
御史以剛鷲為治人吏畏憚呼為卓鵬遷大理正嘗奏
言法令者人之隄防不立則無所制今大理多不奉法
以縱罪為仁持文為苛臣執典典恐且得謗遂上所著
應正論以見志因規帝失帝嘉之景雲中以左御史中
丞遷大理少卿時詔用漢故事設刺史監郡於天下劇
州置都督選素威重者授之遂拜志愔齊州都督事中
格復授齊州刺史河南道按察使徙汴州封北海縣男
太極元年兼御史中丞內供奉實封百戶出為魏州刺
史改揚州長史所至破碎姦猾令行禁信境內肅然開
元十年帝幸東都按本紀十年正月幸東都本傳作九年詔留守京師京
兆人權梁山與左右屯營官謀反夜犯長樂門入宮城

將殺志愔志愔踰垣走而屯營兵悔更斬梁山等自歸

志愔慙悸卒

盧從愿字子冀六世祖昶仕後魏為度支尚書自范陽

徙臨漳故從愿為臨漳人擢明經為夏尉又舉制科高

第拜右拾遺遷監察御史為山南黜陟巡撫使還奏稱

旨累進中書舍人睿宗立拜吏部侍郎吏選自中宗後

綱紀耗蕩從愿精心澄敘偽牒詭功搃檢無所遺銓總

六年平允稱最帝異之特官其一子從愿請贈其父敬

一為鄭州刺史制可初高宗時吏部號稱職者裴行儉

馬載及是從愿與李朝隱為有名故號前有裴馬後有

盧李開元四年玄宗悉召縣令策於廷考下第者罷之

從愿坐擬選失實下遷豫州刺史政嚴簡奏課為天下

第一寶書勞問賜絹百匹召為工部侍郎遷尚書左丞

中書侍郎以工部尚書留守東都代韋抗為刑部尚書

數充校考使升退詳確御史中丞宇文融方用事將以

括田戶功為上下考從愿不許融恨之乃密白從愿盛

殖產占良田數百頃帝自此薄之目為多田翁後欲用

為相屢矣卒以是止十八年復為東都留守坐子起居

耶論輸糴入官有利利為憲司所糾貶絳州刺史遷太

子賓客二十年河北飢詔為宣撫處置使發倉廩賑飢

民使還乞骸骨授吏部尚書致仕給全祿終身卒贈益

州大都督諡曰文

李朝隱字光國京兆三原人明法中第調臨汾尉擢至

不關兩省降墨敕授官糾封付中書即宣所司朝隱執

罷千四百員怨誹譴騰朝隱胖然無避屈遷長安令宦

官問與貴有所干請曳去之睿宗嘉數後御承天門對

百官及朝集使褒諭其能進太中大夫一階賜中上考

絹百匹以旌剛烈成安公主奪民園不酬直朝隱取主

奴杖之由是權豪斂伏為執政所擠出通州都督徙絳

州刺史開元初遷吏部侍郎銓敘明審與盧從愿並授

一子官久之以策縣令有下第降滑州刺史徙同州玄

宗東幸召見慰勞賜以衣帛擢河南尹政嚴清姦人不

容息太子舅趙常奴怙勢橫閭里朝隱曰此不繩不可

為政執而榜辱之帝賜書慰勉入為大理卿按通鑑開元六年宋

環請以李朝隱為大理卿而以陸象先元六年宋

為河南尹帝皆從之舊書作十年誤武彊令裴景仙

可賊五千匹亡命帝怒詔殺之朝隱曰景仙曾祖寂有

佐命功載初時家為酷吏所破誅夷略盡而景仙獨存

且承嫡當死坐猶將宥之使私廟之祀無餘魂可也

帝不許固請曰生殺之柄人主專之條例輕重有司當

守且賊惟枉法抵死今可賊即斬後有枉法抑又何加

且近發德音杖者聽減流者給程豈一景仙獨過常法

有詔決杖百流嶺南朝隱更授岐州刺史母喪解召為

揚州大都督府長史固辭見聽時年已衰而篤于孝自

致毀瘠士人以為難明年詔書敦造始就職還為大理

卿封金城伯代崔隱甫為御史大夫天下以其有素望

冠舉制科中第授奉禮郎氣象清古志行修潔詞賦尤

高族人方慶及魏元忠更薦之自偃師主簿擢監察御

史開元初遷考功員外郎考功異時多請託進者濫冒

歲數百人邱務覈實材登科纒滿百議者謂自武后至

是數十年采錄精明無邱比其後席豫嚴挺之亦有稱

然出邱下遷紫微舍人吏部侍郎邱典選復號平允其獎

用如山陰尉孫逖桃林尉張鏡徵湖城尉張晉明進士

王洽然皆一時茂秀久之為黃門侍郎會山東旱飢議

以中朝臣為刺史制詔舉陶稱在知人在安民今長吏

或未稱蒼生謂何深思循良以革頹敝宜重刺史之選

自朝廷始乃以邱與中書侍郎崔沔等並為山東刺史

按通鑑開元十二年六月帝以山東旱命

臺閣名臣以補刺史舊書作十一年誤而邱守懷州

尤清嚴為下畏慕入知吏部選改尚書左丞以父喪解

服除為右散騎常侍仍知制誥裴光庭卒蕭嵩與邱善

將引與當國邱固辭盛推韓休行能及休秉政薦為御

史大夫邱謫於言所白奏帝多不喜改太子賓客襲父

封宿預男以疾徙禮部尚書致仕邱更履華劇而所守

清約未嘗通饋遺室宅童騎敝陋既老藥餌不自給帝

歎之以為有古人節下制給全祿以旌潔吏天寶二載

卒贈荊州大都督諡曰文

舊書無諡按會要諡文者有宿預縣公王邱是邱善進爵

為公史亦闕載嚴挺之名浚以字行華州華陰人少好學姿質軒秀舉

進士并擢制科調義興尉號材吏姚崇為州刺史異之

崇執政引為右拾遺睿宗好音律每聽忘劾先天二年

正月望夜胡人裴施請然百千燈因弛門禁又追賜元

年誦帝御延喜安福門縱觀晝夜不息閱月未止挺之

上疏諫以為酺者因人所利合醮為歡也不使靡敝今

暴衣冠羅伎樂雜鄭衛之音縱倡優之玩使有司跛倚
下人罷劇州縣坊曲課賦苛嚴呼嗟道路買塚家產營
百戲之資擾方春之業欲同其樂而反遺之患乃陳五
不可誠意懇到帝納焉侍御史任正名特風憲至廷中
責詈衣冠挺之讓其不敬反爲所劾貶萬州員外參軍
事開元中爲考功員外郎累進給事中典貢舉時號平
允會杜暹李元紘爲相不相協暹善挺之而元紘善宋
暉用爲中書舍人暹校吏部判取舍與挺之異言於元
紘元紘屢詰誹挺之挺之厲言曰公位相國而愛憎反
任小人乎元紘曰小人爲誰曰宋暹也紘是出爲登州
刺史改太原少尹初殿中監王毛仲持節使太原朔方
籍兵馬後累年仍牒太原取兵仗挺之不肯應且以毛
仲寵幸久恐有變密啟於帝俄改濮汴二州刺史所治
皆嚴威吏至重足脅息會毛仲敗帝以挺之言忠召爲
刑部侍郎遷太府卿宰相張九齡雅知之用爲尙書左
丞知吏部選李林甫與九齡同輔政以九齡方得君詔
事之內實不善也戶部侍郎蕭奘林甫所引不知書嘗
與挺之言稱丞嘗伏臘乃爲伏臘挺之白九齡省中而
有伏獵侍耶乎乃出泉岐州刺史林甫恨之九齡欲引
以輔政使往謁林甫挺之負正陋其爲人凡三年非公
事不造也林甫益怨會挺之有所諉於尉州刺史王元
琰林甫使人暴其語禁中下除洛州刺史徙絳州天寶
初帝顧林甫曰嚴挺之安在此其材可用林甫退召其
弟損之與道舊諄諄款曲且許美官因曰天子視絳州
厚要當以事自解歸得見帝且大用因給挺之使稱疾
願就醫京師林甫已得奏即言挺之老疾幸開官得自
養帝恨吒久之乃以爲員外詹事詔歸東都挺之鬱鬱

成疾乃自爲文誌墓遺令薄葬敏以時服挺之重交游
許與生死不易嫁故人孤女數十人當時重之然弱志
于佛與浮屠惠善義義卒哀服送其喪已乃自葬於其
塔左子武

武字季鷹幼豪爽母裴不爲挺之所答獨厚其妾英武
始八歲怪問其母母語之故武奮然以鐵鎚就英寢碎
其首左右驚白挺之曰郎戲殺英武辭曰安有大臣厚
妾而薄妻者兒故殺之非戲也父奇之曰真嚴挺之子
然數禁較以蔭補太原府參軍事累遷殿中侍御史從
玄宗入蜀揮讓諫大夫至德初赴肅宗行在房琯以其
名臣子薦爲給事中已收長安拜京兆少尹坐瑄事貶
巴州刺史乃出爲綿州刺史與新史異久之遷東川節
度使廣德二年合劔南爲一道兩川爲一道是代宗時
事非上皇詔也擢武成都尹劔南節度使還拜京兆
尹爲二聖山陵橋道使封鄭國公遷黃門侍郎與元載
厚相結求宰相不遂復節度劔南破吐蕃七萬眾于當
狗城遂收鹽川加檢校吏部尙書武在蜀頗放肆用度
無藝或一言之悅賞至百萬蜀雖號富饒而峻括亟斂
閭里爲空然虜亦不敢近境梓州刺史章彝始爲武判
官因小忿杖殺之瑄以故相爲巡內刺史武慢倨不爲
禮最厚杜甫然欲殺甫數矣承初卒母哭且曰而今
而後吾知免爲官婢矣年四十贈尙書左僕射

挺之從孫舊書云蜀人按授既爲挺之從孫亦當是華陰人疑舊史誤綬父丹嘗
爲劔南鹽鐵青苗租庸使以武在蜀辭不拜綬擢進士
第以侍御史副劉贊爲宣歙團練使贊卒綬總留事悉
庫物以獻召爲刑部員外郎幕僚進奉由綬始河東節
度使李說病軍司馬鄭儋總其政說卒授儋節度使時

德宗務姑息鎮帥死不它命即用軍司馬代之以和厭
眾情至是帝頗憶綬所獻故擢爲河東司馬明年儋卒
卽檢校工部尙書節度河東憲宗立楊惠琳反夏州劉
闢反蜀綬建言天子始卽位不可失威請必誅選銳兵
遣大將李光顏助討賊二賊平檢校尙書左僕射封扶
風郡公進司空在鎮九年尙寬惠治稱流聞士馬孳息
營大閱旗幟周七十里回鶻梅錄將軍在會聞金鼓震
伏入爲尙書右僕射綬既名胄吏事有方略然銳進趨
素議薄之始就廊下食在百官上帝使中人賜含桃綬
見拜之爲御史劾奏綬懼待罪詔釋綬而貶中人出
爲荆南節度使封鄭國公劔南蠻張伯靖殺吏據辰錦
等州連九洞自固詔綬進討綬勒兵出次遣將齋檄開
曉羣蠻悉降吳元濟反僉以綬明恕可大事乃徙山南
東道節度使加淮西招撫使綬引師壓賊境多出金帛
賞士厚賂中人招聲援聞屯彌年不戰宰相裴度謂綬
非將才以太子少保召還檢校司徒判光祿卿事進少
傅卒年七十七贈太保綬才不踰中人然歷三鎮所奏
辟及綬時位將相者九人河東李進賢者以貴得幸於
綬署牙門將元和中進賢累爲振武節度使辟綬子澈
爲判官澈年少治苛刻軍中苦之回鶻入辟鶻泉進賢
發兵討之吏稟糧不實次鳴砂殺其將楊遵憲還攻
進賢左右拒戰不勝縋而去奔靖邊軍乃殺澈而屠進
賢家詔以夏綬銀節度張煦代之誅亂首數百人乃定

欽定續通志卷二百三十三

唐

列傳

唐三十四

裴守真子錄

崔河

陽嶠

宋慶禮

楊瑒

崔隱甫

李尚隱

潘好禮

倪若水

許景先

席豫

齊澣抗

裴守真字方忠

據世系表補

絳州稷山人後魏冀州刺史叔業六世孫父育大業中為淮安司戶參軍郡人楊琳田

瓚等亂劫吏多死以育仁愛相誠無敢害護送還鄉貞

觀時官鄭令守真早孤母喪哀毀骨立舉進士六科連

中舊書作累調乾封尉養算姊謹甚世推其禮法永淳

初關中旱悉粟祿奉姊及諸甥與妻息惡食不贍也授

太常博士守真善容典才稱其官高宗將封嵩山詔諸

儒議射牲事守真奏古者郊祀天地天子自射牲漢武

帝封太山令侍中儒者射之帝不親也按封禪祀禮前

明十五刻宰人鷲刀割牲質明行事毛血已具天子至

奠玉醑獻而已今若前祀一日射牲則早於事及日則

晚不逮事漢又天子不親恐不可行是時破陣慶善二

樂舞入帝常立以視須樂闋乃坐守真言二舞誠祖宗

盛德然古無天子立觀者化育詒庶孰非厥功不應鼓

舞別申嚴奉詔可未及行會帝崩大行舊禮無在者守

真與博士韋叔夏輔抱素等討按故事稱情為文時人

服其得禮天授中為司府丞推覈詔獄多裁恕全免數

十姓不合武后旨出為汴州司馬累遷成州刺史政不

務威嚴吏民懷之徙宣州送者千數出境尚不止長安

中卒贈戶部尚書子子餘耀卿巨卿曾孫行立據世系表行立

乃守真耀卿別傳

五世孫耀卿別傳

子餘事繼母以孝聞中明經補鄆尉時同舍李朝隱程

行謀以文法稱而子餘以儒顯或問優劣於長史陳崇

業答曰蘭菊異芬胡有廢者景龍中為左臺監察御史

涇岐有隋世番戶子孫數千家司農卿趙履温奏籍為

奴婢充賜口子餘曰官戶以恩原為番戶且今又子孫

可抑為賤乎履温倚宗楚客執辨於廷子餘執對不撓

遂誅其議開元初累遷冀州刺史為政惠裕人稱有恩

入為岐王府長史卒諡曰孝時程行誥諡貞中書令張

說歎曰二諡可無媿矣子餘居官清家聞友愛兄弟六

人皆有志行云

行立重然諾學兵法母亡泣血幾毀以軍勞累授沁州

刺史遷衛尉少卿口陳願治民試一縣自效除河東令

寬猛得當絲斬州刺史遷安南經略使環王國叛人李

樂山謀廢其君來乞兵行立不受命部將杜英策討斬

之歸其孥蠻人悅服英策及范廷芝者皆谿洞豪也隸

於軍它經略使多假借輒暴恣干治行立陰把其罪貨

之許自效故能得英策死力廷芝嘗休沐久不還行立

召之約曰軍法論日者斬異時復然且死後廷芝踰期

行立笞殺之以尸還范氏更為擇良子弟以代於是威

聲風行徒桂管觀察使黃家洞賊叛行立討平之按通鑑元

和十五年二月以行立為安南都護道卒是冬韓愈上

言裴行立賜旻二人邀功安南獻謀計虛奏殺獲欺

罔朝廷用兵二年賊猶依舊是時行立已俄代桂仲武

死而賊猶未平則新書所稱非實錄也

為安南都護銳於立功為時所嘗召還道卒按行立改

行立還道卒亦非也年四十七贈石散騎常侍

崔河字善冲京兆長安人後周隴州刺史士約四世孫

馮純謹無二言事親篤孝有才章擢進士舉賢良方正

高第不中者誦營之武后赦有司覆試對益工遂為第

一再補陸渾主簿入調吏部郎岑義歎曰君今卻說也

薦為左補闕性舒遲進止雅如也當官正色未嘗撓沮

睿宗召授中書舍人以母病東都不忍去固辭求侍更

表陸渾尉鄆都太樂丞封希顏處士李喜以代己處詔

改虞部郎中俄檢校御史中丞請發太倉粟及減苑圃

鳥獸所給以賑貧之人賴其利監察御史宋宣遠與盧

懷慎姻家恃以弄法姚崇子彝留司東都通賓客招賄

賂河將按劾崇懷慎方執政共薦河有史才轉著作郎

去其權蓋憚之也久之為太子左庶子母亡受吊廬前

賓客未嘗至極室曰平生非至親不升堂入謁豈以存

亡變禮邪中書令張說數稱之服除遷中書侍郎沔喜

論得失或曰今中書宰相承制雖侍郎貳之取充位而

已沔曰百官分職上下相維豈可俛默偷安為懷祿士

邪凡詔敕曹事多所異同說不悅出為魏州刺史雨濼

敗稼沔弛禁使人召還分掌吏部十銓以左散騎常侍

為集賢修撰歷祕書監太子賓客是時太常議加宗廟

遷豆又欲增喪服於是韋綽請每坐增遷豆至十二河

議以為不可詳見韋又欲加外祖父母舅母及堂姨

堂舅服沔議曰正家之道不可以貳故父以尊崇母以

厭降是以內服齊斬外服皆總尊名所加不過一等等

古不易之道也昔辛有適伊川見被髮而祭知其將戎

禮先亡也往修新禮推廣舅恩故宏道以來國命再移

於外姓禮亡徵兆可不戒哉詔中書門下參裁於是宗

廟籩豆坐各六姨若舅小功舅母總麻堂姨袒免餘仍

舊制每朝廷有疑議皆咨逮取衷卒年六十七贈禮部

尚書諡曰孝河儉約自持祿稟隨散宗族不治居宅嘗作陋室銘以見志子祐甫至宰相別傳按裴守真崔河二人舊書入孝友傳今從新書

陽嶠其先北平人世徙洛陽北齊尚書右僕射休之四世孫舉八科皆中調將陵尉累遷詹事司直長安中左右御史中丞桓彥範袁恕已爭取為御史楊再思素與嶠善知其意不樂彈抨之任為語彥範曰為官擇人豈待情樂唯不樂者固與之以伸難進抑躁求也遂為右臺侍御史久乃遷國子司業嶠資謹飭好學喜誘勸後生修講舍人以為善職睿宗立進尚書右丞時議建都督府擇最吏故嶠為涇州都督尋議罷歷魏州刺史荆州長史本道按察使率以清白聞魏州人務耳闕下請嶠為刺史故再治魏人為國子祭酒封北平縣伯引尹知章范行恭趙元默為學官皆時名儒生徒游惰者督以鞭楚人怨之乘夜毆嶠道中事聞詔捕毆者杖殺之嶠撫孤姪與子均常語人曰吾備位方伯而心亦昔時一尉耳以老致仕卒諡曰敬

宋慶禮洛州永平人擢明經補衛尉武后詔侍御史桓彥範行河北鄆斷居庸五回等路以備突厥召慶禮與議見其方略器之俄遷大理評事為嶺南採訪使時崖振五州首領更相掠民苦于兵使者至輒苦瘴癘莫敢往慶禮身到其境諭以大誼皆釋仇相親州土以安罷戍卒五千歷監察殿中侍御史以習識邊事拜河東河北營田使善騎日能馳數百里性甘勞苦然好興作濬塞掘堦植兵以邀虜徑議者蚩其不切事稍遷貝州刺史復為河北支度營田使初營州都督府治柳城扼制奚契丹武后時趙文翹失兩蕃情攻殘其府更治東漁

陽城玄宗時奚契丹款附帝欲復治故城宋璟固爭不可獨慶禮執處其利乃詔與太子詹事姜師度左驍衛將軍邵宏等為築城使三旬畢俄兼營州都督開屯田八十餘所追拔漁陽淄青沒戶還舊田又集商胡立邸肆不數年倉廩充居人蕃輯卒贈工部尚書慶禮為政清嚴吏畏威不敢犯太常博士張星以姦巧自是諡曰專禮部員外郎張九齡駁曰慶禮國勞臣在邊垂三十年往城營州士纔數千無甲兵彊衛指期而往不愆所慮遂罷海運收歲儲邊亭晏然其功可推不當醜諡慶禮兄子辭玉亦自詣闕訴改諡曰敬

楊瑒字瑤光華州華陰人五世祖縉舊書作高祖為陳中書舍人以文學名終交愛九州都督武康郡公子林甫仕隋為柳城太守以郡歸高祖授檢校總管足疾不能造朝拜絳州刺史封宜春郡公子琮為上津令隋亂去官與秦王同里居武德初為王府參軍兼庫直隱太子事平詔親王宰相一人入宴而琮獨預太宗賜懷昔賦以申恩意歷沔綏二州刺史舊書云祖琮絳州刺史瑒始為麟游令時寶懷貞大營金仙玉真二觀檢取畿內管負逆人賞者暴斂之以佐費瑒拒不應懷貞怒日縣令而拒大夫命乎瑒曰所論者民冤抑也何論位高下乎懷貞壯其對為止初韋后表民二十二為丁限及敗有司追趣其課瑒執不可曰韋氏當國擅權擢士大夫赦罪人皆不改奚獨取已寬之人重斂其租非保下之道遂止不課由是名顯當世累擢侍御史京兆尹崔日知貪吝不法瑒與大夫李傑謀劾舉之反為日知先構瑒廷奏曰糾彈之司一為恐脅所屈開姦人謀則御史臺可廢玄宗直之台傑還視事而逐日知瑒進歷御史中丞戶部侍

郎帝常召宰相大臣議天下戶版延英殿瑒言利病尤詳帝咨賞宇文融速檢脫戶餘口瑒執不便融方貴公卿唯諾獨瑒抗議故出為華州刺史帝封太山集樂工山下居喪者亦在行瑒謂起直經使和鍾律非人情所堪帝乃罷之入為國子祭酒表大儒王迥質尹子路白履忠等三人教授國子有詔迥質諫議大夫皇太子侍讀履忠老不任職拜朝散大夫罷歸子路直宏文館皆有名瑒奏有司帖試明經不質大義乃取年頭月尾孤經絕句請令自今已後盡帖平文且今之習左傳者十無二三儀禮公羊穀梁殆將廢絕請量加優獎以扶微學從之因詔以儀禮三傳出身者免任散官遂著為令生徒為瑒立頌太學門外又言古者卿大夫子弟及諸侯歲貢小學之異者入太學漸漬禮樂知朝廷君臣之序班以品類分以師長三德四教學成然後爵之唐興二監舉者千百數當選者十之二考功覆校以第謂經明行修故無多少之限今考功限天下明經進士歲百人二監之得無幾然則學徒費官粟而博士濫天祿者也且以流外及諸色仕者歲二千過明經進士十倍胥吏浮虛之徒既先王禮義非得與服勸道業者絜長短絕輕重也國家啟庠序廣化導將有以用而勸進之有司為限約以黜退之欲望俊乂在朝難矣帝然其言再遷大理卿以疾辭改左散騎常侍卒年六十八贈戶部尚書諡曰貞瑒常歎士大夫不能用古禮因其家冠婚喪祭乃據舊典為之節文揖讓威儀哭踊衰殺無有違者在官清白吏請立石紀德瑒曰事益於人書名史氏足矣若碑頌者徒遺後人作石耳瑒伯父志操頗剛簡未遇時著閒居賦自託常曰得田十頃僮婢十人下

有兄弟布粟之資上可供先公伏臘足矣位終司屬卿安平縣男場從父兄晏精孝經學常手寫數十篇可教者輒遺之

崔隱甫貝州武城人隋散騎侍郎儻曾孫解褐左玉鈔衛兵曹參軍遷殿中侍御史內供奉浮屠惠範倚太平公主脅人子女隱甫劾狀反爲所擠貶邕州司馬元宗立擢汾州長史兼河東道支度營田使遷洛陽令梨園弟子胡鵠善笛有寵嘗負罪匿禁中帝以他事召隱甫從容指曰就卿丐此人對曰陛下輕臣而重樂工請解官再拜出帝遂謝與胡鵠隱甫殺之有詔貫死不及矣賜隱甫百緡孫佺敗績於奚擢隱甫并州司馬護邊會兄逸甫疾甚未及行詔責遺留下除河南令累拜華州刺史太原尹入爲河南尹居三歲進拜御史大夫初臺無獄有囚則繫大理貞觀時李乾祐爲大夫始置獄由是中丞侍御史皆得繫人隱甫執故事廢之其後患囚往來或漏泄復繫之厨院云臺中自監察御史而下舊皆得頗事無所承詔隱甫始一切令歸粟乃得行有忤意輒劾正多貶絀者臺吏側目威名赫然帝嘗詔校外官歲考異時必委曲參審竟春未定隱甫一日會朝集使詢逮檢實其暮皆訖議者服其敏帝嘗謂曰卿爲大夫天下以爲稱職張說嘗國隱甫素惡之乃與中丞宇文融李林甫暴其過不宜處位說賜罷然帝嫉朋黨免其官使歸侍母歲餘復爲大夫遷刑部尚書兼河南尹帝還京師即拜東都留守累封清河郡公卒贈益州大都督諡曰忠始帝欲相隱甫也謂曰牛仙客可與語卿嘗見否對曰未也帝曰可見之隱甫終不諂他日又問對如初帝乃不用子弟問故答曰吾不以其人微易之

也其材不逮中人可與之對耶隱甫所至潔介自守明吏治在職以疆正稱云

李尙隱其先自趙郡徙萬年年二十舉明經再調下邳王簿州刺史姚班舊書作姚珽按姚班嘗歷六州刺史且年世亦相當其作珽者字誤耳器其能神龍中左臺中丞侯令德爲關內黜陟使尙隱佐之以最擢左臺監察御史於是崔湜鄭愔典史部選附勢倖銓擬不平至逆用三年員闕宋璩傳作二年材廉者輒不進俄而相踵知政事尙隱與御史李懷讓通鑑作懷顯劾其罪湜等皆斥去睦州刺史馮昭泰性鷲刺嘗誣繫桐廬令李師旦二百餘家爲妖蠱有詔御史覆驗人畏其疆皆稱病不肯往尙隱曰善長蒙枉不爲申明可乎因請行果推雪其冤湜憤復用出尙隱爲伊闕令懷讓魏令湜等伏誅玄宗知尙隱方嚴絛定州司馬擢吏部員外郎懷讓自河陽令拜兵部員外郎懷讓移人後歷給事中尙隱以將作少監營橋陵封高邑縣男未幾進御史中丞御史王旭招權不法仇家告其罪尙隱窮治具得姦贓遂抵罪進兵部侍郎俄出爲蒲州刺史浮屠懷照者自言母夢日入懷生已鏤石著驗聞人馮待微等助實其言尙隱劾處妖妄詔流懷照播州再遷河南尹尙隱性剛亮論議皆披心示誠處事分明御下不苛密尤詳練故實前後制令誦記略無遺妖賊劉定高夜犯通洛門尙隱坐不素覺左遷桂州都督帝遣使勞曰知卿公忠然國法須爾因賜雜絲百匹遣之遷廣州都督五府經略使及還人或哀金以贖尙隱曰吾自性分不可易非畏人知也代王邱舊書作爲御史大夫時司農卿陳思問引屬吏多小人乾隱錢穀尙隱按之賊累鉅萬思問流死嶺南改尙隱太子詹事不聞旬進戶

部尙書前後更揚益二州長史東都留守高邑伯開元二十八年以太子賓客卒年七十五諡曰貞尙隱三入御史府輒繩惡吏不以殘孽失名所發當也素議歸重任官未嘗以過譴惟劾幸臣及坐小法左遷復見用以循吏終始云自開元二十二年置京畿採訪處置等使用中丞盧奐爲之尙隱以大夫不充使承泰以後大夫王翊崔渙崔靈盧杞乃爲之

潘好禮貝州宗城人第明經累遷上蔡令治在最擢監察御史坐小累下除芮城令拜侍御史徙岐王府司馬居後母喪詔奪服固辭不出開元初爲邢王府長史王爲滑州刺史好禮兼府司馬知州事王御下不能肅有詔好禮檢督王家至過失皆上聞王每游觀好禮必諫諭禁切農月王出獵家奴羅迥好禮遮道諫王初不許乃臥馬下諱曰今農在田王何得非時暴禾稼以損下人要先踐殺司馬然後聽所爲王慙爲還遷豫州刺史勤力于治清廉無所私然喜察細事下厭其苛子請舉明經好禮曰經不明不可妄進乃自試之不能通怒笞之械而徇於門復以公累徙温州別駕卒好禮博學能論議節行修整一意無所傾附未嘗自列階勳居室服用蠶苟至終身世謂近名

倪若水字子泉恆州棗城人擢進士第累遷右臺監察御史黜陟劍南道繩舉嚴允課第一開元初爲中書舍人尙書右丞出爲汴州刺史政清淨增修孔子廟興州縣學廬勸生徒身爲教誨風化興行玄宗遣中人捕鴉鵲溪鴉南方若水上言農方田婦方蠶以此時捕奇禽怪羽爲園藥之玩自江嶺而南達京師水舟陸齋所飼魚蟲稻梁道路之言不以賤人貴鳥望陛下邪帝手詔

褒荅悉放所玩謫使人過取罪而賜若水帛四十段時天下久平朝廷尊榮人皆重內任雖自冗官擢方面皆自謂下遷班景倩自揚州採訪使入為大理少卿過州若水餞于郊願左右曰班公是行若登仙吾恨不得為騶僕未幾入為戶部侍郎復拜右丞卒

許景先常州義興人曾祖緒武德時以佐命功歷左散騎常侍封真定公遂家洛陽景先由進士第釋褐夏陽尉神龍初東都造服慈閣景先獻賦李迥秀見其文畏歎曰是宜付大史擢左拾遺以論事切直外補滑州司士參軍舉手筆俊拔茂才異等連中進揚州兵曹參軍

還為左補闕宋璟蘇頌擇殿中侍御史久不補以授景先時議僉愜梓校不避近疆與齊澣王邱韓休張九齡更知制誥以雅厚稱張說曰許舍人之文雖乏峻峰激流然詞旨豐美得中和之氣開元十年伊汝盜壞廬舍甚眾景先見侍中源乾曜曰災眚所降王者宜修德應之因遣大臣存問失職罪已引咎以荅天譴公在元弼庸可默乎乾曜悟遽白玄宗遣陸象先持節振贖十三

年帝自擇刺史景先由吏部侍郎為刺史治虢州大理卿源光裕鄭州兵部侍郎寇泚宋州禮部侍郎鄭溫琦邠州大理少卿袁仁敬杭州鴻臚少卿崔志廉襄州衛尉少卿李昇期邢州太僕少卿鄭放定州國子司業蔣挺湖州左衛將軍裴觀滄州衛率崔誠遂州凡十一人治行詔宰相諸王御史以上祖道洛濱盛具奏太常樂帛舫水嬉命高力士賜詩親書且給紙筆令自賦資絹三千遺之後徙岐州人為吏部侍郎卒

席豫字建侯襄州襄陽人後周昌州刺史固七世孫後徙河南長安中舉學兼流略詞擅文場科擢上第時年

十六以父喪罷復舉手筆俊拔科中之補襄邑尉奏事闕下會節愍太子難安樂公主請為皇太女豫曰昔梅福上書譏后族彼何人哉乃上疏請立皇太子語深切人為寒懼太平公主聞其名將表為諫官豫恥汗誠謁遁去俄舉賢良方正異等為陽翟尉開元初觀察使薦病訴諸朝改懷州司倉參軍復舉超拔羣類科會母喪去服除授大理丞遷考功員外郎進細清明為中書舍人與韓休許景先徐安貞孫遜名相甲乙出鄭州刺史韓休輔政舉代已入拜吏部侍郎玄宗曰卿前日考功職詳事允故有今授豫典選六年拔寒遠士多至臺閣當時推知人號席公云天寶六載進禮部尚書累封襄陽縣子凡四以使者按行江南江東淮南河北南方俗死不葬暴骨中野豫教以埋斂明列科防俗為之改豫清直亡欲當官不為勢權所撼性謹畏與子弟屬吏書不作草字或曰此細事耳何謂慮荅曰細不謹況大事邪及疾篤遺令三日斂斂已即葬勿久留以贖公私費不足可賣居宅以終事卒年六十九贈江陵大都督諡曰文帝嘗登朝元開賦詩羣臣屬和帝以豫詩最工詔曰詩人之冠冕也弟晉亦以文名當時

齊澣字洗心定州義豐人少開敏年十四見特進李嶠嶠稱有王佐才中宗在廬陵澣上言請抑諸武迎太子東宮不報及太子還武后召澣宴同明殿諭曰朕母子如初卿豫有力焉方不次待爾辭母老不忍遠離賞而罷聖歷初及進士第以拔萃調蒲州司法參軍有父子連坐論死者澣曰條落則本枯柰何俱死讓貸其父太守不聽固爭卒原景雲初姚崇取為監察御史凡劾

奏常先風教號善職睿宗將祠太廟刑部尚書裴談攝太尉先告辭奏孝享攝事稽首而拜恭明神也而談慢嫖不恭并劾談神昏形滓挾邪以罔上神龍時事武三思陷敬暉沒其家以獲進妻外淫男女不得姓氏夫告神慢事主不忠家不治有是三罪不可不實之法談由是下除汾州刺史開元初姚崇復相用為給事中中書舍人論駁及詔詔皆援準古誼朝廷大政必咨之時號解事舍人數諷崇年老宜避位時宋璟在廣州因勸崇舉自代崇用其謀璟為相它日問曰吾不敢冀房杜比爾日諸公云何澣曰不如璟請故荅曰前時近郊戶三百以為困今不百戶是以知之馬懷素等緒次四庫書表澣為副改祕書少監出為汴州刺史地當舟車湊集事浩繁前刺史數不稱職唯倪若水與澣以清毅聞吏民頌美玄宗封太山歷汴宋許車騎數萬王公妃主四夷君長馬囊它亦數萬所頓彌數十里澣列長棚齋幕聯互上食凡千輦納綉鎗身進膳帝以為知禮喜甚為留三日賜帛二千匹澣以淮至徐城險急鑿渠十八里入青水人便其漕中書令張說擇丞轄以王邱為左澣為右李元紘杜暹當國表宋璟為吏部尚書澣及蘇晉為侍郎世謂臺選嘗奉事帝指政事堂曰非卿尚誰居者是時開府王毛仲寵甚與龍武將軍葛福順相婚嫁毛仲奏請無不從澣乘間曰福順與兵馬與毛仲為婚家小人寵極則姦生不預圖且有後患高力士小心謹畏加宦人可備禁中驅使腹心所委何必毛仲哉又言君不密失臣臣不密失身惟陛下密此言帝嘉納且勞曰卿第出我徐計其宜會大理丞麻察坐事出為興州別駕澣往餞因道諫語察素姦佻遽言狀帝怒召澣入

奏常先風教號善職睿宗將祠太廟刑部尚書裴談攝太尉先告辭奏孝享攝事稽首而拜恭明神也而談慢嫖不恭并劾談神昏形滓挾邪以罔上神龍時事武三思陷敬暉沒其家以獲進妻外淫男女不得姓氏夫告神慢事主不忠家不治有是三罪不可不實之法談由是下除汾州刺史開元初姚崇復相用為給事中中書舍人論駁及詔詔皆援準古誼朝廷大政必咨之時號解事舍人數諷崇年老宜避位時宋璟在廣州因勸崇舉自代崇用其謀璟為相它日問曰吾不敢冀房杜比爾日諸公云何澣曰不如璟請故荅曰前時近郊戶三百以為困今不百戶是以知之馬懷素等緒次四庫書表澣為副改祕書少監出為汴州刺史地當舟車湊集事浩繁前刺史數不稱職唯倪若水與澣以清毅聞吏民頌美玄宗封太山歷汴宋許車騎數萬王公妃主四夷君長馬囊它亦數萬所頓彌數十里澣列長棚齋幕聯互上食凡千輦納綉鎗身進膳帝以為知禮喜甚為留三日賜帛二千匹澣以淮至徐城險急鑿渠十八里入青水人便其漕中書令張說擇丞轄以王邱為左澣為右李元紘杜暹當國表宋璟為吏部尚書澣及蘇晉為侍郎世謂臺選嘗奉事帝指政事堂曰非卿尚誰居者是時開府王毛仲寵甚與龍武將軍葛福順相婚嫁毛仲奏請無不從澣乘間曰福順與兵馬與毛仲為婚家小人寵極則姦生不預圖且有後患高力士小心謹畏加宦人可備禁中驅使腹心所委何必毛仲哉又言君不密失臣臣不密失身惟陛下密此言帝嘉納且勞曰卿第出我徐計其宜會大理丞麻察坐事出為興州別駕澣往餞因道諫語察素姦佻遽言狀帝怒召澣入

奏常先風教號善職睿宗將祠太廟刑部尚書裴談攝太尉先告辭奏孝享攝事稽首而拜恭明神也而談慢嫖不恭并劾談神昏形滓挾邪以罔上神龍時事武三思陷敬暉沒其家以獲進妻外淫男女不得姓氏夫告神慢事主不忠家不治有是三罪不可不實之法談由是下除汾州刺史開元初姚崇復相用為給事中中書舍人論駁及詔詔皆援準古誼朝廷大政必咨之時號解事舍人數諷崇年老宜避位時宋璟在廣州因勸崇舉自代崇用其謀璟為相它日問曰吾不敢冀房杜比爾日諸公云何澣曰不如璟請故荅曰前時近郊戶三百以為困今不百戶是以知之馬懷素等緒次四庫書表澣為副改祕書少監出為汴州刺史地當舟車湊集事浩繁前刺史數不稱職唯倪若水與澣以清毅聞吏民頌美玄宗封太山歷汴宋許車騎數萬王公妃主四夷君長馬囊它亦數萬所頓彌數十里澣列長棚齋幕聯互上食凡千輦納綉鎗身進膳帝以為知禮喜甚為留三日賜帛二千匹澣以淮至徐城險急鑿渠十八里入青水人便其漕中書令張說擇丞轄以王邱為左澣為右李元紘杜暹當國表宋璟為吏部尚書澣及蘇晉為侍郎世謂臺選嘗奉事帝指政事堂曰非卿尚誰居者是時開府王毛仲寵甚與龍武將軍葛福順相婚嫁毛仲奏請無不從澣乘間曰福順與兵馬與毛仲為婚家小人寵極則姦生不預圖且有後患高力士小心謹畏加宦人可備禁中驅使腹心所委何必毛仲哉又言君不密失臣臣不密失身惟陛下密此言帝嘉納且勞曰卿第出我徐計其宜會大理丞麻察坐事出為興州別駕澣往餞因道諫語察素姦佻遽言狀帝怒召澣入

殿中曰卿尙疑朕不密而反告察謂何且察輕躁無行
常游太平門者詎不知邪澣免冠頓首謝貶高州良德
丞察再貶皇化尉其黨齊敷郭稟皆流放久之澣徙索
盧丞郴州長史濠常二州刺史遷潤州州北距瓜步沙
尾紆匯六十里舟多敗溺澣徙漕路繇京口埭瓜步沙
渠以達揚子歲無覆舟減運錢數十萬又立伊婁隸官
征其入招還流人五百戶置明州以安輯之復徙汴州
澣中失勢益悵恨素操寢衰更倚力士助得爲兩道採
訪使興利以中天子意哀貨財遺謝貴幸納劉戒女爲
妾不荅其妻李林甫惡其行欲擠而廢之會其幕府坐
賊事連澣詔矜澣老放歸田里天寶初召爲太子少詹
事留司東都嚴挺之亦爲林甫所廢與澣家居杖屨經
過不缺日林甫畏之乃用澣爲平陽太守離其謀更以
黃老清靜爲治卒年七十二肅宗時錄林甫所陷者皆
褒洗故澣贈禮部尙書澣嘗稱陳希烈宋遙苗晉卿韋
述之才後皆大顯麻察者河東人由明經第五遷殿中
侍御史魏元忠子昇死節愍太子難而元忠繫大理昇
妻鄭父遠嘗納錢五百萬以女易官武后重元忠舊臣
欲榮其姻對授遠河內令子洺州參軍元忠下獄遣人
絕婚許之明日嫁其女察劾遠敗風教請鋼終身遠遂
廢當時謂察爲公而終以檢險斥云澣孫抗

抗字遐舉少值天寶亂奉母夫人隱會稽壽州刺史張
鎰辟署幕府抗吏事閑敏有文雅從鎰鎮江西及以宰
相領鳳翔奏署監察御史李楚琳亂奔奉天授侍御史
遷戶部員外郎蕭復引爲江淮宣慰判官德宗自梁洋
遠財用大屈鹽鐵使元琇薦抗材改倉部郎中幹鹽利
俄爲水陸運副使護漕江淮給京師歷諫議大夫坐小

累爲處州刺史歷蘇州從潭州觀察使召爲給事中遷
河南尹進太常卿以中書侍郎同中書門下平章事抗
無遠謀大略雖用心至精末乃滋彰苛刻以病乞身罷
爲太子賓客卒年六十五贈戶部尙書諡曰成初吏部
歲考書言以它官第上下中書門下遣官覆實以爲常
抗以尙書侍郎皆大臣選今更覆覈非任人勿疑之道
禮部侍郎試貢士其姻舊悉試考功謂之別頭皆奏罷
之又省州別駕田曹司田官判司雙曹者減中書吏員
此其稍近治者云

欽定續通志卷二百三十四

列傳

唐三十五

劉子元

秩 滋 餽 集 吳 兢 遜 遇 係 仲 柳 芳 登 景

沈既濟

傳 師 蔣 又 係 仲 柳 芳 登 景

劉子元名知幾以元宗諱嫌故以字行年十二父藏器為授古文尚書業不進楚督之及聞為諸兄講春秋左氏輒辨析所疑歎曰書如是兒何意父奇其意許授左氏踰年遂通覽羣史與兄知柔俱以善文詞知名擢進士第調獲嘉主簿武后證聖初詔九品以上陳得失子元上書譏每歲一赦或一歲再赦小人之幸君子之不幸又言君不虛授臣不虛受妄受不為忠妄施不為惠今羣臣無功遭遇輒遷至都下有車載斗量把推挽脫之諺又謂刺史非三載以上不可徒宜課功殿明賞罰后嘉其直不能用也累遷鳳閣舍人兼修國史中宗時擢太子率更令舊書云景龍初再轉太子中允會要亦云太子中允劉知幾以監修者多甚為國史之弊介直自守累歲不遷會天子西還子元自乞留東都或言子元身史臣而私著述驛召至京領史事遷祕書少監時宰相韋巨源紀處謫楊再思宗楚客蕭至忠皆領監修子元病長官多意向不一而至忠數責論次無功乃奏記求罷去因為至忠言五不可曰古之國史皆出一家未聞藉功于眾唯漢東觀大集羣儒纂述無主條章不建今史局取士有倍東京人自為荀袁家自為政駿每記一事載一言問筆相視含毫不斷頭白可期汗青無日一不可漢郡國計書先上太史副上丞相後漢公卿所撰先集公府乃上蘭臺故史官載事

為廣今史臣惟自謂宋二史不注起居百家弗通行狀視聽不該簿籍難見二不可史局深籍禁門所以杜顏面防請謁也今作者如林儻示哀貶言未絕口而朝野咸知孫盛取嫉權門王劭見贊貴族常人之情不能無畏三不可古者史氏各有指歸故司馬遷退處士進奸雄班固抑忠臣飾主闕今史官注記類稟監修或須直辭或當隱惡士羊九牧其令難行一國三公適從焉在四不可屬詞比事勞逸宜均人思自勉則書可立成今監者不肯指授修者又不遵奉務相推避以延歲月五不可至忠得書惜其才不許解史任楚客等惡其言抵切謂諸史官曰是子作書欲致吾何地始子元修武后實錄有所改正而武三思等不聽自以為見用於時而志不遂乃著史通內外四十九篇譏評今古徐堅讀之歎曰為史氏者宜署此坐右也雅與徐堅元行沖吳兢等善嘗曰海內知我者數子耳乃委國史於吳兢別撰劉氏家史及譜考上推漢為陸終苗裔非堯後彭城叢亭里諸劉出楚孝王囂曾孫居巢侯殷不承元王交接據明審議者高其博嘗曰吾若得封必以居巢紹司徒舊邑後果封居巢縣子鄉人以其兄弟六人俱有名號其鄉曰高陽里曰居巢里遷太子左庶子兼崇文館學士景雲二年皇太子將釋奠國學有司具儀從臣著衣冠乘馬子元議古大夫以上皆乘車以馬為駢服魏晉已後朝士駕牛車鞍馬之故行於軍旅戎服所乘貴其便習耳今陵廟巡謁王公冊命士庶親迎則盛服冠履乘輅車他事無車故貴賤通乘馬然亦止宜於褻服博帶衰衣革履高冠自是車中之服非馬上所施也比法駕所幸侍臣皆馬上朝服不師古道有損威儀宜從廢

改太子從之因著為定令開元初遷左散騎長侍嘗議李經鄭氏學非康成注舉十二條左證其謬當以古文為正易無子夏傳老子書無河上公注請存王弼學宰相宋璟等不然其論奏與諸儒質辯博士司馬貞等請二家兼行惟子夏易傳請罷詔可會子元為大樂令抵罪子元請於執政元宗怒貶安州別駕卒年六十一子元領國史且三十年官雖徙職常如舊禮部尚書鄭惟忠嘗問自古文士多史才少何耶對曰史有三長才學識世罕兼之夫有學無才猶愚賈操金不能殖貨有才無學猶巧匠無榘枘斧斤弗能成室善惡必書使驕君賊臣知懼此為無可加者時以為篤論子元善持論辯據明銳視諸儒皆出其下朝有論者輒豫及後帝詔河南就家寫史通讀之稱善追贈工部尚書諡曰文六子既餽彙秩迅迴

貶字惠卿好學多藝術子元卒有詔訪其後擢起居郎歷右拾遺內供奉獻續說苑十篇以廣漢劉向所遺而刊落怪妄又嘗以竹書紀年序諸侯列會皆舉諡後人追修非當時正史師春一篇錄卜筮事與左氏合知按春秋經傳而為也因著外傳云藝文志劉歆六經子滋外傳三十七卷

滋字公茂通經術喜持論以蔭歷漣水令楊綰薦材堪諫官授左補闕久之去養親東都河南尹李廙奏補功曹母喪解服除以司勳員外郎判南曹勸職奉法進至給事中興元元年以吏部侍郎知南選時大盜後旱蝗相仍吏不能詣京師故命滋至洪州調補以稱職聞貞元二年擢左散騎常侍同中書門下平章事為相無所設施廉抑畏慎而已明年罷又明年復為吏部侍郎遷

尚書會御史中丞韋貞伯劾奏吏選不實詔與侍郎杜黃裳俱奪階卒贈陝州大都督諡曰貞爽亦有學稱生子敦儒家東都母病狂易非笞掠人不能安左右皆亡去敦儒日侍疾體常流血母乃能下食敦儒怡然不為痛癢留守草夏卿表其行詔標闕于閻元和中權德輿復薦之乃授左龍武軍兵曹參軍分司東都母喪毀瘠幾死時謂劉孝子後為起居郎達禮好古有祖風

鍊字鼎卿天寶初歷集賢院學士兼知史官終右補闕父子三人更澄史官著史例三卷頗有法

彙左散騎常侍終荆南節度使子贊以蔭仕為鄆丞楊炎薦贊名儒後舊書贊名儒子按彙未嘗以名儒稱也新書云炎薦彙名儒子又以薦彙而非今改擢浙西觀察判官炎入相進歙州刺史政幹疆濟野嫗將為虎噬幼女呼號搏虎俱免觀察使韓滉表贊治有異行加金紫徙常州滉輔政分所統為三道以贊為宣州刺史都團練觀察使治宣十年贊本無學第以剛猛立威官吏重足一迹宣既富饒即厚斂廣貢奉以結恩又不能訓子皆驕傲不度素業衰矣卒贈吏部尚書諡曰敬

秩字祚卿開元末歷左監門衛錄事參軍事稍遷憲部員外郎坐小累下除隴西司馬安祿山反哥舒翰守潼關楊國忠欲奪其兵秩上言翰兵天下成敗所繫不可忽房琯見其書以比劉更生至德初遷給事中久之出為閬州刺史貶撫州長史卒所著政典止文記至德新議等凡數十篇舊書載秩憲官給事中尚書右丞國史祭酒與新書異

迅字捷卿歷京兆功曹參軍事常寢疾房琯憂曰捷卿有不諱天理欺矣陳郡殷寅名知人見迅歎曰今黃叔度也劉宴每聞其論曰皇王之道盡矣上元中避地安

康卒迅讀詩書春秋禮樂五說舊書作六說按藝文志劉迅六說五卷舊書是書成語人曰天下滔滔知我者希終不以示人

迴以剛直稱第進士歷殿中侍御史佐江淮轉運使時新更安史亂迴餽運財賦力于職大歷初為吉州刺史治行尤異累遷給事中

吳兢汴州浚儀人少厲志貫知經史方直寡諾比惟與魏元忠朱敬則游二人當路薦兢才堪論議詔直史館修國史遷右拾遺內供奉神龍中改右補闕節愍太子難姦臣誣構相王與謀朝廷大恐兢上言文明後皇運不絕如帶陛下龍興恩被骨肉相王仁孝遭荼苦哀毀以陛下為命若信邪佞委之於法傷陛下之恩失天下之望芟刈股肱獨任胸臆可為寒心自昔窮伐宗支委任異姓末有不亡者秦任趙高漢任王莽晉家自相魚肉隋室猜忌子弟海內靡沸覆車可驗且根朽者葉枯源涸者流竭皇家枝幹夷矣略盡陛下即位四年一子弄兵被誅一子以罪謫去惟相王朝夕左右斗粟之刺蒼蠅之詩不可不察累遷起居郎與劉子元徐堅等並職元宗初立收還權綱銳於決事羣臣畏伏兢慮帝果而不及精乃上疏曰自古人臣不諫則國危諫則身危臣愚食陛下祿不敢避身危之禍比見上封事者言有可采但賜束帛而已未嘗蒙召見被拔擢其忤旨則朝堂決杖傳送本州或死流貶由是臣下不敢進諫古者設誹謗木欲聞已過今封事謗木比也使所言是有益於國使所言非無累於朝陛下何遽加斥逐以杜塞直言道路流傳相視怪愕夫漢高帝赦周昌桀紂之對晉武帝受劉毅桓靈之譏况陛下豁達大度不能容此狂直耶夫人主居尊極之位專生殺之權其為威嚴峻矣

開情意納諫諍下猶懼不敢盡柰何以為罪臣誠恐天下骨鯁士以諫言為戒撓直就曲斲方為刳倫苟容不復能盡節忘身納君於道矣尋以母喪去官服除自陳修史有緒家貧不能具紙筆願得少祿以終餘功有詔拜諫議大夫復修史以父喪解宰相張說用趙冬曦代之終喪為太子左庶子開元十三年帝東封太山道中數馳射為樂兢諫曰方登岱告成不當逐狡獸使有垂堂之危朽株之殆帝納之明年六月大風詔羣臣陳得失兢上疏曰自春以來亢陽不雨乃六月戊午大風拔樹壞居人廬舍傳曰敬德不用厥災早上下蔽隔庶位踰節陰侵於陽則旱災應又曰政悖德隱厥風發屋壞木風陰類大臣之象恐陛下左右有姦臣擅權懷謀上之心臣聞百王之失皆由權移於下天降災異欲人主感悟願深察天變杜絕其萌且陛下承天后和帝之亂府庫未充冗員尚繁戶口流散法出多門賂謁大行趨競彌廣此弊未革實陛下庶政之闕也臣不勝倦倦願斥屏羣小不為慢游出不御之女減不急之馬明選舉慎刑罰杜僥倖存至公雖有旱風之變不足累聖德矣始兢在長安景龍間任史事時武三思張易之等監領多飾虛詞兢不得志私撰唐書唐春秋未就至是丐官筆札冀得成書事在開元十四年詔兢就集賢院論次時張說罷宰相在家修史大臣奏國史不容在外按藝文志順門外東都明福門外皆創集賢書院學士通籍出入就修國史就東都集賢院會要云在明福門外大街之西本太平詔兢等赴館撰錄是時史館在進封長垣縣公主宅也

國史奏遣使者就兢取書得六十餘篇累遷洪州刺史坐累下除舒州按舊書載兢應合洪饒舒四州刺史遷相州天寶初改官名為鄴郡太守與新

國史奏遣使者就兢取書得六十餘篇累遷洪州刺史坐累下除舒州按舊書載兢應合洪饒舒四州刺史遷相州天寶初改官名為鄴郡太守與新

書互天寶初入為恒王傳意猶願還史職李林甫嫌其衰不用卒年八十兢敘事簡核號良史晚節稍疎時人病其太簡初與劉子元撰定武后實錄張昌宗誘張說誣證魏元忠事頗言說已然可賴宋璟等激勵故轉禍為忠不然皇嗣且殆後說為相讀之心不善知兢所為即從容相謂曰劉生書魏齊公事不少假借奈何兢曰子元已亡不可受誣地下兢實書之其草故在聞者歎其直說屢以情漸改辭曰徇公之情何名實錄卒不改世謂今董狐云

韋述機曾孫家厨書二千卷述為見時誦憶略偏父景駿景龍中為肥鄉令述從到官元行冲景駿姑子也為時儒宗常載書數車自隨述入其室觀書不知寢食行冲異之試與語前世事詳誦如指掌使屬文受紙輒就行冲曰外家之寶也舉進士時述方少儀質陋悅考功員外郎宋之問曰童子何業述曰性嗜著書所撰唐春秋三十篇恨未畢它唯命之問曰本求茂才乃得遷固遂上第開元初為櫟陽尉秘書監馬懷素奏述與諸儒就祕閣詳錄四部書為總目二百卷五年而成按藝文四錄二百卷股踐猷王愜韋述余欽母劉彥直王書王仲邱撰元行冲上之本傳作續七志非也今據舊書改述好譜學見柳冲所撰姓族系錄每私寫懷之還舍則又繕錄故於百氏源派為詳乃更撰開元譜二十篇累除右補闕張說既領集賢院薦述為直學士遷起居舍人從封太山奏東封記有詔褒美先是詔修六典徐堅構意歲餘未有所適及蕭嵩引述撰定述始摹周六官領其屬事歸於職規制遂定初令狐德棻吳兢等謾武德以來國史皆不能成述因二家參以後事始定類例嵩欲蚤就復奏起居舍人賈登著作左郎李銳助述

綱續迨成文約事詳蕭穎士以為諱周陳壽之流改國子司業充集賢學士累遷工部侍郎封方城縣侯述典掌圖書餘四十年任史官二十年澹於榮利為人純厚長者士無貴賤皆以禮接之蓄書二萬卷皆手校定黃墨精謹內祕書不逮也古草隸帖祕書古器圖譜無不備安祿山亂劉失皆盡述獨抱國史藏南山身陷賊汚偽官賊平流渝州為刺史薛舒所困不食死廣德初甥蕭直為李光弼判官詣闕奏事稱旨因理述倉卒奔逼能存國史賊平盡送史官于休烈以功補過宜蒙恩宥有詔贈右散騎常侍韋氏之顯者孝友詞學則承慶嗣立遂音樂有萬石達禮儀則叔夏史才博識有述所著書二百餘篇行於時弟道迪學業亦亞述與道對為學士與迪並禮官指拙高之時趙冬曦兄弟亦各有名張說嘗曰韋趙兄弟今之杞梓也

蔣父字德源常州義興人徙家河南祖環開元中宏文館學士父將明天寶末辟河中使府安祿山反以計佐其帥全并潞等州兩京陷被拘乃佯狂以免號王巨引致幕府歷侍御史擢左司郎中國子司業集賢殿學士父性銳敏七歲時見庾信哀江南賦再讀輒誦外祖吳兢位史官父幼從外家學得其書博覽彊記逮冠該綜羣籍有史才司徒楊綰尤稱之將明在集賢值兵興圖籍散外白宰相請引父入院助力整比宰相張鑑亦奇之署集賢小職父料次踰年各以部分得善書二萬卷再遷王屋尉充太常禮院修撰貞元九年擢右拾遺史館修撰德宗重其職先召見延英乃命之張孝忠子茂宗尚義章公主母亡遺言丐成禮帝念孝忠功即日召為左衛將軍許主下降父上疏以為墨縗之禮本緣金

革未有奪喪尙主者繆典禮違人情不可為法帝令中使諭以茂宗母所請又意殊堅帝曰卿所言古禮也今俗借吉而婚者不少對曰俚室窮人子旁無至親乃有借吉以嫁不聞男冒凶而娶陛下建中詔書郡縣主當婚皆使有司循典故母用俗儀公主春秋少待年不為晚請如禮便帝曰更思之會太常博士韋彤裴堪亦上疏諫帝迂其言促行前詔然心嘉又有守十八年遷起居舍人轉司勳員外郎皆兼史任帝嘗登煙閣視左壁類剝題文漫缺行纔數字命錄以問宰相無能知者遽詔父至答曰此聖歷中侍臣圖贊口誦以補不失一字帝歎曰雖處世南默寫列女傳不是過會詔問神策軍建置本末中書討求不獲時集賢學士甚眾悉亡以對乃訪父父條據甚詳宰相高郢鄭珣瑜歎曰集賢有人哉明日詔兼判集賢院事父子為學士儒者榮之順宗既葬議祧廟有司以中宗中興之君當百代不遷宰相問父父曰中宗即位春秋已壯而母后篡奪以移神器賴張柬之等國祚再復蓋曰反正不得為中興凡非我失之自我復之為中興漢光武晉元是也自我失之因人復之晉孝惠孝安是也今中宗與惠安二帝同不可為不遷主有司疑曰五王有安社稷功若遷中宗則配饗永絕父曰禘祫功臣乃合食太廟中宗廟雖毀而禘祫並陳太廟此則五王配食與初一也由是遷廟遂定遷兵部郎中與許孟容韋貫之刪正制敕三十篇為開元格後敕李錡誅詔宗正削一房屬籍宰相召父問一房自大功可乎答曰大功錡之從父昆弟其祖神通有功配饗於廟雖裔孫之惡而忘其勳不可自替可乎曰替者錡昆弟其父國貞新書作若幽按李錡父國貞本名若幽見舊書國貞傳而

求之新書宗室傳世表皆茫無可考亦疎悞之一端也死社稷今以錡連坐不可執政然之故罪止錡及子息無旁坐者未幾改祕書少

監復兼史館修撰與獨孤郁韋處厚修德宗實錄以勞遷右諫議大夫裴伯璠宰相而李吉甫惡璠以嘗監修

故授又太常少卿久之遷祕書監累封義興縣公卒年七十五贈禮部尚書諡曰懿又在朝廷久居史職二十

年每有大政事議論宰相未能決必咨訪之又饒經義或舊章以參時事其對允切該詳初以是被遇終亦忤

貴近不至顯官遇權臣乘政輒數歲不遷嘗疏裴延齡罪惡及拒王叔文當世高之結髮志學老而不厭雖甚

寒暑卷不釋于前故能通百家學尤明前世沿革家藏書至萬五千卷論議百餘篇初名武憲宗時因進見請

曰陛下偃武修文羣臣當順承上意請改名又帝悅時討王承宗兵方罷又恐天子銳於武亦以諷它日帝見

侍御史唐武日命名固多何必曰武又既改之矣更曰慶羣臣乃知帝且厭兵云五子係伸借知名仙估位刺

史係善屬文自幼得父典實大和初授昭應尉直史館明年拜右拾遺史館修撰與沈傳師鄭澥陳夷行李漢

參撰憲宗實錄轉右補闕宋申錫被誣文宗怒甚係與左常侍崔玄亮涕泣苦諍申錫得不死歷膳部員外工

禮兵三部郎中皆兼史職開成末轉諫議大夫宰相李德裕惡李漢以係女壻出為桂管觀察使人安其治復

坐漢貶唐州刺史宣宗立召為給事中集賢殿學士判院事轉吏部侍郎歷興元鳳翔節度使懿宗初拜兵部

尚書以弟伸位丞相懇辭乃檢校尚書右僕射節度山南東道封淮陽郡公徙東都留守卒子曙字耀之咸通末由進士第署鄂岳團練判官除虞工二部員外郎改

起居郎黃巢之難曙闔門無噍類以是絕意仕進隱居沈痛中和二年表請為道士許之

伸字大直第進士大中二年以右補闕為史館修撰轉駕部郎中知制誥白敏中領郊寧節度表伸自副加右

庶子入知戶部侍郎九年為翰林學士進承旨十年改兵部侍郎判戶部宣宗雅信愛伸每見必咨天下得失

伸言比爵賞稍易人且偷帝愕然曰偷則亂矣伸曰非遽亂但人有覲心亂由是生帝嗟歎伸三起三留曰它

日不復獨對卿矣伸不論未幾以本官同中書門下平章事踰四月解戶部加中書侍郎懿宗即位兼刑部尚

書監修國史咸通三年本紀宰相表俱作三出為河節度使同中書門下平章事徙宣武俄以太子少保分

司東都七年用為華州刺史再遷太子太傅表乞骸骨以本官致仕卒贈太尉

借以父任歷右拾遺史館修撰轉補闕主客郎中初柳芳作唐歷大歷以後闕而不錄宣宗召桂龜從韋澳李

荀張彥遠及偕等分年撰次盡元和以續云累遷太常少卿大中八年與盧耽牛叢王風盧吉撰次文宗實錄

蔣氏世傳樸學唯伸及係子兆能辭章取進士第然不為文士所多三世踵修國史世稱良筆咸云蔣氏日歷

天下多藏焉柳芳字仲敷蒲州河東人開元末擢進士第由永靈尉直史館肅宗詔芳與韋述綴輯史兢所次國史會述卒

芳繼成之起高祖訖乾元凡百三十卷敘天寶後事乘取不倫史官病之然芳篤志論著無須臾廢屬承寇亂

史籍淪缺上元中坐事徙黔中時高力士亦貶巫州因從力士質開元天寶及禁中事具識本末時國史已送

官不可追刊乃推衍義類做編年法為唐歷四十篇類有異間然不立衰貶義例為諸儒譏訕後歷左金吾衛

騎曹參軍史館修撰改右司郎中集賢殿學士卒子登冕

登字成伯淹貫羣書年六十餘始仕宦元和初為大理少卿與許孟容等刊正敕格以病改右散騎常侍致仕

卒年九十餘贈工部尚書子璟字德輝實歷初第進士宏詞三遷監察御史時郊

廟告祭吏部以雜品攝上公璟據開元元和詔書太尉以宰相攝事司空司徒以僕射尚書師攝餘司不及

差限請如舊制從之累遷吏部員外郎文宗開成初為翰林學士初芳承泰中按宗正課斷自武德以昭穆系

承撰承泰新譜二十篇璟因召對帝歎新譜詳悉詔璟擴摭承泰後事綴成之復為十篇戶部供筆札粟料遷

中書舍人武宗立轉禮部侍郎璟為人寬信好接士稱人之長游其門者它日皆顯於世會昌二年再主貢部

坐其子招賄貶倍州司馬終郴州刺史冕字敬叔博學富文辭且世史官父子並居集賢院歷

右補闕史館修撰坐善劉晏貶巴州司戶參軍還為太常博士昭德王皇后崩冕與張薦議皇太子宜依晉魏

故事卒哭除服左補闕穆質請依禮葬而除冕議見用德宗既親郊廟慎祠事動稽典禮冕以吏部郎中攝太

常博士與薦及司封郎中徐偕倉部郎中陸質修飭儀矩帝疑郊廟每升輒去劍履及象劔尺寸祝文輕重之

宜冕據禮以對本末詳明天子嘉異久之以論議劾切執政不善出為婺州刺史十二年兼御史中丞福建觀

推明朝觀之意曰臣竊感江漢朝宗之誼鹿鳴君臣之
譙頌聲之作王道本始自兵興以來不遑議禮方牧未
朝燕樂久缺臣限一切之制例無朝集足不踐軒墀之
地十有二年于茲矣國家故事天下朝集三考一見皆
以十月上計京師十一月禮見尙書省應考續事元
日陳貢葉集於考堂唱其考第進賢以興善簡不肖以
黜惡自安史亂常有專地四方多故始有不朝臣忝
牧圍之寄憤不庭之臣思一入觀率先天下使君臣之
義親而不疎朝觀之禮廢而復舉比聞諸將帥亡殛者
眾臣自悼何德以堪久長鄉國人情之不忘也闕廷臣
子所戀也朝觀國家大禮也三者臣之大願表累上其
辭哀切德宗許還會冕奏闕中本南朝畜牧地可息羊
馬置牧區於東越名萬安監又置五區於泉州悉索部
內馬驢牛羊合萬餘餘畜之不經時死耗畧盡復調充
之民間怨苦坐政無狀代還卒贈工部尙書

沈既濟蘇州吳人經學該明吏部侍郎楊炎雅善之既
執政薦既濟有良史才召拜左拾遺史館修撰初吳兢
撰國史爲則天本紀次高宗下既濟奏議以爲則天皇
后進以彊有退非德讓史臣追書當稱爲太后不宜曰
上中宗雖降居藩邸而體元繼代本吾君也宜稱皇帝
不宜曰盧陵王睿宗在景龍前天命未集假臨大寶於
誼無名宜曰相王未容曰帝且則天改周正朔立七廟
天命革矣今以周廟唐列爲帝紀考子禮經是謂亂名
中宗嗣位在太后前而敘年製紀反居其下方之躋僖
公是謂不智昔漢高后稱制獨有王諸呂爲質漢約無
遷鼎革命事時孝惠已歿子非劉氏不紀呂后尙誰與
哉議者猶謂不可況中宗以始年卽位季年復祚雖尊

名中奪而天命未改足以首事表年何所拘閣而列爲
二紀魯昭公之出春秋歲書其居曰公在乾侯若在雖
失位不敢廢也請省天后紀合中宗紀每歲首必書孝
和在所以統之曰皇帝在房陵太后行某事改某制紀
稱中宗而事述太后名不失正禮不違常矣若后姓氏
名諱才藝智畧崩葬日月宜入皇后傳題其篇曰則天
順聖武皇后云議不行德宗初立銳于治建中二年詔
中書門下兩省分置待詔官三十擇見官故官若同正
試攝九品以上者爲之視品給俸至慶鑑幹力什器館
宇悉有差以公錢置舉本贍用度既濟諫曰今日之治
患在官煩不患員少患不問不患無人兩省官自常侍
諫議補闕拾遺四十員日有兩人備顧問亦不少矣且
其中尙有二十一員未補若謂見官不足與議則當更
選其人若欲廣聰明牧淹滯則當先補其闕何事官外
置官夫置錢取息有司之權制非經治法今置員三十
大抵月費不減百萬以息準本須二千萬得息百萬配
戶二百又當復除其家且得入流所損尤甚今關輔大
病皆言百司息錢毀室破產未有以革臣計天下財賦
耗數大者唯二事一兵資二官俸它費十不當二者之
一所以黎人重困杆軸空虛今四方形勢兵未可去資
費雖廣不獲已爲之又益以閑官冗食其弊奈何藉舊
而置猶可若之何加焉事遂寢炎得罪既濟坐貶處州
司戶參軍後入朝位禮部員外郎卒撰建中實錄時稱
其能子傳師

傳師字子言材行有餘治春秋工書有精法少爲杜佑
所器貞元末舉進士時給事中許孟容禮部侍郎權德
輿樂推較士號權許德輿稱之於孟容孟容曰我故人

子盍不過我傳師往見謝日聞之丈人脫中第則累公
舉矣故不敢進孟容曰如子可使我急賢詣子不可使
子因舊見我遂擢第德輿門生七十人推爲顏子復登
制科授太子校書郎以鄆尉直史館轉右拾遺左補闕
史館修撰遷司門員外郎知制誥召入翰林爲學士改
中書舍人翰林缺承旨次當傳師穆宗欲面命辭曰學
士院長參天子密議次爲宰相臣自知必不能願治人
一方爲陛下長養之因稱疾不出遂以本官兼史職俄出爲
湖南觀察使方傳師與修憲宗實錄未成監修杜元穎
因建言張說令狐垣在外論大國書今彙史殘課請付
傳師卽官下成之詔可寶曆二年入拜尙書右丞復出
江西觀察使徙宣州傳師明吏治吏不敢問慎重刑法
每斷獄召幕府平處輕重盡合乃論決嘗擇郎吏尹倫
遲魯不及事官屬屢白易之傳師曰始吾出長安誠倫
曰可闕事不可多事倫如是足矣故所莅以廉靖聞入
爲吏部侍郎卒年五十九贈尙書傳師性夷粹無競更
二鎮十年無書賄入權家初拜官宰相欲以姻私託幕
府者傳師固拒曰誠爾願罷所授故其僚佐如李曼讓
蕭實杜牧極當時選云治家不威嚴閨門自化兄弟子
姓屬無親疏衣服飲食如一問餽姻家故人帑無儲錢
鬻宅以葬子詢字誠之亦能文辭會昌初第進士補渭
南尉累遷中書舍人出爲浙東觀察使除戶部侍郎判
度支咸通四年爲昭義節度使治尙簡易人皆便安奴
私侍兒詢將戮之奴懼結牙將爲亂夜攻詢滅其家贈
兵部尙書左散騎常侍劉潼代爲節度馳至劉奴心祭
其靈坐按通鑑咸通五年以京兆尹李璣爲昭義節度使與此異

列傳

唐三十六

宇文融

韋堅

楊慎矜

王傑

宇文融京兆萬年人隋平昌公瑋裔孫祖節明法令貞觀中為尚書右丞謹幹自將江夏王道宗以事請節節以開太宗喜費絹二百勞之日朕比不置左右僕射正以公在省耳永徽初遷黃門侍郎同中書門下三品代于志寧為侍中坐善房遺愛貶桂州卒融明辯長於吏治開元初調富平主簿源乾曜孟溫繼為京兆厚禮之時天下戶版剝隱人多去本籍浮食閭里詭脫縣賦豪弱相并州縣莫能制融由監察御史陳便宜請校天下籍收匿戶羨田佐用度玄宗以融為覆田勸農使鉤檢帳符得偽勳亡丁甚眾擢兵部員外郎兼侍御史融乃奏慕容琦韋洽裴寬班景倩庫狄履溫賈晉等二十九人按通典亦作二十九人舊書及通鑑皆作十人為勸農判官假御史分按州縣括正邱畝招徠戶口而分業之又兼租地安輯戶口使於是諸道收沒戶八十萬田亦稱是歲終羨錢數百萬緡帝悅引拜御史中丞然吏下希望融旨不能無擾張空最務多其獲而流客頗脫不止初議者以生事沮詰百端而帝意向之宰相源乾曜等贊成其事又集羣臣大議戶部侍郎楊瑒以為籍外取稅百姓困弊得不酬失場坐左遷融乃自請馳傳行天下事無巨細先上勸農使而後上臺省臺省須其意乃行下融所過見高年宣天子恩百百姓至有感涕者使還言狀帝乃下詔以客賦所在並建常平倉益貯九穀權發斂官司勸作

農社使貧富相恤凡農月州縣常務一切罷省使趨刈穫流亡新歸十道各分官屬存撫使遂厥功復業已定州縣季一申牒不須挾名中書令張說素惡融融每建白說輒引大體廷爭融揣說不善欲先事中傷之張九齡謂說曰融新用事辯給多詐公不可以忽說曰狗鼠何能為會帝封太山還融以選限薄冬請分吏部為十銓有詔融與禮部尚書蘇頌刑部尚書韋抗工部尚書盧從愿右散騎常侍徐堅蒲州刺史崔琳魏州刺史崔沔荊州長史韋虛心鄭州刺史賈魯懷州刺史王邱分總而不得參事一決於帝融奏選事說屢卻之融怒乃與御史大夫崔隱甫等劾罷說融畏說且復用誓詆不已帝疾其黨詔說致仕放隱甫于家出融為魏州刺史

方河北大水即詔領宣撫使俄兼檢校汴州刺史河南北溝渠隄堰決九河使又建請墾九河故地為稻田權陸運本錢收其子入官與役紛然而卒無成功入為鴻臚卿兼戶部侍郎明年入黃門侍郎同中書門下平章事融曰使吾執政得數月久天下定矣乃薦宋璟為右丞相裴耀卿為戶部侍郎許景先為工部侍郎當時長其知人而性下急少所推下既居位日引賓客故人與酣飲然而神用警敏應對如響雖天子不能屈信安王禕節度朔方融畏其權諷侍御史李宙劾奏之禕密知因玉真公主高力士自歸翌日宙通奏帝怒罷融為汝州刺史按通鑑禕人朝融使御史李寅譏之池於所視禕聞之先以白上與新書署同新書李宙作李宙又不言禕入朝益闕文也舊書云侍御史李宙驛召禕將下獄禕既申訴得理融坐阿黨李宙貶與新書通融皆居宰相凡百日去而錢穀亦自此不治帝思之讓

宰相曰公等暴融惡朕既罪之矣國用不足將柰何裴光庭等不能對即使有司劾融交不逞作威福其息受

融雖狼藉乃貶融平樂尉歲餘司農被融在汴州給隱官息錢巨萬給事中馮紹烈深文推證詔流于巖州道卒初融廣置使額以侈帝心百姓愁怨有司窺失職自融始帝猶思其舊功贈台州刺史其後言利得幸者踵相躡皆本於融云

子審融之貶也審與兄弟侍母京師及聞融再貶不告其家徒步號泣省父使者憐之以車共載達于巖州後擢進士第累遷大理評事以夏楚大小無制始創杖笞以高庫度杖長短又鑄銅為規齊其巨細楊國忠顯政被嶺南流人以中使傳口敕行刑長議者嫉其酷乃以審為嶺南監決處置等使活者甚多後終和承二州刺史

韋堅字子全京兆萬年人姊為惠宣太子妃妹為皇太子妃中表貴盛故仕最蚤繇祕書丞歷奉先長安令有幹名見宇文融楊慎矜父子以聚斂進乃運江淮租賦所在置吏督察以佐國稟歲終增鉅萬玄宗咨其才擢為陝郡太守水陸運使漢有運渠起關門西抵長安引山東租賦汭隋常治之堅為使乃占咸陽壅渭為堰絕

灑澆而東注永豐倉下復與渭合初澆水銜苑左有望春樓堅于下鑿為潭以通漕二年而成帝為升樓詔羣臣臨觀堅豫取洛汭宋山東小斛舟三百貯之潭篙工柁師皆大笠侈袖芒屨為吳楚服每舟署某郡以所產珍貨暴陳其上船尾相銜進數十里不絕關中不識連檣挾檣觀者駭異而陝尉崔成甫衣缺勝衫錦半臂絳

冒額立艦前倡得寶歌美婦數百皆巾幘鮮冷齏聲應和鼓吹合作船次樓下堅跪進諸郡輕貨上百牙盤食帝大悅擢堅右散騎常侍官屬賞有差錮役人一年賦

舟工賜錢二百萬名潭曰廣運進兼江淮南租庸轉運處置等使又兼御史中丞封章城縣男堅妻姜皎女李林甫舅子也初甚昵比既見其寵惡之堅亦自以得天子意銳於進又與左相李適之善故林甫授堅刑部尚書鞞諸使以楊慎矜代之河西隴右節度使皇甫惟明數於帝前短林甫稱堅才林甫知之惟明故為忠王友王時為皇太子矣正月望夜惟明與堅宴集林甫奏堅外戚與邊將私且謀立太子有詔訊鞠林甫使楊慎矜楊國忠王鉞吉溫等文致其獄帝惑之貶堅縉雲太守惟明播川太守籍其家太子懼表與妃絕再貶堅江夏別駕未幾長流臨封郡弟蘭為將作少匠冰鄂令芝兵部員外郎子諒河南府戶曹皆謫去歲中遣監察御史羅希夷就殺之殺惟明於黔中惟堅妻得原從坐十餘人堅始鑿潭多壞民家墓起江淮至長安公私駭然及得罪林甫遣使江淮鉤索堅罪捕治舟夫漕史所在獄皆滿郡縣剝斂償輸責及鄰伍多裸死牢戶林甫死乃止

楊慎矜隋齊王暕曾孫祖正道從蕭后入突厥及破頡利可汗乃得歸為尚衣奉御父隆禮吳頡曰宰相世系皇帝諱歷州刺史善檢督吏以嚴辯自名開元初為太府卿封弘農郡公時御府財物羨積如邱山隆禮性詳密出納雖尋尺皆自按省凡物經楊卿者號無不精麗歲常愛省數百萬任職二十年九十餘以戶部尚書致仕卒慎矜沈毅任氣健而才初為汝陽令有治稱隆禮罷太府玄宗訪其子可代父任者宰相以慎矜慎矜慎名皆得父清白帝喜擢慎矜監察御史知太府出納慎矜太子舍人主長安倉慎名大理評事為合嘉倉出

納使被眷尤渥慎矜遷侍御史知雜事議輸物有汙傷貴州縣債所直轉經齋入京師自是天下調發始煩天寶二年權判御史中丞京畿採訪使太府出納如故於時李林甫用事慎矜進非其意固讓不敢拜乃授諫議大夫兼侍御史更以蕭諒為中丞諍爭輕重不平罷為陝郡太守林甫知慎矜為己屈卒授御史中丞兼諸道鑄錢使韋堅之獄王鉞等方文致而慎矜依違不甚力銜恨之雖林甫亦不悅銜父與慎矜外兄弟也故與銜狎及為侍御史銜憤矜所引後遷中丞同列慎矜與語猶名之銜負林甫勢滋不平會慎矜擢戶部侍郎仍兼中丞林甫疾其得君且逼己乃與銜謀陷之明年慎矜父冢草木皆流血懼以問所善胡人史敬忠敬忠使身枉枯裸而坐林中厭之又言天下且亂勸慎矜居臨汝置田為後計會婢春草有罪將殺之敬忠曰勿殺賣之可市十牛歲耕田十頃慎矜從之婢入貴妃姊家因得見帝帝愛其辯慧留宮中寢侍左右帝嘗問所從來婢奏為慎矜家所賣帝曰彼之錢邪對曰固將死賴史敬忠以免按通鑑云慎矜有侍婢明珠色美敬忠屢目之敬忠上樓求車中美人敬忠不敢拒明珠入宮以明珠自隨帝見而異之問所從來明珠具以實對事出皇雜錄及唐曆俱作史敬忠帝素聞敬忠拔術問質其然婢具言敬忠夜過慎矜坐庭中步履變夜分乃去又白厭勝事帝怒楊國忠知之國忠銜方睦陰相詬始慎矜奪銜職田辱詬其母又嘗私語譏書銜之未有發也至聞國忠語乃喜且欲當帝以取驗異時奏事數稱引慎矜帝勃然曰爾親我母相往來來銜知帝惡甚乃與林甫作飛牒告慎矜本隋後蓄讖緯妖言與妄人交規復隋至帝震怒收慎矜尚書省詔刑部尚書蕭良大

理卿李道遠殿中侍御史盧鉉楊國忠雜訊馳遣京兆士曹參軍吉溫繫慎餘慎名於洛陽獄考治捕太府少卿張瑄致會昌傳舍劾瑄與慎矜共解國讖撿不服鉉遣御史崔器索讖書於慎矜小妻卧內得之以示慎矜慎矜曰它日無是今得之吾死命矣夫溫又誘敬忠首服詰慎矜不能對有詔杖敬忠賜慎矜瑄死籍其家子女悉置橫南烟黨坐竄徙者十餘族近親不得仕京師遣御史顏真卿馳洛陽決獄慎餘慎名聞兄死皆哭既讀詔輟哭慎名曰奉詔不敢惜死但寡姊垂白作數行書與別真卿許之案筆曰拙於謀己兄弟併命姊老孤榮何以堪此遂縊慎矜兄弟友愛事姊如母儀幹皆秀偉愛賓客標致不凡著稱於時寶應初慎矜王琚韋堅皆復官爵

王鉞中書舍人璿側出子也初為鄆尉遷監察御史擢累戶部郎中數按獄深文玄宗以為才進兼和市和糶長春宮戶口色役使拜御史中丞京畿關內採訪黜陟使林甫方興大獄撼東宮誅不附己者以鉞險刻可動以利故倚之鉞所摧陷多抵不道又厚誅數嚮天子意人雖被讞貸鉞更奏取脚直轉異貸百姓間關輸送乃倍所賦又取諸郡高戶為租庸腳士大抵實業皆破督責連年人不聊生帝在位久如御服玩脂澤之費日侈而橫與別賜不絕于時重取于左右藏故鉞迎帝旨歲進錢鉅億萬儲禁中以為歲租外物供天子私帑帝以鉞有富國術寵遇益厚以戶部侍郎仍御史中丞加檢察內作兩廄使苑內管田五坊宮苑等使隴右羣牧度支營田使天寶八載方士李渾上言見太白老人告玉

欣祕記事帝詔鉞按其地求得之因是羣臣奉上帝號

明年鉞爲御史大夫兼京兆尹加知總監裁接使於是領二十餘使中外畏其權鉞於左建大院文書叢委吏爭入求署一字累數日不得天子使者賜遺相望聲焰薰灼帝寵任鉞亞林甫而楊國忠不如也然鉞畏林甫謹事之安祿山怙寵見林甫自事稍自怠林甫欲示之威託以事召王大夫俄而鉞至趨進俯伏祿山不覺自失故林甫雖忌其盛亦以附己親之子準爲衛尉少卿以鬪雞供奉禁中林甫子岫亦親近準驕甚凌岫出其上過駙馬都尉王繇以彈彈其巾折玉簪爲樂既置酒永穆公主親視供具萬年尉韋黃裳長安尉賈季隣等候準經過饌具倡樂必素辨無敢逆意鉞事嫡母孝而與弟錚友愛錚歷戶部郎中召術士語不軌術士驚引去鉞畏事泄託它事捕殺之以絕口王府司馬韋會安定公主子也竊語於家左右往白鉞鉞遣季隣收會長安獄夜縊死以尸還家會姻屬權近而惕息不敢言

鉞封太原縣公兼殿中監爲中丞也與楊國忠同列己而鉞用林甫薦爲大夫故國忠不悅錚與故鴻臚少卿邢璣子緯善鉞因錚亦交緯十一載四月緯與錚謀引右龍武軍萬騎燒都門誅執政作難先二日事覺帝召鉞付告牒鉞意錚與緯連故緩其事但督兩縣尉捕賊賈季隣等至緯與其黨持弓刃突出格鬪鉞與國忠繼至緯黨相語曰勿鬪大夫或白國忠曰賊語陰相謂不可戰會高力士以飛龍小兒甲騎四百至斬緯盡禽其黨國忠奏鉞與謀帝不信林甫亦爲鉞言故帝原錚不問然欲鉞請錚罪使國忠諷之鉞不忍帝怒而陳希烈極言鉞大逆當誅有詔訊鉞獄具詔錚杖死鉞賜死三衛尉侍御史裴冕請國忠以其尸歸斂葬之諸子悉誅

家屬徙遠方有司籍第舍數日不能徧至以寶劍爲井幹引泉激雷號自雨亭其奢侈類如此鉞兄錫見諸弟貴盛不肯仕鉞彊之爲太子僕至是貶東區尉死於道時人傷焉初鉞附楊慎矜以貴己而佐林甫陷慎矜覆其家凡五年而鉞亦族矣

欽定續通志卷二百三十六

列傳

唐三十七

郭虔瓘

郭知運英傑 王君奐

張守珪獻誠

獻恭 王忠嗣

牛仙客

哥舒翰曜 高仙芝

封常清

郭虔瓘齊州歷城人開元初錄軍閭緊遷右驍衛將軍兼北庭都護金山道副大總管明年突厥默陵子同俄特勒圍北庭虔瓘飭壘自守同俄單騎馳城下勇士狙死間已斬舉軍勳哭去虔瓘以功授冠軍大將軍安西副大都護封潞國公虔瓘始封太原郡公進潞國請募關中兵萬人擊餘寇有詔募士所過給公乘熟食將作大匠韋湊上言漢徒豪族以實關中今畿輔戶口通耗異時戎敵入盜丁壯悉行不宜更募驍勇以空京甸資荒服萬人所過遞熟糗糗巨六千里州縣安所供億秦隴以西多沙磧少居人若何而濟縱有克獲其補幾何儻稽天誅無乃甚損不省既而虔瓘不見敵還遷涼州刺史河西節度大使進右威衛大將軍四年秦家奴八人有戰功求為游擊將軍宰相劾其恃功亂綱紀不可聽罷之陝王為安西都護詔虔瓘為副虔瓘與安撫招慰十姓可汗使阿史那獻數持異交訴諸朝元宗遣左衛中郎將王惠齋詔書諭解杜暹傳虔瓘與阿史那獻數持異不協詔暹往按應是一時事虔瓘奉詔久之卒軍中以張孝嵩為安西副都護孝嵩偉姿貌及進士第而慷慨好兵在安西勸田訓士府庫盈饒徙太原尹卒以黃門侍郎杜暹代新舊書杜暹傳俱稱暹代張孝嵩

為安西都護而高虔瓘傳乃作張嵩按通鑑開元十年北庭節度使張嵩擊吐蕃大破之新舊書不載其事而張孝嵩為安西都護亦正在其時疑本是一人而或以為嵩或以為孝嵩或以為安西或以為北庭則傳聞異辭耳

郭知運字逢時瓜州晉昌人舊書作常樂人長七尺猿臂虎口以格鬪功累補秦州三度府果毅從郭虔瓘破突厥有功加右驍衛將軍封介休縣公吐蕃將達延乞力徐寇渭源盜牧馬詔知運與薛納王陵等相犄角敗之進階冠軍大將軍兼臨洮軍使封太原郡公賜資萬計徙隴右諸軍節度大使鄯州都督突厥降戶阿悉爛跌思泰率眾叛執單于都護張知運詔以朔方兵追擊至黑山呼延谷敗之敵棄仗走取副都護還詔知運兼隴右經署使營柳城開元五年大破吐蕃獻俘京師明年復出將輕兵丙夜至九曲獲精甲名馬犂牛甚眾既獻獲詔分賜文武五品以上清官及朝集使三品者進鴻臚卿攝御史中丞六州胡康待賓反率王陵討平之拜左武衛大將軍授一子官賜金帛九年卒於軍年五十五贈涼州都督知運屯西方戎敵畏憚與王君奐功名略等時號王郭帝詔中書令張說紀其功於墓碑上元中配饗太公廟永泰初諡曰威子英傑英又

英傑字孟武為左衛將軍幽州副總管開元二十三年長史薛楚玉遣英傑與裨將吳克勤烏知義羅守忠帥萬騎及奚眾討契丹屯榆關契丹酋長可突於拒戰都山下奚眾貳官軍不利知義守忠引麾下遁去英傑克勦力戰死其下尚六千人殊死戰敵示以英傑首終不屈師遂瘞

英又字元武以武勇有名河隴間累遷諸衛員外將軍哥舒翰見之曰是當代吾節制者祿山亂拜秦州都督

隴右採訪使賊將高嵩擁兵入汧隴英又僞勞之且具饗伏兵發盡擄其眾至德二載加隴右節度使召還改羽林軍大將軍掌衛兵以喪去職史思明陷洛陽謀掠陳蔡詔英又統淮南節度兵賊寇陝虢又改陝西節度潼關防禦使進御史大夫兼神策軍節度使代宗即位

以檢校戶部尚書兼大夫雍王宰諸將討賊洛陽留英又殿於陝東都平權知留守英又無檢御才縱麾下與朔方同紇大掠都城及鄭汝環千里無居人召拜尚書右僕射封定襄郡王日驕蹇為侈汰陰事宰相元載以久其權嚴武卒拜劍南節度使自以有內主故肆志無所憚初玄宗在蜀時舊宮為道士祠冷金作帝像盡繪乘輿侍衛每尹至先拜祠後視事英又愛其地勝選輒壞繪像自居之眾始不平又教女伎乘驢擊毬細鞍寶勒及它服用日費數萬未嘗問民間事為政苛暴道路以目怨聲吁吁後賜名靈故不附己出兵襲阆不克阆因人之怨率麾下五千直搗成都英又拒戰眾皆反戈內攻乃奔簡州次靈池普州刺史韓澄斬首送阆遂屠其家

王君奐字威明瓜州常樂人初事郭知運為別奏累功至右衛副率知運卒代為河西隴右節度使右羽林軍將軍判涼州都督事開元十四年舊書作十六年冬通鑑考異云據實錄及吐蕃傳入寇在十吐蕃酋悉諾邏寇大斗谷掠甘州而還君奐勒兵躡其後率秦州都督張景順乘冰渡青海破其後軍獲輜重羊馬萬計以功遷大將軍封晉昌縣伯拜其父壽為少府監聽致仕君奐凱旋玄宗宴君奐及妻夏於廣達樓賜金帛夏亦自以戰功封武威郡夫人俄而吐蕃陷瓜州執刺史田元獻舊書作田仁獻及壽進攻

玉門軍使人謂君奭曰將軍常自許忠勇今不一進戰奈何君奭登陴西向哭兵不敢出初涼州有回紇契苾思結渾四部世為酋長君奭微時數往來為所輕及節度河西回紇等頗鞅鞅恥為下君奭又數督過之皆怨望潛遣人至東都言狀君奭聞驛奏四部有叛謀帝使中人即訊回紇不能自直於是瀚海大都督回紇承宗流灑州渾大得流吉州質蘭都督契苾承明流藤州盧山都督思結歸國流瓊州而承宗黨瀚海州司馬護輪等益不平思復怨會吐蕃使間道走突厥君奭率騎到肅州掩取之還至甘州護輪伏兵發奪君奭節殺左右親吏剖其心曰是始謀者君奭引帳下力戰兵盡乃死護輪欲以尸奔吐蕃追兵至乃棄尸去帝痛惜之贈特進荊州大都督以喪還京師詔張說刻文墓碑帝自書以寵之始吐蕃寇瓜州分遣莽布支攻常樂令賈師順乘城守俄而瓜州陷悉諾邏并兵攻之數日敵眾有姻家在城中使夜見師順曰州已失守賊悉眾來孤城詎可久何早降以全噍類乎師順曰吾受天子命守此義不可下賊數日又說師順曰明府不降吾眾且還宜有以贈我師順請脫士卒衣襦悉諾邏知無有乃夜徹營去毀瓜州城師順開門收拾器械復完守備吐蕃果使精騎還襲見有備乃去以功遷鄯州都督隴右節度使師順岐州人終左領軍將軍

張守珪陝州河北人姿幹瓌壯慷慨尚節義善騎射以平樂府別駕從郭虔瓘守北庭突厥侵輪臺遣守珪往援中途逢賊苦戰斬首千餘級禽頭斤一人開元初敵復攻北庭守珪間道奏事京師因上書言利害請引兵出蒲昌輪臺夾擊賊再遷幽州長杜府果毅時盧齊卿

為刺史器之引與共榻坐謂曰不十年子當節度是州為國重將願以子孫託稍遷建康軍使王君奭死河西震懼詔以守珪為瓜州刺史墨離軍使督餘眾完故城版築方立敵奄至眾失色守珪曰創痍之餘詎可矢石相确須權以勝之遂置酒城上會諸將作樂敵疑有備不敢攻引去守珪縱兵擊敗之於是修復屬宇招流冗使復業有詔以瓜州為都督府即以守珪為都督州地沙磧不可執常潛蓄水溉田是時渠塲為寇毀材木無所出守珪密禱於神一時水暴至大木數千章塞流下因取之修復堰坊耕者如舊州人神之刻石紀事遷鄯州刺史隴右節度使徙幽州長史河北節度副大使俄加採訪處置等使契丹奚連年梗邊牙官可突于驍勇有謀畧前長史趙合章薛楚玉等不能拒守珪至每戰輒勝敵遂大敗帝喜詔有司告九廟契丹酋屈利及突于恐懼乃遣使詐降守珪得其情遣右衛騎曹王海詣部計事屈利無降意徒帳稍西北密引突厥眾將殺悔會契丹別帥李過折與突于爭權不叶悔因間誘之夜斬屈利及突于盡滅其黨以眾降守珪次紫蒙州大閱車實賞將士傳屈利突于首於東都二十三年入見天子會藉田畢即醮燕為守珪飲至賦詩寵之加拜輔國大將軍右羽林大將軍賜金綵授二子官詔立碑紀功久之復討契丹餘黨於捺祿山鹵獲不訾會裨將趙堪百真陀羅等強使平盧軍使烏知義度湜水邀叛奚且誅其稼知義辭不往真陀羅矯詔習之知義與敵鬪不勝還守珪匿其敗上克獲狀事頗泄帝遣詣者牛仙童按實守珪逼真陀羅自殺厚賂使者還奏如狀後仙童以賊敗事逮守珪以功貶括州刺史疽發背死子獻誠

獻誠天寶末陷安祿山授偽署後事史思明將兵數萬守汴州東都平史朝義走還汴獻誠不內籍所統兵以州歸國詔即拜汴州刺史封南陽郡公改實應軍左廂兵馬使更封鄧國公既來朝代宗禮賜尤渥擢山南西道節度使舊書作觀察使按方鎮表廣德元年升山南此敘獻誠授官討南山劇賊高玉禽之俄兼劍南東川節度使時崔岷殺郭英乂獻誠率眾戰梓州大敗大曆三年以疾歸京師舉其從弟獻恭自代以檢校戶部尚書知省事病甚固乞辭位卒始獻誠喜功名為政寬裕有機畧隨方制變而簡廉不逮於父

獻恭數有軍功以右羽林將軍代為節度使大曆末破吐蕃於岷州久之拜東都留守累遷檢校吏部尚書德宗欲徙盧杞為饒州刺史給事中袁高上還詔書苦爭獻恭見帝曰高所奏宜聽帝不答復前曰高乃陛下臣當優異之上遂不徙杞世服其不撓子胸積闕亦至夏州節度使元和八年張武軍逐節度使李進賢屠其家殺判官嚴激憲宗怒詔賜以本軍進討許以便宜賜緡三萬為軍資河東王鐸遣兵五千為援煦入捕亂卒蘇國珍等數百人誅之卒贈太子太保

獻甫亦獻誠從弟以軍功試光祿卿殿中監從河中節度使買耽討梁崇義有勞德宗西幸又從渾瑊討朱泚戰多累遷至金吾將軍檢校工部尚書李懷光叛吐蕃盜邊獻甫領禁兵成咸陽累年兵農悅安貞元四年代韓游瓌領邠寧節度使邠寧軍素驕悍獻甫嚴因游瓌去遂縱掠邀范希朝為帥都將楊朝晟誅首亂者獻甫乃得入於是斷山浚塹選嚴要地築烽堞請復鹽州及洪門洛原鎮屯兵詔可獻甫遣兵馬使魏光逐吐蕃梁

鹽夏二城敵眾畏不敢入寇十二年加檢校尙書左僕射卒贈司空

王忠嗣華州鄭人父海賓太子右衛率豐安軍使開元二年吐蕃寇隴右詔隴右防禦使薛訥率杜賓客郭知運王峻安思順禦之以海賓爲先鋒戰武階追北至壕口殺其眾進戰長城堡諸將媚其功技兵願望海賓戰死大軍乘之斬賊萬七千級獲馬七萬牛羊四十萬玄宗憐其忠贈左金吾大將軍時忠嗣年九歲始名訓授尙輦奉御入見帝伏地號泣帝撫之曰此去病孤也須壯而將之更賜今名養禁中肅宗爲忠王帝使與游及長雄毅寡言有武畧上與論兵應對譙起帝器之曰後日爾爲良將試守代州別駕豪猾閉門自斂不敢干法數以輕騎出塞忠王言於帝曰忠嗣敢關恐亡之由是召還信安王禕在河東蕭嵩出河西數引爲麾下帝以其年少有復讐志詔不得特將嵩入朝忠嗣曰從公三年無以歸報天子乃請精銳數百襲虜會贊普大酋闊武鬱標川嵩不欲遣忠嗣不從提刀畧陣斬數千人獲羊馬萬計嵩上其功帝大悅累遷左威衛將軍代北都督封清源縣男與皇甫惟明不協搆忠嗣罪貶東陽府左果毅河西節度使杜希望欲取吐蕃新城新書作新羅城有言忠嗣才者希望以聞詔追赴河西進拔其城授左威衛郎將專知兵馬俄吐蕃大出欲報新城之役晨壓官軍陣眾寡不敵舉軍皆恐忠嗣單馬進左右馳突獨殺數百人賊眾驚相蹂軍虜翼掩之賊大敗拜左金吾衛將軍領河東節度副使大同軍使尋爲節度使二十九年節度朔方兼靈州都督天寶元年北討奚怒皆戰桑乾河三遇三克耀武漢北高會而還時突厥新有難忠

嗣進軍積口經畧之烏蘇米施可汗請降忠嗣以其方強特文降拜乃營木刺蘭山謀虛實因上平戎十八策縱反間於拔悉密與葛邏祿同紇三部攻多羅斯城涉昆水斬米施可汗築大同靜邊二城徙清塞橫野軍實之併受降振武爲一城自是敵不敢盜塞徙河東節度使進討縣公忠嗣少負勇敢及爲將乃能持重安邊不生事嘗曰平世爲將撫眾而已吾不欲竭中國力以幸功名故訓練士馬隨關繕補有漆弓百五十斤每發之示無所用軍中士氣盛日夜思戰忠嗣縱詭間伺敵隙時時出奇兵襲之所向無不克故士亦樂爲用軍每出召屬長付以兵使授士卒雖弓矢亦誌姓名其上軍還遣弦志鏃皆按名第罪以是部下人人自勸器甲充物自朔方至雲中表數千里據要險築城堡斥地甚遠自張仁直後四十餘年惟忠嗣繼其功俄爲河西隴右節度使權朔方河東節度佩四將印勁兵重地控制萬里近世未有也授一子五品官後數出戰青海積石敵輒奔破又討吐谷渾於墨離平其國乃固讓朔方河東二節度許之帝方事石堡城詔問攻取計忠嗣奏言石堡險固吐蕃舉國守之若頓兵堅城下費士數萬然後可圖恐所得不償所失請厲兵馬待變取之帝意不快而李林甫尤忌其功日鉤撻過咎會董延光建言請下石堡詔忠嗣分兵應接忠嗣不得已爲出軍而士無賞格延光不悅河西兵馬使李光弼入說曰大夫愛借士卒有拒延光心雖名受詔實奪其謀然以數萬眾付之而不立重賞何以鼓士勇且大夫惜數萬段賜以啟讒口有如不捷歸罪大夫大夫先受禍矣忠嗣曰今以數萬眾爭一城得之不足制敵不得未害於國吾忍以數萬

人命易一官哉明日見責不失一金吾羽林將軍歸宿衛不者黔中上佐耳光弼謝曰大夫乃行古人事非光弼所及也延光過期不克果訴忠嗣沮兵又安祿山城雄武扼飛狐塞謀亂請忠嗣助役因欲留其兵忠嗣先期至不見祿山而還數上言祿山且亂林甫益惡之陰使人誣告忠嗣嘗養宮中云吾欲奉太子帝怒召入付三司訊驗罪當死哥舒翰方有寵自上請以官爵贖忠嗣罪帝意解貶漢陽太守久之徙漢東郡卒年四十五後翰引兵攻石堡拔之死亡畧盡如忠嗣言故當世號爲名將初在朔方至互市輒高價馬直諸蕃爭來市故蕃馬寔少唐軍精及鎮河隴又請徙朔方河東九千騎以實軍迄天寶末益滋實應元年追贈兵部尙書牛仙客涇州鶻人初爲縣小史令傅文靜器之會爲隴右營田使引與計事積功遷洮州司馬河西節度使王君奭召爲判官君奭死仙客獨得免蕭嵩代節度復委以軍政仙客清勤不懈接士大夫以信及嵩還執政因薦之稍遷太僕少卿判涼州別駕知節度留後事俄爲節度使開元二十四年代信安王禕爲朔方行軍大總管始在河西番事省用倉庫積鉅萬器械犀銳崔希逸代之卽以聞帝令刑部員外郎張利貞新書作張利馳傳覆視如狀帝悅將用爲尙書宰相張九齡持不可乃封隴西郡公實封戶二百李林甫探知帝旨稱其材會九齡罷故以工部尙書同中書門下三品知門下事遷領河東節度副大使爲相與時浮沈唯唯恭愿前後賜與緘度不敢用百司諸決無所慮可輒曰如今式帝旣用仙客知時議不歸乘間以問高力士高力士曰仙客本胥吏非宰相器帝忿然曰朕且用康蓋蓋言也久之

封幽國公加左相贈尚書右丞相諡曰貞簡
 哥舒翰其先蓋突騎施酋長哥舒部之裔父道元為安
 西都護將軍赤水軍使故仍世居安西翰少補效穀府
 果毅家富於財任俠重然諾縱橫酒長安市年四十餘
 遭父喪不歸不為長安尉所禮慨然發憤游河西事節
 度使王倕倕攻新城使翰經畧稍知名又事王忠嗣著
 術將翰能讀左氏春秋漢書通大義疏財多施予故士
 歸心為大斗軍副使佐安思順不相下忠嗣更使討吐
 蕃副將倨見翰怒立殺之麾下為股慄遷左衛將軍吐
 蕃盜邊與翰遇苦拔海吐蕃枝其軍為三行從山差池
 下翰持半段槍迎擊所嚮輒披靡名蓋軍中擢授右武
 衛將軍副隴右節度為河源軍使先是吐蕃候積石軍
 麥熟歲來取莫能禁翰乃使王難得楊景暉設伏東南
 谷吐蕃以五千騎入塞放馬被甲將就田翰自城中馳
 至塵鬪敵駭走追北伏起悉殺之隻馬無還者翰嘗逐
 寇馬驚陷於河吐蕃三將欲刺翰大呼皆擁矛不敢
 動救兵至追殺之翰有奴曰左軍年十六以笮力聞翰
 工用槍追及賊擬槍於肩叱之賊反顧翰刺其喉剔而
 左之高五尺許乃墮左軍即下馬斬其首以為常會忠
 嗣被罪帝召翰入朝部將請齋金帛以救忠嗣翰但齋
 襪裝曰使吾計從奚取於是不行用此足矣翰至帝虛
 心待與語異之拜鴻臚卿為隴右節度副大使翰已謝
 即極言忠嗣之枉帝起入禁中翰叩頭從帝且泣帝悟
 為末貸其罪忠嗣不及誅朝廷稱其義踰年某神威軍
 青海上吐蕃攻破之更築於龍駒島有白龍見因號應
 龍城翰相其川原宜畜牧罪人二千戍之由是吐蕃
 不敢近青海天寶八載詔翰以朔方河東鞏牧兵十萬

攻吐蕃石堡城數日未克翰怒梓其將高秀巖張守瑜
 將斬之秀巖請三日期如期而下遂以赤嶺為西塞開
 屯田備軍實加特進賜資彌渥十一載加開府儀同三
 司翰素與安祿山安思順不平帝每欲和解之會三人
 俱來朝帝使驃騎大將軍高力士宴城東翰等皆集詔
 尚食生擊鹿取血瀟腸為熱洛河以賜之翰母子闔王
 女也祿山謂翰曰我父胡母突厥公父突厥母胡族類
 不同安得不親愛翰曰諺言狐向窟嗥不祥以忘本也
 兄既見愛敢不盡心祿山以翰譏其胡怒罵曰突厥敢
 爾翰欲應之力士目翰翰託醉去久之進封涼國公兼
 河西節度使攻破吐蕃洪濟大莫門等城收黃河九曲
 以其地置洮陽郡築神策苑秀二軍進封西平郡王賜
 音樂田園又賜一子五品官裨將賞拜有差宰相楊國
 忠惡祿山白發其反狀故厚結翰俄進太子少保翰嗜
 酒極聲色因風痺體不仁既疾廢遂還京師闔門不朝
 請十四載祿山反封常清以王師敗帝乃召見翰拜太
 子先鋒兵馬元帥以田良邱為軍司馬蕭昕為判官王
 思禮鉗耳大福李承光高元蕩蘇法鼎管崇嗣為屬將
 火拔歸仁李武定渾萼契苾靈以本部隸麾下凡河隴
 朔方奴刺等十二部兵二十萬守潼關師始東先驅牙
 旗觸門墜注旄干折眾惡之天子御政樓臨送詔翰
 以軍行過門毋下百官郊餞旌旗巨二百里翰惶恐數
 以疾自言帝不聽然病痼不能事以軍政委良邱使王
 思禮主騎李承光主步三人爭長政令無所統一眾攜
 弛無關意明年進拜尚書左僕射同中書門下平章事
 祿山遣子慶緒攻闕翰擊走之始安思順度祿山必反
 嘗為帝言得不坐翰既惡祿山又怨思順及是知重兵

在已有所論請天子重違因為偽為賊書遣思順者使開
 羅禽以獻翰因疏七罪請誅之有詔思順及弟元貞皆
 賜死徙放其家國忠始懼或說翰曰祿山本以誅國忠
 故稱兵今若留卒三萬守關悉精銳度澹水誅君側此
 漢挫七國計也思禮亦勸翰翰猶豫未發謀頗露通鑑
 思禮密說哥舒翰使抗表請誅國忠翰不應思禮又請
 以三十騎劫取以來至潼關殺之翰曰如此乃關反非
 祿山也騎劫取以來至潼關殺之翰曰如此乃關反非
 以精銳同誅楊國忠此漢挫七國之計也翰心許之未
 發有客泄其謀於國忠大懼按翰抗表言國忠罪不敢
 則正與祿山無異思禮勸翰抗表言國忠罪不敢
 敢舉兵乎事必不然且翰雖心許他人安得知之正由
 翰按兵不進故國忠及其黨疑懼恐翰回兵誅之其實
 新舊唐書皆用元宗實錄故附載考異之言以正之
 國忠大駭入見帝曰兵法安不忘危大兵在潼關而無
 後殿萬有一不利京師危矣即募牧兒三千人日夜訓
 練以劍南列將分統之又募萬人屯灊上使腹心杜乾
 運為帥翰疑圖已表請乾運兵隸節下因詭召乾運計
 事者至軍即斬首梟牙門并其軍國忠愈恐謂其子曰
 吾無死所矣翰數奏言祿山雖竊據河朔不得人心請
 持重以徼之待其離隙可不血刃而禽賊將崔乾祐守
 陝郡仆旗鼓贏師以誘戰峴者曰賊無備可圖也帝信
 之詔翰進討翰報曰祿山習用兵今始為逆不能無備
 是陰計誘我賊遠來利在速戰王師堅守毋輕出關計
 之上也且四方兵未集宜觀事勢不必速當是時祿山
 雖盜河洛所過殘殺人人怨之淹時月不能進尺寸地
 又郭子儀李光弼兵益進取常山十數郡祿山始悔反
 矣將還幽州以自固而國忠計迫謬說帝趣翰出潼關
 復陝洛時子儀光弼遙計日翰病且奄賊素知之諸軍
 烏合不足戰今賊悉銳兵南破宛洛而以餘眾守幽州
 吾直搗之覆其巢窟叛族以招逆徒祿山之首可致

若師出潼關變生京師天下殆矣乃極言請輪固關無出軍而帝入國忠之言使使者趣戰項背相望也輪窘不知所出六月引而東擲突出關次靈寶西原與乾祐戰由關門七十里道險隘其南薄山北阻河賊以數千人先伏險輪浮舟中流以觀軍謂乾祐兵寡易之促士卒進道阻無行列賊乘高頽石下擊殺士甚眾輪與良邱登北阜以軍三萬列河鳴鼓思禮等以精卒居前餘軍十萬次之乾祐為陣十五五或卻或進而陌刀五千列陣後王師視其陣無法指觀嗤笑曰禽賊乃會食及戰乾祐旗少偃如欲遜者王師懈不為備伏忽起薄戰皆奮死關輪以氈蒙馬車畫龍虎飾金銀爪目將駭賊擒戈矢逐北賊負薪塞路順風火其車燦燄燄突騰煙如夜土不復相辨自相鬪殺尸血狼籍久乃悟又棄甲奔山谷及蹈河死者十一二有糧艘百餘軍爭濟艘輒沈至縛矛盾乘以度喧呼振天地賊乘之奔潰畧盡始關門有三塹廣二丈深一丈士馬奔蹙相壓進少選塹平後至者踐之以入旣敗輪引數百騎絕河還營羸兵裁八千至潼津收散卒復守關乾祐進攻於是火拔歸仁等給輪出關輪曰何邪曰公以二十萬眾一日覆沒持是安歸公不見高仙芝等事乎輪曰吾寧效仙芝死汝舍我歸仁不從執以降賊賊送洛陽京師震動由是天子西幸祿山見輪責曰汝常易我今何如輪俯伏謝罪曰陛下撥亂主今天下未平李光弼在土門來頌在河南魯炁在南陽臣為陛下以尺書招之三面可平祿山悅即署司空中書門下平章事執火拔歸仁曰背主忘義吾不爾容斬之輪以書招諸將皆讓輪不死節祿山知事不可就囚之東京平安慶緒以輪度河及

敗乃殺之舊書云祿山開輪於苑中潛殺之與新書通鑑不同輪為人嚴少恩軍行未嘗卹士饑寒有召民樵者痛笞辱之監軍李大宜在軍中不治事與將士樗蒲飲酒彈琴琵琶為樂而士米粒不饜帝令人袁思藝勞師士皆訴衣服穿空帝即斥御服餘者製袍十萬以賜其軍輪藏庫中及敗封錡如故先是有客梁慎初遺輪書請堅壁勿戰以屈賊輪善之奏為左武衛曹參軍留幕府及輪與國忠貳慎初曰難將作矣乃遁去輪失守華陰馮翊上洛郡官吏皆潰帝遣劍南將劉光庭等將募新兵萬餘人往助輪未至而輪被縛云其後贈太尉諡曰武愍子曜字子明八歲元宗召見華清宮擢尚輦奉御累遷光祿卿以輪陷賊哀憤號慟故吏裴冕杜鴻漸等見之歎息李光弼討河北曜請行拜鴻臚卿為光弼副降安太清救宋州有功改殿中監襲封為東都鎮守兵馬使德宗立召為左龍武大將軍李希烈陷汝州以周冕為偽刺史詔拜曜東都汝州行營節度使將鳳翔郃靈涇原奉天好畤兵萬人討希烈帝召見問曰卿治兵孰與父賢對曰先臣臣安敢比但斬長蛇殪封豕然後待罪私室臣之願也帝曰爾父在開元時朝廷無西憂今朕得卿亦不東慮及行帝祖通化門是日牙干折時以輪出師已如此而斬持旗者卒以敗今曜復爾人憂之曜擊賊收汝州禽冕以獻斬其將二人希烈退保許州詔城襄城曜以疲人版築不如按甲持重以挫之帝不許有詔督戰曜進攻潁橋雷震軍中七馬斃曜懼還屯襄城希烈遣眾萬人縱火攻柵殪人於塹以薄壘曜苦戰破之居數月希烈自率兵三萬圍曜築甬道屬城矢集如雨帝遣神策將劉德信以兵三千援之又詔河南都

統李勉出兵相犄角勉以希烈在外許守兵少乘虛襲之希烈自解乃遣部將與德信趨許未至有詔切讓使班師德信等惶惑還軍無斥候至扈潤為賊設伏詭擊死者殆半器械輜重皆亡德信走汝州勉恐東都危使將李堅華以兵四千往守賊糧道不得入汴兵沮襄城圍益急帝乃召普王以荆襄江西鄂沔之師討蔡州詔涇原節度使姚令言抹襄城未行京師亂帝幸奉天襄城陷曜走洛陽會母喪奪為東都徵汝節度使遷河南尹曜拙於統御而銳殺戮士畏而不懷貞元元年部將叛夜焚河南門曜挺身免帝以汴州刺史薛珏代之召入為鴻臚卿終右驍衛上將軍贈幽州大都督子七人俱以儒聞昶茂才高第有節概嘔噉肥皆明經擢第高仙芝高麗人父舍雞初以將軍隸河西軍為四鎮校將仙芝年二十餘從至西安以父功補遊擊將軍數年父子並班仙芝美姿質善騎射父猶以其孺優愛之初事節度使田仁琬蓋嘉運等不甚知名後事夫蒙靈營乃善遇之開元末表為安西副都護四鎮都知兵馬使小勃律其王為吐蕃所誘妻以女故西北二十餘國皆羈屬吐蕃自仁琬以來三討之皆無功天寶六載詔仙芝以步騎一萬出討是時步兵皆有私馬自隨仙芝乃自安西過撥換城入握瑟德經疏勒登蔥嶺涉播密川遂頓特勒滿川行百日特勒滿川即五識匿國也仙芝乃分軍為三使疏勒趙崇玘自北谷道撥換賈崇瓏自赤佛道仙芝與監軍邊令誠自護密俱入約會連雲堡堡有兵千餘城南因山為柵兵九千守之城下據婆勒川會川漲不得渡仙芝殺牲祭川命士人齋三日糒集水涯士不甚信既涉旗不濡兵已成列仙芝喜

告令誠曰嚮吾方涉賊擊我無類矣今既濟而陣天以賊賜我也遂登山挑戰日未中破之拔其城斬五千級生擒千人馬千餘匹衣資器甲數萬計仙芝欲遂深入令誠懼不肯行仙芝留羸弱三千使守遂引師行三日過坦駒嶺嶺峻絕下四十里仙芝恐士憚險不敢進乃潛遣二十騎衣阿弩越胡服來迎先語部校曰阿弩越胡來迎我無慮矣既至士不肯下曰公驅我何去會二十人至曰阿弩越胡來迎已斷安夷橋矣仙芝即陽喜令士盡下安夷河弱水也既行三日越胡來迎明日至阿弩越城遣將軍席元慶以精騎一千先往謂小勃律王曰不關若城吾假道趨大勃律耳城中大酋領皆吐蕃腹心仙芝密令元慶曰若酋領逃者可出詔書呼之賜以繒綵至皆縛以待我元慶如言仙芝至悉斬之王及妻逃山穴不可得仙芝招諭乃出降因平其國急遣元慶斷安夷橋其暮吐蕃至不克度橋長度一箭所及者功一歲乃成八月仙芝以小勃律王及妻自赤佛道還連雲堡與令誠俱班師於是拂林大食等共七十二國皆震懼降附仙芝遣判官王庭芬奏捷京師軍至河西靈警怒不迎勞既見罵曰高麗奴于闐使爾何從得之仙芝懼且謝曰中丞力也又曰焉者鎮守使安西副都護都知兵馬使皆何從得之答曰亦中丞力也靈警曰審若此捷書不待我而敢即奏何邪奴當斬願新立功故貸爾仙芝不知所為令誠密言狀於朝且曰仙芝立功而以憂死後執為朝廷用者帝乃擢仙芝鴻臚卿假御史中丞代靈警為四鎮節度使而詔靈警還靈警懼仙芝朝夕見輒趨走靈警益慙副都護程千里衙將畢思琛行官王滔康懷順陳奉忠等皆嘗讚仙芝於

靈警者既視事呼千里媢罵曰公面雖男兒而心似婦女何邪謂琛曰爾奪吾城東千石種田憶之乎又召滔欲梓辱良久皆釋曰吾不恨矣由是舉軍安之俄加左金吾衛大將軍與一子五品官九載討石國其王車鼻施約降仙芝為俘獻闕下斬之由是西域不服其王子走大食乞兵攻仙芝於怛邏斯城以直其寃仙芝為人貪破石國獲瑟瑟十餘斛黃金五六橐駝良馬寶玉甚眾家資累鉅萬然亦不甚愛惜人有求輒與不問幾何尋除武威太守代安思順為河西節度使土人固留思順更拜右羽林軍大將軍封密雲郡公祿山反榮王為元帥仙芝副之領飛騎驍騎及朔方等兵出禁財募關輔士五萬繼封常清東討帝御勤政樓引榮王受命宴仙芝以下帝又幸望春亭勞遣詔監門將軍邊令誠監軍次陝郡而常清敗還仙芝急乃開太原倉悉以所有賜士卒焚其餘引兵趨潼關會賊至甲仗資糧委於道彌數百里既至關勒兵繕守具士氣稍稍復振賊攻關不得入乃引還初令誠數私於仙芝仙芝不應因言其逗撓狀以激帝且云常清以賊搖眾而仙芝棄陝地數百里股盜累賜帝大怒使令誠即軍中斬之令誠已斬常清陳尸於邊蔭仙芝自外至令誠以陌刀百人自從曰大夫亦有命仙芝遽下曰我退罪也死不敢辭然以我為盜資糧誣也謂令誠曰上天下地三軍皆在君豈不知又願麾下曰我募若輩本欲破賊取重賞而賊勢方銳故遷延至此亦以固關也我有罪若輩可言不爾當呼枉軍中咸呼曰枉其聲殿地仙芝視常清尸曰公我所引拔又代吾為節度今與公同死豈命賊遂就死封常清蒲州猗氏人外祖教之讀書多所該究然孤負

年過三十未有名夫蒙靈警為四鎮節度使以高仙芝為都知兵馬使嘗出軍秦憐從三十餘人衣繡鮮明常清慨然投牒請豫常清素瘠又脚跛仙芝陋其貌不納明日復至仙芝謝曰憐已足何庸復來常清怒曰我慕公義願事鞭勒故無媒自前公何見拒深乎以貌取士恐失之子羽仙芝猶未納乃曰候門下仙芝不得已竄名憐中會達奚諸部叛自黑山西趣碎葉有詔邀擊靈警使仙芝以三千騎追躡達奚行遠人馬疲禽獸盡常清於幕下潛作捷布具記井泉次舍克賊形勢謀畧條最明審仙芝取讀之皆意所欲出乃大駭即用之軍還靈警迎勞仙芝已去奴妹帶刀而判官劉眺獨孤峻爭問向捷布誰作者公幕下安得此人答曰吾憐封常清也眺等驚進揖常清坐與語異之遂知名以功授疊州戍主仍為判官仙芝破小勃律代靈警為安西節度使常清以從職有勞擢慶王府錄事參軍事為節度判官仙芝征討常知留務常清才而果胸無疑事仙芝委家事於郎將鄭德詮其乳母子也威動軍中常清嘗自外還諸將前謁德詮見常清始賈易之走馬突常清騶士去常清命左右引德詮至庭中門輒閉因離席曰吾起細微中丞公過聽以主留事郎將安得無禮因叱曰須暫假郎將死以肅吾軍因杖死以面仆地曳出之仙芝妻及乳母哭門外救請不能得遽以狀白仙芝仙芝驚及見常清憐其公不敢讓常清亦不謝會大將有罪又殺二人軍中莫不股慄仙芝節度河西復請為判官久之擢安西副大都護安西四鎮節度副大使知節度事未幾改北庭都護持節伊西節度使常清性勤儉耐勞苦出軍乘驟私廐裁二馬賞罰分明天寶末入朝而

安祿山反帝引見問何策以討賊常清見帝憂因大言曰天下太平久人不知戰然事有逆順勢有奇變臣請馳至東京悉府庫募驍勇挑馬箠渡河討日取逆賊首以獻闕下天下壯之明日以常清爲范陽節度副大使乘驛赴東京常清募兵得六萬人然皆市井庸保乃部分旗幟斷河陽橋以守賊移書平原令太守顏真卿以兵七千防河真卿馳使司兵叅軍事李平入奏常清取平表發視卽倚帳作書遺真卿勸堅守日傳購祿山檄數十函與之真卿得以分曉諸郡祿山渡河陷滎陽入豐子谷先鑿至葵園按通鑑云封常清所募兵皆白徒騎驟之官軍大敗常清收餘眾職於葵園常清使驍騎又敗新舊書不載武卒敗事蓋史脫也拒之殺拓羯數十人俄賊大軍至常清不能禦退入上東門戰不利賊鼓而進劫官吏再戰於都亭驛又不勝引兵守宣仁門復敗乃自提象門出伐大木塞道以殿至穀水西奔陝語仙芝曰賊銳甚難與爭鋒潼關無兵一夫奔突則京師危不如急守潼關仙芝從之敗書聞帝削常清官使白衣隸仙芝軍效力仙芝使衣黑衣監左右部軍及邊令誠以詔書至示之常清曰吾所以不死者恐汗國家節度戮賊手今死乃甘心始常清敗徑入關欲見上陳討賊事至渭南有詔赴潼關常清憂懼爲表以謝且言自東京陷三遣使表論成敗不得對又言臣死後望陛下無輕此賊則社稷安至是臨刑以表授令誠而死人多哀之

欽定續通志卷二百三十七

列傳

唐三十八

李光弼 荔非元禮

張伯儀

白元光

李國臣

白孝德

郭子儀 繼

承

暇

幼明

劉

李光弼

營州柳城人

父楷洛

本契丹酋長

武后時入朝

累官左羽林大將軍

封薊郡公

吐蕃寇河源

楷洛率精

兵擊走之

師還卒於道

贈營州都督

諡曰忠烈

光弼嚴

毅沈果有大略

起家左衛親

府左郎將累遷左清道率

兼安北都護補河西王忠嗣

府兵馬使充赤水軍使忠

嗣遇之厚雖宿將莫能比嘗

曰它日得我兵者光弼也

俄襲父封以破吐蕃吐谷

渾功進雲麾將軍朔方節度

使安思順表為副知留後事

愛其材欲以子妻之光弼

引疾去隴右節度使哥舒翰

異其操表還長安安祿山

反郭子儀薦其能詔攝御史

大夫持節河東節度副大

使知節度事兼雲中太守尋

加魏郡太守河北採訪使

光弼以朔方兵五千出上

門東救常山次真定常山

圍結子弟執賊將安思義降

自顏杲卿死郡為戰區露

蔽野光弼酌而哭之出為賊

幽閉者厚恤其家時賊將

史思明李立節蔡希德攻饒

殺之且盡思明懼引去以奇

兵斷餉道馬食薦藉相守

四十餘日會郭子儀收雲中

詔悉眾出井陘與光弼合

擊賊九門西思明大敗挺身

走趙郡立節中流矢死通鑑

李立節殺之希德走鉅鹿收

棗城等十縣遂攻趙詔

加光弼范陽大都督府長史

范陽節度使思明繇趙郡

入博陵殺官吏景城河間信

都清河平原博平六郡之

民結營以拒賊至是皆附

光弼光弼急攻趙一日拔之

士多鹵掠光弼坐譴門收所

獲悉歸之民大悅進圍博

陵未下與子儀合擊思明於

嘉山大破之光弼以范陽

本賊巢窟當先取之堰賊根

本會潼關失守乃拔軍入

井陘肅宗即位詔以兵赴

靈武更授戶部尚書同中書

門下平章事節度如故光弼

以景城河間兵五千入太

原前此節度使王承業政弛

謬侍御史崔眾主兵太原

每侮承業光弼素不平及是

詔眾以兵付光弼眾見

光弼長揖不即付兵光弼怒

收繫之會使者至拜眾御

史中丞光弼曰眾有罪已前

斬首七萬級希德委資糧道

走初賊至光弼設公幄城

隅以止息經府門不顧圍解

閱三夕乃歸私寢收清表

橫野等軍賊別將攻好時破

大橫關光弼追敗之加檢

校司徒尋遷司空封鄭國公

食實戶八百乾元元年入

朝詔朝官四品以上郊謁進

兼侍中與九節度圍安慶

緒於相州大戰鄴西敗之光

弼與諸將議思明勒兵魏

州欲以怠我不如起軍逼之

彼懲嘉山之敗不敢輕出

得曠日持久則慶緒可禽觀

軍容使魚朝恩固謂不可

既而思明來援光弼拒賊戰

光力殺略大當會諸將驚

潰各引歸所在剽掠獨光弼

整眾還太原帝貸諸將罪

以光弼兼幽州大都督長史

知諸道節度行營事又代

子儀為朔方節度使未幾為

天下兵馬副元帥光弼以

河東騎五百馳東都夜入其

軍且謂賊方闕洛當扼虎

牢帥師東出河上檄召兵馬

使張用濟用濟憚光弼嚴

教諸將逗留其兵用濟單騎

入謁光弼斬之以辛京果

代按通鑑云張用濟屯河陽光弼檄召之用濟曰朔方非叛軍也乘夜而入何見疑之甚耶與諸將謀以精銳突入東京遂光弼請子儀命其士皆披甲上馬銜枚以待僕固懷恩康元寶止之所載較新舊書本傳為詳

無留人督軍取戰守備思明至偃師光弼悉軍趨河陽身以五百騎殿賊游騎至石橋諸將曰並城而北乎當石橋進乎光弼曰當石橋進夜甲士秉炬徐行部曲堅重賊不敢逼已入三城眾二萬軍纔十日糧光弼按閱守備部分士卒無不嚴辦思明入洛陽空無所得憚光弼持其後未敢犯宮闕頓白馬祠治塹溝築月城以守賊攻光弼與戰中潭西破逆黨斬千級溺死者甚眾生執五千人初光弼謂李抱玉曰將軍能為我守南城二日乎抱玉曰過期何若曰棄之抱玉許諾即給賊曰吾糧盡明日當降賊喜斂兵待期抱玉已繕完即請戰賊忿欺急攻之抱玉出奇兵夾擊俘獲過當賊帥周摯引卻光弼自將治中潭樹壁掘塹擊捨南城攻中潭光弼遣荔非元禮出勁卒於羊馬城以拒賊擊大潰收兵復振與安太清合眾三萬攻北城光弼斂軍入登陴望曰彼軍雖銳然方陣而露不足虞也日中當破乃出戰及期未決召諸將曰彼彊而可破者亂也今以亂擊亂宜無功因問賊陣何所最堅曰西北隅召郝廷玉曰為我以麾下破之請騎兵五百與之三百復問其次曰東南隅召論惟貞當之請鐵騎三百與之二百光弼執大旗曰望我旗麾若緩可觀便宜若三麾至地諸軍畢入生死以之退者斬既而馮瑛望廷玉軍不能前趨左右取其首來廷玉曰馬中矢非卻也乃命易佗馬有裨將援矛刺賊洞馬腹中數人又有迎賊不戰而卻者光弼召援矛者賜絹五百匹不戰者斬光弼麾旗三諸軍爭奮賊眾奔敗斬首萬餘級俘八千餘人馬二千軍資器械以億計禽周摯徐瑒玉李秦授按通鑑云周摯以數騎上元元年四月乃見禽周摯上元二年二月為史朝義所殺據此則新舊本傳稱周摯李秦授見禽者皆誤

惟太清挺身走思明未知猶攻南城光弼驛所俘示之思明大懼築壘以拒官軍始光弼將戰內刀于韉曰戰危事吾位三公不可辱于賊萬有一不捷當自刎以謝天子及是西向拜舞三軍感動太清襲懷州守之上元元年加太尉中書令進圍懷州思明求救光弼再逐北思明見兵河清聲渡河絕餽路光弼壁野水渡既夕還軍留牙將雍希顥守曰賊將高暉通鑑作高廷暉李日越萬人敵也賊必使劫我爾留此賊至勿與戰若降與偕來左右竊怪語無倫是日思明果召日越曰光弼野次爾以鐵騎五百夜取之不然無歸日越至壘使人問曰太尉在乎曰去矣兵幾何曰千人將為誰曰雍希顥日越謂其下曰我受命云何今顧獲希顥歸不免死遂請降希顥與俱至光弼厚待之表授特進兼右金吾大將軍高暉聞亦降或問公降二將何易也光弼曰思明再敗恨不得野戰聞我野次彼固易之命將來襲必許以死希顥無名不足以為功日越懼死不降何待高暉材出日越之右降者見遇貳者得不思奮乎諸軍決丹水灌懷州未下光弼令廷玉由地道入得其軍號登陴大呼王師乘城禽太清楊希仲送之京師獻俘太廟進食實戶一千五百思明使謀宣言賊將士皆北人誣陰思歸朝恩信之屢上賊可滅狀詔諭光弼固言賊方銳未可輕動僕固懷恩冒光弼功陰佐朝恩陳棟除計使者來督戰光弼不得已令李抱玉守河陽出師次北邙光弼使傅山陳懷恩曰我用騎今迫險非便地請陣諸原光弼曰有險可以勝可以敗陣于原敗斯礙矣懷恩不從賊據高原以長戟七百壯士執刀隨之委物偽遁懷恩軍爭剽獲伏兵發官軍大潰懷州復陷光弼渡河保

聞喜抱玉以兵寡棄河陽光弼請罪帝以懷恩違令覆軍優詔召光弼入朝懇讓太尉更拜開府儀同三司中書令河中尹晉絳等州節度使未幾復拜太尉兼侍中河南副元帥知河南淮南東西山南東荆南五道節度行營事實錄舊紀皆云光弼都統河南進南山南東荆南五道劉展亂紀又有江西浙浙淮南南東西山南東荆南五道凡八道新傳蓋從唐應鎮泗州帝為賦詩以饒朝義乘邛山之捷進略申光等十三州光弼與疾就道監軍使以兵少請保揚州光弼曰朝廷以安危寄我賊安知吾賊寡若出不意當自潰遂疾驅入徐州時朝義圍李岑於宋州使田神功擊走之初神功平劉展逗留淮南尚衡殷仲卿相攻突鄆開來瑱擅襄陽及光弼至屯朝義走神功還河南瑒衝仲卿踵入朝其為諸將憚服類此寶應元年進封臨淮郡王光弼收許州斬賊竄千級縛偽將二十二人朝義分兵攻宋州光弼破走之浙東賊袁晁反台州殘剽州縣光弼遣麾下破其眾於衢州廣德元年遂禽晁浙東平詔增實封戶二千與一子三品階賜鐵券名藏太廟圖形凌煙閣相州北邙之敗朝恩羞其策繆致深忌光弼而程元振尤疾之二人用事日謀有以中傷者及來瑒為元振讒死光弼愈恐吐蕃寇京師代宗詔入援光弼畏禍遷延不政行及帝幸陝猶倚以為重其母在河中數遣使存問以解嫌疑帝還長安因拜東都留守察其去就光弼以就江淮糧運引兵歸徐州自是諸將田神功等不復稟商光弼愧恨成疾二年薨年五十七帝遣使弔卹其母贈太保諡曰武穆詔百官送葬延平門外光弼居父喪三年不入妻室事繼母至孝好讀班固漢書其用兵謀定而後戰能以少覆眾治師訓整天下服其威名軍中指顧諸將

不敢仰視初與郭子儀齊名世稱李郭而戰功推爲中興第一其代子儀朔方也營壘士卒摩幟無所更而光弼一號令之氣色乃益精明云子儀有志操官至涇原節度使罷軍中雜徭出俸錢贖將士質賣子還其家卒贈工部尚書光弼弟光進字太應初爲房瑄裨將將北軍戰陳濤斜兵敗奔行在肅宗宥之代宗卽位拜檢校太子太保封涼國公吐蕃入寇至便橋郭子儀爲副元帥光進及郭英乂佐之自至德後與李輔國並禁禁兵委以心膂光弼被譖出爲渭北節度使承泰初封

武成郡王累遷太子太保卒母李有鬚數十長五寸許死葬長安南原將相墓祭凡四十四噀時以爲榮光弼所部將李懷光僕固懷恩田神功李抱玉董蔡哥舒曜韓游瓌渾釋之辛京杲自有傳若荔非元禮郝廷玉李國臣白孝德張伯儀白元光陳利貞侯中莊柏良器皆

章章可稱列者附次左方

荔非元禮起裨將累兼御史中丞光弼守河陽周摯攻北城光弼方壁中渾摯聞併兵從光弼光弼使元禮守

羊馬城於城東北隅建小旗以筆摯軍摯恃眾直逼城以軍千乘載木鵝撞車塵兵填塹八道並進光弼諭元

禮曰中丞視賊過兵不顧何也報曰公欲守邪耶戰光弼曰戰曰方戰則賊爲我實暫何爲禁之光弼曰吾慮

不及此公勉之元禮遂出戰摯軍小卻元禮以敵堅未可以馳還軍示弱愈其意光弼怒使召元禮欲按軍法

答曰方戰不及往請破賊以見因休冊中良久顧麾下曰向公來召殆欲斬我鬪死有名無庸受戮乃下馬持

刀瞋目直前銳士堵而進左右奮擊一當數人斬賊數百首摯遁去以功累遷驃騎大將軍懷州刺史知鎮西

北庭行營節度使上元二年光弼進收洛陽軍敗元禮

徒軍翼城爲麾下所害

郝廷玉驍勇善格鬪爲光弼愛將及保河陽禽徐瑋王

功爲多累封安邊郡王授神策將軍吐蕃犯京畿與馬

璘屯中渭橋它曰魚朝恩聞其善布陣請觀之廷玉申

號令鳴鼓角部伍坐作進退若一朝恩歎服廷玉惻然

曰此臨淮王遺法也王善御軍賞當功罰適過每校旗

不如令者輒斬由是人皆自效自臨淮歿無復校旗事

此安足賞哉累爲秦州刺史卒贈工部尚書

李國臣河西人本姓安力能抉關以折衝從收魚海五

城遷中郎將後爲朔方將積勞擢雲麾大將軍賜姓李

從光弼守河陽累封臨川郡王大曆八年爲鹽州刺史

吐蕃敗渾城於黃菩原將略泝隴國臣曰賊乘勝必擾

京師我趨秦原彼當反顧乃引兵登安樂山鳴鼓而西

日行三十里吐蕃聞之自百里城回軍踰險城因擊敗

之卒贈揚州大都督

白孝德安西人事光弼爲偏裨史思明攻河陽使驍將

劉龍仙以騎五十挑戰加右足馬鬣上嬖罵光弼光弼

登城顧諸將曰孰能取是賊僕固懷恩請行光弼曰是

非大將所宜左右以孝德對召問須兵幾何對曰願選

五十騎爲後繼大軍鼓譟以張吾氣足矣光弼撫其背

遣之孝德擁二矛策馬絕河半濟懷恩賀曰事克矣觀

其攬轡安閑決可萬全龍仙見其獨來甚易之稍近將

動孝德搖手止之曰侍中使致辭無它與語息馬良久

瞋目曰賊識我乎我白孝德也龍仙罵之乃躍馬前捕

城上因大譟五十騎繼後進龍仙環隄走孝德追及斬

其首而還後累功至北庭行營節度使徙邠寧僕固懷

恩引吐蕃兵入寇孝德擊敗之承泰初吐蕃回紇圍涇

陽郭子儀說回紇約盟吐蕃退走子儀使渾瑊以兵五

千出奉天命孝德應之大戰赤沙峯斬獲甚眾累封昌

化郡王歷太子少傅建中元年卒贈太保

張伯儀魏州人以戰功隸光弼軍浙賊袁晁反使伯儀

討平之功第一擢睦州刺史後爲江陵節度使樸厚不

知書然推誠遇人軍中畏肅民亦便之李希烈反詔與

賈耽張獻甫收安州戰不利伯儀中流矢卻師失所持

節賊追及奮力以禦之兩刃相嚮不得下會救至免至

漢水擊野人船以達河州徐收散卒還久之除右龍武

統軍卒贈揚州大都督既請諡博士李吉甫議以伯儀

雖敗而其忠可錄諡曰恭

白元光其先突厥人父道生歷鹽州刺史元光初隸

本軍補節度先鋒安祿山反詔徙朔方兵東討元光領

所部結義營長驍從光弼出土門累遷太子詹事封南

陽郡王爲兩都遊奕使長安平率兵清宮進擊餘寇身

被數創肅宗躬爲傅藥轉衛尉卿兼朔方先鋒史思明

攻河陽光弼召主騎軍其後歷靈武留後定遠城使貞

元二年卒贈越州都督

陳利貞幽州范陽人初爲平盧將安祿山亂從光弼軍

河南張巡被圍睢陽也光弼遣郝廷玉及利貞救之輕

騎出入廷玉稱爲勝已以子妻之及歸薦于光弼自行

開累遷檢校太子賓客封靜戎郡王李希烈叛詔哥舒

曜東討利貞爲前鋒次邠城賊眾大集利貞出奇兵五

百橫擣其右賊鋒誅數月不敢前及希烈攻羅襄城利

貞登陣捍守七十日未嘗櫛沐非議事不下城朱泚反

利貞及張廷芝所統士皆幽薊河隴人故與廷芝合謀

應泚而利貞麾下亦從爲亂夜半難作利貞拔劍當軍門大譁曰欲過門者先殺我眾畏其鋒乃止延芝出奔德宗嘉之擢汝州防禦使貞元五年卒

侯仲莊蔚州人爲光弼先鋒授忠武將軍禽安太清有功累加冠軍將軍僕固懷恩以朔方反仲莊爲都將訓兵自守人畏其鋒懷恩敗郭子儀代之引爲心腹封上谷郡王爲神策京西將德宗幸奉天遷左衛將軍爲防城使修壘堞晝夜執戈邏巡從幸興元殿軍略谷授防禦招收使帝還都復鎮奉天幾二十年卒贈洪州都督

相良器字公亮魏州人父造以獲嘉令死安祿山難乃學擊劍欲報賊父友王奐爲光弼從事見之曰爾穎文似臨淮王面黑子似顏平原殆能立功乃薦之光弼授兵平山越遷左武衛中郎將以部兵隸浙西豫平袁晁方清其後潘德徽胡參據小傷蒸里又擊破之是時年二十四更戰陣六十二李希烈圍宣陵邊水灌之親令軍中明日拔城良器以救兵至擇弩手善游者沿汴渠夜入及旦伏弩發賊乘城者皆死錄功封平原郡王入爲左神策軍大將軍知軍事圖形凌煙閣募材勇以代士卒市販者中尉竇文場惡之坐友人闖入換右領軍衛自是軍政皆中官專之終左領軍衛大將軍贈陝州大都督子耆別傳

烏承玼字德潤張掖人開元中與族兄承恩皆爲平盧先鋒號曠門二龍契丹可突于殺其王邵固降突厥而奚亦亂其王魯蘇挈族屬及邵固妻子自歸是歲奚契丹入寇詔承玼擊之破於撈祿山二十二年詔信安王祚率幽州長史趙含章進討承玼請含章曰二敵固劇賊前日戰而北非畏我乃誘我也公宜者銳以折其謀

合章不信戰白城果大敗承玼獨按隊出其右斬首萬計可突于奔北奚渤海太武藝與弟門藝戰國中門藝來詔與太僕卿金思蘭發范陽新羅兵十萬討之無功武藝遣客刺門藝於東都引兵至馬都山屠城邑承玼室要路斬以大石互四百里賊不得入於是流民得還士少休脫鎧而耕歲省度支運錢安慶緒使史思明守范陽思明恃兵強爲自固計慶緒密遣阿史那承慶安守忠就督事且圖之承玼勸思明曰唐家中與與天下更始慶緒偷肆晷刻公殆與俱亡有如束身本朝漸洗前汙此反掌功耳思明善之斬承慶等奉表聽命始承恩爲冀州刺史失守思明護送東都故肅宗使自雲中趨幽州開說思明與承玼謀投慶緒之不克死承玼奔李光弼表爲冠軍將軍軍封昌化郡王爲石嶺軍使王思禮爲節度使軍政倚辦焉久之移疾還京師卒年九十六子重膺別傳

郭子儀華州鄭人長七尺二寸以武舉異等補左衛長史累遷單于副都護振遠軍使天寶八載木刺山始築橫塞軍及安北都護府詔卽軍爲使俄苦地偏不可耕徙築永清號天德軍又以使兼九原太守十四載安祿山反詔子儀爲衛尉卿靈武郡太守充朔方節度使率本軍東討子儀收靜邊軍斬賊將周萬頃擊高秀巖河曲敗之遂收雲中馬邑開東陝加御史大夫賊陷常山河北郡縣皆沒會李光弼攻城常山拔之子儀引軍下井陘與光弼合破賊史思明眾數萬平秦城南攻趙郡

賊四子儀之斬僞守郭獻璆還常山思明以眾數萬踵其後及行唐子儀選騎五百更出挑之三日賊引去乘之又破於沙河遂趨常陽以守祿山益出精兵佐思

明子儀曰彼恃加兵必易我心不固矣與賊未決戮一部將以徇士殊死鬪遂破之斬首二千級俘五百人獲馬如之於是晝揚兵夜擣壘賊不得息乃與光弼僕固懷恩渾瑊之陳回光等擊賊嘉山斬首四萬級獲人馬萬計思明跳奔博陵於是河北諸郡往往斬賊守迎王師方北圖范陽會哥舒翰敗天子入蜀太子卽位靈武詔班師子儀與光弼率步騎五萬赴行在時朝廷草昧眾軍寡軍容闕然是國威大振拜子儀兵部尚書同中書門下平章事仍總節度肅宗大開六軍鼓而南至彭原宰相房琯自請討賊次陳濤斜師敗眾略盡故帝唯倚朔方軍爲根本賊將阿史那從禮以同羅僕骨騎五千誘河曲九府六胡州部落數萬迫行在子儀以回紇首領葛邏支擊之執獲數萬牛羊不可勝計河曲平至德二載攻城崔乾祐於潼關乾祐敗退保清津會永樂尉趙復河東司戶參軍韓昱司士徐景及宗室子鋒在城中謀爲內應子儀攻蒲復等斬陣者披闔內軍乾祐走安邑安邑僞納之兵半入縣門發乾祐得脫身走賊安守忠壁永豐倉子儀遣子旻與戰斬首萬級旻死

子旻進收倉於是關陝始通按通鑑云安慶緒遣兵殺餘人李紹光王祚戰死僕固懷恩抱馬首浮渡渭水退保河東據此則潼關既得復失觀旻等之死似通鑑爲得之詔還鳳翔進司充關內河東副元帥李師超長安次滴水上賊守忠等軍清渠左大戰王師不利委仗奔子儀收潰卒保武功待罪於朝乃授尙書左僕射俄從元帥廣平王率蕃漢兵十五萬收長安李嗣業爲前軍元帥爲中軍子儀副之王思禮爲後軍陣香積寺之北距灃水臨大川彌互一舍賊李歸仁領勁騎挑戰官軍驚嗣業以長刀突出斬賊數十騎乃定回紇以奇兵繚

明子儀曰彼恃加兵必易我心不固矣與賊未決戮一部將以徇士殊死鬪遂破之斬首二千級俘五百人獲馬如之於是晝揚兵夜擣壘賊不得息乃與光弼僕固懷恩渾瑊之陳回光等擊賊嘉山斬首四萬級獲人馬萬計思明跳奔博陵於是河北諸郡往往斬賊守迎王師方北圖范陽會哥舒翰敗天子入蜀太子卽位靈武詔班師子儀與光弼率步騎五萬赴行在時朝廷草昧眾軍寡軍容闕然是國威大振拜子儀兵部尚書同中書門下平章事仍總節度肅宗大開六軍鼓而南至彭原宰相房琯自請討賊次陳濤斜師敗眾略盡故帝唯倚朔方軍爲根本賊將阿史那從禮以同羅僕骨騎五千誘河曲九府六胡州部落數萬迫行在子儀以回紇首領葛邏支擊之執獲數萬牛羊不可勝計河曲平至德二載攻城崔乾祐於潼關乾祐敗退保清津會永樂尉趙復河東司戶參軍韓昱司士徐景及宗室子鋒在城中謀爲內應子儀攻蒲復等斬陣者披闔內軍乾祐走安邑安邑僞納之兵半入縣門發乾祐得脫身走賊安守忠壁永豐倉子儀遣子旻與戰斬首萬級旻死子旻進收倉於是關陝始通按通鑑云安慶緒遣兵殺餘人李紹光王祚戰死僕固懷恩抱馬首浮渡渭水退保河東據此則潼關既得復失觀旻等之死似通鑑爲得之詔還鳳翔進司充關內河東副元帥李師超長安次滴水上賊守忠等軍清渠左大戰王師不利委仗奔子儀收潰卒保武功待罪於朝乃授尙書左僕射俄從元帥廣平王率蕃漢兵十五萬收長安李嗣業爲前軍元帥爲中軍子儀副之王思禮爲後軍陣香積寺之北距灃水臨大川彌互一舍賊李歸仁領勁騎挑戰官軍驚嗣業以長刀突出斬賊數十騎乃定回紇以奇兵繚

賊背夾攻之斬首六萬級生禽二萬賊帥張通儒夜亡
陝郡翼日王人京師老幼夾道呼曰不圖今日復見官
軍王休十三日遂東安慶緒聞王師至遣嚴莊悉眾十
萬屯陝助通儒旌幟鉦鼓徑百餘里師至新店賊已陣
出輕騎子儀遣二隊逐之又至倍以往皆不及賊營輒
反最後賊以二百騎掩軍未戰走子儀悉軍追橫貫其
營賊張兩翼包之官軍卻嗣業率回紇從後擊飛矢射
賊賊驚曰回紇至矣遂大敗僵尸相屬于道嚴莊等走
洛陽挾慶緒渡河保相州遂收東都於是河東河西河
南州縣悉平以功加司徒封代國公食邑千戶入朝帝
遣具軍容迎灞上勞之曰國家再造卿力也子儀頓首
陳謝有詔還東都經略北討乾元元年破賊河上執安
守忠以獻遂朝京師詔百官迎於長樂驛帝御望春樓
待之進中書舍帝即詔大舉九節度師討慶緒以子儀
光弼皆元功難相臨攝第用魚朝恩為觀軍容宣慰使
而不立帥子儀自杏園濟河圍衛州慶緒分其眾為三
軍將戰子儀選善射三千土伏壁內誠曰須吾卻賊必
乘壘若等謀而射既戰偽遁賊薄營伏發注射如雨賊
震駭王師整而奮斬首四萬級獲鎧冑數十萬執安慶
和收衛州又戰愁思岡破之連營進圍相州引漳水灌
城漫二時不能破城中糧盡人相食慶緒求救於史思
明思明自魏來李光弼王思禮許冀魯吳前軍遇之
賊鄴南殺傷相半吳中流矢子儀督後軍未及戰會大
風拔木遂晦跬步不能相物色於是王師南潰賊亦走
輜械滿野諸節度引還子儀以朔方軍保河陽斷航橋
時王師眾而無統進退相顧望責功不專是以及于敗
有詔留守東都俄改東畿山南東道河南諸道行營元

帥魚朝恩素疾其功因是媒譖之故帝詔子儀還更以
趙王為天下兵馬元帥李光弼副之代子儀領朔方兵
士卒涕泣遮中使請留子儀給之曰我餞中使耳未行
也因躍馬而去諱按通鑑 御批李郭雖並為中興
儀光弼易地而居恐光弼不能如子儀之思明再陷河洛
之略無芥蒂矣二人優劣當以此定之西戎逼擾京輔天子吓食乃授鄜靈鄜坊兩節度使仍
留京師議者謂子儀有社稷功而孽寇首鼠乃置散地
非所宜帝亦悟上元初詔為諸道兵馬都統以管崇嗣
副之率英武威遠兵及河西河東鎮兵繇鄜靈朔方大
同橫野軍以趨范陽詔下為朝恩沮解明年光弼敗邛
山失河陽又明年河中亂殺李國貞太原戕鄧景山朝
廷憂二軍與賊合而少年新將望輕不可用遂以子儀
為朔方河中北廷潞儀澤沁等州節度行營兼興平定
國副元帥進封汾陽郡王屯絳州時帝已不豫羣臣莫
有見者子儀請曰老臣受命將死于外不見陛下目不
瞑帝引至卧內謂曰河東事一以委卿子儀嗚咽流涕
至屯誅首惡王元振等數十人諸鎮惕息代宗立程元
振忌宿將難制離構百計因罷子儀副元帥加實戶七
百為肅宗山陵使子儀懼讒且盛盡哀肅宗所賜詔數
千餘篇上之因自明帝優詔答之初帝與子儀平兩京
同天下憂患至是悔悟眷禮彌重時史朝義尙盜洛帝
欲使副雍王率師東討為朝恩元振告之乃止會梁
崇義據襄州叛僕固懷恩屯汾州陰召回紇吐蕃深入
犯奉天武功遽拜子儀關內副元帥鎮咸陽初子儀自
相州罷歸京師曲離散承詔麾下才數十騎驅民
馬補行隊至咸陽賊已過渭水並南山而東天子幸陝
子儀聞流涕董行營還京師遇射生將王獻忠以毅騎

叛劫諸王欲奔賊子儀讓之取諸王送行在乃率騎南
收兵得武關防兵及潰卒數千軍寢完會六軍將張知
節迎子儀洛南大閱兵屯商州威震關中乃遣知節率
烏崇福羽林將長孫全緒為前鋒營韓公堆晝則擊鼓
張旗幟夜則叢萬炬以疑賊初光祿卿殷仲卿募兵藍
田以勁騎先官軍為游奕直渡澧民給敵曰郭令公來
賊懼會故將軍王甫結俠少夜鼓朱雀街呼曰王使至
吐蕃夜潰於是遣大將李忠義屯苑中渭北節度使王
仲昇守朝堂子儀以中軍繼之射生將王撫自署京兆
尹亂京城子儀斬以徇破賊書聞帝以子儀為京城留
守自變生倉卒賴子儀復安故天下皆咎程元振羣臣
數論奏元振懼乃說帝都洛陽帝可其計子儀奏曰雍
州古稱天府用武之國秦漢所以成帝業也先帝興朝
方誅慶緒陛下席西土戮朝義雖天道助順亦地勢則
然比吐蕃馮陵而不能抗者蓋由六軍皆市井竄虛名
逃實賦一日驅以就戰有百奔無一前又宦豎掩迷庶
政荒奪遂令陛下彷徨暴露越在陝服斯委任失人豈
秦地非良哉洛陽自大盜以來焚埃略盡百曹榛荒饑
服不滿千戶井邑如墟東薄鄆汴南界徐北綿懷衛及
相千里蕭條亭舍不煙何以奉萬乘牲餼俱百官次舍
哉且地狹隄裁數百里險不足防適為鬪場時適亟
還見宗廟闕園陵再造王家以幸天下帝得奏曰子儀
固社稷臣也朕西決矣乘輿還子儀頓首請罪帝勞曰
用卿晚故至此乃賜鐵券圖形凌煙閣僕固懷恩縱兵
掠并汾屬縣帝患之以子儀兼河東副元帥河中節度
使鎮河中懷恩子瑒屯榆次為帳下張惟岳所殺傳首
京師持其眾歸子儀懷恩懼委其母走靈州廣德二年

進太尉兼領北道邠寧涇原河西通和吐蕃及朔方招撫觀察使薛太尉不拜懷恩誘吐蕃回紇党項數十萬入寇朝廷大恐詔子儀屯奉天帝問計所出對曰無能為也懷恩本臣偏將雖標果然素失士心今能為亂者誅思歸之人劫與俱來且皆臣故部曲素以恩信結之彼忍以刃相向乎帝曰善賊寇邠州先驅至奉天諸將請擊之子儀曰客深入利速戰彼下素德我吾緩之當自攜貳因下令敢言戰者斬堅壁待之賊果遁子儀至自涇陽恩資崇綽進拜尚書令懇辭不聽詔趣詣省視事子儀固讓且言太宗嘗踐此官故累聖曠不置員皇太子為雍王定關東乃得授詎可猥私老臣且用兵以來僭貴者多至身兼數官冒進亡恥今凶醜略平乃作法審官之時宜從老臣始帝不獲已許之具所以讓付史官因賜美人六人從者自副車服帷帟咸具永泰元年詔都統河南道節度行營復鎮河中懷恩盡說吐蕃回紇党項光渾奴刺等三十萬掠涇邠鳳翔入禮泉奉天京師大震於是帝命李忠臣屯渭橋李光進屯雲陽馬璘郝廷玉屯便橋駱奉先李曰越屯整屋李抱玉屯鳳翔周志光屯同州杜晃屯坊州天子自將屯苑中急召子儀屯涇陽軍纔萬人比到賊圍已合乃使李國臣高昇魏楚玉陳回光朱元琮各當一面身自率鎧騎二千出入陣中回紇怪問是謂誰報曰郭令公驚曰令公存乎懷恩言天可汗棄天下台公即世中國無主故我從以來公今存天可汗存乎報曰天子萬壽回紇悟曰彼欺我乎子儀使諭賊曰昔回紇涉萬里戡大憝助復二京我與若等休戚同之今乃棄舊好助叛臣一何恩彼背主棄親於回紇何有回紇曰本謂公亡不然何

以至此今誠存我得見乎子儀將出左右諫曰賊不可信子儀曰今眾寡不敵難以力勝吾將示以至誠左右請以騎五百從又不聽即傳呼曰令公來賊皆持滿待子儀以數騎出免胄釋甲投鎗而進諸酋長大驚相顧曰是也皆下馬羅拜子儀即召與飲遺錦綵結歡誓好如初因說之曰吐蕃不顧舅甥之親吞噬我邊鄙焚蕩我畿甸所掠之財不可勝計馬牛被數百里是謂天賜不可失且逐戎得利與我繼好不爾善乎會懷恩暴死羣賊無所統一遂許諾吐蕃疑之夜引去子儀遣將白元光合回紇眾追躡大軍繼之破吐蕃十萬於靈臺西原斬級五萬俘萬人盡得所掠士女牛羊馬橐駝不勝計遂自涇陽來朝加實封二百戶還河中大曆元年華州節度使周智光謀叛帝問道以蠟書賜子儀令悉軍討之同華將吏聞軍起殺智光傳首闕下二年吐蕃寇涇州詔移屯涇陽邀戰於靈州敗之斬首二萬級明年還河中吐蕃復寇靈武詔率師五萬屯奉天白元光破賊於靈武議者以吐蕃數為盜馬璘孤軍在邠不能支乃以子儀兼邠靈慶節度使屯邠州徙璘為涇原節度使回紇赤心請市馬萬匹有司以財乏止市千匹子儀曰回紇有大功宜答其意中原須馬臣請內一歲奉佐馬直詔不聽人許其忠九年入朝對延英帝與語吐蕃方疆慷慨至流涕退上書曰朔方國北門西禦大戎北虜擒狁五城相去三千里開元天寶中戰士十萬馬三萬匹僅支一隅自先帝受命靈武戰士從陛下征討無寧歲頃以懷恩亂傷彫耗亡三分之一比天寶中止十之一今吐蕃兼吞河隴雜羌渾之眾歲深入畿郊勢踰十倍與之角勝豈易得邪屬者賊來稱四節度將別

萬人兼數馬臣所統士不當賊四之一馬不當賊百之二外畏內懼將何以安臣惟陛下制勝力非不足但簡練不至進退未一時淹師老地廣勢分願於諸道料精卒滿五萬者列屯北邊則制勝可必竊惟河南河北江淮大鎮數萬小者數千殫屈稟給未始蒐擇臣請追赴闕中勒步隊示金鼓則攻必破守必全長久之策也又自陳衰老乞骸骨不許德宗嗣位詔還朝攝冢宰充山陵使賜號尚父進位太尉中書令增實封通前二千戶給糧千五百人芻馬二百匹盡罷所領使及帥建中二年疾病帝遣舒王到第傳詔省問子儀不能與叩頭謝恩薨年八十五帝悼痛廢朝五日詔羣臣往弔隨喪所須皆取於官贈太師陪葬建陵及葬帝御安福門哭過其喪百官陪位流涕賜諡忠武配饗代宗廟著令一品墳崇丈八尺詔特增丈以表元功子儀事上誠御下恕賞罰必信遣幸臣程元振魚朝恩短毀方時多虞握兵處外然詔至即日就道無纖介願望故讓聞不行破吐蕃靈州而朝恩使人發其父墓盜未得子儀自涇陽來朝中外懼有變及入見帝啼之即號泣曰臣久主兵不能禁約軍士殘人之墓固亦多矣此天譴非人患也朝恩又嘗約子儀脩具元載使人告以軍容將不利公其下衷甲願從子儀不聽但以家僮十數往朝恩曰何車騎之寡告以所聞朝恩泣曰非公長者得無致疑乎田承嗣傲很不軌子儀嘗遣使至魏承嗣西望拜指其膝謂使者曰茲膝不屈於人久矣今為公拜李靈耀據汴州公私財賦一皆遏絕子儀封幣道其境莫敢留令若部曲然幕府六十餘人後皆為將相顯官其取士得

才類如此與李光弼齊名而寬厚得人過之子儀歲入官俸無慮二十四萬緡前後賜良田美器名園甲館不勝紀代宗不名呼爲大臣以身爲天下安危者二十年校中書令考二十四八子七婿皆貴顯朝廷諸孫數十不能盡識至問安但領之而已富貴壽考哀榮終始人臣之道無闕焉子曜肝肅暗曜曜映而四子以才顯曜性沈靜資貌傑累從節度府辟署破賊有功爲開陽府果毅都尉至德初推子儀功授衛尉卿累進太子詹事太原郡公子儀專征伐曜留治家事少長無閒言諸弟或飾池館盛車服曜獨以朴簡自處子儀罷兵遷太子少保昆弟六人共制拜官子儀薨以遺命簿上四朝所賜名馬珍物德宗復賜之乃悉散諸弟居喪以禮疾甚或勸茹蔥薤終不屬口後盧杞秉政忌勳族子儀壻太僕卿趙縱少府少監李洞清光祿卿王宰皆以次得罪姦人幸其危多論奪田宅奴婢曜大恐獨宰相張鎰力保護德宗稍聞之詔有司曰尙父有大功於國許有十世前日其家市田宅奴婢而無賴者以尙父歿妄論奪之自今有司毋得受建中三年卒贈太子太傅諡曰孝

晞善騎射從征伐有功復兩京戰最力出奇兵破賊巢進鴻臚卿河中軍亂子儀召首惡誅之其文黨猶反仄晞遷親兵晝夜警以備非常姦人不得發以功拜殿中監吐蕃回紇入寇加御史中丞領朔方軍援邠州與馬璘合軍擊賊破之賊復來陣湫水北子儀遣晞率徒兵五千騎五百襲之晞以兵寡不進須暮賊半濟乃擊斬首五千級加御史大夫子儀固讓乃止居父喪值朱泚亂南走山谷賊昇致之欲汙以官佯瘖不答賊露兵脅

之不勳數以城中事貽書李晟旣而奔奉天天子遣改太子賓客子綱從朔方杜希全幕府希全檄爲豐州刺史晞憐其弱不任事可罷德宗遣使者召綱綱疑得罪挺身走吐蕃不納希全執送京師賜死晞坐免尋復太子賓客累封趙國公卒贈兵部尙書孫承嘏

承嘏字復卿幼秀異通五經元和中和及進士第累遷起居舍人居母喪以孝聞太和六年爲諫議大夫言政事得失文宗以鄭注爲太僕卿承嘏極論其非注頗懼遂給事中俄出爲華州刺史給事中盧載還詔書且言承嘏數封駁稱職宜在禁闈帝曰朕謂久次欲優其稍入耳乃復留給事中時江淮旱用度不支詔宰相分領度支戶部承嘏言宰相調陰陽安黎庶若使閱簿書校緡帛非所宜帝順納遷刑部侍郎帝常稱其儒素無貴驕氣不類勳家每進對恩接備厚方大任用會卒家無餘貲親友爲辦喪祭贈吏部尙書

暖以太常主簿尙昇平公主拜駙馬都尉試殿中監封清源縣侯寵冠威里大曆末檢校左散騎常侍建中時主坐事留禁中朱泚亂逼署暖官辭以居喪被疾旣而與公主奔奉天德宗嘉之釋主罪進暖金紫光祿大夫賜實封五千戶尋遷太常卿貞元三年襲代國公卒年四十八贈尙書左僕射初暖女爲廣陵郡王妃王卽位是爲憲宗妃生穆宗穆宗立尊妃爲皇太后贈暖太傅四子鏞劍鏜鉅鏘襲封

劍代宗朝以外孫爲奉禮郎累官至左金吾大將軍改檢校工部尙書爲邠寧節度使入爲司農卿憲宗寢疾宦豎或妄議廢立者穆宗問計於劍答曰殿下爲太子當旦夕視膳何外慮乎時稱得元舅體穆宗卽位檢校

戶部尙書兼司農卿俄爲河陽三城節度使徙河中尹領晉絳慈隰節度使敬宗立召拜兵部尙書又帥劍南東川太和中南蠻寇蜀取成都外郛杜元穎不能禦劍兼領西川節度未行蠻眾已略梓州州兵寡不可用劍貽書譙蠻首差願以侵叛意差願曰元穎不自守數侵吾國我以是報乃與劍修好約無相犯天子嘉之卽拜西川節度使以疾請代爲太常卿卒贈司徒子仲文仲泰仲詞開成二年詔仲文襲太原郡公給事中盧弘宣奏劍妻沈公主女代宗皇帝外孫其子仲詞尙饒陽公主仲文言嫡不應襲使仲文承嫡則沈當黜且仲詞亦不得尙主乃詔仲詞檢校殿中少監駙馬都尉襲封而仲文以太皇太后故置不問仲泰歷詹事府丞亦尙金堂公主

縱字利用尙德陽郡主順宗立主進封漢陽公主縱檢校國子祭酒駙馬都尉自景龍後外戚多爲檢校官不治事宰相薦其才不當以外戚廢乃拜右金吾將軍封太原郡公恭遜折節不以富貴加人性周畏不立赫赫名有諫於上退必毀棄家人子弟無知者別墅在都南尤勝塏穆宗嘗幸之置酒極歡改太子詹事充閑廐宮苑使卒贈尙書左僕射

錡性和易累爲殿中監尙西河公主縱卒代爲太子詹事宮苑閑廐使長慶三年暴卒初西河主降沈氏生子錡無嗣以沈氏子嗣
曠代宗朝累官司農卿德宗幸奉天曠方領家兵獵苑北聞蹕至伏謁道左遂從乘輿入駱谷霖雨塗潦衛兵或異語帝召謂曰朕不德而苦公等宜執朕送朱泚以謝天下諸將皆感泣曰願死生從陛下時曠與功臣子

李昇章清合狐建李彥輔被甲請見言曰南行路險且
虞姦變臣等世蒙恩今相誓願更挾帝馬許之帝還暉
清擢金吾大將軍餘並爲禁軍將軍暉終祁國公
子儀母弟幼明性謹愿喜賓客以子儀故終少府監贈
太子太傅子昕肅宗末爲四鎮留後關隴陷不得歸朝
廷但命官遙領其使建中二年昕始與伊西北廷節度
使曹令忠遣使入朝德宗下詔褒獎令忠授北廷大都
護四鎮節度留後賜氏李更名元忠昕授安西大都護
四鎮節度使諸將吏超七資敘官云

李嗣業

馬璘

李抱玉 抱真

路嗣恭 應

李嗣業京兆高陵人長七尺膂力絕眾開元中從安西都護來曜討十姓蘇祿先登捕賊累功署昭武校尉後應募安西軍中初用陌刀而嗣業尤善每戰必為先鋒所嚮摧北馬靈督為節度出戰必與俱高仙芝討勃律署嗣業及中郎將田珍為左右陌刀將時吐蕃兵十萬屯娑勒城據山瀕水聯木作郭以扼王師仙芝潛軍夜濟信圖河令曰及午破賊不者皆死嗣業提步士升山頽石四面以擊賊又樹大旗先走險諸將從之賊不虞軍至因大潰授崖谷死者十八鼓而驪至勃律禽其主平之授石威衛將軍從平石國及突騎施以跳盪先鋒加特進賊號為神通大將初仙芝特以計襲取石國其子出薛因構諸蕃與大食連兵攻四鎮仙芝率兵二萬深入為大食所敗殘卒數千事急嗣業謀曰將軍深履賊境後援既絕而大食乘勝諸蕃銳于鬪我與將軍俱死尚誰報朝廷者不如守白石嶺以為後計仙芝曰吾方收合餘燼明日復戰嗣業曰事去矣不可坐須羶隨卽馳守白石嶺路既隘步騎魚貫而前會拔汗那還兵輜餉塞道不可騁嗣業懼追及手挺鑿擊人馬斃仆者數十百賊駭走仙芝乃得還表嗣業功進石金吾大將軍留為疏勒鎮使城一隅屢屢築輒壞嗣業祝之有白龍見因其處絕祠以祭城遂不壞漢敢葺故井久涸禱已泉復出初討勃律也通道蔥嶺有大石塞隘以足蹶

之抵穹壑人以為至誠所感云天寶十二載加驃騎大將軍入朝賜酒帝前醉起舞帝寵之賜綵百金皿五十物錢十萬曰為解醒具安祿山反肅宗追之詔至卽引道與諸將割臂盟曰所過郡縣秋毫不可犯至鳳翔上謁帝喜曰今日卿至賢於數萬眾事之濟否固在卿輩乃召與郭子儀僕固懷恩倚角常為先鋒以巨棓笞鬪賊輒崩潰進四鎮伊西北庭行軍兵馬使廣平王收長安嗣業統前軍陣于香積祠北賊首李歸仁擁精騎薄戰王師注矢逐之走未及營賊大出掩追騎還蹂王師於是亂不能陣嗣業謂子儀曰今日不蹈萬死取一生則軍無類矣卽持長刀大呼出陣前殺數十人復整步卒三千以陌刀長柯斧堵進所向無前歸仁偃兵營左視軍勢王分回紇銳兵擊其伏嗣業出賊背合攻之自日中至辰斬首六萬級填湖壑死幾半賊東走遂平長安進收東都嗣業戰多乃與張錡魯炆來填吳王祇李奐略定諸州兼衛尉卿封魏國公實封戶二百兼懷州刺史北庭行營節度使與子儀等圍相州諸將無功獨嗣業被堅數奮為諸軍冠中流矢臥帳中方愈忽聞金鼓聲知與賊戰大呼創潰血流數升卒諡曰忠勇贈武威郡王嗣業忠毅憂國不計居產有宛馬十匹前後賞賜皆上于官以助軍云子佐國襲爵歷丹王府長史卒推嗣業功贈宋州刺史

陽史朝義眾十萬陣北邙山旗燈照日諸將猶豫未敢擊璘率部士五百薄賊屯出入三反擊披靡乘之賊遂潰光弼曰吾用兵三十年未見以少擊眾捷如馬將軍者明主其軍非朝義也此其謀一也又按帝紀上元二年二月戊寅光弼與思明戰績而光弼傳亦云官軍大潰則此安得有賊遂潰之說哉此其謀二也新書抵牾吳氏說之更遷試大常卿明年吐蕃寇邊詔璘移軍援河西懷恩之叛璘引還關關轉屬至鳳翔賊圍已合節度使孫志直嬰城守璘令士持滿外向突入縣門不解甲出敵背城陣賊潰率輕騎追之斬數千級漂血丹渠帝引見慰勞兼檢校工部尚書北庭行營節度使元日有卒犯盜或曰宜赦璘曰赦之則人將伺其日為盜遂戮之天大旱里巷為土龍聚巫以禱璘曰早由政不修卽命撤之明日雨是歲大穰未幾徙涇原權知鳳翔隴右節度副使四鎮北庭如舊復以鄭頴二州隸之大曆八年吐蕃內寇渾瑊戰宜祿不利璘設伏播原與瑊合擊破之俘級數萬通鑑璘出精兵襲賊輜重于潘原彼賊數千人與本傳小進檢校尚書右僕射明年入朝李宰相以檢校左僕射知省事進扶風郡王通鑑十年九月吐蕃寇涇州璘破之于百里城事出實錄而本傳璘破之于百里城事出實錄未載 十一年卒于軍年五十六贈司徒諡曰武璘少學術而武幹絕倫遭時屯棘以忠力奮在涇八年繕屯壁為戰守具令肅不殘人衆為用賊不敢犯為中興銳將初涇軍乏財帝諷李抱玉讓鄭頴璘因得哀積且前後賜資無算家富不貴治第京師侈甚其寢堂無慮費錢二十萬緡德宗在東宮聞之不喜及卽位乃禁第舍不得踰制詔毀璘中寢及宦人劉忠翼第璘家懼悉籍亭館入之官其後賜羣臣宴多在璘山池而子無行財

亦尋盡

李抱玉本安興貴曾孫世居河西善養馬始名重璋開騎射少從軍為人沈毅有謀尤忠謹李光弼引為裨校天寶末玄宗以其戰河西有功為改名祿山亂守南陽斬賊使至德二載上言世占涼州恥與逆臣其宗有詔賜之姓因徙籍京兆舉族以李為氏進至右羽林大將軍知軍事擢陳鄭穎毫節度使史思明已破東都光弼壁河陽拒之使抱玉守南城賊急攻抱玉縱奇兵出表裏俘殺甚眾賊乃捨去從光弼戰大敗因不能西差功第一封樂城縣公代宗立兼澤潞節度使統相衛儀邢十一州兵以功授司空兼兵部尚書武威郡王懇辭王爵徙涼國公進司徒廣德中吐蕃人寇帝次陝羣盜偏南山五谷開東距號西抵岐棧剽不勝計詔太子賓客薛景仙為南山五溪谷防禦使引兵招捕久不克更詔抱玉討賊抱玉盡得賊株抵蹊隄分兵守諸谷使牙將李崇客率精騎四百自桃林號川襲之賊帥高玉脫身走城固山南西道張獻誠禽以獻悉索支黨斬之不聞旬五谷平即詔抱玉權鳳翔隴右節度抱玉懇讓司徒故以尚書左僕射同中書門下平章事河西隴右副元帥又讓僕射故還為兵部尚書大曆二年來朝久之加山南西道副元帥兼節度使屯整屋抱玉兼三節度三副元帥位望隆赫乃上言隴坻達扶文縣地二千里虜孔道不一梁岷重則關輔輕願擇能臣帥西道當一面臣得專事關隴帝多其議許之抱玉在鎮十餘年禁暴安人為將臣之良卒年七十四贈太保諡曰昭武從父弟抱真

抱真字大玄沈慮而斷抱玉屬以軍事授汾州別駕僕

固懷恩反陷焉挺身歸京師代宗以懷恩倚回紇所將朔方兵精憂之召抱真問狀答曰郭子儀嘗領朔方軍人多德之懷恩欺其下曰子儀為朝恩所殺今起而用之是伐其謀兵可不戰解也既而懷恩敢如抱真策遙殿中少監陳鄭澤潞節度留後既謝因言百姓勞逸在牧守願得一州以自試更授澤州刺史兼澤潞節度副使徙懷州仍為懷澤潞觀察留後凡八年抱真策山東有變澤潞兵所走集乘戰伐後賦重人困軍伍彫削乃籍戶三丁擇一編其徭租給弓矢令閑月得曹偶習射歲終大校親按籍第能否賞責比三年皆為精兵舉所部得成卒二萬遂雄山東天下稱昭義步兵為諸軍冠久之為澤潞節度行軍司馬會昭義節度李承昭病詔抱真權磁邢兵馬留後德宗嗣位檢校工部尚書領昭義節度使建中中田悅反圍邢及臨洛詔抱真與河東馬燧合神策兵救之敗悅於雙岡斬其將楊朝光又破之臨洛圍遂解以功檢校兵部尚書復與悅戰洹水走之進圍魏悅戰城下大敗進檢校尚書右僕射會朱滔王武俊反救悅抱真退保魏帝倉卒狩奉天聞問諸將皆哭各引麾下還屯於時李希烈陷汴李納反鄭李懷光相次反河中抱真獨以數州橫絕潰叛中離沮其姦為羣盜所憚與元初檢校左僕射同中書門下平章事繇倪國公進義陽郡王朱滔悉幽薊兵與回紇圍貝州以應朱泚而希烈既竊名號則欲臣制諸叛眾稍離天子下罪已詔竝赦羣盜抱真乃遣客賈林以大義說武俊使合從擊滔武俊許諾而內猶豫抱真將自造其壁諉軍事於司馬盧玄卿曰吾此行繫時安危使遂不還部勒以聽天子命惟子勵兵東向雪吾之恥亦惟子即

部勒以聽天子命惟子勵兵東向雪吾之恥亦惟子即

以數騎馳入見武俊曰泚希烈爭竊帝號治攻貝州此其志皆欲自肆于天下足下既不能與競長雄捨九葉天子而臣反賊乎且詔書罪已禹湯之心也方上暴露播越公能自安平因持武俊涕下交頤武俊亦感泣左右皆泣退卧帳中甘寢久之武俊感其不疑乃益恭指心誓天曰此身已許公死矣食訖約為昆弟而別旦日合戰大破涇經城進檢校司空實封六百戶貞元初朝京師詔還所鎮抱真喜士雖小善皆卑禮厚幣數千里邀致之好方士謂不死可致有孫季長者為治丹且曰服此當僊去抱真感之因疾請降官七讓司空還為左僕射餌丹二萬丸不能食且死醫以益肪穀漆下之疾少間季長曰危得僊何自棄也益服三千九卒年六十二其子殿中侍御史緘匿喪與其屬盧會昌元仲經謀會諸將仲經讓抱真令曰吾疾不任事令緘典軍勉佐之副使李說及諸校俯首皆曰曰諾緘盛服出眾拜之悉發府庫勞軍會昌即為抱真表翌日令諸將著章請以節付緘天子已聞抱真喪遣使者馳入軍詔以事屬大將王延貴緘偽若抱真疾者三日乃出見陳兵甚嚴使者曰朝廷已知公薨詔以兵屬延貴君速歸發喪緘愕然乃遽以印鑰上監軍始發喪使者趣延貴視事護緘赴東都詔贈抱真太保

重兵驕蹇不受制嗣恭因稱疾守亮至即殺之一軍皆

路嗣恭字懿範京兆三原人始名劔客以世蔭為鄴尉席豫黜陟河朔表為蕭關合連徙神烏姑臧二縣考績為天下最玄宗以為可嗣漢魯恭因賜名轉渭南令主杜化東陽二驛時關畿用兵使人係道嗣恭備具有素而民不擾後為郭子儀朔方節度留後大將孫守亮擁

震大曆三年新書作永泰三年按永泰二年十一月即改元大曆不得有永泰三年也今從舊書

檢校刑部尚書知省事出為江西觀察使以善治財賦

稱有賈明觀者素事魚朝恩誅當坐死宰相元載

納其賂遣效力江西將行居民數萬懷瓦石候擊載論

市吏禁止乃得去魏少游畏載常回容之及嗣恭代少

游即日杖死大曆八年嶺南將哥舒晃殺節度使呂崇

賈五嶺大擾詔嗣恭兼嶺南節度使封冀國公嗣恭募

勇敢士八千人以流人孟瑤敬冕為才擢任之使瑤督

大軍當其衝晃率輕兵由開道出不意遂斬晃及支黨

萬餘築尸為京觀俚洞魁宿為惡者皆族夷之還為檢

校兵部尚書復知省事嗣恭起州縣吏以課治進至顯

官及晃事株戮船商役其財數百萬私有之代宗惡焉

故賞不酬功建中實錄云自兵興以來諸軍殺將帥而

帥征討不失有罪始斯役也既而有誘其敗南海府庫

閣上不實者不得用久之此與新舊書本傳小異又郡

侯家傳云嗣恭附元載遺載德宗立陰賂宰相楊炎炎

疏請盤代宗惡之故不用

錄前功更拜兵部尚書東都留守俄加懷鄭汝陝河陽

三城節度東都畿觀察使卒年七十一贈左僕射子應

恕

應字從眾以蔭為著作郎貞元初出為虔州刺史詔嗣

父封鑿巖石梗喻以通舟道德宗時李泌為相號得君

帝嘗曰誰於卿有恩者朕能報之泌乃言曩為元載所

疾謫江西路嗣恭與載厚臣嘗畏之會與其子應竝驅

馬齧其脛臣惶恐不自安應闕不言勉起見父臣常愧

其長者思有以報帝曰善即日加應檢校屯田郎中服

金紫累遷宣歙池觀察使封襄陽郡王李錡反應發鄉

兵救湖常二州以故錡不能拔元和六年以疾授左散

騎常侍卒諡曰靖

恕字體仁從嗣恭討哥舒晃授檢校工部員外郎得從
便宜擢降將伊慎用之賊平恕功多嗣恭節度河陽也
恕為懷州刺史年纔三十楊炎用扞魏博為時噉詆累
遷鄜坊宣歙觀察使坐事貶吉州刺史以右散騎常侍
致仕卒贈洪州都督

欽定續通志卷二百三十九

列傳

唐四十

房瑄

裴冕

崔圓

苗晉卿

呂誨

房瑄字次律河南河南人父融武后時以正諫大夫同鳳閣鸞臺平章事神龍元年貶死高州瑄少好學風度沈整以蔭補弘文生與呂向偕隱陸渾山十年開元中作封禪書說宰相張說說奇之奏為校書郎舉任縣令科授盧氏令拜監察御史坐訊獄非是貶睦州司戶參軍復為縣所至上德化興長利以治最顯天寶五載試給事中封漳南縣男坐善李適之章堅斥為宜春太守歷琅邪鄆扶風三郡頻遷憲部侍郎十五載帝狩蜀瑄馳至普安上謁帝喜甚即拜文部尚書同中書門下平章事從至成都賜一子官俄與韋見素崔湊奉冊靈武見肅宗具言上皇所以傳付意因道當時利病箝索敵情辭吐華暢帝為改容瑄既有重名帝傾意待之機務一一與瑄參決諸將相莫敢望於是第五琦以言財利幸瑄諫曰往楊國忠聚斂產怨天下陛下即位人未見德今又寵琦是一國忠死一國忠生無以示遠方帝曰六軍之命方急無財則散卿惡琦可也何所取財瑄不得對北海太守賀蘭進明自河南至詔攝御史大夫嶺南節度使入謝帝曰朕語瑄除正大夫何為攝邪進明銜之因曰晉任王衍為宰相祖尚浮華不事天下事故至於敗方唐中興當用實才而瑄性疏闊大言無當非宰相器且瑄詎肯為陛下用者帝曰何哉對曰陛下頃為皇太子太子出曰無軍入曰監國而瑄為聖皇議遣

諸王為都統節度乃謂陛下為元子而付以朔方河東河北空虛之地永王豐王乃統四節度此於聖皇似忠於陛下非忠也瑄意諸子一得天下身不失恩又多樹私黨以副戎權推此而言豈肯盡誠於陛下乎帝入其語始惡瑄以進明為御史大夫河南節度使會瑄請自將平賊帝猶倚以成功乃詔瑄持節招討西京防禦蒲潼兩關兵馬節度等使得自擇參佐乃以兵部尚書王思禮御史中丞鄧景山為副戶部侍郎李揖為行軍司馬中丞宋若思起居郎知制誥賈至右司郎中魏少游為判官給事中劉秩為參謀瑄分三軍趨京師楊希文將南軍自宜壽入劉蕲將中軍自武功入李光進將北軍自奉天入十月庚子次便橋辛丑中軍北軍遇賊陳濤斜戰不利瑄欲持重有所伺中人邢延恩促戰故敗癸卯率南軍復戰遂大敗希文蕲皆降賊初瑄用春秋時戰法以車二千乘縶營騎步夾之既戰賊乘風鼓譟牛悉髀栗賊投芻而火之人畜大亂官軍死傷者四萬殘眾才數千不能軍瑄還走行在帝大怒賴李泌營救乃宥之謹按通鑑輯覽御批車戰或宜於古而實不宜於今房瑄用之取敗燎原雙輪不返自當龜以喪師使哀夷散復圖進取瑄雅自負以天下為己任然用兵本非所長其佐李楫劉秩等皆儒人未嘗更軍旅每說曰彼曳落河雖多能當我劉秩乎帝雖恨瑄畏師而眷任未衰崔圓自蜀來最後見帝瑄易之圓以金昇李輔國不淹日被寵遂怨瑄瑄數稱疾不入琴工董廷蘭出入瑄所瑄昵之廷蘭藉瑄勢數招賊謝為有司劾治瑄訴于帝帝因震怒叱遣之瑄惶恐就第罷為太子少師從帝還都封清河郡公瑄之廢朝臣多言瑄謀包文武可復用而瑄方日引劉秩

嚴武與寡語移病自如帝以瑄虛言浮誕內鞅鞅拂幕背公非大臣體乾元元年出為邠州刺史逐秩武等因下詔陳其比周狀諭救中外謹按通鑑載瑄與杜甫交藉其擅兼世遂有以瑄為瑄治邠人便安之冤者可謂阿其所好而失正道矣政聲流聞召拜太子賓客遷禮部尚書為晉漢二州刺史寶應二年召拜刑部尚書道卒贈大尉瑄有遠器好談老子浮屠法喜賓客高談有餘而不切事時天下多故急於謀略攻取帝以吏事繩下而瑄為相遽欲從容鎮靜以輔治之又知人不明以取敗撓功名墜損云崔圓字有裕貝州武城人後魏尚書左僕射亮八世孫少孤貧志向卓邁喜學兵家開元中詔舉遺逸以鈴謀對策甲科歷京兆府參軍尹蕭尺薦之遷會昌承楊國忠遙領劍南節度引圓為左司馬知留後玄宗西出次扶風遷御史中丞劍南節度副大使圓銳功名初聞難刺國忠意乃治城浚陞列館宇儲什具帝次河池圓疏具陳蜀土腴穀美儲供易辦帝省書泣下曰世亂識忠臣即日拜中書侍郎同中書門下平章事仍兼劍南節度使天子至朝廷百司殿宇帷幔皆具益嗟賞之肅宗立命與房瑄草見素赴行在所按通鑑至德元載七月素房瑄崔瑒奉傳國寶玉冊詣靈武傳位二載正月命崔國奉詣赴形原據此則圓赴行在不與瑄見素同往且瑄傳亦云崔圓自蜀來帝為制遺愛碑子獨以寵之至來最後見帝本傳非也德二載遷中書令封趙國公實封戶五百乾元元年罷為太子少師留守東都於是上皇所置宰相無在者玉師之敗相州也軍所過皆縱剽圓懼委東都奔襄陽詔削階封尋詔拜濟王傅李光弼表為懷州刺史改汾州以治行稱徙淮南節度使在鎮六年請朝京師吏民乞留詔檢校尚書右僕射還之久乃檢校左僕射入知省

事大曆中卒年六十四贈太子太師諡曰昭襄

苗晉卿字元輔潞州壺關人世以儒素稱擢進士第調為修武尉累遷吏部郎中中書舍人知吏部選事久之

進侍郎積寬縱吏下因緣作姦方時承平選常萬人李林甫為尚書專國政以銓事委晉卿及宋遙天寶二年

按唐會要天寶元年冬選六十四人判入等至來年正月於勤政樓下帝親自重試惟二十四人比類稍優餘並下第史以其事相判入等者凡六十四人分甲乙丙三

科以張夷為第一夷御史中丞倚之子倚新得幸於帝晉卿欲附之夷本無學故議者竄然不安祿山因閒言之帝為御花萼樓覆賞中裁十一二夷持紙終日筆

不下人謂之曳白帝大怒貶倚淮陽太守遙武當太守晉卿安康太守明年徙魏郡即充河北采訪使居三年

政化大行嘗入計調歸壺關望縣門輒步吏諫止晉卿以公門嘗下况父母邦乎郡太守迎犒使所屬令行酒

酒至必立飲白醪侍老有獻降西階拜而飲時美其恭改河東郡兼河東采訪使徙扶風郡封高平縣男遇工

部尚書東都留守召為憲部兼左丞安祿山反寶廷芝棄陝郡不守楊國忠忌其有望即奏東道賊衝非大臣

不可鎮邊授陝郡太守陝虢防禦使晉卿見帝以老辭忤旨致仕車駕入蜀搢紳多陷賊晉卿聞道走金州肅

宗至扶風召赴行在拜左相平京師封韓國公食五百戶改侍中既而乞骸骨罷為太子太傅未幾復拜侍中

玄宗崩肅宗疾甚詔晉卿攝冢宰固讓曰大行遺詔皇帝三日聽政且稽祖宗故事無冢宰之文帝不聽後數

日代宗立復詔攝冢宰固辭乃免時年老蹇甚乞閒日入政事堂帝優之聽入閣不趨為御小延英召對宰相

對小延英自晉卿始吐蕃犯京師晉卿以病臥家賊與

致脅之孽不肯語賊不敢害帝還拜太保罷政事永泰初薨年八十一贈太師京兆少尹諡曰懿獻元載

未顯時為晉卿所遇載方相故諷有司改諡文貞晉卿寬厚所至以惠化稱魏人為營生祠立石頌美再秉政

出入七年小心謹畏不甚斥是非得失故能安保寵名然練達事體百官備最一省無遺議者比漢胡廣肅宗

欲以李輔國為常侍奏曰常侍近密非賢不可居豈宜任等輩罷之朝廷欲論陳希烈等死晉卿曰陛下得張

通儒安守忠孫孝哲等何以加罪帝不從俄而史思明亂持是以誘眾大曆七年配享肅宗廟庭

裴冕字章甫河中河東人本冠族仕家以蔭再調渭南尉王錡為京畿采訪使表署判官歷殿中侍御史冕少

學術然明銳果於事號稱職銜雅任之及錡得罪有詔廷辨冕位甚下而抗言其誣錡死李林甫方用事僚屬

懼皆引去獨冕為斂葬由是寢知名河西節度使哥舒翰辟行軍司馬玄宗入蜀詔皇太子為天下兵馬元帥

拜冕御史中丞兼左庶子副之初冕在河西方召還而道遇太子平涼遂從至靈武與杜鴻漸崔漪同辭進曰

主上南狩宗社神器要須有歸今天意人事屬在殿下宜正位號有如遠巡失億兆心則大事去矣太子曰我

平寇逆奉迎乘輿還京師退居儲貳以侍膳左右豈不樂哉公等何言之過對曰殿下居東宮二十年今多難

啟聖以安社稷而所從將士皆關輔人日夜思歸大眾一騷不可復集不如因而撫之以就大功凡五請卒見

聽太子即位進冕中書侍郎同中書門下平章事建言賣官度僧道士收貨濟軍興肅宗至鳳翔冕見政事拜

尚書右僕射兩京平封奠國公實封五百戶出為劍南

西川節度使復為右僕射待制集賢院俄充山陸使於

是中書舍人劉烜為李輔國所昵冕表為判官烜抵法坐降施州刺史徙澧州大曆中郭子儀言於代宗曰冕

首佐先帝馳驅靈武有社稷勳程元振忌其賢遂加誣構海內冕之陛下宜還冕於朝復俾輔相必能致治成

化時元載秉政冕早所甄引載德之又貪其衰瘵遂拜左僕射同中書門下平章事入見拜不能興載自扶之

代為贊謝俄兼江南江淮副元帥東都留守不踰月卒有詔贈太尉冕以忠勤自將然不知宰相大體性豪侈

橐馬直數百金者常十數每廣會賓客不能名其饌領使既眾吏白俸簿月二千緡冕顧視喜見顏間世嘗其

嗜利云始肅宗廟惟苗晉卿配享冕卒後二十餘年有蘇正元者奏言肅宗為元帥時師纒一旅見於草創中

甄大義以勸進收募驍勇幾十餘萬既逾月房琯來又一年而晉卿至今晉卿從祀而冕乃不與有詔冕配享

肅宗廟裴遵慶字少良絳州聞喜人幼彊學該綜圖傳外晦內明不干當世以仕家推蔭為興寧陵丞調大理丞邊將

蕭克濟督役苛暴役者有醜言有司以大逆論遵慶曰財不足聚人力不足加眾焉能反由是全救數十族頻

擢吏部員外郎判南曹天寶時選者歲萬計遵慶性彊敬視簿牒詳而不苛世稱吏事第一肅宗時為吏部侍

郎肅華輔政屢薦之拜黃門侍郎同中書門下平章事代宗初僕固懷恩反帝以遵慶忠厚大臣故奉詔宣慰

懷恩聽命將入朝既而為將范志誠沮止時帝在陝遵慶脫身赴行在帝還遷太子少傅罷為集賢院待制改

吏部尚書以尚書右僕射復知選事朝廷優其老聽就

第注官時以爲榮性情正老而彌謹每薦賢有來謝者以爲恥諫而見從卽內益畏雖親近但記其創彙疏數而莫知所言大曆十年薨年九十餘初爲耶時著王政記述今古治體識者知其有公輔器云子向

向字榛仁建中初李紆爲同州刺史奏署判官李懷光叛河中使其將趙賈先築屬於同州紆奔奉天而向領州務賈先督吏督役不及期將斬以徇民皆駭散向獨詣賈先壘開諭之賈先乃降同州不陷向力也累爲樸陽渭南令奏課皆第一擢戶部員外郎德宗末方鎮之

副多自選於朝以待有變次授之故向以選爲太原少尹行軍司馬歷陝虢觀察使以吏部尚書致仕向能以學行持門戶內外親屬百餘口祿俸必均世稱其孝睦卒年八十贈太子少保子寅官累御史大夫寅子樞

樞字紀聖咸通中第進士杜審權鎮河中奏署幕府再遷藍田尉宰相王鐸知之遂直弘文館從僖宗入蜀擢殿中侍御史中和初鐸爲都統表署鄭滑掌書記罷紀初進給事中改京兆尹與孔緯厚善緯以罪貶故樞改

右庶子出爲歙州刺史遷右散騎常侍爲汴州宣諭使樞素與朱全忠相結納故全忠聽命修貢獻不絕昭宗悅遷兵部侍郎俄以戶部侍郎同中書門下平章事帝

在鳳翔罷爲工部尚書已還官拜檢校尚書左僕射同平章事出爲清海節度使全忠言樞有經世才不宜棄外復拜門下侍郎平章事監修國史累進右僕射諸道鹽鐵轉運使哀帝嗣位柳璨方用事全忠以牙將張廷

範爲太常卿樞以爲廷範勳臣自宜任方鎮何用爲卿恐非王意持不下全忠怒謂賓佐曰吾常器樞不浮薄今乃爾璨聞卽罷樞政事拜左僕射俄貶登州刺史又

貶瀧州司戶參軍至滑州全忠遣人殺之白馬驛投尸于河年六十五初全忠佐吏李振曰此等自謂清流宜投諸濁流全忠笑而許之

呂誼河中河東人少力於學志行整飭開元末第進士調寧陵尉採訪使章陟署爲支使哥舒翰節度河西表支度判官歷太子通事舍人性靜慎勤總吏職諸僚或出遊誼獨頽然據案鉤視簿最翰益親之累兼殿中侍御史翰敗潼關誼西趨靈武肅宗才之拜御史中丞所

陳事無不順納從至鳳翔遷武部侍郎乾元二年九節度兵敗帝憂之擢誼同中書門下平章事知門下省翌日復以李峴李揆第五琦爲宰相而苗晉卿王瓌罷會母喪解三月復召知門下省事兼判度支還執政累封

須昌縣伯遷黃門侍郎上元初加同中書門下三品當賜門戟或勸誼以凶服受吉賜不宜誼釋縗拜賜人譏其失禮誼引妻之父楚賓爲衛尉少卿楚賓子震爲郎官中人馬尚言者素暱於誼爲人求官誼奏爲藍田尉

事覺帝怒命敬羽窮治殺尚言以其肉賜從官罷誼爲太子賓客數月拜荊州長史漕助峽忠等五州節度使誼始建請荊州置南郡詔可於是更號江陵府以誼爲

尹置丞平軍萬人遇吳蜀之衝以湖南之岳潭郴道邵連黔中之涪凡七州隸其道按舊書亦作七州新書方增領治衡岳潭郴邵道連連九州通鑑載呂誼奏請以江南之岳潭郴邵道連連黔中之涪皆隸荆南則止有八州考舊書地理志貞觀十七年廢永州併入道州上元二年復析置永州或者年置置在前析置在後故新舊書本傳皆不及承至舊書有衡無岳新書有岳無衡則未知何者爲是初荊州長史張

惟一以衡州筮首陳希昂爲司馬督家兵千人自防惟一親將牟遂金與相忤希昂率兵至惟一所捕之惟一懼斬其首以謝悉以遂金兵屬之乃退自是政一出希

昂後入朝遷常州刺史過江陵入謁誼伏甲擊殺之誼黨偶數十人積尸府門內外震服奸人申泰芝用左道事李輔國擢諫議大夫置軍邵道二州間以泰芝總之

納羣蠻金賞以緋紫出褚中詔書賜衣示之羣蠻怵於賞而財不足更爲剽掠吏不敢制潭州刺史龐承鼎疾具姦因泰芝過潭縛付吏劫贓鉅萬得左道識記并奏之輔國矯遣泰芝還京旣召見反語承鼎陷不辜詔誼

按罪誼使判官嚴郢具獄泰芝之惡帝不省賜承鼎死流郢建州後泰芝終以賊徒死誼爲治不急細務決大事剛果不撓始在河西悉知諸將能否及爲尹奏取材者數十人總牙兵故威惠兩行誼之相與李揆不平

既斥乃用善治聞揆恐帝復用卽妄奏置軍湖南非便又陰遣人刺誼過失誼上疏訟其事帝怒遂揆出之顯條其罪誼苦羸疾卒年五十一贈吏部尚書誼在朝不稱任職及爲荊州號令嚴明賦斂均一其治尙威信故

軍士用命闔境無盜賊民歌詠之自至德以來處方面數十人誼最有名荆人生構房祠及歿吏良錢十萬從祠府西始誼知杜鴻漸元載才薦於朝後皆爲宰相承

秦中嚴郢以故吏請諡博士獨孤及諡曰肅郢以故事宰相諡皆二名諡益曰忠肅及執奏謂諡在義美惡不在多名宜如前諡遂不改

欽定續通志卷二百四十

列傳

唐四十一

李麟

張鎬

李峴

楊綰

崔祐甫

柳渾

李泌

韋處厚

路隋

李麟裔出懿祖於屬最疏父潛歷潤虢潞三州刺史以誠信號良吏開元中終劔南節度按察使贈戶部尚書謚曰誠麟好學善文辭以父蔭補京兆府戶曹參軍舉宗室異能轉殿中侍御史累擢兵部侍郎與楊國忠同列國忠怙權疾之改權禮部貢舉國忠遷麟復本官改國子祭酒出為河東太守有清政安祿山反朝廷以麟儒者非禦侮才還為祭酒封渭源縣男元宗入蜀麟走見帝再遷憲部尚書同中書門下平章事時宰相韋見素房瑁崔渙崔國璿赴肅宗行在獨麟以宗室子留總百司上皇還京進同中書門下三品封襄國公張皇后挾李輔國寢撓政苗晉卿崔國等畏其權皆附離取安獨麟守正不阿順輔國忌恚乾元初罷為太子少傅明年卒年六十六贈太子太傅謚曰德

張鎬字從周博州人儀狀瓌偉有大志涉獵經史好王霸大略少事吳兢器之游京師未知名常飲酒鼓琴自娛人或邀之杖策往醉即返不及世務天寶末楊國忠執政求天下士為己重閭鎬才薦之拜左拾遺歷侍御史玄宗西狩鎬徒步扈從俄遣詣肅宗所數論事權諫議大夫尋拜中書侍郎同中書門下平章事時引內浮屠數百居禁中號內道場諷唄外聞鎬諫曰帝王當修德以弭亂安人未聞區區佛法可致太平也帝然之

尋詔兼河南節度使都統淮南諸軍事賊圍宋州張巡告急鎬倍道進檄濠州刺史閻邱曉趨救曉逗留不肯進比鎬至淮口而巡已陷鎬怒杖殺曉帝還京師封南陽郡公詔以本軍鎮汴州捕平殘寇史思明提范陽獻順欵鎬揣其偽密奏曰思明勢窮而服包藏不測可以計取難以義招不宜以威權假之又言滑州防禦使許叔冀狡猾臨難必變宜追還宿衛書入不省時宦官絡繹出鎬境未嘗降情結納自范陽滑州使還者皆盛言思明叔冀忠而毀鎬無經略才帝以鎬不切事機遂罷宰相授荊州大都督府長史思明叔冀後果叛如鎬言召拜太子賓客左散騎常侍坐市嗣岐王珍第貶辰州司戶參軍代宗初起為撫州刺史遷洪州觀察使更封平原郡公袁晁寇東境江界震駭鎬遣兵屯上饒斬首二千級又襲舒城賊楊昭臬之沈千載者新安大豪連結椎剽州縣不能禽鎬遣別將盡殄其眾改江南西道觀察使卒鎬起布衣二晉至宰相居身廉不殖貨產善待士性簡重論議有體在位雖淺而天下之人推為舊德云

李峴吳王恪孫也折節下士長吏治天寶時累遷京兆尹玄宗歲幸溫湯旬內巧供億以媚帝峴獨無所獻帝異之楊國忠使客壽昂何盈璫安祿山陰事諷京兆捕其第得安岱李方來等與祿山反狀縊殺之祿山怒上書自言帝懼變出峴為零陵太守峴為政得人心時京師米翔貴百姓乃相與謔曰欲粟賤追李峴尋徙長沙丞王為江陵大都督假峴為長史至德初肅宗召之拜扶風太守兼御史大夫明年擢京兆尹封梁國公乾元二年以中書侍郎同中書門下平章事於是呂諲李揆

第五琦同輔政而峴位最舊事多獨決諍等不平李輔國用權制詔或不出中書百司莫敢覆峴頓首帝前極言其惡帝悟稍加檢制輔國由是讓行軍司馬然深街峴鳳翔七馬坊押官盜掠人天與令謝夷甫殺之輔國諷其妻使訴枉詔監察御史孫登鞫之直夷甫其妻又訴詔御史中丞崔伯陽刑部侍郎李暉大理卿權獻為三司訊之無異辭妻不承輔國助之乃令侍御史毛若虛覆按若虛委罪夷甫言御史用法不端伯陽怒欲質讓若虛馳入自歸帝帝留若虛簾中頃伯陽等至勃若虛傅中人失有罪帝怒叱之貶伯陽高要尉權獻杜陽尉逐李暉嶺南流鑿播州峴謂責太重入言於帝曰若虛希旨亂法陛下信為重輕示無御史臺帝怒李揆不敢爭乃出峴為蜀州刺史時右散騎常侍韓擇木入對帝曰峴欲專權朕今出之尙恨法太寬擇木曰峴言直不敢專權陛下寬之祇益盛德耳代宗立改荆南節度知江淮選補使入為禮部尚書兼宗正卿乘輿在陝由商山走帝所還京拜門下侍郎同中書門下平章事故事政事堂不接客自元載為相中人傳詔者引升堂置榻待之峴至即敕吏撤榻又奏常參官舉才任諫官憲官者無限員不踰月為要近譴短遂失恩罷為太子詹事遷吏部尚書復知江淮選改檢校兵部尚書兼衢州刺史卒年五十八初東京平陳希烈等數百人待罪議者將悉抵死帝意亦欲懲天下故崔器等附致深文峴時為三司按呂諲傳云以御史中丞崔器憲部侍郎韓擇木大理卿嚴向為三司使又詔御史大夫李峴獨曰法有首從情有重輕若一切論死非陛下與天下惟新意況河北殘孽劫服官吏其人尚多今不開自新之路而盡誅之是堅坂者心使為賊致死困

默猶關況數萬人乎器與呂誼皆齷齪文吏操常議不及大體尙騰頰固爭數日乃見聽衣冠更生賊亦不能歸怨天子峴力也峴兒峴嶧從上皇峴翊戴肅宗以勳力相高同時爲御史大夫俱判臺事又合制封公而嶧爲戶部侍郎銀青光祿大夫同居長興里第門列三戟

楊紹字公權華州華陰人祖溫玉在武后時爲顯官世以儒聞紹少孤事母謹甚性沈靖獨處一室左右圖史凝塵滿席澹如也不好立名有所論著未始示人第進士補太子正字舉詞藻宏麗科玄宗已試又加詩賦各一篇紹爲冠由是擢右拾遺制舉加詩賦紹始天寶亂肅宗卽位紹脫身見行在拜起居舍人知制誥累遷中書舍人兼修國史故事舍人年久者爲閣老其公靡雜科獨取五之四至紹悉均給之歷禮部侍郎建復古孝廉力田等科天下高其議俄遷吏部品裁清允人服其公是時元載秉政公卿多附之紹未嘗私謁載忌紹望高會宦者魚朝恩判國子監既誅因是建言太學當得天下名儒以清其秩卽拜紹國子祭酒外示尊重而實以散地處之載日貪冒天下士議益歸紹帝亦知之自擢爲太常卿充禮儀使載得罪拜中書侍郎同中書門下平章事修國史制下士相賀於朝紹固讓帝不許時諸州悉帶團練使紹奏刺史自有持節諸軍事以掌軍旅司馬古司武所以副軍卽今副使司兵參軍卽今團練判官官號重複可罷天下團練守捉使詔可又減諸道觀察判官員之半復言舊制刺史被代若別追皆降魚書乃得去開元時置諸道采訪使得專停刺史威柄外移漸不可久其刺史不稱職若賊負本道使其具條

以聞不得擅追及停而刺史亦不得輒去州詣使所如其故關使司毋委攝聽上佐代領帝善其謀於是高選州上佐定上中下州差置兵員詔郎官御史分道巡覈又定府州官月廩使優狹相均始天下兵興從權宜官品同而祿例差及四方粗定元載王縉當國偷以爲利因不改故江淮大州至月千緡而山劔貧險雖上州刺史止數十緡及此始復舊制紹素痼疾居旬日渡劇有詔就中書療治每對延英殿許挾扶於時釐補穿敝唯紹是恃未幾卒帝驚悼謂羣臣曰天不使朕致太平何奪紹之速邪卽日詔贈司徒遣使者冊授欲及其未斂也詔百官如第弔遣使會弔賻絹千匹布三百匹太常初諡文貞比部郎中蘇端檢人也持異議宰相常袞陰助之帝怒貶端巴州員外司馬賜諡曰文簡紹儉約未嘗問生事祿粟分姻舊隨多寡輒盡造之者清談終晷不及榮利欲干以私聞其言必內愧正經典微趣學家疑晦者一見卽詣其極始輔政御史中丞崔寬本豪侈城南別墅池觀堂皇爲當時第一卽日遣人毀之京兆尹黎幹出入從騶馭百數省損才留十餘騎中書令郭子儀在邠州行營方大會除書至音樂散五之四它聞風靡然自化者不可勝紀世以比楊震山濤謝安云

崔祐甫字貽孫太子賓客孝公河之子也世以禮法爲聞家第進士調壽安尉安祿山陷洛陽祐甫冒矢石入私廟負木主以逃自起居舍人累遷中書舍人性剛直遇事不同時侍郎闕祐甫攝省事數與宰相常袞爭議不平袞怒使知吏部選每擬官袞輒駁異祐甫不爲下會朱泚軍中貓鼠同乳表其端袞率羣臣賈祐甫獨曰可弔不可賀詔使問狀對曰臣聞禮迎猶爲其食田鼠

今貓受畜於人不能食鼠而反乳之無乃失其性邪貓職不修其應若曰法吏有不觸邪驅吏有不忤敵臣愚以爲當命有司察貪吏誠邊候勸懲巡則貓能致功鼠不爲害代宗異其言袞益不喜帝崩袞與禮官議禮爲君斬袞三年漢文權制猶三十六日高宗以來如漢故事玄宗肅宗之喪始服二十七日乃着遺詔雖曰天下吏民三日釋服羣臣宜如皇帝服二十七日而羣臣三日遺詔無臣庶人之別是皇帝宜二十七日而羣臣三日也袞曰賀循稱吏者官長所署非公卿百官也祐甫曰傳曰委之三吏乃三分也史稱循吏良吏豈胥吏歟袞曰禮非天降地出人情而已且公卿大臣膺受寵祿今與黔首同宿宿而除於公安乎祐甫曰若遺詔何詔而可改孰不可改意衆殊厲袞方人臨遣從吏扶立殿墀上祐甫指之謂眾曰臣哭君前有扶禮乎袞不勝怒乃劾祐甫率情變禮請貶潮州刺史德宗以爲重改河南少尹始肅宗時天下務劇宰相更直掌事若沐休還第非大詔命則聽直者代署以聞是時郭子儀朱泚俱以平章事當署敕尾而不行宰相事帝新卽位袞加故事代署子儀泚人言祐甫不宜貶帝曰卿向何所言今云非邪二人對初不知帝怒以袞爲罔上是日羣臣直

經立月華門外卽兩換職以袞河南少尹通鑑作潮州刺史蓋再貶也詳見而拜祐甫門下侍郎同中書門下平章事敕改中書侍郎自至德乾元以來天下戰討政可填委故官賞總紊承泰後稍稍平定而元載用事非賄謝不與官割塞公路網紀大壞載誅楊綰相未幾卒袞當國懲其蔽凡奏請一杜絕之然無所甄異賢愚同滯及祐甫則薦舉惟其人不自疑畏推至公以行未踰年除吏幾八

百員莫不許允帝嘗謂曰人言卿擬官多親舊何邪對曰陛下令臣進擬庶官夫進擬者必悉其才行如非夙知何由得其實帝以爲然神策軍使王駕鶴者典衛兵久權震中外帝將代之懼其變祐甫曰是無足慮卽召駕鶴留語移時而代者已入軍中矣淄青李正己畏帝威斷表獻錢三十萬緡以觀朝廷帝意其詐未能答祐甫曰正己誠詐陛下不如因遣使勞其軍以所獻就賜將士若正己奉承詔書是陛下恩洽士心若不用彼自歛怨軍且亂又示諸藩以朝廷不重賄帝曰善正己慙服時議者疑其謀謀謂可復貞觀開元之治是歲被疾詔肩輿至中書臥而承旨若還第卽遣使咨決卒年六十贈太傅諡曰文貞故事門下侍郎未有贈三師者帝以其有大臣節特寵異之朱泚亂祐甫妻王昭賊中泚嘗與祐甫同列道以綳帛菽粟受而緘鏞之帝還京具封以獻士君子益重其家法云子植嗣

植字公修祐甫弟廬江令嬰甫子也祐甫病謂妻曰吾歿當以廬江次子主吾祀及卒護喪者以聞帝惻然召植使卽喪次終服補弘文生博通經史於易尤邃與鄭覃同時爲補闕皆賢宰相後每朝廷有得失兩人者更疏論執譽望蔚然元和中和爲給事中時皇甫鏞判度支建言減百官奉廩植封還詔書鏞又請天下所納鹽酒利增估者以新準舊一切追償植奏言用兵久百姓凋罄往雖估踰其實今不可復收於是議者咸罪鏞鏞懼而止舊書云尋除御史中丞入閣彈事頗振綱紀按穆宗紀宰相表亦云御史中丞植本傳脫也穆宗卽位改元之前不當稱長慶初也今改正拜中書侍郎同中書門下平章事穆宗問貞觀開元中治道最盛何致而然植曰太宗資上聖興民間知百姓疾苦厲精

思治又以房玄齡杜如晦魏徵王珪爲之佐君明臣忠致治升平固其宜也玄宗在天后時身踐憂患卽位得姚崇宋璟二人蚤夜孜孜納君於道璟管手寫尚書無逸爲圖以獻勸帝出入觀省以自戒其後朽暗乃代以山水圖稍怠於勤左右不復箴規姦臣日用事以至於敗昔德宗嘗問先臣祐甫開元天寶事先臣具道治亂所以然臣在童卯記其說今願陛下以無逸爲元龜則天下幸甚他日又問司馬遷言漢文帝惜十家產而罷露臺身衣弋絺履革鳥集哀書囊爲殿帳信乎何太儉邪植曰良史非虛言漢承秦侈縱之餘海內凋喪文帝遵而不改故家給戶足至武帝時錢朽貫穀紅腐乃能出師征伐威動四方然侈靡不節末年戶口減半稅及舟車人不聊生乃下哀痛詔封丞相爲富人侯然則帝王不可以不示儉於天下帝曰卿言善患行之爲難耳時朝廷悉收河朔三鎮而劉總又以幽薊七州獻諸朝且懼部將構亂乃先籍豪銳不檢者送京師而朱克融在籍中植與杜元穎不知兵謂藩鎮且平不復料天下安危事而克融等驕旅寒蹟願得官自效日訴于前皆抑不與及遣張弘靖赴鎮縱克融等北還不數月克融亂復失河朔矣天下尤之植內慙罷爲刑部尚書旋授岳鄂觀察使未幾遷嶺南節度使還拜戶部尚書終

華州刺史贈尚書左僕射
俊字德長祐甫從子也性介潔以蘇州刺史奏謀第一遷湖南觀察使湖南舊法雖豐年貿易不出境鄰部災荒不恤也俊至削其禁自是商賈流通貨物益饒人爲戶部侍郎判度支時田弘正徙鎮州以魏兵二千行既

至留自衛請度支給歲糧穆宗下其議俊固執不與弘正不得已遣魏卒俄而鎮兵亂弘正遇害俊之爲也時天子失德俊黨與盛有司不敢名其罪出爲鳳翔節度使踰年徙河南尹以戶部尚書致仕卒贈太子少保諡曰肅

柳渾字夷曠一字惟深本名載梁僕射煥六世孫後籍襄州早孤方十餘歲有巫告曰兒相天且賤爲浮屠道可緩死諸父欲從其言渾曰去聖教爲異術不若速死學愈篤與游者皆有名士天寶初擢進士第調單父尉累除衡州司馬棄官隱武靈山召拜監察御史臺僚以儀矩相繩而渾放曠不樂檢局乃求外職宰相惜其才留爲左補闕大曆初江西魏少游表爲判官州僧有夜飲火其廬者歸罪瘖奴軍候受財不詰獄具渾與其僚崔祐甫白奴冤少游趣訊僧僧首伏因厚謝二人路嗣恭代少游渾遷團練副使俄爲袁州刺史祐甫輔政薦爲諫議大夫浙江東西黜陟使人爲尚書右丞李希烈據淮蔡關播用李元平守汝州渾曰是夫街玉而買石之也往必見擒何賊之壤旣而果爲賊縛文在封宜城縣伯後吳續糾謬云案本紀建中四年正月李希烈陷汝州賊刺史李元平十月朱泚反今渾傳先載朱泚建中四年正月以前用李元平事此失其序矣今改正朱泚亂渾匿終南山賊素聞其名以宰相召執其子撈笞之搜索所在渾微服步至奉天改右散騎常侍賊平奏言臣名向爲賊汙且載於文從戈非偃武所宜乃更今名貞元元年遷兵部侍郎封宜城縣伯三年以本官同中書門下平章事仍判門下省帝嘗親擇宰相畿邑而政有狀召宰相語皆賀帝得人渾獨不賀曰此特京兆尹職耳陛下當擇臣輩以輔聖德臣當選京兆尹承大化

尹當求令長親細事代尹擇令非陛下所宜帝然之玉
工爲帝作帶誤毀一鈔私市它玉足之及獻帝適之工
人伏罪詔京兆府論死渾曰於法誤傷乘輿器服罪當
杖請論如律由是工不死左丞田季羔從子伯彊請賣
私第募兵助討吐蕃渾曰季羔先朝號名臣世孝謹表
闕于門隨時舊第惟田一族耳討賊自有國計豈容不
肖子毀門構微一時倖損風教哉請薄責以示懲沮帝
嘉納韓混自浙西入朝帝虛已待之奏事或日晏它相
取充位混或榜吏省中渾雖爲混所引惡其專質讓曰
省闕非刑人地而榜吏至死公家先相國以狷察不滿

歲輒罷今公奈何蹈前非專立威福豈尊主卑臣義邪
混悔悟稍穢其威白志貞除浙西觀察使渾奏志貞與
小吏縱嘉其才不當超劇職臣以死守不敢奉詔會渾
移疾出即日詔付外施行疾間因乞骸骨不許門下吏
白過官渾愀然曰既委有司而復撓之豈賢者用心邪
士或千里辭家以干祿小邑主辦豈慮不能是歲擬官
無退異者渾瑊與吐蕃會平涼是日帝語大臣以和戎
息師之便馬燧賀曰今日已盟可百年無虞患渾瑊曰
五帝無詭誓三王無盟詛蓋盟詛之興皆在季末今盛
明之朝反以季末事行於夷狄且夷狄易以兵制難以
信結臣竊憂之李晟繼言曰蕃戎多不情誠如渾言帝
變色曰渾儒生未達邊事而大臣亦當爾邪皆頓首謝
夜半郊寧節度使韓游瓌飛奏吐蕃劫盟將校皆覆沒
帝大驚卽以其表示渾明日慰之曰卿儒士乃知軍戎
萬里情乎益禮異之宰相張延賞怙權嫉渾守正遺親
厚謂曰明公舊德第慎言於朝則位可久渾曰爲吾謝
張公渾頭可斷而舌不可禁卒爲所擠

三年同時爲相是年延賞以七月壬申薨渾以八月己
丑始罷然則其罷非緣延賞所擠按通鑑稱渾與延賞
議事數異同由是交惡平上好文雅而渾質直輕傲
無威儀上不悅蓋延賞平日或有妻非之言而罷相則
自出德宗意此較新以右散騎常侍罷政事渾警癖好
舊史所書近得其實以右散騎常侍罷政事渾警癖好
談謔與人交豁如也性節儉不營產利罷後日置酒召
故人出游酣肆乃還曠然無黜免意五年卒年七十五
諡曰貞渾兄識字方明知名士也工文章與蕭穎士元
德秀劉迅相上下而識練理創端往往詣極當時作者
服其簡拔渾亦善屬文但沈思不逮於識云
李泌字長源魏八柱國弼六世孫徙居京兆七歲知爲
文開元十六年悉召能言佛道孔子者相若難禁中有
員叔者九歲升堂詞辯注射坐人皆屈藝文志有員叔
注云開元四年京兆府童子進書召試及第授散官文
學直弘文館按泌生於開元十年故至十六年爲七歲
志以爲開元 帝異之曰半千孫固當然因問童子豈有
四年非也類若者乎叔跪奏曰舅子李泌帝卽馳召之泌既至帝
方與張說觀奕因使說試其能說請賦方國動靜泌遶
巡曰願聞其略說因曰方若棋局圓若棋子動若棋生
靜若棋死泌卽答曰方若行義圓若用智動若聘材靜
若得意說因賀帝得奇童帝大悅曰是子精神要大於
身賜束帛較其家曰善視養之張九齡尤所獎愛常引
至臥內九齡與嚴挺之蕭誠善挺之惡誠依勸九齡謝
絕之九齡忽獨念嚴太苦勁不若蕭軟美可喜方命左
右召蕭泌在旁曰公起布衣以直道至宰相而喜軟美
者乎九齡驚改容謝之因呼小友及長博學善治易常
游嵩華終南閒慕神仙不死術天寶中詣闕獻復明堂
九鼎議帝憶其早慧召講老子有法得待詔翰林仍供
奉東宮皇太子遇之厚嘗賦詩譏諷楊國忠安祿山等
國忠疾之詔斥置斬春郡肅宗卽位靈武物色求訪會

泌亦自至舊書云至彭原謁見
新書云子靈武謁見已謁見陳天下所以成
敗事帝悅之授以官固辭願以客從入議國事出陪輿
輦眾指曰著黃者聖人著白者山人帝聞因賜金紫拜
元帥廣平王行軍司馬帝嘗曰卿昔侍上皇中爲朕師
今下判廣平王軍是朕父子三世資卿道義也始軍中
謀帥皆屬建寧王泌密白帝曰建寧王誠實然廣平冢
嗣有君人量豈使爲吳太伯乎帝曰廣平爲太子何假
元帥泌曰使元帥有功陛下不以爲儲副得邪太子從
曰撫軍守曰監國今元帥乃撫軍也帝從之初帝在東
宮李林甫數構譖勢危甚及卽位怨之欲掘冢焚骨泌
以天子而念宿嫌示天下不廣使脅從之徒得釋言於
賊帝不悅曰往事卿忘之乎對曰臣念不在此上皇有
天下五十年一旦失意南方氣候惡且春秋高聞陛下
錄故怨將內慙不憚萬有一感疾是陛下以天下之廣
不能安親也帝感懷抱泌頭以泣曰朕不及此嘗從容
問破賊期對曰賊掠金帛子女悉送范陽有苟得心渠
能定中國邪華人爲之用者獨周舉高尙等數人餘皆
脅制偷合至天下大計非所知也不出二年無寇矣陛
下無欲速夫王者之師當務萬全圖久安使無後害今
詔李光弼守太原出井陘郭子儀取馮翊入河東則史
思明張忠志不敢離范陽常山安守忠田乾真不敢離
長安是以兩軍禁其四將也隴祿山者獨阿史那承慶
耳使子儀毋取華令賊得通關中則北守范陽西救長
安奔命數千里其精卒勁騎不逾年而敵我常以逸待
勞來避其鋒去翦其疲以所徵之兵會扶風與太原朔
方軍互擊之徐命建寧王爲范陽節度大使北並塞與
光弼相犄角以取范陽賊失巢窟當死河南諸將手帝

三年同時爲相是年延賞以七月壬申薨渾以八月己
丑始罷然則其罷非緣延賞所擠按通鑑稱渾與延賞
議事數異同由是交惡平上好文雅而渾質直輕傲
無威儀上不悅蓋延賞平日或有妻非之言而罷相則
自出德宗意此較新以右散騎常侍罷政事渾警癖好
舊史所書近得其實以右散騎常侍罷政事渾警癖好
談謔與人交豁如也性節儉不營產利罷後日置酒召
故人出游酣肆乃還曠然無黜免意五年卒年七十五
諡曰貞渾兄識字方明知名士也工文章與蕭穎士元
德秀劉迅相上下而識練理創端往往詣極當時作者
服其簡拔渾亦善屬文但沈思不逮於識云
李泌字長源魏八柱國弼六世孫徙居京兆七歲知爲
文開元十六年悉召能言佛道孔子者相若難禁中有
員叔者九歲升堂詞辯注射坐人皆屈藝文志有員叔
注云開元四年京兆府童子進書召試及第授散官文
學直弘文館按泌生於開元十年故至十六年爲七歲
志以爲開元 帝異之曰半千孫固當然因問童子豈有
四年非也類若者乎叔跪奏曰舅子李泌帝卽馳召之泌既至帝
方與張說觀奕因使說試其能說請賦方國動靜泌遶
巡曰願聞其略說因曰方若棋局圓若棋子動若棋生
靜若棋死泌卽答曰方若行義圓若用智動若聘材靜
若得意說因賀帝得奇童帝大悅曰是子精神要大於
身賜束帛較其家曰善視養之張九齡尤所獎愛常引
至臥內九齡與嚴挺之蕭誠善挺之惡誠依勸九齡謝
絕之九齡忽獨念嚴太苦勁不若蕭軟美可喜方命左
右召蕭泌在旁曰公起布衣以直道至宰相而喜軟美
者乎九齡驚改容謝之因呼小友及長博學善治易常
游嵩華終南閒慕神仙不死術天寶中詣闕獻復明堂
九鼎議帝憶其早慧召講老子有法得待詔翰林仍供
奉東宮皇太子遇之厚嘗賦詩譏諷楊國忠安祿山等
國忠疾之詔斥置斬春郡肅宗卽位靈武物色求訪會

三年同時爲相是年延賞以七月壬申薨渾以八月己
丑始罷然則其罷非緣延賞所擠按通鑑稱渾與延賞
議事數異同由是交惡平上好文雅而渾質直輕傲
無威儀上不悅蓋延賞平日或有妻非之言而罷相則
自出德宗意此較新以右散騎常侍罷政事渾警癖好
舊史所書近得其實以右散騎常侍罷政事渾警癖好
談謔與人交豁如也性節儉不營產利罷後日置酒召
故人出游酣肆乃還曠然無黜免意五年卒年七十五
諡曰貞渾兄識字方明知名士也工文章與蕭穎士元
德秀劉迅相上下而識練理創端往往詣極當時作者
服其簡拔渾亦善屬文但沈思不逮於識云
李泌字長源魏八柱國弼六世孫徙居京兆七歲知爲
文開元十六年悉召能言佛道孔子者相若難禁中有
員叔者九歲升堂詞辯注射坐人皆屈藝文志有員叔
注云開元四年京兆府童子進書召試及第授散官文
學直弘文館按泌生於開元十年故至十六年爲七歲
志以爲開元 帝異之曰半千孫固當然因問童子豈有
四年非也類若者乎叔跪奏曰舅子李泌帝卽馳召之泌既至帝
方與張說觀奕因使說試其能說請賦方國動靜泌遶
巡曰願聞其略說因曰方若棋局圓若棋子動若棋生
靜若棋死泌卽答曰方若行義圓若用智動若聘材靜
若得意說因賀帝得奇童帝大悅曰是子精神要大於
身賜束帛較其家曰善視養之張九齡尤所獎愛常引
至臥內九齡與嚴挺之蕭誠善挺之惡誠依勸九齡謝
絕之九齡忽獨念嚴太苦勁不若蕭軟美可喜方命左
右召蕭泌在旁曰公起布衣以直道至宰相而喜軟美
者乎九齡驚改容謝之因呼小友及長博學善治易常
游嵩華終南閒慕神仙不死術天寶中詣闕獻復明堂
九鼎議帝憶其早慧召講老子有法得待詔翰林仍供
奉東宮皇太子遇之厚嘗賦詩譏諷楊國忠安祿山等
國忠疾之詔斥置斬春郡肅宗卽位靈武物色求訪會

然之會西方兵大集帝欲速得長安曰今戰必勝攻必
取何暇千里先事范陽乎泌曰必得兩京則賊再強我
再困且我所恃者曠西突騎西北諸戎耳若先取京師
期必在春關東早熱馬且病士皆思歸不可以戰賊得
休士養徒必復來南此危道也帝不聽二京平帝奉迎
上皇自請歸東宮以遂子道泌曰上皇不來矣人臣尚
七十而傳況欲勞上皇以天下事乎帝曰奈何泌乃為
羣臣通奏具言天子思戀晨昏請促還以就孝養上皇
得初奏答曰當與我劍南一道自奉不復東矣帝甚憂
及再奏至喜曰吾方得為天子父遂下詔戒行崔園李
輔國以泌親信疾之泌畏禍願隱衡山有詔給三品祿
賜隱士服為治室廬泌嘗取松樛枝以隱背名曰養和
後得如龍形者因以獻帝四方爭效之代宗立召至舍
蓬萊殿書閣初泌無妻不食肉帝乃賜光福里第彊詔
食肉為娶朔方故留後李暉甥昏日敕北軍供帳元載
惡不附已因江西觀察使魏少游請僚佐稱稱泌才以
試祕書少監充判官帝不得已出之謂曰元載不容卿
朕朕決意誅之當即召卿謹按通鑑載御批代
朕論史者乃疑載柄權日久一時難於措置如是則載
之權是誰所假之哉蓋彼時紀綱雖替非一朝一夕之
矣載誅召還復為常袞所忌出為楚州刺史辭不行帝
亦留之會澧州關袞盛言南方痼疾請輟泌治之且使
周知人聞利樊謹按通鑑載御批新進無所建
泌在肅宗朝參謀密勿委任已深矣宗自廣平就封之
時即傾心倚信且賴其調停久矣奚待授以方州俾知
人聞利樊耶常袞一言而以新開乃授澧朗峽團練使
徙杭州刺史皆有風績德宗在奉天召赴行在授左散
騎常侍時李懷光叛歲又蝗旱議者欲赦懷光帝博問
羣臣泌破一桐葉附使以進曰陛下與懷光君臣之分

不可復合如此葉矣由是不赦始朱泚亂帝約吐蕃赴
援略以安西北庭既而渾瑊與賊戰咸陽泚大敗吐蕃
以師追北不甚力因大掠武功而歸京師平來請如約
帝業許欲遂與之泌曰安西北庭控制西域五十七國
及十姓突厥皆捍兵處以分吐蕃勢使不得併兵東侵
今與其地則關中危矣且吐蕃向持兩端不戰又掠我
武功乃賊也奈何與之遂止貞元元年拜陝虢觀察使
泌始鑿山開車道至三門以便饋漕以勞進檢校禮部
尚書准西兵防秋屯邠州已而四千人亡歸或曰吳少
誠密招之既入境必邀險悉擊殺之三年拜中書侍郎
同中書門下平章事累封鄴縣侯初張延賞滅天下吏
員人情怨怒泌請復之帝未從因問今戶口減承平時
幾何曰三之二帝曰人既彫耗員何可復泌曰不然戶
口雖耗而事多承平時十倍且所謂省官者去其冗員非
常員也至德以來置額外官敵正員三之一可悉罷中
朝官常侍賓客十員其六員可罷左右贊善三十員其
二十員可罷又諸王未出閣者官屬皆不除計所收料
奉乃多於減員矣帝從之是時州刺史月奉至千緡方
鎮所取無藝而京官祿薄自方鎮入八座至謂罷權薛
邕由左丞貶欽州刺史家人恨降之晚崔祐甫任吏部
員外求為洪州別駕使府賓佐有所忤者薦為郎官其
當遷臺閣者皆以不赴取罪去泌以為外太重內太輕
乃請隨官開劇普增其奉時以為宜而實參多沮亂其
事不能悉如所請部國公主太子蕭妃母也坐蠱媚幽
禁中帝怒責太子太子不知所對泌入見帝數稱舒王
賢泌揣帝有廢立意因曰陛下有一子而疑之乃欲立
弟之子臣不敢以古事爭且十宅諸叔陛下奉之若何

帝赫然曰卿何知舒王非朕子對曰陛下昔為臣言之
陛下有嫡子以為姪弟之子敢自信於陛下乎帝曰卿
違朕意不顧家族邪對曰臣衰老位宰相以諫而誅分
也使太子廢它曰陛下悔曰我惟一子殺之泌不吾諫
吾亦殺爾子則臣絕祀矣雖有兄弟子非所敢也即噫
鳴流涕因稱昔太宗詔太子不道藩王窺伺者兩廢之
陛下疑東宮而稱舒王賢得無窺伺乎若太子得罪請
亦廢之而立皇孫千秋萬歲後天下猶陛下子孫有也
且郃國為其女妒忌而廢東宮豈可以妻母累太子
乎執爭數十意益堅帝寤太子乃得安時方鎮私獻於
帝歲凡五十萬緡其後稍損至三十萬帝以用度之問
泌泌請天下供錢歲百萬給宮中勸不受私獻凡詔旨
須索即代兩稅則方鎮可以行法天下舒矣帝從容言
盧杞清介敢言但少學耳人皆指其姦而朕不覺也對
曰使陛下覺之豈有建中之亂乎帝曰建中之亂卿亦
知桑道茂語平乃命當然對曰他人皆可以言命惟君
相不可言蓋君相所以造命也若言命則禮樂刑政皆
無所用矣紂曰我生不有命自天此商之所以亡也俄
加集賢殿大學士修國史泌引張說故事辭乃以學士
知院事按此節新書原文甚詳外且云至崔圓復為大
知院事學士亦引泌為議而止似崔圓之為大學士反
在泌後矣今攷唐會要載泌奏伏案以為為集賢殿大
學士竊尋故事書中張說中朝元為相加集賢殿大
學士其後因循遂成恒例伏望削去大字其崇文館大
學士亦準此新書學士而論及崇文館欲並去大字以
後法新書乃謂泌加兩館大學士之號亦非也又按崔
圓為集賢殿大學士本傳不載此亦足補正史之闕
四年八月月蝕東壁泌曰東壁圖書府大臣當有憂者
吾以宰相兼學士當之矣昔燕國公張說由是以亡又
可免乎明年果卒年六十八贈太子太傅泌出入中禁

事四君數為權倖所疾常以智免好縱橫大言時時讜議能悟移人主然常持黃老鬼神說故為人所誦切獨柳玼稱兩京復泌謀居多其功乃大於魯連范蠡云子繁

繁少才警無行陽城為泌所薦故德泌而親厚於繁及疏裴延齡過惡既具稟以繁可夜使繁書繁盡能誦憶乃錄以示延齡明日延齡白帝即撻其條以自訴解城奏入帝怒遂不省泌與梁肅善故繁師事肅及卒肅其室士議謹醜由是擯棄積年後為太常博士權德輿為卿奏斥之改河南府士曹參軍累遷隋州刺史罷歸敬宗誕日詔與兵部侍郎丁公著太常少卿陸巨入殿中抗老佛論改大理少卿弘文館學士諫官御史交章彈治乃出為亳州刺史州有劇賊劉室盧略財貨為患它刺史不能禽繁有機略悉知賊巢所在一旦出兵捕斬之議者責繁不先啟觀察府為擅興詔御史舒元與按之元與繁素隙盡翻其獄以為濫殺不辜有詔賜死人皆寃之繁下獄知且死恐先人功業泯滅從吏求廢紙握筆著家傳十篇傳于世

韋處厚字德載京兆萬年人事繼母以孝聞親履廬墓終喪中進士第又擢才識兼茂科授集賢校書郎舉賢良方正異等宰相裴瑒引直史館改咸陽尉憲宗初擢左補闕禮部尚書李絳請開言古帝王以納諫為聖今不聞進規納忠何以知天下事帝曰韋處厚路隋數上疏其言忠切願卿未知爾由是中外推其靖密歷考功員外郎坐與宰相章蕡之善出開州刺史以戶部郎中入知制誥穆宗立為翰林侍講學士處厚以帝沖年不向學即與路隋合易書詩春秋禮孝經論語授其粹要

題為六經法言二十篇上之冀助省覽帝稱善並賜金幣再遷中書舍人張平叔以言利得幸於帝建言官自鬻鹽籠天下之財宰相不能詰下羣臣議處厚發十難論其迂謬事遂寢敬宗初李逢吉得柄構李紳逐為端州司馬其黨劉栖楚等欲致紳必死建言當徙醜地處厚上言逢吉黨與以紳之斥猶有餘辜人情危駭紳先朝舊臣就令有過尚當赦瑕洗釁成無改之美況被讓乎建中時宰相朋黨楊炎為元載復讐盧杞為劉晏償怨兵連禍結天下騷然此陛下親所聞見得不深念哉紳絲是免逢吉怒至寶曆元年新書作赦書不言左降官未量移者以沮紳內徙處厚復奏逢吉緣紳一人而使近歲流斥皆不蒙澤非所以廣恩於天下帝悟追改其條進翰林承旨學士兵部侍郎方天子荒暗月視朝才三四處厚入見即自陳有罪願前死以謝帝曰何哉對曰臣昔為諫官不能死爭使先帝因畋與色而至于不壽於法應誅然所以不死者陛下在春宮十有五矣今皇子方襁褓臣不敢避死亡之誅帝大感悟賜錦綵以慰其意謹按通鑑輯覽 御批處厚莫以危詞聳聽而不知其言之乖謬 大臣篤於忠愛苟事切君身當隨時直陳無隱豈宜計儲位少長為進諫等語乎使其隱微果存此念則心跡巨測罪不容誅即詭飾以抒激切而顯斥先朝罔顧尊親之諱亦豈能掩其不敬處厚於二者皆無可自解尹起莘僅責其受賞不辭不從大體立論殊失輕重而敬 王廷湊之亂帝欺宰相不宗乃感其言非昏戾而何 才而使姦臣跋扈處厚曰陛下有一裴度不能用乃歎恨無蕭曹此馮唐所謂有頗牧不能用也後禁中急變文宗綏內難猶豫未即下詔處厚入昌言曰春秋大義滅親內惡必書以明逆順正名討罪何所避諱哉遂奉詔班論是夕號令及它儀矩不暇貢有司一出處厚無違舊章者進拜中書侍郎同中書門下平章事封靈昌

郡公堂史湯鉢數指權納賂斥出之相府蕭然初貞元時宰相齊抗奏罷州別駕及當為別駕者引處之朝元和後兩河用兵裨將立功得補東宮王府官朱紫消井授受不綱處厚乃置六雄十望十緊等州悉補別駕由是流品澄別帝雖自力機政然驟信輕改搖於浮論處厚嘗獨對曰陛下不以臣不肖使待罪宰相凡所奏可中輒變易自上心出邪乃示臣不信得於橫議耶即臣何名執政且裴度元勳舊德輔四朝實易直長厚忠實經事先帝陛下所宜親重委信之臣乃陛下自擢今言不見納宜先罷即趨下頓首帝矍然曰何至是處厚遽趨出帝復召問所欲言乃對近君子遠小人始可為治諄復數百言又言裴度忠可久任帝嘉納之自是無復橫議者時李同捷叛詔諸軍進討魏博史憲誠懷向背裴度待以不疑憲誠遣吏白事中書處厚召語曰晉公以百口保爾帥於天子我則不然正須所為以邦法從事耳憲誠懼不敢貳卒有功李載義數破滄鎮兵皆劄剔以獻處厚戒之前後完活數百千人太和二年方奏事暴疾仆香案前帝命中人掖之輿還第一夕卒年五十六贈司空處厚妾狀如甚懦者居家亦循易至廷爭寔然不可回奪剛於御吏百僚畏畏推擇官材往往棄瑕錄善時亦譏其太廣性嗜學家書營正至萬卷為拾遺時譚德宗實錄後又與路隋其次憲宗實錄詔分日入直創具凡例未及成而終本名消避憲宗諱改今名路隋字南式其先出陽平父泌通五經端亮寡言以孝悌聞建中末為長安尉德宗出奉天棄妻子奔行在扈狩梁州排亂軍以出再中流矢裂裳濡血以策說渾瑊召置幕府東討李懷光奏署副元帥判官從城會盟平

路隋字南式其先出陽平父泌通五經端亮寡言以孝悌聞建中末為長安尉德宗出奉天棄妻子奔行在扈狩梁州排亂軍以出再中流矢裂裳濡血以策說渾瑊召置幕府東討李懷光奏署副元帥判官從城會盟平

涼爲虜所執死焉時隋嬰孺以恩授八品官遷長知父
陷虜中日夜號泣坐必西嚮不食肉母告以貌類泌者
終身不引鏡貞元末吐蕃請和隋三上疏宜許不報舉
明經授潤州參軍事李錡欲困辱之使知市事隋怡然
坐肆不爲屈韋夏卿高其節辟置東都幕府元和中吐
蕃款塞隋五上疏請修好冀得泌還詔可遣祠部郎中
徐復報聘而泌以喪至帝愍惻贈絳州刺史官爲治喪
服除擢隋左補闕史館修撰以鯁亮稱穆宗立與韋處
厚並擢侍講學士再遷中書舍人翰林學士每除制出
以金幣來謝者隋卻之曰公事而當私貺邪進承旨學
士遷兵部侍郎文宗嗣位以中書侍郎同中書門下平
章事監修國史初韓愈撰順宗實錄書禁中事爲切直
宦豎不喜嘗其非實帝詔隋刊正隋請條示其謬誤者
付史官刊定有詔摘貞元永貞閒數事爲失實餘不復
改進門下侍郎弘文館大學士久之辭疾不聽冊拜太
子太師明年李德裕貶袁州長史不署奏爲鄭注所忌
乃檢校尙書右僕射同中書門下平章事鎮海節度使
道病卒年六十贈太保謚曰貞

欽定續通志卷二百四十一

列傳

唐四十二

高適

元結

李承

韋倫

薛珏 存慶

崔漢衡

戴叔倫

王翊 正雅

翊徐申

郁士美

辛祕

高適字達夫滄州渤海人少落魄不治生事客梁宋間
宋州刺史張九皋奇之舉有道科中第調封邱尉不得
志去客河西河西節度使哥舒翰表為左驍衛兵曹參
軍掌書記祿山亂召翰討賊即拜適左拾遺轉監察御
史佐翰守潼關翰敗帝問羣臣策安出適請竭誠藏募
死士抗賊未為晚不省天子西幸適走開道及帝於河
池因言翰忠義有素而病奪其明乃至荒踣監軍諸將
不恤軍務以倡優蒲筵相娛樂渾隴武士飯糲米日不
厭而責死戰其敗固宜又魯吳何履光趙國珍屯南陽
而一二中人監軍更用事是能取勝哉臣數為楊國忠
言之不肯聽故陛下有今日行帝領之俄遷侍御史擢
諫議大夫負氣敢言權近側目帝以諸王分鎮適盛言
不可俄而承王叛肅宗雅聞之召與計事因言王且敗
不足憂帝奇之除揚州大都督府長史淮南節度使詔
與江東韋陟淮西來瑱率師會安陸方濟師而王敗李
輔國惡其才數短毀之下除太子少詹事未幾蜀亂出
為蜀彭二州刺史始上皇東還分劍南為兩節度百姓
敝于調度而西山三城列戍適上疏曰劍南雖名東西
川其實一道自邛關黎雅界于南蠻由茂而西經羌中
至平戎等城界於吐蕃瀕邊諸城皆仰給劍南異時以

全蜀之饑而山南佐之猶不能舉今裂梓遂等八州專
為一節度歲月之計西川不得參也嘉陵比困夷獠日
雖小定而瘠瘠未平耕紡亡業衣食貿易皆資成都是
不可得役亦明矣可稅賦者獨成都彭蜀漢四州而已
以四州耗殘當十州之役其敝可見而言利者柘鬻萬
端窮朝抵夕千案百牘皆取之民官吏懼譴責及鄰保
威以罰扶而逋逃益滋又關中比饑士庶流入蜀者道
路相繫地入有訖而科斂無涯為蜀計者不亦難哉又
平戎以西數城皆窮山之巔蹊險絕運糧束馬之路
坐甲無人之鄉為戎狄言不足利戎狄為國家言不足
廣土宇奈何以彈丸地而困全蜀太平之人哉若謂已
戍之城不可廢已屯之兵不可收願罷東川以一劍南
併力從事不爾非陛下洗盪關東掃清逆亂之意也萬
一蜀人又擾豈不貽朝廷憂帝不納梓屯將段子璋反
適從崔光遠討斬之而光遠兵不戢遂大掠天子怒罷
光遠以適代為西川節度使廣德元年吐蕃取隴右適
率兵出南鄙欲牽制其力既無功遂亡松維二州及雲
山城通鑑載廣德元年吐蕃陷松維保三州及雲山新
保州本名奉州至乾元元年董嘉俊以郡來歸始更
名則此時未得稱保州也保州屬縣四而雲山歸順皆
天寶八載析定廉置所云雲山新築二城疑即此二
縣也新書乃止有二州一縣自不若通鑑之詳核惟奉
州之稱保州係用召還為刑部侍郎左散騎常侍封渤
海縣侯承泰元年卒贈禮部尚書諡曰忠適尚節義語
王霸表哀不厭遭時多難以功名自許而言浮其實不
為指紳所推然政寬簡所泣人便之年五十始為詩即
工每一篇已好事者輒傳布其詩書贊蘭進明使疾救
梁宋以親諸軍與許叔冀書令釋憾同援梁宋未渡淮
移檄將校絕承王俾各自白君子以為義而知變

元結後魏常山王遵十五代孫曾祖仁基從太宗征遼
東以功拜密塞令龔常山公父延祖年過四十不仕親
姪彊勸之再調春陵丞輒棄官去少師事元德秀天寶
十二載舉進士擢上第復舉制科國子司業蘇源明見
肅宗問天下士薦結可用時史思明攻河陽帝將幸河
東召結詣京師問所欲言乃上時議三篇帝悅擢右金
吾兵曹參軍攝監察御史為山南西道節度參謀募義
士于唐鄧汝蔡降劇賊五千瘞戰死露齒於泌南名曰
哀邱史思明亂帝將親征結建言賊銳不可與爭宜折
以謀帝善之因命發宛葉軍以挫賊鋒結屯泌陽守險
全十五城以討賊功遷監察御史裏行荆南節度使呂
諲請益兵拒賊帝進結水部員外郎佐諲府又參山南
東道來瑒府瑒誅結攝領府事會代宗立可歸侍親授
著作郎久之拜道州刺史初西原蠻掠居人數萬去遺
戶裁四千諸使調發符牒二百兩結以人困甚不忍加
賦即上言臣州為賊焚破糧儲屋宅男女牛馬幾盡今
百姓十不一存毫孺騷離未有所安嶺南諸州寇盜不
盡得守捉候望四十餘屯一有不靖湖南且亂請免百
姓所負租稅及租庸使和布雜物十三萬緡帝許之明
年租庸使索上供十萬緡結又奏歲正租庸外所率宜
以時增減詔可結為民營舍給田免徭役流亡歸者萬
餘進授容管經略使身論蠻豪殺定八州會母喪人皆
詣節度府請留加左金吾衛將軍民樂其教至立石頌
德罷還京師卒年五十贈禮部侍郎
李承趙州高邑人幼孤其兄睦養之既長以梯間擢明
經累遷大理評事為河南采訪使判官尹子奇陷汴州
拘承送洛陽覘得賊謀皆密啟諸朝兩京平例貶臨川

尉不三月除德清令尋擢監察御史累遷吏部郎中淮南西道黜陟使奏置常豐堰於楚州以禦海潮溉屯田埭函收穫十倍它歲德宗將討梁崇義李希烈揣知之乃表崇義過惡請先誅討帝悅數對左右稱其忠會承使回言希烈能立功然恐後不可制帝初謂不然及崇義平希烈果叛始思其言擢拜河中尹晉絳觀察使承廉正有雅望以才顯於時未幾改山南東道節度使時希烈猶據襄州帝慮不受命欲以禁兵衛送承承辭請以單騎入既至希烈舍承外館迫脅日萬端承晏然誓以死守希烈不能屈遂大掠去襄漢蕩然承鞞安之居一年圍境完復初希烈雖去留部校守規往來踵舍承因得使所厚賊叔希烈腹心周曾王玢姚憺及曾等謀殺希烈承首謀也密詔袁美尋檢校工部尚書湖南觀察使建中四年卒年六十二贈吏部尚書子藩自有傳

韋倫系本京兆父光乘在開元天寶間為朔方節度使倫以蔭調藍田尉幹力勤濟楊國忠署為鑄錢內作使判官國忠多發州縣民人令鼓鑄皆非所習雖垂扶苛嚴愈無功倫請准直募匠代無聊之人繇是役用減鼓鑄多矣玄宗晚節盛營宮室吏介以為欺倫閱實工員省費倍從帝入蜀以監察御史為劔南節度行軍司馬置頓判官時中人衛卒多侵暴尤難治倫以清儉自將西人賴濟中宦疾之以讓貶衡州司戶參軍度支使第五琦薦倫才擢商州刺史荆襄道租庸使襄州裨將康楚元亂自稱東楚義王刺史王政棄城遁賊南襲江陵絕漢河節度倫調兵屯鄧州厚撫降賊寇益忿乃擊禽楚元以獻收租庸二百萬緡召為衛尉卿俄兼宣慰二

州刺史乾元三年襄州再亂新書本文作乾元中襄州之亂有二一康楚元之亂在乾元二年八月一張維文既云禽楚元以獻則此為維瑾之詔倫為山南東道節度使而李輔國方恣橫倫不肯謁恨之中罷為秦州刺史吐蕃黨項歲入邊倫兵寡數格虜賊巴州長史徙務川尉代宗立連拜忠台饒三州刺史宦者呂太一反嶺南詔拜倫韶州刺史韶連郴都團練使為太一反開貶信州司馬斥棄十年客豫章德宗嗣位選使絕域者擢倫太常少卿充和吐蕃使倫至諭天子威德贊普順悅乃入獻還進太常卿兼御史大夫再使如旨倫處朝數論政得失宰相盧杞惡之改太子少保從狩奉天及杞敗關播罷為刑部尚書倫在朝堂流涕曰宰相無狀使天子至此不夫為尚書後何勸聞者懼其公帝後欲復用杞為刺史倫苦諫帝納之進太子少師鄂國公致仕時李楚琳以僕射兼衛尉尉李忠誠以尚書兼少府監倫言楚琳逆節忠誠戎醜不當寵以官又請為義倉以捍無年擇賢者任帝左右謂吐蕃豺虎野心不可恃信約宜謹備邊帝善其言厚禮之居家以孝慈稱卒年八十三贈揚州督謚曰肅

薛珏字温如河中寶鼎人以蔭為懿德太子廟令累遷乾陵臺令歲中以清白聞課第一改昭應令人請立石紀德珏固讓遷楚州刺史初州有營田宰相遙領使而刺史得專達俸及它給百餘萬田官數百歲以優得遷別戶三千備刺史廝役珏至悉條去之租入贏異時觀察使惡其潔誣以罪左授峽州刺史建中初德宗命使者分諸道察官吏升黜而李承趙質盧翰皆言珏狀書參聞於是拜中散大夫賜金紫劉玄佐表兼汴宋行軍

司馬李希烈棄汴州走即拜珏刺史遷河南尹人為司農卿是時詔舉堪刺史縣令者且百人延問人閒疾苦吏治得失取尤通達者什二宰相欲試以文詞珏曰求良吏不可責文學乃止尋改京兆尹司農供三宮畜茹三十車不足請市京兆是時韋彤為萬年令珏使形禁鬻賣民苦之德宗怒奪珏形俸帝疑下情不達因詔延英坐日許百司長官二員言闕失謂之巡對會要貞元七年十月詔自今已後每御延英殿令諸司長官二人奏本司事珏又合常參官每日二人引見訪以政事謂之巡對珏剛嚴曉法治勤身以勸下然苛察無經術大體坐善實參改太子賓客出為嶺南觀察使卒年七十四贈工部尚書子存慶

存慶字嗣德及進士第歷御史尚書郎五遷給事中與韋弘景封駁詔書時稱其直劉總以幽州歸穆宗謂宰相曰必用薛存慶可以宣朕意對延英一刻遣之至鎮州疽發于背卒贈吏部侍郎崔漢衡博州博平人沈懿博厚善與人交始為費令滑州節度使令孤彰表書記大曆六年以檢校禮部員外郎為和蕃副使還遷石司郎中建中二年舊書作三年吐蕃請盟擢殿中少監為和蕃使與其使區頰贊俱來約盟改鴻臚卿持節送區頰贊歸遂定盟清水德宗幸奉天吐蕃以兵佐渾城敗賊武功轉秘書監俄拜上都留守兵部尚書東都淄青魏博賑給宣慰使又使幽州還命稱旨貞元三年豫吐蕃盟平涼被執虜將殺之因夷言謂之曰我善結贊無殺我而漢衛誠信素著虜亦尊重故至河州得還明年出為晉慈隰觀察使卒贈尚書左僕射戴叔倫字幼公潤州金壇人師事蕭穎士為門人冠劉

晏管鹽鐵表主運湖南至雲安楊子琳本傳作楊惠琳誤今據吳

不可奪乃捨之嗣曹王臯領湖南江西表佐幕府奉討

李希烈留叔倫領府事試守撫州刺史民歲爭溉灌為

作均水法俗便利之耕餉歲廣獄無繫囚俄即真期年

詔書褒美封諱駟男加金紫服齊映劉執政叔倫勸

以經畫兵食金穀之司不輕易入天下州縣有上中下

緊望雄輔者有司銓擬皆便所私此非擇人求治之術

其尤切者縣令錄事參軍事此二者宜出中書門下無

計資序限遠近高卑一以殿最升降則人知勸映等重

其言遷容管經略使綏徠夷落威名流聞其治清明仁

恕多方略故所至稱最德宗嘗賦中和節詩遣使者寵

賜代還卒於道年五十八

王翊字宏肱并州晉陽人少治兵家天寶中授朔衛尉

羽林軍宿衛擢才兼文武科出為辰州刺史與討襄州

康楚元有功加兼祕書少監遷朗州刺史大曆中擢容

管經略使初安祿山亂詔嶺南兵隸南陽魯炆炆敗績

眾奔潰谿洞夷獠相挺為亂夷酋梁崇牽號平南都統

與別帥覃問合又與西原賊張侯夏承更誘嘯因陷城

邑遂據容州前經略使陳仁琇元結長孫全緒等皆僑

治藤梧翊至言於眾曰我容州刺史安可容治它所必

得容乃止即出私財募士有功者許署吏於是人自奮

不數月斬賊帥歐陽珪囚至廣州請節度使李勉出兵

併力勉不許曰容陷賊久療方疆今速攻祇自敗耳翊

曰大夫即不出師願下書州縣陽言以兵為助冀藉此

愈力卒破賊禽崇牽悉復容州故地捷書聞詔更置順

州以定餘亂翊凡百餘戰禽首領七十覃問遁去復遣

將李實等分討西原平鬱林等諸州累兼御史中丞招

討處置使會哥舒晃反翊命實悉師援廣州問因合眾

乘間來襲翊設伏擊之生禽問嶺表平代宗遣使慰勞

加金紫光祿大夫賜第京師時吐蕃入寇郭子儀悉河

中兵乘邊召翊為河中少尹領節度後務悍將凌正數

干法不逞約其徒夜斬關逐翊翊覺之陰亂漏刻以差

其期眾驚不敢發俄僉正誅之一軍惕息歷汾州刺史

為振武軍使綬銀等州留後入拜京兆尹會起涇原兵

討李希烈次漣水京兆主供給獲敗肉腐眾怒曰食是

而討賊乎遂叛翊挺身走奉天拜太子詹事德宗還都

再遷大理卿出為福建觀察使徙東都留守既至開田

二十餘屯修器械皆良金壽草練士卒號令精明俄而

吳少誠叛獨東畿為有備關東賴之貞元十八年卒贈

尚書右僕射諡曰肅翊雅善盧杞杞之殺崔靈沮李懷

光不得朝皆與其謀議者以為嘗子正雅

正雅字光謙元和初擢進士累遷監察御史穆宗時京

邑多盜賊正雅以萬年令威震豪彊尹柳公綽言其能

就賜緋魚累擢汝州刺史屬監軍估權乃謝病去入為

大理少卿會爭宋申錫獄堅甚甲錫得不死太和中卒

贈左散騎常侍

翊兄翊歷山南東道節度使代宗目為純臣世稱謹廉

卒贈戶部尚書諡曰忠惠

權直以優吏奉疑不取則以市馬故無橫擾人皆慰悅

徙湖南觀察使僖宗立召為兵部侍郎領鹽鐵轉運使

坐舉非其人以祕書監分司東都即拜河南尹遷宣歙

池觀察使時乾符四年也王仙芝之黨屠至德勢益張

疑遣牙將孟球助池守賊益兵來攻實欲襲南陵疑遣

樊備以舟師扼青陽傳達令輕與賊戰不勝疑斬以徇

諸將聞皆股慄以死級賊賊不能進時江南環境為盜

區疑以彊弩拒采石張疑職遣別將馬穎解和州之圍

明年賊大至都將王涓自承陽赴敵疑大晏謂涓曰賊

席勝而驕可持重待之慎毋戰涓意銳日趨四舍至南

陵未食即陣死焉監軍收餘卒數千還走城沮撓無去

意卒又恣橫不能禁疑讓曰兵不能捍敵又恣之犯民

生業何以稱朝廷待將軍意監軍詞屈趣親吏入民舍

奪馬疑乘門望見塵左右捕取殺之由是不敢留然益

儲蓄繕完以備賊賊至不能加會大星直寢庭墜衛家

言宜告疾不視事以厭勝疑曰東南國用所出而宣為

大府吾規服禍可矣願一方何賴哉誓與城共存亡勿

復言既而賊去未幾卒年五十八贈吏部尚書諡曰貞

徐申字維降京兆人擢進士第累遷洪州長史嗣曹王

舉討李希烈檄申以長史行刺史事任職辦舉表其能

遷韶州刺史詔自兵興四十年刺史以縣為治署而令

丞雜處民間申按公田之廢者募人假牛犁墾發以所

收半畀之田久不治故肥美歲入凡三萬斛諸工計所

庸受粟有差乃徙治故州未幾邑開如初創驛候作大

管經略使苗洞納質供賦不敢桀驁踰年進嶺南節度使前使死吏盜印署府職百餘員畏事泄謀作亂申覺殺之誣誤一不問遠俗以攻劫相矜申禁切無復犯外蕃歲以珠璣珎香文犀浮海至申于常貢外未嘗贖索商賈饋盈劉闢反表請發卒五千馮馬拔故道繇蠻蠻抵蜀掃關不備詔可加檢校禮部尚書封東海郡公詔未至卒年七十贈太子少保諡曰平

郗士美字和夫兖州金鄉人父純舉進士拔萃制策皆高第張九齡李邕數稱之自拾遺七遷至中書舍人處事不回為宰相元載所忌時魚朝恩以牙將李琮署兩街功德使琮恃勢桀橫罵辱京兆尹崔昭於禁中純曰此國恥也即詣載請速處其罪載不納遂辭疾還東都號伊川田父十年不出德宗立崔祐甫輔政召為太子左庶子集賢殿學士不拜以老乞身改詹事聽致仕帝召見哀歎良久賜金紫公卿以下咸祝都門世高其節士美年十二通五經史記漢書皆能成誦父友蕭穎士顏真卿柳芳與相論釋嘗曰吾曹異日當交二郗之間矣未冠為陽翟丞佐李抱真濬州幕府以才歷王虔休李元皆留不徙久乃進房州刺史黔中經略觀察使溪州賊向子琪以眾八千阻山剽劫士美討平之加檢校右散騎常侍封高平郡公遷京兆尹天子多所咨逮出為鄆岳觀察使時安黃節度使伊慎入朝其子宥主後務偃蹇母死京師不發喪欲固其權士美知之使府屬過其境宥有出迎因以母訃告之即為辦裝宥惶遽上道改河南尹檢校工部尚書充昭義節度使昭義自李抱真以來皆武臣私厨月費米六千石羊千首酒數十斛潞人困甚士美至悉去之出稟錢物自給又慮從史

時日具三百人膳以餉牙兵士美曰卒衛於牙固職也安得廣費為私恩亦罷之討王承宗也遣大將王獻督萬人為前鋒獻恣橫逗撓士美即斬以徇下令曰敢後者斬親鼓之大破賊下三營環柏鄉時諸鎮兵合十餘萬繞賊多玩寇犯法獨士美兵銳整最先有功憲宗喜曰固知士美能辦吾事承宗大震懼亡幾會詔班師然威震兩河以疾召拜工部尚書後檢校刑部尚書為忠武節度使卒年六十四贈尚書左僕射諡曰景生平與人交然諾不欺以是名重于世

辛祕系出隴西貞元中擢明經第授華原主簿以判入等調長安尉其學于禮家尤洽高郢為太常卿奏為博士再遷兵部員外郎常兼博士再辟禮儀使府憲宗初拜湖州刺史李錡反遣大將先取支州蘇常杭睦四刺史或戰敗或拘脇獨祕以儒者賊易之未及至祕召牙將邱知二夜開城收壯士得數百逆賊大戰斬其將進焚營堡鎬平賜金紫命謂祕材任將帥會河東范希朝出討王承宗召祕為希朝司馬主留務累遷汝常州刺史河南尹進拜昭義軍節度使是時承討恒趙之後潞人獨耗祕至則約出入畜用度比四年儲錢七十萬繕糧七十萬斛器械堅良隱然復為完鎮召還道病卒年六十四贈尚書左僕射諡曰肅舊書作肅諡昭後更諡懿祕為大官居不易第服不改初其奉祿悉與妻表親屬病自銘其墓作書一通緘之卒後發視則送終制也檢而不違于禮云

欽定續通志卷二百四十二

列傳

唐四十三

崔光遠

來瑱

田神功

侯希逸

鄧景山

魏少游

高伯玉

崔監

李澄

韓全義

嚴礪

盧從史

高霞寓

崔光遠系出博陵後徙靈昌祖敬嗣為房州刺史中宗

在房州敬嗣盡誠推奉儲給豐行帝德之及反正有與

敬嗣同姓名者舊書云有益州長史崔敬嗣同姓名每擬官帝輒超拜後

召見悟非是訪真敬嗣已死即授其子汪五品官汪生

光遠勇決任氣開元末為唐安令與楊國忠善累遷京

兆尹為吐蕃弔祭使還會玄宗西狩詔留光遠為京

兆尹西京留守采訪使乘輿已出都人亂火左藏大盈

庫爭輦財珍至乘驢入宮殿者光遠乃募官攝府縣誰

何官關斬十數人乃定因使其子東見祿山而祿山先

署張休為京兆尹由是追休授光遠故官俄而同羅背

賊以廐馬二千出奔賊將孫孝哲安神威招之不得神

威憂死官吏驚走獄囚皆逸光遠以為賊且走命人守

神威孝哲等第斬曳落河二人孝哲馳白祿山光遠懼

與長安令蘇震出開遠門使人奔呼曰尹巡門門兵具

器仗迎謁至皆斬之募得百餘人遂趨靈武肅宗嘉之

擢拜御史大夫復為京兆尹遭到渭北募僑民會賊黨

剽涇陽休祠房樵牛呼飲光遠刺知之率兵夜趨其所

使百騎穀滿阻其前命驍士合謀賊醉不能斷斬其徒

二千得馬千數俘一酋長以獻自是賊常避其鋒扈帝

遷改禮部尚書鄴國公封實戶三百乾元元年絳州

刺史代蕭華為魏州節度使初郭子儀與賊戰汲郡光

遠裁率師千人援之不甚力及守魏使將軍李處密

拒賊子儀不救戰不勝奔還賊因傳城下詭呼曰處密

召我而不出何也光遠信之斬處密處密善戰眾倚以

為重及死人益危魏城經袁知泰能元浩等完案半甚

光遠不能守夜潰圍出奔京師帝赦其罪拜太子少保

會襄州將康楚元張嘉延反陷襄陽諸州因拜持節荆

襄招討充山南東道兵馬都使又徙鳳翔尹先是岐隴

賊郭情等掠州縣光遠至遣官諭降之既而沈飲不親

事情等陰約党項及奴刺突厥賊韋倫於秦隴殺監軍

使帝怒光遠無狀召還復使節度劍南會段子璋反東

川李興敗走成都光遠進討平之然不能禁士卒剽掠

士女至斷腕取金者夷殺數千人帝詔監軍按其罪以

憂卒

來瑱邠州承壽人父曜奮起行開開元末為鴻臚卿持

節積西副大使四鎮節度使著名西邊終右領軍大將

軍瑱少尚名節慷慨有大志頗涉書傳天寶初從父四

鎮任劇職累遷殿中侍御史為伊西北庭行軍司馬拾

遺張錦薦以能斷大事有禦侮才擢穎川太守充招討

使會母喪免以孝聞安祿山反張垪薦起復拜汝南太

守未行改潁川賊攻之城積粟素多瑱完堙自如與

賊戰城下手射皆應弦仆賊使降將畢思琛來招思琛

父故將也拜城下泣且弔瑱不應前後俘殺甚眾賊懼

目為來嚼鐵以功就加防禦使河南淮南游奕逐要招

討使賊聞南陽急瑱與魏仲犀合兵救之不勝人情恟

懼瑩撫綏訓練賊不得侵改淮南西道節度使兩京平

加開府儀同三司封鄴國公食三百戶相州兵敗轉陝

虢節度兼潼關防禦團練鎮守使乾元三年襄州部將

張維瑤等殺其使史颯徙瑒山南東道襄鄧均房金商

隨鄧復十州節度使按方鎮表至德二載廢南陽節度

度使領襄鄧隨唐安均房金商九州無節復二州此云

襄鄧均房金商隨鄧復九州而新舊書傳下文皆稱

十州疑有闕誤今考通鑑費應元年割商均房襄鄧

觀察使令瑒止領六州與本傳改瑒為山南東道襄鄧

唐復然安州六州節度文台則所云十州內應脫一唐字

無疑然安州不見本傳而鄧復二州又與方鎮表所載

互異姑仍其既至維瑤降上元二年春破史思明餘黨

於魯山俘賊渠及戰汝州獲馬牛囊駝凡兩戰斬首萬

級明年詔瑒還鎮安襄漢將士亦宜其政因諷眾留已

而身赴詔命至鄧復詔歸鎮肅宗聞其謀惡之呂諲王

仲昇等皆言瑒得士心不可以留乃改襄鄧唐復隨鄧

六州節度俄而王仲昇與賊戰申州為賊擒瑒願望不

即救司馬裴我者始以蔭為京兆司錄參軍瑒遇之厚

及瑒私漢上欲奪其位表稱瑒善謀而勇恐後難制宜

早圖之帝乃陰奪其權外示寵榮令節度淮西申安斬

黃光沔兼河南陳豫許鄭汴曹宋潁泗十五州加我襄

鄧等七州防禦使代瑒瑒懼表言淮西無糧須麥收始

可上道又諷眾固留代宗立復授襄州節度奉義軍渭

北兵馬等使密詔我圖之我自均州浮漢而下督軍五

千陳穀水北瑒以兵逆之大呼曰吾奉詔留鎮此州爾

何名而來且示以詔書我軍皆曰偽也爭射之瑒走旗

下副使薛南陽引奇兵三百出其背與瑒夾擊殺獲幾

盡我脫身走至申口擒之併妻子械送京師詔流費州

下詔削除官爵貶播州尉員外置及鄂賜死通鑑作流播州賜死籍其家瑱之死掩尸於坎校書郎殷亮為備棺衾以葬帝徐悟以他事罪元振流濠州而以梁崇義為節度使代瑒為瑒立祠四時致饗避瑒事不處哀祈禮葬詔可廣德元年追復官爵

田神功冀州南宮人天寶末為縣史陷賊會河朔兵興賊署為平盧兵馬使率眾歸朝從李忠臣收滄德攻相州拒杏園後守陳留戰不勝與許叔冀復降史思明思明使與南德信劉從諫略江淮遂襲德信斬之從諫脫身走并將其兵來歸詔拜鴻臚卿戰於鄭州破賊四千

生擒其將四人牛馬器械不可勝計按通鑑上元元年神功破史思明之兵于鄭州新書不錄俄襲敬鉅鄆州不克劉展反鄆景山引以助討入揚州大掠居人商賈賈貨兼發冢墓死者數千人既而擒展送京師按通鑑上元二年賈隨射展中自而仆遂斬之本劉

展亂紀新舊書皆實按通鑑上元二年賈隨射展中自而仆遂斬之本劉錄俱云生擒今從之遷充鄆節度使新書遷隨節度使書方鎮表上元二年置滄州節度使新書滄州節度使州授青密節度使新書滄州節度使平盧節度使新書滄州節度使當先領此職故不從新書滄州節度使時賊圍宋州急李光弼奏神功

往救賊解去又破法子營復攻敬鉅降之朝義聞乃奔下博進封信都郡王徙河南節度汴宋八州觀察使大歷二年來朝加檢校右僕射又判左僕射知省事加太子太師還鎮神功事母孝始嘗驕倨自如見光弼待官屬鈞禮乃折節謙損既寢疾宋之將吏為禱祈報恩八年自力入朝卒代宗為撤樂贈司徒詔其弟曹州刺史

神玉知汴宋留後賻絹千匹布五百端特許百官弔喪賜屏風茵褥於靈座至德後節度使不兼宰相者唯神功恩禮最篤神玉終汴宋節度留後

候希遠平盧人身長七尺豐下銳上少習武藝天寶末

為本軍裨將守保定城祿山反署親將徐歸道為平盧節度使遣中人韓朝敷招降希逸斬以徇與安東都護王玄志合兵襲殺歸道遣使上聞詔拜玄志平盧節度使乾元初玄志卒敕使往撫將士且就察軍中所欲立者副將李懷玉姑即希逸母因共殺玄志子推立希逸

為留後朝廷因授希逸節度使節度使由軍中廢立自此始以近賊數為所迫率勵將士累破逆徒向泗客李懷仙等然孤軍無援又為奚侵掠乃拔其軍二萬浮海入青州據之平盧遂陷肅宗因以希逸為平盧淄青節度使自是淄

青常以平盧寇使在鎮著甚聲稱理兵務務遠近美之實應初與諸軍討平史朝義加檢校工部尚書賜實封圖形凌煙閣大歷末進封淮陽郡王後漸怠肆好田獵尤崇釋教興工創寺軍州苦之永泰初懷玉因眾怨適

希逸與巫者夜宿城外閉關不納遂奔滑州召還檢校尚書右僕射知省事遷司空未及拜卒年六十二贈太保

鄧景山曹州人本以文吏進累至監察御史至德初擢拜青齊節度使徙淮南為政簡肅有置集城門鄧班語景山曰暹介物也失所次金不從革之象其有兵乎未

幾宋州刺史劉展反初展有異志淮西節度使王仲昇表其狀詔遷揚州長史兼江淮都統密詔景山執送京師展知之擁兵二萬渡淮景山逆擊不勝奔壽州因引平盧節度副使田神功討展神功兵至揚州大掠居人

發冢墓大食波斯賈胡死者數千人展叛凡三月平追景山入朝拜尚書左丞以崔圓代之王思禮在太原儲膺羸衍請輪半以賈京師會卒崇嗣代之政弛不治數月為下盜費略盡帝聞即以景山為太原尹封南陽

那公至則振敷紀綱檢覆侵隱眾大懼而景山清約子弟饑不過草具待上賓惟豚魚而已取食粟粒腐者食之兼給麾下麾下怨訕左右白景山景山慢罵士皆羞忿有裨校抵死請將請贖不許其弟請代不許請納一馬贖景山乃許減死眾怒曰吾屬命纒一馬直乎景山

叱遣之少將王抱節因眾怒作亂景山遇害時寶應元年也肅宗以其統眾失方不復究驗遣使喻撫其軍軍中請辛雲京為節度詔可景山與劉晏善其後家寒窶晏屢經紀之嫁其孤女諡曰敬

崔瓘博陵人以士行修謹聞累官至澧州刺史不為煩苛人便安之流亡還歸居二年增戶數萬詔特進五階以寵異政大歷中遷湖南觀察使時將吏習寬弛不奉法瓘稍以禮法繩裁之下多怨別將臧玠判官達奚觀

忿爭玠夜以兵殺觀瓘聞難惶懼走遇害帝悼惜之魏少游邢州鉅鹿人以幹吏稱天寶末累遷朔方水陸轉運副使肅宗幸靈武杜鴻漸等奉迎而留少游繕治

宮室少游大為殿宇帷帟皆象宮闈諸王公主悉有次舍供饌竊水陸又有千餘騎鑿曦光鮮振旅以入帝見宮殿不悅曰我至此欲就大事安用是為稍命去之除左司郎中兩京平封鉅鹿縣侯遷陝州刺史王師潰於

鄴河洛震駭少游鎮守自若擢京兆尹李輔國以其不附己改衛尉卿會率羣臣馬助軍少游與漢中王瑀持異帝怒貶渠州長史復為京兆尹始請中書門下省五品尚書省四品諸司正員三品諸王駙馬蕃以上親及

瑁若甥不得任京兆官詔可大歷二年為江西觀察使進刑部尚書改封趙國公六年卒贈太子太師舊書太子少游四為京兆雖無赫赫名然善任人緣飾規檢有

足稱者

衛伯玉史失其何所人少習武技天寶中從安西府積勞至員外諸衛將軍肅宗即位慨然願立功乃歸長安領神策兵馬使出鎮陝州行營乾元二年賊將李歸仁以騎五千人寇伯玉與戰疆子坂破之獲馬六百匹遷羽林大將軍徙四鎮北庭行營節度使俄為神策軍節度史思明遣子朝義夜襲陝將動京師伯玉迎擊破之於永寧加特進封河東郡公廣德元年代宗幸陝以伯玉有幹略可方面大事乃拜荆南節度使進封城陽郡王大厯初以母憂當代諷將吏留己復詔節度荆南議者醜之十一年歸京師卒

崔寧本貝州安平人後徙衛州世儒家而獨喜縱橫事客遊劔南以步卒事鮮于仲通又從李宓討雲南無功還成都行軍司馬崔論悅之薦為牙將歷事崔圓裴冕冕被謗朝廷遣使者問狀寧部兵截耳白其冤使者以聞寧亦召留京師為折衝郎將實應初蜀亂山賊乘險道不通嚴武白寧為利州刺史既至賊遁去由是知名及武為劔南節度使過州心欲與俱西而利非所屬賂張獻誠以求寧獻誠使移疾自解武遂奏為漢州刺史會吐蕃引雜羌寇西山破柘靜等州武遣寧將而西既薄賊城皆累石不得攻乃為地道再宿而拔拓地數百里虜眾驚以為神及還武裝七寶輦迎入成都以誇異之表為西山都知兵馬使永泰元年武卒寧奏大將王崇俊為節度而行軍司馬杜濟別將郭英幹郭嘉琳皆推郭英又二奏俱至而朝廷已用英又矣英又始置事即誣殺崇俊遣使召寧寧大恐託拒吐蕃不敢還英又出兵贊言助寧實欲襲之寧家在漢州英又遷之成

都通其妾賸寧知之益負阻英又自將討之值大雪馬

多凍死士心離遂敗歸寧因率兵攻成都英又陣城西使相茂琳為前軍英幹居左嘉琳後殿戰輒敗軍多降寧使反攻英又不勝走簡州為韓澄所殺新書作走靈州從之於是劍南大擾楊子琳與柏貞節連和討寧明年代宗詔杜鴻漸往平其亂寧遣使獻繒錦數萬辭甚卑約鴻漸貪其利至鎮委以政事日與僚屬縱酒高會表貞節為印州刺史子琳為瀘州刺史以和解之數薦寧於朝因詔授成都尹西山防禦使西川節度行軍司馬鴻漸既還朝遂為節度使大厯三年入朝寧本名

旰至是賜名舊書鴻漸討鮮于仲通時賜名寧鴻漸入朝稱此改名當在行軍司馬時又舊傳寧至十四年始入朝而鴻漸傳云大厯二年鴻漸仍率同朝事傳誤據通鑑與新書同從之時寧弟寬留守成都楊子琳乘閒以精騎數千襲據其城寬戰力屈寧委任氏素驍果出家財募勇士千人設部隊自將以進子琳大懼會糧盡遂遁帝聞子琳取成都遣寧還寧見朝無紀綱而蜀地險遠乃痛誅斂使寬居京師厚賂權貴深結元載父子故寬擢御史中丞寬兄審至給事中寧在蜀久兵浸彊盛肆侈窮欲多污逼將吏妻妾朝廷隱忍不能詰累加尚書左僕射十四年入朝進檢校司空同中書門下平章事兼山陵使俄為御史大夫按舊琳為御史大夫平章事新書云以平章事為御史大夫通鑑高琳罷政事在大厯十四年十一月寧即於是月為單于鎮北大都護無代琳為御史大夫事未知孰是建白擇御史當出大夫不宜謀及宰相因奏李衡于結等任御史楊炎怒不附已寢而不行又惡寧申救劉晏會南蠻合吐蕃入寇覆沒州縣德宗促寧還炎乃說帝曰蜀天下奧壤自寧擅制朝廷失外府十四年此行若

使無功是徒德也若其有功豈不可奪勝敗皆非國家

利帝問卿策云何炎曰請留寧發朱泚所領范陽兵數千人雜禁兵往擊之何憂不克因是得真親兵蜀將破膽然後更授他帥以收千里之權是謂因小禍受大福也帝曰善遂留寧託言重臣竊請北陞改兼京畿觀察使靈州大都督單于鎮北大都護朔方節度鄜坊丹延州都團練觀察等使每道各置留後靈州杜希全振武張光晟新書舊書俱作王翊按翊傳無為振武事而光鄜張光晟誤傳大厯末為振武節度與通鑑合從之州李建徽使得自奏事及署戴休顏杜從政呂希倩何

寧過失盜至夏州與希倩招降党項甚眾炎惡之即奏希倩無綏邊才而以神武將軍時常春代之更拜寧右僕射知省事與盧杞不叶嘗謂所親帝聰明從諫如轉圜但為盧杞所惑爾杞聞之思搆寧於帝會朱泚亂與王翊同赴難翊言其願望又得泚反聞誣以與賊通書乃召至朝堂中人引寧於幕後使二力士縊殺之年六十一籍其家中外寃之貞元十二年故將夏竦銀節度使韓潭請以己官雪寧罪乃聽收葬寧季弟密子繪俱以文辭稱繪四子蠡黯確顏皆擢進士第蠡字越卿開成中為戶部侍郎歷平盧天平軍節度使終尚書左丞子蕘字野夫乾符中為吏部侍郎美文辭辯華繪出為陝虢觀察使王仙芝亂漢上河南羣盜興蕘委政斷豎不恤人疾苦百姓訴早指庭樹示之曰柯葉尚爾何早為即榜笞之上下離心俄為軍吏所執鬻其鬻蕘再拜祈免乃得去渴甚求飲於民民飲以溺坐失守貶端州司馬終左散騎常侍黯字直卿開成初為監察御史奏郊廟祭事不虔條具以聞擢員外郎累遷諫議大夫確字岳卿顏字希卿位皆郎中

李澄遠東襄平人隋蒲山公竟之遠胄以勇剽隸江淮都統李垣府為偏將又從丞平節度李勉軍勉帥汴表澄滑州刺史李希烈陷汴勉走澄以城降賊希烈以為尚書令節度丞平軍興元元年澄遺盧融開道奉表詣行在德宗嘉之署帛詔內蜜丸授澄刑部尚書汴滑節度使澄未即宣乃先勒訓士馬希烈疑以養子六百戍之賊急攻寧陵邀澄至石柱澄密令焚營為驚遁者養子輩果乘以剽掠澄盡斬之希烈不能詰賊遣將翟崇暉率精兵寇陳州未還汴軍寡澄度不能制已又中官薛盈珍持節至封澄武威郡王賜實封乃燔賊旗節自歸希烈既失澄而崇暉復敗繇是奔汝南澄引兵將取汴屯其北門不敢進及劉洽師屯東門賊將田懷珍納之比澄入洽已保子城矣澄乃舍浚儀兩軍將士日忿爭未能安會鄭州賊將孫液送款於澄澄遣子清馳赴之先是河陽節度使李芄使偏將雍希顥舊書作雍顥攻鄭數殘剽液拒之及納清希顥大怒急攻鄭清助守殺河陽兵數千希顥焚陽武去澄遂如鄭詔授清檢校太子賓客易名克寧貞元初遷澄檢校尚書左僕射義成軍節度使二年卒年五十四贈司空澄始封隴西公後乃進王爵每上章必疊署一封士大夫笑其野澄之喪克寧闕不發欲自領事其行軍司馬馬鉞不許克寧殺之嬰城將為亂劉洽以兵屯境上遣使諭止詔以賈耽代鎮克寧乃護喪歸悉索府中財夜出軍士從剽之殆盡澄柩至京猶賜克寧莊一區錢千緡粟麥數千石云

韋全義史失其先世與卒伍以巧佞事宦者竇文場擢累長武城使進拜夏綬銀宥節度使詔以長武兵赴屯全義素樸食無紀律詔未下軍中偏知之謀曰夏州沙

積無樹藝生業不可往是夜謀而亂全義繼以逸殺其親將王栖巖趙虔曜等軍虞候高崇文誅亂首眾乃定全義得屯吳少誠以蔡拒命詔合十七鎮兵討之時軍無帥統惟以奄豎監之遂敗于少淑德宗以文場素為全義地因用為淮西行營招討使以陳許節度使上官況副之諸鎮兵皆屬全義無它方路號令悉稟監軍每議攻戰官豎十數紛爭帳中互詆嘗不能決賊知之數請戰遇賊廣利城方暑地沮洳士皆病厲全義未嘗存之既賊師皆潰退保五樓賊移屯逼之乃與監軍賈英秀等保澗水不能固又入屯陳州宦人共掩其敗帝不知少誠度無能為即謾書謝監軍求洗前咎帝下其議宰相賈耽請納其誠帝然之全義班師過闕下託疾不入謁司馬崔放見帝謝無功帝曰全義誘少誠歸國功大矣何必殺敵乃為功邪還屯夏州令人即第宴賚然卒不得見帝去時恨帝失政使姦人得肆云憲宗在藩疾之既嗣位全義大懼願入覲不復用以太子少保致仕卒其子獻女樂八人帝不納曰我方以儉治天下惡用是為哉

嚴礪字元明梓州鹽亭人少為浮屠法太守偉其材表為玄武尉從祖兄震鎮山南署牙將德宗臨幸主饋餉有功遷都虞候為人輕躁多奸謀以便佞自矜累為興州刺史震卒以礪權主留府事遺言薦之即拜本道節度使在位貪吝苟得士民不勝其苦誣奏馬助貶賀州司戶劉闢反以儲備有素加檢校左僕射兼領東川擅沒吏民田宅百餘所稅外加欲錢及芻粟數十萬元和四年卒贈司空後御史元稹劾發其贓請加惡諡朝廷以其死故但追田宅奴婢還其主稅外所斂悉蠲除云

盧從史其先在元魏時為盛族後徙籍不常父虔好學由進士第歷御史秘書監從史少好騎射遊澤潞開節度使李長榮署為督將貞元後藩臣關德宗必取本軍所喜戴者授之從史在潞姦猾得志又善附迎中人會長榮卒即擢拜昭義節度副大使既得志寢恣不道元和中丁父喪去官從史即獻計誅王承宗陰伺帝旨繇是奪服領澤潞因詔討賊而勒兵逗留陰與承宗交得其密號授軍中又高芻粟直以售度支即上書求兼宰相且誣諸軍與賊通兵未可進憲宗患之初神策中尉吐突承璀與劉壘從史時過其營飲博承璀多出寶幣奇玩夸之從史貪吝所玩悅必遺焉從史喜益狎不疑帝用裴均謀敕承璀圖之承璀伏壯士幕下伺其來與語士突起持出帳後縛內車中從者驚亂斬數十人論以密詔而大將烏重胤素忠果部勒其眾乃定會夜疾驅未明出境道路無知者有詔慰其軍疏從史罪惡貶驩州司馬賜死子繼宗等並徙嶺南

高霞寓幽州范陽人其先五代不異居孝聞里閭德宗詔表其門霞寓能讀春秋及兵法頗以威聲自尚狡譎多變往見長武城使高崇文崇文異其才擢任軍職從擊劉闢戰輒克下鹿頭城降李文悅仇良輔等追戰七盤城有功僉闕於羊灌擢拜彭州刺史俄代崇文為長武城使封感義郡王元和中以左威衛將軍隨吐突承璀討王承宗諸將多覆軍獨霞寓有功詔藏所獲鎧仗於神策庫以旌之承璀已執盧從史其軍相驚乃遣霞寓諭之麾而大呼曰元惡縛矣公等宜自安即脫鎧揖而前眾遂定留為帥霞寓聞道去欲拜豐州刺史三城都團練防禦使討吳元濟也析山南東道為兩鎮以霞

寓宿將拜唐鄧隨節度使退賊南衝霞萬雖悍而寡謀
統制尤非所善始引兵趨蕭陂戰小勝進至文城柵賊
僞北逐之爲伏所掩遂大敗才以身免詔貶歸州刺史
乃厚賂權宦召爲右衛大將軍拜振武節度使會吐蕃
攻鹽豐二州霞萬以兵五千屯拂雲堆虜引去凌金河
溉鹵地數千頃改左武衛大將軍又節度邠寧位檢校
司徒寶曆中以右金吾衛大將軍召卒于道贈太保

欽定續通志卷二百四十三

列傳

唐四十四

元載

嚴郢

王縉 黎幹 楊炎 庾準
竇參 吳通元

元載字公輔鳳翔岐山人父昇本景氏曹王明妃元氏賜田在扶風昇主其租人有勞請於妃冒為元氏舊書載母攜載適昇昇昌姓元氏仍載非景載少孤嗜學尤好道昇子又不詳元氏來歷今從新書載少孤嗜學尤好道書天寶初詔舉明莊老列文四子學者遂入高等補新平尉韋鑑監選黔人苗晉卿留守東都皆署判官連授大理評事司直凌以名聞肅宗初江東李希言表為採訪副使擢祠部員外郎洪州刺史入為度支郎中占奏敏給帝甚異之累遷戶部侍郎充度支江淮轉運等使帝不豫李輔國用事其妻即載宗女因相締結會京兆尹缺輔國自用載載意屬國柄固辭輔國會其意翌日拜同中書門下平章事領使如故代宗立輔國數稱其才進拜中書侍郎許昌縣子載以度支職務繁重慮其事督責傷名損威乃悉委劉晏俄判天下元帥行軍司馬盜殺輔國載陰與其謀乃復以厚利結中人董秀刺取密旨凡帝有所屬必先知之探微揣端無不諧契故帝任不疑華原令顧繇白發其私帝斥繇除名為民載與內侍魚朝恩不叶乘間奏誅之於肆益甚時擬奏文武官功狀多舛慮有司駁正請別敕授六品以下官吏兵二部即附甲團奏不須檢勘又與王縉請以河中為中都選兵五萬列屯鎮禦關輔河東十州稅實之抄秋行幸春首還京可避羌戎之患遣所親經圖宮殿先築私第帝聞惡之置其議初四鎮北庭行營節度使寄

治涇州議者皆謂散地不可守載請徙京西軍戍原州移子儀大軍駐涇以為根本分兵守石門木峽隴山之險北抵于河稍置鳴沙縣豐安軍為之羽翼北帶靈武五城為之形勢然後舉隴右之地以至安西是謂斷西戎脛朝廷高枕矣圖上地形使吏開入原州度水泉計徒庸車乘畚鍤之器悉具而田神功沮短其議乃曰與師料敵老將所難陛下信一書生舉國從之誣矣帝由是疑不決時載久得君外委主書卓英倩李待榮內劫婦言縱子關通貨賄京師要司及方面皆進用貪穢城中開南北二第近郊起臺觀膏腴別墅疆畛相望名姝異伎舉集其門恣為淫褻不避人倫帝知而戒之怒然不悅有李少良者以吏進由諸府累遷殿中侍御通按通作或罷遊京師不見調憤載不法疏論其惡帝留少良客省欲究其事其友韋頌漏言於陸瑋載召瑋問知之乃奏殺少良及瑋頌皆杖死由是道路目語不敢復議帝積怒大歷十二年三月遣金吾將軍吳湊收載及王縉繫政事堂分捕親吏諸子下獄命劉晏李涵等訊狀遣中使臨詰陰事皆服先杖殺董秀賜載自盡於萬年縣據通載妻王氏江西節度忠嗣女素以兇戾聞子伯和揚州兵曹參軍仲武祠部員外郎季能校書郎並賜死發其祖父冢劉棺棄尸並毀廟主破大寧安仁二第修百官署以東都第助治禁苑籍其家鍾乳五百兩分賜朝臣胡椒至八百斛它物稱是女貞一没入掖庭德宗為太子實用載議興元元年詔復其官聽改葬諡曰荒後改曰成載敗卓英倩李待榮術者李季連悉論死其坐貶者楊炎王昂宋晦韓洄王定包佶徐續裴冀王紀韓會等凡數十人英倩弟英璠家金州恃載權豪制

鄉曲無賴少年以何變載誅盜庫兵據險以叛詔發禁卒及山南西道兵討捕刺史孫道平擒殺之

王縉字夏卿本太原祁人後客河中少好學與兄維俱以名聞舉華澤文辭清麗科歷侍御史武部員外郎祿山亂擢太原少尹佐李光弼以功加憲部侍郎歷工兵

二部侍郎史朝義平詔宣慰河北使還稱旨拜黃門侍郎同中書門下平章事通鑑廣德二年以右散騎常侍傳詳載縉由左散騎常侍改兵部侍郎同平章事舊部侍郎宜慰河北拜黃門侍郎進侍中代李光弼持節都統河南淮西山南東道諸節度行營事辭侍中加東都留守歲餘拜河南副元帥請減軍資錢四十萬繕修

軍希彩而還會辛雲京兼領河東節度太原將王無縱張奉璋恃功以縉儒者易之不如律令縉斬以徇諸將股慄再歲還以本官復知政事時元載用事曲意附之素佞佛不茹葷食肉晚年尤甚妻死以道政里第為佛祠每節度觀察使入朝必邀至其所諷令施財佐營

作初代宗喜祠祀未重浮屠法縉與元載盛陳福業報應言國家慶祚靈長皆福報所憑非關人事故帝信愈篤大歷政刑日以堙陵實由於此性貪冒縱弟妹女尼廣納財賄猥屑相積若市賈然及敗劉晏等鞫其罪同載論死晏謂李涵曰重刑再覆國家常典又法有首從二人同刑亦宜重取進止乃覆奏帝憫其耄不加刑貶

括州刺史久之遷太子賓客分司東都卒年八十二黎幹戎州人善星緯術得待詔翰林累至諫議大夫自負其辯沾沾喜議論寶應初禮官建言以景皇帝配天地比於商之契周之后稷於禮為宜幹非之上十詰十難傳經義詆鄭元議開代宗不聽其言遷京兆尹以治

志四七〇五

續通志

卷二百四十四

列傳

唐

稱京師苦乏耕斡議開漕渠運載久之渠不就改刑部侍郎魚朝恩欺坐交通出為桂州刺史本管觀察使大曆八年復召為京兆尹時大旱幹造土龍自與巫覡對舞彌月不應又禱孔子廟帝聞命毀土龍減膳節用既而霖雨十三年涇水壅隔請開鄭白支渠復秦漢故道以溉民田廢碾磴八十餘所幹性貪暴既復用專徇財色附會嬖近狹左道希主恩帝甚惑之德宗在東宮幹與宦者劉忠翼謀危宗嗣及即位又詭道希進密語忠翼第事覺除名長流賜死藍田驛

楊炎字公南鳳翔天興人曾祖大寶武德初為龍門令劉武周攻之死於守贈全節侯祖哲以孝行旌父播登

進士第退居求志玄宗召拜諫議大夫棄官歸養肅宗

就加散騎常侍賜號元靜先生舊書作元靖炎美鬚眉風骨

峻峙文藻雄奇汗隴開號為小楊山人始辟河西呂崇

賁掌書記李光弼奏為判官不應召拜起居舍人固辭

廬三代以孝聞門樹六闕近古未有終喪起為司勳員

外郎遷中書舍人知制誥元載與炎同郡炎又元出也

擢炎吏部侍郎史館修撰引以自近親重無比載敗貶

道州司馬德宗在東宮雅知其名及即位崔祐甫薦炎

可器任即拜門下侍郎同中書門下平章事舊制天下

財賦皆貯于左藏太府四時上其數比部覆其出入及

第五琦為度支鹽鐵使時京兆多豪將求取無節不能

自制乃悉進大盈內庫天子以給取為便遂不復出自

是天下公賦為人君私藏有司不得計盈縮宦官持簿

籍蠶食其閒根抵連結牢不可動炎奏財賦國之大本

生民之命天下治亂重輕繫焉先朝權制以中人領其

職豐儉盈虛雖大臣不得知則無以計天下利害政之蠹微莫甚於此請出之以歸有司度宮中一歲經費幾何量數奉入帝從之乃詔歲中裁取以入大盈按舊書每歲量進三五十萬通鑑歲于數中擇精好者三五千匹質錄亦五異度支具數先聞又請為兩稅法盡革天寶至德以後積弊詳見食凡百役之費一錢之歛先度其數而賦於人量出制入戶無主客以見居為簿人無丁中以貧富為差不居處而行商者在所州縣稅三十之一度所取與居者均使無僥利居人之稅秋夏兩入之俗有不便者正之其租庸雜徭悉省而丁額不廢其田畝之稅率以大曆十四年墾田之數為準而均收之夏稅盡六月秋稅盡十一月歲終以戶賦增失進退長吏而尚書度支總焉帝善之詔論中外天下咸稱其便自是人不土斷而地著賦不加歛而增人版籍不造而得其虛實吏不誠而姦無所取輕重之權始歸朝廷矣炎以單議悟天子中外翕然望為賢相

居數月崔祐甫疾不能視事喬琳免炎獨當國遂多變

祐甫之政減薄護元陵功人始不悅又請開豐州陵陽

渠發畿縣民役作閭里騷然渠卒不就素德元載思有

以報之於是復議城原州段秀實時為涇原節度請安

邊卻敵宜以緩計方農事不可遽興功矣怒追為司農

卿以邪宦李懷光督作遺朱泚崔靈統兵萬人翼之詔

下涇軍志曰吾屬為國西屏十餘年始居邠州甫營農

桑有地著之安徙此榛莽中手披足踐既立城壘則又

投之塞外且安寘此乎又懷光持法嚴舉軍畏之裨將

劉文喜因人之怒上疏復求秀實為帥不則朱泚詔以

泚代懷光文喜又不奉詔閉城拒守質其子吐蕃以求

援時方早人情騷擾臺臣請赦文喜帝不聽命泚與懷

光率軍圍其城別將劉海賓斬文喜獻其首涇州平而原卒不能城又以誣殺劉晏朝野側目李正己表請晏罪炎懼乃遣腹心分走諸道聲言宣慰實自辨解言晏往管附會姦邪謀立獨孤妃為后帝自惡之非它過帝聞使中人復其言于正己還報信然於是帝意銜之未發也會盧杞入相炎進中書侍郎同秉政薄杞無學術且貌陋託疾不與會食杞陰恨之舊制舍人分押六曹以平奏報開元初廢其職杞請復之炎固執不可杞益怒又密啟主書過逐之炎謂當自治奈何相侵初炎赴召道經襄漢固勸梁崇義入朝不從後又使李舟馳說及其叛議者以為炎趣成之帝欲用淮西李希烈致討

炎曰希烈為李忠臣養子卒逐忠臣取其位此可以任

乎居無尺寸功猶倔強不奉法設使平賊將何以制之

帝不能平志曰朕業許之不能食言遂用希烈又嘗訪

羣臣可大任者杞薦張鎰嚴叟炎舉崔昭惠伯帝以

炎論議疏闊遂罷為尚書左僕射既謝對延英訖不至

中書杞怒益欲中之按炎罷相通鑑以李希烈軍久不暫免炎相以悅之建中實錄又云會炎病請急累日上

杞大懼與新宣諭旨翌日遷左僕射炎調謝恩甚甚淚

舊書傳頗異先是嚴叟為京兆尹不附炎詳詳至是杞

引為御史大夫炎子安業賂賂狼籍叟按之并得它過

趙惠伯前尹河南重價市炭第為官解御史劾宰相

抑吏私第貴取其直杞召大理正田晉評罪晉曰宰相

於庶官比監臨計羨利罪奪官杞怒譴晉衡州司馬於

是當監主自盜罪絞開元時蕭嵩欲營曲江南立私廟

以為天子臨幸處乃止後炎復取以立廟飛語云地有

王氣故炎取之帝聞震怒會獄具詔三司同覆貶炎崖

州司馬未至百里賜死年五十五貶惠伯費州多田尉

亦殺之初炎矯飭志節頗得名既傳會元載時議薄之
後得政柄果于用私匪賦必讐終以此及禍久之復其
官諡肅愍左丞孔殘駁之更曰平厲

庾準常州人父光先天寶中文部侍郎準以門蔭入仕
無學術以柔媚得幸於王縉繼至中書舍人再遷尙書
右丞縉得罪出爲汝州刺史復入爲司農卿又善楊炎
炎欲殺劉晏知準與晏有隙使爲荆南節度晏既誣死
引爲尙書左丞建中三年卒贈工部尙書

嚴郢字叔敖華州華陰人父正誨以吏更七郡終江南
西道採訪使郢及進士第補協律郎守東都太廟祿山
亂郢取神主秘于家至德初定洛陽有司得以奉迎還
廟擢大理司直呂誼鎮江陵表爲判官方士申泰芝

呂誼傳作以術得幸肅宗妖幻詭眾賊鉅萬潭州刺
史龐承鼎按治帝召還泰芝下承鼎江陵獄郢具言奉
芝左道帝遣中人與誼雜訊有狀帝不然之會郢入朝
誼辨之帝怒卒殺承鼎流郢建州按舊書呂誼傳誼令
事肅宗怒流郢建州承鼎竟得雪無代宗初召郢爲監
郢入朝事承鼎得雪亦與此互異

察御史連署帥府司馬郭子儀表爲關內河東副元帥
府判官遷行軍司馬子儀鎮邠州檄郢主留務河中士
卒不樂戍邠多逃還取渠首尸之乃定歲餘召至京師
元載薦之帝時載得罪不見用御史大夫李栖筠亦薦
郢帝曰是元載所厚可乎答曰如郢材力陛下不自取
而留爲姦人用邪卽日拜河南尹水陸運使大厯末進

拜京兆尹嚴明持法令疾惡撫窮敢誅殺盜賊一哀減
隸工匠丁數百人號稱職宰相楊炎請屯田豐州發
關輔民鑿陵陽渠郢習朔邊利病卽奏朔方五城舊屯
肥饒地自喪亂以來十不壘一今若發二京關輔民於

豐州浚渠營田計所得不補所費而關輔之人不免流
散是虛費旬而無益軍儲也郢又請以鑿渠糧俾舊屯
諸城夏貸冬輸取渠工布帛給田者令據直轉穀則關
輔免調發而屯田自闕炎不許渠卒不成御史臺請天
下斷獄一切待報唯殺人償死餘悉徒邊郢言罪人徒
邊卽流也流有三而一用之誠難且殺人外猶有十惡
今一例徒之法太輕不足禁惡若雜犯等悉與十惡同
徒卽又太重况論徒者至廣例不覆讞若悉待報正恐
案牒填委章程紊擾且邊及近邊若何爲差請下有司
更議炎惡異已陰諷御史張著劾郢匿發民浚渠使怨
歸上繫金吾長安中日數千人遮建福門訟郢寃帝微
知之削兼御史中丞人知郢得原皆迎拜會秋旱郢請
蠲租稅災令度支御史按覆以不實罷爲大理卿災之
罷盧杞引郢爲御史大夫共謀炎罪卽逮捕趙惠伯下
獄楚掠慘棘鍛成其罪天下以郢挾宰相報仇爲不直
然杞內忌郢才因按蔡廷玉事出郢費州刺史道逢樞
殯問之或曰趙惠伯之殯郢內慙忽忽歲餘卒舊書盧
杞傳云

貶郢驪州
刺史恐誤

寶參字時中刑部尙書誣四世孫學律令爲人矜嚴悻
直果於斷以蔭累萬年尉同舍當夕直者聞親疾惶遽
參爲代之會失囚京兆按直簿劾其人參曰彼以不及
調而往參當坐乃貶江夏尉人皆義之遷奉先尉男子
曹芬兄弟隸北軍醉毆其妹父救不止志赴井死參當
兄弟重辟眾請俟免喪參曰父繇子死若以喪延是殺
父不坐皆榜殺之一縣畏伏進大理司直按江淮獄次
揚州節度陳少游偃蹇不郊迎遣軍吏致問參厲辭譏
讓少游慙往調參參不顧卽去婺州刺史郢珽盜賊八

千緡宰相右廷欲免輸其財謂百官集尙書省議多希
意爲助參獨持法卒輸入之遷監察御史湖南判官馬
彛發部令賦千萬令之子因權幸誣奏彛參往按直其
獄彛後佐曹王臯以幹直聞者也入爲御史中丞舉劾
無回忌德宗數召見語天下事或決大議深器之多與
宰相駁異數爲排卻卒無以傷參由是無所憚或率情
制事矣時定百官班參嘗爲大理司直故多其入使
在丞上惡詹事李昇抑其班在諸府少尹下中外稍惡
其專進兼戶部侍郎陳少游死子請襲封參大署省門
曰少游位將相以艱危易節上舍垢不忍發其息容得
傳襲邪遂不敢求封而去神策將軍孟華有戰功或誣
以反龍武將軍李建玉陷吐蕃自拔歸部曲告與虜通
皆論死參悉理出之俄以中書侍郎同中書門下平章
事領度支鹽鐵使每延英對它相罷參必留以度支爲
言實專政也參無學術惟樹親黨以爲耳目四方藩帥
畏之淄青李納厚參外示嚴畏陰賂左右毀短之參愛
族子申爲給事中每除吏多訪申申因得招賂漏禁密
語故申所至人目爲喜鵲帝聞以戒參且曰是必爲累
不如斥之參以情訴曰臣無彊子姪申雖疏屬保無它
犯申竟不悅初陸贄與參不平申舅嗣虢王則之與吳
通元兄弟善共譖贄帝得姦遂申爲道州司馬不浹旬
貶參郴州別駕舊書通元傳參貶柳
州州司馬申錦州司戶宣武劉士寧餽參
絹五千湖南觀察使李異以狀聞帝大怒以爲外交戎
臣欲殺參費以殺之大重乃貶驪州司馬子景伯配泉
州女尼眞如隸郴州没人資產奴婢帝又欲殺申則之
及屬人榮贊固爭法有首從請貶榮遠官申則之除名
流嶺南詔可時宦侍謗不已參竟賜死于邕州年六十

流嶺南詔可時宦侍謗不已參竟賜死于邕州年六十

而杖殺申免榮死諸竇並逐云

吳通玄海州人與弟通微皆博學父道瓘以道士詔授太子諸王經故通玄等太子待之甚善始通玄舉神童補祕書正字又擢文辭清麗科調同州司戶參軍德宗立兄弟踵召爲翰林學士頃之通微遷職方郎中通玄起居舍人並知制誥凡帝有讓逆非通玄筆未嘗慊與陸贄吉中孚韋執誼竝位贄文高有謀特爲帝器遇且更險艱有功通玄等特以東宮恩舊進昵而不禮見贄驟擢頗媚恨贄自恃勁正屢短通玄於帝前又言承平時工藝書畫之冗皆待詔翰林而無學士至德以來命集賢學士入禁中草書詔待進止於翰林院因以名官今四方無事制書職分宜歸中書舍人請罷學士帝不許通玄怨日結謀奪其內職會贄權知兵部侍郎主貢舉乃命爲眞貞元七年通玄拜諫議大夫自以久次當得中書舍人大怨望贄與竇參交惡參從子申從舅嗣虢王則之方爲金吾將軍故申介之使結通玄兄弟其危費飛誘云贄試進士受賄謝帝惡誣構大怒罷參相逐則之昭州司馬通玄泉州司馬又通玄以宗室女爲外婦帝以淫汙近屬自詰之不敢答賜死長城驛通微白衣待罪於門帝宥之內懼禍不敢行喪服

列傳

唐四十五

李栖筠 吉甫

李勉

李鄴

崔從能

李栖筠字貞一世為趙人幼孤有遠度莊重寡言體貌軒特喜書多所通曉為文章勁迅有體要不妄交遊舉進士擢高第調冠氏主簿太守李峴視若布衣交遷安西封常清節度判官表攝監察御史為行軍司馬肅宗駐靈武發安西兵栖筠揀精卒七千赴難擢殿中侍御史李峴與呂諲崔器為詳理使峴表栖筠為判官多務平恕輕重以情故峴獨得美譽出呂諲崔器上遷吏部員外郎判南曹時大盜後選備亡舛多偽冒栖筠判析有條吏氣奪號神明遷山南防禦觀察使會峴去相栖筠坐所善除太子中允改河南令李光弼守河陽高其才引為行軍司馬兼糧料使改絳州刺史累擢給事中進工部侍郎關中舊仰鄭白二渠溉田而豪戚壅上游取權利且百所奪農用十七栖筠請皆撤毀歲得租二百萬元載忌之出為常州刺史歲仍旱編民死徙踵路栖筠為浚渠引江流灌田遂大稔捕箱賊張度支黨皆盡乃大起學校堂上畫孝友傳示諸生為鄉飲酒禮登歌降飲人人知勸以治行進銀青光祿大夫封贊皇縣子賜一子官會光弼用平盧司馬許杲討平蘇州寇方清杲恃功擅留上元有竄江吳意朝廷以殘創重起兵拜栖筠為浙西都團練觀察使至則張設武備遣辯士厚齎金幣賞勞杲軍以奪其謀杲懼悉眾渡江栖筠乃益增學廬表宿儒褚冲吳何員等為學官遠邇趨慕又

奏部豪姓多徙買京兆河南規脫徭科請量產出賦以杜姦謀詔可代宗厭元載恣橫欲引剛鯁大臣自助會御史大夫敬括卒即召栖筠與張延賞延賞先至遂代括俄按李少良陸挺等上書劾載陰事依違稱疾帝殊失望出之拜栖筠御史大夫制麻自中以授外庭莫知也栖筠素方挺無所屈於是華原尉侯莫陳怱按通鑑作美原尉未知以優補長安尉富參臺栖筠物色其勞怱色動不能對乃自言為徐浩杜濟辭館所引三人者皆元載黨栖筠并劾之怱等皆坐貶自以任國風憲故事賜百官宴曲江教坊倡願雜侍謝不往臺遂以為法素有相望帝因懼輒止然有進用皆密訪焉多所補助時帝少剛斷栖筠內憂積卒年五十八自為墓誌救贈吏部尚書諡文獻栖筠喜獎善而樂人攻己短為天下士歸重不敢斥其名稱贊皇公公子吉甫

吉甫字宏憲以蔭補左司禦率府倉曹參軍貞元初為太常博士年尚少明練典故昭德皇后崩郵禮廢缺吉甫草具其儀德宗稱善李泌竇參器其才厚遇之累遷駕部員外郎及陸贄為相疑有黨出為明州長史久之起為忠州刺史時贄已謫忠州吉甫愆愆與結歡人益重其量新書傳云辛相欲害贄起吉甫為忠州刺史按舊傳云吉甫遇赦遷忠州贄本傳亦云時吉甫量目並同從贄六年不徙官以疾免尋授柳州刺史遷饒州憲宗立拜考功郎中知制誥俄入翰林為學士遷中書舍人劉闢拒命帝意討之未決吉甫獨請無置宜絕朝貢以折姦謀時李錡在浙西厚賂貴幸請用韓滉故事領鐵又求宜欽吉甫奏言昔章韋多蓄財故劉闢因以搆亂錡不臣有萌若益以鹽鐵之饒采石之險是趣之反也帝悟乃以李吳為鹽鐵使高崇文圍鹿

頭未下嚴礮請出井州兵與崇文趨果聞以攻渝合吉甫以為非是因言漢伐公孫述晉伐李勢李伐譙縱梁伐劉季連蕭紀凡五攻蜀由江道者四宜起宣洪蘄鄂疆弩兵直擣三峽則賊勢必分首尾不致崇文懼舟師成功人有鬪志矣帝從之礮復請大臣為節度吉甫諫曰崇文功且成而又命帥不復盡力矣因請以西川授崇文而屬礮東川使兩相制由是崇文悉力劉闢平吐蕃遣使請尋盟吉甫議德宗初未得南詔故與吐蕃盟自異平尋歸國吐蕃不敢犯塞誠許盟則南詔怨望邊隙日生帝辭其使復請獻濱塞亭障南北數千里求盟吉甫謀曰邊境荒岨犬牙相舐邊吏按圖覆視且不能知今吐蕃絲山跨谷以數番緝而圖千里起靈武著劍門要險之地所亡二三百所有得地之名而實喪之陛下將安用此帝乃詔謝贊普不納張愔既得徐州帝又欲以濠泗二州還其軍吉甫曰淮負泗餉道所會濠有渦口之險前日授建封幾失形勢今暗乃兩廊壯士所立雖有善意未能制其眾又使得淮渦扼東南走集憂未艾也乃止中書吏滑渙素厚中人劉光琦頗竊朝權四方賂遺交至吉甫劾其姦簿家貲得數千萬貶死雷州帝愈倚信元和二年拜中書侍郎同中書門下平章事吉甫在外十餘年究知閭里疾苦常病方鎮疆恣至是上言使屬郡刺史得自為政帝然之出即吏十餘人為刺史自王叔文時選任猥員吉甫始簿其員人得敘進官無留才又度李錡必反勸帝召之使者三往以病解而多持金陷權貴至為錡游說者吉甫曰錡庸材而所畜乃亡命羣盜非有鬪志討之必克帝意決復請起徐州兵為先鋒詔汴州韓宏率兵為犄角則賊不戰而

刑部云云似未可信考異於某均事謂係德裕乘政掩先人之惡改定舊錄故舊傳有此說然則史鑑互有異同恐本傳不無遺美今綜新舊二傳存其可據者而略其不相合者以著闕疑之存云爾

李勉字元卿鄭惠王元懿曾孫父擇言累為州刺史封安德郡公以吏治稱張嘉貞為益州都督性簡貴接部刺史倨甚擇言守漢州獨引同榻坐講釋政事名重當時勉少喜學沈雅清整始調開封汴州水陸都會俗厯錯號難治勉推姦決隱為有名從肅宗於靈武擢監察御史時武臣崛興無法度大將管崇嗣背關坐笑語譁縱勉劾不恭帝歎曰吾有勉乃知朝廷之尊遷司膳員外郎關東獻俘百人將即死勉入見帝曰寇亂之汙半天下欲澡心自歸無絲如盡殺之是驅以助賊也帝馳騎完宥後歸者日至累為河東王恩禮朔方河東都統李國貞行軍司馬進梁州刺史勉假王暉南鄭令暉為權幸所誣詔誅之勉曰方籍牧宰為人父母豈以護殺良吏乎即拘暉為請得免暉後以推擇為龍門令果有名羌渾奴刺寇州勉不能守召為大理少卿然天子素重其正擢太常少卿欲遂柄用而李輔國諷使下已勉不肯乃出為汾州刺史歷河南尹徙江西觀察使厲兵睡鄰平賊屯部人父病以蠱道埋木偶署勉名掘治驗服勉曰是為其父則孝也縱不誅人為京兆尹兼御史大夫魚朝恩領國子監威寵震赫前尹黎幹詔事之須其人敕吏治數百人具以餉至是吏請勉不從尋拜嶺南節度使番禺賊馮崇道桂州叛將朱濟時等負險為亂殘十餘州勉遣將李觀率容州刺史王樹討斬之五嶺平西南夷船歲至纔四五譏視苛謹勉既廉潔又不暴征明年至者乃四千餘柁居久未嘗技飾器用車服後召歸至石門盡搜家人所蓄犀珍投江中時人

謂可繼宋璟盧奐李朝隱部人叩闕請立碑頌德代宗許之進工部尚書封汴國公滑臺節度使令狐彰且死表勉為代從之勉居鎮且八年以舊德方重不威而治諸帥暴桀者皆尊憚之田神玉死詔勉節度汴宋未行汴將李靈耀反魏將田悅以兵來叩汴而屯勉與李忠臣馬燧合討之淮西軍據汴北河陽軍壁其東大將杜如江尹伯良與悅戰匡城不勝徙靈耀合忠臣將軍李重倩夜攻其營與河陽軍合謀賊不陣潰脫走河北靈耀奔韋城為如江所擒勉縛以獻斬關下既而忠臣專汴故勉遷滑臺明年忠臣為麾下所逐復詔勉移治汴德宗立就加同中書門下平章事俄為汴宋滑毫河陽等道都統建中四年李希烈圍襄城詔勉出兵救之帝又遣神策將劉德信以兵三千援接勉奏言賊以精兵攻襄城而許必虛合兵直搗許則襄圍解不待報使其將唐漢臣與德信襲許未至數十里有詔詰讓二將懼而還次扈謂不設備為賊所乘殺傷什五輜械盡亡漢臣走汴德信走汝勉懼東都危復遣兵四千往戍賊斷其後不得歸於是希烈自將攻勉氣索嬰守累月援莫至哀兵萬人潰圍出東保睢陽興元元年勉固讓都統以檢校司徒平章事召既見帝素服待罪詔不許勉內愧取充位而已不敢有所與貞元初帝起盧杞為刺史袁高還詔不得下帝問勉曰眾謂盧杞姦邪朕願不知謂何勉曰天下皆知而陛下獨不知此所以為姦邪也時遷其對然自是益見疏居相二歲辭位以太子太師罷卒年七十二贈太傅諡曰貞簡勉少貧客梁宋與諸生共逆旅諸生疾且死出白金曰左右無知者幸君以此為我葬餘自取之勉許諾既葬密置餘金棺

下後其家謁勉其啟墓出金付之位將相所得奉賜悉遺親黨身沒無贏藏其在朝廷鍾亮廉介為宗臣表禮賢下士有終始管引李巡張參在幕府後二人卒至宴飲仍設虛位沃饋之遣戍兵常視其資糧春秋存問家室故能得人死力善鼓琴有所自製天下寶之樂家傳響泉韻磬勉所愛者

李鄘字建侯江夏人北海太守邕之從孫大厯中第進士又以書判高等補祕書省正字李懷光辟致幕府擢累監察御史懷光反鄘與母妻陷焉因給懷光以兄病臥洛且革母欲在視懷光許可戒妻子無偕行鄘私遣之懷光怒欲加罪謝曰鄘籍在軍不得隨侍老母奈何不使婦往懷光止不問後與高郢密奏賊軍虛實及所以攻取者德宗手詔褒答懷光覺駭兵召二人問之鄘詞氣不撓三軍為感動懷光不殺囚之河中平馬燧破械致禮表佐其府以言不用罷歸洛中嗣曹王皇奏兼殿中侍御史薛致襄州幕府人為吏部員外郎徐州張建封卒兵亂囚監軍迫建封子愔主軍務帝以鄘為宣慰使持節直入其軍大會士喻以禍福出監軍獄中使復其位眾不敢動愔即上表謝罪稱兵馬留後鄘曰非詔命安能輒稱之削去乃受既還稱旨遷郎中順宗時進御史中丞憲宗立為京兆尹進尚書右丞元和初京師多盜賊復拜京兆尹以檢校禮部尚書為鳳翔驍右節度使未幾移鎮太原入為刑部尚書諸道鹽鐵轉運使拜淮南節度使王師討蔡方急李師道謀撓沮之鄘以兵二萬分壓鄆境貨餉不仰有司是時兵興天子憂財乏使程異馳驛江淮諷諸道輸貨助軍鄘境內素富彊即籍府庫留一歲儲餘盡納於朝諸道由是悉索以

獻先是吐突承瑋為監軍貴寵甚鄺亦剛嚴素著差相
敬憚未嘗稍失承瑋歸數稱薦之召拜門下侍郎同中
書門下平章事鄺不喜由宦倖進及出祖樂作泣下謂
諸將曰吾老安外鎮宰相豈吾任乎至京師不肯視事
引疾固辭改戶部尚書俄檢校尚書左僕射兼太子賓
客分司東都以太子少傅致仕卒贈太子太保諡曰肅
鄺彊直無私與楊憑穆質許孟容王仲舒友善皆以氣
自任而鄺當官以峭法操下所至稱治在淮南七年令
行禁止其生殺擒隨一委軍吏而參佐束手不得與人
往往陷非法物議以此少之子棻舊書仕歷宗正卿京
兆尹河東鳳翔節度使以祕書監卒

棻子礪字景望大中末擢進士累遷戶部郎中分司東
都劾奏內園使郝景全不法事景全摘礪奏犯順宗嫌
名坐奪俸礪上疏辨之得不奪黃巢陷洛礪挾尚書八
印走河陽時留守劉允章為賊脅遣人就礪索印拒不
與允章悟亦不臣賊光啟中避亂淮南嗣襄王僞詔至
苦諫高駉勿受不納王鐸鎮滑臺杖策詣之鐸表薦召
人為中書舍人翰林學士乾寧元年進禮部尚書同中
書門下平章事時宰臣崔昭緯素疾礪諷劉崇魯掠其
麻哭之官礪懷姦不可相天子乃左授太子少傅礪自
言為崇魯誣汗書十一上不止議者譏其非大臣體昭
宗素所器遇快意復用在位數月又罷為太子少師於
是李茂貞王行瑜韓建擁兵闕下列礪罪殺之於都亭
驛行瑜誅詔復官爵贈司徒諡曰文礪好學聚書至萬
卷世號李書樓所著文章及註解諸書傳甚多子沈字
東濟有俊才亦遇害贈禮部員外郎

太原山中會歲饑拾橡實以飯講學不廢羅進士第辟
山南嚴震府為推官以母喪免兄弟廬墓喪闋不應辟
命久之韋臯引為西山運務使權知邛州事前刺史有
以盜繫獄辭已具從疑其冤縱不治俄得真盜臯卒劉
闢反欲并東川從以書諭止闢闢怒攻之從乃募兵嬰
城守高崇文平闢從完州自如盧坦表為宣州副使人
為殿中侍御史遷吏部員外郎異時吏給選者成牒以
先後丐賂從一限出之後遂為法裴度為御史中丞奏
以右司郎中知雜事度已相代為中丞彈治不屈權幸
事繫臺閣而付仗內者必抗章論列請還有司薦引御
史務取質重廉退者李翊以寵得京兆尹為莊憲太后
山陵橋道使務以減末徭費為功至不治道輶車留渭
橋久不得進從三劾之無少貸俄授陝觀察使遷尚
書右丞王承宗請割德棣而遣子入侍也憲宋選堪使
者以命從議者謂承宗狼謫非單使可屈從次魏田宏
正請以五百騎從辭之惟童騎十數疾趨鎮集軍士蹙
場宣詔為陳逆順大節禍福之效音辭暢厲士感動承
宗自失貌愈恭至泣下即按二州戶口符印上之還為
山南西道節度使帝欲遂相之監軍使揣知為用事者
求金從不肯答用是不得相長慶初繇尚書左丞領鄜
坊節度屬部多神策屯軍數亂法驕橫吏不能制從一
繩以法下皆重足畏之党項互市羊馬類先遣帥守從
獨不取而厚慰待之羌不敢盜境寶歷初為東都留守
故事留司官入宮城門列晨衙見留守吏誕傲久廢至
是復行召拜戶部尚書宰相李宗閔以從為裴度李德
裕所善內不喜從求致仕除太子賓客分司東都告滿
百日去於是思謙語不平宗閔懼復授檢校尚書左僕

射淮南節度副大使知節度事揚州凡交易貨產奴婢
有貫率錢畜羊有口算又買麴牟其贏以佐用度從皆
蠲除之官吏俸帛常加倍以給獨節度使則否從皆與
之同大和六年卒年七十二下有剗股肉以祭者贈司
空諡曰貞從為人嚴偉立朝稜稜有風望不喜交權利
忠厚而讓購品當立門戟終不請位方鎮內無聲妓娛
玩士大夫賢之

能字子才渾城以朔方軍討朱泚引佐幕府累遷黔中
觀察使以譏坐貶從為中丞奏以自代繇將作監授鎮
南節度使卒贈禮部尚書從子慎由安潛能子彥曾自
有傳

列傳

唐四十六

王忠禮

魯兗

王難得子顏

辛雲京

京果

李茂休

李叔明

曲環

盧羣

李元素

盧士攻

王忠禮高麗人入居營州父爲朔方軍將忠禮習戰鬪

從王忠嗣至河西與哥舒翰同爲押衙及翰爲隴右節

度使忠禮與中郎將周倂爲翰押衙以功授右衛將軍

關西兵馬使從討九曲後期當斬臨刑翰釋之忠禮徐

曰死固分也何復貸爲諸將壯之俄加金城郡太守安

祿山反翰爲元帥奏忠禮兼太常卿充元帥府馬軍都

將委以軍事潼關失守忠禮走行在肅宗責不堅守引

至蠡下將斬之宰相房瑁諫以爲可收後效遂赦之尋

副房瑁戰便橋不利更爲關內行營節度河西隴右伊

西行營兵馬使守武功賊安守忠來戰思禮退保扶風

長安平思禮先入清宮收東京戰數有功遷兵部尚書

封霍國公食實戶五百尋兼潞沁等州節度乾元元年

總關中潞州行營兵三萬騎八千與子儀圍賊相州軍

潰惟思禮與李光弼兩軍獨全尋破史思明別將萬餘

眾於直千嶺光弼徙河陽代爲河東節度副大使上元

元年加司空自武德以來三公不居宰相惟思禮而已

二年薨贈太尉諡曰武烈思禮善守計短攻戰然持法

嚴整士不敢犯在太原器甲完精儲粟至百萬斛思禮

在太原儲府盈衍請輸牛以實京師事見鄧景山傳

魯兗幽州人長七尺餘略通書史以蔭補左羽林長

上隴右節度使哥舒翰引爲別將從破石堡城收河曲

遷左武衛將軍後復以破吐蕃跳蕩功除右領軍大將

軍安祿山反拜上洛太守將行於帝前畫攻守勢遷南

陽太守兼守捉防禦使封金鄉公尋爲山南節度使以

潼南黔中山南東道子弟五萬屯泚水南賊將武令珣

畢思琛等擊之眾欲戰思不可賊右趨乘風縱火鬱氣

奔營思與中人辭道挺身走舉眾沒賊收散兵保南陽

潼關失守賊使哥舒翰招下不從使武令珣攻之令珣

死田承嗣繼往頴川來瑒襄陽魏仲犀合兵援兗兗城

中食盡餓者相枕藉朝廷遣中使者曹日昇宣慰加兗

特進太僕卿不得入日昇以十騎馳入城致命復以騎

趨襄陽領兵千由音聲道運糧餉兗故兗得與賊相持

踰三月兗被圍凡一年晝夜賊人相食卒無救至德二

載五月乃率眾突圍走襄陽承嗣尾擊兗死戰二日

斬獲甚眾賊引去俄拜御史大夫襄鄧十州節度使會

二京平賊走河北時襄漢數百里鄉聚蕩然舉無樵烟

初賊欲剽亂江湖賴兗適扼其衝故南夏以完策勲封

岐國公實封二百戶乾元元年又加淮西節度鄧州刺

史與九節度圍安慶緒於相州兗領淮西襄陽兩鎮步

卒萬人騎三百明年與史思明戰安陽王師不利兗中

流矢輒奔諸節度潰去所過剽奪而兗軍尤甚有詔來

填節度淮西徒兗鄭陳毫節度使至新鄭聞郭子儀整

軍屯穀水李光弼還太原兗羞懼仰藥死年五十七

王難得沂州臨沂人父思敬少隸軍試太子賓客難得

健武工騎射天寶初爲河源軍使吐蕃贊普子郎支都

者恃越敏乘名馬寶鈿鞍略陣挑戰甚閑暇難得怒挾

矛馳馬直斬其首玄宗壯其果召見令殿前作刺賊狀

大悅賜錦袍金帶累授金吾將軍從哥舒翰擊吐蕃至

積石虜吐谷渾王子悉弄參及悉頰藏而還復收五橋

拔樹楨城進白水軍使收九曲加特進肅宗在靈武軍

賞乏難得上家資助軍試衛尉卿俄領與平軍及鳳翔

兵馬使收京師方戰麾下士馬難得馳救矢著眉披

膚郭目乃拔箭斷膚殊死前鬪血膿不已帝嘉之從郭

子儀攻相州累封琅邪郡公爲英武軍使寶應二年卒

贈潞州大都督

子子顏少從父征討檢校衛尉卿生莊憲太后元和元

年憲宗朝南宮乃襲贈思敬爲司徒難得太尉子顏太

師唯子顏子用及封

用字師柔拜太子詹事纔三月封太原郡公掌旛苑累

遷檢校左散騎常侍兼右金吾大將軍謙畏無過卒贈

工部尚書

辛雲京蘭州金城人客籍京兆世爲將家雲京有膽決

常冠軍積功遷特進太常卿史思明屯相州雲京以銳

兵四千襲滏陽追破其眾至浪井授開府儀同三司加

代州都督鎮北兵馬使太原軍亂帝惡鄧景山繩下無

漸以雲京性沈毅因授太原尹進封金城郡王按肅宗

元年建卯月癸丑河東軍亂殺其節度鄧景山都知兵

馬使辛雲京自稱節度使與鄧景山傳云景山遇害肅

宗不復究驗遣使諭撫其軍軍中請雲京爲節度使部

可據此蓋雲京自立之後以軍中之情請諸朝非帝特

授也本傳恐悞雲京治謹於法軍中畏而信之回紇恃舊勳每

入朝所在暴鈔至太原不敢惕息數年太原大治加檢

校尚書右僕射同中書門下平章事大曆三年檢校左

僕射卒年五十五代宗爲發哀流涕贈太尉諡曰忠獻

從弟京果信安王禕節度朔方京果與弟曼以策干說

禕後從李光弼出井陘先驅戰嘉山尤力累遷鴻臚卿

召爲英武軍使代宗立封庸國公遷左金吾衛大將軍進晉昌郡王歷湖南觀察使按京果爲湖南觀察使貪賴其富即劾以死國良恐據職反事見嗣曹王皇及西原蠻傳又嘗私怒部曲殺之有司劾富死賴李忠臣救得釋事見李忠臣傳後爲工部尚書致仕朱泚盜京師而京果本傳俱不載後爲工部尚書致仕朱泚盜京師以老病不能從西嚮慟而卒贈太子少保夏亦從光弼定恆趙後署太原三賊使史思明屯相軍及滄陽旻逆擊走之東都陷退守河陽卒於屯雲京曾孫諱別傳

馮河清京兆人始隸郭子儀軍以戰多拜左衛大將軍後從涇原節度使馬璘充兵馬使數以偏師與吐蕃遇建中時節度使姚合言率兵討關東以河清知留後幕府殿中侍御史姚况領州而行師過關有急變德宗走奉天河清聞問召諸將計事東向哭相勵以忠發儲鎧完仗百餘乘獻行在初帝之出六軍倉卒無良兵士氣沮及河清輸械至被堅勒兵軍聲大振即拜河清涇原節度使安定郡王况行軍司馬朱泚數遣謀人誅之河清輒斬以徇興元元年渾瑊以吐蕃兵敗賊韓旻等涇人妄傳吐蕃有功將以叛卒孥與貨歸之眾大恐且言不殺馮公吾等無類矣田希鑒遂害河清况挺身還鄉里京師平贈河清尚書左僕射拜况太子中舍人况性簡退未嘗言功屬歲凶奉稍不自給以饑死河清再贈太子少傅

李芄字茂初趙州人解褐上郡主簿嚴武爲京兆尹薦補長安尉李勉觀察江西表署判官承奉初宣饒劇賊方清陳莊西絕江劫商旅支黨繁結芄請以秋浦置州扼使不得合勉奏以宣之秋浦青陽饒之至德置池州即詔芄行州事魏少游代勉表署都團練副使攝江州刺史勉節度承平復辟幕府會李靈耀反署芄兼亳州

防禦使讓陳頌鎮道德宗立授河陽三城鎮遏使未幾拜節度使以東畿汜水等五縣隸屬與馬燧等破田悅馭水上以功檢校兵部尚書實封百戶進國悅悅將符璘以騎五百降興元初檢校尚書右僕射以疾將請老謂所親曰歲方旱蝗上厭征伐天下城壘堅戈鋒利然務以力勝其可盡乎救敵者莫若德方鎮之臣宜先退讓死權錮祿吾敢言而不踐非吾志也固求罷歸東都卒年六十四贈太子少保

李叔明字晉聞州新政人本鮮于氏仲通之弟也擢明經爲楊國忠劍南判官乾元中除司勳員外郎副漢中王瑒使回紇回紇遇瑒慢叔明讓之可汗爲如禮復命遷司門郎中東都平尹洛陽令招徠遺民號能吏擢商州刺史上津轉運使遷京兆尹尹歌其德久之以疾辭除太子右庶子崔旰擾成都出爲邛州刺史吁入朝即拜東川節度使遂州刺史徙治梓州大厯未表乞宗姓列屬籍代宗從之建中初吐蕃襲火井掠龍州陷扶文遠三州叔明分五將邀擊走之加檢校戶部尚書梁崇義阻命詔引兵下峽戰荆門敗其眾襄州平遷檢校尚書左僕射德宗幸興元出家資助軍悉衣幣獻宮掖加太子太傅封薊國公初東川承兵盜鄉邑彫破叔明治之二十年撫接有方華裔遂安後朝京師以病足賜錦鞞令宦士肩舁以見拜尚書右僕射乞骸骨改太子太傅致仕貞元三年卒諡曰襄叔明素惡道佛之弊上言請本道定寺爲三等觀爲二等上寺留僧二十上一觀道士十四每等降殺以七皆擇有行者餘還爲民德宗善之以爲不止本道可行下尚書省雜議都官員外郎彭偃請僧道士年未滿五十歲輪絹四尼及女冠輪絹

二雜役與民同之過五十者免刑部員外郎裴伯請僧道士一切限年六十四以上尼女冠四十九以上許在道餘悉還爲編民官爲計口授地收廢寺觀以爲廬舍議雖上罷之

子昇通鑑以少卿從德宗梁州叔明嚴救以死報故昇有功擢禁軍將軍貞元初遷太子詹事坐部國公主賤羅州別駕叔明素豪侈在蜀賄財賈第舍田產數數年子孫驕縱貨產皆盡世言多藏者以叔明爲鑒云曲環陝州安邑人客隴右少喜兵法資勇敢善騎射天寶中從哥舒翰討吐蕃拔石堡取黃河九曲淇濟等城授果毅別將安祿山反從魯吳守鄧州與賊武令珣戰尤力加左清道率從李抱玉屯河陽又自將兵守澤州破賊銳將安曉拜羽林將軍與諸將討史朝義平河北累轉金吾大將軍大厯中戍隴州數破吐蕃以功兼太常卿德宗初吐蕃寇劍南詔環以邪隴兵五千馳救收七盤城威武軍維茂等州吐蕃破走威名大振加太子賓客賜名馬豫討涇州劉文喜還開府儀同三司封晉昌郡王邪隴兵馬使時李納逼徐州環與劉元佐救之敗其眾功最建中三年擢邪隴行營節度使李希烈陷汴州環守寧陵戰陳州斬賊三萬五千級禽其將翟崇暉進檢校工部尚書兼陳州刺史希烈平改陳許節度賜封三百戶二州比爲寇衝民苦剽客他縣環勸身節用寬賦斂簡條教不三歲歸者繆係訓農治兵穀食豐衍轉檢校尚書左僕射貞元十五年卒年七十四贈司空

王虔休字君佐汝州梁人少涉學有材武以信義爲鄉黨畏慕大厯中刺史李深署爲裨將澤潞李抱真聞其

名厚以幣招之授兵馬使抱眞討河北戰雙岡臨洛虔休功多擢步軍都虞候封同昌郡王實封五十戶抱眞卒一軍思亂虔休折其邪謀服其言得不亂德宗嘉之以邕王爲昭義節度大使擢虔休潞州左司馬領留後本名延貴至是賜名號令撫循軍中大治初抱眞之喪軍司馬元誼據潞州叛虔休遣將李廷芝討之誼出奔魏治路二歲遷昭義節度使檢校工部尚書始屬城州縣守宰多署他職不親政故治苟簡虔休悉摺俸廩遣就部人以安安卒年六十二贈尚書左僕射諡曰敬盧羣字載初系出范陽少學於垂山淮南陳少游聞其名奏署幕府已而薦諸朝李希烈反以監察御史爲江西行營糧料使嗣曹王臯節度江西奏爲判官臯徙荆襄皆從其府以勁正聞入爲侍御史累遷兵部郎中淮西吳少誠擅決司洧水溉田使者止之不奉詔命羣臨詰少誠曰是於人有利羣曰臣道貴順恭格所以爲順也專命廢順雖利何有且怠於事上者固不能責其下矣少誠聽命羣又爲陳古今成敗事少誠竦然以奉使稱旨遷檢校祕書監鄭滑節度行軍司馬姚南仲入朝卽以羣代節度卒年五十九贈工部尚書

李元素字太樸邢國公密裔孫仕爲御史東都留守杜亞惡大將令狐運會盜劫輸絹於洛北運適與其下咬近郊亞疑而訊之掠服死者甚眾詔監察御史楊靈覆驗事皆不讎亞怒劾靈罔上靈抵罪宰相以獄大宜審奏請覆之詔元素與刑部員外郎崔從質大理司直盧士瞻馳按亞以獄成告元素徐察其冤悉縱所囚以還亞復劾元素比元素還帝已怒奏獄未畢帝曰出元素曰臣言有所未盡帝曰第去元素曰臣以御史按獄知

冤不得盡辭是無容復見陛下帝意解卽道運冤狀帝感悟後歲餘齊抗得眞盜由是天下重之遷給事中會鄭滑節度使盧羣卒拜元素檢校工部尚書節度其軍治有異績元和初召爲御史大夫中外企聽風采旣而一不建爲人人失望李錡反拜浙西節度使數月遷爲國子祭酒進戶部尚書判度支元素少孤奉長姊謹悌及沒悲哽成疾因辭職屏居再娶妻王氏方慶之孫性柔弱元素爲郎官時甚禮重及貴溺情姬侍遂不見答且又無子而前妻之子已長無良及寢疾昏惑聽譖出之王訴諸朝詔免元素官且令畀王貲五百萬卒贈陝州大都督

盧士攻者山東人以交儒進端厚無競爲吏部員外郎善於職再遷知京兆尹劉櫛入朝與士攻故內姻乃請折濬鄭兩州用士攻爲觀察使詔可俄而幽州亂朱克融襲之朝廷欲重其任就加節度使士攻空家貴助軍然部卒多家幽州陰導克融入故士攻闔府皆見囚幽州及雪克融始得還以太子賓客分司東都除虢州刺史復爲賓客卒贈工部尚書

欽定續通志二百四十六

列傳

唐四十七

令狐彰建 張孝忠 茂宗 茂昭 茂瑛 茂楚

康日知 承訓 李洎 劉雍

田宏正 承章 王承元 牛元翼 傅良備

史孝章 憲忠

令狐彰字伯陽京兆富平人志膽沈果知書傳大義射
命中從安祿山天寶中署左衛郎將祿山叛與張通儒
入長安偽署左衛使二京平走河朔史思明署博滑二
州刺史屯滑臺既而反正因監軍楊萬定以聞自祿山
構逆未有舉州向化者肅宗大悅拜滑臺魏博節度使
河朔平加兼御史大夫封霍國公檢校尚書右僕射始
滑當寇衝城邑墟榛彰躬訓吏下檢軍力農遺土防秋
自齋糧所過無秋毫犯然猜阻枝忍忤者輒死與魚朝
恩有隙及用事彰不敢入朝會母喪失明卒方疾甚敕
子建通運歸東都私悉上軍府兵仗財用簿最表吏
部尚書劉宴工部尚書李勉堪大事請以自代宗得
表否悼下詔褒美其門閭贈太傅

建累官右龍武軍使德宗幸奉天建方肆射遂以四百
人殿擢行在中軍鼓角使左神武軍大將軍其妻成德
節度使李實臣女也建將棄之誣與門下客部士倫通
榜殺士倫而逐其妻實臣請劾案無狀建會赦免俄起
為右領軍大將軍復坐專殺以勳坐妄妄自陳貶施州
別駕卒贈右領軍大將軍又加贈揚州大都督憲宗時
討蔡用李吉甫言以彰前遣子受代授建弟通贊善大
夫運徙壽州團練使以昭彰之忠且風蔡通懼賊不敢

戰貶昭州司戶參軍事終左衛大將軍運為東都留守
將為杜亞所陷流死歸州

張孝忠本奚種世為乙失活酋長父諡納款授鴻臚卿

孝忠以勇聞燕趙間性寬裕事親孝天寶末以善射供
奉仗內安祿山奏為偏將破九姓突厥以功擢漳源府

折衝安史再陷河洛常為賊前鋒朝義敗乃自歸授左
領軍將軍以兵屬李寶臣累加左金吾衛將軍寶臣待

之厚奏為易州刺史分精騎七千當幽州擢大子賓客
封符陽郡王寶臣晚節稍忌刻召欲殺之孝忠不往會

病死子惟岳擅立詔朱滔以幽州兵討之滔忌孝忠善
戰慮師出為己思使判官蔡雄說以順逆孝忠即遣將

程華報滔連和遣錄事參軍董積入朝德宗嘉之擢
檢校工部尚書成德軍節度使令與滔并力敗惟岳於

東鹿滔欲乘勝襲恆州孝忠乃引軍西北壁義豐滔疑
之孝忠將佐諫曰尚書推赤心於朱司徒可謂至矣今

逆賊已潰元功不終後且悔之孝忠曰本求破賊賊已
破矣而恆州多宿將追之則死鬪緩之則改圖且滔言

大而識淺可以慮始難與守成故吾堅壁於此以待賊
之滅耳滔亦止屯東鹿月餘王武俊果斬惟岳以獻已

而定州刺史楊政義以州降孝忠遂有易定時三分成
德地詔定州置軍名義武以孝忠為節度易定滄等州

觀察使後滔與武俊叛復遣蔡雄說之答曰吾業已效
忠不復助惡矣乃浚溝壘修器械厲士乘城固守滔悉

兵攻之帝詔李晟寶文場率師援孝忠滔解去孝忠因
與晟結婚天子出奉天孝忠遣將赴難佐晟收京師興

元初詔同中書門下平章事貞元二年河北蝗民餓死
如積孝忠與其下同粗淡日膳裁豆醋而已人服其儉

推為賢將明年檢校司空詔其子茂宗尚義章公主卒
年六十二追封上谷郡王贈太師諡曰貞武子茂昭茂

宗茂和

茂宗擢累光祿少卿左衛將軍元和中歷開府使實歷
初遷充海節度使終左龍武統軍

茂和歷左武衛將軍妻度討蔡奏為都押衙茂和數以
膽勇求自試謂度無功辭不行度請斬之以令軍憲宗

曰子以其家忠且孝為卿遠斥後終諸衛將軍
茂昭本名昇雲德宗時賜今名字豐明少沈毅頗通書

傳孝忠時累擢檢校工部尚書孝忠卒帝拜邕王諒為
義武軍節度大使以茂昭為留後封延德郡王後二年

為節度使久之入朝為帝從容言河朔事帝竦聽曰恨
見卿晚召宴麟德殿賜良馬甲第器幣優具詔其子克

禮尚晉康郡主帝方倚之經置北方會崩故茂昭每入
臨輒哀不自勝順宗立進同中書門下平章事復遣之

鎮憲宗元和二年請朝五奏乃聽願留不許加兼太子
太保既還王承宗叛詔河東河中振武義武合軍為恆

州北道招討茂昭治虜虜列亭候平易道路以待西平
軍承宗以騎二萬踰木刀溝薄王師茂昭躬擐甲為前

鋒令其子克讓從子克儉與諸軍分左右翼繞賊大敗
之會有詔班師加檢校太尉兼太子太傅乃請舉宗還

朝表數上帝乃許北鎮遣客聞說皆不納詔左庶子任
迪簡為行軍司馬乘驛往代茂昭奉兩州符節管鑰圖

籍歸之先赦妻子上道戒曰吾使而曹出易庶後世不
為汙俗所染未半道迎拜兼中書令充河中晉絳慈隰

節度使至京師雙日開延英對五刻罷又表遷墳墓於
京兆許之明年疽發於首卒年五十冊贈太師諡曰獻

武

陳楚者茂昭甥也字材卿定州人有武幹事茂昭歷牙將常統精卒從征伐茂昭入朝擢諸衛大將軍封晉靈郡王元和末義武節度使渾鐔喪師定州亂拜楚節度使馳傳赴軍及郊無迎者左右勸無入楚曰定軍不來迎以試我今不入正墮計中乃冒雪行四十里夜入其州眾心乃定徙河陽三城入為左羽林統軍檢校司空卒年六十一贈司空子君奕亦鳳翔節度使

康日知靈州人少事李惟岳擢累趙州刺史惟岳叛日知與別駕李濯及部將百人啐牲血共盟固州自歸惟岳怒遣先鋒兵馬使王武俊攻之日知使客謝武俊陳順逆形勢勸自拔武俊悟引兵還斬惟岳以獻德宗美其謀擢為深趙觀察使賜實封戶二百會武俊拒命遣將張鍾葵攻趙州日知破之上停京師興元元年以深趙益成德徙日知奉誠軍節度使又徙晉絳累加檢校尚書左僕射封會稽郡王貞元初卒贈太子太師

子志睦字得眾資趨偉工馳射隸右神策軍遷累大將軍討張部以功兼御史大夫進平盧軍節度使李同捷反略千乘志睦挫其銳遂下蒲臺盡奪其械加檢校尚書左僕射徙涇原封會稽郡公卒年五十七贈司空子承訓字敬辭推門功累進左神武軍將軍宣宗擢為天德軍防禦使軍中服其威政詔檢校工部尚書封會稽縣男擢義武節度會南詔破安南詔徙嶺南西道城邕州合容管經略使隸之遂統諸軍行營兵馬南詔深入承訓分兵六道出戰不利士死十八唯天平卒二千還屯閩軍震副使李行素帥眾治濠柵甫畢南詔圍之四日或請夜出兵襲蠻承訓意索不聽天平裨將陰募

勇兒三日夜縱燒蠻屯斬首五百按通鑑諸將請分道所縱承訓不許有天平小校再三南詔恐明日解而去承訓謬言大破賊告於朝加檢校尚書右僕射籍子弟嫫昵冒賞而士不及怨言嗷流謹按通鑑輯覽御批承訓先事無料敵奇致勝願目功掠美親履皆濫膺爵賞而首庸轉不出一階其何以使軍士奮勇效命然彼時豈宗獨何為者嶺南東道節度使章甫白宰相承訓慙移疾授右武衛大將軍分司東都咸通中南詔復盜邊武靈成兵作亂推糧料判官龐勛為長還陷徐州乃拜承訓檢校尚書右僕射義成軍節度使徐泗行營都招討使率魏博

郵延義武鳳翔沙陀吐渾兵二十萬討之凡一年龐勛平芝黃鎮即繼之以起唐書不傳龐勛而附見於承訓傳內事夥文繁不容主粹難尋究今別於承訓內為內傳專傳採承訓傳及通鑑之文以成之承訓還檢校左僕射同中書門下平章事從節度河東於是宰相路巖章保衡劾承訓討賊逗撓貪鹵獲不時上功貶蜀王傅分司東都再貶恩州司馬僖宗立授左千牛衛大將軍卒年六十六子傳業嘗從父征伐終鄆坊節度使

李洎者淄青節度使正己從父兄也始署徐州刺史建中初正己卒子納叛攻宋州洎挈州自歸加兼御史大夫封潮陽郡王實封戶二百充招諭使初洎遣巡官崔程入朝且白宰相徐州不足獨抗賊得海沂為節度可與成功洎素與二州刺史有約且不肯為賊守程先咨張鎰而盧杞怒不先白故中格及納攻徐劉玄佐與諸將擊退之既賊方張乃加洎徐海沂密觀察使時海密為賊守不受命洎未有以取之遷檢校戶部尚書會疽發背少閒肩輿過市市人叫歡洎驚疽潰卒贈尚書左僕射以洎將高承宗代之其弟淡險人也取居下陰約

納攻徐為內應并說滕將翟濟濟執以聞擢濟沂州刺史召淡入京師以洎赦不罪

劉漣盧龍節度使恠之次子濟母弟也涉書史有材武好施愛士能得人死力始事朱滔常陳君臣大義裁抑其凶及恠得幽州不三月病且死漣侍湯液未嘗離以父命召濟於莫州濟副總軍事故德漣之讓以為瀛州刺史許代已久之濟自用其子為副大使漣因請以所部為天子成隴悉發其兵千五百馳歸京師無一卒敢違令者德宗紀貞元八年十一月幽州盧龍軍節度使京師吳鎮曰與本德宗甚寵之拜秦州刺史屯普潤軍傳全異未知孰是

士羅令則詣漣營妄言廢立漣械送闕下殺之錄功號其軍曰保義蕃戎畏懼不敢入寇常熾然有復河湟志屢為朝廷言未見省累封彭城郡公及病籍士馬求代既還卒於道年四十九贈尚書右僕射諡曰景田宏正字安道父廷珩尚儒學不樂軍旅與承嗣為從昆弟仕為平舒丞遷樂壽清池東城河間四縣令以治稱遷滄州刺史李寶臣朱滔與承嗣不協合兵圍滄州廷珩固守連年食盡無叛者朝廷嘉其節徙相州承嗣盜磁相廷珩無所回染及悅代立忌廷珩之正召為節度副使廷珩至稱疾不出悅過謝之杜門不納憤而卒

宏正幼通兵法善騎射承嗣愛之以為必興吾宗名之曰興季安時為衙內兵馬使同節度副使封沂國公後忌其正出為臨清鎮將欲因罪誅之宏正陽痺痼臥家不出乃免季安死子懷諫襲召還舊職懷諫委政於家奴蔣士則措置不平眾怒咸曰兵馬使吾帥也牙兵即詣其家迎之宏正拒不納眾譁於門宏正出眾拜之裔

還府宏正頓於地度不免卽令於軍曰爾屬不以吾不肖使主軍今與公等約能聽命否皆曰唯公命因曰吾欲守天子法舉六州版籍請吏於朝荷天子未命敢有請吾旗節者死殺掠人者死皆曰諾遂到府殺士則及支黨十餘人於是圖魏博相衛貝澶之地籍其入以獻不敢署僚屬而待王官憲宗美其誠詔檢校工部尚書充魏博節度使又遣司封郎中知制誥裴度宣慰度明辯具陳朝廷厚意宏正不覺自失乃深相結納奉上益謹復請度偏行其部宣示天子恩詔因令節度僉謀布

衣崔權奉表陳謝且言欲變山東承襲舊風然後退歸邱園避賢者路死不恨制詔褒答且賜今名天子討蔡宏正遣子布以兵三千進戰數有功李師道疑其襲已不敢顯助蔡故元濟失援王師得致誅焉王承宗叛詔宏正以全師壓境破其眾南宮承宗懼歸窮於宏正宏正表諸朝遂獻德棣二州以謝納二子爲質俄而李師道拒命詔宏正與宣武等五節度兵進討宏正自楊劉渡河距鄆四十里堅壁師道大將劉悟率精兵屯河東戰陽穀再遇再北斬萬餘級賊勢威愕乃反兵斬師道首詔宏正降取十有二州以獻以功加宏正檢校司徒

同中書門下平章事是歲來朝對麟德殿眷勞殊等引見僚佐將校二百餘人皆有班賜進兼侍中實封戶三百擢其兄融爲太子賓客東都留司宏正數上表固請留闕下帝不許遂還悉遣子姓仕朝廷帝皆擢任之穆宗立王承元以成德軍請帥帝詔宏正兼中書令爲節度使宏正以新與鎮人戰有父兄怨取魏兵二千自衛入其軍時天子賜錢一百萬緡不時至軍有怨言宏正親加撫喻乃安仍請留魏兵爲紀綱以持眾心度支崖

後各其稟沮卻之長慶元年七月歸衛兵於魏是月軍亂并家屬將吏三百餘人皆遇害年五十八帝聞震悼册贈太尉諡曰忠愍子布羣卒布字敦禮幼機悟宏正成臨清布知李安且危密白父請以眾歸朝宏正奇之及得魏使布總親兵王師誅蔡以軍隸嚴綬屯唐州凡十八戰破凌雲柵下鄆城以功授御史中丞蔡平入爲左金吾衛將軍諫官嘗論事帝前同列將麾御之布止曰使天子容直臣毋輕進宏正從成德以布爲河陽節度使父子同日受命布所至必

省冗將募戰卒寬賦勸橋人皆安之長慶初徙涇原宏正遇害魏博節度使李愬病不能軍公卿議以魏彊而鎮弱且魏人素德宏正以布之賢而世其官可以成功穆宗遣石布解纜拜檢校工部尚書魏博節度使乘傳以行布號泣固辭不聽乃出伎樂與妻子賓客決曰吾不還矣未至魏三十里跣行披髮號哭而入居聖室屏節旄凡將士老者兄事之祿奉月百萬一不入私門又發家錢十餘萬緡士卒以牙將史憲誠出麾下可任乃委以精銳時中人屢趣戰而度支饋餉不繼布輒以六州租賦給軍引兵三萬進屯南宮破賊二虜於是朱克融據幽州與王廷湊脣齒河朔三鎮舊連衡桀驁自私而憲誠著異志陰欲乘釁又魏軍驕悍格戰會大事師寒糧乏軍中謗沸憲誠得聞因以搖亂會有詔分布軍合李光顏救深州兵怒不肯東眾遂潰皆歸憲誠唯中軍不動布以中軍還魏明日會諸將議事眾譁曰公能行河朔舊事則生死從公不然不可以戰布度眾且亂歎曰功無成矣卽爲書謝帝曰臣觀眾意終且負國臣無功不敢忘死哭授其從事李石詔乃入至几筵引

刀刺心曰上以謝君父下以示三軍言訖而絕年三十八贈尚書右僕射諡曰孝子鐵在宥鐵宣宗時感銀州刺史坐以私鑿易邊馬論死宰相崔鉉奏布死節可賞鐵以勸忠烈故貶爲州司馬在宥大中年爲安南都護頗立邊功

羣會昌中歷蔡州刺史坐贓且抵死兄肇聞之不食卒宰相李德裕奏漢河間人尹次穎川人史玉坐殺人當死次兄初玉母渾官請代因縊於時皆赦其死於是武宗詔減死一等

牟寬厚明吏治爲神策大將軍開成初鹽州刺史王宰失羌人和詔牟代之累遷鄜坊節度使再徙天平三爲武靈一爲靈武軍至檢校尚書左僕射卒諸子皆有方面功以忠義爲當世所高

王承元者承宗弟也有沈謀年十六勸承宗亟引兵共討李師道承宗少之不用然軍中往往指目之承宗死未發喪大將謀取帥他姓參謀崔燧與諸校計以祖母涼國夫人李氏命承元嗣承元泣拜不受諸將軍請承元曰帝使中貴人監軍盡先請監軍至又如命乃謝曰諸君不忘王氏以及孺子苟有令其從我乎眾曰惟所

令遂於衙門都將所視事約左右不得稱留後事一關參佐密表請帥於朝穆宗詔起居舍人栢普宣慰授承元檢校工部尚書義成軍節度使北鎮以兩河故事舊誘承元不納諸將皆悔耆至士哭于軍承元令曰諸君不欲我去意固善雖然格天子詔我獲罪奈何前李師道有詔赦死欲舉族西諸將止弗遣他曰乃其殺之今君等幸置我無與師道比乃徧拜諸將諸將語塞承元卽出家貲盡賜之斬不從命者十輩軍乃定入朝昆弟

志四七一

拜刺史者四人位於朝者四十人祖母入見帝命中宮禮賚異等徙承元鄜坊丹延節度俄徙鳳翔鳳翔右袤涇原地平少巖險吐蕃數入盜承元據勝地為部置守兵千詔號臨汧城以勞封岐國公五年徙節平盧淄青始鹽禁未嘗行兩河承元請歸有司由是充鄆諸鎮皆奉法承元資仁裕所至愛利卒年三十三贈司徒

牛元翼趙州人果而謀王承宗時倚其計為強雄與傅良弼二人冠諸將王廷湊叛穆宗以元翼在成德名出廷湊遠甚自深州刺史擢為深冀節度使以攜其軍廷湊怒遣部將王位以銳兵攻元翼不勝乃合朱克融共圍之詔進元翼成德軍節度使以宣武兵五百進援元翼固守長慶二年詔赦廷湊罪徙元翼山南東道以深州賜廷湊使中人促元翼南廷湊恨之已受詔兵不解招討使裴度詒書請讓克融解而歸廷湊退舍詔並加檢校工部尚書兩悅之淹月元翼率十餘騎冒圍出朝京師廷湊入盡殺元翼親將臧平等百八十八人元翼見廷英資問優縵命中人楊再昌取其家廷湊解以須秋遣元翼聞平等死憤恚卒悉遷所賜於朝廷湊遂夷其家

傅良弼字安道清河人以射冠軍中初瀛之博野樂壽介范陽成德間每兵交先薄二城故常為劇屯德宗以王武俊破朱滔功皆隸成德故以良弼守樂壽李寰守博野廷湊之叛兩賊交誘之而堅壁為國固守有詔以樂壽為左神策行營拜良弼為都知兵馬使寰所領士隸右神策號沂州營亦以寰為都知兵馬使賜第京師俄以良弼為沂州刺史良弼率眾出力戰乃得去寰引兵三千趨沂州廷湊邀之殺斬三百級追者不敢前天

子以良弼寰忠有狀乃更賜奴婢服馬召良弼為左神策軍將軍實歷初擢夏綏銀節度使異時蕃帳亡命來者必償馬乃與良弼至皆執付其部酋種歡懷終橫海節度使寰累擢保義軍節度使後授夏綏宥節度使卒史孝章字得仁資修謹退讓如諸生魏博節度使李愬奇之徵試都督府參軍父憲誠得魏遷士曹參軍孝章兄父數奸命內非之嘗雪涕陳逆順朝廷聞而喜之授孝章節度使使累遷檢校左散騎常侍進檢校工部尚書尋入朝勞予蕃厚憲誠亦上書求觀帝知非憲誠意特錄孝章悟發故分相衛澶而授孝章節度使未至魏人亂父死於軍帝念史氏禍而卹孝章故奪喪拜右金吾衛將軍徙節度鄆坊進檢校戶部尚書久之自鄆監以病丐還卒於行年三十九贈尚書右僕射孝章本名唐後改名

憲誠弟憲忠字元貞少為魏牙門將田宏正討齊蔡常為先鋒闕三十戰中流矢酣鬪不解由是著名憲誠表為貝州刺史魏亂奔京師加累檢校右散騎常侍隴州刺史增亭部徙客館於外戎謀無所伺會昌中築三原城吐蕃因之數犯邊拜憲忠涇原節度使吐蕃遣使來請墮城且願以嘗役使者之人置塞上憲忠知其黠遣使謝之吐蕃情得而服會覺項羌內寇又徙朔方有詔馳驛赴屯憲忠請徐行許之乃移書與羌人示要約羌人乃皆喜奉酒運運道憲忠廉儉少所欲故所至莫不懷德累封北海縣子檢校尚書左僕射兼金吾大將軍以病自丐改左龍武統軍卒年七十一贈司空

欽定續通志卷二百四十七

列傳

唐四十八

劉晏

王紹

李巽

班宏

第五琦

劉晏字士安曹州南華人玄宗封泰山晏八歲按舊書

晏賜死時新書年六十五舊書年六十六考明皇封泰

山在開元十三年乙丑晏在開元庚申若從新

書作八歲則晏年當六十三從舊書七歲則六歲頌行

十二兩書本傳前後俱不相符今仍新書原文

在帝奇其幼命張說試之說曰國瑞也即授太子正字

天寶中累調夏令未嘗督賦而輸無逾期舉賢良方正

補溫令所至有惠民民皆刻石以紀再遷侍御史祿山

亂避地襄陽永王璘署晏右職固辭詔拜度支郎中兼

侍御史領江淮租庸事晏至吳郡而璘反乃與採訪使

李希言謀拒之希言假晏守餘杭發兵堅壁會王敗欲

轉略州縣聞晏有備遂自晉陵西走以功拜彭原太守

徙隴華二州刺史遷河南尹時史朝義盜東都乃治長

水進戶部侍郎兼御史中丞度支鑄錢鑿鐵等使尋兼

京兆府司農卿嚴莊下獄晏遣吏防守其家已而釋誣

劾晏漏禁中語宰相蕭華亦忌之貶通州刺史代宗立

復為京兆尹戶部侍郎領度支鑿鐵轉鑄錢租庸使

晏以戶部讓顏真卿改國子祭酒又以京兆讓嚴武即

拜吏部尚書同中書門下平章事使如故坐與程元振

善罷為太子賓客俄兼御史大夫領東都河南江淮轉

運租庸鹽鐵常平使時大兵後京兆米斗千錢禁膳不

兼時旬農按穗以輸晏乃自按行浮淮泗達于汴入于

河右循底柱砥石觀三門遺跡至河陰鞏洛見宇文愷

梁公瓌斷河為通濟梁視李傑新堤盡得其勢然畏為

人牽制乃移書宰相元載言利害載方內擅朝權既得

書即盡以酒事委晏故得盡其才凡歲至四十萬斛自

是關中雖水旱物不翔貴按通鑑晏以江汴河漕水加

辛緣水置倉轉輸受給自是每歲再遷吏部尚書又兼

運穀至百餘萬斛無升斗沈覆者

益湖南荆南山南東道轉運常平鑄錢使與第五琦分

領天下金穀又知吏部三銓事常執政忌晏有公望

乃言晏舊德當師長百僚用為左僕射實欲奪其權帝

以計務方治詔以僕射領使如舊初晏分置諸道租庸

使慎簡臺閣士專之時經費不充停天下攝官獨租庸

得補署且數百人皆新進銳敏越督倚辦雖權貴干請

欲假職仕者晏厚以稟人奉之未嘗使親事是以人人

勸職第五琦始權鹽佐軍興晏代之法益密利無遺入

初歲收緡錢六十萬末乃什之計歲入千二百萬而權

居大半民不告勤京師鹽羨貴詔取三萬斛以贖關中

自揚州四旬至都人以為神至湖嶠荒險處所出貨皆

賤弱不償所轉晏悉儲淮楚開買銅易薪歲鑄緡錢十

餘萬其措置纖悉如此每朝謁馬上以鞭算質明視事

至夜分止雖休澣不廢事無閒劇即日剖決無留所居

修行里粗糲俸陋飲食儉狹室無媵婢然任職久勢軋

宰相要官華使多出其門故議者頗言晏任數固恩德

宗立言者屢請罷轉運使晏亦固辭不許又加關內河

東三川轉運鹽鐵及諸道青苗使始楊炎為吏部侍郎

晏為尚書不相下元載得罪詔晏鞠治而炎坐貶及炎

執政銜宿怨先是帝居東宮代宗寵獨孤妃而愛其子

韓王宦人劉清潭與嬖幸請立妃為后且言王符異以

搖東宮時妄言晏與謀至是炎見帝流涕曰賴祖宗神

靈先帝與陛下不為賊臣所聞不然劉晏幹搖動社

稷凶謀果矣今幹伏辜而晏在臣位宰相不能正其罪

法當死崔祐甫崔益力相解釋靈尤切至炎怒斥靈於

外遂罷晏使新故所交簿物抗謬貶忠州刺史炎必

傳其罪知康準與晏素憾乃擢為荆南節度使準即奏

晏與朱泚書語怨望又蕞卒擅取官物腦使謀作

亂災證成之建中元年七月詔賜晏死年六十五後十

九日賜死詔書乃下且暴其罪家屬徙嶺表坐累者數

十人天下以為冤與元初帝浸悟乃許歸葬貞元五年

遂擢晏子執經為太常博士宗經祕書郎執經還官求

追命有詔贈鄭州刺史又加司徒晏歿二十年而韓洄

元琇裴曉李衡包估盧徵李若初繼掌財利皆晏所辟

用晏既被誣而舊吏推明其功著洄以為管蕭之亞云

琇後以尚書右丞判度支國無橫斂而軍旅濟為韓滉

所惡貶雷州司戶參軍詳見韓滉傳映以兵部侍郎判度支

封聞喜縣公衡歷戶部侍郎信潤州延陵人父融以詩

名信累官諫議大夫坐善元載貶嶺南晏奏起為汴東

兩稅使晏罷以估充諸道鹽鐵輕貨錢物使終祕書監

開陽郡公徵累官戶部侍郎歷同華二州刺史若初累

官浙西觀察諸道鹽鐵使時天下錢少貨輕州縣禁錢

不出境商賈不通若初始奏縱錢以起萬貨詔可卒贈

禮部尚書

晏兄暹為汾州刺史天資疾惡所至以方直為觀察使

所畏建中末召為御史大夫宰相盧杞懼其嚴更薦前

河南尹于頔代之暹終潮州刺史

暹孫潼字子固擢進士第杜棕判度支表為巡官累遷

祠部郎中大中初討党項羌軍食乏宰相欲以潼為使

難其遣潼請行遂命為供軍使會復河湟調師屯守以

潼判度支河湟供軍案歷京兆少尹山南有劇賊依山為剽宣宗怒欲討之宰相崔鉉曰此陛下赤子迫於飢寒弄兵山谷間不足討請遣使喻釋之詔潼馳往潼挺身直叩其壘曰有詔赦爾罪盜皆列拜約潼就館而降會山南節度使封敖遣兵擊賊潼罷歸數陳邊事擢右諫議大夫出為朔方靈武節度使坐累貶鄭州刺史改湖南觀察使召為左散騎常侍拜昭義節度使徙河東又徙西川時李福討南詔兵不利潼至撫以恩信蠻皆如約六姓蠻持兩端為南詔間候潼出兵襲擊俘五千人南詔大懼自是不敢犯邊吳綱糾謬云按南詔傳潼宗咸通七年八年之間也當是時南詔嘉南寇安南西撥成都至咸通十年又自沐源入寇嘉州由此言之則南詔何嘗不敢犯邊乎若云南以功加檢校尚書右

僕射卒贈司空

第五琦字禹珪京兆長安人少以吏幹事葦堅堅敗不得調久之為須江丞太守賀蘭進明才之安祿山反進明徙北海奏琦為錄事參軍事時賊已陷河開信都進明未戰玄宗怒遣使封刀趣之曰不亟進即斬首進明懼不知所出琦勸厚以財募勇士出賊不意如其計復收所陷郡肅宗駐彭原進明遣琦奏事既謁見即陳今之急在兵兵強弱在賦賦所出以江淮為淵若假臣一職請悉東南寶貨飛餉洛帝悅拜監察御史旬當江淮准租庸使遷司虞員外郎河南等五道支度使遷司金郎中兼侍御史諸道鹽鐵鑄錢使鹽鐵名使自琦始進度支郎中兼御史中丞當軍興隨事趨辦不益賦而用以饒於是遷戶部侍郎判度支河南等道支度轉運租庸鹽鐵鑄錢司農太府出入山南東西江西淮南館驛等使乾元二年進同中書門下平章事初琦請鑄乾元

重寶錢以一代之既當國又鑄重規一代五十會物價騰踊餓饉相望議者以為非詔貶忠州長史會有告琦納金者遣御史馳按琦辭曰位宰相可自持金邪若付受有狀請歸罪有司御史不曉以為具服獄上之遂長流夷州寶應初起為朗州刺史有異政拜太子賓客吐蕃盜京師郭子儀表為糧料使兼御史大夫關內元帥副使改京兆尹俄加判度支鑄錢鹽鐵轉運常平等使累封扶風郡公復以戶部侍郎兼京兆尹坐與魚朝恩善貶括州刺史徙饒湖二州復為太子賓客都留守德宗素間其才將復用召之會卒年七十一按舊書贈太子少保子峰婦鄭皆以孝表門

班宏衛州汲人父景倩國子祭酒按舊書父景倩衛州汲人父景倩國子祭酒以儒名家宏天寶中擢進士第調右司禦曹參軍高適鎮劍南表為觀察判官青城人以左道惑眾謀作亂事覺誣引屯將規緩死眾兇懼宏驗治即殺之人心大安大歷中擢起居舍人四遷給事中累進吏部侍郎貞元初仍

早蝗賦調益急以戶部侍郎副度支使韓滉俄而寶參當國代滉使而參仕大理司直時宏已為刑部侍郎德宗以宏熟天下計故進宏尚書副參參久不歸使於宏乃與參有隙帝後遇參薄參知之欲歸使然不欲宏專遂薦張滂為戶部侍郎鹽鐵轉運使而以宏判度支分滂關內河東劍南山南西道鹽鐵轉運隸宏以悅其意又還江淮兩稅置巡院官宏滂其差擇滂請鹽鐵舊備書於宏宏不與及署院官更持可否官乏不補滂奏言臣職不修無逃死如國家大計何由是有詔分掌宏見宰相辭曰宏主漕歲得江淮米五十萬斛前年至七十萬今職移於人敢請罪滂在側讓曰公所言非也朝

廷不奪公職乃公喪官緡縱奸吏自取咎爾凡為度支胥吏不一歲家輒鉅億僮馬產第侈王公非盜縣官財何以然上既知之故令滂分掌今公無乃歸怨乎宏不答於是移病歸第宰相白其狀詔許如劉晏韓滉故事以東都河南淮南江南山南東道兩稅滂主之東渭橋以東巡院隸焉關內河東劍南山南西道宏主之宏清潔勤力晨入官署夕而出吏不堪其勞而已益恭參得罪宏為有力卒年七十三贈尚書右僕射諡曰敬後二年滂亦罷為衛尉卿

王紹本名純避憲宗諱改焉自太原徙京兆之萬年父端第進士有名終工部員外郎紹少為顏真卿所器字之曰德素奏為武康尉包信領租庸鹽鐵使署判官時李希烈阻兵江淮輸物留梗乃徙劍道自穎入汴紹入關德宗已西狩乃督輕貨趣開道走洋州紹先見行帝勞之曰吾軍乏春服朕且衣裘奈何紹流涕曰信道臣貢奉無慮五十萬當即至後五日繼至由是紓難遷倉部員外郎是時兵旱無年詔戶部收闕官俸稅茶及無名錢以修荒政紹由員外郎判務遷戶部兵部郎中皆專領進戶部侍郎判度支頃之遷尚書主計凡八年順宗立王叔文奪其權拜兵部尚書出為東都留守元和初檢校尚書右僕射為武靈軍節度使復以濠泗二州隸其軍裨將安進達唐重靖謀亂紹以計取之出家貲賞士舉軍安賴復拜兵部尚書判戶部卒年七十二贈右僕射諡曰敬

李英字令叔趙州贊皇人以明經補華州參軍事舉拔萃授鄆尉累進左司郎中常州刺史召拜給事中出為湖南觀察使貞元五年徙江西吳鏡於為治持法察吏

不敢少給順宗立擢兵部侍郎杜佑表爲鹽鐵轉運副使俄代佑使任自劉晏後職廢不振賦入賒耗異茲職一年較所入如晏最多之年明年過之又明年增百八十萬緡再遷吏部尚書程昇坐王叔文廢異時薦之昇計較精於異故異能善職蓋有助云元和四年疾革郎官省候異言不及病但與商較程課功利是夕卒年六十三按舊書年七十一贈尚書右僕射異爲人忌刻校怨賈參爲相出異常州及參貶郴州異時觀察湖南宣武節度使劉士寧致絹數千匹於參異卽劾參交通藩鎮遂殺參

欽定續通志二百四十八

列傳

唐四十九

李揆 王璵 常袞

趙憬 崔造 齊映

盧邁 關播 董晉

袁滋 趙宗儒 竇易直

李揆字端卿

元道為文學館學士

自有傳

吳縝糾穆

世系表元道生正基

正基生寶實生成裕

成裕生揆

揆與傅不同未知孰是

父成裕

祕書監揆性警敏

文章開元末擢進士

第補陳留尉

獻書闕下試中書

遷右拾遺再轉起居

郎知宗子表疏

以考功郎中知制誥

扈劔南拜中書舍人

乾元二年

宗室請上張皇后號

曰翊聖肅宗問揆

引韋后諫止

鼠目子乃求官邪載聞銜之及秉政奏揆試祕書監江

淮養疾載誅始拜睦州刺史入為國子祭酒禮部尚書

德宗幸奉天按新舊兩書皆云德宗幸山南廬祀以揆

十二月既祀為新州司馬興元元年二月始幸梁州地

理志梁州為山南西道治所奉天乃雜州屬縣不隸山

南唐人於朱此逆難例云播遷山南蓋從其後而統言

之若祀之使揆則在奉天時紀事之文不得渾同也

改揆素為廬祀所惡用為人蕃會盟使拜尚書左僕射

揆辭老恐死道路不能達命帝惻然祀日和戎者當練

朝廷事非揆不可異時年少揆者不敢辭揆至蕃酋長

日聞唐有第一人李揆公是否揆良留因給之曰彼李

揆安肯來邪還卒鳳州年七十四贈司空諡曰恭

王璵方慶六世孫少為禮家學玄宗在位久推崇老子

道好神仙事廣修祠祭靡神不祈與上言請築壇東郊

祀青帝天子人其言擢太常博士侍御史為祠祭使與

專以祠解中帝意有所禳祓大抵類巫覡漢以來葬喪

皆有瘞錢後世里俗稍以紙萬錢為鬼事至是璵乃用

之肅宗立累遷太常卿又以祠禱見龍乾元三年拜蒲

同絳等州節度使俄以中書侍郎同中書門下平章事

時大兵後天下願治與望輕無它才不為士議諧可既

驟得政中外悵駭乃奏置太一壇勸帝身見九宮祠帝

由是專意它議不能奪帝嘗不豫太卜建言祟在山川

與遣女巫乘傳分禱天下名山大川巫皆盛服中人護

領所至于託州縣賂遺狼藉時有一巫美而蠱以惡少

年數十自隨尤檢狡不法馳入黃州刺史左震晨至館

請事門鐻不啟震怒破鐻入取巫斬廷下悉誅所從少

亦不加罪明年罷與為刑部尚書又出為淮南節度使

猶兼祠祭使徒浙東召入再遷太子少師卒贈開府儀

同三司證簡懷曾孫博別有傳

常袞京兆人天寶末及進士第性狷潔不妄交游由太

子正字累為中書舍人文采贍蔚長於應用譽重一時

魚朝恩兼判國子監袞奏成均當用名儒不宜以宦臣

領職時朝廷多事西北邊虜連為寇盜袞累上章陳利

害代宗甚願遇之加集賢學士大曆元年遷禮部侍郎

仍為學士元載之得罪袞與劉晏李涵等鞫之獄竟

拜門下侍郎同中書門下平章事弘文崇文館大學士

與楊綰同執政綰長厚通可而袞苛細以清檢自賢帝

內重綰而顧任之禮遇倍愛袞弗及也綰卒袞始當國

故事日出內厨食賜宰相家可十八具袞奏罷之又將

讓堂封它宰相不從乃止議者以為厚祿重賜所以優

賢崇國政也不能當辭位不宜辭祿

云云蓋出於佐養善之口然委猶稍知節操較之持祿

固位者流猶為彼善於此若但食大烹養賢之文而不

知制祿代耕之義豈伊舉作相必當日食萬政事堂北

錢耶司馬光廉恥存焉之論庶乎不失平允

門異時宰相過舍人院舍速政事至袞乃塞之以示尊

大德元載敗室賣官之路然一切以公議格之非文詞

者皆擯不用故世謂之駘伯以其駘駘無賢不肖之辨

云袞為相散官纔朝議而無封爵郭子儀言於帝遂加

銀青光祿大夫封河內郡公德宗即位袞奏貶崔祐甫

為河南少尹帝怒使與祐甫換秩再貶潮州刺史建中

初楊炎輔政起福建觀察使始閩人未知學袞為設鄉

校使作文章親加教導與客主鈞禮觀游燕饗與焉由

是俗一變歲貢士與內州等卒於官年五十五贈尚書

左僕射閩人祀袞於學

趙憚字退翁涇州隴西人志行峻潔不自銜寶應中方

營泰建二陵用度廣又吐蕃盜邊天下薦饑憚褐衣上

元載揆輕載地寒謂晉卿曰龍章鳳姿士不見用驪頭

疏請殺禮從儉試江夏尉佐諸使府進太子舍人母喪免有芝生壤樹建中初擢水部員外郎湖南觀察使李承表憬自副承卒遂代之居二載召還闔門不與人交李泌薦之對殿中占奏明辨德宗悅拜給事中貞元中咸安公主降回詔詔關播為使而憬以御史中丞副之異時使者多私齎絹絮市馬規利獨憬不然使未還尙書左丞缺帝曰趙憬堪此遂以命之寶參當國欲抑為刺史帝不許參罷進中書侍郎同中書門下平章事與陸贄同輔政贄於裁決少所讓又徙憬門下侍郎繇是不平自以不任職數稱疾時杜黃裳遭奄人讒詆穆贄韋武李宣盧雲等為表延齡構損勢危甚憬申解皆得免初贄約共執退延齡既對贄極言其姦帝色變憬不為助遂罷贄乃始當國憬精治道常以國本在選賢節用薄賦斂寬刑罰懇懇為天子言之又陳前世損益當時之變獻審官六議帝皆然之下詔褒答輔政五年卒年六十一贈太子太傅諡曰貞憲

崔造字元宰深州安平人與韓會盧東美張正則三人友善好言當世事皆自謂王佐才故號四夔浙西觀察使李栖筠辟為判官累遷左司員外郎與劉晏善晏得罪貶信州長史徙建州刺史朱泚亂造輒馳檄比州發所部兵二千以待命德宗嘉之京師平召還至藍田自以舅源休與賊同逆上疏請罪帝以為有禮下詔慰勉擢給事中貞元二年以給事中同中書門下平章事帝謂造敢言為能立事故不次用之造久在江左疾錢穀諸使罔上或乾沒自私乃建言天下兩稅請委本道觀察使刺史選官部送京師諸道水陸轉運使度支巡院江淮轉運使請悉停以度支鹽鐵務還尙書省六曹皆

宰相分領於是齊映判兵部李勉刑部劉滋吏禮二部造戶工二部又以戶部侍郎元琇判諸道鹽鐵榷酒事吉中孚度支諸道兩稅事而浙江東西歲入米七十五萬石方歲饑更以兩稅率米百萬豪壽洪潭二十萬賁韓泚杜亞漕送東渭橋諸道有鹽鐵處仍置巡院歲盡宰相計最殿以間造厚元琇故首命之時泚方領轉運有寵於帝朝廷仰其須持不可帝重違之復以泚為江淮轉運使餘如造請是秋江淮米大集帝美泚功以泚專領度支諸道鹽鐵轉運等使造懼始託疾辭位罷為太子右庶子貶琇雷州司戶參軍於是造所請悉罷以憂愧卒年五十一

齊映瀛州高陽人舉進士博學宏詞補河南府參軍事滑毫節度使令孤彰署掌書記彰疾甚引映託後事映因說彰納節歸諸子京師彰從之即以夫妻映彰卒軍亂映間歸東都三城使馬燧辟為判官盧杞薦授刑部員外郎又為鳳翔張鑑判官映練軍事論奏數稱旨進行軍司馬德宗出奉天鑑懦緩不知兵部將李楚琳欲為亂映與齊抗請先事誅之鑑不用楚琳殺鑑軍中多為映指道故得免奔奉天授御史中丞從幸梁道險澀常為帝御會馬駭突帝恐傷映詔捨轡固不去帝嘉嘆擢給事中進中書舍人貞元二年以舍人同中書門下平章事俄改中書侍郎封河間縣男與崔造劉滋並輔政滋端重算言映謙不肩事否可一顯於造會造疾映乃當國吐蕃數入寇關輔震駭咸言帝欲避狄映入諫俯伏流涕天子為感悟映微時張延賞遇之善及相而延賞為左僕射數為映畫事又為所親求官映不答延賞恚既復用即劾映非宰相器明年貶夔州刺史徙衡

州久之為桂管江西兩觀察使卒年四十八贈禮部尙書諡曰忠

盧邁字子元河南南人按舊書作范陽人從其望也性孝友舉明

經入第補太子正字以拔萃調河南主簿集賢校理公卿交薦之擢右補闕三遷吏部員外郎出為滁州刺史召還再遷諫議大夫數條當世病利進給事中改尙書右丞將作監元巨攝祠以私忌不聽誓御史劾之帝疑其罰下尙書省議邁曰按大夫士將祭於公既視濯而父母死猶奉祭禮散齊有大功喪致齊有期喪齊有疾病聽還舍不奉祭無忌日不受誓者雖舍忌日與告且春秋不以家事辭王事今攝祭特命也互以常令拒特命執非所宜遂抵罪以本官同中書門下平章事進中書侍郎時陸贄趙憬專大政邁居中治身循法無它過久之暴眩省中輿還第詔大臣即問固乞骸骨罷為太子賓客卒年六十贈太子太傅

關播字務元衛州汲人及進士第鄧景山節度齊淮南再署幕府遷右補闕與神策軍使王駕鶴姻家元載惡之出為河南兵曹參軍事數試屬縣政異等陳少游鎮浙東淮南表為判官攝滁州刺史李靈耀叛少游屯淮上所在盜賊蠶蠶播儲貲力給軍楊綰常衮皆善播引為都官員外郎德宗初湖南峒賊王國良驚剽州縣詔播宣輯及還再遷給事中故事諸司甲庫以令史直曹刊脫為姦播悉易以士人時避其法歷吏部侍郎帝求宰相盧杞以播韋柔可制因從容言播材任宰相乃拜中書侍郎同中書門下平章事政一決於杞嘗論事帝前播意不可避坐欲有所言杞目禁輒止時李元平陶公達張彞劉承誠率輕薄子游播門下能侈言誕計

以功名自喜播謂皆將相材數請帝用之李希烈叛帝以汝州據賊衝刺史疲軟不勝任播盛稱元平帝召見拜左補闕不數日檢校吏部郎中兼汝州別駕知州事元平始至募工築郭浚隍希烈陰使亡命應募凡內數百人元平不寤賊遣將李克誠以精騎薄城募者內應縛元平馳見希烈遺矢於地希烈媢罵曰盲宰相使爾當我何待我淺耶爲署御史中丞播聞詫曰元平事濟矣謂必覆賊建功也左右笑之無何僞署宰相公達等以元平屈賊皆廢不用播從幸奉天盧杞白志貞已貶而播猶執政議者不平遂罷爲刑部尚書貞元初檢校尚書右僕射持節送咸安公主降回鶻還遷兵部尚書以太子少師致仕斥賣車騎闔門不嬰外事卒年七十九贈太子太保

董晉字混成河中虞鄉人擢明經肅宗幸彭原上書行在拜祕書省校書郎待制翰林出從淮南崔圓府爲判官還朝累遷祠部郎中大曆中李涵持節送崇徽公主於回紇署晉判官回紇使問歲市馬而唐歸我賄不足何也涵懼未及對數日晉晉曰爾之馬歲五至而邊有司數皮償貴天子不忘爾勞敕吏無得問反用是望我邪使還遷祕書少監德宗立授太府卿不旬日爲左散騎常侍兼御史中丞知臺事出爲華州刺史朱泚反遣兵攻之晉棄華走行在改國子祭酒帝還京師遷左金吾衛大將軍改尚書左丞是時右丞元琇爲韓滉排擠得罪滉勢振朝廷晉見宰相誦元琇非罪士大夫壯其節貞元五年以門下侍郎同中書門下平章事方寶參得君裁可大事不關晉晉循謹無所駁異參欲以其姪申爲吏部侍郎諷晉以聞帝怒曰無乃參迫卿爲之

邪晉謝具道所以然帝即問參過失晉無敢隱由是參罷宰相晉惶恐上疏固辭位九年罷爲禮部尚書以兵部尚書爲東都留守會宣武李萬榮病且死詔晉檢校尚書左僕射同中書門下平章事爲宣武節度副大使知節度事萬榮死鄧惟恭總其軍謀代之晉受命惟幕府驕倨從即日上道至鄭逆者不至人勸止以觀便宜晉不聽及郊惟恭始出迎謁既入即委以軍政無所更服晉有體汴士素驕怙亂管介勇士伏幕下早蕃番休晉一罷之惟恭乃結大將相里重曼等謀亂晉覺之殺其黨械送惟恭京師帝錄其繁李迺勞貨死流汀州帝恐晉懦懷詔拜汝州刺史陸長源爲司馬以佐晉晉謙愿儉簡事多循仍故軍粗安在軍凡五年卒年七十六贈太傅諡曰恭惠子溪字惟深亦擢明經三遷萬年合討王承宗也擢度支郎中爲東道行營糧料使坐盜軍賁流封州至長沙賜死子居中善詩爲張籍所稱

陸長源者吳人字泳按舊書陸長源字泳之太子詹事餘慶孫也瞻於學始辟昭義辟嵩幕府歷建信二州刺史韓滉兼領江淮轉運使辟署兼御史中丞以爲副入遷都官郎中復出汝州刺史遂徙宣武政皆出司馬初欲峻法繩驕兵爲晉所持不克行而判官楊凝孟叔度等又苛細晉卒長源總留後事大言曰將士久慢吾且以法治之眾始懼軍中請出帑帛爲晉制服不許固請止給其直叔度又償直以鹽高鹽直賤帛估人得鹽二勛舉軍大怒或勸長源曰故事有大變則厚賜于軍軍乃安長源曰異時河北賊以錢買成卒取旌節吾不爲眾怒益甚纔八日軍亂殺長源及叔度等死之日有詔拜節度使遠近嗟恨贈尚書左僕射長源好諧易而清白自將去

汝州送車二乘長源死監軍俱文珍密召宋州刺史劉全諒使總後務全諒至其夜軍復亂殺大將及部曲五百人乃定帝即詔全諒檢校工部尚書宣武節度使全諒始名逸準至是賜名按舊書劉全本懷州武陟人也父客奴以戍籍幽州事平盧軍以材力顯數戰有功拜左驍衛將軍遊奕使安祿山反詔以平盧節度副使呂知誨爲使知誨降賊害安東副都護馬靈臺客奴與諸將共殺知誨與安東將王元志相聞以客奴爲柳城郡太守攝御史大夫平盧節度使賜名正臣以元志爲安東副大都護正臣裴范陽爲史思明所敗奔還元志誦殺之全諒事劉元佐爲牙將以勇果善騎射爲元佐厚禮累兼御史中丞及元佐子士靈代立疑宋州刺史翟長佐不附已揚言行部至則以全諒代之故汴將士多歸心焉視事凡八月卒贈尚書右僕射軍中立韓弘代節度云

袁滋按舊書入貞史傳字德深蔡州朗山人陳侍中憲之後彊學博記建中初黜陟使趙贊薦於朝起處士授試校書郎進詹事府司直部官以盜金下獄滋直其冤御史中丞章貞伯聞之表爲侍御史刑部大理覈罪人失其平憚滋守法因權勢以請滋終不署奏遷工部員外郎章皋始招來西南東南詔異牟尋內屬德宗選郎吏可撫循者皆憚行至滋不辭帝嘉之擢祠部郎中兼御史中丞賜金紫持節往踰年還進諫議大夫遷尚書右丞知吏部選求外遷爲華州刺史政清簡慈惠民愛向之召爲左金吾衛大將軍者老遮道羅拜莫不流涕憲宗監國進拜中書侍郎同中書門下平章事劉闢反詔滋爲劍南兩川山南西道安撫大使半道以檢校吏部尚書

平章事為劍南東西川節度使是時賊方熾又兄峯在蜀為閩所劫按通鑑以熾為節度使徵閩為給事中閩賊之並無熾兄在蜀熾畏不進貶吉州刺史未幾徙義成節度使滑用武地東有淄青北魏博滋嚴備而推誠

信務在懷來李師道田季安畏服之居七年百姓立祠

祝祭以戶部尚書召改檢校兵部拜山南東道節度使徙荆南吳元濟之反熾自表入朝欲議罷淮西事道聞

蕭俛錢徽坐沮議黜熾更言必勝乃得還俄而高霞寓敗帝思以恩信傾賊且滋嘗云云乃授彰義節度使僑

治唐州滋與元濟通好賊圍新興滋卑辭講解賊因是易滋不為備時帝責賊急而滋至六月以無功貶撫州

刺史未幾遷湖南觀察使累封淮陽郡公卒年七十贈太子太保子均右拾遺郊翰林學士吳縝糾謬云按宰相世系表滋五子均太子典膳郎都字之美右拾遺郊字之乾號州刺史與傳不同又藝文志注云郊字之儀滋子也昭宗翰林學士亦與表不同未如孰是

趙宗儒字秉文鄧州穰人第進士授校書郎判入等補陸渾主簿數月拜右拾遺翰林學士再遷司勳員外郎

貞元六年領考功事黜陟詳當無所同憚進考功郎中累遷給事中十二年以本官同中書門下平章事賜金

紫居二歲罷為太子右庶子屏居慎靜奉朝請而已遷吏部侍郎元和初檢校禮部尚書充東都留守三遷至

檢校吏部荆南節度使散允食成二千人歷山南西道河中二鎮拜御史大夫改吏部尚書罷為太子少師太

和初進太子太傅文宗召訪政理對曰堯舜之化慈儉而已願陛下守之帝納其言六年授司空致仕卒年八

十七冊贈司徒諡曰昭

竇易直字宗元京兆始平人擢明經補校書郎十年不

應辟以判入等為藍田尉累遷吏部郎中元和六年進御史中丞繇陝虢觀察使入為京兆尹萬年尉韓晤坐

賅易直令官屬按之得贓三十萬憲宗疑未盡詔窮治至三百萬賅易直為金州刺史久之起宣歙浙西觀察

使時江淮旱漕物淹積不能前其部將王國清指漕貨激眾謀亂易直知之械國清送獄其黨數千羣譴入獄

篡取之欲大剽易直登樓令曰能誅亂者一級賞千萬此係新書原文按舊書作獲一人賞十萬似較近理眾喜反縛為亂者三百餘人

易直悉斬之入為戶部侍郎判度支長慶四年同中書門下平章事轉門下侍郎封晉陽郡公即讓度支置其

俸三月有詔停判文宗立檢校尚書右僕射同平章事為山南東道節度使入為左僕射判太常卿事頃之檢

校司空為鳳翔節度以疾還京師卒贈司空諡曰恭惠子紉仕至渭南尉集賢校理妻父王涯被禍宦官知易

直子得不死貶循州司戶參軍

列傳

唐五十

張鑑

李絳

宋申錫

姜公輔

武元衡

備衡

張鑑字季權一字公度國子祭酒後唐五世孫也史綱東都留守子鑑別有傳則鑑乃後唐之曾孫非五世孫也父齊邱朔方節度使東都留守鑑以蔭授左衛兵曹參軍郭子儀表為元帥府判官累遷殿中侍御史乾元

初華原合盧樅以公事譴責邑人齊令誅令誅宦人也銜之構樅罪鑑按驗當免官有司承風以死論鑑不直之乃曰其母曰今理樅樅免死而鑑坐貶默則負官貶則為太夫人憂敢問所安母曰兒無累於道吾所安也遂執正其罪樅得流鑑貶撫州司戶參軍徙晉陵合江

西觀察使張鎬表為判官遷屯田司二員外郎居母喪以孝聞大曆初出為濠州刺史李靈耀反於汴鑑圖閱鄉兵嚴守禦有詔褒美擢侍御史兼綠淮鎮守使以最遷壽州刺史歷江西河中觀察使不問旬改汴滑節度使以病固辭詔留私第建中二年拜中書侍郎同中書門下平章事郭子儀婿太僕卿趙縱為奴告下御史

劾治而奴留內侍省鑿奏言奴告主風不可長今縱下獄而奴留禁中尤情所不厭請念子儀功貸縱罪奴以伸賈賤之分帝納之貶縱循州司馬杖奴死鑑召子儀家僮數百暴示奴尸盧杞忌鑑剛直欲去之時朱泚以盧龍卒成鳳翔帝擇人以代杞即謬曰鳳翔將校班秩素高非宰相信臣不可鎮撫臣宜行帝不許杞復曰陛下必以臣容貌最陋不為三軍所信恐後生變臣不敢

自謀惟陛下擇之帝乃顧鑑曰文武兼資望重內外無易卿者其為朕撫盧龍士乃以中書侍郎為鳳翔隴右節度使鑑知為杞陰中然辭窮因再拜受詔帝幸奉天

其心軍司馬齊映等謀曰楚琳必為亂乃遣屯隴州楚琳稽故未行鑑以帝在外心憂感謂已亟去不為備楚琳夜率其黨王汾李卓牛僧伽等作亂鎚絕城走不及遠與二子為候騎所執楚琳殺之屬官王沼張元度柳

遇李激皆死詔贈鑑太子太傅姜公輔愛州日南人按舊書姜公輔第進士補校書郎以制策異等授右拾遺為翰林學士朱泚之召還京師也公輔諫曰陛下若不能坦懷待泚不如誅之不從俄而涇師亂帝自苑門出公輔叩馬諫曰泚嘗帥涇原得士心向以浴叛奪之兵居常沸鬱不自聊請馳騎捕取

以從無為卒因得之帝倉卒不及聽按新書本傳此下張鑑公輔以鑑文吏所領皆朱泚部曲且有變遂之奉天不數日而鳳翔果亂鎚鎚通鑑則以為蕭復之言舊書公輔及復兩傳俱不載而新書復傳又紀此事一事兩屬殊失精密復傳又云以是拜同中書門下平章事考復與公輔以十月丁巳同日並命作相蓋公輔以乘泚事復以策張鎬事各虧柄用不應事在前期皆以屬之公既至奉天帝知羣臣多勸泚奉迎乘輿者乃詔諸道兵距城一舍止公輔曰王者不嚴羽衛無以重威靈今禁旅單寡而士馬處外為陛下之帝曰善悉

內諸軍泚兵果至乃擢公輔諫議大夫同中書門下平章事帝徙梁唐安公主道薨帝悼之甚詔厚其葬公輔諫曰即平賊主必歸葬今行道宜從儉以濟軍與帝怒遂下遷太子左庶子以母喪解復為右庶子久不遷陸贄為相公輔數求官費密謂曰竇丞相嘗言為公擬官

履矣上輒不悅公輔懼請為道士未報它日又言之帝

問故公輔隱費言以參語對帝怒黜公輔泉州別駕遣使齋詔讓參順宗立拜吉州刺史未就官卒憲宗時贈禮部尚書

武元衡字伯蒼曾祖載德則天皇后之族弟祖平一有政元衡移病去德宗知其才召拜比部員外郎歲內三遷至右司郎中以詳整任職擢為御史中丞常對廷英帝目送之曰是真宰相器順宗立王叔文使人誘以黨拒不納俄為山陵儀仗使監察御史劉禹錫求為判官元衡不與叔文滋不悅數日改太子右庶子會冊皇太子元衡贊相太子識之及即位是為憲宗復拜中丞進戶部侍郎元和二年拜同中書門下平章事

兼判戶部事帝素知元衡堅正有守故眷禮信任異它相浙西李錡求入覲既又稱疾帝問宰相鄭絪請聽之元衡曰不可錡自請入朝詔既許之而復不至是可否在錡陛下新即位天下屬耳目若姦臣得遂其私則威令去矣帝然之遽追錡而錡計窮果反是時蜀新定高崇文為節度不知吏治帝難其代詔元衡檢校吏部尚書兼門下侍郎同平章事為劔南西川節度使繇繇縣伯封臨淮郡公帝御安福門慰遣之元衡至綏靖約束儉己寬民比三年上下完實蠻夷懷歸八年召還秉

政李吉甫李絳數爭事帝前不叶元衡獨持正無所違附吉甫卒准蔡用兵帝悉以機政委之王承宗上疏請赦吳元濟使人白事書悖慢不恭元衡叱去承宗怨數上章誣詆未幾入朝出靖安里第夜漏未盡賊乘暗呼曰滅燭射元衡中肩復擊其左股徒御格鬪不勝皆駭走遂害元衡批顱骨持去帝震驚罷朝坐延英見宰

志四七二九

相哀慟為再不食贈司徒諡曰忠愍昭金吾府縣大索或傳言曰無搜賊賊窮必亂又投書于道曰毋急我我先殺汝故吏卒不窮捕兵部侍郎許孟容言於帝曰國相橫戶路隅而盜不獲為朝廷辱帝乃下詔急捕積錢東西市以募告者於是左神策將軍王士則左威衛將軍王士平以賊聞捕得張晏等十八人言為承宗所遣皆斬之逾月東都防禦使呂元膺執淄青留邸賊門察警嘉珍自言始謀殺元衡者會晏先發故藉之以告師道而竊其賞帝密誅之謹按通鑑輒覽 御批盜殺乃所可賊於賊人詭計竟兩觀望遲疑使非許孟容割切進言幾欲置之不問及下詔大索又以士則妄告李代桃僵雖元膺購券山棚罪人詎得向欲掩飾前非不加窮治豈足以肅法紀而申國憲由是觀之憲宗之平淮蔡蓋幸耳非真能從父弟儒術

帝待之益厚累遷戶部郎中知諫議大夫事俄兼知制誥皇甫鏞以宰相領度支剝下以媚天子儒術疏其狀鏞自訴於帝帝曰乃欲報怨邪鏞不敢對儒術議論勁正有風節且將大用宰相令狐楚忌之會以狄兼謨為拾遺楚自草制引武后革命事盛推仁傑功以指切儒術且沮止之儒術泣見上曰臣祖平一當天后時避仕終老不涉於累帝慰勉之自是薄楚遷中書舍人時元稹倚宦官知制誥儒術鄙厭之會食瓜蠅集其上儒術揮以扇曰適從何來遽集於此一坐皆失色疾惡天明終不至大任以兵部侍郎卒年五十六贈工部尚書李絳字深之趙郡贊皇人擢進士宏辭補渭南尉拜監察御史元和二年授翰林學士俄知制誥會李絳誅憲宗將輩取其貲絳與裴垵諫曰錡僭侈誅求六州之人怨入骨髓今元惡傳首若因取其財恐非遏亂略惠綬

困窮者願賜本道代貧民租賦制可樞密使劉光琦議遣中人持赦令賜諸道以哀饋餉絳請附度支鹽鐵帝嘗稱太宗玄宗之盛朕欲庶幾二祖無愧宗廟何行而至此絳對甚切至帝嘉納之詔絳與崔羣錢徽韋弘景白居易等摻次君臣成敗五十種為連屏張便坐絳見浴室殿帝曰比諫官多朋黨論奏不實皆陷謗訕欲黜其尤者若何絳曰此非陛下意必憚人以此獎諛上心自古納諫昌拒諫亡夫人臣進言於上豈易哉人主雖開納獎勵尚恐不至今乃欲譴訶之使直士杜口非社稷利也吐突承璀討王承宗議者皆言古無以宦人統師者絳當制書固爭帝不能奪詔宰相授承璀果無功還加開府儀同三司絳奏承璀喪師當抵罪今寵以崇秩後有奔軍之將蹈利干賞陛下何以處之又數論事自知言切且斥去悉取內署所上疏藁焚之以俟命帝果怒絳謝曰陛下憐臣愚處之腹心之地而惜身不言乃臣負陛下若上犯聖顏旁忤貴倖因而獲罪乃陛下負臣於是帝動容曰卿告朕以人所難言者疾風知勁草卿當之矣遂繇司勳郎中進中書舍人翌日賜金紫親擇良笏與之烏重肩縛盧從史而承璀牒署昭義留後絳曰澤潞據山東要害磁邢洛跨兩河間可制其合從今孽豎就禽方收威柄遽以偏將莅本軍綱紀大紊矣河南北諸鎮謂陛下啗以官爵使逐其帥其肯默然哉宜以孟元陽為澤潞而以重肩節度三城兩河帝從之吳少誠病甚絳建言淮西地不與賊接若朝廷命帥今乃其時有如阻命則決可討矣然鎮蔡不可并取願赦承宗趣立蔡功時江淮大旱帝下赦令有所蠲弛絳言江淮流亡所貸未廣而宮人猥積有怨鬻之思當

大出之以省經費嶺南之俗鬻子為業可聽非券割取直者如掠賣法赦有司一切苛止帝皆順納後閏月不賜對絳謂大臣持祿不敢諫小臣畏罪不敢言管仲以為害霸最甚今臣等飽食不言無履危之患自為計得矣願聖治如何有詔明日對三殿帝嘗畋苑中至蓬萊池謂左右曰李絳必諫不如且止其見禮憚如此六年罷學士遷戶部侍郎判本司帝每有詢訪隨事補益所言無不聽欲遂相之而承璀龍方盛忌其進陰有毀短帝乃出承璀淮南監軍翌日拜絳中書侍郎同中書門下平章事封高邑男方江淮歲儉民荐飢有御史使還奏不為災帝以語絳答曰方隅皆陛下大臣奏孰不實而御史苟悅陛下耳願出其名顯責之李吉甫嘗盛贊天子威德帝欣然絳獨曰陛下自視今日何如漢文帝時帝曰朕安敢望文帝對曰是時賈誼以為措火積薪下火未及然因以為安其憂如此今法令所不及者五十餘州西戎內訌近以涇隴為鄙去京師遠不千里烽燧相接更加比水旱無年倉廩空虛誠陛下焦心銷志求濟時之略渠便高枕而臥哉帝入謂左右曰絳言骨鯁真宰相也魏博田季安死子懷諫弱軍中請襲節度吉甫議討之絳曰不然懷諫乳臭不能事必假權於人權重則怨生將生患眾所歸必在寬厚簡易軍中素所愛者彼得立不倚朝廷亦不能安惟陛下著威以俟之俄而田興果立以魏博聽命帝大悅吉甫復請命中人宣慰因刺其變徐議所宜絳獨謂不如推誠撫納即假旄節毋俟使者持三軍表來請帝重違吉甫故詔張忠順持節往而授興留後絳固請曰如興萬有一不受命即姑息復如向時矣出是即拜興節度使絳復請斥禁

錢百五十萬緡賜其軍有言太過者絳曰假令舉十五萬眾期哉而得六州計所轉給三倍於費今與天挺忠義首變汙俗破兩河之膽可當小費不以激勸人心哉從之帝思朋黨以問絳答曰自古人君最惡者朋黨小人揣知故常藉口以激怒上心朋黨者尋之則無迹言之則可疑夫聖人同迹賢者求類是同道也非黨也天下趨利之人常為朋比同其私也守正之人常遭構毀違其私也小人多譖言常勝正人少直道常不勝可不戒哉吐蕃犯涇州掠人畜絳因言濱塞虛籍多實兵少今京西北神策鎮軍本防盛秋坐仰衣食不使戰事至之日乃先稟中尉夫兵不內御要須應變請分隸本道則號令齊一前戰不還踵矣然士卒樂兩軍姑息宦者以為言議遂寢寢嘗盛夏對延英帝汗浹衣絳欲趨出帝曰朕宮中所對惟宦官女子欲與卿講天下事乃其樂也帝嘗問玄宗開元時致治天寶則亂何一君而相反邪絳曰治生於憂危亂生於放肆玄宗嘗歷試官守知人之艱難初任姚崇宋璟廟精聽納洎林甫國忠得君於是上不聞直言嗜欲日滋天下騷動故治亂繫時主所行無常治亦無常亂教坊使稱密詔閹良家子及別宅婦人內禁中京師驚然絳將入言吉甫曰此諫官事絳曰公嘗病諫官論事此難言者欲移之耶吉甫乃欲諷詔使止之絳以吉甫畏不敢諫遂獨上疏帝曰朕以丹王等無侍者比命訪閭里以貴致之彼不喻朕意故至諱擾乃悉歸所取以足疾求免罷為禮部尚書帝乃召承確於淮南十年出為華州刺史承確田多在部中主取擾民絳捕繫之會遣五坊使帝戒曰至華宜自裁絳大臣有奏即行法矣州有捕鵝戶歲責貢絳以為

言并勸止敗獵詔澤潞太原天威府并罷之入為兵部尚書母喪免還授河中觀察使河中故節制而皇甫鎛惡絳故薄其恩鎛得罪復以兵部召遷御史大夫穆宗數游畋絳率其屬叩延英切諫不納以疾辭還兵部尚書左僕射絳以直道進退冠一時屢為議邪所中下遷太子少師分司東都玄宗立召為太常卿以檢校司空為山南西道節度使累封趙郡公四年南蠻寇蜀道詔絳募兵千人往赴不半道蠻已去兵還監軍使楊叔元者素疾絳遣人迎說軍曰將收募直而還為民士皆怒乃謀而入劫庫兵絳方宴不設備遂握節登陴或言絕城可以免絳不從牙將王景延力戰歿絳遂遇害年六十七幕府遺存約薛齊皆死事聞諫官崔戎等列絳冤冊贈司徒諡曰貞貞賻禮甚厚昇延亦贈官祿一子大中初詔史官差第元和和將相圖形凌煙閣絳在焉獨留中絳所論事萬餘言其甥夏侯孜以授將借次為七篇子璋

璋字重禮大中初擢進士第辟盧鈞太原幕府遷監察御史奏太廟祫享復用宰相攝事進起居郎舊制設次郊丘太僕盤車載樂召羣臣臨觀璋奏罷之咸通中累官尚書右丞湖南宣歙觀察使

宋申錫字慶臣史失其何所人少孤擢進士第累辟節度府後頻遷起居舍人以禮部員外郎為翰林學士敬宗時拜侍講學士文宗即位再轉中書舍人復為翰林學士帝惡宦官權震主再致宮禁之變而王守澄典禁兵偃蹇放肆欲剷除本根思可與決大事者察申錫忠厚因召對俾與朝臣謀去守澄等且倚以執政申錫頓首謝未幾拜尚書右丞踰月進同中書門下平章事乃除王璠京兆尹密諭帝旨璠漏言而守澄黨鄭注得其謀太和五年遣軍候盧著誣告申錫與漳王謀反守澄持奏浴堂將遣騎二百屠申錫家宦官馬存亮爭以為當召南司會議守澄乃止捕申錫親吏張全真家人賈子緣信及十六宅典史脇成其罪帝乃罷申錫為太子右庶子召三省官御史中丞大理卿宗兆尹會中書集賢院雜驗反狀翌日延英召宰相羣臣悉入初議抵申錫死於是左散騎常侍崔元亮給事中李固言諫議大夫王質補闕盧鈞舒元袞羅泰蔣係休寶宗直韋溫拾遺李羣韋端符丁居晦袁都等伏殿陛請以獄付外帝震怒元亮固言執據愈切涕泣懇到帝稍解復召宰相入議牛僧孺曰人臣不過宰相申錫復欲何求且申錫殆不至此注惡覆按詐覺乃勸守澄請止行貶

按通鑑載牛僧孺致申錫語為得理及鄭注勸守澄亦能窺見其情今據以增入 繇是議貨申錫於嶺表京兆尹崔瑄大理卿王正雅苦請出著與申錫劾正情狀帝悟乃貶申錫開州司馬從而流死者數十百人擢豆盧著兼殿中侍御史初申錫既歸易素服俟命外舍其妻責謂曰公何負天子乃反乎申錫曰吾起孤生位宰相蒙國厚恩不能鉅姦亂反為所陷我豈反者乎申錫自為近臣凡四方賄謝一不受既被罪有司驗劾悉得所還問遺書朝野為咨閔七年感憤卒有詔歸葬開成元年追復右丞同中書門下平章事贈兵部尚書錄其子慎徽為城固尉會昌二年賜諡曰貞

段秀實 劉海賓 顏真卿

段秀實字成公本姑臧人曾祖師洛仕隴州刺史留為
 汧陽人秀實六歲母疾病不勺飲至七日病間乃肯食
 時號孝童及長沈厚能斷慨然有濟世意舉明經其友
 易之乃棄去天寶四載從安西節度使馬靈嘗討護密
 有功授安西府別將靈嘗罷又事高仙芝為判官遷隴
 州大推府果毅後從封常清討大勃律次賀薩勞城與
 虜戰勝之常清逐北秀實曰賊出胤師傾我也請大索
 悉得其伏虜師稍改緩德府折衝都尉肅宗在靈武詔
 李嗣業以安西兵五千赴行在節度使梁宰欲逗留觀
 變嗣業陰然之秀實切責嗣業嗣業因固請宰遂東師
 以秀實為副嗣業為節度使而秀實方居父喪表起為
 義王友充節度判官安慶緒奔鄴嗣業與諸將圍之以
 輜重委河內署秀實兼懷州長史知州事兼留後時師
 老財乏秀實督餽係道募土市馬以助軍諸軍戰愁思
 岡嗣業中流矢卒眾推務非元禮代秀實聞之即遺白
 孝德書使發卒護喪送河內親與將吏迎諸境傾私財
 葬之元禮高其義奏擢試光祿少卿俄而元禮為麾下
 所殺將佐多死惟秀實以恩信為士卒所服皆羅拜不
 敢害更推白孝德為節度使秀實凡佐三府益知名時
 吐蕃襲京師代宗幸陝勸孝德即日鼓行入援孝德從
 邠靈署支度營田副使於是邠靈乏食乃請屯奉天仰
 給畿內時公廩竭縣吏不知所出皆逃去軍輒散割孝
 德不能制秀實曰使我為軍候豈至是邠司馬王稷言

之遂知奉天行營事號令嚴壹軍中畏服兵還孝德薦
 為涇州刺史封張掖郡王時郭子儀為副元帥居蒲子
 晞以檢校尚書領行營節度使屯邠州士放縱不法郭
 惡少納賄竄名伍中因肆志吏不得問秀實自州至府
 請為都虞候以已亂孝德即檄署付軍俄而晞士十七
 人入市取酒刺酒翁壞醴器秀實列卒取之斷首置梁
 上植市門外一營大譟盡甲孝德恐秀實曰奈何秀
 實曰請辭於軍乃解佩刀選老嫗一人持馬至晞門下
 甲者出秀實笑且入曰殺一老卒何甲也吾戴頭來矣
 甲者愕眙因曉之曰尚書固負若屬郭副元帥固負若
 屬郭奈何欲以亂敗郭氏晞出秀實曰副元帥功塞天
 地當務始終今尚書恣卒為暴使亂天子邊欲誰歸罪
 罪且及副元帥今郭惡子弟以貨置名軍籍中殺害人
 藉藉如是幾日不大亂亂由尚書出人皆曰尚書以副
 元帥故不戢士然則郭氏功名其與存者有幾晞再拜
 曰公幸教晞願奉軍以從即叱左右皆解甲令曰敢譴
 者死秀實曰吾未晡食請設具已食曰吾疾作願宿門
 下遂臥軍中晞大駭戒候卒擊柝衛之旦與俱至孝德
 所謝不能邠由是安初秀實為營田官涇大將焦令謏
 取人田自占給與農約熟歸其半是歲大旱農告無入
 令謏曰我知入不知早也責之急農無以償往訴秀實
 秀實署牒免之囚使人遞諭令謏怒召農責曰我
 畏段秀實耶以牒置背上杖擊二十與致廷中秀實
 泣曰乃我困汝即自裂裳裹瘡注藥賣己馬以代償准
 西將尹少榮頗剛愎入罵令謏曰汝誠人乎涇州野如
 豬人餓死而爾必得穀擊無罪者段公仁信大人惟一
 馬賣而市殺入汝汝取之不恥凡為人傲天災犯大人

擊無罪者尚不愧奴隸邪令謏聞大愧流汗曰吾終不
 可以見段公一夕自恨死馬瑛代孝德每所吞遠瑛處
 決不當固爭之不從不止始瑛城涇州秀實為留後以
 勞加御史中丞大曆三年遂徙涇州是軍自四鎮北庭
 赴難征伐數有功既驩徙相與出怨言別將王童之謀
 作亂約日聞警鼓而縱秀實知之召鼓人陽怒失節戒
 日每籌畫當報因延數刻盡四鼓而曙明日復有告者
 日夜焚藁積約救火則亂秀實嚴警備夜中果火發令
 軍中日救教者斬童之居外請入不許明日捕之并其
 黨八人斬以徇日後徙者族軍遂遷涇州于時食匱郭
 無居人朝廷患之詔瑛領鄭穎二州以佐軍命秀實為
 留後軍不乏資二州以治瑛奏為行軍司馬兼都知兵
 馬使瑛有疾請秀實攝節度副使秀實按甲備變瑛卒
 都虞候史延幹裨將崔珍張景華欲謀亂秀實送廷幹
 京師徙珍景華于外一軍遂安即拜四鎮北庭行軍涇
 原鄭穎節度使數年吐蕃不敢犯塞又按格令官使二
 料取其一十三年來朝代宗問所以安邊者畫地以對
 件別條陳帝悅慰賚良渥賜第一區實封百戶還鎮德
 宗立加檢校禮部尚書建中初宰相楊炎追元載議欲
 城原州詔中使問狀秀實言方春不可興土功請須農
 隙炎謂沮已遂召為司農卿朱泚反以秀實久失兵柄
 意其必快遣騎召之不納騎士踰垣入劫之秀實自
 度不免乃謂子弟曰吾當以死徇社稷耳乃往見之
 書召為司農卿旬下教泚喜曰公來吾事成矣秀實曰
 次欠明今從通鑑改輻泚喜曰公來吾事成矣秀實曰
 將士東征宴賜不豐有司過耳人主何與知公本以忠
 義聞天下今變起倉卒當論眾以禍福掃清宮室迎乘
 輿公之職也泚默然秀實知不可乃陰結左驍衛將軍

劉海賓涇原都虞候何明禮孔目官岐靈岳同謀殺此

三人者皆秀實素所厚按舊書及通鑑俱云秀實除結

新書則敘劉海賓姚令言何明禮為三賊靈岳岳等三人

實追兵事覺甘心承罪而死應與秀實有同志而今言

繼從此黨新書敘次前後會源休教此偽迎天子遣將

自相矛盾今從通鑑改輯

韓旻領銳師三千疾馳奉天秀實以為宗社之危不容

喘乃遣人論靈岳竊取姚令言印不獲乃倒用司農印

追其兵旻至駱驛得符還秀實謂海賓曰旻之來吾等

無遺類我當直搏殺賊乃約事急為繼而令明禮應於

外翌日旻兵至泚令言大驚靈岳獨承其罪而死不以

及秀實泚召秀實計事源休姚令言李忠臣李子平皆

在坐秀實戎服與休並語至僭位勃然起執休腕奪其

象笏奮而前唾泚面大罵曰狂賊萬段我豈從汝反邪

遂擊之泚舉臂捍笏中額流血噴面匍匐走賊眾未敢

動而海賓等無至者秀實大呼曰我不同反胡不殺我

遂遇害年六十五海賓明禮皆繼為賊害帝在奉天恨

用秀實不極才垂涕悔恨初秀實自涇州被召戒其家

曰若過岐朱泚必致贈遺慎毋納至岐泚固致大綾三

百家人拒不遂至都秀實怒曰我終不以汗吾第以置

司農治堂之梁間吏後以告泚泚取視其封帕完新秀

實嘗以禁兵寡弱不足備非常言於帝帝不用及涇卒

亂召神策六軍無一人至者興元元年詔贈太尉諡曰

忠烈賜封戶五百莊第各一區長子三品諸子五品並

正員官帝還都又詔致祭旌其門親銘其碑太和中子

伯倫始立朝累官福建觀察使終太僕卿孫凝文楚珂

宗時居潁州黃巢圍潁刺史欲以城降珂募少年拒戰

眾裒糧請從賊遂潰拜州司馬

劉海賓者彭城人以義俠聞為涇原兵馬將與秀實友

善累戰功兼御史中丞劉文喜據涇州叛海賓與其子

光國給以奏請及入對因言姦惡可誅狀既還光國手

斬文喜獻闕下拜左驍衛大將軍封五原郡王海寶樂

平郡王贈太子太保實封百戶

顏真卿字清臣祕書監師古五世從孫少孤孤版氏躬

訓導既長博學工辭章事親孝開元中舉進士又擢制

科調禮泉尉再遷監察御史使河隴時五原有冤獄久

不決天且旱真卿辨獄而兩郡人呼御史雨遷殿中侍

御史宰相楊國忠惡之諷中丞蔣冽奏為東都採訪判

官再轉武部員外郎國忠終欲去之乃出為平原太守

安祿山謀逆真卿度必反託霖雨增俸滄陸料了壯儲

廩日與賓客泛舟飲酒以紆祿山之疑祿山反河朔

盡陷獨平原城守具備使司兵參軍李平馳奏玄宗始

聞亂歎曰河北二十四郡無一忠臣邪及平至帝大喜

謂左右曰朕不識真卿何如人所為乃若此時平原有

靜塞兵三千乃益募士得萬人饒陽太守盧全誠濟南

太守李贍清河長史王懷忠景城司馬李暉鄆郡太守

王壽各以眾歸詔北海太守賀蘭進明率精銳五千濟

河為助賊破東都遣段子光傳李愷盧奕蔣清首徇河

北真卿畏眾懼給諸將曰吾素識豎等其首皆非是乃

斬子光藏三首它日結縲續體斂而祭為位哭之是時

從父兄杲卿為常山太守斬賊將李欽凌等清土門十

七郡同日自歸推真卿為盟主兵二十萬絕燕趙詔即

銑賈戴沈震為判官俄加河北招討採訪使清河太守

使郡人李粵來乞師真卿為出兵六千知粵材因謂曰

吾兵已出子將何以教我粵曰朝家使程千里統眾十

萬自太行而東將出嚙口限賊不得前公若先伐魏郡

斬賊守袁知泰以勁兵披嚙口出官師使討鄴幽陵平

原清河合十萬眾徇洛陽分犀銳制其衝公堅壁勿與

戰不數十日賊必潰相圖死真卿然之乃檄清河等郡

遣大將李擇交副將范冬馥和琳徐浩與清河博平士

五千屯堂邑袁知泰遣將白嗣深乙舒蒙等兵二萬拒

戰賊敗斬首萬級知泰走汲郡史思明圍饒陽遣游奕

兵絕平原救軍真卿懼不敵以書招賀蘭進明以河北

詔討使讓之進明敗於信都會平盧將劉正臣以漁陽

歸真卿欲堅其意遣賈載越海遺軍資十餘萬以子頗

為質頗甫十歲軍中固留不從肅宗已即位靈武真卿

數遣使以蠟丸裹書陳事拜工部尚書兼御史大夫復

為河北招討使時軍費困竭李粵勸真卿收景城鹽使

諸郡相輸用度遂不乏祿山乘虛遣思明尹子奇急攻

河北諸郡復陷獨平原博平清河固守然人心危不復

振真卿謀於眾曰賊銳甚不可抗若委命辱國非計也

不如徑赴行在至德元載十月棄郡度河間關至鳳翔

謁帝詔授憲部尚書遷御史大夫方朝廷草昧不暇給

而真卿繩治如平日百官肅然兩京復帝遣左司郎中

李異告宗廟視署嗣皇帝真卿謂禮儀使崔器曰上皇

在蜀可乎器違奏改之帝以為達識又言春秋新宮災

魯成公三日哭今太廟為賊毀請築壇於野皇帝東向

哭然後遣使不從宰相厭其言出為馮翊太守轉蒲州

刺史封丹陽縣子為御史唐旻誣劾饒州刺史乾元

二年拜浙西節度使劉展將反真卿豫備郡統李
頤以爲生事因召爲刑部侍郎展卒舉兵度准而頤奔
江西李輔國遷上皇西宮真卿率百官問起居輔國惡
之貶蓬州長史代宗立起利州刺史不拜再遷吏部侍郎
除荆南節度使未行改尚書右丞帝自陝還真卿請
先謁陵廟宰相元載以爲迂真卿怒曰朝廷事豈堪公
再破壞邪載銜之俄以檢校刑部尚書爲朔方行營宣
慰使未行留知省事更封魯郡公時載多引私黨畏羣
臣論奏乃給帝曰羣臣奏事多挾議毀請每論事皆先
白長官長官以白宰相宰相詳可否以聞真卿上疏曰
諸司長官者達官也皆得專達於天子郎官御史陛下
腹心耳目之臣也今陛下欲自屏耳目使不聰明則天
下何望焉今令宰相宣進止御史臺作條目不得直進
從此人不奏事天下之士鉗口結舌陛下漸成孤立後
悔無及矣後攝事太廟言祭器不飭載以爲誹謗貶峽
州別駕改吉州司馬遷撫湖二州刺史載誅楊綰薦之
擢刑部尚書進吏部楊炎當國以直不容換太子少師
然猶領使及盧杞益不喜改太子太師并使罷之數遣
人問方鎮所便將出之真卿往見杞辭曰先中丞傳首
平原面流血吾不敢以衣拭親舌舐之公忍不見容乎
杞矍然下拜而銜恨切骨李希烈陷汝州杞乃建遣真
卿論之可不勞師而定詔可公卿皆失色至河南河南
尹鄭叔則以希烈反狀明勸不行答曰君命可避乎既
見希烈宣詔旨希烈養子千餘拔刃爭進諸將皆媢罵
真卿色不變希烈以身扞麾其眾退乃就館逼使上疏
雪已真卿不從又遣李元平說之真卿叱曰爾受國委
任不能致命願吾無兵戮汝尙說我邪希烈大會其黨

召真卿使倡優斥侮朝廷真卿怒曰公人臣柰何如是
拂衣去希烈大慙時朱滔王武俊田悅李納使者皆在
坐謂希烈曰聞太師名德久矣公欲建大號而太師至
求宰相孰先太師者真卿叱曰若等聞顏常山否吾兄
也吾守吾節死而後已豈受若等脅邪希烈乃拘真卿
守以甲士掘方丈坎於庭傳將阬之真卿見希烈曰死
生分矣何多爲張伯儀敗希烈令齋旌節首級示真卿
真卿慟哭投地會其黨周會康秀林等謀襲希烈奉真
卿爲帥事洩曾死乃拘送真卿蔡州真卿度必死乃作
遺表稟誌祭文指寢室西壁下曰此吾殯所也希烈僭
稱帝使問儀式對曰老夫曾學國禮所記諸侯朝覲耳
興元後王師復振賊慮變遣將辛景臻安華至其所積
薪于庭曰不能屈節當焚死真卿起赴火景臻等遽止
之希烈弟希倩坐朱泚誅希烈因發怒使闖奴等言真
卿曰有詔真卿再拜奴曰宜賜卿死曰老臣無狀罪當
死然使人何日長安來奴曰從大梁來罵曰乃逆賊耳
何詔云遂縊殺之年七十六按舊書年七十七嗣曹王臯聞之
泣下因表其大節淮蔡平子顏頊護喪還帝廢朝五日
贈司徒諡文忠天下不以姓名稱而獨曰魯公善正草
書筆力遒婉世寶傳之貞元六年赦書授顏五品正員
官開成初又以曾孫弘式爲同州參軍

欽定續通志卷二百五十一

司徒兼中書令帝至自梁戎服謁見三橋再拜頓首先賀殄殲大盜廟朝安復已卽跪陳不能指日滅賊致鑿輿再狩伏道左請死帝爲掩涕起之就位賜承崇里第涇陽延平門田園女樂一列詔將相送入第帝自製紀功碑敕皇太子書立於東渭橋初晟屯渭橋熒惑守歲久乃退賓佐賀具言進兵昌晟曰天子野次臣下惟知死敵安知天道至是乃曰前士大夫勸晟出兵非敢拒也五緯羸縮無常萬一復守歲則我軍不戰自潰矣咸曰非所及也涇州數戍軍帥晟請治不翼命者因勸耕積粟鞫制西蕃乃拜鳳翔隴右涇原節度使行營副元帥徙王西平郡晟請李楚琳俱行欲治殺張鑑罪帝務安反側不許晟至鳳翔亂賊將王斌等十餘人宦者尹元貞擅入河中諭慰懷光晟劾其矯使罪備言赦懷光有五不可河中抵京師畿三百里同州制其衝兵多則示疑少則無以控禦一也赦懷光必以晉絳慈隰還之渾瑊康日知又勞遷徙二也兵力未窮忽有反逆今回紇拒北吐蕃梗西希烈僭准蔡棄強示弱以招窺覷三也懷光既赦朔方將士應效勳行賞府庫方虛不酬所望愈激之叛四也諸道解還賞典不舉怨言必起五也今河中米斗五百芻藁行罄其大將殺戮幾盡圍守旬時勢必內潰臣請約十日糧以破賊帝方委燧戒故不許涇州田希鑿先亦殺其帥未討晟託巡邊詣涇執希鑿并其黨悉伏誅具事以聞在鎮傾家貲饋降附得大酋浪息曩奏封王號蕃使至息曩必在坐衣棉袍金帶虜皆指目欲艷吐蕃大懼其相尙結贊多詐謀曰唐名將特李晟馬燧渾瑊耳當以計去之卽與兵抵鳳翔

晟先使王必選兵三千伏泔澗合擊其中軍幾獲結贊又遣野詩良輔攻拔摧沙堡結贊屢求和未許更遣使卑詞因燧乞盟燧上請晟適入朝力言戎狄不可信宰相韓滉意與合滉卒張延賞當國故與晟有隙雖詔講解而陰不與數陳和親便密言晟不可久持兵帝感其言貞元三年冊拜晟太尉中書令罷其兵及賊將與吐蕃盟延賞曰李太尉謂和好必不成今盟日定矣晟聞泣曰吾生長西陲備諸虜情所以論奏朝廷爲大戎梅耳延賞及晟語盟於平涼城果被劫僅得免罪燧河東一如結贊計云通王府長史丁瓊爲延賞擠抑見晟曰以公功乃奪兵柄恐位高難全蓋早圖晟執以聞四年詔爲晟立五廟高祖以下皆追贈他日與燧見延英帝嘉其勳詔圖象於凌煙舊臣之次命皇太子書詔文賜晟晟刻石於門九年卒年六十七帝震悼流涕手詔誓以存保世嗣甲告樞前贈太師諡曰忠武元和中詔其家編屬配饗德宗廟庭屢性疾惡泄下明每治軍必曰某有勞某能某事雖厮養小善必錄篤於故舊風州刺史譚元澄嘗有德於晟遭貶死晟貴理其枉厚撫其二子管慕魏徵直諫致太宗堯舜上司馬李叔度曰此指紳儒者事非勳德所宜晟曰君失詞幸備位將相容身不言豈所謂有犯無隱邪叔度惡晟進對嘗諤盡大臣節出未嘗露於人理家以嚴子姪非晨昏不得見言不及公事正歲崔氏女歸寧讓曰姑在堂婦當治酒食且以待賓立遣還家達禮教類如此旣卒城鹽州復故池以新鹽賜宰執帝思晟致鹽於靈座眷遇始終無與比有十五子知名者愿憲想聽

愿太子賓客上柱國舊制柱國門列戟遂父子並賜元和初爲夏綬銀宥節度政令簡嚴部人有失馬者愿懸金署牒以購三日榜下得馬二繫書云逸至不時告謹以良馬一贖罪愿歸失馬而縱其良四境肅然移鎮武靈討青鄆數有功因疾以弟想代俄節度鳳翔頗崇聲色怠於政長慶中徙宣武先是張弘靖給軍優厚愿賞賚不及前而操下甚威用妻弟寶綬通鑑作寶綬領親兵復驕鬻貪黷牙將李臣則夜突斬緩愿聞變不及中與左右數人縋城奪野人乘馳以免城中推李弁爲留後月餘誅之貶愿隋州刺史尋拜河中晉絳等節度荒侈如舊厚賂權近賦入隨盡蒲人怨且亂會卒贈司徒憲與想最稱仁孝憲好儒動循禮則襄陽于頔辟爲從事時吳少誠跋扈獨曠人以為得憲之助遷衛州刺史有治行再徙絳州河中兵素仰食於絳歲租與糴常數十萬石故教倚山民輸一車十牛猶不勝憲相地建倉汾濱費當二百萬請留垣縣粟糶河南以錢還糶絳粟既免負載且權其贏完新倉絳人甚賴之入爲宗正少卿太和公主降回鶻爲送使副還獻回鶻道里記後由江西觀察轉嶺南節度憲雖動伐起家所履政績顯著善治律令而性明恕嘗活大獄無罪者數百人卒於官

想字元直有籌略嫺騎射蔭補協律郎選衛尉少卿晟卒與憲廬墓次德宗詔歸第一宿復徒既往遂許終制服闋爲坊晉二州刺史治異等憲宗討吳元濟唐鄧節度高霞寓敗績代以袁滋亦無功想求自試宰相李逢吉謂想可用授檢校左散騎常侍陪唐鄧節度使至軍不爲斥候部伍或以不肅言想曰賊方安袁公之寬吾

不欲使震而備我下今日天子知愬能忍恥第委耐循戰非吾事因斥罷倡樂士傷病者親為營護賊降者聽其便或有親在勞之曰而亦王人無棄親戚給粟帛遣還眾願為死山川險易賊情偽悉以告居半歲知士心振厲請濟師詔益河中尉坊騎二千於是攻下馬鞍山拔道口柵戰檣柵山取鑪冷城入白狗汶港柵襲楚城朗山平青陵城禽驍將丁士良通鑑作王士良異其才不殺署捉生將士良謝曰吳秀琳以數千兵不可破者陳光洽為之謀也我能為公取之乃禽以獻秀琳即舉文城柵降遂以其眾攻吳房日值往亡吏白法宜避愬曰彼不吾虞正可擊也入外郭引還賊率精騎尾擊眾眾殊死戰射殺其將孫忠憲通鑑作孫獻忠或勸乘勝攻子城不聽秀琳進策曰欲破賊非得李祐不可愬遣史用誠候祐護獲伏騎以羸卒誘祐果輕出禽之諸將素苦祐請即戮愬不應待以客禮問與李忠義並召屏人語至夜分忠義本名憲亦降將軍中多諫二人不可近遇之益厚會蘇雨數月不絕咸謂不殺祐之罰且稱謀言祐為內應愬持以泣曰天豈不欲平賊乎何見奪者眾邪械祐送之朝密言殺祐則無以成功詔釋還愬令佩刀出入帳下署六院兵馬使眾不敢復言始定謀襲蔡舊令舍謀者族愬刊其令謀反效以情時李光顏戰屢勝元濟悉銳卒抗洄曲愬知隙可乘遣告裴度師期元和十二年新書十一年十月十日師夜起以祐及忠義帥突將三千為前鋒自將三千為中軍田進誠通鑑作李進誠以後軍殿出文城柵令曰東趨六十里至張柴墟其戍救士少休復旆而出吏請所向愬曰入蔡州取吳元濟諸將失色監軍泣曰果落祐姦計會大雨雪天晦凜風偃旗馬驟縮士

抱戈僵仆者道相望破澤阻奧未嘗歷皆謂投不測然業從愬人人無敢為身謀愬道分兵斷洄曲朗山路自張柴行七十里夜半達懸瓠城雪甚擊城旁驚鴛池以亂軍聲祐坎墉先登眾繼進殺門卒發關留擊柝者雜鳴雪止愬入元濟外宅蔡吏驚曰城陷矣元濟尚不信曰洄曲子弟歸索褚衣耳及聞號令曰常侍傳語驚曰何常侍得至此率左右登牙城進誠環攻愬計元濟望救於董重質訪慰其家使召以書重質單騎詣愬降進誠火南門元濟窮蹙請罪梯下檻送京師申光諸屯相繼降愬不戮一人屯兵鞠場以俟度度至愬具齋醮迎度欲避愬言蔡人久廢上下分請示之禮遂受愬謁觀者咸聳明日還軍文城加檢校尚書左僕射山南東道節度封涼國公賜一子五品官方禽元濟諸將請曰始公敗朗山不憂勝吳房不取冒大風雪不止孤軍深入不怯而卒以成功何也愬曰朗山不利可弛其備若取吳房賊將并力守蔡存之以分其兵雪夜烽斷莫知吾至深入人有致死心戰自倍眾皆服語從通鑑補輯帝欲經略隴右徙愬鳳翔未發李師道反詔愬代愿帥武宣旬日踐父兄兩鎮世以為榮愬擊賊金鄉十一遇輒勝淄青平進同中書門下平章事賜第興德里田弘正移鎮州以愬領魏博鎮軍亂殺弘正愬問素服令三軍曰魏人得通聖化者田公力也田公撫魏七年天子嘉其仁愛使往治鎮今鎮人敢行不道是輕魏無人父子兄弟食田公恩其何以報眾皆哭又遣德將牛元翼玉帶寶劔謂之曰吾先人以此劔剪大盜吾又以平蔡寇今用授公努力誅賊元翼報曰願盡死勒兵以俟愬疾甚不能出師詔田布代除太子少保還東都卒年四十九

贈太尉諡曰武愬檢約持己昆弟帝勳貴率節室盧僕馬獨愬處父時故院無所增始晟克京城市民安堵及愬平蔡復踵其美晚與鄭注善失於取士論者不以揜其賢云聽字正思七歲薩協律即父吏少之不甚敬聽輒鞭之晟奇其才長辟于頓府吐突承璀討王承宗權聽神策行營兵馬使斬賊驍將憲宗詔圖狀以進盧從史持兩端承璀用聽計卒就縛還蔚州刺史民多盜鑄聽開舊鑪日鑄錢五萬無敢私犯徙安州觀察使柳公綽討蔡署聽典軍聲警賊境召為羽林將軍帝討李師道出為楚州刺史鄂人素易淮軍聽加訓厲出賊不意趨漣水破沐陽絕龍沮堰遂取海州降朗山戍餘城皆送款以功遷御史大夫夏綬銀有節度旋徙靈鹽部有光祿渠久廢聽決渠漸千頃屯田以省轉餉利賴甚饒穆宗立擇名臣代表度帥太原以在東宮時聽方為羽林索其駿馬不敢獻乃曰李聽不與朕馬是必可任授檢校尚書節度河東敬宗嗣位改義成軍太和初討李同捷時魏博將丁志紹新舊書作志紹舊書志紹取奔鎮誠詔聽出援擊殺志紹舊書志紹取奔鎮州為王廷湊所殺封涼國公蔭一子五品官憲誠既請朝詔聽兼領魏博遷延不即赴魏人殺憲誠立何進洎拒守聽不得入屯館陶進洎乘無備掠擊師驚潰聽晝夜馳免輜械盡喪御史中丞溫造等劾奏帝不罪罷為太子少師聽素賂權幸多為援助未幾拜寧節度使邪署相傳不利葺垣宇聽曰將鑿凶門而出何避治舍亟使整完卒無異改鎮武寧軍故奴為徐將不喜聽至殺其所遣親吏聽懼固辭疾用為太子少保開成中為河中節度使帝歎曰付之兵不

疑置之散地不怨惟聽為然四年以疾求還復為太子太保卒年六十一贈司徒聽蒞官苛細聚斂以極欲或誠其盛飾服玩答曰動家若示衰薄恐不顯忠功之效吾欲夸而勸之也子琢思義昌平盧鎮海三節度使無顯績可稱道後為蔚朔等州節度使徙河陽三城坐逗撓下遷刺史卒

王必晟之甥武敢善射晟出師必從攻朱泚於光泰門賊鋒尚銳必與李演血戰連敗賊諸軍乘勢大振擢授神策將在涇原擊吐蕃有功晟視必等諸子而給與有過晟兵罷必亦入為左衛上將軍元和中拜靈鹽節度使先是吐蕃欲作烏蘭橋以過師貯材河湟朔方府每遣遺兵發木委諸河迄不成必至虜知其貪而寡謀厚賂之而急就功築月城以守由是歲禦寇不暇人以咎必在鎮無檢下術多猜忌殺人召還為右衛將軍久之卒

馬燧字洵美其先自右扶風徙汝州郟城父季龍鳳州刺史燧委貌魁偉長六尺二寸少與諸兄學輟策數曰丈夫當建功濟世寧老一儒哉遂精兵法沈勇多智祿山反使買循守范陽燧說循使誅向潤客牛廷玠傾其本根循許不時決祿山遣韓朝陽緘殺循燧問道歸平原平原不守復走魏澤潞節度李抱玉署為趙城尉時同紇歸國恃功剽肆供餼小不稱輒殺人抱玉質介憚往燧自請典辦具先賂其酋與約得其旗章為信犯令者得殺之燧又取死囚給役小違令輒戮虜大駭比出境帖然抱玉奇其才燧因曰屬與同紇接頗得其情僕固懷恩內樹李懷仙張忠志辭嵩田承嗣為黨外交回紇將必窺太原宜早備既而懷恩果與太原將謀舉其

城辛雲京覺之不克嵩自相衛餽懷恩糧抱玉令燧往說嵩與懷恩絕累遷鄭州刺史勸督農務歲一稅民甚便徙懷州值兵後大旱失耕燧勤教化止橫調煩苛厚禮將士之親收瘞暴骨是秋稻生於境人賴以濟抱玉移鳳翔表燧隴州刺史西山有道吐蕃常所出入燧聚石種樹以障設二門為譙櫓八日畢功虜不能暴從抱玉入朝代宗雅聞燧才召見授商州刺史兼水陸轉運使河陽逐其將常休明詔燧檢校左散騎常侍為三城使汴將李靈耀反引魏博為援命燧與淮西李忠臣

台討忠臣戰敗將還燧日以順討逆何憂不克慎毋棄功名忠臣乃收亡卒勢復振敗賊於西梁固燧又獨破其賊狼軍八千田悅率眾二萬救靈耀敗承平淄青兵乘勝距汴一舍而屯忠臣合諸軍戰不利燧出奇兵奮擊悅單騎遁通鑑忠臣先遣李重倩夜擾其營與靈耀亦走被禽汴州平燧知忠臣暴傲讓其功不欲入汴出舍板橋忠臣果因會擊殺宋州刺史李偁燧還河陽秋大雨河溢吏請具舟避燧曰使城中盡魚而獨完其家吾不忍已而無害遷河東節度使太原承鮑防之敗兵力衰軍燧募廝役數千教之數月悉成精騎造鎧必短長三制稱所衣以便進趨為戰車蒙以狻猊象列戟於後行載兵甲止為營陣遇險邊奔衝器用完銳居一年得選兵三萬威攝北方建中二年入朝檢校兵部尚書封蘭國公還鎮田悅遣將圍邢州自攻臨洛邢將李

洪通鑑作臨洛將張仝固守詔燧以步騎二萬與昭義李抱真神策兵馬使李晟合軍赴救燧出崞口未過險移書示好于悅悅以為畏己大喜既次即斷悅使以徇破其支軍悅遣楊朝光以兵萬人據雙岡築東西柵

燧軍營二壘間東柵走歸悅燧即其棄柵置輜重悅與眾計曰朝光柵燧攻未能即下殺傷必多吾則已拔臨洛饗士而戰必勝術也外兵助朝光燧令大將李自貞等守雙岡戒曰令悅得過者斬自推火車焚柵擊斬朝光進軍臨洛悅悉軍戰燧以銳卒當其衝凡百餘斛士皆決死悅大敗去斬首萬級俘千人獲糧三十萬斛邢圍亦解以功加右僕射先戰燧約師勝則以家貲賞至是殫私財頌麾下德宗詔度支出錢五十萬以償進兼魏博召討使李納李惟岳合兵萬三千救悅悅哀散

兵二萬壁洹水燧請益師詔河陽李凡以兵會次于漳悅遣王光進守長橋扼軍路燧以鐵鎖維車數百載土塞下流而渡悅知燧食乏堅壁不出燧齋十日糧臨倉口與悅夾洹而軍造三橋逾洹日挑戰抱真其問曰糧少而深入何也燧曰糧少利速戰今悅聯淄青恆為首尾欲不戰以老我師若分擊左右悅且來助是腹背支敵也當攻其必救令諸軍夜半食潛師趨魏曰聞賊至止為陣留百騎鳴鼓角持火待軍畢發匿其旁須悅眾度即焚橋行十餘里悅與李納等兵踰橋乘風縱火謀

而前燧令無動除榛莽廣百步為場募勇士五千陣而待比悅至火止氣衰燧縱兵直擊悅大敗走橋橋焚眾赴水死者不勝計斬首二萬虜三千尸橫三十里悅乘夜走魏州其將不納追騎不至乃得入嬰城自守于是李再春以博州悅兄昂以洺州王光進以長橋皆降悅使符璘李瑤衛滔青殘兵還璘瑤亦降魏先導御河貫城燧塞其上游悅益恐遣使求助於朱滔王武俊二人方恐望乃連和悅特燕趙援出兵背城陣燧復與諸軍擊破之進同中書門下平章事北平郡王封王舊書在興元年

滔武俊聯兵救魏帝遣李懷光以朔方軍助燧懷光未
休士即與滔等戰大敗滔堰水絕官軍糧道燧退保魏
縣滔等軍亦至灕河為壘會帝出奉天燧引還太原初
抱真欲殺楊鉢燧奏免之及邢國解獲軍糧燧自有之
抱真怒洹之捷軍趨魏有突騎犯燧營抱真勒兵不救
燧將攻魏抱真請獨當一面繇是逗遛武俊略趙地抱
真分兵戍邢燧怒將引還李晟和之乃復與抱真善及
田昂降燧請以洺州隸抱真抱真亦請分李晟兵隸燧
以示協一然議者咎燧以私忿遷延卒不成大功燧遣
王權以兵五千赴奉天又令子彙及諸將子壁中涓橋
帝已幸梁州乃還燧念晉陽王業所基宜固險引晉水
注城為池醜汾水環城樹柳捍隄帝還都李懷光反加
燧河東保寧奉誠軍行營副元帥與渾瑊駱元光共討
河中賊黨要廷珍守晉毛朝敷守關鄭抗守慈移檄
招諭皆以州降因拜燧晉絳慈關節度使武俊之圍趙
也康日知將棄趙燧請詔武俊擊朱滔授以深趙以日
知為晉慈關節度使及三州降燧固讓日知且言因降
而授恐後有功者踵以為常帝嘉許燧軍次絳略諸縣
降其將馮萬興任象玉絳守將棄城遁進職寶鼎射殺
賊將徐伯文斬首萬級獲馬五百時天下旱蝗朝士多
請宥懷光燧以懷光反覆不可信河中近甸捨之屈威
靈無以示天下入朝面陳得三十日糧足平賊許之乃
與瑊元光韓游瓌合兵賊將徐廷光守長春宮城燧挺
身至城下廷光懼燧拜城上燧度其心屈徐曰我自朝
廷來可西嚮受命廷光復拜燧曰朔方將士自祿山以
來功高天下奈何為族滅計從吾言非止免禍立富貴
未對燧曰爾以吾為欺今不遠數步可射我披而示之

心一軍皆感泣即降燧以數騎入城眾大呼曰吾等更
為王人矣通鑑廷光將士聞燧言伏泣燧令第堅守毋
罵及燧還通鑑焦籬堡將亦降餘戍望風遁燧濟河兵八萬
列陣城下是日牛名俊斬懷光首以降誅其黨聞晏孟
寶張清吳罔等它脅附悉赦之不閱月河中平遷光祿
大夫兼侍中賜一子五品官還太原帝賜宸辰台衡二
銘燧勒石起義堂帝為題額貞元二年吐蕃尚結贊陷
鹽夏二州屯鳴沙及春畜死糧乏詔燧與元光游瓌會
擊尚結贊懼乞盟帝不許乃甘詞重幣請于燧明年燧
偕蕃使論頰熱朝盛言宜許盟詔渾瑊與盟平涼瑊被
劫僅免吐蕃歸所掠燧兄子弁曰河曲之屯春草未生
公若渡河我無種矣賴公許和今以報帝聞悔怒奪其
兵拜司徒兼侍中賜伎樂奉朝請而已五年與李晟並
圖象凌煙閣後病足不任謁九年十月自力朝廷英詔
毋拜時晟初卒帝顧燧悲涕曰尙記與太尉晟俱來今
獨見公燧疾而仆帝親掖詔左右扶去送至陞燧頓首
泣謝固乞骸讓侍中不許十一年八月卒年七十贈太
傅諡曰莊武子彙暢
暢少以蔭生至鴻臚少卿燧討山東時暢留京師值歲
旱朝廷括商旅緡錢多入南山為盜暢客竊議事且危
暢遂遣奴諷燧班師燧以聞使兄炫拘暢請罪帝貸不
問但誅其客救炫杖暢三十亦罷括商令燧卒後暢貴
甲天下晚為豪倖中官等侵牟以至窮困終少府監贈
工部尚書諸子竟無室廬自託當世以暢為厚畜戒子
繼祖以門功為太子舍人五遷至殿中少監卒
燧兄炫字弱翁以儒學聞隱蘇門山李光弼鎮太原時
掌書記甚器之用神功署為節度判官授連潤二州刺

史政績清白燧為司徒授刑部侍郎以兵部尚書致仕
卒
渾瑊本鐵勒九姓之渾部世為皋蘭都督父釋之以才
武積功朔方累遷開府儀同三司靈朔郡王廣德中戰
沒吐蕃按代宗本紀廣德二年僕固懷恩殺朔方節度
使僕固瑒瑒後軍釋之新書瑊傳釋之與吐蕃戰沒舊書
作與吐蕃戰沒於靈武皆與紀異考通鑑白玉焦暉既
殺僕固瑒懷恩自汾州度河北走朔方將渾瑊之守靈
州懷恩至將扼之其甥張詠曰彼或翻然或圖以眾歸
鎮何可不納釋之疑未決懷恩乃以詔為問殺釋之而
不得已納之詔以其謀告懷恩乃以為問殺釋之而
收其軍然則釋之實為懷恩所殺靈武正其地也謂與
吐蕃戰沒蓋當時懷恩以吐蕃叛或用問為謀殺手瑊
吐蕃以殺之耳異辭而實一事今仍其舊部拔石堡城
少善騎射年十一即隨父防秋從破賀魯部拔石堡城
龍駒島署折衝果毅節度使安思順授以偏師入葛祿
部破阿不思與諸軍城禾清及天安軍遷中郎將祿山
反隨李光弼定河北殺賊驍將李立節肅宗即位率兵
趨行在至天德遇蕃軍入寇敗之從郭子儀復兩京破
安慶緒新鄉擢武鋒軍使從僕固懷恩平史朝義大小
數十戰功稱最改太常卿懷恩圖逆瑊歸子儀父喪起
復朔方行營兵馬使懷恩誘吐蕃十萬至奉天瑊率驍
騎衝其陣挾一虜還夜襲殺數千人士氣大振從通鑑
以功加御史中丞後虜復入寇瑊勝之漠谷遷太子賓
客屯奉天周智光反子儀令瑊以步騎萬人下同州智
光平屯宜祿防秋大曆八年吐蕃大犯邊新書七年通
八城會涇原馬磷兵次黃善原宿將史抗違令軍大敗
子儀謂諸將曰朔方兵精天下今為虜敗奈何瑊請再
戰乃馳朝那與鹽州刺史李國臣邀虜秦原悉奉所掠
而還領邠州刺史尋擊却吐蕃於方渠懷安子儀入朝
知邠靈慶兵馬留後回紇侵太原破鮑防軍拜瑊都知
兵馬使督石嶺關以南諸軍為犄角虜引去子儀為太

尉所部析為二節度以城兼單于大都護綬銀麟勝州節度副大使未幾崔寧領朔方入為左金吾衛大將軍建中四年李希烈詐為城交通書帝識其妄更賜良馬錦幣涇師亂城率宗人子弟從帝至奉天授行在都虞候京畿渭北節度使朱泚兵薄城晨至日中戰不解有芻車至城曳以塞門焚而戰賊始退靈武杜希全等援兵將至帝議道所從出城謂漠谷險狹必為賊邀不若自乾陵北過盧杞言恐驚陵寢城曰泚日斬乾陵松柏其驚多矣今城中危蹙希全等若得營據要地則泚可破帝竟用杞策四軍皆潰泚治攻具益急矢石四集如雨晝夜不息凡浹日人心惴甚或夜縋出撥疏供御帝與城對泣泚方據乾陵下瞰衣黃衣蔽翟扇宦人趨拜左右縱嬖詞斥使騎環馳責大臣不識天命造雲梁廣數十丈可容五百人施大輪濡氈冒革周布水囊為障直指城東北旁構木廬運薪土其下將塞陞帝授城空名告身千餘募突將死士賜城筆使量功以署不足則署衣因曰朕與公訣矣有急可令馬承倩奏城俯伏嗚咽受命時士卒凍餒甲兵斃乏城但以忠義感率羣臣憂不支號天以禱城中矢自拔被血而戰先與防城使侯仲莊搦雲梁所道掘深隧積馬矢燃薪以待賊乘風推雲梁進及隧而輪陷風返悉焚死者數千舉城歡譟振地是日授城二子官賞將校有差泚復來攻會李懷光赴難乃解去進城行在都知兵馬使懷光反帝狩山南城衛入谷口擊却懷光追騎加檢校左僕射同中書門下平章事奉天行營副元帥帝用漢拜韓信故事臨軒授鉞城將諸軍趨京師賊將韓旻拒武功城會吐蕃兵大破之武亭川遂屯軍奉天以抗西面李晟破賊

之日城與韓游瓌戴休顏收咸陽進屯延秋門泚平兼侍中帝還宮授河中同陝虢行營副元帥由樓煩郡王徙封咸寧賜第大寧里女樂五人將相送歸第如晟禮俄轉朔方行營副元帥與馬燧同討懷光懷光平檢校司空任一子五品官鎮河中蕃相尚結贊畏城與晟燧欲以計勝詭請燧求盟燧力贊可許詔納盟平涼川以城為會盟使為結贊所劫副使崔漢衡以下皆陷惟城免自奉天入朝素服待罪詔釋之使鎮奉天以禦吐蕃尋還河中四年授邠寧慶副元帥十二年檢校司徒兼中書令十五年卒年六十四贈太師諡忠武城通春秋漢書嘗慕司馬遷自敘著行紀一篇詞不矜大性忠謹功高愈下歲時貢獻必躬閱視拜賜常如在上前世方之金日磾故始終為帝信待猜問不能入有所奏論不盡可輒私喜曰上不疑我君子賢之本名日進稍顯改馮子鎬鐵

鎬素謙謹喜接士大夫慙唐鄧二州刺史有政警元和
中延州沙陀部苦邊吏貪擾朝議選才幹者為刺史任
鎬延州會討王承宗義武任迪簡病不能軍擢鎬為節
度使治兵頗有法然計略短而不務持重鎮定相去九
十里遽引兵壓鎮賊見鎬無斥候酒師入定肆焚掠
鎬軍搖中人促戰乃出薄賊大敗而還詔以陳楚代時
師機凍遂劫鎬家至裸辱楚馳入城始定令軍中歸所
掠衛出之坐貶韶州刺史後代州刺史韓重華奏鎬隱
供軍錢幣十餘萬再貶循州卒

鐵以陰補諸衛參軍遷豐州刺史坐贓貶袁州司馬書
袁州還為袁王傅李訓鄭注之亂或言鐵匿賈餗百騎
司戶搜捕苦辨始免而家一空文宗憐之授殿中監宰相擬

以刺史帝曰是豈可以牧民念其父功富之可也宰相言鐵嘗治郡有聲乃拜壽州刺史終諸衛大將軍

欽定續通志卷二百五十二

列傳

唐五十三

楊朝晟

戴休顏

陽惠元

李元諒

李觀

韓游瓌

杜希全

邢君牙

害數日引去復城馬嶺而還拓地三百里十七年防秋於靈州卒

戴休顏夏州人有膽略為郭子儀部將論平党項以安

河曲試太常卿封濟陰郡公進咸寧郡王兼朔方節度

副使城邠州功最遷鹽州刺史奉天之難率部兵三千

晝夜奔赴與渾瑊杜希全韓游瓌等捍禦有功德宗進

狩梁洋留守奉天李懷光遣人招誘即斬其使嬰城固

守懷光大駭自涇陽夜遁加檢校工部尚書奉天行營

節度使合渾瑊兵擊泚偏師追至中渭橋斬首三千京

城平又與瑊岐陽邀泚餘黨進右僕射冠駕還都賜

女樂甲第尋拜左龍武統軍卒贈揚州大都督弟休瑋

休瑋俱以將略稱顯官

陽惠元平州人趨勇多權略從軍平盧後與田神功李

忠臣泛海至青齊詔以兵隸神策為京西兵馬使鎮奉

天德宗初立稍繩諸鎮於是李正己田悅各增兵屯河

南大擾詔移兵萬二千戍關東帝御望春樓誓師勞遣

酒至神策將士皆不飲帝問故惠元對曰臣發奉天臣

之帥張巨濟約曰是役也不立功毋飲酒臣不敢違既

行有司供饋於道惟惠元軍瓶罌不發帝嘉歎降璽書

慰勞田悅反領兵會諸將合討戰御河奪三橋功為最

以兵屬李懷光建中四年自河朔赴難解奉天圍加檢

校工部尚書攝貝州刺史舊書在赴詔與李晟李建徽

及懷光聯營使橋俄移壘翰林學士陸贄諫曰晟

既慮變東徒宜託言晟兵寡藉惠元建徽為犄角以備

賊為解密諭趨裝進道則懷光計無所施帝不從使李

昇往伺是夕懷光奪二軍惠元建徽走奉天懷光遣將

冉宗追及於好時惠元被髮呼天血流岫祀祢禡戰死

二子晟高匿井中皆及害舊書惠元及二子並封贈惠元尚書左僕射展殿中監歸邠州刺史少子昇字公素

好時之難被八創墮別并放免歷邢州刺史盧從史被

縛有驍卒五千賈弁昇旻閉城不納論以禍福眾感悟

還軍憲宗嘉之遷易州討吳元濟時以唐州刺史提兵

薄申州拔其外垣加御史中丞容州蠻反授本州經略

招討使既平進御史大夫卒贈左散騎常侍

李元諒安息人本安少養於宦官駱奉先冒姓駱名

元光美須髯武敢有謀備宿衛試太子詹事鎮國李懷

讓奏署副使軍中皆畏服朱泚亂遣何望之襲華州刺

史董晉棄城走望之入據元諒自潼關引兵拔其城數

日募眾萬餘軍乃振時尚可孤守藍田元諒屯昭應王

權壁中渭橋相為聲援賊不敢踰渭南授鎮國軍節度

使封武康郡王先是幽隴兵出關討李希烈泚使劉忠

孝召還華陰尉李夷簡追捕及關元諒斬以徇所召兵

不得入故華州獨完俄詔與李晟收京師元諒奮擊於

澆西敗賊進屯苑東晟使壞苑垣入賊連敗遂大潰功

成讓晟退壁近郊加尚書右僕射賜甲第女樂一子六

品官尋與馬燧渾瑊討李懷光其將徐廷光素易元諒

嬖罵且為優胡侮其祖廷光降於燧元諒遇之軍門叱

左右斬之乃詣燧謝燧大怒將殺元諒韓游瓌曰殺一

偏裨尚爾殺一節度法宜如何燧默然元諒請輸勞軍

錢百萬自贖燧亦為請燧釋之貞元三年城盟吐蕃命

元諒以軍駐潘原元諒曰潘原去平涼七十里虜情多

詐有急何以赴請連屯城以違詔不許城壁距盟所二

十里元諒密徙相次會日元諒望雲物知不祥嚴部伍

結陣俄而城被劫奔還元諒成列出李觀亦以精兵伏

楊朝晟字叔明夏州朔方人起行間為甘泉府果毅從李懷光討涇州劉文喜以功授驃騎大將軍李納寇徐州隨唐朝臣往討常冠軍懷光赴難奉天屬朝晟將千人下咸陽懷光反韓游瓌入邠靈賊黨張昕守邠州索軍資募士欲歸懷光朝晟父懷賓為游瓌將夜斬昕及同謀者游瓌遣以聞授御史中丞朝晟泣見懷光曰父立功於國子當誅不可主兵懷光繫之諸軍圍河中懷賓從游瓌戰長春宮甚力懷光平帝原朝晟因為游瓌都虞候游瓌御士素寬及張獻甫來代軍遂亂脅監軍請范希朝為帥希朝時在京師朝晟陽許之給眾曰子賀所請之當也眾稍定潛結諸將誅首惡二百餘人獻甫始得入軍帝以希朝為副使加朝晟御史大夫貞元九年城鹽州朝晟屯木波堡獻甫卒代為邠靈節度十三年請城方渠合道木波以遏吐蕃路且言部兵足辦詔問前城五原用師七萬今何易邪對曰鹽州集軍興役蕃戎先知今調本鎮兵十日抵塞下出不意而城虜料吾眾不減七萬未敢輕入不三旬可畢功聚糧屯卒寇至萊野虜夷不能久留此萬全計也若大發兵開月乃至虜知必來戰則不暇城矣帝納其策師次方渠水乏有青蛇乘高下視其迹水隨而流築防禦為渟淵汲飲仰足有詔置祠命泉曰應聖已城吐蕃眾至度不能

險追騎乃退元諒先遣輜重而徐與城振旅歸帝嘉嘆
資賈駟金幣賜姓及名遷節度隴右治良原隍堽堽堽
旁皆平林薦草虜入寇常休牧於此元諒與士卒培高
浚深芟榛莽闢美田數十里歲收粟數十萬斛又築連
弩臺進據勝勢別新城虜至輒北去涇隴由是又安卒
年六十二贈司空諡曰莊威

李觀其先自趙郡徙為洛陽人少沈厚寡言以策干朔
方節度郭子儀遣佐坊州刺史吳伯為防遏使親喪免
居蓋屋吐蕃入寇代宗幸陝觀率鄉里子弟千人守黑
水虜不敢近嶺南節度使楊慎徽奏充偏將及徐浩李
勉代鎮軍政悉倚任焉累遷大將召為右龍武將軍涇
師叛觀適番上領衛兵扈駕至奉天增募五千八列通
衝城中氣振從幸梁州以勞著帝還詔總後軍擢四鎮
北庭行軍涇原節度使在鎮四年勵土儲糧境以寧輯
平涼之盟微觀與李元諒渾城幾不免是年入朝除少
府監檢校工部尚書卒贈太子少傅

韓游瓌靈州靈武人始為郭子儀裨將安祿山反使阿
史那從禮出塞誘九蕃府六胡部落子儀遣游瓌率辛
京果擊破之進郭靈節度留後德宗出符兵未集游瓌
合慶州刺史論惟明趨赴過朱泚兵欲還奉天監軍翟
文秀曰吾壁於此賊敢踰我可夾攻若向奉天是引賊
通天子也游瓌曰賊分軍綴我餘眾猶能鼓而西奉天
無疆卒安能夾攻遂還泚躡至與戰不利泚兵奪門游
瓌殊死鬪乃解泚毀佛寺治攻具游瓌以寺材皆乾薪
具火以待賊攻南雉游瓌趨北堞遣將火其柵賊氣沮
帝置衛卒統軍以游瓌惟明買隱林分典李懷光叛游
瓌白發招誘書帝嘉其忠問計安出對曰懷光總諸鎮

怙以為亂陛下但以眾與地授各守將罷懷光權而尊
以元功彼奚能為帝曰罷懷光而泚益張奈何對曰今
貢賦方至酬士以不次之賞其守自固邪精甲有萬臣
將之糾合四方義軍賊不足滅帝美其言會懷光誘復
至軍城得書稍警備游瓌不知怒罵城帝疑有變進幸
梁州游瓌既失兵用客劉南金計招舊部兵八百馳入
邪說張昕母從逆昕不聽欲加害游瓌陰結其將高固
等伏甲斬昕懷光子玟在邪游瓌衛出之曰殺之祇速
敵至懷光遂奔蒲游瓌屯七盤稟李晟節度詔拜邪靈
節度使與賊及戴休顏分扼京西險要晟入長安游瓌
破泚兵咸陽加檢校尚書左僕射扈帝還宮論功與賊
等皆第一還屯邪靈懷光寇同州賊敗於乾坑詔游瓌

井力破賊眾五千遂會城馬燧河中貞元二年吐蕃
入涇隴邪靈游瓌追至安化遣將夜襲其營虜驚逸繼
因燧乞盟詔問游瓌對曰西戎強則入寇弱則求盟今
侵地益深而有請詐也帝不從會盟平涼命游瓌屯洛
口盟之日游瓌令眾曰有變急趨柏泉以分其勢虜騎
追城見兵出解去後又寇豐義復敗之南原子欽緒為
射生將與妖人謀反事泄奔邠州中人捕斬舊書通鑑
師稍異游瓌求歸死不許執欽緒二子送京師亦原之
旋入朝素服聽命詔復位勞遇如故以請城豐義趣還
軍初眾謂游瓌之朝且得罪齋送殊薄及還舉軍不安
游瓌欲殺大將范希朝希朝奔鳳翔召入宿衛游瓌城
二版而潰卒大掠不能禁帝用張獻甫代未至游瓌畏
亂即赴都拜右龍武統軍卒諡曰襄
杜希全京兆醴泉人隸郭子儀麾下積功至朔方節度
使整肅軍令士皆畏服奉天之符首與鄆坊節度李建

微鹽州刺史戴休顏夏州刺史時常春引兵赴難次漠
谷賊乘高縱礮發弩遂擊德宗遣援不得進希全退守
邠州賊平遷檢校尚書右僕射靈鹽豐節度使封餘
姚郡王將即鎮獻體要八章規切時政帝嘉納賜君臣
箴一篇尋兼夏綬銀都統建言鹽州為塞保鄆自平涼
背盟遂陷於虜為邊深患請復城之詔希全合朔方邪
靈銀夏鄆坊振武及神策行營兵三萬五千赴鹽州又
救涇原劔南山南軍入蕃牽制執築凡六千人閱二旬
畢虜由是不敢輕入希全入鎮河西頗越法帝數優容
忌豐州刺史李景略名出己右力加排劫帝為斥以答
其意素苦風眩增劇益暴忍誣殺判官李起將士累息
卒贈司空

邢君牙瀛州樂壽人從幽薊平盧軍歷折衝郎將安祿
山反從侯希逸涉海入青州田神功為充郭節度令將
兵防秋時代宗避吐蕃幸陝以扈從功累封河間郡
公李晟討田悅署為都將戰武安襄國洹水功最德宗
在奉天晟率君牙倍道赴難屯涓橋軍事咸商之晟鎮
鳳翔數行邊常以君牙守後晟入朝代為鳳翔觀察使
俄領節度檢校尚書右僕射吐蕃歲犯邊君牙修耕戰
以備戎不能為患又城隴州平戎川號永信城卒贈司
空初布衣張汾干君牙坐客上會君牙怒吏盜宴錢汾
不謝去日素聞邢君牙一時豪俊今乃與吏論錢云何
君牙慙遽釋吏款汾月餘謝以縑五百其屈已好士類
此
欽定續通志卷二百五十三

列傳

唐五十四

陸贄

陸贄字敬輿蘇州嘉興人十八第進士中博學宏辭調
 鄭尉罷歸壽州刺史張鎰有重名贄往見語三日奇之
 請為忘年交餉錢百萬日請為母夫人一日費贄不納
 止受新茶一串而已以書判拔萃補渭南尉舊書作謂
南主簿按
德宗立遣黜陟使何等十一
集序亦云謂南簿
 人行天下贄說使者請以五術省風俗八計聽吏治三
 科登雋又四賦經財實六德保罷察五要簡官事五術
 曰聽謠誦審其哀樂納市買觀其好惡訊簿書考其爭
 訟覽車服等其儉奢省作業察其趣舍八計曰視戶口
 豐耗以稽撫字視墾田贏縮以稽本末視賦役薄厚以
 稽廉冒視案籍煩簡以稽聽斷視囚繫盈虛以稽決滯
 視姦盜有無以稽禁禦視選舉眾寡以稽風化視學校
 興廢以稽教導三科曰茂異賢良幹蠱四賦曰閱稼以
 莫稅度產以衰征料丁壯以計庸占商賈以均利六德
 曰敬老慈幼救疾恤孤賑貧窮任失業五要曰廢兵之
 冗食蠲法之擾人省官之不急去物之無用罷事之非
 要時皆廢其言遷監察御史帝在東宮已聞其名召為
 翰林學士會馬燧討賊河北久不決請濟師李希烈寇
 襄城詔問策安出贄言今幽燕恆魏之勢緩而禍輕汝
 洛榮汴之勢急而禍重田悅覆敗之餘無復遠略王武
 俊有勇無謀朱滔多疑少決互相制劫急則合力退則
 背憎不能有越軼之慮此謂緩也希烈果於奔噬忍於
 傷殘據許富全之地而益以鄧襄虜復之實東寇則

饒道阻北窺則都邑震此謂急也代朔邵靈之精騎上
 黨盟津之練卒悉舉而委之山東將多而勢分兵廣而
 財屈則屯戍失於太繁也李勉文吏也而當汴必爭地
 哥舒曜之眾烏合也拜襄城方鏡之賊則守禦失於不
 足也今若使李懷光帥師救襄城之圍還李芑河陽以
 援東都汝洛既固梁宋亦安是乃取有餘救不足計之
 得也又言立國之權在審輕重王畿者四方之本也京
 邑者王畿之本也是以前世轉天下租稅徙郡縣豪傑
 以實京師太宗列置府兵八百所而關中五百舉天下
 不敵關中則居重馭輕之意也方世承平久武備微故
 祿山乘外重之勢一舉而覆兩京然猶諸牧有馬州縣
 有糧肅宗得以中興乾元後外虞踵發悉師東討故吐
 蕃乘虛而先帝莫與為禦是失馭輕之權也既自陝還
 懲艾前事稍益禁衛故關中有朔方涇原隴右之兵以
 捍西戎河東有太原之兵以制北虜今朔方太原之眾
 已屯山東神策六軍悉成關外關輔之間徵發已甚宮
 苑之內備衛不全萬一將帥之中又如朱滔李希烈或
 負固邊壘誘致豺狼或竊發郊畿驚犯城闕未審陛下
 復何以備之陛下倘過聽愚計所遣神策六軍李晟等
 及節將子弟悉可追還明敕涇隴郿壘但令嚴備封守
 仍令更不徵發使知各保安居又罷京師及畿縣間架
 等雜稅人心不搖邦本自固帝不納後涇師急變贄言
 皆效從狩奉天機務填委總遠近調發奏請報下書詔
 日數百贄初若不經意逮成皆周盡事情中於機會旁
 更承寫不給同職者皆伏其能帝與贄語及亂故每自
 克責贄曰致今日之患皆羣臣之罪也帝曰此亦天命
 非由人事贄退而上書曰陛下志壹區宇四征不庭兇

渠稱謀逆將繼亂兵連禍結行及三年一人征行十室
 資奉居者疲饋轉行者苦鋒鏑去留蹙然而閭里不寧
 矣聚兵日眾供費日博常賦不給乃議蹙限而加斂焉
 加斂既殫乃別配之別配不足於是推算之科設率貨
 之法興禁防滋章吏不堪命農桑廢於追呼膏血竭於
 笞捶兆庶嗷然而郡邑不寧矣邊陲之戍以保封疆禁
 衛之旅以備巡警邦之大防也陛下陛下而東征邊備空
 屈又搜私牧責將家以出兵籍馬夫私牧者元勳貴戚
 之門也將家者統率岳牧之後也其復除征徭舊矣今
 奪其畜牧事其子孫勾假以給資裝破產以營卒乘元
 臣貴位孰不解體方且稅侯王之廬算碑販之緡貫不
 見優近不見異羣情鬱然而關畿不寧矣陛下又謂百
 度弛廢則持義以掩恩任法以成治斷失於太速察傷
 於太精斷速則寡恕於人而疑似不容辨也察精則多
 猜於物而億度未必然也寡恕而下懼禍故反側之讒
 生多猜而下防嫌故苟且之患作由是叛亂繼產忿讒
 竝興非常之虞億兆同慮惟人主獨不聞耳至使凶卒
 鼓行白晝犯闕重門無結草之禦環衛無誰何之人陛
 下雖有股肱之臣耳目之佐見危不能竭誠臨難不能
 效死所謂致今日之患是羣臣之罪豈徒言歟陛下方
 以興衰諉之天命亦過矣臣聞天所視聽皆因於人紂
 之辭曰我生不有命在天此捨人事推天命必不可之
 理也人事治而天降亂未之有也人事亂而天降康亦
 未之有也自比兵興物力耗竭人心驚疑如居風濤洶
 洶靡定族謀聚議謂必有變京師之人固非悉通算術
 皆曉古書則致寇之由豈運當然夫治或生亂亂或資
 治有以無難而亡多難而興今生亂失序之事則既往

不可復追矣其資治興邦之業在刻勵而謹修之捨己以從眾違欲以遵道遠檢倭親忠直推至誠去逆詐斯道甚易知甚易行不耗神不効力第約之於心耳何憂乎亂人何畏乎厄運何患乎不寧哉帝又問贊事切於今者贊勸帝羣臣參日使極言得失若以軍務對者見不以時聽納無倦兼天下之智以為聰明帝曰朕本好推誠亦能納諫往謂君臣一體推信不疑至儉人賈為威福今茲之禍推誠之敝也又諫者不密要須歸曲於朕以自取名朕嗣位見言事多矣大抵雷同道聽實問則窮故頃不詔次對豈倦於接納哉贊因是極諫曰臣聞人之所助在信信之所本在誠一不誠心莫之保一不信言莫之行故聖人重焉傳曰誠者物之終始不誠無物匹夫不誠無復有事況王者賴人之誠以自固而不可不誠於人乎取以智則詐示以疑則偷接不以禮則徇義輕撫不以情則效忠薄上行則下從之上施則下報之不盡於己而責盡於人必怠而不從矣不誠於前而望誠於後必給而不信矣故誠與信不可斯須去身願陛下慎守而力行之恐非所以為悔也人之行己必有過差上智下愚俱所不免智者改過而之善愚者恥過而遂非太宗有躬行仁義之德洎致太平之功可謂盛矣然而人到於今以從諫改過為稱首是知帝王之美莫大於斯陛下謂諫官論事引善自予歸過於上者信非其美然於盛德未有虧焉陛下若納諫不違則傳之適足增美陛下若違諫不納又安能禁之勿傳不宜以此梗進言之路也聖人為治務詢眾心參言無驗不必用實言當理不必違遜於志不必然逆於心不必否異於人不必是同於眾不必非辭拙而效迂者不必愚

言甘而利重者不必智考之以實惟善所在則可以盡天下之心矣陛下又以雷同道說質問則窮臣謂陛下雖窮其辭而未窮其理能服其口而未服其心且下之情莫不願達於上上之情莫不求知於下然而下常苦上之難達上常苦下之難知若是者何九弊不去也所謂九弊者上有六下有三好勝人恥聞過驕辯給銜聰明厲威嚴恣彊腹上之弊也諛諛願望畏懼下之弊也好勝而恥過必甘佞辭忌直言則諛諛者進而忠實之語不聞矣驕辯而衙明必折人以言虐人以詐則願望者自便而切摩之益不盡矣厲威而恣懷必不能降情接協引咎在己則畏懦者至而情理之說不申矣人之難知堯舜所病胡可以一酬一詰而謂盡其能哉夫欲治天下而不務得人心則固不治矣務得人心而不動接下則心固不得矣務接下而不辨君子小人則下固不可接矣務辨君子小人而惡直嗜諛則君子小人固不可辨矣趨和求媚人之甚利存焉為犯顏冒禍人之甚害存焉居上者易其言而以美利之猶懼忠告之不善况疏隔而猜忌者乎轉考功郎中依前充職嘗從容奏曰此時詔書陛下宜痛自引過以感人心昔禹湯以罪己勃興楚昭以善言復國陛下誠能不恠改過以言謝天下俾臣草辭無諱庶幾羣盜革心帝然之故行在詔書如下雖武人悍卒無不揮涕激發及通京師李抱真來朝奏曰陛下在山南時山東士卒聞書詔之辭莫不感泣思奮臣節臣知賊不足平也

元而術家上言數鍾百六宜有所變革示天下復始帝乃議更益大號贊曰尊號之與本非古制行於安泰之日已累謙沖襲乎喪節之時尤傷事體贊奏言若以術數須有變更與其增美詞而失人心不若黜舊號以祇天戒帝從之但改年號而已會與元敕令方帝以稟付贊使商討贊知帝執德不固欲激之使彊其意即上言以為動人以言所感已淺言又不切人能肯懷今茲德音悔過之意不得不深引咎之辭不得不盡使天下聞之人人得其所欲何有不從然臣竊以知過非難改過為難言善非難行善為難惟陛下先斷厥志以施其辭度可行者而宣之不可者措之無苟於言以重取悔帝納之始帝播遷府藏委棄衛兵無緒衣至是天下貢奉稍至乃於行在夾廡署瓊林大盈二庫別藏貢物贊諫以為師旅方殷創痛呻吟之聲未息遽以珍貢私別庫恐羣下有所缺望請悉出以賜有功帝悟即撤其署李懷光有異志欲怒其軍使叛即上言兵稟薄與神策不等難以戰李晟密言其變因請移屯帝遣贊見懷光議事贊還奏懷光寇奔不追師老不用羣帥欲進輒沮止其謀此必反宜有以制之因勸帝許晟移軍初贊與懷光語及晟懷光妄詫曰吾無所藉晟贊即美其彊雄使不得翻覆至是請下詔書如其意者且無辭歸短於朝又遣李建徽陽惠元與晟并屯東渭橋託言晟兵寡不足支賊俾為犄角懷光雖不欲遣且辭窮無以沮解帝猶豫晟徒營不閱旬懷光果奪兩節度兵建徽挺身免患元死之行在震驚遂幸梁道有獻瓜果者帝嘉其意欲授以試官贊謂名器宜重慎止可賜以錢帛不當酬以官帝曰試官虛名無損於事贊奏言誘人之方惟

謹按通鑑輯覽 御批興元下詔 四方人心大悅者蓋以太宗之德在人者深而當時人心亦皆厭亂故其感動之速所謂領易為食湯易為飲而放符從以銷羽翼不失權變機宜無識者乃云德安反正全由文詔勸人不失權變機宜無識者乃云德安反正全由文詔勸人不失權變機宜無識者乃云

帝欲明年遂改 酬以官帝曰試官虛名無損於事贊奏言誘人之方惟

名與利名近虛而於教爲重利近實而於德爲輕員外
試官雖止虛名然而突銛鋒排禍難者以是酬之可謂
重矣今獻瓜果者亦以酬之則彼此相謂曰吾之軀命
乃同瓜果視人如草木誰復爲用哉謹按通鑑觀覽
不可以假人民獻瓜果不過循野人芹曝之分錢帛資
子已足相酬遠欲授以試官其味於輕重實甚陸贄謂
虛名蓋施將無以爲立功者之勸非惟深中
當時情弊抑亦千秋爲君者所當留意者也俄以勞還
諫議大夫仍爲學士時鳳翔節度使李楚琳殺張鎰得
位雖數貢奉議者頗言其挾兩端有所徇徇帝亦不能
容使至皆不得召欲以渾瑊代之贄諫曰楚琳之罪誠
舊但今勤王之師悉在畿內急宜亟告景刻是爭商嶺
既回遠而駱谷又爲賊所扼通王命者惟裒斜爾使楚
琳逞憾敢爲猖狂南塞要衝東與賊合則我咽喉梗而
心膂分矣豈不病哉今願望兩端是乃天誘其衷通歸
塗濟大業也帝釋然盡召見其使優詔存慰之謹按通
御批楚琳賊節使附逆此當載定之初明正其罪
爲反側子示警所謂名正義順而德宗乃欲因勢有代
近於詭譎即時費欲驅拔官職亦失帝欲以內外從官
之養豈豈當時勢有不得不然者乎
曾號定難元從功臣贄曰宮官具資恪居奔走勞則有
之何功之云難則嘗之何定之云今與奮命者齒恐沮
戰士之心結勳臣之憤帝乃止京師已平帝欲召渾瑊
訪奔亡內人給裝使赴行在贄諫以爲巨盜始平疲瘵
之疝瘡瘵之卒尙未循拊而首訪婦人非所以副惟新
之望帝不復下詔猶遣使諭瑊資遣初劉從一美公輔
等材料不逮贄遠徒以單言暫謀建位台宰而贄孤立
一意爲左右權倖沮短又言事無所回諱陰失帝意久
之不得宰相還京但爲中書舍人俄以喪解官客東都
諸方贈遺一不取惟韋卓以布衣交先以聞故所致輒
稱詔受之服除以權知兵部侍郎復召爲學士入謝伏

地哽泣帝爲興改容慰撫眷遇彌渥天下屬以爲相而
竇參素不平易之贄亦數言參罪失貞元七年罷學士
以兵部侍郎知貢舉明年參黜乃以中書侍郎同中書
門下平章事帝始任楊炎盧杞引樹私黨排忠良天下
怨疾貞元後徵艾其失雖置宰相至除用庶官反覆參
詰乃得下及贄秉政始請臺閣長官得自薦其屬有不
職坐舉者帝初許之或言諸司所引皆親黨招賂遺無
實才帝復詔宰相自擇贄奏言臺省長官皆久當朝選
陛下擇輔相多出其中今乃謂不能進一二屬吏豈後
位宰相則可擇天下材乎帝竟不行舊制吏部選以歲
集自乾元已後兵興率三年一調吏員稽壅至十年不
被調者缺員或累歲不補案牘叢滯吏緣爲姦贄乃請
以內外員三分之每歲計關集人檢樞吏姦天下便之
當是時賈耽盧邁趙憬同輔政凡有司關白三人者更
相顧不肯判贄又請如故事每旬一人秉筆所容輒判
河南北江淮荆襄陳許等四十餘州大水贄請遣使振
撫帝曰聞所損殊少即議優恤恐生姦欺贄又上疏極
陳乃許謹按通鑑輟覽御批水連四十餘州溺死
陳乃許萬餘計振撫惟恐不逮猶虞或道且罷濬澤
獨皆按驗可得姦欺何自而生此而向欲屯營民困將
誰恤乎況德宗昔日朔方從逆之將士尙議并給冬衣
而此惟西雅患之災黎獨靳恤之又以北邊歲調河
升斗前後自相刺謬亦已甚矣
南江淮兵謂之防秋士不素練戰數敗將統制不一亡
以應敵乃上陳其弊曰自祿山搆亂肅宗始撤邊備以
靖中原借外威靈內難於是吐蕃乘釁回紇矜功中國
不振四十餘年西輸賄幣北償馬資尙不足滿其意於
是調斂四方以屯疆陲猶不能制故小人則驅略黎庶
深入則震驚邦畿時有議安邊之策者皆務所難忽所
易勉所短略所長行之而要而不精圖之而功靡就夫勢

有難易事有先後力大而敵脆則先所難是謂奪人之
心也力寡而敵堅則先所易是謂觀勢而動也頃屬多
故財置人勞而欲廣發師徒深踐寇境復其侵地攻其
堅城前有勝負未必之虞後有餽運不繼之患萬一撓
敗適所以啟戎心挫國威也以此安邊可謂不量勢而
務所難矣天之授有分地之產有宜勉所短而敵長者
殆用所長而乘短者疆且以水草爲居射獵爲生便於
馳突不取敗亡此戎狄之所長中國之所短也而欲益
兵蒐乘爭驅角力交鋒原野之上決命尋常之間以此
禦寇可謂勉所短而較其長矣務所難勉所短勞費百
倍終無成功雖果成之不挫則廢誠以越天授運地產
虧時勢反物宜者也若乃擇將吏修紀律耀德以佐威
能邇以柔遠禁侵暴以彰吾信抑攻取以昭吾仁彼求
和則善待而勿與盟彼爲寇則嚴備而不求報此當今
之所易也賤力貴智好生惡殺輕利重人忍小全大安
其居而後動俟其時而後行修封疆守要害蹊蹙隧列
屯營謹禁防明斥候務農足食非萬全不謀非百克不
闢寇小至則遏其人寇大至則邀其歸據險以乘之多
方以謀之使其勇無所加眾無所用掠則靡獲攻則不
能進有腹背支敵之虞退有首尾難救之患是謂乘其
弊不戰而屈人兵此中國之所長也我之所長戎狄之
短也我之所易戎狄之難也以長制短則用力寡而見
功多以易敵難則財不匱而事速成捨此不務而反爲
所乘斯謂倒持戈矛以鑄授寇者也今則皆務之矣尙
且守封未固寇戎未懲者蓋又有六失焉王者欲備封
疆禦戎狄則選鎮守之兵以置之古之善選置者必量
其性習辨其土宜察其技能知其好惡用其力不遠其

性齊其俗不易其宜引其善不責其所不能禁其非不處其所不欲而又類其部伍安其室家然後能使之樂其居定其志奮其氣勢結其恩情以惠則感而不驕以威則肅而不怨靡督課而自用弛禁防而不攜故守則固戰則疆其術無它便於人情而已矣今者遠調屯士分戍邊陲邀其所不能疆其所不欲廣其數不考其用責其力不察其情斯可為羽衛之儀而無益備禦之實也何者窮邊之地千里蕭條寒風裂膚鷹沙慘目晝則荷戈以耕夜則倚烽而覘有剽害之慮無休暇之娛非生其域習其風幼而視焉長而安焉則不能寧居而狎其敵也關東百物阜殷士怵溫飽比諸邊隅不翅天地間絕塞荒陬之苦則辛酸動容聆疆蕃寇虜之名則慄駭奪氣而乃使之去親族捨園廬甘所辛酸抗所懣駭將莫為用不亦疏乎矧又有休代之期無統制之善資奉若驕子姑息如情人進不邀之以成功退不處之以嚴憲屈指計歸張頤待餉僥倖者猶患還期賒緩恆念戎醜充斥乘其亂離布路東瀆平居殫資儲以奉浮冗臨難棄城鎮以搖疆場其弊豈特無益哉固亦將有所撓也謫徙之人本以增戶實邊立功自贖既無良之人而亂亂幸災又甚於戍卒適有防衛之煩而無立功之益雖前代行之固非可遵者也帥臣身不臨邊而以偏師戍守大抵士之犀銳悉選以自奉委其疲羸乃配諸鎮寇至而不支則劫執艾昧恣所欲得比都府聞知虜已旋退治兵若此斯可謂措置乖方一失也賞以存勸罰以示懲以懋有庸以威不恪故賞罰之於馭眾譬觀軌所以行車衛勒所以服馬也今將之號令不能行之軍國之典刑不能施之將上下遵養以苟歲時欲衰一

有功慮無功者反側欲責一有罪畏同惡者震讞罪以隱忍而不彰功以嫌疑而不賞故使忘身效節者獲誦於等夷債軍緩救者不懷於愧畏況又公忠者直己而不求諸人反罹困厄敗撓者行私而苟媚於眾例取優崇此義士勇夫所以痛心解體也又如遇敵而守不固陳謀而功不成責將帥帥曰資糧不足責有司有司曰須給無乏更相為解而朝廷含糊未嘗究詰故抱直者吞聲而靡諍詆善者罔上而不慙馭眾若此可謂課責虧度二失也課責虧度措置乖方將不得竭其才卒不得盡其力屯集雖眾無施戰陳虜常越境橫行若涉無人之地遞相推倚莫敢誰何虛張賊勢上聞惟曰兵少不敵朝廷莫之省則又調發益師無裨於備禦而有弊於供億閭井日耗斂求日繁傾家析產推鹽稅酒無虛所入半以事邊制用若此可謂財匱於兵眾矣三失也今四夷最強盛者莫如吐蕃舉吐蕃眾未當中國十數大郡而內慮外備與中國不殊其能寇邊者無幾且又器不犀利甲不精完材不越敏動則中國懼其眾不敢抗靜則憚其強不敢侵何哉良以我之節制多而彼之統帥一也且節制多則人心不一人心不一則號令不行號令不行則進退難必進退難必則疾徐失宜疾徐失宜則機會不及機會不及則氣勢自衰斯乃勇廢為庭眾失為弱開元天寶時制西北二蕃則朔方河西隴右三節度而已尙慮權分或詔兼領之中興已來未遑外討則僑四鎮隸安定以隴右附扶風所當二蕃則朔方涇原隴右河東四節度而已以關東戍卒屬之雖任未得人而措置之法存焉自賊泚亂以誘涇原懷光反以汧朔方則分朔方為三節度其鎮軍且四十皆特

詔任之各有中人監軍咸得相抗莫能稟屬邊書告急方使關白用兵是謂從容拯溺揖讓救焚矣兵以氣勢為用者也氣聚則盛散則消勢合則威析則弱今之邊戍勢弱氣消建軍若此可謂力分於將多矣四失也治我之要最在均齊故軍法無貴賤之差軍實無多少之異所以同其志盡其力也窮邊之地長鎮之兵皆百戰傷夷終年勤苦角所能則練習度所處則孤危考其服役則勞察其臨敵則勇為衣粟止於當身又為家室所分居常凍餒而關東戍士歲月更代怯於應敵懈於服勞然衣粟優厚繼以茶藥資以蔬醬豐尊相縣勢則遠甚又有以邊軍詭為奏請遙隸神策者稟賜之饒遂有三倍之益此士類所以忿恨經費所以禡置夫事業未異給資頓殊人情所不甘也不為戎首則已可嘉而欲使協力同心以攘寇臣知其必不能焉養士若此可謂怨生於不均矣五失也凡任將帥必先考察行能然後指以所授之方語以所委之事令自揣可否以見要領須某甲兵籍某參佐用若干步騎計若干資糧何所列屯何時成功觀其言核其實若曰不足取則當退之於初不宜諂悔於後也若曰可任則當要之於終不宜掣肘於內也故疑者不使使者不疑勞神於拔選端拱於委任然後覈否臧信賞罰受賞者不為濫當罰者不敢辭付授之柄既專苟且之心自息矣頃邊軍去就裁斷多出宸衷選置戎臣先求易制多其部使力分輕其任使心弱由是分圖責成之義廢死綏任咎之志衰一則聽命二則聽命爽於軍情亦聽命乖於事宜亦聽命夫兩疆相按兩軍相持事機所急猝不留息況千里之遠九重之深陳述之難明聽覽之不專欲事無遺策雖聖

亦有所不能焉守城者以兵寡不敢抗分鎮者以無詔不敢救逗留之頃寇已奔遁牧馬屯牛鞠棊奕奕夫樵婦罄偃囚矣假令詔至發兵惟以虛聲應援互相顧望敗者減百為一獲者行百為千帥守以總制在朝不郵罪累陛下以大權由己不究事情用帥若此可謂機失於遙制矣夫也臣愚謂宜罷四方之防秋者以其數析而三之其一責本道節度募壯士願屯邊者徒焉其一則第以本道衣粟資關內河東募用蕃漢子弟願傳軍者給焉其一以所輸資糧給應募者以安其業詔度支市耕牛召工人就諸屯繕完器具至者家給牛一耕耨水火之器畢具一歲給二口糧賜種籽勸之播時須一年則使自給有餘粟者縣官倍價以售既息調發之煩又無幸免之弊出則人自為戰處則家自為耕與夫暫屯邊罷豈同日論哉然後建文武大臣一人為隴右元帥自涇隴鳳翔薄長武城盡山南西道凡節度府之兵皆屬焉又詔一人為朔方元帥由鄜坊邠靈捷靈夏凡節度府之兵屬焉又詔一人為河東元帥舉河東極振武節度之兵屬焉各以臨邊要州為治所部州若府邊東夏更為刺史外奉軍興內課農桑慎守中國所長謹行當今所易則八利可致六失可去矣帝愛重其言不能用也按權德輿序翰苑集云資參納劉士監之照為李異所發得罪左遷橫議者以公與參素不協歸罷相之說於公舊書本傳云參之死實有力焉此即橫議者之說也費救解寶參前後凡三狀皆委曲周至通鑑備覽載其語據班弘判度支卒官以辨舊書之謬今一以新書為正班弘判度支卒官贊薦李異帝漫許之而自用裴延齡贊言延齡假偽躁妄不可用不聽俄而延齡姦佞得君天下仇惡無敢言贊上書苦諫帝不憚竟以太子賓客罷贊性畏慎及策免朝謁之外不通賓客延齡揣帝意薄譏短百端帝遂

怒欲誅贊賴陽城等文章論辨乃貶忠州別駕後稍思之會薛延為刺史諭旨慰勞草數上表請贊代領劍南順帝立與陽城鄭餘慶同召還詔未至卒年五十二贈兵部尚書諡曰宣始贊入翰林年尚少以材幸天子常以輩行呼而不名在奉天朝夕進見小心精敏未嘗有過由是帝倚同類莫敢望雖外有宰相主大議而贊常居中參裁可否時號內相及興元戡難功雖爪牙宣方亦贊有助焉狩山南也道險澀與從官相失夜召贊不得帝驚泣曰得陸贄者賞千金翌日上謁帝喜見顏間自太子以下皆賀及輔政不敢自愛重事有可否必極言無隱或規其太過者對曰吾上不負天子下不負所學違它郵乎精於吏事斟酌剖決不爽錙銖斷放荒遠閉門却掃人不識其面又避諂不著書地苦瘴癘祇為今古集驗方五十篇示鄉人云

欽定續通志卷二百五十四

列傳

唐五十五

韋皋 林蘊

韓弘 公武

張建封 愔

嚴震

韋皋字城武京兆萬年人為建陵挽郎累辟諸府權監
 察御史張鑑鎮鳳翔署營田判官知隴州行營田事德
 宗幸奉天李楚琳殺鑑叛歸朱泚隴州刺史郝通奔楚
 琳始泚為鳳翔帥有范陽軍五百隨饒歸留戍隴州
 督以部將牛雲光至是雲光欲劫皋以臣泚謀泄率眾
 出奔道遇泚奴邀與俱行言泚授皋御史中丞若不受
 即以兵誅之皋納奴偽受命因謂雲光曰大使苟無他
 圖請釋甲以安眾雲光視皋書生無能為命士盡委鑑
 仗而入明日犒宴皋伏甲兩廡盡殺其眾以雲光及奴
 首徇泚又遣他奴拜皋鳳翔節度皋亦斬之及從騎三
 人縱一人使歸報帝聞詔隴州為奉義軍授皋節度使
 以旌其功皋遣兄平及弁至奉天乃築壇盟將士馳使
 連和吐蕃隴坻遂安帝還都人為左金吾衛大將軍貞
 元元年代張延賞領劍南西川先是雲南蠻附吐蕃為
 之嚮導皋聞遣使招諭西南夷稍通二年蠻酋苴那時
 以王爵讓其兄子烏星皋請並封以示褒進詔可三年
 雲南王異牟尋款邊求內屬四年吐蕃寇西川皋擊破
 於清溪關外時雲南未敢顯叛吐蕃亦發兵屯瀘北皋
 為遺雲南書轉致吐蕃吐蕃疑塞其趨蜀路雲南怒歸
 志益堅吐蕃入寇遂約東蠻鬼主驪傍苴夢衝絕吐蕃
 盟五年東蠻攻吐蕃請濟師皋遣精兵二千共敗蕃眾
 於臺登殺大酋乞臧遮遮等虜墜死崖谷不可計遮遮

尚結贊子蕃將之雄貴者也既亡餘城柵無不降進皋
 檢校吏部尚書夢衝復與吐蕃盟皋遣別將蘇危召之
 詰其叛斬於琵琶川立次鬼主蠻部震服九年朝議城
 鹽州慮虜撓襲詔皋出師牽制乃命大將軍勳張芬分
 出西山靈關破峨和通鶴等城蕃將論莽熱來援敗其
 軍進收白岸鹽州既城加檢校右僕射扶風縣伯於是
 西山羌女河陵等八國皆請入朝皋遣幕官崔佐時趣
 雲南與其王盟去吐蕃所立號復南詔舊名從通詔皋
 統押近界諸蠻西山八國雲南安撫使俄同中書門下
 平章事十三年復舊州通鑑在五年後酋帥馬定德與
 大將數十人皆來降昆明管些蠻又內附贊普怒北掠
 靈朔陷麟州帝詔皋深入十七年八月皋令大將陳洽
 崔堯臣等分九道出塞十月大破吐蕃追奔千里遂圍
 維州贊普釋靈朔兵使論莽熱率雜虜十萬來救師據
 險設伏以待虜至謀而奮擊生擒莽熱獻諸朝進檢校
 司徒兼中書令南康郡王帝製紀功碑以賜順宗立久
 疾王叔文干政皋遣劉闢至京師謁叔文請盡領劍南
 必有以報不然惟君之怨叔文怒欲斬闢闢遁去皋知
 叔文多學自以大臣得與國大議上表請皇太子監國
 又上牋太子暴叔文等姦狀且勸進會裴均嚴綬相繼
 請太子遂受禪姦黨悉竄殛是歲皋暴卒年六十一贈
 太師諡曰忠武皋治蜀二十一年前後出師破吐蕃四
 十八萬禽殺酋將千五百斬首五萬餘級獲器械牛羊
 各數十萬功為西南最善撫士凡昏嫁死喪皆厚資給
 僚掾官稍顯即署屬郡刺史恐洩其侈橫不使還朝劉
 闢踵之卒闢不軌朝廷欲追繩其咎或詆皋所進兵器
 皆鏤定秦字陸暢上言向在西蜀知定秦係匠名由是

讓息暢字達夫雅承皋厚禮嘗作蜀道易以美皋者皋
 始重賦敏以事月進結主恩府庫既實列州互除租三
 歲一復舊書皋重敏蜀土虛竭新書皋務私其及卒蜀
 人畫像拜祀刻石遇皋名諱而錢去兄聿元和初為國
 子司業劉闢與盧文若反皋子皋子舊書行式娶文若
 女弟聿不以間闢平行式妻當沒掖庭有司并按聿或
 以道遠不應坐乃皆赦之兄平舊書云從兄平新書
 皋斬朱泚使赴奉天上功擢萬年尉平子正貫字公理
 少孤皋謂能大其門名曰臧孫為單父尉不樂棄去改
 今名舉賢良方正異等累遷司農卿坐事貶均州刺史
 宣宗立拜京兆尹擢嶺南節度使海買船至大帥必索
 犀象明珠酬以下直正貫一無所取人服其清風俗倚
 鬼正貫毀淫祠教民毋妄祈會海水溢爭言撤祠干神
 怒正貫登城沃酒誓曰不當神意咎在守土無逮下民
 俄而水去民乃信居三歲病亟遺令無厚葬無請諡卒
 年六十八贈工部尚書

林蘊字復夢泉州莆田人父披字茂彥以刺史樊晃奏
 署臨汀令舉治行遷別駕蘊世通經西川節度使韋皋
 辟推官劉闢反蘊曉以逆順不聽復遺書切諫闢怒械
 於獄且殺之將就刑大呼曰危邦不入亂邦不居得死
 為幸矣闢惜其直陰戒刑人抽劍磨其頸以脅服之蘊
 叱曰死即死我項豈頑奴砥石耶闢知不可服捨之斤
 為唐昌尉及闢敗蘊名重京師李吉甫李絳武元衡為
 相蘊遺書諷以大事皆當時極弊蘊為韋皋所引重嫉
 其專制感憤關說然嗜酒多忤物宰相置不用也滄景
 程權辟掌書記既而權上四州版籍請吏而軍中習熟
 擅地畏內屬挾權拒命不得出蘊陳君臣大誼論首將

人人釋然於是權得去蘊遷禮部員外郎刑部侍郎劉伯芻薦之於朝出為邵州刺史嘗杖殺客陶玄之投尸

江中籍其妻為倡復坐賊杖流儋州而卒按唐書以蘊儒林考其殺客籍妻坐賊遺脫於儋豈云無玷然能拒劉闢出程權剛毅之氣稟稟以故名重一時本傳載其傳後俾得從其類謹識

張建封字本立鄧州南陽人舊書充州人客充父玠少任俠

安祿山反使李廷偉徭徇山東魯郡太守韓擇木迎館之玠率諸豪將入斬之擇木懼不許參軍張孚助其謀乃殺廷偉事聞擇木字皆蒙賞而玠去之江南不言功建封善屬文能辨論慷慨以功名自許寶應中蘇常盜起代宗詔中官馬日新與李光弼共討建封乃見日新請注說論果一日降數千人縱歸田里由是知名令狐

彰節度滑毫奏置府中建封心非其不朝往見轉運使劉晏晏使筦漕務歲餘罷時馬燧為三城鎮過使素相善表為判官燧討李靈耀軍務悉咨決從鎮河東建中初燧薦之於朝楊炎將處以要職為盧杞所惡出為岳州刺史李希烈叛壽州刺史崔昭與通書疏德宗召宰相選代昭者杞倉卒問白用建封希烈僭號陳少遊陰附之希烈遣楊豐齎偽赦二界建封少遊建封斬豐首送偽書於行在少遊聞而恚且懼建封因劾其附賊狀帝不暇治希烈又偽署杜少誠淮南節度約破壽州以趨江都建封守霍邱秋柵賊不能東帝還自梁濠御史大夫濠壽盧觀察使大繕牌隍遠近悅附希烈選精銳

來攻輒沮賊平任一子正員官始李洎以徐州降洎卒高承宗獨孤華繼任困弱不能支寇李泌建言東南漕自淮達汴徐之壅橋為咽喉今徐州刺史高明應甚少倘為李納所并則梗餉路而失江淮矣請以建封代

貞元四年授建封徐州刺史益以泗濠二州為節度使久之檢校尚書右僕射十三年入朝即日召見延英詔會朝赴大夫班以示優異建封賦朝天行以獻賜名馬珍具甚厚京城以宦者主宮市抑買人物十不償一至有重荷趨肆而徒返者諫臣交論不納建封間為帝言頗順聽詔獨通賦帝問何如對曰殘通決無可敵雖除之百姓尚無所益河東節度使李說華州刺史盧微皆病不任職金吾將軍李輪好刺細事規寵建封皆陳劾之帝皆嘉納上已曲江賜宴特詔與宰相同榻食還鎮帝以詩餞當時高秩大勳如馬燧渾瑊劉玄佐李抱真等所未得也復使左右賜以所持鞭曰卿忠節歲寒不渝用此為況建封又賦詩自勵十六年以疾求代未至而卒年六十六贈司徒建封泚徐十年軍事大治善容人過亦未嘗曲法貸姦其言忠義感激人皆畏悅士無賢不肖遊其門者禮遇維均許孟容韓愈皆奏署幕府有文章傳於世子愔

愔以蔭補虢州參軍建封卒府佐鄭通誠懼軍亂謀引浙西過兵為援舉軍怒殺通誠及大將數人表請愔為留後帝不許割濠泗隸淮南命杜佑討徐州刺史張仵戰壩橋兵敗帝乃授愔留後俄進武寧節度元和初被疾請代召為工部尚書以王紹帥武寧濠泗仍還徐徐人乃安愔未踰境卒凡治徐七年其政稱理贈尚書右僕射

嚴震字遐聞梓州鹽亭人本農家子豐於財至德乾元中數出賫助邊授州長史嚴武鎮西川擢署押衙委以軍務武卒山南西道節度府表為鳳州刺史母喪罷起為興鳳兩州團練使為政清嚴興利除害遠邇咨美劍南黜陟使章楨狀震治行第一賜上下考封鄜國公遷山南西道節度使朱泚反遺腹心穆廷光等齎書招誘震斬以聞李懷光既通賊帝欲移蹕山南震聞馳表奉迎令大將張用誠以兵五千扞衛用誠有反計會震牙將馬勛繼至帝告以故勛曰臣歸取符召之即不受斬以復命計日往得震符還請壯士五人與俱用誠以勛未知其謀迎歸傳舍左右嚴侍勛陰令焚草館外士寒爭附火勛從容出符曰大夫召君用誠懼將走壯士自後禽之用誠子斫傷勛首左右格殺其子而仆用誠勛即其營士皆環甲矣勛大言曰若父母妻子在梁州今棄而反何所利大夫取用誠於若等無與眾不敢動縛用誠送震杖殺之拔其副以統師翌日發奉天既入駱谷懷光追騎至賴山南兵以免尋加檢校戶部尚書封馮翊郡王宰相以梁地瘠請幸成都震曰山南密邇畿輔李晟圖收復方藉六師為聲援如引而西諸將願望奏功無期晟表至亦請駐蹕梁洋議遂定梁漢雖領郡十五賦入纔比東方數大縣安史後山賊剽劫戶口減半震勸課鳩斂有法民不煩擾而行在供億無闕車駕將還進檢校左僕射改梁州為興元府用震為尹久之同中書門下平章事貞元十五年卒年七十六贈太保諡曰忠穆從孫讓與宰相楊收善咸通中擢江西節度使改號鎮南軍收得罪章保衡奏讓賄賂狼籍遣使按覈詔賜死

韓弘滑州匡城人少孤依其舅劉元佐由諸曹試大理評事元佐卒子士寧被逐弘事劉全諒署都知兵馬使全諒死汴軍思元佐之惠共請監軍表引為留後詔充宣武節度副大使知節度事始吳少誠與全諒謀襲陳

許使數輩猶在館弘喜得旌節卽斬少誠使選兵三千助討少誠敗之汴自劉士寧以來軍益驕及殺陸長源主帥勢輕不可制弘察亂魁劉壽等三百人數其罪悉斬牙門流血丹道弘對賓僚言笑自如由是訖弘去無敢肆者李師古欲侵鄭滑屯兵曹州或告翦棘夷道師且至弘曰兵來不除道也師古計窮引去少誠以牛革遺師古師古資以鹽過界弘皆阻留曰於法不得私相餽師古等皆深憚之從通鑑補累授檢校司空中書門下平章事弘以官與太原王鐔等恥居其下憲宗方藉以臨淮西改司徒班鐔上嚴綬爲賊所敗拜弘淮西諸軍行營都統使扞兩河而令李光顏爲重盾擊賊弘不離境遣子公武領兵屬光顏弘陰爲逗撓每諸將告捷輒不怡元濟平以功兼侍中封許國公李師道誅弘大懼入朝固願留京師冊拜司徒中書令帝崩攝冢宰俄出爲河中節度使以病請還仍前守司徒中書令卒年五十八贈太尉諡曰隱初弘來朝獻馬三千絹五十萬它錦綵三萬而汴庫錢絹尙百餘萬馬七千糧儲兵械不可數弘沈謀勇斷莊重寡言罪人準法不自爲輕重詔使至多倨待及齊蔡平勢屈請覲然兩朝尊寵竟以名位終子公武

公武字從偃性恭遜爲宣武行營兵馬使討蔡有功檢校左散騎常侍鄜坊等州節度弘入朝亦乞罷徵爲右金吾將軍弘出河中弘弟充徙宣武乃曰二父居重鎮孺子敢當金吾職固辭改右驍衛大將軍卒贈戶部尚書諡曰恭

充本名璿少亦依舅氏歷河陽昭義牙將弘領宣武召主親兵授御史大夫弘持法峻人不自保充謙謹無少

怠恒以得士不自安請入宿衛弘許而未遣因獵單騎歸洛陽擢右金吾衛大將軍歷少府監鄜坊等州節度穆宗立幽鎮魏復亂朝廷以王承元帥冀卒屯滑州恐相煽誘命充與承元更代會汴軍逐李愿立牙將李弁主留務充素爲汴眾悅服詔節度宣武兼統義成軍討弁敗之郭橋李質斬弁遂入汴時李光顏亦奉詔討弁欲先得汴任軍停掠汴監軍姚文壽謀內其師充聞急馳至城下汴人望見歡躍無復疑貳帝始遣人問破賊期充對一月可破方二旬卽克帝謂充料敵如神加檢校司空散吏所習爲兵者三萬密籍首亂千餘人令出境曰敢後者斬內外安堵卒年五十五贈司徒諡曰肅充雖將家不事豪侈歷三鎮儉約如儒者臨機決策無遺悔世推善將自弘去汴監軍選牙兵二千直閣下日給酒肴物力爲之屈充未入李質總軍事曰韓公至而頓去二千人食必失人心不去無以繼何可留此弊遺吾帥悉罷之而後迎充質節士也弁邀帥節勸之不從弁首發疽委質以兵遂禽之終金吾將軍

欽定續通志卷二百五十五

列傳

唐五十六

鮑防

李自良

蕭昕

韓播

樊澤 宗師

王緯

吳湊 士矩

鄭權

陸亘

盧坦 閻濟美

柳晟

崔戎

鮑防字子慎襄州襄陽人幼孤貧篤學善詞章第進士歷諸府僚屬太原帥韓兼訓被疾疾代宗授防少尹節度行軍司馬俄知留後兼太原尹節度使帝美其政詔圖形別殿轉福建江西觀察使入為左散騎常侍從德宗至奉天進禮部侍郎封東海郡公貞元元年策賢良方正得穆質柳公綽崔邠魏弘簡等時歲旱策問陰陽祲診質對引漢卜式請烹弘羊以指宰輔右司郎中獨孤恤欲下質防曰使上聞所未聞不亦善乎卒置高第世美防知人初與知雜御史寶塗遇導驗不引避參鞭其僕及參為相防尹京兆遷令以工部尚書致仕防曰吾與蕭昕子齒坐宰相餘怒而同昕老憤鬱以卒年六十九贈太子少保諡曰宣防尤工於詩與中書舍人謝良弼友善號鮑謝云

李自良兖州泗水人天寶亂以戰功至右衛率偕哀慘討賊袁晁試殿中監辭兼訓移鎮太原又為牙將及鮑防代鎮值回紇入寇防遣將焦伯瑜迎擊自良曰寇遠來難與爭鋒宜堅壁不出策二壘益其歸路防不聽伯瑜果大敗馬燧代防表為軍候自良勤恪有謀燧深委信從討田悅破李懷光功在諸將右燧罷兵德宗欲以自良繼其任自良因事燧久固辭不敢當咸多其讓乃

授右龍武大將軍入謝帝終以河東近虜謂曰卿進退誠有禮然北門之守無易卿者勉為朕行拜檢校工部尚書充河東節度使居鎮九年簡儉有法上下悅附卒於官贈尚書左僕射

蕭昕字中明梁鄆陽王恢七世孫世居河南開元天寶間再中博學宏辭科調壽安尉累遷左補闕安祿山反為副元帥哥舒翰掌書記翰敗間道入蜀奉詔冊上肅宗歷中書舍人禮部侍郎從代宗幸陝擢國子祭酒請崇太學以樹教本詔羣臣及六軍子弟肄業者聽補生員大曆初持節弔回紇回紇恃功延詰昕曰非我無以平中國亂奈何不時歸我市馬直眾失色昕徐曰國家賞定寇功絲毫不遺況隣國乎爾與叛臣僕固懷恩連禍引吐蕃犯邠旬吐蕃敗走始悔懼叩頽求和非天子念舊功當隻馬不得出塞是爾自絕豈我失信回紇慙厚加禮遣使約和昕歸轉工部尚書封晉陵侯朱泚之難昕年八十餘徒步出城賊求之亟獨竄山谷至奉天加太子少傅爵郡公兼禮部尚書知貢舉以太子少師致仕卒年九十三贈揚州大都督諡曰懿昕始薦張鎰來瑱鎰不數年位將相瑒為將著威望在禮部擢杜黃裳高郢裴垍其後黃裳等並為名執政

韓播河中寶鼎人曾祖文思中書舍人播早孤伯母林博通經史教授諸子及播兄弟後播兄弟七人皆第進士衣冠以為榮累授殿中侍御史武功萬年令播溫敏而裕與人交有常李栖筠常袞崔甫並相器重祐甫秉政拜中書舍人出為汝州刺史坐事貶再遷至河南尹以禮部侍郎卒贈本曹尚書子公達擢進士第佐鳳翔軍其帥懸賞集射設的高數丈一軍莫能中公達揖

日請為公歡三發皆中眾大呼笑帥不喜自免去復佐河陽軍終國子助教

樊澤字安時河中人幼孤依外家客河朔韓嵩帥相衛表為堯山令舉賢良方正次潼關兩淖不能前有肅執易同宿逆旅哀其困自罷所舉輟衣與馬以贈澤擢上第楊炎善之薦為左補闕澤武勇嫻韜略嘗召對延英德宗嘉其論兵與己意合累遷山南東道司馬尋拜節度使數與李希烈接戰禽其驍將張嘉瑜杜文朝梁俊之等遂收唐隋二州貞元三年改鎮荆南會山南東道嗣曹王皋卒軍亂以澤威惠素著襄漢復徙山南東道加檢校尚書右僕射十四年卒年五十七贈司空諡曰成子宗師

宗師字紹述始為國子主簿元和中歷金部郎中絳絳二州刺史有治聲進諫讓大夫未拜卒宗師喜施子家財悉散姻舊妻子以不給告笑不答學力淹通韓愈嘗稱薦其論議平正有經據所著春秋傳魁紀公樊子凡百餘篇

王緯字文卿并州太原人父之咸與弟之賁之渙皆有文緯舉明經以書判入等為長安尉大曆中路嗣恭觀察江西緯與李泌同為判官嗣恭希元載意欲殺泌緯解救獲免泌入相奏緯於已有恩德宗許為報進給事中未幾擬授浙西觀察使帝曰黃門要地獨不留議事耶泌對曰浙西賦入尤劇糴清而忠能勝惠養之任制可初州縣有韓滉時罷錢未入者十八萬縑吏請哀為進奉緯奏蠲以抒民許之加御史大夫兼諸道鹽鐵轉運使忤表延齡意改檢校工部尚書卒年七十一贈太子少保緯居清白而傷於苛碎好用刻深吏督察其

下以此見病

吳湊章敬皇后弟由布衣與兄激同日開府賜官封皆等湊畏太盛乞解太子詹事改檢校賓客兼家令進左金吾衛大將軍滑帥令狐彭汴帥田神功繼沒其下乘喪搖亂代宗命湊持節撫慰至則委曲說諭度可行者為之奏請各得其情軍中驩附帝深重其才元載當國久姦迹日彰帝欲加之法顧左右無可與計召湊密圖及收載王縉楊炎王昂韓會包佶等皆當坐湊建言法有首從不應概用極刑縉等乃得減死德宗初出為福建觀察使美譽四聞宰相竇參以私憾數加短毀且言

湊風痺不長趨走帝召驗非實由是惡參擢湊陝虢觀察使代參黨李翼宣武劉元佐卒命湊馳代未至汴軍立元佐子士靈帝欲遣兵納湊參請授士靈節鉞以沮湊還為右金吾大將軍貞元十四年大旱穀貴人多流亡帝咎京兆尹失理以湊代韓皋湊勤於為政民庶愛向時京師苦宮市湊見便殿因言宮中所須責臣可辦即不欲外吏與間內禁事乞選中官高年謹信者為宮市令平價和售流議自息又陳掌開曠騎飛龍內園禁軍諸司供役太繁宜有綱省帝輒順聽府吏以湊起戚藩不諳簿領每有疑獄候湊將出方呈冀幸容欺湊倉卒一視指摘盡中其弊掾屬非大過不榜責召至庭詰服釋去羣相訓助庶事畢舉文敬太子義章公主之薨帝欲厚葬鳩工妨農湊極言不避或勸論諫不宜過繁恐上厭苦湊曰上憂勞四海豈因所愛而疲民以違反覆啟恆幸一動聽則民受賜不少進兼兵部尚書遭疾不納醫巫家人泣請答曰吾以庸才起田畝位三公顯仕四十年年七十更欲何求古來外戚令終者有幾吾

得歸侍先人地下足矣帝聞詔侍醫敦進湯劑不獲已飲之卒年七十一贈尚書左僕射諡曰成先是官街樹稀有可補植榆湊謂榆不足蔭玩易以槐及槐陰成而湊已亡人撫樹懷其澤湊自負元以來特承恩顧小心奉職未嘗有過為世外戚表云

湊子士矩有文學喜與豪俊遊開成初為江西觀察使饗宴侈縱初至庫錢二十七萬繕晚年纔九萬軍資不給中外申論文宗弗窮究僅貶蔡州別駕御史中丞狄兼謩言士矩負陛下法難私請遣御史即訊庶杜江淮它鎮循習意乃流端州

鄭權汴州開封人擢進士第為涇原帥劉昌從事昌破疾入朝度軍情必變以權寬厚俾主留務昌去兵果亂權挺身冒白刃明諭順逆誅首亂數人一軍畏服德宗嘉之授行軍司馬擢河南尹拜山南東道節度使尋徙德棣滄景軍會討李師道奏置歸化縣綏納降附滄州刺史李宗爽數違節制權劾奏有詔追赴京師宗爽諷州兵留己帝更命烏重胤代權滄人懼其逐宗爽至都斬以徇授權節度邠寧或訟權誣宗爽左降原王傳改右金吾衛大將軍穆宗立持節為回鶻告哀使權慰倖有閔辨與可汗爭曲直詞氣激壯虜深敬異徙還遷工部尚書日用豪侈俸入不足乃結權幸出鎮嶺南多哀珍貨輸賂左右助力者大為朝士所嗤卒于官

陸巨字景山吳郡人元和三年應制科中第補萬年丞再遷太常博士有禮史孟真久練其事凡大禮儀未達者率就訪真倚以倨橫會草冊皇太子儀真參議偃蹇互管逐之胥曹失色進戶部郎中太常少卿恩察蔡瓌蘇四州刺史浙東觀察使復徙宣歙卒年七十一贈禮

部尚書巨嚴重強毅所至稱理初赴兗州對延英具陳節度分兵屯屬州刺史不能制之弊因詔屯兵得隸刺史溫州自經賊亂奪官吏半俸代民租稅相沿更以為姦巨按舉贓罪表請還官全粟吏畏而賴之

盧坦字保衡河南洛陽人為河南尉杜黃裳為尹嘗召坦曰某家子昵惡人破產盍往察坦曰凡居官能積財者必剝下以致之使子孫善守是天富不道也不若恣其所為以歸于人黃裳異其言遇加厚鄭滑節度李復表為判官復病甚監軍薛盈珍封府庫納甲士牙中舉軍大恐坦勸止乃安復卒詔姚南仲代坦知盈珍輕南仲南仲必不受留恐及禍護復喪歸東都補壽安令縣人機織未就而賦限已窮坦詣府請延十日不許坦令人機織未就而賦限已窮坦詣府請延十日不許坦令但織而輸勿顧限遺之不過罰令俸耳由是知名入為刑部郎中兼侍御史數月遷中丞時赦令已禁止諸道進奉錢山南節度使柳晟浙西觀察使閻濟美違詔輸獻坦劾奏二人白衣待罪帝諭坦曰彼所獻皆家財朕已許原不可失信坦曰赦令所以布大信也陛下勿以小信失大信帝曰既受之奈何坦請出歸有司從之李錡誅有司將毀其祖神通墓坦上疏諫止僕射裴均在班踰位坦引之退以姚南仲為例均曰南仲何人曰是守正不交權幸者均怒罷為左庶子尋拜宣歙觀察使初劉闢增蘇瓊坐誅其兄弘自免官去有才行人莫敢用坦奏弘與弟距三千里宜不通謀請署判官帝曰使疆在尚錄其才況彼兄耶江淮遇旱穀貴或請抑其價坦曰直賤他州穀皆不至任之便既而商米至市市估遂平遷戶部侍郎判度支河段西受降城宰相李吉甫議移駐天德坦謂城當積口制狄要衝若避河流退徙

蘇四州刺史浙東觀察使復徙宣歙卒年七十一贈禮

蘇四州刺史浙東觀察使復徙宣歙卒年七十一贈禮

蘇四州刺史浙東觀察使復徙宣歙卒年七十一贈禮

蘇四州刺史浙東觀察使復徙宣歙卒年七十一贈禮

不過數里今天德地僻倚山去河遠烽候不接虜至不知無故而蹙地二百里非計也城使周懷義與坦議同吉甫不悅出坦為東川節度使坦與宰相李絳議多協絳藉為助坦出半歲而絳罷吳元濟之叛新書作吳少誠以貞元十六年十月復官爵以元和四年死未嘗諫也且李絳罷相在元和九年二月盧坦出鎮東川又在其前半歲上距少誠之死已四年矣以敘詔東川以兵二千屯安州坦朔望使人存問其家士皆感慰無逃還者惟請收軍吏閏月糧助行營為人所非元和十二年卒年六十九贈禮部尚書

閻濟美者擢進士第貞元末由婺州刺史遷福建觀察使尋徙浙西為治簡易人稱長者常賦外未嘗有所增其罷浙西也在道方見詔而貢獻無所還故帝為言之復刺華州入為祕書監以工部尚書致仕卒諡曰溫

柳晟河中解人父潭尚和政公主官太僕卿晟年十二居父喪以孝聞代宗于諸甥中特加恩寵養之宮中使與太子諸王受學于吳大璠吳通元傳作道璠并子通元既長授檢校太常卿德宗立以晟幼同視席尤親信用事朱泚反從至奉天晟與賊帥多舊故請入京城說諭以攜其黨帝壯而遣之泚右將軍郭常左將軍張光晟皆奉命約自拔歸俄謀洩繫晟獄中晟夜半坎垣毀械而亡

斷髮為僧間道歸行在帝見而流涕車駕還擢原王府長史吳通元得罪晟欲上書其弟止曰天子方怒無自貽悔不聽凡三上通元得減死案通鑑貞元八年賜諫議吳通元死特減大辟

一晟累遷將作少監尋節度山南西道府兵討劉闢還未入城復詔成梓州眾怒欲謀變晟疾驅入勞軍畢問曰若等何為成功曰誅驕不受命者晟曰既知劉闢干誅奈何復欲使後人誅若等士皆免胄拜願赴戍所入

為將作監充回鶻冊立使至則詰之曰屬聞可汗無禮自大去信自強禮信不能守何足奉中國可汗及諸貴人駭愕跪伏成禮使還進左金吾衛大將軍爵為公卒年六十九贈太子少保晟才敏下士好施惟自興元入朝貢獻不如詔被劾憲宗念其賢竟弗暴其事

桂戎字可大玄暉從孫宰相世系表云玄暉四世從孫舉明經授太子校書郎調藍田主簿淮南帥李鄴衛次公前後交辟表度節度太原署參謀時王承宗以鎮州叛度請戎往諭承宗感泣聽命入為殿中侍御史累遷諫議大夫雲南

蠻擾成都詔戎持節宣慰兩川奏罷稅外薑芋錢三分其當賦者以一分準絹布優其估以寬公私廢置莫不稱便還拜給事中出刺華州吏援舊事置錢萬緡供私用戎不取臨去悉以享軍召吏謂曰吾不欲矯激以夸後人也徙究海沂密觀察使民遮道擁留至解鞶斷鞶值詔使尚在環向泣請戎至夜半單騎去乃止泄

究州鉏姦吏十餘輩羣情大悅歲餘卒年五十五贈禮部尚書子雍字順中為和州刺史龐助兵劫烏江雍不能抗遣人持牛酒以勞而密表其狀民不知上訴宰相路巖素有隙傅其罪賜死

欽定續通志卷二百五十六

列傳

唐五十七

徐浩

呂渭

于頔

王智興

杜兼

杜亞

范傳正

孟簡

劉伯芻

楊憑

潘孟陽

崔元略

韋綬

徐浩字季海越州人擢明經張說稱其才蘇魯山主簿為集賢校理遷右拾遺辟幽州張守珪幕府改監察御史歷河陽令有治績東都留守王倬表署其府民有妄作符命者浩校篆詰其詐累遷都官郎中為嶺南選補使又領東都選肅宗立授中書舍人四方詔令多出浩手遣辭贍速又參太上皇詔冊寵遇罕與為比兼尚書右丞建言故事有司斷獄必刑部審覆自李林甫楊國忠當國就宰相府斷事尚書以下未省即署乖愼恤意請如故便詔可詳斷復自此始進國子祭酒以李輔國譖貶廬州長史代宗復徵拜中書舍人遷工部侍郎會稽縣公出為嶺南節度觀察使兼御史大夫召拜吏部侍郎集賢殿學士按通鑑吏部侍郎楊綰典選平允性介直不附元載嶺南節度使徐浩貪冒傾南方珍貨以路載載以坐妾弟以優冒選託侍郎薛邕注授京尉為御史大夫李栖筠所彈貶明州別駕德宗即位徵拜彭王傅進郡公建中三年卒年八十贈太子少師諡曰定浩父嶠之善書善書父嶠官以法授浩浩尤工草隸世狀其法曰怒猊抉石渴驥奔泉浩初以文學稱晚節頗嗜財惑於所嬖卒以此敗云

呂渭字君載河中人父廷之越州刺史浙東節度使涇

舉進士累授婺州永康令大理評事浙西觀察使李涵辟為支使再遷殿中侍御史大厝末涵為元陵副使涇又為判官涵自御史大夫改太子少傅涇上言涵父名少康當避宰相崔祐甫善其言擢司門員外郎御史臺劾涇昔涵再任少卿不以嫌今謂少傅為慢官疑涇為涵游說乃貶涇歙州司馬貞元中累遷禮部侍郎始中書省有柳樹建中末枯死德宗自梁還復榮茂人以為瑞柳涇試進士取為題帝聞不以為善舊書云帝嘗聞之又與裴延齡為姻家擢其子操上第會入閣遺私謁之書於廷出為潭州刺史貞元十六年卒年六十六贈陝州大都督子溫恭儉讓

溫字和叔一字化光貞元末登進士第與韋執誼交厚因善王叔文再遷為左拾遺以侍御史副張薦使吐蕃會順宗立薦卒于青海吐蕃以中國有喪留溫不遣時叔文乘權與游皆貴顯溫以絕域不得遷常自悲元和元年乃還而柳宗元等九人皆坐叔文貶溫獨以奉使免進戶部員外郎溫文采贍逸為時所稱性險躁好奇近利與寶羣羊士諤昵羣為御史中丞薦溫知雜事士諤為御史宰相李吉甫持之久不報時吉甫為中官所惡將出鎮揚州溫乘間傾之會吉甫病召醫人陳登診視夜宿安邑里第溫令吏捕登鞫問且奏吉甫陰事憲宗駭異既詰辨皆妄言乃貶溫均州刺史朝議責太輕再貶道州久之徙衡州不得意發疾卒年四十所著凌烟閣功臣銘張始興畫贊移博士書頗為文士所賞有文集十卷恭字恭叔尚氣節喜縱橫孫吳術為山南西道府掌書記進殿中侍御史終嶺南府判官儉亦為侍御史讓至太子右庶子皆美才吉甫再入中書長慶後

德裕黨盛呂氏諸子無至達官者

于頔字允元河南人後周太師謹七世孫蔭補千牛德輿所作頔家廟碑頔五代祖象賢以前皆仕北朝曾祖範顯武令祖江未仕父復泗州司馬入唐三代無達官亦無致身王事者新舊調華陰尉累勞遷侍御史為書俱云得蔭未詳何據吐蕃計會使擢長安令駕部郎中出為湖州刺史修復湖陂溉田三千頃歲獲秬稻蒲魚每以萬計州地庫薄葬者不掩櫃頔為坎瘞枯骨千餘人賴以安未幾改蘇州罷淫祠濬溝濬路衢為政有績然暴橫少恩杖前部尉以逞憾觀察使王緯以聞德宗不省俄遷大理卿為陝虢觀察使益峻苛懲官吏揣恐參軍事姚峴不勝虐自沈于河貞元十四年拜山南東道節度使是時吳少誠叛頔率兵自唐州戰吳房朗山敗之禽其將李瓌又勝之澤神溝於是請升襄州為大都督府廣募戰士儲良械憫然有專漢南意帝晚務姑息頔奏建無不從公敏私輪持下益急而慢于奉上誣劾鄧州刺史元洪朝廷重違其意為流端州命中人護送至棗陽頔遣兵劫洪還拘之又表責洪太重改吉州長史遣使原諭乃已嘗怒判官薛正倫奏貶陝州長史比詔下頔中悔奏復署舊職累遷檢校尚書左僕射同中書門下平章事封燕國公按舊書本紀頔於憲宗嗣位之十二月甲辰加平章事元和二年八月辛巳封燕國公立此與舊傳俱序于憲俄擅以兵取鄧州帝不問憲宗立權綱自出頔稍懼願以第四子季友尚主帝以永昌公主降焉遂入朝拜司空同中書門下平章事請準杜佑月三奉朝詔可時宦者梁守謙幸於帝頗用事有梁正言者與頔子敏善敏因正言厚賂守謙求頔出鎮久不報敏怒其給賂所饋誘正言家奴支解之棄擱中家童上訴詔捕頔吏沈璧及它奴送御史獄命中丞薛存

誠刑部侍郎王播大理卿武少儀雜問之頓貶為恩王
傅子敏竄雷州至商山賜死次子李友奪二官正言誅
死久之拜戶部尚書按舊書本紀顯于元和八年二月
十年十月王子為戶部尚書舊書于顯貶官後但書其
改授太子賓客此又但書其拜戶部尚書各紀一官遂
致互又坐季友居喪荒宴削金紫光祿大夫明年乃致
仕宰司將以太子少保官之帝改署賓客鬱鬱不得意
卒贈太保太常諡曰厲季友從穆宗獵苑中求改諡會
李愬亦為請更賜諡曰忠

王智興字匡諫懷州溫人少驍銳為徐州牙兵事刺史
李洧洧兼李納率州自歸納怒急攻洧智興能馳步奉
表不數日至京師告急德宗出朔方軍五千擊納解去
自是為徐特將王師討吳元濟李師道謀撓王師數侵
徐救蔡節度使李愿遣智興率步騎拒賊屢破之累遷
侍御史元和十三年伐師道智興拔金鄉魚臺俘斬
萬計賊平進御史中丞明年召還為沂州刺史長慶初
河朔用兵加檢校左散騎常侍充武宣軍副使河北行
營諸軍都知兵馬司帥兵三千渡河屬朝廷用崔羣為
武宣節度使羣畏智興難制密請追還京師按舊書智
崔羣慮其旋軍難制密表請追赴闕授以他官惟新舊
書羣傳云羣以智興得士心請因授智興節鉞與此互
異未報會赦王廷湊諸節度班師智興還羣遣寮屬迎
之令士委甲而入智興心不悅因勒兵斬關入殺異已
者十餘輩然後謁羣謝曰此軍情也羣乃治裝去智興
以兵衛送還朝至埤橋掠鹽鐵院及貢物劫商旅逐濠
州刺史侯弘度朝廷甫罷兵不能討即詔檢校工部尚
書充本軍節度使李存攻宋州智興悉銳師破之漳口
宥不加檢校尚書左僕射李同捷以滄德叛智興請討
之詔拜檢校司徒同中書門下平章事滄德行營招撫

使拔棣州諸將間戰愈力遂有功入朝燕麟德殿賜予
備厚冊拜太傅封雁門郡王進兼侍中改忠武河中宣
武三節度卒年七十九贈太尉子九人晏平晏宰知名
晏平幼從父軍以討同捷功檢校右散騎常侍朔方靈
鹽節度使父喪擅取馬四百兵械七千自衛御史劾之
詔改永州司戶參軍

晏宰後去晏獨名宰少拳果長隸神策軍甘露之變以
功兼御史大夫為光州刺史有美政觀察使段文昌薦
之朝除鹽州刺史持法嚴人不甚便累擢邠寧慶節度
使回鶻平徙忠武軍王師討劉稹詔宰以兵出魏博趨
磁州復詔宰兼統河陽行營進取天井關賊黨離沮李
德裕以宰乘破竹勢不遂取澤州以其子晏實守磁為
顧望計帝有詔切責宰懼急攻陵川破賊石會關進攻
澤州其將郭誼殺稹降宰傳稹首京師遂節度太原宣
宗初入朝厚結權幸求宰相周墀劾之乃還軍吐蕃引
党項回鶻寇河西詔統代北諸軍進擊以疾不任事徙
河陽罷為太子少保分司東都進少傅卒晏實幼機警
智興自養之故名與諸父齒稱平擢淄州刺史終天雄
節度使

論事忤兼誣劾以罪殺之眾莫不冤又妄繫令孤運而
陷李藩欲殺之不克元和初入為刑部郎中改蘇州刺
史比行上書言李錡必反留為吏部郎中尋擢河南尹
卒年七十

從弟羔貞元初及進士第有至性父死河北母更兵亂
不知所之及兼為澤潞判官鞠獄有熅辨對不凡乃羔
母因得奉養而不知父墓區處晝夜哀慟他日舍佛祠
觀柱間有文字乃其父臨死記墓所在羔奔往有耆老
識其壘因是乃得葬元和中為萬年令時許季同為長
安令京兆尹元義方責租賦不時繫二縣吏將罪之羔
等辯列尤苦尹不為縱羔乃謁宰相請移散官憲宗遣
中使問狀具對府政苛細力不堪奉詔皆免官奪尹三
月俸議者以羔為直未幾授戶部郎中後歷振武節度
使以工部尚書致仕卒贈尚書右僕射諡曰敬
子中立字無為以門廕歷太子通事舍人開成初尚真
源長公主遷光祿少卿駙馬都尉中立數求自試轉太
僕衛尉二少卿歷左右金吾大將軍捕繫京師惡少立
筆死遷司農卿繩急反為中傷左徙慶王傳久之復
拜司農卿入謝帝曰卿用法深信乎答曰載下百司養
名不肯事如司農尤叢劇陛下無遽信流言假臣數月
事可濟帝許之初度支度六宮殫錢移司農司農季一
出付吏大吏盡舉所給于人權子錢以給之不以時中
立取錢納帑舍率五日一出吏不得為姦後遂以為法
加檢校右散騎常侍出為義武節度使舊徭車三千乘
歲輓鹽海濱民苦之中立置飛雲將數百人具舟以載
自是民不勞軍食足矣大中十二年大水汎徐兗青鄆
而滄地積卑中立自按行引御水入之毛河東注海州

無水災卒年四十八贈工部尚書

杜亞字次公京兆人肅宗在靈武上書論當世事擢校

書郎杜鴻漸節度河西奏署幕府入朝憲吏部員外郎

鴻漸為山南劍南副元帥亞與楊炎並為判官再遷諫

議大夫元載得罪亞與劉晏等劾治載死遷給事中常

袞惡之出為江西觀察使德宗立召還亞意必任台宰

倍道進與人語皆天下大政或以事祈謁輒相然可帝

知不悅也既又建奏疏瀾不稱旨罷為陝虢觀察兼轉

運使徙河中劉晏抵罪貶睦州刺史興元初入遷刑部

侍郎又拜淮西節度使至則治漕渠引湖陂築防庸入

之渠中以通大舟夾隄高印田因得澆灌疏啟道衢徹

壅邇墾人皆悅賴然用度無藝府財耗竭貞元中罷歸

宰相實參憚其宿望以檢校吏部尚書留守東都病風

痺且廢猶欲固寵奏墾苑中為營田可減度支歲粟詔

許之先是死地可耕者皆留司中人及屯士占假亞計

窘更舉軍帑錢與甸人至秋取粟償息輸軍中貧不

能償者發困窘略盡流亡過半又賂中人求兼河南尹

帝審其妄使禮部尚書董晉代之賜亞還病不能謁卒

年七十四贈太子少傅諡曰肅

范傳正字西老鄧州順陽人父倫為戶部員外郎與趙

郡李華善有當世名傳正舉進士宏辭皆高第授集賢

殿校書郎歷歙湖蘇三州刺史有殊政進拜宣歙觀察

使代還坐治第過制憲宗薄不用改光祿卿以風痺卒

贈左散騎常侍

孟簡字幾道德州平昌人同州刺史誥之曾孫隱逸傳云誥汝

州梁人糾繆云擢進士第登宏辭科累官至倉部員外

平昌孟氏之望

即以不附王叔文宰相章執誼為徙他曹舊書卷司元封郎中

和四年拜諫議大夫知匭事王承宗叛詔以吐突承瓊

為招討使簡抗疏論之出為常州刺史開古孟潛長四

十一里溉田四千餘頃廉使舉課績八年加金紫光祿

大夫徵為給事中九年出為越州刺史兼御史中丞浙

東觀察使始李遜抑士族右編人及簡為政反之農估

兼受其弊時謂兩失之十二年入為戶部侍郎加御史

中丞出為襄州刺史山南東道節度使十四年詔置臨

漢監收馬命簡充使職簡奏請均州郎鄉縣鎮邊使趙

潔充本縣令臺司奏有虧刑典罰一月俸改授太子賓

客分司東都穆宗立以簡在襄陽故殺腹心吏陸翰翰

子弟詣闕訴冤發簡奏職御史劾驗得遺吐突承瓊賞

七千餘貫再貶吉州司馬長慶元年大赦量移睦州刺

史復徙常州三年仍入為太子賓客分司東都其年十

二月卒簡早歲工詩名聞江淮俊拔尚義交友歿能郵

其孤晚路殊艱急佞佛過甚為儒者所請

劉伯芻字素芝兵部侍郎迺之子志行修謹淮南杜佑

辟為從事府罷徵拜右補闕遷主客員外郎數過友家

飲噉為韋執誼陰劾貶處州掾曹後為考功員外郎裴

垠善其應對機捷遷考功郎中集賢院學士轉給事中

李吉甫復相與垠宿嫌垠卒不加贈伯芻為申理乃贈

太子少傅或言其妻垠從母也吉甫欲按之求補號州

刺史稍遷刑部侍郎俄知吏部選事元和十年以左常

侍致仕卒年六十一贈工部尚書伯芻風度高嚴善談

諛而動輒時適論者少之子寬夫

寬夫寶曆中為監察御史奏以王府官攝祭位輕非嚴

恭意請以尚書省東宮三品若左右丞侍郎通攝俄轉

左補闕陳帖注維摩經因供奉僧進得濠州刺史寬夫

與同列因對論之敬宗怒謂宰相曰帖不因僧得都諫

官安得此言須推排頭首來寬夫奏曰昨論陳帖時不

記發言前後獨臣草狀應伏誅推言所從恐累國體帝

嘉其引過釋之寬夫弟端夫為太常博士駁章綬議

知名寬夫子允章字蘊中咸通中為禮部侍郎請諸生

及進士第並謁先師衣青衿介幘以還故制改國子祭

酒又建言羣臣輪光學錢治庠序宰相五萬節度使四

萬刺史萬詔可後為東都留守黃巢至分司李璣擊尚

書印走河陽允章寄治河清巢僭號輒受偽官文書盡

用偽年號遣取印礫所礫不與更悔愧移檄近鎮起兵

捍賊礫持印還之後廢于家

楊憑字虛受一字嗣仁虢州弘農人少孤其母訓導有

方長善文辭與弟凝凌皆有名擢進士第時號三楊

憑重交遊尚氣節然諾與穆質許孟容李鄜相友善稱

楊穆許李感事節度府召為監察御史累遷太常少卿

湖南江西觀察使簡傲接下脫略人多怨之在二鎮

尤侈汰元和四年拜京兆尹與御史中丞李夷簡素有

隙因劾憑江西姦賊及他不法詔刑部尚書李鄜大理

卿趙昌即臺參訊時憑治第承宣里功役叢煩又廣蓄

妓妾於承樂里別舍誇議頗喧故夷簡籍之痛摘發欲

抵以死憲宗以憑治京兆績但貶臨賀尉德宗時假借

方鎮習為僭擬夷簡首按憑時以為宜而緣私怨論者

亦不與俄徙杭州長史以太子詹事卒憑所善客徐晦

者字大章第進士賢良方正擢樸陽尉舊書云皆自及

得罪姻友無往候者獨晦至藍田慰錢故相權德輿與

憑交最深謂晦曰今日送臨賀誠厚無乃為累乎晦曰

方布衣時臨賀知我今忍遽棄乎有如公異時為姦邪

諧斥又可爾乎德輿稱之朝夷簡遽表為監察御史晦
白夷簡曰生平不踐公門公何取信而見獎拔夷簡曰
君不負楊臨賀肯負國乎由是知名拜中書舍人太和
四年拜兵部侍郎五年為太子賓客分司東都晦性溫
直當官守正嗜酒喪明以禮部尚書致仕開成三年卒
贈兵部尚書

凝字懋功由協律郎三遷侍御史為司封員外郎坐釐
正嫡廢封邑為權宰所忌徙吏部稍遷右司郎中宣武
董晉表為判官亳州刺史缺晉以凝行州事增墾田決
汙堰築隄防水患訖息時孟叔度縱橫撓軍治而凝亦
荒涵晉卒亂作凝還京師闔門三年拜兵部郎中卒凌
字恭履最善文終侍御史子敬之

敬之字茂孝元和初擢進士第平判入等遷右衛胄曹
參軍累遷屯田戶部二郎中坐李宗閔黨貶通州刺史
文宗好儒以宰相鄭覃兼國子祭酒俄以敬之代兼太
常少卿是日二子戎戴登科時號楊家三喜轉大理卿
檢校工部尚書兼祭酒卒敬之嘗為華山賦示韓愈愈
稱之傳布士林性愛士類得其文章孜孜玩誦人以爲
癖雅愛項斯為詩所至稱之由是擢上第斯字子遷江
東人敬之嘗祖客灞上見閩人濮陽愿閱其文遍語公
卿間會愿死敬之為斂葬

潘孟陽父炎大曆末官右庶子為元載所惡久不遷載
誅進禮部侍郎以病免婦翁劉晏任權時雖書疏報答
未嘗輒開晏得罪坐貶澧州司馬輿疾上道不自言干
邵高其介申救不見聽孟陽少以蔭進登博學宏辭科
累遷殿中侍御史公卿多父友及外祖賓從故得薦用
累至兵部郎中貞元末王紹以恩倖進數稱其才權知

戶部侍郎杜佑判度支奏以自副憲宗立命巡江淮省
財賦加鹽鐵轉運副使并察諸使治否孟陽以豪倨所
至務遊賞倡樂夜飲且招金錢補吏大夫人望使還罷
為大理卿後鄭敬宣慰江淮帝丁寧以孟陽為誠元和
三年出為華州刺史遷劍南東川節度使宰相武元衡
與孟陽舊復以戶部侍郎召判度支又兼京北五城營
田使太府卿王遂為西北供軍使以營田非便持之不
下孟陽忿恨形于言二人俱請對帝怒罷孟陽左散騎
常侍四年復本官盛葺第舍帝微行至樂游原望見之
以問左右孟陽懼輟不敢治而伎賸用度過侈汰人多
指怨之病風痺改左散騎常侍十年八月卒贈兵部尚
書諡曰康初孟陽為侍郎年未四十其母謂曰以爾之
材而位丞郎使吾憂之

崔元略博州人舊書作博陵人第進士歷佐使府元和八年拜
殿中侍御史十二年遷刑部郎中知臺雜事擢御史中
丞十三年李夷簡為御史大夫詔元略留司東臺改京
兆少尹行府事數月遷為尹十四年改左散騎常侍初
中丞缺議者屬崔植而元略謬謂植入閣不如儀使御
史彈治及宰相以二人進元略果得之植恨恨既當國
以元略宣撫完項使辭疾不行植奏不少責無以示羣
臣乃出為黔南觀察使徙鄂岳長慶四年入為大理卿
敬宗即位復為京兆尹兼御史大夫收貸錢萬七千緡
為侍御史蕭澈彈劾詔三司雜治宦人崔潭峻左右之
獄具止削兼秩俄授戶部侍郎諫官訴元略方劾而遷
有助力元略自解辨乃止寶曆二年京兆尹劉栖楚又
劾元略前造東渭橋縱吏增估物不償植取工徒贓二
萬緡詔奪俸一月於是栖楚規相位疑元略妨己路故

舉疑似蟻染之太和三年遷戶部尚書四年判度支五
年檢校吏部尚書出為東都留守畿汝等防禦使改義
成節度使十二月卒廢朝三日贈尚書左僕射子鈇
鈇字台碩擢進士第從李石荆南為賓佐入拜司勳員
外郎翰林學士遷中書舍人學士承旨武宗好蹴鞠角
抵鈇切諫帝嘉納之會昌三年拜中書侍郎同中書門
下平章事澤潞平兼戶部尚書與李德裕不協罷為陝
統觀察使宣宗初以御史大夫召進尚書左僕射兼門
下侍郎封博陵郡公所善鄭魯楊紹復段瓌薛蒙時語
曰鄭楊段薛炙手可熱欲得命通魯紹瓌蒙帝問之題
於辰鈇欲引魯為相帝不許用為河南尹帝語鈇曰魯
去矣事由卿否鈇惶懼謝罪後出為淮南節度使帝餞
大液亭賜詩寵之宣州軍亂逐觀察使鄭薰鈇出兵討
擊詔兼宣徽池觀察使既平加檢校司空罷兼使居九
年條教一下無復改民咸順賴咸通初徙山南東道荆
南二鎮封魏國公龐勛叛自桂管北還所過剽略鈇聞
大募兵江湖邀賊歸路賊懼更踰嶺自淮而北朝廷壯
其忠卒于官子沆字內融乾符五年以戶部侍郎同中
書門下平章事所且告麻大霧塞廷中百僚就班修慶
大風雨雹時謂不祥俄改中書侍郎兼工部尚書盧攜
專政而黃巢勢寔盛沆每建裁遏多為攜沮抑賊陷京
師匿張直方第遇害元略弟元受元式元儒皆舉進士
第元式宣宗初以刑部尚書判度支拜門下侍郎同中
書門下平章事進兼戶部尚書卒贈司空諡曰莊
韋綬字子章京兆萬年人有至性然好不經喪父錢臂
血寫浮圖書為長安尉遭朱泚亂羸服走奉天拜華陰
令佐襄陽于頔府面刺頔縱恣頔不能容薦諸朝三遷

職方郎中穆宗爲太子綬入侍讀選諫議大夫嘗密齋家所造食入宮餉太子憲宗嘗召對綬奏曰太子學書至依字輒去人曰上以此可天下奏事臣子不合全書帝嘉太子賢賜綬錦綵綬數爲俚言以悅太子他日太子爲帝道之帝怒曰綬當以經義輔導太子而反語此朕何賴焉出爲虔州刺史穆宗立以師友恩召爲尙書右丞集賢院學士出入禁中怙寵甚請帝誕日百官先詣光順門賀皇太后然後上皇帝壽詔可宰臣奏古無生日稱賀者綬議格時大臣論啟或未決綬居中助可否九日宴羣臣曲江綬請集賢學士得別會從之長慶元年三月進禮部尙書判集賢院事帝問所以振災邀福者對曰宋景公以一善言退法星三舍漢文除祕祝敕有司祭而不祈此皆受自至之福書美前史如失德却災媚神苟助神而有知且因以譏也時帝不德故託諷焉二年十月檢校戶部尙書爲山南西道節度使請門戟十二以行又乞賜錢二百萬官子元弼太常丞帝許之綬毫而貪洎臨戎鎮庶政隳紊卒贈尙書右僕射有司諡通醜故吏以爲言改謬醜不報罷

按舊書博士劉端夫請謚當博士權安請謚爲謬竟不施行

欽定續通志卷二百五十七

列傳

唐五十八

歸崇敬 融 奚陟

張薦 讀

趙渭 李紆

鄭雲遠

徐岱 王仲舒

馮伉

盧景亮 王源中 薛萃 廣

衛次公 誅

薛戎 放 胡証

崔弘禮

崔元亮 王質

張佈 盈孫

王彥威 庚敬休

歸崇敬字正禮蘇州吳人治禮家學多識客典擢明經
遭父喪孝聞鄉里調國子直講天寶中舉博通典科
對策第一遷四門博士有詔舉才可宰百里者復策高
等授左拾遺再遷起居郎贊善大夫史館修撰兼集賢
殿校理修國史儀注以貧求解歷同州長史潤州別駕
未幾有事橋陵建陵召還參儀典改主客員外郎復兼
修撰代宗幸陝召問得失崇敬極陳生人疲敝當以儉
化天下則國富而兵可用所建禮典如百官朝朔望不
宜服袴褶東都太廟不當置木主駁方士巨彭祖建言
四季月郊祀天地議五人帝祭母稱臣春秋釋奠祝版
皇帝署行東面之禮事皆施行大曆初授倉部郎中充
弔祭冊立新羅使海道風濤舟幾壞亟謀以單舸免曰
共舟數十百人我何忍獨濟少選風息還授國子司業
兼集賢學士八年遣祀衡山未至而哥舒晃亂廣州監
察御史憚之請望祀而還崇敬正色曰君命豈有畏邪
遂往皇太子欲臨國學行齒冑禮崇敬以學與官名皆
不正乃建議請以國子監為辟雍省祭酒為太師氏司

業為左師右師議格不行坐吏給粟錢不實貶饒州司
馬德宗立召還復拜國子司業稍遷翰林學士左散騎
常侍充皇太子侍讀又兼晉王元帥參謀封餘姚郡公
田悅李納稟命持節宣慰稱旨表歸上家寵賜繒帛儒
生以為榮遷工部尚書仍前職年老以兵部尚書致仕
卒年八十八 按善書作 贈尚書左僕射諡曰宣論撰數
十篇子登

登字冲之事繼母篤孝大曆中舉孝廉高第貞元初策
賢良為右拾遺裴延齡得幸德宗欲遂以相右補闕熊
執易疏論之以示登登動容曰願竄吾名雷霆之下君
難獨處同列有所諫止輒聯署無所回諱轉右補闕起
居舍人凡十五年退然遠權勢終不以淹晚榮懷遷兵
部員外郎順宗為皇太子登父子侍讀及即位以東宮
恩超拜給事中遷工部侍郎復為皇太子諸王侍讀獻
龍樓箴以諷從左散騎常侍憲宗問政所先登知帝睿
而果於斷勸以納諫後判國子祭酒事進工部尚書累
封長洲縣男卒年六十七贈太子少師諡曰憲子融

融字章之元和中及進士第累遷左拾遺事文宗為翰
林學士進至戶部侍郎開成初拜御史中丞湖南觀察
使盧周仁以南方屢火取羨錢億萬進京師融劾奏周
仁陳小利假異端公違詔書徇私希恩請重責違所進
代貧民租入詔不從置錢河陰院以虞水旱尋遷京兆
尹李固言為相惡之徙秘書監固言罷權知兵部侍郎
歲間出為山南西道節度使徙東川還歷兵部尚書
累封晉陵郡公會昌後僑臣少朝廷禮典多本融議辭
疾以太子少傅分司東都大中七年卒贈尚書左僕射

奚陟字殷卿其先自譙毫西徙故為京兆人少篤志通
羣書大曆末擢進士文辭清麗科授宏文館校書郎德
宗立諫議大夫崔河圖持節使吐蕃表陟自副以親老
辭不拜楊炎聯政召授左拾遺居親喪毀瘠過禮朱此
反間道及車駕於興元拜起居郎翰林學士不就職賊
平改太子司議郎歷金部吏部員外會左右丞缺轉左
司郎中貞元八年遷中書舍人於是江南淮西皆大水
詔陟勞問循慰所至人人便安遷刑部侍郎京兆尹李
充有美政裴延齡惡之誣劾充比陸贄數遺金帛又乾
沒京兆錢六十八萬緡請付比部鉤校時郎中崔元翰
怨贄揣延齡指逮繫榜掠甚急陟持平具獄上且言京
兆錢給縣館傳餘以度支符用度略盡充既免元翰不
得意以恚死陟尋知吏部選事遷侍郎銓綜平允卒年
五十五贈禮部尚書子敬元位左補闕

張薦字孝舉深州陸澤人祖鸞字文成早慧書無不覽
為兒時夢紫文大鳥五色成文止其庭大父曰吾聞五
色赤文鳳也紫文鸞也若壯胎以文章瑞朝廷乎遂
命以名調露初登進士第鸞味道見所對稱天下無雙
授岐王府參軍入以制舉皆甲科再調長安尉遷鴻臚
丞四參選判策為銓府最員半千稱鸞文辭猶青銅錢
萬選萬中時號鸞青錢學士證聖中天官侍郎劉奇以
鸞為御史性褊躁不持士行姚崇尤薄之開元初御史
李全交劾鸞多口語訕短時政貶嶺南刑部尚書李日
知訟斥太重得內徙鸞屬下文筆輒成浮豔少理致然
大行一時武后時中人馬仙童陷默啜問文成在否答
曰近自御史貶官曰國有此人不用無能為也 吳縝糾
聖元年至開元元年相去一十九年而鸞仍為御史此
已可疑且鸞既於開元初以御史貶官矣何緣武后時
馬仙童有近自御史貶官之語此一節前後乘并全不
可考今按武后時貶官開元初貶嶺南自是二事史敘

默與問答于後取與新羅日本之文相次耳若以先後言之則爲證聖元年爲御史中丞復麟朝列至開元初又爲李全交所劾坐貶嶺南舊聞脫畧史失其憲官之詳故新舊二書俱以概之辭言之而吳氏聯綴上下以爲事實因有十九年爲御史之疑且謂開元初上下以爲事實因有十九年爲御史之疑且謂免以辭害意新羅日本使至必出金寶購之終司門員今附正之

尉真卿爲李希烈所拘遣兄子峴及家僕奏事五輩皆留內省省薦上疏請以所逮捕希烈幼弟及妻祖母郭妻妹封實境上贖真卿盧杞持之不報朱泚反詭姓名匿城中著史道先生傳京師平擢左拾遺詔復用杞爲刺史薦與陳京趙需等論杞姦惡不當用入對挺確德宗納之貞元元年帝親郊時更兵亂禮物殘替薦爲太常博士參綴禮儀略如舊章四年閣播送咸安公主入回紇薦爲判官還遷工部員外郎十一年拜諫議大夫仍充史館修撰裴延齡用事薦將疏其惡延齡知之奏以薦領史職不宜兼諫議改祕書少監延齡排擯不已會遣使蕃域屢充冊命弔祭二十年至赤嶺東死於紇壁驛順宗卽位計至詔贈禮部尚書諡曰憲薦自拾遺至侍郎二十年皆兼史館三使絕域皆兼憲職以該洽多能敏於占對被選初貞元時京師早帝避正殿減膳薦白限日以應古制及定昭德皇后廟樂遷獻謚二祖定太儀號大臣耐廟鼓吹法莫不參裁諸儒謂博而詳有文集三十卷及所撰五服圖宰相輔略靈怪集江左寓居錄並傳於時子又新希復皆登進士第又新自有傳孫讀字聖用舊書云幼穎解大中時第進士鄭薰辟署宣州幕府累遷禮部侍郎中和初爲吏部選牒精允調者旬留二年詔可榜其事曹門後兼宏文館學士判院

事卒 趙涓冀州人幼有文天寶時第進士補郾城尉稍歷臺省河南副帥王縉奏充判官德宗初爲衛州刺史承泰時禁中火近東宮代宗疑之涓以監察御史爲巡使迹火所來乃出宦人直舍者帝在東宮頗德之及治衛不爲觀察使韓滉所容奏免官帝以名問宰相曰是豈承泰時御史乎對曰然卽拜尚書左丞典吏部選從狩梁興元元年卒贈戶部尚書子博宣登進士第藻翰豪邁沈於酒傲忽少檢陳許由環辟署於府久不能堪爲所誣奏流康州時人冤之

李紓字仲舒天寶末爲校書郎大曆初李季卿薦爲左補闕累遷中書舍人德宗居奉天選爲同州刺史帝次梁紓委城趨行在擢兵部侍郎高邑伯反正兼知選事李懷光誅河東節度及諸軍會河中詔往宣勞還奏合旨拜禮部侍郎建言享武成王廟不宜與文宣王等制從之紓性樂易喜接後進其自奉頗華裕不覷齷崖檢官雖貴而遊縱自如奉詔爲興元紀功述及他郊廟樂章論議甚多進吏部侍郎年六十二卒貞元八年贈禮部尚書

鄭雲達滎陽人父卬爲郾城尉州刺史移職民之暴警者遮道留卬誅殺六七人探訪使奇之言狀擢北海尉安祿山反縣民孫俊駭市人以應卬率眾擊殺之改登州司馬李光弼表爲武甯府判官遷沂州刺史論降賊李浩五千人終滁州刺史雲達爲人誕論敢言大曆初舉進士去客燕朔以畫干未泚泚表爲掌書記妻以滔女泚將朝使雲達先入奏同府蔡廷玉諧於泚奏貶爲平州參軍舊書作滔代泚將復爲判官廷玉與朱體微

諧滔於泚雲達漏其語以怒滔故論廷玉等得罪死滔助田悅雲達諫不從遂棄至歸長安擢諫議大夫帝在梁雲達依李晟表以禮部侍郎爲軍司馬時時咨連戎略元和元年拜右金吾衛大將軍改京兆尹五年卒弟方達惇悍結徒剽劫父欲殺之不克雲達自劾不能致恐赤臣家詔錮死黔州

徐岱舊書在字處仁蘇州嘉興人世農家子於學無所不通辨論明銳座人常屈大曆中劉晏表爲校書郎觀察使李栖筠署岱所居爲復禮鄉爲偃師尉禮儀使蔣鎮薦爲太常博士專掌禮事從德宗幸奉天以膳部員外郎兼博士貞元初爲太子諸王侍讀遷給事中兼史館修撰帝以誕日歲詔佛老者大論麟德殿并召岱及趙需許孟容韋渠牟講說始三家若矛楯然卒而同歸於善帝大悅資子有差兩宮恩遇無比性篤慎未嘗泄禁中語亦不談人短宗族遺孤皆爲婚嫁惟吝畜持家管鑰爲世所譏云卒年五十五上賻以帛絹皇太子遺絹百匹贈禮部尚書

王仲舒舊書在文苑傳字弘中并州祁人少孤貧事母孝嗜學工文不競鄉舉所友皆知名士與梁肅楊憑友善貞元十年賢良方正高第拜左拾遺德宗欲相裴延齡與陽城交章言不可元和五年自職方郎中知制誥仲舒文思溫雅制誥出人皆傳寫楊憑得罪斥去無敢過其家仲舒屢存問將直憑冤貶峽州刺史除母喪爲婺州刺史先是州疫旱人徒死幾空居五年里閭增完加金紫徙蘇州隄松江爲路變屋瓦絕火災賦調與民期不擾自辦穆宗立思其文宜爲誥召爲中書舍人既至視同列率新進少年居不樂曰豈可復治筆研於其間哉吾

王仲舒舊書在文苑傳字弘中并州祁人少孤貧事母孝嗜學工文不競鄉舉所友皆知名士與梁肅楊憑友善貞元十年賢良方正高第拜左拾遺德宗欲相裴延齡與陽城交章言不可元和五年自職方郎中知制誥仲舒文思溫雅制誥出人皆傳寫楊憑得罪斥去無敢過其家仲舒屢存問將直憑冤貶峽州刺史除母喪爲婺州刺史先是州疫旱人徒死幾空居五年里閭增完加金紫徙蘇州隄松江爲路變屋瓦絕火災賦調與民期不擾自辦穆宗立思其文宜爲誥召爲中書舍人既至視同列率新進少年居不樂曰豈可復治筆研於其間哉吾

王仲舒舊書在文苑傳字弘中并州祁人少孤貧事母孝嗜學工文不競鄉舉所友皆知名士與梁肅楊憑友善貞元十年賢良方正高第拜左拾遺德宗欲相裴延齡與陽城交章言不可元和五年自職方郎中知制誥仲舒文思溫雅制誥出人皆傳寫楊憑得罪斥去無敢過其家仲舒屢存問將直憑冤貶峽州刺史除母喪爲婺州刺史先是州疫旱人徒死幾空居五年里閭增完加金紫徙蘇州隄松江爲路變屋瓦絕火災賦調與民期不擾自辦穆宗立思其文宜爲誥召爲中書舍人既至視同列率新進少年居不樂曰豈可復治筆研於其間哉吾

久棄外周知俗病利得治之不自愧幸相間除江西觀察使江西榷酒利多他州十之八民私釀歲抵死不絕仲舒罷酷錢九十萬吏坐失官息錢五十萬悉產不能償仲舒焚簿書脫械不問水旱民賦不入出錢二十萬代之有為佛老法與祠屋者皆驅出境長慶三年冬卒年六十二贈左散騎常侍諡曰成仲舒尚義概所居急民廢置自為科條始若煩密久皆稱其便

馮伉舊書在本魏州元城人父玠家京兆大曆初登五經秀才科建中四年登博學三史科三遷膳部員外郎充陸王等侍讀李抱真卒伉持節臨弔歸之帛不受德宗以此擢為醴泉令縣百姓多猾著論蒙書十四篇勸之務農進學而教以忠孝每鄉給一卷居七年章渠奉薦為給事中皇太子諸王侍讀對殿中賜金紫進兵部侍郎出為同州刺史以散騎常侍召領國子祭酒者再元和四年卒年六十六贈禮部尚書者三傳異同三卷子約擢進士第又第制科仕尚書郎

盧景亮字長晦幽州花陽人少孤學無不覽第進士宏辭授祕書郎張延賞節度荆南表為枝江尉掌書記入遷右補闕景亮志義萃然多激發與穆質同在諫爭地書數上屢殺無所回帝怒貶為朗州司馬質亦斥去廢抑二十年至憲宗時由和州別駕召還再遷中書舍人景亮善屬文根於忠仁有經國志嘗謂人君足食足兵而又得士天下可為也乃起軒項以來至唐剏治道之要著書上下篇號三足記又作答問言輒運大較及陳西戎利害元和初卒贈禮部侍郎憲宗時以直諫知名者又有王源中

王源中字正蒙擢進士宏辭累遷左補闕是時中官領

禁兵數亂法捕臺府吏屬繫軍中源中上言臺憲者紀綱地府縣責成之所設吏有罪宜歸有司無令北軍亂南衙麾下重於仗內帝納之累轉戶部郎中侍郎羅翰林學士進承旨學士以疾出為山南西道節度使入拜刑部郎中未幾領天平節度使開成三年卒贈尚書右僕射

薛萃河中寶鼎人父順為奉天尉與楊國忠有舊及用事將引之輒謝絕萃以吏最拜長安令歷虢州刺史憲宗時奏最擢湖南觀察使徙浙東以治行遷浙西加御史大夫累封河東郡公所居守法度務在安人居三鎮聲樂不聞於家所得祿即分散親屬故人而無餘藏除左散騎常侍年七十致仕卒贈工部尚書諡曰宣

子膺太和初為右補闕內供奉其弟齊佐與元李絳幕府絳遇害齊死於難膺聞不及請馳赴之哀甚聞者垂泣後歷工部員外郎

衛次公字從周河中河東人舉進士第調渭南尉嚴震在興元辟佐其府累遷殿中侍御史貞元中擢左補闕翰林學士德宗崩與鄭綱皆召至金鑾殿時皇太子久疾禁中或傳更議所立眾失色次公曰太子雖久疾豕嫡也內外係心久矣必不得已宜立廣陵王細隨贊之議乃定順宗立王叔文等用事次公與綱多所持正知禮部貢舉斥華取實不為權力侵撓由中書舍人充史館修撰改兵部侍郎綱以宰相罷坐與善下除太子賓客久乃為陝虢州觀察使鑄橫租錢歲三百萬復入為兵部侍郎進尚書左丞時方討蔡數建請罷兵帝將相之制稟具而蔡捷書至乃追止以檢校工部尚書為淮南節度使久之召還道病卒年六十六贈太子少傅諡

曰敬次公本善琴未顯時京兆尹李齊運使子請授之次公拒絕因終身不復鼓

子洙舉進士尚臨眞公主檢校祕書少監駙馬都尉文宗曰洙起名家以文進宜諫官寵之乃為左拾遺歷義成節度使咸通中卒

薛戎字元夫河中寶鼎人客毗陵陽羨山年四十餘不仕江西觀察使李衡辟署幕府三返乃應故宰相齊映代衡奏留之府罷復歸陽羨福建觀察使柳冕辟佐其府先是馬總佐鄭滑府監軍宦人誣劾之貶泉州別駕冕欲除總以附伴家即使戎攝刺史按置其罪戎不肯從還白其狀冕怒囚之它館環兵笮辱之累月戎終不為屈淮南節度使杜佑聞之書責冕會冕亦病死得解自放江湖間復為藩府交奏稍遷河南令吐突承璀討鎮州所過吏治道前驅惟戎境內按故無所治迓留府卒犯令縛置獄留守怒遣將略出之不與累遷浙東觀察使所部州觸酒禁者罪當死桶未貢先醫者死戎弛其禁卒年七十五贈左散騎常侍

弟放端厚寡言第進士累擢兵部郎中穆宗為太子拜侍讀及即位參贊機命進工部侍郎集賢學士改刑部侍郎終江西觀察使諡曰簡胡証字啟中河東人舉進士第渾瑊美其才又以鄉府奏冀幕下絳殿中侍御史為韶州刺史以母老辭為太子舍人更從襄陽于頓署掌書記人為戶部郎中田弘正以魏博內屬請自副詔兼御史中丞為副使入遷諫議大夫元和九年拜振武軍節度使居四年召仕金吾大將軍又充京西北巡邊使太和公主降回鶻以檢校工部尚書為和親使舊制行人有私觀禮縣官不能

具召富人子納賈於使而命之官証請儉受省費以絕其濫還拜工部侍郎京兆尹左散騎常侍寶曆初以戶部尚書判度支固辭拜嶺南節度使卒年七十一贈尚書右僕射按舊書贈左僕射廣有船貝奇寶証厚殖財號京師高譽素與賈餗善李訓敗衛軍利其財聲言餗匿其家爭入剽劫執其子激內左軍至斬以徇

崔弘禮字從周系出博陵北齊左僕射懷遠六世孫舊書懷遠七世孫按世系表博陵第二房昂字懷遠北齊禮部尚書生液液生治治生治生預生預生育生齊平生弘禮自昂至宏禮凡七世舊書是也又按崔昂在北齊為右僕射坐事除名後終禮部尚書新書以為左僕射磊磊有大志通兵略及進士第平判異等靈武林變表為判官以親老不應更署東都留守呂元膺參謀

時天子討蔡李師道謀襲洛脅沮朝廷以釋蔡危弘禮為箝揣賊情部分設張東都卒無患遷留守判官擢忻汾二州刺史田弘正請朝表弘禮徙衛州兼魏博節度副使伐李師道弘正多所咨逮又表為相州刺史長慶初張弘靖鎮幽州詔弘禮往副未及行軍亂改絳州刺史李齊反於汴詔徙河南尹遷河陽節度使洽河內秦

渠溉田千頃歲收八萬斛徙華州刺史改天平節度使李同捷叛與李聽合師討之擊賊禺城破之時徐泗節度使王智興檄兗海鄭曹淄青當徐道者出車五千乘轉覆饋軍弘禮度道遠乃自究開盲山故渠自黃隊抵青邱師人大濟加檢校尚書左僕射徙東都留守召還以病自乞改刑部尚書復為留守卒年六十五贈司空

崔玄亮字晦叔磁州昭義人貞元初擢進士第累署諸鎮幕府父喪客高郵卧苦終制地下溼因得痺病不樂進取元和初召為監察御史累轉駕部員外郎稍遷密獻二州刺史獻人馬牛生駒犢官籍籍數吏得為姦玄

亮焚其籍歷湖曹二州大和四年絳太常少卿改諫議大夫拜右散騎常侍每遷官輒讓形於色鄭注構宋申錫捕逮倉卒內外震駭玄亮率諫官叩延英苦諍反復數百言文宗未諭玄亮置笏在陛曰孟軻有言眾人皆曰殺之未可也卿大夫皆曰殺之未可也天下皆曰殺之然後察之乃真於法今殺一凡庶當稽典律况欲誅宰相乎臣為陛下惜天下法不為申錫言也俯伏流涕帝感悟絳此名重朝廷頃之移疾歸東都召為絳州刺史卒年六十六贈禮部尚書

王質字華卿五世祖通為隋大儒質少孤客壽春力耕養母講學不勸諸生從者甚眾舉進士中甲科絳祕書省正字累佐帥府五遷侍御史絳山南西道節度副使再轉諫議大夫宋申錫之得罪質與諫官伏閣文宗開延英召見泣涕陳諫帝稍席申錫得不死為宦豎所惡出絳州刺史李德裕素器之擢給事中河南尹徙宣歙觀察使卒年六十八贈左散騎常侍諡曰定

殷侗陳州人幼志學不治貨產長通經術貞元末及五經第長於禮擢太常博士元和八年回鶻請和親朝廷以費劇欲紓期詔侗副宗正少卿李孝誠使回鶻按舊書李孝誠奉使回鶻以侗為可汗驕甚盛陳甲兵欲臣使者副新書詔侗下脫副字侗不為屈還遷度部員外郎王承宗叛遣侗招諭承宗聽命進諫議大夫侗論朝廷治亂得失前後凡八十四通以語切出為柱管觀察使寶曆元年徙江西所至以潔廉稱為衛尉卿文宗即位李同捷叛而王廷湊陰

為唇齒兵久不解詔五品以上官議尚書省帝銳欲討賊侗請舍廷湊而專事同捷帝不納然內嘉侗同捷平以侗嘗為滄州行軍司馬遂拜義昌軍節度使時虜荒之餘侗單身之官安足蠶淡與下共勞苦以仁惠為治歲中流戶襁屬而還遂為營田勾耕牛三萬詔度支賜帛四萬匹佐其市初州兵三萬仰稟度支侗始至一歲自以賦入贍其半二歲則周用乃奏罷度支所賜戶口滋饒以勞加檢校吏部尚書六年徙天平節度裁制經費歲以錢十五萬緡粟五萬石歸有司加檢校尚書右僕射御史大夫溫造劾侗違制擅賦斂民為無名之獻詔以庾承宣代還帝終嘉侗進刑部尚書復用為天平節度開成元年再召為刑部尚書時李訓鄭注已誅帝問侗治安術侗言朝廷宜任耆德毋輕用新進帝善之賜綵三百匹初鹽鐵度支使屬官悉得以罪人繫在所獄或私置牢院而州縣不聞知歲千百數不時決侗奏許州縣糾列所繫申本道觀察使并具獄上聞許之涇原節度使朱叔夜坐侵牟賊家畜兵器罷為左武衛大將軍侗薄其罪天子由是疏之賜叔夜死出侗為山南東道節度使坐減兵不先論啟左遷太子賓客分司東

都俄領忠武軍節度卒年七十二贈司空孫盈孫盈孫廣明初為成都諸曹參軍僖宗至蜀間有禮學擢太常博士光啟三年帝將還京而七廟焚殘告享無所盈孫創定其禮龍紀元年昭宗郊祠兩中尉及樞密皆以宰相服侍盈孫言先世典令無內官朝服侍祠必欲之當隨所攝資品雖無援據猶免僭逼詔可時喪亂後制度彫紊追補容典皆盈孫折衷焉終大理卿贈吏部尚書

王彥威其先出太原少孤家無貲自力於學淹識古今典禮舉明經甲科未得調求為太常散吏卿知其經生補檢討官彥威采隋以來訖唐凡禮沿革皆條次彙分

王彥威其先出太原少孤家無貲自力於學淹識古今典禮舉明經甲科未得調求為太常散吏卿知其經生補檢討官彥威采隋以來訖唐凡禮沿革皆條次彙分

號元和新禮上之有詔拜博士憲宗以正月崩有司議葬用十二月下旬殯成言天子之葬七月愆期非禮有詔更用五月淮南李夷簡上言大行皇帝功高宜稱祖穆宗下其議彥威言宜稱宗制可累擢司封郎中弘文館學士諫議大夫李師道既平其十二州賦法未均詔彥威爲勘定兩稅使差量纖悉人不爲煩還兼史館修撰下遷河南少尹俄改司農卿李宗閔執政雅善之進拜平盧節度使開成初召爲戶部侍郎判度支彥威亦善吏事但經總財用出入米鹽非所長也始神策軍多以稟縑於度支取直吏私增買厚給之經用益耗開成初有詔禁止時宦者仇士良魚弘志方用事彥威乃奏復與直悅媚士良等又劾王播貢羨贏以冀速進會邊兵訴所賜不時縑皆敝惡貶衛尉卿俄檢校禮部尚書爲忠武節度使毀山房三千餘所盜無所容徙節宣武封北海縣子卒贈尚書右僕射諡曰靖

庾敬休舊書在忠義傳字順之鄧州新野人祖光烈與弟光先

不受祿山僞官遁去光烈終大理少卿光先吏部侍郎

父何舊書作河當朱泚反又與季弟倬逃山谷何終兵部郎

中敬休舉進士又中宏辭辟宣州幕府入拜右補闕起

居舍人建言天子視朝宰相羣臣以次對言可傳後者

承旨宰相示左右起居則載錄季送史官如故事詔可

既而執政以幾密不可露罷之文宗將立魯王爲太子

慎選師傅以戶部侍郎舊書作工部兼魯王傳初劔南西川

山南西道歲征茶及除陌錢戶部自遣巡院主之募買

入入錢京師太和元年崔元略奏責本道主當歲上度

支四萬緡久之逗留多不至敬休始請置院種歸收度

支錢乃無逋沒又奏兩川米價騰踊百姓請糶本道關

官職田祿米以救貧民從之再爲尚書左丞太和九年三月卒於家贈吏部尚書敬休姿容溫雅襟抱夷曠不飲酒茹葷不邇聲色著論菩薩七卷弟簡休亦至工部侍郎

欽定續通志卷二百五十八

列傳

唐五十九

姚南仲

獨孤及

顧少連

韋夏卿

段平仲

呂元膺

許孟容

薛存誠

李遜

溫造

姚南仲華州下邳人乾元初擢制科授太子校書累遷

右補闕大曆十年舊書作貴妃獨孤氏薨吳縝糾謬云

時止為貴妃不得書皇后書崩宜從本紀獨孤氏當薨

及后妃傳所云貴妃獨孤氏薨今從之代宗悼痛詔

近城為陵以朝夕臨望南仲上疏言長安祖所宅不

可興鑿建陵又陛下省望感傷有損聖德帝讜其言進

五品階善宰相常袞袞貶官南仲出為海鹽縣令觀察

使韓滉奏為推官又奏授殿中侍御史內供奉充支使

召還四遷為御史中丞改給事中陝虢觀察使貞元十

三年代李復為義成節度使舊書作十五監軍薛盈珍

曰姚大夫書生豈將才也判官盧坦私謂人曰姚大夫

外柔中剛監軍侵之必不受軍府禍自此始矣新書載

盧坦傳今盈珍恃權撓政不克遂因毀南仲於朝德宗

感之十六年盈珍遣小使程務盈誣表以罪會南仲裨

將曹文洽入奏知其語追至長樂驛及之與同舍夜殺

務盈投其誣於厠為二書一抵南仲一訴南仲寃且自

言殺務盈狀乃自殺驛吏以聞帝駭異南仲請入朝待

罪帝問曰盈珍擾卿耶對曰盈珍不擾臣但亂陛下法

耳且天下如盈珍輩何可勝數雖使羊杜復生亦不能

行愷悌之政成攻取之功也帝默然乃授尚書右僕射

貞元十九年卒年七十五舊書作贈太子太保諡曰貞

獨孤及字至之河南洛陽人天寶末由華陰尉降江惟

都統李岷府掌書記代宗以左拾遺召既至上疏陳政

言聽直諫則太平可階師與民困擁兵者暴宜思所以

救之星隕如雨清明降霜三月苦熱吐下陵上替怨謔

所致宜罪已求賢愛人節用以反妖災為和氣又請減

江淮山南諸道兵以贖國用俄改太常博士或言景皇

帝不宜為太祖及據禮條上諫呂諲盧奕郭知運等無

浮美無隱惡得衰貶之正遷禮部員外郎歷濠舒二州

刺史歲饑旱鄰郡庸亡什四以上舒人獨安以治課加

檢校司封郎中賜金紫徙常州甘露降其廷卒年五十

三諫曰憲及喜鑿拔後進如梁肅高參崔元翰陳京唐

次齊抗皆師事之其為文彰明善惡長於論議晚嗜琴

有眼疾不肯治欲聽之專也子期郁舊書無及傳見子

未與李華蕭穎士齊名善為文所著仙掌銘大為時流所賞

期字用晦案舊書助乃由處士辟署江西宣歙浙東

三府元和中擢右拾遺建言宜用觀察使領本道鹽鐵

罷場監管權吏除百姓患不聽盜殺武元龜期請貶京

兆尹誅捕賊吏因請罷淮西兵忤憲宗意貶興元戶曹

參軍人為監察御史轉殿中兼史館修撰坐與李景儉

飲景儉使酒慢宰相出為韶州刺史舊書作尋入為左

司員外郎遷諫議大夫敬宗初宦官嚴郛合崔發雜干

下期請誅首惡以正國法王播路權近復判鹽鐵期連

疏論執實歷元年十一月遷御史中丞二年六月賜金

紫故事選御史皆中丞自請是時崔晃鄭居中繇宰相

力得監察御史期拒不納晃居中卒改他官侍御史李

道樞醉請期期勃不度下除司議郎十月高少逸入閣

失儀期不彈奏宰相銜阻崔晃事左授少逸贊善大夫

期亦罰俸會殿中王源植貶官期直其枉書五上不報

即自劾執法不稱願罷去帝遣中人慰諭不許文宗初

改工部侍郎太和元年八月出為福建觀察使赴官創

發背卒於路贈右散騎常侍

郁字古風幼孤與朗育於伯父汜第進士學有父風權

德興器之妻以女授監察御史元和初應制舉才識兼

茂明於體用策入第四等拜左拾遺太子司議郎杜從

郁拜左補闕郁與同列論之曰從郁是宰臣佑之子父

居宰執從郁不宜居諫列乃改為左拾遺又論曰補闕

之與拾遺資品雖殊同是諫官若時政或有得失不可

令子論父從郁竟改他官四年轉右補闕論中官吐突

承璫不宜為河北招討使乃改招撫宣慰使五年兼史

館修撰充翰林學士遷起居郎德興相郁以婦翁嫌辭

內職憲宗曰德興乃有此佳婿因詔宰相高選世族故

杜棕尚岐陽公主然帝猶謂不如德興之得郁也遷考

功員外郎充史館修撰判館事預修德宗實錄七年知

制詔八年轉駕部郎中德興去位還為學士九年以疾

辭禁近十一月改祕書少監屏居鄆卒年四十贈絳州

刺史郁有雅名帝遇之厚議者亦謂當宰相共以早世

惜之子庠字賢府喪父始十歲有至性聞呼父官及弔

容來輒號慟幾絕後舉進士仕至尚書丞攷舊書所載

則謂官至侍郎

顧少連字夷仲蘇州吳人舉進士禮部侍郎薛邕器之

登拔萃科授登封主簿邑有虎患少連命塞陷并移文

獄神虎不為害御史大夫于頔薦為監察御史德宗幸

奉天徒步詣謁授水部員外郎翰林學士再遷中書舍

人以謹密稱請徙先兆於洛帝重遠去詔遣其子往中

人護戴葬彼歷吏部侍郎嘗與裴延齡會田鎬第酒酣
挺笏前日段秀實笏擊賊臣今吾將擊姦臣得友正直
勸解乃止改京兆尹政尚寬簡以京畿租賦薄厚不一
用法均之遷吏部尚書封本縣男徒兵部為東都留守
奏募耕禁苑及汝州開田閱武力利鏗仗時號良吏卒
年六十三贈尚書右僕射諡曰敬始少連攜少子師閔
奔行在詔同止翰林院車駕還授同州參軍

韋夏卿字雲客京兆萬年人

舊書杜陵人

父迢檢校都官郎

中嶺南節度行軍司馬夏卿苦學善文辭大曆中與弟
正卿同舉賢良方正皆策高等授高陵主簿累遷刑部
員外郎時久旱蝗詔以郎官宰畿甸授奉天令課第一
轉長安令改吏部員外郎郎中權給事中出為常州刺
史夏卿深於儒術所至招禮通經之士時處士賈羣寓
於郡界夏卿以所著史論薦之於朝改蘇州刺史貞元
末徐州節度使張建封疾甚詔夏卿為徐泗行軍司馬
且代之未至建封卒徐軍立其子愔為留後召夏卿為
吏部侍郎時從弟執誼在翰林嘗受人金有所干請密
以金納夏卿懷中夏卿毀懷不受曰吾與爾類先人遺
德致位及此願當是哉執誼大慙轉京兆尹太子賓客
檢校工部尚書為東都留守辭疾改太子少保卒年六
十四贈尚書左僕射諡曰獻夏卿性通簡好古多聞晚
歲將歸署其居曰大隱洞與齊映穆贊弟員友善與
人同處喜怒不形撫孤姪恩踰己子為政務通理不甚
作條教所辟士如路隋張賈李景儉等至宰相達官故
世稱知人正卿子曠字茂宏及進士第仕累中書舍人
與李德裕善德裕任宰相罕接士惟權往請無閒也李
宗閔之德裕罷為明州刺史會昌末累遷楚州刺史

史終柱督觀察使

段平仲字秉庸武威人隋民部尚書達六世孫登進士
第杜佑李復節度淮南連掌書記舊書云復移鎮華州
州刺史仍為從事入
為監察御史磊落尚氣節嗜酒敢言是時德宗春秋高
躬自聽斷天下事有所壅隔平仲常曰帝聰明神武臣
下畏怯自循默爾使我得召見必大有開納貞元十四
年京師旱詔擇御史郎官開倉振恤平仲與考功員外
陳歸被選同得對粗陳振恤事帝察其意有所畜以歸
在側未言事訖平仲方獨進帝乃并留歸正色問之雜
以他語平仲錯愕不得言乃謬稱名帝怒叱去之蒼黃
向帷後歸下階連呼乃得出坐廢七年然名由此顯元
和初為諫議大夫憲宗使吐突承璀討鎮州亟疏爭不
可及還無功又請斬之轉給事中自在要近朝廷有得
失未嘗不論奏人推其狷直轉尚書右丞以疾改太子
左庶子卒

呂元膺字景夫鄆州東平人質度瓌偉始遊京師謂故
宰相齊映映歎曰吾不及識婁郝殆斯人類乎策賢良
高第授同州安邑尉刺史侯鑑辟為長春宮判官屬蒲
賊侵軼鎔失所元膺遂潛迹不務進取貞元初論惟明
節制渭北延在賓席自是名達朝廷惟明辛王栖曜代
之德宗敕栖曜留元膺自任入拜殿中侍御史歷右司
員外郎出為蘄州刺史嘗錄囚囚或白明日歲旦恨不
得省父母因泣元膺惻然悉釋械歸之而戒還期吏白
不可答曰吾以信待人豈我違如期而至自是羣盜
感愧悉避境去元和初徵拜右司郎中兼侍御史知雜
事遷諫議大夫給事中規諫駁議大舉其職及鎮州王
承宗叛憲宗將以吐突承璀為招討處置使元膺與穆

質孟簡許孟容等八人抗論不可憲宗為改使號出為
同州刺史既謝帝問政事得失元膺詳對帝謂宰相曰
元膺直氣讜言宜留左右奈何出之李藩裴均因賀曰
此乃宗社無疆之休請留元膺給事左右兼皇太子侍
讀進御史中丞元和五年十二月年月從通鑑補拜鄂岳觀察
使嘗夜登城守者不許左右曰中丞也對曰夜不可辨
乃還明日擢守者為大將入拜尚書左丞度支使潘孟
陽太府卿王遂交相惡乃除孟陽散騎常侍遂鄆州刺
史詔辭無所輕重元膺封還詔書請明示枉直江西裴
堪按虔州刺史李將順受賕不覆訊而貶元膺曰觀察
使奏部刺史不加覆雖當誅猶不可為天下法請遣御
史按問宰相不能奪代權德輿為東都留守兼御史大
夫都畿防禦使故事留守賜旗甲至元膺不給或言用
兵討淮西東都近賊損其儀沮威望請比華汝壽三州
帝不聽并三州罷之留守不賜旗甲自此始也都有李
師道留邸邸兵與山棚謀竊發事覺元膺禽破之始盜
發都人震恐守兵弱不足恃元膺坐城門指使部分意
氣自若人賴以安東畿西南通鄆號川谷曠深多麋鹿
人業射獵而不事農遷徙無常皆趨悍善鬪號曰山棚
權德輿居守將羈縻之未克至是元膺請募為山河子
弟使衛宮城詔可改河中節度使時方鎮多姑息獨元
膺堅正自慮監軍使及中人往來者無不嚴憚入拜吏
部侍郎立朝有台宰望以疾改太子賓客居官始終無
訾缺元和十五年二月卒年七十二贈吏部尚書

許孟容字公範京兆長安人擢進士異等又第明經

云究王調校書郎辟武靈張建封府李納以兵拒境建

氏易封造將吏數輩告諭不聽於是孟容單車詣納陳逆順

書

納卽罷兵表為濠州刺史德宗知其能召拜禮部員外郎公主子求補崇文生孟容不可主訴之帝問狀以善令對帝嘉其守擢郎中累遷給事中京兆上言好時風害祿帝遣宦人覆視不實奪尹以下俸孟容曰府縣上事不實罪應罰然陛下遣宦者覆視紊綱紀宜更擇御史一人參驗乃可不聽浙東觀察使裴肅諷判官齊總暴斂以厚獻會肅卒帝擢總自大理評事兼監察御史為衢州刺史衢大州也孟容封還詔書曰衢州無他虞齊總無殊績忽此超獎深駭羣情若總必有可錄願明書勞課然後超改以解眾疑會補闕王武陵等亦執爭於是詔中停帝召孟容謂曰使百執事皆如卿朕何憂耶自袁高爭盧杞後凡十八年門下無議可否者至孟容數論駁貞元十九年夏大早上疏以為自古天人交感由百姓利病之急者切者邦家教令之大者遠者戶部錢非度歲計本防緩急用若取一百萬緡代京兆一歲賦則京圻無流亡可振災為福又應省察流移征防當還之役作禁錮當釋釋之通懸饋送當免免之沈滯鬱抑當伸伸之以順人奉天先是為裴延齡李齊運流斥者雖十年弗內移故孟容因早及之帝始不悅改太常少卿元和初再遷尚書右丞拜京兆尹神策軍自興元後日驕恣府縣不能制軍吏李昱貴富人錢八百萬三歲不肯歸孟容遣吏捕詰與之期使償曰不如期且死中尉訴於帝憲宗詔以昱付軍治之再遣使皆不聽奏曰不奉詔臣當誅然臣職司輦轂當為陛下抑豪強錢未盡輸昱不可得帝嘉其守正許之豪石大震累遷吏部侍郎盜殺武元衡孟容白宰相曰漢有一汲黯姦臣寢謀今狂賊敢爾尚謂國有人乎願白天

子起裴中丞輔政使主兵柄索賊黨罪人得矣後數日果相度俄以尚書宣慰計朱陳許河陽行營拜東都留守元和十三年四月卒年七十六贈太子少保諡曰憲孟容方勁有禮學每所折衷咸得其正好提掖士天下清議上之

弟季同始署西川韋臯府判官劉闢反棄妻子歸拜監察御史歷長安令再遷兵部郎中孟容為禮部侍郎徙季同京兆少尹時京兆尹元義方出為鄆坊觀察使奏劾宰相李絳與季同舉進士為同年才數月輒徙帝以問絳絳曰進士明經歲大抵百人吏部得官至千人私謂為同年本非親與舊也今季同以兄嫌徙少尹豈臣所助耶且忠臣事君不以私害公設有才雖親舊當白用避嫌不用乃臣下身謀非天子用人意帝然之季同終宜欽觀察使

薛存誠字資明河中寶鼎人舊書河東人擢進士第累辟使府入為監察御史知館驛元和初討劉闢傳事叢詔以中人為館驛使存誠以為害體甚奏罷之轉殿中侍御史相用為起居郎累遷給事中瓊林庫廣籍工徒存誠曰此姦人驕名以避征役不可許又神策軍與咸陽尉袁愔不平誣奏之愔被罰二敕皆執不下憲宗悅遣使勞之拜御史中丞僧鑿虛者自貞元中關通賂遺倚宦人為城社坐于頤杜黃裳家事逮捕下獄存誠窮劾之得贓數十萬當以大辟權近為保救帝詔釋之存誠不聽明日詔使詣臺論曰朕須此人面詰非赦也存誠奏曰獄已具陛下必欲召赦之請先殺臣乃可不然臣不敢奉詔鑿虛卒抵死江西監軍高重昌妄劾信州刺史李位謀反追付仗內詰狀存誠一日三表請付位御

史臺及按果無實再授給事中會御史中丞關帝謂持憲無易存誠者乃復命之會暴卒帝悼惜贈刑部侍郎存誠性和易於人無所不容及當官毅然不可奪子廷老

廷老字商叟諱正有父風及進士第寶曆中為右拾遺敬宗荒恣廷老與舒元襄李漢入問論奏曰臣伏見近日除拜往往不由中書進擬或宣出伏恐綱紀漸壞姦邪恣行敬宗厲聲曰更諫何事元襄曰宮中興作太甚帝色變曰興作何所元襄不能對廷老曰臣等以諫為職有聞即應論奏莫知興作何所但見運瓦木絕多即知有用乞陛下勿罪臣言帝曰所奏已知尋加史館修撰鄭注用事嶺南節度使鄭權附之悉盜公庫寶貨輸注家為謝廷老表按權罪由是中人切齒又論李逢吉黨張權輿程昔範不宜居諫爭官逢吉怒會廷老告滿十旬出為臨晉令文宗立召為殿中侍御史李讓夷數薦之拜翰林學士日酣飲不持檢操帝不悅并讓夷罷之開成三年遷給事中廷老在公卿間侃侃不干虛譽推為正人卒贈刑部侍郎子保遜第進士位至給事中保遜子昭緯乾寧中至禮部侍郎生事貶硤州刺史

李遜字友道後魏申公發之後於趙郡謂之申公房會祖進德太子中允祖珍玉昌明令父震雅州別駕世寓於荊州之石首遜登進士第辟襄陽掌書記復從事湖南主其留務累拜池濠二州刺史初濠州兵謀殺其將楊騰騰走揚州因滅騰家遂行攘剽遜至諭以利害眾釋甲請罪觀察使限外浮斂遜一不應人為虔節郎中元和初出為衢州刺史以政最擢浙東觀察使貞元初

福建軍亂前觀察使皇甫政奏益兵三千屯於境以折
閩衝遂為長戍遂至即停其兵入為給事中故事天子
以時日聽政對羣臣遂奏陛下求治而天下有所陳不
宜限以日憲宗從之遷戶部侍郎代嚴綬為山南東道
節度使時方討蔡析山南東道為兩節度以唐鄧隋三
州授高震寓得專攻討而遷督襄復鄧均房五州賊饋
之初襄陽兵隸震寓者多逃還後震寓戰賊不勝言為
遜所撓帝欲按狀宰相請置不問下遷太子賓客中人
誣之更貶恩王傳久乃歷京兆尹國子祭酒以檢校禮

部尚書為忠武節度使時吳元濟始平民新羅兵戰難
遽完輯遜申嚴約束賞罰明信眾皆感悅遜為政以均
一貧富扶弱抑強為已任故所至稱理長慶元年幽鎮
繼亂遜請身先討賊不許但命以兵萬人會行營遜奉
詔即日發兵先諸軍至進檢校吏部尚書尋改鳳翔節
度使過京師以疾求解改刑部尚書三年正月卒年六
十三贈尚書右僕射諡曰貞
舊書諡恭肅 子方元

方元字景業第進士裴誼奏署江西府判官有死囚十
餘方元刺審其寃實之累為池州刺史鉤檢戶籍差量
徭賦皆有科品吏不得私常曰沈約年八十手寫簿書
益為此云終處州刺史

遜弟建字杓直與兄俱客荊州鄉人爭鬪不詣府而詣
建平決無頗母憐其孝每字之曰痿子勸我食我輒飽
進藥吾意其瘳貞元中補校書郎德宗思得文學者或
以建聞帝問左右宰相鄭珣瑜曰臣為吏部時當補校
書者八人他皆籍貴勢以請建獨無有帝喜擢左拾遺
翰林學士順宗立李師古以兵侵曹州建作詔諭還之
詞不假借王叔文欲更之建不可左除太子詹事改殿

中侍御史舊書云元和六年坐事罷職降詹事府司直高郢為御史大夫奏為殿中侍御史以
兵部郎中知制誥宰相有窺定詔稿者亟請解職除京
兆少尹舊書云自以草詔思避會遜被議建申治之出
為澧州刺史之罷相建亦出為澧州刺史召拜刑部
侍郎卒舊書云徵拜太常少卿尋以本官知禮部貢舉
待郎以人情不治改為贈工部尚書初建為學時家苦
貧兄造知其賢為營丐使成就之故遜建皆舉進士後
雖通顯未嘗置垣屋以清儉稱建子誦

誦字敦止及進士第累遷中書舍人為浙東觀察使性
疏下遇士不以禮為下所逐貶朗州刺史召為河南尹
時久雨洛暴漲誦行水魏王懼懼漂汨疾馳去水遂大
毀民慮議者薄其才初誦居與宰相楊收接收欲市誦
冗舍以廣第誦曰先人舊廬為權貴優笑地耶凡三
為華州刺史歷兵部尚書以太子太傅卒遺命葬不請
鹵簿避贈諡詔聽舊書官至檢校尚書右僕射

溫造字簡與大雅五世孫父信字輔國安祿山亂往見
平原太守顏真卿助為守計李光弼厚遇之終太常丞
造姿表瑰傑性嗜書盛氣少所降屈不喜為吏隱王屋
山人號其居曰處士墅壽州刺史張建封聞其名書幣
招禮造欣然從之建封雖咨謀而不敢廢以職事及節
度徐州造謝歸下邳慨然有高世心建封恐失造因妻

以兄子時李希烈反天下兵鎮陰相賊逐主帥自立德
宗患之以劉濟方納忠於朝密詔建封擇縱橫士往說
濟建封疆誓造節度參謀使幽州造與濟語未訖濟俯
伏流涕願效死節造還建封以聞詔馳驛入奏天子愛
其才將用為諫官以語泄乃止復去隱東都烏重肩奏
置幕府長慶初以京兆司錄為太原幽鎮宣諭使召見

賜緋衣至范陽劉總囊韉郊迎造為開示禍福總懼籍
所部九州入朝還遷殿中侍御史田宏正遇害以起居
舍人復宣慰鎮州行營頃之李景儉以酒得過宰相造
坐與飲出為朗州刺史開後鄉渠百里溉田二千頃民
獲其利號右史渠召授侍御史知彈奏夏州節度使李
祐拜大金吾違詔進馬造正衙捫劾祐曰吾夜入蔡州
擒吳元濟未嘗心動今日膽落於溫御史遷左司郎中

知御史雜事進中丞彈擊無所回畏發南曹偽官九十
人主吏皆論死遷尚書右丞封祁縣子興元軍亂殺李
絳眾謂造可夷其亂乃授檢校右散騎常侍山南西道
節度使許以便宜從事帝慮勞費造曰諸道戍蠻兵方
還願得密詔受約束用此足矣許之命神策將軍董仲質
河中將溫德彝部楊將劉士和從造而興元將衛志忠
張丕李少直自蜀還造喻以意皆曰不敢二乃用八百
人自從五百人為前軍既入前軍呵護諸門造至欲大
宴視聽事曰此隘狹不足饗士更徙牙門坐定將卒羅
拜徐曰吾欲聞新軍去住意可悉前舊軍無得進勞問
畢就坐酒行從兵合卒有覺者欲引去造傳言叱之乃
不敢動即問軍中殺絳狀志忠不夾階立拔劍傳呼曰

殺圍兵爭奮皆斬首凡八百餘人親殺絳者醢之號令
者殊死取百級祭絳三十級祭死事官王景延等餘悉
投之漢江監軍楊叔元擁造靴祈哀造以兵衛出之詔
流康州以功加檢校禮部尚書賜萬緡賞其兵人為兵
部侍郎以病出東都留守俄節度河陽奏復懷州古秦
渠枋口堰以溉濟源河內溫武陟四縣田五千頃召為

御史大夫方倚以相會疾不能朝改禮部尚書卒年七
十贈尚書右僕射兄邈弟遜邈長慶太和中累以拾遺

補闕召不應遂嘗爲邑宰解印綬去遣子璋
璋以父蔭累官大理丞擢侍御史賜緋遷婺州刺史以
政績賜金紫徙廬宋二州刺史宣州逐鄭藩也崔鉉調
淮南兵討之以璋爲宣州刺史事平就拜觀察使擢武
寧節度使銀刀軍驕橫累將姑息而璋政嚴明懼之相
率逐璋詔徙邠寧節度歷京兆郡按舊書璋傳銀刀軍
者五百餘人自是軍中畏法入爲京兆尹無逐璋事而
通鑑載璋祿送之故甚詳且云朝廷知璋無辜以爲邠
寧節度使與新傳合且攷異云按諫銀刀軍璋素彊幹
者王式也舊傳誤合據通鑑攷異從新書璋素彊幹
鉏宿弊豪右憎服加檢校吏部尙書同昌公主薨懿宗
誅醫無狀者繫親屬三百餘人璋與劉瞻極諫貶振州
司馬歎曰生不逢時死烏足惜仰藥死

欽定續通志卷二百五十九

列傳

唐六十

穆寧贊 實 崔邠 鄆 郡

柳公綽 珙 瑛 珙 璧 楊於陵

馬總

穆寧懷州河內人父元休開元開獻書舊書撰其範外

擢偃師丞寧以明經授鹽山尉祿山反署劉道元景城

守寧募兵斬之檄州縣并力捍賊史思明略境郡守召

寧攝東光令禦之賊遣使誘寧寧斬以徇郡守恐怒賊

即奪其兵罷所攝始寧與平原太守顏真卿搆祿山必

叛及聞真卿拒賊即遣真卿書曰夫子為衛君子真卿

喜署寧河北採訪支使寧以息屬其母弟曰苟不之嗣

足矣即馳謁真卿既而賊攻平原寧勸固守真卿不從

夜亡過河見肅宗行在帝問狀真卿對不用穆寧言故

至此帝異之馳驛召寧將拜諫議大夫會真卿以直忤

旨寧亦罷上元二年為殿中侍御史佐鹽鐵轉運住捕

橋李光弼屯徐州餉不至撤取資糧寧不與光弼召寧

欲殺之寧即往見光弼光弼曰吾師眾數萬為天子討

賊食乏則人散君閉廩不救欲潰吾兵耶答曰命寧主

糧者敢也公可以檄取乎今公求糧而寧專饋寧求兵

而公亦專與乎光弼執其手謝曰吾固知不可聊與君

議耳時重其能守官累遷鄆岳沔都團練及租庸鹽鐵

轉運使當是時河漕不通自漢河徑商山以入京師淮

西節度使李忠臣不奉法設成遷征商賈縱兵剽行人

道路幾絕與寧夾淮為治檣寧威略劫為衰漕賈得通

坐杖死河州別駕薛彥偉再貶至昭州平集尉大曆四

年起授監察御史三遷檢校祕書監兼和州刺史治有

狀後刺史疾之以天寶舊版校見戶誣以遽亡多坐貶

泉州司戶參軍子贊守闕三年告寃詔御史覆覈實增

戶數倍召入拜太子右諭德寧性不能事權右故執政

者處之散位寧默然不得志且日時不我容我不時徇

又可以進乎移疾滿百日屢矣親友強之輒復一朝德

宗幸奉天奔詣行在擢祕書少監興元初改右庶子帝

還京師乃曰可以行吾志矣即罷歸東都以祕書監致

仕貞元十年十月卒年七十九寧居家嚴事寡姊甚

嘗誨家令訓諸子人一通又戒曰君子事親養志為大

直道而已慎無為詔疾病不嘗藥時稱知命四子贊質

員贊贊為御史中丞實右補闕員侍御史實監察御史

皆以守道行誼顯先是韓休家訓子姓至嚴貞元間言

家法者尚韓穆二門云

贊字相明舊書云釋褐濟源主簿時父寧累擢侍御史

分司東都陝號觀察使盧岳妻分資不及妾子妾裴氏

訴之中丞盧召欲重裴罪贊不聽召與宰相實參其誣

贊受金舊書侍御史杜倫希參召意誣獄甚急弟贊上

寬狀詔三司覆治無驗出為郴州刺史參政召為刑部

郎中對延英擢御史中丞裴延齡判度支屬吏受賕具

獄欲曲貸吏贊執不可延齡白贊深文貶饒州別駕舊書

云常丁母憂再轉憲宗立進宣歙觀察使承貞元年十一

月卒於官年五十八贈工部尚書

質性強直舉賢良方正條對詳切自補闕至給事中時

政得失未嘗不盡言元和時鹽鐵轉運諸院擅繫囚咎

掠嚴楚人多死質奏請與州縣吏參決自是不寃後論

吐突承瓘不宜為將憲宗不悅改太子左庶子坐與楊

憑善出為開州刺史卒

員字與直工為文章杜亞留守東都署佐其府蚤卒兄

弟皆和粹世以珍味目之贊少俗然有格為醜質美而

多入為酥員為醜酬賞為乳腐云

崔邠字處仁貝州武城人父樞至德初獻賦行在肅宗

異其文位吏部侍郎邠弟進士復擢賢良方正授渭南

尉遷補闕上疏論裴延齡姦以鯁亮知名由中書舍人

再遷吏部侍郎性溫裕沈密尤敦清儉憲宗器之裴垣

亦薦邠材可宰相會病遂不拜後改太常卿知吏部尚

書銓故事太常始視事大閱四部樂都人縱觀邠自第

去幅親導母與公卿見者皆避道都人榮之以母憂解

元和十年三月卒於喪年六十舊書作六十二贈吏部尚書諡

曰文簡弟鄴邠鄆鄆

鄴字廣略中進士第補集賢校書郎歷監察御史刑部

員外郎母喪服闋為吏部員外郎下不敢欺衰黜必當

寒遠無留才舊書再遷左司郎中元和十三年鄴餘慶

官吏部十五年為諫議大夫穆宗荒於禽酒坐朝常晚

鄴與同列鄴單等延英切諫帝為改遊稍簡長慶中轉

給事中敬宗嗣位拜侍講學士進中書舍人謝曰陛下

使臣侍講半載不一問經義臣無功不足副厚恩帝曰

朕機務稍閒即當請益高鉞在旁因言陛下樂善而無

所咨詢天下不知有嚮儒意帝深引咎咸賜錦幣鄴與

高重類六經要言為十卷上之遷禮部侍郎舊書舉凡

兩歲掌貢士平心閱試拔藝能所擢無非名出為號

州觀察使先是上供財乏則奪吏俸助輸歲率八十萬

鄴曰吏不能贍私安暇恤民即以府常費代之又詔賦

粟輸太倉者歲數萬石民困於輸則又輦而致之河鄴

乃傍流為大厥受粟寶而注諸膳民悅忘輸之勞改鄂岳等州觀察使自蔡人叛鄂岳常苦兵江湖盜賊竄行鄧修治鎧仗造蒙衝駛追窮躡上下千里歲中悉捕平又觀察浙西遷檢校禮部尚書開成元年卒官年六十九贈吏部尚書諡曰德邇不藏賁有輒周給親舊為治其昏喪居家怡然子弟自化室庫漏無步廡至霖潦則客蓋而辰以就外位治號以寬經月不答一人及涖鄂則嚴法峻詠一不貸或問其故曰陝土瘠而民勞吾撫之不暇猶恐其擾鄂土沃民剝雜以夷俗非用威不能治政所以貴知變者也聞者服焉五子瑤瑰瑾珮瑋瑤任浙西鄂岳觀察使瑾任湖南觀察使瑰珮俱達官鄧擢進士累遷至左金吾衛大將軍暴卒以韓約代之不閱旬李訓亂約死於難世謂鄧之亡崔氏積善報也贈禮部尚書

鄧登進士第補渭南尉累擢監察御史遷刑部郎中出副杜元穎西川節度府召入為工部侍郎集賢殿學士權知禮部真拜兵部侍郎本官判吏部東銓事文宗勤於政道每苦選曹訛弊延英謂宰臣曰吏部殊不選才安得撫實無濫可釐革否李石對曰令錄可以商量他官且宜循舊帝曰循舊如配官耳賢不自安能甄別因召三銓謂之曰卿等比選令錄如何注擬鄧對曰資敘相當問其為治之術視可否擬之帝曰依資合得而才劣者何授對曰與邊遠慢官帝曰如以不自之才治邊民則疾苦可知也凡朝廷求理遠近皆須得人苟非其人受其弊矣尋拜吏部侍郎開成二年出為宣州刺史兼御史中丞宣歙觀察使四年入為太常卿七月以本官同中書門下平章事尋加中書侍郎銀青光祿大

夫會昌初李德裕用事與鄧兄弟素善鄧在相位累年歷方鎮太子師保卒崔氏四世總麻同爨兄弟六人至三品邠鄆鄆凡為禮部五吏部再唐興無有也居光德里構便齋宣宗聞而歎曰鄧一門孝友可為士族法因題曰德星堂後京兆民即其里為德星社云

柳公綽字寬京兆華原人始生三日伯父子華曰嬰吾門者此兒也因小字起之幼孝友性質嚴重屬文典正不讀非聖書貞元元年十八應制舉登賢良方正直言極諫科授校書郎四年再登其科授渭南尉歲饑每飯不過一器歲稔復初累遷開州刺史地接夷落寇常逼其城吏曰兵力不能制願以右職署渠帥公綽曰若同惡即何可撓法立誅之寇亦引去遷侍御史吏部員外郎時武元衡節度劍南與裴度俱為判官尤相引重召為吏部郎中憲宗喜武功且數出遊畋元和五年十一月公綽奏太醫箴以諷帝高其才遣使謂曰卿愛朕深當置之座隅踰月拜御史中丞公綽與裴相善李吉甫復當國以怨培故出公綽為湖南觀察使地卑溼不可迎養分司東都不聽八年徙鄂岳觀察使時討吳元濟詔發鄂岳卒五千隸安州刺史李聽公綽曰朝廷謂吾儒生不知兵耶即請自行許之引兵度江抵安州聽以軍禮迎諶公綽謂曰公所以屬難負弩非兵事耶若褫戎容則兩郡守耳何所統壹哉以公世將曉兵吾且欲署職以兵法從事聽曰唯命即以都知兵馬使中軍先鋒行營都虞候三牒授之選兵六千屬焉戒諸校曰行營事一決都將聽聽被用畏威盡力當時服其知權軍出公綽數省問其家疾病生死厚給之婦人治容不謹者投之江軍中感服口中丞為我知家事敢不死戰

故鄂軍每戰必克十一年入為給事中李師道平公綽宣諭鄆州還拜京兆尹方赴府有神策校乘馬不避者即時榜死帝怒其專殺公綽曰此非獨試臣乃輕陛下法帝曰既死不以聞可乎公綽曰臣不當奏在市死職金吾在坊死職左右巡使帝乃解詔按通鑑輯覽細者即平民有犯子校已足蔽辜京兆雖以蕭清輩為任亦豈可因衝已導而遽斃軍將公綽此舉非惟草菅人命幾於弁髦王章及帝怒詰諸飾辯不已是但知唐突者之無禮而不知專擅者之更非禮也或猶以公綽為風厲真母喪服除為刑部侍郎領鹽鐵轉運使轉兵部兼御史大夫長慶元年復為京兆尹時幽鎮用兵補置諸將使驛係道公綽奏曰比館遞置乏驛置多關敕使衣緋紫者所乘至三四十騎黃綠者不下十數吏不得視券隨口輒供驛馬盡乃掠奪民馬嗟聲驚擾行李殆絕請著定限以息其弊有詔中書條檢定數由是吏得紓罪宦官其惡疾之累遷禮部尚書以祖諱換左丞三年五月檢校戶部尚書山南東道節度使行部至鄧縣吏有納賄舞文二人縣令以公綽守法必殺賊吏獄具公綽判曰賊吏犯法法在文吏壞法法亡詠舞文者其廢馬害閭人公綽殺之或言良馬可愛曰安有良馬而害人乎敬宗寶曆元年加檢校左僕射入為刑部尚書二年出為邠寧節度使先時神策諸鎮列屯部中不聽本道節制故虜得窺間公綽論所宜因詔屯營緩急悉受節度三年復為刑部尚書京兆尹有姑鞭婦至死者府斷償死公綽議曰尊嚴卑非關且其子在以妻而戮其母非教也竟減死太和四年為河東節度使歲惡輟宴飲食與士卒均北虜遣梅祿將軍李暢以馬萬匹來市所過皆厚勞傷兵防禦奪至太原公綽獨遣牙將祖考恭單騎勞問關牙門令譯官引謁宴以常禮

暢市馬而還不敢侵犯陜北有沙陀部勇武喜關為九
姓六州所畏公綽召其酋朱邪執宜治廢柵十一募兵
三千留屯塞上其妻母來太原者令夫人飲食問遣之
沙陀感恩故悉力保障六年以病乞代三月授兵部尚
書徵還京師四月卒年六十八贈太子太保諡曰元書
公綽居喪毀墓三年不澡沐事後母薛氏謹甚雖姻
屬不知非薛所生外兄薛官早卒為育其女嫁之嘗曰
吾蒞官未嘗以私喜怒加於人子孫其昌乎與錢徽蔣
又杜元穎薛存誠善取士如許康佐鄭朗盧簡辭崔瑋
夏侯孜李弼長皆知名顯貴云子仲郢

仲郢字諭蒙母韓氏即臯女也善訓子故仲郢幼嗜學
嘗和熊膽丸使夜咀嚙以助勤長工文著尚書二十四
司箴為韓愈柳宗元咨賞元和十三年進士擢第為校
書郎牛僧孺辟武昌幕府以仲郢有父風矩歎為非積
習名教不及此入為監察御史遷侍御史有禁卒誣里
人斫父墓柏射殺之法司以專殺論而中尉護免其死
仲郢與右補闕蔣係御史蕭傑前後執奏朝廷嘉其守
會昌中三遷吏部郎中武宗詔減冗官仲郢條簡汰日
損千二百五十員議者厭伏遷左諫議大夫帝延方士
築望仙臺累諫諄切帝為慙謝御史崔元藻以覆按吳
湘獄得罪仲郢上疏申理宰相李德裕知其無私奏拜
京兆尹置權量東西市禁私製以便貿易北司吏入粟
違約仲郢殺而尸之自是無敢犯中書舍人紇干眾訴
甥劉詡毆其母謝為禁軍校仲郢不待奏即捕取死杖
下宦官以為言改右散騎常侍知吏部銓德裕頗抑進
士科仲郢無所徇時進士無受惡官者又當調者持闕
簿令自閱即疑唱吏無能為姦宣宗初德裕罷政事坐

所厚善出為鄭州刺史周墀鎮滑鄭為屬郡高其績及
入相薦授河南尹召拜戶部侍郎墀罷他宰相惡仲郢
左遷秘書監數月復尹河南以寬惠為政或言不類京
兆時答曰董毅之下先彈壓郡邑之治本惠養烏可類
乎擢劍南東川節度使殺貪吏邊章簡官下肅然居五
年徵為吏部侍郎改兵部領鹽鐵轉運使大中十二年
辭疾以刑部尚書罷使轉戶部封河東縣男山南西道
節度使鳳州刺史盧方又以輕罪決部民數日而斃其
妻列訴又旁引他吏械繫滿獄仲郢召其妻謂之曰刺
史科小罪誠人但本非死刑雖未出辜其實病死罰方
又百直繫者皆釋郡人深感之南鄭令權奕有罪仲郢
杖之六日死貶雷州刺史起為虢州刺史以檢校尚書
左僕射東都留守會盜發父墓棄官歸華原徙華州刺
史不拜咸通五年起為天平軍節度使卒於鎮仲郢方
嚴尚氣義李德裕貶死家無祿不自振及領鹽鐵遂取
其兄子從質為推官知蘇州院事宰相令狐綯持不可
乃移書開諭綯感悟尋與從質正員官仲郢每私居
內齋束帶正色殷無名馬衣不薰香父子更九鎮皆不
秦祥瑞不度浮屠急於摘貪濟弱每旱潦必貸贖獨負
里無通家衣冠孤女不能自歸者斥粟為婚嫁在朝非
慶弔不至宰相第家藏書必三本上者貯庫其副常所
閱下者幼學焉仲郢退公布卷不捨晝夜九經三史皆
一鈔魏晉及南北史再鈔又類所鈔他書三十卷號柳
氏自備旁錄仙佛書甚眾皆楷小精真無行字子璞珪
璧珪

璞字韜玉學不營仕著春秋三氏異同義又逆天祚長
曆斷自漢武帝紀元為編年以大政大祥異侵叛征伐

隨著之問位者附見其左常謂杜征南春秋後序述紀
甲歷為得實自餘史家皆差蔣係以為然終著作郎
珪字交元舊書字大中中與璧繼擢進士皆秀整而文
珪字交元舊書字大中中與璧繼擢進士皆秀整而文
杜牧李商隱稱之杜檢鎮西川表置幕府久乃至會稽
徙淮南歸其積俸珪不納以藍田尉直宏文館遷右拾
遺蕭儆鄭商綽謂珪不能事父封還其詔仲郢訴其子
冒處諫職為不可謂不孝則誣請勒就養詔可初公綽
治家將韓泥及珪被廢士人愧恨終衛尉少卿
璧字質王馬植鎮陳許辟管書記又從植汴州李贇鎮
桂管表為判官璧規止其不法贇不聽乃拂衣去未幾
軍亂擢右補闕再轉屯田員外郎僖宗幸蜀授翰林學
士累遷右諫議大夫
珪以明經授秘書正字由書判拔萃累轉左補闕高湜
再鎮昭義皆表為副舊書李蔚鎮襄陽辟掌書記擢刑部員外郎湜
貶高要尉珪三疏申理湜後見藁歎曰吾自辨析亦不
及此出為嶺南節度副使解中橋熟既食乃納直於官
黃巢陷交廣逃還舊書郡人鄧承勳除起居郎賊陷長
安為刃所傷出奔行在再遷中書舍人御史中丞文德
元年以吏部侍郎修國史拜御史大夫直清有父風昭
宗欲倚以相中官譖珪煩碎非廊廟器乃止坐事貶瀘
州刺史卒光化初帝自華還詔復官爵珪常述家訓以
戒子弟其略言門地高可畏不可恃所以承世胄在修
己為學以無能望他人用無善望他人愛猶農夫鹵莽
種而冀倖天澤祇自餒也又言名門右族莫不由祖考
忠孝勤儉以成立之莫不由子孫頹率奢傲以覆墜之
成立之難如升天覆墜之易如燎毛夫行道之人德行
文學為根株正直剛毅為柯葉有根無葉或可俟時有

葉無根膏雨所不能潤也至於孝慈友悌忠信篤行乃食之醴醬可一日無哉

公權字誠慤年十二工詞賦元和初擢進士第李聽鎮夏州辟掌書記因入奏事穆宗謂之曰朕嘗於佛廟見卿筆蹟思之久矣即拜右拾遺侍書學士再遷司封員外郎帝問公權用筆法對曰心正則筆正筆正乃可法矣帝改容知其以筆諫也歷穆敬文武三朝侍書中禁公綽在太原嘗寓書李宗閔言家弟本志儒學先朝以侍書見用頗類工祝願徒散秩乃徙右司郎中引文館學士文宗復召侍書遷中書舍人充翰林書詔學士嘗夜

召對子亭燭窮而詔未盡宮人以蠟液濡紙繼之從幸未央宮帝駐輦曰朕有一喜邊戍賜衣久不時今中春而衣已給公權為數十言稱賀帝曰卿可賀我以詩宮人迫之公權應聲成文婉切而麗詔令再賦復無停思帝悅曰子建七步爾乃三焉常與六學士對便殿帝稱漢文恭儉因舉袂曰此三泮矣學士皆賀獨公權無言

帝問之對曰人主當進賢退不肖納諫諍明賞罰服辭濯衣末節耳謹按通鑑輯覽 御批公權以敢言著聞文宗亦嘉其風采然彼時宦寺弄權朝臣植黨未聞有所糾彈則亦杜欽谷之流耳 異日與區區不談幹衣託詞筆諫亦所云末節而已 異日與周暉同對論事不阿墀為惶恐公權益不奪帝徐曰卿有諍臣風可屈居諫議大夫乃自舍人下遷仍為學士知制誥開成三年轉工部侍郎召問得失因言郭晁領

邢憲而議者頗有臧否帝曰朕向父從子太皇太后季父官無玷郵自大金吾位方鎮何所更議答曰朕誠勳舊然人謂獻二女乃有是除信乎帝曰女自參太后非獻也公權曰瓜李之嫌何以戶曉因引王珪諫廬江王

犯事帝即令南內使張日華送二女還家其忠益多

類此遷學士承旨武宗立罷為右散騎常侍宰相崔琪引為集賢學士知院事李德裕不悅左授太子詹事改賓客累封河東郡開國公復為常侍進至太子少師咸通初以太子太保致仕六年卒年八十八贈太子太師公權博覽經術於詩書左氏春秋國語莊周書尤邃每解一義必數十百言通音律而不喜奏樂日聞之令人驕忘其書法結構勁媚自目一家文宗嘗召與聯句帝

曰人皆苦炎熱我愛夏日長公權屬曰薰風自南來殿閣生微涼他學士亦屬繼帝獨諷公權者以為詞清意足不可多得乃令公權題於殿壁字方圓五寸帝歎曰鍾王無以尚也當時大臣家碑誌非其筆人以子孫為不孝外夷入貢者皆別署貨貝曰此購柳書營書上都西明寺金剛經有鍾王歐虞褚陸諸家法最為得意凡公卿以書貲道蓋鉅萬而主藏奴或盜用惟研筆圖籍白鐫秘之

子華承泰初辟嚴武劍南府累遷池州刺史代宗將幸華清宮先命完葺欲以子華為京兆少尹尹惡其剛方沮解之遂為昭應令舊書云知府東十三縣捕賊 檢校金部郎中修宮使設棘圍於市徇邑中曰民有得華清宮瓦石材用投園中三日不還者死不終日已山積矣營辦略足宰相元載有別墅以奴主務自稱郎將怙勢縱暴租賦未嘗入官子華因奴入謁收獄欲發宿罪杖殺之一邑震

伏載不敢怨道吏厚謝子華預知其終自為墓銘子公器公度公度善攝生年八十餘有強力自云吾不以元氣佐喜怒氣海常溫耳位光祿少卿公器生遵遵生璨

別有傳

楊於陵字達夫漢太尉震之高父太清書宋州卷宜

志四七八〇

客河朔死安祿山之亂於陵始六歲間關至江左逮長好學有奇志年十八擢進士釋褐句容主簿韓滉剛嚴少許可獨奇於陵以女妻之辟鄂岳江西使府視居宰相權震中外於陵避親不肯調還廬建昌以文書自娛混卒貞元八年入為膳部員外郎以吏部判南曹時選者與宰相親文書不如式於陵駁其違宰相怒以南曹

即出使弔宣武軍遷右司郎中換吏部出為絳州刺史德宗雅聞名留拜中書舍人京兆尹李實恃恩暴橫於陵與許孟容不附為所譖短徒秘書少監帝崩宣遺詔於太原幽州節府獻遺無所納拜華州刺史遷浙東觀察使越人饑請出米三十萬石振贖貧民政聲流聞入為京兆尹先是編氓多竄北軍籍中倚以橫閭里於陵請限丁制減三丁者不得著籍姦人無所影賴京師豪

右大震遷戶部侍郎元和初牛僧孺等以賢良方正對策於陵被詔程其文居第一執政怒出為嶺南節度使辟章詞李錡等在幕府咨訪得失教民陶瓦易蒲屋以絕火患監軍許遂振悍戾肆貪憚於陵不敢撓以私則為飛語聞京師有詔罷歸遂振領留事答吏剗決其賊吏呼曰楊公尚拒他方賂遺肯私官錢耶宰相裴均亦為帝別白言之乃授吏部侍郎而遂振振得罪初吏部

程判別認官參考齊抗當國罷之至是尚書鄭餘慶移疾乃循舊制舊書以兵部員外郎韋頊屯田員外郎張仲素太學博士陸巨等為之 於陵言他官但第判能否不知限員有司計員為留遣之格事不相謀莫如勿置因詔三考官止較科目選至常調

悉還吏部又請修甲歷南曹置別簿相檢實吏不能為發治奏選者納直給符告居四年凡調三千員時稱平

九九年妖人楊叔高自廣州來干於陵請為己輔於陵

別有傳

楊於陵字達夫漢太尉震之高父太清書宋州卷宜

別有傳

別有傳

別有傳

別有傳

別有傳

執奏殺之改兵部兼御史大夫判度支王師討淮西於
 陵用所親為供軍使主唐鄧而高霞寓騰牒度支以餉
 道乏及戰敗詔責之指以為言帝怒貶於陵彬州刺史
 徙原王傳復以吏部侍郎知吏部選李師道平分其地
 為三鎮以於陵兼御史大夫充淄青十二州宣慰使還
 奏合旨穆宗即位遷戶部尚書長慶初拜太常卿充東
 都留守數上疏乞身不許實歷二年授太子少傅舊書
 封弘農郡公俄以尚書左僕射致仕詔給實俸讓不作太
 受於陵器量方峻進止有常度節操堅明始終不失其
 正太和四年十月卒年七十八冊贈司空諡曰貞孝四
 子景復仕至同州刺史紹復中書舍人師復大理卿中
 子嗣復位宰相自有傳

馬總字會元扶風人少孤寡不妄交遊貞元中姚南仲
 辟署滑州幕府監軍薛盈珍誣南仲不法總坐貶泉州
 別駕盈珍入用事福建觀察使柳冕希旨欲誅之會刺
 史穆贊保護乃免徙恩王傳元和中以虔州刺史遷安
 南都護廉清不撓用儒術教其俗政事嘉美獠夷安之
 建二銅柱漢故處劉著唐德以繼伏波之迹徒桂管經
 略觀察使入為刑部侍郎十二年兼御史大夫副裴度
 宣慰淮西吳元濟禽為彰義節度留後蔡人習偽惡相
 掉訐贖戾有夷貊風總為設教令明賞罰磨治洗汰其
 俗一變始奏改彰義為淮西尋擢拜淮西節度使徙忠
 武改華州防禦鎮國軍使李師道平析郟曹濮等為一
 道除總節度賜號天平軍長慶初劉總上幽鎮地詔劉
 總徙天平召總還將大用之會劉總卒穆宗以鄆人附
 賴總復詔還鎮二年檢校尚書左僕射入為戶部尚書
 三年卒贈右僕射諡曰懿

賈耽

鄭餘慶從諫 處晦

鄭珣

鄭餘慶從諫 高郢 定

杜佑

鄭珣

權德輿

崔羣 李夷簡

令狐楚

段文昌 成式 蕭悅傑

賈耽字敦詩滄州南皮人天寶中舉明經補臨清尉上

書論事徙太平河東節度使王恩禮署為度支判官累

進汾州刺史治凡七年政有異績召授鴻臚卿兼左右

威遠營使俄為山南西道節度使梁崇義反東道耽進

屯穀城取均州建中三年徙東道德宗在梁耽使司馬

樊澤奏事澤還耽大置酒會諸將俄有急詔至以澤代

耽召為工部尚書耽納詔於懷飲如故既罷召澤曰詔

以公見代吾且治行敕將吏謁澤大將張獻甫曰天子

播越而行軍以公命問行在乃規旄鉞利公土地可謂

事人不忠矣軍中不平請為公殺之耽曰是何謂耶朝

廷有命即為帥矣吾今趨覲得以君俱乃行軍中遂安

俄為東都留守貞元九年以尚書右僕射同中書門下

平章事俄封魏國公常以方鎮帥缺當自天子命之若

謀之軍中則下有背向人固不安帝然之不用也順宗

立進檢校司空左僕射時王叔文等干政耽病之屢移

疾乞骸骨不許卒年七十六贈太傅諡曰元靖耽著貞

元十道錄以貞觀分天下隸十道在景雲為按察開元

為採訪廢置升降備焉

文擢進士第嚴震帥山南西道奏置幕府貞元初還朝

擢庫部郎中翰林學士以工部侍郎知吏部選貞元十

四年拜中書侍郎同中書門下平章事每奏對多傳經

義素善度支使于頔凡所陳必左右之頔坐事貶又歲

早饑朝廷議振禁衛十軍為中書史漏言疊二忤貶彬

州司馬順宗以尚書左丞召會憲宗立即其官復拜同

中書門下平章事時主書滑渙與宦人劉光琦相倚為

姦每宰相議為光琦沮變者合渙往請必得四方貨餉

奔委之弟泳至官刺史杜佑鄭綱執政頗姑息而佑常

行輩待不名也至餘慶議事渙傲然指書諸宰相前餘

慶叱去未幾罷為太子賓客按宰相表元和元年十一

不同考舊傳拜河南尹在後漢以賊敗帝浸聞叱去事

改國子祭酒後乃表說也

善之改國子祭酒累遷吏部尚書改太子少傅兼判太

常卿事出為山南西道節度使入拜太子少師請老不

許遷尚書左僕射帝患典制不倫請餘慶淹該前載乃

詔為詳定使俾參議訂正凡損增儀矩號稱詳衷俄拜

鳳翔尹節度鳳翔復為太子少師封榮陽郡公兼判國

子祭酒事建言兵興以來學校廢諸生離散今天下承

平臣願率文史月俸百取一以資完章詔可穆宗立加

檢校司徒卒年七十五贈太保諡曰貞子澣

澣本名涵避文宗故名改焉第進士累遷右補闕敢言

無所諱遷起居舍人考功員外郎餘慶為僕射避除國

子博士史館修撰文宗立入翰林為侍講學士帝使稗

史經史為要錄試舉諸條摭問之酬析無留答因賜金

紫累進尚書左丞出為山南西道節度使始餘慶在興

諱尤知名

處晦字廷美文辭秀拔仕歷刑部侍郎浙東觀察宣武

節度使

從諫字正求及進士第補校書郎累遷左補闕令狐綯

魏扶皆澣門生數進譽之遷中書舍人咸通中為吏部

侍郎銓次明允出為河東節度使從宣武以善最聞改

嶺南東道節度林邑蠻內侵募土豪捍禦交廣晏然僖

宗立召為刑部尚書久之擢同中書門下平章事進門

下侍郎時河東叛將殺其節度使康傳主劫府庫為亂

朝廷以為憂帝欲大臣臨制乃拜從諫檢校司徒宰相

同空以宰相秩復為河東節度兼行營招討使詔自擇

參佐從諫即表長安令王調自副劉崇龜趙崇為節度

觀察判官劉崇魯推官李渥掌書記崔澤支使皆一時

選時人謂之小朝廷言得才多也謹按通鑑韋覽

未必盡於實用有裨聚集雖多亦何足異況幕府得人

極盛亦不過如綠水芙蓉之時人乃目之為小朝廷

唐末人心幻妄不知既視事乃推捕反賊誅其首惡以

明刑尊卑於此可見既視事乃推捕反賊誅其首惡以

張彥球才可任釋不問而付以兵果得其死力渠凶宿

狡不敢發發又輒得士皆惕伏會黃巢犯京師帝駐梁

漢詔從諫發部兵屬北面招討副使諸葛爽入討從諫

團士五千遣將論安從爽而李克用謂太原可乘以沙

陀兵奄入其地壁汾東從諫以餼醪犒軍克用曰我且

引而南欲與公面約從諫登城開勉感慨使立功報天

子厚恩克用辭窮再拜去然陰縱其下肆掠從諫追安

使與將王蟾高弁等踵擊亦會振武契苾通至與沙陀

百騎過辭城下從讜以名馬器幣歸之明年賊平詔克
用代領河東召拜司空復秉政進太傅兼侍中從帝至
興元以疾拜太子太保還第卒諡文中初盜流中原沙
陀愷悍而卒收其用者蓋從讜為太原重也時鄭畋以
宰相鎮鳳翔移檄討賊兩人以忠義相提衡賊尤憚之
號二鄭云

鄭珣瑜字元伯鄭州滎澤人少孤值天寶亂退耕陸渾
山以養母大厯中以諷諫主文科高第授大理評事調
陽翟丞以拔萃為萬年尉崔祐甫為相擢左補闕出入
中外累遷至吏部侍郎為河南尹清靜惠下賤斂貴發
以便民時韓全義將兵伐蔡河南主餽運珣瑜密儲之
陽翟以給官軍百姓不知僦運勞時謂治河南比張延
賞而重厚堅正過之復以吏部侍郎召進門下侍郎同
中書門下平章事順宗立即遷吏部尚書王叔文撓政

章執誼為宰相居外奉行叔文一日至中書見執誼直
吏白方宰相會食百官無見者叔文恚叱吏走入白
執誼起就閣與叔文語珣瑜與杜佑高郢輟饗以待頃
之吏白二公同飯矣珣瑜喟曰吾可復居此乎命左右
取馬歸臥家不出七日罷為吏部尚書亦有疾數月
卒年六十八贈尚書左僕射諡文獻子覃

覃以父蔭補宏文校書郎擢累諫議大夫憲宗取五中
官為和籙使覃奏罷之時吐蕃方彊穆宗不恤國事荒
昵盤游覃與崔郾等廷對極陳不可帝亦溫語答之王
承元徒鄭滑節度使鎮人固留不出承元請以重臣勞
安其軍詔覃為宣諭使起居舍人王璠副之覃傳詔開
勗大義軍遂安承元乃得去寶曆初擢京兆尹文宗召
為翰林侍講學士進工部侍郎覃經術該深諳篤守正

帝尤重之李宗閔牛僧孺知政以覃與李德裕厚忌其
親近為助力陽遷工部尚書罷侍講欲推遠之帝雅向
學頗思覃復召為侍講學士德裕既相以為御史大夫
俄德裕罷宗閔復用覃繇戶部尚書下除秘書監宗閔
得罪遷刑部尚書進尚書右僕射判國子祭酒李訓誅
帝召覃視詔禁中遂拜同中書門下平章事封滎陽郡
公勸帝責名實謹法度進門下侍郎宏文館大學士覃

既名儒故以宰相領祭酒請太學五經經置博士再遷
太子太師開成四年與楊嗣復議論不叶遂罷為右僕
射武宗初李德裕復用欲援覃共政固辭乃授司空致
仕卒始覃以經籍刑繆博士陋淺不能正建言願與鉅
學鴻生共力讐刊準漢舊事鏤石太學示萬世法詔可
覃乃表周墀崔球張次宗孔溫業等是其文刻於石
子裔綽

裔綽峭立有父風以門廕進為李德裕所知擢渭南尉
直宏文館累遷諫議大夫持正不阿遷給事中楊漢公
為荆南節度使坐貪吝貶秘書監尋拜同州刺史裔綽
與鄭公輿封還制書且曰同州太宗輿王地陛下為人
子孫當慎所付且漢公墨沒敗官奈何以重地私之翌
日貶裔州刺史時猶衣緣因詔賜緋魚後繇秘書監遷
浙東觀察使終太子少保覃弟朗

朗字有融始辟柳公綽山南幕府人遷右拾遺開成中
擢起居郎文宗與宰相議政適見朗執筆螭頭下謂曰
向所論事亦記之乎朕將觀之朗曰臣執筆所書者史
也故事天子不觀史帝悅謂宰相曰朗可謂善守職者
然人君之為善惡必記朕恐平日言之不協洽體為將
來羞庶一見得以自改朗遂上之累遷諫議大夫為侍

講學士由華州刺史入拜御史中丞戶部侍郎為鄂岳
浙西觀察使進義武宣武二節度歷工部尚書判度支
御史大夫復為工部尚書同中書門下平章事中人李
敬實排明驍導馳去朗以聞宣宗詰敬實自言供奉官
不避道帝曰傳我命則絕道行可也而私出不避宰相
邪即斥敬實久之以疾自陳罷為太子少師卒贈司空

高郢字公楚其先自渤海徙衛州遂為衛州人九歲通
春秋工屬文著語默賦諸儒稱之父伯祥為好時尉安
祿山陷京師將殺之郢尚幼解衣請代賊義并貸之寶
應初及進士第以茂才異行高第累擢咸陽尉郢子儀
取為朔方掌書記子儀怒判官張曇奏抵死郢引救甚
力忤子儀意下徙荷氏丞李懷光引佐邠寧府懷光將
還河中郢勸不如西迎乘輿懷光不聽既又欲悉兵鼓

而西時渾瑊提孤軍抗賊羣將未集郢恐為懷光所乘
與李鄴固止之會懷光子瑋俟郢郢因魯說曰君視天
寶以來稱兵者今尚誰在且國家固有天命若恃眾而
動自絕于天安知三軍不有奔潰而助順者乎瑋大懼
流汗不能語郢因與其將呂鳴岳張延英謀間道歸國
事洩懷光先斬二將然後引郢詰謂郢抗詞無所愧隱
觀者為泣下懷光慙赦之孔巢父遇害郢撫屍而哭懷

光已誅李晟表其忠馬燧奏管書記召拜主客員外郎
遷中書舍人久之進禮部侍郎謝絕請謁顯行藝遷太
常卿貞元末擢中書侍郎同中書門下平章事順宗立
病不能事王叔文黨根據朝廷帝始詔皇太子監國而
郢以刑部尚書罷明年為華州刺史政尚仁靜復召為
太常卿除御史大夫數月改兵部尚書固乞骸骨以尚
書右僕射致仕卒年七十二贈太子太保諡曰貞子定

定辯慧七歲讀尚書至湯誓跪問郢曰奈何以臣伐君
郢曰應天順人何云伐邪對曰用命賞于祖不用命戮
于社是順人乎郢異之長通王氏易為圖合入出上圖
下方合則重轉則演七轉而六十四卦六甲八節備焉
仕至京兆府參軍

杜佑字君卿京兆萬年人父希望仕至鄆州都督終西
河刺史佑以蔭補濟南參軍事刺縣丞嘗過潤州刺史
韋元甫元甫以故人子待之不加禮它日元甫有疑獄
不能決訊佑佑為辨處契要無不盡元甫奇之署司
法參軍府徙浙西南皆表置幕府入為工部郎中充

江淮青苗使再遷容管經略使楊炎輔政歷金部郎中
為水陸轉運使改度支兼和糴使於是軍興餽漕佑得
劃決以戶部侍郎判度支建中初河朔兵革戰民困賦
無所出佑以為救敝莫若省用省用則省官乃上議請

省冗員盧杞當國惡之出為蘇州刺史前刺史母喪解
佑母在辭不行改饒州俄遷嶺南節度使佑為開大衢
疏析壓閉以息火災朱崖黎氏三世保險不質佑討平
之召拜尚書右丞舊書作左丞俄出為淮南節度使以母喪

解詔不許徐州節度使張建封卒軍亂立其子愔請于
朝帝不許乃詔左檢校尚書左僕射同中書門下平章
事節度徐泗討定之佑具舩艦遺屬將孟準度淮擊徐
不克引還固境不敢進乃詔授愔徐州節度使析濠泗

二州隸淮南初佑決雷陂以廣灌溉斥海瀆棄地為田
積米至五十萬斛列營三十區士馬整飭四隣畏之然
寬假僚佐故南宮傅李亞鄭元均至爭權亂政帝為佑

斥去之十九年拜檢校司空同中書門下平章事德宗
崩詔攝冢宰進檢校司徒兼度支鹽鐵使于是王叔文

為副佑既以宰相不親事叔文遂專權欲搖東宮冀佑
為助佑不應乃謀逐之未決而賊憲宗在諤閣復攝冢
宰明年拜司徒徒岐國公党項陰導吐蕃為亂諸將邀
功請討之佑上疏言今戎醜方強邊備未實誠宜愼擇

良將使之完輯禁絕誅求示以信誠來則懲掣去則謹
備彼當懷柔革其姦謀何必亟興師役坐取勞費帝嘉
納之歲餘乞致仕不聽詔三五日一入中書平章政事
佑每進見天子尊禮之官而不名後數年乞休骸骨帝

不得已許之仍拜光祿大夫守太保致仕俾朝朔望
中人錫子備厚元和七年卒年七十八冊贈太傅諡曰
安簡佑資嗜學雖貴猶夜分讀書先是劉秩撫百家伴

周六官法為政典三十五篇房瑄稱才過劉向佑以為
未盡因廣其闕益新禮為二百篇號通典奏之于式方
式方字考元以蔭授揚州參軍事再遷太常寺主簿考

定音律卿高郢稱之佑既相出為昭應令遷太僕卿子
棕尚公主式方以右戚移病不視事穆宗立授柱管觀
察使弟從郁痼疾躬為營方藥羞膳及死期而泣世稱

其篤行卒贈禮部尚書從郁元和初為左補闕崔羣等
以宰相子為嫌再徙祕書丞終駕部員外郎子收
棕字永裕以門蔭三遷太子司議郎尚岐陽公主授殿

中少監駙馬都尉太和初出澧州刺史召為京兆尹遷
鳳翔忠武節度使入為工部尚書判度支會昌初為淮
南節度使武宗詔揚州監軍取媚家女十七人進禁中
監軍請棕同選又欲閱良家有妾相者棕曰吾不奉詔
而輒與罪也監軍怒表于帝帝以棕有大臣體乃詔罷
所進伎有意倚棕為相矣踰年召拜檢校尚書右僕射
同中書門下平章事仍判度支劉稹平進左僕射兼門

下侍郎未幾以本官罷出為劍南東川節度使從西川
復鎮淮南時方旱道路流亡藉藉棕荒蕪適不能事
罷兼太子太傅分司東都踰歲起為留守復節度劍南

西川召為右僕射按宰相表作左僕射判度支進兼門下侍郎同
平章事帝大漸樞密使王歸長馬公儒等以遺詔立夔
王左軍中尉王宗實等以為歸長等矯詔乃迎鄆王立

之是為懿宗久之遣樞密使楊慶詣中書獨揖棕它宰
相畢誠杜審權蔣伸不敢進乃授棕中人請帝監國奏
因諭棕劾大臣名不在者抵罪棕遠封授使者復命謂

慶曰上踐祚未久君等秉權以愛憎殺大臣公屬禍無
日矣慶色沮去帝怒亦釋大臣遂安未幾冊拜司空封
邠國公以檢校司徒為鳳翔荆南節度使加兼太傅卒

年八十贈太師弟怡
怡咸通中為泗州刺史會龐勛反圍城怡完守備以待
賊處士辛謙自廣陵來見怡勸出家屬獨以身守怡不

可謙曰公能如是僕當與公同死賊將李圓易怡馳勇
士百人欲入封府庫怡為好言厚禮迎勞明日伏甲士
三百宴毬場賊皆蟻焉圓怒傅城戰怡殺數百人圓退

壁城西勛聞益其兵而以書射城中促降會夜怡擊鼓
乘城大呼圓氣奪奔還徐州未幾賊焚淮口晝夜戰不
息謙乃請救于成將郭厚本將淮南兵千五百人救泗
州次洪澤節度使令狐綯遣牙將李湘屯淮口與郭厚
本合為圍所敗湘等並沒於是援絕賊乃以鐵鎖絕淮
流梯衝乘城糧盡為薄餽以給懿宗遣使加怡檢校右
散騎常侍勉以堅守會招討使馬舉率兵至遂解去圍
凡十月怡撫循士皆殊死奮而辛謙冒圍出入糾轄援
師卒完一州時稱為難賊平怡遷義成軍節度使檢校

兵部尚書卒

牧字牧之善屬文第進士復舉賢良方正沈傅師表為江西團練府巡官又為牛僧孺淮南節度府掌書記擢監察御史移疾分司東都以弟顓病棄官復為宣州團練判官拜殿中侍御史內供奉是時劉從諫守澤潞何

進洎據魏博頗驕蹇不循法度牧追告長慶以來朝廷措置亡術復失山東鉅封劇鎮所以繫天下輕重不得承襲輕授皆國家大事嫌不當位而言實有罪故作罪言言上策莫如自治中策莫如取魏下策為浪戰時論

難之累遷左補闕史館修撰改膳部員外郎宰相李德裕素奇其才會昌中黠夏斯破回鶻回鶻種落潰入漠南牧說德裕不如遂取之以為兩漢伐虜常以秋冬當

匈奴勁弓折膠重馬免乳與之相校故敗多勝少今若以仲夏發幽并突騎及酒泉兵出其意外一舉無類矣德裕善之會劉稹拒命詔諸鎮兵討之牧復移書於德裕以河陽西北去大井關疆百里用萬人為壘窒其口

深壁勿與戰成德軍世與昭義為敵王元逵思一雪以自奮然不能長驅徑擣上黨其必取者在西面今若以忠武武寧兩軍益青州精甲五千宣潤弩手二千道絳

而入不數月必覆賊巢昭義之食盡仰山東常日節度使率留食邢州山西兵單少可乘虛襲取故兵聞拙速未睹巧之久也俄而澤潞平略如策歷黃池陸三州刺史入為司勳員外郎常兼史職改吏部乞為湖州刺史踰年以考功郎中知制誥遷中書舍人牧剛直有奇節不為礙礙小謹敢論列大事指陳病利尤切卒年五

十 額按宰相世字勝之幼病且母禁其為學舉進士授秘書

書省正字李德裕奏為浙西府賓佐德裕貴盛賓客無敢忤惟顓數諫之及謫袁州歎曰門下愛我皆如顓吾無今日太和未召為咸陽尉直史館常語人曰李訓鄭注必敗行未及都聞難作疏辭疾歸顓亦善屬文與牧相上下竟以喪明卒

鄭綱字文明餘慶從父行也幼有奇志善屬文所交皆天下有名士擢進士宏辭高第張延賞帥劍南奏署掌書記入為起居郎翰林學士累遷中書舍人德宗自興元還置六軍統軍視六尚書以處功臣除制用白麻付外又廢宣武軍益左右神策以監軍為中尉寶文場侍

功陰諷宰相進擬如統軍比綱當作制奏言不可帝悟乃不用麻順宗病不能語王叔文與牛美人用事權震中外憚廣陵王雄睿欲危之帝召綱草立太子詔綱不請輒書曰立嫡以長跪白之帝領乃定憲宗即位拜中書侍郎同中書門下平章事遷門下侍郎始盧從史陰

與王承宗連有詔歸潞從史辭潞之糧請留軍山東李吉甫密謂綱漏言於從史帝怒賴李絳諫而釋居位四年罷為太子賓客久乃檢校禮部尚書出為嶺南節度使後累遷河中節度入為御史大夫檢校尚書左僕射

兼太子少保文宗太和中年老乞骸骨以太子太傅致仕卒年七十八贈司空諡曰宣孫顯舉進士以起居郎尚萬壽公主拜駙馬都尉有器識宣宗時恩寵無比終檢校禮部尚書河南尹

權德輿字載之父泉見卓行傳德輿七歲居父喪哭踊如成人未冠以文章稱韓洵陟河南辟置幕府復從江西觀察使李兼府為判官杜佑裴胄交辟之德宗聞其材召為太常博士改左補闕貞元八年關東淮南浙

西州縣大水壞廬舍漂殺人德輿建言宜擇羣臣明識通方者持節勞徠問人所疾苦蠲其租入與連帥守長講求所宜帝乃遣奚陟等四人循行慰撫裴延齡以巧倖進判度支德輿上疏斥言其姦疏奏不省遷起居舍人歲中兼知制誥進中書舍人久之知禮部貢舉真拜

侍郎凡三歲甄品詳諦取明經初不限員十九年大旱德輿因是上陳闕政請詔所在裁留經用以種貸民今茲租賦及宿逋遠貸一切蠲除約太倉一歲計斥其餘者以糶于民帝頗采用之憲宗元和初歷兵部侍郎坐

累徙太子賓客俄還前官時澤潞盧從史詐傲浸不制其父虔卒京師而成德王承宗父死求襲德輿諫以為欲變山東先擇昭義之帥從史拔自軍校偃蹇不法今

可因其喪選守臣代之成德習俗既久當制以漸許成德之請則可許昭義則不可帝不聽及承宗叛從史乃詭計以撓王師兵老無功德輿請赦承宗從從史後皆略如所料會表病德輿自太常卿拜禮部尚書同中書門下平章事王鏐繇河中入朝求兼宰相李藩以為

不可德輿亦奏爭帝乃止董湊于皋暮以運糧使盜軍興流嶺南帝悔其輕詔中使半道殺之德輿諫宜審正其罪明下詔書與眾同棄則人人懼法帝深然之嘗問

政之寬猛孰先對曰唐家承隋苛虐以仁厚為先列聖所循皆尚德教帝曰誠如公言德輿善辯論開陳古今本末以覺悟人主為輔相寬和不為察察明李吉甫再秉政帝又自用李絳參贊大機是時帝切於治事鉅細悉責宰相吉甫絳議論不能無持異至帝前遽言亟辯德輿居中不敢有所輕重坐是罷為本官尋以檢校吏部尚書留守東都進扶風郡公未幾復拜太常卿徙刑

部尚書先是詔許孟容蔣文刊策格敕既成上之留禁中德輿請出其書與侍郎劉伯芻參復研考定三十篇奏上復檢校吏部尚書出為山南西道節度使後二年以病乞還卒於道年六十贈尚書左僕射諡曰文

子璩字大圭元和初擢進士歷監察御史有美稱宰相李宗閔薦為中書舍人時李訓挾寵以周易博士在翰林璩與舍人高元裕給事中鄭肅韓休等連章劾訓傾覆陰巧且亂國不宜出入禁中不聽及宗閔貶璩屢表辯解貶閩州刺史文宗憐其母病徙鄭州訓誅時人多矜明禍福大體能世其家

崔羣字敦詩貝州武城人未冠舉進士陸贄主貢舉梁肅薦其有公輔才擢甲第舉賢良方正授秘書省校書郎累遷右補闕翰林學士中書舍人數陳諫言憲宗嘉納因詔學士凡奏議待羣署乃得上羣固讓惠昭太子

堯是時遂王嫡而禮王長多內助帝將建東宮詔羣為禮王作讓表羣奏大凡已當得則讓不當得之烏用讓今遂王嫡宜為太子帝從其議進戶部侍郎元和十二年以中書侍郎同中書門下平章事李師道既誅師古

等妻子沒入掖廷帝疑以問羣羣請釋之并還其奴婢貲產鹽鐵院官權長孺坐罪抵死其母老丐子以養帝輒然欲赦之以問宰相羣對陛下幸憐其老宜即遣使諭旨若須出救無及矣於是免死羣凡啟奏平恕如此

處州刺史苗積進羨錢七百萬羣以受之失信天下請還賜其州以紓下戶之賦是時皇甫鏞言利幸於帝陰藉左右求宰相羣數言其佞邪不可用既入對及開元

天寶事羣因推言其極曰安危在出令存亡繫所任立宗用姚崇宋璟張九齡則理用李林甫楊國忠則亂人

皆以天寶十五年祿山自范陽起兵是理亂分時臣以為開元二十年罷九齡任林甫理亂自此已分矣詞意激切左右為感動帝卒自相鏞會羣臣上帝號鏞欲兼用孝德為號羣獨以為有睿聖則孝德并見帝聞不樂會度支稟賜邊士不時物多弊惡李光顏憂甚至欲引佩刀自決中外皆恐鏞奏邊鄙無事乃羣鼓動欲以買直歸怨天子於是罷為湖南觀察使穆宗立以吏部侍郎召之勞曰我為太子卿力也羣曰此先帝意臣何力焉俄拜御史大夫未幾檢校兵部尚書充武靈節度使羣以其副王智興得士心不若假以節度不報智興討幽鎮還藉兵逐羣羣失守左遷秘書監分司東都改華州刺史憲宣歙池觀察使進兵部尚書出為荆南節度使召拜吏部尚書卒年六十一贈司空

李夷簡字易之鄭惠王元懿四世孫以宗室子始補鄭丞德宗幸奉天朱泚外示迎天子遣使東出關至華候吏李翼不敢問夷簡謂曰泚必反向發幽隴兵五千救襄城乃賊舊部是將追還耳上越在外召天下兵未至若凶狡還西助泚送死危禍也請驗之翼馳及潼關果得召符白子關大將駱元光乃斬賊使收偽符獻行在詔即拜元光華州刺史元光掠功故無知者夷簡棄官去擢進士第中拔萃科調藍田尉遷監察御史坐小累下遷處州司戶參軍九歲復為殿中侍御史元和時至御史中丞京兆尹楊憑性驚促始為江南觀察使冒沒于財夷簡為屬刺史不為憑所禮至是發其貪憑貶臨賀尉夷簡賜金紫以戶部侍郎判度支俄檢校禮部尚書山南東道節度使初貞元時取江西兵五百戍襄陽制蔡石脅仰給度支後亡死略盡而歲取賞不置夷簡

曰迹空文荷軍興可乎奏罷之閱三歲從帥劍南西川舊州刺史王禹積姦賊屬蠻怒時去夷簡逐禹占檄諭禍福蠻落復平始章皋奉奉聖樂于順州神聖樂常奏之軍中夷簡謂禮樂非諸侯可擅制命罷去十三年召為御史大夫進門下侍郎同中書門下平章事李師道方叛表度富國帝倚以平賊夷簡自謂才不能以過度乃求外遷以檢校尚書左僕射平章事為淮南節度使長慶初請老不聽以右僕射召辭不拜復以檢校左僕射兼太子少師分司東都明年卒年六十七贈太子太保夷簡致位顯處以直自閑未嘗苟辭氣悅人歷三鎮家無貲產病不迎醫將終戒毋厚葬毋事浮屠毋碑神道世謂行己能有終始者

令狐楚字愨士德棻之裔也生五歲能為辭章逮冠貢進士既及第桂管觀察使王拱愛其才將辟楚懼不至乃先奏而後聘滿歲謝歸李說嚴殺鄭儋繼領太原高其行引在幕府僭暴死不及占後事軍大譴將為亂夜十數騎挺刃邀楚使草遺奏諸將圍觀楚色不變秉筆輒就以徧示士皆感泣一軍乃安由是名益重以親費解既除召授右拾遺憲宗時累擢職方員外郎知制誥其為文於賤奏制令尤善每一篇成人皆傳諷皇甫鏞以言利幸與楚蕭儼皆厚善故薦于帝帝亦自聞其名召為翰林學士進中書舍人方伐蔡久未下議者多欲罷兵帝獨與裴度不肯赦元和十二年度以宰相領彰義節度使楚草制其辭有所不合度得其情時宰相李逢吉與楚善皆不助度故帝罷逢吉停楚學士但為中書舍人俄出為華州刺史鏞既相擢楚河陽懷節度使代烏重胤度出太原鏞薦楚為中書侍郎同中書門下

平章事穆宗即位進門下侍郎得罪時謂楚絳鑄以
進且嘗逐裴度天下所共疾會蕭悅輔政乃不敢言方
營景陵詔楚為使而親吏章正牧奉天令于輩等不償
傭錢十五萬緡楚獻以為羨餘怨詆係路詔捕輩等下
獄誅出楚為宣歙觀察使俄貶衡州刺史再徙以太子
賓客分司東都長慶二年擢陝虢觀察使諫官論執不
置楚至陝一日復罷還東都會達吉復相力起楚以李
紳在翰林沮之不克敬宗立逐出紳即拜楚為河南尹
遷宣武節度使汴軍以驕故而韓宏弟兄務以峻法繩
治楚至解去酷烈以仁惠錫諭人人悅喜入為戶部尚
書俄拜東都留守徙天平節度使久之徙節河東召為
吏部尚書檢校尚書右僕射俄兼太常寺卿進拜左僕
射彭陽郡公始帝許相楚會甘露之變楚知王涯賈餗
冤草詔不切指其罪仇士良惡之乃用李石而以楚為
鹽鐵轉運使請罷權茶使從之開成元年上已賜羣臣
宴曲江楚以新誅大臣暴骸未收怨洽感稱疾不出
乃請給衣衾槨槨以斂刑骨順陽氣是時政在宦豎數
上疏辭位拜山南西道節度使卒年七十二贈司空諡
曰文子緒綯顯于時緒以蔭仕歷隋壽汝三州刺史有
佳政汝人請刻石頌德緒以綯當國固讓宣宗嘉其意
乃止

綯字子直舉進士擢累左補闕右司郎中出為湖州刺
史大初中宣宗謂宰相曰敏中曰憲宗葬道遇風雨六
宮百官皆避獨見願而髻者奉梓宮不去果誰邪敏中
言山陵使令狐楚帝曰有子乎對曰緒少風痺不勝用
綯今守湖州因曰其為人宰相器也即召為考功郎中
如制諸人翰林為學士夜夜召與論人間疾苦帝出金

鏡書曰太宗所著也卿為我舉其要綯撻語曰至治未
嘗任不肖至亂未嘗任賢任賢享天下之福任不肖罹
天下之禍帝曰善進中書舍人龔彭陽男遷御史中丞
再遷兵部侍郎還為翰林承旨夜對禁中燭盡帝以乘
輿金蓮華炬送還院吏望見以為天子來及綯至皆驚
俄同中書門下平章事輔政十年懿宗嗣位由尚書左
僕射按舊書作門下侍郎再拜司空未幾檢校司徒平

章事為河中節度使徙宣武又徙淮南副大使安南平
以饋運勞封涼國公龐勛自桂州還道浙西白沙入濁
河漂舟而上綯間遣使慰撫且餽之裨將李湘曰徐兵
擅還果反矣雖未有詔一切制亂我得專之今其兵不
二千而廣舟艦張旂幟示侈於人其畏我甚高郵厓峭
水狹若使荻燔火其前勁兵乘其後一舉可覆不然使
得絕淮泗合徐之不逞禍亂滋矣綯懦緩不能用因曰
彼不為暴聽其度淮何豫我哉勛還果盜徐州其眾六
七萬徐之食分兵攻滁和楚壽陷之糧盡啖人以飽詔
綯為徐州南面招討使賊方攻泗州杜愔堅守綯命湘
率兵五千救之勛諷辭謝綯喜即請假助節而救湘
無庸戰賊乘間直襲湘壘悉俘而食之醢湘及監軍郭
厚本時浙西杜審權使票將翟行約率千兵與湘會未
至而湘覆賊偽建南旌幟誘之亦皆陷綯師敗乃
以左衛大將軍馬舉代之以綯為太子太保分司東都

僖宗初拜鳳翔節度使頃之就加同平章事徙封趙卒
年七十八贈太尉子瀉澳風
高避嫌不舉進士綯輔政而高與鄭顥為姻家怙勢驕
假通賓客招權以射取四方貨財綯去宰相因丐瀉與
羣進士試有司詔可歲及第諫議大夫崔瑄劾奏綯

以十二月去位而有司解牒盡十月屈朝廷取士法為
高家事請委御史按實其罪不聽瀉乃以長安尉為集
賢校理稍遷右拾遺史館修撰詔下左拾遺劉蛻起居
郎張雲交疏指其惡辭及綯瀉懼求換它官改詹事府
司直綯方守淮南上奏自治帝為貶雲為興元少尹蛻
華陰令瀉亦湮扼不振而死澳風皆舉進士澳終中書
舍人

段文昌字墨卿一字景初志元四世孫世客荊州疏爽
任義節節度使裴胄禮之後依劍南節度章舉表為
校書郎宰相李吉甫才之擢登封尉集賢校理再遷左
補闕憲宗數欲親用為章貫之所阻貫之罷引為翰林
學士遷中書舍人遂為承旨穆宗即位屢召入思政殿
顧問率至夕乃出俄拜中書侍郎同中書門下平章事
未踰年自表還政授劍南西川節度使同平章事文昌
素諳蜀利病治寬靜羣蠻震服長慶二年黔中蠻叛觀
察使崔元略以聞文昌使一介開曉蠻即引還入還兵
部尚書文宗立拜御史大夫進封鄆平郡公俄檢校尚
書右僕射平章事節度淮南太和四年檢校左僕射徙
帥荆南州或早禱解必雨或久雨遇出遊必霽民為語
曰旱不苦禱而雨雨不愁公出遊南詔襲南安帝以文
昌得蠻夷心詔使下檄慰讓即日解而去復節度西川
九年卒贈太尉

子成式字柯古推蔭為校書郎博學彊記累擢尚書郎
為吉州刺史終太常少卿按舊書成式咸通中為江州刺史其刺吉州終太常俱不載未詳
孰是 著酉陽書數十篇子安節乾寧中為國子司業
蕭悅字思謙華之孫貞元中及進士第又以賢良方正
對策異等拜右拾遺元和六年召為翰林學士凡三年

進知制誥會張仲方以李吉甫數調發疲天下嘗其益
憲宗怒遂仲方而倪坐瓊善學士下除太僕少卿皇
甫輔薦爲御史中丞輔與令狐楚皆善倪兩人同輔政
數稱其善故帝待倪厚裴徐國公穆宗立遂譴議所以
代者楚薦之授中書侍郎同中書門下平章事進門下
侍郎吐蕃寇涇州調兵護邊帝因問兵法有必勝乎倪
曰兵凶器聖人不得已用之夫以仁討不仁以義討不
義先招懷後掩襲救人如免水火此必勝術也若乃以
小不忍輕任干戈師曲而敵怒非徒不勝又將自危是
以聖王慎於兵帝重其言嘗詔倪撰王承宗先銘銘奏
承宗比不臣迷而後復臣不忍稱道其先帝善而止令
狐楚罷執政西川節度使王播權權幸求宰相倪劾播
纖佞不可污台辛帝不許自請罷冀有感寤帝亦不省
俄罷爲尚書左僕射用播爲鹽鐵使後卒相倪自謂輔
政淺固辭僕射換吏部尚書又避選事徙兵部移病求
分司不許授太子少保爲同州刺史復以少保分司東
都文宗卽位召授少師稱疾力不拜乃還左僕射許致
仕莊恪太子時議選舊德保輔東宮復以少師召輒上
還制書堅辭卽遷太子太傅優詔尙開成初弟儼爲
楚州刺史召見帝曰倪先帝賢宰相筋力未衰可一來
爾善道朕意乃以詔書并絹三百因儼致之倪終不起
以壽卒母章賢明治家嚴儼雖宰相侍左右如褐衣時
穆宗初兩河底定倪與段文昌當國謂四方無虞勸帝
偃革尙文乃密詔天下鎮兵每歲百人中限八人逃死
謂之銷兵旣而籍卒逋亡無生業曹聚山林間爲盜賊
會朱克融王廷湊亂燕趙一日悉收用之朝廷調兵不
克乃召募市人烏合戰輒北遂復失河朔矣

儼字思道倪從弟大和中擢進士第累除給事中宣宗
力治喜直言嘗以李璣爲嶺南節度使使者已賜節而
儼封還詔書帝方作樂不暇命使遣儼工趨出追之未
及璣所而還令狐綯用李璣經略安南璣以暴虐免俄
起爲壽州團練使儼劾奏璣無所回時推其直自集賢
學士拜嶺南節度使按舊書儼於懿宗時罷知政事出
表咸通十四年十月儼知政事乾符元年十一月進司
空二年五月卒則儼之建節嶺南當在未相時舊傳無
考南方珍賄叢夥不以入門咸通初爲左散騎常侍懿
宗忘政事喜佛道儼諫以爲天竺法制愛取滅非帝王
所尙慕不若懲謬賞濫罰振殃祈福帝嘉歎其言後官
數遷拜義成軍節度使滑州瀕河累歲水壞西北防儼
徙其流遠去樹隄自固人得以安以兵部尚書再判度
支進中書侍郎同中書門下平章事再遷司空蘭陵縣
侯時天下盜起宦人持兵柄儼以鯁直爲權近所忌卒
年八十

子慶字富侯第進士遷尙書郎廣明初以諫議大夫知
制誥請厲止夜行以備賊謀出太倉粟賤估以濟貧民
俄遷京兆尹田令孜養子有罪亡亟捕吏繫獄請救踵
門廩不納杖殺之內外畏懼令孜拒黃巢以廩爲糧料
使辭疾貶賀州司戶參軍事會義王竊據挈族逃河朔
鎮冀節度使王鎔厚禮之光化中以給事中召不至卒

欽定續通志卷二百六十一

列傳

唐六十二

白志貞

裴延齡

崔損

韋渠牟

李齊運

李賢

皇甫鏞

王播起 龜 杜元穎

白志貞者本名秀珪故太原史也事節度使李光弼經
 經自力有智數光弼善之使與帳下議代宗素聞及光
 弼卒擢累司農卿在官十年德宗以為敏速倚腹心進
 授神策軍使賜今名善窺德帝指故言無不從從狩奉
 天以為行在都知兵馬使懼李懷光暴其惡乃與趙贊
 盧杞等抑懷光不使朝懷光反論斥其姦貶鳳州司馬
 贊播州司馬稍徙閬州別駕貞元二年起為果州刺史
 宰相李勉固諫不許明年拜浙西觀察使死子官
 裴延齡河東人乾元末為汜水尉賊陷東都去客江夏
 華州刺史董晉表署判官稍遷太常博士盧杞秉政引
 為膳部員外郎集賢院直學士崔造表知東都度支院
 召為祠部郎中不待命輒還集賢院宰相張延賞疾其
 輕率出為昭應令與尉交訴所賂京兆尹鄭叔則佑尉
 而御史中丞竇參善延齡卒逐尹德宗用參輔政即擢
 延齡司農少卿會班宏卒假領度支延齡素不善財計
 乃廣鉤距取宿奸老吏與謀以固帝幸因建言左藏天
 下歲入不貲耗登不可校請列別舍以檢盈虛於是
 天下宿負八百萬緡析為負庫抽貫三百萬緡為贖庫
 樣物三十萬緡為季庫帛以素出以色入者為月庫帝
 皆可之然天下負皆窮人償入無期抽貫與給皆盡樣
 物與帛固有籍延齡但多其簿最吏員以詭帝于財用

無所加也俄以戶部侍郎為真又請以京兆苗錢市草
 千萬俾民輸諸苑宰相陸贄等以為非是不從京右偏
 故有荏葦地數頃延齡妄言長安咸陽間得陂芳數百
 頃願以為內殿牧地水甘草薦與苑廢等帝以問宰相
 皆曰當無有帝遣使按覆果詐延齡大慚帝不責也又
 請後官闕不即補收其稟以實裕薄造神龍佛祠須材
 五十尺者延齡妄奏同州得大谷木數千章度皆八十
 尺帝曰吾聞開元時近山無巨木求之風勝問今何地
 之近材之良邪延齡曰異材現產處處有之待聖主乃
 出今生近輔豈開元所當得也帝悅是時陸贄為宰相
 帝素所信重極論其譎妄不可任帝以為排媚愈益厚
 延齡太府卿韋少華劾其侵削兆民為天子取怨于下
 又引建中橫斂多積致播遷者其言甚深切帝得奏不
 悅會鹽鐵使張洵京兆尹李元用農卿李錡皆指延齡
 專以檢偽罔上帝怒乃罷贄宰相左除滂等官時大旱
 人情愁喘延齡言贄等失權怨望顯言歲饑民流度支
 糧芻乏以激怒眾土他日帝畋苑中而神策軍訴度支
 不賦廢芻者天子惑延齡言乃下詔斥逐贄等朝廷震
 恐延齡恃得君謂必輔政少所降下至嫚罵邇臣時人
 側目屬疾卧第載度支官物輸之家死年六十九人語
 以相安唯帝悼不已冊贈太子太傅上柱國元和中
 有司諡曰繆

崔損字至無系本博陵大厯間中進士博學宏辭補校
 書郎咸陽尉避親改大理評事累勞至右諫議大夫于
 時宰相趙憬卒盧邁屬疾裴延齡素善損薦之德宗貞
 元十二年以本官同中書門下平章事始中書虛位十
 口議者謂選有德及用損中外恨失踰年進門下侍郎
 以便柔遷惡中帝意憐過彌渥平贈太子太傅諡曰靖
 韋渠牟京兆萬年人工部侍郎述從子也少警悟工為
 詩李白異之授以古樂府去為道士不終更為浮屠已
 而復冠浙西韓滉表試校書郎進至四門博士遷祕書
 郎進詩七言未浹旬擢右補闕內供奉始同列易之
 後數遣中人專召渠牟繇是皆屬目歲中至諫議大夫
 渠牟為人佻躁志向浮淺特用檢巧中帝意為帝所倚
 信頗張威福以動天下士之浮競甘進者爭出其門赫
 然勢焰可炙再擢太常卿卒年五十三贈刑部尚書諡
 曰忠

李齊運蔣王惲孫始補密王府東閣祭酒擢累監察御
 史復辟江淮都統李暉府由工部郎中為長安令政頗
 修辦擢京兆少尹出為河中尹晉絳慈隰觀察使德宗
 出狩李懷光還兵奔難晝夜馳及河中齊運悉所賦勞
 軍牛酒豐甘人人喜悅及懷光反還守河中齊運棄城
 走詔拜京兆尹時李晟壁渭橋齊運發民築城保督芻
 粟以餉晟賊平頗有功萬年丞源遂不事齊運怒辱
 之死於廷遂家告寃御史大夫崔縱請窮治帝不許御
 史聯章深劾齊運訴于帝言為朋黨所擠天子使宰相
 論諫官御史後毋得羣擊羣章以劾然卒不直遂寃久之
 大蝗旱齊運不能政乃以韓洄代之改宗正卿開殿宮
 苑使進至禮部尚書宰相內殿對已齊運常次進帝與
 參決大事既無學暗于大體第以甘言阿諛而已卒年
 七十二贈尚書左僕射

李實道王元慶四世孫以蔭仕嗣曹王皋辟署江西府
 判官遷蘄州刺史泉節度山南東道復從之皋卒實知
 後務刻薄軍費士怨怒欲殺之夜亡歸京師累進司

農卿擢拜京兆尹封嗣道王恬寵而復不循法度貞元二十年早關輔饑饉方務聚斂以結恩怙權作威公卿為讒短遷斥者甚眾詔書鐫人逋租實格詔固斂畿民大困官吏皆被榜罰培取二十萬緡史乞貸臺釐輒死順宗在諒闇不踰月實殺數十人于府貶通州長史市人爭懷瓦石邀劫之實懼夜遁去長安中相賀以赦令內移死號州

皇甫鏞涇州臨涇人貞元初第進士又擢制科為監察御史居喪游處不度下除詹事府司直久之遷吏部員外郎典南曹鈐制史姦稍知名進郎中遷累司農卿判度支改戶部侍郎憲宗方伐蔡急於用度鏞哀會嚴亟以辦濟師帝悅進兼御史大夫蔡平之明年遂同中書門下平章事猶領度支裴度極論鏞姦邪苛刻不可任用不納鏞乃益以巧媚自固建撰內外官稟佐國用給事中崔植上還詔書乃止帝斥內帑所餘詔度支評直鏞貴售之以給邊兵故繒陳絲觸手輒壞士怨怒聚焚之裴度以其事聞鏞指所著鞞曰此內庫所出牟勅可服彼言不可用許也帝信之鏞銜度乃與李逢吉合狐楚合擠之出度太原又以崔羣有天下重望勁正敢言後議帝號鏞乃譖羣抑損徽稱帝怒逐羣湖南鏞罷度支進門下侍郎平章事嘗與金吾將軍李道古共薦方士柳泌浮屠大通為長年藥帝惑之穆宗在東宮聞其姦妄始聽政集羣臣于月華門貶鏞崖州司戶參軍死鏞弟鏞字餘卿第進士鏞為相時任河南少尹見權寵太盛每極言之鏞不悅乃求分司為太子右庶子鏞敗朝廷賢之授國子祭酒開成初以太子少保卒鏞能屬文工詩為人寡言正色衣冠甚偉不屑世務所交皆知名士著書數十篇

名士著書數十篇

王播字明敷其先太原人父恕為揚州倉曹參軍遂家焉播貞元中與弟炎起皆有名並擢進士而播舉賢良方正異等補蓋屋尉以善治獄御史中丞李汝薦為監察御史歷侍御史李實為京兆尹與播過諸衛故事尹當避道揖實不肯播移文詆之實大怒表播為三原令將折之播受命趨府謝如禮邑中豪強犯法未嘗輒貸歲終課最實重其才更薦之德宗將擢以要近會母喪解還除駕部員外郎遷工部郎中知御史雜事刺舉不阿有能稱歷號州刺史李異領鹽鐵奏以副已擢御史中丞歲終改京兆尹盜賊弭息憲宗以為能進刑部侍郎領諸道鹽鐵轉運使時討淮西切於饋餉播引程昇自副昇尤通萬貨盈虛使馳傳江淮哀財用以給軍與兵得無乏帝嘉其功超拜禮部尚書稍以賈賄結宦要中外以為言播薦皇甫鏞及鏞用事更忌播而以昇代使播罷守本官久之檢校戶部尚書為劍南西川節度使穆宗立逐鏞播求還長慶初召為刑部尚書復領鹽鐵進中書侍郎同中書門下平章事時權幸競進播賴其力至宰相專務將迎居位無所裨益復失河北眾望不厭乃以檢校尚書右僕射出為淮南節度使仍領使職是時南方早歉人相食播措斂不少哀民皆怨之敬宗即位即拜檢校司空以王涯代使播失職見王守澄方得君厚以金謝守澄乘間薦之天子有意復用播于是諫議大夫獨孤明等見延英言播傾邪關通帝左右狀帝沖闇不內其言遂復領使天下公議益不與文宗立就進檢校司徒太和元年入朝拜左僕射復輔政累封太原郡公居位四年卒年七十二贈太尉諡曰敬

起字舉之釋褐校書郎補藍田尉李吉甫辟為淮南掌書記以殿中侍御史入兼集賢殿直學士元和末累遷中書舍人數上疏諫穆宗畋游事歲中考第一拜禮部侍郎李齊叛與播俱上疏請詔王智興討之卒定其亂賜金紫拜河南尹進吏部侍郎方播以僕射居相避選曹改兵部為集賢殿學士拜陝虢觀察使時亳州刺史李繁以擅誅賊抵罪起言繁父有功而二千石不宜償賊死不報入拜尚書左丞以戶部尚書判度支靈武邢靈多曠土奏為營田以省餽輓歷河中節度使方蝗旱粟價騰踊起下令家得儲三十斛斥其餘以市否者死神策士怙勢不從實于法繇是倉積咸出民賴以生召授兵部尚書以檢校尚書右僕射為山南東道節度使濱漢塘堰聯屬吏弗完治起至部先修復與民約為水令遂無凶年李訓為宰相起門生也欲引與其政即加銀青光祿大夫復以兵部尚書召判戶部訓敗起素長厚人不以訓諉之止罷其判俄加皇太子侍讀帝題詩太子笏以賜開成三年入翰林為侍講學士改太子少師起治生無檢所得祿賜為俸婢盜有貧不能自存帝知之詔月益仙韶院錢三十萬議者謂與玩臣分給可恥也起賴其入不克讓武宗立為章陵鹵簿使東都留守召為吏部尚書判太常卿帝患選士不得才特命起典貢舉進尚書左僕射封魏郡公凡四舉士皆知名者人伏其鑿擢山南西道節度使同中書門下平章事宣宗初檢校司空以疾願代不許卒年八十八贈太尉諡曰文懿炎終太常博士子鐸錄自有傳起子龜式龜字大年性高簡博知書傳無貴胄氣武宗雅知之以左拾遺召入謝自陳病不任職詔許終父喪召為右補

閔再擢屯田員外郎稱疾去崔與觀察宜欲表為副龜樂宛陵山水改從之入為祠部郎中史倕修撰咸通中知制誥鐸為相改太常少卿同州刺史牙將白約素暴橫嘗譁言月粟薄以動土心為亂龜捕殺之人皆震慄徙浙東觀察使初式臨州有惠政入聞其至歡迎之卒贈工部尚書子堯力學有文辭以鐸當國不貢進士終右可員外郎

式以蔭為太子正字擢賢良方正科累遷殿中侍御史少節儉巧于宦因鄭注以交王守澄中丞歸融劾之出為江陵少尹大中為晉州刺史會河曲大歉民流徙

它州不納獨式勞郵之活數千人時特峨胡亦饑將入寇汾澮聞式嚴備不敢道境以善最稱徙安南都護政

有威惠占城真臘慕義悉入獻亦還所掠王民寧國劇賊仇甫按逆鑑作裴甫亂明越觀察使鄭祇德不能討宰相選

式往代討平之加檢校右散騎常侍咸通三年徐州銀刀軍亂以式檢校工部尚書徙武寧節度使詔許滑兵

自隨視事三日悉以討誅亂兵會詔降武寧為團練罷歸終左金吾大將軍

杜元穎如晦五世孫貞元末及進士第又擢宏詞數從使府辟署稍以右補闕為翰林學士敏文辭憲宗特所

賞歎吳元濟平論書詔勸遷司勳員外郎知制誥穆宗以元穎多識朝章尤被寵拜中書舍人戶部侍郎為學

士承旨以本官同中書門下平章事建安縣男自帝即位不闕歲至宰相晉神駉吳甫再荐出為劍南西川節

度使同平章事敬宗驕憐元穎每欲中帝意以固幸乃巧索珍異獻之百工造作無程斂取苛重至削軍食以

助哀畜又給與不時戎人寒饑乃仰足蠻徵于是人人

咨苦反為蠻內視戎備不修太和二年南詔乘虛襲戎馮等州諸屯開賊至輒潰成者為嚮導遂入成都已傳城元穎尚不知乃率左右嬰牙城以守賊大掠焚郭郭殘之留數日去蜀之寶貨工巧子女盡矣初元穎計迫將挺身走會救至乃止由是貶邵州刺史議者不厭斥為循州司馬死於貶所年六十四將終表丐贈官乞歸葬詔贈湖州刺史元穎與李德裕善會昌初德裕當國因赦令復其官弟元絳終太子賓客元絳子審權自有傳

欽定續通志卷二百六十二

列傳

唐六十三

韋執誼

王叔文

王伾

陸質

劉禹錫

柳宗元

程異

韋執誼京兆舊族也幼有才及進士第對策異等授右拾遺年踰冠入翰林為學士便敏側媚得幸於德宗使豫詩歌屬和被詔稱旨與裴延齡韋渠牟等寵任相將出入備顧問帝誕日皇太子獻畫浮屠象帝使執誼贊之太子賜以帛詔執誼到東宮謝太子乃曰君知王叔文乎美才也執誼繇是與叔文善以母喪解終喪為吏部郎中數召至禁中順宗立以疾不親政叔文用事乃擢執誼為尚書左丞按宰相表作右丞同中書門下平章事叔文與王伾居中竊命欲執誼據以奉行執誼外迫公議欲示天下非黨與者乃時時異論相可否而密謝叔文曰不敢負約欲共濟國家事爾叔文數為所梗遂詆怒反成仇怨及憲宗受內禪貶執誼為崖州司戶參軍死王叔文越州山陰人以棋待詔頗讀書班言治道德宗詔直東宮太子引以侍讀因論政及宮市之弊太子曰寡人見上將極言之坐皆趣贊叔文獨嘿然既罷太子曰向君無言何哉叔文曰太子之事上非視膳問安無與也且陛下在位久有如小人離間謂殿下收厭羣情則安解乎太子謝曰非先生不聞此言繇是重之宮中事咸與參訂叔文淺中浮表士之欲速進者率諸附之若韋執誼陸質呂溫李景儉韓巽韓泰陳諫柳宗元劉禹錫為死友而凌準程異又因其黨進出入詭祕外

莫得其端強藩劇師或陰相賂遺以自結順宗立不能聽政深居施帷坐以牛昭容宦人李忠言侍側羣臣奏事從幄中可其奏王伾密語諸黃門陛下素厚叔文即係蘇州司功參軍拜起居郎翰林學士大抵叔文因伾係因忠言忠言因昭容更相依仗伾主傳受叔文主裁可授之中書執誼作詔文施行質泰諫準宗元禹錫等倡譽之以為伊周管葛復出惻然謂天下無人叔文每言錢穀者國大本操其柄可因以市士乃白用杜佑領度支鹽鐵使已副之實專其政不掩時遷戶部侍郎宦人俱文珍忌其權罷叔文學士詔出駭恨日引其黨謀取神策兵制天下之命乃以宿將范希朝為西北諸鎮行營兵馬使泰為司馬副之於是諸將移書中尉告且去宦人始悟奪其權大怒曰吾屬必死其手乃論諸鎮慎毋以兵屬人希朝泰到奉天諸將不至乃還母死鍾惛日始發執誼知其將敗益不用其語乃謀起復斬執誼與不附己者聞者懼廣陵王為太子羣臣皆喜獨叔文有憂色誦杜甫詩葛藟詩以自況獻欬泣下太子已監國貶渝州司戶參軍明年誅死王伾杭州人始以書待詔翰林入太子宮侍書順宗立遷左散騎常侍待詔通天下賦謝為巨贖裁致以受珍使不可出則寢其上叔文既居喪伾日請中人及杜佑起叔文為宰相且總北軍不許又請以威遠軍使同中書門下平章事復不可乃一日三表皆不報憂悖行且臥至夕大呼曰吾疾作輿歸第開州司馬死其所支黨皆逐惟陸質以前死免韓巽者混族子有俊才以司封郎中貶饒州司馬終永州刺史陳諫警敏嘗覽染署歲簿悉能言其尺寸所治一閱籍終身不忘自河中少

尹貶台州司馬終循州刺史後準字宗一有史學自翰林學士貶連州司馬死于貶韓泰字安平有籌畫伾叔文所倚重能決大事以戶部郎中神策行營節度司馬貶虔州司馬終湖州刺史陸質字伯沖七代祖澄仕梁為名儒世居吳明春秋師事趙匡匡師啖助質盡傳二家學陳少游鎮淮南表在幕府薦之朝授左拾遺累遷左司郎中歷信台二州刺史質素善韋執誼方執誼附叔文竊威柄用其力召為給事中憲宗為太子詔侍讀質本名潛避太子名故改時執誼懼太子怒已專故以質侍東宮陰伺意解釋左右之質何間有所言太子輒怒曰陛下命先生為寡人講學何可及它質惶懼出執誼未敗時質病甚太子已即位為臨問加禮卒劉禹錫字夢得自言系出中山世為儒擢進士第登博學宏辭科工文章淮南杜佑表管書記人為監察御史素善韋執誼時王叔文得幸太子禹錫以名重一時與之交叔文每稱有宰相器太子即位朝廷大議祕策多出叔文引禹錫及柳宗元與議禁中所言必從擢屯田員外郎判度支鹽鐵案頗馬籍其勢多中傷端士憲宗立叔文等敗禹錫貶連州刺史未至斥朗州司馬久之召還宰相欲任南省郎而禹錫作元都觀詩語譏忿當路者不喜出為播州刺史詔下御史中丞裴度為言播極遠猿狖所宅禹錫母八十餘不能往當與其子死訣恐傷陛下孝治請稍內遷帝曰為人子者宜慎事不貽親憂今禹錫所坐更合重於他人度無以對帝改容曰朕所言責人子事終不欲傷其親乃易連州又徙夔州刺史由和州刺史入為主客郎中復作游元都詩以詆

權近聞者益薄其行俄分司東都宰相裴度兼督賢殿

大學士雅知禹錫薦為禮部郎中集賢直學士度罷出

為蘇州刺史以政最賜金紫服謹按通鑑輯覽御

發等韓愈作誌以為不自愛惜語涉周旋若禹錫既以

失身獲譴而還朝尚四知懲艾肆言議忿其罪當不止

與柳同科乃集賢金紫監賞屢明守正即裴度故波薦

刺又何為者韓誌惜宗元不得有力推挽應即指是而

發蓋均為文人氣類也徒汝同二州遷太子賓客復分司

禹錫恃才而廢褊心不能無怨望年益晏假寒夏所合

乃以文章自適素善詩晚節尤精與白居易酬復頗多

居易以詩自名者嘗推為詩豪又言其詩在處應有神

物護持會昌時加檢校禮部尚書卒年七十二贈戶部

尚書

柳宗元字子厚其先蓋河東人從曾祖爽為中書令得

罪武后死高宗時父鎮天寶末遇亂奉母隱王屋山常

間行救養後徙於吳肅宗平賊鎮上書言事擢左衛率

府兵曹參軍佐郭子儀朔方府三遷殿中侍御史以事

觸寶參貶夔州司馬還終侍御史宗元少精敏絕倫為

文章卓偉精緻一時輩行推仰第進士博學宏辭科授

校書郎調藍田尉貞元十九年為監察御史裏行善王

叔文章執誼二人者奇其才及得政引內禁近典計事

擢禮部員外郎欲大進用俄而叔文敗貶邵州刺史不

半道貶永州司馬既竄斥地又荒瀕因自放山澤間其

堙厄感鬱一寓諸文元和十年徙柳州刺史時劉禹錫

得播州宗元曰播非人所居而禹錫親在堂吾不忍其

窮無辭以白其大人如母子異方便為承訣仰具奏欲

質已沒者出已錢助贖南方為進士者走數千里從宗

元游經指授者為文辭皆有法世號柳柳州十四年卒

年四十七宗元少時嗜進既坐廢遂不振然其才實高

名蓋一時韓愈評其文曰雄深雅健似司馬子長崔蔡

不足多也既沒柳人懷之託言降于州之堂人有慢者

輒死廟於羅池愈因碑以實之云

程昇字師舉京兆長安居鄉以孝稱第明經釋褐秦

陵尉登開元禮科再補鄭尉精吏治為叔文所引繇監

察御史為監鐵楊子院留後叔文敗貶彬州司馬李巽

領鹽鐵薦昇心計可在請廠擢用之乃授侍御史復為

楊子留後稍遷淮南等道兩稅使昇起退廢能厲已竭

節悉矯革征利舊弊入遷累衛尉卿鹽鐵轉運副使方

討蔡昇使江表以調征賦因行諭諸帥府以羨贏貢故

昇所至不割下不加斂經用以饒遂兼御史大夫為鹽

鐵使元和十三年以工部侍郎同中書門下平章事猶

領鹽鐵昇以錢穀奮而至宰相自以非人望久不敢當

印秉筆明年西北軍政不治議置巡邊使憲宗問孰可

者乃自請行會卒贈尚書左僕射諡曰恭身歿官第無

留貲世重其廉云

欽定續通志卷二百六十三

列傳

唐六十四

杜黃裳

表瑄

李藩

韋貫之

裴度

裴度

杜黃裳字遵素京兆萬年人按舊書作京兆杜陵人擢進士第又

中宏辭郭子儀辟佐朔方府子儀入朝使主留事李懷

光與監軍陰謀矯詔誅大將等以動眾心欲代子儀黃

裳得詔判其非以質懷光懷光流汗服罪於是諸將復

驕難制者黃裳皆以子儀令易置眾不敢亂入為侍御

史為裴延齡所惡十期不遷貞元末拜太子賓客遷太

常卿時王叔文用事黃裳未嘗過其門韋韋執誼輔政

黃裳勸請太子監國中執誼曰公始得一官遽開口議

禁中事黃裳怒曰吾受恩三朝豈以一官見賣即拂衣

出皇太子總軍國事擢黃裳門下侍郎同中書門下平

章事於時夏綏銀節度使韓全義檢校無功因其來朝

白罷之俄而劉闢叛議者以闢特險討之或生事惟黃

裳固勸不赦因奏罷中人監軍而專委高崇文凡兵進

退黃裳自中指授無不切於機蜀平羣臣賀憲宗目黃

裳曰時卿之功帝嘗問前古王者所以治亂云云黃裳

知帝銳於治恐不得其要因推言王者之道在修己任

賢擇人任而責成見功必賞有罪信罰孰敢不力帝嘉

納之由是平夏翳齊滅蔡復兩河以機乘還宰相紀律

設張赫然號中興自黃裳啟之元和二年以檢校司空

同中書門下平章事為河中晉絳節度使俄封郃國公

明年辛年七十贈司徒諡曰宣獻子載終太僕少卿

表瑄字宏中絳州聞喜人擢進士第以賢良方正對策

第一補美原尉藩府交辟不就四遷考功員外郎吏部

侍郎鄭珣瑜委瑄校辭判研嚴精密皆值才實憲宗元

和初召入翰林為學士再遷中書舍人李吉甫始執政

以情謂瑄曰吾落魄遠裔更十年始相天子比日人物

吾惜不及知且宰相職當進賢任能君精鑒為我言之

瑄即崖略疏三十許人吉甫籍以薦于朝天下翕然稱

得人坐覆視皇甫湜牛僧孺等對策非是罷學士為戶

部侍郎吉甫罷乃拜瑄中書侍郎同中書門下平章事

加集賢殿大學士監修國史瑄當國請繩不軌吏治

分明淑慝帝降意順納常呼瑄官而不名嶺南節度使

楊於陵為監軍許遂振所誣詔授冗官瑄曰以一中人

罪藩臣陛下之法安在更授吏部侍郎嚴綬守太原政

一出監軍李輔光劫其懦以李鄴代之王永宗擅襲

節度方帝屢削叛族意必取之又吐突承璀每欲撓瑄

權因探帝意自請往于時澤潞盧從史詭獻征討瑄

固爭以為從史苞逆節內連承宗外請與師以圖身利

且武俊有功於國陛下前以地授李師道而今欲奪承

宗地有之賞罰不一沮勸廢矣帝依違不能決久之卒

用承璀謀會兵討承宗從史果反覆兵久暴無功王師

告病既而從史遣部將王翊元奏事瑄從容以語動之

翊元因言從史惡稔可圖狀瑄比遣往得其大將烏重

膺等要領瑄乃為帝陳從史暴戾不君視承璀若小兒

往來神策軍不甚戒可因其機致之後無與師之勞帝

初瞿然徐乃許之瑄請祕其計帝曰惟李絳梁守謙知

之俄而承璀縛從史獻於朝因班師瑄奏承璀首謀無

功陛下雖誅法人心不服請流斥以謝天下乃罷所領

兵先是天下賦法有三曰上供曰送使曰留州建中初

釐定常賦而物重錢輕其後輕更相反民輸率一倍其

初而所在以留州送使之入捨公估更實私直以自潤

故賦益苛齊民重困瑄奏禁之一以公估準物觀察使

得用所治州租調至不足乃取支郡以贖故送使之財

悉為上供自是起淮江而南民少息矣瑄器局峻整持

法度雖宿貴前望造詣不敢干以私諫官言得失大抵

執政多忌之惟瑄獎勵使盡言瑄為學士時引李絳崔

羣與同列及相又擢韋貫之裴度知制誥李夷簡御史

中丞皆踵躡為輔相號名臣自他選任罔不精明人無

異言士大夫不以瑄年少柄用為嫌五年暴風痺帝悵

惜遣使致問藥膳進退輒疏聞居三月益痼乃罷為兵

部尚書卒贈太子太傅

李藩字叔翰其先趙州人父承仕為湖南觀察使有名

於時藩少沈靖有檢局姿制閑美敏於學年四十餘杜

亞居守東都表致府中亞嘗疑牙將令孤運為盜掠服

之藩爭不從輒去後果獲真盜稍知名徐州張建封辟

節度府未嘗察苛細建封卒濠州刺史杜兼疾驅至陰

有覬望藩泣謂曰僕射公奄忽如此公宜謹守土何棄

而來宜速還否則以法劾君兼錯忤去恨之因誣奏建

封死藩城其軍有非望德宗怒密詔徐泗節度使杜佑

殺之佑以闔門保藩帝未之信亟遣藩既入帝望其狀

貌曰是豈作亂人邪釋之拜祕書郎累擢吏部郎中坐

小累左授著作郎再遷給事中制有不便就敕尾批卻

之吏驚請聯他紙藩曰聯紙是牒豈曰敕邪裴瑄白憲

宗謂藩有宰相器會鄭絪罷因拜門下侍郎同中書門

下平章事藩忠謹好醜必言帝以為無隱嘗問前世所

以家給或國匱乏者何致而然乃祈禳之數藩對儉則

足用敦本則百姓富反是則賈又言義於人者和於神人乃神之主人安而福至帝悅後復問神仙長年事藩知帝且有所感極陳荒妄謾誕不可信後入柳泌等藩果為累云河東節度使王鐔路權近求兼宰相密詔中書門下曰鐔可兼宰相藩遽取筆減宰相字署其左曰不可還奏之宰相權德輿失色曰有不可應別為奏可以筆塗詔耶藩曰勢迫矣出今日便不可止既而事得寢李吉甫復相議之於帝乃罷藩為太子詹事後數月帝復思藩召對殿中事浸釋明年為華州刺史未行卒年五十八贈戶部尚書諡曰貞簡

韋貫之名純避憲宗諱以字行後周柱國夏八世孫父肇大厯中為中書舍人累上疏言得失為元載所惡左遷京兆少尹久之改祕書少監載曰肇若過我當擇善地處之終不肯詣載誅除吏部侍郎代宗欲相之會卒貫之及進士第為校書郎擢賢良方正異等補伊闕渭南尉河中鄭元澤潞郡士美以厚幣召皆不應居貧噉豆糜自給再遷長安丞或薦之京兆尹李實貫之不詣實官亦不遷永貞時始為監察御史遷禮部員外郎進吏部員外郎坐考賢良方正牛僧孺等策獨署奏出為果州刺史半道貶巴州久之召為都官郎中知制誥進中書舍人宰相裴垍嘗三奏事憲宗不從貫之曰公亦以進退決請乎垍曰奉教事果見聽垍因曰君異時當位於此改禮部侍郎所取士抑浮華先行實于時流競為息嘗從容奏曰禮部侍郎重於宰相帝問何故曰是為陛下東宰相者得無重乎帝美其言謹按通鑑輯覽御批禮部重於宰相說而不中事理彼蓋以為取士所以儲材也憲宗美其言未幾遂以為相可謂以言取人而不輕任賢之改尚書右丞俄同中書門下平章事遷中書

侍郎討吳元濟也貫之請釋鎮州專力淮西時帝業已討鎮不從終之蔡平鎮乃服初討蔡以宣武韓弘為都統又詔河陽烏重胤忠武李光顏合兵以進貫之諫諸將戰方力今若置都統又令二帥連營則各持重養威未可歲月下也亦不從後四年乃克蔡皆如貫之策云帝以段文昌張仲素為翰林學士貫之謂學士所以備顧問不宜專取辭藝奏罷之皇甫鏞張宿皆以幸進循使淄青裴度欲為請銀緋貫之曰宿發佞吾等縱不能斥奈何欲假以寵乎由是宿等恐陰搆之又與度論兵帝前議頗駁故罷為吏部侍郎於是翰林學士左拾遺郭求上疏申理詔免求學士出貫之為湖南觀察使左遷太子詹事分司東都穆宗立即拜河南尹以工部尚書召未行卒年六十二贈尚書右僕射諡貞後更諡文

貫之子字子裴第進士復擢宏辭方靜寡欲十年不肯調御史中丞高元裕與其兄溫善欲薦用之諷澳謂已溫歸以告澳不答溫曰元裕端士若輕之邪澳曰然恐無呈身御史周墀節度鄭滑表署幕府會墀入相私謂曰何以教我澳曰願公無權墀愕曰澳曰爵賞刑罰人主之柄公無以喜怒行之俾庶官各舉其職則公斂衽廟堂上天下治矣烏用權墀歎曰吾先居此得無愧乎擢考功員外郎史館修撰歲中知制誥召為翰林學士累遷兵部侍郎進學士承旨與蕭實皆為宣宗禮遇每兩人直必偕召問政得失一日召入屏左右問曰朕於敕使何如澳陳帝威制前世無比帝搖首曰未也策安出澳倉卒答曰若謀之外廷則太和事可用追鑿不若就擇可任者與計事帝曰朕固行之矣自黃至綠自綠至緋猶可衣紫即合為一矣澳愧汗不能對乃罷改

京兆尹帝舅鄭光主墾吏豪肆積年不輸官賦澳逮繫之他日延英帝問其故澳具道姦狀且言必實以法帝曰可貸否答曰陛下自內署擢臣尹京邑安可使畫一法獨行於貧下乎帝入白太后曰是不可犯后為輪租乃免由是豪右斂跡謹按通鑑輯覽御批家貴肆豈容恣橫若富族抗租不問將子貧戶取益其弊更不可究極韋澳執械莊吏之罪置之法按律正無可追乃宣宗不但治鄭光庇黨之罪且為好吏然轉會戶部闕乞貸私稱大朝用法無私其然豈其然哉判使帝以問澳澳三不對帝曰任卿可乎曰臣老矣力疲氣耗煩劇非所任者帝默不樂出謂其甥柳玘曰吾本不為宰相所知上便委以使務脫謂吾他歧而得卒無以自白今時事寔惡皆吾輩貪爵位致然謹按通鑑御批韋澳數語固足為貪名位者下砭然為臣者感激自效莫時事可以日理力為不負特達之知乃沾沾以他歧于進恐感他人之疑為說見之而誰傳之名高耳其所云造勝時事又誰見之而誰傳之河陽節度使懿宗立徙平盧軍入為吏部侍郎復出為那甯節度使宰相杜審權素不悅坐吏部時史盜簿書為姦貶祕書監分司東都就遷河南尹辭疾不拜旬歸樊川逾年以吏部侍郎召不起卒贈戶部尚書諡曰貞

為學士時帝嘗曰朕每遣方鎮刺史欲各悉州郡風俗者卿為朕撰一書澳乃取十道四方志手加緘次題為處分語後鄧州刺史薛宏宗中謝帝敕戒州事人人驚服
經貫之兄舉孝廉又貢進士禮部侍郎潘炎將以為舉首經以其友楊凝親老故讓之不對策輒去凝遂及第後擢明經辟東都幕府德宗時以左補闕為翰林學士密政多所參建帝常幸其院韋如從會緩方寢學士鄭網欲馳告之帝不許時大寒以如蜀襖袍覆而去其侍遇苦此每入直踰月不得休以母老屢乞解職每請帝

輒不悅出入八年而性謹畏晚感心疾罷還第終左散騎常侍弟縯有精識爲士林器許兄弟皆名重當時縯子温

温字宏有方七歲日誦書數千言十一舉兩經及第以拔萃高等補咸陽尉入爲監察御史以臺制苛嚴不可以省養不拜換著作郎既謝輒解歸侍親疾調適湯劑彌二十年衣不弛帶既居喪毀瘠不支服除李逢吉辟置宣武府頻遷右補闕宰相申錫被構罪不測温率同舍伏閤切爭由是益知名太和五年太廟室漏鏽詔宗正將作營治不時畢文宗怒責卿李銳監王璵奪其稟因敕中人葺之温言比詔下閱月有司弛情不力正可黜慢官懲不恪擇可任者繕完之今慢吏奪粟而易以中人是許百司公廢職以宗廟之重爲陛下所私臣竊惜之帝乃罷宦人改侍御史李德裕入輔禮部員外郎或言雅爲牛僧孺厚德裕曰是子堅正可以私廢乎鄭注節度鳳翔表爲副温曰拒則遠黜從之禍不測吾焉能爲注起邪注誅由考功員外郎拜諫議大夫未幾爲翰林學士先是綬在禁廷積憂畏病廢故誠温不得任近職至是固辭不拜俄兼太子侍讀晨詣宮中見太子諫曰殿下盛年宜鷄鳴蚤作問安天子如文王故事太子不悅披書上温太子幼不能行其言補疾上不悅改太常少卿未詳孰是温辭侍讀太子得罪詔諭羣臣温曰陛下訓之不早非獨太子罪時頗直其言遷尙書右丞鹽鐵推官姚勗拔大獄帝以爲能擢職方員外郎温上言即官清選不可賞能吏帝命中人諭送温執議不移詔改勗檢校禮部郎中帝問故於楊嗣復對曰勗名臣後冷行無疵若吏材幹而不入清選他日孰肯當劇事者此衰晉風不可

以法帝素重温出爲陝虢觀察使有憲政武宗立擢吏部侍郎李德裕欲引同輔政時李漢以家行不謹貶汾州司馬温苦言漢可釋非德裕意不悅出宣歙觀察使明年卒年五十八贈工部尙書諡曰孝温性剛峻人望見無敢戲慢者與楊嗣復李珣善嘗勸與李德裕平故憾二人不從及皆謫温歎曰用吾言孰至是邪温少合所善惟蕭祜

蕭祜字祐之夷嶺君子也少貧窶隱居以孝養聞司農卿李實督官租祜居喪未及輸召至將責之倉有賜與倩祜爲奏實稱善即薦於朝終制以處士拜左拾遺累遷諫議大夫終桂州觀察使贈右散騎常侍精畫及書自鍾王蕭張以來皆能識其真警然不以塵事自蒙故温號山林友云

裴度字中立河東聞喜人貞元初擢進士第以宏辭補校書郎舉賢良方正異等調河陰尉遷監察御史論權嬖便切出爲河南功曹參軍武元衡帥西川表掌節度府書記召爲起居舍人元和六年以司封員外郎知制誥田宏正獻魏博六州於朝憲宗遣度宣諭宏正知度爲帝高選故郊迎趨跪受命且請偏至屬州布揚天子德澤魏人由是歡服還拜中書舍人久之進御史中丞宣徽五坊小使方秋閱鷹狗所過撓官司小却令表寘不爲禮因構寘送詔獄宰相武元衡婉辭諍帝怒未置度見延英言寘無辜帝恚曰寘誠無罪杖小使小使無罪且杖寘度曰責君此固宜第寘爲令惜陛下百姓安可罪帝色霽乃釋寘王師討蔡以度視行營諸軍還奏攻取策與帝意合且問諸將才否度對李光顏義而勇當有成功不三日光顏破時曲兵帝歎度知人進兼刑

部侍郎王承宗李師道謀殺蔡兵乃伏盜京師刺用事大臣已害宰相元衡又擊度傷首冒種得不死哄導駭伏獨騎王義持賊大呼賊斷義手度墜溝賊意已死困亡去議者欲罷度安二鎮反側帝怒曰度得全天也若能之是賊計適行吾倚度足破三賊矣度病創一再旬分衛兵護第存候踵路疾愈詔毋須宣政衙門對延英拜中書侍郎同中書門下平章事時方連諸道兵環擊不解內外大恐人累息及度當國外始安由是討賊益急始德宗時尙荷何中朝士相過金吾輒飛啟宰相至闔門謝賓客度以時多故宜延天下髦英咨籌策乃建請還第與士大夫相見詔可于時討蔡數不利羣臣爭請罷兵度奏病在腹心不時去且爲大患不然兩河亦時視此爲逆順會唐鄧節度使高霞寓戰卻他相揣帝厭兵欲赦賊帝不許十二年宰相逢吉涯建言餉德

煩匱宜休師唯度請身督戰帝獨目度留曰果爲朕行乎度俯伏流涕曰臣誓不與賊偕存即拜門下侍郎平章事彰義軍節度淮西宣慰招討處置使度以韓弘領都統乃上還招討以避弘然實行都統事於是表馬總爲宣慰副使韓愈行軍司馬李正封馮宿李宗閔備兩使幕府入對延英曰主憂臣辱義在必死賊未授首臣無還期帝壯之爲流涕及行御通化門臨遣賜通天御帶發神策騎三百爲衛初逢吉忌度帝惡居中撓沮出之外度屯鄆城勞諸軍宣朝廷厚意是時諸道兵悉中官統監自處進退度奏罷之使將得觀制號令未幾李愬夜入懸瓠城縛吳元濟以報度遣馬總先入蔡明日統洞曲降卒萬人持節徐進撫定其人初元濟禁偶語於道夜不然燭酒食相饋遺者以軍法論度下令唯盜

賊鬪死抵法餘一獨除往來不限晝夜民始知有生之樂度以蔡牙卒侍帳下或謂反側未安不可去備度笑曰吾為彰義節度元惡已擒人皆吾人也眾感泣既而申光平定以馬總為留後度入朝會帝以二劍付監軍梁守謙使悉誅賊將度遇諸郾城復與入蔡量罪誅諫守謙請如詔度固不然騰奏申解全有者甚眾策勳進金紫光祿大夫宏文館大學士上柱國晉國公戶三千復知政事程昇皇甫鏞以言財賦幸彼得宰相度三上書極論不可帝不納自上印又不聽初蔡平王承宗懼度遣辨士栢者晉說乃獻德棣二州納質子又諭程權入覲始判滄景德棣為一鎮朝廷命帥而承宗勢乃離李師道怙彊度密勸帝誅之乃詔宣武義成武平橫海四節度會田宏正致討宏正請自黎陽濟合諸節度兵宰相皆謂宜度曰魏博軍度黎陽即賊境封畛比聯易生願望是自戰其地宏正光顏素少斷士心盤桓果不可用不如養威河北須霜降水落於陽劉度河直抵鄆以營陽穀則人人殊死賊勢窮矣帝曰善詔宏正如度言宏正奉詔師道果擒大賈張陟負五坊息錢帝命坊使楊朝汶收其家簿閱貨錢雖已償悉鉤正根引數十百人御史中丞蕭俛及誅官列陳中人橫恣度亦極言之時方討鄆帝曰姑議東軍此細事我自處辨度曰兵事不理止山東中人橫暴將亂都下帝不悅徐乃悟誅朝汶而原繫者由是京師澄肅帝嘗語臣事君當勵善底公朕惡夫樹黨者度曰君子小人以類而聚未有無徒者君子之徒同德小人之徒同惡外甚類中實遠在陛下觀所行則辨帝曰言者大抵若此朕豈易辨之已而為異縛所構以檢校尚書右僕射兼門下侍郎平

章事為河東節度使穆宗即位進檢校司空朱克融王廷湊亂河朔加度鎮州行營招討使時帝以李光顏烏重脣爪牙將倚以擊賊兵十餘萬無尺寸功度既受命入賊境數斬將以聞俄兼押北山諸蕃使時元稹顯結宦官魏宏簡求執政憚度復當國因經置軍事數居中持梗不使有功度恐亂作即上書痛稹過惡帝不得已罷宏簡稹近職俄擢稹宰相以度守司空平章事東都留守諫官即廷英言不可罷度兵搖眾心帝不召會中人使幽鎮還言軍中謂度在朝而兩河諸侯忠者懼強者畏今居東人人失望帝悟詔度由太原朝京師及陛見辭切氣怡卓然當天子意聞者皆竦毅將貴臣至齋谷出涕度之行移克融廷湊書開說大誼皆願罷兵帝方憂深州圍欲必出牛元翼更使度騰書布旨或曰賊知度失兵柄必背約願皇帝釋然乃拜度守司徒領淮南節度使會昭義監軍劉承偕慢劉悟舉軍譁怒執承偕偕拘以聞帝怒問度何施而可度頓首謝藩臣不與政辭不對帝強之度曰必欲收忠義心使帥臣死節獨斬承偕則四方羣盜隱然破膽矣帝曰更言其次度曰投諸荒裔可乎帝曰可悟果出承偕昭義遂安是時徐州三智與逐崔羣諸軍盤互河北進退未一議者交口請相度乃以本官兼中書侍郎平章事權倖側目謂李逢吉險賊善謀可以構度共諷帝自襄陽召逢吉還拜兵部尚書度居位再閱月果為逢吉所罷罷為左僕射帝暴風眩中外不聞問者凡三日度數請到內殿求立太子翼日乃見帝遂立景王為嗣逢吉既代相思有以牙孽之引所厚李仲言張又新李續張權輿等內結宦官種交黨醜沮日聞乃出度山南西道節度使奪平

章事敬宗嗣立之三月王廷湊屠元翼家帝嗟惋累日因歎宰輔非才草處厚上疏曰陛下當食嗟息恨無蕭曹今一裴度尚擯于外此馮唐所云雖有頗牧不能用也帝感悟於是復度兼平章事帝注意度中人至度所必叮嚀慰安且示召期寶曆二年度請入朝逢吉黨大懼權輿作偽謔且言度名應圖識天子獨能明其誣詔復使輔政先是帝將幸東都大臣切諫不納度從容奏國家建別都本備巡幸自艱難以來宮闕署中百司之區荒圯弗治假歲月完新然後可行倉卒無備有司且得罪帝悅曰羣臣諫朕不及此如卿言誠有未便因止朱克融執賜衣使者楊文端又四假度支帛三十萬匹且請遣工五千助治東都帝怒忠之欲遣重臣臨慰度曰克融無恙而悖是將亡無庸遣重使第以詔書言中人倨驕須還我自責謹陛下若未能然則詔宮室營繕既有秩序遣工為重勞朝廷緣召發乃有賜與朕無所愛獨與范陽體不可爾帝曰善用度次策克融聽命歸文端未幾軍亂殺克融帝縱弛日晏坐朝度諫帝嘉納為數視朝未幾判度支帝崩定策誅劉克明等迎立江王是為文宗加門下尚書李全略死子同捷求襲滄景軍度奏討平之即陳調兵食非宰相事請罷度支歸有司奏可進階開府儀同三司賜實封戶三百度懇讓不得可乃受實封太和四年數引疾不任機重願上政事帝擇尚醫護治中人日勞問相躡乃詔進司徒平章軍國重事須疾已三日五日一至中書度讓免冊禮於是牛僧孺李宗閔同輔政媚度勳業久居上欲有所進乃共訾其跡損短之因度辭位即白帝進兼侍中出為山南東道節度使日罷元朴所置臨漢監收千馬納之校

以善田四百頃還襄人頃之固請老不許八年徙東都留守罷加中書令李訓之禍宦官肆威以逞凡訓注宗姬賓客悉收逮訊報苛慘度上疏申理全活數十姓武德縣王藏史盜錢亡命河陽節度溫造責令王賞償負繫獄三年度爲帝言之賞得釋時閻擅威天子擁虛器搢紳道喪度不復存經濟意乃治第東都集賢里又於午橋作別墅號綠野堂野服蕭散與白居易劉禹錫爲文酒交不問人間事帝知度神明不衰每大臣自洛來必問度安否開成二年復以本官節度河東度固辭

帝命吏部郎中盧弘宣諭意曰爲朕卧護北門可也趣上道度乃之鎮易定節度使張璠卒軍中將立其子元益度遣使曉譬禍福元益懼束身歸朝三月以病身還東都四年正月詔許還京以疾未克謝有詔先給俸料上已宴羣臣曲江度不赴帝賜以詩復詔曰方春慎疾

爲難勉醫藥自持薨年七十六按舊書作七十五與此互異帝聞震悼贈太傅諡文忠贈禮優縟帝怪無遺奏敕家人索之得半藥以儲貳爲請無私言會昌元年加贈太師大中

初詔配享憲宗廟庭度名震四夷使外國者其君長必問度年今幾狀貌執似事四朝以全德始終及歿天下莫不思其風烈五子識論知名按宰相世系表度七子識者惟識檢校右僕射襲晉國公與此互異考舊傳度子識謀識論五人亦無名調識者識襲晉國公與新書同又考舊書宣宗紀十一年識從節忠武亦書其爵爲晉國公則表不載識名以爲襲襲封者誤也

識字通理性敏悟凡經目未始忘推蔭補京兆參軍累擢大理少卿王師討劉稹爲供軍使稹平改司農卿進

湖南觀察使入拜大理卿襲晉國公平封爲涇原節度使時蕃酋尙恐熱上三州七關列屯分守宣宗擇名臣以識帥涇原畢誠帥鄜甯李福帥夏州帝親臨遣識至

治堡障整戎器開屯田初將士守邊或積歲不得還識與立戍限滿者代親七十近戍由是人感悅加檢校刑部尙書徙鳳翔忠武天平鄜甯靈武等軍進檢校尙書右僕射靈武地斥鹵無井識誓神而鑿之果得泉歷六節度所莅皆有可述卒贈司空諡曰昭

諡有文辭以蔭累官考功員外郎宣宗訪元和宰相子思度勳望故待諡有加爲翰林學士累遷工部侍郎詔加承旨後爲太子少師封河東郡公黃巢盜國迫以僞官不從遇害

欽定續通志卷二百六十四

欽定續通志卷二百六十五

列傳

唐六十五

高崇文 承簡

伊慎

朱忠亮

劉昌裔

范希朝

王鏐 稷

孟元陽

王柄曜 茂元

劉昌 士溼

趙昌

李景略

任迪簡

張萬福

高固 郟北史敬奉野詩良輔

李光進

烏重胤 石洪

王沛 逢

楊元卿 延宗

曹華

高瑀

劉沔

石雄

高崇文其先自渤海徙幽州七世不異居開元中再表其閭崇文性樸重寡言少籍平盧軍貞元中從韓全義鎮長武城治軍有聲累官金吾將軍吐蕃三萬寇甯州崇文率兵三千往救戰佛堂原大破之封渤海郡王全義入朝留知行營節度後務遷長武城都知兵馬使劉闢反宰相杜黃裳薦其才詔檢校工部尚書左神策行營節度使俾統左右神策麟游奉天諸屯兵討開時顯功獨將人人自謂當選及詔出皆大驚始崇文選兵五千常若寇至至是卯漏受命辰巳出師器良械完無一不具過與元士有折逆旅七箸者即斬以徇乃西自闕中出卻劍門兵解梓潼之圍詔拜崇文東川節度使進薄鹿頭城凡八戰皆捷賊大震其將李文悅以兵三千自歸仇良輔舉鹿頭城二萬眾降遂趣成都闕走追禽之檻送京師秋毫無犯斬其大將邢泚齋汗者為條上全活之進檢校司空西川節度副大使南平郡王實封三百戶崇文不通書厭案牘諳判以為繁且蜀優富無

所事請扞邊自力乃詔同中書門下平章事郇甯慶節度使為京西諸軍都統唐邕三年戎備修整卒年六十四贈司徒諡曰威武會昌六年詔配享憲宗廟子承簡少事忠武軍後更隸神策以崇文平蜀功除嘉王傅裴度征蔡奏署牙將蔡平詔併上蔡鄆城遂平西平四縣 按舊書作上蔡 為潁州拜承簡刺史治鄆城始開屯田列防庸瀨潁潁地二百里無復水敗皆為腴田葺備宮備粗豆歲時行禮野有收實民得以食將吏立石頌功遷邢州刺史觀察府責賦尤急承簡代下戶數百輸租遷宋州會宣武將李齊反遣使責財於宋承簡囚之前後數輩輒繫獄一日并出斬於牙門威震郟中齊悉兵攻之宋有三城南城陷承簡保北兩城數與賊确會徐州救至齊為李質所執兵遂潰拜充海沂密節度使遷義成軍檢校尚書左僕射 按舊書作右僕射 入拜右金吾衛大將軍復節度郟密先是虜多以盛秋犯邊承簡請屯靈州以制其侵屬疾還朝道卒贈司空諡曰敬崇文孫駢自有傳

伊慎字寡悔兗州人通春秋戰國策天官五行書用善射為折衝都尉喪母將合葬而不知父墓晝夜哭夢若有導者既發之舊志可接也乃得葬江西節度路嗣恭討哥舒晃以慎為先鋒疾戰斬晃授連州長史知團練副使三遷江州別駕討梁崇義也慎以江西牙兵屬李希烈希烈著漢南北兵馬使不受獨率所部破崇義於蠻水效俘三萬襄漢平功多希烈愛其材數饋遺欲廢止之卒以計免明年希烈果反嗣曹王阜至鍾陵得而壯之拔為大將希烈恐為阜所任遺以七屬甲詐為慎書行反開帝遣使即軍中斬之阜表列其誣未報賊泝江徇地舉授慎兵勞而遣與賊大戰破之收黃梅次長平殺賊將斬級千餘拔蔡山尤力遂下蘄州即拜刺史封南兗郡王天子在梁州包信轉東南財糧次斬日賊遣驍將杜少誠以兵萬人遏江道不得西慎選士七千列三屯相望偃旗以待少誠分圍之未合慎自中屯鼓之諸屯悉出奮擊賊亂少誠走斬別將許少華封其尸為京冢漕無留難進圍安州希烈之甥劉戒虛以兵八千來援慎逆擊于應山禽之示城下州開門降以功為安州刺史實封百戶攻隋州戰厲鄉斬首五千級降李惠登即薦惠登為刺史拜慎安黃州節度使吳少誠反詔領步騎五千兼統荆南湖南江西兵當一面遇賊于三州港營義陽戰于申斬首數千加檢校刑部尚書貞元末詔安黃為奉義軍即為奉義節度憲宗即位入朝拜尚書右僕射改金吾衛大將軍以錢三十萬貽宦人求帥河中事暴貶右衛將軍明年念舊勞復檢校右僕射兼右衛上將軍卒贈太子太保諡曰壯繆乾符中盜發其墓賜絹二百修瘞云

朱忠亮字仁輔汴州浚儀人舉明經不中往事昭義節度使薛嵩為裨將屯普潤開田峙糧以功擢太子賓客朱泚亂率麾下四十騎至奉天封東陽郡王為定難功臣扈狩梁州為賊鈔獲繫長安獄賊平李晟釋之奏隸本軍 按舊書李晟釋之薦於渾瑊瑊定平鎮 累遷定平軍使憲宗立加御史大夫授涇原四鎮節度使本名士明至是賜今名涇俗舊多賣子忠亮以財贖免者前後數百築潘原城有勞改封丹陽卒贈尚書右僕射諡曰靈

劉昌裔字光後太原陽曲人少游三蜀楊惠琳亂昌裔

說之惠琳順命拜瀘州刺史署昌裔州佐惠琳死客河
 朔開曲環方攻漢州表為判官為環檄李納劉曉大誼
 環上其稟德宗異之環領陳許軍又從府遷累進營田
 副使環卒上官況知後務吳少誠引兵薄城況欲遁去
 昌裔止曰受詔而守死其職也況士馬完奮足支賊若
 堅壁不戰七日賊氣必衰我以全制之可也況許諾賊
 攻環環不得修昌裔密造飛棚聯柵即募突將千人鑿
 城以出擊賊走之比還柵已立守陴遂安以功擢況陳
 許節度使昌裔陳州刺史韓全義敗于澠水引軍走陳
 求入保昌裔登陴曰天子命君討蔡何為來陳且賊
 不敢至我城下君其舍外無恐明日從十餘騎持牛酒
 抵全義營勞軍全義不意迎拜歎服改陳許行軍司
 馬浣卒軍中推昌裔有詔檢校工部尚書代節度封彭
 城郡公元和八年大水壞廬舍溺居人以檢校尚書左
 僕射兼左龍武統軍召還京師始憲宗惡昌裔自立欲
 召之而重生變宰相李吉甫曰陛下乘人心愁苦可召
 也遂以韓皇代之至長樂驛知帝意因稱風眩卧第歲
 中卒贈潞州大都督諡曰威

范希朝字致君河中虞鄉人初從邠甯軍為別將事節
 度使韓游瓌德宗在奉天以戰守功累兼御史中丞治
 軍整毅游瓌畏其才將伺隙殺之希朝懼奔鳳翔帝聞
 召寘左神策軍貞元四年以游瓌政無狀使代之希朝
 曰始偏而來終代其任非所以防觀亂安反仄也固讓
 左金吾衛將軍張獻甫軍中憚獻甫嚴以兵舊監軍使
 請於帝必得希朝乃止詔拜甯州刺史邠甯節度副使
 俾佐獻甫俄遷振武節度使部有克項室韋雜居暴掠
 放肆日入惡作謂之刮城門希朝度要害置屯保斥還

嚴密鄙民以安至小竊取亦殺無赦虜人憚伏貞元末
 請朝時諸鎮不以事自述職者希朝而已帝悅拜右金
 吾衛大將軍憲宗立檢校尚書左僕射復為右金吾衛
 大將軍俄檢校司空出為朔方靈鹽節度使遷河東率
 師討王承宗敗之木刀溝然老病不能有大功還朝改
 左龍武統軍以太子太保致仕卒贈太子太師諡忠武
 改曰宣武

王鏐字昆吾按宰相世系表鏐字昭範自言太原人始隸湖南團練
 府為裨將嗣曹王皇為團練使使鏐誘降武岡叛將王
 國良以功擢邵州刺史皇節度江西李希烈南侵皇與
 鏐兵三千使屯潯陽而皇全軍臨九江襲斬州遂以眾
 濟表鏐江州刺史兼御史中丞充都虞候皇為荆南節
 度使欲署府少尹而上佐鄙其人乃復撤都虞候從皇
 朝京師皇奏鏐費用雖不足而它可試德宗擢為鴻臚
 少卿歲省冗費五十萬緡擢容管經略使凡八年谿落
 安之遺嶺南節度使廣人與蠻雜處地征薄多牟利於
 市鏐租其塵榷所入與常賦埒以為時進哀其餘悉自
 入諸蕃舶至盡有其稅於是財蓄不貲日十餘艘載皆
 犀象珠琲與商賈雜出於境數年京師權家無不富鏐
 之財召為刑部尚書淮南節度使杜佑數請代乃以鏐
 檢校兵部尚書為佑副厚事佑以悅之坐必就司馬聽
 事不數日遂代佑久之入拜尚書左僕射又檢校司徒
 為河中節度使進兼太子太傅徒河東河東自范希朝
 討鎮無功兵方三萬騎六百府庫殘耗鏐能補完膏費
 未幾兵至五萬騎五千財用豐餘除檢校司空同中書
 門下平章事卒贈太尉諡曰魏

子稷感鴻臚少卿鏐在藩稷常留京師視勢高下輕重

以納賈焉長慶二年用稷為德州刺史悉金寶賸侍以
 行節度使李全略利其貨因軍亂殺殺納其女為媵開
 成中滄州節度使劉約奏稷子叔泰生五歲值全略亂
 為郡人匿養得不死送叔泰京師文宗憫焉詔授九品
 官使奉鏐

孟元陽史失其何所人起陳許軍中以嚴整稱曲環領
 節度使時已為大將使董作西華屯盛夏屬而立乎塗
 役休乃就舍故田輒歲稔而軍食常足環卒吳少誠來
 寇元陽嬰城守圍甚急然終不能傳城韓全義敗五樓
 列將多私去獨元陽與神策將蘇元策宣州將王幹以
 所部屯澠水破賊二千詔拜陳州刺史憲宗立遷河陽
 節度使五年檢校尚書右僕射徙帥昭義軍入為右羽
 林統軍封趙國公改右金吾大將軍復拜統軍卒贈揚
 州大都督

王栖曜濮州濮陽人安祿山反尚衡哀義兵討賊署牙
 將徇兗鄆諸縣下之進牙前總管賊將邢超然守曹州
 乘城指顧栖曜曰彼可取也一矢殞之遂拔曹州累授
 試金吾衛將軍袁晁亂浙東御史中丞袁倬討之表為
 偏將與賊戰日十餘遇生禽晁收州縣十六授常州別
 駕浙西都知兵馬使時江介未定詔內常侍馬日新以
 汴滑軍五千鎮之中人暴橫賊蕭廷蘭乘眾逐日新
 劫其眾栖曜方游奔近郊賊脅取之與圍蘇州栖曜乘
 賊怠挺身登城率城中兵出戰賊眾大敗遷試金吾大
 將軍李靈耀反汴州浙西觀察使李滿使提兵四千為
 河南犄角有功李希烈陷汴州乘勝東略次甯陵將襲
 宋州浙西節度使韓滉使栖曜以彊弩三千涉水夜入
 甯陵希烈不之知晨朝矢集帳前驚曰江淮弩已入矣

遂不敢東貞元初拜左龍武大將軍出為鄭坊節度使十九年卒贈尚書右僕射諡曰成

子茂元少好學德宗時上書自薦擢試校書郎改太子贊善大夫呂元膺留守東都署防禦判官淄青留邸卒

謀亂元膺率兵圍之士無敢先者茂元取一人斬之眾乃進賊遂出奔景遷嶺南節度使蠻落安之家積財交煽權貴鄭注用事遷涇原節度使注敗悉出家貨餉兩軍得不誅封濮陽郡侯召為將作監領陳許節度使又徙河陽卒贈司徒諡曰威

劉昌字公明汴州開封人善騎射天寶末從河南防禦使張介然討安祿山授易州遂城府左果毅史朝義兵圍宋州城中食盡且降昌說刺史李峯曰李光弼在河陽江淮足兵勢必來援今廩麴尚多若屑以食可支二十日則救至卒聽之昌乃被鎧登城以忠義諭賊賊畏不敢攻俄而光弼援軍至賊夜潰光弼聞其謀召置軍中將用之會光弼卒還為宋州牙門將李靈耀以汴州反刺史李僧惠欲應之昌請見陳逆順計且泣僧惠悟即馳奏請自將討賊故靈耀失助不得逞汴州平李忠臣疾僧惠攻殺之昌遁去劉玄佐領宣武節度使擢昌左廂兵馬使李納反以偏師收考城充行營諸軍馬步都虞候玄佐攻濮州以昌攝刺史以破李希烈功加檢校工部尚書累實封一百戶貞元三年入朝詔以宣武兵八千北出五原士卒有逗留沮事者斬三百人乃行舉軍潛伏尋授京西行營節度使歲餘改四鎮北庭行營兼涇原節度七年城平涼開地二百里扼彈箏峽又西築保定并青石嶺凡七城二堡旬日就以功檢校尚書右僕射累封南川郡王十四年歸化堡軍亂逐大將

張國誠詔昌經略昌人堡誅數百人復使國誠統之昌在邊凡十五年身率士墾田三年而軍有羨食器械銳新邊障安寧及感疾詔赴京師未行卒年六十五贈司空

子士涇尚雲安公主拜駙馬都尉累遷少卿家積財內結權近善胡琴故得幸於貴人後遷太僕卿給事中韋宏景等封還制書以士涇交通近倖不當居九卿憲宗曰昌有功於邊士涇又尚主官少卿已十餘年制書宜下宏景等乃奉詔

趙昌字洪祥天水人始為昭義李承昭節度府屬累遷虔州刺史安南首錄杜英翰叛都護高正平以憂死拜昌安南都護夷落嚮化毋敢築居十年足疾請還朝以兵部郎中裴泰代之入為國子祭酒未幾州將逐泰德宗召昌問狀時年踰七十占對精明帝奇之復拜安南都護詔書至人相賀叛兵即定憲宗初立檢校戶部尚書遷嶺南節度使降輒陬荒以勞徙節荆南召入再遷工部尚書兼大理卿出為華州刺史遷太子少保卒年八十五贈揚州大都督諡曰成

李景略幽州良鄉人父承悅檀州刺史密雲軍使景略以蔭補幽州府功曹參軍大厯末客河中閻門讀書李懷光為朔方節度使署巡官遷大理司直懷光屯咸陽將襲東渭橋召幕府計議景略曰殺朱泚還軍諸道杖策請行在此轉禍為福也不聽既出軍門慟哭曰豈意此軍乃陷不義乎遂遁歸靈武節度使杜希全表置子府累轉侍御史豐州刺史豐州當回紇通道前刺史軟柔每虜使至與抗禮景略以計柔之自此回紇使至者皆拜于庭威名顯聞希全忌之誣奏貶袁州司馬希全

死遷左羽林將軍對德宗延英殿論奏衍行有大臣風會河東節度使李說病以景略為太原少尹行軍司馬說自以威望不及景略賂中尉竇文場謀毀去之歲餘塞下傳言回紇將南寇文場方侍帝傍即言豐州當得良將且舉景略乃拜豐州刺史天德軍西受降城都防禦使窮塞苦寒地墻鹵邊戶勞悴景略至節用約已與士同甘藜藿咸應承清二渠溉田數百頃儲粟器械畢具威令肅然聲雄北疆回紇畏之卒于屯年五十五天

下惜用景略才有所未盡贈工部尚書

任迪簡京兆萬年人擢進士第天德李景略表佐其軍嘗宴客而行酒者誤進醴景略用法嚴迪簡不忍其死飲為酌徐以它辭請易之歸酪血不以聞軍中悅其長者謹按通鑑輯覽御批為人隱過固長者之事若血通簡特藉此要結眾心矯情飾偽諸軍士遂墮其術中觀他日之推奉代帥肺肝如揭矣

舉軍請為帥乃授豐州刺史天德軍使出殿中侍御史授兼大夫散騎常侍入為太常少卿太子左庶子張茂昭以易定歸羅迪簡行軍司馬代之大將楊伯玉據牙不納眾殺之別將張佐元復叛迪簡斬以徇乃入以檢校工部尚書為節度使承茂昭奢縱後公私屈屢欲饗士無所給至與下同糲食身居戟戶踰月軍中感其公請安卧內迪簡乃許三年上下完充以疾入除工部侍郎至京竟不能朝謝改太子賓客卒贈刑部尚書諡曰襄

張萬福魏州元城人三世明經止縣令州佐萬福以業儒不顯乃學騎射從王斛斯以別校征遼東有功李岷斬劉展署為部將斬首萬級累攝壽州刺史舒盧壽都團練使真拜刺史兼淮南節度副使而節度崔圓忌之

失刺史改鴻臚卿使將千人鎮壽州時許杲以平虜行軍司馬將卒三千駐濠州陰窺淮南圍使萬福攝濠州刺史杲聞即移戍當塗賊陳莊陷舒州圍又令攝舒州刺史督淮南盜賊窮破株黨大厯三年召見代宗曰欲一識卿面且將以許杲累卿萬福辭謝因前曰陛下以一許杲召臣如河北諸將叛欲屬何人帝笑曰始為我了杲事且當大用乃拜和州刺史兼行營防禦使督盜淮南萬福至州杲懼徙屯上元過楚州大掠為其將康自勸所逐自勸淮鈔而東萬福倍道追殺之免者十三盡還所剽於民帝下詔褒美賜具衣宮錦十雙尋以利州刺史鎮咸陽且留宿衛李正己反屯兵桶橋江淮漕舡積千餘不敢踰渦口德宗乃以萬福為濠州刺史萬福馳至渦口駐馬于岸悉發漕舡相銜進賊兵倚岸熟視不敢動改泗州刺史魏州饑父子相賣萬福曰魏州吾鄉里安忍其困令兄子將米百車饑之贖魏人自賈者給資遣之為杜亞所忌召拜右金吾將軍及見帝驚曰亞乃言爾昏耄何邪詔圖形凌烟閣數賜與并敕度支籍口畜給其費陽城等詣延英論延齡事伏閣不去帝震怒左右懼不測萬福大言曰國有直臣天下無慮矣吾年八十與見盛事徧揖城等勞之天下益重其名以工部尚書致仕卒年九十

兵萬人先趨河中固在行乃伺間入帳下斬所首以徇拜檢校右散騎常侍前軍兵馬使貞元十七年郃甯節度使楊朝晟卒詔將并郃甯朔方為一軍議以李朝宗為節度劉南金副之以詢郃軍咸曰如詔數日復劫固為帥固曰然能聽吾言乃可眾唯唯固徇曰毋殺人毋肆掠三軍皆順悅帝亦念固功乃拜郃甯節度使固本宿將且寬厚人皆安之然久在散位數為儕類輕笑及受命眾多懼固一釋不問憲宗時檢校尚書右僕射人為右羽林統軍卒贈陝州大都督

郝玘不記其鄉里貞元中為臨涇鎮將嘗從數百騎出野還說節度使馬璘曰臨涇扼洛口其川饒衍利畜牧其西走戎道曠數百里皆流沙無水草願城之為休養便地玘出或謂璘曰玘言信然雖然公所以蒙恩大幸以邊防未固也上心日夜念此故厚於公今若用玘言則邊已安尚何事為璘不聽及段佑代節度玘又說佑築臨涇以折虜勢佑請于朝卒詔城臨涇為行原州以玘為刺史玘之自是虜不敢過臨涇遷檢校左散騎常侍涇原行營節度使封保定郡王贊普常等玘身鑄金象令於國曰得生玘者以金玘償之朝廷畏失名將徒為慶州刺史卒佑本郭子儀牙將征伐有功貞元末為涇原節度使虜畏玘之終右神策大將軍

史敬奉者靈州人事朔方軍為牙將元和吐蕃數犯塞十四年敬奉白節度使杜叔良請兵三千齎一月糧深入虜地分賊勢叔良以二千兵予之行十餘日不聞問皆謂已歿敬奉乃由閒道繞出虜後部落奔駭因大破之驅其餘眾於狐蘆河獲馬牛雜畜逾萬數賈封五十戶敬奉與鳳翔將野詩良輔及郝玘皆以名雄邊

良輔者後為隴州刺史朝廷遣使至吐蕃虜輒言唐家稱和好豈安邪不爾安得任良輔為隴州刺史

李光進其先河曲諸部姓阿跌氏貞觀中內屬以其地為雞田州世襲刺史隸朔方軍光進與弟光顏少依舍利葛旃葛旃妻其女兄也初葛旃殺僕固瑒歸河東辛雲京遂與光進俱家太原以沈果稱從馬燧救臨洛戰洹水有功歷前後軍牙門將兼御史大夫代州刺史元和時檢校工部尚書為振武節度使賜姓以光寵之

按舊書李光進傳光進從郭子儀收兩京有功肅宗紀至德二載李光進為范陽郡公考光進卒于肅宗紀至德十年六月十五日追朔至德中德宗考光進能即有戰功又考光進本河曲部落稱阿跌之族至元和六年始賜姓李氏是六年以前不得稱李光進也書李光顏傳云與弟光進在京師並開甲第則至德中封范陽郡公者乃光顏之弟傳中以同名別詔光顏拜涿州刺史弟光榮致誤耳應以新書為正

冠當時光進徒靈武卒年六十五贈尚書左僕射有至性居母喪三年不歸寢光顏先娶而母委以家事及光進娶母已亡弟婦籍貫貯管鑰於媼光進命反之曰婦逮事姑且嘗命主家事不可改因相持泣乃如初

光顏字光遠從河東軍為裨將節度使馬燧謂曰若有奇相終必光大解所佩劍贈之討李懷光楊惠琳戰有功從高崇文平劍南數舉旗陷軍出入若神益知名進兼御史大夫歷代洛二州刺史元和九年討蔡以陳州刺史充忠武軍都知兵馬使始踰月擢本軍節度使詔以其軍當一面光顏乃壁灑水明年大破賊時曲始表度宣慰諸軍還為憲宗言光顏勇而義必立功俄又與烏重肩破賊小澗河十一年拔凌雲柵捷奏入帝大悅厚賚其使進檢校尚書左僕射時韓宏都統諸軍素蹇縱陰挾賊自重且惡光顏忠力思有以撓之乃飾名姝教歌舞費百鉅萬遣使以遺光顏光顏約旦日納焉乃

大合將校置酒引使者以待姝至秀曼都雅一軍帶視
光顏徐曰我去室家人以爲公憂誠無以報德然戰士
皆棄妻子蹈白刃奈何獨以女色爲樂爲我謝公天子
於光顏恩厚誓不與賊同生指心曰雖死不貳因鳴咽
泣下將卒數萬皆感激流涕乃厚賂使者遣之於是士
氣益勵裴度築棘連城於迎日率輕騎觀之賊以奇兵
自五溝至大呼薄戰城爲震壞度危甚光顏力戰卻之
先是光顏策賊必至密遣田布伏精騎溝下扼其歸賊
敗棄騎去顛死溝中者千餘由是賊悉銳士當光顏而
李愬得乘虛入蔡矣董重質棄洄曲軍降愬光顏躍馬
入賊營大呼眾萬餘人投甲請命賊平加檢校司空入
朝召對麟德殿賜與蕃渥命宴其第歸芻米二十車帝
討李師道徒義成節度使不三旬再敗賊濮陽拔斗門
斬數千級吐蕃入寇徙邠甯軍時虜毀鹽州城使光顏
復城之穆宗立召還賜開化里第加同中書門下平章
事俄徙鳳翔帝將伐鎮州復還忠武又兼深冀行營節
度使提軍深入而餽運不至有詔以滄景德棣州益之
光顏以宰相處置失宜辭兼領亦會赦王廷湊復所治
李奔亂汴州詔總軍出討朝受命暮即戒翌日拔尉氏
與汴人戰琵琶溝未陣薄之賊走奔平進兼侍中敬宗
初眞拜司徒河東節度使寶曆二年卒年六十六贈太
尉諡曰忠

烏重胤字保君河東將承玘子也少爲潞牙將兼左司
馬節度使盧從史奉詔討王承宗陰與賊通吐突承璀
將圖之以告重胤乃縛從史帳下土持兵合謹重胤叱
曰天子有命從者賞違者斬士斂手還部無敢動憲宗
嘉其功擢河陽節度使封張掖郡公帝討淮蔡詔重胤

以兵壓賊境割汝州隸其軍與李光顏相犄角大小百
餘戰凡三年賊平再遷檢校司空進鄴國公徙橫海軍
建言河朔能拒朝命者蓋刺史失權鎮將領軍能作威
福也使刺史得職大帥雖有祿山思明之姦能據一州
爲叛哉臣所管三州輒還刺史職各主其兵因請廢景
州法制修立時以爲宜長慶末以檢校司徒同中書門
下平章事爲山南西道節度使召至京師改節天平軍
未幾卒年六十七贈太尉諡懿穆重胤待官屬有禮當
時有名士如溫造石洪皆在幕府既歿士二十餘人封
股以祭子漢宏嗣爵居母喪奪爲左領軍衛將軍固辭
帝嘉許之

石洪者字濬川其先姓烏石蘭後獨以爲氏洪有至行
舉明經爲黃州錄事參軍罷歸東都十餘年隱居不出
公卿數薦皆不答重胤鎮河陽乃具書幣邀辟洪亦謂
重胤知己故欣然戒行重胤喜其至禮之後詔書召爲
昭應尉集賢校理又有李洪者世儒家珙獨尙材武有
崖岸嘗至澤潞見李抱眞欲署牙將聞其使酒不用都
將王虔休曰洪奇士不能用卽殺之無爲它人得也抱
眞不納虔休代節度引爲將重胤禽從史珙將救之旣
聞謀出朝廷乃止重胤愛其才討淮西時表爲行營都
將終石武衛上將軍

王沛許州許昌人少勇決爲節度使上官悅所器妻以
女署牙門將悅卒它壻田僂脅悅子襲領其軍謀殺監
軍沛知其計密告之支黨悉禽德宗嘉美詔拜御史中
丞李光顏討吳元濟奇沛風巢署行營兵馬使使將勁
兵別屯數破賊有功蔡平加御史大夫復從光顏定淄
青及光顏鎮邠詔分許兵往戍沛又爲都將救鹽州敗

頃屯築高垣卒鍵閉寇至耕者保垣以守居六年涇人
德之徒節河陽何進滔亂魏博元卿請自齋三月糧奉
軍出討文宗嘉美加檢校司空獻粟二十萬石助天子
經費進光祿大夫徙宣武軍太和七年以疾歸東都授
太子太保卒贈司徒

子延宗開成中爲磁州刺史與河陽兵謀逐帥自立事
敗詔以元卿嘗毀家歸忠全其宗杖死延宗於京兆府
賜還田產

曹華宋州楚邱人始從宣武軍縛亂將李迺送闕下節
度使董晉署爲牙將憲宗初累拜檢校右散騎常侍召
至京師賜牙甲綰錦舊書云德宗特賜旗甲此以爲憲宗初未知孰是還屯拜
甯州刺史未行屬吳元濟不受命詔河陽懷汝節度使

烏重胤討之重胤請華自副戰青陵城賊大奔拔雲
柵賊平以功授棣州刺史封陳留郡王擢橫海節度副
使時朝廷披鄆爲三鎮其明年充海軍亂殺觀察使王
遂詔華往代視事三日合軍大饗幕甲士于廡酒中令
曰天子以鄆人參別而戍有轉徒勞欲厚賞之請鄆人
右州兵左旣而出州兵乃闔門大言曰天子有命誅殺
世蕃以功擢甯州刺史徙陳州李奔之亂以忠武節度
副使率師討奔平加檢校右散騎常侍進拜充海沂
密節度使軍政大治以檢校工部尙書從忠武太和元
年卒贈尙書右僕射

子逢從父征伐累功署忠武部知兵馬使太和中入爲
諸衛將軍從劉沔石雄破回鶻於天德有士二千人未
嘗戰欲賞賜逢不與或爲請之答曰士會死取賞若
無功而賞何哉武宗以逢用法嚴使宰相李德裕讓之
逢曰戰者前蹈白刃不以法人孰用命後亦至忠武節

度使云

楊元卿史失其所人失少誠跋扈蔡州元卿以褐衣見署則縣倣召入幕府又事少陽每言君臣大義以勸其心及元濟擅襲節度元卿以奏事至關具條賊虛實請敕諸道執元濟誅之元濟覺乃殺其妻并四子憲宗拜元卿岳王府司馬尋授光祿少卿蔡平超拜左金吾衛將軍勸帝取淮西怪珍寶帶帝曰我討賊為人除害賊平我求得矣焉用寶止勿復言出為汾州刺史復入為金吾長慶初擢涇原節度使元卿擊發屯田五千帥者甲起于幕環之凡斬千二百人海沂之人重足屏息華惡沂地禱請治兇許之自李正己盜齊魯俗益汙驚華下令曰鄒魯禮義鄉不可忘本乃身見儒士春秋祀孔子祠立學官誦誦斥家賞佐贍給人乃知致成就諸生仕諸朝鎮人害田弘正華亟請以本軍進討不從進華檢校工部尚書就充節度使李齊叛以兵取宋州華不得命以兵逆擊破之齊平檢校尚書右僕射徙鎮義成軍卒年六十九贈左僕射

高瑀冀州僑人少沈選喜言兵釋褐右金吾曹參軍累遷陳蔡二州刺史入為太僕卿忠武節度使王沛死乃加瑀檢校左散騎常侍領忠武節度使州比水旱無年瑀相地宜築隄庸百八十里時其鍾洩民賴不饑再加檢校尚書右僕射六年徙節武甯軍以刑部尚書召辭疾拜太子少傅不閱月復詔節度忠武卒於鎮贈司空

劉沔字子汪徐州彭城人父廷珍以羽林軍扈德宗奉天以戰功官左騎衛大將軍東陽郡王沔少孤容振武節度使范希朝署牙將軍中大會沔提刀立堂下希朝

奇之召謂曰後日必處吾坐希朝卒人為神策將太和末累遷大將軍擢涇原節度使徒振武按舊書載劉沔帳中親將元和末光顏討吳元清常用沔為前鋒光顏將有董重質者守河曲其部下乘驛即馳號驛子軍最為勁悍官軍常警備之沔馳銳善戰每與蠻軍接戰必為刃陷堅存誠而遠故忠武一軍破蔡功第一淮蔡平隨光顏入朝憲宗留沔衛恩三將軍恩鹽州制開成三年突厥劫營田沔發吐渾契苾沙陀部萬人擊之賊一饜無返者悉頒所獲馬羊于戰卒築都護府西北四壘進檢校戶部尚書武宗立遷檢校尚書左僕射回鶻寇天德詔以兵據雲伽關虜引去會昌二年又掠太原振武天子使兵部郎中李拭調兵食因視諸將能否拭獨稱沔乃拜河東節度兼招撫回鶻進屯雁門關虜寇雲州河擊之斬七裨將取其眾以還太和公主功加檢校司空議者恨其薄又進金紫光祿大夫賜一子官劉稹阻命詔河南討屯榆社沔素與張仲武不協時方追幽州兵故徒義成會王宰逗留宰相李德裕表沔鎮河陽以滑兵二千壁萬吾居宰肘腋下激之俾出軍積平進檢校司徒徒忠武節度使以病改太子少保不任謁拜太子少保致仕卒年六十五贈司徒

石雄徐州人少為牙校敢殺善戰氣蓋軍中王智興討李同捷收棣州使雄先驅度河鼓行無前初徐軍惡智興苛酷謀逐之而立雄智興懼變因立功奏除州刺史詔以為壁州刺史智興由是殺雄素所善百餘人誣雄陰結士搖亂請以軍法論文宗素知其能不殺流白州徙為陳州長史克項擾河西召雄隸振武劉沔軍破羌

有勞帝難智興久不擢會昌初回鶻入寇連年掠雲朔牙五原塞下詔雄為天德防禦副使兼朔州刺史佐劉沔屯雲州沔召雄謀曰虜離散當掃除久矣國家以公

主故不欲亟攻我若徑趨其牙彼不及備必棄公走我當迎主歸有如不捷吾則死之雄曰諾即選沙陀李國昌及契苾拓拔維虜三千騎夜發馬邑且登振武城望之見虜車十餘乘從者朱碧衣謀者曰公主帳也雄潛使喻之曰天子取公主兵合第無動雄穴城夜出縱牛馬鼓譟直擣烏介帳可汗大駭單騎走追至殺胡山斬首萬級獲馬牛羊不貲迎公主還進豐州防禦使武甯李彥佐討劉稹逗留以雄為晉絳行營諸軍副使助彥佐雄受命即勒兵越烏嶺破賊五壁斬獲千計賊大震就拜行營節度使代彥佐徙河中積危感其大將郭誼密獻款請斬稹首自歸眾疑其詐雄大言曰稹之叛誼為謀主今欲殺稹乃誼自謀又何疑雄以七千人徑薄潞受誼降進檢校兵部尚書徙河陽按通鑑郭誼殺於王宰幸以狀聞乃詔石雄將七千人入潞州以誼誼言與此互異考舊書武宗紀郭誼使人至王宰軍請殺稹自贖王宰以聞乃詔石雄率軍七千人入潞州誼斬稹節俱於事宣宗立徙鎮鳳翔雄素為李德裕識拔會德裕罷宰相因代歸拜神武統軍卒

欽定續通志卷二百六十五

欽定續通志卷二百六十五

列傳

唐六十六

寶羣

李逢吉

劉栖楚

張又新

元稹

牛僧孺

李宗閔

楊嗣復

楊虞卿

張宿

熊望

栢耆

寶羣字丹列京兆金城人

按舊書作扶風平陵人

父叔尚代宗時

位左拾遺羣兄弟皆擢進士第獨羣以處士客順陵母

卒廬墓坎終喪從廬庇傳啖助春秋學者書數十篇以

韋夏卿薦德宗擢為左拾遺王叔文黨盛雅不喜羣羣

亦悻悻不肯附欲逐之韋執誼不可乃止憲宗立轉膳

部員外郎兼侍御史知雜事出為唐州刺史節度使于

頗聞其名與語奇之表以自副武元衡李吉甫皆所厚

善故召拜吏部郎中元衡輔政薦羣代為中丞羣引呂

溫羊士諤為御史吉甫以二人蹊險持不可羣忤復反

怨吉甫吉甫節度淮南羣謂失恩因擠之陳登者善術

夜過吉甫家羣即捕登掠考上吉甫陰事憲宗面覆

登得其情大怒將誅羣吉甫為救解乃免出為湖南觀

察使改黔中會水壞城郭調谿洞羣鑿築作因是羣蠻

亂貶開州刺史稍遷容管經略使召還卒于行年五十

按舊書卒五年五十

贈左散騎常侍兄常辛弟庠羣皆為郎工

詞章為聯珠集行於時

李逢吉字虛舟系出隴西舉明經又擢進士第范希朝

表為振武掌書記薦之德宗拜左拾遺憲宗時遷給事

中皇太子侍讀改中書舍人知禮部貢舉未已事拜門

下侍郎同中書門下平章事詔禮部尙書王播署榜遂

吉性忌刻險譎多端及得位務傾好惡裴度討淮西逢

吉慮成功密圖沮止趙和議者請罷諸道兵憲宗知而

惡之出為劍南東川節度使穆宗即位徙山南東道緣

講侍恩陰結近倖長慶二年召入為兵部尙書時度與

元稹知政度嘗條積檢佞逢吉以為其隙易乘遂并中

之遣人上變言和王傳于方結客欲為稹刺度帝命尙

書左僕射韓臯給事中鄭覃與逢吉參劾方無狀稹度

坐是皆罷逢吉代為門下侍郎平章事進尙書右僕射

帝暴疾中外阻遏逢吉因中人梁守謙劉弘規王守澄

議請立景王為皇太子帝不能言領之而已明日下詔

皇太子遂定鄭注得幸於王守澄逢吉遣從子訓賂注

結守澄為奧援按訓傳逢吉使訓賂注守澄自在太和

七年開而此傳欠之武昭獄前與訓

傳亦然舊自是肆志無所憚其黨有張又新李績張權

與劉栖楚李虞程昔範姜治及訓八人而傳會者又八

人皆任要劇故號八關十六子有所求請先賂關子後

達於逢吉無不得所欲未幾封涼國公敬宗新立度求

入親逢吉不自安張權輿為作讖言以恨度而韋處厚

亟為帝言之計不行于是興武昭獄以止度入武昭者

度討蔡時所遣說吳元濟者也除石州刺史罷歸不得

用怨望與太學博士李涉金吾兵曹參軍茅彙居長安

中以氣俠相許逢吉與李程同執政不叶程族人仍叔

謂昭曰丞相欲用君願逢吉持不可昭愈憤酒所語其

友劉審策刺逢吉審竊語權輿逢吉因彙召見昭厚相

語納忿隙得解及是昭彙皆下獄命御史中丞王播按

之訓諷彙使誣昭與李程同謀不然且死彙不可曰誣

人以自免不為也獄成昭榜死彙流崖州涉康州仍叔

天子知度忠宰相之逢吉於是懷疎以檢校司空平章
事為山南東道節度使久乃徙宣武以太子太師為東
都留守及訓用事召拜尙書左僕射足病不能朝以司
徒致仕卒年七十八贈太尉諡曰成無子以從弟子植
嗣

劉栖楚其出寒鄙為鎮州小史王承宗奇之薦於李逢

吉蘇鄧州司倉參軍擢右拾遺逢吉之罷裴度逐李紳

皆曠而為奸者敬宗立視朝常宴數游畋失德栖楚叩

頭極諫血被面李逢吉傳詔毋叩頭待詔旨栖楚捧首

立帝動容揚袂使去栖楚曰不聽臣言臣請死于此有

詔慰諭乃出遷起居郎解疾歸洛後諫官對廷英帝問

向廷爭者在邪以諫議大夫召未幾宣授刑部侍郎故

事侍郎無宣授者逢吉喜助已故不次任之數月改京

兆尹峻誅罰不避權豪先是諸惡少竄名北軍凌藉衣

冠有罪則逃軍中無敢捕栖楚一切窮治不問旬宿姦

老蠹為斂迹一日軍士乘醉有所凌突諸少年從旁謀

曰癡男子不記頭上尹邪然其性詭激敢為輕行乘險

抵巇若無顧藉內實恃權怙寵以干進詣宰相厲色慢

辭韋處厚惡之出為桂管觀察使卒贈左散騎常侍

張又新字孔昭工部侍郎薦之子元和中和及進士高第

歷左右補闕性傾邪李逢吉用事惡李紳冀得其罪求

中朝凶果敢言者厚之以危中紳又新與拾遺李續劉

栖楚等為逢吉搏吹所憎故有八關十六子之目敬宗

立紳貶端州司馬朝臣過宰相署闔者曰止宰相方與

補闕語姑伺之及又新出流汗揖百官曰端溪之事竊

不敢讓人皆辟易畏之尋轉祠部員外郎及逢吉罷領

山南東道節度表又新為行軍司馬坐田伍事貶汀州

刺史李訓有寵又新復見用遷刑部郎中為申州刺史訓死復坐貶終左司郎中又新善文辭再以諂附敗喪其家聲云

元稹字微之河南人六代祖巖為隋兵部尚書稹幼孤母鄭賢而文親授書傳九歲工屬文十五擢明經既以判入等補校書郎元和元年舉制科對策第一拜左拾遺性明銳遇事輒舉始王叔文王伾蒙幸太子宮而撓國政稹謂宜選正人輔導因條上十事一教太子正邦本二封諸王固磐石三出宮人四嫁宗女五時召宰相講庶政六次對羣臣廣聰明七復正衙奏事八許方幅糾彈九禁非時貢獻十省出入畋游又陳西北邊事憲宗悅召問得失當路者惡之出為河南尉以母喪解服除拜監察御史按獄東川因劾奏節度使嚴礪違詔過賦數百萬沒入塗山甫等八十餘家田產奴婢時礪已死七刺史皆奪俸礪黨怒俄分司東都時浙西觀察使韓臯杖安吉令孫漸數日死武甯王紹護送監軍孟昇喪乘驛內喪郵中吏不敢止內園擅繫人論年臺不及知河南尹誣殺諸生尹太階飛龍使誘亡命奴為養子田季安盜取洛陽衣冠女汴州沒入死買錢千萬凡十餘事悉論奏會河南尹房式坐罪稹舉劾按故事追攝移書停務詔薄式罪召稹還次敷水驛中人仇士良按舊書作內官劉士元未詳孰是夜至稹不讓中人怒擊稹敗面宰相以稹年少輕樹威失憲臣體賤江陵士曹參軍而李絳崔羣白居易皆論其枉久乃徙通州司馬改號州長史元和末召拜膳部員外郎稹尤長於詩與居易名相埒天下傳諷號元和體往往播樂府穆宗在東宮妃嬪近習皆誦之宮中呼元才子稹之謫江陵善監軍崔潭峻長

慶初潭峻方親幸以稹歌詞數十百篇奏御帝大悅卽擢祠部郎中知制誥變詔書體務純厚明切盛傳一時然其進非公議為士類譽薄俄遷中書舍人翰林承旨學士數召入禮遇益厚自謂得言天下事中人爭與稹交魏弘簡在樞密尤相善裴度出屯鎮州有所論奏共沮卻之度三上疏劾弘簡稹傾亂國政陛下欲平賊當先清朝廷帝迫羣議乃罷弘簡而出稹為工部侍郎然眷倚不衰未幾進同中書門下平章事稹思立奇節報天子以厭人心時王廷湊方圍牛元翼於深州稹所善

于方言王昭于友明按于友明舊書本傳及稹雅游燕趙間能得賊要領可使反開而出元翼願以家貲辦行得兵部虛告二十以便宜募士稹然之李逢吉知其謀陰令李賞誅裴度曰于方為稹結客將刺公度隱不發神策軍中尉以聞詔韓臯鄭覃及逢吉雜治無刺度狀而方計暴聞遂與度偕罷宰相出為同州刺史諫官爭言度不當免而黜稹輕帝獨憐稹但削長春宮使再葺徙浙東觀察使太和三年召為尚書左丞務振綱紀出郎官尤無狀者七人然稹素無檢望輕不為公議所右王播卒謀復輔政甚力訖不遂俄拜武昌節度使卒年五十三贈尚書右僕射

之僧孺持不可乃止賜金紫服以戶部侍郎同中書門下平章事始韓弘入朝其子公武用財賂權貴杜塞言者俄而弘公武卒孫弱不能事帝遣使者至其家悉收賞簿校計出入所以餉中朝臣者皆在至僧孺獨注其左曰某月日送錢千萬不納帝善之謂左右曰吾不謬知人繇是遂以相尋遷中書侍郎敬宗立進封奇章郡公是時政出近倖僧孺數表去位帝乃於鄂州置武昌

軍授武昌節度使同平章事鄂城土惡亟圮歲增築僧孺陶甃以城五年舉鄂人無復歲費文宗立李宗閔當國屢稱僧孺賢不宜棄外復以兵部尚書平章事幽州亂楊志誠逐李載義帝召宰相問計僧孺曰第付以節使扞奚契丹彼且自力不足以逆順治也帝因遣使慰撫之進門下侍郎弘文館大學士是時吐蕃請和約弛兵而大酋悉怛謀舉維州入之劔南於是李德裕上言韋臯經略西川至死恨不能致今以生羌二千人燒十三橋持虜之虛可以得志帝使羣臣大議請如德裕策僧孺持不可遂詔返降者時皆謂僧孺狹素怨橫議沮解之帝亦以為不直會中尉王守澄引緡人竊議朝政它日延英召見宰相曰公等有意於太平乎何道以致之僧孺曰臣待罪宰相不能康濟然太平亦無象今四夷不內擾百姓安生業私室無疆家上不壅蔽下不怨讟雖未及至盛亦足為治矣而更求太平非臣所及退謂它宰相曰上責成如是吾可久處此耶固請罷乃檢校尚書左僕射平章事為淮南節度副大使天子既急於治故李訓等按隙得售其妄開成初表解劇鎮以檢校司空為東都留守三年召為尚書左僕射以足疾不任謁檢校司空平章事為山南東道節度使會昌元年

漢水溢境城郭坐不謹防下遷太子少保進少師明年以太子大傅留守東都劉稹誅事連僧孺武宗怒黜為太子少保分司東都累貶循州長史宣宗立徙衡汝二州還為太子少師卒贈大尉年六十九諡曰文簡諸子蔚叢最顯

蔚字大章少擢明經又第進士縣監察御史為右補闕大中初屢條切政宣宗喜曰牛氏果有子差慰人意出為金州刺史累遷吏部郎中失權倖意貶國子博士分司東都復以吏部召兼史館修撰咸通中進至戶部侍郎襲奇章侯坐累免未一歲復官久之檢校兵部尚書山南西道節度使在鎮三年徐州盜起神策兩中尉調諸藩悉財助軍蔚索府帑三萬以獻中人嫌其吝用吳行魯代還及黃巢入京師遁山南故吏喜蔚至爭迎候因請老以尚書右僕射致仕卒子循徽

徽舉進士累擢吏部員外郎乾符中選曹猥濫吏多姦歲調四千員徵治以剛明柅杜干請法度復振蔚避地于梁道病微與子扶籃輿歷閣路盜擊其首血流面持輿不息盜迫之微拜曰人皆有父今親老而疾幸無駭驚盜感之乃止抵梁微趨蜀謁行在巧歸侍親疾會拜諫議大夫固辭見宰相杜讓能曰上遷幸當從親有疾當侍而微兄在朝廷身乞還營醫藥時兄循己位給事中許之父喪客梁漢終喪以中書舍人召辭疾改給事中留陳倉張潛伐太原引為判官敕在所致遣徽太息曰王室方復膺藏輝耗當協和諸侯以為藩屏而又濟以兵諸侯離心必有後憂不肯起潛果敗復召為給事中楊復恭叛山南李茂貞請假招討節伐之未報而與王行瑜輒出兵昭宗怒持奏不下茂貞亟請帝召羣臣

議無敢言微曰王室多難茂貞誠有功今復恭阻兵而討之罪在不俟命兩臣間兩鎮兵多殺傷不早有所制則梁漢之人盡矣請假以節明約束則軍有所畏帝曰然乃以招討使授茂貞果有功然益僭蹇帝使宰相杜讓能將兵誅討微諫曰岐國西門茂貞憑其眾而暴若令萬分一不利屈威重奈何願徐制之不聽師出帝復召微曰今伐茂貞彼眾烏合取必萬全卿計何日有捷對曰臣職諫爭所言者軍國大體如索賊平之期願陛下考著龜賁將帥非臣職也既而師果敗遂殺大臣王室益弱俄繇中書舍人為刑部侍郎襲奇章勇崔胤忌微之正換左散騎常侍徙太子賓客以刑部尚書致仕歸樊川卒贈吏部尚書

叢字表齡第進士繇藩帥幕府任補闕數言事會宰相請廣諫員宣宗曰諫臣惟能舉職為可奚用眾耶今張符趙璘牛叢使朕聞所未聞三人足矣以司勳員外郎為睦州刺史帝勞曰卿非得怨宰相乎對曰陛下比詔不由刺史縣令不任近臣宰相以是擢臣非嫌也咸通中拜劍南西川節度使時蠻犯邊抵大渡進略黎雅叩叩味關謾書求人朝且曰假道叢囚其使四十人釋二人還之蠻懼即引去倍宗幸蜀授太常卿以病求為巴州刺史不許還京為吏部尚書嗣襄王亂叢客死太原李宗閔字損之鄭王元懿四世孫擢進士調華州參軍事舉賢良方正與牛僧孺切時政觸宰相李吉甫惡之補洛陽尉久流落不偶去從藩府辟署入授監察御史禮部員外郎裴度伐蔡引為彰義觀察判官蔡平遷駕部郎中知制誥穆宗即位進中書舍人長慶初錢徽典貢舉宗閔託所親於徽而李德裕李紳元稹在翰林

有寵於帝共白徽納干可取士不以實宗閔生貶劍州刺史由是嫌忌顯結樹黨相磨軋凡四十年搢紳之禍不能解俄復為中書舍人典貢舉所取多知名士世謂之玉筍寶歷初累進兵部侍郎父喪解太和二年以吏部侍郎同中書門下平章事時德裕自浙西召欲以相而宗閔中助多先得進即引僧孺同秉政相唱和去異己者德裕所善皆逐之遷中書侍郎久之德裕為相與宗閔共當國德裕入謝論及朋黨帝曰眾以楊虞卿張元夫蕭滂為黨魁德裕因請皆出為刺史帝然之宗閔曰德裕居外久其知黨人不如臣之詳虞卿日見賓客於第世號行中書故臣未嘗與美官德裕曰給事中非美官云何宗閔大沮俄以同平章事為山南西道節度使李訓鄭注始用事疾德裕共營短之乃罷德裕復召宗閔知政事進封襄武縣侯念肆附託會虞卿以京兆尹得罪極言營解帝怒謂曰爾嘗詆鄭覃為妖氣今自為妖耶即出為明州刺史貶處州長史訓注復劾宗閔貶潮州司戶參軍事時訓注欲以權市天下凡不附己者皆指以二人黨逐去之人人駭栗帝乃詔宗閔德裕姻家門生故吏自今一切不問嘗歎曰去河北賊易去此朋黨難開成初幽州史元忠河陽李載義累表論洗乃徒為衛州司馬楊嗣復輔政與宗閔善欲復用而畏鄭覃乃託宦人諷帝帝因紫宸對果曰朕念宗閔久斥應援一官覃與陳夷行往復辨論固執不可帝終以嗣復言擢宗閔杭州刺史遷太子賓客分司東都既而覃夷行去位嗣復謀引宗閔輔政未及而文宗崩會昌中劉稹以澤潞叛德裕建言宗閔素厚從諫今上黨近東都乃拜宗閔湖州刺史稹敗得交通狀貶漳州長史流

志四八一

封州宣宗即位徙柳州司馬卒子琨瓚皆推進士令狐絢作相而瓚以知制誥歷翰林學士絢罷瓚亦出為桂管觀察使不善御軍為士卒所逐貶死宗閔弟宗冉其子湯累官京兆尹黃巢陷長安殺之

楊嗣復字繼之僕射於陵子也八歲知屬文後擢進士博學宏辭與裴度柳公綽皆為武元衡所知表署劍南幕府進右拾遺直史館尤善禮家學改太常博士再遷禮部員外郎累遷中書舍人時於陵為戶部侍郎嗣復與牛僧孺李宗閔雅相善二人輔政引之然不欲越父當國故權知禮部侍郎文宗嗣位進戶部侍郎於陵老

求侍不許喪除擢尚書左丞太和中宗閔罷嗣復出為劍南東川節度使宗閔復相徙西川開成初以戶部侍郎召領諸道鹽鐵轉運使俄與李珣並拜同中書門下平章事弘農縣伯仍領鹽鐵後紫宸奏事嗣復為帝言陸洿屏居民問而上書論兵可勸以官珣趣和之鄭覃

不平曰陛下當察朋黨嗣復曰覃疑臣黨臣應免即再拜祈罷帝方委以政故慰安之它日延英訪對史官不及知嗣復建言請延英對宰相語關道德刑政者委中書門下直日記錄月付史官它宰相議不同止久之帝

又問延英政事孰當記之監修國史對曰臣之職也陳夷行曰宰相所錄恐掩蔽聖德自盜美名單曰陛下開成初政甚善三年後日不逮前嗣復曰開成初覃夷行當國三年後臣與李珣同進臣不能悉心奉職使政

事日不逮前臣之罪也即叩頭請辭趨出帝使使者召還曰覃言失何及此邪嗣復闔門不肯起帝乃免覃夷行相而嗣復專天下事進門下侍郎建言使府官屬多宜省帝曰無反滯才乎對曰才名自異汰去秕滓者菁

華乃出帝曰昔蕭復秉政難言者必言卿其志之未幾帝崩中尉仇士良廢遺詔立武宗帝之立非宰相意故

內薄執政臣不加禮自用李德裕而罷嗣復為吏部尚書出為湖南觀察使會誅薛季稜劉宏逸中人多言嘗附嗣復珣不利於陛下帝剛急即詔中使分道誅嗣復

等德裕與崔暉崔瑛等詣延英論救按舊書紀時相之駁崔瑛而不及德裕蓋以嗣復乃宗閔黨疑德裕未嘗中救也然放綱曰書此事并載杜棕奔馬見德裕語則論救嗣復實德裕為之倡帝曰朕續嗣之際珣等各有附會若珣季稜屬陳王猶是先帝意即嗣復宏逸屬安

王乃內為楊妃謀使安王立肯吞我耶言畢戚然乃曰為卿赦之因追使者還貶嗣復潮州刺史宣宗立起為江州刺史以吏部尚書召道岳州卒年六十六贈尚書左僕射諡曰孝穆嗣復五子其顯者授損按舊書嗣復合此云授損們失其大

授字得符於昆弟最賢由進士第累遷戶部侍郎以母病求為祕書監後以刑部尚書從昭宗幸華徙太子少保卒贈尚書左僕射子昶按宰相世系表作然字公隱累擢左拾遺昭宗初

立數遊宴上疏極諫歷戶部員外郎崔胤招朱全忠入京師擊斃族客湖南終諫議大夫損字子默繇蔭補藍田尉至殿中侍御史家新昌里與路巖第接巖方為相欲易其廐以廣第損族仕者十餘人議曰家世盛衰榮權者喜怒不可拒損曰今尺寸土皆先人書貲非吾等所有安可奉權臣邪窮達命也卒

罷先人書貲非吾等所有安可奉權臣邪窮達命也卒罷去召為給事遷京兆尹與宰相盧攜雅不叶復除給事中陝虢軍亂逐觀察使崔胤命損覆之至則盡誅有

罪者拜平盧節度使徙天平未赴復留宰官下楊虞卿字師臯虢州弘農人父靈有高操擢明經調陞

換主簿棄官還夏與陽城為莫逆交陝觀察使李齊運表置幕府齊運入為京兆尹表奉先主簡拜監察御史坐累免順宗初召為殿中侍御史終國子祭酒虞卿

第進士博學宏辭為校書郎累擢監察御史穆宗初立逸游荒恣虞卿上疏極諫俄詔行勞西北邊還遷侍御史改禮部員外郎史館修撰進吏部會曹史李實等齧偽告身調官六十五員贓千六百萬以上虞卿發其姦

實等繫御史府而虞卿親史嘗受二百萬亡命私奴受三十萬虞卿縛奴送獄三司嚴休復高欽草景休雜推實等皆誅死虞卿坐不檢下免官李宗閔牛僧孺輔政

引為右司郎中弘文館學士再遷給事中虞卿佞柔善諸麗權幸倚為姦利宗閔待之尤厚就黨中為最能唱和者以口語軒輊事機故時號黨魁德裕之相出為常州刺史宗閔復入以工部侍郎召遷京兆尹太和九年

京師訛言鄭注為帝治丹劑小兒肝心用之民相驚帝不悅注亦內不安而雅與虞卿有怨即約李訓奏言語出虞卿家帝大怒下虞卿詔獄於是諸子弟白囚闕下稱冤虞卿得釋貶虔州司戶參軍死弟漢公按漢公舊之弟考宰相世系表與舊書同新書誤以漢公為虞卿之子今改正子知退知權擅堪皆擢進士第

漢公用父始辟興元李絳幕府絳死不與其禍累遷戶部郎中史館修撰轉司封郎中坐虞卿下除舒州刺史徙湖亭蘇三州擢桂管浙東觀察使由戶部侍郎拜荆南節度使召為工部尚書或劾漢公治荆南有貪贓降祕書監稍遷國子祭酒宣宗擢為同州刺史於是給

事中鄭裔韓鄭公與共奏漢公言張無廉概不可處近輔三還制書帝不從會寒食宴近臣帝言漢公事裔韓獨對同州太宗興王地漢公既以墨敗陛下容可舉劇部私貪人帝悲見顏開翌日斥裔韓為商州刺史漢公自同州東宣武天平兩節度使卒子籌範仕亦顯汝士字慕巢中進士第又擢宏辭李待之善引為中書舍人開成初由兵部侍郎為東川節度使時嗣復鎮西川乃族昆弟對擁旄節世榮其門終刑部尚書子知溫知至悉以進士第入官知溫終荆南節度使知至為宰相劉瞻所善以比部郎中知制誥瞻得罪亦貶瓊州司馬累擢戶部侍郎

張宿者本寒人自名諸生憲宗為廣陵王時因張茂宗薦得出入邸中誣謫敢言及監撫自布衣授左拾遺交通權幸四方路遺滿門數召對不能慎密坐漏禁中語貶郴州十餘年累遷比部員外郎宰相李逢吉數言其狡論不可信白為濠州刺史宿上疏自言留不遣帝欲以為諫議大夫逢吉曰諫議職要重當待賢者宿細人不可使汙是官陛下必用之請先去臣乃可帝不悅後逢吉罷詔權知諫議大夫宿怨執政不與已乃日肆謔甚與皇甫鎛相附離多中傷正人君子元和末持節至淄青李師道願割地遣子入侍既而悔復遣宿往暴卒于道贈祕書監

熊望者字原師擢進士第性險躁以辯說游公卿間劉栖楚為京兆尹樹權勢望日出入門下為刺取事機陰佐計畫敬宗喜為歌詩議置東頭學士以備燕狎栖楚薦望未及用帝崩文宗立韋處厚秉政詔望因緣險薄營密職圖襲幸謹泐眾議貶漳州司戶參軍

栢者有縱橫學父良器為時威名將是時王承宗以常山叛朝廷厭兵者杖策詣淮西行營謁裴度且言願得天子一節馳入鎮可掉舌下之度為言乃以左拾遺往既至以大誼動承宗至泣下乃請獻二州以二子入質真擢耆左拾遺由是聲震一時遷起居舍人王承元徒議成軍遣諫議大夫鄭覃往慰成德軍資糶錢百萬資未至舉軍譁議穆宗遣耆論天子意眾乃信悅轉兵部郎中諫議大夫太和初李同捷反詔兩河諸鎮出兵久無功乃授耆德州行營諸軍計會使與判官沈亞之諭旨會橫海節度使李祐平德州同捷窮請降祐使大將萬洪代守滄州同捷未出也耆以三百騎馳入滄以事誅洪與同捷朝京師既行謀言王廷湊欲以奇兵劫同捷耆遂斬其首以獻諸將嫉耆功比奏攢誣文宗不獲已貶耆循州司戶參軍亞之南康尉初祐聞耆殺洪大驚疾遂劇帝曰祐若死是耆殺之至是積前怒詔長流愛州賜死謹按通鑑輯覽御批栢耆雖不免急死之功固可抵過也乃以李祐之死避令自盡何以厲用命之士哉

欽定續通志卷二百六十六

韓愈字退之鄧州南陽人

按舊唐書韓愈字退之鄧州南陽人年譜辨證並方崧卿增考年

諸云韓氏世居穎川與昌黎之韓支派各別宋元豐元

年封愈為昌黎伯蓋取其郡望而愈每自稱為昌黎人

亦本其郡望也是書稱其望新書著其地皆不悞又

北魏韓麒麟最著於魏史稱其為昌黎城人本望

如此今直隸承平府之昌黎縣乃金世宗大

定二十九年始立是在韓愈四百年後矣

七世祖茂有功於後魏封安定王父仲卿為武昌令有美政既去

縣人刻石頌德終祿書郎愈生三歲而孤隨伯兄愈貶

官嶺表會卒嫂鄭鞠之愈自知讀書日記數千百言比

長盡能通六經百家學擢進士第會董晉為宣武節度

使表署觀察推官晉卒愈從喪出不四日汴軍亂乃去

依武靈節度使張建封建封辟府推官操行堅正鯁言

無所忌諱四門博士遷監察御史上疏極論宮市德宗

怒貶陽山令有愛在民民生子多以其姓字之改江陵

法曹參軍元和初權知國子博士分司東都三歲為真

改都官員外郎即拜河南令遷職方員外郎華陰令柳

澗有舉前刺史劾奏之未報而刺史罷澗諷百姓遮索

軍頓役直後刺史惡之按其獄貶澗房州司馬愈過華

以為刺史陰相黨上疏治之既御史復問得澗贓再貶

封溪尉愈坐是復為博士既才高數黜官又下遷乃作

進學解以自諭執政覽之奇其才改比部郎中史館修

省父愈為序餞鏐仍呼其字謗語謂暴由是改太子右

庶子及度以宰相節度彰義軍宣慰淮西奏愈行軍司

馬愈請乘遽先入汴說韓弘使叶力元濟平遷刑部侍郎

郎憲宗遣使者往鳳翔迎佛骨入禁中三日乃送佛祠

王公士人奔走膜頌愈惡之乃上表極論帝大怒持示

宰相將抵以死裴度崔羣曰愈言許悞罪之誠宜然非

內懷至忠安能及此願少寬假以來諫諍帝曰愈言我

奉佛太過猶可容至謂東漢奉佛以後天子咸天促言

何乖刺邪愈人臣狂妄敢爾固不可赦於是中外駭懼

雖戚里諸貴亦為愈言乃貶潮州刺史既至潮以表哀

謝帝頗感悔欲復用之持示宰相皇甫鏐素忌愈直即

奏言愈終狂疏可且內移乃改袁州刺史初愈至潮州

問民疾苦皆曰惡溪有鱷魚食民畜產且盡民以是窮

愈自為文祭之一夕徙去自是潮無鱷魚患袁人以男

女為隸過期不贖則沒入之愈至悉計庸得贖所沒歸

之父母七百餘人因與約禁其為隸召拜國子祭酒轉

兵部侍郎鎮州亂殺田弘正而立王廷湊詔愈宣撫既

行眾皆危之元稹言韓愈可惜穆宗亦悔詔愈度事從

宜無必入愈至廷湊嚴兵逐之甲士陳廷至坐廷湊曰

所以紛紛者乃此士卒也愈大聲曰天子以公為有將

帥材故賜以節豈意同賊反邪語未終士前奮曰先太

師為國擊朱滔血衣猶在此軍何負乃以為賊乎愈曰

以為爾不記先太師也若猶記之固善天寶以來安祿

山史思明李希烈等有子若孫在乎亦有居官者乎眾

曰無愈曰田公以魏博六州歸朝廷官中書令父子受

旗節節悟李祐皆大鎮此爾軍所共聞也眾曰弘正刻

道眾謹曰善廷湊慮眾變疾麾使去因曰今欲廷湊何

所為愈曰神策六軍將如牛元翼者不乏但朝廷顧大

體不可棄之公久圍之何也廷湊曰即出之愈曰若爾

則無事矣會元翼亦潰圍出廷湊不迫愈歸奏其語帝

大悅轉吏部侍郎時宰相李逢吉惡李紳欲逐之遂以

愈為京兆尹兼御史大夫特詔不臺參而除紳中丞紳

果劾奏愈愈以詔自解其後文刺紛然宰相以臺府不

協遂罷愈為兵部侍郎而出紳江西觀察使紳見帝得

留愈亦復為吏部侍郎長慶四年卒年五十七贈禮部

尚書諡曰文愈性明銳不詭隨與人交始終不少變成

就後進士往往知名經愈指授皆稱韓門弟子愈官顯

稍謝遣凡內外親若交友無後者為嫁遣孤女而郵其

家嫂鄭喪為服期以報每言文章自漢司馬相如太史

公劉向楊雄後作者不世出故愈深探本元卓然樹立

成一家言其原道原性師說等數十篇皆與衍闊深與

孟軻楊雄相表裏而佐佑六經云從愈遊者若孟郊張

籍亦皆自名於時

孟郊者字東野湖州武康人少隱嵩山性介少訢合愈

一見為忘形交年五十得進士第調溧陽尉縣有投金

灘平陵城林薄蒙翳下有積水郊閒往坐水旁裴回賦

詩而曹務多廢令白府以假尉代之分其半奉鄭餘慶

為東都留守署水陸轉運判官餘慶鎮興元奏為參謀

卒年六十四張籍諡曰貞曜先生郊為詩有理致最為

愈所稱

張籍者字文昌和州烏江人第進士為太常寺太祝入

次遷祕書郎愈薦為國子博士歷水部員外郎主客郎

多警句仕終國子司業

皇甫湜字持正陸州新安人擢進士第為陸渾尉仕至工部郎中辨急使酒數忤同省求分司東都留守裴度辟為判官度修福先寺將立碑求文於白居易湜怒曰近捨提而遠取居易請從此辭度謝之湜即請斗酒飲酣援筆立就度贈以車馬綰綵甚厚湜大怒曰自吾為願況集序未嘗許人今碑字三千字三緜何遇我薄耶度笑曰不羈之才也從而酬之

盧仝居東都愈為河南令愛其詩厚禮之仝自號玉川子嘗為月蝕詩以譏切元和逆黨愈稱其工時又有賈島劉叉皆韓門弟子

賈島字浪仙范陽人初為浮屠名死本愈教其為文遂去浮屠舉進士文宗時坐飛謗貶長江主簿會昌初以普州司倉參軍遷司戶未受命卒年五十六

劉叉者亦一節士少放肆為俠行繼乃折節讀書能為歌詩聞愈接天下士步歸之後不知所終

白居易字樂天其先蓋太原人北齊五兵尚書建有功於時賜田韓城子孫家焉又徙下邳父季庚為彭城令李正己之叛說刺史李洎自歸累擢襄州別駕居易敏悟絕人工文章未冠謁顧况况笑人恃才少所推可見其文自失曰吾謂斯文遂絕今復得子矣貞元中擢進士拔萃皆中補校書郎元和元年對制策一等調整厓尉明年為集賢校理月中召入翰林為學士遷左拾遺

四年天子以旱甚下詔有所鑄貨振除災沴居易見詔節未詳即建言乞盡免江淮兩賦以救流瘠且多出宮人憲宗頗采納李師道上私錢六百萬為魏徵孫贖故第居易言徵任宰相太宗用殿材成其正寢後嗣不能

守陛下宜以賢者子孫贖而賜之師道人臣不宜掠美帝從之河東王鐔將加平章事居易以為宰相天下具瞻非有重望顯功不可任按鐔誅求百計不郵彫瘵所得財號為羨餘以獻今若假以名器非所以訓四方也帝乃止是時孫璿以禁衛勞擢鳳翔節度使張奉國定徐州平李錡有功遷金吾將軍居易為帝言宜罷璿進奉國以竦天下忠臣心度支有囚繫關鄉獄更三赦不得原又奏言父死繫其子夫久繫妻嫁債無償期禁無休日請一切免之奏凡十餘上益知名會王承宗叛帝詔吐突承璀率師出討居易諫唐家制度每征伐專委將帥責成功比年始以中人為都監韓全義討淮西賈

良國監之高崇文討蜀劉貞亮監之且與天下兵未有以中人專統領者神策既不置行營節度即承璀為制將又充諸軍招討處置使是實都統恐四方聞之必輕朝廷後世且傳中人為制將自陛下始陛下忍受此名哉且劉濟等洎諸將必恥受承璀節制心有不樂無以立功此乃資承宗之姦挫諸將之銳帝不聽既而兵老不決居易上陳利害請罷承璀會承宗請罪兵遂罷後對殿中論執強饒帝未論輒進曰陛下誤矣帝變色罷

欲斥之絳曰陛下啟言者路故羣臣敢論得失若黜之是箝其口使自為謀非所以發揚盛德也帝悟待之如初歲滿當遷帝以資淺且家素貧聽自擇官居易請如姜公輔以學士兼京兆戶曹參軍以便養詔可明年以母喪解還拜左贊善大夫是時盜殺武元衡京都震擾居易首上疏請亟捕賊刷朝廷恥以必得為期宰相嫌其出位不悅出為州刺史中書舍人王涯上言不宜治郡追貶江州司馬久之徙忠州刺史入為司門員外郎

以主客郎中知制誥穆宗好畋游戲續虞人箴以諷俄轉中書舍人田布拜魏博節度使命持節宣諭布遺五百縑詔使受之辭曰布父讐國恥未雪人當以物助之乃取其財誼不忍方論問旁若悉有所賄則賊未殄布貴竭矣詔聽辭餉是時河朔復亂合諸道兵出討遷延無功賊取弓高絕糧道深州圍益急居易上言兵多則難用將眾則不一宜詔魏博澤潞定滄四節度令各守境以省度支贖餉每道各出銳兵三千使李光顏將

光顏故有鳳翔徐滑河陽陳許軍無慮四萬可徑薄賊開弓高糧路合下博解深州之圍與牛元翼合還裴度招討使使悉太原兵西壓境見利乘隙夾攻之開令招諭以動其心未及誅夷必自生變不聽乃旬外遷為杭州刺史始築堤捍錢塘湖澗洩其水溉田千頃復浚李泌六井民賴以汲久之以太子左庶子分司東都復拜蘇州刺史病免文宗立以祕書監召遷刑部侍郎封晉陽縣男太和初二李黨事興楊虞卿與居易姻家而善李宗閔居易惡緣黨人斥乃移病還東都除太子賓客

分司踰年即拜河南尹復以賓客分司開成初起為同州刺史不拜以太子少傅進馬湖縣侯會昌初以刑部尚書致仕六年卒年七十五贈尚書右僕射宣宗以詩弔之遺命薄葬毋請謚居易與弟行簡從祖弟敏中友愛東都所居履道里疏沼種樹構石樓香山鑿八節灘自號醉吟先生又稱香山居士嘗與胡杲吉叟鄭據劉真虛真張渾狄兼謨盧貞燕集人慕之給為九老圖居易於文章精切然最工詩初頗以規諷得失及其多更下偶俗好至數千篇當時士人爭傳鷄林行賈售其國相率篇易一金初與元稹酬詠故號元白稹卒又與劉

禹錫齊名號劉白始生七月能展書姆指之無兩字雖
試百數不差敏中爲相請諡有司曰文東都江州人爲
立祠焉

行簡字知退擢進士辟盧坦劍南東川府罷與居易自
忠州入朝授左拾遺累遷主客員外郎代韋詞判度支
按進郎中長慶時振武營田使賁稜志營田數過實詔
行簡覆按之發其妄志懼自刺不殊行簡敏而有辭後
學所慕尙寶歷二年卒

敏中字用晦少孤承學諸兄長慶初第進士辟義成節
度使李聽府聽一見許其遠到遷右拾遺改殿中侍御
史爲符澈邠甯副使澈卒以能政聞御史中丞高元裕
薦爲侍御史再轉左司員外郎武宗雅聞居易名欲召
用之是時居易足病廢宰相李德裕言其衰茶不任事
卽薦敏中文詞類其兄而有器識卽日知制誥召入翰
林爲學士進承旨宣宗立以兵部侍郎同中書門下平
章事遷中書侍郎兼刑部尙書德裕貶敏中抵之甚力
議者訾惡歷尙書右僕射門下侍郎封太原郡公自員
外凡五年十三遷崔鉉輔政欲專任忠敏中居右會黨
項數寇邊鉉言宜得大臣鎮撫敏中以司空平章事兼
邠甯節度招撫制置使帝御安福樓以餞頒璽書諭慰
賜通天帶衛以神策兵開府辟士禮如裴度討淮西時
次甯州諸將已破羌賊敏中卽說諭其眾皆願棄兵爲
業乃自南山道河按屯堡回繞千里又規蕭關通靈威
路使爲耕戰具踰年檢校司徒徙劍南西川增募軍完
創關壁治蜀五年有勞加兼太子太師徙荆南懿宗立
召拜司徒門下侍郎遷平章事數月足病不任調固求
避位不許中使者勞問俸對別殿毋拜右補闕王譜奏

言敏中病四月願聽其請無使有持寵曠責之譏書聞
帝怒斥譜陽翟令未幾加敏中中書令自裴度以勤德
居而敏中以恩澤進咸通二年南蠻擾邊召敏中入議
許挾扶升殿固求免乃出爲鳳翔節度使三奏願歸守
廬墓除東都留守不敢拜許以太傅致仕詔書未至卒
冊贈太尉

欽定續通志卷二百六十七

列傳

唐六十八

錢徽

崔咸

韋表微

高武涇

馮宿定

李虞仲

李翱

盧簡辭簡能

宏止

高元裕

封敖

鄭薰

敬晦

韋博

李景讓景溫

錢徽字蔚章父起附見盧綸傳徽中進士第居穀城穀

城令王郢善接僑士遊客以財貨饋坐是得舉觀察使

樊澤視其簿獨徽無有乃表署掌書記又辟宣歙崔衍

府王師討李希烈徽遣采石兵會戰戍還頗驕蹇會衍

病亟徵請召池州刺史李遜署副使遜至而行死一軍

賴以安入拜左補闕以祠部員外郎為翰林學士三遷

中書舍人加承旨憲宗嘗獨召徽從容言它學士皆高

選宜預聞機密廣參決帝稱其長者是時內積財圖復

河湟然禁無名貢獻而至者不甚卻徽懇陳罷之帝密

戒後有獻毋入右銀臺門以避學士以論淮西事忤旨

罷職從太子右庶子出號州刺史入拜禮部侍郎宰相

段文昌學士李紳以所善士誘徵求致第籍徵不能如

二人請因是共擠其非有詔王起白居易覆試而黜者

過半遂貶江州刺史或勸徵出文昌紳私書自直徵曰

苟無愧於心安事辨證邪教子弟焚書謹按通鑑竊寬

怨李已足紊亂朝常至通關節於實舉是以先進引後

進其為門戶紛爭瓜連枝蔓尤不可究詰矣若時人稱

美錢徽不奏人私書此更替說既有私書則掌舉者已

屬納人關節且未必止長李二人而已徵即下恩旨自

言耶史書之初州有盜劫貢船捕吏取濱江惡少年二

百人繫訊徵按其枉悉縱去數日舒州得真盜州有牛

田錢百萬刺史以給宴飲贈餉者徵曰此農耕之備可

妄用哉命代貧民租入轉湖州時宜欽阜左丞孔戣請

徒徵便宜欽宰相以其不文辭進不用戣曰相君宜知

天下事徵江號之治不及知况其它邪還遷工部侍郎

出為華州刺史文宗立召拜尚書左丞會宣墨麻羣臣

在廷方大寒稍稍引還徵素恭謹不去位久而仆因上

疏告老不許太和初復為華州俄以吏部尚書致仕卒

年七十五贈尚書右僕射徵任庶于時韓公武以賂結

公卿遺徵錢二十萬不納或言非當路可無讓徵曰取

之在義不在官時稱有公望子可復方義可復副鄭注

出鎮鳳翔注敗及禍方義終太子賓客子珣字瑞文善

文辭宰相王搏薦知制誥進中書舍人搏得罪珣貶撫

州司馬

崔咸字重易博州博平人元和初擢進士第又中宏辭

鄭餘慶李夷簡皆表在幕府與均禮入朝為侍御史處

正特立風采動一時累遷陝魏觀察使日與賓客僚屬

痛飲未嘗醒夜分輒決事裁剖精明無一毫差吏稱為

神入拜右散騎常侍祕書監太和八年卒諡文中歌詩

最善

韋表微字子明隋郿城公元禮七世孫擢進士第數辟

諸使府久之入授監察御史裏行俄為翰林學士是時

李紳宰相相貶端州龐嚴蔣防皆謫去學士缺人人爭

薦丞相所善者表微獨薦韋處厚人服其公進知制誥

後與處厚議增選學士復薦路隋處厚以諸父事表微

因曰隋位崇入且翁右奈何答曰選德進賢初不計私

也久之遷中書舍人敬宗嘗語左右欲相二韋會朋文

宗立獨相處厚進表微戶部侍郎刁志沼叛詔李聽率

師討之次河上天子憂無成功表微日以聽軍勢不十

五日必破賊及捷書上止淡日志沼殘兵六千奔昭義

宰相請推處首惡者誅之歸籍從者于魏表微上言逆

子降又殺之非好生也請以聽代史憲誠于魏志沼之

徒可使招納不聽以病痼罷學士卒年六十贈禮部尚

書著有春秋三傳總例九經師授講

高武字翹之史失其何所人與弟銖錯俱擢進士第累

遷右補闕史館修撰元和末以中人為和羅使武累疏

論執轉起居郎數陳政得失穆宗嘉之面賜緋魚召入

翰林為學士張韶變與倉卒武從敬宗夜駐左軍翌日

進知制誥拜中書舍人入見帝因勸躬聽覽以示愛勤

帝納其言賜錦綵俄罷學士累進吏部侍郎人善其振

職出為同州刺史卒贈兵部尚書

子混字澄之第進士累官右諫議大夫咸通末為禮部

侍郎時士多繇權要干請混不能裁既而抵帽於地曰

吾決以至公取之得譴固吾分乃取公乘德許棠聶夷

中等皆有名當時以兵部侍郎判度支出為昭義節度

使為下所逐貶連州司馬按舊傳誤載混為禮部侍郎

為兵部郎中中書舍人權知禮部貢舉及為荆南節度

判官並無為昭義節度語至咸通以後昭義軍之亂一

於乾符五年時為節度者李鈞也一於中和元年高潛

牙將劉廣據鄧州潛天并開成將孟方立攻殺廣自稱

留後則為昭義節度為下所逐者高潛非高混也新書

蓋移辨事為混事然潯貶端州刺史非連州司馬卒無

定據謹附以太子賓客分司東都卒

注於此

銖字權仲旣擢第署太原張宏靖幕府入遷監察御史

太和時累擢給事中文宗得李訓驟拜侍講學士銖率

諫官伏問言訓素行儉邪不可任必亂天下明年訓當

即四年七月出為河南尹會卒

呂未為吏部侍郎與此互異卒

外郎遷中書舍人開成元年權知貢舉按舊書權知九年十月次年為開成元年乃以錯為錯以籍上帝語侍

臣曰比年文章卑弱今所上差勝於前即以錯為禮部

侍郎闕三歲頗得才實始歲取四十人才益少詔減十

人猶不能滿遷吏部侍郎出為鄂岳觀察使卒贈禮部

尚書

子湘字潛之擢進士第歷長安令右諫議大夫從兄混

與路巖親善而湘厚劉瞻巖既逐瞻貶湘高州司馬信

宗初召為太子右庶子按舊書肅宗紀以為韋保衡所

貶賀州而湘即於是月召為諫議大夫其為保衡所逐

而非路巖明矣又按舊傳湘乾符三年九月以中書舍

人權知禮部侍郎蓋初以諫議召而旋為終江西觀察

中書舍人此謂召為右庶子未知何據

焉宿字拱之婺州東陽人父子華廬親墓有靈芝白兔

號孝焉家宿貞元中與弟定從弟審寬並擢進士第徐

州張建封表掌書記建封卒子愔為軍中舊主留事李

師古將乘喪復故地情大懼於是王武俊擁兵觀變宿

以書說之武俊悅即以表聞遂授愔留後宿不樂佐愔

更從新東賈全觀察府愔憾其去奏貶泉州司戶參軍

召為太常博士累遷都官員外郎表度節度彰義軍表

為判官淮西平除比部郎中長慶時進知制誥牛元翼

徒節山南東道為王廷湊所圍以宿總留事遷進中書

舍人出華州刺史避諱不拜徙左散騎常侍兼集賢殿

學士拜河南尹歷工部刑部二侍郎修裕後敕三十篇

行於時累封長樂縣公擢東川節度使完城郭增兵械

十餘萬部分甲賜船至道浩水數萬民廬舍宿修利

防庸一方便賴疾革將斷重刑家人請有之宿曰命修

短天也捷法以求祐吾不敢卒年七十贈吏部尚書諡

曰懿子闕字昌之連中進士宏辭科大中時終戶部侍

郎判度支寬為起居郎

定字介夫偉儀觀與宿齊名人方漢二馮子頗素善之

頗在襄陽定徒步上謁吏不肯白乃亟去頓聞斥吏歸

錢五十萬及諸境定返其遺以書讓頗不下士頗大慙

第進士異等辟浙西薛萃府以鄂尉為集賢校理始定

居喪號毀甚故數移疾大學士疑其簡怠奪職三遷祠

部員外郎出為郢州刺史坐遊宴不節免官起為國子

司業再遷太常少卿文宗嘗詔開元霓裳羽衣舞參以

雲韶肆於廷定部諸公立縣開端疑若植帝異之問學

士李珣珣以定對帝喜曰豈非能古章句者耶親誦定

送客西江詩召升殿賜禁中瑞錦詔悉所著以上遷諫

議大夫請左右史從宰相至延英記所言執政不悅改

太子詹事鄭寬兼太子太師上曰欲會尚書省定據禮

當集詹事府詔可論者多其正換衛尉卿以散騎常侍

致仕卒贈工部尚書諡曰節

審字退思開成中為諫議大夫拜桂管觀察使歷國子

祭酒監有孔子碑武后所立睿宗署額審請琢周著唐

終祕書監子絳字宗之乾符初歷京兆河南尹

李虔仲字見之父端見文苑傳虔仲第進士宏辭累遷

太常博士建言諡者所以表德懲惡春秋喪法也古

者將葬請諡今近或二三年遠乃數十年然後諡諡人

歿已久風績湮歌採諸傳聞不可考信臣請凡得諡者

前葬一月請考功敕太常定議其不諡與諡而過時者

聽御史劾舉居京師不得過半期居外一期若善惡著

而不請許考功察行諡之節行卓異雖無官及官卑者

在所以聞詔可寶歷初以兵部郎中知制誥進中書舍

人出為華州刺史歷吏部侍郎簡儉寡欲時望歸重卒

年六十五贈吏部尚書

李翱字習之後魏尚書左僕射沖十世孫中進士第始

調校書郎元和初為國子博士史館修撰常謂史官紀

事不得實乃建言大抵人之行非大善大惡暴於世者

皆訪於人人不周知故取行狀諡牒然其為狀者皆故

吏門生苟言虛美溺於文而忘其理臣請指事載功則

賢不肖易見如言魏徵但記其諫爭語足以為直言段

秀實但記倒用司農印追逆兵笏擊朱泚足以為忠烈

不者願敕考功太常史館勿受如此可以傳信後世矣

詔可又條興復太平大略曰陛下既以武功定海內若

遂革弊事復高祖太宗舊制用忠正而不疑屏刑佞而

不逼改稅法不督錢而納布帛絕進獻寬百姓租賦厚

邊兵以制蕃戎侵盜數引見待制官問以時事通塞敵

之路此六者政之根本太平所以興陛下既已能行其

難若何而不為其易者子臣竊惜陛下當可興之時而

謙讓未為也再遷考功員外郎初諫議大夫李景儉表

翱自代景儉斥翱下除朗州刺史俄召為禮部郎中

書穆宗紀翱於穆宗即位之六月脫朗州十一月復書

正以宗正卿李翱為華州刺史翱未嘗為宗正卿由宗

宗開傳翱與翱文近致訛翱性峭鯁論議無所屈仕不

得顯官佛鬱無所發見宰相李逢吉面斥其過失逢吉

詭不校翱志懼即移病滿百有司自免官逢吉更表

為廬州刺史時州旱遂疫連捐係路亡籍口四萬權豪

賤市田屋牟厚利而寒戶仍輸賦翱下教使以田占租

無得隱收家室稅萬二千緡貧弱以安入為諫議大夫

知制誥改中書舍人栢首使滄州朝盛言其才者得罪由是左遷少府少監後歷遷桂管湖南觀察使山南東道節度使卒按李翺之後山南東道節度使之前新書不載蓋翺之也而舊書翺宗紀實歷二年書曰右散騎常侍李翺卒尤屬謬誤翺未嘗散騎且歷太和開成至會昌中始卒安得卒於十餘年翺始從昌黎韓愈為文章辭致前乎蓋亦李翺之誤翺始從昌黎韓愈為文章辭致渾厚見推當時故有司亦諡曰文

盧簡辭字子策父綸別傳與兄簡能弟宏止簡求皆有文並第進士歷佐帥府入遷侍御史習知法令及臺閣舊事實歷中黎幹子焯語臺請復葉縣故田有司莫能知簡辭獨詰曰按幹坐黨魚朝恩誅貸田皆沒大歷後數十年比有赦令無原洗之言焯安得冒論不為治福建鹽鐵院官盧昂坐贓簡辭窮按乃得金林瑟枕大如斗敬宗曰禁中無此昂為吏可知矣李程鎮太原表為節度判官入授考功員外郎累擢湖南浙西觀察使以檢校工部尚書為忠武節度使徙山南東道坐事貶衡州刺史卒

簡能字子拙太和時累官駕部員外郎鄭注表為鳳翔判官注為張仲清所殺簡能亦被害子知猷字子暮中進士第登宏辭補祕書省正字蕭鄴鎮荆南劍南再辟掌書記入遷右補闕出為饒州刺史以政最聞累進中書舍人朱玫亂避難不出僖宗還京召拜工部侍郎史館修撰歷太常卿戶部尚書至太子太師昭宗為劉季述所幽感憤卒贈太尉子文度亦貴顯

宏止按宰相世系表止作正舊書同今仍新書原文字子彊佐劉悟府累擢監察御史沈傳師表為江西團練副使入拜侍御史華州刺史宇文鼎戶部員外郎盧允中坐賊詔宏止按訊文宗將殺鼎宏止執據皇由允中鼎乃連坐不應死帝釋

之累遷給事中會昌中出為邢洛磁三州及河北兩鎮宣慰使還拜工部侍郎以戶部領度支初兩池鹽法弊得費不相償宏止使判官司空與檢鈎釐正條上新法即表與兩池使自是課入歲倍用度賴之踰年出為武甯節度使徐自王智興後吏卒驕吝銀刀軍尤不法宏止戮其尤無狀者終宏止治不敢諱優詔褒勞宏止贏病丐身還東都不許徙宣武卒於鎮贈尚書右僕射子虔灌有美才終祕書監

簡求字子臧始從江西王仲舒幕府兩為裴度元稹所辟又佐牛僧孺鎮襄陽入遷戶部員外郎會昌中討劉稹以忠武節度使李彦佐為招討使咨選簡求副之俾知後務歷蘇壽二州刺史大中九年党項擾邊拜涇原渭武節度使徙義武鳳翔河東三鎮簡求為政長權變居邊善綏御人皆安之太原統退渾契苾沙陀三部難馴制它帥或與詛盟質子弟然寇掠不為止簡求歸所質開示至誠虜憚其恩信不敢亂久之辭疾以太子少師致仕還東都卒年七十六贈尚書左僕射子嗣業汝弼皆中進士第汝弼以祠部員外郎知制誥從昭宗遷洛後依李克用克用表為節度副使

高元裕字景圭其先渤海人第進士累辟節度府以右補闕召道商州會方士趙歸真擅乘驛馬元裕詆曰天子置驛爾敢疾驅耶命左右奪之還具以聞敬宗視朝不時稍稍決事禁中宦豎恣放大臣不得進見元裕諫曰今西頭勢乃重南衙樞密之權過宰相帝頗悟而不能有所檢制人皆危之俄換侍御史內供奉士始相賀

李宗閔高其節擢諫大夫進中書舍人鄭注入翰林元裕當書命乃言以醫術侍注愧憾及宗閔得皇元裕

坐出饒貶閩州刺史注死復授諫大夫翰林侍講學士莊恪太子立擇可輔導者乃兼賓客進御史中丞累擢尚書左丞領吏部選出為宣歙觀察使入授吏部尚書拜山南東道節度使封渤海郡公奏蠲通賦甚眾在鎮五年復以吏部尚書召卒於道年七十六贈尚書右僕射兄少逸長慶末為侍御史坐失舉劾貶贊善大夫累遷諫議大夫稍進給事中出為陝虢觀察使中人責峽石驛吏供餅惡鞭之少逸封餅以聞宣宗怒召使者責曰山谷間是餅豈易具邪諫蔡崇陵中人皆斂手以兵部尚書致仕卒元裕始名允中太和改今名字璩字瑩之第進士累官至諫議大夫懿宗時拜劍南東川節度使召拜中書侍郎同中書門下平章事卒贈司空太常博士曹鄴建言璩交游醜雜進取多蹊徑請諡為刺從之

封敖字碩夫其先翼州修人元和中中進士第江西裴堪辟置其府轉右拾遺為宰相李德裕所器會昌初以左司員外郎召為翰林學士三遷工部侍郎敖屬辭瞻敏不為奇澀語切而理勝未幾拜御史中丞與宰相盧商慮因謀縱死舉復為工部侍郎大中中歷平盧興元節度使初鄭涯開新路水壩其機救更治斜谷道行者告便遂果賊依雞山寇三川敖遣副使王贊捕平之加檢校吏部尚書還為太常卿徙國子祭酒復拜太常進

尚書右僕射按舊書敖入為戶部尚書卒無進尚書右僕射之時與表悉然少行檢士但高其才故不至宰相卒合與此互異子彥卿望卿從子特卿皆進士鄭薰字子溥亡鄉里世系擢進士第歷考功郎中翰林學士出為宣歙觀察使頗以清力自將牙將素驕其謀

逐出之薰奔揚州貶棣王府長史分司東都懿宗立召
為太常少卿累擢吏部侍郎時數大赦階正議光祿大
夫者得蔭一子門施載於是宦人用階請蔭子薰卻之
不肯敘宰相杜崱才其人擬判度支辭又擬刑部兼御
史中丞固辭乃免久之進左丞性友愛糾族百口粟不
充求外遷擬華州刺史輒留中為侍侍所沮後以太子
少師致仕時松於廷號七松處士云

敬晦字日彰河中河東人進士及第辟山南東道節度
府與馬曙聯舍於是帥不政法制陵隳曙引大吏廷責
之吏負兼軍職不引咎走訴諸府牙將且十輩方雜語
以申吏枉晦讓諸將曰吏冒軍名公等不能詰反引與
為伍奈何眾愧謝累擢諫議大夫武宗時趙歸真以詐
營罔天子御史平吳湘獄得學宰相晦上疏極道非是
不少回縱大中中歷御史中丞刑部侍郎諸道鹽鐵轉
運使浙西觀察使徙兗海節度使以太子賓客分司卒
贈兵部尚書諡曰肅

韋博字大業京兆萬年人取進士第遷殿中侍御史
開成中回鶻入寇以符澈為河東節度使拜博為判官
久之進主客郎中時詔毀佛祠悉浮屠隸主客博言令
太暴宜近中宰相李德裕惡之會羌渾叛以何清朝為
靈武節度使詔博副之擢右諫議大夫召對賜金紫因
行西北邊商虜彊弱還奏有旨進左大夫為京兆尹與
御史中丞籌競不平皆得學下除博衛尉卿出為平盧
節度使檢校禮部尚書從昭義卒年六十二贈兵部尚
書

李景讓字後已贈太尉愷孫也按舊書愷贈司徒非太尉又考吳鎮糾繆以李彭彭子宏宏子景讓則景讓實愷曾孫此云愷孫未知

何性方毅有守寶歷初遷右拾遺淮南節度使王播以
錢十萬市朝廷權求領鹽鐵景讓詣延英亟論不可遂
知名沈傳師觀察江西表以自副歷中書舍人禮部侍郎
商華號三州刺史母鄭治家嚴景讓自右散騎常侍
出為浙西觀察使母問行日景讓率然對有日鄭曰如
是吾方有事未及行豔怒其不嘗告也且曰已貴何庸
母行景讓重請學乃赦故雖老猶加筆救已起欣欣如
初嘗怒牙將杖殺之軍且謀變母欲息眾詔召景讓廷
責曰爾鎮撫方面而輕用刑一夫不寧豈特上負天子
亦使百歲母銜羞泉下何面目見先大夫乎將鞭其背
更大將再拜請不許皆泣謝迺罷一軍遂定入為尚書
左丞拜天平節度使徙山南東道封酒泉縣男大和中
進御史大夫尋拜西川節度使以病丐致仕或諫公廉
潔亡素儲不為諸子謀利景讓笑曰兒曹詎餓死乎輒
還東都以太子少保分司卒年七十二贈太子太保諡
曰孝元和後大臣有德望者以居里顯景讓宅東都樂
和里世稱清德者號樂和李公云

弟景溫歷華州刺史以美政聞累遷尚書右丞盧攜當
國弟隱繇博士遷水部員外郎材下資淺人疾其冒無
敢繩撻景溫不許赴省時故事久廢景溫既舉職時論
避之

欽定續通志卷二百六十八

列傳

唐六十九

李渤

裴漉

李中敏

李甘

劉黃

李渤字潛之魏橫野將軍申國公發之裔父鈞殿中侍御史以不能養母廢于世渤恥之不肯仕刻志於學與仲兄涉偕隱廬山久之更徙少室元和初戶部侍郎李巽諫議大夫韋況交章薦之詔以右拾遺召渤上書謝昔屠羊說有言立三旌祿萬鍾知貴於屠羊然不可使吾君妄施彼賤賈也猶能忘已愛君臣雖欲盜榮以濟所欲得無愧屠羊乎不拜洛陽令韓愈遺書招之渤心善其言始出家東都每朝廷有闕政輒附章列上元和九年討淮西上平賊三衛一日感二日守三日戰感不成不失為守守不成不失為戰又上禦戎新錄乃以著作郎召渤遂起歲餘遷右補闕以直忤旨下遷丹王府諮議參軍分司東都十三年上書言五事一禮樂二食貨三刑政四議都五辨讐渤雖處外然志存朝廷表疏凡四十五獻擢為庫部員外郎會皇甫鏐輔政務劾下佐用度而渤奉詔弔鄒士美喪在道上言渭南長源鄉戶四百今纔四十閭鄉戶三千而今千它州縣大抵類此推其敝始於均攤逃戶十室五逃則未逃者五家攤稅若抵石子并非極泉不止此聚斂之臣割下媚上願下詔一賜禁止計不三年人必歸于農夫農國之本本立太平可議矣又言道路弗不治驛馬多死憲宗得奏咨駭詔即出飛龍馬數百給畿驛渤既以峭直觸要臣意乃謝病歸穆宗立召拜考功員外郎歲終當校考渤

自宰相而下升黜之上奏曰宰相倪文昌植陛下即位用為輔弼安危治亂一以付之倪等不陳先王道德以沃君心又不舉舊典以立教化且政之興廢在賞罰倪等未聞獎一人使在官有所勸黜一人使尸祿有所懼邪正莫辨賞罰無章陛下比幸灑山宰相學士皆股肱心腹宜皆知之不先事以諫陷君於過倪與學士杜元穎等請考中下御史大夫李絳左散騎常侍張惟素右散騎常侍李益諫幸灑山鄭覃等諫改游得事君之禮請考上下崔元略當考上下前考于輩上下而鞏以賊敗請降中中大理卿許季同任鞏者應考中下然頃陷劉闢秉家以歸忠節著考中中少府監裴通職修舉考應中上以封母舍嫡而追所生請考中下奏入不報會渤請急馮宿領考功以考課止校歲中善惡而渤舉舊事為褒貶且郎中校京官四品以下黜陟之由三品上為清望官虞進名聽內考非有司所得專請如故事渤議遂廢會魏博節度使田弘正表渤為副元穎劾奏渤狂躁賣直售名外交方鎮不宜在朝出為虔州刺史渤奏還信州務稅錢二百萬免賦米二萬石廢充役千六百人觀察使上狀不閱虞遷江州刺史度支使張平叔斂天下通租渤上言度支所收貞元二年流戶賦錢四百四十萬臣州治田二千頃今早死者千九百頃若徇度支所斂臣懼天下謂陛下當大旱責民三十年通賦臣刺史上不能奉詔下不忍民窮無所逃死請放歸田里有詔蠲責渤又治湖水築隄七百步使人不病涉入為職方郎中進諫議大夫時敬宗晏朝一日羣臣立紫宸門外老病者幾頓仆渤見宰相曰昨論晏朝事今益晚是諫官不能移人主意渤請出閣待罪會喚仗乃止

退上疏言今日入閣陛下不時見羣臣羣臣皆布路蹶倚夫跛倚形諸外則憂思結諸內憂倦既積災孽必生又言左右常侍職規諷循默不事若設官不責實不如罷之俄充理區使建言事大者以聞次白宰相下以移有司有司不當許再納區妄訴者加所坐一等以絕冒越詔可時政移近倖紀律蕩然渤劾正不願患通章封無闕日天子雖劾昏亦感寤擢給事中賜金紫服五坊卒夜闕傷縣人郭令崔發怒敕吏捕梓其一中人也釋之帝大怒收發送御史獄會大赦改元發以囚坐雞卒下俄中人數十持挺亂擊發敗面折齒幾死既而囚皆釋而發不得原渤上疏曰縣令曳辱中人中人毆御囚其罪一也然令罪在赦前而中人在赦後不寘于法臣恐四夷聞之慢倍之心生矣渤又誦言前神策軍在饗城奪京兆進食牙盤不時治致臣人益橫帝以問左右皆曰無之帝謂渤有黨出為桂管觀察使它日宰相李逢吉等見帝言發母故宰相韋貫之姪年八十憂發成疾帝始免發猶奪其官至文宗乃用發為懷州長史桂有灘水世言秦命史祿伐粵鑿為漕馬援討徵側復治以通餽後為江水潰毀渠遂廢後每轉餉役數十戶濟一艘渤醜浚舊道舟楫利馬踰年以病歸洛太和中召拜太子賓客卒年五十九贈禮部尚書渤孤操自將不苟合於世人咸謂之沽激屢以言斥而悻直不少衰守節者尚之

裴漉本河東聞喜人篤學善隸書以蔭仕元和初累遷左補闕於是兩河用兵憲宗任宦人為館驛使檢稽出納有曹進玉者尤恃恩倨甚使者過至加梓辱宰相李吉甫奏罷之會伐蔡復以中人領使漉諫曰館驛之務

每驛皆有專知若復以宮闈臣領之則內人而及外事職分亂矣太平至理澄本正名宜塞侵官之原出位之漸帝雖不用而嘉其忠擢起居舍人帝喜方士而柳泌為帝治丹劑求長年帝御劑中躁病渴澆諫曰陛下以孝安宗廟以仁牧黎庶攘刻畝以賓禮賢俊神功聖德前古所不及陛下躬行之天地宗廟必相陛下以億萬之永今乃方士韋山甫柳泌等以丹術自神更相稱引詭為陛下延年臣謂有道之士匿名滅景無求於世必不肯干謁貴近自鬻其伎今之至者自言飛鍊為神以誅權貴大言怪論取驚流俗偽窮情得不恥遁逃如此情狀豈可保信夫三牲五穀稟自五行發為五味天地生之所以奉人聖人節調以致康彊若乃藥劑所以禦疾豈常進之餌哉況又金石酷烈而燒治積年包災瘡毒未易可制禮君之藥臣先嘗之父之藥子先嘗之臣願以所治劑俾其人服之竟一歲以考真偽則自然明驗矣帝怒貶江陵令穆宗立沁等誅召憐再遷刑部郎中前率府倉曹參軍曲元衡杖民柏公成母死有司以死在辜外推元衡父蔭贖金公成受誅不訴以赦免憐議曰杖捶者官得施所部非所部雖有罪必請有司明不可擅也元衡非在官公成母非所部不可以蔭免公成取賄仇家利母之死逆天性當伏誅有詔元衡流公成論死久之繇給事中為汝州刺史越法杖人輒死以太子左庶子分司東都遷左散騎常侍集賢殿學士改刑部侍郎為華州刺史召拜兵部侍郎出河南尹復還舊官卒贈戶部尚書諡曰敬濬以道自任悉心事上疾黨附不為權近所持嘗哀古今辭章續梁昭明太子文選自號太和通選上之當時文士非與遊者皆不取世

恨其隘憲宗竟以棄棄天下世益謂濬知言穆宗雖誅泌而後稍稍復惑方士有布衣張臬者上疏曰神慮濶則血氣和嗜欲勝則疾疹作古之聖賢務自顧養不以外物撓耳目聲色敗情性則和平自臻非藥物效也高宗時處士孫思邈達於養生其言曰人無故不用餌藥藥有偏助令人藏氣不平夫寒暑為賊節宣垂度有資於醫尚當重慎故禮稱醫不三世不服其藥庶土猶爾況天子乎先帝晚節喜方士累致危疾陛下素所詳知不可更踵前車自貽後悔帝善其言詔訪臬不獲李中敏字藏之系出隴西元和中擢進士第性剛峭與杜牧李甘善其文辭氣節大抵相上下沈傳師觀察江西辟為判官入拜侍御史鄭注誣構宰相宋申錫天下以目太和六年大旱詔詢所以致雨者中敏時以司門員外郎上言昔東海誤殺一孝婦大旱三年宋申錫位宰相為姦人所忌陷不測之辜獄不參驗銜恨而沒天下士皆指目鄭注天之降災殆有由然桑弘羊與筮權之利卜式請烹以致雨況申錫之枉天下知之何惜斬一注以快忠臣之魂帝不省中敏以病告滿歸潁陽書書洛注誅以司動員外郎召累遷諫議大夫為理匭使建言上書者將納於匭有司先審其副有不可輒卻之臣謂匭朝出禁中日暮將入為下開必達之路廣聰明直枉結也若有司先裁可否恐事不重密非窮塞得自申意請今後但為引進可否斷自中旨以明置匭之本詔可遷給事中仇士良以開府階蔭其子中敏判曰開府階誠宜蔭子調者監何由有兒士良慙恚繇是復棄官去開成末為婺杭二州刺史按通鑑李德裕亦以中出為婺州刺史是出給事中出為刺史中開未嘗有棄官之事又通鑑紀此在武宗即位之後則中敏之慙發

杭二州亦不盡卒于官中敏所善李欽字源長慶初在開成末也第進士為侍御史注自邠靈入朝欽伏闕劾奏注內通敕使外結朝臣往來兩地下射昧謝帝不省後寢用事欽被斥去注死繇倉部員外郎累遷江西觀察使終瀘王傳謹按通鑑輯覽御批中官蔭子至明季而弊瑞暨衛恨有志者方當力為主持德裕徒以門戶之見輒加貶論不顧是非不循法度惟報復私嫌是務可鄙矣李甘字和鼎長慶末第進士舉賢良方正異等累擢侍御史鄭注待講禁中求宰相朝廷譚言將用之甘顯倡曰宰相代天治物者當先德望後文藝注何人欲得宰相白麻出我必壞之既而麻出乃以趙儻為鄜坊節度使甘坐輕肆貶封州司馬而李訓內亦惡注繇是注卒不相甘終于貶始河南人楊牟有至行甘方未顯以書薦於尹曰執事之部孝童楊牟父茂卿從田氏府趙軍反殺田氏茂卿死牟自洛陽走常山二千里號伏叛壘禿髮羸骸有可憐狀警意感解以尸還之單縷冬月往來太行間凍膚皸痂衄衣兩血行路稠人為牟泣牟為兒踐操如此未聞執事門暗而書題之豈樹風扶教意耶甘為人遇事慷慨皆此類牟後亦擢進士第劉蕡字去華幽州昌平人客梁汴開明春秋能言古典亡事沈健於謀浩然有扶世意擢進士第自元和之末宦官益橫建置天子在其掌握威權出人主之右蕡常痛疾太和二年舉賢良方正能直言極諫帝引諸儒百餘人於廷親策之蕡對曰臣誠不佞有正國致君之術無位而不得行有犯顏敢諫之心無路而不得達常欲與庶人議于道商賈誘于市得通上聽一悟主心雖被祇言之罪無所悔況陛下詢求過闕咨訪嘉謀制詔

中外舉直言極諫臣辱斯舉專承大問敢不悉意以言至于上所忌時所禁權幸所諱惡有司所與奪臣愚不識伏惟陛下少加優容不使聖時有讜言受戮者天下之幸也臣聞不宜憂而憂者國必衰宜憂而不憂者國必危臣以爲陛下宜先憂者宮闈將變社稷將危天下將傾四海將亂此四者國家已然之兆故臣謂聖慮宜先及之夫帝業艱難而成之固不可容易而守之太祖肇其基高祖勤其績太宗定其業元宗繼其明至于陛下下二百餘載其間聖明相因擾亂繼作未有用賢士近正人而能紹興徵烈者也或一日不念則顛覆大器宗廟之恥萬古爲恨臣謹按春秋繼故必書卽位所以正其始也終必書所終之地所以正其終也故爲君者所發必正言所履必正道所居必正位所近必正人春秋闢弑吳子餘祭書其名疏遠賢士昵近刑人有不君之道伏惟陛下思祖宗開國之勤念春秋繼故之誠明法度之端杜篡弑之漸遠刀鋸之賤親骨鯁之直輔相得以顯其任庶寮得以守其官奈何以褻近五六人總天下大政外專陛下之命內竊陛下之權威攝朝廷勢傾海內羣臣莫敢指其狀天子不得制其心禍稔蕭牆姦生帷幄臣恐曹節侯覽復生于今日此宮闈將變也臣謹按春秋定公元年春王不言正月者春秋以爲先君不得正其終則後君不得正其始故曰定無正也今忠賢無腹心之寄闈寺專廢立之權陷先帝不得正其終致陛下不得正其始況太子未立郊祀未修將相之職不歸名器之宜不定此社稷將危也臣謹按春秋王札子殺召伯毛伯春秋之義兩下相殺不書此書者重其顛王命也夫天之所授者在命君之所存者在合操

其命而失之者是不君也侵其命而專之者是不臣也君不君臣不臣此天下所以將傾也臣謹按春秋晉趙鞅以晉陽之兵叛入於晉書其歸者能逐君側之惡以安其君故春秋善之今威柄陵夷藩臣跋扈或有不達人臣之節首亂者以安君爲名不究春秋之微稱兵者以逐惡爲義則典刑不繇天子征伐必自諸侯此海內之將亂也故樊噲排闥而雪涕袁盎當車而抗辭京房發憤以殞身實武不顧而畢命此皆陛下明知之矣臣謹按春秋晉狐射姑殺陽處父書襄公殺之者以其君漏言也夫上漏其情則下不敢盡意上泄其事則下不敢盡言故傳有造膝詭辭之支易有失身害成之戒今公卿大臣非不欲爲陛下言之慮陛下不能用也忽而不用必泄其言臣下旣言而不行必嬰其禍適足鉅直臣之口而重姦臣之威是以欲盡其言則有失身之懼欲盡其意則有害成之憂表回鬱塞以須陛下感悟然後盡啟沃陛下何不以聽朝之餘時御便殿召當世賢相老臣訪持變扶危之謀求定傾捄亂之術塞陰邪之路屏褻狎之臣制侵陵迫脅之心復門戶掃除之役戒其所宜戒憂其所宜憂旣不得治其前當治於後旣不得正其始當正其終昔秦之亡也失于疆暴漢之亡也失于微弱疆暴則姦臣畏死而害上微弱則疆臣竊權而震主伏見敬宗不虞亡秦之禍不翦其萌伏惟陛下深軫亡漢之憂以杜其漸則祖宗之洪業可紹三五之遐軌可追矣臣謹按春秋書梁亡不書取者梁自亡也以其思慮昏而耳目塞上出惡政人爲寇盜皆不知其所以然以自取其滅亡也臣聞國君之所以尊者重其社稷也社稷之所以重者存其百姓也苟百姓不存則

雖社稷不得固其重社稷不重則人君不得保其尊故治天下者不可不知百姓之情夫百姓者陛下之赤子陛下宜令慈仁者視育之如保傅焉如乳哺焉如師之教導焉故人之于上也恭之如神明愛之如父母今或不然陛下親近貴倖分曹建署補除卒吏召致賓客因其貨賄假以聲勢大者統藩方小者爲守牧居上無清惠之政而有饕餮之害居下無忠誠之節而有姦欺之罪故人之于上也畏之如豺狼惡之如仇敵今海內困窮處處流散飢者不得食寒者不得衣鰥寡孤獨不得存老幼疾病不得養加以國權兵柄領于左右貪臣聚歛以固寵姦吏因緣而弄法冤痛之聲上達于九天下入于九泉鬼神爲之怨怒陰陽爲之愆錯君門萬里不得告訴士人無所歸化百姓無所歸命官亂人貧盜賊並起土崩之勢憂在旦夕卽不幸因之以病癘繼之以凶荒陳勝吳廣不獨起於秦赤眉黃巾不獨生于漢所以爲陛下發憤扼腕痛心泣血也如此則百姓有塗炭之苦陛下何繇而知之乎陛下有子惠之心百姓安得而信之乎臣聞漢帝卽位之初更制七十餘事其心甚誠其稱甚美然紀綱日紊國祚日衰姦宄日彊黎元日困繇不能擇賢明而任之失其操柄自陛下卽位憂勤兆庶屢降德音四海之內莫不抗首而長息自喜復生於死亡之中也伏惟陛下慎終始以塞四方之望誠能揭國柄以歸于相持兵柄以歸于將去貪臣聚歛之政除姦吏因緣之害惟忠賢是近惟正直是用內寵便僻無所聽焉選清慎之官擇仁惠之長敏之以利煦之以和教之以孝慈導之以德義去耳目之塞通上下之情俾萬國懽康兆庶蘇息卽心無不達而行無不孚矣

臣謹按春秋齊桓公盟諸侯不日而葵邱之盟特以日者美其能宣明天子之禁率奉正官之法故春秋備而書之然則官者五帝三王之所建也法者高祖太宗之所制也法宜畫一官宜正名今又分外官中官之員立南司北司之局或犯禁于南則亡命于北或正刑于外則破律于中法出多門人無所措繇兵農勢異而中外法殊也臣聞古者因井田以制軍賦開農事以修武備提封約卒乘之數命將在公卿之列故兵農一致而文武同方以保又邦家式遏亂略太宗置府兵臺省軍衛文武參掌開歲則彘弓力稽有事則釋耒荷戈所以修復古制不廢舊物今則不然夏官不知兵籍止于奉朝請六軍不主武事止于養階勳軍容合中官之政戎律附內臣之職首一戴武弁疾文吏如仇雙足一蹈軍門視農夫如草芥謀不足以翦除姦凶而許足以抑揚威福勇不足以鎮衛社稷而暴足以侵害里閭羈縻藩臣干陵宰輔際裂王度汨亂朝經張武夫之威上以制君父假天子之命下以御英豪有藏姦觀釁之心無仗節死難之誼豈先王經文緯武之旨邪臣願陛下貫文武之道均兵農之功正貴賤之名一中外之法還軍衛之職修省署之官近崇貞觀之風遠復成周之制自邦畿以刑下國始天子而達諸侯可以制猾姦之彊無踰檢之患矣昔晁錯為漢削諸侯非不知禍之將至忠臣之心壯夫之節苟利社稷死無悔焉臣非不知言發而禍應計行而身繆蓋痛社稷之危哀生人之困豈忍姑息時計竊陛下命之寵哉是時考官左散騎常侍馮宿太常少卿賈餗庫部郎中龐嚴見黃對嗟伏以為過古晁董而畏中官不敢取詔下物論默然稱屈諫官御史

欲論奏執政抑之于時被遷者二十有三人所言皆允
 離常務類得優調河南府參軍事李邵曰劉蕡下第我輩登科能無厚顏乃上疏以為蕡所對策漢魏以來無與為比有司以言涉許忤不敢以聞自詔書下萬口籍籍歎其誠鯁至于垂泣且陛下以直言召天下士蕡以直言副陛下所問雖許必容雖過當獎書于史策千古光明使萬一蕡不幸死天下必曰陛下陰殺讜直結讐海內忠義之士皆憚誅夷人心一搖無以自解況臣所對不及蕡遠甚乞回臣所授以旌蕡直臣逃苟且之愆朝有公正之路陛下免天下之疑顧不美哉不報合狐楚牛僧孺節度山南東西道皆表蕡幕府授祕書郎待以師禮而宦人深嫉蕡誣以罪貶柳州司戶參軍卒書及通鑑皆云終使書府御史恐未核書及昭宗誅韓全誨等左拾遺羅衮上言蕡羅譴逐身死異土六十餘年正人義夫切齒飲泣比陛下幽東內幸西州王室幾喪使蕡策早用則杜漸防萌逆節可消寧殷憂多難遠及聖世耶帝感動贈蕡右諫議大夫訪子孫授以官云邵字子玄後歷賀州刺史

列傳

唐七十

李訓

鄭注

王涯

賈餗

舒元興

王璠

李孝本

羅立言

李訓字子垂始名仲言字子訓故宰相族孫質狀魁

梧敏於辯論多大言自標置擢進士第補太學助教辟

河南節度府從父逢吉為宰相以仲言陰險善謀事厚

昵之坐武昭獄流象州文宗嗣位更赦還以母喪居東

都鄭注佐昭義府仲言往見注相得甚歡時逢吉方留

守怏怏不樂思復用知與注善付金幣百萬使西至京

師厚結注注喜介之謁王守澄守澄善遇之即以注藥

術仲言易義并薦於帝仲言持說辯激叩可聽善鉤揣

人主意始未申錫謀誅守澄不克死宦尹益橫帝愈憤

恥欲夷絕其類注陰知帝指屢建密計引仲言叶力仲

言尚縲纍帝使衣戎服號王山人與注出入禁中服除

起為四門助教賜緋袍銀魚時太和八年也其十月遷

周易博士兼翰林特講學士於是給事中鄭肅韓伏諫

議大夫李珣郭承中書舍人高元裕權璩等共劾仲

言儉人天下共知不宜在左右帝不聽仲言數進講至

闍寺必感憤申重以激帝心帝見其言縱橫謂果可任

遂不疑而待遇莫與比因改名訓明年秋七月進翰林

學士兵部郎中知制誥居中倚重實行宰相事宦人陳

弘志時監襄陽軍訓啟帝召還至青泥驛遣使者杖殺

之復以計白罷守澄觀軍容使賜鴆死按舊書文宗紀李訓之為兵部

證在十月辛巳又訓作相後十二日也編目與紀略又合新傳字於作相之前舊傳序於作相之後俱誤

逐西川監軍楊承和淮南韋元素河東王踐言於嶺外

已行皆賜死而崔潭峻前物故詔削棺鞭尸元和逆黨

幾盡訓本挾奇進及大權在己銳意去惡故與帝言天

下事無不如所欲與注相朋比務報恩復營素忌李德

裕宗閔之寵乃因楊虞卿獄指為黨人嘗所惡者悉陷

黨中遷貶無間日班列幾空中外畏長帝為下詔開論

羣情稍安不踰月以禮部侍郎同中書門下平章事賜

金紫服仍詔三日一至翰林以終易義訓起流人一歲

至宰相謂遭時其志可行欲先誅宦豎乃復河湟攘夷

狄歸河朔諸鎮意果而謀淺天子以為然俄賜第勝業

里賞資旁午每進見它宰相備位天子傾意宦官衛兵

皆懼憚迎拜天下險怪士微取富貴皆悉以為資訓時

時進賢才偉望以悅士心人皆或之嘗建言天下浮屠

避徭賦耗國衣食請行業不如令者還為民既執政自

白罷因以市恩始注先顯訓藉以進及勢相埒賴寵爭

功不兩立然方事未集乃出注使鎮鳳翔外為助援內

實猜克待逞目殺之擢所厚善分總兵柄於是王璠為

太原節度使郭行餘為邠寧節度使羅立言權京兆尹

韓約金吾將軍李本權御史中丞陰許璠行餘多募

士及金吾臺府卒劫以為用十一月壬戌帝御紫宸殿

約奏甘露降金吾左仗樹羣臣賀訓元興奏言甘露近

在禁中陛下宜親往以承天祉許之即輩如舍元殿詔

宰相羣臣往視還訓奏言非甘露帝曰豈約妄邪顧中

尉仇士良魚志弘等驗之訓因欲閉止諸宦人使無逸

者時璠行餘皆辭赴鎮兵列丹鳳門外穀而待訓傳呼

曰兩鎮軍入受詔自問者趨入邠寧軍不至璠懼不能

前獨行餘拜殿下宦人至仗所約流汗不能舉首士良

等怪之曰將軍何為爾會風動塵幕見執兵者士良等

驚走出闕者將闕扉為宦侍叱爭不及閉訓急連呼金

吾兵曰衛乘輿者人賜錢百千於是自隨訓入者宦人

曰急矣上當還內即扶輦決眾恩下殿趨訓攀輦曰陛

下不可去士良曰李訓反帝曰訓不反士良手搏訓而

頓訓壓之將引刀韉中救至士良免立言李本領眾四

百東西來上殿與金吾士縱擊宦官死者數十人訓持

輦愈急至宣政門宦人郝志榮搥訓仆之輦入東上閣

即閉內官呼萬歲者數四須臾士良遣神策副使劉泰

倫陳君奕等率衛士五百挺兵出所值輒殺涯等惶遽

易服步出投諸司史六七百人復分兵屯諸宮門捕訓

黨千餘人斬四方館流血成渠宦豎知訓事連天子相

與怨憤帝懼偽不語故宦人得肆志殺戮俄而舒元興

王涯皆為兵所執涯實不知謀士良榜笞急乃自署反

狀詔出衛騎千餘馳咸陽奉天捕亡者大索都城分掩

涯訓等第遂大掠兩省印簿書輒持去秘館圖籍蕩然

無餘明日召羣臣朝至建福門從者不得入光範門內

閉乃繇金吾右仗至宣政衙兵皆露持是時無宰相御

史中丞久之闕門使馬元贇啟宣政扉傳詔張仲方可

京兆尹而吏皆前死羣臣不能班帝初未知涯等被繫

猶遲其不朝既而士良白涯與訓謀逆將立鄭注違召

僕射令狐楚鄭覃兵部尚書王源中吏部侍郎李虞仲

等至帝對悲憤因付涯訊牒曰果涯書邪楚曰然涯誠

有謀罪應死是日京師兵剽劫未止民乘亂往往復私

怨相戕擊人死甚眾帝遣楊鎮斬遂良等屯兵大衢鼓

而儆之兵乃止帝逼於宦官於是下詔暴訓涯等罪孝

本奔鄭注至咸陽追騎及之餽匿民間羸服乘驢自歸
璠聚河東兵環第自衛志引給出之俄行餘立言皆得
自涯十餘族并奴婢悉繫左右軍訓既敗被綠衣詭言
黜官走終南山依浮屠宗密宗密欲匿之其徒不可乃
奔鳳翔為整厓將所執械而東訓恐為宦人酷辱祈監
者曰得我有賞不如持首去乃斬之傳其首餘黨悉
禽後一日兩神策兵將涯等赴郊廟過兩市皆腰斬梟
首以徇約最後捕得責以反狀不服斬之殺訓弟仲衰
元臯帝頗思訓數為李石鄭覃稱其才而宦豎益熾帝
末以制居常忽忽不憚自是感疾云

鄭注絳州翼城人世微賤以方伎游江湖開元和末至
襄陽依節度使李愬為愬煮黃金餽之寢親遇署衙推
從至徐州稍參處軍政挾邪市權舉軍患之監軍王守
澄白愬愬曰然彼奇士也將軍試與語守澄始拒不納
既坐機辯橫生鉤得其意守澄大驚引至後堂語終夕
恨相見晚謝愬曰誠如公言即署巡官守澄入總樞密
與俱至京師厚加贈卹日夜為守澄計議因陰通賂遺
初士纖巧者附離後要官貴人亦趨往既陷宋申錫摺
紳側目御史李欵言注姦狀請付有司治罪始王涯用
注力再輔政又憚守澄過其奏更擢通王府司馬右神
策判官士議譏駭劉從諫惡其人欲因斥去之即表副
昭義節度至府不旬月文宗暴眩守澄復薦注即日召
入對浴室門賜賚至渥是夜書出東方長三尺芒耀怒
急俄進太僕卿兼御史大夫奪擢工部尚書翰林侍講
學士時李訓已在禁中日日議論帝前相倡和謀鉏翦
中官自謂功在唇刻帝惑之乘是進退士大夫撓敬朝
法賢不肖淆亂俄檢校尚書右僕射鳳翔隴右節度使

詔月入奏事請寮屬於訓訓與舒元興謀終殺注慮其
豪俊為助更擇臺閣長厚者入辭帝賜通天犀帶出都
門旗干折注惡之先是守澄死以十一月葬涯水注奏
言守澄國勞舊願身護喪因羣宦者臨送欲以鎮兵悉
禽誅之訓畏注專其功乃先五日舉事注率五百騎至
扶風令韓遼知其謀奔武功注聞訓敗乃還監軍張仲
清與前少尹陸暢給注計事斬其首兵皆潰去寮屬皆
死臯注首光宅坊三日瘞之羣臣皆賀乃夷其家籍貫
得絹百萬匹宅物稱是

王涯字廣津其先本太原人博學工屬文擢進士又舉
宏辭再調藍田尉久之以左拾遺為翰林學士進起居
舍人元和初會其甥皇甫湜以賢良方正對策異等忤
宰相涯坐不避嫌罷學士再貶虢州司馬徙為袁州刺
史憲宗思之以兵部員外郎召知制誥再為翰林學士
累遷工部侍郎封清源縣男俄拜中書侍郎同中書門
下平章事坐循默不稱職罷再遷吏部侍郎穆宗立出
為劔南東川節度使時吐蕃寇邊西北駭然又略雅州
涯調兵拒之長慶三年入為御史大夫遷戶部尚書鹽
鐵轉運使寶曆時復出領山南西道節度使文宗嗣位
召拜太常卿四年以吏部尚書代王播復總鹽鐵政益
刻急歲中進尚書右僕射代郡公自李師道平三道十
二州皆有銅鐵官歲取冶賦百萬觀察使擅有之不入
公上涯始建白收隸天子鹽鐵詔可久之以本官同中
書門下平章事合度支鹽鐵為一使兼領之俄檢校司
空兼門下侍郎罷度支真拜司空始變茶法益其稅以
濟用度下益困而鄭注亦議權茶天子命涯為使心知
不可不敢爭李訓敗乃及禍籍田宅入於官子孟堅為

工部郎中集賢殿學士仲翔太常博士季玟校書郎皆
死昭宗天復初大赦明涯訓之寃追復爵位官其後裔
買鍊字子美河南人舉進士高第又策賢良方正異等
授渭南尉集賢校理累擢考功員外郎知制誥鍊美文
辭開敏有斷然褊急陵輩行李李渤為諫議大夫惡其
人為宰相言之而李達吉寶易直愛鍊才得不斥穆宗
崩告哀江浙道拜常州刺史入為太常少卿復知制誥
歷禮部侍郎凡三典貢舉再遷京兆尹兼御史大夫姑
臧縣男太和九年出為浙西觀察使未行拜中書侍郎
同中書門下平章事俄為集賢殿大學士監修國史劉
蕡以賢良方正對策指中人為禍亂根本而鍊與馮宿
龐嚴為考官畏避不敢聞竟羅其禍

舒元興婺州東陽人按李相世系表作世家廬江地寒
不與士齒始學即警悟去客江夏節度使郝士美異其
秀特數延譽元和中舉進士擢高第調鄆尉有能名表
度表掌與元書記文檄豪健一時推許拜監察御史劾
按深害無所縱再遷刑部員外郎元與自負才有過人
者銳進取太和五年獻文闕下不得報上書自陳文宗
得書高其自激叩出示宰相李宗閔以浮躁誕肆不可
用改著作郎分司東都時李訓居喪尤與元興善及訓
用事再遷左司郎中權知御史中丞會帝錄囚元興奏
辨明番不三月即兼兼刑部侍郎專附鄭注注所惡舉
繩逐之月中以本官同中書門下平章事詭謀謬算日
與訓比敗天下事二人為之也
王璠字魯玉萬年人元和初舉進士宏辭皆中累遷監
察御史儀寓峻整著稱於時以起居舍人副鄭覃宣慰
鎮州長慶末擢職方郎中知制誥時李達吉秉政特厚

璠驛拜御史中丞璠挾所持頗橫恣道直左僕射李絳交駢不避絳上疏論之逢吉憚絳正遏其事不奏但罷璠爲工部侍郎而絳亦用太子少師分司東都議者不直之明年出爲河南尹時內廐小兒頗擾民璠殺其尤暴者遠近畏伏人爲尚書右丞再遷京兆尹鄭注姦狀始露宰相宋申錫御史中丞宇文鼎密與璠議除之璠反以告王守澄而注由是傾心於璠進左丞判太常卿事出爲浙西觀察使李訓得幸璠以逢吉故吏薦之復召爲左丞拜戶部尚書判度支封祁縣男李宗閔得罪璠亦其黨見注求解乃免訓將誅宦人乃授河東節度使已而敗

郭行餘者元和時進士累擢京兆少尹歷仕至楚汝二州刺史大理卿擢邪靈節度使李訓在東都與行餘善故用之及禍

韓約明州武陵人本名重華志勇決略涉書有吏幹歷兩池權鹽使虔州刺史交趾叛領安南都護再遷太府卿太和九年代崔郾爲左金吾衛大將軍居四日事敗羅立言者宣州人貞元末擢進士魏博田弘正表佐其府改賜武令以治刺遷河陰改度支河陰留後坐平糶非實沒萬九千緡鹽鐵使惜其幹止奏劾兼侍御史繇廬州刺史召爲司農少卿以財事鄭注亦與李訓厚善訓以京兆多吏卒擢爲少尹知府事以就其謀訓敗及禍

李孝本宗室子元和時第進士累遷刑部郎中依訓得進於是御史中丞舒元輿引知雜事元輿入相擢權知中丞事亦因訓及禍

顧師邕字睦之少連子性恬約喜書寡游合第進士累

遷監察御史李訓薦爲水部員外郎翰林學士訓遣宦官田全操劉行深周元積薛士幹似先義逸劉英誨按邊旣行命師邕爲詔賜六道殺之會訓敗不果師邕流崔州至藍田賜死

李貞素嗣道王實子累遷宗正少卿田將作監改左金吾衛將軍韓約之詐貞素知之流儋州至商山賜死

欽定續通志卷二百七十

列傳

唐七十一

李德裕

陳夷行

李紳

李回

李讓夷

魏暮

曹確

劉瞻

李蔚

李德裕字文饒元和宰相吉甫子也少力學既冠卓犖有大節不喜與諸生試有司以蔭補校書郎河東張宏靖辟掌書記府罷召拜監察御史穆宗即位擢翰林學士帝為太子時已聞吉甫名由是顧德裕厚凡號令大典冊皆更其手帝怠荒于政戚里多所請巧挾宦人誦禁中語關託大臣德裕建言請白事宰相者聽至中書無輒詣第第然之再進中書舍人未幾授御史中丞始吉甫相憲宗牛僧孺李宗閔對直言策痛詆當路條失政吉甫訴於帝且泣有司皆得罪遂與為怨吉甫又為帝謀討兩河叛將李逢吉沮解其言功未既而吉甫卒裴度實繼之逢吉以議不合罷去故追銜吉甫而怨度擯德裕不得進至是聞帝暗庸諛度與元慎相怨奪其宰相而已代之欲引僧孺益樹黨乃出德裕為浙西觀察使俄而僧孺入相由是牛李之憾結矣初潤州承王國清亂實易直領府庫資軍費用彈而下益驕德裕自檢約以留州財贍兵雖儉而均故士無怨南方信祿巫慈大倫使相曉敕違者寘法數年惡俗大變又按屬州非經祠者毀千餘所撤私邑山房千四百舍寇無所度敬宗立侈用無度詔浙西上脂盃妝具德裕奏所須脂盃盃具度用銀二萬三千兩金百三十兩物非土產雖

力營索尚恐不逮願詔宰相議不報又詔索盤條線綾千匹復奏止之自元和後禁毋私度留徐州王智興給言天子之誕月築壇度人資福詔可即顯募江淮閒民因牟財自入德裕劾奏智興為壇泗州募願度者人輸錢二千不復勘詰普加髡落自淮而右戶三丁男必一男剔髮規影徭賦度江者日數百蘇常齊民十固八九若不加禁遏則前至誕月江淮失丁男六十萬不為細變有詔徐州禁止時帝昏荒數游幸狎比羣小聽朝簡忽德裕上丹辰六箴其一曰宵衣諷視朝希晚也二曰正服諷服御非法也三曰罷獻賦徵求怪珍也四曰納誨諷侮棄忠言也五曰辨邪諷任在羣小也六曰防微諷偽游輕出也帝雖不能用其言猶救章處厚諄諄作詔厚謝其意然為逢吉排拏訖不內徙時亳州浮屠詭言水可愈疾號曰聖水互相欺誑往汲者日數十百人德裕嚴勒津邏捕絕之且請下觀察使填塞以絕妄源從之帝方惑佛老禱福祈年浮屠方士並出入禁中狂人杜景先上言其友周息元壽數百歲帝遣宦者至浙西迎之詔在所馳驛敦遣德裕上疏極諫息元果誕謔不情終帝世無他驗文宗即位乃逐之太和三年召拜兵部侍郎裴度薦材堪宰相而李宗閔以中人助先秉政且得君出德裕鄭滑節度使引僧孺協力罷度政事二怨相濟凡德裕所善悉逐之於是二人權震天下黨人牢不可破矣踰年徙劔南西川蜀自南詔入寇敗杜元穎而郭釗代之病不能事民失職無聊生德裕至則完殘奮怯皆有條次成都既南失姚協西亡維松由清溪下沫水而左盡為蠻有始章臬招來南詔復嶺州傾資結蠻示以戰陣文法德裕以臬啓戎資盜策非是非痛

矯革不能刷一方恥乃建籌邊樓按南道山川險要與蠻相入者圖之左西道與吐蕃接者圖之右其部落眾寡饋餉遠邇曲折咸具召習邊事者與之指畫商訂又料擇伏瘴舊寮與州兵任戰者廢遣猶耄什三四士無敢怨又請甲人於安定弓人河中弩人浙西蘇是蜀之器械皆犀銳率戶二百取一人使習戰貨勿事緩則農急則戰謂之雄邊子弟築仗義城以制大度清溪關之阻作禦侮城以控榮經犄角勢作柔遠城以扼西山吐蕃復叩岷關徙嶺州治臺登以奪蠻險舊制歲抄運內粟瞻黎嶺州起嘉眉道陽山江而達大度乃分餉諸戍常以盛夏至苦瘴毒葷夫多死德裕命以十月為清始先夏而至饋者乃安於是二邊畏懼南詔請還所俘掠四千人吐蕃維州將悉怛謀以城降維距成都四百里因山為固東北緜索峯嶺而下二百里地無險走長川不三千里直吐蕃之牙異時戍之以制虜入者也德裕既得之即發兵以守且陳出師之利僧孺居中沮其功命返悉怛謀於虜以信所盟德裕終身以為恨按德裕州事疏云維州據高山絕頂三面臨江在戎虜平川之衝是漢地入兵之路初絕頂並沒惟此獨存吐蕃潛以兵夜入遂為所陷號曰無憂城從此得併力於西邊更無慮於南路章象欲經略河境從此城為始急攻數年卒不可克舊唐書採以入傳新書則之亦不載於吐蕃傳維州唐地陷素無形勢俱不瞭且無以徵德裕之善計宋待外夷素無自強之策難以守信諭安節馬光亦以德裕為非胡三省謂元祐粟米脂四監軍塞子西夏蓋當時國論大指如此也今從附輒使王踐言入朝盛言悉怛謀死拒遠人向化意帝亦悔之即以兵部尚書召俄拜中書門下平章事封贊皇縣伯常建言朝廷惟邪正二途正必去邪邪必害正然其辭皆若可聽願審所取舍不然二者並進雖聖賢經營無由成功俄而宗閔罷德裕代為中書侍郎集賢殿大

學士帝暴感風害語言鄭注始因王守澄以藥進帝少
 閒又薦李訓使待詔帝欲授諫官德裕曰訓小人頃咎
 惡暴天下不宜引致左右帝曰人誰無過當容其改且
 逢吉嘗言之對曰聖賢則有改過若訓天資姦邪尚何
 能改逢吉位宰相而顧愛凶回以累陛下亦罪人也帝
 語王涯別與官德裕搖手止涯帝適見不憚訓注皆怨
 即復召宗閔輔政拜德裕與元節度使人見帝自陳願
 留闕下復拜兵部尚書宗閔奉命已行不可止更徙鎮
 海軍以代王璠先是太和璋王義母杜仲陽歸浙西
 有詔在所存問時德裕被召乃檄留後使如詔書璠人
 為尚書左丞而璋王以罪廢死因與戶部侍郎李漢共
 譖德裕嘗賂仲陽導王不軌帝惑其言召王涯李固言
 路隋質之隋言德裕大臣不宜有此讒炤少哀遂貶德
 裕為太子賓客分司東都復貶袁州長史隋亦免相未
 幾宗閔以罪斥而注訓等敗帝追悔德裕以誣誣遂乃
 徙滁州刺史又以太子賓客分司東都旋起為浙西觀
 察使德裕三在浙西出入十年遷淮南節度使代牛僧
 孺僧孺聞之以軍事付其副張鷟即馳去淮南府錢八
 十萬緡德裕奏言止四十萬為驚用其半僧孺訴于帝
 諫官姚合魏謩等共劾奏德裕挾私怨沮傷僧孺帝置
 章不下詔德裕覆實德裕上言諸鎮更代例被半數以
 備水旱助軍費因索王播段文昌崔從相授簿存具在
 惟從死官下僧孺代之其所殺數最多即自劾始至鎮
 失於用例不敢妄遂待罪有詔釋之武宗立召為門下
 侍郎同中書門下平章事既入謝即進戒帝辨邪正專
 委任而後朝廷治夫正人既呼小人為邪小人亦謂正
 人為邪何以辨之請借物為喻松柏之為木瓜生勁特

無所因倚蘿蒿則不然弱不能立必附他木故正人一
 心事君無待於助邪人必更為黨以相蔽欺君人者以
 是辨之則無惑矣謹按通鑑覽 柳批正人指邪
 矣然邪正固不容不別而邪黨實非朝廷所宜有如李
 德裕較之牛僧孺為略正矣然其朋黨惡習何嘗不為
 當時之害齊桓公問管仲所以害霸者仲對知人不能舉舉
 不能任任而雜以小人害霸也夫輔相有欺罔不忠當
 亟免忠而材者屬任之政無他門天下安有不治帝嘗
 疑楊嗣復李珣願望不忠遣使殺之德裕率三宰相見
 延英泣諫因追還使者嗣復等乃免時帝數出政游暮
 夜乃還德裕上言願節田游等冊拜司空按新唐書本
 正月李德裕為司空三年六月為司徒舊唐書本紀則
 元年四月進司空二年五月兼司空從年月不同考舊
 傳位司空在迎公主還下守司徒在贈悉也諫下
 二事俱在會昌三年舊書紀傳敘次前後皆誤同
 自開成時為黠曼斯所破會昌後烏介可汗挾公主牙
 塞下種族大饑以弱口重器易粟於邊退渾党項利虜
 掠因天德軍使田牟上言願以部落兵擊之議者請可
 其言德裕曰回鶻於國嘗有功以窮來歸不如與之食
 以待其變沙陀退渾不可恃也天德兵素弱以一城與
 勁虜虜無不敗請詔牟無聽諸戎計帝於是貨粟二萬
 斛會盟渾党殺赤心以降赤心兵潰去於是回鶻勢窮
 數丐羊馬欲藉兵復故地又願假天德城以舍公主帝
 不許乃進逼振武保大柵杷頭峯以略朔川轉戰雲州
 刺史張獻節嬰城不出回鶻乃大掠党項退渾皆保險
 莫敢拒帝益知向不許田牟用二部兵之效乃復問以
 計德裕曰烏介所恃公主爾得健將出奇奪還之王師
 急擊彼必走今銳將無易石雄者請以蕃渾勁卒與漢
 兵銜枚夜擊之勢必得帝即以方略授劉沔令雄遊擊
 可汗敗之迎公主還回鶻遂敗進位司徒黠曼斯遣使

來且言攻取安西北廷帝欲從黠曼斯求其地德裕曰
 不可安西距京師七千里北廷五千里縱得之無用也
 持實費市虛事滅一回鶻而又生之帝乃止澤潞劉從
 諫死其從子稹擅留事以邀節度德裕曰澤潞內地非
 河朔比舍而不討無以示四方帝曰可勝乎對曰河朔
 稹所恃以唇齒也如令魏鎮不與則破矣夫三鎮世嗣
 列聖許之請使近臣明告以澤潞命帥不得視三鎮今
 欲誅稹其各以兵會帝然之乃以李回持節諭王元逵
 何宏敬皆聽命始議用兵中外交章固爭德裕獨請討
 帝曰為我語於朝有沮軍者先誅之羣論遂息元逵兵
 已出而宏敬逗留持兩端德裕遣王宰以陳許精甲
 假道於魏以伐磁宏敬聞遣勒兵請自涉漳取磁潞會
 橫水成兵叛入太原逐其帥李石奉裨將楊弁主留事
 方是時稹未下朝廷益憂議者頗言兵皆可罷帝遣中
 人馬元實如太原偵變按馬元實書作元貫 弁厚賂中人帳飲
 三日還謬曰弁兵多屬明光甲者十五里德裕詰曰李
 石以太原無兵故調橫水卒千五百使成榆社弁因以
 亂集能列卒如此多耶則曰晉人勇皆兵也募而得之
 德裕曰募士當以財李石以人欠一縑故兵亂弁何得
 耶太原一鎰一戰舉送行營安致十五里明光乎使者
 語塞德裕即奏弁賤伍不可赦如力不足盍舍稹遽趣
 王逢起榆社軍詔元逵趨士門會太原河東監軍呂義
 忠聞即日召榆社卒人斬弁獻首京師德裕每疾貞元
 太和間有所討伐諸道兵出境即仰給度支多遷延以
 困國力或與賊約令懈守備得一縣一屯以報故師無
 大功因請敕諸將合直取州勿攻縣故元逵等下邢洛
 磁而稹氣索矣未幾郭誼持稹首降帝問何以處誼德

裕曰積豎子安知反職誼為之今三州已降積窮感又
取其族以邀富貴不誅後無以懲惡帝曰朕意亦爾因
詔石雄入潞盡取誼等及嘗為種用者悉誅之策功拜
太尉進封趙國公尋改衛國公帝嘗從容謂宰相曰有
人稱孔子其徒三千亦為黨信乎德裕曰昔劉向云孔
子與顏回子貢更相稱譽不為朋黨禹稷與皋陶轉相
汲引不為比周無邪心也今所謂黨者誣善蔽忠附下
罔上車馬馳驅以趨權勢晝夜合謀美官要選悉引其
黨為之否則抑壓以退仲尼之徒有是乎陛下以是察
之則姦偽見矣又嘗謂省事不如省官省官不如省吏
能簡冗官誠治本也乃請罷郡縣吏凡二千餘員去者
皆怨時天下粗平數上疏乞骸骨不許當國凡六年方
用兵時決策制勝它相無與故威名獨重於時宣宗即
位德裕奉冊太極殿帝退謂左右曰向行事近我者非
太尉耶每顧我毛髮為森豎翌日罷為檢校司徒同中
書門下平章事荆南節度使俄徙東都留守白敏中令
狐絢崔鉉皆素贊大中元年使黨人李咸斥德裕陰事
故以太子少保分司東都再貶潮州司馬謹按通鑑載
御批
大中務反會昌之政論史者徒以時相前後傾軋未室
紹述紛更有類乎此殊不知宣宗末嗣位時人為武宗
所不禮而李德裕擅權日久又挾震主之勢觀太尉顧
我毛髮漸歎語與權光乘何異則德裕之致禍本
其身自取豈待同列巧為排擠而宜宗猜明年又導吳
忌寡恩之失有不止於矯枉過正者矣

猶不去書其謀議按古為質衰可喜常以經綸天下
自命武宗知而能任之言從計行是時王室幾中興先
是韓全義敗於蔡杜叔良敗於深皆監軍宦人制其權
將不得專進退詔書一日三四下宰相不豫又諸道銳
兵皆監軍取以自隨每督戰乘高建旗自表小不勝輒
卷旗去大兵隨以北出是王師所向多負至討回鶻澤
潞德裕建請詔書付宰相司乃下監軍不得干軍要率兵
百人取一以為衛自是號令明壹將乃有功元和後數
用兵報機急帝一切令德裕作詔德裕數辭帝曰學士
不能盡吾意所居安邑里第有院號起草亭曰精思每
計大事則處其中雖左右侍御不得豫不喜飲酒後房
無聲色娛生平所論著多行於世云子燧仕汴宋幕府
貶象州立山尉懿宗時以赦令徙郴州餘子皆從死貶
所燧子延古司勳員外郎德裕之斥中書舍人崔嘏字
乾錫誼士也坐書制不深切貶端州刺史嘏舉進士復
以制策歷邢州刺史劉稹叛使其黨裴問戍于州嘏說
使聽命改考功郎中至是作詔不肯巧傳以罪吳汝納
之獄朝廷無為辨者惟淮南府佐魏錫就逮吏使誣引
德裕雖痛掠終不從竟貶死嶺外又丁柔立者德裕當
國時或薦可任諫諍官不果用大中初為左拾遺德裕
被放柔立內傷之為上書直其冤坐阿附貶南陽尉謹
按
通鑑輯覽 御批李紳奏湘罪不無迎合執政之意
心及御史覆奏其冤德裕自當平情問雪乃竟以私意
擅殺且罪及推勘之人徇門戶而專威福再貶實罪所
當得柔立素為所斥乃以為之訟白得名然豈能欺有
卓識懿宗時詔追復德裕太子少保衛國公贈尚書左
僕射距其歿十年

吏部郎中為翰林學士莊恪太子在東宮夷行兼侍讀
數遷至工部侍郎開成二年進同中書門下平章事而
楊嗣復李珣相次輔政夷行介特議論往往相侵短夷
行不能堪輒引疾去文宗遣使者慰起之會以王彥
威為忠武節度使史孝章領邵寧議皆出嗣復及夷行
對延英帝問除二鎮當否對曰苟自聖擇無不當者嗣
復曰若用人盡出上意而當固善如小不稱下安得嘿
然夷行曰願陛下無倒持太阿以鑄授人嗣復曰古者
任則不疑齊桓公器管仲於讐虜豈有倒持慮耶帝以
其面相觸頗不悅仙韶樂工尉遲璋授王府率右拾遺
寶洵直當銜奏鄭草嗣復嫌以細故謂洵近名夷
行曰諫官當銜正須論宰相得失彼賤工安足言者然
亦不可置不用帝即徙璋光州長史按糾謬駁此傳及
王府率因洵直下除光州長史矣韋溫傳謂璋初授
詔書無乃誤記蓋洵直所爭者授王府率溫所封還者
除光州刺史詔書雖相承而各進門下侍郎帝嘗怪天
為一事次第諫爭本無誤也
寶政事不善問姚元崇宋璟于時在否李珣曰姚亡而
宋罷因推言元宗自謂未嘗殺一不辜而任李林甫種
夷數十族夷行曰陛下亦宜戒以權屬人嗣復曰夷行
失言太宗易暴亂為仁義用房元齡十有六年任魏徵
十有五年人主用忠良久益治用邪佞一日多矣時用
郭遠為坊州刺史右拾遺宋祁論不可遠果坐贓敗帝
欲賞祁夷行曰諫官論事是其職若一事善輒進官恐
後不免有私夷行蓋專諷嗣復又素善覃陰助以排斥
朋黨天子惡其太過恩禮遂衰罷為吏部尚書尋拜華
州刺史武宗即位召為御史大夫俄還門下侍郎平章
事進位尚書左僕射以足疾乞身罷為太子太保以檢
校司空河中節度使卒

李紳字公垂中書令敬之曾孫世宦南方咨潤州紳六歲而孤哀等成人母盧躬授之學蘇州刺史韋夏卿數稱之葬母有烏銜芝墜轎車元和初擢進士第補國子助教不樂輒去客金陵李錡愛其才辟掌書記紳以錡所為不法不受其書幣錡怒將殺紳遁而獲免錡誅穆宗召為右拾遺翰林學士與李德裕元稹同時號三俊累擢中書舍人牛僧孺輔政以紳為御史中丞顧其氣剛卞而韓愈勁直乃以愈為京兆尹兼御史大夫免臺參以激紳紳愈果不相下更持故事詆訐絳是皆罷之以紳為江西觀察使入謝自陳所以然帝悟改戶部侍郎逢吉終欲陷之紳族子虞隱居華陽自言不願仕時來省紳雅與柏着程昔範善及着為拾遺虞以書求薦紳謂之虞失望悉暴紳所言於逢吉逢吉滋怒乃用張又新李續等計擢虞昔範與劉栖楚皆為拾遺以伺紳隙內結王守澄自助會敬宗立逢吉使守澄從容奏言先帝始議立太子杜元穎李紳勸立深王獨宰相逢吉請立陛下而李續李虞助之逢吉乘閒言紳嘗不利於陛下請逐之帝初卽位不能辨乃貶紳為端州司馬人無敢言者惟韋處厚屢言紳枉後天子於禁中得先帝手緘書一笥發之見表度元穎紳三疏請立帝為嗣始大感悟悉焚逢吉黨所上謗書寶歷赦令不言左降官與量移處厚執爭詔為追定得徙江州長史遷濠壽二州刺史霍山多虎擷茶者病之紳至虎不為暴以太子賓客分司東都大和中李德裕當國擢紳浙東觀察使李宗閔方得君復以太子賓客分司開成初鄭覃以紳為河南尹河南多惡少皆望風遁去遷宣武節度使大旱蝗不入境武宗卽位徙淮南召拜中書侍郎同中書

門下平章事進尚書右僕射門下侍郎封趙郡公居位四年以足緩不任朝謁檢校右僕射平章事復節度淮南卒贈大尉諡文肅始遭人吳汝納者韶州刺史武陵兄子也武陵坐贓貶死汝納家被逐久不調時李吉甫任宰相汝納怨之後遂附宗閔黨中會昌時為永寧尉弟湘為江都尉部人訟湘受贓娶民顏悅女紳使觀察判官魏勣鞠湘罪明白論報殺之時議者謂吳氏世與宰相有嫌疑紳內顧望織成其罪諫官屢論列詔遣御史崔元藻覆按元藻言湘盜用程糧錢有狀娶部人女不實按悅嘗為青州衙推而妻王故衣冠女不應坐德裕惡元藻持兩端奏貶崖州司戶參軍宣宗立德裕去位紳已卒崔鉉等人不得志導汝納使為湘訟言湘為人誣讒以娶妻資賂膝臟且言顏悅故士族罪皆不當死紳枉殺之又言湘死紳令卽瘞不得歸葬凡戮有罪猶待秋分湘無辜盛夏被殺崔元藻銜德裕斥己卽翻其辭因言御史覆獄違皆對天子別白是非德裕使不得對具獄不付有司但用紳奏實湘死是時德裕已失權而宗閔故黨令狐綯崔鉉白敏中皆當路因是逞憾準神龍詔書酷吏死者官爵皆奪子孫不得進宦詔削紳三官子孫不得仕始紳以文藝節操見用屢為怨仇所報卻卒能自伸其才以名位終然所至務威烈或陷暴刻故雖歿而坐湘寬云

裕雅知之彊幹無不辦縣職方員外郎判戶部案四遷中書舍人會昌中以刑部侍郎兼御史中丞時方伐劉稹武宗慮河朔列鎮陰相締以撓兵事德裕薦同持節往諭何弘敬王元遠取邢洛磁報天子二將聽命又張仲武以幽州兵攻回鶻而與劉沔不協回至諭以大義仲武釋然卽合太原軍攻潞復以回為使督戰至蒲東王宰石雄變譟謁道左回不顧呼直史責破賊限蹀宰等震恐期六旬取潞否則死之未及期三日賊平以戶部侍郎判戶部事俄進中書侍郎同中書門下平章事武宗崩為山陵使遷門下侍郎兼戶部尚書出為劍南西川節度使以與德裕善決吳湘獄時回為中丞坐不糾摘貶湖南觀察使俄以太子賓客分司東都給事中還制謂責回薄遂貶賀州刺史徙撫州長史卒大中九年詔復湖南觀察使贈刑部尚書

李讓夷字達心系本隴西擢進士第辟鎮國李絳府判官又從西川杜元穎幕府與宋申錫善申錫為翰林學士薦讓夷右拾遺俄召拜學士累進諫議大夫開成初進中書舍人武宗初三遷至尚書右丞拜中書侍郎同中書門下平章事潞州平檢校尚書右僕射宣宗立進司空門下侍郎為大行山陵使未復土拜淮南節度使以疾願還卒於道贈司徒讓夷廉介不妄交位雖顯刺以儉約自將為世咨美

魏謩字申之文貞公徵五世孫擢進士第同州刺史楊汝士辟為長春宮巡官文宗讀貞觀政要思徵賢詔訪其後汝士薦為右拾遺邕管經略使董昌謫殺參軍衛方厚貶澌州司戶俄徙峽州刺史謩諫曰王者教有罪唯故無赦比昌謫專殺不辜特被矜貸中外以為屈

李回字昭度新興王德良六世孫按宗室世系表師王房太子長平王叔良生郇國公孝協孝協生發州刺史思忠思忠生宣州士曹參軍建威成生泗水令峻峻成生奉先令如仙如仙生回回為長平王叔良六世孫新興王德良乃師王第四子非回祖也傳謩本名顯字昭回避武宗諱改馬長慶中擢進士第又策賢良方正異等辟義成淮南幕府稍遷監察御史累進起居郎李德

法今又授刺史復使治人憲憲章垂至治不見其可詔改洪州別駕御史中丞李孝本宗室子坐李訓事誅死其二女沒入宮舊上言宗姓不有寵幸爲累傷治道之本速塵穢之嫌諺曰止寒莫若重裘止謗莫若自修惟陛下崇千載之盛德去一旦之玩好帝卽出孝本女詔哀暮以爲右補闕教坊有工善新聲詔授揚州司馬議者頗言司馬品高不可以授賤工帝意右之宰相論諫官勿復言舊獨固諫判兩監軍呂令琛縱慳吝辱江陵令觀察使韋長避不發移內樞密使言狀舊勅長任察廉知監軍侵屈官司不以上聞私自近臣亂法度不報俄爲起居舍人帝問卿家書詔頗有存者乎舊對惟故笏在詔令上送鄭覃曰在人不在笏帝曰覃不識朕意此笏乃今甘棠因救暮曰事有不當毋嫌論奏舊對臣項爲諫臣故得有所陳今則記言動不敢侵官帝曰兩省屬皆可讓朝廷事而毋辭也中尉仇士良捕妖民賀蘭進興及黨與治軍中反狀帝自臨問詔斬囚以徇御史中丞高元裕言獄當與眾共之刑部大理法官也決大獄不與知律令謂何請歸有司未報舊上言事繫軍卽推軍中如齊民宜付府縣今獄不在有司法有輕重何從而知帝停決詔神策軍以官兵留仗內餘付御史臺臺憚士良不敢異卒皆誅死擢諫議大夫兼起居舍人宏文館直學士固讓乃拜始舊之進李珣楊嗣復實推引之武宗立舊坐二人黨出爲汾州刺史俄貶信州長史宣宗嗣位移郟商二州刺史召授給事中遷御史中丞發駙馬都尉杜中立姦賊權威縮氣俄兼戶部侍郎事奏中丞紀綱所寄不宜雜領錢穀乞專治戶部詔可頃之進同中書門下平章事建言今天下麤治惟東

宮未立不早以正人傳導之非所以存副貳之重且泣下帝爲感動會詹毗國獻象暮以爲非土性不可畜請還其獻河東節度使李業殺降虜邊鄙震擾業內恃馮藉人無敢言暮奏徙滑州遷中書侍郎大理卿馬曙有犀鎧數十懼而瘞之奴王慶以怨告曙藏甲有異謀按之無他狀投曙嶺外慶免議者謂奴訴主法不聽舊引律固爭卒論慶死果遷門下侍郎兼戶部尚書大中十年按宣宗紀宰相表俱云暮以大中十一年二月辛巳罷相此作十年脫一字至吳嶽所糾本傳以爲十五年謂差四年者以平章事領劍南西川節度使上疾求代召拜吏部尚書因久疾檢校尚書右僕射太子少保卒年六十六贈司徒暮爲宰相議事天子前謹切無所回畏宣宗嘗曰暮名臣孫有祖風朕心憚之然卒以剛正爲令狐綯所忌罷之曹確字剛中河南河南人擢進士第歷踐中外累拜兵部侍郎咸通中以本官同中書門下平章事俄進中書侍郎確選儒術器識方重動循法度帝寵優人李可及擢爲威衛將軍確曰太宗著令文武官六百四十三按官志太宗省內外官定制爲七百三十員此云文武房武官六百四十三其數不同吳縝判之未知孰是房玄齡曰朕設此待天下賢士工商雜流假使技出等夷正當厚給以財不可假以官帝不聽確居位六年進尚書右僕射以同平章事出爲鎮海節度使徙河中卒劉瞻字幾之其先出彭城後徙桂陽舉進士博學宏詞皆中徐商辟署鹽鐵府累遷太常博士劉瑑執政薦爲翰林學士拜中書舍人進承旨出爲河東節度使咸通十一年以中書侍郎同中書門下平章事同昌公主薨懿宗捕太醫韓紹宗等送詔獄逮繫宗族數百人瞻喻諫官皆依違無敢言卽自上疏固爭帝大怒卽日賜罷

以檢校刑部尚書同平章事爲荆南節度使路巖章保衡從爲惡言聞帝俄斥廉州刺史巖等殊未慊按圖視驩州道萬里卽貶驩州司戶參軍事天下謂瞻鯁正特爲讓擠舉以爲寃僖宗立徙康號二州刺史以刑部尚書召復以中書侍郎平章事居位三月卒瞻爲人廉俸餘以濟親舊無第舍四方獻饋不及門李蔚字茂休系本隴西舉進士書判拔萃皆中拜監察御史累擢尚書右丞懿宗惑浮屠常飯萬僧禁中蔚上疏切諫不聽俄拜京兆尹太常卿出爲宣武節度使徙淮南代還民詣闕請留詔許一歲僖宗乾符初以吏部尚書同中書門下平章事罷爲東都留守河東亂殺其帥崔季康用邠寧李侃代之士不附以蔚嘗在太原府有惠政爲人所懷拜河東節度使同平章事至鎮三日卒

欽定續通志卷二百七十一

列傳

唐七十二

李程

李石

李固言

李珣

崔珙

鄭肅

盧鈞

韋琮

馬植

周墀

崔龜從

裴休

崔慎由

蕭鄴

劉瑑

杜審權

畢誠

楊收

徐商

劉鄩

趙隱

路巖

韋保衡

趙隱

李程字表臣襄邑茶王神符五世孫也擢進士宏辭賦

日五色造語警拔士流推之調藍田尉縣有滯獄十年

程單言輒判京兆狀最遷監察御史召為翰林學士順

宗即位為王叔文所排罷學士再遷司勳員外郎爵渭

源縣男德宗季秋出畋有寒色顧左右曰九月猶衫二

月而袍不為順時朕欲改月謂何左右稱善程獨曰玄

宗著月令十月始裘不可改帝覺然止學士入署常視

日影為候程性矚日過八磚乃至時號八磚學士元和

三年出為隨州刺史以能政賜金紫服李夷簡鎮西川

辟成都少尹以兵部郎中入知制誥韓弘為淮西都統

命程宣慰歷御史中丞鄂岳觀察使遷為吏部侍郎敬

宗初以本官同中書門下平章事帝欲於宮中營新殿

程諫曰陛下方諒陰未宜興作願回作費奉園陵帝嘉

納又請置侍講學士加中書侍郎進彭原郡公寶曆二

年檢校吏部尚書同平章事為河東節度使徙河中召

拜尚書左僕射俄檢校司空按宰相表檢校兵領宣武

山南東道節度再為僕射程為人辯給多智然簡脫無

儀檢雖在華密而無重望武宗立為東都留守卒年七

十七贈太保諡曰穆

子廓第進士累遷刑部侍郎大中中拜武靈節度使不

能治軍補闕鄭魯奏言新麥未登徐必亂既而果逐廓

乃擢魯起居舍人

李石字中玉襄邑茶王神符五世孫元和中擢進士第

辟李聽幕府從歷四鎮有材略為吏精明太和中為行

軍司馬聽以兵北渡河令石入奏占對華敏文宗異之

擢工部郎中判鹽鐵案令狐楚節度河東引為副使入

遷給事中累進戶部侍郎判度支帝惡李宗閔等以黨

相排背公害政凡舊臣皆疑不用取後出孤立者故李

訓等至宰相訓誅死乃擢石以本官同中書門下平章

人自邊還走馬入金光門道路妄言兵且至京師謹走

塵起百官或懼而騎臺省吏稍稍遁去鄭魯將出石曰

事未可知宜坐須其定宰相走則亂矣若變出不虞迷

將安適人之所瞻不可忽也益治簿書沛然如平時里

間羣無賴望南闕陰持兵俟變金吾大將軍陳君賞率

眾立望仙門內使趣闕門君賞不從日入乃止是日非

石鎮靜君賞有謀幾亂俄進中書侍郎因言致治之道

在得人德宗多猜貳仕進之塗塞奏請輒報罷東省閉

闕累月南臺惟一御史故兩河諸侯競引豪英士之喜

利者多趨之用為謀主藩鎮日橫天子為旰食元和間

進用日廣陛下嗣位惟賢是咨士皆在朝廷彼疆宇甲

兵如故而低權順屈者士不知助也帝曰天下之勢猶

持衡此首重則彼尾輕矣其為我博選士朕且用之石

助王逢軍榆社石起積水成干五百人令別將楊弁領之常日軍與人賜二練治裝會財贖給以半士怨又促其行弁乘隙激眾以亂還兵逐石出之詔以太子少傅分司東都俄檢校吏部尚書即拜留守卒年六十二贈尚書右僕射

弟福字能之太和中第進士楊嗣復領劍南薛幕府崔鄂輔政兼集賢殿大學士引為校理調藍田尉石富國薦福可任治人繇監察御史至戶部郎中累歷州刺史進諫議大夫大中時党項羌震擾議者以將食產怨議擇儒臣治邊乃授福夏綬銀節度使以善政聞徙鎮鄆滑再遷兵部侍郎度支出為宣武節度使入遷戶部尚書會蠻侵蜀詔福持節宣撫即拜劍南西川節度使同中書門下平章事與蠻戰賊績貶斬王傅分司東都僖宗初以檢校尚書左僕射就拜留守改山南東道節度使王仙芝寇山南福團鄉兵邀險須之賊不敢入轉略岳鄂以逼江陵節度使楊知溫求援於福乃自將州兵牽沙陀壯騎五百赴之賊已殘江陵鄂聞福至乃走以勞檢校司空同中書門下平章事還朝以太子太傅卒

李固言字仲樞其先趙人擢進士甲科江西裴堪劔南王播皆表署幕府累官戶部郎中溫造為御史中丞表知雜事進給事中再遷尚書右丞李德裕輔政出固言華州刺史俄而李宗閔復用召為吏部侍郎州大冢何延慶橫猾譁眾遮道使不得去固言怒杖殺之尸諸道既傾選按籍自擬先收寒素進御史大夫太和九年宗閔得罪李訓鄭注用事訓欲自取宰相乃先以固言為門下侍郎同中書門下平章事旋坐黨人出為山南西

道節度使訓自代其處訓敗文宗頗思之復召為平章事仍判戶部俄以門下侍郎平章事為西川節度使讓還門下侍郎乃檢校尚書左僕射始置贏軍千匹又募銳士三千武備雄完武宗立召授右僕射會崔珙陳夷行以僕射為宰相改檢校司空兼太子少師領河中節度使蒲津歲河水壞梁吏撤管用舟邀丐行人固言除之以疾復為少師遷東都留守宣宗初還右僕射後以太子太傅分司東都卒年七十八贈太尉

李珣字待價其先出趙郡客居淮陰幼孤事母以孝聞舉進士高第河陽烏重胤表置幕府以拔萃補渭南尉擢右拾遺穆宗即位召李光顏于邠寧李愬于徐州期九月九日大宴羣臣珣與宇文鼎溫金韋瓊馮約同進曰道路皆言陛下追光顏等將與百官高會且元朔未改陵土新復過密弛禁本為齊人鍾鼓合饗不施禁內夫王者之舉為天下法不可不慎且光顏愬忠勞之臣方盛秋屯邊如令訪謀欲付疆事召之可也豈以酒食之歡為厚耶鹽鐵使王璠增茶稅十之五以佐用度珣上疏謂權率本濟軍興而稅茶自貞元以來有之方天下無事忽厚斂以傷國體一不可若為人飲與鹽粟同資若重稅之售必高其敝先及貧下二不可山澤之產無定數程斤論稅以售多為利若價騰踊則市者稀其稅幾何三不可帝不納方是時禁中造百尺樓土木費鉅萬故播亟欲險中帝欲珣以數諫出為下邳令武昌牛僧孺辟署掌書記還為殿中侍御史除禮部員外郎僧孺還相以司勳員外郎知制誥為翰林學士加戶部侍郎始鄭注以醫進文宗一日語珣曰卿亦知有鄭注乎宜與之言珣曰臣知之姦回人也帝愕然李宗閔以

聖去珣為申辨貶江州刺史徙河南尹李固言入相珣復為戶部侍郎判本司事三年楊嗣復輔政薦珣以本官同平章事珣與固言嗣復善自固言得位相繼援引居大政以傾鄭覃陳夷行李德裕三人凡有奏議必以朋黨為謀屢為覃所廷折按新傳敘次於當時情珣數辭位不許進封贊皇縣男始莊恪太子薨帝意屬陳王既而帝崩中人引宰相議所當立珣曰帝既命陳王矣已而武宗即位人皆為危之珣曰臣下知奉所言安與禁中事還門下侍郎為文宗山陵使會秋大雨梓宮至安上門陷于濫罷為太常卿終以議所立貶江西觀察使再貶昭州刺史宣宗立內徙郴州舒二州以太子賓客分司東都遷河南節度使罷橫賦宿逋百餘萬以吏部尚書召去鎮而府庫十倍於初俄檢校尚書右僕射淮南節度使珣顧已大臣諠不以內外自異表請立皇太子維天下心江淮早發倉粟賑流民以軍羨備殺半價與人卒年六十九贈司空諡曰貞穆始淮南三節度皆卒於鎮人勸易署寢珣曰上命我守揚州是實正寢若何去之及疾亟官屬見臥內惟以州有稅酒直而神策軍常為豪商占利方論奏未見報為恨淮南之人德之珣已歿叩闕下願立碑刻其遺愛云

崔珙其先博陵人父頌官同州刺史生八子皆有才世以擬漢荀氏八龍珙為人有威重精吏治以拔萃異等累擢至泗州刺史由太府卿為嶺南節度使入對延英文宗訪治撫後先珙對有理時徐州以王智興後軍驕數犯法節度使高瑀未能制天子思材望威烈者革其弊見珙意慷慨又治泗得士心即詔珙代瑀居二歲徐人畏入為右金吾大將軍遷京兆尹會大旱奏析滄

入禁中者取十九洩民田開成末累進刑部尚書諸道鹽鐵轉運使俄同中書門下平章事仍領鹽鐵即拜中書侍郎會昌二年進位尚書左僕射明年以兄瑄喪被疾求解以所守官罷與崔鉉故有怨及鉉宰相代為使即奏珙妄費宋滑院鹽鐵錢九十萬緡又劾與劉從諫厚數護其姦貶澧州刺史再斥恩州司馬宣宗立徙高州刺史以太子賓客分司東都起為鳳翔節度使鉉復執政珙懼以疾自乞是時西戎歸故地邊奏係驛議所以綏接珙坐不自力避事下除太子少師分司東都就拜留守復節度鳳翔卒於官子涓御史大夫

瑄字從律珙兄舉進士賢良方正皆高第累辟諸使府入朝稍歷吏部員外郎李德裕任御史中丞引知雜事進給事中太和初持節宣慰盧龍使有指及與元殺李絳復往慰撫軍皆按堵還遷工部侍郎京兆尹宋申錫為讓所危瑄與大理卿王正雅固請出獄付外與眾治之天下重其賢以尚書右丞出為荆南節度使進左丞俄判兵部西銓吏部東銓徙東都留守以吏部尚書召辭疾不拜會昌中終山南西道節度使贈尚書左僕射弟瑊與尤顯瑊位刑部尚書瑊河中節度使瑊子澹擢進士第終吏部侍郎

子遠乾靈中以兵部侍郎同中書門下平章事遷中書侍郎從遷洛罷為尚書右僕射柳璨忌衣冠有望者貶為白州長史被殺於白馬驛諸崔自咸通後有名歷臺閣藩鎮者數十人天下推士族之冠始其曾祖母長孫春秋高無齒祖母唐事姑孝每旦乳姑一日病召長幼言吾無以報婦願後子孫皆若爾孝世謂崔氏昌大有所本云

鄭肅字又敬榮陽人以儒世家肅學有根柢第進士書判拔萃補興平尉累擢太常少卿博士有疑議往咨必據經條答文宗高擇魯王府屬肅以諫議大夫兼長史王為皇太子遷給事中進尚書右丞出為陝魏觀察使開成二年召拜吏部侍郎帝以肅嘗輔導東宮詔兼賓客為太子授經既而太子母愛弛為讓所乘廢斥有端肅言天下大本不可輕動意致深切帝為動容然內寵方煽太子終以憂死出為檢校禮部尚書河中節度使武宗知太子無罪特困於讓而朝廷謂肅臨義不可奪挺挺有大臣節召為太常卿遷山南東道節度使五年以檢校尚書右僕射同中書門下平章事宣宗即位遷中書侍郎罷為荆南節度使卒贈司空諡曰文簡子洎仕至州刺史洎子仁規中書舍人仁表起居郎始肅罷政事帝以盧商代之

商字為臣范陽人蚤孤寔能以學自奮舉進士拔萃皆中由校書郎佐宣歙西川幕府入朝累十餘遷至大理卿為蘇州刺史吏以鹽法求贏貲民愈困商令計口售鹽無常額人便之歲賞返增進浙西觀察使召為刑部侍郎京兆尹方伐潞芻糧踰太行餉軍環六七鎮詔商以戶部侍郎判度支又詔杜棕兼鹽鐵度支并二使財以贍兵乃不乏出為東川節度使以兵部侍郎還判度支擢中書侍郎同中書門下平章事范陽郡公大中元年春早詔商與御史中丞封敖理囚繫於尚書省誤縱死罪罷為武昌軍節度使以疾辭拜戶部尚書卒

盧鈞字子和系出范陽徙京兆藍田舉進士中第以拔萃補祕書正字從李絳為山南府推官調長安尉又從裴度為太原觀察支使遷監察御史爭宋申錫獄知名

進吏部郎中出為常州刺史遷給事中有大詔令必反覆省審駁奏無私拜華州刺史關輔驛馬疲鈞為市健馬率三歲一易自是無乏之事擢嶺南節度使海道商船始至異時帥府爭賤售其珍鈞一不取番獠與華人錯居相婚嫁多占田營第舍吏或撓之則亂鈞下令番華不得通婚禁名田產貞元後流放衣冠子姓窮弱不能自還者以奉稟資助又除采金稅以戶部侍郎召判戶部會昌中漢水害襄陽拜鈞山南東道節度使築隄六千步以障王師伐劉稹武宗以鈞寬厚能得眾詔兼節度昭義軍會積死劫乘驛往進檢校兵部尚書專領昭義積將白惟信保潞城未下石雄召之使往十餘輩皆死鈞次高平惟信獻款且曰不即降者畏石尚書爾雄欲盡夷潞兵鈞不聽坐治堂上左右皆雄親卒擊鼓傳漏鈞自居甚安雄引去乃召惟信至送闕下餘眾悉原俄而與士五千戍代北鈞坐城門勞遣戍卒驕不欲去酒酣反攻城迫大將李文矩為帥鈞倉卒奔潞城文矩投地僵臥稍論叛者眾乃悔服即相與謝鈞迎還府斬首惡乃定詔趣戍者行密使盡戮之鈞請徐乘其變而使者不發須報時戍人已去潞一舍鈞選牙卒壯騎夜趨遲明至太平驛盡斬之即拜檢校尚書左僕射宣宗即位改吏部尚書會劉約自天平徙宣武未至暴死家僮五百無所仰衣食思亂乃授鈞宣武節度使人情安然召入復為吏部尚書遷檢校司空太子少師封范陽郡公節度河東大中九年召為左僕射鈞宿齒數外遷而後來多至宰相始被召自以當輔政既失志數移病不事事令狐綯惡之罷僕射以檢校司空守太子太師元日大饗含元殿鈞年八十升降如儀音吐鴻暢舉

志四八三九

朝咨款以鈞者碩顯不任職咎詢為媚賢詢聞言於帝
即以鈞同中書門下平章事為山南西道節度使俄檢
校司徒為東都留守懿宗初復節度宣武辭不拜以太
保致仕卒年八十七贈太傅諡曰元鈞所居官必有績
大抵根仁恕至誠而施於事位將相沒而無贏財
韋琮字禮玉進士及第稍進殿中侍御史坐訊獄不得
實改太常博士累擢戶部侍郎翰林學士承旨以中書
侍郎同中書門下平章事遷門下侍郎兼禮部尚書無
功罷為太子賓客分司卒

馬植字存之鳳州刺史勳子也第進士又擢制策科補
校書郎蘇壽州團練副使三遷饒州刺史開成初為安
南都護精吏事以文雅飾政洞夷使安州部廢池珠復
生以政最檢校左散騎常侍徙黔中觀察使會昌中召
拜光祿卿遷大理植自以譽望在當時諸公右久補外
還朝不得要官為宰相李德裕所抑白敏中當國凡德
裕所不善悉不次用之故植以刑部侍郎領諸道鹽鐵
轉運使遷戶部俄同中書門下平章事進中書侍郎初
左軍中尉馬元贊最寵賜通天犀帶植素與元贊通昭
穆元贊以賜帶遺之它日對便殿帝識其帶以詰植植
震恐具言狀罷為天平軍節度使既行詔捕親吏下御
史獄盡得交私狀罷常州刺史以太子賓客分司東都
起忠武宣武節度使卒

周塤字德升汝南人少孤事母孝及進士第辟湖南團
練府巡官入為監察御史集賢殿學士長史學屬辭高
古文宗雅重之遷起居舍人改考功員外郎兼舍人事
俄知制誥入翰林為學士武宗即位以疾改工部侍郎
出為華州刺史徙江西觀察使劾舉部刺史翦捕刺賊

出兵成彭蠡湖禁止剽劫進拜義成節度使封汝南縣
男一軍大治以兵部侍郎召判度支進同中書門下平
章事遷中書侍郎建言故宰相德裕重定元和實錄實
寄它事以廣父功遂削新書河東節度使王宰重賂權
幸求同平章事領宣武捍言天下大鎮如并汴者纔幾
宰之求何可厭宣宗納之駙馬都尉韋讓求為京兆持
不與由是妄進者少衰會吐蕃微弱以三州七關自歸
帝召宰相議河湟事捍對不合旨罷為劍南東川節度
使駙馬都尉鄭顥言于帝曰世謂捍以直言相亦以直
言免帝悟加拜檢校尚書右僕射卒年五十九贈司徒
崔龜從字玄告清河人元和十二年擢進士第又登賢
良方正及書判拔萃二科拜右拾遺太和二年改太常
博士最明禮家沿革門不虛酬定敬宗廟室祝辭皇帝
不可云孝弟九官皆列星不容為大祠大臣覺宜於計
日輟朝不宜於數日外三品已上官非經任將相密近
不宜輟朝詔皆可其議累轉考功郎中史館修撰九年
轉司勳郎中知制誥十二月正拜中書舍人開成初出
為華州刺史三年三月入為戶部侍郎判本司事四年
權判吏部尚書銓事大中四年舊書宣宗紀中以中書侍
郎同中書門下平章事五年七月換成續唐歷三十卷
上之舊書宣宗紀云續柳芳唐歷二十二卷數不同十一月檢校尚書左僕射
充宣武軍節度使六年罷相累歷方鎮卒

裴休字公美孟州濟源人父肅貞元時為浙東觀察使
刺賊粟鎧誘山越為亂陷州縣肅引州兵破禽之休擢
進士第舉賢良方正異等歷諸府辟署人為監察御史
更內外任大中時以兵部侍郎領諸道鹽鐵轉運使六
年進同中書門下平章事奏言宰相論政上前知印者

次為時政記詳已辭略它議請宰相人自為記合付史
官詔可進中書侍郎太和後歲濱江淮米四十萬斛至
渭河倉者纔十三舟職債敗吏乘為冒沒劉晏之法盡
廢休分遣官詢按其弊乃命在所令長兼董清衰能者
諫急者舊歲率雇船二十八萬休悉歸諸吏較巡院不
得輒侵牟者新法十條又立稅茶十二法人以為便居
三年粟至渭倉者百二十萬斛無留壅時方鎮設邸閣
居茶取直因視商人他貨橫賦之道路苛擾休建言許
收邸直毋擅賦商人又收山澤寶治悉歸鹽鐵秉政凡
五歲罷為宣武軍節度使封河東縣子久之由太子少
保分司東都復起歷昭義河東鳳翔荆南四節度卒年
七十四贈太尉休能文章書楷有法嗜浮屠法演繹其
說數萬言

崔慎由字敬止司空從之子聰警強記資端厚有父風
繇進士第擢賢良方正異等鄧滑高銖辟府判官入為
右拾遺進翰林學士授湖南觀察使召還由刑部侍郎
領浙西入遷戶部侍郎判戶部俄進工部尚書同中書
門下平章事與蕭肅有隙鄴輔政引劉瑑而出慎由為
東川節度使初宣宗餌長年藥病渴且中躁而國嗣未
立帝對宰相欲肆赦患無其端慎由曰太子天下本若
立之赦為有名帝惡之不荅都等乘是譖去之時大中
十二年也咸通初徙華州刺史改河中節度使以吏部
尚書請老授太子太保分司東都卒贈司空諡曰貞子
肩別傳慎由弟
安潛字進之進士擢第咸通中歷江西觀察忠武節度
使乾符初王仙芝寇河南安潛募人增陣繕械號令精
明賊畏之不犯陳許境使大將張自勉將兵七千援宋

州時未威屯曹州官軍數却賊圍未益急自勉收南月城斬賊二千級仙芝夜解去宰相鄭畋請以陳許兵三千隸宋威而威忌自勉乞盡得安潛軍使自勉隸麾下畋謂威有疑忿必殺自勉奏言今以兵悉畀威是自勉以功受辱安潛抗賊有功乃取銳兵付威後有緩急何以戰是勞不蒙賞詔止以四千付威餘還自勉俄代高駢領西川節度使倚駢為姦利者安潛皆誅之幸相盧攜素厚駢乃誣以罪罷為太子賓客分司東都僖宗避賊劔南召為太子少師王鐸任都統表以自副鐸解兵安潛復為少師東都留守青州王敬武卒詔拜平盧節度使檢校太師兼侍中會敬武子師範專地不得入而還後遷太子太傅卒贈太子太師諡貞孝

彥曾嶺南節度使能之子咸通初由太僕卿為徐州觀察使曉律令為政剛猛徐軍素驕彥曾長於撫民而短於治軍親吏尹戩徐行儉食不恤士士多怨桂林戍卒叛裔糧料判官龐勛為將剽虜北還自浙西趨淮南彥曾命牙將田厚簡慰勞而用都虞候元密伏甲任山館擊賊勛遣吏給言士思歸不敢還請至府解甲自歸彥曾斬其吏勛陷宿州彥曾料丁勇乘城或勸率眾奔兗州彥曾曰我方帥也奉命守此惟有死爾斬議者一人號於眾俄而助博城城中大霧如墮彥曾悉誅賊家屬助眾四面超墻入囚彥曾大彭館有曹君長者說勛曰貴者不並處今朝廷未以留後命公益觀察使存爾助乃殺彥曾於寢自監軍使逮官屬皆死贈刑部尚書乾符中錄其子祐之為榮陽尉徐吏有路審中者彥曾知其能頗任之既遇害路守卒斂藏其尸張玄稔攻徐州審中率死士應官軍開南白門官兵入因得破勛後位

廣州刺史鄭畋謂審中節貫神明請擢為右羽林將軍詔可有許鐸者罷武城令客於徐助翁以官不從彥曾官屬被囚鐸潛積資糧及死為之瘞匿免其子弟賊平乃皆歸其喪詔拜石首令僚官焦瑤温廷皓李悅崔蘊柳泰盧崇嗣韋廷範贈官有差錄其子官之

蕭鄴字啟之梁長沙宣王懿九世孫及進士第累進監察御史翰林學士出為衡州刺史大中中召還翰林拜中書舍人遷戶部侍郎判本司以工部尚書同中書門下平章事懿宗初罷為荆南節度使仍平章事進檢校尚書左僕射徙劔南西川南詔內寇不能制下遷檢校右僕射山南西道觀察使歷戶部吏部二尚書拜右僕射還以平章事節度河東在官無足稱道卒

劉球字子全高宗朝宰相仁軌五世孫進士鎮國陳夷行表為判官入遷左拾遺諫罷武宗方士言多懇悞大中初擢翰林學士會伐党項詔為行營宣慰使遷刑部侍郎乃哀彙敕令可用者由武德詔大中凡二千八百六十五事類而析之參訂重輕號大中刑律統類以聞法家推其詳由河南尹進宣武軍節度使徙河東未幾以戶部侍郎召判度支尋同中書門下平章事仍領度支嘗與崔慎由議帝前慎由請甄別流品球質曰王夷甫相晉崇尚浮虛以述流品卒致淪夷今日不循名實實使百吏各稱職而先流品未知所以致治也慎由不能對由是罷相俄而球大病加工部尚書拜臥內猶手疏陳政事居位半歲卒年六十三贈尚書左僕射球以名節自將凡議論處事不私與球同知政者夏侯孜致字好學亳州誰人擢進士第累遷發絳等州刺史由兵部侍郎諸道鹽鐵轉運使為同中書門下平章事仍

傾鹽鐵懿宗立進門下侍郎誰都俄以同平章事出為西川節度使召拜尚書左僕射還執政進司空為真陵山陵使坐墜壞出為河中節度使咸通時蠻犯蜀深入士乏糧追責孜治蜀無素備以太子少保分司東都卒

杜審權字殷衡太宗朝宰相如晦六代孫進士辟浙西幕府舉拔萃中為右拾遺宣宗時入翰林為學士累遷兵部侍郎學士承旨懿宗立進同中書門下平章事再遷門下侍郎出為鎮海軍節度使同平章事屢勦亂徐州審權與令狐綯崔鉉連師倚角饋粟相銜王師賴濟勦破進檢校司空入為尚書左僕射襄陽郡公繼領河中忠武節度使卒贈太子太師諡曰德審權清重寡言性長厚居翰林最久終不漏禁近語與杜悰俱位將相悰先進故世謂審權為小杜公

子讓能字羣懿擢進士第從宣武王鐸府為推官以長安尉為集賢校理喪母以孝聞又辟劉鄩牛蔚二府稍進兵部員外郎蕭遘領度支引判度支案僖宗狩蜀奔謁行在三遷中書舍人召為翰林學士方關東兵興調發殺徠書詔叢浩讓能思精敏凡號令行下處事植機無遺算帝倚重之從還京師再遷兵部尚書封建平縣子李克用兵至帝夜出鳳翔蒼黃無知者讓能方直徒步從十餘里得遺馬褭紳為約乘之朱玫兵逼乘與帝走寶雞獨讓能從帝次褒中擢兵部侍郎同中書門下平章事於時嗣襄王煬即位藩鎮附者十八貢賦不輸行在無以備賞勞衛兵往往乏食君臣搏手無策讓能建遣大使入河中諭王重榮重榮果奉詔京師平進中書侍郎徙封襄陽郡公官吏多汗偽署有司皆欲論

死讓能以弱從不足深治固爭之多所全貸昭宗立進尚書左僕射晉國公賜鐵券累進太尉李茂貞守鳳翔自大順後兵浸強恃功不奉法朝廷弗能制會楊復恭走山南茂貞欲兼有梁漢請以師問罪未報而兵出帝忿其專然不得已從之山南平詔茂貞領興元武定而徐彥若為鳳翔節度使分果閬州隸武定軍茂貞不赴鎮上章語悖慢又貽書責讓讓能帝怒詔讓能議且趣調發時宰相崔昭緯陰結茂貞及王行瑜讓能所言悉漏之茂貞乃以健兒數百雜市人候昭緯與鄭延昌歸第擁肩與讓能曰鳳翔無罪幸公不加討以震驚都輦昭緯曰上委杜太尉吾等何知市人不識孰為太尉即投瓦石妄擊昭緯等走而免遂喪其印京師爭避亂逃山谷開讓能諫帝曰茂貞固宜誅然大盜適去鳳翔國西門又陛下新即位願少寬假以貞元故事姑息之不可使怨望帝曰今詔令不出城門朕顧奄奄度日坐觀此耶卿為我圖之朕自以兵屬諸王讓能曰陛下欲削滌僭媮剛主威隆王室此中外大臣所宜共成之不宜專任臣帝曰卿休戚與我均何所避泣曰臣位宰相所以未乞骸骨者思有以報陛下取計身乎且陛下之心憲祖心也但時有未便它日臣蒙冕錯之誅願不足弭七國患然敢不奉詔景德二年以嗣覃王為招討使神策將李鐵副之率師三萬送彥若赴鎮昭緯內畏有功密語茂貞曰上不喜兵一出太尉茂貞乃悉兵迎戰蓋屋覃王敗乘勝至三橋讓能曰臣固豫言之請歸死以紓難帝涕下不能已曰與卿決矣再貶雷州司戶參軍茂貞尚駐兵請必殺之乃賜死年五十三弟彥林官御史中丞弘徽戶部侍郎皆被害帝痛之後贈太

師子光又次子曉不復仕曉入梁貴顯於世畢誠字存之荊州司馬綏之曾孫太和中舉進士書判拔萃連中辟忠武杜悰幕府悰傾度支表為巡官又從辟淮南入拜侍御史李德裕始與悰同輔政不協故出悰劔南東川節度使故吏惟誠饋德裕忌之出為慈州刺史累官駕部員外郎倉部郎中故事要家勢人以倉駕二曹為辱誠沛然如處美官以職方郎中兼侍御史知雜事召入為翰林學士党項擾河西宣宗嘗召訪邊事誠援質古今條破羌狀甚悉帝悅即拜刑部侍郎出為邠寧節度河西供軍安撫使誠到軍遣吏論羌人皆順向時戍兵常苦調餼乏誠募士置屯田歲收穀三十萬斛詔書嘉美俄徙昭義又遷河東復修祀頭七十烽寇不敢入懿宗立遷宣武節度使召為戶部尚書判度支未幾以禮部尚書同中書門下平章事再期固稱疾改兵部尚書罷旋兼平章事節度河中卒年六十二楊收字藏之世居馮翊七歲而孤處喪若成人母長孫親授經十三通大義善屬文吳人號神童博學強記泔陽耕得古鐘高尺餘收扣之曰此姑洗角也既刷拭有刻在兩樂果然嘗言琴通黃鐘姑洗無射三均側出諸調猶蘿藦附灌木然時有安說者世稱善琴且知音收問五絃外其二云何說曰世謂周文武二王所加者收曰能為文王操乎說即以黃鐘為宮而奏之以少商應大絃收曰止如子之言少商武絃也且文世安得武聲乎說大驚因問樂意收曰樂亡久矣上古祀天地宗廟皆不用商周人歌大呂舞雲門以祀天神歌太簇舞咸池以祀地祇大呂黃鐘之合陽聲之首而雲門黃帝樂也咸池堯樂也不敢用黃鐘而以太簇次之然則祭天

者圍鐘為宮黃鐘為角太簇為徵姑洗為羽祭地者函鐘為宮太簇為角姑洗為徵南呂為羽訖不用商及二少蓋商聲剛而二少聲下所以取其正裁其繁也漢祭天則用商而宗廟不用謂鬼神畏商之剛西京諸儒惑圍鐘函鐘之說故自受命郊祀宗廟樂唯用黃鐘一均章帝時太常丞鮑業始旋十二宮夫旋宮以七聲為均均言韻也古無韻字猶言一韻聲也始以某律為宮某律為商某律為角某律為徵某律為羽某律少宮某律少徵亦曰變日比一均成則五聲為之節族此旋宮也乃取律次之以示說說時七十餘以為未始聞而收未冠也不肯先兄假仕假褫褐乃擢進士杜悰表署淮南推官悰傾度支又節度劔南東西川輒隨府遷宰相馬植表渭南尉集賢校理議補監察御史收又以假方外遷諠不可先固辭復為悰節度府判官蜀有可縣按地理志萬州縣西瀘本可天寶元年更名直萬州西南地寬平掠節度時無可縣史蓋舉其舊名多水泉可灌秔稻或為掠計與屯田悰將從之收曰田可致兵不可得且地當蠻衝今觀西南屯士往耕則姚舊兵少賊得乘間若調兵捍賊則民疲士怨假令大獲蠻得長驅是資賊糧豈國計乃止始周墀節度東川表其弟嚴掌書記墀卒悰辟為觀察府判官兄弟並在幕府假自浙西判官擢監察御史收亦自西川遷兄弟同臺收以詳禮學改太常博士嚴亦自揚州召為監察御史旋以母喪免服除從淮南崔鉉府為支使還拜侍御史夏侯攸以宰相領度支引判度支案遷長安令懿宗時累擢中書舍人翰林學士承旨以中書侍郎同中書門下平章事始南蠻自大中以來火邕州掠交趾調華人往屯涉氛瘴死者十七收議豫章募士三萬置鎮南

軍以拒蠻又時食汎舟納南流天子嘉其功進尚書右僕射封晉陽縣男既益貴稍自滿侈更容倚為姦收之相中尉楊元价賈左右之乃招四方賊餉數千諉收不能從元价以賈己陰加毀短罷為宣欽觀察使不敢當兩使稟料但受刺史俸留收藏錢七百萬草保衛又劫收前用嚴讓為江西節度使受謝百萬及宅隱盜貶端州司馬俄流驪州詔內養追賜死收自作書謝丐弟嚴死奉先臣後即仰鳩死帝見書惻然乃宥嚴後詔追雪復官爵子鉅鑄鉅乾寧初為翰林學士從入洛終散騎常侍鑄至戶部尚書

收兄發字至之登進士又中拔萃累官左司郎中宣宗追加順憲二宗尊號有司議改造廟主署新諡詔百官議發與都官郎中盧摶以為改作主求古無文執不可知禮者避之改太常少卿為蘇州刺史徙福建觀察使以能政聞拜嶺南節度使承前寬弛操剛嚴軍遂怨起為亂囚傳舍貶婺州刺史假字仁之仕終常州刺史嚴字凜之舉進士時王起選士三十人而楊知至竇絨源重鄭林及嚴五人皆世胄起以聞詔獨收嚴累遷至工部侍郎翰林學士收知政請外拜浙東觀察使收貶嚴亦斥為邵州刺史徙吉王傅乾符中以兵部侍郎判度支卒子涉注涉具五代傳

徐商字義聲越州刺史有功孫客新鄭再世因為新鄭人擢進士第大中時累官尚書左丞宣宗詔為巡邊使拜河中節度使突厥殘種保特峨山以千帳度河自歸詔商綏定商表處山東寬鄉置備征軍凡千人裝紙為鎧勁矢不能洞徙山南東道襄多山棚賊商取材卒為捕盜將別為屯營寇所發迹捕必得遂為精兵江西都

將反商發捕盜營士往平之咸通初以刑部尚書為諸道鹽鐵轉運使封東莞縣子四年進同中書門下平章事出為荆南節度使累進太子太保卒

子彥若事僖宗為中書舍人昭宗立再用為御史中丞張滂師敗太原以彥若為戶部侍郎同中書門下平章事俄代李茂貞為鳳翔節度使不得入還為御史大夫乾寧初復當國進太保齊國公崔胤專政以彥若位己右不悅以平章事為清海軍節度使卒於鎮

劉鄩字漢藩潤州句容人父三復善文章母病廢三復丐粟以養李德裕為浙西觀察使表為掌書記會昌時位宰相擢三復刑部侍郎弘文館學士鄩六七歲能屬辭德裕使與子共師學德裕既斥鄩去客江湖聞陝虢高元裕表署推官高少逸又辟鎮國幕府咸通初擢左拾遺召為翰林學士賜進士第歷中書舍人遷承旨德裕誣死令狐綯久當國更數赦不為還官爵綯去位鄩乃申直其冤世高其義進戶部侍郎諸道鹽鐵轉運使

以禮部尚書同中書門下平章事判度支僖宗嗣位再遷尚書左僕射初韋保衡路巖與鄩同秉政為迹親俄而蕭傲崔彥昭得相罷鄩為淮南節度使同平章事黃巢方熾詔高駢代之徙節度鳳翔固辭還左僕射帝西狩追乘輿不及與崔沆豆盧瑑匿將軍張直方家賊捕急三人不肯臣俱見殺

豆盧瑑者字希貞河南人仕歷翰林學士戶部侍郎與崔沆皆拜同中書門下平章事是日宣告於廷大風雷雨拔樹未幾及禍

趙隱字大隱京兆奉天人祖植當德宗出狩變倉卒羽衛單寡朱泚攻城急植率家人奴客以死拒守獻家財

勞軍帝嘉之賊平累擢鄩州刺史鄩滑節度使李融奏以自副融疾病委以軍政大將未朝晏火其營夜為亂植列卒不動須之遲明而潰捕斬皆盡累擢嶺南節度使父存約辟署興元李絳府值軍亂方與絳燕閒吏報賊至絳麾存約使去對曰苟公厚誼不當獨免即部勒左右捍之同被害隱以父死難與兄隲廬墓幾十年闔門誦書不應辟召親友敦勉令仕會昌中擢進士第歷州刺史河南尹以兵部侍郎領鹽鐵轉運使咸通未進同中書門下平章事遷中書侍郎封天水縣伯性仁悌不敢以貴權自處僖宗初罷為鎮海軍節度使王郢之亂坐撫御失宜下除太常卿廣明初為吏部尚書居母喪卒子光逢光裔光胤皆第進士歷臺省華劇光逢五代史有傳

路巖字魯瞻魏州冠氏人及進士第懿宗咸通初自屯田員外郎入翰林為學士以兵部侍郎同中書門下平章事年三十六居位八歲進至尚書左僕射通路遺奢肆不法與韋保衡同當國二人勢動天下既權倖則爭與保衡還相惡罷為劔南西川節度使承蠻盜邊後巖力拊循置定邊軍於邛州按方輿表咸通九年置定邊軍在十二年且定邊軍乃李師望邛州十一年廢巖鎮西置實勝敗已廢不因巖也史誤 扼大度治故闕取壇丁子弟教擊刺使補屯籍由是西山八國來朝以勞遷兼中書令封魏國公始為相時委事親吏邊咸會至德

令陳蟠叟奏書願請開言財利帝召見則曰臣願破邊成家可佐軍與帝問咸何人對曰宰相巖親吏也帝怒斥蟠叟自是人無敢言咸乃與郭籛者相倚為姦巖不甚制嘗閱武都場咸籌議事以書相示則焚之軍中恟恟遂聞京師巖坐是徙荆南節度使道貶新州刺史至

江陵免官流儋州籍其家巖美須髻至江陵兩首皆白
捕誅威讐等巖至新州詔賜死巖嘗密請三品以上得
罪誅剔取喉以驗俄而自及
章保衡字蘊用京兆人咸通中以右拾遺尙同昌公主
遷起居郎駙馬都尉主郭淑妃所生懿宗愛之恩禮最
異悉宮中珍玩資予之俄歷翰林學士承旨以兵部侍
郎同中書門下平章事自尙主至是裁再期又進門下
侍郎尙書右僕射性浮淺既恃恩據權以嫌愛自肆王
鐸舉保衡進士蕭邁與同升以嘗薄已皆見斥逐楊收
傾路巖人益畏之主薨而寵遇不衰僖宗立進司徒俄
爲怨家白發陰罪貶賀州刺史再貶澄邁令遂賜死弟
保义自兵部侍郎貶賓州司戶參軍而劉瞻等坐主薨
見貶者皆復起

列傳

唐七十三

裴坦贊 崔彥昭 鄭啟

王鐸鐸 王徽 盧攜

蕭邁 韋昭度 張濬

劉崇望崇望 鄭延昌 王溥

盧光啟 陸辰 王溥

郭榮 朱朴孫僊 韓僊

裴坦字知進隋營州都督世節裔孫及進士第沈傳師

表置宣州觀察府召拜左拾遺史館修撰歷楚州刺史

令孤絢富國薦為職方郎中知制誥再進禮部侍郎拜

江西觀察使華州刺史召為中書侍郎同中書門下平

章事不數月卒坦性簡儉子取楊收女齋具多飾金玉

坦命撤去曰亂我家法從子贊

贊字敬臣及進士第累擢右補闕御史中丞刑部尚書

昭宗引拜中書侍郎兼本官同中書門下平章事尋兼

戶部尚書帝幸鳳翔為大明宮留守罷俄進尚書左僕

射以司空致仕朱全忠將篡貶青州司戶參軍殺之

崔彥昭字思文其先清河人淹貫儒術擢進士第數應

帥鎮辟奏於吏治精明所至課最累進戶部侍郎蘇河

陽節度使徙河東沙陀諸部多犯法彥昭撫循有威惠

三年境內大治僖宗立授兵部侍郎諸道鹽鐵轉運使

俄同中書門下平章事仍判度支初楊收路嚴章保衡

皆坐朋比賄賂得罪肅做秉政矯革之而彥昭協力

故百職修舉遷門下侍郎帝因下詔暴收等過惡申勵

丁寗以成其美彥昭雖宰相退朝侍母膳順色柔聲左

右無違士人多其孝伶人李可及為懿宗所寵橫甚彥昭奏遂死嶺南累拜兼尚書右僕射以疾去位授太子太傅卒

鄭啟字台文系出滎陽父亞舉進士賢良方正書判拔

萃皆中李德裕辟署幕府擢監察御史李回薦為刑部

郎中知雜事拜給事中德裕罷出為桂管觀察使坐吳

湘獄不能直貶死啟舉進士時年甚少有司上第籍武

宗疑索所試自省乃可奏為宣武推官以書判拔萃擢

渭南尉宣宗時白敏中令孤絢繼富國皆怨德裕其賓

客並廢斥故啟外更帥鎮幕府幾十年絢去位始為虞

部員外郎右丞鄭薰誣啟罪出之久乃入為刑部員外

郎劉瞻相薦授戶部郎中入翰林為學士俄知制誥會

討龐勛書詔紛委啟思不淹晷皆切機要勛平以戶部

侍郎進學士承旨瞻以諫迂懿宗罷啟草制多褒言章

保衡等以為附下罔上貶梧州刺史僖宗立內徙邗絳

二州以右散騎常侍召還故事兩省轉對延英獨常侍

不與啟言宜備顧問詔著於令以兵部侍郎進同中書

門下平章事禁百官僕吏不得擅至宰相府交廣邕南

兵舊取嶺北五道餉船多敗沒啟請以嶺南鹽鐵委廣

州節度使韋荷歲煮海取鹽直四十萬緡市虔吉米以

贍安南罷刑洪等漕役後以王師甫為嶺南供軍副使

師甫請兼總兵歲加獻錢二十萬緡啟曰荷且有功而

師甫以利謀奪其兵不可再遷門下侍郎封滎陽郡侯

以星變求去位不許乾符六年黃巢勢熾據安南騰

書求天平節度使帝令羣臣議咸請假節以紓難啟欲

因授嶺南節度使而盧攜方倚高駢立功乃曰駢才略

無雙淮南天下勁兵又諸道之師方至蕞爾賊奈何捨

之啟曰不然巢之亂本於饑其眾以利合故能興江淮根蔓天下如以恩釋罪使及歲豐其下思歸眾一離巢即机上肉耳天子內亦屬驍乃然攜議會駢奏南蠻方強請如西戎以公主下嫁攜又議從之啟以為損國威靈不可即抗論至相詬攜怒拂衣去裾蟻於硯因抵之帝以大臣爭口語無以示百官乃俱罷以啟為太子賓客分司東都俄召拜吏部尚書明年為鳳翔隴西節度使募銳兵五百號疾雷將境中盜發輒得會巢陷東都遣兵戍京師以家財勞行妻自緹戎衣給戰士帝出梁洋啟上謁斜谷泣曰將相誤國臣請死帝勞遣之且曰公謹扼賊衝無令西敗還蒐士卒繕器械濟城隍使於梁者道相屬俄而賊使至諸將皆欲附賊啟閉論不可即悉出金帛請得脫身去復不聽而使以偽敕令示軍中乃去明日詔使至啟召監軍袁敬柔以逆順曉諸將乃聽命啟遣子凝績從帝有詔進同中書門下平章事賊將又至啟斬于軍遷檢校尚書右僕射西面行營都統軍中承制除拜乃以前靈武節度使唐弘夫為行軍司馬中和元年賊將王璠率眾三萬來攻啟使弘夫設伏以待戰龍尾坡殺賊二萬威動京師時諸鎮兵在竄內尚數萬無所歸啟招來慰結乃與涇原程宗楚秦州仇公遇鄜延李孝恭夏州拓拔思恭約盟傳檄天下時王命不出劍門四方謂王室微不能復興及啟微至遠近咸鋒各治兵思立功奔問行在巢大懼不敢西謀當此時微啟天子幾殆弘夫取咸陽以桴濟兵渭水賊伏甲偽走弘夫與宗楚乘勝入都門為賊所覆啟數救無輕進二人不聽果敗以鄜夏兵屯東渭橋再進司空兼門下侍郎京城四面行營都統行軍司馬李昌言者屯

興平遣麾下求為南面都統輒引兵趨府敗不意見襲
 登城好語曰吾方入朝公能戢兵愛人為國滅賊乎能
 則守此矣遂委軍去昌言自為留後衛敗出境半道即
 辭疾詔授太子少傅分司東都便醫於興元明年復拜
 駭山拒賊請以檢校散騎常侍隸奉天軍制皆可舊制
 使府校書郎以上滿三歲遷監察御史裏行至大夫常
 侍滿三十月遷自軍興有歲內數遷者改請行營節度
 由裏行至大夫許滿二十月遷校書郎以上滿二歲乃
 奏非軍興者如故事從之時田令孜恃權干請敗不應
 陳敬瑄欲以官品居宰相上敗曰外宰相安得論品卒
 不肯下令致敬瑄內銜之賊平帝將還而李昌言自以
 襲敗而奪之鎮今敗當國內不喜故三人相結遣客上
 敗過咎帝得其情不許敗乃引疾入見帝曰乘輿東還
 由大散關幸鳳翔供帳頓時一委昌言乃可安臣若以
 宰相從彼且猜阻非所以靖反側也請以散官養疾帝
 以其誠乃授檢校司徒太子太保罷政事以疑績為壁
 州刺史留養徒隴州按原文作龍州考關內道之龍州
 河北道之東龍州武德元年置天寶元年改
 堯山當時已無此名今依舊唐書作隴州卒年六十
 三贈太尉後帝思敗忠力又贈太傅疑績數歲亦卒始
 李茂貞以博野裨將成奉天敗召隸麾下厚禮之茂貞
 感其飾擢及敗還葬鄭表為請諡曰文昭天復初與李
 思恭配享僖宗廟庭又贈宗楚弘夫官鄭殺者薰子也
 方敗秉政權為給事中至侍郎其指怨類如此
 王鐸字昭範宰相播弟炎子按鐸乃炎子播傳明云弟
 炎原乃炎子播傳明云弟
 會昌初擢進士第累遷右補闕集賢殿直學士白敏中

辟署西川幕府咸通初歷中書舍人禮部侍郎所取多
 才實士拜御史中丞以戶部侍郎判度支十二年由禮
 部尚書進同中書門下平章事加門下侍郎尚書左僕
 射起拜司徒韋保衡始由鐸得進士謹事之及竊政權
 將大斥不附者病鐸持其事不得肆乃以檢校左僕射
 出為宣武節度使僖宗初以左僕射召復拜門下侍郎
 平章事乾符六年賊破江陵宋威無功朝廷議置統帥
 鐸因請自率諸將督羣盜帝即以鐸為侍中荆南節度
 使諸道行營都統封晉國公李係者西平王晟諸孫敏
 辯善言兵然中無有鐸信之舉為將使守湖南俄而賊
 捨廣州鼓而北係未戰輒潰鐸退營襄陽於是高駉
 代之貶太子賓客分司東都未幾召拜太子少師從天
 子入蜀拜司徒門下侍郎平章事加侍中復以太子太
 保平章事是時誅討大計悉屬駉駉內幸多難數優蹇
 而外逗撓鐸感慨王室每入對必噙嗚流涕固請行時
 中和二年也乃以檢校司徒中書令為義成節度使諸
 道行營都統按原文作都統資治通鑑以王鐸為都
 道統西門思恭為都統監考異云此時
 請將為都統者甚多鐸為都統此
 統是也紀亦作都統今增判延資戶部租庸等使
 於是表崔安潛自副鄭昌圖裴贄王搏等在幕將
 以周岌王重榮諸葛爽康實安師儒時溥六節度為將
 佐中尉西門思恭為監軍率衛兵泊梁蜀師三萬壁盩
 厓移檄天下先是諸將雖環賊莫肯先及鐸檄至號令
 殷然士氣皆起爭欲破賊故巢賊數壁臣人田令孜策
 賊必破欲使功出于己乃搆鐸於帝罷為檢校司徒以
 義成節度還屯後數月復京師策勳居關東諸鎮第一
 四年徙義昌節度使通鑑未全忠之降也鐸為都統承
 制除官全忠初鎮大梁事鐸甚
 恭鐸依以為義而全忠兵浸強益驕鐸知
 鐸世貴出
 不足特表請遷朝乃徙鐸為義昌節度使

入裘馬鮮明安侍且眾過魏樂彥禎子從訓伏兵高雞
 泊劫之鐸及家屬吏佐三百餘人皆遇害朝廷不能治
 天下痛之謹按通鑑覽
 御批鐸初自請出師聊
 坐鎮數載老師陳餉無尺寸功乃頓首表請還朝不特
 而侈服御致為奸人窺伺舉至罹災抑亦自貽之賊耳
 史贊乃稱其有社稷才扶持王室幾致中興不知鐸有
 何功業而如此稱
 許可謂信史乎
 弟鐸累官汝州刺史乾符中王仙芝來攻鐸拒之自督
 勇士與別將董漢勳守南北門城陷漢勳力戰死鐸貶
 韶州司馬終太子賓客
 王徽字昭文京兆人第進士授校書郎沈詢判度支徐
 商領鹽鐵皆辟署使府從令狐綯署宣武淮南掌書記
 召授右拾遺書一十餘上言無回忌徐商罷政守江陵
 表為殿中侍御史署節度府判官御史中丞高湜薦知
 雜事進考功員外郎故事考簿以朱注上下為殿最歲
 久易漫吏輒竄易為姦徽始用墨撰翰林學士廣明元
 年盧攜罷以徽為戶部侍郎同中書門下平章事是日
 黃巢入關夜僖宗西狩徽與崔抗豆盧瑑僕射于琮詰
 朝乃知追帝不及為賊執還迫以官陽瘖不答以刃環
 脅卒不動守者憊乃奔河中裂練書遣人問走蜀詔
 拜兵部尚書京城四面宣慰惟陣使授檢校尚書左僕
 射同中書門下平章事領昭義節度使固辭更為諸道
 租庸供軍使因說行營都監楊復光請赦沙陀罪令赴
 難其夏沙陀會諸軍遂平京師遷右僕射大亂之後宮
 觀焚殘園陵皆發掘鞠為邱莽乘輿未有東意詔徵充
 大明宮留守京畿安撫制置修奉使徵外調兵食內撫
 綏流亡明年稍稍完聚復殿殿寢長請帝東還又進檢
 校司空御史大夫仍權京兆尹宦要家爭遣人治第侵

目齊民微一平以法由是為帝左右所憎以其黨薛杞為少尹輕其權杞方居喪微奏止不使到府眾忿其語罷微令赴行在俄授太子少師微遂移疾河中滿百日免帝還京師復申前授稱疾不任奉謁宰相疾其怨望貶集州刺史會帝出次寶雞微無罪拜吏部尚書封瑯琊郡侯未行而嗣襄王煜作亂帝進次漢中煜逼召微以斥廢自言及煜僭號迫羣臣作誓牒微託手弱卒不肯署煜平帝至鳳翔召微為御史大夫固辭足痺復拜太子少師昭宗立見便殿進對詳洽帝顧宰相曰微神氣尚強可用乃復授吏部尚書是時銓選失序吏肆為奸補調重複不可檢微為手籍一驗實之遂無奸滯進右僕射大順元年卒贈司空諡曰貞

盧攜字子升其先本范陽世居鄭擢進士第辟浙東府入朝為右拾遺累進戶部侍郎翰林學士承旨乾符五年進同中書門下平章事俄拜中書侍郎刑部尚書弘文館大學士攜姿陋而語不正與鄭畋俱李翺甥同相然所處議多駁初王仙芝起攜表宋威齊克讓曾袞皆為招討使及威殺向君長賊益熾乃以王鐸鎮荆南為諸道都統攜不悅是時黃巢已破廣州勢張甚表求天平節度使詔宰相百官議攜素厚高駢屬令立功又欲激巢使戰而敗鐸乃堅言不可假賊節鉞止授率府率又徇駢與南詔和親與畋爭相嘗由是罷為太子賓客分司東都俄為兵部尚書會駢將張璠破賊帝復召攜以門下侍郎同平章事及鐸失守以駢代即按關東諸將為鐸敗所任者悉易置內倚田令孜外寄戎政於駢與奪惟所愛惡後病風足蹇神塞事多決於親吏楊溫李修賄賂顯行及巢破淮南駢戰死忠武兵亂皆咎攜

始下詔以巢為天平節度使賊已破潼關明日以太子賓客罷分司東都是夜仰藥死子晏天祐初為河南尉柳璨殺之

蕭遵字得聖宰相實子咸通中擢進士第辟節度府入朝拜右拾遺與韋保衡聯第保衡材下諸儒漸薄之不甚齒獨稱重遵保衡馮保衡已為相摭遵罪由起居舍人斥播州司馬未幾保衡死召為禮部員外郎乾符中累擢戶部侍郎翰林學士承旨僖宗入蜀以兵部判度支次綿州拜同中書門下平章事從還京師累拜司空封楚國公違負大節以王佐自任既當國風采峭整時藩鎮多興盜賊橫放莫能制支詳在徐州引駁駱常侍李損子疑吉為佐牙將時溥逐詳取節度溥為饗幹所毒不死或譏疑吉為詳報仇溥怒殺之損時在朝溥言損連謀請併誅田令孜受溥金劾損付御史獄中丞盧渥傳成其罪御史王華表損不知狀令孜請移神策獄華不奉詔違即叩延英爭曰疑吉以冤就屠已不可言損與子音問不接且數期安得同謀溥恃功壞法請案近臣卑侮王室行無將之萌帝悟止免官當此時令孜權寵可炙公卿附順唯遵未嘗稍下後令孜以兵討王重榮重榮引沙陀敗王師而西帝驚幸鳳翔諸節度共勅令孜生事離間大臣遵與裴澈計召朱玘於邪攻以兵五千奉迎與沙陀等連和令孜迫帝幸陳倉夜出百官不及從攻怒令孜并怨帝謂遵曰上奔播六年中原之人肝髓流野得復宗廟遺老殘民聞輿馬音流涕相歡上曾不念以諸侯勤王功為敕使之寵今姦臣為國產怨我奉命而來返以為晉君羣臣報國極矣戰力殫矣尚能垂頭塌颺求生於黃門哉喪君有君公其圖

之遵曰上無負天下為令孜制每言必涕下陳倉之行又劫於兵公誠有憂王室意宜還藩奉表請天子復國玘曰諸王才可任天下者不乏遵曰人非伊霍欲為禍首未或利也玘曰我擇一王為帝違者斬乃立嗣襄王煜召遵作冊苦辭攻更委鄭昌圖滋恨遵及還長安使昌圖相煜罷遵為太子太保移疾不出弟遵為承樂令往從之帝還宮宰相孔緯與遵有隙乃劾遵嘗為偽臣即賜死其所

韋昭度字正紀京兆人擢進士第累遷中書舍人僖宗西狩以兵部侍郎翰林學士承旨從未幾進同中書門下平章事還京授司空再狩山南還次鳳翔李昌符亂興倉卒昭度質家族於禁軍誓共討賊士感動乃平昌符遷太保兼侍中昭宗即位守中書令封岐國公王建攻陳敬瑄於成都以昭度為西川節度使敬瑄不內詔東川顧彥朗與建合兵討拜昭度兼行營招撫使淹半歲始拔漢州建給昭度曰公暴師遠事蠻夷方山東兵連禍結腹心疾也宜亟還定之敬瑄小醜賁建等可辦昭度信之請還未半道建以重兵守劍門急攻成都因敬瑄自稱留後罷昭度為東都留守杜讓能既被害以司徒門下侍郎復為平章事進太傅王行瑜求為尚書令昭度言太宗由是卽位後人臣無復拜者郭子儀有大功嘗授之固辭免況行瑜乎乃更號尚父行瑜怨會用李瑋輔政而崔昭緯密語行瑜曰前公已為尚書令昭度特不可今又引瑋叶力此奸人立黨惑上聽恐復如杜太尉時行瑜乃與李茂貞數上書譏詆朝政昭度懼稱疾罷為太傅致仕行瑜茂貞韓建聯兵至闕下言昭度伐蜀失謀請貶之未及報行瑜收昭度於都亭驛

殺之天子不得已下詔暴其罪行瑜誅乃追復官爵許其家收葬贈太尉

張濬字禹川本河間人性通脫無檢汎知書史喜高論不得志乃屏居金鳳山學縱橫術以千時樞密使楊復恭遇之以處士薦為太常博士進度支員外郎黃巢之亂稱疾挾其母走商山僖宗西出衛士食不給漢陰令李康獻餼餉數百馱帝異之曰爾乃及是乎對曰臣安知為此張濬教臣也乃急召濬至行在再進諫議大夫王鐸奏署都統判官時王敬武在平盧軍最强累召不應濬往說之敬武已臣賊不迎使者濬責之曰公為天子守藩今使者齋詔至不北面俯伏未識君臣大分何以長吏民哉敬武愕愧謝濬宣詔已召將佐至鞠場倡言忠義之士當審利害黃巢賊鹽虜耳捨天子而臣之何利耶今諸侯勤王者踵相接公等據一州以觀成敗後賊平將安往誠能此時共誅大盜迎天子功名富貴可反手取吾憐公等捨安而蹈危也諸將雜然曰諫議語是敬武即引軍從濬西擢濬為會軍使賊平以戶部侍郎判度支後再狩山南拜同中書門下平章事仍判度支濬始由復恭進復恭中失權更依田令孜故復恭衛之及為中尉數被離間昭宗即位復恭恃援立功專任事帝稍不平當時多言濬有方略乃復見委信嘗問致治之要對曰在強兵兵強天下服矣天子由是甘心於武功是時宋全忠威震關東而安居受殺李克恭以潞州歸全忠全忠乃與幽州李匡威雲州赫連鐸上言先帝幸梁由李克用與宋攻連和請舉兵誅之詔文武四品以上議皆言王室未寧雖得太原猶非所有濬日先帝時身播屯亂蓋克用全忠不相下請因其弱討

之斷兩雄勢帝曰平巢克用功第一今乘危伐之天下其謂我何久不決孔緯曰濬言萬世之利幸聽勿疑既濬緯相倡和帝乃決出師詔濬為河東行營兵馬招討

制置使京兆尹系揆為昭義節度使副之韓建為供軍使以全忠臣威鋒並為招討使樞密使駱全誣為行營都監以汴甲三千為帳下發五十二軍邠寧夏真難虜合五萬帝置酒安喜樓臨饒濬泣下曰陛下偏於賊臣願以死除之先是汴華邠岐兵絕河會平陽汴將朱崇節已戍潞濬慮汴人遂據有之乃令揆分兵趨潞會太原將李存孝方攻潞揆至長子為存孝所禽汴人亦棄城去濬次陰地關諸軍壁平陽存孝擊之皆大北濬斂眾遁存孝進掠晉絳慈曠濬聞道出王屋奔河清麾下略盡全誣欲藥死建遁去克用上書請罪辭悖慢朝廷震動即日罷濬為武昌軍節度使三貶繡州司戶參軍全忠為申請詔聽使濬乃至藍田依韓建及韋昭度死復用緯為相故濬亦拜兵部尚書領天下租庸使將復用克用上言若朝以濬為相暮請以兵見乃止乾寧中罷使拜尚書右僕射上書乞骸骨遷左僕射致仕居洛長水墅劉季述亂濬徒步入洛泣諭張全義并致書諸藩請謀王室之難王師範起兵青州欲取濬為謀主不克全忠脅帝東遷濬聞曰乘輿下洛則大事去矣蓋知其將篡也全忠畏濬搆他鎮兵使全義遣牙將如盜者夜圍墅殺之屠其家實天復三年十二月按糾謬云天向在賊下為全忠所圖未出亦未有下洛之事二年昭宗亦未起兵本紀書三年為得其實本傳云二年者誤然也今脫筆非文誤始濬素厚示靈史葉彥彥知其謀以告濬子格濬度不免父子相持泣曰留則俱死不如去以存吾嗣彥率士三十人送格泝漢入蜀後事王建少

子播聞道走淮南依楊行密時行密得承制除拜播請每除吏必置制詰于紫極宮立宗像前乃出之示不忘朝廷且欲雪家冤而不克終廣陵

劉崇望字希徒渝國公政會七世孫及進士第宣歙王凝辟轉運巡官崔安濟鎮許及劍南崇望兄弟四人同幕府世以為才安潛入為吏部尚書崇望又以員外郎主南曹選事清辨僖宗幸山南王重榮怨宦豎不肯奉職崇望以諫議大夫持節往諭陳君臣大義勸之重榮順服請誅未敢自效使還擢翰林學士昭宗即位進中書侍郎同中書門下平章事張濬伐太原崇望固執不可濬果敗代為門下侍郎判度支玉山都將楊守信反夜陳兵闕下帝列兵延喜門命崇望守度支庫黎且含光門未開禁卒左右值立將大掠俄聞傳呼宰相來門關崇望駐馬勞曰上自將在中營公等禁軍也不前殺賊取功而苟欲剽掠成惡名乎士皆唯唯至長樂門賊望兵至乃遁去是日京師不亂繫其力進尚書左僕射朱全忠謀取徐泗表請以大臣代時溥乃授崇望武靈軍節度使溥拒命崇望還為太常卿會王珂王珙爭河中詔以崔胤為節度使珂李克用婿也太原郃吏薛志勳曰崔公鎮河中不若光德劉公於我公最善光德崇望所居坊也後李茂貞王行瑜入害大臣坐是貶昭州司馬行瑜誅克用直其冤召為吏部尚書徒兵部王建議并東川詔崇望為劍南東川節度使同中書門下平章事未至建已使王宗滌知留後崇望乃還為兵部尚書卒贈司空

吏蹟賈捕劾得約女狀而不殺也崇龜方大饗軍集宰人暮以遺刀陰易一雜置之詰朝羣宰即庖取刀一人不去曰是非我刀問得其主名往視則亡矣崇龜取亡囚殺之聲言賈陳諸市亡宰歸捕詰具伏其精明類此姻舊或干以財但寫荔枝圖與之然不能防檢其家既沒有嚮珠翠羽者由是名損

弟崇魯字郊文亦第進士擢左補闕翰林學士僖宗避難山南為嗣襄王煇史館修撰得不誅景福中以水部郎中知制誥雅與崔昭緯善帝以李礪輔政而昭緯外倚邪岐以久其權謀沮礪墨麻出崇魯輒掠麻大哭帝問焉崇魯曰今雖乏人豈宜收檢人為宰相礪以楊復恭西門重遂得近職奈何用之礪由是不得相因自陳為山南楊守亮詆毀不容與復恭交私又言崇魯為宰相使親吏日夕謁左軍與復恭親厚崇魯向殿哭厭詛天祚且其父坐賄飲藥死崇魯身為朱攻史官作勸進表在太原府使西川見田令孜沒階趨廢制度自崇魯

始其相晉如市人謹按通鑑輯覽 御批崇魯甘為昭緯爪牙黨私攻討謬博直名較礪之險邪附勢更為奸巧而彼此猜交開崇龜始聞哭麻悲不食曰吾兄弟未始以聲利敗名今不幸乃生是兒後王行瑜崔昭緯相繼誅崇魯貶崖州司戶參軍終水部員外郎

鄭延昌字光遠其先榮陽人按史傳必系里居新唐書於里居無聞而族望可考者例曰其先某處人如鄭延昌傳里居無聞而族望可考光啟傳則明著為失而不詳然本書宰相世系表具有祖鄭氏與餘慶均瑜同望今據增咸通未擢進士第遷監察御史鄭畋鎮鳳翔表在其府黃巢亂京師畋倚延昌調兵食且諭慰諸軍畋再秉政擢司動員外郎翰林學士累進兵部侍郎兼京兆尹判度支拜戶部尚書以

中書侍郎同中書門下平章事兼刑部尚書無它功以病罷拜尚書左僕射卒

王溥字德潤其先晉陽人按宰相世系表溥乃太原王璠新唐書有傳為并州晉陽人璠附傳族第進士累系基明原傳云失其所人誤今據表改正第進士累擢禮部員外郎史館修撰崔胤鎮武安表署觀察府判官胤不赴鎮溥留充集賢殿直學士御史中丞趙光逢

奏為刑部郎中知雜事昭宗蒙難東內溥與胤說衛軍執劉李述等殺之帝反正驟拜翰林學士戶部侍郎以中書侍郎同中書門下平章事判戶部不能有所裨益罷為太子賓客分司東都未幾召拜太常卿工部尚書會朱溫侵逼貶胤蒲州司戶參軍賜自盡裴樞等投尸於河

盧光啟字子忠其先范陽人按范陽盧質質子畫畫子得云不詳何所 光啟三世詳見世系表不人舊誤今據改正第進士累擢兵部侍郎昭宗幸鳳翔宰相皆不從以光啟權總中書事兼判三司進左諫議大夫參知機務復拜兵部侍郎同中書門下平章事俄罷為太子少保改吏部侍郎初光啟執政章貽範蘇檢相繼為宰相貽範字垂憲以龍州刺史貶通州檢為洋州刺史二人奔行在貽範遷給事中用李茂貞薦閩甸為工部侍郎同中書門下平章事判度支倚權臣杰驚不恭會母喪免踰月奪服不數月卒檢初拜中書舍人貽

範薦於茂貞即拜工部侍郎同中書門下平章事茂貞與宋全忠通好乃求尚主取檢女為景王妃以固恩帝還京師檢長流環州光啟賜死

戶部侍郎同中書門下平章事進中書侍郎判戶部副覃王以兵伐鳳翔辰諫曰國步方安不宜加兵近輔必為它盜所乘無益也帝責辰沮撓貶峽州刺史師果敗久之授工部尚書從天子自華州還以兵部尚書復當國封吳郡公天復初帝密語韓偓曰陸辰裴贊執忠於我偓曰辰等皆宰相安有它賜帝曰外言辰不喜我復位元日易服奔啟夏門信不偓曰孰為陛下言此曰崔胤令孤喚偓曰陛下反正辰素不知謀忽聞兵起欲出奔耳陛下責其不死難則可以為不喜乃讒言也帝悟累兼戶部尚書帝至自鳳翔大赦天下諸道皆賜詔獨不及李茂貞辰曰國西鳳翔為最近其罪固不可赦然

尚修職貢朝廷未之絕無宜於詔書異也始崔胤罷相辰代之胤內怨望及是議以為陰有黨附貶沂王傅分司東都胤死復授吏部尚書從遷洛柳璨始附朱全忠謀去朝廷衣冠有望者貶辰濮州司戶參軍殺之白馬驛年五十九辰初名允迪後改云

王溥字昭逸肅宗朝宰相璵之曾孫權進士第辟佐王鐸滑州節度府累遷蘇州刺史以戶部侍郎判戶部乾寧初進同中書門下平章事董昌誅出為威勝節度使未行加檢校尚書右僕射浙東西宣撫使會錢鏐兼領二浙故留拜門下侍郎同中書門下平章事判度支正拜右僕射遷司空封魯國公初中官權盛帝欲剪抑之自石門還政一決宰相羣宦不平構藩鎮內脅天子擣曰人君務平心大體偏聽產亂古所戒也今奄人盜威福未可卒除當徐以計去之事宜且有變崔胤與溥並位素忌溥即劾溥為中官外應會胤罷疑溥擄斥乃厚結朱全忠薦已復輔政即譖溥與樞密使宋道弼景務

修交私將危社稷全忠因顯疏其尤光化三年罷為工部侍郎貶涇州刺史又貶崖州司戶參軍事賜死藍田驛

鄭紫字蘊武宰相世系表及舊唐本傳俱不載里系及進士第歷監察御史累擢左司郎中困囊甚丐補廬州刺史黃巢掠淮南

蔡移檄請無犯州境巢笑為斂兵州獨完僖宗嘉之賜

緋魚王徽為御史大夫以兵部郎中表知雜事遷給事中杜宏徽任中書舍人駘以其兄讓能輔政不處禁要

上還制書不報輒移病去召為右散騎常侍往往條摘

失政眾譴傳之宰相怒改國子祭酒議者不直復還常

侍大順後王政微紫每以詩謠托諷中有人有誦之天子

前者昭宗意其有所蘊因有司上班簿遂署其側曰可

禮部侍郎同中書門下平章事紫本善詩其語多俳諧

故使落調世共號鄭五歇後體至是省史走其家上謁

紫笑曰諸君誤矣人皆不識字宰相亦不及我俄聞制

詔下歎曰歇後鄭五作宰相事可知矣固讓不聽立朝

侃然無復故態自以不為人所瞻望纔三月以疾乞骸

拜太子少保致仕卒

朱朴襄州襄陽人以三史舉經判門令進京兆府司錄

參軍改著作郎乾寧初太府少卿李元實欲取中外九

品以上官兩月俸助軍興朴上疏執不可而止擢國子

博士上書議遷都襄鄧不報朴為人木彊無它能方是

時天子失政思用特起士任之以中興而朴所善方士

許巖士得幸言朴有經濟才帝召與語擢左諫議大夫

同中書門下平章事俄判戶部進中書侍郎帝益治兵

三貶郴州司戶參軍卒與朴皆相者孫偃
孫偃字龍光其先武邑人據宰相世系表增偃第進士歷顯官
以戶部侍郎同中書門下平章事遷門下為鳳翔四面
行營都統俄兼禮部尚書行營節度諸軍都統招討處
置等使與朴皆貶衡州司馬卒
韓偓字致光京兆萬年人擢進士第佐河中幕府召拜
左拾遺以疾解後累遷左諫議大夫崔胤判度支表以
自副王溥薦為翰林學士遷中書舍人偃嘗與胤定策
誅劉季述昭宗反正為功臣帝疾宦人驕橫欲盡去之
偃曰陛下誅季述時餘皆赦不問今又誅之誰不懼死
舍垢可也宦人食度支者八千人公私牽屬不減二萬
雖誅大七巨魁未見有益適固其逆心耳帝嘗欲以當
國偃辭因薦御史大夫趙崇初李繼昭等以功皆進同
中書門下平章事時謂三使相後更附韓全誨周敬容
皆忌胤胤聞召鳳翔李茂貞入朝使留族子繼筠宿衛
偃以為不可胤不納偃又語令狐渙渙曰吾屬不惜宰
相邪無衛軍則為閹豎所圖矣偃曰不然無兵則家與
國安有兵則家與國不可保李彥弼見帝偃甚至飲殿
中帝不平偃請逐之赦其黨許自新又請厚與金帛官
爵毋使豫政事帝不用彥弼偃及渙漏禁省語帝怒
曰卿有官屬日夕議事奈何不欲我見學士胤召朱全
忠討全誨汴兵將至偃曰初以衛兵檢中人今敕使衛
兵為一臣竊寒心願詔茂貞還其衛軍不然兩鎮兵鬪
闕下朝廷危矣又勸表暴內臣罪因誅全誨等若茂貞
不如即許全忠入朝未及用全誨等已劫帝西幸偃
夜追及鄂見帝惻哭至鳳翔遷兵部侍郎進承旨宰相
韋貽範母喪詔還位偃當草制上言貽範處喪未數月

遽使視事傷孝子心今中書事一相可辦陛下誠惜貽
範才候變緩而召可也學士使馬從皓逼偃求草偃曰
腕可斷麻不可草明日百官至而麻不出宦侍合謀茂
貞入見帝曰命宰相而學士不草麻非反邪艱然出姚
洎聞曰使我當直亦繼以死既而帝畏茂貞卒詔貽範
還相洎代草麻自是宦黨怒偃甚謹按通鑑輯覽御批命相失當即上
疎論列亦臣職所宜然若但斷斷以草制不草制爭之
則茂貞所云書生禮數與反何異二語詞雖輕俗誠已
深悉其矯情博直蓋世停草製麻病疾相沿甚為靈
政之尤此雖起於下多為臣實亦因于上無明主然爾
時朝政固無一全誨誅宦人多坐死帝欲盡去餘黨偃
足加責備者矣
日盡誅則傷仁願去尤者帝曰善崔胤請以輝王為元
帥帝問偃它日累吾兒否偃曰陛下在東內時天陰蒙
王聞鳥聲日上與后幽困鳥雀聲亦悲陛下聞之惻然
有是帝曰然是兒天生忠孝與人異意遂決偃議附
胤類如此偃處可機密率與帝意合欲相者三四讓不
敢當初偃侍宴全忠胤臨陛宣事坐者皆去席偃不動
曰侍宴無輒立全忠怒偃薄已胤亦與偃貳會逐王溥
陸辰帝以王贊趙崇為相胤執贊崇非宰相器帝不得
已而罷贊崇皆偃所薦全忠見帝斥偃罪帝數顧胤胤
不為解乃貶濮州司馬帝執其手流涕曰我左右無人
矣再貶榮懿尉徙鄧州司馬天祐二年復召為學士還
故官偃不敢入朝挈其族南依王審知而卒兄儀字羽
光亦以翰林學士為御史中丞偃貶之明年帝宴文思
球場全忠入百官坐廡下全忠怒貶儀棣州司馬

列傳

唐

周寶

王處存

鄧處誨

陳儒

劉巨容

馮行襲

趙德謹

匡疑

楊晟

顧彥明

彥暉

王重榮

諸葛爽

李罕之

張郁以擊趙事寶光啟初賊剽崑山寶遣郁領兵三百戍海上郁醉而叛王蘊謂州兵還休不設備郁遂大掠

蘊嬰城守寶遣將拓拔從討定之郁保常熟因攻常州刺史劉革迎降眾稍集寶遣將丁從實攻之郁走海陵

從實遂據常州董昌從義勝軍節度使寶承制擢杭州都將錢鏐領州事是時右散騎常侍沈誥使至江南負

田令孜勢震暴州縣嗣襄王下令搜令孜黨實收誥及趙載殺之高駢領鹽鐵辟寶子佶為支使實亦表駢從

子在幕府駢為都統寢不禮實寶銜之帝在蜀淮南絕貢賦謾言道浙西為寶劉阻帝知其誣不直駢自是顯

隙駢出屯東塘約西定京師寶喜將赴之或曰高氏欲圖公地寶未信駢遣人請會金山謀執寶寶答曰平時

且不聞境上會況上蒙塵宗廟焚辱寧高會時耶我非李康不能為人作功勳欺朝廷也駢遣人切讓寶亦詭

絕之會部將劉浩刁顏與度支催勸使太子左庶子薛朗叛寶方寢外兵格鬪火照城中寶驚出諭曰為吾用

則吾兵否則寇也六州皆我鎮何往不道乃至青陽門出奔士大掠官屬崔縮陸鏐田倍皆死浩奉朗領府事

寶至奔牛埭駢饋以壘粉諷其且亡也寶抵于地曰公有呂用之難方作無謂我即奔常州依了從實召後樓

都無至者錢鏐遣杜棧成及攻薛朗棧子建徵攻從實聲言迎寶遂圍常州從實奔海陵鏐具囊韉迎寶舍棹

亭未幾殺之不淹月而駢為畢師鐸所囚寶死年七十四贈太保鏐以杜棧守常州文德元年拔潤州劉浩亡

不知所執朗剖其心祭寶

王處存京兆萬年人世籍神策軍家勝業里為天下高貴父宗以軍吏累除檢校司空金吾大將軍遙領興元

節度使處存自右軍鎮使歷檢校刑部尚書定州制置使累遷義武節度使黃巢陷京師處存號哭不俟詔分

麾下兵二千間道至山南衛乘輿外約王重榮連盟進屯渭橋而涇州行軍司馬唐宏夫亦屯渭北詔處存檢

校尚書右僕射督戰俄拜東南面行營招討使中和二年授京城東面都統素善李克用又故婚好遣使十輩

曉譬迎勸卒共平京師王鐸差與復功以勤王舉義處存為第一收城破賊克用為第一遷檢校司空復出兵

三千屬大將張公慶會諸軍捕巢泰山賊之進檢校司徒同中書門下平章事田令孜討王重榮徙處存節度

河中上書言重榮有大功不可改易不納趣上道軍次晉州刺史冀君武閉門不內而重榮拒詔處存臨事有

大將風幽鎮兵悍馬疆其地勢也而易定介其間侵軼歲及至李匡威得志謀并取之處存善驩鄰內撫民有

恩協穆太原以自助歲時講兵與諸鎮抗無能侵軼者累加侍中檢校太尉卒年六十五贈太子太師諡曰忠

肅三軍迹河朔舊事推子部由副使為留後昭宗從之累拜節度使加檢校司空同中書門下平章事又進太

保光化三年朱全忠使張存敬攻幽州以瓦橋遼源道祁溝關部界叔父處直兵擾其尾令騎將甄瓊章次義

豐而存敬游奔騎已至且戰且引十餘里執瓊章而氏叔琮下深澤執大將馬少安圍祁州屠之斬刺史楊約

休兵十日處直壁沙河存敬軍河北挑戰處直不出涉河乃戰處直大敗存敬遂圍定州部斬親吏梁汶移書

存敬請盟俄而外郃郭部以其族奔太原克用表為檢校太尉卒處直事具五代史

按鄭志列傳於其人其事皆刪其一蓋通史之例應爾新唐書宋與五代史互見者甚夥今逐一裁勘其事多隸唐而沿及五代者則存

周寶字上珪平州盧龍人曾祖待選為魯城令安祿山反率縣人拒戰死之祖光濟為平盧牙將每戰得攻魯城者必手屠之歷左贊善大夫從李洎以徐州歸天子父懷義檢校工部尚書天德西城防禦使寶陰千牛備身為懷義軍部將會昌時選方鎮才校入宿衛與高駢皆隸右神策軍歷長原鎮使以善擊毬俱補軍將駢以兄事實寶疆毅未嘗詘於人官不進自請以毬見武宗稱其能擢金吾將軍以毬喪一目進檢校工部尚書涇原節度使務耕聚糧黃巢據宣歙徒寶鎮海軍節度兼南面招討使僖宗入蜀加檢校司空時羣盜盤結柳超據常熟王敖據崑山王騰據華亭宋可復據無錫寶練卒自守發杭州兵戍縣鎮分八都石鏡都董昌王之清平都陳晟主之於潘都吳文舉主之鹽官都徐及主之新登都杜稜主之唐山都饒京主之富春都文禹主之龍泉都凌文舉主之中和二年進同中書門下平章事兼天下租庸副使封汝南郡王寶以京師陷將赴難益募兵號後樓都以子瓊統之屏不能馭軍部伍橫肆寶亦稍感聲色不恤事以婿楊茂實為蘇州刺史重斂人不聊田令孜以趙載代之茂實不受命寶表留不聽乃殘郃胥汙垣牖去詔以王蘊代載載留潤州初鎮海將

唐傳而補輻歐史以終之其事助於唐而繫於五代者
復見五代傳其所未備仍採唐傳以為緣起所貴人不
謹識起例于此

鄧處訥字冲韞邵州龍潭人少從江西人閔頊防秋安

南中和元年還道潭州逐觀察使李裕召諸州戎校徇

曰天下未定與君等安州邑以待天子命若何眾稱善

乃推頊為留後請諸朝僖宗方在蜀遣使撫慰當是時

撫州刺史鍾傳據洪州議者欲二盜相噬即復置鎮南

軍擢頊節度使頊悟不受命更為檢校尚書右僕射欽

化軍節度使以處訥為邵州刺史朗州武陵人雷滿者

本漁師有勇力時武陵諸蠻數叛荆南節度使高駢擢

滿為裨將將鎮蠻軍從駢淮南逃歸與里人區景思獵

大澤中嘯亡命少年千人署伍長自號朗團軍推滿為

帥景思為司馬襲殺刺史崔蒼詔授朗州兵馬留後歲

略江陵焚蘆落劫居人俄進武貞軍節度使先是陳溪

人周岳與滿狎因獵宰肉不平而鬪欲殺滿不克見滿

已據州悉眾趨衡州逐刺史徐願詔授衡州刺史按五代

史雷滿傳周岳與滿及區景思同起兵推滿與此其考處

雷結滿以殺岳似為岳欲殺報復不應同起此得其

實項既強大且治人有恩哀願窮率兵納之岳羸軍誘

戰項墮伏中大敗淮西將黃皓殺項岳聞亂以輕兵入

潭州自稱欽化軍節度使處訥囑甲訓兵積八年結滿

為援攻岳斬之自稱留後昭詔拜武安軍節度使不

三日會劉建鋒馬殷兵至攻潭陵處訥遣邵州豪傑蔣

勛鄧繼崇率兵三千斷龍回關殷說勛下之其下畏建

鋒虐夜棄甲走建鋒至關曰此天意也盡用邵旗鎧趨

潭州守者以為勛軍納之處訥方宴執而殺之項字公

謹滿字乘仁岳字峻昭滿不修飭每宴使客抵寶器潭

中曰此水府也較龍所憑吾能沒焉乃裸入水俄取器

以出累遷檢校太尉同中書門下平章事天復元年卒

子彥威自立按五代史不紀彥威即襄破江聞荆南節

度使成納兵出襄江陵入之焚樓船殘墟落數千里無

人迹弟彥恭結忠義節度趙匡疑以逐彥威據江陵匡

疑弟匡明繫之還走朗州後為馬殷所攻彥恭奔淮南

卒

陳儒江陵人世為牙右職廣明元年以鄭紹業為荆南

節度使時朗州刺史段彥謩方據荆南紹業憚之踰半

歲乃至召還以彥謩代彥謩與監軍朱敬玠不平謀殺

之敬玠先率兵入其府彥謩方寢縱城奔親軍壘不

得入見害帝遣中人似先元錫王魯琪慰撫密戒曰若

敬玠可誅誅之敬玠盛兵出迎元錫等不敢發而還復

詔鄭紹業為節度使逗遛不進敬玠署儒領府事明年

遷檢校工部尚書為節度使進檢校右僕射敬玠有悍

卒三千號忠勇軍暴甚儒不能制會紹業將申屠琮接

京師歸儒告以忠勇撓洽琮請除之大將程君從聞之

率眾奔澧州琮追斬百餘人軍乃潰已而琮復顧軍雷

滿三以兵薄城儒厚啖以利乃去淮南將張瓌韓師德

據復岳二州自署刺史儒請瓌攝行軍司馬師德攝節

度副使其擊滿師德兵上峽大略去瓌引兵入逐儒儒

將奔行在既又劫還囚之瓌滑州人暴勇而殘荆故將

夷戮幾盡時以楊玄晦代敬玠監軍召敬玠還成部懼

帝治前罪稱疾自解敬玠數殺大將富商故積賄每曝

衣統繡不可計瓌見心動遣卒賊之刺其腹死秦宗言

來寇馬步使趙匡欲奉儒出瓌覺之殺匡而絕儒食死

瓌固壘二歲樵蘇皆盡米斗錢四十千疫死者爭啗其

尸軍中甲鼓無遺宗言不能下乃解去二年宗權遣趙

德誣攻之瓌求救於歸州刺史郭禹禹率峽州刺史潘

章解其圍明年德誣又至城遂陷瓌死人無識者併尸

于并復州長史陳璠斷瓌首置囊中走京師獻之授安

州刺史

劉巨容徐州人為州大將麗勛之反自拔歸授桶橋鎮

邊使射死浙西叛將王郢拜朗州刺史徙楚州團練使

黃巢亂江淮授斬黃招討副使徙襄州行軍司馬檢校

右散騎常侍巢據荆南俄遷山南東道節度使以扞巢

屯團林巨容守荆門關與賊戰巨容偽北巢追之伏與

賊大敗執賊將十三人巢浮江東奔巨容追之率十俘

八以功遷檢校禮部尚書諸將欲乘勝追斬巢巨容曰

朝家多負人有危難不愛惜官賞事平即忘之不如留

賊為富貴地故巢復熾按通鑑魏覽御批巨容

乘正當悉銳窮追以靖伏莽乃怨誣國家負人欲留賊

以圖富貴曹全長既歸舟飾詐開除家而遠返致賊

氣復揚江東二之罪因不可勝誅然所以致此者豈

非儒宗不能振飾紀綱國政日壞而向專務遊蕩其獲

罪祖宗較之二及陷兩京巨容合諸道兵討之授南面

行營招討使累兼天下兵馬先鋒開道供軍糧料使檢

校司空封彭城縣侯巨容明吏治僖宗在蜀公卿多因

巨容護赴行在在西南西道節度使鹿晏弘為禁軍所逐

引麾下東出襄鄧秦宗權遣趙德誣合晏弘兵攻襄州

巨容不能守奔成都始楊州人申屠生能化黃金高駢

客之為呂用之所誣亡奔襄漢駢遣吏捕得生見巨容

自言其術巨容留不遣田令孜之弟道襲州巨容出金

夸之及在蜀醫生使術不得傳令孜恨之龍紀元年殺

巨容夷其宗生并死

巨容部將馮行襲者均州武當人以謀勇稱為州校中

和初鄉豪孫喜聚眾數千人謀攻城行襲伏士江陵單

舟迎喜曰州人思得將軍久矣願將軍兵多必剽掠若
留眾江北以輕騎進我為鄉導賊可下喜信之既度江
吏出迎伏與行襲擊喜斬之眾皆潰行襲乘勝逐刺史
呂懋據均州巨容因表為刺史帝在蜀均之右有長山
當襄漢貢道劇賊據險劫獻物行襲平之武定節度使
楊守忠表為行軍司馬使領兵益谷口以通秦蜀鳳翔
李茂貞養子繼據金州行襲攻拔之昭宗即授金州
防禦使時山南西道節度使楊守亮將襲京師道金商
行襲逆戰破之以金州為戎昭軍擢行襲節度使朱全
忠圍鳳翔韓全誨遣中人二十輩督江淮兵過其州行
襲方附全忠盡殺之收詔書送全忠天祐二年王建遣
將王思綰攻行襲敗其兵州大將金行全出降行襲奔
均州建以行全為子更名宗明授觀察使以渠巴開三
州隸之宗明不能守焚郭邑去全忠以行襲不足禦建
遣別將屯金州行襲議徙戎昭軍於均州以金房為隸
全忠以金人不樂行襲以馮恭領州罷防禦使而廢戎
昭軍行襲事梁官至司空封授樂郡王卒贈太傅諡曰

忠敬從五代
史補載

忠之敗清口匡凝與奉國節度使崔洪河東李克用淮
南楊行密約合兵攻全忠會方城鎮過使度軫奔全忠
發其謀全忠移書切責使氏叔琮攻唐州刺史趙匡璠
降進圍隋州執刺史趙匡璠斬首五千級拔鄧州執刺
史國湘匡凝懼乞盟全忠使親將陳俊王紳入叔琮軍
崔洪留之紳歸會河東客伊超使淮南還過蔡洪亦
留之因是并俊送全忠以部將奇約為解遣兄賢入質
全忠還之質洪子於汴全忠使賢調蔡州卒二十出成
將行大將崔景思不悅殺賢洪懼遂奔行密天祐元年
封匡凝楚王時諸道不上供唯匡凝歲貢賦天子全忠
方圖天下遣人諭止之匡凝流涕曰吾為國屏翰渠敢
有他志副使王筠勸絕全忠全忠怒攻之弟匡明大破
汴軍於鄧州因遣匡凝與王建連和及荆南成汭敗匡
凝取江陵表匡明為荆南節度留後詔拜檢校司徒荆
南節度行軍司馬全忠以其兵分可圖也乃使楊師厚
攻匡凝自將中軍繼之屯臨漢匡凝遣客謝囚不遣敗
荆南救兵全忠循江而南師厚繇陰谷伐木為梁匡凝
以兵二萬瀕江戰大敗乃燔州軍舸夜奔揚州行密見
之曰君在鎮輕軍重馬輪於賊今敗乃歸我邪匡凝曰
僕世為唐臣歲時職貢非輸賊也今以不從賊力屈歸
公惟公生死之耳行密厚遇之案匡凝對行密數語具
見忠蓋今從五代史補
筠自殺全忠遂趨江陵匡明亦謀奔淮南子承規諫
曰昔諸葛兄弟分仕三國若適揚州是自取疑也乃趨
成都王建待以賓禮授武信軍節度使分其眾為崇義
勇義順義廣義四都全忠遂有荆南匡凝後為徐燼所
殺匡明卒於蜀案新唐書趙匡
亮乃定者楊復恭假子守信守忠守貞皆為節度使
諸藩鎮不同且復恭假子守信守忠守貞皆為節度使
不應獨為守亮立傳其傳中事亦與復恭傳大概相同

今略取其異者入
復恭傳本傳從刪
楊晟不詳宗系隸鳳翔軍節度使李昌符畏其勇欲殺
之妾周拋使亡去隸神策軍為都校僖宗在陳倉邢靈
宋致合昌符追行在乃擢晟感義軍節度使檢校司空
守大散關攻兵攻關晟數御戰潘氏遂大敗內外無固
志帝更徙興元晟文州遂刺史據成龍茂等州王
建攻成都田令孜以晟故將與連和假威戎軍節度使
守彭州晟擊建無功且畏圖己乃約山南西道節度使
楊守亮兄弟合謀拒建掠新繁焚漢州又攻東川顧彥
暉為建兵所逐建使王宗裕率騎五萬圍晟晟假子實
以騎八千降於建建以騎兵襲楊守厚等皆亡去晟開
門決戰大敗遂約降建饋十羊晟曰以我為机上肉乎
不出建築甬道屬暉以入斬晟首晟有仁心下懷其恩
食盡無叛者初昌符死晟得其妾周母事之周請為妻
晟固辭且夕問省乃視事愛將安師建既執建顧曰
爾報楊司徒足矣能從我乎謝曰司徒誓同生死不忍
復戴日月再三不答乃戮之
顧彥朗彥暉者豐州人竝為天德軍小校黃巢亂長安
率軍同復京師彥朗遷累右衛大將軍光啟中擢拜東
川節度使檢校太保同中書門下平章事至劍門陳敬
瑄使吏奪其節彥朗不得入保利州敬瑄誣劾彥朗擅
興兵掠西境詔和之乃得到軍署彥暉漢州刺史初山
南西道節度使楊守亮忌壁州刺史王建欲逐之建聞
台溪洞豪酋取閬利二州彥朗與建雅舊陰助貨饒建
攻成都彥朗挾憾與并力會彥朗卒彥暉自知留後
明年為節度使中人送節為綿州刺史楊守厚所留守
厚發兵攻梓州彥暉告急於建建使李簡救之戒曰賊

破并取彥暉無須再往也簡破守厚軍彥暉辭疾不克取建素有吞噬心以彥朗婚姪久未忍及彥暉交愈疏境上關賦相稽詭建怒景福元年遂攻彥暉彥暉請救於楊守亮遣楊子彥成梓執建大將王宗弼彥暉責曰王公何以見討君為大將不諫云何宗弼謝罪即解縛更養為子改名琛明年建將華洪破綿州守厚走得彥暉節時詔進彥暉檢校司空東川節度使乾寧二年昭宗在石門督彥暉建赴行在建率兵二十萬次綿州即劾彥暉劫輜運回襲之彥暉不敢出但遣人塞舟路建遂擊取巴閬遂渠通果龍利八州帝遣中人為兩川宣諭協和使建奉詔還而兵不解彥暉謀窘因大略漢眉資簡等州李茂貞亦欲爭其地使子興元節度使繼密引軍救彥暉以窺東川四年華洪率眾五萬攻彥暉取渝昌普三州壁梓州南敗彥暉兵圍遂固梓有鏡室世稱其麗彥暉嘗會諸將堂上養子瑤尤親信彥暉以所佩劍號疥癬賓佩之使侍左右嘗語諸將曰與公等生死同之違者先齒疥癬賓眾曰諾及圍急瑤請聚親信飲得同死彥暉願王琛曰爾非我舊可自求生指頰垣令逸彥暉手殺妻子乃自刎宗族諸將皆死

王重榮太原祁人父縱太和末為河中騎將從石雄破回鶻終鹽州刺史重榮以父任為列校與兄重盈皆以毅武冠軍擢河中牙將主伺察兩軍士干夜禁捕而鞭之士訴於中尉楊元寔元寔怒執重榮讓之具言其狀元寔歎曰非爾明辨孰由知之更擢府右署稍遷行軍司馬黃巢陷長安分兵略蒲節度使李都不能支乃臣賊然內懼重榮表以自副地遞賊調取橫數使者至百輩坐傳舍益發兵吏不聽命重榮脇說都曰我所詭謀

紆難以外援未至今賊責日急又收吾兵以困我亡無日矣請絕橋嬰城自守不然變生都曰吾兵寡謀不足絕之禍且至願以節假公遂奔行在重榮乃悉驅出賊使斬之因大掠居人以悅其下天子使前京兆尹竇滔間道慰其軍重榮率官屬奉迎滔至大饗士倡言曰天子以大臣守土誰得逐之為我疏首惡者眾無敢對重榮佩刀歷階曰首謀者我也尚誰索曰滔吏趣具騎滔即奔還重榮遂主留後賊使健將朱温以舟師下馬

御批重榮潼河中重鎮戰守皆有可憑何至望塵降賊賊兵顧藉口於調發紆忠所謂欲蓋彌彰其將誰欺乎即拜檢校工部尚書為節度使會忠武監軍楊復光率陳蔡兵萬人屯武功重榮與連和俘賊將李詳於華州賊使尚讓來攻而朱温將勁兵居前敗重榮兵於西關門於是出兵夏陽掠河渭重榮遷兵三萬攻温温懼舉同州降復光欲斬之重榮曰今招賊一切釋罪且温武銳可用殺之不詳表為同華節度使巢喪二州怒甚自將精兵數萬壁梁田重榮軍華陰復光軍渭北犄角攻之賊大敗執其將趙璋巢中流矢走重榮兵亦死耗相當懼巢復振憂之與復光計復光遣使與李克用連和克用使陳景斯總兵自嵐石赴河中親率師從之遂平巢復京師以功檢校大尉同中書門下平章事封瑯琊郡王累加檢校太傅中人田令孜怒重榮據鹽池之饒建請二池領屬鹽鐵重榮不許奏言故事歲輸鹽三千乘於有司斥所餘以贍軍天子遣使諭旨不聽令孜徙重榮充海節度使以王處存代之詔克用將兵援河中重榮上書劾令孜離間方鎮令孜遣弟朱玫進討壁沙苑重榮遣

克用書給言奉密詔須公到我圖公此令孜朱全忠朱玫之惑上也因示偽詔克用方與全忠有隙信之請討全忠及攻帝數詔和解克用合河中兵戰沙苑大敗奔邠州神策軍潰還京師遂大掠克用乘勝西天子走鳳翔俄嗣襄王温僭位重榮不受命與克用謀定王室楊復恭代令孜領神策故與克用善遣諫議大夫劉崇望齋詔論天子意兩人聽命即獻練十萬願討攻自贖重榮遂斬温長安復平然性悍酷嘗辱部將常行儒行儒怨之光啟三年引兵夜攻府重榮亡出外詰旦殺之推立重盈重盈前已為汾州刺史黃巢度淮擢陝統觀察使重榮據河中三遷檢校尚書右僕射即拜節度使同中書門下平章事及代重榮留長子琪領陝統節度事入殺行儒軍復安昭宗立進太傅兼中書令封瑯邪郡王父子兄弟相繼帥守而從子蘊亦為忠武節度使乾寧二年重盈死軍中以其兄重簡子珂繼重榮故推為留後琪與弟絳州刺史瑤爭河中上言珂本家蒼頭請選大臣鎮河中又與朱全忠書言之珂急乃請婚於克用克用薦之天子許嗣鎮然猶以崔胤為河中節度使琪復構珂於王行瑜李茂貞行瑜等約韓建共薦琪詔已授珂重榮有大功不可廢行瑜怒使其弟行約攻珂克用遣李嗣昭援之敗琪於猗氏三鎮衛帝之卻其請也連兵犯京師謀廢帝誅執政而立吉王固請授琪河中克用聞之怒以師討三鎮瑤琪引兵去克用拔絳州斬瑤而屯渭北敗行約於朝邑行約走京師與弟行實謀挾帝幸邠茂貞養子繼勳欲以帝幸鳳翔兩軍合謀京師大亂帝出幸石門詔克用珂以兵趨新平又詔涇州張鐻會克用軍以扼岐陽茂貞斬繼勳傳首以

謝詔削行瑜官爵以克用爲邪靈四面行營都招討使
珂爲糧料使帝既還加珂檢校司空爲節度使克用以
女妻之珂親迎太原以李嗣昭助守河中因攻琪琪戰
數北琪任威虜殺給事中王柷等十餘人人有罪輒劾
斯以逞祝故常州刺史避難江湖帝聞剛鯁以給事中
召道出陝琪謂且柄任厚禮之祝鄙其武暴不降意既
晏盛列珍器音樂琪請於祝曰僕今日得在子弟列大
賜也三請祝不答琪勃然曰天子召公公不可留此遂
罷遣吏就道殺之族其家投諸河以溺死聞帝不能諱
光化二年爲部將李璠所殺贈太師詔陝州冤死者有
司弔祭存問其家始全忠擊楊行密不能克諷荆襄青
徐諸道請已爲都統以討行密帝依違未報而珂與太
原鎮定諸道亦請加行密都統以討全忠繇是兩罷之
全忠怨珂不忘帝爲劉季述所廢珂憤見言色屢陳討
賊謀既反正首獻方物帝甚倚之而全忠以克用方疆
不敢加兵及王鎔誅服拔定州而克用兵折乃謂其將
張存敬曰珂恃太原侮慢我爾持一繩縛之存敬以兵
數萬渡河由含山襲絳州刺史陶建釗晉州刺史張漢
瑜皆降以何稠戍之進攻珂全忠率師繼進珂乞師太
原爲綱所迭不能進珂急使妻遺克用書曰賊攻我朝
夕見俘乞食大梁矣克用答曰道且斷往救必俱亡不
如歸朝廷珂窮遣使告李茂貞曰帝初反正詔藩鎮無
相侵而朱公不顧約以攻敵邑敵邑亡則邪賊非君所
保天子神器斂手付人矣宜與華州韓公出精銳固潼
關以張兵勢僕不武公其惠我西偏地以爲扞守補請
公自有之關西安危國祚長短繫公此舉也茂貞不答
珂益賊會橋毀潛具舟將遁夜諭守兵無肯爲用者牙

將劉訓叩寢門珂疑有變叱之訓請斷臂自明珂出問
計答曰若夜出人將爭舟一夫鴟張禍繫其手且日以
清諭軍中宜有樂從者可則濟否則召諸將行成以緩
敵徐圖所向上策也珂然之明日登城語存敬曰吾於
朱公有父子驩君姑退舍須公至吾自聽命乃執太原
諸將并奉節印內存敬軍樹大幡城上遣兄璘與諸將
樊洪等見存敬存敬解圍而戍以兵全忠自洛至全忠
王出也始背賊事重榮約爲舅舅指日月曰我得志凡
氏王者皆事之至是遇重榮慕爲哭而祭次虞鄉珂欲
面縛牽羊以見全忠報曰舅之恩無日可忘若以亡國
禮見黃泉其謂我何珂出迎握手泣下駢轡以入居旬
日以存敬守河中舉珂室徙於汴後令入覲遣人賊之
於華州自重榮傳珂凡二十年

諸葛爽青州博昌人爲縣伍伯令咎苦之乃亡命龐勛
反入盜中爲小校勛勢蹙率百餘人與泗州守將湯鞏
自歸累遷汝州防禦使李琢討沙陀於雲州表爲北面
招討副使從夏綬銀節度使檢校尚書右僕射黃巢犯
京師詔率代北行營兵入衛次同州降賊僞署河陽節
度使簡道奉表自明詔拜節度使累授京師東南面招
討諸行營副都統左先鋒使兼中書門下平章事朱溫
爲賊守同州爽率輕兵入之溫偃旗設伏以待爽解甲
就舍伏發悉棄鎧馬奔還至修武爲魏博韓簡擊敗之
不敢入簡留將趙文珩戍河陽自攻戰時中和二年也
河陽人誘爽自金商馳復入之厚禮文珩及戍人還之
魏於是爽攻新鄉簡自郟來戰獲嘉西簡陰窺關中其
下不悅裨將樂彥禎問眾之隙引其軍先還故簡兵八
萬自潰相藉溺清水至不流明年詔爽爲東南面招討

使伐秦宗權爽雖典庸廩善吏治累擢檢校司空光啟
二年卒其將劉經與澤州刺史張言共立爽子仲方爲
留後爲蔡賊孫儒所攻奔於汴儒取孟州

李罕之陳州項城人少拳捷初爲浮屠行丐市窮日無
所得抵鉢禱祇云眾聚攻剽五臺下先是蒲絳民壁
摩雲山避亂羣賊攻不克罕之以百人徑拔之眾號李
摩雲隨黃巢渡江降于高駢駢表知光州事爲秦宗權
所迫奔項城收餘眾依諸葛爽署懷州刺史爽伐宗權
卽表以自副屯睢陽無功又表爲河南尹東都留守使
捍蔡李克用脫上源還罕之迎謁厚相結罕之因府爲
屯會孫儒來攻走保電池東都陷儒焚宮闕剽居民去
爽遣將收東都罕之逐出之爽不能制俄而爽死其將
劉經張言共立爽子仲方欲去罕之而罕之故與郭彥
有隙擅殺彥軍中不悅經聞眾怒襲其壁罕之退保乾
壕經追擊反爲所敗乘勝入屯洛陽苑中經戰不勝還
河陽罕之屯鞏將度汜經遣張言拒河上反與罕之合
攻經不克屯懷州孫儒逐仲方取河陽自稱節度使俄
而宗權敗棄河陽走罕之進收其眾旬援河東克用
遣安全俊率兵助之得河陽克用表罕之爲節度使同
中書門下平章事有詔與屬籍又表言爲河南尹東都
留守按五代史罕之與言皆附于梁與此互異罕之與言甚篤然性猜暴是
時大亂後野無遺稼部卒日剽人以食言善積聚勸民
力耕儲積稍集罕之仰以給求之無涯言不能厭罕之
拘河南官吏答督之又東方貢輸行在者多爲罕之邀
劫文德元年罕之悉兵攻晉州言夜襲河陽俘罕之家
罕之窮奔河東克用復表爲澤州刺史領河陽節度使
罕之數出抄懷孟晉絳無休歲人匿保山谷出爲樵汲

者罕之俘斬略盡數百里無舍煙克用討王行瑜表罕
之副都統檢校侍中行瑜誅封隴西郡王檢校太尉兼
侍中罕之恃功多嘗私克用愛將蓋禹求一鎮寓爲請
克用不許曰鷹鷂飽則去矣我懼其翻覆也光化初昭
義節度使薛志勤卒罕之夜襲潞入之自稱留後報克
用曰志勤死懼它盜至不俟命輒屯于潞克用遣李嗣
昭先擊澤州拘罕之家屬送太原罕之攻沁州執刺史
守將送款于汴全忠表罕之昭義節度使命丁會援之
與嗣昭戰含口嗣昭不利葛從周取澤州嗣昭又攻罕
之罕之暴得病不能事全忠更以罕之節度河陽三城
卒于行年五十八

列傳

唐七十五

王敬武師範

孟方立

時溥

朱宣

孫儒

高仁厚

趙鑾

成汭

杜洪

鍾傳

劉漢宏

張雄

王敬武青州人隸平盧軍為偏校事節度使安師儒中

和中盜發齊棣間遣敬武擊定還逐師儒自為留後時

王鐸方督諸道行營軍復京師承制授敬武平盧節度

使趣其兵西京師平進檢校太尉同中書門下平章事

龍紀元年卒

子師範年十六自稱留後昭宗以太子少師崔安潛領

節度師範拒命棣州刺史張瞻迎安潛師範遣部將盧

宏攻之宏與瞻連和師範以金啗之曰君若願先人不

絕其祀君之惠也不然願死墳墓宏少之不為備師範

伏兵迎於路部將劉鄩斬宏遂攻棣州瞻請救於未全

忠全忠馳使諭解師範拔其城斬瞻安潛不敢入師範

喜儒學謹孝於法無所私舅醉殺人其家訴之師範厚

賂謝訴者不置師範曰法非我敢亂乃抵舅罪母恚之

師範立堂下日三四至不得見三年拜省戶外不敢解

以青州父母所籍每縣令至具威儀入謁令固辭師範

遣吏挾座拜廷中乃出或諫不可答曰吾恭先世且示

子孫不忘本也謹按通鑑輒覽 御批節使不敢橫

同弁髦何有於桑梓行理固宜爾然當時 逆藩跋扈朝命視

續通志

卷二百七十五

列傳唐

欲代為平盧節度師範聞之哭曰吾為國守藩君危不

持可乎乃與行密連盟遣將張居厚李彥威以甲槩二

百輿給為獻者及華州先內十輿關人覺眾擐甲諫殺

全忠守將婁敬思是時崔允方在華閉門拒戰執居厚

劉鄩襲兗州入之師範亦潛兵入河南徐沂鄆等十餘

州同日並發全忠使從子友宣率軍東討師範擊斬其

首全忠怒悉軍二十萬倍道至又敗退屯臨淄留楊師

厚攻之師厚敗師範兵於臨朐執諸將又獲其弟師克

遂傳其城師範眾向十餘萬請將請決戰而師範以弟

故乃請降謹按通鑑輒覽 御批唐室貼危諸藩皆

將才皆庸懦事遂無成乃青州之圍不能始終

全節輒開門降賊前後判若兩人實負初心矣全忠歸

其弟假師範知節度留後事師範獻錢二十萬緡以謝

軍汴將劉重霸執棣州刺史邵播得其書八百紙皆教

師範戰守全忠懼而殺之歲餘徒師範於汴表為河陽

節度使全忠既受唐禪友宣妻訴警人於朝乃族師範

於洛陽先是司坎第左告之故師範乃與家人宴少

長列坐語使者日死固不免于懼昭穆失序不可見先

人地下酒行以次受戮者二百人

孟方立邢州人始為澤州天井成將遷游奔使中和元

年昭義節度使高潯擊黃巢戰石橋不勝保華州為裨

將成鄴所殺還據潞州方立率兵攻鄴斬之自稱留後

擅裂邢洺磁為鎮治邢為府號昭義軍潞人請監軍使

吳全勗知兵馬留後時王鐸領諸道行營都統以潞未

定墨制假方立檢校左散騎常侍兼御史大夫知邢州

事方立不受因全勗以書請鐸願得儒臣守路鐸使參

謀中書舍人鄭昌圖知昭義留事欲遂為帥僖宗用舊

克用窺潞州徵度朝廷未能制乃固讓昌圖昌圖治不

三月輒去方立更表李殷銳為刺史徒治龍岡會克用

為河東節度使昭義監軍邢審誨乞師求復昭義軍克

用遣賀公雅李筠安金俊三部將擊潞州為方立所破

又使李克修攻取之殺殷銳遂并潞州表克修為節度

留後初昭義有潞邢洺磁四州至是方立自以山東三

州為昭義而朝廷亦命克修以潞州舊軍界之昭義有

兩節自此始方立倚朱全忠為助故克用擊邢洺磁無

虛歲光啟二年克修擊邢州取故鎮進攻武安方立將

呂臻馬爽戰焦岡為克修所破斬首萬級執臻等拔武

安臨洛邯鄲沙河克用以安金俊為邢州刺史招撫之

方立勾兵於王鎔鎔以兵三萬赴之克修還後二年方

立督部將奚忠信兵三萬攻遼州以金啖赫連鐸與連

和會契丹攻鐸師失期忠信三分其兵鼓而行克用伏

兵於險忠信前軍沒既戰大敗執忠信脫者十二龍紀

元年克用使李罕之李存孝擊邢攻磁洺方立戰琉璃

陂大敗禽其二將被斧鑕徇邢壘呼曰孟公速降有能

斬其首者假三州節度使方立力屈又屬州殘墮人心

恐性剛少恩夜行陣兵皆偃告勞自願不復振乃引賊

自殺從弟遷素得士心眾推為節度留後請援於全忠

全忠方攻時溥不即至命王虔裕以精甲數百赴之假

道羅宏信不許乃趨間入邢州大順元年存孝復攻邢

遷擊邢洺磁三州降執王虔裕三百人獻之遂遷太原

表安金俊為邢洺磁團練使以遷為汾州刺史按原文

考邢非晉屬且天井關在 梁氏叔琮攻晉出天井關遷

汾州今從五代史原遷以遷歸全忠惡其反覆殺之

開門降導以攻太原軍還以遷歸全忠惡其反覆殺之

時溥徐州彭城人爲州牙將黃巢亂京師節度使支詳遣溥與陳璠率兵五千西討次河陰軍亂剽居人溥招敢其眾引還屯境上疑不敢歸詳以牛酒犒士約悉貰其罪軍乃入其推溥爲留後溥厚具賞裝遣璠護詳還京師夜駐七里亭璠擅殺詳屠其家溥怒署璠宿州刺史俄殺之別遣將引銳兵三千入關僖宗因以武寧節度命之巢敗東走圍陳州秦宗權方據淮西相聯結溥地介於賊悉師討之軍鋒甚盛連戰輒克授東面兵馬都統遂合許兗鄆兵逐尙讓於太康斬首數萬級讓降溥遣將李師悅等追尾巢至萊蕪大破之林言斬巢首持歸溥以獻天子故破賊溥功第一加檢校司徒同中書門下平章事進檢校太尉兼中書令鉅鹿郡王宗權阻兵拜溥蔡州行營兵馬都統賊平與朱全忠爭功嫌甚日構孫儒方與楊行密爭揚州詔全忠爲淮南節度使溥自以先起顯名位都統願不得而全忠得之頗恨恨全忠使司馬李璠郭言等東兵道宿州遺溥書假道溥不可以兵襲之言戰甚力解而還全忠怒自是連歲略除泗全忠自將及其郊未得志引去溥窮乞師於李克用克用爲攻揚山朱友裕救之各亡其大將友裕進攻宿州不能拔時大順元年也明年丁會築隄闕汴水灌宿州三月拔之使劉瓚守而溥將劉知俊引兵二千降全忠軍益不振民失田作又大水薦饑死喪十七八乃請和於全忠全忠曰移鎮則可昭宗以宰相劉崇望代之授溥太子太師溥慮去徐且見殺惶惑不受命諭軍中固留詔可泗州刺史張諫聞溥已代卽上書納質請隸全忠溥既復留諫大懼全忠爲表徒鄭州刺史諫畏兩怨集已乃奔楊行密行密以諫爲楚州刺史并其

民徙之以兵屯泗朱友裕率軍攻溥溥將徐汝汝出降溥求救於朱瑾全忠自以兵屯曹將去留精騎數千授霍存日事急可倍道趨之瑾兵二萬與溥合攻友裕存引兵疾戰溥還壁明日復戰霍存敗死之進逼友裕友裕堅營不出瑾食盡還兗州全忠使龐師古代友裕溥分兵固守石佛山師古攻拔之王重師牛存節等梯其堞以入溥徙金玉與妻子登燕子樓自焚死實景福二年全忠遂有其地私置守焉

朱宣宋州下邑人父以豪猾鬻鹽抵法死宣亡命去青州爲王敬武牙軍黃巢之亂敬武遣將曹存實率兵西入關宣爲軍候道鄆州是時節度使薛崇拒王仙芝戰死其將崔君裕攝州事存實襲殺之據其地遂稱留後以宣功多署濮州刺史留總帳下兵中和初魏博韓簡東窺曹存實迎戰死宣收殘卒嬰城簡圍之六月不能拔引去僖宗嘉其守拜宣天平節度使按朱宣得天

續綱目以紀傳互勘事多岐舛其顯然者天平軍節度自乾符四年至中和四年據紀則歷薛崇張裕崔君裕曹存實朱宣四帥而已至韓簡窺圍則曹全最死傳云曹存實迎戰而死宣之得節紀云存實自稱留後傳云宣嬰城簡不能拔拜節度使考舊唐書宣代曹存實此傳中曹存實事皆作曹全最通鑑以爲宣代曹存實考然則始殺崔君裕者全最後爲韓簡所殺者存實叔姪相繼其中復無崔君裕且薛崇諸人惟張裕舊書有傳終於天下諸事無從考證姑仍其舊要之續所糾新書之失此其最累加同中書門下平章事宣有眾三萬弟瑾勇冠三軍陰有爭天下心瑾得兗州兄弟雄張山東時秦宗權悉兵攻朱全忠使秦賢列三十六壁自將督戰全忠大恐求救於宣宣與瑾身往擊宗權宗權敗走全忠厚德宣兄事之情好篤密而內忌其雄且所據皆勁兵地欲造怨乃圖之卽聲言宣納汴亡卒移書詆議

宣以新有恩於全忠答傲志望之由是顯結隙使朱珍先攻瑾取曹州宣救曹不克奔還范珍圍濮州宣使弟罕救濮全忠自將擊罕斬之拔濮州朱裕奔歸鄆珍薄鄆挑戰宣不出裕爲書給降導珍入縣門發死士數千縱礮石擊未入者殺裨將百餘人復取曹以郭詞爲刺史大將郭銖斬詞奔全忠景福初復伐宣令從子友裕先驅自繼之次衛南宣以輕兵夜掩友裕軍走之據其營全忠未知運糧以入乃覺走瓠河宣留濮州全忠令友裕馳壯騎謀鄆虛實身將而北會宣引還縱兵戰全忠南走幾不脫乃謀持久取宣歲一再暴其鄙奪之食俘其工織廩有存者宣令賀瓌守濮州爲友裕所攻委城走龐師古既拔徐州全忠卽遣攻齊州宣瑾皆戍以兵入不下乾寧元年全忠身往薄清河結壘宣瑾三分其兵出擊之全忠迎戰東河南風急汴軍居下甚懼俄而風返全忠得縱火焚其旁燔薰漲天宜瑾大北是夏全忠壁曹州南宣薄戰禽其將三人全忠還明年使朱友恭擊兗州瑾堅壁守宣饑瑾友恭奪其糧全忠自軍單父會宣求救於李克用友恭退壁曹南數月全忠自伐宣敗克用將李承嗣等乃還宣追之大鈔曹州其秋全忠復攻鄆壁梁山宣克用挑戰全忠設伏破之斬首數千級引而南克用躡全忠後至相和大寨全忠軍多死三年克用使其將李瑋以兵屯莘援宣爲羅宏信所破全忠大喜度宣可困遣龐師古伐宣宣逆戰敗於馬頰河師古迫西門兵不出全忠之攻宣凡十興師四敗績宣才將皆盡益內沮度不能與全忠礮則固守增堞深溝爲不可逼明年葛從周密造舟於甄師人踰而升宣出奔爲民所縛追至執以獻全忠斬之而納其妻瑾

孫儒河南南人以趨下橫里中隸忠武軍為裨校與劉建鋒善黃巢亂以兵屬秦宗權為都將光啟初宗權遣儒攻東都留守李罕之出奔儒焚宮闈屠居人河陽節度使諸葛爽與戰洛水爽敗儒亦東圍鄭州朱全忠屯中牟救之不敢前儒眾夜登城刺史李璠走進拔河橋遂取河陽留後諸葛仲方出奔全忠壁河陰儒掠汴鄆全忠卻屯汴城東南列偽旗鼓疑之儒乃還會全忠與宗權戰宗權敗走儒聞殺孟人汴戶於河茨井邑乃去楊行密得揚州宗權使弟宗衡爭淮南以儒為副建鋒為前鋒儒常曰丈夫不能苦戰萬里賞罰已奈何居人下生不能富貴死得廟食乎未幾汴兵攻蔡宗權召之儒稱疾不往宗衡督之即大會帳下酒酣斬宗衡并其眾與建鋒許德勳等盟有騎七千因略定傍州不掩旬兵數萬號土團白條軍文德元年破揚州自為淮南節度使與時溥連和全忠嘗以書招儒故又納款於汴且送宗衡秦彥畢師鐸首全忠藉以聞昭宗授儒檢校司空全忠署為招討副使龍紀初悉兵攻宣州行密取淮南儒還行密走始得潤常蘇三州兵益彊使建鋒守潤常儒謀定江南乃北爭天下畏全忠搆虛乃遣人卑辭厚賄全忠薦於朝詔授淮南節度使大順元年行密取潤州以安仁義守之常州以李友守之儒怒三分其軍度江建鋒復拔常潤仁義走全忠遣將龐從等軍十萬奄至高郵儒悉師禦之故仁義間取潤州劉威田頔等敗建鋒於武進取常州杭州錢鏐將沈衆自蘇州奔儒行密諸將在潤常者皆為建鋒所逐仁義賴棄潤州走明年儒引兵自京口轉戰行密諸將屯險者聞儒

至皆走頔威等合兵三萬邀儒黃池儒遣馬殷擊走之儒營廣德乘勝至東溪淮人大恐行密遣臺濠屯西溪自引軍逆戰儒軍圍之數重黑雲將李簡以騎馳之五代吳世家行密既破儒收其餘兵數千以皂衣蒙甲號黑雲都不應此時已有黑雲將行密乃免儒遂圍宣州會翁源暴湧廣德黃池諸壁皆沒儒分兵取和滁二州其秋儒焚揚州引而西傳檄遠近號五十萬所過燒廬舍殺老弱以給軍行密懼將遁去戴規曰儒軍數敗今掃地而至決死於我若吾遣降者問至揚州無慰衣食使儒軍聞其家尚完人人志歸不戰可禽也行密乃遣親將入揚州取儒營糧數十萬斛以粟飢民儒屯廣德陶雅以騎軍破儒前鋒屯嚴公臺十二月頔威與儒戰皆大敗儒連屯稍西行密使陶雅屯潤州扼其歸路景福元年儒復圍宣州屯陵陽行密戰不利謀出奔劉威方繫獄且死行密窮更召問計對曰儒焚倉墮壘以來糧盡將為我禽可勁兵背城坐制其困李神福亦請據險邀儒糧行密乃分兵攻廣德壁以絕饑道軍大疫儒病店遣建鋒殺鈔諸縣行密知城下兵寡乃晨出率仁義頔晉城戰破五十壁會暴討且寬儒軍大敗儒病甚股弁不能輿頔執儒獻行密諸將皆降儒就刑於市見劉威曰中君之謀儒嘗引鑑搔首曰此頭不久當入京師至是傳首關下建鋒股哭之相語曰公常有志廟食吾等有土當廟以報德及股據湖南表儒贈司徒樂安郡王立廟以祀

千使仁厚將而東先是京師有不肖子皆者疊帶冒持挺刺閭里號開子京兆尹始視事輒殺尤者以怖其餘竇潘治京兆至殺數百人稍稍憚戢巢入京師人多避難竇雞閣子掠之吏不能制仁厚素知狀下約入邑間縱擊軍入閩子聚觀唯悔於是殺數千人坊門反閉欲亡不得皆死閩里乃安會邛州賊阡能眾數萬略諸縣列壁數十涪州刺史韓秀昇等亂峽中韓求反蜀州諸將不能定敬瑄召仁厚遣使督兵四討屯永安獲阡能謀者自言父母妻子囚於賊約不得軍虛實且死仁厚哀之曰為我報賊明日我且戰能釋甲署背曰歸順皆得復農矣縱謀去命諸將毀柵鼓而前賊渠羅渾擊設伏詐降仁厚遣將不持兵入諭其眾皆真降渾擊詐窮而逸吏執之降眾署背得免則告諸壁大軍至賊帥句胡僧大驚斬之莫能禁眾執以降韓求赴水死賊帥羅天子棄寨奔阡能仁厚引兵逼之眾呼謙爭出執阡能擊羅天子首迎降按阡能乃賊首已見上文傳不終言其就禽事殊為漏略今探通鑑餘柵皆下仁厚還天子御樓勞軍授仁厚檢校尚書左僕射眉州刺史敬瑄與仁厚謀曰秀昇未禽貢輸梗奪百官乏奉民不鹽食公能破賊當以東川待公仁厚許之詔拜行軍司馬仁厚聞賊儲械子女皆在屯乃以銳兵瀕江伐木頔水礙舟道負岸而陣使游軍逼賊久不戰則夜以千卒持短刀彊弩直薄營火而諫之秀昇率舟兵救火仁厚遣人沒水擊舟皆沈眾懼多潰秀昇斬潰兵欲脅止之眾怒執秀昇以降檻車送行在斬於市東川節度使楊師立初隸神策軍累遷檢校司空中書門下平章事聞敬瑄以仁厚代已有望言敬瑄颯帝召師立以本官兼尚書右僕射師立益怒移檄言敬

瑄十罪殺監軍田繪屯涪城遣兵攻綿州不克又徵劍州刺史姚卓文共攻成都假卓文指揮應接使卓文不應詔削師立官爵敬瑄即表仁厚為東川節度留後楊茂言為行軍副使楊棠為諸軍都虞候率兵二萬討之師立遣大將張士安鄭君雄守鹿頭關仁厚次漢州前軍戰德陽師立嬰城閱四旬夜出兵擾北柵仁厚設兩翼而伏披柵門列炬賊不敢進伏發擊走之楊茂言謂仁厚且敗引兵走久乃還明日會諸將仁厚曰副使當以死報天子斬而徇師立十戰皆北仁厚約城中斬首惡者賞君雄誘於軍曰天子所討反者耳吾等何與乃與士安譁而進以仁厚書示師立曰請以死謝眾自沈於池死君雄悉誅其家仁厚入府縱繫囚賑貧絕詔拜劍南東川節度使光啟二年遂據梓州絕敬瑄君雄時為遂州刺史亦陷漢州攻成都敬瑄使部將李順之逆戰君雄死又發維茂州羌軍擊仁厚斬之乾寧中皆追贈司徒

趙犖陳州宛邱人世為忠武軍牙將犖資警健兒時好為營陣行列號令指顧羣兒無敢亂父叔文見之曰是當大吾門稍長喜書學擊劍善射會昌中從伐潞州收天井關又從征蠻忠武軍功多遷大校黃巢入長安所盜與陳人詣節度府請犖為刺史表授之既視事會官屬計曰巢若不死長安必東出關陳其衝也乃培城疏塹實倉庫峙藁薪為守計民有肯者悉內之繕甲兵募悍勇悉補子弟領兵巢敗果東奔賊將孟楷以萬人寇項犖擊禽之信宗嘉其功累遷檢校司空巢間楷死驚且怒悉軍據激水與秦宗權合兵數十萬據長壕五周百道攻之州人大恐犖令曰士貴建功立名節今雖

眾寡不敵男子當死地求生徒懼無益也且死國不愈生為賊乎吾家食陳祿晉破賊以保陳吳議者斬眾聽命引銳士出戰屢破賊巢益怒將必屠之乃起八仙營於州左借象宮關引百官曹署儲糧為持久計宗權輸繼仗軍須賊益張犖小大數百戰勝負相當故人心固乃間遣乞師於朱全忠未幾汴軍至壁西北陳人思奮犖引兵急擊賊破之圍凡三百日而解中和五年擢彰義軍節度使巢雖敗宗權始熾略地數千里屠二十餘州唯陳賴犖獨完以功檢校司徒加泰寧浙西兩節度皆在陳并領之龍紀初進同中書門下平章事忠武軍節度使仍治陳州流亡踵還與弟昶至友愛後將老悉以軍事付之乃卒贈太尉犖悉忠力以孤城抗賊巢卒敗亡然附全忠亦賴其力復振故委輸調發助全忠常先它鎮云

昶字大東神宋軒異內沈厚破孟楷功多巢之圍昶夜撤師疲而寢如有神相之者黎曙決戰士爭奮死關禽賊酋數人斬級千餘犖領泰寧以昶為州刺史檢校尚書右僕射當時方鎮言忠壯吏治皆推犖昶之老乃授留後遷忠武節度使亦留陳進檢校司徒勸農桑於人有恩惠加同中書門下平章事乾寧二年卒年五十三贈太尉

忠三加檢校太保光化三年同中書門下平章事進兼侍中封天水郡公按鄒艾故蹟決翟王渠溉稻以利農一家三節度相繼二十餘年陳人宜之天復初韓建帥忠武以珣知同州節度留後昭宗還長安詔入朝賜號迎鑾功臣以檢校太傅為右金吾衛上將軍從東遷歲餘以疾免卒年五十五贈侍中陳人為罷市按新唐書此下有田顯朱延壽劉建鋒馬殷等傳顯延壽皆楊行密部將事繫行密與唐無涉應附五代吳越記庶幾列五代楚戴記而此建鋒及賓附見此從刪成汭青州人少無行使酒殺人亡為浮屠後入蔡賊中為賊帥假子更姓名為郭禹當戍江陵亡為盜保火門山後詣荆南節度使陳儒降署裨校久之張瓌囚儒以再凶慄欲殺之再結千人奔入峽襲歸州入之自稱刺史招亡訓士得勝兵三千秦宗權故將許存奔禹禹以青州剽卒三百界之使討荆南部將牟權於清江禽權取其眾禹又破其將王建肇建肇奔黔州昭宗拜禹荆南節度留後始改名洎復故姓宗權餘黨常厚攻夔州洎率存夜斬營襲厚破之遂入夔州按新唐書本文載其事楚言以許崇成洎敗不能死妻李懼支解之辱自殺其夫楚言非忠於唐李亦安得為烈且其事不可為割今使司馬劉昌美守夔率存沂江略雲安按兵渝州盡下瀕江州縣時王建肇據黔州帝以建肇為武泰軍節度使洎遣將趙武率存攻之建肇走洎乃以武為留後存為萬州刺史存不得志洎遣客伺之方躡毯洎曰存必叛自試其力矣遣將襲之存夜率左右超堞走與王建肇皆降於王建洎頗知吏治嘗錄囚盡其情堊江賊陰殺令其主簿疑小吏導之訊不承臨刑曰我且訟地下踰月吏暴死洎聞益詳於獄始治州民版無幾未再期自占者萬餘時鎮國節度使韓建亦以治顯號北韓

南郭汭累進檢校太尉中書令上谷郡王雲安權鹽本
隸鹽鐵酒擅取之故能畜兵五萬初任賀德隱賢者也
故汭所舉少過晚得妻父任之譖害諸子汭皆手殺之
至絕嗣禮朗本隸荆南為雷滿所據別為節度汭數請
之宰相徐彥若不許及彥若罷道江陵汭出怨言彥若
曰公專一面自視桓文一賊不能取而怨朝廷乎汭大
慙晚喜餌術士藥瀕死而蘇天復三年帝詔淮南節度
使楊行密圍鄂州朱全忠使韓勅救之諷汭與馬殷雷
彥威倚角汭將而行下知汭不足允行密無敢諫惟
親吏楊師厚勸之汭為巨艦望皇悉備至公安卜不吉
欲還師厚曰公舉全軍中道還何以見百姓汭乃行彥
威潛師略江陵汭諸將念私無鬪志淮南將李神福壁
沙橋望汭軍曰戰艦雖盛首尾斷絕可取也擊汭君山
敗之火其船眾大潰汭投江死天祐中全忠表汭死國
事請與杜洪皆立廟云

杜洪鄂州人為里俳兒乾符末黃巢亂江南永興民皆
亡為盜刺史崔紹募民彊雄者為土團軍賊不敢侵於
是人人知兵杭州刺史路審中為董昌所拒走客黃州
中和末聞紹卒募士三千入鄂州以守洪為州將有功
亦逐岳州刺史居之光啟二年安陸賊周通率兵攻審
中審中亡去洪乘虛入鄂自為節度留後僖宗即拜本
軍節度便是時永興民吳討據黃州駱殷據永興一人
皆隸土團者也軍剽甚洪雖得節制而附朱全忠絕東
南貢路乾寧初自將擊討乞師淮南楊行密遣朱延壽
助之洪引還延壽拔黃州俘討獻京師駱殷棄永興走
行密取其地洪得駱殷倚為心腹間取永興守之全忠
方圍鳳翔昭宗遣使者東出道武昌洪皆殺之之行密使

李神福劉存奉舟師萬人討洪駱殷棄永興走縣民方
詔守以待命神福已得詔大喜以永興壯縣饋餉師仰
既得鄂半矣遂進圍鄂州洪嬰城請救於汭全忠率兵
五萬營霍邱行密禦之汭兵不利引還使別將吳章以
三千兵解圍神福迎破之時全忠方與河東軍薄戰不
能救洪乃求助於馬殷殷不答洪計窮復走全忠全忠
遣曹延祚合吳章兵萬三千救淮南將劉存濟坎傅
城殷為洪謀曰淮兵深入仰承興以濟若奇兵取之可
不戰而潰洪以精兵合汭人間道掩承興三十里而舍
存以方詔苗璘當之汭亡卒淮壁言軍虛實曰鄆軍
懦可取開道軍不可當也璘曰殺強則弱者撓矣乃自
擊開道軍敗之禽汭士三百人徇城下洪軍氣沮存使
辯士臨說洪恃汭方強無降意或勸存急擊援兵則城
自下存曰擊之賊入則城固矣若縱其遁城可取也俄
而汭軍走是日城陷執洪及曹延祚皆斬揚州市

鍾傳洪州高安人業負販或勸為盜必大顯時王仙芝
猖狂江南大亂眾推傳為長乃鳩夷獠依山為壁至萬
人自稱高安鎮撫使仙芝遣柳彥璋略撫州不能守傳
入據之言諸朝詔即拜刺史中和二年逐江西觀察使
高茂卿遂有洪州撫民危全諷聞傳之去竊州以叛使
弟存昌據信州僖宗擢傳江西團練使俄拜鎮南節度
使檢校太保中書令爵潁川郡王又徙南平傳率兵圍
撫州天火其城內謹驚諸將請急攻之傳曰乘人之險
不可乃祝曰全諷罪無害民者火即止全諷聞謝罪聽
命以女女傳子匡時傳以匡時為袁州刺史擊馬殷又
以彭玕為吉州刺史玕健將也傳倚以為重廣明後州
縣不鄉貢惟傳歲薦士行鄉飲酒禮率官屬臨觀資以

裝齋故士不遠千里走傳府傳少射獵醉遇虎與鬪虎
搏其肩而傳亦持虎不置會人斬虎然後免既責悔之
戒諸子曰士處世尚智謀勿效吾暴虎也乃畫搏虎狀
以示子孫凡出軍攻戰必禱佛祠積餼餅為屏象高數
尋晚節重斂商人至棄其貨去天祐三年卒匡時自立
為節度觀察留後次子匡範為江州刺史怨兄立孳州
附淮南因言兄結汭人圖揚州楊渥使秦裴攻匡時圍
洪州匡時城守凡三月城陷匡時歸揚州渥切責匡
時頓首請死渥哀赦之彭玕既失援厚結馬殷且觀虛
實使者還曰殷將校輯睦未可圖也遂歸款玕通左氏
春秋嘗募求西京石經厚賜以金揚州人至相語曰十
金易一筆百金償一篇況得士乎故士人多往依之始
危全諷聞匡時立喜曰聽鍾即為節度三年我自取之
及渥兵盛不敢救潛謀攻渥會淮南亡將王茂章過州
請曰聞公欲大舉願見諸將軍才否全諷蒐眾十萬邀
茂章觀之對曰揚州有士三等公眾正當其下盍更益
之全諷不能答復為楊氏所并

劉漢宏本兖州小史從大將擊王仙芝劫輜重叛去乾
符末焚略江陵無完家於是都統王鐸遣將崔錯降之
表為宿州刺史漢宏恨賞薄有望言會浙東觀察使柳
瑯得罪乃以漢宏代之僖宗在蜀貢輸踴躍而西帝悅
寵其軍為義勝軍即授節度使漢宏既有七州志侈大
輒曰天下方亂卯金刀非吾向誰哉鳴鑼諸廷命斫樹
或曰巨木不可伐怒曰吾能斬白蛇何畏一木中和二
年遣弟漢宥率諸將攻杭州壁西陵為董昌所敗復遣
兵七萬潁江而屯昌使錢鏐宵濟襲破之明年漢宏屯
黃嶺發洞獠同攻昌鏐出富陽擊諸營多潰去漢宏大

沮悉軍十萬列艦西陵謀襲昌禱於江有一矢墜前惡之俄與鏐遇鏐存敵五千漢宏贏服走或執之給而免明日復戰鏐斬其弟漢容將辛約時鍾季文守明州盧約處州蔣瓌婺州杜雄台州朱褒温州褒兵最强故漢宏使褒治大艦習戰以史惠施堅實韓公汶將其軍帝聞杭越擊戰遣中人焦居璠持節詔通好皆不奉詔光啟二年鏐率諸將攻越自趨導山破公汶於曹娥埭與褒戰燒其艦進屯豐山堅實詣鏐降漢宏率麾下六百人走台州鏐斬其母妻於屯杜雄饗其軍皆醉執漢宏以見董昌漢宏曰自古豈有不亡國邪昌使斬於市叱刑者曰吾節度使非庸人可殺我嘗夢持金殺我者必錢鏐也昌命鏐斬之

張雄泗州連水人與里人馮宏鐸皆為武寧軍偏將宏鐸為吏辱雄為辯數并見疑於節度使時溥二人懼禍乃合兵三百度江壁白下取蘇州據之稍稍囂會戰艦千餘兵五萬乃自號天成軍鎮海節度使周寶之敗奔常州聞高駉將徐約兵銳甚誘之使擊雄與之蘇州雄匿眾海中使別將趙暉據上元資以舟械寶兵散多降暉眾數萬雄即以上元為西州負其才欲治臺城為府旌旗衣服僭王者楊行密圍揚州畢師鐸厚齎寶幣啗雄連和雄率軍浮海屯東塘是時揚州圍久皮囊革帶食無餘軍中殺人代糧纜千錢聞雄至間道走軍以銀二斤易斗米逮糠粒以差為直雄軍富過所欲即不戰去暉數剽江道雄擊殺之坑其眾自屯上元大順初以上元為昇州詔授雄刺史未幾卒雄善馭眾人思之為立廟宏鐸代為刺史宏鐸善騎射侃侃若儒者行密已得淮南宏鐸納好然倚兵艦完利謀取潤州遣客尚公

迺進說行密行密不從客曰公不見聽未知勝幾樓船時行密大將田頵在宣州陰圖宏鐸募工治艦工日上元為舟市木遠方堅緻可勝數十歲頵曰我為舟一用之耳不計其久取木於境可也宏鐸介宜揚間不自安州數有怪天復二年大風發屋巨木飛舞州人駭曰州且易主大將馮暉等勸宏鐸悉軍南嚮聲言討鍾傳實襲頵行密知之遣客說止不聽頵逆擊於曷山宏鐸大敗收殘士欲入海行密懼復振遣人迎犒東塘好謂曰兵有勝負今眾尚彊乃自棄於海奈何吾府雖隘尚可

以居若欲揚州我且讓公宏鐸舉軍盡哭行密拏飛艦不持兵入其軍執宏鐸手慰勉遂以歸表為淮南節度副使見尚公迺曰頗憶為馮公求潤州否何多尚邪謝曰臣為君恨其未遂行密笑曰吾得君尚何憂徐約者曹州人已得蘇州詔授刺史錢鏐遣弟錄攻之約驅民墨鏡其影曰願戰南都從事或曰都者國稱杭終有國乎約後寢寤與其下哭而別入海死鏐使沈粲守蘇州約眾降潤州阮結不能定鏐以成及討之盡殲其眾按新唐書此下有王潮王審邦劉知謙盧光稠南漢載記光稠應列五代閩載記審邦應附見知謙應列附見此俱從刪

欽定續通志卷二百七十五

列傳

唐七十六

藩鎮魏博

臣等謹按藩鎮開唐室盛衰新書特為別傳深合史法鄭志於列史別傳標目相沿者如忠義循吏之類俱從彙編其一代特見他史所無者如後漢書黨錮則仍編入列傳中存其名大藩鎮一傳獨宋李唐今依新書原編以符鄭例又鄭志不錄舊史論贊而獨存黨錮傳論著為范氏之說蓋黨錮緣起事實具見論中不容刪沒也宋祁作藩鎮傳論推原唐失河北之由仿司馬遷始皇紀贊引賈誼過秦論之法有取於杜牧罪言而全採其守論於一時得失叛服之故形勢瞭然足為史家傑作故依黨錮傳例標宋氏曰全錄卷端

宋氏曰安史亂天下至肅宗大難略平君臣皆幸安故瓜分河北地付授叛將護養孽萌以成禍根亂人乘之遂擅署吏以賦稅自私不朝獻于廷效戰國胙脾相依以土地傳子孫晉百姓加鋸其頸利怵逆汙遂使其人自視由羌狄然一寇死一賊生訖唐亡百餘年卒不為王土當其盛時蔡附齊連內裂河南地為合從以抗天子杜牧至以山東王不得不王竊不得不竊賊得之故天下不安按此三語乃牧罪言之文又曰厥今天下何如哉干戈朽鉞鉞鈍含忍混貨照育逆孽始為故常而執事大人曾不歷算周思以為宿謀方且鬼岸抑揚自以為廣大繁昌莫已若也嗚呼其不知乎其侯塞頓顛傾而後為之支計乎且天下幾里列郡幾所自河以北

蟠城數百角奔為寇何吾人頽頽天時不利則將與其朋伍散亂吾民於掌股之上今者及吾之壯不圖禽取乃偷處恬逸以為後世子孫背脊疽根此復何也議者曰倔強之徒吾以良將勁兵為銜策高位美爵充飽其腸安而不撓外而不拘猶豸豸虎狼而不拂其心則忿氣不萌此大歷貞元所以守邦也何必必戰焚煎吾民然後為快也愚曰大歷貞元之間有城數十千卒夫則朝廷貸以法故於是闕視大言自樹一家破制削法角為尊者天子不問有司不呵王侯通爵越錄受之按錄書作藤今觀聘不來几杖挾之逆息虜虜皇子嬪之地益廣兵益彊僭擬益甚侈心益昌土田名器分割大盡而賊夫貪心未及畔岸淫名越號走兵四略以飽其志趙魏齊燕同日而起梁蔡吳蜀驕而和之其餘混泯軒

鶻欲相效者往往而是運遭孝武前英後傑夕思朝議故能大者誅鉏小者惠來大抵生人油然多欲欲而不得則怒怒則爭亂隨之是以教管於家刑罰於國征伐於天下裁其欲而塞其爭也大歷貞元之間反此提區區之有而塞無涯之爭是以首尾指支幾不能相連掉也凡今者不知非此而反用以為經將見為盜者非止於河北而已嗚呼大歷貞元守邦之術永戒之哉魏博傳五世至田宏正入朝十年復亂更四姓傳十世有州七成德更二姓傳五世至王承元入朝明年王廷奏反傳六世有州四盧龍更三姓傳五世至劉總入朝六月朱克融反傳十二世有州九淄青傳五世而滅有州十二滄景傳三世至程權入朝十六年而李全略有之至其子同捷而滅有州四宣武傳四世而滅有州四彰義傳三世而滅有州三澤潞傳三世而滅有州五雖然述其由來事有因藉地之輕重視人謀賊否賊今取擅與若世嗣者為藩鎮傳若田宏正張孝忠等暴忠納誠以屏王室自如別傳云

其由來事有因藉地之輕重視人謀賊否賊今取擅與若世嗣者為藩鎮傳若田宏正張孝忠等暴忠納誠以屏王室自如別傳云

田承嗣

懷安 籍

何進滔

樂彥頌

羅宏信

史憲誠

田承嗣按原文字承嗣顯炎武日名字相同始于晉末起家軍伍未有字如李載義之此史家例平州盧龍人以爲字非也且其文可省今從刪後做此世事盧龍軍隸安祿山麾下累功至武衛將軍祿山反與張忠志為賊前驅陷河洛當大雪祿山拔行諸屯至其營若無人已而擐甲列卒閱所籍不缺一祿山異其能使守潁川郭子儀平東都承嗣以郡降俄而復叛安慶緒奔鄴承嗣自潁川來與蔡希德武令珣合兵六萬慶緒復振抗王師歲餘史思明亂承嗣又為賊導及朝義敗與其保莫州僕固瑒追北承嗣急乃詐朝義使自求救幽州因執賊妻息降于瑒厚以金帛瑒將士而詐疾不出場欲馳入取之承嗣列于刀為備瑒不得志承嗣重賂之以免乃與張忠志李懷仙薛嵩皆詣僕固懷恩謝願備行間時朝廷厭亂數大赦懷恩功高覬留賊自重因建白承嗣等分帥河北賜鐵券誓不死拜承嗣莫州刺史三遷貝博滄瀛等州節度使檢校太尉承嗣沈猜陰賊不習禮義既得志即計口重斂厲兵繕甲使老弱耕壯者在軍不數年有眾十萬又擇趨秀彊力者萬人號牙兵自署官吏圖版稅入皆私之又求兼宰相代宗多所含有因就如中書門下平章事封鴈門郡王寵其軍曰天雄以魏州為大都督府即授長史詔子華尚承樂公主冀結其心愈不遜大歷八年相衛薛嵩死弟粦求假節牙將表志清遂粦粦以眾歸承嗣帝

自用李承昭為相州刺史未至承嗣詠相人反陽言救實襲取之帝遣諭罷兵不奉詔遣將盧子期取潞州楊光朝取衛州舊刺史薛雄亂不從屠其家悉四州兵財以歸擅置守宰逼使者行磁相遣劉渾從之陰使從子悅諷諸將詣使者榜面請承嗣為帥詔貶承嗣永州刺史許一子從悅及諸子皆逐惡地命河東節度使薛兼訓成德李寶臣幽州朱滔昭義李承昭蒲青李正己淮西李忠臣永平李勉汴宋田神玉等兵六萬倚角進若承嗣不承命討以軍法其下霍榮國以磁降李正己拔德州李忠臣攻衛築偃月壁河上承嗣列將攜阻殺數十人乃定帝又遣御史大夫李涵督諸節度并力承嗣遣裴志清等攻冀州志清以兵附成德承嗣悉眾圍之為寶臣所逐火輜重歸於貝計益窮奏表請委身圖下又使悅與盧子期將萬人攻磁州屯東山宣慰使韓朝彩等固守兼訓以萬騎屯西山成德幽州各遣兵救承昭以神策射生繼進入河東勳諸軍進討數有功頗願賞天子使中人勞賚使帳高會諸軍少懈而正己寶臣二軍會聚疆更相見正己軍輒引去忠臣乃棄月壘濟河屯陽武承昭使成德幽州兵循東山襲子期軍自閉壁以驕賊子期分步騎萬人環承昭壁以兵四千乘高望塵而進河東將劉文英辛忠臣等決戰而成德幽州兵繞出子期後於是圍解更陣高原諸將與承昭夾攻大戰臨水賊敗斬九千級執子期及將士二千三百乘勝進距磁十里承昭舉燧朝彩出銳兵鼓譟薄魏營斬首五百悅驚率餘兵夜走盡棄旗幕鎗仗五千乘成德將王武俊以子期歸寶臣寶臣方攻潞州因以示城下降之復徇降瀛州獻子期京師斬之天子遣中人勞寶

臣不為禮寶臣乃貳反攻朱滔與承嗣和承嗣與之滄州正己又請許承嗣入朝十一年遣諫議大夫杜亞持節受降許闔門還京師赦魏博所管與更始承嗣逗遛不至其秋復略滑州敗李勉兵會李靈耀以汴叛詔忠臣勉河陽馬燧合討靈耀求救於承嗣使悅將兵三萬赴之敗勉將杜如江正己將伊伯良死者殆半乘勝屯汴北郭與靈耀合燧忠臣逆擊破之悅遁靈耀東走欲歸承嗣為如江所擒并魏將常準獻京師明年承嗣上書請罪詔復官爵子弟皆仍故官再賜鐵券承嗣盜有貝博魏衛相磁洛七州而未嘗北面天子凡再興師會國威中奪窮而復縱故承嗣得肆姦無忌十四年死年七十五贈太保

悅蚤孤母更嫁平盧成卒隨轉側滑青間承嗣訪獲之年十三委以號令裁處皆意合及長剽悍善鬪冠軍中賊忍孤詐外飭行義輕財重施以釣譽人皆附之承嗣愛其才將死願諸子弱乃命悅知節度事而諸子佐之詔悅自中軍兵馬使府左司馬擢留後俄檢校工部尚書為節度使悅外示恭順陰濟其姦帝晚年尤寬弛悅所奏請無不從德宗立不假借方鎮稍愒息會黜陟使洪經綸至河北聞悅養士七萬輒下符罷其四萬歸田畝悅即奉命因大集將士以好言激之曰而等籍軍中久仰謙廉養父母妻子今罷去何恃而生眾大哭悅乃出家資給之令還部自此魏人德悅及劉晏死藩帥益懼會汴州城隘李勉增廣之傳言帝且東封按原文作通鑑無泰山二字胡三省注云蓋用左傳東封泰山非封泰山之謂城汴與封禪無涉蓋說言謂將東封禪鎮故城汴以通之曹汴接壤故正己懼李勉非而李正己懼李萬人屯曹州遣人說悅同叛悅因與梁崇義

等阻兵連和以王侑扈粵許士則為腹心邢曹俊孟希祐李長春符璘康愷為爪牙建中二年鎮州李惟岳緡青李納求襲節度不許悅為請不答遂合謀叛令狐暉等表狀浮圖悅乃許其軍曰有詔閱軍之老疾疲弱者由是舉軍各怨悅與納會濮陽分兵佐悅會幽州朱滔等奉詔討惟岳悅乃遣孟希祐以兵五千助惟岳別遣康愷以兵八千攻邢州刺史李洪守不下並載李洪張伍守邢新書楊朝光以兵五千壁盧龍絕義餉道不及洪今據補悅又使朝光攻臨洛將張伍固守悅自將兵數萬繼進又使朝光攻臨洛將張伍固守食且盡乃飾愛女示眾曰庫廩竭矣願以此女代賞士感泣請死戰大破悅軍詔河東馬燧河陽李芄與昭義軍救伍三節度次狗明二山間未進伍急以紙為風寫高百餘丈過悅營上悅使善射者射之不能及燧營諜迎之得書言三日不解臨洛士且為悅食燧乃自壺關鼓而東破盧龍戰雙岡禽賊大將盧子昌而殺朝光悅遁保洹水於是曹俊為貝州刺史乃承嗣善將果而謀悅召問計對曰兵法十則攻今公以逆千順勢不敵也宜留兵萬人屯嚙口以遏西師則舉河北二十四州惟公所命今攻臨洛糧竭卒老不見其可悅所服屐屨孟希祐等皆管短之悅不聽其言燧等距悅軍三十里築壘相望悅與納合兵三萬陣洹水燧引神策將李晟夾攻悅悅大敗引壯騎數十夜奔魏李長春拒關以須官軍而三帥頓不進明日悅得入殺長春持佩刀立軍門流涕曰悅藉伯父餘業與君等同休戚今敗亡及此不敢圖全然悅久稽天誅者特以留青恒翼子弟不得承襲既弗能報乃至用兵使士民塗炭悅正緣老母不能自頸願公等斬我首取富貴無庸俱死乃自投于地眾

抱持之曰今士馬尚可一戰脫不濟死生以之悅收淚曰諸公不以悅喪敗誓同存亡縱身先地下敢忘厚意乃斷髮為誓將士亦斷髮約為兄弟幸富家財及府庫所有大行賜與李再春及其子瑤以博州悅從兄昂以洺州皆降燧悅族其家悅自視兵耗懼不知所出復召曹俊謀為整軍完壘以振士氣羣心復堅後十餘日燧等始進薄城未幾王武俊殺惟岳而深州降朱滔滔分兵守之天子授武俊恒州刺史以康日知為深趙二州觀察使武俊恨賞薄滔怨不得深州悅知二將可問乃問道使王侑計士則說滔曰司徒奉詔討賊不十日拔東鹿下深州惟岳勢蹙故王大夫能得逆首詔得惟岳地者隸之今乃以深州與康日知是朝廷不信於公也且上將掃除河朔不使父子相襲又功臣劉晏等皆旋踵破滅殺梁崇義誅其口三百餘血丹漢江今日破魏明日取燕趙如牽轅下馬耳魏博全則燕趙安鄆州尚書必以死報德且合從連衡救災卹患不朽之業也尚書願上貝州以廣湯沐使侑等奉箒最孔目司徒朝至魏則夕入貝惟熟計之滔素欲得貝即大喜使侑先還告師期先是詔武俊出恒冀粟三十萬賜滔使還幽州以突騎五百助燧軍武俊懼悅破將起師北伐不肯歸粟馬滔因使王邳說武俊曰天子以君善戰天下無前故分粟馬以弱君軍今若舉魏博則王師北向漳滏勢危誠能連營南旆解田悅於倒縣大夫之利也豈特粟不出窘馬不離廄又有排危之義聲大夫親斷逆首血踐衣袖日知不出趙城何功於國而坐兼二州河北士以不得深州為大夫恥司徒不欲以深州與康日知願以與大夫

按原文無此二句下文得深句無根今從通鑑補

武俊既得深亦

喜即日使使報滔於是滔率兵二萬屯寧晉武俊以兵萬五千會之悅恃救至使康愔督兵與王師戰河上大敗還走悅怒閉不納踏籍死塹中者甚眾其夏滔武俊軍至悅具牛酒迎犒燧等營魏河西武俊滔悅壁河東相持自秋迄冬燧遣戍以兵三千自邢趙與張孝忠合攻深莫二州以絕幽薊路悅重德滔欲推為盟主而臣之滔不敢當乃更議如七國故事悅國號魏僭稱王以府為大名府署子為府留後以扈學為留守許士則司武會穆司文裴抗司禮封演司刑並為侍郎劉士素內史舍人張瑜孫光佐給事中邢曹俊孟希祐左右僕射田晁高編征西節度使蔡濟薛有倫虎牙將軍高崇節知軍前兵馬夏候頰兵馬使晁以兵數千助李納守鄆明年夏滔屯河間留大將馬實以兵萬人戍魏會朱泚亂燧還太原武俊等皆罷悅餞之厚遺武俊實官屬皆有贈興元元年滔自將兵欲南度河助泚使王邳見悅計事曰頃大王在重圍孤與趙刻日赴難以全魏貝今秦帝已據關中孤以步騎十萬與回紇趨東都相應王能從孤濟河合勢以取大梁孤得西收鞏陝與秦兵會天下可定也則王與趙王永無南慮為唇齒之國幸速計之悅聞已赦罪復官爵心不欲行重遠絕滔陽遣薛有倫報如約滔大喜復使舍人李瑄申固所言悅猶豫許士則諫曰冀王殺懷仙屠希彩詠兄使如京師而奪之權有恩者誅同謀者覆彼心腹渠可量哉全大王親不加泚勇不加懷仙希彩也而念恩不已拘繫匹夫義出且禽大王不如偽許出迎遣州縣具牛酒至則以事自解不可願恩取禍也悅然之先是武俊陰約悅背滔及聞滔要悅西使田秀馳說悅曰方泚未盜京師時

滔為列國且自高如得東都與泚連兵多勢張反制於豎子乎今朝廷復官赦罪乃王臣豈舍天子而北面滔泚耶願大王閉壘不出武俊須昭義軍出為王討之悅具道其謀而遣會穆報滔滔喜自河間南踰貝州次清河使報悅不至進屯永濟使王邳等督之悅曰始約從王今舉軍持悅曰魏比困侵掠供餼屈竭以悅日拊循猶恐攜間一日去城邑朝出夕變且何歸不然不敢背約今遣孟希祐悉兵五千助王因使其屬裴抗盧南史報命滔怒罵曰逆虜前日求救許我貝州我不取尊我為天子我與同為王教我遠來而不出是賊不擊何何誅乃囚抗等使馬實取數縣已而釋抗還之悅兵不敢出遂圍貝州滔取武城通德棣俱兵饋盡囚諸縣官吏唯清陽不下滔圍之實拔清平俘掠去於是李抱真武俊約出兵救魏會詔拜悅檢校尚書右僕射封濟陽郡王給事中孔巢父持節宣勞悅阻兵凡四年狂悖少謀亟戰數北死者什八士苦之巢父至莫不欣然悅與巢父張飲門階皆徹衛至夜分從弟緒與族人謀與左右踰垣入悅方醉寢酣挺刃升堂二弟諫止緒斬之因手刺悅并殺其母妻悅死年三十四比明以悅命召許士則蔡濟計事至則殺之劉忠信者悅常使防督緒直寢門緒呼曰忠信刺僕射與扈學反眾執之語曰無之支已殊絕

緒承嗣第六子悅待諸弟無間使緒主牙軍凶險多過常答易之悅儉嗇有節緒常苦不足頗怨望故作難悅既死懼眾不附以其徒數百將出奔邢曹俊率眾追還緒乃下令軍中曰我先王子能立我者賞眾乃共推緒為留後歸罪扈學斬以徇復殺悅親信薛有倫等數十

人因巢父遣使聽命天子滔聞悅死以兵五千合寶軍進攻魏州寶灝王莽河壁使人入魏招緒降緒新募寶圍且急乃遣使以好言見滔許盟誓穆勸緒絕滔而緒部分亦定乃乘城戰武俊抱真各修好如悅時詔即拜緒節度使寶圍魏凡三月滔敗走貞元年以嘉誠公主降緒拜駙馬都尉緒猜忌殺兄弟姊妹凡數人兄朝仕李納為齊州刺史或言納將入之魏以代緒緒厚賂納且召朝朝以死請不行乃送之京師過滑緒將襲取之賈軌以兵援免累遷檢校尚書左僕射常山郡王又徙王鳳門實封五百戶加同中書門下平章事暴疾死年三十三贈司空少子季安嗣

季安字舜母微賤公主命為己子數歲為左衛曹曹參軍節度副使緒死時年十五軍中推為留後因授節度使除喪加檢校尚書右僕射進位檢校司空俄同中書門下平章事季安段主嚴頗循禮法及主薨始自恣官屬進諫皆不納會詔中尉吐突承瓘以神策兵討王承宗季安謀曰王師不跨河二十五年今越魏伐趙趙虜魏亦虜矣奈何或請以五千騎決除君憂季安曰善沮軍者斬絳人譚忠者祖瑤天寶末為內黃令死寇寇忠

豪健喜兵為幽州劉濟將杜牧為作燕將錄新書採入此傳及劉濟傳今適使魏聞之入見季安曰往年王師補錄里系以示哀取蜀取吳算不失一是宰相謀也今伐趙不使者臣宿將而付中臣不起天下甲而出秦甲君知誰為之謀此上自為謀以夸服臣下若師未叩趙而先碎於魏是上之謀不及下豈能不恥既恥且怒必任智畫仗猛將再舉涉河鑿前之敗必不越魏誅趙校罪輕重必不先趙後魏是上不上下下當魏而來也季安曰計安出忠

曰王師入魏君厚犒之悉甲伐趙而陰遣趙書曰魏若伐趙為賣友魏若與趙為反君賣友反君魏不忍受執事能弛陣鄣遣一城魏得持之獻捷天子此使魏北得以奉趙西得以為臣趙不拒君則魏安矣季安然之遣大將軍率兵會王師伐承宗糧餉自辦取堂陽以報加太子太保有邱絳者父時賓佐與同府候臧爭權季安怒斥為下縣尉俄召還先坎道左既至生瘞之忍酷無忌憚大抵如此死年三十二贈太尉妻元諒女召諸將立其子懷諫最幼不能事決於私奴蔣士則數易置諸將軍中怒取田興為留後興以懷諫歸第而殺士則等十餘人季安既葬乃送懷諫京師授右監門衛將軍緒弟

緒字雲長貞元十年入朝授左驍衛將軍封扶風郡公元和中拜夏綬銀節度使始開元時置宥州扼寇路久而廢緒復城之王師伐索綰上橐駝牛馬助軍吐蕃寇豐州緒設伏邀其歸俘斬過當人為左衛大將軍李聽代之聽劾竊盜沒軍糧四萬斛疆取羌人羊馬故吐蕃得乘隙貶衛王傳俄而吐蕃又攻鹽州貶房州司馬長慶初終左領軍衛將軍弟華太常少卿尚承樂新都二公主田氏自承嗣至懷諫四世凡四十九年

史憲誠其先奚也內徙靈武為建康人三世署魏博將憲誠始以遽敢從父軍田宏正討李師道將先鋒兵四千濟河拔城柵師進乘勝傳郵堞師道傳首以功兼御史中丞長慶二年田布之自殺也軍亂憲誠為中軍兵馬使頗言河朔舊事以搖眾眾乃逼還府擅總軍務穆宗以宋克融王廷湊方盜幽鎮未有以制即以節度使授之憲誠外詔王命而陰結幽鎮以自固時李方亂私與交通數助請旋節城馬頭具舟黎陽示將濟師

者會天子遣司門郎中韋文恪宣慰憲誠見使者禮倨言慢俄聞斬宥更恭謹謂文恪曰我本奚如狗也唯知識主雖日加筆不忍離其誦猶類此進檢校司空與李全略婚大和中其子同捷反潛以糧資之文宗申約使者相望因進同中書門下平章事憲誠使大將偵事京師作謾言自大宰相草處厚折其詐遣去憲誠懼出兵從王師討之復遣大將丁志沼率師二萬攻德州時王廷湊援同捷陰誘志沼以利志沼反屯永濟兵銳甚憲誠告急詔義武李聽進討於是志沼與廷湊合兵劫貝州為聽所敗奔廷湊滄景平憲誠不自安請納地進檢校司徒兼侍中徙河中封千乘郡公以李聽代初憲誠將以族行懼魏軍之留問策於弟憲忠憲忠教分相衛請置帥因以弱魏復請詔聽引軍聲圖志沼而假道清河帝從之憲誠因欲倚聽公去魏及聽次清河魏人驚

憲忠曰彼假道取賊吾軍無負朝廷何懼為乃稍安然魏素聚兵清河聽至悉出其甲將入魏魏軍聞之懼明日進甲而出聽按軍館陶不進眾謂憲誠實己日給我以沾恩耶夜攻殺之并監軍史長佐推何進滔為帥以請詔贈憲誠太尉實太和三年憲誠起凡七年死何進滔靈武人世為本軍校少客魏事田宏正從討王承宗李師道以功兼侍御史憲誠死軍中傳諱曰得何公事之軍安矣進滔令曰公等既迫我當聽吾令眾唯唯乃斬殺前使及監軍者素服臨哭將吏皆入弔詔拜

留後俄授節度使居魏十餘年民安之累進檢校司徒同中書門下平章事開成五年死贈太傅諡曰定子重順襲武宗詔河陽李執方滄州劉納諭朝京師或割地自效不聽命時帝新即位重起兵乃授福王紹節度大

使以重順副賜名宏敬帝討劉稹加東面招討使宏敬倚賴相唇齒無深入意詔稱其事母孝在軍久宜亟戰亦自如及王宰詢乾河攻澤州命宏敬倚角塞山東道不奉詔王元遠克邢州攻上黨宏敬不得已乃出師未幾幸統陳許兵假道收磁州宏敬懼乃進戰拔平恩詔檢校尚書左僕射澤潞平加同中書門下平章事懿宗初兼中書令封楚國公咸通七年死贈太師子全曠襲明年拜節度使平麗助以功遷檢校司空同中書門下平章事母喪請納節行喪詔不許全曠年少好殺小罪鮮縱貴人人危懼後軍中相傳廢減糧帛眾遂叛推韓君雄總軍事而殺全曠實咸通十一年詔贈太保自進滔至全曠凡三十四年懿宗更以普王為大使擢君雄留後君雄魏州人俄進副大使三遷檢校司空僖宗即位進同中書門下平章事賜名允中死年六十一贈太尉子簡襲留後俄授節度使累進檢校太尉同中書門下平章事封魏郡王帝在蜀天下亂簡恃彊完欲拓地攻河陽及鄆語在諸葛爽朱宣傳按原文多與爽史家互見例簡敗於新鄉樂彥禎以一軍先還簡奔歸疽發背死彥禎代之再世凡十二年

彥禎者亦魏人簡時歷博州刺史下河陽有功遷澶州魏人立之詔檢校工部尚書留後進節度使累加檢校尚書左僕射同中書門下平章事彥禎喜儒術引公乘億李山甫皆在幕府嗣襄王愠之亂彥禎使山甫往見鎮州王鎔欲合幽邢滄諸鎮同盟拒賊鎔厚謝卒不克彥禎見王室微頗驕大城魏周八十里一月畢人怨其殘子從訓凶悖劫王鐸取其家魏人不直又聚亡命五百人號子將出入卧內軍中藉藉惡之從訓懼奔近

縣彥禎即以爲六州指揮使相州刺史輩兵械泉布迹接於道軍中益貳彥禎常夢解佩帶履而行既寤曰神告我下將有背乎已而軍亂因彥禎迫爲桑門尋殺之推大將趙文珣總留後從訓求救于朱全忠全忠爲起師次內黃從訓自相以軍三萬傳城文珣不敢出眾懼殺之更推羅宏信出戰從訓敗袁裒眾壁洹水宏信遣將程公佐擊斬之實文德元年彥禎起凡七年

羅宏信字德字魏州貴鄉人善騎射貌雄偉爲裨將主馬牧魏有巫告宏信曰白頭老人使謝君君當有是地宏信曰神欲危我耶文珣死眾曰孰願主吾軍者宏信輒曰神命我矣眾環視以爲宜遂立之詔知留後再遷節度使加檢校司空同中書門下平章事豫章郡公朱全忠討黃巢餉粟三萬斛馬二百秦宗權亂復詔宏信以粟二萬斛助軍檢校工部尚書雷邾來責粟宏信素脅於牙軍擅殺邾全忠以檄譙讓宏信不敢報大順初全忠攻太原來假糧馬又議屯邢洛假道相衛宏信不納全忠使丁會麗師古葛從周霍存等引萬騎渡河宏信壁內黃凡五戰皆敗乃厚幣求和全忠方圖河北欲結納宏信乃還兵全忠攻兗鄆朱宣求援於克用遣李存信救之屯莘其下侵魏芻牧宏信不平克用欲合鎮定兵營河曲搃魏滑路宏信馳告全忠請禁游舸絕往來久之魏人不至全忠疑其紿自將至滑宏信來告曰魏人未動者正欲緩圖之全忠遂屯曹太原將李瑋救宣復壁莘宏信厭其暴而塘溝壘自固全忠遣使謂曰晉人志并河朔師還爲公憂之宏信乃攻破塘克用怒以兵掠魏博全忠以葛從周助宏信大破之禽其子落落宏信殺之克用侵魏不已大戰白龍潭宏信敗追薄

魏門而還宏信乃乞師全忠全忠遣將歷洹水救魏克用游兵剽相魏民死十九宏信告亟全忠復遣葛從周將兵追躡拔洺州執刺史邢行恭復攻邢馬師素自拔走遂圍磁州袁奉翰自殺不五日取三州自是克用兵不出始全忠亟討兗鄆懼宏信貳故歲時賂遺厚宏信每有饋答全忠引其使北面拜受兄事之宏信以爲厚已故推心焉累進檢校太師守侍中徙臨清郡王光化元年死年六十三贈太師追封北平王諡曰莊肅子紹威事具五代史按新唐書有紹威傳考紹威入梁事甚繁夥應從其所終之代此從刪

欽定續通志卷二百七十六

列傳

唐七十七

藩鎮鎮冀

李寶臣 惟岳 惟誠

王廷湊 元達 紹鼎 景崇

王武俊 士眞 承宗

李寶臣字為輔本范陽內屬奚也善騎射范陽將張鎮

高畜為假子冒其姓名志為盧龍府果毅常規虜陰

山追騎及射六人盡殛從安祿山入朝留為射生子弟

出入禁中祿山反遁歸更為祿山假子使將驍騎十八

人 按舊書作八千人兵數多實懸殊考通鑑祿山遣何

年 千高將將奚騎二十人劫楊光翹蓋寶十八人與

人不寬無庸多兵 斬書為當 劫太原尹楊光翹挾以

出追兵萬餘不敢逼又督精甲軍士門以扼井陘事安

慶緒為恆州刺史九節度師圍相州忠志懼歸命肅宗

即授故官封密雲郡公史思明渡河忠志復叛勒兵三

萬固守賊將辛萬寶屯恆州相犄角思明死忠志不肯

事朝義使裨將王武俊殺萬寶擊恆趙深定易五州以

獻雍王東討開土門納王師助攻莫州朝義平擢禮部

尚書封趙國公名其軍曰成德即拜節度使賜鐵券姓

名遂有恆定易趙深冀六州地 按舊書有後又得滄州

文寶臣與滔討承嗣首攻滄 語考滄乃田承嗣地下

州不應先屬寶臣 斯書得之 馬五千步卒五萬財用豐

衍益招來亡命雄冠山東與薛嵩田承嗣李正己梁崇

義姻相為表裏始寶臣與正己素為承嗣所易其弟寶

正承嗣婿也往依魏與承嗣子維擊毬馬駭觸維死承

嗣怒囚之以告寶臣寶臣謝教不謹進杖欲使示責承

嗣遂鞭殺之由是交惡乃與正己共劫承嗣可討狀代

已與滑亳河陽江淮兵攻其南師會蕞彊惟牛饗軍寶

臣厚賜士而正己頗戢軍怨望正己懼變即引去滔寶

臣攻滄州未下擊宗城殘之承嗣弟廷琳方守貝州遣

高嵩嚴將兵三千戍宗城寶臣使張孝忠攻破之斬嵩

嚴逸所執將四十餘人會王武俊執賊大將盧子期遂

降滔瀛當是時河南諸將敗田悅於陳留正己取德州

欲頗窮討承嗣懼乃甘言給正己正己已止屯諸軍莫敢

進於是天子遣中人馬希倩勞寶臣寶臣歸以百縑使

者志抵諸道寶臣顧左右愧甚諸將已休獨武俊佩刀

立死下語之故武俊計曰趙兵有功尚爾使賊平天子

幅紙召置京師一匹夫耳養魏以為資上策也寶臣曰

趙魏有釁何從而可對曰勢同患均轉寇讐為父子效

唾聞耳宋滔屯滄州請禽送魏可取信寶臣然之先是

承嗣知寶臣少長范陽心常欲得之乃勒石若識者率

之境教望氣者云有王氣寶臣掘得之文曰二帝同功

勢萬全將田作伴入幽燕謂寶臣與正己為二帝而陰

使客說曰公與滔共攻滄州即有功利歸天子誠能赦

承嗣罪請奉滄州入諸趙願取范陽以報公以騎前驅

承嗣以步卒從此萬全勢也寶臣喜得滄州又語與讖

會遂陰交承嗣圖幽州承嗣陳兵出次以自驗寶臣謬

謂滔使曰吾聞宋公貌若神願繪而觀滔即圖示之寶

臣置圖射堂大會諸將熟視曰信神人也密選精卒二

千夜馳三百里欲劫滔戒曰取貌如射堂者時二軍不

相虞忽聞變滔大駭戰瓦橋敗衣佗服得脫禽類滔者

以歸承嗣承嗣知釁成還軍入堡使人謝寶臣曰河內

方有警未暇從公石讖吾戲為耳寶臣慚而還俄進封

隴西郡王又拜同中書門下平章事德宗立拜司空寶

臣晚節尤猜忌自願子惟岳暗弱恐下不服即殺骨觀

將辛忠義盧俊許崇俊張南容張彭老等二十餘人眾

乃擗寶臣既貶異志引妖人作讖兆為丹書靈芝朱草

齋別室築壇置銀盤金匱玉母猥曰內產甘露神酒刻

玉印告其下曰天瑞自至眾莫敢辨者妖人復言當有

玉印自天下海內不戰而定寶臣大悅厚資金帛既而

畏事露且誅詐曰公飲甘露液可與天神接密寶蓋于

液寶臣飲已即瘖三日死年六十四惟岳悉誅殺妖人

時建中二年也遺表請以惟岳領軍貽書執政諉家事

歸節於朝詔贈太傅

惟岳少為行軍司馬恆州刺史寶臣死軍中推為留後

求襲父位帝不許以張孝忠代之田悅為請不聽遂與

悅李正己謀拒命府小史胡震私人王他奴等專畫反

計府屬邵真泣曰先公位將相恩甚厚而大夫違命緣

絰中愚固感焉魏近且與國不可遽絕請厚禮遣其使

徐圖之齊遠而交疏不如械使者送京師且請致討帝

真尤為明白扼摯不特為國家折盜謀即為於是張孝

惟岳計更無出此新書刪之未是今據補忠以易州歸天子詔朱滔與孝忠合兵討盡赦吏士購

惟岳首惟岳與滔戰東鹿大奔遂圍深州明年正月率

兵萬餘使王武俊爭東鹿田悅遣孟祐來助武俊以精

兵先陷陣師卻浴績帛為狡狴使壯士百人蒙以諛趨

惟岳軍馬駭軍亂因大敗於是深州日急悅亦嬰城矣

惟岳懼召真議遣使詣馬燧令其弟惟簡見帝斬大將

謝罪以兵屬鄭詵身朝京師孟祐知其謀走告悅悅使

扈友來讓曰敝邑本為君索節豈為叛逆耶雖見破可

拒守為後圖今君信邵真讒聞欲歸罪悅以自崩蕩何

負而然不則遣祐還軍無遣王師禽若能誅真以徇請

事公如初惟岳懦不能決畢華見曰大夫與魏盟未久

魏雖被圍彼多蓄積未可下齊兵勁地廣裾帶山河所

謂東秦險固之國與相維持足以抗天下夫背義不祥

輕慮生禍且孟祐驍將王武俊善戰前日逐滔滔僅免

今合兩將破滔必矣惟岳見深圍未解畏祐還乃斬真

以謝悅明日復戰又大敗而康日知舉趙州聽命惟岳

益困乃付牙將衛常靈兵五千俾王武俊騎八百攻日

知武俊素為惟岳岳師行謂常靈曰大夫信讒吾朝不

圖是行勝與否吾不復入恒矣將以身託定州張公

常靈與副李獻誠曰詔斬大夫首以其官界之觀大夫

勢終必敗若倒戈還府事實易圖有不如捷張公可歸

也武俊然之惟岳使要籍官謝遵至武俊壁議事武俊

與謀使內應至期啟城門武俊入殺人廷中無兀者乃

傳令曰大夫叛命今取之拒者族士不敢動武俊使牽

武俊表其忠贈戶部尚書其息呂擢冀州長史常靈後

在武俊時用事謀亂誅惟岳異母兄惟誠尚儒術謙裕

寶臣愛之使決軍事以惟岳正嫡固讓其妹妻李納故

寶臣請惟誠復故姓而仕諸鄂為納營田副使四為州

刺史初惟岳誅武俊械惟簡及其母鄭送京師按新書

時惟簡奉母奔京師考上文惟岳叛後兵敗而惟岳叛

馬遂送惟簡不應叛時惟簡已自歸且下云兄死人手

爾入朝更為明曉新書改帝拘於客省及出奉天惟簡將

自相矛盾今據舊書改帝拘於客省及出奉天惟簡將

赴難謀于鄭鄭曰爾父立功河朔位宰相身未嘗至京

師兄死人手爾入朝未識天子不能效忠吾不子汝督

其行日而能死王事吾不朽矣乃斬關出道更七戰得

及行在拜太子諭德有功圍城中帝徙山南以三十騎

從夜失道馳至蓋屋西間中人語問天子所在密語曰

帝在此帝流涕執其手曰爾有母乃能從朕耶對曰臣

誓以死比明北方塵起帝懼惟簡登高曰渾瑊以騎來

瑊至遂決趨興元惟簡前導及帝還封武安郡王號元

從功臣圖形凌煙閣賜鐵券憲宗時為左金吾衛大將

軍長史萬國俊奪興平民田吏不敢治至是訴於惟簡

即日廢國俊以地與民出為鳳翔節度使市耕牛佃具

給農歲增墾數十萬畝卒年五十五贈尚書右僕射子

元本輕薄無行長慶未與薛渾私侍襄陽公主事敗主

幽禁中元本以功臣子貸死流嶺南弟銖好學多識有

儒者風

王武俊字元英本出契丹怒皆部父路俱開元中與饒

平餘賊武俊謀也奏兼御史中丞封維川郡王子士真

亦沈悍有斷寶臣倚愛以女妻之寶臣以疑殺許崇俊

等士真密結左右故武俊免於難惟岳拒命或言武俊

有他志武俊知之出入導從纒一二未嘗接賓客惟岳

雖內疑然見其屈損又惜善圖未忍殺康日知以趙州

降惟岳謀伐之皆曰武俊故心膂先君命佐大夫士真

又女弟塔今事急宜去猜嫌任之乃遣與衛常靈將兵

往因謀執惟岳而日知亦遣人邀說以禍福武俊乃還

兵使人謂惟岳曰大夫與齊魏同惡今魏已敗齊為趙

州所限幽州兵近在定三軍且救死詔召大夫宜亟歸

惟岳惶遽出遂盜即遣其屬孟華奉天子華辯對稱旨

德宗擢為兵部郎中授武俊檢校秘書監兼御史大夫

恒冀觀察使是時惟岳將楊政義以定降楊榮國以深

降朱滔受而戍之帝以定賜張孝忠而日知為深趙觀

察使武俊怨不得節度使而失趙定滔亦怨失深二人

相結武俊即縛使者送滔與之叛詔華諭解不聽時馬

燧李抱真李光弼李晟討田悅悅方困武俊滔救之屯連

籠山帝詔李懷光督神策兵助討賊軍就舍氣銳甚縱

兵入滔壁殺千餘人悅軍既屢北不能陣懷光緩轡觀

之武俊乘其怠使趙萬敵等以二千騎橫突而滔軍踵

馳王師亂相蹈藉死河為不流懷光還走壁武俊夜決

河注王莽渠斷燧餉路燧計窮而與滔素姻乃遣使讓

謝滔曰老夫不自量與諸君遇王大夫善戰天下無前

吾固宜敗幸公圖之使老夫得還河東諸將亦罷兵吾

為言天子以河北地付公滔亦險忌武俊勝且不制即

目見天子彼行不五十里必反拒我涪固許之熾至魏縣堅壁自固師復振涪慙謝謙隙始構武俊使張鍾葵攻趙州日知斬其首以聞於是武俊與田悅等擅相王武俊國號趙以恒為真定府命士真留守兼元帥以畢華鄭儒為左右內史王士良司刑王佑司文士清司武並為尚書士則司文侍郎宋端給事中王洽內史舍人張士清執憲大夫衛常寧內史監皇甫祝尚書左僕射建中四年抱真使客賈林詐降武俊既見曰吾來傳詔非降也武俊色動林曰天子知大夫登壇建國撫膺願左右曰我本忠義天子不省故至是今諸軍數表大夫至誠帝見表動色曰朕前誤無及矣朋友失意尚可謝朕四海主毫芒過失反不得自新耶大夫親斷逆首而宰相聞於事宜國家與大夫烏有細故哉朱滔以利相動公何取焉誠能與昭義同心曠然改圖上不失君臣之義下以為子孫計武俊曰僕庸人尚知撫百姓天子固不務殺人以安天下山東連兵戰骨暴野勝誰與居今不憚歸國業與諸軍盟虜性樸彊不欲曲在我天子若能以恩蠱刷之我首倡歸命不從者奉辭伐之河北不五十日可定會帝出奉天抱真將還澤潞悅說武俊滔踵襲之林曰夫退軍前輜重後銳師人心固豈不可圖也使戰勝得地利歸於魏不幸喪師趙受其災滄趙乃故地胡不取之武俊遂引而北林復激之曰燕魏心險王室強則須公援弱則已欲并吞滔自為盟主以來輕蔑同列且河北惟有趙魏燕耳滔乃稱冀心圖公冀州矣使滔制山東大夫能臣滔乎武俊投袂曰二百

國子祭酒董晉與中人宣慰拜檢校工部尚書恒冀深趙節度使又加檢校司空同中書門下平章事兼幽州盧龍節度使瑯琊郡王是時滔悉幽薊兵與回紇圍貝州將絕白馬津南趨洛李懷光據河中李希烈陷汴南略江淮李納方叛李晟軍滑上羽書所制者天下纔十二三人心怖恐及田緒殺悅林復說武俊曰滔素欲得魏博悅死魏人氣熾公不救魏且下滔益甲數萬張孝忠將北面事滔三道連衡濟以回紇長驅而南昭義軍必保山西則河朔舉入滔矣今魏尚完孝忠未附公與昭義合兵破之聲振關中京邑可坐復天子反正不朽之業誰與公參武俊大喜與抱真相聞自將屯南宮抱真屯徑城兩軍相距十里武俊潛會抱真于軍陳說恍惚抱真亦傾意結納約為兄弟遂俱東壁貝州距城三十里滔欲迎戰武俊戒士飽食曰軍未合毋妄動遣趙琳趙萬敵兵五萬蔽林以待滔使栗將馬實盧南史陣而西李少成引回紇翼之日中兵按武俊與子士清引精騎望少成軍抱真次之滔馳騎二百出武俊東南乘高鼓譟武俊使步兵決戰而自以騎當回紇勒兵避其銳回紇馬怒突而過武俊急擊琳等兵亦出回紇驚中斷遂先奔初滔兵蹙武俊軍不能傷回紇既卻即欲引還冀不能止軍大奔滔走還壁武俊中流矢謂抱真曰士少衰蓋以騎濟師巢可覆也抱真使來希皓率勁騎薄滔營盧元真乘其後滔懼引去希皓追之武俊邀子隘滔大敗免者八千人會夜各按屯武俊營滔東北抱真營西北滔知不支夜半焚車糧遁歸火如晝師大譟其聲殷地抱真以山東蝗食少歸于潞武俊亦還會有詔復滔官爵武俊上還幽州盧龍節度又詔以恒州

為大都督府即授武俊長史賜德棣二州以士真為觀察使清河郡王天子至白梁遇武俊益厚子弟雖襁褓悉官之俄進檢校太尉兼中書令得建廟京師武俊善射嘗獵一日射雉兔九十五貞元十七年死年六十七羣臣奉慰如渾瑊故事贈太師有司謹威烈帝更為忠烈子士真士清士平士則士真襲士真其長子也少佐父立功更患難既得節度息兵善守雖擅置吏私賦入而歲貢數十萬縉比燕魏為恭元和初即拜同中書門下平章事四年死贈司徒諡曰景襄軍中推其子承宗為留後始河北三鎮以嫡長自置副大使故承宗以御史大夫為之及總留事憲宗久不報承宗數上疏自言帝聞劉濟田季安俱病議更建使翰林學士李絳曰鎮州世繼惟拒命則討之燕魏淄青勢同必合方江淮水潦財力困宜即詔承宗嗣季安等雖病徐圖所宜帝然之欲析鎮分建節度令承宗歲輸賦如李師道絳曰德棣久隸成德一旦割之承宗得以為辭假令奉詔諸道以割地同怨萬一旅拒倍難處置不如令使者自以其意諭之無令知出陛下按新書敘次絳語事理未斷今依通鑑載帝乃詔京兆尹裴武慰撫承宗奉詔恭甚請上德棣二州遂以檢校工部尚書嗣領節度而以德州刺史薛昌朝為保信軍節度使統德棣昌朝嵩子也與承宗故姻帝因欲離之詔未至承宗馳騎劫囚之詔更用棣州刺史田湏為二州團練守捉使令歸昌朝承宗拒命帝怒削官爵遣中人吐突承璀將左右神策率河中河陽浙西宣歙兵討之趙萬敵者故武俊健將士真時入朝上言討之必捷令與承璀偕詔武俊忠節茂著其以實封賜子士則毋毀墳墓承璀至軍無威略

師不振神策大將鄴定進戰沒氣益折及吳少誠死李絳秦蔡無四鄰援攻討勢易不如赦承宗專事淮西帝不聽昭義節度使盧從史恃承宗外自固內實與之太常卿權德輿諫曰神策軍市井屠販不更戰陳恐憚勞遠潰為盜賊恒冀騎壯兵多攻之心必引時月西戎乘間則禁衛不可頓虛京師心腹宜深念方夏盛暑水潦疾疫且降誠慮有潰撓之變山東諸侯皆以息自副誰肯為陛下盡力者盧從史倚寇為援詎承理遜寵利宜召行營善將令倍驛馳度至半道授以澤潞而從從史他鎮破其姦然後赦承宗眾情必服帝未許五年河東軍拔其一屯張茂昭破之木刀溝帝患從史詐卒以計縛送京師劉濟又拔安平承宗懼上書謝罪且言往年納地迫三軍不得專而為盧從史實以求利願請吏入賦得自新時師久餉不屬帝憂之而淄青盧龍數表請赦乃詔浣雪盡以故地畀之罷諸道兵昌朝歸京師授右武衛將軍承宗自謂計得豁然無顧憚七年軍庫火器鎧殆盡殺守吏百餘人不自安及吳元濟反承宗與李師道上書請有教其將尹少卿為蔡遊說見宰相語不遜武元衡怒叱遣之承宗怨甚與師道謀遣惡少年數十曹伏河陰乘昏射吏吏奔潰因火漕院人趨火鬪死者十餘輩縣大發民捕盜亡去不獲凡敗錢三十萬緡粟數萬斛未幾張晏等賊宰相元衡京師大索天子為盱食承宗嘗疏元衡過咎留中至是帝出示羣臣議聲罪伐之詔絕承宗朝貢竄其弟承系承迪承榮於遠方以博野樂壽故范陽地歸劉總而所遣盜慮處竊發斷建陵門戟燔獻陵寢宮伏甲欲反洛陽不克承宗數出兵掠鄰郡田宏正上言承宗宜詠帝使率師歷境承宗

揣詔旨兵不即進即肆剽滄景易定間人苦之十一年詔削爵以實封賜士平使奉武俊後令河東義武盧龍橫海魏博昭義六節度兵數十萬進討環地數千里以分其勢然營屯離置主約不得一士觀望獨昭義郗士美薄賊境賊不敢犯始承宗不能叶諸父皆奔京師士則為神策大將軍聞其叛請占族京兆裴度請用為邢州刺史使昭義以傾趙人有王怡者武俊從子為承宗守南宮士則招之歸命謀世遇害子元伯奔還擢監察御史詔贈怡尚書左僕射明年元濟平承宗大恐使牙將石汎奉二子至魏博因田宏正求入侍且請歸德棣二州宏正遣知感信詣闕下請命前此帝使尚書右丞崔從賜詔許自新承宗素服待罪及是詔復官爵以華州刺史鄭權為橫海節度使統德棣滄景等州復承宗實封戶三百以所部餽賜帛萬匹李師道平奉法益謹表所領州錄事參軍判司縣主簿令皆勾上官十五年死贈侍中軍中推其弟承元為留後承元不敢世子鎮詔用為義成軍節度使事見本傳

王廷湊本回紇阿布思族隸安東都護府曾祖五哥之為王武俊養子故冒姓王世為裨將廷湊事王承宗為兵馬使田宏正至鎮州詔以度支緡錢百萬勞軍不時致廷湊暴其稽以觀眾心眾果怨由是害宏正自稱留後脅監軍表請節又取冀州殺刺史王進岌穆宗怒以宏正子布為魏博節度使率軍進討仍救橫海昭義河東義武軍并力大將王位等謀執廷湊不克死者二千餘人會朱克融囚張宏靖以幽州亂乃合從拒王師詔議攻討先後劔南東川節度使王涯以為范陽亂非宿謀可先事鎮州又有魏博之怨濟以晉陽滄德倚角而

進瀛莫易定實賊咽喉宜屯重兵詔義武節度使陳楚閉境督諸軍三道攻而滄德烏重尤最宿將當一面裴度以河東節度使兼幽鎮招撫使屯承天軍重允知時不可按兵未肯前帝意銳甚更以深冀行營節度使杜叔良代之叔良素結中人入見帝大言曰賊不足破會度逐廷湊兵於會屋又入元叔良率諸道兵救深州戰博野大奔失所持節以身免貶歸州刺史叔良者將家子本以附會至靈武節度使坐不職罷復帥滄景廷湊知其怯故先犯之師由是敗當是時諸道兵仰度支者十五萬府帑不給置南北供軍院既薄賊鄙糧道樵樵不繼兵番休取芻蒸廷湊乘間奪轉運車六百乘食愈困至所須衣帛未半道諸軍彊取之其懸師深入者不得衣食又監軍悉取精驃士自隨疲瑣者備行陣戰輒潰二賊眾不過萬餘王師統制不一訖無功深州圍益急明年魏牙將史憲誠叛田布眾潰于南宮帝不得已乃赦廷湊檢校右散騎常侍成德軍節度使會牛元翼出奔廷湊遂取深州詔兵部侍郎韓愈慰其軍廷湊既原則稍挺與克融憲誠深相結滄州李全略死子同捷求襲文宗不許更授充海節度使同捷逆命厚結廷湊帝虞其變故授檢校司空及幽魏徐兗兵討同捷廷湊撓魏北鄙以牽制之而饋滄景饑糧囚鄰道使者不遣帝怒詔絕其輸貢於是易定柳公濟戰新樂斬首三千級昭義劉從諫臨城敗之引漳注深冀詔削廷湊官爵諸道以兵進討斬廷湊者賜錢二萬緡優予官以州鎮降者有差公濟再戰行唐皆克廷湊射蠟書求救於幽州行營李載義獲之又納魏叛將兀志召會同捷平廷湊稍畏表上景州而弓高樂陵長河三縣固守

復上書謝帝方厭兵赦之悉復官爵還所上州久之進
兼太子太傅太原郡公太和八年死贈太尉軍中以元
達請命帝聽襲節度

元達其次子也識禮法歲時貢獻如職帝悅詔尚絳王
悟女壽安公主劉稹叛武宗詔元達為北面招討使即
日師引道拔宣務壁破援軍堯山攻邢州降之累遷檢
校司徒同中書門下平章事稹平加兼太子太師封太
原郡公食實封戶二百進至兼太傅大中八年死年四
十三贈太師諡曰忠子紹鼎襲字嗣先累擢檢校尚書
左僕射淫暴厚斂升樓彈射路人以為樂眾忿欲逐之
會病死贈司空子幼宣宗以元達次子紹懿為留後俄
為節度使累封太原縣伯加檢校司空咸通七年死贈
司徒初紹懿病篤召紹鼎子景崇曰先君以政屬我須
爾長授之今疾甚爾雖少勉總軍務禮藩鄰奉朝廷則
家業不墮矣監軍上狀懿宗悅擢景崇為留後尋進節
度使景崇字孟安以公主嬖孫尤被寵麗勛反景崇遣
兵會王師平賊進檢校尚書右僕射主薨諡曰章惠居
喪如禮母張卒號慕羸榷當時稱之以政委賓佐檢戒
親屬不得與嘗欲引母昆弟為牙將其佐張位曰軍中
用人以勞能若私其人厚畀田宅祿食可也何必官景
崇謝進同中書門下平章事檢校太尉兼中書令封趙
國公乾符五年進王常山黃巢偽詔至景崇斬以徇因
發兵馳檄諸道合定州王處存連師西入關問行在貢
輸相踵每語及宗廟園陵輒流涕蔚州刺史蘇祐為沙
陀所攻乞師于幽州屯美女谷兵不利祐將出奔會詔
徙濮州刺史擁兵之官道子鎮景崇館之靈壽肆其下
剽奪景崇殺之累遷至檢校太傅中和三年死年三十

七贈太傅諡曰忠穆子鎔事具五代史按新書有鎔傳
鎮事甚繁夥且終于梁始廷湊徵時鄴有道士為卜得
代應入五代傳此從剛始廷湊徵時鄴有道士為卜得
乾之坤曰君將有土及得鎮迎事甚謹復問壽幾何子
孫幾何答曰公三十年後當有二王已而廷湊立十三
年死蓋度文也景崇鎔皆王廷湊嘗使至河陽醉寢于
路有過者曰非常人也從者以告廷湊馳問其故曰吾
見君鼻息左若龍右若虎子孫當王百年家有大樹覆
及堂公興矣及害宏正而樹適庇寢自廷湊及鎔凡百
年

欽定續通志卷二百七十七

列傳

唐七十八

藩鎮盧龍

李懷仙 朱滔

朱克融

張允伸

劉仁恭

朱載義 楊志誠 張仲武 直方

李全忠

李懷仙柳城人世事契丹降將按新唐書無降將二字營州為唐屬州以處唐始末不明今據舊書增

史思明盜河南留次子朝清守幽州以阿史那玉高如

震輔之朝義弒立移檄誅朝清二將亂朝義以懷仙為

幽州節度使督兵馳入如震不及計乃出迎懷仙外示

寬居三日大會斬如震州部悉平朝義敗將趨范陽中

人駱奉先間遣鏞說懷仙遂降使其將李抱忠以兵三

千成范陽朝義至抱忠不內乃縊斬其首囚奉先以獻

僕固懷恩即表懷仙為盧龍軍節度使遷檢校兵部尚

書王武威郡屬懷恩反邊羌擊戰不解朝廷方勤西師

故懷仙與田承嗣薛高張忠志等得招散亡治城邑甲

兵自署文武將吏私貢賦天子不能制大曆三年麾下

朱希彩朱泚弟滔謀殺懷仙斬關者以入希彩不至

遂明泚懼欲亡滔曰謀不成有死逃將焉往俄希彩至

共斬懷仙族其家希彩自稱留後張忠志以兵討其亂

不克代宗因赦罪詔宰相王縉為節度使以希彩副之

希彩聞縉至蒐卒伍大陳戎備以逆縉建旌祭餘驅希

彩迎謁恭甚縉度不可制勞軍閱旬乃還希彩即領節

度五年封高密郡王驚恣不軌七年其下李瑗

殺之其推朱泚為留後泚自有傳

朱滔性變詐希彩以同宗倚之使主帳下親兵泚領節

度遣滔將兵三千西乘塞安史後山東雖外臣順實傲

肆不廷至泚首欲款帝嘉之召見殿中問曰卿材孰與

泚多滔曰統御士眾方略明辨臣不及泚臣年二十八

獲謁天子泚長臣五年未識朝廷泚不及臣帝愈喜特

詔勒兵貫王城出屯涇州置酒開遠門餞之成還乃謀

奪泚兵說曰天下諸侯未有朝者先至可奪天子意

子孫安矣泚信之因入朝稍不相平泚遂乞留西討吐

蕃以滔權知留後兼御史大夫滔殺有功者李瑗等二

十餘人李惟岳拒命滔與成德張孝忠再叛之東鹿取

深州進檢校司徒遂領節度賜德棣二州德宗以康日

知為深趙二州團練使詔滔還鎮滔失深州不平又請

恒定七州賦供軍復不許愈怨時馬燧圍田悅悅窮聞

滔與王武俊同叛滔姑子劉怱為涿州刺史以書諫曰

司徒身節制太尉位宰相恩過極矣今昌平有太尉鄉

司徒里不朽業也忠順則無不濟比忘上樂戰不顧成

敗如安史者今復何有司徒圖之無貽悔滔不從激其

眾曰士喋血鬪既下堅城朝廷乃見奪奏賞不報君等

疾趨破馬燧軍以取費糧可乎軍中不應三號之乃曰

幽人死於南者骸擗不辨痛藏心體奈何復欲暴骨中

野乎司徒兄弟受國寵士各蒙官賞願安之不郵其它

滔罷潛殺不共亂者數十人日知發其謀於燧帝以稅

未下即封滔通義郡王實戶三百滔愈悖分兵與武俊

屯趙州魯日知矯詔發其糧即引兵救悅次東鹿軍大

諫曰天子令司徒北還而南救魏靈有詔邪滔懼走匿

傳舍裨將蔡雄好論士曰始天子約取成德所得州縣

賜有功者拔深州者燕也本鎮常苦無絲繆得深州

以佐調率今願不得又天子以帛賜有功士為馬燧掠

去今引而南非自為也軍中悔謝復曰雖然南行違詔

莫如還滔回次深州誅二百人按新書原文詠首變者

不得被以眾懼乃率兵南壁靈晉與武俊合帝命馬燧

惡名今刪李懷光擊之滔屬鄭雲達田景仙皆奔燧已而滔破懷

光軍悅德滔援欲尊而臣之滔讓武俊曰箇山之勝王

大夫力也於是滔武俊官屬共議古有列國連衡共抗

秦今公等在此李大夫在鄆請如七國並建號用天子

正朔且師在外無名豈長為叛臣宜擇日定約順人心

不如盟者共伐之滔以祿山思明皆起燕寇其名以冀

堯所都因號冀武俊號趙悅號魏納號齊建中三年冬

十月庚申為壇魏西祀天各僭為王皆三讓就位滔為

盟主稱孤武俊悅及納稱寡人之應此乃亂賊造作附

會以相矜燧無居室皆曰殿妻曰妃子為國公下皆稱

足稱道今刪臣謂殿下上書曰陛下曰令置左右內史視丞相內

史令監視侍中中書令東西侍郎視門下中書東曹給

事西曹舍人視給事中中書舍人司議大夫視諫議大

夫六官省視尚書東西曹僕射視左右僕射御史臺曰

執憲置大夫至監察御史驅使要藉官曰承令左右將

軍曰虎牙豹略軍使曰鷹揚龍驤滔改幽州為范陽府

以子為留後稱元帥劉怱為留守柳良器李子千左右

內史滔兄瓊瑰陸慶東西曹僕射楊霽馬實寇瞻楊榮

國司文司武司禮司刑侍郎李士真樊播執憲大夫中

丞聘處士張遂王道為司諫燧遣李晟將兵至易定率

張茂昭攻涿莫以絕滔援明年圍清苑滔將鄭景濟固

守滔使馬實將兵萬人與武俊拒燧自以兵萬餘救清

苑絕晨糧道至定州晟不知夜引兵還涪疑有伏不敢
 逼遠保瀛州而孝忠晟合兵千人城萊水涪驍將烏薩
 戒襲殺城卒數百晟不出景濟望涪軍立幟為應涪進
 軍薄晨營晟戰不利城中兵亦出晟大敗奔易州茂昭
 走滿城涪已破晟回屯河間不進武俊使宋端趣讓涪
 怒曰孤亟戰且病就醫藥而王已復云云孤南救魏棄
 兄背君如脫履王必相疑亦聽所為端還武俊謂實曰
 寡人望王速來指蹤決勝負復何惡王異日并天下寡
 人得六七城為節度足矣實還具道所以然武俊亦遣
 謝涪涪悅亦報謝然武俊內銜之與田悅潛謀絕涪及
 泚反燧等皆班師武俊實亦還悅武俊遣使至河間賀
 泚即位武俊詭請實共攻康日知於趙州謀覆其軍不
 克實歸武俊厚贈遣泚遣人密召涪使趨洛陽涪發書
 西向再拜移檄諸道曰今發突騎四十萬走洛陽與皇
 帝會上陽宮使王郢說悅連和俱西涪素彊調斂武俊
 等不能堪又令各以兵五千從攻洛欲借稱帝乘輿法
 從及赦令皆具初回紇以女妻奚王大麻末奚亂殺王
 女逃歸道平盧涪以錦繡張道待其至請為婚女悅許
 焉遣修婿禮於回紇回紇喜報以名馬重寶及借相王
 與武俊悅納納四金鑰於回紇曰四國願聽命可汗謹
 上金鑰啟閉出納唯命至是乞師焉回紇以二千騎從
 而武俊亦先乞師斷懷光餉路未至而王師還回紇過
 幽州涪使昭其酋達干曰若能同度河而南玉帛子女
 不貨計可得也達干許諾約曰五十里舍以須悅軍涪
 兵五萬軍千乘騎二萬士私屬萬餘虜兵三千馬橐它
 倍之過武俊境武俊盛勞之然悅已用武俊謀不肯出
 儲峙于野以待涪至貝州悅刺史邢曹俊上謁即歸閉

城守涪疑之次永濟武俊陰遣客反間涪曰悅有憾須
 公南以兵斷公歸路宜少備涪怒入永濟執悅吏掠訊
 不得殺之使回紇大掠南及澶衛繫執老幼無遺者悅
 大恐闔城自保涪遣將楊布略定館陶屯平恩置官吏
 涪整軍北還使馬質屯冠氏聞悅死遂攻魏州圍貝州
 於是武俊李抱真合擊涪涪急召實至貝州步馬之頓
 明日輒約戰實請休休三日蔡雄達千等畏武俊堅壁
 難圖請戰楊布曰大王將取東都逢小敵即怯何以長
 驅天下衛士尹少伯亦言必勝既戰為二軍所乘大敗
 大將朱良祐李進皆被執涪奔入德州殺少伯雄布俄
 而京師平涪已敗不能軍走還幽州上書待罪詔武俊
 抱真開示大信若誠心審固者當與更始初涪以劉忬
 忠力使留守及敗疑圖已徬徨不敢入忬聞其至蒐兵
 繕鎗夾道陳二十里迎勸望涪哭涪遂入府氣沮索日
 邑邑被病政事悉委忬貞元元年死年四十二贈司徒
 劉忬幽州昌平人少為范陽裨將以親老疾輒去職李
 懷仙檄召不應朱涪時積功至雄武軍使墾田節用以
 辨治稱稍遷涿州刺史涪討田承嗣表知府事和裕得
 眾心李寶臣以兵劫涪于瓦橋涪走寶臣乘勝欲襲幽
 州忬設方略勒兵完守寶臣不敢謀擢御史中丞涪敗
 歸終不貳益治兵人嘉忬忠於所奉及涪死軍中盡推
 忬乃總軍事俄詔為節度副大使彭城郡公居鎮纔三
 月死年五十九贈兵部尚書諡曰恭

合諸將曰天子知我怨趙必命我伐之趙且大備我奈
 何裨將譚忠欲激濟伐承宗疾言曰天子不使我伐趙
 趙亦不備燕濟怒繫之使視趙果不設備數日詔書許
 濟無出師濟釋忠謝而問之忠曰昭義盧從史外親燕
 內實忌之外絕趙內實與之此為趙畫曰燕倚趙自固
 雖甚怒必不殘趙故不足虞也趙既不備燕從史則告
 天子曰燕趙宿怨也今趙見伐而不備燕是燕反與趙
 此以知天子不使君伐趙趙亦不備燕濟曰計安出曰
 今天子誅承宗而燕無一卒濟易水者正使潞人賈恩
 於趙賈忠於是君貯忠誼心而榮私趙之名卒不見
 德於趙惡聲徒嘈嘈於天下濟然之以兵七萬先諸軍
 斬首數千級又拔僂陽屯瀛州進攻安平久不拔濟命
 次子總以兵八千先登日中拔其城會赦承宗進中書
 令濟之出留長子親假副使總為行營都知兵馬使濟
 病甚總與左右張玘成國寶及帳內親近謀使人詐從
 京師來曰朝廷以公前屯瀛州逗遛詔副大使代節度
 明日復使人曰詔節至太原矣又使人走呼曰過代矣
 舉軍驚濟憤怒不知所為詔主兵大將數十人及素與
 親善者亟追親以玘兄臯代留事濟自朝至中辰不食
 渴索醢漿總使吏唐宏實實毒濟飲而死年五十四親
 至涿州總矯濟命殺之乃發喪贈太師諡曰莊武

總性陰賊尤險譎已毒父即領軍攻朝廷不知其姦詔
 嗣節度封楚國公累進檢校司空承宗再拒命總遣兵
 取武彊按軍兩端以私饋奢憲宗知之外示崇寵進同
 中書門下平章事及吳元濟李師道平承宗憂死田宏
 正入鎮州總大恐謀自安又數見父兄為崇乃衣食浮
 屠數百人晝夜祈禳總祠塲則慰安或居臥內輒驚不

能察晚年益慘憐諱忠復說總曰天地之數合必離離必合河北與天下離六十年數窮必合往朱泚希烈自立趙冀齊魏稱王郡國弄兵可謂危矣然卒無事元和以來劉闢李錡田季安盧從史齊秦之彊或首于都市或身為逐客皆君目見今兵駭駭北來趙人已獻德棣十二城助魏破齊唯燕無一日勞後世得無事乎為君憂之總泣且謝因上疏納土請為浮屠割所治為三以幽瑒營為一府請張宏靖治之瀛莫為一府盧士攻治之平薊瑒為一府薛平治之按其類糾謬云穆宗紀有司教幽薊瀛順瀛莫營平八州崔植傳劉總以幽薊七州獻諸朝溫造傳總籍所部九州入朝而總傳上疏欲割所治幽薊為一府瀛莫為一府平薊瑒為一府在溫造及總傳則九州以州名參考之則九州外駭至此考唐書地理志范陽節度統九軍幽薊瑒順定易莫營平盧節度統二軍營平此定制也後范陽節度兼領平盧而恒定易入于成德軍冀州來歸平盧軍又朱希彩斬幽州之范陽異義因安置孫州然則總傳九州正合至紀所列范陽異義者有順州孫州然則總傳九州順州紀誤崔植傳亦誤盡籍宿將薦諸朝會穆宗沖逸宰相崔植杜元穎無遠謀欲重宏靖故全付總地唯分瀛莫置觀察使拜總檢校司徒兼侍中天平節度使又賜浮屠服號大覺榜其第為佛祠遣使者以節印偕來時總已自髡祝讓節印以浮屠行始總請代獻馬萬五千匹羣臣或疑其詐帝獨納之使給事中薛存慶宣慰及所部復一歲縉錢百萬勞軍高年惇獨不能自存者官吏就問賜粟帛總遂與忠俱行軍中世懷其惠擁留不得進總殺首謀者十人以節付張臯按通鑑考異引張紀奏總刺髮為僧不知所在臯乃死然則不依節付臯也然總以夜去臯或不知今仍之夜間道去遲明軍中乃知及定州死按藩鎮傳諸人皆書死獨總身今改書死詔贈太尉子璉及弟約至長安者十人皆擢州刺史忠護總喪至亦卒

宋克融治孫以偏科事劉總總將入朝慮後有變籍其軍材勇黠暴者悉薦之朝冀厚與爵位使北方歛盜無甘亂心克融在遣時執政非其人既見總納地謂天下曠然無復事克融等留京師久之不得調數詣宰相求自試皆不聽饑寒無所貸旬內怨忿會張宏靖赴鎮因悉遣還俄幽州亂囚宏靖克融父洄號智諳疾廢臥家眾往請為帥洄辭因推克融領軍務詔以劉悟為節度使馳往俄而瀛冀皆附克融悟不得入克融縱兵掠易州敗兩縣寇蔚州易州刺史柳公濟戰白石嶺斬三千級轉寇定州節度使陳楚破其兵二萬會鎮州殺田宏正議者謂二賊均逆而克融不敢害宏靖宜誅趙赦燕朝廷度幽薊未可復取乃拜克融檢校左散騎常侍幽州盧龍節度使長慶元年也明年陷弓高攻下博與王廷湊共圍深州表度以檄譙諭克融乃還進檢校工部尚書表獻馬萬匹羊十萬請直賞軍敬宗初遷檢校司空賜邊屯時服克融以帛疏惡囚詔使楊文端又言聞東幸雒願率匠五千助營宮室且請帛三十萬備軍費帝用裴度謀屈之語在度傳按此事在裴度傳甚詳從史家互見例進爵吳興郡王是年軍亂殺克融及其子延齡詔隨司徒次子延嗣領留後為大將李載義殺而代之并族其家李載義自稱恒山愍王之後劉濟引補帳下從征伐積功為牙中兵馬使朱克融死子延嗣叛命載義因眾不忍殺之暴其罪於朝敬宗即授檢校戶部尚書盧龍軍節度使封武威郡王初張宏靖之囚幕府多見害妻子留不遣及是載義悉護送京師俄而李同捷據滄景邀襲封載義請討賊自效文宗嘉之進檢校尚書右僕射斬數級有功賊平詔同中書門下平章事賜白玉帶示

殊禮太和四年為兵馬使楊志誠所逐奔易州即上言願將妻子身入見帝令使者抵太原慰賜賜賜器又以其嘗有功且意恭順乃冊拜太保仍平章事俄為山南西道節度使徙河東始回鶻使者歲入朝所過暴慢吏不敢呵禁益督悍至鞭候人剽突市區大酋李暢曉華語尤凶黠橫須索扶掖郵人載義召暢語曰可汗以舅甥故使將軍朝貢誼不容將軍暴也天子厚饗饋禮客有不謹吏皆論死若將軍所部不戢鼓擾自如我必殺犯者將軍其少戒因悉罷防兵以兩卒護闔暢憚之訖無犯者進兼侍中中下請立碑紀功詔李程為之辭未有字帝詔曰周書凡厥正人既富方毅卿宜當之以方毅為字開成三年卒年五十贈太尉初載義母葬范陽為楊志誠掘發後志誠被逐道太原載義奏請剔其心償毋怨不許又欲殺之官屬苦救乃免然盡戕其妻息士卒帝屈法弗効也楊志誠事載義為牙將載義宴天子使者鞠場志誠與其黨譟而起載義走因自為都知兵馬使文宗更以嘉王領節度用志誠為留後俄檢校工部尚書擢節度副大使踰年進檢校吏部詔下邸吏白宰相曰軍中不識朝儀惟知尚書改僕射為進秩今一府盛服待天子命如復為尚書則舉軍慙使者勢不得出既志誠果怨望軍有謾言囚中人魏寶義及它使焦奉鸞尹士恭遣部將王文穎入謝讓還所命復賜之文穎不肯受輒去帝忍不責乃進檢校尚書右僕射八年為下所逐推部將史元忠總留後志誠在鎮密製天子袞冕被服擬乘輿元忠表於朝詔御史按治斥嶺南至商州誅之而以通王領節度授元忠留後明年檢校工部尚書為副大使

會昌初為偏將陳行泰所殺行泰邀節制未報次將張絳殺行泰起求帥軍武宗自用張仲武代之

張仲武范陽人通左氏春秋會昌初為雄武軍使行泰殺元忠請節李德裕言河朔請帥報太速故軍得安若少須下且有變帝許之未報果為絳所殺復誘其軍以請亦置未報時回鶻為黠戛斯所破烏介可汗託天德塞上仲武遣屬兵仲舒入朝請以本軍擊回鶻德裕因問北方事仲舒曰行泰絳皆遊客人心不附仲武舊將張光朝子年五十餘通書習戎事性忠義願歸款朝廷

舊矣德裕曰即以爲帥軍無復亂乎答曰仲武得士心命之必有逐絳者德裕入白帝曰行泰等邀節不可許仲武求自效用之有名軍且無辭乃擢兵馬留後而詔撫王領節度詔下絳果爲軍中所逐即拜仲武副大使檢校工部尚書蘭陵郡公會回鶻特勒那誦噶擁赤心部七千帳逼漁陽仲武使其弟仲至別將游奉寰等率銳兵三萬破之進檢校兵部尚書始回鶻常有酋長監突契丹督威貢因謂中國仲武使裨將石公緒等厚結二部執謀者八百餘人殺之回鶻欲入五原掠保塞雜虜乃先以宣門將軍四十七人詭結歡仲武賂其下知所謀因逗遛不遣使失師期回鶻人馬多病死由是不敢犯五原塞烏介失勢往依康居盡徙餘種寄黑車子部回鶻遂衰名王貴種相繼降捕幾千人仲武請立石紀聖功詔德裕爲銘揭碑盧龍大初又被奚北部入

山奚擢累檢校司徒同中書門下平章事卒諡曰莊王承元順朝命易名鎮故不從其父兄別爲專傳張仲武有功於唐且無它事視當時諸人爲特出但父子相襲猶隨河北故智故仍入藩鎮傳亦以敘次承授便干貫串也

子直方以右金吾將軍襲留後俄進副大使多不法具

變起乃託出敗奔京師軍中以張允仲總後務直方至宣宗遣使者郊勞授金吾大將軍以其族大給檢校工部尚書俸久之進檢校尚書右僕射坐以小罪笞殺金吾史改右羽林統軍好馳獵往往設置罟於道當宿衛不時入下遷驍衛將軍奴婢細過輒殺積其罪貶思州司戶參軍母驚曰向有尊於我子邪久復授羽林統軍縱部下爲盜復貶康州司馬後居東都弋獵愈甚洛陽飛鳥皆識之見必羣噪乾符中累進左驍衛大將軍鄭畋輔政頗言仲武會昌時功第一今直方百口不自存每內燕以衣蔽惡辭不赴陛下錄功念舊宜少優假詔還檢校右僕射進左金吾衛大將軍黃巢犯京師直方迎灞上既而納亡命謀劫巢報天子公卿多依之賊覺屠其族

張允仲字達昌范陽人世爲軍校直方出奔以都知兵馬使爲眾推留後報可未幾檢校散騎常侍爲節度使累進檢校司徒兼太傅同中書門下平章事封燕國公麗助反上書欲遣弟允臯領兵討賊不許上米五十萬斛鹽二萬斛詔嘉美進兼侍中咸通十二年以疾甚上節印詔許以子簡會爲副大使卒年八十八贈太尉諡曰忠烈允仲性勤儉下所安賴未嘗有邊鄙慮子十四人簡會入朝昆弟多至大將軍刺史郡左者而軍中推張公素爲留後

公素范陽人以列軍事允仲擢累平州刺史允仲卒以兵來會喪軍士素附其威望簡會知不可制即出奔詔公素爲節度使進同中書門下平章事爲李茂勳所襲奔京師貶復州司戶參軍

李茂勳本回鶻阿不思之裔張仲武時來降沈勇善射

仲武器之任以將兵常乘邊積功賜姓名陳貢言者燕健將爲納降軍使軍中素信服茂勳翼殺之因舉兵給稱貢言反公素迎擊不利走茂勳入府眾始悟因推主州務詔即拜節度使俄以病自上詔進尚書右僕射致仕表子可舉代遂領留後進節度使擢累檢校太尉中

和末太原李克用始太與定州王處存結可舉惡其貌山東爲己患乃約吐渾都督赫連鐸鎮州王鎔聯和揚言易定本燕趙屬得其地且參有之即遣軍司馬韓元紹擊沙陀藥兒嶺斬首七千級殺其將朱邪盡忠等又戰雄武軍殺獲萬人鐸又破沙陀於蔚州詔以鐸爲雲州刺史進可舉檢校侍中乃遣票將李全忠率眾六萬圍易州鎔以兵攻無極處存求援太原克用自將赴之鎮人懼退保新城克用急攻之鎔引去追破之九門易久未下盧龍將劉仁恭穴地入得其城士卒有驕色處存以輕兵三千蒙羊皮夜布之野精騎伏它道全忠軍望爲羣羊爭趨之伏騎發大敗之復取易州全忠遁盡失芻糧仗鎔懼得罪乃哀餘眾反攻幽州可舉度不支引其族登樓自燔死

李全忠范陽人仕爲隸州司馬蘆生其室一尺三節以問別駕張建建曰蘆茅類公茅土兆也傳節者其三世乎罷歸事可舉爲牙將可舉死眾推爲留後光啟元年拜節度使未幾卒子匡威嗣領留後進爲使性豪爽恃燕薊勁兵處有雄天下意與赫連鐸兵攻太原爭雲代李克用使金安俊攻鐸匡威救之戰蔚州射殺金俊兵表請討沙陀而末全忠亦上言願協力故張鐸因請用兵鐸敗克用攻雲州以騎將薛阿檀爲前鋒設伏河上鐸追阿檀抵河伏起大敗遂圍雲州壘而守分兵出井

陘屯常山大掠深趙匡威以步騎萬餘援王鎔克用還因急攻鐸會食盡鐸棄州奔匡威克用取雲州鐸本吐谷渾部酋開成中其父率種人三千帳自歸守雲州十五年至是失景福初克用伐鎔鎔來求救匡威遣將赴之克用去明年兵復出并陘匡威自將援鎔將行置酒大會其弟兵馬留後檢校司徒匡籌妻張豔匡威酒酣留張氏報之匡威軍次博野匡籌乃據城自為留後卽授檢校太保節度使匡威麾下多去屏營無所歸留深州遣屬李抱貞上書願入朝時京師數寇難人人危懼傳言金頭王且來皆亡竄山谷抱貞還而鎔已迎館于鎮匡威引抱貞登城西大悲浮屠願望涕美其山川乃其圖鎔鎔為鎔方略繕甲治城塹陰施于傾士心鎮軍忠於王氏皆惡之匡威親忌日鎔過慰士衷甲劫鎔入牙城鎮人拒之鎔得脫鎮人斬匡威以徇匡籌訴諸朝檄暴鎔罪攻樂壽武彊以報始匡籌之奪也燕人不義之劉仁恭出奔太原克用倚其謀下武媿二州敗匡籌於居庸關李存審與戰匡籌又敗挈其族奔京師次景城滄州節度使盧彥威殺之掠車馬僮奴妻方乳不能進仁恭獲之納於克用始匡威見逐歎曰兄失弟得無所悔然其材恐不足以守果亡而幽州地歸克用以仁恭為帥

李克用待之甚厚壽陽鎮將數以策干克用請步騎一萬東取幽州已為導克用攻匡籌匡籌遁去仁恭與符存審入城封府庫以待克用悅留仁恭守之以親信分典其兵乾寧二年表仁恭檢校司空盧龍軍節度使明年克用攻魏州召盧龍兵仁恭以契丹解又明年克用復興其兵救朱瑄使者數十往卒不出克用以書讓之仁恭乃慢罵執其使盡囚太原士之在燕者復誘克用麾下歸之克用怒自將往擊不勝師喪過半仁恭獻誠於朱全忠全忠表同中書門下平章事既與克用絕則益募兵光化初使其子守文襲滄州節度使盧彥威棄城走遂有滄景德三州地用守文為節度留後請命於朝昭宗未卽從會中人至仁恭慢謂曰旌節吾自有要假長安本色耳何見拒邪卒以守文為橫海軍節度使守文得節事新唐書不載從五代史補由是益張悉幽滄步騎十萬聲言三十萬南徇魏鎮屠貝州羅紹威求救於朱全忠全忠使李思安葛從周赴之屯內黃仁恭負彊下令曰思安懦當先破之乃取魏守文與單可及精甲五萬循清水上思安設伏逆戰偽不勝守文躡北至內黃思安整兵還擊伏發斬可及獨守文挺逸眾無還者從周以邢洛兵與魏將賀德倫等夜擊仁恭破八屯仁恭走自魏抵長河數百里尸蔽道鎮人邀敗之東境仁恭遂衰三年葛從周攻滄州仁恭壁乾寧從周潛軍戰老鴉隄仁恭敗退壁瓦橋卑辭歸窮於克用求救克用為侵邢洛俄而全忠取瀛莫克用使周德威出飛狐天祐三年全忠自將攻滄州壁長蘆仁恭悉發男子十五以上為兵涅其面曰定霸都士人則涅於臂曰一心事主得眾二十萬屯瓦橋全忠環滄而溝之援絕人相食仁恭求戰

不許復從克用乞師使百輩往乃許仁恭以兵三萬合攻滄州降全忠將丁會滄圍乃解時中原多故仁恭倚燕疆且遠無所憚意自滿從方士學長年築館大安山掠子女充之以葦土為錢斂眞錢穴山藏之殺匠滅口禁南方茶自損山為茶號山曰大恩以邀利子守光僉嬖妾事覺仁恭譴之李思安來攻屯石子河仁恭居大安山中無備守光引兵出戰思安去因回攻大安虜仁恭因別室遂有盧龍守光事具五代史

欽定續通志卷二百七十八

列傳

唐七十九

潘鎮淄青橫海

李正己師古

李全略同捷

程日華懷信

李正己高麗人為營州副將從侯希逸入青州希逸母聞其姑故薦為折衝都尉寶應中從討史朝義時回紇恃功橫正己欲以氣折之與大酋角逐士皆竊立觀約俊者批之既逐而先正己批其頰矢液流離眾軍粲然酋大慙自是沮希逸以為兵馬使以其得眾心陰忌之因事解其職尋逐希逸詔代為節度使本名懷玉至是賜今名遂有淄青齊海登萊沂密德棣十州與田承嗣薛嵩李寶臣梁崇義相倚嵩死李靈耀反諸道共披其地正己復取曹濮徐兗鄆凡十有五州號最疆大政令嚴酷威震鄰境歷檢校司空加同中書門下平章事以司徒兼太子太保封德陽郡王附屬籍因徙治鄆以子納及腹心將守諸州建中初聞城汴州乃約田悅梁崇義李惟岳偕叛自屯濟陰益師徐州扼江淮天子於是改運道撤天下兵為守備河南騷然會發疽死年四十九興元初納順命詔贈太尉

納少時將兵防秋代宗召見擢殿中丞賜金紫入朝羅兼侍御史正己誓為隸徐沂海留後進御史大夫正己死秘不發以兵會田悅於濮陽馬燧力擊悅納使大將衛俊救之為燧所破略盡收洹水德宗詔諸軍台討其從父洸以徐州歸大將李士真以德州李長卿以棣州送款納肅洸背已集兵攻洸帝命劉元佐督軍進接

大破之納還濮陽進圍之納登陴泣且悔遣判官房說與子弟質京師因元佐謝罪時中人宋鳳朝以納窮欲立功建不可赦帝乃械說等納還鄆與悅李希烈朱滔王武俊連和自稱齊王置百官興元初復歸命授檢校工部尚書復平盧帥節賜鐵券又同中書門下平章事封隴西郡王希烈圍陳州納會諸軍破之城下加檢校司空實封五百戶進檢校司徒死年三十四贈太傅子師古師道

師古以蔭署青州刺史納死軍中請嗣帥詔起為右金吾衛大將軍本軍節度使初棣州有蛤蜊鹽地歲產鹽數十萬斛李長卿以州入朱滔獨蛤蜊為納據後德棣入王武俊納乃築壘德州南跨河以守蛤蜊謂之三汊通魏博以交田緒盜掠德州武俊患之師古始襲武俊易其弱率兵取蛤蜊三汊師古使趙錡拒戰德宗遣使者諭武俊罷兵師古亦墮三汊聽命嘗怒其僚獨孤造使奏事京師遣大將王濟殺之貞元末進同中書門下平章事德宗崩師古幸國喪欲攻掠州縣勒兵出次聞順宗立乃罷累加檢校司徒兼侍中元和初死贈太傅

師道師古異母弟也師古嘗曰是不更民間疾苦要令知衣食所從乃署知密州師古病召高沐李公度等問誰嗣二人未對師古曰豈以人情屬師道邪慮覆吾宗及死沐公度與家奴卒立之請於朝制久不下師道謀寢兵守境沐爭止更上書奉兩稅守鹽法請重朝廷憲宗方誅劉闢未遑東討命建王審頌節度大使以師道知留後加檢校工部尚書為副大使自正己以來雖外奉王命而嚙引亡叛嚴法持下所付遣必質妻子有謀

順者夷其家故能督許上軍傳三世云帝討蔡詔興諸道兵不及鄆師道選卒二千抵壽春陽言助王師實欲援蔡亡命少年為師道計曰河陰者江淮委輸河南帝都請燒河陰放庫募洛壯士劫宮闕即朝廷救腹心疾此解蔡一奇也乃遣客燒河陰漕院錢三十萬糴米數萬斛倉百餘區又有說師道曰上雖志討蔡謀皆出宰相而武元衡得君願為袁盎事後宰相必懼請罷兵蔡圍解矣乃使人殺元衡傷表度初師道置鄆東都多買田伊闕陸渾間以舍山棚遺將皆嘉珍門察部分之嵩山浮屠圖諱為之謀元和十年大饗士邸中既衷甲矣其徒百官留守呂元膺以兵掩邸賊突轉略畿部入山中數月奪山棚所市山棚怒道官軍襲擊盡殺之圖諱者年八十餘嘗為史思明將驍悍絕倫既執力士椎其脛不能折罵曰豎子折人腳且不能乃曰健兒因自置其足折之且死數日敗吾事不得見洛城流血留守防禦將都亭驛吏皆陰受師道署職故無知者又窮治嘉珍察乃害武元衡者按盜殺武元衡事新書於元衡傳兩載張晏門察皆嘉珍之謀王承宗傳及此傳分系而無定辭通鑑又載田宏正入朝問師道簿書有賞殺武元衡入王士元等考張晏之謀張宏靖即疑其不實王士元等之鞫雖款服而物色異同即云恒鄆同謀而真賊究無左驗史家分紀因屬疑以傳疑亦以見唐失政刑如此大事不加窮治顯顯頂了獄則其它之不足採茲謀而中國憲者多矣鐵使王播又得嘉珍所藏弓材五千并斷建陵戟四十

七始師道欲知元濟虛實使劉晏平間道走淮西晏平歸以為元濟必敗師道本倚蔡聞之怒以它事殺晏平及聞李光顏拔雲棚始大懼遣使歸順帝重分兵支兩寇命給事中柳公綽慰撫之加檢校司空蔡平又遣比部員外郎張宿諷令割地質子師道乃納三州遣子宏方入侍宿既還師道中悔召諸將議皆曰蔡數州戰

三四年乃克公今十二州按通鑑考異云李正已初據延德棣二州入於朱何所虞大將崔承慶獨進曰公初消有十二州而已

不示諸將腹心而委以兵此皆嗜利者朝廷以一糶十餅誘之去矣師道遺承度詣京師戒侯吏待其還斬

之承度待命客省不敢還帝以其負約用左散騎常侍李遜喻旨既至師道嚴兵以見遜實以背約師道儒暗

不自決私奴婢媼爭言先司徒土地奈何一旦割之今不獻三州不過戰耳即不勝割地未晚師道乃以軍不

協為解帝怒削其官詔諸軍進討武靈節度使李愿使將王智興破其眾斬二千級獲馬牛四千略馳至平陰

橫海節度使鄭權戰福城斬五百級武靈將李祐戰魚臺敗之宣武節度使韓宏拔考城淮南節度使李夷簡

命李聽趨海州下沐陽朐山進成東海魏博節度使田宏正身將兵自陽劉濟河拒鄆四十里而營再接再戰破

三萬眾禽三千人陳許節度使李光顏攻濮陽收斗門杜莊二屯宏正又戰東阿殘其眾五萬師道每聞敗輒

悸成疾及李祐取金鄉左右莫敢白師道遣將劉悟屯陽穀當魏博軍疑其運運悟懼不免引兵反攻城師道

晨起聞之白其嫂裴曰悟兵反將求為民守墳墓即與宏方匿濶間就禽之師道請見悟不許復請送京師悟

使謂曰司空今為何面目見天子猶俯仰祈哀宏正曰不若速死乃并斬之傳首京師初師道見劉悟曰後

必貴然敗吾家者此人也田宏正之度河也禽其將夏侯澄等四十七人詔悉赦之給糶還隸魏博養成軍

父母在欲還者優遣賊皆感慰相告由是悟得行其謀師道首傳宏正營召澄驗之澄祇目中塵號絕良久悟

素與師道妻魏亂妄言鄭公微之裔不死沒入掖廷宅

宗屬悉遠徙悟獨表師古子明安為朗州司戶參軍親將王承慶承宗弟也師道以兄女妻之潛約左右欲因肆兵執師道會悟入出奔徐州歸朝

程日華定州安喜人始名華德宗以其有功益曰日華父元皓為安祿山定州刺史故日華籍本軍為張孝忠

牙將滄故成德部州也德宗以昇義武前刺史李固烈牢守孝忠今日華往喻之固烈請還恒州悉帑以行軍

中怒殺固烈屠其家日華驚匿牀下將士出之逼領州孝忠亦以日華寬厚遂假以刺史朱滔叛兵屯河間滄

定道阻滔招日華不納攻之日華乘城自固參軍事李宇謀曰城久圍府兵不為援今州十縣瀕海有魚鹽利

自給此軍本號橫海將軍能絕易定歸天子自為一州可亢盜喉嚨能用僕計請至京師為天子言之日華乃

遣宇西帝果大喜拜御史中丞滄州刺史復置橫海軍即以為使時建中三年也拜檢校工部尚書詔滄歲饋

義武錢十二萬緡糧數萬斛以宇為判官武俊欲得滄遣人說日華歸己日華給曰敝邑為賊攻力屈則下之

願假騎二百抗賊賊退請以地授公武俊喜歸之馬日華留馬謝其使武俊大怒與滔方睦懼有怨乃止久之

武俊歸命日華乃還馬以珍幣厚謝復結好武俊亦釋然貞元二年卒贈兵部尚書子懷直擅留事帝以日

華故拜權知滄州刺史宇入朝願析東光景城二縣置景州且請刺史河朔刺史不廷授幾三十年帝嘉其志

以徐申為景州刺史升橫海軍為節度權懷直為留後明年為使九年來朝進檢校尚書右僕射懷直荒田獵

出輒數日不返帳下程懷信其從昆也閉門不納乃入朝帝不罪更以度王為節度使權懷信留後以懷直兼

右龍武軍統軍明年懷信為節度矣十六年懷直卒贈揚州大都督後五年懷信死子權襲領軍務詔授留後

元和元年拜節度使累進檢校兵部尚書封邢國公六年入朝加檢校尚書右僕射權始名執恭嘗夢滄諸門

悉署權字乃改名以應之及淮西平惕不安丐入朝固辭軍政詔華州刺史鄭權代之後以檢校司空為邠寧

節度使卒贈司徒宗族奉朝請宿衛者三十餘人李全略本王氏名日簡事王武俊為偏裨承宗時入朝

授代州刺史田宏正遇害穆宗以全略故鎮州將召問全略多陳利害冀合帝意宜請盡死報遂授德州刺史

時杜叔良敗博野故以全略為橫海軍節度滄德棣州觀察使賜今姓名未幾使子同捷入朝既還即奏為滄

州長史押中軍兵馬帝不得已可其請全略陰規傳久選材武結士心棣州刺史王稷善撫眾而家富於財全

略內忌計殺之族其家未幾死同捷領留後事求節敬宗持久詔不下俄而文宗立同捷以帝新嗣位必大開

貨示四方乃遣弟同志同異入朝使屬崔長奉表請命詔拜充海節度使以烏重允代同捷計窮矯言軍中留

己於是王智興請全軍出討魏博史憲誠令大將傅手詔入於軍同捷不受詔削官爵命重允率鄆齊兵進討

憲誠智興及汴滑李聽平盧康志睦易定張璠幽州李載義以兵博境同捷自以與成德有舊乃傾玉帛子女

市河北三鎮驩載義執使者獻諸朝王廷湊本關橫海欲乘隙取之引軍來援智興攻棣州引水灌城凡七月

其將張叔連降始刺史藥濛以同捷叛密上變事洩為所害贈工部尚書智興進圍滄州是時帝且討王廷湊兵須夥繁置供軍糧料使以濟兩河諸將多張俘首冒

賞自重允卒後李贇傅良弼不終事更以左金吾衛大將軍李祐代贇興將李君謀以輕兵絕河夜殘無棣降饒安壁兵五千明年祐拔無棣平原詔行營堅壁務農非被襲勿決戰而祐兵已薄德州帝遣諫議大夫柏耆宣慰祐拔德州同捷益急乞降祐疑其詐者引兵直入城取同捷及家屬馳西祐入滄州耆至將陵斬同捷傳首京師詔貸四州一年租賦赦同捷母并妻息徙河南流崖長商州同巽等以異母貸死

欽定續通志卷二百七十九

藩鎮宣武彰義澤潞

劉元佐 士靈

吳少誠 少陽

劉悟 從諫

劉元佐滑州匡城人少為縣捕盜犯法亡命從承平軍為牙將大歷中李靈曜據汴州反元佐襲取其宋州詔以州隸承平節度使李勉即表署刺史建中初進兼御史中丞充宋毫穎節度使李納攻李洸於徐州詔元佐援汴大破納兵斬首萬餘級東南饒滑乃通進圍濮州徇濮陽皆下遂通濮陽津遷檢校兵部尚書兼曹濮觀察淄青兗鄆招討使汴滑都統副使李希烈之反元佐與李勉陳少游哥舒曜聯兵屯淮汝數困賊帝在奉天垂意關東乃詔檢校尚書左僕射同中書門下平章事希烈攻陳州元佐救之希烈走遂進取汴州詔加汴宋節度使陳州諸軍行營都統元佐本名洽至是賜名人朝復兼涇原四鎮北庭兵馬副元帥檢校司徒元佐貴母尚在常月織繩一端示不忘本數教赦元佐盡臣節見縣令走廷中白事戒曰長吏恐懼甚吾思而父吏於縣亦當爾而據案當之可安乎故元佐待下益加禮汴有相國寺或傳佛軀汗流元佐自往大施金帛將吏商賈走輸恐後籍所入得巨萬因以贍軍其權譎類若此李納遣使至汴元佐盛飾女子進之厚饋遺皆得其陰謀故納最憚之所寵更張士南及假子樂士朝皆皆巨萬而士朝私元佐嬖妾懼事覺醜元佐死年五十八脂太傅諡曰莊武軍中匿喪俟代帝亦為隱踰三日乃發喪使至帝問所欲立曰陝虢觀察使吳湊可乎監軍

孟介行軍盧瑗以為便乃拜湊為節度使至汜水元佐極將遣士請具禮瑗不許眾怒而譟起元佐子士靈於喪尊為留後帝召宰相議實參曰汴人挾李納以邀命若不許勢且合遂以士靈為左金吾衛將軍嗣節度始元佐養子士幹與士朝皆來京師士幹知元佐死無狀遣奴持刀給為弔入殺士朝於次帝惡其專亦賜士幹死士靈未授詔時私遣人結王武俊劉濟田緒等諸鎮不直之皆執其使士靈忍暴手殺人杯案間又置蒸父諸妾逼亂吏民妻女每收獵數日乃還其下厭苦大將

李萬榮與元佐同里寬厚得士心士靈引眾二萬敗城南未還萬榮晨入府分兵閉諸門使告士靈曰詔書召大夫宜速去不然且傳首士靈奔京師詔就第禁出入拜萬榮兵馬留後遣兵西防秋兵素驕當成者怨大校韓惟清張彥琳等請往不許使其子迺將未行彥琳等反攻萬榮不勝而潰惟清奔鄆州彥琳走東都萬榮悉誅其妻子眾不安乃呼於市曰大軍至城且破萬榮捕按之或言為士靈所教萬榮以聞斥士靈置郴州俄進萬榮節度使會病甚以兵屬鄆惟恭惟恭者與萬榮同里閉而署子迺為司馬萬榮死是夜惟恭執迺送京師杖死京兆府以董晉代之

吳少誠幽州潞人以應官諸王府戶曹參軍事為荆南節度使庚準牙門將從入朝道襄陽度梁崇義必叛密畫計將獻天子李希烈以聞詔嘉美擢封通義郡王崇義反希烈以為前鋒事平賜賈封戶五十希烈叛少誠為盡力及死推陳仙奇主後務既又殺之眾乃共推少誠德宗因授申蔡光等州節度觀察留後自希烈以來申蔡人劫於苛法習暴掠地少馬乘驟以戰號驟子軍

尤悍銳甲皆畫雷公屋文以厭勝其屬鄭常楊莫欲劫逐少誠以聽命不克被害貞元五年進拜節度使曲環卒少誠間陳許無帥以兵攻潁穎許州德宗怒削官爵合十六道兵進討于頔以襄陽兵戰吳房朗山禽其三將王宗以壽州兵破賊於秋柵時師眾無統帥而宦人監軍顧進退互為異見既戰小澗河諸道師未交而潰乃詔韓全義為淮蔡招討處置使上官況副之諸將皆受節度與賊吳少陽等戰廣利城師復敗退營五樓為賊所乘遂大潰全義及監軍賈英秀等夜逃保澗水汴宋徐泗淄青兵走陳州少誠薄澗水而營全義懼退保陳而潞滑河陽河中兵逃歸惟陳許將孟元陽神策將蘇光榮壁澗水全義乃斬澗將夏侯仲官滑將時昂河陽將權文度河中將郭湘欲以振師不能也少誠引還全義之敗少誠得帳中諸公書數百番持以給眾曰朝廷公卿託全義破蔡日掠將士妻女為婢勝以激怒其眾絕向順意少誠弱王師移書於英秀求昭雪帝召大臣議宰相賈耽曰五樓軍退而少誠卷甲不追有自新路劍南草皇上言請擇重臣為統帥因薦潭城賈耽陛下若重煩元老臣請以銳士萬人順流以翦元惡不然因其請罪特加原洗罷兩河諸軍亦其次也使少誠禍盈惡周變生帳下必其賊黨又富以官爵與之則一少誠死一少誠生亦何足賴帝遂赦少誠盡還其官爵順宗即位進同中書門下平章事檢校司空徙封濮陽郡王元和四年死贈司徒而吳少陽代之

少陽者倉州清池人與少誠同在魏博軍相友善少誠養以為弟署右職少陽度少誠猜忍請為外捍少誠乃表為申州刺史少誠病亟家奴單于熊兒矯召少陽至

表為申州刺史少誠病亟家奴單于熊兒矯召少陽至

表為申州刺史少誠病亟家奴單于熊兒矯召少陽至

攝副使總軍事於是殺少誠子元慶自稱留後憲宗以王承宗方叛詔遂王為節度使以少陽領留後進拜節度使益畜馬劫掠亡命以實其軍不肯朝然屢獻牧馬以自解帝亦因善之九年死子元濟匿不發喪以病聞偽表請元濟主兵遣醫往視即陽言少愈不得見有董重質者少誠婿勇悍久將善為兵元濟倚之先是其屬蘇兆揚元卿侯惟清嘗勸少陽入朝元濟鑑兆歸其屍而囚惟清元卿奏事在長安具言其事帝以二人者皆死贈惟清兵部尚書兆尚書右僕射少陽死四十日帝不為輟朝易將增成以須變會傳言重質族殺元濟吉甫因請為少陽報朝遣使賻贈元濟不得命乃悉兵四出焚舞陽及葉掠襄城陽翟剽係千餘里弔使至弗克入詔烏重允兼汝州刺史引軍壓其境靈州刺史曹華為之副戍襄城李光顏為忠武節度使總兵臨屯析山南東道詔節度使嚴綬為申光蔡等州招撫使下詔奪元濟官爵趣諸道進討田宏正韓宏各遣子率兵隸綬光顏軍綬屯蔡西鄆小勝不設備為賊襲敗於慈邱退保唐州壽州刺史令狐通戰數北賊乃拔霍邱屠馬塘通嬰城不敢出詔左金吾衛大將軍李文通代通會裴度輔政賊始懼而元濟不能指授諸將趙昌凌朝江董重質李祐李憲王覽趙暉王仁清等以便宜人白為戰抗王師李師道餽鹽出入靈陵雍邱間韓宏知而不禁文通與賊將王覽董重質戰史族岡賊覽光顏大破賊於時曲復與重允合擊賊小澗河敗之天子責綬失律更以韓宏兼都統擢高震為唐鄆節度使十一年諸軍大合光顏擊掌河文通敗賊於固始拔嶽山震寓戰朗山斬首千餘級次鐵城賊偽奔震窮追伏發死

傷略盡退保新興賊圍之監軍李謙誠馳救圍解還守唐州元濟以震寓不足虞併兵備陳其秋文通以兵衛枚夜出九女原屠保壁三十所分兵西北並安陽山破降萬餘執兩將光顏敗鄆城兵二萬俘大將復與重允合攻雲柵拔之帝怒諸軍無大功詔內常侍梁守謙宣慰因督戰付詔書五百以待有功斥金帛募死士進拜光顏檢校尚書左僕射重允右僕射度御史中丞韓宏子公武御史大夫貶震寓以袁滋代之滋懦不能軍十二年更以李愬為唐鄆節度使元濟食盡士卒食菱芡魚鱉皆竭至斲草根以給民四潰橋置鄆城吳房於行營以殺新附愬攻其西破屯柵十餘執丁士良吳秀琳賊帥張伯良以兵三萬與光顏戰鄆城大敗奔還蔡曹華取青陵城斷歸路賊將鄧懷金送款愬又襲破朗山執戍將梁希果平汶港等三壁元濟知眾數潰而外失秀琳等因奉表請束身北闕下帝許以不死元濟取行營馬三百董重質不與故不果降愬略輿橋得守將李祐不殺引至帳下計議始謀蔡自少誠盜蔡四十年王師未嘗傳城下又嘗敗韓全義于頓以是無所憚內恃賊浸重阻故合天下兵攻之三年纔克一二縣帝命裴度為彰義節度兼申光蔡四面行營招撫使梁守謙與諸將計先度未至立功諸將亟戰不勝度至大勞將士皆感激請戰光顏每戰冠軍故元濟悉眾亢時曲祐為愬謀曰蔡之守者市人疲卒耳勁兵皆在外若直擣縣賊成禽矣愬然之十月壬申以精騎夜襲蔡坎垣入之戍者不知賊恃重質兵在河曲不虞師至及愬攻內城元濟始驚被甲乘城以待重質會重質降愬而李進誠取賊庫兵即攻之明日按此元和十二年十月十六日也新

書原文上不紀年月但書明日未晰又紀書十二年十月癸酉西李愬傳書十一年十月已卯吳縝判之今考平淮西碑及通鑑考異補識年月於前燒其門民相率抱薪增火門壞執元濟舉族傳之長安帝御興安門受俘羣臣稱賀以元濟獻廟社徇於市斬之年二十五夜失其首妻沈沒入掖庭二弟三男子流江陵皆殺之斬其屬劉協庶趙暉王仁清等十餘人度還以馬總為留後俄拜節度使析撤州隸陳許始度之出太子右庶子韓愈為行軍司馬帝美度功即命愈為平淮西碑愈以元濟之平繇度能固天子意得不赦故諸將不敢首鼠卒禽之多歸功度而愬特以入蔡功居第一愬妻唐安公主女也出入禁中訴愈文不實帝重愬武臣心詔斷其文更命翰林學士段文昌為之按羅隱江東集有記石烈上一篇載李愬此不給事人石孝忠推紳見帝訴愈文不實與同李祐以功遷神武將軍後擢夏綬銀有節度使終滄德景節度使檢校尚書左僕射帝迹董重質教元濟亂欲誅之而李愬先許不死故貶春州司戶參軍凌朝江播州司戶參軍是歲申蔡州始輸貢戶部以其久不至請元日陳於廷

劉悟正臣孫也按正臣事已見全諒傳叔父全諒節度宣武署牙將以罪奔潞州王虔休復署為將被病還東都全諒積緡錢數百萬在焉悟破藤鏞用之犯法繫河南獄留守章夏卿貸兔李師古厚幣迎之從擊毬撞師古馬仆將斬之悟盛氣不懼師古奇其才令將後軍妻以從媚歷牙門右職師道被討使將兵屯曹田宏正兵屯陽穀悟營潭趙城中飛語悟當為帥師道內疑數召悟計事悟曰今與魏如角力者勢已交先退者負悟還魏踵薄城下矣左右諫曰兵成敗未可知殺大將執首為用師道然之或言悟且亂師道遣使責愬密語其副

張運使斬悟運以情告悟乃斬使召諸將曰魏博兵
彊出則敗不出則死且天子所誅司空而已吾焉為驅
迫就死地孰若還兵取鄆立大功轉危亡為富貴乎眾
皆唯唯因遣報宏使進兵潭趙悟夜半薄西門黎明
啟而入殺師道并大將魏統等數十人即拜悟義成節
度使封彭城郡王實封戶五百元和十五年來朝進檢
校兵部尚書穆宗立徒昭義軍先克融亂移守盧龍至
邢州會王廷湊之變不得入還屯進兼幽鎮招討使治
邢州圍臨城觀望久不拔與監軍劉承偁不協承偁與
都將張問謀縛悟送京師以問代悟知之以兵圍監軍
殺小使其屬賈直言質責悟曰李司空死有知使公所
為至此軍中將復有如公者矣悟遽謝曰吾不欲開李
司空字即擒兵退匿承偁囚之按吳縯綱錄云都將張
史張汝未知孰是又賈傳稱悟問賈直言諫能以臣節光
明於朝縯直言遂并縯悟失其實矣悟驕悍成安知
感悔當以此帝重違其心貶承偁悟自是頗專肆上書
傳所書為正帝重違其心貶承偁悟自是頗專肆上書
多不恭負罪亡命者多歸之彊列其冤累進檢校司徒
同中書門下平章事寶歷初巫者妄言師道以兵屯瓌
瓌陂悟惶恐自往求哀將易衣嘔血數斗死贈太尉表
其子從諫嗣從諫少狡獪師道使悟出屯署從諫門下
別奏從諫與師道諸奴日戲博交通具知陰事疎於悟
故悟得立功悟死從諫知留後路當權者朝議謂上黨
內鎮與河朔異不可許左僕射李絳言悟死眾不必
同亂從諫威惠未著若詔北鎮大將領節度馳入軍謀
自屈矣時李逢吉王守澄納其賂數萬請敬宗乃以晉
王為節度大使詔從諫主留事起將作監主簿檢校左
散騎常侍未幾拜節度使太和初李聽敗館陶走淺口
從諫救之得免進檢校尚書左僕射拜司空封沛國公

昭義自悟時治邢州而人思上黨從諫還治潞方年壯
思立功六年請入朝文宗待遇加等明年還藩進同中
書門下平章事公卿多託以私又見事柄不一遂心輕
朝廷及甘露事宰相皆夷族從諫不平三上書請王涯
等罪譴切中人時宦豎得志天子弱鄆草李石新執政
藉其論執以立權綱中人憚而怨之仇士良倡言從諫
志窺伺從諫亦妄言清君側因與朝廷猜貳武宗立兼
太子太師從諫畜馬高九尺獻之帝不納疑士良所沮
怒殺馬益不平又聞士良寵方渥愈憂感欲自入朝恐
不脫禍因被病死年四十一贈太傅從子種父從素仕
右驍衛將軍從諫以為嗣病甚與妻謀令主軍事置
大將王協郭誼劉武德劉守義等佐種秘不發喪協謀
請醫於朝中人與醫至從諫死已旬種曰公因革不
任受詔中人人曰卧而視可也辭以母夫人侍不可屏中
人欲直入武德等戶之中人恐其變趨出後使者繼往
為知從諫已死者未至數舍眾懼武德與將重可武出
兵萬人迎勞至牙門不得前諸將乃詣監軍崔士康邀
說請如河朔故事士康儒不敢拒乃至喪次扶出種為
裏絕巾曰毋更欲殺殺使諸將哄然笑遂出見三軍帝
怒前使者不入諭綠恭陵種所遣使三輩皆仗死京兆
府詔從素書救種喪喪還東都種不奉詔詔羣臣議李
德裕請討之詔奪從諫榷官敕諸軍進討於是河陽王
茂元以兵屯萬善河東劉沔守昂車關壁榆社魏博何
宏敬稱肥鄉侵平思成德王元逵次臨洛略任堯山向
城河中陳夷行營冀城侵冀氏茂元別遣將營天井關
為賊將薛茂卿所破張巨進攻萬善不能下茂元欲走
會日暮賊自潰去詔忠武王宰以本軍入懷澤行營茂

卿負戰勝冀厚賞或言其兵犯王略深朝廷且怒節益
不可至種然之茂卿失望乃與宰通僞北委天井關奔
澤州使謀害宰取澤吾應於內宰疑不進種聞其貳召
誅之宰進破劉公直拔陵川劉沔又取石會關李石代
河領河東種因石兄沼州刺史恬移書乞降石以聞右
拾遺崔碣請納之帝怒斥碣郿城分詔敢言罷兵者戮
賊境上令石答書許種面縛種不出俄而楊弁逐石與
種連和種諸將建議我求承襲彼叛卒若與之是與反
者械其使送京師使康良佐屯鼓腰嶺敗太原兵生禽
卒七百帝猶不放始從諫將死命種無咎辱羣奴故李
士貴等與王協尤用事士有功不賞下無鬪志府中財
貨山積而協請稅商人使劉溪等分出檢實溪并取齊
民貲十二百姓始怨從諫妻弟裴問守邢州募兵五百
號夜飛將多豪姓子其家以輸貲不時為溪所囚問以
為言溪大怒問因殺溪與刺史崔叔自歸成德軍王鈞
守沼州給士帶布一端種微代歲粟釗謂眾曰庫物尚
多欲發以為賞可乎士皆喜悉所有給之送款魏博軍
德州將高玉堯山將魏元談等以次降成德元逵以久
為賊守殺之種聞三州降大懼郭誼與王協議圖種使
董可武誘種至北第置酒飲酣即斬首悉取從諫子在
襁褓者二十餘并從子積匡周等殺之誅張谷張沿陳
楊庭李仲京王渥王羽韓茂章茂實賈庠郭台甄戈十
一族夷之函種首送王宰獻京師告廟社御興安門受
之劉公直亦降於宰石雄以兵守境軍大掠誼移書責
之雄銜怒種之死誼斥從諫妻伏夾室收其貲建大
殿日望旌節宰相德裕建言種庸下亂誼始及窮蹙
乃圖種邀榮不誅無以懲宜及兵在境悉取逆黨送京

師論如法先是有狂人呼於潞市曰石雄七千人至矣

從諫捕誅之乃請詔雄率兵如數以入雄至潞縛誼及

王協劉公直安全慶李道德李佐堯劉武德董可武等

送京師並誅死杖崔士康殺之詔從諫且死乃署糧軍

事宜剖棺暴尸三日誼兗州人按新書原文載從諫日

事文類說家無張谷張沿陳揚庭皆有文谷納邯鄲人

李嚴女為侍人號新聲當從諫潛圖窺脅新聲諫谷曰

從諫非有戰野攻城功直以其父孳齊十二州還天子

未能奪其嗣耳自有澤潞未聞以一縷一蹄為天子壽

章武朝數鎮顛覆皆雄才傑器尚不能固天子恩况從

諫擢自兒女手中苟不以法得亦宜以不法終君當脫

族西去大丈夫勿顧一飯恩以骨肉腥健兒食谷畏言

泄縊之李仲京訓兄王渥播子王羽涯族孫韓茂章茂

實約子賈庠餽子郭台行餘子甘露難作皆羸服奔從

諫從諫衣食之甄戈者頗任俠白稱荆卿從諫與定州

成將有嫌命戈斬其首他日又使取仇人乃十餘輩劫

之從諫不悅號偽荆卿從諫妻裴以弟立功詔貸其死

刑部侍郎劉三復執不可於是賜死按新書原文載裴

子孫計上文裴與從諫謀令賴主軍勸夫忠順陷子有

不載且此時獨不知為子孫計耶自相矛盾今刪

李佐之者兼孫也累調河南尉咨潞從諫留署觀察府

支使因娶其從姐妹從諫病佐之力諷使還東都從諫

雖不能從然感服其言病且革王協等恐佐之妻母有

贈薛茂卿博州刺史大中初又贈漢賓本縣令先時河

北諸將死皆先遣使弔祭次冊贈次近臣宣慰度軍便

宜乃與節軍中不許出乃用兵不半歲不能定故得為

備積初不意帝怒即見討及茂元錄詔示積舉族號慟

欲自歸而愚儒不決云自悟至積三世凡二十六年季

不者善長短術與從諫厚善著大將及積阻命軍中疾

其才不懼乞為游奔遂自歸議者疑為賊遣德裕奏言

討賊半年始有降者當賞以勸擢忻州刺史楊弁亂遣

人誘丕丕斬之以兵扼走集遷汾晉二州刺史大中初

拜振武節度使檢校刑部尚書党項叛徙鄜坊卒

列傳

五代

敬翔

朱珍

龐師古

葛從周

霍存

張存敬

符道昭

劉捍

寇彥卿

康懷英

敬翔字子振同州馬湖人乾符中舉進士不中依同里人汴州觀察支使王發發無所薦引翔為人作賤刺傳軍中太祖愛之謂發曰聞君有故人可與俱來翔見太祖補以軍職非其所好乃以為館驛巡官太祖與蔡人戰汴郊翔為太祖謀多中太祖欣然以為得翔晚動靜輒問之昭宗自岐遷長安召翔與李振升延喜樓勞之拜翔太府卿昭宗遷洛陽宴崇勳殿酒半起使人召太祖入內殿將有所托太祖懼辭以疾昭宗曰卿不欲來可使敬翔來太祖遽麾翔出翔亦伴醉去太祖已破趙匡擬取荆襄遂攻淮南翔切諫以為新勝之兵宜持重養威太祖不聽出兵光州遭大雨幾不得進進攻壽州不克多所亡失太祖始大悔歸而忿躁殺唐大臣幾盡然益以翔為可信任梁之篡弒翔之謀為多太祖即位改唐樞密院為崇政院以翔為使遷兵部尚書金鑾殿大學士封平陽郡侯據薛史增翔從太祖用兵三十餘年盡心勤勞晝夜不寐自言惟馬上乃得休息太祖剛暴難近有不可翔未嘗顯言微開其端太祖意悟多為之改易太祖破徐州時溥寵姬劉氏愛幸之劉氏故尚讓妻也乃以妻翔翔貴劉氏猶侍太祖卧內車服驕侈別置典謁交結藩鎮權實往往附之寵信言事不下於翔

翔以太祖故雖患之而不能止太祖崩友珪立以翔先帝謀臣懼圖己不欲翔居內職乃以李振代為崇政使拜翔中書侍郎同中書門下平章事翔多稱疾未嘗省事末帝即位趙巖等用事頗離間舊臣翔愈鬱鬱不得志其後梁盡失河北與晉相拒楊劉翔曰故時河朔半在在先帝之武御貔虎之臣猶不得志於晉今晉日益疆梁日益削陛下處深宮中所與計事者皆近習親戚而望成事乎臣聞晉攻楊劉李亞子負薪渡水為士卒先陛下委蛇守文以儒雅自喜而遣賀瓌為將豈足當彼餘鋒乎臣雖儻愛國恩深若其乏材願自效巖等以翔為怨言遂不用王彥章敗于中都末帝懼召段凝于河上凝願望不來末帝遣呼翔曰朕居常忽卿言今急矣勿以為懟卿其教我當安歸翔曰臣從先帝三十餘年雖為相實朱氏老奴事陛下如即君敢有所隱陛下初用段凝臣已爭之今凝不來敵勢已迫欲為陛下謀小人間之必不見聽請先死不忍見宗廟之亡君臣相向慟哭翔與李振俱為太祖所信任莊宗入汴詔赦梁羣臣振喜謂翔曰有詔洗滌將朝新君邀翔俱翔夜止高頭車坊將旦左右報曰崇政李公入朝矣翔數日李振謬為丈夫矣復何面目入梁建國門乎乃自經死朱珍徐州農人少與龐師古等俱從梁太祖為盜太祖破秦宗權東并兗鄆未嘗不在戰中勇出諸將太祖與晉王東逐黃巢還過汴館之上源驛太祖使珍夜以兵攻之晉王亡去珍悉殺其麾下兵義成軍亂遣珍以兵趨滑州道大雪趣兵疾馳一夕至城下拔之秦宗權遣盧瑋張旺等攻梁時梁兵少數為宗權所困乃拜珍瀕

州刺史募兵于滑青得萬餘人以歸太祖大喜曰賊方息兵養勇度吾兵少不出而未知珍來宜出其不意擊之敗旺等宗權田此敗亡梁軍威大振以得珍兵故也珍從太祖攻朱宣取曹州又取濮州刺史朱裕奔鄆太祖留珍攻之裕詐為降書陰約開門為內應珍信之軍入濮城垂門發鄆人從城上礮石投之兵皆死珍僅以身免太祖不之責魏博軍亂囚樂彥貞太祖遣珍救魏珍破黎陽臨河李固三鎮殺魏豹子軍二千于臨黃威振河朔梁攻徐州珍先下豐縣又敗時溥于吳康與李唐賓等屯蕭縣唐賓者陝州陝人也初為尚讓偏將降梁每戰與珍俱珍小卻唐賓佐之乃大勝珍嘗私迎家軍中太祖遣唐賓伺之珍與唐賓不協唐賓夜走還宣武珍單騎追之交訴太祖前太祖為和解之珍屯蕭聞太祖將至戒軍中治館廢唐賓步將嚴昭治廢失期軍吏督之邪訴于唐賓唐賓以讓珍珍怒拔劍起唐賓拂衣就珍珍即斬之遣使者告唐賓反太祖大驚敬翔為太祖畫伴收唐賓妻子下獄因如蕭珍迎謁遂執之諸將霍存等十餘人叩頭救珍太祖大怒舉胡牀擲之曰方珍殺唐賓時獨不救之耶存等退珍遂縊死龐師古曹州南華人初名從梁太祖鎮宣武初得馬五百匹為騎兵以師古將之從破黃巢秦宗權皆有功太祖攻時溥未下留兵屬師古守之師古取宿遷進屯呂梁敗其兵二萬孫儒遂揚行密取揚州太祖遣師古渡淮攻儒為儒所敗是時朱珍李唐賓已死師古與霍存分將其兵梁攻徐州太祖奪彬王友裕兵以屬師古師古攻破徐斬溥表為徐州留後按文苑英華有授留後從留後也薛史亦作使而歐史通鑑皆為是攻鄆州臨濟水師作留後當從文苑英華及薛史

古徽木為橋夜先濟朱宣走中都見殺太祖已下兗鄆乃遣師古與葛從周攻楊行密于淮南師古出清口從周出安豐師古自微時事太祖謹甚未嘗離左右為將必受方略以行軍中非太祖命不妄動師古營清口地勢卑或請就高為柵師古以非太祖命不聽准人決水浸之請者告曰上流水至矣師古以為搖動士卒立斬之已而水至兵不能戰遂見殺

葛從周字通美濮州鄆城人少從黃巢舉敗降梁從太祖攻蔡州太祖墜馬從周扶太祖復騎與敵步鬪傷面身被數創偏將張延壽從旁擊敵乃得脫太祖用從周延壽為大將從周與秦宗權戰於焦夷獲其將王涓從朱珍收兵淄青功為多李罕之召晉兵攻張全義於河陽太祖遣從周丁會等救之敗晉兵於沈河潞州馬霸殺晉守將李克恭以降梁太祖遣從周入潞州晉兵攻之從周走河陽太祖攻魏從周與丁會先下黎陽臨河會太祖于內黃敗魏兵於永定橋從丁會攻宿州以水浸其城破之太祖攻朱瑾於兗州未下留從周圍之瑾閉壁不出從周詐去夜潛還擒殺千餘人晉攻魏太祖遣侯言救之言築壘洹水太祖怒言不出戰遣從周代言從周益閉壘不出而鑿三閘門以待晉兵攻之從周以精兵自閘門出擊敗之晉王怒自將擊從周從周雖大敗而擒晉王子落落從攻鄆州擒朱宣於中都又攻兗州建朱瑾太祖表為兗州留後以兗鄆兵攻淮南出安豐會龐師古於清口行至濠州聞師古死還遣將渡淝河淮兵追之亦大敗是時晉兵出山東攻相衛太祖遣從周略地山東五日而下洛陽磁三州太祖表兼邢州留後劉仁恭攻魏屠貝州從周會太祖救魏人於魏

州燕兵攻館陶門從周以五百騎出使閉門而後戰破其八柵燕兵走追至臨清擁之御河溺死者甚眾太祖以為宣義行軍司馬太祖遣從周攻劉守文於滄州仁恭以燕兵援守文監軍蔣暉語諸將曰燕兵來不可迎戰宜縱其入城聚食倉廩使兩困而後取之諸將頗以為然從周怒曰兵在上將豈監軍所得言且勝敗之機暉豈足以知之乃勒兵逆戰於老鴉隄大敗燕軍時守文亦求救於晉晉為攻邢洛以牽之從周遠還敗晉兵於青山口遂從太祖攻鎮州下臨城王鎰乞盟太祖表為秦寧軍節度使從氏叔琮攻晉太原不克梁兵西攻鳳翔青州王師範遣其將劉鄩襲兗州太祖遣從周攻鄩卒招降之太祖即位拜左金吾衛上將軍以疾致仕居偃師未帝即位拜昭義軍節度使封陳留郡王食俸於家卒贈太尉

霍存洛州曲周人少從黃巢舉敗降梁驍勇善騎射秦宗權攻汴存連破張旺秦賢從朱珍掠淄青龐師古攻時溥皆有功朱珍李唐賓死乃以龐師古代珍存代唐賓以攻溥敗之陽山又與葛從周丁會下宿州從攻潞州與晉人遇戰馬牢川存人則前出則殿晉人卻遂東攻魏取淇門梁得曹州以存為刺史兼諸軍都指揮使梁攻鄆州朱瑾求救存伏兵蕭縣擊之敗瑾等於石佛山中流矢卒太祖已即位閱騎兵於盤臺顧諸將曰使霍存在豈勞吾親閱耶諸君盍復思之乎他日語又如此

滄州敗劉仁恭於老鴉隄還攻王鎰於鎮州入其城取馬牛萬計遷宋州刺史復從諸將攻幽州取其瀛漠邢景四州梁攻定州與王處直戰懷德驛大敗之已下鎮定乃遣攻王珂於河中晉絳二州珂降太祖表存敬護國軍留後復從宋州刺史宋未至卒於河中贈太傅子仁原有孝行存敬卒事其兄仁穎如事父禮尤曉法令事梁唐晉常為大理卿

符道昭蔡州人為秦宗權騎將宗權敗依鳳翔李茂貞茂貞養以為子名繼遠梁攻茂貞道昭戰屢敗乃歸梁太祖表為秦州節度使以亂不果行太祖為元帥初開府而李周彝以鄆州降以為左司馬難其右及得道昭乃授之羅紹威將誅其牙兵惡魏兵彊求梁為助太祖乃悉發魏兵攻燕而遣馬嗣勳助誅牙兵牙兵已誅魏兵在外聞之皆亂魏將左行遷據歷亭史仁遇據高唐以叛道昭等從太祖悉破之道昭勇於犯敵而少成算每戰先發多敗周彝等繼之乃勝開平元年與康懷英等攻潞州築夾城為蚰蜒壘以圍之逾年不能下晉兵攻破夾城道昭戰死

寇彥卿字俊臣開封人世事宣武軍為牙將太祖以為茂貞見殺贈太傅

通引官累遷右長直都指揮使領洛州刺史羅紹威將

誅牙軍太祖遣彥卿之魏計事彥卿陰為計畫乃悉誅

牙軍彥卿善伺太祖意動作皆如旨太祖嘗曰敬翔劉

捍寇彥卿皆天為我生之賜以所乘愛馬一丈烏太祖

圍鳳州以彥卿為都排陣使彥卿乘烏驄突陣前太祖

日之曰真神將也按通鑑開平二年帝從吳越王錢鏐

面行營都指揮使擊淮南裴霍邱又九國志朱景傳亦

無軍事可紀薛史亦太祖遷唐都洛陽遣彥卿奉表追

失載謹補注於此太祖遷唐都洛陽遣彥卿奉表追

驅上道案五代史原文載遷都事甚詳已見唐太祖即

位拜彥卿感化軍節度使歲餘召為左金吾衛大將軍

充金吾衛仗使彥卿晨朝至天津橋民梁現不避道前

驅梓投橋上石欄以死彥卿見太祖自首詔彥卿以錢

償現家御史司憲崔沂請論如法太祖不得已責授彥

卿左衛中郎將復拜襄州防禦使遷河陽節度使末帝

即位徙鎮威勝卒年五十七

康懷英案通鑑作懷貞蓋本名後避末帝諱改兗州人事朱瑾為牙將梁

兵攻瑾瑾出賂食豐沛問留懷英守城懷英即以城降

後從氏叔琮攻趙匡疑下鄧州梁攻李茂貞於岐以為

先鋒至武功擊殺岐兵萬餘人李周彝以鄜坊兵救岐

懷英擊走之因取其翟州岐兵屯奉天懷英柵其東北

夜半岐兵攻之懷英不欲驚他軍獨以三千人出戰遲

明岐兵解去身被十餘創楊行密攻宿州太祖遣懷英

擊走之表宿州刺史遷保義軍節度使丁曾以潞州叛

降晉太祖命懷英為招討使將行戒之甚切懷英惶恐

期必得潞州以報築夾城圍之晉遣周德威屯亂柳數

攻夾城懷英不敢出戰太祖乃以李思安代降懷英為

都虞候思安亦無功太祖大怒罷思安以同州劉知俊

為招討使知俊未至軍太祖自至澤州為懷英等軍援

且督之已而晉王李克用卒莊宗召周德威還太原太

祖聞晉有喪德威去亦歸洛陽諸將皆少弛莊宗與德

威等疾馳六日伏兵三垂岡直趨夾城破之懷英大敗

以百騎遁歸詣闕請死太祖曰去歲興兵太陰虧食占

者以為不利吾獨違之而致敗非爾過也釋以為右衛

上將軍劉知俊叛奔岐以懷英為保義軍節度使西路

副招討使知俊以岐兵圍靈武太祖遣懷英攻邠寧以

牽之取靈慶衍三州還至昇平知俊掩擊之遂大敗徙

鎮感化討朱友謙之叛與晉人戰又大敗徙鎮永平卒

欽定續通志卷二百八十一

列傳

五代二

劉鄩

牛存節

張歸霸

王重師

徐懷玉

楊師厚

土景仁

賀瓌

王檀

馬嗣勳

王虔裕

謝彥章

劉鄩密州安邱人少事青州王敬武敬武卒子師範立
 棗州刺史張蟾叛師範遣指揮使盧洪討蟾洪亦叛師
 範偽為好辭召洪至迎於郊外命鄩斬之坐上因使鄩
 攻蟾破之師範表鄩登州刺史以為行軍司馬梁太祖
 西攻鳳翔師範乘虛分襲梁諸州縣它遣者謀多洩不
 成獨鄩素好兵書有機略時梁已悉有兗鄆以葛從周
 鎮兗州從周將兵在外鄩乃使人鬻油城中悉得虛實
 出入之所乃以步兵五百從城下水竄入襲破之徒從
 周家屬外第親拜其母撫之甚有恩禮太祖東還遺宋
 友寧攻師範從周攻鄩鄩以版輿置從周母城上母呼
 從周曰劉將軍待我甚厚無異於汝人臣各為其主汝
 可察之從周為之緩攻鄩乃悉簡婦人及老疾者出之
 獨與少壯者堅守待援久之不至人心頗離副使王彥
 溫踰城奔守陣者多逸鄩乃遣人陽語彥溫曰非吾素
 遣者皆勿以行又下令城中曰吾遣從副使者得出不否
 者族城中皆感奔者乃止梁兵聞之果疑彥溫非實降
 斬之城下由是守益堅師範兵已屈從周以福福論鄩
 鄩報曰俟吾主降即以城還梁師範敗降以論鄩案鄩
 師範論乃始降蓋效李世勣之守乃亦歸梁太祖以
 黎陽事見北夢瑣言歐史失載今補乃亦歸梁太祖以
 為元從都押衙時太祖已領四鎮四鎮將吏皆功臣舊

續通志 卷二百八十二 列傳 五代

人鄩一旦以降將居其上諸將見鄩皆用軍禮鄩居自
 如太祖益奇之及即位累遷左龍武統軍劉知俊叛陷
 長安太祖遣鄩與牛存節討之知俊走鳳翔太祖乃以
 長安為永平軍拜鄩節度使末帝立為開封尹楊師厚
 卒分相魏為兩鎮末帝悉魏兵亂遣鄩以兵屯魏縣按
 府元龜通鑑薛史皆作屯南樂魏兵果劫賀德倫降鄩莊宗入魏鄩以
 為晉兵悉在魏太原可襲乃結草人執旗幟負以驢往
 來城上而潛軍出黃澤關襲太原至樂平遇雨不克進
 而旋急趨臨清爭魏積粟而周德威已先至鄩乃屯莘
 縣築甬道及河以饋軍久之末帝以書責鄩戰鄩報未
 可擊復遣問必勝之策鄩曰臣無奇術請人給米十斛
 米盡則敵破矣末帝大怒謂鄩曰將軍蓄米將療饑乎
 將破敵乎乃遣使者監督其軍鄩召諸將謀曰主上深
 居禁中與諸白面兒謀必敗人事今敵盛未可輕動君
 以為如何諸將皆欲戰鄩乃悉召諸將坐之軍門人飲
 以河水一杯諸將或飲或辭鄩曰一杯之難猶若此沿
 沿河流可盡乎諸將皆失色時莊宗在魏數以勁兵壓
 鄩營鄩不肯出而未帝數促鄩戰莊宗乃聲言歸太原
 命符存審守魏而潛兵貝州鄩以晉王西歸魏無備可
 擊乃以兵萬人攻魏城東莊宗自貝州返擊之鄩驚兵
 稍卻追至故元城莊宗與符存審為兩方陣夾之鄩為
 員陣以應之兵再合鄩大敗南保滑州末帝以為義成
 軍節度使明年河朔皆入於晉降鄩亳州團練使按通
 自滑州入朝朝議以河朔失守落鄩平章事是鄩曾加使相歐陽通史皆失載兗州張萬進反
 遣鄩攻之拜秦寧軍節度使朱友謙叛陷同州末帝
 以鄩為河東道招討使行次陝州鄩以書招友謙不報
 留月餘待之尹皓段凝等素惡鄩乃謂鄩與友謙親家

逗留養賊已而兵數敗詔罷歸洛陽就殺之按莊宗實
 監時已密之故實宋得其金飲年六十四贈中
 書令按通鑑載鄩鄩批以私朝移論延延詔
 軍討正當明正罪戮耳密令行賊何為哉昔子真
 氏引庚公之斯之事雖為引友為曲証之端已非
 正道後世不知謀國者輒沿襲之以為公私交盡何營
 失之子遂疑遂雍事唐皆為刺史明宗王淑妃故鄩妾
 明宗晚年淑妃用事鄩二子皆被恩寵潞王從珂反於
 鳳翔遂雍為西京副留守王思同帥諸鎮兵討鳳
 翔戰敗東歸遂雍不納封府庫以待潞王潞王見遂雍
 握手流涕及入立拜遂雍滑州刺史以鄩兄琪之子遂
 清代遂雍為西京副留守遂清以孝稱歷易棣等五州
 刺史皆有善政遷鳳州防禦使宣徽北院使判三司晉
 開運中終安州防禦使
 牛存節字贊正青州博昌人初名禮事諸葛爽於河陽
 爽卒乃歸梁太祖賜之名字以為小校張晳攻汴存節
 破其二寨梁攻濮州戰南劉橋范縣存節功多李罕之
 圍張全義全義來乞兵太祖以存節故事河陽知其間
 道使為前鋒擊走罕之太祖攻魏存節下魏黎陽臨河
 與太祖會內黃遷滑州牢城後指揮使梁兵攻鄩存
 節使都將王言藏船濠中期日午渡兵踰濠急攻之會
 營中火起鄩人登城望火言伏不敢動失期存節獨破
 鄩西甕城門奪其濠橋梁兵得俱進遂破宋宣從葛從
 周攻淮南滑州之敗存節所部獨全并收散卒八千以
 歸按舊唐書昭宗統歸鄩古為從周等攻淮南至與河
 死傷略盡唯牛存節一事獲免則存節自有將之
 兵未被破破存史云存節作後收台所部並敗兵八
 千餘人亦不獨僅收從周散卒已也歐史不及存節所
 部今拜毫宿二州刺史朱瑾走吳召吳兵攻徐宿存節
 謀曰淮兵必不先攻宿夜以兵急趣徐州傳城瑾方至
 驚曰來何速也不能攻而去遷潞州都指揮使太祖攻

鳳翔使召存節潞人送者皆號泣累拜邢州團練使元帥府左都押衙太祖即位拜右千牛衛上將軍從康懷英攻潞州為行營排陣使夾城破存節自西都將兵應接潰卒行至天井關聞晉兵攻澤州按五代史原文作通鑑考異謂存節若自夾城歸則先過澤州後至天井關豈得已過而返故之梁列傳及薛史皆作存節自西都應接夾潰卒通鑑取之存節願諸將曰澤州要害不可失也諸將皆不欲救存節舉策而先士卒隨之比至州人已焚外城將降晉聞存節至乃稍定遂入城助守晉人穴地道來攻存節亦穴地以應之戰於隧中敵不得入乃解去累遷匡國軍節度使友珪立朱友謙叛附於晉西連鳳翔存節東西受敵同州水賊無井劉知俊之叛也以渴不能守而走故友謙與岐兵合圍欲持久以渴之存節禱而鑿井八十水皆甘可食友謙卒不能下末帝立加同中書門下平章事徙鎮天平蔣殷反攻破之以功加太尉梁晉相距河上存節方病瘡忠憤彌激治軍督士未嘗言病病革召歸京師將卒語其子知業曰忠孝吾子也不及其他贈太師

張歸霸字正臣從薛史增清河人少與弟歸厚歸弁俱從黃巢巢敗歸霸兄弟乃降秦宗權攻汴歸霸戰數有功張旌軍赤岡以騎兵挑戰矢中歸霸拔之以射賊一發而斃奪其馬而歸太祖壯之使以弓手五百人伏湟中太祖以騎數百為遊兵過柵晷追太祖歸霸發伏殺晷兵千人太祖攻蔡州蔡將蕭顯急擊太祖營歸霸輒與徐懷玉合擊敗之太祖得拔營去太祖攻充鄆使歸霸守曹州大敗朱瑾於金鄉又破濮州晉人攻魏歸霸從葛從周救魏戰洹水歸霸禽克用子落落以與魏人又破劉仁恭於內黃功出諸將右累拜河陽節度使開

平二年卒子漢傑事末帝為顯官以張德妃同產故用事梁亡族誅歸厚厚德坤善用弓槊能以少擊眾以與張旌獨戰而勝為騎長郡王友裕攻鄆屯濮州太祖後至與友裕相失卒遇鄆兵千人太祖望而少之與歸厚以聽子軍直衝之戰已合鄆兵大至歸厚以數十騎衛太祖馬中矢僵乃持槊步鬪太祖先還軍中遣張筠馳騎取之以為必死矣歸厚體被十餘箭得筠馬乃歸太祖見之泣曰爾在喪軍何足計乎使昇歸宣武遷右神武統軍歷沿晉絳三州刺史與晉人屢戰未嘗屈乾化元年拜鎮國軍節度使以疾卒子漢卿歸弁亦善戰開平初為滑州長劍指揮使子漢融梁亡皆族誅

王重師許州長社人秦宗權陷許州重師脫身歸梁從太祖平蔡攻兗鄆為拔山都指揮使苦戰齊魯間威震鄰敵遷潁州刺史太祖攻濮州已破濮人積草焚之梁兵不得入重師方病創臥帳中遽起悉取軍中糧毯沃水蒙火上率精卒以短兵突入眾隨之遂取濮州重師身被八九創軍士負之而還太祖聞之驚曰奈何使我得濮州而失重師乎逾月乃愈王師範降表重師青州留後累遷佑國軍節度使同中書門下平章事居數年甚有威惠重師與劉捍故有隙捍嘗構之太祖會重師輒遣裨將張君練攻邠鳳而敗太祖怒其擅發兵挫國威將召而罪之按通鑑重師鎮長安數年貢賦不時乃召今入朝是重師獲罪非盡由讓構也薛史亦遣劉捍代重師重師不知太祖怒已捍至重師禮甚倨捍因馳白太祖言重師有二志遂貶死

徐懷玉亳州雋夷人本名琮與梁太祖俱起微賤勇於戰陣從太祖鎮宣武為永城鎮將秦宗權攻梁壁金隄靈昌酸棗懷玉以輕騎連擊破之又敗之於板橋赤岡

拔其八柵從太祖東攻鄆破徐宿戰必捷賞賚以分士卒為梁名將太祖賜名懷玉從太祖敗魏兵黎陽破宋達於金鄉又從龍師古攻楊行密清口之敗懷玉軍獨完收散卒萬餘人歸遷沂州刺史王師範叛梁懷玉屢以州兵擊破之遷齊州防禦使天復四年以州兵西迎昭宗都洛陽遷華州觀察留後屯雍州遷右羽林統軍又屯澤州晉人為隧以攻懷玉擊之隧中晉人乃卻太祖時歷曹晉二州刺史晉軍數至懷玉堅守敗晉於洪洞拜保大軍節度使朱友謙叛附於晉襲鄆州執懷玉殺之

楊師厚潁州斤溝人少事河陽李罕之從罕之降晉後以罪奔梁太祖以為宣武軍押衙曹州刺史梁攻王師範師厚戰臨胸禽其偏將八十餘人取棗州以功拜齊州刺史太祖攻趙匡胤疑於襄陽師厚為先鋒以浮橋渡漢擊敗之匡胤棄城走進取荆南又走匡胤弟匡明拜山南東道節度使同中書門下平章事劉知俊叛攻陷長安劉鄩牛存節等攻之久不下師厚以奇兵入其西門遂克之按通鑑時師厚為西岳行營招討使帥劉鄩克之是師厚與鄩等同破潼關師厚以奇兵後至遂鄩等亦非無功足錄者也與史互異晉周德威攻晉州以應知俊師厚敗之於蒙坑遷保義軍節度使徙鎮宣義晉軍攻燕燕王劉守光求援於梁太祖為之擊趙以牽晉屯於龍花遣師厚攻棗彊屠之進圍修縣晉史建瑋以輕兵夜擊梁軍梁軍大擾乘輜重走太祖遷東都留師厚屯魏州明年太祖遇弒友珪自立師厚乘間殺魏牙將潘宴滅延範等遂節度使羅周翰友珪因以師厚為天雄軍節度使師厚自太祖時嘗為招討使悉領梁勁兵既得魏稍於倨難制故時魏恃牙兵以彊羅紹

威時牙兵盡死魏始為梁所制師厚乃復置銀槍劄節軍友珪陰欲圖之召師厚入計事其吏勸勿行師厚曰吾二十年不負朱家今若不行則見疑而生事然吾知上為人雖往無如我何乃以勁兵二萬朝京師留兵城外以十餘人從入見友珪益恐懼賜與鉅萬而還已而未帝謀討友珪遣馬慎交陰見師厚布腹心師厚猶豫未決或曰均王仗大義誅賊其事易成若一朝破賊公將何以自處師厚大悟乃遣其將王舜賢至洛陽見袁象先計事使朱漢賓以兵屯滑州為應末帝卒與象先殺友珪末帝即位封師厚鄴王詔書不名事無鉅細皆諮之然心益忌畏已而師厚瘍發卒末帝為之受賀於宮中由是始分相魏為兩鎮魏軍亂以魏博降晉梁失河北自此始

王景仁廬州合肥人初名茂章少從楊行密起淮南驍勇剛悍臨敵以身先梁太祖遣兄子友寧按友寧乃開王存之子歐子謀攻王師範於青州師範乞兵於行密遣景仁以步騎七千救之師範背城為兩柵友寧夜擊其一柵中告急趣景仁出戰景仁按兵不動友寧已破一柵連戰不已遲明景仁度友寧兵已困乃出戰大敗之遂斬友寧時太祖方攻鄆州聞友寧死以兵二十萬倍道至景仁閉壘示怯何梁兵意毀柵出疾戰戰酣退坐召諸將飲酒已而復戰太祖登高望見之得青州降人問飲酒者為誰曰王茂章也太祖歎曰使吾得此人為將天下不足平也梁兵又敗景仁軍還梁兵急追之景仁遣裨將李虔裕設伏以待追兵至虔裕以死遏之景仁緩行全軍以歸事行密為潤州團練使行密死子渥自宣州入立景仁代守宣州渥求宣州故物不與渥怒以兵攻之

按新唐書楊行密傳渥求茂章親兵不得乃以兵五景千襲之薛史作渥忘其勇悍欲除之皆與歐史互異景仁奔於錢鏐鏐表領宣州節度使梁太祖素識景仁遣人召之遂間道歸梁仍以爲密國軍節度使同中書門下平章事開平四年爲北面招討使伐趙行至魏州司天監言太陰虧不利行師太祖馳使者止之景仁已過邢洛不奉詔及晉人戰大敗於柏鄉罷就第後數月悉復其官爵末帝立爲淮南招討使使攻廬壽軍過獨山山有楊行密祠再拜號泣而去戰於霍山梁兵敗走景仁殿而力戰不甚敗歸京師病疽卒贈太尉

賀瓌字光遠濮州人其事鄆州朱宣爲都指揮使梁太祖攻朱瑾於兗州宣遣瓌與何懷實柳存等救充瓌趨待賓館欲絕梁餉道太祖偵知之選精兵夜疾馳百里巨至鉅野東遇瓌兵擊之瓌等大敗瓌及懷實等至兗城下以招瑾瑾不納因斬懷實等十餘人而獨留瓌瓌感太祖不殺誓以身自效從平青州以爲曹州刺史太祖即位徙相州末帝時遷左龍虎統軍宣義軍節度使貞明元年魏兵亂賀德倫降晉晉王入魏劉鄩敗走河朔皆入於晉晉軍取楊劉乃以瓌爲招討使與謝彥章等屯行臺瓌與彥章有隙伏甲殺之莊宗以輕兵襲濮州瓌自行臺躡之戰于胡柳陂斬其將周德威瓌軍已勝陣無石山日暮晉軍仰攻之瓌下擊晉軍遂奪山此按即王建及傳所謂土山也原文不著奪山事瓌大敗晉於戰時形勢未盡且與建及傳不符今增遂取濮州城德勝夾河爲柵瓌以舟兵攻南柵不能得還軍行臺以疾卒年六十二贈侍中

爲檀馳取之并獲其將一人從太祖破魏內黃遷衡山都虞侯復從朱珍攻徐州獲其將一人梁兵攻王師範檀別破其密州拜密州刺史太祖即位遷保義軍節度使鄆州東北面招討使王景仁敗於柏鄉晉兵圍邢州太祖欲自將救之檀表止請自拒敵卒全邢州以功加同中書門下平章事進封瑯琊郡王友珪立徙鎮宣化貞明元年又徙匡國時莊宗取魏博檀以謂晉兵悉在河北乃以奇兵西出陰地襲太原不克而還徙鎮天平檀嘗招亡盜居帳下帳下兵亂入殺檀年五十八贈太師諡忠毅

馬嗣勳濠州鍾離人少爲州客將梁太祖攻濠州刺史張遂遣嗣勳持牌印降梁楊行密攻遂遂又使嗣勳來乞兵兵未至濠州已沒嗣勳乃留事梁太祖以爲宣武軍元從押衙太祖西攻鳳翔行至華州道嗣勳入說韓建建卽時出降天祐二年羅紹威乞兵誅牙軍遣嗣勳以千人赴之盡誅牙兵語在紹威傳嗣勳亦中重創卒太祖卽位贈太保

王虔裕瑯琊臨沂人少從諸葛爽起青棧間爽敗虔裕隨爽奔於梁時太祖新就鎮黃巢秦宗權等兵方盛太祖數爲所窘而梁未有佗將乃以虔裕將騎兵常爲先鋒擊巢拔其數柵巢走梁兵躡之戰於萬勝成巢敗而東虔裕功爲多乃表爲義州刺史黃巢已去秦宗權攻許鄭與梁爲敵境大小百餘戰虔裕常有功既又遣虔裕拒秦賢於尉氏戰敗失一裨將太祖怒拘之軍中邢州孟遷降梁爲晉人所圍太祖遣虔裕以精兵百人疾馳夜破圍入遲明立梁旗幟於城上晉人以為救兵至乃退已而復來遷執虔裕降於晉見殺

謝彥章許州人幼事葛從周從周養以為子授之兵法置千錢大盤中為行陣偏伍之狀示以出入進退之節彥章盡得之及壯事梁太祖為騎將時賀瓌善用步卒而彥章與孟審澄候溫裕皆善將騎兵審澄溫裕所將不過三千彥章多而益辦末帝時累遷匡國軍節度使貞明四年晉攻河北賀瓌為北面招討使彥章為排陣使屯於行臺彥章好禮儒士雖居軍中嘗備服或臨敵御眾肅然有將帥之威左右馳驟疾若風雨晉人望其行陣齊整相謂曰謝彥章必在此也其名重敵中如此壞心忌之一日與瓌行視郊外瓌指一地語彥章曰此地岡阜隆起其中坦然營柵之地也已而晉兵柵之瓌疑彥章陰以告晉益惡之瓌欲速戰彥章請持重以老敵馬步都虞候朱珪夙與彥章有隙乃誣反瓌旦亨土使珪伏甲殺之審澄溫裕皆見害

按審澄時為濮州刺史溫裕則別將也

列傳

五代三

郭崇韜

安重誨

周德威

符存審從薛

郭崇韜字安時從薛代州雁門人爲河東教練使莊宗爲晉王孟知祥薦崇韜爲中門使甚見親信莊宗卽位拜兵部尚書樞密使梁王彥章擊破德勝唐東保楊劉彥章圖之莊宗登壘望見彥章爲重塹以絕唐軍意輕之曰是欲持久以敵我也卽引短兵出戰爲伏兵敗歸問崇韜計安出時唐已得鄆州矣崇韜曰彥章圍我於此志在取鄆州也臣願得兵數千據河下流築壘必爭之地以應鄆州爲名彥章必來爭旣分其兵可圖也然板築難卒就陛下日以精兵挑戰使彥章不得東十日壘成矣莊宗乃遣崇韜與毛彰將數千人夜渡河築壘於博州東晝夜督役六日壘成彥章急攻之不克還趨楊劉莊宗迎擊遂敗之康延孝自梁奔唐先見崇韜崇韜延之臥內盡得梁虛實是時莊宗軍朝城段凝軍臨河唐自失德勝梁兵日掠澶相黎陽衛州而李繼韜以澤潞叛入于梁契丹數犯幽涿又聞延孝言梁方召諸鎮兵欲大舉唐諸將皆憂感以謂鄆州隔河難守不若棄與梁而西取衛州黎陽以河爲界與梁約罷兵莊宗不悅召問崇韜崇韜曰陛下興兵仗義將士疲戰爭生民苦轉餉者十餘年矣況今大號已建河北皆引首望成功今得一鄆州不能守而棄之雖欲指河爲界誰爲陛下守者且唐未失德勝時四方商賈征輸必集積薪芻糧餉如山自失南城保楊劉道路轉徙耗大半而魏

博五州秋稼不稔竭民而斂不支數月此豈按兵持久時乎臣自康延孝來盡得梁虛實此真天亡之時也願陛下分兵守魏固楊劉而自鄆長驅搗其巢穴不出半月天下定矣莊宗大喜卽日下令軍中歸家屬於魏夜渡楊劉從鄆州入冀汴八日而滅梁推功賜崇韜鐵券拜侍中成德軍節度使依前樞密使莊宗與諸將以兵取天下而崇韜未嘗戰陣徒以謀議居佐命第一位兼將相遂以天下爲己任遇事無所迴避而宦官伶人不便初崇韜與宦者馬紹宏俱爲中門使而紹宏位在上及莊宗卽位二人當爲樞密使崇韜不欲紹宏在己上乃以爲宣徽使紹宏失職怨望崇韜因置內勾使以紹宏領之尋罷紹宏充側目崇韜頗懼語其子曰吾佐天子取天下今大功已就而羣小交與吾欲避歸錫陽庶免禍對曰俚語曰騎虎者勢不得下今公權位已隆而下多怨嫉一失其勢能自安乎今中宮未立而劉氏有寵宜請立劉氏爲皇后而多建天下利害便民者然後退而乞身天子以公有大功而無過必不聽公去是外有避權之名而內有中宮之助又爲天下所悅雖有讒間其可動乎崇韜以爲然乃上書請立劉氏爲皇后崇韜素廉自從入洛始受四方賂遺或以爲言崇韜曰吾位將相祿賜巨萬豈少此今藩鎮諸侯多梁舊將皆主上斬射鈞之人也一切拒之豈無反側且藏于私室何異公帑明年天子有事南郊乃悉獻所藏以佐賞莊宗已郊遂立劉氏爲皇后崇韜果表自陳請依唐舊制還樞密使於內臣而弁辭鎮陽優詔不允因建天下利害二十五事施行之李嗣源爲成德軍節度使從崇韜忠武崇韜辭言甚懇至遂罷其命同光三年夏霖雨不

止大水害民田民多流死莊宗患官中暑溼思得高樓避暑遣宮苑使王允平營之宦官曰郭崇韜肩頭不伸常爲租庸惜財用陛下雖欲有作其可得乎莊宗乃使人問崇韜曰昔吾與梁對壘河上雖那寒暑被甲跨馬不以爲勞今居深宮陰廣厦不勝其熱何也崇韜對曰陛下昔以天下爲心今以一身爲意艱難逸豫爲慮不同其勢自然也願陛下無忘河上則可使繁暑坐變清涼莊宗默然終遣允平起樓崇韜果切諫宦官曰崇韜第無異皇居安知陛下之熱由是讒間愈入河南縣令羅貫爲人彊直正身奉法頗爲崇韜所知宦官伶人求請書積凡案一不報皆以示崇韜崇韜數以爲言宦官伶人由此切齒張全義爲尹貫不爲之屈而多按誅特全義爲不法者全義嘗使人告劉皇后從容爲白貫事而左右日夜共攻其短莊宗未有以發皇太后崩葬坤陵莊宗幸陵作所而道路泥塗橋壞莊宗止輿問誰主者宦官曰屬河南因亟召貫至對曰臣初不奉詔請詰主者莊宗曰爾所部復問何人下獄拷掠體無完膚明日詔殺之崇韜諫以橋道不修法不當死莊宗怒起入宮崇韜隨之論不已莊宗自闔殿門崇韜不得入貫卒見殺明年征蜀議擇大將明宗爲總管當行而崇韜以讒見危思立大功爲自安計乃曰契丹爲患北邊非總管不可禦魏王繼岌國之儲副而大功未立且親王爲元帥唐故事也莊宗曰繼岌小子豈任大事公爲我副之乃以繼岌爲西南面行營都統崇韜爲招討使軍政皆決崇韜唐軍入蜀所遇迎降王衍弟宗弼陰送款于崇韜求爲西川兵馬留後崇韜以節度使許之軍至成都宗弼奉崇韜甚厚又與蜀人列狀見魏王請崇韜

留鍾蜀繼岌頗疑崇韜無以自明因以事斬宗弼及其弟宗渥宗勳崇韜素嫉宦官嘗謂繼岌曰王有破蜀功師旋必為太子俟主上千秋萬歲後當盡去宦官至於扇馬亦不可騎繼岌監軍李從襲等見崇韜專軍事心已不平及聞此言皆切齒思圖之莊宗聞破蜀遣宦官向延嗣勞軍崇韜不郊迎延嗣大怒與從襲等共搆之延嗣還上蜀簿莊宗怪所得簿延嗣因言蜀實皆入崇韜且誣其有異志將危魏王莊宗怒遣宦官馬彥珪至蜀視崇韜去就彥珪告劉皇后劉皇后教彥珪矯詔魏王殺之崇韜有子五人廷誨廷信從死子蜀餘皆見殺明宗即位詔許歸葬以其太原故宅賜其一孫崇韜自以為子儀後其伐蜀也過子儀墓下馬號慟而去聞者頗以為笑然崇韜盡忠國家有大略其已破蜀因遣使者以唐威德風諭南詔諸蠻欲因以殺來之可謂有志矣

安重誨應州人父福遷為晉將以驍勇知名晉兵殺朱宣福遷與梁戰死重誨少事明宗明宗鎮安國以為中門使及兵變于魏大計皆重誨與霍彥威決之明宗即位以為樞密使累加侍中兼中書令重誨自為中門使已見親信而以佐命功處機密之任事大小皆參決其勢傾動天下雖其盡忠勞力時有補益而恃功矜寵威福自出旁無賢人君子之助其獨見之慮禍釁所生至於臣主俱傷幾滅其族斯其可哀者也重誨嘗出過御史臺門殿直馬延悞衝前導重誨怒即臺門斬延而後奏請降敕處分明宗不得已從之宰相任圜判三司以職事與重誨爭不能得國怒辭疾退居重誨誣以罪矯詔殺圜而後白事具圖傳又恐天下議已因取三司積

欠二百餘萬請放之以悅人其威福自出多此類也是時四方奏事皆先白重誨然後聞河南縣獻嘉禾一莖五穗重誨視之曰偽也咎其人遣之夏州李仁福進白薦重誨卻之明日曰陛下詔天下毋獻鷹鷄而仁福違詔獻鷹臣已卻之矣重誨出明宗陰遣人取以入佗日按鷹西郊戒左右無使重誨知宿州進白兔重誨曰免陰且狡雖白可為逐卻而不白明宗為人雖寬厚然其性果於殺人馬牧軍使田令方所牧馬瘠而多糞坐劾當死重誨諫曰使天下聞以馬故殺一軍使是謂貴畜而賤人方因得減死明宗遣回鶴侯三馳傳至其國醴泉縣素無驛其令劉知章不時給馬侯三遽以聞明宗大怒械知章至京師將殺之重誨從容為言得不死其盡忠補益亦此類也重誨既以天下為己任遂欲內固社稷而外制諸侯之疆然其輕信韓琦之譖而絕錢鏐之臣徒陷彥溫於死而不能去潞王之患李嚴一出而知祥貳仁矩未至而董璋叛此所謂獨見之慮禍釁所生也錢鏐據有兩浙兼吳越而王自梁及莊宗常異其禮羈縻之明宗即位鏐遣使朝寓書重誨慢重誨怒未有以發乃遣其髮吏韓致副供奉官烏昭遇使鏐攻恃勢辱昭遇因醉使酒以馬箠擊之鏐欲奏其事昭遇以為辱國固止之攻還反譖於重誨曰昭遇見鏐舞蹈稱臣以朝廷事私告鏐昭遇坐死下制削奪鏐官爵於是錢氏遂絕於唐案吳越備史吳越王命文穆王上之天子始得聞焉是吳潞王從珂鎮河中重誨以其越未嘗絕唐與史互異

非李氏子後必為患欲陰圖之從珂聞馬黃龍莊其牙內指揮使楊彥溫閉城叛從珂遣人謂彥溫曰我遇汝厚何苦而反報曰彥溫非叛也得樞密院直請公趣歸朝廷耳從珂走虞鄉馳上變明宗疑其事不明遣人誘致彥溫欲究所以重誨固請用兵明宗乃遣侍衛指揮使藥彥稠西京留守索自通率兵討之誠曰為我生致彥溫吾將自訊其事彥稠等攻破河中希重誨旨斬彥溫以滅口重誨率羣臣賀明宗大怒曰朕家事不了卿等不合致質從珂罷鎮居清化里第重誨數諷宰相馮道等言從珂失守宜行法重誨又自論列明宗曰吾為小校時衣食不能自足此兒為我擔石灰拾馬糞以相養活今貴為天子獨不能庇之邪使其杜門私第亦何與公事重誨由是不復敢言孟知祥鎮西川董璋鎮東川二人皆有異志重誨每事裁抑務欲制其姦心五代載知祥將據蜀遣使以金賂重誨重誨喜之案重誨雖威福自專慮多召勳而歐薛兩史皆不著其賂且云重誨死後家貲不及數千緡況此時正欲裁制知祥豈有反喜其通賂之理問岳之言恐不足據凡兩川守將更代多用己所親信必有精兵從之漸令分戍諸州以虞緩急二人覺以為圖已益不自安既而遣李嚴為西川監軍知祥即日斬嚴又分闔州為保寧軍以李仁矩為節度使以制璋且削其地璋以兵攻殺仁矩二人遂皆反初明宗幸汴重誨欲因以伐吳明宗難之後得吳謀者言徐知誥欲舉吳稱藩願得安公一言為信重誨大喜因謀者遣知誥玉帶而不以其事聞逾年知誥之問不至捧聖都軍使李行德十將張檢告變言樞密承旨李虔微語其客邊彥溫云重誨募士繕甲欲自伐吳又與謀者交私明宗頗疑之大臣左右皆為解因廷詰彥溫具伏其詐於是君臣相顧位下彥溫行德儉皆坐族誅重誨因求解職明宗慰之重誨論請不已明宗怒乃趣中書議代馮道曰諸君苟惜安公使得罷去是紆其禍也趙鳳以為大臣不可輕動遂以范延

光爲樞密使重誨居職如故重璋等反遣石敬瑭討之
川路險糧運甚艱每一石致一斗自關以西民苦輸送
往往亡聚山林爲盜賊明宗欲自行重誨止之請行關
西聞之皆恐動重誨日馳數百里督趣糧運晝夜不絕
斃踏道路者不勝數重誨過鳳翔度使朱宏昭延之
寢室使其妻子奉事左右甚謹重誨酒酣爲宏昭言昨
被讒幾不自全賴明聖得保家族因感歎泣下重誨去
宏昭上言重誨怨望至營恐生事宜徵使孟漢瓊自行
營使還亦言西人震駭狀因述重誨過惡重誨行至三
泉召還過鳳翔宏昭拒不納重誨懼馳趨京師未至拜
河中節度使宦者安希倫坐爲重誨陰伺宮中動息事
發棄市重誨益懼因上章告老以太子太師致仕而以
李從璋代遣藥彥稠率兵如河中虞變重誨二子崇精
崇贊宿衛京師聞制下即日奔其父重誨見之驚曰二
渠安得來已而曰此非渠意爲人所使耳吾以一死報
國餘復何言乃械送京師明宗又遣翟光業至河中視
重誨去就戒曰有異志則與從璋圖之光業至從璋率
兵圍重誨第入拜于庭重誨降各拜從璋以槌擊其首
重誨妻抱之而呼曰令公死未晚何遽如此夫妻皆死
檢責其家貲不及數千緡明宗下詔以其絕錢鏐致孟
知祥董璋反及議伐吳以爲罪并殺其二子餘子孫皆
免重誨得罪知必死歎曰我固當死但恨不與國家除
去路王也

朱甲自異出入陣中求周陽五欲必生致之晉王戒德
威曰陳野又欲得汝以求刺史宜善備之德威笑曰陳
章好大言耳安知刺史非臣作因戒其部兵見白馬朱
甲者佯走避之德威微服雜伍中兵始交德威部下退
走章奮騎急追德威從其後揮鐵鎗中章墮馬遂生擒
之梁攻燕晉遣德威爲燕攻梁取潞州梁捨燕攻潞圍
以夾城潞州守將李嗣昭城守而德威與梁軍相持於
外踰年嗣昭與德威素有隙晉王病且革語莊宗曰梁
軍圍潞而德威與嗣昭有隙吾甚憂之王喪在殯莊宗
新立殺其叔父克寧國中未定重兵悉屬德威于外晉
人皆恐莊宗使人以喪及難告且召其軍德威即日遣
軍太原留兵城外徒步入伏哭幾絕晉人乃安遂從莊
宗復擊梁軍破夾城與嗣昭歡如初以功拜振武節度
使同中書門下平章事天祐七年秋梁遣王景仁將魏
滑汴宋等兵七萬人擊趙趙王王鎔乞師于晉晉遣德
威先屯趙州冬梁軍至柏鄉趙人告急莊宗自將出贊
皇會德威于石橋進距柏鄉五里營于野河北德威告
莊宗曰梁軍甚銳未可與爭宜少退以待之莊宗曰吾
提孤軍出千里利速戰不乘勢急擊之使敵知吾寡寡
則吾無所施矣德威曰不然趙人能城守而不能野戰
吾之取勝利在騎兵平川廣野騎兵所長也今軍河上
迫賊營門非吾用長地所持者一水隔耳使梁得舟楫
渡河吾無類矣不如退軍鄆邑誘敵出營擾而勞之可
以策勝也已而獲梁游兵問景仁何爲曰治舟數百將
以爲浮梁莊宗笑曰果如公所料乃退軍鄆邑德威晨
遣三百騎叩梁營挑戰自以勁兵三千繼之景仁怒悉
軍以出與德威轉鬪數十里至鄆兩軍皆陣梁軍橫

互六七里汴宋之軍居西魏滑之軍居東莊宗欲戰德
威持馬諫曰梁軍遠來必不暇齎糧糗縱其能齎亦不
暇食不及日午人馬俱餓困其將退而擊之勝至未申
時梁軍東偏塵起德威鼓譟而進麾其西偏曰魏滑軍
走矣又麾其東偏曰梁軍走矣梁陣動不可復整乃皆
走遂大敗自鄆追至柏鄉橫尸數十里景仁以十餘騎
僅而免自梁與晉爭凡數十戰其大敗未嘗如此劉守
光僭號於燕晉遣德威出飛狐擊之入祁溝關取涿州
遂圍守光於幽州盡下燕諸州縣踰年破幽州以功拜
盧龍軍節度使案遼史周德威鎮幽州時盧文進引遼
師攻之城幾陷以救得免此事新舊史
皆失莊宗與劉鄩相持于魏鄩夜潛出黃澤關以襲太
原德威自幽州以千騎入土門躡之鄩至樂平遇雨不
得進而還德威與鄩俱東爭趨臨清臨清有積粟且晉
軍餉道也德威先馳據之以故莊宗卒能困鄩軍而敗
之莊宗勇而好戰尤銳於見敵德威老將常務持重以
挫人鋒故其用兵常伺敵隙以取勝十五年德威將燕
兵與鎮定等軍從莊宗于河上自麻家渡進軍臨濮以
趨汴州軍宿胡柳陂梁軍至莊宗問戰於德威德威對
曰此去汴州信宿而近梁軍父母妻子皆在其中梁人
家國繫此一舉吾以深入之兵當其必死之戰可以計
勝難與力爭也且吾軍先至以逸待勞王宜按軍無動
臣請以騎軍擾之使其營柵不得成樵爨不暇給因其
勞之而乘之可以勝莊宗曰吾終日俟敵今見敵不擊
復何爲顧李存審曰公以輜重先吾爲公殿遂出德威
謂其子曰吾不知死所矣前遇梁軍而陣王軍居中鎮
定軍居左德威軍居右輜重次右之西兵接莊宗率銀
槍軍馳入梁陣梁軍小敗犯晉輜重輜重見梁朱旗皆

驚走入德威軍德威軍亂梁軍乘之德威父子皆戰死莊宗與諸將相持而哭曰吾不聽老將言使其父子至此及即位贈德威太師明宗時加贈太尉配享莊宗廟庭晉高祖追封德威燕王子光輔官至刺史

符存審字德詳陳州宛邱人初名存少賤犯法當死臨刑指旁壤垣顧主者曰願就死于彼冀得垣土覆尸主者哀而許之為徙垣下而主將方飲酒顧其愛妓思得善歌者佐酒妓言有符存嘗為妾歌甚善主將馳召存審存審以徙垣下故未加刑因就召使歌而悅之得不死後從李罕之歸晉晉王以為義兒軍使賜姓李氏名存審從晉王擊李匡僞為前鋒破居庸關又從擊王行瑜破龍泉寨從李嗣昭攻汾州執李璠薛史作李康又攻潞

州降丁會從周德威破梁夾城晉趙攻燕梁救燕擊趙深州圍衙縣存審與史建瑋軍下博擊走梁軍魏博叛梁降晉存審為先鋒屯臨清莊宗入魏存審殿軍魏縣與劉鄩相距莘西從莊宗取鄩於故城以功累遷為安國軍節度使徙橫海加同中書門下平章事契丹圍幽州時晉與梁相持河上欲發兵兵少欲勿救懼失之莊宗疑以問諸將存審獨以為當救以騎兵五千擊走契丹契丹國志存審令步兵陣於後先以麻兵曳柴燃草而進烟塵漲天鼓譟合戰乃趨後陣乘之遼太祖從戰胡柳陂晉軍晨敗亡周德威存審與其子彥圖力戰暮復敗梁軍于土山遷內外蕃漢馬步軍總管

梁朱友謙以河中同州降晉梁遣劉鄩攻同州友謙求救乃遣存審與李嗣昭救之河中兵弱糧少而新降人心頗持兩端晉軍屯朝邑諸將皆欲速戰存審曰使梁軍知吾利速戰則將夾潤而營斷我餉道以持久困我則我進退不可敗之道也乃按軍不動居旬日望氣者

言有黑氣狀如鬪鷄存審曰可以一戰矣乃進軍擊鄩大敗之鄩夜遁去追擊于渭河又大敗之張文禮弒趙王王鎔晉遣閻寶李嗣昭等攻之至輒戰死最後遣存審破之存審為將有機略大小百餘戰未嘗敗衄與周德威齊名德威死晉之舊將獨存審在契丹入塞乃以存審為盧龍軍節度使時存審已病辭不肯行莊宗使人慰遣之莊宗減梁入洛存審自以身為大將不得與破梁之功怏怏病益甚因請朝京師時郭崇韜權位已重然名望素在存審下不樂其來加己上沮之存審妻郭氏泣訴於崇韜曰吾夫於國有功而與公鄉里之舊奈何忍令死棄窮野崇韜愈怒存審章累上輒不許存審伏枕歎曰老夫事二主四十年今日天下一家四夷遠俗至於亡國之將射鉤斬祛之人皆得親見天子奉賜為壽獨子棄死于此豈非命哉崇韜度存審病已亟乃請許其來朝徙鎮宣武卒于幽州臨終戒其子曰吾少提一劍去鄉里四十年間取將相然履鋒冒刃出死

入生而得至此也出其身所中矢鏃百餘示之曰爾其勉哉子彥超彥饒彥卿彥超初為汾州刺史明宗入洛時為北京巡檢承王存霸奔太原彥超見留守張憲謀之憲儒者事莊宗最久不忍背恩欲納之彥超不從存霸遂見殺明宗德之以為建雄軍留後遷北京留守歷鎮昭義泰寧安遠彥超主藏奴王希全盜其貲稍責之奴懼夜叩門言有急彥超出見殺贈太尉彥饒為汴州馬步軍都指揮使天成元年發汴兵戍瓦橋關控鶴指揮使張諫反迫彥饒為帥彥饒陽許之明日偕見伏甲誅諫詔褒其忠略清泰三年拜忠正軍節度使侍衛馬步軍都指揮使晉高祖起太原彥饒以侍衛兵從廢帝

至河陽廢帝敗晉高祖徙彥饒義成軍節度使范延光反白奉進以侍衛兵三千屯滑州兵士犯法奉進捕得五人其三人義成兵也因并斬之彥饒怒明日奉進過彥饒謝語不合拂衣而起彥饒不復留其麾下大譟追奉進殺之彥饒不止也屯駐軍將馬萬等擒彥饒送京師以彥饒應延光反聞詔削官爵殺之彥饒以一旦之忿不能馭其軍殺奉進已非本意以反見誅非其罪也彥卿宋史有傳

欽定續通志卷二百八十三

列傳

五代四

史建瑋 王建及 元行欽

安金全 袁建豐 西方鄴

符習 烏爰 孔謙 張延朗

李嚴 李仁矩 毛璋

朱宏昭 劉延朗 康思立

康義誠 藥彥稠

史建瑋字國寶從薛雁門人父敬思為九府都督從晉

王入關破黃巢擊秦宗權常將騎兵為先鋒上源驛之

變為梁兵所殺建瑋少為裨校自晉降丁會與梁相距

潞州建瑋已為先鋒梁兵數為建瑋所殺相戒避史先

鋒伯鄉之戰周德威擊梁左軍建瑋擊其右大敗之以

功加檢校左僕射晉趙攻燕梁救燕擊趙深州圍肅疆

蔚縣晉精兵皆在北獨符存審與建瑋以三千騎屯趙

州梁兵已破東疆存審扼下博橋建瑋分其麾下五百

騎為五隊一之衡水一之南宮一之信都一之京城而

自將其一約各取梁芻牧者十人會下博至暮擒梁兵

數十皆殺之各留一人縱使逸告之曰晉王軍且大至

明日建瑋率百騎為梁旗幟雜其芻牧者暮叩梁營殺

門卒縱火大呼斬擊數百人梁兵得歸者皆言晉軍

且至梁太祖夜拔營去時方病由是增劇而晉軍得并

力以收燕者二人之力也後從莊宗入魏博敗劉鄩累

功歷貝相二州刺史晉軍討張文禮建瑋以先鋒兵下

趙州進薄鎮州攻城門中流矢卒

子匡翰尚晉高祖女是為晉國長公主為將沈殺有謀

而接下以禮與部曲語未嘗不名為唐天雄軍步軍彰

聖馬軍兩都指揮使事晉歷義成軍節度使所至兵民

稱之史氏世將而匡翰好讀書尤喜春秋三傳義成軍

從事關徹尤嗜酒嘗醉罵匡翰曰近聞張彥澤鬻張式

未聞史匡翰斬關徹天下談者未有偶爾匡翰不怒引

滿自罰而慰勉之人皆服其量卒年四十

王建及薛史册府元龜俱作李建及或管賜許州人少

從李罕之奔晉為匡衛指揮使梁晉嚴柏相相距鄆邑

野河上鎮定兵扼河橋梁兵急擊之莊宗望見鎮定兵

將敗顧建及曰橋為梁奪則吾軍危矣奈何建及選二

百人馳擊梁兵敗解去從戰莘縣故元城皆先登陷陣

累功拜遼州刺史將銀槍效節軍晉攻楊劉建及躬負

葭葦壘壘先登拔之從戰胡柳晉兵已敗與梁爭土山

梁兵先至登山陣莊宗至山下曰今日得山者勝馳騎

犯之建及以銀槍軍繼進梁兵下走陣山西晉兵遂得

土山建及呼其眾曰今日所失輜重皆在山西盍取之

即馳犯梁陣梁兵大敗晉遂軍德勝為南北城于河上

梁賀瓌攻其南城以竹竿維戰艦于河晉兵不得渡南

城危甚建及以大囊積薪自上流縱火焚梁戰艦而以

三舟載甲士隨之斧其竹竿梁兵皆走晉軍乃得渡救

南城瓌解去建及為將喜以家貲散士卒宦官韋令圖

監其軍言建及得士心懼有異志不可令典牙兵出為

代州刺史怏怏而卒

元行欽幽州人為劉守光裨將守光篡其父仁恭使行

欽以兵囚仁恭於大安山又使行欽害諸兄弟其後晉

攻幽州守光使行欽募兵雲朔間時明宗略地山北與

行欽相拒廣邊軍行欽屢敗乃降 宗養以為子常從

立功莊宗聞行欽驍勇取之以為散員都部署賜姓名

曰李紹榮莊宗與梁戰潘張軍敗而潰得三四騎馳去

梁兵數百追及攢稍圍之行欽望其旗而識之馳一騎

奮劍斷其二矛斬首一級梁兵解去莊宗還營持行欽

泣曰富貴與卿共之由是寵絕諸將拜忻州刺史遷武

寧軍節度使莊宗宴羣臣於內殿酒酣進平生戰事為

樂怪行欽不在所司奏曰奉敕宴使相紹榮散官不得

與莊宗罷會不樂明日即拜行欽同中書門下平章事

趙在禮反於魏以行欽為鄆都行營招撫使討之行欽

攻鄆南門以詔書招在禮在禮送羊酒犒軍登城再拜

以詔書示諸軍皇甫暉從旁奪詔書壞之軍士大譟行

欽具以聞莊宗大怒乃益召諸鎮兵屬行欽行欽分為

五道毀輪扉為筏渡長慶河攻冠氏門不克時邢洺諸

州相繼叛行欽攻鄆無功莊宗欲親征羣臣諫止乃遣

明宗討之明宗至魏軍城西行欽軍城南而明宗軍變

入魏與在禮合行欽退屯衛州以明宗反聞明宗自魏

引兵南行欽率兵趨還京師從莊宗幸汴行至滎澤行

欽殺明宗子從璟語在宗室傳明宗入汴莊宗至萬勝

鎮不得進與行欽登道旁置酒相顧泣下有野人獻

雉問家名曰愁臺也莊宗益不悅因罷酒去西至石橋

置酒野次莊宗謂行欽曰卿等從我久富貴急難無不

同今危蹙而默默無言坐視成敗我至滎澤欲單騎渡

河自求總管卿等各陳利害今日俾我至此卿等何如

行欽泣而對曰臣本小人蒙撫養位將相危難不能報

國死無以塞責因與諸將百餘人皆解髻斷髮置地誓

死報君臣相持慟哭莊宗還洛陽數日復幸汜水郭從

謙反莊宗崩行欽出奔至平陸為野人執送號州刺史

石潭薛史作縣令裴進折其兩足檻車送京師明宗見之罵曰我兒何負於爾行欽顧目直視曰先皇帝何負於爾乃斬于洛陽市市人皆為流涕

安金全代北人驍果工騎射號能擒生踏伏事晉為騎將數從莊宗有功官至刺史以疾居太原梁晉相距河

上晉兵皆從太原無備梁將王檀乘虛來襲監軍張承業大恐率諸司工匠城守外攻甚急金全彊起謂承業

曰太原晉之根本一旦不守則大事去矣老夫誠憊尚能為公破賊乃被甲跨馬率子弟及故將吏百餘人夜

出北門擊檀於羊馬城中檀軍驚潰而晉救兵稍至然莊宗不以金全為能終不錄其功金全與明宗有舊明

宗即位拜振武軍節度使同中書門下平章事在鎮二年召還以疾卒

袁建豐不知其世家晉王討黃巢至華陰關得之時方九歲愛其俊爽收養之長習騎射從擊王行瑜李匡威

又從莊宗破夾城戰柏鄉以功累遷左廂馬軍指揮使明宗為內衙指揮使建豐為副使從莊宗入魏取衛磁

洛三州擊梁將王千斬首千餘級從戰胡柳指揮使孟謙據相州叛建豐還討平之歷洛相隔三州刺史病風

廢明宗即位以舊恩召還京師加檢校太尉遙領鎮南軍節度使俸食其俸以疾卒贈太尉

西方鄴定州滿城人年二十渡河游梁不見用歸莊宗于河上數有功同光中為曹州刺史以州兵屯汴州明

宗自魏反兵南渡河而莊宗東幸汴節度使孔循懷二志使北門迎明宗西門迎莊宗所以供帳委積如一日

先至者入之鄴責循曰主上破梁得公有不殺之恩柰何欲納總管而負國循不答石敬瑭妻明宗女也方在

汴鄴欲殺之循知其謀取之藏其家鄴無如之何乃將麾下西迎莊宗於汜水鳴咽泣下按通鑑鄴守汴石敬瑭使神將突入封邸及復迎莊宗附載以志疑不莊宗亦為嘔唏乃使為先鋒

莊宗遇弒明宗入洛鄴請死於馬前明宗嘉歎久之明年荆南高季興叛拜鄴夔州刺史以兵出三峽取三州

乃以夔州為鹽江軍拜鄴節度使又取歸州鄴武人所為多不中法判官譚善達數諫鄴怒遣人告善達受人

金下獄死鄴病見善達為崇卒於鎮

符習趙州昭慶人少事趙王王鎔為軍校自晉救趙破梁趙常遣習將兵從晉張文禮弒鎔上書求習歸趙莊

宗遣之習號泣曰臣世受趙王恩王嘗以一劍與臣使自效今聞王死欲以劍自裁念卒無益請擊趙破賊報

王冤莊宗壯之乃遣閻寶史建瑋等助習討文禮以習為鎮州兵馬留後習攻文禮不克莊宗用佗將破之拜

習成德軍節度使習辭願授河內一鎮得自攻取之乃拜習天平軍節度使東南面招討使習亦未嘗攻取後

徙鎮安國又徙平盧趙在禮作亂遣習以鎮兵討賊未至魏而明宗兵變遣人招之見明宗於胙縣平盧監軍

楊希望聞習為明宗所召乃以兵圍習家將殺之指揮使王公儼給希望曰習家不足慮宜分兵守城以虞外

變希望信之公儼因擒斬希習家由是獲免而公儼宣言青人不便習因自求為節度使明宗乃以房知溫

代習鎮平盧拜公儼登州刺史公儼不承命知溫擒而殺之習復鎮天平徙宣武習素為安重誨所不悅乃以

太子太師致仕歸以其子令謙為趙州刺史奉養之習以無罪怏怏失職居歲餘中風卒贈太師子令謙蒙命

謙在趙州有善政及卒州人號泣送葬者數千人當時

號為良刺史蒙為成德軍節度副使後事晉官至禮部侍郎

烏震信都人本趙軍卒稍以功遷裨校隸習軍從討張文禮家在趙文禮執震母妻及子十餘人以招震震不

顧文禮乃皆斷其手鼻而不誅縱至習軍軍中皆不忍正視震一勳而止憤激自勵攻破鎮州以功拜刺史歷

深趙冀三州震通左氏春秋為刺史以廉平有聲明宗聞其名擢拜河北道副招討使領靈國軍節度使代房

知溫成盧臺始至而戍兵龍旺等作亂見殺贈太師

孔謙魏州人為魏州孔目官魏博入於晉莊宗以為度支使傾巧善事人莊宗及左右皆悅之自少為吏勤敏

工書算頗知金穀聚斂之事晉與梁相距河上十餘年謙調發供饋未嘗乏以成莊宗之業然民亦不勝其苦

莊宗初建大號謙自謂當為租庸使而郭崇韜用張憲為使以謙為副謙已怏怏既而建北都謙謂崇韜宜得

重人鎮之非張憲不可崇韜以為然因以憲留守北都而以宰相豆盧革判租庸謙益失望乃陰求革過失革

嘗以手書假租庸錢十萬謙以示崇韜而微泄其事革聞之懼遂求解職而以王正言為租庸使謙益憤憤求

解職莊宗怒其避事欲賞之法賴伶官景進救之乃止已而正言病風不任事景進數為謙言乃罷正言以謙

為租庸使賜號豐財贍國功臣謙無能直以聚斂為事莊宗初即位推恩天下除百姓田租放諸場務課利

欠負者謙悉違詔督理故事觀察使所治屬州事皆不得專達上所賦調亦下觀察使行之而謙直以租庸帖

調發諸州不關觀察觀察使交章謂制敕不下支郡刺史不專奏事唐制也今唐運中興願還舊制詔從其請

而謙不奉詔卒行直帖又請減百官俸錢首罷節度觀察判官推官等員數以至障塞天下山谷徑路禁止行人以收商旅征算遣大程官放猪羊柴炭占庇人戶更制括田竿尺盡率州使公解錢由是天下皆怨苦之明宗立下詔暴謙罪斬於洛陽市籍其家遂罷租庸使額分鹽鐵度支戶部爲三司

張延朗汴州開封人事梁以租庸使爲鄆州糧料使明宗克鄆得延朗復以爲糧料使及卽位累遷忠武軍節度使長興元年始置三司使以延朗爲之延朗號爲有心計以三司爲己任而天下錢穀亦無所建明歷泰寧雄武軍節度使廢帝以爲吏部尚書兼中書門下平章事判三司晉高祖有異志三司財貨在太原者延朗悉調取之高祖深以爲恨晉兵起廢帝欲親征而心畏高祖疑不決延朗與劉延朗等勸帝必行延朗籍諸道民爲丁及括其馬丁馬未至晉兵入京師高祖得延朗殺之

李嚴幽州人初名讓坤事劉守光爲刺史後事莊宗爲客省使嚴明敏多藝頗知書而辯同光三年使于蜀爲王衍陳唐興復功德之盛蜀人聽之皆竦動時蜀君臣皆庸暗而恃險自安窮極奢僭嚴還具言可取狀初莊宗遣嚴以名馬入蜀市珍奇以充後宮而蜀法嚴禁以奇貨出劍門其非奇物而出者名曰入草物嚴無所得而還莊宗聞之大怒曰王衍其能免爲人草人乎於是決議伐蜀冬魏王繼及西伐以嚴爲三川招撫使按通爲招撫使歐史諱招討時軍中都招討則郭崇韜副招討則李令德又東南面都招討則高季興嚴以招撫爲名改與康延孝以兵五千先行所過州縣皆迎降至漢州王衍告曰得李嚴來卽降嚴馳入益州衍以妻母爲

託卽日以蜀降嚴還明宗以爲泗州防禦使客省使如故其後孟知祥僱強於蜀安重誨用事思有以制知祥者嚴乃求爲西川兵馬都監將行其母曰汝前敢破蜀之謀今行其以死報蜀人矣初嚴與知祥同事莊宗嚴嘗有過莊宗怒甚命斬之知祥爲解乃答而釋之知祥雖與嚴有舊恩而惡其來蜀人亦皆惡之嚴至知祥置酒從容問曰朝廷以公來邪公意自欲來邪嚴曰君命也知祥發怒曰天下藩鎮皆無監軍安得爾獨來此此乃孺子榮惑朝廷爾卽擒斬之明宗不能詰知祥由此遂反

李仁矩不知其世家少事明宗爲客將及卽位以爲客省使明宗祀天南郊東西川當進助禮錢使仁矩趣之仁矩恃恩驕恣見藩臣不以禮東川節度使董璋置酒召仁矩辭不往於傳舍與倡妓飲璋怒率衛兵露刃之傳舍牽出將斬之仁矩涕泣拜伏謝罪乃止明日璋置酒召仁矩見其妻子以厚謝之仁矩還言璋必反仁矩素爲安重誨親信思以制璋乃分東川之閬州爲保寧軍以仁矩爲節度使遣姚洪將兵戍之璋已怒仁矩至鎮伺璋動靜必以聞璋益疑懼遂決反攻閬州仁矩召將校問策皆曰璋有二心久矣常以利啖吾兵兵未可用賊鋒方銳宜堅壁以挫之能守旬日大軍必至賊當自退仁矩曰蜀懦安能當我精銳之師卽驅之出戰兵未交而潰遂被擒并其家屬皆見殺

毛璋滄州人爲橫海軍節度使戴思遠軍校晉下魏博思遠出奔璋以滄州降晉以爲貝州刺史晉與梁相拒河上璋累戰有功莊宗滅梁拜華州節度使在鎮多不法議者疑其有異志乃徙昭義璋初欲拒命其判官邊

蔚切諫乃聽命璋在華州得魏王繼茂伐蜀餘賈既富而驕淫嘗服精袍飲酒使所得蜀奴爲王衍宮中之戲明宗聞而惡之召爲金吾上將軍東川董璋上言璋遣子廷贊持書往西川疑有姦乃追還廷贊并璋下御史欵廷贊款稱實璋假子有叔父在蜀欲往省之無私書璋無罪名有司議璋前任藩鎮陰畜異圖及處班行不慎行止乃停官勒還私第初廷贊之蜀與其客趙延祚俱及下獄延祚欲言璋陰事璋許以重賂既出責於璋不與延祚乃詣臺自言并璋復下獄中丞呂夢奇議璋前已蒙昭雪而延祚以責賂故復加織羅乃稍宥璋有告者言夢奇受賂乃移軍巡獄獄吏鍛鍊之璋具伏許賂延祚未與嘗以馬借夢奇而無受賂璋坐長流備州已而賜自盡

朱宏昭太原人少事明宗爲客將明宗卽位爲文思使與安重誨有隙故常使於外董璋爲東川節度使以宏昭爲副西川孟知祥殺其監軍李嚴宏昭大懼求還京師璋不許遂相猜忌宏昭益開懷待之璋頗重其爲人後璋有軍事遣宏昭入朝乃免累遷鳳翔節度使以讒殺安重誨事具重誨傳范延光尤惡其爲人罷爲左武衛上將軍宣徽南院使久之爲山南東道節度使時明宗已病而秦王從榮禍起有端諸大臣皆欲引去避禍樞密使范延光趙延壽日夕求去延壽使其妻與平公主入言於中延光亦因孟漢瓊王淑妃進說故皆得罷以宏昭及馮贇代之馮贇者亦太原人父璋事明宗爲閬者贇見時以通黠爲明宗所愛以爲進奏官及卽位歷河東忠武節度使三司使明宗病甚大臣稀進見而孟漢瓊王淑妃用事宏昭及贇並掌機務大事皆決此四人

及殺秦王立愍帝益自以為功又所用多非其人給事中陳又險譎好陰謀嘗事梁張漢傑又事郭崇韜輒敢死宏昭乃引以為樞密院直學士用其謀是時宏昭贊遣漢瓊至魏召愍帝入立而留漢瓊權知後事明年漢瓊請入朝宏昭贊乃議從成德范延光代漢瓊北京留守石敬瑭代延光鳳翔潞王從珂代敬瑭三人皆唐大臣以漢瓊故輕易其地又不降制書第遣使者監上道從珂由此遂反兵已東愍帝大懼遣人召宏昭計事宏昭曰上召我急將罪我也使者促之甚急宏昭呼曰窮至此耶乃投井死安從進聞之亦殺贊于家妻子皆見殺贊有子三歲其故吏張守素匿之以免漢高祖即位贈宏昭尚書令贊中書令

劉延朗宋州虞城人廢帝起鳳翔與共事者五人節度判官韓昭胤掌書記李專美牙將宋審虔客將房鬻而延朗為孔目官初愍帝即位徙廢帝為北京留守促上道帝召昭胤等議昭胤等皆勸帝反鬻又喜鬼神巫祝之說有警者張濛自言事太白山神神魏崔浩也言吉凶無不中鬻引濛見帝聞其語聲驚曰此非人臣也使問於神神傳語曰三珠併一珠驢馬沒人驅歲月甲庚午中興戊己土鬻問其義濛曰神言如此我能傳之不能解也帝即以濛為館驛巡官帝將反而兵少又乏食甚懼使鬻問濛濛傳神語曰王當有天下可無憂於是決反使專美作檄書數朱宏昭馮贊之罪馳告諸鎮皆不應獨隴州防禦使相里金遣其判官薛文遇計事帝得文遇大喜而延朗調率城中民財以給軍王思同率諸鎮兵圍鳳翔廢帝懼遣鬻問神神曰王兵少東兵來迎王已而東兵果叛降于帝帝入京師受册明宗振前

即位册曰維應順元年歲次甲午四月庚午朔帝回顧鬻曰神言豈不驗哉由是益親信而專以巫祝用事帝既立以昭胤為左諫議大夫端明殿學士專美為比部郎中樞密院直學士審虔為皇城使鬻為宣徽北院使延朗為莊宅使久之以昭胤鬻為樞密使延朗為副使審虔為侍衛步軍都指揮使而薛文遇亦為職方郎中樞密院直學士由是審虔將兵專美文遇主謀議而昭胤鬻及延朗掌機密初帝與晉高祖俱事明宗而心不相悅帝既入立高祖不得已來朝願自疑延朗等多言敬瑭可留京師昭胤專美曰敬瑭與趙延壽皆尚公主不可獨留乃遣之會契丹數寇北邊以高祖為大同振武威塞彰國等軍都總管屯忻州屯兵忽變擁高祖呼萬歲高祖懼斬三十餘人而後止帝益疑之與延朗等日夕謀議常至夜分而罷高祖弟重胤為皇城副使公主母曹太后居中因得伺帝動靜言語以報高祖益自危帝母魏氏追封宣憲皇太后墓在太原有司議立廢宮高祖言陵與民墓相雜不可立宮帝疑高祖欲毀民墓為國取怒由此發怒罷高祖總管徙鎮鄆州延朗等多言不可而後月餘文遇獨直帝夜召之語罷敬瑭事文遇曰國家事斷在陛下敬瑭徒亦反不徒亦反遲速爾不如先事圖之帝大喜曰術者言朕今年當得一賢佐定天下卿其是邪乃令文遇手書除日夜半下學士院草制明日宣制兩班皆失色居五六日敬瑭以反聞延朗等請帝親征帝心憂懼常惡言敬瑭事每戒人曰爾無說石郎令我心膽墮地延朗等屢迫之乃行至

樞州夜召李松問計文遇不知而繼至帝見之色變松蹶其足文遇乃出帝曰我見文遇肉顫遽欲抽刀刺之

崧曰文遇小人致悞大事刺之益醜乃已時契丹已立敬瑭為天子以兵而南帝惶惑不知所之遣審虔將千騎至白司馬坡踏戰地審虔曰何地不堪戰雖有其地何人肯立於此不如還也帝遂還自焚高祖入京師延朗等六人皆除名為民自延朗與鬻並掌機密延朗專任事諸將當得州者惟視納賂多少為先後由是人人皆怨鬻心忠之而不能爭每延朗議事則垂頭陽睡晉兵入延朗以一騎走南山遇其家拒而歎曰吾積錢三十萬於此不知何人取之遂為追兵所殺高祖聞鬻常不與事哀之後復以為將歲餘卒專美事晉為大理卿開運中卒當晉之將起廢帝以昭胤為中書侍郎同中書門下平章事出為河陽節度使與審虔文遇皆不知所終

康思立本山陰諸部人按薛史作晉陽人少為騎將從莊宗破梁夾城戰柏鄉累功遷突騎指揮使明宗即位歷昭武保義軍節度使皆有善政潞王起鳳翔愍帝遣王思同等討之思立有捧聖羽林屯兵千五百人乃以羽林千人屬思立至鳳翔軍叛降從珂思立欲盡誅羽林家屬未及而兵已至乃以捧聖兵城守從珂兵傳其城呼曰西兵七萬策新天子爾五百人何能拒徒陷陝人於死耳捧聖兵聞之皆解甲思立遂開門迎從珂廢帝即位以思立初無降意頗不悅之數徙鎮尋以老罷石敬瑭反帝幸懷州以思立為北面行營馬軍都指揮使將從駕騎兵救張敬達未至而敬達死思立以疾卒于道晉高祖入立贈太子少傅

康義誠字信臣代北三部落人以騎射事莊宗為突騎指揮使從明宗討趙在禮至魏而軍變義誠勸明宗南

嚮明宗即位遷捧聖指揮使領汾州刺史從破朱守殷
遷侍衛親軍馬步軍都指揮使領河陽三城節度使出
爲山南東道節度使復爲親軍都指揮使領河陽加同
中書門下平章事秦王從榮事起義誠素心結之獨持
兩端語在宗室傳三司使孫岳嘗爲馮贇言從榮必敗
之狀義誠聞而不悅從榮死義誠始引兵入河南府召
岳檢閱從榮家賁岳至義誠乘亂使人射殺之又以從
榮故與朱宏實有隙潞王反鳳翔王思同率諸鎮兵圍
之按通鑑載護國安彥賊山南西道張虔釗武定孫漢韶彰義張從賓靜難康福凡五鎮節度興元張虔釗兵叛降思同走諸鎮兵皆潰愍帝大怒謂朱宏昭等曰朕新即位天下事皆出諸公然於事兄未有失節今事至此何方轉禍當率左右往迎吾兄遜以位苟不吾信死其所也宏昭等惶恐不能對義誠前曰西師驚潰主將怯耳今京師兵尙多臣請盡將以西扼關而守招集亡散爲後圖愍帝以爲然幸左藏庫親給將士人絹二十匹錢五千軍士負物揚言曰到鳳翔更請一分朱宏實見士無鬪志而義誠盡將以西疑其有二心謂義誠曰今西師小衄無一騎東者人心可知不如以見兵守京師以自固彼雖幸勝特得虔釗一軍耳諸鎮兵在後其敢徑來邪義誠怒曰如此言宏實反矣宏實曰公謂誰欲反邪其聲厲聞於帝召兩人訊之兩人爭

於前帝不能決遂斬宏實謹按通鑑載厚柔滿朝無足與圖國是當從可舉兵犯關義誠輩早蓄異心迺將他適所可稍恃以支持者惟朱宏實耳雖其固守徐圖之計未必果能濟事而其心斷然不滓從厚所宜知也乃不辨黑白枉殺忠良譬之木將槁而復披其枝葉能無立見傾覆乎以義誠爲招討使悉將禁軍以西行至新安降於從珂清泰元年四月斬於興教門外夷其族

藥彥稠沙陀三部落人初爲騎將明宗即位累遷侍衛

步軍都虞候領壽州節度使安重誨矯詔遣河中指揮使楊彥溫逐其節度使潞王從珂以彥稠爲招討使明宗欲生得彥稠與彥溫並命必其副也賦史得之明宗欲生得彥溫戒彥稠毋殺彥稠希重誨旨殺彥溫以滅口明宗大怒然不之罪也長興中爲靜難軍節度使竟項阿埋屈悉保等族抄掠方渠邀殺回鶻使者明宗遣彥稠與靈武康福會兵擊之盡誅其族獲其大首領連晉等又逐鹽州諸戎取所掠男女千餘人潞王從珂反彥稠爲招討副使王思同兵潰彥稠與思同俱東走爲潞王兵所得囚之華州獄已而殺之晉高祖立贈侍中

欽定續通志卷二百八十四

列傳

五代五

豆盧革

盧程

任圖

趙鳳

李襲吉

張憲

蕭希甫

劉贊

何贊

豆盧革父瓚唐舒州刺史豆盧世名族唐末革避亂中山爲王處直掌書記莊宗議建唐國以革名家子召爲行臺左丞相即位拜同中書門下平章事革素不學問除拜官吏多失序常爲尙書郎蕭希甫駁正頗患之乃薦韋說爲相說唐末殿中侍御史後事梁爲禮部侍郎革以說能知故事引以佐己而說亦無學術徒以流品自高時莊宗內畏劉皇后外惑宦官伶人郭崇韜雖盡忠於國而亦無學術革說俯仰無所爲唯諾崇韜而已唐梁之際仕宦遭亂奔亡而吏部銓文書不完因緣爲姦利私鬻告勅亂易昭穆崇韜請論以法議者以爲宜革以漸而崇韜疾惡太甚果於必行說革心知其末可不能有所建言是歲冬選人吳延皓亡叔告身事發及選吏尹攻皆坐死尙書左丞判吏部銓崔沂等皆貶說革詣閤門待罪由是一以新法從事往往以僞濫駁放而蹙路羈旅號哭道路者不可勝數及崇韜死說乃教門人上書言其事議者益以罪之是歲大水四方地連震流殍數萬軍士妻子皆採稻以食莊宗日以責三司使孔謙謙不知所爲樞密小吏段徊引前朝故事國有水旱則天子以朱書御札問宰相莊宗乃命學士草詔手書以問革說革說不能對第曰陛下威德著於四海今西兵破蜀所得珍寶足以給軍水旱天之常道不

足憂也革說各以其子爲拾遺父子同省人以爲非違

改佗官而革以說子爲宏文館學士說以革子爲集賢

院學士莊宗崩革爲山陵使已耐廟故事當出鎮乃還

私第數日未得命故人賓客趨使入朝樞密使安重誨

詬之諫官希旨上疏誣革縱田客殺人說坐與鄰人爭

井遂俱罷革貶辰州刺史說微州刺史所在馳驛發遣

宰相鄭珣任圖三上章請毋行後命不報革復坐請俸

私自入說賣官與選人責投軍費州司戶參軍說夷州

司戶參軍皆員外置同正員按通鑑革因奉事時禮貌

依革父子獨受賞錢及強奪民田取宿獻物因已而竄

罷相出爲刺史與史所載獲罪之由事蹟微異

革陵州說合州皆長流百姓初說嘗以罪竄南海遇赦

還寓江陵與高季興相知及相常相問遺唐兵伐蜀季

興請以兵入三峽詔使自取夔忠萬歸峽等州爲屬郡

蜀破季興無功而唐用佗將取五州明宗初即位季興

數請五州以謂先帝所許朝廷不得已與之及革說再

貶因以其事歸罪二人詔賜自盡

盧程不知其世家何人也按薛史程唐朝右族祖懿父

系表苑賜二房盧氏下明注懿蓋而無官懿第三子莊

生期起居舍人與蘇楷駁昭宗諡而聽下無程新唐書

五代史皆歐陽修所撰未必不相印證唐昭宗時舉進

士爲鹽鐵出使巡官唐亡變服爲道士遊燕趙諸侯間

豆盧革薦爲河東節度推官莊宗嘗召程草文書辭不

能其後戰胡柳掌書記王誠歿於陣莊宗還太原置酒

謂監軍張承業曰吾以卮酒辟一書記於坐因舉卮屬

巡官馮道程位在道上以嘗辭不能故不用而遷程友

使程大恨曰用人不以門閥而先田舍兒邪莊宗即位

議擇宰相盧汝弼蘇循已死次節度判官盧質當拜質

侍郎同平章事奉皇太后冊自魏至太原所至驅役丁夫笞辱官吏有假驢夫於程者程帖與唐府給之府吏敢無例程怒笞吏青少尹任圖按原文作任圖薛史真定尹非與唐少尹也通莊宗婿也詣程訴其不可程方據几決事視圖罵曰爾何蟲牙持婦家力耶宰相取給州縣何爲不可圖不對而去馳至博州訴莊宗莊宗大怒趣令自盡賴盧質力解乃罷爲右庶子莊宗入洛程於路墜馬中風卒贈禮部尙書

任圖京兆三原人李嗣昭節度昭義辟圖觀察使使梁兵圍潞州踰年嗣昭危甚問圖去就計圖勸堅守已而莊宗破梁夾城潞圍解聞圖計甚嘉之其後嗣昭與莊宗有隙圖數奉使往來辯釋譏構嗣昭卒免於禍胡柳之戰圖頗有功莊宗勞之曰儒士亦破體邪仁者之勇何其壯也張文禮弒王鎔莊宗遣嗣昭討之嗣昭戰歿圖代將其軍文禮子處球等閉城堅守不可下圖數以禍福諭鎮人鎮人信之處球登城呼圖乞指生路圖告之曰以子先人固難容貸然罰不及嗣子可從輕其如拒守經年傷吾大將一朝困竭方布款誠以此計之子亦難免然坐而待斃曷若伏而俟命處球流涕曰公言是也乃遣人送狀乞降圖而符存審攻破鎮州處球雖見殺而鎮之吏民以嘗乞降得保家族者甚眾其後以鎮州爲北京拜圖工部尙書兼真定尹北京副留守知留守事爲政有惠愛明年郭崇韜兼領成德軍節度使改圖行軍司馬仍知真定府事圖與崇韜素善又爲其司馬崇韜因以鎮州事託之而圖多所違異初圖推官張彭爲人傾險貪黷圖信任之及崇韜領鎮彭爲圖謀隱其公解錢莊宗遣宦者選故趙王時宮人有許氏者

光有色彭賂守者匿之事覺召彭將罪之彭懼悉以前所隱公錢簿書獻崇韜崇韜深德彭不殺由是與國有隙同光三年國罷司馬守工部尙書魏王繼岌伐蜀崇韜懼國攻己於後乃辟國參魏王軍事崇韜見殺以國代將其軍康延孝反繼岌遣國擊賊延孝於漢州魏王行至渭南自殺國悉將其軍以東明宗嘉其功拜國同中書門下平章事兼判三司時明宗新誅孔讓國選辟才俊抑絕倖倖公私給足是秋章說豆盧革罷相國與安重誨鄭珏孔循議擇當為相者國意屬李琪而珏循欲引太常卿崔協重誨以為然佗日明宗問誰可相者重誨即以協對國爭曰天下皆知崔協不識字號為沒字碑以臣一人取笑足矣柎位有幾豈容更益矣端明宗在藩時識易州刺史章肅欲相之次及馮道議未決重誨等退休於中興殿廊下孔循不揖拂衣而去行且罵曰天下事一則任國二則任國國乃何人國猶以李琪為言重誨終以循言為信居月餘協與馮道皆拜相國與重誨交惡自協始故事使臣出四方皆自戶部給券重誨奏請自內出國爭之不能得遂與重誨辨於帝前國聲色俱厲明宗罷朝嬪御迎前問曰與重誨論事者誰明宗曰宰相也宮人奏曰妾在長安見宰相奏事未嘗如此蓋輕大家耳明宗由是不悅而使臣給券卒自內出國益憤損重誨嘗求國妓不與由是二人益相惡國遽求罷乃罷為太子少保尋致仕退居磁州朱守殷反重誨誣國與守殷連謀遣人矯制殺國明宗知而不問為下詔坐國與守殷通書而言涉怨望愍帝即位贈太傅

趙鳳幽州人少以儒學知名燕王劉守光時悉駭燕人

為兵鳳懼髡為僧依燕王弟守奇自匿從守奇奔梁為鄆州節度判官晉取鄆莊宗得鳳喜以為扈變學士即位拜中書舍人翰林學士劉皇后拜張全義為父明日遣宦者命學士作牋上全義以父事之鳳上書極言不可全義養子郝繼孫犯法死宦官伶人利其財固請籍沒鳳言繼孫為全義養子不宜有別籍之財於法亦不至籍沒時皇后及羣小用事言皆不納明宗立武君不通信文字四方章奏管使安重誨讀之重誨亦不知書奏讀多不稱旨於是置端明殿學士以馮道及鳳為之鳳好直言而性剛強素與任國善國為相頗薦進之國為重誨所誣殺鳳號哭呼重誨曰任國天下義士豈肯謀反而公殺之何以示天下重誨慙不能對術士周元豹善相人莊宗信重之以為北京巡官管相明宗當貴不可言明宗即位思元豹以為神將召至京師鳳諫曰好惡上所慎也今陛下神其術而召之則傾國之人皆將奔走吉凶之說轉相惑亂為患不細明宗遂不復召朱守殷反明宗幸汴州守殷誅又詔幸鄭從駕請單方自河南徙家至汴不欲北行而定州王都以為將圖己疑不自安宰相率百官請罷幸不聽鳳手疏責安重誨言甚切直重誨以白遂罷天成四年夏拜門下侍郎同中書門下平章事祕書少監于嶠者自莊宗時與鳳俱為翰林學士久不遷自以材名在鳳上因與蕭希甫非斥時政尤詆訾鳳鳳銜之左遷嶠祕書少監嶠因被酒往見鳳鳳辭嶠詭直吏又溺於從者直廬而去鳳以聞詔奪嶠官流振武天下冤之安重誨為邊彥溫等告變明宗廷詰具伏其詐即斬之後數日鳳奏事中興殿啟曰臣聞姦人有誣重誨者明宗曰此間事朕已處置卿可

無問鳳曰臣所聞者繫國家利害陛下不可以為閒因指殿屋曰此殿所以尊嚴宏壯者棟梁柱石之所扶持也若折一棟去一柱則傾危矣大臣國之棟梁柱石也且重誨起微賤歷艱危致陛下為中興主安可使姦人動搖明宗改容曰卿言是也遂族彥溫等三家其後重誨得罪羣臣無敢言者獨鳳數言重誨盡忠明宗以鳳為朋黨罷為安國軍節度使鳳在鎮所得俸祿悉以分將校實客廢帝入立召為太子太保病足居於家清泰二年卒

李襲吉洛陽人乾符中舉進士為晉王掌書記博學多知唐故事遷節度副使官至諫議大夫晉與梁交兵累年晉王數困欲通和使襲吉為書諭梁辭甚辯麗梁太祖使人讀之至於毒手尊拳交相於暮夜金戈鐵馬蹂踐於明時歎曰李公有士如此使吾得之傅虎以翼也襲吉為人恬淡以文辭自娛天祐三年卒以盧汝弼代為副使汝弼工書畫亦多知唐故事而文辭不及襲吉莊宗嗣晉王承制封拜官爵皆出汝弼十八年卒莊宗即位贈襲吉禮部尙書汝弼兵部尙書張憲字允中晉陽人莊宗以為天雄軍節度使掌書記即位拜工部侍郎庸庸使累遷刑部侍郎判吏部銓東都副留守憲精於吏事甚有能政莊宗幸東都定州王都來朝命憲治鞠場與都擊鞠莊宗即位墮在鞠場憲以為不可毀乃別治宮西為鞠場未成莊宗怒命兩虞候亟毀壇為場憲退而歎曰此不祥之兆也明宗北伐契丹取魏鎧仗給軍有細鎧五百憲給之而不以聞莊宗至魏大怒責憲馳自取之左右諫止又問憲庫錢幾何憲上庫簿有錢三萬籍莊宗益怒謂其髮伶史彥瓊

何憲上庫簿有錢三萬籍莊宗益怒謂其髮伶史彥瓊

曰我欲博須錢十餘萬而憲以故紙給我我未渡河時
軍錢常百萬緡今復何在彥瓊為憲解乃已郭崇韜伐
蜀薦憲可相而宦官伶人不欲樞密承旨段徊曰宰相
在天子前事有非是尙可改作一方之任苟非其人則
為患不細憲材誠可用不知任以一方乃以為太原尹
北京留守趙在禮作亂憲家在魏在禮善待之以書招
憲憲斬其使不發書而上之莊宗遇弑明宗入京師太
原猶未知而永王存霸來奔左右告憲曰魏兵南嚮主
上存亡未可知存霸來無詔書而所乘馬鞞斷非非戰
敗者乎宜拘之以俟命憲曰吾本書生無尺寸功而人
主遇我甚厚豈宜懷二心以幸變第可與之俱死爾憲
從事張昭遠教憲奉表明宗勸進憲涕泣拒之已而存
霸見符彥超願為僧以求生彥超麾下兵大譟殺存霸
憲出奔忻州亦見殺

蕭希甫宋州人少舉進士青州節度使袁象先辟為巡
官希甫不樂棄其母妻變姓名亡之鎮州趙王王鎔以
為參軍尤不樂又亡之易州削髮為僧莊宗將建國置
百官求隱逸士以李紹宏薦為魏州推官莊宗即位欲
以知制誥有詔定內宴儀問希甫樞密使得坐否希甫
以為不可忤宦官張居翰宰相豆盧革等希旨共排斥
之以為駕部郎中莊宗滅梁遣希甫宣慰齊齊始知母
死妻亦改嫁乃發哀服喪於魏州明宗即位召為諫議
大夫復置匭函以希甫為使希甫建言自兵亂相乘王
綱大壞侵欺奪有力者勝凡掠人妻女占人田宅姦
賊之吏刑獄之冤何可勝紀匭函一出投訴必多功臣
貴戚有不得繩之以法者乃自天成元年四月二十八
日味爽已前大辟已上皆赦除之然後出匭函以示眾

初明宗欲以希甫為諫議大夫豆盧革草說頗沮難之
其後革說為安重誨所惡希甫希旨誣奏革說卒皆貶
死拜左散騎常侍希甫福而躁進管遺人夜叩宮門上
變言河堰牙官李筠告本軍謀反詰旦追問無狀斬筠
軍士詣安重誨求希甫啖之坐動搖軍眾貶嵐州司戶
參軍卒

劉贊魏州人也父玘為縣令贊始就學衣以布每食則
耻自肉食而別以蔬食食贊曰肉食君之祿也爾欲之
則勤學問以干祿此非爾食也由是贊益力學舉進士
為羅紹威判官去為租庸使趙巖巡官又為孔謙鹽鐵
判官明宗時累遷御史中丞刑部侍郎守官以法權豪
不可干以私時秦王從榮握兵而驕多過失言事者請
置師傅大臣畏王請王得自擇王請贊乃拜贊祕書監
傅王贊泣曰禍將至矣王府元帥屬官十餘人多浮薄
傾險日獻諛詔獨贊從容諷以正道王惡之戒左右贊
來不得通贊亦月一至府而已退則杜門不交人事已
而王果敗死唐大臣議王屬官當坐者馮道曰元帥判
官任贊在職不逾月詹事王居敏及劉贊皆以正直見
惡河南府判官司徒詡病告久皆宜不與其謀惟諮議
參軍高鞏與王最厚法當死按五代史補高鞏勸秦王
謀武將唐知訓等王曰至
尊在上一旦如此得無危乎鞏曰子弄父兵罪當管
餘
爾不然悔將無及矣此輩與謀坐死之證史失載
可原滅朱宏昭曰使秦王得入光政門當待贊等如何
且法有首從今秦王夫婦男女皆死而贊等止其一身
幸矣道等難之馮贊固爭以為不可於是論高鞏死而
任贊等十七人皆長流贊流嵐州清泰二年詔歸田里
行至石會關病卒

承業卒代知留守事為人明敏通吏事莊宗建大號於
鄴都拜諫議大夫瓊慮莊宗事不成求留守北京瓊與
明宗有舊明宗即位召瓊見內殿勞問久之已而以瓊
為西川節度副使時孟知祥已有二志方以副使趙季
良為心腹聞瓊代之亟奏留季良遂改瓊行軍司馬知
祥反罷置私第飲恨而卒

欽定續通志卷二百八十五

列傳

五代六

義兒

臣等謹按義兒盛於梁唐之際自梁太祖唐太祖莊宗明宗皆有之梁以友文召禍著之家人傳中友恭在唐書逆臣友謙事梁不終列於雜傳莊宗之世以為亂賊孽幸恩澤之資初無足述明宗則行欽戕其親子從珂移其神器更無復異姓骨肉之誼矣歐陽修獨以唐太祖養子立義兒傳其說具見序中第宅史所無無可附麗而事專唐代不宜雜置今以入唐臣傳後仍存其序云

歐陽氏曰嗚呼世道衰人倫壞而親疏之理反其常干戈起於骨肉異類合為父子開平顯德五十年間天下五代而實八姓其三出於勾養蓋其大者取天下其次立功名位將相豈非因時之隙以利合而相資者耶唐自號沙陀起代北其所與俱皆一時雄傑威武之士往往養以為兒號義兒軍至其有天下多用以成功業及其亡也亦由焉太祖養子多矣其可紀者九人其一是為明宗其次曰嗣昭嗣本嗣恩存信存孝存進存璋存賢作義兒傳李存審後復以符氏大顯故別自為傳

李嗣昭 李嗣本 李嗣恩
李存信 李存孝 李存進

李存璋 李存賢

李嗣昭字益先從薛史增本姓韓氏汾州太谷縣民家子也太祖出獵見林中有異氣召問其家適生兒適以金帛而取之命弟克柔養為子初名進通後改名嗣昭短小

而膽勇過人嗜酒太祖微戒之遂終身不飲太祖愛其謹厚常從用兵為內衛指揮使王珙與其兒可爭立造嗣昭助珂敗珙於猗氏梁救珙又敗之於胡壁堡光化元年澤州李罕之襲潞州以降梁梁遣丁會應之嗣昭與會戰含山大敗之遂取澤州明年克潞州三年出山東取梁洛州梁太祖自將攻之設伏於青山口嗣昭棄城走遇伏大敗天復元年梁取晉絳慈隰大舉圍太原嗣昭日以精騎出擊會大雨梁軍解去晉汾州刺史李瑒叛降梁嗣昭復取汾州又取慈隰梁兵西圍鳳翔嗣昭乘間攻梁晉絳梁宋友德氏叔琮迎擊之嗣昭敗走晉遣李存信率兵迎嗣昭存信又敗梁軍遂圍太原而慈隰汾州復入於梁太祖大恐謀走雲州李存信等勸太祖奔契丹嗣昭力爭以為不可賴劉太妃亦言之乃止嗣昭晝夜出奇兵擊梁軍乃解去嗣昭復取汾慈隰當是時鎮定皆已絕晉附梁晉外失大國之援內亡諸州仍歲之間孤城被圍者再嗣昭力戰之功為多天祐三年與周德威攻梁潞州降丁會以嗣昭為昭義軍節度使梁攻潞梁夾城圍之梁太祖遣人招降嗣昭嗣昭斬使拒守踰年莊宗始攻破夾城嗣昭完輯兵民撫養甚有恩惠胡柳之敗莊宗懼欲還兵臨潞嗣昭曰梁軍已勝且存信歸吾若收軍使彼休息整而復出何以當之宜因其勞之以精騎撓之時梁軍已登無石山莊宗遣嗣昭轉擊山北而自以銀槍軍爭山大敗梁軍於是晉城德勝旁周德威死嗣昭權知幽州居數月以李紹宏代之嗣昭將去幽州人皆哭遮留之夜遂去十九年莊宗擊契丹於望都被圍數十重嗣昭以三百騎決圍翼莊宗出圍實攻鎮州而敗以嗣昭代之鎮兵出掠

九門嗣昭以奇兵擊鎮軍且盡餘三人匿破垣中嗣昭馳馬射之反為賊射中腦嗣昭顧腹中矢盡拔矢於腦射殺一人還營而卒嗣昭七子繼儔長而懦其弟繼韜因之以自立莊宗方與梁相持河上因即以昭義軍留後繼韜委政於魏球申蒙球等常教繼韜反未決莊宗在魏以事召監軍張居翰節度判官任圜球等以謂莊宗召問繼韜事且見誅因趣之繼韜乃遣其弟繼遠入梁梁末帝即拜繼韜同中書門下平章事居數月莊宗滅梁繼韜將走契丹會救至乃隨其母楊氏朝於京師楊氏善畜財平生居積行販至貲百萬當嗣昭被圍夾城時彌年軍用乏絕楊氏之積有助焉至是乃齎銀數十萬兩至京師厚賂宦官伶人及劉皇后皆為言莊不自安求歸鎮不許乃陰使人教繼遠起變於軍中冀遣已安輯之事泄斬於天津橋并誅其二子即遣人斬繼遠以繼儔知潞州事已而召還京師繼儔悉取繼韜伎妾珍噐不時即路其弟繼達怒曰吾兄父子誅死而大兄不仁利其貲財淫其妻妾吾所不忍也乃服練麻引數百騎坐戟門使人入殺繼儔節度副使李繼珂募市人千餘攻繼達繼達走城外自劉死繼能繼襲皆以事見殺惟繼忠僅免家於晉陽楊氏所積餘貲猶鉅萬晉高祖自太原起兵召契丹為援契丹求賂高祖賂於繼忠以取足高祖入立以為沂棣單三州刺史開運中卒

嗣本本姓張氏雁門人少事太祖賜姓名養為子從擊居庸關以功遷義兒軍使從破王行瑜遷威遠軍使從攻羅宏信以先鋒兵破馮陰從莊宗破潞州夾城累遷

振武節度使號威信可汗天祐十三年從擊劉鄩下洛磁諸州六月還軍振武契丹入代北攻破蔚州嗣本戰歿

嗣恩本姓駱吐谷渾部人少事太祖能騎射為鐵林軍將稍以戰功遷突陣指揮使賜姓名以為子從敗康懷英遷左廂馬軍都指揮使從李嗣昭援朱友謙於河中與梁兵力戰稍中其口不日遷遼州刺史從莊宗入魏遷天雄軍馬步都指揮使劉鄩攻太原兵趨樂平嗣恩從後追之自他道先入太原以守鄩兵去嗣恩亦以兵會莊宗於魏從戰於莘累遷振武節度使天祐十五年卒贈太尉

存信本姓張父君政回鶻李思忠之部人也存信少善騎射通六蕃書語從太祖入關破黃巢果功為馬步軍都指揮使賜姓名以為子存信與存孝俱為養子材勇不及存孝而不為之下由是交惡存孝所為存信每沮激之存孝卒得罪死而存信數從征伐以功領郴州刺史遣將兵救朱宣屯於莘縣為羅宏信所擊敗亡太祖于落落從討劉仁恭大敗於安塞太祖大怒顧存信曰昨日吾醉公獨不能為我戰邪古人三敗公已二矣將殺之存信叩頭謝罪而免由是大懼常稱疾天復二年卒

存孝代州飛狐人本姓安名敬思太祖略地代北得之賜姓名以為子常從為騎將李罕之之來歸也遣存孝與薛阿檀安休休等以兵七千助罕之還擊張言於河陽梁亦遣丁會牛有節等助言戰於溫縣梁軍先扼太行存孝大敗安休休被執是時晉已得澤潞成與孟方立爭邢洛磁卒取三州存孝功為多明年潞州軍亂梁

遣李繼攻罕之於澤州存孝以騎兵五千救之梁軍呼罕之曰公常倚太原為命今上黨已歸朝大兵圍太原沙陀將無穴自處公復誰恃而不降乎存孝以精騎五百繞梁柵呼曰我沙陀之求穴者待爾肉食軍可令肥者出關梁驍將鄧季筠引軍出戰存孝舞稍擒之譚敗走追擊至馬牢關還攻潞州而孫揆方以朝命來為節度使以梁卒三千為衛襄衣大蓋擁節先驅存孝以三百騎伏長子西崖谷間伺揆軍過橫擊斷之擒揆歸於是梁守將葛從周朱崇節棄潞去復取潞州因攻晉絳張濟韓建皆走存孝猿臂善射身被重鎧蒙弓坐稍舞鐵搗出入陣中以兩騎自從戰酣易騎上下如飛其取潞功為多而太祖別以康君立為潞州留後存孝為汾州刺史存孝負其功不食者數日及走張潛遷邠州刺史大順二年徙邢州留後按舊唐書以存孝據邢州為大順元年事時晉軍連歲攻趙常山存孝常為先鋒下趙臨城元氏趙王求救於李匡威匡威兵至晉軍輒引去存孝素與存信有隙存信語之曰存孝有二心常避趙不擊存孝不自安乃附梁通趙自歸朝廷因請會兵伐晉朝命趙王王鎔援之明年趙與幽州有隙懼而與晉和反以兵三萬助晉擊存孝存孝嬰城自守太祖自將兵傳其城掘堊以圍之存孝出兵衝擊堊不得成裨將袁奉簡使人說存

子曰公所畏者晉王爾王侯堊成且留兵去諸將非公敵也存孝以為然堊成存孝遂窘城中食盡登城呼曰兒蒙王恩位至將相豈欲捨父子而附仇讐乃存信構陷之耳願生見王一言而死太祖遣劉夫人入城慰諭引與俱來存孝泥首請罪曰兒於晉有功而無過所以至此由存信為之耳太祖叱曰爾為書檄罪我百端亦

存信為之邪縛至太原車裂以徇然太祖惜其材悵然恨諸將之不能容也為之不視事者十餘日康君立素善存信方二人之交惡也君立每左右存信以傾之存孝已死太祖每語及存孝流涕不已君立以為不然太祖怒歎殺君立按薛史與此同唐末見開錄云行劍斬君立已身驚通鑑考異以君立初為雲州牙將唐僖宗時太

祖逐段文楚蓋君立首事後累功表昭義節度使存進振武人本姓孫名重進薛史作重祿太祖攻破朔州得之賜姓名養為子從破黃巢以為義兒軍使從莊宗戰柏鄉遷行營馬步軍都虞候歷慈沁二州刺史魏博初定以為天雄軍都部署治亂軍以法犯輒梟磔於市魏人屏息畏之從戰河上以功遷振武軍節度使時晉軍德勝為南北寨每以舟兵來往頗以為勞而河北無竹石存進乃以葦竿維大艦為浮梁莊宗大喜解衣以賜之鎮州之役史建瑄開賈李嗣昭相次戰歿乃以存進為招討使軍東垣長出賜牧張處球以兵千餘逼存進柵存進出戰殺處球兵殆盡而存進亦歿於陣贈太尉子漢韶明宗時復本姓為洋州節度使潞王從珂以鳳翔反漢韶與張虔劍會唐軍討之唐軍皆降於從珂獨漢韶與虔劍軍不降俱奔蜀事蜀歷承平與元武信節度使卒於蜀

存璋字德瓊雲中人從册附元龜增初與康君立薛志勤等從太祖破黃巢累遷義兒軍使太祖病革存璋與張承業等受顧命立莊宗為晉王以存璋為河東馬步軍使晉自先王時嘗優假軍士軍士多犯法論禁莊宗新立尤患之存璋一切繩以法境內清肅從攻城戰柏鄉以功遷汾州刺史莊宗與鄴戰於魏博梁遣王愷乘虛

龔太原存璋以汾州兵入城拒守以功異遷大同軍節度使天祐十九年卒贈太尉

存賢字子良從薛史許州人也本姓王名賢少為黃巢軍

卒善角觥太祖於陳州得之賜姓名養為子後為義兒

軍副兵馬使遷沁州刺史沁當敵衝徙其南百餘里據

險立柵為治所存賢至曰徙城避敵豈勇者所為乃復

城故州梁兵屢攻之卒不能近按册府元龜載汴人將龔泚伏兵城下存賢覺

其姦變令守陴者鼓譟如攻遷武州刺史又遷慈州天

祐十八年梁攻朱友謙莊宗遣存賢援之友謙新叛梁

歸晉河中食少人心多貳謀者因謂存賢曰河中人欲

殺子以歸梁宜亟去存賢曰死王事吾志也復何恨哉

卒擊走梁兵莊宗即位拜右武衛上將軍莊宗亦好角

觥常與王都較而屢勝頗以自矜因顧存賢曰爾能勝

我與爾一鎮存賢博而勝之同光二年春幽州符存審

病甚莊宗置酒宮中歎曰吾創業故人零落殆盡存者

惟存審耳今又病篤北方之事誰可代之因顧存賢曰

無以易卿角觥之勝吾不食言按薛史此為存賢得蔚州時事與此互異即

日以為盧龍軍節度使是歲卒於幽州贈太傅

列傳

五代七

桑維翰

景延廣

吳巒

桑維翰字國僑河南人貌醜怪身短面長常臨鑑曰七尺之身不如一尺之面慨然有志於公輔初舉進士主司惡其姓與喪同音有勸其從佗求仕者維翰鑄鐵硯示人曰硯弊則改而佗仕卒以進士及第晉高祖辟爲掌書記常以自從高祖有異謀維翰與劉知遠贊成之因求援於契丹邪律德光已許諾而趙德鈞亦以重賂啖德光求助已高祖懼事不果乃遣維翰爲陳利害甚辯德光意乃決卒以滅唐興晉維翰力也高祖卽位以爲翰林學士禮部侍郎知樞密院事遷中書侍郎同中書門下平章事兼樞密使天福四年出爲相州節度使徙秦靈鎮州安重榮旣得吐渾欲用以攻契丹高祖意未決維翰上疏言契丹未可與爭者七高祖召使者至臥內謂曰北面事方撓吾胸中得卿此疏計已決可無憂也七年徙鎮晉昌出帝卽位召拜侍中景延廣用事與契丹絕盟維翰言不入乃陰使人說帝曰制契丹而安天下非用維翰不可乃出延廣於河南拜維翰中書令復爲樞密使封魏國公事無巨細一以委之數月間百度寢理時翰林學士端明殿學士樞密院學士皆久廢維翰復奏置按五代會要開運元年六月敕翰林學士偶自近年暫停內書況司詔命必在深殿將使從宜仍舊貫宜復置翰林學士院以本紀考之正維翰除樞密使之悉用親舊爲之維翰權勢旣盛四方賂遺歲積鉅萬內客省使李彥韜端明殿學士馮玉用事共譏之由是日益見疏帝飲酒得疾維翰陰白太后請爲皇帝

重睿置師傅帝疾愈知之怒罷爲開封尹維翰遂稱足

疾稀復朝見契丹屯中渡破樂城杜重威等大軍隔絕

維翰曰事急矣乃見馮玉等計事不合又求見帝帝方

調鷹苑中不暇見維翰退而歎曰晉不血食矣自契丹

與晉盟始成於維翰而終敗於景延廣故自兵興契丹

未嘗不以此兩人爲言德光將至京師遣張彥澤遣太

后書問此兩人在否可使先來帝以維翰嘗議毋絕盟

而已違之也不欲使見德光因諷彥澤圖之而彥澤亦

利其賞維翰狀貌既異素威嚴自持老將大臣見者無

不屈服彥澤以驍悍自矜每往候雖冬月未嘗不流汗

彥澤入京師左右勸維翰避禍維翰不爲動彥澤以兵

入府問維翰何在維翰厲聲曰吾晉大臣自當死國安

得無禮彥澤股栗不敢仰視退謂人曰吾不知桑維翰

何如人今日見之猶使人恐懼如此乃以帝命召維翰

送侍衛司獄是夜彥澤使人縊殺之以自縊告德光德

光至京師以尸賜其家而賞財悉爲彥澤所掠

景延廣字航川陝州人父建善射嘗教延廣曰射不入

鐵不如不發由是延廣以挽彊稱事梁邵王友誨友誨

謀反被幽延廣亡去後從王彥章戰中都彥章敗延廣

僅以身免明宗時朱守殷平錄從反者晉高祖主之延

廣以汴州軍校當誅高祖惜其才陰縱之後以爲客將

卽位以爲侍衛步軍都指揮使累遷義成保義軍節度

使復召爲侍衛馬步軍都虞候徙鎮河陽三城遷馬步

軍都指揮使高祖崩出帝立延廣有功焉初立晉大臣

議告契丹致表稱臣延廣獨不肯但致書稱孫而已大

爲孫不可爲臣且晉有橫磨大劍十萬口翁妄戰則來

佗日不禁孫子取笑天下瑩知其言必起兩國之爭懼

後無以取信也因請載於紙藏衣領中以歸具告契丹

契丹益怒謹按通鑑輯覽 御批晉既藉北朝以興

且爾時並無良將精兵之可恃而延廣大言不韙不韙

徒貽其君以負義之辱小人庸庸誣國顧如是哉不韙

九年春契丹入雁門侵代州延廣從出帝北征爲御營

使相拒瀆魏間先鋒石公霸與契丹遇於戚城高行周

符彥卿兵少不能救馳騎促延廣益兵延廣按兵不動

三將被圍數重帝自御軍救之乃得出延廣方握親兵

節制諸將恃功恣橫凡號令皆由己出帝亦不能制也

自延廣一言契丹與晉交惡諸將皆力戰而延廣獨閉

壁不敢出契丹嘗呼晉人曰景延廣喚我來何不速戰

凡書檄未嘗不以爲言契丹去出帝還京師出延廣爲

河南尹留守西京鬱鬱不得志見晉日制度必不能支

契丹乃爲長夜之飲大治第宅置妓樂惟意所爲契丹

至中渡延廣屯河陽聞杜重威降乃還德光至相州遣

騎兵數千雜晉軍渡河趨洛以取延廣戒曰延廣南奔

吳西走蜀必追取之而延廣顧家未能引決兵奄至乃

馳見德光於封邱德光責之曰南北失權皆因爾召喬

瑩出書質其前言延廣具服以十事責延廣每服一事

授一牙籌至八籌延廣以面伏地不能仰視遂叱而鎖

之送之北行至陳橋止民家夜分扼吭死漢高祖時贈

侍中

吳巒字實川鄆州盧縣人少舉明經不中爲大同沙彥

使歷復州防禦使出帝卽位與契丹絕盟河北諸州皆
警以貝州水陸衝緩急可轉餉乃積芻粟數十萬以王
令溫爲永清軍節度使守之令溫牙將邵珂素驕很難
制奪職閒居陰通於契丹言貝州可取狀會令溫以事
朝京師心疑珂質其子崇範自隨晉大臣以巒前守雲
中故令馳驛代守貝州巒善撫士卒天大寒裂其帷幄
以衣士卒士卒皆愛之珂求見願自效巒推心信之開
運元年正月契丹兵至巒命珂守南門圍三日四面急
攻巒從城上投薪草焚其梯衝殆盡已而珂引契丹入
巒守東門方戰左右報珂反顧城中已亂卽投井死令
溫家屬爲契丹所虜出帝憫之以令溫爲武勝軍節度
使後累歷方鎮周顯德中卒令溫瀛州河間人也

列傳

五代八

蘇逢吉

史宏肇

楊邠

王章

劉錫

李業

聶文進

後贊

郭允明

蘇逢吉京兆長安人漢高祖鎮河東父悅為從事逢吉常代父作奏記高祖召見逢吉以為節度判官按五代高祖在河東幕府開書記朝廷除前進士邱延誠為廷敏以高祖有異志恐為所累辭疾不起遂改蘇逢吉廷敏不見於史附高祖性素嚴賁佐稀得見逢吉獨終日注以表其志節高祖性素嚴賁佐稀得見逢吉獨終日侍立兩使文簿以時進高祖多以為可然為人貪詐無行喜殺戮高祖嘗以生日遣逢吉疏理獄囚以祈福謂之靜獄逢吉入獄閱囚無輕重曲直悉殺之報曰獄靜矣高祖建號拜中書侍郎同中書門下平章事時朝廷大事皆出逢吉逢吉素不學問出其意見故漢世尤無法度高祖既定京師逢吉與蘇禹珪同在中書除吏多違舊制逢吉尤納貨賂然高祖方倚信二人故莫敢有告者鳳翔李承吉朝京師逢吉使人許以一州求其先王王帶承吉以無為解逢吉乃使人市一玉帶直數千緡責承吉償之前容省使王筠使楚還逢吉意其獲重賂亦許以一州筠以橐裝之半獻之而皆不得州又以取田宅放族李松時天下多盜逢吉自草詔下州縣凡盜所居本家及鄰保皆族誅或謂逢吉曰為盜族誅已非法況鄰保乎逢吉不得已但去族誅而已於是鄆州捕賊使者張令柔盡殺平陰縣十七村民數百人衛州刺史葉仁魯聞部有盜自帥兵捕之村民十數先逐盜入山中盜散走仁魯從後至見民捕盜者以為賊悉擒

殺之逢吉頗以仁魯為能由是天下因盜殺人滋濫逢吉已貴益豪侈郤中書堂食日命家廚進珍羞繼母死不服喪妻武氏卒諷百官及州鎮皆輪綫絹為喪服武氏未期除其諸子為官有庶兄自外來未白逢吉而見其諸子逢吉怒託以佻事告於高祖杖殺之嘗從高祖征鄴數使酒辱周太祖太祖恨之隱帝立逢吉素善李濤濤請罷太祖與楊邠樞密李太后怒濤離間大臣以楊邠代濤相事悉決焉逢吉禹珪備位而已乾祐二年加拜司空以周太祖鎮鄴不落樞密使事史宏肇有隙爭謀出鎮以避之既而中輟人問其故逢吉曰苟舍此而去史公一處分吾齧粉矣是時隱帝少小人在側宏肇等威制人主帝與左右李業郭允明等皆患之逢吉每見業等以言激之業等卒殺宏肇薛史李業等謀殺宏肇諸人逢吉初不預其謀間變驚駭與此互異即以逢吉權知樞密院方命草麻間周太祖起兵乃止逢吉夜宿金祥殿閣未眠已見李松在側周兵至北郊官軍敗逢吉與隱帝走趙村自殺於民舍周太祖定京師梟其首適當李松被刑之所史宏肇字化元鄭州滎澤人驍勇走及奔馬梁末遷為禁兵漢高祖典禁兵宏肇為軍校後從高祖於太原使將武節左右指揮高祖建號代州王暉拒命宏肇攻破之以功拜忠武軍節度使侍衛步軍都指揮使契丹北歸留耿崇美攻王守恩於潞州高祖南向京師遣宏肇前行擊走崇美守恩以城歸漢河陽武行德澤州霍令奇等案通鑑薛史俱作霍令奇皆迎宏肇自歸高祖宏肇入京師宏肇嚴毅寡言麾下稍忤意立搃殺之以故士畏法所至秋毫無犯遷侍衛親軍馬步軍都指揮使領歸德軍節度使同中書門下平章事高祖疾大漸與楊邠蘇逢吉

等同受顧命隱帝初河中鳳翔承興相繼反關西用兵京師民流言相驚恐宏肇出兵警察務行殺戮罪無大小皆死時太白晝見民仰觀者輒腰斬於市凡民抵罪吏以白宏肇宏肇但以三指示之吏即腰斬之又為斷舌決口斷筋折足之刑李崧坐奴告變族誅宏肇取其幼女為婢於是前賁故將失職之家姑息僅奴而厮養輩往往脅制其主燕人何福進薛史作何福殷此作進避未諱也有玉枕直錢十四萬遣僮賣之淮南僮隱其錢福進咎僮乃誣告福進得趙延壽玉枕以遺吳人宏肇捕治福進棄市帳下分取其妻子而籍其家財其領歸德時副使等月率私錢千緡為獻頰州翹場官翹溫與軍將陳拯爭官務訟之三司三司直溫拯訴之宏肇宏肇以為類已屬州而溫不先白追溫殺之連坐者數十人周太祖平李守貞推功羣臣宏肇拜中書令隱帝漸近小人燈遊無度太后親族頗干託宏肇與楊邠稍裁抑之太后有故人子求補軍職宏肇輒斬之帝賜教坊使等玉帶錦袍往謝宏肇宏肇怒曰健兒為國征行未有偏賜爾曹何功敢當此悉取所賜還官周太祖出鎮魏州宏肇議帶樞密以行蘇逢吉楊邠不可宏肇恨之明日會飲寶貞固第宏肇厲聲舉爵屬太祖曰昨廷論何為異同今日與公飲此逢吉與邠亦舉大爵曰此國家事何必介意遂俱飲釀宏肇曰安朝廷定禍亂直須長槍大劍毛錐子安足用二司使王章曰無毛錐子軍賦何從集毛錐子蓋言筆也宏肇默然他日會飲章第酒酣為手勢令宏肇不能容省使聞音卿坐次宏肇屢教之蘇逢吉戲曰座有姓聞人何憂罰爵宏肇妻聞氏酒家娼以為譏已大怒欲殿之逢吉先出索劍欲追之楊邠泣曰蘇

公漢宰相公若殺之致天子何地乃馳馬去由是將相
如水火隱帝遣王峻置酒公子亭和解之謹案通鑑載
宰相令僕會飲沈酒已乖政體而使氣譎取武臣於檢
劍徵長文士詔毛維薄技甚至難語詭譎鋒刃幾加儀
檢蕩然矣隱帝不能詰治復令釋和於是時李業郭允
明後贊聶文進等用事不喜執政而隱帝春秋漸長為
大臣所制數有忿言業等乘間譖之密謀禁中乾祐三

年冬十月十三日宏肇與楊邪王章等入朝甲士自內
出擒宏肇邪章斬之並族其家周太祖即位追封鄭王
楊邪魏州冠氏人少為州掌籍吏事漢高祖為右都押
衙卽位拜樞密使邪出於小吏不喜文士與蘇逢吉等
內相排忌逢吉諷李濤上疏罷邪與周太祖樞密使邪
泣訴李太后前太后怒罷濤相加邪中書侍郎兼吏部
尚書同平章事時逢吉禹珪頗以賄除吏邪為相深革
逢吉所為然不知大體以謂為國家者柝廩實甲兵完
而已禮樂文物皆虛器也以故務為苛細凡前資官不
得居外而天下行旅皆給過所然後得行旬日間人情
大擾邪度不可行而止嘗與王章論事帝前帝曰事行
之後勿使有言也邪遽曰陛下但禁聲有臣在聞者戰
慄太后弟業求為宣徽使邪以為不可帝欲立所愛耿
夫人為后邪又以為不可夫人死將以后禮葬之邪又
以為不可由是隱帝大怒左右乘間搆之與史宏肇等
同日見殺邪為人頗儉靜四方之賂雖不卻然往往以
獻於帝周太祖卽位追封宏農王

王章魏州南樂人為州孔目官漢高祖典禁兵補章都
孔目官從之太原高祖卽位拜三司使隱帝立加太尉
同中書門下平章事時漢方新造承契丹後京師空乏
而關西三叛作周太祖用兵西方章供饋軍旅未嘗乏

絕然征利剝下民甚苦之往時民租率石輸二升為雀
鼠耗章增至二斗為省耗籍錢出入皆以八十為陌章
減其出者陌三州縣民訴田者必令州縣覆之以括其
隱田天下由此重困百官俸廩皆取供軍之餘不堪者
命有司高估其價估定又增謂之擅估意猶不滿復增
之民犯鹽禁酒麴者無多少皆抵死吏緣為姦民不堪
命已而與史宏肇等同日見殺

劉銖陝州人少為梁邵王牙將與漢高祖有舊從鎮太
原以為左都押衙慘酷好殺戮高祖以為勇斷類已特
信用之卽位拜承興軍節度使從鎮平盧加檢校太師
同平章事又加侍中時江淮不通吳越錢鏐使者常泛
海至中國而濱海諸州皆置博易務與民貿易民負失
期者務吏擅自攝治置刑獄不關州縣民頗為苦銖悉
禁之然用法亦自為刻深民有過者問其年幾何對曰
若干卽隨其數杖之謂之隨年杖每杖必以兩杖俱下
謂之合歡杖又請增民租畝出錢三十以為公用民不
堪之隱帝患銖剛暴召之懼不至沂州郭淮攻南唐還
兵駐青州隱帝乃遣符彥卿往代銖銖顧禁兵在乃受
代權知開封府周太祖兵犯京師銖悉誅太祖與王峻
等家屬太祖入京師責銖曰與公共事先帝獨無故人
情乎吾家屠滅雖有君命加之酷毒一何忍也銖曰為
漢誅叛臣爾豈知其佗太祖方欲歸人心乃貧其家屬
止殺銖與李業等梟首於市

李業高祖皇后之幼弟也高祖時為武德使隱帝卽位
業以皇太后故益用事時天下旱蝗河決京師大風拔
木墮城門宮中數見怪物投瓦石撼門扉而帝方與業
及聶文進後贊郭允明等狎暱太后數以災異戒帝不

聽會宣徵使闕業欲得之大臣楊那史宏肇等皆以為
不可業由此怨望謀殺那等那等已死又遣供奉官孟
業以詔書殺郭威於魏州威舉兵反遣兵拒威業請出
府庫以養軍蘇禹珪不可業拜禹珪於帝前曰相公且
為官家勿惜府庫乃詔賜京師兵及魏兵從威南者錢
人十千督其子弟作書以告北兵之來者漢兵敗業取
內庫金寶懷之以奔其兄保義軍節度使洪信洪信拒
不納業走至絳州為人所殺

聶文進并州人少為軍卒善書算給事漢高祖帳中以
為押司官卽位歷拜樞密院承旨周太祖為樞密使頗
親信之文進稍橫恣遷右領軍大將軍周太祖鎮鄴文
進等用事居中及謀殺楊邪等文進夜作詔書制置中
外典閱兵籍以指揮殺戮為己任周太祖初聞邪等遇
害以為文進不與及發詔書皆其手迹乃大詬周兵至
京師隱帝敗於北郊太后使謂文進善衛帝對曰臣在
此百郭威何害與其徒飲酒歌呼自若隱帝遇弒文進
亦見殺

後贊兖州瑕邱人其母娼也贊幼善謳事漢高祖為牙
將卽位拜飛龍使隱帝尤愛幸之楊邪等執政贊久不
得遷乃共謀殺邪等邪等死隱帝悔之贊與允明等番
休侍帝不欲左右言已短隱帝兵敗北郊贊奔兖州募
容彥超執送京師梟首於市
郭允明河東人據薛少為漢高祖廝養高祖以為翰林
茶酒使隱帝狎愛之允明益橫使荆南高保融車服導
從如節度使陰使人步測城池高下若為攻取計者荆
人皆恐保融厚賂以遣之遷飛龍使與李業謀殺楊邪
等是日無雲而昏霧雨如泣日中載邪等十餘尸暴之

市允明手殺邵等諸子於朝堂西廡王章堵張貽肅血
流逆注隱帝敗於北郊還至封邱門不得入走趨村允
明從後追之弑帝於民舍乃自殺

欽定續通志卷二百八十八

列傳

五代九

王朴

鄭仁誨 扈載

王朴字文伯東平人少舉進士為校書郎依漢樞密使楊邠邠與王章史宏肇等有隙朴知其必亂乃去邠東歸後三家之客多及難而朴獨免周世宗鎮澶州朴為節度掌書記世宗尹開封拜朴右拾遺為推官卽位遷比部郎中獻平邊策曰唐失道而失吳蜀晉失道而失幽并觀所以失之由知所以平之之術當失之時君暗政亂兵驕民困近者姦於內遠者叛於外小不制而至於僭大不制而至於濫天下離心人不用命吳蜀乘其亂而竊其號幽并乘其間而據其地平之之術在乎反唐晉之失而已必先進賢退不肖以清其時用能去不能以審其材恩信號令以結其心賞功罰罪以盡其力恭儉節用以豐其財徭役以時以阜其民俟其倉廩實器用備人可用而舉之彼方之民知我政化大行上下同心力彊財足人安將和有必取之勢則知彼情狀者願為之聞謀知彼山川者願為之先導彼民與此民之心同是與天意同與天意同則無不成之攻取之道從易者始當今惟吳易圖東至海南至江可撓之地二千里從少備處先撓之備東則撓西備西則撓東彼必奔走以救其弊奔走之間可以知彼之虛實眾之彊弱攻虛擊弱則所向無前矣勿大舉但以輕兵撓之彼人性弱知我師入其地必大發以來應數大發則民困而國竭一不大發則我獲其利彼竭我利則江北諸州乃國家之所有也既得江北則用彼之民揚我之兵江

之南亦不難平之也如此則用力少而收功多得吳則桂廣皆為內臣岷蜀可飛書而召之如不至則四面並進席卷而蜀平矣吳蜀平幽可望風而至唯并必死之寇不可以恩信誘必須以彊兵攻力已竭氣已喪不足以為邊患可為後圖方今兵力精練器用具備羣下知法諸將用命一稔之後可以平邊臣書生也不足以講大事至於不達大體不合機變惟陛下寬之遷左諫議大夫知開封府事歲中遷左散騎常侍充端明殿學士世宗雅知朴及見其議論偉然益以為奇引與計議天下事無不合遂決意用之顯德三年征淮以朴為東京副留守遷拜戶部侍郎樞密副使遷樞密使按周本紀九月端明殿學士左散騎常侍王朴為尚書戶部侍郎樞密副使四年八月王朴為樞密使傳併為一年事誤矣遷樞密使當書四年再征淮以朴留守京師世宗之時外事征伐而內修法度朴為人明敏多材智非獨當世之務至於陰陽律曆之法莫不通焉顯德二年詔朴校定大衍曆乃削去近世符天流俗不經之學設通經統三法以歲軌離交朔望周變率策之數步日月五星為欽天曆六年又詔朴考正雅樂朴以謂十二律管互吹難得其真乃依京房為律準以九尺之絃十三依管長短寸分設柱用七聲為均樂成而和朴性剛果又見信於世宗凡其所為當時無敢難者然人亦莫能加也其所作樂至宋用之不可變其言諸國興滅次第云淮南可最先取并必死之寇最後亡其後宋興平定四方惟并獨後服皆如朴言六年春行視汴口作斗門疾作昇歸而卒年五十四世宗臨其喪以玉鉞叩地大慟者數四贈侍中

勇好使酒嘗因醉怒仁誨拔劍欲殺之仁誨植立不動無懼色詔光擲劍於地撫之曰汝有器量必富貴非吾所及也後棄詔光還鄉里事母以孝聞漢高祖為河東節度使周太祖居帳下時時在過仁誨與語甚懽每事有疑卽從仁誨質問所對不阿太祖益奇之漢興周太祖為樞密使乃召仁誨用之累官至內客省使太祖破李守貞於河中軍中機畫多所參決太祖入立以為大內都點檢恩州團練使樞密副使累遷宣徽北院使出為鎮密軍節度使顯德元年拜樞密使按通鑑是年正月章事五月兼世宗攻河東仁誨留守東都明年冬以疾卒仁誨自微時常為太祖謀畫及居大位未嘗有所聞而太祖世宗皆親重之然亦能謙謹好禮不自矜伐為士大夫所稱贈中書令追封韓國公諡忠貞扈載字仲熙北燕人少好學善屬文廣順初舉進士高第拜校書郎直史館再遷監察御史其為文章以辭多自喜常次歷代有國廢興治亂之迹為連源賦又因遊相國寺見庭竹可愛作碧鮮賦題其壁世宗遣小黃門就壁錄之覽而稱善因拜水部員外郎知制誥遷翰林學士賜緋而載已病不能朝謝居百餘日乃力疾入直學士院世宗憐之賜告還第遣太醫院視疾初載以文知名一時樞密使王朴尤重其才薦於宰相李穀久而不用朴以問穀曰扈載不為舍人何也穀曰非不知其才然載命薄恐不能勝朴曰公為宰相以進賢退不肖為職何言命邪已而召拜知制誥及為學士居歲中病卒年三十六議者以穀能知人而朴能薦士世宗尤禮文士載與張昭實儼陶穀徐台符等俱被進用穀居數人中文辭最劣尤無行昭儼數與論議其文粲然而穀

徒能先意所在以進諛取合人主事無大小必稱美頌贊大抵類俳優而載以不幸早卒議論雖不及昭儼而不爲穀之諛也

列傳

五代十

王鎔

羅紹威

王處直

劉守光

李茂貞

王鎔其先世為唐成德軍節度使自父景崇以上在唐藩鎮傳中和二年景崇死鎔年十歲軍中推為留後時晉新有太原李匡威據幽州王處存據中山赫連鐸據大同孟方立據邢臺豪傑並起交爭鎔介其間士馬強畜積富藉其世家以取重四方諸鎮廢立承繼有請於唐者皆因鎔以聞自晉兵出山東已被孟遷取邢洛磁三州景福元年乃大舉擊趙下臨城鎔求救於李匡威匡威來救晉軍引去明年晉會王處存攻鎔拔堅固鎮攻新市鎔禽晉將薛萬金匡威以兵三萬救鎔拔賊史晉軍事未斷鎔遣追風都團練使段亮等以兵屬匡威冀戰於磁河晉軍大敗明年春晉攻天長軍鎔救之敗於叱口嶺晉軍遂出井陘鎔又求救於匡威匡威以五千騎敗克用於元氏匡威為弟匡儔所逐鎔德其救己迎館於海子園以父事之匡威客李正抱新唐書作李抱貞者少遊燕趙間愛之及是與匡威皆失國無聊乃謀劫鎔代之詐為忌日鎔往弔伏起持鎔兩袖鎔曰吾國賴公存今日是所甘心匡威素少鎔以為無能為因與鎔並轡詣府受代行過親事營軍士閉門大譟屠者墨君和望見鎔從缺垣中躍出挾鎔於馬負之走匡威正抱皆死匡儔雖憾其兄而陽以大義責鎔甚急鎔既失燕援而晉軍急攻平山劫鎔以盟遂與晉和其後梁太祖下晉邢洛磁三州乃為書招鎔使絕晉歸梁鎔依違不

決晉將李嗣昭復取洛州太祖擊走之得鎔與嗣昭書多道梁事太祖怒因移兵常山自將傅城下焚南關鎔懼謂其屬曰事急矣奈何判官周式與太祖有舊因請入梁軍太祖望見罵曰爾公朋附太原今無赦矣吾知李嗣昭在城中可使先出因以所得書示式式曰梁欲取一鎮州而止乎而欲成霸業於天下也且霸者責人以義而不私今天子在上諸侯守封睦鄰所以息爭且休民也昔曹公破袁紹得魏將吏與紹書悉焚之此英雄之事耳今梁知兵舉無名而假嗣昭以為辭王氏五世六公擁有此土豈無死士而待嗣昭乎太祖大喜曰吾言戲耳延式上座議與鎔和鎔以子昭祚為質太祖以女妻之太祖即位封鎔趙王鎔祖母喪諸鎮皆弔梁使見晉使在館還言趙王有二志開平四年遣魏博將夏譚等以兵三千襲深冀二州以王景仁為北面行營招討使鎔之兵於晉晉人擊敗景仁於柏鄉梁遂失鎮定晉師出鎔常以兵從鎔德晉甚明年會莊宗於承天軍許以女妻鎔子昭誨當是時諸鎮俱傲於戰爭趙獨安樂鎔尤驕於富貴又好左道鍊丹求長生與道士王若訥留遊西山登王母祠每出逾月忘歸任其政於宦者宦者石希蒙與鎔同臥起天祐十八年冬鎔自西山宿鶻營莊將還府希蒙止之宦者李宏規力諫不從宏規怒遣親事軍將蘇漢衡率兵擐甲露刃於帳前斬希蒙首擲於鎔前鎔懼遽歸使其子昭祚與大將張文禮族宏規漢衡收其偏將下獄窮究反狀親軍皆懼文禮誘之為亂夜半軍士千餘人踰垣而入鎔方與道士焚香受籙斬鎔首袖之而出因縱火焚其宮王氏之族遂滅鎔少子昭誨年十歲有德鎔者藏之穴中亂定湖南

人李震匿之南嶽為浮圖易名崇隱昭誨既長鎔故將符習為宣武軍節度使震以歸習表於朝拜考功郎中司農少卿周顯德中猶為少府監云張文禮者鎔以為子號王德明鎔死文禮自為留後莊宗初納之後知其通於梁也遣趙故將符習與閻寶擊之文禮病疽卒子處瑾拒守擊敗習等以李嗣昭代之嗣昭中流矢卒以李存進代之存進輒復戰乃以符存審為招討使遂破之執文禮妻及子處瑾處球處琪等歸於晉趙人請而醢之磔文禮尸於市

羅紹威字端己父宏信唐魏博節度使在唐藩鎮傳紹威襲父爵新立幽州劉仁恭以兵六十萬攻魏屠其城紹威求救於梁太祖自將與仁恭戰於內黃大敗燕軍明年太祖遣葛從周會魏兵攻滄州取其德州仁恭以兵至逆戰於老鴉隄大破之紹威德梁助已故奉事愈謹魏博自田承嗣始有牙軍歲久益驕前帥史憲誠何全皞韓君雄樂彥貞等皆由牙軍所立怒輒殺之紹威通習吏事為政有威嚴然其家世由牙將所立天祐二年牙校李公佐作亂不克奔滄州紹威乃遣使告梁乞兵欲盡誅牙軍太祖因遣李思安等攻滄州召兵於魏紹威因悉發魏兵以從獨牙軍在紹威子廷規娶梁女會文卒太祖陰遣客將馬嗣勳選良兵實輿中以長直軍千人雜輿夫人魏許為助葬太祖以兵繼其後紹威夜以奴兵數百會嗣勳兵擊牙軍并其家屬盡殺之太祖自內黃馳至魏魏兵從攻滄州者行至懸亭聞之皆反分入瀘博諸州魏境大亂太祖為悉平之牙軍死魏兵悉叛紹威勢益孤太祖乃欲奪其地紹威始大悔是歲太祖復攻滄州宿兵長蘆梁兵數十萬皆取足紹威

以此重困昭宗遷洛詔諸鎮繕理京師紹威營太廟成加拜守侍中進封鄴王太祖圍滄州未下劉守光會晉軍破梁潞州太祖歸過魏紹威懼終襲已乃入見曰今四方稱兵為梁患者以唐在故也唐家天命已去不如早自取之太祖大喜乃急歸太祖即位將都洛陽紹威取魏良材為五鳳樓朝元前殿浮河而上立之京師太祖以為功過蕭何賜以寶帶名馬又請伐木安陽淇門為船自河入洛歲漕穀百萬石以供京師太祖益以為忠遣將程厚盧凝督其役舟未成而紹威病乃表言魏故大鎮多外兵願得梁一有功重臣臨之請以骸骨就第太祖亟命其子周翰監府事且謂使者曰為語而主如不諱當世世貴爾子孫紹威仕梁累拜太師兼中書令卒年三十四贈尚書令諡曰貞壯子三人廷規官司農卿周翰按梁太祖實錄以司門郎中羅廷規充魏博節度副使知府事仍改名周翰以廷規周翰為一人通鑑考異疑為實錄之誤考唐史亦作紹威子三人長廷規官司農卿早卒次周翰與父齊云云為楊師厚所逐徙為宣義軍節度使卒弟周與歐史同為楊師厚所逐徙為宣義軍節度使卒弟周敬代之徙鎮忠武唐莊宗時為金吾大將軍明宗以為匡國軍節度使罷為上將軍卒廷規娶梁太祖二女曰安陽公主曰金華公主周翰娶末帝女曰壽春公主周敬亦娶末帝女曰晉安公主

王處直字允明兄處存為唐義武軍節度使傳子邨在藩鎮傳邨為節度使時處直為後院中軍都知兵馬使光化三年梁兵來攻邨遣處直拒之敗於沙河兵返入城逐邨邨出奔晉推處直為留後梁兵圍之處直乃請事梁而絕晉出絹十萬匹犒軍與梁盟梁太祖表處直義武軍節度使累封太原王太祖即位封處直北平王其後梁兵攻王鎔鎔求救於晉處直亦遣人至晉願絕

梁以兵五千從晉破梁軍於柏鄉自是晉南北攻戰十餘年間處直嘗以兵從處直好巫客有李應之者以左道愈處直疾以為行軍司馬軍政咸取決焉初應之於陘邑闈得小兒劉雲郎養為子處直未有子乃以雲郎與處直子之更名曰都甚愛之應之由此益橫籍管內丁壯別立新軍自將之治第博陵坊四面開門皆用左道將吏知其必為患而莫能諫也會幽州李匡儔如京師假道中山處直伏甲城外以備不虞匡儔已去甲士入城圍應之第殺之因詣處直請殺都處直不與明日第功行賞因陰疏甲士姓氏藏於別籍其後因事悉誅之而處直終為都所殺都為人狡佞多謀處直以為節度副使張文禮弑王鎔莊宗發兵討之處直謀曰鎮定之敵也文禮雖有罪然鎮定不獨存乃遣人請莊宗毋發兵莊宗取所獲文禮與梁蠟書示處直曰文禮負我師不可止處直益自危處直有孽子郁從都奔晉晉王以女妻之為新州防禦使處直乃陰與郁交通使北招契丹入塞以牽晉且許召為副都聞之不悅郁自奔晉常恐處直不容因此大喜以厚賂誘阿保機舉國入侵定人皆不欲契丹之舉小吏和昭訓勸都舉事都因執處直囚之西宅自為留後凡王氏子孫及處直將校殺戮殆盡明年正月朔旦都拜處直於西宅處直奮起挺其胸呼曰逆賊吾何負爾欲嚙其鼻都擊袖而走處直遂見殺莊宗已敗契丹於沙河追奔過定州與都相得懼甚以子繼岌娶都女以都為義武軍節度使同光二年莊宗幸鄴都來朝賜與鉅萬所請無不從及明宗立頗惡都為人而安重誨每以法繩之都始有異志時唐兵擊契丹數往來定州都俱饋多闕益不自安和昭

訓為都謀曰天子新立四方未附其勢易離可為自安計已而朱守殷反於汴州都遂亦遣人以蠟書招青徐岐潞梓五鎮約舉兵皆不應明宗遣王晏球討之都復與王郁招契丹為援契丹遣托紐將萬騎救都都遣指揮使鄭季璘龍泉鎮將杜宏壽以二千人迎契丹為晏球所敗季璘宏壽被執不屈遂見殺晏球屯軍望都與都及契丹戰大敗之曲陽薛史作嘉山都及托紐得數騎逃去閉城不復出初莊宗軍中闕得一男子使冒姓李名繼陶養以為子明宗即位安重誨出以乞段徊徊亦惡而逐之都使人求得之至是給其原曰此莊宗太子也

也被以天子服使巡城上以示晏球軍軍士譏者曰繼陶也其詬之都居城中兵少惟以契丹二千人守城呼托紐為王屈身事之諸將有欲出降者都伺察嚴密殺戮無虛日以故堅守經年天成四年二月城破都與家屬皆自焚死王氏遂絕於中山而處存有子鄴鄴子廷胤與莊宗連外甥明宗時隱具忻密瀘隰州刺史范延光反晉高祖以廷胤為楊光遠行營中軍使破延光有功拜彰德軍節度使初處直為都所囚幼子威北走契丹契丹謂晉高祖曰吾欲使威襲其先人爵土如何高祖遽從廷胤鎮義武曰此亦王氏後也後徙鎮海卒

與都招直見殺之後史不言其歸山也王都之討復云因敗責王都之歸自是而通鑑云契丹後歸直也然當都幽繫處直之時王氏子孫盡被殺後此時而都定則固都素所不悅者豈能復為破殺之完嗣節終身未嘗與定自無可疑及考遼史本傳都自得父命節奉表奉定自無可疑及考遼史本傳都乃按居民而遷則是契丹方聲罪討都安得以為萬騎來援詳自必有據今仍從之而附載他說以示開疑也

唐藩鎮傳守光既囚父其兄守文率兵討之至盧臺

守光所敗進戰玉田又敗乃乞兵契丹明年守文將契

丹吐渾兵四萬人戰於雞蘇守光兵敗守文陽為不忍

出陣呼其眾曰毋殺吾弟守光將元行欽識守文躍馬

擒之又囚之別室既而殺之謹案通鑑載覽 御批 元討幽交之弟即誅之亦 不為過乃對眾泣請勿殺此與宋襄不食二毛 同一迂庸卒以自取敗亡所謂可笑可鄙者耳守文將

史孫鶴呂亮等立守文子延祚以拒守光圍之百餘日

城中米斛值錢三萬人食堊土馬相食其駸尾亮等率

城中饑民食以麩號宰殺務日殺以餉軍久之延祚力

窮遂降守光素庸愚由此益驕為鐵籠鐵刷之刑燕人

爭逃禍於佗境守光身衣赭黃謂其將吏曰我衣此南

面可帝天下乎孫鶴切諫梁攻趙趙王王鎔求救於守

光孫鶴力勸其出兵守光不肯晉救趙大敗梁兵於柏

鄉進掠邢洛至於黎陽守光聞晉空國深人梁乃治兵

戒嚴遣人以語動鎮定曰燕有情兵三十萬願率二鎮

以從晉然誰當主此盟者晉人患之乃班師守光益以

為諸鎮畏其強乃諷諸鎮共尊已於是晉王率天德宋

瑤振武周德威昭義李嗣昭義武王處直成德王鎔等

以墨制冊尊守光為尚書令尚父守光又遣人告梁請

授已河北兵馬都統以討鎮定河東梁遣閻門使王暉

拜守光河北採訪使有司白守光尚父受冊用唐冊太

尉禮儀守光問曰此儀注何不郊天改元有司曰此天

子禮也尚父雖尊乃人臣耳守光怒曰我為尚父誰當

帝者乎乃城梁晉使者下獄置斧鑕於庭令曰敢諫者

死孫鶴進諫守光怒令軍士割而啖之鶴呼曰不出百

日大兵當至命室其口而醢之守光遂以梁乾化元年

八月自號大燕皇帝改元應天以王曠齊涉為左右相

晉遣太原少尹李承勳賀冊尚父至燕而守光已僭號

有司迫承勳稱臣承勳不屈以列國交聘禮入見守光

怒殺之明年晉遣周德威將三萬人會鎮定之兵攻燕

自祁溝關入其瀆涿武順諸州皆迎降守光被圍經年

累戰常敗乃奉書服罪德威曰大燕皇帝尚未郊天何

至此耶子受命討僭亂不知其佗守光益窘乃獻絹千

匹銀千兩錦百段遣使謂德威曰守光去歲妄自尊崇

本不能為未溫下耳豈意大國暴師經年幸少寬之德

威不許守光登城呼曰俟晉王至則降晉王乃自臨軍

守光登城見晉王晉王問將如何守光曰今日組上肉

惟王所為守光有髮者李小喜勸其毋降守光因請俟

佗日是夕小喜叛降於晉軍明旦城破執仁恭及其家

族三百口守光與其妻李氏祝氏子繼珣繼方繼祚等

南走滄州迷失道至燕樂界中數日不得食遣其妻祝

氏乞食於田家田家怪而詰之祝氏以實告乃被擒送

幽州晉王方大饗軍客將引見叩頭請死命械之并其

父仁恭以從還過趙趙王王鎔會晉王置酒酒酣請曰

願見仁恭父子晉王命破械出之引置下坐飲食自若

皆無慙色晉王至太原曳仁恭父子以組獻於大廟守

光將死泣曰臣死無恨然教臣不降者李小喜也晉王

使召小喜小喜瞋目曰囚父弑兄蒸其骨月亦小喜教

爾耶晉王怒命先斬小喜謹案通鑑載覽 御批守 光逆倫傷化罪不容誅然小 喜則曾受其恩者既給故主以私降甚至瞋目 叱置巨心齋誠盡矣存勳先正其誅頗為快舉守光呼

曰王將復唐室以成霸業何不赦臣使自效其一婦從

旁罵曰事已至此生復何為願先死乃俱死晉王命李

存霸執仁恭至雁門刺其心血以祭先王慕然後斬之

李茂貞深州博野人本姓宋名文通為本郡軍卒成鳳

翔從鄭畋擊黃巢有功自隊長遷軍校茂貞以宿衛軍

神策軍指揮使檢校太保即此事也光啟元年朱玫反

僖宗出居興元玫遣王行瑜攻大散關茂貞與保鑾都

將李錕等敢行瑜於大唐峯以功自扈蹕都頭拜武定

軍節度使賜姓名扈蹕東歸至鳳翔鳳翔節度使李昌

符與天威都頭楊守立爭道以兵相攻僖宗使茂貞擊

殺昌符以功拜鳳翔右節度使大順元年封隴西郡

王二年樞密使楊復恭得罪奔於養子興元節度使楊

守亮茂貞言復恭父子罪皆當誅因自請為山南招討

使昭宗難之茂貞擅攻破興元殺復恭父子表其子繼

密權知興元軍府事昭宗乃徙茂貞山南西道而以宰

相徐彥若鎮鳳翔茂貞不奉詔上表辭不遜昭宗不能

忍以問宰相杜讓能讓能以茂貞地大兵彊又近京師

唐力未可以致討易以自危昭宗怒曰吾不能孱孱坐

受凌弱乃責讓能治兵以覃王嗣周為京西招討使率

扈駕軍五十四都戰於蓋屋唐軍敗潰茂貞遂犯京師

屯三橋昭宗御安福門殺兩樞密以謝使罷兵茂貞與

讓能素有隙因曰謀舉兵者讓能也陳兵臨驛請殺

讓能昭宗泣下沾襟貶讓能賜死茂貞乃罷明年河中

節度使王重盈卒諸子爭立晉王李克用請立珣茂貞

與韓建王行瑜請立珣昭宗不許茂貞等怒率二鎮兵

犯京師謀廢立而晉王亦舉兵至茂貞懼乃殺宰相韋

昭度李瑛留其養子繼鵬以兵二千宿衛而去繼鵬與

行瑜弟行實等聞晉兵且至爭劫昭宗出奔京師大亂

昭宗出居石門茂貞以兵至鄂縣斬繼鵬自贖晉兵已

破行瑜還軍渭北請擊茂貞昭宗欲庇之以為緩急以

其殺子自贖為解詔罷晉軍克用歎曰唐不誅茂貞憂

理鳳翔人愛之廢帝起鳳翔部人叩馬乞從廢帝入立乃復以為鳳翔節度使卒於鎮

未也已昭宗自石門還益尊安聖捧宸等軍萬餘人以諸王將之茂貞謂唐將討己亦治兵犯京師昭宗遣草王拒之軍至三橋潰昭宗出居華州遣宰相孫傑以兵討茂貞韓建為茂貞請乃已久之加尚書令封岐王昭宗既反正宰相崔胤謀以梁兵誅宦者中尉韋全誨等倚茂貞為外援茂貞遣子繼筠以兵數千宿衛天復元年胤召梁太祖以軍至同州全誨等懼與繼筠劫昭宗幸鳳翔梁軍圍之逾年茂貞戰輒敗閉壁不敢出城中薪食俱盡自冬涉春民凍餓死者日千數其存者相與邀遮茂貞求生路茂貞窮迫謀以天子與梁以為解三年正月與梁約和斬韓全誨等二十餘人傳首梁軍梁圍解天子雖得出然梁遂劫東遷而唐亡茂貞非惟亡唐亦自困矣及梁太祖即位諸侯彊者皆相次稱帝獨茂貞不能但稱岐王開府置官屬視朝出入擬天子以妻為皇后而已茂貞寬仁愛物岐民慮安之初有地二十州其被梁圍也興元入於蜀開平已後邠寧鄜坊入於梁秦鳳階成又入於蜀當梁末年所有七州而已徐黨曰二十州者岐隴涇渭武秦成階鳳邠寧慶衍鄜坊丹延梁洋也莊宗破梁茂貞稱岐王上賤以季父行自處及聞入洛乃上表稱臣遣子從曦來朝索薛史作繼職考茂貞諸子若繼繼薛史是也莊宗以其耆老甚尊禮之改封秦王詔書不名同光二年卒年六十九諡忠敬從曦襲為鳳翔節度使魏王繼岌征蜀為供軍轉運接應使蜀平繼岌遣從曦部送王衍至鳳翔監軍使柴重厚拒不納從曦遂東至華州聞莊宗之難乃西歸明宗立遣人誅重厚從曦上書言重厚守鳳翔軍民無所擾願貸其過雖不許士人以此多之歷鎮宣武天平從曦有田千頃竹千畝在鳳翔懼侵民利未嘗省

五代

韓建

韓遜

楊崇本

高萬興

溫翰

盧光稠 諱全播

朱瑾

韓建字佐時許州長社人少為蔡州軍校隸忠武軍將鹿晏宏從楊復光復光死晏宏與建等無所屬乃以麾下西迎僖宗所過攻劫據山南而不能守晏宏東走許州建乃奔蜀拜金吾衛將軍僖宗還長安拜華州刺史華州數經大兵戶口流散建少習農事督民耕植出入問疾苦建不知書使人題所服器具各為名目以視之久乃漸通文字時諸鎮皆武夫獨建撫輯兵民荆南成汭時冒姓郭亦善輯荆楚當時號為北韓南郭大順元年以兵屬張洸洸晉藩敗建自含山逃歸河中之爭立也建與李茂貞助王琪語在茂貞傳晉兵問罪三鎮傳華州建登城呼曰敝邑未嘗失禮於大國何為見攻晉人曰君以兵犯天子殺大臣是以討也已而與晉和乾寧三年茂貞復犯京師昭宗將奔太原次渭北建遣子允通通鑑作從允請幸華州昭宗又欲如鄜州建追及於富平泣曰藩臣倔彊非止茂貞若捨近畿而巡極塞乘輿渡河不可復矣昭宗亦泣遂幸華州時天子孤弱獨有殿後軍及定州三都將李筠等兵千餘人為衛以諸王將之建已得昭宗遂欲制之因請罷諸王將兵散去殿後諸軍累表不報昭宗登齊雲樓西北顧望京師作菩薩蠻詞三章酒酣與從臣悲歌泣下建心不悅因遣人告諸王謀殺建劫天子佗幸昭宗召建將辨之建稱疾不

出乃遣諸王自南建辨之建不見請送諸王十六宅昭宗難之建乃率精兵數千圍行宮請誅李筠昭宗大懼遂詔斬筠悉散殿後及三都衛兵幽諸王於十六宅昭宗益悔幸華建延王戒不使晉以謀與復戒不還建與中尉劉季述誣諸王謀反以兵圍十六宅諸王皆登屋叫呼遂見殺昭宗無如何為建立德政碑以慰安之建已殺諸王乃營南莊起樓閣欲邀昭宗幸因廢之而立德王裕其父叔豐謂建曰汝陳許開一田夫遭亂蒙恩至此欲以兩州百里地行大事覆族之禍吾不忍見不如先死會李茂貞梁太祖皆欲發兵迎天子建稍懼乃止光化元年昭宗還長安封建潁川郡王辭乃封許國公賜鐵券梁太祖以兵嚮長安遣張存敬攻下同州建乃降太祖責建背已建曰判官李巨川之謀也太祖即殺巨川以建從昭宗東遷建從至洛陽昭宗舉酒屬太祖與建曰遷都後國步小康社稷安危繫卿兩人奈何皇后舉觴建躡太祖足太祖乃賜醉去建出謂太祖曰天子與宮人眼語幕下有兵仗聲恐公不免也太祖以故尤德之表建平盧軍節度使太祖即位拜司徒同中書門下平章事太祖性剛暴臣下莫敢諫諍惟建時有言頗優容之未幾罷相出鎮許州太祖崩許州軍亂見殺按五代史此下有李仁福傳仁福為夏國之先應入宋載記此從刪韓遜不知其世家初為靈武軍校唐末據有靈鹽唐即以爲節度使梁開平三年封潁川王時郗邨延鳳翔諸鎮皆與梁爭戰獨遜臣屬於梁李茂貞嘗遣劉知俊攻遜不能克遜亦善撫其部人愛之爲立生祠貞明中遜卒軍中立其子洙爲節度使梁即以爲節度使至唐莊宗時又以洙兼河西節度天成四年洙卒以洙子澄

爲朔方軍留後其將李實作亂澄乃上書請師於朝明宗以康福代之韓氏自遜有靈武史不見其事傳世皆無所稱澄後不知所終楊崇本幼爲李茂貞養子冒姓李名繼微茂貞表爲靜難軍節度使梁太祖攻岐未下移兵攻邠州崇本降太祖使復姓賜名崇本遷其家於河中以爲質崇本妻有色太祖往來河中嘗幸之妻頗愧恥問遣人請責崇本崇本涕泣憤怒其後梁兵解岐圍崇本妻得歸乃復背梁歸茂貞茂貞西連蜀兵與崇本攻雍華進屯美原梁將康懷英等會同州劉知俊擊敗之自此不復東乾化四年爲其子彥魯所弒崇本養子李保衡殺彥魯以降梁高萬興河西人五代史作河南唐人今從薛史唐末河西屬李茂貞貞將胡敬璋爲延州刺史萬興與弟萬金俱事敬璋爲騎將敬璋死其將劉萬子代爲刺史梁開平二年萬子會葬敬璋其將許從實殺之自爲延州刺史時萬興兄弟將兵戍境上聞萬子死以部下數千人降梁薛史作金因會葬縱兵攻萬子歸於汴而歐史以爲許從實作亂考萬興兄弟時方戍境上自以歐史爲實梁太祖屯河中遣劉知俊以兵應萬興攻丹州刺史崔公質進攻延州執許從實鄜州李彥容坊州李彥昱皆棄城走太祖乃以萬興爲延州刺史忠義軍節度使以牛存節鎮邠延已而劉知俊叛乃徙存節同州以萬金代存節萬興舉遷檢校太師兼中書令封渤海郡王貞明四年萬金卒乃以萬興爲邠延節度使進封北平王梁亡莊宗入洛萬興嘗一來朝同光三年卒於鎮子允韜代立徙鎮安國義成清泰中卒萬金子允權開運中爲虜施令罷居於家時周密爲彰信軍節度使契丹滅

晉延州軍亂逐密守東城而西城之兵以允權為留
後聞漢高祖起太原遂歸漢即拜節度使廣順三年卒
溫韜京兆華原人少為盜後事李茂貞為華原鎮將冒
姓李名彥翰茂貞以華原縣為耀州以韜為刺史梁太
祖圍岐韜以耀州降已而復叛歸茂貞茂貞又以美原
縣為鼎州建義勝軍以韜為節度使末帝時韜復叛茂
貞降梁采耀州為崇鼎為裕義勝軍為靜勝以韜為
節度使復其姓溫更其名曰昭圖韜在鎮七年悉發掘
唐諸陵取其所藏金寶而昭陵最固韜從垣道下見宮
室制度闕麗不異人開中為正寢東西廂列石牀牀上
石函中為鐵匣悉藏前世圖書鍾王筆迹紙墨如新韜
悉取之惟乾陵風雨不可發後徙鎮忠武莊宗滅梁韜
自許來朝因伶人景進緝劉皇后莊宗待韜甚厚賜
姓名曰李留冲郭崇韜曰此劫陵賊耳罪不赦莊宗曰
已有之矣遽遣還鎮明宗入洛與段凝俱收下獄已而
赦歸田里明年流德州賜死

盧光稠諱全播皆南康人光稠狀貌雄偉無他才能而
全播再敢有識略然全播常奇光稠為人唐末相與聚
兵為盜眾推全播為主全播曰諸君徒為賊乎而欲成
功乎若欲成功當得良帥盧公堂堂真君等主也眾賜
諾之全播怒拔劍斬木以誓眾懼乃立光稠為帥是時
王潮陷嶺南全播攻取其虔韶二州又遣光稠弟光睦
攻潮州光睦好勇而輕進全播度其必敗乃伏兵歸路
光睦果敗走潮人追之發伏邀擊大敗之遂取潮州時
劉巖起南海以兵數萬攻虔州光稠大懼全播曰劉巖
易與爾乃選精兵萬人伏山谷中以老弱五千出戰於
城南戰酣偽北巖急追之伏兵發巖遂大敗光稠第戰

功全播悉推諸將光稠心益賢之光稠以虔韶二州請
命於梁太祖為置百勝軍以光稠為防禦使兼五嶺開
通使又建鎮南軍以為留後按通鑑開平三年八月盧
光稠以州附於淮南又遣
使附於梁附淮南開平五年光稠病以符印屬全播不受
南事傳失載

光稠卒全播立其子延昌事之延昌好遊獵其將黎求
閉門拒之延昌見殺求因謀殺全播全播懼稱疾不出
求乃自立尋暴病死其將李彥圖自立全播益懼遂杜
門稱篤彥圖疑之使覘其動靜全播應覘為狀以自免
彥圖死州人相率叩門請全播乃起遣使請命於梁拜
防禦使全播治虔州七年有善政楊隆演遣劉信攻破
虔州以全播歸廣陵卒按五代史此下有雷滿鍾傳趙
匡凝朱宣等傳皆已入唐書此
不復載

朱瑾唐天平軍節度使宣從弟也宣事在唐藩鎮傳瑾
從宣居鄆州補軍校少儻有大志兗州節度使齊克
讓愛其為人以女妻之瑾親迎選壯士為輿夫伏兵器
輿中夜至兗州兵發虜克讓自稱留後僖宗即拜瑾泰
寧軍節度使梁太祖既與瑾兄弟惡歲攻兗郭瑾兄弟
往來相救凡十餘年大小數十戰與太祖屢相勝敗太
祖得宣將質環何懷寶及瑾兒瓊乃將至兗城下吉瑾
曰汝兄敗矣瓊等已降不如早自歸瑾偽曰諾乃遣牙
將持書幣詣軍門降太祖大喜至延壽門與瑾交語瑾
曰願得瓊來送符印太祖信之遣客將劉捍送瓊往瑾
伏壯士橋下單騎迎瓊揮手語捍曰請瓊獨來瓊前壯
士擒之遂閉門責以先降斬之擲其首城外太祖度不
可下乃留兵圍之而去瑾嬰城自守而乞兵於晉晉遣
李承嗣史儼等以騎兵五千救之太祖已被宣乃急趨
兗城中食盡瑾與承嗣等掠食豐沛間梁兵奄至瑾將

康懷英等以城降瑾等將麾下走沂州刺史尹處實不
納又走海州梁兵急追之乃奔淮南楊行密聞瑾來大
喜表瑾領武寧軍節度使以為行軍副使瑾大破梁兵
於清口行密累表瑾東南諸道行營副都統領平盧軍
節度使同中書門下平章事行密死渥及隆演相繼立
皆年少徐溫與子知訓專政畏瑾欲除之瑾乃謀殺知
訓嘗以月旦遣愛妾候知訓家知訓強通之妾歸誣瑾
益不平屢勸隆演誅徐氏以去國患隆演不能既而知
訓以泗州建靜軍出瑾為節度使將行召之夜飲明
日過瑾謝延升堂出其妻陶氏知訓方拜瑾以笏擊踣
之伏兵自戶突出殺之初瑾以二惡馬繫庭中知訓人
而釋馬使相蹶鳴故外人莫聞其變瑾攜其首馳示隆
演曰今日為吳除患矣隆演曰此事非吾敢知遽起入

內謹按通鑑輯覽 御批知訓無禮於君凡有心者
皆當為鷹鷂之逐未瑾雖以私嫌擅殺然實為吳除
害隆演既據有吳國自當為之主持庶幾戡亂者知所
警惕乃矯怯無識發為不敢與聞致徐溫觀鏡日深浸
成箕籀之禍雖其及身以柔善自全而吳瑾忿然以首
擊柱提劍而出府門已闔因踰垣折足瑾顧路窮大呼
曰吾為萬人去害而一身死之遂自刎潤州徐知誥聞
亂以兵趨廣陵族瑾家瑾妻陶氏臨刑而泣其妾曰何
為泣今行見公矣陶氏收淚欣然就戮瑾嘗病疽醫者
視之色懼瑾曰但理之吾非以病死者於是果然按五
代史
此下有王師範李罕之孟方立王珂趙犇馮行襲等傳
俱已入唐書又氏叔琮李彥威即朱友恭俱入唐書臣
傳已入唐書又李
振改入逆臣傳

欽定續通志卷二百九十一

欽定續通志卷二百九十一

列傳

五代十二

裴迪

韋震

孫德昭

王敬堯

劉知俊

丁會

賀德倫

閻寶

裴迪字昇之河東聞喜人善治財賦唐司空裴諫判度支辟爲出使巡官都統王鐸鎮滑州奏迪汴宋鄆等州供軍院使鐸爲租庸使辟租庸招納使梁太祖鎮宣武辟節度判官太祖用兵四方留迪調兵賦一切貨財獄訟皆任迪太祖西攻岐王師範謀襲汴遣健卒苗公立陰伺虛實迪召公立問東事公立色動屏人密詰之具得其事不暇啟遣宋友寧以兵巡覓鄆以故師範雖竊發而事卒不成太祖自岐還將吏皆賜迎鑿叶贊功臣將吏入見太祖曰迪曰叶贊之功惟裴公有之他人不足當也迪入唐累遷太常卿太祖卽位召拜右僕射居一歲告老以司空致仕卒於家

韋震字東卿雍州萬年人初名肇強敏有口辯事梁太祖爲都統判官申叢執秦宗權猶豫不知所爲太祖遣震視之震料其必敗叢後果爲郭璠所殺璠以宗權歸太祖太祖欲大其事請獻俘於唐唐以黃巢獻馘而已宗權不足倅左拾遺徐彥樞亦疏請所在斬決太祖遣震往復論奏卒倅宗權太祖德之表爲節度副使昭宗幸石門太祖遣震由號略開道奉表行在昭宗賜其名震太祖已破兗鄆遂攻吳而敗懼諸鎮圖已乃諷諸鎮薦已爲元帥且求兼領鄆州昭宗初不許震強辯敢大言語數不遜昭宗卒許之太祖遂兼四鎮表震鄆州留

後昭宗遷洛震入爲河南尹六軍諸衛副使以病瘖守太子太保致仕太祖受禪改太子太傅末帝卽位加太師卒按五代史此下有孔循傳今改入逆臣

孫德昭盛州五原人父惟最惟最字作當黃巢陷長安率鄉里子弟得義兵千人攻巢咸陽與平州將壯之益以州兵二千與破賊功拜右金吾衛大將軍累遷鄆州節度使留京師宿衛鄆州將吏詣闕請之鎮京師民數萬與神策軍復遮留不得行改荆南節度使在京制置分判神策軍號扈都德昭以父任爲神策軍指揮使光

化三年劉季述廢昭宗宰相崔胤謀反正陰求義士其事德昭乃與孫承誨董從實按新唐書及通鑑俱作周承誨董彥弼辭史與歐史同應允天復元年正月朔未旦季述將朝德昭伏甲士道旁邀其輿斬之承誨等分索餘黨立盡昭宗聞外譴譁大恐德昭馳至叩門曰季述誅矣皇帝當反正何皇后呼曰可進逆首德昭擲其首入已而承誨等悉收餘黨首以獻昭宗信之德昭破鎖出昭宗御丹鳳樓反正

以功拜靜海軍節度使賜姓李號扶傾濟難忠烈功臣與承誨等皆拜節度使同中書門下平章事圖形凌煙閣俱留京師號三使相恩寵無比時崔胤方召梁兵誅宦官而宦官亦倚李茂貞爲捍蔽梁岐交爭冬十月宦者韓全誨劫昭宗幸鳳翔承誨從實皆從而德昭獨與梁太祖頌德其附已至華州德昭以軍禮迎謁太祖至京師表同州留後將行京師民覆請留遂留爲兩街制

置使梁兵圍鳳翔德昭以其兵八千屬太祖太祖益德之使先之洛陽昭宗東遷拜左威衛上將軍以疾免太祖卽位以爲左衛大將軍末帝立拜左金吾衛將軍卒承誨從實至鳳翔與宦者俱見殺

王敬堯潁州汝陰人爲州牙將唐末王仙芝等攻劫汝穎間刺史不能拒敬堯遂代之卽拜刺史善用鐵槍重三十斤潁州與淮西爲鄰境數爲秦宗權所攻力戰拒之穎旁諸州民皆依敬堯避賊潁州戶至二萬梁太祖

攻淮南道過穎敬堯供饋甚厚太祖大喜表爲沿淮指揮使梁兵攻吳麗師古死清口敗兵歸過穎大雪饑凍敬堯乃沿淮積薪爲燎作糜粥饋之多賴以全活太祖表敬堯武靈軍留後遂拜節度使天祐三年爲左衛上將軍太祖卽位以疾致仕卒按五代史此下有蕭殷傳今改入逆臣

劉知俊字希賢徐州沛人少事時溥溥與梁相攻知俊與麾下二千人降梁太祖以爲左開道指揮使名重軍中歷海懷鄭三州刺史從破青州以功表匡國軍節度使邠州楊崇本以兵六萬攻雍州太祖方與諸將攻滄州知俊不俟命與康懷英等擊敗之斬獲無算延州高

萬興降梁太祖遣知俊會萬興攻下丹延鄜坊四州加檢校太尉兼侍中封大彭郡王知俊功益高太祖性多猜忌屢殺諸將王重師無罪見殺知俊不自安太祖已下鄜坊遣知俊復攻邠州知俊以軍食不給未行太祖

幸河中使宣徽使王殷召知俊其弟知浣爲親軍指揮使開遣人告知俊不宜來知俊遂叛臣於李茂貞按通鑑知俊既附岐復遣使請晉人出兵攻晉晉遣晉王書曰不過旬日可取兩京復唐社稷是知俊不爲臣岐且通晉也歐史以兵攻雍華執劉捍送鳳翔太祖使人謂曰朕

待卿至矣何相負耶知俊報曰王重師不負陛下而族滅臣非背德但畏死爾太祖復使語以前誅重師爲劉捍所誤今捍已死無所釋憾知俊不報以兵斷潼關太祖遣劉鄩牛存節攻之遂奔於茂貞茂貞地狹無以處之使西攻靈武韓遜告急太祖遣康懷英寇彥卿等攻

志四九二

邪靈以牽之知俊大敗懷英於昇平長城嶺殺梁將許從實茂貞以為涇州節度使使攻興元取興鳳圍西縣已而茂貞左右忌知俊功開之茂貞奪其軍乃奔於蜀王建以為武信軍節度使使反攻茂貞取秦鳳階成四州建待知俊甚厚然陰忌其才蜀人亦共嫉之知俊色黑而其生歲在丑建諸子皆以宗承為名乃於里巷構謠言曰黑牛出圈椽繩斷建益惡之遂見殺

丁會字道隱壽州壽春人少為盜與梁太祖俱從黃巢太祖鎮宣武以為都押衙張全義襲破李罕之罕之召晉兵圍河陽全義告急梁方攻魏遣會及葛從周等將萬人救之行至河陰謀曰罕之料吾不敢渡九鼎以吾兵少而來遠且不虞吾之速至也當出其不意掩擊之乃渡九鼎直趨河陽戰于泚水罕之大敗河陽圍解大順元年梁軍擊魏會及葛從周破黎陽臨河遂敗羅宏信於內黃梁攻時溥於徐州遣會別攻宿州刺史張筠閉城距守會堰汴水浸其東城城壞筠降朱瑾以兵萬餘擊單父會敗之於金鄉李罕之叛晉以潞州降梁會自河陽攻下澤州乃以會為昭義軍節度使昭宗遇弒

雄猜常稱疾者累年復起為昭義軍節度使昭宗遇弒會與三軍縞素發哀梁攻滄州劉守光乞師於晉晉人為攻潞州會乃降晉晉王以會歸太原賜以甲第位在諸將上莊宗立以為都招討使天祐七年卒贈太師賀德倫河西人少為滑州牙將梁太祖兼領宣義德倫常從征伐以功累遷平盧軍節度使貞明元年魏州楊師厚卒末帝以魏兵素驕難制乃分相瀘衛三州建昭德軍以張筠為節度使魏博貝三州仍為天雄軍以德倫為節度使遺劉鄩以兵六萬渡河聲言攻鎮定王彥

章以騎兵五百入魏州屯金波亭以虞變分魏牙兵之半入昭德德倫促牙兵上道親戚相訣別哭聲盈塗效節軍將張彥謀於其眾相與夜攻金波亭彥章走出遲明魏兵攻牙城執德倫致之樓上縱兵大掠末帝遣供奉官扈異馳至魏諭彥許以刺史彥曰但以六州還魏而詔劉鄩反兵皇帝可以高枕異還言彥狂蹶不足畏宜促鄩擊之末帝使人諭彥以制置已定不可復易使者三返彥怒召羅紹威故吏司空頹曰為我作奏若復依違則渡河虜之耳末帝優詔答之言王鎔死鎮人請降遣鄩以兵定鎮州非有他若魏不便之即召鄩還戒彥勿為朝廷生事彥乃以楊師厚鎮魏州嘗帶招討使

延德倫論列之末帝不許彥乃迫德倫降晉遣牙將曹延隱奉書莊宗莊宗入魏德倫以彥逼已遣人陰訴於莊宗莊宗斬彥於臨清而後人徒德倫大同軍節度使行至太原監軍張承業留之王檀攻太原德倫麾下多奔檀承業懼德倫為變殺之

閻寶字瓊美鄆州人少為朱瑾牙將瑾走淮南寶降梁為諸軍都虞候從諸將征伐未嘗獨立戰功貞明初拜保義軍節度使賀德倫以魏博降晉晉軍攻下洛磁相衛移兵圍邢州末帝遣捉生都指揮使張溫救寶溫至內黃遇晉軍乃降晉遣溫至城下招寶寶遂降晉拜檢校太尉同中書門下平章事領天平軍節度使東南面招討使位在諸將上梁晉戰胡柳晉軍敗莊宗欲引兵退保臨濮寶曰梁兵勢蹙今驟勝而驕怠此不可失之時也莊宗謝曰微公幾敗吾事乃整軍復戰遂敗梁兵十八年晉討張文禮於鎮州以寶為招討使明年三月寶戰敗退保趙州慙憤發疽卒贈太師晉天福中追封

太原王按五代史此下有廉延孝傳今改入貳臣

列傳

五代十三

張全義

朱友謙

朱漢賓

劉玘

周知裕

陸思鐸

霍彥威

房知溫

王晏球

安重霸

王建立

康福

張全義字國維濮州臨濮人田家子也亡入黃巢賊中巢陷長安以為吏部尚書水運使巢敗去事諸葛爽於河陽爽死事其子仲方仲方為孫儒所逐全義與李罕之分據河陽洛陽以附於梁按通鑑李罕之召全義於澤州與之收合餘眾罕之據河陽全義據東都其求援于河東李克用以其將安益後將助之表罕之為河陽節度使全義為河南尹晉厚恩不應其時便附梁也二人相得甚歡罕之常乏食仰給全義全義不能給因有隙罕之出兵攻晉絳全義襲取河陽罕之奔晉召晉兵圍全義甚急梁遣牛存節等以兵萬人救之晉軍敗解去梁以丁會守河陽全義還為河南尹德梁出已由是盡心焉是時河南遭巢儒兵火後戶不滿百全義披荆棘勸耕殖築南北二城以居之數年人物完盛及梁太祖劫唐昭宗東遷繕理宮闕府廡倉庫皆全義之力全義初名言昭宗賜名全義唐亡事梁又請改名太祖賜名宗爽梁與晉戰河北兵數敗亡全義輒蒐卒伍鎧馬月獻之以補其缺太祖兵敗修縣道病還洛幸全義會節園避暑旬日全義妻女皆迫淫之其子繼祚憤恥不自勝欲刺刀太祖全義止之曰吾為李罕之所圍啖木屑為食惟一馬欲殺以餉軍死在朝夕而梁出之得至今日此恩不可忘也太祖性猜忌嘗有搆全義於太祖者召之意且不測全

義妻儲氏遽入見厲聲曰宗爽種田畝爾守河南三十年開荒闢土拾括財賦助陛下創業今衰朽無能為而陛下疑之何也太祖笑曰我無惡心嫗勿多言全義事梁累拜中書令兼領忠武陝魏鄭滑河陽節度使判六軍諸衛事天下兵馬副元帥封魏王初全義為罕之所敗其弟全武及家屬為晉兵所得晉王給以田宅待之甚厚全義常陰遣人通問梁亡莊宗入汴全義自洛來朝泥首待罪莊宗勞之曰卿家弟姪幸復相見全義俯伏感涕命皇子繼岌皇弟存紀等皆兄事之全義因去梁所賜名請復故名猶不自安乃賂劉皇后以自託初貞明中末帝幸洛陽將郊不果其儀仗法物猶在全義因請幸洛陽曰南郊儀物已具莊宗大悅加拜太師尚書合明年幸洛陽將郊而禮物不具因改用來年然不以前語責全義數幸其第命皇后拜全義為文改封齊王初莊宗滅梁欲掘梁太祖墓斷棺戮尸全義以謂梁雖雖敵今已屠滅其家足以報怨剖棺之戮非王者以大度示天下也莊宗以為然遂去墓闕而已全義監軍嘗得李德裕平泉醒酒石德裕孫延古因託全義復求之監軍忿然曰自黃巢亂後洛陽園宅無復能守豈獨平泉一石哉全義嘗從巢以為譏已因奏營殺監軍者其聽訟以先訴者為直民苦之元行欽討趙在禮無功大臣皆言明宗可將莊宗方疑之不欲遣全義力以為言乃從之明宗至魏果反全義以憂卒年七十五諡忠肅子繼祚官至上將軍晉高祖時與張從賓反於河陽當族誅宰相桑維翰以其父瑛嘗事全義有恩乞全活之不許止誅繼祚及其妻子而已

朱友謙字德光許州人初名簡以卒隸池州鎮有罪去為盜久之為陝州軍校節度使王琪與弟珂爭河中戰敗其牙將李璠與友謙謀共殺琪附於梁梁太祖表璠代琪璠立友謙復逐之乃表友謙代璠梁太祖西攻岐往來過陝中友謙奉事尤謹請更名齒諸子太祖憐而許之太祖即位徙鎮河中累遷中書令封冀王友珪弑立加友謙侍中雖受命而心常不平已而友珪召入觀兵五萬擊之晉王出澤潞救之大敗懷英於解縣夜追敗之白徑嶺梁兵乃解去末帝即位友謙復臣於梁而不絕晉也貞明六年友謙遣其子今德襲同州逐節度使程全暉因求兼鎮末帝初不許已而許之制命未至友謙復叛始絕梁而附晉晉封友謙西平王加守太尉以其子今德鎮同州莊宗滅梁入洛友謙來朝賜姓名曰李繼麟賜予鉅萬明年加守太師尚書令賜鐵券徙令德遂州以其弟今錫為忠武軍節度使諸子及將校為刺史者十餘人恩寵無比時宦官伶人用事多求賂於友謙不能給宦官伶人皆怒唐兵伐蜀友謙閱其精兵命令德將以從軍及郭崇韜見殺伶人景進言兵初出時友謙以為討已闕兵自備又言崇韜所以反以友謙為內應今且謀與存父為郭氏報冤莊宗疑其事而未發友謙聞之大恐將入朝自明將吏皆勸阻不聽單車入朝景進使人詐為變書告友謙友謙乃徙友謙義成軍節度使遣朱守殷夜以兵圍其館驅友謙出徽安門外殺之復其姓名詔魏王繼岌殺令德於遂州王思同殺令錫於許州夏魯奇族其家屬於河中魯奇至友謙妻張氏率其宗族二百餘口見魯奇曰朱氏宗族當死願無濫及平人乃別其婢僕以其族百口就刑又取鐵

券示魯奇曰此皇帝所賜也不知為何言語魯奇亦為之慙友謙死其將史武等七人皆坐友謙族誅天下冤

之按五代史此下有袁象先傳今改入貳臣

朱漢賓字績臣亳州譙人父元禮為梁軍校戰歿於清口太祖憐漢賓以為養子鄆州朱瑾募軍中驍勇者黥雙雁於其頰號雁子都太祖聞之乃更選勇士數百人號落雁都以漢賓為指揮使人皆稱朱落雁又為天威軍使歷磁滑宋毫曹五州刺史安遠軍節度使莊宗滅梁罷漢賓為右龍武統軍待之頗薄後因出遊幸其第

漢賓妻有色而慧因侍左右進酒食奏歌舞莊宗歡甚漏再下乃去漢賓自此有寵明宗入立惡之以為右衛上將軍安重誨用事漢賓依附之相為婚媾由是復得為昭義軍節度使按薛史漢賓鎮潞後復移鎮青州歐史失載重誨死漢賓罷為上將軍遂以太子少保致仕漢賓未嘗有戰功而臨政能守法好施惠人頗愛之清泰二年卒晉高祖時贈太子少傅諡貞惠按五代史此下有段疑傳今改入貳臣

劉玘汴州雍邱人世為宣武軍牙將梁太祖鎮宣武玘以軍卒歷遷牙將為襄州都指揮使按薛史多滑徐山二州都指揮使南節度使王班為亂軍所殺推玘為留後玘偽許之明日饗士伏甲幕中酒半擒為亂者殺之會梁遣陳暉兵亦至襄州平以功拜復州刺史徙毫安二州末帝時為晉州觀察留後凡八年日與晉人交戰莊宗滅梁玘來朝莊宗勞之玘頓首謝罪遣還鎮遂以為節度使徒鎮安遠天成元年復徙武勝卒於道贈侍中

周知裕字好問幽州人為劉仁恭騎將仁恭被幽知裕去事守文守文又見殺乃與張萬進立守文子延祚而事之守光又殺延祚以其子繼威代之萬進殺繼威與

知裕俱奔梁梁太祖得知裕喜甚為置歸化軍以知裕為指揮使所得晉兵皆以隸知裕梁晉相距河上其摧堅陷陣歸化一軍為最然在梁位不過刺史莊宗入汴知裕欲自殺人止之乃降唐莊宗寵待之以為房州刺史按薛史知裕曾為房州刺史明宗時歷絳淄二州刺史遷宿州團練使安州留後所居皆有善政安州近淮俗惡病者父母有疾置之佗室以竹竿繫飲食委之至死不近知裕深患之加以教化由是稍革罷為右神武統軍應順中卒贈太傅

陸思鐸澶州臨黃人少為宣武軍卒以善射名累遷拱辰左廂都指揮使領恩州刺史梁晉相距河上思鐸姓名於箭箬以射晉軍中莊宗馬鞍莊宗拔矢見思鐸姓名奇之其後滅梁思鐸見莊宗出其矢示之思鐸伏地請死莊宗慰之拜龍武右廂都指揮使晉高祖時為陳蔡二州刺史卒思鐸在陳州有善政臨終戒其子曰陳人愛我我死則葬焉遂葬陳州按五代史此下有趙在禮傳今改入

霍彥威字子重洺州曲周人少遭兵亂梁將霍存掠得之養為子嘗從存戰中矢眇一目後事梁太祖稍遷左龍驤軍使右監門衛上將軍預誅友珪拜洺州刺史遷邠寧節度使劉知俊攻邠州彥威固守踰年每俘獲必縱還之知俊不復攻徙鎮義成天平兼北面行營招討使與晉軍相持河上屢敗降為陝州留後莊宗滅梁彥威來朝莊宗置酒故梁崇元殿酒酣指彥威及段凝袁象先等舉酒屬明宗曰此皆前日勃敵今侍吾飲乃卿功也彥威等惶恐伏地請死莊宗勞之曰吾與總管戲爾卿無畏賜姓名李紹真明年徙鎮武寧趙在禮反彥

威別討趙太於邢州破之還以兵屬明宗明宗軍變從馬直軍吏張破敗率眾殺將校縱火焚營諫呼明宗叱之曰爾輩皆天子親軍今賊城破在旦夕正立功名取富貴之時何返效賊耶軍士對曰城中戍卒思歸天子不垂原有且聞破魏後欲盡坑魏博諸軍某等初無叛心直畏死耳今宜與城中台勢擊退諸鎮兵請天子帝河南令公帝河北明宗涕泣諭之亂兵呼曰令公不欲帝河北則他人有之我輩狼虎豈識尊卑彥威與安重誨勸明宗許之乃擁兵入城與在禮合置酒大會部兵在外者聞明宗反皆潰去彥威獨不入以所將五千人營城西北隅不動居二日明宗復出得彥威兵乃之魏縣謀還鎮州彥威重誨勸明宗以兵南向莊宗崩彥威從明宗入洛陽首率羣臣勸進內外機事皆參決焉徙鎮平盧滔于晏者登州人也少舉明經及第遭亂依彥威自彥威為偏裨時已從之彥威嘗戰敗脫身走麾下兵無從者獨晏徒步以一劍從之彥威高其義所歷方鎮常辟以自從家事無大小皆決於晏彥威以故少過失天成三年冬卒於鎮明宗方獵近郊青州馳騎奏至涕泣還宮輟朝仍終其月不舉樂贈太師諡忠武

房知溫字伯玉兗州瑕邱人少以勇力為赤甲都官健後隸魏州馬關軍稍遷親隨指揮使莊宗取魏博得知溫賜姓名曰李紹英以為瀘州刺史歷曹貝二州戍兵橋關明宗自魏反兵南向知溫首馳赴之天成元年拜奉寧軍節度使明年為北面招討使率魏效節九指揮成盧臺魏軍自楊師厚時幾為梁患其後張彥通賀德倫降晉皇甫暉劫趙在禮作亂素為不法其戍盧臺也軍發之日不給兵甲惟以長竿繫旗幟以表隊伍軍士

知裕俱奔梁梁太祖得知裕喜甚為置歸化軍以知裕為指揮使所得晉兵皆以隸知裕梁晉相距河上其摧堅陷陣歸化一軍為最然在梁位不過刺史莊宗入汴知裕欲自殺人止之乃降唐莊宗寵待之以為房州刺史按薛史知裕曾為房州刺史明宗時歷絳淄二州刺史遷宿州團練使安州留後所居皆有善政安州近淮俗惡病者父母有疾置之佗室以竹竿繫飲食委之至死不近知裕深患之加以教化由是稍革罷為右神武統軍應順中卒贈太傅

頓自疑或明年遣烏震代知温成知温意不樂盧臺成軍夾水東西爲兩寨震初至與知温會東寨方博放節軍亂噪於門外知温卽乘馬出亂軍擊殺震執營留知温知温給曰騎兵皆在西寨今獨步軍恐無能爲乃躍馬登舟渡河入西寨以騎軍盡殺亂者明宗下詔凡九指揮三千餘家數萬口悉驅至漳水上殺之魏驕兵於是而盡明宗知變自知温起釋不問徒鎮武靈加兼侍中惡鎮天平平盧初明宗爲北面招討使知温爲副廢帝時以裨將事知温甚謹後因杯酒失意及廢帝起鳳翔愍帝出奔知温乘閒有窺覷意謂其司馬李冲曰吾有錢數屋養馬數千因時建義功必有成冲曰今天子孱弱上下離心滌王兵威甚盛事未可知冲請懷表西硯之至京師廢帝已入立冲卽奉表稱賀還勸知温入朝廢帝慰勞甚厚封東平王知温在鎮厚斂積資鉅萬治第青州南城出入以聲妓游嬉不恤政事天福元年卒贈太尉子彥儒獻其父遺貴拜沂州刺史將吏分其餘者皆爲富家云

王晏球字登之洛陽人少爲盜所掠汴州富人杜氏得之養爲子冒其姓梁太祖鎮宣武以選爲廳子都指揮使卽位爲右千牛衛將軍友珪立龍驤戍卒反自懷州趣京師遣晏球擊敗之河陽遷龍驤第一指揮使末帝卽位遷龍驤四軍都指揮使捉生軍將李霸將千人戍楊劉夜作亂自水門入縱火大譟以長竿縛布沃油仰燒建國門晏球聞亂不俟命率龍驤五百騎擊賊賊明盡殺之以功拜澶州刺史梁晉軍河上以晏球爲行營馬步軍都指揮使莊宗入汴晏球以兵追之行至封邱聞末帝已崩卽解甲降唐賜姓名曰李紹虔拜齊州防

禦使成瓦橋關明宗兵變自鄴而南遣人招晏球從至洛陽拜歸德軍節度使王都反以晏球爲招討使與宣徽南院使張延朗等討之契丹托紐萬騎來救晏球聞托紐等兵且來留延朗屯新樂自逆於望都而契丹從他道入定州與都出不意擊延朗軍延朗大敗收餘兵會晏球趨曲陽都乘勝追之晏球先至水次方坐胡牀指麾下都眾奄至晏球與左右千餘人連矢射之都眾稍卻而後軍亦至晏球立高岡册府元龜號令諸將皆彘弓矢用短兵回顧者斬符彥卿以左軍攻其左高行珪以右軍攻其右中軍騎士抱馬項馳入都軍都遂大敗與托紐入城不敢復出契丹又遣特哩衮舊作撈隱志賜隱乃典族屬官卽宗正以七千騎益都晏球遇之職或當時稱其官而非人名唐河道擊至滿城斬首二千級其餘眾奔潰投村落村落之人以鋤耨白挺所在擊殺之無遺特哩衮與數十騎走幽州西爲趙德鈞擒送京師晏球攻定州久不克明宗數遣人促之晏球以爲未可急攻偏將朱弘昭張度釗等宣言曰晏球怯耳乃驅兵進果敗由是不敢復言晏球休養士卒食其三州之賦悉以俸祿所入具牛酒日與諸將高會久之都城中食盡數與托紐謀決圍走不果都將馬讓能以城降都自焚死晏球爲將有機略善撫士卒圍定幾一年軍中未嘗戮一人以功拜天平軍節度使又徙平盧累官至兼中書令卒贈太尉

安重霸雲州人初與明宗俱事晉王得罪奔梁又奔蜀王建以爲親將王衍立宦者王承休用事重霸深自託梁末蜀取李茂貞秦成階三州重霸勸承休求鎮秦州花衍以爲節度使重霸爲其副重霸與承休多取秦州花木獻衍請衍東遊唐魏王兵伐蜀承休大恐以問重霸

重霸曰劔門天下險雖精兵不可過然公受國恩聞難不可不赴願與公俱西承休以爲然整軍將發帳欲城外酒罷承休上道重霸立馬前辭曰秦隴不可失願留爲公守承休業已上道無如之何唐軍已破蜀重霸遂以三州降唐明宗以爲閬州團練使罷爲左衛大將軍久之以爲匡國軍節度使廢帝時爲京兆尹西京留守徙鎮大同以病罷歸卒於潞州

王建立遼州榆社人唐明宗爲代州刺史以爲虞候將莊宗嘗遣女奴之代州祭墓侵擾代人建立捕而笞之莊宗怒欲殺之明宗護之以免明宗自魏反曹皇后王淑妃皆在常山建立殺其監軍并守兵明宗家屬得無患由是益德之卽位累拜成德軍節度使檢校太尉同中書門下平章事建立與安重誨素不協王都有二志數以書通建立約爲兄弟重誨知之以爲言明宗不欲傷建立亟召還京師以爲右僕射同中書門下平章事判二司居歲餘自言不識文字願解三司明宗不許久之稱疾乃出爲平盧軍節度使又徙上黨怏怏不得志求解職以太子少保致仕數請朝見不許乃自詣京師關至後樓見明宗涕泣言己無罪爲重誨所擯明宗曰汝爲節度使不作好事豈獨重誨汝耶賜以茶藥遣之廢帝立復起爲天平軍節度使晉高祖時徙鎮平盧天福五年來朝高祖勞之令毋拜賜肩輿入朝給二宦者掖而升殿又徙昭義果封韓王建立好殺人晚節惑浮圖法戒殺生所至人稍安之卒贈尚書令子守恩性貪鄙以蔭補稍遷諸衛將軍建立已卒家於潞守恩自京師得告歸契丹滅晉昭義節度使張從恩與守恩媼家乃以守恩權巡檢使守潞而從恩入見契丹守恩遂

劫其家賫以州降漢高祖卽位卽拜節度使徙鎮靜
難西京留守加同中書門下平章事時周太祖以極密
使將白文珂等軍西平三叛還過洛陽守恩以使相自
處肩輿出迎太祖怒卽日以頭子命文珂代守恩爲留
守守恩奉朝請於京師隱帝殺史宏肇等召羣臣慰諭
守恩前對曰陛下始睡覺矣聞者皆縮頸顯德中爲左
金吾衛上將軍卒

康福蔚州人世爲軍校初事晉王爲偏將莊宗令牧馬
於相州爲小馬坊使逾年馬大蕃滋明宗自魏反兵過
相州福以小坊馬二千匹歸命軍勢由是益盛明宗入
立拜飛龍使領磁州刺史襄州兵馬都監樞密使安重
誨惡之福懼求外任靈武韓洙死弟澄立而偏將李從
質作亂澄表請朝廷命帥重誨以靈武深入羌境爲帥
者多遇害乃拜福涼州刺史河西軍節度使福入見涕
泣明宗意動欲爲福更他鎮而重誨不可乃令將軍牛
知柔以兵衛福行至方渠羌果出邀福福以兵擊走之
至青岡峽遇雪福登山望見山谷中煙火有吐蕃數千
帳不覺福至福分兵三道襲之吐蕃大駭棄車帳走殺
之殆盡獲玉璞綾錦羊馬甚眾由是威聲大振福居靈
武三歲歲常豐稔有馬千駟蕃夷畏服言事者疑福有
異志重誨亦言福必負朝廷明宗遣人諷之福言受國
恩深有死無二因乞還朝不許章再上卽隨至明宗不
之罪徙鎮彰義歷靜難雄武充西面都部署晉高祖時
徙鎮河中代還卒於京師贈太師諡武安

列傳

五代十四

郭延魯

華溫琪

莫從簡

張筠

楊彥詢

李周

劉處讓

李承約

張希崇

相里金

張廷蘊

馬全節

皇甫遇

安彥威

李瓊

劉景嚴

郭延魯沁州緇上人父饒以驍勇事晉數立軍功為沁

州刺史九年為政惠愛州人思之延魯以善築為將累

遷神武都知兵馬使朱守殷反從攻汴州以先登功為

汴州馬步軍都指揮使累遷復州刺史延魯思繼父志

以廉平自勵民甚賴之秩滿州人乞留不許皆遮道攀

號天福中拜單州刺史卒於官時刺史皆以軍功拜武

夫恃功縱下為害不細延魯父子特以善著焉

華溫琪字德潤宋州下邑人世本農家溫琪身長七尺

少從黃巢為盜巢陷長安以為供奉官都知巢敗溫琪

走滑州自願貌偉懼不容乃投白馬河流數十里不死

人援而出之又自經於桑林輒枝折乃之胙縣有田父

見之曰子狀貌堂堂非常人也匿於家居歲餘濮州刺

史朱裕募兵乃往依之後事梁為開道指揮使累功為

絳棣二州刺史棣苦河患溫琪徙新州避之民賴其功

又歷齊晉二州莊宗攻晉州踰月不能破末帝嘉其善

守升晉州為定昌軍以溫琪為節度使坐掠部民妻罷

為金吾衛大將軍左龍武統軍尋遷耀州觀察留後莊

宗滅梁見溫琪曰此為梁守平陽者嘉之以耀州為順

義軍即拜節度使徒鎮雄武明宗時來朝願留闕下以

為左統衛上將軍踰年明宗謂樞密使安重誨曰溫琪

舊人宜與一重鎮重誨意不欲對以無員闕他日又話

重誨曰可代者惟樞密使耳明宗曰可重誨不能答溫

琪懼稱疾不出者累月已而以為鎮國軍節度使廢帝

時以太子太保致仕天福元年卒贈太子太傅

莫從簡陳州人世本屠羊從簡去事晉為軍校善用槊

攻城多為梯頭莊宗愛其勇累遷步軍都指揮使莊宗

與梁對陣梁軍有執大旗出入陣間者莊宗望見之歎

曰彼猛士誰能為我取之從簡請往莊宗惜之不許從

簡潛率數騎馳入梁軍奪其旗而還營中流矢鏃入髀

骨命工取之工欲鑿其骨人皆以為不可從簡遽使鑿

之工遲疑不忍下從簡叱其亟鑿左右視者皆若不勝

而從簡言笑自若然其為人剛暴難制莊宗每優容之

累遷蔡州防禦使明宗時累徙麟汝汾金四州廢帝反

鳳翔從簡與諸鎮兵圍之兵潰被執廢帝責其不降對

曰事主才敢二心廢帝釋之拜潁州團練使晉高祖起

兵太原廢帝將親征召為招討副使從至河陽拜河陽

三城節度使廢帝還洛陽從簡即降晉歷鎮忠武武寧

入為左金吾衛上將軍卒贈太師從簡好食人肉所至

僭捕民間小兒以食許州富人有玉帶欲之而不可得

遣二卒夜入其家殺而取之卒夜踰垣隱木聞見其夫

婦相待如賓歎曰吾公欲奪其寶而害斯人吾必不免

因躍出告之使速以帶獻遂踰垣去不知所之

張筠海州人事時溥為宿州刺史梁太祖取宿州得筠

以為四鎮客將長直軍使累拜宣徽使末帝分建昭德

軍以筠為節度使由是魏博軍叛附於晉晉王攻相州

筠棄城走後以為承平軍節度使梁亡事唐為京兆尹

伐蜀為劔南兩川安撫使蜀平拜河南尹徙鎮興元嘗

有疾不見將吏副使符彥琳入問筠又辭彥琳疑筠已

死即請出牌印筠怒命左右收彥琳下獄以反聞明宗

知而釋之陽徙筠為西京留守戒守者不內筠至長安

不得入乃朝京師以為左驍衛上將軍筠弟篋當筠尹

京兆以為牙內指揮使三白渠營田制置使筠西伐蜀

留篋守京兆魏王繼岌班師至興平篋斷成陽浮橋以

拒繼岌繼岌乃自殺初筠代康懷英鎮永平懷英死筠

掠其家貲又於唐故宮掘得金玉偏將侯莫陳威嘗與

溫韜發唐諸陵分得寶貨筠以事殺而取之繼岌死篋

悉取其行囊莊宗遣宦者向延嗣殺王衍延嗣因盡得

其珍寶明宗即位捕誅宦者延嗣亡命錢又盡取其貲

由是兄弟富皆鉅萬然筠為人好施子所至不為聚斂

而錢嗜酒貪鄙歷沂密二州刺史晉出帝時以將軍市

馬於回鶻坐馬不中式有司理其直錢鬱鬱而卒筠居

洛陽擁貲以酒色聲妓自娛天福二年徙居長安是歲

張從質作亂入洛陽筠遂以免卒贈太子少師

楊彥詢字成章河中寶鼎人少事王師範掌藏書頗見

親信師範降梁見殺彥詢乃之魏事楊師厚為客將魏

博入於晉因留事莊宗為引進副使奉使吳蜀常稱旨

歷德州刺史羽林將軍晉高祖鎮太原廢帝疑其有貳

志擇諸將謹厚者佐之乃以彥詢為太原節度副使高

祖以疑見徒欲拒命以問彥詢彥詢曰太原之力能與

唐敵否公其審之高祖反意已決彥詢亦不復敢言左

右以為異議欲殺之高祖止之契丹立高祖於太原以

兵送至河上彥詢為宣徽使按薛史高祖即位授齊州防禦使檢校太保歐史不

載數往來帳中德光亦愛其為人明年拜威德軍節度使復入為宣徽使又拜安國軍節度使天福七年徙鎮鎮國歲大饑為政有惠愛以病風罷為右金吾衛上將軍卒贈太子太師

李周字通理邢州內邱人唐昭義軍節度使抱真之後年十六為內邱捕賊將以勇聞時梁晉兵爭山東羣盜充斥行者必以兵衛周鄉人盧岳徙家太原周送之至西山有盜從林中射岳中馬周大呼曰吾在此孰敢爾邪盜聞其聲曰李周也因去周送岳至太原岳知星且工相人占晉必有天下而周且將相勸其留事晉周以母老辭歸而梁方攻下邢洛晉王柵兵青山口路梗不知所歸乃思岳言至青山歸晉晉王以為萬勝黃頭軍使後從征伐常有功從戰柏鄉先登遷巨霸指揮使守楊劉梁兵來攻堅守久之間母喪奔歸莊宗遣他將代周守幾為梁兵所破遽追周還守之其後梁人已破德勝因復東擊楊劉以巨艦絕河斷晉餉援周遣人馳趣莊宗求救請日行百里以赴急莊宗笑曰周為我守何曼日行六十里且行且獵比至周已絕糧三日莊宗以巨械積薪沃油順流縱火焚梁艦梁兵解去莊宗見周勞曰微公諸將為梁擒矣歷相察二州刺史明宗時拜武信軍節度使徙鎮靜難歷武寧安遠承興宣武四鎮所至多善政晉高祖時復鎮靜難罷還出帝幸瀘淵以周留守東京還拜開封尹卒贈太師

劉處讓字德謙滄州人少為張萬進親吏從入梁為其泰寧軍牙將萬進叛梁附晉梁遣劉討之遺處讓求救於晉晉方與梁相拒未能出兵處讓於軍門截耳而訴曰萬進所以見圍附晉故也奈何不顧其急苟不出

兵請死晉王義之為發兵未涉河而萬進為梁所敗處讓因留事晉莊宗即位為客省使常使四方多稱旨天成中累遷左驍衛大將軍廢帝時魏州軍亂遣范延光招討以處讓為河北都轉運使晉高祖立歷宣徽南院使范延光反命楊光遠為招討使以處讓參其軍事已而副招討使張從賓叛於河陽處讓分兵擊破之還與光遠攻鄴逾年不能下處讓入城譬以禍福延光乃降唐制樞密使常以宦者為之自梁用敬翔李振唐莊宗始用武臣樞密將相高祖時以宰相桑維翰李崧樞密使處讓與諸宦者心不平之光遠之討延光也以重兵在握舉動多驕恣所求請高祖頗裁抑之處讓為光遠言此非上意皆維翰崧等嫉公光遠大怒兵還見高祖祖訴以維翰等沮己高祖不得已罷維翰等以處讓為樞密使處讓在職所陳述多不稱旨後丁母憂去高祖遂不復拜樞密使居喪期年起復為彰德軍節度使右金吾衛上將軍卒贈太師

李承約字德儉蔚州人少事劉仁恭為山後八軍巡檢使仁恭被囚承約以其兵奔晉晉王以為巨霸指揮使從破夾寨戰臨清以功累遷汾州二州刺史潁州團練使天成中邠州節度使毛璋有異志拜承約涇州節度副使往伺璋動靜承約諭以禍福後朝廷遣人代璋璋即時受代明宗大喜即拜承約黔南節度使承約以恩信撫諸夷落勸民農桑興學校居數年當代黔南人詣京師乞留為許留一年召為左衛上將軍改左龍武統軍拜昭義軍節度使復為左龍武統軍天福二年遷左驍衛上將軍卒贈太子太師

張希崇字德峰幽州薊人少通左氏春秋劉守光不喜

儒士希崇因事軍中為偏將將兵戍平州契丹入平州得希崇知其儒者以為盧龍軍行軍司馬明宗時盧文進自平州亡歸契丹因以希崇代為節度使遣親將以三百騎監之居歲餘監兵稍念希崇因率其麾下生口二萬南歸明宗嘉之拜汝州防禦使遷靈武節度使靈州地接蕃戍兵餉道常苦抄掠希崇乃開屯田教士耕種軍以足食而省轉饋招輯夷落自回鶻瓜沙皆遣使入貢明宗下詔褒美居四歲上書求還內地徙鎮邠寧

晉高祖入立復拜靈武節度使希崇事母至孝朝夕立侍食必微饌乃敢退為將不喜聲色好讀書頗知星天福三年月掩畢口大星希崇歎曰畢口大星邊將也我其當之乎明年正月卒贈太師
相里金字奉金 按宋韓尊集載相里金墓碑跋云金字國寶與史不同碑乃當時撰述似為可據并州人事晉為五院軍隊長從戰柏鄉胡柳皆有功遷黃甲指揮使同光中拜忻州刺史時諸州皆用武人多以部曲主場務漁蠹公私以利自入金獨禁部曲不與事厚其給養使掌家事而已遷隴州防禦使廢帝起鳳翔馳檄四鄰未有應者獨金首遣判官薛文遇來廢帝德之即位拜保義軍節度使晉高祖入立徙鎮建雄罷為上將軍天福五年卒贈太師 按碑作贈太子太師

張廷蘊字德樞 從解開封襄邑人少為宣武軍卒去事晉為軍校嘗從力戰先登莊宗壯之以為帳前黃甲二十指揮步軍都虞候魏博三城巡檢使莊宗在魏劉皇太后從多縱其下擾人無敢言者廷蘊輒收斬之李繼勳叛莊宗遣明宗為招討使元行欽為都部署廷蘊為馬步軍都指揮使將兵為前鋒廷蘊至潞日已暮即率兵百餘踰濠登城遂破潞州明且明宗與行欽始至明宗

心頗嫌之廷蘊以功累遷中懷沂三州刺史金頴隴絳四州防禦團練使左監門衛上將軍開運中卒廷蘊武人所識不過數字而平生重文士嘗從明宗破鄆州獲判官趙鳳以其儒人亟薦於明宗後鳳爲相數薦廷蘊於安重誨重誨屢言之明宗以破滌之隙銜之故終不乘旄節廷蘊素廉歷七州卒之日家無餘資

馬全節字大雅大名元城人唐同光中爲挺生指揮使天成中應博軍郢沂四州刺史金州防禦使廢帝時蜀人攻金州州兵纔數百全節散家財與士卒堅守城卒以全廢帝召以爲滄州留後晉高祖入立即拜橫海軍節度使徙鎮安遠代李金全全叛附於李昇使全節與安番暉討之金全奔全節與昇守將李承裕戰安州大敗之承裕走番暉追至雲夢執之將獻於京師承裕謂全節曰吾城中所掠百萬計將軍皆取之矣吾見天子必訴此而後就刑全節懼因殺承裕高祖置不問徙全節昭義安國義武諸鎮自出帝與契丹交惡全節未嘗不在兵間開運元年爲行營都虞候契丹與晉軍相拒澶魏間全節別攻白團城破之克秦州降其守將晉廷謙四月契丹敗於戚城引兵分道而北全節敗之於定豐教其將安暉七月徙廣晉尹留守鄴都十月杜重威爲招討使以全節爲副大敗契丹於衛村二年徙鎮順國未至而卒贈中書令全節爲人謙謹事母至孝其臨政決事必問法如何初徙廣晉過元城衣白襪謁其縣合州里以爲榮

皇甫遵常山真人事唐明宗爲武勝軍節度使所至苛暴誅斂晉高祖時應義武昭義建雄河陽四鎮罷爲神武統軍契丹入員州出帝以高行周爲北面行營都

部署遇爲馬軍右廂排陣使會青州楊光遠反乃遣遇及李守貞分兵守鄆州兵至馬家渡而契丹方欲渡河助光遠遇等擊敗之以功拜義成軍節度使馬軍都指揮使開運二年契丹侵西山遣先鋒趙延壽圍鎮州杜重威不敢出戰延壽分兵大掠攻破樂城柏鄉等九縣南至邢州出帝遣北面行營都監張從恩會馬全節安審琦及遇等禦之從恩等至相州陳安陽河南遭遇與慕容彥超率數千騎前視敵渡漳河逢契丹兵數萬轉戰十餘里至榆林契丹圍之遇馬中箭而踏得僕杜知敏馬乘之以戰知敏爲契丹所擒遇謂彥超曰知敏義士也豈可失之即與彥超躍馬入取之而還戰自午至未解而復合契丹益出生兵勢甚盛遇戒彥超曰今日之勢戰與走爾戰尙或生走則死也當死戰報國張從恩與諸將怪遇無報皆謂遇已陷矣已而有馳騎報遇被圍審琦將赴之從恩疑報者詐不欲往審琦曰吾屬

失皇甫遇復何面目見天子即引騎渡河諸將皆從而北距十餘里契丹望見救兵來即解而北去遇與審琦等收軍而南時契丹兵已深入人馬俱乏其還也諸將不能追從恩因率遇等退保黎陽三年冬以重威爲都招討使遇爲馬軍右廂都指揮使屯於中渡重威已陰送款契丹伏兵幕中悉召諸將列坐告以降皆愕不能對重威出降表遇等俛首以次自書其名即麾兵解甲出降契丹遣遇與張彥澤先入京師遇行至平棘絕吭而死

安彥威字國俊代州崞縣人少隸唐明宗麾下明宗鎮天平宣武成德常以爲牙將以謹厚見信及即位累遷捧聖指揮使領寧國軍節度使晉高祖入立拜彥威北

京留守徙鎮歸德河決滑州命彥威塞之彥威出私鑄募民治隄遷西京留守歲大饑加意賑撫饑民有犯法者寬貸之以是不忍流去丁母憂哀毀過制出帝與契丹藥盟拜彥威北面行營副都統悉以家財佐軍用以疾卒於京師彥威與安太妃同宗出帝事以爲舅彥威未嘗言及卒太妃臨哭人始知之當時益稱其慎重

李瓊字隱光從諱道州饒安人少爲騎將與晉高祖俱隸唐明宗麾下同光二年契丹入邊明宗出涿州與戰不勝諸將各引去晉高祖獨戰不已契丹漸圍之瓊引高祖衣與俱遷至劉李河追兵且及瓊浮水先至南岸高祖至河中流馬踏瓊以長矛援出之又以所乘馬與高祖而步護之乃得免明宗兵南嚮瓊從高祖以三百騎先趨汴州高祖爲保義軍節度使以爲牙隊指揮使高祖建國以爲護聖都虞候久之拜相申二州刺史出帝時爲棧州刺史楊光遠反以書招瓊瓊不納遷洺州團練使又爲護聖右廂都指揮使契丹入京師以瓊爲威州刺史行至鄭州遇盜見殺

劉景巖廷州人家素封以貨游豪俊聞事高萬金爲部曲後爲丹州刺史通鑑作坊州晉高祖起太原唐廢帝調民戶每出一卒爲義兵延州節度使楊漢章發民赴京師將行景巖遣人激怒之義兵亂殺漢章迎景巖爲留後晉高祖即位即拜節度使景巖從事熊敏多智陰察景巖跋扈難制欲以利愚之因言邊地不可久安邠涇多善出利百倍宜多市田射利自厚景巖信之歲餘獲甚多景巖使敏朝京師敏乃言景巖不宜在邠乃移景巖邠州敏入拜補闕而景巖又徙鎮保義居未幾又徙武勝景巖乃悟敏爲賣已誣奏敏隱已玉帶敏坐貶開運

三年景巖以太子太師致仕契丹入京師以周密鎮延
州州人逐密立高允權允權妻劉氏景巖孫女也景巖
良田甲第僮僕甚盛党項司家族畜牧近郊尤富強景
巖私與往來允權頗患之允權妻歲時歸省景巖謂曰
高郡一縣令而有此州其可保乎允權意惡之又利其
田宅乃誣其反而殺之

列傳

五代十五

盧文進

李金全

楊思權

尹暉

劉審交

王周

高行周

白再榮

安叔千

翟光鄴

馮暉

唐景思

王進

常思

孫方諫

劉詞

王環

折從阮

婁繼英

慕容彥超

盧文進字大用范陽人為劉守光騎將降唐拜壽州刺史莊宗以屬其弟存矩存矩為新州團練使統山後八軍莊宗與劉鄆相距于莘召存矩兵存矩募山後勁兵數千人課民出馬民以十牛易一馬皆怨而兵又不樂南行行至祁溝關聚謀亂文進有女幼而美存矩求為側室以其大將不敢拒心常憐之因與亂軍殺存矩按史軍士聚亂文進撫膺勸哭曰奴輩累我遂為亂軍所擁乃攻新州據此似文進初不欲為亂者通鑑亦採其說反攻新州不克攻武州又不克遂奔於契丹契丹使守平州明宗即位文進率眾數萬歸唐以為義成軍節度使居歲餘徙鎮威勝加同平章事入為上將軍又鎮昭義安遠晉高祖立與契丹約為父子文進懼不自安天福元年冬殺其行軍司馬馮知非副使杜重貴送款於李昇昇遣兵迎之文進居鎮有善政兵民愛之將行從數騎馳至營中別其將士告以避契丹之意將士皆再拜為訣乃南奔昇以為天威統軍宣潤節度使後以左衛上將軍按金陵志文進自滿州召還兼中書令封忠陽郡王奉朝請卒於金陵李金全其先出於吐渾金全少為唐明宗廝養從戰有

功由刺史拜彰武軍節度使在鎮貪暴罷歸獻馬數十匹居數日又以獻明宗謂曰卿忠馬多耶卿在涇治狀如何無乃以馬為事乎金全慙不能對徒鎖橫久之罷為右衛上將軍晉高祖時安州屯防指揮使王暉殺節度使周懷高祖遣金全將騎兵千人以詔書招暉許以刺史又以信箭諭安州不戮一人且戒金全曰無失吾信已而暉南走為襄州安從進所遮殺金全後至得暉黨數百人皆送京師金全利暉所掠資因殺其將武克和等十餘人高祖不能討即以金全為安遠軍節度使金全左都押衙胡漢榮用事辭史作漢符週周諱也所為不法高祖不欲因漢榮以累功臣為選賈仁沼代之且召漢榮漢榮教金全留己金全客麗合圖諫曰仁沼昔事王晏球晏球攻中山王都遣善射者登城射晏球中兜牟仁沼從後引弓射善射者一發而斃晏球求其人賞之仁沼不言此天下忠臣也都敢斃球遣仁沼獻捷京師賜與甚厚悉分故人親戚貧者此天下廉士也宜納仁沼而遣漢榮漢榮聞之夜使人殺令圖而醜仁沼仁沼舌壞而死天福五年高祖以馬全節代金全仁沼二子欲詣京師訴父冤漢榮大懼金全日前日子召漢榮公不遣仁沼之死其二子將訴於朝今以全節代公是召公對獄也金全信之遂叛送款於李昇昇以為天威統軍漢隱帝時李守貞反河中乞兵于昇金全為昇潤州節度使與查文徽等出流陽昇諸將皆銳于攻取金全獨以為遠不相及不可行乃止其後亦不復用不知所終

楊思權邠州新平人事梁為控鶴軍使唐莊宗滅梁以為夾馬都指揮使明宗時秦王從榮鎮河東以馮贇為副思權為北京步軍都指揮使以佐佑之從榮素驕所為多不法是時愍帝為宋王尹河南謙恭好禮明宗陰遣人從容語宋王之善以諷勉之從榮不悅告思權曰天下共賢河南而非我我將廢矣奈何思權曰公有甲士而思權在何患勸從榮招募死士增利器械以為備馮贇患之以聞乃召思權還以從榮故不責後為右羽林都指揮使將兵戍興元潞王從珂反張虔會諸鎮兵圍鳳翔思權攻城西嚴備指揮使尹暉攻城東破其兩關城從珂登城呼外兵告以己非反者語甚悲外兵聞者皆哀之而虔劍督戰甚急軍士反兵逐虔劍思權因呼其眾曰潞王真吾主也即擁軍入城降暉聞思權已降亦麾其軍使解甲由是諸鎮兵皆潰思權入見曰臣以赤心奉殿下事成願不以防禦團練使處臣乃出一紙于懷中請志姓名以為驗從珂即書曰可邪靈節度使及入立即拜思權靜難軍節度使後為右龍武統軍左衛上將軍天福八年卒贈太傅

尹暉者魏州大名人按辭史暉少以勇健事楊師厚為軍士唐莊宗擢為小校從征河上累擢諸軍指揮使領數郡刺史皆暉從廢帝入洛陽而為殿衛指揮使以前事歐史失載

晉高祖來朝相遇于道暉時為嚴衛指揮使恃先降功不為屈馬上橫鞭損之高祖怒白廢帝不可與名藩乃以為應州節度使高祖人立罷為右衛大將軍范延光反以書招暉暉出奔淮南為人殺于道按五代史此下改入有王宏贊傳今

劉審交字求益幽州文安人為唐與令補范陽牙校劉守光僭號以為兵部尚書守光敗歸唐莊宗以為從事屢為轉運供軍使拜遼州刺史改慈州以母老去官母喪哀毀過禮不調累年晉高祖分戶部度支鹽鐵為三

使歲餘三司益煩弊乃復合為一拜審交三司使議者請檢天下民田宜得益租審交日租有定額而天下比年無閒田民之苦樂不可等也遂止不檢民賴以不擾遷右衛上將軍陳州防禦使出視民田見耕器薄陋乃取河北耕器為範更鑄之後徙襄州青州皆有善政罷還契丹入京師留蕭翰而去翰復以審交為三司使王淑妃與羣臣謀迎漢高祖或以為燕兵在京師者猶數千可城守審交進曰余燕人也今為燕守城當為燕謀然事勢不可為也乃遣人西迎高祖高祖至罷審交不用隱帝時為汝州防禦使有能名乾祐三年卒州人聚哭柩前上疏乞留葬近郊使民得歲時祠祭詔許之贈太尉

王周魏州人唐莊宗明宗為禪校以戰功拜刺史晉天福中從楊光遠討魏州又從杜重威討鎮州皆有功感貝州涇州節度使涇州張彥澤苛虐民多流亡周乃更為寬恕問民疾苦去其苛弊二十餘事民皆復歸歷遷武勝保義武成德四鎮皆有善政定州橋壞覆民租車周曰橋梁不修刺史過也乃償民粟為治其橋杜重威降契丹契丹兵過鎮州臨城呼周使出降周泣曰受晉厚恩不能死戰而以城降何面目南行見人主與士大夫乎求刀欲自殺家人止之迫以出降契丹以為武勝軍節度使漢高祖入立徙鎮武寧卒贈中書令高行周字尚質馮州人薛史作州世為懷戎戍將父思繼兄弟以武勇雄于北邊為幽州李匡威戍將匡威為其弟匡僑所篡晉王將討其亂思繼兄弟遣人至孔嶺關招之燕俗重氣義思繼等聞晉為匡威報讐欣然從之為晉兵前鋒匡僑聞思繼兄弟皆叛乃棄城走克用

以劉仁恭守幽州思繼兄弟為諸軍都指揮使分掌燕兵克用臨訣屬仁恭善防之留晉兵千人為仁恭衛兵多犯法思繼等數誅殺之克用以責仁恭仁恭以高氏為訴由是晉盡誅思繼兄弟仁恭以其兄之子行珪為牙將而思繼子行周年十餘歲亦收之帳下稍長補以軍職仁恭被囚守光立以行珪為武州刺史其後守光背晉晉攻之守光將元行欽牧馬山後聞守光且見圍即率所牧馬赴援而麾下兵叛推行欽為留後行欽素憚行珪乃遣人之懷戎繫其子而招行珪曰守光可取而代也當從我行不然且殺公子行珪謝曰與君俱劉公將而忍叛之吾當為劉氏也尚何顧吾子耶行欽即以兵圍行珪按通鑑考異云唐莊宗實錄薛史紀及元惟周太祖實錄及本傳云行欽開行珪降晉師兵攻之行周卒時去燕亡及行欽之已久行周名位尊顯門生故吏虛美其兄弟月餘城中食盡行珪告州人曰吾非不為父老守也今劉公救兵不至奈何可殺吾降晉

父老皆泣願死守時行周適從行珪在武州即夜縱出城馳見莊宗莊宗遣明宗救之比至行欽已解去行珪乃降晉莊宗時歷朔忻嵐三州刺史大同軍節度使明宗人立徙鎮威勝安遠行珪性貪鄙所為多不法副使范廷策數規諫行珪銜之戍兵有謀叛者行珪先覺之潛徙庫兵於他所戍兵叛趨庫劫兵無所得乃潰去行珪追而殺之因誣奏廷策同反并其子皆見殺天下冤之行珪卒於鎮贈太尉當行珪之降晉也行周隸明宗帳下為裨將梁晉軍河上莊宗遣明宗東襲鄆州行周將前軍夜遇雨軍中皆不欲進行周曰此天贊我也鄆人恃雨不備宜出其不意擊之即夜馳涉濟入其城鄆人方覺遂取之莊宗滅梁以功領端州刺史遷絳州明

宗時從平朱守殷克王都遷潁州團練使鎮武軍節度使歷鎮彰武昭義晉高祖時為西京留守徙鎮天雄以襄州行營都部署討安從進平之徙鎮歸德出帝時代景延廣為侍衛親軍都指揮使李彥韜馬玉等用事乃求歸鎮許王從益召行周以拒漢高祖行周歎曰衰世難輔况兒戲乎乃不從漢高祖入立加守中書令徙鎮天平封臨清王周太祖時封齊王卒贈尚書令追封秦王

白再榮不知其世家舊史云本番部人少為軍卒唐晉開為護聖指揮使從契丹北行至鎮州契丹留滿達勒守鎮州而去晉人從者多留焉居未幾李筠通鑑作李榮此作筠亦舊史避周諱何福進等謀逐滿達勒使人召再榮共攻之滿達勒走諸將推再榮為留後時李崧和凝等皆在鎮再榮以兵環其居迫而求物又欲害崧李穀謂曰公等親被契丹之苦憂死不暇然逐滿達勒者乃眾人所為非獨公力也今纔得生路而遽殺宰相他日天子問宰相何在何以對之再榮默然乃止而悉拘嘗事滿達勒者取其財鎮人謂之白滿達勒漢高祖即位拜再榮為留後遷義成軍節度使罷還周太祖以兵入京師軍士攻再榮第悉取其財已而前啟曰士卒營事公隸麾下一旦無禮如此亦復何面見公乃斬之攜其首去家人以帛贖而葬之

安叔千字唐宗沙陀三部落人少事唐莊宗為奉安指揮使明宗時與討王都拜秦州刺史以從擊契丹功遷昭武軍節度使歷靜難橫海安國建雄四鎮晉出帝時為左金吾衛上將軍契丹入京師晉百官迎見德光於赤岡叔千出班作契丹言德光勞曰汝在邢州已通誠

款吾今至此當與汝一喫飯處叔千再拜乃以爲鎮國軍節度使漢高祖入立罷歸自以嘗私附契丹頗懷愧懼以太子太師致仕周太祖兵入京師軍士大掠叔千家貨已盡而軍士意其猶有所藏筆掠不已傷重歸于洛陽卒

翟光鄴字化基濮州鄆城人父景珂當梁晉相距河上景珂率聚邑人守永定驛晉人攻之踰年不能下景珂卒戰死光鄴時年十歲爲晉兵所掠明宗愛之唐官至耀州團練使薛史明宗深加愛遇安重誨之罷光高祖時歷棣沂二州刺史西京副留守出帝已破楊光遠以光鄴爲青州防禦使契丹滅晉遣光鄴知曹州許

王從益入汴以爲樞密使漢高祖入京師累遷至左金吾大將軍充街使周太祖入立爲樞密副使出知永興軍卒於官光鄴事繼母以孝聞雖貴常假官舍以居雍睦親族與均有無其政務以寬靜休息爲意既卒州人上書乞留葬立祠不許

馮暉魏州人爲效節軍卒以功遷隊長唐莊宗入魏暉以隊長亡入梁軍王彥章以其驍勇隸之麾下梁亡莊宗赦不問從明宗討楊立魏王繼友平蜀累遷夔興二州刺史東川董璣反暉從晉高祖討璋軍至劍門不得入暉從他道出其左擊蜀守兵殆盡會晉高祖班師拜

澶州刺史天福中范延光反魏州遣暉襲滑州不克遂入于魏爲延光守已而出降拜義成軍節度使徙鎮靈武靈武自唐明宗以後市馬糶粟招降給軍成用度支錢六千萬關西轉輸供給民不堪役青岡土橋之閒氏羌剽掠行旅必以兵暉始至則推以恩信部族懷惠止息侵奪然後廣屯田以省轉餉治庫倉亭館千餘區多

由俸錢民不加賦管內大治竟項拓拔彥超最大族也族視爲去就暉至彥超來謁遂留之爲起第城中賜子豐厚彥超既留諸部族爭以羊馬爲市易暮年有馬五千匹晉見暉馬多而得夷心反以爲患徒鎮靜難保義召爲侍衛步軍都指揮使暉於是始覺晉有患已意乃深結馮玉等因得復鎮靈武時王令溫鎮靈武失夷落心大爲邊患暉請自募兵衛得千餘人行至梅戍蕃夷稍稍來謁暉顧首領一人指其佩劍曰此板橋王氏劍邪吾聞王氏劍天下利器也俯而取諸腰間若將斫之

因擊殺首領并其從騎十餘人時去靈武尚五六百里諸族皆以兵阨道路暉以言警喻之獨所殺首領一族求戰即與戰而敗之諸族遂不敢動暉至鎮撫綏邊部凡十餘年恩信大著官至中書令封陳留王廣順三年卒追封衛王按五代史此下有皇

唐景思秦州人少以屠狗爲生去爲軍卒爲蜀指揮使守固鎮唐魏王繼茂兵至以城降拜興州刺史入晉爲貝州行軍司馬契丹入貝州景思爲趙延壽所得以爲壕堦使及滅晉以爲亳州防禦使漢高祖時爲鄧州行軍司馬後爲沿淮巡檢漢法酷而史宏肇用事喜以告

許殺人景思奴嘗有求不得卽告變誣景思與李景交通而私畜兵甲宏肇遣吏將三十騎往收之奴謂吏曰景思勇者也得則殺之不然將失之吏至景思迎前以兩手抱吏呼冤請詣自理吏引奴與景思覈景思請吏索其家但有錢十千爲受外賂有甲一屬爲私畜兵械送京師以自明景思有僕王知權在京師聞景思被

告乃見宏肇請先下獄明景思不反景思既械就道穎毫之人隨至京師共明之宏肇乃鞠其奴具伏卽棄斬奴而釋景思後從世宗戰高平爲效順指揮使復戍淮上周師伐淮南以功領饒州刺史遷亳州行刺史兵攻濠州以傷重卒贈武清軍節度使

王進幽州良鄉人勇悍走及奔馬少聚徒爲盜鄉里患之符彥超遣人以賂招置麾下彥超鎮安遠軍中有變遣進馳奏京師明宗怪其來速嘉其足力以隸靈衛指揮漢高祖爲侍衛親軍指揮使以進爲軍校高祖鎮河東因以之從每有急必遣進往返京師不過五六日累遷奉國軍都指揮使從周太祖起魏愆官至彰德軍節度使顯德初卒贈太師

常思字克恭太原人初爲卒歷唐晉爲六軍都虞候漢高祖鎮河東以爲牢城指揮使卽位領武勝軍節度使徙鎮昭義思起軍卒未嘗有戰功徒以幸會漢興遂兼旄節在滯五年以聚斂爲事初思徵時周太祖方少孤無依衣食思家以思爲叔太祖已卽位待之如家人禮

廣順三年徙鎮歸德居三年來朝又徙平盧思因啟曰臣居宋宋民負臣絲息十萬兩願以券上進世宗領之按歐史原文作太祖領卽焚其券詔宋州悉鑄除之居之謀今據薛史改正

青州踰年得疾歸洛陽卒贈中書令孫方諫鄭州清苑人初定州西北有狼山堡定人常保以避契丹有尼深意居其中以佛法誘民民多歸之尼姓孫氏方諫自以爲尼族尼死繼行其法堡人推以爲

主晉出帝時軍府惡方諫聚徒山中恐爲邊患表爲遊奕使按通鑑載契丹來侵方諫率眾邀擊民人依之者宋史孫行友傳方諫歸朝署爲東北招收指揮使又按契丹軍來必率其徒襲擊之易定帥聞于朝因以方諫爲邊界游奕使行友副之契方諫因有所求不得乃北丹頗畏焉與此所載互異

通契丹及滅晉以為義武軍節度使已而徙之雲中方
諫不受命率其徒復入狼山漢高祖起契丹莫定州虜
其民北去方諫自狼山入據之以歸漢高祖嘉之即拜
義武軍節度使周太祖時徙鎮國以其弟行友按宋史
傳云行友兄子方諫此以為定州留後世宗攻太原方
行友為方諫弟與宋史異改人
諫朝子行在從還京至洛陽卒贈太師按五代史此下
有王峻王殷傳

劉詞字好謙大名元城人少事楊師厚魏博入于晉從
莊宗戰夾河以功累遷長劍指揮使坐事左遷汝州十
餘年廢帝時詔諸州鎮選驍勇者充禁軍詞得選為禁
軍校從破張從賓楊光遠又從馬全節破安州杜重威
破鎮州皆有功累拜沁州刺史晉軍討安從進為襄州
行營都虞候以功遷沁州團練使徙房州歲餘為政不
苛境人頗便之詞暇常被甲枕戈而臥謂人曰我以此
取富貴豈可一日忘之且人情易習若惰其筋力有事
何以報國漢高祖時復為奉國右廂都指揮使漢討李
守貞詞以待衛步軍都指揮使領靈江軍節度使為行
營都虞候以功拜鎮國軍節度使周太祖入立加同中
書門下平章事歷鎮安國河陽三城世宗戰高平樊愛
能等軍敗南走遇詞止之詞輒趣兵以進世宗嘉之以
為隨駕都部署班師以為河東行營副都部署徒鎮永
興明年卒贈侍中諡忠惠

王環鎮州真定人初為孟知祥御者知祥僭號於蜀使
典衛兵晉開運之亂秦鳳階成入于蜀孟昶以環為鳳
州節度使周顯德二年遣王景向訓攻秦鳳數為環所
敗大臣皆請罷兵世宗決意攻之周兵糧道頗艱昶遣
兵五千出堂倉抵黃花谷以爭糧道景調度其來命排

陣使張建雄以兵二千當谷口別遣裨將以勁兵千人
伏堂倉以待其歸蜀兵前遇建雄戰不勝退走堂倉伏
發盡殲之由是諸城堡之兵悉潰初昶遣其秦州節度
使高處儔以兵援環未至聞堂倉兵敗亦潰歸處儔判
官趙玘拒處儔而以城出降于是成階二州亦相繼降
獨環堅守百餘日然後克之世宗召見環歎曰吾數以
書招環不答至力屈就擒雖不能死亦忠其所事也用
之可勸事君者拜右驍衛將軍時周師已征淮即以環
佐侯章為攻取賊城水砦副都署初周師南征李景陳
兵于淮舟楫甚盛周師患無水戰之具乃置造船務於
京城西為戰艦數百艘得景降卒教水戰明年世宗再
征淮使環將水戰卒數千自蔡河入淮環居軍中未嘗
有戰功蜀卒與環俱擒者世宗不殺悉以從軍後多南
奔於景世宗待環益不疑已而景將許文績邊鎬等皆
被擒世宗悉以為將軍與環等列第京師歲時賜予甚
厚明年幸淮南又以環從遇疾卒於泗州

折從阮字可久雲中人初名從遠避漢高祖名改焉父
嗣倫為麟州刺史從阮為人温恭長者居父喪以孝聞
唐莊宗鎮太原以為牙將後為府州刺史晉出帝與契
丹敗盟從阮以兵攻契丹取其城堡十餘遷本州團練
使兼領朔州刺史安北都護振武軍節度使契丹西南
面行營馬步軍都虞候漢高祖入立于府州建永安軍
以從阮為節度使明年以其族朝京師徙鎮武勝即拜
從阮子德辰為府州團練使周太祖入立從阮既徒宣
義保義靜難三鎮按通鑑周廣順二年以從阮為保
義節度使討野雞族厥失載顯
德二年罷還京師行至洛陽卒贈中書令按五代史
下有朱守巖

董璋字延光等
傳今改入叛臣

婁繼英不知何許人歷梁唐為絳冀二州刺史北面水
陸轉運使耀州團練使晉高祖時為左監門衛上將軍
繼英子婦温延沼女也延沼自其父韜伏誅兄弟廢居
于許心嘗怨望及范延光反繼英有弟為魏州子城都
虞候延光遣人以蠟丸書招繼英繼英乃遣延沼入魏
延光見之大喜與之信箭使陰圖許延沼與其弟延潛
延衮募徒期攻許節度使莫從簡為備嚴延沼未及發
蠟書事泄繼英惶恐不自安乃出奔許高祖下詔招慰
之使復位繼英懼不敢出温氏兄弟謀殺繼英以自歸
延沼以其女故不忍張從賓反洛陽延沼兄弟乃與繼
英俱投之繼英知温氏之初欲殺己也反譖延沼兄弟
於從賓皆殺之從賓敗繼英為杜重威所殺按五代史
重榮安從進楊光遠李守貞王景崇趙思恭等
傳今俱改入叛臣杜重威張彥澤改入逆臣

超黑而髯號閭崑尚少事唐明宗為軍校累遷刺史唐
晉之閒歷破軍濮棣四州坐濮州造麴受賂法當死漢
高祖自太原上章論赦減死流房州漢高祖起太原彥
超自流所逃歸拜鎮靈軍節度使杜重威反于魏高祖
以天平軍節度使高行周為都部署以討之彥超為副
與行周謀議多不協行周用兵持重至城下久不進彥
超欲速戰而行周不許行周有女嫁重威子彥超揚言
行周以女故惜賊城不攻行周大怒高祖聞二人不相
得懼有他變遂親征彥超數以事陵行周行周見宰相
涕泣以屎塞口以自訴高祖知屈在彥超遣人慰勞行
周召彥超責之又遣詣行周謝過行周意稍解時漢兵
久頓重威守益堅諸將皆知未可圖而彥超獨言可速
攻高祖因自督士卒急攻死傷萬餘人由是不敢復言

攻高祖因自督士卒急攻死傷萬餘人由是不敢復言

後重威出降高祖以行周爲天雄軍節度使行周辭不肯受高祖爲徒彥超鎮秦靈行周乃受隱帝謀殺周太祖及王峻等懼事不果召諸將入衛京師使者至彥超方食釋七箸就道周兵犯京師開封尹侯益謂隱帝曰北兵之來其家屬皆在京師宜閉門以挫其銳遣其妻子登陣以招北兵可使解甲彥超謂益曰益老矣此懦夫之計也隱帝乃遣彥超副益將兵于北郊周兵至益夜叛降于周彥超力戰于七里隱帝出勞軍太后使人告彥超善衛帝彥超大言報曰北兵何能爲當鳴使歸營又謂隱帝曰官家宮中無事明日可出觀臣戰明日隱帝復出勞軍彥超戰敗奔兗州隱帝遇弒周太祖入立彥超不自安數有所獻太祖報以玉帶賜詔安慰呼爲弟而不名又遣翰林學士魚崇諒慰諭彥超益疑懼已而劉晏自立於太原攻晉絳太祖遣王峻用兵西方彥超乘閒亦謀反遣押衙鄭麟至京師求入朝太祖知其詐許之復稱管內多盜而止又爲高行周所與書以進其辭皆指斥若欲共反者太祖驗其印文僞以示行周彥超又遣人南結李昇昇出兵攻流陽爲周兵所敗而劉晏攻晉絳不克解去太祖乃遣侍衛步軍指揮使曹英客省使向訓討之彥超閉城自守彥超之反也判官崔周度諫彥超大怒未有以害之已而見圍因大括城中民貲以犒軍前陝州司馬閻宏魯懼鞭扑悉家貲以獻彥超以爲未盡又欲并罪周度乃令周度監括宏魯家宏魯遣家僮與周度鬪掘無所得彥超又遣鄭麟持刃迫之宏魯惶恐拜其妻妾皆言無所隱周度入白彥超彥超不信下宏魯及周度于獄宏魯乳母子泥中得金纏臂獻以贖宏魯彥超大怒遣軍校管宏魯夫

婦肉爛而死遂斬周度於市彥超詐而好聚斂在鎮置庫質錢有姦民爲僞銀以質者主吏久之乃覺彥超陰教主吏夜穴庫垣盡徙金帛它所而以盜告彥超即勝于市使民自占所質以償之民皆爭以所質物自言乃得質僞銀者實深室使教十餘人日夜爲之皆鐵爲質包以銀號鐵胎銀其被圍也勉城守者曰吾有銀數千錠當悉賜汝軍士私相謂曰此鐵胎爾皆不爲之用明年五月太祖親征城破彥超夫妻投井死遂滅其族詔贈閻宏魯左驍衛大將軍崔周度祕書監按五代史此下有馮道李琪鄭珏等傳今俱改入貳臣

欽定續通志卷二百九十五

列傳

五代十六

李愚 盧尊 司空頤

馬允孫 劉岳 馬縉

盧損 崔居儉 崔稅

李懌 趙登 馮玉

盧質 呂琦 薛融

何澤 王權 史圭

龍敏 李崧 賈緯

段希堯 張允 王松

裴嶠 王仁裕 裴羽

王延

李愚字子晦渤海無棣人謹重寡言好學為古文滄州節度使盧彥威以為安陵主簿丁母憂去後游關中劉季述幽昭宗愚以書說韓建使圖興復其言甚壯建不能用乃去之洛陽舉進士宏詞為河南府參軍白馬之禍復去之山東與李延光相善延光以經術事梁末帝為待講數稱薦愚愚由此得召久之拜左拾遺崇政院直學士衡王友諒末帝兄也梁大臣李振等皆拜之獨愚長揖末帝以責愚曰衡王朕拜之卿獨揖可乎對曰陛下以家人禮見之拜宜也臣於王無所私豈宜妄有所屈謹按通鑑輯覽 御批有道則見無道則隱士君子出處之正也李愚既自負學行宜宜臣事朱梁既為爵祿所囑受而弗卻徒以長揖藩王顯坐言事忤旨罷為鄧州觀察判官唐莊宗滅梁愚朝京師唐諸公卿素聞愚學古重之拜主客郎中翰林學士魏王繼岌伐蜀辟愚都統判官蜀道險議者謂宜緩師待變而

進郭崇韜以決于愚愚曰王行荒怠人厭其政宜乘其無備擊之利在速不可緩也崇韜以為然遂以滅蜀初軍行至寶雞招討判官陳又稱疾請留愚請斬以徇由是軍中無敢言留者明宗即位累遷兵部侍郎承旨明宗祀天南郊愚為宰相馮道趙鳳草加恩制道鄙其詞罷為太常卿任園罷相乃拜愚中書侍郎同平章事愚為相不治第宅借延賓館以居有疾明宗遣宦官視之見其敗簞徹席四壁蕭然明宗嗟歎命以供帳物賜之潞王反兵犯京師愍帝夜出奔明日愚至端門欲入中書候太后進止馮道曰潞王已處處張榜招安今即至矣何暇俟太后旨耶乃相與出迎廢帝入立罷道出鎮同州以劉昫為相昫性褊急而愚素剛介動輒違戾昫與馮道媼家愚素惡道為人遇事輒以諍昫兩人遂相詛詭乃俱罷愚守左僕射是時兵革方興天下多事而愚為相欲依古以創理乃請頒唐六典示百司使各舉其職州縣貢士作鄉飲酒禮時以其迂闊不用廢帝常謂愚等無所事目之曰此粥飯僧耳清泰二年卒

愚導字熙化范陽人唐末舉進士為監察御史唐亡事梁累遷左司郎中侍御史知雜事以病免唐明宗時召拜右諫議大夫遷中書舍人潞王兵入京師愍帝出奔宰相馮道李愚集百官於天宮寺將出迎潞王百官久而不集惟導與舍人張昭先至馮道請導草牋勸進導曰潞王入朝郊迎可也勸進之事豈可輕議道曰勸進其可已乎導曰今天子蒙塵于外遽以大位勸人若潞王守節不回以忠義見責其將何辭以對且上與潞王皆太后子不如率百官詣宮門取太后進止語未終有報曰潞王至矣京城巡檢使安從進催百官班迎百官紛紛而去潞王止於正陽門外道又促導草牋導對如初李愚曰吾輩罪人虛舍人言是也乃已導復事晉為吏部侍郎天福六年卒

司空頤貝州清陽人唐僖宗時舉進士不中去為羅紹威掌書記紹威卒入梁為太府少卿楊師厚鎮天雄頤解官往依之師厚卒賀德倫代之張彥之亂命判官王正言草奏詆斥梁君臣正言素不能文又為兵刃所迫汗浹背不能下筆彥怒推正言下榻顧書史問誰可吏即言頤馳驅召之頤為亂兵劫其衣以敝服蔽形而至見彥長揖神氣自若揮筆成文而言甚淺鄙彥以其易曉甚喜即給衣服僕馬以為德倫判官德倫以魏博降晉晉王兼領天雄仍以頤為判官按資治通鑑勸晉王除張彥澤乃頤之謀梁晉相距河上常以頤權軍府事頤為郭崇韜所惡崇韜數言其受賂都虞候張裕多過失頤屢以法繩之頤有姪在梁道家奴召之裕擒其家奴以為通書於梁莊宗族殺之按五代史此下有劉昫盧文紀傳今改入貳臣

已危迫人皆冀其有所建說允孫獻綾三百匹而已晉高祖入立罷歸里允孫少學韓愈為文多斥浮屠氏之說及罷歸乃反學佛撰法喜集佛國記行於世後以太子賓客分司居洛陽周廣順中卒按五代史此下有姚顛傳今改入貳臣

劉岳字昭輔洛陽人唐民部尚書政會八代孫崇龜崇望其諸父也岳名家子好學敏于文辭舉進士事梁為左拾遺侍御史末帝時為翰林學士累官兵部侍郎梁亡貶均州司馬復用為太子詹事唐明宗時為吏部侍郎故事吏部文武官告身皆輸朱膠紙軸錢然後給品高者則賜之其官卑而貧者不能輸錢往往但得救牒而無告身岳以為制辭或任其材能或褒其功行或申以訓誠受官者不給告身皆不知受命之所以然請一切賜之由是百官皆賜告身宰相馮道本田家子貌質野且入朝兵部侍郎任贊與岳在後道行數反顧贊問岳道反顧何為岳曰遺下兔園冊爾兔園冊者鄉校儒教田夫牧子之所誦也道聞之大怒徒岳祕書監李愚為相遷岳太常卿初鄭餘慶嘗探唐士庶吉凶書疏之式雜以常時家人禮為書儀兩卷明宗見其有起復冥昏之制歎曰儒者所以崇孝悌而敦風俗且無金革之事起復可乎晉吉禮也用於死者可乎乃詔岳選文學通古今之士其刪定之岳與太常博士段暉田敏等增損其書公卿家頗遵用之然其訛謬不經之類甚多岳卒于官贈吏部尚書

馬縞不知其家世再舉明經宏詞為梁太常少卿以知禮稱唐莊宗時累遷中書舍人刑部侍郎權判太常卿明宗入立繼唐太祖莊宗而不立親廟縞言漢諸侯王入繼統者必別立親廟光武皇帝立四親廟于南陽請

如漢故事立廟申孝享明宗下其議禮部尚書蕭頊等請如縞議宰相鄭珣等引漢桓靈為比謂宜定謚四代祖考為皇置園陵事下太常博士王丕議漢桓帝尊祖孝穆孝崇皆為皇帝縞以為孝穆孝崇有皇而無帝惟吳孫皓尊其父和為文皇帝不可為法右僕射李琪等議與縞同明宗下詔欲兼用皇帝乃命宰相集百官於中書各陳所見李琪等稱尊祖福為皇帝曾祖為皇宰相鄭珣合羣議奏曰禮本人情隨時損益開元時尊皇陶為德明皇帝涼武昭王為興聖皇帝皆立廟京師請用唐家故事四代祖考皆加帝如詔旨仍立廟京師詔可加帝而立廟應州劉岳修書儀所增損皆決于縞嘗坐覆獄不當貶綏州司馬復為太子賓客遷戶部兵部侍郎盧文紀作相以其迂儒鄙之改國子祭酒卒贈兵部尚書

盧損范陽人少學為文性剛介梁開平初舉進士與任贊劉昌素薛鈞高總同年所在相詬及昌素質居要地損愈自引異不相親狎左丞李琪素薄昌素為人常善待損琪有女弟眇年長婚對不售乃以妻損損慕琪聲稱納之及琪為相損累遷右司員外郎唐天成初由史館修撰轉諫議大夫屢上書言事詞理鄙陋清泰時盧文紀為相密與損參決時政末帝即位以為御史中丞拜命之日以憲司不能振舉綱領致風俗頹壞乃大為條奏而有平明放鑰日出守端之語大為土流嗤鄙未幾坐誤詳赦書失出罪人罷晉天福中復用為右散騎常侍按通鑑載天福三年以闕主親為國圖王以左散騎常侍轉盧損為冊禮使又冊府元龜載損使于闐其子繼泰陳主禮而已轉祕書監頗快不得志即拜章辭位乃授戶部尚書致仕居潁州廣順三年卒

縞之子繼泰陳主禮而已轉祕書監頗快不得志即拜章辭位乃授戶部尚書致仕居潁州廣順三年卒

損有目無傳或當時撰述闕漏編抑流傳脫簡今採摭史補

崔居儉清河人美文辭少舉進士梁貞明中為中書舍人翰林學士御史中丞唐莊宗時為刑部侍郎太常卿崔氏自後魏隋唐與盧鄭皆為甲族吉凶之事各著家禮至其後世子孫專以門望自高為世所嫉明宗崩居儉以故事為禮儀使以祖諱蠶繭不受宰相馮道即徒祕書監居儉快快失職後歷兵吏部侍郎尚書左丞戶部尚書晉天福四年卒贈右僕射居儉拙于為生居顯官衣服常乏死之日貧不能葬聞者哀之

崔稅字子文深州安平人父涿唐末為刑部郎中稅少好學工文辭梁貞明三年舉進士甲科開封尹王瓚辟掌奏記性至孝父病不肯服藥稅屢進不納賓客問疾者稅輒迎拜門外涕泣告之涿終不服藥而卒稅居喪哀毀除服唐明宗以為監察御史不拜踰年再命乃拜累遷都官郎中翰林學士晉高祖時以戶部侍郎為學士承旨權知天福二年貢舉初稅為學士營草制為宰相桑維翰所改稅以唐故事學士草制有所改者當罷職乃引經據爭之維翰頗不樂而稅少專文學不能莅事維翰乃命稅知貢舉果不能舉職時有進士孔英者素有醜行稅既受命往見維翰維翰素尊嚴而語簡謂稅曰孔英來矣稅不論其意乃考英及第物議大非之即罷學士拜尚書左丞遷太常卿八年高祖詔太常復文武二無詳定正冬朝會禮及樂章稅與御史中丞竇貞固刑部侍郎呂琦禮部侍郎張允等草定之以風痺改太子賓客分司西京卒

李樸京兆人少好學工文辭唐末舉進士為祕書省校書郎集賢校理事梁為中書舍人翰林學士梁亡責授

李樸京兆人少好學工文辭唐末舉進士為祕書省校書郎集賢校理事梁為中書舍人翰林學士梁亡責授

懷州司馬馮放量移稍遷衛尉少卿天成中復為中書舍人翰林學士累遷尚書右丞承旨時右散騎常侍張文寶知貢舉所放進士中書有覆落者乃請下學士院作詩賦為貢舉格學士寶夢微張礪等所作不工乃命釋為之憐笑曰子少舉進士登科蓋偶然耳後生可畏假令子復就禮部試未必不落第安能與英俊為華格聞者多其知禮復遷刑部尚書分司洛陽卒按五代史此下有和凝傳今改

趙瑩字元暉華州華陰人初為梁將康延孝從事晉高祖為保義節度使以瑩掌書記徙鎮常以瑩從高祖將起兵太原以問諸將吏多贊成之瑩獨勸毋反高祖雖不用其言心甚愛之及即位拜翰林學士承旨戶部侍郎同中書門下平章事累拜中書令出為晉昌軍節度使開封是時出帝昏馮玉李彥韜等用事與桑維翰爭權共譖去之以瑩柔而易制故復引為相契丹通好遣尚書左丞田敏使契丹遇瑩于幽州瑩見敏悲不自勝瑩子易則易從瑩之北與易從俱而易則留事漢後瑩病將卒告契丹願以尸還中國契丹許之及卒遣易從護喪南歸贈太傅

馮玉字璟臣定州人少舉進士不中馮質為河東節度使辟為推官人拜監察御史累遷禮部郎中為鹽鐵判官晉出帝納玉姊為后玉以后戚知制誥拜中書舍人玉不知書制誥常倩同官殷鵬代為之頃之玉出為潁州團練使拜端明殿學士戶部侍郎遷樞密使中書侍郎同中書門下平章事時馮皇后用事軍國大務一決于玉玉嘗疾在告自刺史以上宰相不敢除授玉除中

書舍人盧價為工部侍郎桑維翰以價資望淺不可由是與桑維翰有隙維翰遂罷玉為相積貲巨萬契丹滅晉張彥澤先以兵入京師兵士爭入王家掠其貲一夕而盡明日見彥澤猶諂笑自言願得持晉玉璽獻契丹以冀恩獎彥澤不納出帝之北玉從人契丹為太子太保周廣順三年其子傑自契丹逃歸玉懼以憂卒盧質字子微河南人父望唐司勳郎中質幼聰慧善屬文事唐為祕書郎丁母憂解職後游太原晉王以為河東節度掌書記質與張承業等定議立莊宗為嗣莊宗將即位以質為大禮使拜行臺禮部尚書欲以為相質性疏逸不欲任責固辭乃拜太原尹北京留守遷戶部尚書翰林學士從平梁權判租庸遷兵部尚書後為學士承旨天成元年拜匡國軍節度使三年拜兵部尚書判太常卿事歷鎮河陽橫海初梁已篡唐封哀帝為濟陰王既而醜殺之瘞于曹州同光三年莊宗將議改葬而曹太后崩乃止因故壙稍廣其封以時薦饗而已質乃建議立廟追諡諡曰昭宣光烈孝皇帝廟號景宗天咸四年八月戊申明宗御文明殿遣質奉册立廟于曹州尋以議者言立廟稱宗而不入太廟非是乃復奏去廟號廢帝反鳳翔愍帝發兵討之竭裕藏賞軍而兵至鳳翔皆叛降廢帝悉將而東許以重賞及入立有司獻籍數甚少廢帝暴怒自諸鎮至刺史皆進錢帛助國用猶不足三司使王玫請率民財以佐用乃使質與玫等共議配率而貧富不均怨訟並起囚繫滿獄六七日間所得不滿十萬廢帝患之乃命質等偕民屋課五月由是民大咨怨晉高祖入立質以疾分司西京拜太子太保卒贈太子太師諡文忠

呂琦字輝山幽州安次人父堯為海軍節度判官節度使劉守文與弟守光相攻守文敗死更民立其子延祚以堯為謀主已而延祚又為守光所敗堯見殺守光族其家琦年十五見教將就刑堯客趙玉給監者曰此吾弟也監者信之縱琦去琦足弱不能走玉負之行逾數百里變姓名乞食以免琦乃游學汾晉聞唐莊宗鎮太原以為代州軍事推官後為橫海趙德鈞節度推官入為殿中侍御史明宗時為駕部員外郎兼侍御史知雜事河陽主藏吏盜所監物下軍巡獄獄吏尹訓納賂反其獄其冤家訴于朝下御史臺按驗得訓贓狀奏攝訓赴臺訓為安重誨所庇不與琦請不已訓懼自殺乃辨蒙活者甚眾歲餘遷禮部郎中史館修撰長興中廢帝罷居清化坊與琦同巷琦數往過之後廢帝入立待琦甚厚拜知制誥給事中樞密院直學士端明殿學士是時晉高祖鎮河東有二志廢帝患之琦與李崧俱備顧問多所裨畫琦言太原必引契丹為助不如先事制之契丹自明宗時詎見殺策喇卜等俘在京師數遣使者來求輒不報而東丹王又亡入中國契丹由此數欲求和琦因言方今之勢不如與契丹通和如漢故事歲給金帛妻以女使疆蕃大鎮外無所引援可弭亂心崧以語三司使張延朗延朗欣然曰苟能紓國患歲費縣官十數萬緡責吾取足可也因共建其事廢帝大喜他日以琦等語問樞密直學士薛文遇文遇大以為非因誦戎昱社稷依明主安危託婦人之詩以諫琦等廢帝大怒急召問琦等琦等察帝色怒急曰臣等為國計非與契丹求利于中國也帝愈怒曰卿等佐朕欲致太平而若是邪崧等惶恐拜謝拜無數琦足力乏先止

帝曰呂琦疆項肯以人主視我邪琦曰陛下以臣等言非罪之可也屢拜何益帝意稍解曰勿拜賜酒一卮而遣之其議遂寢因遷琦御史中丞居數月復為端明殿學士其後晉高祖起太原果引契丹為助遂以亡唐琦事晉為祕書監累遷兵部侍郎天福八年卒趙玉仕至職方員外郎琦事之如父玉疾親嘗藥扶持及卒為主喪玉子文度幼孤琦教以學如己子後舉進士及第

薛融汾州平遙人少以儒學知名唐明宗時為右補闕直宏文館晉高祖鎮太原融為觀察判官高祖欲拒命延賓佐問可否坐中或贊成之或恐懼不敢言融獨從容對曰融本儒生爾軍旅之事未嘗學也進退存亡之理豈易言哉高祖不之責及入立累拜左諫議大夫遷中書舍人融曰文辭非臣所長也遂辭不拜時詔修洛陽大內融上書切諫即詔罷其役遷御史中丞改尚書右丞分司西京卒

何澤廣州人少好學長於歌詩舉進士為洛陽令唐莊宗好畋獵數踐民田澤乃潛伏草間伺莊宗過當馬諫曰陛下未能一天下以休兵暴斂疲民以給軍食今田將熟奈何恣畋游以害多稼使民何以出租賦吏何以督民耕陛下不聽臣言願賜死馬前使後世知陛下之過莊宗大笑為之止獵拜倉部郎中明宗時數上書言事明宗幸汴州又欲幸鄴而人情不便大臣屢言不聽澤伏閣切諫明宗嘉之拜吏部郎中史館修撰澤外雖直言而內實邪俊嘗于內殿起居班退獨留以笏叩額北望呼曰明明主明主聞者哂之五代之際民苦于兵往往割股廬墓以規免賦役戶部歲給調符課州縣出紙號為獨紙澤言其弊明宗下詔悉廢之澤與宰相趙鳳

有舊數求為給諫鳳薄其為人以為太常少卿敕未出而澤先知之即稱新官上章自訴章下中書鳳等言澤未拜命而稱新官輕侮朝廷請坐法乃以太僕少卿致仕居河陽年已七十尚希仕進即遣婢詣鳳上章請立秦王為皇太子晉高祖時召為太常少卿卒

王權字秀山太原人唐左僕射起之曾孫舉進士為右補闕唐亡事梁為職方員外郎知制誥翰林學士累遷御史中丞唐莊宗滅梁貶權隨州司馬起為右庶子累遷戶部尚書晉高祖時為兵部尚書高祖以父事契丹權當奉使辭不行坐是停任踰年以太子少傅致仕卒贈左僕射

史圭常山石邑人為晉宣樂壽縣令有善政縣人立碑頌之郭崇韜鎮成德辟為從事明宗時為尚書郎安重誨為樞密使薦圭直學士故事直學士職雖清而承領文書參掌庶務與判官無異重誨素不知書倚圭以備顧問始白許圭升殿侍立樞密直學士升殿自圭始改尚書右丞判吏部銓事重誨敗死出圭為貝州刺史罷歸常山晉高祖立召拜刑部侍郎監鐵副使遷吏部侍郎分知銓事有能名以疾罷卒

龍敏字欲訥幽州永清人少仕州攝參軍劉守光亂敏避之滄州遂客于梁久不調敏素善馮道為唐莊宗從事潛往依之張承業辟為監軍巡官使掌奏記莊宗即位召拜司門員外郎敏父盛式年七十餘而祖父年九十餘皆在鄴敏乃求為興唐尹事祖父以孝聞丁母憂去職除服累拜兵部侍郎馮贊留守北京辟敏副留守贊入為樞密使敏拜吏部侍郎是時晉高祖起太原乞兵契丹唐廢帝在懷州趙德鈞父子有異志張敬達

屯晉安勢甚危急廢帝問計從臣敏曰晉所恃者契丹也東丹王失國之君今在京師若以兵送東丹自幽州入西樓契丹且有內顧憂何暇助晉晉失契丹大事去矣又謂李懿曰敏燕人也能知德鈞德鈞為將督健兒守城嬰塹而已使當大敵奮不顧身非其能也今聞鶻前馬猶有五千願得壯者千匹健兵千人與勇將郎萬金自平遙沿山趨官砦且戰且行得半達則事濟矣懿為言之廢帝不能用為晉太常卿使吳越時奉使者見吳越王皆下拜敏獨揖之還遷工部侍郎乾祐元年瘴發于首卒贈右僕射

李崧深州饒陽人幼能文章為鎮州參軍唐魏王繼岌為興聖宮使領鎮州節度使以推官李堯掌書記崧謂掌書呂柔曰魏王皇子天下之望書奏之職非堯所當柔私使崧代為之以示虛質馮道皆稱善乃以為興聖宮巡官拜協律郎繼岌與郭崇韜伐蜀以崧掌書記繼岌殺崇韜人情不安崧乃召書吏三四人登樓去梯夜以黃紙作詔書倒用都統印明日告諭諸軍人心乃定師還繼岌死于道崧至京師任園判三司用為鹽鐵判官以內憂去職服除范延光居鎮州辟崧掌書記延光為樞密使崧拜拾遺直樞密院累遷戶部侍郎端明殿學士長興中明宗春秋高秦王從榮多不法晉高祖為六軍副使懼禍求藩明宗選將鎮太原以備契丹高祖欲之樞密使范延光趙延壽等議以康義誠應選崧獨曰太原國之北門宜得重臣非石敬瑭不可也由是從崧議高祖深德之陰遣人謝崧曰為浮屠者必合其尖蓋欲使崧終始成己事也其後高祖以兵入京師崧竄匿召為戶部侍郎拜中書侍郎同中書門下平章事兼

蓋欲使崧終始成己事也其後高祖以兵入京師崧竄匿召為戶部侍郎拜中書侍郎同中書門下平章事兼

蓋欲使崧終始成己事也其後高祖以兵入京師崧竄匿召為戶部侍郎拜中書侍郎同中書門下平章事兼

樞密使高祖崩出帝即位以崧兼判三司與馮玉對掌樞密是時晉兵敗契丹於陽城趙延壽在幽州許言思歸以誘晉兵崧等信之初漢高祖掌親軍與杜重威同制加平章事恥之怒不肯謝晉高祖遣和凝諭之乃謝其後漢高祖出居太原重威代為侍衛使崧亦數稱重威之材於是漢高祖以崧為排已深恨之崧又信延壽之詐以為然卒以重威將大兵後敗于中渡晉遂以亡契丹耶律德光素聞崧名及入京師謂人曰吾破南朝得崧一人而已乃拜太子太師按遼史太宗紀大同元年以晉李崧為樞密使同 契丹北還命崧以族俱行留之鎮州其後滿達勒棄鎮州崧與馮道等得還高祖素不悅崧又怨者諸言崧為契丹所厚故崧遇漢權臣常惕惕為謙謹莫敢忤初漢高祖入京師以崧第賜蘇逢吉崧家遭亂多埋金寶逢吉悉有之并其西京田宅崧弟嶼嶼與逢吉子弟同舍酒酣出怨言崧又以宅券獻逢吉逢吉尤不喜嶼僕葛延遇為嶼商賈多乾沒其貲嶼管責之延遇夜宿逢吉部曲李澄家以情告時高祖將葬睿陵河中李守貞反澄乃教延遇告變言崧與其甥王凝謀因山陵放火焚京師又以蠟丸書通守貞逢吉遣人召崧至第從容告之崧知不免乃以幼女託逢吉逢吉送崧侍衛獄崧出乘馬從者無一人悲曰自古豈有不死之人然亦豈有不亡之國乎乃自誣伏族誅崧素與翰林學士徐台符相善後周太祖立台符告宰相馮道請誅延遇道以數經赦難之樞密使王峻多台符有義乃奏誅延遇按五代史此下有李筠傳今改入貳臣

學唐自武宗已後無實錄史官職廢繹采次傳聞為唐年補錄六十五卷論次雖多闕誤而喪亂之際事跡粗存亦有補于史氏晉天福中為太常博士非其好也數求為史職改屯田員外郎起居郎史館修撰與修唐書丁內艱服除知制誥累遷中書舍人諫議大夫給事中復為修撰漢隱帝時詔與王仲寶儼等同修晉高祖出帝漢高祖實錄初桑維翰為相常惡緯待之甚薄緯為維翰傳言維翰死有銀八千鈔翰林學士徐台符以為不可緯乃更為數千鈔廣順元年實錄成緯求遷官不得由是怨望時宰相王峻監修國史緯書日歷多言當時大臣過失峻見之怒曰賈給事子弟仕宦亦要門閥柰何惡詆當朝之上使其子孫何以仕進言之高祖貶平盧軍行軍司馬明年卒

段希堯河內人歷任州縣唐天中為衛州錄事參軍按歐史不言希堯在唐時官似希堯始終事晉高祖為晉不及二代不應入雜傳矣今據薛史補河東節度使以為判官高祖屯軍忻州軍中有擁高祖呼萬歲者高祖惶惑不知所為希堯勸高祖斬其亂首乃止高祖將舉兵與賓佐謀希堯以為不可及即位後恩澤比諸將吏最薄久之稍遷諫議大夫使于吳越是時江淮不通奉使者皆泛海希堯過海道大風左右恐懼希堯曰吾平生不欺汝等恃吾可無恐已而風止歷萊懷棣三州刺史出帝時為吏部侍郎判東西銓事累遷禮部尚書卒贈太子少保

范延光鎮成德辟趙州軍軍判官遷石邑令緯長于史

張允鎮州人少為張文禮參軍唐莊宗討文禮允脫身降繫之獄文禮敗乃出之為魏州功曹趙在禮辟節度推官歷滄兗二鎮掌書記入為監察御史累遷水部員外郎知制誥廢帝皇子重美為河南尹掌六軍以允剛

介乃拜給事中為六軍判官罷為左散騎常侍晉胤祖即位屢赦天下允為駁放論以獻時晉高祖方好臣下有言覽之大悅允事漢為吏部侍郎隱帝誅戮大臣京師皆恐允常退朝不敢還家止於相國寺周太祖以兵入京師允匿於佛殿承塵墜而卒

王松父徽為唐僖宗宰相舉進士後唐時歷刑部郎中晉高祖鎮太原辟松節度判官及即位拜右諫議大夫累拜工部尚書出帝北遷蕭翰立許王從益於京師以松為左丞相漢高祖入洛先遣人馳詔東京百官皆授偽命者皆焚之使勿自疑由是御史臺悉斂百官偽敕焚之松以手指其胸引郭子儀自謂以語人曰此乃二十四考中書令也聞者笑之後松子仁寶為李守貞河中支使守貞反松以子故上書自陳高祖憐之但使解職而已尋以疾卒

裴皞字司東河東人出於名家少好學性素剛急直而無隱唐光化中舉進士拜校書郎拾遺補闕事梁為翰林學士中書舍人唐後為禮部侍郎皞喜議論每陳朝廷闕失多斥權臣改太子賓客以老拜兵部尚書致仕晉高祖時起為工部尚書復以老告拜右僕射致仕卒贈太子太保皞以文學在朝廷久宰相馬允孫桑維翰皆皞禮部所放進士後允孫知舉放榜引新進士詣皞謁世傳以為榮維翰已作相嘗過皞皞不迎不送人或問之皞曰我見桑公於中書庶寮也桑公見我於私第門生也何送迎之有人亦以為當

王仁裕字德輦天水人少不知書以狗馬彈射為樂年二十五始就學以文辭知名秦帥辟為判官秦州入於蜀仁裕因事蜀為中書舍人翰林學士蜀平仁裕事唐

復為秦州節度判官王思同鎮興元辟為從事思同留
守西京以為判官廢帝舉兵鳳翔思同戰敗廢帝得仁
裕為之入之以都官郎中充翰林學士晉高祖入立罷
為郎中歷司封左司郎中諫議大夫漢高祖時復為翰
林學士承旨累遷戶部尚書罷為兵部尚書太子少保
顯德三年卒贈太子少師仁裕曉音律晉高祖初定雅
樂宴羣臣於永福殿奏黃鐘仁裕聞之曰音不純肅而
無和聲當有爭者起禁中已而兩軍校鬪昇龍門外聲
聞於內人以為神與和凝皆以文章知名

裴羽字用化父贊相唐僖宗羽以父任為河南壽安尉
事梁為御史臺主簿改監察御史唐明宗時為吏部郎
中與右散騎常侍陸崇使於閩為海風所颺至錢塘是
時唐方絕錢鏐朝貢羽等被留經歲而崇卒後鏐遣羽
還羽求載崇尸俱歸鏐初不許羽以語感動鏐乃惻然
許之因附羽表自歸明宗得鏐表大喜由是吳越得通
於中國羽護崇喪至京師及其橐裝還其家士人皆多
羽之義周太祖時為左散騎常侍卒贈戶部尚書

王延字世美鄭州長豐人少好學嘗以賦謁梁相李琪
琪薦為郎墨令馮道作相與延故人召拜左補闕遷水
部員外郎知制誥拜中書舍人權知貢舉吏部尚書盧
文紀與故相崔協有隙時協子頌方舉進士文紀謂延
曰吾嘗譽子於朝貢舉選士當求實效無以虛名取人
昔有越人善泗生子方晬其母浮之水上人怪而問之
則曰其父善泗子必能之若是可乎延退而笑曰盧公
之言為崔協也恨其父遂及其子耶明年選頌甲科人
皆稱其公累遷刑部尚書以太子少保致仕卒

有馬重績趙延義
傳今改入藝術

列傳

宋一

石守信 保興 保吉 元孫

高懷德

張令鐸

王彥昇

慕容延鈞 德豐 德琛

王審琦 承衍 克臣

韓重贇 崇訓 崇業

羅彥瓌

韓令坤 倫

符彥卿

石守信開討浚儀人始事周祖得隸帳下廣順初累遷親衛都虞候從世宗征晉陽遇敵高平力戰又從征淮南關南俱著戰功累遷殿前都虞候轉都指揮使領漢州防禦使按東都事略作江州恭帝立加領義成軍節度太祖即位遷侍衛馬步軍副都指揮使改領歸德軍節度李筠之變與高懷德率前軍破筠眾於長平又敗之于澤州澤潞平加同平章事李重進起兵揚州以守信為行營都部署兼知揚州行府事帝親征至大儀頓守信馳奏城破在朝夕大駕親臨一鼓可平帝亟赴之果克其城建隆二年移鎮鄆州兼侍衛親軍馬步軍都指揮使初按宋史本傳作乾德初因晚朝與石守信等飲酒考李壽通鑑長編保建隆二年七月戊辰日事史蓋敘出鎮之由故用初字帝因晚朝與守信等飲酒酒酣曰我非爾曹不及此然吾為天子殊不若為節度使之樂吾終夕未嘗安枕而卧守信等頓首曰今天命已定誰復敢有異心陛下何為出此言帝曰人孰不欲富貴一旦有以黃袍加汝身雖欲不為其可得乎守信等謝曰臣愚不及此惟陛下哀矜之帝曰人生駒過隙爾不如多積金帛田宅以遺子孫歌兒舞女以終天年君臣之閒無所猜嫌不亦善乎守信等謝曰陛下念及此所謂生

死而肉骨也明日皆稱病乞解兵權帝從之按杯酒釋兵權宋人語折一語大計後世亦蓋稱之不知宋祖英勇久為諸而不在此計之特出且宋祖素自有天命何復介通鑿鑿覽御批宋君皆以散官就第按宋初州郡臣有知應亦心悅誠服矣皆以散官就第事悉歸知州且諸人或遙鎮故曰散官也賞賚甚厚已而太祖欲使符彥卿管軍趙普屢諫以為彥卿名位已盛不可復委以兵權太祖不從言已出普復懷之太祖迎謂之曰豈非符彥卿事耶對曰非也因奏他事既罷乃出彥卿宣進之太祖曰果然宣何以復在卿所普曰臣託以處分之語有侏儻者復留之惟陛下深思利害勿復悔太祖曰卿苦疑彥卿何也朕待彥卿厚彥卿豈負朕耶普對曰陛下何以能負周世宗太祖默然事遂中止開寶六年加兼侍中太平興國初加兼中書令二年拜中書令行河南尹充西京留守三年加檢校太師四年從征范陽坐失律責授崇信軍節度兼中書令俄進封衛國公七年徙鎮陳州復守中書令九年卒年五十七贈尚書令追封成武郡王諡武烈子保興保吉按宋史石守信傳俱改入武臣

保興字光裔本名保正太祖取興宗之義改之建隆初年十四以蔭補供奉官明年遷尚食副使太祖嘗召功臣子弟詢以時事保興年最少應對明白太祖奇之拜如京使太宗征河東為御砦四面都巡檢太平興國八年出為高陽關監軍守信卒起復領本州團練使雍熙初契丹侵邊為澶州前軍駐泊李繼遷入鈔徒銀夏綏府都巡檢使嘗巡按鞏子砦並黑水河趣谷中夏人以數千騎渡河邀戰保興所部不滿二千人乃分短兵伏於河澗俟其半渡急擊之斬首百餘級追北數十里優

詔褒美端拱中為西京都巡檢使治化五年真拜新州團練使為承興軍鈐轄改夏綏麟州鈐轄至道二年徙延州都巡檢使兼署州事改本路副都部署與范廷召等五路討賊按宋史太宗本紀及夏國傳俱作范廷召出延州保興為本路副都部署故與廷有節奇羅尼舊召同日出師本傳作重召誤今據改有節奇羅尼舊發伽羅賦數族率眾來拒保興選敢死士數百人街枚夜擊藏之自是烏葉優葉諸族歸降還至烏白池賊又為方陣來拒保興麾眾出入陣中會乘馬中流矢挺身持滿易騎奮呼且行且鬪凡三日四十二戰賊遂引去咸平二年知威虜軍會夏人入鈔保興發官帑錢數萬緡分給戰士主者固執不可保興曰城危如此安暇中覆事定覆而不允願以家財償之夏人退驛置以聞真宗貸而不問三年就拜棣州防禦使徙知邢州改澶州五年以疾求歸京師卒年五十八子元孫

保吉字祐之初以蔭補天平軍衙內都指揮使尙太祖女延慶公主拜左衛將軍駙馬都尉累遷朔州觀察使威塞軍節度雍熙中歷知河陽大名府連改橫海安國二鎮節度真宗即位加檢校太尉保平軍節度軍駕北巡命為河北諸路行營都部署屯定州景德初改武靈軍節度同平章事幸澶淵命與李繼隆分為都排陣使軍於北門外契丹騎數萬驟至城下保吉不介馬而馳當其鋒契丹兵引去俄請盟錫宴射於行宮後苑帝謂繼隆等曰北敵畏威服義息戰安民卿等力也保吉進曰臣受命禦患上稟成算至于布列行陣指授方略皆出於繼隆繼隆曰宣力用心躬率將士臣不及保吉帝嘉其協和賜以襲衣帶馬改鎮鎮安大中祥符二年卒年五十七贈中書令諡莊武按東都事略作壯武初守信鎮陳年

五十七卒及保吉繼是鎮卒年相同談者異之子貽孫任崇儀使孝孫西京左藏庫使

元孫字善長始名慶孫避章獻太后祖諱易之以守信蔭為東頭供奉官閤門祇候累遷如京副使仁宗即位改文思副使為澶州巡檢徙知莫州有治迹又徙保州領廉州刺史兼廣信安肅軍緣邊都巡檢時開屯田鑿塘水有訟元孫擅汗民田者遣官按視訟者以誣服詔

襄論之再遷西上閤門使并代州兵馬鈐轄歷侍衛親軍步軍殿前都虞候鄜延副都總管緣邊安撫使遷邕州觀察使康定初夏人寇延州元孫與戰于三川口軍敗見執傳者以為已死贈忠正軍節度使兼太傅錄其子孫七人及元吳納款縱元孫歸諫官御史奏元孫軍

敗不死辱國請斬塞下賈昌朝獨言曰在春秋時晉獲楚將穀臣楚獲晉將知罃亦還其國不誅因入對探樞出魏志于禁傳以奏曰前代將臣敗覆而還多不加罪帝乃貸元孫安置全州以升耐赦內徙襄州侍御史劉

提言元孫失軍辱命朝廷貸而不誅若例從量移無以勸用命之士元孫遂不徙後徙許州還京師卒王審琦字仲寶其先遼西人後徙家洛陽漢乾祐初隸周祖帳下性純謹甚親任之李守貞平署廳直左番副

將從世宗征劉崇力戰有功累遷鐵騎都虞候俄領勸州刺史親征淮南舒州堅壁未下詔以郭令圖領刺史命審琦及司超以精騎攻其城一夕拔之令圖既入城

審琦等遂救黃州數日合圖為舒人所逐審琦還輕騎銜枚夜發信宿至城下大敗舒人合圖得復還治所又破南唐軍於紫金山世宗圍濠州審琦先拔其水砦奪月城濠州遂降及攻楚州為南面巡檢城將陷審琦意

淮人必遁設伏以待城中兵果鑿南門而潰伏兵擊之斬獲甚多淮南平又從平瓦橋關積官至殿前都虞候領睦州防禦使太祖即位擢為殿前都指揮使領泰寧

軍節度從征李筠為御營前洞屋都部署澤潞平改領武成軍節度按東都事略李重進起兵副石守信為前軍部署討之建隆二年出為忠正軍節度按曾鞏隆平集作忠武軍

在鎮八年為政寬簡所部邑令以罪停其錄事吏幕僚白令不先咨府請按之審琦曰五代以來諸鎮強橫令率不得專縣事今部內宰能斥去黠吏誠可嘉爾何按之有聞者嘆服開寶二年從征太原為御營四面都巡

檢三年改鎮許州六年與高懷德並加同平章事七年卒年五十贈中書令追封琅琊郡王子承衍承衍承德承祐承俊承僊承僕承休承德西上閤門使會州

刺史承祐至如京使承俊承僕至內殿崇班承僊至閤門祇候承僊至左神武將軍致仕承休至內殿承制承衍字希甫幼端謹審琦鎮兗海壽春皆署以牙職開

寶初補內殿供奉官都知三年尚太祖女昭慶公主授右衛將軍按公主傳作駙馬都尉仍充都知踰年領恩州刺史加本州防禦使太平興國七年授彰國軍節度

雍熙中出知天雄軍府兼都部署時契丹擾鎮陽候騎至冀州去魏二百餘里都境戒嚴城中大恐屬上元節承衍下令市中及佛寺然燈設樂與賓佐宴遊達旦人賴以安明年召還復為貝冀都部署端拱初換承清軍節度再知天雄軍吏民千餘詣監軍請為本道節帥詔褒之咸平六年以疾求罷節鉞三抗表不許帝自臨問至卧內慰勉久之卒年五十二贈中書令給鹵簿葬諡恭肅子世安世隆世雄世融世安至崇儀副使通事舍

人世隆以公主子為如京副使累遷領平州刺史景德初卒特贈秦州防禦使召見其三子賜名克基克緒克

忠皆面授供奉官世雄至內殿崇班世融為內殿承制按東都事略世融子克臣按宋史此下有承衍附作內園苑使世融子克臣傳無事跡足錄今從剛克臣字子難祖承衍尚秦國賢穆公主按東都事略克臣第景祐進士仁宗閱其文顧侍臣曰賢穆有孫登科

可喜也仕累通判壽州鼓角卒夜入州廨擊都將既就擒而監兵使所部被甲操刃立庭中官吏駭觀克臣徐言曰此不過為盜耳立遣甲者去戒凶卒勿妄引他人眾謹服是日天賜節率孫屬朝謁如常儀人賴以安猶

坐貶監潭州稅廨監中鄭俠以上書竄嶺表克臣嘗薦俠且餽之白金又坐奪官復為戶部副使以集賢殿修撰知鄆州京東多盜克臣請以便宜處決遂下諸郡使

械送尤桀者斬以狗盜為少袁河決曹村克臣亟築隄城下或曰河決澶淵去鄆為遠且州徙于高八十年不知有水患安事此克臣不聽役愈急隄成水大至不沒

者才尺餘復起甬道屬之東平王陵婦人得趨以避水事靈皆繪像祀之進天章閣待制徙知瀛州有告外開入境密旨趣具獄株連甚眾克臣陰緩之已而得為開

者於他道徙知太原王中正西討罔功而誣克臣姑息士卒使無固志黜為單州明年拜工部侍郎至是神宗幸尚書省至部舍止輦獎其治力以為雖少者不及顧其子駙馬都尉師約使人觀元祐四年以龍圖閣直學士太中大夫卒年七十六子師約字君授少習進士業尚徐國公主授左衛將軍國朝故事主婿未嘗居職帝始令師約同管當三班院試其才明年主就館乃罷宣仁后臨朝師約屢上書言事元符初議者以為職不當

上言視其秩徽宗即位乃復保平軍留後又為樞密都承旨未幾復罷崇寧元年卒年五十九子殊主所生至閩州觀察使

高懷德字藏用真定常山人周天節度齊王行周之子忠厚倜儻有武勇行周歷延路二鎮及留守洛都節制宋毫皆署以牙職晉開運初契丹侵邊行周為北面前軍都部署懷德始冠願從北征行周壯之行至戚城遇契丹軍被圍數重援兵不至懷德左右馳射眾皆披靡扶父出以功領羅州刺史及行周移鎮鄆州改集州刺史仍領牙校又遷信州刺史從行周再鎮宋州晉末契丹南侵以行周為邢趙路都部署禦之留懷德守唯陽會杜重威降契丹京東諸州盜起懷德堅壁清野敵不能入行周率兵歸鎮敵遂解去漢初行周移鎮魏博及再鎮天平以懷德為忠州刺史領職如故周祖征慕容彥超還過汶上寵賜行周甚厚并賜懷德衣帶鞍馬行周卒召懷德為東西班都指揮使領吉州刺史改鐵騎都指揮使太原劉崇入寇世宗討之以懷德為先鋒都虞候高平克捷遷鐵騎右廂都指揮使領果州團練使從征淮南知廬州行府事充招安使尋遷龍捷左廂都指揮使領岳州防禦使南唐將劉仁贍壽春舒元據紫金山置連珠砦為援以抗周師懷德率數十騎規其營壘夜涉淮遲明賊來戰懷德以少擊眾擒其裨將以還盡偵知其形勢強弱世宗一日因按營淮壖以觀賊勢見一將追擊賊眾奪槊以還令左右問之乃懷德也召至慰勞許以節鉞及北征命與韓通率兵先抵滄州初得關南又命副陳思讓為雄州兵馬都部署克瓦橋關降姚內斌以歸恭帝立擢為侍衛馬軍都指揮使

領江寧軍節度按五代史職方考及會要俱無江寧軍節度與此同考唐書地理志其地至五代久為吳南唐所據此係殿前管軍領職實未嘗出鎮其地或當沿原舊名以此為大鎮之美號諸傳類此者甚多今並仍舊文附又為北面行營馬軍都指揮使太祖即位拜殿前副都點檢移鎮滑州充關南副都部署尙宣祖女燕國長公主加駙馬都尉李筠起兵上黨帝將親征先令懷德率所部與石守信進攻筠眾於澤州南事平遷

忠武軍節度按宋史高懷德是懷德尙主再適忠武軍武軍考長編建隆六年八月燕國長公主出降殿前副都點檢忠武軍節度使駙馬都尉高懷德與公主傳合本傳尙主以軍節度使駙馬都尉高懷德與公主傳後事當從公主傳檢校太尉從平揚州改歸德軍節度開寶六年加同平章事太宗即位加兼侍中又加檢校太師太平興國四年從平太原改鎮曹州封冀國公七年改武勝軍節度是年七月卒年五十七贈中書令追封渤海郡王諡武穆子處恭至右監門衛大將軍韓重贊磁州武安人少以武勇隸周祖麾下廣順初補左班殿直副都知從世宗戰高平又從征淮南累遷控鶴軍都指揮使領虔州刺史太祖即位擢龍捷左廂都校領永州防禦使從征澤潞還代張光翰為侍衛馬步軍都指揮使領江寧軍節度討李重進為行營馬步軍都虞候建隆二年改殿前都指揮使從領義成時有譖重贊私取親兵為腹心者太祖怒欲誅之趙普諫曰親兵陛下必不自將須擇人付之若重贊以讒誅即人人懼罪誰復為陛下將親兵者太祖納其言重贊得不誅後聞普嘗救己即詣普謝普拒不見五年出為彰德軍節度開寶二年太祖征太原過其郡謂曰契丹知我是行必率眾來援彼意鎮定無備必由此路入卿為我領兵倍道兼行出其不意破之必矣乃命為北面都部署

重贊令軍士銜杖夜發果遇契丹兵于定州遂乘之大破其眾七年卒贈侍中子崇訓崇業重贊與張光翰趙彥徽分領諸軍節度嘉其翊戴功也光翰後唐山南節度使虔鉞兄子彥徽真定安喜人與太祖同事世宗太祖兄弟事之卒俱贈侍中

崇訓字知禮以蔭補供奉官遷西京作坊副使出為滑州河南北都巡檢使從太宗征河東還以貝冀等州都巡檢使權知麟州李繼遷寇夏州崇訓領兵赴援大敗之徙監夏州軍歷知越泉登莫四州徙知威虜軍改如京使咸平初出知石州屬繼遷犯境崇訓追襲之至賀蘭山而還二年再知麟州又敗繼遷于城下崇訓由河西徙闕越再移北邊凡二十五年以勞擢西上閣門使邠寧環慶清遠軍都巡檢使徙鎮定高陽關行營鈐轄屯鎮州兼河北都轉運使事契丹兵至方順河將侵威虜軍崇訓陳兵唐河扼其要路契丹遣別騎寇赤墩驛崇訓分兵擒戮之敵遂遁去移并代鈐轄權知并州從部署張進領兵由土門會大將王超襲破契丹于定州又遷鎮定高陽馬步軍都鈐轄屯定州景德初契丹復來侵至唐河崇訓陳兵河南翌日又與王超追襲至鎮州既而都部署桑贊逗留不進崇訓帥兵獨往時車駕幸澶州召崇訓乃還大中祥符二年授右龍武軍大將軍按東都事略領部州防禦使以本官分司西京卒年五十六崇訓為人長厚謙畏未嘗忤物子允恭禮賓副使有謀略人以爲能世其家云崇業字繼源以蔭補供奉官遷尙秦王廷美女雲陽公主授左監門衛將軍駙馬都尉廷美得罪去駙馬之號廷美卒起爲靜難軍行軍司馬雍熙三年公主卒咸平

四年改左屯衛大將軍領高州團練使追封公主為號國長公主五年卒年四十一子允升為內殿承制開門祇候

張令鏐棣州厭次人少以勇力隸軍伍後唐清泰中補密衛小校晉初改隸奉國軍漢乾祐中從周祖平河中遷奉國軍指揮使廣順初累遷本軍左廂都指揮使領虔州團練使從世宗征淮南移領虎捷左廂加常州防禦使再征壽春與龍捷右廂柴貴分爲京城左右廂巡檢世宗將北征命與韓通高懷德領兵先赴滄州又副韓令坤爲霸州部署率兵戍守恭帝立授侍衛親軍步軍都指揮使領武信軍節度使太祖即位征李筠以令鐸爲東京舊城內都巡檢建隆二年出爲鎮寧軍節度帝爲皇弟興元尹光美娶其第三女開寶三年卒於京師年六十贈侍中令鐸性仁恕嘗語人曰我從軍三十年大小四十餘戰多摧堅陷敵未嘗妄殺一人及卒人多惜之子守正至內園使守恩累遷崇儀使領綿州刺史加西上閣門使知秦州

羅彥瓊并州太原人父全德晉沁州刺史彥瓊得補內殿直出帝在澶州欲命使宣慰大名府時河北契丹騎充斥遂募軍中驍勇士十人從行彥瓊備選銜枝夜發往返如期繇是補興順指揮使開運末契丹主至汴遣彥瓊送殿馬十匹至幽薊彥瓊至元氏聞漢祖建號太原以馬歸漢漢祖嘉之及入汴擢爲護聖指揮使周初遷散員都虞候坐樞密使王浚黨出爲鄧州教練使世宗嗣位從向訓收秦鳳有功遷散指揮都虞候顯德末太祖自陳橋入歸公署見宰相范質等未及言彥瓊挺劍而前曰我輩無主今日須得天子質等由是降階聽

命擢爲控鶴左廂都指揮改內外馬軍都軍頭領眉州防禦使從平澤潞還命代趙彥徽爲侍衛步軍都指揮使領武信軍節度建隆二年出爲彰德軍節度乾德二年改安國軍節度與昭義軍節度李繼勳大破契丹四年春又與閻門使田欽祚殺太原軍千餘人于靜陽擒其將鹿英等獲馬三百匹明年移鎮華州開寶三年卒年四十七

王彥昇字光烈性殘忍多力善擊劍號王劍兒本蜀人後唐平蜀徙家洛陽因宦官驃騎大將軍孟漢瓊言於明宗補東班承旨晉天福中轉內殿直開運初契丹圍大名出帝幸澶淵募勇敢士齋詔納城中彥昇與羅彥瓊應之一夕突圍而入遷護聖指揮使周廣順中從向拱破太原兵虎亭南斬其帥王璋于陣世宗征淮南從劉崇進宋偃破金牛水砦又從李重進并吳兵于盛唐又從張永德攻瀛州下東城以功累轉散員都指揮使太祖北征至陳橋爲眾推戴彥昇以所部先入京遇韓通於路逐至第殺之初太祖誓軍入京不得有秋毫犯及聞通死意甚不樂以建國之始不及罪彥昇拜恩州團練使領鐵騎左廂都指揮使後爲京城巡檢中夜詣王溥第溥驚悸而出既坐乃曰此夕巡警甚困聊就公一醉耳彥昇意在求賄溥佯不悟置酒數行而罷翌日溥密奏其事乃出爲唐州刺史乾德初遷申州團練使開寶二年改防州防禦使是冬又移原州西人有犯漢法者彥昇不加刑召僚屬飲宴引所犯以手捍斷其耳大嚼卮酒下之其人流血被體股慄不敢動前後啗者數百人西人畏之不敢犯塞七年以病代還次乾州卒年五十八太祖以其專殺韓通終身不授節鉞

韓令坤磁州武安人父倫少以勇敢隸成德軍兵籍累遷徐州下邳鎮將兼守禦指揮使世宗以令坤實擢陳州行軍司馬及令坤領陳州徙倫許州罷職復居宛邱多以不法干郡政私賂求市利倍斂民財公私患之

代史周家人傳世宗本生父榮守禮嘗殺于人市有司以聞世宗不問是時王溥汪晏王彥超韓令坤等同時將相皆有父在洛陽與守禮朝夕往來項城民武部詣作意所爲洛陽人多異避之號十阿父項城民武部詣闕訴其事命殿中侍御史率汀按之倫詐報汀云被詔赴闕汀奏之追劾具狀法當棄市令坤泣請於世宗遂免死流海島顯德六年爲左驍衛中郎將遷左監門衛將軍太祖即位拜亳州團練使改本州防禦使卒令坤少隸周祖帳下廣順初領和州刺史世宗即位授殿前都虞候俄賞高平之功爲龍捷左廂都虞候領容州團練使征太原爲行營前軍馬軍都校未幾爲侍衛馬軍都指揮使領定武軍節度按東都事略作武定軍世宗命宰相李穀將兵征淮南俾令坤等十二將以從穀退保正陽爲吳人所乘令坤與宣祖李重進合兵進擊大敗吳人世宗親征聞揚州無備遣令坤及宣祖白延遇趙晁等襲之令坤先令延遇以精騎數百遲明馳入城中不之覺令坤繼至民皆按堵南唐東都副留守馮延魯爲僧匿寺中按通鑑及十國春秋馮延魯傳延魯以工部侍郎出爲東都副留守兵敗削髮爲僧爲周兵所獲史誤爲馬延魯今據改獲之送行在遂以令坤知州事由是秦州懼以城降時錢徽受詔攻常潤圍金陵爲南唐所敗南唐乘勝遣將陸孟俊逼秦州周師不能守孟俊遂進軍蜀岡逼揚州令坤棄其城尋聞太祖與張永德領兵趨六合來援復入城守大敗南唐兵擒孟俊向拱爲緣江招討使以令坤副之下壽州歸朝加檢校太尉領鎮安軍節度使世宗復幸淮右次建州遣令坤率兵先入揚州

權知軍府事楊州城爲吳人所毀詔發丁壯別築新城
命令坤爲修城都部署六年命令坤以汴亭民導汴水
人於蔡世宗將北征率兵先赴大名又副王晏爲益津
關一路都部署俄爲霸州都部署恭帝立詔防北邊太
祖卽位移領天平軍加侍衛馬步軍都指揮使同平章
事太祖親征李筠詔令坤率兵屯河陽澤潞平加兼侍
中又從討李重進改爲德軍節度充北面緣邊兵馬都
部署將赴鎮上於別殿置酒餞之因易其爲治按李壽
建隆二年開三月甲子罷慕容延鈞爲山南西道節度
使韓令坤爲成德節度使自是殿前都點檢遂不復除
按丙戌韓令坤慕容延鈞辭宴于廣政乾德六年卒年
殿自是節度使已上出使赴鎮宴如儀乾德六年卒年
四十六太祖素服發哀於講武殿錄其子慶朝爲閑廐
使慶雄爲閑廐副使令坤有才略識治道與太祖同事
周室情好親密鎮常山凡七年北邊以寧聞其卒甚悼
惜之追封南陽郡王按本傳不載追封
慕容延鈞字化龍據東都事略增太原人父章襄州馬步軍都
校領開州刺史延鈞少勇敢漢祖之興也周祖爲其佐
命以延鈞隸帳下周廣順初補西頭供奉官世宗卽位
爲殿前散指揮使都校高平之戰督左先鋒累遷殿前
都虞候領睦州防禦使從征淮南歸朝復爲殿前都虞
候出爲鎮淮軍都部署顯德五年世宗在迎鑾江口聞
吳人舟數百艘泊東沛洲命延鈞與宋延偃水陸並進
大破之淮南平遷殿前副都指揮使領淮南節度恭帝
立徙鎮鎮寧充殿前副都點檢太祖卽位延鈞方握重
兵屯眞定帝遣使諭旨許以便宜從事延鈞與韓令坤
率所部兵按治邊境以鎮靜聞太祖嘉之加殿前都點
檢同中書門下三品避其父名故也李筠之變命與王
全斌由東路會兵進討俄爲行營都部署知潞州行府

事及平加兼侍中詔遷澶州建隆二年去解軍職徙爲
山南東道節度四年命師南征以延鈞爲湖南道行營
前軍都部署時延鈞被病詔令肩輿卽戎事擒賊將汪
端礫于市遂平荆湘加檢校太尉是冬卒年五十一初
延鈞與太祖友善顯德末太祖任殿前都點檢延鈞爲
副常兄事延鈞及卽位每遣使勞問猶以兄呼之聞其
卒慟哭久之贈中書令追封河南郡王錄其子弟授官
者四人子德業德豐德鈞德業至衛州刺史德鈞至尙
食副使延鈞弟延忠忠官磁州刺史延卿至虎捷軍都
指揮使延卿子德琛
德豐字日新幼聰悟延鈞愛之嘗曰興吾門者必此子
八歲補山南東道衙內指揮使延鈞卒授如京使開寶
中從征太原領御若南面巡檢又爲揚州都監征南唐
爲洞子都監城旣下命爲昇州都監澤國富饒使者多
哀聚金帛德豐獨以廉潔聞俄領蔚州刺史太平興國
二年知慶州兼邠寧都巡檢居任以簡靜爲治邊鎮安
之雍熙四年出爲定遠軍鈐轄命領後陣中隊別將萬
騎以禦邊患洎化中知邢州三年改知延州以所部不
治徙知慶州又改靈州兼部署穀價湧貴德豐出私廩
賑饑民全活者眾賊入境率兵擊走之咸平二年遷客
省使知鎮州召對便坐撫慰甚至冬契丹南侵德豐
繕兵固守餽餽不絕三年改滄州在西邊時母留京師
妻孥寓長安貧甚眞宗憫之特詔給團練使奉踰年進
潁州團練使知貝瀛二州五年卒年五十家無餘財
者善之子惟素至殿內承制
德琛以延鈞蔭補供奉官累遷內殿崇班知夔州李順
之亂賊酋張餘餘領眾十萬餘舟千艘來寇與順戰龍山

又與白繼賢擊賊斬獲甚眾悉焚其舟賊開州圍雲
安德琛往援又敗之恩轉崇儀副使荆湖北路鈐轄蠻
擾澧州境上德琛戰於北汶奪耕牛鎧甲斬賊以歸徙
峽路鈐轄未至復知夔州天禧初改右監門衛大將軍
卒
符彥卿字冠侯陳州宛邱人父存審後唐宣武軍節度
兼中書令彥卿年十三能騎射事莊宗於太原以謹愿
稱及長以爲親從指揮使入汴遷散員指揮使郭從謙
之亂莊宗左右皆引去惟彥卿力戰射殺十數人俄矢
集乘輿遂慟哭而去天成三年討王都于定州大破契
丹于嘉山明年克其城授耀州團練使改慶州刺史晉
天福初授同州節度改左羽林統軍俄兼領右羽林改
鎮鄜延出帝卽位召還出鎮河陽三城契丹南侵詔彥
卿率所部拒戰澶淵契丹騎兵數萬圍高行周于鐵邱
諸將莫敢當其鋒彥卿獨引數百騎擊之契丹遁去行
周得免移鎮許州封祁國公開運二年與杜重威李守
貞經略北鄙契丹軍圍之于陽城軍中乏水人馬多渴
死時晉師居下風將戰晉師莫莫施彥卿謂張彥澤皇甫
遇曰與其束手就擒曷若死戰然未必死彥澤等然之
遂潛兵尾其後順風擊之契丹大敗改武寧軍節度同
平章事爲左右所開會再出師河朔彥卿不預易其行
伍配以羸師數千戍荊州口及杜重威以大軍降於溲
水急詔彥卿與高行周領禁兵屯澶淵會彥澤引契丹
兵入汴彥卿與行周遂歸契丹時徐未寇盜起契丹
主遣彥卿歸鎮漢祖入汴彥卿自徐州來朝改鎮兗州
加兼侍中乾祐中加兼中書令封魏國公拜守太保移
鎮青州周祖卽位封淮陽王移鎮鄆州魏府王殷得罪

即以彥卿為大名尹天雄軍節度進封魏王世宗初并人擾潞州潞兵敗命彥卿領兵從磁州固鎮路壓其背及帝親征命為行營一行都部署兼知太原行府事領步騎二萬進討初彥卿之行也世宗以并人雖敗朝廷饋運不繼未議攻擊且令觀兵城下徐圖進取及周師入境汾晉吏民望風款接皆以久罹虐政願輸軍須以資兵力世宗從之而連下數州彥卿等皆以芻糧未備欲旋軍世宗不之省乃調山東近郡輓軍食濟之及世宗至城下令與郭從義向訓白重贊史彥超率萬騎屯忻口以拒北援又下孟縣契丹駐忻北遊騎及近郊史彥超以二千騎當其鋒左右馳擊彥超死之敗契丹眾二千餘契丹適走先鋒為其所掩重傷數百人諸將論議矛盾師故不振世宗乃班師彥卿遣歸本鎮還京拜彥卿太傅改封魏王恭帝立加封太尉太祖即位加封太師建隆四年春來朝賜襲衣玉帶宴射于金鳳園太祖七發皆中的彥卿貢名馬稱賀開寶二年移鳳翔節度破病肩輿赴鎮至西京上言疾亟請就醫洛陽從之假滿百日猶請其奉為御史所劾下留司御史臺太祖以姻舊特免推鞫止罷其節制八年卒年七十八喪事官給彥卿將家子勇略有謀善用兵存審之第四子軍中謂之符第四前後賞賜鉅萬悉分給帳下故士卒樂為效死契丹自陽城之敗尤畏彥卿或馬病不飲齧必唾而咒曰此中豈有符王邪晉少主既陷契丹德光之母問左右曰彥卿安在或對曰聞已遣歸徐州矣德光母曰留此人中原何失策之甚其威名如此鎮大名餘十年政委牙校劉思遇思遇貪黠估勢斂貨財公府之利多入其家彥卿不之覺時藩鎮率遣親吏受民租槩

量增溢公取其餘羨而魏郡尤甚太祖聞之遣常參官主其事由是斛量始平詔以羨餘粟賜彥卿以愧其心性不飲酒頗謙恭下士對賓客終日談笑不及世務不伐戰功居洛陽七八年每春月乘小駟從家僮一二遊僧寺名園優游自適周世宗二后按五代史周家人傳世宗二后皆彥卿女宋史本傳止載宣懿今改補世宗初遷西宮號周太后道化四年卒者后妹也世宗二后皆彥卿女宋史本傳止載宣懿今改補懿德皇后皆彥卿女也自恭帝及太祖兩朝賜詔書不名子昭信昭愿昭壽昭信周顯德初卒贈檢校太保閩州防禦使昭愿積官為天雄軍邢州二鈐轄拜本州防禦使卒昭壽累遷鳳州團練使益州鈐轄為神衛卒趙延順等所殺昭壽子承諒娶齊王女嘉興縣主按宋史昭壽事見後雷有終傳今並從刪

欽定續通志卷二百九十七

列傳

宋二

王景

王晏

郭從義

武行德

楊承信

折德辰御勳 御克行

王承美

李繼周

孫全照

侯延廣

扈彥珂

王景萊州拔人家世力田少佃儻善騎射結里中惡少為盜梁大將王檀鎮滑臺以景隸麾下後唐莊宗入汴景來降累遷奉聖按東都事略作奉國都虞候清泰末從張敬達圍晉陽會契丹來援景以所部歸晉祖天福初授相州刺史范延光據鄴叛屬郡多為所脅從景獨分兵拒守晉祖幸鄴留為京城巡檢使開運二年契丹南侵出帝幸瀟淵景與高行周等大破契丹眾於威城累拜橫海軍節度契丹至汴以其黨代景歸次常山開契丹主殂即開道歸鎮漢乾祐初加同平章事會契丹饑幽州民多度關求食至滄州境者五千餘人景善懷撫詔給田處之周祖微時與景善及即位加兼侍中景起身行伍素無智略然臨政不尙刻削民有訟必面詰之不至大過即論釋去不為胥吏所搖部民便之廣順初入朝民遮道留之不獲有截景馬銜者俄以景為護國軍節度遷鎮鳳翔顯德初封褒國公加開府階世宗加兼中書令先是秦鳳陷蜀州秀蕃漢戶詣關請收復景與向拱率兵出大散關進討遂命景為西面行營都部署按通鑑作西面行大破蜀軍於邽斬首數萬級按通鑑王景督都招討使卒三百與宋秦州降徙景鎮秦州兼西面緣邊都部署恭帝立進封涼國公太祖即位加守太保封太原郡王

建隆二年來朝復以為鳳翔節度西面緣邊都部署四年卒年七十五贈太傅追封岐王諡元靖景性謙退每朝廷使至雖卑位必降階送迎周旋盡禮或曰王位尊崇無自謙抑景曰人臣重君命固當如是惟恐不謙耳初封郡王朝廷以吏部尚書張昭將命景尤加禮重以萬餘緡遺昭左右言其過厚景曰我在行伍開即聞張尚書名今使於我是朝廷厚我也子廷義廷睿廷訓廷義起家供奉官周世宗擢為虎捷都虞候遷龍捷右第二軍都校領珍州刺史太祖即位改內外馬步軍副都軍頭開寶二年加領橫州團練使從征太原廷義性勇敢親鼓士乘城獨免胄矢中其腦而顛經宿卒年四十七太祖甚惜之優詔贈建雄軍節度廷訓至驍衛大將軍致仕

州刺史周祖以晏家彭城授武寧軍節度俾榮其鄉里三年封滕國公加開府階世宗加兼中書令初晏至鎮悉召故時同為盜者遺以金帛從容置酒語之曰吾鄉素多盜吾與諸君昔嘗為之後來者固當出諸君下為我告諭令不復為若不能改吾必盡滅其族由是境內安靜吏民詣闕舉留請為晏立衣錦碑世宗初復請立德政碑世宗命比部郎中知制誥張正撰文賜之詔改其鄉里為使相鄉勳德里私門立戟未幾改河南尹西京留守顯德三年移鳳翔節度六年從世宗北征為益津關一路馬軍都部署韓令坤劾焉遂平三關太祖即位封趙國公從征李筠師還改交遠軍節度乾德元年進封韓國公上章請老拜太子太師致仕每朝會令綴中書門下班俄歸洛陽別墅四年冬卒年七十七贈中書令

王晏徐州滕人家世力田晏少壯勇無賴嘗率羣寇行攻劫梁末徐方大亂屬邑皆為他盜所剽惟晏鄉里恃晏獲全後唐同光中應募隸禁軍累遷奉國小校晉開運末與本軍都校趙暉忠衛都校侯章等戍陝州會契丹至汴遣其將劉愿據陝恣行暴虐晏與暉等謀曰今契丹南侵天下洶洶太原劉公威德遠被若殺愿送款河東取富貴如反掌耳暉等然之晏乃率敢死士夜踰城入府署斬愿首懸府門外遣其子漢倫奉表晉陽時漢祖雖建號威聲未振得晏等來歸甚喜即日以暉為保平軍節度章為鎮國軍節度晏為絳州防禦使既而暉等表晏始謀功為第一遷建雄軍節度漢祖入汴加同平章事周祖即位加兼侍中廣順元年劉崇侵晉州晏閉關不出設伏城上并人以為怯競攀堞而登晏麾伏兵擊之顛死者甚眾遺漢倫追北數十里擢漢倫濱

郭從義字德基據東都事略補其先沙陀部人父紹古事後唐武皇忠謹特見信任賜姓李氏紹古卒從義纔卅角莊宗畜於宮中與諸子齒明宗與紹古同事武皇情好款狎即位以從義補內職累遷內園使晉天福初始復姓郭氏坐事出為宿州團練副使丁內艱北歸遂家太原漢祖在鎮表為馬步軍都虞候屢率師破契丹於代北及建大號從義首贊其謀擢鄭州防禦使充東南道行營都虞候領首軍自太原路渡河漢祖入汴以為河北都巡檢使趙思綰之叛為行營都部署師至永興圍其城即以從義為承輿軍節度思綰糧盡城中人相食從義繫書矢上射城中說思綰令降仍表於朝廷許以華州節制隱帝遣使諭思綰思綰開門納款從義具軍容入城慰候館中思綰入謁即令武士執之并其黨悉斬

伏兵擊之顛死者甚眾遺漢倫追北數十里擢漢倫濱

於市加同平章事周廣順初加兼侍中移鎮許州世宗將征劉崇從義適來朝因請扈從改天平軍節度令從符彥卿破契丹於忻口以功加兼中書令從征淮南移鎮徐州宋初加守中書令太祖征揚州從義迎謁於路願扈從不允乾德二年又為河中尹護國軍節度

按東都事元年事 六年以疾歸京師開寶二年改左金吾衛上將軍逾年上章請老拜太子太師致仕四年卒年六十三贈中書令從義善擊毬嘗侍太祖於便殿命擊之從

義易衣跨驢馳驟殿庭周旋擊拂曲盡其妙既罷上賜坐謂之曰卿技固精矣然非將相所為從義大慚子守忠守信守信頗知書與士大夫游子世隆世隆子昭祐承祐昭祐為閤門祇候按宋史此下有從義曾孫承祐祐傳後有李洪信洪義二傳已改入武臣

武行德并州榆次人身長九尺餘材貌奇偉家甚貧常採樵鬻之自給晉祖鎮并門暇日從禽郊外值行德負薪見其魁岸又所負薪異常令力士更舉之俱不能舉奇之因留帳下晉天福初授奉國都頭遷指揮使累遷

監國軍都虞候開運中契丹至汴行德被獲乃偽請於契丹以自效契丹信之方具舟數十艘載鎧甲令行德

率將校軍卒送歸其國泝汴至河陰行德謂諸將曰我輩與其離鄉井投邊塞為異域之鬼若與君驅逐凶

黨共守河陽姑俟契丹兵退視天命所屬歸之眾素服行德威名皆曰所向惟命行德即殺契丹監使分授器

甲由泚水倍道抵河陽契丹節度使崔廷勳按隆平集東都事略延勳出兵來拒行德麾眾逆擊廷勳大敗棄城走行德

遂據河陽盡以府庫分給將士因推行德知州事時契丹兵尚充斥行德士卒繕甲兵據上游士氣益奮人望

歸之聞漢祖起太原即自稱河陽都部署遣其弟行友開道奉表勸進漢祖即授行德河陽三城節度漢祖出

晉絳至洛行德以所部兵翼至京師還河陽乾祐中加同平章事移真定尹成德軍節度廣順初加兼侍中俄改忠武軍節度遷河南尹西京留守時禁鹽入城犯者法至死者給厚賞洛陽民家嫗將入城鬻蔬俄有僧

從嫗買蔬就館翻視密實鹽筭中少咎其直不買而去嫗持入城抱關者搜得鹽擔以詣府行德見鹽筭非村嫗所有疑而詰之嫗言適有僧自城外買蔬取視久之而去即捕僧訊治之具狀與關吏同誣嫗以希賞行

德釋嫗斬僧與抱關吏數輩人畏之若神明部下凜然顯德初加開府階封譙國公世宗即位兼中書令封邢國公先是唐末楊氏據淮南自甬橋東南決汴匯為汴

澤二年將議南征遣行德率所部丁壯于古隄疏道之東達於泗上及親征以行德為濠州行營都部署破淮軍二千餘人於郡境俄遣率師屯定遠以逼其城為吳

人所敗左授右衛上將軍五年下淮南復授行德保大軍節度兼中書令恭帝立進封宋國公宋太祖即位加

中書令進封韓國公再授忠武軍節度改封魏國公乾德二年冬移鎮安州加開府儀同三司開寶二年入為太子太傅太平興國三年以本官致仕四年卒年七十二贈太師

楊承信字守真其先沙陀部人光遠第三子幼以父任自義武軍節度使領蘭州刺史歷宣武平盧二軍牙校

開運初光遠以青州叛出帝遣李守貞等討之光遠死承信詣闕請死詔釋之及契丹滅晉以承信為平盧軍節度繼父職仕漢感安鄭二州節度累加檢校太師周

廣順初加同平章事以郊祀恩加開府階封杞國公世宗即位進韓國公顯德初征淮南為濠州攻城副都部署改壽州北砦都部署兼知行府事壽州平累戰功擢

忠正軍節度同平章事恭帝立進封魯國公太祖即位加兼侍中來朝會征李筠命為澤州西面都部署筠平

移鎮河中乾德元年進封趙國公二年卒年四十四贈中書令承信身長八尺美儀表善持論且多藝能雖叛臣之子然累歷藩鎮刻勵為政而不苛故能始終富貴

其卒也蒲民表乞祠之則其遺愛之在人者可知矣景德四年錄其孫松為奉職按宋史此下有候章傳無事蹟足錄今從刪折德哀世居雲中為大族父從阮自晉漢以來獨據府州控扼西北中國賴之仕周至靜難軍節度使其鎮府

州時署德辰為馬步軍都校顯德初按通鑑漢乾祐三州時署德辰為馬步軍都校顯德初年罷永安軍至周顯德元年五月復置永安軍於府州以周世宗建府州德辰為節度宋史作廣順開設今改正

為永安軍以德辰為節度使時從阮鎮邠寧父子俱領節鎮時人榮之顯德中德辰率師攻下河市鎮斬并軍

五百餘級入朝以其弟德愿權總州事時世宗南征還次通許橋德辰迎謁且請遷內地世宗以其素得善情

不許厚加賜資而遣之德辰未至德愿又破并軍五百餘於沙谷砦斬其將郝章張劍太祖即位德辰又破河

東砂谷砦斬首五百級建隆二年來朝待遇有加遣歸鎮乾德元年敗太原軍於城下擒其將楊璘二年卒年四十八贈侍中子御勳御卿

御勳字世隆德辰鎮府州日表為右職德辰卒以御勳領汾州團練使權知府州事開寶二年太祖征太原御勳詣行在謁見以為永安軍留後四年以郊祀來朝禮

畢歸鎮九年郊祀西洛復來朝道病後期改奉寧軍節

度使留京師太平興國二年卒年四十贈侍中
御卿幼補節院使御勳知州事署爲兵馬都尉御勳徙
鎮召爲開府副使知州太宗征河東命與尹憲領屯
兵同攻嵐州又破岢嵐軍擒其軍使折合圖以獻遂下
嵐州又殺其憲州刺史霍翊又擒其將馬延忠等七人
遷崇儀使府州據此則御卿知州乃在遷崇儀使後
也與史 淳化三年凡四遷而爲府州觀察使五年拜永
安軍節度使既而契丹眾萬餘來侵御卿大敗之於子
河汭自是契丹畏不敢深入太宗因遣使問御卿曰西
北要害皆屯動兵戎人何自而至御卿對曰敵緣山峽
小徑入謀剽略臣謀知之遣人邀其歸路因縱兵大擊
敗走之人馬墜崖谷死者相枕其大將韓德威僅以身
免皆聖靈所及非臣之功也帝嘉之歲餘御卿被病契
丹謀知之且爲李繼遷所誘率眾來侵以報子河汭之
役御卿力疾出戰契丹聞其至不敢進會疾甚其母密
遣人召歸御卿曰世受國恩邊寇未滅御卿罪也今靡
敵棄士卒自便不可死於軍中乃其分也爲白太夫人
無念我忠孝豈兩全言訖泣下嗣日卒年三十八帝聞
悼惜久之贈侍中以其子惟正爲落苑使知州事惟正
歸朝以其弟惟昌繼之咸平二年河西黃女族長蒙異
保及惟昌所部啜訛引趙保吉之眾入寇麟州萬戶谷
進至松花砦惟昌與從叔同巡檢使海超弟供奉官惟
信率兵赴戰會保吉兵眾官軍不敵惟昌臂中流矢墜
馬攝弓起得禱將馬突圍出海超惟信沒焉九月保吉
黨萬私保移埋復來寇惟昌與宋思恭劉文質合戰於
埋井峯敗走之又破言泥族拔黃砦斬甚眾以功領
富州刺史改文思使景德元年與王萬海等破賊砦獲

劄糧抵麟州秋入朔州界破狼水砦時契丹方圍奇嵐
軍聞敗遁去明年拜興州刺史大中祥符二年表求赴
闕貢宗命近臣與射於苑中宴賜甚厚上言先臣御卿
蒙賜旗三十竿以壯軍容請別給賜許之七年命河東
民運糧赴麟州當出兵爲援惟昌力疾領步騎屯靈遠
砦日風沙而行時疾已亟猶與賓佐宴飲談笑自若焉
明日卒年三十七以其弟惟忠繼之惟忠字蓋臣初以
兄惟信戰沒補西頭供奉官擢閤門祇候及惟昌卒以
惟忠爲六宅使知府州兼麟州路都巡檢使領普州刺
史累進簡州團練使雲麾將軍卒惟忠知兵事天聖中
契丹與夏國會兵境上聲言嫁娶惟忠規得其實率麾
下往備之戒士卒毋輕動一夕風靈有騎走營中皆以
爲寇至惟忠堅卧不動徐命擒之得數誕馬蓋敵所縱
也既卒錄其弟姪子孫七人以其子繼宣嗣州事久之
特贈惟忠耀州觀察使寶元中繼宣坐苛虐培刻種落
嗟怨緇爲左監門衛將軍楚州都監擢其弟右侍禁繼
閔爲西京作坊使嗣州事繼閔字廣孝慶曆中元昊兵
攻麟州不克進圍州城城險且堅東南有水門厓壁峭
絕阻河賊緣厓腹微徑魚貫而前城中矢石亂下賊轉
攻城北士卒復力戰賊死傷甚眾遂引去圍豐州豐州
遂陷繼閔以城守勞特遷宮苑使普州刺史未幾護送
麟州戍卒冬服賊伏兵邀擊之盡掠所齎繼閔脫身由
間道歸會赦止奪宮苑使後復官領果州團練使自元
昊反繼閔招輯歸業者三千餘戶皇祐二年卒以其弟
繼祖嗣州事繼祖字應之由右侍禁累遷成州團練使
臨政二十餘年奏乞書籍仁宗賜以九經韓絳發河東
兵城婁繼祖爲先鋒深入敵帳降部落戶八百加解州

防禦使卒繼祖有子富襲州事請以授兄之子克柔謂
從之而進其子官錄二孫爲借職弟繼世少從軍爲
延州東路巡檢威明山之內附繼世先知之遣其子克
勳報神諤謂用是取綏州繼世以騎步萬軍於懷靈砦
入晉祠谷往銀州分明山之眾萬五千人居於大理河
夏人來攻再戰皆捷諤抵罪逮繫獄以兵付之而行遂
同明山守綏州錄功領忠州刺史說韓絳城夏以撫積
山因畫取河南之策絳以爲然以左驥驥使果州團練
使卒諤司使無贖禮詔以繼世蕃官捍邊有績特給之
從子克行
克行字遵道繼閔子也初仕軍府無所知名夏人寇環
慶神諤拒之詔河東出師爲援克行以兵三千護餉道
戰於葭蘆川先登斬級四百降戶千馬畜萬計諸老將
嬰然曰眞折太尉子也擢知府州克行每出必勝夏人
畏之益左廂兵專以當折氏太原孫覽讓葭蘆諸將
論多不合召克行問策卽條具所見頓兵吐渾河約勒
部伍爲深入窮討狀敵疑不敢動遂城葭蘆既訖役會
詔河東進築八砦通道鄜延師遣秦希甫來議築先
後克行請兩路併力乘士氣之銳先築遠以出其不意
希甫持不可井上二議卒用克行策城成諤言寇至軍
中皆戒嚴克行止之曰彼自擾耳已而果然克行在邊
三十年善拊士卒戰功最多羌人呼爲折家父官至秦
州觀察使卒贈武安軍節度使子可大爲榮州團練使
知府州從子可適未冠有勇馳射不習而能鄜延郭達
見之嘆曰眞將種也薦試廷中補殿侍隸延州從神諤
出塞遇敵馬以少年易之可適索與鬪斬其首取馬而
還益知名米脂之役與夏人戰三角嶺得級多又敗之

於蒲桃谷夏人十萬入寇可適先得其守烽卒姓名誌為首領行視呼出盡斬之烽不傳因卷甲疾趨大破之於尾丁磴回次檉楊溝正午駐營分騎據西山曰彼若躡吾後腹背受敵必敗果舉軍來可適所部纔八千轉戰至高嶺乃從間道趣洪德設伏邀其歸路敵至伏發衝之其國母踰山而遁眾相蹈藉赴崖澗死者如積論前後功至皇城使成州團練使知岷蘭州鎮戎軍渭帥章案合熙秦慶三道兵築好水川命總管王文振統之而可適將軍為副熙州兵千人失道盡死文振歸罪於可適案即下之吏宰相章惇欲按軍法哲宗不許猶削

十三官而罷案請留以責效乃以權第十二將威明阿密密勒都克頗皆夏人桀黠用事者詔可適密圖之會二酋以畜牧為召會兵境上可適謀知之遣兵夜往襲并俘其族屬三千人遂取天都山以其地為西安州命可適知州事鍾傳議取靈武可適入覲帝以傳策訪焉對曰得之易守之難當先侵弱其地待吾藩籬既固然後可圖帝曰卿言是也進武安軍節度觀察留後步軍都虞候大城蕭關與傳議齟齬會覆師數百於踏口傳

使請於平夏通峽鎮戍西安四砦分築塲圍置芻粟五百萬可適以費大難之又欲借車牛以運及致十萬斛於熙河皆戾其意乃中以疑謗召為佑神觀使明年復以為渭州命其子彥質直秘閣參軍事數月而卒年六十一彥質紹興中簽書樞密院別有傳按宋史此下有馬繼業傳繼業有殺兄之惡并無事蹟足錄今從刪王承美豐州人本河西藏策族都首領其父事契丹為左千牛衛將軍開寶二年率眾來歸承美授豐州牙內

指揮使父卒改天德軍蕃漢都指揮使知州事移豐州刺史遣軍校詣闕言願誘退渾突厥內附帝嘉其意太平興國七年與契丹戰斬獲以萬計擒其天德軍節度使韋大以獻明年契丹來侵又擊敗其眾萬餘追北至青冢百餘里斬獲益眾以功授本州團練使消化二年冬來朝令歸所部控子河汭自是諸蕃歲修貢禮頗效忠順景德初遷本州防禦使尋請於州城置孔子廟詔可之大中祥符五年卒贈恩州觀察使六年錄其子文寶孫懷筠以官

李繼周延州金明人祖計都父孝順皆為金明鎮使繼周嗣掌本族太平興國三年東山蕃落集眾寇清化若藏瑪雅爾等族于渾州西山消化五年討李繼遷命開治塞門鴉兒兩路又招降族帳首二十餘人率所部入夏州敗蕃將數千於石堡砦以功轉供奉官繼周以阿都關塞門盧關等砦最居邊要遂規修築砦城有摩羅木嘉密默伊藏等族居近盧關未嘗內順繼周夜率所部住襲焚之斬獲甚眾大軍討西夏命為延州路踏白

先鋒會繼遷邀戰於路繼周戰卻之咸平三年復為先鋒入賊境焚積粟殺獲人畜器甲凡六十餘萬授供備庫使領金明縣兵馬都監新砦解家河盧關路都巡檢蕃騎入鈔繼周逐之出境景德元年夏人圍麟州繼周受詔率兵會李繼福掩擊之加領誠州刺史大中祥符二年卒年六十七詔邊臣擇其子可襲職者以名聞邊臣言其子殿直士彬遜懷從子士用樸忠練邊事且為部落所伏乃詔士彬管勾部族事士用為巡檢都監以左右之士彬後至供備庫副使金明縣都監新砦解家

河盧關路巡檢康定元年元昊攻保安軍而潛兵襲金明士彬父子俱被禽士彬兄士紹至內殿崇班士用至供奉官閤門祇候李繼福者亦與繼周同時歸順授示平砦交村軍主以戰功歷歸德將軍領順州刺史至內殿崇班新歸明諸族都巡檢按宋史此下有孫行友傳行友以左道賊眾已見五代史其兄方諫傳中入宋後無事蹟足錄今從刪孫全照字繼明行友子以蔭補殿直從田重進擊賊有功就加西京作坊使兼知威虜軍連為廣韶鄜延二路

都巡檢使消化五年率兵與李繼隆克綏州因與張崇貴等同戍守之俄護屯兵於夏州兼知州事景德元年上幸澶淵命為駕前西面邢沼馬步軍鈐轄兼天雄軍駐泊兼管勾東南貝冀等州鈐轄全照言若敵騎南逼魏城但得騎兵千百必能設奇取勝帝賞其忠果乃傳詔都部署周瑒若全照欲擊賊即分兵給之既而邊騎果逼府城全照拒退之真宗遣使勞慰時契丹請和朝廷遣曹利用就其行帳議事全照疑非誠懇勸判府王欽若留不遣故德清軍不能守吏民多為賊所害及契丹出境北面將帥還師併至府城全照令以次雙行入

門魏能不從其約率兵馬全人全照坐城樓引弓射之欽若入朝就命全照知軍府事以城守勞加檢校工部尚書徙鎮州全照形短精悍知兵以嚴毅整眾然性剛使氣專任刑罰中書初進擬嚴州刺史帝曰全照深刻常慮人以嚴察議已今授此州似涉譏諷乃改焉三年為邠寧環慶都部署趙德明納欽朝議滅西鄙戍兵令屯近地全照以邊防不可無備未即奉詔帝曰全照是好勇多言者德明使已至關復何慮焉因徙全照知示與軍府仍拜四方館使西師移屯者至府命全照兼駐

泊鈐轄全照許州有別墅求典是州可之大中祥符四年車駕西幸留爲新城都巡檢未幾卒年六十按宋史仁矩仁寶附傳今並刪

仁矩仁寶附傳今並刪

侯延廣太子太師益之孫初在襁褓中遭王景崇之難

乳母劉氏以己子代延廣死劉氏行丐抱持延廣至京

師還益延廣父仁矩歷通祁雄三州刺史悉以補牙職

仁矩在雄州日方欲宴虜數十騎白晝入州城居民驚

擾延廣引數騎馳出牙門射殺其酋長一人斬首數級

悉禽其餘黨延廣持首級以獻仁矩喜拊其背曰與吾

門者必汝也監軍李漢超以其事聞詔書褒美賜錦袍

銀帶仁矩卒補西頭供奉官從党進討太原太平興國

初出護延州軍兼緣邊巡檢善撫士卒下樂爲用戎人

畏服會西北戎寇邊求可使徵巡者近臣言延廣將家

子習邊事無出其右延廣時被疾強起之遷崇儀副使

充同鄜坊延丹緣邊都巡檢使戎人聞延廣之至不敢

復爲寇亂叛卒劉渥嘯聚亡命數百人寇耀州富平縣

謀入京兆其勢甚盛關右騷然延廣率兵自開道追之

會渥於富平西十五里渥眾已千餘人延廣挺身與渥

關大樹下斷渥右臂渥脫走乘勢火破其眾渥創甚止

谷中後數日爲追兵所獲渥素號驍勇無敵至是爲延

廣所殺羣盜喪氣餘黨稍稍自歸關右以定擢拜崇儀

使消化二年李繼遷始擾夏臺卽命延廣領獎州刺史

知靈州趙保忠陰結繼遷朝廷命騎將李繼隆率兵問

罪以延廣護其軍旣而夏臺平保忠就縛手詔褒美師

還留爲延州鈐轄會節帥田重進老耄以延廣同知州

得虜情恐後備強難制遠詔還以幕容德豐代之部內

甚不治至道間繼遷寇靈州朝廷謀帥同知樞密院事

錢若水稱延廣可使就拜靈州團練使知靈州兼兵馬

都部署戎人塞道郵傳餉餼皆不通延廣獨引數十騎

之鎮戎人素服其威名皆相率引避二年春被病上遣

御醫馳驛視之醫至疾已亟延廣謂中使李知信曰延

廣自度必不起家世受國恩今日得死所矣但恨未立

尺寸功以報上耳言訖而卒年五十帝以其子爲六品

正員官子紹隆東染院使紹隆子宗亮右侍禁閤門祇

候按宋史此下有張從恩傳從恩在漢時以右衛上

將軍奉朝請入未後未柄用無事蹟足錄今從刪

扈彥珂代州雁門人幼事王建立晉天福中建立節制

潞州卒遺表薦彥珂得補河東節度左都押衙會漢祖

建號擢爲宣徽南院使未幾授鎮國軍節度使乾祐初

河中李守貞承興趙思綰鳳翔王景崇並據城叛周祖

爲樞密使總兵出征道出華州時議多以先討景崇思

綰爲便周祖意未決彥珂曰三叛連衡推守貞爲主宜

先擊河中河中平則承興鳳翔失勢矣今捨近圖遠若

景崇思綰逆戰於前守貞兵其後腹背受敵爲之奈何

周祖從其言及平河中以功遷護國軍節度廣順初就

加同平章事移鎮滑州歲餘代歸世宗嗣位授左衛上

將軍顯德三年以太子太師致仕歸西京太祖卽位遣

使就賜器幣數月卒年七十五按宋史此下有薛懷讓

以左衛上將軍致仕入宋後未柄用無事蹟足

錄今從刪贊係延壽子改附武臣傳延壽傳後

欽定續通志卷二百九十八

續通志

卷二百九十八

列傳

宋

志四九六一

列傳

宋三

李繼勳

藥元福

趙晁

郭崇

楊廷璋

宋渥

向拱

王彥超

王全斌

康延澤

王繼濤

高彥暉

李繼勳大名元城人周祖領鎮選隸帳下廣順初補禁

軍列校累遷至侍衛步軍都指揮使領昭武軍節度歲

餘改領曹州世宗親征淮南令繼勳領兵屯壽州城南

進洞屋雲梯攻其城繼勳怠於守禦為其所敗召歸闕

出為河陽三城節度議者以為失責帥之義及再幸壽

春還左授繼勳右武衛大將軍顯德四年復從世宗南

征以功遷左領軍衛上將軍改右羽林統軍六年世宗

幸滄州以繼勳為戰權左廂都部署俄權知邢州恭帝

立授安國軍節度加檢校太傅太祖即位加檢校太尉

平澤潞繼勳朝於行在即以昭義軍節度是秋率師

入河東燔平遙縣俘獲甚眾建隆二年又敗并軍獲其

遼州刺史傅廷彥及弟廷勳來獻乾德二年詔與康延

沼尹訓率步騎萬餘攻遼州太原將郝貴超領兵來援

戰於城下繼勳大敗之州將杜延韜等籍部下兵三千

送款於繼勳遣慕容延忠入奏詔褒之未幾并人誘契

丹步騎六萬人來取遼州復遣繼勳羅彥瓌郭進曹彬

等領六萬眾赴之大破契丹及太原軍於城下按十國契丹西南面招討使託里以六萬騎來接北漢敗宋兵於石州無繼勳等敗契丹及太原兵事而續通鑑所載以此並同當五年加同平章事開寶初將征河東以繼勳為行營前軍都部署敗并人於同渴河按宋史太祖

勳為行營前軍都部署敗并人於同渴河按宋史太祖

本紀作劉溫河北漢世家作洞渴河長編作洞渴河史文互異考方輿紀要洞渴河在榆次縣東十五里魏收志云洞渴水一出木瓜嶺一出沽嶺一出大嶺山一出九里原過晉祠下四水合流故曰洞渴後俗名洞渴今改二年太祖親征河東命繼勳為行營前軍都部署三年移鎮大名太平興國初加兼侍中俄以疾求歸洛陽許之拜太子太師致仕朝會許綴中書門下班尋卒年六十二贈中書令繼勳與太祖有舊故特承寵遇弟繼偃亦有武勇子守恩至如京使守元至北作坊使守徽為崇儀副使

藥元福并州晉陽人善騎射初事邢部帥王檀為廳頭軍使以勇敢聞事後唐歷天平軍內外馬軍都指揮使晉天福中為深州刺史開運初契丹陷甘陵圍魏郡師次於河出帝駐軍澶淵契丹陣於城北東西連亘掩城兩隅登陣望之不見其際元福以左千牛衛將軍領兵居陣東偏契丹盡銳來戰元福與慕容容各領二百騎為一隊出關元福奮鐵撾擊契丹斃者數人左右馳突無不披靡契丹兵潰出帝登城見元福三馬皆中流矢擢名馬賜之面授鄭州刺史為權臣所沮止刺原州俄改秦州明年契丹復內侵命與李守貞符彥卿皇甫遇張彥澤等禦之於陽城晉師方列陣設拒馬為行若契丹以奇兵出陣後斷糧道乏水鑿井輒壞契丹順風揚塵諸將皆曰彼勢甚銳候風反與戰元福曰軍中饑渴已甚若俟風反出戰吾屬為虜矣彼謂我不能逆風以戰宜出不意以擊之此兵家之奇也乃率麾下騎開拒馬出戰契丹大敗追北二十餘里殺獲甚眾元福為威州刺史會靈武節度王令溫以漢法治蕃部西人苦之共謀為亂三族酋長拓跋超石存也斬殺率眾攻靈州令溫遣人開道入奏乃以河陽節度馬暉鎮朔方召關

右兵進討以元福將行營驍兵元福與暉出威州土橋西遇彥超兵七千餘邀暉行李元福轉戰五十里殺千級禽三十餘人又遣部校援出令溫護送落下方距威州七百里無水草號早海師須齋糧以行至耀德食盡比明行四十里彥超等眾數萬布為三陣扼要路據水泉以待暉軍軍中大懼暉遣人賂以金帛求和解彥超許之使者往復數四至日中列陣如故元福曰彼知我軍饑渴邀我於險既許和解而日中未決此豈可信哉欲困我耳遷延至暮則吾黨成禽矣暉驚曰奈何元福曰彼雖眾而精兵絕少依西山為陣者是也餘不足患請以麾下騎先擊西山兵敵少卻舉黃旗為號合勢進擊敗之必矣敵眾果潰舉黃旗以招暉暉軍繼進彥超大敗漢乾祐中從趙暉討王景崇於鳳翔時兵寡弱不滿萬人獨兵數萬來援都監李彥從以數千人擊蜀軍眾寡不敵漢軍少卻元福領數百騎自後驅之下令還顧者斬眾皆殊死戰大敗蜀兵追至大散關按大散關關祇云李彥從襲擊破之不及元福鳳翔平以功遷滑州刺史周廣順初劉崇引契丹擾晉州命樞密使王峻率兵拒之以元福為西北面都排陣使軍過蒙坑崇夜燒營遁峻令元福與仇超陳思讓追至霍邑既行又遣止之元福謂思讓等曰劉崇召契丹擾邊志在疲弊中國今兵未交而遁宜追奔深入以挫其勢請將畏懦遂止周祖知其事明年因調兵戍晉州謂左右曰去年劉崇之遁若從藥元福之言則無邊患矣俄與曹英向訓討慕容彥超於兗州元福為行營馬步軍都虞候詔元福自晉州率所部入朝即遣東行救曹英向訓不令以軍禮見當時有為宿將築連城以圍兗彥超晝夜

志四九六三

出兵元福屢擊敗之遂閉塞不敢出十餘日元福營柵皆就又穴地及築土山百道攻其城會周祖親征元福以所部先入羊馬城諸軍鼓譟角進拔之以功授建雄軍節度世宗高平之戰劉崇敗走太原遂縱兵圍其城以元福為同州節度充太原四面濠砦都部署時攻具悉備城中危急以糧運不繼詔令班師元福上言曰進軍甚易退軍甚難世宗曰一以委卿遂部分卒伍為方陣而南元福以麾下為後殿崇果出兵來追元福擊走之師還加檢校太尉移鎮陝州又歷定虜曹三鎮太祖即位加檢校太師卒年七十七贈侍中元福雖老筋骨不衰人或言其氣貌益壯當復領兵必大喜曲致禮待或加以贈遺時稱驍將

趙晁真定人初事杜重威為列校重威誅屬周祖鎮鄴中晁因委質麾下周祖開國擢為作坊副使慕容彥超據兗州叛以晁為行營步軍都監兗州平轉作坊使晁自以違事霸府復有軍功而遷拜不滿所望居常怏怏從征劉崇世宗意在速戰令晁倍道兼行晁私語通事舍人陳好謙曰賊勢方盛未易敵也宜持重以挫其銳好謙以所言入白世宗怒曰汝安得此言必他人所教言其人則舍爾不言當死好謙懼遂以實對世宗即命并屍械於州獄軍迴始赦之李重進敗吳人于正陽以降卒三千付晁晁一夕盡殺之世宗不之罪恭帝立加檢校太傅太師即位加檢校太尉未幾以疾歸京師卒年五十二太祖甚悼之贈太子太師再贈侍中晁身長七尺儀貌雄偉好聚斂處方鎮以賄聞以周初與宣祖分掌禁軍有宗盟之分故太祖常優禮之再加贈典焉子延博周顯德中以父任補左班殿直太師即位為鐵

騎指揮使開寶初太祖親征晉陽太宗守京邑延薄以所部為帳下牙軍轉殿前散員指揮使太平興國三年從平太原略地燕薊六軍扈從有後期至者帝怒欲寘于法延薄遂進曰陛下巡行邊陲以防禦外侮今契丹未殄而誅譴將士若舉後圖誰為陛下戮力乎帝嘉納之師還遷內外馬步軍都軍頭領本州防禦使熙寧四年再知貝州以疾求代未至卒年五十贈天德軍節度子承彬至內殿學士承彬子咸一為虞部員外郎咸熙天聖八年進士及第

郭崇應州金城人初名崇威避周祖諱止稱崇父祖俱代北酋長崇弱冠以勇力應募為卒後唐清泰中為應州騎軍都校晉祖割雲應地入于契丹崇恥事之奮身南歸歷鄆河中潞三鎮騎軍都校開運中戍太原會漢祖起義以崇為前鋒入汴改護聖左第六軍都校領鄆州刺史改領富州從周祖平河中遷果州防禦使按東略作圍周祖鎮鄆以崇領行營騎軍兼天雄都巡檢使練使乾祐三年從周祖平國難與李筠拒慕容彥超于留子陂走之以崇補侍衛馬軍都指揮使遣馮道等迎湘陰公贊於徐州將立之會契丹南侵周祖北征次於澶州為六軍推戴樞密使王峻在京師聞變遣崇率七百騎東距贊過於睢陽崇陣於牙門外贊懼登門樓呼崇曰汝等何遽至此崇曰澶州軍變遣崇等來衛乘輿非有他也贊召崇升樓崇未敢登即遣道下與語崇乃登具言軍情有屬天命已定贊執崇手泣挽首久之俄而贊所領衛兵都校張令超以眾歸崇贊親將賈王等數怒目視道將害之贊曰汝輩勿草草此非關令公事崇即日送贊就館舍廣順初鎮定武軍節度未幾復升陳州為

節鎮以穎州隸焉命崇為節度加同平章事出鎮澶州周祖不豫促還鎮所世宗立并人侵澶州命崇與符彥卿出固鎮以禦之世宗親征又副彥卿為行營都部署師還加兼侍中移真定尹成德軍節度四年世宗征淮南契丹掠邊崇率師攻下東鹿縣俘獲甚眾五年表求致政不允恭帝立加檢校太師太師即位加兼中書令崇追感周室恩遇時復泣下監軍陳思誨密奏其狀因言常山近邊崇有異心宜謹備之太祖曰我素知崇篤於恩義蓋有所激發爾遣人規之還言崇方對賓屬坐池潭小亭飲博城中晏然太祖笑曰果如朕言未幾來朝時命李重進為平盧軍節度因重進起兵改命崇為節制乾德三年卒年五十八贈太師子守璘至洛苑副使妻即明德皇后之姊也子允恭以父任授殿直至崇儀副使知常州卒次女為仁宗皇后天聖三年詔贈崇尚書令兼中書令守璘太尉靈國軍節度允恭太傅安德軍節度六年又詔追封崇英國公加贈守璘承清軍節度兼中書令允恭忠武軍節度兼侍中允恭子中庸左侍禁閤門祇候副使中和娶穎川郡王德彝女為西染院副使

楊廷璋字溫玉真定人家世素微賤有姊寡居京師周祖徵時欲聘之廷璋謂姊曰此人姿貌異常不可拒姊從之周祖從漢祖鎮太原廷璋屢省其姊周祖愛其純謹姊卒留廷璋給事左右及出討三叛入平國難廷璋數獻奇計即位追冊廷璋姊為淑妃擢廷璋為右飛龍使廷璋固辭不拜願推恩其父洪裕即令召洪裕赴闕以老疾辭就拜金紫光祿大夫真定少尹世宗自瀘淵還京言廷璋有幹才遷客省使俄為河陽巡檢知州事

涇帥史懿稱疾不朝周祖命廷璋往代之將行謂之曰
懿不就命即圖之廷璋至屏左右以詔書示懿諭以禍
福懿即日載路俄聞周主崩廷璋嘔血不食者數日世
宗立拜左驍衛大將軍征劉崇以爲建雄軍節度在鎮
數年頗有惠愛前後率兵入太原境拔仁義高壁等砦
俘獲甚多并人棄沁州二百里退保新城廷璋遂遣保
安興同白璧等十餘若會隰州刺史孫議卒廷璋遣監
軍李謙溥領州事謙溥至并人來攻其城議者以爲宜
速救廷璋曰隰州城壁堅完并人奄至未能爲攻城具
當出奇以破之乃募敢死士百餘人由間道遣人約謙
溥爲內應既至即銜枚夜擊城中鼓譟以出并人大潰
奏至詔褒之世宗自河東還加檢校太保恭帝立加檢
校太傅太祖卽位加檢校太尉吏民詣闕請立碑頌功
德太祖命盧多遜撰文賜之李筠起兵潛遣使齎蠟書
求援鄰境廷璋獲之械送京師因上攻取之策卽下詔
委以經略及車駕親征詔廷璋率所部入陰地關分其
勢及平歸鎮是秋來朝改鎮邠州乾德四年移邠州開
寶二年召爲右千牛衛上將軍四年卒年六十廷璋美
髯長上短下好修容儀雖見小吏未嘗懈惰善待士幕
府多知名人在晉州曰太祖命荆罕儒爲鈐轄罕儒以
廷璋周朝近親疑有異志每入府中從者皆持刀劍欲
圖廷璋廷璋推誠待之殊不設備罕儒亦不敢發終亦
無患議者以廷璋在涇州保全史懿陰德之報也廷璋
子七人皆不爲求官惟表其孤甥安崇勳得西頭供奉
官崇勳後唐樞密使重誨子廷璋子垣垣皆進士及第
垣至屯田員外郎鹽鐵副使判官垣爲都官郎中
宋偃河南洛陽人祖瑤唐天德軍節度兼中書令父廷

浩尙後唐莊宗女義宣公主生偃廷浩歷石原房三州
刺史晉初爲汜水關使張從賓之叛力戰死之偃年十
一以父死事補殿直遷供奉官晉祖嘗事莊宗每偃母
入見詔令勿拜漢祖在晉陽遣其子承訓至洛奉書偃
母結昏卽承宣公主也累授北京皇城使漢乾祐初拜
右金吾衛大將軍駙馬都尉隱帝卽位授昭武軍節度
按東都事昭化軍移鎮滑州周祖舉兵向關時偃在鎮開門
迎謁周祖深德之偃率所部兵從周祖至留子陂隱帝
衛兵悉去授周祖周祖謂偃曰至尊危矣公近親可亟
去擁衛無令驚動儀策馬及御營軍已亂矣廣順初授
左監門衛上將軍世宗征淮南合偃與左龍武統軍趙
贊右神武統軍張彥超前景州刺史劉建於壽州四面
巡檢師還以偃爲右神武統軍充行營右廂都排陣使
又爲廬州城下副部署吳人大發舟師次東沛洲斷蘇
杭之路世宗遣偃領戰艦數百艘襲之又遣大將慕容
延釗率步騎而進水陸合勢大破之世宗嘗次于野有
虎逼乘輿偃引弓射之一發而斃及江北諸州悉平晝
江爲界世宗駐迎鑾命偃率舟師三千泝江而上巡警
諸郡師還復授滑州節制又移鎮鄧州恭帝立加開府
儀同三司太祖卽位加檢校太師遣領舟師巡撫江徼
舒州團練使司超副之李重進謀以揚州起兵偃察其
狀飛章以聞太祖令偃屯海陵以觀重進去就遂從征
揚州爲行營排陣使及平以功改保信軍節度來朝徙
鎮華州會鑿池都城南命偃率舟師數千以習水戰車
駕數臨觀焉五年改忠武軍節度開寶初太祖納偃長
女爲后偃本名廷滙以父名下字從水上言改爲偃三
年徙邠州太平興國初加同平章事二年移定國軍節

度四年從平太原又從征幽州師還歸鎮五年詔知滄
州六年封那國公俄遷同州九年又爲右衛上將軍雍
熙中曹彬等北伐班師命偃知霸州歸闕端拱二年卒
年六十四贈侍中諡莊惠中使護葬偃莊宗之外孫漢
祖之婿女卽孝章皇后近代貴盛鮮有其比子元靖至
供備庫使元度至供備庫副使元載元亨並至左侍禁
閣門祇候初孝章寢疾語晉國長公主曰我瞑目無他
憂惟慮族屬不敦睦貽笑於人景德中偃幼子元翰果
詣京府求析家財眞宗聞之詔釋勿問仍諭其族屬務
遵先后遺戒焉元度子惟簡爲殿直惟易爲奉職
向拱字星民懷州河內人始名訓避周恭帝諱改焉少
儻負氣漢祖在晉陽招致天下士拱至太原以策干
漢祖不納客於周祖門下及周祖領節鎮署拱知客押
牙周祖卽位授宮苑使廣順中出監昭義屯軍并人領
馬步十五都來侵拱與巡檢陳思讓迎戰於虢亭南獲
其帥王璠曹海金又敗其軍於壺關師還會征慕容彥
超命爲都監卽日遣行賊平爲陝州巡檢未幾改客省
使知陝州會延州高允權卒其子紹基欲求繼襲卽自
領使務朝廷益禁兵戍守命拱權知州事嘗請禁州民
賣軍裝兵器於西人從之所屬部落有侵盜漢戶者拱
招其酋帥犒之令誓不敢侵犯召拜左神武大將軍宣
徽南院使劉崇入寇遣馬軍樊愛能步軍何徽赴澤州
合拱監護之世宗親征拱以精騎居陣中高平之捷以
功兼義成軍卽度河東行營前軍都監師還出鎮陳州
先是晉末秦州節度何建以秦成階三州入蜀蜀人又
取鳳州至是宰相王溥薦拱討之乃召拱與鳳翔王景
並率兵出大散關連下城砦蜀人聞鳳州急將絕周師

糧道拱命排陣使張建雄領兵二千直抵黃花谷又遣別將領勁卒千人出敵後截其歸路敵果為建雄所敗奔堂倉又為勁卒所遇合勢掩擊擒其監軍王魯孫翰等由是劔門之下州邑營皆望風遁秦鳳階成平顯德二年世宗親征淮南以拱權東京留守兼判開封府事時揚州初平南唐令境上出師謀收復韓令坤有棄城之意即驛召拱赴行在拜淮南節度依前宣徽使兼緣江招討使以令坤為副追敘秦鳳功加檢校太尉時周師圍壽春經年未下江淮草寇充斥吳援兵柵於紫金山與城中烽火相應而舒斬和泰復為吳人所據拱上言徙揚州之師併力攻壽春俟其城下然後改圖進取世宗從之拱乃封庫付揚州主者復遣本府牙將分部按巡城中秋毫不犯軍民感悅及師行吳人有負糗糧以送者至壽春與李重進合勢攻其城敗淮南軍于黃訾砦以為武寧軍節度命領其屬駐鎮淮軍及克壽州以功加同平章事領武寧軍節度淮南平改山南東道節度俄充西南面水陸發運招討使恭帝立加檢校太師河南尹西京留守太祖即位加兼侍中太祖征李筠拱迎謁至汜水言筠逆節久著兵力日盛宜急濟大河踰太行乘其未集攻之緩則勢張難為力矣帝從其言卷甲倍道趨之筠果率其兵南向聞車駕至惶駭走澤州城守遂見擒乾德初封譙國公拱尹河南十餘年專治園林第舍好聲妓縱酒為樂府政廢弛羣盜晝劫移鎮安州命左武衛上將軍焦繼勳代之謂繼勳曰洛久不治無復效拱為也太平興國初進封秦國公來朝授左衛上將軍八年代王彥超判左金吾衛仗事雍熙三年卒年七十五贈中書令咸平初真宗聞拱之後有

寒餒流離者錄其孫憐為國子助教拱子德明至洛苑使昱大中祥符八年進士出身德明子悅為虞部郎中王彥超字德昇據東都事略補大名臨清人性溫和恭謹能禮下士少事後唐魏王繼岌從繼岌討蜀還至渭南會明宗即位繼岌遇害彥超乃依鳳翔重雲山僧舍暉道人為徒暉善觀人謂彥超曰子富貴人也安能久居此給資帛遣之時晉祖帥陝乃召至帳下委以心腹及移鎮太原將引兵南下遣從事桑維翰求援契丹以彥超從行天福初累殿前散指揮都虞候領蒙州刺史漢初領岳州防禦使出為復州防禦使周祖平內難後北征契丹以彥超為行營馬步左廂都排陣使從周祖入汴時自彭門迎湘陰公入繼位會軍變周祖革命即命彥超權知徐州節度未行湘陰公舊校鞏廷美據州起兵宋史作鞏廷美據州叛廷美之子周祖未可稱叛今改真拜彥超武寧軍節度討之彥超督戰艦破其水砦乘勝拔之又與樞密使王峻拒劉崇於晉州崇遁去授建雄軍節度俄改河陽三城節度移鎮河中顯德初加同平章事劉崇南寇命彥超領兵取晉州路東向邀擊從戰高平彥超自陰地關與符彥卿會兵圍汾州諸將請急攻彥超曰城已危矣旦暮將降我士卒精銳儻驅以先登必死傷者眾少待之翌日州將董希顏果降遂趨石州彥超親鼓士乘城數日下之擒其守將安彥進改忠武軍節度加兼侍中詔率所部浚胡蘆河城李晏口工未畢契丹萬餘騎來侵彥超擊敗之宰相李穀征淮南以彥超為前軍行營副部署敗淮南軍于壽州城下吳兵水陸來援穀退保正陽吳人躡其後會李重進兵至合勢急擊大破吳人改京兆尹永興軍節度移鎮鳳翔恭帝立加檢校太師西面

緣邊副都部署太祖即位加兼中書令代還太祖與彥超有舊因幸作坊召從臣宴射酒酣謂彥超曰卿昔在復州朕往依卿何不納我彥超階階頓首曰勺水豈能止神龍耶當日陛下不留滯於小郡者蓋天使然爾帝大笑彥超翌日奉表待罪帝遣中使慰諭令赴朝謁未幾復以為永興軍節度又以其父光祿卿致仕重霸為太子少傅致仕乾德二年復鎮鳳翔開寶二年為右金吾衛上將軍判衛仗事太平興國六年封邠國公七年彥超語人曰人臣七十致仕古之制也我年六十九當自知止明年表求致仕加太子太師給金吾上將軍祿彥超既得請盡斥去僕妾之冗食者居處服用咸遵儉約雍熙三年卒年七十三贈尚書令開寶初彥超自鳳翔來朝與武行德郭從義白重贊楊廷璋俱侍曲宴太祖從容謂曰卿等皆國家舊臣久臨劇鎮王事鞅掌非朕所以優賢之意彥超知旨即前奏曰臣無勳勞久冒榮寵今已衰朽願乞骸骨歸邱園臣之願也行德等竟自陳夙昔戰功及履歷艱苦帝曰此異代事何足論翌日皆罷行德等節鎮時議以此許彥超初彥超將致政每戒諸子曰吾屢為統帥殺人多矣身死得免為幸必無陰德以及後汝曹勉為善事以自庇及卒諸子果無違者宣化門內有大第園林甚盛不十餘年其家已鬻之矣孫克從咸平元年進士及第亦止於州縣按宋史改入貳臣

王全斌并州太原人其父事唐莊宗為岢嵐軍使私畜勇士百餘人莊宗疑有異志召之懼不敢行全斌時年十二謂其父曰此蓋疑大人有他圖願以全斌為質必得釋父從其計果獲全因以隸帳下及莊宗入洛累歷

內職同光末國有內難兵入宮城近臣宿將皆棄甲遁去惟全斌與符彥卿等十數人居中拒戰明宗即位補禁軍列校晉初從侯益破張從賓於汜水遷護聖指揮使周廣順初改護聖爲龍捷以全斌爲右廂都指揮使及討慕容彥超于兗州爲行營馬步都校顯德中從向訓平秦鳳遂領恩州團練使俄還領泗州防禦使從世宗平淮南復瓦橋關改相州留後太祖卽位李筠起兵於潞州全斌與慕容延釗由東路會大軍進討拜安國軍節度建隆四年與潞州防禦使郭進等率兵入太原境進克樂平乾德二年又爲忠武軍節度詔命全斌爲西川行營前軍都部署率禁軍步騎及諸州兵由鳳州路進討蜀拔乾梁渡萬仞燕子二峯遂下興州進拔石圖魚關白水二十餘峯先鋒史延德進兵三泉敗蜀軍數萬擒招討使韓保正副使李進旣而崔彥進康延澤等逐蜀軍過三泉遂至嘉陵殺虜甚眾蜀人斷閣道軍不能進全斌議取羅川路以入延澤潛謂彥進曰羅川路險軍難並進不如分兵治閣道進與大軍會於深渡彥進白全斌全斌卽命彥進延澤督治閣道數日成遂進擊金山砦破小漫天砦全斌由羅川趨深渡與彥進會蜀人依江列陣以待彥進遣張萬友等奪其橋會暮夜蜀人退保大漫天砦詰朝彥進延澤萬友分三道擊之蜀人悉其精銳來逆戰又大破之乘勝拔其砦蜀將王審超監軍趙崇渥遁去復與三泉監軍劉延祚大將王昭遠趙彥韜引兵來戰三戰三敗追至利州北昭遠渡桔栢江焚梁退守劔門遂克利州按續資治通鑑長天之戰全斌擒其寨主王審超監軍趙崇渥三泉監軍劉延祚全斌傳則云審超崇渥遁去復與延祚等來戰與實錄不合而長編又據崇渥書則云正月誅大漫天寨主王審超等則又似同時被擒也傳恐有誤云

利州趨劔門次益光全斌會諸將議曰劔門天險古稱一夫荷戈萬夫莫前諸君宜各陳進取之策侍衛軍頭向韜曰降卒進言益光江東越大山數重有狹徑名來蘇蜀人於江西置砦對岸有渡自此出劔關南二十里至清強店與大路合可於此進兵卽劔門不足恃也全斌等卽欲卷甲赴之康延澤曰來蘇細徑不須主帥親往且蜀人屢敗併兵退守劔門莫若主帥協力進攻命一偏將趨來蘇若達清強擊劔關與大軍夾攻破之必矣全斌納其策命史延德分兵趨來蘇造浮梁於江上蜀人見梁成棄砦而遁昭遠聞延德兵趨來蘇至清強卽引兵退陣於漢源坡留其偏將守劔門全斌等擊破之昭遠崇韜皆遁走遺輕騎追獲傳送闕下遂克劔州殺蜀軍萬餘人四年師次魏城孟昶遣使奉表來降全斌等入成都旬餘劉延讓等始自峽路至昶饋遺延讓等及犒師並同全斌之至及詔書頒賞諸軍亦無差降由是兩路兵相嫉蜀人亦搆主帥遂不協全斌等先受詔每制置必須諸將僉議至是雖小事不能卽決俄詔發蜀兵赴闕人給錢十千未行者加兩月廩食全斌等不卽奉命由是蜀軍憤怨人人思亂兩路隨軍使臣常數十百人全斌彥進及王仁贍等各保庇之不令部送蜀兵但分遣諸州牙校蜀軍至綿州果叛劫屬邑眾至十餘萬自號興國軍有蜀交州刺史全師雄者嘗爲將有威惠士卒畏服適以其族赴闕下綿州遇亂師雄恐爲所脅乃匿其家於江曲民舍後數日爲亂兵所獲推爲主帥全斌遣都監米光緒往招撫之光緒盡滅師雄之族納其愛女及索裝師雄聞之遂無歸志率眾急攻綿州爲橫海指揮使劉福龍捷指揮使田紹斌所敗

遂攻彭州逐刺史王繼清殺都監李德榮據其城成都十縣皆起兵應師雄師雄自號興蜀大王開幕府置僚屬署節帥二十餘人今分據灌口導江郭新繁青城等縣彥進與張萬友高彥暉田欽祚同討之爲師雄所敗彥暉戰死欽祚僅免賊眾益盛全斌又遣張延翰張煦往擊之不利退入成都師雄分兵綿漢開斷閣道緣江置砦聲言欲攻成都自是叩蜀眉雅東川果遂渝合資簡昌普嘉戎榮陵十七州並隨師雄爲亂郵傳不通者月餘全斌等甚懼時城中蜀兵尙餘二萬全斌慮其應賊盡殺之未幾劉延讓曹彬破師雄之眾於新繁師雄退保郫縣全斌仁贍又攻破之師雄走保灌口砦會虎捷指揮使呂翰爲主將所不禮與師雄黨劉澤合眾至五萬果州指揮使宋德威遂州牙校王可璋相繼爲亂仁贍等討呂翰於嘉州翰敗走入雅州師雄病死於金堂推謝行本爲主羅七君爲佐國令公與賊將宋德威唐陶鼈據銅山旋爲康延澤所破仁贍又敗呂翰於雅州翰走黎州爲下所殺後丁德裕等分兵招集賊眾始息全斌之入蜀也適屬冬暮京城大雪太祖設氍毹於講武殿衣紫貂裘帽以視事忽謂左右曰我被服若此體尙覺寒念西征將衛犯霜雪何以堪處卽解裘帽遣中黃門馳賜全斌仍諭諸將以不徧及也全斌拜賜感泣初成都平命參知政事呂餘慶知府事全斌但典軍旅全斌語所親曰我聞古之將帥多不能保全功名今西蜀平欲稱疾東歸庶免悔吝或曰今寇盜尚多非有詔旨不可輕去全斌猶豫未決會有訴全斌及彥進破蜀日奪民家子女玉帛不法等事與諸將同時召還太祖以全斌等初立功雖犯法不欲辱以獄吏但令中書

問狀皆引伏全斌責授崇義軍節度觀察留後彥進責授昭化軍節度觀察留後特建隨州為崇義軍金州為昭化軍以處之仁贍責授右衛大將軍開寶末車駕幸洛陽郊祀召全斌侍祠以為武靈軍節度謂之曰朕以江左未平慮征南諸將不遵紀律故抑卿數年為朕立法今已克金陵還卿節鉞仍以銀器萬兩帛萬匹錢千萬賜之全斌至鎮數月卒年六十九贈中書令天禧二年錄其孫承昌為三班奉職全斌輕財重士不求聲譽寬厚容眾軍旅樂為之用黜居山郡十餘年怡然自得識者稱之子審鈞廣州兵馬鈐轄審銳供奉官閤門祇候曾孫凱字勝之祖審鈞嘗為承興軍駐汴都監以擊賊死遂家京兆饒於財凱散施結客日馳獵南山下以踐蹂民田捕至府時寇準守長安見其狀貌奇之為言全斌取蜀有勞而審鈞以忠義死當錄其孤遂以為三班奉職自右侍禁雄州兵馬監押擢閤門祇候定邢趙都巡檢使按東都事略作鎮元昊反徙麟州都監嘗出雙烽橋築枝谷遇夏人破之又破帕爾沁科爾羅部再戰於伺候烽前後斬獲以數千計夏人圍麟州乘城拒關晝夜三十一日始解去特遷西頭供奉官代邊邊寇猶鈔掠以為內殿崇班麟州路緣邊都巡檢使與同巡檢張岳護糧道于沁密磼克寇猝大至與岳相失乃分兵出其後夾擊之復與岳合斬首百餘級又入兔毛川賊眾三萬凱以兵六千陷亂流矢中面鬪不解又斬首百餘級賊自蹂踐死者以千數邊南作坊副使後為并代州鈐轄管句麟府軍馬事夏人二萬寇青塞堡凱出鞋郭谷轉戰四十里至杜肱川大敗之復得所掠馬牛以還經略使明錦言凱在河外九年有功遂領資州刺

史久之召還未及見會甘陵盜起即命領兵赴城下賊平拜澤州刺史知邠州未幾歷環慶并代定州路副都總管捧日天武四廂綿州防禦使累遷侍衛親軍步軍副都指揮使涇州觀察使又徙秦鳳路辭日帝諭以嘉勒斯寶摩征交易阻絕頗有人寇之萌宜安靜以處之凱至與主帥以恩信無接遂復常貢召拜武勝軍節度觀察留後侍衛親軍馬軍副都指揮使卒年六十六贈彰武軍節度使諡莊恪凱治軍有紀律善撫循士卒平居與均飲食至臨陣援枹鼓毅然不少假故士卒畏信戰無不力前後與敵遇未嘗挫衄免毛川之戰內侍宋承誠哭於軍中凱効罷之尤篤好于故舊子緘緘子詵字晉卿能詩善畫尚蜀國長公主官至留後

康延澤父福晉護國軍節度兼侍中天福中延澤以蔭補供奉官周廣順二年遷內院副使太祖即位從募容延釗李處耘平湖湘時荆南高保融卒其子繼冲嗣領軍事命延澤齎書幣先往撫之且察其情偽及還盡得其機事因前導大軍入境遂下荆峽以勞授正使乾德中征蜀為鳳州路馬軍都監破白水關子二砦進擊西縣三泉獲韓保正由來蘇路會大軍克劔門及孟昶降延澤以百騎先入成都安撫軍民盡封府庫而還就命為成都府都監會全師雄復亂從為晉州刺史時有降兵二萬七千諸將懼為內應欲盡殺之延澤請備老幼疾病七千人釋之餘以兵衛還浮江而下賊若來劫奪即殺之未晚諸將不能用俄出兵敗賊黨劉澤三萬人復有王可璋率數郡賊兵來戰延澤擊走之追北至台州又破可璋餘黨謝行本等擒羅七君事平優詔獎就命為東川七州招安巡檢使全斌等得罪延澤亦坐

貶唐州教練使開寶中起為供奉官遷左藏庫副使坐與諸姪爭家財失官居西洛卒兄延沼劾後唐明宗帳下仕晉歷官隨澤二州刺史仕周累遷蔡齊鄭楚四州防禦使晉滯二州兵馬鈐轄太祖即位討李重進為前軍馬軍都指揮使建隆四年改懷州防禦使乾德六年命李繼勳等征河東為先鋒都監太祖親征太原以延沼宿將熟練邊事詔領兵屯潞州會以疾歸郡開寶二年卒年五十八

王繼濤河朔人少給事漢祖左右乾祐初補供奉官歷請司副使仕周為右武衛大將軍淮南平為天長軍使顯德五年遷和州刺史太祖即位為左驍騎大將軍再遷左神武大將軍乾德二年大軍伐蜀為鳳州路壕若使與元降王全斌命繼濤權府事孟昶降全斌又遣繼濤與供奉官王守訥部送昶歸關守訥白全斌言繼濤濤與供奉官王守訥部送昶歸關守訥白全斌言繼濤問昶求宮妓金帛全斌遂留繼濤止令守訥送昶俄詔以繼濤為彭州刺史綿州軍亂劫全師雄為帥率眾攻彭城繼濤與都監李德榮拒之德榮戰死繼濤身被八槍單騎走至成都素與通事舍人田欽祚有隙會欽祚入朝誣奏繼濤以他事太祖驛召繼濤將面質之道病卒詔曰故彭州刺史王繼濤先登擊賊身被重創優典未加齋志而身故階州刺史高彥暉帥討賊奮不顧命垂老之年殞身鋒鏑永言痛悼不忘於懷宜各賜其家粟帛

高彥暉蘄州漁陽人仕契丹為瀛州守將世宗北征以城來降遷耀階二州刺史太祖命師伐蜀為歸州路先鋒都指揮使全師雄之亂彥暉進遣彥暉與田欽祚共討之至導江與賊遇賊據隘路設伏竹箒中官軍至遇

伏發遂不利彥暉謂欽祚曰賊勢張大日將暮請收兵
詰朝與戰欽祚欲遁慮賊曳其後乃給之曰公食厚祿
遇賊畏縮何也彥暉復麾兵進欽祚潛遁去彥暉獨與
部下十餘騎力戰皆死之時年七十餘彥暉老將練習
邊事上聞其歿甚痛惜故並命優恤之

欽定續通志卷二百九十九

列傳

宋四

趙普

李崇矩 繼昌

王仁贍

楚昭輔

李處耘 繼和

趙普字則平幽州薊人父迥徙常山又徙河南洛陽普

沈厚寡言鎮陽豪族魏氏以女妻之周顯德初承興軍

節度劉詞辟為從事世宗用兵淮甸太祖拔滁州宰相

范質奏普為軍事判官宣祖卧疾滁州普朝夕奉藥餌

宣祖由是待以宗分太祖嘗與語奇之時獲盜百餘當

棄市普疑有無辜者啟太祖鞠之獲全者眾淮南平調

補渭州軍事判官太祖領同州節度辟為推官移鎮宋

州表掌書記太祖北征至陳橋被酒卧帳中眾軍推戴

普與太宗排闥入告及受禪以佐命功授右諫議大夫

充樞密直學士車駕征李筠命普與呂餘慶留京師普

願扈從太祖笑曰若勝曹介乎從之普因進策曰陛下

初登寶位光耀神武挫英雄之氣服天下之心在此舉

矣且其機賁速不尚巧避若倍道兼行掩其未備所謂

自天而下可一戰而擒也太祖然之及筠誅遷兵部侍郎

樞密副使維揚李重進治城繕兵太祖問普攻取之

策普曰重進昧武侯之遠圖守薛公之下計不過繕修

孤壘以長淮為恃耳況其內乏資儲外無救援以臣愚

見急攻亦取援守亦取不如速取之矧陛下以順討逆

哉不踰月遂誅重進建隆二年拜樞密使檢校太保仍

加功臣之號按太祖討李筠李重進用趙普謀功成退

製碑文並乾德二年范質等三相同日罷以普為門下

侍郎平章事集賢殿大學士按宋史本傳此下有普拜

傳此帝視如左右手事無大小悉咨決焉普兼監修國

史命薛居正呂餘慶參知政事以副之不宣制班在宰

相後不知印不預奏事不押班但奉行制書而已先是

宰相兼敕皆用內制普相止用敕非舊典也太祖數微

行過功臣家普每退朝不敢便衣冠一日大雪向夜普

意帝不出久之聞叩門聲普亟出帝立風雪中普惶懼

迎拜帝曰已約晉王矣已而太宗至設重褥地坐堂中

熾炭燒肉普妻行酒帝以嫂呼之因與普計下太原普

曰太原當西北二面太原既下則我獨當之不如姑俟

削平諸國則彈丸黑子之地將安逃乎帝笑曰吾意正

如此特試卿爾遂定下江南之策帝曰王全斌平蜀多

殺人吾今思之猶耿耿不可用也普於是薦曹彬為將

潘美副之按太祖與普議下江南普薦曹彬

僕射昭文館大學士俄丁內艱詔起復視事遂勸帝遣

使分詣諸道徵丁壯籍名送京師以備守衛諸州置通

判使主錢穀由是兵甲精銳府庫充實按東都事略載

兵馬國家長久之計普對唐季以來戰鬪不息由節鎮

太重君弱臣強惟稍奪其權制其錢穀收其精兵則天

下自安故石守信等罷其兵後又有是勸史稱由是

兵甲精銳府庫充實可見藩鎮橫恣時京師徒守空名

而已開寶二年冬普嘗病車駕幸中書三年春又幸其第

撫問之六年帝又幸其第時錢王俶遣使致書於普及

海物十瓶置於廡下倉卒不及屏帝顧問何物普及

對帝曰海物必佳即命啟之皆瓜子金也普惶恐頓首

謝曰臣未發書實不知帝歎曰受之無妨彼謂國家事

皆由汝書生爾普為政頗專廷臣多忌之時官禁私販

秦隴大木普嘗遣親吏詣市屋材聯巨筏至京師治第

吏因之竊貨大木冒稱普壽都下權三司使趙玘以聞

宰相樞密使每候對長春殿同止廬中帝問普子承宗

娶樞密使李崇矩女即令分異之普又以隙地私易尚

食蔬圃以廣其居又營邸店規利盧多選為翰林學士

因召對屢攻其短會雷有鄰擊登聞鼓訟堂後官胡贊

李可度受賊軌法及劉偉偽作攝牒得官王洞嘗納賂

可度趙宇授西川官稱疾不上皆普庇之太祖怒下御

史府按問悉抵罪以有鄰為祕書省正字普恩益替始

詔參知政事與普更知印押班奏事以分其權未幾出

為河陽三城節度檢校太傅同平章事按宋史補編年

云故事宰相去位例除本官稍優則進官一等或易東

宮三少惟趙韓王以開國舊臣且相十年故以使相罷

恩異太平興國初入朝改太子少保遷太子太保頗為

慮多遜所毀奉朝請數年鬱鬱不得志會柴禹錫趙錡

等告秦王廷美驕恣將有陰謀竊發帝召問普言願備

樞軸以察茲變退又上書自陳預聞太祖昭憲皇太后

顧託之事辭甚切至太宗感倍召見慰諭俄拜司徒兼

侍中封梁國公先是秦王廷美班在宰相上至是以普

動舊再登元輔表乞居其下從之及涪陵事敗多遜南

遷皆普之力也八年出為武勝軍節度檢校太尉兼侍

中帝作詩以餞之普奉而泣曰陛下賜臣詩當刻石與

臣朽骨同葬泉下帝為之動容翌日謂宰相曰普有功

國家朕昔與游今齒髮衰矣不容煩以樞務擇善地處

之因詩什以導意普感激泣下朕亦為之墮淚宋琪對

曰昨日普至中書執御詩涕泣謂臣曰此生餘年無階

上答庶希來世得效犬馬力臣昨聞普言今復聞宣諭

君臣始終之分可謂兩全雍熙三年大軍出討幽薊久

未班師普疏諫剴切帝賜手詔優答之四年移山南東

道節度自梁國公改封許國公會詔下親耕藉田普表

求入覲辭甚懇切帝惻然從其請既至慰撫數四普鳴咽流涕陳王元僖上言乞再用普太宗欲相呂蒙正以其新進藉普舊德為之表率冊拜太保兼侍中時樞密副使趙昌言與胡旦陳象輿董儼梁燾厚善會旦合翟馬周上封事排毀時政普深嫉之奏流馬周黜昌言等鄭州團練使侯莫陳利用驕肆僭侈大為不法普廉得之盡以條奏利用坐流商州普因請誅之其嫉惡彊直皆此類李繼遷之擾邊普建議以趙保忠復領夏臺故地因令圖之保忠反與繼遷同謀為邊患時論歸咎於普頗為同列所窺不得專決舊制宰相以未時歸第是歲大熱特許普夏中至午時歸私第明年免朝謁止日赴中書視事有大政則召對被疾請告車駕屢幸其第省之賜子加等普遂稱疾篤三上表求致仕上勉從之以普為西京留守河南尹依前守太保兼中書令普三表懇讓賜手詔曰開國舊勳惟卿一人不同他等無至固讓俟首望有日當就第與卿為別普捧詔涕泣因力疾請對賜坐移晷頗言及國家事上嘉納之普將發車駕幸其第淳化三年以老衰久病令留守通判劉昌言奉表求致政中使馳傳撫問凡三上表乞骸骨拜太師封魏國公給宰相奉料令養疾俟損日赴闕仍遣其弟宗正少卿安易齋詔書賜之又特遣使賜羊酒七月卒年七十一卒之先一歲普生日上遣其子承宗齋器幣鞍馬就賜之承宗復命未幾卒次歲普已罷中書令故事無生辰之賜特遣普姪婿左正言直昭文館張秉賜之禮物普聞之因追悼承宗未至而普疾篤按宋史下有趙普遺吏請上請致遂卒上聞之震悼謂近臣曰普事先帝與朕故舊能斷大事嚮與朕嘗有不足眾所

知也朕君臨以來每優禮之普亦傾竭自效盡忠國家真社稷臣也朕甚惜之因出涕左右感動廢朝五日為出次發哀贈尚書令追封真定王賜諡忠獻上撰神道碑銘親八分書以賜之遣右諫議大夫范杲攝鴻臚卿護喪事賻絹布各五百匹米麵各五百石葬日有司設鹵簿鼓吹如式二女皆并普妻和氏言願為尼太宗再三諭之不能奪賜長女名志願號智果大師次女名志英號智圓大師初太祖側微普從之游既有天下普屢以微時所不足者言之太祖豁達謂普曰若塵埃中可識天子宰相則人皆物色之矣自是不復言普少習吏事寡學術及為相太祖常勸以讀書晚年手不釋卷每歸私第闔戶啟篋取書讀之竟日及次日臨政處決如流既薨家人發篋視之則論語二十篇也普性深沈有崖谷雖多忌克而能以天下事為己任宋初在相位者多齷齪循默普剛毅果斷未有其比嘗奏薦某人為某官太祖不用普明日復奏其人亦不用明日普又以其人奏太祖怒碎裂奏牘擲地普顏色不變跪而拾之以歸他日補綴舊紙復奏如初太祖乃悟卒用其人又有羣臣當選官太祖素惡其人不與普堅以為請太祖怒曰朕固不為遷官卿若之何普曰刑以懲惡賞以酬功古今通道也且刑賞天下之刑賞非陛下之刑賞豈得以喜怒專之太祖怒甚起普亦隨之太祖入宮普立於宮門久之不去竟得命允太宗入弭德超之讒疑曹彬不軌屬普再相為彬辨雪保證事狀明白太宗嘆曰朕聽斷不明幾誤國事即日寬逐德超遇彬如舊祖吉守郡為姦利事覺下獄案劾爰書未具郊禮將近太宗疾其貪黷遣中使諭旨執政日郊赦可特勿貸祖吉普奏

曰敗官抵罪宜正刑辟然國家卜郊肆類對越天地告于神明奈何以吉而驟陛下赦令哉太宗善其言乃止真宗咸平初追封韓王二年詔以普配饗太祖廟庭普子承宗羽林大將軍知潭鄆二州皆有聲承熙成州團練使弟固安易安易卒贈工部尚書固至都官郎中按宋史此下有安易附傳其建議蜀地用錢事見食貨略他所敷陳皆不足錄今從刪又吳延祚傳改入貳臣李崇矩字守則潯州上黨人幼孤貧有至行鄉里推服漢祖起晉陽次上黨史宏肇時為先鋒都校崇矩名召署親吏宏肇總禁兵兼京城巡檢多殘殺軍民左右引去惟崇矩事之益謹及宏肇被誅獨得免周祖即位求宏肇親舊於崇矩崇矩上其母弟福素主其家盡籍財產以付福周祖嘉之以隸世宗帳下顯德初補供奉官從征高平轉供備庫副使太祖討李筠命率禁軍數千人屯河陽以所部攻大會岩拔之改澤潞南面行營前軍都監與石守信高懷德羅彥瓊同破筠眾於碾子谷及平澤潞先入城收圖籍視府庫因上言曰上黨臣鄉里也臣父尚藁葬願護櫬歸京師許之會判三司張美出鎮拜右監門衛大將軍充三司使從征李重進還為宣徽北院使仍判三司乾德二年代趙普拜樞密使五年加檢校太傅時劔南初平禁軍校呂翰聚眾構亂軍多亡命在其黨中言者請誅其妻子太祖疑之以語崇矩崇矩曰叛亡之徒固當孥戮然案籍合誅者萬餘人太祖曰朕恐有被其驅率非本心者按史緯恐有被驅率非其本心云云亦作乃令盡釋之翰眾聞之亦稍稍自歸未幾翰敗滅開寶初從征太原會班師命崇矩為後殿次常山被病帝命乘涼車還京師崇矩叩頭言涼車乃至尊所御是速臣死爾固辭得免時趙普為相崇矩以女妻普

子承宗相厚善帝聞之不悅有鄭伸者各崇矩門下性險波無行崇矩待之漸薄伸因上書告崇矩陰事崇矩不能自明太祖釋不問出為鎮國軍節度賜伸同進士出身以為酸衷主簿六年崇矩入為左衛大將軍太平興國二年河防多決詔崇矩乘傳自陝至滄棣按行河堤出為豈貴澤賓橫欽六州都巡檢使未幾移瓊崖儋萬四州都巡檢使時黎賊擾動崇矩悉抵其洞穴撫慰以己財遺其首長眾皆懷附代還拜右千牛衛上將軍端拱元年卒年六十五贈太尉諡元靖崇矩性純厚寡言尤重然諾史宏肇卒見其子孫必厚禮之振其乏絕在嶺海四五年恬不以炎荒嬰慮舊涉海者多艤舟以俟便風或旬餘或彌月崇矩往來皆一日而渡未嘗留滯士卒僮僕隨者皆無恙子繼昌

繼昌字世長太祖嘗昇弱弓輕矢教以射法陰補西頭供奉官太祖欲選尚公主崇矩謙讓不敢當繼昌亦自言不願崇矩亟為繼昌聘婦太祖聞之頗不悅開寶五年遷如京副使洺化中齊饑多盜命為登萊沂密七州都巡檢使至道二年蜀賊平餘黨頗嘯聚拜西京作坊使峽路二十五州軍捉賊招安都巡檢使旋改兵馬鈐轄賊酋喻雷燒者久為民患以金帶遺繼昌繼昌為納之賊懈不設備因掩殺之進西京左藏庫使咸平三年王均亂蜀與雷有終上官正石普同受詔進討有終等失利徙繼昌屯雁橋門進逼魚橋門均脫走繼昌入城嚴戒部下無擾民者獲婦女童幼置空寺中俟事平遣還其家繼昌急領兵追賊至資州聞均梟首乃還以功領獎州刺史俄知青州入掌軍頭引見司景德二年將幸澶州遣先赴河上給諸軍鎧甲丹請和欲近臣充

使乃令繼昌與其使姚東之偕往俄與韓杞同至行在及契丹聘至又命至境首接伴契丹是冬將朝陵寢以汝州近洛衛兵所駐命知州事兼兵馬鈐轄駕還召歸出知延州兼鄜延路鈐轄大中祥符元年以目疾求歸京師入對勞問再三少愈令樞密院傳旨將真拜刺史復任延安繼昌以疾表求休致改右驍衛大將軍領郡如故其子遵勗尚萬壽長公主主入對帝問繼昌彊健能飲食拜連州刺史出知涇州表求兩朝御書及謁拜諸陵皆許之天禧二年卒年七十二遣中使護柩以歸錄其子贊善大夫文晟為殿中丞殿直文且為侍禁繼昌性謹厚士大夫樂與之遊為治尚寬所至民懷之任峽路時與上官正聯職正殘忍好殺嘗有縣胥護芻糧地遠後期正令斬之繼昌徐為解貸焉鄭伸者早死其母貧餓嘗詣繼昌乞丐家人競前詎遂繼昌召見與白金百兩時人稱之

王仁瞻字子豐東都事略唐州方城人少儻不事生產委質刺史劉詞詞遷永興節度署為牙校將詞卒遺表薦仁瞻材可用太祖素知其名請於世宗以隸帳下太祖即位授武德使出知秦州改左飛龍使高繼沖請命以仁瞻為荆南巡檢使繼沖入朝命知軍府乾德二年召赴闕擢為樞密副使與師討蜀命仁瞻為鳳州路行營前軍都監蜀平坐沒入生口財貨殺降兵致蜀土擾亂責授右衛大將軍五年仁瞻廉得近臣戚里遣入市竹木秦隴間聯巨筏至京師所過關渡矯稱制免算既至厚結有司悉官市之倍收其直仁瞻密奏之帝怒以三司副使范旻戶部判官杜載開封府判官呂端屬吏旻載具伏罔上為市竹木入官端為秦府親吏喬璉請

託執事者貶旻為房州司戶載均州司戶端商州司戶判四方館事程德元武德使劉知信翰林使杜彥圭日騎天武四廂都指揮使趙延溥武德副使實神興左衛上將軍張承德左領軍衛上將軍祁廷訓駙馬都尉王承衍石保吉魏咸信並坐販竹木入官責降罰奉是歲車駕北巡命仁瞻為大內都署七年以政事與僚屬相矛盾爭帝前仁瞻辭屈責授右衛大將軍翌日改唐州防禦使月給奉錢二十萬仁瞻之獲罪也兵部郎中判句院宋琪及三司判官並降秩先是仁瞻掌計司殆十年恣下吏為姦怙恩寵無敢發者前者發范旻等事中外益畏其口會屬吏陳恕等數人率以儼察不畏強禦自任因讓本司事有不協者朝參日恕獨出班持狀奏其事帝詰之仁瞻屈伏帝怒甚故及於譴而恕等悉獎擢琪與恕等聯事始合謀同奏至帝前而未琪猶附會仁瞻故亦左降仁瞻既失權勢因怏怏成疾數日卒年六十六後帝因言及三司財賦謂宰相趙普等曰王仁瞻領邦計積年恣吏為姦諸場院官皆隱沒官錢以千萬計朕悉令罷之命使分掌仁瞻再三言恐虧舊數朕拒之未踰年舊獲千緡者為一二萬緡萬緡者為六七萬緡其利數倍用度既足僅備遇水旱即可免民租稅仁瞻心知其非頗亦慙怍朕優容之子昭雍為崇儀副使

楚昭輔字拱辰宋州宋城人隆平集作少事華帥劉詞詞卒事太祖隸麾下以才幹稱甚信任之陳橋師還昭憲太后在城中太祖憂之遣昭輔問起居昭輔具言士眾推戴之狀太后乃安太祖即位為軍器庫使親討澤潞及征淮揚並以昭輔為京城巡檢建隆四年權知揚

州使江表遺命鈞校左藏庫金帛數日而畢條對稱旨
 開寶四年帝以其能心計拜左驍衛大將軍權判三司
 太平興國初拜樞密使三年加檢校太傅從征太原加
 檢校太尉俄以足疾請告帝親臨問以所居湫隘命有
 司廣之昭輔慮侵民地固讓不願治帝嘉其意賜白金
 萬兩令別市第昭輔被疾家居近一歲始以石熙載代
 之昭輔不求解職上亦不忍罷會郊祀畢罷為驍騎衛
 上將軍逾年卒年六十九贈侍中命使護其喪歸葬
 鄉里無子錄其兄子吉為供奉官敏為殿直昭輔性勤
 介人不敢干以私然頗吝嗇前後賜子萬計悉聚而畜
 之嘗引賓客故舊至藏中縱觀且曰吾無汗馬勞徒以
 際會風雲吾為國家守爾後當獻於上及罷機務悉以
 市善田宅時論鄙之初詞卒昭輔來京師問卜於醫者
 劉悟悟為筮卦曰汝遇貴人見奇表豐下者即汝主也
 宜謹事之汝當貴矣及見太祖狀貌如悟言遂委質焉
 咸平三年錄弟之子諒為借職大中祥符八年又錄從
 孫鼎為右班殿直吉至內殿崇班吉子隨敏子咸並進
 士及第隨為太常博士咸屯田員外郎

李處耘字正元擢隆平潞州上黨人父肇仕後唐歷軍

集補

校至檢校司徒從討王都定州契丹來援力戰死晉末

處耘尚幼隨兄處疇至京師遇張彥澤縱士卒剽略處
 耘年猶未冠獨當里門射殺數十人眾無敢當者里中
 賴之漢初折從阮帥府州召置門下委以軍務從阮後
 歷鄧滑陝鄆四節度處耘皆從之顯德中從阮遣表稱
 處耘可用會李繼勳鎮河陽詔署以右職繼勳初不為
 禮因會將吏宴射處耘連四發中的繼勳大奇之令升
 堂拜母稍委郡務俸掌河津處耘自繼勳曰此津往來

者懼有豸焉不可不察也居數月果得契丹謀者索之
 有與西川江南蠟書即遣處耘部送闕下太祖時領殿
 前親軍繼勳罷鎮世宗以處耘諫太祖帳下補都押衙
 會太祖出征駐軍陳橋處耘見軍中謀欲推戴遽白太
 宗與王彥昇謀召馬仁瑀李漢超等定議始入白太祖
 處耘臨機決事謀無不中太祖嘉之授客省使兼樞密
 承旨右衛將軍從平澤潞遷羽林大將軍宣徽北院使
 討李重進為行營兵馬都監賊平以處耘知揚州大兵
 之後境內凋弊處耘勤於綏撫奏減城中居民屋稅民
 皆悅服建隆三年詔歸京師老幼遮道涕泣累日不得
 去拜宣徽南院使兼樞密副使朔州軍亂詔慕容延釗
 率師討之以處耘為都監入辭帝親授方略令會兵漢
 上先是朝廷遣內酒坊副使盧懷忠使荆南規勢強弱
 使還具言可取狀遂命處耘圖之處耘至襄州先遣間
 門使丁德裕假道荆南請具薪水給軍令軍中入江陵
 城有不由路及擅入民舍者斬師次荆門高繼冲遣其
 叔保寅及軍校梁延嗣奉牛酒犒師且來覘也處耘待
 之有加諭令翌日先還延嗣大喜令報繼冲以無虞荆
 門距江陵百餘里是夕召保寅等飲宴延釗之帳處耘
 密遣輕騎數千倍道前進繼冲但俟保寅延嗣之還遠

聞大軍奄至即惶怖出迎遇處耘於江陵北十五里處
 耘指繼冲令待延釗遂率親兵先入登北門比繼冲還
 則兵已分據城中荆人束手聽命即調發江陵卒萬餘
 人并其師晨夜趨朔州又先遣別將分麾下及江陵兵
 趨岳州大破賊於三江口又遇賊帥張從富於澧江擊
 敗之逐北至拔山崇賊棄若走俘獲甚眾處耘擇所俘
 體肥者數十人令左右分陷之驗其少健者令先入朝

州會暮宿若中選明延釗大軍繼至黔者先入城言被
 擒者悉為大軍所昭朗人大懼縱火焚城而潰會朗帥
 周保權年尚幼為其將汪端劫匿于江南岸僧寺中處
 耘遣麾下將田守奇帥師渡江獲之遂入潭州盡得荆
 湖之地初師至襄州衛肆醫餅者率減少倍取軍人之
 直處耘捕得其尤者二人送延釗延釗怒不受往復三
 四處耘遂命斬於市以徇延釗所部小校司義舍於荆
 州客將王氏家使酒凶恣王氏愬于處耘處耘召義呵
 責義又譖處耘於延釗至白湖處耘望見軍人入民舍
 良久舍中人大呼求救遣捕之即延釗圍人也乃鞭其
 背延釗怒斬之由是大不協更相論奏朝議以延釗宿
 將貫其過譖處耘為潯州刺史處耘懼不敢自明在州
 數年乾德四年卒年四十七贈宣德軍節度檢校太傅
 賜地葬於洛陽徧橋村處耘有度量善談當世之務居
 常以功名為己任荆湖之役處耘以近臣護軍自以受
 太祖之遇思有以報故臨事專制不顧羣議遂至於貶
 後太祖頗追念之及開寶中為太宗納其次女為妃即
 明德皇后也子繼隆繼和自有傳繼恂官至洛苑使順
 州刺史繼恂子昭遜為供備庫使處疇官至作坊使子

繼隆字霸圖幼養於伯父處疇及長以父蔭補供奉官

繼隆字霸圖幼養於伯父處疇及長以父蔭補供奉官
 處耘貶潯州繼隆亦除籍會長春節與其母入貢復舊
 官時權臣與處耘有宿憾者忌繼隆有才繼隆因落魄
 不治產以游獵為娛乾德中平蜀選為果閫監軍年方
 弱冠母憂其未更事將輔以處耘左右繼隆曰是行兒
 自有立豈須此輩願不以為慮母慰而遣之代還夜涉
 淺道雨滑與馬偕墜絕湖深十餘丈挂于大樹騎卒馳

數十里外取火引練以出之會征江南領雄武卒三百成邵州止給刀盾鐵數千陣長沙南截其道繼隆率眾力戰賊遁去手足俱中毒矢得良藥而愈部卒死傷者三之一太祖聞其勇敢器重之又與石曦率兵襲袁州破桃田若追賊二十里入潭富若焚其梯衝芻積復從李符督荆湖漕運給征南諸軍人以王師不便水戰多出舟師斷餉道繼隆屢與關糧悉善達日馳四五百里常令往來覘候一日中途遇虎射殺之嘗獲吳將部送赴關至項縣而病斬其首以獻太祖益嘉之與吳人戰流矢中額以所冠胄堅厚得不傷太祖察其才且追念其父欲拔用之謂曰昇州平可持捷書來當厚賞汝時內侍使軍中者十數輩皆伺城陷獻捷會有機事當入奏皆不願行而繼隆獨請赴關太宗見其來時城尚未下甚訝之繼隆度金陵破在旦夕因言在途遇大風晦暝城破之兆也翌日捷奏至太祖召謂曰如汝所料矣吳將盧絳聚眾萬餘攻掠州縣繼隆招來之江南平錄功遷莊宅副使從幸西洛改御營前後巡檢使從征太原為四面提舉都監與李漢瓊領梯衝地道攻城西面機石過其旁從卒仆死繼隆督戰無怠討幽州與郭守文領先鋒破契丹數千眾及圍范陽又與守文為先鋒大敗其眾于湖澤河南後為鎮州都監契丹侵邊與崔翰諸將禦之初太宗授以陣圖及臨陣行不便眾以帝命不可違繼隆曰事有應變安可預定設獲違詔之罪請獨當也即從宜而行敗之于徐河四年護三交屯兵與潘美出征代北破靈邱縣蓋略其人以歸改定州駐泊都監李繼瑄叛命繼隆與田仁朗王侁率兵擊之出銀州北破悉利諸族追奔數十里斬獲尤多又

出開光谷西杏子坪破布策布藏族斬其副首領瑪爾默節五十七人降音藏族首領托卜巴軍等三千餘眾復破默邵郡錫幹諸族及濁輪川東免頭川西生擒七十八人斬首五十九級俘獲數千計引師至監城烏頁允頁四族來降惟嘉且羅尼十四族怙其眾不下迺與尹憲襲擊之夷其帳千餘俘斬七千餘級俄改領環州薛繼昭破其眾數千於固安南下固安新城進克涿州矢中左股血流至踵獲契丹貴臣一人彬欲上其功繼隆止之俄而傳潛米信軍敗獨繼隆振旅而還即命繼隆知定州尋詔分屯諸軍繼隆令書吏盡錄其語旬餘有敗卒集城下不知所向繼隆按詔給券俾各持詣所部太宗益嘉其有謀三年遷侍衛馬軍都虞候領武州防禦使契丹大入邊出為滄州都部署劉廷讓與敵戰君子館先約繼隆以精卒後殿緩急為援既而敵圍廷讓數重繼隆引麾下兵退保樂壽廷讓力不敵全軍陷沒裁以單騎遁免帝怒追繼隆赴關令中書問狀既而得釋逾年加領本州觀察使端拱初制授侍衛馬軍都指揮使領保順節度出為定州都部署初朝議有寇至合堅壁清野勿與戰一日契丹驟至攻蒲城至唐河護軍袁繼忠慷慨請出師中黃門林延壽等五人以詔書止之繼隆曰關外之事將帥得專乃與繼忠出兵戰數合擊走之二年送芻粟入威虜軍契丹將率騎八萬邀戰繼隆所領步騎一萬先命千人設伏城北十里而與尹繼倫列陣以待敵情通繼隆與契丹將耶律格利繼隆通領兵急逐之殺其眾萬餘契丹軍去大軍繼隆方帥於前而後繼隆從後擊敵之據此則繼隆前出帥也與前所傳異眾方食繼隆出其不意

擊走之繼隆追奔過徐河俘獲甚眾嘗有詔虜虜軍繼隆言梁門為北面保障不可廢遂城守如故詔為要地清化初帝遣使至定州密諭繼隆若契丹復入寇朕當親討繼隆奏以疆事當責將帥臣雖弱誓死為期是歲契丹不入邊議遂止四年召還太宗面褒之改領靜難軍節度復遣還屯所時夏州趙保忠與繼隆連謀朝廷患之又綏州牙校高文嘔舉城效順河外蕃漢大擾以繼隆為河西行營都部署尚食使尹繼隆為都監以討之既而繼隆遁去擒保忠以獻初裨將侯延廣監軍秦翰請誅保忠及出兵追之繼隆曰保忠机上肉爾富請於天子今繼隆遁去千里窮積艱於轉餉宜養威持重未易輕舉延廣等服其言會密詔廢夏州隳其城繼隆命秦翰與弟繼和及高繼勳同入奏以為朔方古鎮賊所窺覷之地存之可依以破賊并請於銀夏兩州南界山中增置保戍以扼其衝且為內屬藩部之障蔽而斷賊糧運皆不報至道二年白守宗守樂馬紹忠等送糧靈州為繼隆所邀敗於洛浦河帝聞之怒亟命繼隆為靈環十州都部署是秋五路討繼隆以繼隆出環州取東關鎮由赤檉苦井路赴之繼隆以所出道回遠乏水請由秦馳路徑趨賊之巢穴且遣繼和入奏太宗召詰之知其必敗因遣周榮齋手詔責督其進軍亦檉瑩至繼隆以便宜發兵不俟報與丁罕行十餘日果不見敵而還諸將失期士卒困乏繼隆素剛因慙憤肆殺戮乃奏轉運使陳絳舉鼎軍備不繼並坐削秩三年繼遷以蕃部從順者眾遣其軍主史札遇率兵屯橐駝口西北雙雉以遏絕之執倉族蕃官札遇來告繼隆遣劉承誼田敏會札遇討之斬首數千級獲牛馬橐駝

萬計先是受詔送軍糧赴靈州必由早海路自冬至春而芻粟始集繼隆請由古原州蔚茹河路便眾議不一繼隆固執論其事太宗許焉遂率師以進壁古原州令如京使胡守澄城之是為鎮戎軍真宗即位改鎮安軍節度檢校太傅踰月召還加同中書門下平章事解兵柄歸本鎮咸平二年丁內艱起復會秋潦暴集蔡水壞岸繼隆乘危督士卒補塞自辰訖午衝波稍息四年加檢校太師王師失利於望都繼隆累表求詣闕而陳邊事因乞自效俄召還延見詢訪因言醜類侵擾蓋亦常事願委將帥討伐不煩親征真宗慰諭之改山南東道節度判許州景德初契丹大入寇踰魏郡至河上真宗幸澶淵繼隆表求扈從命為駕前東西排陣使先赴澶州陳師於北城外毀軍為營敵數萬騎急攻繼隆與石保吉率眾禦之追奔數里及帝至幸北門觀兵召問慰勞見其所部整肅歎賞久之二年還京加開府儀同三司食邑實封詔始下會疾作帝親臨問繼和時為并代鈐轄驛召省視卒年五十六贈中書令謚忠武以其子昭慶為洛苑使從子昭闕昭遜並為內殿崇班錄其門下二十餘人乾興初詔與李沆王旦同配享真宗廟庭繼隆出貴冑感慨自樹深沉有城府真宗以元舅之親不欲煩以軍旅優游近藩恩禮甚篤然多智用能謙謹保身明德廢疾欲面見之帝促其往繼隆但詣萬安宮門拜牋終不入又嘗命諸王詣第候繼隆不設湯茗第假王府從行茶爐烹飲焉昭慶改名昭亮見外戚

傳

繼和字周叔少以蔭補供奉官三遷洛苑使清化後繼隆多在邊任繼和常從行友愛尤至每令入奏機事繼

隆罷兵柄唐李勣遣戒投繼和曰吾門不墜者在爾矣初繼隆之請城鎮戎軍也朝廷不果於行繼和面奏曰平涼舊地山川險阻旁扼夷落為中華襟帶城之為便太宗乃許焉後復不守咸平中繼和又以為言乃命版築以繼和知其軍兼原渭儀都巡檢使城畢加鎮平州刺史建議募貧民及弓箭手墾田積粟又屢請益兵朝議未許帝曰苟緩急部署不為濟師則或至失援矣命繼和兼涇原儀渭鈐轄時繼遠未弭命張齊賢梁顯經略因訪繼和邊事繼和言鎮戎軍為涇原儀渭北面扞蔽又為環慶原渭儀秦熟戶所依正當回鶻西涼六谷吐蕃密布設裕瑪藏朗嘉諸族之路自置軍已來克張邊備誠能常用步騎五千守之涇原渭州苟有緩急會於此軍并力戰守則賊必不敢過故置此城以扼要路議者以調發芻糧擾民為言此軍所費止出四州地里非遙輸送甚易又劉琮方興屯田屯田若成積中有備則四州稅物亦不須得靈州孤壘戍守最苦望比他州尤加存恤苟選擇英傑使守靈武高官厚賞不吝先與可保必勝之功朝廷比禁青鹽甚為允愜蕃戎所賴止在青鹽禁之則彼自困矣五年繼和領兵殺威密舊作備理族於天麻川自是崦山外諸族皆恐懼內附今改正願於要害處置族帳若柵以為戍守繼和因請移涇原部署於鎮戎以壯軍勢又請開道環延為應援真宗以其精心戎事甚嘉之戎人伺警巡弛備一夕塞長壕越古長城抵城下繼和與都監史重貴出兵禦之賊據險再突城墮列陣接戰重貴中重創敗走之大獲甲騎有詔嘉獎別出良藥縑帛半酒以賜繼和習武藝好談方略頗知書所至幹治然性剛忽御下少恩部兵終日環

甲常如寇至及較閱之際杖罰過當人多怨焉真宗屢加勗勵且為覆護之嘗上言保捷軍新到屯所多亡命者請優賜緡錢苟有亡逸即按軍法舊制凡賜軍中雖緣奏請者亦以特旨給之帝以繼和峻酷欲軍士感其惠特令以所奏著詔書中而加賜之且以計情定罪自有常制不許其請以邊防之地慮人不為用遣張志言代還既即路軍中皆恐其復來六年又出為并代鈐轄將行請對欲領兵去按度邊壘帝曰河東巖險兵甲甚眾賊若入寇但邀其歸路自可致勝不必率兵而往也景德初契丹侵邊徙北平若車駕駐澶淵繼和受詔與魏能張凝領兵赴趙州躡敵後契丹請和邊民猶未寧又命副將張凝為緣邊巡檢安撫使事平復還并代時朝廷每詔書約束邊事或有當行極斷之語官吏不詳深意即處大辟繼和言其事乃詔自今有云重斷極斷處斬決配之類悉須裁奏先是繼隆卒繼和恥以遺奏得官久之遷西上閤門使未幾擢殿前都虞候領端州防禦使大中祥符元年卒年四十六贈鎮國軍節度遣諸王牽宗室素服赴弔二子早卒帝以其族盛大諸姪皆幼令三班選使臣為王家事弟繼輔至洛苑使順州刺史贈左神武大將軍子昭遜為供備庫使

曹彬 瑋 琦 潘美 李超

曹彬字國華真定靈壽人父芸成德軍兵馬使彬始生周歲父母以百玩之具羅於席觀其所取彬左手持干戈右手持俎豆斯須取一印他無所視人皆異之及長氣質淳厚漢乾祐中為成德軍牙將節帥武行德見其端懿指謂左右曰此遠大器非常流也周太祖貴妃張氏彬從母也周祖受禪召彬歸京師隸世宗帳下從鎮澶淵補供奉官擢河中都監蒲帥王仁鑄以彬帝戚尤加禮遇彬執禮益恭公府讜集端簡終日未嘗旁視仁鑄謂從事曰老夫自謂夙夜匪懈及見監軍矜嚴始覺己之散率也顯德五年使吳越致命訖即還私覲之禮一無所受吳越人以輕舟追遺之至於數四彬猶不受既而曰吾終拒之是近名也遂受而籍之以歸悉上送官世宗強還之彬始拜賜悉以分遺親舊而不留一錢出為晉州兵馬都監一日與主帥暨賓從環坐於野會鄉道守將走价馳書來請使者素不識彬潛問人曰孰為曹監軍有指彬以示之使人以為給已笑曰豈有國戚近臣而衣弋綈袍坐素胡牀者乎審視之方信遷引進使初太祖典禁旅彬中立不倚非公事未嘗造門羣居讌會亦所罕預由是器重焉建隆二年自平陽歸召謂曰我曠昔常欲親汝汝何故疏我彬頓首謝曰臣為周室近親復忝內職靖恭守位猶恐獲過安敢妄有交結遷客省使與王全斌郭遵領騎兵攻河東平樂縣降其將王超侯霸榮等既而賊將改進率兵來援三戰皆

敗之遂建平樂為平晉軍乾德初改左神武將軍時初克遼州河東召契丹兵六萬騎來攻平晉彬與李繼勳等大敗之於城下俄兼樞密承旨二年冬伐蜀詔以劉光毅為歸州行營前軍副部署彬為都監峽中郡縣悉下諸將咸欲屠城彬獨申令取下所至悅服帝聞降詔褒之俄而全師雖等搆亂擁眾十萬彬復與光毅破之於新繁卒平蜀亂囊中惟圖書衣衾而已及還以彬清介廉謹授宣徽南院使義成軍節度使彬入見辭曰征西將士俱得罪臣獨受賞恐無以示勸帝曰卿有茂功又不矜伐設有微累仁贍等豈惜言哉懲勸國之常典可無讓六年遣李繼勳党進率師征太原命為前軍都監戰洞過河斬獲甚眾開寶二年議親征太原復命為前軍都監率兵先往次團柏谷降賊將陳廷山又戰城南薄于濠橋奪馬千餘及太祖至則已分砦四面而自主其北七年將伐江南九月奉詔與李漢瓊田欽先赴荆南發戰艦潘美帥步兵繼進又詔以彬為昇州西南路行營馬步軍戰權都部署分兵由荆南順流而東破峽口砦進克池州連克當塗蕪湖二縣駐軍采石磯十一月作浮梁跨大江以濟師大破其軍於白鷺洲又破之於新林港進次秦淮江南水陸十餘萬陳于城下大敗之浮梁成吳人出兵來禦自三月至八月連破之進克潤州金陵受圍至是凡三時吳人樵采路絕頻經敗衄李煜危急遣其臣徐鉉奉表詣闕乞緩師帝不之省先是太軍列三砦美居守北偏圖其形勢來上太祖指北砦謂使者曰吳人必夜出兵來寇爾亟去令曹彬速成深溝以自固無墮其計中既成吳兵果夜來襲美率所部依新溝拒之吳人大敗奏至帝笑曰果如此長

圍中彬每緩師冀煜歸服又使人諭之曰事勢如此所惜者一城生聚若能歸命策之上也城垂克彬忽稱疾不視事諸將來問疾彬曰余疾非藥石所能愈惟須諸公誠心自誓克城之日不妄殺一人則自愈矣諸將許諾其焚香為誓明日稍愈又明日城陷煜詣軍門請罪待以賓禮請煜入宮治裝彬數騎待宮門外煜之君臣卒賴保全自出師至凱旋士眾畏服無輕肆者及入見刺稱奉赦江南幹事回其謙恭不伐如此初彬之總帥也太祖謂曰俟克李煜當以卿為使相副帥潘美預以為賀彬曰不然夫是行也仗天威遵廟謨乃能成事吾何功哉況使相極品乎美曰何謂也彬曰太原未平爾及還獻俘帝謂曰本授卿使相然劉繼元未下姑少待之美竊視彬微笑帝覺遽詰所以美以實對帝亦大笑按王曾筆錄太祖遣彬下江南以平定日授以相印酒凱旋絕無前命因曲宴彬乃從容陳敘及之史稱彬謙恭不伐未必邀榮使相且官位乃賜彬錢二十萬彬退非臣下所宜自請當以實為正乃賜彬錢二十萬彬退曰人生何必使相好官亦不過多得錢爾未幾拜樞密使檢校太尉忠武軍節度使按宋宰輔編年錄云樞密功太宗即位加同平章事節度使為樞密不罷旋至也加同平章事仍充議征太原召彬問曰周世宗及太祖皆親征何以不能克彬曰世宗時史彥超敗於石澗關人情驚擾故班師太祖頓兵甘草地會歲暑雨軍士多疾因是中止太宗曰今吾欲北征何如彬曰國家兵甲精銳翦太原之孤壘如摧枯拉朽爾太宗意遂決太平興國三年進檢校太師從征太原加兼侍中八年為弭德超所誣罷為天平軍節度使按宋史本傳作太平軍本鄆州無旬餘帝悟其讒進封魯國公待之愈厚太平軍今改 雍熙三年詔彬與潘美等北伐分路進討三月敗契丹

於固安破涿州大破其援師於城南四月又與米信破之於新城及戰於城溝關諸軍敗績退屯易州臨易水而營帝聞亟令分屯邊城追諸將歸關先是賀令圖等言於帝曰契丹主少母后專政寵倖用事請乘其釁以取幽薊遂遣彬與崔彥進米信自雄州田重進趨飛狐潘美出鴈門約期齊舉將發帝謂之曰潘美之師但先趨雲應卿等以十萬眾聲言取幽州且持重緩行不得貪利彼聞大兵至必悉眾救范陽不暇援山後矣旣而美先下寰朔雲應等州重進又取飛狐靈邱蔚州多得山後要害地彬亦連下州縣每奏至帝已訝彬進軍之速及彬次涿州旬日食盡因退師雄州以援餉餽帝聞之曰豈有敵人在前反退軍以援芻粟失策之甚也亟遣使止彬勿前急引師緣白溝河與米信軍會按兵養銳以張西師之勢俟美等盡略山後地會重進之師而東合勢以取幽州時彬部下諸將聞美及重進累建功而已握重兵不能有所攻取謀議蜂起彬不得已復裏糧往攻涿州契丹大眾當前時方炎暑軍士乏困糧且盡彬退軍無復行伍遂為所躡而敗詔彬等至闕鞫於尚書省令翰林學士賈黃中等雜治之彬等具伏達詔失律罪責授右驍衛上將軍彥進右武衛上將軍信右屯衛上將軍餘以次黜四年起彬為侍中武寧軍節度使道化五年徙平盧軍節度使真宗即位復檢校太師同平章事數月召拜樞密使按長編云真宗即位復侍中罷旋鎮謂之曰有司要領重事召入為樞密使兼侍中厚處之乃可鎮靜而責成彬以舊舊冠樞密之首咸平二年被疾帝趨駕臨問手為和藥仍賜白金萬兩問以後事對曰臣無事可言臣二子材器可取臣若內眾皆堪為將帝問其優劣對曰竊不如璋六月薨年六十

九帝臨哭之慟對輔臣語及彬必流涕贈中書令追封濟陽郡王諡武惠且贈其妻高氏韓國夫人官其親族門客親校十餘人八月詔彬與趙普配饗太祖廟庭彬性仁敬和厚在朝廷未嘗忤旨亦未嘗言人過失伐二國秋毫無所取位兼將相不以等威自異遇士夫于塗必引車避之不名下吏每白事必冠而後見居官俸入給宗族無餘積平蜀回太祖從容問官吏善否對曰軍政之外非臣所問也固問之惟薦隨軍轉運使沈倫廉謹可任為師知徐州日有吏犯罪既具案逾年而後杖之人莫知其故彬曰吾聞此人新娶婦若杖之其舅姑必以婦為不利而朝夕咎詈之使不能自存吾故緩其事然法亦未嘗屈焉北征之失律也趙昌言表請行軍法及昌言自延安還被劾不得入見彬在右府為請於上乃許朝謁子璪璪璋玳玳珣珣珤秦王女興平郡王至昭宣使玳左藏庫副使玳尙書虞部員外郎珣東上閤門使琮西上閤門副使玳之女即慈聖光獻皇后也芸累贈魏王彬韓王玘吳王諡曰安禧玳之子倫傳倫見外戚傳傳后兄也榮州刺史諡恭懷

璪字翰光性沈毅善射以蔭補供奉官常從彬征討得與計議彬以為類己特鍾愛焉遷宮苑副使累擢為鎮州行營鈐轄徙綏銀夏麟府等州鈐轄契丹入寇屢戰有功諸將多欲窮追璪慮有伏力止之至道初遷四方館使知靈州徙河西鈐轄改引進使范廷召將兵出塞命璪為之副丁外艱起復為鄜延路副都部署拜趙州刺史領武州團練使充麟府濁輪副都部署出蕃兵邀繼遷俘馘甚眾入為樞密都承旨改領亳州團練使契丹人寇命為鎮定高陽關三路行營都鈐轄鎮康州防禦使再知定州明年由天德軍節度入為東京舊城都巡檢使改鎮彰德轉殿前都指揮使又改保靜武靈忠武等軍節度使按隆平集載璪恩官殿前都指揮使宋史失載今據增在禁衛十餘年未嘗忤旨天禧三年以足疾授河陽節度使同平章事卒年七十贈中書令諡武懿璪起貴胄以孝謹稱能自奮厲以世其家習知韜略雖財不逮其父而敬人和厚亦有父風子儀官至耀州觀察使

璋字寶臣父彬歷武靈天平軍節度使皆以璋為牙內都虞候補西頭供奉官閤門祇候沈勇有謀通春秋三傳於左氏尤深李繼遷叛諸將數出無功太宗問彬誰可將者彬曰臣少子璋可任即召見以本官同知渭州時年十九真宗即位改內殿崇班知渭州馭軍嚴明有部分賞罰立決犯令者無所貸善用閒周知虜動靜舉措如老將彬卒請持喪不允徒知鎮戎軍李繼遷虐用其國人璋知其下多怨即移書諸部論以朝廷恩信撫養無所閒以動諸羌由是康諾爾等族請內附繼遷略西蕃還璋邀擊於石門川俘獲甚眾以鎮戎軍據平地便於騎戰非中國之利請自隴山以東循古長城塹以為限又以弓箭手皆土人習障塞踈曉羌語耐寒苦官未嘗與兵械資糧而每戰輒使先拒賊恐無以責死力遂給以境內閒田春秋耕斂州為出兵護作而蠲其租繼遷死其子德明請命於朝璋言繼遷擅河南地二十年兵不解甲使中國有西顧之憂今國危子弱不即捕滅後更強盛不可制願假臣精兵出其不意禽德明送闕下復河西為郡縣此其時也帝方以恩致德明不報旣而西延嘉密阿日威數大族請拔帳自歸諸將猶豫不敢應璋曰德明野心不急折其嗣後必颺去即日

將騎兵薄大都山接降者內徙德明不敢拒遷西上閣門使爲環慶路兵馬都鈐轄兼知汾州按吏部事帝以璋習知河北事迺以爲眞定路都鈐轄領高州刺史璋常上涇原環慶兩道圖至是帝以示左右曰華夷山川城郭險固出入戰守之要舉在是矣因敕別繪二圖以一留樞密院一付本道俾諸將按圖計事及復爲涇原路都鈐轄兼知渭州與秦翰破章默特族於武延州按都事畧作武分兵滅巴藏於平涼於是隴山諸族皆來獻地璋築堡山外爲籠竿城募土兵守之曰異時秦渭有警此必爭之地也踰年上表還州事願專督軍旅帝不欲遽更守臣以密詔敦諭之改引進使英州團練使復知秦州兼涇原儀渭鎮戎緣邊安撫使時嘉勒斯賚強盛立遵佐之立遵乃上書求號贊布璋言贊布可汗號也立遵一言得之何以處嘉勒斯賚邪且復有求漸不可制迺以立遵爲保順軍節度使恩如斯托特都西羌將舉事必先定約束號爲立文法嘉勒斯賚使其舅桑楊丹與斯敦立文法於離王族謀內寇璋陰結斯敦解寶帶子之斯敦感激求自效問謂璋曰吾父何所使欲吾首猶可斷以獻璋曰我知桑楊丹時至汝帳下汝能爲我取桑楊丹首乎斯敦愕然應之後十餘日果斷其首來因獻南市地南市者秦渭之阨也璋城之表斯敦爲順州刺史初張佶知秦州置四門砦侵奪羌地時羌人多叛去畏得罪不敢出璋招出之令人馬贖罪還故地至者數千人每送馬六十匹給米一端築弓門治方牀穰靜戎三陽定西伏羌永寧小洛門威遠十砦浚濠三百八十里皆役屬羌廂兵工費不出民伏羌首領斯結博哩默隆私立文法璋潛兵滅其帳其年嘉勒斯

賈率眾數萬人入寇環慶戰三都谷追奔三十里斬首千餘級獲馬牛雜畜器使三萬餘遷客首使康州防禦使瑪爾布擦勒立柵野吳谷璋選募神武軍二百人斬柵獲生口孳畜甚眾宗噶爾大首領甘遵治兵於潤努爾川璋遣聞殺遵及破岳矩哉所立文法於楚瑪爾城既而河州洮蘭安江摩敦邈川當布諸城皆納質爲熟戶時璋作壘抵燉羅燉羅唯唯西方要害地也先是璋遣小吏楊知進護賜物通甘州可汗王還過宗噶爾界立遵邀知進語曰秦州大人直以兵入燉羅唯唯來幸爲我言願罷兵歲入貢約蕃漢爲一家因使種人達寶十琳從知進來獻馬自是嘉勒斯賚勢蹙退保積中不出秦人請刻石紀功有詔褒之天禧三年德明寇柔遠若都巡檢楊承吉與戰不利以璋爲華州觀察使鄜延路副都總管環慶秦等州緣邊巡檢安撫使威齊古密達木等族聞璋至歸附者甚眾拜宣徽北院使鎮國軍節度觀察留後簽書樞密院事宰相丁謂逐寇準惡璋不附已指爲準黨除南院使環慶路都總管安撫使乾興初謫左衛大將軍容州觀察使知萊州璋以宿將爲謂所忌即日自上道從弱卒十餘人不以弓鞬矢箠自隨謂敗復華州觀察使知青州徙天雄軍以彰化軍節度觀察留後知承興軍拜昭武軍節度使知天雄軍以疾守河陽數月爲眞定府定州都總管改彰武軍節度使卒贈侍中諡穆璋用士得其死力平居甚閒暇及師出多奇計出入神速不可測一日張樂飲僚吏中坐璋所在明日徐出視事而賊首已擲庭下矣嘗稱疾加砭艾臥閤內不出會賊至璋奮起裏劍被甲跨馬賊望見皆逃去將兵幾四十年未嘗少失利嘉勒斯賚聞璋名

卽望璋所在東欄合手加額契丹使過天雄部勒其下曰曹公在此毋縱驕馳驅也眞宗慎兵事凡邊事必手詔詰難至十數反而璋守初議卒無以奪後雖他將論邊事者往往密付璋處之渭州有告戍卒叛入夏國者璋方對客奕棋遽曰吾使之行也夏人聞之卽斬叛者投其首境上羌殺邊民入羊馬贖罪璋下令曰羌自相犯從其俗犯邊民者論如律自是無敢犯環慶屬羌田多爲邊人所市致軍弱不能自存因沒彼中璋盡令還其故田後有犯者遷其家內地所募弓箭手使馳射較強弱勝者與田二頃再更秋穡課市一馬馬必勝甲然後官籍之則加五千畝至三百人以上團爲一指揮要害處爲築堡使自塹其地爲方田環之立馬社一馬死眾出錢市馬降者旣多因制屬羌百帳以上其首領爲本族軍主次爲指揮使又其次爲副指揮使不及百帳爲本族指揮使其蕃落將校止於本軍敘進以其習知羌情輿地利不可徙他軍也開邊濠率令深廣丈五尺山險不可墮者因其峭絕治之使足以限敵後皆以爲法天雄卒有犯盜者眾謂獄具必殺之璋乃處以常法人或以爲疑璋笑曰臨邊對敵斬不用命者所以令眾吾非好殺也治內郡安事此乎初守邊時山東知名士賈向造璋客外舍璋欲按邊卽同舍邀與俱同問從兵安在曰已具旣出就騎見甲士三千環列初不聞人馬聲同歸語人曰璋殆名將也璋爲將不如其父寬然自爲一家嘉祐八年詔配饗仁宗廟庭按宋宰輔編年錄饗太祖武穆配享仁宗廟忠獻配饗英宗宗文定配饗徽宗父子配饗自昔所無也宗字寶章兄玘娶秦王女興平郡主玘幼時從主入禁中太宗置膝上拊其背曰曹氏有功我家此亦佳兒也

及彬領海軍節度使補衙內都指揮使仁宗冊琮兒女為后禮皆宗主辦除衛州團練使琮因奏曰陛下方以至公屬天下臣既備后族不宜冒恩澤亂朝廷法族人敢因緣請託願致於理時論稱之出知邠州兼知秦州度羨財為倉廩大積穀古渭冀城生羌屢入鈔邊琮懷以恩信擊平醜酒槁之多請內屬寶元初會元昊反拜同州觀察使復知秦州上攻守禦三策久之兼同管句涇原路兵馬定國軍節度觀察留後劉平石元孫敗關輔震恐琮請籍民為義軍以張兵勢於是料簡鄉弓手數萬人賊寇山外還天都劫儀秦屬戶琮發騎士設伏以待之賊遂引去琮欲誘吐蕃特角圖賊得西川舊賈使諭意而沙州鎮王子遣使奉書曰我本唐甥天子實吾舅也自党項破甘涼遂與漢隔今願率首領為朝廷擊賊帝善琮策改陝西副都總管經略安撫招討副使拜步軍副都指揮使與夏竦屯鄜州還為馬軍副都指揮使以疾卒帝臨奠后并出臨喪就第成服贈安化軍節度使兼侍中諡忠恪琮小心謹畏善贊謁御軍整嚴死時家無餘賫子侄皇城使嘉州防禦使佐子詩尚魯國大長公主

潘美字仲詢大名入父彥以軍校戍常山美少儻隸府中典調嘗語其里人王密曰漢代將終兇臣肆虐四海有改卜之兆大丈夫不以此時立功名取富貴碌碌與萬物其盡可羞也會周世宗為開封府尹美以中涓事世宗及即位補供奉官高平之戰美以功遷西上閤門副使出監陝州軍改引進使世宗將用師隴蜀命護永興屯兵經度西事先是太祖遇美素厚及即位命美先在見報政論旨中外陝帥袁彥悅悍信任羣小嗜殺

黷貨且繕甲兵太祖慮其為變遣美監其軍以圖之美單騎往諭以天命既歸宜修臣職彥遂入朝帝喜曰潘美不殺袁彥能令來觀成我志矣李重進起兵太祖親征命石守信為招討使美為行營都監以副之揚州平留為巡檢以任鎮撫以功授秦州團練使時湖南叛將汪端既平人心未寧乃授美潭州防禦使嶺南劉鋹數寇桂陽江華美擊走之溪洞蠻獠自唐以來不時侵略為民患美窮其巢穴多所殺獲餘加慰撫夷落遂定乾德二年又從兵馬都監丁德裕等率兵克郴州開寶三年征嶺南以美為行營諸軍都部署朗州團練使尹崇珂副之進克富川銀道將率眾萬餘來援遇戰大破之遂克賀州又下昭桂連三州西江諸州以次降美以功移南面都部署進次韶州韶廣之北門也賊眾十餘萬聚焉美揮兵進乘之韶州遂拔斬獲數萬計銀窮蹙遣其臣王珪詣軍門求通好又遣其左僕射蕭淮中書舍人卓惟休奉表乞降美因諭以帝意以為彼能戰則與之戰不能戰則勸之守不能守則諭之降不能降則死不能死則亡非此五者他不得受美即令殿直冉彥袞部送淮等赴關銀復遣其弟保興率眾拒戰美即率厲士卒倍道趨柵頭距廣州百二十里銀兵十五萬依山谷堅壁以待美因築壘休士與諸將計曰彼編竹木為柵若攻之以火彼必潰亂因以銳師夾擊之萬全策也遂分遣丁夫數千人持二炬間道造其柵及夜萬炬俱發會天大風火勢甚熾銀眾驚擾來犯美揮兵急擊之銀眾大敗斬數萬計驅至廣州銀盡焚其府庫遂克之擒錕送京師露布以聞即日命美與尹崇珂同知廣州兼市舶使拜山南東道節度五年兼嶺南道轉

運使土豪周思瓊聚眾負海為亂美討平之嶺表遂安八年議征江南遣美與劉遇等率兵先赴江陵既命美為昇州道行營都監與曹彬偕往進次秦淮時舟楫未具美下令曰美受詔提驍果數萬人期於必勝豈限此一衣帶水而不徑度乎遂麾以涉大軍隨之吳師大敗及采石磯浮梁成吳人以戰艦二十餘萬鳴鼓逆流來趨利美麾兵奮擊奪其戰艦擒其將鄭賓等七人又破其城南水砦分舟師守之奏至太祖遣使令亟徙置戰懼以防他變美聞詔即徙軍是夜吳人果來攻若不能克進薄金陵江南水陸十萬陳於城下美率兵襲擊大敗之李煜危甚遣徐鉉來乞緩師帝不之省仍詔諸將促令歸附煜遷延未能決夜遣兵數千持炬鼓譟來拒美率精銳以短兵接戰因與大將曹彬率士晨夜攻城百道俱進金陵平以功拜宣徽北院使命副党進攻太原戰於汾上破之且多擒獲太平興國初改南院使三年加開府儀同三司四年命將征太原美為北路都招討判太原行府事部分諸將進討并州遂平繼征范陽以美知幽州行府事及班師命兼三交都部署留屯以捍北邊三交西北三百里地名固軍其地險阻為北邊咽喉美潛師襲之遂據有其地因積粟屯兵以守之自是北邊以寧美嘗巡撫至代州既秣馬蓐食俄而契丹兵萬騎來攻近塞美誓眾銜枚奮擊大破之封代國公八年改忠武軍節度進封韓國公雍熙三年詔美及曹彬崔彥進等北伐美獨拔寰朔雲應等州詔內徙其民會契丹兵奄至戰於陳家谷口不利驍將楊業死之美坐削秩三等責授檢校太保明年復檢校太師知真定府未幾改都部署判并州加同平章事數月卒年六十

七贈中書令諡武惠咸平二年配饗太宗廟庭子惟德
至宮苑使惟固西上閣門使惟正西京作坊使惟清崇
儀使惟熙娶秦王女平州刺史女卽章懷皇后按宋史
惟熙女卽章懷皇后也惟
熙二字重出係誤今刪美後追封鄭王以章懷故也
惟吉美從子累資爲天雄軍駐泊都監雖連戚里能以
禮法自飭敷歷中外人咸稱其勤敏云

李超者冀州信都人爲禁卒常從潘美軍中主刑刀美
好乘怒殺人超每潛綫之美怒解輒得釋以是全者甚
眾人謂其有陰德子濬字德淵中進士累擢祕書知康
州景德初以虞部員外郎兼侍御史知雜事從幸澶淵
師還命與陳堯咨安撫河北踰年判吏部銓濬居憲府
未再歲帝寵待之擢樞密直學士宰相王旦言濬雖有
剴劑才然驥歷清切時望未允眞宗曰朕業已許之矣
尋知開封能檢察隱微京師稱之出知秦州暴疾卒濬
與李宗諤同歲同月後一日生其卒也亦後一日歿以
爲異

欽定續通志卷三百一

列傳

宋六

張美

郭守文

尹崇珂

劉廷讓

袁繼忠

崔彥進

皇甫繼明

張瓊

曹翰

楊信

黨進

李漢瓊

劉遇

李懷忠

米信

田重進

劉廷翰

崔翰

張美字元珪貝州清河人少善書計初為左藏小吏以

彌幹聞三司薦奏特補內庫專知出為澶州糧料使周

世宗鎮澶淵每有求取美必曲為供給及即位召為樞

密承旨時宰相景範判三司被疾命美權判三司征淮

南留為大內部署一日方假寐忽覺心動遽驚起行視

宮城中少頃內醜署火起既有備即撲滅之俄真授三

司使世宗再幸淮上皆為大內都點檢北征又為大內

都部署師還為左監門衛上將軍充宣徽北院使判三

司美彊力有心計周知利病以幹敏稱世宗連歲征討

糧餽不乏深委賴焉然以澶淵有所求假頗薄之美亦

自愧恭帝立加檢校太傅太祖即位加檢校太尉初李

筠鎮上黨募亡命漸強難制美度筠必生變陰積粟

於懷孟間後筠果起兵太祖親討之大軍十萬出太行

經費無闕拜定國軍節度縣官市木關中同州歲出緡

錢數十萬以假民畏吏十取其一謂之率分錢歲至數

百萬美獨不取乾德五年移鎮滄州太平興國初入朝

改左驍衛上將軍八年請老以本官致仕雍熙二年卒

年六十八溘化初諡恭惠子守瑛至供備庫使係土宗

至內殿承制士禹為崇班士安為閣門祇候十宣為禮

殿副使

郭守文字國華據東都并州太原人父暉仕漢為護聖

軍使從周祖征河中戰死守文年十四居喪哀毀周祖

憐之召隸帳下廣順初補左班殿直太祖即位遷西頭

供奉官蜀平遷知簡州時劔外多寇守文悉招來集附

從潘美征嶺南會擒劉鋹傳告捷遷翰林副使從曹

彬等平金陵護送李煜歸闕下時煜以拒命頗自歎不

欲生見太祖守文察知之因謂煜曰國家止務恢復疆

土以致太平豈復有後至之責耶煜心遂安俄從党進

破并寇於團相谷太平興國初奉州內附蕃部騷動命

守文乘傳撫諭西夏悅伏三年遷西上閣門使是夏汴

水決於靈陵發未毫丁壯塞之命守文董其役是冬又

與王侁石全振護塞靈河縣決河及征太原與梁迥分

護行營馬步軍會劉繼元降其弟繼文據代州依契丹

之援以拒命遣守文討平之俄受詔護定州屯兵大破

契丹於蒲城遷東上閣門使領澶州刺史召還拜內客

省使雍熙二年詔守文率兵屯三交俄加領武州團練

使屬夏人擾攘命守文帥師討之破夏州鹽城鎮濟囉

尼等十四族又破密威族諸部相率來降凡銀麟夏三

州歸附者百二十五族萬六千餘戶西鄙遂寧五年大

舉北伐為幽州道行營前軍步軍水陸都監卒與契丹

遇為流矢所中氣色不撓督戰益急會大軍不利坐違

詔還遑退軍左遷石屯衛大將軍事具曹彬傳明年復

舊職三月拜宣徽北院使又與田欽祚並為北面排陣

使屯鎮州端拱初改商院使鎮州路都部署又為北面

侵大破之唐河端拱三年十月卒年五十五贈侍中諡

忠武追封譙王守文沉厚有謀略頗知書每朝退習書

百行出官溫雅未嘗忤人意先是將臣戍邊者多致寇

以邀戰功河朔諸州殆無密歲既敗岐溝關乃命守文

以內職總兵鎮常山以經略之守文既喪月餘中使自

北邊來言守文死軍士皆流涕帝問何以得此對曰守

文得祿賜悉犒勞士卒死之日家無餘財帝嗟嘆久之

賜其家錢五百萬為真宗納其女為夫人即章穆皇后

也子崇德至太子中舍崇信至西京左藏庫使贈福州

觀察使崇儼至崇儀使贈潤州觀察使諸司使無廢朝

贈官之例崇信崇儼咸以兄故特示優禮崇德子承

壽至虞部員外郎天禧五年錄承壽子若水為太常寺

奉禮郎崇仁為解州團練使

尹崇珂秦州天水人後徙居大名父廷勛歷磁同滌三

州刺史崇珂初事周世宗於藩邸及即位補東西班都

知從戰高平及從征淮南皆有勞績累遷殿前都指揮

使太祖即位出為淄州刺史有善政民詣闕請刻石頌

德太祖命殿中侍御史李穆撰文賜之討湖南為行營

前軍馬軍都指揮使荆湘平授朗州團練使又與潘美

丁德裕克郴州乾德中征嶺表為行營馬步軍副部署

克廣州擒劉鋹即日詔與潘美同知廣州遷保信軍節

度未幾南漢開府樂範容州都指揮使鄧存忠韶州賊

帥周思瓊春恩道都指揮使麥漢瓊等據五州之地以

叛崇珂討之太祖遣中使李神祐督戰數月盡平其黨

遷治所六年卒年四十二贈侍中子昭吉弟崇珪初太

宗在周朝娶崇珂妹追諡淑德皇后

劉廷讓按宋史本傳作字光又考東都事畧廷其先涿讓本名光又太宗即位賜今名今據改

州范陽人曾祖仁恭守文其弟守光因父仁恭守文舉兵討之為守光所殺廷讓與其父延進避難南奔少有膂力周祖以隸帳下廣順中從世宗征淮南領雷州刺史再遷涪州團練使太祖即位轉江州防禦使從征李筠為行營先鋒使建隆二年改侍衛馬軍都指揮使領江寧軍節度乾德二年詔領兵赴潞州以備并寇與師伐蜀為四川行營前軍兵馬副都部署率禁兵諸州兵由歸州進討張廷翰隨之入其境連破松木三會巫山等砦獲蜀將南光海袁德宏等奪戰艦二百餘艘因度南岸初夔州有鑛江為浮梁上設蔽棚三重夾江列礮具廷讓等將行太祖以地圖示之指鑛江曰我軍至此泝流而上慎勿以舟師爭勝當先以步騎陸行出其不意擊之俟其勢卻即以戰櫂夾攻之必矣及師至距鑛江三十里舍舟步進頓兵白帝廟西先奪其橋復牽舟而上監軍武守謙率所部來拒戰廷翰引兵逆擊敗之於豬頭鋪乘勝克其城守將高彥儔自焚悉如太祖計遂進克萬施開忠四州峽中郡縣悉下遂州州將陳愈率吏民來降盡出府庫金帛以給將士初出師太祖命所得郡縣當領帑藏為朕賞戰士國家所收唯土疆爾故人皆效命所至成功蜀平時王全斌等皆坐貪贖左降惟廷讓秋毫無犯全師雄等復亂又與曹彬攻破之改鎮鎮安軍節度從征太原開寶六年出為鎮寧軍節度太平興國二年入為右驍衛上將軍雍熙二年曹彬敗於岐溝關諸將失律多坐黜免既而契丹擾邊議遣將無愜上意著時廷讓與宋偃張永德並罷節鎮在環列帝欲令擊契丹自效乃遣分守邊郡以廷讓知雄州又徙瀛州兵馬都部署是冬契丹數萬騎來侵廷

讓與戰君子館時天大寒兵士弓弩皆不能發契丹圍讓數重廷讓先分精兵屬李繼隆為後殿緩急為援至是繼隆退保樂壽廷讓一軍皆沒僅以數騎獲免先鋒將質合圖楊重進皆陷於契丹自是河朔戍兵皆無關志又科鄉民為兵以守城未習戰鬪契丹遂長驅而入陷深祁德數州殺官吏俘士民所在輦金帛而去博魏之北民尤苦焉太宗聞之下哀痛之詔廷讓詣闕待罪太宗知為李繼隆所誤不之責四年復命代張永德知雄州兼兵馬都部署以疾求歸京師不俟報迺離屯所帝怒下御史按問獄具詔削奪在身官爵配隸商州又黜其子如京使永德為濠州團練副使永恭為崇儀副使永和為唐州刺史廷讓既黜怏怏不食行至華州卒年五十九帝錄其舊勳贈太師子永德至內殿崇班永恭至西京作坊副使永和為內殿承制永錫至崇班永保永昌永規並至閤門祇候永崇為崇班永璽及孫允忠並為閤門祇候

袁繼忠其先振武人後徙并州父進仕周為階州防禦使繼忠以父任補右班殿直太祖平澤潞討并汾悉預攻戰乾德中征蜀隸大將劉廷讓麾下既克蜀知雲安軍應嘉蜀二州監軍開寶中伐廣南及平遷供奉官護隰州白壁關屯兵時河東拒命繼忠累入其境破三砦遂與都巡檢郭進略地忻代州改天平軍巡檢太宗即位命擊梅山洞賊破之又巡邊邊部於唐龍鎮征太原預破虜揚軍先登陷陣契丹入代境率兵擊走之以功遷通事舍人護高陽關屯兵與崔彥進破契丹長城口時有勳繼忠自論其功者繼忠不肯會道保忠來朝獻其地綏州刺史李克憲懼塞不奉詔遣繼忠諭行竟率克憲入朝遷西上閤門副使詔與田仁朗率兵定河西諸州大破西人於葭蘆川按方輿記要延安府東北有葭蘆山遺燕達等築蘆葭故城及開光嶺傳載神謬謀取蘆川等砦宋史本傳作葭蘆州誤今據改遷引進副使護定州屯兵雍熙二年遷西上閤門使三年大將田重進征契丹命為定州路行營馬步軍都監領師取飛狐下靈邱平蔚州擒其帥大鵬翼以獻事見重進傳師還繼忠為後殿行列甚整至定州重進欲斬降卒後期至者繼忠諭以殺降不祥皆救免之遷判四方館事領播州刺史護屯兵如故大將李繼隆以易州靜塞騎兵尤驍果取隸麾下畜其妻子城中繼忠言於繼隆曰此精卒止可守城萬一敵至城中誰與捍者繼隆不從既而契丹兵至城陷卒妻子皆為所俘繼隆疑此卒怨己欲分隸諸軍繼忠曰不可但奏升其軍額優以贖給使之盡節可也從之眾皆感悅繼忠因自請以隸麾下會契丹騎大至駐唐河北諸將欲堅壁待之繼忠身先士卒辭氣慷慨眾壯之率靜塞軍摧鋒先入契丹兵大潰追化初遷引進使護鎮定高陽關兩路屯兵三年被病召赴闕卒年五十五繼忠長厚忠謹士大夫多與遊前後賜賚鉅萬計悉以犒賞士卒身死之日家無餘財搢紳稱之子用成雍熙初登進士第至太常博士

崔彥進大名人有膽略善騎射漢乾祐中隸周祖帳下廣順初補衛士世宗鎮澶淵令領禁兵以從征淮南及平瓦橋關遷東西班指揮使領昭州刺史太祖即位征李筠為先鋒都部署從平李重進改虎捷右廂建隆二年遷侍衛步軍都指揮使領武信軍節度大舉伐蜀為鳳州路行營前軍副都部署蜀平坐縱部下略玉帛子女及諸不法事至遷昭化軍節度觀察留後改授彰信軍

節度太平興國二年移鎮河陽四年遣將征太原分命攻城以彥進與鄆州防禦使尹勳攻其東彥進督戰甚急晉陽平從征幽州又與內供奉官江守鈞率兵攻城之西北及班師詔彥師與西上閣門副使薛繼興等領兵屯關南是秋契丹侵遂城與劉廷翰崔翰等擊破之五年車駕北巡為關南都部署敗契丹於唐興口雍熙三年命將北伐分兵三路詔彥進為幽州道行營馬步軍水陸副都部署與曹彬米信出雄州大軍失利彥進半違彬節制貶右武衛上將軍事具彬傳四年授保靜軍節度端拱元年被病召歸闕卒年六十七贈侍中彥進頻立戰功然好聚財貨所至無善政後諸子爭家財有司攝治太宗召見為決之謂左右曰此細務朕不宜親臨但以彥進嘗任節制不欲令其子辱於父耳子懷遵至內殿崇班懷清至崇儀副使懷遵子上賢娶鎮王女崇安縣主懷清子從湜娶岐王女永壽縣主為西京左藏庫副使後坐事除名按宋史此下有張廷翰傳其征蜀事已載劉廷讓傳足錄今從刪

皇甫繼明冀州蓆人父濟汾川令繼明身長七尺善騎射以膂力聞郡中刺史張廷翰以隸左右薦於太祖補殿前指揮使歷左右番押班都知太平興國七年坐奏王廷美事出為汝州馬步軍都指揮使雍熙三年召入為馬步軍副都軍頭田重進北征繼明為前鋒加馬步軍頭端拱二年轉龍神衛四廂都指揮使領羅州防禦使副高瓊為并代部署道化二年又副范廷召為平虜橋若兵馬都部署改高陽關部署至道元年改領洋州觀察使充環慶路馬步軍都部署繼明御下嚴肅士卒頗畏懼之二年受詔護送輜重赴靈州繼明已先約靈

州部署田紹斌率軍迎接適被病裨將白守榮請率兵先往繼明宿將盧守榮等帳幄與敵接戰曰我疾少聞遂獲鑲被甲上馬強行至清遠軍卒年六十三詔贈彰武軍節度子懷信為供奉官

張瓊大名館陶人少有勇力善射隸太祖帳下周顯德中太祖從世宗南征擊十八里灘皆為戰艦所圍一人甲盾鼓譟而前眾莫敢當太祖命瓊射之一發而路准人遂却及攻壽春太祖乘皮船入城濠城上弓弩遽發失大如椽瓊亟以身蔽太祖矢中瓊股死而復蘇鏃著髀骨堅不可拔瓊索杯酒滿飲破骨出之血流數升神色自若太祖壯之及即位擢典禁軍累遷內外馬步軍都軍頭領愛州刺史太宗自殿前都虞候尹開封太祖曰殿前衛士如狼虎者不啻萬人非瓊不能統制即命瓊代為都虞候遷嘉州防禦使瓊性暴無機多所凌轢時史珪石漢卿方用事瓊輕侮之目為巫媼二人銜之發瓊擅乘官馬納李筠隸僕畜部曲百餘人恣作威福禁軍皆懼又誣毀太宗為殿前都虞候時事召訊瓊瓊不伏太祖怒令擊之漢卿即奮鐵搥亂下氣垂絕曳出遂下御史案鞫之瓊知不免解所繫帶以遺母獄具賜死太祖旋聞家無餘財止有僕三人甚悔之因責漢卿曰汝言瓊有僕百人今何在漢卿曰瓊所養者一敵百耳太祖優恤其家以其子尚幼乃擢其兄進為龍捷副指揮使

曹翰大名入少為郡小吏好使氣陵人不為鄉里所譽漢初周祖鎮鄆與語奇之以隸世宗帳下世宗鎮澶淵署為牙校入尹開府留翰在鎮會周祖寢疾翰不俟召歸見世宗密謂曰主上不豫王為冢嗣不待醫藥而決

事於外廷失天下望世宗悟即入侍以府事屬翰總決及世宗即位補供奉官從征高平參謀謀書尋遷樞密承旨世宗征淮南留鑿甲千數在正陽既而得降卒八百部送歸京師時翰適從京師來詣過正陽十數里許遇之慮劫兵器為叛矯殺之及見世宗具言其事世宗不悅翰曰賊以困歸我非心服也所得器甲盡在正陽苟為所劫是復生一淮南矣因不之罪從征瓦橋關會班師留知雄州世宗大漸論范質等以王著為相翰為宣徽使質以著嗜酒翰飾詐而專並廢之改德州刺史

太祖即位從征澤潞還改濟州刺史乾德二年征蜀移刺均州按隆平集載乾德中伐蜀以翰帥荆澗谷深險襄又詔兼運是翰非僅刺均州也翰令鑿石通道師旋以濟詔兼西南諸州轉運使自石門徑趨歸州餉運不乏由夔萬入會王全斌軍成都以平時全師雄擁眾十萬餘據鄂縣叛未幾軍校呂翰殺武懷節據嘉州以叛均率兵會曹彬等討平之師還遷蔡州團練使開寶中河決澶州令翰董其役復決陽武再護役皆有成績將征江南命翰率兵先赴荆南改行營先鋒使進克池州金陵平江州軍校胡德按宋史太祖之擒牙校宋德明胡則牙將宋德明據城拒命翰率兵攻之凡五月而陷屠城無噍類殺兵八百所略金帛以億萬計偽言欲致廬山東林寺鐵羅漢像五百頭於京師因調巨艦百艘載所得以歸遷桂州觀察使判潁州太平興國四年從征太原為攻城南面都部署與崔

彥進李漢瓊劉遇三節度分部攻城翰攻東北劉遇堅欲易之數日不決上慮諸將不協遣諭翰曰卿智勇無雙西北面非卿不能當也翰乃奉詔築土山瞰城中數日而就繼元甚恐軍中乏水城西十餘里谷中有娘子

願翰往禱之穿渠得水人馬以給又從征幽州率所部攻城東南隅卒掘土得蟹以獻翰謂諸將曰蟹水物而陸居失所也且多足彼援將至不可進拔之象況蟹者解也其班師乎已而果驗五年從幸大名拜威塞軍節度仍判穎州復命為幽州行營都部署詔督役開南河自雄達莫以通漕運議築大隄捍之翰遣徒數萬伐巨木於敵境遣騎五授五色旗為斥候前遇邱陵水澤寇賊烟火則各舉其旗以為應又起烽燧於境上敵疑不敢近塞得巨木數萬以濟用訖事歸鎮翰在郡歲久征歛苛酷政因以弛上以其有功每優容之會汝陰令孫崇望詣闕訴翰所為多不法詔遣御史滕中正乘傳鞠之獄具當棄市上貸其罪削官爵流劍登州雍熙二年起為右千牛衛大將軍分司西京召入為左千牛衛上將軍賜錢五百萬白金五千兩治化三年卒年六十九贈太尉上命遷其四子守謙守能守節守貴官其六子守讓守贊守澄守恩守英守吉皆補殿直翰陰狡多智數好夸誕貪冒貨賂飲酒至數斗不亂每奏事帝前雖甲恥為家貧賣寶刀翰直禁日因語及之帝憫其意故有銀錢之賜咸平元年賜諡武毅

楊信瀛州人初名義顯德中隸太祖麾下為裨校太祖即位權內外馬步軍副都軍頭累遷殿前都虞候領漢州防禦使乾德四年信病瘡帝幸其第賜錢二百萬改靜江軍節度開寶二年散指揮都知杜延進等將為不軌謀泄夜啟玄武門召信追捕遲明十九人皆獲帝親訊而誅之遷殿前都指揮使改鎮建武軍節度太祖嘗令御龍直習水戰於後池有鼓譟聲信居玄武門外聞

之速入服卓綈袍以見帝謂曰吾教水戰爾非有他也出帝目送之謂左右曰真忠臣也九年授義成軍節度太平興國二年改鎮寧軍並領殿前都指揮使三年以傷疾在告俄卒贈侍中信雖瘡疾而質實自將善部分士卒指顧申激動有紀律故見信任而終始無疑焉未死前一曰瘡疾忽愈帝聞而駭之速幸其第信自言遭遇兩朝恩寵隆厚敘謝感慙涕泗橫集帝加慰勉錫賚有差信弟嗣贊建隆初以信薦為殿直累遷高陽關戰權都監治化二年知保州門無私謁改如京使再知保州有戰功咸平初真拜保州刺史召還授本州團練使時楊延昭方為刺史嗣言嘗與延昭同官驥居其上不可願守舊官帝嘉其讓乃遷延昭官嗣與延昭久居北邊俱以善戰聞時謂之二楊嗣治郡兼領巡檢在郡日少城堞圯壞有未葺者詔供備庫副使趙彬代之改深州團練都巡檢使兼保州鈐轄五年邊人寇保州嗣與楊延昭禦之部伍不整為所襲士馬多亡失代還特宥其罪明年與防秋之策條陳北面利害以其練邊事出為鎮定高陽關三路後陣鈐轄移定州副都部署景德初改鎮州路副都部署嗣年總軍政慮有廢闕旋命代之復出為天雄軍副都部署以左龍武大將軍致仕卒年八十一錄其子承憲為侍禁贊稱知書無異能以兄故得掌禁旅累資朝著至牧守焉

黨進湖州馬邑人幼給事魏帥杜重威重威敗進以營力隸軍伍周廣順初補散指揮使鐵騎都虞候太祖即位轉本軍都校累遷鎮州防禦使改鎮閬州乾德初改龍捷左廂都虞候鎮利州觀察使權步軍杜審瓊卒命進代領其務彰信軍節度開寶元年將征太原以

進將河東行營前軍太祖師臨晉陽置砦四面命進主其東偏師未成列太原驍將楊業領突騎數百來犯進奮身從數騎逐業急入陣中會援兵至緣絕入城獲免帝激賞之改侍衛馬軍都指揮使鎮安軍節度又命將河東行營兵征太原敗太原軍於城北太祖崩召還太平興國二年出為忠武軍節度在鎮歲餘一日自外歸有大蛇卧榻上寢衣中進怒烹食之遇疾卒年五十一贈侍中進出戎行形貌魁岸居常恂恂每擐甲胄毛髮皆豎進名進自稱曰暉人問之則曰吾欲從吾便耳先是禁中軍校自都虞候已上悉書所掌兵數于楹上如笏記焉太祖一日問進所掌幾何進不識字但舉楹以對曰盡在是矣帝以其朴直益厚之嘗受詔巡京師見有畜養禽獸者必取縱之罵曰買肉不將供父母反以飼禽獸乎太宗嘗令親吏臂鷹離于市進欲放之吏曰此晉王鷹也進乃戒之曰汝謹養視小民傳以為笑其變詐又如杜重威子孫有貧困者進分月俸給之士大夫或有愧焉子崇義開慶使崇貴閨門祇候李漢瓊河南洛陽人曾祖裕祁州刺史漢瓊體質魁岸有膂力晉末補西班衛士遷內殿直周顯德中從征淮南遷龍旗直副都知改左射指揮使太祖即位再遷鐵騎第二軍都校鎮饒州刺史累遷鎮洮州觀察使征江南命領行營騎軍兼戰權左廂都指揮使自斷春攻岐口砦沿流拔池州破銅陵取當塗作浮梁于牛渚以濟大軍分圍金陵率所部度秦淮取巨艦實其中縱火攻其水砦拔之江南平鎮振武軍節度太平興國二年出鎮彰德太宗親征太原改攻城都部署漢瓊與牛思進主攻城南偏漢瓊先登矢集其腦併中指傷其脅力

進主攻城南偏漢瓊先登矢集其腦併中指傷其脅力

疾戰帝召至幄款賜良藥以慰勞之先是攻城者以牛革冒木上士卒蒙之而進謂之洞子帝欲幸其中以勞士卒漢瓊極諫以為矢石之下非萬乘之尊所宜輕往帝乃止太原平改鎮州兵馬鈐契丹數萬騎寇中山漢瓊與戰於蒲城大敗之逐至遂城存斬萬計加檢校太尉車駕幸大名漢瓊上謁陳邊事稱旨命為滄州都部署以病還京卒年五十五贈中書令漢瓊性木強使酒難近然善戰有功無子弟漢贊漢彬太平興國初漢贊補供奉官嘗監高陽關平戎軍乘傳衛發二州捕劇賊程白眉數十人悉殲焉累任崇儀使知靈州大中祥符七年卒漢彬至禮賓副使

劉遇滄州清池人少魁梧有膂力周祖鎮大名隸帳下廣順初補控鶴都頭改副指揮使太祖即位遷御馬直指揮使累遷控鶴右廂都指揮使瓊州團練使從征太原遷虎捷右廂改領蔚州防禦使開寶六年轉侍衛步軍都虞候領洮州觀察使征江南領步軍戰權都指揮使時吳兵三萬屯皖口遇會諸路兵破之擒其將朱令贊王暉等獲戎器數萬金陵平加領大同軍節度太平興國二年出為彰信軍節度四年征太原與史珪攻城北面平之進攻范陽師還坐所部失律責授宿州觀察使五年從幸大名復保靜軍節度幽州行營都部署護築保州威虜靜戎平塞長城五城徙鎮滑州遇性清謹尤善射太宗待之甚厚雍熙二年卒年六十六贈侍中

李懷忠涿州范陽人初名懷義太祖嘗禁兵時隸帳下為散都頭累授東西班都指揮使改領富州刺史開寶中從太祖征晉陽累月未下會盛夏欲班師懷忠謂賊

嬰孤城內無儲侍外無援兵其勢危困若急攻之破在旦夕臣願奮銳為士卒先會大熱戰不利懷忠中流矢力疾戰益奮還授散指揮使遷富州團練使改日騎左右廂都指揮使帝幸西京愛其地形勢得天下中正有留都之意懷忠乘間進曰東京有汴渠之漕歲致江淮米數百萬斛禁衛數十萬人仰給於此帑藏重兵皆在焉根本安固已久一旦遽欲遷徙臣實未見其利帝嘉納之按長編載太祖欲遷都西京懷忠言遷都未見其利帝不聽晉王又以爲言帝亦不答徐謂左右曰姑從晉王言不出百年天下民力亦不答徐謂左右曰從晉王言不出百年天下民力亦不答徐謂左右曰

三人為供奉官大中祥符三年又錄其子德鈞為借職米信舊名海進按東師事畧本奚族少勇悍以善射聞周祖卽位隸護聖軍從世宗征高平遷龍捷散都頭太祖總禁兵以信隸麾下得給使左右遂委心焉改名信署牙校及卽位補殿前指揮使遷直長平揚州日信執弓矢侍帝側有游騎將追乘輿射之一發而斃遷內殿直指揮使開寶元年改殿前指揮使領郴州刺史太宗卽位累遷領洮州觀察使征太原命為行營馬步軍指揮使與田重進分督行營諸軍并人濟師來犯信擊敗之殺其將裴正并州平遂移兵攻范陽師還以功擢保順軍節度使命與郭守贊等同護定州屯兵六年遷定州駐泊部署八年改領彰化軍節度使雍熙三年征幽薊命為幽州西北道行營馬步軍都部署敗契丹於新城契丹率眾復來戰大軍稍卻信獨以麾下龍衛卒三百禦敵圍之數重矢下如雨信射中數人麾下土多死會暮信持大刀率從騎大呼殺數十人敵遂小卻信以百餘騎突圍得免坐失律議當死詔特原之責授右屯衛大將軍明年復授彰武軍節度端拱初詔置方田以信為邢州兵馬都部署監之改鎮橫海軍信不知書所為多暴橫帝命何承矩為之副以決州事及承矩領護屯田信多專恣不法帝知之召為右武衛上將軍判左右金吾街仗事未踰月吏卒以無罪被捶撻者甚眾強市人物妻死買地營葬妄發居民冢墓家奴陳贊老病垂之致死為其家人所告下御史鞠之信具伏獄未上而卒年六十七贈橫海軍節度子繼豐內殿崇班閔門祇候

田重進幽州人形質奇偉有武力周顯德中應募為卒隸太祖麾下從征契丹至陳橋遷遷御馬軍使積功至灋州刺史太平興國四年從征太原還錄功擢為天德軍節度使改侍衛步軍指揮使領靜難軍節度使九年河決滑州韓房村重進總護其役以劉吉為之副河遂塞雍熙中命節北征重進率兵傳飛狐城下用袁繼忠計伏兵飛狐南口擒契丹驍將大鵬翼及其監軍馬贊按宋史太宗本紀副將何萬通并渤海軍三千餘人斬首數千級俘獲以萬計逐北四十里連下飛狐靈州宋史州作靈邱等城進攻蔚州其牙校李存璋等殺首帥蕭棟摩執耿紹忠率吏民來附會曹彬之師不利乃命重進重師駐定州遷定州駐泊兵馬都部署三年率師入契丹境攻下岐溝關殺守城兵千餘及獲牛馬輜重以還四年改彰信軍節度治化三年改眞定尹成德軍節度未幾移京兆尹永興軍節度五年改知延州復還鎮至道三年卒年六十九贈侍中重進不事學太宗居藩邸時愛其忠勇嘗遺以酒炙不受使者曰此晉王賜也何為不受重進曰為我謝晉王我知有天子爾卒不

受上知其忠朴故終始委遇馬子守信六宅使守吉閭門祇候

劉廷翰開封浚儀人父紹隱後唐末隸兵籍晉天福中以隊長戍魏博范延光反紹隱力戰死周世宗鎮澶淵廷翰以膂力隸帳下卽位補殿前指揮使累從征伐再遷至散指揮第一直都知太祖卽位豫平上黨維揚遷鐵騎都指揮使領廉州刺史太平興國四年從征太原領鎮州駐泊都鈐轄太宗北伐旣班師帝以邊備在於得人乃命廷翰李漢瓊率兵屯眞定崔彥進屯關南崔翰屯定州契丹果縱兵南侵廷翰先陣於徐河彥進率師出黑蘆堤北街枚躡契丹後崔翰漢瓊兵繼至合擊之大敗其眾於蒲城廷翰以功領大同軍節度殿前都虞候八年改領彰信軍節度雍熙四年改鎮滑邢端拱中鎮州駐泊馬步軍都部署郭守文卒帝特命廷翰代之清化三年改大名尹天雄軍節度以病求解官還闕帝親臨問賜賚有加未幾卒年七十贈侍中廷翰自衛士至上將頗以武勇自任寬厚容眾雖不事威嚴而長於御下爲殿前都指揮使入朝常行眾中每歷宮殿門少識之者嘗與郊祀恩當追封三世廷翰少孤其大父以上皆不逮事忘其家諱上爲撰名親書賜之子贊元

國二年講武於西郊時殿前都指揮使楊信病瘖命翰代之翰分布士伍南北綿亙二十里建五色旗號令將卒望其所舉以爲進退六師周旋如一帝御臺臨觀大悅以藩邸時金帶賜之謂左右曰晉朝之將必無如崔翰者從征太原命總侍衛馬步諸軍率先攻城流矢中其頰神色不變督戰益急帝卽軍帳撫問之太原平時帝將有事幽薊諸將以爲晉陽之役師罷餉賈劉繼元降賞賚且未給逮有平燕之議不敢言翰獨奏曰所當乘者勢也不可失者時也取之易帝謂然定議北伐旣而班師命諸將整暇以還至金臺驛大軍南向而潰帝令翰率衛兵千餘止之翰請單騎往至則諭以師律眾徐以定不戮一人旣復命帝喜因命知定州得以便宜從事緣邊諸軍並受節制軍市租儲得以專用契丹兵數萬寇蒲城翰會李漢瓊兵於徐河河陽節度崔彥進兵自高陽調繼至因合擊之契丹投西山坑谷中死者不可勝計俘馘數萬所獲他物又十倍焉以功擢武泰軍節度使初劉繼元降帝令翰往撫慰略無得出城時秦王廷美以數十騎將冒禁出翰呵止之至是構於上明年出爲感德軍節度使至鎮時盜賊充斥翰誘其渠魁戒以禍福羣盜感悟散歸農畝境內肅然雍熙二年移知滑州三年北伐不利帝追念徐河之功召翰爲威虜軍行營兵馬都部署改鎮定國軍移鎮鎮安軍清化三年召還以疾留京師稍聞入見帝曰臣旣以身許國不願死於家得以馬革裹尸足矣帝壯之復令赴鎮月餘卒年六十三贈侍中翰驍勇有謀所至多立功輕財好施死之日家無餘貲子繼顯虞部員外郎孫承業

官苑使登州刺史贊明皇城使劄州團練使
崔翰字仲文京兆萬年人少有大志風姿偉秀太祖見而奇之以隸麾下從世宗征淮南平壽春取關南以功補軍使太祖卽位遷御馬直副指揮使從征澤潞開寶初遷河東降民以實陝西地晉人勇悍多習武藝命翰差擇之及閱試河北鎮兵取其驍果者以分配天武兩軍九年領端州刺史太宗卽位進本州團練使太平興

內殿承制閤門祇候承祐內殿崇班

列傳

宋七

李瓊 郭瓊 陳承昭

李萬超 白重贊 王仁鑄

陳思讓若拙 焦繼勳 袁彥

李毅 咎居潤 王易簡

趙上交 劉溫叟睦 劉濤

邊光範 劉載 程羽

李瓊字子玉幽州人祖傳正涿州刺史父英涿州從事

瓊幼好學涉獵史傳挾策詣太原會唐莊宗募勇士即

應募與周祖等十人約為兄弟一日會飲瓊熟視周祖

知非常人因奉酒祝曰凡我十人龍蛇混合異日富貴

無相忘皆刺臂出血為誓周祖與瓊情好尤密嘗見其

危坐讀書因問所讀何書瓊曰闕外春秋所謂以正守

國以奇用兵較存亡治亂記賢愚成敗皆在此也周祖

曰兄當教我自是周祖出入常袖以自隨遇暇輒讀每

問難瓊謂瓊為師及討河中乃解瓊兵籍令參西征軍

事賊平表於朝授朝散大夫大理司直遷太子洗馬周

祖鎮鄴表為大名少尹廣順初拜將作監充內作坊使

連知毫陳二州改濟州刺史世宗初遷洛州團練使改

安州防禦使治郡寬簡民請立碑頌德詔中書舍人竇

儀撰文賜之太祖即位召為太子賓客建隆三年請老

改右驍衛上將軍致仕卒年七十三贈太子少師

郭瓊平州盧龍人祖海本州兩治使父令奇盧臺軍使

瓊少以勇力聞事契丹為蕃漢都指揮使後唐天成中

挈其族來歸明宗以為團練使改刺商州遷原州清泰

初移階州城壘未葺蜀人屢寇瓊因徙城保險民乃無

患受詔攻文州拔二十餘砦晉天福中羌渾騷動朔方

節度張希崇表瓊為部署將兵其討平之開運初為北

面騎軍排陣使陽城之役戰功居多改沂州刺史充荆

口砦主兼東面行營都虞候擒莫州刺史趙思以獻乃

改刺懷州俄為北面先鋒都監契丹滅晉盜賊叢起山

東為甚契丹主命瓊復刺沂州以禦盜瓊即日單騎赴

弟黎池於朱明門外以習水戰從征太原承昭請壅汾

水灌城中危甚會班師功不克就乾德五年遷右龍

武軍統軍開寶二年卒年七十四贈太子太師大中祥

符元年錄其孫宗義為三班借職

李萬超并州太原人幼孤貧負販以養母晉祖起并門

萬超應募隸軍籍戰累捷稍遷軍校從李守貞討楊光

遠於青州奮勇先登飛石中其腦氣不屬者久之開運

中從杜重威拒契丹於陽城流矢貫手萬超拔矢復戰

神色自若以功遷肅銳指揮使契丹入中原時萬超以

本部屯潞州主帥張從恩將棄城歸契丹會前驍衛將

軍通鑑作左驍王守恩服喪私第從恩即委以後事

使與傳所載委以後事句互異

遁去及契丹使至乃

專領郡務守恩遂無所預萬超奮然謂其部下曰我輩

垂餌虎口苟延旦夕之命今欲殺使保城非止逃生亦

足建勲業汝曹能乎眾皆喜曰唯命遂率所部入府署

殺其使推守恩為帥列狀以聞漢祖從其請仍命史弘

肇統兵先渡河至潞見萬超語之曰得復此州公之力

也吾欲殺守恩以公為帥可乎萬超對曰殺契丹使以

推守恩蓋為社稷計爾今若賊害於人自取其利非宿

心也弘肇大奇之表為先鋒馬步軍都指揮使路經澤

州刺史翟令奇堅壁拒命萬超馳至城下諭之令奇乃

開門迎納弘肇即留萬超權州事漢祖遂以為刺史及

征李守貞以萬超為行營壕砦使河中平拜懷州刺史

周祖開國從征慕容彥超又為都壕砦使以功授洛州

團練使預收秦鳳改懷州從平淮南運移青登二州所

至有善政太祖即位入為右武衛大將軍遷左驍衛大

將軍開寶八年卒年七十二

白重贊憲州樓煩人其先沙陁部族重贊少從軍有武勇漢初為護聖都指揮使乾祐中平河中以功領端州刺史周廣順中授義成軍節度在鎮日河屢決重贊親部丁壯塞大福六合二堤世宗征劉崇以重贊為河東道行營馬軍都指揮使重贊與李重進居陣西偏樊愛能何徽居陣東偏既合戰愛能徽皆遁走惟重贊與重進率所部力戰世宗自督親軍合勢薄之并人大敗既誅愛能等授重贊保大軍節度使及征太原河陽劉詞為隨駕都部署重贊副之忻州監軍殺刺史趙舉及契丹大將軍楊壽姑以城降而契丹兵猶盛命重贊及符彥卿擊走之改河陽三城節度檢校太尉征淮南命重贊率親兵三千軍頡上改淮南道行營馬步軍都虞候俄遷彰義軍節度太祖即位加檢校太師改鎮涇州有馬步軍教練使李玉本燕人兇狡與重贊有隙遂與部下閻承恕謀害重贊密遣人市馬纓偽造制書云重贊構逆令夷其族乃自持偽制并馬纓以告都校陳延正曰使者致而去矣延正具白重贊重贊封其書以問太祖大駭驗視皆誕謬遂命六宅使陳思諤馳赴涇州禽玉及承恕鞫問伏罪俄改泰寧軍節度乾德四年又為定國軍節度開寶二年改左千牛衛上將軍奉朝請三年卒年六十二

王仁鎬邢州龍岡人後唐明宗鎮邢臺署為牙校即位授為作坊副使累遷改右領軍衛將軍晉天福中青州楊光遠將圖不軌以仁鎬為節度副使伺其動靜歷二年或譖仁鎬於朝改護國軍行軍司馬仁鎬至河中數月光遠反書聞漢乾祐中應昭義天雄二軍節度副使周祖鎮都表仁鎬為副留守及起兵仁鎬預其謀廣順

中為王峻所忌出為唐州刺史充宣徽北院使兼樞密副使顯德初復出為永興軍節度使世宗嗣位移河中會殿中丞上官瓚使河中還言河中民多匿田租遂遣瓚按視均定百姓苦之多逃亡他郡仁鎬抗論其事迺止五年拜安國軍節度制曰眷惟襄國實卿故鄉分子龍節之權成爾錦衣之美時人美之郡有羣盜仁鎬遣使遣以東帛諭之悉遁去不復為盜恭帝立移山南東道節度太祖即位加檢校太師建隆二年以疾召還次唐州卒於傳舍年六十九仁鎬性端謹儉約崇信釋氏每晨誦佛經至日盱出視事從事劉謙責仁鎬曰公貴為藩侯不能勤恤百姓孜孜事佛何也仁鎬斂容遜謝無愠色當時稱其長者

陳思讓字後已幽州盧龍人父審確仕後唐至晉歷檀順涿均沁唐祁城八州刺史預征蜀權利州節度終金州防禦使思讓初隸莊宗帳下即位補右班殿直晉天福中遷作坊使以先鋒右廂都監征安從進大破之以功授坊州刺史八年冬契丹謀入寇以思讓監澶州軍賜鞍勒馬器帛討楊光遠於青州也又為行營右廂兵馬都監兵罷改磁州刺史符彥卿北征契丹思讓表求預行尋改衛州連丁內外報時武臣罕有執喪禮者思讓不俟詔去郡奔喪聞者嘉之起復隨州刺史漢初移刺瀋州會淮南與朗州馬希萼合兵淮南攻湖南馬希廣來乞師旋屬內難又周祖北征乃分兵合思讓往郢州赴援兵未渡而希廣敗思讓留於郢周祖即位召思讓及所部兵還劉崇自立於太原按宋史稱劉崇於周廣順元年書劉崇自立於太原蓋崇為後漢高祖母弟周祖慕崇義不為周屈臣下諷諭亦不其不屈於周今依周祖思得方略之士以備邊遣思讓率兵詣五代史改

磁州控扼澤潞未幾陞磁州為團練即以思讓充使劉崇遣大將李瓌通鑑作李存瓌自團柏軍於鷓子店思讓與都監向訓張仁謙等率軍至鹿亭西與瓌軍遇獲崇偏將王璠曹海金俄遣王峻接晉州以思讓與康延昭分為左右廂排陣使率軍自烏嶺路至絳州與大軍合崇燒營遁去思讓又與元福襲之命權知絳州明年遷絳州防禦使顯德元年改亳州充昭義軍兵馬鈐轄屢敗井人及契丹援兵遷安國軍節度觀察留後充北面行營馬步軍排陣使五年敗井軍於西山下是秋邢州官吏者艾邢銖等四十人詣闕求借留思讓詔褒之改義成軍節度觀察留後六年世宗將北征命先赴冀州以檢命及得瓦橋關為雄州命思讓為都部署率兵戍守世宗不豫還京留思讓為關南兵馬都部署恭帝立授廣海軍節度太祖即位加檢校太傅乾德二年又為保信軍節度時皇子興元尹德昭納思讓女為夫人開寶二年改護國軍節度河中尹七年卒年七十二贈侍中思讓累歷方鎮無敗政酷信釋氏人目為陳佛子身沒之後家無餘財弟思誨至六宅使子欽祚累遷至香藥庫使長州刺史欽祚子若拙

若拙字敏之按宋史本傳後云若拙字學衡素無文目前後互為賤賤此處稱其幼嗜學應對詳雅云云異今刪太平興國五年進士甲科解褐將作監丞通判鄂州改太子右贊善大夫知單州以能政就改太常丞遷監察御史充鹽鐵判官益州繁巨甚眾太宗召若拙面諭委以疏決遷殿中侍御史通判益州淳化三年就命為西川轉運副使未幾改正使召歸會李至守洛都表若拙佐治改度支員外郎通判西京留司久之柴禹錫鎮涇州復奏為通判遷司封員外郎部送駕糧至塞

外優詔褒之入為監鐵判官轉工部郎中與三司使陳
恕不協求徙他局改主判開拆司車駕北巡命李沆留
守東京以若拙為判官河決鄆州朝議徙城以避水患
命若拙與承翰往規度尋命權京東轉運使因發卒
塞王陵口又於齊州浚導水勢設巨隄於采金山奏免
六州所科積木五百萬民甚便之河平真授轉運使召
還拜刑部郎中知潭州時三司使缺若拙自謂得之及
是大失望因請對言父母年老不願遠適求納制命帝
怒追若拙所授告敕黜知處州徙温州代還復授刑部
郎中再為監鐵判官改兵部郎中河東轉運使會經度
制置使陳堯叟言其幹職擢拜右諫議大夫徒知承興
軍府時鄆郡歲饑前政拒其市糶若拙至則許買易民
賴以濟又移知鳳翔府入拜給事中知澶州蝗旱之餘
勤於政治郡民列狀乞留天禧二年卒年六十四若拙
多誕妄寡學術當時以第二人及第者為勝眼若拙素
無文故目為瞎瞎云子映

焦繼勳字成績許州長社人少讀書有大志嘗謂人曰
大丈夫當求功異域取萬戶侯豈能孜孜事筆硯哉遂
棄其業游三晉間為輕俠晉祖鎮太原繼勳以儒服謁
見晉祖與語悅之留帳下天福初授皇城兼宮苑使遷
武德使安重榮反鎮州安從進自襄陽舉兵為應代史
晉天福六年十月山南東道節度使安從進反十一月
西京留守高行周為南軍前都部署以討之十二月
成德軍節度使安重榮反正月安重榮伏誅又按五
州行營招討使安重榮七年正月安重榮伏誅又按五
代史安從榮傳安從進反襄陽舉兵使之乃亦舉兵高
祖為之幸難從進聞高祖北遂殺知麟以反與宋晉祖
史安重榮反鎮州安從進自襄陽舉兵為應代史晉祖
命繼勳督諸將進討至唐州南遇從進軍萬餘設伏擊
敗之禽其牙將安洪義鮑洪等得山南東道印從進單

騎奔還從進弟從貴率兵千餘人援均州刺史蔡行遇
繼勳殺其眾生禽從貴斷腕放入城中從進自此不能
復鎮繼勳就拜齊州防禦使少帝即位從進平藉繼勳
威名鎮之徙襄陽防禦使入為右千牛衛大將軍拜宣
徽北院使遷南院使西人寇邊朝議發師致討繼勳抗
疏請行拜秦州觀察使兼諸蕃水陸轉運使既至推恩
信設方略招誘諸郡酋長相率奉玉帛牛酒乞盟邊境
以安俄徙知陝州就遷保義軍兵馬留後漢初鳳翔軍
校陽彥昭據城叛命繼勳率師討之以功授保大軍節
度召入會漢祖幸大名留為京城右廂巡檢使俄改右
羽林統軍隱帝末命繼勳領兵北征及周祖舉兵向闕
繼勳奉隱帝逆戰於留子陂五代史作戰不利遂歸周
祖廣順初改右龍武統軍世宗征淮南為左廂排陣使
又改右羽林統軍將軍左屯衛上將軍拜彰武軍節度
太祖即位召為右金吾衛上將軍改右武衛上將軍權
知延州判右街使杜審瓊卒命繼勳代之時向拱為西
京留守多飲燕不省府事羣盜白日入都市劫財被
酒不出捕太祖選繼勳代之月餘京城肅然太祖幸洛
還以為彰德軍節度仍知留府事太平興國三年卒年
七十八贈太尉繼勳獵涉史傳頗達治道所至有善政
然性吝嗇多省公府用度時論少之子守節按宋史此
附傳及劉重進傳無
事蹟足錄今並刪

袁彥河中河東人少以趨勇應募漢乾祐中周祖領軍
討李守貞以彥置麾下及鎮鄴以為部直小將周顯德
初授內外步軍都軍頭領泉州刺史改岳州防禦使從
征壽州為城北造竹籠鄴部署竹籠者以竹數十萬竿
圍而相屬上設版屋載甲士數百人以攻其城又命於

澗口修橋橋成世宗幸馬因立為鎮淮軍前太祖下澗
陽禽皇甫暉姚鳳彥皆有勞績詔褒之又令率師屯下
蔡以逼壽春及克壽州校劉仁瞻鎮壽州始末見五代
降書蓋其副使孫克等所為也克詐為仁瞻書以城降
仁瞻即於是日卒周世宗本紀書三月丁未克壽州注
云仁瞻實不降故書周自克之爾宋史承周實錄從世
宗攻濠泗又禽南唐將許文績邊鎬等以獻真授步軍
都指揮使領彰信軍節度恭帝立移保義軍節度太祖
即位加檢校太尉改鎮曹州移鄆州罷鎮歸闕卒年六
十六景德四年特詔錄其孫昭慶為借錄按宋史此下
釋李萬全三傳及田景威王
暉合傳俱無事蹟可錄今刪

李穀字惟珍潁州汝陰人身長八尺少勇力善射以任
俠為事頗為鄉人所困發憤從學所覽如宿習年二十
七舉進士連辟華秦二州從事晉天福中擢監察御史
少帝即位拜職方郎中轉吏部郎中罷職天福九年少
帝親征契丹詔許扈從充樞密直學士加給事中為馮
王李彥韜所排會帝再幸河北改三司副使權判留司
三司事開運二年出為磁州刺史北面水陸轉運使契
丹入汴少帝蒙塵舊臣無敢候謁者穀獨拜迎於路泣
曰臣無狀負陛下因傾囊以獻會契丹主發使至穀禽
斬之密送款於漢祖潛遣河朔首豪梁暉入據安陽契
丹主患之即議北旋會有告契丹以城中虛弱者契丹
還攻安陽陷其城穀自郡候契丹遂見獲曰爾何青我
歸太原穀曰無之契丹主因引手車中似取所獲文字
而穀知其詐因請曰如實有此事乞顯示之契丹國制
人未伏者不即真死自後凡詰殺者六次穀詞不屈契
丹主病且曰我南行時爾謂我必不得北還爾何術知
之今我疾甚能救則致爾富貴穀曰實無術為人所陷

志四九九一

續通志 卷三百三 列傳 宋

志四九九一

耳穀氣色不撓俄而德光道祖永康繼立署穀給事中時契丹將滿達守真定而李崧和凝與家屬皆在城中會李筠何福進率兵逐滿達推護聖指揮使白再蒙通鑑作忠州團練權知留後再蒙和崧等家財令甲士圍其居以求賂既得之復欲殺崧等滅口穀違見再蒙謂之曰今國亡主辱公輩握勁兵不能死節雖逐一契丹將城中戰死者數千人非獨公之力也一朝殺宰相即日中原有主貴公專殺何辭以對再蒙懼崧等獲免漢初入拜左散騎常侍舊制罷外郎歸本官至是進秩獎之也俄權判開封府時京畿多盜中牟尤甚穀誘邑人發其巢穴有劉德輿者梁時屢攝畿佐居中牟素有幹才穀即署攝本邑主簿請侍衛兵數千佐德輿悉禽賊黨自是行者無患俄遷工部侍郎周祖西征為西南面行營水陸轉運使關右平改陳州刺史周祖兵入汴命權判三司廣順初加戶部侍郎拜中書侍郎平章事仍判三司初漢乾祐中周祖討河中穀掌轉運時周祖已有人望兼漢政紊亂潛行異志屢以諷穀穀但對以人臣當盡節奉上而已故開國之初倚以為相是歲淮陽吏民數千詣闕請立生祠許之穀懇讓得止先是禁牛革法甚峻犯者抵死穀乃校每歲用革之數凡田十頃歲出一革餘聽民私用又奏罷屯田務以民隸州縣課役盡除宿弊顯德初加右僕射集賢殿大學士從世宗征太原命穀先調兵食又代符彥卿判太原行府事師還進位司空門下侍郎監修國史穀以史氏所述本於起居注喪亂以來遂廢其職請令端明樞密直學士編紀言動為內廷日曆以付史官是歲河決齊鄆發十數州丁壯塞之命穀領護朔期就功二年議伐南唐以穀為淮

南道行營前軍都部署兼知廬壽等州行府事忠武軍節度王彥副之韓令坤以下十二將率從穀領兵自正陽渡淮先鋒都將白延遇敗吳軍數千於來遠又破千餘人於山口鎮進攻上審又敗千餘獲其小校數十人長圍壽春南唐遣大將劉彥貞來援穀召將佐謀曰今援軍已過來遠距壽陽二百里舟楫將及正陽我師無水戰之備萬一斷橋梁隔絕王師則腹背受敵矣不如退守浮梁以待戎輅之至初世宗至圍鎮已聞此謀亟走內侍乘騎止之穀已退保正陽仍焚芻糧回軍之際遞相掠虜淮北役夫數百悉陷於壽春世宗聞之怒亟命李重進率師伐之以穀判壽州行府是秋詔歸闕得風痺疾累表請致仕優詔不允每軍國大事令中使就第問之四年吳人壁紫金山築甬道以援壽春時議師老無功請罷兵為便世宗令范質王溥就穀謀之穀手疏請征世宗大悅用其策及淮南平出穀疏令翰林學士承旨陶穀為贊以賜之是夏世宗還穀扶疾見便殿詔令不拜令坐御坐側以抱疾既久請辭相位世宗怡然勉之以平壽州效功加爵邑是秋抗表乞骸骨罷相守司空加邑封令每月肩輿一詣便殿訪以政事恭帝立加開府儀同三司進封趙國公求歸洛邑從其請大祖即位遣使就賜器幣建隆元年卒年五十八贈侍中穀為人厚重剛毅深沈有城府議政事明暢聳聽好及引寒士多至顯位與韓熙載善熙載將南渡密告穀曰若江東相我我當長驅以定中原穀笑曰若中原相我下江南探囊中物耳穀後果如其言李昉嘗為穀記室穀曰子他日官祿當如我昉後至宰相司空周顯德中冠載以文章馳名樞密使王朴薦令知制誥除書未

下朴詣中書言之穀曰斯人命薄慮不克享耳載知制誥遷翰林學士未幾卒世謂朴能薦士穀能知人穀歸洛中昭義李筠以穀周朝名相遺錢五十萬他物稱是穀受之既而筠起兵穀憂恚而終子言至補闕拱至太子中允

皆居潤字廣川據東都博州高唐人善書計後唐長興中隸樞密院為小吏以謹厚稱晉初補牙職會景延廣留守西洛署為右職延廣卒陝帥白文珂表薦居潤於周祖時世宗尹京詔以補府中要職即位擢為軍器庫使從征高平以功遷客省使知青秦二州歷知鳳翔河中府按宋史作歷知鳳陽河中府考宋時無鳳陽府名據東都事略改顯德三年代王朴知開封府四年幸壽州命為副守幸淮上以為宣徽北院使兼副留守六年征關南為東京副留守吳延祚為樞密使真判開封府改左領軍衛上將軍恭帝立加檢校太傅太祖即位加檢校太尉及征澤潞命赴澶州巡警師還權知鎮州加左領軍衛上將軍建隆二年又權知澶州拜義武軍節度東都事略在鎮數年得風痺作義成軍乾德四年卒年五十九贈太師居潤性明敏有節槩篤於行義晉室將亡景延廣委其族自洛赴難至則為契丹所執僚吏部曲悉遁獨居潤保護其家居潤與太祖同事世宗情好款款嘗薦沈倫於太祖以為純謹可用後用至宰相世稱其知人子惟質至內園使弟居濟至水部員外郎大中祥符三年錄其孫建中為三班借職按宋史此下有寶貞固李壽南傳查寶貞固人宋未久不仕而卒李壽已改入貳臣其附後之李壽李仲容二人無蹟可錄今併刪王易簡字國寶京兆萬年人性介特寡合曾祖肅唐劍州刺史祖遠連州刺史父貫唐州刺史易簡少好學工

詩會僖宗幸蜀長安兵亂避地山谷梁乾化中舉進士擢第復隱華山郭師韓恭辟觀察支使府罷華帥李保衡復辟從事踰年尹皓代保衡易簡仍在幕府會朱友謙以河中叛歸莊宗攻華州甚急城中危懼咸請築月城以自固皓恃勇不聽易簡固請迺許板築始畢外城果壞軍民賴之會夜不能攻友謙遂遁去皓卒易簡歸田里久之召爲著作郎數月棄去復召爲右拾遺上書忤旨出爲鄧州節度推官後唐同光中遣魏王繼岌伐蜀以宰相郭宗翰爲招討使辟易簡爲巡官改魏王都督府記室參軍明宗卽位周師羅周恭辟爲掌書記府罷退居華陰作小隱詩二十首并序以見志好事者多傳誦秦王從榮聞而重之謂宰相馮道李愚曰易簡有才豈宜久居外地卽召爲祠部員外郎改水部郎中知制誥府中書舍人晉初判弘文館史館事晉祖爲治務求速效易簡上漸治論以諫之詔書褒荅以論付史館及廢翰林學士易簡兼知內制又拜御史中丞歷右丞吏部侍郎左丞判吏部銓嘗上言選人詣都親求解樣往來跋涉乞委南曹詳定下諸州每取解時準條式遵行從之周朝諱簡易止名易廣順初遷禮部尚書是冬台三銓爲一令易簡權判俄改刑部尚書顯德四年以太子少保致仕歸鄉里太祖卽位召加少傅所居華陰構一鳴堂二品樓優遊自適建隆四年無疾卒年七十九子景讓進士及第至尚書郎

趙上交涿州范陽人本名遠字上交避漢祖諱遂以字稱祖光鄴鄂州錄事參軍父簡章涿州司馬上交身長七尺負才任氣爲鄉里所推後唐同光中嘗詣中山王王都有和少微者亦在都門下毀訾上交都遂不爲禮

因南遊洛陽中官驃騎大將軍馬紹宏領北面轉運制置大使表爲判官遷殿中丞秦王從榮開府兼判軍衛以上交爲虞部員外郎充六軍諸衛推官累遷司封郎中充判官從榮豪邁不遵禮法好昵羣小上交從容引恭世子戾太子之事諷諫從榮怒出之歷涇秦二鎮州節度判官從榮及禍僚屬皆坐斥上交由是知名晉初召爲左司郎中度支判官歷右諫議大夫會廢翰林學士以上交爲中書舍人知內外制遷刑部侍郎上言乞自今但能雪活冤獄不限中外官並加旌賞詔從之俄遷戶部侍郎拜御史中丞彈舉無所阿避契丹入汴立明宗幼子許王從益爲帝按五代史後唐明宗家人王叔如傳稱許王從益晉天福四年九月封爲郟國公以奉唐祀出帝卽位契丹犯京師卽德光拜從益爲彰信軍節度使從益辭不之官與母俱遷洛陽德光北歸留蕭翰守汴州漢高祖起太原翰從北去乃使人召從益委以中國遂以從益權知南朝軍國事又按漢高祖本紀天福十二年五月蕭翰立從益於契丹乃契丹北歸以從益知南朝軍國事據此則事也又許王是唐時初封此時已降翰郟國公所正者未嘗爲帝兩史互異以禮部尚書王崧爲左丞相上交爲右丞相契丹去上交請去僞號稱梁王漢祖將至從益遣上交馳表獻款授檢校禮部尚書太僕遷祕書監周祖監國命太師馮道迎湘陰公於徐州以上交副之廣順初拜禮部侍郎會將試貢士上交申明條制頗爲精密始復糊名考校擢扈載甲科及取梁周翰董道之流時稱得士轉戶部侍郎明年再知舉議紛然時樞密使王峻用事嘗薦童子上交拒之峻怒奏上交選士失實貶商州司馬朝議以爲太重會峻貶乃止但坐所取士李觀侯璨賦落韻改太子詹事顯德初遷賓客二年拜吏部侍郎多請告不朝時出游別墅世宗因問陶穀曰上交豈衰老乎穀對曰上交昔掌貢舉放鬻市

家子李觀及第受所獻名園多植花卉優游自適世宗怒免其官太祖卽位起爲尚書右丞建隆二年卒年六十七上交蒞官以幹間當時稱有公輔器尤好吟詠子曠字可畏七歲喪母過哀十二能屬文與兄峻同舉進士未成名而兄夭遂以蔭補千牛備身歷祕書郎殿中丞著作郎卒年二十六

劉溫叟字永齡河南洛陽人性重厚方正動遵禮法唐武德功臣政會之後父岳後唐太常卿溫叟七歲能屬文善楷隸岳時退居洛中語家人曰吾兒風骨秀異所未知者壽耳今世難未息得與老夫皆爲溫洛之叟足矣故名之溫叟以蔭補國子四門助教河南府文學清泰中爲左拾遺內供奉以母老乞歸就養改監察御史分司未幾召爲右補闕仕晉累拜刑部郎中改都官郎中充翰林學士初岳仕後唐嘗居內署至是溫叟復居斯任時人榮之溫叟旣受命歸爲母壽候立堂下須臾聞樂聲兩青衣舉箱出庭奉紫袍兼衣母命捲簾見溫叟曰此卽爾父在禁中日內庫所賜者溫叟拜受泣下歲滿加知制誥契丹入汴溫叟懼隨北遷與承旨張允共上表求解職契丹主怒欲出允等爲縣令趙延壽曰若學士才不稱職求解者守本官可也不可加貶出遂得罷職出院漢祖南下溫叟自洛從至鄭州稱疾不行及入汴溫叟久之方至授駕部郎中周初拜左諫議大夫改中書舍人加史館修撰判館事顯德初遷禮部侍郎知貢舉得進士七十六人有譖於帝者帝怒黜十二人左遷太子詹事溫叟實無私後數年其被黜者相繼登第溫叟與張昭同修漢隱帝及周祖實錄恭帝卽位遷工部侍郎兼判國子監祭酒太祖卽位改刑部建隆

元年拜御史中丞丁內艱退居西洛旋復本官三年兼判吏部銓一日晚歸由關前太祖方與中黃門等數人偶登明德門西關前驛者潛知之以白温叟温叟令傳呼如常過關前翌日請對具言人主非時登樓則近制咸望恩宥輩下諸軍亦希賞給臣所以呵導而過者欲示眾以陛下非時不登樓也太祖善之按温叟傳呼遇言因宋祖善之史家遂以為善談伏讀通鑑職覽任臺設春秋之定論以是知温叟大有德於蓬伯玉矣

承十二年屢求代太祖雖其人允開寶四年被疾太祖知其貧就賜器幣數月卒年六十三温叟事繼母以純孝聞雖盛暑非冠帶不敢見五代以來言執禮者惟温叟焉立朝有德望精賞鑒門生中尤器楊徽之趙隣幾後皆為名士范杲幼時嘗以文贄温叟大加稱獎以女妻之太宗在晉邸聞其清介遣吏遺錢五百千温叟受之貯廳西舍中令府吏封署而去明年重午又送角黍執扇所遣吏即遺錢者視西舍封識宛然還以白太宗太宗曰我錢尚不用况他人乎昔日納之是不欲拒我也今周歲不啟封其苦節愈見命吏齎錢歸郎是秋太宗侍晏後苑因論當世名節士具道温叟前事太祖再三賞歎雍熙初子炤罷徐州觀察推官待選以貧詣登聞求注官及引對太宗問誰氏子炤以温叟對太宗愀然召宰相語其事且言當今大臣罕有其比因問炤當得何官宰相言免選以為厚恩帝曰其父有清操錄其子登朝庶足示勸炤炤太子右贊善大夫炳燧並進士及第

睡字耀卿進士及第積官秘書省著作郎知龍門縣羣盜殺人睡捕得之將械送府恐道亡失皆斬之眾服其果通判益州召還時王暉治蜀或言其政苛暴真宗問

曙治狀與凌策孰愈睡曰策在蜀成豐事簡故得以寬假民比凌小歎盜賊竊發非誅殺不能禁然曙所行亦未嘗出陛下法外帝善之天禧元年始置諫官帝謂宰相曰諫官御史當識朝廷大體於是睡為右正言會京東南有泉出民爭傳可以已疾詔即其地建祥源觀睡言其詭妄不經且亢旱不可興土木以營不急歲薦饑河決滑州大輿力役饑羸相望睡請策免宰相以應天變按宋史真宗本紀河決滑州在天禧三年六月建祥源觀在天禧二年閏四月宋史本傳敘此二事先後失次又請罷提點刑獄禁民棄父母事佛老者皆不報表請補外帝以睡屢言事乃以判三司戶部勾院出安撫京西還直集賢院同修起居注遷右司諫以尚書工部員外郎兼侍御史知雜事權判吏部流內銓累遷刑部郎中龍圖閣直學士知河南府徙河中府卒初王曙坐寇準貶官在朝無敢往見者睡歎曰友朋之義獨不行於今歟往饒之經宿而還嘗善河中處士李漬漬死為陳其高行詔以著作郎贈之唐末五代亂衣冠舊族多離去鄉里或爵命中絕而世系無所考惟劉氏自十二代祖北齊中書侍郎環備以下仕者相繼而世牒具存焉子凡

凡字伯壽以睡任為將作監主簿生而豪雋長折節讀書第進士從范仲淹辟通判邠州邠地凶民病遠汲凡浚渠引水注城中役與容口自郭汾陽城此州苟外水可饒何待今日無為虛計勞人也凡不吝未幾水果至鑿五池于通遠民大便利知靈州俗喜巫軍校仗妖法結其徒亂有日凡使他兵伏壘門以伺夜半盡擒之加本路兵馬鈐轄知邠州儼習高犯嶺南凡上書願自效以為廣東西捉殺道聞蔣偕張忠戰沒疾馳至長沙見

狄青曰賊若退守巢穴瘴毒方輿當班師以俟再舉若恃勝求戰此成擒耳賊果悉眾來大戰於歸仁鋪前鋒孫節死凡以右軍搏鬪勝負未決言於青出勁騎五千張左右翼搗其中堅賊駭潰進皇城使知涇州陞見辭以母老乞復文階歸養仁宗諭之曰涇內地也將母莫便焉命特賜冠帔領循州刺史遷西上閤門使再歸郎中班曾公亮薦之復以嘉州團練使為太原涇原路總管夏人寇用亮堡東都事畧作同家堡轉運使陳述古攝渭帥凡移文索援兵不聽率諸將偕請又不聽乃趣以手書述古怒移凡為鳳翔且劾生事朝廷以總管非轉運使所得徙置遣御史出按述古黜凡亦改鄜州召判三班院邊吏告夏人趨大順英宗問凡凡曰大順天險非夏人可得近正恐與趙明為讐爾帝曰明之子奔馬入城幾為所掩卿料敵一何神也以為秦鳳總管神宗即位轉四方館使知保州治狀為河北第一踰年即請老還為祕書監致仕元豐三年祀明堂大臣言凡知音詔詣太常定雅樂凡曰古樂備四清聲沿五季亂離廢請增之樂成子一子官問與人語邊事謂張耒曰比見詔書禁邊吏夜飲此曹一旦有急將使輸其肝腦此平日禁樂為今役者不亦難乎夫椎牛釀酒豐犒而休養之非欲以醉飽為德所以增士氣也未敬識其語再加通議大夫卒年八十一凡篤於風義推父遺恩官從兄已得任子必先兄弟子之孤者其議樂律最善以為律主於人聲不以尺度求合古今異時聲亦隨變猶以古冠服加於今人安可得而稱儒者泥古致詳於形名度數聞而不知清濁輕重之用故求於器雖合而考於聲則不諧嘗游佛寺聞鐘聲曰營漸而悲王者且不利是夕主僧

營游佛寺聞鐘聲曰營漸而悲王者且不利是夕主僧

死在保州間角聲曰官微而商離至秋守臣憂之及期
几遇疾然所學頗雜鄭衛云

劉濤字德潤徐州彭城人後唐天成中舉進士釋褐為
鳳翔掌書記拜右拾遺時太常丞史在德上章詞理鄙
俗仍犯廟諱濤上言請正其罪雖不允時論是之累遷
起居舍人晉天福初改司勳員外郎史館修撰歷度支
職方二郎中掌左藏庫漢初宰相蘇禹珪薦為中書舍
人周廣順中坐合子監察御史項代草誥命左遷少府
少監分司西京項亦貶復州司戶顯德四年再知貢舉
樞密使王朴言濤取士不精命翰林學士李昉覆試黜
者七人責授太子右贊善大夫恭帝立遷右詹事濤性
剛毅不撓素與宰相范質不協常鬱鬱不得志遂退居
洛陽之清化里杜門以書史自娛太祖素知濤履行開
寶二年召赴闕以老病求退授祕書監致仕年七十二
卒清泰初中書舍人盧導受詔主文將鎖宿濤力薦薛
居正以為文章器業必至台輔導取之後果為相世稱
其知人項子歲晨子誦誦並進士及第至屯田員外郎
訥為殿中侍御史

邊光範字子儀并州陽曲人父仁嗣忠武軍節度副使
光範後唐天成二年起家榆次合召為殿中丞長興四
年改太常丞晉天福初授檢校戶部員外郎北京留守
判官兼侍御史二年拜太府少卿上書言選能吏以蘇
民瘼奏入留中不出積官光祿少卿廣晉府判官少帝
卽位拜右諫議大夫權知開封府事遷給事中會蝗災
遣使亳州括借軍糧稱為平允開運元年權知鄭州拜
左散騎常侍二年入為樞密直學士少帝以光範藩邸
舊僚待遇尤厚因游宴見光範位翰林學士下卽日拜

尚書禮部侍郎知制誥充翰林學士仍直樞密院漢初
改檢校刑部尚書衛尉卿上言慎選良牧立定年限以
責輯綬之效疏入不報周廣順初出知陳州遷祕書監
召拜御史中丞復為禮部侍郎時禮部侍郎於貢部或
掌或否光範拜官將及秋試乃言於執政曰他曹公事
不敢辭若處文衡校閱名賢品藻優劣非下走所能也
及期辭疾不出乃以翰林學士承旨徐台符掌之時論
多其自知世宗卽位改刑部侍郎權知開封府俄遷戶
部顯德五年遣使普均租稅光範詣宋州時韓通掌禁
兵領宋師修汴堤訪郡民皆言光範均平之狀乃具以
聞世宗嘉之太祖卽位征澤潞命為前軍轉運計度鄭
洛汝孟懷鄆糧拜太常卿時張昭為吏部尚書朝議以
其耆老令光範簽判選事建隆四年襄州節度慕容延
釗征湖南以光範權知州事路當衝會餉饋無闕是冬
郊祀召還會延釗卒復知襄州大軍數萬由陝路討蜀
出漢上光範復當供億人不知勞嘗舉本鎮判官李楫
為殿中侍御史楫後坐事除籍光範左遷太子賓客仍
知襄州五年兼橋道使朝廷遣官督治道常六七輩一
使所調發民皆數百人吏緣為姦多私取民課所發不
充數而道益不修光範計其工以州卒代民官給器用
役不淹久人以無擾譽書褒美開寶四年復判吏部銓
曹御史中丞劉溫叟卒以光範判御史臺事數月真拜
中丞六年以疾解銓曹任卒年七十三光範性至孝謙
退和易雅有吏幹母病疽嘗吮之景德中錄其孫易從
同學究出身

劉載字德興涿州范陽人唐盧龍節度濟之六世宗父
昭下蔡合載後唐清泰中舉進士晉初解褐校書郎歷
左拾遺集賢殿直學士漢初為殿中侍御史歷倉部員
外郎嘗著五論曰為君為相為將去讓納諫願為文士
所稱周世宗初權知制誥顯德三年拜右諫議大夫遷
給事中太祖卽位浚五丈河自陳橋達曹州之西境命
護其役建隆四年貝州節度使張光翰來朝遣載權知
州事光翰歸鎮載還知貢舉乾德六年令知鎮州開寶
四年坐與何繼筠不協改山南東道行軍司馬十年不
召嘗受詔權點檢州事太平興國初復入為給事中三
年出知襄州六年代還告老改工部侍郎致仕乃賜一
子出身八年卒年七十一載尤好學博通史傳善屬文
嘗受詔撰明憲皇后諡冊文又作弔戰國賦萬餘言行
於世雅信釋典敦尚名節子宗言至比部郎中宗望景
德二年進士及第大中祥符四年其孫介以載文集來
獻以為試將作主簿

程羽字冲遠深州陸澤人少好學能屬文晉天福中擢
進士及第授陽穀縣主簿歷虞鄉醴泉新都令皆有政
績太祖開寶中選為兩使判官入對詢以時事敷奏稱
旨擢著作郎知興州踰年改知興元府 八年詔
歸闕以本官領開封府判官羽性淳厚莅事恪謹時太
宗尹京頗以長者待之及卽位拜給事中知開封府未
幾出知成都府為政寬簡蜀人便之入朝拜禮部侍郎
太平興國五年典試貢士御試得人居多帝欲優以清
職故事端明殿設學士二員居翰林學士上專備顧問
馮道趙鳳始居是職累朝因之及是卽殿名以羽為文
明殿學士位在樞密副使下 按太宗本紀太平興國五
年正月改端明殿學士為
文明殿學士太平興國五年三
月應在拜禮部侍郎下今改
六年以老疾求解職拜
兵部侍郎未幾致仕雍熙元年卒年七十二贈禮部尚

書子帝振以蔭至尙書虞部員外郎大中祥符元年卒
其子適賜同學究出身從孫琳別傳

列傳

宋八

張昭

賈儀

呂餘慶

劉熙古

石熙載

李穆

張昭字潛夫本名昭遠避漢祖諱止稱昭自言漢常山王耳之後世居濮州范縣東都事畧作河間人祖楚平壽張合楚

平生直即昭父也初楚平赴調長安值巢寇亂不知所終直幼避地河朔既冠以父失所在時盜賊竄起道路

榛梗乃自秦抵蜀徒行匄食求父所在積十年不能得乃發哀行服躬耕海濱青州王師範開學館延置儒士

再以書幣招直置賓職師範降梁直脫難北歸以周易春秋教授時號逍遙先生昭始十歲能誦古樂府詠史

詩百餘篇未冠徧讀九經盡通其義處櫛類中緩步澗視以為馬鄭不已若也後至贊皇遇程生者專史學以

為專究經旨不通今古率多拘滯若極談王霸經緯治亂非史不可因出班范漢書十餘義商榷乃授昭荀紀

國志等後又盡得十三史五七年開能馳騁上下數千百年事又注十代興亡論躬耕負米以養親後唐莊宗

入魏河朔游士多自效軍門昭因至魏攜文數十軸謁興唐尹張憲憲家富文籍每與昭燕語講論經史要事

恨相見之晚即署府推官同光初奏授員秩加監察御史裏行憲為北京留守昭亦從至晉陽莊宗及難間鄴

中兵士推戴明宗憲部將符彥超合戍將應之昭謂憲曰得無奏表勸進為自安之計乎憲曰我本書生見知

主上位至保釐乃布衣之極苟視願求生何面目見主於地下昭曰此古人之志也公能行之死且不朽矣相

泣而去憲遂死之時論重昭能成憲之節時有害昭者昭曰主辱臣亡死而無悔眾執之以送彥超彥超曰推官正人無得害之又逼昭為勝安撫軍民事靈以昭為

北京留守推官加殿中侍御史內供奉官天成三年改安義軍節度書記時以武皇莊宗實錄未修詔鎮國節

度盧質西州節度副使何瓚祕書監韋彥輝續錄事迹瓚上言昭有史材當私撰同光實錄十二卷又聞其欲

撰三祖志并藏昭宗朝陽武皇制詔詔九十餘篇請以昭所撰送史館拜昭為左補闕史館修撰委之撰錄昭

以懿祖獻祖太祖並不踐帝位仍補為紀年錄二十卷又撰莊宗實錄三十卷上之遷都官員外郎時皇子競

尚奢修昭請諸皇子各置師傅講論道德使博識安危之理深知成敗之由四年上武王以來功臣列傳三十

卷按五代會要廣順元年閏正月平章事監修國史李恩與修撰判館事張昭遠等進新修後唐功臣列傳三十以本官知制誥明宗好畋獵昭上疏諫嘉納之長

興二年丁內艱昭性至孝居喪哀毀服除改職方員外郎知制誥充史館修撰上言乞復本朝故事置觀察使

察民疾苦御史彈事諫官月給諫紙並從之又奏請勸農耕及置常平倉等十數事明宗方務聽納昭復上疏

言委任審於材器聽受審於忠邪出令審於煩簡興師審於德力賞罰審於喜怒哀樂譽審於愛憎議論審於賢

愚變寵審於姦佞推是八審以決萬幾庶可以臻至治明宗稱善清泰中改駕部郎中知制誥撰皇后冊文遷

中書舍人二年召判史館兼點閱三館書籍較正添補預修明宗實錄以獻按五代會要清泰三年二月門下

宗實錄三十卷同修撰官中書三年遷禮部侍郎改御舍人張昭遠等各願資有差三年遷禮部侍郎改御史中丞晉天福二年改戶部侍郎宰相桑維翰薦為翰

林學士內署故事以先後入為次不繫官序特詔昭立位次承旨崔棻晉祖常幸內署與昭語及并魏舊事甚

重之直以昭故授著作佐郎致仕至是卒歸西洛賜賜加等五年服闋召為戶部侍郎以唐史未成詔與呂琦

崔棻等續成之別置史館命昭兼判院事昭又撰唐朝君臣正論上之改兵部侍郎八年遷吏部判東銓兼史

館修撰判館事開運二年唐書成加金紫階進爵邑三年拜尚書右丞判流內銓權知貢舉漢初復為吏部侍郎時追尊六廟定諡號樂章武曲命昭權判太常卿事

月餘即真乾祐二年加檢校禮部尚書隱帝昵比羣小昭上言請聽政之暇數召儒臣講論經義周廣順初拜

戶部尚書子秉陽為陽翟主簿抵罪昭自以失敬奉表引咎左遷太子賓客歲餘復舊官嘗奏請興制舉設賢

良方正能直言極諫經學優深可為師法詳開吏治達於教化三科職官士流黃衣草澤並許應詔諸州依貢

舉體式量試策論三道共以三千字以上為準考其文理俱優解送尚書吏部其登朝之官亦聽自舉從之顯

德元年遷兵部尚書世宗以昭舊德甚重馬嘗詔撰制旨兵法十卷又撰周祖實錄三十卷及梁郢王均帝後

唐閔帝廢帝漢隱帝五朝實錄梁二主年祀變遠事皆遺失遂不克修餘三帝實錄皆藏史館按五代會要周

月張太祖實錄并撰均帝唐清泰二主實錄並兵部尚書昭修太祖實錄二主實錄並兵部尚書昭修太祖實錄二主實錄並兵部尚書昭修太祖實錄二主實錄並

實錄今請國子祭酒尹勣其子魯事劉溫叟同編修伏緣漢隱帝君臨太祖之前其歷試之蹟並在漢隱帝朝

居位未有紀錄請依宋書劉鄩之上有鄧元友其末主請依古書錄後梁實錄又唐末主之前有應順帝在位四月出奔亦未編紀請書為前廢帝清泰主為後廢帝其書並為實錄從之五年六月兵部尚書張昭等修太祖實錄世宗好拔英俊有自布衣及下位上書

言事者多不次進用昭諫曰昔唐初劉洎馬周起於徒步太宗擢用為相其後柳璨朱朴方居下僚昭宗亦加大用然太宗用之而國興昭宗用之而國亡士之難知如此臣願陛下存舊法而用人當以此四士為鑒戒世宗善之詔令詳定經典釋文九經文字制科條式及問六經所出并議三禮圖祭玉文鼎釜等昭援引經據時稱其該博恭帝立封舒國公太祖即位拜吏部尚書乾德元年郊祀昭為簿使奏復宮廟廟門郊壇夜警晨嚴之制禮畢進封鄭國公與翰林承旨陶穀同掌選殺嘗誣奏事引昭為證昭免冠抗論太祖不說遂三拜章告老以本官致仕改封陳國公開寶五年卒年七十九昭博通學術書無不覽兼善天文風角太一卜相兵法釋老之說藏書無下萬卷尤好纂述自唐晉至宋專筆削典章之任嶺南平擒劉鋹將獻俘莫能知其禮時昭已致政太祖遣近臣就其家問之昭方臥病口占以授使者子秉圖進士及第秉謙至尚書郎

寶儀字可象劍州漁陽人父禹鈞與兄禹錫皆以詞學名禹鈞唐天祐末起家幽州掾歷沂鄆安同鄭華宋瀘州支使判官周初為戶部郎中顯德中遷太常少卿右諫議大夫致仕儀十五能屬文晉天福中舉進士侍衛軍帥景延廣領夔州節度表為記室延廣後歷滑陝孟鄆四鎮儀並為從事開運中楊光遠以青州叛時契丹南侵博州刺史周儒以城降光遠與儒遣人引契丹輕騎於馬家渡渡河時延廣掌衛兵顏行知州事即遣儀入奏儀謂執政曰昨與行論事勢有所預慮所以乘驛晝夜不息而來國家若不以良將重兵控博州渡必恐儒引契丹踰東岸與光遠兵合則河南危矣俄而儒果

導契丹渡河增置壘柵少帝軍河上即遣李守貞等率兵萬人水陸並進守汶陽據要害契丹果大至擊走之漢初召為右補闕禮部員外郎周廣順初改倉部員外郎知制誥翰林學士歷駕部郎中給事中並充職劉溫叟知貢舉所取生有覆落者加儀禮部侍郎權知貢舉俄以父病上表解官世宗親加慰撫手封金丹俾賜其父父卒歸葬洛陽終喪召拜端明殿學士從征淮南判行在三司世宗以其餉饋不繼將殺之宰相范質救解得免淮南平判河南府兼知西京留守事恭帝立遷兵部侍郎充職俄使南唐既至將宣詔會雨雪李景請於廡下拜受儀曰儀獲將國命不失舊禮儀以霑服失容請俟諸他日景即拜命於庭太祖建隆元年遷工部尚書罷學士兼判大理寺奉詔重定刑統為三十卷會翰林學士王善以酒失貶官太祖謂宰相曰深嚴之地當得宿儒處之范質等對曰竇儀清介重厚然已自翰林遷端明矣太祖曰非斯人不可處禁中卿當論以朕意勉令就職即日再入翰林為學士乾德二年范質等三相並罷越三日始命趙普平章事制書既下太祖問翰林學士曰質等已罷普敕何官當署承旨陶穀時任尚書乃建議相位不可以久虛今尚書乃南省六官之長可以署敕儀曰穀所陳非承平之制皇弟開封尹同平章事即宰相之任太祖曰儀言是也按趙普拜相以太宗署敕是時陶穀非太祖由是輕穀重儀儀遂大用即命太宗署敕賜之儀加禮部尚書時御史臺議欲以左右僕射合為表首太常禮院以東官三師為表首儀援典故以僕射合為表首者六而謂三師無所據朝議是之四年知貢舉是冬卒年五十三贈右僕射儀學問優博風度峻整弟儼

儼儼皆相繼登科馮道與禹鈞有舊嘗贈詩有靈椿一株老丹桂五枝芳之句搢紳多諷誦之當時號為寶氏五龍初周祖平兗州議將盡誅脅從者儀白馮道范質同請於周祖皆得全活顯德中太祖克滁州世宗遣儀籍其府庫太祖復令親吏取藏中絹給麾下儀曰太尉初下城雖傾藏以給軍士誰敢言者既著籍乃公帑物也非詔不可取後太祖屢對大臣稱儀有執守欲相之趙普忌儀剛直乃引薛居正參知政事及儀卒太祖閔然謂左右曰天何奪我寶儀之速耶蓋惜其未大用也侃漢乾祐初及第至起居郎儼周廣順初及第至左補闕子諲諒諒俱登進士第諲至都官員外郎諲至祿書丞

儼字望之幼能屬文既冠舉晉天福六年進士辟滑州從事府罷授著作佐郎集賢校理出為太平軍掌書記以母憂去職服除拜左拾遺開運中諸鎮恣用酷刑儼疏請禁止從之仕漢為史館修撰周廣順初遷右補闕與賈緯王仲同修晉高祖少帝漢祖三朝實錄改主客員外郎知制誥時儀自閣下入翰林兄弟同日拜命分居兩制時人榮之俄加金部郎中拜中書舍人顯德元年加集賢殿學士判院事父憂去職服闋復舊官時世宗方切於治道儼上疏曰歷代致理六綱為首一日明禮二曰崇樂三曰熙政四曰正刑五曰勸農六曰經武陳禮樂刑政勸農經武之言世宗多見聽納南征還詔儼者正雅樂俄權知貢舉拜翰林學士判太常寺儼校鐘磬等器之數辨清濁上下之節復舉律呂旋相為宮之法迄今遵用會詔中外臣僚有所聞見並許上章論議儼疏奏數事不報太祖即位就轉禮部侍郎代儀知

議儼疏奏數事不報太祖即位就轉禮部侍郎代儀知

貢舉當是時祀事樂章宗廟號多儀擇定議者服其
該博車駕征澤潞以疾不從卒年四十二儼性夷曠好
賢樂善優游策府凡十餘年於儀尤為才俊對景覽古
皆形諷詠更迭倡和至三百篇多以道義相敦厲並著
集顯德中奉使荆南荆南自唐季以來高氏據有其地
雖名藩臣車服多僭修踰制以至司賓賤隸候館小胥
皆盛服影纓與王人抗禮儼諷以天子在上諸侯當各
守法度悉令去之然後宣達君命尤善推步逆知吉凶
盧多遜楊徽之同任諫官嘗謂之曰丁卯歲五星當紫
奎自此天下太平二拾遺見之儼不與也又曰儼家昆
弟五人皆登進士第可謂盛矣然無及相輔者惟儼稍
近之亦不久居其位卒如其言儼子早卒以姪說為嗣
儼字日章漢乾祐二年舉進士第周廣順初補單州軍
事判官遷祕書郎出為絳州防禦判官太祖即位歷武
寧軍掌書記西京留守判官天雄歸德軍節度判官開
寶六年拜右補闕知宋州太宗領開封府尹選儼判官
時賈琚為推官按東都事畧儼在太宗時其官
晉府記室賈琚為儼不樂其為人太宗嘗宴諸王儼琚
判官與史互異儼不樂其為人太宗嘗宴諸王儼琚
與會琚言矯誕儼叱之曰巧言令色心獨不愧乎坐上
愕然因罷會太宗曰太祖出儼為彰義軍節度判官太
平興國五年車駕幸大名府召至行在所拜比部郎中
時議北征儼請休兵牧馬以徐圖之上從其言歸以儼
為樞密直學士十六年遷左諫議大夫充職七年參知政
事上曰汝何能臻此儼曰陛下不忘舊臣太宗曰非也
卿能以公正賈賈朕旌直臣爾是冬卒按宋史本傳
太宗本紀太平興國七年冬十月己未是秋卒按
卯左諫議大夫儼今據改正年五十八贈工部
尚書初儼在涇州與丁顯同官顯子謂方幼儼見之曰

此兒必遠到以女妻之後為宰相三公太祖嘗謂宰相
曰近朝卿士寶儀質重嚴整有家法門閥敦睦人無譏
語諸弟不能及儼亦中人材爾儼有操尚可嘉也
呂餘慶幽州安次人本名胤犯太祖偏諱因以字行父
琦晉兵部侍郎餘慶以蔭補千牛備身歷開封府參軍
遷戶曹掾少帝弟重睿領忠武軍節度以餘慶為推官
仕漢歷周遷濮州錄事參軍太祖領同州節度聞餘慶
有才奏為從事世宗問曰得非嘗為濮州糾曹者乎即
以為定國軍事掌書記世宗嘗鎮澶淵漢為屬郡故知
其為人也太祖歷滑許宋三鎮餘慶並為賓佐及即位
召拜給事中充端明殿學士清泰中琦亦居是職官秩
皆同時人榮之未幾知開封府太祖征潞及揚並領上
都副留守建隆三年遷戶部侍郎荆湖平出知潭州改
襄州遷兵部侍郎知江陵府召還以本官參知政事蜀
平命知成都府時多盜賊軍士恃功驕恣大將王全斌
等不能戢下一日藥市始集街吏馳報有軍校被酒持
刃奪賈人物餘慶立捕斬之以徇軍中畏伏民用安堵
就加吏部侍郎歸朝兼劍南荆南等道都提舉三司水
陸發運等使開寶六年與宰相更知政事即旋以疾上
表求解機務拜尚書左丞九年卒年五十贈鎮南節度
餘慶重厚簡易自太祖領藩鎮餘慶為元僚及受禪趙
普李處耘皆先進用餘慶恬不為意未幾處耘黜守澶
州餘慶自江陵還太祖委曲問處私事餘慶以理辨釋
帝以為實遂命參知政事會趙普忤旨左右爭傾普餘
慶獨辨明之太祖意稍解時稱其長者至道中以弟端
為宰相特詔贈侍中

春秋子史後唐長興中以三傳舉時翰林學士和凝掌
貢舉熙古獻春秋極論二篇演論三篇疑甚加賞召與
進士試擢第清泰中金州防禦使孫鐸表熙古為從事
晉天福初鐸移汝州又辟以隨熙古善騎射一日有鸚
集戟門槐樹高八尺熙古引弓一發貫鸚于樹鐸喜令
勿拔矢以旌其能後二歲鐸卒調補下邑令俄為三司
戶部出使巡官領永興渭橋華州諸倉制置發運仕漢
為盧氏令周廣順中改臺州防禦推官歷澶州支使秦
鳳平以為秦州觀察判官太祖領宋州為節度判官即
位召為左諫議大夫知青州乾德初遷刑部侍郎知鳳
翔府未幾移秦州州境所接多寇患熙古至諭以朝廷
恩信取蕃部首蒙子弟為質邊鄙以寧轉兵部侍郎徙
知成都府六年就拜端明殿學士開寶五年詔以本官
參知政事歲餘以足疾求解拜戶部尚書致仕九年卒
年七十四贈右僕射熙古兼通陰陽象緯之術性清謹
雖顯貴不改寒素歷官十八登朝三十餘年未嘗有過
子蒙正蒙叟
蒙正字頤正善騎射乾德中以蔭補殿直遷供奉官王
師征江南盧絳以舟師來援潤州蒙正分精甲百人與
絳戰矢中左脅戰愈力及下潤州獲知州劉澄監軍崔
亮部送闕下太平興國四年轉內藏庫副使進崇義使
又出知滄冀等三州戎人犯境蒙正調丁男乘城固
守有勞以擅乘驛馬責授亳州團練副使咸平四年卒
年七十二
蒙叟字道民乾德中進士甲科歷岳宿二州推官以所
知論薦授太子中允知乾興拜監察御史徙知濟州歷
知盧濠滌汝四州遷都官咸平中以本官直史館車駕

北巡令知中宮名表獻宋都賦述國家受命建號之地
宜建都立宗廟時雖未遑後卒從之改職方郎中景德
中以足疾拜太常少卿致仕卒年七十三蒙叟好學善
屬辭子宗儒太子中書宗弼宗誨並進士及第

石熙載字凝績河南洛陽人周顯德中進士登第疎峻
有量居家嚴謹有禮法太祖即位太宗以殿前都虞候
領秦靈軍節制辟為掌書記及尹京臣表為開封府推
官授左拾遺遷左補闕以謹出為忠武崇義二軍掌書

記太宗即位復以左補闕召同知貢舉時梅山洞蠻屢
為寇以熙載知潭州召遷擢為兵部員外郎太平興國
四年領樞密直學士未幾簽書樞密院事按領樞密二
擢為兵部員外郎下考宋史太宗本紀太平興國四年
正月置簽書樞密院事以熙載為之宰輔表同今據
改親征河東以給事中充樞密副使從行遷遷刑部侍郎

六年按宋史本傳作五年考太宗本
紀宰輔表俱作六年今據改拜戶部尚書樞
密使正官充樞密使自熙載始以病足在告廢疾久之
未愈八月上表求解職詔加慰撫授尚書右僕射九年
卒年五十七贈侍中諡曰懿帝為悲嘆累日且謂其事

君之心純正無他適當委用而奄忽至此深為可惜國
朝大臣謝事而卒車駕臨視者惟熙載焉咸平二年與
薛居正配饗太宗廟庭熙載性忠實遇事盡言是非好
惡無所顧避人有善即推薦之時論稱其長者從弟熙

古幼弟熙正皆登進士第熙載撫之如一子中立
中立字表臣年十三而孤性疏曠好諧謔初為西頭供
奉官後五年改光祿寺丞家材悉推與諸父無所受權

直集賢院與李宗諤楊億劉筠陳越相厚善校讐祕書
凡更中立者人皆傳之累擢知制誥翰林學士加承旨
兼龍圖閣學士景德四年拜參知政事明年災異數見

諫官韓琦言中立在位喜詆笑非大臣體與王隨陳堯
佐韓億皆罷以戶部侍郎為資政殿學士進大學士遷
吏部侍郎提舉祥源觀以太子少傅致仕遷少保卒年
七十八據東都事略增贈太子太傅諡文定中立練習臺閣故
事不及汲近名嘉賓客至必與飲酒醉乃得去初家產
歲入百萬錢末年費幾盡帝聞其病賜白金三百兩既
死其家至不能辦喪子居簡從簡居簡一人據隆平集
增居簡至太子中允集賢校理

李穆字孟雍開封府陽武人父威秩陝西大都督府司
馬穆幼能屬文有至行行路得遺物必訪主歸之從廢
棄王昭素受易及莊老書盡究其義昭素謂曰子所能
得精理往往出吾意表且語人曰李生異日必為廊廟

器以所著易論三十三篇授之周顯德初以進士為郢
汝二州從事遷右拾遺太祖即位以殿中侍御史遷為
洋州通判既至刻決滯訟無留獄焉移陝州通判有司
調郡租輸河南穆以本鎮軍食闕不即應命坐免又坐

舉官削前資時弟肅為博州從事穆將母就肅居難資
甚兄弟相與講學意泊如也開寶五年以太子中允召
明年拜左拾遺知制誥五代以選詞令尚華穆獨用

雅正悉矯其弊穆與盧多遜為同門生太祖嘗謂多遜
李穆性仁善辭學之外無所豫對曰穆操行端直臨事
不以死生易節仁而有勇者也帝曰誠能如是吾當用
之時將有事江南已部分諸將而未有發兵之端乃先

召李煜入朝以穆為使穆至論旨煜辭以疾且言事大
朝以望全濟今若此有死而已穆曰朝與否國王自處
之然朝廷甲兵精銳物力雄富恐不易當其鋒宜熟思
之無自貽後悔使煜具言狀帝以為所詢要切江南亦

謂其言誠實太平興國初轉左補闕三年加史館修撰
判館事四年從征太原還拜中書舍人預修太祖實錄
七年以與盧多遜款狎又為秦王廷美草朝辭劾記為
言者所劾責授司封員外郎八年與宋白等同知貢舉
及侍帝御崇政殿親試進士帝憫其顏貌癯瘠即日復
拜中書舍人史館修撰判館事召為翰林學士知開封
府判判精敏猾姦無所貸假由是豪右屏迹權貴無敢
干以私帝益知其才擢拜左諫議大夫參知政事月餘

丁母憂未幾起復本官穆三上表乞終制詔強起之穆
益哀毀盡禮九年晨起將朝風眩暴卒年五十七穆自
貢授員外郎復中書舍人入翰林參知政事以至於卒
不及周歲帝聞其死哭謂近臣曰穆國之良臣朕方倚

用遽茲淪沒非斯人之不幸乃朕之不幸也贈工部尚
書穆性至孝母嘗臥疾每動止轉側皆親自扶掖乃稱
母意後穆坐秦王事屬吏其子惟簡給祖母以穆奉詔
鞫獄臺中及責授為省郎還家不以白母母終弗之知

及居喪思慕以至滅性穆善篆隸文工畫常晦其事質
厚忠恪謹言慎行純至無矯飾善談名理接引後進多
所薦達尤寬厚家人未嘗見其喜愠所著文章隨即毀
之惟簡以父任將作監丞大中祥符七年特拜太子中

允致仕後加太常丞多才藝性冲澹不樂仕進去官家
居三十餘年人多稱之弟肅字季雍七歲讀書知大義
舉進士登甲科歷濮博二州從事遷保靜軍節度推官
詔方下一夕卒

欽定續通志卷三百四

列傳

宋九

薛居正 惟吉

沈倫 繼宗

盧多遜

宋琪 宋雄

薛居正字子平開封浚儀人父仁謙周太祖賓客居正少好學有大志清泰初舉進士不第為遺愁文以自解寓意倜儻識者以為有公輔之量踰年登第晉天福中華帥劉遂凝辟為從事遂凝兄遂清領邦計奏署鹽鐵判官東都事署作鹽巡官開運初改度支推官宰相李崧領鹽鐵又奏署推官加大理寺直遷右拾遺桑維翰為開封府尹奏署判官漢乾祐初史弘肇領侍衛親軍威權震主殘忍自恣無敢忤其意者其部下吏告民犯鹽禁法當死獄將決居正疑其不實召詰之乃吏與民有私憾因誣之逮吏鞫之具伏抵法弘肇無以屈周廣順初遷比部員外郎領三司推官旋知制誥從征兗州加都官郎中累遷左諫議大夫擢宏文館學士判館事使滄州定民租以材幹聞於朝擢刑部侍郎判吏部銓太祖即位遷戶部侍郎太祖親征李筠及李重進並留司三司俄出知許州建隆三年入為樞密直學士權知貢舉初平湖湘以居正知朗州會亡卒數千人聚山澤為盜監軍使疑城中僧千餘人皆其黨欲盡誅之居正以計緩其事因率眾翦滅羣寇擒賊帥汪端詰之僧皆不預賴以全活乾德初加兵部侍郎車駕將親征太原大發民餽運時河南府饑逃亡者四萬家命居正馳傳招集澆旬聞民盡復業以本官參知政事按太祖乾德二年初置參知政事為宰相除慶始任斯職五年加吏部侍郎開寶五年兼淮南湖

南嶺南等道都提舉三司水陸發運使又兼門下侍郎監修國史又監修五代史六年拜門下侍郎平章事太平興國初加左僕射昭文館大學士從平晉陽還進位司空卒年七十贈太尉中書令諡文惠居正性任寬簡不好苛察士君子以此多之自參政至為相凡十八年恩遇始終不替先是太祖嘗謂居正曰自古為君者鮮克正己為臣者多無遠略雖居顯位不能垂名後代而身陷不義子孫罹殃蓋君臣之道有所未盡吾觀唐太宗受人諫疏直詆其非而不恥以朕所見不若自不為之使人無異詞又觀古今人臣多不令終能保全而享厚福者由忠正也開寶中居正與沈倫並為相盧多遜參知政事九年多遜亦為平章事及居正卒沈倫責授多遜南流論者以居正守道蒙福果符太祖之言平居好讀書為文落筆不能自休子惟吉集為三十卷上之賜名文惠集咸平二年詔配饗太祖廟庭

惟吉字世康居正假子也居正妻妬悍無子故養惟吉愛之甚篤少有勇力與京師少年追逐角抵蹴鞠縱酒不謹嘗與伶人游居正不能知蔭補右千牛衛備身歷太子通奉舍人改西頭供奉太宗即位三相子皆越次拔擢沈倫盧多遜子並為尚書郎惟吉以不習文故為右千牛衛大將軍及居正卒太宗親臨居正妻拜於喪所帝問不自子安在頗改行否惟吉伏喪側竊聞帝語懼報不敢起自是盡革故態謝絕所與游者居喪有禮既而多接賢士大夫頗涉獵書史時論翕然稱之帝知其改行令知澶州改揚州上表自陳遷左千牛衛大將軍俄詔知河南府又知鳳翔府道化五年與秦州温仲舒對易其任未幾遷左領軍衛大將軍至道二年移知

延州未行卒年四十二

沈倫字順儀開封太康人舊名義倫以與太宗名下字同止名倫少習三禮於嵩洛間以講學自給漢乾祐中白文珂鎮陝倫往依之周顯德初太祖領同州節度宣徽使皆居潤與倫厚善薦于太祖留幕府太祖嘗領滑州觀察推官召為戶部郎中奉使吳越歸奏便宜十數事皆從之道出揚泗屬歲饑民多死郡長吏白於倫曰郡中軍儲尚百餘萬斛倘貸於民至秋復收新粟如此則公私俱利非公言不可還具以白朝論沮之曰今以軍儲振饑民若薦饑無徵孰任其咎太祖以問倫曰國家以廣粟濟民自當召和氣致豐稔豈復有水旱耶此當決於宸衷太祖即命發廩貸民建隆三年遷給事中明年為陝西轉運使王師伐蜀用為隨軍水陸轉運使先是王全斌崔彥進之入成都也競取民家玉帛子女倫獨居佛寺飯疏食有以珍異奇巧物為獻者倫皆拒之東歸篋中所有纔圖書數卷而已太祖知之遂貶全斌等以倫為戶部侍郎樞密副使親征太原領大內都部署判留司三司事先是倫第庫陋處之晏如時權要多冒禁市巨木秦隴間以營私宅及事敗露皆自啟於帝前倫亦嘗為母市木營佛舍因奏其事太祖笑謂曰爾非踰矩者知其未嘗居第因遣中使按圖督工為治之倫私告使者願得制度狹小使者以聞帝亦不違其志開寶二年丁母憂起復視事六年拜中書侍郎平章事集賢殿大學士兼提舉荆南水陸發運事等祀西洛以倫留守東京兼大內都部署俄召赴行在令預大禮太平興國初加右僕射兼門下侍郎監修國史親

征太原復以倫為留守判開封府事師還加左僕射五年史官李昉屬蒙撰太祖實錄五十卷倫為監修以獻六年加開府儀同三司是歲疾作自是多請告盧多遜事將發倫已上表求致仕明年多遜敗以倫與之同列不能覺察詔加切責降授工部尚書其子都官員外郎繼宗本由父蔭不宜更在朝行可落班簿時倫病不能興上表謝未幾倫再奏章乞骸骨復授左僕射致仕帝以倫國初舊臣遽復繼宗官以慰其心雍熙四年卒年七十九贈侍中初有司議諡倫曰恭惠繼宗上言曰臣父始從冠歲卽事儒業叨遇明時陟於相位管歷集賢修史之職伏請改諡曰文判太常禮儀院趙昂判考功張洎駁曰沈倫逮事兩朝早升台弼有祗畏謹守之美有矜恤周濟之心其備位台衡出於際會徒能謹飭以自保全以恭配惠厥美居多至於集賢國史皆宰相兼領之任非必由文雅而登其沈倫諡伏望如故從之繼宗字世卿倫為樞密副使以蔭補西頭供奉官倫作相授水部員外郎累轉屯田郎中出知單州代歸命使京東計度財賦濮州土貢銀課民織造不折省稅鄆州節度配屬縣納藥物皆為民病繼宗歸歷言於帝以除其弊至道末領淮南轉運使致仕後扈從東封復授職方郎中歷遷至判三司三勾院大中祥符五年卒年五十五子惟溫惟清惟恭並為將作監主簿惟溫後至祕書丞惟清娶密王女宜都縣主至內殿承制

公行唯億清介自持會景延廣鎮天平表億掌書記留守西洛又表為判官時國用窘乏取民財以助軍河南府計出二十萬緡延廣欲並緣以圖美利增為三十七萬緡億諫曰公位兼將相既富且貴今國帑空竭不得已而取資於民公何忍利之乎延廣慚而止漢初以魏王承訓為開封尹授億水部員外郎充推官時侍衛諸軍驕恣朝廷姑息之軍士成美以鹽負鹽入都門關者不敢執反擒平民孟柔送侍衛司柔自誣伏論當棄市億察其冤言於漢祖而釋之周初為侍御史漢末兵亂法書亡失至是大理奏重寫律令格式統類編敕乃詔億與刑部員外曹匪躬大理正段壽同加議定以晉漢及周初事關刑法赦條者分為二卷附編敕自為大周續編敕詔行之太祖卽位遷少尹億性恬退聞其子多遜知制誥卽上章求解乾德二年以少府監致仕多遜周顯德初舉進士解褐祕書郎集賢校理遷左拾遺集賢殿修撰太祖建隆三年以本官知制誥歷祠部員外郎權知貢舉加兵部郎中史館修撰開寶二年車駕征太原知太原行府事移幸常山又權知鎮州師還直學士院四年命為翰林學士使江南還因言江南衰弱可圖之狀受詔同修五代史遷中書舍人參知政事按宋輔政開寶六年九月己巳盧多遜自翰林學士兵部員外郎遷中書舍人參知政事本傳不載其為兵部員外郎丁外艱數日起復視事會史館修撰屢蒙請復修時政記詔多遜專其事金陵平加吏部侍郎太平興國初拜中書侍郎平章事從平太原還加兵部尚書多遜博涉經史聰明強力文辭敏給好任數有謀略發多奇中太祖好讀書每取書史館多遜預戒令白己知所取書必通夕閱覽及太祖問書中事多遜應答無滯先是

多遜知制誥與趙普不協及在翰林日每召對多攻普之短未幾普出鎮河陽太宗踐阼普人為少保普子承宗娶燕國長公主女承宗適知潭州受詔歸闕成婚禮未踰月多遜白遣歸任普由是憤怒初普出鎮河陽上言自慙云外人謂臣輕議皇弟開封尹皇弟忠孝全德豈有間然矧昭憲皇太后大漸之際臣實預聞顧命知臣者君願賜昭鑒太祖手封其書藏于宮中至是普復密奏臣開國舊臣為權幸所沮因言昭憲顧命及先朝自慙之事帝於宮中訪得普前所上表因感悟卽留承宗京師未幾復用普為相多遜益不自安普屢諷多遜令引退多遜貪固權位不能決會有以多遜嘗遣堂吏趙白交通秦王廷美事聞太宗怒詔數其罪責授守兵部尚書明日以多遜屬史命翰林學士承旨李昉學士扈蒙衛尉卿崔仁冀膳部郎中知雜事滕中正雜治之獄具召文武常參官集議朝堂太子太師王溥等七十人議請依有司所斷削奪在身官簡準法誅斬詔令盧多遜在身官爵及三代封贈妻子官封並用削奪追毀一家親屬並配流崖州所在馳驛發遣縱經大赦不在量移之限某周已上親屬並配隸邊遠州郡部曲奴婢縱之餘依百官所議按宋名臣言行錄載實儀為翰聞其過一日召儀語及普所為多不法且專橫早負才望之意儀盛言普開國元勳公忠亮直社稷之重帝不悅儀歸言于諸弟曰我不能作宰相然亦多遜至海外不因部送者還上表稱謝雅熙二年卒於流所年五十二詔徙其家於容州未幾復移置荆南端拱初錄其子雍為公安主簿還其懷州籍沒先塋雍卒諸弟皆特赦除州縣官初憶性儉素自奉甚薄及多遜貴顯賜賚優厚服用漸侈愀然不樂謂親友曰家世儒素一旦富貴

暴至吾未知稅駕之所後多遜果敗人服其識咸平五年又錄蘇弟寬為襄州司士參軍寬弟景德進士察奉多遜喪歸葬襄陽

宋琪字叔寶幽州薊人少好學晉祖割燕地以奉契丹契丹歲開貢部琪舉進士中第署壽安王侍讀時天福六年也幽帥趙延壽辟琪為從事會契丹內仗隨延壽至京師延壽子贊領河中節度漢初改授晉昌軍皆署琪為記室周廣順中贊罷鎮補觀城令世宗征淮南贊

自右龍武統軍為排陣使復辟琪從征及金陵歸款以贊鎮廬州表為觀察判官部有冤獄琪辨之免死者三人特加朝散大夫太祖即位連移壽陽延安二鎮皆表琪為從事乾德四年召拜左補闕開封府推官太宗為

府尹初甚加禮遇琪與宰相趙普樞密使李崇矩善出入門下遂惡之乃白太祖出琪知龍州移開州開寶九年為護國軍節度判官太宗即位召赴闕時程羽賈瑋皆自府邸攀附致顯要抑琪久不得調太平興國三年授太子洗馬遷太常丞出知大通監五年召歸將加擢

用為盧多遜所阻改都官郎中東都事署作都官員外郎出知廣州將行復以藩邸舊僚留判三司勾院七年與三司使王仁贍廷辨事忤旨責授兵部員外郎俄通判開封府事

京府置通判自琪始按東都事署云京府通判推琪而巳自是不復置也與宋本傳異八年擢拜右諫議大夫同判三司改左諫議大夫參知政事是秋帝將以工部尚書李昉參預國政以其先入

乃遷琪為刑部尚書十月趙普出鎮南陽琪遂與昉同拜平章按宋史太宗本紀太平興國八年十一月自員外郎歲中四遷至尚書為相帝謂曰世之治亂在賞當其功罰當其罪即無不治謂為飾喜怒之具即無不亂

卿等慎之九年九月帝幸景龍門外觀水榭因謂侍臣曰此水出於山源清冷甘美凡近河水皆甘豈非餘潤之所及乎琪等對曰實因地脈潛通而然亦猶人之善惡以染習而成也雍熙元年十二月按宋史本傳云其太平興國九年十一月改元雍熙琪加昭文館大學士是十二月事不應蒙上作其年今改加門下

待郎昭文館大學士會詔廣宮城宣徽使柴禹錫有別第在表識內上言願易官邸帝覽奏不悅禹錫陰結琪欲因白請盧多遜舊第帝益鄙之按宋宰輔編年錄載太宗謂宰相李昉等曰朕欲展宮城禹錫有別第在表識中上言願易閣閣中官邸朕極不樂自此朕薄其為人乃潛與宋琪相結為琪請宰相人盧多遜舊第朕命即賜之多遜犯罪先是簡州軍事推官王滌引對帝嘉其雋爽面授朝官翼日

琪奏滌經學出身一任幕職例除七寺丞帝曰吾已許之矣可與東宮官琪執不從擬大理丞告牒進入帝批曰可右贊善大夫琪勉從命帝滋不悅初帝令琪娶馬仁瑀寡妻高繼冲之女厚加賜與以助宋廣南轉運王延範高氏之親也知廣州徐休復密奏其不軌且言其

依附大臣帝因其與禹錫入對問延範何如人琪未知其端盛言延範強明忠幹禹錫旁奏與琪同帝意琪交通不欲暴其狀因其素好詼諧無大臣體罷守本官

按宋史宰相表雍熙二年十二月丙辰禹錫授左驍衛宋琪自同中書門下平章事以本官免馬山川形勢俄又陳十策願採用之淳化二年詔百官轉對琪首應詔建明堂辟雍之議五年李繼遷入寇靈

武命侍衛馬軍都指揮使李繼隆為河西兵馬都部署以討之西川賊帥李順攻劫州縣以昭宣使王繼恩為劍南西川招安使琪又上書言邊事帝密為其奏合繼

隆擇利而行至道元年大宴於含光殿帝問琪年對曰七十有九帝因慰撫久之二年拜右僕射又以其衰老詔許五日一朝是年卒贈司空諡惠安子貽序為右贊善大夫貽序為大理評事貽廣童子出身琪素有文學頗諧捷在使府前後三十年周知人情尤通吏術在相位日百執事有所求請多面折之以是取怨於人貽序嘗預修冊府元龜筆札遺勁坐事左遷復州副使為殿中丞卒

宋雄者亦幽州人初與琪齊名燕薊間謂二宋雄仕契丹為應州從事雍熙三年王師北伐雄與其節度副使艾正以城降授正本州觀察使以雄為鴻臚少卿同知州事改光祿少卿歷知均唐二州未幾護河陰屯兵以

知河渠利害因命領護汴口均節水勢以達轉漕京師賴之改太子詹事復為光祿少卿遷將作監所在職務修舉公私倚任焉雄涉獵文史善談論有氣節士流推許之景德元年卒年七十六子可久為太常寺奉禮郎

欽定續通志卷三百五

志五〇〇三

列傳

宋十

李昉

昭述

呂蒙正

張齊賢

宗誨

宗誨

賈舉也其鄉人武濟川預選既而奏對失次昉坐左遷大常少卿俄判園子監明年復拜中書舍人翰林學士判吏部銓時趙普為多遜所構數以其短聞於帝帝詢於昉對曰臣職司書詔普之所為非臣所知普尋出鎮多遜遂參知政事太宗即位加昉戶部侍郎受詔與扈

陰陽乖戾不能決意引退俾居百僚師長之任何以示勸帝覽奏乃令罷守本官晉侍中明年昉年七十以特進司空致仕朝會宴樂令綴宰相班歲時賜予益厚焉至道元年正月望帝觀燈乾元樓召昉賜坐於側酌御樽酒飲之自取果餌以賜帝觀京師繁盛指前朝坊巷省署以諭近臣拓為通衢長廊因論晉漢君臣昏闇猜貳枉陷善長時人不聊生雖經營繼其暇及乎昉謂晉漢之事臣所備經何可與聖朝同日而語若今日四海清晏民物阜康皆陛下恭勤所致帝曰勤政憂民帝王常事朕不以繁華為樂蓋以民安為樂爾因顧侍臣曰李昉事朕兩人中書未嘗有傷人害物之事宜其今日所享如此可謂善人君子矣二年陪祀南郊禮畢入賀因拜舞仆地臺史掖之以出臥疾數日薨年七十二贈司徒諡文正昉和厚多恕不念舊惡在位小心循謹無赫赫稱為文章慕白居易尤淺近易曉好接賓客江南平士大夫歸朝者多從之遊雅厚張洎而薄張洎及昉罷相洎草制深攻詆之而洎朔望必詣昉或謂洎曰李公待君素不厚何數詣之洎曰我為廷尉日李公方秉政未嘗一有請求此吾所以重之也昉所居有園亭別墅之勝多召故人親友宴樂其中既致政欲尋洛中九老故事時吏部尚書宋琪年七十九左諫議大夫楊徽之年七十五鄧州刺史魏丕年七十六太常少卿致仕李運年八十水部郎中朱昂年七十一廬州節度副使武允成年七十九太子中允致仕張好問年八十五吳僧贊寧年七十八議將集會蜀寇而罷昉素與盧多遜善待之不疑多遜屢詣昉於帝或以告昉不之信及人相太宗言及多遜事昉頗為解釋帝曰多遜居常毀

李昉

昭述

宗誨

宗誨

宗誨

宗誨

宗誨

宗誨

宗誨

宗誨

宗誨

宗誨

宗誨

宗誨

宗誨

宗誨

宗誨

宗誨

宗誨

宗誨

宗誨

宗誨

宗誨

宗誨

宗誨

宗誨

宗誨

續通志

卷三百六

列傳 宋

志五〇五

卿一錢不直昉始信之帝由此益重昉昉居中書日有求進用者雖知其材可取必正色拒絕已而擢用或不足用必和顏溫語待之子弟問其故曰用賢入主之事若受其請是市私恩也故峻絕之使恩歸於上若不用者既失所望又無善辭取怨之道也初超未有子昉母謝方娠指腹謂叔母張曰生男當與叔母為子故昉出繼於超昉再相因表其事求贈所生父母官詔贈其祖溫太子太傅祖母權氏莒國太夫人超太子太師謝氏鄭國太夫人昉素病心悸數歲一發發必瀕年而後愈蓋典話命三十餘年勞役思慮所致及居相位益加憂畏按長編載昉卒後太宗謂近臣曰昉本以文章進用及居相位自知才微任重無所彌綸但憂愧而已子四人宗誨宗誨宗諒宗誨宗誨右贊善大夫宗諒主賓客員外郎

宗誨字大辨以蔭補太廟齋郎遷第四室長代謁吏部銓擬授秘書省正字帝命擢國子監丞蓋帝居藩邸時每有篇詠令昉屬和前後數百章宗誨繕寫帝愛其楷麗問知為宗誨所書故有是命雍熙初昉在相位帝欲命宗誨為尚書郎昉懇辭以為非承平故事止改祕書丞歷太常博士宗誨頗習典禮淳化中呂端掌禮院引宗誨同判累遷比部郎中咸平六年卒年五十五子昭迴召試賜進士第昭遜太子中舍

宗諒字昌武七歲能屬文恥以父任得官獨由鄉舉第進士授校書郎明年獻文自薦遷祕書郎集賢校理同修起居注先是後苑陪宴校理官不與京官乘馬不得入禁門至是皆因宗諒之請復之遂為故事真宗即位拜起居舍人預重修太祖實錄從幸大名遷知制誥判集賢院景德二年召為翰林學士是秋將郊命判太常

大樂鼓吹二署先是樂工率以年勞遷補至有抱其器而不知聲者宗諒素曉音律遂加審定奏斥謬濫者五十人因修完器具更署職名條上利病二十事事具樂署又著樂纂以獻命付史館自是月再肄習焉屬契丹遣使來賀承天節詔宗諒為館伴使自郊勞至飲餞皆刊定其儀大中祥符初從封泰山改工部郎中三年知審官院屬祀汾陰后土命為經度制置副使同權河中府事禮成優拜右諫議大夫嘗侍宴玉宸殿帝謂曰卿卿至孝宗族頗多長幼雍睦朕嗣守二聖基業亦如卿之保守門戶也又曰翰林清華之地前賢敷歷多有故事卿父子為之必周知也宗諒嘗著翰林雜記以紀國朝制度明日上之宗諒究心典禮凡創制損益靡不與聞五年以疾卒年四十九帝甚悼之謂宰相曰國朝將相家能以聲名自立不墜門閥唯昉與曹彬家爾宗諒方期大用不幸短命深可惜也初昉居三館兩制之職宗諒不數年皆踐其地風流儒雅藏書萬卷內行淳至事繼母符氏以孝聞二兄早世奉嫂字孤恩禮兼盡與弟宗諒友愛尤至覃恩所及必先羣從及歿而已子有未仕者勤接士類無賢不肖恂恂盡禮獎拔後進唯恐不及以是士人皆歸仰之宗諒工隸書嘗修續通典大中祥符封禪汾陰記諸路圖經又作家傳談錄並行

於世子昭迥昭迥昭迥

昭述字仲祖以父蔭為祕書省校書郎召試學士院賜進士出身為刑部詳覆官累遷祕書丞羣牧制置使曹利用薦為判官鄆州牧地侵於民者凡數千頃昭述悉復之以太常博士知開封縣特遷尚書屯田員外郎開封推官坐嘗被曹利用薦出知常州遷為三司度支判

官改河北轉運使江陵屯兵諱言倉粟陳腐欲以動眾昭述取以為奉且以飯其僚屬眾遂定徙湖南潭州戍卒憤監軍酷暴欲搆亂或指昭述謂曰如李公長者何可負其謀遂寢昭述聞之以戒監軍監軍自是不復為暴比去眾遮道羅拜指妻子曰嚮非公無噍類矣河決澶淵久未塞會契丹遣劉六符來乃命昭述城澶州以治隄為名調兵農八萬逾旬而就初六符過之真以為隄也及還而城具甚駭愕初置義勇軍人情訥昭述乘疾置日行數舍開諭父老眾始安宣撫使表其能除龍圖閣直學士知澶州又為樞密直學士陝西都轉運使河北始置四路以為真定府路安撫使知成德軍大水民多流亡籍僧舍積粟為粥糜活饑民數萬計改龍圖閣學士知秦州諫官御史言昭述庸懦不可負重鎮留真定府居四年入領三班院以翰林侍讀學士知鄆州未幾知通進銀臺司判太常寺復領三班累遷尚書右丞卒贈禮部尚書諡恪李氏居京城北崇慶里凡七世不異爨至昭述稍自豐殖為族人所望然家法亦不墮

昭述字逢吉宗諒從子也以蔭為將作監主簿幼時楊億嘗過其家出拜億命為賦既成億曰桂林之下無雜木非虛言也其後薦為召試授館閣校勘改集賢院校理坐失誤落秩未幾復為鹽鐵判官初議罷天下職田及公使錢昭述以為不可三司使姚仲孫惡其異已請詰所以與利之實昭述爭不屈遂罷判官為白波發運使因入奏事仁宗謂曰前所論罷職田等事卿言是也遷直史館知陝州諫官歐陽修言陝府關中要地昭述無治劇材不宜遣改判三司理欠司徒度支判官使契

志五〇六

丹還道除陝西轉運使坐家人盜違人銀酒孟降知澤州陽城冶鑄鐵錢民冒山險輸礦炭苦其役為秦罷鑄錢又言河東鐵錢偽偽淆雜不可不革後復直史館知陝州城中舊無井唐武德中刺史長孫操始疏廣濟渠水入城眾賴其利昭遠至立廟祠之累遷尚書工部郎中擢天章閣待制知滄州用諫官吳及言復改知陳州徙鄭州卒昭遠性和易不忤物能守家法

呂蒙正字聖功河南人祖夢奇戶部侍郎父龜圖起居郎蒙正太平興國二年擢進士第一授將作監丞通判昇州陸辭有旨民事有不便者許贖置以聞賜錢二十萬代還會征太原召見行在授著作郎直史館加左拾遺五年親拜左補闕知制誥初龜圖多內寵與妻劉氏不睦并蒙正出之頗淪躓窘乏劉誓不復嫁及蒙正登仕迎二親同堂異室奉養備至龜圖旋卒詔起復遷都

官郎中入為翰林學士按宋史辛輔表太平興國八年十一月壬申呂蒙正自翰林學士都官員外郎參知政事宰輔編年錄亦載蒙正與翰林學士都官員外郎除惟呂文穆公神道碑所載與宋史本傳同擢左諫議大夫參知政事帝謂之曰凡士未達見當世之務戾於理者則怏怏於心及列於位得以獻可替否當盡其所蘊雖言未必盡中亦當僉議而更之俾協於道朕固不以崇高自恃使人不敢言也蒙正初入朝堂有朝士指之曰此子亦參政耶蒙正陽不為聞而過之同列不能平詰其姓名蒙正遽止之曰若一知其姓名則終身不能忘不若無知之為愈也時皆服其量李昉罷相蒙正拜中書侍郎兼戶部尚書平章事監修國史蒙正質厚寬簡有重望以正道自持遇事敢言每論時政有未允者必固稱不可帝嘉其無隱趙普開國元老蒙正後進歷官一紀遂同相位普甚推許之俄

丁內艱起復先是盧多遜為相其子雍起家即授水部員外郎後遂以為常至是蒙正奏曰臣忝甲科及第釋褐止授九品京官況天下才能老於巖穴不露寸祿者多矣今臣男始離襁褓此寵命恐罹陰譴乞以臣釋褐時官補之自是宰相子止授九品京官遂為定例朝士有藏古鏡者自言能照二百里欲獻之蒙正以求知蒙正笑曰吾面不過碟子大安用照二百里哉聞者歎服循化中右正言宋抗上疏忤旨抗蒙正妻族坐是罷為吏部尚書復相李昉四年昉罷蒙正復以本官入相因對論及征伐帝曰朕比來征討蓋為民除暴苟好功驥武則天下之人燬七盡矣蒙正對曰隋唐數十年中四征遼朔人不堪命煬帝全軍陷沒太宗自運土木攻城如此卒無所濟且治國之要在內修政事則遠人來歸自致安靜帝聽之嘗燈夕設宴蒙正侍帝語之曰五代之際生靈凋喪周太祖自鄴南歸士庶皆懼剽掠下則火災上則彗孛觀者恐懼當時謂無復太平之日矣朕躬覽庶政萬事粗理每念上天之貺致此繁盛乃知理亂在人蒙正避席曰乘輿所在士庶走集故繁盛如此臣嘗見都城外不數里饑寒而死者甚眾不必盡然願陛下視近以及遠蒼生之幸也帝變色不言蒙正侃然復位同列多稱其直諫帝嘗欲遣人使朝方論中書選才而責以事者蒙正退以名上帝不許他日三問三以其人對帝曰卿何執耶蒙正曰臣非執蓋其人可使餘人不及臣不欲用媚道妄隨人主意以害國事同列悚息不敢動帝退謂左右曰蒙正氣量我不如既而卒用蒙正所薦果稱職至道初以右僕射出判河南府兼西京留守蒙正至洛多引親舊歡宴政尚寬靜委任僚

屬事多總裁而已眞宗即位進左僕射會營奉照陵蒙正追感先朝不次之遇奉家財三百餘萬以助用按呂公神道碑作出私錢葬日伏哭盡哀人以為得大臣體三百萬助復土之費咸平四年以本官同平章事昭文館大學士國朝以來三人相者惟趙普與蒙正焉郊祀禮成加司空兼門下侍郎六年授太子太師封萊國公改封徐封蔡國公傳封隨又封許考東都事畧作封萊國公改封徐又封許呂文穆公神道碑載改太子太師仍封萊國公以告成泰山進封徐嗣后土又進封許國本傳誤今據改又封許景德二年表請歸洛陛辭日肩輿至東園門命二子掖以陞殿因言遠人請和弭兵省財古今上策惟願陛下以百姓為念帝嘉納之因遷從簡太子洗馬知簡奉禮郎蒙正至洛有園亭花木日與親舊宴會子孫環列迭奉壽觴怡然自得大中祥符而後帝朝永熙陵封泰山嗣后土過洛兩幸其第錫賚有加帝謂蒙正曰卿諸子孰可用對曰諸子皆不足用有姪夷簡任穎州推官宰相才也夷簡由是見知於帝富言者蒙正答也一日白曰見子十許歲欲令人書院事廷許太祝蒙正許之及見驚曰此兒他日名位與吾相似而勲業遠過於吾令與諸子同學供給甚厚言之子即弼也後弼兩入相亦以司徒致仕其知人類如此許國之命甫下而卒

按宋史眞宗本紀大中祥符四年三月甲申辛卯蒙正第夏四月丁卯許國公呂蒙正薨年六十八贈中書令諡曰文穆蒙正初為相時張紳知蔡州坐贓免或言於帝曰紳家富不至此特蒙正貧時勾索不如意今報之爾帝命即復紳官蒙正不辨後考課院得紳實狀復黜為絳州團練副使及蒙正再入相太宗謂曰張紳果有贓蒙正不辨亦不謝在西京日帝數遣中貴人將命至蒙正待之如在相位時不少貶時人重焉子

志五〇〇七

續通志 卷三百六 列傳 宋

從簡再為國子博士惟簡太子中舍承簡司門員外郎
行簡比部員外郎務簡亦國子博士居簡殿中丞知簡
太子右贊善大夫按富文忠公弼所撰呂文穆公蒙正
知簡大理寺丞惟簡庫部郎中承簡憲部員外郎
部郎中次未名易簡奉禮郎務簡光祿少卿居簡龍
圖閣直學士尚書兵部侍郎簡司豐少卿居簡龍
卿與宋史本傳所載官職人數俱不同 蒙正弟蒙休

咸平進士至殿中丞龜圖弟龜祥殿中丞知壽州子蒙
亨舉進士高等既廷試以蒙正居中書故報罷後歷下
蔡武平主簿至道初考課州縣官蒙亨引對文學政事
俱優命為光祿寺丞大理寺丞卒次子蒙巽虞部員外
郎蒙周道化進士及第蒙亨子即夷簡也次子宗簡亦
進士及第慶曆中居簡提點京東刑獄時夏竦有憾於
石介介死竦言於帝曰介未嘗死北走鄰國矣乃遣中
使發棺驗之居簡謂曰萬一介果死則朝廷為無故發

人之墓奈何使曰於君何如居簡曰介死當時必有內
外親族及門生會葬問之可也中使乃令結狀保證以
聞介事乃白居簡長者其行事多類此徐州妖人孔直
溫挾左道誘軍士為變或詣轉運使告不受詞居簡令
易其牒盡捕究黨與貸註誤者請于朝斬直溫等濮州
復叛都民驚潰居簡馳往獲首惡誅之以兵部侍郎判

西京御史臺卒年七十二
張齊賢曹州冤句人徙家洛陽孤貧力學有遠志慕唐
李大亮之為人故字師亮太祖幸西都齊賢以布衣獻
策馬前召至行宮齊賢以手畫地條陳十事曰下并汾
曰富民曰封建曰敦孝曰舉賢曰太學曰藉田曰選良
吏曰慎刑曰懲姦內四說稱旨齊賢堅執以為皆善帝

怒令武士拽出之按東都事錄作太祖賜東府而遣之
遂所載與宋史本傳同及還語太宗曰我幸西都得一
久在行伍不樂耕農乞遣使選充軍伍并其家屬送闕

張齊賢我不欲爵之以官異時可使輔汝為相也太宗
擢進士欲置齊賢高第有司偶失掄選帝不悅一榜盡
與京官於是齊賢以大理評事通判衡州時州鞠劫盜
論皆死齊賢至活其失入者五人自荆渚至桂州水遞
鋪夫數千戶困於郵役衣食多不給論奏減其半四年
代還會親征晉陽齊賢上謁選祕書丞忻州新下命知
州事明年召還改著作佐郎直史館改左拾遺車駕北

征議者皆言宜速取幽薊齊賢以幽燕未下不足為慮
今河東初平人心未固聖人舉事動在萬全百戰百勝
不若不戰而勝若重之慎之則契丹不足吞燕薊不足
取自古疆場之難非盡由敵國亦多邊吏擾而致之若
緣邊諸將撫御得人但使峻壘深溝畜力養銳務農積
穀以實邊用賦歛苛重者改而正之因而利之以德懷
遠以惠民民遠人之歸可立而待六年為江南西路轉

運副使改右補闕加正使齊賢至官詢知饒信虔州土
產銅鐵鉛錫之所推求前代鑄法取饒州永平監所鑄
以為定式詣闕面陳其事敷奏詳確議者不能奪先是
諸州罪人多銅送闕下路死者十常五六齊賢道逢南
劍建昌虔州所送索牒視之率非首犯悉伸其冤抑因

力言於朝後凡送囚至京請委強明吏屢問不實則罪
及原問官屬自是江南送罪人者為減大半先是江南
諸州小民居官地者有地房錢古州綠江地雖淪沒猶
納勾欄地錢編木而浮居者名水場錢皆前代弊政齊
賢悉論免之初李氏據有江南民戶稅錢三千已上者

戶出丁一人黥面自備器甲輸官庫出卽給之日支糧
二升名為義軍既內附皆放歸農至是言者以為此輩
久在行伍不樂耕農乞遣使選充軍伍并其家屬送闕

下齊賢上言江南義軍例皆良民橫遭配無所逃避
克復之後便放歸農久被皇風並皆樂業搜索驚擾不
若且仍舊貫齊賢居使職勤究民弊務行寬大江左人
思之不忘召還拜樞密直學士擢右諫議大夫簽書樞
密院事雍熙初遷左諫議大夫三年大舉北伐代州楊

業戰沒帝訪近臣以策齊賢請行即授給事中知代州
與部署潘美同領緣邊兵馬是時遼兵自湖谷薄城下
神衛都校馬正以所部列南門外眾寡不敵副部署盧
漢質畏懦保壁自固齊賢選兩軍二千出正之右誓眾
慷慨一以當百遼兵遂卻先是約潘美以并師來會戰

無何間使為遼人所得齊賢以師期既漏且虞美眾為
遼所乘既而美使至云師出并州至北井得密詔東師
敗績於君子館并之全軍不許出戰已還州矣於是遼
兵塞川齊賢曰賊知美之來而不知美之退乃閉其使

密室中夜發兵二百持一幟負一束芻距州城西南三
十里列幟然竄逸兵遙見火光中有旗幟意謂并師至
矣駭而北走齊賢先伏步兵二千於土磴若掩擊大敗
之擒其北大王之子一人帳前實里一人斬獲甚眾捷

奏且歸功漢質端拱元年拜工部侍郎遼人又自大石
路南侵齊賢預備備兵千人為二部分屯繁峙崞縣下
令曰代西有寇則崞縣之師應之代東有寇則繁峙之
師應之比接戰則郡兵集矣至是果為繁峙兵所敗二
年制屯田領河東制置方田都部署入拜刑部侍郎樞
密副使淳化二年參知政事數月拜吏部侍郎同中書
門下平章事齊賢母孫氏年八十餘封晉國太夫人每
入謁禁中帝歎其福壽有令子多手詔存問加賜與指
紳榮之初王延德與朱貽業同掌京康欲求補外貽業

與參政李沆有姻婭託之以請於沆沆為請於齊賢齊賢以聞太宗以延德嘗事晉邸怒其不自陳而干祈執政召見詰責延德貽業皆諱不以實對齊賢不欲累沆獨任其責四年罷為尚書左丞命知定州以母老不願往未幾丁內艱水漿不入口者七日自是日啖粥一器終喪不食酒肉蔬果尋復轉禮部尚書知河南府時獄有大辟將決齊賢至立辨而釋之三日徙知永興軍時閤門祇候趙贊以言事得幸提點關中芻糧所為多豪橫齊賢論列其罪卒抵於法徙襄州移荆南又徙安州踰年加刑部尚書真宗即位召拜兵部尚書同中書門下平章事按宋史宰輔表咸平元年十月戊子張齊賢自守戶部尚書知安州加兵部尚書同中書門下平章事齊賢字獻直東平人少舉進士第為兵部尚書平章事宋史本傳不載遷戶部尚書嘗從容為帝言皇王之道而推本其所以然郊祀加門下侍郎與李沆同事不相得坐冬至朝會被酒失儀免相四年李繼遷陷清遠軍命為涇原等州軍安撫經畧使以右司諫梁顛為之副齊賢言靈武一郡援隔勢孤繼遷覬覦若以蕃部大族首領素與繼遷有隙者陷以官爵誘以貨利結之以恩信而激之以利害則蕃部族帳靡不傾心不難招集五為聲援又請調江淮荆湘汀壯入萬以益防禦朝議以為動搖兼澤國人民遠戍西鄙亦非便計遂寢齊賢又言靈州斗絕一隅自繼遷為患以來危困彌甚為今之計若能增益精兵以合兩邊屯駐對替之兵從以原渭鎮戎之師率山西熟戶從東界而入嚴約師期兩路交進靈州之圍自解然後取靈州軍民而置若於蕭關武延川險要處以僑寓之如此則蕃漢土人之心有所依賴裁候平靈卻歸舊貫然後縱蕃漢之兵乘時以為進退則成功不難矣時不能用未幾

靈武果陷閏十二月拜右僕射判汾州不行改判承興軍兼馬步軍部署時薛居正子惟吉妻柴氏無子早寡盡畜其資產及書籍論告欲改適齊賢惟吉子安上訴其事帝不欲實於理命司門員外郎張正倫就訊柴氏所對與安上狀異下其事於御史乃齊賢子太子中舍宗誨教柴氏為詞齊賢坐責太常卿分司西京宗誨貶海州別駕按實錄載故相薛居正子惟吉妻柴氏無子又盡畜其家產惟吉有子安柴氏素與之不相協既寡適齊賢定娶之自京北還牙吏約車迎行有日安上詣東府訴其事府以聞帝不欲實於理命司門員外郎張正倫就訊柴氏置對與安上狀異帝不得已下其事於御史臺乃齊賢子太子中舍宗誨教柴氏為詞遂論問柴氏之藏獲發其瘞藏得金具二萬計齊賢坐責云云載宋景德初起為兵部尚書知青州帝幸澶淵史本傳特詳命兼青州淄濰州安撫使二年改吏部尚書疏言臣在先朝常憂靈夏兩鎮為繼遷并吞數年之間終為吞噬今其子德明其志又似不小臣慮德明乘大駕東幸之際去攻六谷則瓜沙甘肅子闔諸處漸為控制矣望委大臣經制其事從東封還復拜右僕射三年出判河陽從祀汾陰還進左僕射五年代還請老以司空致仕歸洛得裴度午橋莊有池榭松竹之盛日與親舊觴詠其間意曠適七年薨年七十二贈司徒諡文定齊賢四踐兩府九居八座以三公就第康寧福壽時罕其比居相日數起大獄又與寇準相傾人或以此少之齊賢諸子皆能有立宗信內殿學士宗禮大理寺丞宗諒殿中丞宗簡閤門祇候宗誦太子中舍宗禮最賢雖累資登朝而畏羈束故多居田里按實錄齊賢傳子宗信宗誦宗禮宗亮宗簡宗約宗誨字習之齊賢第二子也少喜學兵法陰陽象緯之書無不通究以父任為祕書省正字遷至太子中舍貶海州別駕嘗通判河陽徙知富順監會夷人斗郎春叛

羣獠皆騷動宗誨將郡兵攻破之擢開封府判官三司度支勾院宗誨在開封日御史王汾劾其嗜酒廢事及為河北轉運使乃發公居喪假官舟買販朝論惡之會以調發擾民徙知徐州果遷太常少卿後為承興軍兵馬鈐轄又徙郵延路兼知鄆州元昊寇延安劉平石元孫敗沒鈐轄黃德和遁還延州不納又走鄆州宗誨曰軍奔將無所歸激之則為亂矣乃納之拘德和以聞是時鄆城不完且無備傳言寇兵至人心不安宗誨乃嚴斥候籍入而禁出使老幼併力守禦之敵亦自引去鄆州防禦使復徙承興鈐轄兼知邠州以祕書監致仕初齊賢守代州宗誨嘗預計畫其保任親族不問疎近以年為先後然性貪雖謝事猶事貨殖以至於卒子二人子臯字叔讓少有才名而不自負人樂與之游最善尹洙洙曰吾交天下士多矣不以通否易意者子臯也舉進士試祕書郎知新鄭縣果官至尚書司封員外郎子憲字彥章以蔭將作監主簿以獻文賜同進士出身累遷尚書刑部郎中知光化軍戍卒逐其帥韓綱餘黨作亂子憲招降之征稅重人多通貢子憲奏除之歷知洪州廬州遷祕書監累職徙揚州卒賈黃中字媯民滄州南皮人唐相眺四世孫也父玘字仲寶晉天福三年進士解褐太祖即位為刑部郎中終水部員外郎知浚儀縣年七十卒玘嚴毅善教子士大夫子弟來謁必請誨誨誘之初通判鎮州葬鄉黨羣從之未葬者十五喪孤貧不自給者咸教育而婚嫁之黃中幼聰悟方五歲玘每旦令正立展書卷比之謂之等身書課其誦讀六歲舉童子科七歲能屬文觸類賦詠父常令蔬食日俟業成乃得食肉十五舉進士授校書

即集賢校理遷著作佐郎直史館建隆三年遷左拾遺
 歷左補闕開寶八年通判定州判太常禮院黃中多識
 典故每詳定禮文損益得中嶺南平以黃中為採訪使
 廉直平恕遠人便之還奏利害數十事皆稱旨會克江
 表選知宣州歲饑民多為盜黃中出已俸造糜粥賴全
 活者以千數仍設法弭盜悉解去太宗即位遷禮部員
 外郎太平興國二年知昇州時金陵初附黃中為政簡
 易部內甚治一日案行府署中見一室扇鑰甚固命發
 視之得金寶數十匱計直數百萬乃李氏宮閣中遺物
 也即表上之帝覽表謂侍臣曰非黃中廉恪則亡國之
 寶將汙法而害人矣賜錢三十萬五年召歸闕有薦黃
 中文學高第召試中書拜駕部員外郎知制誥八年與
 宋白呂蒙正等同知貢舉遷司封郎中充翰林學士雍
 熙二年又知貢舉俄掌吏部選端拱初加中書舍人二
 年兼史館修撰凡再典貢部多簡拔寒俊除擬官吏品
 藻精當洎化四年與李沆並拜給事中參知政事太宗
 召見其母王氏命坐謂曰教子如是真孟母矣作詩賜
 之頒賜甚厚黃中素重呂端為人屬端出鎮襄陽黃中
 力薦於帝因留為樞密直學士遂參知政事當世文行
 之士多黃中所薦引而未嘗言人莫知之也然畏慎過
 甚中書政事頻留不決四年與沆並罷守本官明年知
 襄州上言母老乞留京改知澶州辭曰帝戒之曰夫小
 心翼翼君臣皆當然若太過則失大臣之體黃中頓首
 謝帝因謂侍臣曰朕嘗念其母有賢德七十餘年未覺
 老每與之語甚明敏黃中終日憂畏必先其母老矣因
 目參知政事蘇易簡曰易簡之母亦如之自古賢母不
 可多得易簡前謝曰陛下以孝治天下贊及人親臣實

何人膺茲榮遇至道初黃中遭疾詔令歸闕會建儲宮
 擇大臣有德望者為賓友黃中在選中以久疾改命李
 至李沆兼賓客黃中亦特拜禮部侍郎代至兼祕書監
 黃中素嗜文籍既居內閣甚以為慰二年卒年五十六
 其母尚無恙卒如帝言贈禮部尚書帝謂其母曰勿以
 諸孫為念朕當不忘也黃中端謹能守家法廉白無私
 多知臺閣故事談論臺臺聽者忘倦焉在翰林日太宗
 召見訪以時政得失黃中但言臣職典書詔思不出位
 軍國政事非臣所知帝益重之以為謹厚及知政事卒
 無所建明時論不之許子守謙雍熙二年進士守正獻
 文召試賜進士第後為虞部員外郎守約國子博士守
 文殿中丞守訥贊善大夫

欽定續通志卷三百六

列傳

宋十一

錢若水

蘇易簡

郭贊

李至

辛仲甫

王河

溫仲舒

王化基

舉正 舉元

錢若水字澹成一字長卿河南新安人父文敏漢青州帥劉錡辟為錄事參軍歷長水鄆都尉扶風令相州錄事參軍先是府帥多以筆牘私取官庫錢韓重贊領節制頗仍其弊文敏不從重贊假他事廷責之文敏不為屈太祖嘉其有守授右贊善大夫知瀘州至郡有政迹蠻人詣闕借留詔改殿中丞許再任三遷司封員外郎又知洛州建昌軍卒年七十二若水幼聰悟十歲能屬文華山陳搏見之曰子神清可以學道不然富貴當但忌太速爾雍熙中舉進士釋褐同州觀察推官有富民失女奴其父母訟於州鞠於有司獄吏嘗有貸於富民不獲乃劾富民父子數人共殺女奴棄之水中遂失其屍而誣以罪皆應死若水疑之密使人訪求女奴得之乃引以示女奴之父母皆泣曰是也富民父子賴以得免郡太守欲薦之若水固辭且曰朝廷以此為若水功當置獄吏者於何地太守歎服按富民女奴事宋史本傳不載據東都事紀古

淳化初寇準掌選薦若水泊王扶執肅陳充錢熙五人文學高第召試翰林若水最優擢祕書丞直史館按東都事紀古載若水擢祕書丞直史館由太宗問其雪富民失女奴事遂召用宋名臣言行錄亦云太宗問之驟加褒擢二年中為樞密副使宋史本傳以若水之歲餘遷石正擢因召試翰林最優與事畧言行錄互異歲餘遷石正言知制誥會置理檢院於乾元門外命若水領之俄同知貢舉加屯田員外郎改職方員外郎翰林學士與張

洎並命管草賜趙保忠詔有云不斬繼遷開狡免之三穴潛疑光嗣持首鼠之兩端太宗大以為當至道初以右諫議大夫同知樞密院事真宗即位加工部侍郎上章言母老求解機務詔不許請益堅遂以本官充集賢院學士判院事俄詔修太宗實錄若水引柴成務宗度吳淑楊億同修成八十卷初太宗有畜犬甚馴常在乘輿左右及崩鳴號不食因送永熙陵寢李至督詠其事欲若水書之以戒浮俗若水不從呂端雖為監修以不泄局不得署名至扶其事以為專美若水稱詔旨及唐朝故事以折之時議不能奪既又重修太祖實錄按宋宗本紀咸平元年九月己巳詔呂端錢若水重修太祖實錄二年六月丁巳宰臣進修太祖實錄又按長編載先是太宗命張洎重修太祖實錄其書未成會洎死己巳詔宰相呂端集賢院學士錢若水同領其事宋史本傳誤作太參以王禹偁李宗諤梁顥趙安仁未周歲畢俄判吏部流內銓從幸大名若水陳禦敵安邊之策大意用兵以伐謀為主御將以用法為先遠引近徵謂不數年間可致邊烽罷警俄知開封府時北邊未寧內出手札詢若水備禦翦滅之策若水以為未得幽州未可翦滅也遂陳備邊之要有五一曰擇郡守二曰募鄉兵三日積芻粟四曰革將帥五日明賞罰又言邊部用兵唯視太白與月為進退者誠以太白者將軍也星辰者廷尉也合則有戰不合則無戰合於東則主勝合於西則客勝陛下苟思兵者凶器戰者危事而不倒持太阿授人以柄則守在四夷而常獲靜勝此備禦之上策也帝善其議未幾出知天雄軍兼兵馬部署時言事者請城絳州屯兵積穀以備黨項邊城互言利害前後遣使數輩按視不能決時已大發丁夫將與其役詔若水自大名馳往視之若水上言絳州頃為內地民賦登集

尚須旁郡轉餉自賜地起保忠以來人戶凋殘若復城之即須增戍芻糧之給全仰河東其地隔越黃河鐵碣二山無定河在其城下緩急用兵輸送艱阻且其地險若未葺未完邊寇奔衝難於固守況城邑焚毀片瓦不存過山林材木匱乏城之甚勞未見其利復詣關面陳其事帝嘉納之遂罷役初若水率眾過河分布軍伍咸有節制深為成將推服帝謂左右曰若水儒臣中知兵者也是秋又遣巡撫陝西緣邊諸郡令便宜制置邊事還拜鄧州觀察使并代經畧使兼知并州事六年因疾歸京師數月始赴朝謁與僚友會食假廢而卒年四十四贈戶部尚書諡宣靖按若水諡宣靖宋史本傳載據陳都事畧長編增年甫七歲錄為太常奉禮郎若水美風神有器識能斷大事事繼母以孝聞雅善談論尤輕財好施所至推誠待物委任僚佐總其綱領無不稱治汲引後進推賢重士襟度豁如也故其死士君子尤惜之兄若愚比部員外郎從弟若冲大中祥符中調河陽令真宗念若水母老遣使存問賜緡帛羊酒且賜若冲帛三十端補孟州別駕延年後以獻文賜進士出身歷太常博士集賢校理

蘇易簡字太簡梓州銅山人父協舉蜀進士歸朝仕至光祿寺丞易簡少聰悟好學風度凝粹才思敏贍太平興國五年年踰弱冠舉進士太宗方留心儒術貢士皆臨軒覆試易簡所試三千餘言立就帝覽之稱賞擢冠甲科解褐將作監丞通判昇州遷左贊善大夫八年以右拾遺知制誥雍熙初與買黃中同知貢舉有詔凡屬就舉者籍名別試易簡妻弟崔範匿父喪充貢奏名在上第又王千里者水部員外郎字之子協為字門生千

里預薦坐範及千里罪罷易簡知制誥以本官奉朝請未幾復知制誥充翰林學士連知貢舉陳堯叟孫何並甲廷試淳化二年同知京朝官考課遷中書舍人充承旨先是曲宴將相翰林學士皆預坐梁迥啟太祖罷之又皇帝御丹鳳樓翰林承旨侍從升樓西南隅禮亦廢至是易簡請之皆復舊制易簡續唐李肇翰林志二卷以獻帝賜詩以嘉之帝嘗以輕綃飛白大書玉堂之署四字令易簡榜於廳額按長編載淳化二年冬翰林學士承旨蘇易簡續翰林志二卷以獻帝嘉之賜詩一章刻石云詩意美翰居清華之地也易簡願以所賜詩刻石昭示無窮上復居真草行三體書其詩命待詔吳文賞刻之因徧賜近臣又飛白書玉堂之署四大字令中書召易簡付之勝於廳額帝曰此永為翰林中美事易簡曰易簡會戴休畢士安自有翰林未有如今日之榮也易簡會戴休畢士安李至等往觀帝聞遣中使賜宴甚盛至等各賦詩紀其事宰相李昉等亦作詩頌美之按長編載易簡以所賦詩以獻帝帝謂宰相曰蘇易簡以卿等詩什來上斯足以見卿等之充他日學士之貴也可別錄一本進入以其本賜易簡他日易簡直禁中以水試敬器帝因晚朝問曰聞卿所玩得非敬器耶易簡曰然江南徐邈所作也命取試之乃奏曰臣聞日中則昃月滿則虧器盈則覆物盛則衰願陛下持盈守成慎終如始以固丕基則天下幸甚會郊祀充禮儀使先是扈蒙建議以宣祖升配易簡引唐故事請以宣祖太祖同配從之按長編載禮儀使蘇易簡上言太祖皇帝光祿中因高祖太宗大寶以聖授聖傳子無窮言太祖皇帝光祿中因高祖太宗同配上帝聖將來親郊丘奉宣祖太祖同配從之淳化四年春正月辛卯合祭天地于圓丘以宣祖太祖升配俄掌吏部選遷給事中參知政事時趙昌言亦參知政事與易簡不協至忿爭帝前帝皆優容之未幾昌言出使劍南中路命改知鳳翔明年易簡亦以禮部侍郎出知鄧州移陳州編年錄

載至道元年正月趙昌言罷參知政事四月蘇易簡罷參知政事時李昉攝兵入對昌言為川峽五十二州張洵所攻洵因忿爭致罷職政也至道二年辛年三

十九贈禮部尚書易簡外雖坦率中有城府由知制誥入為學士年未滿三十屬在文初不達體要及掌誥命頗自刻勵在翰林八年眷遇寬絕倫等李沆後入在易簡下先參知政事故以易簡為承旨錫賚均焉太宗遵舊制且欲稔其名望而後正台輔易簡以親老急於進用因亟言時政闕失遂參大政易簡之執政也太宗召其母薛氏入禁中賜冠帔命坐問曰何以教子成此令器對曰幼則束以禮讓長則教以詩書帝顧左右曰眞孟母也易簡性嗜酒帝嘗以詩戒之令對其母讀自是每入直不敢飲及卒帝曰易簡果以酒死可惜也易簡雅善筆札所著文集皆藏於祕閣三子宿壽者大中祥符間皆祿之以官云着子舜欽自有傳

郭贊字仲儀開封襄邑人乾德中舉進士中首薦太宗尹京因事藩邸太平興國中擢為著作佐郎右贊善大夫俄兼皇子侍講太宗在東宮出戒子篇命贊注解且令委曲講說以喻諸王遷右補闕與宋白並拜中書舍人五年置京朝官差遣院凡將命出入受代歸闕官吏悉考校勞績銓量才品命贊洎滕中正雷德驥領之七年以本官參知政事曹彬為弼德起所誣贊極言救解深為宰相趙普所重嘗因論事奏曰臣受不次之遇普以愚直上報太宗曰愚直何益於事贊曰雖然猶勝姦邪一日以入對宿醒未解左遷祕書少監知荆南府俗尚淫祀屬久旱盛陳禱雨之具贊始至命悉撤去投之江不數日大雨就加左諫議大夫入為鹽鐵使時諸路積逋欠犯人雖死猶繫其子孫贖條陳其事多所蠲貸藉田起拜工部侍郎淳化中知澶州坐河決免所居官久之起為給事中復工部侍郎眞宗即位拜刑部侍郎出知天雄軍入判太常寺吏部流內銓加集賢院學士判院事知河南府歸朝獻詩自陳進秩吏部俄兼祕書監初眞宗未出閣贊已授經帝嘗至其家後楊可法繼其任帝以為輔導不及贊嘗稱贊純厚長者至是在祕府屢賜對詢舊事且愍其老特拜工部尚書翰林待讀學士遷禮部尚書大中祥符三年辛年七十六帝以舊學之故親臨哭之贈左僕射諡文懿錄其子昭度為大理寺丞昭升昭用並大理評事昭允左贊善大夫贊屬文敏速而不雕刻性溫和頗能延譽時傳宋白趙昌言皆其所薦也贊初充賦有聲邑人同在籍中者忌之潛加構毀自是連上不中選洎贊再知貢舉邑人子以明經充薦詔下日悔泣而去贊聞之命其所親召還諭之就舉遂預薦中第然吝嗇切於治生晚節不事事人頗以是少之

李至字言幾眞定人幼沈靜好學能屬文及長辭華典瞻舉進士釋褐將作監丞累遷右補闕知制誥太平興國八年轉比部郎中為翰林學士拜右諫議大夫參知政事雍熙初加給事中時議親征范陽至上疏陳三策謂京師天下之本恭守宗廟不離京國為策之上未幾以目疾累表求解機政授禮部侍郎進秩吏部會建祕閣命兼祕書監選三館書置閣中俾至總之至每與李昉王化基等觀書閣下帝必遣使賜宴且命三館學士皆與焉至是升祕閣次於三館從至請也帝臨幸祕閣出草書千字文為賜至勒石帝曰千文乃梁武得破碑鍾繇書命周興嗣次韻而成理無足取若有資於教化莫若孝經乃書以賜至薦潘慎修舒雅杜鎬吳淑等入充直館校理請購亡書間以新書奏御必便坐延見恩

禮甚厚清化五年兼判國子監至言二傳二禮孝經論語爾雅七經疏未備今直講崔頤正孫爽崔倜皆屬精強學博通經義望令重加讎校以備刊刻從之後又引吳淑舒雅杜鎬檢正謬至與李沆總領而裁處之至道初真宗初正儲位以至與李沆兼賓客詔太子事以師道傳禮真宗每見必先拜至上表不敢當禮詔答曰朕旁稽古訓肇建承華用選端良資於輔導藉卿宿望委以護調蓋將曷以謙沖故乃異其禮數勿飾當仁之讓副子知子之心至等相率謝太宗謂曰太子賢明仁孝國本固矣卿等可盡心規誨若動皆由禮則宜贊助事有未當必須力言至于禮樂詩書義有可裨益者皆卿等素習不假朕之言論真宗即位拜工部尚書參知政事一日帝訪以靈武事至言河湟夷夏雜居先王置之度外望陛下以元元為念不以巨憝介意料彼脅從亦厭兵久矣苟啖以厚利縻以重爵亦安肯迷而不復說於淪胥哉今靈州不可不棄非獨臣愚以為當然若移朔方軍額於環州一時之權非臣之所敢知也後靈武卒不能守咸平元年再以目疾求解政柄授武信軍節度使入辭節制不允居二年徙知河南府四年以病求歸本鎮許之詔甫下卒年五十五贈侍中詔給其子惟良惟允惟熙等奉終制至剛嚴簡重人士罕登其門性吝嗇幼育於飛龍使李知審家及貴即逐其養子以利其資知審因至亦至石金吾衛大將軍辛仲甫字之翰汾州孝義人少好學及長能吏事倖委儀器局沈厚周廣順中郭崇韋書記崇所親更為廂虞候部民有被劫殺者訴陰識賊魁卽捕盜吏也官不敢詰仲甫請自捕逮鞠之吏故稽其獄仲甫曰民被寇

害而使自誣服蠹政甚矣焉用僚佐為請易吏以雪冤憤崇悟移鞠之乃得實狀崇移鎮真定改深趙鎮觀察判官太祖卽位以崇為監軍陳思誨密奏崇有姦狀帝怒且疑遣中使馳往驗之未至崇憂慙失據謂賓佐曰苟主人不察為之奈何皆愕相視仲甫曰皇帝膺運公首效節軍民處置率循常度何以加辭第遠偵使者僚屬盡郊迎禮聽彼伺察久當自辨矣崇如其言使者至視崇無他意還奏帝大喜歸罪思誨仲甫又隨崇為平盧軍節度判官崇卒改鄆齊觀察判官累雪冤枉乾德五年入拜右補闕出知光州州有橫河與城直會霖潦水溢潰廬舍仲甫集船數百艘軍資民儲皆賴以濟移知彭州州卒誘營兵及諸屯戍謀以長春節宴集日為亂屬春初仲甫出城巡視見壕中草深意可藏伏命燒雜之凶黨疑謀泄有自首者擒百餘人盡斬之先是州少種樹暑無所休仲甫課民栽柳蔭行路郡人謂之補闕柳太祖問羣臣文武兼資者為誰趙普以仲甫對徙益州兵馬都監代還選為三司戶部判官太平興國初遷起居舍人奉使契丹遼主問堯進何如人如進之比有幾仲甫曰國家名將輩出如進鷹犬材耳何足道哉遼主欲留之仲甫曰信以成命義不可留有死而已遼主竟不能屈使還以刑部郎中知成都府既命奏免歲輸銅錢罷權酷政尚寬蜀人安之加右諫議大夫時彭州盜賊連結為害詔捕未獲仲甫誘百餘人令自縛詣吏餘因散去入知開封府拜御史中丞雍熙三年拜給事中參知政事端拱中進戶部侍郎時呂蒙正以長厚居相位王沔任事仲甫從容其間而已清化二年以足疾罷為工部

有寇以仲甫素著恩信將令與疾招撫因疾不行以太子少保致仕真宗卽位加太子少傅咸平三年卒年七十四贈太子太保子若沖若虛若蒙若濟若淪皆能其官孫有孚有隣俱中進士王沔字楚望齊州人太平興國初舉進士解褐大理評事太宗親征太原見於行在授著作郎東都事畧作直著作佐郎史館遷右拾遺出為京西轉運副使明年加右補闕知懷州擢膳部郎中樞密直學士遷右諫議大夫同簽書樞密院事雍熙元年加左諫議大夫樞密副使端拱初改戶部侍郎參知政事清化初宰相趙普出守西洛呂蒙正以寬簡自任政事多決於沔沔與張齊賢同掌樞務頗不叶齊賢出知代州沔遂為副使參預政事陳恕好苛察亦嘗與沔忤清化二年齊賢洎恕參知政事沔不自安慮僚屬有以中書舊事告齊賢等會左司諫王禹偁上言自今宰相及樞密使不得於本廳見客許於都堂延接沔喜即奏行之直史館謝泌以為如此是疑大臣以私也疏駁之太宗追還前詔沔暨恕因是罷守本官翌日蒙正亦罷沔見上涕泣不願離左右未幾鬢鬢皆白三年帝欲黜陟官吏命沔與謝泌王仲華同知京朝官考課沔上言應京朝官殿犯乞令刑部條報以贖及公私罪分三等以聞立法苛察欲因是以求再用受命甫旬日方視事以暴疾卒年四十三贈工部尚書沔聰察敏辨有適時之用言事能委曲敷釋舊例丞相待漏於廬燃巨燭天始曉時入朝往往尚有留案遺決未盡沔止燃數寸事都畢猶徘徊笑談方曉待漏事宋史未傳不載據歐陽修歸田錄增人性苛刻少誠信掌機務日凡謁見者必昭以甘言皆喜過望既而進退非允人胥怨之沔弟淮太

平興國五年進士任殿中丞嘗掌香藥權易院坐臧論當棄市以河故詔杖一百降定遠主簿河以是頗為寇準所詆云

溫仲舒字秉陽河南人太平興國二年舉進士為大理評事通判吉州再遷祕書丞知汾州坐事除名未幾復起為右贊善大夫通判睦州端拱初拜右正言直史館

舒以為國家平太原以來燕代之交城守年深殺傷剝掠彼此迭見大河以北農桑廢業戶口減耗凋弊之餘極力奉邊丁壯備徭老弱供賦遺廬壞堵不亡卽死邪人媚上猶云樂輸加以兵卒踐更行者辛苦居者怨曠願推恩宥以緩民庶太宗嘉納之遂赦河北消化二年

拜右表按宋史辛輔諫議大夫樞密副使改同知樞密院事四年罷知秦州先是俗雜羌戎有拉瑪嘉勒多藏沙布等部唐末以來居於渭河之南大洛小洛門多產良木為其所據歲調卒采伐給京師必以賞假道於羌戶然不免攘奪甚至殺掠仲舒至部兵歷按諸若諭其酋以威信諸部厭地內屬既而悉徙其部落於渭北立堡砦以限之民感其惠會有言仲舒生事者乃命知鳳翔薛惟吉與仲舒對易其任連知興元江陵二府加給

事中會內侍藍繼宗使秦州還言得地甚利乃召仲舒拜戶部侍郎尋參知政事二若後為內地歲獲巨木之利咸平初拜禮部尚書罷政出知河陽踰年知開封府五年以京府務劇求罷遂以本官兼御史中丞尋遷刑部尚書知天雄軍徙河南景德中并州缺守帝以北門重鎮須大臣鎮撫非張齊賢溫仲舒不可令宰相諭旨皆不願往未幾復知審官院大中祥符中進秩戶部尚

書三年判昭文館大學士命下卒年六十七贈左僕射諡恭肅仲舒敏於應務少與呂蒙正契厚又同登第仲舒黜廢累年蒙正居中書極力援引及被任用反攻蒙正士論薄之自為正言至貳樞密皆與寇準同進時人謂之溫寇子嗣宗嗣良嗣先嗣立仲舒既卒帝憫其孤弱並祿以官

王化基字永圖鎮定人太平興國二年舉進士為大理評事通判常州遷太子右贊善大夫知嵐州時趙普為相建議以驟用人無益於治改淮南節度判官入為著作郎遷右拾遺抗疏自薦太宗覽奏曰化基自結人主慷慨之士也召試知制誥以右諫議大夫權御史中丞一日侍便殿問以邊事對曰治天下猶植木馬所患根本未固則枝幹不足憂朝廷治則邊鄙何患乎不安又嘗令薦士即一疏數十人王嗣宗辭映耿望皆其所薦也化基嘗慕范滂為人獻澄清畧言時事有五一復

向書省二慎公舉三懲貪吏四省九官五擇遠官書奏太宗嘉納之初柴禹錫任樞密有奴受人金而禹錫實不知也參知政事陳恕欲因以中禹錫太宗怒引囚訊其事化基為辨其誣太宗感悟以化基為長者消化中拜中丞俄知京朝官考課遷工部侍郎至道三年起拜參知政事按宋史辛輔諫表至道三年正月丙子王化基不言其為咸平四年以工部尚書罷知揚州移知河南府進禮部尚書大中祥符三年卒年六十七贈右僕射諡惠獻化基寬厚有容喜愠不形僚佐有相凌慢者輒優容之按隆平集載化基知杭州書記張質頗傲忽在中書不以蔭補諸子官然善教訓故其子舉正舉直舉善舉元皆有所立

舉正字伯中幼嗜學厚重寡言化基以為類己器愛異諸子以蔭補祕書省校書郎進士及第知伊闕任邱縣召為館閣校書集賢校理真宗實錄院檢討國史編修官三遷尚書度支員外郎直集賢院修三朝寶訓同修起居注擢知制誥其妻父陳堯佐為相改龍圖閣待制堯佐罷以兵部郎中復知制誥為翰林學士拜右諫議大夫參知政事前一日吏有馳報者舉正方燕居齋舍徐謂吏曰安得漏禁中語既入謝仁宗曰卿恬於進取未嘗干朝廷以私故不次用卿時陝西用兵呂夷簡以宰相判樞密院舉正曰判名重不可不避也乃改兼樞密使遷給事中御史臺舉李徽之為御史舉正友婿也格不行徽之訟曰舉正妻悍不能制如謀國何歐陽修等亦論舉正懦默不任事舉正亦自求去遂以資政殿學士尚書禮部侍郎知許州光化軍叛卒轉寇傍境州兵有謀起為應者舉正潛捕首惡斬之徙知應天府累遷左丞皇祐初拜御史中丞乃奏張堯佐庸人緣如家一日領四使東都事畧載堯佐授宣徽節度使景靈四使使賢士大夫無所勸不報舉正因留班廷諍乃奪宣徽景靈二使又曰先朝用人雖守邊累年者官止逸郡刺史今所用未盡得人而期待遷使後有功者何所勸且轉運使察官吏能否生民休戚賴焉命甫下而數更不終歲而再易恩澤所以未宣民疾所以未瘳者職此故也御史唐介坐言事貶春州舉正力言之介得徙英州居半年歲堯佐復為宣徽使家居凡七上疏及狄青為樞密使又言青出兵伍不可為執政力爭不能奪因請解官職帝稱其得風憲體除觀文殿學士禮部尚書知河南府入兼翰林侍讀學士每進讀及前代治亂之際必再三諷諭以

太子少傅致仕卒贈太子太保諡安簡文章雅厚如其為人

舉元字懿臣以上文章賜進士出身知潮州江水敗隄盜乘間竊發舉元夜召里豪計事盜既獲乃治隄爲河陰發運判官或言大河決將犯京師舉元適入對具論地形證其妄已而果然歷郡牧戶部判官京東轉運使沙門疊多流人守吏顧貨囊陰殺之舉元請立監以較賞罰自是全活者眾從淮南河東夏人來爭屈野地舉元從數騎渡河設幕與之議示以赤心夏人咸服治平中又徙成都邛井鹽歲入二百五十萬爲達勒卓克所侵積不售下令止之鹽登子舊召提舉在京修造進鹽鐵副使拜天章閣待制知滄州改河北都轉運使知永興軍慶人夏人屯境上有窺伺意舉元使二裨將以干騎扼其要害長安遣從事來會兵涇原戒勿輕舉大將寶舜卿銳意請行不聽舉元曰不過三日敵去矣至期果去神宗以細札諸攻守策舉元請省官減戍益備去兵勿營亭障輿論不合遂引疾求解徙陳州未行而卒

官至給事中年六十二子詔

詔字景獻用舊補官通判廣信軍事知博州魏俗尙椎剽姦盜相囊橐詔請開反告殺并贖罪法以攜其黨元祐初朝廷起回河之議未決而開河之役遽興詔言河朔秋潦水淫爲舊民人流徙賴發廩賑贍思稍蘇其生未可以力役傷也從之擢開封推官富民貸後絕僧牒爲繕錢十三萬踰期復責倍輸身死貲籍又錮其妻子詔請免之出爲滑州州屬縣有退灘百餘頃歲調民刈草給河隄民病其役詔募人佃之而收其餘爲度支郎中使契丹時方西夏迓者耶律誠欲嘗我言曰河西

無禮大國能容乎詔曰夏人侮邊既正其罪矣何預兩朝和好事入賀故事跪而飲蓋有誤拜者乃疆詔詔曰南北百年所守者禮其可紛更耶卒跪飲之崇寧中由大理少卿爲卿徒司農御史論詔在滁日講蘇軾書醉翁亭碑罷主崇福官旋知汝州鑄錢卒罵大校詔斬以徇而上章待罪除直祕閣言者復挾滁州事按宋史本論詔在滁日講蘇軾書醉翁亭碑又云言者復挾罷去滁州事然傳中載詔所歷官前後並無滁州之任起知深交二州徙同州過闕留爲左司郎中遷衛尉太府卿刑部侍郎詳定敕令舊借緋紫者不佩魚詔言章服所以辨上下今與胥吏不異遂皆佩魚歷工兵戶三部侍郎轉開封尹時子壽使京西攝尹洛父子兩京相望人以爲榮進刑部尚書拜延康殿學士提舉上清寶籙宮復爲工部尚書徽宗閱其老命毋拜詔皇恐於是但朝朔望以銀青光祿大夫致仕卒年七十九

欽定續通志卷三百七

列傳

宋 十一

張宏

趙昌言

陳恕 魏式

劉昌言

張洎

李惟清

張宏字巨卿青州益都人太平興國二年舉進士為將作監丞通判宣州改太子中允直史館遷著作郎預修太平御覽歷左拾遺出為峽路轉運副使就加左補闕知遂州以勤幹聞入為度支員外郎雍熙中呂蒙正李至張齊賢王沔薦其文行改主客郎中史館修撰數日以本官充樞密直學士太宗召對便殿謂曰成都重地卿為朕鎮之因厚賜以遣至鄭州促召歸闕拜右諫議大夫樞密副使時河朔用兵宏無所建白御史中丞趙昌言多言邊事乃以昌言副樞密宏為中丞兩更其職端拱初改工部侍郎再為樞密副使淳化二年以吏部侍郎罷俄判吏部銓權知開封府至道初出知潞州二年就轉右丞真宗即位加工部尚書咸平初還朝知審官院二年真宗以上封者眾慮其稽留命宏與王旦知登聞鼓院再掌吏部選四年卒年六十三贈右僕射錄其子可久大理評事可道太祝可度奉禮郎宏循謹守位不求赫赫之譽屢踐通顯未嘗敗事可久至虞部員外郎可道國子博士可度太子中舍

趙昌言字仲謨汾州孝義人父徽從事使府太宗尹開封選為雍邱太康二縣令後終安甲觀察判官昌言少有大志趙逢高錫寇準皆稱許之太平興國三年舉進士文思甚敏有聲于場屋為貢部首薦廷試日太宗見其辭氣俊辯又觀其父名謂左右曰是嘗為東畿宰朕

之生辰必獻詩百韻為壽善訓其子亦可嘉也擢實甲科為將作監丞通判鄂州拜右拾遺直史館遷為荆湖轉運副使遷右補闕改知青州入拜職方員外郎知制誥預修文苑英華雍熙初加屯田郎中明年同知貢舉俄出知天雄軍時曹彬崔彥進米信失律于岐溝昌言遣觀察支使鄭蒙上疏請誅彬等優詔褒答召拜御史中丞太宗宴金明池特召預焉憲官從宴昌言始也河東用兵樞密副使張宏循默守位昌言多條上邊事太宗即以昌言為左諫議大夫代宏為樞密副使東都事畧昌言善知制誥胡旦度支副使董儼皆昌言同年右正言梁顥嘗在大名幕下四人者日夕會昌言之第京師為之語曰陳三更董半夜有備書翟穎性險詭與旦狎且為作大言之辭使穎上之為穎改姓名馬周以為唐馬周復出也其言多毀時政自薦為大臣及歷舉數十人皆公輔器期昌言為內應許王尹開封按長編陳王元僖進封許王是端拱元年二月事開封尹許王捕穎繫獄今改廉知以是本年三月事傳仍稱陳王尹開封謀今改

司馬穎杖背隄面流海島禁錮終身初太宗厚遇昌言欲相之趙普以勳舊復入惡昌言剛戾乃相呂蒙正裁數月會有穎獄普以昌言樹黨再勸太宗誅之太宗特寬焉淳化二年起昌言知蔡州逾年召拜右諫議大夫或議弛茶鹽禁以省轉漕命昌言為江淮兩浙制置茶鹽使昌言極言非便太宗不納趙昌言往昌言固執如初即以戶部副使雷有終代之卒以無利而罷昌言復知天雄軍大河貫府境豪民時芻蕘圖利誘姦人潛穴隄防歲仍決溢昌言之命徑取豪家所積以給用自

是無敢為姦利者屬澶州河決流入御河漲溢浸府城昌言籍府兵貢土增隄數不及千乃索禁旅佐役皆偃蹇不進昌言怒曰府城將墜人民且溺汝輩食厚祿欲坐觀耶敢不從命斬眾股慄赴役不浹旬城完太宗手詔褒諭之召拜給事中參知政事俾乘疾置以入即赴中書時京城連雨昌言請出廩馬分牧外郡或以盛秋備敵馬不可闕昌言曰塞下積水敵必不至太宗從之未幾王小波李順搆亂于蜀議遣大臣撫慰昌言獨請發兵無使滋蔓廷論未決會嘉眉連陷始命王繼恩等分路進討昌言攝祭太廟宿齋中因召對滋福殿復贊兵計遂遣使督繼恩戰繼恩御眾寡術餘寇未殄握兵留成都士無鬪志郡縣復有陷者太宗意頗厭兵召昌言謂曰西川本自一國太祖平之訖今三十年矣昌言知帝意即前指畫攻取之策太宗喜命昌言為川峽五十二州招安行營馬步軍都部署昌言懇辭敦諭不許賜精銳良馬白金別賜手札數幅皆討賊方畧自繼恩以下並受節度既行有奏昌言無嗣鼻折山根頗有反相不宜遣握兵入蜀後旬日召宰相於北苑門曰昨令昌言入蜀朕思之有所未便且蜀賊小醜昌言大臣未易前進且令駐鳳翔止遣內侍衛紹欽齎手書指揮軍事亦可濟也詔書追及昌言已至鳳州留候館百餘日賊平改戶部侍郎罷政事知鳳翔府徒涇涇延三州真宗即位遷兵部侍郎知陝州移知永興軍咸平三年與呂蒙正寇準同召以本官兼御史中丞知審官院有言門資官不宜任親民昌言手疏以才不才在人豈以寒賤世家為限遂罷其議加工部尚書仍兼中丞先時多遣臺吏巡察羣臣踰越法式者昌言建議請準故事令

左右巡使分領之會知審刑院趙安仁判大理寺韓國華斷獄獄中解職昌言因上言詳斷官宜加慎擇有議刑不當嚴示懲罰授以遠官若有罪被問不即引伏者許令追攝又天下大辟斷訖皆錄款以聞奏付刑部詳覆用刑乖理者皆行按劾惟開封府未嘗奏案或斷獄有失止罪原勘官吏知府等官皆不及責則何以辯明枉濫表則方夏望自今如外州例施行從之會孟州民常德方訟臨津尉任懿以賄登第事下御史乃知舉王欽若受之昌言以聞欽若自訴詔邢昺覆案坐昌言故入奪官貶安遠軍行軍司馬移武勝軍景德初拜刑部侍郎兼三館職命判尚書都省真宗幸澶淵以盟津居要增屯兵命知河陽歷知天雄軍府境內有小盜昌言榜諭能告執者給賞牙吏即遷職樞密使王繼英以為小盜不當擅為賞格乃訪昌言易其榜有勞者俟朝旨徒知鎮州遷戶部侍郎東都事畧作吏部侍郎大中祥符二年卒年六十五贈吏部尚書諡景肅錄其子慶嗣為國子監丞賦祿終喪姪孫允明同學究出身昌言喜推獎後進掌漕湖外時李沆通判潭州昌言謂有台輔量表聞於朝王旦宰岳州平江昌言一見識其遠大以女妻之後皆為賢相王禹偁自卑秩擢詞職亦昌言所薦也昌言強力尚氣槩當官無所顧避所至以威斷立名雖屢經擯斥未嘗少自抑損然剛愎縱率對僚吏倨慢時論以此少之慶嗣至太子洗馬

陳恕字仲言洪州南昌人少為縣吏折節讀書江南平禮部侍郎王明知洪州恕以儒服見明與語大奇之因資送令預計偕太平興國二年進士解褐大理評事通判洪州恕以鄉里辭改澧州澧自唐季為節鎮兼領吏

多緣簿書乾沒為姦恕盡撻發其弊以吏幹聞召入為右贊善大夫同判三司勾院遷左拾遺充度支判官與判使王仁瞻廷爭本司事仁瞻屈伏坐貶秩擢恕為度支員外郎仍舊職再遷工部郎中知大名府時契丹來侵受詔增浚城隍其器用取於民者不時集恕立擒府中大豪一人會將吏將斬之大豪叩頭流血請翌日集事違期甘死恕令械之以徇民皆恐慄無敢後期者數日工就會契丹引去召入為戶部郎中戶部副使遷右諫議大夫知澶州驛召為河北東路營田制置使太宗諭以農戰之旨恕對曰古者兵出於民無寇則耕寇至則戰今之戎士皆以募致衣食仰給縣官若使冬持兵禦寇春執耒服田萬一發生變悔無及矣太宗曰卿第行朕思之恕行數日果有詔止令修完城堡通導溝瀆而已營田之議遂寢俄知代州入判吏部選事拜鹽鐵使恕有心計釐去宿弊太宗深器之親題殿柱曰真鹽鐵陳恕遷給事中參知政事太宗言及戶部使樊知古所部不治恕與知古聯事情好款洽密與語之欲知古修舉其職知古恕於太宗太宗怒恕泄禁中語罷守本官旋出知江陵府大發羣吏姦賊坐徒流停廢者甚眾郡內惕息治化四年分三司為十道置左右計使召恕為工部侍郎充總計使判左右計事左右計使分判十道事凡議論計度並令恕等參預恕以官司分隸政令互出難以經久極言其非便歲餘果罷復以恕為鹽鐵使時太宗留意穀召三司吏李溥等二十七人對於崇政殿詢以計司利害溥等共上七十一事詔以四十四事付有司行之其十九事下恕等議可否太宗謂宰相曰溥等條奏事頗有所長朕嘗語恕等若文章稽古此

事付有司行之其十九事下恕等議可否太宗謂宰相曰溥等條奏事頗有所長朕嘗語恕等若文章稽古此

輩固不可望若錢穀利病頗自幼至長寢處其中必周知根本但假以顏色引令剖陳必有所益後數日太宗又曰國家歲入財數倍於唐唐中葉以降藩鎮擅命征賦多不入公家下陵上替經制壞壞若前代為得即已致太平豈復煩朕心慮也因召恕等責以職事曠廢且謂恕等專守繩墨終不能為國家度長絜大剖煩析滯只如京城倉庫主吏當改職者簿領中壹處節目未備即至十年五年不決以致貧無資給轉徙溝壑豈不傷和氣哉恕等頓首謝五年賜三司錢百萬募吏有能言本司不便者令恕等量事大小以錢賞之錢盡更給至道二年欲併三司命官總判其勾院磨勘理欠憑由支收行帳提點等司令恕條列其事以聞悉從恕奏將立茶法召茶商數十人俾各條利害恕第為三等語副使宋大初曰吾觀下等固滅裂無取上等取利太深不可行惟中等公私皆濟吾裁損之可以經久於是始為三法按宋史食貨志及名臣言行錄俱作三說法行之貨財流通峽路諸州承孟氏舊政賦稅輕重不均閬州稅錢千八百為一絹果州六百為一絹民前後擊登聞鼓陳訴歷二十年詔下本道官吏因循不理轉運副使張晧年少氣銳會受詔按覆即便宜行之恕奏晧擅改法計果州一歲虧上供絹萬餘晧坐削一任免恕每使殿奏事太宗或未深察必形謂讓恕敏板縮退至殿壁以立若無所容俟意稍解復進怒執前奏終不改易如是或至三四太宗以其忠多從之遷禮部侍郎真宗即位加戶部命條具中外錢穀以聞恕久不進屢趣之恕曰陛下富於春秋若知府庫充實恐生侈心臣是以不敢進真宗嘉之咸平二年拜吏部侍郎知通進銀臺封駁司審官院上言

事付有司行之其十九事下恕等議可否太宗謂宰相曰溥等條奏事頗有所長朕嘗語恕等若文章稽古此

封駁之任實給事中之職隸於左曹雖別建官局不可失其故號請以門下封駁事隸銀臺司從之五年知貢舉恕自以洪州人避嫌凡江南貢士悉彼黜退又援貢舉非其人之條故所取甚少而所取以王曾爲首及廷試糊名考校曾復得甲科時議稱之恕每自歎曰吾得曾名世才也不愧知人矣恕事母孝母亡哀慕過甚遂至羸瘠起復視事遷尙書左丞權知開封府恕已病猶勉強親職數月增劇表求館殿之職獲奉以濟其貧真宗曰卿求一人可代者聽卿去是時定準罷樞密使恕卽薦以自代遂以準爲三司使恕爲集賢學士判院事準卽檢尋恕前後改革興立之事類以爲冊及以所出榜別用新板躬至恕第請判押恕亦不讓一一押之自是計使無不循其舊貫至李諮爲三司使始改茶法恕之規模漸革矣帝重恕詔太醫診療百有司請停奉不許未幾卒年五十九恕將卒口占遺奏及約束後事送終之具無不周悉贈吏部尙書錄其子執中爲太常寺太祝執古爲奉禮郎恕頗涉史傳多識典故精於吏理深刻少恩人不敢干以私前後掌利柄十餘年強力幹事胥吏畏服有稱職之舉善談論聽者忘倦素不喜釋氏嘗請廢譯經院真宗曰三教之興其來已久前代毀之者多矣但存而不論可也恕嘗怒子涪私用錢及寢疾上言涪不率教導多與非類遊常習武藝願出爲外州軍校真宗曰戎校管鎮兵非丞郎家子弟所落也以爲涪州司馬恕卒召復舊官後竟以賄敗執中至同中書門下平章事別有傳執古至虞部員外郎執方執禮並太子中舍

續通志 卷三百八 列傳 宋

魏羽字垂天歙州婺源人少能屬文上書李煜署以文館校書郎時建當塗縣爲雄遠軍以羽爲判官王師渡江出其境羽以城降太祖擢爲太子中舍仍舊職金陵平入朝命知興州太平興國初知棣州改京兆府六年受詔詣瀛州覆軍市租得隱漏數萬計因上言本州錄事參軍郭震十年未代河間令崔能前任卽墨未滿歲遷秩有司調選失平疏遠何由聞達請罪典司以肅欺弊帝賜詔哀諭復命遷太常博士知宋州又徙開州就改膳部員外郎入判大理寺歷度支戶部二判官召拜本曹郎中因上疏言三司職官頗眾願省其半可以責成仍條列利病凡二十事詔下有司詳議皆以爲便改鹽鐵判官時北邊多警朝議耕戰之術以羽爲河北東路營田副使改兩浙轉運使遷兵部郎中涪化初選爲祕書少監遷左諫議大夫俄拜度支使改鹽鐵使四年併三部爲一司以羽判三司先是三司簿領堆積未緣爲姦雖當更立新制未爲適中羽請依唐制天下郡縣爲十道兩京爲左右計各署判官領之制三司使二員以羽爲左計使重儼爲右計使中分諸道以隸焉未久以非便罷守本官出知滑州加給事中徙潭州真宗卽位遷工部侍郎連徙杭揚二州召權知開封府車駕北巡判留司三司再爲戶部度支使咸平四年以疾解職拜禮部侍郎月餘卒年五十八羽涉獵史傳好言事涪化中許王暴薨或有以宮府舊事上聞者太宗怒追捕僚吏將窮究之羽乘間上言曰漢戾太子竊弄父兵當時言者以其罪當答耳今許王之過未甚於是太宗嘉納之繇是被劾者皆獲輕典嘗建議有唐以來凡制詔皆經門下省審有非便者許其封駁請遵故事擇名臣專領其職迄今不廢羽強力有吏幹尤小心謹事太宗

嘗謂左右曰羽有心計亦明吏道但無執守與物推移耳歷職十年始踰四十鬚鬢盡白亦可憐也羽出入計司凡十八年習知金穀之事然頗傷煩急不達大體長子玠卒次子校書郎璠後爲殿中丞璠爲太子中舍孫平仲天禧三年同進士出身羽同時有劉式者亦久居計司璠端拱中三年磨勘之法首以式主之式字叔度袁州人李煜時舉三傳中第歸太祖歷遷大理寺丞贊善大夫監通州豐利監及主三司都磨勘司嘗建議置主轄支收司以謹財賦出納時以爲當遷祕書丞至道中併三勾院爲一命式領之再轉工部員外郎遷刑部式深究簿領之弊江淮間舊有橫賦逋積至多式奏免之人以爲便然多所條奏檢校過峻爲下吏所訟免官卒真宗追錄前效賜其子立本學究出身次子立之後爲國子博士立德立禮並進士及第立禮爲殿中丞劉昌言字禹謨泉州南安人少篤學文詞靡麗本道節度陳洪進辟功曹參軍掌機奏太平興國二年洪進歸朝改鎮徐州又辟推官五年舉進士入格太宗初惜科第止授歸德軍掌書記八年復舉得第遷保信武信二鎮判官宰相趙普鎮南陽重昌言有吏幹錢俸節表薦之移秦寧軍節度判官入爲左司諫廣西安撫使涪化初趙普留守西京表爲通判委以府政普疾屬昌言後事普卒昌言感普知己經理其家事太宗以爲忠於所舉拜起居郎連對三日皆至日旰昌言捷給詭譎能揣人主意無不稱旨遷工部郎中踰月守本官充樞密直學士與錢若水同知審官院二十八日遷右諫議大夫同知樞密院事昌言驟用不爲時望所伏或短其閫語難曉太宗曰惟朕能曉之又短委母妻鄉里十餘年

不迎侍別娶妾詔令迎歸京師本州給錢辦裝裝次
 續食時又有光祿丞何亮家果州祕書丞陳靖家泉州
 不迎其親下詔戒論文武官父母在劍南峽路漳泉福
 建嶺南皆令迎侍敢有違者御史臺糾舉以聞昌言自
 以登擢非次懼人傾奪會誅凶人趙贊昌言與贊素善
 前在河南嘗保任之心不自安因太宗言及近侍有與
 贊交者昌言蹶然出位頓首稱死罪太宗慰勉之然自
 此惡其為人以給事中罷出知襄州至道二年徙知荆
 南府真宗即位就拜工部侍郎咸平二年卒年五十八
 贈工部尚書子有方比部員外郎有政虞部員外郎
 張洎滁州全椒人少有俊才博通墳典江南李景開寶
 舉登進士第解褐上元尉擢監察御史洎自以論事稱
 旨遂肆彈擊無所忌大臣游簡言等嫉之會景徒豫章
 留洎為煜記室景卒煜嗣擢知制誥遷中書舍人清輝
 殿學士參預機密恩寵第一洎舊字師黯煜令字偕仁
 好建議每上言未即行必稱疾煜手札慰諭之始復視
 事王師圍金陵洎引符命勸煜勿降苟一旦不虞即臣
 當先死既而城陷洎攜妻子及囊裝自便門入止宮中
 給光政使按五代史南唐世家開寶五年煜下令貶損
 政使陳喬同升閣欲與俱死喬自經氣絕洎反下見煜
 曰臣與喬同掌樞務國亡當俱死又念主在誰能為主
 白其事不死將有以報也歸朝太祖召責之曰汝教煜
 不降使至今日因出帛書示之乃圍城日洎所草詔召
 上江救兵蠟九書也洎頓首請罪曰實臣所為也夫吠
 非主此其一爾他尚多有今得死臣之分也辭色不變
 太祖奇之貸其死拜太子中允尋判刑部按馬令南唐
 士歸於皇朝太宗即位以其文雅遷直舍人院改戶部
 洎最顯焉

員外郎太平興國四年出知相州明年徙貝州又知相
 州部內不治轉運使田錫劾之代還帝以其儒生不責
 以吏事詔不問令以本官知譯經院遷兵部員外郎禮
 戶二部郎中端拱初契丹侵邊詔羣臣言事洎以練兵
 聚穀分屯塞下來則備禦去則勿追為要畧會錢俶薨
 太常定諡忠懿洎時判考功為覆狀有居无無悔之語
 虞部郎中張佖奏駁之事下中書以詰洎對狀未幾遷
 為太僕少卿同知京朝官考課拜右諫議大夫判大理
 寺又充史館修撰判集賢院事帝以儒行篤賜近臣及
 新第舉人洎上表謝帝覽而嘉之擢拜中書舍人充翰
 林學士帝顧謂近臣曰學士之職清要貴重非他官可
 比朕常恨不得為之故事赴上日設燕教坊以雜戲進
 久罷其事至是令盡設之仍詔樞密直學士呂端劉昌
 言及知制誥柴成務等預會時以為榮俄判吏部銓嘗
 引對選入帝顧之謂近臣曰張洎富有文藝至今尚苦
 學江東士人之冠也洎與錢若水同在翰林甚被寵顧
 時劉昌言驟擢樞要人望甚輕董儼方掌財賦欲以計
 傾之會楊徽之錢熙嘗言洎及若水旦夕當大用熙以
 語昌言昌言曰洎必參政柄若水後進年少豈遽及此
 時翰林小吏諮事在側昌言慮洎聞之即對小吏盡述
 熙言令告洎洎方修飾邊幅以固恩寵疑徽之遣熙以
 構飛語中已遂白於帝帝怒召昌言責之以徽之為鎮
 安軍行軍司馬熙罷職通判朗州皇子益王元傑改封
 吳王授揚州潤州大都督府長史領淮南鎮江兩軍節
 制洎當草制因上議曰唐以揚益幽荆五郡為大都
 督府置長史司馬為上佐其大都督府非親王不授或
 親王遙領別命大臣領節度長史副大使知節度事今

益王以揚潤二郡改封居大都督之任又已正領節度
 事卻加長史乃是自為上佐矣乞付中書門下商議施
 行宰相以制命已行難於追改洎又上表論列呂蒙正
 言越王領福州長史今吳王獨為大都督居越王之上
 非便帝令俟異日除授并改正之至道二年郊祀覃慶
 遂改焉按宋史本傳云至明年帝郊祀覃慶考益王元
 本紀至道二年二月吳王元傑為揚州大俄奉詔與李
 都督兼領壽州非明年也今據本紀改
 至范果張佖同修國史又判史館洎博涉經史多知典
 故每帝有著述或賜近臣詩什洎必上表援引經傳以
 將順其意帝因賜詩褒美有輪長老儒臣之句與蘇易
 簡同在翰林素不協及易簡參知政事洎多攻其失既
 而易簡罷即以洎為給事中參知政事與寇準同列先
 是準知吏部選事洎掌考功為吏部官屬準年少新進
 氣銳思欲老儒附己以自大洎夙夜坐曹視事每冠帶
 候準出入於省門揖而退不交一談準益重焉因延與
 語洎捷給善持論多為準規畫準心服乃兄事之極口
 稱洎于帝帝欲進用又知其其在江左日多譏毀良善李
 煜殺潘佑與有謀焉疑之翰林待詔尹熙古吳鄂皆江
 東人洎嘗善待之帝一夕召熙古輩侍書禁中因問以
 佑得罪故熙古言煜忿佑諫說太直非洎預謀按宋史
 家潘佑傳稱佑因諫煜不納忿而自經並
 非因煜忿而殺佑亦不言洎有預謀也自是遂加擢
 用益準推挽之也既同秉政準愈謹政事一決於準
 無所參預專修時政記甘言善柔而已後因奏事異同
 準復忌之至道二年四方館使曹璨自河西馳騎入奏
 邊事言繼遷率萬餘眾寇靈州帝詔宰相呂端知樞密
 院事趙鎔等各以所見即日具奏來上呂端相率詣長
 春殿言曰臣等若各述所見則非詢謀僉同之議望許

共爲一狀陳其利害洎越次奏曰端等備位輔弼絀默不言深失計謨之體端曰洎欲有言不過揣摩陛下意耳必無骨鯁之論帝默然翌日洎上疏引賈捐之棄珠崖事願棄靈武以省關西饋運帝賞有此意既而悔之洎果迎合覽奏不悅以疏付洎曰卿所陳朕不曉一句洎惶恐而退帝召同知樞密院事向敏中等曰張洎上言果爲呂端所料朕已還其疏矣洎既議事不稱旨恐懼欲自固權位帝已嫉準專恣恩寵衰替洎慮一旦同罷免因奏事大言準退後多誹謗準色變不敢辨由是罷政未幾洎病在告滿百日力疾請對方拜踏於帝前明日上章求解職優詔不允後月餘改刑部侍郎罷知政事奉詔嗚咽疾遂亟十餘日卒年六十四贈刑部尚書以其二子皆爲京官洎美風儀有文采尤險詖好攻人短李煜既歸朝貧甚時丐索之煜以白金顏面器與洎洎尚未滿意煜子仲寓按五代史南唐世家云封長子仲遇清源公宋史南唐世家云仲寓無仲寓宋史有仲寓無仲遇而清源封號兩史皆同東都事畧又作仲寓死亦不弔與張佖議事不協遂爲讐隙始以從父禮事必既而不拜善事內官在翰林日引唐故事奏內供奉官藍敏政爲學士使內侍裴愈副之帝曰此唐室弊政朕安可踵此覆轍洎慚而退性鄙吝難親戚無所霑及江表故舊亦罕登其門素與徐鉉厚善後相忤遂絕父子安期至國子博士方回後爲虞部員外郎方回子懷玉王欽若婿賜進士及第大理寺丞祕書校理李惟清字直臣下邑人父仲行爲章邱簿因徙家焉惟清開寶中以三史解褐涪陵尉蜀民向淫祀病不療治聽於巫覡惟清擒大巫笞之民以爲及禍他日又加笞焉氏知不神然後教以醫藥稍變風俗時遣宦官督輸

造船木縱恣不法惟清奏殺之由是知名秩滿遷大理寺丞太平興國三年爲荆湖北路轉運判官五年改左贊善大夫充轉運副使升正使就改監察御史兼總南路掌入奏事太宗問曰荆湖累年豐稔又無徭役民間蘇否對曰臣見官賣鹽斤爲錢六十四民以三數斗稻價方可買一斤迺詔斤減十錢徙京西轉運使入爲度支判官改主客員外郎雍熙三年大舉取幽州惟清以爲兵食未豐不可輕動朝廷業已興師奏入不報判度支許仲宣建議通鹽法以賣鹽歲課賦于鄉邨與戶稅均納惟清奉詔往荆湖諸路詳定奏言以鹽配民非便遂罷使還出爲京東轉運使會募丁壯爲義軍惟清曰若是天下不耕矣三上疏諫繇是獨選河北而餘路悉罷擢屯田郎中度支副使端拱初遷右諫議大夫改度支使會遣使河朔治方田大發兵惟清以盛春妨農懇求罷廢太宗曰兵夫已發矣止令完治邊城而已消化三年遷給事中充鹽鐵使淮南榷貨務賣岳茶斤爲錢百五十惟清擅減斤五十錢不以聞左授衛尉少卿出知廣州至道初就拜右諫議大夫太宗聞其廉平詔獎之二年徙廣南東四路都轉運使尋召拜給事中同知樞密院事惟清儻自任有鉤距臨事峻刻所至稱強幹然以俗吏進無人望纔數月眞宗即位加刑部侍郎復除御史中丞既去樞要佛鬱尤甚肆情彈擊咸平元年卒年五十六贈戶部尚書子永錫蔭至光祿寺丞後至右贊善大夫次子承德至殿中丞

欽定續通志卷三百八

柴禹錫

張遜

周鑒

王繼英

王顯

柴禹錫字元圭大名人士時有容見之日子質不凡若輔以經術必致將相禹錫由是留心問學時太宗居晉邸以善應對獲給事馬太平興國初授供奉官三年改翰林副使遷如京使仍掌翰林司每夜直帝以藩府舊僚多召訪外事遷宣徽北院使告秦王廷美陰謀擢樞密副使轉南院使雍熙中議廣宮城禹錫請以別業易官邸帝因是薄之又於帝前稱轉運使王延範忠勤且為宰相宋琪請盧多遜故第帝惡其朋比下詔切責以左驍衛大將軍出知滄州語詳宋琪傳禹錫在任勤於政治部民列狀以聞改涪州觀察使徙澶鎮二州駐泊部署俄知潞州民乞留三載詔獎之徙知永興軍府再召為宣徽北院使知樞密院事至道初制除鎮寧軍節度知涇州入謝日帝謂曰由宣徽罷者不過防禦使爾今委卿旌節兼之重鎮可謂優矣禹錫涕洟哽咽而已咸平中移知貝州是歲契丹兵奄至城下禹錫內嚴備禦寇尋引去明年徙陝州景德初子宗慶選尚召禹錫歸闕令公主就第謁見行舅姑禮固辭不許頃之還鎮卒年六十二贈太尉隆平集作贈太子太傅子宗亮太子中允宗慶永清軍節度

張遜博州高唐人數歲喪父養於叔父職方員外郎幹後隨母歸魏仁浦家駙馬都尉咸信其異父弟也太宗在晉邸召隸帳下太平興國初補左班殿直從征太原

還遷文思副使累遷度支使端拱初遷鹽鐵使二年授宣徽北院使簽書樞密院事未幾兼樞密副使知院事與同列寇準不協每奏事頗相矛盾一日遜等晚歸私第準與溫仲舒並轡有狂民迎馬首拜呼萬歲街使王賓舊與遜同事晉邸遜又嘗舉賓雅相厚善因奏民迎準拜呼萬歲準辯實與仲舒同行遜令賓獨奏斥臣辭意俱厲因互發其私太宗惡之下詔切責遜左降右領軍衛將軍準亦罷職西蜀李順為亂詔發兵水陸進討以荆渚居其要害命遜為右驍衛大將軍知江陵府遜至會峽路諸漕卒數千人聚江陵有告其謀變以應蜀寇府中議欲盡誅之遜止捕首惡楊承進等斬於市餘黨親加慰撫飛奏以聞太宗嘉之詔以其卒分配州郡遜卒年五十六時至道元年也贈桂州觀察使遜小心謹慎徒以攀附至貴顯其計謀獻替無聞馮子敏中初補供奉官遜在宣徽表言營業文願改秩累至比部郎中次子虛中娶宗室申國公女至供奉官閤門祇候敏中子先進士及第按宋史此下有楊守一趙鏞二傳字美遂至通顯無事與鏞俱給事晉邸以誣構秦王廷蹟足鏞今併刪

周鑒瀛州景城人右領軍衛上將軍景之子也景家富財好結交歷事唐漢周習水利嘗浚汴口導鄭州郭西水入中牟渠修滑州河隄累遷至是官太宗潛邸時鑒得給事左右即位補殿直領武騎卒巡警景福州卒纔數百捕劇賊千餘遷供奉官又使殺銀州按邊事還奏稱旨擢鞍轡庫副使雍熙二年為杭睦五州都巡檢使兼杭州都監會妖僧紹倫為變鑒擒獲之逮捕就戮者三百餘人人以為酷濫代還與郝守濬護塞宋州決河俄改三路排陣鈴轄歷知天雄軍真定二府就遷引進

使至道二年李繼隆討西夏詔鑒詣軍前授以機事還拜客省使簽書樞密院諸房公事真宗嗣位拜宣徽北院使先是宣徽著位在樞密副使上鑒表請居下從之咸平三年遷南院使知樞密院事會蜀平部送脅從者數十百人至闕下西川轉運使馬亮因入奏請赦其罪遣還鑒以為當盡誅之令鑒亮廷議帝是亮議悉原其罪五年高陽關都部署闕藩侯無足領之者宰相請覈宣徽使以居其任時王繼英任北院帝以鑒練達軍事乃拜永清軍節度兼領高陽關都部署為三路排陣使契丹來侵詔步兵赴靈邊軍為援鑒至則寇兵已去即日還屯所帝聞曰鑒何不持重少留示以不測輕於舉措非將帥體也景德初代王顯為天雄軍都部署兼知軍府事嘗召洺州騎士千五百人赴大名道與寇值力戰有死傷者鑒猶謂其玩寇將悉誅之詔賜金帛諭鑒勿治其罪軍駕北巡為駕前東西貝冀路都部署明年改知陝州俄徙永興軍府又移邠州兼環慶路都部署時夏州內屬詔省戍兵還營以減饋餉之費仍手詔諭鑒鑒遵奏乞留以張邊威帝謂鑒庸懦不智以曹瑋代之徙知澶州大中祥符初改天平軍節度明年為鎮定都部署兼知定州轉運使奏其曠弛徙知澶州境內屢有寇盜宰相以鑒任居將帥不能以威望鎮靖請徙他部帝曰處之閒僻適使其自偷爾遂下詔責督令其擒捕時發卒修河防而軍中所給糗糧多腐敗不可食又役使不均鑒不加恤以故亡命者眾七年入朝復遣還鎮又以澶淵當契丹之衝籍其廩給之厚復命知澶州九年被疾求還京師卒年六十六贈侍中初諡忠穆後改元惠錄其二子供奉官普顯為內殿崇班二孫永昌

永吉為殿直瑩居樞近無他謀畧及洩軍旅歷潘鎮功業無大過人

王繼英開封祥符人少從趙普給筆札普罷河陽為少保從者皆去繼英趨事逾謹普再入相繼英隸名中書

五房院時真宗在瀋邸選為導吏兼內知客事太宗召見謂曰汝昔事趙普朕所備知今奉親賢尤宜盡節及

建儲授左清道率府副率兼左春坊謁者謁者本宦職副率品秩頗崇非趨走走左右者所宜為俾兼領之執政

之誤也真宗即位擢為引進使領恩州刺史果遷樞密御承旨改客省使契丹來侵繼英密請車駕北巡帝從

之即命繼英馳傳詣鎮定高陽關閱視行宮儲頓宣諭將士俄充澶州鈐轄會大將傅潛逗撓得罪令繼英即

軍中召還屬吏尋掌三班拜宣徽北院使與周堂同知樞密院事瑩出鎮繼英遂冠樞密小心慎靖以勤敏稱

帝倚賴之景德初授樞密使按宋史宰相表載景德元年八月己未王繼英自宣徽南院使檢校太保知樞密院事進樞密從幸澶州契丹密使本傳南院作北院不載檢校太保幸澶州契丹

請和諷訪經畧繼英預焉明年郊祀加特進檢校太傅三年卒年六十一贈太尉侍中諡恭懿子遵式遵誨遵

度遵範皆至顯官王顯字德明開封人初為殿前司小吏太宗居藩嘗給事左右性謹介不好狎未嘗踐市肆太宗即位補殿直

稍遷供奉官累遷東上閣門使八年拜宣徽南院使兼樞密副使是夏制授樞密使按宋史宰相表載太平興國八年六月己亥王顯自樞密副使加檢校太保進樞密使本傳不載加檢校太保帝謂之曰卿世家本儒少

遭亂失學今典朕機務無暇博覽書能熟軍戒三篇亦可免面牆矣副使趙昌言寇準鋒氣皆銳慢顯顯或

失誤護短終不肯改帝每面戒之消化二年詔加切責

黜授隨州刺史充崇信軍節度觀察等使遣之任俄知永興軍徙延州時夏臺益部寇擾顯上言李繼遷翻然

向化許其內附然而狼子野心未可深信宜謹屯戍固城壘積芻糧遴選才勇付以邊任蜀寇未平宜申飭將

帥速期蕩平至于河北關防所當加謹誠以國家方事西南密謀興舉若分中朝之勢力則長外寇之姦謀矣

時制沿邊糧斛不許過河西河青鹽不得過界販鬻犯者不以多少處斬顯請犯多者依法自餘別為科斷

以差其罪章上未報移知秦州初溫仲舒知州日開拓山林諷藩部獻其地後朝廷雖嘗給還而採伐如故轉

運使盧知翰請量給藩部茶絲以酬所獻詔遣張從式與顯同往規度顯言乃者朝命以趙保吉修貢邊城務

使安靜若今動眾開斥疆境非便議遂罷罷平初入朝改橫海軍節度出知鎮州二年曹彬卒復拜樞密使按宋史宰相表載咸平二年七月己丑王顯自橫海軍節度使兼御使大夫依前檢校太傅除樞密使本傳不載兼檢校太傅郊祀加檢校太師真宗幸大名內樞惟顯與副使宋湜從言者多謂顯專司兵要謀畧非長會湜卒

乃以參知政事向敏中權同知樞密院事三年改授山南東道節度同中書門下平章事定州路行營都部署

河北都轉運使兼知定州吏民詣駐泊都部署孔守正言顯治狀願借留守正以聞明年加鎮定高陽關三路

都部署許便宜從事契丹來侵前軍過虜軍比時方積雨契丹以皮為弦溼緩不堪用顯因大破之梟獲甚

眾明年求致仕不許改河陽三城節度將之鎮時議親征契丹顯言盛寒在序敵未犯塞繼遷未滅西鄙不寧

地則必修文德養勇銳因時之利而後可景德初徙知

天雄軍府又言祖宗以來多命近臣統領軍旅今後宜徽使宜於文武羣臣中擇曉邊邊事者為之武臣以罪

黜者宜加容貸不以一眚遂廢至若臨敵命將則貴專任出師應敵則約束將校使相應援全是數者則軍威

倍壯人心增勇矣契丹來侵帝議親征顯復陳三策謂大將軍方在鎮定契丹必不南侵軍駕止駐澶淵詔鎮

定出兵會河南軍合擊之可也若契丹虛張聲勢以抗我師潛遣銳兵南攻駕前諸軍則令鎮定之師直衝戎

帳攻其營若沿河遊兵不戰而自屈矣否則遣騎兵千餘步兵三千於濮州渡河橫掠繼以大軍追北掩擊亦

可出其不意也已而契丹請盟趙德明遣使修貢稱藩朝廷加賞錫且許通青鹽以濟邊民從顯之請也四年

以疾還京師卒年七十六贈中書令諡忠肅錄其二子顯自三班不數年正樞任獎擢之速時無擬之者顯吏

軍司時張承德以滑州節制為殿前都點檢及顯自樞密鎮孟津兼相帥承德由太子太師為相帥同日宣制

承德兼大夫反在顯下時人訝之顯居中執政矯情以厚胥吏齷齪自固而已在藩鎮頗縱部曲擾下論者非

之子希逸字仲莊以蔭補供奉官好學尤熟唐史聚書萬餘卷換秩授朝奉大夫太子中允咸平初改殿中丞

直史館預修冊府元龜加祠部員外郎卒希範至如京副使

欽定續通志卷三百九

欽定續通志卷三百九

列傳

宋十四

扈蒙

王著

王祐

楊昭儉

魚崇諒

張澹

高錫

扈蒙字日用幽州安次人少能文晉天福中舉進士入漢為鄆縣主簿趙思綰叛遣郭從義討之郡縣吏供給皆戎服趨事蒙冠服衰博舉止舒緩從義頗訝之轉運使李穀謂曰蒙文學名流不習吏事遂不之問周廣順中從歸德軍節度趙暉掌書記召為右拾遺直史館知制誥蒙從弟載時為翰林學士兄弟並掌內外制時號二扈太祖即位由中書舍人遷翰林學士坐請託於同年仇華按長編載蒙以僕夫屬繼遠為從子屬之同年蒙坐奪金紫黜為左贊善大黜為太子左贊善大夫稍大本傳所稱請託即此事也遷左補闕掌大名市征復知制誥充史館修撰開寶中受詔與李穆等同修五代史連知貢舉蒙上書言自今凡有裁制之官優恤之言發自宸衷可書簡策者並委宰臣及參知政事每月輪抄錄以備史官撰集從之即以參知政事盧多遜典其事九年受朝乾元殿降王在列聲明大備蒙上聖功頌以述太祖受禪平一天下之功其詞誇麗有詔褒之為盧多遜所惡出知江陵府太宗即位召拜中書舍人旋復翰林學士與李昉同修太祖實錄太平興國四年從征太原還轉戶部侍郎加承旨雍熙三年被疾以工部尚書致仕未幾卒年七十二贈右僕射自張昭寶儀卒典章儀注多蒙所刊定初太祖受周禪追尊四廟親郊以宣祖配天及太宗即位

禮官以為舜郊禋商郊莫周郊后稷王業所因也若漢高之太公光武之南頓君雖有帝父之尊而無預配天之祭故自太平興國三年六年再郊並以太祖配於禮為允太宗將東封蒙定議曰嚴父莫大於配天請以宣祖配天自雍熙元年罷封禪為郊祀遂行其禮議者非之蒙性沈厚不言人是非有笑疾雖帝前不自禁載字仲熙有傳見五代史按宋史本傳前有陶鑿傳改入其臣

王著字成象單州單父人性豁達無城府幼能屬文漢乾祐中舉進士周祖鎮大名世宗待行聞著名召置門下因得謁見周廣順中世宗鎮澶州辟觀察支使隨世宗入朝遷殿中丞即位拜度支員外郎顯德三年充翰林學士恭帝立加金部郎中知制誥太祖即位加中書舍人建隆二年知貢舉時亳州獻紫芝鄆州獲白兔隴州貢黃鸝鸚著獻頌因以規諫太祖甚嘉其意下詔褒之四年宿直禁中被酒夜扣滋德殿門求見帝怒黜為比部員外郎乾德中改兵部員外郎二年復知制誥加史館修撰判館事三年就轉戶部郎中六年復為翰林學士加兵部郎中再知貢舉開寶二年暴卒年四十二著少有俊才事周世宗以幕府舊僚眷待尤厚常召見命皇子出拜每呼學士而不名以嗜酒而不得相善與人交好延譽後進當世士大夫稱之按宋史本傳末云有傳見五代史考

王祐字景叔大名莘人少篤志詞學性倜儻有俊氣晉天福中以書見桑維翰稱其藻麗由是名聞京師鄴帥杜重威辟為觀察支使漢初重威移鎮睢陽反側不自安祐嘗勸之使無反漢不聽祐坐是貶沁州按東都事考司戶參軍因作書貽鄉友以見志仕周歷魏縣南樂二

令太祖即位拜監察御史出知魏縣移知光州遷殿中侍御史乾德三年知制誥六年加集賢院修撰轉戶部員外郎太祖征太原已濟河諸州饋集上黨城中車乘塞路帝聞之將以稽留罪轉運使趙普曰六師方至而轉運使以獲罪聞敵必謂儲峙不充有以窺我矣非威遠之道也俾能治劇者往蒞其州足矣即命祐知澶州及至饋餉無乏路亦無壅班師召還會符彥卿鎮大名頗不治太祖以祐代之俾察彥卿動靜謂曰此卿故鄉所謂書錦者也祐以百口明彥卿無罪且曰五代之君多因猜忌殺無辜故享國不永願陛下以為戒彥卿由是獲免故世謂祐有陰德繼以用兵徽表徒知襄州湖湘平移知潭州召還攝判吏部銓時左司員外郎侯陟自揚州還復判銓祐判門下省陟所注擬祐多駁正盧多遜與陟善陟因訴之多遜素惡祐不比之遂黜祐為鎮國軍行軍司馬太平興國初移知河中府入為左司員外郎拜中書舍人充史館修撰未幾知開封府以病請告太宗謂祐文章清節兼著特拜兵部侍郎卒年六十四追封晉國公累贈太師尚書令兼中書令據歐陽修所撰王文正公且全初祐掌誥會盧多遜為學士陰傾趙普德元老之碑增

多遜累諷祐比己祐不從一日以宇文融排張說事勸釋之多遜滋不悅及普再入多遜果敗與宇文融事頗類識者服其先見祐子三人懿且旭且自有傳初祐知貢舉多拔擢寒俊畢士安柴成務皆其所取也後與其子且同入兩制居中書懿字文德勵志為學舉進士嘗知袁州有政績卒年四十九旭字仲明嚴於治內恕以接物尤篤友義以蔭補太祝嘗知緱氏縣時官鄰邑者多貪猥民有永寧三鑊緱氏

一鎌之謠又知雍邱縣真宗尹京時素聞其能及踐阼三遷至殿中丞自曰居宰府旭以嫌不任職王矩嘗薦旭材堪治劇真宗召曰謂曰前代弟兄同居要地者多矣朝廷任才豈以卿故屈之邪命授京府推官且固辭改判南曹尋判國子監出知潁州荒政修舉大中祥符間且既薨歎歷中外早有政績由兵部郎中出知應天府卒年六十八懿子睦旭子質皆能其官

質字子野少謹厚澹約力學問師事楊億億歎以為英妙伯父且見其所為文嗟賞之以蔭補太常寺奉禮郎後獻文召試賜進士及第被薦為館閣校勘改集賢校理累遷尚書祠部員外郎丁父憂與諸弟飯脫粟茹蔬終喪通判蘇州州守黃宗旦少質嘗因爭事宗旦曰少年乃與丈人抗邪質曰事有當爭職也卒不為屈宗旦得盜鑄錢者百餘人下獄治退告質曰吾以術鉤致得之喜見於色質曰以術鉤人寘之死而又喜仁者之政固如是乎宗旦慙沮為薄其罪還判尚書刑部吏部南曹知蔡州州人歲時祀吳元濟廟質曰安有逆醜而廟食於民者毀之為更立狄仁傑李愬像而祀之蔡人至今號雙廟以本曹郎中名為開封府推官時兄雍為二司判官質不欲兄弟並居省府懇辭得知壽州徙廬州

盜殺其徒并質而遁捕得之質論盜死大理以法不當死質曰盜殺其徒自首者原之所以攜貳其黨且許之自新此法意也今殺人取贖而捕獲貸之豈法意乎疏上不報降監舒州靈仙觀採古今鍊形攝生之術撰寶元總錄百卷逾年韓琦知審刑院請盜殺其徒非自首者勿原著為令於是鄭戩葉清臣皆言非罪且稱其材起知泰州遷度支郎中徙荆湖北路轉運使嘗攝江

陵府事或訴民約婚後期民言貧無貲故違約質問其費幾何出私錢予之吏捕盜人衣者盜叩頭曰平生不為過迫饑寒而至此質命取衣衣之遣去加史館修撰同判吏部流內銓擢天章閣待制出知陝州卒質家世富貴兄弟習為驕侈而質克己好善自奉簡素如寒士不喜蓄財至不能自給初且為中書舍人家貧與昆弟貸人息錢逾期以所乘馬償之質閱書得故券召子弟示之曰此吾家素風爾曹當毋忘也范仲淹饒饒州治朋黨方急質獨載酒往餞或以謂質質曰范公賢者得為之黨幸矣世以此益賢之

楊昭儉字仲實京兆長安人昭儉少敏俊後唐長興中登進士第解褐成德軍節度推官拜左拾遺直史館與中書舍人張昭遠等同修明宗實錄書成遷殿中侍御史晉天福初改禮部員外郎晉祖命宰相馮道為契丹冊禮使以昭儉為介授職方員外郎旋加虞部郎中以本官知制誥不逾月三拜命時人榮之拜中書舍人又為翰林學士時驕將張彥澤鎮涇原暴殺從事張式朝廷不加罪昭儉與刑部郎中李濤諫議大夫鄭受益抗疏論列請寘之法疏奏不報會有詔令朝臣轉對或有封事亦許以不時條奏昭儉復上疏願同嘗斷誅彥澤以謝軍吏由是權臣忌之會請告洛陽不起晉祖喪為有司所糾停官未幾起為河南少尹改祕書少監尋復中書舍人時河決數郡大發丁夫以本部帥董其役既而塞之晉少主喜詔立碑記其事昭儉表諫曰陛下刻石紀功不若降哀痛之詔摘翰頌美不若頌罪己之文言甚切至少主嗟賞之卒罷其事周世宗愛其才復召入翰林為學士改御史中丞多振舉臺獻故事未幾以

鞫獄之失出為武勝軍節度行軍司馬太祖開寶二年入為太子詹事六年以工部尚書致仕太宗即位就加禮部尚書太平興國二年卒年七十六昭儉事晉有直聲然利口喜譏嘗執政大臣懼其構謗多曲徇其意

崇遠後避漢祖諱改之幼能屬文弱冠相州刺史辟為從事又為秦王從榮記室從榮誅坐除籍流慶州後唐清泰三年起為陝州司馬杜晉應殿中侍御史鳳翔李儼表為觀察支使奉方物入貢宰相薦為屯田員外郎知制誥開運末契丹入汴契丹相張彥為翰林學士契丹主北歸留崇諒京師漢祖復令知制誥俄拜翰林學士就加中書舍人隱帝時以母老求就養除保義軍節度副使領台州刺史會舉師討三叛節度使白文珂在軍前崇諒知後事凡供軍儲備調發皆促期而辦近鎮賴之崇諒親屬盡在鳳翔城中踰年城破李穀為轉運使庇護崇諒家數十口皆無恙崇諒請告自岐迎居於陝未幾王仁裕罷內職朝議請召崇諒為學士周祖踐阼書詔繁委皆崇諒為之廣順初加工部侍郎充職會兗州慕容彥超加封邑彥超已懷反側遣崇諒充使賜官告仍慰撫之時多進策人命崇諒就樞密院引試考定升降崇諒以母老思鄉里求解官歸養詔給長告俄拜禮部侍郎復為學士詔令侍母歸闕崇諒再乞終養優詔不允世宗征高平崇諒尚未至陶穀乘間言曰魚崇諒逗遛不來有願望意世宗頗疑之崇諒又表陳母病詔許歸陝州就養訖太祖朝不起太宗即位詔授金紫光祿大夫尚書兵部侍郎致仕歲餘卒

張澹字成文其先南陽人徙家河南澹幼好學有才藻

晉開運初登進士第宰相桑維翰器之妻以女解褐校書郎直昭文館歷左拾遺禮部員外郎並充史館修撰出爲洛陽令秩滿授吏部員外郎復充史館修撰周恭帝初拜右司員外郎知制誥太祖建隆二年加祠部郎中會秘書郎張去華上書自薦有文藝願與澹及祠部員外郎知制誥盧多遜殿中侍御史師頌並試釐定優劣太祖令並武於講武殿澹所對不應策問責授左司員外郎通判泰州兼海陵鹽監副使蜀平通判梓州復拜祠部郎中開寶初就轉倉部郎中四年以本官知制誥會內署闕學士太祖令澹權直學士院按長編據實錄載開寶六年夏四月壬寅命知制誥張澹權祗應翰林院事七年權點檢三司事卒年五十六太祖聞其無子甚愍之命中使護葬於洛陽澹歷官釐務所至皆治初與詞臣抗藝黜居郎署頗怏怏晚年附會盧多遜方再獲進用消化中太宗論及文士曰澹典書命而試以策非其所長此蓋陶穀高錫黨張去華以沮澹爾若使穀輩出其不意而遽試之豈有不失律者耶

高錫字天福河中虞鄉人家世業儒幼穎悟能屬文漢乾祐中舉進士王晏鎮徐州辟掌書記留守西洛又辟河南府推官坐按獄失實奪官遷至涇州會赦得歸周顯德初宰相請選將拒劉崇世宗銳意親征破崇高平誅敗將樊愛能等由是政無大小悉親決之不復責成有司錫徒步詣招諫匭上書請擇賢任官分治眾職疏奏不報世宗嘗令翰林學士及兩省官分撰俳優詞付教坊肄習以奉游宴錫復上疏諫後爲蔡州防禦推官太祖卽位棄官歸京師詣匭上疏請禁兵器不報建隆五年又以書干宰相范質質奏用爲著作佐郎遷監察

御史拜左拾遺知制誥加屯田員外郎太宗尹京石照載在幕中錫弟銑應進士舉于熙載望首薦銑辭藝淺薄熙載不許錫深銜之數於帝前言熙載裨贊無狀帝以語太宗且曰當爲汝擇人代之太宗曰熙載勤於迺職聞高錫嘗求薦其弟熙載拒之慮爲錫所構帝大悟雖怒之未有以發會使青州私受節帥郭崇賂遺又嘗致書澧州刺史爲僧求紫衣爲人所告貶萊州司馬遇赦改均州別駕移陳州太平興國八年卒

欽定續通志卷三百十

列傳

宋十五

顏衍

蘇曉

邊珣

楊克讓

李符

劇可久

高昉

王明

段思恭

魏丕

趙逢

馮瓚

許仲宣

侯陟

董樞

顏衍字祖德兗州曲阜人自言充國公四十五世孫少苦學治左氏春秋梁龍德中擢第解褐授北海主簿以治行間再調臨濟令臨濟多淫祠有姑針廟者里人奉之尤篤衍至即焚其廟後唐天成中為鄒平令晉祖入洛累遷河陽三城節度副使檢校左庶子知州事居半歲得家問父在青州有風痺疾衍不奏棄官去侍疾不復有仕宦意歲餘父疾不能起衍親自擲矢未嘗少倦晉祖聞之召為工部郎中樞密直學士連使促召至闕辭曰臣無他才術未知何人誤有聞達望放臣還遂其私養晉祖曰朕自知卿非他人薦也俄廢樞密院以本官奉朝請踰年上表請還侍養授青州行營司馬丁父憂哀毀甚久召為駕部郎中鹽鐵判官以母老懇辭有詔止守本官未幾復出為天平軍節度副使開運末授左諫議大夫權判河南府召拜御史中丞喪亂之後朝綱不振振執憲頗有風采言御史有風憲之體自今藩鎮幕僚勿得任臺官雖親王宰相出鎮亦不可奏充賓佐非奉制勘事勿得出京自餘不令釐雜務詔惟辟召人幕如故餘從其請復抗表求侍養改戶部侍郎衍又坐乞罷免詔書褒許即與其母東歸漢乾祐末丁憂服

除詔鄆州高行周津遣赴闕行辭以足疾不至周祖起為尚書右丞充端明殿學士征兗州駐城下遣衍往曲阜祠文宣王廟城平以衍權知州事歸朝權知開封時王峻持權衍與陳觀俱為峻所引用會峻觀敗左遷衍罷職守兵部侍郎顯德初上表求解官授工部尚書致仕還鄉里臺閣摺紳祖饒都門外冠蓋相望時人榮之太祖建隆三年卒于家年七十四衍守章句無文藻然諒直孝悌為時所推

劇可久字尚賢涿州范陽人沈毅方正明律令與馮道趙鳳為友後唐同光初鳳薦於朝補徐州司法以幹職聞召為大理評事踰年遷大理正坐誤治獄責授登州司戶遇赦召為著作郎仕晉歷官大理卿周廣順初改太僕卿復為大理卿會鄭州民李思美妻詣御史臺訴夫私鬻鹽罪不至死刑官楊瑛實以大辟有司攝治瑛瑛具伏可久斷瑛夫入減三等徒二年宰相王峻欲殺瑛召可久謂之曰死者不能復生瑛枉殺人其可恕耶可久執議益堅瑛得免死由是忤峻改太僕卿分司

西京顯德三年所舉官犯賊可久坐停任明年復起為右庶子時奉制旨刪定律令與侍御史知雜事張滉等於都省集議刪定五年書成目曰刑統宰相請頒天下與律疏合式並行可久復拜大理卿太祖建隆三年告老改光祿卿致仕

按長編據會要載建隆三年八月朔老改光祿卿致仕救大理卿范陽劇可久為光祿卿致仕可久年逾七十無辛卒年七十七可久在廷尉四十年請老意帝特命之

用法平允以仁恕稱

趙逢字常夫媯州懷戎人性剛直有吏幹父崇事劉守光為牙校後唐天祐中莊宗遣周德威平幽州因誅崇

逢尚幼德威錄為部曲令與諸子同就學及德威戰沒

逢乃游學河朔間久之西游客鳳翔李從曠門下從曠卒侯益領節制逢又依之漢乾祐中益入為開封尹表

逢為巡官逢求舉進士是歲登甲科解褐授秘書郎直史館仕周累官皆兼史職太祖即位拜中書舍人征澤

潞逢從行次河內聞李筠擁兵為變又慮太行艱險乃妄言墜馬傷足留於懷州駕還京有密旨除拜逢當草制又稱疾不入太祖謂宰相曰此人得非規避行役者耶對曰誠如聖言遂貶房州司戶會恩量移汝州司馬

乾德初召授都官郎中知制誥充史館修撰判館事二年改判昭文館未幾充樞密直學士加左諫議大夫蜀

平出知閬州時部內盜賊攻城逢防禦有功代還遷給事中充職六年權知貢舉太祖征太原以逢為隨軍

轉運使鑄印賜之會發諸道丁壯數十萬築隄堊汾水灌晉陽城逢白太祖乞效用即命督其版築時方盛夏

逢於烈日中親課力役因遭疾興歸京師開寶八年卒逢數歷清近所至有聲然傷慘酷又言多詆訐搢紳目

之為鐵屨大中祥符三年特詔錄其子樞為三班借職

蘇曉字表東京兆武功人後唐長興初辟鄧州從事漢

祖鎮太原表為觀察支使周廣順初為大理正以讞獄

有功遷少卿顯德中歷屯田郎中太祖即位詔與竇儀

等同詳定刑統及編救建隆四年權大理少卿事遷度

支郎中乾德三年出為淮南轉運使建議權斬黃舒廬

壽五州茶置十四場規其利歲入百餘萬緡開寶三年

遷司勳郎中改西川轉運使仍掌京城市征先是朝廷

遣供備庫使李守信市木秦隴間守信盜官錢鉅萬既

受代為部下所發守信至中牟自剄太祖命曉案之逮

捕甚眾右拾遺通判秦州馬適妻李即守信信女守信

嘗用木爲筏以遺適曉得守信所送書以進太祖將捨之曉固請實於法仍籍其家餘所連及者多致破產盡得所隱沒官錢擢拜曉右諫議大夫判大理寺遷左諫議大夫七年監在京商稅九年卒年七十三曉深文少恩當時號爲酷吏及卒無子有一女甚鍾愛亦先曉卒人以爲深刻所致

高防字修己并州壽陽人性沈厚守禮法累世將家父從慶成天并關與梁軍戰死防年十六護柩以歸事母

孝初張從恩爲北京副留守奏攝太原府倉曹掾從恩移澶州防禦使表爲判官有親校段洪進盜官木造器

市取其直從恩將殺之洪進懼給曰判官使爲之從恩詰防既引伏洪進得免從恩遺防錢十千馬一匹遣之防拜受而去終不自明既而悔之命騎追防還居歲餘

帥韓令坤馳騎召防吳軍復至廣陵防與令坤敗之詔書嘉獎改左散騎常侍復歷知蔡宋二州再從世宗南征判行泗州城降命防知州事復知蔡州遷戶部侍郎

世宗謀取蜀以防爲西南面水陸轉運制置使屢發芻糧赴鳳州爲征討之備太祖即位征李筠防又爲潞州

東北路計度轉運使澤潞平拜尚書左丞建隆二年出知秦州州與夏人雜處罔知教養防齊之以刑舊俗稍

革州西北夕陽鎮連山谷多大木夏人利之防議建採造務闢地數百里築堡要地自渭而北夏人有之自渭而南秦州有之募卒三百歲獲木萬章夏部桑布沁等

率諸族千餘人涉渭奪木筏殺役兵防出與戰俘四十七人以獻太祖慮邊郡詔諭酋帥賜所獲之俘錦袍銀帶以遣之遂罷採木之役命吳廷祚爲節度以代防歸朝爲樞密直學士尚書左丞乾德元年權知鳳翔府

未幾卒按長編載乾德元年夏五月辛酉命樞密直學士尚書左丞高防權知鳳翔府又于本年載冬十二月尚書左丞又書出知鳳翔于乾德元年前今據長編年五十九太祖甚悼惜賜其子太府寺丞延緒曰爾父有幹蠱之才懷匪躬之節朕所毗倚遽茲淪亡聞之盡傷不能自已矧素尚清白諒無餘資殯殮所須特宜優恤今遣供奉官陳彥珣部署歸葬西洛凡所費用並從官給

馮瓚字禮臣齊州歷城人性便佞任數務巧進父知北後唐司農卿瓚以蔭補祕書省校書郎遷太子右贊善

大夫漢初改監察御史仕周至祠部郎中充集賢院直學士太祖即位轉兵部郎中瓚有吏材太祖甚寵之擢

拜左諫議大夫出知舒州境內有菘蒲魚鼈之饒居民採以自給防禦使司超盡征之瓚奏奪民利請蠲除從

之徒知廬州以本官充樞密直學士時劍外初平卒有亡命者散匿爲盜命瓚知梓州無何蜀軍校上官進率

亡命二千餘人掠民數萬夜攻州城瓚曰賊乘夜奄至此烏合之眾以筆梃相擊必無固志正可持重以鎮之

且自潰矣城中止有雲騎兵三百令分守城門瓚坐城樓密令促更籌未夜分擊五鼓賊悉遁去因縱兵追之

擒上官進斬於市誘其餘黨千餘人並釋其罪境內獲安初太祖欲任用瓚常與趙普言瓚有奇才普忌之乃遣詣蜀平寇潛令所親信從其行密察其過即亡入京師擊登聞鼓訟瓚受賕爲姦事急召歸闕親問之詞理屢屈乃屬吏既而普遣人至潼關問其囊裝得金帶珍玩之物皆封題將以賂劉整齊方在太宗幕府瓚具伏普言法當死太祖欲貸之普固執不可乃削籍流登州沙門島資在海上凡十年不得召開寶末遇赦放還太

宗即位授左贊善大夫太平興國元年與禮部員外郎賈黃中左補闕程能分掌左藏三庫先是貨泉與金帛通至是以幣藏充溢乃命分之判大理寺改度支判官遷祕書少監充職太宗親征太原以瓚爲隨駕三司判官凱旋改大理卿兼判祕書省以足疾求解除給事中致仕復舊勳五年卒年六十七子克忠至內殿崇班閭門祇候

邊翔字待價華州鄭人晉天福六年舉進士解褐祕書省校書郎直弘文館漢乾祐初爲右拾遺加朝散大夫

周廣順元年遷右補闕顯德中累授職方員外郎知通州翔課鹽於狼山歲增萬餘石太祖即位詣衛州視

秋稼及掌京倉建隆二年兄玘自河南令人爲吏部員外郎復以翔爲洛陽令兄弟迭尹赤邑時人榮之乾德

初召爲倉部郎中蜀平知三泉縣開寶初遷職方郎中監京兆勳務又掌永安軍權貨奏徙務揚州有富民訴

廣陵尉謝圖殺其父本部收尉囚之官吏推劾累三百日獄未具州以狀聞詔翔案鞫盡得其實乃富民以私憾誣告尉即反坐之就命權知州事仍兼權貨務罷郡

又兼掌酒稅鹽礬務丁母憂起復知州事會征江表兼領淮南轉運使金陵平知江北諸州轉運事太宗即位

遷吏部郎中充廣南轉運使初至桂州守張頌卒頌灘州人藁葬城外舊制不許以族行僕人乃分匿其家財翔召官吏悉追取之部送其柩歸灘州又屬郡守與護軍有忿隙者但奏令易地不致之於罪太平興國五年拜右諫議大夫領吏部選事七年移知開封府明年卒年六十三翔強幹有吏材帝方欲倚用聞其卒甚嗟惜之翔一子早卒以其從子俊爲尉氏主簿兄玘至金部

郎中弟玠右贊善大夫從子做至殿中丞倚爲比部員外郎

王明字如晦大名成安人晉天福中舉進士不第驍騎將藥元福爲原州刺史辟爲從事馮暉節制靈武表爲觀察巡官周廣順初元福領陳州防禦使奏署判官劉崇起兵晉州命元福將兵援之事多吝於明先是州縣吏部送丁壯餉糧一夕夫盡遁去元福怒盡驅官吏出軍門將就戮明馳往止之入白元福曰今軍儲無闕丁夫數萬人文吏儒不能制斬之何益寬以待之凱旋公無專殺之名不亦善乎元福感悟盡免其死既而崇眾宵遁卽命元福爲建雄軍節度留鎮因奏署明爲書記顯德初元福移鎮陝恃功驕恣明直道見疏求歸省元福數召明明謝絕之詣闕上書求任州縣歷清平鄆城二縣令太祖卽位荆南高繼沖入覲授彭門節鉞以明爲武寧軍節度掌書記乾德初召公卿近臣各舉清白有吏幹者一人給事中馬士元以明塞詔爲左拾遺蜀平遷知榮州代歸遷右補闕會用兵嶺南遷爲荆湖轉運使開寶三年大舉南征明爲隨軍轉運使山路險絕舟車不通但以丁壯數萬人轉遞供億不闕每下一郡一城必先保其簿書守其倉庫旣而賀州未下明與主帥計曰當急取之恐援兵至則我師勝負未可知諸將頗猶豫明乃擐甲胄率所部護送輜重卒百人擁丁夫數千舂鍤皆作堙其塹直抵城門城中懼開門納款遂據有之因抵廣州賊眾十餘萬拒戰是夕大風發屋折木眾乃驚懼明與都部署潘美等謀命丁夫數千人持二炬間道先擣賊壘大軍蓐食陣以待之俄萬炬皆發焚其柵賊驚果來犯大軍因迎擊之賊大敗劉鋹以

城降廣州平爲本道轉運使太祖嘉其功擢授祕書少監領韶州刺史充轉運使俄以潘美尹崇珂爲嶺南轉運使明爲副使明徧歷部內視民疾苦舊無名科歛悉條奏除之嶺表遂安七年代歸帝召見勞問賜衣帶鞍馬是歲將用師南唐以明爲黃州刺史帝密授成算明

既視事卽完葺城壘訓練士卒眾莫解其意俄王師自荆渚乘戰艦而下卽以明爲池州至岳州江路巡檢戰權都部署擊鄂州軍於江南斬首三百級又破萬餘人於武昌殺江南軍七百人拔樊山岩破江州軍又破江南軍於江中獲船十餘艘又擊敗湖口軍萬餘眾奪戰艦五百艘時南唐將朱令質自上江領眾十五萬運大艦沿流而下將焚采石浮梁抵金陵爲援明率所部舟師屯獨樹口遣其子馳奏請添造戰艦三百艘以襲令質帝曰非應急策也令質朝夕至金陵之圍解矣乃密遣人諭明令樹長木於洲浦間若帆檣之狀令質望見之果疑大軍襲其後逗撓不敢進明移檄諸軍相爲掎角因督兵權襲之至小孤山與諸軍合勢大破之擒令質金陵平詔明安撫諸郡因命知洪州太宗卽位兼領江南諸路轉運使召爲右諫議大夫充三司副使太平興國七年與侯陟同判三司事八年部分三司各命使領之改左諫議大夫爲鹽鐵使遷給事中雍熙四年改光州刺史出知并州端拱元年代還表求正秩改禮部侍郎契丹來侵詔以明知真定府敵遂遁去淳化初歸闕知京朝官差遣事二年卒年七十三子挺扶並進士及第挺至殿中侍御史扶嘗直集賢院至工部員外郎景德中錄鈔子揆爲光祿寺主簿大中祥符八年又錄其孫師顏爲三班借職授至殿中丞

許仲宣字希繁青州人漢乾祐中登進士第時年十八周顯德初解褐授濟陰主簿考功員外郎張又薦爲淄州團練判官太祖卽位起調引對便殿仲宣氣貌雄偉太祖悅之擢授太子中允受詔知北海軍仲宣度其山川形勢地里廣袤可爲州郡因畫圖上之遂升爲濰州初議建牧馬監令仲宣行視諸州頗得善地從征并門

掌給納四十餘州資糧悉能集事帝益知其彊幹開寶四年知荆南轉運事及征江南又兼南面隨軍轉運事兵數十萬供饋無闕南唐平以漕輓功拜刑部郎中九年詔知承興軍府事太宗嗣位遷兵部郎中驛召赴闕授西州轉運使屬西南夷寇鈔邊境仲宣親至大度河諭以逆順示以威福夷人率服會言事者云江表用兵時仲宣乾沒官錢召還令御史臺盡索財計簿鈎校凡數年而畢無有欺隱改廣南轉運使會征交州其地炎瘴士卒死者十二三大將孫全興等失律仲宣因奏罷其兵不得報卽以兵分屯諸州開庫賞賜草檄書以諭交州交州卽送款內附遣使修貢仲宣復上章待罪帝嘉之太平興國六年遷吏部郎中八年與膳部郎中知雜滕中正兵部郎中劉保勳刑部郎中辛仲甫皆以久次卽署權陞陳垣仲宣爲右諫議大夫召還以本官權度支雍熙四年出知廣州未上移知江陵府改河南府端拱中遷給事中淳化元年卒年六十一仲宣性寬恕個儻不檢有心計初爲濟陰主簿時令與薄分掌縣印令畜妾與其室爭寵令弗能禁嬖欲陷其主竊取其印蔽之封識如故以授仲宣翼日署事發匣則無其印因逮捕縣吏數輩及令薄家人下獄鞫問果得之於令舍寵突中令聞之倉皇失措仲宣處之晏然人服其量

嘗從征江南都部署曹彬令取陶器數萬給士卒為燈
具仲宣已預料置奉之如其數其才幹類此子待用至
國子博士待問再舉及第至殿中丞待旦至比部員外
郎待用子巨源亦登進士第

楊克讓字慶孫同州馮翊人晉末舉進士不第州將劉
繼勳辟為戶曹掾漢乾祐中本府節度張彥成表授掌
書記周廣順初彥成移鎮安陽讓下克讓以舊職從行
彥成入為執金吾病篤奏稱其材可用克讓以彥成死
未葬不忍就祿退居別墅俟張氏子外除時論稱之歷
鎮寧軍掌書記顯德二年調授鳳翔府司錄參軍加兼
監察御史以祖母老辭官歸養未幾改延州觀察推官
與通判宋琪並為節度使趙贊所禮累加朝散大夫兼
殿中侍御史連以家難去職太祖素知其名會贊入覲
復稱其才即起為左補闕掌勸口權貨務乾德六年知
果州上言願舉襄事特賜緡錢許葬畢赴任開寶三年
就命為西川轉運副使蜀民懷其善政璽書褒美代歸
疏民利病十事稱旨太祖召升殿賜坐勞問將大用為
侯陟所阻事見陟傳征南唐命克讓知昇州行府昇州
平就知州事兼水陸計度轉運使事加兵部員外郎太
平興國初就加刑部郎中知大名府會錄陳洪進來
歸疆土以克讓為兩浙西南路轉運使泉州民嘯聚為
盜克讓在福州即率其屯兵至泉州與王文寶共討平

之按宋史本傳云與王文寶共討平之考長編太
平興國三年云載陳洪進納土帝即命其子文顯知
泉州議擇能臣開掌州事城中丞南頓喬岳方居父
喪詔起惟岳為通判惟岳城才三寸蒲甚危急寇
乘虛曠聚千餘萬來攻城城中兵才三寸蒲甚危急寇
軍向承矩王文寶欲盡屠其城燔府庫而遁惟岳抗議
以為朝廷任以綏遠之寄今患澤未逾益城連結反賊
屠城焚庫豈誠意承矩等因復堅守時兩浙西南路
轉運使楊克讓在福州率屯兵在救之圍解賊軍
軍器庫副使王繼昇率精兵二百騎夜出追擊悉擒其

魁首械送闕下草寇悉平云云並未有王明共討平
之事即王明傳亦不載詞平泉寇今將王明二字刪四
年徙知廣州俄兼轉運市舶使明年卒年六十九克讓
少好學手寫經籍盈篋歷官廉幹所至有聲每視事自
旦至暮或通夕斷決如流時稱能吏子希閔生而失明
令諸弟讀經史歷耳輒不忘屬文善絨尺趙普守西洛
府中屢疏皆希閔所為將奏書本府掾固辭不受卒年
三十九自教三子日華日嚴日休皆登進士第希閔弟
希甫清化三年進士從子日宣亦登進士第

段思恭澤州晉城人父希堯仕晉累陟清顯思恭以門
蔭歷官華商等州觀察支使劉繼勳節制同州辟掌書
記繼勳入朝會契丹入汴軍士諂諛請立思恭為州帥
思恭諭以禍福乃止漢祖建國授左補闕隱帝時蝗偏
祈山川思恭上言獄訟平允則災害不生望令諸州速
決重刑無致淹濫必召和氣從之歷度支駕部周顯德
中定濱州田賦世宗嘉之拜左司員外郎太祖建隆二
年除開封合遷金部郎中乾德初平蜀通判眉州時亡
命集眾攻逼州城刺史趙廷進懼不能敵將奔嘉州思
恭止之因率屯兵與賊戰彭山人無鬪志思恭募軍士
先登者厚賞於是諸軍賈勇大敗賊思恭矯詔以上供
錢帛給之後度支請按其罪太祖憐其果幹不許令知
州事俄召為考功郎中知泗州會馮繼業自靈州舉宗
來朝帝以思恭代知州事仍語之曰馮繼業言靈州非
衛霍名將鎮撫之不可汝其往哉思恭曰臣奉詔而往
必能治之帝壯之思恭下車矯繼業之失綏撫戎人訪
求民病悉奏免之俄而同鸞入貢路出靈州交易於市
思恭遣吏市硝磺吏爭直與之競思恭釋吏不問械其
使數日始賞之使還愬其主復遣使齎牒詣靈州問故

思恭理屈不報自是數年同鸞不復入貢久之遷右諫
議大夫知揚州朝廷方經畧江表命思恭兼沿江巡檢
每出巡委州事於通判以牌印自隨驛書自京師來者
令齎至其所事多稽滯因與通判李垓相告許詔以屬
吏思恭辭不直責授太常少卿改知宿州太宗即位遷
將作監知秦州坐擅借官庫銀造器又假貢奉名賤市
狨毛虎皮為馬飾為通判王廷範所發降授少府少監
知邢州太平興國六年遷少府監雍熙元年再為右諫
議大夫二年知壽州端拱初遷給事中尋知陝州清化
三年卒年七十三思恭以門資歷顯官不知書無學術
然踐更吏事所至亦著勤績子惟一三司度支判官從
子惟幾第進士仕至兵部員外郎

侯陟淄州長山人漢末舉明經周廣順初試校書郎太
平興國初帝次鎮州以功遷左諫議大夫權御史中丞
事按長編云權三司使王仁贍左降以陟與王明同判
中丞始此三司八年卒贈工部尚書陟有吏幹性狡獪好進善事
權貴巧中傷人陟素忌楊克讓偵知太祖欲大用之因
奏事帝問識楊克讓否陟曰臣與克讓甚善知其人誠
佳士也近聞其自言上許以大用多市白金作飲器以
自奉臣頗怪之帝怒亟令克讓出典郡其險詖如此
李符字德昌大名內黃人漢乾祐中郭從義奏為京兆
府戶曹掾楊恪薦為大理正太祖乾德中知歸州轉運
司制置歸朝以京西諸州餽帛不登選知京西南面轉
運事奏便宜百餘條凡四十八事命著為令因奏對稱
旨遷起居郎荆湖轉運許仲宣隨軍討南唐詔符赴荆
湖調發芻糧符領船數千艘順流而下符又建議擊虜
江河以通漕運發和州三縣丁壯給其役太祖欲幸西

京有事于南郊符上書陳八難曰京邑凋敝一也宮闈不備二也郊廟未修三也百司不具四也畿內民困五也軍食不充六也壁壘未設七也千乘萬騎盛暑扈行八也不從改比部員外郎判刑部太平興國初遷駕部轉祠部郎中知廣州兼轉運使五年召為右諫議大夫判吏部銓兼大理寺尋代范昇為三司副使坐與官屬競課最罷職守本官七年開封尹秦王廷美出守西京以符知開封府廷美事發太宗命歸第省過趙普合符上言廷美在西洛非便恐有他變宜遷遠郡以絕人望遂有房陵之貶普恐泄言坐符用刑不當貶寧國軍行軍司馬盧多遜之貶崖州也符白普曰珠崖遠在海中水土頗善春州稍近瘴氣甚毒至者必死願徙多遜處之普不答先是太宗尹京符因宋琪薦弭德超事藩邸符貶德超為樞密副使屢稱其寬宥德超以事貶帝惡其朋黨徙符嶺表普移符知春州至郡歲餘卒年五十九符無文學有吏幹好希人主意以求進用終以此敗至道二年郊祀追復右諫議大夫祥符五年錄其子璜試將作監主簿

魏丕字齊物相州人頗涉學問周世宗鎮澶淵辟司法參軍有盜五人獄具不疑其冤緩之不數日果獲真盜世宗嘉其明慎願頓印冠氏元城三縣令世宗即位改右班殿直出監明靈砦軍征淮甸丕獲江南謀者四人部送行在詔獎之遷供奉官供備庫副使太祖即位改作坊副使一日語丕曰作坊久積弊爾為我修整之丕在職盡力以久次轉正使開寶九年領代州刺史凡典工作十餘年太祖平諸路皆先期令修器械無不精辦雍熙四年代郝正為戶部使端拱初遷度支使出為

黃州刺史還朝召對便坐賜御書急就章朱邸集丕退作歌以獻因自述願授臺省之職太宗面諭曰知卿本儒生然清望官奉給不若刺史之優也淳化初改汝州刺史歷知鳳州改襄州境內久旱丕以誠禱之一夕雨沾足召還表求致仕授左武衛大將軍仍領汝州刺史俄判金吾街仗初六街巡警皆用禁卒至是詔左右街各募卒千人優以廩給使傳呼備盜丕以新募卒引對遂分四營營設五都一如禁兵之制改領鄂州刺史俄改領復州遷左驍衛大將軍咸平二年卒年八十一丕好歌詩頗與士大夫遊接有時稱南唐主李煜妻卒遣丕充弔祭使且使觀其意趣煜邀丕登昇元閣賦詩丕有朝宗海浪拱星辰之句以風動之太宗嘗賜詩令丕與柴禹錫和焉

董樞真定元氏人後唐太清中以獻書授校書郎累歷賓佐晉天福中為左拾遺知樞密院表奏周廣順初為左補闕世宗即位詔常參官各奏封事樞上平吳策淮南平遷浚儀令恭帝即位遷殿中侍御史太祖乾德初遷主客員外郎上書請伐蜀蜀平通判劍州會全師雄叛攻劍刺史張仁謙足疾不能戰欲棄城走樞戰敗之因招餘眾降仁謙飲樞令醉密殺降數百誣奏樞與賊通會中使自成都還備言其事太祖並召之廷辯曲直仁謙屈下御史臺鞠之黜宋州教練使以樞嘗貢西伐計遷比部郎中三年出兼桂陽監使上書請伐廣南詔益桂陽戍卒三千令樞統之開寶二年又上方畧會劉銀命內侍曾居實侵桂陽樞擊退之三年大舉伐銀令樞率兵趨連口克之改兵部郎中權知連州兼行營招撫使四年移知襄州又為河北轉運使改判西京留司

列傳

宋十六

馬令琮

杜漢徽

張延翰

蔡蕃廷

周廣

石曦

張藏英

解暉

王晉卿

郭廷謂

趙延進

輔超

馬令琮本名令威避周祖名改之大名人父全節五代

史有傳全節歷節度皆署令琮為牙校累授彰德牙內

都指揮使檢校尚書左僕射領朔州刺史令琮少善騎

射嘗從其父平安州及與鎮州安重榮戰皆有功由是

知名晉開運二年全節卒令琮起復拜隰州刺史仕漢

為西京巡檢使仕周累領建州刺史太祖即位出刺懷

州會將親征李筠召三司張美餉兵食美言河內密邇

上黨令琮日夜儲蓄以俟王師太祖善之命授團練使

執政言令琮方供億大軍不可移他郡故升懷州為團

練以令琮充使又充先鋒都指揮使澤潞平為昭義兵

馬鈴轄踰年被疾詔許歸郡乾德元年卒年三十九太

祖甚憐之錄其子延恩為殿直

杜漢徽京兆長安人父阿孫為太原威勝軍使漢徽有

膂力善騎射年十七仕後唐累遷護聖軍使晉天福六

年與慕容鄴等討安州李金全生禽指揮使孫厚以功

遷典順指揮使八年從征鎮州安重榮改護聖指揮使

贈阿孫為左贊善大夫開運二年以所部戍深州破契

丹於樂壽殺獲甚眾漢初從高行周討杜重威於鄴屢

為流矢所中身被重創猶力戰觀者壯之又率所部戍

鎮州破契丹於靈壽周世宗征劉崇漢徽有戰功補龍

捷左第五軍都虞候移所部屯安平縣破契丹於縣南

遷本軍左第四軍都虞候太祖即位補本軍都校領茂

州刺史改領潮州從平李筠又從平李重進錄功居多

建隆三年出為天長軍使移雄武軍使知屯田事是冬

被病即以符印授通判宋鸞請告歸京家人勸其求醫

藥漢徽笑曰我在戎行四十年大小百餘戰不死幸矣

安用藥為未幾卒

張廷翰冀州信都人父慎圖仕周為兵部郎中廷翰少

慷慨有智略善騎射晉天福中冀州刺史張建武召補

牙校其後刺史李冲署為本州牢城軍校契丹入中原

署其黨何行通為刺史契丹主道祖州人共殺行通推

廷翰知州事漢初就拜刺史廷翰盡捕殺行通者戮於

市為政寬厚簡易民甚愛之周廣順初召赴闕周祖見

其貌魁偉謂樞密使王峻曰冀州近邊雖更擇人亦無

踰廷翰者即日遷還在郡八年契丹將高牟翰遼史作高樓翰

數擾邊皆為廷翰擊走顯德中歷棣海沂三州團練使

屢率兵敗淮人移萊州太祖即位又歷冀毫三州乾德

二年卒年四十七按宋史此下有吳慶裕傳無事蹟足錄今刪

蔡蕃廷磁州武安人少能騎射晉初應募補護聖散都

頭周顯德初擢為殿前散員轉鐵騎副兵馬使從世宗

戰高平有功遷軍使太祖從世宗征淮南嘗廷隸麾下

預戰紫金山改副指揮使太祖即位授殿前散都頭指

揮使從征李筠攻澤州先登為飛石傷足建隆中領富

州刺史兼內外馬步軍副都軍頭乾德初授冀州刺史

征太原時為北面步軍都指揮使屯兵易州審廷訓練

士卒甚整太祖過鎮陽見於行在所賜名馬寶劍命為

鎮州兵馬都鈐轄開寶八年卒年六十九

周廣字大均其先應州神武川人父密事晉歷鄆延晉

三鎮節度使周廣順初至太子太師致仕廣幼從其父

為牙校漢初授供奉官未幾擢左千牛衛將軍周祖討

慕容彥超以廣為行營都監後世宗征淮南既得江北

數州即命廣勞來安集民甚德之因領常州刺史兼內

外馬步軍都軍頭淮南平改眉州刺史太祖即位授隰

州刺史乾德三年遷潘州團練使令訓練雄武諸營開

寶二年從征太原為攻城樓櫓戰戰都部署師還加內

外馬步軍副都軍頭六年改右屯衛大將軍領郡如故

太平興國二年卒按宋史此下有張勳傳無事蹟足錄今刪

石曦并州太原人晉祖弟韓王敬暉之子按五代史晉敬暉字德昭宋諱敬

故止稱韓王今增天福中以曦為右神武將軍歷漢

至周為右武衛左神武二將軍恭帝立初為左衛將軍

會高麗王昭加恩命曦副左驍衛大將軍戴交使建隆

三年再使高麗遷左驍衛大將軍護秦州屯兵西人犯

邊曦率所領擊破之斬其渠帥太祖征晉曦領兵二千

人自澤潞除道至太原壅汾水灌其城又益兵千人部

攻遼州俄知雄州代為潭州鈐轄開寶八年領兵敗南

唐軍二千餘於袁州平梅山板倉諸洞蠻寇太平興國

中歷右神武右羽林大將軍連知孟襄二州遷領誠州

刺史雍熙四年改知霸州兼部署會陳廷山謀以平戍

軍叛入北邊曦察知之亟侯延濟定計禽廷山以獻錄

其功加領本州團練使同知鎮州滑化二年移原州遷

右龍武軍大將軍被病請告四年卒年七十四

張藏英涿州范陽人自言唐相嘉貞之後唐末舉族為

賊孫居道所害藏英年十七僅以身免後逢居道於幽

州市引佩刀刺之不死為吏所執節帥趙德鈞壯之釋

而不問以補牙職藏英後間居道避地關南乃求為關南都巡檢使至則微服攜鐵樵居道舍側伺其出擊之遂禽歸設父母位陳酒肴縛居道於前號泣鞭之鬱其肉經三日剝其心以祭詣官首服官為上請而釋之燕薊閉目為報讐張孝子契丹用為盧臺按地理志通鑑俱作盧臺五代史周本紀同軍使兼擢鹽制置使周廣順三年率內外親屬并所部兵千餘人及袁鹽戶長幼七千餘口牛馬萬計舟數百艘航海歸周至涪州刺史李暉以聞周祖頗疑之令館於封禪寺數月世宗即位授德州刺史未幾召歸對便殿詢以備邊之策藏英請於涪州李宴口置砦及誘境上亡命者以隸軍願為主將得便宜討擊世宗悉從之以為緣邊招收都指揮使藏英遂築城李宴口累月募得勁兵數千人會遣鳳翔節度王彥超巡邊為契丹所圍藏英率募兵馳擊之轉戰十餘里契丹解去改涪州刺史仍領邊任契丹將高牟翰以精騎數千擾邊藏英逆擊於胡盧河北按高牟翰模翰胡盧河宋史王彥超傳亦載此事作胡盧河效高模翰援漢卻周遠史在穆宗應元二年二月之開穆宗應元元年即周祖廣順元年故宋史張廷翰傳所載高牟翰擾邊事亦在周廣順初此處乃在世宗即位後與遼史并張廷自巨至晡殺傷甚眾值暮收兵契丹遁去後因領兵巡樂壽契丹幽州驍將姚內斌偵知藏英兵少以精騎二千陣於縣之北藏英率麾下擊之自辰至申士皆殊死戰內斌遂解去世宗降璽書褒美征瓦橋關為先鋒都指揮使敗契丹騎數百於關北下固安縣改關南排陣使太祖即位遷瀛州團練使并護關南軍建隆三年卒於治所年六十九孫鑑自有傳按宋史此足錄今刪

至劍門沒於陣暉少有勇力以父死戎事得隸兵籍戍鴈門與契丹接戰斬首七級獲酋長一人以功遷奉國軍隊長晉天福中安重榮反鎮州因舉兵向關至宋城晉師逆戰大破之暉募軍中壯士百餘人夜擣賊壘殺獲甚眾暉頻中流矢而督戰自若顏色不撓遷本軍列校仕周累遷虎捷第一軍都虞候太祖即位從征澤州力戰目中流矢師還策勲為內外馬步軍副都軍頭建隆四年充湖廣道行營前軍戰職都指揮使潭州平璽書獎諭偽統軍黃從志據岳州暉率舟師討平之生禽從志改控鶴右第二軍都指揮使領高州刺史乾德六年詔領所部軍屯上黨從李繼勳略太原開寶九年破太原軍於境上改均州刺史太平興國二年按宋史地年詔於潞州北亂柳石圍中築城名威勝軍以暉為軍使從征并州與尙食使后彥贊率所部先下隆州禽招討使李詢等以獻于行在所復令與彥贊督戰士隸城西行營分攻太原劉繼元降太宗以太原宮女三人賜暉俄遷本州團練使知霸州雍熙初充雲應寰朔忻代等州都巡檢使三年代歸本郡酒化二年被病上章告老改右千牛衛上將軍致仕詔未至而卒年八十暉鷲猛木強每受詔征伐常身先之人所憚者暉視之若甚易由是頗立戰功金創徧體時稱驍將子守墮至內殿崇班閣門祇候按宋史此下有李翥傳無事實足錄今刪

帝立出為濱州刺史太祖乾德中為興州刺史移漢州時蜀初平寇盜充斥晉卿嚴武備設方略禽捕蕩滅靡有遺漏自是雖劇賊無敢窺其境然以賄聞太祖惜其才而不問秩滿歸闕求養疾改左監門衛將軍奉朝請未幾詔戍北邊疆場清肅開寶四年復授莫州刺史在郡謹斥候善撫循士卒皆樂為用邊民安堵六年卒年六十七

郭廷謂字信臣徐州彭城人父全義任南唐為濠州觀察使廷謂幼好學工書善騎射補殿前承旨改濠州中軍使李景每令偵中朝機事入奏全義卒擢莊宅使濠州監軍周世宗攻淮南南人屢敗城中甚恐廷謂與州將黃仁謙為固禦之計周師遣謀以鐵券及其壘廷謂拒之城內負販之輩率不逞廷謂慮其亡逸籍置大寺遣兵守之給日食俾製防城具隨其所習以故周師卒不得覬城中虛實周師為浮梁渴口命張從恩焦繼勳守之廷謂語仁謙曰此濠壽之患也彼以騎士勝故利於陸我以舟師銳故便於水今夏久雨淮流汎溢願假舟兵二千斷其橋直抵壽春仁謙初沮其議不得已從之即輕權銜枚抵其橋麾兵斷竿悉焚之周師大劫焚其資糧而還授武殿使周師退保定遠又募壯士為負販狀入定遠偵軍多寡及守將之名還曰武行德周務勗也廷謂曰是可圖也又籍鄉兵萬餘泊卒五千日夕訓練依山銜枚設伏破之周師大潰行德單騎脫走時有以玉帛子女餉廷謂者悉拒之唯取良馬二百匹以獻以功為滁州刺史上淮巡檢應推兵馬都監及紫金山之戰南唐諸將多歸降者獨廷謂以全軍還守濠州追不能及時濠守欲棄城走廷謂止之俄加本州團練

使籍戈甲治溝壑常若敵至是秋周師復至表于景請
授且言周兵四臨乞卑辭請和以固鄰好夜出敢死士
千餘囊周營焚頭車洞屋周師蹂躪死者甚眾既而援
兵不至周師急擊延謂集諸軍壘門之外南望大勳而
降于周至山陽見世宗特加宴賜拜亳州防禦使以其
弟本州馬步都校廷讚為和州刺史命攻天長軍降其
將馬質又為樓櫓戰艦左右兩都監俄歸護都太祖即
位從征上黨再知亳州乾德二年代還改絳州防禦使
兩川平馮贛知梓州為僕夫所訟召廷謂為靜江軍節
度觀察留後以代之州承舊政有莊宅戶車腳戶皆隸
州將鷹鷂戶日獻雉兔田獵戶歲入皮革又有鄉將都
將鎮將輩互擾閭里廷謂悉除之開寶五年卒年五十
四廷謂性恭謹事母以孝聞未嘗不束帶立侍子延濬
廷謂兄廷諭仕南唐為太子洗馬致仕歸朝至秘書監
廷諭子延澤

延濬字利川太祖錄為供奉官屢使西北宣諭機事太
平興國初領八作司雍熙三年改崇儀使淳化四年李
順亂改西京作坊使充成都十州都巡檢使時成都將
陷延濬單騎入城與郭載議募亡卒退保劔門賊數千
來躡其後擊破之王繼恩至以延濬為先鋒壕皆使即
領兵倍道先進賊出探騎數十悉禽之盡得賊機事延
濬易旗變號賊不之覺斬關掩入繼恩又請延濬知漢
州州經兵燹廩舍橋梁城皆悉毀延濬募軍民葺之又
率州帑以應軍須錄功改洛苑使真宗初會河朔用兵
延濬馳往邊城按視砦壘咸平二年卒子有倫為供奉
官閤門祇候按宋史此下有延濬傳無事蹟定錄今刪

趙延進澶州頓邱人父暉周太子太師延進頗親學嘗

與軍中少年入民家競取財賄延進獨持書數十編以
歸同輩晒之漢末暉領鳳翔節度未赴鎮王景崇據城
反命暉為都招討使擊之延進年十八屢當軍鋒景崇
平延進奉捷奏以入授鳳翔牙內指揮使領貴州刺史
暉徙宋州亦從為牙職改領榮州刺史睢陽有盜數百
各立酋帥為民患延進以父命領牙兵悉禽戮之詔書
褒美丁外艱表求持服既終喪周世宗征淮南延進獻
萬縑以助軍仍請對世宗召見之時延進有從兄為虎
捷都虞候帳前橫衝指揮使世宗指延進語之曰爾弟
拳勇有謀將授以禁軍大校延進自陳好讀書不願也
翼日授右千牛衛將軍濠州兵馬鈐轄從征瓦橋關為
隨駕金吾街仗使太祖即位遷右羽林軍將軍濠州都
監會伐蜀以襄州當川路津要命為鈐轄同知州務蜀
平專領都事漢江水歲壞堤害民田常興工修護延進
累石為岸遂絕其患入為兩浙漳泉國信使開寶二年
授右龍武將軍知靈州以母老願留得權判右金吾街
仗使歷知河中府梓相青三州太平興國中大軍平并
州討幽薊皆為攻城八作壕皆使嘗詔督造礮具八百
期以半月延進八日成太宗親試之大悅又令主城北
請洞子及班師命與孟元喆藥可瓊留屯定州契丹來
侵命延進與崔翰李繼隆將兵八萬禦之賜陣圖分為
八陣俾以從事師次滿城按宋史本傳作滿城考宋地
志滿城屬陝西永興軍路之
華州迤進遼境絕不相連惟滿城屬易州其地後歸
契丹迤進等留屯定州正與易州相近滿城應是滿城
今改遠騎至延進乘高望之東西互野不見其際翰
等方按國布陣陣去各百步士眾疑懼略無關志延進
謂翰等曰主上委吾等以邊事蓋期於克敵耳今敵眾
若此而我師星布其勢懸絕彼若持我將何以濟不如

合而擊之可以決勝違令而獲利不猶愈於辱國乎翰
等曰萬一不捷則若之何延進曰儻有喪敗則延進獨
當其責於是改為二陣前後相副士眾皆喜三戰大破
之獲人馬牛羊鎧甲數十萬以功遷右監門衛大將軍
知鎮州及代吏民數千守關借留詔許留一年俄改右
領軍衛大將軍累遷右驍騎大將軍改知鄧州澶化初
飛蝗不入境詔褒之還判右金吾街仗事至道二年拜
右金吾衛大將軍咸平二年卒年七十二贈右武衛上
將軍延進姿狀秀整涉獵經史好作詩什士流以此多
之延進妻即淑德皇后之妹故在顯德興國中頗任以
腹心子昂太平興國二年登進士第至戶部郎中直昭
文館
輔超忻州秀容人家世業農超少勇悍有力晉開運中
應募隸澶州軍籍漢乾祐中趙思綰據永興叛周祖護
諸將討之督兵攻城超率驍勇十七人升雲梯斫北門
樓樓壞而入士卒繼進城遂陷以功補小校顯德中從
太祖征淮南常執銳前驅定滁泗破淮陰下揚州以功
轉日騎副兵馬使太祖即位從平上黨再遷內直都知
太宗即位以超為馬軍都軍頭會親征太原冒矢石攀
堞先登身被十三創帝嘉其勇賜錦袍銀帶帛五十段
詰朝再乘城中流矢者八復加厚賜大舉襲范陽分兵
三路超隸備將米信為田重進先鋒取飛狐蔚州遷馬
步軍副都軍頭俄出補曹州馬步軍都指揮使領峰州
刺史改濠州召歸轉都軍頭淳化三年出為德州刺史
坐誣奏使者毆殺驛吏責授右監門衛將軍領誠州刺
史五年復加都軍頭領澶州刺史真宗即位加領獎州
團練使真拜萊州團練使以年老願留京師從之景德

二年卒年七十七

欽定續通志卷三百十二

列傳

宋十七

楊業 延昭文廣 荆罕儒 曹光實 克明

張暉 王貴 司超

楊業并州太原人父信為漢麟州刺史業幼倜儻任俠善騎射敗獵嘗曰我他日為將用兵亦猶用鷹犬逐雉免爾事劉崇以驍勇聞累遷至建雄軍節度使屢立戰功所向克捷人號為無敵太宗征太原素開其名嘗購

求之既而孤壘甚危業勸其主繼元降以保生聚按九載劉繼業為繼元并太原城東南領殺傷王師及繼元降繼業猶據城苦戰帝素知其勇欲生致之令中使諭繼元俾招繼業繼元遣所親往繼業乃北面再拜大

兼三校駐泊兵馬都部署會契丹入鴈門業領麾下數千騎自西京而出由小陘至鴈門北口南嚮背擊之契丹大敗以功遷雲州觀察使仍判鄭州代州自是契丹

短者帝不問封其奏以付業雍熙三年大兵北征以忠武軍節度使潘美為雲應路行營都部署命業副之以西上閭門使蔚州刺史王侁軍器庫使順州團練使劉

文裕護其軍連拔雲應寰朔四州師次桑乾河會曹彬敗於岐溝詔美護四州之民內徙既而契丹復陷寰州業謂美等曰今邊兵益盛不可與戰朝廷止令取數州

之民但領兵出大石路先遣人密告雲朔州守將俟大軍離代州日令雲州之眾先出我師次應州契丹必來拒即令朔州民出城直入石碣谷遣強弩千人列於谷口以騎士援於中路則三州之眾保萬全矣侁沮其議

曰領數萬精兵而畏懦如此但趨鴈門北川中鼓行而往文裕亦贊成之業曰不可此必敗之勢也侁曰君侯素號無敵今見逗撻不戰得非有他志乎業曰業非避死特慮殺傷士卒而功不立今君責業以不死當為諸公先即自石朱路趨朔州將行泣謂美曰此行必不利業太原降將天子不殺而授以兵柄非縱敵不擊蓋欲立尺寸功以報國恩爾諸君既責業以避敵業當先死於敵因指陳家谷口曰諸君於此張步兵強弩為左右翼以援業轉戰至此無遺類矣業即與侁領兵陣於谷口自寅至巳侁使人登托邏臺望之以為契丹敗走欲爭其功即領兵離谷口美不能制行二十里聞業敗即麾兵卻走業力戰自午至暮果至谷口望見無人拊膺大慟再率帳下士力戰身被數十創士卒殆盡業猶手刃數百人馬重傷不能進遂為契丹所擒其子延玉亦沒焉業太息曰帝遇我厚期捍邊寇敵以報反為奸臣所迫致王師敗衄向何面目求活耶乃不食三日死帝聞之痛惜甚下詔旌之曰故雲州觀察使楊業誠堅金石氣激風雲挺隴上之雄才本山西之茂族自委戎

乘式資戰功方提貔虎之師以効邊陲之用而羣帥敗約援兵不前獨以孤軍陷於沙漠勁果森厲有死不回求之古人何以加此可贈太尉大同軍節度賜其家布帛千匹粟千石大將軍潘美削三官王侁除名降隸金州劉文裕除名隸登州業忠烈武勇有智謀練習攻戰

與士卒同甘苦代北苦寒人多服毳毼業但挾纊露坐治軍事傍不設火為政簡易御下有恩士卒樂為之用陣之將陷也麾下猶百餘人業謂曰汝等各有父母妻子與我俱死無益可走還報天子眾皆感泣不去瀕州刺史王貴殺數十人矢盡遂死餘亦死無一生還者聞者皆流涕業既沒朝廷錄其子供奉官延昭為崇儀副使次子延玉殿直延滿延訓並為供奉官延環延貴延彬並為殿直

延昭本名延朗後改為焉兒時多戲為軍陣業嘗曰此兒類我每征行必以從太平興國中補供奉官業攻應朔延昭為其軍先鋒戰朔州城下流矢貫膺鬪益急業之死太宗憫之擢延昭以崇儀副使出知景州累遷保州緣邊都巡檢使就如加京使咸平二年契丹擾邊延昭時在遂城城小無備契丹攻之甚急眾心危懼延昭悉集城中丁壯登陴護守會大寒汲水灌城外巨悉為冰堅滑不可近契丹遂潰去獲其鎧仗甚眾以功拜莫州刺史時真宗駐大名傳潛握重兵頓中山延昭與楊嗣石普屢請益兵以戰潛不許及潛抵罪召延昭赴行在屢訪邊要帝甚悅指示諸王曰延昭父業為前朝名將延昭治兵護塞有父風深可嘉也厚賜遺還冬契丹南侵延昭伏銳兵於羊山西自北掩擊且戰且退及伏發契丹眾大敗獲其將兩首以獻進本州團練使與保州楊嗣並命帝謂宰相曰嗣及延昭並出疏外以忠勇自效朝中忌嫉者眾朕力為保庇以及於此五年契丹侵保州延昭與嗣提兵援之未成列為契丹所冀軍士多喪失命李繼宣王汀代還將治其罪帝曰嗣輩素以勇聞將收其後效即宥之六年契丹復侵望都繼宣

坐逗遛削秩復用延昭為都巡檢使時講防秋之策詔嗣及延昭條上利害又徙靈邊軍部署景德元年詔益延昭兵滿萬人如契丹騎入寇則屯靜安軍之東令莫州部署石普屯馬村西以護屯田斷黑盧口萬年橋敵騎奔衝之路仍會諸路兵犄角追襲合魏能張凝田敏奇兵牽制之時王超為都部署聽不隸屬延昭上言契丹頓澶淵去北境千里人馬俱乏雖眾易敗凡有剽掠率在馬上願飭諸軍扼其要路眾可殲焉即幽易數州可襲而取奏人不報仍率兵抵遼境破古城俘賊甚眾及請和真宗選邊州守臣御筆錄以示宰相命延昭知保州兼緣邊都巡檢使二年追敘守禦功進本州防禦使俄徙高陽關副都部署按東都事略云官至英州防禦使在屯所九年延昭不達吏事軍中牒訴嘗遣小校周正治之頗為

正所罔因緣為姦帝知之斥正還營而戒延昭焉按東都事略云詔騰皆決於小校真宗知而不責也第戒飭小校而已語與宋史異大中祥符七年卒年五十七延昭智勇善戰沈默寡言平居未嘗問及家事所得奉賜悉犒軍奉已簡易號令嚴明與士卒同甘苦遇敵必身先行陣克捷推功於下故人樂為用在邊防二十餘年契丹憚之目為楊六郎及卒帝嗟悼之遣中使護櫬以歸河朔之人多望柩而泣錄其三子官其常從門客亦試藝甄敘之子文廣

文廣字仲容以討賊張海有功授殿直范仲淹宣撫陝西與語奇之置麾下從狄青南征知德順軍為廣西鈐轄知宜邕二州累遷左藏庫使帶御器械治平中議宿衛將英宗曰文廣名將後且有功遣遷龍神衛四廂都指揮使遷秦鳳副都總管韓琦使築策城文廣聲言城噴珠率眾急趨策比暮至其所部分已定還明敵

騎大至知不可犯而去文廣遣將襲之斬獲甚眾取問其故文廣曰先人有奪人之氣此必爭之地彼若知而據之則未可圖也知涇州鎮戎軍為定州路副都總管遷步軍都虞候遼人爭代州地界文廣獻陣圖并取幽燕策未報而卒贈同州觀察使

王貴者并州太原人周廣順初補衛士太祖即位累遷至散員都指揮使馬步軍都軍頭領勝州刺史太平興國二年出為淄州刺史受詔從潘美北征攻沁州頗立戰功又從楊業為遼兵所圍親射殺數十人矢盡張空卷又擊殺數人遂遇害年七十三擢其子文晟供奉官文昱殿直

荆罕儒冀州信都人少為盜晉天福中詣范陽事趙延壽得掌親兵開運末延壽從契丹主入汴署罕儒密州刺史漢初故山南東道行軍司馬周廣順初為率府率奉朝請貧不能振顯德中世宗戰高平戮不用命者因求驍勇士通事舍人李延傑以罕儒聞即召赴行在命為招收都指揮使會征太原命罕儒率步卒三千先入敵境罕儒趨太原城焚其東門擢為控鶴弩手大劍直都指揮使從平淮南領光州刺史改秦州為下蔡守禦都指揮使累擢至團練使太祖建隆初升鄭州防禦使改晉州兵馬鈐轄罕儒恃勇輕敵嘗率騎深入晉境人多閉壁不出虜獲甚眾復領千騎抵汾州城下焚其草市案兵以退一夕次京土原劉鈞遣大將郝貴超領萬餘眾襲罕儒黎明及之罕儒遣都監曹遜副使閻彥進分兵以禦貴超罕儒方錦袍裹甲據牀享士聞彥進小卻即上馬徑犯賊鋒并人攢戈春之罕儒猶手殺十數人遂遇害劉鈞素畏罕儒之勇常欲生致之及聞其死

求殺罕儒者戮之太祖痛惜不已擢其子守勳為西京武德副使因索京土原之不效命者黜慈州團練使王繼勳為率府率閻彥進為殿直斬其部下龍捷指揮使石進德等二十九人罕儒輕財好施禮接儒士負勇善戰不願勝負常欲削平太原志未果而及於敗人皆惜之罕儒兄延福延福孫嗣

嗣乾德初應募為控鶴卒從李繼勳討河東繼勳擇悍勇百人開道截洛陽砦嗣請行手斬五十餘級進薄汾河河東將楊業扼橋路嗣與眾轉戰殺業所部兵千計射中業從騎業退保城進焚南門奪羊馬城矢集於面敵夜薄砦繼勳選勇敢五百人接戰而嗣為冠及旦多所斬賊從太祖征太原率先陷陣召見補御龍直太平興國初三遷至天武軍校太宗再征太原嗣登城手刃數人足貫雙箭中手斲折二齒太宗賜以錦袍銀帶從崔翰征幽州補龍猛副指揮使五年契丹侵雒州據龍灣堤嗣隸袁繼忠遇敵屢擊之皆獲勝八年李繼遷寇邊又從袁繼忠田欽祚成三义口為前鋒斬賊千餘追之獲牛羊鎧甲弓矢數千計進至萬井口狐路谷餘賊復來請戰初以雄武千人為後殿為賊所掩繼忠命嗣援之凡數戰始與雄武合隊因列陣格鬪復奪人馬七百餘欽祚夜還依山為營賊亦若其下募勁卒五十往襲之嗣為其帥抵賊所刺殺百餘人焚其營而還雍熙三年從田重進譚廷美率師入遼境疾戰飛狐口遼師不利重進引全師合擊遼騎去進至飛狐城北遼將大鵬翼率眾復至重進陣壓東偏數戰不勝命嗣出西偏麾兵薄山崖以短兵接戰遼兵敗投崖而下手斬百餘級散卒千餘在野嗣呵止之悉斷弦折管來降追至

河槽復擊退餘眾屯土嶺裨將黃明與戰不勝將退嗣謂之曰汝且屯兵於此爲我聲援我當戰此嶺遂力戰追奔五十餘里抵倉頭而還又領招收卒千人克倉頭小治二砦黃明與戰克直谷砦命嗣屯馬數日遼人復致師重進與戰奔突往來大軍頗擾重進召嗣合戰悉走之奪礮具鎧冑賊乘夜復圍直谷石門二砦重進遣嗣以精兵五百濟之嗣曰敵二萬餘今援師甚寡難以解圍重進頗憂之嗣曰諱師屯小治紹兵二千願聞道以往邀其策應中夜匹馬詣廷美廷美曰敵勢若此何可解也嗣曰請移全軍就平川植旗立隊別擇三二百人張白旗於道側彼見旗幟綿互遠甚謂大軍繼至嗣自以所部五百疾驅往鬪必克其砦廷美許焉一日凡五七戰遼兵遂引去咸如嗣所料蔚州之降也重進先命嗣率勇士數十人繼入見守將得其實狀翌日將受降而敵反拒大軍所出之路遂與鬪殺傷甚眾屢絕入城取守將之歸服者重進之壘糧運頗乏嗣遣降卒董州廩濟之還援兵大至副都指揮使江謙妄言惑眾嗣即斬之悉收兵斂輜重還重進砦與遼人轉戰時軍校五人其四悉鬪死至大嶺嗣與戰敗走之師還太宗引見便殿重進言其有勞補本軍都虞候又從李繼隆禦敵於北平砦將赴蒲城道遇敵疾戰俘獲甚眾又戰於鸞女祠繼隆遣步卒二千伏定州古城爲敵所攻命嗣援之至唐河橋嗣扼橋路出戰解敵圍數重與伏兵合分爲三隊背水爲陣敵將于越率騎百餘隊降臺求戰嗣整兵與戰數合得與繼隆會又陣於東偏大敗之繼隆以聞詔嘉獎之遷本軍都指揮使領澄州刺史至道二年加御前忠佐馬步軍頭屯定州遼人入侵隸范

廷召提偏師捍遼兵於嘉山廷召徙高陽命嗣以兵二千爲殿過平敵城遼眾十餘萬來嗣屢出戰及桑贊秦翰來援夜二鼓敵再至嗣曰彼不利夜戰我當破其砦以趣大軍即與贊翰合勢戒所部望敵炬火多處并力衝之詰旦至瀛州咸平三年加領本州團練使出爲郎山路都巡檢使破敵砦於蒲陰俘獲甚眾四年命嗣領萬人斷西山路會敵遠至大兵不及進而止五年眞拜蔡州團練使趙州部署諭年徙滄州是冬遼人入侵命率所部自齊州抵淄青警備景德初又命與劉漢凝田思明率兵至冀州防邊俄赴澶州行在所會遼人請和復遣還任歷鄆州鳳翔永興部署軍駕幸亳州留爲舊城內同都巡檢使大中祥符七年改號州防禦使邠州環慶副都署卒嗣起行間以勞居方面經百五十餘戰歿兄子信貴並爲左侍禁貴至內殿崇班

曹光實字顯忠孫東都事略雅州百丈人父疇爲蜀靜南軍使控扼岷嶽以捍蠻夷光實少武勇有膽氣輕財好施不事細行意豁如也疇卒光實嗣職遷永平軍節度管內捕盜遊奕使太祖乾德中命王全斌等平蜀俄而盜賊羣起夷人張忠樂者嘗羣行攻劫且憾光實殺其徒黨卒眾數千中夜奄至環其居鼓諷並進光實負其母揮戈突圍出賊眾辟易不敢近賊殺其族三百餘口又發其父墓壞其棺柳光實詣全斌具以事白誓雪冤憤時蜀中諸郡未下乃圖雅州地形要害兼陳用兵攻取之策請官軍先下之全斌乃署光實爲義軍都指揮使殘寇猶據沈黎光實以所部盡平之遂以光實知黎雅二州兼都巡檢使安集勞來蠻族懷之六年全斌遣人貢京師遂言境內安又乞罷義軍歸農太祖喜曰此蜀中傑俊也詔升殿勞問久之以爲黎州刺史開寶三年改唐州刺史及平交廣羣盜未息以光實爲嶺南諸州都巡檢使既至捕逐羣盜海隅以寧太平興國二年就遷本州團練使車駕征河東以光實知威勝軍事令調軍食光實入告願提一旅奮銳先登帝曰資糧事重亦足宣力也河東平命爲汾遼石沁等州都巡檢使改汝州團練使大軍北征與潘美分道出鴈門光實爲前鋒遇敵擊敗之李繼捧入朝也以光實爲銀夏綏麟府豐宥州都巡檢使繼捧弟繼遷逃入蕃落爲邊患光實乘間掩襲至地斤澤停斬甚眾破其族帳獲繼遷母妻及牛羊萬計繼遷僅免使人給光實期某日降於葭蘆川光實信之且欲專其功不與人謀及期繼遷先設伏兵光實遂遇害卒年五十五以其子大理評事克護爲右贊善大夫克恭爲殿直消化二年又錄克己爲奉職後至殿內承制克廣至閣門祇候從子克明

克明字堯卿既生會敵攻百丈縣父光遠遇害姆抱克明匿葭蒲中得免既長喜兵法善騎射從父光實奇之補爲衙內都虞候光實擊敵于葭蘆川戰歿克明時護輜重在後聞光實死懼軍亂祕不發喪令人傳光實令還軍銀州而潛與僕張貴入敵中獲光實尸還葬京師

繇是顯名初蜀人留京師者禁不得還鄉里克明以母老開道歸李順反聞克明將家子且有名欲脅以官克明攜母遁山谷夜止神祠中夢有人叱之起既覺而去賊果至及賊陷雅州克明募眾數萬人以迎王師遂復名山火井夾門東都事略等九縣分兵嘉眉邛三州立七砦以邀賊復收雅州蜀平擢西頭供奉官黎州兵馬監押以餘寇未息權卹州駐泊巡檢峽路潰卒鄧紹等

復起攻雅州克明又平之入朝改內殿崇班為溫台等七州都巡檢使景德中蠻寇邕州改供備庫副使知邕州召左右江蠻洞三十六酋長諭以恩信是歲悉來赴

承天節克明慰拊出衣服遺之感泣而去獨如洪峒恃險不至克明諭兩江防遏使黃原益引兵攻之斬其首領陸不前梟于市宜州澄海軍校陳進反時鬱江暴漲州城摧圯克明伐木為連舫維之水土狀如郭郭又多

張旗幟浮巨楫陳兵其上為守禦備募溪峒兵二千而黃原益亦濟兵千五百將趨象州會巡撫使曹利用約克明會兵行次貴州遇賊大敗之賊平利用專其功代

還真宗問南方事對稱旨賜一子官遷供備庫使江淮兩浙都大提舉捉賊使克明使人捕賊輒出私錢資之以故人人盡力視賊中趨勇者釋縛使還捕其黨前後

獲千餘人知江寧府張詠以其事聞賜錢四十萬領平州刺史知辰州撫水蠻叛徒宜融桂昭柳象邕欽廉白十州都巡檢使兼安撫使既至蠻酋獻藥一器曰藥箭

中人以是解之可不死克明日何以驗之曰請試以雞犬克明日當試以人乃取藥箭刺首股而飲以藥即死羣蠻慙懼而去是年冬安撫都監王文慶馬玉出天河

峇東克明與中人楊守珍出環州樟嶺西磴道危絕林木深阻蠻多伏弩以待玉所向力戰屢敗蠻軍是時朝廷意在招附數詔諭克明而克明亦憚深入屢移文止

玉玉至如門團為蠻所扼不得進克明遷延願望月餘乃至撫水州與知州蒙承貴等約盟而還未幾知桂州兼管勾溪峒公事始置溪峒司又奏闔廣南兩路土軍

為忠敢軍州人覆茅為屋歲多火克明教以陶瓦又激江水入城以防火災代還知滁州徙鼎州會交趾李公

寇寇邕州以文思使復知邕州既至遣人入交趾諭以利害公蘊拜表謝罪遷西上閣門使歷知舒邵三州復徙鼎州卒

張暉幽州大城人後唐清泰初隸控鶴軍累遷奉國驍手都頭晉開運末與武行德奪契丹甲船於河陰行德

領河陽以暉為弩手指揮使復令引兵趨懷州契丹將遁去因領州軍漢祖入汴暉迎於榮陽授懷州刺史乾

祐初鄆州刺史慕容業治多不法以暉為緣漢都巡檢使領唐州屯軍至鄆州即代業還京改鄆州刺史周廣

順初劉崇起兵晉陽召暉為步軍左廂排陣使師還改沂州刺史從世宗征淮甸充壕砦都指揮使俄為西南

面橋道使太祖即位從征澤潞為行營壕砦使先登陷陣事平遷華州團練使在郡頗有治狀建隆二年太原

未下詔入覲問計暉對曰澤潞瘡痍未復軍旅一興恐人力重困不若戢兵息民俟富庶而後為謀朝廷方議

伐蜀遷鳳州團練使兼緣邊巡檢壕砦橋道使暉盡得山川險易因密疏陳之太祖大悅乾德二年大軍西下

乃以暉充西川行營先鋒都指揮使督兵開大散關路躬撫士卒且役且戰人忘其勞至青泥嶺卒天禧五年暉妻年百五歲家貧詣闕自陳詔賜束帛錄其孫永德為三班借職

使又為廬壽光黃等州巡檢使大敗淮人三千餘眾於盛唐縣獲糧船四十餘艘禽其監軍高福果毅指揮使許萬以獻時黃州未下即命超遙領黃州刺史兼樓櫓

戰權右廂都校師還改光州刺史敗吳軍千餘於麻城北顯德四年與王審琦攻舒州敗吳軍三千先禽刺史

施仁望獻於行在即以超為舒州團練使太祖即位命副宋偓領舟師巡撫江徽詔升舒州為防禦以超充使

從太祖討李重進以為前軍步軍都指揮使及平遣歸治所建隆三年遷蔡州防禦使乾德六年改絳州防禦

使徙晉州兵馬鈐轄是秋又副趙贊為邠州行營都部署進攻河東及太祖親征為行營前軍步軍都指揮使

改鄭州防禦使開寶七年朝廷將討江左以超久在淮右習知江山險易徙蘄州防禦使行至淮西卒年七十

一天禧元年錄其孫文質為三班奉職

欽定續通志卷三百十三

列傳

宋十八

何繼筠 承矩 李漢超 守恩 郭進

李謙溥 允則 姚內斌 董遵誨

賀惟忠 馬仁瑀

何繼筠字化龍河南人父福進歷事後唐至周累官忠武成德天平三節度繼筠幼時與羣兒戲必分行伍為戰陣之象首初補殿直周祖討三叛表繼筠從行賊平改供奉官廣順初補進鎮真定署衙內都校嘗領偏師出土門與并人戰以功領欽州刺史契丹將高模翰率二千騎擾深冀以葦椹度胡盧河繼筠與虎捷都指揮使劉誠誨率兵拒之至武強獲老稚千餘人模翰遁去俄隨福進入朝為內殿直都知福進卒起復為濮州刺史領兵戍靜安軍契丹內侵繼筠逆擊敗之改棣州刺史世宗征瓦橋關命繼筠以所部兵出百井道破并人數千軍太祖建隆二年升棣州為團練以繼筠充使三年命為關南兵馬都監乾德四年加本州防禦使開寶元年命昭義節度李繼勳等征太原以繼筠為先鋒部署至澗河與并人遇擊走之奪汾河橋敗其眾於城下獲馬五百匹擒其將張環石贊按東都事略長以獻二年春太祖親征晉陽契丹來援繼筠時屯兵陽曲縣驛召至行在所授以方略命將精騎數千赴石嶺關拒契丹謂之日翌日亭午俟卿來奏捷也至期帝御北臺以俟見一騎自北來亟遣逆問之乃繼筠子承睿來獻捷生擒刺史二人按長編作擒其武俘獲甚眾初并人恃契丹為聲援及捷奏太祖命以所獲首級鎧甲示城下

并人喪氣繼筠以功拜建武軍節度判棣州三年來朝詔賜駝馬戎仗成邊四年來朝疽發背車駕幸其第賜資甚厚未幾卒年五十一帝謂侍臣曰繼筠捍邊有功朕不早授方鎮者慮其數奇耳今繼筠節制果至淪沒可惜也贈侍中令以生平所佩劍及介冑同葬繼筠深沉有智略前後備邊二十年與士卒同甘苦得其死力善揣邊情邊人畏伏多畫像祠之子承矩按宋史此卿傳及進卿子延廷附傳並楊美傳俱無事蹟足錄今從刪承矩字正則功為棣州衙內指揮使從繼筠討劉崇擒其將胡澄以獻開寶四年授開府副使太平興國三年漳泉陳洪進納土詔承矩乘傳監泉州兵會仙遊莆田百丈寇賊嘯聚承矩與喬惟岳王文寶討平之以功就遷開府使疏為政之害民者數十事上之悉被容納會改使名即為崇義使五年知河南府時調丁男百十輩轉送上供綱承矩以為橫役奏罷其事徙知潭州凡六年固固屢空詔嘉獎之入為六宅使端拱元年領潘州按東都事略隆平集俱作淄州刺史命護河陽屯兵米信知滄州以其不習吏事命承矩知節度副使實專郡治時契丹撻邊承矩請於順安砦西開易河蒲口導水東注於海東西三百餘里南北五七十里資其陂澤築隄貯水為屯田可以遏敵騎之奔軼俟期歲間關南諸泊悉壅闕即播為稻田為禦邊之要策太宗嘉納之屬霖雨為災典者多議其非便承矩引援漢魏至唐屯田故事以折眾論務在必行乃以承矩為制置河北緣邊屯田使俾董其役事具食貨略由是自順安以東瀕海廣袤數百里悉為稻田而有莞蒲屨蛤之饑民賴其利活化四年擢為西上閤門使知滄州踰年徙雄州承矩推誠御眾同其

甘苦邊民有苦機事者屏左右與之款接無所猜忌故契丹動息皆能前知至道元年契丹精騎數千夜襲城下伐鼓縱火以逼樓堞承矩整兵出拒遲明列陣酣戰久之斬敵甚眾擒其酋所謂鐵林相公者契丹遁去是年府州嘗敗契丹眾承矩條殺獲以諭州民或揭於市契丹愧忿故有是役太宗意其輕率寇致復命與滄州安守忠兩換其任魏廷式使河北得雄州功狀朝廷遣使覈實將士始獲推賞真宗嗣位復遣知雄州咸平二年契丹南侵屢遣內侍以密詔問禦遏之計密封以獻嘗詔聽邊民越拒馬河交市承矩上言自洶河至泥姑海口屈曲九百餘里此天險也太宗置砦十六鋪百二十五廷臣十一人戍卒三千餘部舟百艘往來巡警以屏姦詐則緩急之備大為要害今聽公私貿易則人馬交度深非便宜且砦鋪皆為虛設矣疏奏即停前詔屢被手札褒飭三年召還拜引進使州民詣闕貢馬乞借留承矩詔書嘉獎復遣之承矩言昨者契丹入侵高陽一路東負海西抵順安土庶安居即屯田之利也順安至西山地雖數軍路纔百里縱有邱陵岡阜亦多川瀆泉源因而廣之制為塘球自可息邊患矣又請於邊郡置營召募不須品度人才止求少壯有武藝者萬人俟契丹有警令智勇將統而用之又請復設緣邊權場以惠契丹縱有渝信犯盟亦不之廢大臣文武中別有良謀者請委之邊任使施方略責以成功又建議選銳兵於乾寧軍挽刀魚船自界河直趨平州境以牽西面之勢五年詔兼領制置屯田使始建權場或者謂承矩意在繼好然契丹無厭未足誠信徒使公行窺伺會契丹有殺斥候卒者復罷之時契丹數窺邊城大浚渠頗捷

其役詔承矩握兵深入其境以分其勢承矩以無騎兵第遣數千卒出混泥城襲之而還景德元年入朝進領英州團練使出知澶州承矩自守邊以來嘗欲朝廷懷柔遠人為息兵之計及是與契丹修好真宗益善其有謀明年復知雄州是歲契丹遣使奉幣承矩上言朝廷待之以禮宜得中庶可久也真宗嘉納仍聽事有未盡者便宜裁處三年真拜雄州團練使時邊兵稍息農政未修又置緣邊安撫使命承矩為之且詔邊民誘其復業承矩曰契丹聞之必謂誘其部屬也乃易詔文為水旱流民之意王欽若時知樞密援漢蠱達周仲居改詔請罪承矩帝曰承矩任邊有功當優假之第詔自今朝旨未便者奏稟進止承矩頗有識鑒典長沙日李沆王旦為佐承矩厚待之以為有公輔器善推步自知冥數乃以老疾求僻郡詔自擇其代承矩以李允則為請乃授承矩齊州團練使遣之任至郡裁七日卒年六十一

特贈相州觀察使按東都事略以其子龜齡為侍禁昌齡九齡為殿直遐齡為齋郎緣邊洎涿易州民間承矩卒皆相率詣雄州發哀昌齡娶齊王女太和縣主至內殿崇班昌齡子象中為閤門祇候
李漢超字顯忠據東都事略雲州雲中人始事鄴帥范延光不為所知又事鄴帥高行周亦不見親信會周世宗鎮澶淵漢超遂委質焉即位補殿前指揮使三遷殿前都虞候太祖即位改散指揮都指揮使領綿州刺史累遷控鶴左廂都校領恩州團練使從平李重進尋遷齊州防禦使兼關南兵馬都監漢超仕關南人有訟漢超強取其女為妾及貨而不償者太祖召而問之曰汝女可適何人曰農家也又問漢超未至關南契丹如何曰歲

苦侵暴曰今復爾耶曰否太祖曰漢超朕之貴臣也為其妾不猶愈於農婦乎使漢超不守關南尚能保汝家之所有乎責而遣之密諭漢超曰亟還其女并所貸朕姑貴汝勿復為也不足於用何不以告朕耶漢超感泣誓以死報在郡十七年政平訟理吏民愛之詣闕求立碑頌德太祖詔率令徐鉉撰文賜之霸州監軍馬仁瑀嘗兄事漢超多自肆擅發麾下卒入遼境剽奪人口羊馬由是二將交惡太祖慮其生變遣中使賜漢超仁瑀金帛令和解之太平興國初遷應州觀察使判齊州仍為關南巡檢二年八月卒於屯所太宗甚悼惜贈太尉忠武軍節度漢超善撫士卒與之同甘苦死之日軍中皆流涕子守恩

守恩少驍果善戰有父風太祖親征太原漢超為北面行營都監守恩從父軍中會契丹遣兵援河東至定州西嘉山將入土門守恩領牙兵數千騎戰敗之太祖謂左右曰此稚子能若是他日將帥才也漢超卒擢為驍猛軍校累官至隴州刺史知靈州與轉運使陳緯部芻糧過瀚海為賊所邀守恩及子廣文助教象之隴州衙內指揮使望之弟奇班守忠皆沒真宗聞之震悼特賜守恩洪州觀察使次子祐之順之用之潤之慶之成之藏之

討平羣盜部內清肅民吏千餘人詣闕請立屏盜碑許之顯德初改衛州河朔盜匪汲郡山谷間為民患進以計薙滅之郡民又請立碑記其事改洺州團練使有善政郡民復詣闕請立碑頌德特詔左拾遺鄭起撰文賜之進嘗於城四面植柳壕中種荷芡蒲菰後益繁茂郡民見之有垂涕者曰此郭公所種也太祖即位親征澤潞遷本州防禦使充西山巡檢嘗與曹彬王全斌入太原境獲數千人開寶二年太祖親征河東以進為行營前軍馬軍都指揮使九年命將征河東以進為河東道忻代等州行營馬步軍都監招徠山後諸州民三萬七千餘口太平興國初領雲州觀察使判邢州仍兼西山巡檢四年車駕將征太原先命進分兵控石嶺關為都部署以防北邊契丹果入侵進擊敗之攻破西龍門岩俘賊來獻自是井人奪氣時田欽祚護石嶺軍恣為不法進雖力不能禁亦屢形於言進武人性剛烈戰功高欽祚以他事侵之心不能甘自經死年五十八欽祚以暴卒聞太宗悼惜久之贈安國軍節度後頗聞其事因罷欽祚內職出為房州團練使進有材幹輕財好施御下嚴毅在西山時太祖遣戍卒必諭之曰汝輩謹奉法我猶貸汝郭進殺汝矣嘗有軍校自西山詣闕誣進陰

通太原將有異志太祖遣使送與進令殺之進釋不問使禦并寇曰汝有功即薦汝於朝敗則勿來也其人果用命立功而還進即奏授以官太祖從之初開寶中太祖令有司造宅賜進悉用箬瓦有司言舊制非親王公主之第不可用帝怒曰進控扼西山十餘年使我無北顧憂我視進豈減兒女耶亟往督役無妄言太平興國初又賜宅一區按宋史此下有牛思進傳無事蹟足錄今從刪

李謙溥字德明并州孟人少通左氏春秋歷仕晉漢爲
供奉官周廣順初遷供備庫副使世宗征劉崇遠州刺
史張乙堅壁不下遣謙溥單騎說之乙以城降以功改
開府使師還留爲晉州兵馬都監以偏師屢挫太原會
陽州刺史孫義卒時世宗親征淮南謙溥謂節帥楊廷
璋曰大監咽喉要地不能關守且車駕出征若俟報則
孤城陷矣廷璋即署謙溥權隰州事至郡亟命浚城隍
嚴兵備未旬日而并人果以數千騎來寇方盛夏謙溥
單衣揮扇從二小吏登城徐步按視戰具并人退舍後
旬餘大發衝車攻城謙溥募敢死士得百餘人短兵堅
甲銜枚夜絕出城會廷璋兵至合勢夾攻掩其不及并
人大擾悉眾遁去追北數十里時顯德四年也明年五
月攻克孝義縣以功領衡州刺史監軍如故世宗北征
召赴行在恭帝即位爲澶州巡檢使詔城莫州數旬而
就改丹州刺史太祖建隆四年移慈州兼晉隰緣邊都
巡檢行石州事以興同若爲治所太祖命四路進兵略
地太原鄭州刺史孫延進絳州刺史沈繼深通事舍人
王睿等師出陰地以謙溥爲先鋒會霍邑謙溥爲畫攻
取之策眾不能用軍還出白壁關次谷口又謂諸將曰
王師深入敵境今既退兵彼必乘我當備之諸將亦不
答謙溥獨令所部擐甲俄追騎果至延進等倉皇走谷
中獨謙溥麾兵拒之并人遂却復移隰州刺史開寶元
年命李繼勳等征太原以謙溥爲汾州路都監太祖征
晉陽爲東砦都監前軍副部署黨進遣謙溥伐木西山
以給軍用未至聞鼓聲乃并人逼西砦大將趙贊等之
并眾未退謙溥所部赴之太祖遽至觀戰怪其赴援
者非精甲問之乃謙溥也帝甚喜謙溥在州十年敵人

不敢犯境有招收將劉進者勇力絕人謙溥撫之厚藉
其死力往來境上屢以少擊眾并人患之爲蠅丸書以
間進伴遺書道中晉帥趙贊得之以聞太祖令械進送
關下謙溥詰其事進伏請死謙溥曰我以舉家四十口
保汝矣即上言進爲并人所惡此乃反間也奏至帝悟
遽令釋之賜以禁軍都校戎帳服具進感激願擊敵自
效開寶三年召謙溥爲濟州團練使會邊將失律復爲
晉隰緣邊巡檢使邊民皆喜爭相迎勞於道左六年領
兵入太原連拔七砦八年以疾求歸京師疾篤累上章
辭祿不許明年卒年六十二謙溥與宣祖同里開弟謙
昇與太祖爲布衣交其母聞嘗厚待太祖及即位數迎
入宮中使左右掖之不令拜命坐飲食語及舊故賜資
優厚雍熙中太宗爲許王納謙昇女爲夫人以謙昇爲
如京副使謙溥子允則允正從子允恭爲內殿崇班閤
門祿候

允則字垂範少以才略聞歷知潭滄雄鎮潞州嘗奏除
潭州諸弊政又湖湘山田民不耕懇允則下令給諸軍
芻皆輸粟藁由是山田遂無遺地初至滄州葺營壘多
開井泉言者以爲擾未幾被兵近郊老幼皆入城保而
水不乏眞宗嘉之雄州居民惟結茅允則教以陶又合
外舊瓮城與大城爲一始創開城焉增廣閣承翰所修
屯田列隄道以通安肅廣信順安軍所以設險者蓋備
契丹機密事動息皆知之當時邊臣無及者景德以後
國信往還議制及所費用皆其所裁定智識開敏處事
審當其方略施設雖游觀亭傳莫不有所寓也官至靈
州防禦使卒據東都事略增

得升殿奏事太宗頗記憶其舊故雍熙中與張平同掌
三班俄爲閤門祿候四年爲閤門通事舍人時女弟適
許王以居第質于宋偃太宗詰之曰爾父守邊二十餘
年止有此第何以質之允正具以奏即遣內侍輩錢贖
還縉紳多賦詩美之淳化中命討戎澶州叛營還西上
閤門副使又提點左右藏庫乘傳北面經度邊要五年
爲衛州修河部署會建清遠軍積石砦命詣瀚海部分
其役還拜西上閤門使并州駐泊鈐轄俄代張永德知
州事徙代州咸平初使西蜀詢訪民事還進秩東上閤
門使歷知鎮莫二州又爲并代馬步軍鈐轄契丹擾邊
車駕駐大名允正與高瓊率太原軍出土門路來會召
見便殿所部有廣銳騎士數百皆素練習命允正引以
入賜緡錢遣屯邢州與石保吉逐遼人遼人遁去俄以
兵會大名復還并代五年合涇原儀渭邠靈環慶路爲
一界命黃漢忠爲都部署驛允正爲鈐轄兼安撫都
監即日上海道又命與錢若水同詣洪德懷安沿邊諸砦
經度邊事加領誠州刺史罷兩路之職復任并代鈐轄
每錢若水按巡邊壘即詔權涖州事進四方館使代馬
知節爲鄜延都部署兼知延州改客省使知定州兼鎮定
都鈐轄大中祥符三年累表求還至京師將祀汾陰以
疾難於扈從命爲河陽部署以便養會張從賁卒趙德
明頗踰軼亟詔徙允正爲鄜延都部署內使密詔存諭禮
成領河州團練使允正頗知書性嚴毅疏財喜自修飭
素病痾僕以是罕在要近累典邊任多殺戮是秋移知
永興軍卒年五十一

降世宗以為汝州刺史內斌本名犯宜祖諱下一字遂改今名太祖即位從平李筠改號州刺史西夏數犯西鄙為慶州刺史兼青白兩池權鹽制置使在郡十數年夏人畏伏不敢犯塞城內斌為姚大蟲言其武猛也初內斌降其妻子皆在契丹乾德四年子承贊密自幽州來歸太祖並召見賜以衣服緡錢鞍馬令中使護送還內斌開寶四年召赴闕帝待之甚厚遣歸治所七年暴得疾卒年六十四子承贊為供奉官開門祇候死于陣承鑒至殿中丞

董遵誨涿州范陽人父宗本嘗事契丹帥趙延壽及延壽被執舉族南奔漢祖得之擢拜隨州刺史署遵誨隨州牙校周顯德初世宗北征大將高懷德遵誨之舅也表遵誨從行師次高平與晉人遇將接戰晉兵未成列懷德命遵誨先出奇兵擊之晉人潰大軍繼進遂敗之二年討秦鳳大將韓通又表遵誨自隨與賊戰于唐倉先登陷陣擒蜀招討使王鸞以獻秦鳳二州師還錄其前後功補東西班押班又遷驍武指揮使四年從征淮南下合肥又從韓通平雄霸二州太祖徵時嘗客遊至漢東依宗本遵誨憑藉父勢太祖每避之遵誨嘗謂太祖曰每見城上紫雲如蓋又夢登高臺遇黑蛇約長百尺餘俄化龍飛騰東北去雷電隨之是何祥也太祖皆不對他日論兵戰事遵誨理多屈拂衣而起太祖乃辭宗本去自是紫雲漸散及即位一日便殿召見遵誨伏地請死帝令左右扶起因論之曰卿尚記往見紫雲及化龍之夢乎遵誨再拜呼萬歲俄有部卒擊登聞鼓訴其不法十餘事太祖釋不問遵誨益惶愧待罪太祖

召諭之曰朕方赦過賞功豈念舊惡耶汝可勿復憂吾將錄用汝遵誨再拜感泣時遵誨母在幽州經患難睽隔太祖令人賂邊民竊迎其母送與遵誨遵誨遣外弟劉綜貢馬以謝太祖解所服真珠盤龍衣命齋賜之綜曰遵誨人臣豈可當此太祖曰吾方委以方面不此嫌也從慕容延鈞討李筠遷馬軍都軍頭因留鎮澤潞三年召歸遷散員都虞候乾德六年以西夏近邊投通遠軍使遵誨指論諸族酋長論以朝廷威德到羊醜酒冥犒甚至眾皆悅服後數月復來擾邊遵誨率兵深入其境擊走之俘斬甚眾獲牛馬數萬夷落以定太祖嘉其功就拜羅州刺史如故太宗即位兼領靈州路巡檢遵誨諭達無崖岸多方略能挽強命中武藝皆絕人在通遠軍凡十四年安撫一面夏人悅服嘗有剽略靈武進奉使鞍馬兵器者遵誨部署帳下欲討之夏人懼盡歸所略拜伏請罪遵誨即慰撫令去自是各謹封略秋毫不敢犯歷太祖太宗朝委遇始終不替許以便宜制軍事太平興國六年卒年五十六錄其子嗣宗嗣榮為殿直

賀惟忠沂州定襄人少勇敢善騎射周祖將兵討三叛惟忠謁於道左自陳有武藝周祖悅之即留置所部泊開國得隸世宗帳下奏補供奉官不辭而去世宗怒之及嗣位終不遷擢初授儀鸞副使令知易州捍邊有功尋遷正使開寶二年太祖駐常山以惟忠為本州刺史兼易定祁等州都巡檢使嘗中流矢金瘡發而卒太祖聞之嗟悼即以其子昭度為供奉官惟忠性剛果知書洞曉兵法有方略在易州繕完序障撫士卒得其死力每乘塞用兵所向必克威名震北邊故十餘年間契丹

不敢南牧昭度至西京作坊使淳化中知通遠軍有罪當棄市減死流商州馬仁瑀大名夏津人少與羣兒戲為行陣之狀自稱將軍日與之約鞭其後期者羣兒皆畏伏及長善射挽弓三百斤漢乾祐中周祖鎮鄆仁瑀年十六願隸帳下周祖素聞其勇既見甚喜留置左右廣順初補內殿直世宗親征劉崇至高平周師不利諸將多引退仁瑀謂眾曰主辱臣死安用我輩乃控弦躍馬挺身出陣射賊斃者數十人士氣益振大軍乘之崇遂敗績擢為弓箭控鶴直指揮使還京又遷散指揮使從征淮南至楚州攻水砦砦中建飛樓高百尺餘世宗觀之相去殆二百步樓上望卒厲聲罵罵世宗怒甚命左右射之遠莫能及仁瑀引滿應弦而頭及淮南平身被數十創遷內殿直都虞候又從平三關太祖即位以佐命功授散員都指揮使累遷領扶州團練使從平澤潞以功領常州防禦使建隆二年改領岳州俄又改領漢州初詔仁瑀等領荆湖諸郡不數歲復其地至是將征蜀又詔領川峽諸郡遂平之先是辭居正知貢舉仁瑀私囑所與者榜出無其人聞喜宴日仁瑀酒酣攜所囑者詣居正切責之為御史中丞劉溫叟所劾帝優容之又與后族王繼勳忿爭各勒所部兵欲相圖太祖密知之出仁瑀為密州防禦使太祖征晉陽命仁瑀率師巡邊至上谷漁陽契丹素聞仁瑀名不敢出因縱兵大掠俘生口牛羊數萬計駕還仁瑀歸治所明年羣盜起兗州賊首周勳毛襲甚勇悍材貌奇偉監軍討捕數不利詔仁瑀掩擊仁瑀率帳下十餘卒入泰山擒勳盡獲其黨魯郊遂置開寶四年遷瀛州防禦使兄子嘗因醉謀殺平民繫獄當死

民家自言非有宿憾但過誤爾願以過失殺傷論仁瑀
曰我爲長吏而兄子殺人此怙勢爾非過殺也豈敢以
私親而亂國法哉遂論如律給民家布帛爲棺殮具太
平興國初移知遼州四年車駕從征太原有功又從成
州刺史慕容超飛龍使白重貴入作使李繼昇分兵攻
城及征范陽敗契丹於盧龍北契丹兵奔潰師還遷朔
州觀察使判瀛州事七年卒年五十贈河西兵節度使
按東都事略作
贈河西觀察使

列傳

宋十九

王贊

盧懷忠

張延通

史珪

田欽祚

侯贊

翟守素

劉福

安守忠

孔守正

譚延美

元達

常思德

尹繼倫

薛超 丁罕

李斌

田仁朗

王贊澶州觀城人少為小吏累遷本州馬步軍都虞候周世宗鎮澶淵旬決囚贊引律令辨析中理問之知其營事學問即署右職及即位補東頭供奉官累遷右驍衛將軍三司副使時張美為使世宗問京城衛兵歲廩幾何美不能對贊代奏甚悉美因是銜之及征關南言於世宗以贊為客省使領河北諸州計度使五代以來姑息藩鎮有司不敢繩以法贊所至發擿姦伏無所畏忌振舉綱領號為稱職由是邊臣切齒師還復為三司副使太祖建隆初始平李重進太祖素知贊材幹可委以完葺即令知揚州既行舟覆於閻橋下溺死親屬隨沒者二人帝甚嘆悼謂左右曰溺吾樞密使矣蓋將大用也 按宋史此下有張保領趙琪二傳無事蹟足錄今並從刪

盧懷忠瀛州河間人少有膂力善騎射漢乾祐初寓居河中值李守貞之叛周祖圍其城懷忠夜踰城出見陳攻取便宜河中平奏補供奉官從征慕容彥超於兗州顯德初監沂州軍以所部破海州功居多世宗議北征先遣懷忠按視出師道路三關平遷如京副使太祖即位遷內酒坊副使會朗州軍亂太祖將出師致討遣懷

忠使荆南因謂曰江陵人情去就山川向背我欲盡知之懷忠使還奏曰繼沖甲兵雖整而控弦不過三萬年穀雖登而民苦暴斂南邇長沙東距金陵西迫巴蜀北奉朝廷觀其形勢蓋日不暇給取之易耳太祖召宰相范質等謂曰江陵四分五裂之國今出師湖南假道荆渚因而下之萬全策也太祖即以懷忠為前軍步軍都監荆湖平以功遷內酒坊使乾德二年改判四方館事知江陵府四年王師伐蜀江陵當峽江會衝以供億之勞遷客省使又明年使江南 按長編載開寶元年八月於北漢也不言其使江南還中途遇疾至京師未幾卒年四十九大中祥符四年錄其子熙為校書郎 按宋史王繼勳丁德裕二傳無事蹟足錄今並從刪

張延通潞州潞城人父彥成周右金吾衛上將軍延通性穎悟有才幹蔭補供奉官太祖即位歷通事舍人遷東上閤門副使開寶中為西川兵馬都監太祖以蜀寇未平命同內客省使丁德裕引進副使王班內臣張嶼領兵屯蜀部德裕頗專恣延通面質其短德裕銜之又與張嶼不協延通亦為和解德裕疑延通與嶼為黨益不悅會太祖征太原有使自行在至備言太祖當盛暑躬冒矢石勞頓萬狀延通曰主上勤勞若此而吾輩日享安樂蓋言不自安也德裕不答會張嶼先歸關太祖賜予甚厚延通德裕繼至則召延通顧問而待德裕稍薄德裕頗疑懼遂奏延通嘗對眾言涉指斥且多不法事指嶼為黨太祖怒即收延通張嶼及王班下御史臺鞫之延通等引伏太祖始欲捨之及引問延通抗對不遜遂斬之嶼班并內臣王仁吉並杖脊嶼配流沙門島班許州仁吉西密務時開寶二年也 按宋史此下有梁迪傳無事蹟足錄

今從

史珪河南洛陽人父暉晉嚴衛指揮使珪少以武勇隸軍籍周顯德中為小校太祖領禁衛以珪給事左右及即位用為御馬直隊長四遷馬步軍副都軍頭兼控鶴弓弩大劔都指揮使開寶六年加都軍頭領毅州刺史太祖初臨御欲周知外事令珪博訪珪廉得數事白於帝驗之皆實由是信之後乃漸肆威福民有市官物不當價者珪告其欺罔當實法列肆無不側目帝聞之曰將禁其二價宜示以明文自今應市易官物有妄增價直欺罔官錢者按鞫得實並以枉法論其犯在詔前者不問自是珪不復敢言時德州刺史郭貴知邢州國子監丞梁夢昇知德州貴族人親吏之在德州者頗為姦利夢昇以法繩之貴素與珪善遣人以其事告珪圖去夢昇珪悉記於紙將伺便言于帝一日帝因言邇來中外所任皆得其人珪遽曰今之文臣亦未必皆善乃探懷中所記以進曰祇如知德州梁夢昇欺蔑刺史郭貴幾至於死帝曰此必刺史所為不法夢昇真清強吏也因以所記紙付中書曰即以夢昇為贊善大夫既又曰與左贊善珪以譖不行居常怏怏尋坐漏洩禁中語出為光州刺史會歲饑淮蔡民流入州境珪不待奏即開倉減價以糶所全活甚眾太平興國初以為揚楚等九州都巡檢使四年征太原命珪與彰信軍節度劉遇攻城北面從征幽州坐所部逗撓失律責授定武行軍司馬數月召為右衛將軍領平州刺史普浚惠民河自尉氏達京九十里數旬而畢民咸便之受詔捕獲江淮盜劉謀首遷隰州刺史知保州靜戎軍上緣邊便宜十五事皆從之雍熙中從曹彬征幽州為押陣部署以所部

下涿州師還卒年六十一珪多智數好以甘言小惠取譽於人故所至不忍其去云

田欽祚潁州汝陰人在漢為殿直改供奉官周世宗征淮南為前軍都監從征關南還會塞澶淵泃河命欽祚領禁兵護役因令督治澶州城准人寇高密刺史王萬威求濟師命欽祚領兵援之既至圍解太祖即位遷閣門通事舍人乾德二年討蜀為北路先鋒都監令乘傳往來官達機事孟昶降奉捷書馳奏遷西上閣門副使蜀土寇亂又遣欽祚率師討平之四年并人寇樂平從羅彥瓌拒之欽祚獨以所部三千人破寇擒副將一人俘獲甚眾以功遷西上閣門使開寶二年又與何繼筠破敵于石嶺關領賀州刺史判四方館使三年契丹擾中山以欽祚為定州路兵馬都部署與戰遂城自且及哺殺傷甚眾欽祚馬中流矢踏騎士王超授欽祚以馬軍復振敵解去朝廷將議討江表遣欽祚規之還奏合旨江南所得寶貨直三千萬悉賜欽祚會興師首命欽祚與曹彬李漢瓊率騎軍先赴江陵就命為昇州西南路行營馬軍兼左廂戰懼都監敗吳軍萬餘于溧水斬其主帥李雄等五人擒裨將二人進圍金陵為南面攻城部署既平以功加領汾州防禦使太平興國初遷引進使為晉州都鈐轄太原驍將楊業率眾寇洞縣欽祚擊敗之斬獲盈千太宗賜欽祚白金五千兩令市宅四年從征太原護前鋒騎兵屯石嶺關以并契丹欽祚性剛戾數陵其主帥郭進進戰功高屢為欽祚所陵心不能甘遂自經死語詳郭進傳初賊兵奄至進出戰欽祚但閉壁自守既去又不追所受月奉芻粟多販鬻規利為部下所訴責授睦州團練使太宗北巡以為幽州

西路行營壕砦都監六年改房州團練使累遷銀夏綏宥都巡檢使俄召還會征幽州命為排陣使時欽祚已被病受詔不勝喜甫一夕卒欽祚性陰狡不喜儒士好狎侮同列人多惡之子承誨仕至供奉官閣門祇候承說至崇儀副使

侯贊并州太原人父義漢遼州刺史贊以蔭補殿前承旨周顯德中遷供奉官江南復命領三門集津發運使太祖即位為諸衛將軍先是朝廷歲仰關中穀麥以給用贊掌其事歷三十年國用無闕累遷至右武衛將軍開寶中歷知建安軍揚徐二州皆有善政太宗即位移知福州改右衛將軍太平興國二年錢俶初納土詔贊馳往兩浙諸州閱視軍儲芻茭累遷右衛大將軍七年知靈州按視蕃落宴犒以時得邊土心部內大治遷左衛在朔方凡十餘年帝念久次求可代者而難其人道化三年卒于官年七十四贈本衛上將軍按宋史此下文寶平泉州盜事已附見揚克讓傳中他無事蹟足錄今從刪任為殿直歷漢周遷供奉官領承天軍使按隆平集作任周至刺史太祖乾德中為引進副使從王全斌伐蜀以往來馳告軍事為職蜀平擢判四方館以兩川餘寇未殄慮致騷動再令守素入蜀經略諸郡分兵以防遏之開寶中會麟府內屬戎人爭地不決因致擾亂詔守素馳往撫諭守素辨其曲直戎人悅服從征太原命海州刺史孫方進圍汾州守素監其軍轉引進使尋命為劔南十州都巡檢使太宗即位遷客省使領憲州刺史太平興國三年河決滎陽詔守素發鄆之丁夫千五百人與卒千人領護塞之是秋梅山洞蠻恃險叛命遣守素率諸州屯

兵往擊之值霖雨彌旬弓弩解弛不堪用明日將接戰守素一夕令削木為弩及且賊奄至交射之賊遂敗乘勝逐北盡平其巢穴先是數郡大吏富人多與賊帥包漢陽交通既而得其書訊數百封守素並焚之反側以定俄而錢俶納土詔守素為兩浙諸州兵馬都監安撫諸郡旋命知杭州歲滿為西京巡檢使秦王廷美以事勒歸私第以守素權知河南府兼留守司事屬洛陽歲早艱食多盜帝憂之守素至漸以宣息未幾遷商州團練使雍熙二年改知延州自劉廷讓敗于君子館河朔諸州城壘多圯四年詔守素與田仁朗王繼恩郭延濟分路按行發諸州鎮兵增築護其役賜白金三千兩留充天雄軍兵馬鈐轄知大名府改知潞州會建方田命為代北方田都部署并州兵馬鈐轄徙屯夏州改知鳳翔府高化中夏帥趙保忠上言其弟繼遷誘戎人為寇且求援師詔守素率兵復屯夏州未幾又徙石州以老病上疏求歸本郡從之三年卒年七十一守素遇事四朝綿歷內職五十餘年性敬慎寬仁容眾所至有治績凡斷大辟獄雖眾狀明白仍徧詢僚案命同而後決屬吏有過不面折但援往事之相類者以徵警之新進後生多至節帥而守素久次不遷殊無頌意時論以此多之按宋史此下有王侁劉審瓊二傳無事蹟足錄今並從刪劉福按隆平集徐州下邳人少倜儻魁岸有膂力周顯德中世宗征淮南福徒步謁見于壽春世宗奇之因留麾下每出戰則令福率衛士為先鋒與破紫金山砦淮南平錄功授懷德指揮使太祖即位遷橫海指揮使率所部隸步帥劉光毅由峽路征蜀比至成都孟昶已降大將王全斌部送降卒歸京師至綿州降卒盜庫兵劫

蜀舊將全師雄叛福與龍捷指揮使田紹斌夾擊之賊
眾大潰斬首及溺江死者以萬計以功授虎捷都虞候
繼隸曹彬麾下平江南還授指揮使領蔚州刺史從太
宗克并汾遷馬步都軍頭武州團練使端拱初出為涪
州防禦使二年改雄州兼本州兵馬都部署雄州地控邊
塞常屯重兵福至部按行城壘調鎮兵以給繕完出私
錢以資募犒寇雖大至而恃以無恐淳化初遷涼州觀
察使判雄州事二年卒年六十四贈太傅按隆平集作
卒贈節度使
福雖不學而御下有方略為政簡易人甚德之領雄州
五年郡境寧謐福既貴諸子常勸起大第福怒曰我受
祿厚足以儉舍庇汝曹既無尺寸功報朝廷豈可營度
居室為自安計乎卒不許既死帝聞其言賜其子白金
五千兩使市第宅

安守忠字信臣并州晉陽人父審琦周平盧軍節度封
陳王晉天福八年審琦出領山南東道以守忠為牙內
指揮使領繡州刺史周顯德四年改教養庫使會淮南
初下令守忠馳往宣諭時蕃臣驕蹇遇朝使多簡傲守
忠抗以正禮不辱命未幾改衛州刺史太祖即位入為
左衛將軍建隆四年湖南初平命為永州刺史乾德中
護河陰屯兵蜀平太祖知遠俗苦苛虐南鄭為走集之
地故特命守忠知興元府以撫綏之四年改漢州刺史
時寇難甫平使車旁午公帑不足守忠出私錢以給用
每遣使太祖必戒之曰安守忠在蜀能律己以正汝行
見之當效其為人也開寶初改漢州刺史會何決澶州
命守忠副潁州團練使曹翰護役河決遂塞五年知遼
州民有陰召并寇謀內應者事泄守忠悉斬以徇九年
命將征太原守忠受詔與孫奭宣由遼州入既而與路

羅峇監押馬繼恩遇乃相與會兵入賊境燔燬四十餘
獲牛羊數千議將深入會帝崩乃班師太平興國初移
知靈州在官凡七年雍熙二年改知易州徙夏州每西
戎犯邊戰無不捷錄功就拜濮州團練使端拱中知滄
州改瀛州兼高陽關駐泊部署遷瀛州防禦使初守忠
嘗夢一漢字方丈餘及領是郡幾二十年於是始悟滄
化二年徙知雄州方與僚佐宴飲有軍校謀變擐甲及
闔閭者倉卒入白守忠言笑自若徐顧坐客曰此輩酒
狂爾擒之可也人服其量明年加耀州觀察使兼判雄
州未幾召還奏邊事稱旨五年又知滄州至道初移雄
州三年復知滄州拜感德軍節度觀察留後徙宋州兼
制置營田使威德兼著吏民不忍其去咸平三年入觀
遣還未行暴卒年六十九贈太尉錄其子繼昌為供備
庫副使增王世及為光祿寺丞守忠謹愨淡薄為治簡
靜太祖居藩日素相厚善及受禪後每優任之守忠處
之益謙從征太原多與謀略人罕知之者所至藩郡樂
施子豐宴犒且喜與士大夫遊從故時論多與之

孔守正開封浚儀人周世宗征淮南以材勇選為東班
承旨太祖即位補內殿直兼領驍雄吐蕃指揮從劉廷
翰平蜀還遷驍雄副指揮使開寶中征太原守正隸何
繼筠麾下會契丹遣兵來援晉陽守正大敗契丹兵於
石嶺關獲其將王破得時王師之陷敵者數百人守正
以騎軍馳之盡奪以還太平興國中累遷日騎東西班
指揮使從太宗親征晉陽守正分主城西洞屋領步卒
大呼先登繼與內侍蔡守恩等率騎兵力戰晉軍遂潰
從征范陽至金臺驛詔與劉仁蘊先趨岐溝關時城未
下守正夜超垣度鹿角臨橫橋以大軍將至說關使劉

禹按長編作東易州刺史劉禹蓋
契丹名岐溝關曰東易州也使降禹解懸橋守正
送入城撫諭其軍民以城守屬慕廷朗而已赴行在時
契丹兵在涿州東守正與傅潛率御前東西班分兩陣
馳擊之逐北二十餘里降其羽林兵數百人繼與高懷
德劉廷翰合兵追之至桑乾河契丹自是不敢近塞以
勞再遷日騎都指揮使領滿州刺史端拱初遷龍衛都
指揮使領長州團練使出鎮真定旋為潁州防禦使太
宗以其練習戎旅特置龍衛神衛四廂都指揮使以授
之改領振州防禦使明年拜殿前都虞候領容州觀察
使一日侍宴北苑守正大醉與王榮論邊功于帝前忿
爭失儀侍臣請以屬吏弗許翼日俱詣殿廷請罪帝
曰朕亦大醉漫不復省遂置不問俄命為定州行營副
部署受詔詣保州軍開道遇敵于曹河與戰數合梟首
三十餘獲馬五十四帝聞而壯之淳化初擢高陽關副
都部署軍中小將有管其校長者守正械送闕下未嘗
專決焉明年護浚惠民河塞澶州決河就命知州軍改
慎州觀察使遷領代州部署連移并代夏綏麟府三鎮
與李繼遷戰大橫崗援范廷召出塞破賊于白池至行
莊焚掠甚眾改代夏二州部署真宗即位復徙代州咸
平初授昌化軍節度觀察留後守正上言四任鴈門邊
亭久安願徙東北自效會夏人入寇改定州行營副都
部署四年移彰德軍留後以風疾妨政改安化軍留後
景德初復以不任職代時議防秋北鄙守正猶屢表請
行帝閔之不許未幾卒年六十六贈泰寧軍節度使
諱延美大名朝城人軀幹壯偉少為盜于鄉里周世宗
鎮涇淵募置帳下即位補殿前散都頭從征淮南遷控
鶴軍副指揮使又從克三關時太祖領禁兵留督牙隊

太祖即位補控鶴指揮使稍遷都虞候馬步副都軍頭征湖南與解暉分領行營戡亂都指揮使時汪端寇攻朗州甚急招討慕容延釗遣延美率兵赴之大敗賊眾擒端以還擢鐵騎副指揮使領睦州刺史四遷至內殿直都知太平興國初為蘄州刺史連徙廬壽濠光州軍巡檢使劇賊之為害者悉就捕六年徙知威虜軍雍熙三年舉兵北伐命延美為幽州西面行營都監與田重進出飛狐北俄遇敵延美曰彼恃眾易我宜出其不意先攻之即麾騎軍直進敵兵將潰大軍繼至遂敗之斬首五百獲其將大鵬翼以獻擢本州防禦使逾年改亳州出為鎮州鈐轄端拱元年徙知靈遠軍一旦契丹兵抵城下延美開門示之不敵入圍城數日開門如故民出取芻糧者無異平日契丹卒疑之遂引去二年進營州觀察使判亳州兼知代州是時任邊郡者皆令兼領內地一州處其家屬徙知潞陝涇州咸平四年以左領軍衛上將軍致仕六年卒年八十三贈建武軍節度子繼倫至崇儀副使雍虞部員外郎

元達初名守早洛州鷄澤人身長八尺餘負膂力善射家業農不任作苦委耒耜慨嘆而去之任俠縱酒嘗醉見道旁槐樹拔劍斬之樹立斷達私喜曰吾聞李將軍射石虎飲羽今樹為我斷豈神助歟嘗從少年數十百人欲起為盜里中父老交戒之乃止時郡以戶籍調役達當送徒闕下行數舍乃悉縱之曰吾觀汝曹亦大丈夫也豈樂為是哉可善自為計吾亦從此逝矣已而追捕至達援引滿待之迫者不敢近由是亡命山林間太宗居晉邸時達求見得隸帳下嘗侍太宗留射圍亭命之射達射四發不中的已而連中太宗喜為更其名

曰達及即位補御龍直隊長雍熙初累遷媯州刺史繼領本州團練使時州郡部送亡命者至闕左右諷殺之達奏請赦之使自新且成好生之德從之端拱二年擢侍衛步軍都虞候領幽州刺史歷北面行營都部署由常山鎮入為京城巡檢按隆平集擢淳化四年卒年四十二贈昭化軍節度達雖奮自草野歷職戎署至文士夫能折節盡禮人以是稱之

常思德開封人周顯德初以材勇應募隸天武軍累遷神衛都虞候太宗雍熙初從曹彬征幽州因署牙校尋鎮威虜軍端拱初以弓箭直都虞候領涇州刺史淳化中李順叛蜀命往夔峽招捕師次達州新寧縣調近州土兵掩殺賊徒三千餘人于梁山時雷有毅領大軍抵合州境上賊眾二萬來拒思德與尹元斐莊等合擊之合州遂平賊帥田奉正蘇榮據果州思德因其遁而追捕之斬首八百果州既定餘賊保渠州及走廣安梁山乃分兵為三抵廣安梁山者思德領之趣渠州者元莊領之合力進討盡殲其黨自是川峽賴以安靜無復寇患以功真授汝州刺史初曹彬北征不利至涿州左右皆潰散獨思德以所部護至易州語人曰既備武行則與主帥同死生可也若視利害以為去就將何面目以見君父乎太宗嘗聞其言至是陸辭深加慰勞且諭之曰為臣以忠實為本汝少仕時既以驍勇自効且能盡心于主將事朕之日雖久而忠實如一今雖老亦當盡心乃職庶無負乎朕之委寄也未幾移慶州路副都部署屯邠州咸平初與李繼隆同部督糧赴靈州以疾改陳留都監換左神武大將軍二年卒年六十五

為可用太祖以補殿直權領虎捷指揮預平嶺表下金陵太宗即位改供奉官從征太原遷遷洛苑使充北面緣邊都巡檢使端拱中威虜軍糧餽不繼契丹潛謀入侵帝遣李繼隆發鎮定兵萬餘護送輜重數千乘契丹將裕悅諜知之率精銳數萬騎將邀于路繼倫適領兵巡徽路與敵直裕悅徑趨大軍過繼倫軍不顧而去繼倫謂其麾下曰敵蔑視我爾彼南出而捷還則乘勝驅我而北不捷亦且洩怒於我將無遺類矣為今日計不如卷甲銜枚以躡之彼銳氣前趨不虞我之至力戰而勝足以自樹縱死猶不失為忠義豈可泯然而死為異域鬼乎眾皆憤激從命繼倫令軍中秣馬俟夜人將短兵潛逼其後至唐州徐河開天明未越去大軍四五里會食詔將戰繼隆方陣于前以待繼倫從後急擊殺其將皮室一人皮室者契丹相也皮室既擒眾遂驚潰裕悅方食失箸為短兵中其臂創甚乘善馬先遁契丹自是不敢窺邊其平居相戒則曰當避黑面大王以繼倫面黑故也以功領長州刺史仍兼巡檢使淳化初著作佐郎孫崇諫自契丹逃歸太宗詢以邊事極言徐河之戰契丹為之奪氣故每聞繼倫名則倉皇不知所措於是遷繼倫尚食使領長州團練使以勵邊將淳化五年

李繼隆奉詔討夏州以繼倫為河西兵馬都監未幾以深州團練使領本州駐泊兵馬部署至道二年分遣將帥為五道討李繼遷時大將李繼隆由靈環路往逗撻不進帝怒召繼倫至京師授靈慶兵馬副都部署欲以夾輔繼隆也時繼倫已被病強起受詔帝素聞其嗜酒以尊酒賜而遣之即日乘驛赴行營至慶州卒年五十遣中使護其喪而歸葬焉

薛超趙州平城人少有勇力乾德初應募為虎捷卒從
崔彥進平蜀錄功補虞候遷十將太平興國初四遷至
天武指揮使從征太原領遊騎千人備禦鎮定境上以
張軍勢及車駕還契丹頻侵鎮定超從大將軍劉廷翰
率兵至徐河敵將領騎十餘出挑戰超躍馬直前連射
數人遂敗之以功加步軍都軍頭遷神衛軍都校領敘
州刺史雍熙三年從潘美北征至厲門西陘路與契丹
遇又戰敗之追至寰州其將趙彥辛以城降超連被劾
流血濡甲縷部分軍士自若乘勝抵應州其節度副使
艾正以城降還加馬步軍都軍頭詔化初屯鎮州遷天
武指揮使領澄州團練使至道元年卒年五十七
丁罕潁州人始應募補衛士累遷指揮使從劉廷翰戰
徐河以奪橋功遷本軍都虞候累遷天武指揮使領獎
州團練使淳化三年出為澤州團練使知霸州會河溢
壞城壘罕以私錢募築民咸德之五年以容州觀察使
領靈瓊路行營都部署與李繼遷戰斬首俘獲以數萬
計至道中率兵從大將李繼隆出青岡峽賊聞先遁追
十日程不見而返三年真拜密州觀察使知威虜軍徙
貝州咸平二年卒子守德能世其家按宋史此下有趙瑫附傳又有郭密事蹟足錄今從刪

亦上其善狀詔書褒美之咸平三年卒年六十一
田仁朗大名元城人父武仕晉昭義軍節度使仁朗以
父任始為西頭供奉官太祖即位從討李重進攻城有
功還與右神武統軍陳承昭浚五丈河以通漕運乾德
中討蜀命仁朗為鳳州路壕砦都監伐木除道大軍以
濟錄功遷染院副使從征太原還與陳承昭壅汾水灌
城城將陷會班師俄遷內染院使數日改左藏庫使為
中官所讒太祖怒立召詰之至殿門命去冠帶仁朗神
色不撓從容曰臣嘗從破蜀秋毫無犯陛下固知之今
主藏禁中豈復為姦利以自汙太祖怒釋止停其職開
寶六年起為樞易使七年以西北邊內侵遷知慶州仁
朗至率麾下往擊之短兵將接前鋒稍却仁朗斬指揮
使二人軍中震恐爭乞效命遂大破之敵相率請和仁
朗烹牛置酒與之約誓邊境乃寧靈書褒美太平興國
初秦州羌為寇命仁朗屯兵清水會李飛雄事敗召為
西上閤門使四年征太原命仁朗與閤門祇候劉緒按
行太原城四面壕砦閱視攻城梯衝器械太原平留仁
朗為兵馬鈐轄閤門使武再興軍器庫副使賈湜並為
巡檢俄命仁朗與再興與民築榆次新城從幸大名改
滄州鈐轄俄遷東上閤門使知秦州九年判四方館事
李繼遷為亂命仁朗率兵巡寧夏歲餘召還未幾繼遷
攻麟州誘殺曹光實遂圍三族砦命仁朗與閤門使王
侁副使董愿宮苑使李繼隆馳傳發邊兵數千擊之仁
朗次綏州奏請益兵留月餘俟報會三族砦將折遇也
殺監軍使者與繼遷合太宗怒亟遣軍器庫使劉文裕
自三交乘疾置代仁朗繼遷乘急攻撫寧砦仁朗不知
為文裕所代喜謂諸將曰今繼遷嘯聚羌戎數萬盡銳

以攻孤壘撫寧小而固兵少而精未可以旬浹破當留
信宿俟其困以大兵臨之分強弩三百邀其歸路必成
擒矣仁朗部署已定欲示閑暇日縱擄博及赴闕下御
史按問請益兵及陷三族砦仁朗對曰所召銀綬夏兵
其州皆留防城不遺所部千餘人皆曹光實舊卒器甲
不完故請益兵况轉輸芻粟未備三族砦與綬相去道
遠非元詔所救昨臣已定擒繼遷策會詔代臣其謀不
果因言繼遷得部落情願降優詔懷來之或以厚利陷
諸酋長密圖之不爾恐他日難制大為邊患御史以其
狀聞帝大怒切責憲府官吏曰仁朗不恤軍政得為過
乎大理遂當仁朗乏軍與及征人違期二十日以上坐
死帝特貸之責授商州團練副使馳驛發遣是役也仁
朗計已決為王侁等所搆逗撓不進軍故及於貶後數
月帝知其無罪召拜右神武軍大將軍部修河北東路
諸州城池數月而就留知雄州加領澄州刺史時河北
用兵大藩多用節將朝議以通判權位不倫尋選諸司
使有吏幹者佐大藩以仁朗知定州節度副使事端拱
二年召起闕未聞命而卒年六十時端拱二年也仁朗
性沉厚有謀略頗涉書傳所至有善政云按宋史此下有劉謙傳無事蹟足錄今從刪

欽定續通志卷三百十五

列傳

宋二十

劉保勳

劉蟠

宋瑤

樊知古 郭載

臧丙

張觀

陳從信

張平 從吉

王繼升 昭遠

尹憲

王賓

安忠

劉保勳字脩業河南人父處讓仕後唐入晉拜樞密使出為彰德軍節度保勳少好騎射後唐清泰中裁十許歲攝潞州左司馬隨父署彰德軍衙內都校父卒補供奉官習刑名之學頗工詩因獻詩宰相桑維翰奇之奏擢太常丞漢為祕書丞周廣順初有薦其詳練法律兼大理正遷工部員外郎歷掌鄆宋楚三州鹽麴商稅太祖即位拜戶部員外郎為雲安監鹽制置使歲滿出美餘百萬轉運使欲以功狀聞保勳曰貪官物為己功可乎乃止太平興國四年征晉陽改戶部郎中為隨軍轉運使兼勾當北面轉運事又與侯陟勾當軍前諸事會陝西北路轉運使雷德驥調沁州軍糧後期詔劾德驥以保勳代之太原平命知并州累拜右諫議大夫知開封府雍熙三年命曹彬等征幽州保勳以本官知幽州行府事子利涉以開封府兵曹督粟隨軍常從其父會王師不利濟拒馬河更相蹂躪多死保勳馬陷渚中利涉自後撤出之力不勝人馬相擠壓遂俱死時年六十二帝命恤其後保勳三子二子先保勳死季子隨沒以其孫巨川為嗣授祕書正字端拱初特詔贈工部侍郎保勳性純謹未嘗忤物精于吏事不憚繁劇嘗語人曰吾受君命未嘗辭避接同僚未嘗失意居家積貲

未嘗至千錢及死聞者皆痛惜之至道三年又錄其次孫世長為正字咸平初保勳妻卒詔賜錢十萬巨川累為比部郎中按宋史此下有傳中正傳無事蹟足錄今從刪

劉蟠字士龍濱州渤海人漢乾祐二年舉進士解褐益都主簿太祖即位歷安遠軍及河陽節度推官乾德五年召拜監察御史典築院事開寶七年與殿中丞劉德

言同知淮南諸州轉運事太平興國初就遷倉部員外郎改轉運使歲漕江東米四百萬斛以給京師頗為稱職改駕部員外郎八年丁內艱時以諸州綱運留滯起復知京城陸路發運司事會河決韓村大發丁夫塞之命蟠調給其餉未幾河塞累遷左諫議大夫澣化二年卒年七十三蟠性清介能攻苦食淡專事苛刻好

設奇詐以售知人主典染作日太祖多臨視之蟠偵車駕至輒衣短後衣芒屨持梃督役頭蓬不治遽出迎謁

太祖以為勤事賜錢二十萬嘗受詔巡茶淮南部民私販者眾蟠乘羸馬偽稱商人抵民家求市茶私販家不疑出與之即擒實於法子錯初以父廢為大理評事咸平二年擢進士第直史館累遷至戶部郎中鹽鐵副使

按宋史此下有孔承恭傳無事蹟足錄今從刪

宋瑤字寶臣華州渭南人乾德中進士及第拔萃登科解褐青城主簿好為書秩滿載數千卷以歸吳廷祚鎮

承興辟掌書奏廷祚卒復調下邳主簿擢著作佐郎知綿州太宗即位改右贊善大夫為峽路轉運副使旋知

秦州有善政就拜監察御史充陝西轉運使以韋竄代知秦州瑤去州未百日置坐事繫獄上以瑤前有治績再命知秦州安集諸戎部內清肅雍熙初轉比部員外

郎在任凡六年召歸授度支判官俄遷屯田郎中知益

州屬歲饑多盜瑤始至以方略擒捕招輯盜遂息下詔嘉獎端拱初就拜右諫議大夫時兩川轉運使副皆坐

事免以瑤為西川轉運使加左諫議大夫改知峽州道化中三歲歲饑疾病民多死擇長吏養治之命瑤知蘇

州瑤體豐碩素病足至州地卑濕疾益甚人或勸其謝疾北歸瑤曰天子以民病俾我緩無何可以疾辭既而

太白犯南斗日斗為吳分民方饑天象如此長吏得無咎乎四年卒年六十一錄其子明遠為蒲城主簿瑤性

清簡歷官三十年未嘗問家事唯聚書以貽子孫且曰使不忘本也明遠澹化三年進士後為都官員外郎次

子柔遠亦舉進士及第垂遠閣門祇候按宋史此下有足錄今從刪

樊知古字仲師其先京兆長安人曾祖偁濮州司戶參

軍祖知論事吳為金壇令父潛事李景任漢陽石埭二縣令因家池州知古嘗舉進士不第遂謀北歸過漁釣

采石江上數月乘小舟載絲繩維南岸疾棹抵北岸以

度江之廣狹開寶三年詣闕上書言江南可取狀以求

進用太祖令送學士院試賜本科及第解褐舒州軍事

推官嘗啟於帝言老母親屬數十口在江南恐為李煜

所害願迎至治所即詔煜令遣之煜方聞命即厚給齋

裝護送至境上七年召拜太子右贊善大夫會王師征

江表知古為鄉導下池州八年以知古領州事先是州

民保險為寇知古擊之連拔二砦擒其魁以獻餘皆潰

散方議南征命高品石全振往湖南造黃黑龍船以大

艦載巨竹緝自荆南而下議者以謂江濤險壯恐不能就乃於石碑口試造之移至采石三日橋成不差尺寸從知古之請也金陵平擢拜侍御史令乘傳按行江南

諸州詢訪民事復命知江東南路轉運事數日改授江
南轉運使先是江南諸州官市茶十分之八復征其餘
分然後給符聽其所往商人苦之知古請蠲其稅仍差
增所市之直以便于民又奏罷江南舊用鐵錢先是李
煜用兵權宜調斂知古悉奏為常額豫章洪氏嘗掌昇
州權酷通鐵錢數百萬至是知古挾微時常辱於洪氏
責償銅錢以快意太宗即位授庫部員外郎召為京西
北路轉運使太平興國六年出領荆湖轉運使雍熙初
遷比部郎中會河朔用兵分諸郡為兩路以給漕輓遷
知古為東路轉運使端拱初遷右諫議大夫河北東西
路轉運使兩路各置轉運副使都轉運使之名自知古
始按長編載太平興國四年十一月已亥以河北轉運
使高繼勳為河北南路都轉運使注云按樊知古據
傳云都轉運使之名自與古始事在端拱元年十月據
實錄則高繼勳於太平興國四年十二月已亥之必有
一誤姑存以俟細考會要云太平興國初分河北南路
雍熙中又分為東西路後併馬分太平興國初自此始當
俟檢詳據此在李燾作二年詔加河北西路招置營田
長編時已自存疑也

詔有司量以官物給之會度支使李惟清上言河北軍
儲無備請發河南十七軍州轉粟以赴太宗曰農事方
殷豈可更與此役惟清固以為請遣左正言馮拯乘傳
與知古計之知古即言河北軍儲可以均濟足俟農隙
令民轉餉拯復命太宗曰不細籌之則民果受弊矣未
幾入朝奏事稱旨拜給事中為戶部使知古有才力累
任轉運使甚得時譽及在戶部以職事不治詔書切責
名益減素與陳恕親善恕時參知政事太宗言及計司
事有乖違者恕具以告後因奏事知古遂自解帝問從
何得知曰陳恕告臣帝怒泄禁中語且嫉知古輕佻
故兩罷之出知古知梓州未至改西川轉運使知古自
以嘗任三司使一旦掌漕運劍外鬱鬱不得志嘗稱足
疾未嘗按行郡縣蜀中富饒羅織錦綺等物甲天下言
事者競商權利又土狹民稠耕種不足給繇是兼井
者益糶賤販貴以規利涪化中青城縣民王小波聚眾
為亂謂其眾曰吾疾貧富不均今為汝輩均之附者益
眾遂攻陷青城縣掠彭山殺其令齊元振巡檢使張玘
與闕于江源縣射小波中其額旋病創死玘亦被殺眾
遂推小波妻弟李順為帥所至陷州郡時已詔知梓州
右諫議大夫張雍代知古為轉運使雍未至知古與知
府郭載及屬官走東川詔復令掌兩川漕運知古自劾
擅離所部制置無狀帝特宥之以本官出知均州視事
旬日憂悸卒年五十二賜其子漢公同學究出身知古
明俊有吏幹辭辨捷給及在西川不能弭盜而逃雖獲
宥終以慙死云

郭載字成熙開封浚儀人父暉右監門衛將軍義州刺
史載蔭為右班殿直累遷供奉官閤門祇候雍熙初提
舉西川兵馬捕盜事端拱二年擢引進副使知天雄軍
入同勾當三班出知秦州兼沿邊都巡檢使先是巡邊
者多領兵騎以威戎人所至頗煩苦之載悉減去戎人
感悅遷西上閤門使改知成都府載在天雄軍屢奏市
糶朝臣段獻可馮侃等所市糶惡軍人皆曰此物安可
充食太宗頗疑使覆驗之及報與載奏同獻可等皆坐
削官仍令填償及載受代獻可等所市皆支畢復有美
獻三司判勾馮拯以聞太宗召度支使魏羽詰之羽曰
獻可等所市不至糶惡亦無欠數臣與侃親舊是以未
敢白太宗曰此公事而何用畏避因召宰相謂曰此乃
郭載力奏朕累與卿等議皆云有實今支畢頗有美餘
軍士復無詞詬郭載朕向以誠誨待之何為矯誣及此
然已委西川候選日別當詰責於是獻可等悉復官載
行至梓州時李順已搆亂有日者潛告之曰益州必陷
公少留數日可免於禍載怒曰吾受詔領方面陪危之
際豈敢遷延邪即日入成都順兵攻城益急難守乃與
樊知古奔劍門隨招安使王繼恩統兵討順平之復入
成都亦以憂慮成病卒年四十載前在蜀頗能為民除
害故蜀民悅之再至成都即值兵亂隨繼恩及平賊亦
有所全濟故其死也成都人多歎惜之

臧丙字夢壽舊名愚字仲圓大名入弱冠好學太平興
國初舉進士解褐大理評事通判大監監官課民責并
為鹽丙職兼總其事先是官給錢市薪吏多侵牟致歲
課不充坐械繫者常數十百人丙至召井戶面付以錢
既而市薪山積歲有羨鹽致有羨數太宗平晉陽以丙
為右贊善大夫知遼州時知石州馮汝土丙同年生也
與監軍不協一夕刺刀于腹而死事可疑丙上疏言汝
土死非自殺乞按治帝覽奏驚駭即遣使鞠之召丙問
狀丙曰汝土居牧守之任不聞有私罪而言自殺若使
冤死不問不加宿直者以罪今後書生不能治邊郡矣
帝嘉其直改著作郎累遷右拾遺直史館加工部員外
郎朝廷方以九等亞列為重改司農少卿涪化二年拜
右諫議大夫出知江陵府歲餘疾卒年五十三以其子
待用為四門助教歷賀州刺史次子列進士及第至太
常丞按宋史此下有徐休復傳無事蹟足錄今從刪

張觀字仲賓常州毗陵人在江南登進士第歸朝為彭
原主簿太平興國初移興元府掾復舉進士不第調鷄
澤主簿再求試授忠武掌書記就改觀察判官上疏

請復刺史及不遣武德卒詣外州偵事頗稱旨召拜監
察御史充桂陽監使獻所業文賜進士及第會三司言
劍外賦稅輕詔觀乘傳按行諸州因令稍增之觀上疏
言增賦以擾遠民非便太宗深以為然因留不遣復上
言臣備位風憲每遇百官起居曰分立于庭司察不如
儀者舉之因見陛下多與近臣論政德音往復頗亦煩
勞至于有司職官簿書叢脞咸以上聞殊非國體况帝
王之道言則左史書之動則右史書之列于細素垂為
軌範不可不慎也今遠人未服邊鄙不寧陰陽未序倉
廩猶虛宮朴未還者風尚熾縣道未治逋逃尚多刑法
未指禁令猶密墜典未復封祀猶闕凡此數者皆朝廷
之急務也誠願陛下於聽斷之暇延宰執近臣與之揚
榷帝嘉之以為度支判官尋遷左司改鹽鐵判官嘗因
奏事言陛下服御器用願從純儉帝曰朕庶事簡約至
于所服多用純絹昔經滯澀爾卿言甚善觀頓首謝又
諫罷治佛寺不報出為諸路茶鹽制置副使請眾更茶
鹽之制不稱旨改知黃州遷揚州皆有善政會三司改
舊貫均州縣之籍以分其職召為三司河東道判官有
詔計司官屬不得越局言他事觀自以任諫官不奉詔
帝怒謂宰相曰朕俾警三司僚屬各率其職非令諫官
不言時務觀乃妄有援引以諷刺朕姑為容忍不欲深
責乃令出知道州移廣南西路轉運使坐奏交州黎桓
為亂兵所殺丁璿復位按宋史本傳作丁璿考宋史外
嗣立大將黎桓遷璿于別宮傳交趾郡王丁璿堯其弟璿
代總其眾據此當作璿今改事不實被劫獄未具卒於
桂州年五十三觀廣覽漢史雅好論事辭理切直有古
人之風焉

陳從信字思齊亳州永城人心計精敏太宗在晉邸令

典財用王宮事無大小悉委焉緊官右知客押衙開寶
三年三司言倉儲月給止及明年二月請分屯諸軍盡
率民船以資江淮漕運太祖大怒責之曰國無九年之
蓄曰不足爾不素計而使倉儲垂盡乃請屯兵括民船
以運是可卒致乎今設汝安用苟有所關當罪汝以謝
眾三司使楚昭輔懼詣太宗求寬釋使得盡力太宗既
許召從信問之對曰從信嘗遊楚泗知糧運之患良以
舟人之食日歷郡縣勸給是以凝滯若自發舟計日往
復併支可以責其程限又楚泗運米于舟至京復輦入
倉宜宿備運卒令即時出納如此每運可減數十日楚
泗至京千里舊八十日一運一歲三運若去淹留之虛
日則每歲可增一運今三司欲籍民舟若不許則無以
責辦許之則京師冬月薪炭殆絕不若募舟之堅者漕
糧其損敗者任載薪炭則公私俱濟且今市米騰貴官
價斗錢七十賈者失利不至儲粟之家亦匿而不糶是
以米益貴若聽民自便即四方奔湊米多而價自賤矣
太宗明日具奏太祖可之其事果集太宗即位遷東上
閣門使充樞密都承旨坐事責授開府使閣門祇候太
平興國三年改左衛將軍復為樞密都承旨七年坐奏
王廷美事以本官罷按宋史廷美傳云左衛將軍樞密
承旨陳從龍為左衛將軍坐交通
廷美及受其燕輪也所應事與明
從信傳同而名作從龍有誤明年分使三部以從信
為度支使加右衛大將軍九年卒年七十三贈太尉侯
莫陳利用者所為多不法始因從信推薦人以是少之
張平青州臨朐人弱冠萬州州刺史羅金山金山移
滁州署平馬步都虞候太宗尹京兆給事藩邸及秦王
廷美領貴州按宋史廷美本傳建隆元年授嘉州防禦
節度使並無領貴州之文其為
貴州防禦使乃廷美子德恭也復署為親吏有訴平匿

府中錢物秦王自太宗籍之無狀秦王益不喜遂遣去
太宗憐其非罪以屬徐帥高繼冲繼冲署為鎮將平歎
曰吾命雖蹇後未必不為福也太宗即位召補右班殿
直監市木秦隴平悉更新制建都務計水陸之費以春
秋二時聯巨筏自渭達河歷砥柱以集于京期歲中巨
材山積太宗嘉其功遷供奉官監陽平都木務兼造船
場舊官造船既成以河流湍悍備其漂失凡一舟調三
戶守之歲役戶數千平遂穿池引水繫舟其中不復調
民有寇陽拔華者往來關輔間為患討之不克平遣人
說之遂來歸改崇儀副使仍領其務凡在陽平九年計
省官錢八十萬緡雍熙中召還同知三班事遷如京使
代王明為鹽鐵使陝西轉運使李安發其舊為陽平姦
利以憂志成疾卒年六十三贈右千牛衛上將軍平好
史傳微時遇異書盡日耽玩或解衣易之及貴聚書數
千卷平在彭門日郡吏有每平者數輩後悉被罪配京
窯務平子從式適董其役見之以語平平召至第為設
酒饌勞之給以緡錢且戒從式善視之未幾遇赦得原
時人稱其寬厚從式事太宗藩邸累官文思使次子從
吉以蔭補殿直轉供奉官知宜州屢破溪蠻轉運使堯
叟上其狀累遷內殿崇班閣門祇候代還為如京副使
咸平中知環州嘗與宋沆率兵襲西夏小劔部署張凝
表其專責授內殿崇班俄知澧州復舊秩景德四年宜
州軍校陳進叛命副曹利用為廣南東西路安撫使將
兵討之次象州大烏峇與賊戰進為先鋒郭志言所刺
遂入城以平賊功改莊宅副使未還卒年四十九
王繼升冀州阜城人性純質謹愿事太宗于藩邸以純
謹被信任及即位補供奉官累遷軍器庫副使陳洪進

來獻漳泉之地以繼升為泉州兵馬都監會游洋洞民
萬餘叛攻泉州繼升潛率精騎二百夜擊破之擒其魁
械送闕下餘黨悉平召遷軍器庫使領順州刺史知
諸道陸路發運事雍熙四年以諸道水陸發運併為一
司命繼升與刑部員外郎董儼同掌其事號為稱職俄
遷右神武軍將軍端拱初改領本州團練使三月卒年
六十四贈洋州觀察使子昭遠

昭遠形質魁偉色黑繼升名之鐵山有膂力善騎射少
時入山捕鷹鵠值澗水暴漲十餘丈昭遠升大樹經宿
得免嘗涉河冰陷二公傍其援出之昭遠神色自若喜
與里中惡少遊處一日眾祀里神昭遠適至有以博投
授之謂曰汝他日儻有節鉞試擲以下之昭遠一擲六
齒皆赤南遊京師事太宗于晉邸特被親視遇常呼其小
字及即位補殿前指揮使稍遷都知從征太原先登為
流矢所中血漬甲纒戰益急會劉繼元降命守城門籍
兵仗又從征范陽多所擒獲超散員指揮使治王之遷
房陵也禁衛諸校楊均王榮等以依附被譴獨昭遠無
所預太宗以為忠再遷東四班都虞候太宗嘗草書執
扇作古詩賜諸將意多比諷其賜昭遠尤加賞遇二年

領沙州觀察使按宋史地理志無沙州惟外國傳有沙州
番至宋時世為曹氏所據不應復置沙州蓋宋初
殿帥所領使額每治數傳名未嘗親領其地故多不見
于宋史再為并代副都部署至道中李繼遷擾西鄙絕
靈武糧道命昭遠為靈州路都部署護二十五州芻粟
竟達靈武繼遷不敢犯真宗即位徙定州行營都部署
尋拜保靜軍節度使充天雄軍都部署知府事咸平二
年移知河陽數月卒年五十六贈大尉諡惠和昭遠頗
知書性吝嗇所至無善政母弟昭懿亦事晉邸至捧日

弟昭遠西京作坊使初祖母郭氏嘗對昭遠母指昭遠
曰此兒有貴相他日必至公侯指昭懿曰此兒奉錢過
二萬不能勝矣果皆如其言昭遠子懷普九歲事太宗
左右至西京左藏庫使平州刺史懷一供備庫副使懷
正內殿承制懷英內殿崇班
尹憲并州晉陽人開寶中事太宗于藩邸太宗即位擢
為殿直充延州保安軍使改供奉官太平興國四年護
府州屯兵與鄜州三族會攻嵐州破敵千餘眾擒偽知
嵐州事馬延忠拔緣河諸砦以功轉西京作坊副使人
朔州界破靈武軍殺其軍使獲人馬器甲甚眾改護夏
州兵轉供備庫使殺戮三漢醜奴莊及誘其渠帥展降
詔書褒美雍熙初詔就知夏州攻破李繼遷之眾于地
斤澤繼遷遁走俘獲四百餘帳奏請于所部抽移諸帳
別置騎兵號曰平砦以備用詔從之破炭嘉勒羅尼等
十四族按宋史夏國傳載憲知夏州與都巡檢曹光實
本紀作雍熙元年與此同憲破炭嘉勒羅尼十四族
憲知夏州之前與太宗本紀紀俄殺蘆關及南山伊塔數
黨項傳俱不合今移置于此俄殺蘆關及南山伊塔數
族諸族遂擾代還為洪州巡檢未幾命護莫州屯兵詔
知瀛州兼兵馬鈐轄知滄州移邢州皆兼鈐轄滄化初
與王文寶並命為四方館使連護鎮定州屯兵改知貝
州移高陽關兵馬鈐轄知定州與兵馬部署王榮不協
榮素粗暴因忿殿憲仆地憲怏怏致疾數日卒年六十

三
王寶許州許田人小心謹愿年十餘事宜祖左右及長
善騎射太宗領充海節制署府中右職太平興國初補
東頭供奉官亳州監軍遷儀鸞副使從征太原又從征
范陽與彰信節度劉遇攻城東面五年車駕北巡副王

仁贍為大內都部署七年改洛苑使會汴漕壅塞軍食
不給詔別置水陸發運兩司以寶有心計會領濱州刺
史與儒州刺史許昌裔同事其事凡四年儲積增羨號
為稱職改神武將軍黎陽當舟車交會禁兵常屯萬餘
以度支使張遜薦命護黎陽軍兼領黃御兩河發運事
俄領本州團練使以寶請黎陽建通利軍命就知軍事
寶規起公署郵館供帳之器械具加本軍大將軍俄兼
河北水陸路轉運使貝州兵屯無壁壘分寓邸肆寶選
隙地築舍千二百餘以處之詔優褒美召為右羽林軍
大將軍判左金吾兼六軍諸衛儀仗司事滄化四年出
知揚州兼淮南發運使徒為通許鎮都監至道元年卒
年七十三寶事宣祖太祖太宗殆六十年最為勤舊故
恩寵尤異前後賜資數千萬俱奉釋氏在黎陽日披見
古寺基即以奉錢脩之掘地丈餘得數石佛及石陽有
寶姓名寶異其事以聞詔名寺為滄化

安忠河南洛陽人形質魁岸不知書纔通姓名而已事
太宗藩邸殆二十年太宗即位授東頭供奉官弓箭庫
作坊等使掌屯兵于雍州會曹彬敗于拒馬河忠分營
兵布列緣邊以備游騎與大將李繼隆田重進崔翰追
契丹于祁州北端拱元年移護高陽關屯兵契丹侵鎮
定又與崔翰等拒之傅潛陣于瀛州忠當城之西面徒
知壽州移貝州有劇賊十二人久為民患忠悉捕獲滄
化四年判左金吾街仗王寶出知揚州以忠代為左龍
武軍大將軍忠泣請諸衛將軍列在朝外不得近左右
願復舊職帝笑曰環列之官古官也大將軍三品汝終
不知朝廷表著之位因從其請復東上閤門使充淮
南諸州兵馬鈐轄至道三年以病求歸至泗州卒年六

志五〇五八

南諸州兵馬鈐轄至道三年以病求歸至泗州卒年六

十四天禧元年錄其孫惟慶爲殿直

欽定續通志卷三百十六

續通志 卷三百十六 列傳 宋

志五〇五九

列傳

宋二十一

張鑑

姚坦

索湘

宋太初

盧之翰

鄭文寶

王子與

劉綜

卜衣

許驥

裴莊

韓國華

慎知禮 從吉

張鑑字德明瀛州團練使藏英之孫父裔以蔭補供奉

官鑑本將家幼嗜學太平興國三年擢進士第釋褐大

理評事累遷監察御史奉詔決獄江左頗雪冤滯歷殿

中侍御史會命曹彬等進討幽州羣臣以方略鑑上

疏極言不可論者以鑑燕人沮議非忠太宗置不問與

趙延進同掌左藏按宋史趙延進本傳不載掌左藏事延進恃恩諭規鑑

廷奏之有旨罷延進以鑑判三司度支憑由催欠司時

三部各置憑由催欠鑑請併為一從之按宋史初本傳下

文云澶化中盜起西蜀考宋史地理志及通鑑置臨江

軍在澶化三年分天下為十道在澶化四年盜起西蜀

在澶化五年不應于盜起西蜀事始書澶化年王明李

就此處增澶化初方見分明下澶化中從刪

惟清薦其能用為江南轉運使本部有大姓為民患鑑

以名聞太宗盡令部送魁首及妻子赴闕以三班職名

羈縻之江左震肅又建議割瑞州清江吉州新淦袁州

新喻三縣置臨江軍時以為便召還特被慰勞梓州符

愿驕僭不法命鑑代之遷刑部員外郎再遷改都勾院

擢拜樞密直學士知通進銀臺封駁司掌三班請考校

供奉官以下殿最即詔鑑兼磨勘職又言改三司為左

右計分天下為十道非便未幾果復舊五年盜起西蜀

臣分屯師旅遣鑑與西京作坊使馮守規偕往面授方

略鑑以益部新復軍旅不和間使命驟至易其戎恐

或猜懼變生請假臣安撫之名帝稱善鑑至蜀與詠即

遣部成卒出境繼恩麾下使臣亦多遣東還督繼恩等

分路討捕殘寇而自招輯反側事平拜左諫議大夫戶

部使會五路進兵討西夏命鑑在環州與李繼隆議護

送芻糧入靈州及還疏請以靈州賜繼遷稍息飛輓之

役按長編載鑑此疏在至道三年正月再往陝西督餉

之後非靈州還時所上也據疏內有因茲首春俾務

東作云云當在三年尋詔鑑專督軍糧以軍興法從事

正月再往陝西時

饋運頗集真宗即位遷給事中使如故咸平初改工部

侍郎出知廣州移知朗州溪洞羣蠻數寇擾鑑召會豪

論以威信皆俯伏聽命召還以疾徙知相州景德初卒

年五十八子士廉為殿中丞士宗太子洗馬士程屯田

員外郎

姚坦字明白曹州濟陰人開寶中以尚書擢第補將陵

尉歷知潯州太平興國三年召還為著作佐郎通判唐

州八年諸王出閣詔給諫以上于朝班中舉年五十以

上通經有文行者以備宮僚乃以戶部員外郎王適監

察御史趙齊為衛王府諮議左贊善大夫戴元為本府

翊善水部員外郎趙令圖為廣平郡王府諮議國子博

士闕象為本府翊善又以起居舍人楊可法國子博士

楊幼英左贊善大夫林新及坦為皇子翊善國子博士

邢曷為諸王府侍講太宗召王適等謂曰諸子生長深

強使視之曰但見血山耳安得假山王驚問故坦曰在

田舍時見州縣催科捕人父子兄弟送縣鞭笞流血被

體此假山皆民租稅所為非血山而何時帝亦為假山

聞毀之王少休豫坦即醜詆帝嘗戒之曰元傑知書好

學亦足為賢王矣少不中節亦須婉辭規諷况無大故

而詆訐之豈稗贊之道邪頃之左右乃教王詐稱疾不

朝太宗日使視疾逾月不瘳甚憂之召王乳母問狀乳

母曰王本無疾徒以姚坦檢束居常不得自便王不樂

故成疾帝怒曰吾選端士輔王為善王不能用其諫而

又詐疾欲使朕去正人以自便何可得也且王年少必

爾輩為之謀耳因命梓至後苑杖之召坦慰諭曰卿居

王宮能以正為羣小所疾大為不易卿但如是勿慮議

間朕必不聽王薨改衛尉少卿判吏部南曹他日因事

得對上以其舊人召升殿與語坦言及故府意短諸王

而稱己之敢言坦退上謂侍臣曰坦在宮邸不能以正

理誨諭事有微失即從而揚之此實直取名耳景德初

求補郡俾知鄧州轉運使表其治狀詔嘉獎之大中祥

符初復知光州二年卒年七十五

索湘字巨川滄州鹽山人開寶六年進士釋褐鄆州司

寇參軍按宋史本傳作釋褐鄆州司理參軍考宋史太

司寇參軍祖本紀開寶六年秋七月王子韶謂諸州府置

五月王子韶謂諸州府置司寇參軍為之及長編載開寶六年

五經及選人查敘相當者為司寇參軍又文獻通考載

開寶六年初置諸州司寇參軍以新進士及選人為之

不應云司理今據本紀及長編通考改齊州有大獄連

事集加屯田員外郎明年契丹入侵王師劬于君子館敵兵乘勝據中渡橋塞土門將趨鎮州諸將計議未定湘為田重進畫謀結大陣東行聲言高陽關兵敵擁眾邀于平虜城夜率兵而南徑入鎮陽據唐河乘其無備破砦柵敵悉遁走雍熙中召為鹽鐵判官改駕部員外郎端拱二年河北治方田命副樊知古為招置營用使會議罷復為河北轉運使轉虞部郎中選為將作少監有訟其擅易庫練以自用者責授繕部員外郎知相州時有羣盜聚山下謀斷澶州河橋入攻磁相州援旗伐鼓白晝鈔劫鄰郡發兵千人捕逐無敢近湘擇州軍得精銳三百人偵其入境即掩擊盡擒之轉運使王嗣宗出狀聞詔復舊官為河東轉運使王超等率師趨烏白池抵無定河水源絕軍士渴之湘亟輦大鍬千枚至令鑿井眾賴以濟真宗即位入為右諫議大夫復充河北轉運使屬郡民有幹釀歲輸課甚微不逞吏民因緣為姦盜湘奏廢之德州舊賦民馬以給驛又役民為步遞湘代以官馬兵卒民皆便之會內殿崇班闔自新建議請于靜戎威虜兩軍置場鬻茶收其利以資軍用湘言非便遂止又言事者諱許權場商旅以茶藥等物販易于北界北界商旅許于雄霸州市易資其懣遷庶息邊患詔湘詳議以聞乃上言北邊自興置權場商旅輻湊制置深得其宜今若許其交相販易則沿邊商人深入戎界竊為非便又北界商人若至雄霸其中或雜姦偽何由辨明況邊民易動難安蕃戎之情宜為羈制望且仍舊會有詔規度復修定州新樂蒲陰兩縣湘以其地迫窄非屯兵之所遂奏罷之湘少文而長于吏事歷邊郡所至必廣儲畜為備豫計出入軍旅間頗著

能名先是邊州置權場與蕃夷互市自京輦物貨充之其中茶茗最為煩擾道遠多損敗湘請許商賈緣江載茶詣邊郡入中既免道途之耗復有征算之益又虜虜靜戎軍歲燒緣邊草地以絕南牧或又誘于此若山麓中興置銀冶湘以為召寇亦奏罷之咸平二年入為戶部使受詔詳定三司編敕坐與王扶交相請託擅易版籍責授將作少監三年出知許州徙荆南復為右諫議大夫知廣州四年卒詔遣其子希顏護喪傳置歸鄉里宋太初字永初澤州晉城人太平興國三年舉進士解褐大理評事通判戎州以善政聞有詔褒美遷將作監丞贊善大夫通判晉州轉太常丞雍熙三年通判成都府會詔求直言著守成箴以獻涪化初遷監察御史時北面用兵選為雄州通判入判度支勾院為京西轉運副使移河東遷正使改殿中御史至道初遷兵部員外郎充鹽鐵副使時陳恕為使太初有所規畫心咨恕未嘗自用會西鄙有警轉饋報急充陝西轉運使白守榮等護芻糧抵靈州坐盧之翰違旨責懷州團練副使明年為祠部郎中知梓州俄復舊秩真宗嗣位召還復命經度陝西餽運事咸平初拜右諫議大夫知江陵府蠻寇擾動太初以便宜制還詔獎之再知梓州益州雷有終以母老求還詔太初就代時分川峽為四路按宋史紀咸平四年三月分川峽轉運使為益利梓夔四路本傳作分川陳誤今改各置轉運使帝以事有緩急難于均濟命太初為四路都轉運使俾同規畫與鈐轄楊懷忠不協蜀土始安帝慮其臨事矛盾召還會御史中丞趙昌言等坐事被劾命權御史中丞先是按劾有罪必豫請朝旨太初以為失風憲體獄成然後聞俄出知杭州以浙右卑溼宿疾不使求近地得

廬州疾久頗昏忘不能治大郡連徙汝光二州景德四年卒年六十二錄其弟繼讓試校書郎太初性周慎所至有幹職譽嘗著簡譚自為之序子傳慶後為太子中舍
 廬之翰字維周祁州人少篤學家貧客遊單州防禦使劉乙館于門下乙徙錢塘之翰隨寓其郡太平興國四年舉進士不得解詰登聞自陳詔聽附京兆府解試明年登第解褐大理評事知臨安縣三遷殿中丞通判洛州會契丹入侵之翰募城中丁壯決漳御河以固城壁敵不能攻召還遷太常博士為河東轉運副使徙京西轉運副使改工部員外郎又改陝西轉運使遷吏部員以便漕運加戶部員外郎又改陝西轉運使會調發外郎至道初李順亂蜀命兼西川安撫轉運使會調發芻糧輸靈州詔分三道護送命洛苑使白守榮馬紹忠領其事之翰違旨擅併為一為李繼遷邀擊于浦洛河大失輜重詔國子博士王用和乘傳逮捕與轉運使宋太初及副使祕書丞竇玘皆繫獄鞠問坐除名之翰貶許州司馬明年起為工部員外郎同勾當陝西轉運使真宗即位復吏部員外郎充轉運使以久次召拜禮部郎中復遣之任咸平元年以疾命國子博士張志言代還未幾復出為京西轉運使先是朝廷議城故原州以張守備之翰沮罷之其後西鄙不甯修葺為鎮戎軍之翰坐橫議非便黜知歸州三年授廣南西路轉運使會廣州索湘卒就改太常少卿知州事之翰無廉稱又與轉運使凌策不協陰發其事五年徙知永州未行卒年五十七
 鄭文寶字仲賢盩厔人據東都事略右千牛衛大將軍彥華

之子彥華初事李煜文寶以蔭授奉禮郎掌煜子清源公仲寓書籍遷校書郎歸朝煜以環衛奉朝請文寶欲一見慮衛者難之乃被篋荷笠以漁者見陳聖主寬宥之意宜謹節奉上勿爲他慮煜忠之後補廣文館生深爲李昉所知太平興國八年登進士第除修武主簿遷大理評事知梓州錄事參軍事代歸獻所著文召試翰林改著作佐郎通判潁州丁外艱起知州事召拜殿中丞使川陝均稅次渝涪聞夔州廣武卒謀亂乃乘舸泛江一夕數百里以計平之授陝西轉運副使許便宜從事會歲歉誘豪民出粟三萬斛活饑民八萬六千口既而李順亂西蜀秦隴賊趙包聚眾數千將趨劍閣以附順文寶移書蜀郡分兵討襲獲其渠魁餘黨殲焉文寶前後自環慶部糧越早海入靈武者十二次曉達蕃情習其語經由部落每宿酋長帳中人或呼爲父遷太常博士召至闕下奏對捷辨帝深眷遇俄加工部員外郎時龍猛卒戍環慶七年不得代思歸謀亂文寶矯詔以庫金給將士且自劾請代償詔獨其所費先是諸羌部落樹藝殊少但用池鹽與邊民交易穀麥會餽輒趨靈州爲繼遷所鈔文寶建議以爲銀夏之北千里不毛但以販青白鹽爲命請禁之許商人販安邑解縣兩池鹽于陝西以濟民食官獲其利而戎益困繼遷可不戰而屈乃詔自陝以西有敢私市者皆抵死募告者差定其罪行之數月犯者益眾戎人乏食相率寇邊內屬萬餘帳亦叛商人販兩池鹽少利多取他逕出唐鄧襄汝間邀善價吏不能禁關隴民無鹽以食境上騷擾帝知其事遣知制誥錢若水馳傳視之悉除其禁召諸族撫諭之乃定朝廷議城古威州遣內侍馮從順訪于文寶文

寶言威州在清遠軍西北八十里樂山之西唐大中時靈武朱叔明收長樂州邠寧張君緒收六關卽其地也故壘未圯水甘土沃有良木新結之利約葫蘆臨洮二河壓明沙蕭關兩戍控五原北固峽口足以襟帶西涼咽喉靈武城之便然環州至伯魚伯魚抵青岡青岡抵清遠皆兩舍而清遠當羣山之口拒塞門之要請先建伯魚青岡清遠三城爲頓師歸重之地古人有言金城湯池非粟不能守候二年間秦民息肩臣請建營田積粟實邊之策修五原故城專三池鹽利以金帛啖項會豪子弟使爲朝廷用不惟安朔方制豎子至于經管安西綏復河湟此其漸也詔從其議文寶至賀蘭山下見唐室營田舊制建議興復可得秬稻萬餘斛滅歲運之費清遠據積石嶺在早海中去靈環皆三四百里素無水泉文寶發民負水數百里外留屯數千人又募民以榆槐雜樹及狗狗鴉烏至者厚給其直地烏樹皆立格西民甚苦其役而城之不能守卒爲山水所壞又令宣慶州爲水磴亦爲山水漂去繼遷會長威喇威斯鄂者文寶以金帛誘之與手書要約留其長子爲質令陰圖繼遷卽遣去謂之曰事成朝廷授汝以刺史文寶又預漆木爲函以備馳獻繼遷之首又發民曳古碑石詣清遠軍將圖紀功威喇下等盡以事告繼遷繼遷上表請罪帝怒文寶猶含容之既而文寶復請禁鹽邊民冒法抵罪者甚眾太常博士席義叟決獄陝西廉知其事以語中丞李昌齡以聞文寶又奏減解州鹽價未滿歲虧課二十萬貫復爲三司所發乃命鹽鐵副使宋太初爲都轉運使代文寶還下御史臺鞠問具伏下詔切責貶藍山令未幾移枝江令眞宗卽位徙京山咸平

中召還授殿中丞掌京南樞貨時慶州發兵護鄧糧詣靈州文寶素知山川險易上言必爲繼遷所敗未幾果如其奏轉運使陳緯沒于賊繼遷進陷清遠軍命相府召文寶詢策略文寶因獻河西隴右圖敘其地利本末且言靈州可棄時方遣大將王超援靈武卽復文寶工部員外郎爲隨軍轉運使至環州或言靈州已陷文寶乃易服引軍騎冒大雪間道抵清遠故城盡得其實遂奏班師就除本路轉運使上疏請再葺清遠軍都部署王漢忠言其好生事遂徙河東轉運使上言管內廣銳兵萬餘難得資糧請徙置近南諸州又欲令強壯戶市馬備征役宰相李沆等以爲廣銳州兵皆本州守城置營必慮安土重遷徙之卽致紛擾又強壯散處鄉落無所拘轄勒其市馬亦恐非便帝復令文寶條對文寶固執前議且言土人久留恐或生事帝曰前令團併軍伍改置營壁欲其互移本實行之已久而文寶確陳其利因命錢若水詳度以聞若水所對與沆等同遂罷之先是麟府屯重兵皆河東輸餽雖地里甚邇而限河津之阻土人利于河東民罕至則芻粟增價帝嘗訪使邊者言河裁闊數十步乃詔文寶于府州定羌軍經度置浮橋人以爲便會繼遷圍麟州令乘傳晨夜赴之圍解遷刑部員外郎頃之寇準薦其熟西事可備驅策因復任陝西轉運使嘗出手劄密戒令邊事與僚屬計議勿得過有須索重擾于下後有言其張皇者詔徙京西以朱台符代之景德元年契丹侵邊又徙河東文寶安輯所部募鄉兵張邊備又領蕃漢兵赴河北手詔褒諭未幾復蒞京西契丹請和文寶陳經久之策帝嘉之三年召還未至遇疾表求藩郡散秩詔聽不除其籍續奉養疾

以其子鄆州推官於陵為大理寺丞知襄城縣以便其
賚大中祥符初改兵部員外郎車駕祠汾陰還文寶至
鄆州請見帝以其久疾除忠武軍行軍司馬文寶不就
以前官歸襄城別墅六年卒年六十一文寶能為詩善
篆書工鼓琴好談方略以功名為己任久在西邊參預
兵計心有餘而識不足又不護細行所延薦屬吏至多
而未嘗擇也

王子與字希孟密州莒人少業文辭太平興國八年舉
進士解褐北海主簿歷大理評事知臨海縣改光祿寺
丞使西蜀決獄還知興國軍酒化中雷有終為江浙荆
湖茶鹽制置使奏子與為判官轉太子中允改著作郎
江淮兩浙制置茶鹽就轉太常博士真宗即位遷殿中
侍御史因入對與三司論列利害以子與為長轉度支
員外郎子與以每事上計司移報稽滯求兼省職乃命
為鹽鐵判官仍領制置增歲課五十餘萬貫咸平三年
就命兼充淮南轉運使子與精于吏事久掌茶鹽漕運
周知利害裁量經制公私便之所至郡縣以公事申請
者文牒紛委頃刻待報子與皆即決遣曾無疑滯明年
表求代詔許自擇子與以下表劉師道名聞即命表與
師道為轉運使召子與拜右諫議大夫戶部使五年方
奏事便殿俄疾作仆地命中使掖之以出至第卒子道
宗方幼命三司判官朱台符檢校其家子與止一子而
三女皆幼道宗尋卒家寓楚州子與妻劉還父母家子
與旅觀在京師景德中官借船移柩還葬其里醫京師
居第以錢寄楚州官庫備三女資送從其從弟之請也
劉綜字居正河中虞鄉人少依外兄通遠軍使遵道諱
遵誨嘗遣貢馬太祖嘉其敏辨將授三班之職綜自陳

素習詞業願應科舉及還帝解真珠盤龍衣以賜遵誨
綜辭曰遵誨人臣安敢當此賜帝曰吾委遵誨以方面
不以此為疑也雍熙二年舉進士第解褐邛州軍事推
官就改永康軍判官遷大理評事通判眉州轉太僕寺
丞代還對便殿因言蜀地富庶安寧已久益州長吏望
慎擇其人帝嘉之改太子中允未幾李順果為亂復召
見尋為三門發運司水陸轉運使通判大名府連丁家
艱起知建安軍先是天長軍及揚州六合縣民輸賦非
便綜奏請降天長軍為縣隸揚州以六合縣隸建安軍

自是民力均濟按宋史地理載天長軍廢為縣隸揚州
二年本傳作至道二年遷大常丞咸平初命代
年以前事與志互異至道二年遷大常丞咸平初命代
王欽若判三司都理欠憑由司出為河北轉運副使上
言州縣幕職官以昏毫放罷者其間有實廉謹之士或
幼累無託或居止無定全藉祿廩以濟朝夕一旦停罷
則饑寒無依以傷和氣望自今並除致仕官又言法官
斷獄皆引律令之文以定輕重之罪及其奏御復云慮
未得中別取進止殊非一成不變之道且復煩于聖斷
望自今降旨約束不得復然時河北承兵寇之後民戶
凋弊吏部所銓幕職州縣官皆四方之人不習風俗且
有懷土之思以是政事多因循不舉綜請自今並以河
朔人充之冀其安土以勤職事夏人擾邊環慶大屯士
馬詔從綜為陝西轉運副使時梁鼎議禁解鹽官自貨
鬻乃命綜與杜承審制置青白鹽事綜條上利害力言
非便卒罷其事時靈州孤危獻言者或請棄之綜言靈
州民窟土沃為四陲巨屏所宜固守以為扞蔽然後于
蒲洛河建軍城屯兵積糧為之應援此暫勞永休之勢
况鎮戎軍與靈州相接今若棄之則原渭等州益須設

備較其勞費恐十倍滋多也俄充轉運使又獻議于鎮
戎軍置屯田務又錄唐安國鎮制置城壕鎮戎古記石
本以進詔從其請又言天下州郡長吏審官皆據資例
而授未為得人自今西川荆湖江浙福建廣南知州或
地居津要或戶口繁庶之處望親加選任其執政舊臣
及給舍以上知州處亦擇官通判又京朝官當任遠官
者率以父母未葬為辭意求規免自今父母未葬者
許請告營辦審官投狀並明言父母已葬乃許依例考
課違者並罷其官從之六年再為河北轉運使時兩河

用兵邊事煩急轉漕之任尤所倚辦綜繼領其職號為
詳練景德三年召拜戶部員外郎樞密直學士勾當三
班院綜言御史員數至少每奉朝請劾制獄多以他官
承之甚紊奏稱望詔兩制以上各舉才堪御史者充三
院共置十員若出使按獄所經州郡官吏能否生民利
病刑獄枉濫悉得察舉四年西幸道出河陽境上時節
度王顯疾還京以綜權知孟州事未幾召還復出知并
州大中祥符四年館伴契丹使因作大雪歌以獻即命
同知貢舉以李宗諤代為館伴使俄權知開封府綜以
貴要交結富民為之請求或託為親屬奏授試秩緣此
謁見官司頗紊公政請加抑止又文武官居遠任而家
屬寓京師其子孫弟姪無賴者望嚴行約束并其交游
輩劾罪從之七年以老疾求與河中真宗以太寧宮廟
長吏奉祠綜艱于拜起慮不克恭事命知廬州明年罷
學士授右諫議大夫八年卒年六十一綜強敏有吏材
所至抑挫豪右振舉文法時稱幹治然尚氣好勝不為
物論所許子建中正中並贊善大夫弟綽化三年進
士官刑部郎中

十表字垂象益州成都人父震舉蜀進士渝州刺史南
光海辟爲判官蜀平仍舊職會賊杜承哀率眾圍城援
兵不至震躬率士卒且戰且拒爲流矢所中創甚不能
臨軍而州兵重傷卷甲宵遁刺史陳文襲又不能遏賊
遂入據郡城以僞官厚賄誘震震皆斬其使賊有東章
者本州兵校也因遣人逃朝廷威德諭以禍福章懼且
信因伏兵擊其黨類承哀之眾素不爲備即時大潰震
與文襲分部餘卒夾攻之賊眾遂平文襲坐陷失州城
削籍爲民震以前功得贖以號州錄事參軍卒太平興
國八年登進士第累遷大理評事知將樂縣改光祿
寺丞通判泗州再通判宣州淳化中上命宋庶僚中廉
幹者給御書印紙俾書課最仍賜實奉以旌異之表預
焉改太常丞咸平初遷監察御史爲淮南轉運副使同
荆湖發運使以幹職聞就加殿中侍御史入判三司開
拆司再爲淮南轉運使兼發運使六年併三司使之職
分置副貳以表爲刑部員外郎充鹽鐵副使景德初卒
年四十五錄其弟展爲臨穎主簿子咸爲將作監主簿
表明敏有吏幹累掌財賦清心洽局號爲稱職然性慘
毒捨克嚴峻專事捶楚至有大蟲之號眞宗嘗謂近臣
曰表公忠盡瘁無所畏避人罕能及然頃在外任頗傷
殘酷所至州縣纖微之過無所容貸大凡督察部下札
遞密違非有大故所宜矜恕官吏自當畏威懷恩不敢
貳過公家之事亦無不濟乃知爲吏之方適中爲善也
許驥字允升世家蘄州祖信父唐世以財雄邊郡唐知
契丹將擾邊白其父當遷去信以資產富殖不樂他徙
唐潛齎百金而南未幾晉祖以燕蘄賂契丹唐歸路遂
絕嘗擁商賈于汴洛間見進士綴行而去竊歎曰生子

當令如此因不復行商卜居睢陽娶李氏女生驥風骨
秀異唐曰成吾志矣郡人咸同文以經術聚徒唐攜驥
詣之且曰唐頃者不辭父母死有餘恨今拜先生卽吾
父矣且自念不學思教子以興宗緒此子雖幼願先生
成之驥十三能屬文善詞賦唐不識字而罄家產爲驥
交當時秀彥太平興國初詣貢部與呂蒙正齊名太宗
尹京頗知之及廷試擢甲科解褐將作監丞通判益州
累遷右補闕歷江南轉運副使洪吉上供運船水損物
主吏懼罪故覆舟鞠獄者按以欺盜當流死者數百人
驥馳往訊問得其情實以聞多獲經典優詔褒之又上
言劫盜配流遇赦得原還本鄉警告捕者多所殺害自
今請以隸軍詔可遷正使端拱初拜主客郎中徙知福
州果表求還不俟報入朝召對便殿延問良久以久處
外任爲辭擢授右諫議大夫就命知益州召歸上言蜀
民浮窳易搖宜擇忠厚者撫之爲預備旣而李順叛眾
頗服其先見命知審官院遷御史中丞以疾固讓不許
占謝曰命坐勞問出夏葉賜之眞宗卽位改兵部侍郎
屢求小郡養疾因入朝失儀爲御史所糾特詔不問命
出知單州咸平二年卒年五十七贈工部尚書賜其子
宗壽出身驥雖無他才略而人以儒厚長者稱之宗壽
後爲殿中丞

州判官仍泄舊局雍熙三年命將巡邊以莊掌隨軍糧
料內客省使楊守一稱薦之授大理寺丞時遷雲朔降
戶于汝洛遺莊安輯之俄通判忻州未上道會魏成信
出鎮澶州以通判澶州改命未踰年成信表其能遷太
子中允端拱初潘美鎮眞定又辟爲通判時契丹掠趙
深邊將無功莊上書以爲周世宗誅樊愛能何徽二將
遂取淮南克巴蜀願陛下申明紀律無使諸將玩寇又
言緣邊砦戍兵旣寡敵易襲取成請廢罷以益州兵
會詔建方田莊復上言大役兵師慮生事于邊鄙帝善
之淳化三年召詔以邊事稱旨令授清資官翊日拜監
察御史判湖南路轉運使未行改三司鹽鐵判官五年
李順亂蜀命與雷有終並兼陝路隨軍轉運同兵馬事
或言莊本蜀人不宜任此帝益信之許以便宜事平轉
殿中侍御史歷工部司封二員外郎至道二年遣將五
路出師討李繼遷莊陰料師出無功因請加恩繼遷俟
其倔強拒命則按甲塞外俘擒未晚旣而諸將果敗績
咸平二年巡撫江南使還言池州興國軍得夏吏餘無
足稱且言朝廷所命知州通判率以資考而授至有因
循偷安無政術而得親民之任其素蘊才器有政績者
偶緣公坐則黜司冗務眞僞莫辨饒倖滋甚請自今慎
選其人勿以資格補授有政績者加以恩禮是年秋契
丹侵邊命爲河北轉運使時傳潛統大軍駐定州北莊
屢奏其無謀略慮或失機會王顯掌樞密顯與潛俱起
攀附頗庇之莊奏至多不報徒知越州俄傳潛得罪莊
因上言顯潛皆非材致誤邊事請行嚴誅以肅羣議未
幾徙知宣州會詔求直言莊條列四事一去暴征二省
煩刑三擇吏職四敦稼政疏奏詔令開陳其所宜行先

後莊對甚悉改司封郎中景德初安撫兩浙奏能吏二十人慢官者五人多所升黜又知潞邢二州天禧二年改光祿卿告歸卒年八十一錄其孫慶孫試將作監主簿莊有吏幹頗無清操慷慨言然寡學術嘗建議請置廣聽院西垣學士問者嗤之子奐咸平二年進士屯田郎中稷左班殿直閣門祇候按宋史此下有牛冕張適樂崇吉袁逢吉四傳俱無事蹟足錄並從刪

韓國華字光弼相州安陽人太平興國二年舉進士解褐大理評事通判瀘州就遷右贊善大夫代遷除彰德軍節度判官遷著作佐郎監察御史雍熙中假太常少卿使高麗時太宗將北征以高麗接遼境屢為其所侵命齋詔諭之且令發兵西會既至其俗頗獷驚特險遷延未即奉詔國華移檄諭以朝廷威德宜亟守臣節否則天兵東下無以逃責於是俯伏聽命使還歷遷左司諫充鹽鐵判官信化二年契丹請和朝議疑其非實遣國華使河朔察之既至盡得其詐以聞每歲後苑賞花三館學士皆得預三年國華與潘太初因對自言任兩省清官兼計司職不得待曲宴願兼館職即日命並直昭文館後一日陪預苑宴三司屬官兼直館自國華等始知河陽潞州轉運使言其善級輯詔獎之景德中假秘書監使契丹又為江南巡撫入權開封府判官真宗朝陵魏咸信自曹州召入扈從命國華權州事俄改太常少卿出知泉州太中祥符初遷右諫議大夫四年代還至建州卒于傳舍年五十五贈太師中書令兼尚書

令追封魏國公按宋神宗御製韓琦兩朝題命定策元勳之碑載自祖太師中書令兼尚書令追封齊燕魏三國公宋史賜其子琬出身國華偉儀觀器華傳不載贈封今據補封性純直有時譽子瑤琦琦並進士及第琦相英宗神宗

自有傳按宋史此下有何蒙傳無事蹟足錄今從刪

慎知禮衢州信安人父溫其有詞學仕錢俛終元帥府判官知禮幼好學年十八獻書于俛署校書郎未幾命為掌書記太祖即位介俛子惟濟入覲歸署營田副使太平興國三年從俛歸朝授鴻臚卿歷知陳州興元府知禮母年八十餘居宛邱懇求歸養退處十年縉紳稱其孝至道三年以工部侍郎致仕知禮自幼至白首歲頹五經周而後止每開卷必正衣冠危坐未嘗少懈焉咸平初卒年七十七子從吉錢俛之婿也為元帥府長史歸朝歷將作少監會擇朝士有望者補少列改太子右庶子真宗升儲換衛尉少卿真宗即位復為右庶子遷詹事從吉自歸朝居散秩幾三十年頗以文酒自娛士大夫多與之游景德初上言求領事務判刑部頗留意法律大中祥符初改授衛尉卿糾察在京刑獄拜右諫議大夫判吏部銓臨事敏速勤心公家所至務瞭察多請對陳事帝嘉其無隱八年改給事中權知開封府有咸平縣民張斌妻盧氏與姪質交訟從吉子鈞銳納盧氏賄從吉坐削秩天禧三年起為衛尉卿明年判登聞鼓院坐與寇準善以光祿卿致仕卒年七十從吉善為饌具分遺權要晚年進趨彌篤以至于敗物論鄙之子鏞金部度支員外郎祕閣校理楷太常博士

欽定續通志卷三百十七

列傳

宋二十二

馬全義 知節

雷德驥 簡夫

李先

王超 德用

馬全義幽州薊人自幼學擊劍善騎射十五隸魏帥范延光帳下延光叛晉祖征之以城降悉籍所部來上全義在籍中因補禁軍不得志遂遁去漢乾祐中李守真鎮河中召置帳下及守真叛周祖討之全義每率敢死士夜出攻周祖壘多所殺傷守真貪而無謀性多忌克全義屢為畫策皆不能用城陷遂變姓名亡命周廣順初世宗鎮澶淵全義往事之從世宗入朝周祖召見補殿前指揮使謂左右曰此人忠於所事昔在河中屢挫吾軍汝等宜效之世宗即位遷右番行首從戰高平以功遷散員指揮使從征淮南以功遷殿前指揮使右番都虞候恭帝立授策騎左第二軍都校領播州刺史太祖即位歷內殿直都知控鶴左廂都校領果州團練使從征李筠筠退保澤州城小而固攻之未下太祖患之召全義問計對曰筠守孤城若併力急攻立可殄滅倘緩之適足長其發爾太祖曰此吾心也即麾兵急擊之全義率敢死士數十人乘城攀堞而上為飛矢貫臂流血被體全義拔鐵臨敵士氣益奮遂克其城遷虎捷左鏤都校領睦州防禦使又從征李重進領控鶴虎捷兩軍為後殿賊平班師錄功居多改龍捷左鏤都校領江州防禦使俄被疾太祖遣太醫診視仍諭密旨曰候疾間當授以河陽節制全義疾已亟但叩頭謝數日卒年三十八特贈檢校太保大同軍節度使子知節

續通志

卷三百十八

列傳 宋

知節字子元幼孤太宗時以蔭補供奉官賜今名按陸載全義卒太祖念其功其子方七歲召見特授供奉官賜名知節據此則知節授官在太祖時也年十八監彭州兵以嚴澁眾眾憚之如老將又監潭州兵時何承矩為守鎮以文雅飾吏治知節慕之因折節讀書雍熙間護兵博州契丹入邊劉廷讓敗於君子館先是知節完城繕甲儲積芻粟吏民以為生事既而契丹果至以有備引去眾始服從知定遠軍時議調河南十三州之民按宋史契知古傳作調發河南十七州軍此作十三軍互異輸餉河北轉運使樊知古適至議事知節曰此軍丁少粟多兼其紅腐當得十之六七知古從之果獲粟五十萬斛分給諸屯遂省河南之役時部民入保避寇卒有盜婦女首飾者護軍止笞遣之知節曰民避外患而來反罹內寇此而可忍何以肅下即命斬之知深慶二州遷西京作坊使旋知梓州李順之叛詔與王繼恩同討賊按李順亂成西蜀招安使討之王繼恩自繼恩恃勢自任惡知節不附已遣守彭州付以羸兵三百彭之舊卒悉召選成都知節累請益兵不從賊眾十萬攻城知節力戰自晨抵晡土多死慨然嘆曰死賊手非壯夫也即橫槊潰圍出遲明援兵至復鼓譟入賊遂潰去帝聞而壯之曰賊眾我寡知節不易當也授益州鈐轄加益漢九州都巡檢使會韓景祐帳下劉肝督牙兵為亂連破州縣眾踰二千知節領兵三百追至蜀州與戰肝走邛州知節曰賊破邛州必乘勝渡江薄我既息而後戰官軍雖倍制之亦勞不如乘其弊急擊之破之必矣追至方井鎮與肝遇殺之無唯類咸平初領登州刺史知秦州州嘗質羌會支屬二十餘人踰二紀矣知節曰羌亦人爾豈不懷歸悉遣之羌人感之訖終更不犯塞時州有銀坑歲久

鑛竭課額弗除主吏破產償之不足知節請蠲之章三上乃允遷西上開門使知益州兼本路轉運使自乾德後歲漕蜀物動踰萬計時籍富民以部舟運坐沉覆破產者眾知節請以首校代鄉戶運舟而程其漕事自是蜀人賴以免患徙知延州兼鄜延駐泊部署邊寇將至方上元節遽命張登啟關累夕宴樂寇不測即引去會鎮州程德元政事曠弛徙知節代之詔發澶魏等六州糧輸定武時兵交境上知節曰糧之來是資盜也止令於舟車所至收之寇無所得而通車駕在澶淵時王超擁兵數十萬屯真定逗留不進知節移書謂讓之超始出兵猶以中渡無橋為辭知節預命度材一夕而具景德中徙知定州未幾遷東上開門使樞密都承旨擢拜簽書樞密院事契丹已盟中國無事大臣方言符瑞知節每不然之嘗言天下雖安不可忘戰夫兵以為戒自陳年齒未衰五七年間尚可驅策如邊方有警願預其行但得副都部署名及良馬數匹輕甲一聯足矣帝以為然因命製銅鐵鎖子甲以賜高進宣徽北院使加兼樞密副使時王欽若為樞密使知節薄其為人遇事敢言未嘗少屈每廷議得其不直輒面詆之欽若寵顯方隆知節愈不為下天禧初召拜宣徽南院使知樞密院事以疾乞罷除彰德軍留後知貝州兼部署將行真宗問其癘瘁止命歸鎮時上黨大名之民已爭來迎謁未幾卒年六十五贈侍中諡正惠知節將家子以武力智謀自許又能好書質友儒者所與善厚必一時豪傑論事審審未嘗有所顧忌故聞其風者亦知其為正直云

志五〇六七

雷德驥字善行同州郃陽人周廣順三年舉進士解褐

磁州軍事判官召為右拾遺充三司判官太祖即位拜殿中侍御史改屯田員外郎判大理寺其官屬與堂吏附會宰相趙普擅增刑名因上言欲求見太祖以白其事未引對直詣講武殿奏辭氣俱厲太祖詰之德驥對曰臣值陛下日旰未食方震威嚴爾帝怒令左右曳出詔置極典俄怒解黜為商州司戶參軍刺史知德驥舊為省郎以客禮之及奚嶼知州希宰相旨至則倨受庭參德驥不能堪出怨言嶼銜之適有言德驥至郡為文訛上者嶼召德驥與語潛遣吏給其家人取得之即械繫德驥具狀以聞太祖貸其罪削籍徙靈武數年其子有鄰繫登聞鼓訴中書不法事趙普出是出鎮河陽召德驥為祕書丞俄分判御史臺三院事又兼判吏部南曹開寶七年同知貢舉太平興國四年車駕征太原為太原西路轉運使六年同知京朝官考課選兵部郎中七年以公累降本曹員外郎出知懷州未幾復舊官又命為兩浙轉運使其子殿中丞有終亦為淮南轉運使父子同日受詔指紳榮之俄遷右諫議大夫雍熙二年徵歸朝同知京朝官考課初帝謂宰相曰朕前日閱班籍擇官為河北轉運使所患不能周知羣臣履行自今令德驥錄京朝官履歷功過之狀引對既得漸識羣臣擇才委任且使有官政者樂於召對負瑕累者恥於顧問可以為懲勸矣端拱初遷戶部侍郎會趙普再入相宣制之日德驥方正班不覺墜笏遽上疏乞歸田里太宗召見安諭之賜白金三十兩罷知考課止以本官奉朝請會議事尚書省乘酒叱起居員外郎鄭構為盜御史奏劾下御史臺案問具狀帝下令罰月俸而釋之訖趙普出守西洛帝終保全之淳化二年為其婿如京副

使衛灌訟有鄰子孝先內亂帝素憐德驥惡暴揚其醜不以孝先屬吏止除名配均州德驥坐失教責授感德軍行軍司馬并其子少府少監有終責授衡州團練副使德驥因慙憤成疾二年卒年七十五有終為三司鹽鐵副使表乞遣復舊官從之德驥無文采頗以強直自任性褊躁多忤物不為士大夫所與有鄰開寶中舉進士不第其父既竄靈武意宰相趙普摯抑之時堂後吏胡贊李可度經職歲久或稱其請託受賕而祕書丞王洞與德驥同年登第有鄰每造謁洞洞多以家事委之一日洞令有鄰市白金半錠因曰此令吾子知要與胡將軍蓋謂贊也時又有招應攝官三任詳由全者許投牒有司即得召試錄用有鄰素與前攝上蔡主簿劉偉交游知偉雖嘗三攝而一任失其解由偉造偽印令其兄前進士佚書寫之因是得試過銓遂具章告其事並下御史府按鞫有鄰出入贊家証其事多實獄具偉坐棄市洞等並決杖除名贊可度仍籍其家有鄰授祕書省正字自是累上疏密告人陰事俄被病白晝見偉入室以杖箠其背號呼聞於外數日而死

有終字道成以蔭補漢州司戶參軍時侯陟典選木彊難犯選人聽署於廷無敢譁者有終獨抗言願為大郡治獄掾陟叱之日年未三十安可任此官有終不為沮署萊蕪尉知監左拾遺劉祺視有終年少頗易之有終發其姦贓祺坐罪杖流海島以有終代知監事先是三司補吏為治官率以賞進多恣橫至是受署者憚有終率多避免太宗即位聞其名遣內侍伍守忠同掌監事且察其治迹守忠至裁周月即還奏有終疆濟之狀亟詔為大理寺丞會德驥任陝西轉運奏為解州通判特許德驥不巡察是州有終入奏鹽池利害改贊善大夫令還權知軍事百通判太平興國六年遷殿中丞知密州徙淮南轉運副使時德驥主簿兩浙往往省於境土時人榮之雍熙中王師北征命為蔚州飛狐路隨軍轉運使入為鹽鐵判官歷戶部度支副使出知昇州酒化初就遷少府少監知廣州二年以女弟婿衛灌訟坐親累責授衡州團練副使奪章服俄丁外艱行及許田召歸入對起為都官員外郎歷度支鹽鐵副使復金業時以江南嶺外茶鹽價不一細民冒禁私販多陷重辟詔有終領江淮兩浙荆湖福建廣南路茶鹽制置使就出鹽產茶之地以便宜裁制使遷改工部郎中知大名府不踰月復為少府少監徙知江陵李順之亂王師西征命與裴莊為峽路隨軍轉運使同知兵馬事調發兵食規畫戎事皆有節制師行至峽中遇盜格鬪且行且戰進至廣安軍壘瀕江三面樹柵會夜陰晦賊眾奄至鼓譟舉火士伍恐懼有終安坐櫺髮自若賊圍既合引奇兵出其後擊之賊眾驚擾赴水死者無算就拜右諫議大夫知益州次簡州萬佛舍度賊必至命左右重閉召土人嚴更警備初夕聞道而出賊圍守數重及壞寺入惟擊柝者在焉俄兼同招安使賊平移知許州改知并州真宗嗣位加工部侍郎代還知審刑院授戶部使咸平二年將巡師大名二月帝親禦契丹甲寅駕發京師甲子次大名本傳遺有終乘驛先詣瀘州督納糧草車駕還次德清軍會益州奏神衛戍卒以正旦竊發害兵馬候轄符昭壽擁都虞候王均為亂逐知州牛冕即日拜有終瀘州觀察使知益州兼川峽兩路招安捉賊事御厨使李惠洛苑使石普供備庫副使李守倫並為招

安撫檢使給步騎八千命往招討又以涪州團練使上官正爲東川都鈐轄西作坊使李繼昌爲峽路都鈐轄崇儀副使高繼勳王阮並爲益州駐泊都監供奉官閻門祇候孫正辭爲諸州都巡檢使正月三日均率眾陷漢州進攻綿州旬日不能下趣劍門先是知劍州祕書丞李士衡度寇必至城不能守悉徙官帑保劍門焚其倉廩及署榜招軍卒之流逸者得數十人已而賊果至士衡與劍門都監左藏庫副使裴臻逆擊之時風雪連日均眾無所掠惟食敗糟臻與戰斬首數千級賊眾散劇宵遁還保益州士衡即馳騎入奏帝嘉之拜士衡度支員外郎孫崇儀使領峽州刺史仍舊職知蜀州供奉官閻門祇候楊懷忠聞變即調鄉丁會十一路巡檢兵刻期進討十七日懷忠率眾入益州焚城北門至三井橋時均留劍門與賊將魯麻胡陣於江濱廟前自晨至哺戰數合懷忠兵勢不敵退還所部懷忠部下多李順舊黨頗負剽劫故敗績焉懷忠移文嘉眉七州調軍士丁男來會二月再攻益州時均方遣逆黨趙延順攻

出攻若有終擊走之一日均開城僞爲遁狀有終與上官正石普率兵偕入官軍分剽民財部伍不肅賊閉關發伏布床榻於路口官軍不得出因爲所殺有終等緣堞而墜李惠死之退保漢州益州城中民皆奔迸四出復爲賊黨分騎追殺或囚繫之支解族誅以恐眾又賜士民僧道之少壯者爲兵先刺手背次髡首次黥面給軍裝令乘城與舊賊黨相間有終署榜招之至則署其衣袂釋之日數百人三月進攻彌牟若斬首千餘級復爲賊所拒四月賊由升僂橋分路來寇併軍於東偏有終率兵逆擊敗之殺千餘人奪其鐵蓋金槍等物均單騎還城有終遣其子奉禮郎李若馳奏帝召李若問敗賊之由笑謂左右曰均鼠竊爾雖嬰城自守計日可擒矣李若因言嘗習武藝願改秩以效即補供奉官俄以刑部員外郎馬亮爲轉運使國子博士張志言副之供備庫副使張昞爲綿漢都巡檢使楊懷忠又分所部砦於合水尾浣花等處樹樓石設砦籬以拒之賊自升僂之敗徹橋塞門官軍進至清遠江爲梁而渡有終與石普屯於城北門之西伏壕爲土山分設鹿角又得舊草場造梯衝洞車攻具普專主之高繼勳張昞孫正辭攻城東上官正李繼昌王阮攻城西楊懷忠與巡檢殷直閻門祇候馬貴攻城南賊將趙延順盡驅兇黨以拒既而延順中流矢死又遣其黨丁重萬立城門上官軍射之燬每攻城輒會雨城滑不能上官軍及丁夫爲洞屋以進賊又鑿地道出掩之溺壕中死者千餘軍勢小衄時方暑溼軍士多疾有終市藥他州療之是月詔落苑使秦翰爲兩川捉賊招安使有終與翰叶議於城北魚橋又築土山八月克城北羊馬城遂設雁翅敵棚覆洞

屋以進逼羅城九月城北洞屋成賊對設敵樓以抗官軍有終遣卒焚之賊復築月城以自固有終募敢死士間道以人賊爲藥矢中者立死卒皆蒙覆燧悉焚其望櫓樓石先遣東南西南諸鼓謀攻城有終與石普分主洞屋以進普穴城爲暗門門成賊攢戟於前無敢進者有二卒請行許以厚賞乃麾戈直衝之賊鋒稍卻遂入城有終登城樓下瞰賊之餘眾猶若天長觀前於文翁坊密設礮架高繼勳曰於馬亮請給稻秣油帆眾執長戟巨斧乘炬以進悉焚之楊懷忠焚其若天長觀前追至大安門復敗焉是夕二鼓均與其黨二萬餘南出萬里橋門突圍而遁有終疑有伏遣人縱火城中詰朝與秦翰登門樓牙吏有受傷署官職者捕得立樓下榜積薪厝火其上索男子魁壯者令辨之曰某嘗受某職即命左右掉投火中自晨至哺焚死者數百人時謂冤酷均既走度合水尾由廣都略陵榮趨富順監所過斷橋塞路焚倉庫而去初有終遣懷忠領虎翼軍追之後二日石普繼往以全軍爲後援十月均至富順其將校以復度江趨戎瀘蠻境朝廷每歲孟冬朔詔富順監具酒肴犒內屬蠻酋是日裁設具而均黨適至皆食焉聞懷忠追騎將至均心易之謂其黨曰速降懷忠令其眾負擔以行懷忠距富順六十里於楊家市少憩賊眾在後者遽戰懷忠遣騎士愿高原規賊且語其左右曰縱賊渡江後悔無及聞石侯將至當以奇兵取之乃臨江列陣擊之餘黨散走有卒舟將渡江而遁者懷忠合強弩射之溺死甚眾懷忠張旗鳴鑼入城均方在監署中其眾多醉均窮蹙縊死虎翼軍校魯斌斬其首詣懷忠獲僞偽法物旌旗甲馬甚眾擄其黨六千餘人逆徒殲焉

懷忠旋軍出北門普原方至尋均有馳歸成都巢於北
 市均本隸開封散從直後補軍校初神御軍之成成都
 者以均及董福分二指揮以領之福御軍有法部下皆
 優足均縱其下飲博軍裝亦以給費是歲車駕幸河朔
 符昭壽與牛冕大閱於東郊蜀人趨視之二軍衣服鮮
 弊不等均因是慙憤益州知州與鈺轄二驛並禁旅
 為牙隊咸除冕以酒肴犒部士而昭壽既驕恣復肆侵
 虐冕亦寬弛無政故詔朝合起為亂神衛卒既殺昭壽
 是日成都官吏方相與賀正聞變皆奔竄牛冕與轉運
 張適繩城而出惟都巡檢使劉紹榮自刃格鬪既而眾
 寡不敵叛卒尙未有主或欲奉紹榮為帥者紹榮擣弓
 罵曰我燕人也比棄鄉土來歸本朝豈能與汝同逆汝
 亟殺我肯負朝廷哉眾未敢動監軍王澤與均適至
 乃謂均曰汝所部為亂盍自往招安均既往叛卒即擁
 之為王紹榮自經死均僭號大蜀改元化順署置官稱
 設貢舉以張鑑為謀主錯本名美太原舊卒後為神衛
 小校狡獪嘗應戰陣粗習陰陽以榮惑同惡故勸均為
 亂均質慙悞無謀嘗言官軍若至我當先路出迎自陳
 被脇之狀錯聞之擇軍中子弟署寄班以防守均令不
 與人接見官軍圍城每射前招誘及令均子弟至城下
 均皆不之知得箭書錯悉焚之自起至賊所守止一城
 而已均初署親軍為天降虎翼後果為虎翼軍所殺賊
 既平遣承受供奉官楊崇勳乘傳告捷賜崇勳緇袍銀
 帶器幣有終加保信軍節度觀察留後以秦翰為內園
 使恩州刺史石普為益州團練使高繼勳王阮並為崇
 儀使孫正辭為內殿崇班李繼昌為潯州刺史張嗣為
 供備庫使楊懷忠為供備庫副使馬貴為供奉官是役

也懷忠之功居最為石普所忌朝廷微聞之遣奇班安
 守忠按視戰所盡得其功狀以故懷忠復遷崇儀使領
 恩州刺史四年有終代還命為涇原儀渭鎮戎路都部
 署辭不拜改知永興軍府按長編載有終以平賊功進
 宋史本傳載云懷忠遷崇儀使領恩州刺史
 有終代還改知永興不載以功進留後事徙秦州景
 德初徙為并代副都部署契丹入侵帝幸澶淵詔有終
 率所部由土門抵鎮州與大兵會既而王超彘賚逗撓
 無功惟有終赴援威聲甚振河北列城賴其雄張俄而
 契丹修好命還屯所就判并州召拜宣徽北院使檢校
 太保二年暴卒年五十九贈侍中錄其子孝若為內
 殿崇班閤門祇候孝傑為內殿崇班孝緒為供奉官孝
 恭為侍禁視族門客給事輩遷補者八人有終個儻自
 任不拘小節有幹局沈敏善斷不畏強禦輕財好施歷
 典藩閫能撫士卒豐於宴犒官用不足則傾私帑及權
 錢以給之家無餘財奉身甚薄常所御者銅鞍勒馬而
 已第在崇仁里者德讓所創有終在蜀嘗備用庫錢
 數百萬奏納其第償之優詔蠲免為宣徽使持給廉鎮
 公用錢歲二千貫身沒之日宿負猶不啻千萬官為償
 之王繼英在樞密頗忌有終進用屢言其在蜀及守邊
 厚費以收士卒心真宗不之信卒保護焉

募商人入粟塞下償以茶鹽召對稱旨命馳驛陝西與
 轉運使鄭文寶議立規畫事多施行累遷尚書屯田員
 外郎嘗請置三司拘收司以檢天下財利出入之數詔
 如其請知興元府坐保任失實降通判華州徙知鄜州
 宰相寇準舉換內園使知貝州會慈州民張熙載詐稱
 黃河都總管籍並河州郡芻糧數至貝州孝先覺其姦
 捕繫獄孝先欲因此為奇功以動朝廷迫司理參軍紀
 瑛致熙載偽為契丹謀者部送京師樞密院按得孝先
 所致狀謫澤州都監後遷領軍衛大將軍昭州刺史分
 司西京卒子簡夫
 簡夫字太簡隱居不仕康定中樞密使杜衍薦之召見
 以祕書省校書郎簽書秦州觀察判官時三白渠久廢
 京兆府遂薦簡夫治渠事先時治渠歲役六縣民四十
 日用梢木數百萬而水不足簡夫用三十日梢木比舊
 三之一而水有餘知坊州徙閬州用張方平薦知雅州
 既而辰州蠻酋彭士義內寇三司副使李參侍御史朱
 處約安撫不能定繼命簡夫往至則督諸將進兵築明
 溪上下二砦據其險要拓取故省地石馬崖五百餘里
 士義內附擢三司鹽鐵判官以疾知虢同二州累遷尚
 書職方員外郎卒錄其子爵臣為郟社齋郎
 王超趙州人弱冠長七尺餘太宗尹京召置麾下及即
 位以隸御龍直清化二年累遷至河西軍節度使殿前
 都虞候真宗嗣位以翊戴功加檢校太傅領太平軍節
 度咸平二年大閱禁兵二十萬於東郊超執五方旗以
 節進退帝御戎帳觀之面賜褒獎從幸大名與都虞候
 張進並為先鋒都大點檢傳潛違撓得罪以超為侍衛
 馬步軍都虞候鎮州行營都部署又帥鎮定高陽關三

路與契丹戰於遂城西俘敵一萬計斬其得王騎將十五人李繼遷陷清遠軍超將西面行營之師禦之徒帥承輿軍宰相言超材堪將帥遂以超帥定州路行營王繼忠副之尋加鎮定高陽關三路都部署密遣中使賜以御弓矢許便宜從事加開府儀同三司檢校太尉咸平六年遼師大入超召鎮州桑贊高陽關周登率兵會定州瑩以非詔旨不至迨兵圍瑩都超贊率兵赴之陣於縣南六里繼忠在陣東偏契丹出其背遮絕糧道人馬乏困繼忠馳前與契丹戰超贊遂旋師繼忠孤軍沒焉帝即遣劉承珪李允則馳往察退衄之狀且言鎮州副部署李福拱聖軍都指揮使王昇當戰先旋福坐削籍流封州昇決杖配隸瓊州景德初帝親巡瀛淵召超赴行在復綏師期契丹遂深入會南北通好故薄其責止罷超三路帥為崇信軍節度使徙知河陽又移鎮建雄知青州卒贈侍中再贈尚書令追封魯國公諡武康超為將善部分御下有恩與高瓊同典禁旅嘗休假他適遇營壘軍校不時將迎瓊即命筆罰超以為非公行不當加罪人稱其怨然臨軍寡謀拙於戰鬪子德用德用字元輔幼從父補衛內都指揮使至道二年分五路出兵討李繼遷超帥兵六萬出綏夏德用年十七為先鋒將萬人戰鐵門關斬首十三級俘掠畜產以數萬計進師烏白池諸將多失道不至敵甚銳超按兵不進德用請乘之以精兵五千轉戰三日敵勢卻德用曰歸師迫險必亂乃領兵距夏州五十里絕其歸路下令曰亂行者斬一軍肅然超亦為之按轡繼遷躡其後左右望見隊伍甚嚴莫敢近超撫其背曰王氏有子矣累遷內殿崇班以御前忠佐為馬軍都軍頭出為邢洛磁

相巡檢盜張洪霸相聚界上吏不能捕德用以隨車載勇士詐為婦人飾過邯鄲賊果來邀勇士奮出悉禽之徙督捕陝西東路盜賊相戒曰此禽張洪霸者皆相率逃去為環慶路指揮使尋以奏事忤旨責授鄆州馬步軍都指揮使天聖初以博州團練使知廣信軍城壞久不治德用率募軍增築之有詔發諭召還又為并代州馬步軍副都總管遷殿前都虞候步軍副指揮使歷桂州福州觀察使章獻太后臨朝有求內降補軍吏者德用曰補吏軍政也不可與太后固欲舉之卒不奉詔乃止太后崩有司請衛士坐甲德用曰非故事也不奉詔仁宗閱太后閣中得德用前奏軍吏事奇之以為可大用拜檢校太保簽書樞密院事德用謝曰臣武人幸得以馳驅自効賴陛下威靈待罪行間足矣且臣不學不足以當大事帝遣使者趣入院遂為副使久之以奉國軍節度觀察留後同知院事遷知院歷安德軍加檢校太尉定國軍節度使宣徽南院事趙元昊反德用請自將討之不許德用狀貌雄毅面黑頸以下白哲人皆異之言者論德用狀貌類藝祖按東都事略作藝祖林學士蘇紳語御史中丞孔道輔繼言之謂德用得士心不宜久典機密遂罷為武寧軍節度使徐州大都督府長史有言德用市馬於府州者上其券乃市於商人者言猶不已降右千牛衛上將軍知隨州州置判官家人皆惶恐德用舉止言色如平時惟不接賓客而已徒知曹州或謂德用曰孔甲丞害公今死矣德用曰中丞言官豈害我者朝廷亡一忠臣可惜也起為保靜軍節度觀察留後知青州改澶州陝西用兵久無功契丹遣劉六符來求復關南地以兵壓境德用見帝流涕言臣前被罪陛下赦而不誅

今不足辱命帝慰勞曰河北方警藉卿鎮撫之又賜手詔慰拜保靜軍節度使歲大熟六符見德用拜曰此公仁政所及也徙真定府定州路都總管還奏事復以宣徽南院使判成德軍未行徙定州路都總管日訓練士卒久之士殊可用契丹使謀者來覘或請捕殺之德用曰第舍之彼得實以告是服人之兵以不戰也明日大閱援桴鼓之士皆踴躍進退坐作終日不戮一人乃下令具襍糧聽吾鼓聲視吾旗幟所向覘者歸告契丹謂漢兵將大人既而復議和遂徙陳州又徙河南不行入奉朝請出判相州拜同中書門下平章事判澶州徙鄭州封祁國公還為會靈觀使德用素善射雖老不衰侍射瑞聖園辭曰臣老矣不能勝弓矢帝再三諭之持二矢未發帝顧之使必中乃收弓矢謝一發中的再發又中帝笑曰德用欲中即中爾孰謂老且衰乎賜襲衣金帶加檢校太師復判鄭州徙澶州改集慶軍節度使封冀國公皇祐三年上疏乞骸骨以太子太師致仕大朝會綴中書門下班德用將家子習知軍中情偽善以恩撫下故多得士心雖屢臨邊境未嘗親矢石督攻戰而名聞四夷閭閻婦女小兒皆呼德用曰黑王相公帝嘗遣使問邊事德用曰咸平景德中賜諸將陣圖人皆死守戰法緩急不相救以至於屢敗誠願不以陣圖賜諸將使得應變出奇自立異効帝以為然德用雖致仕乾元節上壽預班延中契丹使語譯者曰黑王相公乃復起耶帝聞之起為河陽三城節度使同中書門下平章事判鄭州至和元年遂以為樞密使命入謁拜明年富弼相契丹使耶律防至德用與防射玉津園防曰天子以公典樞密而用富公為相將相皆得人矣帝聞之

賜弓一矢五十後封魯國公求去位至六七乃以爲忠
武軍節度使景靈宮使又以爲同羣牧制置使有詔五
日一會朝聽子孫一人扶掖卒年七十九贈大尉中書
令諡武恭加賜其家黃金德用諸子中咸融最鍾愛晚
年頗縱之多不法後更折節自飭官至左藏庫使眉州
防禦使

列傳

宋二十三

傅潛 張昭允 王漢忠 王能

張堯 魏能 陳興

許均 李重貴 呼延贊

劉用 耿全斌 周仁美

田紹斌 楊瓊 錢守俊

徐興 王杲 白守素

張思鈞

傅潛冀州衡水人少事州將張廷翰太宗在藩邸召置左右即位隸殿前左班歷東西班指揮使使太原一日再中流矢又從征范陽先至涿州與契丹戰生擒五百餘人翌日上過其所見積尸及所遺器仗嘉歎之師旋擢為內殿直都虞候帝對樞密言潛從行有勞賞薄三遷至日騎天武左右都指揮使領雲州防禦使雍熙二年命大將曹彬北征以潛為幽州道行營前軍馬步軍都指揮使師敗於拒馬河責授右領軍衛大將軍自檢校司徒降為右僕射仍削功臣爵邑明年起為內外馬步都軍頭領潘州防禦使自端拱初至至道中數被遷轉出為延州路都部署改鎮州真宗即位領忠武軍節度召還咸平二年復出為鎮定高陽關三路行營都部署契丹大入緣邊城堡悉飛書告急潛麾下步騎凡八萬餘咸自置鐵搗鐵錘爭欲奮擊潛畏懦無方略閉門自守將校請戰者則醜言罵之無何契丹破狼山砦悉銳攻威虜略寧邊軍及祁趙游騎出邢洛鎮定路不通者踰月朝廷屢問遣使督其出師會諸路兵合擊

范廷召桑贊秦翰亦屢促之皆不聽廷召等怒因詬潛曰公恇怯乃不如一嫗爾潛不能答都鈴轄張昭允又屢勸潛潛笑曰敵勢如此吾與之角適挫吾銳氣耳然不得已分騎八千步二千付廷召等於高陽關逆擊之仍許出兵為援泊廷召等與契丹血戰而潛不至康保裔遂戰死及車駕將親征又命石保吉上官正自大名領前軍赴鎮定與潛會潛卒逗遛不發致敵騎犯德棣渡河湊淄齊劫人民焚廬舍帝駐大名而邊捷未至且諸將屢請益兵潛不之與有戰勝者潛又抑而不聞帝怒是大怒乃遣高瓊單騎即軍中代之令潛詣行在至則下御史府命錢若水同劾按一夕獄具百官議法當斬從駕羣臣多上封請誅之帝貸其死詔削奪潛在身官爵并其家屬長流房州潛子內殿崇班從範亦削籍隨父流所仍籍沒其貲產五年會赦徙汝州景德初起為本州團練副使改左千牛衛上將軍分司西京大中祥符四年車駕西巡至洛因命從駕還京遷左監門大將軍還其宅久之判左金吾街仗天禧元年卒按宋史王繼忠傳考繼忠官定州路副都部署戰昭契丹賜名耶律顯忠又改名忠信歷封王爵其後繼忠附表力請北還中朝真宗以誓書約各無所求賜詔諭意稱南史息兵繼忠與有力焉與甘心委贖二姓者有別且遣亦附見王超傳中此從刪

張昭允字仲字衛州人以父秉蔭試大理評事潘美妻以女奏換右班殿直以久次遷通事舍人端拱初契丹內侵命為雄州監軍敵騎乘秋掠境上昭允與知州田仁朗選銳卒襲其帳敗走之進西上閣門副使提總左右藏金銀錢帛昭允以諸州絹常度外長數尺請裂取付工官備他用虜獲羨餘既而士卒受冬服度之不及程出怨言昭允坐免官俄起為崇儀副使累遷西上閣

門使河西馬步軍鈴轄屯石州會討李繼遷王超出夏綏州路領後陣超深入數百里踰白池道阻糧絕昭允以所部援之戎人大敗真宗即位以昭允章懷皇后姊婿頗被親信咸平二年命為鎮定高陽關行營馬步都鈴轄時傅潛為都部署畏慎城守昭允屢勸其出兵潛按兵不動潛既得罪昭允亦削奪官爵長流道州景德二年起為楚州團練副使改右神武將軍大中祥符元年卒昭允喜筆札習射曉音律子正中居中按宋史此傳無事蹟足錄今從刪

王漢忠字希傑徐州彭城人少豪蕩有膂力形質魁岸善騎射節帥高繼沖欲召至帳下漢忠不往因殿里中少年遂西至京師太宗在藩邸召見奇其材力置左右即位補殿前指揮使遷內殿直都知從征太原先登流矢中眸戰益急帝壯之端拱初累遷侍衛馬軍都虞候領洮州觀察使高陽關副都部署契丹南侵漢忠合諸軍擊敗之淳化中徙定州遷殿前都虞候真宗即位自中山召歸復出為高陽關都部署進領威塞軍節度咸平三年契丹掠中山漢忠率諸將陣於野契丹遁追斬甚眾獲其貴將加殿前副都指揮改領保靜軍節度五年罷西面經略使命漢忠為邠寧環慶兩路都部署李允正未沆為鈴轄領戍兵二萬五千人委漢忠分道控制數月召還坐違詔無功責左屯衛上將軍出知襄州常奉外增歲給錢二百萬末上道暴得疾卒贈太尉漢忠有識略軍政嚴肅性剛果不務小節輕財樂施好讀書頗能詩喜儒士待賓佐有禮名稱甚茂以是自矜尙羣帥多不悅子從吉後因詣闕上書坐除名配隨州王能廣濟定陶人初事州將袁彥太宗在晉邸召置左

右卽位補內殿直累遷至前右班都虞候兼御前忠佐馬步軍都軍頭咸平初自捧日右廂都指揮使出爲濟州團練使知靜戎軍建議決鮑河斷長城口北注雄州塘水爲戎馬限方舟通漕以實塞下又開方田盡戎順安之境契丹來侵能擊走之初眞宗詢軍校勤勇者委以方面因語宰相曰聞王能魏能頗宣力公家陳興張禹班亦有聲於時才固難全拔十得五亦有助也景德初擢本州防禦使與魏能張凝並命出爲邢洛路都部署俄改鎮定高陽關三路行營都部署大中祥符二年詔合鎮定兩路都部署爲一命能領之明年召入爲侍衛步軍副都指揮使領曹州觀察使祀汾陰留爲京城巡檢兼留司殿前司事禮成加領振武軍節度復爲鎮定副都部署兼知定州八年表求入覲許之先是節帥陞見必飲於長春殿掌兵者則不預至是特令用藩臣例有司言能既赴坐則殿前馬軍帥皆當侍立繇是特令諸帥預坐自是掌兵者率以爲例天禧二年制授彰信軍節度罷軍職赴鎮以地近其鄉里寵之也明年卒年七十八贈太尉錄其子守信等官

張凝滄州無棣人少有武勇儻自任鄉人趙氏子以材稱凝恥居其下因扶弓與角勝負約築土百步射之凝發一矢洞過矢激十許步抵大樹而止觀者歎服節帥張美壯之召置帳下太宗在藩邸聞其名以隸親衛卽位補殿前指揮使稍遷散祇候班都虞候高化初以其有材幹與王斌王憲並授洛苑使疑領繡州刺史出爲天雄軍駐泊都監移貝州改高陽關行營鈴轄六宅使眞宗踐祚加莊宅使遷北作坊使咸平初契丹南侵凝率所部兵設伏於瀛州西出其不意腹背奮擊挺身陷敵凝子昭遠年十六從行卽單騎疾呼突入陣中所向披靡掖凝以出明年契丹兵大至車駕幸大名凝與范廷召於莫州東分據要害斷其歸路契丹宵遁凝縱兵擊之盡奪所掠生口資畜郡靈慶靈州路副都部署兼安撫使時斥埃數擾轉運使劉綜懼飛輓不給問計於凝凝曰今當深入因敵資糧不足慮也乃自白豹鎮率兵入敵境生擒賊將燒蕩三日餘帳芻糧八萬斬首五千餘獲牛馬器甲二萬降九百餘人慶州蕃族和爾嘉木等桀黠難制疑襲破之又熟戶與生羌錯居頗爲誘脅疑引兵至八州原分水嶺柔遠鎮降和卓等百七十餘族合四千戶邊境獲安就加靈州團練使景德初遷本州防禦使代楊嗣爲定州路行營副都部署徙保州駐泊又兼北面安撫使時王超爲總帥以大兵頓中山朝議擇疑與魏能田敏楊廷昭分握精騎俟契丹至深入以牽其勢超嘗請四人悉隸所部帝以本設奇兵撓敵之心腹若復取裁大將則無以責效乃令凝等不受超節度時魏能逗撓退保城堡眾皆憤悱責讓能疑獨默然或問之疑曰能處材險復既不爲諸君所容吾復切言之使其心不自安非計也帝聞而嘉其有識車駕觀兵澶淵凝率眾抵易州旣而契丹受盟北歸所過猶不敢掠奪改高陽關部署明年議勞就加殿前都虞候卒疑忠勇好功名累任西北善訓士卒繕完器仗前後賞賜多以稿師家無餘資京師無居第眞宗悼惜之贈彰德軍節度使遣中使護喪還京官給葬事厚卹其家子昭遠

魏能鄆人少應募隸雲騎軍後選補日騎左射又隸殿前班七遷散員左班都知舊制諸軍辭見才器勇敢或迥異出羣者許將校交舉以任使母枉其志能時未有舉者太宗曰能材勇過人朕可自保由是進用之端拱二年加御前忠佐馬軍副都軍頭殿前左班都虞候領溪州刺史加秩轉馬步軍都軍頭咸平三年眞拜黃州刺史明年爲鎮定高陽關三路前陣鈴轄五年知鄭州團練使復任威虜軍契丹入侵能當城西與諸將合戰無憚色大敗其眾斬首二萬級契丹統軍鐵林公來薄陣能發矢殪之并其將十五人奪甲馬兵械益眾契丹復入能率州軍逆戰南關門遣其子政與都監劉知訓間道抵敵行勢戰數十合破走之獲器甲十八萬契丹嘗謀內侵能偵知卽發兵逆擊生擒會帥殄滅殆盡六年改威虜軍都部署知軍事能建言戍卒逸邊境者請沒其妻與子爲奴婢帝慮嚴迫聽緩期自新違以法坐會沒靜戎順安軍營田河道以扼敵衝按長編載咸平六年七月甲寅召輔臣于便殿帝曰今北河已屯大兵而邊將屢奏敵未有隙且聚軍虛費則民力何以充給朕切思之若不因有所置制以爲控扼之利靜戎順安軍先開營田河道可以扼黑口三臺小路又得通清極邊當今乘此開浚使及軍城敵或擾我役卽合兵擊殺此弟言浚順安軍營田河道不及靜戎今據增徙莫州路都部署時石普屯兵順安之西境詔能與楊廷昭田敏特角爲備景德初破契丹於長城口追北遼陽山復以所部禦寇於順安召拜防禦使復出爲靈邊軍路都部署詔推能果略再任以威虜使副精兵伺敵動止邊人百餘掠居民樹蕃僧爲帥能與田敏楊勳合兵設伏擊之擒其帥賊來逼城能出兵拒之少衄卽卻陣入城張凝以兵擊卻之會詔能與凝領偏師分道入幽易牽制契丹之勢能畏慄不前且不戢所部多俘奪人馬俄徙屯定州及遣凝躡述北行能靈險自度無功心愧出怨辭以

訃聞朝議謂能剛猾少檢不可專任乃命棊政敏為鈴

轄俾同職焉明年師還大名時王能曹璨各領兵歸闕

鈴轄孫全照道能璨之師由北門分道先入能師繼之

能怒全照後已疾驅競入全照射之能奪全照弓以去

翌日詣判府王欽若誣全照射傷押隊閤門楊凝詞頗

紛競全照密疏能摧兵退縮師緩失期及師旋不整狀

帝怒其逗遛會全照奏乃質實於張凝白守素等即責

授右羽林將軍出為鞏縣都監明年以自陳特改官右

驍衛大將軍號州都監累遷加領康州團練使大中祥

符八年卒錄其子正為閤門祇候請為三班奉職

陳興澶州衛南人開寶中應募為卒得隸御龍右直端

拱中累遷御前忠佐步軍副都軍頭王超為并代部署

奏興隨軍遣戍汾州明年李繼隆行營河西興隸麾下

克綏夏銀州繼隆命權知夏州尋還屯所受詔提轄河

東緣邊城池器甲芻糧至道初繼隆薦其材幹召補御

龍弩直都虞候咸平初為馬軍都軍頭領蒙州刺史三

年真授憲州刺史知霸州會城殺州詔與錢若水往視

利害事具若水傳又徙涇原儀渭鎮戎軍部署上言鎮

戎軍去渭州瓦亭砦七十餘里中有二堡請留兵三百

戍之俄與曹瑋秦翰領兵抵鎮戎軍西北烏延鹹泊川

掩擊蕃寇章密族帳獲甚眾繼遷所部哈努勒往歲

鈔劫靈州援糧恃險與眾尤桀黠難制復與秦翰等合

兵進討窮其巢穴盡焚掘其窖藏復詔褒之仍加賜賚

景德三年遷本州團練使知徐州興起行伍有武略所

至頗著聲績真宗言軍校之材必以興為能大中祥符

初召為龍神衛四廂都指揮使領登州防禦使出為邢

靈環慶路副都部署兼知邢州坐擅釋劫盜罷軍職改

徐州防禦使知懷州六年卒

許均開封人建隆中應募為龍捷卒征遼州以功補武

騎十將開寶中遷武騎副兵馬使從曹彬征金陵軍眾

陷水砦流矢貫手改本軍使從征河東攻隆州城先登

陷之中八創遷副指揮使前後屢被賞賚出屯杭州妖

僧紹倫結黨為亂均從巡檢使周瑩悉擒殺之端拱初

補指揮使從李繼隆秦翰赴夏州擒趙保忠令均率兵

衛守改龍衛第四指揮使俄屯夏州賊來犯境一日十

二戰走之又從石普擊賊於原州牛欄砦普表上其功

遷第三軍指揮使咸平初以御前忠佐馬軍都軍頭戍

秦州王均之亂遣乘傳入蜀隸雷有終麾下守魚橋門

又從秦翰追殺賊黨於廣都降其眾七千餘驛召授東

西班都虞候領順州刺史五年稍遷散員都虞候嘗召

見訪以北面邊事翌日真拜磁州刺史深州兵馬鈐轄

六年改涇州駐泊部署數月知鎮戎軍嘗出巡警至隴

山水峽口真宗以其無故離城慮有狂寇奔突詔書戒

敕俄以其不明吏治用曹瑋代之徙為邢州駐泊部署

改承興軍部署車駕將幸澶淵詔均與知府向敏中及

鳳翔梁鼎同提總陝西諸州巡檢捕盜事時有王長壽

者本亡命卒聚徒百餘是春抵陳留剽劫縣民捕之不

獲朝廷遣使益兵逐之澶淵間會契丹南侵夾河民庶

驚擾長壽結黨愈眾人皆患之均至胖城長壽擁眾五

千餘入縣鈔掠均部下徒兵楊袒與鬪均以方略誘之

生擒長壽斬獲其黨皆盡帝以方禦敵未欲因捕賊獎

均但賞均部下卒被傷者賜帛遷級焉明年追叙前勞

擢為本州團練使尋出知代州四年均被疾以米銳代

還未至而均卒錄其子懷忠為奉禮郎懷信為侍禁幼

子懷德自有傳按宋史此下有張進傳

李重貴孟州河陽人姿狀雄偉善騎射少事壽帥王審

琦頗見親信以甥妻之補合流鎮將鎮有羣盜以其尚

少謀夜入劫鈔重貴知之即築柵課民習射盜聞之潰

去太宗在藩邸知其勇幹召隸帳下即位補殿前指揮

使遷捧日右廂都指揮使領靈州團練使至道二年出

為衛州團練使未行會命將五路討李繼遷以重貴為

麟府州濁輪砦路都部署得對便殿因言賊居沙磧中

逐水草牧畜無定居便戰鬪利則進不利則走今五路

齊入彼聞兵勢太甚不來接戰且謀遠遁欲迫則人馬

乏食將守則地無堅壘賊既未平臣輩何顏以見陛下

太宗善之出御劔以賜又累遣使撫勞既而諸將果無

大功及還命為代并副都部署真宗即位加本州防禦

使徙高陽關行營副都部署咸平二年契丹南侵議屯

兵楊燾張凝領先鋒遇敵重貴率策應兵酣戰全軍而

還范廷召自定州至遇契丹兵交戰康保裔大陣為敵

所覆重貴與凝赴援腹背受敵自申至寅力戰卻敵時

諸將頗失部分獨重貴與凝全軍還屯凝議上將士功

狀重貴喟然曰大將陷沒而吾曹計功何面目也帝聞

而嘉之明年以勞進階及食邑徙知貝州召至勞問復

遣入郡是冬徙滄州駐泊副都部署兼知州事以疾求

還京就藥醫既愈連為邢州天雄二部署又知冀州景

德初車駕幸澶淵召還為大內都部署明年出知鄭州

以疾甚授左武衛大將軍領潘州防禦使改左羽林軍

大將軍致仕大中祥符三年卒

呼延贊并州太原人少為驍騎卒太祖以其材勇補東

班長入承旨遷驍雄軍使從王全斌討西川身當前鋒

中數創以功補副指揮使太平興國初太宗親選軍校以贊為鐵騎軍指揮使從征太原先登乘城及堞而墜者數四面賜金帛獎之七年從崔翰戍定州翰言其勇擢為馬軍副都軍頭稍遷內員寮直都虞候雍熙四年加馬步軍副都軍頭嘗獻陣圖兵要及樹營砦之策求領邊任召見令之作武藝贊具裝執鞭馳騎揮鐵鞭策架旋繞廷中數四又引其四子必興必改必求必顯以

入迭舞劍盤壘賜白金數百兩及四子衣帶端拱二年領富州刺史俄與輔超並加都軍頭治化三年出為保州刺史冀州副都部署至屯所以無統御材改遼州刺史又以不能治民復為都軍頭加康州團練使咸平二年從幸大名為行宮內外都巡檢真宗嘗補軍校皆敘已功或至謹謹贊獨進曰臣月奉百千所用不及半忝幸多矣自念無以報國不敢更求遷擢將恐福過災生再拜而退眾嘉其知分三年元德皇太后園陵命掌護儀衛及還而卒贊有胆勇驚悍輕率常言願死於敵徧文其體為赤心殺賊字至於妻孥僕使皆然諸子耳後別刺字曰出門忘家為國臨陣忘死為主及作破陣刀

降魔杵鉄折上中兩旁有刃皆重十數斤絳帕首乘駝服飾詭異性復鄙誕不近理盛冬以水沃孩幼冀其長能寒而勁健其子嘗疾贊到股為羹療之贊卒後擢必顯為軍副都軍頭

劉用相州人善騎射事太宗於藩邸即領補軍職累遷捧日都指揮使李順亂蜀為西路行營鈴轄賊平遷祈州刺史至道初為河西烏白池都鈴轄善戰功改高陽關副都部署真宗即位加本州團練使并州副都部署咸平中復為高陽關副都部署時烽埃數警用建議益

邊兵俟其南牧即率驍銳出東路以牽制其勢因圖上地形帝召宰相閱視可其奏且令轉運使於保州威虜靜戎順安軍預備資糧六年命將三路出師并敵詔用與劉漢凝田思明領兵五千由東路會石普孫全照犄角攻之未幾換鎮州副都部署景德初為邢州部署車駕北征用以城守之勞進爵邑歷知齊陳潞三州大中祥符二年卒

耿全斌冀州信都人父願懷順軍校全斌少豐偉顯攜謁陳搏搏謂有藩侯相類成西蜀全斌往省乘舟沂江夜大風失纜漂七十里至曙風未止舟忽泊岸人頗異之後游京師屬太宗在藩邸全斌候拜於中衛自薦材幹得召試武藝以善左射隸帳下即位補東班承旨稍遷驍猛副兵馬使從征太原還遇契丹於蒲陰追擊至徐河因據水口要害遷補日騎副兵馬使雲騎軍使屯瀛州與契丹戰所乘馬兩中流失死凡三易乘戰不卻契丹為引去端拱初擊蕃部於宥州敗之果轉馬步軍

都軍頭全斌在軍中有能名真宗嘗召問邊事全斌口陳利害甚稱旨因謂輔臣曰元澄鄭誠耿全斌人多稱之觀其詞氣若有志操止在宿衛無以見其才宜以邊郡試之遂拜雄州刺史知深州徙石隰部署以備河西繼遷死全斌率兵入伏落關誘蕃部來歸者數千人俄知安肅軍嘗繪山川險易為圖以獻契丹來侵自山北抵河許全斌遣子從政焚橋若分率精兵擊走之改冀州刺史高陽關鈴轄擢從政為侍禁寄班祇候大中祥符初封禪泰山以為濮州鈴轄其年還京師卒

周仁美深州人開寶中應募隸貝州驍捷軍關南李漢超選備給使屢捕獲契丹謀者從漢超戰於西嘉山身

中重創補隊長漢超上其功隸殿前班遷御前忠佐馬軍副都軍頭戍環州時努下雅爾彌累歲為寇仁美與陳德元宋思恭破之發戎族困密以餉師又與思恭討茂車春濟達至道初舒瑪爾努下雅爾彌族復叛德元令仁美提兵撫輯之仁美謂石昌鎮主和文顯曰此賊不除邊患未彌因厚設餼酒召酋長二十八人縛送州獄自是諸族懼二年又與馬紹忠白守榮田紹斌部

芻糧趨清遠軍仁美為先鋒至岐子平遇賊擊走之明日又戰於蒲洛河自已至戊戰數十合進壁乾河紹忠守榮皆敗走紹斌退止蒲洛獨仁美所部不滿三千身中八創護芻糧官吏直抵清遠紹斌繼至深歎其勇幹表上有功時運糧民道路被傷者相繼仁美領徒援護悉抵環州又遇虜於橐駝路擊走之先是諸蕃每貢馬京師為繼遷邀擊仁美領騎士為援賊不敢犯補澶州龍衛軍都虞候部署李繼隆奏留麾下選軍中健者

千人令仁美領之屢入敵境戰有功俄還澶州召見會令諸軍射仁美自陣筋力未衰願對殿廷發二矢帝許之既而前奏曰臣老於戎門多成外郡罕曾入覲京闕前後征行體被三十餘創今日得對萬乘千載之幸儻或備員宿衛立殿庭下一日足矣帝顧傅潛而笑潛亦稱其武幹力留補馬步軍副都軍頭潛屯北面常以自隨契丹攻蒲陰仁美領萬騎解其圍又從王超屯鎮定儀渭累遷龍衛軍都指揮使領順州刺史復屯鎮定時

州有亡命卒聚盜剽村闔為患王超委仁美招捕仁美選勇敢卒許亡命趨賊所得其要領即自往諭以禍福留賊中一日忽失仁美求之甚急詰旦仁美至具道其事乃出庫錢付仁美為賞不數日賊悉降凡得二百

餘人以隸軍籍大中祥符八年擢爲龍神衛四廂都指揮使領慶州防禦使遷捧日天武四廂都指揮使改領端州防禦使權京新城內都巡檢先是巡兵捕亡卒盜賊不獲皆有罰而獲者無賞仁美因差立賞格以聞詔從其請天禧三年卒

田紹斌汾州人仕河東劉鈞爲佐聖軍使成遼州周顯德四年領五十騎來歸鈞屠其父母家屬世宗召補驍武副指揮使太祖卽位隨崔彥進征李筠攻大倉砦破之以功遷龍捷指揮使又敗筠於澤州茶碾村筠退保澤州紹斌鑿濠圍守流矢中左目前軍部署韓令坤以其事聞及太祖召見於潞州紹斌殺晉軍奪其鎧甲益眾又從討李重進下荆湖平嶺南皆有功討蜀隸大將劉延讓麾下會全師雄寇神泉紹斌率所部敗其黨數千時漢劍道梗因賴以密凡在蜀三歲剽盜殄除累遷龍捷都虞候嘗盜官馬負直盡償博進事發獄具有司引見講武殿繼斌稱死罪太祖知其驍勇釋之且密賜白金會征江南擇諸軍借事得五百人爲步關軍令紹斌領之及率雲騎二千抵昇州城下克獲甚多太祖親討河東紹斌從何繼筠扼契丹兵於北百井獲勝而還太平興國初擢龍衛軍指揮使領江州刺史二年梅山洞蠻叛與程守素分擊之至邵州聞蠻會符漢陽死去其居十里大破其眾擒蠻二萬令軍中取利劍二百斬之餘五千遣歸諭諸洞自是蠻黨帖服曹彬之攻幽州也命爲先鋒指揮使遇契丹兵鬪奪牛羊器甲師還召見便殿加領溪州團練使復遣屯北面端拱元年拜冀州防禦使尋改解州信化中爲河中同丹坊鄜延橫嶺蕃界都巡檢使會鄭文寶議城席雜城皆爲清遠軍紹

斌與文寶同領其役城畢以文寶之請命爲知軍事至道元年拜會州觀察使仍判解州俄充靈州馬步軍部署領兵入蕃討賊斬首二千獲獲羊馬橐駝二萬計馬以給諸軍之闕者捷聞手詔嘉諭之數部金粟帛詣靈武清遠遠人讐服不擾未幾皇甫繼明白守榮等督轉餉於靈州紹斌率兵援接抵賊并賊眾來薄陣紹斌且行且鬪至耀德凡殺千人寇復尾後紹斌爲方陣使被傷者居中自將騎三百步弩三百大敗之於浦洛河初守榮與紹斌爲期會繼明病卒故後一日未發爲賊所圍守榮等欲擊之紹斌曰蕃戎輕佻勿乘輜重與戰當按轡結陣徐行守榮等不從紹斌因率所部去輜重四五里繼還初見紹斌旌旗不敢擊守榮等自欲邀功與戰賊先設伏以羸騎挑戰已而伏發守榮等戰敗紹斌率所部徐還一無遺失至清遠按隆平集載守榮等棄輜重與賊戰敗紹斌爲擊走賊護糧以行與張延州會食見濠中人裸而呼曰我白守榮也繩引而上遣內侍馬從順驛聞太宗益嘉之優詔褒美時命李繼隆范廷召討繼還就命紹斌爲本州都部署兼內外都巡檢使繼隆以浦洛之敗上聞言紹斌握兵不顧自言靈武非我不能守欲圖方面有異志太宗怒曰紹斌昔嘗背太原來投今又鼠首兩端眞賊臣也卽遣使捕繫詔獄鞫問貶右監門衛率府副率虢州安置眞宗卽位召還授右監門衛大將軍領敘州刺史尋改萊州防禦使詔還其所籍居第賜良馬十匹爲環慶靈州清遠軍部署慶州伊濟族數爲寇掠道路患之嘗有驍捷卒二十餘往邠州爲其掠奪卽馳告紹斌紹斌召其酋帥三人斷臂馘鬪放還寇遂帖服邠州觀察使傅潛屯中山紹斌三馳書於潛且言邊旅

大至但列兵唐河南背城與戰慎無窮追潛性異懦聞之益不敢出敵眾益熾焚劫城砦車馬駐大名召潛屬吏詞建紹斌免官黜爲左衛率府副率送往上都禁其出入五年授右千牛衛將軍致仕景德初起爲左龍武軍將軍永城兵馬都監三年遷左監門衛大將軍帝以紹斌久失職不宜在衝要乃徙考城都監大中祥符初領長州刺史從東封朝覲壇就班軍士建充庭旗旗倒壓紹斌仆地遽起無傷時紹斌已老其壯健若此後遷左領軍衛大將軍領康州團練使鞏縣都監三年卒年七十七紹斌長兵間習戰法其後累以格鬪立功然性暴戾故屢被黜子守信爲內殿崇班閤門祇候按宋史足錄今從刪

楊瓊汾州西河人幼事馮繼業以材勇稱太宗召置帳下卽位隸御龍直三遷神勇指揮使從征太原以勞補御龍直指揮使信化中李順亂蜀瓊往夔峽擒賊招安與尹元表莊分路進討克資普二州雲安軍遣使卽軍中眞拜單州刺史至道初召還共職明年徙知霸州兼鈐轄未幾改防禦使靈慶路副都部署河外都巡檢使賊寇寇邊瓊捍禦有功導黃河溉民田數千頃敗賊於合河鎮北賊騎五百掠城下擊破之追北三十里並賜嘉論咸平四年以邠州觀察使充靈環十州軍副都部署兼安撫副使遣使諭旨賊若寇清遠及青岡白馬砦卽合兵與戰是秋果長圍清遠頓積石河清遠屢走間使詣瓊請濟師瓊將悉出兵爲援鈐轄內園使馮守規都監崇儀使張繼能日敵近重兵在前繼無以進不可悉往乃止命副都部署海州團練使藩璘都監西京左藏庫劉文質率兵六千赴之且曰伺我之繼至瓊逗遛

不進頓慶州遣鈴轄李讓率兵往援至則城已陷賊泊青岡城下瓊與守規繼能方緩行出師及聞清遠之敗益恇怯不前順州刺史王瓊普謂瓊曰青岡地遠水泉非屯師計願棄之瓊合謀焚芻糧兵仗驅老幼以出瓊帥師退保洪德砦賊侵未嘗交一鋒事聞召瓊輩悉繫御史獄治罪當死兵部尚書張齊賢等議請如律詔特貸命削官長流崖州繼能守規軍同坐籍其家業明年移道州景德初起為右領軍衛將軍分司西京累遷左領軍衛大將軍領賀州團練使知衮州有州卒自言得神術能飛行空中州人頗惑瓊捕至折其足奏戮之五年卒年六十七錄其子舜臣為奉職長子舜賓內殿崇班閣門祇候

錢守俊濮州雷澤人少勇鷲嘗為盜陂澤中稱轉陂鵠周顯德中應募為鐵騎卒從征淮南戰紫金山下壽春獲戰艦千餘艘繼從克關南太祖即位補禁衛隸散員直乾德中轉殿前班都知尋征太原方戰矢中左足按而復進格鬪不已還改東西班指揮使遷馬步軍副都軍頭太平興國四年命與張紹勅李神祐劉承珪率師屯定州以備北邊移屯趙州又從征范陽師還道遇敵戰于徐河斬奪頗眾雍熙三年命將北征田重進出飛狐道守俊以偏師為援邊騎雲集守俊按甲從容進戰大敗之連護屯兵于趙定代還掌軍頭引見司道化三年出為單州團練使又明年改遷齊州時河西蕃部內擾命以副都部署鎮其地徙屯石州有言守俊病且老握重兵不堪其職召為左領軍衛大將軍領潘州防禦使大中祥符三年卒年八十一守俊累從軍討前後中三十六創景德中錄其子允慶為奉職弟守信官崇

儀副使守榮內園使徐興青州人以拳勇得隸兵籍周顯德中從征淮右太祖即位隸御龍直會平澤潞上其功補控鶴軍使征晉陽部卒壘汾水灌并州城益多其勞遷本軍副指揮使太平興國初從潘美趣關柏谷奮與賊鬪生擒偽兵馬都監李美身破重創無所回撓加指揮使從征太原討幽薊屢中流矢以著績聞累遷秩出為涪州部署端拱中修鎮定城逾月訖工改莫州防禦使知靜戎軍應鄆博二州咸平中為涇原環慶十州部署詔督轉靈武鄆糧道積石遇寇與戰時涇原儀衛駐泊部署王榮援兵不應遂敗走坐削籍流鄆州會赦入為右衛將軍遷左監門衛大將軍景德二年卒年六十八

王杲齊州人周顯德中應募為卒從世宗收三關隸先鋒太祖即位從征澤潞平揚州皆有戰功乃拔遷散指揮使累轉馬軍副都軍頭屯并州雍熙中為龍衛右第二軍都虞候會遣趙保忠還夏州命杲引兵護送及還保忠以方物贖杲拒不納太宗知之詔賜白金百兩遷右第一軍屯鎮州契丹人侵隸大將郭守文并城杲守北關契丹兵退命督餉藁趣威虜軍還抵徐河時尹繼倫與契丹戰兵小衄杲遇于河上即按兵拒之獲勝守文上聞得召見問狀補部軍頭領勤州刺史命監河北有能聲尋命閣教定州諸軍騎射入掌軍頭目引見司李順亂蜀與尹元並為西川招安使大敗賊眾以功真拜唐州刺史時賊雖平道路尚梗餘黨或保山林以肆姦杲復與石普等追捕於彭州於是始平至道初乃遷復遷靈州副部署累徙石隰副部署以轉餉河西失期降石于牛衛大將軍咸平五年出為亳州永城縣都監

被召將入見以疾丞弗果卒年六十四宋史此下有李重海傳無事蹟足錄今從刪

白守素開封人父廷訓太祖即位為龍捷都指揮使守素以蔭補東班承旨太平興國五年遷補右班殿直以善射授供奉官帶御器械三遷至供備庫使咸平中歷鎮州行營鈴轄改定州復徙鎮州王繼忠陷洺師還渡河契丹兵乘之守素據橋有矢數百每發必中敵不敢近遂引去真宗與輔臣議三路禦敵命魏能為威虜軍部署帝曰能頗強復尤難共事聞守素久練邊計張銳性頗和善參知戎務庶克相濟乃命守素與銳並為鈴轄成順安以貳之景德元年契丹侵長城口守素與能大破之加領康州刺史又提騎卒戍靜戎軍兼洺營田之役俄為鎮定鈴轄是冬契丹復內侵守素敗其前鋒獲車重又入敵境俘擒甚眾及請和省邊戍之職與曹璨留任鎮定迨敘前勞加合州團練使大中祥符三年命副李迪使契丹守素久居邊名聞北庭頗畏伏之帝慮其不欲行密遣內侍詢於守素守素頓首感咽即以崔可道代為再遷南作坊使五年卒帝甚惜之錄其一子官

張思鈞邢州沙河人善擊劍挽強應募為卒晉開運間遷廣銳軍使仕周為南北兩關巡檢太祖即位補龍衛指揮使李繼勳下遼州戰帶甲祠追奔至長城擒其將穆克善鮑淑俄屯潞州合戰三十餘以勞遷都虞候開寶二年從郭進田欽祚戍三交戰石嶺關按宋祖親征拒契丹於石嶺關考宋史太祖本紀及繼勳閻門祇候傳並作開寶二年本傳作三年誤今據改晉陽何繼筠齊延琛苗昶陷敵中思鈞鼓勁騎突入奪還何繼筠入晉境思鈞隸麾下拔南橋徑度大將出必為先鋒太平

興國初屯定州領兵援磁窖戰敗其眾身中五十創奮
不顧逐賊薄軍城奪馬及鎧甲而還敵復來攻又大敗
之命賜服帶領河州刺史雍熙三年契丹入侵劉廷讓
戰於君子館命思鈞翼從敗績陷敵中端拱初自契丹
逃歸授澄州刺史知齊州思鈞以武進素不知民政僅
踰月卽徙濮鄆棣州巡檢至道中改鄆延巡檢使會
尊右堡砦擊寇走之未幾寇逼保安軍與曹瑑往援進
驍五十餘里至木場寇乃遁去眞宗卽位徙益州鈞轄
兼綿漢九州都巡檢使王鈞陷漢州思鈞攻克之斬僞
刺史苗進又與石普敗賊于彌牟砦巴西尉傅翔有善
馬思鈞求之不與召翔至責以轉餉後期斬之帝聞其
事傳召付御史臺鞠治罪當斬特貸死削籍流封州復
起爲左司禦率府率考城監軍車駕幸澶淵召詣行在
命李繼隆石保吉同議兵事賜服御有加景德二年爲
西京水北都巡檢使俄分司西京召對行在帝憫其老
授唐州防禦副使徙鄭州大中祥符二年再遷左千牛
衛將軍四年卒年八十九子承恩爲三班奉職思鈞起
行伍征討稍有功質狀小而精悍太宗嘗稱其樓羅自
是人目爲小樓羅按宋史此下有李琪王延範二傳
琪無顯著蹟延範以左道謀爲不
軌伏誅俱無
足錄並從刪

欽定續通志卷三百十九

續通志 卷三百十九 列傳 宋

志五〇七九

列傳

宋二十四

呂端

華士安仲游

寇準

呂端字易直幽州安次人父琦晉兵部侍郎端少敏悟好學以蔭補千牛備身仕周爲直史館按宋史本傳作身歷國子主簿大僕寺丞祕書郎直宏文館換著作佐郎直史館東都事畧作以蔭補千牛備身仕周爲直史館今依東都事畧遷太常丞知浚儀縣同判定州開寶中西上閣門使郝崇信使契丹以端假太常少卿爲副八年知洪州未上改司門員外郎知成都府爲政清簡遠人便之秦王廷美爲開封尹召拜考功員外郎充開封府判官太宗征河東廷美將有居留之命端白廷美曰主上櫛風沐雨以申弔伐王地處親賢當表率扈從今王留務非所宜也廷美由是懇請從行尋坐王府親吏請託執事者違詔市竹木貶商州司戶參軍移汝州復爲太常丞判寺事出知蔡州以善政吏民列奏借留改祠部員外郎知開封縣遷考功員外郎兼侍御史知雜事使高麗暴風折檣舟人怖恐端讀書若在齋間時遷戶部郎中判太常寺兼禮院選爲大理寺少卿俄拜右諫議大夫許王元僖尹開封府又爲判官王薨有發其陰事者坐禪贊無狀遣御史武元穎內侍王繼恩就鞠於府端方決事徐起候之二使曰有詔推君端神色自若願從者曰取帽來二使曰何遽至此端曰天子有制問卽罪人矣安可在堂上對制使卽下堂隨問而答左遷衛尉少卿會置考課院羣官有負譴實散秩者引對皆泣涕以饑寒爲請至端卽奏曰臣前佐秦邸以不檢府吏謫掾商州陛下復擢官籍辱用今許王暴薨

臣輔佐無狀陛下又不重禮俾亞少列臣罪大而幸深矣今有司進退善否苟得穎州副使臣之願也太宗曰朕自知卿無何復舊官爲樞密直學士逾月拜參知政事時趙普在中書嘗曰吾觀呂公奏事得嘉賞未嘗喜遇抑挫未嘗懼亦不形於言眞台輔之器也歲餘左諫議大夫寇準亦拜參知政事端請居準下太宗卽以端爲左諫議大夫立準上每獨召便殿語必移晷擢戶部侍郎同平章事時呂蒙正爲相太宗欲相端或曰端爲人糊塗太宗曰小事糊塗大事不糊塗決意相之後數日罷呂蒙正而相端焉初端兄餘慶建隆中以藩府舊僚參預大政端復居相位時論榮之端歷官僅四十年至是驟被擢擢太宗猶恨任用之晚端爲相持重識大體以清簡爲務慮與寇準同列先居相位恐準不平乃請參知政事與宰相分日押班知印同升政事堂太宗從之時同列奏對或多異議惟端罕所建明一日內出手札戒諭自今中書事必經呂端詳酌乃得奏聞端愈謙讓不自當初李繼遷擾西鄙保安軍奏獲其母至是太宗欲誅之以寇準居樞密副使獨召與謀準退過相幕端疑謀大事邀謂準曰帝戒君勿言於端乎準曰否端曰邊鄙常事端不必與知若軍國大計端備位宰相不可不知也準遂告其故端曰何以處之準曰欲斬於保安軍北門外以戒凶逆端曰必若此非計之得也願少緩之端遂覆奏入曰昔項羽得太公欲烹之高祖曰願分我一杯羹夫舉大事不顧其親況繼遷悖逆之人乎陛下今日殺之明日繼遷可擒乎若其不然徒結怨讐愈堅其叛心爾太宗曰然則何如端曰以臣之愚見置於延州使善養視之以招來繼遷雖不能卽降終可

以擊其心而母死生之命在我矣太宗撫髯稱善曰微卿幾誤我事卽用其策其母後病死延州繼遷尋亦死繼遷子寬納欵請命端之力也進門下侍郎兼兵部尚書太宗不豫眞宗爲皇太子端日與太子問起居及疾大漸內侍王繼恩忌太子英明陰與參知政事李昌齡殿前都指揮使李繼勳知制誥胡旦謀立故楚王元佐按陳水記聞載太宗大漸李皇后與王繼恩等忌太子英明謀立廢楚王元佐太宗崩李皇后命繼恩召端端知有變鎖繼恩於閣內使人守之而入皇后曰宮車已晏駕立嗣以長順也今將如何端曰先帝立太子正爲今日今始棄天下豈可遽違命有異議邪乃奉太子至福靈殿中眞宗既立垂簾引見羣臣端平立殿下不拜請卷簾升殿審視然後降階率羣臣拜呼萬歲以繼勳爲使相赴陳州貶昌齡忠武軍司馬繼恩左監門衛將軍均州安置且除名流潯州籍其家眞宗每見輔臣入對惟於端肅然拱揖不以名呼又以端軀體洪大宮庭階祀稍峻特令梓人爲納陛嘗召對便殿訪軍國大事經久之制端陳當世急務皆有條理眞宗嘉納加右僕射監修國史明年被疾詔免常參就中書視事上疏求解不許以太子太保罷在告三百日有司言當罷奉詔賜如故車駕臨問端不能與撫慰甚至卒年六十六贈司空謚正惠追封妻李氏涇國夫人以其子藩爲太子中含苟大理評事蔚千牛備身謁殿中省進馬端姿儀瓌秀有器量寬厚多恕意豁如也雖屢經擯退未嘗以得喪介懷善與人交輕財好施未嘗問家事李惟清自知樞密改御史中丞意端抑已及端免朝謁乃彈奏常參官疾告逾年受奉者又構人訟堂吏過失欲以中端端曰吾直道而行無所愧畏風波之

言不足慮也端祖竟守文之亂舉族被害父琦方幼以同郡趙玉得免事載五代史琦傳王子文度有孫紹宗十餘歲端祖如己子表薦賜出身故相馮道鄉里世舊道子正之病廢端分俸給之端兩使絕域其國歎重之後有使往者每問端為宰相否其名顯如此景德二年真宗問端後嗣不振又錄蔚為奉禮郎藩後病足不任朝謁請告累年有司奏罷其奉真宗特令復舊官分司西京給奉家居養病端不蓄資產藩兄弟貧置又迫婚嫁因質其居第真宗時出內府錢五百萬贖還之又別賜金帛俾償宿負遣使檢校家事藩苟皆至國子博士蔚至太子中舍

畢士安字仁叟隆平集作字舜舉代州雲中人父又林觀城令

因家焉士安少好學事繼母祝氏以孝聞祝氏曰學必求良師友乃與如宋又如鄭得楊璞韓不劉錫為友因為鄭人乾德四年舉進士郊帥楊廷璋辟幕府掌書奏開寶四年為濟州團練推官專掌筦榷歲課增羨改竟州觀察推官太平興國初為大理寺丞領三門發運事吳越錢俶納士選知台州言錢氏上圖籍有司皆張修賦數今湖海新民始得天子命吏宜有安輯願一用舊籍詔從之明年遷左贊善大夫徙饒州復出知乾州以母老願降任就養改監汝州稻田務雍熙二年諸王出閣慎擇僚屬以虞部郎中王龜從兼陳王府記室參軍水部員外郎王素兼韓王府記室參軍祕書丞張茂直兼益王府記室參軍士安遷左拾遺兼冀王府記室參軍太宗召謂曰諸子生長宮廷未嫻外事年漸成人必資貢士贊導使日間忠孝之道卿等勉之士安本名士元以元犯王諱遂改為遷孝功員外郎端拱中詔王府

僚屬各獻所著文太宗閱視累日問近臣曰其才已見矣其行孰優或以士安對帝曰正協朕意俄以本官知制誥王請對願留府邸不許消化二年召入翰林為學士大臣以張洎薦太宗曰洎視畢士安詞藝踐歷固不減但履行遠在下爾士安以父名又林抗章引避朝議謂二名不偏諱不聽三年與蘇易簡同知貢舉加主客郎中以疾請外改右諫議大夫知潁州真宗以壽王尹開封府召為判官及為皇太子以兼右庶子遷給事中登位命權知開封府事拜工部侍郎樞密直學士時近臣有怙勢強取民間定婚女其家訴於府士安因對奏還之官府常從為廷職者每授任於外必令士安戒勗咸平初辭府職拜禮部侍郎復為翰林學士詔選官校勘三國志晉唐書或有言兩晉事多鄙惡不可流行者真宗以語宰相士安曰惡以戒世善以勸後善惡之事春秋備載真宗然之遂命刊刻士安以目疾求解改兵部侍郎出知潞州特加月給之數入為翰林侍讀學士景德初兼祕書監契丹謀入境士安首疏五事應詔陳選將餉兵理財之策真宗嘉納李沆卒進士安吏部侍郎參知政事按長編沆死中書無宰相意欲以沆為吏部侍郎參知政事入謝真宗曰未也行且相卿士安頓首真宗曰朕倚卿以輔相豈特今日然時方多事求與卿同進者其誰可對曰宰相者必有其器乃可居其位臣駑朽實不足以勝任定準兼資忠義善斷大事此宰相才也真宗曰聞其好剛使氣又對曰準方正慷慨有大節忘身徇國秉道嫉邪此其素所蓄積朝臣罕出其右者第不為流俗所喜今天下之民雖蒙休

德涵養安佚而西北跳梁為邊境患若準者正所宜用

也真宗曰然當藉卿宿德鎮之未閱月以本官與準同拜平章事士安兼監修國史居準上準為相守正嫉惡小人日思所以傾之有布衣申宗古告準交通安王元傑準惶恐莫知所自明士安力辯其誣下宗古吏得盜罔斬之準乃安景德元年契丹統軍達蘭引兵分掠威虜順安北平侵保州攻定武數為諸軍所却益東駐陽城浞遂攻高陽不得遲轉窺冀天雄兵號二十萬真宗坐便殿問策安出士安與寇準條所以禦備狀又合議請真宗幸澶淵士安言澶淵之行當在仲冬準謂當亟往不可緩卒用士安議初咸平六年雲州觀察使王繼忠戰陷契丹至是為契丹奏請議和大臣莫敢如何獨士安以為可信力贊真宗當羈縻不絕漸許其成真宗謂敵悍如此恐不可保士安曰臣嘗得契丹降人言雖深入屢挫不甚得志其陰欲引去而恥無名耳且彼寧不畏人乘虛覆其巢穴此請殆不妄繼忠之奏臣請任之真宗喜手詔繼忠許其請和時已詔巡幸而議者猶閤閤二三大臣有進金陵及成都圖者士安亟同準請對力陳其不可惟堅定前計真宗嚴兵將行太白晝見流星出上台北貫斗魁或言兵未宜北或言大臣應之士安適臥疾移書準曰屢請昇疾從行手詔不許今大計已定惟君勉之士安得以身當星變而就國事心所願也已而少間追至澶淵見於行在時已聚兵數十萬契丹大震猶乘眾掠德清至澶北鄙為伏弩發射

達蘭死眾潰遁去按真宗本紀及長編契丹統軍達蘭為李繼隆等設伏中斃死在真宗未至澶州時此傳及寇準傳並會曹利用自契丹使還具得要領又與其使者姚東之俱來講和之議遂定歲遺契丹銀絹三十萬朝論皆以為過士安曰不如此契丹

所願不重和事恐不能久及罷兵從還乃按邊要選良
守將易置之雒州以李允則定州馬知節鎮州孫全照
保州楊延昭他所擇用各得其任令塞上得境外牛馬
類者悉還之通互市除鐵禁招流亡廣儲蓄未幾夏州
趙德明亦款塞內附二方既定中外晏安量時制法次
弟施行復置賢良方正直言極諫等科以廣取士二年
章七八上以求病免優詔不允遣使敦諭不得已復起
視事十月晨朝至崇政殿虛疾暴作真宗步出臨視已
不能言詔內侍寶神寶以扇輿送歸第卒年六十八贈
太傅中書令諡文簡以皇城使衛紹欽治葬有司給鹵
簿錄其子世長為太子中舍慶長為大理寺丞孫從古
為將作監主簿士安端方沈雅有清識醜籍美風采善
談吐所至以嚴正稱年耆目既讀書不輟手自警校或
親繕寫又精意詞翰嘗謂人曰僕仕宦無赫赫之譽但
力自規檢庶幾寡過爾凡交游無黨援惟王祐呂端見
引重王旦寇準楊億相友善王禹偁陳彭年皆門人也
禹偁濟州人幼時以事至士安官舍士安識其非常童
留之教以學畢業日顯後遂登科進用更在士安前及
士安知制誥其命乃禹偁詞也士安沒後真宗謂寇準
等曰畢士安善人也事朕南府東宮以至輔相飭躬慎
行有古人之風遽此淪沒深可悼惜及王旦為相面奏
陛下前稱畢士安清慎如古人在位聞之感歎仕至輔
相而四方無田園居第沒未終喪家用已屈真不負陛
下所知然使其家假貸為生宜有以周之者竊謂當出
上恩非臣敢為私惠真宗感歎賜白金五千兩子世長
至衛尉卿慶長至太府卿孫從善從古從厚從誨從簡
從道從範從益從周皆歷官曾孫仲達仲偃仕至郡守

仲衍仲游仲愈

仲衍字夷仲以蔭為主簿舉進士中第調沈邱令歐陽
修呂公著薦之入司農為主簿升丞吳充引為中書檢
正奉使契丹宴射連破的眾驚異之且偉其姿容密使
人取其衣為度製服以賜時預其元會盡能記其朝儀
節奏圖畫歸獻後錢總出使契丹主猶問畢少卿何官
今安在王珪與充不相能以仲衍為充所用數求罪過
欲傷之卒無可乘但留滯不遷經四年乃以祕閣校理
同知太常禮院為官制局檢討官制文字千萬計區別
分類損益刪補皆曲盡其當凡從中問其事必須仲衍
然後報他人不知也高麗使入貢詔館之上元夕與使
者宴東闕下作詩誦聖德神宗次韻賜焉當時以為寵
官制行帝自擢起居郎王珪留除命謂為太峻爭於前
帝連稱曰是當得爾未幾暴得疾一夕卒年四十三歲
仲游字公叔與仲衍同登第調壽邱柘城主簿羅山令
環慶轉運司幹辦公事從高遵裕西征運期迫遽陝西
八十縣餽輓之夫三十萬一旦悉集轉運使范純粹李
察度受其賦而給之食必曠日乃可會僚屬議皆不知
所為以諉仲游仲游集諸縣吏令先効金帛緡錢之最
戒勿啟扇錡其簿其名數以為質預飭其斛量數千洞
撤倉庾牆壁使贏糧者至其所人自料概輸其半而以
半自給不終朝霍然而散翊日大軍遂行純粹察歎且
謝曰非君幾敗吾事元祐初為軍器衛尉丞召試學士
院同策問者九人按東都事畧作召試天下文學之士十三人乃黃庭堅張
未晁補之輩蘇軾異其文擢為第一加集賢校理開封
府推官出提點河東路刑獄韓縝以故相在太原按視
如列郡縝奴告有卒剽其衣於公堂之側縝怒將寘卒

於理仲游曰奴衣服鄙薄而敢涼之於卽牙非人情也
取以付獄治卒得免太原銅器名天下獨不市一物懼
人以為矯也且行買二茶匕而去縝曰如公叔可謂真
清矣召拜職方司勳二員外郎改祕閣校理知耀州是
歲大旱仲游先民之未饑揭喻境內曰郡振施與平糶
若干萬石實虛張其數富室知有備亦相勸發廩凡民
就食者十七萬九千口無一人去其鄉徽宗時歷知鄭
鄆二州京南淮南轉運副使入為吏部郎中言孔子廟
自顏回以降皆爵命於朝冠冕居正而子鯉孫伋乃野
服幅巾以祭為不稱詔皆追侯之仲游早受知於司馬
光呂公著不及用范純仁尤知之當國時又適居母喪
故未嘗得尺寸進然亦墮黨籍坎壤散秩而終年七十
五仲游為文切於事理而有根柢不為浮誇詭誕戲弄
不莊之語蘇軾在館閣頗以言語文章規切時政仲游
憂其及禍貽書戒之司馬光為政反王安石所為仲游
子之書光軾得書發然竟如其慮仲愈歷國子監丞諸
王府侍講知鳳翔府坐兄仲游陷黨籍例廢黜徽宗曰
舉仲游被遇先帝可除罪籍以仲愈為都官郎中擢祕
書少監卒

寇準字平仲華州下邳人文相按寇忠公華陰忠之碑載父相顯晉國公太師
晉開運中應辟為魏王府記室參軍準少英邁通
春秋三傳太平興國五年年十九舉進士太宗取人多
臨軒顧問年少者往往罷去或教準增年答曰準方進
取可欺君邪後中第授大理評事知歸州巴東縣後三
歲補大名府成安宰每期會賦役未嘗輒出符移惟具
鄉里姓名揭縣門百姓莫敢後期累遷殿中丞通判鄆
州召試學士院授右正言直史館為三司度支推官轉

監鐵鑄司判官會詔百官言邊事而準極陳利害帝益器重之擢尚書虞部郎中樞密院直學士判吏部東銓管奏事殿中語不合帝怒起準輒引帝衣令帝復坐事決乃退帝曰朕得寇準猶文皇之得魏徵也淳化二年大旱太宗延近臣問時政得失準獨言其範天人之際應若影響大旱之證蓋刑有所不平太宗怒起入禁中頃之召問所以不平狀準請召二府入乃言曰頃者蓋祖吉王淮皆侮法受賂吉賊少乃伏誅淮以參政河之弟盜主守財至于萬止杖仍復其官非不平而何帝以問河汜頓首謝於是切責河而知準為可用矣即拜準左諫議大夫樞密副使改同知樞密院事準與知院張遜不協按宋宰輔編年錄云知院同知院之名自此始遜與仲舒準仍並帶副使自後或以正官或檢校官為之秩與副使同去即實則稱檢校他日行道逢狂人迎馬呼萬歲遜嗾判左金吾王賓上其事語在遜傳因是出知青州帝願準厚常念之語左右曰寇準在青州樂乎對曰準得善藩當不苦也數日輒復問左右揣帝意且復召用準因對曰陛下思準不少忘聞準日縱酒未知亦念陛下乎帝默然明年召拜參知政事至道元年加給事中時帝在位久馮拯等上疏乞立儲貳帝怒斥之嶺南中外無敢言者準初自青州召還入見帝足創甚自裹衣以示準且曰卿來何緩耶準對曰臣非召不得至京師帝曰朕諸子孰可以付神器者準曰陛下為天下擇君謀及婦人中官不可也謀及近臣不可也惟陛下擇所以副天下望者帝悅首久之屏左右謂曰曩王可乎準曰知子莫若父聖慮既以為可願即決定帝遂以曩王為開封尹改封壽王於是立為皇太子廟見還京師之人擁道喜躍曰少年天子也帝聞之不慚召準謂曰人心

遠屬太子欲置我何地準再拜賀曰此社稷之福也二年祠南郊中外官皆進秩準素所喜者多得臺省清要官所惡與不及知者退序進之彭惟節位素居馮拯下拯轉虞部員外郎惟節轉屯田員外郎章奏列銜惟節猶處其下準怒堂帖戒拯毋亂朝制拯奏準擅權又條上嶺南官吏除拜不平數事廣東轉運使康馥亦言呂端張洎李昌齡等皆準所引端德之泊能屈奉準而昌齡畏慚不敢與準抗故得以任胥臆亂經制太宗怒準通祀太廟攝事召責端等端曰準性剛自任臣等不欲數爭慮傷國體因再拜請罪及準入對帝語及馮拯事自辯帝曰若廷辯失執政體準猶力爭不已又持中書簿論曲直於帝前帝益不悅因歎曰鼠雀尚知人意況人乎遂罷準知鄧州真宗即位遷尚書工部侍郎咸平初徙河陽改同州三年朝京師行次閩鄉又徙鳳翔府帝幸大名詔起行在所遷刑部權知開封府六年遷兵部為三司使帝久欲相準思其剛直難獨任景德元年以畢士安參知政事踰月並命同中書門下平章事準以集賢殿大學士位士安下時契丹內侵縱游騎掠深祁間小不利輒引去準曰是徃我也請練師命將簡驍銳據要害以備之是冬契丹果大入急書一夕凡五至準不發飲笑自如明日同列以問帝大駭以問準準曰陛下欲了此不過五日爾因請帝幸澶州同列懼欲退準止之令候駕起帝難之欲還內準曰陛下入則臣不得見大事去矣請毋還而行帝乃議親征召羣臣問方畧既而契丹圍瀛州直犯貝魏中外震駭參知政事王欽若江南人也請幸金陵陳堯叟蜀人也請幸成都帝問準準心知二人謀乃陽若不知曰誰為陛下畫此策

者罪可誅也今陛下神武將臣協和若大駕親征敵自當遁去不然出奇以撓其謀堅守以老其師勞逸之勢我得勝算矣奈何棄廟社欲幸楚蜀遠地使所在人心皆潰致敵乘勢深入乎遂請帝幸澶州及至澶州南城契丹兵益盛眾請駐蹕以覘軍勢準固請曰陛下不過河則人心益危敵氣未懾非所以取威決勝也且王超領勁兵屯中山以扼其亢李繼隆石保吉分大陣以扼其左右肘四方征鎮赴援者日至何疑而不進眾皆懼準固爭不決出遇高瓊於屏間謂曰太尉受國恩今日有以報乎對曰瓊武人願効死準復入對瓊隨立庭下準厲聲曰陛下不以臣言為然蓋試問瓊等瓊即仰奏曰寇準言是準曰機不可失宜趣駕瓊即麾衛士進蓋是日帝遂渡河御北城門樓遠望見御蓋踴躍呼聲聞數十里契丹相視驚愕不能成列帝盡以軍事委準準承制專決號令明肅敵數千騎乘勝薄城下詔士卒迎擊斬獲大半乃引去帝還行宮留準居城上徐使人視準何為準方與楊億飲博歌呼帝喜曰準如此吾復何憂相持十餘日其統軍達蘭出督戰為伏弩中額死乃密奉書請盟準不從而使者來請益堅帝將許之準欲遣使稱臣且獻幽州地帝厭兵欲羈縻不絕而已有請準幸兵以自取重者準不得已許之謹按通鑑載準遣使稱臣之說蓋準欲以靜鎮而羈縻之心安力贊謂功在社稷矣論者或謂其不決戰于士卒權呼之際以定厥功而杜後患乃迂腐移口快談而未達于時勢不知契丹之意早已定于真宗準亦不宜違君命而邀己功且契丹傾國而來志不在小雖其戰戰兢兢少挫其鋒亦請就澶州城下易輕敵若此豈其地險且教極生變或取宋可知而適可而帝遣瓊利用如軍中議成幣曰百萬以下皆可許也準召利用至帳語曰雖有敕

汝所許過三十萬吾斬汝矣利用果以三十萬約而還河北罷兵準之力也準在相位用人不以次同列願不悅他日又除官同列因吏持例簿以進準曰宰相所以進賢退不肖也若用例一吏職爾二年加中書侍郎兼工部尚書準頗自矜澶淵之功雖帝亦以此待準甚厚王欽若深嫉之一日會朝準先退帝目送之欽若因進曰陛下敬寇準爲其有社稷功邪帝曰然欽若曰澶淵之役陛下不以爲恥而謂準有社稷功何也帝愕然曰何故欽若曰城下之盟春秋恥之澶淵之舉是城下之盟也以萬乘之貴其何恥如之帝爲之不悅欽若曰陛下聞博乎博者輸錢欲盡乃罄所有出之謂之孤注陛下寇準之孤注也斯亦危矣由是帝顧準衰哀明年罷爲刑部尚書知陝州長編作遂用王旦爲相帝謂旦曰寇準多許人官以爲己恩俟行當深戒之從封泰山遷戶部尚書知天雄軍祀汾陰命提舉貝德博召濱棣巡檢捉賊公事遷兵部尚書人判尚書都省帝幸亳州權東京留守爲樞密院使同平章事林特爲三司使以河北歲輸絹闕督之甚急而準素惡特頗助轉運使李士衡而沮特具言在魏時嘗進河北絹五萬而三司不納以至闕供請劾主吏以下然京師歲費絹百萬準所助纒五萬帝不悅謂王旦曰準剛忿如昔旦曰準好人懷惠又欲人畏威皆大臣所避而準乃爲己任此其短也未幾罷爲武勝軍節度使同平章事判河南府徙承興軍天禧元年改山南東道節度使時巡檢未能挾內侍都知周懷政詐爲天書帝以問王旦旦曰始不信天書者準也今天書降頒命準上之準從上其書謹按通鑑御批準于欽若判若冰炭何獨于乾祐天書之事效其所爲蓋以圖己之進用一以喜未能素相比附離墮

其術而不顧可見門戶之爲害甚于陷中外皆以爲非遂拜中書侍郎兼吏部尚書同平章事景靈宮使按長準自承興來朝將發其門生有書準者曰公若至河陽稱疾堅求補外此爲上策爾入見即發乾祐天書詐妄之事向可全平正直之名與爲次也最下則再入中書爲宰相爾準不憚指而起君子謂準之及于禍蓋自取之也時又有陝州處士魏野著王且寇準三年祀南鄭詩必勸以早退且準皆不能用識者高之

廟之重傳以神器擇方正大臣爲羽翼了謂錢惟演佞人也也不可以輔少主帝然之準密令翰林學士楊億草表請太子監國且欲援億輔政已而謀洩謹按通鑑載寇準密贊大計自當領之又領東宮監國事出非常止宜詔自朝廷豈可由羣臣陳請準因周懷政之告而始有此議又預令人草表已屬害成况復被澶淵言罷爲尤爲粗疎無術其遺議去位不得謂非自取也

太子太傅封萊國公按長編載準被澶淵所謀謂等益初有成言諾其請會日暮召知制誥晏殊入禁中示以除目殊曰臣掌外制此非臣職也乃召惟演惟演至極論準尚念請深責帝曰當與何官惟演請用王欽若例授準太子太保帝曰與太傅又曰更與加優禮惟演請封國公出袖中具員冊以時懷政反側不自安且憂得罪乃謀殺大臣請罷皇后預政奉帝爲太上皇而傳位太子復相準客省使楊崇勳等以告丁謂謂微服夜乘轎車詣曹利用計事明日以聞懷政伏誅復降準爲太常卿知相州徙安州貶道州司馬帝初不知也他日問左右曰吾目中久不見寇準何也左右莫敢對帝崩時亦言惟準與李迪可託其見重如此乾興元年再貶雷州司戶參軍初丁謂出準門至參政事甚謹嘗會食中書羹汚準鬚謂徐起拂之準笑曰參政國之大臣乃爲官長拂鬚邪謂甚愧之由是傾搆日深及準貶未幾謂亦南竄道雷州準遣人以二蒸羊逆境上謂欲見準準拒絕之天聖元年徙衡州司馬初太宗嘗得通天犀命

工爲二帶一以賜準及是準遣人取自洛中既至數日沐浴具朝服衣帶北面再拜呼左右邀設臥具就榻而卒初張詠在成都聞準入相謂其僚屬曰寇公奇材惜學術不足爾及準出陝詠適成都罷還準嚴供帳大爲具待詠將去準送之郊問曰何以教準詠徐曰霍光傳不可不讀也準莫諭其意歸取其傳讀之至不學無術笑曰張公謂我矣在雷州踰年既卒衡州之命乃至遂歸葬西京道出京南安縣人皆設祭哭於路折竹植地挂紙錢逾月視之枯竹皆生笋衆因爲立廟歲時享之無子以從子隨爲嗣準歿後仁宗對輔臣哀準以忠死復太子太傅贈中書令萊國公後又賜諡曰忠愍皇祐四年詔翰林學士孫抃撰神道碑帝爲篆其首曰旌忠

欽定續通志卷三百二十

列傳

宋二十五

李沆 王旦 向敏中

李沆字太初洺州肥鄉人少好學器度宏遠父炳嘗語人曰此兒異日必至公輔太平興國五年舉進士甲科為將作監丞通判潭州遷右贊善大夫轉著作郎相府召試約束邊將詔書既奏御太宗甚悅命直史館雍熙三年右拾遺王化基上書自薦太宗謂宰相曰李沆宋湜皆嘉士也即命中書並化基召試並除右補闕知制誥沆位最下特升於上各賜錢百萬又以沆素貧多賈人錢別賜三十萬償之四年與翰林學士宋白同知貢舉議雖眾而不歸咎於沆遷職方員外郎召入翰林為學士清化二年判吏部銓嘗侍曲宴太宗目送之曰李沆風度端凝真貴人也三年拜給事中參知政事四年以本官罷奉朝請未幾丁內艱起復遂出知昇州未行改知河南府真宗升儲遷禮部侍郎兼太子賓客詔東宮侍以師傅禮真宗即位遷戶部侍郎參知政事咸平初以本官平章事監修國史改中書侍郎會契丹侵邊真宗北幸命沆留守京師肅然真宗還沆迎於郊命坐置酒慰勞久之累加門下侍郎尚書右僕射真宗問治道所宜先沆曰不用浮薄新進喜事之人此最為先問其人曰如梅詢曾致堯等是矣後致堯副温仲舒安撫陝西疏言仲舒不足與其事輕銳之黨無不稱快沆不喜也因用他人副仲舒罷致堯嘗嘗語及唐人樹黨難制遂使王室微弱蓋姦邪難辨爾沆對曰佞言似忠姦言似信至如盧杞蒙蔽德宗李勉以為真姦邪是也

真宗曰姦邪之迹雖曰難辨久之自敗一夕遣使持手詔欲以劉氏為貴妃沆對使者引燭焚詔附奏曰但道臣沆以為不可其議遂寢駙馬都尉石保吉求為使相復問沆沆曰賞典之行須有所自保吉因緣戚里無攻戰之勞台席之拜恐騰物議他日再三問之執議如初遂止帝以沆無密奏謂之曰人皆有密啟卿獨無何也對曰臣待罪宰相公事則公言之何用密啟夫人臣有密啟者非諛即佞臣常惡之豈可效尤時李繼遷久叛兵眾日盛有圖取朔方之意朝廷困於飛輓中外咸以為靈州乃必爭之地苟失之則緣邊諸郡皆不可保帝頗惑之因訪於沆沆曰繼遷不死靈州非朝廷有也莫若遣使密召州將使部分軍民空壘而歸如此則關右之民息肩矣方眾議各異未即從沆言未幾而靈州陷帝由是益重之沆為相王旦參政事以西北用兵或至肝食且歎曰我輩安能坐致太平得優游無事耶沆曰少有憂勤足為警戒他日四方盜謐朝廷未必無事後契丹講和且問何如沆曰善則善矣然邊患既息恐人主漸生侈心耳且未以為然沆又日取四方水旱盜賊奏之且以為細事不足煩聖聽沆曰人主少年當使知四方艱難不然血氣方剛不留聲色犬馬則土木甲兵禱祠之事作矣吾老不及見此此參政他日之憂也沆沒後真宗以契丹既和西夏納款遂封偁汾大營宮觀蒐講壁典靡有暇日且親見王欽若丁謂等所為欲諫則業已同之欲去則上遇之厚乃以沆先識之遠嘆曰李文靖真聖人也當時遂謂之聖相遂準與丁謂善屢以謂才薦於沆不用準問之沆曰顧其為人可使之在人上乎準曰如謂者相公終能抑之使在人下乎

沆笑曰他日後悔當思吾言也準後為謂所傾始伏沆言沆為相接賓客常言馬亮與沆同年生又與其弟維善語維曰外議以大兄為無口匏維乘間達亮語沆曰吾非不知也然今之朝士得升殿言事上封論奏了無壅蔽多下有司皆見之矣若邦國大事北有契丹西有夏人日肝條議所以備禦之策非不詳究薦紳如李宗諤趙安仁皆時之英秀與之談猶不能啟發吾意自餘通籍之子坐起拜揖尚周章夫次即席必自論功最以希寵獎此有何策而與之接語哉苟屈意妄言即世所謂籠罩籠罩之事僕病未能也沆又嘗言居重位實無補惟中外所陳利害宋史本傳作中外所陳利害按東都事畧及長編俱作四方言施行未嘗一一切報罷之此少以報國爾朝廷防制纖悉備具或徇所陳請施行一事即所傷多矣陸象先曰庸人擾之是已憊人苟一時之進豈念厲民耶沆為相常讀論語或問之沆曰沆為宰相如論語中節用而愛人使民以時尚未能行聖人之言終身誦之可也景德元年沆待漏將朝疾作而歸詔太醫診視撫問之使相望於道明日駕往臨問賜白金五千兩方還宮而沆卒年五十八帝聞之驚歎趣駕再往臨哭之慟謂左右曰沆為大臣忠良純厚始終如一豈意不享遐壽言終又泣下贈太尉中書令諡文靖錄其弟國子博士贊為虞部員外郎光祿寺丞源為太子中舍屯田員外郎直集賢院維為戶部員外郎子宗簡為大理評事甥蘇昂妻兄之子朱壽並同進士出身乾興元年仁宗即位詔配享真宗廟庭沆性直諒內行修謹言無枝葉識大體居位慎密不求聲譽動遵條制人莫能干以私公退終日危坐未嘗跛倚治第封邸門內廳事前僅容旋馬或

言其太隘沈笑曰居第當傳子孫此為宰相廳事誠隘為太祝奉禮廳事已寬矣至於垣頽壁損不以屑慮堂前築圍塼妻戒守舍者勿葺以試沈沈朝夕見之經月終不言妻以語沈沈曰豈可以此動吾一念哉家人勸治居第未嘗答弟維因語次及之沈曰身食厚祿時有橫賜計囊裝亦可以治第但念市新宅須一年繕完人生朝暮不可保又豈能久居巢林一枝聊自足耳安事豐屋哉沈與諸弟友愛尤器重維暇日相對宴飲清言未嘗及朝政亦未嘗問家事沈沒後或薦梅詢可用真宗曰李沆嘗言其非君子其為信倚如此維第進士歷官尚書左丞兼侍讀學士預修眞宗實錄遷工部尚書博學少以文章知名至老不廢書景德以後巡幸四方典章名物多維所參定嘗預定七經正義修續通典冊府元龜景德元年贈尚書左僕射按宋史此下有沈弟維傳今接附沈傳後王旦字子明大名莘人曾祖言黎陽令祖徹左拾遺父祐尚書兵部侍郎以文章顯於漢周之際事太祖太宗為名臣按歐陽修撰王文正公全德元老碑載曾祖追封許國公祖追封魯國公考追封晉國公皆累贈太師尚書管手植三槐於庭曰吾之後世必有為三公者此其所以志也且幼沈默好學有文祐器之曰此兒當至公相太平興國五年進士及第為大理評事知平江縣就改將作監丞趙昌言為轉運使以威望自任屬吏屏畏人旦境稱其善政以女妻之代還命監潭州銀場何承矩典郡薦人為著作佐郎預編文苑英華詩類遷殿中丞通判鄭州表請天下建常平倉以塞兼并之路徙濠州濠化初王禹偁薦其才任轉運使驛召至京旦不樂吏職獻文召試命直史館二年拜右正言知制誥初祐以宿名久掌書命旦不十年繼其任時論美

之錢若水有人偷鑿見旦曰眞宰相器也與之同列每曰王君凌霄聳壑棟梁之材貴不可涯非吾所及李沆以同年生亦推重為遠大之器明年與蘇易簡同知貢舉加虞部員外郎同判吏部沆內銓知考課院趙昌言參機務旦避嫌引唐獨孤郁權德輿故事辭職太宗嘉其識體改禮部郎中集賢殿修撰昌言出知鳳翔即日以旦知制誥仍兼修撰判院事又令冠西關至道元年知理檢院二年進兵部郎中眞宗即位拜中書舍人數月為翰林學士兼知審官院通進銀臺封駁司帝素賢旦嘗奏事退目送之曰為朕致太平者必斯人也錢若水罷樞務得對苑中訪近臣之可用者若水言旦有德望堪任大事帝曰此固朕心所屬也咸平三年又知貢舉鎖宿旬日拜給事中同知樞密院事踰年以工部侍郎參知政事契丹侵邊從幸濱州雍王元份留守東京遇暴疾命旦馳還權留守事旦曰願宣寇準臣有所陳準至旦奏曰十日之間未有捷報時當如何帝默然良久曰立皇太子且既至京直入禁中下令甚嚴使人不得傳播及駕還旦子弟及家人皆迎於郊忽聞後有騶訶聲驚視之乃旦也景德二年按宋史本傳載咸平三年同知樞密院事踰年參知政事又云二年加尚書左丞考宋史眞宗本紀上景德二年加尚書左丞在景德二年拜相在三年二年字今據增加尚書左丞三年拜工部尚書同中書門下平章事集賢殿大學士監修兩朝國史王欽若以天書封禪等事傾動帝意帝心懼旦曰王旦得無不可乎欽若曰臣得以聖意喻之宜無不可乘間為旦言且願勉而從帝尤猶豫莫與籌之者會幸祕閣驢問杜鎬曰古所謂河出圖洛出書果何事也鎬老儒不測其旨漫應之曰此聖人以神道設教爾帝繇此意決復召旦權

飲賜以尊酒曰此酒極佳歸與妻共之既歸發之皆珠也由是凡天書封禪之事旦不復異議謹按通鑑輯覽王旦於天書封禪之事稱賀力請甚至身充大禮使於詔誤逢迎之術無所不至則其過更不止於不能諫阻而已也至後遵令披緝為敘以表不諫之失尤為欲蓋彌彰或者以為美珠固結為敘以表不諫之失尤為欲蓋彌彰其詞甚甚詭復為之詞大不祥符初為天書儀仗瀉洩實係史家傳會之詞大中祥符初為天書儀仗使從封泰山為大禮使進中書侍郎兼刑部尚書受詔撰封祀壇頌加兵部尚書四年祀汾陰又為大禮使遷右僕射昭文館大學士仍撰祀壇頌將復進秩懇辭得免止加功臣俄兼門下侍郎玉清昭應宮使按石林燕語符五年玉清昭應宮成王魏公為首相始命充使官觀置使自此始然每為現任宰相兼職天聖元年呂申公為相時朝廷崇奉之五年為玉清奉聖像大禮使景意稍緩因是罷使名五年為玉清奉聖像大禮使景靈宮建又為朝修使七年刻天書兼刻玉使遷御殿三馬賜之玉清昭應宮成拜司空國史成遷司徒且為天書使每有大禮輒奉天書以行恆邑邑不樂凡柄用十八年為相僅一紀會契丹修和西夏誓守故地二邊兵罷不用眞宗以無事治天下且謂祖宗之法具在務行故事慎所變改帝益信之言無不聽凡大臣有所請必曰王旦以為何如天下大蝗使人於野得死蝗帝以示大臣明日執政遂袖死蝗進曰蝗實死矣請示於朝率百官賀旦獨不可後數日方奏事飛蝗蔽天帝顧旦曰使百官方賀而蝗如此豈不為天下笑耶宮禁火災旦馳入帝方以兩朝所積為可惜且對曰陛下富有天下財帛不足憂所慮者政令賞罰之不當臣備位宰府天災如此臣當罷免繼上表待罪帝乃降詔罪已許中外封事言得失後有言梁王宮火所延非天災請置獄劾當坐死者百餘人旦獨請曰始火時陛下已降詔罪已臣等皆上章待罪今反歸咎於人何以示信且火雖有

迹寧知非天譴耶當坐者皆免日者上書言宮禁事坐
誅籍其家得朝士所與往還占問吉凶之說帝怒欲付
御史問狀且曰此人之常情且語不及朝廷不足罪帝
猶怒且因自取嘗所占問之書進曰臣少賤時不免爲
此必以爲罪願并臣付獄臣爲宰相執國法豈可自爲
之幸於不發而以罪人帝意解且至中書悉焚所得書
既而復悔馳取之而已焚之矣繇是皆免契丹奏請歲
給外別假錢幣且曰東封甚近車駕將出彼以此探朝
廷之意耳帝曰何以答之且曰止當以微物輕之乃以
歲給三十萬物內各借三萬仍諭次年額內除之契丹
得之大慙次年復下有司契丹所借金幣六萬事屬微
末今仍以常數與之後不爲比西夏趙德明言民饑求
糧百萬斛大臣皆曰德明新納誓而敢違請以詔責之
帝以問且且請赦有司具粟百萬於京師而詔德明求
取之德明得詔慚且拜曰朝廷有人寇進數短且且專
稱準帝謂且曰卿雖稱其美彼專詆卿惡且曰理固當
然臣在相位久政事闕失必多準對陛下無所隱益見
其忠直此臣所以重準也帝以是愈賢且中書有事送
密院遠詔格準在密院以聞且被責堂吏皆罰不踰月
密院有事送中書亦遠詔格堂吏欣然呈且且令送還
密院準大慙寇準罷樞密使託人私求爲使相且驚曰
將相之任豈可求耶吾不受私請準深憾之已而除準
武勝軍節度使同中書門下平章事準入謝曰非陛下
知臣安能至此帝具道且所薦者準愧歎以爲不可及
帝欲相王欽若且曰欽若遭逢陛下恩禮已隆且乞留
之樞密兩府亦均臣見祖宗朝未嘗有南人當國者雖
古稱立賢無方然須賢士乃可臣爲宰相不敢阻抑人

此亦公議也眞宗遂止且沒後欽若始大用語人曰爲
王公遲我十年作宰相欽若與陳堯叟馬知節同在樞
密府因奏事忿爭帝召且至欽若猶諱不已帝大怒命
付獄且從容請來日取旨明日召且前問之且曰欽若
等當黜未知坐以何罪帝曰坐忿爭無禮且曰陛下奄
有天下使大臣坐忿爭無禮之罪或聞外國恐無以威
遠願至中書召欽若等宣陛下含容之意且戒約之
俟少閒罷之未晚也帝曰非卿言朕固難忍後月餘欽
若等皆罷且嘗與楊億評品人物億曰丁謂久遠當何
如且曰才則才矣語道則未他日在上位使有德者助
之庶可終吉若獨當權必爲身累爾後謂果如言且爲
兗州景靈宮朝修使內臣周懷政偕行或乘間請見且
必俟從者盡至冠帶出見於堂白事而退後懷政以事
敗方知且遠慮內臣劉承規以忠謹得幸病且死求爲
節度使帝謂且曰承規待此以瞋目且執不可曰他日
將有求爲樞密使者奈何遂止自是內臣官不過留後
且爲相賓客滿堂無敢以私請察可與言及素知名者
數月後召與語詢訪四方利病或使疏其言獻之觀才
之所長密籍其名其人復來不見也每有差除先密疏
三四人姓名以請所用者帝以筆點之同列不知爭有
所用惟且所用奏入無不可丁謂以是數毀且帝益厚
之故參政李穆子行簡以將作監丞家居有賢行遷太
子中允使者不知其宅眞宗命就中書問且人始知行
簡爲且所薦且凡所薦皆人未嘗知且沒後史官修眞
宗實錄得內出奏章始知朝士多且所薦云諫議大夫
張師德兩詣且門不得見意爲人所毀以告向敏中爲
從容明之及議知制誥且曰可惜張師德敏中問之且

曰累於帝前言師德名家子有士行不意兩及吾門狀
元及第榮進素定但當靜以待之若復奔競使無階而
入者當如何也敏中啟以師德之意固稱適有闕望公
弗遣且曰第緩之使師德知聊以戒貪進激薄俗也石
普知許州不法朝議欲就劾且曰普武人不明典憲恐
恃薄效妄有生事必須重行乞召歸置獄乃下御史按
之一日而獄具議者以爲不屈國法而保全武臣眞國
體也薛奎爲江淮發運使辭且且無他語但云東南民
力竭矣奎退而嘆曰眞宰相之言也張士遜爲江西轉
運使辭且求教且曰朝廷權利至矣士遜迭更職思
且之言未嘗求利張詠知成都召還以任中正代之言
者以爲不可帝問且對曰非中正不能守詠之規他人
往妄有變更矣且任事久人有謗之者輒引咎不辨至
人有過失雖人主盛怒可辨者辨之必得而後已天禧
初進位太保按三公併除爲兗州太極觀奉天寶冊使
復加太尉兼侍中五日一起起居入中書遇軍國重事
不以時參決且愈畏避上疏懇辭一日獨對滋福殿帝
曰朕方以大事託卿而卿疾如此因命皇太子出拜且
惶恐走避太子隨而拜之且言太子盛德必任陛下事
因薦可爲大臣者十餘人其後不至宰相惟李及凌策
二人亦爲名臣先是太子論德見且稱太子學書有法
且曰論德之職止於是耶張士遜又稱太子書且曰太
子不在應舉選學士不在學書且復以疾懇辭帝憫其
形瘁許之詔以太尉領玉清昭應宮使給宰相半俸初
且以宰相兼使今罷相使猶領之其專置使自且始尋
又命肩輿入禁扶見於延和殿帝曰卿今疾亟萬一有
不諱使朕以天下事付之誰乎且曰知臣莫若君惟明

主擇之再三問不對時張詠馬亮皆為尙書帝歷問二人亦不對因曰試以卿意言之且強起舉劾曰以臣之愚莫如寇準帝曰準性剛褊卿更思其次且曰他人臣所不知也遂辭退後且沒歲餘竟用準為相且與楊億素厚延至臥內請撰遺表表上帝遂幸其第賜白金五千兩且作奏辭之藁末自益四句云益懼多藏況無所用見欲散施以息咎殃即昇至內閣詔不許還至門且已卒年六十一贈太師尙書令魏國公諡文正錄其子弟姪外孫門客常從授官者十數人諸子服除又各進一官乾興初詔配享真宗廟庭及建碑仁宗篆其首曰全德元老之碑且事寡嫂有禮與弟旭友愛甚篤婚姻不求門閥被服質素家人未嘗見其怒飲食不精潔但不食而已不置田宅日子孫當各念自立何必田宅徒使爭財為不義爾真宗以其所居陋欲治之且辭以先人舊廬乃止三子雍國子博士冲左贊善大夫素別有傳

向敏中字常之開封人父瑀仕漢為符離令性嚴毅惟敏中一子躬自教督不假顏色嘗謂其母曰大吾門者此兒也敏中及冠繼丁內外憂能刻厲自立有大志太平興國五年進士解褐將作監丞通判吉州就改右贊善大夫轉運使張齊賢薦其才代還為著作郎召見便殿占對明暢太宗善之命為戶部推官出為淮南轉運副使時領外計者皆以權寵自尊所至畏憚敏中不尙威察待僚屬有禮勤於勸勗職務修舉或薦其有武幹者召入將授諸司副使敏中懇辭仍獻所著文加直史館遣還任以耕藉恩起左司諫入為戶部判官知制誥未幾權判大理寺時沒入祖吉贓錢分賜法吏敏中引

鍾離意委珠事獨不受妖尼道安構獄事連開封判官張去華敏中妻父也以故得請不預決獄既而法官皆貶猶以親累落職出知廣州入辭面教其事太宗為之感動翌日遷職方員外郎遣之是州兼掌市舶前守多涉議敏中至荆南預市藥物以往在任無所須以清廉聞就擢廣南東路轉運使召為工部郎中太宗飛白書敏中泊張詠二名付中書曰此二人名臣也朕將用之並命為樞密直學士時通進銀臺司主出納書奏領於樞密院頗遲退或至漏失敏中具奏其事恐遠方有失事機請別置局命官專莅校其簿籍詔命敏中與詠領其局太宗欲大任敏中當塗者忌之會有言敏中在法寺時皇甫侃監無為軍權務以賄敗發書歷詣朝貴求為未減敏中亦受之事下御史按實俄捕得侃私僮詰之云嘗有書及門敏中不敢封書令蹇臨江傳舍馳驛掘得封題如故太宗大驚異召見慰諭賞激遂決於登用拜右諫議大夫同知樞密院事自郎中至是百餘日擢權如此時西北用兵樞機之任專主謀議敏中明辨有才畧遇事敏速凡二邊道斥堠走集之所莫不周知至道初遷給事中真宗即位敏中適在疾告力起見於東序即遣視事進戶部侍郎會曹彬為樞密使改為樞密副使咸平初拜兵部侍郎參知政事從幸大名屬宋混病代兼知樞密院事時大兵之後議遣重臣慰撫邊郡命為河北河東安撫大使以陳堯叟馮拯為副發禁兵萬人翼從所至訪民疾苦四年以本官同平章事充集賢殿大學士故相辭居正居第有詔無得貿易敏中違詔質之既而聞其欲取王承衍女弟密約已定而未納采詢于王氏得其實能為戶部侍郎出知承興

軍景德初復兵部侍郎夏州李繼遷卒其子德明納欵就命敏中為郵延路緣邊安撫使俄遷京兆是冬帝幸澶淵賜敏中密詔盡付西鄙許便宜行事敏中得詔不泄視政如常日會大雉有告禁卒欲倚雉為亂者敏中密使麾兵被甲伏廳下幕中明日盡召賓僚兵官置酒縱閱無一人預知者命繼先馳騁中門外後召至階敏中振袂一呼伏出盡擒之果各懷短刃即席斬焉既屏其尸以灰沙掃庭仍張樂宴飲坐客皆股慄邊藩遂安時舊相出鎮不以軍事為意帝聞之稱敏中曰大臣出臨四方惟敏中盡心民事爾於是復用之意二年又以德明誓約未定徒敏中為郵延路都部署兼知延州委以經畧改知河南府兼西京留守大中祥符初議封泰山以敏中舊德有人望召入權東京留守禮成拜尙書右丞時吏部選人多稽滯者命敏中與溫仲舒領其事俄兼祕書監又領工部尙書充資政殿大學士祀汾陰復為留守敏中以厚重鎮靜人情帖然拜刑部尙書五年復拜同平章事充集賢殿大學士加中書侍郎七年除景靈宮使初置使以敏中為之宮成進兵部尙書天禧初加吏部尙書進右僕射兼門下侍郎監修國史是日翰林學士李宗諤當對帝曰朕自即位未嘗除僕射今命敏中此殊命也按真宗即位之年夏三月二日張齊賢李沆王旦陳堯叟皆除右僕射天禧元年二月王欽若又先敏中六月拜除不得謂未嘗除僕射命敏中為殊命也又考李宗諤卒於祥符五年距敏中除僕射已六載矣安有李宗諤當對事東都事畢宋名臣言行錄所載敏中應甚喜賀客必多卿往觀之勿言朕意也宗諤既至敏中謝客門闕寂然明日具以所見對帝曰向敏中大耐官職徒王清昭應宮使以年老累請致政優詔不許三年郊祀畢進左僕射昭文館大學

士奉表懇讓又表求解皆不許明年卒年七十二贈太尉中書令諡文簡五子諸壻並遷官親校又官數人敏中姿表瓌碩有儀矩性端厚豈弟多智曉民政善處繁劇慎於采拔居大任三十年時以重德目之爲人主所優禮故雖衰疾終不得謝及追命制入帝特批曰敏中清謹溫良益此意其恩顧如此子傳正國子博士傳式龍圖閣直學士傳亮駕部員外郎傳師殿中丞傳範娶南陽郡王惟吉女安福縣主爲密州觀察使諡惠節傳亮子經定國軍留後諡康懿經女卽欽聖憲肅皇后也以后族贈敏中燕王傳亮周王經吳王敏中餘孫繹絳並官太子中書

欽定續通志卷三百二十一

王欽若

丁謂

夏竦

王欽若字定國臨江軍新喻人父仲華祖郁欽若早孤
 郁愛之太宗伐太原時欽若纔十八作平晉賦論獻行
 在郁為濠州判官將死告家人曰吾歷官逾五十年慎
 於用刑活人多矣後必有與者其在吾孫乎淳化二年
 欽若擢進士甲科為亳州防禦推官遷秘書省祕書郎
 監廬州稅改太常丞判三司理欠憑由司時毋賓古為
 度支判官嘗言曰天下通貢自五代迄今理督未已民
 病幾不能勝僕將啟蠲之欽若一夕命吏句校成數翌
 日上之真宗大驚曰先帝顧不知邪欽若徐曰先帝固
 知之殆留與陛下收人心爾即日放通貢一千餘萬釋
 繫囚三千餘人帝益器重欽若召試學士院拜右正言
 知制誥召為翰林學士蜀寇王均始平為西川安撫使
 所至問繫囚自死罪以下第降之凡列便宜多所施行
 還授左諫議大夫參知政事以郊祀恩加給事中河陰
 民常德方訟臨津縣尉任懿賂欽若得中第事下御史
 臺劾治初欽若咸平中嘗知貢舉懿舉諸科寓僧仁雅
 舍仁雅識僧惠秦者與欽若厚懿與惠秦約以銀賂欽
 若書其數於紙令惠秦持去會欽若已入院屬欽若容
 納所書令奴祁睿書懿名於臂并以所約銀告欽若懿
 再入試第五場睿復持湯飲至貢院欽若密令奴索取
 銀懿未即與而登科去仁雅馳書河陰始歸之德方得
 其書以告御史中丞趙昌言昌言以聞既捕祁睿等亦
 請逮欽若屬吏祁睿本毫小吏雖從欽若久而名猶隸

亳州欽若乃言嚮未有祁睿惠秦亦不及門帝方顧欽
 若厚命邢昺閻承翰等於太常寺別鞠之懿更云妻兄
 張駕識知舉官洪湛嘗俱造湛門始但以銀屬二僧不
 知達主司為誰昺等遂誣湛受懿銀湛適使陝西還而
 獄已具時駕且死睿又悉遁去欽若因得固執祁睿休
 役後始備於家它奴使多新募不識惠秦故皆無證驗
 湛坐削籍流儋州而欽若遂免方湛代王旦入知貢舉
 懿已試第三場及官收湛贓家無有也乃以湛假梁顛
 白金器輸官湛遂死貶所人知其寃而欽若恃勢人莫
 敢言者景德初契丹入侵帝將幸澶淵欽若自請北行
 按續通鑑載帝問寇準曰天雄軍重鎮孰可為守準以
 王欽若薦欽若至未及有言準遂曰主上親征非臣子
 辭難之曰參政為國柄臣當體此意欽若驚以工部侍
 郎參知政事判天雄軍提舉河北轉運使真宗親宴以
 遣之素與寇準不協及還累表願解政事罷為刑部侍郎
 郎資政殿學士尋判尚書都省修冊府元龜或褒贊所
 及欽若自名表首以謝或繆誤有所譴問戒書吏但云
 楊億以下其所為多此類也歲中改兵部加大學士知
 通進銀臺司兼門下封駁事初欽若罷為置資政殿學
 士以寵之準定其班在翰林學士下欽若訴於帝復加
 大字班承旨上殿學士大學士自欽若始以尚書左
 丞知樞密院事修國史大中祥符初為封禪經度制置
 使兼判兗州為天書儀衛副使先是真宗嘗夢神人言
 賜天書於泰山即密諭欽若欽若因言六月甲午木工
 董祚於醴泉亭北見黃素曳草上有字不能識皇城吏
 王居正見其上有御名以告欽若既得之具儀儀奉導
 至社首跪授中使馳奉以進真宗至含芳園奉迎出所
 上天書再降祥瑞圖示百僚欽若又言至獄下兩夢神

人願增建廟庭及至威雄將軍廟其神像如夢中所見
 因請構亭廟中封禪禮成遣禮部尚書命作社首頌遷
 戶部尚書從事汾陰復為天書儀衛副使遷吏部尚書
 明年為樞密使檢校太傅同中書門下平章事聖祖降
 加檢校太尉七年為同天書刻玉使馬知節同在樞密
 素惡欽若議論不相下會瀘州都巡檢王懷信等上平
 蠻功欽若久不決知節因面詰其短爭於帝前及趣論
 賞欽若遂擅除懷信等官坐是罷樞密使奉朝請改刻
 玉副使知通進銀臺司俄復拜樞密使同平章事上玉
 皇尊號遷尚書右僕射判禮儀院為會靈觀使有龜蛇
 見拱聖營因其地建祥源觀欽若總領之尋拜左僕
 射兼中書侍郎同平章事明年為景靈使闕道藏得趙
 氏神仙事迹四十人繪于廊廡又明年商州捕得道士
 譙文易隆平集東都事易畜禁書能以術使六丁六甲神
 自言嘗出入欽若家得欽若所遺詩帝以問欽若謝不
 省遂以太子太保出判杭州仁宗為皇太子自以東宮
 師保請歸朝復為資政殿大學士詔日赴資善堂侍講
 皇太子會輔臣兼領三少欽若又以品高求換秩拜司
 空尋除山南節度使同平章事判河南府編宋宰輔
 若晏見帝問曰卿何故不之中書對曰臣不為宰相安
 敢之中書帝顧都知送欽若詣中書視事令設饌以待
 之謂曰帝命中書設饌欽若既出使事知入以無白
 麻不敢奉詔因歸私第有詔學士院降麻謂乃除欽若
 使相為西京留守但與宰相丁謂不協以疾請就醫
 問宣制亦不之悟也與宰相丁謂不協以疾請就醫
 京師不報令其子從益移文河南府與疾而歸謂言欽
 若擅去官守命御史中丞薛映就第按問欽若惶恐伏
 罪降司農卿分司南京奪從益一官仁宗即位改祕書
 監起為太常卿知濠州以刑部尚書知江寧府仁宗嘗
 為飛白書適欽若有奏至因大書王欽若字是時馮拯

懼此震驚遂至沈制按寇準殿前司戶知制誥宋綬意改定制中有曰始其告變之長遂當違豫之際防危將發震動斯多四語則謂改制換其詞凡與準著者盡逐之是時二府定議太后與帝五日一御便殿聽政既得旨而謂潛結內侍雷允恭令密請太后降手書軍國事進入印畫學士草制辭允恭先持示謂閱訖乃進蓋謂欲獨任允恭傳達中旨而不欲同列與聞機政也允恭倚謂勢益橫無所憚允恭方為山陵都監與判司天監邢中和擅易皇堂地夏守恩領工徒數萬穿地土石相半眾議曰喧懼不能成功中作而罷奏請待命謂底允恭依違不決內侍毛昌達自陵下還以其事奏詔問謂始請遣使按視既而成謂復用舊地方詔馮拯曹利用等就謂第議遣王曾覆視遂誅允恭後數日太后與帝坐承明殿召拯利用等諭曰丁謂為宰輔乃與宦官交通因出謂嘗託允恭不法等事因曰謂前附允恭奏事皆言己與卿等議定故皆可其奏且嘗奉先帝陵寢而擅有遷易幾誤大事拯等奏曰自先帝登遐政事皆謂與允恭同議稱得旨禁中臣等莫辨虛實賴聖神察其姦此宗社之福也乃降謂太子少保分司西京故事黜宰相皆降制時欲亟行止令拯等即殿廡召舍人草詞仍榜朝堂布諭天下追其子琪珣珧珧一官落琪館職先是女道士劉德妙者嘗以巫師出入謂家謂敗速繫德妙內侍鞠之德妙通款謂嘗教言若所為不過巫事不若託言老君言禍福足以動人於是即謂家設神像夜醮于園中允恭數至請禱及帝崩引入禁中又因穿地得龜蛇令德妙持入內給言出其家山洞中仍復教云帝即問若所事何知為老君第云相公非凡人當知之謂又作頌題曰混元皇帝賜德妙語

涉妖誕遂貶崖州司戶參軍諸子竝勒停祀又坐與德妙姦除名配隸復州籍其家得四方賂遺不可勝紀其弟誦說諗悉降黜坐謂罷者自參知政事任中正而下十數人在崖州踰三年徙雷州又五年徙道州明道中授秘書監致仕居光州卒年七十二據東都事畧謂機敏有智謀檢校過人在三司案牘繁委吏久難解者一言判之眾皆釋然真宗朝嘗造宮觀奏祥異之事多謂與王欽若發之初議營昭應宮料功須二十五年謂令以夜繼晝每給一壁給二燭七年乃成真宗崩議草遣制軍國事兼取皇太后處分謂乃增以權字及太后稱制又議月進錢充宮掖之用由是太后深惡之因雷允恭遂併錄謂前後欺罔事竄之在貶所專事浮屠因果之說家寓洛陽嘗為書自責敘國厚恩戒家人毋輒怨望遣人致于洛守劉煜祈付其家戒使者伺煜會眾僚時達之煜得書不敢私即以聞帝見感制遂徙雷州亦出於揣摩也

夏竦字子喬江州德安人父承皓太平興國初上平晉策補右侍東都事畧竦大名府契丹入侵承皓繇間道發兵夜與契丹遇力戰死之贈崇儀使錄竦為潤州丹陽縣主簿竦資性明敏好學自經史百家無不通曉為文章典雅藻麗舉賢良方正擢光祿寺丞通判台州召直集賢院為國史編修官累遷右正言帝幸亳州為東京留守推官仁宗初封慶國公王旦數言竦材命教書資善堂未幾同修起居注為玉清昭應宮判官兼領景靈宮會真觀事遷尚書禮部員外郎知制誥史成遷戶部景靈宮成遷禮部郎中竦娶楊氏楊亦工筆札有鈞距及竦顯多內寵寢與楊不諧楊疏竦陰事訟之開封府府以事聞下御史臺置劾左遷職方員外郎知黃州後二年徙鄂州又徙襄州屬歲歲大發公廩不足竦又勸率州大姓使出粟得二萬斛用全活者四十餘萬人仁宗即位遷戶部郎中徙壽安洪三州洪俗尚鬼多巫覡竦索部中得千餘家赦還農毀其淫祠以聞詔江浙以南悉禁絕之竦材術過人急於進取喜交結任數術傾側反覆世以為姦邪當太后臨朝嘗上疏乞與修真宗實錄不報既而丁母憂潛至京師依中人張懷德為內助宰相王欽若雅善竦因左右之遂起復知制誥為景靈判官判集賢院以左司郎中為翰林學士句當三班院兼侍讀學士龍圖閣學士又兼譯經潤文官遷右諫議大夫樞密副使修國史遷給事中初武臣賞罰無法吏得高下為姦竦為集前比著為定例事皆按比而行改參知政事祥源觀使增設賢良等六科復百官轉對置理檢使皆竦所發與宰相呂夷簡不相能復為樞密副使遷刑部侍郎史成進兵部尋進尚書左承章獻太后崩為禮部尚書知襄州改潁州京東又薦饑徙青州兼安撫使踰年罷安撫遷刑部尚書徙應天府寶元初以戶部尚書入為三司使趙元昊反拜奉寧軍節度使知永興軍聽便宜行事徙鎮忠武知涇州還判永興軍兼陝西經略安撫招討進宜徽南院使與陳執中論兵事不合詔徙屯鄜州東都事畧初竦在涇州朝廷遣龐籍就計事竦因條上十事時邊臣多議征討朝廷鄉之而竦言出師非便既而詔以涇原鄜延兩路兵進討會元昊稍求納款范仲淹請留鄜延兵緣是涇原兵亦不行竦上十事一教習強弩以為奇兵二羈縻屬羌以為藩籬三詔嘉勒斯賈父子并力破賊四度地形險

易遠近皆柵多少軍士勇怯而增減屯兵五詔諸路互相應援六募土人為兵州各一二千人以代東兵七增置弓手壯丁獵戶以備城守八竝邊小砦毋積芻糧賊攻急則棄小砦入保大砦以完兵力九關中民坐累若過誤者許人入粟贖罪銅一斤為粟五斗以贍邊計十損竝邊尤兵尤官及減騎軍以舒饋運當時頗採用之其募土人為兵令下楊偕力非其說與偕交章論奏議終屈疎雅意在朝廷及任以西事頗依違顧避又數請解兵柄改判河中府徙蔡州慶曆中召為樞密使諫官御史交章論疎在陝西畏懦不肯盡力每論邊事但列眾人之言至遣敕使臨督始陳十策嘗出巡邊置侍婢中軍帳下幾致軍變元昊嘗募得疎首者與錢三千為賊輕侮如此今復用之邊將體解矣且疎挾詐任數姦邪傾險夷簡畏其為人不肯引為同列既退乃薦之以釋宿憾陛下孜孜政事首用懷詐不忠之臣何以求治會疎已至國門言者論不已請不令人見諫官余靖又言疎累表引疾及聞召用即兼驛而馳若不早決疎必堅求面對致恩感泣復有左右為之地則聖聽惑矣章累上即日詔疎歸鎮疎亦自請還節徙知亳州改授吏部尚書按長編云疎又自請納節還文 歲中加資政殿學士疎之及國門也帝封彈疏示之既至亳州上書萬言自辯復拜宣徽南院使河陽三城節度使判并州明年拜同中書門下平章事判大名府又明年召入為宰相按宋宰相編年錄載故事大臣自使相除樞相必斷自朕志召登機衡過流議於風波定成制下諫官御契於金石仍中軍之旌兼兼上宰之印章制下諫官御史復言大臣和則政事修疎前在關中與執中論議不合不可使其事遂改樞密使封英國公按宋宰相編年錄載是成南知

中外將相惟疎滿萬戶中書請封英國親事官夜入禁中欲為亂領皇城司者皆坐逐獨楊懷敏降官領入內都知如故言者以為為疎結懷敏而曲庇之會京師同日無雲而震者五帝方坐便殿趣召翰林學士張方平至謂曰夏疎姦邪以致天變如此宜出之罷知河南府未幾赴本鎮加兼侍中贊明堂徙鎮武宣進鄭國公錫資與輔臣等將相居外遇大禮有賜自疎始尋以病歸卒贈太史中書令賜諡文正劉敞言世謂疎姦邪而諡正不可改諡文莊疎以文學起家有名一時朝廷大典策多以屬之為郡有治績喜作條教於閭里立保伍之法盜賊不敢發然人苦煩擾治軍尤嚴敢誅殺嘗有龍騎卒戍邊剽州郡莫能止或密以告疎時疎在關中俟其至召詰之誅斬殆盡軍中大震其威畧多類此然性貪數商販部中在并州使其僕貿易為所侵盜至杖殺之積家財累鉅萬自奉尤侈畜聲伎甚眾所在陰問僚屬使相猜阻以鈎致其事遇家人亦然子安期字清卿以父任為將作監主簿召試賜進士出身累遷太常博士出為京西轉運使盜起部中剽劫州縣而光化軍戍卒相繼叛勢且相合安期督將吏盡捕得斬之徙河東轉運使累遷尚書工部郎中徙江淮發運使入為三司戶部副使會元昊納款西邊罷兵命往陝西與諸路經畧安撫司議損邊費願奏省吏員及汰邊兵之不任役者五萬人擢天章閣待制遂為陝西都轉運使徙河北進兵部郎中時疎為樞密使為請還所遷官旬淮浙一郡復以為工部郎中江淮發運使徙知永興軍進龍圖閣直學士吏部郎中知渭州簡弓箭手得驍勇萬人為步兵騎又半之教以戰陣法緣是士兵勝他路又籍塞下

開田募人耕種歲得穀數萬斛以備振發名曰貸倉遷右諫議大夫進樞密直學士知延州未至丁父憂服除辭所進職復為龍圖閣直學士兼侍讀提舉集禧觀以學士復知延州州東北阻山無城郭虜騎嘗乘之安期至即大築城時方暑士卒有怨言安期益令廣表計數百步令其下曰敢言者斬躬自督役不踰月而就元昊請畫疆界朝廷欲遣使以問安期安期對曰此不足煩王人衙校可辦也議遂決暴得疾卒安期雖乘世資頗以才自厲朝廷數使之然無學術而求入侍經筵為世所譏其奉養聲伎不減其父云

列傳

宋二十七

陳堯佐 堯叟堯咨

宋庠 庠

陳執中

劉沆

馮拯 行己

賈昌朝 昌衡

梁適

魯宗道

薛奎

王曙 益柔

蔡齊 延慶

陳堯佐字希元其先河朔人高祖翔為蜀新井合因家焉遂為閬州閬中人父省華字善則事孟昶為西水尉蜀平授龍城主簿累遷樞密令縣之鄭白渠為隄邑強族所據省華盡去壅遏水利均及民皆賴之端拱三年太宗親試進士伯子堯叟登甲科占謝辭氣明辨太宗顧左右曰此誰子王沔以省華對即召省華為太子中允河決鄆州命省華領州事知蘇州時遇水災省華復流民數千戶殍者悉瘞之詔書褒美省華智辨有吏幹景德初判吏部銓權知開封府轉光祿卿舊制卿監坐采殿太宗以省華權泄京府別設其位升於兩省五品之末未幾因疾求解任拜左諫議大夫再表乞骸骨不許三年卒年六十八特贈太子少師堯佐進士及第按隆平集端拱元年登進士第 恩魏縣中牟尉知朝邑縣會中人方保吉誣以事降本縣主簿徙下邳累遷祕書郎按東都事略堯佐神道碑俱作累遷太常丞 知開封府錄事參軍理獄有能績遷府推官坐言事忤旨降通判潮州修孔子廟作韓吏部祠以風示潮人有民張氏子為鰥魚所食堯佐命吏操網往捕鰥弭受網作文示諸市而烹之其患遂息召還獻詩數百篇大臣亦薦其文學得直史館知壽州歲大饑出奉米為糜粥食餓者吏人悉獻米全活數萬人徙廬

州以疾請歸提點開封府界事後為兩浙轉運副使錢塘江礮石為隄為兩湖所曠再歲輒壞堯佐請下薪實土乃堅久丁謂言其不可徙堯佐京西轉運使後卒如堯佐謹隄乃成徙河東路以地寒民貧仰石炭以生奏除其稅又減澤州大廣治鐵課數十萬徙河北母老所就養召糾察在京刑獄為御試編排官坐置等誤降官監鄂州茶場天禧中河決起知滑州造木龍以殺水怒又築長堤護之人呼為陳公堤營永定陵復徙京西轉運使入為三司戶部副使徙度支同修眞宗實錄不試中書特擢知制誥兼史館修撰知通進銀臺司進樞密直學士按神道碑堯佐知河南府徙并州每汾水暴漲州民輒憂堯佐為築堤植柳數萬本作柳溪民賴其利召同修三朝史代弟堯咨同知開封府累遷石諫議大夫為翰林學士遂拜樞密副使按宋宰輔表載陳堯佐自翰林學士副使神道碑亦載兼龍圖閣直學士拜樞密副使 符知縣陳詒為治嚴急吏欲罪詒乃空縣逃去太后怒詒連呂夷簡親執政以嫌不敢辨事下樞密院堯佐獨曰罪詒則姦吏得計後誰敢復繩吏者詒由是得免以給事中參知政事遷尙書吏部侍郎太后崩執政多罷以戶部侍郎知永興軍初太后遣宦者起浮圖京兆城中前守姜遵盡毀古碑碣充磚甃用堯佐奏曰唐賢人墓石今亡七七八矣子孫深刻大書欲存之千載迺一旦與瓦礫等誠可惜也其未毀者願赦州縣完護之歷徙鄭州景祐四年拜同中書門下平章事集賢殿大學士以災異數見自責求罷章凡四上諫官韓琦論政事錯繆以宰相非其人遂與王隨同罷為淮康軍節度使同中書門下平章事判鄭州以太子太師致仕卒贈司

空兼侍中謚文惠堯佐少好學及貴猶讀書不輟善古隸八分工詩性儉約器服壞隨輒補之曰無使不全見棄也號知餘子自誌其墓曰壽八十二不為天官一品不為賤使相納祿不為辱三者粗可歸息於父母棲神之域矣陳搏嘗謂其父曰君三子皆當將相惟中子貴且壽後如搏言

堯叟字唐光祿寺丞直史館與省華同日賜緋遷祕書丞再遷工部員外郎廣南西路轉運使會加恩黎桓為交州國信使初將命者必獲贈遺數千緡桓責賦敏於民往往斷其手足堯叟遂奏召桓子授以朝命而却其私覲又桓界先有凶命來奔者多匿不遣因是海賊頻年入寇堯叟悉捕歸之桓感恩併捕海賊為謝先是歲調雷化高藤容白諸州兵使輦軍糧汎海給瓊州其兵不習水利率多沈溺咸苦之海北岸有遮角場正與瓊對伺風便一日可達與雷化高太平四州水路接近堯叟因規度移四州民租米輸于場令瓊州遣

瑩兵具舟自取人以爲便咸平初詔諸路課民種桑棗堯叟言臣所部諸州土風本異地利之博者惟麻苧麻苧所種與桑柘不殊既成宿根旋擢新鞞周歲之間三收其苧復一固其本國家軍須所急布帛爲先因勸諭部民廣植麻苧請以所種麻苧頃畝折桑棗之數諸縣令佐依例書慫爲課民以所織布赴官賣者免其算稅如此則布帛上供泉貨下流公私交濟詔從之代還加刑部員外郎遷兵部拜主客郎中樞密直學士知三班兼銀臺通進封駁司制置羣牧使河決澶州王陵口詔往護塞之遂與馮拯同爲河北河東安撫副使時中外上封奏者甚眾命與馮拯詳定利害及與三司議減冗

路接近堯叟因規度移四州民租米輸于場令瓊州遣瑩兵具舟自取人以爲便咸平初詔諸路課民種桑棗堯叟言臣所部諸州土風本異地利之博者惟麻苧麻苧所種與桑柘不殊既成宿根旋擢新鞞周歲之間三收其苧復一固其本國家軍須所急布帛爲先因勸諭部民廣植麻苧請以所種麻苧頃畝折桑棗之數諸縣令佐依例書慫爲課民以所織布赴官賣者免其算稅如此則布帛上供泉貨下流公私交濟詔從之代還加刑部員外郎遷兵部拜主客郎中樞密直學士知三班兼銀臺通進封駁司制置羣牧使河決澶州王陵口詔往護塞之遂與馮拯同爲河北河東安撫副使時中外上封奏者甚眾命與馮拯詳定利害及與三司議減冗

上封奏者甚眾命與馮拯詳定利害及與三司議減冗

上封奏者甚眾命與馮拯詳定利害及與三司議減冗

上封奏者甚眾命與馮拯詳定利害及與三司議減冗

上封奏者甚眾命與馮拯詳定利害及與三司議減冗

上封奏者甚眾命與馮拯詳定利害及與三司議減冗

上封奏者甚眾命與馮拯詳定利害及與三司議減冗

上封奏者甚眾命與馮拯詳定利害及與三司議減冗

事俄與拯並拜右諫議大夫同知樞密院事有言三司官吏積習依違文牒有經五七年不決者吏民抑塞水旱災沴多由此致詔堯叟與拯舉常參官幹敏者同三司使議減煩冗參決滯務凡省去煩冗文帳二十一萬五千餘道又減河北冗官七十五員按馮拯傳作減廢編載省去三司積滯文帳及諸州無例施行文字二十一萬五千餘道減河北句當京朝官使臣幕職共七十五員拯傳係脫誤無疑此已載五年進給事中景德元年遷工部侍郎簽書樞密院事奉秩恩例悉同副使尋兼刑部兵部二侍郎與王欽若並知樞密院事仍兼羣牧制置使始置使即以堯叟為之及掌樞密即罷其任至是以國馬戎事之本宜得大臣總領故又委堯叟焉預修國史大中祥符初東封加尚書左丞進工部尚書祀汾陰禮成進戶部尚書五年與欽若並以本官檢校太傅同平章事充樞密使加檢校太尉未幾與欽若罷守本官仍領羣牧明年復與欽若以本官檢校太尉同平章事充樞密使以足疾求避位優拜右僕射知河陽賜詩為餞天禧初還京師卒年五十七贈侍中諡曰文忠錄其孫知言知章為將作監主簿長子師古賜進士出身後為都官員外郎希古至太子中舍坐事除籍堯叟偉姿貌強力奏對明辨多任知數久典機密軍馬之籍悉能周記母馮氏性嚴堯叟事親孝謹怡聲侍側不敢以貴自處家本富祿賜且厚馮氏不許諸子事華侈景德中堯叟掌樞機弟堯佐直史館堯咨知制誥與省華同在北省諸孫任官者十數人宗親登科者又數人榮盛無比賓客至堯叟兄弟特立省華側客不自安多引去既卒帝褒封其母上黨郡太夫人進封滕國年八十餘無恙後堯叟數年卒

堯咨字嘉諫舉進士第一授將作監丞通判濟州召為祕書省著作郎直史館詔三司度支句院始合三部句院兼總之擢右正言知制誥崇政殿試進士堯咨為考官三司使劉師道屬弟幾道以試卷為識議坐貶單州團練副使復著作郎知光州尋復右正言知制誥知荆南改起居舍人同判吏部流內銓舊格選人用舉者數遷官而寒士無以進堯咨進其可擢者帝特遷之改右諫議大夫集賢院學士以龍圖閣直學士尚書工部郎中知永興軍長安地斥鹵無甘泉堯咨疏龍首渠注城中民利之然豪侈不循法度徹武庫建視草堂開三門築甬道出入列禁兵自衛用刑慘急數有杖死者嘗以氣凌轉運使樂黃目黃目不能堪求解去遂徙堯咨知河南府既而有發堯咨守長安不法事帝不欲窮治止削職徙鄧州尋復知制誥堯咨性剛反數被挫忽忽不樂堯叟進見帝帝問之對曰堯咨豈知上恩所以保佑者自謂遭議至此乞明示所犯使知陛下保全之意帝賜詔條其事切責乃皇恐稱謝久之復職仁宗即位擢知開封府除翰林學士龍圖閣學士以先朝初榜甲科特詔班舊學士蔡齊之上按本傳不載堯咨舉進士之年三月壬申賜進士孫僅等宴瓊林度堯咨本紀咸平元年舉進士當在是年所為稱先朝初榜甲科也換宿州觀察使知天雄軍堯咨內不平固辭不得已拜命自契丹修好城壁器械久不治堯咨葺完之然須索煩擾多暴怒列軍士持大梃侍前吏民語不中意立至困仆以安國軍節度觀察留後知鄆州建請浚新河自魚山至下杷以導積水拜武信軍節度使知河陽徙澶州又徙天雄軍卒贈太尉諡曰康肅堯咨於兄弟中最為少文然以氣節自任工隸書善射荆南時母馮氏問曰古人

居一郡一邑必有異政汝典郡有何治效堯咨曰荆南當衝要郊勞宴饗迨無虛日然稍精于射擊無不服馮氏曰汝父訓汝以忠孝傳輔國家今不務仁政善化而專卒伍一夫之技豈汝先人之意耶杖而擊之按馮氏兄弟三人皆貴顯史稱性嚴不許諸子事華侈可謂處貴不驕處富能儉無媿賢母矣東事略載其詞堯咨與郡治效杖擊堯咨者尤知大體子述古太子賓客致仕宋史堯咨本傳不載今據增堯叟傳載子師古希堯佐有子十人述古博古皆堯佐子堯叟有子七人堯佐有子十人述古博古皆堯佐子堯叟有子七人堯佐有子十人述古博古皆堯佐子堯叟有子七人堯佐有子十人述古博古皆堯佐子堯叟有子七人博古篤學能文為館閣校勘按宋史堯佐傳中不載其子堯叟傳載子師古希堯佐有子十人述古博古皆堯佐子堯叟有子七人堯佐有子十人述古博古皆堯佐子堯叟有子七人宋庠字公序安州安陸人後徙開封之雍邱父玘按宋其父行狀及王珪范鎮撰庠碑並作玘宋史本傳作玘蓋誤今據改嘗為九江掾庠天聖初舉進士開封試禮部皆第一擢大理評事同判襄州召試遷太子中允直史館歷三司戶部判官同修起居注再遷右正言郭皇后廢庠與御史伏閣爭論坐罰金久之知制誥時親策賢良茂才等科而命與武舉人雜視庠言非所以待天下士宜如本朝故事命有司設次具飲膳斥武舉人各別試詔從之兼史館修撰知審刑院密州豪王濬私釀酒隣人往捕之濬始曰盜也盡使殺其父子四人州論奴以法濬獨不死宰相陳堯佐右漸庠力爭卒抵濬死改權判吏部流內銓遷尚書刑部員外郎仁宗欲以為右諫議大夫同知樞密院事中書言故事無自知制誥執執政者乃詔為翰林學士庠初名郊李淑恐其先己以奇中之言曰宋受命之號郊交也合姓名言之為不祥林固對言于仁宗曰宋郊姓符國號名應祚天不祥林固對言于仁宗曰宋郊也較宋史本傳語為明也帝弗為意他日論改名庠寶

元中以右諫議大夫參知政事庠為相儒雅練習故事自執政遇事輒分別是非與宰相呂夷簡論數不同凡庠與善者夷簡皆指為朋黨如鄭戩葉清臣等悉出之乃以庠知揚州未幾以資政殿學士徙鄆州進給事中慶曆五年除參知政事范淹去位帝問宰相章得象誰可代仲淹者得象薦宋祁帝雅意在庠復召為參知政事七年春早用漢災異策免三公故事罷宰相賈昌朝輔臣皆削一官以庠為右諫議大夫帝嘗召二府對資政殿按忠規德範碑及長編俱作天章閣出手詔策以時事庠曰兩漢對策本極巖穴草萊之士臣等備位政府而比諸生非所以尊朝廷請至中書合議條奏時陳執中為相不學少文故夏竦為帝畫此謀意欲困執中也論者以庠為知禮明年除尚書工部侍郎充樞密使皇祐中拜兵部侍郎同中書門下平章事集賢殿大學士享明堂禮成復加工部尚書三年祁子與越國夫人曹氏客張彥方遊而彥方偽造數牒為人補官論死諫官包拯奏庠不

應舉時與俱以文學名植天下儉約不好聲色讀書至老不倦天資忠厚嘗曰通詐恃明殘人矜才吾終身不為也弟祁

國與民一也捨國取民其傷一焉一使相節度不隸藩要夫節相之建或當邊鎮或臨師屯今大臣罷驛率叨恩除坐靡邦用請自今地非邊要州無師屯者不得建節度已帶節度不得留近藩及京師如是去三冗節三費陛下復能躬服至儉風示四方衣服起居無論舊規後宮錦綉珠玉不得妄費天下響應民業日豐飲馭西河蠡爾戎首在吾掌中矣徒判鹽鐵句院同修禮書次當知制誥而庠方參知政事乃以為天章閣待制庠罷祁亦出知壽州徙陳州還知制誥權同判流內銓以龍圖閣直學士知杭州留為翰林學士提舉諸司庫務數釐正弊事增置句當公事官其屬言利害者皆使先稟度可否而後議于三司遂著為令徒知審官院侍讀學士庠復知政事罷祁翰林學士改龍圖直學士史館修撰修唐書累遷右諫議大夫充羣牧使庠為樞密使祁復為翰林學士景祐中詔求直言祁奏人主不斷是名為亂又謂與賢人謀而與不肖者斷重選大臣而輕任之大事不圖而小事急是謂三患其意主于彊君威別邪正急先務皆切中時病會進溫成皇后為貴妃故事命妃皆發冊妃辭則罷冊禮然告在在有司必踈旨而後進又凡制詞既授閣門宣讀學士院授而書之送中書結三省銜官告院用印乃進內祇適當制不踈旨寫詔亦不送中書徑取官告院印用之亟封以進后方愛幸

老至是請猶未已乃出判亳州庠前後所至以鎮靜為治及再登用遂沈浮自安晚愛信幼子多與小人遊不謹御史呂誨請敕庠不得以二子隨帝曰庠老矣奈何不使其子從之至堯請老益堅以司空致仕卒贈太尉兼侍中諡元獻帝為篆其墓碑曰忠規德範之碑庠自

祁字子京與兄庠同時舉進士禮部舉祁第一庠第三章獻太后不欲以弟先兄乃擢庠第一而實祁第十人呼曰二宋以大小別之釋褐復州軍事推官孫奭薦之改大理寺丞國子監直講召試授直史館再遷太常博士同知禮儀院有司言太常舊樂數增損其聲不和詔祁同按試李照定新樂胡瑗鑄鐘磬祁皆典之事見樂志遷尚書工部員外郎同修起居注權三司度支判官方陝西用兵調費日蹙祁上言今左藏無積年之餼太倉無三歲之粟良由取之既彈用之無度也朝廷大有三冗小有三費以困天下之財何為三冗天下有定官無限員一冗也天下有廩軍不任戰而耗衣食二冗也僧道日益多而無定數三冗也自今僧道以受戒具者姑如舊其他悉罷還為民可得耕夫織婦五十餘萬人天下廩軍止圖供役本不知兵月支廩糧歲費庫帛已在籍者勿論其他悉驅之南畝又得力耕者數十萬國家郡縣素有定官譬以十人為額常以十二加之即遷代罪謫隨取之而有今州縣不廣于前而官五倍于舊請詔三班審官院內諸司流內銓明立限員以為定法其門廩流外貢舉等科實置選限稍務擇人俟有闕官計員補吏何為三費一道場齋醮無有虛日百司供億不可費計陛下事天地宗廟社稷百神犧牲玉帛使有司端委奉之歲時薦之足以疎明德介多福矣何必希屑屑之報哉一京師寺觀或多設徒卒添置官府衣糧率三倍他處而又自募民財營建祠廟雖曰不費官帑然

復召為侍讀學士史館修撰祀明堂遷給事中兼龍圖閣學士坐其子從張彥方遊出知亳州兼集賢殿修撰歲餘徙知成德軍遷尚書禮部侍郎充本路安撫使兼馬步軍都總管河北騎軍雖多而馬常少請弛河東陝

尚書觀文殿大學士知河南府歷徙許州河陽嘉祐三年再遷兵部尚書以檢校太尉同平章事充樞密使封莒國公與副使程戡不協戡罷而御史言庠昏惰乃以河陽三城節度同平章事判鄭州徙相州以疾召還英宗即位移鎮武寧軍改封鄭國公庠在相州即上章請老至是請猶未已乃出判亳州庠前後所至以鎮靜為治及再登用遂沈浮自安晚愛信幼子多與小人遊不謹御史呂誨請敕庠不得以二子隨帝曰庠老矣奈何不使其子從之至堯請老益堅以司空致仕卒贈太尉兼侍中諡元獻帝為篆其墓碑曰忠規德範之碑庠自

應舉時與俱以文學名植天下儉約不好聲色讀書至老不倦天資忠厚嘗曰通詐恃明殘人矜才吾終身不為也弟祁

國與民一也捨國取民其傷一焉一使相節度不隸藩要夫節相之建或當邊鎮或臨師屯今大臣罷驛率叨恩除坐靡邦用請自今地非邊要州無師屯者不得建節度已帶節度不得留近藩及京師如是去三冗節三費陛下復能躬服至儉風示四方衣服起居無論舊規後宮錦綉珠玉不得妄費天下響應民業日豐飲馭西河蠡爾戎首在吾掌中矣徒判鹽鐵句院同修禮書次當知制誥而庠方參知政事乃以為天章閣待制庠罷祁亦出知壽州徙陳州還知制誥權同判流內銓以龍圖閣直學士知杭州留為翰林學士提舉諸司庫務數釐正弊事增置句當公事官其屬言利害者皆使先稟度可否而後議于三司遂著為令徒知審官院侍讀學士庠復知政事罷祁翰林學士改龍圖直學士史館修撰修唐書累遷右諫議大夫充羣牧使庠為樞密使祁復為翰林學士景祐中詔求直言祁奏人主不斷是名為亂又謂與賢人謀而與不肖者斷重選大臣而輕任之大事不圖而小事急是謂三患其意主于彊君威別邪正急先務皆切中時病會進溫成皇后為貴妃故事命妃皆發冊妃辭則罷冊禮然告在在有司必踈旨而後進又凡制詞既授閣門宣讀學士院授而書之送中書結三省銜官告院用印乃進內祇適當制不踈旨寫詔亦不送中書徑取官告院印用之亟封以進后方愛幸

西馬禁又請復唐歇幕之制居三月徙定州又上言天下根本在河北河北根本在鎮定以其扼敵衝為國家門戶也謀契丹者不得不先河北謀河北捨鎮定無足議者請合鎮定為一路以將相大臣領之使權一而責

有歸夫恥怯尚勇好論事甘得而忘死河北之人殆天性然若少勵之不憂不戰臣竊謂欲兵之強莫如多殺與財欲士訓練莫如善擇將帥欲人樂鬪莫如賞重罰嚴欲敵顧望不敢前莫如使鎮重而定疆請先入穀鎮定鎮定既充可入穀餘州列將在陝西河東有功狀者得遷鎮定則鎮定重天下久平馬益少臣請多用步兵

馬少則騎精步多則鬪健我能用步所長雖契丹多馬亦無所用之矣按東都事略稱神守邊議兵雖古名將亦無所用之矣亦無以過范鎮撰神道碑較簡今據參輯又上禦戎論七篇加端明殿學士特遷吏部侍郎知益州尋除三司使右司諫吳及嘗言祁在定州不治縱家人貨公使錢數千緡在蜀奢侈過度既而御史中丞

包拯亦言祁益部多游燕且其兄方執政不可任三司乃加龍圖閣學士知鄭州唐書成遷左丞進工部尚書以羸疾請使醫藥入判尚書都省按神道碑載唐書成鄭州還入判尚書都省序遷工部尚書左丞以疾自進工部尚書於判尚書都省之前與碑互異踰月拜翰林學士承旨詔遇入直許一子主湯藥復為羣牧使尋卒遺奏請擇宗室賢材進爵親王為七世之主若六宮

有就館之慶聖嗣蕃衍則宗子降封部王以避正嫡此定人心防禍患之大計也又自為誌銘及治戒以授其子三日斂三月葬慎無為流俗陰陽拘忌也勿請諡勿受贈典若等兄弟十四人惟二孺兒未仕以此諉匿公

宮公在若等不孤矣後贈刑部尚書祁兄弟皆以文學顯而祁尤能文善議論然清約莊重不及庠論者以祁

不至公輔亦以此云修唐書十餘年自守亳州出入內外嘗以豪自隨祁所至治事明峻好作條教其子遵治戒不請諡久之學士承旨張方平言祁法應得諡諡曰景文

陳執中字昭譽以父恕任為祕書省正字累遷衛尉寺丞知梧州上復古要道三篇真宗異而召之帝屬疾春秋高大臣莫敢言建儲者執中進演要三篇以早定天下根本為說翌日帝以他疏示輔臣皆贊曰善帝指執中曰又有善於此者出之適演要也因召對便殿勞問久之擢右正言逾月遂立皇太子明年坐考御史進士

卷差謬貶衛尉寺丞監岳州酒務稍復殿中丞通判撫州復右正言曹利用壻盧士倫除福建運使憚遠不行利用為請乃改京東執中當劾奏之利用挾私忿出執中知漢陽軍及利用得罪乃召為羣牧判官權三司鹽鐵判官累遷三司戶部副使明道中安撫京東進天章閣待制使還知應天府徙江寧府揚州再遷工部郎中

改龍圖閣直學士知承興軍拜右諫議大夫同知樞密院事元昊寇延州手詔咨訪輔臣攻守方略執中既上對退疏言元昊竊發西垂連犯亭障延安幾至于不保自金明李士彬族破而並邊籬落皆大壞塞門金明相距二百里宜列修三城屯兵千人益募弓箭手寇大至則退保小至則出關選閫門祇候以上為塞主都監

以諸司使為盧關一路都巡檢以兵二千屬之使為三岩之援熟羌居漠地久者委邊臣拊存之反覆者破逐之至於新拊點羌如涇原喀務密藏達爾楚數族久居內地常有叛心不肆翦除恐終為患今軍須之出民已愁嘆復欲偏修城池恐民力不堪請且修並邊城池

其次如延州之鄜同環慶之邠寧不過五七處量為營葺仍須增土兵以備守禦者騎卒以減轉饟然後徐議盪平帝嘉納之既而議刺土兵久不決罷知青州又以資政殿學士知河南府改尚書工部侍郎歷陝西同經略安撫招討使與夏竦同知承興軍議邊事多異同詔

令互出巡邊乃屯涇州令諸部日寇藉吾水草鈔邊圖利不除且復至命悉焚之又表解兵柄以為兵尚神密千里稟命非所以制勝宜屬四路各保疆圉朝議善之就知陝州復徙青州於是諸城傳海諸州朝廷重與役有詔不許執中不奉詔卒城之明年沂卒王倫叛趙淮南執中遣巡檢傅承吉追至采石磯捕殺之召拜參知政事諫官孫甫蔡襄極論不可帝遣使馳賜敕告踰年拜同中書門下平章事集賢殿大學士兼樞密使西夏

納款與宰相賈昌朝請解樞密七年春早昌朝罷執中降給事中已而加昭文館大學士監修國史踰月復官皇祐初以足疾辭位自陳不願為使相大學士翰林學士孫抃當制遂以尚書左丞知陳州宰相文彥博宋庠以為禮薄帖麻改兵部尚書遷吏部觀文殿大學士久之拜集慶軍節度使復拜同平章事判大名府河決商胡走大名程琳欲為堤不果成而去執中乘年豐調丁

天增築二十里以障橫潰以吏部尚書復拜同平章事昭文館大學士每朝退閉中書東便門以防漏泄三司句當公事及監場務官權勢所引者皆奏罷之內外肅然會張貴如薨治喪儀殿追冊為后王洙石全彬務以非禮導帝意執中隨輓奉行久之嬖妾答小婢出外舍死御史趙抃并列入事奏劾歐陽修亦言之至和二年春早諫官范鎮請速退執中以快中外之望御史中丞

其

其

孫抃又與其屬郭申錫母混范師道趙抃請合班論奏

罷執中為鎮海軍節度使同平章事判亳州按執中之宗本紀及率輔表俱作至和二年六月且本紀於元年三月早集本傳作三年誤今改踰年辭節

改尚書左僕射略俱作右僕射觀文殿大學士封英國

公徙河南府又徙曹州皆不赴過都以疾賜告就第拜

司徒岐國公致仕卒贈太師兼侍中執中在中書八年

人莫敢干以私四方問遺不及門惟殿前都指揮使郭

承祐數至其家為御史所言遂詔中書樞密自今非聚

廳無見賓客及議禮官韓維曰執中以公卿子遭世

承平因緣一言遂至貴顯天子以後宮之喪問所以葬

祭之禮執中位上相不能總率羣司考正儀典知治喪

皇儀非嬪御之禮追冊位號於宮闈有嫌建廟用樂踰

祖宗舊制皆白而行之此不忠之大者又閨門之內禮

分不明夫人正室疏薄自紉庶妾賤人悍逸不制其治

家無足言者宰相不能秉道率禮正身齊家方杜門深

居謝絕賓客曰我無私也我不黨也豈不陋哉諡法寵

祿光大曰榮不勤成名曰靈執中出入將相以一品就

第寵祿光大矣得位行政賢士大夫無述焉不勤成名

矣諡曰榮靈後改諡恭襄詔諡曰恭帝蒙其墓碑曰

衰忠之碑子世儒官至國子博士妻李與羣婢殺世儒

所生母世儒與謀皆棄市

劉沆字冲之吉州永新人倜儻任氣天聖八年擢進士

第二為大理評事通判舒州有大獄屢歲不決沆數日

決之章獻太后建資聖浮圖內侍張懷信挾詔命督役

嚴峻州將至移疾不敢出沆奏罷懷信遷太常丞直集

賢院出知衡州大姓尹氏欺隣翁老子幼欲竊取其田

乃偽作賣券及隣翁死遂奪而有之其子訴於州縣二

十年不得直沆至復訴之尹氏遂伏罪遷太常博士歷

三司度支戶部判官同修起居注擢右正言知制誥判

吏部流內銓奉使契丹館伴杜昉強以酒沆因醉詈之

坐是出知潭州又降知和州改右諫議大夫知江州時

湖南蠻獠數為寇殺官吏以沆為龍圖閣直學士知潭

州兼安撫使許便宜從事沆大發兵至桂陽招降二千

餘人使散居所部而蠻酋降者皆奉命以官又募土兵

分捕餘黨斬馘甚眾按沆平集載沆至潭州募土兵使改等八路入討斬首萬餘級遂頓兵開一路榜曰賊由

此路出降賊殺者與擒殺同於是降者三四萬人與宋

史本傳所載互異已而餘黨復叛殺將胡元沆坐降知鄂州

歷知承興軍頃之以龍圖閣學士權知開封府遷尚書

工部侍郎踰年拜參知政事初沆在府有張彥方者客

越國夫人曹氏家受富民金為偽告救既敗繫獄沆抵

彥方死辭不及曹氏曹氏張貴妃母也沆既用諫官御

史疑以此進爭論之帝不聽貴妃薨追冊皇后沆為監

護使數月拜同中書門下平章事集賢殿大學士改園

陵使御史中丞孫抃御史范師道母混言宰相不當為

贈后典葬不報既葬賜后閣中金器數百兩力辭而請

其子瑾試學士院遂帖職按通鑑綱覽御批劉

之乃載其力辭賜金事然辭實為其子求官所望不

更奢乎是亦壘斷髮大夫而已且仁宗獨未聞賜錢而

不與即官時中書可否多用例人或援例以訟而法有

不行沆進言三弊一近臣保薦一近臣陳旬親屬一敘

勞干進請詔中書樞密凡三事無用例餘聽如舊事既

施行眾頗不悅尋如舊文彥博富弼復入為相彥博為

昭文館大學士弼監修國史沆遷兵部侍郎位在弼以

下論者以為非故事由學士楊察之誤乃帖麻改沆監

修國史弼為集賢殿大學士沆既疾言事官因言自慶

曆後臺諫官用事朝廷命令之出事無當否悉論之必

勝而後已專務扶人陰私莫辨之事以中傷士大夫執

政畏其言進擢尤速沆遂舉行御史遷次之格滿二歲

者與知州御史范師道趙抃歲滿求補那沆引格出之

中丞張昇等言沆挾私出御史時樞密使狄青亦因御

史言罷知陳州沆又言御史去陛下將相削陛下爪牙

事不可測昇等益論辨不已罷沆為觀文殿大學士工

部尚書知應天府遷刑部尚書徙陳州沆長於吏事善

刺探權近過失陰持之以軒輊取事論者以此少之卒

贈左僕射兼侍中知制誥張瓊草詞詆沆其家不敢請

諡帝為篆碑曰思賢之碑子瑾嘗為天章閣待制坐法

免後以功復職

馮拯字道濟父俊事漢湘陰公劉贊贊死俊與從行千

餘人繫侍衛獄周太祖赦之授檢校太子賓客戍安遠

軍馭馬鎮辭不行因徙居河陽拯以書生謁趙普普奇

其狀曰子富貴壽考宜不下我按續通鑑補拯父為趙

坐拯方十餘歲彈雀簾下普熟視之召與語曰太平興

此子異日當至若位據此則非以書生調普也太平興

國二年舉進士補大理評事通判峽州恩遷度支判官

澶化中有上封請立皇太子者拯與尹黃裳王世則洪

湛伏閣請立許王元僖太宗怒悉貶嶺外拯知端州既

至上言請遣使括諸路隱丁更制版籍及議鹽法通商

凡十餘事以左正言為虞部員外郎真宗即位進比部

員外郎遷駕部咸平初坐試開府進士賦涉譏訕下拯

御史臺未幾釋之明年兼侍御史知雜事時西北用兵

王超傳潛將兵出定瀛間觀望玩寇拯極論之不報超

等果逗撓覆軍擢祠部郎中樞密直學士權判吏部流

內銓以審官及銓法未備請凡蔭補京官試讀一經書

家狀通習為中格始得仕尋以右諫議大夫同知樞密院事帝欲修絳州城堡謀諸輔臣拯與宰相向敏中等皆曰便宰相呂蒙正參知政事王旦王欽若欲棄之帝遣洪湛馳驛往視還上七利二害卒修完之遷尚書工部侍郎簽書樞密院事賜手札訪邊事拯謂備邊之要不扼險以制敵之衝未易勝也今防秋宜於唐河增屯兵至六萬控定武之北為大陣邢州置都總管為中陣天雄軍置鈐轄為後陣罷莫州狼山兩路兵從之景德中為參知政事再遷兵部侍郎時契丹始盟拯言邊方騷動武臣幸之以為利帝曰朝廷以信為守然戒備不可廢也此外當靜治以安吾民爾爾其奉承之大中祥符初嚴貢舉糊名法拯與王旦論選舉帝前拯請兼考策論不專以詩賦為進退帝曰可以觀才識者文論也

拯論事多合帝意如此封泰山為儀仗使進尚書左丞以疾在告數請罷帝以手詔諭旨又命宰相王旦就第勸拯起視事從祀汾陰為儀仗使遷工部尚書復以疾求罷拜刑部尚書知河南府聽以府事委官屬七年除御史中丞又以疾辭除戶部尚書知陳州再知河南府遷兵部尚書入判尚書都省以吏部尚書檢校太傅同中書門下平章事充樞密使其冬拜右僕射兼中書侍郎太子少傅同平章事集賢殿大學士進左僕射乾興元年封魏國公按東都事略作魏國公遷司空兼侍中輔臣會食資善堂召議事丁謂獨不預謂知得罪頗哀請錢惟演遽曰當致力無大憂也拯熱視惟演踧踖及對承明殿太后怒甚語欲誅謂拯進曰謂固有罪然帝新即位亟誅大臣駭天下耳目謂豈有逆謀哉第失奏山陵事耳太后怒少解謂既貶拯代謂為司徒王清昭應宮使昭

文館大學士監修國史五上表願罷相拜五勝軍節度使檢校太尉兼侍中判河南府即臥內賜告及旌纛遣內司賓撫問還奏其家儉陋被服甚質太后賜以金襴錦綺屏然拯平居自奉侈靡願禁中不知也既卒贈太師中書令謚文懿拯氣貌嚴重宦者傳詔至中書不延坐工部尚書林特嘗詣累日不得通白以咨事使詣中書既至又遣堂吏謂之曰公事何不自達朝廷卒不見特大愧而去錢惟演營入相拯力言太后姻家不可任遂出惟演河陽子行已仲已

行已字肅之以父任為右侍禁涇原路駐泊都監知憲州因治狀增秩歷石保霸冀莫五州所至有能稱夏人既納款疆候播言契丹治兵幽燕大為戰具議者欲解西備北行已言夏為與國元昊入貢容懷詭計幽燕治兵或為虛聲邊鄙之虞恐不在河朔也皇祐中知定州韓琦薦為路鈐轄徙知代州管幹河東緣邊安撫事夏人掠麟州蕃部且盜耕楚葉河西田遇官軍連邏者輒聚射詔行已討之行已言此姦民無忌憚非君長過不宜以細故啟大釁但加戒戢足矣五臺山寺調廂兵義勇繕葺為除和糴穀三萬行已謂不可損歲久之儲以事不急之務進西上閣門使四遷客省使更高陽關蔡鳳定州大名府路馬步總管以衛州防禦使致仕預洛陽善英之集元祐中終金州觀察使卒年八十四

仲已字齊賢以陰補右侍禁累遷西頭供奉官授閣門祗候桂州兵馬都監轉運使俞獻可辟知廉州久之安化蠻擾邊獻可又薦知宜州天聖中改桂宜融柳象沿邊兵馬都監遂專溪峒事以禮賓使復知宜州代還道改供備庫使知邕州又改東染院使領榮州刺史梓夔

路兵馬鈐轄遷洛苑使知桂州兼廣西鈐轄道江陵會安化蠻犯邊官軍不利詔仲已討之仲已疾馳至宜州繕器甲募丁壯轉糧餉由三路以進仲已臨軍單騎出陣語首豪曰朝廷無汝甚厚汝乃自取滅亡耶今我奉天子命來汝聽吾言則生不則無唯類矣眾仰泣羅拜曰不圖今日再見馮公也明日蠻渠棄兵械率眾降軍門以勞遷西上閣門使知宜州樂善蠻寇武陽仲已遣論福福悉還所掠又莫世堪負險強黠鈔劫邊戶為疆場患仲已設伏擒捕皆實於法遷果州團練使在宜二年徙桂州改右武衛大將軍守本官分司西京卒始安化蠻叛區希範應募擊賊賊平希範詣闕而言其功朝廷下宜州仲已謂希範無功妄要賞遂編管全州其後希範遁歸謀為亂欲殺仲已嶺外驟然議者皆罪仲已焉

賈昌朝字子明真定獲鹿人晉史官緯之從曾孫也天禧初真宗嘗祈穀南郊昌朝獻頌召試賜同進士出身主晉陵簿賜對便殿除國子監說書孫夷判監獨稱昌朝講說有師法他日書路隨韋處厚傳示昌朝曰君當以經術進如二公為頌川郡王院伴讀再遷殿中丞歷知宜興東明縣爽侍讀禁中以老辭薦昌朝自代詔試中書尋復國子監說書上言禮母之諱不出於宮今章獻太后易月制除猶諱父名非尊宗廟也詔從之景祐中始置崇政殿說書以授昌朝誦說明白帝多所質問加直集賢院太平興國寺災是夕大雨震雷朝廷議修復昌朝上言近年寺觀屢災此殆天示警告不可繕治以示畏天愛人之意西域僧獻佛骨銅像昌朝請加賜

還毋以所獻示中外悉行其言天章閣置侍講亦首

還毋以所獻示中外悉行其言天章閣置侍講亦首

命昌朝案遷尚書禮部郎中史館修撰劉平爲元昊所執邊吏誣平降賊議收其家昌朝曰漢族殺李陵陵不得歸而漢悔之先帝厚撫王繼忠家終得繼忠用平事未可知使收其族雖平在亦不得還矣乃得不收權知制告權判吏部流內銓兼侍講初銓法縣令錢滿萬二千乃舉令昌朝曰法如此則小縣終不得善令請概舉令而與之奉如大縣進龍圖閣直學士權知開封府遷右諫議大夫權御史中丞兼判國子監議者欲以金縢昭契丹使攻元昊昌朝曰契丹許我有功則責報無窮矣力止之乃上言自西羌之叛士不練習將不得人以屢易之將馭不練之士故戰則必敗此削方鎮太過之弊也親舊恩俸出卽爲將素不知兵一旦副以千萬人之命是驅之死地矣此用親舊恩俸之弊也今楊崇勳李昭亮尙任邊鄙望速選士代之方鎮守臣無數更易刺史以上宜慎所授以待有功又上備邊六事一曰馭將帥二曰復士兵三曰訓營卒四曰制遠人五曰緩蕃部六曰謹覘候書奏多施行之昌朝復請度經費罷不急詔與三司合議歲所省緡錢百萬又言朝臣七十筋力衰者宜依典故致仕有功狀可留者勿拘因疏耄昏不任事者八人合致仕慶曆三年拜參知政事疏言用兵以來天下民力頗困請諸路轉運使毋得承例折變科率須科折者悉聽奏裁雖奉旨及三司文移於民不便者亦以上聞以工部侍郎充樞密使尋拜同中書門下平章事集賢殿大學士仍兼樞密使居兩月拜昭文館大學士監修國史元昊歸石元孫議賜死以昌朝言得免詔有司議升耐奉慈廟三后有司論不一昌朝曰章獻母儀天下章懿誕育聖躬宜加祥符升耐元德

皇后故事章惠於陛下有慈保之恩當別享奉慈廟如故乃奉二后神主升耐眞宗廟元昊既歿因請宰相罷兼樞密使六年日食帝謂昌朝等曰諷見於天願歸罪朕躬卿宜究民疾苦思所以利安之昌朝對曰陛下此言足以弭天變臣敢不夙夜孜孜以奉陛下帝又曰人主懼天而修德猶人臣畏法而自新也昌朝因頓首謝明年春旱帝避正寢減膳昌朝引漢災異冊免三公故事上表乞罷參知政事吳育數與昌朝爭議上前論者多不直昌朝高若訥爲御史中丞言大臣廷爭不肅故兩不時若遂罷育除昌朝武勝軍節度使檢校太傅同中書門下平章事判大名府兼北京留守司河北安撫使尋以討貝州賊有功移山南東道節度使按東都王則平加檢校太師封安國公王安石撰昌朝神道碑云移鎮山南東道檢校太師賜號安國公楊偕言賊發昌朝部中不當賞弗從先是契丹聚亡卒勇仇者號投來南軍邊法卒亡自歸者死昌朝除其法歸者輒遷補於是來者稍眾因廉知契丹事契丹遂拒亡卒黜南軍不用邊人以地外質契丹故稍侵邊界昌朝爲立法實地而主不時贖人得贖而有之歲餘地悉復三司使葉清臣移用河北庫錢昌朝格詔不與清臣論列不已遂出清臣河陽徙昌朝判鄭州過關入觀留爲祚源觀使拜尚書右僕射觀文殿大學士判尚書都省歲中求外復除山南東道節度使右僕射檢校太師兼侍中判鄭州固辭僕射侍中改同中書門下平章事賜中謝自昌朝始也母喪服除判許州召對邇英閣命講乾卦帝甚嘉之又言漢唐都雍道三輔內翼京師朝廷都汴而近京諸郡皆屬他道制度不稱王畿請析京東之曹州京西之陳許滑鄭皆隸開封府以四十二縣爲京

畿帝納之復判大名府兼河北安撫使嘉祐元年進封許國公又兼侍中未幾以同中書門下平章事爲樞密使三年宰相文彥博請罷諫官御史恐昌朝代彥博乃相與言昌朝建大第別制客位以待宦官宦官有矯制者樞密院釋不治遂以鎮安軍節度使右僕射檢校太師侍中兼充景靈宮使出判許州又以保平軍節度陝州大都督府長史移大名府兼安撫使英宗卽位徙鳳翔節度使加左僕射鳳翔尹進封魏國公治平元年以侍中守許州力辭弗許明年以疾留京師迺以左僕射觀文殿大學士判尚書都省卒年六十八贈司空兼侍中贈官據神道碑諡曰文元御書墓碑曰大儒元老之碑昌朝在侍從多得名譽及執政乃不爲正人所與而數有攻其結宦官宮人者按宋宰輔編年錄載溫成賈婆娑昌朝以姊事之諫官皇后乳母賈氏宮中謂之幼昌朝交通女謂賈氏也然言者謂昌朝釋宦官矯制後驗問無事實云子章館閣校勘蚤世青朝請大夫神道碑載昌朝六子長章次主次田次齊弟昌衡次炎炎未仕五子皆有官按炎後亦貴顯弟昌衡昌衡字子平舉進士爲梓州路轉運判官賈人請富順井鹽吏視賄多寡爲先後昌衡一隨月日給之瀘州邊夷蠻故時守以武吏昌衡請由東銓調選蠻驛馬來市官第其良驚爲二等上者送秦州下者輒輕估值而抑買昌衡請嚴禁之歷徙兩浙路轉運使熙寧更法度核吏治昌衡數以利害聞神宗與其論奏忠益以正議大夫致仕卒按宋史此下有昌朝子炎及伯祖父或二傳次炎炎未仕五子皆有官按炎後亦貴顯弟昌衡

梧州奏罷南漢時民間折稅更舉進士知淮陽軍又奏
 減京東預買餉百三十萬論景祐赦書不當錄宋梁後
 帝嘉之召為審刑詳議官梓州妖人白彥歡依鬼神以
 詛殺人獄具以無傷謝適駁曰殺人以詛是甚於刃也
 卒論死有鳥似鶴集瑞門稍下及庭中或以為瑞適曰
 野鳥入宮何瑞之云他日宰相擬適提點刑獄帝曰姑
 留之俟諫官有闕可用也遂拜右正言上言夏守贇為
 將無功不宜復典宥密會歸黨任中師執政以謙改直
 史館修起居注奉使陝西與范仲淹條邊機十餘事進
 知制誥權發遣開封府歲餘出知兗州萊蕪治鐵為民
 病當役者率破產以償適募人為之自是民不憂治戶
 而鐵歲溢再遷樞密直學士知延州留為翰林學士御
 史交劾之以待讀學士知澶州徙秦州入知審刑院擢
 樞密副使體智高移嬖書求邑桂節度帝將受降適曰
 若爾嶺外非朝廷有矣乃遣狄青討之賊平帝曰向非
 適言南方安危未可知也遷參知政事契丹欲易國書
 稱南北朝適曰宋之為宋未受之於天不可改也契丹亦
 其國名自古豈有無名之國哉遂止進同中書門下平
 章事集賢殿大學士大瑄王守忠求為節度使適持不
 可張貴妃治喪皇儀殿又以為不可將以適為園陵使
 適言國朝以來無此制由是浸與陳執中不合適曉暢
 法令臨事有膽力而多挾智數不為清議所許御史馬
 遵吳中復極論其貪黷怙權乃罷知鄭州復加觀文殿
 大學士知秦州古謂初建碧閣為屬羌所鈔益兵拒守
 羌復驚疑適具牛酒召諭其種人且罷所益兵羌不敢
 為患徙承興軍夏人盜耕楚葉河西田累年朝廷欲正
 封以適為定國軍節度使知并州至則悉復徙地六百

里還知河陽領忠武昭德二鎮檢校太師復為觀文殿
 大學士以太子太保致仕進太傅熙寧三年熙寧元年
 天子親視南郊歸公入侍祠以疾不能至明年十二卒
 年七十贈司空兼侍中諡曰莊肅孫子美紹聖中提舉
 湖南常平時新復役法子美先諸路成役書歷遷京西
 轉運副使陳次升又言子美緣章惇姻家連使湖外承
 迎意旨一時逐臣在封部者多被其虐不宜使在近畿
 徙成都路遷河北都轉運使傾漕計以奉至上至捐絹錢
 三百萬市北珠以進崇寧間諸路朝臣進羨餘自子美
 始北珠出女真子美市於契丹契丹嗜其利虐女真捕
 海東靑以求珠兩國之禍蓋基於此子美用是致位光
 顯宣和四年以疾罷為開府儀同三司提舉嵩山崇福
 宮卒贈少保子美為郡縱侈殘虐然有幹才所至辨治
 云

魯宗道字貫之宋名臣言行錄作貫大亭州諱人少孤鞠於外家
 諸舅皆武人宗道自奮勵讀書舉進士為濠州定遠尉
 調海鹽令縣東南舊有港導海水至邑下歲久湮塞宗
 道發鄉丁疏治之入號魯公浦改欽州軍事判官再遷
 祕書丞天禧元年始詔兩省置諫官六員考所言為殿
 最首擢宗道與劉煜為右正言諫章由閣門始得進不
 賜對宗道請面論事而上奏通進司遂為故事嘗言守
 宰去民近未見有區別能否漢宣帝除刺史守相必親
 見而考察之今守佐雖未暇親見宜令中書詢考以言
 察其應對試之以事觀其施為才不肖皆得進退之吏
 部之擇縣令放此庶得良守宰宣助聖化矣真宗納之
 宗道風聞多所論列帝意頗厭其數後因對自訟曰陛
 下用臣豈欲徒事納諫之虛名邪請罷去帝撫諭良久

他日書殿壁曰魯直蓋思念之也尋除戶部員外郎兼
 右諭德時天書降乾祐山中宗道上疏曰天道福善禍
 淫不言示化人君政得其理則作福以報之失其道則
 出異以戒之又何有書哉臣恐姦臣肆謀誕妄以惑聖
 聽也按東都事略於右諭德下載宗道疏諫天書事踰
 年遷左諭德直龍圖閣仁宗即位遷龍圖閣直學士判
 吏部流內銓宗道在選調久患銓格煩密及知吏所以
 為姦狀多釐正之悉揭科條廡下人便之拜右諫議大
 夫參知政事章獻太后臨朝問宗道曰唐武后何如主
 對曰唐之罪人也幾危社稷后默然時有請立劉氏七
 廟者太后問輔臣眾不敢對宗道不可曰若立劉氏七
 廟加嗣君何帝太后將同幸慈孝寺欲以大安輩先帝
 行宗道曰夫死從子婦人之道也太后遣命輩後乘輿
 時執政多任子於館閣讀書宗道曰館閣有天下英才
 豈執袴子弟得以恩澤處邪樞密使曹利用恃權驕橫
 宗道屢於帝前折之自是貴戚用事者皆憚之目為魚
 頭參政因其姓且言骨鯁如魚頭也再遷尚書禮部侍郎
 郎祥源觀使在政府七年勞仰優倖不以名器私人疾
 劇帝臨問卒皇太后臨奠之贈兵部尚書宗道為人剛
 正疾惡少容遇事敢言初太常議諡曰剛簡復改為肅
 簡議者以為肅不若剛為得其實云

薛奎字宿藝絳州正平人父化光善數術奎始生知其
 必至公輔奎舉進士為州第一乃推與里人王巖而處
 巖下進士及第為隰州軍事推官州民常聚博僧舍一
 日盜殺寺奴取財去博者適至血偶澆衣邏卒捕送州
 考訊誣伏奎獨疑之白州殺其獄後果得殺人者徙儀
 州推官時靈州用兵州部皆發丁夫運糧至部送至鹽

州會入而粟多潰腐李自轉運使盧之翰請縱民還州而償所失之翰怒欲劾奏之奎徐曰用兵久人疲轉餉今幸兵食有餘安用此陳腐以困民哉之翰意解凡民所失悉奏除之知莆田縣請鑄南閩時稅鹹魚補草錢知永州有錢監歲調兵三百人采鐵而歲入不償費奎奏聽民自采所輸輒倍之遷太常博士向敏中薦為殿中侍御史出為陝西轉運使按歐陽修撰奎墓誌作出為陝西轉運副使趙德明言延州蕃落侵其地黑林平下詔按驗奎聞郡籍德明嘗假道黑林平移文錄示之德明遂伏未幾坐失舉免數月起通判陝州改尚書戶部員外郎淮南轉運副使遷江淮制置發運使疏漕河廢三堰以便餉運擢三司戶部副使坐與三司使李士衡爭論事改戶部郎中直昭文館知延州仁宗即位擢龍圖閣待制權知開封府為政嚴敏擊斷無所貸使契丹還遷右諫議大夫權御史中丞上疏論擇人求治崇節檢屏聲色凡十數事章獻太后稱制契丹使蕭從順請見太后且言南使至契丹者皆見太后而契丹使來乃不得見奎時館伴折之曰皇太后垂簾聽政雖本朝羣臣亦未嘗見也從順乃已或譏奎漏禁中語改集賢院學士知并州改秦州州宿重兵經費常不足奎務為儉約教民水耕謹商算歲中積粟三百萬征算餘三十萬粟民隱田數百頃按宋史本傳征算餘三十萬粟民隱田數千頃以秦一州歲中之餘及民隱田均不應若是之多藝誌云秦之餘積者三百萬征算之行者三十萬粟民舊隱田數百頃語不失實今據改得芻粟十餘萬加樞密直學士知益州成都民婦訟其子不孝詰之乃曰貧無以為養奎出俸錢與之戒曰若復失養吾不貸汝矣其母子遂如初召為龍圖閣學士權三司使遂參知政事帝諭曰先帝嘗以卿為可任今用卿先帝

意也俄遷給事中帝嘗謂輔臣曰臣事君鮮有克終者奎曰保終之道匪獨臣下然也歷數唐開元天寶時事以對帝然之遷尚書禮部侍郎太后謁太廟欲被服天子衣冕奎曰必御此若何為拜力陳不可終不見聽及太后崩時帝對左右泣曰太后疾不能言猶數引其衣若有所屬何也奎曰其在衾冕也服之豈可見先帝於地下帝悟卒以后服斂因上言請逐內侍羅崇勳等時二府大臣多罷去奎得喘疾數辭位罷為戶部侍郎齊政殿學士判尚書都省尋卒贈兵部尚書諡簡肅奎性剛不苟合遇事敢言真宗時數宴大臣至有霑醉者奎諫曰陛下即位之初勵精萬幾而簡宴幸今天下誠無事宴樂無度大臣數被酒無威儀非所以重朝廷也真宗善其言及參政事謀議無所避能知人范仲淹龐籍明鑄自為吏部選人皆以公輔許之無予以從子為嗣王曙字晦叔隋東臬子績之後世居河汾後為河南人舉進士為定國軍節度推官咸平中舉賢良方正入等遷祕書省著作佐郎知定海縣還為羣牧判官遷太常丞判三司憑由理欠司坐舉進士失實降監廬州茶稅累遷右諫議大夫為河北轉運使坐部吏受賕降知壽州徙河南轉運使尙當三班院權知開封府以樞密直學士知益州繩盜以峻法多致之死有卒其軍將亂立辨其偽斬之蜀人比之張詠號前張後王入為給事中仁宗為皇太子與李迪同選兼賓客又坐貢舉失實黜官復為給事中兼羣牧使其妻寇準女也準罷相且貶曙亦降知汝州準再貶曙亦貶鄂州團練副使起為光祿卿知襄州又徙汝州天聖四年復給事中知澠州州有殺人者獄已具曙獨疑之既而提點刑獄杜衍

至事果辨徙河南府永興軍召為御史中丞兼理檢使理檢置使自此始王清昭應宮災守衛者皆繫獄曙恐朝廷議修復上言王清建宮不合經義災變之來若有警者願除其地罷諸禱祠以應天變仁宗與太后感悟遂減守衛者罪已而詔以不復繕修論天下七年以尚書工部侍郎參知政事以疾請罷改戶部侍郎資政殿學士知陝州徙河陽再知河南府遷吏部召為樞密使拜同中書門下平章事逾月卒贈太保中書令諡文康曙方嚴簡重有大臣體居官深自抑損子益恭益柔益恭字達夫以蔭為衛尉寺丞性恬淡居官尚書司門員外郎致仕子登朝累遷司農少卿益柔字勝之為人伉直尚氣喜論天下事用蔭至殿中丞元昊叛上備邊選將之策杜衍丁度宣撫河東益柔寓書言河外兵懷無法非易帥臣轉運使不可因條其可任者衍度使還以學術政事薦知介邱縣慶曆更用執政異意者指為朋黨仁宗下詔戒益柔上書論辨言尤切直尹洙與劉滉爭城水洛事自涇原貶慶州益柔訟之曰水洛一障耳不足以拒賊滉裨將洙為將軍以天子命呼之不至戮之不為過願不敢專執之以聽命是洙不伸將軍之職而上尊朝廷未見其有罪也不聽范仲淹未識面以館閣薦之除集賢校理按東都事衍薦除集賢校理前知介邱縣由衍等以學術政事薦集賢校理之除是由仲淹以館閣薦也事略蓋併併一事為坐預蘇舜欽奏即醉作傲歌黜監復州酒稅久之為開封府推官改監鐵判官凡中旨所需不應法式有司迎合以求進者悉力論之出為兩浙京東西轉運使上言今考課法區別長吏能否必有顯狀顯狀必取其更置與作大利夫小政小善積而不已然後能成

其大取其大而遺其細將競利圖功恐事之不舉者日多而虛名無實之風日起願參以唐四善兼取行實列爲三等不行熙寧元年入判度支審院詔百官轉對益柔言人君之難莫大於辨邪正邪正之辨莫大於置相相之忠邪百官之賢否也若唐高宗之李義府明皇之李林甫德宗之盧杞憲宗之皇甫鏞帝王之鑑也高宗德宗之昏蒙固無足論明皇憲宗之聰明乃蔽於二人以二人之庸猶足以致禍況誦六經挾才智以文致其姦說者哉意蓋指王安石也判吏部流內銓舊制選人當改京官滿十人乃引見由是士多困滯且遇舉者有故輒不用益柔請才二人即引見眾論翕然稱之直舍人院知制誥兼直學士院棟議遇明堂恩中書熟狀加光祿大夫而舊階已特進益柔以聞帝謂中書曰非翰林幾何不爲羌夷所笑宰相怒其不申堂用他事罷其兼直遷龍圖閣直學士祕書監知蔡揚亳州江寧應天府卒年七十二益柔少力學通羣書爲文日數千言尹洙見之曰瞻而不流制而不窘語清而厲氣壯而長未可量也時方以詩賦取士益柔去不爲范仲淹薦試館職以其不善詞賦乞試以策論特聽之司馬光嘗語人曰自吾爲資治通鑑人多欲求一觀讀未終一紙已欠伸思睡能閱之終篇者惟王勝之耳其好學類此

蔡齊字子思其先洛陽人也曾祖紹爲萊州膠水令因家焉齊少孤依外家劉氏舉進士第一儀狀俊偉舉止端重眞宗見之顧宰相寇準曰得人矣詔金吾給七轎傳呼以寵之狀元給騶自齊始也除將作監丞通判兗州徙維州以祕書省著作郎直集賢院仁宗即位歷遷尚書禮部員外郎兼侍御史知雜事錢惟演守河陽請

曲賜鎮兵錢章獻太后將許之齊言帝新即位惟演外戚請偏賞以示私恩不可許遂劾奏惟演以起居舍人知制誥既而召入翰林爲學士按宋史本傳作入爲翰林學士凡自外郡入京則曰入爲某官今齊已爲知制誥非自外入京朝者亦謂之入齊既而召入翰林爲學士語較本傳明略今加侍讀學士太后大出金帛修景德寺命齊爲文記之內侍羅崇勳主其事陰爲齊曰趨爲記當得參知政事矣齊久之不上崇勳譏之罷龍圖閣學士知河南府參知政事魯宗道因爭留之不能得以親老改密州徙應天府入爲右諫議大夫御史中丞太后崩遺詔以楊太妃爲皇太后同裁制軍國事閣門趨百官賀齊使臺吏毋追班乃入白執政曰上春秋富習知天下情僞今始親政事豈宜使女后相踵稱制乎遂罷預政復爲龍圖閣學士權三司使有飛語傳荆王元儼爲天下兵馬都元帥者捕得繫獄連逮甚眾帝怒使齊按問之齊曰此小人無知不足治且無以安荆王帝悟還釋之拜樞密副使交趾虐其部人款宜州自歸者八百餘人議者謂不可內齊曰蠻人去暴而歸有德卻之不祥請給荆湖開田使自營若縱去當不復還舊部必聚而爲盜賊矣不從後數年蠻果爲亂蜀大姓王齊雄坐殺人除名齊雄太后姻家未更赦復官齊言果如此法撓矣明日入奏事曰齊雄恃勢殺人不死又亟授以官是以恩廢法也帝曰降一等與官可乎齊曰以恩廢法如朝廷何帝勉從之乃抵齊雄罪錢惟演附丁謂樞密題名輒削去寇準姓氏云逆準不書齊入奏曰寇準忠義聞天下社稷之臣也豈可爲姦黨所誣帝遽令磨去郭皇后廢將立富人陳氏女爲后齊極論之拜禮部侍郎參知政事王曾與齊善曾與夷簡不相能曾罷相齊亦以戶

部侍郎歸班尋出知順州卒年五十二贈兵部尚書諡曰文忠齊墓誌銘亦作文忠穎人見其故吏朱宗會喪猶號泣思之齊方重有風宋性謙退不妄言有善未嘗自伐丁謂秉政欲齊附己齊終不往少與徐人劉顏善顏罪廢齊上其書數十萬言得復官顏卒又以女妻其子岸所薦龐籍楊偕劉隨段少連後率爲名臣始齊無子以從子延慶爲嗣既歿有遺腹子曰延嗣

延慶字仲遠舉進士第通判明州歷福建路轉運判官提點京東陝西刑獄神宗即位以集賢校理歷開封府推官有衛士告黃衣老卒筒火入直延慶察卒色辭疑焉詢之果爲所誣即反坐告者事聞帝重之加直史館知河中府明年同修起居注直舍人院判流內銓拜天章閣待制秦鳳等路都轉運使以應辦熙河軍須功進龍圖閣直學士王詔進師河州羌斷其歸路延慶曰兵事非吾所宜預然主帥在難不急援之恐敗國事遂檄兵赴救羌解去詔得全師還詔入朝廷慶攝熙帥會元夕張燈羌乘隙伏兵北關下遣其種二十九人僞請來屬將舉火內應延慶覺知悉斬以徇伏者皆遁徒知成都府兼兵馬都鈐轄本道舊不置都鈐轄至是特命之初茂州羈縻州蠻族九自推一人爲將統其眾將常在州聽要東州居羣蠻中無城塹惟樹鹿角爲固蠻屢夜入剽人畜微貨來贖民患苦詣郡守李琪請築城琪上於朝詔延慶度其利便延慶下其事琪已去後守范百常以爲利遂築之蠻酋訴謂侵其土地乞罷築不許蠻遂叛延慶坐區理失宜徙知渭州仍降爲天章閣待制夏人禹臧苑麻疑邊境有謀使人入塞賣馬吏執以告延慶曰彼疑故來覘執之是成其疑約馬直授之使去

疆吏入敵境獲羊馬得而戮諸境上且告之曰兩境不相侵則相保以安故戮以戒若有之亦當爾也夏人規服嘗得安南行軍法東都事略略讀之謂諸將曰漢蕃兵作九軍法馬未整幸今無事可倣其制以備調發乃部分正兵弓箭手人馬團爲九將合百隊分左右前後四部隊有駐戰拓戰之別步騎器械每將皆同以蕃兵入馬爲別隊各隨所近分隸焉諸將之數不及正兵之半乃所以制之處老弱於城砦較其遠近而爲區別使蕃漢無相雜以防其變具爲書上之時鄭延呂惠卿亦分畫兵延慶條其不便神宗善其議召知開封府拜翰林學士以言者罷知滁州歷瀛洪州復龍圖閣待制帥高陽閔歲復直學士移帥定武元祐中入爲工部吏部侍郎卒年六十二延慶有學問平居簡嚙遇事能別白是非所至有惠政旣爲伯父齊後齊晚得子乃歸其宗籍家所有付之無一毫自子萊人義焉

欽定續通志卷三百二十三

欽定續通志卷三二十四

列傳

宋二十八

楊礪

宋湜

王嗣宗

李昌齡

趙安仁

陳彭年

任中正

周起

程琳

范雍

趙禎

任布

高若訥

孫沔

楊礪字汝礪京兆鄠人父仁儷仕蜀為丹稜令蜀平補渭南主簿遷永和令礪建隆中舉進士甲科父喪服除以祿不足養母閒居無仕進意親舊勸之乃赴官解褐鳳州團練推官歲餘又以母疾棄官開寶九年詣闕獻書詔試學士院授隴州防禦推官入遷光祿寺丞丁內艱起就職久之轉秘書丞改屯田員外郎知鄂州以善政聞真宗在襄邸礪為記室參軍真宗尹開封礪為推官嘗問礪何年及第礪唯唯不對後知其唱名第一自悔失問謂礪不以科名自伐甚重之儲宮建兼右諭德及即位拜給事中判吏部銓未幾召入翰林為學士咸平初知貢舉俄拜工部侍郎樞密副使二年卒年六十九帝軫悼之謂宰相曰礪介直清苦方當任用遂此淪謝即冒雨臨其喪礪號舍委巷中乘輿不能進步至其第嗟憫久之贈兵部尚書子嶠至祠部郎中嶠至太常博士嶠至太子中舍少子嶠至道初與張庶彛校棊真宗儲邸書籍即位賜進士出身直史館至祠部郎中宋湜字持正京兆長安人父溫故仕晉為左補闕從父溫舒亦進士至職方員外郎兄弟皆有時名湜幼警悟早孤與兄泌勵志篤學事母以孝聞溫舒與耀州湜侍

行代作賤奏詞敏而麗溫舒拊背曰此兒真國器恨吾兄不及見也太平興國五年平興國二年湜進士釋褐將作監丞通判梓州遷右贊善大夫宋準薦其文拜著作郎直史館雍熙三年以右補闕知制誥與王化基李沆並命加戶部員外郎與蘇易簡同知貢舉俄判刑部洎化二年妖尼道安訟大理斷獄不當湜坐累降均州團練副使時母老湜留其室奉養汝州與王禹偁並召入為禮部員外郎直昭文館五年以職方員外郎再知制誥判集賢院知銀臺通進駁駁司至道元年為翰林學士兼修國史判昭文史館事加兵部郎中真宗即位拜中書舍人咸平元年改給事中充樞密副使帝幸大名命湜與王顯分押後陣駐蹕數日常召見便殿方奏事以疾掖出帝臨視許以先歸賜衾褥曰此朕嘗御者雖故暗亦足禦道途之寒又遣內侍護送供帳至澶州卒于道年五十一贈吏部侍郎以子綸為大祝純為奉禮郎帝再幸河朔追悼之加贈刑部尚書諡曰忠定湜風貌秀整器識沖遠好學美文詞喜引重後進當世士流翕然宗仰之

王嗣宗字希阮汾州人父夢證成州軍事判官嗣宗少力學自奮遊京師以文謁王祐頗見優待開寶八年登進士甲科補秦州司寇參軍太宗征河東嗣宗陳邊事召赴行在遷大理寺丞通判睦州改右贊善大夫徙河州帝遣武德卒潛察遠方事嗣宗械送京師因奏曰陛下不委任天下賢俊猥信此輩以為耳目臣竊取帝怒遣使械嗣宗下吏削職會赦復官尋以祕書丞通判澶州並河東西植樹萬株以固隄防入為三司開拆推官以左正言充河北轉運副使時邊境用兵崔翰為大

將嗣宗每以苦言激其展效太宗將議親征嗣宗上疏言契丹必不至之狀甚見嘉納改左司諫歷京西轉運使又移河北貝州驍捷卒五十餘人謀竊發嗣宗率吏悉擒之遷虔州至道初移河東轉運使知耀州又知同州加比部郎中淮南轉運使江浙荆湖發運使揚楚間有窄家神廟民有疾不餌藥但竭致祀以邀福嗣宗徹其廟自是民風稍變初漕運經泗州浮橋舟多覆壞嗣宗徙置城隍遂獲安濟咸平三年以漕運稱職就拜太常少卿踰年以右諫議大夫充三司戶部使改鹽鐵使嘗與度支使梁鼎戶部使梁顛同對言曰國家經費甚繁賦入漸少加以冗食者眾尤為耗蠹所宜裁節事有可省者願條列以聞從之明年將郊祀嗣宗因條上應奉諸物以及工作凡減雜物十萬六千省工九萬九千會罷三部使改左諫議大夫知通進銀臺司兼門下封駁事出知并州兼并代部署州境有臥龍王廟每窮冬闔境致祭植風雪寒甚老幼踣於道嗣宗亟毀之轉運使鄭文質上其政績有詔褒美先是西邊市馬以給北邊戰士有瘠弱者即送闕下暑月道遠多死嗣宗建議以汾州地涼接樓煩諸監美水草請就牧放從之詔拜御史中丞加兼工部侍郎權判吏部銓嗣宗剛果率易無所畏懼每進見極談時事深詆參知政事馮拯之短遂結宰相王旦弟旭使達意於旦以為助旦疾之因力庇拯嗣宗大怒會雨請對因於帝前毀旦帝召旦等詰之嗣宗理屈復以他辭侵旦旦不與抗乃已將祀汾陰以承輿重地思得大臣才兼文武者鎮之因謂宰相曰嗣宗嘗自言知武事可授廉車以當此任宜召問之嗣宗願奉詔即拜耀州觀察使知承輿軍府真宗

作詩賜之時种放得告歸山嗣宗逆于傳舍禮之甚厚放既醉稍偃嗣宗怒以語譏放放曰君以手搏得狀元耳何足道也初嗣宗試講武殿搏趙昌言帽擢首科故放及之嗣宗愧恨因疏言所部兼井之家侵漁庶民凌暴孤寡凡十餘族而放為之首願徙放嵩山疏詞極於詬辱至目放為魍魅帝方厚待放令徙居嵩陽避之四年邠靈陳興擅釋劫盜徙知邠州兼邠靈環慶路都部署城東有靈應公廟旁有山穴羣狐處焉妖巫挾之為人禍福民甚信前此長吏皆先謁廟然後視事嗣宗燻其穴得數十狐盡殺之淫祀遂息徙知鎮州發邊肅姦賊肅坐貶嗣宗嘗言徙种放掘邪狐按邊肅為去三害居二歲召還授樞密副使檢校太保時寇準為樞密使嗣宗與之不協累表解職授檢校太傅求罷除大同軍節度知許州嗣宗嘗游是州別墅在焉時人以為榮移知河南府天禧初改感德軍節度徙知陝州再表請老且求入觀遣使召還改靜難軍節度既至闕下病足不能朝謁乃求再知許州不復議休退寇準為相素惡之特命以左屯衛上將軍檢校太尉致仕按宋史宰輔表載王嗣宗以天平軍節度五年卒年七十八贈侍中諡曰景莊錄其子使致仕

二人官嗣宗事三朝最為宿舊所至以嚴明御下尤傲很務以醜言凌挫羣類為中丞日常忿宋白郭贄邢昺七十不請老屢請真宗較其休致又遭親屬諷激之及嗣宗晚歲疾甚猶享厚祿祿祠不去嘗謂人曰僕惟此一事先未能免物議眾皆嗤之子堯臣內殿承制唐臣太子中舍

李昌齡字天錫宋州楚邱人父運太常卿昌齡太平興國三年舉進士授大理評事通判台州累擢右拾遺直

史館丁內艱起為淮南轉運使轉戶部員外郎知廣州廣有海船之饒昌齡不能以廉自守消化二年代還其父嘗與許州有第在城中昌齡包苴財物悉留貯焉其至京城但藥物藥器而已曾有言其貪者太宗以為誣擢禮部郎中逾月為樞密直學士是秋初置審刑院於禁中凡獄具上奏先申審刑院印付大理刑部斷覆以聞又下審刑中覆裁決以付中書當者行之否則宰相間以論決命昌齡知院事又權判吏部流內銓進右諫議大夫充戶部使改度支使拜御史中丞下詔御史臺合行故事並條奏以聞獄無大小自中丞以下皆親臨鞫問不得專責所司李繼隆受命河朔征討不赴臺辭昌齡糾之遣吏追還罰奉又劾陝西轉運使鄭文寶生事邊境築城沙磧輕變禁法文寶坐貶湖外至道二年以本官參知政事昌齡居位頗巽懷無所建明真宗即位加戶部侍郎坐交結王繼恩貶忠武軍節度行軍司馬咸平二年起為殿中少監會詔羣臣言邊事昌齡求面陳事機不報王均之亂命知梓州改河陽又改光州就改光祿卿疾不能治事轉運使以聞命守本官分司西京尋請致仕帝曰昌齡素無清譽乃授秘書監遂其請大中祥符元年卒年七十二錄子虞卿試將作監主簿昌齡兄昌圖弟昌言從子絃

絃字仲綱父克明仕至提點廣東刑獄絃進士及第試秘書省校書郎知歙縣地產黃金民輸以代賦後金竭責其賦如故絃奏罷之愿知於濠州縣治有惠愛御史知雜呂夷簡薦之改著作佐郎知靈池縣劉筠蔡齊舉為御史臺推直官拜監察御史時召成都府樂工許朝天等補教坊絃言陛下即位尚未能顯巖穴之士而首

召伶人非所以廣德美於天下朝天等遂罷歸遷殿中侍御史閤門使王遵度領皇城遣卒刺事告賈人有為契丹間諜者捕繫皇城司按劾命絃復訊絃悉得其冤抵卒罪降遵度曹州兵馬都監判三司開拆司輔郡早流星陞西南有聲借禳於文德殿絃奏曰文德殿布政會朝之正位每災異輒聚繙黃讀其間何以示中外改鹽鐵判官歷梓州陝西河北路轉運使遷侍御史建言西北久通好士習安佚不知戰陣之法宜擇良將練精卒去冗惰實倉廩豐財用為守禦備舉种世衡等數人及奏罷貢餘物遺近臣積官進龍圖閣直學士知秦州卒絃方介有吏材篤於交遊與劉顏為友顏死移任子恩官其子子師中至天章閣待制

趙安仁字樂道河南洛陽人父字字大信周顯德初舉進士調補開封尉太祖乾德中為浦江令父喪服闋攝永甯令會親征太原部送本色糧饋民懷其惠列狀以聞即真授其任擢宗正丞俄坐事連逮抵罪語見趙普傳太宗即位起為國子監丞知袁州還知開封府司錄參軍事受詔與殿中侍御史柴成務等行視黃河分南北岸按行復遙隄以紓湍決字言治遙隄不如分水勢於是建議於澶滑二州立分水之制時決河未平重惜民力事遂寢朝廷議行封禪宇上封禪頌召拜秘書丞受詔鞫開封獄得其非辜者即日授推官遷監察御史出知舒州改殿中侍御史雍熙中詔詢文武禦戎之策宇奏曰者北邊未賓全燕猶梗再興軍旅將復土疆臣竊計屯戍邊陲故非獲已暴露原野豈是願為欲望朝廷通達國信諭以禍福示以恩威議定邊疆永息征戰帝嘉之雍熙中廷策貢士而安仁預為考會賜金紫因

顧安仁問字年幾安仁曰臣父年六十二帝曰字名士也亟召對亦賜金紫明年卒安仁生而穎悟幼時執筆能大字十三通經傳大旨早以文藝稱雍熙二年登進士第補梓州權監院判官以親老弗果往會國子監刻五經正義板本安仁善楷隸遂奏留書之授大理評事光祿寺丞召試翰林以著作佐郎直集賢院遷太常丞眞宗即位拜右正言預重修太祖實錄帝出師大名安仁疏言急務者三大要者五急務三者一激勵戎臣舉勸懲之典二振救邊民行優恤之惠三車駕還京重神武之威大要五者一選將略二持兵勢三求軍謀四修軍政五愛民力咸平三年同知貢舉未幾知制誥繼判尚書刑部兼制置羣牧使同知三班審官院景德初翰林學士梁顥卒即以安仁爲工部員外郎充翰林學士初字極陳和好之利至是安仁從幸澶州會北邊請盟首命安仁撰答書又獨記太祖時聘問書式契丹使至首命接伴凡親見儀制多所裁定北使姚東之至又命安仁接伴東之願於兵強戰勝安仁曰老氏云佳兵者不祥之器聖人不得已而用之勝而不美勝而美之者是樂殺人也樂殺人者不得志於天下東之自是不敢復言王繼忠將兵陷契丹不能死節而反事之東之屢稱其材安仁曰繼忠早事藩邸聞其稍謹不知其他其敏於酬對切中事機類如此時論翕然稱其得體帝益器之自是有意柄用二年又與晁迥等同知貢舉三年以右諫議大夫參知政事俄修國史拜工部侍郎進秩刑部五年以兵部侍郎仍兼修史八年知貢舉三典春闈擢士平允是故獨無譏諂帝再賜詩嘉之國史成進尚書右丞天禧二年改御史中丞卒年六十一贈吏部

尚書諡文定以其子溫瑜爲大理寺丞至國子博士良規爲奉禮郎承裕爲正字安仁質直純慤無所矯節寬恕謙退與物無競雖家人僕使未嘗見其喜愠善訓諸子各授一經嗜讀書所得祿賜多以購書尤知典故凡近世典章人物之盛悉能記之良規賜進士及第後仕至尚書工部侍郎知濠州卒子君錫按宋史此下有安仁子良規附傳無事蹟足錄

君錫字無愧性至孝母亡事父良規不違左右夜則寢於旁凡如內則所載者無不親之及登進士第以親故不願仕良規每出必扶掖上下至雜立僕御中嘗從謁文彥博彥博異其容止問而知之語諸子令視以爲法良規沒調知武強縣累遷宗正丞時增諸宗院講書教授官而逐院自備緡錢爲月餽貧者或不能以時致君錫言國家養天下士于太學尚不較其費今教育宗室不宜令自行束修詔悉從官給廩開封府推官元祐初遷司勳右司郎中太常少卿擢給事中論蔡確章惇有罪不宜復職大河不可輕議東回詔亟罷修河司以省邦費寬民力進刑部侍郎樞密都承旨拜御史中丞上疏勸帝親講學廣諮問爲躬政之漸君錫素有志行後隨人低昂無大建明初蘇軾出知杭州君錫極論其賢及賈易幼軾題詩怨謗即繼言軾負恩懷逆無禮先帝願亟正其罪宣仁后覽之不悅曰君錫全無執守以吏部侍郎天章閣待制知鄭陳澶三州河南府徙應天紹聖中貶少府少監分司南京卒年七十二紹興六年贈徽猷閣直學士

母知年十三著皇綱論萬餘言爲江左名輩所賞嘗師事徐鉉爲文太平興國中舉進士在場屋間頗有雋名然佻薄好嘲咏類爲宋白所黜雍熙二年調江陵府司理參軍換江陵主簿歷遷懷二州推官在懷深爲知州喬惟岳倚任御史中丞王化基薦其才改衛尉寺丞遷祕書郎爲大理寺詳斷官坐事出監湖州鹽稅尋又停官彭年素貧寢居免職賴僕人傭販以濟眞宗即位復爲祕書郎喬惟岳刺史海州及知蘇壽二州並表彭年通判州事咸平三年屢上疏言事召試學士院遷祕書丞知閬州未行改金州上疏言五事一曰置諫官二曰擇法吏三曰簡格令四曰省冗員五曰行公舉會召舉賢良方正翰林學士朱昂以彭年聞召之辭以貧乏請終秩景德初代還直祕閣杜鎬刁行薦其該博命直史館兼崇文院檢討又代潘慎修起居注獻大寶箴頌之預修冊府元龜遷右正言充龍圖閣待制先是詔諫官御史舉職言事惟彭年與侍御史賈翱數有章奏建白彈射帝令中書置籍記之加刑部員外郎與晁迥同知貢舉請令有司詳定考試條式帝因命彭年與咸綸參定多革舊制專務防閑其所取者不復揀擇文行止較一日之藝雖杜絕請託然寬甲等者或非宿學之士大中祥符元年議建封禪彭年預詳定儀注上言辨正包茅之用禮成進秩工部郎中加集賢殿修撰遷龍圖閣直學士進右諫議大夫兼祕書監詔就賜食廳編次太宗御集賜勳上柱國嘗因奏對帝言儒術汗隆實關國家隆替太祖太宗不變弊俗崇尚斯文朕獲紹先業謹遵聖訓禮樂交舉儒術化成實二后垂裕之所致也又言君之難由乎聽受臣之不易在乎忠直君以寬

大接下臣以誠明奉上君臣之心皆歸于正直道而行至公相遇孰謂難哉彭年曰陛下聖言精詣足使天下知訓伏願躬演睿思著之篇翰帝為製崇儒術為君難為臣不易二論彭年請示輔臣刻石國子監六年召入翰林為學士兼龍圖閣學士同修國史彭年嘗謂王旦旦辭不見翌日見向敏中敏中以彭年所上文字示旦旦曰不覽曰是不過興建符瑞圖進取耳帝奉祀亳州太清宮丁謂為經度制置使以彭年副之又與謂同知禮儀院禮成加給事中又為天書同刻玉副使國史成遷工部侍郎九年拜刑部侍郎參知政事判禮儀院充會靈觀使天禧大禮為天書儀衛副使又為參詳儀制奉寶冊使進兵部侍郎以疾表求罷奉不許卒年五十七贈右僕射諡曰文僖錄子佺期大理寺丞孫彥先太常寺奉禮郎彭年性敏給博聞強記貴至通顯奉養無異貧約所得奉賜惟市書籍大中祥符間附王欽若丁謂朝廷典禮無不參預其儀制沿革刑名之學皆所詳練雖前世所未有必推引依據以成就之時政大小日有諮訪應答該辯一無凝滯皆與帝意合故眷遇特厚云

任中正字慶之曹州濟陰人父載官右拾遺中正進士及第為池州推官憲大理評事通判邵州改濮州以翰林學士錢若水薦遷祕書省著作佐郎判大名府召為祕書丞江南轉運副使中正軀幹頗長帝擇大笏命內臣取緋衣之長者賜之至部歲大稔民出租賦平糶皆盈羨發運使王子輿欲悉調餉京師中正曰東南歲輸五百餘萬而江南所出過半今歲有餘或歲少歉則數不登患及吾民矣乃止擢監察御史兩浙轉運使民飢中正不俟詔發官廩振之擢樞密直學士代張詠知益州在郡五載遵詒條教蜀人便之知審刑院出知并州遷給事中權知開封府大中祥符九年拜尚書工部侍郎樞密副使馬知節知樞密院改同知院事明年曹利用為樞密使復為副使再進兵部侍郎參知政事仁宗為東宮時以右丞兼賓客選工部尚書及即位拜兵部尚書中正素與丁謂善謂且貶左右莫敢言者中正獨營救謂降太子賓客知鄆州中正中師皆坐貶頃之以母老徙曹州遷禮部尚書卒贈尚書左僕射諡康懿中師字祖聖進士及第試祕書省校書郎知平陸縣以張知白薦遂為右正言中正貶中師亦降太常博士監宿州酒稅未幾通判應天府曹利用辟為羣牧判官徙知澶州以太常少卿直昭文館知廣州視事之明日吏白故事當謁諸祠廟而解有淫祠中師遽命撤去之兼市舶使市舶置使自此始代還為右諫議大夫判尚書刑部加集賢院學士再知澶州未行進龍圖閣直學士知并州許便宜從事應改樞密直學士知益州先是轉運使韓瀆急於籠利自薪芻蔬果之屬皆有算而中師盡奏蠲之康定中任布守河陽數上書論事帝欲用之呂夷簡薦中師才不在任布下遂並召為樞密副使任布本傳及宋史宰相表俱作召為樞密副使後罷知河陽此云任布守河陽數上書論事遂並召為樞密副使為樞密前數明年建北京令中師領修建進給事中宣撫河東不行求補郡以尚書禮部侍郎資政殿學士知承興軍求內徙得知陳州踰年上書言臣老矣家本曹人願得守曹遂又改知曹州改戶部侍郎明年請老拜太子少傅致仕進太子少師卒贈太子太傅諡安惠

中師性樂易平居自奉甚儉約晚號大塊翁周起字萬卿淄州鄒平人生而豐下父意異之曰此兒必起吾門因名起幼敏慧如成人意知衛州坐事削官起年十二詣京師訟父冤父乃得復故官起舉進士授將作監丞通判齊州擢著作佐郎直史館累遷戶部度支判官以右正言知制誥權判吏部流內銓尋為東京留守判官真宗東封還近臣多頌功德起獨以居安為戒進金部員外郎判集賢院初置糾察刑獄司因命起起乃請諸已決而事有所枉及官吏非理榜掠者並聽受訴從之擢樞密直學士權知開封府歷徙承興天雄軍所至有風烈遷右諫議大夫知并州拜給事中同知樞密院事進禮部侍郎為樞密副使起素善寇準準且貶起亦罷為戶部郎中按宋史寇準天禧四年九月起以戶部侍郎知青州王去非起自樞密院遷樞密副使起神道碑亦作戶部侍郎起知青州又降太常少卿歷知應天府丁謂既貶復為禮部侍郎以疾請知穎州從陳州汝州卒贈禮部尚書諡安惠起性周密凡奏事及答禁中語隨輒焚草故其言外人無知者子延荷以孝友聞官殿中丞延荷頗雅厚官太常少卿程琳字天球承寧軍博野人舉服勤辭學科補承寧軍節度推官改祕書省著作佐郎天禧中召試直集賢院仁宗即位改太常博士權三司戶部判官契丹使至琳為館伴使契丹使言先皇帝嘗遣使承天太后獨無使何也琳曰南北兄弟也先皇帝視承天猶從母故無嫌今皇太后乃嫂也禮不通問使者語屈時修眞宗實錄而大中祥符以來起居注闕琳追述上之遂修起居注撰知制誥判吏部流內銓權三司使范雍使契丹命琳發遣三司使太倉監軍粟陳腐不可食歲且饑琳盡發

相合中國利也故樞密副使張遜曾孫偕才七歲宗室

女生也貧不自給乳媪擅出券鴛其第琳欲得使開封

府吏密諭媪偕幼得御寶許鴛乃售乳媪以宗室女故

入宮見章惠太后既得御寶琳乃市取之又令吏市材

木買婦女已而吏以賤敗御史按劾得狀降光祿卿知

穎州頃之為戶部侍郎尋復吏部知天雄軍又以左丞

為資政殿學士及建天雄軍為北京內侍皇甫繼明方

用事主營宮室欲侈大以要賞琳以為方事邊陲又事

土木以困民不可既而繼明數有論奏帝遣御史魚周

詢按視遂罷繼明命琳獨主之遷工部尚書加大學士

河北安撫使改武昌軍節度使知承興軍陝西安撫使

以宣徽北院使判延州仍為陝西安撫使元昊死諒祚

立方幼三大將分治其國議者謂可因此時以節度使

曠三將使各有部分以弱其勢琳曰幸人之喪非所

以柔遠人不如因而撫之議者惜其失機當獲戎首不

殺戒遣之夏人亦相告勿捕漢民久之夏人以五百戶

驢牛羊叩邊請降且言契丹兵至衙頭國中亂願自歸

琳曰彼詐也契丹至帳下當舉國取之豈容有來降者

間聞夏人方捕叛者此其是耶不然誘我耶拒不受已

而賊果以驛三萬臨境上以捕降者為辭琳謀知之閉

壁倒旗戒諸將勿動賊疑有備遂引去拜同中書門下

平章事判大名府琳持重不授前後守魏十年度要害

繕壁壘守禦備值雜木數萬日異時樓櫓之具可不

出於民矣人德之歷嶺武勝鎮安上書曰臣雖老尚能

為國守邊未報得疾卒贈中書令諡文簡琳敏厲深嚴

長于政事議一出不肯下人然性吝于財而厚自奉

養章獻太后時嘗上太后臨朝圖人以此薄之

此下有

宋史

以貧民凡六十萬解飢民賴以全活而軍得善粟契丹

遣蕭繼杜防來縉出坐位圖示琳曰中國使者坐殿上

高位今我位乃下請升之琳曰此真宗所定不可易也

防曰大國之卿可當小國之君琳曰南北雖兩朝安有

大小卿嘗坐我殿上我願小國也防無以對宰相將許

之琳曰許其小必敗其大乃止以召諫議大夫權御史

中丞時歲饑上疏請罷諸土木營造蠲被災郡縣租賦

改樞密直學士知益州遷給事中權知開封府王蒙正

子齊雄播老卒死貨妻子使以病告琳察其色辭異令

有司驗得狀蒙正連姻章獻太后家太后謂琳曰齊雄

非殺人者乃其奴嘗捶之琳曰奴無自專理且使令與

已犯同太后嘿然卒論如法外戚吳氏離其夫而孝其

女歸夫訴于府琳命還女吳氏言已納宮中琳請于帝

曰臣恐天下人有竊議陛下奪人妻女者帝亟命出之

答而歸其妻遷工部侍郎龍圖閣學士復為御史中丞

不拜尋以翰林侍讀學士兼龍圖閣學士復為開封府

改三司使出納允謹禁中有所取輒奏罷之內侍言琳

專恣曰三司財賦皆朝廷有也臣為陛下惜於臣何有

帝然之時議者患民稅多目吏得為姦欲併其名合為

一琳曰合而為一易於句核可也後有興利之臣復用

舊名摺之是重困民也議者莫能奪

琳今再遷吏部侍郎景祐四年遂參知政事遷尚書

左丞時元昊反猶遣使來朝屢請按誅之琳曰遣使常

事也殺之不祥後使者益驕橫大臣患之琳曰始不殺

無罪也今既驕橫可暴其惡誅之國法也又何患耶議

者欲重賄嘉勒斯賚使討賊因其地與之琳曰使嘉

勒斯賚得地是復生一元昊矣不若用間使二羌勢不

結通志

卷三百一十四

列傳 宋

志五一二

役雍匪詔而越成之明年賊犯定州邪岐之間皆恐惟
 承輿人心帖然復徙河南府遷禮部尚書卒贈太子太
 師諡忠獻雖為汙尚好謀而少成頗知人喜薦士位
 多至公卿者秋青為小校時坐法當斬雍貸之後果以
 功名顯云子宗傑歷陝西轉運使先雍卒宗傑子子奇
 子奇字中濟以祖雍廢簽書并州判官遷湖南轉運
 副使建言梅山蠻恃險為邊患宜拓取之後章惇開五
 溪議由此起入判將作監使子遵導者改路回遠子奇
 謂曰此去雲中有直道旬日可至何為出此導者又欲
 沮子奇下馬館門外子奇曰異時子中門下馬今何以
 輒易導者計屈歷河東陝西河北京東四路轉運使工
 部左司二郎中加直龍圖閣使河北諸郡猶權鹽奏罷
 之元祐初為司農卿歷知河陽召權戶部侍郎刪酒戶
 苛禁及奴婢告主給賞法未幾出知慶州廣儲蓄繕城
 柵嚴守備羈黠羌推誠待下人樂為用入為吏部侍郎
 以待制致仕卒年六十三子坦

坦字伯履以父任為開封府推官金部員外郎大理少
 卿改左司員外郎押伴夏國使應對合旨賜進士第權
 起居舍人使還復命具語錄以獻徽宗覽而善之付鴻
 臚令後奉使者視為式遷殿中監知開封府再命使還
 時輿邊議非時遣使以觀釁坦以不宜始禍辭其行帝
 怒責舒州團練副使稍復集賢殿修撰知江甯府洪揚
 二州召為戶部侍郎論當十及夾錫錢之弊以便親請
 外知河陽入辭帝曰夾錫錢之害甚於當十宜速正之
 為一道率坦至即奏罷之政和初復為戶部遂改當十
 錢為當三罷准鹽入東北鬻諸州公田以實常平又疏
 言戶部歲入有限用則無窮今節度使八十員留後至

刺史數千員自非軍功得之宜減其半奉及他工技未
 作一切裁損時以為當時張商英為相坦多與之合及
 商英去位言者論坦助為匱竭之說以搖眾聽又言坦
 建議鬻田改常平法廢元符令及罷夾錫錢之罪貶黃
 州團練副使安置韶州以赦復徵蘇閣待制卒年六十
 二

趙禎字表徵其先單父人後徙宣城為人誠實寬厚少
 好學擢進士第歷平定軍判官累遷殿中侍御史益州
 路轉運使數言部中事以平允稱遷工部郎中召為侍
 御史知雜事改三司鹽鐵副使擢右諫議大夫集賢院
 學士知益州坐市錦不如數降知同州徙鳳翔京兆府
 三遷工部侍郎復糾察在京刑獄司樞密直學士知并
 州代還遷刑部侍郎天聖八年遷樞密副使遷吏部侍郎
 時權出官掖禎厚給劉美人家婢以故致位政府命
 未出人馳告禎問曰東頭西頭蓋意在中書也聞者
 皆以為笑章獻太后崩罷為尚書左丞知河中府遷禮
 部尚書以太子少傅致仕卒贈太子太保諡德質

任布字應之河南人後唐宰相圖四世孫也力學家貧
 嘗從人借書以讀進士及第補安肅軍判官刺問契
 丹中事上疏請飭邊備仍奏河北利害後契丹至澶州
 真宗識其名特改大理寺丞知安陽縣通判嘉州歷判
 大名府領湖南路提點刑獄入權三司鹽鐵判官判度
 支勾院京城東南有泉涌出為築祥源觀男女徒既奔
 走瞻拜布論之曰明朝不宜以神怪術愚俗遂忤宰相
 意又與徐奭麻溫共試開封府進士而奭潛發封卷視
 之降監鄂州稅徒知宿州時越州守闕寇準曰越州有
 職分田歲入且厚今爭者頗重非廉士莫可予乃徙越

州及準貶布亦徙建州累遷尚書職方員外郎丁謂既
 逐稍用為白波發運使歲餘判三司開拆司出為梓州
 路轉運使富順監鹽井歲久鹵薄而課存主者至破產
 或鬻子孫不能償布奏除之遷祠部郎中擢江淮制置
 發運使前使者多聚山海珍異之物以餉權要布一切
 罷去召為三司度支副使奉使契丹還累拜右諫議大
 夫知真定府或欲省河北兵布言契丹西夏方窺伺中
 國備未可弛也又築甬道屬滹沱河跨絕泥濘徙知滑
 州改天雄軍遷給事中集賢院學士知許州進龍圖閣
 直學士歷知河南府未至召為樞密副使布純約自守
 及秉政無所建明子遜嘗上書誅大臣及布皆為不才
 御史魚周詢因疏奏布不才其子能知之乃以尚書工
 部侍郎罷知河陽議者以周詢引遜語遂其父為不知
 體復改蔡州授太子少保致仕進少傅皇祐間賜一子
 進士出身遷少師卒贈太子太傅諡恭惠子達性亦恬
 遠歷官為司封郎中

高若訥字敏之并州榆次人徙家衛州進士及第補彰
 德軍節度推官改祕書省著作佐郎再遷太常博士知
 高河縣縣有職分田而牛與種皆假于民若訥獨廢不
 耕人以為清入為監察御史裏行歷遷知諫院時范仲
 淹坐言事奪職知睦州余靖尹洙論救仲淹相繼貶斥
 歐陽修乃移書責若訥為諫官不能辨猶以面目見士
 大夫出入朝廷是不復知人間有羞恥事若訥忿以其
 書奏貶修夷陵令遂為時論所薄未幾加直史館以刑
 部員外郎兼侍御史知雜事王蒙正知蔡州若訥言蒙
 正起裨販因緣戚里得官向徙郴州物論猶不平不可
 予以大州詔寢其命大慶殿設祈禱道場若訥奏大慶

殿非行禮不御非法服不坐國之路寢也豈可聚老釋
為瀆慢間文應為入內都知若訥言其肆橫不法請出
之乃出文應為相州兵馬鈐轄又奏三公坐而論道今
二府對纜數刻何以盡萬幾宜賜坐從容如唐延英故
事擢天章閣待制累遷右諫議大夫權御史中丞時宰
相賈昌朝與參知政事吳育數爭事帝前明年春早帝
詢所以然若訥曰陰陽不和責在宰相遂引洪範以為
大臣不肅則雨不時若於是昌朝及育皆罷若訥遂代
育為樞密副使王則據貝州討之踰月未下或議招降
若訥言河朔重兵所積今釋不討且啟亂階議乃定以
工部侍郎參知政事拜樞密使凡內降恩若訥多覆奏
不行入內都知王守忠欲得節度使固執以為不可皇
祐五年罷為觀文殿學士兼翰林侍讀學士尚書左丞
同羣牧制置使判尚書都省止命舍人草詞卒贈右僕
射諡文莊若訥強學善記尤喜申韓管子之書皇祐中
詔累黍定尺以制鍾律爭論連年不決若訥以漢貨泉
度一寸依隋書定尺十五種上之并損益祠祭服器悉
見施用

孫沔字元規越州會稽人進士補趙州司理參軍跌
蕩自放不守士節然材猛過人後以祕書丞為監察御
史裏行景祐元年禮院奏用冬至日冊后沔奏喪未祥
禪而行嘉禮非制也同安縣尉李安世上書指切朝政
被劾沔言若加罪安世恐杜天下言者請勿治黜知衡
山縣就道後上書言時事再貶永州監酒移通判潭州
知處州遷監察御史又知楚州所在皆著能迹召為左
正言論事益有直名遷尚書工部員外郎提舉兩浙刑
獄遂以起居舍人歷陝西轉運使時宰相呂夷簡求罷

帝優詔弗許沔上書言夷簡當國黜忠言廢直道及以
使相出鎮許昌召還秉政于茲三年不更一事以姑息
為安以避諉為智默默而去無一言啟沃帝心別白賢
不肖雖盡南山之竹不足書其罪也書聞帝不之罪議
者喜其善切未幾以天章閣待制為都轉運使又遷禮
部郎中歷環慶路都總管安撫經略使知慶州元昊死
諸將欲乘其隙大舉滅之沔言乘危伐喪非中國體歷
知陝州河東都轉運使又移知慶州聚戰亡遺骸葬祭之
軍中感泣凡三知慶州邊人服其能歷遷龍圖閣直學
士又遷樞密直學士知成都府未至以母喪罷服除為
陝西都轉運使求知明州會京東多盜乃知徐州沔明
購賞嚴誅盜遂止徙秦州時儂智高反沔入見帝以
秦州事勉之對曰秦州不足煩聖慮陛下當以嶺南為
憂臣聞智高掠邕廣賊勢方張官軍朝夕當有敗奏明
日嶺南以敗聞帝諭執政曰誠如沔所料宰相履籍奏
遣沔行遂以為湖南江西路安撫使以便宜從事加廣
南東西路安撫使沔請益發騎兵按宋史仁宗本紀皇
祐四年八月命孫沔
為湖南江西路安撫使沔請益發騎兵行至鼎州始有
加廣南安撫之命與本傳載廣南安撫在益發騎兵之
前互且增遣偏裨二十八人求武庫精甲五千以備賊
參知政事梁適詆其張皇沔曰前日惟亡備故至此今
指期滅賊非可以微倖勝乃欲示鎮靜耶夫實備不至
而貌為鎮靜危亡之道也居二日促行才與兵七百沔
憂賊渡嶺而北乃檄湖南北日大兵且至其繼治營壘
多具宴犒賊疑不敢北寇尋加廣南東西路安撫使會
遣狄青為宣撫使沔副青宣撫賊平沔留治後事遷給
事中及還知杭州至南京召為樞密副使張貴妃薨追
冊為皇后命沔讀冊故事正后翰林學士讀冊沔既陳

不可用宰相護葬且陛下若以臣沔讀冊則可以樞密
副使讀冊則不可遂求罷職以資政殿學士知杭州遷
大學士徙知青州又遷觀文殿學士知并州而諫官吳
及御史沈起奏沔淫縱無檢守杭及并所為不法乃徙
壽州按驗得實責靈國軍節度副使後復光祿卿分司
南京會恩除知濠州以尚書禮部侍郎致仕英宗即位
遷戶部帝與執政議守邊者難其人參知政事歐陽修
奏沔向守環慶養練士卒招撫蕃夷恩信最著今雖七
十精力不衰中間曾以罪廢然宜棄瑕使過遂起為資
政殿學士知河中府又為觀文殿學士知慶州歷徙延
州道卒贈兵部尚書諡曰威敏按宋史本傳不載沔
贈諡據東都事略補
居官有材力性强直少所憚然喜宴遊女色故中間坐
廢初陝西用兵朝廷多假邊帥倚以集事近臣出帥或
驕恣越法及沔廢後真定路安撫使呂溱相繼得罪自
此守帥之權微矣

欽定續通志卷三百二十四

列傳

宋二十九

高瓊

字彥若

范廷召

葛霸

曹利用

字希一

張者

楊崇勳

夏守贊

字希一

狄青

郭達

高瓊字彥若

字希一

范廷召

葛霸

曹利用

字希一

張者

楊崇勳

夏守贊

字希一

狄青

郭達

高瓊字彥若

字希一

范廷召

葛霸

曹利用

字希一

張者

楊崇勳

夏守贊

字希一

狄青

郭達

高瓊字彥若

字希一

范廷召

葛霸

曹利用

字希一

張者

楊崇勳

夏守贊

字希一

狄青

郭達

高瓊字彥若

字希一

范廷召

葛霸

曹利用

字希一

張者

楊崇勳

夏守贊

字希一

狄青

郭達

高瓊字彥若

字希一

范廷召

葛霸

曹利用

字希一

張者

楊崇勳

夏守贊

字希一

狄青

郭達

高瓊字彥若

字希一

范廷召

葛霸

曹利用

字希一

張者

楊崇勳

夏守贊

字希一

狄青

郭達

高瓊字彥若

字希一

范廷召

葛霸

曹利用

字希一

張者

楊崇勳

夏守贊

字希一

狄青

郭達

都指揮使領歸義軍節度出為并代馬步軍都部署成

兵有以康食陳腐譁言者瓊知之一日出巡諸營上卒

方聚食因取其飯自啖之謂眾曰今邊鄙無警爾等坐

飽甘豐宜知幸也眾言遂息改鎮州都部署至道中就

改保大軍節度典軍如故真宗即位加彰信軍節度復

為并代都部署咸平中契丹侵邊其母車帳至狼山大

夏帝親巡河朔遣楊允恭馳往召瓊率所部出土門與

石保吉會鎮定既而傳潛以逗留得罪即召瓊代之兵

罷復還本任轉運使言其政績詔褒之三年代還以手

劄不任持勞詔執挺入謁授殿前都指揮使先是范廷

召桑贊所將邊兵臨敵退錮言者請罪之帝以問瓊瓊

對曰兵邊將令于法當誅然陛下去歲已釋其罪今復

行之又方屯諸路非時代易臣恐眾心疑懼乃止景德

初車駕北巡時前軍已與敵接戰帝欲親臨營壘或勸

南還瓊曰敵師已老陛下宜親往以督其成帝悅即日

進幸澶淵明年以罷兵簡兵卒諸班直十年者出補

軍校年老者退為本班贖買瓊進曰此非激勸之道宿

衛豈不勞乎自是八年者皆得敘補焉馬軍都校葛霸

權步軍司會以疾在告令瓊兼領二司瓊從容上言曰

臣衰老儻又有犬馬之疾則須一將總此二職臣事先

朝時侍衛都虞候以上常至十員職位相亞易於遷改

且使軍伍熱其名望邊藩緩急亦可選用帝深然之未

幾以久疾求解兵柄授檢校太尉忠武軍節度三年卒

年七十二贈侍中嘉祐八年瓊曾孫女進冊為皇后累

贈瓊太師尚書令兼中書令秦國公治平四年為皇太后

后贈至衛王諡曰烈武神宗篆其碑曰決策定難顯忠

基慶之碑瓊累贈官爵及諡號碑額

軍政然願自任罕與諸將參議善訓諸子繼勳繼宣繼

忠繼密繼和繼隆繼元繼勳繼宜最知名按神道碑載

本傳止載七人

繼勳字紹先初補右班殿直儀狀頗偉太宗見而異之

召問其家世以瓊子對擢寄班祇候累遷內殿崇班成

平初王均據益州命為益州兵馬都監提舉西川諸州

軍巡檢公事招安使雷有終以兵五百援繼勳守東郭

二門會賊攻彌牟若繼勳引兵轉鬪至嘉州敗之有終

益以勁兵復進攻二門克之乃建幟城上諸將知城拔

有終乃引軍薄天長門賊復來拒戰會日暮有終欲少

休繼勳曰賊窘矣急擊之無失也率十數騎鏖戰身被

數創血濡甲馬死更馬以進會人內都知秦翰來援賊

退保子城不敢出繼勳潛知賊欲夜遁聞使得潰去

均卒敗滅以功遷崇義使賊餘黨保山數時出剽劫

乃徒綿漢劍門路都巡檢使繼勳募惡少年偵賊動靜

窮躡巖穴掩其不備悉擒殺之又徙峽路兵馬鈐轄還

朝遷洛苑使并代州鈐轄徙屯岢嵐軍契丹聚兵五萬

屯草城川繼勳登高望之謂軍使賈宗曰敵雖眾而陣

不整將不才也我兵雖少可以奇取勝先設伏山下與

之戰至寒光嶺伏發契丹大敗斬獲甚眾遷以箭庫使

領榮州刺史徙麟府州鈐轄時屯兵河外饋運不屬繼

勳扼免毛川援送軍食師乃濟徙知環州又徙瀛州奉

使契丹還知定州徙鄜延路鈐轄坐市馬虧價失官已

而復知瀛州仁宗即位真授隴州團練使感知雄州其

冬契丹獵燕薊候卒報有兵入鈐邊州皆警繼勳曰契

丹歲賴漢金繒何敢捐盟好邪居自若已乃知渤海人

叛契丹行剽兩界也累擢涇原路副都總管兼知渭州

入宿衛出為天雄軍都總管願復邊境而留不遣後為真定府定州路都總管改威武軍節度觀察留後遂拜保順軍節度使馬軍副都指揮使恭謝禮成徙鎮昭信以老病乞骸骨召見便殿許一子扶掖聽辭管軍改鎮建雄知滑州河水暴溢齧隄岸繼勳雖老躬自督役露坐河上暮夜猶不輟水乃殺怒滑人德之卒年七十八贈太尉繼勳性謙謹有機略善撫御士卒臨戰輒勝在蜀有威名號神將子遵甫官至北作坊副使嘉祐八年遵甫女正位皇后神宗即位冊皇太后累贈繼勳太師尚書令兼中書令追封康王諡穆武熙寧九年詔宰相王珪為神道碑御篆碑首曰克勤敏功鍾慶之碑遵甫亦贈太師尚書令兼中書令追封楚王按東都事略王遵甫贈魯王王珪撰繼勳神道碑傳繼勳贈康王遵甫贈武功郡王與宋史本傳互異

繼宣字舜舉幼善騎射願工筆札知讀書以恩補西頭供奉官遷閤門祇候邠州兵馬都監曹瑋守邠數與言兵薦其可用乾興初以內殿崇班為益州都監蜀人富侈元夕大張燈知府薛奎戒以備盜繼宣籍惡少年飲備之使夜中潛誌盜背明日皆獲歷益州路兵馬鈐轄還為西上閤門使涇原路鈐轄兼安撫使知渭州遷四方館使昭州刺史知雄州初元昊反聲言侵關隴繼宣請備麟府未幾羌兵果入寇河外陷豐州摧捧日天武四廂都指揮使恩州團練使知并州俄元昊寇麟府繼宣帥兵營陵井進屯府谷開遣勇士夜亂賊營又募野配廂軍得二千餘人號清邊軍命偏將王凱主之軍次三松嶺賊卒數萬眾圍之清邊軍奮起大敗之築寧遠砦相視地脈鑿石出泉已而城五砦遷眉州防禦使卒范廷召冀州棗強人父鐸為里中惡少年所害廷召年

十八手刃父讐剖取其心以祭父墓弱冠身長七尺有脊力嘗為盜以勇壯聞周廣順初應募為北面招收指揮使世宗即位入補衛士從征高平力戰遷殿前指揮使又從征淮南戰紫金山流矢中左股太祖即位從平李筠李重進轉本班都知又從征太原再轉散都頭都虞候領費州刺史太平興國中以日騎軍都指揮使從平太原原征范陽秦王廷美嘗遣親吏閻懷忠趙瓊犒禁軍列校廷召預焉坐出為唐州馬步軍都指揮使雍熙三年議北征召入為馬步軍都軍頭領平州刺史幽州道前軍先鋒都指揮使與賊遇固安南破其眾三千斬首千餘級克固安新城二縣乘勝下涿州復與契丹戰中流矢血漬甲縷神色自若督戰益急師還遷日騎右廂都指揮使領本州團練使又遷左廂移領高州端拱二年累授殿前都虞候領涼州觀察使鎮州副都部署大破契丹三萬眾於徐河斬首數千級消化二年為平虜橋砦都部署歷并代環慶兩路副都部署至道中遣將分五路討李繼遷命廷召副李繼隆為環慶靈都部署廷召出延州諸將失期獨廷召與王超大小數十戰屢克捷帝嘉之俄又為并代兩路都部署三年遷侍衛馬軍都指揮使領河西軍節度為定州行營都部署咸平二年契丹入塞車駕北巡廷召與戰於瀛州西大敗之逐北至莫州東三十里又斬獲甚眾契丹遁去師還錄功加檢校太傅益賦邑又改殿前都指揮使四年卒年七十五贈侍中廷召在軍四十餘年由顯德以來凡親征未嘗不從善騎射嘗出獵有羣鳥飛過廷召發矢并貫其三觀者駭異子守均至散員都虞候濱州刺史守信內殿承制閤門祇候守宣內殿崇班守慶更名珪

後為西京作坊副使淮南江浙荆湖制置發運副使葛霸真定人姿表雄毅善擊騎射始事太宗於藩邸太宗即位補殿前指揮使累遷散員都虞候雍熙中幽州之師失律大補軍校以霸為驍騎軍都指揮使領澶州刺史戍定州嘗遇契丹於唐河與戰敗走之斬獲甚眾俄召為御前忠佐馬步軍都軍頭端拱初出為博州團練使歷潞代二州都部署消化元年擢殿前都虞候領澶州觀察使為高陽關副都部署進都部署凡七戰召還制授保順軍節度典軍如故出為鎮州都部署徙鎮天雄咸平中帝勞師於大名霸與石保吉同來觀時康保裔沒於河間即日以霸為貝莫高陽關前軍行營都部署就遷副都指揮使未幾改邠寧涇原環慶三路都部署四年遷侍衛馬軍都指揮使領威德軍節度景德初河決澶州橫壠堽命為修河都部署未行屬契丹侵邊帝議親征副李繼隆為駕前東面排陣使駐澶州明年召還以功特加封邑上言朝廷居明德心喪尚邊音樂請停迎授之制奏可是年以霸久典兵年且老罷軍職乃授昭德軍節度出為并代都部署時廷臣有隸麾下者頗擾軍民霸昏耄為所罔真宗知之故有是召四年徙知耀州霸雖懦然能謹直自持卒年七十五贈太尉子懷信至如京副使懷煦內殿承制懷正博州團練使知滄莫二州懷敏

懷敏以蔭授西頭供奉官加閤門祇候歷知隰莫保三州累遷康州刺史知雄州就遷西上閤門使上平燕策會歲旱塘水涸懷敏慮契丹使至測知其廣深乃擁界河水注之塘復如故召對邊事復還雄州改萊州團練使濁流若兵叛殺官吏潰去懷敏發兵掩襲盡誅其黨

從滄州懷敏為王德用妹婿德用貶亦降知滁州陝西
用兵起為涇原路馬步軍副總管兼涇原秦鳳兩路經
略安撫副使既入對以曹瑋嘗所被介自賜之令制置
鄜延環慶兩路存廢皆柵邊鄜延路副都總管進殿前
都虞候知延州范仲淹言其猜懦不知兵復從涇原路
兼招討經略安撫副使慶曆二年元昊寇鎮戎軍懷敏
出瓦亭若督諸若兵禦敵與諸將會兵養馬城聞元昊
從軍新壕外懷敏議質明襲之乃分諸將為四路趣定
州若緣邊都巡檢使劉湛向進行次趙福堡遇賊戰不
勝保向家峽懷敏使涇原路都監趙詢知鎮戎軍曹英
并鎮戎軍西路巡檢李良臣孟淵援之俄報敵已拔柵
踰邊壕懷敏入保定川若敵毀板橋斷其歸路別為二
十四道以過軍環圍之又絕定川水泉上流以饑渴其
眾環慶路都監劉質率蕃兵鬪於河西不勝餘眾潰去
懷敏為中軍屯塞門東偏曹英等又敗於塞之東北隅
英面被流矢仆壕中懷敏所部兵見之奔駭懷敏為眾
蹂躪幾死與致瓮城久之乃蘇復選士據門橋揮手刃
以拒入城者趙詢等以騎軍四合禦敵眾稍卻然太
軍無屬志詢馳入勸懷敏還軍中是夕敵遂聚火圍城
四隅懷敏夜召諸將謀質明結陣走鎮戎軍因論其親
軍左右及在後者皆毋得動平明從吾往安西堡以英
珣為先鋒賀思純為左右翼知和為殿中軍鼓乃得
行至卯鼓未作懷敏先上馬而大軍按堵未動懷敏周
麾者再將徑去有執韉者勸不可懷敏不得已乃還使
參謀郭京等取芻城中未至懷敏復上馬叱執韉者使
馭馭者又不聽拔劍將擊之士卒遂散懷敏驅馬東南
馳二百里至長城壕路已斷敵周圍之遂與諸將皆遇

害餘軍九千四百餘人馬六百餘匹為敵所斷其子宗
晟與趙正郭京承受王昭明等還保定川初懷敏令軍
中步兵毋得動及前陣已去後軍多不知者故皆得存
時韓質郭從政胡息以兵六千保蓮花堡劉湛向進兵
一千保向家峽皆不赴援於是敵長驅抵渭州幅員六
七百里焚蕩廬舍屠掠民畜而去奏至帝嗟悼久之贈
懷敏鎮戎軍節度使兼太尉同時戰沒者皆贈官有差
復降向進等官落郝從政趙瑜懷敏通時事善候人
情故多以才薦之及用為將而輕率昧於應變遂至覆
軍帝念之賜諡忠隱子宗晟宗壽宗禮宗師皆遷官
曹利用字用之趙州寧晉人父諫擢明經第官崇儀使
利用慷慨有志操諫卒補殿前承旨改右班殿直遷鄜
延路走馬承受公事景德元年契丹侵河北帝幸澶州
射殺契丹大將達蘭契丹欲收兵去使王繼忠議和擇
可使契丹者時利用適奏事行在樞密院請以利用應
選帝曰此重事也毋輕用人明日樞密使王繼英又薦
利用遂授閣門祇候假崇儀副使奉書詣契丹軍使宋
宗本紀載契丹遣李與附王繼忠密表請和及曹利用
使契丹在景德元年十月時契丹雖請和猶攻瀛州諸
州十一月帝始親征契丹國志亦云真宗親駕瀛州是
時利用之書已通據此則繼忠議和及利用使契丹非
真宗幸澶淵後事也意聖宗本紀載繼忠議和亦在
師未次澶淵之先利用來請和則在師次澶淵後所載
異帝語利用曰契丹南來不求地則還賂爾關南地歸
中國已久不可許漢以玉帛賜單于有故事利用對曰
彼若妄有所求臣不敢生還帝壯其言利用馳至軍中
契丹主母見利用果議關南地利用拒之遣其臣韓杞
來報命利用再使契丹契丹主母曰晉德我昇我關南
地周世宗取之今宜還我利用曰晉人以地畀契丹周
人取之我朝不知也若歲求金帛以佐軍尚不知帝意

可否割地之請利用不敢以聞其政事舍人高正始遽
前曰我引眾以來圖復故地若止得金帛歸則愧吾國
人矣利用曰子蓋為契丹熟計使契丹用子言恐連兵
結讐不息非國利也契丹度不可屈和議遂定利用奉
約書以歸擢東上閣門使忠州刺史契丹遣使來聘遂
命利用迎勞之知宜州劉永規馭下殘酷軍校陳進乘
眾怨殺永規叛陷柳城縣圖象州掠廣州嶺南騷動帝
謂輔臣曰朕因憂遠方守將非其人以起邊釁今果然
曹利用曉方略盡心於事其以為廣南安撫使嶺南平
遷引進使歷客省使嘉州防禦使大中祥符七年拜樞
密副使加宣徽北院使天禧元年同知樞密院事二年
進知樞密院事遂拜樞密使四年同中書門下平章事
利用在位既久頗恃功初輔臣丁謂李迪爭論帝前迪
斥謂姦邪因言利用與之為朋黨利用曰以片文遇主
臣不如迪捐軀以入不測之敵迪不逮臣迪坐是免而
利用以檢校太師兼太子少保為會靈觀使進尚書右
僕射封韓國公乾興初加左僕射兼侍中武靈軍節度
使景靈宮使進魯國公詔如曹彬給公使錢歲萬緡契
丹使者肅從順榮驚稱疾留館下不時發朝廷遣使問
勞相望于道利用請一切罷之從順乃引去天聖三年
加司空五年改封鄆國公按東都事略載利用進尚書
進封魯國公天聖五年改封鄆國公乾興元年
國公宋史本傳俱失載今據補章獻太后臨朝中人與
貴戚稍能軒輊為禍福而利用以勳舊自居不恤也凡
內降恩力持不予左右多怨太后亦嚴憚利用稱曰侍
中而不名利用奏事簾前頗不祇肅或以指爪擊帶鞋
左右指以示太后曰利用在先帝前何敢爾爾太后領
之利用奏抑內降恩難屢卻亦有不得已從之者人以

是讓之或給太后曰蒙恩得內降不從今利用家魁陰諾臣請其必可得矣下之而驗太后始疑其私頗銜怒內侍羅崇勳得罪太后使利用召崇勳戒救之利用去崇勳冠幘詬斥良久崇勳恨之會其從子洸為趙州兵馬監押州民趙德崇詣闕告洸不法事奏上崇勳請往按治遂窮探其獄洸坐被酒衣黃衣令人呼萬歲杖死初洸事起即罷利用樞密使加兼侍中判鄧州及洸誅諫左千牛衛將軍知隨州又坐私貸景靈宮公錢貶崇信軍節度副使房州安置命內侍楊懷敏護送諸子各奪二官沒所賜第籍其貲黜親屬十餘人宦者多惡利用行至襄陽驛懷敏以語逼之利用遂投繯而絕以暴卒聞後其家請居鄧州帝惻然許之命其子內殿崇班淵監本州稅明道二年追復節度兼侍中復贈太傅還諸子官賜諡懷敏命學士趙彥作神道碑帝為篆其額曰旌功之碑詔歸所沒舊產利用性悍梗少通力裁僥倖而其親舊或有因緣以進者故及於禍然在朝廷忠蓋有守始終不少屈死非其罪天下寃之

孫繼鄴字元嗣其先金陵人祖謙事李昇為長劔都指揮使南伐闖援兵不至戰死父承睿時為小校憤將兵者不如期致其父沒乃刺殺之亡去轉徙淮楚閒久之入京師以策上太宗授左班殿直左藏庫使繼鄴初以三班奉職監涿陽酒稅會宜州陳進反曹利用辟以自隨為前驅破賊於象州大烏嶺以功遷左侍禁改西頭供奉官晁迥薦為閤門祇候上禦戎策十數事又用曹瑋薦為鄆延路兵馬都監從知環州累遷崇儀副使會修築洪德宮與總兵者論事不協繼為冀州兵馬都監起知保安軍徙涇州使契丹樞密使曹利用欲用之

繼鄴惡其權盛陰知利用將有禍數以疾辭遂除左龍武軍統軍致仕利用貶復為崇儀副使累遷西上閤門使出為環慶路副都總管道改涇原路兼知渭州建言蕭關故道前控大川善水草敵騎所從出也誠得屬羌與奉賜目羈其首領使為藩籬則可無西顧憂矣為步軍都虞候徙真定路卒

張着字元弼開封人年十一給事真宗藩邸及即位授西頭供奉官嘗與石知顯侍射苑中連發中的擢供備庫副使帶御器械咸平中契丹侵邊以功遷南作坊使昭州刺史天雄軍兵馬鈐轄邊兵未解徙鎮州行營鈐轄又徙定州契丹圍寧都者與諸將從間道往援比至城已陷者與敵戰身被數創斬其梟將遲明復戰會王繼忠為契丹所執者還請大舉討之輔臣以為不可遷昭州團練使并代州鈐轄明年契丹兵復入帝欲親征者奏邊事十餘條多論兵貴持重及所以取勝者召還入對帝曰卿嘗北伐契丹人塞與卿所請與師之日同悔不用卿策今領守澶州而未得人如何者請行帝喜命為駕前西面鈐轄令至澶州候契丹遠近者馳騎往改東面排陣鈐轄事平會曹州趙諫告者受金為人求薦禮部貶供備庫使澶州都監久之事稍辨復官管句皇城司帝以耆厯河東松遷事召耆問地里險易狀耆因言雲應蔚朔四郡閒遣人以文移至并代閒非規邊虛實即欲熟道路宜密論代州使自雲應蔚至者由大石谷入自朔至者由土登入餘閒道皆塞之以示險遷

英州防禦使侍衛親軍馬軍都虞候從帝東封遷絳州防禦使東都事略作曹州防禦使殿前都虞候時建玉清宮耆疏言謂殫國財用以興土木之役非所以承天意應避威塞

軍節度使進宣徽南院使兼樞密副使罷判河陽天禧二年徙鎮武靈拜同中書門下平章事判陳州累遷鎮安軍淮南節度使判壽州召為樞密使兼羣牧制置使封岐國公按耆封岐國公宋史本傳載據東都事略耆補會靈觀使先名旻至是表改名耆加尚書左僕射兼侍中厯河陽三城泰寧山南東道昭德四鎮節度使按東都事略耆為泰寧則在拜樞密使之前與宋史本傳互異進兼侍中封鄧國公章獻太后崩以左僕射改鎮護國出判許州移襄鄧孟許陳壽六州進封徐國公耆為人重密有智數章獻太后徵時嘗萬其家善事之甚謹及太后預政寵遇最厚安佚富盛踰四十年所厯藩鎮人頗以為擾以太子太師致仕卒贈太師兼侍中諡榮僖子二

一利一名最著希一字簡翁以父耆任忠官河北緣邊安撫副使請徙邊兵內地以寬糴費每州歲為市平以糴邊使人不罷高下其價成卒之孳給糧先軍士一日使其家為伍保坐以逃亡之累皆著為法徙成都利州路鈐轄真定府路總管累使契丹契丹嘗以雄州不當禁漁界河及役白溝兩屬民為言希一日界河之禁起於大國統和中今文移尚存白溝木輪中國田租我太宗特除之自是大國侵牟立稅故名兩屬惡有中國不役之理契丹語塞以均州防禦使卒弟利一利一字和叔以蔭補供奉官厯河北緣邊安撫都監兼閤門通事舍人知廣信軍謀告契丹侵邊利一置酒高會于譙門敵率眾遁去徙知保州雄州契丹刺兩屬民為兵民不堪其辱利一緩來之有大姓舉族南徙募而索者眾發廩振恤移詒涿州自是不敢復刺終雄州團

練使

楊崇勳字寶臣朔州人祖守斌事太祖為龍捷指揮使父全美事太宗為殿前指揮使崇勳以父任為東西班承旨事真宗于東宮帝嘗曰若暗學吾授若書崇勳自是少通兵法及前代興廢之事真宗即位遷左侍禁累遷樞密都承旨改客省使領羣牧使帝久不豫寇準罷相入內副都知周懷政謀奉帝為太上皇傳位太子復相準嘗以謀訪崇勳崇勳告其事遂誅懷政擢崇勳鄆州觀察使不拜乃以內客省使領桂州觀察使復兼羣牧使初羣牧置使皆以文臣領之崇勳曰馬者戰備雖無事可去邪仁宗即位以彰德軍節度觀察留後知陳州歷授殿前都指揮使領振武軍節度使拜宣徽南院使兼樞密副使又歷鎮南定武軍山南東道三鎮節度使按宋史辛輔表及東都事略載崇勳為鎮南軍章節度使節度使在拜宣徽使之前與宋史本傳互異章獻與仁宗言先帝最稱崇勳質信可任大事乃進樞密使明道二年加同平章事以河陽三城節度使判陳州景祐初懷政之弟懷信誣崇勳誣告其兄遂罷同平章事歷知壽毫陳三州契丹將渝盟朝廷擇將備邊崇勳請行復拜同平章事判定州既而老不任事徙成德軍又徙鄭州坐其子宗誨納賂枉法以左衛上將軍致仕改太子太保卒贈太尉諡恭密尋改諡恭毅崇勳性貪鄙久任軍職當真宗時每對輒肆言中外事喜中傷人

人以是畏之按宋史此下有夏守恩傳已附見守贊傳中今從刪

乳母齊國夫人使傅婢媵視之稍長習通文字王為太子守贊典工作事及即位授右侍禁李繼遷叛命使綏夏何遵選西頭供奉官寄班祇候康保裔與賊戰歿部曲具誅聲言保裔降賊密詔守贊往察之廉問得狀還奏詔恤保裔家帝幸澶淵及祀汾陰為駕前巡檢從幸亳州命修行宮轉崇儀使提舉倉草場帝甚親信遣中使問守贊曰欲管軍乎為橫行使乎守贊曰臣得日近窺旒足矣尋遷西上閤門使提舉諸司庫務以右千牛衛大將軍昭州刺史為樞密都承旨兼領三班院凡十餘年累遷步軍馬軍殿前副都指揮使建武鎮東保大軍節度使進殿前都指揮使徙鎮定國守恩坐賊廢守贊亦以鎮海軍節度使罷管軍之本鎮踰年徙定州路都總管召知樞密院事既入見帝問西事守贊言平時小障屯兵馬不及千餘賊兵盛至固守不暇安能出關宜併兵以據衝要同使邀擊功或可成帝然之劉平石元孫敗人有以降賊誣告者守贊頗辨其枉引康保裔事為質因自請將兵擊賊換宣徽南院使陝西馬步軍都總管兼經略安撫緣邊招討使然守贊性庸怯寡方略不為士卒所服尋詔駐軍河中居數月徙屯鄆州其子隨為陝西緣邊招討副使時晏殊來綏知樞密院又召守贊同知院事守贊請罷以宣徽南院使天平軍節度使歷判相州復為真定府定州等路都總管未至徙高陽關都總管就判瀛州卒贈太尉諡忠愍子隨

元昊為書及錦袍銀帶投境上以遺金明皆都監李士彬且約與同坂候人得之諸將皆疑士彬獨曰此行間爾士彬與羌世仇若有私約通膺遣豈使眾知邪乃召士彬與飲厚撫之士彬感泣後數日果擊賊斬首獲羊馬自效及守贊知樞密院事耀州觀察使知亳州劉平石元孫敗以隨知河中府守贊經略安撫陝西留領會靈觀事守贊還復為陝西副都總管兼緣邊招討副使帝曰朝廷方以邊事委卿卿毋以父在機密為嫌時隨已病次陝州卒贈昭信軍節度使諡莊恪隨在邊陲無多戰功然慎重少過

狄青字漢臣汾州西河人善騎射初騎射馬直選為散直寶元初趙元昊反詔擇衛士從邊以青為三班差使殿侍延州指使時偏將屢為賊敗士卒多畏怯青勇於臨敵常為先鋒凡四年前後大小二十五戰中流矢者八破金湯城略宥州羅密翠香摩諾爾乘羅沁七家口等族燔積聚數萬收其帳二千三百生口五千七百又城穽子谷築招安豐林新砦大耶等堡皆扼賊要害嘗戰安遠被創甚問寇至即挺起馳赴單爭前為用臨敵被髮帶銅面具出入賊中皆披靡莫敢當按通鑑御批青猛銳善戰所向披靡乃其勇略使然非被髮面具足以制勝史家豈稱其事洵為為奇失實尹洙為經略判官青以指使見與談兵善之薦於經略使韓琦范仲淹曰此良將材也二人一見奇之待遇甚厚仲淹以左氏春秋授之曰將不知古今匹夫勇爾青折節讀書悉通秦漢以來將帥兵法由是益知名以功累遷西上閤門副使擢秦州刺史涇原路副都總管經略招討副使帝以青數有戰功欲召見問方略會賊寇渭州命圖形以進元昊稱臣徙真定路副都總管歷遷馬步

軍副都指揮使保大安遠二軍節度觀察留後青奮行
伍十餘年而貴是時面涅猶存按文獻通考載宋沿五
字以識軍號胡寅謂籍氏為兵無罪而跡之乃至不仁
者所為是也青自行伍顯貴面涅猶存即其後不除
去蓋以示帝常教青傳藥除字青指其面曰陛下以功
不忘本云帝常教青傳藥除字青指其面曰陛下以功

軍中不敢奉詔以彰化軍節度使知延州權樞密副使
皇祐中廣源州蠻儂智高反陷邕州又破沿江九州圍

廣州嶺外騷動楊敞等安撫經制蠻事按宋史本傳作
宗本紀及長編並作皇祐四年六月命屯田員外郎直
史館楊敞安撫廣南經制蠻事以師久無功降知鄆州
據此傳作楊師久無功又命孫沔余靖為安撫使討賊
略誤今改帝猶以嶺南為憂青上表請行翌日入對自言臣起行

伍非戰伐無以報國願得蕃落騎數百益以禁兵賜賊
首致闕下帝壯其言遂除宣徽南院使宣撫荆湖南北

路經制廣南盜賊事置酒垂拱殿以遣之時智高還據
邕州青合孫沔余靖兵次賓州先是蔣偕張忠皆輕敵

敗死軍聲大沮青戒諸將毋妄與賊鬪聽吾所為廣西
鈴轄陳曙乘青未至輒以步卒八千擊賊潰于崑崙關

殿直袁用等皆遁青曰今之不齊兵所以敗晨會諸將
堂上揖曙起并召用等三十人按以敗亡狀驅出軍門

斬之沔相顧愕眙諸將股栗已而頓甲更令調十日
糧眾莫測賊視者還以為軍未即進明日乃整軍騎一

晝夜絕崑崙關出歸仁舖先布陣成列賊既失險遂悉
眾出戰前鋒孫節博賊死山下賊氣銳甚沔等懼失色
青執白旗麾騎兵縱左右翼出賊不意大敗之追奔五
十里斬首數千級其黨黃師宓儂建中智中及偽官屬
死者五十七人生擒賊五百餘人智高夜縱火燒城遁
去遲明青按兵入城獲金帛鉅萬雜畜數千招復老壯

七千二百嘗為賊所俘者慰遣之臯黃師宓等邕州
城下斂屍築京觀於城北隅時賊屍有衣金龍衣者眾
謂智高已死欲以上聞青曰安知非詐也密失智高不
敢誣朝廷以貪功也復為樞密副使遷護國軍節度使

河中尹還至京師帝嘉其功拜樞密使優進諸子官秩
始交阯願出兵助討智高余靖言其可信具萬人糧於
邕欽二州待之詔以緡錢三萬賜交阯為兵費許賊平

厚賞之青至檄余靖無通使假兵即上奏曰李德政聲
言將步兵五萬騎一千赴援非其實情且假兵於外以
除內寇非我利也以一智高而橫蹂二廣力不能討乃

假兵蠻夷蠻夷貪得忘義因而起亂何以禦之請罷交
阯助兵從之賊平人服其有遠略青在樞密四年每出

士卒輒指目以相矜誇又言者謂書家數有光怪請出
青於外以保全之不報嘉祐初京師大水青避水徙家

相國寺行止殿上人情頗疑迺罷青為同中書門下平
章事出判陳州明年疽發髡卒贈中書令諡武襄青為

人慎密寡言其計事必審中機會而後發行師先正部
伍明賞罰與士同饑寒勞苦雖敵猝犯之無一士敢後

先者故其出常有功尤喜推功與將佐始與孫沔破賊
謀一出於青賊既平經制餘事悉以諉沔退若不用意

者沔始歎其勇既又服其為人自以為不如也尹洙以
貶死青悉力關其家事子諮詠竝為閤門使詠數有戰
功熙寧元年神宗考次近世將帥以青起行伍而名動
中外深沈有智略能以畏慎保全終始慨然思之命取
青畫像入禁中御制祭文遣使齎中牢祠其家
張玉字寶臣保定人以六班散直隸狄青麾下築青淵
招安若遇夏兵三萬有馳鐵騎挑戰者玉單持鐵簡出

闕取其首及馬軍中因號曰張鐵簡以狀聞仁宗曰真
勇將也以為本路同巡檢從征儂智高抵歸仁驛賊列

三銳陳以逆官軍軍小卻玉率右廂突騎橫貫賊壘賊
大潰帝召見使作銳陳于殿廷下觀破賊之勢擢為廣

西鈐轄徙大名進龍神四廂都指揮使為副都總管諒
祚攻大順城玉以兵三千夜擊之驚潰而去累遷昭州

防禦使徙涇原熙寧中慶州卒叛玉襲遂于石門卒窮
蹙請降玉斬二百人坐奪職降為陵州團練使居數月

復之王韶開熙河玉遷宣州觀察使為副都總管河北
置三十七將以玉為第一將入為馬步軍都虞候卒贈

建雄留後
孫節開封人少隸軍籍以才勇補右侍禁與狄青同在
延州數攻破敵若有功累遷西京左藏庫副使及青討

智高辟隸麾下至歸仁舖節為前鋒直前搏戰賊銳甚
節塵山下俄中槍而沒特贈忠武軍節度留後封其妻

為仁壽郡君官其子二人從子三人給諸司副使奉終
其喪
郭達字仲通父斌自邢徙洛康定中兄遵死於敵錄達

為三班奉職隸陝西范仲淹麾下仲淹勉以問學延安
清剛社募兵謀殺熟羌將論死遂請而免之活壯士十
三人時方議取靈武達言地遠而食不繼城大而兵不
多未見其利未幾涇原任福以全軍敗沒人服其先見
陳執中安撫京東奏為駐泊將執中與賓佐論當今名
將共推葛懷敏達曰懷敏他日必敗朝廷事執中始怒
居數日問曰君何以知葛懷敏非名將而敗事邪曰喜
功微幸徒勇無謀可禽也執中歎曰君真知兵懷敏既
覆師矣為真定兵馬監押保州卒叛田況遣達往招之

遽與亂者侍其珠管同事范仲淹馳至城下示以舊所佩紫囊珠識之即與其黨章貴史克順邀達登城既見申諭禍福眾或疑不即下曰若降恐不免達請以身爲質於是開城降以功加閩門祇候環慶兵馬都監歷涇原都監拔古渭城轉通事舍人徙河北緣邊安撫都監副使奎使契丹會其主受尊號入觀禮使還黜爲汾州都監龐籍鎮河東俾權忻州契丹來求天池廟地籍不能決以誘達達訪得太平與國中故牘證爲王土檄報之契丹愧伏湖北溪蠻彭仕義叛命達爲本路鈐轄兼知澧州得蠻親信爲鄉導盡平諸隘遂破其所居桃花洲仕義棄城走餘眾悉降遷禮賓使徙知邵州武岡蠻反達又討平之累遷容州觀察使涇原路副都部署治平二年以檢校太保同簽書樞密院旋出領陝西宣撫使判渭州達雖立軍功而驟躋政地神宗卽位遷靜難軍留後召還改宣徽南院使判鄆州至鄆七日徙鎮鄆延種諤受威明山降取綏州夏人遂誘殺知保安軍楊定朝議以邊方起欲棄綏州達曰夏人既殺王官而又棄綏不守示弱已甚且明山舉族來歸當何以處之既而夏人欲以塞門安遠二砦來易朝廷許之達曰此正商於六百里之策也非先交二砦不可與遣其屬趙高群昌朝與夏使議唯言砦基高曰二砦之北舊有三十六堡且以長城嶺爲界西至王祥符所移書固在也虜使驚不能對乃寢其請初詔焚棄綏州達匿而不下至是帝問大臣皆莫知達始自劾向者違詔旨之罪帝手詔褒荅加檢校太尉雄武軍留後韓絳宣撫陝西主種諤計圖取橫山與達議出兵達曰諤狂生爾朝廷徒以家世用之必誤大事絳怒以爲阻撓奏召達還明年

慶州亂出判永興徙秦州王詔開熙河達按其不法朝廷遣蔡確鞠之謂達誣罔落宣徽使知潞州尋徙太原復宣徽使交趾李乾德陷邕管召爲安南行營經略招討使兼荆湖廣南宣撫使請鄜延河東舊吏士自隨將行宴於使殿賜中軍旗章劔甲以示寵次長沙先遣將復邕廉至廣西討拔廣源州降守將劉應紀又拔決里隘乘勝取枕榔門州大戰富良江斬其僞王子洪真乾德窮蹙奉表歸命時兵夫三十萬人冒暑涉瘴地死者過半至是與賊隔一水不得進乃班師坐貶左衛將軍西京安置屏處十年哲宗卽位復左屯衛大將軍致仕起知潞州進廣州觀察使知河中府請老改左武衛上將軍卒贈雄武軍節度使達慷慨喜兵學神宗嘗訪八陣遺法對曰兵無常形是特奇正相生之一法爾因爲帝論其詳在延安使以教兵久不就達擇諸校習金鼓屯營者六十四人使人教一隊頃刻而成尤善用偏裨每至所部令人自言所能暇日閱按之故臨陣皆盡其技李復珪治慶州之敗既斬李信劉甫又欲罪鄜延都巡檢使白玉見達託以後事且泣言不得終養母達哀之不遣申救甚力得免已而王大捷於新砦神宗謂達曰白玉能以功補過卿之力也每戰先招懷後戰關愛惜士卒不妄加誅戮其殺賊婦女老弱者皆不賞雖坐征南無功久廢猶隱然爲一時宿將云

欽定續通志卷三百二十五

欽定續通志卷三百二十六

列傳

宋三十

吳育

宋綬 敏求

李若谷 復圭

壽朋

王博文 鳴

王謨

李諮

程戡

夏侯嶠

盛度

丁度

張觀

鄭戡

明鑑

吳育字春卿建州建安人也父待問累官禮部侍郎致仕育少奇穎博學舉進士試禮部第一中甲科除大理評事遷寺丞歷知臨安諸暨襄城三縣自秦悼王葬汝

州其後子孫從葬及歲時上家皆以宦官典護頗擾州縣育在襄城請凡官所須皆具成數毋容使者妄索民

甚使之宗子所過縱鷹犬暴民田及入襄城境輒相戒約毋敢縱者舉賢良方正擢著作郎

直集賢院通判蘇州還知太常禮院奏定禮文名太常新禮慶曆祀儀改右正言歷三司鹽鐵戶部二判官

官知諫院元昊僭號議出兵討之育言元昊雖稱藩臣其尺賦斗租不入縣官服叛不常請置之示不足責且

已僭輿服勢必不能自削宜援國初江南故事稍易其名可以順拊而收之不報復上言宜先以文詰告諭如

尙不賓第嚴約束明烽堠堅壁清野以挫其鋒勿貪功輕進時方銳意征討不聽既而覆軍無功卒封元昊爲

夏國主如育所議育又言元昊見朝廷比年與西域諸戎不通朝貢乃得以利啗鄰境固其巢穴無肘腋之患

跳梁猖獗肆而不顧請募士諭嘉勒斯賚及他蕃部離

散其黨與使併力以攻而均其恩賜此伐謀之要也因錄上真宗時通西域諸蕃事迹除知制誥進翰林學士

遷禮部郎中契丹與元昊構兵元昊求納款契丹遣使請勿納元昊朝廷未知所答育因言契丹通好已久不可納一叛羌以失其權今彼相圖鬪久不解可觀形勢

乘機立功萬一過計納之臣恐契丹窺兵趙魏朝廷不得元昊毫髮之助而太行東西且有烟塵之警宜使人

諭元昊曰契丹汝世姻當順契丹如故然後許汝歸款告契丹曰已詔元昊如能投謝轅門即聽內附若猶堅

拒當爲討之如此皆不能歸罪我矣於是召兩制同上對卒不易育議尋知開封府慶曆五年拜右諫議大夫

樞密副使未幾除參知政事山東盜起帝遣中使按視還奏盜不足慮兗州杜衍鄆州富弼山東人尊愛之此

可憂也帝欲徙二人於淮南育曰盜賊無足慮小人乘時以傾大臣禍幾不可禦矣事遂寢向綬知永靜軍爲

不法疑通判江中立發其陰事因搆獄以危法中之中立自經死綬宰相子大臣有營助欲傳輕法育曰不殺

綬無以示天下卒減死一等流南方御史唐詢請罷制科帝刊其名以付中書育奏疏駁議帝是育言因論輔

臣曰彼上言者乞從內批行下今乃知欺罔也育請出姓名按劾以明國法育在政府遇事敢言與宰相賈昌

朝數爭議上前左右皆失色育論辨不已乃請曰臣所辨者職也願力不勝願罷臣職乃復以爲樞密副使明年大早御史中丞高若訥論奏遂罷昌朝育歸給事中

班未幾出知許州徙蔡州州故多盜育嚴伍保之法以檢制盜賊時京師有告妖人千數聚確山者詔遣中使

往招捕者十人至則以巡檢兵往索之育曰此特鄉民

用浮圖法相聚以利錢財爾一弓手召之可致今以兵往是趣之亂也頃之召十人至械送闕下皆無罪釋之

而告者伏辜尋以資政殿學士知河南府徙陝州又上書論詔獄爲不便遷禮部侍郎知永興軍召兼翰林侍

讀學士以疾辭且請便郡帝語大臣曰吳育剛正可用第嫉惡太過耳因命知汝州會疾不已又請居散地以

集賢院學士判西京留司御史臺外臺舊不領民事時張彥佐知河陽民訟久不決多詣育訴育爲辨曲直判

書狀尾案文獻通考云兩京留司御史臺謂之留臺亦謂之外臺又夢溪筆談載兩京留臺皆有公宇舊爲前執政休老養疾之地故例不視事皇祐間吳正肅有爲西京留臺獨舉其職即指此也堯佐異

懼奉行復爲資政殿學士兼翰林侍讀學士疾少聞復知陝州進資政殿大學士召還判尚書都省一日侍讀

禁中帝因語及臣下毀譽多出愛憎卿所當慎也育曰知而形之言不若察而行之事聖主之行如日月之明

進一人使人皆知其善出一人使人皆曉其惡則陰邪不能構害公正可以自立百王之要道也帝數欲大用

爲諫官劉元瑜誅奏育在河南嘗貸民出息錢久之除宣徽南院使郵延路經略安撫使判延州夏人既稱臣

而並邊種落數侵耕爲患麗籍守并州欲築堡備之育謂要契未明而亟城則羌人必爭爭而受患者必麟府

也移文河東又遣籍手書及疏於朝不報既而夏人果犯河外陷驍將郭恩而太原將佐皆得罪去疾復作辭

不任邊事求解宣徽使復以爲資政殿大學士尙書左丞知河中府徙河南病卒年五十五贈吏部尙書諡正

肅育性明果所至作條教簡疏易行而不可犯遇事不妄發發即人不能撓辨論明白使人聽之不疑初尹開

封范仲淹在政府因事與仲淹忤既而仲淹安撫河東

有奏請多為任事者所沮育取可行者固行之其在二府待問以列卿奉朝請育不自安請罷去不聽及出師永興時待問尚亡恙肩與迎待時人榮之弟充為宰相自有傳

宋綬字公垂趙州平棘人父皋尚書度支員外郎直集賢院綬幼聰警為外祖楊徽之所器愛徽之無子家藏書悉與綬綬母亦知書每躬自訓教徽之卒遺奏補太常寺太祝年十五召試中書真宗愛其文遷大理評事聽於祕閣讀書大中祥符元年復試學士院為集賢校理與父皋同職後賜同進士出身遷大理寺丞除左正言同判太常禮院久之判三司憑由司建言比歲下赦令釋逋負後期未報者六十八州請於諸路選官考覈期半月以聞於是脫械繫者三千二百人蠲積負數百萬擢知制誥判吏部流內銓兼史館修撰同修真宗實錄天聖三年為翰林學士兼侍讀學士句當三班院始詔讀唐史固求解三班以韻進講同修國史遷中書舍人昭應宮災罷二學士踰年復翰林學士史成遷尚書工部侍郎時章獻太后猶稱制五日一御承明殿垂簾決事仁宗未嘗獨對羣臣綬請令中書樞密院宜約唐先天制度非軍國大事及大除拜皆前殿取旨臣僚亦止前殿對書上忤太后意改龍圖閣學士出知應天府太后崩帝思綬言召還將大用宰相張士遜沮止之復加翰林侍讀學士詔定章獻明肅章懿太后祔廟禮綬援春秋考仲子之宮唐儀坤廟故事案宋史本傳作坤如傳及文獻通考載睿宗景雲元年別立廟考新唐書以享昭成皇后至開元中肅明皇后亦依前儀坤廟安置今據請別立章懿太后廟建名奉慈以安神主從之始

士以程羽為之程羽實為文明殿學士非端明殿學士也職官志載仁宗明道二年改承明殿為端明殿復置端明殿學士以翰林侍讀學士宋綬為之綬固辭因上宋稱端明殿學士則自此始故史稱始置綬固辭因上言帝王御天下在總攬威柄一紀以來令出策帷自陛下躬親萬務內外延首思見聖政而賞罰號令未能有過於前日豈非三事大臣不能推心悉力以輔陛下之治邪頃太后朝多吝除拜而邪幸或徑取升擢議者謂恩出太后今恩賞難行又謂自大臣出非大臣朋黨罔上何以得此朋黨之為朝廷患古今同之或窺測帝旨密令陳奏或附會己意以進退人大官市恩以招權小人趨利以售進此風浸長有蠹邦政整齊綱紀正在今日帝大感悟及張士遜罷遂拜綬參知政事初有詔罷修廟寺觀而章惠太后營王中正舊宅為道觀諫官御史言之帝曰此太后奩中物也諫官御史欲邀名邪綬

進曰彼豈知太后所為哉第見興土木違近詔爾郭皇后廢帝命綬作詔云案隆平集載向美人出宮帝召綬向楊二美人之出宮也帝命參知政事宋綬面當求德尚書與傅云郭皇后廢帝命綬作詔互異當求德閣以稱坤儀既而左右引富人陳氏女入宮綬曰陛下乃欲以賤者正位中宮不亦與前日詔語戾乎王曾入對又論奏之帝曰宋綬亦如此言時大臣繼有論者卒罷之帝春秋富天下久無事綬慮宴樂有漸乃言人心逸於久安患害生於所忽故立防於無事銷變於未萌事至而應不亦殆歟臣願飭勵羣司不以承平自怠又上駁下之道有三臨事尚乎守當機貴乎斷謀先乎密能守則發不能移能斷則邪不能惑能密則事不能撓願陛下念之至若深居燕閒聲味以調六氣節宣以順四時保養聖躬宗社之休也再遷吏部侍郎時宰相呂夷簡王曾論議數不同綬多是夷簡而參知政事蔡

齊間有所異政事由此依違不決於是四人者皆罷綬以尚書左丞資政殿學士留侍講筵權判尚書部省歲餘加資政殿大學士以禮部尚書知河南府元昊反劉平石元孫敗沒帝以手詔賜大臣居外者詢攻守之策綬畫十事以獻復召知樞密院事遷兵部尚書參知政事時綬母尚在綬既得疾不視事猶起居自力區處後事尋卒贈司徒兼侍中諡宣獻案范鎮撰宋敏求墓誌政事贈太師中書令尚綬性孝謹清介言動有常家藏書令燕國公諡曰宣獻性孝謹清介言動有常家藏書萬卷親自校讎博通經史百家筆札精妙朝廷大議論多綬所裁定及卒帝多取其書字藏禁中于敏求

敏求字次道賜進士及第為館閣校勘出為僉書集慶軍判官王堯臣修唐書以敏求習唐事奏為編修官持誥修仁宗實錄兼判太常寺英宗在殯有言宗室服疏者可嫁娶敏求以大行未發引不可踰年又有言者敏求言宗室義服服降而練可嫁娶矣坐前後議異貶秩知絳州王珪范鎮乞留之使成實錄神宗曰典禮國之所重而誤謬如是安得無責然敏求議初不誤曾公亮惡禮院劉瑾附敏求為說故因是去之是歲即詔還王安石用事惡呂公著嘗論奏青苗之害誣其言韓琦欲因人心如趙鞅興晉陽之甲以逐君側之惡出知潁州敏求當草制安石諭旨使明著罪狀敏求但言數陳失實安石怒白於帝命陳升之改其語敏求因請解職未聽會李定自秀州判官除御史敏求又封還詞頭遂以本官右諫議大夫奉朝請策試賢良方正孔文仲對語切直擢實優等安石愈怒罷文仲人為敏求懼帝獨全護之除史館修撰集賢院學士鄧潤甫為帝言比羣臣

多尙告訐非國家之美宜登用敦厚之士以變薄俗乃加敏求龍圖閣直學士命修兩朝正史元豐二年卒年六十一特贈禮部侍郎敏求家藏書三萬卷皆略誦習熟於朝廷典故士大夫疑議必就正焉所著書甚富學者多咨之嘗建言河北陝西河東舉子性朴茂而詞藻不工故登第者少請令轉運使擇薦有行藝材武者特官之使人材參用而有可進之路又州郡有學舍而無學官故士輕去鄉里以求師請置學官後頗施行之族弟昌言

昌言字仲謨以蔭爲澤州司理參軍州有殺人獄昌言疑其寃迹捕得真犯者稍遷河陰發運判官河陰有凶盜殺人而驚之如是十餘年又縣吏與市井少年共爲脏囊昌言悉窮治之擢都水監丞熙寧初河決棗強而北昌言建議欲于二股河口西岸新灘立土約障水使之東流候稍深即斷北流縱出葫蘆下流以除恩冀深瀛水患詔從之提舉河渠王亞以爲不可成不如修生隄朝廷遣翰林學士司馬光往視如昌言策不兩月決口塞光奏昌言獨有功遷開封府推官同判都水監汴水漲昌言請塞營家口已而汴流絕監丞侯叔獻唱爲昌言罪昌言懼求知陝州歷漢冀二州河決曹村召判都水監往護河隄靈平埽成轉少府監卒

李若谷字子淵徐州豐人舉進士補長社縣尉州葺兵營課民輸木檄尉受之而吏以不中程多退斤欲苛苦輸者因以取賂若谷度材別其長短大小爲程置度中使民自輸改大理寺丞知宜興縣官市湖湫茶歲約戶稅爲多少率取足貧下若谷始置籍備句檢茶惡者舊沒官若谷使歸之民許轉質以償其數知連州真宗將

朝謁太清宮選通判亳州累遷度支員外郎出爲京東轉運使會河決白馬調取芻槌同列盧士倫協三司意趣刻擾州縣而若谷寬之士倫構於朝徙知陝州盜聚青灰山久不散遣牙吏持榜招諭之盜殺其黨與自歸改梓州天聖初判三司戶部句院使契丹陸辭不俟垂簾請對迺遣詣長春殿奏事罷知荆南士族元甲恃蔭屢犯法若谷杖之曰吾代若父兄訓之爾王蒙正爲駐泊都監挾太后姻橫肆若谷繩以法監司右蒙正奏徙若谷潭州洞庭多盜數邀商人船殺人輒投屍水中前此捕獲多以屍無驗每負死隸他州久復逃歸爲患若谷擒致之磔於市自是寇稍息徙知滑州河齧韓村隄夜馳往督兵爲大埽至且隄完以右諫議大夫知延州

州有東西兩城夾河秋水溢岸輒圯役費不可勝紀若谷乃制石版爲岸押以巨木後雖暴水不復壞官倉依山而貯穀少若谷使作露囤囤可貯二萬斛他郡多取法焉遷給事中知壽州安豐芍陂有南北兩渠可溉田萬餘頃因旱歲豪右多侵耕其閒夏雨溢壞田輒盜決之陂失灌溉之利若谷搃冒占田者逐之每決輒調瀕陂諸豪使塞隄盜決乃止加集賢院學士知江寧府徙知河南府改樞密直學士知并州并多降人喜盜竊籍累犯者以三人爲保有犯并坐之慢者削去籍名進尚書工部侍郎龍圖閣直學士知開封府

始若谷以太子少傅致仕卒年八十贈太子太傅諡康靖

若谷性資端重在政府論議常近寬厚治民多智慮惻悌愛人其去也多見思云子淑

淑字獻臣年十二真宗幸亳獻文行在所真宗奇之命賦詩案隆平集云命賦朝賜童子出身試祕書省校書郎寇準薦之授校書郎館閣校勘乾興初稍遷大理評事修真宗實錄爲檢討官書成改光祿寺丞集賢校理爲國史院編修官召試賜進士及第改祕書郎進太常丞直集賢院同判太常寺羅史館修撰再遷尚書禮部員外郎上時政十議改知制誥尙當三班院爲翰林學士進吏部員外郎會若谷參知政事改侍讀學士加端

明殿學士若谷罷進本曹郎中以右諫議大夫知許州歲饑取民所食五種上之帝惻然爲蠲其賦權知開封府復爲翰林學士中書舍人言者論其在開封府多褻近吏人改給事中知鄭州徙河陽轉尙書禮部侍郎復爲翰林學士罷端明殿學士判流內銓復加端明殿學士淑初在鄭州作周陵詩國子博士陳求古以私隙訟其譏訕朝廷除龍圖閣學士出知應天府累表論辦不報乃請侍養明年復端明侍讀二學士判太常寺父喪起復再爲翰林學士諫官包拯吳奎等言淑性姦邪又嘗請侍養父而不及其母罷翰林學士以端明龍圖閣學士奉朝請丁母憂除服爲端明侍讀二學士遷戶部侍郎復爲翰林學士御史中丞張昇等又論奏之不拜除兼龍圖閣學士由是抑鬱不得志出知河中府卒贈

尚書右丞淑警慧過人博習諸書詳練朝廷典故凡有沿革帝多諮訪制作誥命爲時所稱初宋祁作張貴妃制故事妃當冊命祁疑進告身非是以淑典問之淑心知其誤謂祁曰君第進何疑祁遂得罪去其傾

側險陂類此子壽朋復圭

壽朋字延老慶曆初與弟復圭同試學士院賜進士出身判吏部南曹使行諸陵奏言昭獻皇后誕育二聖為國文母獨以合葬安陵不及時祭請更其禮從之

鳳翔府滄地滄地震壞城郭帑庫廢明督吏家繕葺未數月復其舊括蕪田三萬頃縱民耕之擇其壯者使習兵河方北通隨塞之故道陞壽朋度必東潰論居人徙

遷後三縣四鎮果墊焉司馬光出使薦其能加直史館入直舍人院同修起居注進戶部鑿鐵副使暴得疾卒復圭字審言通判瀘州北使道瀘民主驛率困憊豪杜

氏十八家詭言唐相如晦後每賊吏服免復圭控籍役之徒知相州自太宗時聚夏人降者五指揮號聽子馬子弟相承百年無他役復圭斥不如格者選能騎射士

補之為度支判官歷知涇州始二稅之入三司移折已重轉運使又覆折復圭為奏免民以為德歷湖北兩浙淮南河東陝西成都六轉運使浙民以給衛前役多破

產復圭悉罷遣歸農令出錢助長召人承募民便之瀕海人賴蛤沙地以生家量受稅於官而占為己有復圭奏蠲其稅分以予民熙寧初進直龍圖閣知慶州夏

人築壘於其境不犯漢地復圭貪邀功遣大將李信帥兵三千授以陣圖使自荔原堡夜出襲擊敗還復圭斬

信自解又遣別將破其金湯白豹西和市斬首數千級案宋史夏國傳李信到南神詠等改還郭貴復出兵州進襲金湯而夏人已去獲殺其老幼一二百人以功告捷邊怨由是日起云云破其金湯乘常舉國入寇

御史謝景温劾復圭擅興邊釁致士卒死傷者甚多而邊民流離失所論保靜軍節度副使虞餘知光化軍張商英言夏人謀犯塞之日久矣與破金湯適相值非復

圭生事乃召判吏部流內銓知曹蔡滄州還為監鐵副使以集賢殿修撰知荆南卒復圭臨事敏決稱健吏與人交不以利害避然輕率躁急無威重喜以語侵人獨

為王安石所知故既廢即起王博文字仲明曹州濟陰人祖諫給事太宗藩邸為西京作坊副使博文年十六善屬文舉進士開封府以回

文詩百篇為公卷人謂之王回文淳化三年太宗親試進士以年少罷歸後諫卒官廬州州守劉蒙叟為言召試舍人院為安豐主簿歷遷殿中丞陳堯叟薦之試中

書賜進士第擢知濠州歷真州改監察御史以疾請出知海州徙密州負海有鹽場歲饑民多盜擄吏捕之輒

抵死博文請弛鹽禁候歲豐乃復從之除殿中侍御史天禧中宋能王先偽為乾祐天書事覺能既敗死先與其弟就禽詔博文按劾博文唯治首惡脅從者皆以減

論還為開封府判官歷陝西轉運使屬羌陸卜喀以族落數千帳寇原州柳泉鎮環州鶉鴿泉峇梧州刺史杜

澄內殿崇班趙世隆戰沒博文劾奏內侍都知周文質押班王懷信為涇原環慶兩路鈐轄提重兵駐大拔砦

玩寇逗遛耗用邊費請用曹瑋田敏代之既而文質懷信坐法遂以瑋知永興軍使節制邊事會瑋病不行又

用敏為涇原路總管寇遂平累遷龍圖閣待制判吏部流內銓權發遣三司使事與監察御史崔暨內侍羅崇

勳同鞫真定府曹洵獄及還權知開封府進龍圖閣直學士知秦州為走馬承受賈德昌所毀徙鳳翔府又徙永興軍明年德昌以賊敗改樞密直學士復知秦州初

之聞有自歸而中道為蕃部所得亦不能辨坐法皆斬博文乃遣習知邊事者密持信紙往招至則悉貨其罪

由是歲減殊死者甚眾朝廷下其法於他路又言河西回鶻多緣互市家秦隴開請悉遣出境戒守臣使議祭

之再遷右諫議大夫以龍圖閣學士復知開封府出知大名府遷給事中召權三司使遂同知樞密院事踰月

而卒贈尚書吏部侍郎博文以吏事進多任劇繁為政務平恕常語諸子曰吾平生決罪至流刑未嘗不陰擇

善水土處汝曹志之然治曹洵獄議者多謂博文希太后旨縱崇勳傳致其罪云了時

博士翰林學士宋祁提舉諸司庫務薦時句當公事時有宦官同提舉者疇言於中書曰翰林先進疇恐不得

事然以朝士大夫為闖人指使疇實取之辭不就用賈昌朝薦編修唐書仁宗獵近郊疇引十事以諫皇祐中

手詔禁貴戚近習私謁者疇獻聖政惟公頌召試直祕閣為開封府推官宦者李允良訴其叔父死疑為仇家

所毒請發棺驗視眾欲許之疇獨不可曰苟無實是無故而暴屍且安知非允良有姦歟而窮治果與其叔父

家有怨累擢知制誥以右諫議大夫權御史中丞遷給事中英宗既即位感疾皇太后垂簾聽政後帝疾平猶未御正殿疇屢疏請以時御朝聽政及朝謁祠廟會大臣亦以為言自是帝遂聽政時詔近臣議仁宗配祭故事冬夏至祀昊天上帝皇地祇以太祖配正月上辛祈

宗配爲嚴父之道知制誥錢公輔獨謂仁宗不當配祭
疇以謂珪等議道真宗不得配公輔議道宜祖真宗仁
宗俱不得配於禮意未安乃建議請依王珪等議奉仁
宗配饗明堂以符大易配考之說孝經嚴父之禮奉遷
真宗配孟夏雩祀以倣唐貞觀顯慶故事太宗依舊配
正月上辛祈穀孟冬祀神州地祇餘依本朝故事如此
則列聖並侑對越昊穹厚澤流光聖裕萬祀必如公輔
之議則陷四聖爲失禮導陛下爲不孝違經戾古不可
從朝廷以疇論事有補帝與執政大臣皆器異之遷翰
林學士尚書禮部侍郎拜樞密副使於是公輔言疇望
輕資淺在臺素餐不可大用又頗薦引近臣可爲輔弼
者公輔坐貶疇在位五十五日卒贈兵部尚書諡忠簡
疇名臣子性介特勵風操喜言朝廷事好治容服坐立
巽然言必文未嘗慢戲吏治審密文辭嚴麗其執政未
久終於位及所享壽類其父云

王諤字總之趙州臨城人舉進士授婺州觀察推官代
還真宗見而異之特遷祕書省著作佐郎知祁縣通判
湖州累遷尚書度支員外郎兼侍御史知雜事上言方
調兵塞決河而近郡災歉民力彫敝請罷土木之急
者會曹利用得罪諤以同里爲利用所逮黜知湖州徙
蘇州還爲三司鹽鐵副使時馬季良方用事建言京師
賈人常以賤價售茶鹽交引請官置務收市之季良挾
章獻嬖家眾莫敢近諤獨曰與民競利豈國體邪遂罷
之擢天章閣待制歷左司郎中樞密直學士知益州戍
卒有夜焚營殺馬督軍校爲亂者諤潛兵環營下令曰
不亂者斂手出門無所問於是眾皆出命軍校指亂者
得十餘人戮之及旦人莫知也爲政有大體不爲苛察

蜀人愛之拜石詠議大夫同知樞密院事景祐五年參
知政事宋史本紀景祐五年十一月改元寶元
明年遷尚書工部侍郎知樞密院事天聖中謫嘗使河
北過真定見曹瑋瑋謂曰君異日當柄用願留意邊防
吾聞趙德明嘗使人以馬權易漢物不如意欲殺之少
子元昊方十餘歲諫曰我戎人本從事鞍馬而以資鄰
國易不急之物已非策又從而斬之失眾心矣德明從
之吾嘗使人覘元昊狀貌非常他日必爲邊患諤時未
以爲然比再入樞密元昊反帝數問邊事諤不能對及
西征失利議刺鄉兵又久未決帝怒諤與陳執中張觀
同日罷諤出知河南府始歎諤之明識未幾卒贈戶部
尚書諡忠穆案隆平集諤少時館禮部尚書王化基之
門樞密副使宋湜見而以女妻之宋氏親族或侮易之
化基曰後三十年諤當貴矣果如所言

李諮字仲詢唐趙國公岷之後岷貶死袁州因家新喻
遂爲新喻人諮幼有至性父文捷出其母諤日夜號泣
飲食不入口父憐之而還其母遂以孝聞舉進士真宗
顯左右曰是能安其親者擢第三人除大理評事通判
舒州召試中書爲太子中允直集賢院累擢知制誥寇
準數改諮所擬制辭諤不樂以父留鄉里請外遂出知
荆南尋命爲翰林學士仁宗即位超遷本曹郎中權知
開封府數月權三司使拜右諫議大夫嘗奏事兩宮曰
天下賦調有定今西北戍兵且二十年邊餽如故戍兵
雖未可減未作浮費非本務者宜一切裁損即詔諮與
御史中丞劉筠等同議冗費以景德較天禧計所減得
十二之上時陝西緣邊數言軍食不給度支都內錢不
足支月奉章獻太后憂之命呂夷簡魯宗道張士遜與

諮等經度其事諮曰舊法商人入粟邊郡算茶與犀象
繒錢爲虛質三估出錢十四文坐得三司錢百文請變
法以實錢入粟實錢售茶三者不得相爲輕重既行商
人失厚利怨謗騰起諮累請郡改樞密直學士知洪州
行數月而吏以茶法安稱增課坐不察奪職久之進給
事中知杭州復樞密直學士知承興軍衣冠子弟恃蔭
無賴者諮悉杖之境內肅然還當三班院坐舉吏降
左諫議大夫權三司使事進尚書禮部侍郎拜樞密副
使父喪起復遷戶部侍郎知樞密院事案宋史本傳作
史真宗本紀宰輔表及宰輔編年錄東都事是時權茶
法浸壞乃詔諮蔡齊等更議之諮以前坐變法得罪固
辭不許於是復用諮所變法語具食貨略卒贈右僕射
謚憲成諮性明靖周知世務其處煩粹常若閒暇吏不
敢欺在樞府專務革濫賞抑僥倖人以爲稱職無子以
族子爲後

程戡字勝之許州陽翟人少力學舉進士甲科補涇州
觀察推官再遷祕書丞通判許州曹利用貶戡以利用
墮降通判蘄州徙虔州州人有殺母暮夜置尸他人之
門以誣仇者戡已具戡獨辯之正其罪以尚書屯田員
外郎知歸州召爲侍御史三司度支判官累擢天章閣
待制陝西都轉運使未幾知渭州陝西有保毅軍人苦
其役戡奏曰保毅在鄉兵外不黠而有籍所以佐邊備
也已隸保捷而保毅籍如故州縣以供力役率困憊至
破析財產售田者猶數戶出一夫民不勝苦因詔私役
保毅者以計備律坐之進樞密直學士知成都府坐常
保任貝州張得一得一伏誅奪職出知鳳翔府尋徙河
中御史中丞張觀辦之復爲樞密直學士知承興軍徒

瀛州四遷給事中契丹使過稱疾求善帽見戡使謂曰有疾可毋相見見當如禮使者語屈冠而見人言歲在甲午蜀且有變孟知祥之割據李順之起而為盜皆此時也仁宗自擇戡再知益州遷端明殿學士召見慰遣至彭州民妄言有兵變捕斬之守益州者以嫌多不治城堞戡獨完城浚池自固不以為嫌召拜參知政事奏禁蜀人妖言誣民者避宰相文彥博親改尚書戶部案東都事略侍郎樞密副使數與宋庠爭議諫官御史皆論之戡亦自請罷除吏部宋史空輔侍郎觀文殿學士兼翰林侍讀學士同羣牧制置使尋拜宣徽南院隆平集使鄭延路經略安撫使判延州英宗即位以安武軍節度使留再任初覃恩蕃官例不序遷至是用戡奏始皆得遷又請首領有戰功材武皆得召見選補為蕃官延州夾河為兩城雉堞頗卑小敵登九州臺則下瞰城中戡調兵夫大增築之橫山酋豪怨諒祚率其屬叛取靈夏來求兵為援戡言豺虎非自相搏則未易取也癰疽非其自潰則未易攻也諒祚久悖慢宜乘此許之所謂以蠻夷攻蠻夷中國之利也會英宗不豫大臣重生事不報言者請選大臣帥永興屯重兵以制五路救戡具利害以間戡以為四路距永興皆十數驛設有警使聽節制則不及事矣且關中財賦不贍宿軍多何以給之戡告老章累上終弗聽遣使以手詔問勞乃再上章曰臣老疾遽矣高奴屯勁兵為要地豈養病所邪召還道卒贈太尉諡康穆戡以在邊安重習事治不近名然不為言者所與或傳戡交通宦官闔士良云

夏侯嶠字峻極其先幽州人高祖秀為濟州鉅野鎮遊奕使因家焉嶠弱冠以詞賦稱太平興國初舉進士甲

科解褐大理評事累遷監察御史通判興元府進秩殿中丞雍熙二年代還對便殿太宗語有司曰此人朕自知其材行勿須奏擬即日改左補闕直史館會王師護邊乘傳督河間鍾道就命知莫州踰月徙洪州改起居郎真宗在襄陽太宗擇朝士謹厚者為官屬即召入為翊善加直昭文館真宗尹京府命兼推官加司封員外郎東宮建復兼中舍遷工部郎中及嗣位拜給事中知審刑院數召樞密院副使咸平元年以戶部侍郎罷案宋史宰輔表及東都事略俱作以戶部侍郎罷本傳作郎中誤今據改二年始建講讀之職命嶠為翰林侍讀學士及楊徽之卒又命兼祕書監是秋江浙饑命為江南巡撫使所過疏理刑訟存問耆老務從寬簡人以為便使還宋病民二十餘事上之亟詔釐革又判吏部選事嶠淳厚謹慎居官無過失真宗愛重多所詢訪每以善人目之在近侍恩遇甚渥景德元年卒年七十二詔贈兵部尚書錄其子大理寺丞晟為太子中舍孫恭為奉禮郎姪孫蔚賜同學究出身盛度字公量世居應天府後徙杭州餘杭縣父豫從錢俶入朝終尚書度支郎中度舉進士第補濟陰尉累遷尚書屯田員外郎契丹侵邊從幸大名數上疏論邊事奉使陝西因覽疆域參質漢唐故地繪為西域圖以獻改開封府判官坐決獄失實降監洪州稅起知建昌軍三司鹽鐵判官改起居舍人知制誥嘗奏事便殿真宗問其所上西域圖度因言酒泉張掖武威燉煌金城五郡之東南自秦築長城西起臨洮東至遼褊延袤萬里有郡有軍有守捉襟帶相屬烽火相望其為形勢備禦之道至矣唐始置節度後以宰相兼領用非其人故有河山之險而不能固有甲兵之利而不能禦今復給山

川道路壁壘區聚為河西隴右圖願備上覽真宗稱其博學後遷右諫議大夫權知開封府以疾不拜入翰林為學士加史館修撰歷兵部郎中會寇準罷相度以交通周懷政出知光州丁謂用事復謫和州團練副使謂貶起為祠部郎中復兵部郎中遷太常少卿知筠州更度案東都事略作徐蘇州還知審刑院以右諫議大夫知揚州加集賢院學士初度謫洪州建請復賢員方正科又請建四科以取士曰博通墳典達於教化科才識兼茂明於體用科軍謀宏遠堪任將帥科明曉法律能按章覆問科既而用夏竦議置六科其議亦自度始復為翰林學士史館修撰遷給事中尋進承旨以禮部侍郎兼端明殿學士召問邊計退而條十事上之又兼侍讀學士景德二年拜參知政事時王曾呂夷簡為相度與宋綬蔡齊並參知政事曾與齊善而夷簡與綬善惟度不得志於二人及二人俱辭相仁宗問度曰王曾呂夷簡力求退何也度對曰二人腹心之事臣不得而知陛下詢二人以孰可代者則其情可察矣仁宗果以問曾曾薦齊又問夷簡夷簡薦綬於是四人俱罷而度獨留遷知樞密院事拜武靈軍節度使坐令開封府吏馮士元強取其鄰所賃官舍為鄭戢所發以尚書右丞罷復知揚州加資政殿學士知應天府以太子少傅致仕卒贈太子太保諡文肅度好學家居列圖書未嘗釋手敏於為文而汎濫不精性極猜險雖平居僚友不敢易語言所至下貧無賴多所縱捨稍有貴者一切繩之以法子申甫終尚書兵部郎中集賢校理嘗為福建轉運使頗以修潔稱從兄京有史能以尚書工部侍郎致仕卒丁度字公雅其先恩州清河人祖頡後唐清泰初陷契

丹逃歸徒居祥符父逢吉以醫術事真宗藩邸然好聚

書案東都事略載度祖顯蓋其家貴以置書至八千卷且曰吾聚書多矣必有好學者為吾子孫與宋史本傳與儒者遊度強力學問大中祥符中登服勤詞學科

為大理評事通判通州改太子中允直集賢院坐解送

國子監進士失實監齊州稅還知太常禮院判吏部南

曹上書論六事一增講讀官二增諫員三補蔭用大功

以上親四選河北河東役兵補禁軍五籍令佐墾田為

殿最六凡緣公事坐私罪杖者聽保任遷官章獻太后

善之舊制監司及藩鎮辭謁皆賜對仁宗初即位止令

附中書樞密奏之度言附奏非所以防壅蔽也又嘗獻

王鳳論於章獻太后以戒外戚歷三司磨勸司案東都

歷知京西轉運使司天言永昌陵有白氣請增築以厭

之有詔按視度奏神道貴靜不可輕繕治乃止人知制

誥遷翰林學士糾察在京刑獄判太常禮院兼羣牧使

劉平石元孫敗帝遣使問所以禦邊度奏曰今士氣傷

沮若復追窮巢穴饋糧千里輕用人命以快一朝之意

非計之得也太祖時疆場之任不用節將但審擇材器

豐其廩賜信其賞罰方陞輯靈幾二十年為今之策莫

若謹亭障遠斥堠控扼要害為制禦之全計因條上十

策名曰備邊要覽時西疆未寧二府三司雖旬休不廢

務度言符堅以百萬師寇晉謝安命駕出遊以安人心

請給假如故無使敵人窺朝廷淺深從之累遷中書舍

人為承旨度又言祥符天聖間牧馬至十餘萬其後言

者以天下無事不可虛費遂廢八監然猶秦渭環階麟

府文州火山保德岢嵐軍歲市馬二萬二百匹補京畿

塞下之關自西鄙用兵四年所收三萬而已今河北河

東京東西淮南皆籍丁壯為兵請令民畜一戰馬者得

免二丁仍不升戶等則緩急有備而國馬蕃矣久之遷

端明殿學士知審刑院時江西轉運使移屬州凡市米

鹽鈔每百緡貼納錢三之一通判吉州李虞卿受財免

貼納事覺大理將以枉法論度曰枉法謂於典憲有所

阿曲虞卿所違者轉運使移文爾遂貸虞卿死帝嘗問

用人以資與才孰先度對曰承平時用資邊事未平宜

用才時度在翰林已七年而朝廷方用兵故對以此諫

官孫甫論度所言蓋自求柄用帝諭輔臣曰度在侍從

十五年數論天下事願未嘗及私甫安從得是語未幾

擢工部侍郎樞密副使言契丹嘗渝盟預備不可忽因

上慶曆兵錄及瞻邊錄明年參知政事會春早降秩中

書舍人踰月復官後二年衛士為變事連宦官楊懷敏

樞密使夏竦請御史與宦官同於禁中鞠之不可滋蔓

令反側者不自安度曰宿衛有變事關社稷此而可忍

孰不可忍請付外臺窮治黨與爭於帝前仁宗從竦言

度遂求解政事罷為紫宸殿學士兼侍讀學士御史何

邨言紫宸非稱官所宜改觀文殿學士知通進銀臺司

判尚書都省再遷尚書左丞卒贈吏部尚書諡文簡度

性清質不為威儀左右無姬侍喜論時事在經筵歲久

帝每以學士呼之而不名嘗問善龜占應之事乃對卜

筮雖聖人所為要之一技而已不若以古之治亂為監

又嘗示以欵器曰朕欲臨天下以中正之道度對曰臣

等亦願無傾滿以事陛下因奏太宗嘗作此器真宗亦

嘗著論於是帝製後述以賜之子諷集賢校理

張觀字思正絳州絳縣人少謹愿好學有鄉曲名中服

勤詞學科擢第一授將作監丞通判解州會鹽池吏以

贓敗坐失舉劾降監河中府稅復通判果州改祕書省

祕書郎仁宗即位累遷翰林學士知審官院左司郎中

以給事中擢御史中丞舉文彥博為御史時以為得人

宋史本傳不載學文彥會星流地震雷發正月詔求直

博事據東都事略增言觀上四事一曰知人二曰嚴禁三曰尚質四曰節用

河北大雨水又條七事曰導積水以廣播種緩催欠以

省禁錮寬刑罰以振淹獄收逃田以募歸復罷工役以

先急務止配率以阜民財通商旅以濟艱食復知審官

院遂拜同知樞密院事康定中西兵失利因議鄴兵

久之不決遂與王醜陳執中俱罷以資政殿學士尚書

禮部侍郎知相州徙澶州河壞孫陳瑋及浮梁州人大

恐或請趨北原以避水患觀曰太守獨去如州民何乃

躬率卒徒增築之隄完水亦退徙鄆州舊法京東通安

邑鹽而瀕海之地禁私煮觀上言利之所在百姓趨之

雖日殺於市恐不能止請弛禁以便民歲免贖配者不

可勝計歷知應天府孟州河南府以吏部侍郎兼御史

中丞父居業高年多病請便郡以觀文殿學士知許州

月餘拜右丞案東都事略丁父憂哀毀過人既練而卒

贈吏部尚書諡文孝觀性至孝初為祕書郎其父方為

州從事因上書願以官授父真宗嘉之以居業為京官

及觀貴居業繇恩至太府卿居業嘗過洛嘉其山川風

物曰吾得老於此足矣觀於是買田宅營林榭以適其

意早起奉藥膳然後出視事未嘗一日廢也趣尚恬曠

持廉少欲平生書必為楷字無一行草類其為人仁宗

飛白書清字賜觀以賞其節然於吏事非所長知開封

府民犯夜禁觀詰之曰有人見否眾傳以為笑云

鄭戡字天休蘇州吳縣人早孤力學客京師事楊億以

屬辭知名後復還吳億卒賓客弟子散去戡乃倍道會

葬舉進士擢甲科授太常寺奉禮郎簽書密國軍都事略作宣節度判官事召試學士院為光祿寺丞集賢校理通判越州遷改太子中允同知太常禮院直史館同修起居注以右正言知制誥判國子監選明經生講解經義徙知審官院遷起居舍人龍圖閣直學士權知開封府吏馮士元為姦利有告士元受賂藏禁書者鞫窮治之辭連宰相呂夷簡知樞密院盛度參知政事程琳遂逮捕夷簡子公綽公弼參劾其狀既而士元流海島度琳坐管交關士元罷去其餘繼罰者自御史中丞孔道輔天章閣待制龐籍又十餘人鞫敏強善聽決喜出不意獨假貸細民豪宗大姓繩治益急政有能迹徙權三司使復轉運使考課格分別殿最又句較三司出入得羨錢四百萬緡以右諫議大夫同知樞密院改樞密副使是時陝西用兵鞫請巡邊以圖破羌之策鞫與參知政事宋庠為宰相呂夷簡所忌與庠皆罷以資政殿學士知杭州錢塘湖漕民田數十頃錢氏納國後葑土墾塞且多所占冒湖水益狹發屬縣丁夫數萬閩之民賴其利事聞詔本郡歲治如詔法遷給事中徙鄆州又徙永興軍建言凡軍行所須願下有司相緩急折為三等非急罷去先是衙吏輸木京師浮渭泛河多漂沒既至則斥不中程往往破家不能償奏歲減二十餘萬又奏罷括糶以勸民積粟長安故都多豪惡鞫治之尚嚴甚者至黥竄人皆惕息未幾為陝西四路都總管兼經略安撫招討使駐涇州聽便宜從事遷尚書禮部侍郎時知慶州滕宗諒知渭州張亢過公用使錢鞫置於法行邊至鎮戎軍趣蓮花堡天寒與將佐置酒元昊擁兵近塞會暮塵起有報敵騎至者鞫曰此必三川將

按邊回非敵騎也已而果然及疆事少寧詔還知永興軍初靜邊砦主劉滬謀築水洛結二城以通秦渭援兵招生羌大王族為邊衛鞫使滬與著作佐郎董士廉督其役會罷鞫四路安撫使韓琦知渭州尹洙皆以為地在生羌間恐城未就而寇至召滬士廉罷役歸不聽乃使裨將狄青將兵以往械送德順軍獄戮力爭于朝卒城之進戶部侍郎資政殿大學士知并州契丹與元吳方交兵邊奏五上獨鞫不以問詔遣使問其故鞫曰敵自相攻中國不足憂也郵府閒有棄地曰草城川鞫募工人為弓箭手計口給田初兵興用不足河東行鐵錢山多炭鐵鼓鑄利厚重辟不能止鞫乃請三當一令既下兵民相扇動數千人邀走馬承受訴承中貴人不能遏又羣謀州門守門者拒不得入鞫聞悉召至庭下推首謀數千人案數千人應黥隸他州事乃定遷吏部侍郎改宣徽北院使拜奉國軍節度使卒贈太尉諡文肅鞫遇事果敢必行然憑氣近使用刑峻深士民多怨之

明鎬字化基密州安邱人大中祥符五年中進士第補

廬州防禦推官案東都事略作廣濟軍判官改大理寺丞薛奎領秦州辟為節度判官奎徙益州辟知錄事參軍程琳代奎為簽書節度判官就通判州事遷太常博士還朝仁宗問鎬所能奎稱其沈鷲有謀能斷大事除開封推官獻六元書進尚書禮部員外郎累遷兵部員外郎直史館益州路轉運使會歲饑民無積粟盜賊開發鎬為平勳價募民為兵人賴以安知陵州楚應幾賊敗或告以先期奏之鎬曰獲罪則已安可欺朝廷邪卒生失察降知同州會元昊寇廷州起為陝西轉運使敵破金明砦既

去議修復其城帥臣擁兵不即進而鎬止以百餘騎自督將士一月而成又常聞同州廂軍得材武者三百餘人教以強弩奏為清邊軍最驍悍其後陝西河東頗倣置之遷戶部郎中直昭文館知陝州徙江淮制置發運使未行會賊破豐州擢天章閣待制河東都轉運使修建寧中候百勝砦鎮川清塞堡凡五城以勞遷左司郎中明年擢龍圖閣直學士知并州鎬大巡邊以備賊時邊任多絀袴子弟鎬乃取尤不職者杖之疲軟者皆自解去遂奏擇習事者守堡若尋以樞密直學士左諫議大夫知成德軍入知開封府慶曆七年王則叛命鎬為體量安撫使城未下又命參知政事文彥博為宣撫使以鎬副之貝州平遷端明殿學士給事中權三司使諸將悉起遷都虞候士卒八千四百人第其功為五等每等遷一資彥博數推鎬功拜參知政事已而疽發背帝謂鎬曰鎬忠亮有勞及其未亂思一見之臨問惻然曰方賴卿謀國事何遽被疾鎬氣憊猶能頓首謝翌日卒年六十贈禮部尚書宋史本傳不載鎬年壽及贈諡卒年六十贈禮部尚書宋史本傳不載鎬年壽及贈諡

文烈鎬端挺寡言所至安靜有體而遇事不苟為世所推重王則者本涿州人歲饑流至恩州自賣為人牧羊後隸宣毅軍為小校恩冀俗妖幻相與習五龍瀉淚等經及圖識諸書言釋迦佛衰謝彌勒佛當持世初則去涿母與之訣別刺福字於其背以為記妖人因妄傳字隱起爭信事之而州吏張縉卜吉主其謀黨連德齊諸州約以慶曆八年正月斷檀州浮梁亂河北會其黨潘方淨以書謁北京留守賈昌朝事覺執鞫故不待期亟以七年冬至坂時知州張得一方與官謁天慶觀則率其徒劫庫兵得一走保驍捷營賊焚門執得一囚之兵

馬都監內殿承制田斌以從卒巷鬪不勝而出城扉闔
提點刑獄田京任黃裳持印棄其家縋城出保南關賊
從通判董元亨取軍資庫鑰元亨拒之殺元亨又出獄
囚囚有賊司理參軍王獎者遂殺獎旣而節度判官李
浩清河令齊開主簿王渙皆被害則僭號東平郡王以
張繼爲宰相卜吉爲樞密使建國曰安陽膺所居門曰
中京居室殿庫皆立名號改年曰得聖以十二月爲正
月百姓年十二以上七十以下皆涅其面曰宜軍破趙
得勝旗幟號令率以佛爲稱城以一樓爲一州書州名
闕補其徒爲州每面置一總管然總城下者日眾於是
令守者伍伍爲保一人總餘悉斬有州民汪文慶郭斌
趙宗本汪順者自城上繫書射鎬帳約爲內應夜垂縋
以引官軍旣內數百人焚樓櫓賊覺率眾拒戰初官軍
旣登欲專其功斷縋以絕後來者及與賊戰兵寡不敵
與文慶等復縋而下是夜城幾克則期正月十四日出
要劫契丹使謀者以告鎬遣殿侍安素伏兵西門賊果
以數百人夜出伏發皆就獲城峻不可攻乃爲距圍將
成爲賊所焚遂卽南城爲地道日攻其北牽制之及文
彥博至穴通城中選壯士中夜由地道入眾登城賊縱
火牛官軍以槍中牛鼻牛還攻之賊大潰開東門遁閭
門祇候張綯緣壕與戰死之總管王信捕得則其餘眾
保村舍皆焚死檻送則京師支解以徇則叛凡六十六
日

欽定續通志卷三百二十六

列傳

宋三十一

王堯臣

孫抃

田況

田錫

王禹偁

張詠

王堯臣字伯庸應天府虞城人舉進士第一授將作監丞通判湖州召試改秘書省著作郎

案歐陽修撰堯臣墓誌銘著作佐郎直集賢院會從父冲坐事出知光州父喪服除為三司度支判官再遷右司諫郭皇后薨議者歸罪內侍都知聞文應堯臣請窮治左右侍醫者不報時上元節有司張燈堯臣俟乘輿出即上言后已復位號今方在墳不當遊幸帝為罷張燈權知制誥同知通進銀臺司提舉諸司庫務知審刑院入翰林為學士知審官院陝西用兵為體量安撫使將行請曰故事使者所至稱詔存問官吏將校而不及於民自元昊反三年于今關中之民凋敝為甚請以詔勞來仍諭以賊平蠲租賦二年仁宗從之使還上言陝西兵二十萬分屯四路然可使戰者止十萬賊眾入寇常數倍官軍故三至而三勝涇原近賊巢穴最當要害宜先備之今防秋甚遽請益團土兵以二萬屯涇州為鎮戍山外之援萬人屯涇州為原渭聲勢二萬屯環慶萬人屯秦州以制其衝突且賊之犯邊不患不能入患不能出也若以精兵扼險強弩注射旁設奇伏且追且擊不敗何待賊屢乘戰勝重掠而歸諸將不能追擊者由兵寡而勢分也又論延州鎮戎軍涇州山外三賊之由皆為賊先據勝地誘致我師將帥不能據險擊歸而多倍道趨利兵方疲頓乃與生羌合戰遂致掩覆願敕邊吏常遠斥候遇賊至度遠近立

營若然後量敵奮擊毋得輕出詔以其言戒邊吏時韓琦坐好水川兵敗徙秦州范仲淹亦以擅復元昊書降耀州堯臣言二人者皆忠義習勇不當置之散地又薦種世衡狄青有將帥才明年賊果自鎮戎軍原州入寇敗葛懷敏乘勝掠平涼潘原關中震恐自邠涇以東皆閉壘自守仲淹自將慶州兵捍賊賊始引去仁宗思其言乃復以琦仲淹為招討使置府涇州益屯兵三萬人而使堯臣再安撫涇原初曹瑋開山外地置籠竿等四若募弓箭手給田使耕戰自守其後將帥失撫御稍侵奪之眾怨怒遂劫德勝若將姚貴閉城畔堯臣適過境上作書射城中諭以禍福眾遂出降乃為申明約束如舊而去既還上言韓琦范仲淹龐籍既為陝西四路都總管緣邊經畧安撫招討等使四路當粟節制而尚帶經畧使案東都事畧名者九人請逐路都總管副總管並罷經畧只充緣邊安撫使既而勝宗諒亦以為請遂罷之又言鄜延環慶路皆險固易守惟涇原自漢唐來為衝要之地自鎮戎軍至涇州沿涇河大川直抵涇邠畧無險阻難以捍防如郭子儀渾瑊常宿重兵守之自元昊叛命數年由此三入寇朝廷置帥府於涇州為控扼關陝之會頻經敗覆邊地空虛士氣不振願精擇將佐其新集之兵未經訓練宜易以舊人因論沿邊城砦控扼要害賊徑通屬及備禦輕重之策為五事上之又請廢涇原五州營田益置弓箭手及徹渾關樓櫓皆報可以戶部郎中案皇朝通志權三司使辟張溫之杜杞十餘人為副使判官案皇朝通志元昊罪重與而用益廣前為三司者皆厚賦暴斂甚者借內藏率富人家出錢下至果菜皆加稅而用益不足公始受命則曰今國與民皆破矣在陛下任臣如何由天子一聽公所為公乃推見財利出入盈縮曰此本也彼末也計其緩急

先而去其蠹餘之有根穴者斥其妄計小利之害大體者然後一為條目使就法度罷副使判官不可用者十五人更薦用才且賢者數百萬人不加賦而用足明年以其餘贖內藏所借者數百萬其明年其餘贖於有司者數千萬而所在流庸稍復其業此段事蹟時入內都知張永和建議收民鐵舍錢十之三以助軍費堯臣入對曰此衰世之事召怨而攜民唐德宗所以致朱此之亂也度支副使林淮畏永和附會其說堯臣奏黜淮議乃定夔州路轉運使請增鹽井歲課十餘萬籍堯臣以為上恩未嘗及遠人而反牟取厚利適足以釁怨罷之遷翰林承旨兼端明殿學士為羣牧使母喪服除轉右諫議大夫加給事中拜樞密副使會儂智高反請析廣西宜容邕州為三路週蠻入寇三路會支郡郡兵掩擊令經畧安撫使守貴州以統制馬益募澄海忠敢士軍分屯運全永道三州米以餉之罷遣北兵遠戍時狄青經制嶺南詔青審議以為便居樞密三年務裁抑微倖於是其有縷匿名書傳布京城者仁宗不以為疑也嘉祐元年拜戶部侍郎參知政事久之帝欲以為樞密使而當制學士胡宿固抑之乃進吏部侍郎卒贈尚書左僕射諡文安堯臣以文學進典內外制十餘年其為文詞溫麗執政時嘗與宰相文彥博富弼劉沆勸帝早立英宗為嗣為詔草挾以進未果立元豐三年子水部員外郎同老進遺稿論文功帝以訪文彥博具奏本末遂加贈太師中書令改諡文忠以同老為祕閣校理

孫抃字夢得眉山人六世祖長孺喜藏書號書樓孫氏子孫以田為業至抃始讀書屬文中進士以大理評事通判絳州召試學士院除太常丞直集賢院為開封推官判三司開折司同修起居注以右正言知制誥遷起居舍人翰林學士兼侍讀學士史館修撰累遷尚書吏

田況字元善高平人舉進士第授開封府推官知開封府事

田錫字齊賢華州人舉進士第授開封府推官知開封府事

王禹偁字巨源巨野人舉進士第授開封府推官知開封府事

張詠字晦之長安人舉進士第授開封府推官知開封府事

韓琦字持國華州人舉進士第授開封府推官知開封府事

范仲淹字希文汝州人舉進士第授開封府推官知開封府事

龐籍字曼卿高郵人舉進士第授開封府推官知開封府事

姚貴字元之汝州人舉進士第授開封府推官知開封府事

龐籍字曼卿高郵人舉進士第授開封府推官知開封府事

姚貴字元之汝州人舉進士第授開封府推官知開封府事

龐籍字曼卿高郵人舉進士第授開封府推官知開封府事

姚貴字元之汝州人舉進士第授開封府推官知開封府事

龐籍字曼卿高郵人舉進士第授開封府推官知開封府事

姚貴字元之汝州人舉進士第授開封府推官知開封府事

龐籍字曼卿高郵人舉進士第授開封府推官知開封府事

姚貴字元之汝州人舉進士第授開封府推官知開封府事

部郎中抃雖久處顯要罕所建明皇祐中以右諫議大夫權御史中丞制下諫官韓絳論奏抃非糾繩才不可

任風憲抃即上疏曰臣觀方今士人趨進者多廉退者少以善求事為精神以能許人為風采捷給若膏夫者

謂之有議論刻深若酷吏者謂之有政事諫官所謂才者無乃謂是乎若然臣誠不能也仁宗察其言趣視事

且命知審官院抃辭以任言責不當兼事局乃止在臺數言事不為矯激尤喜稱薦人才帝欲除入內都知王

守忠領武靈軍節度使抃奏罷之温成皇后葬以劉沆為監護使抃奏沆為宰相不當為后妃護葬喪事時又

議為后建陵立廟抃率官屬言非禮因相與請對固爭不能得伏地不起帝為改容遣之御史請罷宰相梁適

未聽抃奏曰適在相位上不能持平權衡下不能篤訓子弟言事官數論奏未聞報罷適無以慰物論宰相陳

執中婢為嬖妾張氏撈殺置獄取證左執中弗遣有詔勿推抃論列疏十上適執中卒皆罷改翰林學士承旨

復兼侍讀學士帝讀史記龜策傳問古人動作必繇此乎對曰古有大疑既決於己又詢於眾猶謂不有天命

乎於是命龜以斷吉凶所謂謀及乃心謀及卿士謀及庶人謀及卜筮蓋聖人貴誠不專人謀歟與神契然後

為得也帝善其對遷禮部侍郎抃久居侍從泊如也人為得長者既而樞密副使程戡罷帝欲用舊人即以命

抃歲中參知政事抃性篤厚寡言質畧無威儀居兩府年益耄於事無所可否又善忘語言舉止好事者至傳

以為口實御史韓穎彈奏之罷為觀文殿學士同羣牧制置使復兼侍讀學士英宗即位進戶部侍郎告老以太子少傅就第卒

以其年十一月十七日薨子四人長玉國子博贈太子太保諡文懿

田況字元均其先冀州信都人晉亂祖行周沒于契丹父延昭景德中脫身南歸性沈鷲教子甚嚴累官至太

子率府率況少好讀書舉進士甲科補江陵府推官遷祕書省著作佐郎舉賢良方正授太常丞通判江寧府

趙元昊反夏竦經畧陝西辟為判官擢直集賢院時竦與韓琦尹洙等畫上攻守二策朝廷將用攻策范仲淹

議未可出師況疏言不可或有七乞召兩府大臣定議但令嚴設邊備若有侵掠即出兵邀擊或賊界謹自守

備不必先用輕舉如此則全威制勝有功而無患也於是罷出師議況又言治邊十四事遷右正言專供諫職

權修起居注遂知制誥嘗面奏事論及政體帝頗以好名為非意在遵守故常況退而著論上之其畧曰名者

由實而生非徒好而自至也堯舜三代之君非好名者而鴻烈休德倬若日月不能纖晦者有實美而然也設

或謙弱自守不為愾閱睿明之事則名從而晦矣雖欲好之豈可得耶陛下倘奮乾剛明聽斷則有英睿之名

行威令攝姦兇則有神武之名斥奢汰革風俗則有崇儉之名澄允濫輕會傲則有廣愛之名悅亮直惡巧媚

則有納諫之名務咨詢達壅蔽則有勤政之名責功實抑偷幸則有求治之名今皆非之不為則天下何所望

以平乎抑又聖賢之道曰名教忠諫之訓曰名節羣臣諸儒所以尊輔朝廷紀綱人倫之大本也陛下從而非

之則教化微節義廢無耻之徒爭進而勸沮之方不行矣豈聖人率下之意耶時邊奏契丹修天德城及多章堡皆況意其畜謀入侵乃上疏曰朝廷兩府大臣皆宗

廟社稷天下生民所望而繫安危者每旦垂拱之對不過目前政事數條非陛下待輔臣意亦非輔臣所以慰

朝廷之意也今北敵桀慢河朔將佐之良愚中兵之善窳道路之夷險城壘之堅蔽軍政之是否財糧之多少

在兩府輔臣實未有知之者萬一變發所忽制由中出少有差跌則事不測矣如前歲蕭英劉六符始來和議

未決中外惶擾不知為計和議既定又復恬然是豈得為安哉願因燕閒召執政大臣於便殿訪逮時政專以

慮患為急則旦夕憂思不敢少解同心協力必有所為今不以此為務而日以委瑣之事更相辨對議者羞為

臣叨備近列實係朝廷休戚惟陛下不以人廢言尋為陝西宣撫副使除龍圖閣直學士知成德軍徙秦州進

樞密直學士知渭州徙益州自李順王均之亂蜀守得便宜決事雖小罪并其家內徙流離怨憤况察其非甚

者釋之聽斷之明蜀人以此張詠遷給事中召為御史中丞未至復為樞密直學士權三司使既又以為龍圖

閣學士翰林學士況約景德會計錄以今財賦所入多于景德而其出又多于舊者為皇社會計錄上之冀帝

節用除禮部侍郎三司使至和元年擢樞密副使以疾乞免除尚書右丞觀文殿學士兼翰林侍讀學士提舉

景靈宮以太子少傅致仕卒年五十九贈太子太保諡曰宣簡況喜持論多朝廷先務而切于時事者如策元

吳勢屈納款必令盡還延州侵地毋過許歲幣并入中青鹽請戮陝西沼沒主將隨行親兵其論甚偉然不盡

行也案宋史本傳後半原有開文自龍圖閣直學士後事畧纂輯較為始契丹寇澶州畧得數百人以屬其父延昭延昭哀之悉縱去因自脫歸中國延昭生八男子

多知名況長子也保州之役况抗殺降卒數百人朝廷壯其決後大用之然卒無子以兄子為後案隆平集作弟之子至

安為後與本傳互異

田錫字表聖嘉州洪雅人幼聰悟好讀書屬文楊徽之宋白皆厚遇之為之延譽是聲稱翕然太平興國三年進士高等釋褐將作監丞通判宣州遷著作郎京西北路轉運判官改左拾遺直史館錫好言時務既居諫官即上疏獻軍國要機者一朝廷大體者四其畧曰頃歲王師平太原未賞軍功迄今二載幽燕竊據固當用兵雖稟宸謀必資武力願陛下因郊禋耕藉之禮議平晉之功則駕馭戎臣莫茲為重此要機也今交州未下戰士無功春秋所謂老師費財者也臣聞聖人不務廣疆土惟務廣德業聲教遠被自當來賓願陛下務修德以來遠無鈍兵以挫銳又何必以蕞爾蠻夷上勞震怒乎此大體之一也今諫官不聞廷爭給事中不聞封駁左右史不聞升陞軒記言動豈聖朝美事乎又御史不敢彈奏中書舍人未嘗訪以政事集賢院雖有書籍而無職官祕書省雖有職官而無圖籍臣願陛下擇才任人使各司其局苟職業修舉則威儀自嚴此大體之二也爾者尚書省湫隘郎曹無本局尚書無廳事九寺三監寓天街之兩廊貢院就武成王廟是豈太平之制度邪臣願陛下別修省寺用列職官此大體之三也案獄官令枷杻有短長鉗鎖有輕重尺寸斤兩並載刑書未聞以鐵為枷杻也昔唐太宗觀明堂圖見人之五藏皆麗於背遂減笞刑況隆平之時將措刑不用於法所無去之可矣此大體之四也疏奏優詔褒答僚友謂錫曰今日之事鮮矣宜少晦以遠讒忌錫曰事君之誠惟恐

不竭矧天植其性豈為一賞奪邪時趙普為相令有司受羣臣章奏必先白錫貽書於普宋史本傳必先白曰者白宰相非白錫以為失至公之體普引告謝之名宋

言行錄載趙普嘗國錫謁之日公以元勳當國宜事損檢令羣臣書奏先經中書既非尊王之體諫官章疏令閣門填狀尤弱臺憲之風皆不便普引告六年為河北正容厚謝皆罷之云云語更全備明晰

六年為河北轉運副使驛書言邊事其畧曰願申飭將帥慎固封守勿尚小功許通互市俘獲蕃口撫而還之如此不出五載河朔之民得務農業亭障之地可積軍儲然後待其亂而取之則克乘其衰而兵之則降既心服而忘歸則力省而功倍自國家圖燕以來連兵未解財用不得不耗人心不得不憂願陛下精思慮決取舍無使曠日持久窮兵極武焉書奏上帝嘉之七年徙知相州改右補闕復上章論事明年移睦州睦州人舊阻禮教錫建孔子廟表請以經籍給諸生詔賜九經自是人知向學會文明殿災又拜章極言時政轉起居舍人還判登聞鼓院上書請封禪以本官知制誥尋加兵部員外郎端拱二年京畿大旱錫上章有調變倒置語忤宰相罷為戶部郎中出知陳州坐稽留殺人獄責授海州團練副使後徙單州召為工部員外郎復論時政闕失俄詔直集賢院至道中復舊官真宗嗣位遷吏部出使秦隴還連上章言陝西數十州苦于靈夏之役生民重困帝為戚然命同知審官院兼通進銀臺封駁司與魏廷式聯職以議論不協求罷出知秦州會彗星見拜疏請責躬以答天戒再召見便殿及行降中使撫諭仍加優賜咸平三年詔近臣舉賢良方正翰林學士承旨宋白以錫應詔還朝屢召對言事錫嘗奏曰臣願陛下以皇王之道治天下舊有御覽但記分門事類臣請鈔畧四部別為

御覽三百六十卷萬幾之暇日覽一卷經歲而畢又采經史要切之言為御屏風十卷置展座之側則治亂興亡之鑒常在目矣真宗善其言詔史館以羣書借之每成書數卷即先進內錫乃先上御覽三十卷御屏風五卷各為序以見意五年再掌銀臺覽天下奏章有言民饑盜起及詔赦不便者悉條奏其事帝對宰相稱錫得爭臣之體即日以本官兼侍御史知雜事擢右諫議大夫史館修撰連上八疏皆直言時政得失六年冬病卒年六十四遺表勸上以慈儉守位以清淨化人居安思危在治思亂帝覽之惻然謂宰相李沆曰田錫直臣也朝廷少有闕失方在思慮錫之章奏已至矣若此諫官亦不可得嗟惜久之特贈工部侍郎案范仲淹撰錫墓朝累贈兵錄其二子名慶述慶餘並為大理評事錫耿介寡合未嘗趨權貴之門居公庭危坐終日無懈容慕魏徵李絳之為人以盡規獻替為已任嘗曰吾立朝以來章疏五十有二皆諫臣任職之常言苟獲從幸也豈可藏副示後謗時實直邪悉命焚之然性凝執治郡無稱

王禹偁字元之濟州鉅野人世為農家九歲能文畢士安見而器之太平興國八年擢進士授成武東都事畧作武城

主簿徙知長洲縣就改大理評事端拱初太宗聞其名召試擢右拾遺直史館賜緋故事賜緋者給塗金銀帶上特命以文犀帶寵之即日獻端拱箴以寓規諷時北庭未寧訪羣臣以邊事禹偁獻禦戎十策以為外則合兵勢而重將權罷小臣詞選邊事行間謀離其黨遣趙保忠折御卿率所部以犄角下詔感勵邊人使知取燕

蕪舊疆非貪其土地內則省官以寬經費抑文士以激

武夫信用大臣以資其謀不貴虛名以戒無益禁游惰以厚民力帝深嘉之又與夏侯嘉正羅處約杜鎬表請同校三史書多所釐正二年親試貢士召禹偁賦詩立就帝悅曰此不踰月遍天下矣即拜左司諫知制誥是冬京城旱禹偁疏云一穀不收謂之饑五穀不收謂之饑饑大夫以下皆損其祿饑則盡無祿廩食而已今早雲未霽宿麥未茁既無積蓄民饑可憂望下詔直云君臣之間政教有闕自乘輿服御下至百官奉料非宿衛軍士邊庭將帥悉第減之上答天譴下厭人心俟雨足復故臣朝行中家最貧奉最薄亦願首減奉以贖耗蠹之咎外則停歲市之物內則罷工巧之伎近城掘土侵冢墓者瘞之外州配隸之眾非賊盜者釋之然後以古者猛虎渡河飛蝗越境之事戒敕州縣官吏其餘軍民刑政之弊非臣所知者望委宰臣裁議頒行但感人心必必召和氣未幾判大理寺廬州妖尼道安誣訟徐鉉道安當反坐有詔勿治禹偁抗疏雪鉉請論道安罪坐貶商州團練副使歲餘移解州四年召拜左正言上以其性剛直不容物命宰相戒之直宏文館求補郡以便奉養得知單州至郡十五日召為禮部員外郎再知制誥屢獻討李繼遷便宜以為繼遷不必勞力而誅自可用計而取宜明數繼遷罪惡曉諭蕃漢重立賞賜高與官資則繼遷身首不梟即擒矣其後潘羅支射死繼遷夏人款附卒如禹偁言至道元年召入翰林為學士知審官院兼通進銀臺封駁司詔命有不便者多所論奏孝章皇后崩遷梓宮于故燕國長公主第羣臣不成服禹偁與客言后嘗母儀天下當遵用舊禮坐謗詆罷為工部郎中知滁州初禹偁嘗草李繼遷制送馬五十四匹為

潤筆禹偁却之及知滁閩人鄭褒徒步來謁禹偁愛其儒雅為買一馬或言買馬虧價者太宗曰彼能却繼遷五十馬顧肯虧一馬價哉移知揚州真宗即位遷秩刑部會詔求直言禹偁上疏言五事一曰謹邊防通盟好使輦運之民有所休息二曰減冗兵併冗吏使山澤之饒稍流於下三曰艱難選舉使入官不濫四曰沙汰僧尼使疲民無耗五曰親大臣遠小人使忠良塞謬之士知進而無疑姦佞傾巧之徒知退而有懼疏奏召還復知制誥咸平初預修太祖實錄直書其事時宰相張齊賢李沆不協意禹偁議論輕重其間出知黃州作三黜賦以見志三年濮州盜夜入城署知州王守信監軍王昭度禹偁聞而奏疏畧曰自五季亂離各據城壘豆分瓜剖七十餘年太祖太宗削平僭偽天下一家當時議者乃令江淮諸郡毀城隍收兵甲徹武備者二十餘年書生領州大郡給二十人小郡減五人以充常從號曰長吏實同旅人名為郡城蕩若平地雖則尊京師而抑郡縣為強幹弱枝之術亦匪得其中道也臣比在滁州值發兵挽漕關城無人守禦止以白直代主開閉城池類圯鎧仗不完及徒維揚稱為重鎮乃與滁州無異嘗出鎧甲三十副與巡警使臣毀弩張弓十損四五蓋不敢擅有修治上下因循遂至於此今黃州城雉器甲復不及滁揚萬一水旱為災盜賊竄發雖思禦備何以枝梧蓋太祖削諸侯跋扈之勢太宗杜僭偽覬覦之心不得不爾其如設法救世久則弊生救弊之道在乎從宜今江淮諸州大患有三城池墮圯一也兵仗不完二也軍不服習三也濮賊之興慢防可見望陛下特許江淮諸郡酌民戶眾寡城池大小並置守捉軍士多不過五

百人閱習弓劍然後漸葺城壁繕完甲冑則郡國有禦侮之備長吏免剽畧之虞矣帝嘉納之四年州境二虎鬪其一死食之殆半羣鷄夜鳴經月不止冬雷暴作禹偁手疏引洪範傳陳戒且自劾帝遣內侍乘驛勞問醮禱之詢日官云守土者當其咎帝惜禹偁才是日命徙斬州禹偁上表謝有宣室鬼神之間不墜生還茂陵封禪之書止期身後之語帝異之果至郡未踰月而卒年四十八帝甚悼之厚賻其家賜一子出身禹偁詞學敏贍遇事敢言喜臧否人物以直躬行道為己任嘗云吾若生元和時從事於李絳崔羣間斯無媿矣其為文著書多涉規諷以是頗為流俗所不容故屢見擯斥所與游必儒雅後進有詞藝者極意稱揚之如孫何丁謂輩多游其門子嘉祐嘉言俱知名嘉祐為館職寇準曰吾尹京外議云何對曰人言丈人且入相準曰於吾子意何如嘉祐曰以愚觀之不若為相之善也相則譽望損矣自古賢相所以能建功業澤生民者其君臣相得如魚之有水故言聽計從而臣主俱榮今丈人負天下重望相則中外有太平之責焉丈人於明主能若魚之有水乎準大喜執其手曰元之雖文章冠天下至於深識遠慮或不逮吾子也嘉祐官不顯嘉言以進士第為江都簿真宗嘗觀禹偁奏章嗟美切直因訪其後宰相以嘉言聞即召對擢大理評事仁宗時為殿中侍御史曾孫汾舉進士甲科仕至工部侍郎入元祐黨籍張詠字復之濮州鄆城人案韓琦撰詠神道碑載世本公葬其先於鄆城人少負氣不拘小節雖貧賤客遊未嘗故為鄆之鄆城人下人太平興國五年郡舉進士議以詠首薦有夙儒張覃者未第詠與寇準致書郡將薦覃為首眾許其能讓

是歲詠登進士乙科以大理評事知鄂州崇陽縣崇陽民以茶為業詠曰茶利厚官將權之不若拔茶種桑民以為苦其後權茶他縣失業而崇陽之桑已成爲絹歲萬匹民以殷富案宋名臣言行錄增纂再遷著作佐郎以蘇易簡薦入爲太子中允遷祕書丞通判麟相二州乞掌濮州市征以便養俄召還知浚儀縣案神道碑載監濮州會稅俄遷知開封府李沆未混寇準薦其才以爲荆湖北路轉運使奏罷歸峽二州水遞夫就轉太常博士太宗聞其強幹召還超拜虞部郎中與向敏中並擢爲樞密直學士同知銀臺通進封駁司兼掌三班院張永德爲并代部署有小校犯法笞之至死詔案其罪詠封還詔書且言陛下方委永德邊任若以一部校故推辱主帥臣恐下有輕上之心太宗不從未幾果有營兵脅訴軍校者詠引前事爲言太宗改容勞之出知益州廣武卒劉玠作亂蜀州招安使上官正總兵攻討緩師不進詠以言激正勉其親行案長編李順搆亂在淳化五年正月王繼恩破李順計者廣武卒劉玠之亂在至道三年八月是時王繼恩已爲謀廢立事發責授右監門衛將軍均州安置玠兩人無同時用兵討亂事本轉以劉玠之亂爲李順搆亂而于詠激正親行又牽連王繼恩在內兩事混而爲一茲據仍盛爲供帳餞之酒酣舉爵屬軍校曰汝曹蒙國厚恩此行當直抵寇壘平蕩醜類若老師曠日即此地還爲爾死所矣正由是決行深入大致克捷時寇掠之際民多脅從詠移文諭以朝廷恩信使各歸田里且曰前日李順脅民爲賊今日吾化賊爲民不亦可乎民間訛言有白頭翁午後食人兒女一郡騷然至暮路無行人旣而得造訛者戮之民遂帖息初蜀士知向學而不樂仕宦詠察郡人張及李畋張達者皆有學行爲鄉里所稱遂敦勉就舉而三人者悉登科士由是知

勸民有謀訴者詠灼見情僞立爲判決人皆厭服好事者編集其辭錄板傳布案宋名臣言行錄引湘山野錄云公每斷事有精輕法重情重法輕者必爲判語讀以示之蜀人鑿板謂詠曰詢君之戒民集大抵以敦風俗篤孝義爲本也詠嘗曰詢君子得君子詢小人得小人各就其黨詢之則無不審矣其爲政恩威並用蜀民畏而愛之丁外艱起復改兵部郎中眞宗即位加左諫議大夫咸平初入拜給事中戶部使改御史中丞二年同知貢舉是夏以工部侍郎出知杭州屬歲歉民多私鬻鹽以自給捕獲犯者數百人詠悉寬其罰而遣之官屬請曰不痛繩之恐無以懲詠曰錢塘十萬家飢者八九苟不以鹽自活一旦蜂聚爲盜則爲患深矣秋成當仍舊法有民家子與姊婿訟家財婿言妻父臨終此子裁三歲故見命掌實產且有遺書令異日以十之三與子餘七與婿詠覽之索酒醉地曰汝妻父智人也以子幼故託汝苟以七與子則子死汝手矣亟命以七給其子餘三給婿人皆服其明斷移知永興軍府五年馬知節自益徙延州朝議擇可代者眞宗以詠前在蜀治行優異復命知益州仍加刑部侍郎樞密直學士就遷吏部侍郎轉運使黃觀上其治狀有詔褒美會遣謝壽巡撫西蜀帝因令傳諭詠曰得卿在蜀朕無西顧憂尋歸朝復掌三班領登聞檢院詠中歲塲生腦頰妨巾櫛求知穎州眞宗以其公直有時望再任益部皆以政績聞不當蒞小郡令中書召問將委以青杜或眞定令其自擇詠辭不就遂命知昇州大中祥符初加左丞三年州民以詠秩滿借留轉工部尚書令再任是秋以江左旱歉命充昇宣等十州安撫使進禮部帝聞詠腦塲甚憫之令薛映馳驛代還以疾未見詠恨不得面陳所蘊乃抗論言近年虛國帑藏竭

生民膏血以奉無用之土木皆賊臣丁謂王欽若啟上侈心之爲也不誅死無以謝天下章三上出知陳州初詠與青州傅霖少同學霖隱不仕詠既顯求霖者三十年不可得至是來謁聞吏曰傅霖請見詠責之曰傅先生天下賢士吾尚不得爲友汝何人敢名之霖笑曰別子一世尙爾邪是豈知世間有傅霖者乎詠問昔何隱今何出霖曰子將去矣來報子爾詠曰詠亦自知之霖曰知復何言翼日別去後一月而詠卒年七十贈左僕射諡忠定詠剛方自任爲治尙嚴猛嘗有小吏忤詠械其頸吏恚曰非斬某此枷終不脫詠怒其忤卽斬之案宋名臣言行錄引語錄云公性剛毅因責決一吏彼被辭不伏公曰這的莫要吃劍彼云決不得吃劍則得公牽出斬之以徇軍吏愕以相顧自是服公少學擊劍之威信令出必行與此語雖有異事願相同少學擊劍慷慨好大言樂爲奇節有士人遊宦遠郡爲僕夫所持且欲得其女爲妻士人者不能制詠遇於傳舍知其事卽陽假此僕爲馭單騎出近郊至林麓中斬之而還嘗謂其友人曰張詠幸生明時讀典墳以自律不爾則爲何人邪又其言曰事君者廉不言貧勤不言苦忠不言已效公不言已能斯可以事君矣眞宗嘗稱其材任將帥以疾不盡其用自號乖崖以爲乖則違眾崖不利物云弟誥爲虞部員外郎案宋神宗撰詠行狀云子從質以父任累遷至衛尉丞居公之喪一月天發而天

欽定續通志卷三百二十七

列傳

宋三十二

掌禹錫

蘇紳

王洙 欽臣

胥偃

聶冠卿

馮元

趙師民

張錫

張揆

尹洙

孫甫

謝絳

葉清臣

楊察

掌禹錫字唐卿許州郟城人進士第為道州司理參軍試身言書判第 大理寺丞累遷尚書屯田員外郎通判并州擢知廬州未行丁度薦為侍御史上疏請嚴備西羌時議舉兵禹錫引周宣薄伐為得漢武遠討為失且建畫增步卒騎騎兵舊法薦舉邊吏貪賦皆同坐禹錫奏謂使貪使愚用兵之法也若舉邊吏必兼責士節則莫敢薦矣材武者孰從而進哉後遂更其法出提點河東刑獄杜衍薦召試為集賢校理改直集賢院兼崇文院檢討歷三司度支判官同管勾國子監數考試開封國學進士命題皆奇奧士子憚之目為難題掌公遷光祿卿改直祕閣英宗即位自祕書監遷太子賓客御史劾禹錫老疾不任事帝憐其博學多記令召至中書示以彈文禹錫惶怖自請遂以尚書工部侍郎致仕卒禹錫矜慎畏法居家動儉嘗預修皇祐方域圖志地理新書奏對帝前王洙推其稽考有勞賜三品服好儲書所記極博然迂漫不能達其要云

蘇紳字儀甫泉州晉江人天禧中進士及第歷宜復安三州推官改大理寺丞再遷太常博士舉賢良方正科擢尚書祠部員外郎通判洪州徙揚州歸上十議進直

史館為開封府推官三司鹽鐵判官時眾星西流并代地大震方春而雷詔求直言紳上疏極言時事安化蠻蒙光月率眾寇宜州敗官軍殺鈐轄張懷志等六人紳上言曰國家比以西北二邊為意鮮復留意南方故有今日之患臣頃從事宜州粗知本末安化地幅員數百里持兵之眾不過三四人然而敢肆侵擾非恃其險絕亦由往者守將失計至使乘隙蹂躪邊屠殺將吏其損國威無甚于此彼六臣者雖不善為馭自致喪敗然銜冤負恥富有以刷除臣觀蠻情所恃者地形險扼據高臨下大軍難以並進然其壤土磽确資蓄虛乏刀耕火種以為餼糧其勢可以緩圖不可以速取可以計覆不可以力爭廣東西教閱忠敢澄海湖南北雄武等軍皆慣涉險阻又所習兵器與蠻人畧同請速發詣宜州策應而以他兵代之仍命轉運使備數年軍食今秋冬之交嵐氣已息進軍據其出路轉粟補卒為曠日持久之計何得便利即圖深入可以傾蕩巢穴杜絕蹊逕使進無鈔畧之獲退無攻守之備然後諭以國恩許以送款而徙之內郡收其土地募民耕種異時足以拓外夷為屏蔽也仍詔旁近諸蠻諭以朝廷討叛之意毋得相為聲援如獲首級即優賞以金帛不越一年逆寇必就殄滅况廣西嶮峒荆湖川峽蠻落甚多大抵好為騷動因此一役必皆震讐朝廷施用其策遣馮仲已守桂州經制之蠻遂平又陳便宜八事一曰重爵賞二曰慎選擇三曰明薦舉四曰異服章五曰適才宜六曰擇將帥七曰辨忠邪八曰修預備書奏帝嘉納之進史館修撰擢知制誥入翰林為學士再遷尚書禮部郎中王素歐陽修為諫官數言事紳忌之會京師闕雨紳請對言洪

範五事言之不從是謂不义厥咎僭厥罰常賜蓋言國之號令不專于上威福之柄或移臣下虛譁憤亂故其咎僭又曰庶位踰節之謂僭刑賞妄加羣陰不附則陽氣勝故其罰常賜今朝廷號令有不一者庶位有踰節而陵上者刑賞有妄加于下者下人有謀而僭上者紳意以指諫官諫官亦言紳舉御史馬端非其人改龍圖閣學士知揚州復為翰林學士史館修撰權判尚書省紳銳于進取善中傷人陰中王德用其疏至有宅枕乾岡貌類藝祖之語帝惡之匿其疏不下遂出紳以吏部郎中改侍讀學士集賢殿修撰知河陽徙河中未行感疾卒紳博學多知喜言事嘗請罷連日視朝復唐制朔望喚仗入閣間開便殿延對輔臣寬制舉科格以收才傑選命諫員勿侵御史職事趙元昊反請詔邊帥為入討之計且曰以十年防守之費為一歲攻取之資不爾則防守之備不止于十年矣又曰今邊兵止備陝西恐賊出不意窺河東即麟府不可不慮宜稍移兵禦之麟延與原州鎮戎軍皆當賊衝而兵屯眾寡不均或寇原州鎮戎軍則麟延能應援陝西屯卒太多承興為關隴根本而戍者不及三千宜留西戍之兵壯關中形勢緩急便于調發郡縣備盜不謹請增尉員益弓手籍其論利害甚多紳與梁適同在兩禁人以為險詖故語曰草頭木腳陷人倒卓子訟別有傳

王洙字原叔應天宋城人少聰悟博學記問過人初舉進士與郭禎同保人有告禎冒祖母禱主司欲脫洙連坐之法召謂曰不保可易也洙曰保之不願易遂與禎俱罷天聖二年登進士第再舉中甲科補舒城縣尉坐覆縣民鍾元殺妻不實免官後調富川縣主簿晏殊留

守南京厚遇之薦為府學教授召為國子監說書改直講校史記漢書撰史館檢討為天章閣侍講累遷太常博士同管勾國子監預修崇文總目成遷尙書工部員外郎修國朝會要加直龍圖閣權同判太常寺坐赴進秦院賽神與女妓雜坐為御史劾奏黜知濠州徙襄州會貝卒叛州郡皆恟恟襄佐史請罷教閣士不聽又請毋給眞兵洙曰此正使人不安也命給庫兵教閣如常日人無敢譁者徙徐州時京東饑朝廷議塞商胡賦健薪輸半而罷塞洙命更其餘為穀粟誘願輸者以舖流民因募其壯者為兵得千餘人盜賊衰息有司上其最為京東第一徙亳州復為天章閣侍講史館檢討帝將祀明堂宋祁言明堂制度久不講洙有禮學願得同具其儀詔遷洙太常再遷兵部員外郎命撰大饗明堂記除史館修撰遷知制誥諸儒定雅樂久未決洙與胡瑗更造鐘磬而無形制容受之別皇祐五年有事于南郊勸帝用新樂既而議者多非之卒不復用夏竦卒賜諡文獻洙當草制封還其目曰臣下不當與僖祖同諡因言前有司謚王溥為文獻章得象為文憲字雖異而音同皆當改于是太常更謚竦文莊而溥得象皆易諡嘗言天下田稅不均請用郭諮孫琳千步開方法頌州縣以均其稅貴如張氏農治喪皇儀殿追冊温成皇后洙鈞摭非禮陰與內侍石全彬附會時事陳執中劉沆在中書喜其助已擢洙為翰林學士既而温成即園立廟且欲用樂詔禮院議禮官論未一洙令禮直官填印紙上議請用樂朝廷從其說禮官吳充鞠直柳移文開封府治禮直官擅發印紙罪知府蔡襄釋不問而諫官范鎮疏禮院議園陵前後不一請詰所以御史繼論之

不已宰相意充等風言者皆罷斥既而洙以兄子堯臣參知政事改侍讀學士兼侍講學士罷一學士換二學士且兼講讀前此未嘗有也是歲京東河北秋大稔洙言近年邊糴增虛價數倍雖復稍延日月而終償以實錢及山澤之物以致三司財用之匱請借內藏庫禁錢乘時和糴京東河北之粟以供邊食可以坐紓便糴之急又言近時選諫官御史凡執政之臣嘗所薦者皆不與選且士之傷身勵行稍為大臣所知反置而不用甚可惜也洙汎覽傳記至圖緯方技陰陽五行算數音律詰訓篆隸之學無所不通卒年六十一累官至尙書吏部郎中宋史本傳不載其年壽并所止賜諡曰文御史吳中復言洙官不應得諡乃止子欽臣按隆平集載洙臣曾臣墓誌載子男五人長叟臣早卒次力臣太常寺大稅次欽臣祕書省正字次陟臣將作監主簿次曾臣官某

欽臣字仲至清亮有志操以文贊歐陽修修器重之用蔭入官文彥博薦試學士院賜進士及第歷陝西轉運副使元祐初為工部員外郎奉使高麗還進太僕少卿遷祕書少監開封尹錢勣入對哲宗言比閱書詔殊不滿人意誰可為學士者勣以欽臣對哲宗曰章惇不喜乃以勣為學士欽臣領開封改集賢殿修撰知和州徙饒州斤提舉太平觀徽宗立復待制知成德軍卒年六十七欽臣性嗜古藏書數萬卷手自讐正世稱善本胥偃字安道潭州長沙人少力學河東柳開見其所為文曰異日必得名天下大中祥符五年舉進士甲科授大理評事通判胡舒二州直集賢院稍遷太常丞知開封縣與御史高升試府進士既封彌卷首輒發視擇有名者居上降祕書省著作佐郎監光化軍酒起通判鄧州復太常丞修起居注累遷尙書刑部員外郎知制誥遷工部郎中入翰林為學士權知開封府忻州地震偃以為地震陰之盛今朝廷改政不專上出而後官外戚恩澤日蕃此陽不勝陰之效又宜選將練師以防邊塞有衛卒駱庫吏求揀冬衣坐繫者三十餘人時八月霜雪暴至偃推洪範急恒寒若之咎請從末減奏可西塞用兵士卒妻子留京師者犯法當死帝不忍用刑或欲以毒置飲食中令得善死偃極言其不可帝亦悔而止宦人程智誠與三班使臣馮文顯八人抵罪帝使赦智誠三人而文顯五人坐如法偃曰恤近遺遠非政也況同罪異罰乎詔并釋之未幾卒偃未仕時家有良田數十頃既貴悉以子族人初天下職田無日月之限而赴官者多以前後為斷假請水陸田各限以月因著為令嘗與謝絳受詔試中書吏而大臣有以簡屬偃者偃不敢發視亟焚之歐陽修始見偃偃愛其文召置門下妻以女子元衡有學行能自立為尙書都官員外郎并其子茂誠咸早卒偃妻直史館方約之妹與元衡婦韓茂

下無事蹟今從別
然無事蹟今從別
史宋

議冠卿字長孺歙州新安人舉進士授連州軍事推官

楊億愛其文章大臣交薦之召試學士院校勘館閣書

籍遷大理寺丞為集賢校理通判蘄州坐嘗校十代興

亡論謬誤落職再遷太常博士復集賢校理言天下旬

奏獄雖咎杖並覆而徒流不繫獄者適不以聞非所以

矜慎刑罰之意請自今罷覆笞杖罪自徒以上雖不繫

獄亦奏覆從之判登聞鼓院累遷尙書工部郎中翰林

院侍講學士馮元修大樂命冠卿檢閱事迹又預撰景

祐廣樂記特遷刑部郎中直集賢院以兵部郎中知制誥判太常禮院糾察刑獄奉使契丹契丹主謂曰君家先世奉道子孫固有昌者嘗觀所著新春集詞極清麗因自擊毬縱飲命冠卿賦詩禮遇甚厚還同知通進銀臺司審刑院入翰林為學士母憂起復判昭文館兼侍讀學士冠卿每進讀左氏春秋必引尊王黜霸之義以諷一日陸笏上前帝憫冠卿喪毀羸瘠未幾以葬親告歸至揚州卒詔以其弟太常博士世卿通判宣州初世卿監延豐倉掘地得古磚有隸書字半漫滅其可辨者云公先世餌霞樓雲高尚不仕累石於江濱又云昭王大丞相聶又云水龍夜號夕難駭飛其年九月十二日卒年五十有五冠卿始見而惡之至是校所卒歲月及其享年無少異者冠卿嗜學好古手未嘗釋卷尤工詩馮元字道宗高祖禧唐末官廣州以術數仕劉氏傳三世案東都事畧云三至父邠廣南平入朝為保章正元幼從崔頊正孫奭為五經大義與樂安孫質吳陸參謀夏侯圭善羣居講學或達旦不寢號四友進士中第授江陰尉時詔流內銓取明經者須學官元自薦通五經謝必領銓詰之曰古人治一經或至皓首子尚少能盡通邪對曰達者一以貫之更問疑義辨析無滯補國子監講書遷大理評事擢崇文院檢討兼國子監直講王旦聞其名嘗令說論語老子羣子弟侍聽因薦之真宗試進士殿中召元講易泰卦元進說曰地天為泰者以天地之氣交也君道至尊臣道至卑惟上下相與則可以輔相天地財成萬化帝悅未幾遷太子中允直龍圖閣詔預內朝直龍圖閣預內朝自此始案東都事畧隆平集俱云直閣閣名蓋始此不言預內朝宋神皇帝為壽春郡王王旦撰元行狀亦云直閣蓋由公始

又薦元宜講經資善堂帝以元少更用崔遵度會遵度卒擢左正言兼太子右諭德仁宗即位遷戶部員外郎為直學士兼侍講與孫奭以經術並進講論自是仁宗益嚮學同判國子監故事國子監多宿儒典領後頗用公卿子弟任均管庫及奭元並命士議悅服同知貢舉進龍圖閣學士預修三朝正史為翰林學士史館修撰四遷給事中明道元年嘗監護宸妃葬事及帝親政追冊宸妃為莊懿皇后改葬永定陵既發瘞而流泉沮如言者以監護不職罷翰林學士知河陽東都事畧作罷知揚州王曾為言元東朝舊臣不宜以細故棄外即召為翰林侍講學士遷禮部侍郎知審官院復判禮院國子監上金華五箴賜書褒答修景祐廣樂記書成遷戶部侍郎足疾氣愕屬李淑宋祁為銘志卒年六十三宋史本傳謂載元之傳請元行狀增贈本部尚書諡章靖元性簡厚不治聲名非慶弔未嘗過謁二府執親喪自括髮至祥練皆案禮變服多識古今臺閣品式之事尤精易初七歲方讀易母夜夢異人以紺蓮華與元吞之且曰善讀此後必貴顯案行狀載是夕夢公吞紺蓮夫人且而撫公曰元且若兒善讀此後必貴顯據此且字是且字之誤元且若率三日一誦易無子以兄之子為後案宋祁撰元行狀載子四人孝某登卒彥治太康主簿與宋史本傳異

反罷進講師民上書陳十五事曰咨輔相命將帥簡侍從擇守宰治軍旅修邊防求諫諍延講誦革貢舉久官政謹財用不遺年容諱諂除忌諱慎出令因獻勸講箴明年復命講經史師民見朝廷厭兵屈意以招元吳內不能平乃上言請任方面以圖報効嘗講詩如彼泉流曰水之初出喻王政之發順行則通通故清潔逆亂則壅壅故濁敗賢人用則王政通而世清平邪人進則王澤壅而世濁敗帝曰水何以喻政對曰水者順行而潤下利萬物故以喻政此于比興義最大講論語問修文德曰文者經天緯地之總稱君人之道撫之以仁制之以義接之以禮講之以信皆是帝曰然其所先者無若信也曰信者天下之大本仁義禮樂皆必由之此實至道之要復問鑽燧改火曰古之聖王舉動必順天時近世漸務苟簡以為非治具而遂廢之至其萬事皆不如今又問子夏子張所言交道執勝曰聖哲之道舍覆廣大與天地參善者有以進德惡者俾之改行子張之言為優他日讀漢記問長安城眾莫能知師民陳自古都雍年世舊址所在若畫諸掌在經筵十餘年甚見器異累請補郡除龍圖閣直學士知耀州帝自寫詩龍行目以儒林舊德將行上疏曰近觀太陽食于正朔此雖陰陽之事亦慮是天意欲以感動聖心臣非瞽史不知天道但率愚意言之凡天之示象由人君有失不然則下蔽其上古人君之失不過暴虐怠慢奢侈縱放不師古始捨是何失道之有今聖心慈仁恭勤儉約自檢動循典禮如此自非下蒙上邪捷正使主恩不下究而誰之咎歟望陛下朝夕咨于丞弼心膺之臣洎左右近侍耳目之官其忠而純者與之慎簡內外百執事及州縣

牧宰使主恩究于下不為羣邪所蔽塞則億兆之幸也
三遷刑部郎中復領宗正卒師民清靜剛敏舉止凝重
東都事畧云師民經行道 幼喪父哀感不畜婢妾年四
懿然舉止疎野與此互異 十四始婚志尚清遠專以讀書為事性極慈恕勤于吏
治政有惠愛嘗奏蠲陝西早租又欲論權酷諸弊會仁
宗不豫而止嘗患近世官失其守作正官名議于彥若
試中書舍人

張錫字既之其先京兆人曾祖山甫嘗從唐僖宗入蜀
蜀平徙家漢陽錫進士甲科為試祕書省校書郎知南
昌縣遷著作郎知新州初建學于州自是人始知學再
遷太常博士詔選能吏治畿縣乃以錫知東明始至令
其下曰吾所治者三強恃力富恃貴刑恃贖者吾所先
也歲中以治迹聞樞密直學士李及薦為監察御史丁
謂貶崖州議還內地錫疏謂姦邪弄國本與天下共棄
之今復還是違天下意由是徙雷州玉清昭應宮災連
繫甚眾錫言天災反以罪人恐重天怒願修德以應之
會論者眾獄遂解遷殿中侍御史改尚書兵部員外郎
還判度支勾院為京東轉運使淄青齊濮鄆諸州人冒
耕河壩地數起爭訟錫命籍其地收租絹歲二十餘萬
訟者亦息累遷右諫議大夫知審官院進翰林侍讀學
士判太常寺國子監卒年六十八

宋史本傳不載錫之
年壽據歐陽修撰錫
墓誌 贈尚書工部侍郎錫滴重清約雖貴奉養如少賤
時讀書老而彌篤初舉廣文館進士考官任隨以為第
一及隨死無子錫屢贖其家子子駿子雲皆為大理評
事子諒大理寺丞

宋史本傳不載錫有子
據歐陽修撰錫墓誌增
張揆字貫之其先范陽人後徙齊州擢進士第為北海
縣尉改大理寺丞以疾解官十年不出戶讀易因通揚

雄太元經陳執中安撫京東薦揆經明行誼召為國子
監直講徙諸王府侍講以尚書度支員外郎直史館權
三司戶部判官上所著太元集解數萬言詔對邇英閣
令揆著得斷首且言斷首準易之夫蓋以陽剛決陰柔
君子進小人退之象仁宗悅擢天章閣待制兼侍讀累
遷右諫議大夫進龍圖閣直學士給事中判太常寺一
日進讀漢馬后傳至服大練抑止外家因言今妃族太
盛不可不裁損使保其家帝嘉納之詔改王溥諡有議
欲為文忠者揆曰溥周之宰相國亡不能死安得為忠
乃諡為文康加翰林侍讀學士知審刑院出知齊州卒
贈尚書禮部侍郎揆性剛狷少容闕于世務然好讀書
老而不倦與弟揆相友愛揆為龍圖閣直學士

宋史
楊安國傳安國仁宗朝侍
經筵最久無蹟可錄今從刪
尹洙字師魯河南人少與兄源俱以儒學知名舉進士
歷河南府戶曹參軍安國軍節度推官

案東都事畧及
歐陽修撰洙墓
誌韓琦撰洙墓表
知光澤縣舉書判拔萃改山南東道
節度掌書記知伊陽縣有能名用大臣薦

宋史
云王晦叔薦
其召試為館閣校勘遷太子中允會范仲淹貶救勝朝
堂戒百官為朋黨洙上奏曰仲淹忠亮有素臣與之義
兼師友則是仲淹之黨也今仲淹以朋黨被罪臣不可
苟免宰相怒落校勘復為掌書記監唐州酒稅

伐吳秦然不以兩河為顧是趙魏足以制之明矣并寇
既平悉天下銳專力契丹不能攬尺寸地頃嘗以百萬
眾駐趙魏詎敵退莫敢抗世多咎其不戰然我輩負城
有內顧心戰不必勝不勝則事亟矣故不戰未嘗咎也
原其弊在兵不分設兵為三壁于爭地犄角以疑其勢
設覆以待其進邊壘素固驅民以守之俾其兵頓堅城
之下乘間夾擊無不勝矣制敵在謀不在眾以趙魏燕
南益以山西民足以守兵足以戰分而帥之將得專制
就使偏師挫衄他眾尚奮詎能繫國安危哉息成篇畧
曰今西北涇原頰靈秦鳳鄜延四帥成卒十餘萬平世
屯戍且猶若是後雖有他警不可一日輟去是十萬眾
有增而無損期也國家厚利募人入粟傾四方之貨然
無水漕之運所輓致亦不過被邊數郡爾歲不常登廩
有常給頃年亦嘗稍置矣倘其乘我薦饑我必濟師饋
饟當出于關中則未戰而西陲已困可不慮哉按唐府
兵上府千二百人中府千人下府八百人為今之計莫
若籍丁民為兵擬唐置府頗損其數又今邊鄙雖有鄉
兵之制然止極塞數郡民籍寡少不足備敵料京兆西
北數郡上戶可十餘萬家中家半之當得兵六七萬民幸
於庶宗樂然隸籍農隙講事登材武者為什長隊正盛
秋旬閱常若寇至以關內河東勁兵傳之盡罷京師禁
旅慎簡守帥分其統專其任分統則兵不重專任則將
益勵堅其守衛習其形勢積粟多教士銳兵志所謂無
恃其不來恃吾有以待之其廟勝之策乎又為迷亨審
斷原刑敦學矯察考績廣課凡雜議共九篇上之趙元
昊反大將葛懷敏辟為經畧判官洙雖用懷敏辟尤為
經畧使韓琦所深知頃之劉平石元孫戰敗朝廷以夏

案洙墓
誌墓表
酒稅徙唐州西北久安洙作敘燕息成二篇以為武備
不可弛其敘燕篇畧曰戰國世燕最弱雖勝敗異術大
概論其強弱燕不能加趙趙魏一則燕固不敵唐三盜
連衡百餘年虜未嘗越燕侵趙魏是燕獨能支虜也自
燕入于契丹勢日熾大顯德世雖復三關尚未盡燕南
地國初始與并合勢益張然止命偏師備禦王師伐蜀

志五
一四四

疎爲經畧安撫使范仲淹韓琦副之復以洙爲判官洙數上疏論兵請便殿召對二府大臣議邊事及講求開寶以前用兵故實特出睿斷以重邊計又請減併柵壘召募土兵省騎軍增步卒又上齋爵令時詔問攻守之計竦具二策令琦與洙詣闕奏之帝取攻策以洙爲集賢校理洙遂趨延州謀出兵而仲淹持不可還至慶州會任福敗於好水川因發慶州部將劉政銳卒數千趨鎮戎軍赴救未至賊引去夏竦奏洙擅發兵降通判濠州當時言者謂福之敗由參軍耿傳督戰太急後得傳書乃戒福使持重毋輕進洙以傳文吏無軍責而死于行陣又爲時所誣遂作憫忠辨誣二篇未幾韓琦知秦州辟洙通判州事加直集賢院上疏曰國家西有不臣之虜北有強大之鄰非特閭巷賊盜之勢也自西夏叛命四年邊塞苦數擾內地疲遠輸兵久于外而休息無期卒有乘弊而起兵法所謂雖有智者不能善其後當此之時陛下宜夙夜憂懼所以慮事變而塞禍源然未聞以宗廟爲憂危亡爲懼此賤臣所以感憤于邑而已也何者今命令數更恩寵過濫賜與不節此三者因循不革弊壞日甚夫命令者人主所以取信于下也異時民間朝廷降一命令皆疎視之今則不然相與竊語以爲不久當更既而信然命令遂以日輕于下命令輕則朝廷不尊矣又聞羣臣有獻忠謀者陛下始甚聽之後復一人沮之則意移矣忠言者以信之不能終賴自誦其謀以爲無益此命令數更之弊也爵賞陛下所持之柄也近時外戚內臣以及士人或因緣以求恩澤從中而下謂之內降臣聞唐氏政衰或母后專制或妃主擅朝樹恩私黨名爲斜封今陛下威柄自出外戚內臣

賢而才者當與大臣公議而進之何必襲斜封之弊哉且使大臣從之則壞綱紀不從則沮德音壞綱紀忠臣所不忍爲沮德音則威柄輕于上且盡公不阿朝廷所以責大臣今乃自以私昵撓之而欲責大臣之不私難矣此恩寵過濫之弊也賜予國家所以勸功也近年以來嬪御及伶官大醫之屬賜予過厚民間傳言內帑金帛陛下用之不甚愛惜疎遠之人誠不能知內府豐匱之數但見取于民者日煩即知畜于公帑者不厚臣亦知國家自西方宿兵用度浸廣帑藏之積未必悉爲賜予所費然下民不可家至而戶曉往歲間邊將王珪以力戰賜金則無不悅服或見優人所得甚厚則往往憤歎人情不可不察此賜予不節之弊也臣所論三事皆人人所共知近臣從諛而不言以至今日方今非獨四夷之爲患朝政日弊而陛下不寤人心日危而陛下不知故臣願先正于內以正于外然後忠謀漸進綱紀漸舉國用漸足士心漸奮邊境之患庶乎息矣仁宗嘉納之改太常丞知涇州以右司諫知渭州兼領涇原路經畧公事會鄭戢爲陝西四路都總管遣劉滬董士廉城水洛以通秦渭援兵洙以爲前此屢困于賊者上由城若多而兵勢分也今又益城不可奏罷之時戢已解四路而秦滬等督役如故洙不平遣人再召滬不至命張忠往代之又不受于是論狄青械滬士廉下吏戢論奏不已卒徙洙慶州而城水洛又徙晉州遷起居舍人直龍圖閣知澠州會士廉詣闕上書訟洙詔遣御史劉滬就鞫不得他罪案宋名臣言行錄引南豐雜識云仲淹居渭州時事遂置械滬劉滬亦爲人希時卒意攻以偏提給銀有記而收偏提無籍龍圖當得罪死洙洙曰此不足以致洙罪也以銀爲偏提用某工校主之附而洙籍可取視之是問籍果然知不能害嘆息而已

洙以部將孫用由軍校補邊自京師貨息錢到官亡以償洙惜其才可用恐罷去假公使錢爲償之又以爲嘗自貨坐貶崇信軍節度副使天下莫不以爲混文致之也徒監均州酒稅感疾卒年四十七嘉祐中宰相韓琦爲洙言乃追復故官及官其子構洙內剛外和博學有識度尤深于春秋自唐末歷五代文格卑弱至宋初柳開始爲古文洙與穆修復振起之其爲文簡而有法自元昊不庭洙未嘗不在兵間故于西事尤練習其爲兵制之說述戰守勝敗盡當時利害又欲訓士兵代戍卒以減邊費爲禦戎長久之策皆未及施爲而元昊臣洙亦去得罪矣

孫甫字之翰許州陽翟人少好學日誦數千言慕孫何爲古文章初舉進士得同學究出身爲蔡州汝陽縣主簿再舉進士及第爲華州推官轉運使李紘薦其才遷大理寺丞知絳州翼城縣杜衍辟爲永興司錄凡吏職纖末皆倚甫辦甫曰待我以此可以去矣衍聞之不復以小事屬甫衍與燕語甫必引經以對言天下賢俊歷評其才性所長衍曰吾辟屬官得益友諸生亦多從甫學問徒知永昌縣監益州交子務再遷大常博士蜀用鐵錢民苦轉實重故設法書紙代錢以便市易轉運使以爲造交子多犯法欲廢不用甫曰交子可以偽造錢亦可以私鑄私鑄有犯錢可廢乎但嚴治之不當以小仁廢大利後卒不能廢衍爲樞密副使薦于朝授祕閣校理是歲詔三館臣僚言事甫進十二事按祖宗故實校當世之治有所不逮者論述以爲諷諫名三聖政範改右正言知諫院時河北降赤雪河東地震五六年不止甫推洪範五行傳及前代變驗上疏曰赤雪者赤青

也人君矜緩之應晉太康中河陰降赤雪時武帝忘于政事荒宴後宮每見臣下多道常事不及經國遠圖故招赤省之性終致晉亂地震者陰之盛也陰之象臣也後官也四夷也三者不可過盛過盛則陰為變而動矣唐高宗本封于晉及即位晉州經歲地震宰相張行成言恐女謁用事大臣陰謀宜制于未萌其後武昭儀專恣幾移唐祚天地災變固不虛應陛下救紓緩之失莫若自主威福時出英斷以懾姦邪以肅天下救陰盛之變莫若外謹戎備內制後宮此應天之實也時契丹西夏稍強後宮張修媛寵幸大臣專政甫以此諫焉又言修媛寵幸市恩禍漸已萌夫后者正嫡也其餘皆婢妾爾賤賤有等用物不宜過僭帝曰用物在有所恨不知爾甫曰世謂諫臣耳目官所以達不知若所謂前世女禍者載在書史陛下可自知也夏國乞盟甫上一利四害曰宿兵以來國用空耗今若與之約和則邊兵可減科斂可省其為利一也始契丹聲言嘗遣使諭西人使臣中國今和議既成必恃其功去歲有割地之請朝廷已增歲路矣若更有將安拒之其為害一也承平四十年武事不飭及邊鄙有警而用不習之將不練之兵故久無成功然比來邊臣中材謀勇健者往往復出方在講訓不懈以張中國之威一旦因議和弛備復如曩日緩急必不可用其為害二也自元昊拒命終不敢深入關中者以嘉勒斯養等族不附慮為後患也今中國與之和獲歲遺之厚彼必專力以制二蕃強大之勢自茲為始其為害三也且朝廷持久安之勢法令紀綱弛而不葺及西戎累敗王師始議更張以救前弊今見戎人請和苟貪無事他時之患不可救矣其為害四也

凡利害之機願陛下熟圖之又言張子奭使夏州回元昊復稱臣然乞歲賣青鹽十萬石兼欲就京師互市諸物仍求增歲給之數臣以為西鹽數萬石其直不下錢十餘萬緡況朝廷已許歲賜二十五萬若又許其賣鹽則與遺契丹物數相當使契丹聞之則貪得之心生矣兼聞張子奭言元昊自拒命以來收結人心鈔掠所得旋給其眾兵力雖勝用度隨窘當此之時尤宜以計困之安得汲汲與和曲徇其請乎時陝西經畧招討副使韓琦判官尹洙還朝甫建議請詔琦等條四路將官能否為上中下三等黜其最下者保州兵變前有告者大臣不時發之甫因言樞密副使當得罪死乃杜衍也邊將劉滬城水洛于渭州總管尹洙以滬違節度將斬之大臣稍主洙議甫以謂水洛通秦渭于國家為利滬不可罪由是罷洙而釋滬衍屢薦甫洙與甫數善者而甫不少假借其鯁亮不私如此甫嘗言參知政事陳執中不學亡術不可用帝難之由是求補外不許其後秦丁度因對求進用帝曰度未嘗請也度乞與甫辯且指甫為宰相杜衍門人乃以右司諫出知鄧州澧安州歷江南東路兩浙轉運使范仲淹知杭州多以便宜從事甫曰范公大臣也吾屈于此則不得伸于彼矣一切繩之以法然退未嘗不稱其賢再遷刑部郎中天章閣待制河北都轉運使留為侍讀卒特贈右諫議大夫甫性勁果善持論著唐史記每言唐君臣行事以推見當時治亂若身履其間而聽者曉然如目見之時人言終日讀史不如一日聽孫論也

謝絳字希深其先夏陽人祖懿文為杭州鹽官縣令葬富陽遂為富陽人父濤以文行稱進士起家為梓州權鹽院判官李順反成都濤嘗畫守禦計賊平以功遷觀察推官權知華陽縣亂亡之後田廬荒廢詔有能占田而倍入租者與之於是腴田悉為豪右所占流民至無所歸濤收詔書悉以田還主改祕書省著作佐郎知興國軍還以治行召對長春殿命試學士院會契丹內侵真宗議親征時曹濮多盜而契丹聲言趨齊鄆以濤知曹州屬縣賦稅多輸雖助兵食是歲潦百姓苦于轉送濤悉留不遣奏曰江淮漕運日過睢陽可取以餉軍願留漕賦蘇廣濟河以饋京師轉運使論以為不可詔從濤奏嘗使蜀還舉所部官三十餘人宰相疑以為多濤曰有罪願連坐之奉使舉官連坐自濤始久之用馮拯薦復召試以尚書兵部員外郎直史館兼兼侍御史知雜事真宗山陵靈駕所經道路有司請悉壞城門廬舍以過車輿象物濤言先帝車駕封祀儀物大備猶不聞有所毀撤且遺詔從儉薄今有司治明器侈大以勞州縣非先帝意願下少府裁損之進直昭文館累官至太子賓客絳以父任試祕書省校書郎舉進士甲科授大常寺奉禮郎知汝陰縣楊億薦絳文章召試擢祕閣校理同判太常禮院仁宗即位遷太常博士建議請以真宗配感生帝翰林學士承旨李維以為不可尋出通判常州天聖中天下水旱蝗起河決滑州絳疏請下詔引咎損大官之膳避路寢之朝許士大夫斥諱上聞議切時病罷不急之役省無名之斂勿崇私恩更進直道宣德流化以休息天下仁宗嘉納之會修國史以絳為編修官史成遷祠部員外郎直集賢院時濤官兩京且老矣因請便養通判河南府又論唐室麗正史官之局並在大明華清宮內太宗皇帝肇修三館更立祕閣于

昇龍門左親爲飛白書額作贊刻石閣下景德中國書
寢廣真宗皇帝又益以內帑四庫二聖數嘗臨幸親加
勞問遞宿廣內者有不時之召人人力道術究藝文知
天子尊禮甚勤而名臣高位繇此其選也往者遭選延
燻未遑中葺或引兩省故事別建外館直舍卑喧民欄
叢接太官衛尉供饑滋削陛下未嘗迂翠華降玉趾寥
寥冊府不聞輿馬之音曠有日矣議者以爲慕道不篤
於古待士少損于前士無延訪之勤而因循相尙不自
激策文雅漸敝竊爲聖朝惜之願闕內館以恢景德之
制詔可絳雖在外猶數論事奏言近歲不逞之徒托言
數術以先生處士自名秃巾短褐內結權倖外走州邑
甚首矯誣詔書傲忽官吏請嚴禁止嘗以累敕賜封號
者追還之還權開封府判官徙三司度支判官再遷兵
部員外郎上言邇來用物滋侈賜予過制禁中須索去
年計爲緡錢四十五萬自今春至四月已及二十餘萬
比裁節費用而有司移文但求咸平景德簿書簿書不
存則無所措置臣以爲不若推近及遠遞考歲用而裁
節之不必咸平景德爲準也又言號令數變則虧國體
利害偏聽則惑聰明請者務欲各行而守者患于不一
請罷內降凡詔令皆由中書樞密然後施行因進聖治
箴五篇以父憂去服除權知制誥判吏部流內銓太常
禮院吏部擬官舊視職田有無不問多寡以是不均絳
爲覈其實以多寡爲差其有名而無實者皆不用人以
爲便初改判禮院爲知禮儀事自絳建請使契丹還請
知鄆州距州百二十里有美陽堰引瀋水瀦公田水來
遠而少利不及民濱堰築新土爲防俗謂之堰者大小
又十數歲數壞輒調民增築奸人蓄薪芟以時其急往

往盜決堰百姓苦之絳按召信臣六門堰故迹距城三
里壅水注鉗廬陂溉田至三萬頃請復修之可罷州人
歲役以水與民未就而卒年四十六絳以文學知名一
時爲人修潔醞藉所至大興學舍嘗請諸郡立學在河
南修園子學教諸生自遠而至者數百人好施宗族喜
賓客以故卒之日家無餘貲子景初景温景平景回景
温中進士第歷知河陽景平好學終祕書丞按宋史此
景温附傳無事
蹟足錄今從刪
葉清臣字道卿蘇州長洲人幼敏異好學善屬文天聖
二年舉進士知舉劉均奇所對策擢第二宋進士以策
擢高第自清臣始授太常寺奉禮郎簽書蘇州觀察判
官事東都事畧作簽書還爲光祿寺丞集賢校理通判
平江軍節度判官還爲光祿寺丞集賢校理通判
太平州知秀州人判三司戶部勾院改鹽鐵判官上言
九事請遣使循行天下詢民疾苦察吏能否與大學選
置博士許公卿大臣子弟補學生重縣令諸科舉人取
名大義責以策問省流外官無得人仕聽武臣終三年
喪罷度僧廢讀經一業訓兵練將慎出令簡條約出知
宣州累遷太常丞同修起居注判三司鹽鐵勾院進直
史館是冬京師地震上疏曰十二月二日丙夜京師地
震移刻而止定襄同日震至五日止壞廬寺殺人畜
凡十之六大河之東彌千五百里而及都下誠大異也
屬者災或犯南斗治歷者相顧而駭陛下憂勤庶政方
夏黍稷而一歲之中災變仍見必有下失民望上戾天
意者故垂戒以啟迪清衷而陛下徒使內侍走四方治
佛事修道科非所謂消復之實也頃范仲淹余靖以言
事被黜天下之人齷舌不敢議朝政者行將二年願陛
下深自咎責延忠直敢言之士庶幾明威降鑒而善應

來集也書奏數日仲淹等皆得近從會詔求直言復上
疏言大臣專政仁宗嘉納之尋請外爲兩浙轉運副使
濱太湖有民田豪右據上游水不得泄而民不敢訴嘗
建請疏盤龍漚瀆瀆港入于海民賴其利以右正言知
制誥知審官院判國子監時陝西用兵上言當今將不
素蓄兵不素練財無久積小有邊警外無驍將內無重
兵舉西北二陲觀之若薄落大瓠外示雄壯其中空洞
了無一物脫不幸戎馬猖突腹內諸城非可以計術守
也自元昊僭竊因循至于延州之寇中間一歲矣而屯
戍無術資糧不充窮年畜兵了不足用連監牧馬未幾
已虛使蚩蚩之氓無所倚而安者此臣所以致致憂大
瓠之穿也今羌戎稍却變詐亡窮豈宜乘卽時之小安
忘前日之大辱若又泰然自處則後視今猶今之視前
也元昊圖延州既解去鈴轄內侍盧守勳與通判計用
章更訟于朝時內侍用事者多爲守勳游說朝廷議薄
守勳罪而流用章嶺南清臣上疏曰臣聞眾議延州之
圍盧守勳首對范雍號泣遣李康伯見元昊爲偷生之
計計用章以爲事急不若退保鄜州李康伯遂有死難
不可出城見賊之語自元昊退守勳懼金明之失二將
之沒朝廷歸罪邊將又思倉卒之言一旦爲人所發則
禍在不測遂反覆前議移過於人先爲奏陳冀望取信
正如黃德和誣奏劉平欲免退定之罪尋聞計用章亦
疏斥守勳事狀詔元彥博擅劾未分曲直而遽罪用章
康伯特赦守勳此必有結中人以惑聖聽者設用章有
退保之言止坐畏懼而守勳謀見賊之行乃是歸款二
者之責孰重孰輕望詔彥博鞫正其獄其後獄具守勳
纔降湖北兵馬都監時西師未解急於經費中書進擬

三司使清臣初不在選中帝曰葉清臣才可用擢為起居舍人龍圖閣學士權三司使公事始奏編前後詔敕使吏不能欺簿帳之叢尤者一切刪去內東門御厨皆內侍領之凡所呼索有司不敢問乃為合同以檢其出入清臣與宋庠鄭戩雅相善為呂克簡所惡出知江甯府踰年入翰林為學士知通進銀臺司勾當三班院丁父憂言者以清臣為知兵請起守邊及服除宰相陳執中素不悅之按涑水記開云執中之為相也葉清臣為翰林學士草其制誥少所褒美又云執中自諫官在遷乘舟東下清臣自兩浙罷官歸道中相避而爭泊舟之地涑水記開作是有隙即除翰林侍讀學士知邠州按涑水記開作是道由京師因請揚州移知汾州對改澶州進尚書戶部郎中知青州徙知承興軍浚三白渠溉田踰六千頃仁宗御天章閣召公卿出手詔問當世急務清臣問之為條對極論時政闕失其言多劇切權貴且曰陛下欲息奔競此弊中書若宰相裁抑奔競之流則風俗醇厚人知止足宰相用儉佞之士則貪榮冒進激成渾波向有職在管庫日趨走時相之門入則取街談巷言以資耳目出則竊廟謨朝論以驚流輩一旦皆擢職司以酬所任比日人士競踵此風出入權要之家時有三尸五鬼之號乃列館職或置省曹且臺諫官為天子耳目今則不然盡為宰相肘腋宰相所惡則摺以微瑕公行擊搏宰相所善則從而唱和為之先容中書政令不平賞罰不當則箝口結舌未嘗敢言人主纖微過差或宮闈小事即極言過當用許為直供職未逾歲時遷擢已加常等宋禧為御史勸陛下宮中畜犬設棘以為守衛朝朝體取笑四夷不加詞譴擢為諫官王達兩為湖南江西轉運使所至苛虐誅剝百姓徒配無辜特以宰相故舊不次授擢遂有河北之行如

此是長奔競也其他所列利害甚眾會河決商湖北道艱食復以為翰林學士權三司使舊制有三司使權使公事而清臣所除止言權使自是分三等焉以戶部副使向傳式不職奏請出之皇祐元年帝御便殿訪近臣以備邊之策清臣上對畧曰詔問北使詣闕以伐西戎為名即有邀求何以答之臣聞誓書所載彼此無求況元昊叛邊累年致討契丹坐觀金鼓之出豈有毫髮之助今彼國出師輒求我助好盟違約不亦甚乎若使辯捷之人判其曲直要之一戰以破其謀我直彼曲豈不憚服苟不知咎或肆侵陵方河朔災傷之餘野無廬舍我堅壁自守縱令深入其能久居既無所因之糧則亟當遁去然後選擇驍勇遏絕歸師設伏出奇邀擊首尾若不就擒亦且大敗矣詔問輔弼之能方面之才與夫帥領偏裨當今孰可以任此者臣以為不患無人患有入而不能用爾今輔弼之臣抱忠義之深者莫如富弼為社稷之固者莫如范仲淹諸古今故事者莫如夏竦議論之敏者莫如鄭戩方面之才嚴重有紀律者莫如韓琦臨大事能斷者莫如田況剛果無顧避者莫如劉渙宏達有方畧者莫如孫沔至于帥領偏裨貴能坐運籌策不必親當矢石王德用素有威名范仲淹深練軍政龐籍久經邊任皆其選也狄青范全順能馭眾蔣偕沈毅有術畧張元佃儻有膽勇劉貽孫材武剛斷王德基純怒勁勇此可補偏裨者也詔謂朔方災傷軍儲缺乏此則三司失計置轉運使不舉職也且如施昌言承久弊之政方欲竭慮辦職事一與買昌朝違戾遂被移徙軍儲何由不乏自去年秋八月計度市糴而昌朝執異議仲春尚未與奪財賦何緣得豐先朝置內帑本

備非常今為主者之吝自分彼我緩急不以為備則臣不知其所為也至于粒食之重轉徙為難豪民誣誤使得入粟以免杖笞必能速辦夫能儉嗇以省費漸致于從容德音及此天下之福也比日多以卑官職請厚奉俸門日開賜予無藝若令有司率循舊規庶幾物力亦獲寬弛詔問戰馬乏絕何策可使足用今欲不費而馬立辦莫若賦馬于河北河東陝西京東西五路上戶一馬中戶二戶一馬養馬者復其一丁如此則坐致戰馬二十萬匹不為難矣時清臣以河北乏兵食自汴漕米絳河陰輸北道者七十餘萬又請發大名庫錢以佐邊糴而安撫使買昌朝格詔不從清臣固爭且疏其跋扈不臣宰相方欲兩中之乃從昌朝鄭州罷清臣為侍讀學士知河陽卒贈左諫議大夫清臣天資英邁遇事敢行奏對無所屈郭承祐妻舒王元偁女封郡主給奉及承祐為殿前副都指揮使妻以不加封請增月給清臣執奏不可仁宗曰承祐不可妻又諸王女當行之清臣曰是終為微幸遂卷其奏置懷中不行數上書論天下事陳九議十要五利皆當世可行者子均為集賢校理楊察字隱甫其先晉人從唐僖宗入蜀家于成都至其祖鈞始從孟昶歸朝鈞生居簡仕真宗時至尚書都官員外郎嘗官廬州遂為合肥人居簡生察景祐元年舉進士甲科除將作監丞通判宿州遷祕書省著作郎直集賢院出知穎壽二州人為開封府推官判三司鹽鐵度支勾院修起居注歷江南東路轉運使屬吏以察年少易之及行部數摘奸隱眾始畏伏察在部專以舉官為急務人或議之察曰此按察職也苟捨拾羨餘則俗吏之能何必我哉召為右正言知制誥權判禮部貢院

時上封者請罷有司糊名考士及變文格使爲放軼以襲唐體察謂防禁一潰則奔競復起且文無今昔惟以體要爲宗若肆其澶漫亦非唐氏科選之法議遂寢晏殊執政以妻父嫌換龍圖閣待制尋復知制誥拜翰林學士權知開封府擢右諫議大夫權御史中丞論事無所避會詔舉御史建言臺屬供奉殿中巡糾不法必得通古今治亂良臣今舉格太密坐細故皆置不取恐英偉之士或有所遺御史何邴以論事不得實中書問狀察又言御史故事許風聞今以疑似之間遽被詰問臣恐臺諫官畏罪緘默非所以廣言路也又數以言事忤宰相陳執中未幾坐前在府失出笞罪雖去官猶罷知信州徙揚州復爲翰林侍讀學士又兼龍圖閣學士知永興軍加端明殿學士知益州再遷禮部侍郎復權知開封府復兼翰林學士權三司使內侍楊永德毀察于帝三司有獄辭連衛士皇城司不卽遣而有詔移開封府鞠之察由是乞罷三司乃遷戶部侍郎兼三學士提舉集禧觀進承旨踰年復以本官充三司使卒贈禮部尚書諡宣懿察幼孤七歲始能言母頗知書嘗自教之爲文敏瞻典內外制皆有體要遇事明決勤于吏職雖多益喜不厭無子以兄子庶爲嗣按隆平集作以兄之子登爲嗣弟寘舉進士第一通判潤州以母憂不赴毀瘠而卒時八傷之

列傳

宋三十三

韓丕

師頌

張茂直

梁顯

楊徽

呂文仲

王著

潘慎修

杜鎬

查道

韓丕字太簡華州鄭人幼孤貧有志操讀書于驪山嵩陽通周易禮記年長始學文太平興國三年舉進士聲名藉甚公卿多薦之者嘗著孟母碑返魯頌人多諷誦之解褐大理評事通判衡州石照載薦其文行代還以文學試中書擢著作佐郎直史館改左拾遺八年遷職方員外郎知制誥雍熙初加虞部郎中二年與賈黃中徐鉉同知貢舉丕屬思艱澁及典書命傷于稽緩宰相宋琪性褊急常加督責或申以諸謹丕不能平又舍人王祐以前輩負氣每陵轍面折之丕乃表求外郡出知虢州就改職方郎中端拱初拜右諫議大夫知河陽濠州丕起寒素以冲澹自處不奔競于名宦太宗甚嘉重之淳化二年召入為翰林學士終以遲鈍不敏于用俄罷職充集賢殿修撰知均州就遷給事中工部侍郎徙金州召還充史館修撰又出知滁州就加禮部侍郎大中祥符二年卒丕歷典州郡雖不優于吏事能以清介自持時稱其長者云

師頌按師頌未史目錄作師頌本傳通家作師頌下篇考宋人寄贈夢英大師詩碑內有師頌一詩前署衡州翰林學士朝奉大夫尚書刑部侍郎知制誥史館修撰與此傳所載同則師頌為師頌之誤字霄遠大名內黃無疑茲依目錄改下張茂直傳并改

人父均後唐長興二年進士終永興節度判官因家關

右頌少篤學與兄頌齊名太祖建隆二年舉進士寶儀典貢舉擢之上第釋褐耀州軍事推官開寶中復為解州推官太平興國初召還遷大理寺丞累遷監察御史通判永興軍府坐秦王廷美假公帑緡錢左授乾州團練副使尋復舊官六年改殿中侍御史通判邠州徙知簡州轉起居舍人以公累去官復為殿中侍御史知資眉二州頌所至以簡靜為治蜀人便之代還遷侍御史知安州移朗州超拜工部郎中知陝州時西鄙用兵餽道所出軍士多亡命為盜頌嚴捕之盜解去改刑部郎中召還眞宗以其素質才望而久次于外累召對詢其文章頌謙遜自晦帝益嘉之命以本官知制誥兼史館修撰咸平二年與溫仲舒張詠同知貢舉明年為翰林學士五年復與陳恕同典貢部又知審官院通進銀臺封駁司辛年六十七頌曠達有操尚子仲同端拱元年進士及第至太常博士仲宰國子博士仲說殿中丞

張茂直字林宗兗州瑕邱人方弱冠慕容彥超據州城驅之守陴及周師破敵擁城守者列坐將斬之會得釋後勵志于學開寶二年登進士第解褐海州推官進司農寺丞通判泰州為轉運使章務昇誣奏徒監梓州富國監代還自陳得雪復通判靜安軍軍不領縣城關之外卽深州之下博茂直奏劄下博隸焉進秩著作佐郎扈蒙薦其才改祕書丞參知政事李至稱其端實命入益王元傑府為記室參軍王好學喜為詩遇茂直甚厚雖受時果之賜亦分餉焉王嘗遣使徵詩茂直援筆而就甚稱賞之端拱元年召對改度支員外郎三遷本曹郎中眞宗居藩時茂直與朱昂並在諸王府每預宴集屢因酬唱識其名卽位選用舊臣得茂直及昂與梁周

翰師頌輩相繼知制誥茂直既入西閣會元傑生日遣持禮幣為賜復至舊府時人榮之茂直直至寡言晚年多疾才思梗澀不稱職改祕書少監出知潁州咸平四年卒年七十五子成列端拱二年進士及第成務比部員外郎

梁顯字太素鄆州須城人父文度早世顯養于叔父王禹偁始與鄉貢顯依以為學嘗質疑義禹偁拒之不答顯發憤讀書不期月復有所質禹偁大加器賞初舉進士不中第留闕下雍熙二年復舉進士廷試方日中獻賦太宗詔升殿詢其門第賜甲科解褐大名府觀察推官四年與梁湛並召為右拾遺直史館顯在大名佐趙昌言昌言入掌樞密按東都事畧及長編俱會翟馬周作昌言為樞密副使事坐貶虢州司戶參軍起知魚臺縣就加大理評事召還遷殿中丞頌之復直史館歷開封府推官累遷右司諫眞宗初詔羣臣言事頌時使陝西途中作聽政箴以獻還為度支判官咸平元年與楊勵李若拙朱台符同知貢舉時詔錢若水重修太祖實錄表顯參其事又同修起居注扈蹕大名詔訪羣臣邊事顯上疏畧曰臣聞自古用兵之道在乎明賞罰而已昨者命將出師乘秋備塞而傳檄奉明詔握重兵逗撓無謀守陴敵敢老精兵於不用邊城晝警河朔之民流移失所魏博以北蹂踐一空遂至鑿略親征此所謂以賊遺君父者也以軍法論之固合斬潛以徇軍中降詔以示天下然後擇邊臣之可用者委用之不以名位高卑但擇武勇謀畧素為眾所推服者取十人焉人付騎士五十器甲完備輕齎糧糗逐水草以為利往復捍禦不令人郡邑不許聚一處遇有敵兵隨時掩襲仍令烽候相望交相救應緣

屢因酬唱識其名卽位選用舊臣得茂直及昂與梁周

屢因酬唱識其名卽位選用舊臣得茂直及昂與梁周

屢因酬唱識其名卽位選用舊臣得茂直及昂與梁周

屢因酬唱識其名卽位選用舊臣得茂直及昂與梁周

屢因酬唱識其名卽位選用舊臣得茂直及昂與梁周

屢因酬唱識其名卽位選用舊臣得茂直及昂與梁周

屢因酬唱識其名卽位選用舊臣得茂直及昂與梁周

屢因酬唱識其名卽位選用舊臣得茂直及昂與梁周

屢因酬唱識其名卽位選用舊臣得茂直及昂與梁周

屢因酬唱識其名卽位選用舊臣得茂直及昂與梁周

屢因酬唱識其名卽位選用舊臣得茂直及昂與梁周

屢因酬唱識其名卽位選用舊臣得茂直及昂與梁周

屢因酬唱識其名卽位選用舊臣得茂直及昂與梁周

屢因酬唱識其名卽位選用舊臣得茂直及昂與梁周

屢因酬唱識其名卽位選用舊臣得茂直及昂與梁周

屢因酬唱識其名卽位選用舊臣得茂直及昂與梁周

屢因酬唱識其名卽位選用舊臣得茂直及昂與梁周

屢因酬唱識其名卽位選用舊臣得茂直及昂與梁周

屢因酬唱識其名卽位選用舊臣得茂直及昂與梁周

屢因酬唱識其名卽位選用舊臣得茂直及昂與梁周

屢因酬唱識其名卽位選用舊臣得茂直及昂與梁周

屢因酬唱識其名卽位選用舊臣得茂直及昂與梁周

屢因酬唱識其名卽位選用舊臣得茂直及昂與梁周

邊州郡守城兵帥卽堅壁以待之遇游騎近城掩殺邊城內量出兵甲援救如此則乘城者不堅閉壘門免坐觀于勝負捍邊者不苟依郡郭可行備于寇攘雖非其籌且殊膠柱時論頗稱之二三年與李宗諤趙安仁並命知制誥是年冬王均平命為峽路安撫使歸掌三班韓國華判大理以斷刑失中乃選顯以代之四年張齊賢使關右安撫以顯為之副顯有吏才每進對詞辯明敏眞宗嘉賞之凡羣臣上封者悉付顯與薛暎詳閱可否以河北饑盜命與暎分爲東西路巡檢使還拜右諫議大夫充戶部使會罷三部使以顯為翰林學士同知審官院三班景德元年權知開封顯美風姿強力少疾聞門雍睦與人交久而無改士大夫多之暴病卒年九十二帝甚軫惻賜贈加等令追封周國公見王珪撰通鑑志子固述適適相仁宗別有傳

固字仲堅幼有志節嘗著漢春秋顯器賞之初以顯遺陰賜進士出身服闋詣登聞院讓前命願赴鄉舉許之大中祥符元年舉服勤詞學科擢第一解褐將作監丞通判密州就遷著作佐郎歸朝改著作郎直史館歷戶部判官判戶部勾院爲人慨慷尙氣義明于吏道馬元方領三司臨事纘率固撫其曠閔屢請對條奏嘗詔鞠獄時稱平審天禧大禮成奏頌甚工未幾卒年三十三

楊徽之字仲猷建州浦城人祖部仕閩爲義軍校家世尚武父澄獨折節爲儒終蒲城令徽之幼刻苦爲學邑人江文蔚善賦江爲能詩徽之與之遊從遂與齊名嘗肄業潯陽廬山時李氏據有江表乃潛服至汴洛以文投竇儀王朴深賞遇之周顯德中舉進士劉温叟知貢

部中甲科同時登第者十六人世宗命覆試惟徽之與李覃何曠趙隣幾中選解褐校書郎集賢校理宰相范質深器重之歷著作佐郎右拾遺竇儀纂禮樂書徽之預焉太祖乾德初與鄭玘並出爲天興令按隆平集載建隆初監方城商稅因故人出使訪問諸俗徽之爲言海內虛府帥一宜崇儒術以厚風俗太祖疑其訕謫爲天興令王彥超素知其名待以賓禮蜀平移峩眉令復爲著作佐郎知全州就遷左拾遺右補闕太平興國初代還太宗素聞其詩名因索所著徽之以數百篇奏御且獻詩爲謝太宗覽之稱賞會詔李昉等采緝前代文字類爲文苑英華以徽之精于風雅分命編詩獻雅照詞上廢其韻以賜端拱初拜左諫議大夫出知許州入判史館事加修撰因次對上言畧曰陛下嗣統鴻圖闡揚文治之道亦已至矣然擅文章者多超選明經業者罕殊用向非振舉勸專勤師法不傳祖述安在且京師四方之會太學首善之地今五經博士並闕其員非所以崇教化獎人材繇內及外之道也望博求通經之士增置員數分教胄子隨其所業授以本官廩稍且優旌別斯在無使唐漢專稱得人太宗嘉納之願謂宰相曰徽之儒雅操履無玷置于館閣宜矣未幾改判集賢院出爲山南東道行軍司馬未行改鎮安軍行軍司馬事在張洎傳眞宗尹京妙選僚佐驛召爲左諫議大夫與畢士安並充開封府判官召對便殿諭以輔導意東宮建屬兼左庶子按涑水記問作兼太子論德侍讀遷給事中卽位拜工部侍郎樞密直學士俄兼祕書監咸平初加禮部侍郎二年以衰疾求解近職改兵部仍兼祕書監入謝命坐勞之曰圖書之府清淨無事俾卿得以養性也是秋特置翰林侍讀學士命與夏候喬呂文仲並爲之賜宴祕閣且

衰以詩未幾以足疾請告車駕北巡力疾辭于苑中帝顧謂曰卿勉進醫藥比見當不久也及駐蹕大名特降手詔存諭明年春正月車駕還又遣使臨問卒年八十贈兵部尚書按涑水記問作贈僕射又按東都事畧載仁宗時特贈太子太師諡文莊錄其外孫宋綬太常寺太祝姪孫偃集並同學究出身徽之純厚清介守規矩尙名教尤疾非道以干進者嘗言温仲舒寇準用博擊取貴位使後輩務習趨競禮俗寢薄世謂其知言寡諧于俗唯李昉王祐深所推服與石熙載李穆賈黃中爲文義友自爲郎官御史朝廷卽待以舊德善談論多識典故唐室以來士族人物悉能詳記好吟咏每對客論詩終日忘倦無子一女適宋氏後徽之妻王卒及葬復以緡帛賜其家

楊澈字晏如徽之宗人也世家建陽父思進晉天福中北渡海因家于青州之北海累佐使幕澈幼聰警七歲讀春秋左氏傳卽曉大義周宰相李穀召令默誦一無遺誤穀甚異之年十六思進爲鎮趙從事會昭慶令缺使府命澈假其任時河決鄆郡府督役甚急澈部徒數千徑大澤中多蘆葦令采刈爲筏順流而下既至執事者訝以後期俄而葦筏繼至駭而問之澈以狀對乃更嗟賞太祖建隆初舉進士時竇儀典貢部謂澈文詞敏速可當書檄之任調補河內主簿再遷青州司戶參軍知州張全操多不法澈鞫獄平允無所阿畏太祖知其名召試禁中改著作佐郎出知渠州江南平改通判虔州令就大將曹彬分兵以行旣入境僞帥郭再興擁兵自固澈單騎直趨其壘諭以朝廷威信再興卽奉符以代澈悉料城中軍士之勇壯者凡五百人爲一綱部送京師土豪黎羅二姓聚眾依山謀亂澈率兵平之擒二

志五一五二

豪械送闕下遷石贊善大夫知淄州事親以孝聞求使侍養徙通判青州三遷祠部員外郎復知淄州又知舒州累轉祠部郎中咸平初遷選王府僚佐以澈為雍王府記室參軍加度支郎中景德初車駕幸澶淵王為東京留守澈遷兵部郎中充留守判官軍巡因逸王驚而感疾及薨又得聞門殘忍之狀坐輔導不善免官未幾起為祠部郎中卒年七十四子贊淳化進士職方員外郎

呂文仲字子臧歙州新安人父裕南唐歙州錄事參軍文仲在江左舉進士調補臨川尉再遷大理評事掌宗室書奏入朝授太常寺太祝稍遷少府監丞預修太平御覽廣記文苑英華改著作佐郎以本官充翰林侍讀直宿御書院與侍書王著更宿侍書學葛湍亦直禁中太宗暇日問文仲以書史著以筆法湍以字學雍熙初文仲遷著作佐郎副王著使高麗復命改左正言巡撫福建未幾加左諫議大夫淳化中與陳堯叟並兼關西巡撫使時內臣方保吉專幹權酷威制郡縣民疲吏擾變易舊法訟其培克者甚眾文仲等具奏其實太宗怒甚亟召保吉將劾之反為保吉所訟下御史驗問文仲所坐皆細事而素異懦且恥與保吉辯對因自誣伏遂罷職既而太宗知其由復令直祕閣踰月再為侍讀遷起居舍人兵部員外郎咸平二年拜工部郎中充翰林侍讀學士又知審刑院六年授御史中丞景德中鞠曹州奸民趙諫獄諫多與士大夫交遊內出姓名七十餘人令悉窮治文仲請對言逮捕者眾或在外部苟悉索之慮動人聽帝曰卿執憲當嫉惡如讐豈公行黨庇邪文仲頓首曰中司之職非徒繩糾愆違亦當顧國家大

體今縱七十人悉得奸狀以陛下之慈仁必不盡戮不過廢棄而已但籍其名吏察其為人置于冗散或舉選對敷之日擯斥之未為晚也帝從其言三年遷工部侍郎復為翰林侍讀學士文仲久居禁近頗周密勤慎改刑部侍郎充集賢院學士未幾卒錄其子承為奉禮郎文仲富詞學器韻淹雅其使高麗也善于應對清淨無所求遠俗悅之後有使高麗者必詢其出處然性頗齷齪不為時論所許

王著字知微自言唐相石泉公方慶之後世家京兆渭南祖賁廣明中從僖宗入蜀遂為成都人賁仕王建為雅州刺史父景瓊萬州別駕著偽蜀明經及第歷平泉百丈永康主簿蜀平赴闕授隆平主簿凡十一年不代著善書太宗以字書詔旌欲令學士刪定少通習者太平興國三年轉運使侯陟以著名聞改衛寺丞史館祇候委以詳定篇韻六年召見賜緋加著作佐郎翰林侍書與侍讀更直于御書院按長編載王著加著作佐郎翰林侍書事在太平興國七年太宗聽政之暇嘗令中使王仁睿持御札示著著曰未盡善也太宗臨學益勤又以示著著答如前仁睿詰其故著曰帝王始攻書或驟稱善則不復留心矣久之復以示著著曰功已至矣非臣所能及其後真宗嘗對宰相語其事且嘉著之善于規益雍熙二年遷左拾遺使高麗端拱初加殿中侍御史三年卒錄其子嗣復為奉禮郎按宋史此下有留祐之傳無事蹟足錄今從刪潘慎修字成德泉州莆田縣人父承祐仕閩後歸江南仕李景至刑部尚書致仕慎修少以父任為祕書省正字累遷至水部郎中兼起居舍人開寶末王師征江南李煜遣隨其弟從鎰入貢買宴錢求緩兵留館懷信驛

旦夕捷書至邸吏督從鎰入賀慎修以為國且亡當待罪何賀也自是每羣臣稱賀從鎰即奉表請罪太祖嘉其得體遣中使慰諭供帳牢餼悉加優給煜歸朝以慎修為太子右贊善大夫煜表求慎修掌記室許之煜卒改太常博士歷膳部倉部考功三員外通判壽州知開封縣又知湖梓二州淳化中祕書監李至薦之命以本官知直祕閣俄與直昭文館韓援使淮南巡撫累遷倉部考功二部郎中咸平中又副刑曷為兩浙巡撫使俄同修起居注景德初上言衰老求外任真宗以儒雅宜留祕府止聽解記注之職數月擢為右諫議大夫翰林侍讀學士從幸澶州遘寒疾詔令肩輿先歸明年卒年六十九疾亟精爽不亂託陳彭年草遺奏不為諸子干澤但以主恩未報為恨帝憫之錄其子汝士為大理評事汝礪為奉禮郎偃修風度醜籍博涉文史先是江南舊臣言李煜闇儒事多過實真宗以問慎修對曰煜非情理若此何享國十餘年他日對宰相語及之且言慎修溫雅不忘本得臣子之操深嘉獎之當時士大夫與之遊者咸推其素尚然頗恃前輩後進倨慢人以此少之汝士至工部員外郎直集賢院

杜鎬字文周常州無錫人父昌業南唐虞部員外郎鎬幼好學博通經史兄為法官嘗有子毀父畫像為旁親所訟疑其法不能決鎬曰僧道毀天尊佛像可比也兄甚奇之舉明經解褐集賢校理入直澄心堂江南平授千乘縣主簿太宗即位江左舊儒多薦其能改國子監承崇文院檢討會將祀南郊彗星見宰相趙普召鎬問之鎬曰當祭而日食猶廢況請見如此乎普言於帝即罷其禮遷著作佐郎改太子左贊善大夫歷殿中丞國

子博士加祕閣校理太宗觀書祕閣詢鎬經義進對稱旨即日改虞部員外郎再遷駕部員外郎判太常禮院與朱昂劉承珪編次館閣書籍改直祕閣會修太祖實錄命鎬檢討故事以備訪問景德初置龍圖閣待制首以鎬為之加都官郎中預修冊府元龜改司封郎中四年拜右諫議大夫龍圖閣直學士賜襲衣金帶班在樞密直學士下時特置此職儒者榮之大中祥符中同詳定東封儀注遷給事中三年又置本閣學士遷鎬工部侍郎充其職進秩禮部侍郎六年卒年七十六錄其子溼為大理寺丞及三孫官鎬博聞強記凡所檢閱必戒書吏云某事某書在某卷幾行覆之一無差誤每得異書多召問之鎬必手疏本末以聞願遇甚厚士大夫有所著撰多訪以古事雖晚輩卑品請益應答無倦年踰五十猶日治經史數十卷或寓直館中四鼓則起誦春秋所居僻陋僅庇風雨處之二十載不遷徙燕居暇日多挈醪饌以待賓友性和易清素有懿行士類推之查道字湛然歙州休寧人祖文徽仕南唐至工部尚書父元方亦仕李煜為建州觀察判官王師平金陵盧絳據歙州遣使傳檄至元方斬其使及絳禽太祖聞元方所為優獎之拜殿中侍御史知泉州卒道幼沈疑不羣罕言笑喜親筆視文徽特愛之未冠以詞業稱侍母渡江奉養以孝聞母嘗病思蠶羹方冬苦寒市之不獲道泣禱于河鑿冰取之得蠶尺許以饋又刲臂血寫佛經母疾尋愈後數年母卒絕意名宦遊五臺將落髮為僧一夕震雷破柱道坐其下了無怖色寺僧異之咸勸以仕端拱初舉進士高第解褐館陶尉曹彬鎮徐州辟為從事深被禮遇改與元觀察推官寇準薦其才授著作佐郎淳化中蜀寇叛命道通判遂州召對出御書歷錄其課給以實奉至

道三年有使兩川者得道公正清潔之狀以聞優詔嘉獎遷祕書丞俄徒知泉州時寇黨何彥惠集其徒二百餘止西充之大木槽詔書招諭之未下咸請發兵殄之道曰彼愚人懼罪欲延命爾遂微服單馬數僕不持尺刃間關林壑百里許直趨賊所諭以詔撫意或議之曰郡守也嘗聞其仁是寧害我者即相率投順羅拜號呼請罪悉給券歸農驛奏璽書哀諭咸平四年代歸上言曰朝廷命轉運使副使不惟審度金穀蓋以察廉郡縣庶臻治平以召和氣今觀所至或匪盡公益無懲勸之科致有因循之弊望自今每使回日先令具任內曾薦舉才識者若干奏紬貪猥者若干朝廷議其否臧以為賞罰從之俄出知宣州會舉賢良方正之士李宗諤以道名聞策入第四等拜左正言直史館未幾出為西京轉運副使六年始令三司使分部置副召入拜工部員外郎充度支副使道儒雅迂緩治劇非所長下衮為鹽鐵副使與道同候對將升殿遽出奏贖請道同署及帝詢道不能對遂以本官罷出知襄州無愠色大中祥符元年歸直史館遷刑部員外郎預修冊府元龜三年進秩兵部為龍圖閣待制加刑部郎中判吏部選事進右司郎中真宗退朝之暇召馮元講易便坐惟道與李虛己李行簡預焉天禧元年以耳聾難于對問表求外任得知虢州將行帝御龍圖閣飲餞秋蝗災民歎道不候報出官廩米以賑又設粥糜救饑者給州麥四千斛為種子民民賴以濟所全活萬餘人二年卒年六十四道性淳厚有犯不較所至務寬恕胥吏有過未嘗苦罰民訟通負者或出己錢代償以是頗不治嘗出按部路側有佳棗從者摘以獻道即計直掛錢于樹而去兒時嘗

戲畫地為大第曰此當分贍孤遺及居京師家甚貧多聚親族之孱獨者祿賜所得散施隨盡不以屑意與人交情分切至廢棄孤露者待之愈厚多所周給初赴舉貧不能上親族哀錢三萬遺之道出滑臺過父友呂翁家翁喪貧窶無以葬其母兄將鬻女以襄事道傾積中錢為助且為其女擇壻別加資遣又故人卒貧甚質女婢千人道為贖嫁士族指紳服其履行子循之按宋史此下有道從兄陶附傳陶居官持法深刺無善績足錄今從刪

欽定續通志卷三百二十九

列傳

宋三十四

鞠詠

劉隨

曹修古

郭勸

源明

彭乘

梅學

司馬池

里

李及

燕肅

蔣堂

劉夔

馬亮

陳希亮

鞠詠字詠之開封人十歲而孤好學自立舉進士試祇

書省校書郎知錢塘縣改著作郎知山陰縣仁宗即位

以太常博士召為監察御史錢惟演自亳州來朝按宋

惟演傳云改保大軍節度使知河陽踰圖入相詠言惟

演險險太后遣內侍持奏示之惟演顧望不行詠語諫

官劉隨曰若相惟演當取白麻廷毀之惟演聞乃亟去

大安殿柱生芝草召羣臣就觀詠言陛下新即位河決

未塞霖雨害稼宜思所以應災變願陛下以援進忠良

退斥邪佞為國寶以訓勸兵農豐積倉廩為天瑞草木

之怪何足尚哉時王欽若復相詠數曉其短欽若心

忌之會崇俊入朝失儀詠言崇俊少在邊今老不足罪

欽若奏詠廢朝廷議出通判信州又坐鞫陳絳獄失實

徙邵州欽若卒御史中丞王孫奏還詠殿中侍御史為

三司鹽鐵判官曹利用貶死利用嘗所薦擢者多領兵

守邊朝廷欲罷去之詠請一切毋治天聖六年夏大星

書墮有聲如雷詠條五事上之因言太子少保致仕晁

迥雖老而有器識宜蒙訪對其必有補又言三司使胡

則丁謂黨也性貪巧不可任利權河北京師早饑奏請

出太倉米十萬石振饑民江淮制置使鍾離瑾因奏計

多致東南物賂權貴詠請御史臺劾狀帝面諭瑾遂還

所部以尚書禮部員外郎兼侍御史知雜事權同判吏

部流內銓為三司鹽鐵副使八年特置天章閣待制以

詠及范諷為之定國軍節度使張士遜入觀冀得再用

詠奏曰曹利用擅威福士遜與之共事相親厚援薦以

至相位陛下以東宮僚屬用之臣願割舊恩伸公義趣

使之藩士遜乃赴鎮明年詠卒自號深寧子按宋史此

今已改入孔氏後傳附錄

劉隨字仲豫開封考城人以進士及第為永康軍判官

軍無城堞每伐巨木為柵壞輒以他木易之頗用民力

隨因令環植楊柳數十萬株連屬為限界民得不擾屬

縣令受賂鸞獄轉運使李士衡託令於隨不從士衡憤

怒乃奏隨苛刻罷歸後改大理寺丞為詳斷官李溥以

外出知濟州改起居郎久之遷尚書刑部員外郎入兼

侍御史知雜事上言比年庶官僥倖請託或對見之際

涕泗祈恩或績效甚微銜要賞亦有藩翰之臣請求

靡厭按察之司燕安顧望以容奸為大體以舉職為近

名以巧詐為賢以恬退為拙以至貪殘者潰于貨財老

疾者不知止足請申徹之朝廷為下詔戒中外未幾權

同判吏部流內銓以長定格從事吏不得為奸改三司

鹽鐵副使使契丹以病足痺辭不能拜及還為有司劾

奏奪一官出知信州徙宜州再遷工部郎中應天府召

為戶部副使改天章閣待制卒隨與孔道輔曹修古同

為言官皆以清直聞隨臨事明銳敢行在蜀時人號為

水晶燈籠云

曹修古字述之建州建安人進士起家累遷秘書丞同

宗時嘗禁採猳毛故事未遠命罷之時頗崇建塔廟議營金闈費不可勝計修古極陳其不可出知歙州徙南劍州復為開封府判官歷殿中侍御史擢尚書刑部員外郎知雜司事權同判吏部流內銓會太后兄子劉從德死錄其姻戚至於厮役幾八十人修古與楊偕郭勸段少連文章論列太后怒命皆削一官以修古為工部員外郎同判杭州未行改知興化軍會救復官卒修古立朝慷慨有風節當太后臨朝權倖用事人人顧望畏忌而修古遇事輒言無所回撓家貧不能歸葬貧佐賻錢五十萬季女泣白其母曰奈何以是累吾先人也卒拒不納帝思其忠特贈右諫議大夫按修古後因曹觀侍郎見修古無子以兄子觀為後觀知封州儂智高亂死之見忠義傳弟修睦性廉介自立與修古同時舉進士有聲鄉里致仕年五十一曹氏自修古以直諫聞其女子亦能不累於利至觀又能死其官而修睦亦恬於仕進不待老而歸世以是賢之

郭勸字仲衰鄆州須城人舉進士授宣化軍判官累遷太常博士通判密州特遷尚書屯田員外郎梓州路轉運判官以母老固辭復為博士通判萊州州民霍亮為仇人誣罪死吏受賕傳致之勸為辨理得免擢殿中侍御史時宋綬出知應天府杜衍在荆南勸言綬有辭學衍清直不宜處外又言武勝軍節度使錢惟演遷延不赴陳州觀望相位弟惟濟任觀察使定州總管自請就遷留後胡則以罪罷三司使乃遷工部侍郎集賢院學士請趣惟演上道罷惟濟兵權追則除命又論劉從德遺秦恩濫貶太常博士監維州稅改祠部員外郎知萊州復為侍御史判三司鹽鐵勾院郭皇后廢議遂立陳

氏勸諫郭氏非有大故不當廢陳氏非世閥不可以儷宸極疏入后已廢而陳氏議遂寢遷兵部員外郎兼起居舍人同知諫院馬季良自貶所求致仕朝廷從之勸言致仕所以待賢者豈負罪貶黜之人可得請追還赦語又言發運使劉承德獻輪扇浴器請付外毀之以戒邪佞趙元昊襲父位勸為官告使所遺百萬悉拒不受還兼侍御史知雜事權判流內銓遷工部郎中度支副使拜天章閣待制知延州元昊將山遇率族來歸且言元昊將反勸奏卻之是冬元昊果反遣僞官來勸視其表函猶稱臣因奏元昊雖僭名號然尚稱臣可漸以禮屈之遂落職知齊州改淄州數月移磁州元昊益侵邊關陝擾攘言者猶指勸不當絕山遇事又降兵部員外郎知鳳翔府尋復待制召權戶部副使以龍圖閣直學士知滑州再遷兵部郎中徙滄州又徙成德軍盜起甘陵徙知鄆州既而知成德軍韓琦言勸所遣將張忠劉遵平賊功皆第一特詔獎諭未幾召為翰林侍讀學士復判流內銓改左諫議大夫權御史中丞遷給事中辭不受而請贈其祖萊陽令靈遂以為尚書祠部員外郎衛士有陰置刃衣篋中從勾當皇城司楊景宗入禁門為闈者所得景宗不以聞勸請先治景宗罪遂貶景宗復為侍讀學士同知通進銀臺司勸性廉儉居無長物及再為侍讀日吾年七十可以歸矣章上不得謝後二年卒子源明治平中為太常博士會御史知雜事呂誨等奏彈中書議追崇濮安懿王典禮非是被黜以源明補監察御史裏行源明乞免除命請追誨等遂聽免後以職方員外郎知單州卒

段少連字希逸開封人個儻有識度舉服勤詞學為試

秘書省校書郎知崇陽縣崇陽劇邑自張詠為令有治狀其後惟少連能繼其風迹累遷太常博士論劉從德遺秦恩濫降祕書丞監連水軍酒稅復為博士通判天雄軍仁宗親政召為殿中侍御史與孔道輔等伏閣言郭皇后不當廢少連坐贖未幾除開封府判官改尚書刑部員外郎直集賢院為三司度支判官出為兩浙轉運副使按東都事所至吏胥不能為奸有過能自改者猶保任之秀州獄死無罪人時少連在杭吏畏恐謀偽為死者服罪歎未及綴屬少連已入城訊獄吏具服請罪是時鄭向守杭無治才訟者不服往往自州出徑趨少連少連處決莫不盡其理徒使淮南兼發運司事加兵部員外郎又徙陝州駙馬都尉柴宗慶知陝州縱其下撓民少連劾奏之入兼侍御史知雜事為三司度支副使擢工部郎中天章閣待制知廣州時元昊反范仲淹薦少連才堪將帥遷龍圖閣直學士知涇州改渭州命未至而卒子仲堅按宋史本傳不載少連通敏有子據隆平集補少連通敏有才遇事無大小決遣如流不為權勢所屈既卒仁宗歎息之

彭乘字利建益州華陽人少以好學稱州里進士及第以親老乞侍養居數日授漢陽軍判官遂得請以歸久之有薦其文行者召試除館閣校勘固辭還家後復除鳳州團練推官天禧初用寇準薦為館閣校勘預校正南北史隋書改祕書省著作佐郎遷本省丞集賢校理懇求養親得知普州蜀人得守鄉郡自乘始普人鮮知學乘為興學召其子弟為生員教育之乘父卒既葬有甘露降于墓柏人以為孝感累改夔州路轉運使會土賊田忠霸誘下溪州蠻將內寇乘適按郡至境大集官

吏勒兵下山以備賊賊遁去因遣人間之其黨斬忠霸夷其家召修起居注擢知制誥累遷工部郎中入翰林為學士領吏部流內銓三班院為羣牧使卒御史知雜何郊論請贈官不許詔一子給奉終喪初修起居注缺中書舍人而乘在選中帝指乘曰此老儒也雅有恬退名無以易之及召見論曰卿先朝舊臣久補外而未嘗自言對曰臣生孤遠自量其分安敢過有所望帝頗喜之乘質重寡言性純孝不喜生業聚書萬餘卷皆手自刊校蜀中所傳書多出於乘云

嵇穎字公實應天宋城人父適嘗為石首主簿民有父子坐重繫府檄適之抵其父於法而子獲免父死假人言曰主簿仁人也行且生賢子後必大明年穎生天聖中進士及第授蔡州團練判官王曾知青州徙天雄軍皆辟為從事後用曾薦遷太子中允為集賢校理同修起居注擢知制誥累遷尚書兵部員外郎召入翰林為學士未及謝卒詔以誥敕衣帶鞍馬賜其家穎舉進士時王曾張知白相繼為南京留守見穎謹厚篤學謂其子弟曰若曹師表也張堯封嘗從穎學所為文多留穎家其後堯封女入禁中為修媛甚被寵幸令其弟化基詣穎求編次其父稟為序以獻之穎不答亦不以獻梅摯字公儀成都新繁人進士起家大理評事知藍田上元縣徙知昭州通判蘇州按東都事學士知蘇州二浙饑官貸種食已而督償頗急摯言借貸本以行惠乃重困民詔緩輸期慶歷中擢殿中侍御史時數有災異引洪範上變戒謂宜躬責修德以回上帝之眷佑徒開封府推官遷判官僧常瑩以簡札達宮人輦官鄭玉碎殿巡卒摯請悉杖配之改度支判官進侍御史按東都事摯作

為御史權知諫院論石元孫不死行陳繫縲還國之辱也不斬無以厲邊臣再奏不報李用和除宣徽使加同中書門下平章事摯言國初杜審瓊亦帝舅也官止大將軍李繼隆累有戰功晚年始拜使相祖宗慎名器如此今不宜急授無功以戶部員外郎兼侍御史知雜事權判大理寺言權陝西轉運使張堯佐非才絳宮掖以進恐上累聖德又奏減資政殿學士員召待制官同議政復百官轉對帝謂大臣曰梅摯言事有體以為戶部副使會契丹使紫宸殿三司副使當坐殿東廡下同列有謂典宴例坐殿上而大宴當止殿門外爾因不即坐趨出降知海州徙蘇州人為度支副使初河北歲饑三司益漕江淮米餉河北後江淮饑有司尚責其數摯奏減之擢天章閣待制陝西都轉運使還判吏部流內銓進龍圖閣學士按東都事學士及歐陽修有美堂記俱作龍圖閣直學士知滑州州歲備河調丁壯伐灘葦摯奏用州兵代之河大漲將決夜率官屬督工徒完隄水不為患詔獎其勞勾當三班院同知貢舉請知杭州帝賜詩寵行累遷右諫議大夫徙江

寧府又徙河中卒摯性澹靜不為矯厲之行政迹如其為人平居未嘗問生業云
司馬池字和自言晉安平獻王宇後征東大將軍賜葬安邑瀾洞曲後魏析安邑置夏縣遂為縣人池少喪父家貲數十萬悉推諸父而自力讀書時議者以蒲版寶津大陽路官運鹽同遠聞乃開峪口道自聞喜逾山而抵垣曲咸以為便池謂人曰昔人何為捨逕而求迂殆必有未便者眾不以為然未幾山水暴至鹽車人牛盡沒入河眾乃服舉進士當試殿庭而報母亡友匿其書池心動夜不能寐曰吾母素多疾家豈無有異乎因

語其友友止以母疾告遂號慟而歸後中第按陞平集二年景德授承宣主簿歷建德縣尉蜀人妄言戍兵叛蠻將入寇爭逃山谷間池攝縣事會上元張燈縱民遊觀凡三夕民心遂安調鄭州防禦判官知光山縣禁中營造詔諸州調竹木州符期三日畢輸池以土不產大竹轉市斷黃非三日可致乃更與民自為期約過不輸者罪之既而輸竹先諸縣盛度薦於朝改祕書省著作佐郎監安豐酒稅知小溪縣樞密使曹利用奏為羣牧判官辭不就朝廷固授之利用嘗委括大臣所負進馬價池曰令之不行由上犯之公所負尚多不先輸何以趣他人利用驚曰吏給我已輸矣亟命送官數日而諸負者皆入利用貶其黨畏罪從而毀短者甚眾池獨稱利用枉朝廷卒不問會詔百官轉對池言唐制門下省詔書之出有不便者得以封還今門下雖有封駁之名而詔書一切自中書以下非所以防過舉也內侍皇甫繼明領估馬司自言估馬有美利乞遷官事下羣牧司閱無美利繼明方用事自制置使以下皆欲附會為

奏池獨不可除開封府推官敕至閣門為繼明黨所沮罷知耀州擢利州路轉運使知鳳翔府召知諫院上表懇辭仁宗謂宰相曰人皆嗜進而池獨嗜退亦難能也加直史館復知鳳翔有疑獄上讞大理輒復下據屬惶遽引咎池曰長吏者政事所繇非諸君過乃獨承其罪有詔勿劾岐陽鎮巡檢夜飲富民家所部卒執之俾為約不敢復督士卒而後釋其縛池捕首惡誅之巡檢亦坐廢累遷尚書兵部員外郎兼侍御史知雜事嘗言陝西用兵無宿將劉平好自用而少智謀必誤大事後平果敗更戶部度支鹽鐵副使歲滿中書進名帝曰是固

辭諫官者擢天章閣待制知河中府徙同州又徙杭州池性質易不飾尉傳劇非所長轉運使江鈞張從革劫池決事不當十餘條及稽留德音降知虢州初轉運使既奏池會吏有盜官銀器械州獄自陳為鈞掌私厨出所賣過半又越州通判載私物盜稅乃從革之姻遣人私請或謂池可舉劾以報池曰吾不為也人稱其長者徙知晉州卒

按蘇軾撰司馬光神道碑載池

終兵部郎中贈太師溫國公 子旦光

光自有傳從子里

旦字伯康清直敏強雖小事必審度以父任為祕書省校書郎歷鄭縣主簿鄭有婦蘭訟奪人田者家多金錢市黨買吏合為奸護十年不決旦取案一閱情偽立見黜吏十數輩寃者以直又并元慶豪欺鄉里莫敢誰何旦擒致于法時旦年尚少上下易之自是驚服吏捕蝗因緣搔民旦言蝗民之仇宜聽自捕輸之官後著為令知祁縣歲大旱人乏食羣盜剽致富家巨室至以兵自備旦召富者開以禍福於是爭出粟減直以糶猶不失其贏饑者獲濟盜患亦弭舉監在京雜物庫知宜興縣其民囂訟旦每獄必窮根株痛繩之校繫縣門民稍以詆冒為恥時王安石守常州開運河調夫諸縣且言役大而亟民有不勝則其患非徒不可就而已令諸縣歲遞一役雖緩必成安石不聽秋大霖雨民苦之多自經死役竟罷罷知梁山軍安州治郡有大體所施設取於適理便事再監鳳翔太平宮以熙寧八年致仕歷官十七遷至大中大夫元祐二年卒年八十二旦澹薄無欲奉養苟完人不見其貴與弟光尤友愛終始人無間言凡光平時所與論天下事旦有助焉及光被門下侍郎召固辭不拜旦引大義語之光幡然就位英宗卽位例

以親屬入賀得官時旦在梁山諸孫未仕者皆不遣入惟遣其從兄子粟旦與人交以信義喜周其急嘗有以罪免官貧不能存者月分俸濟之其人無以報願以女為妾旦驚謝亟出妻奩中物使嫁之旦與文彥博程公珣席汝言為同年會賦詩繪像世以為盛事比唐九老子良試將作監主簿富承承議即陝州通判宏陳留令宏子朴

里字昭遠進士釋褐授威勝軍判官改大理寺丞歷籍為郎延經畧使奏通判鄜州州將武人不法里平居與之驩甚臨事正色力爭不少假借性廉靜質直所至有惠政每罷官至京師未嘗有所謁視審官榜久關人所不取者乃受之而去後知乾州為太常少卿而卒

朴字文季少育于外祖范純仁紹聖黨事起父宏上書論辨得罪純仁責永州疾失明客至必令朴導以見時方七歲進揖應對如成人客皆驚歎以純仁遺恩得官宏死徒跣負柩還調晉寧軍士曹參軍通判不法轉運使王似諷朴伺其過朴不可曰下吏而陷長官不唯亂常人且不合吾餘矣死不敢奉教似賢而薦之靖康初入為虞部右司員外郎金人次汴郊命朴使之問朴家世具以告喜曰賢者之後也待之加禮論以亟求講解朴復命任事者疑不決都城陷欽宗思朴之言以為兵部侍郎二帝將北遷又貽書請存立趙氏金人憚之挾以北去且悉取其孥開封儀曹趙鼎為匿其長子俾於蜀故得免建炎登極赦至燕朴私令齋詣徽宗為人所告金主憐其忠釋之徽宗崩朴與奉使朱弁在燕共議制服弁欲先請朴曰為臣子聞君父喪當致其哀尚何請設請而不許奈何遂服斬衰朝夕哭金人亦義而不

問又遣朱松年間行以金人情實歸報宋因王倫出使持黃金賜朴倫還言金命朴為行臺左丞朴辭而止益重之後卒於真定計問詔稱其忠節顯著贈兵部尚書諡曰忠潔

李及字幼幾其先范陽人後徙鄭州舉進士再調昇州觀察推官寇準薦其才擢大理寺丞知興化軍以殿中丞通判曹州州民趙諫者素無賴持郡短長縱為奸利及受命諫在京師乃謁及及不之見慢罵而去投匿名書誣及因之毀朝政會上封者發諫事命轉運使與及察其狀及條上諫前後所為不道詔御史劾得其實斬於都市及由是知名擢知龍州初置提點刑獄以及使陝西特遷一官累遷太常少卿知秦州議者以及謹厚非守邊才及至秦州州將吏亦頗易之會有禁卒白晝攫婦人金釵於市吏執以來及方坐觀書召之使前略加詰問其人服罪及亟命斬之觀書如故於是將士皆驚服改左司郎中樞密直學士以右諫議大夫召還再遷尚書工部侍郎歷知杭州鄆州應天河南府召拜御史中丞卒年七十特贈禮部尚書諡恭惠及資質清介治尚簡嚴喜慰薦下吏樂道人善在杭州數年未嘗市吳中物比去唯市白樂天集在河南杜衍為提點刑獄間與衍會具甚疎薄他日中貴人用事者至亦無加品衍歎其清德無子以弟之子為後

府名爲監察御史準方知河南奏留之遷殿中侍御史
提點廣南西路刑獄遷侍御史徙廣南東路還爲丁謂
所惡出知越州徙明州俗輕悍喜鬪蕭下令獨罪先殿
者於是鬪者爲息人直昭文館爲定王府記室參軍判
尚書刑部建言京師大辟一覆奏而州郡之獄有疑及
情可憫者上請多爲法司所駁乃得不應奏之罪願如
京師例許覆奏遂詔疑獄及情可憫者上請語在刑法
畧其後大辟上請者多得貸議自蕭始擢龍圖閣待制
權知審刑院知梓州累遷左諫議大夫歷知臺青二州
兼京東安撫使入判太常寺兼大理寺復知審刑蕭言
舊太常鐘磬皆設色每三歲親祠則重飾之歲既久所
塗積厚聲益不協乃詔與李照宋祁同按王朴律卽刻
滌考擊合以律準試於後苑聲皆協又詔與章得象馮
元詳刻漏進龍圖閣直學士知潁州徙鄧州官至禮部
侍郎致仕卒蕭喜爲詩性精巧畫入妙品圖山水罨布
濃淡意象微遠尤善爲古木折竹嘗造指南記里鼓二
車及欵器以獻又上蓮花漏法詔司天臺考於鐘鼓樓
下云不與崇天厯合然蕭所至皆刻石以記其法州郡
用之以候昏曉世推其精密云子度孫瑛

入爲戶部副使以右諫議大夫知潭州卒年七十度有
心計凡六佐大農慶曆中三司請權河北鹽度言川陝
不權酒河北不禁鹽此祖宗順民俗不易之制也權之
非是會張方平亦論之議遂寢孫宋史此下有燕肅七
年括南海犀珠香藥奉宰相內侍人目之爲香燕肅
初知河陽金兵攻城爲亂兵所害無善蹟足錄今從刪
蔣堂字希魯常州宜興人擢進士第爲楚州團練推官
滿歲吏部引對眞宗覽所試判善之特授大理寺丞知
臨川縣縣富人李甲多爲不法前令莫能制堂戒諭不
悛白州以兵索其家得借乘輿物置于死厯通判眉許
吉楚州以太常博士知泗州召爲監察御史禁中火有
司請究所起多引宮人屬史堂言火起無迹安知非天
意陛下宜修德應變有司乃欲歸咎宮人以屬吏而賜
之死是重天譴也詔原之論秦郭皇后不當廢坐贖再
遷侍御史判三司度支勾院出爲江南東路轉運使徙
淮南兼江南發運事時廢發運使上封者屢以爲非便
堂言唐裴耀卿劉晏第五琦李異裴休皆嘗爲江淮河
南轉運使不聞別置使名國朝衮衮王嗣宗劉師道亦
止爲轉運兼領發運司事而歲輸京師常足時雖用其
議後卒復在江淮歲薦部吏二百人或謂曰一有謬舉
且得罪何以多爲堂曰十得二三亦足報國坐失按勸
州王蒙正故入部吏死罪降知越州州之鑑湖馬臻所
爲溉田八千頃食利者萬家前守建言聽民自占多爲
豪右所侵堂奏復之徙蘇州入判刑部徙戶部勾院歷
戶部度支鹽鐵副使安撫梓夔路擢天章閣待制江淮
制置發運使先是發運使上計造大舟數十載江湖物
入遺京師權貴堂曰吾豈爲此歲入自可附驥奏也前
後五年未嘗一至京師就除河東路都轉運使未行知

洪州改應天府累遷左司郎中知杭州以樞密直學士
知益州慶曆初詔天下建學漢文翁石室在孔子廟中
堂因廣其舍爲學宮選屬官以教諸生士人翕然稱之
楊日嚴在蜀有能名堂素不樂之於是節遊宴減厨傳
專尚寬縱頗變日嚴之政又建銅壺閣其制宏敞而材
不預其功既半乃伐喬木于蜀先主惠陵江濱祠又毀
后土及劉禪祠蜀人浸不悅獄訟滋多徙河中府又徙
杭州蘇州以尚書禮部侍郎致仕卒特贈吏部侍郎堂
爲人清修純飭遇事毅然不屈貧而樂施好學工文辭
延譽晚進至老不倦尤嗜作詩云
劉夔字道元建州崇安人進士中第補廣德軍判官累
遷尚書屯田員外郎權侍御史李照改製大樂鐘磬夔
以爲樂之大本與政化通不當輕易其器願擇博學之
士以補卿丞凡四方妄獻說以要進者請一切罷之帝
善其言厯知廣州所至有廉名權三司度支副使桂陽
監蠻唐和寇邊以右諫議大夫龍圖閣直學士知潭州
兼湖南安撫使初至遣人諭蠻酋使降不從乃擊敗和
于銀江源進破其巢穴蠻遠遁前將以帛購蠻首至是
有持首取購者按問乃輒殺平民誅之而罷購州境獲
安還權判吏部流內銓知審刑院河北大水民流入京
東爲盜詔增京東守備帝問誰可守鄆者宰相以夔對
進給事中樞密直學士以往至鄆發廩振饑民賴全活
者甚亟盜賊衰息賜書褒諭大臣議欲修復河故道夔
極言其不可遂罷遷工部侍郎知福州建州尋告老以
戶部侍郎致仕英宗卽位遷吏部卒年八十三夔嘗過
江東見二囚繫累年矣問之曰前此殺吉州掾徐成疑
二人所爲夔爲言於朝釋之後果得眞盜得養生術至

老手足耳目強明如少壯時不治財產所收私田有餘穀則以周鄉里貧者卒前數日自作遺表以祿賜所餘分親族無子

馬亮字叔明廬州合肥人舉進士為大理評事知蕪湖縣再遷殿中丞通判常州吏民有因緣亡失官錢籍其貲猶不足以償妻子連逮者至數百人亮縱去緩與之期不踰月盡輸所負羅處約使江東以亮治行聞擢知

濮州會諸路轉運司置糾察刑獄官按東都事署作提點刑獄官福建路命亮覆訊冤獄全活者數十人遷太常博士知福州蘇易簡薦亮才任繁劇召還同提點三司都勾院磨勘

由司出知饒州州豪白氏鰲橫為閭里患亮發其奸誅之州有鑄錢監匠多而銅錫不給亮請分其工之半別置監于池州歲增鑄緡錢十萬遷殿中侍御史真宗即位上書言陛下初政軍實宜速而所在不時給請遣使分督之又赦書蠲除州縣逋負而有司趣責愈急宜如赦推恩以寬民故事以親王尹開封地尊勢重嫌

隙易生願鑿其繇以示保全親愛之道契丹仍歲南侵河朔蕭然請修好以息邊民帝善其言以亮為可用王均反以為西川轉運副使賊平主將邀功誅殺不已亮全活千餘人城中米斗千錢亮出廩米裁其價人賴以濟召問蜀事會械送賊註誤者八十九人至闕下執政

欲盡誅之亮曰愚民脅從此特百之一二餘竄伏山林者眾今不貸之反側之人聞風疑懼一唱再起是滅一均生一均也帝悟悉宥之加直史館復遣還部時諸州鹽井歲久泉涸而官督所負課繫捕者州數百人亮盡

釋繫者而奏廢其井又除屬部舊逋官物二百餘萬還知潭州屬縣有亡命卒剽攻為鄉閭患人共謀殺之事

覺法當死者四人亮咸貸之曰為民去害而反坐以死罪非法意也徙昇州行次江州屬歲旱民饑湖湘漕米數十舟適至亮移文守將發以振貧民因奏瀕江諸郡皆大歉而吏不之救願罷官羅令民轉粟以相賙以右

諫議大夫知廣州時宜州陳進初平而澄海兵從進反者家屬二百餘人法當配隸亮悉置不問鹽戶逋課質其妻子於富室悉取以還其家海船久不至使招來之明年至者倍其初歷知虔洪二州江陵府再遷尚書工

部侍郎復知昇州徙杭州加集賢院學士先是江濤大溢調兵築隄而工未就詔問所以捍江之策亮齋詔禱伍員祠下明日潮為之知出橫沙數里隄遂成入為御史中丞改兵部侍郎知廬州徙江陵又徙江寧府仁宗

初拜尚書右丞復知廬州召判尚書都省知審刑院遷工部尚書知亳州又遷江寧府以太子少保致仕按東事累作太卒贈尚書右僕射亮有智畧敏於政事然其所至無廉稱呂夷簡少時從其父蒙亨為縣福州亮見而

奇之妻以女陳執中梁適為京官田況宋庠及其弟祁為童子時亮皆厚遇之世以亮為知人亮卒時夷簡在相位有司諡曰忠肅人不以為是也子仲甫為天章閣待制

陳希亮字公弼其先京兆人唐廣明中遼難遷眉州青神之東山希亮幼孤好學年十六將從師其兄難之使治錢息三十餘萬希亮悉召取錢者焚其券而去業成乃召兄子庸諭使學遂俱中天聖八年進士第里人表

閻曰三構初為大理評事知長沙縣有僧海印國師與諸貴人交通恃勢據民地希亮捕治實諸法郴州竹場有偽為券給輸戶送官者事覺輸戶當死希亮察其非

辜出之已而果得其造偽者再遷殿中丞徙知鄆縣老吏曹腆侮法以希亮年少易之希亮視事首得其罪毀

淫祠數百區勒巫為農者七十餘家遷太常博士初蜀人官蜀不得通判州事希亮以母老願折資為縣侍親於是知臨津縣後為開封府司錄司事福勝塔火官欲

更造度用錢三萬希亮言陝西用兵願以此餽軍詔罷之青州民趙禹上書言趙元昊必反宰相以禹狂言徙建州元昊果反禹訟所部不受亡至京自理宰相怒下

開封獄希亮言禹可賞不可罪爭不已帝釋禹賞為徐州推官且欲以希亮為御史會外戚沈元吉以奸盜殺人希亮一問得實自驚仆死沈氏誅之詔御史劾希亮

及諸掾吏希亮曰殺此賊者獨我耳遂引罪坐廢盜起京西富鄉薦希亮可用起知房州州素無兵備民凍餒欲亡去希亮以牢城卒雜山河戶得數百人日夜部勒

聲振山南民恃以安殿侍雷甲以兵百餘人逐盜竹山甲不能戢所至為暴或疑為盜希亮勒兵阻水拒之甲下馬拜請死曰初不知公官軍也吏士欲斬甲以狗希

亮獨治為暴者十餘人使甲以捕盜自贖時劇賊党軍子方張轉運使使供奉官崔德贊捕之德贊既失党軍子遂圍竹山民殺向氏父子三人梟首南陽市曰此党軍子也希亮察其寃下德贊獄未服党軍子獲於商州詔賜向氏帛復其家流德贊通州或言華陰人張元走

亮始作飛橋無柱以便往來詔賜緘以褒之仍下其法自畿邑至于泗州皆爲飛橋皇祐元年移滑州未行詔提舉河北便糴都轉運使魏瓘劾希亮擅增損物價已而瓘除龍圖閣學士知開封府希亮乞廷辨既對仁宗直希亮奪瓘職知越州且欲用希亮希亮言臣與轉運使不和不得爲無罪力請還滑會河溢魚池埽且洪希亮悉召河上使者發禁兵捍之廬於所當決吏民泣諫希亮堅臥不動水亦去是歲盜起宛句執濮州通判并淵以希亮爲曹州不逾月悉擒其黨淮南饑安撫轉運使皆言壽春守王正民不任職正民坐免詔希亮乘傳代之轉運使調里胥米而蠲其役凡十三萬石謂之折役米米翔貴民益饑希亮至除之且表其事旁郡皆得除又言正民無罪職事辦治詔復以正民爲鄂州久之徙希亮知廬州虎翼軍士屯壽春者以謀反誅遷其餘不反者數百人於廬皆不自安一日有竊入府舍將爲不利者希亮笑曰此必醉耳貸而流之盡以其餘給左右使令且以守倉庫人爲之懼希亮加親信皆感德誓爲希亮死改提點刑獄江東遷度支郎中徙河北嘉祐二年入爲開封府判官改判三司戶部勾院朝廷以三司事冗簿書留滯乃命希亮又兼開拆司榮州鬻鹽凡十八井歲久澹竭有司責課如初民破產籍沒者三百餘家希亮爲言還其所籍歲獨三十餘萬斤會接伴契丹使還自請補外乃以爲京西轉運使石塘河役兵叛其首周元自稱周大王震動汝洛間希亮即輕騎出按斬元以狗流軍校一人餘悉遣赴役如初遷京東轉運使維州參軍王康赴官道博平大滑有號截道虎者毆康及其女幾死吏不敢問希亮移捕甚急卒流海島又

劾吏故縱坐免者數人徐州守暴苛以細過籍民產數十家獲小盜使必自誣抵死希亮言其狀卒以廢去數上章請老不允移知鳳翔倉粟支十二年主者以腐敗爲憂歲饑希亮發十二萬石貸民有司懼爲擅發希亮身任之是歲大熟以新易舊官民皆便于闕使者入朝過秦州經略使以客禮享之侍者驕甚壞傳舍什器縱其徒入市掠飲食希亮聞之曰吾嘗主契丹使初不敢暴橫況此小國乎乃使持符告譯者曰入吾境有秋毫不如法吾且斬若取軍令狀以還使者至羅拜庭下希亮命坐兩廊飲食之護出其境無一人譁者英宗卽位遷太常少卿獄有盜法當死僚官持不可久之盜殺守吏遁去希亮以前議讞于朝僚官懼欲以事中希亮始州郡以酒相餉例皆私有之而法不可希亮以遺游士之貧者旣而曰此亦私也以家財償之遂借此自劾求去坐是分司西京未幾致仕卒年六十四贈工部侍郎希亮爲人清勁寡欲不假人以色自王公貴人皆嚴憚之見義勇發不計禍福所至奸民猾吏易心改行不改者必誅然出於仁恕故嚴而不殘少與蜀人宋輔遊輔卒於京母老子端平幼希亮養其母終身以女妻端平使同諸子學卒登進士第四子悅度支郎中恪滑州推官恂大理寺丞慥少時使酒好劍稍壯折節讀書然終不遇及蘇軾謫黃過岐亭識之人始知爲慥云

欽定續通志卷三百三十

列傳

宋三十五

狄棐 遵度

郎簡 孫祖德

張若谷

石揚休 李垂

張洞

李仕衡 五精 胡則

薛顏

許元 鍾離瑾

孫冲

崔暉 田瑜

施昌言

楊偕 王治 剛

杜杞 權

楊暉 周湛

徐的

姚仲孫 陳太素 馬尋 杜曾

李虛己

張傳 俞獻卿

陳從易

楊大雅

狄棐字輔之潭州長沙人按隆平集作湘潭人考宋史下文棐請所親曰吾湘潭咸平二年舉進士甲科授大寒土作湘潭人為是
理評事知分宜縣歷開封府司錄知壁州寇準復入相乃薦通判益州擢開封府判官歷京西益州路轉運江准制置發運使累遷太常少卿知廣州加直昭文館代還不以南海物自隨人稱其廉拜右諫議大夫龍圖閣直學士權判吏部流內銓出知滑州進給事中徙天雄軍會給郊賞帛不善士卒譁譟趨府門棐不能治事聞命侍御史劉夔按視未及境眾不自安棐馳白夔請給以行河事夔至誅首惡數人棐坐罷懼降隨州徙同州旬當三班院進樞密直學士歷知陝鄭二州河中河南府復判流內銓出知揚州未行卒棐在河中時有中貴人過郡言將援棐於上前棐答以他語退曰吾官侍從可自污耶居官愷悌不為表暴死之日家無餘貲子

遵度字元規少穎篤志於學少舉進士一斤於有司恥不復為以父任為襄縣主簿居數月棄去好為古文其著述人多稱之 按隆平集載棐子尚有遵道遵禮遵路遵度蓋其次子也

郎簡字叔廉杭州臨安人幼孤貧進士及第補試秘書省校書郎知寧國縣徙福清令縣有石塘陂歲久湮塞募民浚築溉廢田百餘頃調隨州推官及引對真宗曰簡歷官無過而無一人薦是必恬於進者特改秘書省

著作佐郎知分宜縣徙知寶州縣吏死子幼贅婿偽為券冒有其貲及子長屢訴不得直乃訟于朝下簡劾治簡示以舊贖又取偽券示之弗類始伏罪徙藤州興學

員外郎廣南東路轉運使擢秘書少監知廣州捕賊馮佐臣歷右諫議大夫給事中知揚州徙明州以尚書工部侍郎致仕祀明堂遷刑部卒年八十有九特贈吏部

侍郎簡性和易平居寡語惟以宣上德救民患為意然在廣州無廉稱蓋為子絜所累絜終尚書都官員外郎

孫祖德字延仲濰州北海人進士及第初調濠州推官改大理寺丞知榆次縣上書言刑法重輕以尚書屯田員外郎通判西京留守司方冬苦寒詔罷內外工作而

錢惟演督修天津橋詔不下祖德曰詔書可稽留耶卒罷役入為殿中侍御史遷侍御史章獻太后疾劇祖德請還政及太后崩諸嘗言還政者多進用遂擢尚書

兵部員外郎兼起居舍人知諫院言郭皇后不當廢獲罪以贖論久之遷天章閣待制時三司判官許申因宦官閻文應獻計以藥化鐵成銅可鑄錢裨國用祖德言

偽銅法所禁而官自為是教民欺也固爭之出知兗徐蔡州永興軍徙鳳翔府請置鄉兵改龍圖閣直學士知

梓州累遷右諫議大夫知河中府歷陳許蔡潞鄆亳州應天府以疾得頴州除吏部侍郎致仕卒祖德少清約及致仕娶富人妻以規有其財已而妻得反資以財出之子珪江東轉運使

張若谷字德繇南劍沙縣人進士及第為巴州軍事推官會蜀寇掠隣郡若谷攝州事率眾為守禦備賊引去調全州軍事推官入見真宗識其名顧曰是嘗在巴州禦賊者耶特改大理寺丞知濛陽縣三司言廣靈監歲鑄緡錢四十萬其主監宜擇人乃以命若谷歲餘所鑄

贏三十餘萬緡擢知處州歷江湖淮南益州路轉運江准制置發運使入為三司度支鹽鐵副使累遷右諫議

大夫知并州先是麟府歲以緡錦市蕃部馬前守輒罷之若谷以為互市所以利戎落而通邊情且中國得戰

馬亟罷之則猜阻不安奏復市如故而馬入歲增進樞密直學士歷知澶州成德軍揚州江寧府入知審官院

糾察在京刑獄知通進銀臺司應天府改龍圖閣學士徙杭州會歲饑斥餘廩為糜粥賑救之累官至尚書左

丞致仕若谷素為宰相張士遜引拔然所至亦自有循良跡不激許取名云

石揚休字昌言其先江都人後為眉州人少孤力學進士高第為同州觀察推官遷著作佐郎知中牟縣當往

來之衝賦役煩重富人隸太常為樂工僥倖免役者六十餘家揚休請悉罷之改祕書丞為祕閣校理開封府

推官 按東都事略云以太常博士為開封府推官 累遷尚書祠部員外郎歷三司度支鹽鐵判官坐前在開封嘗失盜出知宿州頃

之召入為度支判官修起居注初記注官與講讀諸儒皆得侍坐邇英閣揚休奏史官記言動當立以待從之

判鹽鐵句院以刑部員外郎知制誥同判太常寺初內
出香祠温成廟帝誤書名稱臣揚休言此奉宗廟禮有
司承誤不以聞帝嘉之兼句當三班院為宗正寺修玉
牒官遷工部郎中未及謝卒場休喜聞放平居吟詠自
適與家人言未嘗及朝廷事及卒發柩中所得上封事
十餘章其大略請增諫官以廣言路置五經博士使學
者專其業出御史按察諸道以防壅蔽復齒胃之禮以
強宗室擇守令重農桑禁奢侈皆有補於時者然揚休
為人慎默世未嘗以能言待之也至於誥命非其所長
好殖財以從官還鄉里疇昔貧窶之人不揮一金反遍
受里中富人金以去按宋史此下有祖士衡傳無事跡可錄今從刪
李垂字舜工聊城人咸平中登進士第上兵制將制書
自湖州錄事參軍召為崇文校勘累遷著作郎館閣校
理上導河形勝書欲復九河故道時論重之又累修起
居注丁謂執政垂未嘗往謁或問其故垂曰謂為宰相
不以公道副天下望而恃權怙勢觀其所為必遊朱崖
吾不欲在其黨中謂聞而惡之罷知亳州遷穎晉絳李
康伯曰諸公欲舜工為知制誥但宰相以舜工未嘗相
識蓋一往見之垂曰我若昔謁丁崖州則乾輿初已為
翰林學士矣今已老大見大臣不公常欲面折之馬能
趨炎附熱看人眉睫以冀推輓乎執政知之出知均州
卒年六十九五子仲昌最知名

以無罪死吏當夫極法知州歐陽修欲從之洞曰律以
教令者為首夫為從且非其意不當死眾不聽藏於朝
果如洞言修甚重之晏殊知永興軍奏管句機宜文字
改大理丞知鞏縣樞密副使高若訥參知政事吳育薦
其文學宜為館職按宋史宰輔表吳育為參知政事在七年而其時正當吳育由參政改樞密副使在七
歷官前後相持不應教育在若訥後或薦洞為館職若
謂在先非兩人同召試學士院充祕閣校理判祠部時
為一時之事也
天下戶口日蕃民去為僧者眾洞奏祠部帳至三十餘
萬僧若不裁損後不勝其弊朝廷用其言始三分減一
知太常禮院宰相陳執中將葬洞與同列議鑿靈其
孫訴之詔孫抃等復議改曰恭洞駁奏執中位宰相無
功德而罪戾多生不能正法以黜之死猶當正名以誅
之竟從抃等議初皇后郭氏忤旨得罪廢沒後仁宗悔
之詔追復其號二十餘年矣至是有司請耐於廟知制
誥劉敞以謂春秋書禘于太廟用致夫人致者不宜致
也且古者不二嫡當許其號不許其禮洞奏后嘗母天
下無大過惡中外所知陛下既察其偶失恭順洗之於
既沒猶曰不許其禮於義非是尚當別立廟不行轉太
常博士升登聞鼓院仁宗方嚮儒術洞在館閣久數有
建明仁宗以為知經賜飛白善經字寵之出知棣州轉
尚書祠部員外郎河北地當六塔之衝者歲決溢病民
田水退強者遂冒占弱者耕居無所洞奏一切官為標
給蠲其租以緩新集河北東路民富蠶桑契丹謂之綾
絹州朝廷以為內地不慮洞奏今滄景契丹可入之道
兵守多缺契丹時以取鹽為名舟往來境上此不可不
察願度形勢置帥增屯戍以控扼之時天下久安薦紳
崇尚虛名以寬厚沈默為德於事無所補洞以謂非朝

廷福又謂諫官持諫以震人主不數年至顯仕此何為
者當重其任而緩其遷使端良之士不亟易而浮躁者
絕意致書歐陽修極論之召權開封府推官英宗即位
轉度支員外郎英宗哀疚或經旬不御正殿洞上言陛
下春秋鼎盛初嗣大統豈宜久屈剛健自比沖幼之主
當躬萬幾攬羣材以稱先帝付畀之意朕元元之望大
臣亦以為言遂聽政詔訊祁國公宗說獄宗說恃近屬
貴驕不道獄具英宗以為辱國不欲暴其惡洞曰宗說
罪在不宥陛下以其抗不辜數人置諸法可矣英宗喜
曰卿知大體洞因言唐宗室多賢宰相名士蓋其知學
問使然國家本支蕃衍無親疎一切厚廩之不使知辛
苦婢妾聲伎無多寡之限至滅禮義極嗜欲貨之則亂
公共之法刑之則傷骨肉之愛宜因秩品立制度更選
老成教授之宗室緣是怨洞痛詆訾之言帝亦起藩邸
賴察之罪也轉司封員外郎權三司度支判官對便
殿稱旨英宗遂欲進用大臣忌之出為江西轉運使江
西荐饑徵民積歲賦洞為奏免之又民輸油絹不中度
者舊責以滿匹洞命計尺寸輸錢民便之移淮南轉運
使轉工部郎中淮南地不宜麥民艱於所輸洞復命輸
錢官為糴麥不踰時而足自以年不能承教諸子部分
家事未幾卒年四十九

李仕衡字天均秦州成紀人後家京兆府進士及第調
鄠縣主簿田重進守京兆命仕衡鞫死囚五人活者四
人重進即其家謂曰子有陰施此門當高大之徙知彭
山縣就加大理評事遷光祿寺丞父益以不法誅仕衡
亦坐除名後會赦寇準薦其材盡復其官領滑檣運
通判邠州再遷祕書丞徙知劍州王均反仕衡度州兵

不足守卽棄城焚芻粟葦金帛東守劔門旣而賊陷漢川攻劔州州空無所資卽趨劔門仕衛預招賊眾得千餘人待之不疑賊將至與鈴轄裴臻迎擊之斬首數千級乃乘驛入秦擢尙書度支員外郎已而使者言仕衛嘗棄城降監度州稅召還判三司鹽鐵句院度支使梁鼎言商人入粟于邊率高其直而售以解鹽商利益博國用日耗請調丁夫轉粟而輦鹽諸州官自齎之歲可得緡錢三十萬仕衛曰安邊無大於息民今不得已而調斂之又增以轉粟輓鹽之役欲其不困何可得哉不聽遂行鼎議而關中大擾乃罷鼎度支使以仕衛爲荆湖北路轉運使徙陝西初歲出內帑緡錢三十萬助陝西軍費仕衛言歲計可自辦遂罷給眞宗謁陵寢因幸洛仕衛獻粟五十萬斛又以三十萬斛餽京西朝廷以爲材召爲度支副使上言關右旣弛鹽禁而承興同華耀四州猶供賣鹽年額錢請減十分之四詔悉除之累遷司封郎中爲河北轉運使又奏罷內帑所助緡錢百萬建言河北歲給諸軍帛七十萬而民艱於得錢悉預假於里豪出倍償之息以是工機之利愈薄方春民不足請戶給錢至夏輸帛則民獲利而官用足矣詔優其直仍推其法于天下封泰山獻錢帛芻糧各十萬遷右諫議大夫祀汾陰又助錢帛三十萬乃命同林特提舉西京陝西轉運事權知承興軍進給事中踰月以樞密院直學士知益州頃之河北關軍儲議者謂仕衛前過助封祀費眞宗聞之以爲河北都轉運使駕入亳州又貢絲綿縑帛各二十萬後集粟塞下至鉅萬斛或言粟腐不可食朝廷遣使取視之而粟不腐也棣州汙下苦水患仕衛奏徙州西北七十里旣而大水沒故城支餘

南郊復進錢帛八十萬先是每有大禮仕衛必以所部供軍物爲貢言者以爲不實仕衛乃條析以進六十萬皆上供者二十萬卽其羨餘帝不之罪謂王旦曰仕衛應猝有材人欲以此中之然朝廷所須隨大小卽辦亦其所長也明年旱蝗發積粟賑民又移五萬斛濟京西遷尙書工部侍郎權知天雄軍盜起淄青聞遷刑部侍郎知青州前守捕盜妻于眞棘園中仕衛至悉縱使去未幾其徒有梟賊首至者入爲三司使帝作賈財利論以賜之乃更陝西入粟法使民得受錢與茶舊市羊及木責吏送京師而羊多道死木至湍險處往往漂失吏至破產不能償仕衛乃許吏私附羊免其算使得補死者聽民自採木輪官用入粟法償其直遷吏部侍郎仁宗卽位拜尙書左丞以足疾改同州觀察使知陳州州大水築大隄以障水患徙潁州復知陳州曹利用仕衛增也利用被罪降仕衛左龍武軍大將軍分司西京歲餘改左衛大將軍卒其後詔追復同州觀察使仕衛前後管計事二十年雖才智過人然素貪家貲至累鉅萬子丕緒蔭補將作監主簿及仕衛歸老不緒時爲尙書虞部員外郎請解官就養朝廷以爲郎故事不許請削一官乃聽未幾還之後累遷司農卿致仕卒丕緒居官廉靜不爲矯激家多圖書集歷代石刻爲數百卷藏之按宋史此下有李博傳博由三司小吏罷官其後胡則字子正娶州永康人果敢有材氣以進士起家補許田縣尉再調憲州錄事參軍時靈夏用兵轉運使索湘命則部送芻糧爲一月計則曰爲百日備尙恐不支奈何爲一月邪湘懼無以給遣則遂入奏太宗問邊策對稱旨願左右曰州縣豈乏人命記姓名中書後李繼

隆討賊久不解湘語則曰微子幾敗我事一日繼隆移文轉運司曰兵且深入糧有繼乎則告湘曰彼師老將歸欲以糧乏爲辭耳姑以有餘報之已而果爲則所料湘爲河北轉運使奏改祕書省著作佐郎簽書員州觀察判官事累遷尙書戶部員外郎眞宗幸亳還擢三司度支副使初丁謂舉進士客許田則厚遇之謂貴顯則驟進用至是謂罷政事出則爲京西轉運使遷禮部郎中徙廣西路轉運使按宜州重辟十九人爲辨活者九人復爲發運使累遷太常少卿乾寧初坐丁謂黨降知信州徙福州以右諫議大夫知杭州入權吏部流內銓坐失舉復爲太常少卿知池州未行復諫議大夫知承興軍徙河北都轉運使以給事中權三司使通京東西陝西鹽法人便之初則在河北殿中侍御史王汾嘗就則假官舟販鹽又以其子爲名祈買酒場至是張宗誨擿發之按驗得實出則知陳州踰月授工部侍郎集賢院學士劉隨言則奸邪貪濫聞天下比命知池州不肯行今以罪去驟加美職何以風勸在位後徙杭州再遷兵部侍郎致仕卒

薛顏字彥河中萬泉人舉三禮中第爲嘉州司戶參軍代還引對稱旨改將作監丞監華州酒稅以祕書省著作佐郎使夔峽疏決刑獄還改太子左贊善大夫知雲安軍徙渝閬二州丁謂自舉代薦顏爲峽路轉運使累遷尙書虞部員外郎始孟氏據蜀徙夔州于東山據峽山以拒王師而民居不便也顏爲復其故城宜州陳進反命尙當廣南東西路轉運使事賊平遷金部員外郎改河東轉運使徙陝西河中浮橋歲爲水所敗顏卽北岸疏上流爲支渠以殺水怒因取渠水溉其旁田民

頤利之坊州募人鍊礬歲久課益重至有破產被繫不能償者顏奏罷坊礬則晉礬當大售後如其策徙河北按東都事悉知河陽杭徐州河陽揚杭徐三州累遷光祿少卿以少府監知江寧府遷者晝却人反執平人以告顏視其色動曰若真盜也械之果引伏轉右諫議大夫知河南府仁宗即位遷給事中丁謂分司西京以顏雅與善徙知應天府又徙耀州部有豪姓李甲結客數十人號沒命社少不如意則推一人以死鬪之積數年為鄉人患顏至大索其黨會赦當免特杖甲流海上餘悉籍于軍以光祿卿分司西京卒嘗屬杜衍為墓誌衍却之仁宗謂衍曰辭顏有醜行卿不欲誌其墓誠清識也孫向自有傳

許元字子春宣州宣城人按東都事略作秦州海陵人以父蔭為太廟齋郎改大理寺丞累遷國子博士監在京榷貨務三門發運判官元為吏強敏尤能商財利慶曆中江淮歲漕不給京師之軍儲參知政事范仲淹薦元可獨倚辦權江淮制置發運判官至則悉發潁江州縣藏粟所在留三月食遠近以次相補引千餘艘轉漕而西未幾京師足食朝廷以為任職就遷副使遂以尚書主客員外郎為使進全部特賜進士出身遷侍御史嘗欲與施昌言分行二浙江南調發軍食仁宗聞之語輔臣曰東南歲比不登民方匱乏嘗詔損歲漕百萬石而元與昌言乃更欲分道而出是必誅求疲民以自為功非朕志也下詔戒飭權天章閣待制再遷郎中以疾請還歷知揚越秦州卒元在江淮十三年以聚斂刻剝為能急於進取多聚珍奇賂遺權貴尤為王堯臣所知發運使治所在真州衣冠之求官舟者日數十輩元視勢家貴族立

權巨艦與之

鍾離瑾字公瑜廬州合肥人舉進士為簡州推官以殿中丞通判益州建言州郡既上雨後雖凶旱多隱之以成前奏請令監司劾其不實者罷開封府推官出提點兩浙刑獄衢州饑聚餓者食之頗廢農作請發米二萬斛賑給家毋過一斛後徙淮南轉運副使歷京西河東河北轉運使改江淮制置發運使殿直王乙者請自揚州召伯埭東至瓜州溶河百二十里以廢二埭詔理規度以工大不可就止置埭召伯埭旁人為利屢遷尚書刑部郎中為三司戶部副使除龍圖閣待制權知開封府未踰月得疾卒

孫冲字升伯趙州平棘人舉明經歷古田青陽尉鹽山麗水主簿後舉進士登甲科授將作監丞歷通判晉絳保州坐與保州守爭事降監吉州酒粟遷太常博士河決棣州知天雄軍寇準請徙州治河命冲往按視還言徙州動民亦未免治隄不若塞河為便遂以冲知棣州自秋至春凡四決冲皆塞之就除殿中侍御史準為樞密使卒徙州信陽而冲坐守護河堤過嚴民輸送往來隄上者輒撈之為使者論奏徙知襄州冲復上疏論徙州非便著河書以獻會京西蝗真宗遣中使督捕至襄州冲不出迎乃奏蝗唯襄為甚而州將日置酒無郵民怒冲不出迎乃奏蝗唯襄為甚而州將日置酒無郵民意帝怒命即州置獄冲得屬縣言歲稔狀馳驛上之時使者猶未還帝悟為追使者咎之以侍御史為京西轉運塞滑州決河權知滑州參知政事魯宗道總河事用太常博士李渭策欲盛夏興役冲言徒費薪楩困人力雖塞必決遂罷知河陽累遷刑部郎中歷湖北河東轉運使會南郊賞賜軍士而汾州廣勇軍所得帛不逮他

軍一軍大謀捍守佐堂下劫之約與善帛乃免城中戒備遣兵圍廣勇營冲適至命解圍弛備置酒張樂推首惡十六人斬之遂定初守佐以亂軍所約者上聞詔給善帛使者至冲曰以亂而得所欲是愈誘之亂也卒留不與人判登聞鼓院以目疾改兵部郎中直史館歷官至給事中卒冲為吏所至以強幹稱能任鈞距多得事情然無家法晚節尤寡廉聶孫承自有傳

崔暉字之才京兆長安人進士及第累官尚書職方員外郎知遂州建議瞿塘峽置關如劔門以察奸人事既施行徙提點刑獄嘉陵江歲調民丁治隄場嶧更用州兵代其役文州蕃卒數剽攻邊戶守臣慮生事多以牛酒和遣暉請守臣歲時得行邊益募勇壯伺其發一切捕擊之後無復內寇就除轉運使歷三司戶部判官河東轉運使會更錢法潞州民大擾推其首惡誅之人心遂定後為戶部副使以右諫議大夫為河東都轉運使遷給事中還糾察在京刑獄諫官御史言宰相陳執中縱嬖妾殺婢命按治暉以為執中自以婢不恪咎之死非妾殺之願左右執中即授龍圖閣待制知慶州羌并坑族亂潛兵討平歷知同州鳳翔府改工部侍郎集賢院學士知河中府暉所至貪奸比老益甚在鳳翔轉運使辭向按之急不得已至河中請老以刑部侍郎致仕卒

田瑜字資忠河南壽安人舉進士歷袁郢合三州軍事推官累遷尚書司封員外郎提點廣南西路刑獄慶曆中區希範誘溪洞瓊州蠻叛帝以瑜習知南方事就除荆湖北路轉運使瑜檄屬郡募民擊賊又督轉粟以守要害兵所至不乏食賊勢大挫徙兩浙轉運按察使杭

州龍山隄歲決水冒民居輒賦芻塞之瑜與民約每筭十束使輸石一尺率五歲得石百萬為石隄固而歲不調民加直史館益州路轉運使改江淮制置發運使擢天章閣待制知廣州累遷諫議大夫權三司戶部副使儂智高犯邕瑠條上用兵禦賊十事智高平召對便殿具言南方山川險要及備守之策乃以為廣南東路體量安撫使還糾察刑獄同判吏部流內銓除龍圖閣直學士知青州城有殺人投屍井中者吏以其無主名不以聞瑜廉得之大出金帛贖賊後數日隣州民執賊以告屬歲凶多盜瑜立賞罰設方略捕格之境中肅然徙知瀘州卒瑜謹厚少文而於吏事頗盡心然御下急無廉稱

施昌言字正臣通州靜海人舉進士高第授將作監丞通判滁州後以太常博士遷尚書屯田員外郎知太平州上政論三十篇入為殿中侍御史開封府判官安撫淮南還以禮部員外郎兼侍御史知雜事遷三司度支副使除天章閣待制河北都轉運使言事者以為濱棧等六州河可涉宜有城守如邊以待契丹詔昌言與宦官楊懷敏往視懷敏以為當城昌言曰六州地千里又河數移徙城之甚難而無利契丹未渝盟先自困非便也或請於麟府立十二砦以拓境又詔昌言與明鑑張元度可否昌言獨以為麟府在河外於國家無毫髮入今不當又事無利之砦以重困財力就除知慶州在州所為不法語徹朝廷昌言疑通判陳湜言之追發湜罪湜坐廢昌言亦降知華州歷知滄州河陽移河北都轉運使議塞商胡婦決河令復故道與北京留守賈昌朝累論徙江淮發運使加龍圖閣學士知應天府又知延

州召還會塞六塔河以為都大修河制置使加樞密直學士知瀘州以便役事河決奪一官知滑州又知杭州加龍圖閣學士復知滑州以老求罷乃以知越州至京師卒

楊偕字次公坊州中部人唐左僕射於陵六世孫父守慶仕廣南劉氏歸朝為坊州司馬因家焉偕少從神放學於終南山舉進士釋褐坊州軍事推官知汧源縣再調漢州軍事判官有化瓦石為黃金者就偕試之偕曰吾從吏祿安事化金哉在官數上書論時政又論陝西邊事復召試不起即遷祿書省著作佐郎為審判院詳議官再遷太常博士宋綬薦為監察御史改殿中侍御史與曹修古連疏言劉從德遺奏恩太濫貶太常博士監舒州稅以尚書祠部員外郎知光州改侍御史為三司度支判官時皇后廢偕與孔道輔范仲淹力爭道輔仲淹既出偕止罰金乃言願得與道輔等皆貶不報富民陳氏女選入宮將以為后偕復上疏諫馬季良以罪斥置滁州自言得致仕偕謂致仕用優賢者不當以寵罪人又數論陞降之弊仁宗嘉納之判吏部流內銓徒三司度支副使擢天章閣待制河北轉運使按知定州夏守恩職守恩流嶺南進龍圖閣直學士知河中府夏竦為陝西經略使請增置土兵易戍兵歸衛京師偕言關中財用乏復增土兵徒耗國用且賊勢方盛雖大增土兵亦未能減戍兵東歸第竦懼敗事欲以兵少為解爾竦復奏偕不忠沮邊計偕爭愈力時陝西議立五保偕以為擾民疏請罷之徙陝州又徙河東都轉運使詔大選三路之民募為兵偕復言方今兵不為少苟多而不練則其勢易以敗又困國而難供時論者惟務多兵

而偕論常如此進樞密直學士知并州元昊入寇密詔偕選強壯萬人策應麟府偕奏出師臨陣無紀律則士不用命今發農卒赴邊慮在路逃逸及臨陣退縮不稟號令請以軍法從事詔如所請并人大驚長都轉運使文彥博奏罷之有中官預軍事素橫前帥優遇之偕至一繩以法令率所部兵從副總管赴河外戒曰遇賊將戰一稟副總管節度中人不暇捧檄訴偕叱曰汝知違主帥命即斬首乎監軍布汗不覺墮笏翌日告疾未幾遂卒於是軍政肅然元昊大掠河北詔修寧遠若偕言寧遠若在河外介麟豐二州之間無水泉可守請建新麟州於嵐州有白塔地可建若屯兵謂還有五利不遷有三害省國用惜民力利一也內禦岢嵐石府州沿河

一帶賊所出路利二也我據其要則河水雖合賊不敢逾河而東利三也商旅往來以通貨財利四也方河凍時得所屯兵馬五七千人以張軍勢利五也今麟州轉輸東芻斗粟費直千錢若因循不遷則河東之民困於調發無已時害一也以孤壘餽敵害二也道路艱阻援兵難繼害三也且州之四面屬羌止存孤壘今契丹又與西賊共謀待水合來攻河東若朝廷不思禦捍之計而修寧遠若是求虛名而忽大患也況靈夏二州皆漢唐郡一旦棄之一麟州何足惜哉書奏帝謂輔臣曰麟州古郡也咸平中嘗經寇兵攻圍非不可守今遽欲棄之是將退而以河為界也宜論偕速修復寧遠以援麟州明年改左司郎中本路經略安撫招討使偕列六事于朝一罷中人預軍事二徙麟州三以便宜從事四出宥師五募武士六專捕接且曰能用臣言則受命不然則已朝廷不從偕累奏乃罷知邢州徙滄州求面論兵

事召還令間日入對偕在并州日嘗論八陣圖及進神
樞劈陣刀其法外環以車內比以楯至是帝命以步卒
五百如其法布陣於庭善之乃下其法於諸路其後王
吉果用偕刀楯法敗元昊於兔毛州久之遷翰林侍讀
學士知審官院復以為左司郎中元昊乞和而不稱臣
偕以謂連年出師國力日蹙宜權許之徐圖誅滅之計
諫官王素歐陽修蔡襄累章劾奏偕職為從官不思為
國討賊而助元昊不臣之請罪當誅陛下未忍加戮請
出之不宜留處京師帝以其章示偕偕不自安乃求知
越州道改杭州又上太平可致十象圖還判太常司農
寺改右諫議大夫請老以尙書工部侍郎致仕卒遺奏
兵論一篇帝憐之特贈兵部侍郎偕性剛而忠樸敢為
大言數上書論天下事議者以為迂闊難用與人少合
尤喜古今兵法子忱慥皆有雋才早卒

王沿字聖源大名館陶人少治春秋中進士第試祕書
省校書郎歷知宗城縣張知白薦其才擢著作佐郎入
為審刑院詳議官再遷太常博士上言宋興七十年契
丹數侵深趙具魏之間先朝忠征調之不已也故屈己
與之盟然豈久安之策哉夫善禦敵者必思所以務農
實邊之計河北為天下根本其民儉嗇勤苦地方數千
里古號豐實今其地十三為契丹所有餘出征賦者七
分而已魏史起鑿十二渠引漳水溉斥鹵之田河內饒
足唐至德後渠廢相魏磁洺之地並漳水者累遭決溢
今皆斥鹵不可耕故沿邊郡縣數蠲租稅而又牧監芻
地占民田數百千頃是河北之地雖十有其七得賦之
實者四分而已以四分之力給十萬防秋之師生民不
得不困也且牧監養馬數萬徒耗芻豢未嘗獲其用請

擇壯者配軍衰者徙之河南孳息者養之民間罷諸
牧以其地為屯田發役卒刑徒田之歲可獲穀數十萬
斛夫漳水一石其泥數斗古人以為利今人以為害繫
乎用與不用耳願募民復十二渠渠復則水分水分別
無奔決之患以之灌漑可使數郡瘠鹵之田變為膏腴
如是則民富十倍而倉廩有餘矣詔河北轉運使規度
通判洺州王軫言漳河岸高水下未易疏導又其流濁
不可溉田沿方遷監察御史即上書駁軫說帝雖嘉之
而不即行語在河渠略天聖五年安撫關陝滅諸縣秋
稅十二三還為開封府推官又體量河朔饑民所至不
俟詔發官廩濟之就除轉運副使上言本朝制兵刑未
幾於古自契丹通好三十年二邊常屯重兵坐耗國用
而未知所以處之請教河北強壯以代就糧禁卒之闕
罷招募軍以其冗者隸作屯田行之數年禁卒當漸銷
減而強壯悉為精兵矣古者刑平國用中典而比者以
赦處罪多重於律以絹估罪者赦以緡直代之律坐髡
鉞而役者赦黥竄以為卒比諸州上言謫卒太多衣食
不足願勿復謫者七十餘州以律言之皆不至是誠願
削深文而用正律以錢定罪者悉從絹估黥竄為卒者
止從髡文被詔鞠曹納獄子真定府憲殿中侍御史改
尙書工部員外郎知邢州尋為河北轉運使奏罷二牧
監以地賦民導相衛邢趙水下天平景佑諸渠激田數
萬頃因詣闕奏事授直昭文館為三司戶部副使徙鹽
鐵遷兵部員外郎天章閣待制陝西都轉運使時朝廷
將減戍卒就食內地詔與知州總管鈐轄等議沿即奏
減卒數萬知樞密院李諒以為不可復下沿邊都監議
沿上疏曰兵機當在廊廟之上豈可取責小人哉諒亞

其言奏罷之降知滑州從成德軍建學校行鄉飲酒禮
遷刑部郎中河東都轉運使加龍圖閣直學士知并州
時元昊數寇河東建議徙豐州不報已而州果陷進樞
密直學士右司郎中為涇原路經略安撫招討使兼知
滑州增屯兵城中隘甚乃築西關城五里改涇州觀察
使元昊入寇副都總管葛懷敏率兵出捍沿教懷敏率
兵據瓦亭待之懷敏進兵鎮戎沿以書戒勿入第背城
為砦以羸師誘賊賊至發兵擊之可有功懷敏不聽進
至定川果為所敗賊乘勝犯涇州沿率州人乘城多張
旗幟為疑兵賊遂引去坐懷敏敗復為龍圖閣直學士
刑部郎中知虢川尋降天章閣待制為權御史中丞賈
昌朝所奏落待制未幾徙知成德軍復待制又徙河中
府卒沿好建明當世事而其論多齟齬初制河北水利
導諸渠洩民田論者以為無益已而邢州民有爭渠水
至殺人者然後人知沿所建為利嘗論以春秋法斷事
然真定之獄人以為沿傅致之子鼎

鼎字鼎臣以進士第累遷太常博士王堯臣領三司舉
句當公事數上書論時政得失時天子患吏治多弛監
司不舉職而范仲淹等方執政擇諸路使者令按舉不
法以鼎提點江東刑獄與轉運使楊紘判官王綽競擿
發吏罪至微隱無所貸於是所部官吏怨之目為三虎
仁宗聞之不說仲淹等罷鼎與紘皆為人所言時鼎
提點兩浙刑獄降知深州王則反深卒罷且謀以元日
殺軍校劫庫兵應之前一日有告者鼎夜出檄遣軍校
攝事外邑而陰為之備翌日會僚吏置酒如常叛黨愕
不敢動鼎刺得實徐捕首謀十八人送獄獄具候轉運
使審決未至軍中恟恟謀劫囚鼎因謂僚吏曰吾不以

其言奏罷之降知滑州從成德軍建學校行鄉飲酒禮
遷刑部郎中河東都轉運使加龍圖閣直學士知并州
時元昊數寇河東建議徙豐州不報已而州果陷進樞
密直學士右司郎中為涇原路經略安撫招討使兼知
滑州增屯兵城中隘甚乃築西關城五里改涇州觀察
使元昊入寇副都總管葛懷敏率兵出捍沿教懷敏率
兵據瓦亭待之懷敏進兵鎮戎沿以書戒勿入第背城
為砦以羸師誘賊賊至發兵擊之可有功懷敏不聽進
至定川果為所敗賊乘勝犯涇州沿率州人乘城多張
旗幟為疑兵賊遂引去坐懷敏敗復為龍圖閣直學士
刑部郎中知虢川尋降天章閣待制為權御史中丞賈
昌朝所奏落待制未幾徙知成德軍復待制又徙河中
府卒沿好建明當世事而其論多齟齬初制河北水利
導諸渠洩民田論者以為無益已而邢州民有爭渠水
至殺人者然後人知沿所建為利嘗論以春秋法斷事
然真定之獄人以為沿傅致之子鼎

累諸君獨命取囚桀驁者數人斬于市眾皆失色一郡帖然轉運使至囚未決者半訊之皆伏誅明年河北大饑人相食鼎經營販救頗盡力徙建州其俗生子多不舉鼎為條教禁止時盜販鹽茶者眾一切杖遣之監司數以為言鼎弗為變從提點河北刑獄治奸賊益急所劾舉不避貴勢召為開封府判官改鹽鐵判官累遷司封員外郎淮南兩浙荆湖制置發運副使內侍楊永德奏請沿汴置鋪挽漕舟歲可省卒六萬鼎議以為不可發八難永德不能復鼎因疏言陛下幸察用臣不宜過聽小人妄有所改以誤國計於是永德言不用居二年遂以為使前使者多漁市南物因奏計京師持遺權貴鼎一無所市獨悉意精吏事事無大小必出於己凡調發綱吏度漕路遠近定先後為成法於是勞逸均吏不能為重輕官舟禁私載舟兵無以自給則盡盜官米為好有能居販自贍者市人持以法不肯償所運鼎為移州縣督償之舟人有以自給不為奸而所運米未嘗不足也入為三司鹽鐵副使數與包拯爭議不少屈拯素強然無如之何遷刑部郎中天章閣待制河北都轉運使徙河東卒鼎性廉不欺嘗任其子族人欲增年以圖速仕鼎不可父死分諸子以財鼎悉推與其弟嘗知臨卽縣轉運使選攝新繁新繁多職田斗粟不以自入奉使契丹得千緡散之族人一日盡所至不擾唯市飲食日用物增直以償事繼母孝教育孤姪甚至自奉儉約當官明敏強直不可撓所薦士多知名有終身不識者初鼎與弟豫皆有才氣好上書言事仁宗稱之以為豫孟浪鼎所言多可用豫為人小事羈檢以大理寺丞知伊闕縣有異政棄官浮游江湖間殖貨自給以卒

杜杞字偉長以父鎬蔭補將作監主簿知建陽縣強敏有才閩俗老而生子輒不舉杞使五保相察犯者得重罪累遷尚書虞部員外郎知橫州時安化蠻寇邊杞言嶺南諸郡無城郭甲兵之備牧守非才橫為豈欽廉三郡咽喉地勢險阻可屯兵為援豈管內制廣源外控交趾願擇文臣識權變練達嶺外事者以為牧守使經制邊事改通判真州徙知解州權發遣度支判官盜起京西掠商鄧均房焚光化軍授京西轉運按察使居數月賊平會廣西區希範誘白崖山蠻蒙起反嶺外騷然擢杞刑部員外郎直集賢院廣南西路轉運按察使安撫使按涼水記屬作湖南轉運副使以書諭蠻聽其自新蠻無至者遂勒兵攻破白崖黃泥九居山岩及五峒焚毀積聚斬首百餘級復環州希範走荔枝峒杞遣使誘之趕來降杞乃擊牛馬為曼陀羅酒大會環州伏兵發誅七千餘人後三日又得希範醢之以遺諸蠻因老病而釋者纔百餘人御史梅摯劾杞殺降失信詔戒諭之徙兩浙轉運使明年改河北拜天章閣待制環慶路經略安撫使知慶州杞上言殺降者臣也得罪不敢辭將吏勢未錄臣未敢受命因為行賞蕃酋率眾千餘內附夏人以兵索酋而劫邊戶掠馬牛有詔責杞杞言彼違誓舉兵酋不可與因移檄夏人不償所掠則酋不可得既而兵罷去杞性強記博覽書傳通陰陽數術之學自言吾年四十六死矣一日據廁見希範與趕在前訴冤叱曰爾狂僭叛命法當誅尚敢訴邪未幾卒兄植以文雅知名累任監司終少府監弟樞亦強敏為比部員外郎緹監衡州稅卒楊敞字樂道保靜軍節度使重勛之曾孫進士及第授秘書省校書郎并州錄事參軍再遷大理寺丞知岳州

慶歷三年湖南騷人唐和等劫掠州縣擢殿中丞提點本路刑獄專治盜賊事乃募才勇入峒討擊大兵潰賊踣巖下藉蕞草得不死卒平六峒以功遷太常博士未幾坐部將胡元戰死降知太平州歲餘賊益肆帝遣御史按視還言敞嘗戰山下人樂為用今欲殄賊非敞不可乃授東萊院使荆湖南路兵馬鈐轄賊聞敞至皆恐畏踰嶺南遁又詔往韶連等州招安之乃約賊使出峒授田為民而轉運使欲授以官與贖質使還敞曰賊剽攻湖廣七年所殺不可勝計今使飽賞糧據峒穴其勢不久必復亂明年春賊果復出陽山敞即領眾出嶺外涉夏秋凡十五戰賊潰敞感瘴疾歸蠻平願還舊官改尚書屯田員外郎直史館知隨州召還為三司戶部判官會儂智高陷邕州召對便殿即日除起居舍人知諫院廣南東西路體量安撫使經制賊盜敞至韶州會張忠戰死智高自廣州回軍沙頭將濟政令蘇緘棄英州蔣偕焚糧儲及召拜贊宗閔王從政退保韶州賊勢愈熾敞不能抗遂殺將偕王正倫敗陳曙復據邕州敞坐是落知諫院知鄂州再降為屯田員外郎知光化軍明年又降為太常博士歲終徙邠州復起居舍人為河東轉運使入為三司戶部副使遷吏部員外郎久之擢天章閣待制兼侍讀判吏部流內銓上言願擇宗室之賢者使侍膳禁中為宗廟計嘉祐三年冬河北地震明年日食正旦復上疏曰漢成帝時日食地震哀平之世嫡嗣屢絕絕此天所以示戒也陛下宜早立皇嗣以答天意改知制誥李珣自防禦使遷觀察劉永年自團練使遷防禦敞當草制封還詞頭言珣等無尺寸功特以外戚故除之恐非祖宗意不報進龍圖閣直學士復知

諫院嘉祐六年京師大水畷據洪範五行傳言簡宗廟則水不潤下又曰聽之不聰厥罰常水萬幾之聽必有失於審者七廟之享必有失於順者惟陛下積思而矯正之乃下其章禮官并兩制考議咸言南郊三聖並侑温成皇后立廟皆違經禮於是詔自今南郊以太祖皇帝配改温成廟為祠殿卒贈右諫議大夫畷出於將家折節喜學問為士大夫所稱在山下討蠻家問至即焚之與士卒同甘苦破諸峒及用之嶺南以無功斥名稱遂衰性清介謹畏每奏事必發封數四而後上之自奉甚約為郡待客雖監司菜果數器而已及卒家無餘貲

周湛字文淵鄧州穰人按隆平集其先汝陰人後為鄧州人進士甲科為開州推官中身言書判改祕書省著作佐郎通判戎州俗不知醫病者以祈禳巫祝為事湛取古方書刻石教之禁為巫者自是人始用醫藥果遷尚書都官員外郎知虔州提點廣南東路刑獄初江湖民賂良人醫嶺外為奴婢湛至設方略搜捕又聽其自陳得男女二千六百入給飲食還其家徙京西路鄧州美陽堰歲役工數十萬澗州縣職田而利不及民湛奏罷之為鹽鐵判官三司帳籍浩煩吏胥離析為弊欺湛為立勒同法歲減天下計帳七千為江南西路轉運使州縣簿領案牘淆混無紀次且多亡失民訴訟無所質至久不能決湛為立號以月日比次之詔下其法諸路又以徭賦不均百姓巧于避匿因條其詭名挾佃之類十二事且許民自言凡括隱戶三十萬還為戶部判官又為夔州路轉運使雲安鹽井歲賦民薪茅至破產責不已湛為蠲鹽課而省輸薪茅判鹽鐵句院以太常少卿直昭文館為江

淮制置發運使湛治煩劇能得其要所至喜條上利害前後至數十百事大江歷舒州長風沙其地最險謂之石牌灣湛役三萬工鑿河十里以避之人以為利除度支副使舊制發運司保任軍將至三司不得考覆而皆遷之至是以名上者三十五人湛盡覆其濫者拜右諫議大夫知襄州襄人不善陶瓦率為竹屋歲久侵據官道簷廡相逼火數為害湛度其所侵悉毀徹之自是無火患然豪姓不便提點刑獄李穆奏湛擾人徙知相州右司諫吳及疏言百姓侵官主司禁之其職然也望詔執政大臣辨正湛是非明垂獎黜未幾卒湛為人脫易少威儀然善射弩雖隔屋亦中的云

徐的字公準建州建安人擢進士第補欽州軍事推官欽土煩鬱人多死瘴癘的見轉運使鄭天監請曰徒州瀕水可無患請以上聞從之天監因奏留的使游役的短衣持挺與役夫同勞苦築城郭立樓櫓以備戰守畫地居軍民為府舍倉庫溝渠墾肆之類民皆便之遷大理寺丞累遷尚書屯田員外郎知臨江軍擢廣南西路提點刑獄安化州蠻攻殺將吏所部卒畏誅謀欲叛的馳騎至宜州曉以立功自贖眾斂手聽命奏復澄海忠敢軍後皆獲其用改知舒州徙荆湖北路轉運使辰州蠻彭士義為寇的開示恩信蠻黨悔過自歸攝江陵府事城中多惡少年欲為盜輒夜縱火火一夜十數發的籍惡少年姓名使相保任曰爾輩還相察不然皆爾罪也火遂息太子洗馬歐陽景猗橫不法為里人害的發其奸竄之嶺外以兵部員外郎為淮南江浙荆湖制置發運副使奏通泰州海陵如臯縣漕河詔未下的以便宜調兵夫漕治之出滯鹽三百萬計得錢八百萬籍遂

為制置發運使遷工部郎中復治泰州西溪河發積鹽加直昭文館區希範蒙趕寇衡湘命的招撫之既至會蠻酋相繼出降三司以郊祠近宜召還計事既還蠻復叛除度支副使荆湖南路安撫使至桂陽降者復累其欽景石碓華陰水頭諸司不降者的皆討平之斬其酋熊可清等千餘級卒於桂陽

姚仲孫字茂宗本曹南著姓曾祖仁嗣陳州商水令因家焉仲孫早孤事母孝擢進士第補許州司理參軍民婦馬氏夫被殺指里胥嘗有求而其夫不應以為里胥殺之官捕繫辭服仲孫疑其枉知州王嗣宗怒曰若敢以身任之耶仲孫曰幸毋遽決冀得徐辨後兩月果得殺人者調邢州推官徙資州轉運使檄仲孫詣富順監按疑獄全活數十人資州更二守皆昏老事多決於仲孫改大理寺丞知建昌縣初建昌運茶抵南康或露積于道間為霖潦所敗主吏至破產不能償仲孫為募吏民輸山木即高阜為倉邑人利之徙通判彭州嘗以天下久無事不可以弛兵備因上前世禦戎料敵之策名防邊龜鑑通判睦州徙滁州歲早饑有詔發官粟賑民主吏不時給仲孫既至州立劾主吏夜索丁籍盡給之累遷尚書屯田員外郎王巖守益州辟通判州事召為右司諫入內都知聞文應求為都知仲孫數其罪曰方帝齋宿太廟而文應叱醫官登閣行在郭皇后暴薨中外莫不疑文應實毒者出文應為泰州兵馬鈐轄又稱疾留復論奏乃亟去以起居舍人知諫院管句國子監以尚書戶部員外郎兼侍御史知雜事時諫議大夫十二員仲孫曰諫議大夫蓋朝廷之選不宜以歲月序進請艱其選以處材望之臣餘悉次補卿監乃詔當選者

秦聽旨先是諸路復提點刑獄還朝多擢爲省府官仲孫請第其課爲三等升黜之節詔仲孫司考課之法歷三司戶部度支鹽鐵副使進天章閣待制河北都轉運使大修城壘兵備仁宗賜詔褒之權知澶州河壞明公埽絕浮橋仲孫親總役隄上埽一夕復完權知大名府夜領禁兵塞金隄決河是歲澶魏雖大水民不及患進禮部郎中龍圖閣學士權三司使事屬西北備邊募兵益屯及賞賜聘問之費不可勝計仲孫悉心經度雖病未嘗輒廢事坐小吏詐爲文符出知蔡州卒

陳太素字仲華河南緱氏人中進士第嘗爲大理評斷官入審刑爲詳議官權大理少卿又判大理事任刑法二十餘年朝廷有大獄疑必召與議太素爲推原人情以傳法意眾皆釋然所論建亦或不中每臨案牘不至忘寢食大寒暑不變子弟或止之答曰圍圍之苦豈不甚于我也愿知江陰軍兗州明州有治迹累官至尙書兵部郎中卒太素家行修治尤善論刑名常以爲有司議法當據文直斷不可求曲當法求曲當法所以亂也同時有馮尋者須城人舉毛詩學究累判大理寺以明習法律稱又有杜曾者濮州人爲吏號知法

李虛己字公受五世祖盈自光州從王潮徙閩遂家建安父寅有清節仕江南李氏至諸司使江南國除授殿前承旨辭不拜時僞官皆入留京師而寅母獨在江南乃遣其長子歸養舉進士起家爲衢州司理參軍母老兼官以歸虛己亦中進士第歷沈邱縣尉知城固縣改大理評事累遷殿中丞提舉淮南茶場知遂州太宗嘗手書累二十餘紙曰公勤潔已奉法除奸惠愛臨民者乃可書爲勞績月給奉以實錢命有司擇羣臣以治最

聞者賜之仍論曰除奸之要在乎奉法不可因以生事時虛己被賜因獻詩自陳父子遭遇榮及祖母帝悅爲批其紙尾曰虛己學古入官榮親事生奉書爲郡欲布新規朕得良二千石矣遂賜五品服又賜其祖母錢五十萬意實子錢五十緡帝後因宰相始知誤也以南郊恩封羣臣母妻虛己又請罷其妻封以授祖母詔悉封之世以爲榮會遣使察川峽吏能而州多不治唯虛己與薛顏邵煜查道數人以能任職稱再遷尙書屯田員外郎以便親請通判洪州是時寅已謝歸寅母尙無恙虛己雙疊迎待寅至豫章樂其山水遂臨州之東湖築第宇以居虛己爲侍御史出提點荆湖南路刑獄徙淮南轉運副使累遷兵部郎中知洪州遷尙書工部侍郎徙池州求分司南京卒初寅之請老年未六十虛己分司而歸年六十九其季虛舟仕至餘干縣令坐法免官不復言仕寅事親孝治家有法虛己虛舟又以孝友清慎世其家虛舟之子寬爲尙書金部郎中定爲司農少卿

張博字巖卿諱人進士及第稍遷祕書省著作佐郎知奉符縣時方修會真宮天書觀及增治岳祠以辦事稱宰相向敏中冊東岳帝號還薦之知楚州會歲饑貽書發運使求貸糧不報因歎曰民轉死溝壑矣報可待邪乃發上供倉粟賑貸所活以萬計因拜章待罪詔獎之提點江西刑獄徙江東就除轉運使入權三司鹽鐵判官會河決濟北民多被害命安撫京東累遷工部郎中出爲兩浙轉運使改判湖北路復爲鹽鐵判官再遷兵部爲陝西轉運使徙江淮發運使未至召還屬西京奏兵食乏因言馮翊陰積粟多可運二十萬石濟之遂

留爲侍御史知雜事判吏部流內銓進三司度支副使以疾請外遷太常少卿知應天府爲右諫議大夫徙青州遷給事中知鄆州復知應天府遂以工部侍郎致仕卒傳強力治事七爲監司所至審數簿書句埽奸隱州縣憚之傳曰吾所以事事致察者正所以愛州縣也吏不敢慢則州縣不復犯法矣人亦以爲然

俞獻卿字諫臣歙人少與兄獻可以文學知名皆中進士第獻可有吏稱歷吏部郎中龍圖閣待制獻卿起家補安豐縣尉有僧貫宣積財甚厚其徒殺之詣縣給言師出遊獻卿曰吾與宣善不告而去豈有異乎其徒色動因執之得其瘞尸一縣大驚再調昭州軍事推官會宜州陳進亂象州守不任事轉運使檄獻卿往佐之及至守謀棄城獻卿曰臨難苟免可乎賊至當力擊不勝有死而已奈何棄去初昭州積緡錢鉅萬獻卿盡用平糶至積穀數萬及是大兵至賴以饋軍改大理寺丞爲本寺詳斷官歷除殿中侍御史爲三司鹽鐵判官上言

今天下穀帛之直比祥符初增數倍矣人皆謂稻苗未立而和糶桑葉未吐而和買自荆湖江淮間民愁無聊轉運使務刻剝以增其數歲益一歲又非時調率營造一切費用皆出於民是以物價積高而民力積困也陛下宜與公卿大臣朝夕圖議而抹正之帝納其言爲罷諸官觀兵衛又除無名之費以鉅萬計准浙鹽利不登命獻卿往經度之更立新法歲增鹽課緡錢甚眾除陝西轉運使時邊吏多因事邀功徑原路鈐轄擅於武英州鑿邊壕置堡砦獻卿度必招寇患亟檄罷之未幾賊果至殺將士塞所鑿壕而去徙京西因入對甚言趙振堪將帥范仲淹明銷可大用及條上邊策甚備除福建

轉運使還判三司鹽鐵句院界遷戶部度支鹽鐵副使以右諫議大夫集賢院學士知杭州暴風江湖溢決隄獻卿大發卒鑿西山作隄數十里民以為便後知應天府以刑部侍郎致仕卒

陳從易字簡夫泉州晉江人進士及第為嵐州團練推

官再調彭州軍事推官按東都事王均盜據成都連綿

漢諸郡彭人謀殺兵馬都監以應之時從易攝州事斬

其首謀者召餘黨曉以禍福貫之按東都事略云均移

之以安眾宋史書東州從易即命焚

本傳不載附識眾皆呼悅乃率屬將吏修嚴守械戒其

家僮積薪舍後曰吾力不足以守當死於此賊聞其有

備不敢入境賊平安撫使王欽若以狀聞召為祕書省

著作佐郎大理寺詳斷官遷太常博士出知邵武軍預

修冊府元龜改監察御史真宗宴近臣崇和殿從易賦

詩稱旨遷侍御史改刑部員外郎直史館知虔州會歲

大饑有持杖盜取民穀者請一切減死論凡生者千餘

人天禧中坐薦送別頭進士失實降工部員外郎以父

老求鄉郡宰相寇準惡其疎已除吉州從易因對自言

改福州未行遭父喪服除糾察在京刑獄出為湖南轉

運使徙知荆南擢太常少卿直昭文館知廣州在廣三

年以清德聞入為左司郎中知制誥初景德後文士以

雕靡相尚一時學者嚮之而從易獨守不變與楊大雅

相厚善皆好古篤行時朝廷矯文章之弊故並進二人

以風天下兼史館修撰遷左諫議大夫命使契丹以年

老辭不行又辭職請補郡進龍圖閣直學士知杭州卒

從易好學強記為人激直少容喜別白是非多面折人

或尤其過從易終不變王欽若最善之及廢居南京時

過之遇汴水旱涸遂告謂曰從易願使湖外者非獨為

貧也亦以王公在宋就就省之爾今汴涸義不可從他

道進幸公許少留謂即大喜曰王公之門獨君為知我

者遂聽歸館須汴通乃行時寇準貶道州謂又謂從易

曰廬陵之事可以釋憾矣從易對曰當以故相事之爾

謂有愧色其行志多類此

楊大雅字子正唐靖恭諸楊虞卿之後虞卿孫承休天

祐初為吳越國冊禮副使楊行密據江淮道阻不克歸

遂家錢塘大雅承休四世孫也錢俶歸朝挈其族寓宋

州大雅素好學日誦數萬言雖飲食不釋卷進士及第

歷新息鄆陵縣主簿改光祿寺丞知新昌縣徙知潯州

再遷祕書丞咸平中交趾獻犀因奏賦召試遷太常博

士又上書自薦獻所為文復召試直集賢院出知筠袁

二州歷知越州提點淮南路刑獄坐考試國子監生失

薦送降監陳州酒徒知常州判三司都磨勘司戶部

院遷集賢殿修撰知應天府還糾察在京刑獄以兵部

郎中知制誥大雅初名侃至是避真宗藩邸諱詔改之

居二歲拜右諫議大夫集賢院學士知亳州卒大雅樸

學自信無所阿附直集賢院二十五年不遷按東都事

七年有出其後者往往致榮顯天禧中使淮南過金陵遇

風覆舟得榜卒拯之冠服盡喪時丁謂鎮金陵遣人遺

衣一襲大雅辭不受謂以為歎宰相王欽若亦不悅之

晚與陳從易並命知制誥

欽定續通志卷三百三十一

列傳

宋三十六

邊肅 梅詢 馬元方

薛田 寇瑊 楊日嚴

李行簡 章頊 陳玳

李宥 鄭向 郭稷

趙賀 高勲 袁抗

徐起 張旨 齊廓

鄭驥 王璠 魚周詢

賈黯 李京 呂景初

吳及 范師道 李絢

沈遵

邊肅字安國應天府楚邱人進士及第除大理評事知於潛縣累遷太常博士三司使魏羽薦為戶部判官祀南郊超薦尚書度支員外郎帝以三司鈎取無法至道初置行帳可以會財用之數命肅主之帳成遷工部郎中出知曹州徙邢州會契丹大入先是地屢震城堞摧圮無守備帝在澶州密詔肅若州不可守聽使宜南保他城肅匿詔不發督丁壯乘城而鬪諸門悉所部兵陣以待之騎傳城下肅與戰小勝契丹莫測也居三日引去時鎮魏深趙磁洺六州閉壁不出老幼趨城者肅悉開門納之權樞密直學士徙宣州車駕朝陵徙河南府還旬當三班院出知天雄軍徙鎮定府累遷給事中王嗣宗代肅嗣宗與肅有舊隙諷通判東方慶訟肅前在州私以公錢貿易規利遣吏彊市民羊買女口自入嗣宗上其事帝以肅近臣不欲屬吏遣劉綜任中正以

章示之肅引伏以守城功止奪三官貶岳州團練副使久之徙武昌安遠軍節度副使起知光州以泰寧軍節度副使徙泗州又徙秦州卒子調終尚書兵部員外郎福建路轉運使

梅詢字昌言宣州宣城人少好學有辭辨進士及第為

利豐監判官後以祕書省著作佐郎御史臺推勘官預

考進士於崇政殿真宗過殿廡奇其占對詳敏召試中

書除集賢院李繼遷攻靈州急吳淑上書請遣使諭秦

隴以西諸戎使攻繼遷詢亦請以朔方授潘羅支使自

攻取帝問誰可使羅支者詢請行按東都事略云真宗

請行真宗惜之不欲使羅支問詢曰苟活靈州而不至

罷西兵何惜一梅詢真宗壯其言因遣使羅支未至

而靈州陷還為三司戶部判官詢自以為遇主知屢上

書論西北事時契丹數侵河北詢請遣大臣臨邊督戰

募遊手擊賊又論曹瑋馬知節才可用傅潛楊瓊敗當

誅田紹斌王榮等可責其效以贖過凡數十事其言甚

壯帝欲命知制誥李沆力言其險薄望輕不可用後斷

田訟失實降通判杭州知蘇州就徙兩浙轉運副使判

三司開拆司坐議天書出知濠州為湖北轉運使以擅

假驛馬與人降通判襄州知鄆州徙蘇州為陝西轉運

使坐薦舉朱能貶懷州團練副使又以善寇準徙池州

起知廣德軍歷楚壽陝州復直集賢院累擢翰林侍讀

學士累給事中知審官院仁宗御邇英閣讀正說養民

篇覽歷代戶口登耗之數願謂侍臣曰今天下民籍幾

何詢對曰先帝所作蓋述前代帝王恭儉有節則戶口

充羨賦斂無藝則版圖衰滅炳然在目作鑒後王自五

代之季生齒彫耗太祖受命太宗真宗休養百姓天下

病足出知許州卒故事侍讀學士無出外者天禧中張知白罷參知政事領此職始出知大名府非歷二府而出者自詢始詢性下急好進然數為朝廷言兵在濠州夢人告曰呂丞相至矣既而呂夷簡通判州事故待之甚厚其後援詢於廢斥中以至貴顯夷簡力也

馬元方字景山濮州鄆城人父應圖嘗知頓邱縣太宗攻幽州應圖部芻糧沒軍中元方去髮為浮屠間行求父屍不得訴於朝帝憫之為官其兄元吉元方淳化三年進士及第為韋城縣主簿改大理評事知萬年縣諸將討李繼遷關輔轉餉瀚海多死亡獨元方所部全十九以勞遷本寺丞為御史臺推勘官遷殿中丞戶部使陳恕奏為判官元方言方春民貧請預貸庫錢至夏秋令以絹輸官行之公私果便因下其法諸路知徐州改太常博士梓州路轉運使後知鄆州量括收地數千頃為京東轉運副使遷轉運使按部至濮州被酒殿知州蔣信降知宿州徙滑州為京西轉運使知應天府累遷太常少卿擢右諫議大夫權三司使公事眾論不以為允真宗謂宰臣曰元方在三司何多謗也王旦曰元方盡心營職然其性下急且不納僚屬議而醜言詆之所以賈怨帝曰僚屬顧不有賢俊邪歲餘以煩苛罷進給事中權知開封府以樞密直學士知并州留再任詔中書諭以委屬之意官至兵部侍郎卒

薛田字希稷河中河東人少師事種放與魏野友善進士起家丹州推官李允正知延州辟為從事向敏中薦其才改著作佐郎知中江縣累遷侍御史益州路轉運使民間以鐵錢重私為券以便交易謂之交子而富家專之數致爭訟田請置交子務以權其出入未報及寇

城守益州卒奏用其議蜀人便之按李攸宋朝事實云始益州豪民十餘萬戶連保作交子亦有詐偽者知府事諫大夫寇瑛奏乞下益州交子不得以前置交子鋪詔轉運使寇瑛奏知益州薛田同定奪聞奏請廢私交子官中置造乃置交子務其後三司使田況奏請不許秦州借支則內尚稱自天聖元年薛田掌觀興置益州交子云則是寇瑛所請乃是禁私交子而交子務之置實用田議也與宋史稱田置交子務未報及累擢樞密直學士知益州代還知審刑院羌人內寇特遷右諫議大夫知延州久之以疾徙同州又徙永興軍辭不行卒田性頗和厚初以幹敏數為大臣所稱後屢更任使所治無赫赫名寇瑛字次公汝州臨汝人擢進士授蓬州軍事推官李順餘黨謝才盛等復起為盜瑛設方略擒送京師徙開封推官會施州蠻叛轉運使移城權領施州先是戍兵仰他州餽糧瑛至請募人入米償以鹽軍食遂足復招諭高州刺史田彥伊子承寶入朝得給印紙為高州官族未幾溪南蠻復內寇瑛率眾擒其首領戮之就除大理寺丞知開州遷殿中丞通判河南府坐解送諸料失實降監晉州稅以太常博士通判并州改監察御史遷殿中侍御史為開封府判官嘗奏事帝詢施州備禦之術因諭之曰東川控蠻夷爾功已試其為朕鎮撫之命為梓州路轉運使晏州多剛縣酉斗望劫瀘州按宋史晏州本羈縻州熙寧八年始置瀘州監獄瀘州地理志瀘州止載州名而不及縣故多剛縣不入於志并監殺官吏城趨富順監命部兵多張旗幟踰山西北趨戎州盡取公私舟載糧甲具音樂合兩路兵至江安誘溪監順史簡松南廣移悅等州刺史及八姓烏蠻首領使斷賊徑帝遣內殿崇班王懷信議攻討招輯之宜賊奏蠻人嘗於二年春燒清井監殺吏民既赦其罪復來寇邊若不討除則戎瀘資榮富順監諸蠻競起為邊害矣詔發陝西兵益以白芳子弟合六千三百人緣

清井溪轉鬪凡十一陣破之蠻眾相率來附納牛羊銅鼓器械甚眾而斗望猶拒不服城命懷信分兵拔其柵與都巡檢使符承順進戰思晏江口斗望等始驚遽勢稍却明日復分三道來拒王師懷信等格戰城乘其後大破之斗望眾萬餘眾不能軍溺死者眾遂降因籍其勇悍者千人分五都以隸禁軍為靈遠指揮使守清井監更建砦柵濬三濠以環之就加侍御史召為三司鹽鐵判官逾月出為河北轉運使天禧中河決澶淵瑛視役河上隄墊數里眾皆奔潰而瑛獨留自若須臾水為卻去眾異之遷工部郎中上言契丹約和以來河北減戍卒之半而復刺土兵其實益三分之一塞下軍儲不給請行入中鑿頭便糶三說之法入為三司度支副使未幾以右諫議大夫集賢院學士知益州仁宗即位遷給事中瑛與丁謂厚善帝謂輔臣曰瑛有更幹毋深譴也徙鄧州坐失舉降少府監知金州復右諫議大夫會河決徙知滑州總領修河既而以歲饑罷役瑛言病民者特榷芻耳幸調率已集若積之經年則朽腐為棄物復復興工斂之是重困也乃再詔塞河河平擢樞密直學士明年復給事中知秦州又坐失舉奪一官召權三司使復其官如故時有議茶法者帝訪以利害瑛曰議者未知其要爾河北入中兵食皆仰給於商旅若官盡其利則商旅不行而邊民困於餽運茶法豈可以數更帝然之權知開封府天聖末再使契丹未行而卒瑛少孤鞠於祖母王氏及登朝以妻封邑同授之朝臣得回封祖母自瑛始

楊日嚴字垂訓河南人進士及第試祕書省校書郎知安邱縣通判毫陳二州知襄州徙廬鄆二州入為開封府判官使契丹還為兩浙轉運副使未行會青徐儂改京東轉運使因請江淮陝西轉粟五十萬賑貧民又開清河八十里抵暖水河並堤起倉廩便漕運以資諫議大夫集賢院學士知河中府加樞密直學士知益州時用兵伐元昊三司急財用有詔析戶版為十等第賦役民以歲租占佃官田廬者高其估募輸錢就市為已業人苦其擾又陝西奏收市益梓利諸路溪洞馬而不知其實無馬也日嚴皆奏罷之遷句當三班院知通進銀臺司聞後為守者其政不便蜀人因進對從容言遠方宜撫安之無容變法以生事遷給事中以龍圖閣學士知澶州召權知開封府吏械囚不謹囚自殺坐是罷府事判太常司農寺同知審官院卒日嚴初為益州轉運使無他治能及知益州頗為蜀人所信愛兄日華歷官至太常少卿三司副使

李行簡字易從同州馮翊人家貧刻志於學讀六經每至夜分寒暑不易又聚木葉學書筆法遒勁與里中富人楊士元同學既而同中進士第士元資遣行簡謝不起家隴州司理參軍徙彭州軍事推官陵州富民陳子美父死繼母詐為文書逐出之累訴不得直轉運使儂行簡劾正其獄改祕書省著作郎再遷太常博士知坊州御史中丞王嗣宗薦為監察御史王且數稱其才真宗雅亦知之再遷侍御史陝西旱蝗命往安撫發倉粟救乏絕又鐫耀州積年逋租還擢龍圖閣待制歷尚書刑部郎中帝數幸龍圖閣命講周易問訪大臣能否行簡所對無怨晚各道其所長人以為長者久之拜右諫議大夫集賢院學士乾興初改給事中以足疾請外得知河中府徙虢州卒

章頻字簡之建州浦城人與弟頤皆以進士試禮部預選會詔兄弟毋並舉頤即推其弟棄去後乃擢第試祕書省校書郎知南昌縣改大理寺丞知九隴縣遷殿中丞眉州大姓孫延世偽為秀奪族人田久不能辨轉運使使按治之頻視券墨浮朱上曰是必先盜印然後書既引伏獄未上而其家人復訴于轉運使更命知華陽縣黃夢松覆按無所異夢松用此入為監察御史頻坐不時具獄降監慶州酒徒知長洲縣天禧初增置諫官御史十二人頻以選召對稱旨擢監察御史陳毫問民訛言兵起老幼皆奔命安撫京西還為三司度支判官青州麻士瑤殺從子溫裕并其財遣往按治士瑤伏誅又詔鞠邛州牙校訟鹽井事皇城使劉美倚后家受賂使人市其獄頻請捕繫真宗以后故不問忤旨出知宣州改殿中侍御史遷侍御史頻雅善于謂謂駁左遷尙書比部員外郎監饒州酒起知信州進刑部員外郎知福州王氏時賦民官田歲輸租稅而已至是或謂鬻之可得籍錢二十餘萬頻疏以為不可從知潭州改廣西轉運使適宜州守貪暴不法既罷去反訟頻于許嘗被刑而冒奏為祕書省校書郎頻坐謫知饒州復入為度支判官累遷刑部郎中使契丹至紫濛館卒契丹遣內侍就館奠祭命接伴副使吳克荷護其喪以錦車駕橐駝載至中京斂以銀飾棺又具鼓吹羽葆吏士持甲兵衛送至白溝詔遣其子訪乘傳扈極以歸訪官三班奉職即許也

史知雜韓億聞其事奏為監察御史丁父喪哀毀墳木連理服除遷殿中侍御史天聖五年祀南郊中外以為丁謂復還政疏言丁謂賄賂包苴盈於私室威權請謁行彼公朝引巫師妖術厭魅官闈易神寢龍岡冀消王氣今禋柴展禮澹汗推恩必慮謂潛輸琛貨私結要權假息遐荒冀移善地李德裕止因朋黨不獲生還慮多遜曲事王藩卒無牽復請不原赦帝然之為三司度支判官遷侍御史歷京西河東河北轉運副使三司戶部度支鹽鐵副使汴倉納糧綱粟量不實操舟者坐亡失所載或杖背徒重役瑛始奏選官監視謂之定計斗面積遷至尙書工部郎中卒

李宥字仲嚴唐之後裔自吳徙青遂為青人祖成五代末以詩酒遊公卿間善摹寫山水至得意處疑非筆墨所成父覺見儒林傳宥幼孤不好弄長讀書屬文不雜交游舉進士調火山軍判官入館校勘書籍遷集賢校致遂直院知蘄州歲凶人散委嬰孩而去者相屬於道宥令吏收取計口給穀俾營婦均養之每旬閱視所活甚眾或殺人以米十石給傭者使就獄曰我重賄吏爾必不死宥得其情論如法提點荆湖刑獄又糾察在京刑獄同判太常寺舊宗廟五饗輔臣攝事中廢且久止差從官宥因對力言遂復故事以諫議大夫知江寧府民有告人殺其子者曰吾子去家時巾若巾今巾是矣民自誣服宥疑召問卒伸其枉府舍火宥畏兵亂闔門不救降祕書監致仕起分司南京改太子賓客判留司御史臺卒宥性清介然與物無忤好獎拔士人外族甚貧宥有別業以券畀之既死家無餘財

鄭向字公明開封陳留人舉進士中甲科為大理評事通判蔡州累遷度支員外郎鹽鐵判官出為兩浙轉運副使疏潤州蒜山漕河抵于江人以為便復為鹽鐵判官遷兵部郎中提點諸司庫務以龍岡閣直學士知杭州卒五代亂亡史冊多漏失向著開皇紀拾遺事頗有補焉

郭稹字仲微開封祥符人世寓鄭州舉進士中甲科為河南縣主簿除國子監直講議者以其資淺罷還河南時孫奭馮元判監事因奏稹學問通博他選莫能及乃得留居二歲陳堯咨知大名辟簽書府判官事改大理寺丞奭等復薦為直講吏出知兗州又薦稹與賈昌朝赴中書試講說而稹固辭召試學士院為集賢校理馮元知河陽辟為通判徙通判河南府入為三司度支戶部判官累遷尙書刑部員外郎同修起居注康定元年使契丹告用兵西鄙契丹厚禮之與同出觀獵延稹射槓一發中走兔眾皆愕視契丹主遣以所乘馬及他物甚厚既還轉兵部知制誥判吏部流內銓擢龍圖閣直學士權知開封府卒稹性和易文思敏瞻尤刻意於賦趙賀字餘慶開封封邱人事繼母至孝舉毛詩及第補臨胸縣主簿賀有幹才知州寇準具知賀淳化中調丁壯塞澶州決河眾多逸去獨賀全所部而歸改大理評事鹽池吏欺緝錢選賀往解州鈎校出入賀悉得其姦以殿中丞歷知漢州蜀吏喜弄法而賀精明吏不敢欺事更被賀多所究詰人目為趙家關謂如關梁不可越也召權三司戶部判官真補度支判官累遷尙書工部郎中提舉諸司庫務為江淮制置發運使發運司占隸三司軍將分部漕船舊皆由主吏自遣受賂不平或數

得詣富饒郡因以商販貧者至不能堪其役賀乃籍諸州物產厚薄分劇易為三等視其功過自裁定由是吏巧不得施歲漕米溢常數一百七十萬蘇州太湖塘岸壤及並海支渠多湮廢水侵民田詔賀與兩浙轉運使徐奭兼領其事伐石築堤浚積濬自吳江東赴海流民歸占者二萬六千戶歲出苗租三十萬遷刑部郎中歷三司戶部度支鹽鐵副使以右諫議大夫知承興軍徙鄧州歲餘判宗正寺出知越州坐失舉降知濠州改廬州遷給事中復判宗正寺知鄭蔡壽三州卒在臨昉時用轉運使李中庸薦改官及中庸沒無子賀為主葬事圖繪其象以歲時祀於家子宗道終集賢校理

高觀字會之宿州蕪人以進士起家為嘉興縣主簿後以孫奭薦改祕書省著作佐郎累遷尚書屯田員外郎通判泗州詔定淮南場茶法觀陳說利害不報擢提點利州路刑獄召為三司戶部判官安撫河北還為京西轉運使徙益州彭州廣禧麗水二峽地出金宦者挾富人請置場募人夫採取之觀曰聚眾山谷間與蠻獠雜處非遠方所宜且得不償失奏罷之王蒙正恃章獻太后親多占田嘉州詔勿收賦觀又極論其不可坐失察嘉州守張約受賂賤通判杭州累遷右諫議大夫河東都轉運使加集賢院學士判尚書刑部進給事中知單州卒子秉常為梓州路轉運使

袁抗字立之洪州南昌人舉進士得同學究出身調陽朔縣主簿薦補桂州司法參軍撫水蠶寇融州轉運使俞獻可檄抗權融州推官督兵糧與謀軍事蠶治舟且至抗即楊梅石門兩隘建水柵二據其衝賊不得入後因置戍不廢事平特遷衡州推官改大理寺丞累遷國

子博士知南安軍擢提點廣南東路刑獄浙東叛鄂鄰抄闖越轉南海與廣州兵逆戰海中值大風有告鄰溺死者抗獨曰是日風勢趨占城鄰未必死後果得鄰於占城還為度支三司判官以尚書金部員外郎為梓州路轉運使徙益州路時三司歲市上供綏錦鹿胎萬三千匹抗言蜀民困憊願少紓其力以備泰中他日之用是年郊祀蠲其數之半黎州歲售蠻馬詔擇不任戰者御之抗奏朝廷與蠻人互市非所以取利也金山前後五部落仰此為衣食一旦失利侵侮不知費直幾馬臣念蜀久安不敢奉詔尋知舊制除江淮發運使召為三司鹽鐵副使時抗老為御史所劾罷知宣州累遷尤祿少卿分司南京改少府監卒抗喜藏書至萬卷子陟少刻厲好學善為詩終殿中丞

徐起字豫之濮州鄆城人舉進士試祕書省校書郎知臨川縣積官尚書都官員外郎知楚州樞密直學士張宗象薦之擢提點廣南西路刑獄入判三司開拆司歷開封三司度支判官館伴契丹使還奏所過州縣使官既去官吏將校皆出郊旅賀燕飲久之城邑為之空乃下約束禁止之出為荆湖北路轉運使部有戍卒殺人繫獄其徒欲劫之起聞亟往按誅之分其徒隸他州徙江西知徐州就為轉運使募富室得米十七萬斛賑饑民又移粟以贍河北京西凡三百萬與安撫使劉夔不相能徙京西又徙江東起請開長淮蓄浦以備漕運知兗州有都巡檢處所部兵百餘人持兵至庭下州人大恐起以禍福開諭之眾感泣聽命因按致其首奏罷都巡檢復為度支判官累遷祕書監知湖州卒

張旨字仲微懷州河內人為保定軍司法參軍上書轉

運使鍾離瑾願補一縣尉捕劇賊以自効瑾壯其請為奏徙安平尉前後捕盜三百餘人嘗與賊鬪流矢中臂猶手殺數十人擢試祕書省校書郎知遂城縣遷著作佐郎明道中淮南饑自詣宰相陳揅荒之策命知安豐縣大募富民輸粟以給餓者既而浚淖河三十里疏泄支流注芍陂為斗門溉田數萬頃外築堤以備水患再遷太常博士知尉氏縣徙通判忻州元昊反特遷尚書屯田員外郎通判府州州依山無外城旨將築之州將曰吾州據險敵必不來旨不聽城垂就寇大至乃聯巨木補其罅守以強弩中外不相聞者累日人心震恐庫有雜絲數千段旨矯詔賜築城卒皆東望呼萬歲賊疑以救至也州無井民取河水以飲賊斷其路旨夜開門率兵擊賊賊小卻以官軍壁兩傍使民出汲復以渠泥覆積草賊望以為有水有餘督居民乘城力戰賊死傷者眾隨解去以功遷都官員外郎徙知萊州葉清臣舉材堪將帥召對改知邢州擢提點河東路刑獄范仲淹歐陽修復言其鸞武有謀略除閤門使固辭進工部郎中知鳳翔府累遷光祿卿知潞晉二州以老疾權判西京御史臺尋卒

齊廓字公闢越州會稽人舉進士第自梧州推官累遷太常博士知審刑詳議官提點荆湖南路刑獄潭州鞠繫囚七人為強盜當論死廓訊得其狀非強付州使劾正乃悉免死平陽縣自馬氏時稅民丁錢歲輸銀三萬八千兩民生子至壯不敢束髮廓奏蠲除之歷三司度支開封府判官出為江淮西南轉運使時初兼按察同時奉使者競為苛刻邀聲名獨廓奉法如平時積官光祿卿直祕閣以疾分司南京改祕書監卒廓寬柔恭謹

祿卿直祕閣以疾分司南京改祕書監卒廓寬柔恭謹

人犯之不校弟唐為吉州司理參軍博覽強記嘗舉賢
頁方正對策入等越州蔣堂奏廓及唐父母垂老窮居
鄉里二子委而之官唐復久不歸省於是罷唐令歸侍
資廓方使湖南雖置不問然士論薄之

鄭驥字士龍河南人登進士第更慶汝鄭秦州推官改
祕書省著作郎知垣曲縣康繼英辟命書衛州判官事
劉從德代繼英又表驥有善狀進一官累遷三司度支
判官建言蜀人引江水漑田幸有禁歲旱利不均宜弛
其禁又言京西旱舊禁粟無出國門可且勿禁慶歷中

與魚周詢制陝西民兵十餘萬除陝西轉運按察使兼
三門發運使加直史館河北轉運使入為度支副使河
決德州入王紀口議欲徙州詔驥往視之還言州不當
徙已而州果無患又為河北轉運使王則反討平之除

天章閣待制知鳳翔府先是皇甫泌夏安期皆為轉運
使泌先謫去安期後至不及賞驥固辭不受願推功與
二人復為河北都轉運使累遷尚書工部郎中以疾知

華州卒
王臻字及之潁州汝陰人始就學能文辭曾致堯知壽
州有詩名臻以文數十篇往見致堯覽之歎曰潁汝固
多奇士舉進士第為大理評事歷知舒城會昌縣通判

徐定二州以殿中丞知兗州特遷監察御史中使就營
崇靈宮太極觀臻佐助工費有勞遷殿中侍御史擢淮
南轉運副使時發運司建議濬淮南漕渠廢諸堰臻言

揚州召伯堰實謝安為之人思其功以比召伯不可廢
也濬渠亦無所益召為三司度支判官而發運司卒濬
渠以通漕臻坐前異議降監察御史知睦州道復官徙
福州閩人欲報仇或先食野葛而後趨仇家求鬪即死

其處以誣仇人臻辨察格鬪狀被誣者往往釋去俗為
少變又民間數以火訛相驚悉捕首惡罪之民乃定仁
宗即位累擢龍圖閣待制權知開封府遷尚書工部郎
中姦人為皇城司刺事卒囑良民以取賊贖購得其

主名黥竄三十餘人都下肅然以右諫議大夫權御史
中丞建言三司開封府諸曹參軍及赤縣丞尉率用貴
游子弟驕惰不習事請易以孤寒登第更仕宦書考無
過者為之又言在京百司吏人入官皆如長定格歸司

三年皆允其奏未幾卒臻剛嚴善決事所至有風跡云
魚周詢字裕之開封雍邱人早孤好學舉進士中第為
大理評事歷知南華分宜靜海三縣遷太常博士通判

漢州城中夜有火部軍抹之植劔於前日獲一物者斬
火止民無所失以尚書屯田員外郎知真州歷知蔡州
陝西用兵科歛煩數命安撫京西路又使陝西刺民兵

進起居舍人知諫院固辭乃以尚書戶部員外郎兼侍
御史知雜事為三司鹽鐵副使時渭州城水洛尹洙鄭
戩爭未決詔周詢與都轉運使程戡相利害周詢是戡

議遂城之累遷右諫議大夫權御史中丞慶歷八年手
詔近臣訪天下之務周詢上言略曰陛下患西陲禦備
天下繹騷憂募兵士急調軍食雖常賦有增而經用不

足臣以為生靈重困於茲為劇速宜經度以紓匱乏願
委安撫使與本路守邊掌計臣僚同議裁減冗兵節抑
浮費去武臣之庸懦出守宰之貪殘通鹽商之利改錢
幣之法宣布德澤勸勉農桑則公有羨財私有餘力矣
陛下患承平寢久仕進多門政濫員多糜費廩祿臣以
為國家於制舉進士明經之外復有任子流外之補負
殿殿服輿臺者亦實班列願特詔進士先取策論諸科

兼通經義中第解褐無令過多其文武班奏薦并流外
出官者權停五七年自然名器不濫奔競衰息矣陛下
思牧守之職罕聞奏最臣聞漢宣帝勸勵二千石其有
治效者增秩賜金或爵至關內侯公卿缺則以次用之

故良吏為盛願詔兩府大臣選委兩制臺諫官參舉如
兩任通判可充知州軍京朝官依次除補若治狀尤異
即升省府提轉其常例入知州者一切停罷則進擢得

人牧守重矣陛下患將帥之任艱於稱職臣聞晏子薦
司馬穰苴曰文能附眾武能威敵是知將帥之材非文
武兼備則不可為願擇名臣選舉深博有謀知兵練武

之士不限資級試以邊任如祖宗朝任郭進李漢超輩
閩外之事俾得專之無以謗議輕有遷徙使其足以取
重則安有不稱職之憂乎陛下患西北多故邊情閭測

獻奇論空言者多陳悠久實效者少臣伏見國家假革
止戈踰四十載而守邊多任庸人不嚴武備因循姑息
為敵所窺願陛下特議減三路兵馬之驚冗者以紓經

費以息科歛然後選將帥擇偏裨使戡肅驕兵飭利戎
器識山川形勝用兵奇正雖二邊異時侵軼恃吾有以
待之庶幾無患矣時執政及近臣所對多疏闊仁宗頗

嘉周詢詳敏知恩州張得一誅坐失舉出知成德軍未
行卒帝嗟悼之特贈尚書工部侍郎周詢性和易聞見
該洽明吏事在安州時閩吏見大蛇垂鬣闔楮即視之乃
周詢醉而假寐世傳其異
賈黯字直孺鄧州穰人按東都事略擢進士第一起家
將作監丞通判襄州還為祕書省著作佐郎直集賢院
遷左正言黯自以年少遭遇備位諫官果於言事首論
韓琦富弼范仲淹可大用杜樞張彥方獄將駁正忤

執政意執政以他罪緹樞黯言樞無罪且旨從中出不因臣下彈奏恐自此貴幸近習言一得人則將陰肆讒毀害及善良不可不察時言者或論事亡狀輒戒勵窮詰黯奏諫官御史跡既疏遠未嘗預聞時政不免採於傳聞一有失言而詰難沮辱隨之非所以開廣言路請如唐太宗用王珪魏徵故事每執政奏事聽諫官一人隨入執政又患言事官旅進論議上前不肯止乃詔凡欲合班上殿者皆稟中書俟旨黯論以為今得進見言事者獨諫官御史若然言路將壅陛下不得聞外事矣請如故便皆弗許儂智高反余靖知桂州楊政安撫廣南東西路皆許便宜行事黯言二人臨事指蹤不一則下將無所適從又請專節制西路若賊東嚮則非靖所統無以使眾不若并付靖經制兩路從之皇祐四年同修起居注徙判鹽鐵句院遷左司諫建言天下復置義倉下其說諸路而論者不一黯亦反復辨析卒不果行宰相劉沆請中外薦舉陳乞一切以詔令從事每用例論者以為非便黯奏罷之狄青除樞密副使黯言國初武臣宿將扶建大業平定列國有忠勳者不可勝數然未有以卒伍登帷幄不報會靈觀災又言當罷營繕赦守衛者罪以示儆懼修省之意懼知制誥初仁宗視事退御邇英閣召侍臣講讀修起居注官獨先出黯言君臣訪對動關政體史臣不得預聞請并召侍經筵許之初邇英延義一閣講讀官自有記注至是乃罷焉直龍圖閣錢延年擢天章閣待制黯當命辭即詆延年不才不宜汚侍從封詞目還中書命遂廢判吏部流內銓益州推官乘澤父留鄉里死三年矣澤為弗知者而調京師既費而去黯奏劾廢終身徙襄州父疾且亟請徙郡

及解官就養不報乃棄官去而御史吳中復等劾黯輕委州印撓朝廷法黯知郢州未及任父卒服除句當三班院為翰林學士唐介等坐言陳升之不當柄用皆外補黯奏介等敢言請寬之以疾請郡改侍讀學士知鄧州未行疾愈復以為翰林學士知審官院累遷尚書左司郎中權知開封府兩軍獄囚歲瘕死者眾而吏不任其責黯言吏或怠於視囚饑渴疾病因以致死請歲計死者多少而賞罰之御史中丞王疇與其屬陳經呂諲傳堯俞諫官司馬光龔鼎臣王陶皆言黯剛愎自任赦書下府罪應釋者反重刑之罷為同提舉在京諸司庫務英宗即位遷中書舍人受詔撰仁宗實錄權知審刑院為羣牧使時封拜皇子並除檢校太傅黯言太師太傅太保是為三師天子之所師法子為父師於義不可請自今皇子及宗室屬卑者皆毋兼師傅官隨其遷序改授三公下兩制議請如黯奏而中書亦謂自唐以來親王無兼師傅者國朝以三師三公皆虛名故因而授之宜正其失詔可遷給事中權御史中丞未幾以呂誨知雜事誨嘗彈奏黯逡巡引避黯言嘗薦誨為御史知其方正謹厚一時公言非有嫌怨願終與其事誨乃就職時帝初即位王廣淵周孟陽以藩邸之舊數召對黯言俊父滿朝未有一被召者獨親近一二舊人示天下以不廣請如太宗故事召侍從館閣之臣以備顧問帝嘗從容謂黯曰朕欲用人少可任者黯對天下未嘗之人顧所用如何爾退而上五事一知人之明二養育以漸三材不求備四以類薦舉五擇取自代後與兩制合議請以濮王為皇伯執政弗從數詣中書爭論既病求出以翰林侍讀學士知陳州未行卒年四十四口占遺

奏數百言猶以濮王議為請贈尚書禮部侍郎黯修潔自喜在朝數言事或從或否人稱其介直按東都事略云黯初登第還南陽時范仲淹知鄧州黯詣仲淹求教仲淹曰君不憂不顯惟不欺二字可終身行之黯拜其言後黯每以語人曰吾得於范公不欺二字平生用之不盡也此介直之稱所由來矣李京字伯升趙州人進士中第歷平定軍判官冀州推官改大理寺丞知魏縣奉法嚴正吏不便欲以奇中京遂相率遁去監司果議以苛刻斥京知府任布曰如此適墮吏計中京賴以免徙永昌縣通判趙州以王拱辰薦遷監察御史時太史言日當食不食羣臣皆賀京上疏曰陛下精意威格日當食而陰雲蔽虧雖災或退舍桑穀並枯無以異也然臣竊有疑者自寶元初定襄地震壞城郭覆廬舍十年不已豈非西北二邊有窺中國之意乎今孟夏雷未發聲豈非號令不信乎願陛下飭邊備慎出命以厭禍於未形又尚美人棄外館多年比聞復召入臣慮假媚道以為蠱惑宜亟絕之苗繼宗嬪御子弟乃緣恩私為府界提點宜割帷薄之愛重名器之分庶幾不累聖政仁宗嘉納授右正言數上書論事宰相賈昌朝不悅京嘗屬侍御史吳鼎臣薦推直官李實鼎臣希昌朝意告中丞高若訥若訥為鼎臣上京簡謫京太常博士監鄂州稅既至引令狐鉅錢微事言臣為御史諫官首尾五年凡六上章四親對自陳疾故懇求外補臣之出處相有本末會推直官李實歲將滿因簡鼎臣宜留實補御史鼎臣亦謂議協公望不意逾兩月乃誣臣與實為朋黨臣與實僚友鼎臣鄉曲之舊惟陛下察之未幾卒官詔錄其子諶為郊社齋郎按宋史此下有吳鼎臣附傳無事蹟足錄今從刪呂景初字冲之開封酸棗人以父蔭試祕書省校書郎

舉進士歷汝州推官改著作佐郎知夏陽縣僉書河南府判官通判并州高若訥薦爲殿中侍御史張貴妃薨有司請依荆王故事輟視朝五日或欲更增日聽上裁乃增至七日景初言妃一品當輟朝三日禮官希旨使恩禮過荆王不可以示天下妃既追冊爲皇后又詔立忌景初力爭乃罷時兵冗用度乏景初疏奏當祖宗時四方割據中國纒百餘州民力未完耕植未廣然用度充足者兵少故也而所征皆克自數十年來用數倍之兵所嚮必敗以此知兵在精不在眾望詔中書樞密院議罷招補而汰冗濫又言坐而論道者三公也願陛下於輔臣侍從臺諫之列擇其忠信通治道者屢詔而數訪之幸甚又與言事御史馬遵中復奏彈梁適與劉宗孟連姻而宗孟與冀州富人共商販下開封府劾治所言不實皆坐謫景初通判江寧府徙知衡州復召還臺嘉祐初大雨水景初曰此陰盛陽微之誠也疏請擇宗子之賢者問安侍膳宮中以消奸萌或尹京典郡爲夾輔之勢時狄青爲樞密使得士卒心議者憂其爲變景初奏稱天象謫見妖人說言權臣有虛聲爲兵眾所附中外爲之恟恟此機會之際間不容髮蓋以未立皇子社稷有此大憂惟陛下蚤爲之計則人心不搖國本固矣數請中書白執政請出青文彥博以青忠謹有素外言皆小人爲之不足置意景初曰青雖忠如眾心何蓋爲小人無識則或以致變大臣宜爲朝廷慮毋牽閭里恩也知制誥劉敞亦論之甚力卒出青知陳州李仲昌以河事敗內遣中人置獄景初意賈昌朝爲之卽言事無根源不出政府恐陰邪用此中傷善良乃更遣御史同訊遷右司諫安撫河北還奏比部員外郎鄭平占

籍真定有田七百餘頃因請均其徭役著限田令以戶部員外郎累遷吏部員外郎擢天章閣待制知諫院病未入謝而卒馬遵字仲塗饒州樂平人積官禮部員外郎兼侍御史知雜事改吏部直龍圖閣卒性樂易言事不爲激許多見推行杜衍范仲淹皆稱道之吳及字幾道通州靜海人年十七以進士起家爲侯官尉閩俗多自毒死以誣仇家官司莫能辨及悉爲讞正前後活五十三人提點刑獄移其法於一路辟大理寺檢法官徙審刑院詳議累遷太常博士是時仁宗春秋既高無子及因推言闕寺以及繼嗣事至和元年前上疏曰臣幸得待罪法吏輒原刑法之本以效愚忠竊惟前世內刑之設斷支體刻飢膚使終身不息陛下方當隆盛之時未享繼嗣之慶或者宦官太多而陛下未悟也臣聞漢永平之際中常侍四員小黃門十人爾唐太宗定制無得踰百員且以近事較之祖宗時宦官凡幾何人今凡幾何人伏望濬發德音進獻宦官一切權罷擅宮童幼寘以重法若然則天心必應聖嗣必廣安宗廟之策無先於此書奏帝異其言欲用爲諫官而以及父憂去嘉祐三年始擢祕閣校理踰月改右正言復上言儲副者天下之根本陛下以宗廟之重根本未立四方無所係心宜發自聖斷擇宗室子以備儲副聽入侍禁中他日有嫡嗣則異其恩禮復令歸邸於理無嫌於義爲順弭覬覦之心屬天下之望宗廟長久之策也既而又言開寶詔書內侍臣年三十無養父者聽養一子爲嗣并以名上宣徽院違者抵死比年此禁益弛天絕人理陰累聖嗣願詔大臣明示舊制上順天意以綏福佑明年遂權罷內臣進養子又上書論政事謂倉廩空虛

內外置乏其弊在於官多兵冗請法冗兵省冗官然後除民之疾苦因條上十餘事多施用之建請擇館職分校館閣書并求遺書於天下語在藝文略明年日食三朝及言日食者陰侵陽之戒陛下淵默臨朝陰邪未盡屏左右親侍驕縱亡節將帥非其人爲敵所輕因言孫洵在并州苛暴不法燕飲無度龐籍前在并州輕動寡謀輿輿堡若屈野之衄爲國深恥河緜此坐廢又言春秋有告糴陛下恩施勸植使人如傷然州郡官司各專其民擅造開糴之令夫二千石以上所宜同國休戚坐視流離豈聖朝子育兆民之意遂詔災傷閉糴論如違制律久之遷右司諫在職數年以勁正稱遇事無小大輒言嘗請毋納羣臣上尊號出後宮私身及非執事人毋以御寶白劄子賜近侍家人冠帔及比邱尼紫衣并責執政大臣用李吉甫故事選拔賢俊仿杜預遺法旌擢守令復置將作監官屬專領營造論入內都知任守忠陵轅駙馬都尉李璋及千求內降會諫官陳升之建請裁節班行補授下兩制臺諫官集議主鐵冶者舊得補班行至是議罷之既定彙及與御史沈起輒增注興國軍磁湖鐵冶如舊制主磁湖冶者大姓陳叔良也翰林學士胡宿等卽劾及與起職在臺諫而爲程氏經營占錮恩例請詔問狀皆引伏及出爲工部員外郎知廬州進戶部直昭文館知桂州卒錄其弟齊爲大廟齋郎及當官有守初爲檢法官三司請重鑄鐵錢法至死下有司議及爭不可王者憲曰立天下法當由一檢法邪及曰義理爲先安有高下卒不爲諫

范師道字貫之蘇州長洲人進士及第爲撫州判官知廣德縣通判許州累遷都官員外郎吳育舉爲御史奏

續通志 卷三百三十一 列傳 宋

史同訊遷右司諫安撫河北還奏比部員外郎鄭平占

籍真定有田七百餘頃因請均其徭役著限田令以戶部員外郎累遷吏部員外郎擢天章閣待制知諫院病未入謝而卒馬遵字仲塗饒州樂平人積官禮部員外郎兼侍御史知雜事改吏部直龍圖閣卒性樂易言事不爲激許多見推行杜衍范仲淹皆稱道之吳及字幾道通州靜海人年十七以進士起家爲侯官尉閩俗多自毒死以誣仇家官司莫能辨及悉爲讞正前後活五十三人提點刑獄移其法於一路辟大理寺檢法官徙審刑院詳議累遷太常博士是時仁宗春秋既高無子及因推言闕寺以及繼嗣事至和元年前上疏曰臣幸得待罪法吏輒原刑法之本以效愚忠竊惟前世內刑之設斷支體刻飢膚使終身不息陛下方當隆盛之時未享繼嗣之慶或者宦官太多而陛下未悟也臣聞漢永平之際中常侍四員小黃門十人爾唐太宗定制無得踰百員且以近事較之祖宗時宦官凡幾何人今凡幾何人伏望濬發德音進獻宦官一切權罷擅宮童幼寘以重法若然則天心必應聖嗣必廣安宗廟之策無先於此書奏帝異其言欲用爲諫官而以及父憂去嘉祐三年始擢祕閣校理踰月改右正言復上言儲副者天下之根本陛下以宗廟之重根本未立四方無所係心宜發自聖斷擇宗室子以備儲副聽入侍禁中他日有嫡嗣則異其恩禮復令歸邸於理無嫌於義爲順弭覬覦之心屬天下之望宗廟長久之策也既而又言開寶詔書內侍臣年三十無養父者聽養一子爲嗣并以名上宣徽院違者抵死比年此禁益弛天絕人理陰累聖嗣願詔大臣明示舊制上順天意以綏福佑明年遂權罷內臣進養子又上書論政事謂倉廩空虛

范師道字貫之蘇州長洲人進士及第爲撫州判官知廣德縣通判許州累遷都官員外郎吳育舉爲御史奏

請罷內降推恩擇宰相久其任選宗室賢者養宮中備儲貳初皇祐中賈昌朝上議置五輔郡設京畿轉運使提點刑獄號為拱輔京師而論者謂臣官謀廣親事親從兵欲取京畿財賦贍之因以收事柄師道力奏非便逐復舊制又以四年貢舉士苦淹久請易為三年宰相

劉沆護葬溫成皇后禮官議稱陵師道以為非典制數疏爭沆惡之引著令臺官滿二年當補外出知常州臺諫官共言師道不當去不報從廣南東路轉運使舊補攝官皆委吏胥無先後遠近之差師道為置籍次第之召為鹽鐵判官道改兩浙轉運使遷起居舍人同知諫院管勾國子監後宮周氏董氏生公主諸閹女御多遷擢師道上疏曰竊聞諸閹女御以周董育公主御寶白劄並為才人不自中書出詔掖殿謁餽還拜者甚多周董之遷可矣女御何名而遷乎才人品秩既高古有定員唐制止七人而已祖宗朝宮闈給侍不過二三百居五品之列者無幾若使諸閹皆遷則不復更有員數矣婦人女子與小人之性同寵幸太過則瀆慢之心生恩澤不節則無厭之怨起且用度太煩一才人之奉月直中戶百家之賦歲時賜予不在焉況誥命之出不自有司恐斜封墨勅復見於今日矣時大星隕東南有聲如雷又上疏曰漢晉天文志天狗所下為破軍殺將伏尸流血甘氏圖天狗移大賊起今朝廷非無為之時也而備邊防盜未見其至必有包藏險心投隙而動者宜揀拔將帥訓練卒伍詔天下預為備禦仁宗晚年尤恭儉四方無事師道言雖過每優容之遷兵部員外郎兼侍御史知雜事判都水監與監官御史數奏樞密副使陳升之不當用升之罷師道亦出知福州頃之以工部郎

中入為三司鹽鐵副使遷戶部直龍圖閣知明州卒師道勵風操前後在言責有聞即言或獨爭或列奏如陳執中家人殺婢卒坐免奪王拱辰宣徽使李淑翰林學士及王德用程戡領樞密宦官石全彬閻士良升進皆嘗奏數其罪焉

李絢字公素邛州依政人少放蕩亡檢兄絢教之書嚴其課業而出絢遊遊自若比暮絢歸絢取書視之一過輒誦數千言絢奇之稍長能屬文尤工歌詩擢進士第再授大理評事通判邠州元昊犯延州並邊皆恐邠城陣不完絢方攝守即發民治城僚吏皆謂當上言遲報絢不聽帝聞之喜因詔他州悉治守備還為太子中允直集賢院歷開封府推官三司度支判官為京西轉運使是時范雍知河南王舉正知許州任中師知陳州任布知河陽並二府舊臣絢皆以不才奏之未幾召修起居注糾察在京刑獄時宰相杜衍各拔知名士置臺省惡衍者指絢為其黨絢嘗舉陸經坐贓貶而任布又言絢在京西苛察出知潤州改太常丞徙洪州時五溪蠻寇湖南擇轉運使帝曰有館職善飲酒者為誰今安在輔臣未喻帝曰是往歲城邠州者其人才可用輔臣以狗對遂除湖南轉運使絢乘驛至邠州戒諸部按兵毋得動使人諭蠻以禍福蠻罷兵受約束復修起居注權判三司鹽鐵句院復糾察在京刑獄以右正言知制誥奉使契丹知審官院遷龍圖閣直學士起居舍人權知開封府治有能名絢夜醉晨奏事酒未解帝曰開封府事劇豈可沉湎於酒邪改提舉在京諸司庫務權判吏部流內銓初慈孝寺亡章獻太后神御物盜已得絢考掠不得其情輒釋去時知制誥何中立權發遣聞

封府事窮治之盜伏罪中立遷兵部員外郎糾察在京刑獄絢黜知蘇州未行卒絢疏明樂易少周遊四方頗練世務數上書言便宜仁宗春秋高未有繼嗣絢因祀高禩還獻賦大旨言宜遠嬖寵近賢良則神降之福子孫繁衍帝嘉納之性嗜酒終以疾死中立字公南許州長社人頗以文詞自喜然嗜酒無行知杭州暴中風卒沈遼字子山信州弋陽人進士及第起家補大理評事知侯官縣通判廣州累遷都官員外郎歷知真州福州慶歷初為侍御史時呂夷簡罷相輔臣皆進官遼言爵祿所以勸臣下非功而授則為濫今邊鄙屢警未聞廟堂之謀有以折外侮無名進秩臣下何勸焉又論夏竦除樞密使而疎陰交內侍劉從愿使從愿內濟狡諂疎外專機珍姦竊得計人主之權去矣其言甚切權鹽鐵判官轉兵部員外郎時選諸路轉運加按察使遷與張昱之王素首被選遷加直史館使京東歲餘入為侍御史知雜事未幾擢天章閣待制知澶州徙河北都轉運使又徙陝西歲中加刑部郎中知延州卒遷疏夷有治才然性少檢

列傳

宋三十七

張昱之

魏瑾

滕宗諒

李昉

趙湘

唐肅

張述

黃震

胡順之

陳貫

范祥

田京

周潛

梁鼎

范正辭

劉師道

王濟

方偕

曹顯叔

劉元瑜

楊告

趙及

劉湜

王彬

張昱之字景山父祕自有傳昱之進士及第補樂清尉

潤州觀察推官校勘館閣書籍遷集賢校理通判常州

知溫州蔡齊薦其才可用擢提點淮南路刑獄楊崇勳

知亳州恃恩為不法誣家城知縣王申罪械送獄昱之

廉得寬狀乃出申配姦吏若干人徙廣南東路轉運使

夷人有犯其酋長得自治而多慘酷請一以國法從事

權度支判官為京西轉運使加直史館徙河北被遷諸

州發卒斬西山木卒逃入契丹者歲數百人敵既利其

所開地又得亡卒故不爭昱之戒斬伐毋得深入北地

卒亦不敢逃還為監鐵副使擢天章閣待制河北都轉

運按察使保州廣信安肅軍自五代以來別領兵萬人

號緣邊都巡檢司以知州軍為使置副二人分所領卒

為三部使授隣道太祖嘗用之有功詔每出巡別給糧

錢以優之其後州將不復出內侍為副數出巡部卒偏

得廩賜軍中以為不均通判保州石待舉言于昱之請

合三部兵更出入季一出即別給錢糧餘悉罷仍請以

武臣代內侍時楊懷敏方任邊事尤不悅巡檢司雲翼

卒惡石待舉遂殺之以作亂昱之自魏馳至城下召諸

將部分攻城使人請懷敏曰不即來當以軍法從事既

至以兵自衛昱之叱去衛者城開田況潛殺降兵數百

人昱之預知其謀除戶部副使既而坐前事奪職知魏

州王則反貝州有言昱之在河北捕得妖人李教不殺

使得逸去今乃為則主謀事平無其人會冀州人段得

使徙河北以給事中知開封府政事嚴明吏民憚之內

東門索命婦車得賂遺掖庭物付府驗治獄未上內降

釋罪諫官吳奎言法當執奏而瑾不即奏行請以廢法

論降知越州儂智高寇廣東西獨廣州城堅守不能下

於是論築城功遷工部侍郎集賢院學士復知廣州兼

廣東經略安撫使給禁卒五千聽以便宜從事屬狄青

已破賊召還糾察在京刑獄議者請開六塔河塞商胡

北流宰相主其說命瑾按視還奏以為不可塞下溪州

蠻彭士義叛將發兵討除進龍圖閣直學士知荆南璠

以為五溪之險師行鳥道諸將貪功生事于國家何所

利因條上三策以招徠為上守禦為下攻取為失不報

後卒如瑾議徙澶州滑州又徙鄧州請老以吏部侍郎

致仕卒瑾所至整辦與人置對未嘗屈弟瑛

致字子浩以父恩授祕書省正字為吏強敏名齊于瑾

封府倉曹參軍持法精審明吏事上元闕前張燈與臣

者護作宦者視瑾年少輒誅索侵擾瑾密以聞詔杖宦

者遣之瑾門人魏綱上疏詆天書流海島瑾亦坐是停

官復監鄧州稅鄂州茶以大理寺丞知衡山縣通判壽

州歷知循隨安州提點廣南西路刑獄邕州籙戶緣通

負沒婦女為傭者一千餘人悉奏還其家就除轉運使

劉錕時計口以稅雖舟居皆不免至是而雷化欽廉高

州猶未除瑾為除之減柳州無名役四百人召權度支

判官尋以罪降知洪州徙梓州路轉運使還知蔡州潭

州為京西轉運使江淮制置發運使自主客郎中遷太

常少卿知廣州築州城環五里疏東江門鑿東西澳為

水閘以時啟閉焉拜右諫議大夫再任臨江軍判官史

沆性險詭嘗為瑾所劾免會廣州封送貢餘椰子菓等

餉京師輒邀留之飛奏指以為珍貨詔遣內侍發驗無

有沆坐不實廢瑾亦降知鄂州未踰年復為陝西轉運

使徙河北以給事中知開封府政事嚴明吏民憚之內

東門索命婦車得賂遺掖庭物付府驗治獄未上內降

釋罪諫官吳奎言法當執奏而瑾不即奏行請以廢法

論降知越州儂智高寇廣東西獨廣州城堅守不能下

庭遺燼延熾宮闈雖沿人事實繫天時詔獄未釋鞠訊尚嚴恐違上天垂戒之意累兩宮好生之德且婦人柔弱萬一懷寬足累和氣疏秦仁宗為罷詔獄時章獻太后猶臨朝宗諒言國家以火德王天下火失其性由政失其本因請太后還政而越亦上疏太后崩擢嘗言遠政者越已卒贈右司諫而除宗諒左正言後遷左司諫坐言宮禁事不寔降尙書祠部員外郎知信州與范諷雅相善及諷貶宗諒降監池州酒久之通判江寧府徙知湖州元昊反除刑部員外郎直集賢院知涇州葛懷敏軍敗于定州諸部震恐宗諒願城中兵少乃集農民數千戎服乘城又募勇敢謀寇遠近及其形勢檄報旁郡使為備會范仲淹自環慶引蕃漢兵來援時天陰晦十餘日人情憂沮宗諒乃大設牛酒迎犒士卒又籍定州戰沒者於佛寺祭酌之厚撫其孥於是邊民稍安仲淹薦以自代程天章閣待制徙慶州上言朝廷既授范仲淹韓琦四路馬步軍都總管經略安撫招討使而諸路亦帶招討稱號非所宜詔罷之御史梁堅劾奏宗諒前在涇州費公錢十六萬貫及遣中使檢視乃始至部日以故事犒諸部屬羌又問以饋遺遊士故人宗諒恐連逮者眾因焚其籍以滅姓名仲淹時參知政事力救之止降一官知虢州御史中丞王拱辰論奏不已復徙岳州稍遷蘇州卒宗諒倚氣倜儻自任好施與及卒無餘財所蒞州喜建學而湖州最盛學者傾江淮間有諫疏二十餘篇亦宗諒同年進士嘗知襄城固始二縣有能名既贈官又萬其一子賜其家錢十萬

李防字智周大名內黃人舉進士為莫州軍事推官隨曹彬入契丹授忠武軍節度推官括磁相二州逃戶田

增租賦十餘萬因請均定田稅又請縣有破逃五十戶者令在降下考百戶殿三選二百戶停所居官能招攜者旌賞之改祝書省著作佐郎通判潞州遷祕書丞體量二浙民饑建言逃戶田宜即召人耕種使人不敢輕去剛畝而官賦常在又請京師置折中倉聽人入粟以江浙荆湖物價之擢開封府推官請與判官間三五日即府司軍巡院察冤獄出為川陝路轉運副使先是沿江水逃歲役民丁甚眾頗廢農作防悉以城卒代之會分川陝為四路徙梓州路轉運使累遷尙書工部員外郎為三司戶部判官景德初江南早詔與張知白分東西路安撫上言秦義當增江淮兩浙荆湖權酷錢民頗煩擾江南以歲飢權罷而淮南荆湖未被德音詔悉罷之仍詔義等毋得復增權酷之利遂為江南轉運使淮南舊不禁鹽制置司請禁鹽而官自鬻之使兵夫輦載江上且多漂失之患防請令商人入錢帛京師或輸芻糧西北邊而給以鹽則公私皆利後宋用之徙知應天府鑿府西障口為斗門洩汴水淤旁田數百畝民甚利之又徙興元府入為三司鹽鐵判官失舉免官後起通判河南府徙知宿遷亳三州為利州路轉運使累遷兵部郎中糾察刑獄權石諫議大夫知承興軍進給事中復知延州更耀潞二州卒防好建明利害所至必有論奏朝廷頗施行之其精力過人防在江南晏殊以童子謁見防命賦詩使還薦之後至宰相

趙湘字巨源華州人進士甲科歷彰武承興昭武三軍節度推官遷祕書省著作佐郎知新繁縣以吏最命知商州徙隴州興元府再遷太常博士上補政忠言十篇召判宗正寺上書言元德李太后母育聖躬請祔太宗

廟室後用其說擢殿中侍御史權判三司句院上言今季冬誕聖之月願詔有司自仲冬留大辟弗決俟孟春臨軒閱視眞宗曰慮繫囚益淹久吏或因緣為姦爾湘又上書請封禪未幾命管句南宮北宅事東封泰山為東京留守推官禮成遷侍御史昇州火命湘往致祠兼問民疾苦還言轉運使劉灼弛職不按部知洪州馬景病不任事皆罷黜之糾察刑獄改尙書刑部員外郎兼侍御史知雜事湘又言舊制文武常參官日趨朝並赴待漏院候禁門闕今多後時乃入望敕正衙門主者察晚至以懲其慢時帝親製五箴以自儆湘因言宗室風化所本宜有以訓厲願特製銘以賜南北邸帝悅為製宗室座右銘賜靈王元偃以下并及湘祀汾陰為考制度副使請如周官置土訓錄所過州縣山川與俗好惡日上奏御兼判宗正寺歷三司戶部度支副使祀太清宮管句留司三司事為鹽鐵副使再遷工部郎中直昭文館出知河南府徙河中府為京西轉運使又徙鳳翔府延州遷太常少卿知襄州又知應天府進右諫議大夫復知河南為集賢院學士以疾徙虢州卒

唐肅字叔元杭州錢塘人當錢俶時始七歲能誦五經名聞其國中舉進士調郿縣主簿徙秦州司理參軍有商人寓逆旅而同宿者殺人亡去商人夜聞人聲往視之血沾商人衣為捕吏所執州趣獄具肅探知其寃持之後數日得殺人者後守雷有終就辟為觀察推官遷祕書省著作佐郎歷知聞喜福昌縣通判陝州召拜監察御史提點梓州路刑獄遷殿中侍御史入為三司戶部判官出知舒州遷侍御史為福建路轉運使判三司開折司再遷工部郎中知洪州尋為江南東路轉運

使擢三司度支副使奉使契丹還遷刑部為龍圖閣待
制登聞檢院知審刑院卒子詢以父任為將作監主簿
累遷右諫議大夫進給事中卒贈禮部侍郎詢子炯附
王安石為監察御史裏行自有傳按宋史此下有唐肅
今從

張述字紹明遂州小溪人舉進士調咸陽縣主簿改大
理寺丞遷太常博士皇祐中仁宗未有嗣述上書言宜
慎擇宗親才而賢者異其禮秩試以職務俾內外知聖
心有所屬則天下大幸至和元年復上疏曰臣歷觀前
世或令出宮闈或謀起閹寺或姦臣首議利幼主以專
政假後宮以盜權安危之機發於頃刻朝議恬然曾不
為計此臣拳拳為陛下言也述前後七上疏最後語尤
激仁宗終不以為罪述慷慨喜論事歷通判延州知泗
州皆有政蹟後以尚書職方員外郎為江浙荆湖福建
廣南路提點坑冶鐵錢事行至萬州道病卒

黃震字伯起建州浦城人進士及第累遷著作佐郎通
判遂州嘗給兩川軍士緡錢詔至西川而東川獨不及
軍士謀為變震白主者曰朝廷豈忘東川邪殆詔書稽
留爾即開州帑給錢如西川眾乃定明日詔至累遷尚
書都官員外郎提點湖北路刑獄還判三司磨勘司擢
江淮發運使先是李溥自三司小吏為發運使十餘年
姦賊狼籍震將行上書自陳辭頗憤激既至發溥姦賊
數十事溥坐廢而震亦為溥訟奪一官罷畏謂權不敢
自直及謂肥乃復官知饒州徙廣東轉運使廣南歲進
異花數千本至都下枯死者十八九道路苦其煩擾震
奏罷之既卒詔進其官一等

胡順之字孝先原州臨涇人登進士第試祕書省校書

郎知休密縣民有汪姓者豪橫縣不能制歲租賦常不
入適以訟逮捕不肯出順之曰令不行何以為政命積
薪環而焚之豪大駭少長趨出叩頭伏辜推其長械送
州致之法按涑水記開載胡順之為浮梁縣令民賦有
門輒噬之鏡垣密植柵柵中人不可入每歲里正近其
輸租順之至官乃令里正聚粟自抵其居以繫塞門而
焚之賊氏人皆逃逸順之自是賊氏租常為一縣先此事與宋
史本傳所載休密縣民汪姓事相類史不言其嘗知浮梁為青州從事高麗入貢中
貴人挾以為重使州官族拜於郊順之曰青大鎮也在
唐押新羅渤海奈何卑屈如此獨不拜大姓麻士瑤陰
結貴侍匿兵械服用擬尙方親黨僕使甚多州縣被陵
蔑莫敢發其姦會士瑤殺兄子溫裕其母訴於州眾相
視曰孰敢在捕者順之持檄徑去盡得其黨有詔鞫問
士瑤論死其子弟坐流放者百餘人改著作佐郎知常
熟縣按涑水記開作洪州
會判後家於洪州遷祕書丞分司南京仁宗即
位遷太常博士天聖明道間再上宰相書乞太后還政
宰相匿不以聞太后崩其書出宰相家仁宗嘉其忠特
遷尚書屯田員外郎按涑水記開以覃
恩遷屯田員外其後數論朝廷
事仲淹愛其才然挾術尙權喜縱橫擲閫以目失明廢
州里皆憚焉

陳貫字仲通其先相州安陽人後葬其父河陽因家焉
少儻數上疏言邊事舉進士真宗識貫名擢實高第
為臨安縣主簿以祕書省著作佐郎為刑部詳覆官改
祕書丞為審刑院詳議官歷知衛州涇州督察盜賊禁
戢不肯子弟簿書筭庫賦租出入皆自檢覈嘗謂僚屬
曰視縣官物如已物容有姦乎擢利州路轉運使歲饑
出職田粟賑饑者又帥富民令計口占粟悉發其餘徙
陝西累遷尙書度支員外郎入為三司鹽鐵判官領河

北轉運使請疏徐鮑曹易四水與屯田徙河東歷三司
戶部鹽鐵副使以刑部郎中直昭文館知相州還朝卒
貫喜言兵咸平中大將楊瓊王榮喪師而歸貫上書曰
前日不斬傅潛張昭允使瓊輩畏死不長法請自今合
戰而奔者主校皆斬大將戰死裨校無傷而還與奔軍
同軍劾城圍別部力足救而不至者以逗留論真宗嘉
納之又嘗上形勢選將練是論三篇大略言地有六害
今北邊既失古北之險然自威虜城東距海三百里沮
澤磽确非敵所能輕入由威虜西極狼山不百里地廣
平利馳突此必爭之地凡爭地之利先居則佚後起則
勞宜有以待之昔李漢超守瀛州契丹不敢視關南尺
寸地今將帥大抵用恩澤進雖謹重可信卒與敵遇方
略何從而出國家收天下材勇以備禁旅恬于休息久
不識戰可以衛京師不可以戍邊境請募土人隸本軍
籍丁民為府兵使北捍契丹西捍夏人敵之情偽地勢
之險易彼皆素知可不戰而屈人之兵矣後以疾卒著
兵略世頗稱之子安石

安石字子堅以蔭鎖廳及第嘉祐中為夔峽轉運判官
民蓄蠱毒殺人捕誅其魁并得良藥圖由是遇毒者得
不死提點陝西刑獄攝帥郵延能用謀者敵動靜輒先
聞嘗救邊民戒嚴既而數萬騎奄至無所獲而去璽書
嘉之歷使京西河東淮南京東知蘇州邠州河中府加
果賢殿修撰為河東都轉運使議行鹽法謂其僚曰興
事當有漸急則擾乃出鹽付民而俾之券使隨所得買
易鬻畢而歸券私販為減進天章閣待制官軍西征時
遣縣令佐督餉安石謂文吏畏怯武人邀功乃但取敢
行者申約束以防眾潰王中正帥東師而西報安石持

志五一八三

續通志 卷三百三十三 列傳 宋

續通志 卷三百三十三 列傳 宋

續通志 卷三百三十三 列傳 宋

續通志 卷三百三十三 列傳 宋

續通志 卷三百三十三 列傳 宋

續通志 卷三百三十三 列傳 宋

四十日糧而師駐白草平彌月安石深念曰吾頓兵益久而秦甲未至倘不足於食將以乏軍興罪我即擅發民再餉乃以問李舜舉劾其專詔置獄於潞安石自麟州會遼俄而他路餽糧多不繼神宗察其無罪赦之尙書省初建召爲戶部侍郎嘗與右曹李定同奏事帝目留之曰卿豈非在淮南日不肯保李定持服者乎對曰詔問臣臣不敢不以實奏帝曰以實事君朕所與也進吏部侍郎選人將改京官須次久臨當引對率困於刑寺審問或沮以微文則一跌不復安石請罷再問以絕巖弊遂爲後法出知永興軍鄧襄陳鄭州河陽至龍圖閣直學士紹聖元年卒年八十一

范祥字晉公邠州三水人進士及第自乾州推官稍遷殿中丞通判鎮戎軍元昊圍城急祥帥將士拒退之請築劉璠堡定川峇從之歷知慶汝華三州提舉陝西銀銅坑冶鑄錢祥曉達財利建議變鹽法後人不敢易稍加損益人輒不便提點本路刑獄制置解鹽累遷度支員外郎權轉運副使古渭州距秦州三百里道經啞兒峽邊帥數請城之朝廷以餽餉之艱不許祥權領州事驟請修築未報輒自興役蕃部驚擾唐族羌攻破廣吳嶺堡圍啞兒峽峇官軍戰死者千餘人坐削一官知唐州後復官提舉陝西緣邊青白鹽改制置解鹽使卒嘉祐中包拯言祥通陝西鹽法行之十年歲減榷貨務使繕錢數百萬其勞可錄官其子孫景郊社齋郎熙寧中平洮岷疊宕河州數千里置郡縣以古渭爲通遠軍權陝西轉運副使張說奏朝廷洮隴故地自將帥至裨佐悉有功賞皇祐中轉運使祥卽古渭爲若此舉足以消沮邊陲身黜糜慶臣竊悲之冀推原舊功少賜褒

卹詔贈祕書錄一子未官者子育育字異之舉進士爲涇陽令以養親馮歸有薦之者召見授崇文校書監察御史裏行西夏入環慶詔育行邊還言寶元康定間王師與夏人三大戰而三北今再舉亦然登中國之大不足以支夏人數郡乎由不察彼已妄舉而驟用之爾昨荔原之役夏人聲言我自修壘不與漢爭三犯之然後掩殺雖追奔亦不至境由是觀之其情大可見矣又使河東與韓絳築囉鄂特二砦始調外郡稍遠邊城前後三十萬夫遠州最爲窮僻然猶土戶配夫四百三十四儼直計三千緡下者十六人其直十萬輦運所經二十二驛宣撫司不先告期轉運使臨時督辦致民皆破產上下莫敢言獨遼守李宏能約民力所勝而餽不失期願以訴其實翻令鞫罪願貸被劾官吏其芻糧在道者隨所至受之使已困之民咸蒙德澤神宗皆從之坐劾李定親喪匿服罷御史知韓城縣詔往郵延議畫地界育言保疆不如持約持約不如敦信前日疆場嘗嚴矣一旦約敗鬪者跌於前耕者侵於後是封溝不足恃也使人左去而兵革右興全紹朝委而烽烟夕舉是持約不足恃也今我見利而加兵當講好之後復自立界不亦愧乎安南行營郭遠趙嵩以兵十萬伐交趾行及長沙病死相屬遠嵩又不輒睦育疏其不便不從久之知河中府以直龍圖閣鎮秦州元祐初召爲太常少卿改光祿卿樞密都承旨出知熙州時又議棄孤勝如兩堡育爭之曰熙河以蘭州爲要塞此兩堡者蘭州之蔽也棄之則蘭州危蘭州危則熙河有腰膂之憂矣又請城李諾不汝遮川曰此趨充國屯田古榆塞之地也不報入爲給事中戶部侍郎卒高宗

紹興中採其抗論棄地及進築之策贈寶文閣學士田京字簡之世居滄州其後徙亳州鹿邑舉進士調蜀州司法參軍自秦州觀察推官改祕書省著作佐郎爲大理寺詳斷官趙元昊反侍讀學士李仲容薦京知兵法召試中書樞密通判鎮戎軍入對陳方略尋爲經略安撫判官會遣翰林學士晁宗慤即軍中問攻守孰便眾欲大舉入討京曰夏人之不道久矣未易破也今欲驅不習之師深入敵境與之角勝負此兵家所忌師出必敗或曰不如講和京曰敵兵未嘗挫安肯降我哉未幾元昊使黃延德叩延州乞降以奇兵出原渭敗大將任福夏竦素不悅京坐是改通判廬州徙知邵武軍提點河北路刑獄事乃上言請擇要官守滄衛鑿西山石白廢道以限戎馬義勇聚教復給糧置卒守烽燧用奇正法訓兵徙戰馬內地以息邊費凡十餘事仁宗頗嘉納之入爲開封府判官坐械囚送獄道死出知蔡州徙相邢二州復提點河北刑獄事王則據恩州反京絕城趣南關入驍健營撫士卒保州振武兵焚民居欲應賊京捕斬之乃定賊遣其黨崔象僞出降京以其持妖言惑眾又斬以徇由是營兵二十六指揮在外者皆備服不敢叛州之南關民眾多如城中得不陷賊京有功焉京督士攻城甚力賊係京妻子乘城迫使呼曰毋亟攻城中將屠我輩矣京叱諸軍益進攻注矢仰射殺其家四人賊知京無所顧乃牽妻子去恩州平以不能預察賊降監鄆州稅先是駐泊都監田斌亦以賊發不能捕待罪兵間及城破從諸將入以功遷宮苑副使而京獨被謫御史言失察賊過輕忘家爲國義獨重不宜左遷乃徙通判兗州又徙知江陰軍知密州恩提點淮南刑獄

事京西轉運使累遷兵部員外郎直史館知涪州轉運使擢天章閣待制陝西都轉運使改兵部郎中復知涪州拜右諫議大夫卒京爲人尙氣節少時與常山董士廉汾陰郭京相友善俱以偶儻聞

周渭字得臣昭州恭城人按涑水記閩幼孤養于諸父力學工爲詩劉銀據五嶺政繁賦重民不聊生渭率鄉人六百踰嶺將避地零陵遂奔道州爲盜所襲脫身北上建隆初上書言時務召試賜同進士出身解褐白馬主簿縣大吏犯法渭卽斬之上奇其才擢右贊善大夫

時魏帥符彥卿專恣渭知永濟縣相見略不降屈縣有盜傷人而逸渭捕獲并累度匿者按誅之不以送府乾德中通判興州州領口峒多戍兵監軍敖狠縱其下爲暴渭馳往諭以禍福斬其軍校眾皆懾服命兼本岩鈐轄開寶元年鳳州七房冶主吏盜隱官銀擇渭往代

羨課數倍又遷知棣州殿直傳延翰爲監軍謀作亂走契丹爲部下所告渭擒之以聞渭在郡以簡肅稱及還吏民遮道泣留太平興國二年爲廣南諸州轉運副使初渭之入中原妻子留恭城開寶三年平廣南詔昭州

訪求及是渭始還故里鄉人以爲榮渭奏去劉鋹時稅算之繁者重定田賦興學校遷殿中丞屬有事故交趾主將逗撓無功有二敗卒擐甲先至邕州中奪民錢渭捕斬之後至者悉令解甲以入移書交趾諭朝廷威信將

刻日再舉舉桓懼卽遣使入貢就加監察御史徙知揚州進殿中侍御史改兩浙東西路轉運使入爲鹽鐵判官遷侍御史歷判戶部度支二勾院出知亳州俄授宋

州加職方員外郎爲益州轉運使坐從子違詔市馬黷爲彰信軍節度副使咸平二年眞宗聞其清節召還將

復用詔下而卒年七十七以其子建中爲乘氏主簿渭妻莫荃賢婦人也渭北走時不暇與荃訣二子孩幼荃尙少父母欲嫁之荃泣誓曰渭非久困者今違難遠遁必能自奮於是親蠶績確春以給朝夕二子皆畢婚姻

凡二十六年復見渭按涑水記閩載渭爲廣南轉運時別二十七年矣妻固不嫁育二子皆長渭欲復迎之妻曰君既有室我不可復往且我有孫婦居此久不可去渭爲具奏詔特許爲復往并其二子渭皆爲奏官宋史本傳作二十六年復見渭不載渭改娶事附識

昂著莫節婦傳紀其事

梁鼎字凝正益州華陽人祖鉞仕蜀爲劍門關使父文獻乘氏令鼎太平興國八年進士甲科解褐大理評事知稀歸縣再遷著作佐郎端拱初獻聖德徽號頌遷殿中丞通判欽州以能聲聞徙知吉州民有蕭甲者蒙猾

爲民患鼎暴其凶狀杖脊黥面徙遠郡太宗尤賞其強幹代還賜緋魚舊例當給銀寶瓶帶太宗特以犀帶賜之記其名於御屏涪化中上言詔有司申明考績之法庶幾官得其人民受其賜俄爲開封府判官遷太常博士三司右計判官又爲總計判官換度支判官至道初

建議興三白渠及陳許鄧穎蔡宿毫數州用水利墾田事具食貨志遷都官員外郎江南轉運副使就改起居舍人徙陝西二年五將分道擊李繼遷李繼隆擅出赤糧路無功還奏軍儲失期鼎坐削三任復爲殿中丞領職如故以母老求郡歷知徐密二州眞宗踐位復舊官咸平四年遷兵部員外郎知制誥賜金紫時三司督捕負嚴急有人被留繫者命鼎與群映按籍詳定多所蠲免踰月拜右諫議大夫度支使時西鄙未寧鼎建議陝西禁解池鹽所在官鬻詔從之以鼎爲制置使議者多言其非便鼎旣行卽移文禁止鹽商所在約束乖當延

州劉廷偉慶州鄭惟吉皆不從規畫又鼎奏遷咸陽倉粟以實邊粟已陳腐鼎卽與民俟秋收易新粟上封章密陳其煩擾者甚眾鼎始謀多沮坐首議改作非是詔罷度支使守本官景德初知三班院通進銀臺司兼門下封駁事出知鳳翔府表求判西京留司御史臺三年卒年五十二鼎偉姿貌磊落尙氣有介節居官峻厲名稱甚茂好學工篆籀八分嘗著隱書三卷史論二十篇學古詩五十篇子申甫吉甫

范正辭字直道齊州人父勞謙獲嘉令正辭登第調補安陽主簿開寶中判入等遷國子監丞知戎州改著作佐郎代還治逋欠於涪州轉運使稱其能轉左贊善大夫就知涪州太宗征河東諸州部糧多不及期正辭所部長山縣吏張秀督民輸受錢二千卽杖殺之郡中畏服太平興國中改殿中丞通判棣深二州遷國子博士

御史中丞劉保勳奏充臺直會有言饒州多滯訟選正辭知州事至則宿弊皆決遣之胥吏坐淹獄停職者六十三人會詔令料州兵送京師有王興者懷土憚行以刃故傷其足正辭斬之興妻詣登聞上訴太宗召見正辭廷辨其事正辭曰東南諸郡饒實繁盛人心易動興

敢扇搖苟失控馭則臣無待罪之地矣上壯其敢斷特遷膳部員外郎充江南轉運副使饒州民甘紹爲羣盜所掠州捕繫十四人獄具當死正辭按部察其非實命徙他所訊鞫旣而民有告羣盜所在者正辭潛召監軍

王愿掩捕之得所棄賊按其姦狀伏法而前十四人皆得釋端拱二年代歸監折中倉遷倉部員外郎同知幕府州縣官考課改判刑部歷戶部鹽鐵二判官遷考功

員外郎通判定揚杭三州眞宗卽位遷膳部郎中召判

三司句院俄復為鹽鐵判官咸平二年出為河東轉運使三年以本官兼侍御史知雜事時李昌齡自忠武行軍起知梓州董儼知壽州王德裔楊絳皆任轉運使後失官宰畿邑正辭上言昌齡輩會墨著聞願陛下罷其民政詔追還儼較餘悉代之又舉史奮等五人堪任大郡復請令奮等各舉知縣縣令從之坐鞠任懿獄貶滁州團練副使會赦復為倉部考功員外郎通判鄆州知淮陽軍復膳部郎中以年老求監兗州商稅大中祥符三年卒年七十五子識諷並進士及第

諷字補之以蔭補將作監主簿獻東封賦遷太常寺奉禮郎又獻所為文召試入等出知平陰縣會河決王陵埽水去而土肥失阡陌田訟不能決諷分別疆畔著為券民持去不復爭諷辦數激昂喜為名聲然亦操持在已吏不敢欺舉進士第遷大理評事通判淄州歲旱蝗他穀皆不立民以蝗不食穀猶可藝而患無種諷行縣至鄆平糶官廩貸民縣令爭不可諷曰有責令無預也即出貸三萬斛比秋民皆先期而輸徙知梁山軍以母老不行得通判鄆州時知州李迪貶衡州副使宰相丁謂戒使者持詔書促上道諷輒留迪數日為治裝祖行詔塞決河州募民人芻槌而城邑與豐戶等諷改符使富人輸三之二因請下諸州以鄆為率朝廷從其言徙知廣濟軍民避水堤居凡給菰於官者諷悉縱使護其家奏除其租賦累遷太常博士以疾監舒州靈仙觀尚御藥張懷德至觀齋兩瀆頰要結之懷德薦于章獻太后遂召還問所欲言對曰今權臣驕悍將不可制蓋指曹利用也利用貶拜右司諫三司度支判官百官轉對敢近臣閱視其可行者類次以聞諷奏上親覽決可否

玉清昭應宮災下有司治火所起謂曰此天之戒告乃復置獄以窮治之非所以應天也獄由是得解改尚書禮部員外郎兼侍御史知雜事錢惟演自許州來朝圖相位諷奏惟演嘗為樞密使以皇太后姻屬罷之示天下以不私固不可復用遂以惟演守河南權天章閣待制知審刑院出知青州再遷戶部郎中時山東饑宰相王曾青人家積粟多諷發取數千斛濟饑民因請遣使安撫京東入為右諫議大夫權御史中丞又請益漕江准米百萬自河陽河陰東下以賑貸之錢惟演倡議獻懿二太后宜耐真宗廟室諷彈奏之及言其在太后時權寵甚盛且與后族連姻請細去遂貶惟演隨州陳堯佐罷參知政事有王文吉者告堯佐謀反仁宗遣中官訊問復以屬諷夜中被旨究詰且得其証狀奏之諷嘗侍對帝語及郭后亡子諷言亡子大義當廢陰合帝旨以龍圖閣直學士權三司使時狄業為直學士已久諷盛氣凌業宰相李迪右之遂特詔班業上論者非之尋轉開學士以疾免三司使改翰林侍讀學士管勾祥源觀從會靈觀復改開學士給事中知兗州既至郡而龐籍為廣南東路轉運使未行上言諷以三司使曲為左藏監庫吳守則奏課選官尙美人同父弟娶守則女諷以銀鞍勒道守則相結納既出兗州假翰林白金器數千兩自隨而增產於齊州市官田虧平估置獄于南京幼之諷坐方聽旨擲馳驛還兗州當贖籍所奏有不實當免官宰相呂夷簡嫉諷詭激特貶諷武昌軍節度行軍司馬

按陳水記開云范諷性調備知道節不拘細行為中丞力擢張士遜授呂夷簡意夷簡引已至二府夷簡怒其驕抗久之不敢再引綱憤激始出兗州將行召臣將無益夷簡愈怒之故尋被謫諷由是宰相李迪等坐親善諷皆斥歲中徙保信軍聽居舒州持母喪又許歸齊州日飲酒自縱為時所譏服除改將作少監知淮陽軍遷光祿卿知陝州道改潞州入見帝言元昊不可擊獨以兵守要害捍侵掠久當自服復給事中卒諷數短參知政事王隨于帝前又嘗與張士遜議事不合及為龐籍訟人謂大臣陰諷籍焉諷頗曠達然掉闔圖進不守名檢所與遊者輒慕其所為時號東州逸黨山東人顏太初作逸黨詩刺之而姜潛者又嘗貽書以疏其過云子寬之

劉師道字損之一字宗聖開封東明人父澤右補闕師道雍熙二年舉進士初命和州防禦推官歷保寧鎮海二鎮從事凡十年擢著作佐郎繙一月會考課又遷殿中丞出知彭州就加監察御史轉運使劉錫馬襄上其治跡召歸會浦洛之敗奉詔劾白守榮輩獄成太宗獎其勤賜鮮魚川陝豪民多旁戶時有言李順之亂皆旁戶鳩集請釋旁戶為三者長迭主之疇歲勞則授以官師道奏非使卒罷之改祠部員外郎出為京東轉運使真宗嗣位進秩度支咸平初徙知潤州改淮南轉運副使兼淮南江浙荆湖發運使以漕事入奏特遷司封俄為正使改工部郎中代查道為三司度支副使擢樞密直學士掌三班俄擢三司使從幸瀘淵判隨駕三司充都轉運使坐論奏誣罔責為忠武軍行軍司馬以郊祀恩起為工部郎中知復州換秀州大中祥符二年以兵部郎中知潭州遷太常少卿師道敏於吏事所至有聲吏民畏愛長沙當湖嶺都會劄煩析滯案無留事歲滿復加樞密直學士換左司郎中留一任卒年五十四師道性慷慨尚氣善談世務與人交敦篤工為詩

道性慷慨尚氣善談世務與人交敦篤工為詩

王濟字巨川其先真定人祖卿避地深州饒陽遂為縣人父恕唐時童子及第開寶中知秀州會盜起城陷為盜所殺將并害濟濟號慟謂賊曰吾父已死吾安用生為但恨力不能殺汝以報父讐爾賊義之捨去濟攜父骨匿山谷間既而官軍大集濟脫身謁其帥朱乙陳討賊之計乙嘉之遣以束帛奏假驛遣歸先是濟母終於岳陽權之佛舍至是乃并護二喪還饒陽州將以聞太祖召見以其尚少且俾就學雍熙中上書自陳死事之孤得試學士院補龍溪主簿時調福建輪鶴翎為箭羽有司督責急民甚苦之濟諭民取鵝翎代輸仍驛奏其事因詔旁郡悉如濟所陳縣有陂塘數百頃為鄉豪幹其利會歲旱濟悉導之分溉民田汀州以銀冶構訟十年不決逮繫數百人轉運使使濟鞫之纔七日情得止坐數人再調州城尉徙臨河主簿遷光祿寺丞權大理丞改刑部詳覆官按宋事實類苑云王濟為刑部詳覆官屢上封事是時各道置提舉茶鹽酒稅官朝廷因令訪察民間事與吏之能否並重其選會京西道闕太宗問左右刑部有好事者有誰左右以濟對帝即以授之通判鎮州牧守多勸舊武臣偃未史本傳不載附識貴陵下濟未嘗撓屈戍卒頗恣暴不法夜或焚民舍為盜一夕報有火濟部壯士數十潛往偵伺果得數輩并所盜物即斬之馳奏其事都校孫進使酒無賴毆折人齒濟不俟奏杖脊送闕下繇是軍城畏肅就遷太子中舍詔書褒勞召判登聞鼓院拜監察御史上疏陳統天下之術節民物之道大者有十擇左右別賢正名器去冗食加奉祿謹政教選良將分兵戍修民事開仕進其言切於時詞多不載咸平初濟以刑綱尙繁建議請刪定制敕乃命張齊賢領其事濟預焉刑統舊條持杖行劫不以賊有無悉抵死齊賢議貸不得財者濟與齊

賢廷爭數四目齊賢為腐儒然卒從齊賢議人以濟為刻改鹽鐵判官車駕巡師大名調丁夫十五萬修黃汴河濟以為勞民詔濟馳往經度還奏省十六七齊賢時為相以河決為憂因對并召濟見齊賢請令濟署狀保河不決濟曰河決亦陰陽災疹宰相苟能和陰陽弭災疹為國家致太平河之不決臣亦可保上動容獨留濟問邊事濟曰謀謨當國之人未有如昔之比此誠急賢之秋著備邊策十五條以獻三年權判大理寺事坐故入停官逾年復為監察御史通判河南府景德初徙知河中府契丹南侵上幸澶淵詔緣河斷橋梁毀船舫稽緩者論以軍法濟密奏寢其事召拜工部員外郎兼侍御史知雜事判司農事受詔與劉綜改定茶法頗易舊制拜本曹郎中出知杭州上面加慰諭仍戒以朝廷闕失許密上言遷刑部郎中郡城西有錢塘湖溉田千餘頃歲久湮塞濟命工濬治增置斗門以備潰溢之患仍以白居易舊記刻石湖側民頗利之大中祥符三年徙知洪州兼江南西路安撫使屬歲荒民饑躬督官吏為糜粥日親嘗而給之錄饑民為州兵全活甚眾是歲卒年五十九歲遺奏大旨以進賢退諛佞罷土木不急之費為言濟頗涉經史好讀左氏春秋性剛直無所畏避少時深州刺史念金鎖一見器之且託後於濟金鎖沒濟撫其孤援寅祿仕素與內臣婁愈有隙愈坐事命憲府鞫之濟適知雜事力為辨理遂獲輕典子孝傑方偕字齊古興化莆田人年二十進士及第為溫州軍事推官歲饑民欲隸軍就廩食州不敢擅募偕乃詣提點刑獄呂夷簡曰民迫流亡不早募之將聚而為盜矣夷簡從之籍為軍者七千人後遷汀州判官權知建安

縣縣產茶每歲先社日調民數千鼓諫山旁以達陽氣偕以為害農奏罷之遷祕書省著作佐郎歷知福清資陽縣累遷尚書屯田員外郎為御史臺推直官禮州逃卒傭民家自給一日誣告民事摩駝神歲殺十二人以祭令卒疏所殺主名按驗皆亡狀事遂辨遷侍御史元昊寇塞門鄜延副總管趙振逗撓不出採詔偕往按之偕奏兵寡不敵餽賊無益振由是得不死為開封府判官江南安撫三司歲出乳香綿綺下州郡配民偕奏罷之更鹽鐵判官遷兵部員外郎兼御史知雜事判大理寺改度支副使擢天章閣待制江淮制置發運使知杭州遷刑部郎中偕以吏事進治杭州有能聲喜飲酒以太常少卿分司西京遷光祿卿卒曹穎叔字秀之亳州譙人進士及第歷威勝軍判官渭州軍事推官御史中丞蔡齊薦為臺主簿改大理寺丞韓億知亳州辟僉書節度判官事通判儀州韓琦文彥博薦其才徙夔州路轉運判官夔峽尚汪祠穎叔悉禁絕之提點陝西路刑獄夏人納款為開封府判官除直史館知鳳翔府徙益州路轉運使權度支副使擢天章閣待制知福州累遷右司郎中為陝西都轉運使自慶厯鑄大鐵錢行陝西民盜鑄不已三司上權鐵之議穎叔曰鐵錢輕而貨重不可久行況官自權鐵乎請罷鑄諸郡鐵錢以三鐵錢當銅錢之一從之兩川和買絹給陝西兵而蜀人苦於煩斂穎叔為歲出本路絹錢五十萬以易軍衣之餘者兩川之民始無擾焉進龍圖閣直學士知永興軍卒于官劉元瑜字君玉河南人進士及第補舞陽縣主簿改祕書省著作佐郎知雍邱縣通判隰并二州知鄂州以太

常博士為監察御史上言課考之法員外郎郎中少卿須清望官五人保任始得遷故浮薄輩日趨權門非所以養廉恥也詔罷之提舉河北便糴會永寧雲翼軍士謀為變百姓竊知多逃避元瑜馳至斬為首者其餘皆釋去不問歷京西河東轉運使遷右司諫劾奏集賢校理陸經在河南日杖死爭田寡婦且貸民鏹投托權要遂復館職請重寘於法又疏李用和曹琮李昭亮不可典軍梁適不當除翰林學士范仲淹以非罪貶既復天章閣待制宜在左右尹洙余靖歐陽修皆以朋黨斥逐此小人惡直醜正者也既而與靖等相失因論靖知制誥不宜兼領諫職且奉使契丹對契丹主做六國語辱國命請加罪修靖深惡之繇是論者以元瑜為姦邪後除三司鹽鐵副使以天章閣待制知潭州獮人數為寇元瑜使州人楊謂入梅山說酋酋長四百餘人出聽命因厚犒之籍以為民徙梓州固辭降鄧州知隨州改信州徙襄州人伏其明歷河中府以左諫議大夫知青州卒元瑜性貪至竊取禁物親與小人爭權時論鄙之楊告字道之其先漢州綿竹人父允恭西京左藏庫使有功既死賜告同學究出身調廬江尉時張景謩吏死而吏捕急逃歸告懼告不見納告曰君勿憂也吾死生以之景卒免改豐城主簿邑有賊殺人知主名而畏不敢言告聞親往擒賊捕得致於法境內肅然再調南劍州判官知南安六台錢塘寧國縣改大理寺丞通判江寧盜殺商人擊舟沉屍江中有被誣告者疑其無狀後數日果得真盜徙知池州累遷尚書司封員外郎開封府推官開拆司為趙元昊旌節官告使元昊專席自尊大告徙生節賓位莫之屈也除京西轉運副使屬

部歲饑所至發公廩又募富室出粟賑之獲濟者甚眾以疾權管句西京留臺頃之判三司憑由理欠司為淮南轉運使徙制置發運使除三司戶部副使更度支安撫河東改鹽鐵副使歷祠部度支司封郎中以少府監復為制置發運使拜右諫議大夫知鄭州徙江寧府壽州告曉法令頗知財利而不務苛刻時號能吏然喜事權貴以要進一子力學有文賜同進士出身未幾卒告悲傷之尋卒

趙及字希之其先幽州良鄉人父的為假師令因家焉及舉進士為慈州軍事推官徙廣信軍判官改祕書省著作佐郎知魏縣徙九隴以母老監葉縣稅歷黃河御河催綱通判青州大名府累遷尚書屯田員外郎被舉為殿中侍御史權宗正丞詔劾夏守恩獄內侍罕守中用賄撓法及劾正其罪遷侍御史夏守養經略西鄙還及言其無功不可復樞府又疏罷郭承祐團練使未幾請知懷州徙徐州還為三司戶部判官還兵部員外郎京東轉運按察使兼侍御史知雜事數論時政權判吏部流內銓初銓吏區員闕與選人為市及奏闕至即勝之吏部勝闕自及始遷戶部副使以疾改刑部郎中直昭文館知衛州召為鹽鐵副使又以疾請知汝州歲除復召為副使不赴徙知河中府特拜天章閣待制右司郎中祀明堂遷右諫議大夫還判大理寺流內銓出知徐州疾甚求解近職還州事乃以本官管句南京留司御史臺卒及和厚謙退內行尤篤所治有聲民吏愛之劉暹字子正徐州彭城人舉進士為澶州觀察推官再調湖南節度推官改祕書省著作佐郎知益都縣徙陰平再遷太常博士通判劍州審問州獄活死囚七人王

堯臣安撫陝西薦之擢知耀州拜監察御史王德用自隨州詔還近臣言其有反相混保右之歷開封府推官三司鹽鐵判官遷殿中侍御史上言轉運使倚撫郡縣苛束官吏人不得聘其材宜稍寬假不為改者繩治之詔詣渭州劾尹洙私用公使錢頗傳致重法還為尚書禮部員外郎兼侍御史知雜事同判吏部流內銓除鹽鐵副使議者謂混探宰相意深致洙罪故得優擢焉明年安紫宸殿副使當坐殿東廡混不即坐趨出閣門奏之坐謫知沂州徙兗州又坐沂州誤出囚死罪降知海州起為河東轉運使遷戶部員外郎復為鹽鐵副使兼領河渠事汴水絕鑿河陰新渠通漕運如故會江南饑擢天章閣待制知江寧府奏運蘇州米五十萬斛以資饑民除戶部郎中知廣州儂智高初平混練士兵葺械器作鐵鎖斷江路有盜據山山民資之食即徙民絕餉盜困蹙乞降居二年母老求內徙遂徙徐州混喜曰昔布衣隨計今以侍從官三品復典鄉郡過始望矣又以左司郎中知鄆州遷龍圖閣直學士知慶州改知密州以病卒

王彬光州固始人祖彥英父仁侑奔新羅父子相繼執國政彬年十八以賓貢入太學治化三年進士及第歷雍邱尉皇城司陰遣人下畿縣多厲民令佐至與為賓主彬至捕鞫之致之法自是詔親事官毋得出都城易右班殿直辭不受後以祕書省著作佐郎通判筠州歷知撫州撫州民李甲饒英恃財武斷鄉曲莫能制彬按治之索其家得所藏兵械又得服器有龍鳳飾甲坐大逆棄市并按英嘗強取人孥配嶺南州里肅然擢提點荆湖南路刑獄徙知潭州入判三司戶部出為

京西轉運使徙河北部吏馬崇正倚章獻太后姻家豪橫不法彬發其姦賊下吏忤太后意徙京東又徙河東陝西復爲三司鹽鐵判官判都理欠憑由司累遷太常少卿卒

欽定續通志卷三百三十三

續通志 卷三百三十三 列傳 宋

志五一八九

列傳

宋三十八

楊億

謝映

朱台符

樂黃目

晁迥

謝泌

戚綸

柴成務

劉筠

孫何

張去華

師德

文逸夢一道士自稱懷玉山人來謁未幾億生有毛被體長尺餘經月乃落能言母以小經口授隨即成誦七歲能屬文對客談論有老成風雍熙初年十一太宗聞其名詔送闕下試詩賦五篇太宗深加賞異命內侍都知王仁睿送至中書翌日下制即授祕書省正字特賜袍笏清化中詣闕獻文改太常寺奉禮郎仍令讀書祕閣獻二京賦命試翰林賜進士第遷光祿寺丞屬後苑賞花曲宴太宗召命賦詩于坐側又上金明池頌太宗訝有司不時召宰相言舊制未貼職者不預即以億直集賢院至道初太宗親製九絃琴五絃阮文士奏頌者眾獨稱億為優二年遷著作佐郎帝知其貧屢有需資嘗命為越王生辰使時公卿表疏多假文於億真宗即位初超拜左正言詔錢若水修太宗實錄奏億參預凡八十卷而億獨草五十六卷書成乞外補就養知處州真宗稱其才長於史學留不遣固請乃許之任召還拜左司諫知制誥咸平中西鄙未寧詔近臣議靈州棄守之事億上疏曰朔方地在要荒之外聲教不及元朔中大將軍衛青奮兵掠地列置郡縣今靈州蓋朔方之故墟僻介西鄙數百里間無有水草烽火亭障不相望當

其道路不墮饑饉無虞猶足以張大國之威聲為中原之扞蔽白邊境屢驚兇黨猖熾爵賞之而不恭討罰之而無獲資糧屏履所失至多將士丁夫相枕而死以致募商人輸帛入穀償價數倍孤城壞城邊民釋駭國帑匱乏不能制邊人之命及濟靈武之急數年之間兇黨逾盛靈武危堞臨然僅存河外五城繼聞陷沒但堅壁清野坐食糗糧閉壘枕戈苟度朝夕未嘗出一兵馳一騎敢與之角此靈武之存無益明矣臣以為存有大害棄有大利昔西漢賈捐之建議棄朱崖當時公卿亦有異論元帝力排眾說奮乎獨見下詔廢之人頌其德臣以為類於靈武也必以失地為言即燕薊八州河湟五郡所失多矣何必此為臣竊惟太祖命姚弋弼領慶州董遵誨領環州統兵裁五六千悉付以闕外之事士卒效命疆場晏然朝廷無肝食之憂疆場無羽書之警臣乞選將臨邊賜給廩贄資以策略許便宜而行倘寇擾內屬捷之以勁兵示之以大信慷慨振遠諭以賞格彼則奔潰眾叛安能與大邦為敵哉若欲謀成廟堂功在漏刻臣以為彼眾方點積財猶豐未可以歲月破也貴德初以家貧乞典郡江左詔令知通進銀臺司兼門下封駁事時以吏部銓主事前宜黃簿王太冲為大理評事按宋史職官志吏部分四選尚書侍郎俱有左右選經其事尚書所掌之左右選吏類主事各一人此稱吏部蓋吏也億以承吏之賤不宜任清秩即封詔還未幾太冲補外俄判史館會修冊府元龜億與王欽若同總其事其序次體制皆億所定羣寮分撰篇序詔經億宣定方用之三年召為翰林學士又同修國史凡變例多出億手大中祥符初加兵部員外郎戶部郎中五年以疾在告遣中使致太醫視之億拜章謝以久疾求解近職

優詔不許億剛介寡合當時文士咸賴其題品或被貶議者退多怨謗王欽若驟貴億素薄其人欽若銜之屢執其失陳彭年方以文史進進忌億名出其右相與毀譽上素重億皆不惑其說也真宗欲得億章制使丁謂諭旨億難之謂曰大年勉為此不愛不富貴億曰如此富貴亦非所願也乃命陳彭年草制億頗忤旨而王欽若陳彭年深相讓毀億陳彭年直召見禁中命坐賜茶從容顧問久之出文葉數篋以示億曰卿識朕書乎首再拜而起章未嘗言得行矣此也億惶恐不知所對頓首再拜而出乃知讓言得行矣此也億素史本傳不載但稱欽若彭年毀譽而億有別墅在陽翟億母往視真宗不惑其說與事略異億有別墅在陽翟億母往視之因得疾請歸省不代報而行上親緘藥劑加金帛以賜億素體羸至是以病聞請解官授太常少卿分司西京許就所居養療冊府元龜成進秩祕書監起知汝州會加上玉皇聖號以為參詳儀制副使知禮儀院判秘閣太常寺天禧二年拜工部侍郎明年權同知貢舉坐考較差謬降授祕書監丁內艱屬行郊禮以億典司禮樂未卒哭起復工部侍郎令視事四年復為翰林學士受詔注釋御集又兼史館修撰判館事權景靈宮副使卒年五十七按東坡事略云億嘗代寇準草奏請皇太后與而卒年四十七景祐元年樞密使王晦叔上其事仁宗嘉歎詔贈禮部尚書諡曰文有司舉故事非嘗任二府及事東宮四節無虧官仁宗曰億為國竭忠有君子之節大節可拘以常典仁宗史本傳不載附錄其子紘為太常寺奉禮郎億天性穎悟自幼及終不離翰墨文格雄健才思敏捷略不凝滯對客談笑揮翰不輟精密有規裁善細字起草一副數千言不加點竄而博覽強記尤長典章制度時多取正喜誨誘後進以成名者甚眾重交游性耿介尚名節多周給親友故廩祿亦隨而盡無子以從子紘為後弟偉

偉字子奇幼學于億天禧元年獻頌召試學士院賜進士及第以試祕書省校書郎知衢州龍游縣再補蘄州

錄事參軍國子監薦為直講尉馬都尉李遵勗守澶州
 辟僉書鎮寧軍節度判官事遷大理寺丞知河間縣再
 遷太常博士為集賢校理通判單州會巡檢部卒李素
 合州卒二百餘人謀殺巡檢使入鼓角門州將不敢出
 律挺身往問曰若屬何為而反俱曰將有誅于州非反
 也偉曰持兵來非反而何若屬皆有父母妻子以一朝
 忿而欲魚肉之乎悉令投兵坐籍首惡得十餘人斬之
 徙知祥符縣提點開封府界諸縣鎮公事權開封府判
 官又判三司開拆司累遷尚書兵部員外郎同修起居
 注偉清慎無治劇才常秉小笏以朝知制誥缺中書以
 偉名進仁宗曰此非秉小笏者邪遂命知制誥權諫院
 嘗曰諫臣宜陳列大事細故何足論然當時譏其亡補
 遷刑部郎中為翰林學士祀明堂遷右司郎中判太常
 寺為羣牧使兼侍讀學士進中書舍人卒贈尚書禮部
 侍郎

絃字望之以蔭歷官知鄆縣鄆濱海惡少販魚鹽者羣
 居洲島或掠商人財物入海吏不能禁絃至設方略使
 識者質惡少船及歸始給還且戒諭之由是不敢為盜
 以億文獻賜進士出身通判越州知筠州提點江東刑
 獄除轉運按察使江東饑絃開義倉振之吏持不可絃
 曰義倉為民也稍稽人將殍矣絃御下急常曰不法之
 人不可貸去之止不利一家爾豈可使郡邑千萬家俱
 受害邪聞者望風解去或過期不敢之官與王鼎王綽
 號江東三虎坐降知衡州徙越州為荆南轉運使徙福
 建不赴知湖州復為江東轉運使官至太常少卿卒絃
 性嚴雖家居兒女不敢妄言笑聚書數萬卷手抄事實
 名窺豹篇

晁迥字明遠世為澶州清豐人自其父佐始徙家彭門
 迥舉進士為大理評事歷知岳州錄事參軍改將作監
 丞稍遷殿中丞坐失入囚死罪奪二官復將作丞監徐
 整一州稅遷太常丞真宗即位用宰相呂端參知政事
 李沆薦擢右正言直史館獻咸平新書五十篇又獻理
 樞一篇召試除右司諫知制誥按東都事略云呂蒙正
 方為諫官乃蒙罷召試翰林遷右判尚書刑部帝北征
 雍王元份留守京師加右諫議大夫為判官進翰林學
 士未幾知審官院為明德章穆二園陵禮儀使同修國
 史知大中祥符元年貢舉封泰山祀汾陰司太常詳定
 儀注累遷尚書工部侍郎使契丹還奏北庭記加史館
 修撰知通進銀臺司獻玉清昭應宮頌史成擢刑部侍
 郎進承旨時朝廷方修禮文之事詔令多出迥手遷兵
 部侍郎請分司西京特拜工部尚書集賢院學士判西
 京留司御史臺賜一子官河南以就養仁宗即位遷禮
 部尚書居臺六年累請老以太子少保致仕天聖中迥
 年八十一召宴太清樓免舞蹈迥坐御史中丞之南與
 宰相同賜御飛白大字進太子少傅後復召對延和殿
 帝訪以洪範雨暘之應對曰比年變災荐臻此天所以
 警陛下願陛下修飭人事以當天心庶幾轉亂而為祥
 也既而獻斧辰慎刑箴大順審刑無盡燈頌凡五篇及
 感疾卒年八十四贈太子太保諡文元迥善吐納養生
 之術通釋老書性樂易寬簡服通履正雖貴勢無所屈
 歷官臨事未嘗挾情書物真宗數稱其好學長者楊億
 嘗謂迥所作書命無過褒得代言之體嘉質正經史疑
 義標括字類有以術命語迥曰自然之分天命也樂
 天不憂知命也推理安常委命也何必逆計未然乎子

宗慤

宗慤字世長東都事略
 作世長以父蔭為祕書省校書郎屢獻
 歌頌召試賜進士及第又除館閣校勘三遷大理寺丞
 集賢校理迥領西臺宗慤求便養通判許州仁宗即位
 遷殿中丞同修起居注天聖中百官轉對宗慤請減上
 供壅開田擇獄官令監司舉縣令累遷尚書祠部員外
 郎知制誥入翰林為學士兼龍圖閣學士權發遣開封
 府事辨雪疑獄有能名元昊反關中久宿師以宗慤安
 撫陝西與夏竦議攻守策未還道拜右諫議大夫參知
 政事會朝廷以金飾胡床及金抹器賜嘉勒斯賀宗慤
 曰仲叔子奚辭邑請繁纓孔子曰不如多與之邑繁纓
 諸侯之馬飾猶不可與陪臣況以乘輿之器賜外臣乎
 必欲優其禮不若加賜金帛後從帝郊祠感疾數求罷
 除資政殿學士給事中數日卒贈工部尚書諡文莊宗
 慤性敦厚事父母孝篤於故舊凡任子恩皆先其族人
 在翰林一夕草將相五制褒揚訓戒人得所宜嘗密詔
 訪邊策陳七事頗施用之

劉筠字子儀大名入舉進士為館陶縣尉陞平集作
 館陶縣令遷
 會詔知制誥楊億試選人校太清樓書擢筠第一以大
 理評事為祕閣校理真宗北巡命知大名府觀察判官
 事帝垂意篇籍筠預修圖經及冊府元龜推為精敏車
 駕西巡又命筠纂土訓是時四方獻符瑞天子方興禮
 文之事筠數上賦頌及冊府元龜成進左正言直史館
 修起居注遷左司諫知制誥加史館修撰出知鄧州徙
 陳州還糾察在京刑獄知貢舉遷尚書兵部員外郎復
 請鄧州未行進翰林學士初筠嘗草丁謂與李迪罷相
 制既而謂復留守別草制筠不奉詔乃更召晏殊帝久

疾謂浸擅權筠曰姦人用事安可一日居此請補外以
右諫議大夫知廬州仁宗即位遷給事中復召爲翰林
學士踰月拜御史中丞先是三院御史言事皆先白中
丞筠勝臺中御史自言事毋白丞雜知天聖二年貢舉
數以疾告進尚書禮部侍郎樞密直學士知穎州召還
復知貢舉進翰林學士承旨兼龍圖閣直學士同修國
史判尚書都省筠素愛廬江遂築室城中構閣藏前後
所賜書再知廬州卒筠景德以來居文翰之選初爲楊
億所識拔後遂與齊名時號楊劉凡三人禁林又三典
貢部以策論升降天下士自筠始性不苟合遇事明達
而其治尚簡嚴一子釜卒田廬沒官包拯少時頗爲筠
所知及拯顯奏其族子爲後又請還所沒田廬云

辭映字景陽唐中書令元超八世孫後家于蜀進士及
第授大理評事歷通判綿宋昇州累遷太常丞王化基
薦爲監察御史知開封縣太宗召對爲江南轉運使改
左正言直昭文館爲江淮兩浙茶鹽制置副使改京東
轉運使積遷尚書禮部郎中擢知制誥權判吏部流內
銓兼制置羣牧使司以右諫議大夫知杭州映臨決盜
銳庭無留事轉運使姚鉉移屬州當直司毋得輒斷徒
以上罪映即奏徒流笞杖自有科條苟情狀明白何必
繫獄以累和氣請詔天下凡徒流罪於長史前對辨無
所異聽遣決之朝廷施用其言遂發鉉納部內文口及
鬻銅器抑取其直又廣市綾羅不輸稅皆得實在杭五
年入知通進銀臺司兼門下封駁事封泰山爲東京留
守判官遷給事中勾當三班院出知河南府祀汾陰還
駐蹕西京以映有治狀賜御史嘉獎遷尚書工部侍郎
集賢院學士判尚書都省樞密直學士知昇州建言

州以牛賦民出租牛死租不得獨帝覽章巽然因令諸
州條奏悉鑄之頃之糾察在京刑獄再判都省歷尚書
左丞知揚州徙并州又徙永興軍拜工部尚書兼御史
中丞仁宗即位遷禮部再爲集賢院學士判院事知曹
州分司南京卒贈右僕射諡文恭映好學有文該覽強
記善筆札章奏尺牘爲治嚴明吏不能欺每五鼓冠帶
黎明據案決事雖寒暑無一日異也子耀卿祕閣校理
孫紳直龍圖閣

謝泌字宗源歙州歙人自言晉太傅安二十七世孫少
好學有志操太平興國五年進士解褐大理評事知清
川縣遷著作佐郎端拱初爲殿中丞獻所著文召試中
書以直史館賜緋時言事者眾詔閉門非涉僥望乃許
受之繇是言路稍壅泌抗疏陳其不可且言邊鄙有事
民政未又狂夫之言聖人擇焉苟詰而拒之四聰之明
將有所蔽復言國家圖書多失次序唐景龍中嘗分經
史子集爲四庫望遵復故事遂令直館分典四部以泌
知集庫改左正言使嶺南採訪消化二年久旱復上言
時政得失時王禹偁上言諱自今庶官候謁宰相並須
朝罷於政事堂樞密使預坐接見將以杜私請詔從之
泌上言曰伏觀明詔不許宰相樞密使見賓客是疑大
臣以私也陛下以聰明寄於輔臣自非接下何以悉知
外事若令都堂候見則庶官請見吝事略無解衣之暇
今陛下囊括宇宙總覽英豪朝廷無巧言之士方面無
姑息之臣奈何疑執政爲衰世之事乎太宗覽奏即追
還前詔仍以泌所上表送史館會修正殿願施采繪泌
復上疏亟命代以丹堊且嘉其忠盡拜左司諫一日得
對便殿太宗稱其正直敢言泌奏曰陛下從諫如流故

臣得以竭誠時羣臣升殿言事者既可其奏得專達於
有司泌請自今凡政事送中書機事送樞密金穀送三
司覆奏而行從之俄判三司鹽鐵勾院奉詔解送國學
舉人黜落既多羣聚喧詬懷賢以伺泌出必知之潛由
他途入史館數宿不敢出請對自陳太宗問何官竊尋
嚴肅都人畏避有以嘉雜對者即授泌虞部員外郎兼
侍御史知雜事上元觀燈泌特預召自是爲例轉金部
員外郎充鹽鐵副使頃之改度支副使因郊祀條上軍
士賞給之數太宗曰朕惜金帛止備賞賜爾泌因曰今
陛下薄於躬御賞賜特優實歷代之所難也俄與王沔
同磨勘京朝官知三班通進銀臺司出知湖州再遷主
客郎中知虢州真宗初邊人屢寇泌上疏曰雍熙末趙
普錄唐姚崇太平十事以獻未幾普復用時稱致治之
策無出於此尋普病又遼騎擾邊因循未行今北邊謐
寧繼遷請命則可行於今日矣省不急之務削煩苛之
政抑奔競來直言斯皆致太平之術也臣伏觀近詔以
不逞之徒所陳述皆閭閻事臣聞古先哲王詢于芻蕘
察於邇言者蓋慮視聽之蔽故採此以達物情亦罕行
其事也臣又聞輔時佐主建萬世之基立不拔之策者
必倚老成之人未聞市井之胥走澠之吏可當其任也
惟陛下察往古用賢致治之道則賢者亦必盡忠竭力
以輔成太平之治矣咸平二年徙知同州代還與陳恕
同知貢舉復知通進銀臺司加刑部出爲兩浙轉運使
累遷太常少卿右諫議大夫判吏部銓大中祥符五年
卒年六十三泌性端直然好方外之學錄其子行爲太
常寺奉禮郎銜將作監主簿銜爲太子中舍

孫何字漢公蔡州汝陽人父庸字鼎臣建隆初爲河南

簡太平興國六年鴻臚少卿改左贊善大夫歷殿中丞知龍州卒何十歲識音韻十五能屬文篤學嗜古為文必本經義在貢籍中甚有聲與丁謂齊名友善時輩號為孫丁宣化三年舉進士開封府禮部俱首薦及第又得甲科解褐將作監丞通判陳州召入直史館累遷右司諫真宗初何獻五議其一請擇儒臣有方略者統兵其二請世祿之家肄業太學寒雋之士州郡推荐而禁投贊自媒者其三請復制舉其四請行鄉飲酒禮其五請以能授官勿以恩慶例遷帝覽而善之按東都事略云唐制郊祀行慶止進勳階五代肆赦例遷官秩宋興因之未暇革也何與起居郎耿望言其非制真宗嘉納遂定三年磨勘進秩之法郊禮咸平二年舉入閣故事何次當待制疏請三部使額遷之六卿慎擇戶部尚書一人專掌鹽鐵使事俾金部郎中員外郎判之又擇本行侍郎二人分掌度支部使事各以本曹郎中員外郎分判之是冬從幸大名詔訪邊事何疏曰陛下親幸瀘魏天聲一振敵騎四逃雖鎮定道路已通而德棣烽塵未息此殆將帥或未得人邊奏或有壅閼鄰境不相救援糧糧須俟轉輸之所致也將帥者何或恃勇無謀或忘功玩寇但全城堡不郵人民邊奏者何護塞之臣固祿守位城池焚劫不以實聞老幼殺傷託言他盜不救援者何緣邊州縣城壘參錯如輔車唇齒之相依若頭自手足之相衛託稱兵少不出或待奏可乃行俟輦輸者何敵騎往還森馳鳥逝極糧景從萬兩方行迨乎我來寇已遁去此四者當今急務擇將帥則莫若文武之內參用謀臣防壅闕則莫若凡奏邊防陞見庭問合救援則莫若督以軍令聽其便宜運糧糧則莫若輕齋疾馳角彼趨捷今所慮者食者惟東北無備之城繕完周防不可不

慎且大河津濟處處有之亦望量屯禁兵扼其要害則請和之使不日可待真宗覽而嘉之及傳潛逗撓無功何又請斬潛以徇俄權戶部判官出為京東轉運副使又獻疏請擇州縣守宰省三司冗員選選法官贈秩益奉未幾徙兩浙轉運使按東都事略作京西兩浙轉運使使隆平集作京西兩浙轉運使加起居舍人景德初代還判太常禮院俄與晁迥陳堯咨並命知制誥掌三班院何先以被疾勉強親職一日奏事帝前墜奏牘於地俯取之復墜笏有司劾以失儀詔釋之何慚上章求改少卿監分司京養疾帝不許第賜告是冬卒年四十四帝在澶淵聞之惻惜錄其子言為大理評事何好學樂名教勤接士類後進之有詞藝者必為稱揚然性褊急不能容物在浙右專務峻刻州郡病焉按東都事略云何褊急頗事苛察日有捶楚館中何至則諷其碑辨識文字遂在往至墓不復省錄文案又官屬羅謫罰者甚眾故從者依憑其威妄為陳書所至駭然視宋弟僅史本傳較詳附識弟僅

僅字鄒幾少勤學與何俱有名于時咸平元年進士甲科兄弟連冠貢籍時人榮之解褐舒州團練推官會詔舉賢良方正之士趙安仁以僅名聞策入第四等擢光祿寺丞直集賢院俄知浚儀縣歷遷右正言知制誥同知審官院承興孫全照求代真宗思擇循良任之僅嘗倅京府諸民政乃命知承興軍府僅純厚長者為政頗寬嘗詔戒焉大中祥符元年加比部員外郎代還知審刑院累進給事中天禧元年卒年四十九錄其子大理評事和為衛尉寺丞僅性端慤中立無競篤於儒學士大夫推其履尚僅弟侑亦登進士第至殿中丞

宋台符字拱正眉州眉山人少聰穎十歲能屬辭太宗延試貢士多擢敏速者台符與同輩課試以尺尋成一賦宣化三年進士登甲科解褐將作監丞通判青州召入直史館再遷秘書丞知浚儀縣咸平元年與楊礪李若拙梁顛同知貢舉俄以京府舊僚擢太常博士出為京西轉運副使上言頃者晉氏失御中原亂離太祖深鑒往古酌取中道與民休息遣使往來二十年間大省戍邊之卒不興出塞之兵深得制禦之道也陛下自天受命宜於此時修好契丹彼必懼悅慕義因與之盡捐前惡復尋舊盟利以貨財許以關市如太祖故事則兩國既和無北顧之憂可以專力西鄙繼遷自當革心而束手矣又自請往使時論避之咸平二年春早詔求直言台符上疏請重農積穀任將選兵慎擇守令考課黜陟輕徭節用均賦慎刑責任大臣與圖治道奏入優詔褒答人為鹽鐵判官改判戶部勾院拜工部員外郎換度支判官景德初鄭文寶為陝西轉運使或言其張皇生事命台符代之台符後爽好謀然頗以刻碎為舉職與楊覃聯事覃頗欲因仍舊貫台符則更革煩擾議事違戾交相掎搯命御史視其狀徒台符知郢州按宋史楊覃傳覃知徐州三年召還會執政有不喜者復出知洪州卒於舟次年四十二賜其子公佐同學究出身公佐卒又以次子壽隆試將作監主簿弟昌符大中祥符中舉進士為屯田員外郎

戚綸字仲信應天楚邱人父同文自有傳綸少與兄維以文行知名篤於古學喜談名教太平興國八年舉進士解褐沂水主簿按版籍得通戶脫口漏租者甚眾徙知太和縣就加大理評事江外民險悍多猜訟為論民詩五十篇因時俗耳目之事以申規誨每歲時必與獄囚約造歸祀其先皆如期而還遷光祿丞坐鞫獄陳州

失實免官久之復授大理評事知永嘉縣境有破塘之利浚治以備水旱復爲光祿寺丞眞宗卽位轉著作佐郎通判泰州將行祕書監楊徽之薦其文學純謹宜在館閣命爲祕閣校理受詔考校司天臺職官定州縣職田條制詔館閣官以舊文獻帝嘉綸所著特改太常丞俄判鼓司登聞院出內府繕帛市邊糧詔綸乘傳往均市之景德元年判三司開拆改鹽鐵判官上疏言邊事甚被嘉獎拜右正言初置龍圖閣待制與杜鎬並命綸久次州縣留意吏事每便殿請對語必移晷或夜中召見多所敷啟俄上奏十事一日王畿關輔二日五等封建三日復制科四日崇國學五日闢曠土六日修貢舉七曰任大臣八曰置平糶九曰益廂軍減禁兵十日修大典令式詞頗深切二年命知貢舉綸上言取士之法多所規制並納用焉預修冊府元龜會置官總在京諸司之務凡百三十司命綸與劉承珪同領其事判鴻臚寺先是羣臣詔葬公私所費無定式綸言其事定爲制度以三公尙書九列之任謂宜采通禮六典令式比類沿革著爲大典時論稱之進秩右司諫兵部員外郎時詔禁羣臣匿名上封及非次升殿奏事綸謂忠諫之入當開獎言路若疏遠之士尤艱請對帝頗嘉之大中祥符元年掌吏部選事方是時祥文薦降歌頌日興綸恐流俗託朝廷嘉瑞事詐爲神靈木石之異誘惑愚眾如少君變大者上疏極諫按宋史本傳載綸疏辭不若事今據入是冬封泰山命綸同計度發運事禮成遷戶部郎中直昭文館待制如故被詔同編東封祥瑞封禪記會峻得制之入又兼集賢殿修撰建議修釋奠儀頒于天下立常平倉隸司農寺以平民糶皆從之嘗宴餼种放

于龍圖閣詔近臣爲序帝覽綸所作稱其有史才三年擢樞密直學士復領發運之職出知杭州就加左司郎中屬江湖爲患乃立埽岸以易柱石之制雖免水患而眾頗非其變法胡則時領發運肆縱不檢厚給李浦素惡之通判吳耀卿則之黨也因共摭摭綸過徙知揚州維揚亦浦則巡內持之益急求改僻郡徙徐州八年罷學士授左諫議大夫代還復知青州歲饑發公廩以振全安甚眾徙鄆州王遵誨爲勸農副使誣奏綸誚訓坐左遷岳州團練副使易和州天禧四年改保靜軍節度副使以疾求歸故里改太常少卿分司南京五年卒年六十八綸篤於古學善談名理喜言民事頗近迂濶事兄維友愛甚厚與交游故舊以信義著稱士子謁見者必詢其所業訪其志尙隨才誘誨之中祥符中繼修禮文之事綸悉參其議樂于荐士每一奏十數人皆當時知名士晚節爲權倖所排遂不復振善訓子弟雖至清顯不改其純儉既沒家無餘貲家人于几閣間得遺戒一篇大率皆誘勸爲學天聖中子舜賓獻其文詔贈左諫議大夫舜賓官太子中書

張去華字信臣開封襄邑人幼勵學敏于屬辭以蔭補太廟齋郎周世宗平淮南時年十八慨然歎曰兵戰未息民事不修非馭國持久之術因著南征賦治民論獻于行在召試授御史臺主簿屬三院議事不得預坐謂所親曰簿領之職非壯夫所爲卽棄官歸鄭州太祖建隆初始攜文遊京師大爲李昉所稱明年舉進士甲科卽拜祕書郎直史館以歲滿不遷上章自訴因言制誥張澹慮多遜殿中侍御史蘇頌文學膚淺願得校其優劣太祖命陶穀等考之澹以所對不應問降秩卽擢去華爲右補闕朝議薄其躁進以是不遷秩者十六年嘗得對便殿詢及家世遂訴父仕漢忤權貴因罹重貶宰相薛居正亦爲言之太祖曰漢室不道姦臣擅權此朕所親見也荆湖平命通判道州去華上言桂管爲五嶺衝要今劉鋹保境固守賴之爲扞蔽若大軍先克其城以趣番禺如踐無人之境且言桂州可取狀代還知磁乾二州選爲益州通判遷起居舍人知鳳翔府從太祖征太原監隨駕左藏庫就命爲京東轉運使歷左司員外郎禮部郎中太平興國七年爲江南轉運使雍熙中王師討幽州去華督宋州饋運命掌河北轉運事三年加陝州未行會許王尹京命爲開封府判官踰歲就拜左諫議大夫又令樞密使王顯諭以輔成之意未幾有廬州尼道安訟弟婦不實弟婦卽徐鉉妻之甥去華故不爲治坐貶安州司馬歲餘召授將作少監知興元府改晉州遷祕書少監知許州眞宗嗣位復拜左諫議大夫遷給事中知杭州兩浙自錢氏賦民丁錢有死而不免者去華建議請除之有司以經費所仰固執不許咸平二年徙蘇州頃之以疾求分司西京景德元年改工部侍郎致仕三年卒年六十九嘗獻元元論大旨以養民務樞爲急眞宗深所嘉賞命以縑素寫其論爲八十軸列置龍圖閣之四壁然不飭邊幅頗爲清議所貶以是不登顯用子師古師顏國子博士師錫殿中丞師德字向賢去華十子最器師德舉進士第一除將作監丞通判耀州遷祕書省著作郎集賢校理判三司都理欠憑由司建言有連負官物而被繫本非侵盜若樛獨貧病無以自償願特錫之眞宗用其言嘗奏事殿中帝訪以時事條對甚備帝喜其後每遣使輒曰張師德

可用契丹高麗使來多以師德主之天禧初安撫淮南改判司農寺擢右正言知制誥累拜左諫議大夫師德孝謹有家法不交權貴時相頗不悅之在西掖九年不遷卒于官子景憲為大中大夫

樂黃目字公禮撫州宜黃人世仕江左李氏父史字子正太平興國五年以現任官舉進士既佐武成軍復賜及第官至職方員外郎判留司御史臺好著述咸平五年盡取其所著書藏祕府黃目淳化三年舉進士補伊闕尉遷大理寺丞知壽安縣咸平中徙知壁州上章言邊事召對拜殿中丞直史館知浚儀縣俄上言請自今審官院差知州銓曹注縣令候各及三二十人一次引見于御前試時務策一道察言觀行取其才識明于吏治達于教化者充選則官得其人事無不治帝頗嘉其好古歷度支鹽鐵判官遷太常博士京西轉運使大中祥符中使契丹還改工部員外郎廣南西路轉運使就拜起居郎改陝西轉運使陳堯咨知永興多縱恣不法詔黃目察之得實以聞堯咨坐罷黃目入判三司三勾院天禧初馬元方奏黃目職事不舉遂分三勾院以三人掌之黃目罷任奉朝請踰月拜兵部員外郎知制誥黃目屬辭淹緩朝議不稱職遷右諫議大夫權知開封府仁宗升諸拜給事中兼左庶子入內副都知張繼能嘗以公事請託黃目事敗降左諫議大夫知荆南府復為給事中徙潭州長沙月給減子荆諸州特詔增之代還知審官院以疾改知通進銀臺司兼門下封駁事求外任得知亳州卒年五十六錄其子理國為衛尉寺丞定國為大理評事

柴成務字寶臣曹州濟陰人乾德中京府拔解太宗素

知其名首薦之遂中進士甲科解褐陝州軍事推官改曹單觀察推官遷大理寺丞太平興國中累遷光祿少卿奉使高麗遠俗尚拘忌以月日未利拜恩稽留朝使成務貽書往反開諭大體國人信服淳化二年為京東轉運使會未州河決成務上言河水所經地肥澱願免其租稅勸民種藝從之召拜司封郎中知制誥與魏庠同知京朝官考課又與庠同知給事中事凡制敕有所不便者許封駁以聞蜀寇平使峽路安撫改左諫議大夫知河中府時銀夏未寧蒲津當饑餓之衝事皆辦集得脫戶八百家以附籍真宗卽位遷給事中知梓州未幾代還又遣知青州旋受詔與錢若水等同修太宗實錄書成知揚州入判尚書刑部本司小吏倨慢成務怒而笞之吏擊登聞鼓訴冤有詔問狀成務歎曰忝為長官杖一笞而被劾何面目據堂決事耶乃求解職景德初卒年七十一成務有詞學博聞稽古士人重其文雅然為郡之廉稱時論惜之成務年六十六始有子授奉禮郎名貽範後為國子博士

欽定續通志卷三百三十四

列傳

宋三十九

喬維岳

張雍

魏廷式

盧琰

宋博

凌策

楊覃

陳世卿

李若拙

陳知微

上官正

盧斌

周審玉

裴濟

李繼宣

張旦

張煦

張佶

王延德

常延信

張質

楊允恭

秦羲

謝德權

閻日新

靳懷德

喬維岳字伯周陳州南頓人周顯德初登第授太湖主簿遷平輿令開寶中擢為太子中舍知高郵軍通判揚州徙常州金陵平又移昇州改殿中丞太平興國初徙

襄州陳洪進表納疆土以其子文顯為泉州留後朝廷議擇能臣關掌都事即起維岳為通判會盜起仙遊莆田縣百丈鎮眾十餘萬攻城城中兵裁三千勢甚危急

監軍何承矩王文寶欲盡屠其民燔府庫而遁維岳挺然抗議以為朝廷寄以綏遠今惠澤未布盜賊連結反欲屠城豈詔意哉承矩等因復堅守既而轉運使楊克讓率福州兵破賊圍遂解詔褒之歸朝為淮南轉運副使遷右補闕進為使淮河西流三十里曰山陽灣水勢

湍悍連舟多罹覆溺維岳度開故沙河自末口至淮陰磨盤口凡四十里又建安北至淮滄總五堰運舟所至十經上下其重載者皆卸糧而過舟時壞失糧綱卒緣此為姦濫有侵盜維岳始命舫二斗門于西河第三

堰二門相距踰五十步覆以厦屋設縣門積水俟潮平乃泄之建橫橋岸上築土壘石以牢其址自是弊盡革而運舟往來無滯矣嘗按部至泗州慮獄法掾誤斷囚至死維岳詰之法掾俯伏且泣曰有母年八十餘今獲罪則母不能活矣維岳憫之因謂曰他日朝制按問第云轉運使令處茲罪卒如其言獲免維岳坐贖金百一十斤罷使職權知楚州遷戶部員外郎代還為度支判官轉本曹郎中出為兩浙轉運使歷知懷州滄州會考課京朝官召還屬真宗以壽王尹京精擇府僚留為開封府推官或言維岳在淮南決獄不平允左右有知其

事者辨之太宗特加賞異儲閣建左諭德轉太常少卿京府事繁維岳詳處詳敏真宗踐祚即命維岳與畢士安權知開封府拜給事中知審官院維岳陳乞外遷小州上嘉其諍退特授海州刺史咸平初知蘇州素病

風上以吳中多食魚蟹乃徙壽州卒年七十六贈兵部侍郎官給其葬大中祥符中錄其孫世昌獻之並賜同學究出身維岳明習吏事有治劇才

按宋史此下有王陟附傳無事蹟足從今錄

張雍德州安德縣人治毛氏詩開寶六年中第釋褐東關尉太平興國初有薦其材者召為改將作監丞知南

雄州遷太子右贊善大夫知開封府司錄參軍事俄為祕書丞充推官京城民王元吉者母劉早寡有姦狀為

姻族所知憂悸成疾又懼元吉告之遂遣侍婢訴元吉

寘墓食中以毒已病將死事下右軍巡按之未得實移

左軍巡推吏受劉賄掠治元吉自誣伏俄而劉死府慮

囚元吉始以實對又移付司錄盡捕原推吏稍見誣搆

之跡列狀引見詔免死決徙元吉大呼曰府中官吏悉

受我賂反使我受刑平府不敢決元吉歷陳所受賂主

名又令妻張擊登聞鼓諍之帝召張臨軒顧問盡得其

枉狀立遣中使捕原推官吏付御史鞠治雍坐慮問元

吉稱冤戒吏止令鞠其毒母狀致吏訊掠慘暴免所居

官雍熙初雍復為祕書丞御史臺推直官改鹽鐵推官

遷右補闕充判官端拱初轉工部郎中判度支旬院又

為鹽鐵判官兼判旬院以本官兼侍御史知雜事出為

淮南轉運使治化初遷為太府少卿加右諫議大夫徙

兩浙轉運使俄復知梓州蜀州青城民王小波李順作

亂眾至萬人雍訓練士卒得城中兵三千餘人又募疆

勇千餘守城鞏綿州全帛以寶帟藏遣推官盛梁請兵

于朝未幾益綿州彭漢州永康軍悉陷于賊順入成都

檜號大蜀王勢甚盛遣其黨楊廣將十萬眾寇劍門相

里貴帥眾十萬圍梓潼雍與監軍盧斌登堞望之賊所

出兵皆老弱疲憊無鎧甲斌笑請開北門擊之雍曰不

可賊或詐見老弱設伏伺我又城中吏民心未定脫為

伏兵所突則墮其姦計言未畢果有卒依敵樓呼嘯與

外應和雍亟斬以徇賊大設梯衝火車晝夜鼓譟攻城

益急城中大恐雍命發機石碎之火箭雜下賊稍退復

治攻其城西北隅雍給日軍士趨治裝吾將開東門擊

賊陽遣步騎五百臨東門賊升牛頭山瞰城內信然伏

精兵萬餘山之東隅以待我雍即召敢死士百輩總而

下盡焚其攻具自午達申殆盡賊以為神因黨數乘城

進戰皆不利一日北風晝晦賊乘風縱火急攻北門雍

與盧斌等領兵據門立矢石間固守不動賊為之少卻

長圍八十餘日會王繼恩遣石知暉來援賊始潰去入

奏帝手詔褒美權雍給事中至道二年改工部侍郎召

歸復知承興軍轉禮部侍郎改刑部充度支使咸平四年遷鹽鐵使帝以三司事重宜有裁制用王嗣宗代之拜戶部侍郎復知審刑院出知秦州徙鳳翔府景德初權知開封事改兵部侍郎同知審官院車駕朝陵判留司尚書省出知鄧州大中祥符元年即請老以尚書右丞致仕詔命未至而卒年七十雍性鄙吝莅事勤恪善為米鹽苛察以肅下恃其清幹受遇于時益矯厲以取名譽所至藩鎮宴犒率皆裁節聚公錢為羨餘以輸官帑集會賓佐糲食而已在三司置簿籍有按前急馬前急急中急之目頗為時論所謂子太冲官殿中丞按宋史此下有董儼傳儼不學無操行用傾校圖位無事蹟足錄今從刪

魏廷式字君憲大名宗城人少明法學太平興國五年中第釋褐朗州法曹掾知桃源縣遷將作監丞端拱初改著作佐郎通判頴州治化二年始命李昌齡判審刑院以廷式明練刑章奏為詳議官屢進對遷太子左贊善大夫時初較廷臣殿最命廷式與樞密都承旨趙鎔李著同句當三班多所規制超拜主客員外郎判三司都句院換河南東道判官改戶部員外郎知利州李順為盜就命充陝西至益州路轉運使後入奏事太宗謂曰有事當白中書廷式曰臣三千七百里外乘驛而至以機事上聞願取斷宸衷非為宰相來也即不時召對問方略稱旨令還任賊平知宣州未至召入判大理寺至道初乘傳河朔決獄復出知宋潭二州湖南地土衍沃民喜訟產有根柢巧偽難辯者廷式立裁之吏民咸服轉吏部員外郎知桂州歷工部郎中真宗即位改刑部會王繼恩有罪下吏命廷式同按之踰宿而獄具俄知審官院通進銀臺封駁司拜右諫議大夫知審刑院

出知涇州咸平二年卒年四十九子舜卿禹卿同學究出身廷式所至以嚴明稱剛果敢言為人主厚遇然性傾險喜中傷人士君子憚其口而鄙其行

盧琰字錫圭淄州淄川人父浚右諫議大夫琰太平興國八年進士解褐歷城主簿歷大理評事知安吉縣三遷太常丞通判并州至道中就加太常博士咸平二年選為開封府判官會獄空有詔獎之遷工部員外郎為河北轉運副使時北鄙未寧調發軍儲糧道不絕以職務修舉召入遷秩刑部復遣之任會城祁州命專董其役契丹入邊車駕幸澶州琰定州隨軍至大名即單騎赴行在召對勞問久之其子士宗時為隰州推官特遷大理寺丞契丹請和琰求歸闕許之以使勞優拜吏部員外郎判三司三句院命權戶部副使時議東封又權京東轉運使往營頓置加戶部郎中復判三句院大中祥符二年以本官兼侍御史知雜事數月授三司度支副使祀汾陰歲命判留守三司加吏部郎中俄拜右諫議大夫知承興軍府再為河北轉運使琰勤吏職所至以幹集聞卒年五十九時琰母八十餘無恙上憫之以士宗為太常博士特命知懷州又以次子祕書丞士倫為太常博士給祿終養士倫至工部郎中度支副使士宗自有傳

宋博字鵬舉萊州掖人開寶八年得第調補遂寧尉歷濰州司理參軍改白虎令膳部員外郎鞫礪薦其能遷右贊善大夫知利豐監徙知藤州改殿中丞通判洪州召還命提點河北西路刑獄未行改監左藏庫遷國子博士通判西京留守司得對便坐徙江南轉運使就遷度支員外郎真宗嗣位遷司封員外郎河東轉運使上

言大通監治鐵盈積可備諸州軍數十年鼓鑄願權罷採以紓民又請科諸州丁壯為兵以增戎備在任凡十一年河東接西北境時邊事未息屯師甚廣搏經制漕運以幹治稱連徙他州郡輒乞留有詔褒飭兩至夏州界部發居民數詣關奏事稱旨屢以秩滿請代朝議以博善職就加祠部郎中景德四年入判三司句院踰月為戶部副使大中祥符初進秩刑部郎中俄使契丹會疾契丹主以車迎之二年卒年六十六子可法舜元

凌策字子奇宣州涇人幼孤獨厲志好學雍熙二年舉進士起家廣安軍判官改西川節度推官以彊幹聞治化三年就命為光祿寺丞簽書兩使判官代還拜左贊善大夫通判定州李順之亂川陝選官多憚行按宋史此處陝字應是嶺字之訛策自陳三莅蜀境諸其民俗即命知蜀州又以巴西當益之餉道徙綿州加太常博士還朝命為廣南西路轉運使進屯田員外郎入為戶部判官遷都官先是嶺南輸香藥以郵置卒萬人分鋪二百員擔抵京師且以煩役為患詔策規制之策請陸運至南安汎舟而北止役卒八百大省轉送之費慮之輸任廣州無廉稱以策有幹名拜職方員外郎直史館命代之廣英路自吉河趣板步二百里當盛夏時瘴起行旅死者十八九策請由英州大源洞伐山開道直抵曲江人以為便代還知青州東封以供億之勤超拜都官郎中入判三司三句院出知揚州屬江淮歲儉頗有盜賊以策領淮南東路安撫使駕旋使停進秩司封王旦言策莅事和平可寄方面望即以江南轉運使授之仍詔論差選之意饒州產金營禁商市鬻或有論告逮繫滿獄策請縱民販市官責其算人甚便之召拜右

諫議大夫集賢殿學士知益州初策登第夢人以六印加劔上遣之其後往劔外凡六任時以為異策勒吏職處事精密所至有治迹自蜀代還上頗有意擢用會已病命知通進銀臺司兼門下封駁事糾察在京刑獄真宗嘗對王旦言策有才有治蜀敏而有斷旦曰策性清質和臨事疆濟上深然之是秋拜給事中權御史中丞時權茶之法獎甚詔與翰林學士李迪知雜御史呂夷簡同議經制稍寬其舊明年疾甚不能朝請累遣中使挾醫存問賜名藥復表求典益尋拜工部侍郎從其請天禧二年三月卒年六十二錄其子將作監王簿璣苑並為奉禮郎

楊覃字申錫漢太尉震之後覃少獻書千錢王俶俶私署著作佐郎從俶歸朝為禹城尉太平興國八年舉進士擢第授徐州觀察推官改善著作佐郎知戎州再遷太常博士使陝西蠲逋負覃本名蟬至是太宗為改焉酒化中轉屯田員外郎同判壽州巡撫使潘慎修上其政績就命知州事時田重進為承興節度選覃與林特同判軍府事重進不法覃事多執執重進頗不悅形於辭色覃表求徙任不許就轉都官員外郎時討李繼遷調發蜀糧覃特皆以急促辦為務羈令錯手特令卽械頸人用怨嗟改職方員外郎咸平初遷屯田郎中三門發運使呂蒙正在河南薦其才詔入判三司磨勘憑由理欠司四年春旱覃上言古之用刑皆避三統之月漢舊章斷獄報重盡三冬之月又唐太宗凡斷重刑日勅減膳徹樂今春物方盛時雨尙愆望詔有司死罪未得論決俟雨降乃復常典仍望自今凡決重刑日依唐故事以彰至仁之德嘗獻時務策五篇一曰禦戎二曰用兵

三日為政四日選賢五日刑罰文多不載明年權同知貢舉出為陝西轉運使會邊臣言繼遷死願乘此時深入攻討覃建議伐喪非禮且其子在當為之備請詔邊臣謹守疆候毋得輕舉時西鄙屯兵調役甚繁副使朱台符務有為而覃務循舊且言邊事不宜更張初寇舊密以上聞坐不協徒知隨州移唐州景德二年召歸屬河北兵革之後命覃詣澶濱檢德博州巡撫振給之出知潭州王師討宜賊軍須多出長沙詔書褒勞加刑部郎中太中祥符二年為淮南江浙荆湖制置發運使改太常少卿直昭文館知廣州覃勤于吏事所至以幹濟稱南海有蕃船之利前後牧守或致誘議惟覃以廉著遠人便之加右諫議大夫四年卒年五十四遺其長子奉禮郎文友乘傳赴喪詔本州護柩還其家官給所費錄其次子敏為揚州司事參軍覃從弟蛻及從子侃傳後名大雅自有傳

陳世卿字光遠南劍人雍熙二年登進士第解褐衡州推官再調東川節度推官會李順寇兩川知州張雍以州兵馬為數部使官分領世卿素善射當城一面親射中數百人賊寢盛開幕皆謀圖全計世卿正色曰食君祿當委身報國奈何欲避難為他圖邪亟出白雍曰此徒皆懦儒存之適足惑眾不若遣出求援雍從之賊既引去雍表其材就改掌書記歸朝為祕書郎遷太常丞知新安縣或薦其堪任憲台卽召歸會張鑑出知廣州表為通判將行加大常博士景德初徙知建州真宗知其材幹授福建轉運使規畫南劍州安仁等銀場歲增課羨俄代姚鉉為兩浙路轉運使歷祠部員外郎判三

司三句院大中祥符四年改度支員外郎出為荆湖北路轉運使屬澧州慈利縣下溪等四州蠻人侵縣境地四百餘里朝命世卿與閩門祇候史方知澧州劉仁霸同領兵討之遂還所侵地標正經界取其要領又令納所掠漢口千餘復置澧州武口等砦以控制之自是平定還朝屢述溪洞利害真宗器其材復自言願效用于煩劇乃授世卿祕書少監郡有計口買鹽之制人多不便至卽奏除之卒年六十四錄其子南安主簿儼為太祝

李若拙字藏用京兆萬年人父光贊具翼觀察判官若拙初以蔭補太廟齋郎復舉拔萃授大名府戶曹參軍俄又舉進士擢上第授密州防禦推官登賢良方正直言極諫科太祖嘉其敏贍改善著作佐郎故事制策中選者除拾遺補闕若拙以恩例不及上書自陳執政惡之出監商州阮治遷太子左贊善大夫太平興國二年知乾州會李飛雄詐乘驛稱詔使事敗伏法太宗以若拙與飛雄父若愚連名疑其昆弟卽捕繫州獄坐削籍流海島歲餘起授衛尉寺丞知隴州四年復舊官以政聞超授監察御史通判秦州御史中丞滕中正薦之召歸臺頃之改右補闕時諸王出閣若拙獻頌稱旨召見賜緋魚同句當河東轉運兼雲應等八州事嘗詣闕言邊事太宗嘉之又同掌水陸發運司雍熙三年假祕書監使交州先是黎桓制度踰僭若拙既入境卽遣左右戒以臣禮絀是桓聽命拜詔盡恭燕饗日以奇貨異物列於前若拙一不留眴取先陷蠻使鄧君辨以歸使還帝謂其不辱命遷起居舍人充鹽鐵判官道化二年出為兩浙轉運使契丹寇邊改職方員外郎徙河北路五年

直昭文館遷主客郎中江南轉運使若拙質狀魁偉尙氣有幹才然臨事太緩宰相以為言罷使知涇州至道二年黎桓復侵南鄙又詔若拙充使至則桓復稟命使還真宗即位召見慰問進秩金部郎中召試學士院改兵部郎中充史館修撰俄知制誥咸平初同知貢舉被疾改右諫議大夫車駕北巡判留司御史臺明年使河朔按邊事知昇貝二州卒年五十八子繹

繹字縱之幼謹愿自修初以父使交趾有勞補太廟齋郎改太常寺太祝舉進士中第除將作監丞累遷尙書屯田員外郎知華州蒲城民李蘊訴人盜其從子亡去繹密刺蘊蘊有陰罪姪覺之懼事暴殺之以滅口遂收蘊致法擢提點河北刑獄權知貝州歲旱繹為酒務市民薪草溢常數餓者皆以樵採自給得不死官入亦數倍邊民歲輸防城火牛草十餘萬委積久輒腐敗繹奏罷之三遷本曹郎中為利州路轉運使河北經費不支仁宗問誰可任者參知政事薛奎薦繹遂徙河北進刑部郎中直史館知延州改兵部為江淮制置發運使內出絹五十萬匹責質于東南繹曰百姓饑不宜重擾輒奏罷之甫半年漕課視常歲增五之一遷太常少卿再知延州繹所至頗稱治自以久宦在外意不自得嘗兩知鳳翔府至是又徙鳳翔尋為右諫議大夫卒

陳知微字希顏高郵人咸平五年進士甲科解褐將作監丞通判欽州擢為著作佐郎直史館俄充三司戶部判官奉使契丹遷太常博士判三司都磨勘司再為戶部判官出為京東轉運副使奏還東平監所侵民田六百八十家又決古廣濟河通運路罷來黃河歲減夫役數萬計遷石司諫徙荆湖南路轉運使召還拜比部員

外郎知制誥淮南餓遣知微巡撫所至按視儲糧察諸官吏能否使還判吏部銓兼刑部知微詞藻雖無奇采而平雅適用思亦敏速又判司農寺糾察在京刑獄天禧二年加玉清昭應宮判官卒年五十錄其子舜卿為太常寺奉禮郎知微儀狀甚偉沈厚有材幹不務儉察有集三十卷子堯卿大中祥符五年進士及第

上官正字常清開封人少舉三傳後為鄆州攝官雍熙中召授殿前承旨屢遣鞫獄還供奉官閉門祗候天雄監軍洎化中轉作坊副使按隆平集作坊使劔門都監李順之亂分其黨趨劔門時疲兵數百人正奮勵士氣以禦之會成都監軍宿翰領兵投劔門與正兵合因迎擊大破賊數千眾斬馘殆盡太宗嘉之超正為六宅使劔州刺史充劔門部署翰自供奉官擢崇義使領昭州刺史數月正被疾復還遷任所授以方略令招撫殘孽慰勉遺之初川賊甚盛朝議深以棧路為憂正以孤軍力戰挫賊鋒自是閭道無壅王師得以長驅而入賊眾三百餘敗歸成都自此沮氣矣後賊既誅餘寇匿山谷恃險結集剽劫為患正論以朝廷恩信皆相率出降未幾加峰州團練使與雷有終並為西川招安使正木強好凌人自謂平賊有勞受人主知無所顧忌數面攻兩川官吏之短眾積怨怒多上章訴其不法者太宗謂近臣曰正

婢直而失于謙和恐其不能自全乃賜手札戒諭曰當以和輯遠民為念正上表謝真宗即位改蒞宅使是秋廣武叛卒劉玘嘯聚數千輩逐都巡檢使韓景祐略漢蜀邛州懷安永康軍正與鈐轄馬知節領兵趨新漢抵方井擊敗之斬玘平其黨遷南作坊使咸平初擢拜東上閤門使尙當軍頭引見司俄權戶部使出知滄州徙

高陽關副都署真拜洺州團練使車駕北巡以為行營先鋒鈐轄尋知青州會王均叛屬命為峽路都鈐轄移知梓州又歷滄瀾鎮貝四州高陽關部署求知磁州會邢州地震民居不安徙正典之移潞州景德中以河北新經兵革以正知貝州遷洺州防禦使復知滄州移同州再表引年授左龍武軍大將軍平州防禦使分司西京尋以本官致仕四年卒年七十五子璩

盧斌開封人以筆札事晉邸太宗即位補殿直雍熙中領兵屯霸州會大舉北伐令以五千騎隨曹彬抵岐溝按宋史本傳作鄆州平集作岐溝考宋史地理志隆平集不憚今據改時契丹據河王師乏水斌請以千弩斫砦契丹遁去遂移軍夾河既克涿州令斌以萬人戍守會食盡大兵將還斌因懇言涿州深在北境外無援兵內無資糧了籍殘失守之無利今若還師必須結陣而去以一陣之役比于固守其利百矣復慮遠人乘便剽襲宜為之備彬以為然遂以兵擁

城中老幼並狼山南遷易州彬之旋也無復行伍果為契丹所乘諸將皆以失律被譴斌亦下樞密院問狀太宗聞其嘗建議棄涿州遂釋不問以為霸州破虜軍緣邊巡檢端拱中又為承興軍華州巡檢時大賊侯和尙劉渥劫興平棧陽斌率兵掩襲且追且鬪至耀州擒斬並盡以勞改供奉官召還面加獎慰授閤門祗候為梓遂十二州都巡檢使許便宜從事淳化二年賊任誘等寇昌合州斌偵知賊在龍水鎮值大雨斌馳馬四十里騎從數十人遂斬誘等百餘級賊眾悉平富順監蠻掠樂州斌晨夜倍道以赴得州兵千人署隨軍糧料以張其勢蠻乃遁迨至地頭鎮東南八十里樹柵招其酋諭以朝旨敵血刻石為盟而遣之俄而榮成資州富順監

賊鈔鄉邑斌擒三百人部送闕下餘恐臨敵斬戮賊王盡復起榮資斌擊滅之盡縛以獻遷內殿崇班是冬李順爲亂斌卽率兵六百抵成都關戰連月殺數萬人明年成都守斌還梓州集十州兵赴援知州張雍委以監護之任會江水汎溢毀子城斌勸諭州民翌日春鋪大集自城西大濠中掘塹深丈沃西河水注之以環城二月賊渠相里貴眾二十一萬傅城下城中兵裁三千斌曰軍法倍兵不戰然狂醜烏合非訓練之師卽感厲士伍負土塞南北門爲固守之計又突出與賊戰擊刺三十餘合賊稍卻復大設機石連弩衝車雲梯四面鼓譟乘城矢石亂下斌與州將隨機設備長圍八十日會王繼恩令石知顯率兵來援斌出東門迎勞王師賊不戰而潰斌乘勝追斬及納降二萬餘五月賊數萬圍閬州斌領千兵赴之斬首五千圍遂解又至蓬州老雅山賊眾三千爲陣拒斌擊敗之至城下賊復大集斬三千級蓬州平斌傳詔安撫蓬閬達四州擢授西京作坊使領誠州刺史斌在川陝六年以孤軍禦寇累立戰功表求入奏太宗遣使諭之曰侯妖孽盡殄當召汝旣而賊黨集梓綿漢三州境上斌往平之未幾代還太宗親加勞問拜東上閣門使檢校左僕射加食邑三百戶上言葭萌路出師討賊可直入利州若寇焚棧道劔門之險不足固也請置若柵從之尋命爲銀夏兵馬鈐轉遣與李繼隆等五路出師討李繼遷斌求對懇言不若堅保靈州于內地多積芻糧以師援送苟其至也會兵首尾擊之庶幾無枉費而不失固圍之策矣時業已出師不從其議改授靈環路鈐轄領兵二萬爲前鋒令于烏白池與諸軍會斌謂李繼隆曰靈州抵烏白池月

餘方至苦白環州案馳路裁十日程卽不俟詔而往與諸將失期不見賊而還俄徙屯靈州以疾召歸旬當軍頭引見司威平初卒年五十子文質殿中丞周審玉開封人父勳以親校事唐明宗累立戰功太平興國中至隰州團練使周顯德初審玉蔭補殿直從世宗平瓦橋關甚見親信太祖受禪爲供奉官未幾加閣門祗候累遷崇義洛苑副使西京作坊使雍熙中契丹犯塞潘美屯師定州審玉爲監軍嘗與敵戰而先鋒劉緒陷賊審玉躍馬趨擊拔絙而還以勇敢聞清化中知貝州有驍捷卒戍州者三十七人同謀殺審玉劫庫兵而叛推虞侯趙咸雍爲首審玉覺之與轉運使王嗣宗率兵悉擒其黨以功領順州刺史至道初徙并州鈐轄咸平初知鳳翔府有桑門乘傳而西以市木爲名威動府縣審玉曰此有所倚而爲也因按詰之盡得其姦狀械送闕下以目疾代還奉朝請拜章請老得左千牛衛大將軍致仕卒年七十四審玉少長兵間習知攻守之法子允迪爲虞部員外郎

於徐河斬數千級獲牛馬鎰仗甚眾清化初與周堂同判四方館未幾爲鎮州行營鈐轄又與李繼隆擊賊于唐河濟短兵陷陣賊大敗走優詔褒美改四方館使復知定州徙天雄軍鈐轄遷客省使復知定州至道二年改內客省使知鎮州立春日出土牛以祭酌奠始畢有卒挾牛去濟察其舉止知欲爲變亟命擒之果有竊發者數十人已劫鄆間矣悉蒐捕腰斬之軍民肅然濟在鎮定凡十五年威績甚著召還知天雄軍咸平初李繼遷叛以濟領順州團練使知靈州兼都部署至州二年謀緝入鎮興屯田之利民甚賴之其年清遠軍陷夏人大集斷饒道孤軍絕援濟刺指血染奏求救甚急兵不至城陷死之帝聞嗟悼特贈鎮江軍節度三子並優進秩濟在諸使中甚有聲望及沒夏人皆惜之子德谷虞部郎中德基至如京使德豐殿中丞李繼宣開封浚儀人乾德中補右班殿直裁十七歲命往陝州捕虎殺二十餘生致二虎一豹以獻太平興國初掌南作坊使改供奉官出爲邠寧慶三州巡檢都監繼宣本名繼隆與明德皇后兄同姓名至是太宗改焉召還承受定州路奏事奉詔修長城口平寨威虜靜戎軍保州又領兵入敵境獲老幼千餘牛畜數百又率兵扞契丹于乾寧泥姑海口契丹寇靜戎軍從崔彥進過拒馬河接戰大敗之又爲貝州監軍雍熙三年曹彬北征繼宣從先鋒李繼隆至方城力戰三日大軍繼至遂克固州進壁涿州東又與敵鬪乘勝攻北門克之又將五千騎援米信因率勁騎追至新城北大敗之繼宣亦中流矢大軍還雄州取芻糧遇契丹新城疾戰至暮繼宣中十創明日復戰繼隆爲敵所邀繼宣以所部拔之

且戰且行奪涿河數日乃至涿州及棄州保岐溝關又戰拒馬上追奔至孤山契丹乃引去留屯滿城俄還貝州以功超授崇儀使代王繼恩為易州駐泊都監又領騎兵五千戍北平押大陣東偏受田重進節度屯長城口敵至大溝繼宣進滿城敵至定州奪唐河橋重進召繼宣赴援轉關入定州敵兵北去重進命將五千騎躡其後抵拒馬河及敵據楊嘴繼宣徑掩擊之遂焚廬舍而遁雍熙四年為高陽關行營都監端拱初契丹騎至瀛鎮繼宣率步騎萬人入敵境抵勝務焚聚落獲生口契丹乃引還時易州候騎不至繼宣於易州平塞軍長城口威虜靜戎順安軍至高陽為望槽七所舉烽以候警急二年為鎮定高陽關三路排陣都監押大陣西偏與李繼隆部芻糧抵威虜遺度徐河為敵追襲繼宣駐軍與關殺獲甚眾又敗契丹于保州西射城追薄西山消化三年徙知保州又轉莊宅使築關城浹外濠葺營舍千五百區造船一百艘入雞距泉以運糧徙定州行營都監咸深州改高陽關行營都監諜軍中勁弩為人陣之備五年領高州刺史會契丹泛海劫千乘縣繼宣請于海口置砦以禦之至道三年遷北作坊使俄加南作坊使出為鎮州行營鈐轄契丹寇定州命主無地分馬敵至懷德橋繼宣領兵三千掩襲之至則契丹已壞橋繼宣橫木而度追奔五十餘里契丹焚鎮州中渡常山二橋繼宣領兵趨之契丹保豐隆山岩繼宣伐木治常山橋契丹聞之大懼技藝遁走繼宣銳于追襲傳潛為部署繼宣詣潛請行願為所抑及召潛屬吏詔繼宣與高瓊同主軍事遂敵越拒馬河復為鎮州鈐轄受詔按視緣邊城堦權知威虜軍敵騎至城下屢出兵設伏

斬獲甚眾俄還鎮州咸平四年拜西上閣門使領康州刺史為前陣鈐轄與秦翰楊延昭楊嗣分屯靜戎威虜敵至會師于威虜延昭嗣翰先赴羊山繼宣與翰分左右各整所部翰全軍亦往繼宣留壁赤虜止以二騎繼進至則延昭嗣適為敵所乘繼宣即召赤虜之師與翰師合勢大戰敵走上羊山繼宣逐之環山麓至其陰繼宣馬連中矢斃凡三易騎進至牟山谷大克捷特加檢校官及食邑明年徙定州鈐轄扞契丹于唐河會緣邊都巡檢使楊延昭楊嗣翰敵師敗詔繼宣與內殿崇班王汀代之望都之敗敵騎剽郡縣繼宣立徐河契丹數十隊薄威虜威虜魏能與戰走之久而繼宣始至又寇靜戎汀請分兵自將襲契丹繼宣拒之雖日出遊騎偵敵勢屢徙若而未嘗出戰為能汀所發召還令樞密院問狀降為如京副使景德初加如京使鎮州鈐轄契丹乘秋來攻時桑贊病足鄭誠赴定州繼宣獨主鎮州全師扈屯邢趙及與契丹和命為高陽關鈐轄復為西上閣門使領康州刺史三年兼知瀛州繼宣罕識字帝以河間郡事繁命高繼勳代之止為鈐轄大中祥符初徙鎮定兩路鈐轄進秩東上閣門使召還改鄆州部署加四方館使以疾授西京水南都巡檢使卒年六十四子守忠

張旦趙州人勇敢善射以經學中第至國子博士消化中知陵州時李順搆亂連下城邑賊黨數萬攻陵州旦修完戰具置鹿角若驅市人進戰大敗之殺五千餘人獲器械萬計特遷水部員外郎賜緋魚由是知名數月西川招安使上官正言雅州密邛蠻蠻鎮撫須得其人張旦前守陵州劔外伏其威名望改授諸司使令知州事帝以省郎之重不欲換他職乃授刑部員外郎賜金紫乘傳之任真宗即位遷兵部員外郎改尚食使知德清軍景德中契丹入寇陷軍壁旦與其子利涉率眾奮擊並戰沒帝聞之驚悼特贈左衛大將軍深州團練使利涉崇儀副使錄其四子官時有上封事者言朝廷宜優加恩典以勸忠臣詔以恤且事告諭天下張照字輔鳴開封人開寶末補府中牙職雍熙二年為殿前承旨遷殿直欽州監軍兇人黃行達弟坐法抵死行達誣州將故入其罪詔照鞠之即日決遣還權供奉官閤門祇候又改內殿崇班鎮定邢趙山西土門路都巡檢使契丹騎兵剽境上照以所部斬首數十走之代還拜兵備庫副使權知環州改詩風軍使又知保安軍咸平中王均亂蜀以照為綿漢劍門路都巡檢使又與雷有終進攻成都照主東砦焚其郭及樓堞均突圍而遁賊平以功就遷正使益州都監提總本路諸軍事夏人寇邊改涇原儀渭都鈐轄又為邪壘環慶鈐轄兼巡檢安撫都監累躡寇入賊中掩殺甚眾有詔嘉獎會遣王超張凝秦翰接靈武命照為西路行營都監至鎮戎聞靈武已陷復還本任與張凝入西夏境夏人七百餘邀戰照擊殺甚眾清遠故城有酋長請以甲騎三萬來降照與凝曰此詐也亟嚴兵以待之果然凝按部歸環州道為敵所遮照聞之領所部銳兵自慶州赴之一夕與凝會射殺其大將與凝同還景德元年加領賀州刺史復為涇原儀渭鎮戎軍鈐轄再知環州四年宜州戍卒陳進反命曹利用為廣東西路安撫使盧均僭號南平王圍象州照以兵會利用斬之初與利用同署紙人持百枚備給立功將士及破賊利用在前軍無所

給煦在後而所給過半真宗謂其太過賊平改如京使知懷州權河陽鈐轄遷文思使知曹州會江淮災歉以煦為江西南西路安撫都監俄遷濟陰加北作坊使又徙滄州就轉宮苑使領康州刺史大中祥符九年加領昭州團練使知鄜州未幾復知滄州天禧三年拜西上閤門使徙并代鈐轄以老疾求近郡得知磁州卒年七十二煦明術數善相宅時稱其妙

張佶字仲雅本燕人後徙華州渭南初名志言後改焉父昉殿中少監佶少有志節始用蔭補殿前承旨以習儒業獻文求試換國子監丞遷著作佐郎監三白渠知涇陽縣端拱初為太子右贊善大夫曹州民有被誣殺人者詔往按之發獲姦伏冤人得雪尋通判忻州遷殿中丞兼御河督運至道中通判陝州再部送錫糧赴靈武就改國子博士咸平初擢為陝西轉運副使賜緋魚至延安遇夏人入寇親督兵擊敗之三年徙西川轉運副使時詔討王均以餽餉之勞遷虞部員外郎賊平以佶為利州路轉運使有薦其武幹者召還授如京使涇原鈐轄兼知鎮戎軍徙麟府路鈐轄夏人來寇佶率兵與戰親射殺酋帥俘獲甚眾景德中徙益州鈐轄加宜州刺史遷文思使佶御軍撫民甚有威惠蜀人久猶懷之大中祥符四年車駕祀汾陰以為西京舊城巡檢鈐轄會秦州李潛暴卒帝語近臣曰天水邊要宜速得人馬知節稱佶可任帝然之遂改驥驥使就命知秦州至州置四門堦開拓疆境邊鄙頗怨又臨渭置采木場戎人不之爭移帳而去佶不甚存撫亦不奏加資賜邊人追悔引眾劫掠佶深入掩擊敗走之議者又欲加恩宗哥立遵等族以扼平夏佶請拒絕之徙邠寧路鈐轄天

禧初召為契丹國信副使再任邠寧兼知邠州遷宮苑使擢拜西上閤門使復為涇原鈐轄卒年六十九佶涉獵書史好吟詠勇敢善射有方略其總戎護塞以威名自任子宗象

王延德開封東明人父溫晉末契丹內侵溫率鄉豪捍敵境內里人德之宣祖掌畿甸兵與溫厚善延德方總角宣祖愛其謹重召置左右太宗尹京署為親校太平興國初授御厨正使加尚食使領蘄州刺史兼掌武德司改皇城使掌御葦院左藏庫延德所領凡五印因對懇議遂罷左藏御厨八年兼充親王諸宮使延德素謹慎以舊恩每延訪外事端拱初領本州團練使消化中當進秩延德與王繼恩杜彥鈞使額已極特置昭宣使以延德等為之至道二年加領平州防禦使真宗嗣位改領懷州咸平初出知華州占謝日面請罷昭宣使從之帝幸大名為東京舊城都巡檢使明年以風痺請告道還本郡是冬卒年六十四贈邕州觀察使延德所至好撰集近事先是詔史官修太祖太宗實錄多以國初事訪延德又上太宗南宮事迹子應昌莊宅使端州團練使

續通志 卷三百三十五 列傳 宋

遷右衛副率會誠州蠻歸款命延信馳入溪洞索其要領又逐蠻直趨古鎮過西延大水諸洞蠻人懼伏消化中歷襄鄧宋曹等州都巡檢使改左監門衛將軍屢部徒修護河防改左領軍左屯衛二將軍充西京水南都巡檢使有盜掠彭婆鎮及甲馬營延信馳以往悉擒之咸平中歷太康鞏縣二監軍景德二年卒年六十四

按宋史此下有程德元王延德魏震三傳宋史列傳第六十入有兩王延德卷首之王延德開封人此為大名人考宋會要雍熙中供奉官于延德使高昌此王延德亦以供奉官使高昌或即于延德之訛也與德元震俱無事蹟足錄今並從刪

張質字守樸博州高唐人少孤養于兄贊贊為樞密院典調質因得隸兵房頗為趙普曹彬所知太宗征河東還駐鎮陽彬方典樞務一夕議調發屯兵時軍載簿領阻留在道質潛計兵數部分軍馬及得兵籍較之悉無差謬消化中累遷本房副都承旨咸平初授左監門衛將軍樞密副都承旨景德三年為左屯衛大將軍歷右神武軍右衛二大將軍大中祥符七年轉都承旨在樞要僅五十年練習事程精敏端慤未嘗有過舊本院吏罕有遷至都承旨者帝素知質廉謹故以授之嘗召問五代以降洎國初軍籍更易之制且命條具利害質纂兵要以進帝覽而稱善天禧元年卒年七十四錄其子大理評事純為衛尉寺丞孫思道為三班奉職

常延信并州平晉人祖思仕周歷昭義歸德平盧三鎮節度延信皆補牙職領和州刺史思卒入為六宅使領郡如故太祖即位改領平州坐與妻族相訟左授右監門衛副率出為潼關監軍延信以開路巖險奏易道路及填禁院役工四十餘萬又監通許鎮兵改梓遂十二州都巡檢使時亡命卒多聚山林為寇延信領徒捕殺三百餘人歷全部六州都巡檢使就充羊狀六岩都鈐轄

按宋史地理志全州清湖縣注云有香烟麻塘長島羊狀硤石磨石獲源七岩又按方輿紀要羊狀作羊

巡檢賊平補殿前承旨太平興國中以殿直掌廣州市

舶自南漢之後海賊子孫相襲大者及數百人州縣苦之允恭因部運入奏其事太宗即命為廣東都巡檢使又以海鹽盜入嶺北民犯者眾請建大庾縣為軍官葦鹽市之詔建為南安軍自是冒禁者少賊有葉氏者眾五百餘往來海上允恭集水軍造輕舸掩襲其首斬之餘黨走匿山谷允恭伐木開道殲焉賊寇每遇風濤則逃北洲島間允恭領眾涉海捕之殆盡賊皆望風奔潰又抵漳泉賊所止處盡奪先所劫男女六十餘口還其家轉供奉官召歸改內殿崇班時緣江多賊命督江南水運因捕寇黨行及臨江軍擢驍卒率輕舟伺下江賊所止夜發軍城遇賊百餘拒敵悉其首又越通州境上躡海賊賊係原舟張幕發勁弩短礮允恭兵刃所向多為幕所繫礮中允恭左肩流血及袖容色彌壯徐遣善泅者以繩連鐵鉤散擲之壞其幕士卒爭進賊赴水死者大半擒數百人自是江路無剽掠之患以功轉洛苑副使江淮兩浙都大發運鹽書茶鹽捕賊事先是三路轉運使各領其職或虞庾多積而軍士舟楫不給雖以官錢雇丁男挽舟土人憚其役以是歲上供米不過三百萬允恭盡籍三路舟卒與所運物數令諸州擇牙輸京師行之一歲上供者六百萬消化五年轉西京作坊使初產茶之地民輸賦者悉計其直官售之精粗不校咸輸權務商人弗肯售久即焚之允恭曰竭民利而取之積腐而棄之非善計也至道初劉式建議請廢緣江諸權務按宋史本傳作劉式建議請廢緣江權務考至劉式請罷緣江諸權務至道初式許商人過江聽私貨鬻允恭以為諸州新陳相採兩河諸州風土各有所

宜非雜以數品即商人少利請依舊河北置務均色號以年次給之事下三司鹽鐵使陳恕等以允恭議為是詔從之即命允恭為發運使始改鹽書為制置巢廬江二縣舊隸廬州道遠多寇民輸勞費允恭請以二縣建軍詔許之以無為為額按宋史地理志及元豐九城志巢廬江二縣屬之淮南十八州軍其九禁鹽地則上下在太平興國三年其直民利商鹽之賤故販者益眾至有持兵器往來為盜者允恭以為行法宜一即奏請悉禁而官遣吏主之事下三司三司言其不可允恭再三為請太宗始從之是歲收利巨萬允恭與王子興秦義同主茶鹽之任多作條制遂變新法真宗即位改西京左藏庫使又言川陝鐵錢之弊曰臣在先朝嘗陳其事願變法以革其弊先帝方議行之會賊順叛而止今陛下繼成先烈可遂建其法使民不失所且饒信之銅積數千萬若遣運于期達于蜀蜀素多銅俾囊益遂各置監鼓鑄歲用均給不十年悉用銅錢矣議雖未用然自是吏卒奉給始改用十鐵錢易銅錢之一俄知通利軍兼黃御河發運使會議減西鄙屯兵以息轉餉召允恭與崇儀副使竇神寶閣門祇候李允則馳往經度圖上郡縣山川之形勝允恭因建議曰自環州入積石抵靈武七日程芻粟之運其策有三然人以驢其費頗煩而所載數渺莫若用諸葛亮木牛之制以小車發卒分鋪運之每一車四人挽之旁設兵衛加戈刃于上寇至則聚車于中合士卒之力禦寇于外尋為議者所沮而止復遣之任又議江淮鹽鐵使陳恕力爭詔從允恭之議加領康州刺史咸平初以北邊賣馬未有定直命允恭主平其估乃置估馬司鑄印以為常制王均之亂帝慮南方有聚寇

命允恭為荆湖江浙都巡檢使二年以疾聞遣其子大理評事可乘傳侍疾卒于昇州年五十六賜其次子告同學究出身允恭有瞻幹能以方略捕賊王小波之亂李順之兄自榮據綿竹土人多被脇從允恭兄允升弟允元率鄉里子弟併力破之又為王師導縛執自榮詣劔門以獻王繼恩表其事詔賜允升學究出身授本縣令允元什邡明年召赴闕授允升右贊善大夫允元大理評事可咸平元年進士喜屬文有吏幹累召試歷都官員外郎改虞部員外郎秦義字致堯江寧人世仕江左父承裕建州監軍使知州事李煜歸朝承裕遣義詣闕上符印太祖召見悅其趨對詳謹補殿直令督廣濟漕船太平興國中有南唐軍校馬光遠等亡命荆楚結徒為盜義受詔縛光遠以獻太宗壯之改西頭供奉官道化中又督洛南採銅雷有眾稱其有心計遣監與國軍茶務會楊允恭改茶鹽法薦義掌真州權務尋提點淮南西路茶鹽得羨餘十餘萬遂與允恭同為江淮制置權授閣門祇候兼制置舉稅咸平初淮南權鹽二歲增錢八十三萬餘貫改內殿崇班又兼制置荆湖路江南羣盜久為民患義討捕皆盡四年領發運使事按長編及文獻通考載太宗至四年加都大發運使兼以淮南轉運使領之而不立使名據此則咸平中未嘗置發運使義特兼領其事耳改供備庫副使獻議增權酷歲十八萬緡所增既多允為刻下會咸早詔罷之景德初遷供備庫使知江陵府坐舉官不如狀削秩大中祥符初起授供備庫副使明年廣州言澄海兵嘗捕盜頗希恩榮驚軍中不能制部送闕下帝以遠方大鎮宜得材幹之臣鎮撫之宰相歷言數人皆不稱旨帝曰秦義可當此任復授供備庫

使充廣州鈐轄歷東萊院使知蘇州改崇儀使提舉在京諸司庫務因對求典藩郡遷內院使知泉州天禧四年代還道病卒年六十四義知書好為詩喜賓客頗有士風歷財貨之任凡十餘年精勤練習號為稱職

謝德權字士衡福州人父文節初仕王氏後入南唐以驍勇聞守鄂州拒王師戰沒德權以父死事李煜署莊宅副使歸朝詣登聞檢院自薦補殿前承旨遷殿直陝西巡檢改右侍禁咸陽浮橋壞轉運使宋大初命德權

現畫乃築土質岸聚石為倉用河中鐵牛之制纜以竹索懸是無患咸平二年宜州溪蠻叛命陳堯叟往經度之德權預其行以單騎入蠻境諭以朝旨眾咸聽命堯叟以聞加閩門祇候廣韶英雄連賀六州都巡檢使代歸提點京城倉草場瘡積多患下濕德權累贊為臺以藉之遂無敗腐京城衢巷狹隘命德權廣之既受詔則先撤貴要邸舍會有訟執政與許州民陰搆西夏為叛者詔溫仲舒謝泌鞠問令德權監之既而按驗無狀翌

日對便殿具奏其妄泌獨曰追攝大臣獄狀乃具德權曰泌欲陷大臣邪若使大臣無罪受辱則人君何以使臣臣下何以事君仲舒曰德權所奏甚善帝乃可之六年命城新樂縣遷供奉官又命浚北平營葺蒲陰城

一日遽乘傳詣關求對且言邊民多挈族入城居止前歲契丹入塞傳潛閉壘自固康保裔被擒王師未有勝捷臣以為今歲契丹必侵內地令邊兵聚屯一處尤非便利願速分成鎮定高陽三路天雄城壘遠請急詔

鑿之乃葺澶州城北治德清軍城壘以為豫備臣實慮蒲陰工木未訖敵必暴至帝慰遣之既而契丹果圍蒲陰及聞有詔修河北行宮德權又驛奏請車駕毋渡河

帝至澶州德權單馬問道赴行在未幾遷內殿崇班提轄三司衙司德權為設條制均其差使有大將隸內侍主藏內侍為奏留規免煩重之役德權携奏白上極言

僥倖帝稱其有守又命提總京城四排岸領護汴河兼督輦運前是歲役浚河夫三十萬但挑沙擁岸阻河流汎溢中流復浚德權須以沙盡至土為垠棄沙隄外又為大錐以試築隄之虛實植樹數十萬以固岸建議廢

京師鑄錢監徙西密務于河陰大省勞費改崇儀副使兼領東西八作司先是每營造患工少至終歲不成德權按其役皆寇日而就大中祥符元年議東封命與劉承珪咸綸同計度發運選供備庫使預修玉清昭應宮

時累徙民舍以廣宮地劉承珪議掘地及丈加築以壯基址德權患其勞役過甚日與忿爭不能奪遂求罷復領京城倉草場三年詔改西染院使出知泗州至任踰

月卒年五十八以其子平為定遠王簿德權清苦幹事好興功利多所經畫見官吏徇私者必面斥之所至整肅然喜采察纖微以聞于上朝論惡之

閩日新宿州臨渙人少為本州牙職補三司使役吏滄化中選隸壽王府主邸中記簿真宗即位擢為供奉官提點雄霸靜戎軍權場咸平元年遷內殿崇班承興軍

皆命為行宮使大中祥符初改文思使日新起胥吏好云為以進取嘗上言羣臣子弟以蔭得官往往未童亂以受奉望自今年二十以上乃給廩又京城百官早朝

而學士丞郎舍人以上尊從呵止太盛難以趨避令裁減又屢請對多所建白且自陳筋力尚壯願正授刺

部守邊城以効用俄真拜坊州刺史知渭州兼涇原路駐泊鈐轄將祀汾陰改改知同州事儼信頓即日新所部車駕至迎謁獻方物勞問久之遂從祀雖帝賜以襲衣金帶還過新市鎮又設絳樓樂伎以迎駕明年徙知

徐州代還以有足疾改領軍衛大將軍昭州團練使知單州疾益甚許還京師天禧初卒年六十八

靳懷德博州高唐人祖昌範殿中丞父隱禹城令懷德太平興國中明法解褐廣安軍判官秩滿授鴻臚寺丞

歷著作佐郎太子左贊善大夫通判相州改殿中丞通判廣州遷國子博士通判滄州歷虞部累遷比部員外郎又通判莫州知德州咸平中契丹入侵懷德固守城

續使車往復多稱譽焉又知陝州踰年歸闕而卒時天
禧元年年七十三

列傳

宋四十

李迪 東之 肅之 承之 及之

王曾 張知白 杜衍

李迪字復古 隆平集 作復古 其先趙郡人後徙幽州曾祖在欽

避五代亂又徙家濮迪深厚有器局嘗携其所為文見

柳開開奇之曰公輔材也舉進士第一授將作監丞歷

通判徐兗二州改祕書省著作郎直史館為二司鹽鐵

判官東封泰山復通判兗州坐解開封府進士失當謫

監海州稅明年以右司諫起知鄆州再遷吏部員外郎

為三司鹽鐵副使擢知制誥真宗幸亳為留守判官遂

知亳州亡卒羣剽城邑發兵捕之久不得迪至悉罷所

發兵陰察知賊區處部勒驍銳士擒斬以徇代歸進右

諫議大夫集賢院學士知承興軍徙陝西都轉運使入

為翰林學士詔對出三司使馬元方所上歲出入財用

數以示迪時頻歲蝗旱問何以濟迪請發內藏庫以佐

國用則賦斂寬民不勞矣帝曰當出金帛數百萬借三

司迪曰天子於財無內外願下詔賜三司以示恩德何

必曰借帝悅又言陛下東封時敕所過毋伐木除道即

驛舍或州治為行宮令加塗墍而已及幸汾亳土木之

役過往時幾百倍今蝗旱之灾殆天意所以儆陛下也

帝深然之他日又召對龍圖閣命迪草詔徐謂迪曰曹

瑋在秦州屢請益兵未及遣還辭州事第怯耳誰可代

瑋者迪對曰瑋知嘉勒斯賚欲入寇且關關中故請益

兵為備非怯也且瑋有謀略諸將皆非其比陛下重發

兵豈非將上玉皇聖號邪今關右兵多可分兵赴瑋帝

因問關右兵幾何對曰臣向在陝西以小冊書兵糧數
備調發今猶置佩囊中帝令自探取目黃門取紙筆具
疏某處當留兵若干餘悉赴塞下帝顧曰眞所謂頗牧
在禁中矣未久嘉勒斯賚果犯邊秦州方出兵復召迪

問曰瑋此舉勝乎對曰必勝居數日奏至瑋與敵戰三
都谷果大勝帝曰卿何以知瑋必勝迪曰嘉勒斯賚舉
兵遠來聲言某日下秦州會食以激瑋瑋勒兵不動以

逸待勞臣用此知其勝帝益重之天禧元年拜給事中
參知政事仁宗為皇太子除太子太傅迪辭以太宗時
未嘗立保傅止兼太子賓客詔皇太子禮賓客如師傅

加禮部侍郎冠準罷帝欲相迪固辭一日對滋福殿
有頃皇太子出拜曰陛下用賓客為宰相敢以謝帝顧
謂迪曰尚可辭邪拜吏部侍郎兼太子少傅同中書門

下平章事景靈宮使集賢殿大學士初眞宗不豫寇準
議皇太子總軍國事迪贊其策丁謂以為不便曰即日
上體平朝廷何以處此迪曰太子監國非古制邪力爭

不已于是皇太子于資善堂聽常事他皆聽旨周懷政
之誅帝怒甚欲責及太子羣臣莫敢言迪從容奏曰陛
下有幾子乃欲為此計帝大悟由是獨誅懷政等 按宋

宗本紀及寇準傳準以密請太子監國為丁謂所潛罷
相在天禧四年六月丙申迪繼準為相在七月丙寅內
侍周懷政以謀傳位太子伏誅在七月癸酉本傳載誅
懷政事於天禧元年迪拜參知政事後準未罷相前時
事例置今丁謂擅權用事至除吏不以聞迪憤然語同
列曰迪起布衣至宰相有以報國死猶不恨安能附權
倖為自安計邪自此不協時議二府皆進秩兼東官官

迪遷中書侍郎兼尚書左丞故事宰相無為左丞者謂
欲進所善林特為詹事迪不可又欲以為樞密副使兼
賓客迪又不可既而帝御長春殿內出制書置榻前謂

輔臣曰此卿等兼東官官制書也迪進曰東官官屬不
當增置臣不敢受此命宰相丁謂罔上弄權私林特錢
惟演而嫉寇準特子殺人事寢不治準無罪罷斥惟演
姻家使預政曹利用馮拯相為朋黨臣願與謂俱罷付

御史臺劾正帝怒留制不下左遷迪戶部侍郎謂再對
傳口詔入中書復視事出迪知鄆州仁宗即位太后預
政初眞宗將立章獻后迪屢上疏諫以章獻起于寒微

不可母天下章獻深銜之至是以迪與準為朋黨貶衡
州團練副使謂使人迫之或謂謂曰迪若貶死公如士
論何謂曰異日諸生記事不過曰天下惜之而已謂敢

起為祕書監知舒州歷江寧府兗州青州復兵部侍郎
知河南府來朝京師時太后垂簾語迪曰卿向不欲吾
預國事殆過矣今日吾保養天子至此卿以為何如迪

對曰臣受先帝厚恩今日見天子明聖臣不知皇太后
盛德乃至於此太后亦喜以尚書左丞知河陽明道元
年遷工部尚書太后崩召為資政殿學士判尚書都省

未幾復拜同中書門下平章事集賢殿大學士景祐中
范諷得罪迪坐姻黨罷為刑部尚書知亳州改相州既
而為資政殿大學士翰林侍讀學士留京師迪素惡呂

夷簡因奏夷簡私交荆王元儼嘗為補門下僧惠清為
守關鑿義夷簡請辨詔訊之乃迪在中書所行事夷簡
以齋祠不預降太常卿知岳州復刑部尚書知徐州迪

奏所部隣兖州欲行縣因祠岳為上祈年禱皇子仁宗
語輔臣曰大臣當為百姓訪疾告祈禱非迪所宜其母
令往久之改戶部尚書知兖州復拜資政殿大學士元
吳攻延州武事久弛守將或為他名以避兵迪願守邊
詔不許然甚壯其意除彰信軍節度使知天雄軍徙青

州踰年之本鎮請老以太子太傅致仕歸濮州後其子東之為侍御史知雜事奉迎來京師帝數遣使問勞欲召見以疾辭卒年七十七贈司空侍中諡文定帝篆其墓碑曰遺直之碑又改所葬鄧侯鄉曰遺直鄉子東之附傳徵之補之仕至列大夫從子肅之承之及之按東事駁載迪三子長東之次徵之補之其肅之承之及之三人皆迪從子也肅之等附傳可據宋史本傳並作迪之宋史陸平集俱作東之

東之字公明賜進士出身為館閣校勘宣化軍使境上有廢河故道官收行者稅謂之乾波錢奏除之進直集賢院累擢侍御史知雜事東之自少受知於寇準至是論準保護之功仁宗惻然即賜其碑曰旌忠拜天章閣待制河北都轉運使加龍圖閣直學士建言補蔭之門太廣遂詔裁定自二府而下通三歲減入仕者一千人知荆南河陽澶州改集賢院學士判西京留司御史臺英宗即位富弼薦其學行以舊職兼侍讀帝頗欲肅正宮省東之諫曰陛下長君也立自宗藩眾方觀望願曲為容覆未幾請老自工部尚書拜太子太保致仕遣使諭之曰以先帝梓宮在殯朕不得為詩令講讀官皆賦詩勸勞甚渥又敕王珪敘其事東之出都門即幅巾白衣以見客再遣少師熙寧六年卒年七十八謚懿靖按宋史本傳不載東之子孝基有李受者字益之長沙之瀏陽人也仕于治平中至右諫議大夫天章閣待制兼侍讀屢以老乞骸骨不聽神宗立進給事中龍圖閣直學士復言臣在先帝時年已七十不敢竊祿以自安今又加數年筋力憊矣惟陛下哀之于是拜刑部侍郎致仕賜宴賦詩及序如東之禮相去數月故時稱二李卒年八十贈工部尚書

肅之字公儀迪弟子也以迪蔭監大名府軍資庫大河溢府檄修冠氏隄工就弗擾民悅之請為宰邑多盜肅之令比戶置鼓有盜輒擊鼓遠近皆應盜遂息通判澶州契丹使將過郡而樓堞壞圯肅之謂郡守曰吾州為景德破敗之地當示雄疆遂鳩工構城屋凡千區已而中貴人銜命來視規制一新聞之朝權知德州提點開封府界內縣鎮鑿路湖南刑獄儂蠻暴嶺外肅之親扞諸境會蔣偕失利亟率兵往躡于臨賀賊引去狄青孫沔交薦之徙湖北轉運使辰陽彭士義叛討平之神宗即位諒祚寇大順城肅之入奏帝訪以西夏事奏對稱旨以為右諫議大夫知慶州徙瀛州大雨地震官舍民廬推陷肅之出入泥潦中結草困以儲庾粟之暴露者為麥舍以居民啟厲振給嚴儆盜竊一以軍法從事遷天章閣待制知開封府出知定州累遷樞密都承旨加龍圖閣直學士知鄆州卒年八十二肅之內行修飭母喪廬墓三年不入城郭季弟承之生而孤鞠育誨道至子成人遂相繼為侍從帝稱其一門忠孝云

承之字奉世性嚴重從兄東之將仕以官辭不受中進士第調明州司法參軍郡守任情愷法人莫敢忤承之獨力爭之守怒曰曹掾敢如是耶承之曰事始至公自為之則已既下有司則當循三尺之法守憚其言嘗建免役議王安石見而稱之熙寧初以為條例司檢詳文字得召見神宗語執政曰承之言制置司事甚詳非他人所及也改京官他日謂之曰朕即位以來不輕與人改秩今以命汝異恩也檢正中書刑房察訪淮浙常平農田水利差役事還奏役書二十篇加集賢檢校又察訪陝西時郡縣昧于奉法斂羨餘過制承之悉裁正其

數遷集賢殿修撰權寶文閣待制為同羣牧使糾察在京刑獄兼樞密都承旨出知延州入樞三司使蔡確治相州獄多引朝士皆望風自折服承之言其險詖帝意悟趣使詰竟遷龍圖閣直學士懇辭乞授兄肅之曰臣少鞠于兄且兄為待制十年矣帝曰卿兄弟孝友足厲風俗肅之亦當遷也即並命焉商人犯禁貨北珠乃為公主售三司久不敢決承之曰朝廷法令畏王姬乎亟索之帝聞之曰有司當如此矣進樞密直學士坐補吏不當降待制知汝州未幾為陝西都轉運使召拜給事中吏戶二部侍郎復以樞密直學士知青州歷應天府河陽陳鄆揚州而卒

及之字公達亦迪弟之子由蔭登第通判安肅軍康定中夏人犯邊契丹復發兵並塞疆候戒嚴及之言契丹以與夏人甥舅之故特此慰其心且姑張虛勢以疑我必不失誓好願毋過虞已而果然從通判河南府亡卒張海倚山嘯聚及之單騎與語論使歸命富奏貸其死海感動弛備奏方上而眾兵集悉獲之知信州入判刑部嘗撰次唐史有益治體者為君臣龜鑑王堯臣上其書并表其學行韓琦亦以館職薦之召試除直祕閣歷開封府判官知涇晉陝三州及之吏事精明所居官皆稱職以大中大夫致仕再轉正議大夫卒年八十五子孝壽開封府戶曹參軍積官龍圖閣學士孝稱以蔭登朝官工部尚書

孝基字伯始進士高第唱名至堦下仁宗顧侍臣此李迪孫邪能世其家可尚也晏殊富弼薦其材任館閣欲一見之孝基曰名器可私謁邪竟不往知汝陰雍邱縣通判閬州舒州知隨州所治雖劇然事來亟斷不為證

左回枉甫日中庭已空矣或問其術曰無他省事耳閩中江水蔚城幾沒郡吏多引避孝其率其下決水歸旁谷城賴以全舒吏受賂鬻獄以殺人罪加平民孝基劾治三日得其情迺抵吏罪以親須養求監崇福宮判西京國子監凡就開十年累官光祿卿與父東之同謝事纔年五十大夫美之以比二疏孝基爲人冲澹善養後十一年無疾卒按宋史此下有及之子孝壽孝稱二善蹟足錄傳俱附附權家孝壽九變忍苛虐無

王曾字孝先青州益都人少孤按宋祁撰曾墓誌云八歲喪二喪鞠於仲父宗元從學於里人張震善爲文辭咸平中由鄉貢試禮部廷對皆第一楊億見其賦歎曰王佐器也以將作監丞通判濟州代還當召試學士院宰相寇準奇之特試政事堂授秘書省著作郎直史館三司戶部判官景德初始通和契丹歲遣使致書稱南朝以契丹爲北朝曾曰從其國號足矣業已遣使弗果易遷右正言知制誥兼史館修撰時瑞應香至曾入對奏曰此誠國家承平所致然願推而弗居異日或有災沴庶免輿議及帝既受符命大建玉清昭應宮曾陳五害以諫舊用郎中官判大理寺帝欲重之特命曾且謂曾曰獄重典也今以屈卿曾頓首謝因請自辟僚屬著爲令遷翰林學士帝嘗晚坐承明殿召對久之既退使內侍諭曰嚮思卿甚故不及朝服見卿卿勿以爲慢其見尊禮如此知審刑院舊違制無故失率坐徒二年曾請須親被旨乃坐既而有犯者曾乃以失論帝曰如卿言是無復有違制者曾曰天下至廣豈人人盡曉制書如陛下言亦無復有失者帝悟卒從曾議再遷尚書主客郎中知審官院通進銀臺司句管三班院遂以右諫議大夫

作左諫議大夫參知政事時宮觀皆以輔臣爲使王欽若方挾符瑞傳會帝意及陰欲排異己者曾當使會靈因以推欽若帝始疑曾自異及欽若相會曾市賀皇后家舊第其家未徙去曾令人昇土置門外賀氏詎禁中明日帝以語欽若乃罷曾爲尚書禮部侍郎判都省出知應天府天禧中民間訛言有妖起若飛帽夜搏人自京師以南人皆恐曾令夜開里門取倡言者即捕之卒無妖徙天雄軍復參知政事遷吏部侍郎兼太子賓客眞宗不豫皇后居中預政太子雖聽事善養堂然事皆決于后錢惟演后戚也密語惟演曰太子幼非宮中不能立加恩太子則太子安太子安所以安劉氏也惟演以爲然因以白后按東都事略及宋名臣言行錄載眞宗不豫時有議請到后稱制者曾語惟演曰太子天下屬望今欲稱制以疑百姓獨帝崩曾奉命入殿不見天后之事乎與宋史本傳異帝崩曾奉命入殿廬草遺詔以明肅皇后輔立皇太子權聽斷軍國大事丁謂入去權字曾曰皇帝冲年太后臨朝斯已國家否運稱權猶足示後且增減制書有法表則之地先欲亂之邪遂不敢去仁宗即位遷禮部尚書羣臣議太后臨朝儀曾請如東漢故事太后坐帝右垂簾奏事丁謂獨欲帝朔望見羣臣大事則太后召對輔臣決之非大事令人內押排雷允恭傳奏禁中盡可以下曾曰兩宮異處而柄歸宦官禍端兆矣謂不聽既而允恭坐誅謂亦得罪自是兩宮垂簾輔臣奏事如曾議謂初敗任中正言謂被先帝願託雖有罪請如律議功曾曰謂以不忠得罪宗廟尚何議邪時眞宗初崩內外洶洶曾正色獨立朝廷倚以爲重拜中書侍郎兼本官同中書門下平章事集賢殿大學士會靈觀使王欽若卒曾以門下侍郎兼戶部尚書爲昭文館大學士監修國史玉清昭應

宮使曾以帝初即位宜近師儒卽召孫奭馮元勸講崇政殿天聖四年夏大雨傳言汴口決水且大至都人恐欲東奔帝問曾曾曰河決奏未至第民間妖言爾不足慮也已而果然陝西轉運使置諸務以推其利且請推其法天下曾請罷之曾方嚴持重每進諫言利害事審而中理多所薦拔尤惡僥倖帝問曾曰比臣僚請對多求進者曾對曰惟陛下抑奔競而崇恬靜庶幾有難進易退之人矣曹利用惡曾班已上嘗怏怏不悅語在利用傳及利用坐事太后大怒曾爲之解太后曰卿嘗言利用強橫今何解也曾曰利用素恃恩臣故常以理折之今加以大惡則非臣所知也太后意少釋卒從輕議始太后受冊將御大安殿曾執以爲不可及長宣節上壽止供張便殿太后左右姻家稍通進謁曾多所裁抑太后滋不悅會玉清昭應宮災乃出知青州按宋史宰相表作出知以彰信軍節度使復知天雄軍契丹使者往還斂車徒而後過無敢譁者人樂其政爲畫像而生祠之改天平軍節度使同中書門下平章事判河南府景祐元年爲樞密使明年拜右僕射兼門下侍郎平章事集賢殿大學士封沂國公曾進退士人莫有知者范仲淹嘗問曾曰明揚士類宰相之任也公之盛德獨少此耳曾曰夫執政者思欲歸己怨使誰歸仲淹服其言初呂夷簡參知政事曾謹甚曾力薦爲相及夷簡位曾上任事久多所專決曾不能堪議論間有異同遂求罷仁宗疑以問曾曰卿亦有所不足邪時外傳知秦州王繼明納賂夷簡曾因及之帝以問夷簡曾與夷簡交論帝前曾言亦有過者遂與夷簡俱罷以左僕射資政殿大學士判鄆州寶元元年冬大星晨墜其寢左右驚告曾曰

後一月當知之如期而卒年六十一贈侍中諡文正曾
資質端厚在朝廷進止皆有常處平居寡言笑人莫敢
干以私平生自奉甚儉皇祐中仁宗為冢其碑曰旌賢
之碑後又改其碑曰旌賢卿大臣賜碑冢自曾始仁宗
既祔廟詔擇將相配享以曾為第一曾無子養子曰粹
按墓誌載曾有子四人細務編緝綉俱光祿寺丞竊
將作監丞將天以子幼取母弟弟字融之子粹以嗣
又富弼撰行狀亦云有子四人與墓誌同惟云以子
幼取從兄子大理寺丞祚閣校理為子與未史本傳
異又以弟子融之子粹為後尚書兵部郎中祕閣校理
致仕卒按宋史此下有曾弟子融附傳子融本名融字
應詳藝文略今從刪

張知白字用晦滄州清池人幼篤學中進士第累遷河
陽節度判官咸平中疏言要務真宗異之召試舍人院
擢右正言出知劍州召置中書加直史館判三司開拆
司江南旱與李昉分路安撫及還權管句京東轉運使
事周伯星見司天以瑞奏羣臣稱賀知白以為人君當
修德應天星之見伏無所繫因陳治道之要帝謂宰臣
曰知白可謂乃心朝廷矣陝西饑命按巡之尋知鄧州
會關內流備至境知白既發倉廩又募民出粟以濟擢
龍圖閣待制知審官院再遷尚書工部郎中知白以朝
廷制官重內輕外引唐李嶠議遷臺間典藩郡乃自請
補外不許遂命糾察在京刑獄固請知青州還京師求
領國子監帝曰知白豈倦于處劇邪宰相言知白踐中
外未嘗為身謀乃遷右諫議大夫權御史中丞拜給事
中參知政事遷尚書工部侍郎時王欽若為相知白論
議多不合因稱疾辭位罷為刑部侍郎翰林侍讀學士
知大名府及欽若分司南京宰相丁謂素惡欽若徙知
白南京留守意其報怨既至待欽若加厚謂怒徙亳州

遷兵部仁宗即位進尚書右丞為樞密副使以工部尚
書同中書門下平章事會靈觀使集賢殿大學士時進
士唱第賜中庸篇中書上其本乃命知白進讀至修身
治家之道必反覆陳之知白在相位慎名器無毫髮私
常以盛滿為戒雖顯貴其清約如寒士天聖六年卒贈
太傅中書令禮官謝絳議諡文節御史王嘉言知白守
道徇公當官不撓可謂正矣諡文正王曾曰文節美諡
矣遂不改知白九歲其父終邢州殯于佛寺及契丹侵
河北寺宇多頽廢殯不可辨知白既登第徒行訪之得
佛寺殿基恍然識其處既發其衣衾皆可驗眾歎其誠
孝無子以兄子子思為後仕至尚書工部侍郎致仕

杜衍字世昌越州山陰人父遂良仕至尚書度支員外
郎衍幼孤苦志厲操尤篤于學擢進士甲科補揚州觀
察推官改祕書省著作佐郎知平遙縣通判晉州詔舉
良吏擢知乾州陳堯咨安撫陝西以衍賢徙權知鳳翔
及罷歸二州民邀留境上以太常博士提點河東路刑
獄遷尚書禮部員外郎按行潞州折免獄知州王曙為
作辨獄記高繼昇知石州人告繼昇連蕃族謀變逮捕
繫治久不決衍辨其誣抵告者罪寧化軍守將鞠人死
罪不以實衍覆正之守將不伏訴之詔為置獄果不當
死有司奏衍辨獄法當賞遷刑部章獻太后遣使安撫
淮南使還未及他語問杜衍安否使者以治狀對太后
歎曰吾知之久矣徙河東轉運副使陝西轉運使召為
三司戶部副使擢天章閣待制知江陵府未行會河北
乏軍費選為都轉運使遷工部郎中不增賦於民而用
足還為樞密直學士求補外以右諫議大夫知天雄軍
始衍為治謹密不以威刑督吏然吏民亦憚其清整仁

宗特召為御史中丞奏言中書樞密古之三事大臣所
謂坐而論道者也止隻日對殿前何以盡天下事宜迭
召見賜坐便殿以極獻替可否又議常平法曰歲有豐
凶穀有貴賤官以法平之則農有餘利今豪商大賈乘
時賤收水旱則積伏不出冀其翔踊以圖厚利而困吾
民請量州郡遠近戶口畝寡嚴賞罰課責官吏出納無
壅增損有宜公糴未充則禁爭糴以規利者糴畢而儲
之則察其以供軍為名而假借者州郡闕母錢出官幣
助之否則勸課之官家至日見亦奚益於事哉兼判吏
部流內銓選補科格繁冗主判不能悉閱吏多受賕出
縮為姦衍既視事即敕吏函銓法力閱視具得本末曲
折明日令諸吏無得升堂各坐曹聽行文書銓事悉自
子奪由是吏不能為姦利改知審官院其裁制如判銓
時遷尚書工部侍郎知永興軍按歐陽修撰衍墓誌作
與宋史徙并州寶元二年遷刑部侍郎復知永興軍時
本傳異

方用兵民苦調發吏因緣為姦衍區處計畫量道里遠
近寬其期會使民得次第輸官比他州費省錢過半召
還權知開封府康定元年拜同知樞密院事改樞密副
使陝西兵久不解詔夏竦議攻守計疎列攻守二策以
上宰相欲用出師衍曰僥倖成功非萬全計爭議久之
不能得求罷不許按宋史本傳止載云夏竦上攻守二
策不著西夏用兵之事今據墓誌增
輒賜手詔敦勉為河東宣撫使慶曆三年拜吏部侍郎
樞密使每內降恩寢格不行積詔旨至十數輒納帝
前諫官歐陽修入對帝曰外人知杜衍封還內降邪凡
有求于朕每以衍不可告之而止者多于所封還也契
丹與元昊爭銀甕戰黃河外參知政事范仲淹宣撫河
東欲以兵自從衍曰二國方交關勢必不來我兵不可

列傳

宋四十一

晏殊

龐籍

王隨

章得象

呂夷簡

公孫

張士遜

曾公亮

孝寬

陳升之

吳充

王珪

晏殊字同叔撫州臨川人七歲能屬文景德初張知白安撫江南以神童薦帝詔殊與進士千餘人並試廷中殊援筆立成帝嘉賞賜同進士出身宰相寇準曰殊江外人帝顧曰張九齡非江外人邪後二日復試詩賦論殊奏臣嘗私習此賦請試他題帝愛其不欺擢祕書省正字祕閣讀書命直史館召試中書遷太常寺奉禮郎為集賢校理再遷太常寺丞擢左正言直史館為昇王府記室參軍仁宗為皇太子遷尚書戶部員外郎為太子舍人尋知制誥判集賢院為翰林學士遷左庶子帝每訪殊以事率用方寸小紙細書已答奏輒封上帝重其慎密仁宗即位章獻明肅太后奉遺詔權聽政宰相丁謂樞密使曹利用各欲獨見奏事無敢決其議者殊建言羣臣奏事太后垂簾聽之皆毋得見議遂定遷右議大夫兼侍讀學士太后謂東宮舊臣恩不稱加給事中預修真宗實錄進禮部侍郎拜樞密副使疏論張者不可為樞密使忤太后旨坐徙幸玉清昭應宮從者持笏後至殊怒以笏撞之折齒御史彈奏罷知宣州按東都事略殊以笏擊張者折其齒非從者也長編所載與宋史本傳同諫官曹修古劾其忿蹕無大臣之改應天府延范仲淹以教生徒自五代以來天下興學自殊始召拜御史中丞改資政殿學士兼諭

林侍讀學士兵部侍郎兼祕書監為三司使復為樞密副使未拜改參知政事加尚書左丞太后崩太后廟有請服袞冕者太后以問殊以周官后服對太后崩以禮部尚書罷知亳州徙陳州遷刑部尚書以本官兼御史中丞復為三司使陝西方用兵殊請罷內臣監兵不以陣圖授諸將使得應敵為攻守及募弓箭手教之以備戰鬪又請出宮中物助邊費凡他司之領財利者皆罷還度支悉為施行康定初知樞密院事遂為樞密使進同中書門下平章事慶曆中拜集賢殿學士同平章事兼樞密使殊平居好賢當世知名之士如范仲淹孔道輔皆出其門及為相益務進賢材仲淹與韓琦富弼皆進用至於臺閣多一時之賢帝亦奮然有意欲因羣材以更改治而小人權倖皆不便殊出歐陽修為河北都轉運使諫官奏留不許孫甫蔡襄上言宸妃生聖躬為天下主殊嘗被詔誌宸妃墓而不言又奏論殊役官兵治餼舍以規利坐是降工部尚書知潁州然殊以章獻太后方臨朝政誌不敢斥言而所役兵乃輔臣例宜借者時以謂非殊罪徙陳州又徙許州稍復禮部刑部尚書遷戶部以觀文殿大學士知永興軍徙河南府遷兵部封臨淄公疾請歸京師訪醫藥既平復求出守特留侍經筵詔五日一與起居儀從如宰相論年病劇帝將往視殊馳奏曰臣老疾行愈矣不足為陛下憂也已而卒年六十三帝雖臨奠以未視疾為恨贈司空兼侍中諡元獻篆其碑首曰舊學之碑殊性剛簡奉養清儉異州州吏民頗畏其相怒善知人富弼楊察皆其婿也殊為宰相兼樞密使而弼為副使辭所兼詔不許其信遇如此文章瞻麗應用不窮尤工詩閒雅有情思晚歲篤學

不倦子知止為朝請大夫承神道碑載殊子八人居厚道傳正無知止之名

龐籍字醇之單州成武人按宋史地理志單州有武縣及進士第為黃州司理參軍調開封府兵曹參軍遷大理寺丞累擢殿中侍御史章獻太后崩遺詔章惠太后護軍國事籍請下閣門取垂簾儀制盡燬之又奏陛下躬親萬幾用人宜辨邪正防朋黨權進近列願採公論毋令出於執政孔道輔謂人曰言事官多觀望宰相意獨龐醇之天子御史也為開封府判官尚美人遣內侍稱教旨免工人市租籍言祖宗以來未有美人稱教旨下府者仁宗為杖內侍詔有司自今宮中傳命毋得輒受數劾范諷罪諷善李迪皆寢不報反坐籍言官禁事不得實以祠部員外郎罷為廣南東路轉運使又言范諷事有不盡如奏諷坐貶籍亦降太常博士知臨江軍尋復官徙福建轉運使景祐三年為侍御史改刑部員外郎知雜事判大理寺進天章閣待制元昊反為陝西體量安撫使坐令開府府吏馮士元市女口降知汝州徙同州就除陝西都轉運使文彥博鞠黃德和獄未上詔籍同案籍言曰德和退怯當誅劉平力戰而沒宜加恤其子孫又建言頻歲災異天久不雨凡乘輿所費宮中所用宜加裁抑修德弭災今宿兵西鄙將士力戰弗獲功賞而內官醫官樂官無功勞享豐賜天下指目謂之三官願少裁損專勵戰功進龍圖閣直學士知延州俄兼鄜延都總管經略安撫緣邊招討使明年改延州觀察使力辭換左議大夫自元昊陷金明承平塞門安遠栲栳砦破五龍川邊民焚掠殆盡籍至稍葺治之戍兵十萬無壁壘皆散處城中畏籍莫敢犯法金明

西北有渾州川土沃衍川尾曰橋子谷寇出人之隘道使部將狄青將萬餘人築招安砦於谷旁募民耕種收粟以贖軍悉復所亡地築十一城及開亂名平戎道通永和烏仁關東西陣法為方陣頗損益兵械元昊遣李文貴齎雅爾旺榮書來送款籍曰此許也乃屯兵青澗城後數月果大寇定川籍召文貴開諭之遣去既而元昊又以旺榮書來會帝厭兵因招懷之遣籍報書使呼旺榮為太尉籍曰太尉三公非陪臣所得稱使旺榮當之則元昊不得臣矣今其書自稱寧凌或默寧凌皆其官名也於義無嫌朝廷從之會敵新破涇原城岩方議修復使者往返踰年元昊又遣賈從勗來改名曰曩霄稱男不稱臣籍不敢聞從勗曰子事父猶臣事君也若得至京師天子不許更歸議之籍送使者闕下因陳便宜言羌久不通和中國人忿忽今辭理寔順必有改事中國之心請遣使者申諭之朝廷卒用其策元昊既臣召籍為樞密副使籍言自陝西用兵公私俱困請并省官屬退近塞之兵就食內地從之於是頗省邊費八年改參知政事明年以工部侍郎為樞密使遷戶部皇祐三年拜同中書門下平章事昭文館大學士監修國史籍初入相且獨員而遽為昭文館大學士出殊拜也儂智高反師數不利遣狄青為宣撫使諫官韓絳謂武人不宜專任帝以問籍籍曰青起行伍若以文臣副之則號令不專不如不遣詔嶺南諸軍皆受青節度既而捷書至帝喜曰青破賊卿之力也遂欲以青為樞密使同平章事籍力爭之不聽齊州學究皇甫淵以捕賊功上書求用道士趙清眠與籍弟家親給為淵白籍適與堂吏共受淵賂小吏訴之下問封府捕清眠配遼州

道死韓絳言籍陰諷府杖殺清眠以滅口覆之無狀言不已乃罷知鄆州居數月加觀文殿大學士拜昭德軍節度使知永興軍改并州仁宗不豫籍密疏請擇宗室之賢者為皇子其言甚切坐擅聽麟州築堡白草平而州將武藝等為夏人所敗復為觀文殿大學士戶部侍郎知青州遷尚書左丞不拜徙定州召還京師上章告老尋以太子太保致仕封穎國公卒年七十六贈司空加侍中諡莊敏籍曉律令長於吏事持法深峭軍中有犯或斷斬剝或累笞至死以故士卒畏服治民頗有惠愛及為相聲望減於治郡時子元英朝散大夫孫恭孫字德孺以蔭補通判施州崇寧中節度向文疆叛詔轉運使王遂領州事致討恭孫說降文疆而斬之遂上其功進三秩知涪州遂以開邊為己任誘珍州駱文貴承州駱世華納土費不貴轉運判官朱師古劾恭孫生事詔黜師古而以恭孫代於是濠橋溪思費等州相繼降每開一城輒褒遷五年開至徽猷閣待制威州守乞通保霸二州進恭孫直學士知成都府委以招納未幾其首董舜咨董彥博來納土詔更名保州為祺州霸州為亨州使恭孫進築之言者論其貪縱謫保靜軍節度副使踰月起知陳州復待制帥瀘州又以築思州進學士前後在西南二十年所得州縣多張名簿實瘠鹵不毛地繕治轉餉為蜀人病未幾皆廢宣和中卒王隨字子正河南人按東都事略及通鑑作河陽人隆平集作河南與宋史本傳同登進士甲科為將作監丞通判同州遷祕書省著作郎直史館出為京西轉運副使陸辭言父母家洛中乃在所部真宗因賜詩寵行以羊酒束帛令過家為壽遷淮南

轉運使歲饑隨救屬部出庫錢貸民市種糧歲中約輸絹以償流民多復業徙河東三遷刑部員外郎兼侍御史知雜事擢知制誥以不善制辭出知應天府隨治南京太寬改知揚州再加右諫議大夫權知開封府仁宗為太子拜右庶子仍領府事周懷政誅隨自陳嘗假懷政白金奪知制誥改給事中知杭州乾興初復降祕書少監徙通州以州少學者徙孔子廟起學舍命州人子弟就學母喪起復光祿卿知潤州徙江寧府歲大饑轉運使移府發常平倉米計口日給一升隨置不聽曰民所以饑者由兼并閉糴以邀高價也乃大出官粟平其價復給事中為龍圖閣直學士知秦州秦卒有負罪逃入蕃部者蕃人輒奴畜之小不如意復執出求賞前此坐法多死隨下教能自歸者免死聽復隸軍籍由是多來歸者又請增蕃落卒給廢廢馬地募民耕種坐事徙河南府入為御史中丞遷尚書禮部侍郎翰林侍讀學士明道中為江淮安撫使還拜戶部侍郎參知政事景祐中加吏部侍郎知樞密院事遂拜門下侍郎同中書門下平章事昭文館大學士監修國史自薛居正後故事初相無越遷門下侍郎者學士丁度之失也為相一年無所建明與陳堯佐韓億石中立同執政數爭事會災異屢發諫官韓琦言之隨以彰信軍節度使同中書門下平章事判河陽卒年六十七贈中書令諡章惠後改文惠隨外若方嚴而治失於寬晚更下急慕裴休之為人然風跡弗逮也章得象字希言世居泉州高祖仔鈞事閩為建州刺史遂家浦城得象母方娠夢登山遇神人授以玉象及生父奐復夢庭積象笏因名得象好學莊重進士及第為

大理評事知玉山縣遷本寺丞真宗將東封泰山以殿中丞簽書亮州觀察判官事知台州歷南雄州徙洪州楊億以爲有公輔器薦之或問之億曰聞士輕狹而章公深厚有容此其貴也未幾召試爲直史館安撫京東權三司度支判官累遷尙書刑部郎中使契丹遂以兵部郎中知制誥踰年爲翰林學士遷右諫議大夫進承旨兼侍講學士景祐三年擢同知樞密院事寶元元年以戶部侍郎同中書門下平章事集賢殿大學士帝謂得象日向者太后臨朝羣臣邪正朕皆默識之卿清忠無所附且未嘗有所干請今日用卿職此也陝西用兵加中書侍郎兼工部尙書兼樞密使辭所加官明年拜工部尙書爲昭文館大學士監修國史慶歷五年拜鎮安軍節度使同平章事判陳州按宋史宰輔表及東都陳州由陳州徙判河南本傳不載判陳州封郟國公徙下徙判河南府向無自矣今據宰輔表補判郟國公徙判河南府以疾引年守司空致仕卒年七十一故事致仕官乘輿不臨奠帝特往焉贈太尉兼侍中諡文憲皇祐中知制誥王洙言得象諡同周公改諡文簡得象在翰林十二年章獻太后臨朝宦官方熾太后每遣內侍至翰林院得象必正色待之或不交一言在中書凡八年宗黨親戚抑而不進仁宗銳意天下事進用韓琦范仲淹富弼使同得象經畫當世急務得象無所建明御史孫抗數言之得象居位自若既而章十上請罷帝不得已許之

呂夷簡字坦夫先世萊州人祖龜祥知壽州子孫遂爲壽州人夷簡進士及第補絳州軍事推官稍遷大理寺丞通判通州徙濠州再遷太常博士河北水邊知濱州代還奏農器有算非所以勸力本也遂詔天下農器皆勿算擢提點兩浙刑獄遷尙書祠部員外郎時京師大建宮殿伐材木于南方有司責期會工徒至有死者誣以亡命收繫妻子夷簡請緩其役從之又言盛冬挽運艱苦須河流漸通以卒番送真宗曰觀卿奏有爲國愛民之心矣擢刑部員外郎兼侍御史知雜事蜀賊李順叛執送關下左右稱贊旣而屬御史臺按之非是賀者趣具順獄夷簡曰是可欺朝廷邪卒以實奏按夢溪筆談云蜀中破賊李順收復兩川書功行賞了無聞言至景祐中有人告李順尙在廣州巡檢使臣陳文遠捕得之乃真李順也年已七十餘驗明白因起關覆按皆實朝廷以平蜀將士功賞已行不欲暴其事但斷順賞文遠二順款案本木甚詳順本泉州人康定中老歸泉州家有李反于蜀中不能撫其徒眾乃共推順爲主順初起悉召鄉里富人大姓合其家所有財粟據其生齒足用之外一切調發大賑貧乏錄用才能無良善者數萬人所至一無所犯時兩蜀大饑旬日之間歸之者數萬人所向縣門延納傳教所至無復完壘及賊人尙懷之故順脫去三十餘年乃始就戮按小傳宋史作小波忤大臣意歲蝗旱夷簡請責躬修政嚴飭輔相思所以共順天意及奏彈李溥專利罔上寇準判承典黥有罪者徙湖南道由京師上準變事夷簡曰準治下急是欲中傷準爾宜勿問益徙之遠方從之趙安仁爲御史中丞夷簡以親嫌改起居舍人擢知制誥兩川饑爲安撫使進龍圖閣直學士再遷刑部郎中權知開封府治嚴有聲帝識姓名于屏風將大用之仁宗卽位進右諫議大夫雷允恭擅徙永定陵地夷簡與魯宗道驗治允恭誅以給事中參知政事因請以祥符天書內之方中按東都事略作納之陵中官司儀衛悉行罷廢真宗耐廟太后欲具平生服玩如宮中以銀罩覆神主夷簡言此未足以報先帝今天下之政在兩宮惟太后遠慕邪獎忠直輔成聖德所以報先帝者宜莫若此也故事郊祠畢輔臣遷官夷簡與同列皆辭之按宋

春明退朝錄云自建隆至天禧朝廷大禮二府必遇宗仁宗天聖二年南郊自夷簡懇請乃止考長編載真宗咸平初年孫何建議已嘗遷尙書禮部侍郎修國史天聖七年進戶部拜同中書門下平章事集賢殿大學士景靈宮使王清昭應宮災太后泣謂大臣曰先帝尊道奉天而爲此今何以稱遣旨哉夷簡恐將復營構也乃推洪範災異以諫太后默然因奏罷二府兼宮觀使進吏部拜昭文館大學士監修國史史成辭進官天聖末加中書侍郎章懿太后爲順容堯宮中未治喪夷簡朝奏事因曰聞有宮嬪亡者太后矍然曰宰相亦預宮中事邪引帝偕起有頃獨出曰卿何問我母子也夷簡曰太后他日不欲全劉氏乎太后意稍解有司希太后旨言歲月葬未利夷簡請衰成服備儀仗葬之大內火百官晨朝而宮門不闢輔臣請對帝御拱辰門百官拜樓下夷簡獨不拜帝使人問其故曰宮庭有變羣臣願一望清光帝舉簾見之乃拜進尙書右僕射兼門下侍郎辭僕射乃兼吏部尙書初荆王子養禁中旣長夷簡請出之太后欲留使從帝誦讀夷簡曰上富春秋所親非儒學之臣恐無益聖德卽日命還邸中太后崩帝始親政事夷簡手疏陳八事曰正朝綱塞邪程禁貨賂辨佞壬絕文謁疏近習罷力役節允費其勸帝語甚切帝始與夷簡謀以張者夏竦皆太后所任用者也悉罷之退告郭皇后曰夷簡獨不附太后邪但多機巧善應變耳由是夷簡亦罷爲武勝軍節度使檢校太傅同中書門下平章事判陳州及宣制夷簡方押班聞唱名大駭不知其故而夷簡素厚內侍副都知閻文應因使爲中調久之乃知事由皇后也歲中而夷簡復相初劉渙上疏請太后還政太后怒使投嶺外屬太后疾革夷簡

請留之至是漢以前疏自言帝權漢右正言願謂夷簡
 向者樞密院亟欲授漢賴卿以免夷簡謝因曰漢由疏
 外故敢言大臣或及此則太后必疑風旨自陛下使子
 母不相安矣帝以夷簡為忠郭后以怒尚美人批其頰
 誤傷帝頸帝以爪痕示執政大臣夷簡以前罷相故遂
 主廢后議伏讀通鑑輯覽 御批夷簡本非正人但廢后一事不得歸罪於彼以為修報復也試問后而批及帝為無罪即使無其事夷簡仁宗疑簡用計傾之則不容誅矣其詳見於廢后傳仁宗疑之夷簡曰光武漢之明主也郭后止以怨讎坐廢况傷陛下頸乎夷簡將廢后先敕有司無得受臺諫章奏於是御史中丞孔道輔右司諫范仲淹率臺諫詣閣門請對有旨令臺諫詣中書夷簡乃貶出道輔等后遂廢宗室子益眾為置太宗正糾率增教授員加右僕射封申國公王曾與夷簡數爭事不平曾斥夷簡納賂市恩夷簡乞置對帝問曾語屈於是二人皆罷夷簡以鎮安軍節度使同平章事判許州徙天雄軍未幾以右僕射復入相逾年進位司空辭不拜徙許國公時方飭兵備以判樞密院事而諫官田況言總判名太重改兼樞密使契丹聚兵幽薊聲言將入侵議者請城洛陽夷簡謂契丹畏壯侮性速城洛陽亡以示威景德之役非乘輿濟河則契丹未易服也宜建都大名示將親征以伐其謀或曰此虛聲爾不若修洛陽夷簡曰此子囊城郢計也使契丹得渡河雖高城深池何可恃耶乃建北京未幾感風眩詔拜司空平章軍國重事疾稍閒命數日一至中書裁決可否夷簡方辭復降手詔曰古謂疑可療疾今朝以賜卿三年春帝御延和殿召見較乘馬至殿門命內侍取兀子與以前夷簡引避久之詔給扶毋拜乃授司徒監修國史軍國大事與中書樞密同議固請

老以太尉致仕朝朔望既卒帝見羣臣涕下曰安得憂國忘身如夷簡者贈太師中書令諡文靖白仁宗初立太后臨朝十餘年天下晏然夷簡之力為多其後元昊反四方久不用兵師出數敗契丹乘之遣使求關南地頗賴夷簡計畫選一時名臣報使契丹經略西夏二邊以寧遠建募萬勝軍雜市井小人浮脆不任戰鬪用宗室補環衛官驟增奉賜又加遺契丹歲納金二十萬當時不深計之其後費大而不可止郭后廢孔道輔等伏閣進諫而夷簡謂伏閣非太平事且逐道輔其後范仲淹屢言事獻百官圖論遷除之敝夷簡指為狂肆斥于外時論以此少之夷簡當國柄最久雖數為言者所詆帝眷倚不衰然所斥士旋復收用亦不終廢其於天下事屈伸舒卷動有操術後配食仁宗廟為世名相始王旦奇夷簡謂王曾曰君其善交之卒與曾並相後曾家請御篆墓碑帝因慘然思夷簡書懷忠之碑四字以賜之子公綽公弼公著公孺公著自有傳

公綽字仲祐按王珪撰公綽墓誌及東都事略但作字仲裕蔭補將作監承知陳留縣天聖中為館閣對讀召試直集賢院辭改校理遷太子中允夷簡罷相復為直集賢院同管句國子監出知鄭州嘗問民疾苦父老曰官籍民產第賦役重輕至不敢多畜牛田疇久蕪穢公綽為奏之自是牛不入籍還判吏部南曹遷太常博士同判太常寺糾察在京刑獄虎翼卒劉慶告變下吏案驗乃慶始謀眾不從慶反誣眾以邀賞因言京師衛兵百萬不痛懲之則眾心搖遂斬慶以徇遷尚書工部員外郎為史館修撰時夷簡難謝事猶領國史公綽辭修撰夷簡卒還兵部員外郎復為修撰服除復同判太常寺兼提舉修器公綽

以郊廟祭器未定制度多違禮請悉更造採月令諸書以四時新物及所當薦者配合為圖又集郊祀總儀上之又言天地宗廟日月五方百神之祀咸有尊壘五齊三酒分實其中加明水明酒以達陰陽之氣今有司徒設尊壘而酌用一尊非禮神之意宜按周禮實齊酒取水於日取水於月因天地之潔氣又言祖宗配郊當正位今側鄉之非所以示尊嚴也初諡諸后皆繫祖宗諡而真宗五后獨曰莊公綽曰婦人從夫之諡真宗諡章聖而后曰莊非禮也願更為章感知制誥龍圖閣直學士知承興軍徒秦州安遠峇古渭州諸羌來獻地公綽顧其屬曰天下之大豈利區落尺寸地以為廣邪卻之弓箭手馬多闕公綽論諸砦戶為三等凡十丁為社至秋成募出金帛市馬馬少則先後給之祀明堂遷刑部郎中召為龍圖閣學士權知開封府歲餘進翰林侍讀學士知審刑院兼判太常寺初公綽在開封府宰相龐籍外屬道士趙清貺受賂杖脊道死御史以公綽受籍旨左遷龍圖閣學士知徐州方杖清貺時實非公綽所臨頌之公綽亦自辨復侍讀學士徙河陽留侍經筵時久不雨帝顧問何以致雨曰獄久不決即有冤者故多旱帝親慮囚已而大雨遷右司郎中未拜卒贈左諫議大夫公綽通敏有才父知政時多涉干請喜名好進者趨之管瀆洩除拜以市恩時人比之竇甲

公弼字寶臣以父任為將作監主簿賜進士出身積遷直史館河北轉運使自寶元慶歷以來宿師備邊既西北撤警而將屯如故民疲餽餉公弼始通河漕粟實塞下冶鐵以助經費移近邊屯兵就食京東增城卒給板築獨允賦及民通數百萬夷簡之亡也仁宗思之問

知公弼名識于殿柱至是益材其為擢都轉運使加龍
圖閣直學士知瀛州入權開封府督奏事退帝目送之
謂宰相曰公弼甚似其父改同羣牧使以樞密直學士
知渭延二州徙成都府其治尙寬人疑少威斷營卒犯
法當杖并不受曰靈以劔死公弼曰杖者國法劔汝自
請杖而後斬之軍府肅然英宗罷三司蔡襄召公弼代
之初公弼在羣牧時帝居藩得賜馬頗劣欲易不可至
是帝謂曰卿曩歲不與朕馬是時固已知卿矣蔡襄王
計訴訟不時決故多留事卿繼其後將何以處之公弼
頓首謝對曰襄勤於事未嘗有曠失恐言之者妄耳帝
以為長者拜樞密副使時言事者數與大臣異議去公
弼諫曰諫官御史為陛下耳目執政為股肱股肱耳目
必相為用然後身安而元首尊宜考言觀事視其所以
而進退之尋出營室帝憂之同列請飭邊備公弼曰尋
非小變陛下宜修德以應天戒臣恐患不在邊也神宗
立司馬光勅內侍高居簡帝未決公弼曰光與居簡不
兩立居簡內臣耳而光中執法願陛下擇其重者帝曰
然則當奈何公弼曰遷居簡一官而解其近職光當無
爭從之進樞密使議欲併環慶鄜延為一路公弼曰自
白草西抵定遠中間相去千里若合為一路猝有緩急
將何以應又欲下邊臣使議之公弼曰廟堂之上不處
決而讓邊吏可乎乃止王安石知政事嘆公弼不附己
自用其弟公著為御史中丞以備之公弼不自安立上
章避位不許陳升之建議衛兵年四十以上稍不中程
者減其牢廩徙之淮西公弼以為非人情帝曰是當退
為贍貧者今故為優暇何所害對曰臣不敢生事邀名
正恐誤國耳既使去本土又削其屬儻二十萬眾皆反

側為之奈何韓絳議復內刑公弼力陳不可帝皆為之
止安石立新法公弼數言宜務安靜又將疏論之從孫
嘉問竊其彙示安石安石先白之帝不樂遂罷為觀文
殿學士知太原府韓絳宣撫秦晉將取羅鄂特城合河
東發兵二萬趣神堂新路公弼曰虜必設伏以待我永
和關雖回遠可安行無患乃由永和既而新路援兵果
遇伏詔衰之麟州無井唯沙泉在城外欲拓城包之而
士善陷夏人每圍城人皆憂渴死公弼用其僚鄧子喬
計做古拔軸法去其沙實以未炭填土於其上板築立
遂包泉於中自是城堅不陷而州得以守俄以疾請知
鄭州王韶取熙河朝廷謀秦鳳師帝曰公弼在河東方
出師倉卒時有緩御之能宜使往乃拜宣徽南院使判
秦州帝疑其不肯行公弼聞命即治裝帝喜召之入對
慰勞而遣之既赴鎮羌董種輒封書稱救公弼弼之曰
藩臣安得妄稱救董種懼白是不復敢緩旬月復以疾
求解為西太一宮使卒年六十七贈太尉諡曰惠穆
公孺字稚卿以父任為奉禮郎賜進士出身判吏部南
曹知澤潁廬常四州提點福建河北路刑獄入為開封
府推官民鬻薪為盜所奪逐之遭傷尹包拯命盜盜公
孺曰盜而傷主法不止咎孰不從拯善其守及使三司
而公孺為判官事皆咨決之判都水監未幾改陝西轉
運使神宗得綏州遣使讓守棄之便久未決命公孺往
與鄆達議合遂存綏州常平法行公孺請以青苗免役
歸提刑司徒知渭州再徙鄆州坐失入死刑責知蔡州
元豐初帝召公孺慰之曰長安謀帥無以易卿命知永
興軍徙河陽洛口兵千人以久役思歸奮斧鐻排關不
得入西去河橋諸將請出兵掩擊公孺曰此皆亡命急

之變且生即乘馬東去遣牙兵數人迎諭之曰汝輩誠
勞苦然豈得擅還一度橋則罪不赦矣太守在此願自
首者止道左皆伫立以俟公孺案倡首者黥一人餘復
送役所語其校曰若復復者斬而後報眾帖息乃自
劾專命詔釋之知審官東院出知秦州李憲以詔出兵
欲盡駐原渭公孺不可與憲相論奏坐徙相州更陳抗
鄭瀛四州元祐初加龍圖閣直學士復以為秦州固辭
改祕書監遷刑部侍郎知開封府為政明恕募人遷備
坐設毀其角法當徙公孺請罪數十人皆以杖免原廟
亡珠繫治典吏久公孺曰主者番代不一曷嘗以珠數
相授受歲時諱曰宮嬪狎至奈何願指吏卒乎請之得
釋擢戶部尚書以病提舉醴泉觀卒年七十贈右光祿
大夫公孺廉儉與人寡合嘗護曹叡得厚餉辭不受
談者清其節焉

張士遜字順之祖裕嘗主陰城鹽院因家陰城按東都
光化軍人也唐漢事略云 富化中舉進士為郎鄉主簿遷射洪
陽王東之後 令轉運使檄移治鄴民遮馬首不得去聽還射洪改襄
陽令又知邵武縣寬厚得民前治射洪以旱禱雨白崖
山士遜立廷中須雨足乃去邵武旱禱歐陽太守廟廟
去城過一舍士遜徹蓋雨霑足始歸歷御史臺推直官
翰林學士楊億薦為監察御史貢舉初用糊名法士遜
為諸科巡捕官以進士有嫺黨請避去真宗記名于御
屏自有親嫌者皆移試著為令中書擬人充江南轉
運使帝獨用士遜再遷侍御史徙廣東又徙河北河侵
棣州詔徙州陽信義者患糧多不可遷士遜視瀕河數
州方艱食即計餘以貸貧者期來歲輸陽信公私利之
仁宗出閣帝選僚佐謂宰臣曰翊善記室府屬也王皆

受拜今王尚少宜以士遜為友令王答拜於是戶部郎中直昭文館為壽春郡王友改昇王府諮議參軍仁宗為皇太子遷右諫議大夫兼右庶子改左庶子又為賓客遷樞密直學士既而二府大臣皆領東宮官遂換太子詹事擢樞密副使遷給事中兼詹事累遷尚書左丞遂拜禮部尚書同中書門下平章事集賢殿大學士曹炳獄事起宦者羅崇勳江德明方用事因諳利用帝疑問執政士遜曰此獨不肖子為之利用大臣宜不知狀太后怒將罷士遜帝以其東宮舊臣加刑部尚書知江寧府後領定國軍節度使知許州明道初復入相進中書侍郎兼兵部尚書明年進門下侍郎昭文館大學士監修國史羣臣上章懿皇后諡册退而入慰士遜與同列過楊崇勳園飲日中不至御史中丞范諷劾之以尚書左僕射判河南府改山南東道節度使同中書門下平章事判許州徙河南府寶元初復以門下侍郎兵部尚書入相封郢國公康定初士遜言禁兵久戍邊其家在京師有不能自存者帝命內侍條指揮使以下為差等出內藏緡錢十萬賜之士遜又請遣使安撫陝西帝命遣知制誥韓琦以行於是詔樞密院自今邊事並與士遜等參議及簡輦官為禁軍輦官攜妻子遮宰相樞密院喧訴士遜方朝馬驚墜地時朝廷多事士遜亡所建明諫官韓琦論曰政事府豈養病之地邪士遜不自安累上章請老迺拜太傅封郢國公致仕御書飛白千歲字賜之士遜因建千歲堂嘗請買城南官園帝以賜士遜宰相得謝蓋自士遜始就第凡十年卒年八十六贈太師中書令諡文懿御篆其墓碑曰舊德之碑士遜生七日喪母其姑育養之既長事姑孝謹姑亡為行

服徒跌扶柩以葬追封南陽縣太君初陳堯佐罷參知政事人有挾怨告堯佐謀反復有誣諫官陰附宗室者士遜曰儉人構陷善良以搖朝廷姦偽一開俱不能自保矣帝悟抵告者以罪誣諫官事亦不下然曹利用在樞府藉寵肆威士遜居其閒無所可否時人以和鼓目之士遜嘗納女口宮中為御史楊偕所劾子友直字益之積官工部郎中知越州士遜嘗記仁宗東宮舊事而史官未之見友直纂為資善錄上之幼子友正字義祖學書積三十年不輟遂以書名神宗評其草書為本朝第一

曾公亮字明仲泉州晉江人舉進士甲科知會稽縣民田鏡湖旁每患湖溢公亮立斗門泄水入曹娥江民受其利累遷集賢校理天章閣侍講修起居注天章閣侍制知制誥兼史館修撰為翰林學士判三班院三班吏董獫非賅謝不行貴游子弟多倚勢請謁公亮撥前後章程視以從事吏不能舉手以端明殿學士知鄭州有能聲盜悉竄他境復入為翰林學士知開封府未幾擢給事中參知政事加禮部侍郎除樞密使嘉祐六年拜吏部侍郎同中書門下平章事集賢殿大學士公亮明練文法更踐久習知朝廷臺閣典憲首相韓琦每咨訪焉仁宗末年琦請建儲與公亮等共定大議契丹縱人漁界河又數通鹽舟吏不敢禁皆謂與之校且生事公亮言萌芽不禁後將奈何雄州趙滋勇而有謀可任也使諭以指意邊害訖息英宗即位加中書侍郎兼禮部尚書尋知戶部尚書神宗即位加門下侍郎兼吏部尚書拜尚書右僕射封英國公改充國公熙寧初進封魯國公二年拜左僕射加昭文館大學士監修國史以老

避位三年拜司空兼侍中河陽三城節度使集禧觀使明年起判永興軍先是慶卒叛既伏誅而餘黨越伏自陝以西皆警備閻義勇益邊兵移內地租賦人情騷然公亮一鎮以靜次第奏罷之專務裁抑尤費長安豪喜造飛語聲言營卒怨滅削謀以上元夜結外兵為亂邦人大恐或勸毋出游公亮不為動張燈縱觀與賓佐竟夕乃歸居一歲還京師旋以太保致仕元豐元年卒年八十贈太師中書令諡曰宣靖配享英宗廟庭及葬御篆其碑首曰兩朝顧命定策亞勳之碑公亮方厚莊重沈深周密平居謹繩墨蹈規矩受遺輔政有始有卒帝嘗以方張安世然性吝畜殖貨至鉅萬初薦王安石及同輔政知帝向之陰為子孫計凡更張庶事一切聽順而外若不與之者嘗遺子孝寬參其謀至帝前略無所異於是帝益信任安石安石德其助已故引擢孝寬至樞密以報之蘇軾嘗責公亮不能救正公亮曰帝與介甫如一人此乃天也世譏其持祿固寵云子孝寬從子孝廣孝蘊

孝寬字令綽按東都事略作公綽以蔭知桐城縣遷知咸平縣民詣府訴兩傷麥府以安杖之孝寬躬行田辨其實得蠲賦除祕閣修撰提點開封府界鎮縣保甲法行民相驚言且籍為兵知府韓維上言乞候農隙行之孝寬勝十七縣揭賞告捕扇惑者民兵不敢訴入知審官東院判刑部熙寧五年遷樞密都承旨承旨用文臣自孝寬始擢拜樞密直學士簽書樞密院以端明殿學士知河陽徙鄆鄆有孟子廟而無封爵孝寬請於朝得封鄆國公配享孔子連徙鎮以吏部尚書召道卒年六十六贈右光祿大夫

孝廣字仲錫元豐末爲北外都水丞元祐中大臣議復河故道召孝廣問之言不可出通判保州久之復爲都水丞除京西轉運判官入爲水部員外郎河決內黃詔孝廣行視遂疏蘇村鑿鉅野導河北流紆澶滑深瀛之害遷都水使者洛水頻歲溢瀕浸齧北岸孝廣按河隄得廢渡口遺迹曰此昔人所以殺水勢也即日浚決之累石爲防自是無水患累擢戶部尚書坐錢帛不給罷爲天章閣待制知杭州又以前聘契丹奉使體奪職尋復之移知潭州加顯謨閣直學士知鄆州孝廣與胡安國鄒浩善皆大觀中忤時相御史論之復奪職知饒州踰年徙廣州歷成德軍太原府得改職以卒年六十贈正議大夫蒞官以嚴稱

孝蘊字處善紹聖中營幹發運司羅縉事建言揚之瓜州潤之京口常之奔牛易堰爲橋以便漕運商賈既成公私便之時京邑有盜徽宗怒期三日不獲坐尹罪孝蘊奏求盜急則遁益遠小緩當自出從其言得盜崇寧建殿中省擢爲監居數月言者論其與張商英善以集賢殿修撰出知襄州徙江浙制准發運泗州議開直河以避滌溢沙石之害孝蘊以淮汴不相接不可成既而工役大集竟成之策勳第賞辭不受未幾河果塞召爲戶部侍郎徙工部以顯謨閣待制知杭州其後坐累連削黜至安遠軍節度副使宣和二年復天章閣待制知歙州方獵起青溪孝蘊約敕郡內無得奔擾分兵守阨塞有避賊來歸者獲罪使出境人稍恃以安會移青州旣行而敵陷道改杭州時賊已破杭孝蘊單軍至城下賊既克復軍士多殺人孝蘊下令從者得自首無輒殺皆束手不敢驚論功進顯謨閣直學士又加龍圖閣學

士卒年六十五贈通議大夫

陳升之字賜叔建州建陽人舉進士歷知封州漢陽軍入爲監察御史右司諫改起居舍人知諫院時俗好藏去交親尺牘有訟則轉相告言有司據以推詰升之謂此告訐之習也請禁止之又言三館爲搢紳華途近者用人益輕遂爲貴游進取之階請嚴其選詔自今臣僚乞子孫恩者毋得除館閣著作佐郎張堯佐緣後宮親爲三司使尋爲宣徽使內侍王守忠領兩鎮留後求升正班唐介擊宰相斥嶺南升之皆極諫遷侍御史知雜事凡任言責五年所上數十百事然持論不堅以故不盡施用擢天章閣待制河北都轉運使知瀛州真定府加龍圖閣直學士復知諫院上言天下州縣治否朝廷不能周知悉付之轉運使今選用不精又無考課非閭閻罷罷儒則凌肆刻薄所以疾苦愁歎壅於上聞必欲垂意元元宜從此始乃詔翰林學士承旨孫抃權御史中丞張昇與升之同領磨勘轉運使及提點刑獄功務升之初爲諫官時嘗請抑絕內降詔許有司執奏勿下至是申言之詔委三省劾正其罪仍揭於朝堂文彥博乞罷相升之慮樞密使賈昌朝復用疏論其邪昌朝卒罷去升之遷樞密直學士知開封府歲餘拜樞密副使於是諫官御史唐介范師道呂誨趙并王陶交章論升之陰結宦者故得大用仁宗以示升之升之去帝謂輔臣曰朕選用執政豈容內臣預議邪乃兩罷之以升之爲資政殿學士知定州徙太原府治平二年復拜樞密副使神宗立以母老請郡爲觀文殿學士知越州熙寧元年徙許州道改大名府過闕留知樞密院故事樞密使與知院事不並置時文彥博呂公著既爲使帝以升

之三輔政欲稍異其禮故特命之明年同制置三司條例司與王安石共事數月拜中書門下平章事集賢殿大學士升之旣相遂請免條例司以爲宰相無所不統所領職事豈可稱司安石曰古之六卿即今之執政有司馬司徒司空各名一職何害於理升之曰若制置百司條例則可但今制置三司一官則不可由是忤安石稱疾歸臥逾十旬帝數敦諭乃出會母喪去位終制召爲樞密使足疾不能立朝冬祀又不能相禮拜鎮江軍節度使同平章事判揚州封秀國公卒年六十九贈太保中書令諡曰成肅升之深較多數善傳會以取富貴王安石用事患正論盈庭引升之自助升之心知其不可而竭力爲之用安石德之故使先已爲相甫得志即求罷條例司又時爲小異陽若不與之同者世以是譏之謂之筌相升之初名旭避神宗嫌名改焉

吳充字冲卿建州浦城人未冠舉進士與兄育京方皆高第調穀熟主簿入爲國子監直講吳王宮教授他官多與宗室狎充齒最少獨以嚴見憚相率設席受經充作六箴以獻曰視曰聽曰好曰學曰進德曰崇儉仁宗命繕寫賜皇族英宗在藩邸書之坐右除集賢校理判吏部南曹選人胡宗堯者翰林學士宿之子坐小累不得改京官判銓歐陽修爲之請仇家譖修以爲黨宥詔出修同州充言修以忠直擢侍從不宜用議遂若以爲私則臣願與修同貶於是修復留而充改知太常禮院張貴妃薨治喪越文判寺王洙命吏以印紙行式書不合同僚知充移開封治吏界忤執政意出知高郵軍還爲羣牧判官開封府推官歷知陝州移京西淮南河東轉運使英宗立數問充所在會入覲語及爲吳王宮教

授時事嘉勞之尋權鹽鐵副使熙寧元年知制誥神宗諭以任用意曰先帝知卿久矣遂同知諫院言士大夫親沒或養殯數十年傷敗風化宜限期使葬詔著為令河北水災地震為安撫使使還王安石參知政事充子安持其壻也引嫌解職知審刑院權三司使為翰林學士三年拜樞密副使王韶取洮州蕃酋木征遁去充請招還故地糜以爵秩使自領所部承為外臣無庸列置郡縣殫財屈力時方以開拓付韶充言不用八年進檢校太傅樞密使充雖與安石連孀而心不善其所為數為帝言政事不便帝察其中立無與欲相之安石去遂代為同中書門下平章事監修國史充欲有所變革乞召還司馬呂公著韓維蘇頌乃薦孫覺李常程顯等數十人光亦以充可告語與之書充不能用王珪與充並相忌充陰掣其肘而充素惡蔡確確治相州獄捕安持及親戚官屬考治欲鉤致充語帝獨明其亡他及確預政充與議變法於前數為所詘安南師出無功知諫院張璪又謂充與郭達書止其進兵充數遭同列困毀疾益侵元豐三年罷為觀文殿大學士西太一宮使踰月卒年六十贈司空兼侍中諡曰正憲充內行修飭事兄甚謹為相務安靜性沈密對家人語未嘗及國家事所言於上人莫知者將終戒妻子勿以私事干朝廷帝益悲之世謂充心正而力不足議其知不可而弗能勇退也子安詩安持安詩在元祐為諫官起居郎安持為都水使者遷工部侍郎終天章閣待制

其多弛賦租帝詰之對曰使新附之邦蒙天子仁恩臣雖得罪死不恨帝大悅珪弱歲奇警出語驚人舉進士甲科通判揚州吏民皆少珪有大校嫚不謹梓置之法王倫犯淮南珪讓出郊掩擊之賊遁去召直集賢院為鹽鐵判官修起居注北使過魏舊皆盛服入至是欲便服妄云衣冠在後乘珪命取授之使者愧謝進知制誥知審官院為翰林學士知開封府遭母憂除喪復為學士兼侍讀學士先是三聖並侑南郊而溫成廟享獻同太室珪言三后並配所以致孝也而瀆乎饗帝後宮有廟所以廣恩也而僭乎饗親於是專以太祖侑于郊而改溫成廟為祠殿嘉祐立皇子中書召珪作詔珪曰此大事也非面受旨不可明日請對曰海內望此舉久矣果出自聖意乎仁宗曰朕意決矣珪再拜賀始退而草詔英宗立當撰先帝諡珪言古者賤不諫貴幼不諫長故天子稱天以諫之制諡於郊若云受之於天者近制唯詞臣撰議庶僚不得參聞頗違稱天之義請令兩制共議從之漢王追崇典禮珪與侍從禮官合議宜稱皇伯三夫人改封大國執政不以為然其後三夫人之稱卒如初議始珪之請對而作詔也有密譖之者英宗在位之四年忽召至藥珠殿傳詔令兼端明殿學士錫之盤龍金盤諭之曰祕殿之職非直器卿子翰墨聞二府員缺即出命矣曩有讒口朕今釋然珪謝曰非陛下至明臣死無日矣神宗即位遷翰林學士承旨珪典內外制十八年最為久次嘗因展事齋宮賦詩有所感帝見而憐之熙寧三年拜參知政事九年進同中書門下平章事集賢殿大學士元豐官制行由禮部侍郎超授銀青光祿大夫五年正三省官名拜尚書左僕射兼門下

侍郎以蔡確為右僕射先是神宗謂執政曰官制將行欲新舊人兩用之又曰御史大夫非司馬光不可珪確相顧失色珪憂甚不知所出確曰陛下久欲收靈武公能任責則相位可保也珪喜謝確帝嘗欲召司馬光珪薦俞充師慶使上平西夏策珪意以為既用兵深入必不召光雖召將不至已而光果不召示樂之敗死者十餘萬人實珪啟之八年帝有疾珪白皇太后請立延安郡王為太子太子立是為哲宗進珪金紫光祿大夫封岐國公按神道碑載仁宗英宗加徽號珪為仁宗册寶使禮成封鄜國公神宗即位改岐國公卒於位年六十七贈太師諡曰文恭珪以文學進流輩咸共推許其文闕侈瓌麗自成一家朝廷大典策多出其手詞林稱之然自執政至宰相凡十六年無所建明率道諛將順當時目為三旨相公以其上殿進呈云取聖旨上可否詔云領聖旨退諭稟事者云已得聖旨也紹聖中邢恕誘起黃履葉祖洽劉拯交論珪元豐末命事以為當時兩府大臣嘗議奏請建儲珪輒語李清臣云他自家事外庭不當管恕又誘教高遵裕子士京上奏言珪欲言雍王遣士京故兒士充傳道言語於禁中珪由是得罪追貶萬安軍司戶參軍削子籍徽宗即位還其官封蔡京秉政復奪贈諡政和中和復之珪季父罕從兄琪按神道碑云子仲修登進士第為秘書省著作煇承事即東都事略云徽宗即位其子仲修承事子仲修其父冤乃盡復故官贈諡罕字師言以蔭知宜興縣縣多湖田歲訴水輕重失其平罕躬至田處列高下為圖明年訴牒至按圖示之某戶可免某戶不可免眾皆服范仲淹在潤奏下其式于諸道西方用兵仍年科箭羽于東南價踊貴富室至豫貯以待鬻羣白郡守倍其直市之而令民輸錢旁州聞

之皆願如常州法累遷戶部判官出爲廣東轉運使僕
智高入寇罕行部在潮廣州守仲簡自圍中遣書邀罕
罕報曰吾非不欲歸當求所以相濟者遂還惠州州之
惡少年正相率爲盜里落驚擾惠人遮道求救護者數
千計罕擇父老可語者問以策曰吾屬皆有田客欲給

以兵使相保聚罕曰有田客者如是得矣無者奈何乃
呼者長發里民補壯丁每長二百人又令邑尉增弓手
二千已時下令約申而集募有方略者許以官秩金帛
使爲甲首久之無至者有婦人訴爲僕奪釵珥捕得之
并執奪攘者十八輩皆梟首決口置道左傳曰此者長

發爲壯丁不肯行者也觀者始有怖色至期得六百人
尉所部亦至於是染庫帛爲旗割牛革爲盾形柔之湯
中每盾削竹籤十六穿于革以木爲鼻使持之自蔽斷
苦竹數千銛其末使操爲兵悉出公私戎器檄告屬城

做而行之數日眾大振向之惡少年皆隸行伍無敢動
乃簡卒三千方舟建旗伐鼓作樂順流而下將至廣悉
眾登岸斬木爲鹿角積高數仞營于南門智高見已嚴
備不敢犯罕徐開門而入智高遂解去時南道郵驛斷
絕罕上事不得通而提點刑獄鮑軻遁處南雄數具奏

及賊平軻受賞罕謫監信州酒安撫使孫河言罕實有
功復以爲西路轉運使或傳智高不死走火峒儂宗旦
據險聚眾豈守蕭注謀擊之罕呼宗旦子曰新謂之曰
汝父內爲交趾所仇外爲邊將希賞之餌非計也汝歸

報擇利而爲之於是父子俱降徒知潭州擢戶部度支
副使復爲潭州爲政務適人情不加威罰有狂婦數訴
事卻之則勃罵前守每叱逐之罕獨引至前委曲徐問
乃本爲人妻無子夫死妾有子遂婦而據家資屢訴不

得直因憤志發狂罕爲治妾而反其資婦良愈郡人傳
爲神明監司上治狀救書褒諭徙知明州以光祿卿卒
年八十兄之子珪少孤罕教諭有恩後珪貴每子書必
以盛滿爲戒云

珪字君玉兒童時已能爲歌詩起進士調江都主簿上
時務十二事請建義倉置營田減度僧罷鬻爵禁錦綺
珠貝行鄉欲籍田復制科興學校仁宗嘉之除館閣校
勘集賢校理帝宴太清樓命館閣臣作山水石歌珪獨

蒙褒賞詔通判舒州歲饑奏發廩救民未報先振以公
租守以下皆不聽珪挺身任之知復州知制誥奉使
契丹因感疾還上介誣其詐責信州團練副使久之以
龍圖閣侍制知潤州轉運使欲浚常潤漕河琪陳其不

便詔寢役而後議者卒請廢古城壞破古函管而浚之
河反狹舟不得方行公私交病徙知江寧先是府多火
災或託以鬼神人不敢救琪作賞捕之法未幾得姦人
誅之火患遂息累遷禮部侍郎致仕卒年七十二琪性
孤介不與時合數臨東南名鎮政尚簡靜葬于真州詔
真揚二州發卒護其窆蓋異數也

欽定續通志卷三百三十七

韓琦 忠彥 富弼 紹庭 文彥博

韓琦字稚圭相州安陽人父國華自有傳琦風骨秀異弱冠舉進士名在第二方唱名太史奏日下五色雲見左右皆賀授將作監丞通判淄州入直集賢院監左藏庫時方貴高科多徑去為顯職琦獨滯筭庫眾以為非宜琦處之自若禁中需金帛皆內臣直批旨取之無印可驗琦請復舊制置傳宣合同司以相防察又每綱運至必俟內臣監漚始得受往往數日不至暴露露下衙校以為病琦奏罷之歷開封府推官三司度支判官拜右司諫時宰相王隨陳堯佐參知政事韓億石中立在中書罕所建明琦連疏其過四人同日罷又請停內降抑僥倖凡事有不便未嘗不言每以明得失正紀綱親忠直遠邪佞為急前後七十餘疏王曾為相謂之曰今言者不激則多畏顧何補上德如君言可謂切而不迂曾聞望方崇罕所獎與琦聞其語益自信擢知制誥益利歲饑為體量安撫使異時郡縣督賦調繁急市上供綺繡諸物不予直琦為緩調蠲益之逐食殘不職吏汰尤役數百活饑民百九十萬趙元昊反琦適自蜀歸論西師形勢甚悉既命為陝西安撫使劉平與賊戰敗為所執時宰入他誣收繫平子弟琦辨直其冤進樞密直學士副夏竦為經略安撫招討使詔遣使督出兵琦亦欲先發以制賊而合府固爭元昊遂寇鎮戎琦與竦畫攻守二策馳入奏仁宗欲用攻策執政者難之琦言元昊雖傾國入寇眾不過四五萬人吾逐路重兵自為守

勢分力弱遇敵輒不支若併出一道鼓行而前乘賊驕惰破之必矣乃詔鄜延涇原同出征既還營元昊來求盟琦曰無約而請和者謀也命諸將戒嚴賊果犯山外琦悉兵付大將任福合自懷遠城趨德勝砦出賊後如未可戰即據險置伏要其歸及行戒之至再又移檄申約苟違節度雖有功亦斬福竟為賊誘沒于好水川竦使人收散兵得琦檄于福衣帶間言罪不在琦琦亦上章自劾獨奪一官知秦州會陝西分四路置帥以琦兼秦鳳經略招討安撫使慶歷二年與三帥皆換觀察使范仲淹龐籍王沿不肯拜琦獨受不辭未幾還舊職為陝西四路經略安撫招討使屯涇州琦與范仲淹在兵間久名重一時人心歸之朝廷倚以為重故天下稱為韓范初京師所遣戍兵不習勞苦賊輕之目為東兵琦奏增土兵以代戍建德順軍以蔽蕭關鳴沙之道方謀取橫山規河南而元昊稱臣召為樞密副使元昊介契丹為援邀索無厭宰相晏殊等厭兵將一切從之琦陳其不便條所宜先行者七事一曰清政本二曰念邊計三曰擇材賢四曰備河北五曰固河東六曰收民心七曰營洛邑繼又陳排弊八事欲選將帥明按察豐財利遏僥倖進能吏退不才謹入官去食帝悉嘉納遂宣撫陝西討平羣盜張海郭蘧山盡修鄜延城障殲敵悉歸所侵地乃許和及還陳西北四策謂今當以和好為權宜戰守為實務請繕甲厲兵營修都城密定討伐之計時二府合班奏事琦必盡言雖事屬中書亦指陳其實同列或不悅帝獨識之曰韓琦性直琦與范仲淹富弼皆以海內人望同時登用中外政想其勳業仲淹等亦以天下為己任羣小不便之毀言日聞仲淹漸罷

琦為辨析不報尹洙與劉滬爭城水洛事琦右洙朝論不謂然乃請外以資政殿學士知揚州徙鄆州成德軍定州兼安撫使進大學士又加觀文殿學士初定州兵狃平貝州功需賞賚出怨語至欲謀城下琦聞之以為不治且亂用軍制勒習誅其尤無良者士死攻城則賞購其家籍其孤嫠既康之威恩並行又倣古三陣法日月訓習之由是中山兵精勁冠河朔京師發龍猛卒成保州在道為人害至定琦悉留不遣易素教者使之北又賑活饑民數百萬拜武康軍節度使河東經略安撫使知并州契丹冒占天地廟地琦示以曩日彼所求修廟檄無以對遂歸我斥地既又侵耕陽武砦地琦鑿塹立石以限之始潘美鎮河東患寇鈔令民悉內徙而空塞下不耕于是析代靈化大山之北多廢壞琦以為此皆良田今棄不耕適足以資敵遂請距北界十里為禁地其南則募弓箭手居之墾田至九千六百頃久之求知相州嘉祐元年拜樞密使三年拜同中書門下平章事集賢殿大學士六年遷昭文館大學士監修國史封儀國公帝既連失三王自至和中得病不能御殿中外惴恐臣下爭以立嗣固根本為言包拯范鎮尤激切積五六歲依違未之行言者亦稍息至是琦乘間奏請立皇嗣一日懷孔光傳以進曰成帝無嗣立弟之子彼材之主猶能如是况陛下乎願以太祖之心為心則無不可者又與曾公亮張昇歐陽修極言之會司馬光呂誨皆有請琦進讀二疏未及有所啟帝遽曰朕有意久矣誰可者琦皇恐對曰此非臣輩所可議當出自聖擇帝曰官中嘗養二子大者可琦請其名帝以宗實告宗實英宗舊名也琦等遂力贊之議乃定英宗居濮王喪

議起知宗正琦乞內中批出帝意不欲宮人知曰只中書行足矣命下英宗固辭帝復問琦琦對曰陛下既知其賢而選之今不敢遽當蓋器識遠大所以為賢也願固起之英宗既終喪猶堅臥不起琦言宗正之命初出外人皆知必為皇子不若遂正其名乃下詔立為皇子明年英宗嗣位琦加門下侍郎進封衛國公英宗暴得疾太后垂簾聽政帝疾甚舉措或改常度遇宦官九少恩左右共為讒聞兩宮遂成隙琦與歐陽修奏事簾前太后嗚咽涕洟其道所以琦曰此疾固爾病已必不然子疾母可不容之乎修亦委曲進言太后意稍和後數日琦獨見帝曰太后待我無恩琦對曰自古聖帝明王不為少矣然獨稱舜為大孝豈其餘盡不孝耶父母慈愛而子孝此常事不足道惟父母不慈而子不孝乃為可稱但恐陛下事之未至耳父母豈有不慈者帝大感悟及疾愈琦請乘輿具素服出禱兩人情乃安太后還政拜琦右僕射封魏國公夏人寇大順城琦議停歲賜絕和市遣使問罪樞密使文彥博難之或舉賢元康定事琦曰諒祚非有元昊智計而邊備過當時遠甚巫詁之必服既而諒祚上表謝帝願琦曰一如所料帝寢疾琦入問起居因曰陛下久不視朝願早建儲以安社稷帝頷之即召大學士草制立穎王神宗即位拜司空兼侍中琦執政三世或病其專御史中丞王陶劾琦不赴文德殿押班為跋扈琦請去帝為黜陶琦堅辭位除鎮安武勝軍節度使司徒兼侍中判相州入對帝泣曰侍中必欲去今日已降制矣擢其子忠彥祕閣校理琦辭兩鎮乃但領淮南會神譚擅取絳州西邊椒擾改判永興軍經略陝西琦初言絳州不當取已而夏人誘

殺楊定琦復言賊既如此絳今不可棄樞密院以初議詰之琦具論其故卒存絳州伏誦通鑑綱目 御批然輕舉楊定初時奉使西夏拜稱臣九有當誅之罪賊殺王官又豈可以其禍由自取不加征討韓琦所言自是正理且時勢既異更不必前後相持樞密必欲初議以相詰亦不照宣元年復請相州以歸河北地震河決徙判大名府充安撫使得便宜從事王安石用事出常平使者散青苗錢琦亟言之帝懷其疏以示宰相曰琦真忠臣雖在外不忘王室朕始謂可以利民今乃害民如此且坊郭安得青苗而亦強與之乎安石勃然進曰苟從其欲雖坊郭何害明日稱疾不出當是時新法幾罷安石復出持前議益堅琦又懇奏安石下之條例司令其屬疏駁判石頌天下琦請辨愈切不克從于是請解四路安撫使止領一路安石欲沮琦即從之六年還判相州契丹來求代北地帝手詔訪琦琦奏言臣觀近年以來朝廷舉事似不以大敵為恤彼見形生疑必謂我有圖復燕南意故引先發制人之說造為讒端今宜遣使報聘具言向來興作乃修備之常豈有他意疆土素定悉如舊境不可持此造端以累累世之好若其果自敗盟則可一振威武恢復故疆疏上會安石再入相悉以所爭地與契丹東西七百里論者惜之八年換節永興軍再任未拜而卒年六十八前一夕大星隕于治所樞密皆驚帝白為碑文篆其首曰兩朝顧命定策元勳贈尚書令諡曰忠獻配享英宗廟庭常令其子若孫一人官于相以護邱墓故事三省長官惟尚書合為尤重贈者必兼他官至琦乃單贈後又詔雖當追策不復更加師保蓋賞之也琦蚤有盛名議量英偉臨事喜愠不見於色論者以重厚比周勃政事比姚崇其為學

士臨邊年甫三十天下已稱為韓公嘉祐治平間再決大策以安社稷當是時朝廷多故琦處危疑之際知無不為或諫之琦曰臣盡力事君死生以之至于成敗天也豈可預憂其不濟遂輟不為哉聞者愧服在魏都久遼使每過移牒必書名曰以韓公在此故也忠彥使遼遼主問知其貌類父即命工圖之其見重敵國也如此琦天資樸忠折節下士無賤貴禮之如一尤以獎拔人材為急倘公論所與雖意所不悅亦收用之故得人為多選飭羣司皆使奉法循理其所建請第願義所在無適莫心在相位時王安石有盛名或以為可用琦獨不然及守相陞解神宗曰卿去誰可屬國者王安石何如琦曰安石為翰林學士則有餘處輔弼之地則不可上不答其鎮大名也魏人為立生祠相人愛之如父母有鬪訟傳相勸止曰勿撓吾侍中也與富弼齊名號稱賢相人謂之富韓云徽宗追論琦定策勳贈魏郡王子五人忠彥端彥純彥粹彥嘉彥端彥右贊善大夫純彥官至徽猷閣直學士粹彥為吏部侍郎終龍圖閣學士嘉彥尚神宗女齊國公主拜駙馬都尉終瀛海軍承宣使忠彥字師朴少以父任為將作監簿復舉進士琦罷政忠彥以祕書丞召試館職除校理同知太常禮院為開封府判官三司鹽鐵判官出通判永寧軍召還為戶部判官琦卒服除為直龍圖閣擢天章閣待制知瀛州朝廷以夏人囚廢其主乘常用兵西方既下米脂等城砦數十夏人求救于遼遼人移書繼至會遣使賀遼主生辰忠彥以給事中奉使遼遼趙資睦逐之語及西事忠彥曰此小役也何問為遼主使其臣王言敷燕于館言敷問夏國胡罪而中國兵不解無失兩朝權則善矣忠

彥曰問罪西夏于二國之好何預乎使還時官制行章
惇爲門下侍郎奏給事東省屬官封駁宜先稟而後上
忠彥奏朝廷之事執政之所行也事當封駁則與執政
固已異矣尙何稟議之有詔從其請左僕射王珪爲南
郊大禮使事之當下者自從其所畫旨忠彥以官制駁
之曰今事于南郊者大禮使既不從中畫旨處分出一
時者又不從中書奏審官制之行曾未期月而廟堂自
逾之後將若之何乃詔事無鉅細必經三省而後行拜
禮部尙書以樞密直學士知定州元祐中召爲戶部尙
書擢尙書左丞弟嘉彥尙主改同知樞密院事遷知院
事哲宗親政更用大臣言者觀望爭言垂簾時事忠彥
言昔仁宗始政當時亦多譏斥章獻時事仁宗惡其持
情近薄下詔戒飭陛下能法仁祖用心則善矣以觀文
殿學士知真定府移定州忠彥在西府以用兵西方非
是願以所取地棄還之以息民力至是言者以爲言降
資政殿學士改知大名府徽宗卽位以吏部尙書召拜
門下侍郎忠彥陳四事一曰廣仁恩二曰開言路三曰
去疑似四曰戒用兵踰月拜尙書右僕射兼中書侍郎
帝用忠彥言數下詔蠲天下逋負盡還流人而甄敘之
忠直敢言若知名之士稍見收用進左僕射兼門下侍
郎封儀國公而曾布爲右相多不協言事者助布排忠
彥以觀文殿大學士知大名府又以欽聖欲復廢后爲
忠彥罪再降大中大夫懷州居住又論忠彥在相位不
應棄遼州謫崇信軍節度副使濟州居住逮復遼都又
謫磁州團練副使復大中大夫遂以宣奉大夫致仕卒
年七十二子治徽宗時爲太僕少卿出知相州以疾丐
祠命其子肖胃代之別有傳

富弼字彥國河南人少篤學有大度范仲淹見而奇之
曰王佐才也舉茂材異等授將作監丞簽書河陽判官
仲淹坐爭廢后事貶弼上言是一舉而二失也縱未能
復后宜還仲淹不聽復判絳州遷直集賢院趙元昊反
弼疏陳八事乞斬其使者召爲開封府推官知諫院康
定元年日食正旦弼請罷宴樂就館賜北使酒食執
政不可弼曰萬一契丹行之爲朝廷羞後聞契丹果罷
宴帝深悔之時禁臣僚越職言事弼因論日食極言應
天變莫若通下情遂除其禁元昊寇鄜州破金明鈐轄
盧守勳不救內侍黃德和引兵走大將劉平戰死德和
誣其降賊弼請按竟其獄德和坐要斬夏守斌爲陝西
都部署又以入內都知王守忠爲鈐轄弼言用守斌旣
爲天下笑今益以守忠殆與唐中官監軍無異守勳德
和覆軍之轍可復蹈乎詔罷守忠又言邊事係國安危
不當專委樞密請令宰相並領樞密院時西夏首領二
人來降但補借奉職弼言當厚賞以勸來者事下中書
宰相初不知也弼歎曰此豈小事而宰相不知邪更極
論之于是從弼言除鹽鐵判官史館修撰奉使契丹慶
歷二年爲制誥糾察在京刑獄堂吏有僞爲僧牒者開
封不敢治弼白執政請以吏付獄呂夷簡不悅會契丹
屯兵境上遣其臣蕭英劉六符來求關南地朝廷擇報
聘者皆以其情叵測莫敢行夷簡因是薦弼歐陽修引
顏真卿使李希烈事請留之不報弼入對曰主憂臣辱
臣不敢愛其死帝爲動色先以爲接伴英等入境中使
迎勞之英託疾不拜弼曰昔使北病臥車中聞命輒起
今中使至不拜何也英矍然起拜弼開懷與語英感悅
不復隱其情遂密以其主所欲得者告曰可從從之不

然以一事塞之足矣弼具以聞帝唯許增歲幣仍以宗
室女嫁其子進弼樞密直學士辭不拜遂爲使報聘旣
至六符來館客弼見契丹主問故契丹主曰南朝違約
塞雁門增塘水治城隍籍民兵將以何爲羣臣請舉兵
而南吾以爲不若遣使求地求而不獲舉兵未晚也弼
曰北朝忘章聖皇后之大德乎澶淵之役苟從諸將言
北兵無得脫者且北朝與中國通好則人主專其利而
臣下無獲若用兵則利歸臣下而人主任其禍故勸用
兵者皆爲身謀耳契丹主驚曰何謂也弼曰中國提封
萬里精兵百萬法令修明上下一心北朝欲用兵能保
必勝乎就使其勝所亡士馬羣臣當之歎抑人主當之
歎若通好不絕歲幣盡歸人主羣臣何利焉契丹主大
悟首肯者久之弼又曰塞雁門者以備元昊也塘水治
于何承矩事在通好前城隍皆修舊民兵亦補闕非違
約也契丹主曰微卿言吾不知其詳然所欲得者祖宗
故地耳弼曰晉以盧龍賂契丹周世宗復取關南皆異
代事若各求地豈北朝之利哉既退六符曰吾主恥受
金帛堅欲十縣何如弼曰本朝皇帝言朕爲祖宗守國
豈敢妄以土地與人北朝所欲不過租賦耳朕不忍多
殺兩朝赤子故屈己增幣以代之若必欲得地是志在
敗盟假此爲詞耳澶淵之盟天地鬼神實臨之今北朝
首發兵端過不在我天地鬼神其可欺乎明日契丹主
召弼同獵引弼馬自近又言得地則歡好可久弼反覆
陳必不可狀且言北朝旣以得地爲榮南朝必以失地
爲辱兄弟之國豈可使一榮一辱哉獵罷六符曰吾主
聞公榮辱之言意甚感悟今惟有結婚可議耳弼曰婚
媾易生嫌隙本朝長公主出降齋送不過十萬緡豈若

歲幣無窮之利哉契丹主諭弼使歸曰俟卿再至當擇一受之弼歸復命復持二議及受口傳之詞于政府以行次樂壽謂副使張茂實曰吾為使者而不見國書脫書詞與口傳異吾事敗矣啟視果不同即馳還都易書而行及至契丹不復求婚專欲增幣曰南朝遺我之辭當曰獻否則曰納弼爭之契丹主曰南朝既懼我矣於二字何有若我擁兵而南得無悔乎弼曰本朝兼愛南北故不憚更成何名為懼或不不得已至于用兵則當以曲直為勝負非使臣之所知也契丹主曰卿勿固執古亦有之弼曰自古唯唐高祖借兵于突厥當時贈遺或稱獻納其後頡利為太宗所擒豈復有此禮哉弼聲色俱厲契丹知不可奪乃曰吾當自遣人議之復使劉六符來弼歸奏曰獻納二字臣以死拒之彼氣折矣可勿許也朝廷竟以納字與之歲增幣二十萬除樞密直學士遷翰林學士皆懇辭曰增歲幣非臣本志特以方討元昊未暇與角故不敢以死爭其敢受乎三年拜樞密副使辭愈力改授資政殿學士兼侍讀學士復拜樞密副使弼言契丹既結好議者便謂無事萬一敗盟臣死且有罪願陛下思其輕侮之恥坐薪嘗膽不忘修政以諄納上前而罷踰月復申前命使宰相諭之曰此朝廷特用非以使遼故也弼乃受帝銳以太平責成宰相數下詔督弼與范仲淹等又開天章閣給筆札使書其所欲為者且命仲淹主西事弼主北事弼上當世之務十餘條及安邊十三策大略以進賢退不肖止僥倖去宿弊為本欲漸易監司之不才者使澄汰所部吏於是小人始不悅矣元昊遣使以書來稱男不稱臣弼言契丹臣元昊而我臣則契丹為無敵于天下不可許乃

御其使卒臣之四年契丹受禮雲中且發兵會元昊伐呆兒族于河東為近帝疑二邊同謀弼曰兵出無名契丹不為也元昊本與契丹約相左右今契丹獨獲重幣元昊有怨言故城威塞以備之呆兒屢寇威塞契丹疑元昊使之故為是役安能合而寇我哉或請調發為備弼曰如此正墮其計臣請任之帝乃止契丹卒不動夏竦不得志中弼以飛語弼權求宣撫河北還以資政殿學士出知鄆州歲餘議不驗加給事中移青州兼京東路安撫使河朔大水流民就食弼勸所部民出粟益以官廩得公私廬舍十萬餘區散處其人以便薪水官吏自前資待缺寄居者皆賦以祿使即民所聚選老弱病瘠者廩之仍書其勞約他日為奏請受賞率五日輒遣人持酒肉飯糗慰藉山林陂澤之利可資以生者聽流民擅取死者為大家葬之目曰叢冢明年麥大熟民各以遠近受糧歸凡活五十餘萬人募為兵者萬計帝聞之遣使褒勞拜禮部侍郎弼曰此守臣職也辭不受前此救災者皆聚民城郭中為粥食之蒸為疾疫及相踰藉或待哺數日不得粥而仆名為救之而實殺之自弼立法簡便周盡天下傳以為式王則叛齊州禁兵欲應之或詣弼告齊非弼所部恐事泄變生適中貴人張從訓銜命至青弼度其可用密付以事使馳至齊發吏卒取之無得脫者即自劾顯擅之罪帝益嘉之復以為禮部侍郎又辭不受遷大學士徙知鄭蔡河陽加觀文殿學士改宣徽南院使判并州至和二年加戶部侍郎拜同中書門下平章事集賢殿大學士與文彥博並命宣制之日士大夫相慶于朝帝微規知之以語學士歐陽修曰古之命相或得之夢卜豈若今日人情如此哉帝

弗豫大臣不得見中外憂慄弼彥博入問疾因託禳禱事止宿連夕每事皆關白乃行宮內肅然語在彥博傳嘉祐三年加禮部侍郎進昭文館大學士監修國史弼為相守典故行故事而附以公議無容心于其間六年以母憂去職故事執政遭喪皆起復帝虛位五起之弼謂此金革變禮不可施于平世不拜命英宗即位召為樞密使檢校太師行禮部尚書治平二年以足疾求解拜鎮海軍節度使同平章事判河陽按宋史年表及撰弼神道碑俱作判河陽按宋史年表及撰弼神道碑俱作判河陽今據收封那國公神宗即位改鎮武寧陽本傳作揚州今據收封那國公神宗即位改鎮武寧進封鄭國公弼屢乞罷使相乃以為尚書左僕射觀文殿大學士集禧觀使復判河陽熙寧元年徙判汝州按本傳云進封鄭國熙寧元年徙判汝州未若東郡事略所載詳備與宋史年表合神道碑敘次與事略同今據增詔入覲許肩輿至殿門神宗御內東門小殿令其子掖以進且命毋拜坐語從容訪以治道弼知帝果于有為對曰人主好惡不可令人窺測可測則姦人得以傳會當如天之監人善惡皆所自取然後誅賞隨之則功罪無不得其實矣又問邊事對曰陛下臨御未久當布德行惠願二十年口不言兵帝默然至日昃乃退欲以集禧觀使留之力辭赴郡明年召拜司空兼侍中賜甲第悉辭之以左僕射門下侍郎同平章事昭文館大學士監修國史時有為帝言災異皆天數非關人事得失所致者弼聞而歎曰人君所畏惟天若不畏天何事不可為者此必姦人欲進邪說以搖上心使輔拂諫爭之臣無所施其力是治亂之機不可以不速救即上書數千言力論之又言君子小人之進退繫王道之消長願深加辨察勿以同異為喜怒喜怒為用捨陛下好使人伺察外事故姦險得志又多出親批若事事皆中亦非為

君之道服十中七八積日累月所失亦多今中外之務漸有更張大抵小人惟喜生事願深燭其然無使有悔是時久旱羣臣請上尊號及用樂帝不許而以同天節契丹使當上壽故未斷其請弼言此盛德事正當以此示之乞并罷上壽帝從之即日雨弼又上疏願益畏天戒遠姦佞近忠良帝手詔褒答之王安石用事雅不與弼合弼度不能爭多稱疾求退章數十上神宗將許之問曰卿即去誰可代卿者弼薦文彥博神宗默然良久曰王安石何如弼亦默然拜武靈節度使同中書門下平章事判河南改亳州青苗法出弼以謂如是則財聚于上人散于下持不行提舉官劾弼格詔旨侍御史鄧綰又乞付有司鞠治乃以僕射判汝州安石曰弼雖責猶不失富貴昔蘇以方命誣其工以象恭流弼兼此二罪止奪使相何由沮姦帝不答弼言新法臣所不曉不可以治郡願歸洛養疾許之遂請老加拜司空復武靈軍節度使及平章事按東都事略及神道碑拜司空下弼以左僕射判汝州時已奪使相故王安石有弼兼共絲之罪止奪使相何以沮姦云云至此乃復故職宋史本傳不載進封韓國公致仕弼雖家居朝廷有大利害知無不言郭逵討安南乞詔逵擇利進退以全王師契丹爭河東地界言其不可許星文有變乞開廣言路又請速改新法以解倒懸之急帝雖不盡用而眷禮不衰嘗因安石有所建明卻之曰富弼手疏稱老臣無所告訴但仰屋竊歎者即當至矣其敬之如此元豐三年王堯臣之子同老上言故父參知政事時當仁宗服藥嘗與弼及文彥博議立儲嗣會朔日有變其事遂寢帝以問彥博對與同老台帝始知至和時事彥博不自言以爲司徒六年卒年八十手封遺奏使其子紹庭上之其

略云陛下卽位之初邪臣納說聽受失宜寢成禍患轉臣多士忠詞謹論無復上達臣老病將死不忍上負聖明輒傾肝膽去年永樂之役兵民死亡者數十萬今久戍未解百姓困窮天地至仁願歸其侵地休兵息民使關陝之間稍遂生理兼陝西再團保甲又葺教場州縣奉行勢侔星火人情惶駭難以復用不若寢罷以綏懷之臣之所陳急于濟事若夫要道則在聖人所存與所用之人君子小人之辨耳帝覽奏震悼內出祭文致奠贈太尉諡曰文忠弼性至孝恭儉好修與人言必盡敬雖微官及布衣謁見皆與之亢禮氣色穆然不見喜愠其好善嫉惡出于天資常言君子與小人並處其勢必不勝君子不勝則奉身而退樂道無悶小人不勝則交結構扇千岐萬轍必勝而後已迨其得志遂肆毒于善畏求天下不亂不可得也其終身皆出于此云元祐初配享神宗廟庭哲宗蒙其碑首曰顯忠尚德命學士蘇軾撰文刻之紹聖中章惇執政謂弼得罪先帝罷配享至靖康初詔復舊典焉

紹庭字德先性靖重能守家法弼卒兩女與婿及甥皆同居紹庭待之與父時不殊一家之事毫髮不敢變族里稱焉歷宗正丞通判絳州建中靖國初除提舉河北西路常平辭曰熙寧變法之初先臣以不行青苗被罪臣不敢爲此官徽宗嘉之擢祠部員外郎出知宿州卒年六十八子直柔別有傳

文彥博字寬夫汾州介休人其先本敬氏以避晉高祖及宋翼祖諱改焉少與張昇高若納從穎昌史昭學昭母異之曰貴人也及進士第知翼城縣通判絳州爲監察御史轉殿中侍御史西方用兵偏校有臨陣先退望敵不進者大將守著令皆申覆彥博言此可施之平居無事時今擁兵數十萬而將權不專兵法不峻將何以濟仁宗嘉納之黃德和之誣劉平降虜也以金幣賂平奴使附已說以證平家二百口皆械繫詔彥博置獄河中鞠治得實德和謀翻獄遂遣他御史來彥博拒不納曰案具矣或弗成彥博執其咎德和并奴卒就誅以直史館爲河東轉運副使麟州館道回遠宋本傳作麟州館道回遠乃按唐張說嘗出合河關擊突厥于銀城北因欲復河外故道彥博遂繼成之據此銀城河外有唐時故道廢弗則都字爲麟字之誤今改銀城河外有唐時故道廢弗治彥博父洎爲轉運使日將復之未及而卒彥博嗣成父志益儲粟元昊來寇圍城十日知有備解去遷天章閣待制都轉運使連進龍圖閣樞密直學士知秦州改益州召拜樞密副使參知政事貝州王則反明鎬討之久而不克彥博請行命爲宣撫使旬日賊潰檻則送京師拜同中書門下平章事集賢殿大學士薦張瓌韓維王安石等恬退守道乞衰勸以厲風俗與樞密使龐籍議省兵凡汰爲民及給半廩者合八萬論者紛然謂必聚爲盜帝亦疑焉彥博曰今公私困竭正坐兵尤脫有難臣請死之其策說行歸兵亦無事進昭文館大學士御史唐介劾其在蜀日以奇錦結宮掖因之登用介既貶彥博亦罷爲觀文殿大學士知許州改忠武軍節度使知承興軍至和二年復以吏部尚書同中書門下平章事昭文館大學士與富弼同拜士大夫皆以得人爲慶語見弼傳三年正月帝方受朝疾暴作扶入禁中彥博呼內侍史志聰問狀對曰禁密不敢漏言彥博叱之曰爾曹出入禁闈不合宰相知天子起居欲何爲邪自今疾勢增損必以告不爾當行軍法又與同列劉沆富弼

謀啟醜大慶殿伏讀通鑑輯覽 御批文彥博等此為直以三尺童視仁宗矣仁宗暴威風眩非不起之症歟博何不專摺呈請旨而史方謂京師業賴彥博等以安誠阿其所好不識大體之言且京師之業未必不可非彥博等之張大其事不問可謂柔懦不飭君綱者矣因留宿殿廡志聰曰無故事彥博曰此豈論故事時邪知開封府王素夜叩宮門上變不使入明且言有禁卒告都虞候欲為亂沆欲捕治彥博召都指揮使許懷德問都虞候何如人懷德稱其願可保彥博曰然則卒有怨誣之耳當亟誅之以靖眾乃請沆判狀尾斬于軍門先是弼用朝士李仲昌策自澶州商湖河穿六滌渠入橫壠故道北京留守買昌朝素惡弼陰約內侍武繼隆令司天官二人俟執政聚時于殿庭抗言不當穿河于北方致上體不安彥博知其意有所在然未有以制之後數日二人又上言請皇后同聽政亦繼隆所教也史志聰以其狀白執政彥博視而懷之不以示同列徐召二人詰之曰天文變異汝職所當言也何得輒預國家大事汝罪當族二人懼色變彥博曰觀汝直狂愚耳未忍治汝罪自今無得復然二人退乃出狀示同列皆憤怒曰何不斬之彥博曰斬之則事彰灼于中宮不安眾皆曰然既而議遣司天官定六滌方位復使二人往繼隆白請留之彥博曰彼本不敢妄言有教之者耳繼隆默不敢對二人至六滌恐治前罪更言六滌在東北非正北也帝疾愈彥博等始歸第當是時京師業賴彥博弼持重眾心以安沆密白帝曰陛下違豫時彥博擅斬告反者彥博聞之以沆判呈帝意乃解御史吳中復乞還唐介彥博因言介頃為御史言臣事多中臣病其間雖有風聞之誤然當時責之太深請如中復奏時以彥博為厚德久

之以河陽三城節度使同平章事判河南府封潞國公改鎮保平判大名府又改鎮成德遷尚書左僕射判太原府俄復鎮保平判河南丁母憂英宗即位起復成德軍節度使三上表乞終喪許之初仁宗之不豫也彥博與富弼等乞立儲嗣仁宗許焉而後宮將有就館者故其事緩已而彥博去位其後弼亦以憂去彥博既服闋復以故官判河南有詔入覲英宗曰朕之立卿之力也彥博悚然對曰陛下入繼大統乃先帝聖意皇太后協贊之力臣何力之有兼陛下登儲纂極之時臣方在外皆韓琦等承聖志受顧命臣無與焉帝曰備聞始議卿于朕有恩彥博遜避不敢當帝曰暫煩西行即召還矣尋除侍中徙鎮淮南判永興軍入為樞密使劍南西川節度使夏人犯大順城慶帥李復圭以陳圖方略授鈴轄李信等趣使出戰及敗乃妄奏信罪彥博暴其非宰相王安石曲諂信等按東都事略同信戰敗被諫者都巡檢劉甫監押神孫 秦人冤之慶州兵亂彥博言于帝曰朝廷行事務合人心宜兼采眾論以靜重為先陛下屬精求治而人心未安蓋更張之過也祖宗法未必皆不可行但有偏而不舉之弊爾安石知為己發奮然排之曰求去民害何為不可若萬事曠勝乃西晉之風何益於治彥博在樞府九年又以極論市易司監賣果實損國體斂民怨為安石所惡力引去拜司空河東節度使判河陽徙大名府初選人有李公義者請以鐵籠爪治河宦者黃懷信沿其制為濬川杷天下指笑以為兒戲安石獨信之遣都水丞范子淵行其法子淵奏用杷之功水悉歸故道退出民田數萬頃詔大名核實彥博言河杷可濬雖甚愚之人皆知無益臣不敢雷同罔上疏至帝不悅復遣知制

誥熊本等行視如彥博言子淵乃請觀言本等見安石罷意彥博復相故傳會其說御史蔡確亦論本奉使無狀本等皆得罪獨彥博勿問尋加司徒元豐三年拜太尉復判河南于是王同老言至和中議備嗣事彥博適入朝神宗問之彥博以前對英宗者復于帝曰先帝天命所在神器有歸實仁祖知子之明慈聖擁佑之力臣等何功帝曰雖云天命實繫人謀卿深厚不伐善陰德如丙吉真定策社稷臣也彥博曰如周勃霍光是為定策自至和以來中外之臣獻言甚眾臣等雖嘗有請弗果行其後韓琦等訖就大事蓋琦功也帝曰發端為難是時仁祖意已定嘉祐之末止申前詔耳正如丙吉霍光不相掩也遂加彥博兩鎮節度使辭不拜將行賜宴瓊林苑兩遣中謁者遺詩祖道當世榮之久之請老以太師致仕居洛陽元祐初司馬光薦彥博宿德元老宜起以自輔乃命平章軍國重事六日一朝一月兩赴經筵恩禮甚渥然彥博無歲不求退居五年復致仕紹聖初章惇秉政言者論彥博朋附司馬光詆毀先烈降太子少保卒年九十二崇寧中預元祐黨籍後特命出籍追復太師諡曰忠烈彥博逮事四朝任將相五十年名動中外元祐間契丹使耶律永昌劉霄來聘蘇軾館客與使入覲望見彥博于殿門外卻立改容曰此潞公也使問其年曰何壯也軾曰使者見其容未聞其語其綜理庶務雖精練少年有不如其實穿古今雖專門名家有不逮使者拱手曰天下異人也其為所敬如此彥博雖窮貴極富而平居接物謙下尊德樂善如恐不及其在洛也洛人邵雍程頤兄弟皆以道自重賓接之如布衣交與富弼司馬光等十三人用白居易九老會故事

置酒賦詩相樂序齒不序官爲堂繪像其中謂之洛陽耆英會好事者莫不慕之神宗導洛通汴而主者遏絕洛水不使入城中洛人頗患苦之彥博因中使劉惟簡至洛語其故惟簡以聞詔令通行如初遂爲洛城無窮之利彥博八子皆歷要官第六子及甫初以大理評事直史館與邢恕相善元祐初爲吏部員外郎以直龍圖閣知同州彥博平章軍國及甫由右司員外郎引嫌改衛尉光祿少卿彥博再致仕及甫知河陽召爲太僕卿權工部侍郎罷爲集賢殿修撰提舉明道宮紹聖中蔡渭邢恕持及甫私書造梁燾劉摯之謗逮詣詔獄及甫有憾于元祐從而實之亦坐奪職未幾復之卒

欽定續通志卷三百三十八

列傳

宋四十三

范仲淹 純祐 純禮 純仁 正平

范仲淹字希文唐宰相履冰之後其先邠州人也後徙家江南遂為蘇州吳縣人父墉從錢俶歸京師後為武寧軍掌書記宋史本傳不載仲淹父從錢俶歸朝今據東都事略增仲淹二歲而孤母更適長山朱氏從其姓名說少有志操既長知其家世適感泣辭母去之應天府依戚同文學晝夜不息冬月憊甚以水沃而食不給至以糜粥繼之人不能堪仲淹不苦也舉進士第為廣德軍司理參軍迎其母歸養父集慶軍節度推官始還姓更其名按東都事略載仲淹終母喪乃歸宗易歷監楚州糧料院母喪去官晏殊知應天府問仲淹名召寅府學上書請擇郡守舉縣令斥游惰去尤儆慎選舉撫將帥凡萬餘言服除以殊薦為祕閣校理每感激論天下事一時士大夫矯厲尚風節自仲淹倡之天聖七年章獻太后將以冬至受朝天子率百官上壽仲淹極言之且曰奉親于內自有家人禮願與百官同列北面而朝不可為後世法且上疏請太后還政不報尋通判河中府徙陳州時方建太一宮及洪福院市材木陝西仲淹言昭應壽靈天戒不遠今又侈土木破民產非所以順人心合天意也宜罷修寺觀減常歲市木之數以蠲除積負又言恩倖多以內降除官非太平之政事雖不行仁宗以為忠太后崩召為右司諫言事者多暴太后時事仲淹曰太后受遺先帝調護陛下者十餘年宜掩其小故以全后德帝為詔中外毋輒論太后時事初太后遺詔以太妃楊氏為皇太后參決軍國

事仲淹曰太后母號也自古無因保育而代立者今一太后崩又立一太后天下且疑陛下不可一日無母后之助矣歲大蝗旱江淮京東滋甚仲淹請遣使循行未報乃請開曰宮掖中半日不食當何如帝惻然乃命仲淹安撫江淮所至開倉振乏禁民淫祀奏蠲廬折役茶江東丁口鹽錢且條上裒數十事會郭皇后廢率諫官御史伏閣爭之不能得明日將留百官揖宰相廷爭方至待漏院有詔出知睦州歲餘徙蘇州州大水民田不得耕仲淹疏五河導太湖注之海興作未就尋徙明州轉運使奏留仲淹以畢其役許之拜尚書禮部員外郎天章閣待制召還判國子監遷吏部員外郎權知開封府時呂夷簡執政進用者多出其門仲淹上百官圖指其次第序遷公私況進退近臣凡超格者不宜全委之宰相夷簡不悅他日論建都之事仲淹曰洛陽險固而汴為四戰之地太平宜居汴即有事必居洛陽富漸廣儲蓄繕宮室帝問夷簡夷簡曰此仲淹迂闊之論也仲淹仍為四論以獻大抵譏切時政且曰漢成帝信張禹不疑舅家故有新莽之禍臣恐今日亦有張禹壞陛下家法夷簡怒訴曰仲淹離開陛下君臣所引用皆朋黨仲淹對益切由是罷知饒州殿中侍御史韓瀆希宰相旨請書仲淹朋黨揭之朝堂於是祕書丞余靖上言曰仲淹以一言忤宰相遽加貶竄況前所言者在陛下母子夫婦之間乎陛下既優容之矣臣請追改前命太子中允尹洙自訟與仲淹師友且嘗薦已願從降黜館閣校勘歐陽修以高若訥在諫官坐視而不言移書責之由是三人者偕坐貶明年夷簡亦罷自是朋黨之論興矣仲淹既去士大夫為論薦者不已仁宗謂宰相張

士遜曰向貶仲淹為其密請建立皇太弟故也今朋黨稱薦如此奈何再下詔戒敕仲淹在饒州歲餘徙潤州又徙越州元昊反召為天章閣待制知永興軍改陝西都轉運使會夏竦為陝西經略安撫招討使進仲淹龍圖閣直學士以副之延州諸皆多失守仲淹自請行遷戶部郎中兼知延州先是詔分邊兵總管領萬人鈐轄領五千人都監領三千人寇至禦之則官卑者先出仲淹曰將不擇人以官為先後取敗之道也於是大閱州兵得萬八千分為六各將三千人分部教之量賊眾寡使更出禦賊時塞門承平諸皆既廢用种世衡策城青澗以據賊衝大興營田且聽民得互市以通有無又以民遠輸勞苦請建鄜城為軍以河中中華中下戶稅租就輸之春夏徙兵就食可省糴十之三他所減不與詔以為康定軍明年正月詔諸路入討仲淹曰正月塞外大寒我師暴露不如俟春深入賊馬瘦人饑勢易制也郵延密邇靈夏西羌必由之地第按兵不動以觀其釁許臣稍以恩信招來之若臣策不效當舉兵先取綏州據要害屯兵營田為持久計則茶山橫山之民必挈族來歸矣帝皆用其議仲淹又請修承平永平等砦稍招還流亡定堡障通斥候城十二砦於是羌漢之民相踵歸業久之元昊歸陷將高延德因與仲淹約和仲淹為書戒諭之會任福敗於好水川元昊答書語不遜仲淹對來使焚之不以聞降本曹員外郎知耀州徙慶州會分陝西為四路乃遷左司郎中為環慶路經略安撫緣邊招討使初元昊反陰誘屬羌為助而環慶酋長六百餘人約為鄉道事尋露仲淹以其反復不常至部即奏行邊以詔書犒賞諸羌問其人馬為立條約諸羌皆受

命改邠州觀察使辭不拜慶之西北馬舖砦當後橋川口在賊腹中仲淹欲城之度賊必爭密遣子純祐與蕃將趙明先據其地引兵隨之諸將不知所向行至柔遠始號令之版築皆具旬日而城成即大順城是也賊覺以騎三萬來戰伴北仲淹戒勿追已而果有伏大順既城而白豹金湯皆不敢犯環慶自此寇益少明珠滅賊勁兵數萬仲淹聞涇原欲襲討之上言曰二族道險不可攻前日高繼嵩已喪師平時且懷反側今討之必與賊表裏南入原州西擾鎮戎東侵環州邊患未艾也若北取細腰胡蘆泉為保障以斷賊路則二族安而環州鎮戎徑道通微可無憂矣其後遂築細腰胡蘆諸砦葛懷敏敗於定州賊大掠至潘原關中震恐民多竄山谷間仲淹率眾六千由邠涇援之始定川事聞帝按圖謂左右曰若仲淹出援吾無憂矣奏至帝大喜曰吾固知仲淹可用也進樞密直學士右諫議大夫仲淹以軍出無功辭不敢受命詔不聽時已命文彥博經略涇原帝以涇原傷夷欲對徙仲淹遣王懷德諭之仲淹謝曰涇原地重恐臣不足當此路願與韓琦同經略涇原並駐涇州琦兼秦鳳臣兼環慶涇原有警臣與韓琦合秦鳳環慶之兵騎角而進若秦鳳環慶有警亦可率涇原之師為援臣當與琦練兵選將漸復橫山以斷賊臂不數年閒可期平定請詔罷籍兼領環慶以成首尾之勢秦州委文彥博慶州用滕宗諒總之孫沔亦可辦集涇州一武臣足矣帝采其言復置陝西四路安撫經略招討使以仲淹韓琦龐籍分領之仲淹與琦開府涇州而徙彥博帥秦宗諒帥慶張亢帥涇仲淹為將號台明白愛撫士卒諸羌來者推心委之不疑故賊亦不敢犯

犯其境元昊請和召拜樞密副使王舉正懦默不任事諫官歐陽修等言仲淹有相材請罷舉正用仲淹遂改參知政事仲淹曰執政可由諫官而得乎固辭不拜願與韓琦出行邊命為陝西宣撫使未行復除參知政事會王倫寇淮南州縣官有不能守者朝廷欲按誅之仲淹曰平時諱言武備寇至而專責守臣死事可乎守令皆不得誅按皆不得誅帝方銳意太平數問當世事仲淹語人曰上用我至矣事有先後久安之弊非朝夕可革也帝再賜手詔又為之開天章閣召二府條對仲淹惶恐退而上十事一曰明黜陟二曰抑僥倖三曰精貢舉四曰擇長官五曰均公田六曰厚農桑七曰修武備八曰推恩信九曰重命令十曰減徭役帝方信嚮仲淹悉采用之宜著令者皆以詔書畫一頒下獨府兵法眾以為不可而止仲淹在政府欲做周官以六卿事分委輔相而自領兵刑之任亦不果行初仲淹以忤呂夷簡放逐者數年士大夫持二人曲直交指為朋黨及陝西用兵天子以仲淹士望所屬拔用之及夷簡罷召還倚以為治中外想望其功業而仲淹以天下為己任裁制倖濫考覈官吏日夜謀慮與致太平然更張無漸規模闊大論者以為不可行及按察使出多所舉劾人心不悅自任子之恩薄磨勘之法密僥倖者不便於是謗毀稍行而朋黨之論漫聞上矣會邊陲有警因與樞密副使富弼請行邊於是仲淹為河東陝西宣撫使賜黃金百兩悉分遺邊將麟州新被寇掠言者多請棄之仲淹為修故砦招還流亡三千餘戶蠲其稅罷權酷子民又奏免府州商稅外遂安比去攻者益急仲淹亦白請罷政事適以為資政殿學士陝西四路安撫使知

邠州其在中國所施為亦稍稍沮罷以疾請鄧州進給事中徙荆南鄧州人遮使者請留仲淹亦願留鄧許之尋卒年六十四贈兵部尚書諡文正帝親書其碑曰褒賢之碑仲淹內剛外和性至孝以母在時方貧其後雖貴非賓客不重肉妻子衣食僅能自充而好施子置義莊里中以贍族人汎愛樂善士多出其門為政尚忠厚所至有恩邠慶二州之民與屬羌皆畫像立生祠事之及其卒也羌酋數百人哭之如父齋三日而去四子純祐純仁純禮純粹純祐字天成尚節行方十歲能讀諸書為文章籍籍有稱父仲淹守蘇州首建郡學聘胡瑗為師瑗立學規良密生徒數百多不率教仲淹患之純祐尚未冠輒白入學齒諸生之未盡行其規諸生隨之遂不敢犯自是蘇學為諸郡倡寶元中西夏叛仲淹連官關陝皆將兵純祐與將卒錯處鉤深隱得其才否由是仲淹任人無失而屢有功事父母孝未嘗違左右不應科第及仲淹以讒罷不得已蔭守將作院主簿又為司竹監以非所好即解去從仲淹之鄧得疾臥許昌凡十九年卒年四十九子正臣守太常寺太祝純禮字彝叟以蔭為祕書省正字簽書河南府判官知陵臺合兼永安縣為三司鹽鐵判官以比部員外郎出知遂州瀘南有邊事調度苛棘純禮一以靜待之辨其可具者不取于民除戶部郎中京西轉運副使元祐初入為吏部郎中遷左司又遷太常少卿江淮荆浙發運使以光祿卿召遷刑部侍郎進給事中純禮凡所封駁正名分紀綱皆國體之大者張來除起居舍人病未能

朝而今先供職純禮批教曰臣僚未有以疾謁告不赴朝參先視事者來能供職豈不能見君壞禮亂法所不當爲聞者皆悚動徙刑部侍郎轉吏部改天章閣待制樞密都承旨知亳州提舉明道宮元符三年以龍圖閣直學士知開封府前尹以刻深爲治純禮曰寬猛相濟聖人之訓今處深文之後若益以猛是以火濟火也由是一切以寬處之拜禮部尚書擢尚書右丞侍御史陳次升乞除罷言官並自內批不由三省進擬右相曾布力爭不能得乞降黜次升純禮徐進曰次升何罪不過防柄臣各引所親且去不附己者爾帝曰然乃寢布議曾布奏議者多憂財用不足此非所急勿以爲慮純禮曰古者無三年之蓄曰國非其國今大農告匱帑庾枵空而曰不足慮非面諷邪因從容諫曰邇者朝廷命令莫不是元豐而非元祐以臣觀之神宗立法之意固善吏推行之或有失當以致病民宜仁聽斷一時小有潤色蓋大臣識見異同非必盡懷邪爲私也今議論之臣有不得志故挾此藉口以元豐爲是則欲賢元豐之人以元祐爲非則欲斥元祐之士其心豈恤國事直欲快私忿以售其姦不可不深察也又曰自古天下治亂繫於用人祖宗於此最得其要太祖用呂餘慶太宗用王禹偁眞宗用張知白皆從下列眞諸要人君欲得英傑之心固當不次節拔必待薦而後用則守正特立之士將終身晦迹矣左司諫江公望論繼述事當執中道不可拘一偏帝出示其疏純禮贊之曰願陛下以曠中外使知聖意所嚮亦足以革小人徇利之情乞哀遷公室以勸來者純禮沈毅剛正曾布懼之激駙馬都尉王誥曰上欲除君承旨范石丞不可說怒會說館遠使純

禮主宴誅誣其輒斥御名罷爲瑞明殿學士知穎昌府提舉崇福宮崇寧中放黨禁貶少府監分司南京又貶靜江軍節度副使徐州安置徙單州五年復左朝議大夫提舉鴻慶宮卒年六十七紹興中贈資政殿學士謚曰恭獻子正己

純粹字德儒以蔭遷至贊善大夫檢正中書刑房與同列有爭出知滕縣遷提舉成都諸路茶場元豐中爲陝西轉運判官時五路出師伐西夏神宗責諸將無功謀欲再舉純粹奏關陝公私大困若復加騷動根本可憂帝納之進爲副使吳居厚爲京東轉運使數獻羨賦帝將以徐州大錢二十萬緡助陝西純粹曰自徐至邊勞費甚矣懇辭勿受入爲右司郎中哲宗卽位居厚敗命純粹以直龍圖閣往代之盡革其苛政時蘇軾自登州召還純粹與軾同建募役之議軾謂純粹講此事尤爲精詳復代兄純仁知慶州時與夏議分疆界純粹請棄所取夏地曰爭地未棄則邊隙無時可除如河東之葭蘆吳堡鄜延之米脂義合浮圖環慶之安疆深在夏境於漢界地形勢略無所益而蘭會之地耗蠹尤深不可不棄所言皆略施行純粹又言諸路策應舊制也自徐禧罷策應若夏兵大舉一路攻圍力有不勝而鄰路拱手坐觀其不拔者幸爾今宜修明戰守救援之法朝廷是之及夏侵涇原純粹遣將曲珍救之曰本道首建應援牽制之策臣子之義忘軀殉國無謂鄰路被寇非我職也珍卽日疾馳三百里破之曲律擣橫山夏眾遁去元祐中除寶文閣待制再任召爲戶部侍郎又出知延州紹聖初哲宗親政用事者欲開邊費御史郭知章遂論純粹元祐棄地事降直龍圖閣明年復以寶文閣

待制知熙州章惇蔡卞經略西夏疑純粹不與其事改知鄧州歷河南府滑州旋以元祐黨人奪職謫均州居住徽宗卽位起知信州復故職知太原加龍圖閣直學士再臨延州改知永興軍尋以言者落職知金州提舉鴻慶宮又責常州別駕鄂州安置錮子弟不得擅入都會赦復領祠久之以右文殿修撰提舉太清宮黨禁解復徵猷閣待制致仕卒年七十餘純粹沈毅有幹略才應時須論事劄切紹興中追復原官贈中奉大夫

范純仁字堯夫八歲能講所授書以父任爲太常寺太祝中皇祐元年進士第調知武進縣以遠親不赴易長葛又不往曰豈可重於祿食而輕去父母耶仲淹沒始出仕以著作佐郎知襄城縣兄純祐有心疾藥膳居服躬親時節賈昌朝守北都請參幕府宋庠薦試館職皆爲兄疾辭不就襄城民不蠶織勸使植桑有罪而情輕者視所植多寡除其罪民賴之簽書許州觀察判官知襄邑縣縣有牧地衛士牧馬以踐民稼純仁捕一人杖之牧地初不隸縣主者怒白其事于上劾治甚急純仁言養兵出于稅畝若使暴民田而不得問稅安所出詔釋之且聽牧地隸縣凡牧地隸縣自純仁始時早久不雨純仁籍境內賈舟諭之曰民將無食爾所販五穀貯之佛寺候食爾時吾爲糴之眾買從命所蓄十數萬斛至春諸縣皆饑獨境內民不知也治平中擢江東轉運判官召爲殿中侍御史遷侍御史時方議濮王典禮宰相韓琦參知政事歐陽修等議欲尊崇翰林學士王珪等議宜如先朝追贈期親尊屬故事純仁言陛下受命仁宗而爲之子與前代定策入繼之主異宜如王珪等議繼與御史呂誨等更論奏不聽於是還所授告敕家

居待罪既而內出皇太后手書尊王為皇夫人為后純仁復言陛下以長君臨御奈何使命出房闈異日或為權臣矯託之地非人主自安計尋詔罷追尊起純仁就職純仁請出不已遂通判安州改知蘄州歷京西提點刑獄京西陝西轉運副使召還拜兵部員外郎兼起居舍人同知諫院奏言王安石變祖宗法度培克財利民心不靈書曰怨豈在明不見是圖願陛下圖不見之怨神宗曰何為不見之怨對曰杜牧所謂天下之人不敢言而敢怒是也帝嘉納之曰卿為朕條古今治亂可為監戒者乃作尚書解以進加直集賢院同修起居注帝切於求治多延見疎遜小臣否訪關失純仁言小人之言聽之若可采行之必有累蓋知小忘大貪近昧遠願加深察富弼在相位稱疾家居純仁言弼受三朝眷倚當自任天下之重而恤已深于恤物憂疾過於憂邦致主處身二者胥失弼與先臣素厚臣在諫省不敢私謁以致忠告願示以此章使之自省又論呂誨不當罷御史中丞李師中不可守邊及辭向任發運使行均輸法於六路純仁言臣嘗親奉德音欲修先王補助之政今乃效桑羊均輸之法而使小人為之培克生靈斂怨基禍安石以富國強兵之術啟迪上心欲求近功忘其舊學劉琦錢顛等一言便蒙降黜在廷之臣方大半趨附陛下又從而驅之其將何所不至道遠者理當馴致事大者不可速成人材不可急求積弊不可頓革倘欲事功急就必為檢候所乘宜速還言者而退安石答中外之望不聽遂求罷諫職改判國子監所上章疏語多激帝曰彼無罪姑與一善地命知河中府徙成都路轉運

使以新法不便戒州縣未得遵行安石怒純仁沮格因讒者遣使欲捃摭私事不能得使者以他事鞭傷傳言者屬官喜謂純仁曰此一事足以塞其誘請聞於朝純仁既不奏使者之過亦不折言者之非後坐失察僚佐燕游左遷知和州徙邢州未至加直龍圖閣知慶州過闕入對神宗曰卿父在慶著威名卿必精兵法熟邊事純仁對曰陛下使臣繕治城壘愛養百姓不敢辭若開拓侵攘願別謀帥臣遂行秦中方饑擅發常平粟賑貸僚屬請奏而須報純仁曰報至無及矣吾當獨任其責或謗其所全活不實詔遣使按視會秋大稔民謠曰公實活我忍累公邪晝夜爭輸還之使者至已無所負環州種古執熟羌為盜流南方過慶呼冤純仁以屬吏非盜也古避罪謫詔御史治于靈州純仁就逮民萬數遮馬涕泗不得行至有自投于河者獄成古以誣告論亦加純仁以他過黜知信陽軍移齊州齊俗兇悍人輕為盜劫或謂此嚴治之猶不能戢公一以寬恐不勝其治矣純仁曰寬出于性若強以猛則不能持久猛而不久以治兇民取玩之道也有西司理院繫囚常滿皆屠販盜竊督債償之復索官司待其疾斃於獄純仁曰法不至死以情殺之豈理邪盡使自新釋去期歲盜減比年大半丐罷提舉西京留司御史臺時著賢多在洛純仁及司馬光皆好客而家貧相約為真率會脫粟一飯酒數行洛中以為勝事復知河中諸路閭保甲妨農論救甚力哲宗即位復直龍圖閣知慶州召為右諫議大夫以親嫌辭改天章閣待制兼侍講除給事中時宣仁后垂簾司馬光為政將盡改熙寧元豐法度純仁謂光去其大甚者可也差役一事尤當熟講而後行不然滋

為民病又云熙寧按問自首之法既已行之有司立文太深四方死者視舊數倍殆非先王靈失不經之法純仁素與光同志及臨事規正類如此元祐初進吏部尚書數日同知樞密院事初純仁與議西夏請罷兵棄地使歸所掠漢人執政持之未決至是乃申前議又請歸一漢人予十縑事皆施行邊俘鬼章以獻純仁請誅之塞上以謝邊人不聽議者欲致其子收河南故地故赦不殺後又欲官之純仁復固爭然鬼章子卒不至三年拜尚書右僕射兼中書侍郎純仁在位務以博大開上意忠篤革士風學士蘇軾以發策問為言者所攻韓維無名罷門下侍郎補外純仁奏軾無罪維盡心國家不可因譖黜官及王觀言事性旨純仁慮朋黨將熾與文彥博呂公著辨於簾前未解純仁曰朝臣本無黨但善惡邪正各以類分彥博公著皆累朝舊人豈容雷同同上因極言前世朋黨之禍并錄歐陽修朋黨論以進知漢陽軍吳處厚傳致蔡確安州車蓋亭詩以為誘宣仁后上之諫自欲寘於典憲執政右其說唯純仁與左丞王存以為不可爭之未定聞太師文彥博欲貶於嶺嶠純仁謂左相呂大防曰此路自乾興以來荆棘近七十年吾輩開之恐自不免大防遂不敢言及確新州命下純仁於宣仁后簾前言聖朝宜務寬厚不可以言語文字之間曖昧不明之過誅竄大臣今舉動宜與將來為法此事甚不可開端也且以重刑除惡如以猛藥治病其過也不能無損焉又與王存諫于哲宗確卒貶新州大防奏確黨人甚盛不可不問純仁面諫朋黨難辨恐誤及善人又上疏極言分辨黨人或恐有傷仁化司諫吳安詩正言劉安世交章擊純仁黨確純仁亦力求罷

明年以觀文殿學士知穎昌府踰年加大學士知太原府夏人犯境朝廷欲罪將吏純仁自引咎求貶秩有詔貶官一等徙河南府再徙穎昌召還復拜右僕射因入謝宣仁后簾中論曰或謂卿必先引用王觀彭汝礪卿宜與呂大防一心對曰此二人實有士望臣終不敢保位蔽賢望陛下加察宣仁后寢疾召純仁曰卿父仲淹可謂忠臣在明肅皇后垂簾時唯勸明肅盡母道明肅上賓唯勸仁宗盡子道卿當似之純仁泣曰敢不盡忠宣仁后崩哲宗親政純仁乞遜位哲宗語呂大防曰純仁有時望不宜去可為朕留之且趨入見問先朝行青苗法如何對曰先帝愛民之意本深但王安石立法過甚激以賞罰故官吏急切以致害民退而上疏其要以為青苗非所當行之終不免擾民也是時用二三大臣皆從中出侍從臺諫官亦多不由進擬純仁言陛下初親政四方拭目以觀天下治亂實本於此舜舉皋陶湯舉伊尹不仁者遠縱未能如古人亦須極天下之選又羣小力排宣仁后垂簾時事純仁奏曰太后保祐聖躬功烈誠心幽明共監議者不恤國事一何薄哉遂以仁宗禁言明肅垂簾事詔書上之曰望陛下稽倣而行以戒薄俗蘇轍論殿試策問引漢昭變武帝法度事哲宗震怒曰安得以漢武比先帝純仁從容言轍非謗右丞鄧潤甫越次曰先帝法度為司馬光蘇轍壞盡純仁曰不然法本無弊弊則當改哲宗曰人謂秦皇漢武純仁曰轍所論事與時也非人也哲宗為之少霽轍平日與純仁多異至是乃服純仁凡薦引人材必以天下公議其人不知自純仁所出或曰為宰相豈可不牢籠天下士使知出於門下純仁曰但朝廷進用不失正人何

必知出於我邪哲宗既召章惇為相純仁堅請去遂以觀文殿大學士加右正議大夫知穎昌府入辭哲宗曰卿不肯為朕留雖在外於時政有見宜悉以聞毋事形迹徙河南府又徙陳州初哲宗嘗言貶謫之人殆似永廢純仁前賀曰陛下念及此堯舜用心也既而呂大防等竄嶺表會明堂肆赦章惇先期言此數十人當終身勿徒純仁疏稱大防等年老疾病不習水土炎荒非久處之地又憂虞不測何以自存臣曾與大防等共事多被排斥陛下之所親見臣之激切止是仰報聖德願將大防等引赦原放疏奏件惇意誠為同罪落職知隨州明年又貶武安軍節度副使永州安置時疾失明閉命怡然就道聞諸子怨章惇必怒止之江行赴貶所舟覆扶純仁出衣盡溼願諸子曰此豈章惇為之哉既至永韓維責均州其子訴維執政日與司馬光不合得免行純仁之子欲以純仁與光議役法不同為請純仁曰吾用君實薦以至宰相昔同朝論事不合則可汝輩以為今日之言則不可也其子乃止居三年徽宗即位欲聖顯肅后同聽政即日授純仁光祿卿分司南京鄧州居住遣中使至承賜茶藥論曰皇帝在藩邸太皇太后在宮中知公先朝言事忠直今虛相位以待不知目疾如何用何人醫之純仁頓首謝道除右正議大夫提舉崇福宮不數月以觀文殿大學士中太一宮使詔之又遣中使賜茶藥促入覲仍宣渴見之意純仁乞歸許養疾不得已許之每見輔臣問安否乃曰范純仁得一識面足矣疾革以宣仁后誣謗未明為恨呼諸子口占遺表令門生李之儀次第之其略云蓋嘗先天下而憂期不負聖人之學此先臣所以教子而微臣資以事君又云

惟宣仁之誣謗未明致保祐之憂勤不顯又云未解疆場之嚴幾空帑藏之積有城必守得地難耕凡八事建中靖國改元之且受家人賀明日熟寐而卒年七十五贈開府儀同三司諡曰忠宣御書碑額曰世濟忠直之碑純仁性夷易寬簡不以聲色加人誼之所在則挺然不少屈白為布衣至宰相廉儉如一所得俸賜皆以廣義莊前後任子恩多先疎族役之日幼子五孫猶未官警曰吾平生所學得之忠恕二字立朝事君接待僚友親睦宗族未嘗須臾離此也子正平正思

正平字子夷學行甚高父純仁卒詔特增遺澤官其子孫正平推與幼弟紹聖中為開封尉有向氏於其墳造惡雲寺戶部尚書蔡京以向氏后戚欲自結奏拓四鄰田廬民有訴者正平按視以為所拓皆民業不可奪京坐罰金用是蓄恨正平及當國乃言正平矯撰父遺表又謂李之儀所述純仁行狀妄載中使蔡克明傳一聖虛仁之意遂以正平逮之儀克明同詣御史府捶楚甚苦皆欲誣服獨克明日舊制凡傳聖語受本於御前請寶印出注籍于內東門使從其家得永州傳宣聖語本有御寶又驗內東門籍皆同其遺表八事諸子以朝廷大事防後患不敢上之繳申穎昌府印寄軍資庫自穎昌取至亦實獄遂解正平攜管象州之儀羈管太平州正平家屬死者十數人會赦得歸穎昌唐君益為守表其所居為忠直坊取所賜世濟忠直碑額也正平告之曰此朝廷所賜施於金石揭於墓隧假寵於范氏子孫則可若於通途廣陌中為往來之觀以聲色動庸俗不可也君益曰此有司之事君家何預焉正平曰先祖先君功名人所共知也十室之邑必有忠信異時不獨吾

詒笑君亦受其責矣竟撤去之正平以壽終紹興中贈朝奉大夫

列傳

宋四十四

韓億 宗彥

韓絳 宗師

韓維

韓鎮 宗武

包拯

吳奎

趙抃 峴

唐介 淑問

義問

韓億字宗魏其先真定靈壽人徙開封之雍丘舉進士為大理評事知永城縣有治聲他邑訟不決者郡守皇甫選輒屬億治之通判陳州會河決治隄費萬計億不賦民而營築之真宗嘗欲召試而與王且有親嫌特召見改一官知洋州豪李甲兄死迫媿使嫁因誣其子為他姓以專其貲媿訴于官積十餘年不已億視舊牘未嘗引乳醫為證召甲出乳醫示之寃遂辨累遷尚書屯田員外郎知相州河北旱轉運使不以實聞億獨言歲饑願貸民租有誣其子綱請求受金者億請自置獄按之事雖辨猶降通判大名府尋為殿中侍御史遷侍御史安撫淮浙除開封府判官出為河北轉運使仁宗初進直史館知青州以司封員外郎兼侍御史知雜事判大理寺丞吳植知臨江軍使人納金於宰相王欽若因牙吏至京師審之語頗洩欽若知不可掩執吏以聞詔付臺治而植自言未嘗納金反誣吏謀以問所親語達欽若億窮治之蓋植以病懼廢金未達而事已露也植乃除名并按欽若語釋不問三司更茶法歲課不登億承詔劾之由丞相而下皆坐失當之罰其不撓如此自辭奎後億獨掌臺務者踰年除龍圖閣待制奉使契丹時副使者章獻外姻也妄傳皇太后旨於契丹論以南北歡好傳示子孫之意億初不知也契丹主問億曰

皇太后即有旨大使何獨不言億對曰本朝每遣使皇太后必以此戒之非欲達于北朝也契丹大喜曰此兩朝生靈之福也人謂副使既失辭而億更以為恩意甚推美之知亳州召知審刑院再遷兵部郎中同判吏部流內銓以右諫議大夫樞密直學士知益州故事益州歲出官粟六萬石振糶貧民是歲大旱益倍數出粟先期子民民坐是不饑又疏九升江口下溉民田數千頃惟茂州地接羌夷蕃部歲至永康官場鬻馬億慮其規兩州奏徙場黎州境上拜御史中丞請如唐制置御史裏行景祐二年以尙書工部侍郎同知樞密院事時承平久武備不戒乃請二府各列上才任將帥者數十人推誠用之又言武臣宜知兵而書禁不傳謄其要授之於是帝親集神武祕略以賜邊臣嘉勒斯賚與趙元昊相攻來獻捷朝廷議加嘉勒斯賚節制億曰彼皆蕃臣也今不能論令解仇乃因而加賞非所以綏御四方也議遂寢元昊歲遣人至京師出入民間無他禁億請下詔為除館舍禮之官主貿易外雖若煩擾實疆防之知開封府范仲淹獻百官圖指宰相呂夷簡差除不平而陰薦億可用仲淹既貶帝以諭億億曰仲淹舉臣以公臣之愚陛下所知舉臣以私則臣委質以來未嘗交託於人遂除戶部參知政事會忻州地震諫官韓琦言宰相王隨陳堯佐非輔弼才又言億子綜為羣牧判官不當自請以兄綱代之遂與宰相皆罷知應天府尋加資政殿學士知成德軍改澶州復知亳州官至尙書左丞以太子少傅致仕卒贈太子太保諡忠獻億性方重治家嚴飭雖燕居未嘗有惰容見親舊之孤貧者常給其婚葬每見諸路有奏擔拾官吏小過者輒顏色不

懌曰天下太平聖主之心雖昆蟲草木皆欲使之得所仕者大則望為公卿次亦望為侍從職司一千石 按東 事 千石 其下亦望京朝幕職奈何錮之於盛世八子綱綜絳緝緝緝緝緝綱尚書水部員外郎慶曆中知光化軍性苛急不能撫循士卒軍校邵興帥眾劫庫兵為亂綱坐棄城除名編管英州綜字仲文蔭補將作監主簿遷大理評事舉進士第通判鄧州天雄軍會河溢金隄民依坵塚者數百家綜令日能濟一人子千錢民爭操舟楫以救已而坵塚多潰呂夷簡自北京入相薦為集賢校理歷遷三司戶部判官同修起居注使契丹契丹主問其家世綜言億在先朝嘗持禮來契丹主喜曰與中國通好久父子俱使我宜酌我酒綜率同使者五人起為壽契丹主亦離席酬之歡甚既還陳執中以爲生事出知滑州徙許州殿前指揮使坐得許懷德爭產書不以聞奪集賢校理知袁州未幾復為江東轉運使還再修起居注累遷刑部員外郎知制誥卒綜嘗為契丹館伴使使者欲為書稱北朝而去契丹號綜曰自古未有建國而無號者使慙遂不復言其後朝廷擇館伴契丹使者帝曰孰有如韓綜者乎子宗道為戶部侍郎寶文閣待制綱子宗彥字欽聖陰綱將作監主簿舉進士甲科累遷太常博士以大臣薦召試為集賢校理歷提點京西京東刑獄應天府失入平民死罪獄成未決通判孫世靈辨正之猛吏當坐法而尹劉沆縱弗治宗彥往案舉沆復沮止之宗彥疏沆于朝抵吏罪仁宗春秋高未有嗣宗彥上書引漢章帝故事請修胎養之令以尙書兵部員外郎判三司鹽鐵勾院卒

韓絳字子華舉進士甲科通判陳州直集賢院為開封府推官有男子冷青妄稱其母頃在掖庭得幸有娠而出生已府以為狂奏流汝州絳言留之在外將惑眾追責窮治蓋其母嘗執役宮禁嫁民冷緒生一女乃生青遂論棄市歷戶部判官江南饑為體量安撫使行便民事數十條宣州守廖詢貪暴不法下吏實諸理民大悅使還同修起居注擢右正言入內都知王守中兼判內行省絳言判名太重且國朝以來未有兼判兩省者詔自今勿復除道士趙清賤出入宰相龐籍家以賂敗開封杖流之道死絳言籍諷府殺之籍與尹俱謫去未幾復進絳力爭不得遂解言職明年知制誥乞守河陽召判流內銓河決商湖用李仲昌議開六塔河而患滋甚命絳宣撫河北時宰主仲昌人莫敢異絳劾其靈國害民仲昌遂竄嶺表遷龍圖閣學士知瀛州歐陽修率同列言絳宜在朝廷瀛非所處也留知諫院糾察在京刑獄為翰林學士御史中丞帝禱茅山求嗣絳草祝辭因勸帝汰出宮人及限內臣養子以重絕人之世皆從之掖庭劉氏通請謁為姦絳以告帝帝曰非卿言朕無由知不數日出劉氏及他不謹者真定守呂溱犯法從官通章請賞之絳曰法行當自貴者始更相請援則公道廢矣并劾諸請者溱遂紉富弼用張茂實掌禁兵絳言人謂茂實為先帝子豈宜用典宿衛不報閹門待罪自言不敢復稱御史中丞詔召之及出不秉笏穿朝堂諫官唐介論之罷知蔡州數月以翰林侍讀學士知慶州熟羌據堡為亂即日討平之加端明殿學士知成都府張詠鎮蜀日春糶米秋糶鹽官給券以惠貧弱歷歲久權歸豪右中人奉使至蜀使酒吏主貿易因附益以取

悅絳悉奏罷之召知開封府為三司使請以川陝職田穀輸常平倉而隨其事任道里差次給直帝歎曰眾方姑息卿不能徇時邪即行之神宗立韓琦薦絳有公輔器拜樞密副使始請建審宮西院掌武臣升朝者以息吏姦神宗嘗問天下遺利絳請盡地力因言差役之弊願更定其法役議自此始矣代陳升之同制置三司條例王安石每奏事必曰臣見安石所陳非一皆至當可用陛下宜省察安石恃以為助熙寧三年參知政事夏人犯塞絳請行邊安石亦請往絳曰朝廷方賴安石臣宜行乃以為陝西宣撫使既又兼河東幾事不可待報者聽便宜施行授以空色告敕得自除吏即軍中拜同中書門下平章事昭文館大學士開幕府于延安絳素不習兵事措乖方選蕃兵為七軍用知青澗城神諤策欲取橫山合諸將聽命于諤厚賞犒蕃兵眾皆望又奪騎兵馬以與之有抱馬首以泣者既城羅鄂特又冒雪築撫寧堡調發騷然已而二城陷趨諸道兵出援慶卒遂作亂議者罪絳罷知鄧州明年以觀文殿學士徙許州進大學士徙大名府七年復代王安石相既顯處中書事多稽留不決且數與呂惠卿爭論乃密請帝再用安石安石至頗與絳異有劉佐者坐法免安石欲技拭用佐絳不可議帝前未決即再拜求去帝驚曰此小事何必爾對曰小事尚不伸況大事乎帝為遂佐未幾絳亦出知許州元豐元年拜建雄軍節度使知定州入為西太一宮使六年知河南府夏大雨伊洛間民被溺者十五六絳發廩賑恤環城築隄數月水復至民賴以免哲宗立更鎮江軍節度使開府儀同三司封康國公為北京留守河決小吳都水議傍魏城鑿渠東趨金

隄設甚棘絳言功必不成徒耗費國力而使魏人流徙非計也三奏詆罷之元祐二年請老以司空檢校太尉致仕明年卒年七十七贈太傅諡曰獻肅絳臨事果敢不為後慮好延接士大夫數薦司馬光可用終以黨王安石復得政是以清議少之子宗師字傳道以父任歷州縣職既登第王安石薦為度支判官提舉河北常平累官至集賢殿修撰知河中府卒初宗師在神宗朝數賜對常弗忍去親屢辭官不拜世以孝與之韓維字持國以進士奏名禮部方億輔政不肯試大廷受蔭入官父沒後閉門不任宰相薦其好古嗜學安於靜退召試學士院辭不就富弼辟河東幕府史館修撰歐陽修薦為檢討知太常禮院禮官議祿享東向位維請虛室以待太祖溫成后立廟用樂維以為不如禮請一切裁去議陳執中諡曰榮靈不行乞罷禮院以祕閣校理通判涇州神宗封淮陽郡王頌王維皆以記室參軍王每事咨訪嘗與論天下事語及功名維曰聖人功名因事始見不可有功名心王拱手稱善時禁中遣使泛至諸臣家為王擇配維上疏曰王孝友聰明動履法度方嚮經學以觀成德今卜族授室宜歷選勳望之家謹擇淑媛考古納采問名之義以禮成之不宜苟取華色而已左右史闕以維同修起居注侍邇英閣講英宗初免喪簡默不言維上疏曰邇英閣者陛下燕閒之所也侍於側者皆獻納論思之臣陳於前者非經則史可以博諮訪之義窮仁義之道究成敗之原今體制終畢按東都事略作禮制臣下傾耳以聽玉音陛下之言此其時也臣請執筆以俟進知制誥知通進銀臺司御史呂誨等以濫議得罪請追還前詔令百官詳議以盡人情請復誨

等職任以全政體既而責命不由門下維又言罷黜御史事關政體而不使有司與問紀綱之失無甚於此乞解銀臺司不從遂闔門待罪有詔舉臺官二人維言呂誨范純仁有已試之效願復其職翰林學士范鎮作批答不合旨出補郡維言鎮所失只在文字當涵容之前黜錢公輔中外以為太重進退二近臣而眾莫知其所謂自此誰敢盡忠者穎王為皇太子以維兼右庶子神宗即位除龍圖閣直學士御史中丞王陶彈宰相韓琦不押當朝班為政虐罷為翰林學士維言中丞之言是宰相安得無罪若其非是安得止罷臺職令為學士是遷也參知政事吳奎論陶事出知青州維言進退大臣不當如是詔遷奎官維又言執政罷免則為降黜今復遷官則為褒進二者理難並行此與王陶罷中丞而加學士何以異章上奎還就職維援前言求去知汝州數月召兼侍講判太常寺初僖祖主已遷及英宗祔廟中書以為僖祖與稷契等不應毀廟維言太祖戡定大亂子孫遵業為宋太祖無可議者僖祖雖為高祖然仰迹功業非有所因若以所事稷契之懼有所未安宜如故便王安石方主初議持不行熙寧二年遷翰林學士知開封府明年為御史中丞以兄絳在樞府力辭安石亦惡其言保甲事欲使為開封始分置八廂決輕刑嚴下清肅時吳充為三司使帝曰維充以文學進及任煩劇而皆稱職可謂得人矣兼侍讀學士充羣牧使孔文仲對策入等以切直罷歸維言陛下母謂文仲為一賤士黜之何損臣恐賢俊解體忠良結舌阿諛苟合者將窺隙而進為禍不細安石益惡之樞密使文彥博求去帝曰密院事劇當除韓維佐卿明日維奏事殿中以言

不用請都帝曰卿東宮舊人當留以輔政對曰使臣言得行賢於富貴若緣攀附舊恩以進非臣之願也遂出知襄州改許州七年召為學士承旨入對帝曰天久不雨朕日夜焦勞奈何維曰陛下憂閔旱災損膳避殿此乃舉行故事恐不足以應天變當痛自責已廣求直言退又上疏曰近畿內諸縣督索青苗錢甚急往往鞭撻取足至伐桑為薪以易錢貨旱災之際重罹此苦若夫動甲兵危士民匱財用於荒遠之地朝廷處之不疑行之甚銳至於蠲除租稅寬裕逋負以救愁苦之民則遲而不肯發望陛下奮自英斷行之過於養人猶愈過於殺人也帝感悟即命維草詔求直言其略曰意者聽納不得於理與獄訟非其情與賦斂失其節與忠信讜論鬱於上聞而阿諛壅蔽以成其私者眾與詔出人情大悅有旨體量市易免行利病權罷方出保甲是日乃兩王安石罷會絳入相加端明殿學士知河陽復知許州帝幸舊邸進資政殿學士曾鞏嘗制稱純明亮直帝令改命詞維知帝意請提舉嵩山崇福宮帝崩赴臨闕庭宣仁后手詔勞問維對曰人情貧則思富苦則思樂困則思息鬱則思通誠能常以利民為本則民富常以憂民為心則民樂賦役非人力所堪者去之則勞困息法禁非人情所便者蠲之則鬱塞通推此而廣之盡誠而行之則子孫觀陛下之德不待教而成矣未幾起知陳州未行召兼侍讀加資政殿大學士常言先帝以夏國主秉常廢故異問罪之師今既復位有蕃臣禮宜還其故地因陳兵不可不息者三地不可不棄者五又言仁宗選建儲嗣一時忠勳皆被寵祿范鎮首開此議賞獨不及願衰顯其功鎮於是復起用元祐更役法命維詳

定時四方書疏多言其便維謂司馬光曰小人議論希意迎合不可不察成都轉運判官蔡曠附會定差維惡而劾之執政欲廢王安石新經義維以當與先儒之說並行論者服其平拜門下侍郎維處東省踰年有忌之者密為讒懇詔分司南京尚書右司王存抗聲簾前曰韓維得罪莫知其端臣竊為朝廷惜乃還大學士知鄧州兄絳為之請改汝州久之以太子少傅致任轉少師紹聖中坐元祐黨降左朝議大夫再謫崇信軍節度副使均州安置諸子乞納官爵聽父里居哲宗覽奏惻然許之元符元年以幸嘗成官復右朝議大夫是歲卒年八十二徽宗初悉追復舊官

韓縝字玉汝登進士第簽書南京判官仁宗以水災求直言縝上疏曰今國本未立無以繫天下心此陰盛陽微之應詞極剴切劉沆薦其才命編修三班敕前此武臣不執親喪縝建言三年之服古今通制晉襄衰墨從戎事出一時遂著令自崇班以上聽持服為殿中侍御史參知政事孫抃持祿充位權陝西轉運副使辭向赴關樞密院輒畫旨除為真劉永年以外戚除防禦使內侍史志聰私役皇城親從緝皆極論之帝為罷抃震向與永年之命而正志聰罪遷侍御史度支判官出為兩浙淮南轉運使移河北夏諒祚死子秉常嗣遣使求封冊朝廷方責夏人不修職貢欲擇人詰其使縝適陛辭神宗命之往縝至驛問罪使者引服迨夜奏上帝喜改使陝西入知審官西院直舍人院以兄絳執政改集賢殿修撰鹽鐵副使以天章閣待制知秦州嘗宴客夜歸指使傅勅被酒誤隨入州宅與侍妾遇縝怒令軍校以鐵裹杖箠殺之勅妻持血衣搗登聞鼓以訴坐落職分

司南京秦人語曰寧逢乳虎莫逢王汝其暴酷如此久之還待制知瀛州熙寧七年遣使蕭禧來議代北地界召鎮報聘令持圖牒致邊主不克見而還知開封府明年禧再至詔乘驛詣河東與禧分畫以分水嶺為界復命為樞密都承旨還龍圖閣直學士元豐五年官制行易大中大夫同知樞密進知院事哲宗立拜尚書右僕射兼中書侍郎首相蔡確與章惇謀誅東朝及確為山陵使續暴其姦狀由是東朝及外廷悉知之確使還欲以其屬高遵惠張璠韓宗文為美官宣仁后以訪續續曰遵惠為太后從父璠者中書郎璠之弟宗文臣姪也今擢用非次則是君臣各私其親何以示天下乃止元祐元年御史中丞劉摯諫官孫覺蘇轍主觀論續才鄙望輕在先朝為奉使割地六百里以遺契丹邊人怨之切骨不可使居相位章數十上罷為觀文殿大學士知穎昌府移承興河南拜安武軍節度使知太原府易節奉寧軍請老為西太一宮使以太子太保致仕紹聖四年卒年七十九贈司空謚曰莊敏續外事莊重所至以嚴稱雖出入將相而寂無功烈厚自奉養世以比晉何曾云子宗武

宗武第進士韓忠彥鎮瀛州辟為河間令值河溢增隄護城吏率兵五百伐材近郊雖墓木亦不免父老遮道泣宗武入府白罷之徽宗即位為祕書丞因日食上疏言近世事有微漸而不可不察者五大臣不畏公論小臣趨和附下一也人主急于政事威柄下移怨讟歸上二也左右無輔拂之士守邊無禦侮之臣三也間境土以速邊患耗賦財以敝民力四也歲穀不登倉庫空竭民人流亡盜賊數起五也誠願躬覽權綱收還威柄敷

言奏功考察名實不以侍御之好鐘鼓之娛為樂仁祖惻怛至誠以收天下之心神宗厲精不息以舉天下之事皆所宜法不報哲宗將附廟中旨索省中書畫甚急宗武言先帝附廟陛下哀慕方深而丹青之玩取索不已播之子外懼損聖德陛下踐祚如日初升當講廟典訓開廣聖學好玩易志正古人所戒也疏入皇太后見之怒曰是皆內侍數輩所為爾欲盡加罰帝委曲申救乃已明日太后對宰相獎歎令俟諫官員闕即用之尋除都官員外郎改開封府推官丐外為淮南轉運判官前使者貨上供錢禁庭遣使來索宗武奏其狀詞極鯁切坐貶秩罷歸久之蔡京欲以知穎州帝語祕書事京不敢復言遂致仕官累大中大夫年八十二卒

包拯字希仁廬州合肥人也始舉進士除大理評事出知建昌縣以父母皆老辭不就得監和州稅父母又不欲行拯即解官歸養後數年親繼亡拯廬墓終喪猶徘徊不忍去久之赴調知天長縣有盜割人牛舌者主來訴拯曰第歸殺而鬻之尋復有來告私殺牛者拯曰何為割牛舌而又告之盜驚服徒知端州遷殿中丞端土產硯前守緣貢率取數十倍以遺權貴拯命製者才足貢數歲滿不持一硯歸尋拜監察御史裏行改監察御史時張堯佐除節度宜撫兩使右司諫張擇行唐介與拯共論之語甚切建言國家歲賂契丹非禦戎之策宜練兵選將務實邊備又請重門下封駁之制及廢銅贖吏選守宰行考試補蔭弟子之法當時諸道轉運加按察使其奏劾官吏多摭細故務苛察相高尚吏不自安拯于是請罷按察使出使契丹契丹合典密謂拯曰雄州新開便門乃欲誘我叛人以利疆事耶拯曰涿州亦

嘗開門矣刺疆事何必開便門哉其人遂無以對歷三司戶部副使秦龍斜谷務造船材木率課取於民又七州出賦河橋竹索恒數十萬拯皆奏罷之契丹聚兵近塞邊郡稍警命拯往河北調發軍食拯曰漳河沃壤人不得耕邢洛趙三州民田萬五千頃率用牧馬請悉以賦民從之解州鹽法率病民拯往經度之請一切通商販除天章閣待制知諫院數論斥權貴大臣請罷一切內除曲恩又列上唐魏鄭公三疏願置之坐右以為龜鑒又上言天子當明聽納辨朋黨惜人才不主先入之說凡七事請去刻薄抑僥倖正刑名戒興作禁妖妄朝廷多施行之除龍圖閣直學士河北都轉運使嘗建

議無事時徙兵內地不報至是請罷河北屯兵分之河南充鄆齊濮曹濟諸郡設有警無後期之憂借曰戍兵不可遽減請訓練義勇少給糧餉每歲之費不當屯兵一月之用一州之賦則所給者多矣不報徙知瀛州諸州以公錢貿易積歲所負十餘萬悉奏除之以喪子乞便郡知揚州徙廬州遷刑部郎中坐失保任左授兵部員外郎知池州復官徙江寧府權知開封府遷右司郎中拯立朝剛毅貴戚宦官為之斂手聞者皆憚之人以包拯笑比黃河清童稚婦女亦知其名呼曰包待制京師為之語曰關節不到有閻羅包老舊制凡訟訴不得徑造庭下拯開正門使得至前陳曲直吏不敢欺中官勢族築園榭惠民河以故河塞不通適京師大水拯乃悉毀或持地券自言有偽增步數者皆審驗劾奏之遷諫議大夫權御史中丞奏曰東宮虛位日久天下以為憂陛下持久不決何也仁宗曰卿欲誰立拯曰臣不

材備位乞豫建太子者爲宗廟萬世計陛下問臣欲誰立是疑臣也臣年七十且無子非邀福者帝喜曰徐當議之請裁抑內侍減節冗費條責諸路監司御史府得自舉屬官減一歲休暇日事皆施行張方平爲三司使坐買豪民產拯劾奏罷之而宋祁代方平拯又論之祁罷而拯以樞密直學士權三司使歐陽修言拯所謂牽牛蹊田而奪之牛罰已重矣又貪其富不亦甚乎拯因家居避命久之乃出其在三司凡諸筦庫供上物舊皆科率外郡積以困民拯特爲置場和市民得無擾吏負錢帛多縲繫間輒逃去并械其妻子者類皆釋之遷給事中爲三司使數日拜樞密副使頃之遷禮部侍郎辭不受尋以疾卒年六十四贈禮部尚書諡孝肅拯性峭直惡吏苛刻務敦厚雖甚嫉惡而未嘗不推以忠恕也與人不苟合不僞辭色悅人平居無私書故人親黨皆絕之雖貴衣服器用飲食如布衣時嘗曰後世子孫仕宦有犯贓者不得放歸本家死不得葬大塋中不從吾志非吾子若孫也初有子名總娶崔氏通判潭州卒崔守死不更嫁拯嘗出其媵在父母家生子崔密撫其母使謹視之總死後取媵子歸名曰緹

吳奎字長文濰州北海人性強記於書無所不讀舉五經至大理丞監京東排岸慶厯宿衛之變奎上疏曰涉春以來連陰不解洪範所謂皇之不極時則有下伐上者今衛士之變起於肘腋流傳四方驚駭羣聽聞皇城司官六人其五已受責獨楊懷敏尙留人謂陛下私近幸而屈公法且獲賊之際傳令勿殺而左右輒屠之此必其黨欲以滅口不然何以不奉詔遂乞召對而論仁宗深器之再遷殿中丞策賢良方正入等擢太常博士

通判陳州入爲右司諫改起居舍人同知諫院每進言惟勸帝禁東左右姦倖內東門闌得賂遺物下吏研治而開封用內降釋之奎劾尹魏瓘出瓘越州彭思永論事詔詰所從受奎言御史法許風聞若窮核主名則後誰敢來告以事是自塗其耳目也上爲罷不問郭承祐張堯佐爲宣徽使奎連疏其不當承祐罷使出堯佐河中皇祐中頗多災異奎極言其徵曰帝王之美莫大於進賢退不肖今天下皆謂之賢陛下知之而不能進天下皆謂之不肖陛下知之而不能退內寵驕恣近習同撓陰盛如此豈不致大異乎唐介論文彥博指奎爲黨出知密州加直集賢院徙兩浙轉運使入判登聞檢院同修起居注知制誥奉使契丹會其主加稱號要入賀奎以爲事有職不爲往歸遇契丹使於塗契丹以金冠爲重紗冠次之故使事者相見其衣服輕重必相當至是使者服紗冠而要奎盛服奎殺其儀以見坐是出知壽州至和三年大水詔中外言得失奎言陛下在位二十四年儲嗣未立此事不宜優游願蚤裁定之不速致宗祀無本鬱結羣望推之咎罰無大於此帝感其言拜翰林學士權開封府奎達於從政應事敏捷吏不敢欺富人孫氏辜權財利負其息者至訴取物產及婦女奎發孫宿惡徙其兄弟於淮閩豪猾畏斂居三月治聲赫然除端明殿學士知成都府以親解改鄆州復還翰林拜樞密副使神宗初立奎父喪終制以故職還朝踰月參知政事時已召王安石辭不至帝顧輔臣曰安石愿先帝朝召不赴頗以爲不恭今又不至果病耶有所要耶曾公亮曰安石文學器業不敢爲欺奎曰臣嘗與安石同領郡牧見其護短自用所爲迂闊萬一用之必

紊亂綱紀乃命知江寧奎嘗進言陛下在推誠應天之意無他合人心而已若以至誠格物物莫不以至誠應則和氣之感自然而致今民力困極國用窘乏必俟順成乃可及他事帝王所職惟在於判正邪使君子常居要近小人不得以害之則自治矣帝因言堯時四凶猶在朝奎曰四凶雖在不能惑堯之聰明聖人以天下爲度未有顯過固宜包容但不可使居要近地爾帝然之御史中丞王陶以論文德不押班事詆韓琦奎狀其過詔除陶翰林學士奎執不可陶又疏奎阿附陶既出奎亦以資政殿大學士知青州司馬光諫曰奎名望清重今爲陶紬奎恐大臣皆不自安各求引去陛下新卽位於四方觀聽非宜帝乃召奎歸中書及琦罷相竟出知青州明年卒年五十八贈兵部尚書諡曰文肅奎喜獎廉善有所知輒言之言之不從不止也少時甚貧既通貴買田爲義莊以調族黨朋友沒之日家無餘資諸子至無屋以居當時稱之

趙抃字閱道衢州西安人進士及第爲武安軍節度推官知崇安海陵江原三縣通判泗州濠守給士卒廩賜不如法聲欲變守懼日未入輒閉門不出轉運使檄抃攝治之抃至從容如平時州以無事翰林學士曾公亮未之識薦爲殿中侍御史彈劾不避權倖聲稱凜然京師目爲鐵面御史其言務欲朝廷別白君子小人以爲小人雖小過當力遏而絕之君子不幸誣誤當保全愛惜以成就其德溫成皇后之喪劉沆以參知政事監護及爲相領事如初抃論其當罷以全團體又言宰相陳執中不學無術且多過失宜撤使王拱辰平生所爲及奉使不法樞密使王德用翰林學士李淑不稱職皆罷

去吳充鞠真卿刁約以治禮院吏馬遵呂景初吳中復以論梁適相繼被逐其故悉名遷呂溱蔡襄吳奎韓絳既出守歐陽修實黜復求郡并言近日正人端士紛紛引去侍從之賢如修輩無幾今皆欲去者以正色立朝不能諂事權要傷之者眾耳修黜由是得留一時名臣賴以安屬請知睦州移梓州路轉運使改益州蜀地遠民弱吏肆為不法州郡公相餽餉以帥之蜀風為變窮城小邑民或生而不識使者并無部無不至父老喜相慰姦吏疎服召為右司諫內侍鄧保信引退兵董吉燒煉禁中并引文成五利鄭注為比力論之陳升之副樞密并與唐介呂誨范師道言升之姦邪交結宦官進不以道章二十餘上升之去位并與言者亦罷出知虔州度素難治并御之嚴而不苛召戒諸縣令使人自為治令皆喜爭盡力獄以屢空嶺外仕者死多無以為歸并造舟百艘移告諸郡曰仕宦之家有不能歸者皆於我乎出於是至者相繼悉授以舟并給其道里費召為侍御史知雜事改度支副使進天章閣待制河北都轉運使時賈昌朝以故相守魏并將按視府庫昌朝使來告曰前此監司未有按視吾藏者恐事無比若何并曰舍是則他郡不服竟往焉昌朝不悅初有詔募義勇過期不能辦官吏當坐者八百餘人并被旨督之奏言河朔頽廢豐故應募者少請寬其罪以俟農隙從之坐者獲免而募亦隨足昌朝始愧服加龍圖閣直學士知成都以寬為治并向使蜀日有聚為妖祀者治以峻法及是復有此獄皆謂不免并察其亡他日曰是特酒食過耳刑首惡而釋餘人蜀民大悅會榮諱除轉運使英宗諭諱曰趙并為成都中和之政也神宗立召知諫

院故事近臣還自成都者將大用必更省府不為諫官大臣以為疑帝曰吾賴其言耳苟欲用之無傷也及謝帝曰聞卿匹馬入蜀以一琴一鶴自隨為政簡易亦稱是乎未幾擢參知政事并感願知遇朝政有未協者必密啟聞帝手詔褒答王安石用事并屢斥其不便韓琦上疏極論青苗法帝語執政令罷之時安石家居求去并曰新法昔安石所建不若俟其出既出安石持之愈堅并大悔恨即上言制置條例司建使者四十輩騷動天下安石強辯自用詆天下公論以為流俗違眾罔民順非文過近者臺諫侍從多以言不聽而去司馬光除樞密不肯拜且事有輕重體有大小財利於事為輕而民心得失為重青苗使者於體為小而禁近耳目之臣用舍為大今去重而取輕失大而得小懼非宗廟社稷之福奏入懇乞去位拜資政殿學士知杭州改青州時京東旱蝗青獨多麥蝗來及境遇風退飛盡墜水死咸都以成卒為憂遂以大學士復知成都召見勞之曰前此未有自政府往者能為朕行乎對曰陛下有言即法也奚例之間因乞以便宜從事既至蜀治益尙寬有卒長立堂下呼論之曰吾與汝年相若吾以一身入蜀為天子撫一方汝亦宜清謹畏戢以率眾比成還得餘貲持歸為室家計可也人喜轉相告莫敢為惡蜀郡晏然劍州民私作僧度牒或以為謀逆告并并畀獄吏以意決之悉從輕比謗者謂其縱逆黨朝廷取其獄閱之皆與法合茂州夷剽境上懼討乞降乃縛奴殺之取血以受盟并使易用牲皆謹呼聽命乞歸知越州吳越人饑疫死者過半并盡球荒之術療病埋死而生者以全下令修城使得食其力復徙杭以太子少保致仕而官

其子帆提舉兩浙常平以便養帆奉并遍遊諸名山吳人以為榮元豐七年卒年七十七贈太子少師諡曰清獻并長厚清溫人不見其喜愠平生不治貨業不蓄聲伎嫁兄弟之女十數他孤女二十餘人施德惇貧蓋不可勝數日所為事入夜必衣冠焚香以告於天不可告則不敢為也其為政善因俗施設猛寬不同在虔與成都尤為世所稱道神宗每詔二郡守必以并為言要之以惠利為本晚學道有得將終與帆訣詞氣不亂安坐而沒宰相韓琦嘗稱并真世人標表蓋以為不可及云帆字景仁由蔭登第通判江州改溫州代還得見時并已謝事神宗命為太僕丞擢監察御史以父老請外提舉兩浙常平元祐中復為御史上疏言治平以前大臣不敢援置親黨於要塗子弟多處筦庫甚者不使應科舉與寒士爭進自王安石柄國持內舉不避親之說始以子雱侍從由是循習為常貧望淺者或居事權繁重之地無出身者或預文字清切之職今宜杜絕其源又言臺諫之臣或稍遷其位而陰奪言職或略行其言而退與善地或兩全並立苟從講解或置而不問外示包容使忠鯁之士蒙羞難退皆朝廷所宜深察也傳堯俞王巖叟梁燾孫升以事去帆言諸人才能學術為世推稱忠言嘉謨見於已試宜悉召還朝所言皆切時務避執政親嫌改都官員外郎出提點京東刑獄元符中歷鴻臚太僕少卿曾布知樞密院將白為都承旨蔡卞摭其救傳堯俞事遂不用未幾卒初并廬母墓三年縣榜其里曰孝弟處士孫侔為作孝子傳及帆教父喪而甘露降墓木帆卒子雲又以毀死人稱其世孝唐介字子方江陵人父拱卒漳州人知其貧合錢以

賻介年尚幼謝不取擢第爲武陵尉調平江令民李氏
賁而咨吏有求不厭誣爲殺人祭鬼岳守捕其家無少
長楚掠不肯承更屬介訊之無他驗守怒白于朝遣御
史方偕徒獄別鞠之其究與介同守以下得罪倍受賞
介未嘗自言知莫州任邱縣當遠使往來道驛吏以誅
索破家爲苦介坐驛門令日非法所應給一切勿與稍
毀吾什器者必執之皆帖伏以去沿邊塘水歲溢害民
田中人楊懷敏主之欲割邑四十一村地瀦漲濠介築
隄闌之民以爲利通判德州轉運使崔燁取庫絹配民
而重其估介留牒不下且移安撫司責數之燁怒數馳
檄按詰介不爲動既而果不能行入爲監察御史裏行
轉殿中侍御史啟聖院造龍鳳車內出珠玉爲之飾介
言此太宗神御所在不可喧瀆後宮奇靡之器不宜過
制詔亟毀去張堯佐驟除宣徽節度景靈羣牧四使介
與包拯吳奎等力爭之又請中丞王舉正留百官班庭
論奪其二使無何復除宣徽使知河陽介謂同列曰是
欲與宣徽而假河陽爲名耳不可但已也而同列依違
介獨抗言之仁宗謂曰除擬本出中書介遂劾宰相文
彥博守蜀日造間金奇錦緣閣侍通官掖以得執政今
顯用堯佐益自固結請罷之而相當弼又言諫官吳奎
表裏觀望語甚切直帝怒卻其奏不視且言將遠竄介
徐讀畢曰臣忠憤所激鼎鑊不避何辭於詭帝急召執
政示之曰介論事是其職至謂彥博由妃嬪致幸相此
何言也時彥博在前介責之曰彥博宜自省卽有之不
可隱彥博拜謝不已帝怒益甚梁適叱介使下殿修起
居注蔡襄趨進救之貶春州別駕王舉正言以爲太重
帝旋悟明日取其疏入改置英州而罷彥博相吳奎亦

出由是直聲動天下士大夫稱真御史必曰唐子方而
不敢名數月起監郴州稅通判潭州知復州召爲殿中
侍御史遣使賜告趣詣闕下入對帝勞之曰卿遷謫以
來未嘗以私書至京師可謂不易所守矣介頓首謝言
事益無所顧他日請曰臣既任言責言之不行將固爭
爭之重以累陛下願得解職換工部員外郎直集賢院
爲開封府判官出知揚州徙江東轉運使御史吳中復
言介不宜久居外時文彥博再當國請如中復奏語在
彥博傳然但徙河東久之入爲度支副使進天章閣待
制復知諫院帝自至和後臨朝淵默不言君臣如天地
以交泰爲理願時延羣下發德音可否萬幾以幸天下
又論官禁干丐恩澤出命不由中書宜有以抑絕賜子
嬪御之費多先朝時十數倍日加無窮宜有所賤損監
司薦舉多得文法小吏請令精擇端良敦樸之士毋使
與檢簿者同進諸路走馬承受凌擾郡縣可罷勿遣以
權歸監司究國公主夜開禁門宜劾宿衛主吏以嚴官
省帝悉開納之御史中丞韓絳劾宰相富弼弼家居求
罷絳亦待罪介與王陶論絳以危法中傷大臣絳罷介
嫌於右宰相請外以知荆南敕過門下知銀臺司何鄭
封還之留擢開封府旋以論罷陳升之亦出知洪州加
龍圖閣直學士河北都轉運使樞密直學士知瀛州治
平元年召爲御史中丞英宗謂曰卿在先朝有直聲故
用卿非絳左右言也介曰臣無狀陛下過聽願獻愚忠
自古欲治之主要在順人情祖宗遺德餘烈在人未遠
願覽已成之業以爲監則天下蒙福矣明年以龍圖閣
學士知太原府夏人數擾代州邊多築堡境上介遣兵
悉撤之移論以利害遂不敢動神宗立以三司使召熙

寧元年拜參知政事先時宰相省閣所進文書於待漏
舍同列不得聞介謂曾公亮曰身在政府而文書弗與
知帝或有所問何辭以對乃與同視後遂爲常帝欲用
王安石公亮因薦之介言其難大任帝曰文學不可任
耶吏事不可任耶經術不可任耶對曰安石好學而泥
古故議論迂闊若使爲政必多所變更退謂公亮曰安
石果用天下必困擾諸公當自知之中書嘗進除目數
日不決帝曰當問王安石介曰陛下以安石可大用卽
用之豈可使中書政事決於翰林學士臣近每聞宣諭
某事問安石可卽行之不可不行如此則執政何所用
恐非信任大臣之體也必以臣爲不才願先罷免安石
既執政奏言中書處分割子皆稱聖旨不中理者十八
九宜止令中書出牒帝愕然介曰昔寇準用劄子遷馮
拯官不當拯訴之太宗謂前代中書用堂牒乃權臣假
此爲威福太祖時以堂帖重於敕命遂削去之今復用
劄子何異堂牒張洎因言廢劄子則中書行事別無公
式太宗曰大事則降敕其常用劄子亦須奏裁此所以
稱聖旨也如安石言則是政不自天子出使輔臣皆忠
賢猶爲擅命苟非其人豈不害國帝以爲然乃止介自
是數與安石爭論安石強辯而帝正其說介不勝憤疽
發於背卒年六十介爲人簡抗以敢言見憚神宗謂其
先朝遺直故大用之然居政府遭時有爲而扼於安石
少所建明聲名減於諫官御史時比疾亟帝臨問流涕
復幸其第弔哭以畫像不類命取禁中舊藏本賜其家
贈禮部尚書諡曰質肅子淑問義問孫恕
淑問字士憲第進士至殿中丞神宗以其家世擢監察
御史裏行論以謹家法務大體淑問見帝初卽位銳於

治因言中旨數下一出特斷當謹出納別枉直使命令必行今詔書求直言而久無所施用必欲屈羣策以起治道願行其言初詔侍臣講讀淑問言王者之學不必分章句飾文辭稽古聖人治天下之道歷代致興亡之由延登正人博訪世務以求合先王則天下幸甚河北饑流人就食京師官振廩給食來者不止淑問曰出粟不繼是誘之失業而就死地也條三策上之滕甫為中丞淑問力數其短帝以為邀名乃詔避其父三司使出通判復州久之知真州提點湖北刑獄言新法不便乞解使事黜知信陽軍以病免數年起知宣州徙湖州入為吏部員外郎又引疾求外帝以為避事降監撫州酒稅哲宗立司馬光薦其行己有恥難進召為左司諫以病致仕數月卒

義問字士宣善文辭鎖廳試禮部用舉者召試祕閣父介引嫌罷之熙寧中辟京西轉運司管勾文字神宗覽本道章奏知義問所為以其名訪輔臣因黃好謙領使事諭之曰唐義問剛方強敏行且用矣可面詔之尋以為司農管當公事方行手實法所在騷然義問言今造簿甫二歲民不堪命不宜復改為從曾孝寬使河東還奏事記利害綱目於笏帝取而熟視之歷舉以問應析如流帝喜曰欲見卿非今日也擢湖南轉運判官一路敷免役錢又分戶五等儲其羨為別賦號家刀錢義問奏除之移使京西文彥博守西郡義問求罷去彥博告以再入相時嘗薦其父晚同為執政相得甚驩故義問乃止時陝西大舉兵多亡卒所至成聚義問請令詣官自陳給券續食人以為便會有不悅之者免歸元祐中起知齊州提點京東刑獄河北轉運副使方旱而雨用

彥博薦加集賢修撰帥荆南請廢渠陽諸砦蠻楊晟秀叛即拜湖北轉運使討降之復砦為州進直龍圖閣以集賢殿修撰知廣州章惇秉政治棄渠陽罪貶舒州團練副使後七年復故官知潁昌府卒
恕崇寧初為華陽令以不能奉行茶法忤使者謝病免歸其弟意方為南陵令亦以病自免兄弟門躬耕恕尋以宣教郎致仕靖康元年御史中丞許翰言其高行詔起為監察御史意亦以宰相吳敏薦召對而貧不能行竟餓死江陵山中

欽定續通志卷三百四十

列傳

宋四十五

邵亢

馮京

錢惟演

邵亢

邵亢字與宗丹陽人幼聰發過人方十歲日誦書五千言賦詩豪縱范仲淹舉亢茂才異等時布衣被召者十人試崇政殿獨亢策入等除建康軍節度推官或言所對策字少不應式宰相張士遜與之姻家故得預選遂報罷而士遜子實娶它仰與亢同姓亢亦不自言趙元昊叛亢言用兵在於擇將今天下久不知戰而所任多儒臣未必能應變武人得長一軍又已老詎能身先矢石哉聞起故家恩倖子弟彼安識攻守之計況將與卒素不相附又無堅甲利兵之禦此不待兩軍相當而勝敗之機固已形矣因獻兵說十篇召試祕閣授潁川團練推官民稅舊輸陳蔡轉運使又欲覆折緡錢且多取之亢言民之移輸勞費已甚方仍歲水旱又從而加取不可遂止入為國子監直講館閣校勘同知太常禮院張貴妃薨立園陵禁京城樂一月亢累疏罷之進集賢校理仁宗繼嗣未立亢言國之外患在邊圍然禦之之術不過羈縻勿絕而已內患則不然繫社稷之安危不可不蚤定也提點開封縣鎮公事徙為府推官改度支判官契丹遣使賀乾元節未至仁宗崩議者謂宜卻或欲俟其及國門而諭使之還亢請令奉書至極前使見嗣君從之選為穎王府翊善加直史館召對羣玉殿英宗訪以世事稱之曰學士真國器也擢同修起居注建言陛下初正欲治國者先齊家穎王且授室願采用

古婚禮公主下降不宜厭舅姑之尊帝深納之遂以知制誥知諫院東宮建為右庶子神宗立遷龍圖閣直學士時待制以上為帥守每他徙必遷職秩亢請未滿兩歲者勿推恩王陶劬韓琦吳奎與之辨亢詆奎所言顛倒失大臣體蓋欲併撼琦琦與奎竟同日去進樞密直學士知開封府亢遇事敏密吏操辭牘至前皆反覆閱之人或以為勞亢曰決是非於須臾正當爾初雖煩後乃省也籍里閭惡年少與吏之廢停者一有所犯皆遷處之畿下鬪訟為之衰止拜樞密副使夏人誘殺知保安軍楊定朝廷謀西討亢曰天下財力殫屈未宜用兵唯當降意撫納俟不順命則師出有名矣因條上其事詔報之曰中國民力大事也兵興之後不無捨率人心一搖安危所係今動自我始先違信誓契丹聞之將不期而自合茲朕所深憂者當悉如卿計未幾夏諒祚死國人執殺定者來請和或欲乘此更取塞門地亢以為幸人之喪非義也乃止亢在樞密踰年無大補益帝頗厭之嘗與諫官孫覺言欲以陳升之代亢而使守長安覺遽劾亢薦升之帝怒其希指黜覺亢亦引疾辭以資政殿學士知越州歷鄭鄭亳三州卒年六十一贈吏部尚書即其鄉賜以居宅謚曰安簡從父必

況今日乎必曰宮省事祕不可知既下有司議惟有外一品南省上事百官班見之儀然禮無不咨眾議乃定出知常州召為開封府推官坐在常州日杖人至死責監邵武稅然杖者實不死久之知高郵軍提點淮南刑獄為京西轉運使必居官震厲風采始至郡惟一赴宴集行部但一受酒食之餽以為數會聚則人情狎多受餽則不能行事非使者體也入修起居注知制誥雄州種木道上契丹遣人夜伐去又數漁界河中事聞命必往使必以理折契丹屈之還知諫院編仁宗御集成選賢文館直學士權三司使加龍圖閣學士知成都卒於道年六十四遣中使護其喪歸

馮京字當世鄂州江夏人少雋邁不羣舉進士自鄉舉禮部以至廷試皆第一時猶未娶張堯佐方負宮掖勢欲妻以女擁至其家束之以金帶曰此上意也頃之宮中持酒散來直出奩具目示之京笑不視力辭出授將作監丞通判荆南軍府事還直集賢院判吏部南曹同修起居注吳充以論溫成皇后追冊事出知高郵京疏充言是不當黜劉沆請併斥京仁宗曰京亦何罪但解其記注旋復之試知制誥避婦父富弼當國嫌拜龍圖閣待制知揚州改江寧府以翰林侍讀學士召還糾察在京刑獄為翰林學士知開封府數月不詣丞相從官不琦語弼以京為傲弼使往見琦京曰公為宰相從官不妄造請乃所以為公重非傲也出安撫陝西請城古渭通西羗嘉勒斯賚車摩展官以斷夏人右臂除端明殿學士知太原府神宗立復為翰林學士改御史中丞王安石為政宗論其更張失當累數千百言安石指為邪說請黜之帝以為可用擢樞密副使河東麟府豐三州

城壘兵械不治官吏皆受譴京以先帥本道上章自劾曰使諸路帥臣知其雖一時脫去後能僥竊名位者猶必行法將不敢復媮情曠職優詔不聽進參知政事數與安石論辨又薦劉攽蘇軾掌外制安石令保甲養馬京謂必不可行會選人鄭俠上書言時政薦京可相呂惠卿因是譖京與俠通罷知亳州未幾以資政殿學士知渭州茂州夷叛徙知成都府蕃部阿丹方寇雜綜關聞京兵至請降議者遂欲蕩其巢窟京請于朝為禁侵掠給稼器餉糧食使之歸夷人喜爭出犬豕割血受盟願世世為漢藩惠卿告安石罪發其私書有曰勿令齊年知齊年謂京也與安石同年生帝以安石為欺復召京知樞密院京以疾未至帝中夕呼左右語曰適夢馮京入朝甚慰人意乃賜京詔有渴想儀刑不忘夢寐之語及入見首以所夢告馮頃之以觀文殿學士知河陽哲宗即位拜保軍節度使知大名府又改彰德於於是范祖禹言京再執政初與王安石不合後為呂惠卿所傾其中立不倚之操為先帝稱挹且昭陵學士獨京一人存若付以樞密必允公論時京已老乃以為中太一官使兼侍講改宣徽南院使拜太子少師致仕紹聖元年卒年七十四贈司徒諡曰文簡

部王曾為相以惟演嘗位曾上因拜樞密使故事樞密使必加檢校官惟演止以尚書充使有司之失也初惟演見丁謂權盛附之與為婚謂逐寇準惟演與有力焉謂禍既萌惟演慮并得罪遂擠謂以自解宰相馮拯惡其為人因言惟演以妹妻劉美乃太后姻家不可與機政罷為保大軍節度使知河陽踰年請入朝加同中書門下平章事判許州未即行冀復用侍御史鞠詠奏劾之惟演乃亟去天聖七年改武勝軍節度使明年來朝上言先壘在洛陽願守宮鑰即以判河南府再改泰寧軍節度使惟演雅意柄用抑鬱不得志及帝耕藉田求侍祠因留為景靈宮使太后崩詔還河南惟演不自安請以莊獻明肅太后莊懿太后並配真宗廟室以希帝意惟演既與劉美親又為其子暖娶郭后妹至是又欲與莊懿太后族為婚御史中丞范諷劾惟演擅議宗廟且與后家通婚姻落平章事為崇信軍節度使歸本鎮未幾卒特贈侍中太常張瓊按諡法敏而好學曰文貪而敗官曰墨請諡文墨其家訴于朝詔章得象等覆議以惟演晚節率職自新取諡法追悔前過曰思改諡曰思慶歷間二太后始升祠真宗廟室子暖復訴前議乃諡曰文僖惟演出于勳貴文辭清麗名與楊億劉筠相上下於書無所不讀家儲文籍俸祿府尤喜獎厲後進初真宗諡號稱文惟演曰真宗幸澶淵禦契丹盟而服之宜兼諡武下有司議加諡武定惟演嘗語人曰吾平生不足者惟不得於黃紙上押字爾蓋未嘗歷中書故也子暖晦暄弟易晦字明叔以大理評事娶獻穆大長公主女累遷東上閣門使貴州團練使王守忠領兩使留後移開門定朝立燕坐位晦因言天子大朝會不

可令宦者齒士大夫坐殿上守忠更欲以禮服進酒晦又以為不可句當三班院羣牧都監授忠州防禦使歷霸州防禦使為羣牧副使卒暄字載陽以父蔭累官駕部郎中知撫州移台州台城惡地地秋潦暴集輒圮溺人多即山為窟居為增治城堞堞石為臺作大隄扞之進少府監鹽鐵副使暄鉤考諸路通租兩浙轉運使負課當坐暄上言浙部仍歲饑故租賦不登籍今使者獲罪必亟斂於民民不堪矣神宗即詔釋之官制行為光祿卿出知鄆州拜寶文閣待制卒子景臻尙秦魯國大長公主景臻子忱在外戚傳

易字希白始父侖嗣吳越王為大將胡進思所廢而立其弟俶歸朝羣從悉補官易與兄昆不見錄遂刻志讀書昆字裕之舉進士為治寬簡便民能詩善草隸書累官右諫議大夫以祕書監于家易年十七舉進士試崇政殿三篇日未中而就言者惡其輕俊特罷之然自此以才藻知名再舉進士就開封府試第二自謂當第一為有司所屈乃上書言試朽索之馭六馬賦意涉譏諷真宗惡其無行降第三明年第二人中第補濠州團練推官召試中書改光祿寺丞通判蘄州疏言古之肉刑者剗椽黥刑皆非死向以為虐近代以來斷人手足鉤背烙筋身見白骨而猶視息四體分落乃方絕命以此示人非平世事也使嚴刑可誠於眾則秦之天下無叛民矣臣以為非法之刑非所以助治惟陛下除之帝嘉納其言景德中舉賢良方正科策入等除祕書丞通判信州改太常博士直集賢院遷尙書祠部員外郎坐發國子監諸科非其人降監潁州稅數月召還判三司磨勘司上言官物在籍而三司移文釐正或其數細微

輒歷年不得報捷擾州縣自今官錢百穀斗帛二尺以下非欺給者除之真宗雅眷詞臣典掌詔命皆躬自簡拔擢知制誥判登聞鼓院糾察在京刑獄累遷左司郎中爲翰林學士卒易才學瞻敏過人數千百言援筆立就又善尋尺大書行草子彥遠明逸相繼皆以賢良方正應詔宋興以來父子兄弟制策登科者錢氏一家而已

彥遠字子高以父蔭補太廟齋郎累遷大理寺丞舉進士第以殿中丞爲御史臺推直官通判明州遷太常博士舉賢良方正能直言極諫科擢尙書祠部員外郎知潤州上疏曰陛下即位以來內無聲色之娛外無畋漁之樂而前歲地震雄霸滄登旁及荆湖幅員數千里雖往昔定襄之異未甚於此今復大旱人心嗷嗷天其或者以陛下備寇之術未至牧民之吏未良天下之民未安故出譴告以示之今契丹據山後諸鎮元昊盜靈武銀夏被邊長吏不復銓擇高冠大裾恥言軍旅湖廣蠻獠劫掠生民調撥督餉軍須百出三年于今未聞分寸之效惟陛下念此三方之急講長久之計以上答天戒時旱蝗民乏食彥遠發常平倉賑救之使者詰其專且摧價彥遠不爲屈召爲右司諫請勿數赦擇收守增俸入以養廉吏息土木以省工費遷起居舍人直集賢院知諫院會諸路奏大水彥遠言陰氣過盛在五行傳下有謀上之象請嚴宮省宿衛未幾有挾刃犯謁門者又上疏曰農爲國家急務勸課不可不興本朝轉運使提點刑獄知州通判皆帶勸農之職而徒有虛文無勸導之實宜置勸農司以知州爲長官通判爲佐舉清強稱職州縣官爲判官先以墾田頃畝及戶口數屋塘山

澤溝澮桑柘著之於籍然後設法勸課除害興利歲終農隙轉運司考校之第其賞罰楊懷敏妄言契丹主宗真死乃除入內副都知內侍黎用信以罪竄海島赦歸遷得環衛官致仕許懷德慎鑄年高未謝事楊景宗郭承祐闕冗小人宜廢不用歷舉劾之多見聽納彥遠性豪邁其任言職數有建明卒于官

明逸字子飛絳殿中丞策制科轉太常博士擢右正言首劾范仲淹富弼更張綱紀紛擾國經凡所推薦多挾朋黨乞早罷免疏奏二人皆罷其夕杜衍亦免相明逸蓋希章得象陳執中意也石元孫與夏人戰沒以死事褒贈旣而生歸朝廷釋不問明逸請正其償軍之罪乃竄之遠方而奪其恩進同修起居注知制誥擢知諫院爲翰林學士自登科至是纔五年加史館修撰知開封府坐尹京無威望罷爲龍圖閣學士知蔡州歷知秦州先是于闐入貢道避川嘉勒斯賚留不遣會其妻亡前帥張方平請因而卹之且誘其般次入貢詔賻絹千匹明逸言朝廷撫嘉勒斯賚至厚今獲遺荒服之貢豈可復加賜以辱國體從之而于闐使與般次亦皆至斯賚有子質于秦別子木征居河州殿侍程從簡私與之盟令過洮河許以官且歸其質子事不驗木征怒留質使明逸械從簡往詰因斬之木征惶懼悉遣所留者治平初復爲翰林學士神宗立御史論其傾險薄頃附賈昌朝夏竦以陷正文辭淺繆嘗應召翰林院罷學士久之知承興軍熙寧四年卒年五十七贈禮部尙書諡曰修懿從子藻字醇老幼孤刻厲爲學第進士又中賢良方正科爲祕閣校理慈聖后臨朝藻三上書乞還政同修起居注知制誥加樞密直學士知開封府平居

樂易無崖岸而居官獨立守繩墨爲政簡靜有條理不肯徇私取顯數求退改翰林侍讀學士知審官東院卒年六十一贈大中大夫

景諶景疎之從兄也絳殿直巡轄南京馬遞中進士第初赴開封解試時王安石得其文以爲知道者旣薦送之又推譽於公卿間自是執弟子禮安石提點府界景諶爲屬主簿又以文薦之執吏居許聞安石得政喜因事來京師謁之方盛夏安石襪服脫帽未及它語卒然問曰青苗助役如何景諶曰利少害多異日必爲民患又問孰爲可用之人曰居喪不交人事而人尤難事也遂辭出後調官復來安石已作相又往詣之安石令先與弟安國相見安國亦與之善謂景諶曰相君欲以館閣相處而任以事景諶曰百事皆可爲所不知者新書役法耳及見安石欲令治峽路役書且委以戎瀘蠻事景諶曰峽路民情僕固不能知而戎瀘用兵繫朝廷舉動一路生靈休戚願擇知兵愛人者安石大怒遂與安石絕熙寧末從張景憲辟知瀛州終身爲外官僅至朝請郎而卒

魏字穆父彥遠之子也生五歲日誦千言十三歲制舉之業成熙寧三年試應既中祕閣選廷對入等矣會王安石惡孔文仲策遷怒罷其科遂不得第以蔭知尉氏縣授流內銓主簿判銓陳襄嘗登進班簿神宗稱之襄言主簿錢總所爲明日召對將任以清要官安石以不附已命權鹽鐵判官歷提點京西河北東京東刑獄元豐定官制總方居喪帝於左司郎中格自書其姓名須終制日授之奉使弔高麗外意頗謂欲結之以北伐總入請使指帝曰高麗好文又重士大夫家世所以選卿無

他也乃求呂端故事以行凡餽餼非故所有者皆弗納歸次紫燕鳥王遣二吏追餉金銀器四千兩竟却之還拜中書舍人元祐初遷給事中以龍圖閣待制知開封府老吏畏其敏欲因以事導人訴牒至七百總隨即剖決宗室貴戚為之斂手雖丞相府謁吏干請亦械治之積為眾所憾出知越州徙瀛州召拜工部戶部侍郎進尚書加龍圖閣直學士復知開封臨事益精蘇軾乘其據案時遺之詩總操筆立就以報軾曰電掃庭訟響答詩簡近所未見也哲宗蒞政翰林缺學士章惇三薦林希帝以命總仍兼侍讀以嘗行惇諫詞懼而求去帝曰豈非鞅鞅非少主之臣礪礪無大臣之節者乎朕固知之無庸避也嘗侍經幄帝留與之語曰臺臣論徐郵事其辭及鄭雍小人離間骨肉如此若雍有請當付卿以美詔慰安之既而雍章至總答語云弗容羣枉規欲動搖朕察其厚誣力加明辨夫何異趣乃兩乞身帝見之謂能道所欲言者惇因是極意排詆諷全臺攻之言不已罷知池州卒于官年六十四元符末追復龍圖閣學士後入元祐黨籍云

即字中道吳越王諸孫第進士為睦州推官崇寧中為陝西轉運判官王師復銀州轉餉居最徽宗召對問曰靈武可取乎對曰夏人去來飄忽不能持久是其所短然其民皆兵居不糜飲食動不動轉餉願敕邊臣先為不可勝以待豐庶可得志帝曰大砦泉可取否對曰是所謂瀚海也臣聞其地皆鳥鹵無水泉或以飲馬口鼻皆裂正得之無所用帝然之除直龍圖閣知慶州至鎮築安邊城歸德堡包地萬頃縱耕其中歲得粟數十萬徙知延安府在延五年童貫宣撫陝西得便宜行事時

長安百物踴貴錢幣益輕貫欲力平之計司承望風旨取市價率減什四違者重寘于法民至罷市徐處仁爭之得罪又行均糴法賤入民粟而高金帛估以賞下至募兵射士之授田者咸被抑配關內騷然幾於生變即亦屢抗章極陳其害貶永州團練副使然糴害亦寢數月還待制知興仁府徙太原以童貫宣撫本道辭不許居二年以疾提舉洞霄宮復直學士睦寇作起知宣州即自力上道至則悉意應軍須貫上其功進龍圖閣學士貫遂引為河北河東參謀以老固辭乃轉正奉大夫致仕卒贈金紫光祿大夫諡曰忠定

欽定續通志卷三百四十一

列傳

宋四十六

張方平 王拱辰 張昇
趙鼎 胡宿 宗愈 宗愈

張方平字安道南京人少穎悟絕倫凡書皆一閱不再讀宋綬蔡齊以為天下奇才舉茂材異等為校書郎知崑山縣又中賢良方正遷遷著作佐郎通判睦州趙元昊且叛為媿書來規得謹絕以激使其眾方平請順適其意使未有以發得歲月之頃以其間選將厲士堅城除器為不可勝以待之雖終於必叛而兵出無名不折則破我以全制其後必勝之道也時謂其論出姑息決計用兵方平上平戎十策以為入寇當自延渭巢穴之守必虛宜屯兵河東卷甲而趨之所謂攻其所必救形格勢禁之道也宰相呂夷簡善其策而不果行召試館職命直集賢院俄知諫院夏人寇邊方平首乞合樞密之職于中書以通謀議帝然之遂以宰相兼樞密使夏疎節制陝西并護諸將四路以稟復失事機且詔使出師逗遛不行及豐州陷劉平等覆師主帥皆坐誅疎獨不預方平劾罷之而請四路帥臣各自任戰守西帥久未解元昊亦困敵方平言願因郊赦引咎示信開其自新之路元昊竟降既以使契丹還知制誥權知開封府進翰林學士元昊既臣而與契丹有隙來請絕其使議者不可方平曰得新附之小羌失久之強敵非計也宜賜元昊詔使之審處但嫌隙朝除則封冊暮下如此於西北為兩得時建其謀拜御史中丞改三司使初王拱辰議權河北鹽方平見曰河北再權鹽何也帝曰始

立法耳方平曰昔周世宗以鹽課均之稅中今兩稅鹽鐵是也豈非再權乎帝驚悟方平請直降手詔罷之加端明殿學士時太常寺禁中衛卒夜變帝曰詔二府獎張貴妃履蹕功夏竦求所以尊異之禮方平謂陳執中曰漢馮婕妤身當猛獸不聞有所尊異且皇后在而尊貴如古無是事執中瞿然而罷帝以豐財省費詔羣臣方平既條對又獨上數千言大略以為祥符以來務為姑息漸失祖宗之舊取士任子磨勘遷補之法壞命將養兵皆非舊律國用既窘則政出多門大商豪民乘隙射利而茶鹽香礬之法亂此治忽盛衰之本不可以不急帝覽對甚悅且大用會判官楊儀得罪坐與交出知滁州頃之知江寧府入判流內銓以待講學士知滑州徙益州未至或扇言儂智高在南詔將入寇攝守亟調兵築城朝廷發陝西步騎兵仗絡繹往戍蜀詔趣方平行方平曰此必妄也道遇戍卒皆遣歸他役盡罷得中郿川譯人始造此語者梟首境上而流其餘黨蜀人遂安復以三司使召方平西鄙用兵兩蜀多所調發方平為奏免橫賦四十萬減鑄鐵錢十餘萬緡又建言漕運以汴為主汴帶引淮江利盡南海天聖已前歲調民浚之故水行地中其後淺妄者爭以裁減役費為功汴日以塞是利尺寸而喪邱山也乃畫上十四策帝稱善悉如其說行之遷尚書左丞知南京未幾以工部尚書帥秦州謀告夏人將壓境方平料簡士馬聲言出塞已而寇不至言者論其輕舉曾公亮曰兵不出塞何名輕舉寇之不得至者有備故也倘罪之後之邊臣將不敢為先事之備矣方平不自安請知南京英宗立遷禮部尚書請知鄆州還為學士承旨帝不豫召至福靈殿帝馮几

書云明日降詔立皇太子方平抗聲曰必穎王也嫡長而賢請書其名帝力疾書之乃退草制神宗即位召見請約山陵費又請差減錫賚以乾輿為準拜參知政事曾公亮議用王安石方平以為不可數日遭父憂服闋以觀文殿學士留守西京入覲留判尚書都省力請知陳州安石行新法方平陸辭極論其害帝憮然韓絳主西師慶卒亂京西轉運使合一路各會兵于州民大駭方平持檄不下而奏之命罷諸郡兵召為宣徽北院使留京師王安石深沮之以為青州未行帝問祖宗禦戎之要對曰太祖不動遠舉如靈夏河西皆因其首豪許之世襲環州董遵誨西山郭進關南李漢超皆優其祿賜寬其文法諸將財力豐而威令行間謀精審吏士用命故能以十五萬人而獲百萬之用及太宗謀取燕薊又內徙李彝興馮暉於是朝廷始旰食矣真宗澶淵之克與契丹盟至今人不識兵革近歲疆場之臣乃欲試天下於一擲事成微利不成貽患不可聽也帝曰元昊初臣何以待之對曰臣時為學士誓詔封冊皆出臣手帝曰卿可謂舊德矣除中太乙宮使王安石弛銅禁姦民日銷錢為器錢日耗方平極論其害帝頗采其言而方平求去進使南院判應天府高麗使過府長吏當送迎方平言臣班視二府不可為陪臣屈詔但遣少尹王師征安南方平言舉西北壯士健馬棄之炎荒其患有不可勝言者後皆如其言新法鬻河渡坊場司業并及祠廟宋闕伯微子廟皆為買區方平言宋王業所基闕伯封於商邱以主大火微子為始封之君是二祠者亦不得免乎於是天下祠廟皆得不鬻數請老以太子少師致仕官制行廢宣徽使獨命領之如故哲宗立加大

子太保元祐六年薨年八十五贈司空遺令毋請諡尚書右丞蘇轍為請乃諡曰文定方平慷慨有氣節既告老論事益切至於用兵起獄尤反覆言之且曰臣且死見先帝地下有以藉口矣守蜀日得眉山蘇洵與其二子軾轍嘗薦軾為諫官軾下制獄又抗章為請故軾終身敬事之王安石方用事疑然不少屈以是望高一時守宋都日富弼過見之曰人固難知也方平曰謂王安石乎亦豈難知者方平頃知皇祐貢舉或稱其文學辟以考校既入院凡院中之事皆欲紛更方平惡其人檄使出自是未嘗與語也蓋弼素亦善安石云

王拱辰字君貺開封咸平人年十九舉進士第一通判懷州入直集賢院歷鹽鐵判官修起居注知制誥慶歷元年為翰林學士契丹使劉六符來求關南十縣斥太宗伐燕為無名舉朝莫知所答拱辰曰王師征河東契丹既通使而寇石嶺關以援賊太宗怒遂回軍伐之豈謂無名乃作報書曰既交石嶺之鋒遂起衝門之役契丹得報遂繼好如初權知開封府拜御史中丞夏竦除樞密使拱辰言竦經畧西師無功今置諸二府何以厲世因對極論之帝未省遽起拱辰前引裾乃納其說竦遂罷又言滕宗諒在慶州所為不度宜施重責乃徙宗諒岳州僧紹宗以鑄佛像惑眾都人競投金冶中宮掖亦出貴佐之拱辰言財費於不急詔亟禁之蘇舜欽會賓客於進奏院王益柔醉作傲歌拱辰風其僚魚周詢劉元瑜舉劾之兩人既竄廢同席者俱逐時杜衍范仲淹為政拱辰之黨不便舜欽益柔皆仲淹所薦而舜欽衍增也故因是傾之由此為公議所薄復以翰林學士權三司使坐舉富民鄭旭出知鄭州徙瀆瀛并三州還

為學士承旨兼侍讀帝於邇英閣置太元經著草顧曰朕每閱此卿亦知其說乎拱辰具以對且曰願陛下垂意六經旁求史策至和三年復拜三司使聘契丹還御史趙抃論其輒當非正之禮湖南轉運判官李章市死商賈珠事敗拱辰悉入珠掖庭并劾之除宣徽北院使并言宣徽之職本以待勤勞者拱辰安得汙此選乃以端明殿學士知永興軍歷泰定二州河南大名府積官至吏部尚書神宗登極遷太子少保熙寧元年復以北院使召還王安石參知政事惡其異己出為應天府八年入朝為中太一宮使元豐初轉南院使賜金方團帶再判大名改武安軍節度使三路籍民為保甲日聚而教之禁令苛急往往去為盜郡縣不敢以聞拱辰抗言其害曰是以法驅之使陷於罪罟也縱未能盡罷願才損下戶以紓之主者指拱辰為沮法拱辰上章不已於是第五等戶得免哲宗立徙節彰德加檢校太師是年薨年七十四贈開府儀同三司諡懿恪

張昇按宋史宰相表及東都事畧俱作昇別見宋史他傳亦有作昇者字杲卿韓城人舉進士為楚邱主簿累官度支員外郎夏竦經畧陝西薦其才換六宅使涇原秦鳳安撫都監以母老得知絳州改京西轉運使知鄧州又以母辭乃許歸養歷戶部判官開封府推官至知雜御史張堯佐緣恩驟用知開封府內侍楊懷敏夜直禁中而衛士為變皆極論之以天章閣待制知慶州改龍圖閣直學士知秦州初青唐蕃部蘭瓊世居古渭積與夏人有隙懼而獻其地攝帥范祥亟城之諸族畏其偏舉兵叛昇至請棄勿城詔戶部副使傅求審視之以為不可棄與昇議殊先是副總管劉渙討叛羌逗撓不時進昇命他將郭恩代之羌乃

潰去渙訟恩多殺老稚以撼昇朝廷命張方平守秦陝昇青州將罪昇方平辭昇乃復留至和二年召兼侍讀拜御史中丞劉沆在相位以御史范師道趙抃攻其惡陰欲出之昇上章力爭之沆竟罷去帝見昇指切時事無所避謂曰卿孤立乃能如是對曰臣仰託聖主致位侍從是為不孤今陛下之臣持祿養望者多而赤心謀國者少竊以為如陛下乃孤立爾帝為之感動嘉祐三年擢樞密副使遷參知政事樞密使見帝春秋高前後屢進言儲嗣事卒與韓琦同決策英帝立請老帝曰大尉勤勞王家詎可遽去司馬光言昇為人忠謹清直若使且居其位於事亦未有曠廢昇請不已始賜告令養疾遂以彰信軍節度使同中書門下平章事判許州改鎮河陽三城拜太子太師致仕熙寧十年薨年八十六贈司徒兼侍中諡曰康節

趙槩字叔平南京虞城人少篤學自力器識宏遠中進士第通判海州為集賢校理開封府推官出知洪州州薄章江有汎溢之虞槩作石隄以障其衝水不為患僚吏鄭陶饒輒挾持郡事為不法前守莫能制收陶輒抵罪闔府股栗加直集賢院知青州坐失舉瀋池合張誥免起監密州酒知滁州召修起居注請郡除天章閣待制糾察在京刑獄知制誥郊祀當任子進階爵乞同其恩封母郡太君蘇舜欽等以羣飲逐槩言預會者皆館閣名士舉而棄之歎士大夫望不報求知蘇州入為翰林學士聘契丹還兼侍讀學士諫官郭申錫論事忤旨帝欲加罪槩曰陛下始面諭申錫毋面從今黜之何以示天下乃止以龍圖閣學士知鄆州應天府代韓絳為御史中丞絳論張茂實不宜典宿衛罷槩至首言之茂

實竟去權樞密使參知政事數以老求去熙寧初拜觀文殿學士知徐州自左丞轉吏部尚書以太子少師致仕退居十五年當集古今諫爭事為諫林百二十卷上之元豐六年薨年八十八贈太子太師諡曰康靖槩秉心和平與人無怨怒雖在事如不言然陰以利物者為不少議者以比劉寬婁師德坐張誥貶六年念之終不哀語死卹其家備至歐陽修遇槩素薄及修有獄槩獨抗章明其罪修得解始服其長者為鄆州時吏按前守馮浩侵公使錢三十萬當以職田租價槩知其貧為代以已俸其平生所為類此

胡宿字武平常州晉陵人按歐陽修撰宿墓誌載其先登第中聖二年乙科為揚子尉縣大水民被溺令不能救宿率公私船活數千人以為薦為館閣校勘進集賢校理通判宣州知湖州前守滕宗諒大興學校其後湖學為東南最宿之力為多築石塘百里捍水患民號曰胡公塘久之為兩浙轉運使召修起居注知制誥入內

都知楊懷敏坐衛士之變為和州都監按東都事略作宋史本傳作出為和州都監升今據改未幾召入復故職宿封還詞頭且言懷敏得不窮治誅死己幸豈宜復在左右命遂寢慶曆六年京東兩河地震登萊尤甚宿兼通陰陽五行災異之學乃上疏曰明年丁亥歲之刑德皆在北宮是調龍戰之

會其位在乾若西北二邊不動恐有內盜起於河朔又登萊視京師為東北少陽之位今二州置金坑多聚民鑿山谷陽氣耗洩故陰乘而動宜即禁止以寧地道時以為迂闊明年王則果以貝州叛皇祐五年正月會靈宮災是歲冬至郊以二帝並配明年大旱宿言五行火禮也去歲火而今又早其應在禮此殆郊丘並配之失

即建言並配非古宜用迭配如初時議者謂士大夫言七十當致仕其不知止者請令有司按籍舉行之宿以為非優老之義當少緩其期武吏察其任事與否勿斷難並用禮部間歲一貢士不便當用三年之制皆如其言唐介貶嶺南帝遣中使護以往宿言事有不可測介如不幸道死陛下受殺直臣之名帝追還使者遷翰林學士知審官制院李仲昌開六塔河民被害詔獄薄其罪宿請斬以謝河北仲昌由是南竄充國公主下降將行冊禮宿諫曰陛下昔封兩長主未嘗冊命今施之愛女殆非漢明帝所謂我子豈得與先帝子等之義涇州卒以折支不時給出惡言且欲相扇為亂既寘子法乃命劾三司吏三司使包拯護弗遣宿曰涇卒固悖慢然當給之物越八十五日而不與計吏安得為無罪拯不知自省公拒制命紀綱益廢矣拯懼立遣吏韓琦守并州請復其節鎮宿言參商為仇讐之星國家受命於商邱而參為晉地今欲崇晉非國之利也宜如故便議遂止拜樞密副使曾公亮任雄州趙滋瀕治界河事宿言於英宗曰憂患之來多藏於隱微而生於所忽自滋守邊北人捕魚伐葦一切禁絕由此常與鬪爭南北通好六十載內外無患近年邊遠來上不過侵誣尺寸此城

若之吏移文足以辨詰何至於興甲兵哉今摺紳中有恥燕薊外屬者天時人事未至而妄想難成之福願守兩朝法度以惠養元元宿以老數乞謝事治平三年罷為觀文殿學士知杭州明年以太子少師致仕未拜而薨年七十三贈太子太師諡曰文恭宿為人清謹忠實內剛外和羣居不譁笑與人言必思而後對故臨事重

慎不輒發發亦不可回止居母喪三年不至私室其當重任尤願惜大體在審官刑院擇詳議官有在選中者嘗監征權以水災負課同列謂小累不足白宿竟白之而薦其才足用仁宗聽納篤行自勵至於貴達常如布衣時子宗炎按墓誌載宿子五人宗堯都官員外郎從宗實國子博士宗炎宿之第四子也子宗愈宗同

宗炎字彥聖由將作監主簿鎖廳登第為國子大宗正丞開封府推官考功吏部郎中哲宗崩遣使來弔祭宗炎以鴻臚少卿迓境上使者不易服宗炎以禮折之須其聽命乃相見既還升為卿初父宿使遠道人重之其後宗炎壻鄧忠臣迓客客問中外嘗有充使者否忠臣以宿告且言前使鴻臚其子也客歎胡氏世不乏人俄以直龍圖閣知穎昌府歷密州而卒宗炎善為詩藻思清婉歐陽修守亳與客游郡圃或誦其詩修賞味不已以為有鮑謝風致其重之如此

宗愈字完夫舉進士甲科為光祿丞宿得請杭州英宗問子弟誰可繼者以宗愈對召試學士院神宗立以為集賢校理久之兼史館檢討遂同知諫院殿內卒盜皇城器物宗愈言入內都知不能覺察願正其罪殿帥直廬在長慶門內久而自置隸圍宗愈曰嚴禁旅所以杜姦宄也奈何令私人得為之請易募老卒王安石用李定為御史宗愈言定以幕職不因薦得之是殆一出執政意即大臣不法誰復言之蘇頌李大臨不草制坐絀宗愈又爭之安石怒出通判真州歷提點河東刑獄開封府推官吏部右司郎中元祐初起居郎中書舍人

給事中御史中丞時更定役法書成銜校募不足者聽差人等戶宗愈言法貴均一若持兩端則於文有害是

差人等戶宗愈言法貴均一若持兩端則於文有害是

差人等戶宗愈言法貴均一若持兩端則於文有害是

乃差法非募法也請刪之哲宗嘗問朋黨之弊具君子無黨論以進拜尚書右丞於是諫議大夫王觀論其不當而劉安世韓川孫覺等合攻之朝廷依違踰年出觀

潤州而言者愈力乃罷為資政殿學士知陳州徙成都府蜀人安其政召為禮部尚書遷吏部卒年六十六贈

左銀青光祿大夫諡修簡後入元祐黨籍云宗愈字修祐黨籍見東都事略愈傳宋史本傳不載今據增簡後入元

宗回字醇夫用蔭登第為編修敕令官司農寺幹當公事京西轉運判官提點刑獄京東陝西轉運使吏部郎

中紹聖初以直龍圖閣知桂州進寶文閣待制坐繫平民死降集賢殿修撰知隨州改秦州慶州復為待制先

是熙河將王瞻下邈川有功帥孫路不樂瞻奪其兵與王愍朝廷知之以宗回代路加直學士時青唐贖征內

附而心牟欽種勒兵立別酋隴揆還其地勢復張贖征大懼自髡為僧以祈免王瞻怨孫路因言青唐不煩兵

可下至則駐宗哥城不進宗回怒日夜檄趨之且戒瞻曰青唐兵甚弱隴揆稚子何能為而怯懦逗遛吾將以

軍法從事又遣王愍復至邈川聲言代贖瞻懼乃率步騎掩青唐據之隴揆降詔以青唐為鄯州邈川為湟州

未幾屬羌卽阿章叛拒官軍宗回遣將王吉魏釗討之皆敗死又遣鈐轄种朴往朴言賊鋒方銳且盛寒宜少

緩師宗回不聽督之急朴不得已行亦敗死於是轉運判官秦希甫言湟鄯難守以為棄之便事下宗回宗同

持不可希甫罷去會徽宗棄鄯州於是任伯雨再疏其罪奪職知鄆州還為待制歷慶渭陳延澶州兄宗愈入

黨籍宗同亦罷郡居亡何錄其堅守湟鄯之議起知秦州進樞密直學士徙永興鄭州成德軍復坐事去大觀

中卒贈銀青光祿大夫胡氏自宿始大及宗愈仍世執政其後子孫至侍從九卿者十數遂為晉陵名族

歐陽修

劉敞

曾鞏

歐陽修字永叔廬陵人四歲而孤母鄭守節自誓親誨之學家負至以荻畫地學書幼敏悟過人讀書輒成誦及冠疑然有聲宋興且百年而文章體裁猶仍五季餘習鏖刻駢偶澁弗振士因陋守舊論卑氣弱蘇舜元舜欽柳開穆修輩咸有意作而張之而力不足修游隨得唐韓愈遺藁於廢書篋中讀而心慕焉苦志探頤至忘寢食必欲并轡絕馳而追與之並舉進士試南宮第一擢甲科調西京推官始從尹洙游為古文與梅堯臣游為歌詩相倡和遂以文章名冠天下入朝為館閣校勘范仲淹以言事貶在廷多論救司諫高若訥獨以為當黜修貽書責之若訥上其書坐貶夷陵令稍徙乾德令武成節度判官復校勘進集賢校理慶曆三年知諫院時仁宗更用大臣杜衍富弼韓琦范仲淹皆在位增諫官員用天下名士修首在選中每進見帝延問執政各所宜行初范仲淹之貶饒州也修與尹洙余靖皆以直仲淹見逐目之曰黨人自是朋黨之論起修乃為朋黨論以進論事切直帝獨獎其敢言面賜五品服同修起居注遂知制誥故事必試而後命帝知修詔特除之奉使河東自西方用兵議者欲廢麟州以省餽餉修言麟州天險不可廢不若分其兵駐並河內諸堡緩急得以應援而平時可省轉輸又言忻代岢嵐多禁地廢田願令民得耕之不然將為敵有朝廷下其議久乃行歲得粟數百萬斛凡河東賦斂過重民所不堪者奏罷下

數事使還會保州兵亂以為龍圖直學士河北都轉運賊平大將李昭亮通判馮博文私納婦女修捕博文繫獄昭亮懼立出所納婦兵之始亂也招以不死既而皆殺之脅從二千人分隸諸郡富弼為宣撫使恐後生變將使同日誅之與修遇於內黃夜半屏人告之故修曰禍莫大於殺已降況脅從乎既非朝命脫一郡不從為變不細弼悟而止方是時杜衍等相繼以黨議罷去修慨然上疏曰杜衍韓琦范仲淹富弼天下皆知其有用之賢而不聞其有可罷之罪今此四人一旦罷去而使羣邪相質於內四夷相質於外臣為朝廷惜之於是邪黨益忌修因其孤甥張氏獄傳致以罪左遷知制誥知滁州居二年徙揚州潁州復學士留守南京以母憂去服除召判流內銓小人畏修復用有詐為修奏乞澄汰內侍為姦利者羣皆怨怒譜之出知同州帝納吳充言而止遷翰林學士俾修唐書奉使契丹其主命貴臣四人押宴曰此非常制以卿名重故爾知嘉祐二年貢舉時士子尚為險怪奇澀之文號太學體修痛排抑之加龍圖閣學士知開封府承包拯威嚴之後簡易循理不求赫赫名京師亦治旬月改羣牧使唐書成拜禮部侍郎兼翰林侍讀學士修在翰林八年知無不言河決商湖北京留守賈昌朝欲開橫隴故道回河使東流有李仲昌者欲導入六塔河議者莫知所從修以為河水重濁理無不淤下流既淤上流必決以近事驗之決河非不能力塞故道非不能力復但勢不能久耳橫隴功大難成雖成將復決六塔狹小而以全河注之濱棣德博必被其害不若因水所趨增隄峻防疏其下流縱使入海此數十年之利也宰相陳執中主昌朝文彥博主

仲昌竟為河北患黨論執中過惡而執中猶遷延固位修上疏曰陛下拒忠言庇愚相為聖德之累未幾執中罷狄青為樞密使有威名帝不豫詔言籍籍修請出之於外以保其終嘗因水災上疏曰陛下臨御三紀而儲宮未建昔漢文帝初即位即立太子而享國長久唐明宗惡人言儲嗣事不肯早定致秦王之亂陛下何疑而久不定乎其後建立英宗蓋原於此五年拜樞密副使六年參知政事修在兵府與曾公亮考天下兵數及三路屯戍多少地理遠近更為圖籍其在政府與韓琦同心輔政凡兵民官吏財利之要中書所當知者集為總目時東宮猶未定與韓琦等協定大議語在琦傳英宗以疾未親政皇太后垂簾左右交構幾成嫌隙韓琦奏事太后泣語之故琦以帝疾為解太后意不釋修進曰太后事仁宗數十年仁德著於天下昔溫成之寵太后處之裕如今母子之間反不能容邪太后意稍和修復曰仁宗在位久德澤在人天下奉戴嗣君無一人敢異同者非仁宗遺意天下誰肯聽從太后默久之而罷帝將追崇濮王命有司議皆謂當稱皇伯改封大國修引喪服記以為為人後者為其父母服降三年為期而不沒父母之名以見服可降而名不可沒也若本生之親改稱皇伯歷考前世皆無典據進封大國則又禮無加爵之道故中書之議不與眾同太后出手書許帝稱親尊王為皇王夫人為后帝不敢當於是御史呂誨等誣修主此議爭論不已皆被逐惟蔣之奇之說合修意修薦為御史眾目為姦邪之奇患之則思所以自解修婦弟薛宗孺有憾於修造帷薄不根之謗推辱之之奇因中丞彭思永言即上章劾修神宗初即位欲深護修

使詰思永之奇辭窮皆坐黜修亦方求退罷為觀文殿學士刑部尚書知亳州明年遷兵部尚書知青州改宣徽南院使判太原府辭不拜徙蔡州修以風節自持既數被汙讒年六十即連乞謝事帝優詔弗許及守青州又以請止散青苗錢為安石所詆故求歸愈切熙寧四年以太子少師致仕五年卒贈太子太師諡曰文忠修始在滁州號醉翁晚更號六一居士天資剛勁見義勇為放逐流離至于再三志氣自若也方貶夷陵時取舊案反覆觀之見其枉直乖錯不可勝數於是仰天歎曰

以荒遠小邑且如此天下固可知自爾遇事不敢忽學者求見所與言未嘗及文章惟談吏事謂文章止於潤身政事可以及物凡歷數郡不見治跡不求聲譽寬簡而不擾故所至民便之或問為政寬簡而事不弛廢何也曰以縱為寬以略為簡則政事弛廢而民受其弊吾所謂寬者不為苛意簡者不為繁碎耳修幼失父母嘗謂曰汝父為吏常夜燭治官書屢廢而歎吾問之則曰

死獄也我求其生不得爾吾曰生可求乎曰求其生而不得則死者與我皆無恨夫常求其生猶失之死而世常求其死也其平居教他子弟常用此語吾耳熟焉修聞而服之終身為文天才自然豐約中度天下翕然師尊之獎引後進如恐不及賞識之下率為間人曾鞏王安石蘇洵洵子軾轍未為人知修即游其聲譽請必顯於世篤於朋友生則振掖之死則調護其家好古嗜學凡金石遺文一切撥拾謂之集古錄奉詔修唐書自撰

五代史記子發奔莒辨發字伯和少好學師事安定胡瑗得古樂鐘律之說不治科舉文詞獨探古始立論議自書契來君臣世系制

度文物旁及天文地理靡不悉究以父恩補將作監主簿賜進士出身累遷殿中丞卒年四十六蘇軾哭之以謂發得文忠公之學漢伯階晉茂先之流也

裴字叔弼用蔭為祕書省正字登進士乙科調陳州判官為審官主簿累遷職方員外郎知襄州曾布婦兄魏泰居襄規占公私田園指州門東偏官邸廢址為天荒請之吏具成牘至裴持不與泰譖於布徙知路州旋又罷去元符末歷吏部右司二郎中以直祿聞知蔡州蔡地薄賦重轉運使又為覆折之民不堪命會有詔禁止而佐吏憚使者不敢以詔旨從事裴曰州郡之於民詔

令苟有未便猶將建請今詔止之若有憚而不行何以為長吏命即日行之未幾坐黨籍廢卒

劉做字原父臨江新喻人舉慶歷進士廷試第一以內見王堯臣嫌為第二通判蔡州直集賢院判尚書考功夏竦薨賜諡文正做疏三上改諡文莊方議定大樂使中貴人參其問做諫曰王事莫重於樂今儒學滿朝辨論有餘而使若趙談者參之臣懼為袁盎笑也權度支判官徙三司使秦州與羌人爭古渭地仁宗問做棄守孰便做曰若新城可以蔽秦州長無羌人之虞傾國守焉可也或地形險利賊乘之以擾我邊鄙傾國爭焉可也今何所輕重而殫財困民損士卒之命以規小利使曲在國非計也議者多不同秦州自是多事矣溫成后

追冊有佞人獻議求立忌做曰豈可以私昵之故變古越禮乎乃止吳充以典禮得罪馮京救之亦罷近職做因對極論之帝曰充能官京亦亡它中書惡其太直不容容耳做曰寬仁好諫而中書乃排逐言者臣恐感動

陰陽有口食地震風霾之異已而果然因勸帝收攢威權帝深納之同修起居注擢知制誥奉使契丹素習知山川道徑契丹導之行自古北口至柳河回居殆千里欲夸示險遠做質譯人曰自松亭趨柳河甚徑且易不數日可抵中原何為故道此譯相顧駭愧曰通好以來置驛如是不敢變也順州山中有異獸如馬而食虎豹契丹不能識做曰此所謂駮也為說其音聲形狀且誦

山海經管子書曉之使還求知揚州狄青起行伍為樞密使每出入小民輒聚觀至墾馬足不得行青不自安做為言陛下愛青不如出之以全其終使出論中書青乃去位揚之雷塘漢雷陂也舊為民田其後官取澗水主皆失業做據塘舊券悉用還民天長縣鞠王甲殺人既具獄做察其冤親按問之蓋殺人者富人陳氏也相傳以為神明徙鄆州決獄訟明賞罰境內肅然道中遺一囊錢人莫敢取又有暮遺物市中者且往訪之故在先是久旱多蝗做至而雨蝗出境召糾察在京刑獄營卒桑達等醉鬪皇城使捕送開封棄市做移府問何以不經審訊奏請准近格詔以其章下府著為令嘉祐祿享羣臣上尊號做疏言陛下不受徽號且二十年今歲

來頗有災異正當寅畏天命深自抑損豈可以虛名為累帝遂不受做以識論與眾忤求知永興軍拜翰林侍讀學士做侍英宗講讀每指事據經因以諷諫時兩宮方有小人間言做進讀史記至堯授舜以天下拱而言曰舜至側微也堯禪之以位天地享之百姓戴之非有他道惟孝友之德光于上下耳帝竦體改容知以義理

諷也皇太后聞之亦大喜疾少間求外以為汝州旋改集賢院學士判南京御史臺熙寧元年卒年五十做學問淵博嘗夜視鎮星謂人曰此於法當得土不然則生

問淵博嘗夜視鎮星謂人曰此於法當得土不然則生

問淵博嘗夜視鎮星謂人曰此於法當得土不然則生

問淵博嘗夜視鎮星謂人曰此於法當得土不然則生

女後數月兩公主生又曰歲星往來虛危間色甚明盛當有興於齊者歲餘英宗以齊州防禦使入承大統嘗得先秦彙鼎數十銘識奇奧皆案而讀之因以考知三代制度朝廷每有禮樂之事必就其家以取決焉為文尤瞻敏掌外制時將下直會追封王主九人立馬却坐頃之九制成歐陽修每於書有疑折簡來問對其使揮筆答之不停手修服其博長於春秋弟效子奉世

效字貢父與微同登科仕州縣二十年始為國子監直講歐陽修趙鼎薦試館職御史中丞王陶排之效官己員外郎復侍館閣校勘熙寧中判尚書考功同知太常禮院詔封太祖諸孫行尊者為主奉太祖後效言禮諸侯不得祖天子當自奉其國之祖宜崇德昭德芳之後世世勿降爵宗廟祭祀使之在位則所以褒揚藝祖者著矣詔封如效議方更學校貢舉法效曰本朝選士之制行之百年累代將相名卿皆由此出而以爲未嘗得人亦不亦誣哉願因舊貫毋輕議改法王安石在經筵之講者坐效曰侍臣講論於前避席立語乃古今常禮君使之坐所以示人主尊德樂道也若不命而請則異矣

禮官皆同其議至今仍之又嘗貽安石書論新法不便安石怒撫前過斥通判泰州以集賢校理判登聞檢院戶部判官知曹州曹爲盜區重法不能止效治尚寬平盜亦衰息爲開封府判官復出爲京東轉運使徙知兗毫二州吳居厚代爲轉運使能奉行法令致財賦乃追坐效廢弛黜監衡州鹽倉哲宗初起知襄州入爲祕書少監以疾求去加直龍圖閣知蔡州至蔡數月召拜中書舍人以疾不起年六十七效尤遠史學司馬光修資治通鑑專職漢史爲人疎儻不修威儀喜諧謔數用以

招怨梅云
奉世字仲馮中進士第熙寧三年初置樞密院諸房檢詳文字以太子中允居吏房神宗稱其奉職不苟加集賢校理檢正中書戶房公事改刑房進直史館國史院編修久之爲吏部員外郎元祐初歷度支左司郎中起居郎天章閣待制樞密都承旨戶部吏部侍郎權戶部尚書七年拜樞密直學士僉書院事哲宗親政用二內侍爲押班中書舍人呂希純封還之帝謂近例奉世曰雖有近例索人不可戶曉帝爲反命既而章惇當國奉世乞免去紹聖元年以端明殿學士知成德軍改定州知成都府過都入覲欲迷朋黨傾邪之狀帝將聽其來會布曰元祐變先朝法無一當者奉世有力焉遂不許明年署光祿少卿分司南京居柳州再貶臨州團練副使徽宗立盡還其官職知定州大名府鄆州崇寧初再奪職謫居充沂以救得歸

按成都事略作奪職謫知徐州提舉崇福宮政和三年復端明殿學士卒年七十三奉世優於吏治尙安靜文詞雅贍最精漢書學常云家世唯知事君內省不愧忤士大夫公論而已得喪常理也譬如寒暑加人雖善攝生者不能無病正須安以處之

曾鞏字子固建昌南豐人生而警敏年十二試作六論援筆而成甫冠名聞四方中嘉祐二年進士第調太平州司法參軍召編校史館書籍遷館閣校勘集賢校理爲實錄檢討官出通判越州州舊取酒場錢給募牙前錢不足賦諸鄉戶期七年止期盡募者志於多入猶責賦如初鞏立罷之歲饑度常平不足贍而田野之民不能皆至城邑諭告屬縣諷富人自實粟視常平價稍增以予民民得從便受粟不出田里而食有餘又貸之種

樞使隨秋賦以償知齊州曲隄周氏擁貲雄里中子高橫縱州縣吏莫敢詰鞏取實於法章邱民聚黨村落間鞏配三十一人又屬民爲保伍使議察其出入有盜則鳴鼓相援每發輒得盜有葛友者名在捕中一日自首首鞏飲食冠裳之盜聞多出自首自是外戶不閉河北發民濬河調及他路齊當給夫二萬縣初按籍三丁出夫一鞏括其隱漏至於九而取一省費數倍又弛無名渡錢爲橋以濟往來凡省六驛人皆以爲利徙襄州洪州會江西歲大疫鞏命縣鎮亭傳悉儲藥待求軍民不能自養者來食息官舍資其飲食衣衾之具師征安南所過州爲萬人備鞏先期區處師去市里不知加直龍圖閣知福州劍將樂盜廖思行狀作廖思既赦罪出降餘眾潰復合鞏以計羅致之繼自歸者二百輩福州無職田歲需園蔬收其直自入常三四十萬鞏罷之後至者亦不復取也徙明毫滄三州鞏負才名久外徙過闕神宗召見遂留判三班院上疏議經費以節用爲理財之要加史館修撰會官制行拜中書舍人尋掌延安郡王賤奏故事命翰林學士至是特屬之數月卒年六十五鞏性孝友爲文章本原六經少與王安石游及安石得志遂與之異神宗嘗問安石何如人對曰安石文學行義不減揚雄以吝故不及帝曰安石輕富貴何吝也對曰勇於有爲吝於改過耳呂公著嘗告神宗以鞏爲人行義不如政事政事不如文章以是不大用云弟布自有傳幼弟鞏

鞏字子開舉進士調黃巖簿用薦爲鄭州教授擢崇文校書館閣校勘兼國子監直講同知太常禮院太常禮文殘缺鞏在職多所釐正親祠皇地於北郊蓋自肇發

之遷國史編修官進吏部郎中遷右司為神宗實錄檢
 討元祐初擢起居舍人未幾為中書舍人論葉康直知
 秦州不當執政訝不先白御史因攻之肇求去范純仁
 力為之言乃得釋門下侍郎韓維奏范百祿事出守鄧
 肇言維為朝廷辨邪正是非不可以疑似遂不草制諫
 議大夫王觀以論胡宗愈出守潤肇言陛下寄腹心於
 大臣寄耳目於臺諫今觀論執政即去之是愛腹心而
 塗耳目也帝悟太宗受冊詔遵章獻故事御文德殿肇
 言天聖初兩制定議受冊崇政仁宗特改焉此蓋一時
 之制今帝述仁宗故事以極崇奉孝敬之誠臣竊謂太
 皇當於此時特下詔揚帝孝敬之誠而固執謙德屈從
 天聖兩制之議止於崇政則帝孝愈顯太皇之德愈尊
 矣坤成節上壽議令百官班崇政肇又言天聖三年近
 臣班殿廷百官止請內東門拜表今太皇盛德不肯自
 同章獻宜如三年之制並從之四年春早有司猶請春
 宴肇同彭汝礪上疏曰天雷方作正君臣側身畏懼之
 時乃相與飲食燕樂恐無以消復天變翌日有旨罷宴
 以寶文閣待制知潁州徙鄧齊陳州應天府入為吏部
 侍郎肇任禮院時啟親祠北郊之議是歲當郊肇堅抗
 前說既而合祭天地乃自劾改刑部請不已出知徐州
 徙江寧府帝親政更用舊臣數稱肇議禮趣入對肇言
 宜於此時選志信端良之士實諸近班以參謀議備顧
 問貴近惡其語出知瀛州時方治實錄譏訕罪降為澠
 州稍復集賢殿修撰歷泰州海州徽宗即位復召為中
 書舍人日食四月朔當條詔求言肇具述帝旨詔下投
 匭者咸以赦思甄敘肇請併錄死者作訓詞哀厚惻怛

讀者為之感愴遷翰林學士兼侍讀諫官陳瓘給事中
 龔原以言得罪肇極力論解建中靖國元年太史奏日
 又當食四月肇請對言比歲日食正陽咎異章著陛下
 宜反覆循省以塞天變言發涕下帝悚然順納兄布在
 相位引故事避禁職拜龍圖閣學士提舉中太一宮未
 幾出知陳州歷太原應天府揚定二州崇寧初落職謫
 知和州徙岳州繼貶濮州團練副使安置汀州四年歸
 潤而卒年六十一自熙寧以來四十年大臣更用事邪
 正相軋黨論屢起肇身更其間數不合兄布與韓忠彥
 並相日久傾危之肇既居外移書告之曰兄方得君當
 引用善人以杜惇下復起之萌惇下縱未至一蔡京足
 以兼二人可不深慮布不能從未幾京得政布與肇俱
 不免肇天資仁厚而容貌端嚴自少力學博覽經傳更
 十一州類多善政紹興初諡曰文昭子統至左諫議大
 夫

謹者咸以赦思甄敘肇請併錄死者作訓詞哀厚惻怛

欽定續通志卷三百四十三

列傳

宋四十八

蔡襄

呂溱

王素靖

余靖

彭思永

張存

鄭獬

陳襄

錢公輔

孫洙

豐稷

呂誨

劉述

劉琦

錢顛

鄭俠

何郊

吳中復 擇仁

陳薦

王獵

孫思恭

周孟陽

齊恢

楊繪

劉庠

朱京

蔡襄字君謨興化仙遊人舉進士爲西京留守推官館閣校勘范仲淹以言事去國余靖論救尹洙請與同貶歐陽修移書責司諫高若訥由是三人者皆坐譴襄作四賢一不肖詩慶曆三年仁宗更用輔相擢靖修及王素爲諫官襄又以詩賀三人列薦之帝亦命襄知諫院襄喜言路開而慮正人難久立乃上疏曰朝廷增用諫臣修靖素一日並用三人忠誠剛正必能盡言臣恐邪人不利必造爲禦之之說其說有三一曰好名一曰好進三曰彰君過願陛下察之毋使有好諫之名而無其實時有旱蝗日食地震之變襄以爲災害之來皆由人事原其所以致之由君臣上下皆闕失也不願聽斷不擴威權使號令不信於人恩澤不及於下此陛下之失也持天下之柄司生民之命無嘉謀異畫以矯時弊不盡忠竭節以副任使此大臣之失也朝有弊政而不能正民有疾苦而不能去陛下寬仁少斷而不能規大臣

循默避事而不能斥此臣等之罪也陛下既有引過之言達於天地神祇矣願思其實以應之疏出聞者皆悚然進直史館兼修起居注開寶浮圖災下有舊瘞佛舍利詔取以入宮人多灼臂落髮者方議復營之襄諫曰陛下當修人事奈何專信佛法天之降災以示儆戒願大興工役是將以人力排天意也呂夷簡平章國事宰相以下就其第議政事襄奏請罷之元昊納款始自稱兀卒既又譯爲吾祖襄以爲慢侮甚矣夏竦罷樞密使韓琦范仲淹在位襄言陛下罷竦而用琦仲淹士大夫賀於朝庶民歌於路雖然臣切憂之天下之勢譬猶病者陛下既得良醫矣信任不疑非徒愈病而又壽民醫雖良術不得盡用則病且自深矣保州卒作亂推橋兵十餘輩爲首惡殺之以求招撫襄曰天下兵百萬苟無誅殺決行之令必開驕慢暴亂之源今州兵戕官吏閉城門不能討從而招之豈不爲四方笑乞將兵入城盡誅之詔從其議以母老求知福州改福建路轉運使開古五塘溉民田奏減五代時丁口稅之半復修起居注唐介擊宰相觸盛怒襄曰介誠狂愚然出於進忠必望全貨既貶春州又上疏以爲此必死之謫得改英州溫成后追冊請勿立忌而罷監護園陵官進知制誥三御史論梁適解職襄不草制後每除授非當職輒封還之遷龍圖閣直學士知開封府襄精吏事談笑剖決破姦發隱吏不能欺以樞密直學士再知福州郡士周希孟陳烈陳襄鄭穆以行義著襄備禮招延誨諸生以經學俗重凶儀親亡或祕不舉至破產飯僧下令禁止之徙知泉州距州二十里萬安渡絕海而濟往來畏其險襄立石爲梁其長三百六十丈至今賴焉又植松七百里

以庇道路召爲翰林學士三司使較天下盈虛出入量力以制用刻剔蠹弊簿書記綱纖悉皆可法英宗不豫皇太后聽政爲輔臣言先帝既立皇子宦妾更加榮惑而近臣知名者亦然幾敗大事近已焚其章矣已而外人遂云襄有論議帝聞而疑之會襄數告因命擇人代襄襄乞爲杭州拜端明殿學士以治平三年丁母憂明年卒年五十六贈吏部侍郎襄工於書爲當時第一仁宗尤愛之製元舅隴西王碑文命書之及令書溫成后父碑則曰此待詔職耳不奉詔乾道中賜諡曰忠惠

呂溱字濟叔揚州人進士第一通判亳州直集賢院同修起居注出知蘄楚舒三州 按東都事略作出知蘇州歷楚舒二州 復修起居注儂智高寇嶺南詔奏邸毋得輒報溱言一方有警使諸道聞之其得爲備今欲人不知此何意也進知制誥又出知杭州入爲翰林學士疏論宰相陳執中姦邪仁宗還其疏溱曰以口舌論人是陰中大臣也願出以示執中使得自辨未幾執中去溱亦以侍讀學士知徐州徙成德軍時方開六塔河宰相主其議溱請罷之以答天戒溱與都轉運使李參不相能還判流內銓參劾其借官麴作酒以私貨往河東貿易及違式受餽贖事下大理議溱乃未嘗受帝知其過輕但貶秩知和州御史以爲未抵罪分司南京 按東都事略起知池州江寧府復集賢院學士加龍圖閣直學士知開封府時爲京尹者比不稱職溱精識過人辨訟立斷豪惡斂跡改樞密直學士提舉醴泉觀卒年五十五贈禮部侍郎溱開敏善議論一時名輩皆推許然自責重在杭州接賓客不過數語時目爲七字舍人云

王素字仲儀太尉旦季子也賜進士出身至屯田員外郎御史中丞孔道輔薦為侍御史道輔貶出知鄂州仁宗思其賢擢知諫院素方壯年遇事感發嘗言今中外無名之費倍徙於前請省其非急者適皇子生將進百僚以官惠諸軍以賞素曰宜留爵秩以賞戰功儲金緡以佐邊費議遂已京師早素請帝禱于郊帝曰太史言月二日當雨今將以旦日出禱素曰知其且雨而禱之應天不以誠明日詣禮泉觀素曰禮泉之近猶外朝耳豈憚暑不遠出耶帝悚然更詔詣西太一宮駕還而雨王德用進二女子素論之帝立命遣出擢天章閣待制淮南郡轉運按察使新置按察類多以苛為明素獨不撻細故即有貪刻必繩治窮竟以故下吏愛而畏之改知渭州坐市木河東有擾民狀降華州又奪職徒汝俄悉還其故遷龍圖閣直學士初原州藉借建議築大壘曠堡役未具敵伺間要擊不得成懼來歸死素曰若罪借乃是墮敵計責借使畢力自效總管狄青曰借往益敗不可遣素曰借敗總管行總管敗素即行矣青不敢復言借卒城而還以樞密直學士知開封府出知定州成都府凡為政務合人情蜀人紀其目號曰王公異斷復知開封素以三公子少知名出入侍從將帥久頗鞅鞅厭倦劇煩御史糾其過出知許州治平初夏人寇靜邊若召拜端明殿學士復知渭州於是三鎮涇原蕃夷故老皆歡賀比至敵解去拓渭西南城濬隍三周積粟支十年屬羌奉土地來獻悉增募弓箭手行陳出入之法身自督訓其居舊穿土為室寇至老幼多焚死為築八堡使居之聽敵耕田里有警則聚嘗宴堂上邊民傳寇至驚入城諸將曰使敵人亦從而入將必為內應

合拒勿內素曰若拒之東去關中必搖吾在此敵必不敢犯我此當有姦言乃下令敢稱寇至者斬有順候騎從西來人傳果妄諸將皆服其明換澶州觀察使知成德軍改青州觀察使熙寧初還以學士知太原府汾河大溢素曰若壞平晉遂灌州城矣亟命具舟楫築堤以捍之一夕水驟至人賴以安人知通進銀臺司轉工部尚書仍故職致仕以學士就第卒年六十七諡曰懿敏子鞏有雋才長於詩從蘇軾游軾守潁州鞏往訪之與客遊泗水登魁山吹笛飲酒乘月而歸軾待之於黃樓上謂鞏曰李太白死世無此樂三百年矣軾得罪鞏亦竄賓州數歲得還豪氣不少挫後歷宗正丞以跌蕩傲世每除官輒為言者所議故終不顯靖字詹叔蚤孤自力於學好講切天下利害以祖蔭歷通判開州知滁州主管北京御史臺契丹數遣橫使來靖疏言彼利中國賜遺挾虛聲以濟其欲宜有以折之又請復明經科加試貢士以策觀其所學稍變聲律之習擢利州路轉運判官提點陝西刑獄鄉戶役於州縣者優則願久留勞則欲亟去吏得權其遲速靖以一歲月遣代遂為令徙河東長子縣賊殺人捕治十數輩不得實皆釋去靖閱其牘曰此真盜也教吏曲折訊囚果服罪為開封府推官曹濮盜害官吏久不獲靖受詔督捕成擒者因言盜之不戢由大姓囊橐請并坐之著為令徙廣南轉運使熙寧初廣人謠言交趾且至老幼入保事聞中外以為憂神宗曰王靖在彼可無念即拜太常少卿直昭文館知廣州居二年入為度支副使卒子古字敏仲第進士熙寧中為司農主簿使行淮浙賑旱

哲宗疑不實震謂惇抑已於是穎昌蓋漸有訟許賂惇聖初復為給事中權吏部尚書拜龍圖閣直學士知開封府震與章惇皆呂惠卿所薦而素不相能府奏獄空哲宗疑不實震謂惇抑已於是穎昌蓋漸有訟許賂惇

提舉四路常平王安禮欲用為太常丞神宗謂古好異論止以為博士加上仁宗英宗諡因升附四后初議不發冊古言發冊之禮雖為廟節文而升附之重乃由冊而後顯今既行升附則禮不可廢詔用竹冊又定諸神祠封額爵號之序出為湖南轉運判官提點淮東刑獄歷工部吏部右司員外郎太府少卿奉使契丹異時北使所過凡供張悉貸於民古請出公錢為之民得不擾紹聖初遷戶部侍郎詳定役法與尚書蔡京多不合京言臣欲用元豐人額雇直而古乃用司馬光法詔徙古兵部尋以集賢殿修撰為江淮發運使進寶文閣待制知廣州言者論其常指平歲為凶年亡散邦財奪職知袁州徽宗立復拜戶部侍郎耶遷尚書與御史中丞趙挺之偕領放欠挺之言古蠲除太多欲盡傾天下之財不可用遂改刑部攻不已以寶文閣直學士知成都墮崇寧黨籍責衡州別駕安置温州復朝散郎尋卒震字子發以父任試銓優等賜及第上諸路學制神宗稱其才以習學中書刑房公事遂為檢正預修條例加館閣校勘檢正孔目吏房元豐官制行震與吳雍從輔臣執筆入記上語面投尚書右司員外郎使自書除目舉朝榮之兼修市易敕帝諭之曰朝廷造法皆本先王之制推行非人故不能善後且以錢貸民有不能償輒籍其家豈善政也宜計其負幾何悉捐之震頓首奉詔進起居舍人使行西邊還為中書舍人元祐初遷給事中御史王巖叟劾之以龍圖閣待制知蔡州歷五郡紹聖初復為給事中權吏部尚書拜龍圖閣直學士知開封府震與章惇皆呂惠卿所薦而素不相能府奏獄空哲宗疑不實震謂惇抑已於是穎昌蓋漸有訟許賂惇

子弟震捕漸治頗得蹤跡悼懼以獄付大理而從震為樞密都承旨遂坐折獄滋蔓傾搖大臣奪職知岳州卒

余靖字安道韶州曲江人舉進士起家為贛縣尉試書判拔萃改將作監丞知新建縣遷祕書丞數上書論事建言班固漢書舛謬命與王洙并校司馬遷范曄二史書奏擢集賢校理范仲淹貶饒州靖言仲淹以刺譏大臣重加譴論倘其言未合聖慮在陛下聽與不聽耳安可以為罪乎陛下自親政以來屢逐言事者恐錯天下口疏入落職監筠州酒稅尹洙歐陽修亦以仲淹故相繼貶逐靖由是益知名徙監泰州稅知英州遷太常博士復為校理同知禮院慶曆中仁宗銳意欲更天下弊事增諫官員以靖為右正言時四方盜賊竊發州郡不能制靖言朝廷威制天下在賞罰今官吏弛事羣盜蜂起大臣讎齟守常不立法禁可為國家憂也請嚴捕賊賞罰及定為賊劫質亡失器甲除名追官之法司天言太白犯歲星又犯執法靖上疏請責躬修德以謝天變使契丹辭曰以所奏事書笏各舉一字為目凡數十事帝命悉條奏進修起居注開寶寺靈感塔災復上疏言聞嘗詔取舊堽舍利入禁中閱視道路傳言舍利在內廷有光怪竊恐巧佞之人推為靈異惑亂視聽再圖營造今自西陲用兵國帑虛竭民亡儲蓄陛下若勤勞罪己憂人之憂則四民安居海內蒙福如不恤民病廣事浮費奉佛求福非天下所望舍利神靈一塔不能自衛為火所毀況藉其福以庇民哉嘗論夏竦姦邪不可為樞密使王舉正不才不宜在政府秋青武人使之獨守渭州恐敗邊事張堯佐以修媛故除提點府界公事非

政事之美且郭后之禍起於楊尚不可不監太常博士王翼西京治獄還賜五品服靖曰治獄而錫服外人不知必以為翼深文重法能希陛下意以取此寵所損非細事也嘗有工部郎中呂覺以治獄賜對祈易章緩陛下論之曰朕不欲因鞫囚與人恩澤覺退以告臣臣嘗書之起居注陛下前日論覺是則今日賜翼非矣是非與奪之間貴乎一體其說多見納用會西鄙厭兵元昊請和議增歲賜靖言景德中契丹舉國與師直抵澶淵先帝北征渡河止捐金縑三十萬與之今元昊戰雖累勝皆出將帥輕敵易動之故數年選將練兵始知守戰之備而銳意解仇所子至二十六萬夫以景德之患近在封域之內而歲賜如彼今日之警遠在邊鄙之外而歲賜如此若元昊使還益有所許契丹聞之豈不生心無厭之求自此始矣儻移西而備北為禍更深但思和與不和若有後患則不必曲意俯仰以貽國羞擇知制誥元昊既歸款朝廷欲加封冊而契丹以兵臨西境遣使言為中國討賊請止毋和朝議難之會靖數言契丹挾詐不可輕許即遣靖往報而留夏國封策不發靖至契丹卒屈其議而還朝廷遂發夏冊臣元昊西師既解嚴北邊亦無事靖嘗為契丹國語詩御史王平等劾靖失使者體出知吉州求侍養去改將作少監分司南京居曲江已而授左神武軍大將軍雍州刺史壽州兵馬鈐轄辭不就再遷衛尉卿知虔州丁父憂去儂智高反邕州乘勝掠九郡以兵圍廣州就喪次起靖為祕書監知潭州改桂州詔以廣南西路委靖經制智高西走邕州靖策其必結援交趾而脅諸峒以自固乃約李德政會兵擊賊於邕州又募僂黃諸姓酋長皆庶以職使不

與智高合既而朝廷遣狄青孫洸將兵其討賊青御交趾援兵不用賊平就遷靖給事中又遷尚書工部侍郎初青兵未至前戒部將勿戰靖追鈴轄陳曙出關敗走青至按軍法斬曙及指使袁用等於坐靖懼然起拜及諸將班師獨留靖廣西遣人人特磨道擒智高母子弟三人生致之闕下加集賢院學士徙知潭州又徙青州交趾蠻申紹泰寇邕州殺五巡檢以靖安撫廣西至則召交趾用事臣費嘉祐詰問之嘉祐至給以近邊種落相侵報誤犯官軍願悉推治還所掠及械罪人以自贖靖信之遣去嘉祐遂歸不復出知廣州官至工部尚書代歸卒特贈刑部尚書諡曰襄

彭思永字季長廬陵人第進士知南海分寧縣通判睦州台州大水敗城人多溺往攝治焉盡葬死者民貧不能葺居為伐木以助之數月公私之舍皆具城築高於前而堅亦如之知潮州常州人為侍御史論內降授官賞之弊謂斜封非盛世所當有仁宗深然之皇祐祖明堂前一日有傳百姓按姓字疑皆進秩者思永言不宜濫恩以益僥倖時張堯佐已真而猶觀執政王守忠已受寵而求旌節思永率同列言之或曰俟命出未晚也思永曰先事而言第得罪爾爾一出不可止矣遂獨抗疏言外戚秉政宦侍用權非社稷之福帝怒中丞郭勸諫官吳奎為之請乃以汎恩轉司封員外郎而解臺職為湖北轉運使下溪蠻彭仕義作亂先移書激罵辰州守將討之思永按部適至仕義懼遣使迎謝寢其謀加直史館為益州路轉運使成都府吏盜公錢付獄已三歲思永攝府事甫一日即具獄民以椿秀為市藏衣帶中盜置刃於瓜捷取之鮮敗者思永得一人詰之悉

黥其黨練兵開中使歲祠峨眉率留成都捨珍玩價直數百萬錢悉出於民思永廢其三一使怒去尋為戶部副使擢天章閣待制河北都轉運使知瀛州徙知江寧府治平中召為御史中丞漢王有稱親之議思永更上疏極論以為當尊為漢國大王祭告之辭則曰姪嗣皇帝書名昭告于皇伯父在王則極尊崇之道而於仁廟亦無所嫌英宗感其切至垂欲施行而中書持之甚力神宗即位御史蔣之奇劾歐陽修陰事思永以為首建濮議違典禮以犯眾怒不宜更在政府詔問語所從來思永不肯對而極陳大臣專恣朋黨乃出知黃州改太平州熙寧三年以戶部侍郎致仕卒年七十一思永仁厚廉恕為兒時旦起就學得金錢於門外默坐其處須臾亡釵者來物色審之良是即付之始就舉持數劍為資同舉者過之出而玩或墜其一於袖間眾相為求索思永曰數止此耳客去舉手揖劍墜於地眾皆服其量居母喪窶甚鄉人饑之無所受子衡亦孝謹以父老棄官家居十餘年族里稱之

張存字誠之冀州人舉進士為安肅軍判官天禧中詔詮可以身言書判選士才得二人存預其選改著作佐郎知大名府朝城縣寇準為守異待之御史中丞王曙屢薦為殿中侍御史遷侍御史仁宗初親政罷百官轉對存請復之又言前者曹修古輩同忤旨廢黜布衣林獻可因上封事竄惡地恐自今忠直之言蔽而不達因歷引周昌朱雲辛慶忌辛毗事以開帝意歷京東陝西河北轉運使戶部度支副使西邊勦兵以天章閣待制為陝西都轉運使黃德和之誣劉平也存奏言不與敵接戰自旦至暮殺傷相當因德和引卻以致潰敗方賊

勢甚張非平搏戰其勢必不沮延州孤壘非平解圍其城必不守身既陷沒不幸又為譏佞所困邊臣自此無復死節矣朝廷延其說始遣文彥博按治由是平得直而德和誅元昊求款附議者猶執攻討之說存建言兵役不息生民疲弊敵既有俊心雖名號未正頗羈縻之遷龍圖閣直學士知延州以母老憚行徙澤州還為待制踰年知成德軍復學士契丹與元昊結昏陰謀相首尾聚兵塞上而求關南存言河北城久不治宜留意乃以為都運使盡城諸州入知開封府復使河北王則反坐失察降知汀州因婿李敷之弟李教辭為妖言事奪職知池州又徙邠久之乃復職以吏部侍郎致仕凡十五年積遷禮部尚書存性孝友家居於莊棗疆河決勢逼冀城或勸使徙曰吾家眾所望也苟輕舉動使一州吏民何以自安卒年八十八諡恭安

鄭獬字毅夫安州安陸人進士第一通判陳州入直集賢院度支判官修起居注知制誥英宗即位治承昭山陵悉用乾興制度獬言今國用空乏先帝節儉愛民蓋出天性而山陵制度乃欲效乾興最盛之時獨不傷儉德乎願飭有司損其名數又言天子初即位郡國馳表稱賀例官其人此出五代餘習今庶官猥眾充溢銓曹不須復行此恩以開僥倖皆不報又言陛下初臨御所與共政者七八大臣而已焉能盡天下之聰明願申詔中外許令盡言臣下進見訪以得失必能有益治道帝嘉納之時詔諸郡敦遣遺逸之士至則試之祕閣命以官頗有謬舉者旋即廢罷獬言願復此科使豪俊無遺滯之歎出知荆南治平中大水求言獬上疏言今詔發天下忠義之士必有極其所蘊以薦諸朝宜選官置屬

掌所上章與兩府近臣從容講貫羣臣得而眾事舉此應天之實也還判三班院神宗初拜翰林學士朝廷議納橫山獬曰兵禍必起於此已而神譔取絳州獬言臣竊見手詔深戒邊臣無得生事今乃特專用變詐之士務為掩襲豈帝王大略哉譔擅與當誅又請因諒祚告哀遣使立其嗣子識者隨之權發遣開封府民諭與與妻謀殺一婦人獬不肯用按問新法為王安石所惡以待讀學士知杭州御史中丞呂誨乞還之不聽未幾徙青州方散青苗錢引疾祈開提舉鴻慶宮卒年五十一陳襄字述古福州侯官人少孤能自立與陳烈周希孟鄭穆謂之四先生舉進士調浦城主簿攝令事每聽訟必使數吏環立於前私謁者不得發老姦束手民有失物者捕偷兒至數輩相撐拄襄曰某廟鐘能辨盜犯者捫之輒有聲乃陰塗以墨而以帷蔽之群盜往捫獨一人手無所污乃為盜者知河陽縣始教民種稻富弱為郡守一見即禮遇之襄留意教化進縣子弟於學弱為相薦為祕閣校理判祠部知常州運渠橫過震澤積水不得北入江為常蘇二州病襄度渠之丈尺與民田步畝定其數授以浚法遂削望亭古堰水不復積人為開封府推官鹽鐵判官神宗立奉使契丹以設席小異於常不即坐契丹移機疆吏坐出知明州明年同修起居注知諫院改侍御史知雜事論青苗法不便曰臣觀制置司所議莫非引經以為言而其實則稱貸以取利非聖世所宜行望貶斥王安石呂惠卿以謝天下又乞罷韓絳政府以杜大臣爭利而進者且言韓維不當為中丞劉述范純仁等無罪宜復官皆不聽召試知制誥以言不行辭願補外帝惜其去留修起居注踰年為知制

言不行辭願補外帝惜其去留修起居注踰年為知制

諸尋直學士院安石益忌之隨其書詔小失出知陳州徙杭州以樞密直學士知通進銀臺司兼侍讀判尚書都省卒年六十四贈給事中襄菴官所至必務興學校平居存心以講求民間利病為急在經筵時神宗顧之甚厚嘗訪人材之可用者襄以司馬光韓維呂公著蘇頌范純仁蘇軾至于鄭俠三十三人對帝不能盡用錢公輔字君倚常州武進人第進士甲科通判越州為集賢校理同判吏部南曹歷開封府推官戶部判官知明州衙前法以三等差次勞勩應格者聽指酒場以自補富者足欲而貧者日困充募益鮮額有不足至役鄉民破產不供費公輔取酒場官鬻之分輕重以給役者不復調民同修起居注進知制誥英宗即位陳治平十議大要言宋民政分吏課擇守宰置二府官屬又作帝問一篇上之王疇為翰林學士未久擢副樞密公輔謂疇素望淺不草制帝以初政用大臣而公輔格詔譎為滁州團練使踰年起知廣德軍神宗立拜天章閣待制知鄧州復知制誥入見帝勞苦之使錄十議以進命知諫院王安石雅與之善既得志排異己者出滕甫鄆州公輔數於帝前言甫不當去薛向更鹽法安石主其議而公輔謂向當黜遂拂安石意罷諫職旋出知江寧府明年帝欲召還安石言其助小人為異議不宜在左右但徙揚州以病改提舉崇福觀卒年五十二

之方春旱發運使調民濬漕渠以通鹽舸洙持之不可三上奏乞止其役早蝗為害致禱於胸山微莫大雨蝗赴海死尋幹當三班院革其為欺姦甚者八事定為令同修起居注進知制誥先是百官遷敘出一一定之詞建言臺臣進秩事理各異而同用一詞苟從簡便非所以暢王言重命令也詔自今皆隨等撰定元豐初兼直學士院擢翰林學士纔踰月得病卒年四十九洙博聞強識明練典故出語皆成章文詞典麗有西漢之風豐稷字相之明州鄞人登第為穀城令以廉明稱知封邱縣擢監察御史治參知政事章惇請托事無所移撓出悼陳州徙著作佐郎吏部員外郎提點利州成都路刑獄人為殿中侍御史上疏哲宗願以洪範為元龜祖訓為寶鑑一動一言思所以為則於四海為法於千載劉奉世冊立夏國嗣子乾順而乾順來賀坤成節奉世遽出境稷劾之遷右司諫揚荆二王密令蜀道織錦茵稷於正衙論曰二聖以儉先天下而宗王僭侈官吏奉承皆宜糾之改國子司業起居舍人歷太常少卿國子祭酒除刑部侍郎兼侍講元祐八年春多雪稷言嘉祥未臻沴氣交作願陛下昭聖德祇天戒總正萬事以消災禳帝親政召內侍居外者樂士宣等數人稷言陛下初親萬幾未聞登進忠良而首召近幸恐上累大德以築賢院學士知穎州江寧府拜吏部侍郎又出知河南府加龍圖閣待制章惇欲困以道路連歲亟徙六州徽宗立以左諫議大夫召道除御史中丞入對論蔡京姦狀又乞辨宣仁誣謗之禍且言史臣以王安石日錄亂神宗實錄今修哲宗實錄願申飭之時宦官漸盛稷懷唐書仇士良傳讀於帝前曾布將相稷約其儔共論之

俄轉工部尚書兼侍讀布遂相稷謝表有佞臣之語帝問為誰對曰曾布也陛下斥之外郡則天下事定矣改禮部哲宗升祔議功臣配享稷以為司馬光呂公著或謂二人常得罪不可用稷曰止論其有功於時爾禁內織錦緣官簾為地衣稷言仁宗衾褥用黃絁服御用綠綳宜守家法詔罷之稷盡言守正帝待之厚而積忤貴近不得留竟以樞密直學士守越蔡京得政修故怨貶海州團練副使道州別駕安置台州除名徙建州稍復朝散郎卒年七十五建炎中追復學士謚曰清敏稷三任言責每草疏必密室子弟亦不得見退多焚藁未嘗以時政語人所薦士如張庭堅馬涓陳瓘陳師錫鄒浩蔡肇皆知名當世云呂誨字獻可開封人祖端相太宗真宗誨性純厚家居力學不妄與人交進士登第由屯田員外郎為殿中侍御史時廷臣多上章許人罪誨言臺諫官許風聞言事蓋欲廣采納以補闕政苟非職分是為侵官今乃詆斥平生暴揚曖昧刻薄之態寔以成風請下詔懲革樞密副程戡結貴倖致位政地誨疏其過以宜徵使判延州復上言戡以非才罷不宜更委邊任宜徵使地高位重非戡所當得究國公主薄其夫夜開禁門入訴誨請并劾閫吏且治主第宦者罪悉逐之御藥供奉官四人遙領團練使御前忠佐當汰復留誨劾樞密使宋庠徇私紊法詔罷庠而用陳升之為副使誨又論之升之既去誨亦出知江州上疏請蚤建皇嗣曰竊聞中外臣僚以聖嗣未立屢有密疏請擇宗人唯陛下思忠言奮獨斷以遏未然之亂又聞太史奏彗躔心宿請備西北接天文志心為天王正位前星為太子直則失勢明則見祥

今既直且暗而妖慧乘之恐咎證不獨在西北也自夏及秋雨淫地震陰盛之沴固有冥符近者宗室之中訛言事露流傳四方人心駭惑窺覷之志可不防其漸哉願為社稷宗廟計審擇親賢稽合天意仁宗以誨章付中書韓琦由此定議召為侍御史改同知諫院英宗不豫誨請皇太后日命大臣一員與淮陽王視進藥餌都知任守忠用事久帝之立非守忠意數聞謀東朝播為惡言內外洵懼誨上兩宮書開陳大義詞旨深切帝疾小愈屢言乞親萬幾太后歸政詢言於帝曰后輔佐先帝歷年閱天下事多矣事之大者宜關白咨訪然後行示弗敢專遂論守忠平生罪惡并其黨史昭錫賈之南方內臣王昭明等為陝西四路鈐轄專主蕃部誨言自唐以來舉兵不利未有不自監軍者今走馬承受官品至卑一路已不勝其害況鈐轄乎卒罷之治平二年遷兵部員外郎兼侍御史知雜事上言臺諫者人主之耳目舊三院御史常有二十員而後益衰減蓋執政者不欲主上聞中外之闕失今臺閣中丞御史五員惟三人在職封章十上報聞者八九諫官二人一他遷一出使言路壅塞未有如今日之甚者帝覽奏即命部必知諫院於是濮議起侍從請稱王為皇伯中書不以為然誨引義固爭七上章乞解臺職遂劾宰相韓琦不忠願黜居外藩以慰士論又與御史范純仁呂大防共劾歐陽修首開邪議以枉道說人主以近利負先帝陷陛下於過舉皆不報已而詔濮王稱親誨上還語赦居家待罪乃下遷誨工部員外郎知斬州神宗立徙晉州按司馬時與宋史本傳互異光撰誨加集賢殿修撰知河中府召為監獄副使擢天章閣待制復知諫院拜御史中丞初中言

下京東買金數萬兩又令廣東市真珠傳云將備宮中十閣用度誨言陛下春秋富盛然聰明睿知以天下為心必不留神於此願亟罷之王安石執政時多謂得人誨言其不通時事大用之則非所宜上疏劾安石曰大姦似忠大佞似信安石外示朴誠中藏巧詐陛下悅其才辨而委任之安石初無遠略惟務改作立異罔上欺下文言飾非誤天下蒼生必斯人也如久居廟堂必無安靜之理帝方注倚安石還其章誨求去乃出知鄧州誨之將有言也司馬光勸止之誨曰安石雖有時名然好執偏見輕信姦回喜人佞已聽其言則美施於用則疏置諸宰輔天下必受其禍且上新嗣位所與朝夕圖議者二三執政而已苟非其人將敗國事此乃心腹之疾救之惟恐不逮願可緩耶誨既斥安石益橫光由是服誨之先見自以為不及也明年改知河南命未下而寢疾矣旋提舉崇福宮以疾表求致仕曰臣本無宿疾醫者用術乖方妄投湯劑率任情意差之指下禍及四肢一身之微固無足卹奈九族之託何蓋以身疾論朝政也誨三居言責皆以彈奏大臣而去一時推其鯁直居病困猶旦夕憤歎以天下事為憂既革司馬光往省之至則目已瞑聞光哭慟然而起張目強視曰天下事尚可為君寬勉之遂卒年五十八海內聞者痛惜之詔贈通議大夫以其子由庚為太常寺太祝

劉述字孝叔湖州人舉進士為御史臺主簿知溫耀真三州提點江西刑獄累官都官員外郎知審官院胡宿言其沈靜有守特遷兵部員外郎改荆湖南北京西路轉運使再以覃恩遷刑部郎中神宗立召為侍御史知雜事帝知其久次授吏部郎中嘗言去奢當自後宮始章辟光宜誅高居簡宜黜張方平不當參大政王拱辰不當除宣徽使皆不報王安石參知政事帝下詔專令中丞舉御史不限官高卑趙抃爭之弗得述言舊制舉御史官眾議僉舉則各務盡心不容有偏蔽私愛之患今專委中丞則愛憎在一已萬一非其人將受權臣屬託自立黨援不附己者得以中傷媒孽誣陷其弊不一願收還前旨弗聽述兼判刑部安石爭謀殺刑名述不以為是及赦下述封還中書奏執不已安石白帝詔開封推官王克臣劾述罪於是述率御史劉琦錢顛其上疏曰安石專肆胸臆輕易憲度無忌憚之心陛下置安石政府必欲致時如唐虞而反操管商權詐之術開局設官用八人者分行天下驚駭物聽動搖人心去年因許遵文過飾非妄議自首按問之法安石任一偏之見改立新議以害天下大公章辟光獻岐耶遷外之說疏聞骨肉罪不容誅呂誨等連章論安石獨進誓言榮或聖聽先朝所立制度乃欲事事更張廢而不用言行乖戾一至於此剛狠自任則又甚焉願早罷逐以慰安天下元元之心曾公亮位居丞弼不能竭忠許國反有畏避之意趙抃則括囊拱手但務依違大臣事君豈當如是疏上安石奏先貶琦顛監處衢州鹽務司馬光疏言琦顛所坐不過疏直乞還其本資以靖羣聽不報開封獄具述三問不承安石欲置之獄光又與范純仁爭之乃議貶為通判帝不許以知江州踰歲提舉崇禧觀卒年七十二紹興初贈祿閣修撰

劉琦字公玉宣城人以都官員外郎通判欽州召為侍御史建言自城綏州數致羌寇宜兼之浙西開漕渠役甚小使者張大其事以功遷官言者論其非詔琦就劾

官吏人人惴恐琦但按首謀二人而已既貶通判鄧州而卒年六十一

錢顛字安道常州無錫人初為宣海軍節度推官守孫海用威嚴為治屬吏奔走聽命顛當官而行無所容撓

遇不可必爭之由是獨見器重知贛烏程二縣皆以治行聞治平末以全部員外郎為殿中侍御史裏行許遵

議謀殺案問刑名未定而入判大理顛以為一人偏詞不可以汨天下之法遵所見迂執不可以當刑法之任

不從二年而貶將出臺於眾中責同列孫昌齡曰平日士大夫未嘗知君名徒以昔官金陵媚事王安石宛轉

薦君得為御史亦當少思報國奈何專欲附會以求美官顛今當遠竄君自謂得策耶即拂衣上馬去後自衢

徙秀州家貧母老至丐貸親舊以給朝晡而怡然無謫官之色蘇軾遺以詩有烏府先生鐵作肝之句世因目

為鐵肝御史卒年五十三

鄭俠字介夫福州福清人治平中隨父官江寧閉戶苦學王安石知其名稱獎之進士高第調光州司法參軍

安石居政府凡所施行民間不以為便光有疑獄俠獻議傳奏安石悉如其請俠感為知己秩滿入都時初行

試法之令安石問以所聞對曰青苗免役保甲市易數事與邊鄙用兵在俠心不能無區區也安石不答俠退

不復見但數以書言法之為民害者久之監安上門安石雖不悅猶使其子雋來語以試法方置修經局又欲

辟為檢討更令其客黎東美論意俠曰讀書無幾不足以辱檢討所以來求執經相君門下耳相君發言持論無非以官爵為先所以待士者亦淺矣果欲援俠而成

不亦善乎是時免役法出民商咸以為苦雖負水捨髮擔粥提茶之屬非納錢者不得販鬻稅務索市利錢其

未重於本俠因東美列其事未幾詔小夫禪販者免征商之重者十損其七他皆無所行是時自熙寧六年七

月至七年三月不雨人無生意東北流民羸瘠愁苦身無完衣並城民買麻枲麥楚合米為糜或茹木實草根

至身被鎖械而負瓦揭木賣以償官累累不絕俠知安石不可諫悉繪所見為圖奏疏詣閣門不納乃假稱密

急發馬遞上之銀臺司其略云去年大蝗秋冬亢旱麥苗焦枯五種不入羣情懼死方春斬伐竭澤而漁草木

魚鼈亦莫生遂災患之來莫之或禦願陛下開倉廩振貧乏取有司培克不道之政一切罷去冀下召和氣上

應天心延萬姓垂死之命疏奏神宗反覆觀圖寢不能寐翌日命開封體放免行錢三司察市易司農發常平

倉三衛具熙河所用兵諸路上民物流散之故青苗免役權息追呼方田保甲並罷凡十有八事民間謹呼相

賀又下責躬詔求言越三日大雨輔臣入賀帝示以俠所進圖狀且責之安石上章求去羣姦切齒遂以俠付

御史治其擅發馬遞罪呂惠卿鄧珩言於帝曰陛下成此美政天下方被其賜一旦用狂夫之言罷廢殆盡豈

不惜哉相與環泣於帝前於是新法一切如故安石去惠卿執政俠又上疏論之仍取唐魏徵姚崇宋璟李林甫盧杞傳為兩軸題曰正直君子邪曲小人事業圖并

言禁中有被甲登殿等事惠卿奏為誹訕編管汀州御史臺吏楊忠信取名臣諫疏授俠曰以此為正人助惠

卿暴其事且嗾御史張琥并劾馮京為黨與俠行至太康還對獄獄成惠卿議致之死帝曰俠所言非為身也

忠誠亦可嘉豈宜深罪但徙英州哲宗立始得歸蘇軾孫覺表言之以為泉州教授元符七年再竄於英

按百州錄事參軍章惇用事乃再竄於英徽宗立赦之仍還故官又為蔡京所奪自是不復出布衣糲食屏處田野

然一言一話未嘗忘君宣和元年卒年七十九紹熙初詔贈朝奉郎官其孫嘉正為山陰尉

何鄭字聖從本陵州人徙成都第進士由太常博士為監察御史轉殿中侍御史言事無所避王拱辰罷三司

使守臺已而留經筵鄭乞正其營求之罪石介死樞密使夏竦議其詐朝廷下京東體質鄭與張昇極陳竦姦

狀事得寤楊懷敏以衛卒之亂猶為副都知鄭又與昇及魚周詢論之仁宗召論云懷敏實先覺變宜有所寬

假鄭爭辨尤力卒出之夏竦倡言張貴妃之功諫官王贊遂言賊根本起於皇后閭請究其事真搖動中宮而

陰為妃地帝以語鄭鄭曰此姦人之謀乃止不究諫負罪不去鄭等奏出知河南時詔羣臣陳左右朋邪中外

險詐久而無所行鄭請閱實其是否因言不可以一臣詐而疑眾臣一士詐而疑眾士君臣交疑欲天下無否

塞之患不可得矣都知任守忠以修祭器勞遷景福殿使給兩使留後奉鄭曰舊制內臣遙領止於廉察今雖

不授留後而先給其祿既得其祿必得其官若又從之則何求不可既又詔許如正班守忠移閣門欲綴本品

坐宴鄭又言祖宗之制未有內臣坐殿上者忠聞之不致赴知雜御史閣帝以鄭不阿權勢越次用之以母老

求西歸加直龍圖閣知漢州疏言張堯佐緣後官親叨竊非據外庭竊議將處以二府臣謂莫若當貴堯佐而不假之以權如李用和可也其後卒罷堯佐宣徽之命

進集賢殿修撰知梓州擢天章閣待制還判銀臺司時封駁之職廢郊乞準故事凡詔敕並由門下從之唐介出荆南敕過門下郊封還之介復留諫院遷龍圖閣直學士為河東都轉運使故相梁適帥太原病不能事內

臣蘇安靜幹轄兵馬估寵不法皆劾奏之歷知永興河南治平末再知梓州居三年老而病猶乞進用神宗薄之詔提舉成都玉局觀從臣外祠自此始遂以尙書右丞致仕卒年六十九始郊為御史有直聲為仁宗所知晚節頗依違在梓州因地震言陰盛臣強以譏切韓琦又乞召還王陶以迎合上意由是聲名損於御史時云

按鄰因地震譏切韓琦及乞召還王陶係治平中再知梓州時事宋史本傳敘於郊知漢州以前茲移置傳末增補
吳中復字仲庶興國永興人父仲舉仕李煜為池陽令中復進士及第知峨眉縣廉於居官通判潭州御史中丞孫抃薦為監察御史遷殿中侍御史彈宰相梁適仁宗問中復唐天寶後治亂之分中復歷引姚宋九齡林甫國忠用舍以對適罷中復亦通判虔州未至復還臺

富弼主李仲昌開六塔河內臣劉恢密告所斷岡與國姓上名同賈昌朝陰助之欲以搖弼詔中復往治較其名乃趙征村亦無間勢獄以故得止又彈宰相劉沆沆罷改右司諫同知諫院遷御史知雜事戶部副使擢天章閣待制知澤州

按東都事略瀛州移河東都轉運使進龍圖閣直學士知江寧府郵兵苦巡轄官苛刻繁而鞭之獄具法不至死中復以便宜戮首惡流其餘人奏為合應成德軍成都府承興軍河北行青苗法使者至將先下州縣中復傲之曰傲故自有期今先事擾之何也拒不聽且以報安撫司韓琦方疏諫青苗錄其語以

上熙寧併省郡邑以永康為縣中復言永康控威茂不可廢其後竟復之關內大旱請加振卹執政惡之遣使往視謂為不實削一階提舉玉隆觀起知荆南坐過用公使酒免卒年六十八從孫擇仁

擇仁字智夫以父任為開封雍邱主簿元祐中金水河隄壞十六縣皆選屬庀役得詣朝堂白事宰相范純仁猶異之建中靖國初畿內饑多盜以擇仁知大鹿縣盜相戒不入境中貴人譚頽奴犯法按致於理種造譖徽宗召戶部郎中宋喬年往鞠擇仁著衣冠坐廳下喬年慮囚摘隱剔抉帑庾出入不能得毫毛罪乃歸傳舍擇仁往謁喬年迎笑曰所以來為察君罪顧乃得一奇士吾今薦君矣居數日召詣闕方有青唐擢熙熙路轉運

判官即以直祕閣為副使從招討使王厚領兵探入克蘭廓城柵十三加龍圖進集賢殿修撰為京畿都轉運使鄭州城惡受命更築之堅緻如削鐵遂拜戶部侍郎兼知開封府賈珠人居民貨久不返度事急匿宦官楊戢第擇仁跡取之竄于遠箴中以事出為顯謨閣直學士知熙州府承興軍走馬承受藍從熙言其擅改茶法奪職免再以徽猷閣待制領江淮發運還直學士知涇州以病提舉崇福宮卒年六十六

陳薦字彥升邢州沙河人舉進士為華陽尉從韓琦定州河東幕府琦輔政薦為祕閣校理判登聞檢院知太常禮院英宗諸王出閣選為記室參軍直集賢院頌王為皇太子加右諭德神宗即位拜天章閣待制進知制誥轉知諫院薛向首謀取橫山功不成薦請以漢王恢之罪罪之除龍圖閣直學士河北都轉運使河決棗壘

水官議於恩冀深瀼之間築堤三百六十里期一月就

功役丁夫八萬薦曰河未能為數州害民力方困願以歲月為之還判流內銓太常寺議學校貢舉法請會三年貢士數均之諸路計口察孝廉如漢制權主管御史臺言李定匿所生母喪不宜為御史罷臺事又以議典禮不合出知蔡州召為資文閣學士兼侍讀進資政殿學士屢求退以為本州命兩省燕饒資善堂擢其子厚御史臺主簿未幾提舉崇福宮卒年六十九贈光祿大夫

王繼字得之長垣人累應進士不第慶厯用兵詔求遺逸范仲淹薦之得出身為永興藍田主簿府使之掌學諸生有犯法者繼自責數以為教之不至徒林慮令縣依山俗以蒐田為生不知學繼立孔子廟擇秀民誨之漢杜喬墓在境中往奠謁建祠其旁吏民愛信其目為清長官人為吳王潭王宮教授陸贄親廣親宅講書諸王特講凡在京藩十二年英宗入為皇太子即拜說書及即位拜天章閣待制兼侍講方議濮王稱以問繼繼不

可曰臣荷皇恩厚不敢以非禮名號加於王所以報也帝自是不復議以疾請謝事不許神宗立進龍圖閣直學士求知襄州未行改滑州自工部郎中為本曹侍郎後八年卒年八十

孫思恭字彥先登州人擢第後即遭父喪不肯復從官二十年閒纔三書吏考為宛邱令轉運使以水災時調春夫爭弗得乃棄官去吳奎薦其學行補國子直講加祕閣校理事神宗落邸為說書又為侍講直集賢院以居中都久力請補外王奏留之及即位擢天章閣待制

思恭性不忤物犯而不校篤於事上有所見必密疏以聞帝亦閒訪以政歐陽修初不知思恭修出政府思恭

盡力救解出知江寧府鄧州以疾移單州管幹南京留
司御史臺卒年六十一思恭精關氏易妙於大衍嘗
修天文院渾儀著堯年至熙寧長歷近世歷數之學未
有能及之者

周孟陽字春卿其先成都人徙海陵第進士為潭王宮
教授諸王府記室英宗居環列以其質厚禮重之從容
陳古事以諷英宗及為皇子堅臥不出孟陽勸之曰天
子知太尉賢乃發德音何為堅拒如此設固辭不拜使
中人別有所奉遂得燕安無患乎帝意乃決及即位命
為皇子位說書以嘗侍藩邸固辭加直祕閣同知太常
禮院最後召至隆禧殿且大用孟陽稱他人使代乃遷
集賢殿修撰同判太常寺兼侍讀神宗初拜天章閣待
制卒年六十九

齊恢字熙業蒲陰人唐宰相映之裔也第進士歷通判
陳州提點成都府路刑獄三年徙河東凡公格格外餽
餉之物一無所受單車而東入為戶部判官神宗出閣
精簡宮僚韓琦薦其賢以直昭文館為穎王府翊善進
太子左諭德帝即位拜天章閣待制知通進銀臺司出
知相州召知審官西院糾察在京刑獄卒年六十六恢
居鄉里恂恂稱君子臨政府明白簡約不苛擾所至人
愛之帝念舊僚自諫議大夫特贈工部侍郎

楊繪字元素綿竹人進士上第通判荆南以集賢校理
為開封推官遇事迎刃而解仁宗愛其才欲超真侍從
執政見其年少不用以母老請出知眉州徙興元府在
郡獄無繫囚神宗立召修起居注知制誥知諫院詔遣
內侍王中正李舜舉等使陝西繪言陛下新即位天下
拭目以觀初政館閣臺省之士不之遺獨遣中人乎向

傳範安撫京東西路繪請易之以杜外戚干進之漸曾
公亮請以其子判登聞鼓院用所厚曾鞏為史官繪爭
曰公亮持國名器視如己物帝為寢其命繪亦解諫職
改兼侍讀繪固辭滕甫言於帝帝曰繪不畏彊禦朕一
見許其忠蓋今日之除蓋難與宰相並立於輕重之間
姑令少避爾繪以諫官不得其言則去經筵非姑息之
地卒不拜未閱月復知諫院擢翰林學士為御史中丞
時安石用事賢士多謝去繪言老成之人不可不惜當
今舊臣多引疾求去陛下可不思其故乎又言方今以
經術取士獨不用春秋宜令學者以三傳解經免役法
行繪陳十害安石使曾布疏其說詔繪分析固執前議
遂罷為侍讀學士知亳州歷應天府杭州再為翰林學
士議者欲加孔子帝號繪以為非禮又言不宜用遠歷
士議者欲從之繪常薦屬吏王承年御史蔡承禧言其
改置閭悉從之繪常薦屬吏王承年御史蔡承禧言其
私通饋賂坐貶荆南節度副使分司南京改提舉太平
觀起知興國軍元祐初復天章閣待制再知杭州卒年
六十二繪為吏敏強主愛利而受性疏曠訖以是見廢
斥然表裏洞達一出於誠為范祖禹所咨重

劉庠字希道彭城人八歲能詩蔡齊妻以子用齊遺奏
補將作監主簿復中進士第為高密廣平院教授英宗
求直言庠上書論時事除監察御史裏行日食甫數日
苑中張具待幸庠言非所以祈天戒詔罷之會聖宮修
仁宗神御殿甚宏麗庠言天子之孝在繼先志隆大業
不在宗廟之靡宜損其制以昭先帝儉德奉宸庫被盜
治守藏吏庠言皇城幾察厲禁實近待主之當并按仁
宗外家李珣犯銷金法庠奏言法行當自貴近始帝不
豫儲嗣未正庠疏言穎王長且賢宜亟立使日侍禁中

開四方章奏帝皆行之神宗立遷殿中侍御史為右司
諫言中國禦戎之策守信為上昔元昊之叛五來五得
志海內為之困弊今莫若示大信捨近功為國家長利
奉使契丹以英宗祥祭日可免晏契丹議而聽之除集
賢修撰河東轉運使庠計一路之產鐵利為饒請復舊
冶鼓鑄通陽州鹽礬博易以濟用又請募民入粟塞下
豫為足食進天章閣待制河北都轉運使契丹侵霸州
土場或言河北不可不備庠上五策料其必不動已而
果然大河東流議者欲徙而北內侍程昉希功請益兵
濟役庠請遲以歲月徐觀其勢而順導之朝廷是其議
移知真定府又為河東都轉運使召知開封府王安石
欲見之竟下往奏論新法神宗諭之曰奈何不與大臣
協心濟治乎庠曰臣知事陛下不敢附安石會與蔡確
爭廷參禮遂以為龍圖閣直學士知太原府請復慮州
募民子弟剽銳工技擊者籍為勇敢漢謫戍法貫流
以下罪徙實河外契丹建牙雲中遣騎涉內地邊吏執
之契丹檄取紛然又遣使議疆事眾疑其造兵端欲大
為備庠奏言雲朔歲儉軍無見糧契丹張形示疆邊端
首禍宜先諭以理然後飭兵觀聲帝嘉使者辭順訖以
黃崑山分水嶺立新疆母喪服終知成都府乞禁西山
六州與漢人婚姻勿賂吐蕃取維州之害徙秦州坐失
舉降知虢州移江寧府滁州徙承興軍時西征無功關
內騷動庠過關力言虛內事外恐搖根本帝感納其忠
元祐初加樞密直學士知渭州卒年六十四卒後蘇頌
論庠治平建儲之功詔褒錄其子

朱京字世昌南豐人父賦有隱德京登進士甲科教授
亳州應天府入為太學錄神宗數召見論事擢監察御

史時中丞及同僚多罷去京抗疏曰御史假之則重略之則輕今耳目之官屢進屢卻則言者不若靜默爲賢直者不若柔從爲智倫安取容雖得此百數亦何益於國耶帝勞之曰昨覽奏疏所補多矣見者目爲眞御史未幾論大臣除擬有愛憎之私中書言其失實謫監興國軍鹽稅歷太常博士湖北京西江東轉運判官提點淮西刑獄司封員外郎元符初遷國子司業京在元祐時嘗爲幸太學頌或適其語有及先朝者京亦固辭不拜徽宗初立復命之踰月而卒

列傳

宋四十九

蔚昭敏

高化

周美

孟元

劉謙

趙振

范恪

馬懷德

向寶

石普

張孜

李允則

張亢奎

劉漢灑

趙滋

蔚昭敏字仲明開封祥符人父興從太宗平太原真宗為襄王昭敏自東班殿侍選隸襄王府帝即位授西頭

供奉官累遷崇儀使冀貝行營兵馬都監契丹以五千

騎突至冀州城南昭敏帥部兵與戰敗之得其器甲咸

平四年領順州刺史定州行營鈐轄兼押大陣又為鎮

定高陽關三路先鋒契丹入寇帝北巡至大名契丹退

趨莫州昭敏與范廷召追至莫州東三十里斬首萬餘

級擒生口甚眾拜唐州團練使累遷至殿前都指揮使

保靜軍節度使卒贈侍中

高化字仲熙真定人少沈勇有力學擊劔善射契丹犯

河北應募轉餉飛狐口楊業留戲下使捕賊酋大鵬翼

獲之會契丹又犯真定乃辭業還家從州將入京師遂

隸禁軍選為襄王牽籠官王尹京命巡內外八廂積獲

姦盜甚眾一日王趨急召出府門馬驚墮化掖之而起

王曰微爾吾幾殆益親信之真宗即位擢御龍營直雙

員都頭累遷御龍骨朵直都虞候乾興初授天武右第

二軍都指揮使榮州刺史遷天武右廂都指揮使蜀州

團練使天聖六年夏大雨命護汴堤夜馳至城西堤欲

壞督守兵負土不能過時夏守恩方典軍積材木城隅

化盡取以塞堤乃得無患仁宗嘉之進神龍衛四廂都

指揮使冀州防禦使為鄜延路馬步軍副都總管徙涇

原路權知渭州遷捧日天武四廂都指揮使發兵襲明

珠族不利降滑州總管改興州防禦使真定路副都總

管徙高陽關路修護章惠太后園陵累拜殿前副都指

揮使歷建武軍節度使以老辭管軍詔入朝化又固請

改武安軍節度使知滄州未行改相州部有大獄已具

皆當論死化疑之遺移訊果出無罪者三人以右屯衛

上將軍致仕卒年八十贈太尉諡曰恭莊化謹質少過

馭軍有法雖起身行伍然頗知民事焉

周美字之純靈州回鶻人少隸朔方軍以材武稱歸京

師天子召見隸禁軍常令宿衛天聖初德明部落寇平

涼方渠美以軍候戍邊與州將追戰破之于九井原烏

嵩河累遷天武都虞候元昊反陝西用兵經略使夏竦

薦其材擢供備庫使延州兵馬都監夏人既破金明諸

砦美請于經略使范仲淹曰夏人新得志其勢必復來

金明當邊衝今不亟完將遂失之仲淹因屬美復城如

故數日賊果來其眾數萬薄金明陣于延安城北三十

里美領眾二千方戰抵暮援兵不至乃徒軍山北多設

疑兵夏人望見以為救至即引去既而復出艾蒿砦遂

至郭北平夜鬪不解美率眾使人持一炬從間道上山

益張旗幟四面大譟賊懼走獲牛羊橐駝甲數千計

遂募兵築萬安城而還敵復寇金明美引兵由虞家堡

並北山下而敵即引卻遷文思使徙知保定軍經略使

龐籍表留之改東路都巡檢使敗敵于金湯城焚其族

部二十一元昊大入據承平砦諸將會兵議攻討洛苑

副使种世衡請齋三日糧直擣敵穴美曰彼知吾來必

設伏待我不如間道掩其不意世衡不聽美獨以西兵

出芙蓉谷按長編作以兵大破敵世衡等果無功未幾

敵復略土堽若美迎擊于野家店追北至拓跋谷以功

遷右驍驍使軍還築柵于葱梅官道谷以據敵路令土

卒益種營田歲收穀六千斛復率眾繇廳子部西濟大

理河屠扎斡多葉二百帳焚其積聚以歸龐籍仲淹交

薦之除鄜延路兵馬都監遷賀州刺史又破敵于無定

河乘勝至綏州殺其首豪因城龍口平砦敵以精騎數

千來襲美從百餘騎馳擊破之加本路鈐轄遂為副總

管遷龍神衛四廂都指揮使通州刺史進捧日天武四

廂都指揮使陝州團練使慶麻中又城清水安定黑水

佛堂北橫山乾谷土明柳谷雕巢盧兒原安砦十一堡

安定之役謀報敵數萬將大至經略使遣管句機宜楚

建中分諸將兵趣城黑水以待諸將憚敵且至不肯與

兵美曰兵嘗以寡擊眾何自怯也卒以兵二千與建中

而敵亦引去每邊書至諸將各擇便利獨美未嘗辭難

然所向輒克諸將以此服之歷侍衛親軍馬軍殿前都

虞候眉州防禦使步軍副都指揮使遂州觀察使鄜延

副都總管召還授耀州觀察使又進馬軍副都指揮使

卒贈忠武軍節度使諡忠毅自陝西用兵諸將多不利

美前後十餘戰平族帳二百焚二十一招種落內附者

十一族復城堡甚多在軍中所得祿賜多分其戲下有

餘悉饗勞之及死家無餘資子蚤卒以孫承清為子官

至引進副使按宋史此下有閻守泰傳無事蹟足錄今從刪

孟元字善長洛州人少隸禁軍以挽彊選補殿侍累遷

散都頭班指揮使擢如京使并代州兵馬都監改鈐轄

徙高陽關路又徙真定路王則據貝州反元赴城下攻

戰破數十劄又中機石墜壕中既出戰愈力更募死士

由永濟渠穴地以進賊平改右驛使徙大名府路鈐
轄河朔饑權知滄州民鬻鹽為生歲荒鹽多不售民無
以自給元度軍食有餘悉用易鹽繇是民不轉徙御史
中丞郭勸言其貝州功而賞未當乃擢普州刺史遷宮
苑使專管甸麟府軍馬事議築永寧堡敵不敢動為龍
神衛四廂都指揮使忠州團練使高陽關馬步總管遷
天武捧日四廂都指揮使又遷步軍都虞候眉州防禦
使并代路副都總管判京兆賈昌朝奏為大名府路副
都總管徙定州路遷馬軍都虞候徙鄜延路卒贈遂州
觀察使

劉謙字漢宗開封人少補衛士數遷至捧日右廂都指
揮使領嘉州團練使兼京城巡檢元昊反改博州團練
使環慶路馬步軍總管兼知邠州謙不讀書然鬪訟曲
直皆區處當理前守者多強市民物以飾厨傳謙獨無
所撓夏竦奏為涇原路總管徙知涇州未行會賊寇鎮
戎軍謙引兵深入賊境破其聚落而還以功擢龍神衛
四廂都指揮使象州防禦使暴疾卒贈永清軍節度使
觀察留後

趙振字仲威雄州歸信人景德中從石普于順安軍獲
契丹陣圖授三班借職為隰州兵馬監押高平蠻叛徒
湖北都巡檢使兼制置南路以南方暑溼弓弩不利別
創小矢激三百步中輒洞穿蠻遂駭散遷慶州沿邊都
巡檢使時金湯李欽白豹神木瑪爾綱羅卜藏三族尤
悍振募降羌啗以利令相攻破十餘堡欽等詣振自歸
振為置酒先請取細仗圍財數分植百步外共射欽等
百發不中振十矢皆貫欽等皆驚善不敢復犯明年涇
原屬羌和斯布格等叛圍平遠若都監趙士龍戰沒振

出別道力戰抵若奪取水泉卒敢死士破圍賊走追斬
數千級徙涇原都監歷知順安保安廣信軍霸州知環
州累遷象州防禦使元昊將反為金銀冠珮隱飾甲騎
遺屬羌振潛以金帛誘取之以破其勢告鄰部俾以環
為法不聽於是東菱金明萬劉諸族勝兵數萬悉為賊
所有及劉平等皆敗于三川口延州幾殆惟環處無患
自本路馬步軍副總管擢龍神衛四廂都指揮使鄜延
路副都總管知延州尋改捧日天武四廂振謂將吏曰
今賊以我夷傷必乘勝以進勢宜固守尚慮諸城不能
皆如吾謀苟延州弗支則陝西未可測此天下安危之
機也未幾賊寇塞門若振有兵幾八千被圍五月才遣
百餘人赴之若遂陷坐擁兵不救貶白州團練使知絳
州未行會延德繼元家復訴於朝救御史方偕就劾振
法當斬再貶太子左清道率府率潭州安置踰年復右
武衛將軍惠州團練使并代路兵馬鈐轄就遷副總管
邠州團練使元昊既破豐州將襲近若振出麟州深柏
環擊破之兼領風憲六州軍事河外饑振設法通若外
商得米數十萬斛軍民以濟進博州防禦使改解州致
仕復起為左神武軍大將軍卒子珣珣皆工騎射珣年
十六仁宗召試便殿授三班借職景祐中自嚴直進閣
門祇候除濠州兵馬都監作聚米圖經五卷又上五陣
圖兵事十餘篇以為薦為緣邊巡檢使擢通事舍人招討
都監珣辭都監授兵萬人居涇原兼治龍竿城馬展達
魯百餘帳處近塞為暴珣白府引兵二萬襲賊俘獲數
千計靜邊將劉滬殿後為賊所掩珣登阪望見從騎數
百復入拔滬之眾以出轄戡居龕谷無所屬珣與書招
之轄戡聽命改本路都監適元昊大入府徵留珣會葛

懷敏於瓦亭懷敏已屯五谷口西至馬欄城聞夏人徙
軍新濠外議欲質明掩襲珣謂懷敏曰敵遠來眾倍鋒
銳莫若依馬欄城布柵以扼其路守鎮戎城以便餉道
俟其衰擊之此必勝之道也懷敏不聽兵遂逼鎮戎城
越界壕抵定川未及陣夏人引鐵騎來犯珣居陣西北
瑜亦在軍中戰甚力東壁兵輒潰中軍大擾珣揮刀斧
手前鬪夏眾稍卻軍得復陣懷敏詰朝退走就食鎮戎
俄夏騎四合珣被擒瑜以身免珣後卒賊中弟璞亦知
名按宋史此下有張忠傳
無事蹟足錄今從刪

范恪字許國開封人少隸軍籍於許州選入捧日軍又
選為殿前指揮使歷行門龍旗直散原押班康定元年
元昊數寇邊擢內殿崇班慶州北路都巡檢使與攻白
豹城破之既還夏人襲其後恪設伏崖險敵半度邀擊
之多斬獲以功遷內殿承制嘗會諸道兵攻十二盤結
多丹密藏若中流失矢督戰愈力視砲石中有火礮者恪
取號於眾曰賊矢石盡用竈下戢矣於是士卒爭奮果
先得城遷供備庫副使恪有弓勝一石七斗其箭鏃如
鏹名曰鏹弓又於羽間識其官稱姓氏凡所發必中至
一箭貫二人他日取焦蒿若歸恪獨殿後為數千騎所
襲恪視矢斂止有二鏹即為引滿之勢賊遽卻嘗與總
管杜惟序鈐轄高繼隆將兵分討罕齊錫默托輝等三
若恪先破托輝而繼隆圍錫默不能下恪馳往取之既
又援惟序下罕齊若改左驛副使夏人犯大順城諸
將皆閉城自守恪率兵二千餘戰克之改宮苑副使環
慶路兵馬都監遷禮賓使榮州刺史環慶路鈐轄洛苑
使權秦鳳路兵馬總管自龍神衛四廂都指揮使累遷
至侍衛親軍馬步軍副都指揮使歷坊州刺史解州防

懷敏於瓦亭懷敏已屯五谷口西至馬欄城聞夏人徙
軍新濠外議欲質明掩襲珣謂懷敏曰敵遠來眾倍鋒
銳莫若依馬欄城布柵以扼其路守鎮戎城以便餉道
俟其衰擊之此必勝之道也懷敏不聽兵遂逼鎮戎城
越界壕抵定川未及陣夏人引鐵騎來犯珣居陣西北
瑜亦在軍中戰甚力東壁兵輒潰中軍大擾珣揮刀斧
手前鬪夏眾稍卻軍得復陣懷敏詰朝退走就食鎮戎
俄夏騎四合珣被擒瑜以身免珣後卒賊中弟璞亦知
名按宋史此下有張忠傳
無事蹟足錄今從刪

禦宣州觀察使保信軍節度觀察留後以疾出爲承興
軍路副都總管卒贈昭化軍節度使

馬懷德字得之開封祥符人父玉東頭供奉官言懷德
可試引弓擊劍角賦補三班奉職爲延州南安砦主東

路巡檢范仲淹知延州奏爲兵馬監押以所部兵入賊
境破濟羅葉策二砦遷左班殿直又率蕃漢燒蕩賊海

溝茶山龍柏安化十七砦三百餘帳遷右侍禁授開門
祇候爲東路都巡檢使夷哈尙給布等十八砦賊以四

萬騎犯邊趨僕射谷懷德以兵數千據谷旁高原待之
斬首二百級得畜產器械以千數遷內殿崇班又以兵

修龍安城寇不敢犯遂以郟延路都監又城殺平破賊
青化押班吹丹三砦殺獲甚眾元昊爲夏國主命國子

博士高良夫與懷德會西人畫界龐籍具論其前後功
遷供備庫副使兼開門通事舍人時用兵久民多亡散

懷德招輯有方經略使梁適奏請推其法諸路歷知保
安軍環州環慶益利路鈐轄累遷至四方館使舒州團

練使徙郟延路副都總管坐違法賂宦官閻士良爲安
撫呂景初奏降四方館使英州刺史大名府路總管侍

衛親軍步軍都虞候象州防禦使郟延路副都總管遷
馬軍都虞候徙環慶路環州蕃官蘇恩以其屬叛往降

之又遷殿前都虞候步軍副指揮使隨州觀察使英宗
即位遷靜難軍節度觀察留後召遷卒贈安遠軍節度

使按宋史此下有安遠傳
無事蹟足錄今從刪

向寶鎮戎軍人爲御前忠佐換禮資使涇原秦鳳鈐轄

歷真定郟延副總管遷龍神衛四廂都指揮使嘉州團

練使卒寶善騎射年十四與敵戰斬首二級及壯以勇

聞有虎踞五原卑邠州東西百里斷人跡寶一矢殪之

道過潼關巨盜郭邀山多載關中金帛子女寶射走之
盡得其所掠神宗稱其勇以比薛仁貴及死厚恤其家

石普其先幽州人自言唐河中節度雄之後徙居太原

祖全事周爲鐵騎軍使交通事太宗於晉邸普十歲給

事邸中以謹信見親補寄班祇候再遷東頭供奉官賊

邢橐駝賈秀指數百人寇掠永興諸縣命普督兵往捕

悉獲之遷內殿崇班帶御器械李順叛普爲西川行營

先鋒與韓守英馬知節誅斬之遷西京作坊使按東都
事略作

遷西京左藏庫使欽州刺史順餘黨復定邛蜀僞稱卞王又

爲西川都提舉捉賊使時蜀民疑不自安多欲爲盜普

因馳入對面陳蜀亂由賦斂苛急農民失業宜稍蠲減

之使自爲生則不討而自平矣帝許之普即日還蜀揭

榜諭之莫不悅服賊平累遷洛苑使富州團練使延州

緣邊都巡檢使羌酋乜羽內寇普追殺之從眞宗幸大

名會王均叛以爲川峽路招安巡檢使佐雷有終率諸

將進討至天回鎮賊出拒戰普領前陣力擊破之賊退

保益州王師圍城數月不下普繕軍砲又爲地道攻城

城破均夜半突圍由南門遁普引兵追擊于富順監均

自殺餘黨皆平遷冀州團練使契丹犯邊爲保州兵馬

鈐轄北面行營押策先鋒與契丹戰廉良城按東都事
略作炎諒

又戰長城口獲俘甚眾徙定州路副都總管靈州失

守益兵備關中徙永興軍副都總管普上請曰臣嘗將

兵輒破一錢與別將各持半用相合爲信帝爲制傳信

牌又獻禦戎圖請設塹以陷敵馬并上所置器械甚眾

徙爲莫州總管初契丹南侵旣而謀者言復欲大入寇

帝自畫軍事以手詔示輔臣令普統軍一萬于莫州盧

文壽王守俊監之敵騎北去則西趨順軍襲擊斷西山

之路如河冰已合敵由東路則劉用劉漢疑田思明以

兵五千會普及孫全照爲犄角徙普屯順安之西與威

虜魏能保州楊延昭北平田敏爲犄角內侍馮仁俊掌

御劔于莫州與普不叶帝召仁俊還又令普率所部屯

乾寧軍復遷普冀州團練使徙本州總管車駕幸瀘淵

時王繼忠已陷契丹契丹欲請和因繼忠遣人持信箭

爲書遺普且通密表事平遷容州觀察使爲郟延路副

總管趙德明納款詔降制命普言不宜授以押蕃落使

使之總制屬羌則疆橫不可制矣乃止兼管內蕃落使

未幾徙并代路改桂州觀察使鎮州路總管遷保平軍

節度觀察留後赴本鎮帝祀汾陰還扈從至西京拜河

西軍節度使知河陽徙許州築大流堰引河通濟京師

上軍議條目二卷用將機宜要訣二圖時方崇尙符瑞

而普請罷天下醮設歲可省緡錢七十餘萬繇是忤帝

意大中祥符九年上言商賈自秦州來言嘉勒斯資欲

陰報曹瑋請以臣所獻陣圖付瑋可使瑋必勝帝以普

言論分命知雜御史呂夷簡劾之獄具集百官參驗九

月下旬日不食坐普私藏天文下百官雜議罪當死詔

除名貶賀州遣使繫送流所甫至賀州授太子左清道

率府副率房州安置稍復爲左千牛衛將軍其妻表求

普領小郡遷左領軍衛大將軍仁宗即位徙安州遷左

屯衛大將軍徙蔡州坐失保任降本衛將軍歷遷左千

牛左領軍衛大將軍起知信陽軍徙光州以私用孔子

廟錢貶太子左監門率府副率滁州安置以左衛將軍

分司西京給官第居蔡州遷大將軍卒普偶儻有膽略

凡預討伐聞敵所在即馳赴之眾推其勇

付內侍張景宗遂養以爲子蔭補三通奉職給事
 春坊司轉殿直皇太子卽位遷供奉官閤門祇候爲陳
 州兵馬都監五遷至供備庫使領恩州團練使眞定路
 兵馬鈐轄歷知莫貝瀛三州轉運使張昱之奏翼貝驍
 捷軍士上關銀鞵錢事下攻議改言不可罷昱之猶執
 不已遂奏罷保州雲翼別給錢糧軍怨果叛契丹欲背
 盟富弼往使命改爲副以勞遷西上閤門使知瀛州拜
 單州團練使龍神衛四廂都指揮使并代副總管河東
 更鐵錢法人情疑貳兵相率扣府欲訴閉門不納是日
 幾亂攻策馬從數卒往諭之皆散還營遷濟州防禦使
 侍衛馬軍都虞候又遷殿前都虞候加桂州管內觀察
 使遷侍衛步軍副都指揮使虎翼兵教不中程指揮使
 問狀屈強不肯對乘夜十餘人大譟攻擒首惡斬之然
 後聞遷昭信軍節度觀察留後馬軍副都指揮使攷長
 於宮禁中言者請罷攷兵柄乃出爲宣遠軍節度使知
 潞州徙陳州復召爲馬軍副都指揮使御史中丞韓絳
 又言攷不當典兵尋以罪罷知曹州卒贈太尉諡勤惠

按宋史此下有許懷德傳無事蹟足錄今從刪

李允則字垂範濟州團練使謙溥子也少以材略聞蔭
 補衙內指揮使改左班殿直太平興國七年始置榷場
 于靜戎軍允則典其事還使河東路決繫囚原治逋欠
 又使荆湖察官吏與轉運使檢視錢帛器甲刑獄遂擢
 閤門祇候濱治京師諸河泐水門鄭州水磴西川賊劉
 盱平上官正議修城命允則往視還言西川以無城難
 守宜如正議又言兵分則緩急不爲用請併屯要害以
 便餽餉高溪州蠻田彥尹入寇允則以蠻微不足加兵
 悉招輯之累遷供備庫副使知潭州初馬氏暴斂州人

出絹謂之地稅潘美定湖南計屋輪絹謂之屋稅營田
 戶給牛歲輸米四斛牛死猶輸謂之枯骨稅民輸茶稅
 以九斤爲一大斤後益至三十五斤允則請除三稅茶
 以十三斤半爲定制民皆便之湖湘多山田可以藝粟
 而民情不耕乃下令月所給馬芻皆輸本色繇是山田
 悉墾湖南饑發官廩先振而後奏明年薦饑復發廩賤
 糶因募饑民堪役者隸軍籍得萬人陳堯叟安撫湖南
 民允則治狀請留堯叟以聞召遷落苑副使知滄
 州允則巡視州境濬浮陽湖葺營壘官舍開穿井未幾
 契丹來攻老幼皆入保而水不乏契丹解去轉西上閤
 門副使鎮定高陽三路行營兵馬都監押大陣東面凡
 下諸路宣敕必先屬允則省而後行契丹通好徒知瀛
 州上言朝廷已許契丹和議但擇邊將謹誓約遷西上
 閤門副使何承矩擇代請允則知雄州遷東上閤門使
 獎州刺史河北旣罷兵允則治城壘不輟契丹主曰南
 朝尚修城備得無違誓約乎其相張儉曰李雄州爲安
 撫使其人長者不足疑旣而有詔詰之允則奏曰初通
 好不卽完治恐他日頽圯因此廢守邊患不可測也帝
 以爲然城北舊有甕城允則合大城爲一自此甕城之
 人悉內城中始州民多以草覆屋允則取材木西山大
 爲倉廩營舍始教民陶瓦甃標里閭置郵市邸舍水磴
 城上悉累甍下環以溝塹蒔麻植榆柳廣闢承翰所修
 屯田架石橋構亭榭列堤道以通安甯廣信順安軍歲
 修禳事爲競渡上元舊不燃燈允則結采山聚優樂使
 夜縱遊嘗得謀釋縛厚遇之謀因出所刺緣邊金穀兵
 馬之數允則曰若所得謬矣呼主吏按籍書實數與之
 謀請加緘印縱還未幾謀遂至還所與數緘印如故反

出彼中兵金財力地里委曲以爲報一日民有訴爲契
 丹民毆傷而遁者允則不治與傷者錢二千畝以爲怯
 逾月幽州以其事來詰答以無有蓋他謀欲以毆人爲
 質驗比得報以爲妄乃殺謀雲翼卒亡入契丹允則移
 文督還契丹報以不知所允則曰在某所契丹駭不
 敢隱卽歸卒乃斬以徇歷四方館引進使高州團練使
 天禧二年以客省使知鎮州徙潞州仁宗卽位領康州
 防禦使天聖六年卒允則不事威儀閒或步出遇民有
 可語者延坐與語以是洞知人情訟至無大小面訊立
 斷善撫士卒皆得其用盜發輒獲人亦莫知所由在河
 北二十餘年事功最多

張亢字公壽自言後唐河南尹全義七世孫家于臨濮
 少豪邁有奇節進士及第爲廣安軍判官按宋史本傳
 都事略作廣安軍考宋史地理志濮州作廣平軍東
 路有廣安軍又名宣而無廣平據故應天府推官治
 白沙石梁二渠民無水患改大理寺丞僉書西京判官
 事通判鎮戎軍上言趙德明死其子元昊喜誅殺勢必
 難制宜亟防邊因論京北攻守之計旣而契丹聚兵幽
 涿間河北增備遂起爲如京使知安肅軍元昊反爲涇
 原路兵馬鈐轄知渭州累遷石驥驥使忠州刺史徙鄜
 延路知鄜州上疏曰舊制諸路總管鈐轄都監各不過
 三兩員今每路多至十四五員少亦不減十員不相統
 制請每路軍馬事止以三兩員領之又涇原一路兵勢
 旣分不足以當大敵又比來主將與軍伍移易不定人
 馬強弱配屬未均請下韓琦范仲淹分技逐路以馬步
 軍八千已上至萬人擇才位兼高者爲總領其下分爲
 三將一爲前鋒一爲策前鋒一爲後陣每將以使忠臣
 佐三兩人分屯要害之地敵小入則一將出入大則大

將出又量敵數多少使鄴路出兵應接此所謂常山蛇勢也今萬人已上為一大將一路又有主師延州領三大將鄴州一大將保安軍及西路巡檢德靖若其為一大將則鄴延路兵五萬人矣原渭州鎮戎軍各一大將渭州山外及瓦亭各一大將則涇原路五萬人矣弓箭手熟戶不在焉昨延州之敗蓋由諸將自守不相應援請令邊臣預定其法寇窺某所則某將為先鋒某將出某所為奇兵某將出某所為聲援某城若相近出敢戰死士某所設覆都同巡檢則各扼要害又令鄴路取某路出應仍潛用旗幟為號臣在山外策應未嘗用本指揮旗號自以五行支干別為引旗蓋兵出入百步之外不能相知若不預為之號必誤軍事國家承平日久失于訓練今每指揮藝精者不過百餘人餘皆瘦弱不可用且官軍所恃者步軍與強弩爾臣知渭州日見廣勇軍彊弩者三百五十人引一石二斗者僅百餘人餘僅及七八斗正欲閱習時易為力爾臣以跳鎧弩試皆不能張閱習十餘日裁得百餘人又教以小坐法亦十餘日又教以帶甲小坐法五十餘日始能服熟若安前弊以應新敵其有必勝之理乎又諸路騎兵不能馳險計其芻粟一馬之費可養步軍五人馬高不及格宜悉還坊監止留十之三餘以步兵代之諸路弓箭手生長邊陲父祖效命累世捍賊乃無進擢之路何以激勸邊民竊聞大帥議五路進師用兵以來屢出無功若一旦深入臣切以為未可也山界諸州城若距邊止二三百里夏兵器甲雖精利其闕戰不及山界部族而財糧又盡出山界若十月後令諸將分番出界使夏人不得耕牧然後出步兵負十日糧米一升馬日給粟四升

草五分賊界有草地以半資放牧亦可減戰運之半王師既行使嘉勒斯賚及九姓回紇分制其後必蕩覆巢穴又言陝西民調發之苦數倍常歲宜一切權罷令安撫司與逐州長吏減省他役願應邊須及選殿侍軍將各三十人以馳驟各二百留其半河中以運鄴延保安軍軍須其半留乾州或永興軍以運環慶原渭鎮戎軍軍須分一轉運使專董其事又鄴州四路半當衝要嘗以閑慢路遞舖兵卒之半貼衝要二路驛百人每三人挽小車載二百五十斤至三百斤若團併葷運邊計亦未至失備而民力可以寬後多施用進西上閣門使改都鈐轄屯延州又奏邊機軍政措置失宜者十事言王師每出不利此皆將不知兵之弊未深究致敗之由而為之措置徒益兵馬未見勝術一也發兵千里遠鬪銳氣已衰如賊已退乃是空勞師徒異時更寇別路必又如此是謂不戰而自弊二也總管雖令互相策應環州至延州十四五驛徑赴亦不下十驛涇原至秦鳳千里若發兵互援而山路險惡人馬之力已竭三也朝廷罄力供億而邊臣但言兵少兵無節制一弊無奇正二弊無應援三弊主將不一四弊兵分勢弱五弊有此五弊如驅市人而戰雖有百萬亦無益于事四也累年敗勦而居邊要者未知何謀使更數年未罷兵國用民力何以克堪五也今言邊事者甚眾前條方行後令即變胥史有鈔錄之勞官吏無商略之暇邊防軍政一無定制六也夏竦陳執中皆朝廷大臣今但主文書守詔令每有宣命則翻錄行下如諸處申稟則令候朝旨如是則何必以大臣主事七也陝西日以增員所占兵士千餘人請給歲約萬緡諸州並募克敵致勝保捷廣銳宣毅

等兵久未曾團結訓練但費軍廩無益邊備八也今軍有手藝者每一指揮抽占三之一如延州諸將不出即有兵二萬除五千守城之外其餘止一萬五千若有警急三日內不能團集九也陝西教集鄉兵共十餘萬人井市無賴豈無姦盜難于其中苟無措置他日為慮不細十也既而復請面陳利害不報會元昊益熾以兵圍河外自後河川襲府州蕃漢民被殺掠已眾攻城不能下引兵屯琉璃堡縱遊騎鈔麟府開二州閉壁不出時豐州已為夏人所破麟州勢孤徙元為并代都鈐轄管句麟府軍馬事單騎叩城既入即縱民出采薪芻汲澗谷然夏人猶時出鈔掠元以州東焦山有石炭穴為築東勝堡下城旁有蔬畦為築金城堡州北沙阮有水泉為築安定堡置兵守之禁兵皆敗北無鬪志乃募役兵敢戰者夜伏隘道邀擊夏人遊騎比明有持首級來獻者元以錦袍賜之禁兵始慚奮咸願一戰元知可用始謀擊琉璃堡使謀伏敵若旁草中偵知無備夜引兵襲擊大破之夏人棄堡去乃築宣威砦于步馳捍寇路時麟州饋路猶未通救元自護賞物送麟州敵既不得鈔遂以兵數萬趨柘子砦來窺元所將才三千人元激怒之士皆感厲會天大風順風擊之斬首六百餘級相蹂踐赴崖谷死者不可勝計奪馬千餘匹乃修建寧砦夏人數出爭逐戰于兔毛川元自抗以大陣而使驍將孫呂伏短兵強弩數千于山後元以萬勝軍皆京師新募敵目曰東軍素易之而怯虎翼軍勇悍陰易其旗敵果趣東軍植虎翼卒搏戰良久伏發敵大潰不踰月築清塞百勝中候建甯鎮川五堡麟府之路始通元復奏今所通特一徑爾請更增並邊諸柵以相維持則可以廣

田收壯河外之勢會契丹欲渝盟領果州團練使知瀛州遷四方館使涇原路經略安撫招討使知渭州遷引進使徙并代副都總管為御史梁堅所劾奪引進使為本路鈐轄及夏人與契丹戰河外復引進使副都總管知代州兼河東沿邊安撫事范仲淹宣撫河東復奏亢前所增廣堡皆宜使就總其事詔既下明鑄以為不可屢牒止之亢曰受詔置堡豈可得經略牒而止耶坐違節度死所甘心堡必為也每得牒置案上督役愈急及堡成乃發封自劾朝廷置不問蕃漢歸者數千戶歲減戍兵萬人河外遂為并汾屏蔽復知瀛州因言州小而人眾緩急無所容若廣東南關則民居皆在城中夏竦前在陝西惡亢不附已特沮其役然卒城之加領眉州防禦使復為涇原路總管知渭州會給郊賞轉運使奏亢擅減三司所估會城為樞密使奪防禦使降知磁州御史宋禧繼言亢嘗以庫銀市易復奪引進使為右領衛大將軍知壽州改將作監知和州坐失舉徙筠州久之復為引進使果州團練使又復眉州防禦使真定府路副都總管遷客省使以足疾知衛州徙懷州降曹州鈐轄改河陽總管以疾辭為祕書監未幾復客省使眉州防禦使徐州總管卒亢好施輕財取軍嚴明所至有風跡民圖像祠之仁宗念其功特贈遂州觀察使

按宋史本傳不載亢職據隆平集東都事略補
奎字仲野先亢中進士歷并秀州推官監衢州酒徐生者殿人至死繫婺州獄再問輒言冤奎視囚籍印竅偽深探之乃獄吏寬易卒釋徐生抵吏罪改大理寺丞知台肥縣徙南充縣以殿中丞通判瀘州罷歸會秦州監課虧緡錢數十萬事連十一州詔奎往按還奏三司發鈔稽緩非諸州罪未幾知江州徙楚州遷太常博士召為殿中侍御史知滑州徙邢州度支判官出為京東轉運使以侍御史為河東轉運使進刑部員外郎知御史雜事安撫京東募民充軍凡十二萬秦州縣吏能否數十人還為戶部副使及分陝西為四路擢天章閣待制環慶路經略安撫招討使知慶州歷陝西都轉運使知永興軍河東都轉運使加龍圖閣直學士知漕青徐揚等州再遷吏部郎中遷右諫議大夫知江南府還判吏部流內銓徙審官院知河南府初全義守洛四十年洛人德之有生祠及見奎偉儀觀曰真齊王孫也因復興齊王祠歲餘以能政聞遷給事中歸朝京東盜起加樞密直學士知鄆州數月捕諸盜悉平奎治身有法度所至有治跡子燾龍圖閣直學士按宋史此下有劉文質傳無事蹟足錄今刪

劉漢字仲章保州人祖審琦簡穆皇后從姪從討李重進戰死父文質以近親而志謹太宗欲信任之歷知麟慶涇代等州立戰功前後賜子異於諸將漢以父任為將作監主簿監并州倉天聖中章獻太后臨朝久漢請天子年加長上書請還政后怒將黜漢白州呂夷簡薛奎力諫得免仁宗親政擢為右正言郭后廢漢典孔道輔范仲淹等伏闕爭之黜通判磁州尋知遼州夏人叛朝廷遣使通河西嘉勒氏漢請行間道走青唐論以恩信嘉勒氏大集族長誓死并邊得其善書與西州地圖以獻加直昭文館遷陝西轉運使由工部郎中知滄州改吉州刺史知保州州自成卒叛後兵益驕漢至虎翼軍謀舉城叛民大恐漢單騎徐叩營械首惡者歸斬之一軍帖服徙登州益治刀魚船備海寇寇不敢犯歷知邢恩冀涇澶五州恩承賊蹂躪後漢經理繕葺有敎威令大振治平中河北地震民之粟率賤賣耕牛以苟朝夕漢在澶鹽監公錢買之明年民無耕牛價增十倍漢復出所中牛以元直與民澶民賴不失業歷秦鳳涇原真定定州路總管四遷至鎮寧軍節度觀察留後監靈中還為工部尚書致仕漢有才略臨事無所避然銳于進取方開拓兆岷討南安漢既老猶露章請自效卒年八十一

滬字子濬以廕補三班奉職累遷右侍禁康定中為渭州瓦亭砦監押權靜邊砦擊破黨留等族斬一驍將獲馬牛囊駝萬計遷左侍禁韓琦范仲淹薦授開門祇候又破穆靈生氏西南去洛陽二百里中有城曰水洛川平土沃又有水輪銀銅之利環城數萬帳漢民之通逃者歸之教其百工商賈自成完國曹瑋在秦州嘗經營不能得滬遷城章川收善田數百頃以益屯兵密使人說城主多斯納令內附會鄭戢行邊滬遂召多斯納及其酋屬來獻結公水洛路羅甘地願為屬戶戢即令滬將兵往受地既至而氏情中變聚兵數萬合圍滬兵才千人前後數百里無援滬堅卧因令晨炊糗食坐胡牀指揮進退一戰氏潰追奔至石門酋皆稽顙請服因盡擯其眾隸麾下以通秦渭之路又敗臨洮氏于城下遷內殿崇班戢以三將兵遣董士廉助築城功未半會戢罷四路招討使而涇原路尹洙以為不便令罷築且召滬不聽日增版趣役洙怒使狄青械滬士廉下獄氏眾驚收積聚殺吏民為亂朝廷遣魚周詢程戡往視氏眾詣周詢請以牛羊及丁壯助工役復以滬權水洛城若主城成終以違本路安撫使節制黜一官為鎮戎軍兩

路都巡檢復內殿崇班瘍發首卒居人避道請留葬水
洛立祠城隅歲時祀之經略司言得熟戶蕃官牛裝等
狀願得滬子弟主其城乃命其弟滔爲水洛城兵馬監
押城中有碑記滬事

趙滋字子深開封人父士隆天聖中以閤門祇候爲邠
寧環慶路都監戰沒錄滋三班奉職康定初以右侍禁
選捕京西叛卒有功遷左侍禁後爲涇原儀渭鎮戎軍
都巡檢會渭州得勝砦主姚貴殺監押崔絢劫宣武神
騎卒叛攻羊牧隆城滋馳至諭降八百餘人貴窮走出
砦招討使令滋給賜降卒及遷補將吏滋以爲如是是
誘其爲亂藏其牒不用還爲招討使所怒故賞弗行范
仲淹韓琦經略陝西舉滋可將領得閤門祇候爲鎮戎
軍西路都巡檢提舉陝西京西路捉賊數月京西軍賊
張海平爲京東東路都巡檢富弼爲安撫使舉再任登
州乳山砦兵叛殺巡檢州將誅首惡數人不窮按滋奉
檄驗治得黨與百餘人付獄眾莫敢動自東頭供奉官
超授供備庫副使定州路駐泊都監韓琦以爲真將帥
材及琦在河東又奏滋權并代路鈐轄改管句河東經
略司公事建言代州寧化軍有地萬頃皆肥美可募人
作田教戰射爲堡砦人以爲利累遷西上閤門副使歷
知安肅軍保州會契丹民數違約乘小舟瀕界河中吏
憚生事累歲莫敢禁後又遣大舟十餘自海口運鹽入
界河朝廷患之徙滋雄州滋戒巡兵舟至輒捕其人殺
之輦其舟移文還涿州漁者遂絕知瀛州彭思永河北
轉運使唐介燕度皆以滋生事請罷之朝廷更以爲能
擢龍神衛四廂都指揮使嘉州團練使遷天武捧日四
廂都指揮使英宗卽位領端州防禦使步軍都虞候留

再任未幾卒贈遂州觀察使滋在雄州六年契丹憚之
契丹嘗大饑舊米出塞不得過三斗滋令出米無所禁
邊人德之馭軍嚴性尤廉謹惟傲慢自譽此其短也

欽定續通志卷三百四十五

列傳

宋五十

劉平 兼濟 郭遠 任福 王珪 武英 桑懌 王信 王仲賢 蔣偕

景泰 郭恩 張昂

張忠 郭恩 張昂

張君平 盧鑑 郭諮

田敏 侍其曜 康德輿

張昭遠

劉平字士衡開封祥符人父漢凝從太宗征河東岢嵐
憲州累遷崇儀使平善弓馬讀書彊記進士及第補無
錫尉擢大理評事知鄆陵縣徙南充夷人寇清并監平
權瀘州事率土丁三千擊走之祠汾陰遷本寺丞以寇
準薦為殿中丞知瀘州夷人懲前不敢擾邊召拜監
察御史數上疏論事為丁謂所忌久之除三司鹽鐵判
官河北安撫改殿中侍御史陝西轉運使徙知襄州仁
宗即位遷侍御史初真宗知其才將用之丁謂乘閒曰
平將家子素知兵若使將西北可以制敵後章獻太后
思謂言特改衣庫使知汾州屬戶明珠磨糜族數反覆
平潛兵殺數千人以功領賓州刺史鄆路兵馬鈐轄
徙涇原路兼知渭州徙汝州改淮南江浙荆湖制置發
運副使召還真拜信州刺史知雄州居四年遷忻州團
練使知成德軍景祐元年拜龍神衛四廂都指揮使承
州防禦使知定州徙環慶路副都總管進侍衛親步軍
都虞候奏言元昊勢且叛宜嚴備之尋坐被酒破鎖入
甲仗庫為轉運使蘇者所劾上疏自列召入問狀復為
步軍都虞候知澶州徙滄州副都總管時呂夷簡為宰

相臺諫官數言政事闕失平奏書願明諭臺諫官毋台

越職仍不許更相引薦論者以為希夷簡意改高陽關

副總管實元元年以殿前都虞候為環慶路馬步軍副

總管會元昊反遷邕州觀察使為鄆延路副總管兼鄆

延環慶路同安撫使頃之兼管句涇原路兵馬進步軍

副都指揮使靜江軍節度觀察留後獻攻守之策曰五

代之末中國多事唯制西戎為得之中國未嘗遣一騎

一卒遠屯塞上但任土豪為眾所伏者封以州邑征賦

所入足以贍兵養士由是無邊鄙之虞太祖定天下懲

唐宋藩鎮之盛削其兵柄收其賦入彼邊方世襲宜異

於此而謀以朔方李彝興靈武馬繼業一切亦徙內地

自此靈夏仰中國戍守千里運糧兵民並困其後靈武

失守而趙德明懼王師問罪願為藩臣于時若止棄靈

夏殺銀與之限山為界則無今日之患矣而以靈夏兩

州及山界蕃漢戶並授德明改蕃甲治兵漸窺邊隙鄆

延環慶涇原秦隴所以不能弛備也今元昊嗣國政刑

慘酷眾叛親離復與嘉勒斯賚構怨此乃天亡之時元

吳國勢未彊若乘此用鄆延環慶涇原秦隴四路兵馬

分兩道益以蕃漢弓箭手精兵可得二十萬收山界洪

宥等州招集土豪縻之以職遣使諭嘉勒斯賚授以靈

武節度使捷撓河外族帳以窘元昊復出麟府石州蕃漢

步騎獵取河西部族招其酋帥離其部眾然後以大軍

繼之元昊不過鼠竄為窮寇爾何所為哉且靈夏殺銀

每歲資糧取足洪宥而洪宥州羌戶勁勇善戰夏人恃

此以為肘腋我苟得之以山為界憑高據險下瞰沙漠

此天險也廟朝之謀不知出此而爭靈夏殺銀此議臣

之罪也萬一元昊潛結契丹互為犄角則我一身二疾

不可並治請召邊臣與二府定守禦長策疏奏未報屬

元昊盛兵攻保安軍時平屯慶州范雍以書召平平率

兵與石元孫合軍趨土門既有告敵兵破金明園延州

者雍復召平與元孫救延州平素輕敵督騎兵晝夜倍

道行平先發步軍繼進夜至三川口西十里止營遣騎

兵先趨延州爭門時鄆延路駐泊都監黃德和將二千

餘人屯保安北碎金谷巡檢方俛政郭遵各將所部分

屯范雍皆召之為外援平亦使人趨其行將步騎萬餘

結陣東行五里與敵遇敵兵涉水為橫陣郭遵及忠佐

王信薄之不能入官軍並進殺數百人乃退敵復敵盾

為陣官軍復擊卻之平左耳右頸中流矢日暮戰士上

首功及所獲馬語未已敵以輕兵薄戰官軍引卻二十

步黃德和走保西南山眾從之皆潰平遣其子宜孫馳

追德和當勒兵還併力抗敵德和不從驅馬遁赴甘泉

平遣軍校杖劍遮留士卒得千餘人轉鬪三日賊退還

水東平率餘眾保西南山立七柵自固敵使人偽為成

卒遞文移平不殺之敵首舉鞭麾騎自山西出合擊絕

官軍為二遂與元孫皆被執初德和言平降賊朝廷發

禁兵圍其家及命殿中侍御史文彥博即河中府置獄

遣龐籍往訊具得其實遂釋其家德和坐腰斬而延州

吏民亦詣闕訴平戰沒狀遂贈朔方軍節度使兼侍中

諡壯武賜信陵坊第封其妻趙氏為南陽郡太夫人子

孫及諸弟皆優遷未官者錄之弟兼濟

兼濟字實臣以父蔭補三班奉職為襄州兵馬監押漢

江暴漲兼濟解衣涉水水率眾捍城州賴以完擢開門祇

候改左侍禁鄆延路兵馬都監權知保安軍徙知龍竿

城夏人寇邊兼濟將兵千餘敗之屬其兄平戰沒于三

川口特授內殿崇班知原州累擢至西上閣門使同管句三班院卒

郭遵開封人少隸軍籍稍遷殿前指揮使累遷左侍禁閣門祇候為延州西路都巡檢使元昊寇延州遵以裨將屬劉平敵出驍將揚言當遵遵揮鐵杵破其腦復持鐵槍進所向披靡會黃德和引兵先潰敵戰益急遵奮擊期必死獨出入行開軍稍卻即復馬以殿又持大稍橫突之敵使人持大索索立高處迎遵馬輒為遵所斷因縱使深入擯兵注射之被殺特贈果州團練使遵用鐵杵槍稍共九十斤其後耕者得其器于戰處乃併與其衣冠葬之

任福字祐之其先河東人後徙開封咸平中補衛士由殿前諸班累遷至遙郡刺史元昊反除莫州刺史嵐石隰州緣邊都巡檢使奏河東地介大河斥堠疎濶願嚴守備仁宗善之命知隴州擢秦鳳路馬步軍副總管詔陝西增城壘器械福受命四十日而戰守之備皆具以忻州團練使為鄜延路副總管管句延州東路蕃部事尋知慶州復兼環慶路副總管因經度所過山川道路以為緩急攻守之備聽便宜夏人寇保安鎮戎軍福與子懷亮姪塔成為自華池鳳川鎮聲言巡邊召諸將率制敵勢行至柔遠若即部分諸將攻白豹城夜漏未盡抵城下四面合擊平明破其城焚巢穴獲牛馬橐駝委聚等以功拜龍神衛四廂都指揮使賀州防禦使改侍衛馬軍都虞候慶曆元年春朝廷欲發涇原鄜延兩路兵西討詔福詣涇原計事會元昊謀寇渭州安撫副使韓琦趁鎮戎軍出兵萬八千人使福將之以耿傳參軍事涇原路駐泊都監桑慄為先鋒鈐轄朱觀都監武英

涇州都監王珪各以所部從福節制琦戒福等併兵自懷遠城趨得勝砦至羊牧隆城出敵之後諸砦相距纔四十里道近糧餉便度勢未可戰則據險設伏待其歸邀擊之福引輕騎數千趨懷遠城掠龍川遇鎮戎軍西路巡檢常鼎刺肅與敵戰于張家堡南斬首數百夏人伴北懼引騎趨之福踵其後謀傳敵兵少福等頗勇之薄暮與慄合軍屯好水川觀英屯龍落川按長編作龍落川相距隔山五里約翌日會兵川口路既遠芻餉不繼士馬乏食己三日追奔至籠竿城北遇夏軍循川行出六盤山下距羊牧隆城五里結陣諸將方知墮敵計勢不可留遂前格戰驍馳犯其鋒福陣未成列賊縱鐵騎突之自辰至午陣動眾傳山欲據勝地俄伏發自山背下擊士卒多墜崖壘相覆壓樛賊死敵分兵數千斷官軍後福力戰身被十餘矢有小校勸福自免福曰吾為大將兵敗以死報國爾揮四刃鐵簡挺身決鬪槍中左頰絕其喉而死乃併兵攻觀英戰既合王珪自羊牧隆城引兵四千陣于觀軍之西渭城駐泊都監趙津將瓦亭騎兵五千繼至珪屢出略陣陣堅不可破英重傷不能視軍敵兵益至官軍遂大潰英津珪傳皆死內殿崇班榮贊西頭供奉官王慶侍禁李簡李禹亨劉鈞亦戰沒軍校死者數十人土死者六千餘人唯觀以兵千餘保民垣四嚮縱射會暮敵引去福子懷亮亦死之方元昊傾國入寇福臨敵受命所統皆非素撫之兵既又分出趨利故至于甚敗奏至帝震悼贈福武勝軍節度使兼侍中賜第一區追封母為隴西郡太夫人妻為瑯琊郡夫人錄其子及從子凡六人

王珪開封人少拳勇善騎射能用鐵杵鐵鞭年十九隸

親從官累遷殿前第一班押班擢禮賓副使涇州駐泊都監元昊寇鎮戎軍珪將三千騎為策先鋒自瓦亭至獅子堡敵圍之數重珪奮擊披靡獲首級為多語其下曰兵法以寡擊眾必在暮我兵少乘其暮擊之可得志也有驍將持白幟植槍以誓曰誰敢與吾敵者槍直珪胸珪以杵碎其腦繼又一將復以槍進珪挾其槍以鞭擊殺之一軍大驚遂引去珪亦以中箭而還仁宗特遣使撫諭之詔暴其功塞下以厲諸將是歲改涇原路都監明年為本路行營都監勒金宇處置牌賜之尋至黑山焚敵旅帳獲首級馬駝甚眾會敵大人以兵五千從任福屯好水川連戰三日諸將皆敗任福陷圍中望見塵幟猶在珪欲援出之軍校有願望不進者斬以徇乃東望再拜曰非臣貧國臣力不能也獨有死報爾乃復入戰殺數百人鞭鐵撓曲手掌盡裂奮擊自若馬中鐵凡三易猶馳擊殺數十人矢中目乃還夜中卒珪少通陰陽數術之學始出戰謂其家人曰我前後大小二十餘戰殺敵多矣今恐不得還我死可速去此無為敵所警也及敵攻瓦亭購甚急果如所料鎮戎之戰以所得二槍植山下其後邊人即其處為立祠贈金州觀察使追封其妻錄其子光祖光世光嗣

武英字漢傑太原人父密與契丹戰沒贈西京左坊使錄英為三班借職以右班殿直為忻代州同巡檢會州將出獵敵百餘騎果入寇英領眾左右馳射悉禽獲之以功遷左班殿直監雄州榷場改右侍禁開門祇候為環州都巡檢使徙洪德砦主又徙慶州柔遠砦元昊寇延州英主兵攻後橋以分敵勢擢內殿承制環慶路駐泊都監破黨平族又從任福破白豹城遷禮賓副使尋

兼涇原行營都監與任福合諸將戰張家堡斬首數十百敵棄羊馬偽遁諸將皆趨利爭進英以為前必有伏眾不聽福等既敗英猶力戰矢盡遇害贈邢州觀察使錄其子姪

桑憚開封雍邱人勇力過人善用劍及鐵筋有謀略其為人不甚長大語言如不出其口卒遇之不知其勇且健也常遭大水有粟二廩將以舟載之見百姓走避水者遂棄其粟而載之得皆不死歲饑聚人其食其粟盡而止後徙居汝潁間耕龍城廢田數頃以自給諸縣多盜憚自請補耆長得往來察姦里老父子死未斂盜夜脫其衣去父不敢告縣憚疑少年王生者夜入其家得其衣不使之知也明日見而問之曰爾許我不為盜今里中盜屍衣者非爾那少年色動即推仆地縛之詰其盜者姓名盡送縣嘗之鄰城遇尉出捕盜招憚飲酒與俱行至賊所藏尉甚將去憚曰賊在此欲何之乃下馬獨殺數人因盡縛之又聞襄城有盜十許人獨提一劍以往殺數人盡縛其餘汝旁縣為之無盜京西轉運使奏其事補郟城尉移灑池尉羣盜保青灰山有宿盜王伯者尤為民害朝廷每授巡檢使必疏姓名使捕之憚至官巡檢偽為宣頭以示憚憚不知其偽也因挺身入賊中與伯同卧起十餘日伯遂與憚出至山口為巡檢伏兵所執憚曰巡檢懼無功爾即以伯與巡檢使巡檢俾獻京師而憚不復自言朝廷知之為黜巡檢擢憚右班殿直永安縣巡檢明道末京西早蝗有惡賊二十三八樞密院召憚至京師授以賊名姓使往捕憚曰盜畏吾名必潰潰則難得矣宜先示之以怯至則閉柵戒軍吏不得一人輒出居數日軍吏不知所為數請出自

效輒不許夜與數卒變為盜服以出蹤跡盜所嘗行處盡得居處之實明日部分軍士盡擒諸盜手殺三人凡二十三人者一日皆獲還京師樞密吏求銀為致閤門祇候憚不可吏怒匿其功狀除兵馬監押未行會宜州蠻叛殺海上巡檢官軍不能制因命憚往盡手殺之還乃授閤門祇候憚讓其賞以歸己上者或議以好名憚益辭不許寶元初遷西頭供奉官廣西駐泊都監元昊反參知政事宋庠薦其有勇略遷內殿崇班鄜延路兵馬都監踰月徙涇原路屯鎮戎軍與任福遇敵于好水川力戰而死贈解州防禦使子湜皇城使

耿傳字公弼河南人祖昭化為蜀州司戶參軍罵賊不屈而死傳少喜俠高氣初以父蔭為三班奉職換伊陽縣尉歷明州司理參軍遷將作監丞知永甯縣河南守宋綬薦其材遷通判儀州徙慶州時議西討以傳督一

道糧饋會元昊入寇參任福行營軍事遇敵姚家川諸將失利敵騎益至武英勸傳避去傳不答英歎曰英當死君文吏無軍責朱觀亦謂傳避賊鋒而傳愈前指顧自苦被數劍乃死始傳與觀營籠落川夜作書遺福以持重自寫題觀傳死後韓琦得其書奏上之詔贈傳右諫議大夫官其子瑗璋璋珣

威勝軍巡檢使至官才八日獲太行山宿賊八十人累賜金帛繕錢使契丹積遷內殿承制天聖初知鎮戎軍改供備庫副使破康諾爾詔獎其功凡五年還巡護惠民河堤岸遷供備庫使麟府路兵馬鈐轄知麟州會鎮戎軍蕃族內寇徙涇原路鈐轄復知鎮戎軍又徙原環二州以西京左藏庫使惠州刺史知利州徙并代州鈐轄改西上閤門使建言緣邊博羅羌苦之數逃去請寬其法使得復業以捍邊境久之遷東上閤門使元昊寇延州仲寶將兵至賀蘭谷以分兵勢敗蕃將羅通于長雞嶺遷四方館使領濮州團練使為涇原路總管安撫副使兼管句秦鳳路軍馬事與西羌戰六盤山俘賊數百人時任福大敗好水川別將朱觀被圍于姚家堡仲寶以兵救之拔觀出圍乘以從馬時諸將皆沒獨仲寶與觀得還徙環慶路副都總管知慶州未幾兼本路經略安撫招討副使破金湯城復賜詔獎論徙涇州副總管安撫使范仲淹奏留之明年以磁州防禦使知代州除左屯衛大將軍致仕卒

景泰字周卿普州人進士起家補坊州軍事推官後以尚書屯田員外郎通判慶州即上言元昊雖稱臣誠恐包藏禍心當選主將練士卒修城池儲資糧以備不虞三疏不報俄元昊反又上邊臣要略二十卷遷都官知成州奏平戎策十有五篇會有薦秦知兵者召對稱旨換左藏庫使知宣州任福敗徙原州元昊眾十萬一出劉瑋堡一出彭陽城入攻渭州葛懷敏戰崆峒北敗敵騎逾平涼至潘原秦率兵五千從閒道赴原而先鋒左班殿直張迺按隆平集迺迺不進秦斬以徇遇敵彭陽西裨將夏侯觀欲退守彭陽秦不許乃依山而陣未成

列敵騎來犯泰陰遣三百騎分左右翼張旗幟為疑兵敵欲遁去將校請進擊泰止之遣士搜山果得伏兵與戰斬首千餘級以功遷西上閣門使知鎮戎軍兼兵馬鈐轄久之領忠州刺史徙秦鳳路馬步軍總管卒子思立熙寧中屢有戰功為引進使忠州防禦使知河州與鄭戩部兵戰沒思忠以左藏庫副使遂州駐泊都監擊瀘州夷人陷于格穆山下兄弟繼死王事人皆憐其忠王信字公亮太原人家故饒財少勇悍大中祥符中盜起晉絳澤潞數州信應募籍軍與其徒生擒賊七十八累以功補龍神衛指揮使使者表薦召問其藝遷御前忠佐領河中府同幹鄜延丹坊州慶成軍管界捉賊又遷龍衛都虞候兼鄜延巡檢康定初劉平石元孫戰于三川信以所部兵薄賊斬首數十級遷捧日都虞候改西京作坊使知鎮戎軍徙保安軍兼鄜延路兵馬都監始至之夕敵眾號數萬傅城軍吏氣懾信領勁兵二千夜出南門與戰失其前鋒因按軍不動遲明潛上東山整軍乘勢而下擊走之獲首級馬牛居多遷鈐轄兼經略安撫招討都監領貴州刺史葛懷敏戰敗信出兵拒敵俘斬甚眾進保州刺史就遷馬步軍都總管四路置招討使遂為本路招討副使累遷馬步軍都虞候象州防禦使徙高陽關路王則反貝州用安撫使明鎬奏為貝州城下都總管城破則遁信率兵執則而還餘黨自焚死拜感德軍節度觀察留後召為少軍副都指揮使未至卒贈武衛軍節度兼侍中

蔣偕字齊賢華州鄭縣人舉進士補韶州司理參軍以祕書省著作佐郎為大理寺詳斷官密州豪人王澥使奴殺一家四人偕當溺及奴皆大辟宰相陳堯佐欲寬

澥判審刑院宋庠與偕持之不從偕以是知名陝西用兵數上書論邊事遷祕書丞通判同州計置陝西錢糧逾年為沿邊計置青白鹽使用龐籍范仲淹薦改北作坊副使環慶路兵馬都監歷知汾涇二州徙原州邊民苦屬戶為鈔盜偕得數輩腰斬境上盜為息遷北作坊使兼本路鈐轄明珠康諾爾諸族數為寇偕潛兵伺之斬首四百擒酋豪焚帳落獲馬牛羊千計徙華州兵馬鈐轄湖南蠻唐和內寇徙潭州鈐轄賊平知忻州徙冀州降知霸州徙恩州領韶州刺史以州倉鑿為入粟數作鈔遺持至京師交鈔得緡錢以補軍食為御史彈奏降知坊州儂智高反除宮苑使韶州團練使為廣南東西路鈐轄賊方圍廣州徙軍沙頭安撫楊政檄借焚糧儲退保韶州坐此降潭州駐泊都監再降北作坊使忠州刺史命未至軍次賀州太平場賊夜入營襲殺之贈武信軍節度觀察留後初偕入廣州即數知州仲簡留兵不讓賊縱兵賊平民可斬左右解之乃止卒以輕肆

弟愿遷右班殿直閤門祇候官其子承壽承吉承德及其婿劉錡封其長女

郭恩開封人初隸諸班出為左侍禁閤門祇候歷延州四路都巡檢環州肅遠砦主累遷內殿承制秦鳳路兵馬都監開古渭州路為前鋒斬首九百餘級擢崇儀副使會掌烏族叛又率兵攻討斬首八十五級遷六宅副使累勞補崇儀使為秦隴路兵馬鈐轄徙并代州鈐轄管句麟府軍馬事夏人歲侵屈野河西地至耕獲時輒屯兵河西以誘官軍嘉祐二年自正月出屯至三月然後去通判并州司馬光行邊至河西是時知麟州武戡通判夏倚已築一堡為候望與光議曰乘敵去出不意可更增二堡以據其地不過二旬壁壘可城然後廢橫戎臨砦二堡徵其樓櫓徙其甲兵以實新堡列烽燧以通警急有急則州及橫陽堡出兵救之敵來耕則驅之種則蹂踐之敵盛則入堡以避如是則堡外必不敢耕種州西五十里之內晏然經略使龐籍遂檄麟州如其議五月恩及武戡走馬承受公事內侍黃道元等以巡邊為名往按視之會詢者言敵兵盛屯沙濟蘭恩欲止不行道元怒以言脅恩夜率步騎六千四百餘人不甲者半循屈野河北而行無復部伍夏人舉火卧牛峰敵指謂恩曰敵已知吾軍至矣道元曰此爾曹故欲沮我師行至谷口恩欲休軍須曉乃登山道元奮衣起曰幾年間郭恩名今日懦怯與賣速何殊恩亦慍曰不過死耳乃行比明至呼喇堆敵數十人皆西走俄而起火敵騎張左右翼自南北交至堆東有壘其中有梁謂之斷道堰按長統作斷道塢恩等東據梁口與力戰自旦至食時敵自兩旁壘中學緣而上四面合擊恩眾大潰夏倚方

張忠開封人以材武補三班借職陝西總管司指使數攻破堡砦殺劇賊張海郭邈山從平恩州功第一累遷如京使資州刺史歷真定府定州高陽關京東西路兵馬鈐轄儂智高反就移廣東領英州團練使初智高圍廣州時洪州駐泊都監蔡保恭及知英州蘇緘以兵八千人據渡邊村扼賊歸路忠奪而將之謂其下曰我十年前一健兒以戰功為團練使若曹勉之於是不介騎而前會先鋒遇賊奔忠手拉賊帥二人馬陷濶不能奮遂中標槍死以其父率府副率致仕餘慶為左監門衛大將軍賜第一區給半俸終身封其母為河內郡夫人

敵自兩旁壘中學緣而上四面合擊恩眾大潰夏倚方

在紅樓見敵騎自西山大下率城中諸軍閉門乘城武
賊走東山趨城東抉門以入恩道元及府州寧府若兵
馬都監劉慶皆被執使臣死者五人軍士三百八十七
人亡失器甲甚眾恩不肯降適自殺贈同州觀察使封
其妻錄其子弟有差給舊俸二年武散坐棄軍除名編
管江州

張呂字子雲府州谷人以貴為刃將有膽略善騎射
天聖中西夏觀察使阿遇有子來歸阿遇寇麟州虜邊
戶約還子然後歸所虜麟州還其子而阿遇輒背約安
撫使遣呂詰問呂徑造帳中諭以逆順阿遇語屈留呂
共食抽佩刀貫大鬍啗呂岳無所憚阿遇撫岳背曰真
男子也翌日又與呂縱獵呂發兩矢連斃二兔阿遇遣
呂馬橐駝悉歸所虜州將補為來遠若主手殺偽首領
奪其甲馬時年十八名動一軍元昊犯鄜延詔麟府進
兵呂以都教練使從折繼開破胡鴻達爾兩族以功補
下班殿侍三班差使時敵騎方熾中人促賜軍衣至麟
州不得前呂馳騎五十往護之至者眉浪遇賊接戰流
矢貫雙頰呂拔矢鬪愈力奪馬十二匹而還賊兵攻府
州甚急城西南隅庫下賊將登眾罵曰城破矣呂乘陴
大呼搥賊賊稍卻飛矢中右目下身被三創晝夜督守
又帥死士開關護州人汲于河訖圍解以勞遷右班殿
直以岳為麟府州道路巡檢至深柏堰遇賊數千分兵
追擊斬首百餘級奪兵械馬牛數百近郊民田比秋成
未敢獲岳以計千張元得步卒九百人護之大敗賊於
龍門川從諸將通麟州糧道破賊於柏子若改左班殿
直內侍宋永誠傳詔若下岳護永誠遇賊三松嶺賊以
精騎挑戰矢中岳臂猶躍馬左右馳射諸將乘勝而進

賊潰特改西頭供奉官又遷內殿崇班賊破豐州呂與
諸將一日數戰破容州刺史耶布移守貴參若俘獲萬
計遷禮賓副使明鑄在河東以尙虞軍當雲朔路奏呂
為麟府路駐泊都監兼沿邊都巡檢使張亢修並若堡
障初議置安豐若于石臺神岳以為非要害之地遂徙
若于實時庫堆以扼賊已而本道上言擅易若地左遷
絳州兵馬都監二州未解嚴復麟府駐泊都監屯安豐
累遷洛苑使嘗從數騎夜入羌中詞機事既還羌覺追
之呂隨羌疾馳效羌語與羌俱數里乃得脫前後數中
流矢創發臂間卒

張君平字士衡磁州滄陽人以父承訓與契丹戰死補
三班差使殿侍黔州指揮使僚兵屢入寇君平引兵擊
破之以功遷奉職除駐泊監押徒容白等州巡檢遷右
班殿直以薦擢開門祇候管汴口建言歲開汴口當
擇其地得其地則水湍駛而無留沙歲可省功百餘萬
又請沿河縣植榆柳為令佐使臣課最及瘞汴河流屍
悉從其言天聖初議塞滑州決河以君平習知河事命
以左侍禁簽書滑州事兼修河都監召同提點開封府
界縣鎮公事以嘗護滑州隄有功特遷內殿崇班君平
以京師數罹水災請委官疏鑿近畿諸州古溝洫久之
稍完遂詔畿內及近畿州縣長吏皆兼管句溝洫河道
自畿至泗州道路多寇君平謂兩驛增置使臣專主捕
盜而罷夾河巡檢於是行者無患復為滑州修河都監
遷供備庫副使河平改西作坊使就遷鈴轄卒君平明
於水利死後錄三子官子璽皇祐中嗣其父職云

盧鑑字正臣金陵人累舉進士不中授三班奉職監坊
州酒稅以右班殿直為鄜延路走馬承受公事李繼遷

寇遷與總管王榮敗走之又與鈴轄張崇貴擊賊焚其
積聚斬首級而還擢開門祇候為本路兵馬都監復出
蕩族帳獲羊牛萬計從鳳翔秦隴階成等州提點賊盜
公事尋為都巡檢徙利州都監初繼遷聲言石隕帳前
有文曰天誡爾勿為中國患真宗問之鑑曰此詐為之
以欺朝廷也宜益為備至是繼遷陷靈武帝思其言特
遷右侍禁知儀州州有制勝關最險要繼遷欲乘虛襲
取之故言將由此大入謀者以告有詔徙老幼芻粟于
內地鑑曰此姦謀也且示虜弱搖民心臣不敢奉詔卒
不徙已而賊亦不至再遷西頭供奉官知利州會歲饑

以便宜發倉粟振民提點河東路刑獄歷知保州廣信
軍原州就為環慶路都監兼慶州徙環州平瑪爾密族
于合道鎮坐事徙知丹州累遷西京左藏庫使恩州刺
史為環慶路鈴轄兼知環州改西上閣門使知秦州卒
郭詒字仲謀趙州平棘人舉進士應通利軍司理參軍
中牟縣主簿改大理寺丞知濟陰縣建言澶滑隄狹無
以殺大河之怒故漢以來河決多在澶滑且黎陽九河
之原今若引河出沒子山下穿金隄與橫隄合以達于
海則害可息詔本道使者共議弗合監通利軍稅洛州
肥鄉縣田賦不平歲久莫治轉運使楊偕遣詒攝令以
往既至閉閣數日以千步方田法四出量括遂得其數
除無地之租者四百家正無租之地者百家收道賦八
十萬流民乃復偕奏其才遷殿中丞知館陶縣康定西
征詔上戰略獻拒馬槍陣法其制利山川險隘以騎士
試上前擢通判鎮戎軍募兵教習會三司議均稅法知
諫院歐陽修言惟詒方田法簡而易行詔詒與孫琳均

蔡州上蔡縣稅用宰相呂夷簡薦起為崇儀副使提舉

黃御河隄岸時富弼使契丹詔入對陳大水禦戎之要其議決黎陽大河下與胡蘆潭沓後唐河以注塘泊混界河使東北抵于海上溢鶴鵠陂下注北當城南視塘泊界截虜疆東至海口西接保塞惟保塞西水不可

到請立堡若以兵戍之詔備用興役會契丹約和而止知丹利二州王則振文彥博薦諳知冀州運糧助攻討賊平徙忻州開渭渠導汾水興水利置屯田轉運使任顯言諳有巧思自爲兵械皆可用詔以所作刻漏圓楯獨轆弩生皮甲來上帝頗嘉之除益州路兵馬鈐轄累遷英州刺史後爲契丹祭莫副使知汾州未行言獨轆弩可試改鄜延路兵馬鈐轄許置弩五百募土兵教之既成經略使夏安期言其便詔立獨轆弩軍以西上閩門使知潞州又作鹿角車陷馬槍請廣獨轆弩於他道詔語置弩千分給并路因上疏曰頃使契丹觀幽燕

地方無十萬人一年之費若以術制之使舉不得利居無以給不踰數年必棄幽州而遁臣經畫河北大木界斷敵疆乃其術也臣所創車弩若多設之助以大水取幽薊如探囊中物爾時三司議均田租召還諸陳均括之法四十條復上平燕議曰契丹疆土雖廣人馬至少儻或南牧必率高麗渤海黑水宮眞室韋等國會戰其來既遠其糧匱乏以臣所見請舉慶厓之策合眾河於塘泊之北界以限戎馬然後以景德故事頓兵自守又

旁河郡邑可以水運以給保州應援來則戰去則勿追幽州糧儲既少敵不可久留不半年閒當遁沙漠則進兵斷古北口若松亭關傳檄幽薊燕南自定且彼之所恃者惟馬而已但能多方致力使馬不獲伸用則敵可破幽燕可取詔置獨轆弩二萬同提舉百司及南北作

坊以完軍器詔嘗謂作汁乘素河三十六版之流危京師請自鞏西山七里店孤株嶺下鑿七十里導洛人汴可以四時行運詔都水監楊佐同往計度歸未及論功而卒

田敏字子俊本易州牙吏雍熙中王師討幽薊曹彬進兵涿州敵斷其後王繼恩募勇士持書抵彬敏應募開行由郭溝關達相州彬得詔選壯士五十人衛敏還道遇賊力戰僅以身免彬上其事太宗召見復令齎詔論彬師還補敏易州靜若指揮使端拱初以所部兵屯定州契丹攻北唐河大將李繼隆遣部將逆戰爲敵所乘奄至水南敏以百騎奮擊敵引去又出狼山襲契丹至滿城獲首級甚眾既而敵陷易州敏失其家所在帝擢敏本軍都虞候使開行求其父母得之以歸徙屯鎮州李繼隆討夏州奏隸麾下敏率兵至靈州遇敵斬獲數萬計繼隆上其功遷御前忠佐馬步軍副都軍頭既而又從傅潛于定州時契丹斷蒲陰路城中軍士千餘人不敢戰敏率輕騎復出之眞宗幸天雄軍詔敏隸高瓊使追賊至寧遠軍以功領涿州刺史王均亂西川從招安使雷有終敗賊于靈池山賊平遷馬步軍都軍頭咸

疑三路兵入敵境縱擊以牽其勢敏出西路屯歸石村虜獲人畜鎧仗以萬計還定州遇敵于鎮州之北復大破之契丹請和乃徙敏鎮定路都鈐轄遷本州團練使充鎮定路總管徙承興軍陝州歷鄜延環慶鳳翔三路久之爲環慶路都總管時後橋屬羌數擾邊敏誅違命者十八族又敗羅古於三店川遷鄭州防禦使涇原路總管後徙環慶坐與部豪往還降左屯衛大將軍昭州防禦使既而以虢州團練使知隰州復爲環慶路都總管儀州防禦使卒

屯定州遇契丹于望都逆戰斬首二千餘級徙北平若兵馬鈐轄領騎兵五千以當其衝先是兩地供輸民多爲契丹鄉導敏自魚臺北悉驅南徙凡七百餘戶送定州遷北平若總管復敗契丹於楊村敏謀知契丹主去北平十里蒲陰駐砦夜率銳兵襲破其營契丹主大驚遂引去敵攻瀛州不下欲乘虛犯貝魏詔敏與魏能張

內殿崇班祥符二年黎州夷人爲亂詔曙乘驛往招撫其首曙按行鹽井夷人復叛曙率部兵百餘生擒首領三人斬首數十級因上言蠻阻險拒命請必加討詔知慶州孫正辭環慶駐泊都監張繼勳領陝西兵同曙俱進所至皆降曙又請誅之眞宗謂王旦曰已降而殺之何以信四夷不許遷內殿承制再遷如京副使知登州會歲饑請漕江淮米以振貧乏活者甚眾累遷西京作坊使惠州刺史知桂州徙滑州遷西上閩門使徙鄆州提舉在京諸司庫務卒

侍其曙字景升父種左監門衛大將軍曙以父任爲殿前承旨改右班殿直咸平中以閩門祇候爲蘇杭湖秀等州都巡檢使遷左侍禁領東西排岸司與謝德權提舉在京倉草場嘗於倉隙地牧牛羊爲德權所訟眞宗以問德權曰牛羊食倉粟邪曙聞而自劾帝勉諭之有告承興民李孜將作亂命曙往按之捕殺黨三十餘人皆伏法青州卒龐德訟其校李緒謀以眾叛帝疑其誣又命曙至青州劾無驗遂棄德市知青州張齊賢奏曙擅戮人帝曰不爾無以安被告者進曙東頭供奉官改

提舉在京諸司庫務卒

提舉在京諸司庫務卒

康德輿字世基河南洛陽人父贊元崇儀使武州刺史以功錫德輿三班奉職遷右班殿直涇原路走馬承受擺閣門祇候河陽武瑄詔遣德輿完築歷開封府西路都巡檢句當權貨務皆兼領埽事改巡護開封府等六州黃河隄岸天聖中使夏州還句當汴口改西頭供奉官用薦遷內殿崇班河陰兵馬都監建沿汴斗門以節水會積雨汴水將溢德輿請自京西導水入護龍河水得不溢歷知原州慶州益州路兵馬鈐轄久之領昭州刺史徙并代兵馬鈐轄管句麟府路軍馬事有蕃部密羅爲殿侍有譖與賊通戰則反射漢人密羅無以自明乃謀附賊指揮張岳以告德輿曰不可不殺德輿不聽岳曰請爲君召與飲小崖谷中聲言墮馬死安知漢殺之德輿猶豫不決岳計不得行賊果以密羅爲嚮導自後河川入襲府州蕃漢欲入城德輿閉門不納或降賊或爲賊所殺不可勝計賊既圍府州德輿與馬步軍副總管王元兵馬鈐轄楊懷忠按兵不出戰但移文轉運司調軍食轉運副使文彥博籍民輦運至境以俟而德輿等終不出及陷豐州纔出屯州城數里三日而還居民望見以謂寇復至皆棄其所齎入保城郭然朝廷不悉聞德輿止坐不出戰降爲東染院使河陽兵馬都監尋復昭州刺史知保州徙眞定府定州路總管歷知代石儀三州大名府路鈐轄提舉金隄累遷西上閣門使至和中河決小吳埽破東隄頓邱口民居避水者趨隄上而水至不得達德輿以巨船五十順流以濟之遂免墊溺復領果州團練使知冀州徙趙州有告雲冀卒謀以上元夜劫庫兵爲亂德輿會賓屬燕飲自若陰遣人捕首謀誅之徙陳州鈐轄卒

張昭遠字持正滄州無棣人父凝殿前都虞候盧州防禦使契丹內寇凝與康保裔伏兵瀛州陷圍中昭遠年十八挺身披出之擢左班殿直寄班祇候爲忻州都巡檢改開門祇候知狄山軍管句河東緣邊安撫司再遷內殿崇班天禧初除西上閣門副使俄爲河北緣邊安撫副使尋知瀛州改東上閣門副使知定州以引進副使復知瀛州遷西上閣門使會大雨陂塘大溢昭遠勒兵築長隄以捍其衝徙鄜延路兵馬鈐轄進都鈐轄築堡成平川領忠州刺史知成德軍遷四方館使淳沱河決壞城郭乃修五關城外環以隄民至今爲利擢捧日天武四廂都指揮使新州防禦使歷步軍馬軍都虞候嘉州防禦使知代州召遷改莫州防禦使罷管軍授左龍武軍大將軍昭州防禦使卒特贈應州觀察使

欽定續通志卷三百四十六

列傳

宋五十一

王安石

王安禮

王安國

王安石字介甫撫州臨川人父益都官員外郎安石少好讀書過目不忘屬文動筆如飛見者服其精妙友生曾輩攜以示歐陽修修為之延譽擢進士上第簽書淮南判官舊制秩滿許求試館職安石獨否再調知鄞縣起堤堰決陂塘為水陸之利貸穀與民立息以償俸新陳相易邑人便之安石遂自以其術可行於天下其後當國所措注皆本於此按宋名臣言行錄引見以道論政所行之法皆本於此然知行於通判舒州文彥博為一邑則可不知行於天下不可也通判舒州文彥博為相薦安石恬退之不次進用以激奔競之風尋召試館職不就修薦為諫官以祖母年高辭修以其須祿養言于朝用為羣牧判官請知常州移提點江東刑獄入為度支判官時嘉祐三年也安石議論高奇能以辨博濟其說果于自用慨然有矯世變俗之志於是上萬言書以為今天下財力困窮風俗衰壞患在不知法度不法先王之政因天下之力以生天下之財取天下之財以供天下之費自古治世未嘗以財不足為公患也患在治財無其道爾願監苟且因循之弊後安石當國其所措注大抵皆祖此書俄直集賢院先是館閣之命屢下安石屢辭士大夫謂其無意于世恨不識其面朝廷每欲畀以美官惟患其不就也明年同修起居注辭之累日閤門吏齎敕就付之拒不受吏隨而拜之則避于廡吏置敕于案而去又追還之上章至八九乃受遂知制誥伏讀通鑑輯覽 御批宋人勳勳奏辭某官惡習諸相仍不復知有致身大義安石新進小臣乃齎敕就

續通志

卷三百四十七

列傳 宋

付堅拒不已甚且趨之干觸不恭甚道徑除制誥遂不更察則其發難處幸事畢露乃仁宗與在廷諸臣方且想望其真也 糾察在京刑獄自是不復辭官矣有少年鬪鶻其儕求之不與恃與之昵輒持去少年追殺之開封當此人死安石駭曰按律公取竊取皆為盜此不與而彼攜以去是盜也追而殺之是捕盜也雖死當勿論遂劾府司失入事下審刑大理皆以府斷為是詔放安石罪當詣閤門謝安石不肯御史舉奏之置不問時有詔舍人院無得申請除政文字安石爭之語皆侵執政終英宗世召不起神宗在藩邸韓維為太子庶子薦安石自代甫即位命知江甯府數月召為翰林學士兼侍講熙寧元年始造朝入對帝問為治所先對曰擇術為先帝曰卿可謂責難于君一日講席羣臣退帝留安石因言唐太宗必得魏徵劉備必得諸葛亮然後可以有為二子誠不世出之人也安石曰陛下誠能為堯舜則必有皋夔稷禹誠能為高宗則必有傅說彼二子者何足道哉登州婦人惡其夫寢陋夜以刃斷之傷而不死獄上朝議皆當之死安石獨以為合從謀殺減二等論帝從安石說遂著為令二年拜參知政事上問卿所施設以何先安石曰變風俗立法度正方今之所急帝以為然于是設制置三司條例司伏讀通鑑輯覽 御批什一而稅方之利可徵而謂之古非特什一是一知聚斂之臣以特增利祿欲使人知自重可以省刑尤為謬見不思墨吏之所以病民者以其貪得無厭也即加之祿其貪猶是及其既犯而繩之以法庶幾懲一儆百乃乃竭竭萬姓之膏以充百司之囊何異其猛虎之噬人而先剗肉以啖之乎令判知樞密事陳升之同領之安石令其黨呂惠卿預其事而農田水利青苗均輸保甲免役市易保馬方田諸役相繼並興號為新法遣提舉官四十餘輩頒行

天下青苗法者以常平糶本作青苗錢散與人戶令出息二分春散秋斂均輸法者以發運之職改為均輸假以錢貨凡上供之物皆得從貴就賤用近易遠預知在京倉庫所當辦者得以便宜蓄買保甲之法籍鄉村之民二丁取一十家為保保丁皆授以弓弩教之職陣伏讀通鑑輯覽 御批保甲本周禮比閭遺意使民自相友助以收詰姦禁盜之益有司編籍考稽期無懈弛職廢而已若督責過嚴人皆畏其束縛則非所以保民而適以厲民且復授之弓弩教之職陣驅散食耕者既無適於用桀驁者或因而橫行尤無益而少有損是又泥寓兵于農之法而未免役之法據家賞高下各令出錢僱人充役下至單丁女戶本來無役者亦一槩輸錢謂之助役錢市易之法聽人賒貸縣官財貨以田宅或金帛為抵當出息十分之二過期不輸息外每月更加罰錢百分之二保馬之法凡五路義保願養馬者戶一匹以監牧見馬給之或官與其直使自市歲一閱其肥瘠死病者補償方田之法以東西南北各千步當四十一頃六十六畝一百六十步為一方歲以九月令佐分地計量驗地土肥瘠定其色號分為五等以地之等均定稅數伏讀通鑑輯覽 御批批時泰廣義謂方田是而非不知五方土性不齊所產亦異豈能強而同之則釐成賦土期無恃於一而且止必欲方量均額令佐隨廣周行農保已不勝其擾且自方帳之多立科條尤為煩瑣無當民間未得均賦之利已受更張之害善為政者必有免行錢者約京師百物諸行利入厚薄皆令納錢與免行戶祇應自是四方爭言農田水利古陂廢堰悉務興復又令民封狀增價以買坊場又增茶鹽之額又設措置河北糶使司廣積糧穀于臨瀛州縣以備饋運由是賦愈愈重而天下騷然矣御史中丞呂誨論安石過失十事帝為出誨安石薦呂公著代之韓琦諫疏至帝感悟欲從之安石求去司馬光答詔有

志五二八三

百營言當盡自勞思遇已衰籍此表其公王仍出於
自國計非由我之論也籍即以此貶斥而安石亦不久
罷免心勞日批及子雱死尤悲傷不堪力請解幾務罷
為鎮南軍節度使同平章事判江甯府明年改築禧觀
使封舒國公屢乞還將相印元豐三年復拜左僕射觀
文殿大學士換特進改封荆哲宗立加司空元祐元年
卒年六十八贈太傅紹聖中諡曰文配享神宗廟庭崇
寧三年又配食文宣王廟列於顏孟之次追封舒王欽

宗時楊時以為言詔停之高宗用趙鼎呂頤問言停宗
廟配享削其王封初安石訓釋詩書周禮既成頌之學
官天下號曰新義晚居金陵又作字說多穿鑿傅會黜
春秋之書不使列于學官至目為斷爛朝報性強忤遇
事無可否自信所見執意不同至議變法在廷交執不
可安石傳經義出己意辯論輒數百言眾不能誦甚者
謂天變不足畏祖宗不足法人言不足懼罷黜中外老
成人幾盡伏讀通鑑輯覽 御批以六藝文藝言者
武起而拯之遂以安石繼之莽流毒百姓二十餘年光
艾北狩南渡皆一人兆其機即謂其罪浮于莽可也

子雱
步字元澤為人慍悍陰刻無所顧忌性敏甚未冠已著
書數萬言年十三得秦卒言洮河事歎曰此可撫而有
也使西夏得之則吾敵疆而邊患博矣其後王韶開熙
河安石力主其意議蓋兆于此舉進士調旌德尉雱氣
豪晝晚一世不能作小官作策二十餘篇極論天下事
時安石執政所用多少年雱亦欲預選安石欲帝知而
自用乃以雱所作策及注道德經鏤板鬻于市遂傳達
于帝鄧綰曾布又力薦之召見除太子中允崇政殿說
書神宗數留與語受詔註詩書義擢天章閣待制兼侍
講書成遷龍圖閣直學士以病辭不拜安石更張政事

雱實導之常稱商鞅為豪傑之士言不誅異議者法不
行安石與程顥語雱囚首跣足攜婦人冠以出問父所
言何事曰以新法數為人所阻故與程君議雱大言曰
梟韓琦富弼之頭于市則法行矣安石遽曰兒快矣伏
通鑑輯覽 御批安石雱父子濟惡固君子之所棄
然固首跣足攜婦人冠以見其父於對客之時此或出
于惡者歸之之口未免已甚且安石乃卒時纔三十三
為名高之人亦豈肯容其子如是哉

特贈左諫議大夫
王安禮字和甫安石之弟也早登科從河東唐介辟熙
寧中鄜延路城寨鄂特河東發民四萬負餉宣撫使韓
絳檄使佐役後帥呂公弼將從之安禮爭曰民兵不習
武事今敵之深入此不為寇所乘則凍餓而死爾宜亟
罷遣公弼用其言民得歸而他路遇敵者全軍皆覆公
弼薦于朝神宗召對欲驟用之安石當國辭以為著作
佐郎崇文院校書他日得見命之坐有司言八品官無
賜坐者特命之遷直集賢院出知澗州湖州召為開封
府判官嘗偕尹秦事既退獨留訪以天下事帝甚鄉納
直舍人院同修起居注蘇軾下御史獄安禮從容言自
古大度之主不以言語罪人軾以才自奮今一旦致于
理恐後世謂陛下不能容才帝曰朕固不深譴也行為
卿貴之軾以故得輕比進知制誥尋星見詔求直言安
禮上疏曰人事失于下變象見于上意者左右大臣不
均不直謂忠者為不忠不賢者為賢乘權射利者用力
殫于溝壑取利究于閹夫足以干陰陽而召星變願察
親近之行杜邪枉之門至于所釀小數貶損舊章恐非
所以應天者帝覽數嘉歎以翰林學士知開封府事至
立斷前滯訟不得其情及具案而未論者幾萬人安禮
剖決未三月三獄院及畿赤十九邑囚繫皆空書揭于

府遵使過而見之歎息誇異帝聞之喜特升一階帝數
失皇子太史言民慕多追京城故不利國嗣詔悉改卜
無慮數十萬計眾洶懼安禮諫曰文王卜世三十其政
先於掩骼埋胔未聞遷人之冢以利其嗣者帝惻然而
罷遷者連得匿名書告人不軌所涉百餘家帝付安禮
治之安禮驗所指皆略同最後一書加三人有姓辭者
安禮呼問曰若豈有素不快者耶曰有持筆來售者拒
之執執去其意以見衙即命捕訊果其所為也即梟其
首于市不逮一人京師謂為神明宗室令駢以數十萬
錢買妾久而斥歸之訴府督元直安禮視妾既炙敗其
面矣即奏言此與炮烙之刑何異請勿理其直而加厚
譴以為戒詔從之仍奪令駢俸後宮造油箔約三年損
者反其價纔一年有損者中官持詣府請如約安禮曰
庸詎非置之不得其地為風雨燥濕所壞耶苟如是民
將無復得直卒不追以是宗室中貴人皆憚之元豐四
年初分三省置執政拜中大夫尚書右丞轉左丞王師
問罪夏國經原承受梁同奏轉運使葉康直餉米惡不
可食帝大怒安禮曰此一梁同之言疑未必實當按之
乃遣判官張大寧與同參覈且械繫康直以俟既而可
用者什八九帝意解赦康直是時伐夏不得志李憲又
欲再舉帝以訪輔臣王珪曰向所患者用不足朝廷今
捐錢鈔五百萬緡以供軍食有餘矣安禮曰鈔不可噉
必變而為錢錢又變為芻糧今距西征之期纔兩月安
能集事帝曰李憲以為已有備彼宦者能如是卿等獨
無意乎唐平淮蔡唯裴度謀議與主同今乃不出公卿
而出於閹寺朕甚恥之安禮曰淮西三州爾有裴度之
謀李光顏李愬之將然猶引天下之兵力歷歲而後定

志五二八五

今夏氏之疆非淮蔡比憲材非度匹諸將非有光顏愬
輩臣懼無以副聖意也伏讀通鑑輯覽 御批西夏之罪浮于淮蔡廷臣乃無一人效裴度贊成謀畫者且謂諸將非有光顏愬此其憚于
行師阻撓不遺餘力宜神宗有不出公卿而出於闕寺
之謂也公卿既無足與謀轉以關寺能盡心而任之國
事未有不日壞者明崇禎之亡國正復坐此然其時之
公卿亦足見無帝悟而止後欲除憲節度使安禮又以
一有人心者矣

永樂敗書聞帝曰安禮每勸朕勿用兵少置獄蓋為是
也久之御史張汝賢論其過以端明殿學士知江甯府
元祐中加資政殿學士歷揚青蔡三州又為御史言失
學士移舒州紹聖初還職知永興軍二年知太原府苦
風痺卧帳中決事下不敢欺卒年六十二贈右銀青光
祿大夫安禮偉風儀論議明辨常以經綸自任而闊略
細謹以故數貽口語云

王安國字平甫安禮之弟也幼敏悟未嘗從學文詞天
成年十二遂以文章聞于世於書無所不通數舉進士
又舉茂材異等有司考其所獻序言為第一以母喪不
試廬于墓三年熙寧初韓絳薦其材行召試賜及第除
西京國子教授官滿至京師帝以安石故賜對帝曰漢
文帝何如主對曰三代以後未有也帝曰但恨其才不
能立法更制爾對曰文帝自代來入未央宮定變故俄
頃呼吸間恐無才者不能至用賈誼言待羣臣有節專
務以德化民海內興于禮義幾致刑措則文帝加有才
一等矣帝曰王猛佐苻堅以蕞爾國而令必行今朕以
天下之大不能使人何也曰猛教堅以峻刑法殺人致
秦祚不傳世今刻薄小人必有以是誤陛下者願願以
堯舜三代為法則下豈有不從者乎又問卿兄秉政外
論謂何日恨知人不明聚斂太急耳帝默然不悅由是

別無恩命止授崇文院校書後改祕閣校理屢以新法
力諫安石又質責曾布誤其兄深惡呂惠卿之姦先是
安國教授西京頗溺於聲色安石在相位以書戒之曰
宜放鄭聲安國復書曰亦願兄遠佞人惠卿銜之及安
石罷相惠卿遂因鄭俠事陷安國坐奪官放歸田里既
而復其官命下而安國卒年四十七

欽定續通志卷三百四十七

原
书
缺
页

原
书
缺
页

職知誠州明年復知河中還其職帥永興移大名宗孟
厥苦易地復求河中卒年六十六

黃履字安中邵武人少游太學舉進士調南京法曹又
為高密廣平王二宮教授館閣校勘同知禮院擢監察

御史裏行辭御史改崇政殿說書兼知諫院神宗嘗詢
天地合祭是非對曰國朝之制冬至祭天圓丘夏至祭

地方澤每歲行之皆合於古猶以有司攝事未足以盡
於是三歲一郊而親行之所謂因時制宜者也合祭之

非在所當正然今日禮文之失非獨此也願敕有司正
羣祀為一代損益之制詔置局詳定命履董之北郊之

議遂定同修起居注進知制誥同修國史遭母憂去服
除以禮部尚書召對閩省苦鹽法按宋時稱福建路無
閩省名應係後人傳

寫之神宗謂履自閩來將以為決厲乃陳法甚便遂不
復革卿論鄱之遷御史中丞履以大臣多因細故罰金

遂言罪在可議黜之可也可恕釋之可也豈可罰以示
辱時又制侍郎以下不許獨對履言陛下博訪萬務雖

遠外微官猶令獨對願於侍從乃弗得邪遂刊其制御
史程忠按東都事
略作程忠言事有旨詰所自來履諫曰御史以

言為職今乃究其自來則人將懲之台諫不復有聞矣
恐失開言路之意事乃寢哲宗即位徙為翰林學士履

素與蔡確章惇邢恕相交結每確惇有所嫌惡則使恕
道風旨於履履即排擊之至是更自謂有定策功劉安

世發其罪以龍圖閣直學士知越州坐舉御史不當降
天章閣待制歷舒洪蘇鄂青州江寧應天預昌府紹聖

初復龍圖閣直學士為御史中丞極論呂大防劉摯梁
燾垂簾時事乞正典刑又言司馬光變更先朝已行之

法為罪先是北郊之論雖定猶不果行履又建言聖人

因天祀天因地祀地三代至漢其儀不易及王莽詔事
元后遂躋地位同席共牢歷世襲行不能全革逮神宗

考古探今以正大典嘗有意於茲矣今承先志當在陛
下及二三執政哲宗詢諸朝章惇以為北郊止可謂之

社履曰天子祭天地蓋郊者交於神明之義所以天地
皆稱郊故詩序云郊祀天地若夫社者土之神而已豈

有祭大祇亦謂之社乎哲宗可之遂定郊議拜尚書右
丞會正言鄒浩以言事貶新州履曰浩以親被拔擢之

故敢犯顏納忠陛下遠斥之死地人臣將視以為戒誰
復敢為陛下論得失乎乞徙善地坐罷知亳州徽宗立

召為資政殿學士兼侍讀復拜右丞未踰年求去加大
學士提舉中太一宮卒

蔡挺字子政宋城人第進士調慶州推官秩滿授陵州
團練推官王堯臣安撫陝西辟管勾文字范仲淹宣撫

陝西河東奏挺通判涇州徙鄜州河北多盜以挺知博
州申飭屬縣嚴保伍得居停姦盜者數人使之察警盜

每發輒得均博平聊城二縣稅歲衍鉅萬三司下其法
於四方然大抵增賦也為開封府推官提點府界公事

部修六塔河用李仲昌議塞北流入于大澤按東都事
考宋史河渠
志亦作六塔一夕復決兵夫芟捷漂溺不可計降滁州

言者以為輕乃貶秩停官越數歲起知南安軍提點江
西刑獄提舉慶州監江關鹽鐵率十百為州縣害挺論

所部與期使首納器甲原其罪得兵械萬計官鹽惡而
價貴盜鹽善而價且下私販日滋挺簡僚吏至淮轉新

鹽明殿賞以官數之餘昇之於是賊黨破散宿弊遂絕
歲增賣鹽四十萬改陝西轉運副使進直龍圖閣知慶

州因上書論攻守大計夏人大入挺盡斂邊戶入保戒

諸若無出敵涼祚親帥軍數萬攻大順挺料城堅不可
破而柔遠城惡亟遣總管張玉將銳師守之先布鐵蒺

藜大順城旁水中騎渡水多蹟驚言有神諒祚督帳下
決戰挺伏強弩擲外飛矢貫其鎧遂引卻移寇柔遠玉

夜斫營夏人驚擾潰去環州熟羌思順投諒祚為鄉導
挺宣言思順且復來命葺其舊舍出兵西為迎候之舉

諒祚果疑思順毒之死挺築城馬練平為荔原堡分熟
羌三千人守之神宗即位加天章閣待制知渭州籍禁

兵悉還府不使有隱占建勳武堂五日一訓之甲兵整
習常若寇至又分義勇為伍番三千人參正兵防秋與

春以八月正月集四十五日而罷歲省粟帛錢緡十三
萬有奇括並邊生地買耕田千八百頃按東都事略作
四十八百頃

募人佃種以益邊民闢市蕃部田八千頃以給弓箭手
又築城定戎軍為熙密營開地二千頃募卒三千人耕

守之謀告夏人候胡盧河挺出奇兵迎擊之夏人潰分
諸將躡而討之蕩其七族進右諫議大夫賜金帛夏人

復犯諸砦環慶兵不能禦挺遣張玉以萬人往解其圍
慶州兵變挺討平之進龍圖閣直學士卒徙營厭憚遷

欲為亂城中震擲挺斬首惡十九人訖徙蕃部歲饑
以田質於弓箭手過期輒沒挺為資官錢歲息什一後

遂推為蕃漢青苗助役法又自以意製渡河大索及兵
械皆獲其用熙寧五年拜樞密副使帝問挺涇原訓兵

之法召部將按于崇政殿下以諸郡法契丹議雲中地
挺請罷沿邊戍人示以無事因乞置三十七將皆行其

策七年冬奏事殿中疾作罷為資政殿學士判南京留
司御史臺元豐二年薨年六十六贈工部尚書諡曰敏

肅挺諠而多知人莫能竊其城府在渭久鬱鬱不自聊

萬意詞曲有玉關人老之歎中使至則使優伶歌之以達于禁掖神宗怒焉遂有樞密之拜云兄抗

抗字子直中進士調太平州推官聞父疾委官去稍遷陸親宅講書英宗在藩邸器重之請於安懿王願得與

游每見必衣冠盡禮義兼師友再遷太常博士通判秦州為秘閣校理乞知蘇州州並江湖民田苦風潮害抗

築長隄自城屬崑山五十里民得立厓塢大以為利徙廣東轉運使岑水銅冶廢官給虛券久不償人無所

取資抗盡給之番禺歲運鹽英詔道遠多侵竊雜惡抗命十舸為一運擇官主之歲終會其殿最增十五萬緡

英宗立召為三司判官及入對論曰卿乃吾故人朕望於卿者厚勿以常禮自疏也以史館修撰同知諫院

兼起居舍人同知諫院方議安懿王典禮抗引禮為人後之誼指陳切至涕泣被面帝亦感泣都城大水抗

推原變異在漑園議大臣畏其諫列白為知制誥遷龍圖閣直學士知定州命為太子詹事未至而神宗立改

樞密直學士知秦州過關帝見之悲慟不自勝曰先帝疾大漸猶不忘卿遂赴鎮秦有質院質諸羌百餘人自

少至老屬繫之非死不出抗皆縱釋約毋得擅相仇殺莫敢奸令驟得疾卒特贈禮部侍郎

王詔字子純江州德安人第進士調新安主簿建昌軍司理參軍客游陝西訪采邊事熙寧元年詣關上平戎

策三篇其略以為欲取西夏當先復河湟則夏人有腹背受敵之憂夏人比年攻青唐不得克萬一克之必併

兵南向大掠秦渭之間牧馬于蘭會斷古渭境盡服南山生羌西築武勝遣兵時掠洮河則隴蜀諸郡當盡驚

擾武威之南至于洮河蘭鄯皆故漢郡縣所謂湟中浩

壘大小榆枹罕土地肥美宜五種幸今諸羌瓜分莫相統一此正可并合而兼撫之時也諸種既服則嘉勒氏

敢不歸而河西李氏在吾股掌中矣且嘉勒氏子孫棟斂差盛為諸羌所畏按宋史本傳作韋珍差盛考神宗

年始嗣立此時為諸羌所畏時棟斂尚在其孫韋珍于元祐三年不得指為韋珍詳具下案若招諭之使居武勝或渭

源城使糾合宗黨制其部族習用漢法為肘腋之助且使夏人無所連結策之上也神宗異其言召問方略以

詔管幹秦鳳經略司機宜文字蕃部俞龍珂在青唐最大渭源羌與夏人皆欲羈屬之諸將議先致討因按

邊引數騎直抵其帳諭其成敗遂留宿明且兩種皆遣其豪隨以東久之龍珂率屬十二萬口內附所謂包順

者也詔又言渭源至秦州良田不耕者萬頃願置市易司頗籠商賈之利取其贏以治田帝從其言改著作佐

郎仍命詔提舉經略使李師中言詔乃欲指占極邊弓箭手地耳又將移市易司於古渭恐秦州自此益多事

所得不補所亡王安石主詔議為罷師中以寶舜卿代且遣李若愚按實若愚至問田所在詔不能對舜卿檢

索僅得地一頃既地主有訟又歸之若愚奏其欺安石又為罷舜卿而命韓縝縝遂附會實其事師中舜卿皆

坐謫而詔為太子中允秘閣校理後帥郭達上詔盜貨市易錢安石以為不足校徒逋逋原帝志復河隴築古

渭為通遠軍以詔知軍事五年七月引兵城渭源堡及乞神平破蒙羅嘉勒瑪爾瑞巴等族初羌保險諸將謀

置陣平地詔曰當使險為吾有乃徑趨瑪爾邦山壓敵軍而陣令曰敢言退者斬賊乘高下圍師小卻詔躬披

甲胄麾帳下兵逆擊之羌大潰焚其廬帳而還洮西大震會摩展渡洮為之援餘黨復集詔命別將田牛牛嶺

路張軍聲而潛師越武勝遇摩展首領韓裕勒等與戰破之遂城武勝建為鎮洮軍進右正言集賢殿修撰復

擊走摩展降其部落二萬更名鎮洮為熙州以熙河洮岷通遠為一路詔以龍圖閣待制知熙州六年三月取

河州遷樞密直學士降羌叛詔回軍擊之摩展以其間據河州詔進破格諾木桑城穿露骨山南入洮州境道

陘隘釋馬徒行摩展留其黨守河州自將尾官軍詔力戰破走之河州復平連拔宕岷二州疊洮羌酋皆以城

附軍行五十有四日涉千八百里得州五斬首數千級獲牛羊馬以萬計進左諫議大夫端明殿學士七年入

朝又加資政殿學士賜第崇仁坊還至熙熙方城守命撤敗於踏白城摩展圍河州日夜馳至熙熙方城守命撤

之選兵得二萬議所向諸將欲趨河州詔曰賊所以圍城者恃有外援也今知救之必設伏待我且新勝氣銳

未可與爭當出其不意以攻其所恃此所謂批亢擣虛形格勢禁則自為解者也乃直扣定羌城破結河族斷

夏國通路進臨寧河分命偏將入南山羌知援絕拔柵去初思立之覆師也羌勢復熾朝廷議棄熙河帝為之

旰食數下詔戒詔持重勿出及是帝大喜詔還熙州以兵循西山繞出踏白後焚八千帳摩展窮蹙旬降俘以

獻拜觀文殿學士禮部侍郎資政觀文學士未幾召為樞密副使熙河雖名一路而實無租入軍食皆仰給

他道轉運判官馬城摺官吏細故詔欲罷城王安石右城詔始沮於是與安石異帝語安石勉留之安石之役

詔言決里廣源之建臣以為貪虛名而忘實禍因謂熙河事非其本意至以勤兵費財歸曲朝廷帝由是不悅

以故罷職知洪州又坐謝表怨慢落職知鄂州元豐二

年還其職復知洪州四年病疽卒年五十二贈金紫光祿大夫諡曰襄敏詔用兵有機略嘗夜卧帳中前部遇敵矢石已交呼聲震山谷侍者往往股栗而部鼻息自如人服其量子十人厚寮最顯厚字處道少從父兵間暢習羌事官累通直郎元祐棄河湟厚上疏陳不可不聽紹聖中用薦者換禮賓副使幹當熙河公事會羌酋轄珍隆贊爭國河州守將王騰與厚同獻議復故地元符二年六月師出塞七月下邈川降轄珍九月次青唐隆贊出迎遂定湟鄯詔賜隆贊姓名曰趙懷德進厚東上閣門副使知湟州既而他種叛合兵來攻厚不能支乃以昇懷德而貶厚石內府率再貶賀州別駕崇寧初蔡京復開邊還厚前秩於是羌人多羅巴奉懷德之弟希沙羅薩謀復國懷德畏偃奔河南種落更挾之以令諸部朝廷患眾羌扇結命厚安撫洮西遣內客省使童貫偕往多羅巴知王師且至集眾以拒厚聲言駐兵而陰戒行羌備益弛乃與偏將高永年異道出多羅巴三子以數萬人分據險厚進擊破殺之唯少子阿蒙中流矢去道遇多羅巴與俱遁遂拔湟州以功進威州團練使熙河經略安撫三年四月厚帥大軍次于湟命永年將左軍循宗水而北別將張誠將右軍出宗谷而南自將中軍趨綏遠期會宗哥川羌置陳臨宗水備北山厚麾游騎登山攻其背親帥強弩迎射羌退走右軍濟水擊之大風從東南來揚沙擊羌目遂大敗羅薩以一騎馳去其母龜茲公主與諸酋開鄯州降厚將大軍趣鄯州酋落施軍令結以眾隨入鄯州超拜厚武勝軍節度觀察留後明年羅薩復入寇永年戰死羌焚大通河橋以叛新疆大震厚坐逗遛降鄯州防禦使已而趙懷德

約降未決厚以書諭之懷德納款還厚舊官入朝提舉禮泉觀卒贈寧遠軍節度使諡曰莊敏宋字輔道好學工詞章登第至校書郎後以左道誅辭向字師正以祖顏任太廟齋郎為永壽主簿權京兆戶曹為邠州司法參軍夏人叛秦中治城侍御史陳洎行邊向詣洎陳三微言今板築暴興吏持斧四出伐木無間井闢邱隴民不敢訴必不得已且葺邊城函關秦東塞今西鄉設守是為棄關內乎三司貸龍門富人錢以百年全盛之天下一方有警即稱貸於民非義也洎上其說悉從之監在京權貨務連歲羨緡錢當還秩移與其兄三司判官董沔議改河北便糴行鈔法向日如此則都內之錢不繼茶鹽香象將益不售有司主沔議既而邊糴滯不行沔出黜以向知鄜州大水冒城郭沈室廬死者相枕郡卒戍延安詣主將求歸視弗得皆亡奔至則家人無存者聚謀為盜民大恐向遣吏曉之曰冒法以赴急人之常情而不聽若背歸此武將不知變之過也亟往收溺尸黃汝擅還之罪眾入庭下泣謝一境乃安又論河北糴法之弊遇穀貴則官糴於澶魏載以給邊新陳未交則散糴價以救民乏軍食有餘則坐倉收之此策一行穀將不可勝食朝廷是向計始置便糴司於大名以向為提點刑獄兼其事入為開封度支判官權陝西轉運副使制置解鹽鹽足支十年而歲調哇夫數千向奏損其數兼提舉馬牧沙苑養馬歲得駒三百而費錢四十萬占田千頃向請斥閒田予民收租入以市之乃置場於原渭以羨鹽之直市馬於是馬一歲至萬匹昭陵復土計用錢糧五十萬貫石三司不能供億將移陝西緣邊鹽中于永安縣向陳五不可

以為失信商旅遂舉所關之數以獻尋坐事罷知汝州甫數月復以為陝西轉運使凡將漕八年所入鹽馬芻粟數累萬民不益賦其課為最夏將鬼名山以綏州來歸青澗城主種諤將往迎詔向與議諤不俟命亟率所部出塞遂城之廷議劾諤擅興諤既向亦罷知絳州再貶信州移潞州神宗知向材以為江浙荆淮發運使綱舟歷歲久篙工利於盜貨營假風水沈溺以滅迹向募客舟分載以相督察官舟有定數多為主者冒占悉奪還俾謂本曹受遣以地有美惡利有重輕為主等式用所漕物為誅賞遷天章閣待制熙寧四年權三司使遷向右諫議大夫河洮洩用兵縣官費不可計向未嘗乏供給及解嚴上疏乞戒將帥裁盜員汰冗卒省浮費節橫賦手救褒納進龍圖閣直學士遼人求代北地北邊擇牧加樞密直學士給事中知定州高陽關募兵敵陰遣人應選向諜知之遣邏捕取之械送瀛州戮於市北使久留都亭數出不遜語而雲應點兵涿易治道僉謂必論盟向日彼欲疆議速成故多張虛勢以撼我使者懼不如其請故肆妖言以傲倖取成兵來不除道其亦無能為也已後皆如向言遷工部侍郎元豐元年召同知樞密院向幹局絕人尤善商財計算無遺策用心至到然甚者不能無病民所上課間失實時方尚功利王安石從中主之御史數有言不聽也向以是益得展奮其材業至於論兵帝所通暢明決遂得大用及在政地同列質以西北事則養威持重未嘗啟其端會詔民畜馬向既奉命旋知民不便議欲改為於是舒實論向反覆無大臣體斥知潁州又改隨州卒年六十六元祐中諡曰恭敏子紹彭有翰墨名中子嗣昌

章棗字質夫建州浦城人祖頌為侍御史棗以叔得集
 蔭為孟州司戶參軍應舉入京聞父封對子魏棄不就
 試馳往直其冤還試禮部第一擢知陳留縣歷提舉陝
 西常平京東轉運判官提點湖北刑獄成都路轉運使
 入為吏部考功右司員外郎元祐初以直龍圖閣知慶
 州時朝廷戡兵戒邊吏勿妄動且捐葭蘆安疆等四砦
 于夏使歸其永樂之人夏得砦益驕棗言夏嗜利畏威
 不有懲艾邊不得休息遂乘便出討以致其師夏果人
 圍環州棗先用間知之遣驍將折可適伏兵洪德城夏
 師過之伏兵識其母梁氏旗幟鼓譟而出斬獲甚眾又
 預壽於牛園瀟水夏人馬飲者多死召權戶部侍郎明
 年除知同州紹聖初知應天府加集賢殿修撰知廣州
 徙江淮發運使哲宗訪以邊事對合旨命知涇州至即
 上言城胡蘆河川據形勝以偏夏築二城于石門峽江
 口好水河之陰二旬有二日成賜名平夏城靈平砦方
 興役時夏以其眾來乘棗迎擊敗之既而環慶鄜延河
 東熙河皆相繼築城進拓其境夏人睥視不敢動夏主
 遂奉其母合將數十萬兵圍平夏不能克一夕遁去夏
 統軍威明阿適錫舒監軍瑪勒都爾伯皆勇悍善戰棗
 謀其弛備遣折可適郭成輕騎夜襲直入其帳執之盡
 俘其家虜餼三十餘按東都事牛羊十萬夏主震駭哲
 宗親御紫宸殿受質累擢棗樞密直學士龍圖閣端明
 殿學士進階太中大夫棗在涇原四年凡創州一城砦
 九薦拔偏裨不聞虧役至於夏降人折可適李忠傑朱
 智用咸受其馭夏自平夏之敗不復能軍屢請命乞和
 哲宗亦為之寢兵棗立邊功為西方最時章惇用事棗
 與惇同宗其得與事頗為世所疑徽宗立請老徙知河

南入見留拜同知樞密院事踰年力謝事罷受資政殿
 學士中太一宮使未幾卒贈右銀青光祿大夫諡曰莊
 簡棗七子緯綜綜綰緝緝綰綰最知名緯繇推官為
 戶部員外郎提點淮南東路刑獄權知揚州兼提舉香
 鹽事時方鑄崇寧大錢令下市區畫開人持錢買物至
 日吁皇皇無肯售緯飭市易務致百貨以小錢收之且
 撤倉吏糶米以大錢予之盡十日止民心遂安未幾新
 鈔法行舊鈔盡廢一時商賈束手或自殺緯得訴者所
 持舊鈔為錢以千計者三十萬上疏言鈔法誤民請如
 初以示大信上怒罷緯降兩官緯第進士歷陝西轉運
 判官入為戶部員外郎中書侍郎劉達之妻緯姊也達
 漸復元祐之政綜多贊之蔡京欲擠達且甚綜不附已
 使其黨攻之出綜湖州論者不已差主管西京崇福宮
 及京復相遂與制獄領章氏降罷除名者十餘人時論
 冤之

常秩字夷甫潁州汝陰人舉進士不中廢居里巷以經
 術著稱嘉祐中賜束帛為潁州教授除國子直講又以
 為大理評事治平授忠武軍節度推官知長葛縣皆不
 受神宗即位三使往聘辭熙寧三年詔郡以禮敦遣母
 聽秩辭明年始詣闕帝曰先朝累命何為不起對曰先
 帝亮臣之愚故得安閭巷今陛下嚴詔趣迫是以不敢
 不來非有所決擇去就也帝悅問今何道免民於凍餒
 對曰法制不立庶民食侯食服侯服此今日大患也臣
 才不適用願得辭歸帝曰既來安得不少留即拜右正
 言直集賢院管幹國子監俄兼直舍人院遷天章閣侍
 講尚修起居注仍使供兼職復乞歸改判太常寺七年
 進寶文閣待制兼侍讀命其子立校書崇文院九年病
 不能朝提舉中太一宮判西京留司御史台還潁十年
 卒贈右諫議大夫秩平居為學求自得初隱居既不肯
 仕世以為必退者也後安石為相更法天下沸騰以為
 不便秩在閭閻見所下令獨以為是一召遂起在朝廷
 任諫爭為侍從低首抑氣無所建明聞望日損為時譏
 笑秩長於春秋至斥孫復所學為不近人情著講解數
 十篇自謂聖人之道皆在於是及安石廢春秋遂盡諱
 其學

鄧綰字文約成都雙流人舉進士為禮部第一稍遷職
 方員外郎熙寧三年冬通判甯州時王安石得君專政
 條上時政數十事以為習安玩治當事更化其辭蓋媚
 王安石又貽以書頌極其佞諛安石薦於神宗驛詔對
 帝問安石及呂惠卿以不識對退見安石欣然如素交
 除集賢校理檢正中書孔目房鄉人在都者皆笑且罵
 綰曰笑罵從汝好官須我為之尋同知諫院獻所著洪
 範建極錫福論明年遷侍御史知雜事判司農司時常
 平水利免役保甲之政皆出司農故安石藉綰以威眾
 綰請先行免役于府界次及諸道利州路歲用錢九萬
 六千緡而轉運使李瑜率三十萬緡言均役本以裕民
 今乃務聚斂積寬餘宜加重黜富獨在毫不散青苗錢
 綰請付吏究治繼縣民訴助役詔詢其便否兩行之綰
 與曾布輒上還堂帖中丞楊繪言未聞司農得繳奏者
 不報凡呂公著謝景溫所置推直官主簿悉罷去之而
 引蔡確唐坳為御史五年春擢御史中丞又加龍圖閣
 待制遼人來理邊地屯兵境上聲言將用師於是兩河
 戒嚴且令河北修城守之具綰曰非徒無益且大擾費
 安石去位綰頗附呂惠卿及安石復相綰欲彌前迹乃

發惠卿置田華亭事出知陳州又論三司使章惇協濟其姦出知湖州初惠卿弟和卿劄手實法縮日凡民養生之具日用而家有之今欲盡令疏實則家有告計之憂人懷隱匿之慮無所措手足矣商賈通殖貨財交易有無不過服食器用米粟絲麻布帛之類或春有之而夏以蕩析或秋貯之而冬已散亡公家簿書何由拘錄其勢安得不犯徒使罷訟者趨賞報怨以相告訐畏怯者守死忍困而已詔罷其法遷翰林學士仍爲中丞縮慮安石去失勢乃上言宜錄安石子及婿仍賜第京師帝以語安石安石曰縮爲國司直而爲宰臣乞恩澤極傷國體當黜又薦彭汝礪爲御史安石不悅遽自劾失舉帝謂縮操心頗僻賦性姦回論事薦人不循分守斥知虢州踰歲爲集賢院學士知河陽元豐中以待制知荆南陝陝徙永興軍改青州奏言歲大稔斗粟五七錢帝知其佞令提舉官酌市價以聞進龍圖閣直學士知鄧州元祐初徙揚州言者論其姦改滁州未去鄧而卒年五十九子洵仁洵武洵仁大觀中爲尙書右丞

洵武字子常第進士爲汝陽簿紹聖中哲宗召對爲祕書省正字校書郎國史院編修官撰神宗史議論專右蔡卞詆誣宣仁后尤切史禍之作其力居多遷起居舍人徽宗初改祕書少監既而用蔡京薦復史職御史陳次升陳師錫言洵武父縮在熙寧時以曲媚王安石神宗數其邪僻姦回今置洵武太史豈能公心直筆發揚神考之盛德而不掩其父之惡乎且其人材凡近學問荒繆不足以當此選不聽遷起居時韓忠彥曾布爲相洵武因對言必欲繼志述事非用蔡京不可京出居外鎮帝未有意復用也洵武又爲帝言陛下方紹述先志羣臣無助者乃作愛莫助之圖以獻其圖別爲左右左曰元豐右曰元祐左序助紹述者執政中唯溫益一人餘不過三四若趙挺之范致虛王能甫錢適之屬而已右序舉朝輔相公卿百執事以百數帝出示曾布而揭去左方一姓名布請之帝曰蔡京也洵武謂非相此人不可以與卿不同故去之布曰洵武既與臣所見異臣安敢豫議明日改付溫益欣然奉行請籍異論者於是決意相京進洵武中書舍人給事中兼侍讀撰撰哲宗實錄遷吏部侍郎洵武疏言神宗稽古建官既正省臺寺監之職而以寄祿階易空名矣今在選七階自兩使判官至主簿尉有帶知安州雲夢縣而爲河東幹當公事者有河中司錄參軍而監楚州鹽場者有瀛州軍事推官知大名府元城縣充濮州教授者殺亂紛錯莫甚於此謂宜造爲新名因而制祿詔悉更之遷刑部尙書又請初出官人兼用刑法試俾知爲吏之方崇寧三年拜尙書右丞轉左丞中書侍郎妖人張懷素獄與其黨有與洵武連婚者坐出知隨州提舉明道宮復端明殿學士知亳州河南府召爲中太一宮使連進觀文殿學士爲大名尹政和中夏祭入侍祠以右神觀使兼侍讀留修國史改保大軍節度使未幾知樞密院五谿蠻擾邊卽倣陝西弓箭手列募邊民習知溪洞險易者置所司教以戰陣勸以耕牧得勝兵幾萬人以鎮撫之遷特進拜少保封莘國公恩典如宰相宣和元年卒年六十五贈太傅諡曰文簡鄧氏自縊以來世濟其姦而洵武阿二蔡尤力京之敗亂天下禍源自洵武起焉

李常常問曰君從南方來民謂青苗法何如定曰民便之無不喜者常曰與朝方共爭是事君勿爲此言定卽往白安石且曰定但知據實以言不知京師乃不許安石大喜謂曰君且得見益爲上道之立薦對神宗問青苗事其對如曩言於是諸言新法不便者帝皆不聽命定知諫院宰相言前無選人除諫官者遂拜太子中允監察御史裏行知制誥宋敏求蘇頌李大臨封還制書皆罷去御史陳薦疏定頃爲涇縣主簿聞庶母仇氏死匿不爲服詔下江東淮浙轉運使問狀奏云定嘗以父年老求歸侍養不云持所生母服定自辯言實不知爲仇所生故疑不敢服而以侍養解官曾公亮謂定當追行服安石力主之改爲崇政殿說書御史林旦薛昌朝言不宜以不孝之人居勸講之地併論安石章六七上安石又白罷兩人定亦不自安漸解職以集賢校理檢正中書吏房直舍人院同判太常寺八年加集賢殿修撰知明州元豐初召拜寶文閣待制同知諫院進知制誥爲御史中丞劾蘇軾湖州謝上表擿其語以爲侮慢因論軾自熙寧以來作爲文章怨謗君父交通戚里逮赴臺獄窮治會赦論不已竄之黃州方定自軾軾獄勢不可回一日於崇政殿門外語同列曰蘇軾乃奇才也俱不敢對請復六案糾察之職并諸路監司皆得鈎考從之善出東方求直言太史謂有兵變帝命宦者視衛士飲食定言一飯不足市恩適起小人之心乃止或議廢明堂祀帝以訪定定曰三歲一郊或明堂祖宗以來未之有改誰爲此言願治其妄帝曰聽卿言足矣遷翰林學士坐論府界養馬事失實罷知河陽留守南京召爲戶部侍郎哲宗立以龍圖閣學士知青州移汝甯府

言者爭暴其前過又謫居滁州元祐二年卒公論惡之舒直字信道明州慈谿人試禮部第一調臨海尉民使

酒嘗逐後母按東都事略作逐其叔母至直前命斬之不服即自起斬之投劫去王安石嘗國聞而異之御史張商英亦稱

其材用為審官院主簿使熙河括田有績遷奉禮郎鄭俠既貶復被逮直承命往捕遇諸陳搜俠篋得所錄名

臣諫草有言新法事及親朋書盡悉按姓名治之直俠嶺南馮京王安國諸人皆得罪擢直太子中允提舉兩

浙常平元豐初權監察御史裏行太學官受賂事聞直奉詔驗治凡辭語微及者輒株連考以多為功加集賢

校理同李定劾蘇軾作為歌詩譏訕時事直又言王詵輩公為朋比欲並誅司馬光張方平范鎮陳襄劉摯帝

覺其言為過但貶軾誅而光等罰金未幾同修起居注改知諫院張商英為中書檢正遺直手帖示以子瓘所

為文直具以白云商英為宰屬而干請言路坐責監江陵稅始直以商英薦得用及是反陷之進知雜御史判

司農寺超拜給事中權直學士院踰月為御史中丞舉劾多私氣焰熏灼見者側目獨憚王安禮直在翰林受

厨錢越法三省以聞命下大理初直言尚書省凡奏鈔法當置簿錄其數目今違法不錄為大臣欺罔為尚書

省取臺中受事籍驗之亦無錄目直遷雜他文書送省於是執政復發其欺大理鞠厨錢事謂直為誤法官吳

處厚較之御史楊畏言直所受文籍具在無不承之理帝曰直自盜為賊情輕而法重詐為錄目情重而法輕

身為執法而詐妄若是安可置也命追兩秩勒停直比歲起獄好以疑似排抵士大夫雖坐微罪廢斥然遠近稱快十餘年始復通直即崇寧初知南康軍辰溪蠻叛

蔡京使知荆南以開邊功由直龍圖閣進待制明年卒贈直學士

蹇周輔字瞻翁按東都事略作瞻翁成都雙流人少與范鎮何郯為布衣交年未冠試大廷不第鎮郯既貴遂周輔始特

奏名再舉進士知宜賓石門二縣通判安肅軍為御史臺推直官善於訊鞠鈎索微隱皆用智得情嘗有詔獄

事連掖庭掌實侍史它司累月不能決乃命周輔度不可追逮奏請以要辭示主者詰服之時以為知體及治

李逢獄竟台臣雜治無異辭神宗稱其能擢開封府推官出為淮南轉運副使盜廖恩聚黨閩中多害兵吏改

使福建護諸將以討之恩遂降元豐初循唐制歸百司獄於大理寺選為少卿遷三司度支副使先是湖南例

食准鹽周輔始請運廣鹽數百萬石分鬻郴全道州又以淮鹽增配潭衡諸郡湘中民愁困法既行遂領於度

支以集賢殿修撰為河北都轉運使進寶文閣待制召為戶部侍郎知開封府事多不決授中書舍人不拜改

刑部侍郎元祐初言者暴其立江西福建鹽法措克欺誕負公擾民罷知利州按東都事略作和州徙廬州卒年六十六

周輔為吏深文刻覈子序辰序辰字授之登第後數年以泗州推官主管江西常平

易京西旋提舉江西常平繼父行鹽法為監察御史遷殿中侍御史右司諫哲宗立改司封員外郎周輔得罪

以序辰成其惡降簽書廬州判官起知楚州提點江東刑獄紹聖中遷左司員外郎進起居郎中書舍人同修國史疏言朝廷前日正司馬光等姦惡明其罪罰以告

中外實狀彰著然蹤迹深秘包藏禍心相去八年之間蓋已不可究質其章疏案牘散在有司若不彙緝而蔽

之歲久必致淪棄願悉討姦臣所言所行選官編類人為一帙以示天下後世遂命序辰及徐鐸編類由是縉

紳之禍無一得脫者遷禮部尚書與安惇看詳訴理事以奉使遼國無狀黜知黃州閏四月除龍圖閣待制知

揚州徽宗立中書言序辰類元祐章牘傳致語言指為謗訕詔與惇並除名勒停放歸田里蔡京為相復拜刑

部禮部侍郎為翰林學士進承旨有言其在先帝過密中以音樂自娛者黜知汝州二年徙蘇州坐縱部民盜

鑄錢請單州團練副使江州安置移永州會赦復官中奉大夫卒序辰善傳會深文刻覈似其父云

王廣淵字才叔大名成安人以進士為大理法官編排中書文字裁定祖宗御書十卷仁宗嘉之英宗居藩

邸廣淵因見昵獻所為文及即位除直集賢院諫官司馬光言廣淵交結奔競世無與比當仁宗之世私自託

於陛下豈忠臣哉今當治其罪而更寬之何以厲人臣之節帝不聽用為羣牧三司戶部判官加直龍圖閣帝

有疾中外憂疑不能寢食帝自為詔諭之曰朕疾少間矣廣淵宣言於眾神宗立言者劾其漏泄禁中語出知

齊州改京東轉運使章奏曾公亮王安石以方春農事興而民苦乏兼并之家得以乘急要利乞留本道錢帛

五十萬貸之貧民歲可獲息二十五萬從之其事與青苗錢法合安石始以為可用召至京師御史中丞呂公

著論其舊惡還故官程顥李常又論其抑配括克迎朝廷旨意以困百姓會河北轉運使劉庠不散青苗錢奏

適至安石曰廣淵力主新法而遭劾劉庠故壞新法而不問舉事如此安得人無向背故願與常言不行徙使河東擢寶文閣待制知慶州宣撫使與師與夏境檄慶

會兵方授甲卒長吳遠以軍亂廣淵亟召五營兵禦之
遠率二千人斬闖出廣淵遣部將姚兕林廣追擊降其
眾柔遠三都戍卒欲應賊不果廣淵陽勞之使還戍潛
遣兵間道邀襲盡戮之猶以盜發所部削兩秩二年進
龍圖閣直學士知渭州廣淵小有才而善附會所辟置
類非其人非貴游子弟即胥史輩至於濮宮書吏亦預
選已下詔切責卒年六十贈右諫議大夫元豐初以其
被遇先帝擢其弟臨爲兵部郎中直昭文館子得君賜
進士出身

王陶字樂道京兆萬年人第進士至太常丞除太子中
允嘉祐初爲監察御史裏行衛卒入延福宮爲盜有司
引疏決恩降其罪陶曰禁省之嚴不應外用間會降爲
比於是流諸海島王者皆論罰中貴人導煉丹者入禁
廷陶言漢唐方士名爲化黃金益年壽以惑人王者後
皆就戮請出之陳升之爲樞密副使論其不當升之去
陶亦知衛州改蔡州明年復以右正言召陶言臣與四
人同補郡獨兩人召請并還唐介呂誨等英宗知宗正
寺踰年不就職陶上疏言曰自至和中聖躬違豫之後
天下顛顛無所寄命交章抗疏請早擇宗室親賢以建
儲嗣陛下順民欲而安人心親發德音銳爲此舉中外
搖搖之心一旦定矣厥後浸潤稽緩豈免疑流言或
云事由嬪御宦侍姑息之語聖意因而惑焉使遠近姦
邪得以窺伺隙隙可不惜哉既而韓琦決策遂立爲皇
子英宗即位加直史館修起居注爲皇子伴讀淮陽穎
王府翊善知制誥進龍圖閣學士知永興軍召爲太子
詹事神宗立遷樞密直學士拜御史中丞郭達以簽書
樞密宣撫陝西召令還都陶言韓琦置遠二府至用太

祖故事出師劫制人主琦必有姦言惑亂聖德願罷遠
爲渭州帝曰遠先帝所用今無罪黜之是章先帝用人
之失也陶既不得逞遂以琦不押文德常朝班奏劾之
陶始受知於琦驟加獎拔帝初臨御頗不悅執政之專
陶料必易置大臣欲自規重位故視琦如仇力攻之琦
閉門待罪帝徙陶爲翰林學士旋出知陳州入權三司
使呂公著言其反覆不可近又以侍讀學士知蔡州歷
河南府許汝陳三州以東宮舊臣加觀文殿學士帝終
薄其爲人不復用元豐三年卒年六十一贈吏部尙書
諡曰文恪陶微時苦貧其友姜愚樂施念陶奉母厚郵
之捐數百千爲之娶陶既貴尹洛愚老而喪明往謁之
陶對之邈然聞者益薄其爲人

王子韶字聖美太原人中進士第王安石引入條例司
擢監察御史裏行出按明州留振獄按宋史無擇傳作苗振安石

惡祖無擇子韶迎其意發無擇在杭州時事自京師逮
對而以振獄付張載無擇遂廢子韶出知上元縣遷湖
南轉運判官御史張商英劾其不葬父母貶知高郵縣
由司農丞提舉兩浙常平入對神宗與論字學留爲資
善堂修定說文官禮部員外郎改庫部元祐中歷吏部
郎中衛尉少卿遷太常諫官劉安世言熙寧初士大夫
有十鑽之目子韶爲衛內鑽指其交結要人子弟如刀
鑽之利又陷祖無擇於深文縉紳所共鄙薄豈宜汚禮
樂之地改衛尉卿安世復言因彈擊而獲超遷是啟僥
倖也乃出知滄州入爲祕書少監迎伴遼使御下苛刻
軍吏因被酒刃傷子韶及其子又出知濟州復以太常
少卿召進祕書監拜集賢殿修撰知明州卒崇寧二年
詔贈顯謨閣待制

列傳

宋五十二

任頤 李參 郭申錫

傅求 張景憲 賈卞

張瓌 孫瑜 許遵

盧士宗 錢象先 韓琦

杜純 杜常 謝麟

王宗望 王吉甫

任頤字誠之青州壽光人舉進士得同學究出身至衛丞擢鹽鐵判官陝西鑄康定大銅錢額曰壞五為一以一事甚者欲去臣稱男頤押伴一切曉以義辭折而出去為京西轉運使奏計京師元昊為下所殺遣楊守素來告哀守素乃始為元昊謀不稱臣納賜節者也仁宗記嘗屈其使者復使押伴頤問守素其主所以死不能對詎去不敢肆改知鳳翔府帝語輔臣頤宜備朝廷委任留判三司憑由司為諒祚冊禮使宋撫西夏風物山川道里出入攻取之要為治戎精要三篇上之進直史館遷河東轉運使帝嘗以禁幣金帛賜河北亦欲與河東顯辭曰受委制財用而先有求不敢顯為使者每行部必擇僚佐之賢者一人與俱凡事必與議未嘗以胥吏自隨人安其政入為鹽鐵副使擢天章閣待制儂賊犯嶺外以顯知潭州宣撫司以宣毅卒有功檄補軍校顯察其邑動口必有異志執按之具服為賊內應蒐其家得所記潭事甚悉梟首以徇詔書褒激賜白金五百兩進龍圖閣直學士知渭州坐在潭日賤市死商珠降為

待制時四路以邊警聞渭獨無所上朝廷以斥候不密頗力言無他虞帝使覘之信乃遣學士徙徐州以太子賓客致仕積官戶部侍郎卒年七十八

李參字清臣鄆州須城人以蔭知鹽山縣歲饑諭富室出粟平其直予民不能糴者給以糶糶所活數萬通判定州知荆門軍荆門歲以夏伐竹輸荆南造船積日久多蠹惡不可用牙校破產不償責參請冬伐竹度其費以給餘募商人與為市均得其利歷知興元府淮南京西陝西轉運使部多戍兵苦食少參審訂其闕令民自

隱度麥粟之贏先貸以錢俟穀熟還之官號青苗錢經數年廩有羨權熙寧青苗法蓋萌於此朝廷患邊費益廣參建議輦錢邊郡以平估權權罷入中法此其去省權貨錢千萬計召為鹽鐵副使以右諫議大夫為河北

都轉運使移河東知荆南嘉祐七年召為三司使參知政事孫抃曰參為主計外臺將承風刻剝天下乃改羣牧使治平初加集賢院學士知瀛州賜黃金百兩帥臣

有賜自參始再遷樞密直學士知秦州蕃酋藥家族作亂討平之得良田五百頃以募弓箭手居鎮閱歲未嘗

以邊事聞英宗遣使問故對曰將在邊期於無事而已不敢妄以寇貽主憂以疾解邊任判西京御史臺起知

曹濮二州神宗久知其才書姓名於殿柱以知永興軍未行卒年七十四參無學術然剛果嚴深喜發擿姦伏

不假貸事至即決雖簿書纖悉不遺時稱能吏

郭申錫字延之魏人自言唐代公元振之後第進士為

晉陵尉知博州州兵出戍有欲脅眾為亂者申錫戮一

人隸二人乃定奏至仁宗曰小官臨事如此豈易得即

為御史臺推直官數上疏論事大臣不便鞫獄慶州京

東盜執濮州通判并淵遷知州事悉擒凶黨斬以徇召

為侍御史遂知雜事屢忤權倖無所避為鹽鐵副使相

視決河坐訟李參失實黜知濠州帝明榜朝堂稱其欺

誣以徹在位旋加直史館知江甯府再副鹽鐵進天章

閣待制知鄆州河中神諤取絳州申錫曰邊患將自此

始及諫死諤捐前改聽其子襲爵且言曰二虜賴歲

幣甚厚渝平豈其所利必有以致之但得重將守邊不

要功生事則善矣著邊鄙守禦策以給事中致仕卒年

七十七

傅求字命之考城人進士甲科通判泗州徙大名府

守呂夷簡委以事夷簡入相薦其才擢知宿州提點西

川益州刑獄按宋史地理志川陝西路益州為劍南

梓州路轉運使夷獠寇合江鈐轄司會兵掩擊求馳往

按所以狀乃縣吏冒取播州田獠故恐而叛即黜吏置

嶺南夷人間之散去益州文彥博上其狀進秩徙陝西

關中行當十鐵錢盜鑄不可計求請變法時州縣已散

二百八十萬緡亟下令更為當三民出不意蕩產失業

多自經死然盜鑄遂止自康定用兵移稅輸邊民力大

困求令輸本州而轉錢以供邊糴民受其惠而兵食亦

足召為戶部副使隴右蕃酋凌戩獻古渭州地秦州范

祥納之請繕城屯兵又括熟戶田諸羌斬之相率叛夏

人欲得渭地移文來索後帥張昇以祥貪利生事請棄

之詔求往視求以為城已訖役且已得而棄非所以強

國威乃詔諭羌眾反其田報夏人以渭非其有不應索

正其封疆而還兵遂解進天章閣待制陝西都轉運使

加龍圖閣直學士知慶州環之定邊若蕃官蘇恩以小

過疑懼而遁將佐議致討涇原既出師境上求謂恩非

素攜貳者乘以兵必起邊患但遣裨將從十數卒扣其帳開以禍福恩感泣還若如初入判太常寺權發遣開封府遷樞密直學士知定州復以龍圖閣學士權開封求本有吏能幹局至是老病斷獄數失御史言其不勝任出知兗州卒年七十一

張景憲字正國河南人以父師德任淮南轉運副使山陽令鄭昉賊累巨萬規成多要人景憲首案治流之嶺外貪吏望風引去從京西東轉運使王達居鄆專持吏短長求請賄謝如所欲景憲上其惡編置宿州熙寧初為戶部副使韓絳築撫寧羅鄂特兩城帝命景憲往視始受詔即言城不可守固不待到而後知也未幾撫寧陷至延安又言羅鄂特逸然孤城鑿井無水將何以守臣在道所見師勞民困之狀非一願罷徒勞之役廢無用之城嚴飭邊將為守計恐點羌多詐緩急或為內應宜亟止之陝西轉運司議欲限半歲令民悉納錢於官而易以交子景憲言此法可行於蜀耳若施之陝西民將無以為命其後卒不行加集賢殿修撰為河東都轉運使議者欲分河東為兩路景憲言本道地肥磽相雜州縣貧富亦異正宜有無相通分之不便議遂寢改知瀛州上言比歲多不登民債逋欠今方小稔而官督使併償道路流言其禍乃甚於凶歲願以寬假帝從之仍下其事元豐初年知河陽時方討西南蠻景憲入辭因言小醜跳梁殆邊吏擾之耳且其巢穴險阻若動兵遠征萬一餽餉不繼則我師坐困矣帝曰卿言是也然朝廷有不得已者明年徙同州以太中大夫卒年七十七

景憲在仁宗朝為部使者時吏治尚寬獨多深刺及熙寧以來吏治峻急景憲反濟以寬方新法之行不刻一人居官不畏強禦非公事不及執政之門自負所守於人少許可母卒一夕鬚髮盡白世以此稱之

寶卞字彥法曹州冤句人進士第二通判汝州秦悼王葬汝宗室來汝者眾得兵三千郡守林濼以汝與其鄉近因使輩薪芻鐵石致其家眾怨憤謀殺濼會日暮聞閉不果遂挾大校叛下啟關招諭之曰汝曹特醉酒狂呼爾毋恐忽不定乃密推首惡羈之請於朝詔濼致仕悉配徒亂者加集賢校理知太常院知絳州開封府推官方禁銷金為衣皇城卒捕得之屬卞治以中禁為言奏曰真宗行此制自掖廷始命不正以法無以示天下且非祖宗立法意英宗從其請尋知深州熙寧初河決

滹沱水及郡城地大震流民自恩冀來踵相接下發常平粟食之吏白擅發且獲罪卞曰侯請而得報民死矣吾寧以一身活數萬人尋以請詔許之外間訛言水大至卞下令敢言者斬一日復報大水且至吏請閉門卞不可既而果妄時發六州卒築武彊陳卒情主者皆之不服卞曰廂兵犯將校法不至重然與役聚工不可拘以常法命斬之以聞有詔嘉獎還為戶部判官同修起居注進天章閣待制判昭文館將作監尋坐王承年事奪職提舉靈仙觀卒年四十五

張瓌字唐公洎之孫也舉進士以婦父王欽若嫌召試學士院賜第除秘閣校理同知太常禮院諫錢惟演曰文墨其子搥登聞鼓上訴仁宗使問狀瓌條奏甚切朝廷不能奪乃賜諡曰思判吏部南曹為開封府推官知洪州營校督役苛急其徒三百人將以夜殺之求不獲持甲謀于門請易校瓌召問論遣明日推治點者十人不為易校十年不會課文彥博為言特遷之徒兩浙轉

運使加直史館知潁州揚州即拜淮南轉運使三司下諸道賈羨財淮南獨上金九錢三司使怒移文譙切瓌以賦數民貧對入修起居注知制誥草故相劉沆贈官制頗言其附會取顯位沆子瑾帥子弟婦女衰絰詣闕哭訴瓌挾私怨且醜誣其人執政以衰贈乃恩典瓌不當為貶詞出知黃州然瑾亦竟不敢請父諡還判流內銓英宗時以在先朝乞蚤定儲副進左諫議大夫翰林待讀學士復出濠州歷應天府河南河陽請為太平州卒瓌當官遇事輒言觸忤勢要至屢黜終不悔卒年七十

孫瑜字叔禮博平人按宋史孫棟傳博以父任為將作監主簿賈昌朝薦為崇文檢討同知禮院開封府判官使契丹適西討捷書至館伴要入賀啖以厚餽瑜辭以奉使有旨不肯賀加祕閣校理兩浙轉運使入辭仁宗訪其家世謂曰卿孫奭子邪奭大儒也久以道輔朕因面賜金紫先是郡縣倉庾以斗斛大小為姦瑜奏均其制黜吏之亡狀者民大喜有言其變新器非便遷知曹州尋有言瑜所作量法均一誠便乃還其元資徒知蔡州更相充離單四州累官工部侍郎按東都事略孫奭

制 卒年七十九始薨之亡朝廷錄其子孫時瑜之子為諸孫長瑜曰吾忍因父喪而官吾子乎以兄之孤上之瑜天資整敏齊家以嚴稱善與人交一受知終身不易所薦士有過或教使自言曰已知之而復擠之吾不為也

許遵字仲塗泗州人第進士又申明法擢大理寺詳斷官知長興縣水災民多流徙遵募民出米振濟竟以無患益興水利溉田甚溇邑人便利立石紀之為審刑院

為也

詳議官知宿州登州遵累典刑獄強敏明恕爲登州執政許以判大理遵欲立奇以自鬻會婦人陶云獄起初云許嫁未行嫌婿陋伺其寢田舍懷刀斫之十餘創不能殺斷其一指吏求盜弗得疑云所爲執而詰之加訊掠乃吐實遵按云納采之日母服未除應以凡人論職于朝有司當爲謀殺已傷遵駁言云被問卽承應用按問欲舉自首條減等定罪審刑大理當絞刑非是事下刑部以遵爲妄詔以贖論未幾果判大理恥用議法坐劾復持前議言刑部棄赦不用但引斷例一切按而殺之塞其自首之路殆非罪疑惟輕之義詔司馬光王安石議光以爲不可安石主遵御史中丞滕甫侍御史錢觀皆言遵所爭戾法意自是廷論紛然安石既執政悉罪異己者遂從遵議雖累問不承者亦得爲按問或兩人同爲盜劫吏先問左則按問在左先問右則按問在右獄之生死在問之先後而非盜之情天下益厭其說熙寧間出知壽州再判大理寺請知潤州又請提舉崇福宮尋致任累官中散大夫卒年八十一

盧士宗字公彥濰州昌樂人舉五經歷審刑院詳議編敕刪定官提點江西刑獄侍講楊安國以經術薦之仁宗御延和殿詔講官悉升殿聽其講易明日復命講泰卦授天章閣侍講賜三品服加直龍圖閣天章閣待制判流內銓李參郭申錫有決河訟詔士宗劾之士宗言兩人皆爲時用有罪當驗問不宜遽鞠於是但黜申錫爲州進龍圖閣直學士知審刑院通進銀臺司仁宗神主祔廟禮院請以太祖太宗爲一世而增一室以備天子事七世之禮士宗以爲在禮太祖之廟萬世不毀其餘昭穆親盡卽毀示有終也歷引漢魏晉唐之事爲言

今大行祔廟傳祖親盡當遷於典禮爲合不當添展一室詔并等再議卒從增室之說議者咎之出知青州入辭英宗曰學士忠純之操朕所素知豈宜久處外命再對論知人安民之要勸帝守祖宗法御史言其罕通吏事且衰病改沂州熙寧初以禮部侍郎致仕卒士宗以儒者長刑名之學而主於仁恕故在刑部審刑前後十數年

錢象先字資元蘇州人進士高第呂夷簡薦爲國子監直講歷權大理少卿度支判官河北江東轉運使召兼天章閣侍講詳定一路敕成當進勳爵仁宗以象先母老欲慰之獨賜紫章服進待制知審刑院加龍圖閣直學士出知蔡州象先長於經術侍遯英十餘年有所願問必依經以對反復諷諭遂及當世之務帝禮遇甚渥故事講讀官分日送進象先已得蔡帝猶論之曰大夫行有日矣宜講徹一編於是同列罷進者淡日徙知河南府陳州復兼侍講知審刑院象先旁通法家說故屢爲刑官條令多所裁定嘗以爲犯赦者重犯令者輕請移敕文入令者甚嚴又議告捕法以爲罪有可去有可捕苟皆許捕則姦人將倚法以害善良因削去許捕百餘事其持心平恕類此復知許穎陳三州以吏部侍郎致仕卒年八十一

韓琦字君玉衛州汲人登進士第知定州安喜縣爲政彊力韓琦稱其才爲開封司錄嘉祐寬恤諸道分遣使者禱曰京師諸夏之本願獨不蒙惠乎乃具徭役利害上之詔司馬光陳洙詳定條式遂革大姓漁并之弊提點利州路河北刑獄以開封府判官迎契丹使使問南朝不聞打圍何也琦曰我后仁及昆蟲非時不爲耳熙

寧初爲梓州路轉運使朝廷命諸道議更役法琦首建併綱減役之制省役人五百又請裁定諸州衙簿於是王安石言琦所言皆久爲公私病監司苛公邀譽莫之或恤而獨能體上意宜加賞乃下詔賜帛二百入爲鹽鐵副使以右諫議大夫知澶州坐失舉降太常少卿河決晝夜扞禦神宗念其勞復改官太中大夫判將作監轉正議大夫致仕卒年七十七琦事絕人閱按牘終身不忘澶州民懷思之他日郡守或欲有所爲民必曰此已經韓大中矣以故輒止

杜純字孝錫濮州甄城人以蔭爲泉州司法參軍泉有蕃舶之饒雜貨山積時官於州者私與爲市價十不償一惟知州關詠與純無私買人亦莫知後事敗獄治多相牽繫獨兩人無與詠猶以不察免且檄參對純憤懣陳書使者爲訟冤詠得不坐熙寧初以河西令上書言政王安石異之引實條例司數與論事薦於朝充審刑詳議官或議復肉刑先以刑代死刑之輕者純言今盜抵死歲不減五十以死懼民常不畏而況於刑乎人知不死犯者益眾是爲名輕而實重也事遂寢秦帥郭遠與其屬王韶成訟純受詔推鞠得韶罪安石主韶變其獄免純官韓絳爲相以爲檢詳三司會計安石再來乃請監池州酒久之爲大理正上言比來或徒隸缺望或民相怨仇或意冒告償但泛云某有罪某知狀官不識所逮之囚因不省見逮之故若許有司先計其寔而坐爲欺者以誣告當無不竟矣曹州民王坦避水患以車載貨入京征商者以爲匿稅將議黜坦純復爭之卿楊汲奏爲立異廢于家元祐元年范純仁韓維王存孫承交薦之除河北轉運判官初更役書司馬光稱其論

議詳盡予之書曰足下在彼朝廷無河北憂純因建言
河防舊隸轉運今乃領屬都水外承計其決溢之變前
日不加多今日不加少然出財之司則常憂費而緩不
急用財之官則寧遲計而無不及不如使之歸一後如
其言召為刑部員外郎大理寺卿擢侍御史言者詆其
不由科第改右司郎中尋知相州徙徐州陝西轉運使
還拜鴻臚光祿卿權兵部侍郎謝病以集賢院學士提
舉崇福官改修撰卒年六十四弟絃

絃字君章起進士為永年令歲荒民將他往召諭父老
給印券使稱貸於大家約歲豐為督償於是咸得食無
徙者明年稔償不愆素神宗問其才用為大理評斷官
檢詳樞密刑房修武經要略職事對帝翊日語宰相嘉
其論奏明白未果用絃每議獄必傳經義民間有女幼
許嫁未行而養於婿氏婿殺以誣人吏當如昏法絃
曰禮婦三月而廟見未廟見而死則歸葬于家示未成
婦也律定昏而夫犯論同凡人養婦雖非禮律然未成
婦則一也議乃定又論天下囚應死吏懦不行法輒以
疑讞夫殺人而有疑讞是縱民為殺之道也請治妄讞
者不從擢刑部郎中元祐初為夏國母祭奠使時夏人
方修貢入其國禮猶倨絃責之夏人畏懼加敬他日夏
使至請歸復侵疆絃逆之至館使欲入見有所陳絃止
之曰國主設有請必具表申朝廷肯以使人口語為可
否乎乃不敢言遷右司郎中大理卿以直秘閣知齊鄆
二州復為大理卿權刑部侍郎加集賢殿修撰為江淮
發運使知鄆州獄繫囚三百人絃至旬日處決立盡又
以刑部召未至還之鄆嘗有揭幟城隅者妖言其上期
為變州民皆震俄而草場白晝火蓋所揭一事也民益

恐或請大索城中絃笑曰姦計正在是冀因吾膠擾而
發奈何墮其術中彼無能為也居無何獲盜乃姦民為
妖如所揣遂按誅之徙知應天府卒年六十二

杜常字正甫衛州人昭憲皇后族孫也折節學問無戚
里氣習中進士第調河陽司法參軍事富弼禮重之崇
寧中至工部尚書以龍圖閣學士知河陽軍苦旱及境
而雨大河決直州西上埽勢危甚常親護役徙處埽上
埽潰水溢及常坐而止於是役人盡力河流遂退郡賴
以安卒年七十九

謝麟字應之建州甌甯人登第調會昌令民被酒夜與
仇鬪既歸而所親殺之因誣仇麟知死者無子所親利
其財一訊得實再調石首令縣苦江水為患隄不可禦
麟壘石障之自是人得安堵號謝公隄通判辰州章惇
使湖湘拓沅州薦麟為守由太常博士改西上閣門副
使猺賊犯辰溪麟且捕且招一方以靈詔使經制宜州
獠降其種落四千八百人納思廣洞民千四百室得鐵
甲二萬褒賜甚渥加果州刺史知荆南涇邠二州元祐
初復以朝議大夫直秘閣知潭州加直龍圖閣歷徙江
甯鳳翔府渭桂二州融江有夷警將吏議致討麟以計
平之戍兵從北來不能水土麟部土人使極南而北兵
止屯近郡賴以全者甚眾卒于官
王宗望字穉叟光州固始人以蔭累擢夔州路轉運副
使哲宗即位行赦賞軍萬州彌旬不給庖卒朱明因眾
怒白晝入府宅傷守臣左右驚散他兵籍籍謀兆亂宗
望聞變自夔疾驅至先命給賞然後斬明以徇且竄視
守傷而不救者乃自劾朝廷嘉之厯倉部郎中司農少
卿江淮發運使楚州沿淮至漣州風濤甚險舟多溺議

者謂開支氏渠引水入運河歲久不決宗望始成之為
公私利代吳安持為都水使者自大河有東北流之異
紛爭十年水官無所適從宗望於內黃下埽自關村而
下創立新隄七十里盡閉北流東還故道右正言張商
英論其誕謾而宗望奏已有成績遂增秩三等加直龍
圖閣河北都轉運使擢工部侍郎以集賢殿修撰知鄆
州卒年七十九元符中河復決內黃北流乃治其導河
東流事以為附會元祐追所得恩典云

王吉甫字邦憲同州人舉明經練習法律試斷刑入等
為大理評事累遷丞正刑部員外郎大理少卿舒直以
官燭引至第執政欲坐以自盜吉甫謂不可執政怒移
獄他所吉甫亦就辨直乃用飲食論罪不以燭也南郊
起帳城役卒急於畢事董役者責之曰此殆類白露屋
耳卒訴之吏當以非所宜言論死吉甫謂非詛咒剖不
應死遂求對從容敷陳不少懼帝為霽怒其人得釋蘇
軾南遷所過郡守有延館之者走馬使以聞詔鞠之吉
甫議當答宰相章惇不悅吉甫曰法如是難以增加成
罪卒從答太倉火議誅守者十餘人亦爭之皆得不死
其持論寬平大抵類此請知齊州徙梓州梓州在東州
為壯藩戶口最盛轉運使欲增折配以取羨餘吉甫謂
其僚曰民力竭矣一增之後不可復減吾寧監使者怒
忍為國斂怨為民基禍故竟卻之厯提點梓州路京畿
刑獄開封少尹知同邢漢三州以中大夫卒年七十吉
甫老於為吏廉介不回但一於用法士恨其少緣飾云
欽定續通志卷三百四十九

列傳

宋 五十四

孫長卿

周沆

羅拯

馬仲甫

王居卿

孫構

張洸

蘇宋

馬從先

沈遵

李大臨

呂夏卿

祖無擇

張問 陳舜俞

樂京

苗時中

韓贄

楚建中

張頌

盧革 秉

孫長卿字次公揚州人以外祖朱異任為祕書省校書

郎天禧中知楚州糧料院通判河南府秋大雨軍營壞

或言某眾將叛洛中譴然長卿馳諭之推首惡一人誅

之留宿其所眾遂定詔汰三陵奉先卒汰者羣謀府下

長卿矯制使還而具言不可汰之故朝廷為止知和州

民訴人殺弟長卿察所言無理問其資曰上等也家幾

人曰惟此弟爾曰然則汝殺弟也勒之服郡人神明之

提點益州路刑獄歷開封鹽鐵判官江東淮南河北轉

運使江浙荆淮發運使歲漕米至八百萬或疑其多長

卿曰吾非欲事羨贏以備饑歲爾議者謂楚水多風波

請開盱眙河自淮趣高郵長卿言地阻山回繞役大難

就事下都水調工數百萬卒以不可成罷之時又將弛

茶禁而收其征召長卿議長卿曰祖宗權茶蓋將備二

邊之糴且不出都內錢公私以為便今之所行不足助

邊糴什一國用耗矣乃條所不便十五事不從改陝西

都轉運使踰年知慶州州據險患無水蓋嘗疏引澗谷

汲城中未幾復絕長卿鑿百井皆及泉泥陽有羅川馬

嶺上構危樓下臨不測之淵過者惴恐長卿訪得唐故

道闢為通塗加集賢院學士河東都轉運使拜龍圖閣

直學士知定州熙寧元年河北地震城郭倉廩皆隕

長卿盡力繕補神宗知其能轉兵部侍郎留再任明年

卒年六十六長卿無文學而長於政事為能臣性潔廉

不以一毫取諸人定州當得園利八十萬悉歸之公既

沒詔中使護其喪歸葬

周沆字子真青州益都人第進士知渤海縣歲滿縣人

請留既報可而以親老求監州稅通判鳳翔歷江西轉

運判官改知沂州歷開封府推官遷湖南轉運使蠻唐

盤二族暴殺居民官軍數不利沆言蠻驃勝方驕未易

鬪力須秋冬進兵且其地險氣毒人驍悍善用鉞盾北

軍不能捕請遣邕宜融三州卒三千人習知山川技藝

者徑擣其巢布餘兵絡山足出則獵取之俟其勢窮力

屈乃可順撫朝廷用其策二族皆降加直史館知潭州

他道兵來戍者率兩期乃代多死瘡痍沆請以期為斷

戍人便之徙河東轉運使民盜鑄錢法不能禁沆高

估錢價鑄者以無利自息入為度支副使儂智高亂定

仁宗命安撫廣西諭之曰嶺外地惡非賊所至處毋庸

行對曰遠民罹塗炭當宣布天子德澤遂往徧行郡邑

民避寇棄業吏用常法滿半歲則聽人革佃沆曰是豈

與凶年詭征役者同科奏申其期擢天章閣待制河北

都轉運使李仲昌建六塔河之議以為費省而功倍詔

沆行視沆言近計塞商胡本度五百八十萬工用薪芻

千六百萬今纔用功一萬薪芻三百萬均一河也而功

力不相侔如是蓋仲昌先為小計以求與役爾況所規

新渠視河廣不能五之一安能容受此役若成河必汎

溢齊博濱棣之民其魚矣既而從初議河塞復決如沆

言又徙河東轉運使遷龍圖閣直學士知慶州召知通

進銀臺司判太常寺英宗既即位契丹賀乾元節使至

沆館各令致書樞前使以非典故沆折之曰昔貴國有

喪吾使至柳河即反今聽於几筵達命恩禮厚矣尙何

云使者立授書朝廷未知契丹主年沆乘間雜他語以

問得其實使者悔之曰今復應兄弟南朝矣進樞密院

直學士知成德軍以戶部侍郎致仕卒年六十九 按宋史此

下有李中師傳雖有移淮粟濟浙一事然用法深刻厚結中人別無善蹟足錄今從刪

羅拯字道濟祥符人第進士感官知榮州州介兩江間

每江漲輒犯城郭拯作東西二隄除其患遷知秀州為

江西轉運判官提點福建刑獄泉州興化軍水壞廬舍

拯請勿征海運竹木經一年民居皆復其舊遷轉運使

邵武之光澤不權酒以課賦民號黃翅錢拯均之他三

邑人以爲便改江淮發運副使江淮故無積倉造船繫

岸下俟糴入乃得行蓋官吏以淮南不受陳粟為逃讒

計拯始請凡米至而不可上供者以贖軍又貯浙西米

於潤倉以時運自是漕增而費省轉正使拯使閩時泉

商黃謹往高麗館之禮賓省其王云自天聖後職貢絕

欲令使與謹俱來拯以聞神宗許之遂遣金悌入貢高

麗復通中國加天章閣待制居職七年徙知永興軍青

頌秦三州卒年六十五拯性和柔不與人校曲直時論

服其長者

馬仲甫字子山廬江人 按宋史馬亮傳亮為廬州合肥人茲仲甫為廬江人江字應是

州字 大子少保亮之子也舉進士知登封縣轅轅道險

尾傭民鑿為坦墜人便之通判趙州知台州為度支判

官內侍楊永德言漕舟准汴開惟水遞鋪為便詔仲甫

倍住訂可否還言其害十餘條議遂格出為慶路轉運使歲饑盜粟者當論死仲甫請罪減一等詔須奏裁復言飢羸拘囚比得報死矣請決而後奏徙使淮南真揚諸州地狹米少官糴之多價常踊登萊濱江按登萊與江蘇近江字應是海字之訛米狼戾而農無所售仲甫請移糴以紓其患兩益於民從之遂緣戶部判官為發運使自淮陰徑泗上浮長淮風波覆舟歲罹其患仲甫建議鑿洪澤渠六十里漕者便之拜天章閣待制知瀛州徙秦州古渭介青唐之南夏人在其北中通一徑小警則路絕仲甫得築渠城故隄自雞川砦築堡北抵南谷環數百里為內地詔賜名甘谷堡按宋史地理志秦州之甘谷非堡名者甘泉也熙寧初守毫許揚三州糾察在京刑獄知通進銀臺司復為揚州提舉崇禮觀卒

王居卿字壽明登州蓬萊人以進士至知齊州歷知揚州改京東轉運使青州河貫城中苦泛溢為病居卿即城立飛梁上設樓櫓下建門以時啟閉人誦其智徙河北路河決曹村居卿立軟橫二埽以遏怒流而不與水爭朝廷賞其功建以為都水法召拜戶部副使提舉市易擢天章閣待制河北都轉運使知秦州太原府卒年六十二居卿俗吏特以言利至從官

孫構字紹先博平人中進士第為廣濟軍判官歲入圭田粟六百石構止受百石餘以畀學官久之知黎州夷年累數擾邊用閒殺之蜀帥呂公弼上其事擢知真州凶歲得盜令各指黨伍悉寬諸法境內為清遽度支判官夔州部夷梁承秀李光吉王究導僚入寇轉運判官張說請誅之選構為使倍道之官至則遣涪州按宋史涪州屬夔州路梓潼字之說家社安按宋史本傳作社募千人往

襲自督官軍及黔中兵擊其後斬承秀入討二族火其居餘眾保黑崖嶺黔兵從開道夜謀而進光吉墜崖死宥自縛降以其地建南平軍錄功加直昭文館徙湖北轉運使章惇與南北江蠻事構論降詔治二州納歸附州十四北江酋彭師晏常持向背構知向水酋彭儒武與有隙檄使攻之師晏降得其下溪州地五溪皆平進集賢殿修撰賜三品服交趾入寇拜右諫議大夫知桂州聲言將犄角搆其巢穴寇聞引去以疾提舉崇福宮換太中大夫卒年六十四構喜功名勇於建立西南邊事自此始云

張說字樞言建州浦城人第進士通判越州民患苦衙前役說科別人戶籍其當役者以錢雇充皆以為便知襄邑縣擢夔路轉運判官錄辟土功加直集賢院改陝西轉運副使召對帝曰朕未識卿每閱章奏獨卿與蔡挺有所論請使人了然尋當以師事相屬及入辭賜服金紫明年直龍圖閣知秦州前此將吏貪功多從羌地獵射因起邊患說至申令毋得犯得一人斬諸境上羣羌感悅遷天章閣待制知熙州棟散遣果莊逼岷州按宋史外國列傳棟散始於熙州棟散與中國抗棟散死以種落什養子阿里庫頗峻刑殺其下二年遂逼果莊使率眾北徙宋本傳載棟散遣果莊逼岷州棟散應是阿里庫之說宋史地理志岷州通遠州為一路洮州東至岷州界一百三十三里果莊因拒洮州遂逼說往討破之於錯鑿城斬首萬級元豐初加龍圖閣直學士知成都府徙杭州將行復命權經略熙河事趣使倍道行時倉卒治戎有司計產調夫民多流亡說中途訴其狀乞敕劍外招撫之不報會靈武師罷乃赴杭道過京師帝訪以西事對曰彼勢雖弱而我師未銳邊備未飭願以歲月圖功累官正議大夫卒年七十二說廉於財平生不

殖田業既建拓瀘夷地被進用然不追清議云蘇宗字公佐磁州滏陽人擢第調兗州觀察推官受知於守杜衍為大理詳斷官遷審刑院詳議御史臺推直官知單州提點梓州益州路刑獄利州路轉運使文州歲市羌馬羌轉買蜀貨猾馴上下物價肆為姦漁宗議置折博務平貨殖以易馬宿弊頓絕入判大理寺為湖北淮南成都路轉運使擢侍御史知雜事刑部使契丹還及半道聞英宗晏駕契丹置宴仍用樂宗謂送者曰兩朝兄弟國家君臣之義吾與君等一也遂為之徹樂進度支副使以集賢殿修撰知鳳翔還糾察在京刑獄又出知潭州廣州累轉給事中知河南府入知審刑院卒

馬從先字子野祥符人少盡力於學父當任子推以與其弟由進士累官太常少卿知宿州宿在淮汴開素難治從先取囊博者重坐者厚賞以求盜禁屠牛鑄錢嚴甚大水發廩振流亡全活數十萬代還知壽州以老辭英宗諭遣之曰間卿治行籍甚壽尤重於宿姑為朕往既至治如曩時由太子賓客轉工部侍郎致仕從先性整嚴雖盛夏不袒跣年七十六而卒

沈遵字文通錢塘人以蔭為郊社齋郎舉進士第二通判江寧府歸奏本治論仁宗曰近獻文者率以詩賦豈若此十篇之書為可用也除集賢校理頃之修起居注遂知制誥以父扶坐事免求知越州徙杭州為人疎雋博達明於吏治民或貧不能葬給以公錢嫁孤女數百人倡優養良家子者奪歸其父母善遇僚案刺閭巷長短纖悉必知小民有犯法者輒刺為兵提點刑獄鞠真卿將按其狀遵為稍弛而刺者復為民召開封府遷

龍圖閣直學士孫作視事遽午而畢出與親舊還往從容燕笑沛然有餘暇士大夫交稱其能拜翰林學士判流內銓丁母憂旋卒年四十四弟遼從弟括

遼字叔達幼挺拔不羣長而好學尚友傲睨一世趣操高爽縹緲然有物外意用兄任監壽州酒稅吳充使三司薦監內藏庫熙寧初分籍官建西院以爲主簿遼故

受知於王安石至是當國更張法令遼與之議論澆沸日益見疎於是坐與其長不相能罷去久之以太常寺奉禮郎監杭州軍倉庫轉運使使攝華亭縣他使者適

有夙憾因縣民忿爭相牽告辭語連及遂文致其罪奪官流永州更赦始徙池州留連江湖開累年益偃蹇傲

世既至池得九華秋浦開蕪其林泉喜曰使我自擇不過爾耳卽築室於齊山之上名曰雲巢好事者多往游

遼追悔平生不自貴重悉謝棄少習杜門隱几間作爲文章雄奇峭麗尤長於歌詩曾鞏蘇軾黃庭堅皆與唱

酬相往來然竟不復起元豐末卒年五十四括字存中以父任爲流陽主簿縣依流水乃職方氏所

書浸曰沂沭者故跡漫爲汗澤括新其二坊疏水爲百渠九堰以播節原委得上田七千頃擢進士第編校昭

文書籍爲館閣校勘刪定三司條例故事三歲郊丘之制有司按籍而行藏其副吏沿以干利墮下張慢距城

數里爲園圃植木刻鳥獸綿絡其間將事之夕法駕臨觀御端門陳仗衛以閱嚴警乘輿一器而百工侍役

者六七十輩括考禮沿革爲書曰南郊式卽詔令點檢事務執新式從事所省萬計神宗稱善遷太子中允檢

正中書刑房提舉司天監日官皆市井庸販法象圖器大抵漫不知括始置渾儀景表五壺浮漏招術朴造新

曆募天下上太史古書雜用士人分方技科爲五後皆施用加史館檢討淮南饒造括察訪發常平錢粟疏溝

瀆治廢田以救水患遷集賢校理察訪兩浙農田水利遷太常丞同修起居注時大籍民車人未諭縣官意又

市易司患鹽鑿之不禁欲盡實私井而董解池鹽給之言者論二事如織皆不省括侍帝側帝顧曰卿知籍車

乎曰知之敢問何用帝曰北邊以馬取勝非車不足以當之括曰車戰之利見於歷世然古人所謂兵車者輕

車也五御折旋利於捷速今之民間輜車重大目不能三十里故世謂之太平車但可施於無事之日爾帝喜

曰人言無及此者遂問蜀鹽事對曰一切實私井而運解鹽使一出於官售誠善然患萬戎澗關夷界小井尤

多不可猝絕也勢須列侯加警臣恐得不足償費帝領之明日二事俱寢擢知制誥兼通進銀臺司自中允至

是纔三月爲河北西路察訪使先是銀冶轉運司置官收其利括言近寶則國貧其勢必然人眾則囊橐姦僞

何以檢頤朝廷歲遺契丹銀數千萬以其非北方所有故重利之昔日銀城縣銀坊城皆沒於彼使其知鑿山

之利則中國之幣益輕何賴歲餉鄰釁將自茲始矣時賦近畿戶出馬備邊民以爲病括言北地多馬而人習

騎戰猶中國之工彊弩也今舍我之長技強所不能何以取勝又邊人習兵唯以挽彊定最而未必能貫革謂

宜以射遠入堅爲法如是者三十一事詔皆可之遼肅禱來理河東黃嵬地留館不肯辭曰必得請而後反帝

遣括往聘括詣樞密院閱故牘得頃歲所議疆地書指古長城爲境今所爭蓋三十里遠表論之召對帝喜曰

大臣殊不究本末幾誤國事命以畫圖示禮禮議始屈

賜括白金千兩使至契丹庭契丹相楊益戒來就議括得地訟之籍數十預使吏士誦之益戒有所問則顧吏

舉以答他日復問亦如之益戒無以應謾曰數里之地不忍而輕絕好乎括曰北朝棄先君之大信以威用其

民非我朝之不利也凡六會契丹知不可奪遂舍黃嵬而以天池請括乃還在道圖其山川險易迂直風俗之

純龐人情之向背爲使契丹圖上之拜翰林學士權三司使嘗白事丞相府吳充問曰自免役令下民之詆訾

者今未衰也是果於民何如括曰以爲不便者特士大夫與邑居之人習於復除者無足恤也獨微巨本無力

役而亦使出錢則爲可念若悉弛之使一無所預則善矣充然其說表行之蔡確論括首鼠乖刺陰害司農法

以集賢院學士知宣州明年復龍圖閣待制知審官院又出知青州未行改延州至鎮悉以別賜錢爲酒命廩

市良家子馳射角勝有軼羣之能者自起酌酒以勞之邊人驩激執弓傳矢唯恐不得進越歲得徹札超乘者

千餘以援銀有功加龍圖閣學士朝廷出宿衛之師來戍賞賚至再而不及鎮兵括以爲衛兵雖重而無歲不

戰者鎮兵也今不均若是且召亂乃藏救書而矯制賜緡錢數萬以驛聞詔報之曰此石府頒行之失非卿察

事機必擾軍政自是事不暇請者皆得專之蕃漢將士自皇城使以降許承制補授神譚師次五原值大雪糧

餉不繼殿直劉歸仁率眾南奔士卒二萬人皆潰入塞居民怖駭括出東郊得奔者數千問曰副都總管遣汝

歸取糧主者爲何人曰在後卽諭令各歸屯及暮至者八百未旬日潰卒盡還括出按兵歸仁至括曰汝歸取

糧何以不持軍符歸仁不能對斬以徇大將景思誼曲

珍拔夏人磨崖葭蘆浮圖城括議築石堡以臨西夏而給事中徐禧來應欲先城永樂詔禧議請將往築合括移府並塞以濟軍用已而禧敗沒括以夏人襲殺德先往救之不能援永樂按宋史夏國傳言夏國永樂括坐誦均州團練副使元祐初徙秀州繼以光祿少卿分司

居潤八年卒年六十五括博學善文於天文方志律歷音樂醫藥卜算無所不通皆有所論著又紀平日與賓客言者為筆談多載朝廷故實者舊出處傳於世

李大臨字才元成都華陽人登進士第為絳州推官杜衍安撫河東薦為園子監直講睦親宅講書文彥博薦為祕閣校理責監滁州稅未幾還故職仁宗嘗遣使賜館閣官御書至大臨家大臨貧無阜隸方自秣馬使者還奏帝曰真廉士也以親老請知廣安軍徙邛州還為

羣牧判官開封府推官神宗雅知其名擢修起居注進知制誥糾察在京刑獄言青苗法有害無益王安石怒會李定除御史宋敏求蘇頌相繼封還詞命次至大臨大臨亦還之合言故事臺官必以員外郎博士近制但不限此非謂選人亦許之也定以初等職官超朝籍躡

憲臺倖門一開名器有限安得人人滿其意復詔論數四頌大臨故爭不已乃以累格詔命皆使歸班大臨以工部郎中出知汝州徙梓州加集賢殿修撰復天章閣待制年七十致仕七年而卒大臨清整有守論議識大體與宋敏求蘇頌稱為熙寧三舍人云

呂夏卿字縉叔泉州晉江人舉進士為江寧尉編修唐書成直祕閣同知禮院仁宗選任大臣求治道夏卿陳時務五事且言天下之勢不能常安當於未然之前救其弊朝廷頗采其策英宗之世歷史館檢討同修起居

注知制誥帝嘗訪以政對曰兩朝不惜金帛以和二邊脫民鋒鏑之禍古未有也願勿失前好出知潁州夏卿學長於史貫穿唐事又通譜學創為世系諸表於新唐書最有功云

祖無擇字擇之上蔡人進士高第歷知南康軍海州提點淮南廣東刑獄廣南轉運使入直集賢院時封孔子後為文宣公無擇言以祖謚而加後嗣非禮於是改為衍聖公出知袁州首建學官置生徒郡國訖誦之風始盛同修起居注知制誥加龍圖閣直學士權知開封府進學士知鄭杭二州神宗立加通進銀臺司初詞臣作

誥命許受潤筆物王安石與無擇同知制誥安石辭饋不取置諸院梁上安石憂去無擇用為公費安石聞而惡之熙寧初安石得政乃諷監司求無擇罪知明州苗振以貪聞御史王子韶使兩浙廉其狀事連無擇子韶

小人也請遣內侍自京師逮赴秀州獄蘇頌言無擇列侍從不當與故吏對曲直御史張戢亦救之皆不聽及獄成無貪狀但得其貸官錢接部民坐及乘船過制而已遂謫忠正軍節度副使按東都事略所載與宋史乃

諷監司求無擇罪遣御史王子韶按治子韶小人也攝客無擇吏銀鍊無所得坐借公使酒三百小瓶以送遺無擇對忠正軍節度副使士大夫冤之有知明州光祿卿苗振監司亦由觀望發其罪朝廷遣崇文院校書張載按治載賢者也悉為平反之安石猶為帝言陛下遣罪止罰金其幸不幸如此附識

一御史出即得無擇罪乃知朝廷於事但不為未有為之而無效者尋復光祿卿祕書監集賢院學士主管西京御史臺移知信陽軍卒無擇為人好義篤於師友少從孫明復學經術又從穆修為文章兩人死力求其遺文彙次之傳於世以言語政事為時名卿用小累鍛鍊

放棄訖不復振士論惜之按宋史此下有程師孟傳又按宋史此下有程師孟傳又按宋史此下有程師孟傳又

一傳一史兩見從無此例考師孟居官尚有惠政存之循吏此處從刪張問字昌言襄陽人也進士起家通判大名府羣牧地在魏歲久冒入於民有司按舊籍括之地數易主券不明吏苟趣辦持詔書奪人田至毀室廬發邱墓問至則曰是豈尉廷意耶具上以聞立罷之擢提點河北刑獄大河決議築小吳問言曹村小吳南北相直而曹村當水衝賴小吳隄薄水溢北出故南隄無患若築小吳則左疆而右傷南岸並京畿為害獨可於孫陳兩埭間起隄以備之耳詔付水官議久不決小吳卒潰徙江東淮南轉運使加直集賢院戶部判官復為河北轉運使所部地震河再決議者欲調京東民三十萬自澶築隄抵

乾寧問言隄未能為益災傷之餘力役勞民非計也神宗從之問十年不奏考課詔特遷其官人為度支副使拜集賢殿修撰河東轉運使坐誤軍須貶知光化軍未幾復使河北諸葛公權之亂郡縣株蔓連逮至數百千人問上疏申理止誅首惡熙寧末知滄州自新法行問獨不阿時好歲饑為帝言民苟免常平助役之苦反以得流亡為幸語切直驚人元豐定官制王安石禮薦問可任六曹侍郎帝以其好異論不用歷知河陽潞州元祐初為祕書監給事中累官正議大夫卒年七十五問處已廉潔嘗任鄜延幕府與种世衡善父喪世衡遺汝州田十頃辭弗受使歸未至而世衡卒其子古用父治命亦不納田蕪穢者三十年後汝守請以給學朝廷命反

諸种氏熙寧時有陳舜俞樂京劉蒙亦以役法廢黜陳舜俞字令舉湖州烏程人博學強記舉進士又舉制科第一熙寧三年以屯田員外郎知山陰縣詔俟代還試館職舜俞辭繳中書帖上之青苗法行舜俞不奉令

志五三〇四

試館職舜俞辭繳中書帖上之青苗法行舜俞不奉令

上疏自劾曰民間出舉財物取息重止一倍約償緡錢而穀粟布織魚鹽薪菽糧釜釜錡之屬得雜取之朝廷募民貸取有司約中熟爲償而必償緡錢欲如私家雜償他物不可得故愚民多至賣田宅質妻孥未嘗不以質貸爲苦謂謂振民乏絕而抑兼并然使十戶爲甲淨浪無根者毋得給俵則乏絕者已不蒙其惠此法終行愈爲兼并地爾何以言之天下之有常平非能人人計口受餉但權穀價貴賤之柄使積貯者不得深藏以邀利爾今散爲青苗唯恐不盡萬一饑饉薦至必有乘時貴糶者未知將何法以制之官制既放錢取息富室藏錄坐待鄰里逋欠之時田宅妻孥隨欲而得是豈不爲兼并利哉雖分爲夏秋二科而秋放之月與夏斂之期等夏放之月與秋斂之期等不過展轉計息以給爲納使吾民終身以及世世每歲兩輸息錢無有窮已已是別爲一賦以蔽海內奏上責監南康軍鹽酒稅五年而卒舜俞自號曰牛居士一斥不復士大夫識與不識皆深悲之云

樂京荆南人爲布衣時鄉里稱其行義事母至孝妻張氏家絕挾女弟自隨京爲嫁之嘉祐初詔訪遺逸以薦得校書郎爲湖陽赤水二縣令神宗求言京上疏以畏天保民爲請長葛縣助役法行京曰不便遂不肯治縣事自列劄去提舉官劾之詔奪著作佐郎經十年乃復官監黃州酒稅以承議郎致仕元祐初召赴闕不至終於家

劉蒙字子明渤海人都轉運使劉庠舉遺逸召試第一知湖陽縣常平使者召會諸縣令議免役蒙以爲不便不肯與議退而條上其害卽投劄去歸鄉教授養親元

豐二年卒年四十

前時中字子居其先白壹閩徙宿州以蔭主靈陵簿邑有古河久墮請開導以溉田爲利甚博人謂之苗公河調潞州司法參軍郡守欲入一囚於死執不可守怒責甚峻時中曰宜歸田里法不可奪守悟而聽之熙寧中以司農丞使梓州路密薦能吏十八後皆進用人卒莫之知交人犯邊擢廣西轉運副使師討交人罪次富良江久不進時中曰師無進討意賊必從間道來乘我不備冀萬一之勝勢窮然後降耳密備之既而果從上流來戰敗始納款徙梓州轉運副使韓存寶討蠻奇迥迥不進行時中曰師老矣將士暴露非計之善者存寶不聽卒坐誅林廣代存寶奇迥既降復逸去將士相視失色及暮刁斗不鳴時中問廣廣曰既失賊故縱兵追之不暇恤爾時中曰天子以十萬眾相付豈以一死爲勇耶今入異境變且不測廣悟亟止追者整軍以進會得詔班師軍行時中創爲攢運法食以不乏遷兩階爲發運副使河東轉運使加直龍圖閣知桂州進寶文閣待制至戶部侍郎卒

韓贊字獻臣齊州長山人登進士第至殿中侍御史坐微累黜監江州稅道除知睦州復爲侍御史荆湖災出持節安撫湘中自馬氏擅國計丁輸米身死產竭不得免贊奏除之改知諫院進天章閣待制宰相梁適以私容姦狄青起卒伍位樞密內侍王守忠遷官不次皆舉幼無所諱出知滄瀛二州遷龍圖閣直學士河北都轉運使河決商胡而北議者欲復之役將與贊言北流既安定驟更之未必能成功不若開魏金隄使分注故道支爲兩河或可紓水患詔遣使相視如其策才役三千

人幾月而舉入判都水監權開封府政簡而治知河南府建永厚陵費省而不擾神宗稱之還知審刑院糾察在京刑獄知徐州以吏部侍郎致仕贊性行淑均平居自奉至約推所得祿賜買田贍族黨賴以活者殆百數退休十五年謝絕人事讀書賦詩以自娛年八十五卒楚建中字正叔洛陽人第進士知榮河縣民苦鹽稅不平建中約田多寡以爲輕重主管郵延經略機宜文字夏人來正土疆往莅其事累暴至兩騎傳矢引滿向之建中披腹使射曰吾不憚死騎卽去眾服其量元昊歸款建中白府請築安定黑水八堡以控東道夏人果來間有備不敢入累遷提點京東刑獄鹽鐵判官昭陵建命裁定調度省數十萬計慶慶路淮南京西轉運使進度支副使神宗用事西鄙召欲用之言不合旨出知滄州久之爲天章閣待制陝西都轉運使知慶州江寧成德軍以正議大夫致仕元祐初文彥博薦爲戶部侍郎不拜卒年八十一

張頌字仲舉其先金陵人徙鼎州桃源第進士調江陵推官歲旱饑朝廷遣使安撫頌條獻十事活數萬人知益陽縣縣接梅山溪峒多蠻獠出入頌按禁地約束召蠻人耕墾上其事不報累遷開封府判官提點江西刑獄廣東轉運使熙寧中章惇取兩江地建沅懿等州克梅山與楊光偕爲敵頌居憂於鼎移書朝貴言兩江殺戮過甚無辜者十八九浮屍蔽江民不食魚者數月惇疾其說欲分功嘆之乃言曰昔晉令益陽首建梅山之議今日成功權輿於頌詔賜絹三百匹尋擢江淮制置發運副使改知荆南復徙廣西轉運使時建廣源爲順州將城之頌謂無益朝廷從其議坐梓罵參軍沈諫罷

歸未幾以直集賢院知齊滄二州進直龍圖閣知桂州時有獻言者謂海南黎人陳被蓋五洞首領異時強且為中國患今請出兵自劾宜有以撫納之命頡處其事頡使一介往呼之出補以牙校喜而去詔問何賞之薄對曰荒徼蠻蠻無他覬得是足矣尋罷兵海外訖無事久之轉運使馬默劾其經理宜州蠻事失宜罷職知均州哲宗立還故職知鳳翔廣州召為戶部侍郎頡所歷以嚴致理而深文狡獪右司諫蘇轍論之不報踰年以寶文閣待制出為河北都轉運使徙知瀛州湖北溪

搖畔朝廷託頡素望復徙知荆南至都門暴卒

盧革字仲辛湖州德清人少舉童子首選至登第年才十六慶厯中知翼州蠻入寇桂管騷動革經畫軍須先事而集移書安撫使杜杞請治諸郡城及易長吏之不才者又言嶺外小郡合四五不當中州一大縣無城池甲兵之備將為賊困宜度遠近并省之後儂智高來九郡相繼不守皆如革慮知葵泉二州提點廣東刑獄福建湖南轉運使復請外遂為宣州以光祿卿致仕卒年八十二子秉

秉字仲甫中進士甲科調吉州推官青州掌書記知開封府倉曹參軍浮沈州縣二十年人無知者王安石得其壁間詩識其靜退方置條例司預選中奉使淮浙治鹽法與薛向究索利病出本錢業鷲海之民戒不得私鬻還奏遂為定制檢正吏房公事提點兩浙淮東刑獄顯提舉鹽事持法苛嚴追胥連保罪及妻孥一歲中犯者以千萬數進制置發運副使東南饑詔損上供米價以糴兼言價雖賤貧者終難得錢請但償糴本而以其餘振斂是歲上計神宗問曰聞祿和民捕蝗充食有諸

對曰有之民飢甚死相枕籍帝惻然曰前此獨趙抃為朕言之耳先是發運使多獻餘羨以希恩寵秉言職在董督六路財賦以時上之安得羨今稱羨者率正數也請自是罷獻獨以七十萬緡償三司逋加集賢殿修撰知渭州五路大出西討唯涇原有功進寶文閣待制夏境胡盧川距塞二百里恃險遠不設備秉遣將姚麟彭孫襲擊之俘斬萬計遷龍圖閣直學士夏酋目木多威丹舉國入寇犯熙河定西城秉治兵瓦亭分兩將駐靜邊砦指夏人來路曰吾遲明坐待捷報矣及明果至見宋師警曰天降也縱擊之皆奔潰或言威丹已死有識其衣服者諸將請以聞秉曰幕府上功患不實吾敢以疑似成欺乎他日物色之威丹果死詔褒賜服馬金幣且使上所獲器甲秉守邊久表父革年老乞歸移知湖州復詔還渭元祐中知荆南劉安世論其行鹽法虐民降待制提舉洞霄宮卒

列傳

宋五十五

滕元發

李師中

陸說

趙島

孫路

游師雄

穆行

滕元發初名甫字元發以避高魯王諱改字為名而字達道東陽人將生之夕母夢虎行月中墮其室性豪雋慷慨不拘小節九歲能賦詩范仲淹見而奇之舉進士廷試第三因聲韻不中程罷再舉復第三授大理評事通判湖州孫沔守杭見而異之曰奇才也後當為賢將授以治劇守邊之略召試為集賢校理開封府推官鹽鐵戶部判官同修起居注英宗書其姓名藏禁中未及用神宗即位召問治亂之道對曰治亂之道如黑白東西所以變色易位者朋黨汨之也神宗曰卿知君子小人之黨乎曰君子無黨辟之草木綱繆相附者必蔓草非松柏也朝廷無朋黨雖中主可以濟不然雖上聖亦殆伏讀通鑑輯覽 御批滕元發此神宗太息久之進知制誥知諫院御史中丞王陶論宰相不押班為跋扈神宗以問元發元發曰宰相固自有罪然以為跋扈則臣以為為欺天陷人矣拜御史中丞東都事略作知開封府遷御史中丞種諤擅築綏州且與薛向發諸路兵環慶保安皆出剽掠夏人誘殺將官楊定元發上疏極言諒祚已納款不當失信邊隙一開兵連民疲必為內憂又中書樞密制邊事多不合中書賞戰功而樞密降約束樞密詰修堡而中書降詔詔元發言戰守大事也而異同如是願敕二府必同而後下宰相以其子判鼓院諫官謂不可神宗

曰鼓院傳達而已何與於事元發曰人有訴宰相使其子達之可乎神宗悟為罷之京師郡國地震元發上疏指陳致災之由大臣不悅出知秦州神宗曰秦州非朕意也留不遣河北地震命元發為安撫使時城舍多圯吏民懼壓皆僝瘵芟舍元發獨處屋下曰屋摧民死吾當以身同之瘞死食飢除田租修隄障察貪殘督盜賊北道遂安除翰林學士知開封府夏國主秉常被篡元發言繼遷死時李氏幾不立矣當時大臣不能分建諸豪乃以全地王之至今為患今乘常失位諸將爭權天以此遣陛下若再失此時悔將無及請擇立一賢將假以重權使經營分裂之可不勞而定百年之計也神宗奇其策然不果用元發在神宗前論事如家人父子言無文飾洞見肝鬲神宗知其誠蓋事無巨細人無親疏輒皆問之元發隨事解答不少嫌隱王安石方立新法天下詢譎然恐元發有言而帝信之也因事以翰林侍讀學士出知鄆州徙定州初入郡東都事略言新法之害且曰臣始以意度其不可耳既為郡乃親見之歲早求言又疏奏新法害民者陛下既知之矣但下一手詔應熙寧三年以來所行有不便者悉罷之則民心悅而天意解矣皆不聽歷青州應天府齊鄧二州會婚黨李逢為逆或因以擠之黜為池州未行改安州流落且十歲猶以前過貶居筠州或以為復有後命元發談笑自若曰天知吾直上知吾忠吾何憂哉遂上章自訟有曰樂羊無功謗書滿篋即墨何罪毀言日聞神宗覽之惻然即以爲湖州哲宗登位徙蘇揚二州除龍圖閣直學士復知鄆州學生食不給民有爭公田二十年不決者元發曰學無食而以良田飽頑民乎乃請以為學田

遂絕其訟時淮南京東饑元發慮流民且至將蒸為瘠疫先度城外廢營地召諭富室使出力為席屋一夕成二千五百間并竈器用皆具民至如歸所全活五萬東都事略載元發在太原全活流民五萬與本傳異徙真定又徙太原元發治邊凜然威行西北號稱名師河東十二將其八以備西邊分半番休元發至之八月邊遽來告請八將皆防秋元發曰夏若併兵犯我雖八將不敵若其不來四將足矣卒遣更休防秋將懼扣問爭之元發指其頸曰吾已舍此矣頭可斬兵不可出是歲塞上無風塵警詔以四砦賜夏人葭蘆在河東元發請先畫境而後棄且曰取城易棄城難命部將皆虎領兵護邊夏不敢近夏既得若又欲以綏德城為說畫境出二十里外元發曰是一舉而失百里必不可九上章爭之以老力求淮南乃為龍圖閣學士復知揚州未至而卒年七十一贈左銀青光祿大夫諡曰章敏

李師中字誠之楚邱人年十五上封事言時政父緯為涇原都監夏人十餘萬犯鎮戎緯帥兵出戰而帥司所遺別將郭志高逗遛不進諸將以眾寡不敵不敢復出不屈夷簡怒以為非布衣所宜言對曰師中所言父事也由是知名舉進士鄆延龐籍辟知洛川縣民有罪妨其農時者必遣歸令農隙自詣吏令當下者榜于民或召父老論之租稅皆先期而集民負官茶直十萬緡追繫甚眾師中為脫桎梏語之曰公錢無不償之理寬與汝期可乎皆感泣聽命乃令鄉置一匱籍其名許日輸所負一錢以上輒投之書簿而去比終歲通者盡足官移諸郡粟於邊已而反之盛冬大雪勞且費至賤售子

兼并家師中令過縣願輸者聽躬坐庖門執契以須數日得萬斛使下其法於他縣嘗出鄉亭見戎人雜耕皆兵與時入中國人籍其力往往結為婚姻久而不歸師中言若輩不可雜處言之經略使并索旁郡者從諸絕塞龐籍為樞密副使薦其才召對轉太子中允知敷政縣權主管經略司文字夏人以歲賜緩移邊曰願勿逾歲暮詔吏報許師中更牒曰如故事樞密院劾為擅改制書師中曰所改者郡牒耳非制也朝廷是之薄其過提點廣西刑獄桂州靈渠故通漕歲久石窒舟滯師中即焚石鑿而通之邑管有馬軍五百馬凡遇夏多死師中謂地皆險阻無所事騎奏罷之初邕州蕭注宜州張師正謀啓邊釁注欲以所管蠻响首豪往討交阯云不用朝廷兵食詔下經略使蕭固轉運使宋咸二人為注所餌合詞稱便而師中至詔以注奏付之師中邀注來難之曰君以首豪伐交阯能保必勝乎曰不能師中曰既不能保必勝脫有敗趾奈何注知不可遂罷議會蠻酋申紹泰入追亡者害巡檢宋士堯注又張皇為駭奏仁宗為之肝食師中言無足憂因劾注邀功生事掎敝失眾心卒致將率敗覆按法當斬於是注責泰州安置并按固咸皆坐貶師中攝帥事東都事略作師中選交轉運使既而攝帥事交趾輝兵於邊聲言將入寇師中方宴客飲酒自若草六榜揭境上披露其情遂不敢動即日貢方物紹泰懼委巢穴遁去儂智高子宗旦保火峒眾無所屬前將規討以幸賞遂固守師中檄諭禍福立率其族以地降邊人化其德多畫像立祠以事稱為桂州李大夫還知濟甯二州濟水埋塞久師中訪故道自充城西南啓鑿之功未半而去遷直史館知鳳翔府神譚取綏州師中言西

夏方入貢叛狀未明恐彼得以藉口徒啓其釁端郵延路規知西夏駐兵綏銀州檄諸路當牽制師中疏論牽制之害時諸將皆請行師中曰不出兵罪獨在帥非諸將受也既而此舉卒罷熙寧初拜天章閣待制河東都轉運使西人入寇以師中知秦州詔賜以班超傳師中亦以持重總大體自處前此多屯重兵於境寇至則戰嬰其銳鋒而內無以遏其入師中簡善守者列塞上而使善戰者居中令諸城曰即寇至堅壁固守須其去出戰士尾襲之約束既熟常以取勝王韶築渭湮上下兩城屯兵以脅武勝軍撫納洮河諸部下師中議遂言今修築必廣發兵大張聲勢及令蕃部納土招弓箭手恐西蕃及洮河武勝軍部族生疑今不若先招撫青唐武勝及洮河諸族則西蕃族必乞修城砦因其所欲量發兵築城堡以示斷絕夏人鈔略之患部人必歸心詔師中罷帥事詔又請置市易募人耕緣邊曠土師中奏阻其謀王安石方主詔坐以奏報反覆罪削職知舒州徙洪登齊復待制知瀛州又乞召司馬光蘇軾等置左右師中言時政得失又自稱薦曰天生微臣蓋為聖世有臣如此陛下其舍諸呂惠卿欺其語以為同上遂貶和州團練副使安置還右司郎中卒按東都事略載遂貶州團練副使安置徙單州復分司南京提舉太極觀卒年六十六師中始州州縣邸狀報包拯參知政事或云朝廷自此多事矣師中曰包公何能為今鄆縣王安石者眼多白甚似王敦他日亂天下必斯人也後二十年言乃信其志尚甚高每進見多陳天人之際君臣大節請以進賢退不肖為宰相考課法在官不貴威罰務以信服人至明而恕去之日民擁道遮泣馬不得行杜衍范仲淹富弼皆薦其有王佐才然好

為大言以故不容于時而屢黜氣未嘗少衰陸誥字介夫餘杭人進士起家簽書北京判官貝州亂給事不之及賊平又條治其獄無濫者加集賢校理通判秦州范祥城古渭誥主餽餉具言非中國所恃而勞師屯戍且生事既而諸羌果怒爭塞下大擾經二歲乃定判太常禮院吏部南曹提點開封縣鎮咸平龍騎軍皆故羣盜牢廩不時得嚴益給官還營不自安大校柴元煽使亂誥詔往視許元以不死命取始禍者自贖眾皆帖然提點陝西刑獄時鑄錢法壞議者欲變大錢當一說言民間素重小銅錢而賤大鐵錢他日以一當三猶輕之今減令均直大錢必廢請以一當二則公私所損亡幾而商賈可以通行兼盜鑄者計其直無贏將必自止從之徒說南北轉運使直集英院進集賢殿修撰知桂州奏言邕去桂十八驛曷時經略使未嘗行飭武備臣願得一往使羣蠻知省大將號令因以聲震南交詔可自儂鑑定後交人寢驕守帥嘗姑息說至部其使者黎順宗來偃蹇如故態誥詢其禮召問折論導以所當為懾伏而去說遂至邕州集左右江四十五峒首詣麾下開簡工丁五萬補置將吏更鑄印給之軍聲益張交人滋益恭遣使入貢召為天章閣待制知諫院命張田代之英宗戒以毋得改說法道除知延州趣入覲帝勞之曰卿在嶺外施設無不當者郵延最當敵要今將何先對曰邊事難以預度未審陛下欲安靜也將威之也帝曰大抵邊陲當安靜昨王素為朕言惟朝廷與帥臣意如此至如諸將無不貪功生事者卿謂何如誥曰素言是也諒祚寇慶州以敗還聲言益發人驕且出媿辭復攻圍大順城誥謂曰責習致然不稍加折謂則國

威不立乃留止請時服使者及歲賜而移有州問故帝
喜曰固知詭能辦此諒祚聞之大沮盤旋不敢入乃報
言邊吏擅興兵今誅之矣朝廷遣何次公持詔書諭告
詵以為未可明年又乞留賜冬服及大行遺留二使而
自以帥牒告之故諒祚始因詵謝罪供貢職銀州監軍
鬼名山與其國隙扣青澗城主種諤求內附諤以狀聞
遂欲因取河南地詵曰數萬之眾納土容可受若但以
眾來情偽未可知且安所置之戒諤毋妄動諤持之力
詵詵召諤問狀與轉運使辭向議撫納詵向言名山誠
能據橫山以扞敵我以刺史世封之使自為守故為中
國之利今無益我而輕啓西費非計也乃其畫三策令
幕府張穆之入奏而穆之陰受向指詵言必可成神宗
意詵不協力徒知秦鳳諤遂發兵取綏州詵欲理諤不
稟節制之狀未及而徙詵馳見帝請棄綏州而上諤罪
帝愈不憚罷知晉州既諤抵罪向穆之皆坐貶以詵知
真定改龍圖閣學士知成都青苗法出詵言蜀峽刀耕
火種民常不足今省稅科折已重其民輕修不為儲積
脫歲儉不能償通適陷之死地願罷四路使者詵獨置
成都府一路既寧三年卒年五十九子師閔按宋史此
附傳師閔以言利見用其居
官事蹟一無可取今從刪

而不遣則我留橫山之眾未為失也又徙遼師郵延為
移書執政請存綏州以張兵勢先規度大理河川建堡
砦畫稼穡之地三十里以處降者若棄綏不守則無以
安新附之眾援種世衡招蕃兵部敵屯青澗城故事朝
廷從之活降人數萬為東路捍蔽熙寧初夏人誘殺知
保安軍楊定等既而以李崇貴韓道喜來獻且請和好
朝廷欲官其任事之酋鑄歲賜以為俸給因使納塞門
安遠二砦而還綏州離言綏實形勢之地宜廣墻邊障
乃無窮之利若存綏以觀其變計之得也神宗召問狀
對曰綏之存亡皆不免用兵降二萬人入吾肝脾慶後
已深不可亡備神宗然之除集賢校理夏人犯環慶後
復來質正商請邊吏離其心腹因以招橫山之眾此不
戰而屈人兵也遷提點陝西刑獄韓絳宣撫陝西河東
兵西討離為絳言大兵過山界皆砂磧乏善水草又亡
險隘可以控扼今竊危之若乘兵威招誘山界人戶處
之生地當先經畫山界控扼之地然後招降不爾勞師
遠攻未見其利絳欲取橫山納神諤之策遂城囉兀以
離權宣撫判官諤趣河東兵會銀川規以後期將斬離
白絳合諤自往中路迎東兵諤懼違節制乃不敢逞加
直龍圖閣知延州夏人屢欲款塞每虛聲搖邊詔問方
略離審計形勢為破敵之策以獻遣裨將曲呂眞以
兵千人分巡東西路夏人方以四萬眾自開道欲取綏
道遇珍惶駭亟戰眞繼至夏眾敗走夏自失綏意未能
已離揣知其情奏言夏使請和必欲畫綏界願聽本路
經略司分畫歲賜則俟通和之日復焉明年遂用離策
為藩蔽寶元用兵後期耗殆盡其曠土為諸酋所有離

因招問曰往時汝族戶若干今皆安在對大兵之後死
亡流散其所存止此處曰其地存乎首無以對離曰聽
汝自募丁家使占田充兵若何吾所得者人爾田則吾
不問也諸酋皆感服歸慕悉補亡籍又檢括境內公私
閒田得七千五百餘頃募騎兵萬七千離以異時蕃兵
提空薄漫不可攷因議涅其手屬歲饑離令蕃兵願刺
手者貸常平穀一斛於是人人願刺因訓練以時精銳
過於正兵神宗聞而嘉之擢天章閣待制交趾叛詔為
安南行營經略招討使總九將軍討之以中官李憲為
貳離與議不合請罷憲神宗問可代者離以郭達老邊
事願為裨贊於是以達為宣撫使離副之達至輒與離
異離欲乘兵形未動先撫輯兩江峒丁擇壯勇啖以利
使招徠攜貳贖其腹心然後以大兵繼之達不聽離又
欲使人齎敕榜入賊中招納又不聽遂合燕達先破廣
源復還承平離以為廣源開道距交州十二驛趣利掩
擊出其不意川途並進三路致討勢必分潰固爭不能
得賊乘緩遂據江列戰艦數百艘官軍不能濟離分遣
將吏伐木治攻具機石如雨其艦被擊皆廢徐以罷卒
致賊設伏擊之斬首數千級賊其渠酋遂皆降達作於
玩寇乃移疾先還達既坐貶離亦以不即平賊降為直
龍圖閣知桂州後復天章閣待制權三司使時西師大
舉五路並進以離為河東轉運使領降卒赴鄜延餉種
諤軍諤抵罪離又坐餽輓不給黜知相州既而鑄職知
淮陽軍居數月盡復故職知慶州羌伊特明桑詭稱送
幣將入寇離知蕃主白信可使信適以罪係獄械出
之告以其故約期日使往果縛取以歸明年夏人欲襲
取新壘大治攻械離具上提夏計及夏侵蘭州離遣曲

珍將兵直抵鹽亭伊賊千驅羣畜五千其首拽厥鬼名宿兵於賀蘭原時出攻邊遠遣將李照甫蕃官歸仁各將兵三千左右分擊耿端彥兵四千趨賀蘭原戒端彥曰賀蘭險要過嶺則砂磧也使敵入平夏無繇破之又選三蕃官各與輕兵五百取開道出敵若後邀其歸路端彥與戰賀羅平敵敗果趨平夏千兵伏發敵駭潰斬敵甚眾生擒鬼名斬首領六獲戰馬七百牛羊老幼三萬餘遷龍圖閣直學士復帥延安元祐初梁伊瑪數擾邊遠知夏將入侵檄西路將劉安李儀曰夏即犯塞門汝徑以輕兵擣其腹心後果來犯安等襲洪州伊斬甚眾夏遂入貢既而以重兵壓境將亟請益戍兵為備離徐諭之曰第謹斥檠整戈甲無為寇先戍兵不可益也因遣人詰夏夏兵遂去遷樞密直學士伊瑪終不悅使聞以善意問伊瑪何苦為仇必欲寇第恐所得不能償所亡洪州是也能改吾善遇汝遣之戰袍錦絲自是伊瑪不復窺塞虜乃縱開國中疑而殺之五年拜端明殿學士遷大中大夫夏遣使以地界為請朝廷許還葭蘆米脂浮屠安疆四砦以離領分畫之議夏既得四砦猶未有恭順意未幾復犯涇原會慶卒年六十五贈右光祿大夫紹聖四年以虜與元祐棄地議係其名於黨籍

孫路字正甫開封人進士及第元豐中為司農丞鄧潤甫薦為御史召對其言不合新政神宗語輔臣以為不可用下遷主簿路求通判河州徙蘭州夏人入寇論扞禦功進五階除陝西轉運判官元祐初為吏部禮部員外郎侍講徐王府司馬光將棄河湟那恕謂光曰此非細事當訪之邊人孫路在被四年其行止足信可問也

光亟召問路披輿地圖示光曰自通遠至熙州纔通一徑熙之北已接夏境今自北關辟土百八十里瀕大河城蘭州然後可以扞敵若指以子敵一道危矣光幡然曰賴以訪君不然幾誤國事議遂止遷右司郎中以直龍圖閣知慶州章惇柄國復議取棄地時諸道相視未進路聲言修舊壘載器甲樓鹵頓大順城下夜半趨安疆遲明據之六日而城完加寶文閣待制遂築興平橫山進龍圖閣直學士徙知熙州涇源城西安詔出師牽制其勢路即將眾臨會州遂建取青唐之策大將王愍王瞻擣遷州瞻先至下之愍與爭功路右愍願屬以兵瞻有請輒弗應瞻訴諸朝召拜路兵部尚書以龍圖閣學士知成都未行坐他事削職知興國軍徽宗立歷太原河南永興軍河中府卒

游師雄字景叔京兆武功人學於張載第進士為儀州司戶參軍遷德順軍判官鄜延將劉瑄與主帥議戰守策欲自延安入安定黑水師雄以地薄賊境懼有伏請由他道既而謀者言夏伏精騎於黑水傍瑄謝曰微君言吾不返矣趙禹帥延安辟為屬時夏人擾邊戍兵在別堡龍安以北諸城兵力咸弱禹患之師雄請發義勇以守多聚石城上待其至夏人知有備不敢入但襲荒堆三泉而還歲饑行諸壘振貸計口賦糧人無殍亡運石營田深溝繕城邊備益固元祐初為宗正寺主簿執政將棄四砦訪於師雄師雄曰此先帝所立以控制夏人者也若何棄之不惟示中國之怯將起敵人無厭之求儻瀘戎荆粵視以為請亦將與之乎萬一燕人遣一乘之使來求關南十縣為之奈何不聽因著分疆錄遷軍器監丞吐蕃定邊屬羌構夏人為亂謀分據熙河

朝廷擇可使者與邊臣措置詔師雄行聽便宜從事既至謀知夏人聚兵天都山前鋒屯通遠境吐蕃將攻河州師雄欲先發以制之請於帥劉舜卿舜卿曰彼眾我寡奈何師雄曰在謀不在眾遂分兵為二姚兕將而左种誼將而右兕破六逋宗城斬首千五百級攻講朱城斷黃河飛梁青唐十萬眾不得度誼破洮州擒鬼章及大首領九人斬首千七百級捷書聞百僚表賀遣使告永裕陵將厚賞師雄言者猶以為邀功生事止遷一官為陝西轉運判官提點秦鳳路刑獄夏人侵涇原復入熙河師雄言蘭州距賊一舍通遠不百里非有重山複嶺之阻宜於定西通渭之間建安遮納迷結珠三柵及護耕七堡以固藩籬此無窮之利也詔付范育皆如初議入拜祠部員外郎加集賢校理為陝西轉運使

事略作轉運內地移粟於邊民以輦餽為病師雄言往者邊土不耕仰給於內今積粟已多軍食自足宜令內地量轉輸致之直以免大費報可召詣闕哲宗勞之曰洮州之役可謂雋功但恨賞太薄耳對曰皆上稟廟算臣何力之有焉唯當時將士勦勞未錄此為欠也因陳其本末拜衛尉少卿哲宗數訪邊防利病師雄具慶歷以來邊臣施置之臧否朝廷謀議之得失及方今禦敵之要凡六十事名曰紹聖安邊策上之出知邠州改河中府進直龍圖閣知秦州未至詔攝熙州以夏人擾邊詔使者與熙師秦師共謀之使者銳於討擊師雄謂進築城壘以自蔽席捲之師未應深入上章爭之不報既而使者知攻取之難卒用師雄策自復洮州之後于闐大食佛林邈黎諸國皆懼悉遣使入貢朝廷令熙河限其二歲一進師雄曰如此非所以來遠人也未幾還秦徙知

陝州卒年六十師雄慷慨豪邁有志事功議者以用不盡其材爲恨

穆衍字昌叔河內人徙河中第進士調華池令民牛爲仇家斷舌而不知何人訟于縣衍命殺之明日仇以私殺告衍曰斷牛舌者乃汝耶訊之具服後知洹化耀之屬縣衍從韓絳宣撫陝西遇慶卒潰亂衍念母在耀亟謁歸信宿走七驛比至慶卒嘗成華池知衍名不敢近時諸郡捕賊兵糧糈無以給遂擅發常平倉且懼得罪衍曰饑之不恤則吾兵將爲慶卒矣衍考課爲一路最元豐中神諤西征參其軍事諤第賞以死事爲下衍曰此非所以勸忠也力爭之諤還入塞詔往靈武援渭慶兩軍將行衍曰吾兵甫歸未及解甲安能犯不測於千里外哉諤乃止同幕畏罪陽謝衍曰師不再舉君之力也衍識其意曰全萬眾之命以一身塞責衍無憾焉元祐初大臣議棄熙蘭衍與孫路論疆事以爲蘭棄則熙危熙棄則關中震唐自失河湟西邊一有不順則警及京都今二百餘年非先帝英武孰能克復若一旦委之恐後患如前悔將無及矣議遂止改陝西轉運判官金部戶部員外郎熙河分畫未決詔衍視之還言質孤勝如據兩川美田實彼我必爭之地自西關失利遂廢不守請界二壘之間城李諾平以控要害及他城堡皆起亭障以通涇原明年遂城李諾名曰定遠三遷左司郎中紹聖初以直祕閣爲陝西轉運使加直龍圖閣知慶州徙延安又徙秦州未行而卒年六十三敕河中官庀其葬後追錄不棄蘭州議官其一子

欽定續通志卷三百五十一

列傳

宋五十六

楊佐 李兌先 沈立

張揆 張薰 俞允

劉瑾 閻詢 葛宮江密書思

張田 榮諲 李載

姚漢 朱景光庭 李琮

朱壽隆 盧士宏 單煦

楊仲元 余良肱爽 潘夙

楊佐字公儀本唐靖恭諸楊後至佐家于宣及進士第為陵州推官州有鹽井深五十丈皆石也底用柏木為榦上出井口垂綆而下方能及水歲久榦摧敗欲易之而陰氣騰入上者輒死惟天有雨則氣隨以下稍能施工晴則亟止佐教工人以木盤貯水穴竅灑之如雨滴然謂之雨盤如是累月井榦一新利復其舊累遷河陰發運判官幹當河渠司皇祐中汴水殺溢不常漕舟不能屬佐度地鑿瀆以通河流於是置都水監命佐以鹽鐵判官同判京城地勢南下涉夏秋則苦霖潦佐開承通河疏溝滄出野外自是水患息又議治孟陽河議者謂不便佐言國初歲轉京東粟數十萬今所致亡幾儻不濟復舊跡後將廢矣乃從其策出為江淮發運使孟陽之役調民七八千夷邱墓百數怨聲盈塞詔開封鞠治官吏獨捨佐不問糾察刑獄劉敞請加貶黜不聽召為鹽鐵副使拜天章閣待制復判都水知審官院權發遣開封府再使契丹卒于道年六十一詔恤其家

李兌字子西許州臨潁人登進士第由屯田員外郎為

續通志 卷三百五十二 列傳 宋

殿中侍御史按齊州叛卒獄成有欲夜奪囚者兌以便宜斬之人服其略張堯佐判河陽兌言堯佐素無行能不宜以威里故用改同知諫院狄青宣撫廣西入內都知任守忠為副兌言以宦者觀軍容致主將掣肘非計仁宗為罷守忠進侍御史知雜事擢天章閣待制知諫院轉運使制祿與郡守殊時有用彈劾奪節及老疾請郡者一切得仍奉稍兌言非所以勸沮乃詔悉依所居官格兌在言職十年凡所論諫不自表暴故辭傳世出知杭州帝書安民二字以寵徙越州加龍圖閣直學士知廣州南人謂自劉氏納土後獨兌著清節還知河陽帝又寵以詩徙鄧州兌歷守名郡為政簡嚴老益精明自鄧歸泊然無仕宦意對使殿力勾退英宗命無拜以為集賢院學士判西京御史臺積官尚書右丞轉工部尚書致仕卒年七十六謚曰莊從弟先

先字淵宗起進士為虔州觀察推官攝吉州承新令兩州俗尚訟先為辨枉直皆得其平知信州南安軍撫楚州歷利梓江東淮南轉運使壽春民陳氏施僧田其後貧弱往勾食僧所而僧逐之取僧園中筍遂執以為盜先詰其由奪田之半以還之所至治官如家積官至祿書監致任兄兌尚無恙事之彌篤以子敘封得大中大夫閒居一紀卒年八十三子庭玉年六十即棄官歸養人賢其家法云

沈立字立之歷陽人舉進士簽書益州判官提舉商胡埽采撫大河事迹古今利病為書曰河防通議治河者悉守為法遷兩浙轉運使蘇湖水民艱食縣戒強豪民發粟以振立至命還之而勸使自稱負須歲稔官為責償茶禁害民山場榷場多在部內歲抵罪者輒數萬而

官僅得錢四萬立著茶法要覽乞行通商法三司使張方平上其議後罷權法如所請立召為戶部判官奉使契丹適行冊禮欲令從其國服不則見於門立折之曰往年北使講見儀未嘗令北使易冠服況門見耶契丹遂止遷京西北轉運使都水方興六塔河召與議立請祇修五股等河及漳河分殺水勢以省役從之按長編至和二年十二月河決大名館陶殿中丞李仲昌請自澶州商湖河穿六塔渠入橫隴故道以道其勢當獨是其策詔發三十萬丁修六塔河以回河道以仲昌提舉河渠翰林學士歐陽修三上疏力諫其不可行帝不聽嘉祐元年夏四月六塔河復決河北被害者凡數千非便詔罷其役立往行視內使劉叔遂奏六塔之役莫之當未幾又併五股河決之本傳稱立請止修五股等河當加築賢修撰知滄州進石諫議大夫判都水監在此時江淮發運使居職辦治數詔嘉之知越州杭州審官西院江寧府初立在蜀悉以公粟售書積數萬神宗問所藏立上其目及所著名山水記徙宣州提舉崇禋觀卒年七十二

張揆字文裕齊州歷城人父蘊咸平初監淄州兵契丹內侵遊騎至淄青開州人將棄城蘊拔刀遮止於門力治守備遊騎為之引去州守媿始謀掠為己功反陷以罪蘊受而不校揆幼篤孝蘊病到股肉以療舉進士知益都縣當督賦租置里胥弗用而民皆以時入石介獻息民論請以益都為天下法丁內艱時隆寒徒跌舉柩叩首流血與兄揆廬墓左明道中京東饑盜起以御史中丞范諷薦知萊州掖縣民訴旱于州拒之揆自薦奏聞詔除登萊稅通判永興軍為集賢校理四遷為龍圖閣直學士知成德軍宦者閻士良為鈴轄多撓帥權用危法中軍校揆直之而劾士良英宗登極朝廷使來告士良辭疾居家宴客自若奏抵其罪入判太常司農寺

志五三三

累官戶部侍郎致仕熙寧七年卒年八十拔忠篤誠慈
既老益康寧少從劉潛李冠遊及其死率里人葬之置
田贍其孥事揆如父理家必諍而行為鄉黨矜式

張壽字景元樞密直學士奎之子也舉進士通判鄆州
州卒謀亂期有日壽得告者徐詣營取首惡實諸法知
沂濰二州沂產布濰產絹而有司科賦相反壽始革之
其役入損於舊五之四且命吏曰吾知守己而已無妨
後人汝勿著為式提點河北刑獄攝領澶州七日而商
胡決濤拯溺球饑所全活者十餘萬猶坐免數年復提
點河東陝西京西刑獄為鹽鐵判官淮南轉運使江淮
發運副使泗州水城且壞壽悉力營護詔寵其勞入為
戶部副使京師賦趨於酒人有常籍毋問售不售或廢
產以償壽請罷歲額嚴禁令隨所用勉多寡以售官脩
睦親宅議取民居壽言芳林園有餘地宗室足自處無
庸取民居從之遷天章閣待制陝西都轉運使蒲津浮
橋壞鐵牛皆沒水中壽以策列巨木於岸以為衝絕石
其秒挽出之橋復其初保安二土豪善騎射為邊人所
憚故縱善馬誘使取之而疆以漢法壽按得其狀俱以
款軍加龍圖閣直學士知成都府蜀人苦多盜壽嚴保
伍使不得隱而申其捕限南蠻寇黎雅討走之罷磨刀
崖戍卒改知瀛州母喪服闋故事起執政以詔近臣以
堂帖神宗特命賜詔判太常寺知鄧許二州復判太常
知通進銀臺司提舉崇福宮由給事中易通議大夫卒
年七十壽才智敏給嘗從范仲淹使河東至汾州民遮
道數百趨訴仲淹以付壽方與客弈局未終處決已竟
英宗時三司前奏事帝詰壽錢本末皆不能對壽悉論
無隱帝是之顧左右識其姓名後欲以為觀察使守邊

日卿家世事也壽對曰臣叔父元有大才臣愚不可繼
遂止
俞充字公達明州鄞人登進士第熙寧中為都水丞提
舉沿汴淤泥溉田為上腴者八萬頃檢正中書戶房加
集賢校理淮南轉運副使遷成都路轉運使茂州羌寇
邊充上十策禦戎神宗遣內侍王中正司經制建三堡
復永康為軍因詐殺羌眾以為中正功與深相結至出
妻拜之中正還闕舉充可任召判都水監進直史館中
書都檢正御史彭汝礪論其媚事中正命遂廢河決曹
村充往救護還陳河防十餘事加集賢殿修撰提舉市
易歲登課百四十萬故事當賜錢充曰奏課職也願自
今罷賜詔聽之擢天章閣待制知慶州慶陽兵驕小繩
治輒肆悖充嚴約束斬妄言者五人於軍門間有疾苦
則巡撫勞餉死不能舉者出私財以周其喪以故莫不
畏威而懷惠環州田與夏境犬牙交錯每穫必遭掠多
棄弗理充檄所部復以時耕植募家族山夷叛舉戶亡
入西者且三百充遣將張守約耀兵塞上夏人亟反之
充之帥邊實王珪薦欲以過司馬光之入充亦知帝有
用兵意屢倡請西征後言夏秉常為母梁所戕或云雖
存而囚不得與國政其母宜淫凶恣國人怨嗟實為興
師問罪之秋也秉常亡將有桀黠者起必為吾患今師
出有名天亡其國度如破竹之易願得乘傳入觀面陳
攻討之略詔令採屬入議未及行充暴卒年四十九
劉瑾字元忠吉州人沆之子也第進士為館閣校勘沆
亡得喪贈知制誥張環章詞語涉譏貶瑾泣涕不能食
闕門哀絰遂宰相自言朝廷為改書命馳環為州瑾亦
坐哀服入公門罷職沒喪不就官守墳墓王素為請

以伸孝子之志詔復職遷集賢校理通判睦州為淮南
轉運副使召修起居注加史館修撰河北轉運使拜天
章閣待制知瀛州坐與世居通問徙明州未行改鎮廣
州與樞密院論成兵不合改虔州轉擢都監楊從先奉
旨募兵不至擅遣其子懋糾諸縣巡檢兵集郡下瑾怒
責之遽發悖謬語懋訴瑾于朝遂廢于家踰年復待制
知江州歷福州秦州成德軍卒瑾素有操尚所泣以能
稱然御下苛嚴少縱舍好面折人短以故多致訾怨
閭閻字議道鳳翔人少時以學問著聞擢進士第
又中書判拔萃科累遷秘書丞為監察御史裏行詔治
王素獄坐有嫫嫌不以聞降監河陽酒稅累遷為鹽鐵
判官使契丹詢頗諳北方疆理時契丹在鞞淀逐者王
惠導詢由松亭往詢曰此松亭路也胡不徑蔥嶺而迂
枉若是豈非夸大國地廣以相欺邪惠慚不能對加直
龍圖閣知梓州徙河東轉運使言三路土兵疲老者聽
其族以強壯者代從之進集賢殿修撰知河中府大河
漲壞浮橋詢易為長橋拜天章閣待制知廣州不即赴
罷職知商州神宗時轉右諫議大夫改邠同二州提舉
上清太平宮卒年七十九

葛宮字公雅江陰人舉進士授中正軍掌書記善屬文
上太平雅頌十篇真宗嘉之召試學士院進兩階又獻
寶符閣頌為楊億所稱知南充縣東川饑民艱食部使
者檄守資昌兩州以惠政聞知南劍州土豪彭孫聚黨
數百憑依山澤為盜吏民不可捕宮遣沙縣尉許抗諭
降之並溪山多產銅銀吏挾姦罔利課歲不登宮一變
其法歲羨餘六百萬三司使聞於朝論當賞宮曰天地
所產吾固盜之又可為功乎卒不言徙知滁秀二州秀

介江湖間吏爲關澤濱上以征往來開有昏奔趨期者多不克宮命悉毀之積官祕書監太子賓客治平中轉工部侍郎熙寧五年卒年八十一宮性敦厚恤錄宗黨撫孤殘賴以存者甚眾官弟密亦以進士爲光州推官豪民李新殺人嫁其罪於邑民葛華且用華之子爲證獄具密得其情出之法當賞密白州使勿言仕至太常博士天性恬靖年五十忽上章致仕嫻黨交止之笑曰俟罪疾老死不已而休官者安得有餘裕哉卽退居號草堂逸老年八十四乃終子書思踵登第調建德主簿時密已老欲迎以之宮密難之書思曰曾子不肯一日去親側豈以五斗移素志哉遂投轄歸養十年餘近臣表其志行以爲泗州教授弗就密不得已許以他日偕行始乞監新市鎮居父喪哀毀骨立盛暑不釋苴麻終禫不忍去家舍累年乃出仕歷封邱漣水主簿時兄書元爲望江令同隸淮南監司有捨兄而薦己者移書之改薦兄不許則封檄還之其篤行類皆若此仕至朝奉郎亦告老父子歸休皆不待年卒年七十三特謚曰清孝子勝仲孫立方皆以學業至侍從世爲儒家勝仲自有傳

張田字公載澶淵人登進士第知應天府司錄歐陽修薦其才通判廣信軍夏竦楊懷敏建策增七郡塘水詔通判集議田曰此非禦敵策也壞良田浸冢墓民被其害不爲便因奏疏極論詔監郢州稅久之通判冀州內侍張宗禮使經郡酣酒自恣守貳無敢白者田發其事詔配西陵灑掃攝度支判官裕享太廟又請自執政下差減資費唐介論其虧損上恩出知斬州俄提點湖南刑獄介與司馬光又狀其傾險改知湖州徙廬州治有

善迹移桂州異時蠻使朝貢假道與方伯抗禮田獨坐堂上使引入拜於庭而犒賄加腆土豪劉紀盧豹素爲邊患訖田去不敢肆京師禁兵來戍不習風土往往病於瘴癘田以兵法訓峒丁而秦罷戍或告交趾李日尊兵九萬謀襲特磨道諸將請益兵田曰交趾兵不滿三萬必其國有故長虛聲以嚇我耳謀既得實果其兄弟內相殘懼邊將乘之也宜州人魏利安負罪亡命西南龍蕃從其使入貢凡十反至是龍以烈來復從之田因其入謁詰責之梟其首欲并斬以烈叩頭流血請命田曰汝罪當死然事幸在新天子卽位赦前汝自從朝廷乞恩乃密請貸其死熙寧初加直龍圖閣知廣州廣舊無外郭民悉野處田始築東城環七里兩旬而成初役人相驚以白虎夜出田迹知其僞召戒邏者曰今夕有白衣人出入林閒者謹捕之如言而獲城既就東南微陷往視之暴卒年五十四田爲人伉直自喜好嫚罵氣陵其下故死無哀者然臨政以清女弟聘馬軍帥王凱欲售珠犀于廣願曰南海富諸物但身爲市舶使不欲白汗爾作欽賢堂繪古昔清刺史像日夕師拜之蘇軾嘗讀其書以侔古廉吏

榮諱字仲思濟州任城人父宗範知信州鉛山縣詔罷縣募民采銅民散爲盜宗範請復如故眞宗嘉異擢提點江浙諸路銀銅坑冶歷官九年諲舉進士至鹽鐵判官晉州產礬京城大豪歲輸錢五萬緡顯其利諲請權于官自是數入四倍爲廣東轉運使廣有板步古河路絕險林箐瘴毒諲開眞陽峽至洗口古徑作棧道七十間抵清遠趨廣州遂爲夷塗復入爲開封府判官太康民事浮屠法相聚祈禳號白衣會縣捕數十人送府尹

賈黯疑有妖請殺其爲首者而流其餘諲持不從各具議上之中書是諲議但流其首而杖餘人加直史館知澶州改京東轉運使萊陽產銀砂民有私採者事露安撫使欲論以劫盜諲曰山澤之利人得有所盜者豈民財耶貸免甚眾又使成都府路召爲戶部副使以集賢殿修撰知洪州以疾故徙舒州未至而卒累官祕書監年六十五

李載字伯熙黎陽人少苦學隆暑讀書置足于水雖得疾不舍去登進士第調冀州推官知大名冠氏縣府守呂夷簡入相薦其材知齊州鈐轄趙瑜使酒馭載乃扁戶避逸瑜得罪載坐不舉劾黜爲信陽軍安撫使錢明逸等爲之中理改常州知祥符縣有巫以井泉飲人云可愈疾趨者旁午載杖巫埋其井歷知號州漣水軍載性篤孝侍母病不解帶至病亟不能食載亦不食母知之爲強食六爲州以寬厚稱以光祿卿提舉仙源觀卒年七十四

姚渙字虛州世家長安隋開皇中有景徹者以討平瀘夷策功爲晉州刺史卒子孫遂家晉州渙第進士監益州交子務發姦隱萬緡主吏皆當死渙曰戮人以下澤非吾志也義不蔽姦而已請於使者願不受賞於是全活者眾知峽州宜郡民爲盜所殘縣執囚訊服以獄上渙移劾於他有司居亡何眞盜獲大江漲溢渙前戒民徙儲積遷高阜及城沒無溺者因相地形築子城埽臺爲木岸七十丈繚以長隄榷以薪石厥後江漲不爲害民德之徙知涪州賓化夷多犯境渙施恩信拊納酋豪爭羅拜廷下詔渙去無警終光祿卿年六十七朱景字伯晦河南偃師人舉進士調榮澤簿西方用兵

詔侍從館閣舉縣令景預選知隴州汧源縣累遷知汝州葉驛道遠隸囚為送者所虐多死俗傳為葉家關景重禁以絕其患擢知壽州秩祿視提點刑獄始至亟發廩振給以勸富者出積穀所活數萬城西居民三千室請建築外郭環入之公私稱便再遷光祿卿熙寧初病革自占遺表呼其子光庭書之其略云竊聞河北水災地震陛下當減膳避殿齋居加省召二府大臣朝夕諮訪闕失思所以弭咎凡數百言無一語求恩卒年七十

一詔加贈贈錄其子以官

光庭字公揆十歲能屬文辭父蔭擢第調萬年主簿數攝邑人以明鏡稱歷四縣令曾孝寬以才薦神宗召見問欲再舉安南之師光庭對曰得其地不可居得其民不可使何益也又問治何經對曰少從孫復學春秋又問今中外有所聞乎對曰陛下更張法度臣下奉行或非聖意故有便有不便誠能去其不便則天下受福矣帝以其言為疎闊不用簽書河陽判官從呂大防於長安幕府五路出師討西夏雍為都會事倚以辦調發期會甚急光庭每執不從使者怒將加以乏與罪光庭求免去大防為之解哲宗即位司馬光薦為左正言首乞罷提舉常平官保甲青苗等法論蔡確為山陵使而乃先靈駕而行為臣不恭又言章惇欺罔肆辯韓縝挾邪冒寵言甚切宣仁后喜其守正諭令盡言毋有所畏避遷左司諫又論蘇軾試館職發策云今欲師仁祖之忠厚而患百官有司不舉其職或至於媮欲法神考之屬精而恐監司守令不識其意流入於刻臣謂仁宗難名之盛德神考有為之善志而不當以媮刻為議論望正其罪未幾中丞傅堯俞侍御史王巖叟相繼論列宣仁

后曰詳覽文意是指今日百官有司監司守令言之非所以諷祖宗也遂止河北饑遣持節行視即發廩振民議者以耗積年兵食之蓄改左司員外郎遷太常少卿拜侍御史論蔡確怨謗之罪確貶新州拜右諫議大夫給事中乞補外除集賢殿修撰知亳州數月召還復為給事中坐封還劉摯免相制復落職守毫歲餘徙潞州加集賢院學士鄰境旱饑流民入境者躡接光庭日為食以食之常至暮自不暇食遂感疾猶力視事出禱雨拜不能興再宿而卒年五十八紹聖中追貶柳州別駕元符初又停錮其諸子光庭始學於胡瑗瑗告以為學之本在於忠信故終身行之徽宗立復其官

李琮字獻甫江寧人登進士第調宣國軍推官州庾積穀腐敗轉運使移州散於民俾至秋償新者守將行之琮曰穀不可食強與民責而償之將何以堪持不下守愧謝而止呂公著尹開封薦知陽武縣役法初行琮處畫盡理旁近民相率擣登聞鼓願視以為則徽宗召對擢利州路江東轉運判官行部至宣城按民田詭稱逃絕者九千戶他縣皆然言於朝命以戶部判官使江浙選疆明吏立賞別決吏幸賞以多為功琮亦因是希進民患苦之得緡錢百餘萬進度支判官頒職式於諸道淮南賦入甲它部以為轉運副使徙梓州路元祐初言者論其括隱稅之害顯知吉州御史呂陶又言巴蜀科折已重琮復強民輸稅且無得以奇數併合人尤咨怨於是凡以括田受賞者悉奪之歷相洪澗三州路有謀亂者為書期日揭道上部使者聞之懼檄索姦甚亟琮置不問以是日置酒高會訖無他入為太府卿遷戶部侍郎以寶文閣待制知杭州永興軍河南瀛州卒年七

十五琮長於吏治而所至主於培克為士論嗤鄙子回紹興初參知政事

朱壽隆字仲山密州諸城人以蔭知九隴縣吏告民一家七人以火死壽隆曰寧有盡室就焚無一脫者殆必有姦逾月獲盜果殺其人而縱火也知宿州宿多劇盜至白晝被甲剽攻郡縣不能制壽隆設方略耳目捕斬千餘人擢提點廣西刑獄嶺外新經儂寇修營城障桂州虐用其人不能聊生壽隆馳詣州械守送獄奏黜之老稚婦女遭亂流轉不能自還者檄所在資送其還舊制溪蠻侵暴羈縻州雖殺人無得讎報壽隆請聽相償蠻始畏戢歷鹽鐵度支判官夔路轉運使巴峽地隘民困於役免其不應法者千五百人復為鹽鐵判官京東轉運使賜三品服歲惡民移壽隆諭大姓富室畜為田僕舉貸立息官為置籍索之貧富交利以少府監知揚州卒年六十八壽隆為人和厚接談怡怡必當於理而不屈於權貴狄青討賊欲殺裨將不用命者數人壽隆極論罪不當死孫河在坐曰儂賊害民萬計此何足惜壽隆曰王師之來以除民害顧可效賊為暴耶青感其言而止

盧士宏字子高新鄭人以父任廩更州縣所至著清名知信陽軍官捕為妖術者餘黨懼及羣聚山谷開士宏請減其罪招之即相率歸命徙知漢州校實民產使力役不濫人德之又知洋州先是圭田多虛籍士宏考校令隨實以輪自部使者而下皆十損七八文彥博包拯以廉能薦由三司開拆司擢夔州路轉運使遂知廣州或傳安南舟數百泊海中將為寇嶺徽驚搖士宏灼其非是日從賓客宴遊為樂民賴以安受代還引疾旬便

御知鄭州未幾以光祿卿致仕卒年七十三凡衾棺槨之制皆有遺命戒諸子勿為銘誌

單煦字孟陽平原人舉進士知洛陽縣民以妖幻轉相

時詔城蜀治煦以蜀地負山帶江一旦毀籬垣而輿板築其費巨萬非民力所堪請但築子城轉運使即移諸

郡如其議徙清平軍使有二盜殺人捕治不承煦縱使

臺推直官江南人誣轉運使呂昌齡以賄中丞張昇訊而論之鞠未成就煦往治煦不肯阿其長卒直昌齡乞

外遷知濮合二州合居涪漢間夏秋患於淫潦煦築東隄以禦之赤水縣鹽井涸奏蠲其賦累官光祿卿卒年

七十七煦友愛兒熙嘗毆人至死未有知者煦曰家貧親老仰兄以養義當代之死即趨詣鬪所以待捕已而

死者甦驚問之煦以情告其人感歎遂輟訟

楊仲元字舜明管城人第進士調宛邱主簿民訴旱守拒之曰邑未嘗旱校吏導民而然仲元白之曰野無青草公日宴黃堂宜不能知但一出郊可見矣校吏非他

賈仲元也竟免其稅知澤州沁水縣民持物來輸者視其價稍增之餘則下其估官有所須不强賦民聽以所

有與官惟度其相當則止率常先辦河外用兵督餉轉西界夕宿洪谷口仲元相其地乃寇所由徑路亟命去

之民以困乏為辭不聽寇果夜出劫諸部沁水獨免初軍期尚緩而仲元督行良急至則芻糧有不集者皆可

賤市後期者物數倍其價民始知其為利州以買羊病民仲元更令戶纒費錢百又遣吏市羔於他所明年以

供州不料一錢徒知鄆鄉縣宰相張士遜先瑩隸境內

將屬之召不往至則接籍均役之雖堂帖求免不為減歷知光虔號三州官光祿卿改中散大夫戒諸子曰吾入官五十年未嘗以私怒加人雖杖刑之微苟有兩比必傳於輟典以是為報國耳卒年七十五

余良肱字康臣洪州分寧人第進士調荆南司理參軍屬縣捕得殺人者既自誣服良肱視驗屍與刃疑之曰豈有刃盈尺而傷不及寸乎白府請自捕逮未幾更獲

真殺人者民有失財物逾十萬逮平民數十人方暑榜掠號呼聞于外或有附吏耳語良肱陰知其為盜亟捕詰之贓盡得改大理寺丞出知湘陰縣通麥數千石

歲責里胥代輸良肱論列之遂蠲其籍通判杭州江潮善溢漂官民廬舍壘石隄二十里障之潮不為害時王陶為屬官常以氣犯府帥吏或訴陶帥挾憾欲按之良

肱不可曰使陶以罪去是以直不容也帥遂已後陶官于朝果以直聞知虔州士大夫死嶺外者喪車自虔出

多弱子寡婦良肱悉力振護孤女無所依者出俸錢嫁之以母老得知南康軍丁母憂服除為三司使判官方

關陝用兵朝議貸在京民錢良肱力爭之會大臣亦以為言議遂格內府出腐幣售三司三司吏將受之良肱

獨曰若賦諸軍軍且怨不則貸諸民且病請付文思以奉帷幄改知明州朝廷方治汴渠留提舉汴河司汴

水澱淤流且緩執政主挾河議良肱謂善治水者不與水爭地方冬水涸宜自京左浚治以及畿右三年可使

水復行地中弗聽又議伐汴隄木以資挾河良肱言自泗至京千餘里江淮漕卒接踵者行多病渴藉蔭以休

又其根盤錯與隄為固伐之不便屢爭不能得迺請不與其事執政雖怒竟不為屈改太常少卿知潤州遷光

祿卿知宣州治為江東最請老提舉洪州玉隆觀卒年八十一七子卞爽最知名卞字洪範爽字荀龍皆以任子恩試校書郎卞博學多大略累為唐州判官湖北安撫司勾當機宜文字討叛蠻有功知沅州蠻殺沿邊巡

檢卞設方略得平之加奉議郎先是良肱為鼎州推官五溪蠻叛良肱運糧境上周知其利害上書言此彈丸地不足煩朝廷費不如棄與而就撫之當時是其議未

果棄也及蠻叛斷渠陽道扼官軍不得進卞適使湖北帥唐義問即授卞節制諸將陰選死士三千人夜銜枚繞出賊背伐山開道漏未盡數刻入渠陽黎明整眾出

賊大駭盡銳來戰奮擊大破之鼓行度險賊七遇七敗斬首數千級蠻遂降尋有詔廢渠陽軍為砦盡拔居人護出之紹聖初治棄渠陽罪免歸徽宗即位復奉議郎

管勾玉隆觀未幾復渠陽為靖州又論前事免終於家爽尚氣自信不少貶以合世應元豐詔上便宜十五事

言過剴切元祐末爽復極言請太皇太后還政事章惇憾爽不附已乃撻其言為謗訕以瀛州防禦推官除名

竄封州久之起知明州未行以言者罷監東嶽廟崇寧中與卞俱入黨籍

潘夙字伯恭鄭王美從孫也天聖中上書論時政授仁壽主簿久之知韶州擢江西轉運判官提點廣西湖北

刑獄邵州蠻叛湖南騷動遷轉運使專制蠻事親督兵破其團峒九十徙知滑州改湖北轉運使知桂州坐在

湖北時匿名書誣判官韓繹謫監隨州酒稅起知光化軍大臣以將帥才舉之易端州刺史再遷徙鄜州召對

訪交廣事稱旨還司封郎中直昭文館復知桂州交人敗於占城偽表稱賀以為大捷神宗詔之曰智高之難

方二十年中之情燕安忽事直謂山僻蠻獠無可慮之理殊不思禍生於所忽唐六詔爲中國患此前事之師也卿本將家子寄要蕃宜體朕意悉心經度夙遂上書陳交趾可取狀且將發兵未報徙河北轉運使歷度支鹽鐵副使知河中府章惇察訪荆湖討南北江蠻獠陳夙憂邊狀以知潭州再遷光祿卿知荆南鄂州卒年七十

列傳

宋五十七

徐禧 李稷 高永能 沈起

劉彝 熊本 蕭注

陶弼 林廣 种世衡

古 諤 誼

朴 師道 師中

徐禧字德占洪州分寧人少有志度博覽周游以求知古今事變風俗利疚不事科舉熙寧初王安石行新法禧作治策二十四篇以獻技陳水記問云布衣徐禧得洪州進士黃奏所著書稿其語上書褒美新法介甫贊其言奏除官令於中書習時學檢正據此則禧所上治策蓋竊他人之語為之

呂惠卿領修撰經義局遂以布衣充檢討王偁東都事略云禧以進士充神宗見其所上策曰禧言朝廷用經術變士十已八九然竊襲人之語不求心通者相半此言是也宜試於有用之地即授鎮安軍按東都事略作鎮南軍節度推官中書戶房習學公事歲餘召對顧問久之擢太子中允館閣校勘監察御史襄行與中丞鄧綰知諫院范百祿雜治趙世居獄李士寧者挾術出入貴人間嘗見世居母康以仁宗御製詩贈之又許世居以寶刀且曰非公不可當此世居與其黨皆神之曰士寧二三百歲人也解釋其詩以為至寶之祥及鞠世居得之逮捕士寧而宰相王安石故與士寧善百祿劾士寧以妖妄惑世居致不軌禧奏士寧遺康詩實仁宗製今獄官以為反臣不敢同百祿言士寧有可死之狀禧故出之以媚大臣朝廷以御史雜知樞密承旨參治而百祿坐報上不實貶進禧集賢校理檢正禮房安石與惠卿交惡鄧綰言惠

卿昔居父喪嘗貨華亭富人錢五百萬買田事詔禧參鞫禧陰右惠卿絀絀之會綰貶官獄亦解禧出為荆湖北路轉運副使元豐初召知諫院惠卿在鄜延欲更蕃漢兵戰守條約按東都事略云初陝西緣邊兵馬番弓為前鋒而漢兵守城何便利然後出不分戰守每一路以數將通領之呂惠卿以為調發不能速集始變舊法雜漢番兵團結分守每五諸老將不謂然帝頗采聽千人隨屯駐將具條約以上諸老將不謂然帝頗采聽將推其法於他路遣禧往經畫禧是惠卿議謂帥蔡延慶亦以為不然帝召延慶還加禧直龍圖閣使往代以母憂不行服除召試知制誥兼御史中丞官制行罷知制誥專為中丞鄧綰守長安禧疏其過帝知其以惠卿故雖改縮青州亦左遷禧給事中中諤西討得銀夏有三州而不能守延帥沈括欲盡城橫山瞰平夏城示樂詔禧與內侍李舜舉往相其事令括總兵以從李稷主餽餉禧言銀州雖據明堂川無定河之會而故城東南已為河水所吞其西北又阻天塹實不如永樂之形勢險阨竊惟銀夏有三州陷沒百年一日興復於邊將事功實為俊偉軍鋒士氣固已百倍但建州之始煩費不貲若選擇要會建置堡柵名雖非州實有其城舊來疆塞乃在腹心已與沈括議築砦堡各六砦之大者周九百步小者五百步堡之大者二百步小者百步用工二十三萬遂城永樂十四日而成禧括舜舉還米脂明日夏兵數千騎趨新城禧亟往視之或說禧曰初被詔相戒禦寇非職也禧不聽與舜舉俱行括獨守米脂先是中諤還自京師極言城永樂非計禧怒變色謂諤曰君獨不畏死乎敢誤成事諤曰城之必敗敗則死拒節制亦死死於此猶愈於喪國師而淪異域也禧度不可屈奏諤跋扈異議詔諤守延州夏兵二十萬屯涇原北

聞城永樂即來爭邊人馳告者十數禧等皆不之信曰彼若即來是吾立功取富貴之秋也禧亟赴之大將高永亨曰城小人寡又無水不可守禧以為沮眾欲斬之既而械送延獄比至夏兵傾國而至永亨兄永能請及其末陳擊之禧曰爾何知王師不鼓不成列禧執刀自率士卒拒戰夏人益眾分陣迭攻抵城下曲珍兵陳於水際官軍不利將士皆有懼色珍白禧曰今眾心已搖不可戰戰必敗請收兵入城禧曰君為大將奈何遇敵不戰先自退邪俄夏騎卒度水犯陳鄧延選鋒軍最為驍銳皆一當百銀槍錦襖光彩耀日先接戰而敗奔入城蹂後陳夏人乘之師大潰死及棄甲南奔者幾半珍與殘兵入城崖峻徑窄騎卒緣崖而上喪馬八千匹遂受圍水砦為夏人所據掘井不及泉士卒渴死者大半夏人蟻附登城尚扶創拒鬪珍度不可敵又白禧請突圍而南永能亦勸李稷盡捐金帛募死士力戰以出皆不聽大雨城陷四將走免禧舜舉死之永能沒於陳初括奏夏兵來逼城見官兵整故還帝曰括料敵疎矣彼來未出戰豈肯退退邪必有大兵在後已而果然帝聞禧等死涕泣悲憤為之不食贈禧金紫光祿大夫吏部尚書諡曰忠愍官其家二十人稷工部侍郎官其家十二人禧疎曠有膽略好談兵每云西北可唾手取恨將帥怯爾呂惠卿力引之故不次用自靈武之敗秦晉困棘天下企望息兵而沈括种諤陳進取之策禧素以邊事自任狂譏敵猝與強敵遇至於覆沒自是之後帝始知邊臣不可信倚深自悔咎遂不復用兵無意於西伐矣子俯自有傳

李稷字長卿邛州人父絢龍圖閣直學士稷用蔭歷管

庫權河北西路轉運判官修拓深趙邢三州城役無愆素性剛刻嚴忍察訪使者以為言都水丞程昉亦訴其越職詔令件析御史周尹又論稷父死二十年不葬僅徙東路俄提舉蜀部茶場甫兩歲談課七十六萬緡擢鹽鐵判官詔推揚其功以勸在位遂為陝西轉運使制置解鹽秦民作舍道傍者創使納侵街錢一路擾怨與李察皆以苛暴著稱時人語曰靈逢黑殺莫逢稷察神謬起與靈議稷聞之亦上言可令邊面諸將各出兵撓之使不得耕種則其國必困國困眾離取可決也及出境稷督餉民苦挽運多散逸稷令騎士執之斷其足筋宛轉山谷間凡數十人累日乃得死始稷受旨得斬郡守以下於是上下相臨以峻法雖小吏護丁夫亦顯戮不請軍食竟不繼謀斬稷客呂大鈞引義責之復使還取糧既集謬猶宣言稷乏軍興致大功不就至削兩秩貶為判官承樂既稷董金銀鈔帛充初其中欲夸示徐禧以為城甫就而中已實積金既多故受圍愈急而稷守之不敢去以及於難李舜舉別有傳

高永能字君舉世為延州人至永能始家青澗少有勇力善騎射由行伍補殿侍稍遷供奉官神謬取綏州發永能兵六千先驅入囉兀五戰皆捷轉供備庫副使治綏德城闊地四千頃增戶千三百即知城事元豐初為鄜延都監秋太稔夏人屯一千騎於大會平將取稼永能簡精騎突過其營騎卒驚潰獲鈐轄二人轉六宅使夏人患之令曰有得高六宅者賞金等其身經略使呂惠卿行邊永能伏騎谷中以備侵軼邊騎果至馳出擊走之夏兵二萬犯當川堡永能以千騎與相過度不能支依險設疑兵且鬪且卻而令後騎揚塵若援兵至者

奮而前遂解去權木路鈐轄四年西討永能為前鋒圍米脂城邊人十萬來援永能謂弟承亨曰彼恃眾集易吾軍營當大川宜嚴陳待其至張左右翼擊之可破也詰旦鏖戰於無定河斬首數千級得馬三千橐駝牛羊萬計城猶未下密遣諜說降其東壁守將衣以文錦導以鼓吹耀諸城下酋乃降進東上閣門使靈州刺史以年老請不許又進四方館使紫州團練使承樂之役獻謀皆不用城既陷其孫昌裔欲援之從間道出永能歎曰吾結髮從事西羌戰未嘗挫今年已七十受國大恩恨無以報此吾死所也願易一卒敝衣戰而死其子世亮與昌裔求得尸以歸詔贈虜州觀察使錄其子世亮為忠州刺史諸孫皆待禁殿直永能家世州將所領多故部曲拊之有恩惠遇敵則身先之下有傷者載以己副馬故能得士死力遠近喜言其事稱之曰老高及死邊人無不痛惜永能之亡延州將皇城使寇偉亦力戰而沒贈均州防禦使

沈起字興宗明州鄞縣人宋史本傳作明州鄞人今據東都事略改進士高第調滁州判官按東都事略與監真州轉般倉聞父病委官歸侍以喪免有司劾其擅去終喪薦書應格當遷用帝謂輔臣曰觀過知仁今由父疾而致罪何以厚風教而勸天下之為人子者乃特遷之知海門縣縣貢海地卑開歲海潮至冒民田舍民徙以避棄其業起為築隄百里引江水灌溉其中田益闢民相率以歸至立祠以報御史中丞包拯舉為監察御史吏部格選吏以贓私桂法無輕重終身不遷起論其情可矜者可限年敘用遂著為令立縣令考課法設河渠司領諸道水政乞采漢故事擇卿大夫子弟入宿衛選賢良文學高第

給事宦省勿專任宦官宗室祖免親令補外官復府兵汰冗卒書數十上以論與國鐵官事不合出通判越州改知蕪楚二州京東歲饑盜起除提點刑獄至則開首贖法搗其伍盜內自啗疑轉相束縛唯恐後改開封府判官為湖南轉運使凡羽毛筋革舟楫竹箭之材多出所部取於民無制吏挾為姦起會其當用自與商人貿易所省什六七召為三司鹽鐵副使直舍人院熙寧三年韓絳使陝西加起集賢殿修撰陝西都轉運使慶州軍變將寇長安起率兵討平之會韓絳城絳州不利起亦罷知江寧府入知吏部流內銓奉使契丹至王庭其位著乃與夏使等起曰彼陪臣爾不當與王人齒辭不就列遂升東朝使青自是為定制六年拜天章閣待制知桂州自王安石用事始求邊功王韶以熙河進章惇熊本亦因此求奮是時議者言交趾可取朝廷命蕭注守桂經略之注蓋造謀者也至是復以為難起言南交小醜無不可取之理乃以起代注遂一意事攻討妄言密受旨擅令疆吏入溪洞點集土丁為保伍授以陣圖使歲時練習繼命指使因督餉鹽之海濱集舟師寓教水戰故時交人與州縣貿易悉禁止之於是交趾益貳大集兵謀入寇蘇緘知邕州以書抵起請止保甲罷水運通互市起不聽劾緘沮議起坐邊議罷命劉彝代之

此下按東都事略云起知邕州再開以守廣日邊絕其下能統州交人大舉陷欽廉邕三郡表疏於是交人疑懼率眾犯境連陷廉白欽邕四州死者數十萬人事聞起起聞練使安置邕州徙越又徙秀而卒按東都事略作請移邕州起生平喜談兵嘗以兵法謁范仲淹仲淹器其材注孫武書以自見卒用此敗劉彝字執中福州人幼介特居鄉以行義稱從胡瑗學

瑛稱其善治水凡所立網紀規式彛力居多第進士為
邵武尉調高郵簿移岫山令治簿書孤寡作陂池教
種藝平賦役抑姦猾凡所以惠民者無不至邑人紀其
事曰曰治範熙寧初為制置三司條例官屬以言新法
非便罷神宗擇水官以彛悉東南水利除都水丞久雨
汴漲議開長城口葬請但啟楊橋斗門水即退為兩浙
轉運判官知處州俗尙巫鬼不事醫藥彛著正俗方以
訓斥淫巫三千七百家使以醫易業俗遂變加直史館
知桂州禁與交人互市交趾陷欽廉邕三州坐貶均州
團練副使安置隨州又除名為民編隸涪州徙襄州元
祐初復以都水丞召還病卒於道年七十

熊本字伯通番陽人兒時知學郡守范仲淹異其文進
士上第為撫州軍事判官稍遷祕書丞知建德縣縣令
項包魚池為圭田本弛以與民熙寧初提舉淮南常平
檢正中書禮房事按東都事略云改戶房六年瀘川羅吳夷叛詔
察訪梓夔得以便宜治夷事本嘗通判戎州習其俗謂
彼能擾邊者介十二村豪為鄉導爾以計致百餘人梟
之瀘川其徒股栗願矢死自贖本請于朝寵以刺史巡
檢之秩明示勸賞皆踴躍順命獨柯陰一酋不至本合
晏州十九姓之眾發黔南義軍強弩遣大將王宣賈昌
言率以進討賊悉力旅拒敗之黃葛下追奔深入柯陰
窘乞降盡籍丁口土田及其重寶善馬歸之公上受貢
職於是烏蠻羅氏鬼主諸夷皆從風而靡願世為臣僕
遷刑部員外郎集賢殿修撰同判司農寺神宗勞之曰
卿不傷財不害民一旦去百年之患至於檄奏詳明近
時鮮儷焉賜三品服西南用兵蠻中始此蔡京時為秀
州判官本言其學行純茂練習新法薦為幹當公事河

遑初復本為秦鳳路都轉運使熙寧法禁閼略蓄積不
支歲月本奏省冗官百四十員歲減浮費數十萬渝州
南川獠木斗叛詔本安撫本進營銅佛壩抗其尤焚積
聚以破其黨木斗氣索舉秦州地五百里來歸為四砦
九堡建銅佛壩為南平軍初熟獠王仁貴以木斗親繫
獄本釋其縛置麾下至是摧鋒先登大臣議加本天章
閣待制帝曰本之文狀所自知當典書命遂知制誥帝
數稱其文有體命院吏別錄以進又上疏云天下之治
有因有革期於趨時適治而已議者猥用持盈守成之
說文苟簡因循之治因以安常習故為俗奮言納忠者
悠悠之徒相與蹙頞吁衡而詆罵之陛下出大號發大
政可謂極因革之理然改制之始安常習故之羣圍視
四起交譖而合謀或諍於廷或誘於市或技劫引去者
不可勝數陛下燭見至理獨立不奪今雖少定彼將伺
隙而逞願陛下深念之本之意專以媚王安石也范子
淵創浚河之役文彥博爭之命本行視議如彛博安石
白出本分司西京居三年起知滁州改廣州按東都事
略作復集賢殿修撰召為工部侍郎宜州蠻擾邊道除龍圖閣待
知廣州

制知桂州至則諭溪洞酋長戒邊吏勿生事請選將練
兵代戍益市馬以足騎兵宜州遂無事民蔡寶珍扇龍
蕃與峒戶相仇殺欲引兵致討以為功本質之色動縉
而投之海蠻夷以為神謀告交人明年將入寇使者實
其言詔訪本曰使者在道安得此藉使有謀何自先知
之已而果妄是時既以順州賜李乾德疆畫未正交人
緣是輒暴勿陽地而逐儂智會智會來乞師本機問狀
乾德斂兵謝本因請以宿桑八洞不毛之地賜之南荒
遂安轉運判官許彥先議通湖南鹽於西廣計口授民

度可得息三十萬本言桂管民貧地瘠恐不堪命議遂
格人為吏部侍郎踰年力請外仍待制知洪州言者謂
本棄八洞為失謀每一官徙杭州江寧府再知洪州召
還卒於道

蕭注字巖夫臨江新喻人磊落有大志尤喜言兵舉進
士攝廣州番禺令儂智高圍州數月方舟數百攻城南
勢危甚注自圍中出募海濱壯士得二千人乘大舶集
上流因颶風起縱火焚賊舟破其眾即日發縣門納援
兵民持牛酒芻糧相繼入城中自是每戰以勝歸蔣偕
上其功擢禮賓副使廣南駐泊都監賊還據邕管余靖
患其嘯誘諸洞以屬注注挺身入蠻中施結恩信狄青
師次賓州召會諸將疑注倚賊聲勢為姦利欲誅之注
覺託為游辭不肯往賊破青始聞注前功以知邕州智
高走大理國母與三弟寓特磨道注帥師往討獲一裨
將引致臥內與之語具得賊情悉擒送闕下拜西上閣
門副使募死士使入大理取智高至則已為其國所殺
面首歸獻轉為使居邕數年陰以利啗廣源羣蠻密繕
兵甲乃上疏曰交趾雖奉朝貢實包禍心常以蠶食王
土為事在天聖中鄭天益為轉運使嘗責其擅賦雲河
洞今雲河乃落蠻數百里蓋年侵歲吞馴致於是臣已
盡得其要領周知其要害今不取異日必為中國憂願
馳至京師面陳方略未報而甲洞申紹泰犯西平五將
被害諫官論注不法致寇罷為荆南鈐轄提點刑獄李
師中又劾其沮威嗜利略智高聞民為奴發洞丁采黃
金無帳籍可考中使按驗頗有實貶泰州團練副使淮
南轉運使言注推牛屠狗招集游士部勒為兵教之騎
射請徙大州以廢之詔改鎮南軍節度副使近臣有訟

注廣州功者起為右監門將軍邠州都監熙寧初以禮賓使知邕州環慶李信之敗列城皆堅壁注獨啟關夜宴如平時復問門使管幹麟府軍馬辭云身未書生差長拊納不閑獸闕懼無以集事時有言交人挫於占城眾不滿萬可取也遂以注知桂州入覲神宗問攻取策對曰昔者臣有是言是時溪洞之兵一可當十器甲堅利親信之人皆可指呼而使今兩者不如昔交人生聚教訓十五年矣謂之兵不滿萬安也既至桂諸酋皆來謁注延訪山川曲折老幼安否均得其驩心故李乾德動息必知之然有獻征南策者輒不聽會沈起以平蠻自任帝使代注而罷注歸卒于道年六十一詔優錄其子注有膽氣嗜殺而能相人自陝西還帝問注韓絳為安撫使施設何如對曰廟算深遠臣不能窺然知絳當位極將相帝喜曰果如卿言絳必成功問王安石曰安石牛目虎顧視物如射意行直前敢當天下大事然不如絳得和氣為多惟氣和能養萬物爾王韶為建昌參軍注曰君他日類孫沔但壽不及後皆如其言

陶弼字商翁永州人少儻放宕吳中行山間有雙鯉戲溪水上矜觀之傍一老父顧曰此龍也且鬪君宜亟去去百步許雷大震兩岸圮木拔又出大雲風暴怒二十七艘同時溺獨弼舟得濟人以是異之丁謂妻以宗女因從學兵法能持論縱橫慶厯中楊敞討湖南徭弼上謁敞授之兵使往襲大破之以功得陽朔主簿儂智高犯南海敞為安撫使辟參軍謀使下英江會大將蔣偕戰死餘眾畏亡將被誅多降賊弼數與之遇亟矯敕命揭榜道上諭使歸許以不死凡得千五百人調陽朔令謀民植木官道旁夾數百里自是行者無夏秋暑

賜苦它郡縣悉效之攝興安令移書說桂守蕭固浚靈渠以通漕不聽至李師中卒浚之師征安南餽餉於是乎出大為民利知賓容欽三州換崇儀副使遷為使知邕州邕經儂寇并隄蕩然弼緝惠養至忘其勤諸洞獻土物求內附弼降意撫答謝其贄皆感悅無犯邊者邕地卑下水易集夏大雨彌月弼登城望三邊皆漫為陂澤亟窒垠江三門諭兵民即高避害俄而水大至弼身先版鋪召僚吏賦役為土囊千餘置道上下水果從甕入隨塞之城雖不壞而人皆乏食則為發廩以振於內方舟以饋於外水不及女牆者三板旬有五日乃退公私一無所失亡自橫潯以東數州皆沒弼久於邕請便郡徙鼎州章惇經理五溪蠻事薦為辰州遷皇城使降北江彭師宴授忠州刺史郭達南征轉潯康州團練使復知邕州民再罹禍亂散匿山谷弼率百騎深入左江峒民知其至扶老攜幼以歸達帥官軍臨富良江使弼殿交人納款達欲班師恐為所襲乃以計夜起軍不整騎步相蹈藉亂行賊隔江陵伺規知弼殿弗敢追弼申令帳下毋動遲明結隊徐行達賴以善還建所得廣源峒為順州枕榔為縣進潯西上閣門使留知順州州去邕二千里多毒草瘴霧戍卒死者什七八弼亦疾甚然蚤莫勞軍視其良苦意氣激揚士莫不感泣殫奮起為用交人襲取枕榔揚聲欲圍州獨難弼素得人心賊動息皆先知獲聞謀不殺諭以逆順縱之去恩威兩施以是終弼在不敢犯加東上閣門使未拜而卒詔錄其家五人弼能為詩好士樂施所得俸祿悉以與人家至貧不恤也既死妻在鄉里做屋以居

林廣萊州人以捧日軍卒為行門授內殿崇班從環慶

蔡挺壓下李諫詐寇大順城廣射中之李信敗於荔原廣引兵西入破十二盤攻白豹金湯皆先發夜過洛河夏人來襲廣揚聲選強弩列岸側實捲甲疾趨夏人疑不敢渡嘗讓中使隴邊將及烏雞川遠率眾循山行道遇熟羌以險告廣不答夏人果伏兵於川計不行而去告者乃謀也夏人圍桑遠城廣止守戒士卒即有變毋得輕動火夜起積薪中眾屯守自若明日敵至馬平川大持攻具來廣被甲啟他門鼓而出若將奪其馬敵舍城救馬廣復入益修守備夜募死士斫其營夏人數失利始引退果遷禮賓使韓絳奏為本道將慶兵据北城叛廣在南城望其眾進退不一曰是不舉軍亂也挺身絕城出諭以逆順皆投兵聽命出者才三百人廣語餘眾曰亂者去矣汝曹事我久能聽命不唯得活仍有功得百餘人激厲要束使反攻城下兵禽戮皆盡遂平北城出追亂者至石門山與之遇諭之不肯降縱兵尾擊敵知不得免始請命廣曰不從吾言今窘而就死非降也悉斬之遷本路都監詔入對神宗獎金湯石門之功慰賜甚厚將使開熙河辭以不習洮隴事乃遷鈴轄使還徙鄜延攻踏白城功最遷皇城使進討洮羌加帶御器械環慶副都總管安南用師詣闕請行帝曰南方卑溼知卿病足西邊方開拓宜復歸擢神龍衛四廂都指揮使英州刺史邊臣或言往者劉平因救鄆道戰沒今宜罷援兵廣曰此乃制賊長計也使賊悉力寇一路而他道不救雖古名將亦無能為已平之所以敗非出拔罪乃止再轉步軍都虞候韓存寶討盭蠻奇迺還燒不進詔廣代之廣至閱兵合將蒐人材勇怯二分之日夕肄習間推牛享犒士心皆奮遣使問曉奇迺索所亡

卒奇迪歸卒七人奉書降而身不至乃決策深入陳師
瀘水率將吏東鄉再拜誓之曰朝廷以存實用兵亡狀
使我代之要以必禽渠魁今孤軍遠略久駐賊境退則
為戮冒死一戰勝負未可知縱死猶有賞愈於退而死
也與汝等戮力而進可乎眾皆踴躍廣拔所得渠帥及
質子在軍而令以次首護餉以是入箐道而無鈔略之
患師行有二途從納溪抵江門近而險從宜遠抵樂共
壘不能支皆遁去廣分兵繞帽溪掩江門後破其險水
陸皆通行益前進每戰必捷奇迪遣叔父阿舒約降求
退舍又約不解甲廣策其有異除阜為壇距中軍五十
步且設伏明日奇迪擁千人出降匿弩士氈裘猶豫不
前謝恩廣發伏擊之蠻奔潰斬阿舒及大酋二十八人
奇迪以所乘馬授弟阿哨爾爾大將王光祖追斬之軍中
爭其尸奇迪得隨江橋下脫走得其種落三萬進次歸
徠州窮探巢穴發故酋甫望箇怨塚天寒士多墮指而
奇迪竟不可得監軍先受密詔聽引兵還遂班師拜衛
州防禦使馬軍都虞候西兵未解上疏求面陳方略及
入見言韓存寶雖有罪功亦多以今日朝廷待諸將存
寶不至死廣遺部至閩鄉疽發斷頸卒年四十八廣為
人有風義輕財好施學通左氏春秋臨事持重長於料
敵以智損益八陣圖又撰約束百餘條列上邊地頗推
行之其名聞於西夏乘常母梁氏將內侮論中國將帥
獨畏廣聞其南征乃舉兵然在瀘以敕書招蠻既降而
殺之此其短也適被惡疾死或以為殺降之報云
種世衡字仲平放之兄子也少向氣節昆弟有欲析其
貴者悉推與之惟取圖書而已以放蔭補將作監主簿

累遷太子中舍嘗知涇陽縣里胥王知謙以姦利事敗
法當徙遁去比郊赦輒出世衡曰送府則會赦杖其脊
而請罪於府知府李諡奏釋之後通判鳳州州將王蒙
正章獻后嬪家也所為不法嘗干世衡以私不聽蒙正
怒乃誘知謙訟冤而陰助之世衡坐流竄州徙汝州弟
世材上一官以贖為孟州司馬久之龍圖閣直學士李
絃為辨其誣宋綬秋斐繼言之除衛尉寺丞歷簽書同
州鄜州判官事西邊用兵守備不足世衡建言延安東
北二百里有故寬州請因其廢壘而興之以富寇衝右
可固延安之勢左可致河東之粟北可圖銀夏之舊朝
廷從之命董其役夏人屢出爭世衡且戰且城之然處
險無泉議不可守鑿地百五十尺始至于石石工辭不
可穿世衡命屑石一畚酬百錢卒得泉城成賜名青澗
城遷內殿崇班知城事開營田二千頃募商賈貸以本
錢使通貨贏其利城遂富實開出行部族慰勞酋長或
解與所服帶賞會客飲有得敵情來告者即以飲器子
之繇是屬羌皆樂為用再遷洛苑副使知環州蕃部有
牛家族諾爾阿者素囑疆未嘗出謁郡守聞世衡至遽
郊迎世衡與約明日當至其帳往勞部落是夕大雪深
三尺左右曰地險不可往世衡曰吾方結諸羌以信不
可失期遂緣險而進諾爾阿方臥帳中謂世衡必不能
至世衡蹙而起諾爾阿大驚曰前此未嘗有官至吾部
者公乃不疑我耶率其族羅拜聽命羌首慕恩部落最
強世衡嘗夜與飲出侍姬以佐酒既而世衡起入內潛
於壁隙中窺之慕恩竊與侍姬戲世衡遽出掩之慕恩
慙懼請罪世衡笑曰君欲之耶即以遺之由是得其死
力諸部有貳者使討之無不克其後百餘帳皆自歸莫

敢貳因合諸族置烽火有急則舉燧介馬以待葛懷敏
敗率羌兵數千人以援涇原無敢後者嘗課吏民射有
過失射中則釋其罪有辭某事請某事輒因中否而與
奪之人人自厲皆精於射絛是數年敵不敢近環境遷
東染院使環慶路兵馬鈐轄范仲淹檄令與蔣偕築細
腰城世衡時臥病即起將所部甲士晝夜與築城成而
卒初世衡在青澗城元昊未臣其貴人雅爾康朗凌額
奇兄弟有材謀皆號大王親信用事邊臣欲以謀聞之
會康朗凌令朗默特什奇瑪尼等三人詣世衡請降世
衡知其詐曰與其殺之不若因以為閒留使監商稅出
入騎從甚寵有僧王光信者越勇善騎射智知蕃部山
川道路世衡出兵常使為鄉導數盪族帳奏以為三班
借職改名嵩世衡為蠟書遣嵩遠康朗凌言朗默特等
已至朝廷知王有向漢心命為夏州節度使奉錢月萬
緡旌節已至趣其歸附以棗綬畫龜喻其早歸之意康
朗凌得書大懼自所治執嵩歸元昊元昊疑康朗凌
已不得還所治且錮嵩甯中使其臣李文貴以康朗凌
旨報世衡且言不達所遺書意或許通和願賜一言世
衡以白籍時朝廷已欲招附籍召文貴至諭以國家寬
大開納意縱使還報元昊得報出嵩禮之甚厚使與文
貴偕來自是繼遣使者請降遂稱臣如舊世衡聞雅爾
兄弟已誅為文越境祭之按東都事略及宋史西夏載
王嵩遺書乃與世衡非其早歸也考事略云世衡使嵩
齋書遺書乃與世衡非其早歸也考事略云世衡使嵩
笑曰吾素奇神將軍今何兒女識度嵩別有書來之
嵩伴目左右既而答以無有世榮乃封其信上元昊鑰
嵩因於地牢一日召入一官寺聽事廣楹皆垂班竹箔
綠衣小童立其左右嵩意元昊宮室也少頃箔中有人
將語嵩嵩對如前乃命發世之嵩大驚且言曰將
軍事箔中急使人進問之嵩具以對乃釋箔衣取書以
人命嵩就館元昊於是始疑世榮乃釋嵩因而使世榮

遣將軍送高遠尚既還而旺榮已報死矣世衡知謀將行因欲與康朗交乃致祭境上作文書於版以弔

文雖紙幣伺有敵至急義之而歸版字不可遺誤夏人得始以獻元昊康朗遂稱臣據此則作文致祭乃所以

也附識籍疏高勞其言元昊未通時世衡畫策高冒艱險聞其君臣遂成猜貳因此與中國通請優進高官

遷三班奉職後高因對自陳又進侍禁閣門祇候世衡死籍為樞密使世衡子古上書訟父功為籍所抑古復

上書遂贈世衡成州團練使詔流內銓授古大縣簿尉押還木貫籍既罷古復辯理下御史考驗以籍前奏王

高疏為定詔以其事付史官聽古從官便郡世衡在邊數年積穀通貨所至不煩縣官益兵增饋善撫養士卒

病者遣一子專視其食飲湯劑以故得人死力及辛羌酋朝夕臨者數日青湖及環人皆畫像祠之子古按事

略作諤診皆有將材關中號曰三種誼其幼子也孫朴師道師中

古字大質少慕從祖放為人不少事科舉當任官辭以與弟時稱小隱君世衡卒錄古為天興尉累轉西京左藏

庫副使涇原路都監知原州羌人犯塞古禦之斬級數百築城鎮戎之北以據要害神宗召對遷通事舍人官

其三弟與弟診破環州折疊會斬首二千級遷西上閣門副使民有損直鬻田於熟羌以避役者古按其狀得

受然世衡受知於范仲淹因立青湖功而古以私憾訟純仁士論少之

諤字子正以父任累官左藏庫副使延帥陸誥薦知青湖城夏首凌凌內附誥恐生事欲弗納諤請納之夏人

來索誥問所以報誥曰必欲凌凌當以景詢來易乃止詢者中國亡命至彼者也夏將鬼名山部落在故綏州

其弟夷山先降諤使人因夷山以誘之賂以金孟名山小吏李文喜受而許降而名山未之知也諤即以聞詔

轉運使薛向及陸誥委諤招納諤不待報悉起所部兵長驅而前圍其帳名山驚援槍欲鬪夷山呼曰兄已約

降何為如是文喜因出所受金孟示之名山投槍哭遂舉眾從諤而南得首領三百戶萬五千兵萬人將築城

誥以無詔出師召諤還軍次懷遠晨起方櫛敵四萬眾全集傅城而陳諤開門以待使名山帥新附百餘人挑

戰諤兵繼之鼓行而出至晉祠據險使偏將燕達劉甫為兩翼身為中軍乃閉壘悉老弱乘城鼓譟以疑賊已

而合戰追擊二十里俘馘甚眾遂城綏州誥說諤擅與且不稟節制欲捕治未果而誥徒秦言者交攻之遂下

吏貶秩四等安置隨州會侯可以言水利入見神宗問其事對曰種諤奉密旨取綬而獲罪後何以使人帝亦

悔復其官韓絳宣撫陝西用為鄜延鈐轄絳城裏規橫山合諤將兵二萬出無定川命諸將皆受節度起河東

母所因可急因本路官擣其巢穴遂入對大言曰夏國無人乘常孺子臣往持其臂以來耳帝壯之決意西討

以為經略安撫副使諸將悉聽節制諤即次境上帝以諤先期輕出使聽令於王中正敵屯兵夏州諤率本路

并畿內七將兵攻米脂三日未下夏兵八萬來援諤禦之無定川伏兵發斷其首尾大破之捷書聞帝大喜羣

臣稱賀遣中使論獎而罷中正諤留千人守米脂進次銀石夏州不見敵始被詔當會靈武諤迂枉不進士卒

饑燼欲以糧運不繼歸罪轉運使李稷駐軍麻家平大校劉歸仁以眾潰詔令班師猶遣鳳州團練使神龍衛

四廂都指揮使諤謀據橫山之志未已遣子朴上其策帝召朴問狀擢為閤門祇候將進城橫山命徐禧李舜

舉使鄜延計議諤言橫山延袤千里多馬宜稼人物勁悍善戰且有鹽鐵之利夏人恃以為生其城壘皆控險

足以守禦今之興功當自銀州始其次遷宥州又其次修夏州三郡鼎峙則橫山之地已囊括其中又其次修

鹽州則橫山疆兵戰馬山澤之利盡歸中國其勢居高俯視與靈可以直覆巢穴而禧與沈括定議移銀州城

承樂受圍諤觀望不救帝冀其後效置不問且虞賊至就命知延州痘發背卒年五十七諤善馭士卒臨敵出奇戰必勝然詐誕殘忍左右有犯立斬或先劄肺肝坐

者掩面諤飲食自若敵亦畏其敢戰數有功李稷之餽軍也且入諤營軍吏鳴鼓聲喏呼問吏曰軍有幾帥要當借汝頭以代運使即叱斬之稷惶怖遽出營渡河猝遇敵給門下客曰事急矣可衣我衣乘我馬從旗鼓千騎亟趨大軍各信之敵以為諤迫之幾不免白照

靈首開綏州後再舉西征皆其兆謀卒致承樂之禍議

者謂諤不死邊事不已

諤字壽翁按東都事略云諤字少力熙寧中古入對神宗問其家世命諤以官從高遵裕復洮岷又平

山後羌至熙河副將按東都事略云為使青唐棟叢遣果莊迎候境上取道故為回枉以夸險遠諤固習其地

里諤之曰爾跳梁坎井開謂我不知遠近邪命趨便道

果莊怒奮以兵誼聲氣不動卒改塗為外路都監自蘭

州渡河討賊斬首六百累轉西京使元祐初知岷州果

莊誘殺景思立後益自矜大有窺故土之心使其子諤

宗囑爾請益兵入寇且結屬羌為內應諤刺得其情上

疏請除之詔遣游師雄就商利害遂與姚兕合兵出討

羌迎戰擊走之追奔至洮州諤亟進攻晨霧蔽野跬步

不可辨諤曰吾軍遠來彼固不知厚薄乘此可一鼓而

下也遂親鼓之有頃霧霽先登者已得城果莊就執諤

戲問之曰別後安否不能對諤謂人曰我生惡種使今

日果為所擒天不使我復有故土命也遂俘以歸拜西

上閣門使康州刺史徙知鄜州夏人犯延安趙鼎使諤

統諸將敵聞諤至皆潰去延人謂得諤勝精兵二十萬

進熙河鈴轄知蘭州蘭與通遠皆絕塞中開堡障不相

接腴田多棄不耕諤請城李諾平以扼衝要會遷東上

閣門使保州團練使卒年五十五諤備有氣節喜讀

書莅軍整嚴令一下死不敵避遇敵度不勝不出故每

戰未嘗負敗岷羌酋包順包誠恃功驕恣前守務姑息

諤至厚待之適有小過叱下吏將寘法順誠叩頭伏罪

願效命以贖乃使輸金出之羣羌畏惕及洮州之役二

人功最多

朴以父任右班殿直積勞遷至皇城使昌州刺史徙熙

河蘭會鈴轄兼知河州安撫洮西沿邊公事河南蕃部

叛屬羌阿章率他族拒官軍熙帥胡宗回使朴出討時

朴至州才二日以敵鋒方銳且盛寒欲姑徐之而宗回

馳徽至六七不得已遂出兵羌知朴來伏以待朴遇伏

首尾不相應朴殊死戰為所殺以馬負其尸去羌乘勝

追北師還遇隘壅塞不得行偏將王舜臣者善射以弓

掛臂獨立敗軍後羌來可萬騎有七人介馬而先舜臣

念此必羌酋之尤桀黠者不先殲之吾軍必盡乃宣言

曰吾令最先行者眉間插花引弓三發隕三人皆中面

餘四人反走矢貫其背萬騎眙莫敢前舜臣因得整

眾須臾羌復來舜臣自申及酉抽矢千餘發無虛者指

裂血流至肘薄暮乃得踰隘將士氣奪無敢復言戰當

是時微舜臣則師殲矣事聞贈朴雄州防禦使官其後

十人

師道按東都事略云師道初名建中字彝叔少從張載

學以蔭補三班奉職試法易文階為熙州推官權同谷

縣縣吏有田訟彌二年不決師道緝閱案牘窮日力不

竟然所訟止母及兄而已引吏詰之曰母兄法可訟乎

汝再期擾鄉里足未吏叩頭服罪通判原州提舉秦鳳

常平議役法忤蔡京旨換莊宅使知得順軍又謂其詆

毀先烈罷入黨籍廢十年以武功大夫忠州刺史涇

原都鈴轄知懷德軍夏國畫境其下焦彥堅必欲得故

地師道曰如言故地當以漢唐為正則君家疆土益蹙

矣彥堅無以對重握兵柄而西翁張威福見者皆旅

拜師道長揖而已召詣闕徵宗訪以邊事對曰先為不

可勝來則應之妄動生事非計也貴議徒內郡弓箭手

實邊而指為新邊所募帝復訪之對曰臣恐勤遠之功

未立而近擾先及矣帝善其言以為提舉秦鳳弓箭手

時五路並置官帝謂曰卿吾所親擢也貴滋不悅師道

不敢拜以請得提舉崇福宮久之知西安州按東都事

如西安州夏人侵定邊築佛口城率師往夷之始至湯

谷累遷神龍衛四廂都指揮使洺州防禦使知渭州督

諸道兵城席葦平庀工敵至堅壁葫蘆河師道陳于河

許若將決戰者陰遣偏將曲充徑出橫嶺揚言援兵至

敵方駭顧楊可世潛軍於其後姚平仲以精甲衷擊之

敵大潰斬首五千級獲橐駝馬牛萬計其首僅以身免

卒城而還又詔師陝西河東七路兵征桑達城期以旬

日必克既薄城下敵守備甚固官軍小怠列校有據胡

牀自休者立斬之屍于軍門令曰今日城不下視此眾

股栗慄而登城城即潰時兵至纔八日帝得捷書喜進

待衛親軍馬軍副都指揮使應道軍承宣使從童貫為

都統制拜保靜軍節度使貫謀伐燕使師道盡護諸將

師道諫曰今日之舉譬如盜入鄰家不能救又乘之而

分其室焉無乃不可乎貫不聽既次白溝遼人謀而前

士卒多傷師道先令人持一巨梃自防賴以不大取讀

通鑑輯覽御批童貫高陽關之役逆次指揮師道

阻其輕進自屬老成之見但業已交鋒勢難有進無退

當此示逆料其必敗預戒軍人為退避計將統師固當

笑試思一梃之利孰與五兵設當敵亂旗靡時長較短

足信不足支而欲恃木梃以禦敵更不然矣紀載之不

率如此遼使來請曰女真之叛本朝亦南朝之所甚惡

也今射一時之利棄百年之好其他日之禍謂為得計

可乎救災鄰鄰古今通義惟大國圖之貴不能對師道

復諫宜許之又不聽密劾其助敵王黼怒責為右衛將

軍致仕而用劉廷慶代之廷慶敗績于蘆溝帝思其言

志五三二五

續通志 卷三百五十三 列傳 宋

續通志 卷三百五十三 列傳 宋

起為憲州刺史知環州俄還保靜軍節度使復致仕金人南下趨召之加檢校少保靜難軍節度使京畿河北制置使聽便宜徵兵食師道方居南山豹林谷間命即東過姚平仲有步騎七千與之俱北至洛陽聞幹里雅布已屯京城下或止勿行曰敵勢方銳願少駐汜水以謀萬全師道曰吾兵少若遲回不進形見情露祇取辱焉今鼓行而前彼安能測我虛實都人知吾來士氣自振何憂敵哉揚勝沿道言種少保領西兵百萬來逐抵城西趨汴水南徑逼敵營金人懼徙岩稍北斂游騎但守牟駝岡增壘自衛時師道春秋高天下稱為老種欽宗聞其至喜甚開安上門命尚書右丞李綱迎勞時已議和入見帝問曰今日之事卿意如何對曰女真不知兵豈有孤軍深入入境而能善其歸乎帝曰業已講好矣對曰臣以軍旅之事事陛下餘非所敢知也拜檢校少傅同知樞密院京畿兩河宣撫使諸道兵悉隸焉以平仲為都統制師道時被病命母拜許肩輿入朝金使王訥在廷頡頏望見師道拜跪稍如禮帝顧笑曰彼為卿故也京城自受圍諸門書閉市無薪菜師道請啟西南壁聽民出入如常金人有擅過偏將馬忠軍者忠斬其六人金人來訴師道付以界旗使自為制後無有敢越俟者又請緩給金幣使彼情歸扼而鐵諸河執政不可種氏姚氏皆為山西巨室平仲父古方以熙河入授平仲慮功名獨歸種氏乃以士不得速戰為言達于上李綱主其議合城下兵緩急聽平仲節度帝因遣使趣師道戰師道欲俟其弟秦鳳略使師中至奏言過春分乃可擊時相距纔八日帝以為緩竟用平仲所營以及于敗按宋名臣言行錄云和師道請黃勳勳王之選師分為三等出戰餘皆守城先出賞格示之選

將分總距敵寨二三里環營守之絕其剽掠使其乏食趣詔古以所領西師會河朔將兵選精銳五萬人自河陽駐滑州進屯敵營之後旬日併力攻之此必勝之策也不聽平仲敗師道復言劫寨已謀然兵家亦有出其不意者今夕再遣兵分道攻之亦一奇也如猶不勝每夕以數千人擾之不十日敵去矣李邦彥等畏懦不能用既敗李邦彥議割三鎮師道爭之不得李綱罷太學諸生都人伏闕願見種李詔趣使彈壓師道乘車而來眾寡簾視之曰果我公也相率聲啞而散金師退乃罷為中太一宮使御史中丞許翰見帝以為不宜解師道兵柄帝曰師道老矣難用當使卿見之令相見於殿門外師道不語翰曰國家有急詔許訪所疑公勿以書生之故不肯談師道始言我輩彼寡但分兵結營控守要地使彼糧道不通坐以持久可破也翰歎味其言復上奏謂師道智慮未衰尚可用於是加檢校少師進太尉換節鎮洮軍為河北河東宣撫使屯滑州實無兵自隨師道請合關河卒屯滄衛孟滑備金兵再至朝論以大敵甫退不宜勞師以示弱格不用既而師中戰死姚古敗朝廷震悚召師道還太原陷又使巡邊次河陽遇王訥揣敵必大舉亟上疏請幸長安以避其鋒大臣以為怯復召還既至病不能見十月卒年六十七帝臨奠哭之慟贈開府儀同三司京師失守帝搏膺曰不用種師道言以至于此金兵之始退也師道申前議勸帝乘半濟擊之不從曰異日必為國患故迫痛其語建炎中加贈少保諡曰忠憲

師中字端孺歷知環濱鄆州慶陽府秦州侍衛步軍馬軍副都指揮使房州觀察使奉寧軍承宣使金人內侵詔提秦鳳兵入援未至而敵退乃以二萬人守滑遣副姚古為河北制置使按東都事略作河東制置使古援太原師中援中山河間或謂師中自磁相而北金人若下太行則勢不能自還此段疑師于河上北也時大臣立議矛盾樞密主破敵而三省令護出之師中渡河即上言尼雅滿已至澤州臣欲由邢相閉捷出上黨擣其不意當可以遲朝廷疑不用幹里雅布還師中逼之出境尼雅滿至太原悉破諸縣為鎖城法固之內外不相通姚古雖復隆德威勝扼南北關而不能解圍於是詔師中由井陘道出師與古犄角進次平定軍乘勝復壽陽榆次留屯真定時尼雅滿避暑雲中留兵分就畜牧覘者以為將道告諸朝知樞密院許翰信之數遣使督師中出戰且責以逗撓師中歎曰逗撓兵家大戮也吾結髮從軍今老矣忍受此為罪乎即日辦嚴約古及張灝俱進輜重賞犒之物皆不暇從行抵壽陽之石坑為金人所襲五戰三勝回趨榆次去太原百里而古灝失期不至兵飢甚敵知之悉眾攻右軍潰而前軍亦奔師中獨以麾下死戰自卯至巳士卒發神臂弓射退金兵而賞賚不及皆憤怨散去所留者纔百人師中身被四創力疾鬪死師中老成持重為時名將諸軍自是氣奪劉鞬言師中間命即行奮不顧身雖古忠臣不過也請加優贈以勸死國者詔贈少師諡曰莊愍

欽定續通志卷三百五十三

司馬光

呂公著希哲

范鎮祖禹

司馬光字君實陝州夏縣人父池天章閣待制光生七歲凜然如成人間講左氏春秋卽了其大指羣兒戲於庭一兒登養足跌沒水中眾皆棄去光持石擊囊破之水迸兒得活其後京洛開畫以爲圖仁宗寶元初中進士甲科除奉禮郎時池在杭求簽蘇州判官事以便親許之丁內外艱服除簽書武成軍判官事改大理評事補國子直講樞密副使龐籍薦爲館閣校勘同知禮院中官麥允言死給爾簿光言繁纓以朝孔子且猶不可允言近習之臣非有元勳大勞而贈以三公給一品爾簿其視繁纓不亦大乎夏竦賜諡文正光言竦何人可

以當之改文莊加集賢校理從龐籍辟通判并州麟州屈野河西多良田夏人蠶食其地爲河東患籍命光案視光謙築二堡以制夏人募民耕之耕者眾則糴賤亦可漸紓河東貴糴遠輸之憂籍從其策而麟將郭恩勇且狂引兵夜渡河不設備沒於敵籍得罪去光三上書自引咎不報改直祕閣開封府推官交趾貢異獸謂之麟光言眞僞不可知使其眞非自至不足爲瑞願還其獻又奏賦以風修起居注判禮部有司奏日當食故事食不滿分或京師不見皆表賀光言四方見京師不見此人君爲陰邪所蔽天下皆知而朝廷獨不知其爲災當益甚不當賀從之同知諫院蘇轍劾制策切直考官胡宿將黜之光言轍有愛君憂國之心不宜黜詔寅末級仁宗始不豫國嗣未立廷臣莫敢言諫官范鎮首發

其議光在并州聞而繼之且貽書勸鎮以死爭至是復面言臣昔通判并州所上三章願陛下果斷力行帝沈思久之曰得非欲選宗室爲繼嗣者乎此忠臣之言但人不敢及耳光曰臣言此自謂必死不意陛下開納光退未間命復上疏曰臣向者進說意謂卽行今寂無所聞此必有小人言陛下春秋鼎盛何遽爲不祥之事小人無遠慮特欲倉卒之際援立其所厚善者耳定策國老門生天子之禍可勝言哉帝大感動曰送中書光見韓琦等曰諸公不及今定議異日禁中夜半出寸紙以某人爲嗣則天下莫敢違琦等拱手曰敢不盡力未幾詔英宗判宗正辭不就遂立爲皇子又稱疾不入光言皇子辭不資之富至於旬月其賢於人遠矣然父召無諾君命召不俟駕願以臣子大義責皇子宜必入英宗遂受命突國公主嫁李瑋不相能詔出瑋衛州母楊歸其兄瑋主入居禁中光言陛下追念章懿太后故使瑋尙主今乃母子離析家事流落獨無雨露之感乎瑋旣黜王安得無罪帝悟降主沂國待李氏恩不衰進知制誥固辭改天章閣待制兼侍講知諫院時朝政頗姑息胥吏諛諂則逐中執法輩官悖慢則退宰相衛士凶逆而獄不窮治軍卒嘗三司使而以爲非犯階級光言皆陵替之漸不可以不正充媛董氏薨贈淑妃輟朝成服百官奉慰定諡行冊禮葬給爾簿光言董氏秩本微病革方拜充媛古者婦人無諡近制惟皇后有之爾簿本以賞軍功未嘗施於婦人時有司定後宮封贈法后與妃俱贈三代光論妃不當與后同天聖親郊太妃止贈二代而况妃乎英宗立遇疾慈聖光獻后同聽政光上疏曰昔章獻明肅有保佑先帝之功特以親用外戚小

人負誇海內今攝政之際大臣忠厚如王曾清純如張知白剛正如魯宗道質直如韓奎者當信用之猥鄙如馬季良讒諂如羅崇勳者當疎遠之則天下服帝疾愈光料必有追隆本生事卽奏言漢宣帝爲孝昭後終不追尊衛太子史皇孫光武上繼元帝亦不追尊鉅鹿南君此萬世法也後詔兩制集議濮王典禮學士王珪等相視莫敢先光獨奮筆書曰爲人後者爲之子亦不得顧私親王宜準封贈期親尊屬故事稱爲皇伯高官大國極其尊榮議成珪卽命史以光手藁爲案旣上與大臣意殊御史呂誨傅堯俞范純仁呂大防趙鼎趙瞻爭之力皆斥去光乞留之不可遂請與俱貶初西夏遣使致祭延州指使高宜押伴傲其使者侮其國主使者訴於朝光與呂誨乞加宜罪不從明年夏人犯邊殺略吏士趙滋爲雄州專以猛悍治邊光論其不可至是契丹爲不材將代之光謂國家當戒夷附順時好與之計較末節及其桀驁又從而姑息之近者西禍生於高宜北禍起於趙滋時方賢此二人故邊臣皆以生事爲能漸不可長宜敕邊吏疆場細故輒以矢刃相加者罪之仁宗遣賜直百餘萬光率同列三上章謂國有大憂中外窘乏不可專用乾興故事若遺賻不可辭宜計侍從上進金錢佐山陵不許光乃以所得珠爲諫院公使錢金以遺舅氏義不藏於家慈聖后還政有司立式凡后有所取用當覆奏乃供光云當移所屬使立供已乃具數白后以防矯僞曹佾無功除使相兩府皆遷官光言陛下欲以慰母心而遷除無名則宿衛將帥內侍小臣必有覬望已而遷都知任守忠等官光復爭之因論守忠

大姦陛下為皇子非守忠意沮撓大策離間百端賴先帝不聽及陛下嗣位反覆交構國之大賊乞斬於都市以謝天下責守忠為節度副使蘄州安置天下快之詔刺陝西義勇二十萬民情驚擾而紀律疎略不可用光抗言其非持白韓琦琦曰兵貴先聲諒詐方桀驁使驟聞益兵二十萬豈不震懼光曰兵之貴先聲為無其實也獨可欺之於一日之間耳吾雖益兵實不可用不過十日彼將知其詳尚何懼琦曰君但見慶歷開鄉兵刺為保捷憂今復然已降敕榜與民約永不充軍成邊矣光曰朝廷常失信民未敢以為然雖光亦不能不疑琦曰吾在此君無憂光曰公長在此地可也異日他人當位因公見兵用之運糧成邊反掌聞事耳琦嘿然而訖不為止不十年皆如光慮

伏讀通鑑輯覽 御批 招集義勇本期通用 惟貴簡練精熟豈在伍籍之多安邊固而按戶道丁編刺手背士勇未厲而民先驚擾安邊固而按戶道丁編刺手背不堪行陣雖多亦奚以為即云兵貴先聲而無制勝之實徒爾號稱十萬恐敵人間之不能生懼而轉為所輕殊索號知兵此舉實為失當司馬光所論王廣淵除直

集賢院光論其姦邪不可近昔漢景帝重衛綰周世宗薄張美廣淵當仁宗之世私自結於陛下豈忠臣哉宜黜之以厲天下進龍圖閣直學士按東都事略云 神宗改右諫議大夫即位擢為翰林學士光力辭帝曰卿有文學何辭為對曰臣不能為四六帝曰如兩漢制詔可也御史中丞王陶以論宰相不押班罷光代之光言陶由論宰相罷則中丞不可復為臣願俟既押班然後就職許之遂上疏論修心之要三曰仁曰明曰武治國之要三曰官人曰信賞曰必罰且曰臣獲事三朝皆以此六言獻張方平參知政事光論其不叶物望帝不從還光翰林兼侍讀學士光常患歷代史繁人主不能過覽遂為通志八卷

以獻英宗悅之命置局祕閣續其書至是神宗名之曰資治通鑑自製序授之俾日進讀詔錄穎邸直省官四人為閣內祇候光曰國初草創以左右舊人為腹心耳目非平日法也閣門祇候在文臣為館職豈可使廝役為之西戎部將鬼名山欲以橫山之眾取諒祚以降詔邊臣招納其眾光上疏極論以為名山之眾未必能制諒祚幸而勝之滅一諒祚生一諒祚何利之有若其不勝必引眾歸我不知何以待之若餘眾尙多遣北不可入南不受窮無所歸必將突據邊城以救其命陛下不見侯景之事實上不聽遣將神譔發兵迎之取絳州費六十萬西方用兵蓋自此始矣百官上尊號光當答詔言先帝親郊不受尊號末年有獻議者謂國家與契丹往來通信彼有尊號我獨無於是復以非時奉冊昔匈奴冒頓自稱天地所生日月所置匈奴大單于不聞漢文帝復為大名以加之願追述先帝本意不受此名帝手詔獎光使善為答辭以示中外執政以河朔旱國用不足乞南郊勿賜金帛詔學士議光與王安石同見光曰救災節用宜自貴近始可聽也安石曰常袞辭堂饌時以為衰自知不能當辭位不當辭祿且國用不足非當世急務所以不足者以未得善理財者故也光曰善理財者不過頭會箕歛爾安石曰不然善理財者不加賦而國用足光曰天下安有此理天地所生財貨百物不在民則在官彼設法奪民其害乃甚於加賦此蓋桑羊欺武帝之言爭議不已帝曰朕意與光同然姑以不允答之會安石草詔引常袞事責兩府兩府不敢復辭安石得政行新法光逆疏其利害邇英進讀至曹參代蕭何事帝曰漢常守蕭何之法不變可乎對曰竄獨漢

也使三代之君常守禹湯文武之法雖至今存可也漢武取高帝約束紛更盜賊半天下元帝改孝宣之政漢業遂衰由此言之祖宗之法不可變也呂惠卿言先王之法有一年一變者正月始和布法象魏是也有五年一變者巡守考制度是也有三十年一變者刑罰世輕世重是也光言非是其意以風朝廷耳帝問光光曰布法象魏布舊法也諸侯變禮易樂者王巡守則誅之不自變也刑新國用經典亂國用重典是為世輕世重非變也且治天下譬如居室敝則修之非大壞不更造也公卿侍從皆在此願陛下問之三司使掌天下財不才而黜可也不可使執政侵其事今為制置三司條例司何也宰相以道佐人主安用例苟用例則胥吏矣今為看詳中書條例司何也惠卿不能對則以他語詆光光又曰平民舉錢出息尙能蠶食下戶況縣官督責之威乎惠卿曰青苗法願取則與之不願不强也光曰愚民知取債之利不知還債之害非獨縣官不强富民亦不强也昔太宗平河東立糴法時米斗十錢民樂與官為市其後物貴而和糴不解遂為河東世患臣恐異日之青苗亦猶是也帝曰坐倉糴米何如光曰不便惠卿曰糴米百萬斛則省東西之漕以其錢供京師光曰東南錢荒而粒米狼戾今不糴米而漕錢棄其有餘取其所以無農末皆病矣侍講吳申起曰光言至論也它日留對光曰陛下當論其是非今條例司所為獨安石韓絳惠卿以為是耳陛下豈能獨與此三人共為天下邪帝欲用光訪之安石安石曰光外託副上之名內懷附下之實所言盡害政之事所與盡害政之人而欲實之左右使與國論此消長之大機也光才豈能害政但在高

位則異論之人倚以爲重安石以韓琦上疏臥家求退帝乃拜光樞密副使光辭之曰陛下所以用臣蓋察其狂直庶有補於國家若徒以祿位榮之而不取其言是以大官私非其人也臣徒以祿位自榮而不能救生民之患是盜竊名器以私其身也陛下誠能罷制置條例司追還提舉官不行青苗助役等法雖不用臣臣受賜多矣今言青苗之害者不過謂使者騷動州縣爲今日之患耳而臣之所憂乃在十年之外非今日也夫民之貧富由勤惰不同惰者常乏故必資於人今出錢貸民而斂其息富者不願取使者以多散爲功一切抑配恐其逋負必令貧富相保貧者無可償則散而之四方富者不能去必責使代償數家之負春算秋計展轉日滋貧者既盡富者亦貧十年之外百姓無復存者矣又盡散常平錢穀專行青苗它日若思復之將何所取富至既盡常平已廢加之以師旅因之以饑饉民之羸者必委死溝壑壯者必聚而爲盜賊此事之必至者也抗章至七八帝使謂曰樞密兵事也官各有職不當以他事爲辭對曰臣未受命則猶侍從也於事無不可言者安石起視事光乃得請遂求去以端明殿學士知永興軍宜撫使下令分義勇戍邊諸軍驍勇士募市井惡少年爲奇兵調民造乾精悉修城池樓櫓關輔駭然光極言公私固敝不可舉事而京兆一路皆內郡繕治非急宣撫之令皆未敢從若乏軍興臣當任其責於是一路獨得免徒知許州趣入覲不赴請判西京御史臺歸洛自是絕口不論事而求言詔下光讀之感泣欲嘿不忍乃復陳六事一青苗二免役三市易四邊事五保甲六水利此尤病民者宜先罷又移書責宰相吳充事見充

傳蔡天申爲察訪妄作威福河南尹轉運使敬事之如上官嘗朝謁應天院神御殿府獨爲設一班示不敢與抗光顧謂臺吏曰引蔡寺丞歸本班吏即引天申立監竹木務官富贊善之下天申窘沮即日行元豐五年忽得語溢疾疑且死豫作遺表置臥內欲畀所善者上之官制行帝指御史大夫曰非司馬光不可又將以爲東官師傳蔡確曰國是方定願少遲之資治通鑑未就帝尤重之以爲賢於荀悅漢紀數促使終篇賜以穎邸舊書及書成加資政殿學士凡居洛陽十五年天下以爲眞宰相田夫野老皆號爲司馬相公婦人孺子亦知其爲君實也帝崩赴闕臨衛士望見皆以手加額曰此司馬相公也所至民遮道聚觀馬至不得行曰公無歸洛留相天下活百姓哲宗幼冲太皇太后臨政遣使問所當先光謂開言路詔榜朝堂而大臣有不悅者設六語云若陰有所壞犯非其分或扇搖機事之重或迎合己行之令上以微倖希進下以眩惑流俗若此者罰無赦后復命示光光曰此非求諫乃拒諫也人臣惟不言言則入六事矣乃具論其情改詔行之於是上封者以千數起光知陳州過關留爲門下侍郎蘇軾自登州召還緣道人相聚號呼曰寄謝司馬相公母去朝廷厚自愛以活我是時天下之民引領拭目以觀新政而議者猶謂三年無改於父之道但毛舉細事稍塞人言光曰先帝之法其善者雖百世不可變也若安石惠卿所建爲天下害者改之當如揀焚拯溺况太皇太后以母子非子改父眾議甫定遂罷保甲團教不復置保馬廢市易法所儲物皆鬻之不取息除民所欠錢京東鐵錢及茶鹽之法皆復其舊或謂光曰熙豐舊臣多儉巧小人

他日有以父子義聞上則禍作矣光正色曰天若祚宗社必無此事於冕天下釋然曰此先帝本意也元祐元年復得疾詔朝會再拜勿舞蹈時青苗免役將官之法猶在而西戎之議未決光嘆曰四患未除吾死不瞑目矣折簡與呂公著云光以身付醫以家事付愚子惟國事未有所託今以屬公乃論免役五害乞直降敕罷之諸將兵皆隸州縣軍政委守令通決廢提舉常平司以其事歸之轉運及提點刑獄邊計以和戎爲便謂監司多新進少年務爲刻急令近臣於郡守中選舉而於通判中舉轉運判官又立十科薦士法皆從之拜尙書左僕射兼門下侍郎免朝覲許乘肩輿三日一入省光不敢當曰不見君不可以視事詔令子康扶入對且曰毋拜遂罷青苗錢復常平糶糴法兩宮虛已以聽遼夏使至必問光起居敕其邊吏曰中國相司馬矣毋輕生事開邊隙光自見言行計從躬親庶務不舍晝夜賓客見其體羸舉諸葛亮食少事煩以爲戒光曰死生命也爲之益力病革不復自覺諄諄如夢中語然皆朝廷天下事也是年九月薨年六十八太皇太后聞之慟與帝卽臨其喪明堂禮成不賀贈太師溫國公祿以一品禮服賻銀絹七千詔戶部侍郎趙瞻內侍省押班馮宗道護其喪歸葬陝州諡曰文正賜碑曰忠清粹德京師人罷市往弔嶺南封州父老亦相率具祭都中及四方皆畫像以祀光孝友忠信恭儉正直在洛時每往夏縣展墓必過其兄旦旦年將八十奉之如嚴父保之如嬰兒自少至老語未嘗妄自言吾無過人者但平生所爲未嘗有不可對人言者耳天下敬信陝洛間皆化其德於物澹然無所好於學無所不通紹聖初御史周秩首論光

誣誇先帝盡廢其法章惇蔡卞請發家斷棺帝不許乃令奪贈諡卞所立碑而惇言不已追貶清遠軍節度副使又貶崖州司戶參軍徽宗立復太子太保蔡京擅政復降政議大夫京撰姦黨碑令郡國皆刻石長安石工安民當鐫字辭曰民愚不知立碑之意但如司馬相公者海內稱其正直今謂之姦邪民不忍刻官怒欲加罪乃乞免鐫安民二字於石末恐得罪後世問者愧之靖

康元年還贈諡建炎中配饗哲宗廟庭

康字公休幼端謹不妄言笑事父母至孝敬學過人博通古書以明經上第光修資治通鑑奏檢閱文字丁母憂哀毀幾滅性光居洛士之從學者退與康語未嘗不有得塗之人見其容止雖不識皆知其為司馬氏子也以韓絳薦為祕書由正字遷校書郎光復得遺恩悉以與族人服除召為著作佐郎兼侍講上疏言比年以來早曠為虐民多艱食若復一不稔則公私困竭盜賊可乘自古聖賢之君非無水旱惟有以待之則不為甚害願及今秋熟令州縣廣糴民食所餘悉歸於官今冬來春令流民就食候鄉里豐穰乃還本土拜右正言以親嫌未就職為哲宗言前世治少亂多祖宗創業之艱難積累之勤勞勸帝及時嚮學守天下大器且勸太皇太后每於禁中訓迪其言切至邇英進講言孟子於書最醇正陳王道尤明白所宜觀覽康自居父喪居廬蔬食寢於地遂得腹疾至是不能朝謁賜告優按東都事賢作除直集賢院提點疾且殆猶具疏所當言者以待年四十一而卒詔贈右諫議大夫康為人廉潔口不言財初光立神道碑帝遣使賜白金二千兩康以費皆官給辭不受遺家吏如京師納之

呂公著字晦叔幼嗜學至忘寢食識慮深遠有度量父夷簡器異之曰他日必為公輔恩補奉禮郎登進士第召試館職不就通判潁州郡守歐陽修與為講學之友判吏部南曹仁宗獎其恬退賜五品服除崇文院檢討同判太常寺言濮安懿王在殯請燕北使毋用樂輟上元游幸廢溫成廟為祠多見聽用擢天章閣待制兼侍講壽星觀營真宗神御殿公著言先帝已有三神御而建立不已殆非祀無豐昵之義進知制誥三辭不拜改天章閣待制兼侍讀治平元年為諫議大夫時英宗修慶寧宮建本命殿公著言畿內京東西淮南饑此豈修宮之時王疇為樞密副使知制誥錢公輔坐封還詞頭貶公著極論公輔舉職不宜出加龍圖閣直學士方議

追崇濮王或欲稱皇伯考公著曰此真宗所以稱太祖豈可施於王及下詔稱親且班諱又言稱親則有二父之嫌王諱但可避於上前不應與七廟同諱呂晦等坐論濮王去公著言陛下即位以來納諫之風未彰而屢細言者何以風示天下不聽遂乞補外帝曰學士朕所重其可以去朝廷請不已出知蔡州神宗立召為翰林學士兼侍讀頌之兼寶文閣學士知通進銀臺司司馬光以論事罷中丞還經幄公著封還其命曰光以舉職賜罷是為有言責者不得盡其言也詔以告直付閣門公著又言制命不由門下則封駁之職因臣而廢願理臣之罪以正紀綱帝諭之曰所以從光者賴其勸學耳非以言事故也公著請不已竟解銀臺司修英宗實錄轉禮部侍郎知開封府時夏秋淫雨京師地震公著上疏曰自昔人君遇災者或恐懼以致福或簡諛以致禍上下盡誠而變異不消者未之有也惟君人者去偏聽

獨任之弊而不主先人之語則不為邪說所亂蓋佞人惟恐不合於君則其勢易親正人惟恐不合於義則其勢易疏惟先格王正厥事未有事正而不治者也禮官用唐故事請以五月御大慶殿受朝因上尊號公著言五月會朝始於唐德宗取術數厭勝之說憲宗以不經罷之况尊號非古典不繫人主重輕從之近臣有請吏非領郡者毋任監司公著曰人才類伏下僚而資格愈峻則簡拔愈難審其才可用宜不次用之試而無效則已之又請增館閣之選以長育人才文武官非素有罪戾者宜給奉以示始終多用其言二年為御史中丞時王安石方行青苗法公著極言曰自古有為之君未有失人心而能圖治亦未有能勝之以威勝之以辯而

能得人心者也昔日所謂賢者今皆以此舉為非而主議者一切詆為流俗浮誇豈昔皆賢而今皆不肖乎安石怒其深切帝使舉呂惠卿為御史公著曰惠卿固有才然姦邪不可用帝以語安石安石益怒誣其言韓琦欲因人心不忍如趙鞅與晉陽之甲以逐君側之惡賊知潁州命知制誥宋敏求草制明著罪狀敏求不從但言敏陳失實安石怒使陳升之改其語行之按宋史本以惡語出知潁州所載未為明晰謹遵通鑑編覽詳載其事語讀御批韓琦趙鞅時地不同何至有發甲以清君側之事公著雖至愚亦必不為此言安石誣奏不問而知其妄益安石不悅琦復怒公著欲假此兩傷之神宗不察公著遂爾坐八年彗星見詔求直言公著上疏曰陛下臨朝願治為日已久而左右前後莫敢正言使陛下有欲治之心而無致治之實此任事之臣負陛下也夫士之邪正賢不肖既素定矣今則不然前日所舉以為天下之至賢而後日逐之以為天下至不肖其於人材既反覆不常則於政事亦乖戾不審矣古

之爲政初不信於民者有之君子產治鄭一年而人怨之三年而人歌之陛下垂拱仰成七年於此然與人之誦亦未有異於前日陛下獨不察乎起知河陽召還提舉中太一宮遷翰林學士承旨改端明殿學士知審官院帝從容與論治道遂及釋老公著問曰堯舜知此道乎帝曰堯舜豈不知公著曰堯舜雖知此而惟以知人安民爲難所以爲堯舜也帝又言唐太宗能以權智御臣下對曰太宗之德以能屈己從諫爾帝善其言未幾同知樞密院事有欲復肉刑者議取死囚試劓刑公著曰試之不死則內刑遂行矣乃止元豐元年以戶部侍郎同知樞密院事三年改正議大夫樞密副使四年復同知樞密院事據宋史辛輔表初夏人幽其主將大舉討之公著曰問罪之師當先擇帥苟未得人不如勿舉及兵興秦晉民力大困大臣不敢言公著數白其害五年以疾去位除資政殿學士定州安撫使俄永樂城陷帝臨朝歎曰邊民疲弊如此獨呂公著爲朕言之耳徙揚州加資政殿大學士將立太子帝謂輔臣當以呂公著司馬光爲師傅哲宗即位加銀青光祿大夫以侍讀還朝太皇太后遣使迎問所欲言公著曰先帝本意以寬省民力爲先而建議者以變法侵民爲務與己異者一切斥去故日久而弊愈深法行而民愈困誠得中正之士講求天下利病協力而爲之宜不難矣至則陳十事曰畏天愛民修身講學任賢納諫薄斂省刑去奢無逸又乞備置諫員以開言路拜尚書左丞門下侍郎元祐元年拜尚書右僕射兼中書侍郎三省並建中書獨爲取旨之地乃請事于三省者與執政同進呈取旨而各行之又執政官率數日一聚政事堂事多決於其長同

列莫得預至是始命日集遂爲定制與司馬光同心輔政推本神宗之志凡欲革而未暇與革而未定者一一舉行之民咸以爲便光薨獨當國除吏皆一時之選科舉罷詞賦專用王安石經義且雜以釋氏之說公著始令禁主司不得出題老莊書舉子不得以申韓佛書爲學經義參用古今諸儒說毋得專取王氏復賢良方正科右司諫賈易以言事計直詆大臣將峻責公著以爲言止罷知懷州退謂同列曰諫官所論得失未足言願主上春秋方盛慮異時有進諫說惑亂者正賴左右爭臣耳不可豫使人主輕厭言者也眾莫不歎服吐蕃首領果莊青宜結久爲洮河患聞朝廷弭兵省戍陰與夏人合謀復取熙岷公著議遣軍器丞游師雄以便宜諭諸將不逾月生致闕下帝宴近臣於資善堂公著乃集所講書要語明白切於治道者凡百篇進之以備游意翰墨爲聖學之助三年懇辭位拜司空同平章軍國事宋興以來宰相以三公平章重事者四人而公著與父居其二詔建第於東府之南啟北扉以便執政會議凡三省樞密院之職皆得總理開日一朝因至都堂其出不以時蓋異禮也明年卒年七十二太皇太后見輔臣泣曰邦國不幸司馬相公既亡臣司空復逝痛悶久之帝亦悲感即詣其家臨奠賜金帛萬貲太師申國公諡曰正獻御書碑首曰純誠厚德公著平居無疾言遽色於聲利紛華泊然無所好簡重清靜蓋天稟然其識慮深敏量闊而學粹遇事善決苟便於國不以私利害動其心與人交出於至誠好德樂善見士大夫以人物爲意者必問其所知與其所聞參互考實以達於上每議政事博取眾善以爲善至所當守則毅然不爲奪神宗

嘗言其於人材不欺如權衡之稱物尤能避遠聲跡不以知人自處始與王安石善安石博辯驍辯人莫敢與亢公著獨以精識約言服之安石嘗曰疵吝每不自勝一詣長者即廢然而反所謂使人之意消者於晦叔見之又謂人曰晦叔爲相吾輩可以言仕矣後安石得志意其必助己而數用公議列其過失以故交情不終於講說尤精語約而理盡司馬光曰每聞晦叔講便覺已語爲煩其爲名流所敬如此紹聖元年章惇爲相以翟恩張商英周秩居言路論公著更熙豐法度削贈諡毀所賜碑再貶建武軍節度副使昌化軍司戶參軍徽宗立追復太子太保蔡京擅政復降左光祿大夫入黨籍尋復銀青光祿大夫紹興初悉還贈諡子希哲希純希哲字原明以蔭入官安石爲政將寘其子雋於講官以希哲有賢名欲先用之希哲辭曰辱公相知久萬一從仕將不免異同則曷昔相與之意盡矣安石乃止公著作相希哲滯管庫久乃判登聞鼓院力辭公著歎曰當世善士吾收拾畧盡爾獨以吾故置不試命也夫希哲母賢明有法度聞公著言笑曰是亦未知其子矣終公著喪始爲兵部員外郎范祖禹其妹壻也言其經術操行宜備勸講臣以婦兄之故不敢稱薦今方將引去竊謂無嫌詔以爲崇政殿說書其勸導人主以修身爲本擢右司諫辭不拜會紹聖黨論起御史劉拯論其進不由科第以祕閣校理知懷州中書舍人林希又言呂大防由公著援引故進希哲以酬私恩凡大防輩欺君賣國皆公著爲之倡而公著之惡則希哲導成之豈宜汗華職於是但守本秩俄分司南京居和州徽宗初召爲祕書少監爲會布所惡改光祿少卿希哲力請外以

直祕閣知曹州旋遭崇寧黨禍奪職知相州徙邢州罷為宮祠羈寓淮泗間十餘年卒子好問有傳

希純字子進登第為太常博士元祐祀明堂將用皇祐

故事並饗天地百神皆以祖宗配希純言皇祐之禮事

不經見嘉祐既已釐正至元豐中但以英宗配上帝悉

罷從祀羣神得嚴父之義請循其式從之歷宗正太常

祕書丞哲宗議納后希純請考三代昏禮參祖宗之制

博訪合族參求德配凡世俗所謂婚媾之書淺陋不經

宜一切屏絕以防附會遷著作郎以父諱不拜擢起居

舍人權太常少卿宣仁太后崩希純慮姦人乘間進說

搖主聽卽上疏曰自元祐初年太皇太后聽斷所用之

人皆循有時望所行之事皆人所願行唯是過惡得罪

之徒日伺變故掉闔規利今必以更改神宗法度為說

臣以為先帝之功烈萬世莫掩聞有數事為小人所誤

勢雖頗有損益在於聖德固無所虧小人既誤先帝復

欲謀陛下不可不察未幾拜中書舍人同修國史內侍

梁從政劉惟簡除內省押班希純以親政之始首錄二

人無以示天下持不行由是闔寺側目章惇既相出為

寶文閣待制知亳州諫官張商英憾希純攻之力又以

外親嫌連徙睦州歸州名為易地實困之也公著追貶

希純亦以屯田員外郎分司南京居金州又責劄州團

練副使道州安置建中靖國元年還為待制知瀛州徽

宗聞其名數稱之曾布忌希純因其請觀未及見亟以

邊邊趣遣之俄改潁州入崇寧黨籍卒年六十

范鎮字景仁成都華陽人薛奎守蜀一見愛之館於府舍俾與子弟講學還朝載以俱舉進士禮部奏名第一

陳率得實上列鎮獨不然至第七十九人乃從呼出應

廷中皆異之自是舊風遂革調新安主簿西京留守宋

綬延置國子監薦為東監直講召試學士院當得館閣

校理主司妄以為失韻補校勘人為忿鬱而鎮處之晏

如宰相雁籍言鎮有異材不及汲於進取超授直祕閣

判吏部南曹開封府推官擢起居舍人知諫院上疏論

民田困敝請約祖宗以來官吏兵數酌取其中為定制

以今賦入之數什七為經費儲其三以備水旱非常又

言周以冢宰制國用唐以宰相判鹽鐵度支今中書主

民樞密主兵三司主財各不相知請使二府通知兵民

大計與三司同制國用契丹使至虛聲示彊大臣益募

兵以塞責歲費百千萬鎮言備契丹莫若寬三晉之民

商人輸粟河北取償京師而權貨不卽予鈔久而蓄之

十才得其六或建議出內帑錢稍增價與市歲可得羨

息五十萬鎮謂外府內帑均為有司今使外府滯商人

而內帑乘急以牟利至傷國體仁宗遽止之葬温成后

太常議禮前謂之園後謂之陵宰相劉沆前為監護使

後為園陵使鎮曰嘗聞法吏舞法矣未聞禮官舞禮也

請詰前後議禮異同狀集賢校理刁約論壙中物侈麗

吳克鞫真卿爭論禮並補外皆上章留之石全贊護葬

之葬推恩皆無此比乞追還全贊等告敕時有敕凡內

降非準律令者竝許執奏曾未一月大臣輒廢不行鎮

乞正中書樞密之罪帝天性寬仁言事者競為激許鎮

獨務引大體非關朝廷安危生民利疚則澗略不言陳執中為相鎮論其無學術非宰相器及嬖妾笞殺婢御

熾獄訟充斥執中當任其咎御史捨大責細暴揚燕私

若用此為進退是因一婢逐宰相非所以明等級辨堂

陛識者慮之文彥博富弼入相詔百官迎鎮曰隆之

以虛禮不若推之以至誠近時兩制不得詣宰相居第

百官不得開見是不推之以誠也願罷郊迎除調禁議

減任子及每歲取士皆自鎮發之又乞令宗室疎屬補

外官時雖不行至熙寧初卒如其言帝在位三十五年

未有繼嗣嘉祐初暴得疾鎮拜疏曰陛下不豫海內皇

皇莫知所為陛下獨以祖宗後裔為念是為宗廟之慮

至深且明也昔太祖舍其子而立太宗天下之大公也

真宗以周王薨養宗子於宮中天下之大慮也願以太

祖之心行真宗故事拔近屬之尤賢者優其禮秩置之

左右與圖天下事以繫億兆人心章累上不報執政論

之曰柰何效希名千進之人鎮貽以書曰比天象見變

當有急兵鎮義當死職不可死亂兵之下此乃鎮擇死

之時尚何顧希名千進之嫌哉按遷宗室為繼嗣范鎮

貽書勸其力爭伏讀通鑑輒覽御批仁宗是時春

秋尚富未有皇嗣鎮必欲援立近屬其意何居且前後

章十九上甚至有臣對位成何景象及復貽書執政言

天象示變必有急兵造為詭妄之語以復惑人心尤為

狂除兼侍御史知雜事鎮以言不從固辭執政論鎮曰

今閉言已入為之甚難鎮復書執政曰事當論其是非

不當問其難易諸公謂今日難於前日安知異日不難

於今日乎凡見上面陳者三言益懇切鎮泣亦泣曰朕知卿忠卿言是也當更思之二年章十九上待命百餘日鬚髮為白朝廷知不能奪乃罷知諫院改集賢殿修撰刺察在京刑獄同修起居注遂知制誥鎮雖解言職無歲不申前議至是因入謝首言陛下許臣今復三年矣願早定大計又因給享獻賦以諷其後韓琦遂定

策立英宗遷翰林學士中書議追尊濮王兩制臺諫與之異詔禮官檢詳典禮鎮判太常寺率其屬言漢宣帝於昭帝為孫光武於平帝為祖其父容可稱皇考議者猶非之謂其以小宗合大宗之統也今陛下既以仁宗為考又加於濮王則其失非特漢二帝比凡稱帝者若廢廟皆非是會草制誤遷宰相官改侍讀學士明年遷翰林出知陳州陳方饑視事三日擅發錢粟以貸監司繩之急即自劾詔原之神宗即位復為翰林學士兼侍讀知通進銀臺司故事門下封駁制旨省審章奏科擡違滯皆著所授救後乃刊去鎮始請復之使知所守王安石改常平為青苗鎮言常平之法起於漢盛時視殺貴賤發斂以便農末最為近古不可改而青苗行於唐之衰世不足法且陛下疾富民之多取而少取之此正百步五十步之閒耳呂惠卿在邇英言今預買紬絹亦青苗之比鎮曰預買亦敝法也若府庫有餘當并去之豈應援以為比韓琦極論新法之害送條例司疏駁李常乞罷青苗錢詔命分析鎮再封還詔五下鎮執如初司馬光辭樞密副使詔許之鎮再封還帝以詔直付光不出門下鎮奏曰由臣不才使陛下廢法有司失職乞解銀臺司舉蘇軾諫官御史謝景溫奏罷之舉孔文仲制科文仲對策論新法不便罷歸故官鎮皆力爭之不報即上疏曰臣言不行無顏復立於朝請謝事臣言青苗不見聽一宜去薦蘇軾孔文仲不見用二宜去李定避持服遂不認母壞人倫逆天理而欲以為御史御史臺為之罷陳薦舍人院為之罷宋敏求呂大臨蘇軾諫院為之罷胡宗愈王韶上書肆意欺罔以興造邊事事敗則置而不問反為之罪帥臣李師中及御史一言

蘇軾則下七路琦撫其過孔文仲則遣之歸任以此二人況彼二人孰是孰非其能逃聖鑒乎言青苗有見效者不過歲得什百萬緡錢緡錢非出於天非出於地非出於建議者之家蓋一出於民耳民猶魚也財猶水也養民而盡其財譬猶養魚而竭其水也疏五上其後指安石用喜怒為賞罰曰陛下有納諫之資大臣進拒諫之計陛下有愛民之性大臣用殘民之術臣知言入觸大臣之怒罪且不測然臣職獻替而無一言則負陛下矣疏入安石大怒持其疏至手顛自草制極詆之以戶部侍郎致仕凡所得恩典悉不與鎮表謝略曰願陛下集羣議為耳目以除壅蔽之姦任老成為腹心以養和平之福天下聞而壯之既退蘇軾曰公雖退而名益重矣鎮愀然曰君子言聽計從消患於未聞使天下陰受其賜無智名無勇功吾獨不得為政使天下受其害而吾享其名吾何心哉日與賓客賦詩飲酒或勸使稱疾杜門鎮曰死生禍福天也吾其如天何同天節乞隨班上壽許之遂為令軾得罪下臺獄索與鎮往來書文甚急猶上書論救久之徙居許哲宗立韓維言鎮在仁宗時首啟建儲之議具以十九疏上之拜端明殿學士起提舉中太一宮兼侍讀且欲以為門下侍郎鎮雅不欲起從孫祖禹亦勸止之遂固辭改提舉崇福宮祖禹謁誥歸省詔賜以龍茶存勞甚渥復告老以銀青光祿大夫再致仕累封蜀郡公鎮於樂尤注意自謂得古法獨主房麻以律生尺之說司馬光謂不然往復論難凡數萬言初仁宗命李照改定大樂下王朴樂三律皇祐中又詔胡瑗等考正神宗時詔鎮與劉几定之鎮曰定樂當先正律作律尺龠合升斗豆區鬴斛欲圖上之又乞

訪求真黍以定黃鍾而劉几即用李照樂加用四清聲而奏樂成詔罷局賜賚有加鎮曰此劉几樂也臣何與焉至是乃請大府銅為之逾年而成比李照樂下一律有奇帝及太皇太后御延和殿召執政同閱視賜詔嘉獎下之太常鎮時已屬疾樂奏三日而卒年八十一贈金紫光祿大夫諡曰忠文鎮平生與司馬光相得甚驩議論如出一口且約生則互為傳死則作銘光生為鎮傳服其勇決鎮復銘光墓云熙寧姦朋淫縱險詖險猾賴神宗洞察於中其辭峭峻光子康屬蘇軾書之軾曰軾不辭書懼非三家福乃易他銘鎮清白坦夷遇人必以誠恭儉慎默口不言人過臨大節決大議色和而語壯雖在萬乘前無所屈篤於行義學本六經兄子百祿百祿字子功鎮兄錯之子也第進士又舉才識兼茂科時治平水災大臣方議濮禮百祿對策曰儻宗廟廢祭祀則水不潤下昔漢哀尊其皇河南穎川大水孝安尊德皇京師郡國二十九大水蓋太宗隆小宗殺宗廟重私祀輕今宜殺而隆宜輕而重變異所由起也對入三等以祕書丞知濛陽縣據東都事略熙寧中提點江東利梓路刑獄加直集賢院利州武守周永懿以賄敗百祿請復至道故事用文吏領兵以轄邊界從之熊本治瀘蠻事夷酋力屈請降裨將賈昌言欲殺以為功百祿諭之不聽往謂本曰殺降不祥奈何容驕將橫境內乎本畏然即轍止之七年召知諫院屬歲旱請講求急務收還法令之未便者論手實法曰造簿手實許令告匿戶令雖有手實之文而未嘗行蓋謂使人自占必不以實告而明許告許人將為仇然則禮讓廉恥之風衰矣五路置三十七將專督所部兵至許辟置布衣參軍謀百殿

察其中或以恩澤市或以瘵敗收或未歷邊方或起於羣盜疏列其無狀者十四人請仍舊制將佐顯教閱餘付之州縣事多施行與徐禧治李士寧獄奏士寧熒惑童婦致不軌坐罪死不赦禧右士寧以為無罪執政主禧貶百祿監宿州酒元豐末入為司門吏部郎中起居郎哲宗立遷中書舍人司馬光復差役法患吏受賕欲加流配百祿固爭遂已元祐元年為刑部侍郎請郡以故鬪殺情可矜者請讞法官曰宜貸光曰殺人不死法廢矣百祿曰謂之殺人則可若制刑以為無足疑原情以為無足憫則不可今築置之死則二殺之科自是遂無足疑憫者矣時又認天下獄不當讞而輒讞者抵罪有司重於請至枉情以求合法百祿曰寔寔之法非可疑可憫而讞者免駁勸元豐則刑之近則有奏劾之詔故官吏畏避不憚論殺因條五年死貸之數以聞門下省猶駁正當貸者又例在有司者還中書百祿又爭之後悉從其請改吏部侍郎議者欲汰胥吏呂大防趣廢其半百祿曰廢半則失職者眾不若以漸消之自今關吏勿補不數歲減斯過半矣不聽都水王孝先議回河故道大防意向之命百祿行視百祿以東流高仰而河勢順下不可回即馳奏狀且取神宗詔令勿塞故道者併上之大防猶謂大河東流中國之險限今塘澗既壞界河淤淺河且北注矣百祿言塘澗有限寇之名無禦寇之實借使河從而北敵始有下流之憂乃吾之利也先帝明詔具在奈何妄動搖之乃止俄兼侍讀進翰林學士為帝言分別邪正之目凡二十餘條願築斯事以觀其情則邪正分矣以龍圖閣學士知開封府勤於民事獄無繁囚獄吏欲以圓空聞百祿曰千里之畿無一

人之獄此至尊之仁非尹功也不許經數月復為翰林學士拜中書侍郎是歲郊祀議合祭天地禮官以昊天有成命為言百祿曰此三代之禮奈何復欲合祭乎成命之頌祀天祭地均歌此詩亦如春夏祈穀而歌噫嘻亦豈為一祭哉爭久不決宰相曰百祿之言禮經也今日之用權制也陛下始郊見宜以並事天地為恭於是合祭熙河范育請進築納迷等三城百祿曰是皆必爭之地我既城之若賊騎時出我何以耕後雖欲棄之為費已甚帝皆從之右僕射蘇頌坐稽留除書免百祿以同省罷為資政殿學士知河中徙河陽河南卒年六十五贈銀青光祿大夫子祖述監潁州酒稅攝獄掾閱具獄活兩死因州人以為神知鞏縣鑿南山導水入洛縣無水患文彥博稱其能以父墮黨籍監中岳廟久之遂通判涇州知台州奏罷黃甘葛覃之貢主管西京御史臺靖康多難避地至汝州汝守趙子櫟邀與其守旁郡盡陷汝獨全累官朝議大夫卒從弟祖禹

祖禹字滄甫一字夢得祖錯父百之太常博士祖禹幼孤叔祖鎮撫育如己子中進士甲科為校書郎知龍水縣從司馬光編修資治通鑑在洛十五年不事進取書成光薦為祕書省正字時王安石當國尤愛重之王安國與祖禹友善嘗論安石意竟不往謁富弼致仕居洛素嚴毅罕與人接待祖禹獨厚疾篤召授以密疏大抵論安石誤國及新法之害言極憤切弼薨人皆以為不可奏祖禹卒上之神宗崩祖禹上疏論喪服之制曰先王制禮君服同於父皆斬衰三年自漢以來不惟人臣無服人君遂不為三年之喪國朝外廷雖用易月之制宮中實行三年服君服如古典而臣下猶依漢制故十有一日而小祥甚而又小祥二十四日而大祥再甚而又見大祥既以日為之又以月為之此禮之無據者也古者再甚而大祥中月而禫禫祭之名非服之色今乃為之慘服三日然後禫此禮之不經者也服既降至葬又服之耐廟後即吉幾八月而遽純吉無所不佩此又禮之無漸者朝望羣臣朝服造殯宮是以吉服臨喪人主衰服在上是以先帝之服為人主之私喪此二者皆禮之所不安也哲宗立權右正言呂公著執政祖禹以增嬖辭改祠部員外郎又辭除著作佐郎修神宗實錄檢討遷著作郎兼侍講神宗既祥祖禹上疏宣仁后曰今即吉方始服御一新奢儉之端皆由此起凡可以蕩心悅目者不宜有加於舊皇帝聖性未定所以訓導成德者動宜有法今聞奉宸庫取珠戶部用金其數至多恐增加無已願止於未然崇儉敦朴輔養聖性則學問日益聖德日隆此宗社無疆之福也會以夏暑權罷講祖禹言陛下今日之學與不學係他日治亂如好學則天下君子願立於朝以直道事陛下輔佐德業而致太平不學則小人皆動其心務為邪詔以竊富貴且凡人之進學莫不於少時今聖質日長數年之後恐不得如今日之專竊為陛下惜也遷起居郎又召試中書舍人皆不拜呂公著薨召拜右諫議大夫首上疏論人主正心修身之學乞太皇太后日以天下之勤勞萬民之疾苦羣臣之邪正政事之得失開導上心使異日眾說不能惑小入不能進蔡京鎮蜀祖禹言京小有才非端良之士如使守成都其還當使執政不宜崇長時大臣欲於新舊法中有所創立祖禹以為朝廷既察王安石之法為非但當復祖宗之舊若出於新舊之閒兩用而兼

存之紀綱壞矣遷給事中吳中大水詔出來百萬解縑錢二十萬振救諫官乞加驗考祖禹封還其章云國家根本仰給東南今一方赤子呼天赴愬聞口仰哺以脫朝夕之急奈災雖小過實正當畧而不問若稍施懲譴恐後無復敢言者矣兼國史院修撰爲禮部侍郎論擇監司守令曰祖宗分天下爲十八路上下相維輕重相制建置之道最爲合宜監司付以一路守臣付以一州令宰付以一縣皆與天子分土而治其可不擇乎祖宗嘗有考課之法專察諸路監司置簿於中書以稽其要今宜奏吏部尚書取當爲州者條別功狀以上三省三省召而察之苟其人可任則以次表用之至官則令監司考其課績終歲之後可以校優劣而施黜陟焉如此則監司郡守得人而不患縣令不才也聞禁中覓乳媪祖禹以帝年十四非近女色之時上疏勸進德愛身又乞宣仁后保護上躬言甚切至既而宣仁諭祖禹以外議皆虛傳祖禹復上疏曰臣言皇帝進德愛身宜常以爲戒太皇太后保護上躬亦願因而勿忘今外議雖虛臣聞於道路實懷私憂是以不敢避妄言之罪凡事言於未然則誠爲過及其已然則又無所及言之何益陛下寧受未然之言勿使臣等有無及之悔拜翰林學士宣仁太后崩祖禹慮小人乘間害政乃奏曰陛下方攬庶政延見羣臣此國家隆替之本社稷安危之機生民休戚之端君子小人進退消長之際天命人心去就離合之時也可不畏哉先后有大功於宗社有大德於生靈九年之開始終如一然羣小怨恨亦爲不少必將以改先帝之政逐先帝之臣爲言以事離間不可不察也先后因天下人心而更化既改其法則作法之人有罪當

退亦順眾言而逐之豈有憎惡於其間哉惟辨析是非深拒邪說有以發言感聽者付之典刑痛懲一人以警羣慝則帖然無事矣此輩既誤先帝又欲誤陛下天下之事豈堪小人再破壞邪初蘇軾約俱上章論列見祖禹疏遂附名同奏曰公之文經世之文也竟不復出其業祖禹又言陛下承六世之遺烈當思天下者祖宗之天下一言一動如臨之在上質之在傍則可以長享天下之奉先后以大公至正爲心罷安石惠卿所造新法而行祖宗舊政日夜苦心勞力爲陛下立太平之基願守之以靜恭己以臨之虛心以處之則羣臣邪正萬事是非皆了然於聖心矣小人之情專爲私故不便於公專爲邪故不便於正專好動故不便於靜惟陛下以爲刻骨之戒章累上不報忽有召內臣輩十餘人祖禹言陛下親政以來四海傾耳未聞訪一賢臣而所召者乃先內侍必謂陛下私於近習望即賜追改因請對曰熙寧之初王安石呂惠卿造立新法悉變祖宗之政多引小人以誣國又用兵開邊天下愁苦百姓流徙賴先帝覺悟罷逐兩人而所引羣小已布滿中外不可復去蔡確連起大獄王韶創取熙河章惇開五溪沈起擾交管沈括徐禧俞允種諤興造西事兵民死傷皆不下二十萬以至吳居厚行鐵冶之法於京東王子京行茶法於福建蹇周輔行鹽法於江西李稷陸師閔俱行茶法市易於西川劉定教保甲於河北民皆愁痛嗟怨比屋思亂賴陛下與先后起而救之天下之民如解倒懸惟是向來所斥逐之人竊同事變妄意陛下不以修改法度爲是如得至左右必進姦言萬一過聽而復用之臣恐國家自此不復振矣又論漢唐之亡皆由宦官自熙寧

元豐間李憲王中正宋用臣輩用事總兵權勢熾灼中正兼幹四路口救募兵州郡不敢違師徒凍餒死亡最多憲陳再舉之策致永樂摧陷用臣與土木之工無時休息罔市井之微利爲國斂怨此三人者雖加誅戮未足以謝百姓慮雖已亡而中正用臣尙在願陛下察之時紹述之論已興有相章惇意祖禹力言惇不可用不見從遂請外上且欲大用而內外梗之者甚眾乃以龍圖閣學士知陝州言者論祖禹修實錄詆誣又摭其諫禁中僱乳媪事連貶武安軍節度副使昭州別駕安置永州賀州又徙賓化而卒年五十八祖禹在邇英守經據正獻納尤多嘗講尚書至內作色荒外作禽荒六語拱手再誦卻立云願陛下留聽帝首肯再三乃退每當講前夕必正衣冠儼如在上前命子弟侍先案講其說開列古義參之時事簡而當義理明白蘇軾稱爲講官第一祖禹嘗進唐鑑十二卷帝學八卷仁宗政典六卷而唐鑑深明唐三百年治亂學者尤稱之建炎二年追復龍圖閣學士子冲紹興中仕至翰林侍讀學士儒林有傳

欽定續通志卷三百五十四

蘇軾過

蘇轍元老

蘇軾字子瞻眉州眉山人生十年父洵游學四方母程氏親授以書聞古今成敗輒能語其要比冠博通經史屬文日數千言好賈誼陸贄書既而讀莊子嘆曰吾昔有見口未能言今見是書得吾心矣嘉祐二年試禮部主司歐陽修得軾刑賞忠厚論欲擢冠多士疑其客會鞏所為但實第二復以春秋對義居第一殿試中乙科初授福昌主簿歐陽修以才識兼茂薦之制策入三等除大理評事簽書鳳翔府判官關中自元昊叛民貧役重岐下歲輸南山木棧自渭入河經砥柱之險衛吏踵破家軾訪其利害為修衙規使自擇水工以時進止自是害減半治平二年入判登聞鼓院英宗自藩邸聞其名欲召入翰林知制誥宰相韓琦曰軾之才遠大器也要在朝廷培養之今驟用之適足以累之也英宗曰且與修注如何琦曰記注與制誥為隣未可遽授不若於館閣中近上帖職與之且請召試英宗曰未知其能否故試才如軾有不能邪琦猶不可及試二論復入三等得直史館軾聞琦語曰公可謂愛人以德矣會洵卒既除喪熙寧二年還朝王安石執政素惡其議論異己以判官告院四年安石欲變科舉興學校詔兩制三館議軾上議曰得人之道在於知人知人之法在於責實使君相有知人之明朝廷有責實之政雖因今之法臣以為有餘使君相不知人朝廷不責實雖復古之制臣以為不足慶歷固嘗立學矣至於今日惟有空名僅存今

將變今之禮易今之俗又嘗發民力以治宮室斂民財以食游士百里之內置官立師無乃徒為紛亂以患苦天下邪若乃無大更革而望有益於時則與慶歷之際何異故臣謂今之學校特可因仍舊制使先王之舊物不廢於吾世足矣至於貢舉之法行之百年治亂盛衰初不由此陛下視祖宗之世貢舉之法與今為孰精言語文章與今為孰優所得人才與今為孰多天下之士與今為孰辨今所欲變改不過數端或曰鄉舉德行而略文詞或曰專取策論而罷詩賦或欲兼采譽望而罷封彌或欲經生不帖墨而考大義此皆知其一不知其二者也願陛下留意於遠者大者區區之法何預焉伏讀通鑑輯覽 御批學者專意經術固有資於根柢然或心術不正如兩漢五鹿充宗張禹孔光輩非不博通古語世號經師卒之比附權姦且為國蠹可知用人不尚虛言要視其力行何如耳况科舉之制惟藉為登進先資至得人之適用與否則尚需之歷試蘇軾所云設法取士不過如此最為通論徒循名而不考其實經義之與詞賦又議上神宗悟曰吾固疑此得軾誠意釋然矣即日召見問方今政令得失安在對曰陛下天縱文武但患求治太急聽言太廣進人太銳願鎮以安靜待物之來然後應之伏讀通鑑輯覽 御批求治太急太廣之論尚有未中肯綮蓋神宗之病不在聽言而在廣而不得其要領熙寧之政惟以信任謬言不能衷之輿論正患聽言之未盡其神宗悚然曰卿三言朕道耳廣談博訪豈足為累乎 神宗悚然曰卿三言朕當熟思之凡在館閣皆當為朕深思治亂無有所隱軾退言於同列安石不說命權開封府推官將困之以事軾決斷精敏聲聞益遠會上元敕府市浙燈且令損價軾疏言陛下豈以燈為悅此不過以奉二宮之歡耳然百姓不可戶曉皆謂以耳目不急之玩奪其口體必用之資此事至小體則甚大願追還前命即詔罷之時安石制行新法軾上書論其不便曰臣之所欲言者三言

而已願陛下結人心厚風俗存紀綱人主之所恃者人心而已自古及今未有和易同眾而不安剛果自用而不危者祖宗以來治財用者不過三司今陛下不以財用付三司無故又創制置三司條例一司使六七少年日夜講求於內使者四十餘輩分行營幹於外夫制置三司條例司求利之名也六七少年與使者四十餘輩求利之器也以萬乘之主而言利以天子之宰而治財君臣宵旰幾一年矣而富國之功茫如捕風徒聞內帑出數百萬緡祠部度五千餘人耳以此為術其誰不能而所行之事道路皆知其難泔水濁流自生民以來不以種稻今欲陂而清之萬頃之稻必用千頃之陂一歲一淤三歲而滿矣陛下遂信其說即使相視地形訪尋水利上糜帑廩下奪農時隄防一開水失故道雖食議者之內何補於民自古役人必用鄉戶今者徒聞江湖之間數郡雇役而欲措之天下單丁女戶蓋天民之窮者也而陛下首欲役之富有四海忍不加恤自楊炎為兩稅租調與庸既兼之矣奈何復欲取庸青苗錢自昔有禁今陛下始立成法每歲常行雖云不許抑配而數世之後陛下能保之乎且常平之法可謂至矣今欲變為青苗壞彼成此所喪逾多虧官害民雖悔何及昔漢武帝以財力匱竭用買人之說賈賤賣貴謂之均輸於時商賈不行盜賊滋熾幾至於亂不意今日此論復興立法之初其費已厚縱使薄有所獲而征商之額所損必多議者必謂民可與樂成難與慮始故陛下堅執不顧期於必行此乃戰國貪功之人行險僥倖之說未及樂成而怨已起矣臣之所願陛下結人心者此也國家之所以存亡者在道德之淺深不在乎強與弱時數

之所以長短者在風俗之薄厚不在乎富與貧臣願陛下務崇道德而厚風俗不願陛下急於有功而貪富強愛惜風俗如護元氣聖人非不知深刻之法可以齊眾勇悍之夫可以集事忠厚近於迂濶老成初若遲鈍然終不肯以彼易此者知其所得小而所喪大也仁祖持法至寬用人有敘專務掩覆過失未嘗輕改舊章德澤在人風俗知義讓者見其末年吏多因循事不振舉乃欲矯之以苛察齊之以智能招來新進勇銳之人以圖一切速成之效多開驟進之門俾常調之人舉生非望欲望風俗之厚豈可得哉近歲摸拙之人愈少巧進之士益多惟陛下以簡易為法以清淨為心而民德歸厚臣之所願陛下厚風俗者此也祖宗委任臺諫未嘗罪一言者縱有薄責旋即超升許以風聞而無官長言及乘輿則天子改容事關廟廟則宰相待罪臺諫固未必皆賢所言亦未必皆是然須養其銳氣而借之重權者將以折姦臣之萌也臣聞長老之談皆謂臺諫所言常隨天下公議所與臺諫亦與之公議所擊臺諫亦擊之今者物論沸騰怨讟交至公議所在亦知之矣臣恐自茲以往習慣成風盡為執政私人以致人主孤立紀綱一廢何事不生臣之所願陛下存紀綱者此也軾見安石贊神宗以獨斷專任因試進士發策以晉武平吳以獨斷而克苻堅伐晉以獨斷而亡齊桓專任管仲而霸燕喻專任子之而敗事同而功異為問安石滋怒使御史謝景溫誣奏其丁憂歸蜀時乘舟商販詔下六路捕逮篙工水師窮治無所得軾遂請外通判杭州高麗人貢使者發幣於官吏書稱甲子軾卻之曰高麗於本朝稱臣而不稟正朔吾安敢受使者易書稱熙寧然後受

之時新政日下軾於其間每因法以便民民賴以安徙知密州司農行手實法不時施行者以違制論軾謂提舉官曰違制之坐若自朝廷誰敢不從今出於司農是擅造律也提舉官驚曰公姑徐之未幾朝廷知法害民罷之有盜竊發安撫司遣三班使臣領悍卒來捕卒凶暴恣行爭鬪殺人畏罪驚潰將為亂民奔訴軾投其書不視曰必不至此散卒聞之少安徐使人招出數之徒知徐州河決曹村城將敗富民爭出避水軾曰富民出民皆動搖吾誰與守吾在是水決不能敗城驅使復入軾詣武衛營呼卒長曰河將害城事急矣雖禁軍且為我盡力卒長曰太守猶不避塗潦吾儕小人當效命率其徒築東南長堤首起戲馬臺尾屬於城兩日夜不止城不沈者三版軾廬於其上過家不入使官吏分堵以守卒全其城復請調來歲夫增築故城為木岸以虞水之再至朝廷從之徙知湖州表謝又以事不便民者不敢言以詩託諷御史李定舒直何正言摭其表語並媒孽所為詩以為訕諂逮赴臺獄欲實之死鍛鍊久之不決神宗獨憐之以黃州團練副使安置軾築室東坡自號東坡居士神宗數有意復用嘗語宰相王珪蔡確曰國史至重可命蘇軾成之珪有難色神宗曰軾不可姑用曾鞏鞏進太祖總論神宗意不允遂手札移軾汝州軾未至汝上書自言饑寒有田在常願得居之奏入報可道過金陵見王安石曰大兵大獄漢唐滅亡之兆祖宗以仁厚治天下正欲革此今西方用兵連年不解東南數起大獄公獨無一言以救之乎安石曰二事皆惠卿啟之安石在外安敢言軾曰在朝則言在外則不言事君之常禮耳帝所以待公者非常禮公所以待帝

者豈可以常禮乎安石厲聲曰安石須說又曰人須是知行一不義殺一不辜得天下弗為乃可軾戲曰今之君子爭減半年磨勘雖殺人亦為之安石笑而不言哲宗立復朝奉郎知登州召為禮部郎中時司馬光為門下侍郎惇知樞密院二人不相合惇每以謔侮困光軾謂惇曰司馬君實時望甚重不可慢惇以為然光賴以少安遷起居舍人軾起於憂患不欲驟履要地辭於宰相蔡確確曰公徊翔久矣朝中無出公右者軾曰昔林希同在館中年且長確曰希固當先公邪卒不許元祐元年軾以七品服入侍延和即賜銀緋遷中書舍人初差役法行久生弊安石相神宗改為免役司馬光為相欲復差役差官置局軾與其選軾曰差役免役各有利害免役之害捨斂民財十室九空斂聚於上而下有錢荒之患差役之害民常在官不得專力於農而貪吏猾胥得緣為姦此二害輕重蓋畧等矣光曰於君何如軾曰法相因則事易成事有漸則民不驚昔三代之法兵農為一至秦始分為二及唐中葉盡變府兵為長征之卒自爾以來農出穀帛以養兵兵出性命以衛農天下便之今免役之法實大類此公欲驟罷免役而行差役正如罷長征而復民兵蓋未易也光不以為然軾又陳於政事堂光忿然軾曰昔韓魏公刺陝西義勇公為諫官爭之甚力韓公不樂公亦不願豈今日作相不許軾盡言邪光笑而止尋除翰林學士二年兼侍讀每進讀至治亂興衰邪正得失之際未嘗不反覆開導觀有所啟悟哲宗輒首肯之嘗讀祖宗實訓因及時事軾言今賞罰不明善惡無所勸沮又黃河勢方北流而強之使東夏人入鎮戎殺掠數萬人帥臣不以聞每事如此恐

凌成衰亂之漸賦嘗鎮宿禁中召人對使駁宣仁后問曰卿前年爲何官曰臣爲常州團練副使曰今爲何官曰臣今待罪翰林學士曰何以遽至此曰遭遇太皇太后皇帝陛下曰非也曰豈大臣論薦乎曰亦非也賦驚曰臣雖無狀不敢自他途進曰此先帝意也先帝每誦卿文章必嘆曰奇才奇才但未及進用卿耳賦不覺哭失聲宣仁后與哲宗亦泣左右皆感涕已而命坐賜茶徹御前金蓮燭送歸院三年權知禮部貢舉會大雪苦寒士坐庭中噤未能言賦寬其禁約使得盡其技巡捕內侍每摧辱舉子且持曖昧單詞誣以爲罪賦盡奏逐之四年積以論事爲當軸者所恨賦恐不見容請外拜龍圖閣學士知杭州未行諫官前相蔡確知安州作詩借郝處俊事以譏太皇太后大臣議遷之嶺南賦謂宣皇帝敕置獄逮治太皇太后出手詔赦之宣仁后心善賦言而不能出賦出郊用前執政恩例遣內侍賜龍茶銀合慰勞甚厚既至杭大旱饑疫並作賦請於朝免本路上供米三之一復得賜度僧牒易米以救饑者明年春又減價糶常平米多作館粥藥劑遣使挾醫分坊治病活者甚賦賦曰杭水陸之會疫死比他處常多乃哀羨緡得三千復發棗中黃金五十兩以作病坊稍蓄錢糧待之杭本近海地泉鹹苦居民稀少唐刺史李泌始引西湖水作六井白居易又浚西湖水入漕河自河入田所溉至千頃湖水多葑自唐及錢氏歲輒浚治宋興廢之葑積爲田水無幾矣漕河失利取給江湖舟行市中潮又多淤三年一淘爲民大患六井亦幾於廢賦見茅山一河專受江湖鹽橋一河專受湖水遂浚二河以通漕復清堰廡以爲湖水蓄洩之限江湖不復入市

以餘力復完六井又取葑田積湖中南北徑三十里爲長堤以通行者且募人種菱湖中葑不復生收其利以備修湖取救荒餘錢萬緡糧萬石及請得百僧度牒以募役者堤成杭人名爲蘇公堤杭僧淨源舊居海濱與舶客交通舶至高麗交譽之元豐末其王子義天來朝因往拜焉至是淨源死其徒竊附舶往告義天亦使其徒來祭因持其國母二金塔云祝兩宮壽賦不納奏之曰高麗久不入貢失賜子厚利意欲來朝未測吾所以待之厚薄故因祭亡僧而行祝壽之禮若受而不答將生怨心受而厚賜之正墮其計今宜勿與知從州郡自以理卻之彼庸僧猾商爲國生事宜痛加懲創朝廷皆從之未幾貢使果至舊例使所至吳越七州費二萬四千餘緡賦乃令諸州量事裁損民獲交易之利無復侵撓之害矣浙江湖自海門東來勢如雷霆而浮山峙於江中與漁捕諸山犬牙相錯洞湫激射賊公私船不可勝計賦議自石門並山而東鑿爲漕河引浙江及谿谷諸水二十餘里以達於江又並山爲岸不能十里以達龍山大慈浦自浦北折抵小嶺鑿嶺六十五丈以達嶺東古河浚古河數里達於龍山漕河以避浮山之險人以爲便奏聞有惡賦者沮之功以故不成賦復言三吳之水滲爲太湖溢爲松江以入海海日雨潮潮濁而江清潮水常欲淤塞江路而江水清駛隨輒滌去海口常通則吳中少水患昔蘇州以東公私船皆以篙行無陸挽者自慶歷以來松江大築挽路建長橋以扼塞江路故今三吳多水欲鑿挽路爲十橋以迅江勢亦不果用賦二十年間再莅杭有德於民家有畫像飲食必視又作生祠以報六年召爲吏部尚書未至以弟轍除

右丞改翰林承旨賦在翰林數月復以議請外乃以龍圖閣學士出知潁州先是開封諸縣多水患吏不究本末決其陂澤注之惠民河河不能勝致陳亦多水又將鑿鄆艾溝與潁河並且鑿黃堆欲注之於淮賦始至潁遣吏以水平準之淮之漲水高於新溝幾一丈若鑿黃堆淮水順流頽地爲患賦言於朝從之郡有竊賊尹遇等殺捕盜吏兵朝廷以名捕不獲賦召汝陰尉李直方曰君能禽此當力言於朝乞行優賞直方迺緝知盜所分捕其黨與手戟刺遇獲之朝廷以小不應格推賞不及賦請以己之年勞當改朝散郎階爲直方賞不從其後吏部爲賦當遷以符會其考賦謂已許直方又不報七年徙揚州舊發運司主東南漕法聽操舟者私載貨物征商不得留難故操舟者輒富厚所載率皆達無虞近歲一切禁而不許故舟弊人困多盜所載以濟饑寒公私皆病賦請復舊從之未閱歲以兵部尚書召兼侍讀是歲哲宗親祀南郊賦爲鹵簿使導駕入太廟有精繳驢車并青蓋驢車十餘爭道不避儀仗賦使御營巡檢使問之乃皇后及大長公主時御史中丞李之純爲儀仗使賦曰中丞職當肅政不可不以聞之純不敢言賦於車中奏之哲宗遣使齎疏馳白太皇太后明日詔整肅儀衛自皇后而下皆毋得迎謁尋遷禮部兼端明殿翰林院侍讀兩學士爲禮部尚書高麗遣使請書朝廷以故事盡許之賦曰漢東平王請諸子及太史公書猶不肯子今高麗所請有甚於此其可乎平不聽八年宣仁后崩哲宗親政賦乞補外以兩學士出知定州時國事將變賦不得入辭既行上書言天下治亂出於下情之通塞至治之極小民皆能自適迨於大亂雖近

臣不能自達陛下臨御九年除執政臺諫外未嘗與羣臣接今聽政之初當以通下情除壅蔽為急務臣日侍帷幄方當茂邊顧不得一見而行況疏遠小臣欲求自通難矣然臣不敢以不得對之故不效愚忠古之聖人將有為也必先處晦而觀明處靜而觀動則萬物之情畢陳於前陛下聖智絕人春秋鼎盛臣願虛心循理一切未有所為默觀庶事之利害與羣臣之邪正以三年為期俟得其實然後應物而作使既作之後天下無恨陛下亦無悔臣恐急進好利之臣輒勸陛下輕有改變故進此說敢望陛下留神社稷宗廟之福天下幸甚定州軍政壞弛諸衛卒驕惰不教軍校蠶食其廩賜賦取貪汙者配隸遠惡繕修營房禁止飲博軍中衣食稍足乃部勒戰法眾皆畏伏有卒吏以賦訴其長軾曰此事吾自治則可聽汝告軍中亂矣立決配之眾乃定會春大開將吏久廢上下之分軾舉舊典帥常服出帳中將吏戎服執事副總管王光祖恥之稱疾不至軾召書吏為奏光祖懼而出訖事無一慢者契丹久和邊兵不可用惟沿邊弓箭社與寇為鄰以戰射自衛猶號精銳故相龐籍守邊因俗立法歲久弛又為保甲所撓軾奏免保甲及兩稅折變科配不報紹聖初御史論軾掌內外制日所作詞命以為譏斥先朝遂以本官知英州尋降一官未至貶寧遠軍節度副使惠州安置居三年又貶瓊州別駕居昌化故儋耳地非人所居初儆官屋以居有司猶謂不可軾遂買地築室僦人運甃畚土以助之獨與幼子過處著書以為樂徽宗立移廉州改舒州團練副使徙永州更三大赦還提舉王局觀復朝奉郎軾自元祐以來未嘗以歲課乞遷故官止於此建中靖

國元年卒於常州年六十六軾與弟轍師父洵為文既而得之於天其體渾涵光芒雄視百代洵晚讀易作易傳未究命軾述其志軾成易傳復作論語說後居海南作書傳自為舉子至出入侍從必以愛君為本忠規讜論挺挺大節羣臣無出其右但為小人忌惡擠排不使安於朝廷之上高宗即位贈資政殿學士以其孫符為禮部尚書又以其文實左右讀之終日忘倦謂為文章之宗親製集贊賜其曾孫嶠遂崇贈太師諡文忠軾三子邁迨過俱善為文邁駕部員外郎迨承務郎過字叔黨軾知杭州過年十九以詩賦解兩浙路禮部試下及軾為兵部尚書任右承務郎軾帥定武詢知英州貶惠州遷儋耳漸徙廉承獨過侍之凡生理晝夜寒暑所須者一身百為不知其難初至海上為文曰志隱軾覽之曰吾可以安於島夷矣因命作孔子弟子別傳軾卒於常州過葬軾汝州郟城小峨眉山遂家穎昌營湖陰水竹數畝名曰小斜川自號斜川居士卒年五十二初監太源府稅次知潁昌府郟城縣皆以法令罷晚權通判中山府時稱為小坡蓋以軾為大坡也其叔轍每稱過孝以訓宗族且言吾兄遠居海上惟成就此兒能文也七子籍籍節笈簞筵筒

蘇轍字子由年十九與兄軾同登進士科又同策制舉轍極言得失而於禁廷之事尤為切至曰陛下即位三十餘年矣平居靜慮亦嘗有憂於此乎無憂於此乎臣伏讀制策陛下既有憂懼之言矣然臣愚竊意陛下有其言耳未有其實也往者西夏作難陛下晝不安坐夜不安席天下皆謂陛下憂懼小心如周文王然自西方解兵陛下棄置憂懼之心二十年矣古之聖人無事則深愛有事則不懼夫無事而深愛者所以為有事之不懼也今陛下無事則不憂有事則大懼臣以為憂樂之節易矣臣聞近歲以來宮中貴姬至以千數歌舞飲酒優笑無度坐朝不聞咨議便殿無所顧問三代之衰漢唐之季女寵之害陛下亦知之矣久而不止百蠹將由之而出內則蠱惑之所汙以傷和伐性外則私謁之所亂以敗政害事陛下無謂好色於內不害外事也今海內窮困生民怨苦而宮中好賜不為限極所欲則給不問有無司會不敢爭大臣不敢諫契丹持敕迅若兵火國家內有養士養兵之費外有契丹西夏之奉陛下又自為一阱以耗其遺餘臣恐陛下以此得誇而民心不歸也策入轍自謂必見黜考官司馬光第以三等范鎮難之考官胡宿以為不遜請黜之仁宗曰以直言召人而以直言棄之天下其謂我何宰相不得已真之下等授商州軍事推官時父洵被命修禮書兄軾簽書鳳翔判官轍乞養親京師三年軾還轍為大名推官神宗二年轍上書言事召對延和殿時王安石以執政與陳升之領三司條例命轍為之屬呂惠卿附安石轍與論多相牾安石出青苗書使轍熟議曰有不便以告勿疑轍曰以錢貸民使出息二分本以救民非為利也然出納之際吏緣為姦雖有法不能禁錢入民手雖良民不免妄用及其納錢雖富民不免踰限如此則恐鞭筆必用州縣之事不勝煩矣唐劉晏掌國計未嘗有所假貸有尤之者晏曰使民僥倖得錢非國之福使吏倚法督責非民之便吾雖未嘗假貸而四方豐凶貴賤知之未嘗逾時有賤必糴有貴必糶以此四方無甚貴甚賤之病安用貸為晏之所言則常平法耳今此法見在而患不

修公誠能有意於民舉而行之則晏之功可立侯也安石曰君言誠有理當徐思之自此逾月不言青苗會河北轉運判官王廣兼奏乞度僧牒數千爲本錢於陝西漕司私行青苗法春散秋斂與安石意合於是青苗法遂行安石因遣人使之四方訪求遺利中外皆莫敢言轍往見陳升之曰昔嘉祐末遣使寬恤諸路各務生事還奏多不可行爲天下笑今何以異此又以書抵安石力陳其不可安石怒將加以罪升之止之以爲河南推官會張方平知陳州辟爲教授尋授齊州掌書記改著作任郎徒簽書南京判官坐兄軾以詩得罪謫監筠州鹽酒稅移知績溪縣哲宗立以祕書省校書郎召元祐元年爲右司諫宣仁后臨朝用司馬光呂公著欲革弊事而舊相蔡確韓縝樞密使章惇皆在位幾伺得失轍皆論去之呂惠卿自知不免乞宮觀以避貶竄轍具疏其姦以散官安置建州司馬光以王安石雇役之害欲復差役轍言自罷差役僅二十年吏民皆未習慣若不窮究首尾忽遽便行恐既行之後別生諸弊今州縣役錢例有積年寬剩大約足支數年且依舊雇役盡今年而止催督有司審議差役趁今冬成法來年役使鄉戶但使既行之後無復人言則進退皆便光又以安石私設詩書新義考試天下士欲改科舉別爲新格轍言進士來年秋試日月無幾詩賦雖小技比次聲律用功不淺至於治經誦讀講解尤不輕易乞來年科場一切如舊惟經義兼取注疏及諸家論議或出己見不專用王氏學仍罷律義令舉人知有定論一意爲學以待選試然後徐議元祐五年以後科舉格式未爲晚也光皆不能從初神宗以夏國內亂用兵攻討乃於熙河增蘭州

於延安增安疆米脂等五砦一年夏遣使賈登位使還未出境又遣使入境朝廷知其有請蘭州五砦地意大臣議棄守未決轍言曰頃者西人雖至疆場之事初不自言蓋欲使此議發自朝廷得以爲重朝廷深覺其意忍而不予彼若點集兵馬屯聚境上許之則畏兵而予不復爲恩不予則邊釁一開禍難無已況今日之事主上妙年母后聽斷將帥吏士恩情未接兵交之日誰使致命惟乞聖心以此反覆思慮早賜裁斷無使西人別致猖狂於是朝廷許還五砦夏人遂服遷起居郎中書舍人朝廷議回河故道轍爲公善言河決而北自先帝不能回今不因其舊而修其未至乃欲取而回之其爲力也難而爲責也重是謂智勇勢力過先帝也公善深然其言進戶部侍郎轍因轉對言曰財賦之原出於四方而委於中都故善爲國者藏之於民其次藏之州郡州郡有餘則轉運司常足轉運司既足則戶部不困唐制天下賦稅其一上供其一送使其一留州每有緩急王命一出舟車相衝大事以濟祖宗以來諸道蓄藏之計猶極豐厚是以歛散及時縱合由己利柄所在所爲必成自熙寧以來言利之臣不知本末之術欲求富國而先困轉運司轉運司既困則上供不繼而戶部亦億矣故內帑別藏雖積如邱山而委爲朽壤無益於算也尋又言臣以祖宗故事考之今日本部所行體例不同利害相遠宜隨事措置以塞弊原謹具三弊以聞其一曰分河渠案以爲都水監其二曰分胄案以爲軍器監其三曰分修造案以爲將作監三監皆隸工部則本部所專其餘無幾出納損益制在他司頃者司馬光秉政知其爲害嘗使本部收攬諸司利權當時所收不得其

要至今三案猶爲他所擅自數十年以來羣臣每因一事不舉輒入建他司利權一分用財無藝他司以辦事爲效則不恤財之有無戶部以給財爲功則不問事之當否彼此各營一職其勢不復相知雖使戶部得材智之臣終亦無益能否同病府庫卒空今不早救後患必甚昔嘉祐中京師頻歲大水大臣始取河渠案置都水監而大不便者河北有外監丞侵奪轉運司職事轉運司之領河事也郡之諸埽埽之吏兵儲蓄無事則分有事則合水之所向諸埽埽之吏兵得以併功儲蓄得以併用故事作之日無暴斂傷財之患事定之後徐補其關兩無所妨自有監丞據法責成緩急之際諸埽不相爲用而轉運司不勝其弊矣此工部都水監爲戶部之害一也先帝並建六曹隨曹付事故三司故事多隸工曹名雖近正而實非利昔胄案所掌今內爲軍器監而上隸工部外爲都作院而上隸提刑司欲有興作戶部不得與議訪聞河北道近歲爲羊渾脫動以千計渾脫之用必軍行過渡無船然後須之而其爲物稍經歲月必至蠹敗朝廷無出兵之計而有司營戢至使私院爲戶部之害二也昔修造案掌百工之事事有緩急物有利害皆得專之今工部以辦職爲事則緩急利害誰當議之朝廷近以箔場竹箔積久損爛創令出賣上下皆以爲當指揮未幾復以諸處營造歲有科制遂令般運堆積以破出賣之計臣不知將作見工幾何一歲所用幾何取此積彼未用之閒有無損敗而遂爲此計本部雖知不便而以工部之事不敢復言此工部將作監爲戶部之害三也願明詔有司罷外水監丞舉北河

事及諸路都作院皆歸轉運司至於都水軍器將作三監皆兼隸戶部使定其事之可否裁其質之多少而工部任其功之良苦程其作之遲速制出於一而後天下貧富可責之戶部矣哲宗從之惟都水仍舊朝廷以吏部元豐所定吏額比舊額數倍命轍量事裁減轍白宰執請據實立額埃吏之年滿轉出或事故死亡者勿補及額而止不過十年羨額當盡呂大防命諸司吏任丞壽與省吏數人典之遂背轍議裁損吏員復以好惡改易諸局次丞壽旋以賊刺配大防畧依轍議行之代軾為翰林學士尋權吏部尚書使契丹還為御史中丞自元祐初一新庶政至是五年元豐舊黨分布中外多起邪說以搖撼在位呂大防劉摯患之欲稍引用以平夙怨謂之調停宣仁后疑不決轍面斥其非復上疏曰臣近面論君子小人不可並處聖意似不以臣言為非者然天威咫尺言詞迫遽有所不盡臣而不言誰當救其失者親君子遠小人則主尊國安疎君子任小人則主憂國殆此理之必然未聞以小人在外憂其不悅而引之於內以自遺患也故臣謂小人雖不可任以腹心至於牧守四方奔走庶務無所偏廢可也若遂引之於內是猶患盜賊之欲得財而導之於寢室如虎豹之欲食肉而開之以坳牧無是理也且君子小人勢同冰炭同處必爭一爭之後小人必勝君子必敗何者小人貪利忍恥擊之則難去君子潔身義重沮之則引退古語曰一薰一蕕十年尚猶有臭蓋謂此矣先帝聰明聖智疾頹靡之俗將以綱紀四方比隆三代而臣下不能將順造作諸法上逆天意下失民心二聖因民所願取而更之上下忻慰則前者用事之臣今朝廷雖不加斥逐其

勢亦不能復留尚賴二聖慈仁宥之於外蓋已厚矣而議者乃欲招而納之與之共事謂之調停此輩若返必將戕害正人漸復舊事以快私忿人臣被禍蓋不足言臣所惜者祖宗朝廷也惟陛下斷自聖心勿使小人一進後有噬臍之悔則天下幸甚疏入宣仁后曰轍疑吾君臣兼用邪正其言極中理調停之說遂已伏讀通鑑御批用人為致治大綱豈直稍參私意朝廷黨援之弊在上者方當力為整飭以挽頹風若欲平臣下夙怨曲事調停尚復成何政體大防所轍又奏曰竊見方今天下雖未大治而祖宗綱紀具在州郡民物粗安若大臣正己平心無生事要功之意因弊修法為安民靖國之術則人心自定雖有異黨誰不歸心但患朝廷舉事類不審詳曩者黃河北流正得水性而水官穿鑿欲導之使東及陛下遣使按視知不可為猶或固執不從經今累歲回河雖罷減水尚存遂使河朔生靈財力俱困今者西夏青唐外皆臣順朝廷招來之厚惟恐失之而熙河將吏創築二堡以侵其膏腴議納醇忠以奪其節鉞功未可說爭已先形朝廷雖知其非終不明白處置若遂養成邊釁關陝豈復安居如此二事則臣所謂宜正己平心無生事要功者也昔嘉祐以前鄉差衙前民間常有破產之患熙寧以後出賣坊場以雇衙前民間不復知有衙前之苦及光祐之初一例復差官收坊場之錢民出衙前之費四方驚顧眾議沸騰尋知不可旋又復雇去年之秋又復差法夫熙寧雇役之法三等入戶並出役錢上戶以家產高強出錢無藝下戶昔不充役亦遣出錢故此二等入戶不免咨怨至於中等首既已自差役今又出錢不多雇法之行最為其便且如畿縣中等之家例出役錢三貫若經十年為錢三十貫而已

今差役既行農民在官日使百錢最為輕費然一歲之用已為三十六貫二年役滿為費七十餘貫罷役而歸寬鄉得閑三年狹鄉不及一歲以此較之則差役五年之費倍於雇役十年賦役所出多在中等如此二事則臣所謂宜因弊修法為安民靖國之術者也四事不去彼心懷異同者有以藉口多造謗議待時而發以搖撼眾聽矣伏乞宣諭宰執事有失當改之勿疑法或未完修之無倦苟民心既得則異議自消陛下端拱以享承平豈不休哉大臣恥過終莫肯改六年拜尚書右丞進門下侍郎初夏人來賀登極相繼求和且議地界朝廷許之議久不決明年夏人以兵襲涇原殺掠弓箭手數千人朝廷不問遣使往賜策命夏人受禮倨慢不復入謝再犯涇原四年來賀坤成節且議地界朝廷以歲賜子之地界又未決夏人乃以疆事多方侵求熙河將佐范育神誼等遂背約侵築買孤勝如二堡夏人即平盪之育等又欲以兵納趙醇忠及擅招其部人千餘朝廷却而不受西邊騷然轍乞罷育誼別擇老將以守熙河宣仁后以為然大臣竟主育誼不從轍又面奏人君與人臣事體不同人臣雖明見是非而力所不加須至且止人君於事不知則己知而不能行則事權去矣臣今言此蓋欲陛下收攬威柄以正君臣之分而已若聽其所為不以漸制之及其太甚必加之罪事至如此豈朝廷美事故臣欲保全大臣非欲害之也六年熙河奏夏人十萬騎壓通遠軍境三日而退乞因其退急移近襄堡砦於界乘利而往不須復守誠信下大臣會議轍曰當先定議欲用兵耶不用耶呂大防曰如合用兵亦不得不用轍曰凡用兵先論理之曲直我若不直兵決不

當用朝廷頃與夏人議地界欲用慶歷舊例以彼此見今住處當中爲界此理最簡直夏人不從朝廷遂不固執蓋朝廷臨事常患先易後難此所謂先易者也既而許於非所賜城砦依綏州例以二十里爲界十里爲堡鋪十里爲草地要約纔定朝廷又要兩界首侵夏地一抹取直夏人見從又要夏界更留草地十里夏人亦許凡此所謂後難者也今欲於定西地與隴諾堡一抹取直所侵夏地凡百數十里隴諾祖宗舊疆豈所謂非所賜城砦耶此則不直致寇之大者也劉摯曰不用兵雖美然事有須用兵者亦不可不用也奏劾曰夏兵十萬壓熙河境上不於他處專於所爭處殺人掘崖巉此意可見此非西人之罪皆朝廷不直之故熙河帥臣輒敢生事不守誠信請誅責之後屢因邊兵深入夏地宣仁后遂從輦議時三省除李清臣吏部尚書給事中范祖禹封還詔書左正言姚勗亦言之三省復除蒲宗孟兵部尚書輦奏前除清臣給諫紛然爭之今又用宗孟恐不便宣仁后曰柰關官何輦曰尚書關官已數年何嘗關事今日用此二人正與去年用鄧溫伯無異此三人者昔與王珪蔡確輩並進意思與今日聖政不合見今尚書其關四人若並用似此四人使黨類互進恐朝廷自是不安靜矣議遂止紹聖初哲宗起李清臣爲中書舍人鄧潤甫爲尚書左丞二人稍復言熙豐事以激怒哲宗意會廷試進士清臣撰策題卽爲邪說伏讀通鑑輦覽御批謂甫首倡紹述之說章呂黨人接踵復進專務攻訐司馬光諸人爲事甚至發策以此相詆諆試士以此衡甲乙左門戶輦諫曰伏見御試策題歷歷然望紀綱肅清何可得哉輦諫曰伏見御試策題歷歷近歲行事有紹復熙寧元豐之意臣謂先帝以天縱之才行大有爲之志其所設施度越前古蓋有百世不

可改者在位近二十年而終身不受尊號宗室恩止祖免減朝廷無窮之費役法雇募衙前免民間破家之患黜罷諸科誦數之學訓練諸將懾情之兵置寄祿之官復六曹之舊嚴重祿之法禁交謁之私行淺攻之策以制西夏收六色之錢以寬雜役凡如此類皆先帝之睿筭有利無害而元祐以來上下奉行未嘗失墜也至於其他事有失當父作之於前子救之於後前後相濟此則聖人之孝也漢武帝 鹽鐵權酷均輸之政民不堪命昭帝委任霍光罷去煩苛漢室乃定光武顯宗以察爲明以議決事章帝卽位深鑒其失代之以寬厚愷悌之政後世稱焉本朝眞宗右文偃武號稱太平而羣臣因其極盛爲天書之說章獻臨御攬大臣之議藏書梓宮以泯其迹及仁宗聽政絕口不言英宗自藩邸入繼大臣創濮廟之議及先帝嗣位或請復舉其事寢而不答夫以漢昭章之賢與吾仁宗神宗之聖豈其薄於孝敬而輕事變易也哉臣願陛下慎勿輕事改易若輕變九年已行之事擢任累歲不用之人人懷私忿而以先帝爲辭債事多矣哲宗覽奏以爲引漢武方先朝不悅落職知汝州居數月再責知袁州未至降朝議大夫試少府監分司南京筠州居住三年又責化州別駕雷州安置移循州徽宗卽位徙永州岳州已而復大中大夫提舉鳳翔上清太平宮崇寧中蔡京當國又降朝議大夫罷祠居許州再復大中大夫致仕築室於許號穎濱遺老自作傳萬餘言不復與人相見政和二年卒年七十四追復端明殿學士涑熙中諡文定轍性沈靜簡潔爲文汪洋澹泊似其爲人不願人知之而秀傑之氣終不可掩其高處殆與兄軾相近三子通适遜族孫元老

元老字子廷善屬文賦誦居海上數以書往來軾喜其爲學有功軾亦愛獎之舉進士調廣都簿歷漢州教授西京國子博士通判彭州政和間宰相喜開邊西南帥臣多啖誘近界諸族使納土分置郡縣以爲功致茂州蠻叛帥司遽下令招降元老歎曰威不足以服則恩不足以懷乃移書成都帥周燾曰此蠻跳梁山谷間彼之所長我之所短惟施黔兩州兵可與爲敵者檄數千人使倍道往赴賢於官軍十萬也其次以爲夔陝兵大集先以夔兵誘其前陝兵從其後不十日賊必破彼降而我受焉則威懷之道得今不討賊而招之還必復叛不免重用兵矣燾得書卽召與計事元老又策茂有兩道正道自濕山趨長平絕嶺而上其路險開道自青崖關趨刁溪循江而行其路夷當使正兵陣濕山而陰出奇兵擣刁溪與石泉井力合攻賊腹背受敵擒之必矣燾皆不能得竟得罪後帥至如元老策蠻勢感乃降除國子博士歷祕書正字將作少監比部考功員外郎尋除成都路轉運副使爲軍器監司農衛尉太常少卿梁師成方用事自言爲軾外子欲見之拒不答言者遂論元老蘇軾從孫且爲元祐邪說其學術議論頗傲軾軾不宜在中朝罷爲提點明道宮元老歎曰昔顏子附驥尾而名顯吾今以家世坐累榮矣未幾卒年四十七有詩文行於時

欽定續通志卷三百五十五

呂大防 大忠 大鈞 劉摯 蘇頌

呂大防字微仲其先汲郡人祖通太常博士父贊比部郎中葬京兆藍田遂家焉大防進士及第調馮翊主簿承壽令縣無井慮汲於澗大防行近境得二泉用考工水地置泉之法以準之不旬日疏為渠民賴之號曰呂公泉遷著作佐郎知青城縣故時圭田粟入以大斗而出以公斗獲利三倍民雖病不敢訴大防始均出納以平其直青城外控汶川與敵相接大防據要置邏密為之防禁山之樵采以嚴障蔽韓絳蜀稱其有王佐才入權鹽鐵判官英宗即位改太常博士與范純仁同監察御史裏行首言紀綱賞罰未厭四方之望者有五進用大臣而權不歸上大臣疲老而不得時退外國驕蹇而不擇將帥議論之臣裨益闕失而大臣沮之疆場左右之臣有敗事而被賞舉職而獲罪者是歲京師大水大防曰此陰陽之沴也即陳八事曰主威不立臣權太盛邪議干正私恩害公違夏連謀盜賊恣行羣情失職刑罰失平會執政議濮王稱考大防上言先帝起陛下為皇子館於宮中憑凡之命緒言在耳豈可生以為子沒而背之今大臣首欲加王以非正之號使陛下顧私恩而違公義非所以結天下之心章累十數上出知休寧縣神宗立通判淄州熙寧元年知泗州為河北轉運副使召直舍人院韓絳宣撫陝西命為判官又兼河東宣撫判官除知制誥四年知延州大防欲城河外荒堆皆眾謂不可守大防留戍兵修堡障有不從者斬以徇

會環廣兵節絳坐鸞大防亦落知制誥以太常博士知臨江軍數月徙知華州華嶽摧白山屬渭河被害者眾大防奏疏援經質史以驗時事其略曰畏天之威於時保之先王所以興也書云惟先格王正厥事願仰承天威俯酌時變為社稷至計除龍圖閣待制知秦州元豐初徙承興神宗以彗星求言大防陳三說九宜曰治本曰緩末曰納言養民教士重教治本之宜三也治邊治兵緩末之宜二也廣受言之路寬侵官之罰詎諂諂之罪容異同之論此納言之宜四也時用兵西夏調度百出有不便者輒上間務在寬民及兵罷民力比他路為饒供億軍須亦無之絕進直學士居數年知成都府哲宗即位召為翰林學士權開封府館伴契丹使其使語頗及朝廷大防密撻其隱事詰之曰北朝試進士至心獨運賦不知此題於書何出使錯遣不能對自是不敢復出嫚詞遷吏部尚書夏使來詔訪以待遇之計又向者所得邊地雖建立城堡終慮孤絕難保棄之則弱國守之又有後悔大防言夏本無能為然屢遣使而不布誠款者蓋料我急於議和耳今使者到闕宜令押伴臣僚扣其不賀登極以觀厥意足以測情偽矣新收疆土議者多言可棄此慮之不熟也至於守禦之策惟擇將帥為先太祖用姚內斌董遵道守環慶西人不敢入侵昔以二州之力禦敵而有餘今以九州之大奉邊而不足用是言之在於得人而已元祐元年拜尚書右丞進中書侍郎封汲郡公西方息兵青唐羌以為中國怯使將犯邊大防命洮州諸將乘閒致討生擒之三年起拜尚書左僕射兼門下侍郎提舉修神宗實錄大防見哲宗年益壯日以進學為急請教講讀官取仁宗邇英

御書解釋上之責於坐右又摭乾興以來四十一事足以為勸戒者分上下篇標曰仁祖聖學使人主有欣慕不足之意哲宗御邇英閣召宰執講讀官讀寶訓至漢武帝籍南山提封為上林苑仁宗言山澤之利當與眾共之何用此丁度以為主上憂勤此本祖宗家法大防因推廣祖宗家法以進之曰本朝家法最善逾於前代祖宗以來事母后皆朝夕見此事親之法仁宗以姪事姑之禮見獻穆大長公主此事長之法宮禁嚴密內外整肅此治內之法母后之族皆不預政此待外戚之法宮殿止用赤白此尚儉之法步自內庭出御後殿此勤身之法燕居必以禮竊聞陛下昨郊禮畢具禮謝太皇太后此尚禮之用法用最輕臣下有罪止於罷黜此寬仁之法陛下不須遠法前代但盡行家法足以為天下哲宗甚然之大防朴厚蠢直不植黨朋與范純仁並位同心戮力以相王室立朝挺挺進退百官不可干以私不市恩嫁怨以邀聲譽凡八年始終如一懇乞避位宣仁后曰上方富於春秋公未可即去少須歲月吾亦就東朝未果而后崩為山陵使復命以觀文殿大學士左光祿大夫知穎昌府尋改承興軍使便其鄉社入辭哲宗勞慰甚渥曰卿誓歸故鄉行即召矣未幾左正言上官均論其墮壞役法右正言張商英御史周秩劉拯相繼攻之奪學士知隨州貶秘書監分司南京居鄂州言者又以修神宗實錄直書其事為誣譏徒定州兄大忠自涓入對哲宗詢大防安否且曰執政欲遷諸嶺南朕獨令處安陸為朕寄聲問之大防朴直為人所賈三二年可復相見也 伏讀通鑑編覽 御批哲宗稱大防其所親如臣下委曲私大忠泄其語於章惇惇懼繩之致意者然不大可笑乎

愈力紹聖四年遂貶舒州團練副使安置循州至虔州信豐而病遂薨年七十一大忠請歸葬許之大防身長七尺眉目秀發聲音如鐘自少持重無嗜好過市不左右游目燕居如對賓客每朝會儀儀翼如神宗常目送之與大忠及弟大臨同居相切磋論道考禮闈中言禮學者推呂氏徽宗即位復其官高宗紹興初又復大學士贈太師宣國公諡曰正愍

大忠字進伯登第為華陰尉晉城令韓絳宣撫陝西以大忠提舉永興路義勇改祕書丞檢詳樞密院吏兵房文字令條義勇利害大忠言養兵狼眾國用日屈漢之屯田唐之府兵善法也弓箭手近於屯田義勇近於府兵擇用一焉兵屯可省矣為簽書定國軍判官熙寧中王安石議遣使諸道立緣邊封溝大忠與范育被命俱辭行大忠陳五不可以為懷撫外國恩信不洽必致生患罷不遣令與劉忱使契丹議代北地會遭父喪起復知代州契丹使蕭素梁穎至代設次據主席大忠與之爭乃移次於長城北換西上閣門使知石州大忠數與素穎會凡議屢以理折之已而復使蕭禧來求代北地神宗召執政與大忠忱議將從其請大忠曰彼遣一使來即與地五百里若使魏王英弼來求關南則何如神宗曰卿是何言也對曰陛下既以臣言為不然恐不可啟其漸忱曰大忠之言社稷大計願陛下熟思之執政知不可奪議卒不決罷忱還三司大忠亦終喪制其後竟以分水嶺為界焉元豐中為河北轉運判官言古者理財視天下猶一家朝廷者家外計者兄弟居雖異而財無不同今有司惟知出納之名有餘不足未嘗以實告上故有餘則取之不足莫之與甚大患也乃上生財

養民十二事徙提點淮西刑獄時河決飛蝗為災大忠入對極論之詔歸故官元祐初歷工部郎中陝西轉運副使知陝州以直龍圖閣知秦州進寶文閣待制夏人自犯麟府環慶後遂絕歲賜遣使來謝罪神宗將許之大忠言夏人強則縱困則服今陽為恭順實懼討伐宜且命邊臣詰其所以來之辭若惟請是從彼將有以窺我矣時郡糴民粟家因之制操縱之柄大忠選僚宋自旦入倉雖斗升亦受不使有所壅閼民喜爭運粟於倉負錢而去得百餘萬斛馬涓以進士舉首入幕府自稱狀元大忠謂曰狀元云者及第未除官之稱也既為判官則不可又教以臨政治民之要涓自以為得師嘗獻言夏人戍守之外戰士不過十萬吾三路之眾足以當之彼屢犯王略一不與校臣竊羞之紹聖二年加寶文閣直學士知渭州付以秦渭之事奏言關陝民力未裕士氣沮喪非假之歲月未易枝梧因請以職事對大抵欲以計徐取橫山自汝遮殘并迤邐進築不求近功既而鍾傅城安西王文郁亦用事章惇曾布主之大忠議不合又乞以所進職為大防量移梓州陳其所言與元祐時異徙知同州旋降待制致仕卒詔復學士

大鈞字和叔父費大防弟也中乙科調秦州右司理參軍監延州折博務改光祿寺丞知三原縣請代父贖入蜀移巴西縣費致仕大鈞亦移疾不行以憂去起為諸王宮教授求監鳳翔船務改宣義郎會伐西夏鄜延轉運司檄為從事既出塞轉運使李稷餽餉不繼欲還安定取糧使大鈞請於神諤諤曰吾受命將兵安知糧道萬一不繼召稷來與一劔耳大鈞性剛直即日朝廷出師去塞未遠遂斬轉運使無君父平諤意折疆謂大鈞

曰君欲以此報稷先稷受禍矣大鈞怒曰公將以此言見恐邪吾委身事主死無所辭正恐公過耳諤見其直乃好謂曰子乃爾邪今聽汝矣始許稷還未幾道得疾卒年五十二大鈞從張載學能守其師說而踐履之大臨字與叔通六經尤邃於禮其論選舉曰今取人而用不問其可任何事任人以事不問其才之所堪故入流之路不勝其多為官擇士則常患乏才待次之吏歷歲不調立士規以養德厲行更學制以量才進藝定試法以區別能否修辟法以興能備用嚴舉法以覈實得人制考法以責任考功庶幾可以漸復古矣富弼致政於家為佛氏之學大臨與之書謂此山谷避世之士獨善其身者之所好非世之所以望於公者元祐中為太學博士遷祕書省正字范祖禹薦其好學修身如古人可備勸學未及用而卒

劉摯字莘老永靜東光人父居正摯十歲而孤鞠於外氏就學東平因家焉嘉祐中擢甲科歷冀州南宮令縣賦甚重輸絹匹折稅錢五百緡兩折錢三十民多破產摯援例旁郡條請裁以中價轉運使怒將劾之摯固請曰獨一州六邑被此苦決非法意但朝廷不知耳遂告於朝三司使包拯奏從其議自是絹為錢千三百緡七十有六民歡頌之是時摯與信都令李冲清河令黃莘皆以治行聞人稱為河朔三令徒江陵觀察推官用韓琦薦得館閣校勘王安石一見器異之擢檢正中書禮房才月餘為監察御史裏行即奏論亳州獄起小人意專在傾富弼以市進今弼已得罪願少寬之又言程昉開漳河調發猝迫人不堪命趙子幾擅升畿縣等使納役錢縣民日數千人遞訴宰相京師喧然何以示四方

張說王廷老擅增兩浙役錢晉賦嚴急人情嗟怨此皆欲以羨餘希賞願行顯責明朝廷本無聚斂之意及入見神宗而賜褻論因問卿從學王安石邪安石極稱卿器識對曰臣東北人少孤獨學不識安石也乃上疏曰君子小人之分在義利而已小人才非不足用恃心之所向不在乎義陛下有勸農之意今變而為煩擾陛下有均役之意今倚以為聚斂其有愛君之心憂國之言者皆無以容於其間畏義者以進取為可取嗜利者以守道為無能此風浸成漢唐黨禍必起矣臣願陛下虛心平聽審察好惡稍抑虛譁輕僞志近忘遠幸於苟合之人漸察忠厚慎重難進易退可與有為之士又論率錢助役官自雇人有十害其略曰天下州縣戶役虛實重輕不同今等以為率則非一法所能齊隨其所宜各自立法則紛擾散殊何以統率一也新法謂版籍不實故令別立等第且舊籍既不可信今何以得其無失不獨騷擾生事患將使富輸少貧輸多二也天下上戶少中戶多上戶役數而重故以助錢為幸中戶役簡而輕下戶役所不及今槩使輸錢則為不幸三也有司欲多得雇錢而患上戶之寡故不用舊籍臨時升降使民何以堪命四也歲有豐凶而役人有定數助錢不可闕非若稅賦有倚闕減放之期五也穀麥布帛歲有所出而助法必輪見錢六也二稅科買色目已多又槩率錢以竭其所有斯民無有悅而願為農者戶口當日耗失七也僥倖者又將緣法生姦如近日兩浙倍科錢數自以為功入也差法近者十餘年遠或二十年乃一充役民安習之久矣今官自雇人直重則民不堪輕則人不願不免以力敵之就役九也且役人必用鄉戶家有常產

則必知自愛性既愚實則罕有盜欺今一切雇募但得輕猾浮僞之人巧詐相資何所不至十也會御史中丞楊繪亦言其非安石使張琥作十難以詰之琥辭不為司農會布請為之既作十難且劾擊繪欺誕懷向背詔問狀繪懼謝罪璽奮曰為人臣豈可壓於權勢使天子不知利害之實即條對所難以伸其說且曰臣待罪言責采士民之說以聞於上職也今有司遽令分析是使之較是非爭勝負交口相直無乃辱陛下耳目之任哉願以臣章并司農奏宣示百官考定當否不報璽明日復上疏曰陛下注意以望太平而自以太平為己任得君專政者是也二三年開開闢動搖舉天下無一物得安其所者蓋自青苗之議起而天下始有聚斂之疑青苗之議未允而均輸之法行均輸之法方擾而邊鄙之謀動邊鄙之禍未艾而助役之事興至於求水利行淤田併州縣興事起新難以徧舉其議財則市井屠販之人皆召至政事堂其征利則下至歷日而官自鬻之推此而往不可究言輕用名器淆混賢否忠厚老成者擯之為無能狹少儂辯者取之為可用守道憂國者謂之流俗敗常害民者謂之變通凡政府謀議經畫除用進退獨與一揅屬決之然後落筆同列預聞反在其後故奔走乞匄之人其門如市今西夏之款未入反側之兵未安三邊瘡痍流潰未定河北大旱諸路大水民勞財乏縣官減耗聖上憂勤念治之時而政事如此皆大臣誤陛下而大臣所用者謀大臣也疏奏安石欲竄之嶺外神宗不聽請監衡州鹽倉繪出知鄭州琥亦落職璽乞詣郵遷葬然後奔赴貶所許之先是倉吏與綱兵姦利相市鹽中雜以偽惡遠人未嘗食善鹽璽悉意核視

且儲其羨以為賞弊減什七父老目為學士璽久之簽書南京判官會司農新令盡斥賣天下祠廟依坊場河渡法收淨利南京闕伯廟歲錢四十六貫微子廟十二貫璽歎曰一至於此往見留守張方平曰獨不能為朝廷言之耶方平瞿然託璽為奏曰闕伯遷商邱主祀大火為國家盛德所乘歷世尊為大祀微子宋始封之君開國此地本朝受命建號所因又有雙廟者唐張巡許遠孤城死賊能掉大患今若令承買小人規利冗糞積慢何所不為歲收微細實損大體欲望留此三廟以慰邪人崇奉之意從之入同知太常禮院元豐初改集賢校理知大宗正等丞為開封府推官神宗開天章閣議新官制除至禮部郎中曰此南宮舍人非他曹比無出劉摯者即命之俄遷右司郎中初宰掾每於執政分廳時請問白事多持兩端伺意指摯始請以公禮聚見其決可否或不便摯所請坐以開封不置歷事罷歸明年起知滑州哲宗即位宣仁后同聽政召為吏部郎中改祕書少監擢侍御史上疏曰陛下春秋鼎盛在所資養願選忠信孝悌惇茂老成之人以充勸講進讀之任便殿燕坐時賜廷對執經誦說以廣睿知仰副善繼求治之志他日講筵進讀至仁宗不避庚戌臨奠張士遜侍讀曰國朝故事多避國音國朝角音木也故長庚辛哲宗問果當避否摯進曰陰陽拘忌聖人不取如正月祈穀必用上辛此豈可改也漢章帝以反支日受章奏唐太宗以辰日哭張公謹仁宗不避庚戌日皆陛下所宜取法哲宗然之摯又言諫官御史員缺未補監察雖滿六員專以察治官司事而不預言責請增補臺諫竝許言事時蔡確章惇在政地與司馬光不相能摯因

久早上言洪範庶徵肅時雨若五行傳政緩則冬旱今廟堂大臣情志乖睽議政之際依違排狠語播於外可謂不肅政令二三舒緩不振比日日青無光風霾昏暝上天警告皆非小變願進忠良通壅塞以答天戒蔡確為山陵使神宗靈駕發引前夕不入宿摯劾之又疏確過惡大略有十論章惇凶悍輕佻無大臣體皆罷去初神宗更新學制養士以千數有司立為約束過於煩密摯上疏曰學校為育材首善之地非行法之所雖羣居眾聚帥而齊之不可無法亦有禮義存焉比以太學屢起獄訟有司緣此造為法禁煩苛愈於治獄條目多於防盜博士諸生禁不相見教諭無所施質問無所從月巡所隸之齋而已所至備禮請問相與揖諾亦或不交一言而退以防私請以杜賄賂學校如此豈先帝所以造士之意哉治天下者遇人以君子長者之道則下必有君子長者之行而應乎上若以小人犬彘遇之彼將以小人犬彘自為而況以此行於學校之間乎願罷其制執憲數月百僚敬懼時人以比包拯呂晦元祐元年擢御史中丞摯上疏曰上之所好下必有甚朝廷意在總轡下必有刻薄之行朝廷務在寬天下必有苟簡之事習俗懷利迎意趨和所為近似而非上之意本然也昨差役初行監司已有迎合爭先不校利害一槩定差一路為之騷動者朝廷察其如此固已黜之矣向來黜責數人者皆以非法培克市進害民然非欲使之漫不省事味者不達矯枉過正請立監司考績之制拜尚書右丞連進左丞中書侍郎遷門下侍郎胡宗愈除右丞諫議大夫王觀疏其非是宣仁后怒將加深譴摯開救甚力簾中鳳聲曰若有人以門下侍郎為姦邪甘受之

否摯曰陛下審察毀譽每如此天下幸甚然願顧大體宗愈進用自有公議必致貶諫官而後進恐宗愈亦所未安宣仁后意解靚得補郡守摯與同列奏事論人才哲宗及宣仁后嘉歎六年拜尚書右僕射學性峭直有氣節通達明銳觸機輒發不為利誘威怵自初輔改至為相修嚴憲法辨白邪正與呂大防同位國家大事多決於大防惟進退士大夫實執其柄然持心少忍勇於去惡竟為朋讒奇中先是邢恕謫官永州以書抵摯摯故與恕善答其書有永州佳處第往以俟休復之語排岸官茹東濟傾險人也有求於摯不得見其書陰錄以示御史中丞鄭雍侍御史楊畏二人方交章擊摯遂築釋其語上之曰休復者語出周易以俟休復者俟他日太皇太后復子明辟也又章惇諸子故與摯之子游摯亦閒與之接雍畏謂延見接納為牢籠之計以冀後福摯上章自辨不得以觀文殿學士罷知鄆州七年徙大名又為雍等所過徙知青州紹聖初來之郡周秩論摯變法棄地罪奪職知黃州再貶光祿卿分司南京蘄州居任將行語諸子曰上用章惇吾且得罪若惇願國事不遷怒百姓但責吾曹死無所恨正慮意在報復法令益峻奈天下何憂形於色無一言及遷謫意四年陷邢恕之謗貶鼎州團練副使新州安置惟一子從家人涕泣願侍皆不聽至數月以疾卒年六十八初摯與呂大防為相文及甫居喪在洛怨望服除恐不得京官抵書邢恕恕以示蔡碩蔡涓涓上書訟摯及大防等十餘人陷其父確謀危宗社引及甫書為證時章惇蔡卞誣造元祐諸人事不已因是欲殺摯及梁燾王巖叟等以為摯有廢立之意遂起同文館獄用蔡京安惇雜治卒無

佐驗會摯卒京奏不及考驗遂免其子官與家屬徙英州凡三年死於瘴者十人徽宗立詔反其家屬用子跋請得歸葬跋又伏闕訟寃復摯中大夫蔡京為相降朝散大夫後又復觀文殿大學士大中大夫紹興初贈少師諡曰忠肅摯嗜書自幼至老未嘗釋卷少好禮學其究三禮尤粹晚好春秋鼓能為文章遭黨事為官拓落家居避禍以壽終蘇頌字子容泉州南安人父紳葬潤州丹陽因徙居之第進士歷宿州觀察推官知江寧縣剽剔夙蠹成賦一邑簡而易行諸令視以為法調南京留守推官留守歐陽修委以政日子容處事精審一經閱覽則修不復省矣時杜衍老居睢陽見頌深器之自以平生施設出處悉以語頌頌後歷政略似衍云皇祐五年召試館閣校勘同知太常禮院至和中文彥博為相請建家廟事下太常頌議以為禮大夫士有田則祭無田則薦是有土者乃為廟祭也參合古今之制依約封爵之令為之等差嘉祐中詔禮院立故郭后神御殿于景靈宮頌謂赦書云向因忿鬱偶失謙恭又云朕念自歷長秋僅周一紀逮事先后祇奉寢園又云可追復皇后其祔廟諡冊竝停此則無可廢之事有不當廢之悔且有合祔廟及諡冊之義郭郭皇后於后廟以成追復之道宰相曾公亮問曰議者謂陰逼母后是恐后有配祔之意頌曰若加一懷哀愍之諡則不為逼矣公亮歎重遷集賢校理編定書籍頌在館下九年奉養祖母及母并及姑姊妹外族而妻子衣食常不及富弼嘗稱為古君子及與韓琦為相同表其廉退以知頌州仁宗崩建山陵有司以不時難得之物屬諸郡頌曰遺詔務從儉約豈有土

不產而可強賦乎量其有無事亦隨集英宗即位召提點開封府界諸縣鎮公事頌言周制六軍出於六卿在三畿四郊之地唐設十二衛亦散布畿內郡縣又以關內諸府分隸之皆所以臨制四方爲國藩衛國朝禁兵多屯京師及畿內東南諸縣雖饋運爲便而西邊武備殊闕今中牟長垣都門要衝二鄙驛置皆由此而舊不屯兵聞無防守請置營益兵以備非常明年饑民果乘虛犯長垣戍官吏如頌慮頌又請以獲盜多寡爲縣令殿最法以爲巡檢縣尉但能捕盜而不能使人不爲盜能使其不爲盜者縣令也且民罹剽劫之害而長官不任其責可乎遷度支判官送契丹使宿恩州驛舍火左右請出避頌不動州兵欲入救閉門不納徐使防卒撲滅之初火時郡人洵洵期使者有變救兵亦欲因而生事頌頌安靜而止使還命爲淮南轉運使召起居注擢知制誥知通進銀臺司知審刑院時知金川張仲宣坐枉法贓罪至死法官援李希輔例杖脊黜配海島頌奏曰仲宣所坐止係違令可比恐喝條視希輔有間神宗欲免杖而黜之頌又言古者刑不上大夫所重者汗辱衣冠耳得免杖黜流海外遂爲定法又言提舉青苗官不能體朝廷之意邀功爭利務爲煩擾大臣薦秀州判官李定召見擢太子中允除監察御史裏行宋敏求知制誥封還詞頭復下頌當制頌奏定不由銓考擢授朝列不緣御史薦實憲臺雖朝廷急於用才度越常格然曩者法制所損者大未敢具草次至李太師亦封還神宗曰去年詔臺官有闕委御史臺奏舉不拘官職高下頌與大臨對曰從前臺官於太常博士以上中行員外郎以下舉充後爲難得資欵相當故朝廷特開此制止

是不限博士員耶非謂選入亦許奏舉者不拘官職高下并選入在其間則是秀州判官亦可爲裏行不必更改中允也今定改京官已是優恩更慮之憲臺倖門一啟則仕塗奔競之人希望不次之擢執奏不已於是竝落知制誥歸工部郎中班天下謂頌及敏求大臨爲三舍人歲餘知婺州方泝桐廬江水暴迅舟橫欲覆母在舟中幾溺頌哀號赴水救之舟忽自正人以爲純孝所感徙亳州加集賢院學士知應天府呂惠卿嘗語人曰子容吾鄉里先進苟一詣我執政可得也頌聞之笑而不應凡更三赦大臨還侍從頌纔授秘書監知通進銀臺司吳越饑選知杭州一日出遇百餘人哀訴曰某以轉運司責通市易縶錢夜囚晝繫雖死無以償頌曰吾釋汝使汝營生奉衣食之餘悉以償官期以歲月而足可乎皆謝不敢負果如期而足頌宴客有美堂或告將兵欲亂頌密使捕渠領十輩荷杖付獄中迨夕會散坐客不知也及修兩朝正史轉右諫議大夫使契丹還神宗問其山川人情向背對曰彼講和日久頗竊中國典章禮義以維持其正上下相安未有離貳之意昔漢武帝自謂高皇帝遺朕平城之憂雖久勤征討而匈奴終不服至宣帝呼韓單于稽首稱藩唐自中葉以後河湟陷於吐蕃憲宗每讀貞觀政要慨然有收復意至宣宗時乃以三關七州歸於有司由此觀之外國之叛服不常不繫中國之盛衰也頌意蓋有所諷神宗然之元豐初權知開封府頗嚴鞭朴謂京師浩穰須彈壓非毫穎臥治之比有僧犯法事連祥符令李純按東都事畧作孫純置不治御史舒直糾其故縱貶祕書監知濠州初頌在開封府國子博士陳世儒之妻李惡世儒庶母欲其死既

而母爲婢所殺開封治獄久不決至是移之大理意頌前次請求移御史臺逮頌對頌卽手書數百言伏其咎帝覽奏膺以爲疑反覆究實乃大理丞賈種民增減其文傳致由是得白猶以爲泄獄情罷郡未幾知河陽改知滄州入辭帝曰朕知卿久然每欲用輒爲事奪命也夫卿直道久而自明頌頓首謝召判尙書吏部兼詳定官制唐制吏部主文選兵部主武選神宗謂三代兩漢本無文武之別議者不知所處頌言唐制吏部有三銓之法分品秩而掌選事今欲文武一歸吏部則宜分左右曹掌之每選更以品秩分治於是吏部始有四選法因陞對神宗謂頌曰契丹通好八十餘年盟誓聘使禮幣儀式皆無所考據欲修一書但患遷延不早成耳卿度此書何時可就頌曰須一二年曰非卿不能如是之敏及書成帝讀序引喜曰正類序卦之文賜名魯衛信錄帝嘗問宗子主祭承重之義頌對曰古者貴賤不同禮諸侯大夫世有爵祿故有大宗小宗主祭承重之義則喪服從而異制匹夫庶人亦何預焉近代不世爵宗廟因而不立尊卑亦無所統其長子孫與眾子孫無以異也今五服敕嫡孫爲祖父爲長子猶斬衰三年生而情禮則一死而喪服猶異非先王制禮之本意世俗之論乃以三年之喪爲承重不知爲承大宗之重也臣間慶曆中朝廷議百僚應任子者長子與長孫差優與官餘皆降殺亦近古立宗之法乞詔禮官博士參議禮律合承重者酌古今收族主祭之禮立爲宗子繼祖者以異於眾子孫之法士庶人不當同用一律使人知尊祖不違禮教也除吏部侍郎遷光祿大夫遭母喪帝遣中貴人啗勞賜白金千兩元祐初拜刑部尙書遷吏部

兼侍讀奏國朝典章沿襲唐舊乞詔史官采新舊唐書中君臣所行日進數事以備聖覽遂詔經筵官過非講讀日進漢唐故事二條頌每進可為規戒有補時事者又謂人主聰明不可有所嚮有則偏偏則為患大每進讀至彌兵息民必援引古今以動人主之意既又請別製渾儀因命頌提舉頌既遠於律歷以吏部令史韓公廉曉算術有巧思奏用之授以古法為臺三層上設渾儀中設渾象下設司辰貫以一機激水轉輪不假人力時至刻臨則司辰出告星辰纏度所次占候測驗不差晷刻晝夜晦明皆可推見前此未有也頌前後掌四選五年每選人改官吏求垢瑕故為稽滯頌敕吏曰某官緣某事當會某處仍引合用條格具委無漏落狀同上自是吏不得逞每訴者至必取案牘使自省閱訴者服乃退其不服者頌必往復詰難度可行行之苟有疑則為奏請或建白都堂故選官多感德其不得所欲者亦心服而去遷翰林學士承旨五年擢尚書左丞嘗行樞密事邊帥遣種朴入奏得諜言契丹主阿里骨已死國人未知所立契丹官趙純忠者謹信可任願乘其未定以勁兵數千擁純忠入其國立之眾議如請頌曰事未可知其越境立君使彼拒而不納得無損威重乎徐觀其變揆其定而撫輯之未晚也已而阿里骨果無恙七年拜右僕射兼中書門下侍郎頌為相務在奉行故事使百官守法遵職量能授任杜絕僥倖之原深戒疆場之臣邀功生事論議有未安者毅然力爭之賈易除知蘇州頌言易在御史名敢言既為監司矣今因赦令反下遷為州不可爭論未決諫官楊畏來之邵謂稽留詔命頌遂上章辭位罷為觀文殿大學士集禧觀使繼出

知揚州徙河南辭不行告老以中太一宮使居京口紹聖四年拜太子少師致仕方頌執政時見哲宗年幼諸臣太紛紜常曰君長誰任其咎耶每大臣奏事但取決於宣仁后哲宗有言或無對者惟頌奏宣仁后必再稟哲宗有宣諭必告諸臣以聽聖語及貶元祐故臣御史周秩劾頌哲宗曰頌知君臣之義無輕議此老伏讀通鑑輯覽諸臣奏事皆取決太后帝有言或無對者獨頌一人為帝所重則司馬光呂公著諸臣皆有不得辭其咎者而異日親政大反所為馴致於亂哲宗徽宗立進太子固失德然其所以致是者亦有由來矣太保爵累趙郡公建中靖國元年夏至自草遺表明日卒年八十二詔輟視朝二日贈司空頌器局闊遠不與人校短長以禮法自持雖貴奉養如寒士於書無所不通尤明典故朝廷有所制作必就而正焉嘗議學校欲博士分經課試諸生以行藝為升俊之路議貢舉欲先行實而後文藝去封彌謄錄之法使有司參考其素行之自州縣始庶幾復鄉貢里選之遺範論者趨之

列傳

宋六十一

王存

孫固

趙瞻

傅堯俞

梁燾

王巖叟

王存字正仲潤州丹陽人慶厯六年登進士第調嘉興主簿擢上虞令豪姓殺人州吏受賕弗問存至按之豪賂他官變其獄存反罷去久之除密州推官為歐陽修呂公著趙槩所知治平中入為國子監直講遷祕書省著作佐郎歷館閣校勘集賢校理史館檢討知太常禮院存故與王安石厚安石執政數引與論事不合即謝不往存在三館歷年不少貶以千進營召見便殿累上書陳時政因及大臣無所附麗皆時人難言者元豐元年神宗察其忠實無黨以為國史編修官修起居注時起居注雖日侍而奏事必稟中書侯旨存乞復唐貞觀左右史執筆隨宰相入殿故事神宗聽其言聽直前奏事自存始也明年以右正言知制誥同修國史兼判太常寺論團丘合祭天地為非古當親祀北郊如周禮官制行神宗切於用人存請自熙寧以來羣臣緣論事得罪或誣誤被斥而情實納忠非大過者隨材召擢以備官使語合神宗意收拔者甚眾又言赦令出上恩而比歲議法治獄者多乞不以赦降原減官司禁謁本防請託而弔死問疾一切杜絕皆非便執政不悅五年遷龍圖閣直學士知開封府進樞密直學士改兵部尚書轉戶部哲宗立永裕陵財費不踰時告備宰相乘閒復徙之兵部太僕寺請內外馬事得專達毋隸駕部存言先帝正省臺寺監之職使相臨制不可徇有司自便而墮

已成之法元祐初遷戶部固辭不受二年拜中大夫尚書右丞三年遷左丞有建議罷教畿內保甲者存言今京師兵籍益削又廢保甲不教非國家根本久長之計且先帝不憚艱難而為之既已就緒無故而廢之不可門下侍郎韓維罷存言去一正人天下失望忠讜沮氣謾邪之人爭進矣又論杜純不當罷侍御史王觀不當罷諫官四方奏獻大辟刑部援比請貸都省屢以無可矜恕卻之存曰此祖宗制也有司欲生之而朝廷破例殺之可乎河決而北幾十年水官議還故道存爭之曰故道已高水性趨下徒費財力恐無成功卒觀其役蔡確以詩怨誦存與范純仁欲薄其罪確再貶新州存亦罷以端明殿學士知蔡州存之徙兵部確力也至是為確罷士大夫善其能損怨歲餘加資政殿學士知揚州召為吏部尚書時在廷朋黨之論寢熾存為哲宗言人臣朋黨誠不可長然或不察則濫及善人慶厯中或指韓琦富弼范仲淹歐陽修為黨賴仁宗聖明不為所惑今日果有進此說者願陛下察之由是復與任事者戾除知大名府改知杭州紹聖初請老提舉崇禧觀遷右正議大夫致仕舊制當得東宮保傅議者指存嘗議還西夏侵地故殺其恩典既而降通議大夫按東都事略載存降通議大夫復遷右歸老築居首營家廟建中靖國元年卒年七十九贈左銀青光祿大夫存性寬厚平居恂恂不為詭譎之行至其所守確不可奪司馬光嘗曰竝馳萬馬中能駐足者其王存乎

孫固字和父鄭州管城人幼有立志徂徠石介一見以公輔期之擢進士第調磁州司戶參軍從平貝州為文彥博言脅從罔治之義與彥博意協故但誅首惡餘無所及轉霍邑令遷祕書丞為審刑詳議官宰相韓琦知其賢論使來見固不肯往琦引為編修中書諸房文字治平中神宗為穎王以固侍講及為皇太子又為侍讀即位擢工部郎中天章閣待制知通進銀臺司神誘取綏州固知神宗志欲經略西夏欲先事以戒即上言待遠人宜示之信今無名舉兵非計之得願以漢韓安國魏相唐魏徵論兵之略參校同異則是非炳然矣大臣惡其說出知澶州遷知審刑院復領銀臺封駁兼侍讀判少府監神宗問王安石可相否對曰安石文行甚高處待從獻納之職可矣宰相自有其度安石狷狹少容必欲求賢相呂公著司馬光韓維其人也凡四問皆以此對及安石當國更法度固數議事不合青苗法出又極陳其不便及韓琦疏至神宗感動謂固曰朕熟計之誠不便固出語執政政及上有意宜亟圖之以福天下既而竟從安石固復領銀臺司孔文仲以對制策時政報罷固言陛下以名求士而士以實應今反遇之何哉胡宗愈坐言事逐蘇頌陳薦以論李定罷固皆引證爭之時議尊億祖為始祖固議曰漢高以得天下與商周異故太上皇不得為始封光武中興不敢祖春陵而祖高帝宋有天下傳之萬世太祖功也不當替其祀請以為始祖而為億祖別立廟禘祫之日奉其祧主東向以伸其尊合所謂祖以孫尊孫以祖屈之意韓琦見而歎曰孫公此議足以不朽矣加龍圖閣直學士知真定府還人盜耕解子平地歲且久吏爭弗能還固微得其要領折愧之正疆地二百里熙寧末以樞密直學士知開封府元豐初同知樞密院事時征安南建順州其地瘴癘不堪守固請棄之內徙者二萬戶謀者告夏人幽

其主神宗欲西討固數言舉兵易解禍難神宗曰夏有
 費不取則為遼人所有不可失也固曰必不得已請聲
 其罪薄伐之分裂其地使其酋長自守焉神宗笑曰此
 真鄙生之說耳時執政有言便當直度河不可留行固
 曰然則孰為陛下任此者神宗曰朕已屬李憲固曰伐
 國大事也豈可使宦官為之乎陛下任李憲則士大夫
 孰肯為用乎神宗不悅他日固又曰今五路進師而無
 大帥就使成功兵必為亂神宗曰大帥誠難其人呂公
 著曰既無其人曷若已之固曰公著言是也初議五路
 入討會於靈州李憲由熙河入輒不赴靈州乃自開蘭
 會欲以弭責固曰兵法期而後至者斬今諸路皆進而
 憲獨不行雖得蘭會罪不可赦神宗不聽其後師果無
 功神宗曰朕始以孫固言為迂今悔無及改大中大夫
 樞密副使進知院事以疾避位拜觀文殿學士知河陽
 擊提舉嵩山崇禧宮哲宗即位以正議大夫知河南府
 徙鄭州元祐二年召除侍讀提舉中太一宮遂拜門下
 侍郎固數乞骸骨太皇太后曰卿先帝在東宮時舊臣
 今帝新聽政勉留輔導或體中未安取文書於家治之
 可也固感激激起視事復知樞密院事累官右光祿大
 夫五年卒年七十五贈開府儀同三司諡曰溫靖固宅
 心誠粹不喜矯亢與人居久而益信故更歷夷險而不
 為人所疾嘗嘗曰人當以聖賢為師一節之士不足學
 也司馬光退處固每勸神宗召歸及光為陳州過鄭固
 與論天下大事至數十日公行且相宜視先後緩急審
 處之紹聖時奪遺澤元符二年奪所贈官列元祐黨籍
 政和中徽宗以固嘗為神宗宮僚特出籍悉還所奪
 趙瞻字大觀其先亳州永城人父剛太子賓客徙鳳翔

之盤屋瞻舉進士第調孟州司戶參軍移萬泉令捐圭
 田修學宮士自遠而至改知夏縣作八監堂書古賢令
 長治迹以自監又以祕書丞知永昌縣築六堰灌田歲
 省科斂數十萬水訟咸息升太常博士知威州瞻以威
 茂雜羣獠險而難守不若合之而建郡於文川條著其
 詳為因山別錄後熙寧中朝廷經理西南就瞻取其書
 考焉遷尚書屯田員外郎英宗治平初自都官員外郎
 除侍御史上疏曰英斷獨化人主至權也當主以天下
 之大公揆以天下之正論如是而後權可一也若夫積
 久之弊刑賞施設之失可革則革號令言動之過可止
 則止輔相賴其用宜責其效臺諫知其才宜信其說兵
 柄宜削諸宦官邊議宜付宿將英宗稱善久之詔遣內
 侍王昭明等四人為陝西諸路鈴轄招撫諸部瞻以唐
 用宦者為觀軍容宣慰等使後世以為至戒宜追還內
 侍責成守臣章三上言甚激切會文彥博孫沔經略西
 夏別遣馮京安撫諸路瞻又請罷京使專委宿將夏人
 入侵王官慶帥孫長卿不能禦加長卿集賢院學士瞻
 言長卿當黜不宜賞賞罰倒置京東盜賊數起瞻請易
 置曹濮守臣之不才者未報乃求退力言追還昭明等
 英宗改容納其言二年秋京師大水詔百官言事多留
 中瞻請悉出章疏付兩省詳擇以間從之時議追崇濮
 安懿王中書議安懿王稱親瞻爭曰仁宗既下明詔于
 陛下議者願或禮律所生所養之名妄相訾難彼明知
 禮無兩父貳斬衰之義敢裂一字之詞以亂厥真臣請
 與之廷辯已而皇太后手書尊王為皇瞻復力陳會假
 太常少卿接契丹賀正使入對英宗問前事瞻仍如初
 說及使還聞呂誨等諫濮議皆罷去乞與同貶不報遂

通判汾州神宗即位遷司封員外郎知商州又除提點
 陝西刑獄熙寧三年為開封府判官神宗問卿知青苗
 法便乎對曰青苗法唐行之於季世擾攘中培民財誠
 便今欲為長久計愛養百姓誠不便初王安石欲瞻助
 已使其黨傾以知雜御史瞻不應由是不得留京師出
 為陝西轉運副使改永興軍轉運使以親老請知同州
 七年朝廷患錢重議以父子權之命瞻制置瞻議不合
 移京西轉運使又以親老不行徙陝判請還鄉里除提
 舉鳳翔太平宮丁外艱服除易朝請大夫知滄州哲宗
 立轉朝議大夫召為太常少卿遷戶部侍郎元祐三年
 擢樞密直學士簽書樞密院事明年以中大夫同知院
 事因進對言機政所急人才而已今臣選武臣難遽盡
 知請諸路安撫轉運使舉使臣科別其才第為三等
 籍之以備選注都水王令圖請還河故道下執政議瞻
 固爭之卒詔罷役如瞻所議洮河諸族以毒唐首領寢
 弱可制欲倚中國兵威以廢之邊臣亟請興師瞻曰不
 可御外國以大信為本且既爵命之彼雖失眾心無犯
 王略之罪何辭而伐之若其不克則兵端自此復起矣
 乃止瞻又奏廢渠陽軍以紓荆湖之力乞詔諭西夏使
 歸永樂遺民夏人聽命五年卒年七十二太皇太后語
 輔臣曰惜哉忠厚君子也贈銀青光祿大夫諡曰懿簡
 紹聖中言者以傳會元祐諸臣追奪所贈官列於黨籍
 四子孝謙瀛州錄事參軍獻誠唐城令一蚤卒彥詒太
 康主簿
 傅堯俞字欽之本鄆州須城人徙孟州濟源登第猶未
 冠嘗監西京稅院事留守晏殊夏竦皆重之知新息縣
 累遷太常博士嘉祐末為監察御史充國公主下嫁李

璋爲家監梁懷古張承照所聞與夫不相協仁宗斥二人於外未幾復還主家出璋知衛州堯俞言主恃愛薄其夫陛下爲逐璋而還隸臣甚悖禮爲四方笑後何以誨諸女乎皇城邏卒失清誣奏富民殺人鞠治無狀有司須清辨內侍主者不遺堯俞言陛下情清恐不復聞外事矣臣以爲不若使付外暴其是非而行賞罰焉則事之上聞者皆實乃所以廣視聽也內侍李允恭朱晦屈法任其子趙繼寵越次管當天章閣蔡世寧掌內藏而以珠私示內人堯俞以爲嬖寵恩倖過失當防之於漸悉劫之時乏國用言利者爭獻富國計堯俞奏曰今度支歲用不足誠不可忽然欲救其弊在陛下自儉刻身先天下無奪農時勿害商旅徒欲紛更爲之無益聚斂者用天下殆矣仁宗春秋高皇嗣未立堯俞請建宗室之賢以慰天下望及英宗爲皇子有司闕供餽仁宗未知堯俞言陛下既以宗社之重建皇嗣宜以家人禮使皇子朝夕侍膳左右以通慈孝之誠今禮遇有闕非所以隆親親重國本也於是詔有司供具甚厚英宗即位轉殿中侍御史遷起居舍人皇太后與英宗同聽政英宗有疾既平堯俞上書皇太后請還政久之聞內侍任守忠有讒聞語堯俞諫皇太后曰外間物論紛紛或兩宮之情未通知誅竄讒人則慈孝之聲並隆矣於是皇太后還政遂守忠堯俞言於英宗曰皇太后給事左右之人宜頗錄其勤勞少加恩惠上慰母后下安反側且守忠已去其餘不問可也遷右司諫同知諫院英宗初躬庶政猶謙讓任大臣堯俞言大臣之言是陛下偶以爲然而行之可也審其非矣從而徇之則人主之柄安在願君臣之際是非非毋相面從總覽眾議無所適

續通志 卷三百五十七 列傳 宋

莫則威柄歸陛下矣嘗因論事英宗曰卿何不言蔡襄對曰若襄有罪何不自正典刑安用臣言英宗曰欲使臺諫言以公議出之對曰若付之公議臣但見襄有功不見其罪臣身爲諫官使臣受旨言事臣不敢陝西言近邊熟戶頗逃失詔以內侍李若愚等爲陝西四路鈐轄轉運使使招納歲一入奏事堯俞言此安撫經略使職也且若愚等陛下不信其言則如不用言必見從則邊帥之權移於四人矣尋罷之大臣建言濮安懿王宜稱皇考堯俞曰此於人情禮文皆大謬辰與侍御史呂誨同上十餘疏其言極切主議者知恟恟不可遏遂易考稱親堯俞又言親非父母而何亦不可又因水災言簡宗廟則水不潤下今以濮王爲皇考於仁宗之廟簡孰甚焉俄命堯俞與趙瞻使契丹比還呂誨呂大防范純仁皆以諫濮議罷復除堯俞侍御史知雜事堯俞求罷去英宗面留之堯俞言誨等已逐臣義不當止因再拜辭遂出知和州通判楊洙乘間問曰公以直言斥居此何爲未嘗言及御史時事堯俞曰前日言職也豈得已哉今日爲郡守當宣朝廷美意而反咕咕追言前日之闕政與誹謗何異神宗即位徙知廬州熙寧三年至京師王安石素與之善方行新法謂之曰舉朝紛紛俟君來久矣將以待制諫院處君堯俞曰新法世以爲不便誠如是當極論之平生未嘗好欺敢以爲苦安石愠之但授直昭文館權鹽鐵副使俄出爲河北轉運使改知江寧府徙許州河陽徐州再歲六移官困於道路知不爲時所容請提舉崇福宮先是徐人告有談天文休咎者堯俞以事未白不受辭談者後伏誅堯俞坐不即捕削官職稍起監黎陽縣倉草場郡掾行縣堯俞從眾

出迎盡禮守爲遣他吏代主出納堯俞不可曰居其官安得曠其職雖寒暑必日至庾中治事凡十年哲宗立自知明州召爲祕書少監兼侍講擢給事中吏部侍郎御史中丞御史張舜民以言事罷詔堯俞更舉御史堯俞封還詔書請留舜民不聽即以堯俞爲吏部侍郎堯俞不可遂以龍圖閣待制知陳州未幾復爲吏部侍郎御史中丞前宰相蔡確坐詩誹謗貶新州宰執侍從以下罷者七八人御史府爲之一空堯俞曰確之黨其尤者固宜逐其餘可以一切置之水官李偉議大河可從孫材導之還故道堯俞言比遣使按之皆言非便而偉又繆悠不肯任責豈可以遽興大役朝廷遂置偉議進吏部尚書兼侍讀元祐四年拜中書侍郎六年卒年六十八太皇太后語輔臣曰傅侍郎清直一節終始不變金玉君子也贈銀青光祿大夫諡曰獻簡紹聖中以元祐黨人奪贈諡著名黨籍後黨錮解下詔褒贈錄其子堯俞厚重言寡遇人不設城府人自不忍欺論事君前略無回隱退與人言不復有矜異色從孫察見忠義傳梁燾字況之鄆州須城人父蒨兵部員外郎直史館燾以父任爲太廟齋郎舉進士第編校祕閣書籍遷集賢校理通判明州檢詳樞密五房文字元豐時久早上書論時政曰陛下日者閉政事之闕惕然自責丁卯發詔癸酉而雨是上天願聽陛下之德音而喜其有及民之意也民刻於新法嗷嗷如焦而京師尤甚闕闕細民罔不失職智愚相視日有大變之憂陛下既惠以詔旨又施之行事一日之間歡聲四起距誕節三日而膏澤降是天以雨壽陛下之萬年感聖心於大瘡有以遂其仁政也然法令乖戾爲毒於民者所變纔能萬一人心之

志五三三

不解故天意亦未釋而雨不再施陛下亦以此為戒而夙夜應之乎今陛下之所知者市易事耳法之為害豈特此邪青苗之錢未及償而責以免役免役之錢未暇入而重以淤田淤田方下而復有方田方田未息而迫以保甲是徒擾百姓使不得少休於聖澤雖一有言之者必以下主吏主吏妄報以無是則從而信之恬不復問雖開遣使循行而苟且寵祿巧為妄誕成就其事至請遍行其法上下相隱習以成風臣謂天下之患不思禍亂之不可去患朋黨蔽蒙之俗成使上不得聞所當問故政日以微而禍亂卒至也疏入不報內侍王中正將兵出疆干賞不以法熹爭之不得出知宣州入辭神宗曰王中正功賞文書何為獨不可曰中正罔冒僥覲臣不敢屈法以負陛下未幾提點京西刑獄皆宗立召為工部郎中按東都事略載熹在神宗時已為工部郎中王中正即位遷太常少卿與宋史本傳異遷太常少卿石諫議大夫有請宣仁后御文德殿服袞冕受冊者熹率同列諫引群寮獻明肅皇后不當以王服見太廟事宣仁后欣納又論市易已廢乞蠲中下戶逋負又乞欠青苗下戶不得令保人備償文彥博議遣劉奉世使夏國御史張舜民論其不當遣降通判魏州熹言御史持紀綱之官得以犯顏正論況臣下過失安得畏忌不言哉今御史敢言大臣者天下之公議大臣不快御史者一夫之私心罪天下敢言之公議便一夫不快之私心非公朝盛事也時同論者傅堯俞等七人悉召至都堂敷諭以事當權其輕重故不惜一新進御史以慰老臣熹又言若論年齒爵祿則老臣為重若論法度綱紀則老臣為輕御史者天子之法官也不可以大臣鞅鞅而去願選舜民以正國體章十上不

聽熹又面責給事中張問不能駁還舜民制命以為失職坐貶同列出為集賢殿修撰知潞州辭不拜曰臣本論張舜民不當罷如以為非即應受斥今乃得以微罪冒美職守制郡如此則朝廷命令不能明辨曲直矣不報至潞植歲饑不待命發常平粟振民明年以左諫議大夫召既至上書言帝富於春秋未專宸斷太皇太后保佑聖主制政策帷姦人易為蔽蔽願正綱紀明法度採用忠言講求仁術兩宮嘉納焉前宰相蔡確作詩怨謫熹與劉安世交攻之確竄新州熹進御史中丞鄧潤甫除吏部尚書熹論潤甫柔佞不正巧為取進不聽改權戶部尚書不拜以龍圖閣直學士知鄭州旬日入權禮部尚書為翰林學士元祐七年拜尚書右丞轉左丞蔡京帥蜀熹曰元豐時從可用者多惟京輕險貪復不可用又與同列議夏國地界不能合遂丐去哲宗令密訪人才熹曰人才可大任者陛下自知之但須識別邪正公天下之善惡圖任舊人中堅正純厚有人望者不牽左右好惡之言以移聖意天下幸甚以疾罷為資政殿學士同醴泉觀使故事非宰相不除使遂置同使以龍之力辭改知穎昌府紹聖元年知鄭州朋黨論起哲宗曰梁燾每起中正之論其開陳排擊盡出公議朕皆記之以故最後責竟以司馬光黨黜知鄂州三年再貶少府監分司南京又貶雷州別駕化州安置卒徙其子於昭州徽宗立始得歸熹自立朝一以引接人物為意在鄂作薦士錄具載姓名曰出入侍從致位執政八年之閒所薦用之不盡員復多矣其好賢樂善如此

王燾史字彥霖大名清平人仁宗初禮明經科熹與八鄉舉省試廷對皆第一調築城簿涇州推官甫兩月聞弟喪棄官歸養熙寧中韓琦留守北京辟為屬後知定州安喜縣有法吏罷居鄉里導人為訟嚴叟捕撻於市眾皆悚然定州守呂公著歎曰此古良吏也有詔近臣舉御史舉者意屬嚴叟而未及識或謂可以往見嚴叟笑曰是所謂呈身御史也卒不見哲宗即位用劉摯薦為監察御史入臺明日即上書論社稷安危之計在從諫用賢不可以小利失民心遂言役錢斂法太重民力不勝願復差法如嘉祐時按張耒撰嚴叟墓誌嚴叟初為御史所上書不及役乃在哲宗下詔求言後與宋史本傳異又言河北權鹽法尚行民受其弊河北天下根本自祖宗以來推此為惠願復其舊江西鹽法害民詔遣使者往視嚴叟言一方病矣必待使還而後改為恐有不及被德澤而死者願亟罷之又極陳時事以為不絕害本百姓無由樂生不屏羣邪太平終是難致時下詔求民疾苦四方爭以其情赴懇所司憚於省錄頗成壅滯嚴叟言不問則已言則必行之不然天下之人必謂陛下以空言說之後有詔命孰肯取信李定不持所生母仇氏服嚴叟論其不孝定遂責授少府監分司南京宰相蔡確為裕陵復土使還朝以定策自居嚴叟言陛下之立以子繼父百王不易之道且太皇太后先定於中而確敢貪天自伐章惇讒賊狼戾罔上蔽明不忠之罪蓋與確等近簾前爭役法詞氣不遜無事上之禮今聖政不出房闔豈宜容此大姦猶在廊廟於是二人相繼退斥遷左司諫兼權給事中時並命執政其間有不協時望者嚴叟即繳錄黃上疏諫既而命不由門下省以出嚴叟請對言之益切退就問上疏曰臣為諫官既當言承乏給事又當駁非臣好為高論喜忤大臣怨命令斜出尤損紀綱

疏凡八上命竟寢又言三省胥吏月費厚奉歲累優秩而朝廷每舉一事輒計功論賞不知平日祿賜將焉用之望飭勵大臣事爲之制選侍御史兩省正言久闕巖叟上疏曰國朝倣近古之制諫臣纔至六員復虛而不除豈以爲治道已清而無事於言邪人材難稱不若虛其位邪二者皆非臣所望於今日也願趣補其闕多進正人正人進小人自消矣諸路水災朝廷行振貸戶部限以災傷過七分民戶降四等始許之巖叟言中戶以上蓋亦艱食乞毋問分數等級皆得貸庶幾王澤無閒以召至和矣坐張舜民事改起居舍人不拜以直集賢院知齊州明年復以起居舍人召嘗侍邇英講進讀寶訓至節費巖叟曰凡言節用非偶節一事便能濟濟當每事以節儉爲意則積久累日國用自饒讀仁宗知人事巖叟曰人主常欲虛心平意無所倚倚觀事以理則事之是非人之邪正自然可見司馬康講洪範至文用三德哲宗曰止此三德爲更有德巖叟聞之因上疏曰三德者人君之大本得之則治失之則亂不可須臾去者也夫明是非於朝廷之上判忠邪於多士之閒不以順已而忘其惡不以逆己而遺其善私求不徇於所愛公議不遷於所憎竭誠盡節者任之勿貳罔上盜寵者棄之勿疑惜紀綱謹法度重典刑戒姑息此人主之正直也遠聲色之好絕盤遊之樂勇於救天下之弊果於斷天下之疑邪說不能移非道不能說此人主剛德也居萬乘之尊而不驕享四海之富而不濫聰明有餘而處之若不足俊傑竝用而求之如不及虛心以訪道屈己以從諫懼若臨淵怯若履薄此人主之柔德也三者足以盡天下之要在陛下力行何如耳巖叟日侍講奏

日聖賢之學非造次可成須在積累積累之要在專與勤屏絕他好始可謂之專久而不倦始可謂之勤願陛下特留聖意哲宗然之進權吏部侍郎天章閣待制樞密都承旨湖北諸蠻互出擾邊無有寧歲巖叟請專以疆事委荆南唐義問遂自草檄文喻義問以朝廷方敦尚恩信勿爲微倖功賞之意後遂安輯初夏人來爭蘭州地界巖叟謂質孤勝如二堡自元祐講和在蘭州界內夏以爲形勝膏腴之地力爭之二堡若失則蘭州熙河遂危形勢之地豈可輕棄議遂止及後築定遠城皆巖叟之力拜中書舍人滕甫帥太原爲走馬承受所撼徙穎昌巖叟言進退帥臣理宜重慎今以小臣一言易之使後人畏憚不自保此風寢長非委任安邊之福乃止復爲樞密都承旨權知開封府舊以推判官二人分左右廳其治一事多爲異同或累日不竟巖叟創立逐官分治之法都城羣偷聚大房每區容數十百人淵藪詭譎巖叟令掩捕撤毀隨輕重決之根株一空巖叟嘗謂天下積欠多名催免不一公私費擾乞隨等第立多寡爲催法朝廷乃定五年十科之令元祐六年拜樞密直學士簽書院事人謝因言聖學當深辨邪正正人在朝則朝廷安邪人一進便有不安之象非謂一夫能然蓋其類應之者眾上下蔽蒙不覺養成禍胎耳又言自古君子小人無參用之理若君子與小人競進則危亡之基也不可察兩宮深然之上清儲祥宮成太皇太后謂輔臣曰此與皇帝皆出閣中物營之巖叟曰陛下不煩公不勞民真盛德事願自今以土木爲戒又以宮成將肆赦巖叟曰昔天禧中祥源成治平中醴泉成皆未嘗赦古人有垂死諫君無赦者此可見赦無益於

聖治也哲宗選后既定太皇太后日帝得賢后有內助功巖叟對曰內助雖后事其正家須在皇帝聖人言正家而天下定當慎之於始退取歷代后事可爲法者類爲中宮懿範上之宰相劉摯右丞蘇轍以人言求選位巖叟曰元祐之初排斥姦邪緝熙聖治摯與轍之功居多願深察讒毀之意重惜腹心之人無輕其去就兩宮然之後摯竟爲御史鄭雍所擊巖叟連上疏論救摯去位御史遂指爲黨罷爲端明殿學士知鄭州明年徙河陽卒贈左正議大夫紹聖初追貶雷州別駕司馬光以其進諫無隱稱之

欽定續通志卷三百五十七

列傳

宋六十二

鄭雍 孫承 元絳

許將 鄧潤甫 林希旦

蔣之奇 陸佃 吳居厚

溫益

鄭雍字公肅襄邑人進士甲科調兗州推官召試祕閣校理知太常禮院英宗之喪論宗室不當嫁娶通判峽州知池州復還太常禮院歷開封府判官熙寧元豐間更制變令士大夫多違己以求合雍獨靜默自守改嘉王岐王府記室參軍宣仁后臨政擢爲起居郎進中書舍人鄧潤甫除翰林承旨雍當定制未出言者文章攻之換爲侍讀學士雍言二職皆天下清選以潤甫之過薄不當革前命以爲姦邪不當在經幄今中外咸謂朝廷姑以是塞言者如此則邪正何由可辨善惡何由可明非所以示信天下之道潤甫仍爲承旨周種乞以王安石配享神宗廟雍言安石持國政不能上副屬任非先帝神明遠而弗用則其所敗壞可勝言哉今種以小臣輒肆橫議願正其罪從之使契丹還從右諫議大夫言朝廷重內輕外選用牧伯以閭閻輕淺者充員不復爲來日慮須自今稍積資望以漸試之吳中大饑方議振恤以民習欺誕敕本部科檢家至戶到雍言此令一布吏專科民而不救災民皆死於飢今富有四海奈何謹圭撮之濫而輕比屋之死乎哲宗悟追止之遷御史中丞時二府禁謁加嚴雍數日旁招俊又列於庶位足不及公卿之門者猶當物色致之奈何設禁若是且二

府皆天子所改容而禮貌之者乃復防閑其私如此乎於是按賈誼廉恥節行之說以諫詔弛其禁刑部議囚宰執論殺之有司以爲可生不奉詔得罪雍言是固可罪然究其用心在外廣好生之德耳若遽以爲罪臣恐鄰於嗜殺今使有司欲殺而朝廷生之猶恐仁恩德意不白於天下而況反是者哉哲宗嘉納囚遂得生初刑怨以書抵宰相劉摯答曰有自愛以俟休復之語排岸司茹東濟錄書以示雍與殿中侍御史楊畏雍畏釋其語曰俟休復者俟他日太后復辟也遂竝以此事論摯威福自恣乞罷之以收主柄又論王巖叟朱光庭梁燾等三十人皆爲學黨以閉其援雍之攻擊人以爲附左相呂大防也拜尙書右丞改左丞紹聖初黜元祐諸臣雍頓首自列哲宗明其亡他心諭使勿去二年始以資政殿學士知陳州徙北京留守初章惇以白帖貶謫元祐臣僚安燾爭論不已哲宗疑之雍欲爲自安計謂惇曰熙寧初王安石作相常用白帖行事惇大喜取其案牘懷之以白哲宗燾言不行伏誦通鑑輯覽 御批 威權盡歸於下國事不可問矣哲宗以王安石曾有故事遂釋其疑殊不知安石創爲白帖以便其專擅之私令甲之垂遂使小人益肆行無忌雍雖以此結惇然卒罷政坐元祐黨奪職知鄭州數日改成都府元符元年提舉崇福宮歸未至而卒年六十八政和中復資政殿學士

撫陝西民景詢外叛詔捕送其孥勿以赦原承言陛下新御極曠澤流行惡逆者猶得虧除今緣坐者弗有非所以示信也歷河北陝西都轉運使時邊用不足以解鹽市馬別爲一司外臺不得與承奏鹽馬國之大計不可使主者專其柄加龍圖閣直學士知秦州王韶建取熙河策承折之曰邊陲方安靜無故騷動恐變生不測會新築劉家堡失利眾請戮偏裨以塞責承曰居敵必爭之地軍孤援絕兵法所謂不得而守者也尤人以自免於我安乎竟用是降天章閣待制知和州以詳定編敕知審官東院召還神宗問青苗助役之法於民便否對曰法誠善然疆民出息輸錢代徭不能無重斂之患若用以資經費非臣所知也時倉法峻密庾吏受百錢則黥爲卒府史亦如之神宗又問此法既下吏尙爲姦乎對曰強盜罪死犯者猶眾况配隸邪使人畏法而不革心雖在府史臣亦不敢必其無犯也議復肉刑事承奏曰刻人肌膚深害仁政漢文帝所不忍陛下忍之乎遂不果行復龍圖閣直學士知瀛州河決於貝瀛冀尤甚民租以災免者州縣懼常平法徵催如故承連章論止神宗從之仍命發粟粟以振白溝巡檢趙用以還人漁界河擅引兵北渡蕩其族帳遂以此數侵邊承請正用罪以謝未報遼屯兵連營互四十里承諭之曰疆吏言禁已實之獄矣今何爲者敵意解進樞密直學士知開封府時行市易抵當法貸民錢而爲之期有不能償而死者詔承及韓維究實承奏言市算下逮錐刀爲人患苦御史張琥劾之罷爲提舉中太一宮元豐中判軍器監有司病皮革不給嚴隱匿之科承請聽人以所藏之善者售於官得貨其餘許訟既息國用亦濟出知太

原按東都事略永為御史張玠劾罷龍圖閣直學士

且行神宗訪以時務永言近者造戎器倍常外間謂將

哲宗召拜工部尚書太皇太后下詔求言永陳保馬保

甲免役三事最愆顧一切罷去復修監牧保伍差徭之

兼侍讀提舉中太一宮未拜而卒年六十八贈銀青光

祿大夫諡曰康簡永外和內勁議論常持平不求詭異

事或停于理雖遇以勢亦不為屈未嘗以矯亢形于色

辭與人交終身無怨仇范純仁蘇頌皆稱之為國器

元絳字厚之錢塘人舉進士第調江寧推官攝上元令

治獄以明決稱歷知通州海門縣按東都事略作靜海

並屬通州淮民多盜取鹽制置使建言滿二十斤者

皆坐徒絳曰海濱之人恃鹽以為命非羣販比也笞而

縱之擢江西轉運判官知台州州大水官城民廬蕩折

絳出庫錢即其處作室數千區命人自占與期三歲償

費流者皆復業又甃其城因門為牖以禦湍漲後人守

其法入為度支判官儂智高叛嶺南宿軍邕州而歲漕

欲陳訴乎絳謝罪願得穎即以爲穎州明年加資政殿

學士知青州過都留提舉中太一宮又明年以太子少

保致仕絳所至有威名而無特操少儀矩在翰林詔事

王安石及其子弟時謫鄙之卒年七十六贈太子少師

諡曰章簡

許將字沖元福州閩人舉進士第一簽書昭慶軍判官

代還通判明州神宗召對除集賢校理同知禮院編修

中書條例自太常丞當轉博士超改左正言明日直舍

人院又明日判流內銓皆神宗特命舉朝榮之初選人

調擬先南曹次考功綜核無法吏得緣文爲姦選者又

不得訴長吏將奏罷南曹闕公舍以待來訴者士無留

難進知制誥契丹以兵二十萬壓代州境遣使請代地

歲聘之使不敢行以命將將入對曰臣備位侍從朝廷

大議不容不知萬一北人言及代州事不有以折之則

傷國體遂命將詣樞密院閱文書及至北境契丹使蕭

禧館客禧果以代州爲問將隨問隨答禧慙不能對使

侍從每討罷豐舊章以聞中旨用王文郁姚兕領軍執

政復議用張利一張守約將始與執政同議復密疏利

一不可用言者論其窺伺主意街直賈友罷爲資政殿

學士知定州移揚州又移大名府紹聖初入爲吏部尚

書上疏乞依元豐詔定北郊夏至親祀拜尚書左丞中

書侍郎章惇爲相與蔡卞同肆羅織貶謫元祐諸臣奏

發司馬光墓哲宗以問將對曰發人之墓非盛德事方

黨禍作或舉漢唐誅戮故事帝復問將對曰三代固有

之但祖宗以來未之有本朝治道所以遠過漢唐者以

未嘗輒戮大臣也哲宗皆納之將嘗議正夏人罪以涇

原近夏而地廣謀帥尤難之用章察果有功崇寧元

年進門下侍郎果官金紫光祿大夫撫定鄆州邊臣

欲舉師渡河朝議難之將獨謂外國不可以爽信而兵

機有不可失既而已戒具願遂從之未幾捷書至將以

復河湟功轉特進凡居政地十年御史中丞朱諤謂將

左顧右視見利則回幡然改圖初無定論元祐間嘗爲

祐之所爲逮至建中尙此冒居則紹聖之所爲已皆非

矣強顏今日亦復偷安則建中之所爲亦隨改焉遂以

資政殿大學士知河南府言者不已降資政殿學士知

穎昌府移大名加觀文殿學士奉國軍節度使召爲祐

神觀使卒年七十五贈開府儀同三司諡曰文定子份

龍圖閣學士

鄧潤甫字溫伯建昌人嘗避高魯王諱以字行後復舊

名第進士爲上饒尉武昌令熙寧中王安石以潤甫爲

編修中書戶房事除集賢校理直舍人院改知諫院知

制詰同鄧結張玠治鄭俠獄深致其文入馮京王安國

丁詭王堯臣罪擢御史中丞李憲措置熙河邊事潤甫率其屬周尹蔡承禧彭汝礪上書切諫其略云自唐開元以來用楊思勳魚朝恩程元振吐突承璀為將有功則負勢驕恣陵轢公卿無功則挫損國威為四國笑今陛下使憲將兵功之成否非臣等所能預料然使國史所書以中人將兵自陛下始後世沿襲故迹視以為常進用其徒握兵柄則天下之患將有不可勝言者矣不聽又言興利之臣議前代帝王陵寢許民請射耕墾而司農可之熙寧著令本禁樵采遇郊祀則較吏致祭德意可謂遠矣小人培克不顧大體願細創議之人一切如熙寧之令從之遷翰林學士因論秦相州獄為蔡確所陷落職知撫州移杭州以龍圖閣直學士知成都府召復翰林學士兼掌皇子閣殿記哲宗立進承旨修撰神宗實錄以母喪終制為吏部尚書梁燾論其草蔡確制妄稱有定策功乃以龍圖閣學士知亳州閔復復以承旨召數月除端明殿學士禮部尚書請郡得知蔡州移承與軍元祐末以兵部尚書召紹聖初哲宗親政潤甫首陳武王能廣文王之聲成王能嗣文武之道以開紹述之說遂拜尚書左丞卒年六十八贈開府儀同三司謚曰安惠

修撰知蘇州更宣湖潤杭毫五州加天章閣待制紹聖初進寶文閣直學士知成都府過闕會哲宗親政章惇用事使希典書命逞毒於元祐諸臣且許以為執政希亦以久不得志將甘心焉遂留復為中書舍人修神宗實錄兼侍讀時方推明紹述盡黜元祐羣臣希皆密豫其議自司馬光呂公著大防劉摯蘇軾軾等數十人之制皆希為之其醜詆至以老姦擅國之語陰斥宣仁讀者無不憤歎一日希草制罷擲筆於地曰壞了名節矣伏讀通鑑輯覽 細批唐宋儒臣草制或溢美以市諛或醜詆以復忿或且公受德遇謂之謂筆數王言而辱國體莫此為甚如林希之肆行詆毀敢於陰斥宣仁則又小人無忌憚之尤要之所以致此當時為人君者不能辭 遷禮部吏部尚書翰林學士擢同知樞密院始惇疑曾布在樞府開已使希為貳以相伺察希日為布所誘且怨惇不引為執政遂叛惇會邢恕論希罪惇因并去之罷知亳州移杭州旋以端明殿學士知太原府徽宗立徙大名上河東邊計三策朝廷以其詞命醜正之罪奪職知揚州徙舒州卒年六十七追贈資政殿學士謚曰文節弟旦

旦第進士熙寧中由著作佐郎主管淮南常平擢太子中允監察御史裏行居臺五月以論李定事罷守故官久之簽書淮南判官入為大常博士工部考功員外郎元祐元年拜殿中侍御史甫蒞職即上疏曰廣言路然後知得失達民情然後知利病竊見去歲五月詔求讜言士民爭欲自獻及詳觀詔語名雖求諫實欲拒言約束丁宦使不得觀望迎合犯令干譽終之必行黜罰以恐懼之於是人人知戒言將出而復止聞初詔乃蔡確章惇造端其詞盡出於惇今二人既去其餘黨常懷醜正惡直之心願深留宸慮以折邪謀遂論呂惠卿鄧綰雖罷揚州猶莅小郡小郡之民奚罪焉乞投之散地以謝天下又言近彈王中正石得一等雖已薄責得一所任尉賊小人如翟勅之徒亦宜編削詔並降支郡營校又論崔台符賈種民舞文深酷之罪皆逐之出為淮南轉運副使歷右司郎中祕書少監太僕卿終河東轉運使子庸坐上書入元祐黨籍

冀變其習徒河北都轉運使知瀛州遼使耶律迪道死所過郡守皆再拜致祭之奇莫而不拜入為戶部侍郎未幾復出知熙州夏人論和請畫封境之奇揣其非誠心務守備謹斥候常若敵至終之奇去夏人不敢犯塞紹聖中召為中書舍人改知開封府進龍圖閣直學士拜翰林學士兼侍讀元符末鄒浩以言事得罪之奇折簡別之責守汝州徙廣州徽宗立復為翰林學士拜同知樞密院明年知院事沅州蠻擾邊之奇請遣將討之以其地為徵靖二州崇寧元年除觀文殿學士知杭州以棄河湟事奪職由正議大夫降中大夫以疾告歸提舉靈仙觀卒年七十四後錄其嘗陳紹述之言盡復官職之奇以治辦稱且孜孜以人物為己任特以吡歐陽修之故為清議所薄子增至侍從曾孫芾別有傳

陸佃字農師越州山陰人過金陵受經於王安石熙寧三年應舉入京適安石當國首問新政佃曰法非不善但推行不能如初意還為擾民如青苗是也安石驚曰何為乃爾又訪外議佃曰公樂聞善古所未有然外間頗以為拒諫安石笑曰吾豈拒諫者但邪說營營顧無足聽佃曰是乃所以致人言也廷試擢甲科授蔡州推官初置五路學選為鄆州教授召補國子監直講安石以佃不附己專付之經術不復咨以政安石子秀用事好進者金集其門佃待之如常神宗問大喪襲衾佃考禮以對神宗悅用為詳定郊廟禮文官每有所議神宗輒曰自王鄭以來言禮未有如佃者加集賢校理崇政殿說書進講周官神宗稱善始命先一夕進薰同修起居注元豐定官制擢中書舍人給事中哲宗立太常請復太廟可盤食佃言太廟用先王之禮於用俎豆為稱

景靈宮原廟用時王之禮於用可盤為稱不可易也卒從佃議遷吏部侍郎以修撰神宗實錄徙禮部數與史官范祖禹黃庭堅爭辨大要多是安石為之晦隱庭堅曰如公言蓋佞史也佃曰盡用君意豈非謗書乎通鑑輯覽 御批實錄紀一朝政治自應據事實書以昭傳信即片辭隻字不容任意增省重修已不可為典要況朝臣各持私見謗書佞史進權禮部尚書鄭雍論其窮鑿附會改龍圖閣待制知穎州實錄成加直學士又為韓川朱光庭所議詔止增秩徙知鄧州未幾知江寧府紹聖初治實錄罪落職知秦州改海州復集賢殿修撰移知蔡州徽宗即位召為禮部侍郎上疏曰人君踐祚要在正始正始之道本於朝廷近時學士大夫以善求事為精神以能訐人為風采以忠厚為重遲以靜退為卑弱相帥成風莫之或止正而救之實在今日神宗延登真儒立法制治而元祐之際悉肆紛更紹聖以來又皆稱頌夫善績前人者不必因所為否者更之善者揚焉元祐紛更更知更之而不知揚之之罪也紹聖稱頌是知揚之而不知更之之過也願咨謀人賢詢考政事惟其當之為貴遂命修哲宗實錄遷吏部尚書聘于遼徵宗欽規記北郊大臣以為盛暑不可徵宗意甚確朝退皆曰上不以為勞當遂行之李清臣不以為然佃曰元豐非合祭而是北郊公之議也今反以為不可耶清臣乃止御史中丞趙挺之以論事不當罰金佃曰中丞不可罰罰則不可為中丞佃執政與曾布比而持論多能近恕每欲參用元祐人才尤惡奔競嘗曰天下多事須不次用人苟安寧時人之才無大相遠當以資歷序進少緩之則士知自重矣又曰今天下之勢如人大病向愈當以藥餌輔養之須其安平苟為輕事改作是

使之騎射也轉左丞御史論呂希純劉安世復職太驟請加鈎押且欲更懲元祐餘黨佃言不宜窮治乃下詔申諭揚之朝堂議者用是詆佃佃曰佃名在黨籍不欲窮治正恐自及耳遂罷為中大夫知亳州卒年六十一追復資政殿學士

吳居厚字敦老洪州人第嘉祐進士熙寧初為武安節度推官奉行新法盡力核開田以均給梅山備計勞得大理丞轉補司農屬元豐間提舉河北常平增損役法五十一條賜銀緋為京東轉運判官升副使天子方興鹽鐵居厚精心計籠絡鉤稽收羨息錢數百萬即萊蕪利國二治官自鑄錢歲得十萬緡詔褒揭其能擢天章閣待制都轉運使鹽法搜剔無遺居厚起州縣凡流無閭閻動舊徒以言利得幸不數歲至侍從又請以鹽息買絹資河東直發大鐵錢二十萬貫佐陝西軍興且募民養保馬當時商功利之臣所在成聚居厚最為措克元祐初以言者論其罪責成州團練副使安置黃州章惇用事起為江淮發運使疏支家河通漕楚海關賴其利召拜戶部侍郎遷尚書以龍圖閣學士知開封府為承秦陵橋道頓遞使坐積雨留滯罷知和州崇寧初復尹開封拜尚書右丞進中書門下侍郎以老避位為資政殿學士東太一宮使出為亳州洪州徙太原過關留使佑神觀復還政府還知樞密院政和三年以武靈軍節度使知洪州卒贈開府儀同三司

溫益字禹弼泉州人第進士歷太宗正丞利州路湖南轉運判官工部員外郎紹聖中由諸王府記室出知福州徙潭州鄒浩南還過潭暮投宿村寺益即遣州都監將數卒夜出城逼使登舟竟凌風絕江而去他逐臣在

其境內若范純仁劉奉世韓川臣希純臣陶宰爲所侵
困用事者悅之徽宗以藩邸恩召爲太常少卿遷給事
中兼侍讀陳瓘指言其過謂不宜列侍從處經雖不報
改龍圖閣待制知開封府猶兼侍讀遷吏部尚書建中
靖國元年拜尚書左丞按宋史宰輔表作右丞蓋陸佃
於是年十一月轉左丞益因得
拜尚書右丞也鄧洵武獻愛莫助之圖帝初付曾布布辭改付
益益阿附二蔡以爲宜相蔡京時人惡之布與京爭事
帝前辭頗厲益叱曰曾布安得無禮帝不樂布由是得
罪而京遂爲相進益中書侍郎益在官無片善可紀至
其狡譎極合蓋天稟然踰年卒年六十六子萬石至尙
書

欽定續通志卷三百五十八

列傳

宋六十三

孫覺

李常

李周

鮮于侁

顧臨

李之純

王覲

馬默

劉安世

鄒浩

田畫

王可

陳瓌

任伯雨

孫覺字莘老高郵人甫冠從胡瑗受學登進士第調合肥主簿歲旱州課民捕蝗輸之官覺言民方艱食難督以威若以米易之必盡力是為除害而享利也守悅推其說下之他縣嘉祐中擇名士編校昭文書籍覺首預選進館閣校勘神宗即位直集賢院為昌王記室王問終身之戒為陳諸侯之孝作富貴二箴遷右正言神宗將大革積弊覺言弊政固不可不革革而當其悔乃亡神宗稱其知理嘗從容語及知人之難覺曰堯以知人為難終享其易蓋知人之要在於知言人主用臣之道任賢使能而已功用之士可以處外而不可以處內可以責之事而不可責之言陛下欲與太平之治而所擢數十人者多有口才而無實行臣恐賢人日遠其為患禍尚可言哉願觀詩書之所任使無速於小利近功則王道可成矣邵亢在樞府無所建明神宗語覺欲出之用陳升之以代覺退即奏疏如所言神宗以為希旨通判越州復右正言徙知通州熙寧二年詔知諫院同修起居注知審官院王安石早與覺善驟引用之將援以為助時呂惠卿用事神宗詢於覺對曰惠卿辨而有才特以為利之故屈身於安石安石不悟臣竊以為憂神宗曰朕亦疑之其後王呂果交惡青苗法行首議者謂

周官泉府民之貸者至輸息二十而五國事之財用取具焉覺條奏其妄曰成周賒貸特以備民之緩急不可徒與也故以國服為之息然國服之息說者不明鄭康成釋經乃引王莽計贏受息無過歲什一為據不應周公取息重於莽時況載師所任地漆林之征特重所以抑末作也今以農民之絕將補耕助斂顧比末作而征之可乎國事取具蓋謂泉府所領若市之不售貨之滯於民用有買有子并除貸之法而舉之儻專取具於泉府則冢宰九賦將安用耶聖世宜講求先王之法不當取疑文虛說以圖治安石覽之怒始有逐覺意會曾公亮言畿縣散常平錢有追呼叩配之擾安石因請遣覺行視虛實覺既受命復奏辭不行且言如陳留一縣前後曉示情願請錢卒無一人至者以此見民實不願與官中相交所有體量望賜罷罷遂以為反覆出知廣德軍徙湖州松江隄沒水為民患覺易以石高丈餘長百里隄下化為良田徙廬州改右司諫以祖母喪求解官服除知蘇州徙福州閩俗厚於婚喪其費無藝覺裁為中率減什伍連徙毫揚徐州知應天府入為太常少卿易祕書少監哲宗即位兼侍講遷右諫議大夫時諫官御史論事有限毋得越職覺請申唐六典及天禧詔書凡發令造事之未便皆得奏陳論宰相蔡確韓縝進不以德確自訟有功無罪覺隨所言折之確竟去縝白上遷覺給事中辭曰聞者執政畏人議已則遷官以餌之願與縝俱罷踰月縝去進吏部侍郎領右選在選萬五千員闕纔五之二至有三年不得調者覺請自軍功保甲進者補指使宗室祖免親從員外置一曰得闕數千改主左選請磨勘歲以百人為限擢御史中丞以疾

請罷除龍圖閣學士兼侍講提舉醴泉觀求舒州靈仙觀以歸卒年六十三紹聖中以覺為元祐黨奪職追兩官徽宗即位復官職弟覽覽字傅師擢進士第知尉氏縣有屯將遇下虐士卒謀因大闕殺之以叛覽聞之馳往士猶羣語不願覽呼諭之曰將誠無狀然天子何負汝輩乃欲致族滅耶皆感謝就列屯將徐至覽命吏趨具奏意遂安神宗壯其材以為司農主簿簽判寺且兼諫院欲引覽自助覽拒不答夏怒用帳籍違事劾之出提舉利州湖南常平改京西轉運判官人為右司員外郎荆湖開疆命往度其便覽言沅州所招溪洞百三十宜從本郡隨事要束勿建官置戍以為民困自誠州至融江口可通西廣鹽以省北道餽餉悉從之使還為河東河北轉運副使加直龍圖閣歷知河中府江准荆浙發運副使按宋傳作江淮發運使東都事略作江淮荆浙發運副使文獻通考慶曆七年以後不置正使止設發運副使歲漕江湖粟六百萬斛至紹興八年始復置進寶文閣待正使此係神宗年間事據文獻通考改制改知渭州夏人入邊檄大將苗履禦之履稱疾移告立按正其罪竄諸房陵召知開封府至則拜戶部侍郎與蔡京論役法不合以龍圖閣直學士知太原夏人據橫山並河為寨秦晉之路皆塞覽謀復取葭蘆險阻不得前夏人數萬屯境上覽下令吾兵少須滿五萬又西夏人聞而濟師覽不為動相持益久忽令具糗糧嚴兵械日敵至矣居數日果大人覽奮擊敗之遂城葭蘆而還策勳加樞密直學士覽雖立邊功議論多觸執政屢遭絀削歷知河南永興徙成都辭不行降為寶文閣待制卒年五十九

李常字公擇南康建昌人擢進士第調江州判官宣州

觀察推官熙寧初為祕閣校理王安石與之善以為三
 司條例檢詳官改右正言知諫院安石立新法常疏言
 條例司始建已致中外之議至於均輸青苗欲散取息
 傳會經義人且大駭安石見之遣所親密諭意常不為
 止又言州縣散常平錢實不出本勸民出息神宗詰安
 石安石請令常具官吏主名常以非諫官體落校理通
 判滑州歲餘復職知鄂州徙湖齊二州恩淮南西路提
 點刑獄元豐六年召為太常少卿禮部侍郎哲宗立
 改吏部進戶部尚書或疑其少幹才慮不勝任質於司
 馬光光曰用常主邦計則人知朝廷不急於征利聚斂
 少息矣詔百官轉對常應詔上七事曰崇廉恥存鄉舉
 別守宰廢貪贓審疑獄擇儒師修役法時役法差免二
 科未定常謂法無新陳便民者良論無彼己可久者確
 今使民俱出資則貧者難辦俱出力則富者難堪各從
 其願則可入耳乃折衷條上之拜御史中丞兼侍讀加
 龍圖閣直學士論取士請分詩賦經義為兩科以盡所
 長初河決小吳議者欲自孫村口導還故處按秦觀撰
常行狀作
 蘇村及是役輿常言京東河北饑困不宜導河詔罷之
 諫官劉安世以吳處厚繳蔡確詩為謗詘因力攻確常
 上疏論以詩罪確非所以厚風俗安世併劾常從兵部
 尚書辭不拜出知鄧州徙成都行道卒年六十四按宋
史此
 下有孔文仲及弟武仲平仲
 傳俱改入孔氏後傳此從刪
 李周字純之馮翊人登進士第調長安尉歲饑官為粥
 以食餓者民全集不可禁周設棧板問老少男女無一
 亂者轉淇洞令縣之南有澗支流溢入歲賦苗種調徒
 遇之周始築新隄民不告病改知雲安縣蠲鹽井之征
 且百萬通判施州介羣僚不習服牛之利為辟田數

千畝選謫成知田者市牛使耕軍食賴以足司馬光將
 薦為御史欲使來見周曰司馬公之賢吾固願見但聞
 薦而往所謂呈身御史也卒不往神宗詔近臣舉士孫
 固以周聞神宗召對謂曰知卿不游權門識今執政乎
 對曰不識也識司馬光乎曰不識也訪禦邊之術曰四
 邊手足爾若疲中國以勤遠略致百姓窮困聚為盜賊
 懼成腹心之憂神宗頷之將以為御史執政意其異已
 請試以事除提點京西刑獄時方興水利或請釀湍河
 為六渠以益鉗盧陂水周曰湍河原高委下捍以隄猶
 患決溢若又導之必致為害乃疏言渠成未可必而費
 已不資盍姑鑿其一而試之卒無功明年河溢鄧城幾
 沒始思其議竟以直道罷判西京國子監慈聖后復土
 庇職陵下中貴人至者旁午次舍幕幕競為華靡周曰
 臣子執喪不能寢苦枕塊奈何又從而侈乎訖役山陵
 使第功載人人自言周獨否否宗立召為職方郎中朝
 廷議和西夏昇以侵地至欲棄蘭州周曰隴右故為嘉
 勒氏所有為吾藩籬今嘉勒氏破滅若棄之必歸夏人
 是盡得吐蕃之地非秦蜀之利也遂不果棄遷太常少
 卿進權工部侍郎旋以集賢院學士知邠州恩禮如待
 制徙鳳翔河中府陝州提舉崇福宮改集賢殿修撰卒
 年八十紹聖中追貶賀州別駕後復舊職周自為小官
 沈晦自匿未嘗私謁執政辭向使三司欲辟為屬及相
 見卒不敢言退而歎曰若人未易屈也以是不偶於世
 鮮于侁字子駿閬州人舉進士為江陵右司理參軍慶
 祿中天下旱詔求言侁推災變所由興又條當世之失
 有十四其語剴切唐介稱其名於上官文章論薦侁盛言
 李景陽高汝士之美乞移與之介益以為賢調鄂令攝

治婺源惡類屏蹟通判蘇州前吏狃貪成風至課卒伍
 供薪炭芻豆需果蔬多取贏直侁一切弗取郡守以下
 效之趙抃薦於朝未及用從何郟辟簽書承興軍判官
 萬年令不任職繫囚累百府使往治數日空其獄神宗
 詔求直言侁為蔡河撥發應詔陳十六事神宗愛其文
 又以范鎮薦除利州路轉運判官初王安石居金陵有
 重名士大夫期以為相侁惡其沽激要君語人曰是人
 若用必壞亂天下至是乃上書論時政曰可為憂患者
 一可為太患者二其他逆治體而召民怨者不可概舉
 其意專指安石安石怒毀短之神宗曰侁文學可用有
 章奏在安石乃不敢言助役法行詔諸路各定所役緡
 錢利州轉運使李瑜定四十萬侁爭之曰利州民貧地
 瘠半此可矣瑜不從各以其事聞神宗是儀使頒諸
 路為式因黜瑜而升侁副使仍兼提舉常平部民不請
 青苗錢安石遣吏廉按且詰之侁曰青苗之法願取則
 與民自不願豈能彊之哉左藏庫使周永懿守利州貪
 虐不法前使者莫敢問侁捕械於獄流之衡湘因請更
 以文臣為守併易班行領縣事凡居部九年治所去闕
 中近姻戚旁午待之無所私各得其當蘇軾稱侁上不
 害法中不廢親下不傷民以為三難按秦觀撰侁行狀
云方新法初行諸
 路騷動而公平心處之鄉人無異議者蘇軾云云宋二
 史本傳止云侁待姻戚無所私各得其歡心附識
 稅輸絹綿俟奏聽民以喻零納直其役有李元輔者輒
 變而多取之父老流涕曰老運使之法何可改蓋侁姪
 師中亦居是職故稱老以別之徙京東西路河決瀘淵
 議欲勿塞侁言東州匯澤惟兩深夏秋雨淫猶溢而害
 若縱大河注其中民為魚矣奏議河書上之神宗嘉納
 後兩路合為一以侁為轉運使時王安石呂惠卿當路

正人多不容侏曰吾有薦舉之權而所列非賢恥也故凡所薦如劉摯李常蘇軾蘇轍劉劼范祖禹皆守道之士元豐二年召對命揚州爲舉東所累罷主管理西京御史臺哲宗立念東國困於役復以侏使京東司馬光言於朝曰以侏之賢不宜使居外願齊魯之區彫敝已甚須侏往救之安得如侏百輩布列天下乎士民聞其重臨如見慈父母召爲太常少卿侍從議神宗廟配享有欲用王安石吳充者侏曰先朝宰相之賢誰出富弼右乃用弼拜左諫議大夫侏見哲宗幼冲首言君子小人消長之理甚備又言制舉誠取士之要國朝尤爲得人王安石用事諱人詆訾新政遂廢其科今方搜羅俊賢鄙庸言路宜復六科之舊又乞罷大理獄許兩省諫官相往來減特奏言舉人嚴出官之法京東鹽得通商復三路義勇以寬保甲罷戎瀘保甲以寬民力事多施行在職三月以疾求去除集賢殿修撰知陳州詔滿歲進待制卒年六十九後削職入元祐黨籍按東都侏刻事略增侏刻意經術爲范鎮孫復等所推許作詩平澹淵粹尤長於楚辭蘇軾讀九誦謂近屈原朱玉自以爲不可及也願臨字子敦會稽人通經學皇祐中舉說書科爲國子監直講遷館閣校勘同知禮院熙寧初神宗以臨喜論兵詔編武經要略且召臨問兵對曰兵以仁義爲本動靜之機安危所繫不可輕也因條十事以獻出權湖南轉運判官提舉常平議事辰執政意罷歸改同判武學進集賢校理開封府推官請知頰州入爲吏部郎中祕書少監以直龍圖閣爲河東轉運使元祐二年擢給事中朝廷方事回河拜臨天章閣待制河北都轉運使於是翰林學士蘇軾等言臨資性方正學有根本慷慨中

立無所回撓自處東省封駁論議凜然有占人之風僂倭俾之流則目畏懼宜留質左右以補闕選別選深知河事者往使河北不報臨至部請因河勢回使東流復以給事中召還歷刑兵吏三部侍郎兼侍讀爲翰林學士紹聖初以龍圖閣學士知定州徙應天河南府中人梁宰意劾臨與之寔集奪職知欽州又以附會黨人斥饒州居住卒年七十二徽宗立追復之

李之純字端伯滄州無棣人登進士第熙寧中爲度支判官江西轉運副使御史周尹劾廣西提點刑獄許彥先受邑吏金命之純往究其端乃起於出婢之口以爲蕪俚之言不治彥先得免徒成都路轉運使成都歲發官米六千石損直與民言者謂惠民損上詔下其議之純曰蜀郡人恃此爲生百年奈何一旦奪之事遂已秩滿復留數歲始還朝神宗勞之曰邈方不欲數易大吏使劔外交靖年穀屢豐以彰朝廷綏遠之意汝知之乎以爲右司郎中轉太僕卿元祐初加直龍圖閣知滄州召爲戶部侍郎未至改集賢殿修撰河北都轉運使進寶文閣待制知瀛州俄以直學士知成都府還爲戶部三遷御史中丞建言朝廷事下六部但隨省吏視其前後批以制緩急之序是爲胥吏顧處命令也若大臣不暇省宜令列曹長貳隨其所承行止必稟而後決則吏不得舞權而下情達矣又言眾賢和於朝則萬物和於野變理陰陽輔相之職聞者國論稍虧雍睦語言播傳動係觀望不可以不謹董敦逸黃慶基論蘇軾託詞命以毀先帝蘇轍以名器私所親皆以監司罷之純疏其誣罔乃更黜之以疾改工部尚書紹聖中劉拯劾其阿

附蘇轍出知單州卒年七十五從弟之儀

之儀字端叔舉進士從蘇軾於定州幕府歷樞密院編修官通判原州元符中監內香藥庫御史石豫言其嘗從蘇軾辟不可以任京官詔勒停徽宗初提舉河東常平坐爲范純仁遺表及行狀編管太平久之徙唐州終朝請大夫之儀能爲文尤工尺牘賦謂入刀筆三昧王觀字明叟秦州如皋人第進士熙寧中爲編修三司令式刪定官出爲潤州推官二浙早郡遣吏視苗傷承監司風旨不敢多除稅觀受檄覆按歎曰早勢如是民食已絕倒廩贖之猶懼不克濟尚可責以賦耶盡除之監司怒會朝廷遣使振貸觀爲言民間利病使者喜歸薦之除司農寺主簿轉爲丞拜命一日即求外韓絳高其節留檢詳三司會計絳出願昌辟簽書判官坐免屏居累年起爲太僕丞徙太常哲宗立呂公著范純仁薦其可大任擢右正言進司諫上疏言國家安危治亂係於大臣今執政八人而奸邪居半使一二元老何以行其志哉因極論蔡確章惇韓縝張璪朋邪害正章數十上相繼斥去又劾竄呂惠卿朝論以大發既黜慮人情不安將下詔慰釋之且戒止言者觀言舜罪四凶而天下服孔子誅少正卯而魯國治當是之時不聞人情不安亦不聞出命令以悅其黨也蓋人君之所以御下者黜陟之柄而已陟一善而天下之爲善者勸黜一惡而天下之爲惡者懼豈以爲惡者懼而朝廷亦爲之懼哉觀言雖切然不能止也夏主新立有輕中國心觀曰小羌窺我厭兵故桀驚若是然所當憂者不在今秋而在異日所當謹者不在邊備而在廟謨翁張取子之權必持重而後可洮東擒果莊檻至闕下觀曰老羌雖就擒

其子統眾如故安可遠戮以賈怨宜處之洮岷秦雍間以示含容好生之德又疏將帥非其人者請易之茶鹽之害民者請革之至連債振贍賦科須皆指陳其故差役法復行觀以為朝廷意在便民而議者遂謂免役法無一事可用夫法無新舊惟善之從因采撥數十事於差法有助可以通行者上之遂論青苗之害乞盡罷新令而復常平舊法曰聚斂之臣惟知罔利自媒不顧後害以國家之尊而與民爭錐刀之利無以示天下又言刑罰世輕世重熙寧大臣謂刑罰不重則人無所懾今法令已行可以適輕之時願擇質厚通練之士載加芟正於是置局編集俾觀預焉大抵皆用中典元祐赦是也神宗復唐制諫官分列兩省至是大臣議徒之外門而以其直舍為制敕院觀爭之曰制敕院吏舍也奪諫省以廣吏舍信胥吏而疑諍臣何示不廣也乃不果徒觀在言路欲深破朋黨之說宋光庭評蘇軾館職策問呂陶辯其不然遂起洛蜀二黨之說觀言軾之辭不過失輕重之體爾若未考同異深究嫌疑則兩岐遂分黨論滋熾夫學士命詞失指其事尚小使士大夫有朋黨之名大患也帝深然之置不問尋改右司員外郎未幾拜侍御史右諫議大夫以論尚書右丞胡宗愈進君子無黨論劾其不可執政出知潤州

伏請通鑑斷蘇軾事言不當使士大夫有朋黨之名持論甚正乃惡胡宗愈進君子無黨論因而劾之前後自相矛盾而范純仁既曰胡臣本無黨又曰善惡邪正各以類分并錄歐陽修朋黨論以進則又為積習所翳情不為怪加直龍圖閣知蘇州州有狡吏善刺守將意以撓權前守用是得譏議觀窮其姦狀置於法一郡肅然徙江淮發運使人拜刑戶二部侍郎與豐饒借使進紹聖初以寶文閣直學士知成都府蜀地無閒田以葬觀索侵耕官地表為墓田江水貫城中為渠歲久湮塞積潦而多水災觀疏治復故民德之徙河陽貶少府少監分司南京又貶鼎州團練副使徽宗即位還故職知永興軍過關留為工部侍郎遷御史中丞改元詔下觀言建中之名重襲前代紀號非是宜以德宗為戒時任事者多乖異不同觀言神宗作法於前子孫當守於後至於時異事殊須損益者損益之於理固未為有失也當國者忿其言遂改為翰林學士日食四月朔帝下詔責躬觀當制有惟德弗類未足以當天心之語宰相去之乃力請外以龍圖閣學士知潤州徙海州罷主管太平觀遂安置臨江軍觀持正論始終再罹譴不少變卒年六十八紹興初追復龍圖閣學士子俊義

俊義字堯明游學京師或薦之童貫欲厚聘之拒不答林靈素設講席寶錄宮詔兩學選士問道車駕將臨觀推恩司成以俊義及曹偉應詔俊義至講所去御幄跽步內侍呼姓名俊義但望幄致敬不肯出次以太學上舍選奏名徽宗親程其文擢為第一及賜第望見容貌甚偉大悅願侍臣曰此朕所親擢也真所謂俊義矣蔡京遷使來見俊義不往僅拜國子博士居二年乃得改太學博士累遷右司員外郎為王黼所惡以直視閣知岳州卒俊義與李祁友善首建正論於宣和間當是時諸公卿稍知分別善惡邪正兩人力也祁字肅遠亦知名士官不顯

馬默字處厚單州成武人登進士第調臨濮尉知須城縣治平中張方平薦為監察御史裏行遇事敢言時議尊崇濮安懿王臺諫呂誨等力爭以為不可悉出備外默請召還不報遂上言濮王生育聖躬人誰不知若稱之為親義無可據名之不正失莫大焉願明詔罷罷以感召和氣安七廟之神靈又言致治之要求賢為本仁宗以官人之權盡委輔相數十年間賢而公者無幾官之進也不由實績今待制以上數倍祖宗之時至謀一帥臣則協于公議者十無三四庶僚之眾不知幾人一有難事則曰無人可使豈非不才者在上而賢不肯混消乎願陛下明日達聰務既其實歷試而超升之以幸天下刑部郎中張師顏提舉諸司庫務繩治不法獄吏懼搖飛語議去之默力陳其故以為將去積年之弊以與太平必先官舉其職宜崇獎師顏屬以忠勤則尸素括囊之徒知所勸矣西京會聖宮將創仁宗神御殿默言漢以諸帝所幸郡國立廟知禮者非之先帝未嘗幸洛而創建廟祀實乖典則願亟止此役以章清靜奉先之意會地震河東陝西郡默以為陰盛慮為邊患宜備之後數月西夏果來侵神宗即位以論歐陽修事通判懷州按東都事略載默出通判懷州在神宗即位前據此則論歐陽修事乃懷議也

事一曰攬威權二曰察姦佞三曰近正人四曰明功罪五曰息大費六曰備凶年七曰崇儉素八曰久任使九曰擇守宰十曰禦邊患知登州沙門島囚眾官給糧首纜三百人每盜數則投諸海若李季慶以二年殺七百八人默責之曰人命至重胡不以之燼告而顛殺之欲按其罪慶懼自縊死默為奏請更定配島法凡二十條溢數而年深無過者移登州自是多全活者徙知曹州召為三司鹽鐵判官以默與富弼善且論新法不便出知濟兗二州還提舉三司帳司為神宗言用兵形勢及指畫河北山川道里應對如流神宗喜將用之大臣滋不悅以提點京東刑獄默性剛嚴疾惡部吏有望風投

撤去者改廣西轉使會安化等蠻賊饑內寇默上平蠻方略以疾求歸知徐州屬城利國監苦吳居厚之虐默皆革之召爲司農少卿司馬光爲相欲盡修祖宗法問默以復鄉差衙前法如何默曰不可如常平自漢爲良法豈宜盡廢去其害民者可也除河東轉運使時議棄葭蘆吳堡二砦默奏控扼險阻敵不可攻棄之不便由是二砦得不棄移兖州請褒錄石介後詔官其孫東州薦饑流民大集所振活數萬計入拜衛尉卿權工部侍郎轉戶部告老以質文閣待制復知徐州改河北都轉運使初元豐開河決小吳因不復塞縱之北流元祐議臣以爲東流使水官遂與之合默與同時監司上議以北流爲便御史郭知章復請從東流於是作東西馬頭約水復故道爲長隄壅河之北流者勞費甚大明年復決而北竟不能使之東久之告老提舉鴻慶宮紹聖時坐附司馬光落待制致仕元符三年復之卒年八十紹興中贈開府儀同三司加贈太保

劉安世字器之魏人父航第進士治邑有聲羣羣牧判官河南監牧使嘗上禦戎書及新政不便者五條終太僕卿安世少時持論已有識文彥博在樞府有所聞每呼安世告之安世從容言王介甫求去外議謂公且代其任彥博曰安石壞天下至此後之人何可爲安世拱手曰今日新政果順人所欲而爲人利乎若不然公當去所害與所利反掌聞耳登進士第不就選從學於司馬光咨盡心行己之要光教之以誠且令自不妄語始調洛州司法參軍司戶以貪聞轉運使吳守禮將按之問於安世安世云無之既而心不自安曰司戶實貪而吾不以誠對其違司馬公教乎後光入相薦爲祕書省

正字宣仁太后問可爲臺諫於呂公著公著以安世對擢石正言時執政頗與親戚官安世言祖宗以來大臣子弟不敢受內外華要之職自王安石秉政務快私意累聖之制埽地不存今廟堂之上猶習故態因歷疏文彥博以下七人并請出臣章徧示三省以戒將來章惇以彊市崑山民田罰金安世言惇與蔡確黃履邢恕素相交結自謂社稷之臣貪天之功徼幸異日天下之人指爲四凶今惇父尙在而別籍異財絕滅義理止從薄罰何以示懲會吳處厚上確安州所爲詩安世謂其指斥乘輿犯大不敬與梁燾等極論之竄之新州遷起居舍人兼左司諫進左諫議大夫有旨暫罷講筵且聞宮中求乳婢安世上疏諫曰陛下富於春秋未納后而親女色願太皇太后后祔聖躬爲宗廟社稷大計頻御經帷仍引近臣與論前古治亂之要以益聖學無溺於所愛而忘其可戒鄧温伯爲翰林承旨安世言其出入王呂黨中始終反覆今之進用實係君子小人消長之機乞行免黜不報遂請外改中書舍人辭不就以集賢殿修撰提舉嵩山崇福宮召爲寶文閣待制樞密都承旨呂惠卿復光祿卿分司西京安世爭以爲不可不聽出知成德軍章惇用事尤忌惡之黜知南安軍累貶新州別駕安置英州同文館獄起蔡京乞誅滅安世等家帝不許徙梅州惇與蔡下將必寘之死擢一土豪爲轉運判官使殺之判官疾馳將至梅梅守遣客來勸安世自爲計安世色不動對客飲酒談笑徐書數紙付其僕曰我即死依此行之判官未至二十里嘔血而斃危得免劉后正位中宮惇下發前諫乳婢事以爲爲后設時鄒浩既貶詔應天少尹孫鑿以檻車收二人赴京師行數

驛而徵宗即位赦至移衡州尋改開州後以集賢殿修撰知鄆州徙真定府曾布又忌之不使人朝蔡京既相連七請至峽州羈管稍復承議郎宣和六年復待制中書舍人沈思封還按宋實錄安世傳載安世於宣和六年復直龍圖閣明年卒年七十八安世儀狀魁碩音吐如鐘初除諫官未拜命入白母曰朝廷不以安世不肖使在言路儻居其官須明目張膽以身任責脫有觸忤禍譴立至上主上方以孝治天下若以老母辭當可免母曰不然吾聞諫官爲天子諍臣汝父平生欲爲之而弗得汝幸居此地當捐身以報國恩儻得罪流放無問遠近吾當從汝所之於是受命在職累歲正色立朝扶持公道其面折廷爭或帝盛怒則執簡卻立伺怒稍解復前抗辭旁侍者蓄縮悚汗目之曰殿上虎家居未嘗有惰容其忠孝正直皆法司馬光年既老而名望益重梁師成用事心服其賢求得小吏吳默嘗趨走前後者使持書來啖以卽大用默因勸爲子孫計安世笑謝曰吾若爲子孫計不至是矣吾欲爲元祐全人見司馬光於地下還其書不答

鄒浩字志常常州晉陵人舉進士第調揚州穎昌府教授呂公著范純仁爲守皆禮遇之元祐中上疏論事其略言人材不振無以成天下之務蘇頌薦爲太常博士來之邵論罷之後累歲哲宗親擢爲右正言有詩以王安石三經義發題試舉人者浩論其不可而止陝西奏邊功中外皆賀浩言兵家之事未戰則以決勝爲難既勝則以持勝爲難惟其時而已願申救將帥毋扭屢勝圖惟厥終京東大水浩言頻年水異繼作雖盈虛之數所不可逃而消復之方尤宜致謹書曰惟先格王正厥

事不以爲數之當然此消復之實也章惇獨相用事威
 慮震赫浩所言每觸惇忌仍上章劾數其不忠侵上之
 罪未報而賢妃劉氏立活言立后以配天子安得不審
 今爲天下擇母而所立乃賢妃一時公議莫不疑誠誠
 以國家自有仁祖故事不可不遵用之爾蓋郭后與尚
 美人爭寵仁祖既廢后并斥美人所以示公也及立后
 則不選于妃嬪而卜于貴族以遠嫌所以爲天下萬世
 法也陛下之廢孟氏與郭后無以異果與賢妃爭寵而
 致罪乎抑其不然也二者必居一於此矣孟氏罪廢之
 初天下孰不疑立賢妃爲后及讀詔書有別選賢族之
 語又聞陛下臨朝慨歎以爲國家不幸至於宗景立妾
 怒而罪之於是天下始釋然不疑今竟立之豈不上累
 聖德臣觀白麻所言不過稱其有子及引永平祥符事
 以爲證若曰有子可以爲后則永平貴人未嘗有子也
 所以立者以德冠後宮故也祥符德妃亦未嘗有子所
 以立者以鍾英甲族故也又況貴人實馬援之女德妃
 無廢后之嫌迥與今日事體不同頃年冬妃從享景靈
 宮是日雷變甚異今宣制之後霖雨飛雹自奏告天地
 宗廟以來陰淫不止上天之意豈不昭然望不以一時
 改命爲難而以萬世公議爲可畏追停冊禮如初詔行
 之帝謂此亦祖宗故事對曰祖宗大德可法者多矣陛
 下不之取而效其小疵臣恐後之責人無已者紛紛也
 帝變色猶不怒持其章躡躡四顧若有所思因付外明
 日章惇詆其狂妄乃削官羈管新州徽宗立召還復爲
 右正言遷左司諫上疏言公議不可不恤獨斷不可不
 謹惟恤公議於獨斷未形之前謹獨斷於公議已問之
 後則人君所以致治者又安有不善乎伏見朝廷之事

頗異於即位之初相去半年遽已如是自今以往將如
 之何願陛下深思之改起居舍人進中書舍人又言陛
 下善繼神宗之志善述神宗之事孝德至矣尚有五朝
 聖政盛德願稽考而繼述之以揚七廟之光貽福萬世
 遷兵吏二部侍郎以實文閣待制知江寧府徙杭越二
 州按宋實錄鄒浩傳止云徙杭州不及越州考浩道鄒
 州集有改除越州謝表云曾未幾日就更兩州皆二浙
 之上游爲一時之盛初浩還朝帝首及諫立后事獎歎
 遇蓋自杭徙越也再三詢諫草安在對曰焚之矣退告陳瓘瓘曰禍其在
 此乎異時姦人妄出一緘則不可辨矣蔡京用事素忌
 浩乃使其黨爲僞疏言劉后殺卓氏而奪其子遂再責
 衡州別駕伏讀通鑑輯覽 御批富郭浩進疏時史
 司況元符崇寧首尾不及四年浩即焚草私家豈故曠
 遂無可考若姦人密行毀棄宜窮究根柢乃偶草前
 欺蔽亦復檢稽原奏羣小之敢於尋竄昭州五年始得歸
 陳亦不復檢稽原奏羣小之敢於尋竄昭州五年始得歸
 初浩除諫官恐貽親憂欲回辭母張氏曰汝能報國無
 愧於公論吾顧何憂及浩兩謫嶺表母不易初意復直
 龍圖閣瘵疾作危甚楊時過常往省之僅存餘息猶眷
 眷以國事爲問語不及私卒年五十二高宗即位詔曰
 浩在元符閒危言讜論朝野推仰復其特制又贈寶文
 閣直學士賜諡曰忠浩所與游田畫王回曾誕皆良士
 也

人哉願君毋以此舉自滿所當爲者未止此也浩茫然
 自失謝曰君之贈投厚矣建中靖國初入爲大宗正丞
 曾布數羅致之不爲屈欲與提舉常平官辭請知淮陽
 軍歲大疫日挾醫問病者藥之遇疾卒
 回字景深仙遊人第進士調松滋令人爲宗正寺簿與
 鄒浩友善皇后劉氏立浩將論之密告回回曰事寧有
 大於此者乎子雖有親然移孝爲忠亦太夫人素志也
 浩南遷人莫敢顧回敏交游錢與治裝往來經理且慰
 安其母遷者以聞諫諸詔獄御史鞠之對曰實嘗預議
 不敢欺也因誦浩所上章幾二千言獄上除名停廢徽
 宗立召還舊官擢監察御史及蔡京爲相奪之仍列名
 黨籍
 誕公亮從孫也孟后之廢誕三與浩書勸力請復后浩
 不報及浩以言南遷誕著玉山主人對客問以譏之其
 略以浩於孟后之廢當其時力言感悟天子則無今日
 劉氏之事貽朝廷於過舉即使得罪必不若是酷以貽
 老母之憂若浩者雖不得爲知幾之士然百世之下頑
 夫廉懦夫有立志尚不失爲聖人之清也議者以比韓
 愈諍臣論云誕仕亦不顯
 陳瓘字瑩中南劍州沙縣人舉進士甲科調湖州學書
 記簽書越州判官蔡卞察其賢每事加禮瓘測知其心
 術常欲遠之屢引疾求歸章不得上檄攝通判明州章
 惇入相瓘從眾道謁惇聞其名獨邀與同載詢當世之
 務瓘曰請以所乘舟爲喻偏重可行乎移左置右其偏
 一也天子待公爲政敢問將何先惇曰司馬光姦邪所
 當先辨瓘曰公誤矣此猶欲平舟勢而移左以置石果
 然將失天下之望惇厲色曰光不務績述先烈而大改

成緒誤國如此非姦邪而何確曰不察其心而疑其迹則不為無罪若指為姦邪又復改作則誤國益甚矣為今之計唯消朋黨持中道庶可以救弊意雖忤惇然亦驚異至都用為太學博士會蔡卞黨辭昂林自官學省議毀資治通鑑確因策士題引神宗所製序文以問昂自意沮遷祕書省校書郎紹述之說盛確言堯舜禹皆以若稽古為訓若者順而行之稽者考其當否必使合於民情所以成帝王之治天子之孝與士大夫之孝不同帝意感悅執政聞而憾之出通判滄州知衛州徽宗即位召確為右正言遷左司諫確論議持平務存大體不以細故藉口未嘗及人曖昧之過嘗云人主託言者以耳目誠不當以淺近見聞惑其聰明惟極論蔡卞章惇安惇邢恕之罪御史龔夬擊蔡京朝廷將逐夬確言紹聖以來七年五逐言者常安民等五人皆與京異議而去今又罷夬將若公道何遂草疏論京未及上時皇太后已歸政確言外戚向宗良兄弟與侍從希寵之士交通使物議籍籍謂皇太后今猶預政由是罷監揚州糧料院確出都門繳四章劾京并明宣仁誣謗事改知無為軍明年還為著作郎遷右司員外郎兼權給事中宰相曾布使客告以將即真確語子曰吾與丞相議事多不合今若此是欲以官爵相傾也乃投書於布論其尊私史而壓宗廟緣邊費而壞先政布大怒出知秦州按布專主紹述取王安石熙寧間所著日錄以為依據故確書自尊私史而壓宗廟云云見東都事略確不為布所傾而力詆其姦惡最為大節所係東都事略確不為布傳不為明者僅附見陸佃傳中今為增纂崇寧中除名竄袁州累移郴州稍復宣德郎正叟在杭告蔡京有動搖東宮迹杭守蔡鞏執送京師併逮確獄具正叟流海上確亦安置通州確嘗著尊堯集謂紹聖史官專據

王安石日錄改修神宗實錄變亂是非不可傳信深明誣妄以正君臣之義編置台州宰相何執中徧令所過州出兵甲護送至台每十日一徙告且命凶人石誠知州事使替取尊堯集因以殺確竄辱百端終不能害在台五年乃得復承事耶累移楚州確平生論京下皆披摘其處心發露其情隱最所忌恨故得禍最酷不使一日少安宣和六年卒年六十五靖康初詔贈諡大夫官其子正叟紹興二十六年高宗謂輔臣曰陳確昔為諫官甚有識議所著尊堯集明君臣之大分合於易天尊地卑及春秋尊王之法宜特賜諡以表之諡曰忠肅任伯雨字德翁眉州眉山入父夜名與蘇洵埒仕至光祿寺丞伯雨遂經術中進士第調施州清江主簿知雍邱縣縣多盜自是外戶不閉使者上其狀召為大宗正丞甫至擢右正言時徽宗初政網用讜論伯雨首擊章惇言惇久竊朝柄迷國罔上毒流播紳乘先帝變故倉卒輒違異意不復有臣子之恭向使其計得行將置陛下與太皇太后於何地若貸而不誅則天下大義不明大法不立矣臣聞北使言去年遼主方食聞中國黜惇放箸而起稱善者再謂南朝錯用此人北使又問何為只若是行遣以此觀之莫不以為可殺也章八上貶惇雷州繼論蔡卞六大罪語在下傳建中靖國改元曾布欲調和元祐紹聖之人故以中為名伯雨言人才固不當分黨與然自古未有君子小人雜然並進可以致治者蓋君子易退小人難退二者並用終於君子盡去小人獨留唐德宗坐此致播遷之禍建中乃其紀號不可以不戒時議者欲西北典郡專用武臣伯雨謂李林甫致祿山之亂者此也又論鍾傳王瞻在邊生事失與國心

宜棄遼郡之地以安邊息民張表黃庭堅晁補之歐陽棐劉唐老等宜在朝廷又上書皇太后乞暴蔡京之惡召還陳確以全定策之動時以正月朔旦有赤氣之異詣火星觀以禳之伯雨疏言嘗聞修德以弭災未有禳所以銷變洪範以五事配五行說者謂視之不明則有赤青赤祥乞攬權綱以信賞罰專威福以殊功罪使皇明赫赫事至必斷則乖氣異象轉為休祥矣又言比日內降震多或恐矯傳制命漢之鴻都賈賈唐之墨敎糾封此近監也王覲除御史中丞仍兼史官伯雨謂史院宰相監修今中丞為屬非所以重風憲遠嫌疑已而覲除翰林伯雨復論曰學士爵秩位序皆在中丞上今覲為之是諫官論事非特朝廷不行適足以為人遷官爾伯雨居諫省半歲所上一百八疏伏讀通鑑輯覽伯雨半歲而得如許忠謀論論而之悉中時弊耶至於君子小人本由事後論定當其時誰甘自居小人者乃不實指其行事若何而但以進賢退佞空言辨詰不已徒見有黨同伐異大臣畏其多言俾權給事中密諭以少默即為之害 眞伯雨不聽抗論愈力且將劾曾布布覺之徒為度支員外郎尋知號州崇寧二年以黨事削籍編管通州為蔡卞所陷徙昌化復逮其仲子申先赴獄妻適死於淮伯雨處之如常申先在獄鍛鍊無所傳致乃得釋居海上三年而歸宣和初以赦提點明道宮卒年七十三長子象先登世科又中詞學兼茂舉有司啟封見為黨人子不奏名調秦州戶曹掾聞父謫棄官歸養終身不復仕申先以布衣特起至中書舍人紹興初詔贈伯雨直龍圖閣又加諡議大夫采其諫章追貶章惇蔡卞邢恕黃履明著誣宣仁事以告天下瀋熙中賜諡忠敏

列傳

宋六十四

陳次升

陳師錫

彭汝礪

呂陶

張庭堅

龔夬

孫譔

陳軒

江公望

陳祐

常安民

陳次升字當時與化仙游入入太學時學官始得王安石字說招諸生訓之次升作而曰丞相豈秦學邪美商鞅之能行仁政而為李斯解事非秦學而何坐屏斥既而第進士知安邱縣御史中丞黃薦為監察御史哲宗立使察訪江湖先是蹇周輔父子經畫江右鹽法為民害次升舉劾之還言額外上供之數未除異日必有非法之斂願從熙寧以來初行封樁名錢悉賜豁免又役法未定人情勞怨乞速定差僱及均敷之等先為之節而審行之提點淮南河東刑獄紹聖中復為御史轉殿中論章惇蔡卞植黨為姦乞收還威福之柄禁中火書出西方次升請修德求言以弭天變掖庭鞠賦賦獄次升言事關中宮宜付外參治今屬於闈寺之手萬一有寬濫貽後世譏濟陽郡王宗景請以妾為妻論其以宗藩廢禮為聖朝累初惇卞以次升在元祐開外遷意其不能無怨望下又與同鄉里故延置憲府欲使出力為助擠排眾賢而一無所附時方編元祐章疏流播紳次升言陛下初即位首下詔令導人使諫親政以來又揭敕胸許其自新今若考一言之失致於譴累則前之詔令適所以誤天下後之敕諭適所以誑天下非所以示大信也又論下客周稹貪鄙鄒居申檢校由是惇

卞交惡之使所善太府少卿林頤致已意嘗以美官次升曰吾知守官而已君為天子卿士而為宰相傳風旨耶惇下益不樂乘間白為河北轉運使帝曰漕臣易得耳次升敢言不當去更進左司諫宣仁有追廢之議次升密言先太后保佑聖躬始終無閒願勿聽小人銷骨之謗帝曰卿安所聞對曰臣職許風聞陛下毋詰其所從來呂升卿察訪廣南次升言陛下無殺流人之意而升卿資性慘刻喜求人過今使逞志釋憾則亦何所不至乃止不遣次升累章劾章惇皆留中訖不克去蔡卞誣其毀先烈擬謫監全州酒稅帝為改南安軍徽宗立召為侍御史極論惇卞曾布蔡京之惡竄惇於雷居卞於池出京於江寧遷右諫議大夫獻體道稽古修身仁民崇儉節用六事言多規切崇寧初以寶文閣待制知穎昌府降集賢殿修撰繼以黨籍落職除名徙建昌編管循州皆以論京卞故致和中用赦恩復舊職卒年七十六

陳師錫字伯修建州建陽人熙寧中游太學有俊聲廷論奏名擢為第三調昭慶軍掌書記郡守蘇軾器之倚以為政軾得罪捕詣臺獄親朋多畏避不相見師錫獨出餞之又安輯其家知臨安縣為監察御史上言宋興享國長久號稱太平者莫如仁宗竊考致治之本不過延直言御羣下進善退邪而已故能成慶曆嘉祐之治願稽皇祖納諫御臣之意以興治功帝善其言時詔進士習律師錫言陛下方大闡學校用經術訓迪士類不應以刑名之學亂之出知宿遷縣元祐中以蘇軾薦入為祕書省校書郎遷工部員外郎加祕閣校理提點開封縣鎮建言踏法今請託者濫數而寒峻有不足之患

請為之限約畿內將官苛慘失士心方大闡羣卒謹謀將吏莫知所為師錫馳至軍推首惡者致諸法按問如初而劾斥其將縣人歎服樞密院猶以事不先白為罪罷知解州歷考功員外郎知宣州蘇州徽宗立召拜殿中侍御史疏言元豐之末中外洶洶宣仁聖后再安天下委國而治者司馬光呂公著爾章惇誣其包藏禍心至於追貶贈諡未還墓碑未復願早摠宸略以慰中外之望蔡京為翰林學士按宋史蔡京傳作翰林學士承旨師錫言京與弟卞同惡迷國誤朝而京好大喜功銳於改作日夜交結內侍戚里以觀大用若果用之天下治亂自是而分祖宗基業自是而隳矣京援引死黨至數百人鄧洵武內行污惡搢紳不齒豈可滓穢史筆向宗回宗良亦陰為京助是皆國之深患宜出之於外帝曰此於東朝有礙卿為我處之對曰審爾臣當具自太后遂上封事言蔡京陰通二向妄言宮禁預政以誣聖德不可不察詔索祕閣圖書師錫引以唐山水圖代無逸為監俄改考功郎中師錫復抗章論蔡京於是出知穎廬滑三州坐黨論監衡州酒又削官置郴州卒年六十九紹聖中贈直龍圖閣

彭汝礪字器資饒州鄱陽人治平二年舉進士第一歷保信軍推官武安軍掌書記彰州軍事推官補國子直講改大理寺丞擢太子中允御史中丞鄧綰將舉為御史召之不往既上章復以失舉自列神宗怒逐綰用汝礪為監察御史裏行首陳十事一正己二任人三守令四理財五養民六振救七興事八變法九青苗十鹽事指搆利害多人所難言者又論呂嘉問市易聚斂非法當罷俞充詔中人王中正不當檢正中書五房事神宗

為罷充及中正與李憲主西師汝礪言不當以兵付中人因及漢唐禍亂之事神宗不憚語折之汝礪拱立不動伺間復言神宗為改容宗室以女賣婚民間汝礪言此雖疏屬皆天家子孫願更著婚法元豐初以館閣校勘為江西轉運判官代還提點京西刑獄元祐二年超為起居舍人時相問新舊之政對曰今所更取士及差役法行之而士民皆怨未見其可踰年進中書舍人會知漢陽事吳處厚得蔡確安州詩上之傳會解釋以為怨謫諫官交章請治之又造為危言以激怒宣仁后欲置之汝礪謂此羅織之漸數以白執政不能救遂上疏論列不聽得確諭命封還除目辨論愈切遂落職知徐州加集賢殿修撰入權兵刑二部侍郎有獄當貸執政以特旨殺之汝礪持不下執政怒罰其屬汝礪言制書有不便許奏論汝礪屬又何罪遂自劾請去章四上詔免屬罰徒汝礪禮部真拜吏部侍郎進權吏部尚書言者謂嘗附會劉摯以寶文閣直學士知成都府未行章數上又降待制知江州至郡數月而病其遺表略云土地已之餘願撫以仁財用非不饒願節以禮使人初若可悅而其患在後忠言初若可惡而其利甚博至於恤河北流移察江南水旱凡數百言朝廷方以樞密都承旨命之而已卒乃以告賜其家年五十四汝霖汝方霖阿附曾布無事蹟足錄今從刪

汝方字宜老以汝礪廢為榮陽尉歸城主簿宣和初通判衢州使者疏其治狀擢知州事方臘起陸之青溪與衛接境無兵可禦眾望風奔潰汝方獨與其僚段約介守孤城按東都事略三日而陷罵賊而死年六十六超贈龍圖閣直學士通議大夫諡曰忠毅官其家七人

呂陶字元鈞成都人中進士第調銅梁令有直政知太原壽陽縣府帥唐介辟簽書判每告以立朝事君大節曰君廊廟人也以介薦應熙監制科時王安石用新法陶對策枚數其過大略謂陛下初即位願不惑理財之說不聞老成之謀不興疆場之事及奏第神宗顧安石取卷讀讀未半神色喪沮神宗謂其言有理司馬光范鎮見陶皆曰自安石用事吾輩言不復效不意君及此平生聞望在茲一舉矣安石怒陶雖入等纔通判蜀州張商英為御史請廢承康軍下旁都議陶以為不可及知彭州威茂夷入寇陶潛具守備城門啟閉如平時因以永康前議上於朝軍遂不廢王中正為將所施悉謬整陶奏召還之李杞蒲宗閔來榷茶西州騷動陶言川蜀產茶自來敷賣以供衣食蓋與解鹽晉礬不同今立法太嚴取息太重遂使良民枉陷刑辟宗閔怒劾其沮敗新法責監懷安商稅起知廣安軍召為司門郎中元祐初擢殿中侍御史首劾蔡確韓縝張璪章惇安燾李清臣數人相繼罷去時議行差役陶言郡縣風俗異制民之貧富不均當以新舊二法裁量厥中會陶告歸詔於本道定議陶考究精密民以為便還朝遂正兩路轉運使李琮蒲宗閔之罪按李琮為梓州路轉運使以括田強民輔稅被劾語見琮傳又按宋史食貨志及文獻通考俱言宗閔為都大提舉茶事其職視轉運使非即轉運使也蒲宗閔為兩路轉運使以還朝又奏十事皆利害切於蜀者蘇軾策館職為朱光庭所論陶言臺諫當徇至公不可假借事權以報私隙議者皆謂軾嘗薄程頤光庭乃其門人故為報怨恐朋黨之弊自此起由是兩置之遷陶左諫議出為梓州淮西成都路轉運副使入拜右司郎中起居舍人大臣上殿有乞屏左右及史官者陶曰屏左右已不可

況史官乎大臣奏事而史官不得聞是所言私也詔定為令遷中書舍人奉使契丹歸乞修邊備進給事中哲宗始親政陶言太皇太后保祐聖躬陛下所深知尊而報之惟恐不盡然臣猶以無可疑為疑不必言而言萬一有姦邪不正之謀上惑淵聽此乃治亂安危之機不可不察俄以集賢院學士知陳州徙河陽潞州坐元祐黨奪職再貶庫部員外郎分司衢州居住徽宗立復集賢殿修撰知梓州致仕卒年七十七

張庭堅字才叔廣安軍人進士高第調成都觀察推官為太學春秋博士通判漢州入為樞密院編修文字坐折簡別鄒浩免徽宗召對除著作佐郎擢右正言時庭堅與鄒浩龔夬江公望常安民任伯雨皆在諫列一時翕然稱得人庭堅在職逾月數上封事其大要言世之論孝必曰紹復神考夫前後異宜法亦隨變而欲纖悉必復然則將敵於一偏久必有不便於民而招怨者司馬光因時變革以便百姓人心所歸陳確執論諍士論所推乞盡復光贈典召還確言職又士大夫多以繼志述事勸陛下者必有營私之人欲主其言以自售將假名繼述而實自肆焉今遠略之耗於內者棄不以為守則兵可息特旨之重於法者剛不以為例則刑可省近以青唐反叛棄都守湟既以鄯為可棄則區區之湟亦安足守臣謂并棄湟州便是時議者往往指斥元祐舊臣庭堅為帝言司馬光呂公著之賢且曰陛下踐阼以來合人心事甚眾惟夫邪正殊未差別如光公著甄敏但用赦恩初未嘗別其無罪也又薦蘇軾蘇轍可用頗忤旨曾布因稱其所論不當出為京東轉運使判官改知汝州又送吏部任伯雨爭之乞以庭堅章付外考

其所言毋使言者爲三省所脅李清臣從而擠之改通判陳州初蔡京守蜀庭堅在幕府及京還朝欲引以爲己用先令鄉人諭庭堅堅不肯往京大恨後遂列諸黨籍又坐嘗談瑤華非辜事編管虢州再徙鼎州象州久之復故官卒年五十七紹興初詔贈直徽猷閣

龔夫字彥和瀛州人清介自守有重名進士第三簽書河陽判官紹聖初擢監察御史以親老求通判相州知洛州徽宗立召拜殿中侍御史抗疏言好惡未明則人迷所向今姦黨既破必將早夜熟計廣爲身謀遽革面以求自文申邪說以拒正論稱禍福以動朝廷託祖宗以脅人主巧事貴戚陰結左右變亂是非宜洞察忠邪行之以決若小不忍則害大政又言朝廷累下赦令洗滌元祐愆負被坐之人至於官職資蔭多未給還願申詔有司亟爲施行以伸先帝寬仁之意時章惇蔡卞用事夫首論其惡大略以爲昔日丁謂當國號爲恣睢雖然不過陷一寇準及至於惇而天下之所謂賢者一日之間布滿嶺海蓋其立進不根之語文致悖逆之罪是以人人危懼莫能自保尙何俟而不正典刑哉凡惇所爲皆卞發之望采之至公昭示譴黜又論蔡京治文及甫獄本以償報私仇始則上誣宣仁終則歸咎先帝必將族滅無辜以逞其欲臣料當時必有案牘章疏可以見其鍛煉附會願考證其實以正姦臣之罪按留布日錄載夫劾蔡京疏既上帝有夫所言皆留布之語云云布與京平時互相傾軋本屬小人情態夫則史稱爲正人所言自係公論豈肯爲布授意擊京李燾謂布於是三人者皆去又所錄皆假託撰造之詞不足爲據於是三人者皆去又上疏乞元祐后冊位號及元符后不當竝立書報聞已而元祐后冊再廢言者論夫首尾建言詔削籍編管房州繼徙象又徙化徒步適貶所逢赦令得歸政和元

年卒年五十五紹興中贈直龍圖閣再贈右諫議大夫官其後二人弟大壯少有重名夫以爲畏友

孫諤字元忠睢陽人登進士第調哲信主簿選爲國子直講陷虜蕃獄免元祐初起爲太常博士遷丞哲宗卜后太史或陰陽拘忌之說諤上疏太皇太后言家人委巷之語不足以定大計願斷自聖慮出爲利梓路轉運判官召拜禮部員外郎左正言紹聖治元祐黨諤言漢唐朋黨之禍其監不遠蹇序辰編類章疏諤又言朝廷當示信以靜安天下請如前詔書一切勿問嘗侍對論星文變答願修省消復罷幸西池及寢內降除授帝每患臺諫之人諤立疏可用者二十二章惇惡其拂己出知廣德軍徙唐州提點湖南刑獄徽宗立復爲右司諫首論大臣邪正政事可廢置因革者帝稱其鯁直諫者欲以羣臣封事付外詳定諤言君不密則失臣是將速忠臣之禍不宜宣洩乃止遷左司諫俄以疾卒諤與彭汝礪以氣節相尙及再入諫省不能旬月時論惜之陳軒字元輿建州建陽人進士第二授平江軍節度推官元祐中爲禮部郎中徐王翊善再遷中書舍人上疏言祖宗舊制諸道帥守使者辭見之日並召對便殿非特可以周知利害亦可觀閱人才今視朝數刻而退惟執政大臣得在帝所或經旬閱月臺諫官乃得覲餘皆無因而前殆非所謂廣覽兼聽之道願詔有司使如故事又言所在巡檢招徠游惡少以隸工軍習暴橫爲田野患請使以廂卒代皆從之高麗入貢軒伴客其使求市歷代史策府元龜鈔鄭衛曲諧皆爲上聞禮部尙書蘇軾劾其失禮以龍圖閣待制知廬州徙杭州江甯頴昌府徽宗立爲兵部侍郎兼侍讀論監司守臣數易之

弊願稍久其任又言比更定役法欲以寬民力而有司生事急切苟營贏羨散青苗以抑兼并拯難困不當以散多予賞入侍經闕每勸帝以治貴清淨願法文景之恭儉加龍圖閣直學士知成都府改杭州福州卒年八十四

江公望字民表睦州人舉進士建中靖國元年由太常博士拜左司諫時御史中丞趙挺之與戶部尙書王古用赦恩理遺欠古多所蠲釋挺之劾古傾天下之財以爲私惠公望以爲天子登極大赦將與天下更始故一切與民豈容古行私惠於其間因疏言挺之與古論事每不相合懷不平之心有待而發俚語有之私事官讐此小人之所不爲而挺之安爲之豈忠臣乎又言自先帝有紹述之意輔政非其人以媚於己爲同忠於君爲異惜威柄以快私隙天下騷然元祐人才皆出於熙寧元豐培養之餘遭紹聖竄逐之後存者無幾陛下改元詔旨亦稱思建皇極端好惡以示人本中和而立政豈宜渝之內苑稍蓄珍禽奇獸公望力言非初政所宜帝爲刻公望姓名於杖頭以識其諫蔡王似府史以語言疑似成獄公望極言論救按宋史宗室傳蔡王似微宗及王故疏中有勿以無根之言加諸至親云云本傳所載於事未甚明晰附識出知淮揚軍召爲左司員外郎以直龍圖閣知壽州蔡京爲政坐黨籍編管南安軍遇赦還卒建炎中與陳確同贈右諫議大夫

陳祐字純益仙井人第進士元符末以吏部員外郎拜右正言上疏徽宗曰有旨令臣與任伯雨論韓忠彥援引元祐臣僚事按賈易岑象求豐稷張耒黃庭堅龔夬原晁補之劉唐老李昭玘人才均可用今若分別黨類天

下之人必且妄意陛下逐去元祐之臣復興紹聖政事今紹聖人才比肩於朝一切不問元祐之人數十輒攻擊不已是朝廷之上公然立黨也遷右司諫言林希紹聖初掌書命草呂大防劉摯蘇轍梁燾等制皆務求台章惇之意頃視其職自大名移揚州忿躁不平謝章惇上不敬又論章惇蔡京蔡卞郝隨鄧洵武忤旨通判滁州下乞貶柏雨等祐在數中編管澧州徙歸州復承議郎卒

常安民字希古邗州人年十四入太學熙寧以經取士學者翕然宗王氏安民獨不為變安石欲見之不肯往登六年進士舉授應天府軍巡判官遷成都府教授與安惇為同僚惇深刻姦詐嘗借謁府帥輒毀素所厚善者安民規之惇曰吾心實惡之姑以為面交爾安民曰君所謂怨慝而友其人惇笑曰直道還君富貴輸我後惇貴遂陷安民秩滿寓京師安民與蔡確為姪親確時為相惡其人絕不相聞調知長洲縣以主信為治人不忍欺盜為之息追科不下吏使民自輸先他邑以辨邑民頌其政元祐初廷臣文章論薦擢大理鴻臚承是時元豐用事之臣雖去朝廷然其黨分布中外起私說以搖時政安民貽書呂公著曰善觀天下之勢猶良醫之視疾今雖登進忠良而不能援致海內之英才使皆萃於朝以勝小人恐端人正士未得安枕而臥也歷引陳蕃竇武張柬之五王前世已然之禍謂怨忿已積一發害大及章惇作相其言遂驗歷太常博士轉為丞與朱光庭論不合出為江西轉運判官改宗正丞除開封府推官紹聖初召對為哲宗言願獎進廉潔有守之士以厲風俗元祐進言者以熙豐為非今之進言者反是皆

為偏論願公聽竝觀擇其中而歸於當拜監察御史論章惇顛國植黨乞收主柄而抑其相惇遣所親信語之曰少安靜當以左右相處安民正色斥之惇益怒中官裴彥臣建慈雲院戶部尚書蔡京深結之強毀人居室訴於朝詔御史劾治安民言中官豪橫與侍從官相交結同為欺罔願重為降責以肅百官獄具惇主之甚力止罰安民因論京姦定以戒眾辯足以飾非巧足以移奪人主之視聽力足以顛倒天下之是非內結中官外連朝士一不附已則誣以黨於元祐非先帝法必擠之而後已今在朝之臣京黨過半不可不逐去之他日羽翼成就悔無及矣又言張商英在元祐時上呂公著詩求進諛佞無恥近乞毀司馬光及公著神道碑周秩為博士親定光諡為文正近乃乞斲棺鞭尸陛下察此輩之言果出於公論乎章疏前後至數百上度終不能回遂劾外大費明堂劉賢妃從侍齋宮安民以為萬眾觀瞻虧損聖德語頗切直帝微怒曾布始以安民數撼章惇意其附已屢稱之於朝其後併論曾布亦恨於是與惇比而排之乃取其所貽呂公著書文致其罪董敦逸再為御史欲劾蘇軾兄弟安民謂二蘇負重望恐不當爾至是敦逸併論之謫監滁州酒稅滿三歲通判温州按東都事略作安民通判鄆州又載於提徽宗判溫州點承興軍路刑獄後與宋史本傳互異徽宗即位朝論欲起為諫官曾布沮之以提點承興軍路刑獄蔡京用事入黨籍流落二十年政和末卒年七十建炎四年贈右諫議大夫子同為御史中丞自有傳

欽定續通志卷三百六十

列傳

宋六十五

孫鑿

吳時

李昭玘

黃廉

朱服

張舜民

盛陶

章衡

顏復

孫升

韓川

龔鼎臣

鄭穆

席旦

喬執中

傅楫

沈疇

徐勣

張汝明

黃葆光

石公弼

張克公

毛注

洪彥昇

鍾傳

陶節夫

毛漸

王祖道

張莊

趙遜

孫鑿字叔靜錢塘人用父任調武平尉捕獲名盜數十再調越州司法參軍守趙林薦其材知偃師縣蒲中優人詭偃服隱民間以不語惑眾相傳有異法眾奔湊其門鑿收按姦狀伏辜鞫鎮長安辟入府居五年簽書西川判官召對擢提舉廣東常平徽宗初徙兩浙由福建轉運判官召為屯田員外鑿微時與蔡京善常曰蔡子貴人也然才不勝德恐貽天下憂至是京還朝題諸塗既見京謂鑿曰我若用於天子願助我鑿曰公誠能謹守祖宗之法以正論輔人主示節儉以先百吏而絕口不言兵天下幸甚京默然既相出鑿提點江東刑獄未幾入為少府少監戶部郎中縣官用度無藝鑿與尚書曾孝廣侍郎許幾謀曰日增一日歲增一歲天下之財豈能給哉其疏論之當國者不樂孝廣幾由是罷徙鑿開封遷太僕卿殿中少監以顯謨閣待制知曹州轉

大中大夫徙鄆州邑人子為草祭之謠指切蔡京蔡以

京怒使言者誣以它謗提舉鴻慶宮起知單州遂致

仕靖康二年卒年八十六贈銀青光祿大夫諡曰通靖

吳時字伸道邳州人初舉進士得學究出身再試中甲

科知華州鄭縣轉運使徽州俸米五萬輸長安鄭獨當

二萬時貽書使者曰會三萬斛之費以車則千五百乘

以卒則五萬夫縣民可役者纔二百五十八戶誠能移

兵於華則前費可免使者從其言徽宗求言遠臣上章

封識多不能如式有司悉卻之時建言悉得達為陸親

宅教授提舉永興軍路學事召為工部員外郎改禮部

兼辟雍司業大觀興算學議以黃帝為先師時言今祠

祀聖祖祝板書臣名亦釋奠孔子但例中祀數學六藝

之一耳當以何禮事之乃止遷太僕少卿出知耀州又

降通判鼎州未赴提舉河東常平歲飢發公粟以振民

童貫經北方每訪以邊事輒不答還為大晟興樂擢中

書舍人給事中內侍何訢摘監衡州酒猶領節度使時

奏奪之又因進對及取燕事曰祖宗盟血未乾渝之必

逆亂蔡攸聞之以告王黼黼怒斥為腐儒時求去以徽

猷閣待制兼侍讀俄提舉上清太平宮卒年七十八時

敏於為文未嘗屬稿兩學目之曰立地書廚

李昭玘字成季濟南人少與晁補之齊名為蘇軾所知

擢進士第徐州教授用李清臣薦為祕書省正字校書

郎加祕閣校理通判潞州潞民死多不葬昭玘斥官地

畫兆窆具棺舍作文風曉之俗為一變入為祕書丞開

封推官俄提點永興京西京東路刑獄坐元符黨奪官

徽宗立召為右司員外郎遷太常少卿韓宗彥欲用為

起居舍人曾布持之布使山陵命始下為陳次升所論

出知滄州崇寧初詔以昭玘嘗傾搖先烈每改元豐敕

條倡從寬之邪說罷主管鴻慶宮遂入黨籍宋史徽

寧元年九月己亥籍元祐及元符末宰相文彥博等侍

從蘇軾等餘官秦觀等內臣張士良武臣王欽可等凡

百有二十人庚子以元符等上書罷中昭玘當在柔

數內也初昭玘校試高密得侯蒙蒙執政思願舊恩使

人致己意昭玘惟求祕閣法帖而已使陝西時延安小

將車吉者被誣為盜昭玘察知無它吉後立戰功至皇

城使遇昭玘京師拜於前曰感公生成之恩願以名馬

為獻蒙卻之晚知欽州辭不行靖康初復以起居舍人

召而已卒紹興初追復直徽猷閣按宋史此下有吳師

無事蹟足錄並從刪

黃廉字夷仲洪州分寧人第進士歷州縣熙寧初或薦

之王安石安石與之言問免役事廉據舊法以對安石

曰是必能辦新法曰神宗召訪時務對曰陛下意在便

民法非不良也而吏非其人所以法行而民病陛下不

盡察也河朔被水河南齊晉旱淮浙飛蝗江南疫癘陛

下不盡知也帝即命廉體量振濟東道除司農丞還報

合旨權利州路轉運判官復丞司農為監察御史裏行

建言願令兩制近臣及轉運使各得舉士詔各薦一人

繼言寒遠下僚既得名聞於上願令中書審其能而表

用則急才之詔不虛行於天下矣又言比年水旱民蒙

支貸今幸歲豐有司悉當舉催久飢初稔累給併償是

使民遇豐年而思歉歲也請令諸道以漸督取之論俞

充結王中正致宰屬并言中正任使太重河決曹村環

田三十萬頃民廬舍三十八萬家受詔安撫京東發廩

振饑遠不能至者分遣吏移給擇高地作舍以居民流

民過所毋征算轉行者賦糧質私牛而與之錢養男女

棄於道者丁壯則役其力凡所活二十五萬相州獄起鄧伯温上官均論其寃得譴去詔廉詰之竟不能正未幾獄成始悔之加集賢校理提點河東刑獄道人求代北地廉言分水畫境失中國險固其後契丹果包取兩不耕地下臨雁門父老以為恨王中正發西兵用一而調二轉運使又附益之廉曰民戩剝至骨忍自竭根本邪即奏云師必無功當有以善其後按宋史王中正傳非一此云無功潰歸乃係元豐四年李憲等分五道伐西夏中正將兵出河東蓋是時廉官河東故論其調發繁苛大軍潰歸中正嫁罪於轉餉廉詣上黨對理坐貶秩元祐元年召為戶部郎中陸師閔茶法為川陝害遣廉使蜀按察至則奏罷其太甚者定俸馬歲額朝廷可其議使以直祕閣提舉明年進為左司郎中遷起居郎集賢殿修撰樞密都承旨上官均論其往附蔡確為獄改陝西都轉運使拜給事中卒年五十九

朱服字行中湖州烏程人熙寧進士甲科以淮南節度推官充修撰經義局檢討歷國子直講祕閣校理元豐中權監察御史翼行參知政事章惇遣所善袁默周之道見服道薦引意以市恩服舉劾之惇補郡免默之道官受詔治朱明之獄故事制獄許上殿非本章所云者皆取旨服論其非是罷之俄知諫院遷國子司業起居舍人以直龍圖閣知潤州徙泉寧廬壽五州廬人飢服便宜振護全活十餘萬口明年大疫又課醫持善藥分拯之賴以安者甚眾紹聖初政力詆變亂法度之故召為中書舍人使遼未返而母死喪除拜禮部侍郎湖州守馬城言其居喪疏几筵而獨處它室謫知萊州徽宗即位加集賢殿修撰再為廬州越兩月徙廣州哲宗既祥服賦詩為部使者所上黜知袁州又坐與蘇軾游

既海州團練副使蘄州安置改興國軍卒

張舜民字芸叟邠州人中進士第為襄崇令按東都事略作襄樂

王安石倡新法舜民上書言以堂堂之天下而與小

民爭利可恥也時人壯之元豐中討西夏環慶帥高遵

裕辟掌機密文字王師無功坐謫監邕州鹽米倉又追

赴邕延詔獄改監彬州酒稅會赦北還司馬光薦其才

氣秀異剛直敢言以館閣校勘為監察御史上疏論西

夏強臣爭權不宜加以當嘗與師問罪因及文彥博左

遷監登聞鼓院通判號州提點秦鳳刑獄召拜殿中侍

御史固辭改金部員外郎進祕書少監使遼加直祕閣

陝西轉運使知陝潭青三州元符中罷職徽宗立擢右

諫議大夫居職才七日所上事已六十章陳陝西之弊

曰以庸將而御老師役飢民而爭曠土極論河朔之困

言多剴切徙吏部侍郎旋以龍圖閣待制知定州改同

州坐元祐黨謫楚州團練副使商州安置復集賢殿修

撰卒舜民慷慨喜論事其使遼也見其太孫禧好音樂

美姝名茶古畫以為他日必有如唐張義潮挈十三州

來歸者不四十年當見之後如其言紹興中追贈寶文

閣直學士

盛陶字仲叔鄭州人第進士熙寧中為監察御史神宗

問河北事對曰朝廷以便民省役議廢郡縣誠便然沿

邊地相屬如北平至海不過五百里其間列城十五祖

宗之意固有所在願仍舊貫慶州李復圭輕敵敗國程

昉開河無功藉水政以擾州縣皆疏其過二人實王安

石所主陶不少屈出簽書隨州判官久之入為太常博

士考功員外郎工部右司郎中至侍御史陳官冗之敝

謂恩澤舉人宜取嘉祐治平之制選人改官宜準熙寧

元豐之法諫官劉安世等改蔡確為謗詩陶曰詩語近於拮據不可以長告許之風安世疏言陶居風憲附會觀望紀綱何賴出知汝州徙晉州召為太常少卿進權禮部侍郎中書舍人以龍圖閣待制知應天府順昌府瀛州元符中奪職卒年六十七

章衡字子平浦城人嘉祐二年進士第一通判湖州直

集賢院改鹽鐵判官同修起居注言三司經費取領多

寡率不預知急則斂於民倉卒趣迫故苦其難供願敕

三部判官簿正其數即有所賦先期下之三司使忌其

能出知汝州穎州熙寧初還判太常寺建言自唐開元

纂修禮書以國恤一章為豫凶事剛而去之故不幸遇

事則拮據墜殘茫無所據今宜為厚陵集禮以貽萬世

從之出知鄭州奏罷原武監弛牧地四千二百頃以予

民復判太常知審官西院使遼歸復命言遠境無備因

此時可復山後八州不聽衡策歷代帝系名曰編年通

載神宗覽而善之謂可冠冕諸史吏部流內銓嘗有

員缺既擬注而三班院輒用之反訟吏部宰相主其說

衡連奏疏與之辨至訴於御前神宗命內侍借至中書

以狀上請相悟曰若爾吏部是矣乃罪三班未幾知通

進銀臺司直舍人院拜寶文閣待制知澶州會官立法

禁民販鹽衡言民恃鹽以生請如故便徙知成德軍坐

事免元祐中歷秀襄河陽曹蘇州加集賢院學士復以

待制知揚廬宣穎州卒年七十五

顏復字長道魯人顏子四十八世孫也父太初以名儒

為國子監直講出為臨晉簿嘉祐中詔郡國敦訪遺逸

京東以復言試於中書考官歐陽修奏復第一賜進士

為校書郎知永寧縣按東都事略熙寧中為國子直講

為校書郎知永寧縣按東都事略熙寧中為國子直講

為校書郎知永寧縣按東都事略熙寧中為國子直講

王安石更學法校諸直講定其優劣復等皆罷元祐初召爲太常博士建言請令禮官會萃古今典範爲五禮書又請改正祀典俾大小羣祀盡合聖人之經禮禮部員外郎孔宗翰請尊奉孔子祠復因上五議欲專其祠饗優其田祿獨其廟祭司其法則訓其子孫朝廷多從之兼崇政殿說書進起居舍人兼侍講轉起居郎請擇經行之儒補諸縣教官凡學者攷其志業不由教官薦不得與貢舉升太學拜中書舍人兼國子監祭酒太學諸生有誘進之法獨教官未嘗旌別似非嚴師勸士之道未踰年以疾改天章閣待制未拜而卒年五十七子岐建炎中爲門下侍郎

孫升字君孚高郵人第進士發書泰州判官哲宗立爲

監察御史朝廷更法度遂姦邪升多所建明嘗上疏言

願於耳目之臣議論之際置黨附之疑杜小人之隙遷

殿中侍御史梁燾張頌升從而擊之執政指爲附和

出知濟州踰年提點京西刑獄召爲全部員外郎尋拜

殿中侍御史進侍御史時翰林承旨鄧伯溫爲臺臣所

攻升論之尤力謂草蔡確制稱其定策功比漢周勃欺

天負國豈能親承密命不報由起居郎擢中書舍人直

學士院以天章閣待制知應天府董敦逸黃廷基劾之

改集賢院學士紹聖初翟思張商英又劾之削職知房

州歸州貶水部員外郎分司又貶果州團練副使汀州

安置卒年六十二

按劉延世孫公議國序

徽宗即位盡復升官職

韓川字元伯陝人進士上第歷開封府推官元祐初用劉摯薦爲監察御史極論市易之害以爲雖曰平均物直而其實不免貨交以取利就使有獲尚不可爲況所獲不如所亡果何事也願使趣罷此法從之遷殿中侍

御史疏言近制大中大夫以上歲舉守臣遇大州關則選諸所表推原旨意固欲得人然所謂大中大夫以上率在京師諸馳騫請求者得之爲易至於淹歷郡縣治狀應法者願出其下則是謹身修潔之人不若營求一章之速化也於是詔吏部更立法燾燾張舜民爭之停封冊朝廷以爲開邊隙罷其御史梁燾張舜民爭之川與呂陶上官均謂舜民之言實不可行燾等去川亦改太常少卿不拜加集賢校理知穎州進爲侍御史樞密都承旨進中書舍人吏禮二部侍郎以龍圖閣待制復守穎徙虢州與孫升同受責由坊州鄂州貶屯田員外郎分司岷州團練副使道州安置徽宗立得故官知

再襄二州卒

龔鼎臣字輔之鄆之須城人父誘吏武陵令鼎臣幼孤

景祐元年第進士爲平陰主簿疏泄瀦水得良田數百

千頃調孟州司法參軍以薦爲泰寧軍節度掌書記徂

徠石介死讒者謂介北走遠詔克州劾狀郡守杜衍會

問據屬莫對鼎臣獨曰介密有是願以闔門證其死衍

曰吾既保介矣君年少見義如是舉爲祕書省著作佐

郎知萊蕪縣徙知濠陽縣轉祕書丞又知安邱縣以賢

良方正召試祕閣轉太常博士知渠州召入編校史館

書籍轉都官擢起居舍人同知諫院歲冬早將錫春宴

鼎臣曰旱災太甚非君臣同樂之時請罷宴以答天戒

日當食陰雲不見鼎臣曰陽精既虧四方必見爲異益

大願精思力行進賢遠佞以應皇極又論內侍都知鄧

保信罪狀不應出入禁中凡大禮赦請準太平興國詔書前期下禁約後有犯不原以杜指赦爲姦者開封三司於法外斷獄朝廷多曲徇其請願先付中書審畫仁

宗悉從之尋兼管句國子監判登聞檢院詳定實恤民力奏議淮南安以鼎臣體量安恤獨通振貸全活甚眾俄拜戶部員外郎兼侍御史知雜事轉吏禮二部郎中論宗室宜歲試補外官請汰濫官冗兵連劾辭向姦暴

露鹽市馬皆罔上英宗登位屢乞延訪臣下親決國事

上疏勸皇太后早還政及捲簾而御璽未復又極論謂

昭陵宜儉葬景靈神御殿不宜增侈以彰先帝恭德鼎

臣在言路閣略細故至大事無所顧忌然其言每優游

和平使人主易聽故其事多施行改集賢殿修撰知應

天府徙江寧召還判太常寺兼禮儀事神宗即位判吏

部流內銓明堂議侑帝或云以眞宗或云以仁宗鼎臣

曰嚴父莫大於配天未聞以祖也乃奉英宗配王安石

侍講欲賜坐事下禮官鼎臣言不可安石不悅鼎臣求

補外知兗州是時諸道方田使者希功賞樂取稅虛額

及嘗所蠲者加舊籍以病民鼎臣獨按籍差次爲十等

一無所增寬人德之改吏部提舉西京崇福宮復判太

常寺留守南京時河決曹村流殍滿野鼎臣勞來振拊

歸者不勝計拜諫議大夫夫京東東路安撫使知青州改大中大夫請老提舉亳州太清宮尋以正義大夫致仕年七十七元祐元年卒

鄭穆字閔中福州侯官人性醇謹好學舉進士第爲壽安主簿召爲國子監直講除編校集賢院書籍歲滿爲館閣校勳積官太常博士改集賢校理求外補通判汾州熙寧三年召爲岐王侍講改諸王侍講岐嘉二王咸敬禮焉元豐三年出知越州加朝散大夫先是鑑湖旱乾民因田其中延袤百里官籍而稅之既而連年水溢民逋官租積萬緡穆奏免之未滿告老管句杭州洞霄

宮元祐初召拜國子祭酒三年楊王荆王請為侍講除直集賢院為楊王徐王翊善拜給事中五年除寶文閣待制俱兼祭酒旋請老提舉洞霄宮太學之士數千人請宰相請留不從明年卒年七十五子璆軍事推官席旦字晉仲河南人元豐中舉進士禮部不奏名時方求邊功且詣闕上書神宗嘉納令廷試賜第歷齊州司法參軍鄭州河陽教授敕令所制定官徽宗召對擢右正言遷右司監御史中丞錢適率同列請廢元祐皇后而冊劉氏為太后且面質為不可適劾且陰佐元祐之政左轉吏部員外郎改太常少卿遷中書舍人給事中俄拜御史中丞兼侍講內侍郝隨驕橫且劾罷之帝以其章有媚惑先帝之語嫌為指斥旋改吏部侍郎以顯謨閣待制知宜州召為戶部侍郎還吏部以顯謨閣直學士知成都府議者言蜀土習亂或導且治以峻猛且政和平徙鄭州入見言蜀人性善柔自古稱兵背叛皆非其土俗遂言蜀用鐵錢以其艱於轉移故權以楮券而有司冀贏羨為之益多使民不敢信帝為損虛券別給緡錢與本業自是錢引稍仍故坐進對淹留黜知滁州久之帝思其治蜀功復知成都朝廷開西南夷黎州守詣幕府白事言雲南大理國求入朝獻且引唐南詔為蜀患拒御之已而威州守焦才叔言欲誘保霸二州內附且上章劾才叔為姦利斂困諸蕃之狀宰相不悅徙且承興尋加述古殿直學士復知成都卒於長安年六十二贈大中大夫子益紹興初參知政事

喬執中字希聖高郵人入太學補五經講書王安石器之擢進士調須城主簿時河役大興部役者不得人一夕諫而潰因致大獄執中往代遂帖然安石為政引執

中編修熙寧條例選提舉湖南常平章惇討五溪檄執中取大田離子二峒峒路險絕期迫執中但走一校諭其酋即相率歸命錄功徙轉運判官召為司農丞提點開封縣鎮諸縣牧地民耕歲久議者將取之當夷邱墓伐桑柘萬家相聚而泣執中請於朝神宗詔復子民改提點京西北路刑獄時河決廣武埽危甚相聚莫敢登執中立其上眾隨之不日埽成元祐初為吏部郎中兼徐王府侍講翊善遷起居舍人起居郎權給事中有司以天下獄獄失出入者同坐執中駁之曰先王重入而輕出恤刑之至也今一旦均之恐自是法吏不復肯與生此非好生治民之意也進中書舍人邢恕遇赦甄復執中言恕深結蔡確鼓唱扇搖今復其官懼疑中外遷給事中刑部侍郎紹聖初上官均據執中為呂大防所用以竇文閣待制知鄆州執中寬厚有仁心屢典刑獄雪活以百數卒年六十三

傅楫字元通興化軍仙遊人少自刻厲從孫覺陳襄學第進士調揚州司戶參軍攝天長令發摘隱伏姦猾屏跡轉福清丞知龍泉縣孫覺為御史中丞語之曰朝廷欲用君益少留楫曰仕宦所樂居中者免外臺督責耳今俯首權門與外臺奚擇且外官已所當得也遂去不顧道除太學博士居四年未嘗一跡大臣門楫丞福清時受知郡守曾鞏鞏弟布方執政薦為太常博士徽宗以端王就資善堂學擇師傅為說書升楫記室參軍進侍講翊善中人蒞事于府者多與宮僚狎楫獨漠然不可親一府嚴憚之鄒浩得罪貶楫以驢行免官徽宗即位召為司封員外郎歷監察御史與國子司業尋即拜中書舍人時曾布當國自以於楫有汲引恩冀為用楫

略無所傾下凡命令有不當悉極論之布大失望帝以舊學故多所延訪楫每以遵祖宗法度安靜自然為言在朝歲餘上疏丐去以龍圖待制知博州卒年六十一沈疇字德侔湖州德清人第進士歷官州縣崇寧中為尚書議禮編修官召對權監察御史詣闕上十事言花石擾民土木弊國冗費多恩澤濫議論異同下情際隔其論當十夾錫錢最為剴切略曰小錢之便於民久矣古者軍興用乏或以一當百至於當十此權時之術非可行於無事之世今當十之議固足紓目前然使游手鼓鑄無故有倍稱之息何憚而不為雖日加斷斬勢不可止東南小錢輕錢輕則物重物重則民愈因此盜賊所由起也陝西舊無銅錢故以夾錫為貴一改鑄則由前日鐵錢耳今東南方鑄又將使西北效之是導民犯法也進殿中侍御史嘗經國子監門有小內侍從數騎絕道突過驕卒追問不為止臺檄諸司捕之不獲疇曰風憲之地可但已乎入言之檄宗下內省跡治竟抵罪蔡京興蘇州錢獄欲陷中書侍郎劉述婦兄章經兄弟遣開封尹李孝壽御史張茂直鞠之株逮至千百強抑使承盜鑄罪死者甚眾帝意其非辜遣疇及御史蕭服往代京將啖以願仕疇至蘇即日決釋無佐証者七百八嘆曰為天子耳目司而可傳會權要殺人以苟富貴乎遂閱實平反以聞京大怒削疇三秩貶監信州酒稅未幾卒建炎初贈龍圖閣直學士子澹官至右正言蕭服字昭甫廬陵人第進士調望江令治以教化為本知高安縣尉獲盜獄具矣服審其辭疑之視其刀室不與刃合頃之而殺人者得囚益平民也徙知康州未行改觀賢宅教授提舉淮西常平召為將作少監以使事

得入對論人主聽言之要以為唐虞盛世猶畏巧言而即讒說纒纒數百言徽宗謂有爭臣風擢監察御史奉詔作崇寧備官記帝稱善詔輔臣曰服文辭勁麗宜居翰苑朕愛其鯁諤願臺諫中何可闕此人俄借沈疇使鞫獄坐羈管處州踰歲得歸張商英當國引為吏部員外郎送遠使得疾於道遂致仕既愈還舊職知蘄州卒年五十六

徐勣字元功宜州南陵人舉進士調吳江尉遷桂州教授王師討交趾轉運使徽勣從軍餉路瘴險民當役者多避匿捕得千餘人使者使勣杖之勣曰姑涅臂以戒亦可已使者怒勣力爭不變使者不能奪郭逵逗留不進勣謂副使趙高曰師出淹時而主帥無討賊意何由成功因具蠻人情狀疏於朝既而逵高果以無功乞求

知建平縣入為諸王宮教授通判通州瀕海有捍隄廢不治歲苦漂溺勣躬督防卒護築之隄成民賴其利復教授廣陵申王院改諸王府記室參軍徽宗立擢實文閣待制兼侍講遷中書舍人修神宗寔錄時紹聖黨尙在朝人懷異意以沮新政帝諭勣因論擇相之難云已召范純仁韓忠彥勣頓首賀曰得人矣詔與蔡京同校五朝寶訓勣不肯與京聯職固辭奏京之惡引盧杞為

喻遷給事中翰林學士上疏陳六事曰時要曰任賢曰求諫曰選用曰破朋黨曰明功罪國史久不成勣言神宗正史今更五閏矣未能成書蓋由元祐紹聖史臣好惡不同范祖禹等專主司馬光家藏記事蔡京兄弟純用王安石日錄各為之說故議論紛然當時輔相之家命勣草詔戒史官帝之初政欲損革新法之害民曾

布始以為然已乃密陳紹述之說帝不能決以問勣勣曰聖意姑務兩存臣未見其可也又因論棄淳州請自今勿妄興邊事俄而遭憂京入輔擢勣行章惇詞以為詆先烈服闋以主管靈仙觀入黨籍中起知江寧府言者復論為元祐姦朋罷歸大觀三年知太平州召入觀極論茶鹽法為民病帝曰不見卿久今日乃聞嘉言加龍圖閣直學士留守南京以疾除顯謨閣學士致仕卒年七十九贈資政殿學士正奉大夫勣挺挺持正尤為帝所禮重而不至大用時議惜之

張汝明字舜文世為廬陵人徙居真州登進士第歷衛真江陰黃華陰四縣主簿杭州司理參軍亳州鹿邑丞滯州縣二十年未嘗出一語干進故無薦者大觀中特改宣教即擢監察御史嘗攝殿中侍御史劾政府市恩招權以蔡京為首帝獎其介直京頗憚之徙司門員外郎猶虞其復用力排之出通判靈化軍地界邊文移數往來汝明名觸其諱遂以檄暴於朝坐責監壽州麻步場遇赦簽書漢陽判官田法行受牒按境內故吏不得通賄賂而稅均於一路最晚知岳州卒於官年五十四汝明事親孝學精微研象數貫穿經史百家所著書不蹈襲前人語

黃葆光字元暉徽州黟縣人以從使高麗得官試吏部銓第一賜進士出身由徐州司理參軍為太學博士遷祕書省校書郎擢監察御史左司諫言三省吏猥多如遷補陞轉奉入賞勞之類非元豐舊制者其大弊有十願一切革去徽宗即命釐正之蔡京怒其異己密白帝請降御筆云當豐亨豫大之時為衰亂滅損之計徒葆光符寶即省吏釀錢入寶錄官作十道齊報上恩帝思

其忠明年復拜侍御史遺人李良嗣來歸上平夷書規進用擢祕書丞葆光論其不可大槩言良嗣凶黠忿驚犯不赦之罪於鄰國逃命遣死妄作平夷等書萬一露泄為患不細中祕圖書之府豈宜以罪人為之宜實諸諷甸之外又言君尊如天臣卑如地君不可屈臣不可亢帝命近臣讀其奏於殿中自崇寧後增朝士兼局多葆光以為言乃命蔡京裁定京陽請一切廢罷以激怒士大夫葆光言如禮制局詳議官至七員檢官至十六員製造局至三十餘員豈不能省去一二上副明天子之意時皆壯之政和末歲早帝以為念葆光上疏言陛下恭儉敦朴以先天下而太師蔡京侈大過制非所以明君臣之分陛下以紹述為心而京所行乃背元豐之法強悍自專不肯上承德意太宰鄭居中少宰余深依違畏避不能任天下之責此天氣下而地不應大臣不能尚德以應陛下之所求也疏入不報京權勢震赫舉朝結舌葆光獨出力攻之京懼中以他事貶知昭州立山縣又使言官論其附會交結泄漏密語詔以章揭示

朝堂安置昭州京致仕召為職方員外郎改知處州州當方臘殘亂之後盡心牧養民列上其狀加直祕閣再任卒年五十八州人祠之葆光善論事不為橫議所移時頗推重極論蔡京無所顧然其他不能不迎時好方作神霄萬壽宮温州郭敦實泗州葉點皆坐是得罪葆光遂疏建昌軍陳并秀州蔡密岳州傅惟蕭郡門令葛長卿不即奉行制書存留僧寺形勝佛象及決罰道流乞行竄黜遂悉坐停廢識者尤之

石公弼字國佐越州新昌人登進士第調衛州司法參軍洪水監牧馬邊食人稻為田主所傷密白郡守韓宗

哲欲坐以重辟公弼曰禽獸食人食主者安得不禦禦之豈能無傷使上林虎豹出而食人可無殺乎既而使者來慮囚如公弼議章悼求太學官或薦公弼使往見謝曰丞相素侮人見者何意苟容所不忍也再調漣水丞知廣德縣召為宗正寺主簿入見言朝廷比日所為直詞罕聞頌聲交至未有為陛下廷爭可否者願崇忠正以銷諛佞通諫諍以除壅蔽徽宗善之擢監察御史進殿中侍御史三舍法行士子計等第頗事告許公弼言設學校者將以仁義漸摩欲人有士君子之行願使相告許非建學本意又言剛定敕令官寺監丞簿等皆以執政近臣子弟為之不習政事請一切汰遣以開寒賤之路從之由右正言改左司諫言東南軍政之敝以有兵之籍為無用之技以太平之賦養積弊之兵異日懼有未然之患其後賸盜起如其言太史保章正朱汝楫以入奉得罪而內侍失察者皆不坐按東都事略章正朱汝楫冒請絹覺既論汝楫而有司失察者皆以中貴得不坐語較宋史本傳明斷附識於此公弼言是皆矯稱詔旨安得勿論請自今中旨雖不當覆看亦令有司審奏遷侍御史蘇杭造作局工成公弼陳擾民之害請革技巧之靡麗者稍罷進奉帝納之蔡京始與公弼有連故因得進用至是意寢異京志焉徙太常少卿遷起居郎兼定王嘉王記室故事初至宮例得金緡之數二百萬公弼辭不受大觀二年拜御史中丞水官趙霆建開直河議謂自此無水憂已而決壞鉅鹿法當斬但削其官猶為太僕少卿公弼論為失刑霆坐貶京西轉運使張徽言欲因方田籍增立汝襄鄧三州稅公弼以為括克重斂詔罷之遂劾蔡京罪惡章數十上京始罷又言吏員猥冗辰元豐舊制於是應行裁併者

多如制仕塗為清京雖上相印猶提舉修實錄公弼復言京盤旋京師無去志又因星變言之竟出京杭州及劉逵主國柄公弼復論其廢紹述良法啟用元祐邪黨學術人以是知其非一意於正者進兵部尚書兼侍讀上疏言崇寧以來臣下專務生事開邊興利營繕徭役歷民根本因之饑饉汴西挽運花石農桑廢業徒弊所有以事無用宜使之休息以承天意張商英入相欲引為執政何執中吳居厚交沮之以樞密直學士知揚州羣不逞為俠於閭里自號亡命社公弼取其魁傑痛治社遂破散江賊巢藏蘆蘆中白晝出剽公弼令督捕盡除之改述古殿直學士知襄州蔡京再輔政賈秀州團練副使台州安置踰年遇赦歸卒年五十五後三歲復其官公弼初名公輔徽宗以與楊公輔同改今名張克公字介仲穎昌陽翟人起進士大觀中為監察御史遷殿中侍御史蔡京再相克公與中丞石公弼論其罪京罷克公徙起居舍人踰月進中書舍人改右諫議大夫京猶留京師會星文變克公復論之中其隱隱語在京傳京致仕張商英為相與鄭居中不合克公由兵部侍郎拜御史中丞治堂吏訟歸曲商英且疏其罪十商英罷京復召衛克公弗置徽宗知之為徙吏部尚書京欲以銓綜稽違中克公既又摘其知貢舉事帝以為所取得人不同也居吏部六年卒贈資政殿學士毛注字聖可衢州西安人舉進士知南陵高苑富陽三縣皆以治辦稱大觀中為主客員外郎俄擢殿中侍御史蔡京免相留京師注疏其擅持威福動搖中外以葉夢得為腹心交植黨與帝逐夢得而遷注侍御史遂極論京受孟翊妖姦之書與逆人張懷素遊處引朋林

臆置政府用所親宋喬年尹京其門人播傳咸謂陛下恩眷不衰行且復用於是論者相繼京遂致仕四年夢再見注又言臣累論蔡京罪積惡大天人交譴雖罷相致政猶怙恩恃寵偃居賜第以致上天威怒推原其咎實在於京考京之罪陛下去黨碑以開自新之路京疾其異已而別為防禁陛下頒明詔以來天下之言京惡其議已而重致於法以嚴刑峻罰脅持海內以美官重祿交結人心錢鈔屢更而商賈不行邊事數易而國力大匱聲焰所震中外憤疾宜早令去國消弭災咎奏上京始出居錢塘注復采當世之急務曰省邊事足財用收士心禁技巧大鑿謂近年以來邊民僥倖苟得昔所入貢者今必城為郡縣昔所羈縻者今盡納其土疆如夔渝新邊宜在裁省運鹽昔主於漕計今移於他司常平昔積於外州今輪於都下經費安得不匱財貨何以轉移願詔有司悉請復元豐舊制今學校養士蓋有常額歲貢之餘略無可進之地願留貢籍三分暫存科舉以待舉外之士東南造作奇玩花石綱舟與後苑工徒京城營繕並宜暫罷以抑末敦本注所論切於世務類此遷左諫議大夫張商英為相言者攻之力注亦言其無大臣體然訖以與之交通罷提舉洞霄宮居家數歲卒建炎末追復諫議大夫洪彥昇字仲達饒州樂平人登第調常熟尉歷彬州判官發書鎮東南軍節度判官辟廣西經略府擢提舉常平遂為監察御史遷殿中侍御史彥昇孤立任言責論蔡京再居元宰假紹述之名一切更張敗壞先朝法度朋姦誤國公私困弊既已上印而偃蹇都城上憑眷顧之恩中懷跋扈之志願早賜英斷遣之出京何執中緣

潛邸之舊德薄位尊當輔處中見利忘義唯貨殖是圖
願解其機政以全晚節他如鄧洵仁蔡疑劉極李孝稱
許光凝許繼章李諫任熙明之流皆條摭其過一不
爲回隱先是詔諸道監司具法令未備若未便於民者
久而弗上彥昇言吏察於勢隨時俯仰不能上承德音
因緣爲姦者眾宜遣官編覈辨其邪正以行賞罰皆從
之遷給事中嘗謂告一日而張商英復官之旨經門下
言者以爲顧避封駁出知滁州尋加右文殿修撰進徽
猷閣待制知吉州久之知潭州年六十三贈大中大夫
鍾傳字弱翁饒州樂平人用李憲薦爲蘭州推官坐對
獄不實羈管彬州紹聖中章惇與邊事奏還其官得入
對爲哲宗言兵事命幹當熙河涇原秦鳳三路公事夏
人陷金明渭師毛漸出兵攻其沒烟砦傳合擊破之又
與熙州王文郁進築西安城論功加祕閣校理章案帥
涇命傳所置苗履統眾會涇原之靈平夏人悉力來
拒傳騎二萬出不意造河梁以濟師遂作金城關又獻
白草原捷連進集賢殿修撰知熙州傳自始仕至此僅
再歲遂擅師熙秦騎四萬出塞無功而還悖方主其議
不加罪初傳請合三路兵從青諾爾沁或顛耳關築天
都城以包淺井且羅和市工既集復言水源不壯不可
與役朝論以所奏乖異將罷傳曾布爲言但職職俄而
自草原詐增首虜事覺監永州稅再貶連州別駕崇
寧中復起知河中府歷鄆瀛渭三州擢顯謨閣待制建
言河南要地靈武爲根本乃條上十四事未報詔諸道
進討傳遣將折可適領銳騎出蕭關至靈州川有功進
龍圖閣直學士會別將高永年沒於西靈可適遇雨失
道爲虜所乘乃班師傳以稽遲違撓黜知汝州奪學士

未幾復爲杭州真定承興太原延安府以故職卒贈端
明殿學士傳從布衣致通顯所行事大抵欺妄故屢起
屢償云
陶節夫字子禮饒州鄱陽人晉大司馬侃之裔也第進
士起家爲廣州錄事參軍知新會縣崇寧初爲講議司
檢討官進虔部員外郎遷陝西轉運副使徙知延安府
以招降羌有功加集賢殿修撰築石堡等四城石堡以
天澗爲隄可趨者惟一路夏人害粟其間以千數旣爲
宋有其酋驚曰漢家取我金窟塢亟發鐵騎來爭節夫
分部將士遮禦之斬獲統軍以下數十百人夏人度不
可得敵兵退連擢顯謨閣待制龍圖閣直學士方議城
銀州謀告夏人已東節夫料必西趨涇原官屬不肯從
節夫曰吾計之熟矣乃遣裨將耿端彥疾驅至銀州五
日城成夏人果從涇原至則城備已固遂遁去進樞密
直學士節夫在延安日久蔡京張康國從中助之故唯
京意是徇夏人欲款塞拒弗納放牧者執殺之夏人怨
怒大入鎮戎軍殺掠數萬口節夫尋領經制環慶涇原
河東邊事言今旣得石堡又城銀州遂陳取興靈之策
加龍圖閣學士會朝廷罷經制司且棄所城地節夫乃
求內郡徙洪州改江寧府歷青秦二州太原府羣盜李
勉起邈州北平之間河東河北騷動兩路帥臣憲臣皆
罷去至出臺即督捕之節夫請悉罷所遣兵卒以計獲
免坐上疏乞留本道兵勿移戍降爲待制知永興軍數
月卒追復龍圖閣學士

提舉京西南路常平元祐初知高郵軍遷廣東轉運判
官梁陽蠻擾邊近臣言漸習知蠻事徙判湖北路轉運
判官時朝廷議棄地漸曰蠻獠畔服不常非稍威以兵
未易懷德今一犯邊卽棄地非計也不報渠陽旣棄蠻
復大入抄略荆土爲大擾漸歷提點江西刑獄江東兩
浙轉運副使浙部水盜案錢氏有國時故事起長安堰
至鹽官徹清水浦入于海開無錫蓮蓉河武進廟堂港
常熟疏涇梅里入大江又開崑山七耳西涇下張諸浦
東北道吳江開大盈顧匯柘湖下金山小官浦以入海
自是水不爲患加集賢校理入爲吏部右司郎中以祕
閣校理爲陝西轉運使攝渭秦熙三州未幾復攝帥涇
原日夜治兵乘夏人犯邊遣將擣其虛遂破沒烟砦進
直龍圖閣知渭州命下卒優贈龍圖閣待制
王祖道字若愚福州人第進士調韓城尉知松陽白馬
二縣爲司農丞監察御史數言事改司封員外郎知汀
泉福三州入爲戶部吏部員外郎左司諫言陝西兵未
可減徽宗謂其論事無足行出知海州拜祕書少監再
爲福州加直龍圖閣知桂州蔡京開邊祖道欲乘時徵
富貴誘王江酋楊展免等使納土夸大其辭言向慕者
百三十峒宜開建城邑控制百蠻以武臣爲守置溪峒
司主之詔以爲懷遠軍置二砦爲立學又言黎人爲患
六十年道路不通今願爲王民得地千五百里遂以安
口隘爲允州中古州地爲格州增提舉溪峒官三員又
言羈縻地文蘭那四州羅文誠等皆請內附請於黎母
山立鎮州爲下都督府賜軍額曰靜海徙萬安軍於水
口南丹州莫公佺獨拒命發兵討擒之遂築懷遠軍爲
平州格州爲從州南丹爲觀州并允地文蘭那五州置

黔南路擢祖道顯謨閣待制進龍圖閣直學士召為兵部尚書未行興融州張莊謀使莊奏言海南一千二十峒皆已團結所未得者百七十峒於是徭黎渠帥不勝忿蜂起侵割圍新萬安軍及觀州殺官吏初祖道徙城時言黎人伐木助役及是詔問不能對京庇之猶除端明殿學士知復州復以刑部尚書召大觀二年卒贈宣奉大夫祖道在桂四年厚以官爵金帛挑諸夷建城邑調兵鎮戍董輸內地錢布鹽粟無復界限地瘴癘戎者歲亡什五六實無尺地一民益於縣官蔡京皆自以為功至謂混中原風氣之殊當天下輿圖之半祖道用是超取顯美張商英為相治其誕同追貶昭信軍節度副使京再輔政復還之然其所創名州縣不旋踵皆罷是後龐恭孫張莊趙適程鄉皆以拓地受上賞大抵皆規模祖道朝廷受其惠云

張莊應天府人也元豐三年擢進士第歷提舉司講議司檢討官出提舉荆湖夔州等路香鹽事改提舉荆湖北路常平本路提點刑獄進龍圖閣直學士廣南西路轉運副使王祖道既請立朱崖諸州縣徙萬安軍詔莊按覆相度實與祖道相表裏授集賢殿修撰知桂州融州徙福州復知桂州奏安化上三州一鎮地土及恩廣監峒蒙光明等納土共五萬一千一百餘戶幅員九千餘里尋又奏寬樂等州納土十六州三十三縣五十餘峒幅員萬里蔡京帥百官表賀莊兼黔南路經略安撫使未幾安化蠻納土莊遣黃忱往築州城忱蠻將也知蠻情偽力言不可莊怒遣忱護築淡州別遣胡超儀昌等築安化城果為蠻所掙超等沒者幾千人中書舍人宇文粹中言祖道及莊擅興師旅敗壞邀功妄言諸

蠻效順納款當時柄臣攬為緩撫四夷之功奏賀行賞張皇其事欺君莫大於此朝廷既追貶祖道莊責舒州團練副使承州安置再貶連州移郴州起知荆南府徙江寧復進徽猷閣直學士歷知渭臺襄州鎮江東平府宣和六年坐繕治東平城不加功輒復權臣降兩官提舉嵩山崇福宮卒贈宣奉大夫

趙適開封人大觀初以發運司句當公事為梓州路轉運司判官瀘戎諸夷納土命適相置以建立純州縣若勞加直祕閣升轉運副使俄授龍圖閣直學士為正使政和五年晏州夷酋卜漏反陷梅嶺堡知若高公老遣會瀘帥賈宗諒以斂竹木授夷部且誣致其首罪夷人咸怨漏遂相結因上元張燈襲破若虜公老妻及其器物四出剽掠通行部昌州聞之倍道趨瀘州賊分攻樂其城長寧軍武寧縣宗諒皆遣將拒卻之已而樂其城監押藩虎誘殺羅始党族首領五十人其族蠻憤怒合漏等復攻樂其城適并劾之詔斬虎罷宗諒代以康延魯而聽適節制於是詔發陝西軍義軍上軍保甲三萬人以適為瀘南招討使適與別將馬覺張思正分道出既抵晏州覺思正各以兵來會漏據輪縛大國其山岷起數百仞林箐深密乃壘石為城外樹木柵當道穿阬阱仆巨楫布渠谷夾以守障蔽賊官軍矢石所中皆歷碎適軍不能進聞從巡檢神友直田祐恭按視其旁山崖壁特峭絕賊恃之無守備適命友直祐恭率其下而身當賊衝番軍迭攻之友直所部多思黔土丁習山險而山多生榛適遣土丁捕之伐去蒙密絲崩石挽勝葛而上得榛數十頭束麻作繩以背縛縛於榛背暮夜復遣土丁負繩梯登崖巔悉繩引下人人銜枚挈箕

蟻附而上比雞鳴友直祐恭與其眾悉登及賊柵出火然炬孫熱狂跳賊廬舍皆茅竹篠窳其上火輒發賊號呼奔撲火益熾官軍鼓譟破柵逾望見火庫軍躡雲梯攻其前兩軍相應賊擾亂不復能抗俘斬數千人卜漏突圍走至輪多國追獲之晏州平諸夷落皆降拓地環二千里適為建城若畫疆畝募人耕種且習戰守號曰勝兵詔置沿邊安撫司以轉運副使孫義叟為安撫使高公老妻不辱而死詔贈節義族姪加適龍圖閣直學士熙州蘭渥經略安撫使適既入對賜上舍出身拜兵部尚書適與童貫有隙力請去以提舉醴泉觀出知成德拜延康殿學士賜其子承裔上舍出身祕書省校書郎諫水人董才聚眾為賊攻敗城邑邈人不能制中山帥府陰與才通誘使來歸才尋為遺所破遂上書請取全燕以自效王黼童貫大喜將許之適言不可曰今以侍從備帥臣而真定中山邊接隣苟一開吾境得無事乎疏奏上然之又斥還才書才窮蹙轉入河東詔問適適復具疏極論其害泊適徙熙州黼等卒納才又慮適過關入見有所陳趣使便道赴鎮時議更陝西大鐵錢價與銅錢輕重等適上言雖厲其禁終不可行居數月以疾乞致仕命提舉嵩山崇福宮起知中山順昌應昌府金人舉兵召適赴關尋卒承裔應知眉州言者論適欺罔朝廷以軍功承裔遂放罷

欽定續通志卷三百六十一

列傳

宋六十六

郝質

賈達

寶舜卿

劉昌祚

盧政

燕達

姚兕麟 雄

楊燧

劉舜卿

宋守約球

苗授履

王君萬騰

張守約

王文郁

周永清

劉紹能

王光祖

李浩

和斌

劉仲武

曲珍

劉閔

郭成

賈嵩

張整

張蘊

王恩

楊應詢

趙隆

郝質字景純汾州介休人少從軍挽疆為第一充殿前行門換供奉官為府州駐泊都監主管麟府軍馬與田肅將兵護軍須餽麟州道遇西夏數千騎質先驅力戰斬首獲馬數百又與肅行邊至栢谷敵壘道以阻官軍質禦之於寒嶺下轉鬪逐北遂修復寧遠諸柵以扼賊衝以功超遷內殿承制并代路都監賈昌朝薦為本路鈐轄使討貝州文彥博至命部城西回河上有亭甚壯彥博慮為賊焚遣小校藺千守而質使千往他營度戰具亭焚彥博將斬千質曰質實使之罪乃在質彥博壯其義兩釋之質自此益知名賊平遷六宅使歷高陽關定州并代鈐轄駐泊副都部署龍神衛捧日天武都指揮使馬軍殿前都處候加領賀州刺史英州團練眉州防禦使奉詔城豐州進步軍副都指揮使宿州觀察使還宿衛改馬軍英宗立遷武昌軍節度觀察留後加安

德軍節度使為殿前副指揮使神宗立易節度武軍為都指揮使按東都事略神宗即位遷元豐元年辛帝親臨其喪贈侍中諡曰武莊賈御軍有紀律犯者不貸而享犒豐盈公錢不足出已俸助之平居自奉簡儉篤于信義從微至貴皆以功次遷云

賈達真定藁城人隸供聖軍為卒至殿前班副使換西染院副使從狄青征儂智高戰於歸仁驛既陳青誓眾曰不待令而舉者斬時左將孫節戰死達為右將軍先鋒將私念所部兵數因易勦兵法先據高者勝苟復待命而賊乘勝先登吾事去矣即日引軍趨山旣定賊至連塵眾馳下伏劍大呼斷賊為二賊首尾不相救遂潰達詣青請罪青拊其背勞謝之邕州城空青使達入括公私遺墜固辭是時將校多以搜城故匿竊金寶獨達無所犯遷西染院使嘉州刺史秦鳳路鈐轄以母老辭不許徙并代路專主管麟府軍馬熟戶散處邊關苦於寇略達差度遠近聚為二十七堡次第相望自是害乃息復徙秦鳳去之十日而代者郭思敗朝廷以達為能連擢捧日天武四廂都指揮使馬步軍殿前都處候歷涇原高陽關麟延路副都總管以利州觀察使入為步軍副都指揮使都城西水暴溢注安上門英宗遣達督護至囊土塞門水乃止議者欲穴隄以泄其勢達請觀水所行諭居民徙高避水然後決之軍校營城外者每常朝即未曉啟門鑰達言禁城當謹啟閉不宜憑報者遷馬軍副都指揮使復總郵延兵延州舊有夾河兩城始元吳人寇據險城幾不能守達相伏龍山九州臺之間可容窺覘請於其地築保障與城相望延人以為便轉昭信軍節度觀察留後奏言神諤處綏州降人於

東偏初云萬三千戶今乃千一百戶耳逋逃之餘所存纔八百自延州運粟至懷靈率以四百錢致一石而緣邊居人壯者但日給一升罔冒何至大半徒欲安興邊事自以為功不可不察元豐初拜建武軍節度使殿前都指揮使請不俟郊赦賜三世官神宗曰達武人能有念親之志其特許之數月而卒年六十九贈侍中諡曰武恪

寶舜卿字希元相州安陽人以蔭為三班奉職監平鄉縣酒稅辟府州兵馬監押夏人犯塞舜卿欲襲擊舉烽求援於大將王凱弗應舜卿度事急提州兵出戰勝之明日經略使問狀凱懼要以同出為報舜卿驩然相許不自以為功為青淄路都監海盜行劫執博昌鎮官吏肆剽掠舜卿募士三百悉擒之使契丹主客馬祐言昔先公客省善射君富傳家法置酒請射舜卿發輒中祐使奴持二弓示之一挽皆折湖北蠻獠彭仕義叛徒為鈐轄兼知辰州建請築州城不擾而辦帥師取富州蠻將萬年州據石狗崖舜卿選壯卒奮擊蠻矢石交下卒蒙盾直前發強弩射萬年州斃于崖下遂拔之左右欲盡勦其眾舜卿不許曰仕義願內附特為此輩所脇今死矣何以多殺為引兵入北江仕義降摧康州刺史加龍神衛捧日天武四廂指揮使馬軍殿前都處候三遷邕州觀察使歷邕寧環慶路副都總管熙寧中上章求退且丐易文階改刑部侍郎提舉嵩山崇福宮以光祿大夫致仕再轉金紫光祿大夫卒年八十八諡曰康敏

劉昌祚字子京真定人父贊戰歿于定州錄為右班殿直主秦州威遠砦唐聚兵鹽井經年不散昌祚奉帥

命往詰之諸酋曰聞漢家欲取吾并鹽昌祚曰國家富有四海何至與汝爭此邪與酋俱來犒賚之歡然帥眾去遷西路都巡檢使還神宗臨試馳射授通事舍人夏人寇劉溝堡昌祚領騎二千出援虜伏萬騎於黑山而偽遁卒遇之戰不解薄暮大酋突而前昌祚抽矢一發殪之餘眾悉遁帥李師中上其功曰西事以來以寡抗眾未有如昌祚者知階州討平穆濟等族又平疊州轉作坊使為熙河路都監從王中正入蜀破筆築羌加皇城使榮州刺史秦鳳路鈐轄又加西上閣門使果州團練使知河州元豐四年為涇原副都總管王師西征詔與總管姚麟率蕃漢兵五萬受環慶高遵裕節制令兩路合軍以出既入境而慶兵不至昌祚出胡盧川次瑪伊克隘夏眾十萬扼險昌祚挾兩盾先登夏人小卻師乘之斬首千七百級進次鳴沙川取其塞粟遂薄靈州城先鋒奪門幾入遵裕馳遣使止之昌祚按甲勿攻是夕慶兵始距城三十里而軍遇敵接戰昌祚遣數千騎赴之遲明賊已退遵裕訝應援之緩有誅昌祚意怒未解欲奪其兵付姚麟麟不敢受乃已明日遣昌祚巡營凡所得馬糧悉為慶兵所取涇師忿謀遵裕圍城十八日不能下夏人決七級渠以灌遵裕師軍遂潰即南還復命涇師為殿昌祚手劍水上待眾濟然後行為虜所及戰退至渭州糧盡士爭入城無復行伍坐貶永興軍鈐轄明年復從涇原加龍神衛四廂都指揮使知延州兼鄜延路經略安撫使按宋史本傳作知延州東都文獻通考時知太原府及延慶熙寧等州皆以指置邊事兼經略安撫使以重其任昌祚蓋知延州兼鄜延路經略安撫使故下文有措置義合德靖諸蕃語時承樂瓦七百里云云宋史與事略互異今補錄時承樂方陷士氣不振昌祚先修馬政自義合至德靖岩綿互

七百里堡壘疏密不齊烽燧不相應昌祚度屯成險易地望遠近事力疆弱立為定式上諸朝夏人寇塞門安遠皆拒破之殺其統軍額布勒茂密額默二人蓋始謀攻永樂者哲宗立進步軍都虞候雄州團練使知渭州應馬軍殿前都虞候渭州宜牧養故時弓箭手人授田二頃有馬者復增給之謂之馬口分地其後馬死不補而據地自若昌祚按舉其法不二年耗馬復初又括隴山閒田得萬頃募士卒五千別置將統之勁悍出諸軍右朝廷歸夏人四砮昌祚以為不可再遷殿前副都指揮使翼州觀察使武康軍節度使卒贈開府儀同三司諡曰毅肅昌祚氣貌雄偉最善騎射箭出百步之外夏人得箭以為神所著射法行於世

盧政太原文水人以神衛都頭從劉平與夏人戰延州虜薄西南隅兵不得成列政引數騎挑戰發弩二百射卻之日且暮政說平曰今處山間又逼污澤宜速退保後山須明決鬪不然彼夜出乘高蹙我何以禦之平不聽遂敗政脫身歸黃德和誣平降賊神宗引政問狀政言平被執非降也因自陳失主將當死帝義其言赦之以為供奉官德州兵馬監押預討貝州率勇敢數百人飛環絳堞而登守者莫能亢大軍乘之以入遷內殿承制南征儂智高亦有功歷秦鳳高陽關都鈐轄治平熙寧中為捧日天武四廂都指揮使三衛都虞候副都指揮使涇原定州并代州等四路副都總管累轉祁州團練昌州防禦黔州觀察使拜武泰軍節度使政時年七十三氣貌不衰能上馬踴躍觀者止之暴卒贈開府儀同三司

燕達字逢辰開封人以材武禁籍授內殿崇班為延

州巡檢成懷寧若夏人三萬騎薄城達所部止五百人躍馬奮擊所向披靡擢鄜延都監數帥兵深入敵境九戰皆以勝歸累遷西上閣門使領英州刺史為秦鳳副總管討破河州羌遂降瑪爾戩遷東上閣門使副都總管真拜忠州刺史龍神衛四廂都指揮使郭達招討安南為行營馬步軍副都總管入辭神宗諭之曰卿名位已重不必親矢石第激勉將士可也達頓首謝曰臣得惡威靈滅賊雖死何憚初渡嶺間前鋒遇敵苦戰欲往援偏校有言當先為家計然後進者達曰彼戰已危詎忍為自全計下令敢言安營者斬乃卷甲趨之士皆自奮傳呼太尉來蠻驚潰即定廣原師次富良江蠻艦關船於南岸欲戰不得達默計曰兵法致人而不致於人吾示之以虛彼必來戰已而蠻果來擊之大敗乃請降師還拜榮州防禦使元豐中遷金州觀察使加步軍都虞候改馬軍起授副都指揮使以訓閱精整除一子閣門祇候數被詔獎進殿前副都指揮使武康軍節度使哲宗立遷殿前都指揮使徒節武信卒贈開府儀同三司諡曰毅敏達起行伍喜讀書神宗以其忠實可任每燕見未嘗不從容嘗問用兵當何先對曰莫如愛帝曰威克厥愛可乎達曰威非不用要以愛為先耳帝善之姚兕字武之五原人父寶戰死定川兕補右班殿直為環慶巡檢與夏人戰一矢斃其首眾潰因乘之遂破蘭浪敵大舉寇邊諸砦皆受圍兕時駐劄原堡先羌未至據險張疑兵伺便輒出有悍酋臨陣甚武兕前射中其目斬首還一軍驩呼明日來攻益急兕手射數百人裂指流血又遣子雄引壯騎馳掩其後所向必克敵度不可破乃退攻大順城兕復往救轉關三日凡斬級數千

卒全二城慶軍叛兇以親兵守西關盜眾不得入而奔
兇追及下馬與語皆感泣羅拜誓無復為亂神宗聞其
名召入親試以騎射屢中的遷環慶路都監徙鄜延涇
原從攻河州飛矢貫耳戰益力河州既得又為果莊所
圍兇曰解圍之法當攻其所必救乃往擊隆宗圍遂解
累遷皇城使遷鈐轄從攻交趾有功領雅州刺史破奇
迪領忠州團練使遷環慶路副總管遷東上閣門使徙
熙河與神誼合兵討果莊于洮州破倫布宗城夜斷浮
橋援兵不得度遂擒果莊按東都事略載拜東上閣門
使移熙州果莊據洮州謀言
青唐欲將兵由濟舉梁會于洮合我獨兇自河州率
兵破倫布宗城夜遣驍將縱火濟舉梁明日青唐兵至
不得遂洮州之援果莊就即拜通州團練使改郵延總
管卒贈忠州防禦使兇幼失父事母孝凡圖畫器用皆
刻大警未報字力學兵法老不廢書弟麟亦有威名關
中號二姚子雄古

麟字君瑞兄兇攻河州時俱在兵間中矢透骨鏃留不
去以彊弩出之笑語自若積功至皇城使為秦鳳副總
管從李憲討生羌擒凌結貝再轉東上閣門使英州刺
史元豐西討以涇原副總管從劉昌祚出戰得勝轉戰
向鳴沙趨靈州而高遵裕敗還降為皇城使承興軍路
鈐轄復為涇原副總管夏人修貢且乞蘭會壤土麟言
夏人囚其主王師是征今乘常不廢即為順命可因以
息兵矣獨蘭會不可與願戒將帥飭邊備示進討之形
以絕其望從之督諸將討堪格平經略使盧秉上其功
狀元祐初擢威州團練使龍神衛四廂都指揮使歷步
軍殿前都虞候馬步軍副都指揮使紹聖三年麟以建
武軍節度觀察留後出知渭州安憲請留之曾布曰臣
嘗訪麟禦邊之策及熙河疆威俱不能知願加敕使使

之盡力韓忠彥曰奏對語言非所以責此輩哲宗乃留
麟不遣尋拜武康軍節度使殿前副指揮使王瞻取青
唐麟以為朝廷討伐方息肩奈何復生此大患已而瞻
果敗徽宗立進都指揮使節度建雄定武軍檢校司徒
卒贈開府儀同三司麟為將沈毅持重不少縱捨宿衛
士嘗犯法詔釋之麟杖之于庭而後請拒詔之罪故所
至肅然

雄字毅夫少勇鸞有謀年十八即佐父征伐從討金湯
以百騎先登奪隘又成務原之功安南瀘川之役皆在
軍行歷涇原秦鳳將駐甘谷城知通遠鎮成軍岷州官
累佐驍驍使紹聖中渭帥章棗城平夏雄部熙河兵策
援夏人傾國來與之虜鬪流矢注肩戰采厲賊引卻追
躡大破之斬首三千級俘獲數萬先五日折可適敗於
沒烟士氣方沮雄買勇得備諸道始得并力城成擢東
上閣門使秦州刺史明年虜攻平夏勢銳甚城幾不守
雄與弟古合兵卻之徒知會州熙河鈐轄王瞻略地青
唐羌人攻湟鄯詔雄與苗履援之邈川方急雄適至羌
望見塵起驚而潰圍既解徙河州种朴戰沒王瞻軍陷
敵中雄自都至湟四戰皆捷拔出之遂築安鄉關夾河
立堡以護浮梁通湟水漕運商旅販入湟者始絡繹
於道加復州防禦使建中靖國初議棄湟州詔訪雄利
害雄以為可棄遂以賜趙懷德徙雄知熙州進華州觀
察使蔡京用王厚復河湟洽棄地罪停雄官光州居住
後復寶金州明年乃聽歸高宗年死西憲諸戍阻絕起
雄權經略熙河安輯復新邊使知滄州加捧日天武四
廂都指揮使復為熙州遷安德軍節度觀察留後步軍
副都指揮使拜武康軍節度使召詣闕為中太一宮使引

疾納節鉞改左金吾上將軍又以武康節知熙州熙河
十八年間更十六帥唯雄三至未幾以檢校司空奉寧
軍節度使致仕卒贈開府儀同三司諡武憲

古亦以邊功累官熙河經略靖康元年金兵逼京城古
與秦鳳經略种師中及折彥質折可求等俱勒兵勤王
時朝命种師道為京畿河北路制置使趣召之師道與
古子平仲先已率兵入衛欽宗拜師道同知樞密院宣
撫京畿河北河東平仲為都統制上方倚師道等卻敵
而种氏姚氏素為山西巨室兩家子弟各不相下平仲
恐功獨歸种氏忌之乃以士不得速戰為言欲夜劫幹
里雅布營謀泄反為所敗既而議和金兵退詔古與种
師中折彥質范瓊等領兵十餘萬護送之尼雅滿陷隆
德府以古為河東制置种師中副之古總兵援太原師
中援中山河間諸郡尼雅滿圍太原內外不相通古進
兵復隆德府威勝軍扼南北關與金人戰互有勝負太
原圍不解詔古與師中犄角師中進師平定軍乘勝復
壽陽榆次等縣朝廷數遣使趣戰師中約古及張灝兩
軍齊進而二人失期不至師中回趨榆次兵敗而死金
人進兵迎古遇于盤陀古兵潰退保龍德詔以解潛代
之古之屯威勝軍也帳下統制官焦安節妄傳寇至以
動軍情既又勸古遁去故兩郡皆潰李綱召安節斬之
中丞陳過庭奏古罪不可恕詔安置廣州

楊燧開封人善騎射應募隸軍籍從征貝州穴城以入
賊平功第一補神衛指揮使又從征儂智高接戰手殺
數十人眾乘之而捷擢萬勝軍都指揮使遷榮州團練
使京城左廂巡檢英宗即位以為鄧州防禦使步軍都
虞候歷環慶涇原鄜延二路副都總管至馬軍副都指

揮使由客州觀察使拜靈遠軍節度殿前副都指揮使卒贈侍中諡曰莊敏燧初穴貝州城時為叛兵所傷同行卒劉順救之得免及貴順已死訪恤其家甚至故人妻子貧不能活者一切收養之人推其義

劉舜卿字希元開封人父鈞監鎮戎兵馬慶曆中與子堯卿戰死於好水舜卿年十歲錄為供奉官歷昌州駐泊都監論降瀘水蠻八百人知水洛城神宗經略西邊近臣薦其能召問狀對曰自元昊稱臣秦中不復戒嚴今宜先自治帝善之命訓京東將兵一年入闕於內殿帝歎曰坐作有度其可用也爾無忘世讐勉思忠孝期以盡敵舜卿泣謝即日加通事舍人環慶有警詔帥長安兵赴之乃單騎馳往慶州至則難已解知原州秦鳳鈴轄襲擊西市城先登有功遷皇城副使知代州加

客省副使遠邊謀盜西關鎖舜卿密易舊鑰而大之數日虜以鎖來歸舜卿曰吾未嘗忘鎖引視納之不能受遂慚去誅謀者轉西上閣門使知雄州契丹繫州民獄索之不聽會有使者至因捕取其一以相當必得釋乃遣在雄六年恩信周浹元祐初進龍神衛四廂都指揮使高州刺史知熙州夏人聚兵天都連西羌果莊青宜結先城洮州將大舉入寇舜卿欲乘未集擊之會諸將議方略使姚兕種誼領兵分兩路並洮水而進至臨洮城下一鼓克之俘果莊并首領九人斬馘數千計遷馬軍都虞候再遷徐州觀察使步軍副都指揮使知渭州卒贈奉國軍節度使諡曰毅敏舜卿知書曉吏事謹文

法善料敵著名北州宋守約開封酸棗人以父任為左班殿直至河北緣邊安撫副使遷知恩州仁宗諭以亂後撫御之意對曰恩

與他郡等耳而為守者猶以反側待之故人心不自安臣願盡力徒益州路鈴轄累遷文州刺史康州團練使知雄州歷龍神衛捧日天武都指揮使馬步殿前都虞候入宿衛遷洋州觀察使衛兵以給粟陳謙諫執政將付有司治守約遣一牙校語之眾懼而聽命進步軍副都指揮使威武軍留後神宗以禁旅驕惰為簡練之法屯營可併者併之守約率先推行約束嚴峻或言其持軍太急帝密戒之對曰臣為陛下明紀律不忍使恩出於臣而怨歸陛下帝善之欲擢真樞府宰相難之乃止故事當郊之歲先期籍士卒之兇悍者配下軍以警眾當受糧而情人負者罰久而浸弛守約悉舉行之所居肅然無人聲至蟬噪於庭亦擊去人為過涖職十年卒年七十一贈安武軍節度使諡曰勤毅子球以蔭幹當禮賓院條秦川券馬四弊羣牧使用其議馬商便之再使高麗密訪山川形勢風俗好尚使還圖紀上之進通事舍人積遷西上閣門使樞密副都承旨

苗授字授之潞州人父京慶歷中以死守麟州抗元昊授以蔭至供備庫副使王郁取鎮洮授為先鋒破香子城拔河府復簡騎五百擊敗餘羌驚亂斬首四千級又破之千牛精谷取阿納城盡得河湟地知德順軍三遷西上閣門使果莊寇河州詔授往一戰克薩宗諭功第一遂知州事加四方館使榮州刺史從燕達取銀川降瑪爾戡獻之京師加引進使果州團練使涇原都鈐轄召使契丹以為秦鳳副總管徙熙河復知河州副李憲討生羌於露骨山斬首萬級羌族十萬七千帳內附

威震洮西拜昌州團練使龍神衛四廂都指揮使徙知

州熙州元豐西討授出古渭取定西

按東都事略載王師討西夏按

與李憲出 蕩裕勒藏瑪哈諸族降戶口五萬城蘭州遇賊數萬于諾爾結谷登山逆戰敗退伏壘中半夜遁去授踰天都山焚南牟屯沒烟凡師行百日轉鬪千里始入塞授遇事持議不苟合初在德順或議城饑南授曰城阻大河糧道不濟非萬全計也役即止師征靈武詔令接高遵裕即條上進退利害甚切歷進步軍副都指揮使威武軍節度觀察留後元祐三年遷武泰軍節度使殿前副都指揮使踰歲以保康節度知潞州提舉上清太平宮卒贈開府儀同三司諡曰莊敏子履以護送瑪爾戡至京得閣門祇候歷西上閣門副使熙河都監責右清道率府率監峽州酒稅元符初尋以熙河蘭會都鈐轄知蘭州詔同王贍取青唐錄功擢龍神衛四廂都指揮使歷進捧日天武都指揮使孫傅在叛臣傳王君萬泰州宣遠人以殿侍為秦鳳指揮使王韶開邊青唐大酋俞龍珂歸國獨別羌錫勒勒濟不從經略使韓縝期諸將一月取之君萬詐為獵者逐禽至其居稍相親狎與同獵乘間過之墜馬斬首馳歸以獻甫及一月積功得閣門祇候王師定武勝首領藥薩布邀劫于闐貢物帥師討焉君萬出南山履險略地羌潛伏山谷間忽一騎躍出積矛將及君萬亟側身避之回首奮斬以徇其眾驚號相率聽命所斬乃藥薩布也復破北關南市功最多擢熙河路鈐轄進領英州刺史達州團練使洮西羌叛圍河州君萬請於王韶以納木薩宗成小而堅疆勇所聚若併兵破之圍當自解詔用其計圍果解寨官客省使為副總管坐貨結羅錢數萬緡為轉運使孫迥所糾貶秩一等討西山鐵城有功復故官職君萬怨孫迥使番官木舟訟之鞠於秦隴又貶為鳳翔鈐

韓籍家貨償通遂以積卒子贍

贍始因李憲以進立戰功積官至皇城使領開州團練使元符中知河州熙帥鍾傅以冒白草原賞獄治於秦詔轉運使張詢論諸將得自首贍具伏詐增首級因說詢云青唐人有叛韓意可取也詢信之即具奏言已令贍結約起兵哲宗罪其狂妄亟罷詢而命孫迥究實獄上奪贍十一官猶令領州贍欲以功贖過乃密畫取青唐之策遣客詣章惇言狀惇下其事於孫路路以為可取贍遂引兵趣邈川路知贍狡獪難制使總管王愨統軍而以贍副贍為前鋒度河先下隴朱黑城愨感分其功給之曰晨食畢乃發愨信之夜半贍忽傳發平明入邈川據府庫徑上捷書不以白軍府愨過午始至以事訴於路路亦怒願以兵柄付愨而留贍屯邈川贍與愨交訟又訴路指畫相違惇王贍而不直路曰首謀者贍也路又掩其功故抑贍乃徙路河南罷愨統制以胡宗回為帥時韓載已來降青唐大酋森摩沁展迎瑪爾戠之子隆贊入守按宋史本傳云迎後巴烏之子隆贊之子也今據改宗回日夜督贍出師遣使威以軍法且聲言欲使王愨代將贍懼急進攻隆贊及森摩父子等皆出降贍入據其城詔建為鄯州進贍四方館使榮州防禦使尋拜維州團練使為本路鈐轄贍縱所部剽斂羌眾攜貳森摩等結諸族帳謀復青唐其在山南者先發贍遣將李賓領二千騎掩襲森摩羌敗奔北四山皆空贍戮森摩等九人悉捕斬城中羌積級如山初贍諷諸酋籍勝兵者涅其臂無應者縛縛結請歸帥本路為唱贍聽之去遂嘯集外叛以數千人圍邈川夏累十萬助之城危甚苗履姚雄來援圍始解已而王吉魏劍

種朴相繼敗沒將士奪氣書聞帝震駭於是轉運使李德泰希甫劾贍盜取二城財物因此致變又殺森摩沁展以滅口曾布言贍創造事端以生邊害萬死不塞責詔貶右千牛將軍房州安置言者論之不已熙河又奏青唐諸族怨贍入骨髓日圖報復樞密院乞斬贍以謝一方詔配昌化軍行至穰縣而縊崇寧初錢遜訟贍功於是追贈保平軍節度觀察留後除其子珪通事舍人張守約字希參濮州人以蔭主原州截原裝招羌首水凌布等十七族萬一千帳為廣南走馬承受公事當儂寇之後二年四詣闕陳南方利害皆見納用歐陽修薦其有智略知邊事權知融州峒將吳儂特險為邊患捕誅之修復薦守約可任將帥為定州路駐泊都監徙秦鳳居職六年括生羌隱士千頃以募射手築硤石堡甘谷城第功最多夏人萬騎來寇守約適巡邊與之遇不解鞍簡兵五百逆戰挺身立陣前自節金鼓發彊弩燈其酋敵遂退神宗開拓熙河召問曰王韶能辦事否對曰以天威臨之當無不濟但董遵忠勤效順恐不宜侵逼因請名古渭為軍以根本隴右帝從之建為通遠軍加通事舍人熙河鈐轄轉統秦鳳羌兵駐通遠河州羌率眾三萬屯於敦波欲復舊地守約度洮水擊破之取塞粟食軍羌老弱畜產走南山左右欲邀之守約曰彼非敢迎戰逃死耳輒出者斬果莊圍岷州守約提敢死士鳴鼓張幟高山上賊驚顧而遁遂知岷州降其守領千七百人遷西上閣門使知鎮戎軍徙環州慕家族結格難制搖動種落勒兵討擒之餘遁入夏國守約駐師境上檄取不置居數日械以來斬於市從征靈武至清遠軍言於高遵裕曰此去靈州不三百里城中惟僧道

數百若裹十日糧疾馳三日可至軍無事矣又勸高遵裕令士眾護糧餉以防抄掠不聽果以敗還守約有捍海南獻平之功亦不錄進為環慶都鈐轄知邠州徙涇原鄜延秦鳳副總管領康州刺史夏人十萬屯南牟畏其名引去知涇州涇水善暴城每春必增治隄堰費不貲適歲饑罷其役或曰如水害何守約曰款歲勞民甚於河患吾且徐圖之河神祠故在南壩禱而遷諸北以殺河怒一夕雷雨明日河徙而南其北遂為沙磧以龍神衛四廂都指揮使召還道卒年七十五守約典七州皆有惠愛可紀神宗嘗問武臣可任者以燕達劉昌祚姚麟王崇極劉舜卿等對其後皆為名將時稱知人王文郁字周麟麟州新秦人以供奉官為府州巡檢韓琦薦其材加閤門祇候麟府駐泊都監熙寧西討文郁敗之托歡河其將香葉夜遣使以劔為信欲舉眾降許之且而至眾情忽變諫以出文郁擊之追奔二十里據險大戰矢下如雨文郁徐引渡河謂吏士曰前追疆敵後背天險韓信驅市人且破趙況爾曹皆百戰驍勇邪士感奮進擊夏人大潰降其眾二千遷通事舍人夏人踰濟雅河掠塞上文郁追至長城坂盡奪所掠而還神宗召見問以招納香葉之議對曰此乃致敵上策恨未能多爾並邊生羌善馳突識鄉導儻能撫柔之所謂以外夷而攻外夷也帝於是決意招納多獲其用知文郁善左射并招其子弟闖肄殿庭文郁九發八中詔官其二子知鎮戎德順軍預定洮河遷左驍副使知麟州夏眾踐稼襲敗之部使者劾為生事奪郡印未幾為熙河將從李憲討靈武得羌戶萬餘遷本路鈐轄夏人圍蘭州已奪兩關門文郁募死士夜絕而下持短兵突之

賊卽掃營去擢東上閣門使知蘭州謀知夏人將大入清野以俟果舉國趨臬蘭文郁乘城禦之殺傷如積圍九日而解收其尸爲京觀於榮州團練使以捧日天武都指揮使爲副都總管以殿前都虞候知河州築安西城金城關進秦州防禦冀州觀察使卒年六十六

周永清字肅之世家靈州州陷祖美歸京師永清以蔭從仕宰相龐籍言其忠勇加閣門祇候押時服賜夏國至宥州夏人受賜不跪詰之恐而跪遷通事舍人渭州鈴轄渭兵勁而陳伍不講永清訓以李靖法帥蔡挺嘉其整圖上之詔推於諸道知德順軍夏人寇擊擒其酋又募勇士夜馳百里擣賊巢穴斬首三百級俘數千人獲橐駝甲馬萬計城中無知者並芟邊地三百里盜耕不可禁永清拓籍數千頃置射士二千聲聞敵廷降者引入帳下待之不疑多得其死力從秦風鈴轄河北沿邊安撫副使知代州契丹無名求地朝廷命韓縝分畫永清貳焉入對言疆境不可輕與人臣職守土不願行固遣之復上章陳利害竟以母病辭歷高陽關定州涇原路鈴轄知涇州保州又爲定州路副總管終東上閣門使

劉紹能字及之保安軍人世爲諸族巡檢父懷忠官內殿崇班閣門祇候元昊叛力戰以死錄紹能右班殿直賜以名爲軍北巡檢擊破夏右樞密院所領羌族數萬眾於順寧夏人圍大順城紹能爲軍鋒毀其柵至納旺川邀擊於長城嶺熙寧中又敗夏人於博囉川皆策功最累遷洛苑使英州刺史卽延兵馬都監舊制內屬者不與漢官齒至是悉如之仍以其子襲故職元豐西討召諸闡言師旅遽征儲侍不繼爲大患若俟西成後因

糧深入乃可帝以爲然命統兩軍進討紹能世世邊將爲敵所忌每設疑以間之帝獨明其不然手詔云紹能戰功最多忠勇第一此必夏人畏忌爲間害之計耳紹能捧詔感泣嘗坐譏遠對按驗卒無實守邊圍四十七年大小五十戰以皇城使簡州團練使卒

王光祖字君俞開封人父珪爲涇原勇將號王鐵鞭戰死好水川錄光祖爲供奉官閣門祇候熙寧中同提點河北刑獄改沿邊安撫都監進副使界河巡檢趙用擾北邊契丹以兵數萬壓境造浮橋如欲度者光祖在舟中對其眾盡徹戶牖或謂契丹方陣而以單舟臨之如不測何光祖曰彼欲得趙用耳避之則勢張吾死不足塞責已而契丹欲相與言光祖卽命子襄往兵刃四合然語唯在用襄隨機折塞之其將蕭福遽揮兵去且邀襄食付所戴青羅泥金笠以爲信卽上之除眞定鈴轄從梓夔渝獠叛詔熊本安撫而命內藏庫使楊萬成都鈴轄賈昌言梓夔都監王宣與光祖同敘討皆受本節度本疑光祖不爲用分三道進師使光祖將後軍出黃沙坎北發日已暮士以杖索塗相挽而前夜半抵絕頂質明瞭望見大駭一鼓而潰萬等困於松溪又亟往援破險先登襲賊賊舍去旦始遇萬等與俱還本愧謝上其功第一吐蕃圍茂州光祖領兵三千會王中正破雞宗關賊據石鼓村扼其半道中正召諸將問計光祖獨謂行旣抵石鼓擇銳兵分襲吐蕃皆驚遁遂會中正于茂濶夷奇地殺王宣詔從韓存寶討之軍于梅嶺夷數萬眾駐落箇棧老我師霖雨不止光祖勸存寶早決戰不聽林廣至復從征蕩其巢窟積功至四方館使知瀘州置瀘南安撫使俾兼領邊事遷客省使嘉州刺

史涇原河東定州路副總管卒李浩字直夫家本絳州徙西河浩務學通兵法以父定蔭從軍破儂智高韓絳城婁領兵戰賞堡嶺川殺大首領阿克多葉斬首千三百餘級積官供備庫副使廣西都監裏西北疆事著安邊策謁王安石安石言之神宗召對改管幹麟府兵馬未行又從章惇於南江引兵由三路屯鎮江入遂州討舒光貴破盈口柵下天府會于治州入懿州蠻酋田元猛元詰合拈狝拒官軍浩分兵擊之殺狝狝降元猛元詰遂城懿州進討黔江蠻復城黔江淳上其功擢引進副使熙河鈴轄李憲討山後羌浩將右軍至合龍嶺會戰遣降羌且揚輕騎突敵帳俘其酋凌結貝李密桑誠三千遷東上閣門使爲副總管知河州安撫洮西五路大舉浩將前軍復蘭州遷引進使隴州防禦使知蘭州兼熙河涇原安撫副使坐西關失守及報上不實再貶秩旋以戰吃齊老井連立功復之哲宗卽位拜忠州防禦使捧日天武都指揮使馬軍都虞候進黔州觀察使歷卽延太原永興環慶路副都總管再知蘭州卒贈安化軍留後

和斌字勝之濮州鄆城人選隸散直爲德順軍指揮使數扞敵破重創十餘知軍事劉兼濟以兄平敗沒執送京師并逮其家斌慰安調護平寃旣伸兼濟獲免家賴以全定州之役將曹漢喪所乘馬斌輟騎與之且戰且行與俱免狄青南征使部騎兵爲前鋒青駐襄州十日以怠寇旣乃倍道兼行斌以兵疾於險利在速戰卽日度關遇賊歸仁驛孫節死斌引騎血戰繞出賊後遂敗之擢文思副使權廣西鈴轄累歲徙涇原召對議者謂交州可取斌盛言有害無益願戒邊臣無妄動神宗歎

美之進帶御器械渭部餓帥王廣淵命吏賑給斌擇地營居養視有法所活以萬數安南入寇復徙廣西累遷皇城使昭州刺史撫水蠻羅世念犯宜州守將戰死斌提步騎三千進討方暑晝夜趣兵至懷遠寨或曰奈何背龍江邪笑曰是所以生也因示弱騎之蠻果大至斌選將迎敵戒以遇之則走誘至平坂列八陣以待之張疑兵左右山上巒登嶺望見始大驚斌分騎翼其旁自被甲步出為眾士先殊死戰蠻大敗世念率首黨四千八百內附遂以榮州團練使知宜州遷西上閣門使知邕州以老請遷除高陽關副總管歷承興軍路召拜龍神衛四廂都指揮至步軍都虞候卒贈宣州防禦使斌老於為將以恩信得邊人心嶺南珍貨一無所蓄邊吏欲希功造事皆憚不敢發士大夫稱之按宋史此下有續足錄今從刪

劉仲武字子文秦州成紀人熙寧中試射殿庭異等補官數從軍累轉禮賓使為涇原將夏人謀犯天聖若力戰卻之遷皇城使熙河都監復湟川進東上閣門使知河州吐蕃趙懷德朗阿克章眾數萬叛仲武相持數日潛遣二將領千騎扣其營戒曰彼出勿與戰亟還伏兵道左二將還羌果追之遇伏大敗斬首三千級復西靈州未幾懷德等眾皆降累遷客省使榮州防禦副使高承年西征仲武欲恃重固壘承年易賊輕戰遂大敗仲武引咎自劾坐流嶺南命未下與夏人戰傷足朝廷聞之貸其罰以為西靈都護童貫招橋羌王子威征普格收積石軍邀仲武計事許以便宜普格果約降而索一子為質仲武即遣子錫往河橋亦成仲武帥師渡河擊與歸貫掩其功仲武亦不自言徽宗遣使持錢至邊訪

得仲武召對帝勞之曰高承年以不用卿言失律普格之降河南綏定卿力也子九人悉命以官錫閣門祿候仲武知西靈州徙渭州召為龍神衛都指揮使復出熙州秦州遷步軍副都指揮使又以熙渭都統制攝之歷拜徐州觀察使保靜軍承宣使瀘川軍節度使以老提舉明道官再起為熙州卒年七十三贈檢校少保諡曰威肅子錡別有傳

曲珍字君玉隴千人世為著姓寶元康定間夏人數入寇珍諸父糾集族黨禦之敵不敢犯於是曲氏以材武長雄邊關珍嘗與叔父出塞游獵猝遇夏人陷其圍中馳擊大呼眾披靡得出願叔不至復持短兵還決鬪遂俱脫秦鳳都鈐轄劉溫潤奇其材一日出寶劍令曰能射一錢於百步外者與之諸少年百發不能中珍後至一矢破之從溫潤城古渭與羌戰先登陷陳為綏德城監押提孤軍拒寇斬其大酋加閣門祿候有功洮西遷內殿崇班郭遠趙高南征為第一將進自右江撫按廣原三州十二縣降偽守已下百六十人老稚二萬六千口是行也功最諸將遷西染院使得疾輿還京師神宗遣使臨問復獎勞賜之弓劍鞍勒令有司蠲其鄉徭賦擢鄜延鈐轄進副總管從神諤攻金湯永平川斬二千級累遷客省使拜懷州防禦使龍神衛四廂都指揮使徐禧城永樂珍以兵從版築方輿羌數十騎濟無定河規役珍將追殺之禧不許諫言夏人聚兵甚急珍請禧還米脂而自居守明日果至禧復來珍白敵兵甚眾公宜退處內柵檄諸將促戰禧笑曰曲侯老將何怯邪夏兵且濟珍欲乘其未集擊之又不許及攻城急又勸禧曰城中井深泉蓄士卒渴甚恐不能支宜乘兵氣未衰

潰圍而出使人自求生福又不聽數日城陷珍縋而免子弟死者六人亦坐貶皇城使帝察其無罪論使自安養以圖後效元祐初為環慶副總官夏人寇涇原珍擣虛馳三百里破之曲律山俘斬千八百人解其圍進東上閣門使忠州防禦使卒年五十九珍善撫士卒得其死力雖不知書而忠樸好義本於天性

劉闡字靜叔青州北海人以拳力為軍校從延州軍出塞遇敵矢貫左耳戰不顧眾服其勇從文彥博討貝州次城下攀壘欲登賊以曲戟鉤其甲闡裂之而墜議者欲穿地道入闡曰穴地積土賊且知之城瀕河若晝囊土而夜投諸河宜無知者彥博以為然穴成闡持短兵先入眾始從遂登陴引繩而上遲明師舉入貝州平功第一擢虎翼指揮累遷宣武神衛都指揮使昭州刺史辰州團練使韓絳宣撫陝西詔闡自河東為犄角至鐵冶溝夏人大集眾懼闡自殿後率銳驍搏戰飛矢蔽體不為卻敵解去為冀州駐泊總管河水漲隄防勢急闡請郡守開青楊道口以殺水怒莫敢任其責闡躬往澆決水退冀人賴之以左金吾大將軍致仕卒年八十五郭成字信之德順中安堡人也從軍得供奉官王師虜靈武成將涇原兵擊破夏人於莽伊克隘至城下有羌乘白馬馳突成躍馬梟其首以獻進秩四等朝廷築平夏城置將成之又環以五砦渭州章鞏問誰可守者皆曰非郭成不可遂使往夏人恚失地空國入爭郭成自沒煙峽連營百里飛石激火晝夜不息成與折可適議乘勝深入以萬騎異道並進遂俘阿穆爾多卜二大酋捷聞進雄州防禦使涇原鈐轄徽宗詔諸軍并力築綏戎懷戎二堡成獨當合流之役暴露雪中感疾卒帝悼

之甚賻以金帛官其子培成輕財好施名震西鄙帝手書郭成盡忠報國有功於民宜載祀典榜其廟曰仁勇云子浩紹興中為西邊大將至節度使

賈富字民瞻開封人少時善騎射起家從戎神宗選材武以為內殿承制慶州荔原堡都監林廣討瀘夷辟將前鋒又為河東將敗西夏兵於明堂川累功轉莊宅副使遷路監紹聖中夏兵數萬圍麟州神堂若甚急富以

數百騎往援屈野河行且五里據北攔坡嶺上一矢殪百首眾駭潰哲宗嘉歎賜以袍帶知皇城使威州刺史遷路鈐轄富在兵間二十年有智略能拊御士卒所

鄉輒勝時以良將入對留擢龍神衛四廂都指揮使遷步軍都虞候濠州團練使卒年五十二贈雄州防禦使張整字成伯亳州鄆陽人初隸皇城司御龍籍補供事

官為利文州都巡檢使邊夷歲鈔內地吏習不與校至反遺之物整惡其貪暴無已密募死士俟其來掩擊幾盡有司劾生事神宗壯之不問調荆湖將領拓溪蠻地

築九城董兵鎮守又破蠻於大田歲中三遷狷矜萬眾乘舟屯托口迫黔江城時守兵才五百人情大恐整伏其半於托口旁戒曰須吾旦度金斗崖舉幟則謀而前

及旦率其半縛藤艘建旗鼓泝流急趨賊望見大笑幟舉伏發前後合擊人人殊死鬪蠻膽躍投江中殺獲不可勝計為廣西鈐轄坐殺降猪責監江州酒稅復為涇

原真定京東環慶鈐轄整涖軍嚴明哲宗擢為龍神衛四廂都指揮使管幹馬軍司官至威州刺史卒

張蘊字積之開封將家子也從軍為小校隸劉昌祚至靈州遇敵中矢拔鏃復戰以功賜金帶從征安南次富

良江諸將猶豫未進蘊褰裘先濟眾隨之蠻遊走使巫被髮登崖為厭勝蘊射之應弦而斃一軍譟謀歷京西涇原將知殺德懷宣順軍等六城儲粟至三十萬斛

將兵取宥州破夏人於大吳神流堆有州監軍引鐵騎數千趨松林堡蘊謀知之頓兵長城嶺以待戒諸部曰賊遠來氣盛少休必困而擊之必捷果以勝歸夏人

寇順寧蘊置伏陜中俘斬數百十八獲馬械甚眾累遷皇城使榮州刺史成州團練使通州防禦使開德河陽馬步軍副總管卒年七十三贈威德軍節度使諡曰毅

王恩字澤之開封人以善射入羽林補供備庫副使為河州巡檢夏羌寇蘭州恩搏戰城下中兩矢拔去復鬪意氣彌厲遷涇原將嘗整軍出萬惠嶺士饑欲食恩倍

道兼行眾洶洶已而遇敵數萬引兵先入壁井竈皆具諸將始服羌扣壁願見恩單騎徑出遙與語一夕羌引去哲宗召見留為神龍衛都指揮使遷馬軍都虞候契

丹使來問涇原王騎將應曰然射三發皆中使歎息出為涇原副都總管并護秦渭延熙四路兵城西安築臨羌天都十餘壘羌圍平夏諸校欲出戰恩曰賊傾國遠

寇難以爭鋒宜以謀制其敵彼野無所掠必攜退而遇伏必敗乃以萬人設伏羌無所掠退師果大獲徽宗立以衛州防禦使徙熙河改知渭州括隱地二萬三千頃

分弓箭士耕屯為三十一部以省餽餉邊臣獻車戰議恩曰古有之偏籍鹿角今人非所習緩急難用先自敗耳遷馬步軍都指揮使殿前都指揮使武信軍節度使

屬疾以檢校司徒致仕卒年六十二贈開府儀同三司

楊應詢字仲謀章惠皇后族孫也應知信安保定軍霸州塘泮之間地沮洳水潦易集居人浮板以濟應詢增隄防為長衢濬其旁以泄流民利賴之為河北沿邊安撫使徽宗以歸信容城兩縣弓手為契丹所懼欲增為

千人或恐生事應詢曰吾欲備他盜彼安能禁我卒增之知雄州朝廷多取西夏地契丹以姻婭為言遣使乞還不得擁兵並塞中外伺疑應詢曰是特為虛聲嚇我

耳願治兵積粟示有備彼將聞風自戢復遣其相臣蕭保先等來請詔應詢遊於境應詢固守前議尋兼高陽關路鈐轄邊人捕得北盜呂懺兒契丹謂略執平民有

詔使縱釋應詢言吾知執盜耳因其求而遂與之是示以怯也不與以違詔貶秩再遷洋州觀察使入提舉萬壽觀復為定州真定大名副都總管卒贈昭化軍節度使諡曰康理

趙隆字子漸秦州成紀人以勇敢應募從王韶取熙河大將姚麟出戰被重創謂曰吾渴欲死得水尚可活時

已暮有泉近賊營隆獨身潛往漬衣泉中賊覺隆且鬪且行得歸持衣絞水以飲麟乃甦又從李憲破西市師討果莊外河諸羌皆以兵應之隆率眾先至斧其橋

果莊失援乃成擒為涇原將戰平夏川功最多崇寧中鈐轄熙河兵將前軍出邈川預復鄯廓夏人寇涇原詔

師至鐵山隆先登士殊死戰夏人解去召詣闕徽宗慰勞之童貫與論燕雲事隆極言不可貫曰君能共此當有殊拜隆曰隆武夫豈敢干賞以敗祖宗二百年之好

異時起覺萬死不足謝責貫知不可奪白以知西靈州充隴右都護師劉法西討隆以奇兵襲羌潰城震武

遷温州防禦使能神衛捧日天武都指揮使仍爲本道
馬步副都總管卒贈鎮潼軍節度使命詞臣制碑帝篆
額曰旌忠

欽定續通志卷三百六十二

列傳

宋六十七

趙挺之 張商英 唐英 劉正夫

何執中 鄭居中 張康國

朱謬 劉達 林摠

管師仁 侯蒙 唐恪

李邦彥 余深 薛昂

吳敏 王安中 趙野

曹輔 歐南仲

趙挺之字正夫密州諸城人進士上第熙寧建學選教授登棣二州通判德州哲宗即位賜士卒緡錢守不時給卒怒謀持白挺突入府挺之坐堂上呼問狀立發庫錢而治其為首者魏境河屢決議者欲徙宗城縣轉運使檄挺之往視挺之云縣距高原千歲矣水未嘗犯今所遷不如舊必為民害使者卒徙之才二年河果壞召試館職為祕閣校理遷監察御史初挺之在德州希意行市易法黃庭堅監德安鎮謂鎮小民貧不堪誅求及召試蘇軾曰挺之聚斂小人學行無取豈堪此選至是劾奏軾草麻有云民亦勞止以為誹謗先帝既而坐不論蔡確通判徐州俄知楚州人為國子司業歷太常少卿權吏部侍郎除中書舍人給事中使遼還主使近臣即館享客挺之爭正其禮徽宗立為禮部侍郎哲宗初廟議遷宣祖挺之言上於哲宗兄弟同一世宣祖未當遷從之拜御史中丞為欽聖后陵儀仗使曾布以使事聯職知禁中密指諭使建議紹述於是挺之排擊元祐諸人不遺力由吏部尚書拜右丞進左丞中書門下侍郎

即時蔡京獨相帝謀置右輔京力薦挺之遂拜尚書右僕射既相與京爭雄屢陳其姦惡且請去位避之以觀文殿大學士中太一宮使留京師乞歸青州將入辭會彗星見帝默思咎徵盡除京諸蠹法罷京召見挺之曰京所為一如卿言加挺之特進乃為右僕射京在崇寧初首興邊事用兵連年不息帝曰朝廷不可與四夷生隙隙一開兵民肝腦塗地豈人主愛民恤物意哉挺之退謂同列曰上志在息兵吾曹所宜將順已而京復相挺之仍以大學士使侂神觀未幾卒年六十八贈司徒諡曰清憲

張商英字天覺蜀州新津人長身偉然姿采如峙玉負氣傲儼豪視一世調通州主簿渝州蠻叛降其酋辟知南川縣章惇經制夔夔詢人才使者以商英告即呼入惇大喜延為上客歸薦諸王安石因召對以檢正中書禮房權監察御史獄失出劫盜樞密檢詳官劉奉世駿之詔糾察司劾治商英奏此出大臣私分願收還主柄使耳目之官無為近臣所脅神宗為置不治商英遂言奉世庶博州失入囚因摠院吏徇私十二事語侵樞臣於是文彥博等上印求去詔責商英監荆南稅更十年乃得館閣校勘檢正刑房商英嘗薦舒亶可用至是亶知諫院商英以婿王滂之所業示之亶繳奏以為事涉干請責監赤岸鹽稅鄂州漢川鎮酒稅哲宗初為開封府推官屢語執政求進朝廷稍更新法之不便於民者商英上書言三年無改於父之道且移書蘇軾求入臺其度詞有老僧欲住烏寺呵佛罵祖之語呂公著聞之不悅出提點河東刑獄連使河北江西淮南哲宗親政召為右正言左司諫商英積憾元祐大臣不用

己極力攻之上疏曰司馬光呂公著劉摯呂大防援引朋儔敢行讒議無非指撻抉揚鄙薄嗤笑翦除陛下羽翼於內擊逐股肱於外今天青日明誅賞未正願下禁省檢案前後章牘付臣等看詳簽揭以上遂論內侍陳衍以搖宣仁至比之呂武乞追奪光公著贈諡仆碑毀家又言文彥博背負國恩及蘇軾范祖禹孫升韓川諸人皆相繼受譴章惇安燾交惡商英欲助惇求所以傾燾者陽翟民益氏養子漸先為祖母所逐以家資屬其女訴理不得直商英論其冤導漸使遮執政及詣御史府訐燾姻家與蓋女為道地哲宗不直商英徙左司員外郎既與漸交關事皆露責監江寧酒起知洪州為江淮發運副使入權工部侍郎遷中書舍人謝表懇詆元祐諸賢徽宗出為河北都轉運使降知隨州崇寧初為吏部刑部侍郎翰林學士蔡京拜相商英雅與之善適當制過為褒美尋拜尚書右丞轉左丞復與京議政不合數詆京御史取商英所作元祐嘉禾頌及司馬光祭文斥其反覆罷知亳州入元祐黨籍京罷相削籍知鄂州京復相以散官安置歸陝兩州大觀四年京再逐起知杭州過關賜對奏曰神宗修建法度今誠一一舉行則盡紹述之美法留為資政殿學士中太一宮使頃之除中書侍郎遂拜尚書右僕射京久盜國柄中外怨疾見商英能立同異更稱為賢徽宗因人望相之時久旱彗星中天是夕彗不見明日雨徽宗喜大書商霖二字賜之商英為政持平謂京雖明紹述但借以劫制人主禁錮士大夫爾於是大革弊事改當十錢以平泉貨復轉般倉以罷直達行鈔法以通商旅蠲橫斂以寬民力勸徽宗節華侈息土木抑僥倖帝頗嚴憚之初楊戩除

節度使商英曰祖宗之法內侍無至團練使訖持不下論者益稱之然意廣才疏何執中鄭居中日夜醞織其短先使言者論其門下客唐庚賔之惠州有郭天信者以方技隸太史商英與語言往來事覺鞠于開封府御史中丞張克公疏擊之以觀文殿大學士知河南府旋貶崇信軍節度副使衡州安置天信亦斥死京遂復用未幾太學諸生訟商英之冤京懼乃乞令自便繼復還故官職宣和三年卒年七十九贈少保商英作相適承蔡京之後小變其政故蒙忠直之名靖康喪表司馬光范仲淹而商英亦贈太保紹興中又賜諡文忠天下皆不謂然兄唐英字次功及進士第調穀城令英宗繼大統唐英上謹始書又上書請立穎王為皇太子神宗即位擢殿中侍御史言王安石經術道德宜在陛下左右又論宗室祿宜以服為差殺天下苦差役不均其後略施行嘗善仁宗政要宋名臣傳蜀檣帆行于世

劉正夫字德初衢州西安人未冠入太學有聲元豐八年南省奏名在優選而犯高魯王諱當黜宣仁后曰外家私諱願未久不可以妨寒士命實未級久之為太學錄太常博士御史中丞石孫薦之召赴闕除左司諫時方究蔡邸獄正夫人對徽宗語及之徐引淮南尺布斗粟之謠以對帝感動解散其獄待蔡王如初他日謂正夫曰兄弟之間人所難言卿獨能及此後必為公輔又言元祐紹聖所修神宗史互有得失當折中其說傳信萬世遂詔刊定而以起居舍人為編修官不閱月遷中書舍人進給事中禮部侍郎蔡京據相位正夫欲附翼之奏言近命官纂錄紹聖先志及施行政事願得陳力其間詔俾閱詳焉京罷正夫又與鄭居中陰援京京

憾劉達次骨而達善正夫京雖賴其助亦惡之因章經鑄錢獄辭及正夫諷有司追逮之帝知其情第貶兩秩京又出之成都人辭留為翰林學士京愈不能平謀中以事正夫作春宴樂語有紫宸朝罷衣間之句京黨張康國密白帝曰褒衣豈可開竟改龍圖閣直學士知河南府召為工部尚書拜右丞進中書侍郎太學諸生習樂成京欲官之正夫曰朝廷長育人才規為時用而使與伶官齒策名以是得無為士子羞乎東封儀物已具正夫力陳不可帝皆為之止益喜其不與京同政和六年擢拜特進少宰才半歲屬疾三上章告老除安化軍節度使開府儀同三司致仕病少愈丐東歸詔肩輿至內殿長子阜民掇入坐從節安辭軍起充中太一宮使封康國公將行賜詩以榮其歸至盱眙病亟命子弟作遺牘自書留神根本深戒持盈八字遂卒贈太保諡文憲再贈太傅正夫能迎時上下持祿養權性吝嗇惟恐不足於財晚年築杭州悉取其旁軍營民舍議者譏之帝眷念不衰以阜民為兵部侍郎少子阜民微猷閣待制

何執中字伯通處州龍泉人進士高第調台臺二州判官毫數易守政不治曾鞏至頗欲振起之顧諸僚無可仗信者執中一見合意事無纖鉅悉委以朝決有妖獄株連寔多執中訊諸囚驗其相與語謂牛羊之角皆曰股叩其故不肯言而相視色變執中曰是必為師張角諱耳即叩頭引伏蔣之奇使淮甸城疆明見執中喜曰一州六邑賴有君爾知海鹽縣入為太學博士以母憂去寓蘇州比隣夜半火執中扃柵擁燭誓與俱焚觀者悉其孝紹聖中五王就傳選為記室轉侍講徽宗即位

超拜寶文閣待制遷中書舍人兵部侍郎工部吏部尚書兼侍讀時選案籍吏多藏于家以舞文取賄執中請置庫架閣命官莅之是後六曹皆做其法蔡京籍上書人為邪等初無朝覲及入都之禁執中申言之且請任在京畿秩者皆罷遣辟雍成執中請開學殿使都人士女縱觀大為士論所貶崇寧四年拜尚書右丞大觀初進中書門下侍郎積官金紫光祿大夫一意謹事京三年遂代為尚書左丞加特進制下太學諸生陳朝老詣闕上書曰陛下知蔡京姦解其相印天下之人鼓舞及相執中中外默然失望執中雖不敢肆為非法若京之蠹國害民然碌碌庸質初無過人執中夤緣攀附致位二府亦已大幸遽俾之經體質元是猶以蚤負山多見其不勝任也疏奏不省而眷注益異初賜第信陵坊更徙金順坊建嘉會成功閣帝親書鉅額以示寵執中與蔡京並相凡營立皆預議略無所建明及張商英任事執中惡其出己上與鄭居中合擠之陳瓘在台州執中起檢人石誠知州事使魯取尊堯集謀必死瓘政和二

年用提舉修哲宗史紀恩加少保入宴太清樓錫白玉帶會正宰相官名轉少傅為太宰又遷少師封榮國公執中輔政一紀年益高賜寬告造朝命止赴六參乃以少傅就第許朝朔望其在政府嘗戒邊吏勿生事重改作惜人材寬民力性復謹畏至於迎順主意贊飾太平則始終一致卒年七十四帝為輟朝三日贈太師追封清源郡王諡曰正獻

鄭居中字達夫開封人登進士第崇寧中為都官禮部員外郎起居舍人至中書舍人直學士院初居中自言為貴妃從兄弟從藩邸進家世微亦倚居中為重由

是連進擢會妃父紳容祚安中者上書涉謗訕言者並
及居中罷知和州徒穎州明年歸故官遷給事中翰林
學士大觀元年同知樞密院時妃寵冠後宮於居中無
所賴乃用宦官黃經臣策以外戚秉政辭改資政學士
中太一宮使兼侍讀蔡京以星文變免趙挺之相與劉
遠謀盡改京所為政徽宗頗悔更張之暴外莫有知者
居中往來紳所知之即入見言陛下建學校興禮樂以
藻飾太平置居養安濟院以周拯窮困何所逆天而致
威譴乎帝大悟居中退語禮部侍郎劉正夫正夫繼請
對語同帝意乃復相京京再得政居中厚責報京為言
樞密本兵之地與三省殊無嫌於用親經臣方恃權力
抗前說京言不效居中疑不已援始怨之乃與張康國
比而問京都水使者趙霖得龜兩首於黃河獻以為瑞
京曰此齊小白所謂象罔見之而霸者也居中曰首豈
宜有二人皆駭異而京獨主之殆不可測帝謂居中愛
我遂申前命進知院事四年京又罷居中自許必得相
而帝覺之不用妃正位中宮復以嫌罷為觀文殿學士
政和中再知樞密院官累特進時京總治三省益變亂
法度居中每為帝言帝亦惡京專尋拜居中少保太宰
使伺察之居中存紀綱守格令抑僥倖振淹滯士論翕
然望洽丁母憂旋詔起復踰年加少傅得請終喪服除
以威武軍節度使使佑神觀還領樞密院加少師連封
崇宿燕三國公朝廷遣使與金約夾攻契丹復燕雲蔡
京童貫主之居中力陳不可謂京曰公為大臣國之元
老不能守兩國盟約輒造事端誠非妙算京曰上厭歲
幣五十萬故爾按宋人輸幣請遷原非得計但歲輸五
幣十萬相沿百年于國未虧而疆固向幸
無事暨蔡京童貫貪功開幣以歲幣迎合上心而軍興
費重科徵益繁卒至遠幣雖廢金幣轉加幣藏既空危

亡始見伏誅通鑑載其御批以失算之中更為失算居中日公獨不思漢世和戎用兵之費乎使百萬生靈肝腦塗地公實為之由是議稍寢其後金人敗攻契丹日虜王輔童貫復議舉兵居中又言不宜幸災而動不聽燕山平進太保自陳無功不拜入朝暴遇疾退舍數日卒贈太師華原郡王諡文正子修年億年皆至侍從億年遭靖康之難沒入于金後遺事劉豫晚得南歸秦檜以婦氏親擢為資政殿大學士檜死亦竄死撫州時又有安義臣者亦嘗上書論燕雲之事其言曰宦寺專命倡為大謀燕雲之役與則邊費遂開宦寺之權重則皇綱不振藝祖撥亂反正躬擐甲冑當時將相大臣豈勇略智力不能下幽燕哉蓋以區區之地契丹必爭不忍使吾民重困鋒鏑章聖澶淵之役與之戰而勝乃聽其和亦欲固本而息民也今童貫深結蔡京同納趙良嗣以為謀主故建平燕之議臣恐異時邊境有可乘之釁日夜寒心伏望杜塞邊隙務守舊好徽宗然之命堯臣以官後竟為姦謀所奪堯臣悼之族子也

張康國字賓老揚州人第進士知雍邱縣紹聖中戶部尚書蔡京整治役法薦以參詳利害使提舉兩浙常平發倉救荒江南就食者活數萬口移福建轉運判官崇寧元年入為吏部左司員外郎起居郎二年為中書舍人徽宗命為翰林院學士三年進承旨拜尚書左丞而以其兄康伯代為學士尋知樞密院事康國始因蔡京進京定元祐黨籍皆預密議故汲汲引援之及得志寢為崖異帝惡京專復陰合沮其姦嘗許以相是時西北邊帥多取部內好官自辟置以力不以才康國請隨闕選用定為格京使御史中丞吳執中擊康國康國先知

之日奏事留白帝願遜位既而執中果陳其事帝叱去之他日康國朝退趨殿廡暴得疾卒年五十四贈開府儀同三司諡曰文簡康伯仕終吏部尚書

朱諤字聖與秀州華亭人進士第二調忠正軍推官崇寧初由太常丞擢殿中侍御史遷侍御史給事中進御史中丞入謝言前此中執法類不知職守言事多妄至過天津橋見汴隄一角墊陷乞修葺如許細故何足論哉又言陛下手詔屢下惻怛願治然吏奉行者多安於苟簡或懷二三棍置不行願分命使者刺舉諸道元祐紛更凡得罪于熙寧元豐者不問是否輒陳冤訴自歸無過之地彰先朝之失刑希合姦臣規求進用門下侍郎許將於哲廟表泛為平詞至宣和太后之前則含冤負痛其辭如此於陛下紹述成功得無少損乎俄兼侍讀徒兵禮吏三部尚書大觀元年拜右丞相贈光祿大夫諡忠靖諤出蔡京門善附合不能有所建白

劉達字公路按東都事略作公達隨州隨縣人進士高第調越州監司業崇寧中連擢祕書少監太常少卿中書舍人給事中戶部侍郎使高麗遷尚書由兵部同知樞密院拜中書侍郎達無他才能初以附蔡京故躡進京以彗星見去相而達貳中書首勸徽宗碎元祐黨碑寬上書邪籍之禁凡京所行悖理虐民事稍稍澄正遂與趙挺之同心然挺之多智慮後患每建白務開其端而使達終其說達欲自以為功直情不顧未滿歲帝疑達擅政於是御史余深石公弼論達專恣反覆盡廢紹述良法凡所啓用多取為邪黨學術者及邪籍中子弟庇其婦兄章誕使之盜鑄罷知亳州京復相再責鎮江節度副使

安州居住京再以星變去起知杭州加資政殿學士以體泉觀使召及都而卒年五十贈光祿大夫

林據字彥振福州人徙蘇父邵顯謨閣直學士據用蔭至敕令檢討官按東都事略作京講明熙寧元豐故事引以為屬遷屯田右司員外郎時遣朝士察諸道據使河北入辭言大府宜擇帥邊州宜擇守西山木不宜宋

伐保甲有藝者宜貢諸朝驕兵宜使更戍錢貨文書關出疆外者宜還絕徽宗喜曰卿所陳已盡河朔利害母庸行賜進士第擢起居舍人進中書舍人俄直學士院遂為翰林學士初朝廷數取西夏地夏求援於遠遼為請命據報聘京密使激怒之以起釁入境投書即抗言數夏人之罪謂北朝不能加責而反為之請禮出不意遼之君臣不知所答及辭遣使據附奏求還進築夏人

城柵據答語復不異遼人大怒空客館水漿絕烟火凡饗饋祖槁皆廢歸復命議者以為怒隣生事猶除禮部尚書既而遼人以失禮言出知穎州尋召為開封尹張懷素妖事覺據與御史中丞余深及內侍雜治得民士交關書疏數百據請悉焚蕩以安反側而京與懷素游最密據實為京地京深德之用鞫獄明允加秩二等改

兵部尚書進同知樞密院尚書左丞中書侍郎繇朝散大夫九遷至右光祿大夫集英殿唱貢士據當傳姓名不識甄益字御史論其寡學黜知滁州罷提舉洞霄宮拜端明殿學士久之知揚州政以察察聞鉏大俠繩汚吏下不敢欺徙大名府道過闕為帝言頃使遠見其國中攜貳若兼而有之勢不可無據益以屢辱故修怨焉

其後北伐蓋兆於此加觀文殿學士拜慶遠軍節度使言孝復論罷之還姑蘇塲生於首而卒申贈開府儀同

三司錄子偉直祿閣數月死嗣遂絕靖康元年偉以京黨追貶節度副使

管師仁字元善處州龍泉人中進士第為廣親睦親宅教授通判澧州知建昌軍有善政擢右正言左司諫論蘇軾蘇轍深毀熙寧之政其門下士吏部員外郎晁補之輩不宜在朝廷河北濱棣諸州歲被水患民流未復租賦故在請悉蠲減以綏徠之遷起居郎中書舍人給事中工部侍郎選曹吏多撓法為過師仁暫攝領發其

奏抵數人於罪士論稱之改吏部進刑部尚書以樞密直學士知鄧州未行改揚州又徙定州時承平百餘年邊備不整而遠橫使再至為西人請侵疆朝廷詔師仁設備至則下令增陴浚澗繕葺甲冑僚吏懼不知所裁師仁預為計度一日而舉眾十萬轉盼迄成外間無知者於是日與賓客燕集以示間暇使敵不疑帝手書詔獎激召為吏部尚書俄同知樞密院不兩月病拜資政

殿學士佑神觀使卒年六十五贈正奉大夫侯蒙字元功密州高密人急義好施進士及第調寶雞尉知柏鄉縣民訟皆決于庭受罰者不怨轉運使黃混聞其名率諸使者合薦之徙知襄邑縣擢監察御史進殿中侍御史崇寧末變求言蒙疏十事曰去冗官容諫臣明嫡庶別賢否絕佞冀戒濫恩寬疲民節奢戚里

母預事闈寺母假樞徽宗聽納有大用意遷侍御史西將高永年死于羌帝怒親書五路將帥劉仲武等十八人姓名敕蒙往秦州建治既行拜給事中至秦仲武等囚服聽命蒙曉之曰君輩皆侯伯無庸以獄吏辱君第以實對案未上又拜御史中丞蒙奏言今羌殺吾一都護而使十八將繇之而死是自艾其支體也欲身不病

得乎帝悟釋不問遷刑部尚書改戶部比歲郊祭先期告辨尚書輒執政至是帝密諭之對曰以財利要君而進非臣所敢母喪服除歸故官遂同知樞密院進尚書左丞中書侍郎先是御史中丞蔡疑詆張商英私事甚力有旨令廷辨蒙曰商英雖有罪宰相也蔡疑雖言官從臣也使之廷辨豈不傷國體乎帝以為然一日帝從容問蔡京何如人對曰使京能正其心術雖古賢相何以加帝領首且使密問京所為京聞而銜之嘗有幾事蒙獨受旨京不知也京偵得之白于帝帝曰侯蒙亦如是邪罷知亳州旋加資政殿學士宋江寇京東蒙上書言江以三十六人橫行齊魏官軍數萬無敢抗者其才必過人今清溪盜起不若赦江使討方臘以自贖帝曰蒙居外不忘君忠臣也命知東平府未赴而卒贈開府儀同三司謚文穆

唐恪字欽叟杭州錢塘人四歲而孤聞人言其父輒悲泣以蔭登第調郴尉縣民有被害而尸不獲吏執其鄰人抑使自誣恪爭之躬以訪求且而得尸遂獲盜知榆次縣豪子雄於鄉萃通庇姦不輸公賦恪以理善曉之悟而自悔折節為長者最聞擢提舉河東常平江東轉運判官大觀中特河內附召為屯田員外郎時節招納夷人夷始恟疑衷甲以逆恪盡去兵衛從數十卒單行夷望見懼呼投兵聽命以奉使稱職遷右司員外郎起居舍人迎遠使還言河北邊備廢弛宜及今無事以時治之徽宗壯之命為都轉運使加集賢殿修撰中貴人稱詔有所市恪不答憤而歸中以他事降直龍圖閣知梓州歷五年徙滄州河決水犯城下恪乘城救理都水孟昌齡移檄索船與兵恪報水勢方惡船當以備緩急

滄爲極邊兵非有旨不敢遣昌齡怒勃之格不爲動益治水水去城得全詔書嘉獎乃上疏請暫免保甲保馬呈閱及復諸縣租等第賑貸以寬被水之民未報悉便宜罷行之進龍圖閣待制知揚州召拜戶部侍郎京師暴水至汴且溢或請決南隄以紓宮城之患格決金隄注之河決旬水平入對帝勞之格因上疏言水陰類也至犯宮闕天其或者以陰盛之沴敬告陛下乎願垂意時事益謹天戒宜和初遷尚書帝許以二府爲宰相王

輔所陷罷知滁州言者論其治第歷陽擾民踰制提舉鴻慶宮五年起知青州召爲吏部尚書徙戶部復請外以延康殿學士知潭州請往錢塘掃墓然後之官遂改杭州靖康初金兵入汴李邦彥薦之拜同知樞密院事至則爲中書侍郎時進見者多論宣和間事格言於欽宗曰革弊當以漸宜擇今日之所急者先之而言者不顧大體至毛舉前事以快一時之憤豈不傷太上之心哉京攸輔賈之徒既從竄斥姑可已矣他日邊事既定然後白道君請下一詔與天下共棄之誰曰不可帝善

之令以此意布告在位進拜少宰兼中書侍郎帝注禮之甚渥然格爲相無濟時大略金騎再來邀割三鎮格集廷臣議以爲當與者十九格從之使者既行於是諸道勸王兵大集輒論止令勿前皆反施而去泊金兵薄城下始悔之密言於帝曰唐自天寶而後屢失而復興者以天子在外可以號召四方也今宜舉景德故事留太子居守而西幸洛據秦雍領天下親征以圖興復

帝將從其議而開封尹何臬入見力詆其不然帝幡然而改以足頓地曰今當以死守社稷擢臬門下侍郎格計不用從帝巡城爲都人遮擊策馬得脫遂臥家求去

御史胡舜陟劾其罪謂格之智慮不能經畫邊事但長於交結內侍今國勢日蹙誠不可以備位乃以觀文殿大學士中太一宮使兼侍讀罷臬代爲相京城不守車駕至金帥營格曰計失矣一入將不得還既而還格迎拜道左請入觀臬不可二年正月復幸格曰一之已甚其可再乎及金人逼百官立張邦昌令吳玠莫儔入城取推戴狀格既書名仰藥而死

李邦彥字士美懷州人父浦銀工也邦彥喜從進士游聲譽奕奕入補太學生進上舍及第授祕書省校書郎試符寶郎邦彥俊爽美風姿爲文敏而工然生長閩閩習猥鄙事應對便捷善詭譎能蹴鞠每絳街市俚語爲辭曲人爭傳之自號李浪子言者劾其游縱無檢罷符寶郎復爲校書郎俄以吏部員外郎領儀禮局出知河陽召爲起居郎邦彥善事中人爭薦譽之累遷中書舍人翰林學士承旨宣和三年拜尚書右丞五年轉左丞

浦死贈官賜諡邦彥起復與王黼不協適陰結蔡攸梁師成等譏黼罷之明年拜少宰無所建明惟阿順趨詔充位而已都人目爲浪子宰相徽宗內禪命爲龍德宮使升太宰知眾議不與外患日逼抗疏丐宮祠金人既薄都城李綱神師道罷邦彥堅主割地之議太學生陳東數百人伏宣德門上書言邦彥及白時中張邦昌趙野王孝迪蔡懋李棪之徒爲社稷之賊請斥之邦彥退朝羣指而大詬且欲殿之邦彥疾馳得免適以特進觀

文殿學士充太一宮使不旬日吳敏爲之請復起爲太宰人皆駭愕言者交論之出知鄧州遂請持餘服提舉亳州明道宮建炎初以主和譖國責建武軍節度副使溲州安置方蔡京王黼用事附麗者多援引入政府若

余深辭昂吳敏王安中趙野史皆遷其事因附著於此云

余深福州人元豐五年進士及第崇寧元年爲太常博士著作佐郎累官御史中丞兼侍讀治張懷素獄事連蔡京與開封尹林德曲爲掩覆獄辭有及京者輒焚之京遂力引深與摠驟至執政大觀二年以吏部尚書拜尚書左丞三年轉中書侍郎四年轉門下侍郎京既致仕身不自安累疏請罷乃以資政殿學士知青州政和二年京復赴都堂治事於是深復入爲門下侍郎七年拜少宰宣和元年爲太宰進拜少保封豐國公再封衛國加少傅時福建以取花果擾民深爲言之徽宗不悅遂請罷出爲鎮江軍節度使知福州靖康初加恩特進

觀文殿大學士故事凡僕射使相宜徽使皆判州府深以少傅節度知福州有司失之也深諂附蔡京結爲死黨京姦謀詭計得助多者深爲首據次之言者累章劾深深益懼巧致仕建炎二年降中大夫臨江軍居住尋以渡江恩赦還鄉里辛子日章亦以言者罷徽猷閣待制

辭昂杭州人登元豐八年進士第崇寧初歷太學博士校書郎著作佐郎累升給事中兼大司成昂寡學術士子有用史記西漢語輒黜之在哲宗時常請罷史學哲宗斥爲俗佞拜翰林學士以不稱職改刑部尚書轉兵部大觀三年拜尚書左丞明年請補外出知江寧從河南政和三年蔡京復用事昂復自尚書右丞爲左丞遷門下侍郎尋請罷授彰化軍節度使改特進充資政殿

大學士昂與余深林德始終附會蔡京至舉家爲京諱或誤及之輒加咎責昂嘗誤及即自批其口靖康初言

者斥其罪詔以金紫光祿大夫致仕杭州軍亂昂不請命領州事責徽州居住

吳敏字元中真州人大觀二年試辟雍列首選蔡京喜其文欲妻以女敏辭因擢浙東學事司幹官為祕書省校書郎京薦之充館職中書侍郎劉正夫以敏未嘗過省不可京乃請御筆特召上殿除右司郎官御筆自此始緣是權倖爭請御筆而繳駁之任廢矣升中書舍人同修國史改給事中敏為蔡京所引鄭居中方秉政敏數言其失居中銜之坐駁盜當死者罷為右文殿修撰提舉南京鴻慶宮久之復為給事中權直學士院兼侍講徽宗將內禪蔡攸探知上意引敏入對宰臣執政皆在敏前奏事且曰金人渝盟舉兵犯順陛下何以待上蹙然曰奈何時東幸計已定命戶部尚書李棣先出守金陵敏退詣都堂言曰朝廷便為棄京師計何理也此命果行雖死不奉詔宰執以為言稅遂罷行皇太子除開封尹上去意益決李綱嘗語敏以上宜傳位如唐天寶故事敏遂薦綱明日宰臣奏事徽宗獨留李邦彥語敏所對命除門下侍郎輔太子敏駭曰臣既畫計當從陛下巡幸陛下宜傳位而臣受不次之擢臣曷敢上曰不意卿乃爾敢言於是命敏草傳位詔欽宗既立上皇出居龍德宮敏與蔡攸同為龍德宮副使遷知樞密院事拜少宰敏主和議與太宰徐處仁議不合紛爭上前御史中丞李回劾之與處仁俱罷為觀文殿大學士醴泉觀使頃之有論其庇蔡京父子出知揚州再貶崇信軍節度副使涪州安置建炎初移柳州俄用范宗尹薦起知潭州敏辭免丐宮祠乃提舉洞霄宮紹興元年復觀文殿大學士為廣西湖南宣撫使卒于官

王安中字履道中山陽曲人進士及第調瀛州司理參軍大名縣主簿歷祕書省著作郎政和間自祕書少監除中書舍人擢御史中丞開封避辛卒民為盜安中廉得冤狀即出民抵吏罪徐禪以增廣鼓鑄之說媚蔡京京奏遣禪措置東南九路銅事且令搜訪寶貨禪圖繪阮冶增舊幾十倍且請開洪州嚴陽山阮迫有司承歲額又妄請得希世珍異與古之寶器乞歸書藝局京主其言安中獨論禪欺上擾下宜令九路監司覆之禪竟得罪時上方鄉神仙之事蔡京引方士王仔昔以妖術見朝臣戚里黃緣關通安中疏請自今招延山林道術之士當責所屬保任宜召出入必令察視其所經由仍申嚴臣庶往還之禁并言京欺君僭上蠹國害民數事上悚然納之已而再疏京罪上曰本欲即行卿章以近天靈節俟過此當為卿罷京京伺知之大懼其子攸曰夕侍禁中泣拜懇祈上為遷安中翰林學士又遷承旨宣和元年拜尚書右丞三年為左丞金人來歸燕謀師臣安中請行王黼贊於上授慶遠軍節度使河北河南燕山府路宣撫使知燕山府遼降將郭藥師同知府事藥師跋扈府事皆專行安中不能制俄加檢校少保改少師時山後諸州俱陷唯平州為張覺所據金人入燕以覺為臨海軍節度使其後叛金人攻之覺敗奔燕金人來索急安中不得已縊殺之函其首送金郭藥師宣言曰金人欲覺即與若求藥師亦將與之乎安中懼藥師自是解體金人終以是啓覺安中以上清寶錄官使兼侍讀召還除檢校太保建雄軍節度使大名府尹兼北京留守司公事靖康初言者論其締合王黼童貫及不議察郭藥師叛命罷為觀文殿大學士提舉嵩山

崇福宮又責授朝議大夫祕書少監分司南京隨州居住又貶單州團練副使象州安置高宗即位內徙道州尋放自便紹興初復左中大夫子辟章知泉州迎安中往未幾卒年五十九按宋史此下有王襄傳無事蹟足錄今從刪 趙野開封人登政和二年進士第歷監察御史殿中侍御史累拜刑部尚書翰林學士時蔡京王黼更秉政植黨相擠一進一退莫有能兩全者野處之皆得其心京黼亦待之不疑宣和七年拜尚書右丞升左丞靖康初為門下侍郎徽宗東幸詔野為行宮奉迎使以左司諫陳公輔言罷野行金人再入出為北道都總管顏岐副之王襄為西道都總管張杲副之元帥府建命與范訥為宣府司守東京尋帥師屯宛亭以待王師王襄既責野亦降安遠軍節度副使邵州安置建炎元年復起知密州時盜賊充斥山東車駕如淮南命令阻絕野棄城去軍校杜彥等乘間作亂追野以歸彥坐堂上數之曰汝知州而攜家先遁此州之人誰其為主野不能應遂見殺家屬悉為賊所分唯子學老得免 曹輔字載德南劍州人第進士政和二年以通仕郎中問學兼茂科歷祕書省正字自政和後帝多微行置行幸局局中以帝出日謂之有排當蔡京謝表有輕車小輦七賜臨幸自是邸報聞四方而臣僚阿順莫敢言輔上疏略曰陛下厭居法宮時乘小輦出入塵陌之中郊坰之外極游樂而後反不意陛下當宗廟社稷付託之重玩安忽危一至於此昔仁祖視民如子惻然惟恐或傷一旦宮闈不禁衛士輒踰禁城幾觸寶箴荷天之休帝躬保佑況今革冗員斥濫奉去浮屠誅胥吏蚩愚之民豈能一一引咎安分萬一當乘輿不戒之初一夫不

逞包藏禍心發蓬蘞之毒奮默窮之計雖神靈垂護然亦損威傷重矣臣願陛下身居高拱淵默雷聲臨之以穹昊至高之勢行之以日月有常之度及其出也太史擇日有司除道三衛百官以前以後若曰省煩約費以便公私則臨時降旨存所不可闕損所未嘗用雖非祖宗舊制比諸微服晦跡下同臣庶不猶愈乎上得疏出示宰臣令赴都堂審問太宰余深曰輔小官何敢論大事輔對曰大官不言故小官言之官有大小愛君之心則一也少宰王黼陽願左丞張邦昌右丞李邦彥曰有是事乎皆應以不知輔曰茲事雖里巷細民無不知相公當國獨不知邪曾此不知焉用彼相黼怒其侵己令吏從輔受辭輔操筆曰區區之心一無所求愛君而已退待罪於家黼奏不重責輔無以息浮言遂編管郴州輔將言知必獲罪召子紳來付以家事迺閉戶草疏夕有惡鳥鳴屋極聲若紡輪心知其不祥弗恤也處柳六年黼當國不得移輔亦怡然不介意靖康元年召爲監察御史守殿中侍御史除左諫議大夫御史中丞不旬日拜延康殿學士簽書樞密院事汴都失守金以康王握兵于相州請欽宗詔召之乃遣輔往輔密啓上曰方今外援獨康王宜留在外使敵有所畏上是其言遂以公文回報車駕再出郊輔力諫何處不聽因從二帝留金軍中張邦昌請歸輔脅輔視事以死辭遂奔濟州迎駕高宗即位輔仍舊職未幾卒詔厚恤其家

定王嘉王侍讀俄試太子詹事徵閣直學士改實文閣直學士在東宮十年欽宗辭內禪得疾出臥福靈殿宰相百官班候李邦彥曰皇太子素親朕南仲可召之入南仲與吳敏至殿中侍疾明日帝即位拜資政殿大學士簽書樞密院事未幾免簽書帝以南仲東宮舊臣禮重之賜宅一區升尙書左丞門下侍郎金人再舉鄉京師請割三鎮以和議者多主戰守唯南仲與吳开堅欲割地康王使軍前請南仲偕帝以其老命其子中書舍人延禧代行金人次洛陽不復言三鎮直請畫河爲界於是議遣大臣往南仲以老辭聶昌以親辭上大怒命南仲出河東昌出河北議割地初南仲自謂事帝東宮首當柄用而吳敏李綱越次進位居己上不能平因每事異議擯斥不附己者綱等謂不可和而南仲力沮之爲主和議故戰守之備皆罷走相州以上旨諭康王起河北兵入衛京師因連署募兵榜揭之人情始安與文武官吏勸進高宗既即位薄南仲爲人罷爲觀文殿大學士提舉杭州洞霄宮延禧以龍圖閣直學士知宣州已而言者論其主和誤國罪詔鑄學士秩延禧亦落職與祠尋責南仲臨江軍居住御史中丞張激又言南仲趣李綱往救河東以致師潰蓋不恤國事用此報讐帝曰南仲誤淵聖天下共知朕嘗欲手劔擊之命除授別駕安置南雄行至吉州卒建炎四年復觀文殿大學士

欽定續通志卷三百六十三

列傳

宋六十八

何臬 孫傅

陳過庭

張叔夜 聶昌

張闌

張近 鄭僅

字文昌齡

許幾 程之邵

龔原

蒲苜 謝文瑾

陸蘊

黃寔 姚祐

李伯宗

何常 葉祖洽

霍端友

蔡葵

何臬字文穎仙井人政和五年進士第一擢祕書省校書郎踰年提舉京畿學事召為主客員外郎起居舍人遷中書舍人兼侍講徽宗數從咨訪欲付以言責或論臬與蘇軾鄉黨宗其曲學出知遂寧府已而留為御史中丞論王黼姦邪專橫十五罪黼既抗章請去而猶豫未決臬繼上七章黼及其黨胡松年胡益等皆罷臬亦以徽猷閣待制知秦州欽宗立復以中丞召閔月為翰林學士進尚書右丞中書侍郎會王雲使金帥幹里雅布軍還言金人怒割三鎮緩却禮幣弗納曰兼旬使不至則再舉兵於是百官議從其請臬曰三鎮國之根本奈何一旦棄之況金人亦安能保必信制亦來不割亦來宰相主割議臬論辨不已曰河北之民皆吾赤子棄地則其民棄之豈為父母意哉帝頗悟臬請建四道總管使統兵入援以胡直孺王襄趙野張叔夜領之兵既響應而唐恪耿南仲聶昌信和議急檄止之臬解政事俄以資政殿大學士領開封尹金兵長驅傅城下帝

罷恪相而拜臬為尚書右僕射兼中書侍郎即復三省舊制時康王在河北信使不通臬建議請為元帥密草詔藁上之乃以康王充天下兵馬大元帥

按建炎以來何文績初相金再攻京師康王在河北文績請以弟書拜王為大元帥謂聖可之文績既北去御筆藏于其家

紹興中文績之弟架持詣秦丞相乞陳遣充兵馬元帥進于朝秦方王和惡聞其事弗不奏

宗澤汪伯彥充副元帥京城失守從幸金帥營遂留不返既而議立異姓金人曰唯何臬李若水母得預議臬

仰天大慟不食而死

按宜和錄載靖康二年正月初九夜金人遣使致書欲車駕再出議必親出姑為書或遣親王大臣以行如何欽宗亦不欲

親出何臬獨以為必須親出欽宗信之臬曰都堂自草收曰孫傅可太子少傅謝克家可太子賓客韓太子監國來曰車駕出幸金軍時東復私自草收曰孫傅可太子

名臣言行錄載金帥再遣使出外議未決臬奏事與前日不同臬厲聲謂輔輔又李馮淵共謀之淵與恐

同鄉黃良冀辛一德臬不從宋史本傳論曰欽宗之再

一死不足償也

年三十九建炎初詔以為觀文殿大學士提舉玉局觀使祿其家計聞贈開府儀同三司議者指其誤國不行奏檜自北還具道其死時狀乃改贈

大學士官其家七人

孫傅字伯野海州人登進士第中詞學兼茂科為祕書省正字校書郎監察御史禮部員外郎時蔡修為尚書

傅為言天下事勸其亟有所建修不能用遷祕書少監至中書舍人宣和末高麗入貢使者所過調夫治舟駭

然煩費傅言索民力以妨農功而於中國無絲毫之益

宰相謂其所論同蘇軾奏貶蘄州安置給事中許翰以為傳論議雖偶與軾合意亦無他以職論事而責之過

矣翰亦罷去靖康元年召為給事中進兵部尚書疏復

祖宗法度欽宗問之傅曰祖宗法惠民熙豐法惠國崇

觀法惠姦時謂名言十一月拜尚書右丞俄改同知樞

密院金人圍都城傳日夜親當矢石謫印檄事詩有

郭京楊適劉無忌之語於市人中訪得無忌龍衛兵中

得京好事者言京能施六甲法可以生擒二將而掃蕩

無餘其法用七千七百七十七人朝廷深信不疑命以

官賜金帛數萬使自募兵無問技藝能否但擇其年命

合六甲者所得皆市井游惰旬日而足有武臣欲為偏

裨京不許曰君雖材勇然明年正月當死恐為我累其

誕妄類此敵攻益急京談笑自如云擇日出兵三百可

致太平直襲擊至陰山乃止傅與何臬尤尊信傾心待

之或上書諫傅曰自古未聞以此成功者懼必為國家羞傅怒曰京殆為時而生敵中瑣微無不知者幸與傅言若告他人將坐沮師之罪揖使出又有稱六丁力士天關大將北斗神兵者大率皆效京所為議者危之京曰非至危急吾師不出與數趣之徙期再三乃啟宣化門出戒守陣者悉下城毋得竊視京與張叔夜坐城樓上金兵分四翼謀而前京兵敗退墮於護龍河填屍皆滿城門急閉京遽白叔夜曰須自下作法因下城引餘眾南遁是日金人遂登城二年正月欽宗詣金帥營以傅輔太子留守仍兼少傅帝兼旬不返傅屢貽書請之及廢立檄至傅大慟曰吾惟知吾君可帝中國耳苟立異姓吾當死之金人來索太上帝后諸王妃主傅留太子不遣密謀匿之民間別求狀類太子者并宦官二人擊殺之并斬十數死囚持首送之給金人曰宦者欲竊太子出都人爭鬪殺之誤傷太子因帥兵討定斬其為亂者以獻苟不已則以死繼之越五日無肯承其事者曰吾為太子傳當同生死金人雖不吾索吾當與之俱行見金帥面責之庶或萬一可濟傳寓直皇城司其子

來省叱之曰使汝勿來而竟來邪吾已分死國雖汝百輩來何益揮使速去子亦泣曰大人以身徇國兒尙何言願力保太子遂以留守事付王時雍而從太子出至南薰門范瓊力止之按靖康要錄載靖康二年正月十日范瓊以死拒之范瓊先以危言孫傳隨太子至南薰門欲出誓衛士然後益兵擁皇太子金守門者曰所欲得太子留守何預傳曰我宋之大臣且太子傳也當死從是夕宿門下明日金人召之去明年二月死于朔廷紹興

中贈開府儀同三司諡曰忠定按靖康要錄載傳是夕開門以難滿命召之出自是後死者不可得而知也陳過庭字賓王越州山陰人中進士第為館陶主簿澶州教授知中牟縣除國子博士何執中侯家器其才薦之擢祠部吏部右司員外郎使契丹過庭初名揚庭辭

日徽宗改賜今名時人或傳契丹主苦風痺又箭損一目過庭歸證其妄且勸帝以邊備為念遷太常少卿起居舍人宣和二年進中書舍人纔七日遷禮部侍郎未盡一月又遷御史中丞兼侍讀睦寇竊發過庭言致寇者蔡京養寇者王黼竄二人則寇自平又朱勔父子本刑餘小人交結權近竊取名器罪惡盈積宜昭正典刑由是大與權貴迕翻陷以不舉劾之罪罷知蘄州未半道責海州團練副使黃州安置三年得自便欽宗立以集英殿修撰起知潭州未行以兵部侍郎召在道除中丞時節度使范訥丐歸環衛過庭因言自崇寧以來建旄鉞者多不由勳績請除宗室及將帥立功者餘並如訥例又乞辨宣仁后誣謗姚古擁兵不援太原陳其可斬之罪七竄諸嶺表進禮部尚書擢右丞中書侍郎議

遣大臣對兩河兵金政府仲以老辭聶昌以親辭過庭日主憂臣辱願効死帝為揮涕數息則遣南仲昌及城陷過庭亦被金人拘之軍中留不得還建炎四年卒于燕山年六十贈開府儀同三司諡曰忠肅

張叔夜字籍仲侍中耆孫也少喜言兵以蔭為蘭州錄事參軍州本漢金城郡地最極邊恃河為固每冰合必嚴兵以備士不釋甲者累月叔夜曰此非計也不求要地守之而使敵迫河則吾既殆矣有地曰大都者介五路皆竦叔夜按其形勢畫攻取之策訖得之建為西安州自是蘭無羌患知襄城陳留二縣蔣之奇薦之易禮賓副使通事舍人知安肅軍言者謂太優還故官獻所為文歷知舒海秦三州大觀中為庫部員外郎開封少尹復獻文召試制誥賜進士出身遷右司員外郎使

遼宴射首中的遼人歎詫還圖其山川城郭服器儀範為五篇上之從弟克公彈蔡京京遷怒叔夜撫微過貶監西安草場久之召為祕書少監擢中書舍人給事中時吏惰不虔凡命令之出於門下者預列銜使書名而徐填其事謂之空黃叔夜極陳革其弊進禮部侍郎又為京所忌以徽猷閣待制再知海州宋江起河朔轉略十部官軍莫敢娶其鋒聲言將至叔夜使間者覘所向賊徑趨海瀕劫鉅舟十餘載兩獲於是募死士得千人設伏近城而出輕兵距海誘之戰先匿壯卒海旁伺兵台舉火焚其舟賊聞之皆無鬪志伏兵乘之擒其副賊

江乃降加直學士徙濟南府山東羣盜猝至叔夜度力不敵乃取舊敕賊文俾郵卒傳至羣盜聞果小懈叔夜會飲譙門示以閒暇遣吏諭以恩旨盜狐疑相持至暮未決叔夜發卒五十人乘其惰擊之盜奔潰斬數十級以功進龍圖閣直學士知青州靖康改元金人南下

叔夜再上章乞假騎兵與諸將并力斷其歸路不報徙鄧州四道置帥叔夜領南道都總管金兵再至欽宗手札趣入衛即自將中軍子伯奮將前軍仲熊將後軍合三萬人翌日上道至尉氏與金游兵遇轉戰而前十一月晦至都帝御南薰門見之軍容甚整入對言敵鋒方銳願如唐明皇之避祿山暫詣襄陽以圖幸雍帝領之加延康殿學士閏月帝登城叔夜陳兵玉津園鎧甲光明拜舞城下帝益喜進資政殿學士令以兵入城俄簽

書樞密院連四日與金人大戰斬其金環貴將二人帝遣使齎蠟書以哀叔夜之事徵告諸道然迄無赴者城陷叔夜被創猶父子力戰車駕再出郊叔夜叩馬而諫帝曰朕為生靈之故不得不親往叔夜號慟再拜眾皆哭帝回首字之曰籍仲努力金人議立異姓叔夜謂孫傳曰今日之事有死而已移書二帥請立太子以從民望二帥怒追赴軍中至則抗請如初遂從以北道中不食既至白溝馭者曰過界河矣叔夜乃矍然起仰天大呼遂不復語明日卒年六十三諡贈開府儀同三司

按宋名臣言行錄載計開高宗遙拜觀文殿學士聶昌諡忠文聶昌字辛遠撫州臨川人始縣太學上舍釋褐為相州教授用蔡攸薦召除祕書郎擢右司員外郎以直龍圖閣為湖南轉運使還為太府卿戶部侍郎改開封尹復為戶部昌本厚王黼既而從蔡京為黼所中罷知德安府又以鄉人訟論崇信軍節度副使安置衡州欽宗立吳敏用事以昌猛厲徑行為可助已自散地授顯謨閣直學士知開德府道拜兵部侍郎進戶部尚書領開封府昌遇事奮然不顧敢誅殺敏度不為用始憚之引唐

格徐處仁等共攻獨遣昌李綱之罷太學生陳東及士

未決叔夜發卒五十人乘其惰擊之盜奔潰斬數十級以功進龍圖閣直學士知青州靖康改元金人南下

未決叔夜發卒五十人乘其惰擊之盜奔潰斬數十級以功進龍圖閣直學士知青州靖康改元金人南下

未決叔夜發卒五十人乘其惰擊之盜奔潰斬數十級以功進龍圖閣直學士知青州靖康改元金人南下

庶十餘萬人搗鼓伏闕下經日不退遇內侍輒殺之府尹王時雍麾之不去帝顧昌俾出諭旨即相率聽命王時雍欲寬東等獄昌乃言不可乃止昌再尹京惡少年怙亂晝為盜掠官民家昌悉彈治正法而縱博奕不之問或謂令所禁昌曰姑從所嗜以懈其謀是正所以禁其為非爾昌舊名山至是帝謂其有周昌抗節之義乃命之曰昌京師復戒嚴拜同知樞密院入謝即陳抗敵之策曰三關四鎮國家藩籬也聞欲以畀敵一朝渝盟何以制之願勿輕與而檄天下兵集都畿堅城守以遏其衝簡禁旅以備出擊壅河流以斷歸路前有堅城後有大河勁兵四面而至彼或南下墮吾網中臣願激合勇義之士設伏開闕出不意掃其營以報帝壯之命提舉守禦得以便宜行事會金人再議和割兩河須大臣報聘詔取兩仲及昌往昌言兩河之人忠義勇勁萬一不從必為所執死不瞑目儻和議不遂臣當分遣官屬促勤王之師入衛許之行次永安與金將居雅滿遇其從者稱閤門舍人止昌徹繼令用榜子贊名引見昌不可卒以客禮見昌往河東至絳絳人閉壁拒之昌持詔抵城下絕而登州鈴轄趙子清麾眾害昌扶其日而鬻之年四十九建炎四年始贈觀文殿大學士謚曰忠愍昌為人疎雋喜周人之急然恩怨太明睚眦必報王黼之死昌實遣刺客之棄屍道旁遂附陳南仲取顯位左右其說以誤國卒至禍變而身亦不免焉

張閱字臺卿河陽人第進士崇寧初由衛尉主簿遷祠部員外郎資閱淺為掌制者所議蔡京主之乃止俄徙吏部遷宗正少卿起居舍人屬疾不能朝改顯謨閣待制提舉崇福宮疾愈拜給事中殿中監為翰林學士河

北請帥以繕城訖役降獎詔有中貴人為之地將繼此策賞閱言此牧伯常職若嘆之恐開邀功生事之路徵宗以為是格不下京免相閣當制歷數其過詞語適拔人士多傳誦之京復相以龍圖閣學士知杭州浙部和買絹杭獨居十三戶有至數百匹者閣請均之他郡杭久關守閣經理有敘去惡少年之為人害者州以理聞召拜兵部尚書兼侍讀復為學士上日特賜敕詔且有意外未幾卒年六十四閣初出守杭思所以固寵辭日乞自領花石綱事應奉由是滋熾云

張近字幾仲開封人第進士累遷大理正發運使呂溫卿以不法聞近受詔鞠治溫卿諷不肯置對近言溫卿所坐明白儻聽其蔓詞懼為株連者累詔以眾證定其罪提舉河北東路常平西路刑獄人為刑部員外郎大理少卿以集賢殿修撰知灤州遼使為夏人請命而宿兵以臨我近請亦出秦甲戌北道伐其謀邊人呂懺兒入瓦橋為盜吏執之遼人因略宋民為質近言朝廷方繼好息民常使曲在彼一偷之得失不足為輕重釋之使滄民漁於海遼卒利其饒而私舉網取魚守兵與之鬪斬級三十二州將請賞之或言所殺乃平民宜論如律議弗決近言邊人貪利喜功遂賞之則為國起怨然彼挾兵涉吾地謂之非盜可乎如罪以擅興他日將誰使禦敵願而置賞刑略而不問從之出鎮高陽累加顯謨閣待制直學士徙知太原府以疾提舉洞霄宮先承詔買馬三千給牧戶近悉徵諸民而不予直為御史所劾失學士二年復之卒年六十五

鄭僅字彥能徐州彭城人第進士為大名府司戶參軍留守文彥博以為材奏改司法遷冠氏令河決府西檄

夜下調夫急僅方閱保甲盡籍即行先他邑至洪遂塞使者怒劾之留守王拱辰爭於朝猶坐罰金時河朔饑盜起獨冠氏無之且戒不入境知福昌縣復值歲饑悉意賑貸民不流亡提舉京東常平人為戶部員外郎至大府卿加直龍圖閣為陝西都轉運使論餽餉河湟功進集賢殿修撰顯謨閣待制僅請籍開田為官莊是歲鎮戎德順收穀十餘萬會西寧高永年戰沒熙河帥臣歸咎官莊奪屬荒地致其怨畔詔罷之議者以為惜改知寧州諸軍多殺老弱持首要賞僅下令非強壯而能生致者賞半之有內附羌追寇得老人不忍殺擒之乃其父也相持哭一軍感動時諸路爭進討奏捷僅獨保境不生事寇亦不犯徙秦州復為都轉運使召拜戶部侍郎改吏部侍郎知秦州以顯謨閣直學士通議大夫卒年六十七贈光祿大夫謚曰修敏子望之自有傳

宇文昌齡字伯修成都雙流人進士甲科調榮州推官熊本經制梓夔辟幹當公事凡攻討招襲建南平諸城皆皆出其畫遷大理丞本歸闕言其功擢提舉秦鳳路常平改兩浙神宗忠司農圖籍不肅選官釐整昌齡以使夔路入辭留為寺主簿遂拜監察御史鄜延帥奏所部劉紹能與西羌通將為患帝察其不然命昌齡鞠之果妄昌齡因請深戒守臣母生事微賞以靖邊人之心使還賜五品服尚書書建以為比部員外郎時官曹更新統紀未立昌齡悉力從事具所立綱要請於朝而行之改吏部員外郎出京西轉運副使召為左司員外郎送遼使至雄州當宴從者不待揖而坐昌齡謂其使使者陽若不服而心悟其非卒成禮去遷太常少卿詔議郊祀合祭論者不一昌齡曰天地之數以高卑則異位

以禮制則異宜以樂舞則異數至於衣服之章器用之具日至之時皆有辨而不亂夫祀者以類應類以氣合氣然後可以得而親可以冀其格今祭地於園丘以氣則非所合以類則非所應而求高厚之來享不亦難乎後竟用其議改直祕閣知梓州歷壽州河中府鄧州青三州徽宗立召為刑部侍郎徙戶部侍郎陝西餽芻糧於邊舊制令內郡轉給為民病昌齡建言止輸其州而令量取道里費助邊糴從之歲省糴價五百萬公私便之以寶文閣待制知開封府後為戶部侍郎知青杭越

三州卒年六十五子常

常字權可政和末知黎州有上書乞於大渡河外置城邑以便互市者詔以訪常常言自孟氏入朝藝祖取蜀輿地圖觀之畫大渡為境歷百五十年無西南夷患今若於河外建城立邑虜情攜貳邊隙寔開非中國之福尋提舉成都路茶馬自熙豐以來歲入馬蕃多至崇觀間其法始壞提舉官歲以所入進羨餘吏緣為姦市馬裁十一二且負其直夷人皆怨常盡革其弊馬遂溢額加直祕閣改知夔州進祕閣修撰官累中大夫卒許幾字先之信州貴溪人入太學擢第調高安樂平主簿知南陵縣還民之託僧尼為姦者數百人提舉京西常平為開封府推官進至將作監吏與匠比為姦欺凡斲削塗墍丹雘之工當以次用而始役即槩給其廩費亡藝而患不均幾逆為之程費省工倍再遷太常卿戶部侍郎以顯謨閣待制知鄆州梁山濠多盜皆漁者窟穴也幾籍十人為保使晨出夕歸否則以告輒窮治無脫者幾有吏幹善理財由是四入戶部至尚書嘗以指東布法罷又以治泉院事失實知夔州進樞密直學士

河北都轉運使徙知成德軍知太原府張商英裁損吏祿幾預其議貶永州團練副使安置袁州遇恩復中大

夫卒

程之邵字懿叔眉州山人以父蔭為新繁主簿熙寧更募役法常平使者欲槩州縣民力以羨之相補之邵曰此法乃成周均力遺意當各以一邑之力供一邑之役豈宜以此邑助他邑使者愧服辟之邵為屬熊本察訪蜀道歸語諸朝日田役法初行成都路為最詳之邵力也詔召見入為三司磨勘官得隱匿數十萬緡從副使塞周輔計度江嶺鹽還除廣東轉運判官元祐初提舉利梓路常平周輔得罪亦罷知祥符縣俄知泗州為

夔路轉運判官夔守強狠不奉法劾正其罪大寧井鹽為利博前議者輒儲其半供公餘鬻於民使先輸錢鹽不足給民以病告之邵盡發所儲與之商買既通關征增數倍除主管秦蜀茶馬公事革黎州買馬之弊歲以仲秋為市至四月止以羨茶入熙秦易戰騎得良馬益多知鳳翔府民負債無以償自焚其居而給曰遺火有主藏吏殺四婢人無知者之邵俱發獲破人傳誦徙鄭州元符中復主管茶馬市至萬匹得茶課四百萬緡童費用師熙岷不俟報運茶往博羅發錢二十萬億佐用度連加直龍圖閣集賢殿修撰三進秩為熙河都轉運使秦鳳出師命之經制即言已備十萬騎可食三百日擢顯謨閣待制敵犯熙河之邵攝師事屯兵行邊境解去俄得疾卒方錄功轉大中大夫不及拜贈龍圖閣直學士子唐至寶文閣學士

龔原字深之按東部事處州遂昌人少與陸佃同師王安石進士高第元豐中為國子直講以虞蕃訟失官哲

宗即位詣訴理所得直為國子丞太常博士方議祀北郊原言合祭非理此漢儒陋說願亟正之加祕閣校理充徐王府記室出為兩浙轉運判官紹聖初召拜國子司業旋兼侍講還祕書少監起居舍人權工部侍郎為曾布所重安悼論其直講時事以集賢殿修撰知潤州徽宗初入為祕書監進給事中時除郎官五人皆執政姻戚悉舉駁之又論郝隨得罪不得居京師鄧洵武不宜再入史院謂帝為哲宗服當循三年禮主議者斥其妄黜知南康軍改壽州俄用三年之制乃復修撰知揚州還朝歷兵工二部侍郎除寶文閣待制知廬州陳瑾擊蔡京原與瑾善或謂原實使之奪職居和州起為亳州命下而卒年六十七初王安石改學校法引原自助原亦為盡力其後司馬光召與語譏切王氏原反覆辨抹不少衰為司業時請以安石所撰字說洪範傳及子雱論語孟子義刊板傳學者故一時學校舉子之文靡然從之其敝自原始按宋史此下有崔公度傳度婿附安石無事蹟足錄今從刪

蕭古字君錫閬州人中進士第歷利州司戶參軍三泉主簿知合江金水縣通判文州有獻議者欲開文州徑路達陝西古言洮岷積石至文甚邇自文出江油鄧艾取蜀故道異時鬼章欲從此窺蜀為其阻隘而止夏人志此久矣可為之通道乎議遂塞為睦親宅教授提舉湖北京西常平崇寧均田轉運使以用不足將度費以定稅古曰詔旨所以嘉惠元元初不在增賦也宛穰地廣沃國初募民墾田得為世業好訟者稍以易佃法搖之首一切禁止有持獻於權貴而降中旨給賜者古言地盈千頃戶且數百傳子至孫久一旦改隸眾將不安先朝明詔具在不可易也朝廷是其議提點湖南刑獄

知鼎遠隴寧四州復提舉潼州路刑獄有議權酷於適
敘間云哉可得錢二十萬百言先朝念此地夷漢雜居
故弛其權禁以惠安邊人今所行未見其利乃止累官
中大夫卒年七十二

謝文瓘字聖藻陳州人進士甲科教授大名府元豐中
上疏言臣下推行新法多失本意而榜笞禁錮民受其
虐培克聚斂不勝多門其不急之征非理之取宜罷減
之大臣以爲訕朝廷議置之罪神宗曰彼謂奉法者非
其人爾匪訕也哲宗時御史中丞黃履薦爲主簿三年
不詣執政政府召對除祕書省正字考功右司員外郎紹
聖末都水使者議建廣武四堵石岸黃流湍悍役人多
死一方甚病功不可成而使者申前說愈力文瓘條別
利害罷其役徵宗立擢起居舍人給事中詔修神宗寶
訓文瓘請擇當時大政事大黜陟節其要旨而爲之說
然所論率是王安石謂神宗能察眾多之謗任之而不
貳於是朋黨消而威柄立還主洪基廼使往弔之令從
者變服而入貶秩二等崇寧元年出知濮州尋治黨事
坐元豐上疏及嘗詒呂公著書再調邵武軍移處州帝
披黨籍曰朕究知文瓘本末命出籍適以爲集英殿修
撰知濟州卒子貺宣和中爲駕部員外郎知汝州欽宗
時上封事十篇論事切至使金還提點京西北路刑獄
金人侵汝州貺自襄陽領兵往援戰死按宋史此下有
錫傳又路昌衡傳俱
無事蹟足錄並從刪

陸蘊字敦信福州侯官人少知名登進士第爲太學春
秋博士經廢員省改國朝會要所檢閱文字崇寧中提
舉河北兩浙學事召對言元祐異俗學近詔不以使
一路而猶得爲守令臣愚未知其可遂拜禮部員外郎

轉吏部選辟雍司業太常少卿議原廟不合黜知瑞金
縣還爲太常進國子祭酒中書舍人請葺諸州天慶觀
立學事司考課法遷大司成擢御史中丞蘊頗論事嘗
言御筆一日數下而前後相違非所以重命令輔相大
臣宦官戚里賜第營築縱撤民居縣官市材於民而不
予直貴游子弟以從官領閑局奉朝請爲員猥多無益
於事又賜予過制中外用度多於賦入數幸私室乖尊
卑之分亦非臣下之福其言皆中時病以龍圖閣待制
知福州改建州加顯謨閣直學士引疾提舉鴻慶宮方
二浙用兵旁郡皆繕治守備蘊聞命就道使者劾爲避
事奪職稍復集英殿修撰卒

黃寔字師是陳州人登進士第歷司農主簿積官提舉
京西淮東常平元豐末議罷提舉官命未布寔舅章惇
屬蔡確徙寔提點開封縣鎮遷提點梓州路兩浙刑獄
京東河北轉運副使哲宗議召用曾布及林希沮之乃
以知陝州爲江淮發運副使賀遼主登位及境迂者移
牒來稱爲賀登寶位使寔報以受命無寶字拒不受還
除太僕卿再擢寶文閣待制知瀘州徙定州朝旨籍民
兵旁郡因緣擾困寔憤懣不下而盡利害請之事得寔
卒于官贈龍圖閣直學士寔孝友敦睦世稱其內行蘇
轍在陳與寔游因結昏其後又與軾友善紹聖黨禍寔
以章惇撈獲免

姚祐字伯受湖州長興人元豐末第進士徽宗末除夔
州路轉運判官且行會帝幸禁苑御弓矢祐奏聖武臨
射賦帝大悅留爲右正言歷陳紹述之說遷左司諫建
議置輔郡以供京畿進殿中監犬尙局官制成凡所以
享上率屬察舉稽違殿最勤惰之法皆祐裁定以親老

請即投顯謨閣待制知江寧府時召捕張懷素而追獲
之復爲殿中監踰歲以直學士知鄞州改秦州或請調
熙河弓箭士徙邊以省更成祐謂人情懷土重遷可以
二年爲更發之期滿歲樂業而願留者乃聽且請擇熙
秦富民分丁授地蠲役借糧以勤耕植益廣秦之東西
川建城壁嚴保障以控熙河涇原皆從之復爲殿中監
改吏部侍郎命鎮蜀用母老辭遷工部尙書加龍圖閣
學士爲大名尹進延康殿學士復爲工部尙書徒禮部
母喪服除知太原府以提舉上清寶籙宮卒贈特進諡
曰文僖按宋史此下有補異沈積中
二傳無事蹟足錄今從刪

李伯宗字會之何陽人第進士知內邱咸陽太康縣建
言朝廷行方田均稅之法令以豐歲推行今州縣吏苟
簡懷異者指熟爲災而貪進幸賞者掩災爲熟望深察
其違戾而實諸罰括縣壯丁爲兵得千人上其名數與
按閱之法知樞密院蔡卞喜而薦之提舉京畿保甲使
行其說增籍二萬已而有訴者陳牒至八百七十左遷
通判相州提舉白披葦提點江淮坑冶鑄錢入爲將
作少監歷大理卿開封民有鬻神祠故帽飾以龍者吏
以爲乘輿服御伯宗曰此無他當坐不應爲爾尹不從
具以請如伯宗議按宋史本傳請坐開封民罪事載人
作少監無職職論罪之責
今移置大理寺卿之下
入對言今情重法輕者許奏
請而情輕法重者不得焉恐非仁聖忠恕之意徵宗納
之遷刑部侍郎與王黼不相能用胥吏微過罷提舉崇
福宮明年知同州從陝西都轉運使進通奉大夫顯謨
閣待制卒贈光祿大夫諡曰榮按宋史此下有汪解傳
事蹟足錄
今從刪

何常字德固京兆人中進士第爲開封府兵曹紹聖初

志五四〇五

或言蘇軾主文柄取士之非毀宗廟者常預其間出通判原州歷將作丞陝西轉運判官熙河轉運副使議者欲貸民金帛而使入粟塞下常曰車牛轉輸民力已病然未至於死亡者粟自官出而民無害也今強以金帛使自入粟懼非貧弱之利熙帥及監軍劾之貶秩徙成都路中使持御札至令織戲龍羅二千繡旗五百常奏旗者軍器之飾敢不奉詔戲龍羅惟供御服日衣一匹歲不過三百有奇今乃數倍無益也詔獎其言為減四之三除直龍圖閣加集賢殿修撰以顯謨閣待制知秦州轉通議大夫謫告夏人多築堡柵朝議出兵牽制常言羌人生長射獵今困於版築違所長用所短可待其敵鎮秦六歲察訪方邵劾其越法貨酒借米麩於官獄具責昭化軍節度副使數月復其官終右文殿修撰卒年七十三

葉祖洽字敦禮邵武人熙寧初策進士祖洽所對專投合用事者考官宋敏求蘇軾欲黜之呂惠卿擢為第一會書奉國軍判官判登聞檢院由國子丞知湖州留為校書郎元祐初歷職方兵部員外郎加集賢校理進禮部郎中給事中趙君錫論其對策訕及宗廟祖洽自辨蘇軾劉攽言祖洽謂祖宗紀綱法度因循苟簡願朝廷與大臣合謀而新之可以為議論乖謬若謂之訕則不可於是但出提點淮西刑獄紹聖中入為左司郎中起居郎中書舍人給事中祖洽性狠復喜諛附密言王珪於冊立時有異論願稽合羣情決之獨斷珪遂追貶又言司馬光呂公著獲終牖下恩禮隆縉蔡確受遺定策而貶死嶺外乞恤其孤其論率類此坐舉王回出知

濟州徙洪州以牟利鬻貨問祖洽與曾布厚人目為小訓孤布用事欲以吏部侍郎召韓忠彥不可白為寶文閣待制知青州未赴布竟引為吏部布罷乃出知定州且行大言於上至云當時蔡確稍失事幾王珪果遂姦謀則神宗遂失正統不知今日神器孰歸臣為朝廷宗社明確之功正珪之罪勸沮忠邪於千萬年以此報神宗足矣徽宗怒其躁妄降集賢殿修撰提舉沖佑觀自是不復用久之知洪州改亳州加徽猷閣直學士政和末卒

按宋史此下有時彥傳事無足為勸懲今從刪

霍端友字仁仲常州武進人徽宗即位策進士第一授宣義郎不闕月擢祕書省校書郎遷著作佐郎起居郎中書舍人服金紫故事舍人唯服黑角帶帝日給事舍人等爾而服飾相絕如是始命犀帶佩魚進給事中大司成禮部侍郎端友言朝廷尊安重內輕外可令內外侍從更出入以奉禁闈殿大邦俾天下之勢如持衡庶無首重尾輕之患疏入即請補郡道以顯謨閣待制知平江改陳州為政以寬間不立聲威陳地汙下久雨則積潦時疏新河八百里而去淮尚遠水不時洩端友請益開二百里徹于淮自是水患遂去內侍石崇傳詔索瑞香花數十本端友不可疏罷之復以禮部召轉吏部官至通議大夫卒贈宣奉大夫

按宋史此下有俞崇傳與時彥傳同今從刪

且幸時變而肆姦言乘間隙而投異意詆誣先烈動搖國是願逆處其未至而絕其原於是擢為第一以所對頒天下甫解褐即除祕書省正字遷起居舍人未幾為中書舍人自布衣至侍從纔九月前所未有也旋進給事中一意附蔡京敘族屬尊為叔父京命攸修等出見疑亟云向者大誤公乃叔祖此諸父行也遽列拜之八寶赦恩詔兩省差擇元祐黨人情輕者出籍疑不肯書言者論其不能推廣上思出知和州明年加顯謨閣待制知杭州始疑未第時以書謁陳瓘稱其諫疏似陸贄剛方似狄仁傑明道似韓愈及對策所持論頗異遂欲害瓘以絕口因其子正彙告蔡京不軌執送京師疑復人為給事中又與宰相何執中謀使石城治鹽鐵不免事具確傳御史毛注言疑巧言惑眾造為疊端疏入不報范柔中者頃以上書入邪等至是進階疑言柔中嘗歎愕有致疑於紹述者乞削其敘遷昭示好惡從之張商英作相常安民與之書激使為善疑弟萊劉其藁示疑即論之以搖商英疑遷翰林學士坐妄議政事罷提舉洞霄宮起知建寧府方建神霄宮疑先一路奏辦下詔褒獎召為學士承旨禮部尚書嘗陰附權倖事覺徽宗令人對將面詰之踰月不奉詔帝怒命黜之御史言疑游太學則挾詭計以鉗諸生居侍從則挾私事以箝宰輔處門下則借國法以快私忿為郡守則妄尊大而蔑監司宜重賞諸罰遂貶單州團練副使房州安置宣和中復龍圖閣直學士再知杭州為政喜恣恂恂任刑太慘方臘亂後西北戍卒代歸人得犒絹疑禁民與為

市乃下其直彊取之卒怒乘殘夜飲客縱火焚州治將
殺之疑知事勢洶洶踰垣走免詔奪職罷歸明年以徽
猷閣待制卒

欽定續通志卷三百六十四

續通志 卷三百六十四 列傳 宋

志五四〇七

列傳

宋六十九

賈易

董敦逸

上官均

楊畏

律台符

楊汲

呂嘉問

李南公

虞策

郭知章

劉拯

錢適

吳執中

劉昂

宋喬年

蔡居厚

蔣諤

賈偉節

崔鷗

張根

仕諒

周常

賈易字明叔無為人七歲而孤母彭以紡績自給使從學年踰冠中進士甲科調常州司法參軍自以儒者不閱法令歲議獄唯求合於人情曰人情所在法亦在焉訖去郡中稱平元祐初為太常丞兵部員外郎遷左司諫論呂陶不爭張舜民事與陶交攻遂劾陶黨附蘇軾兄弟併及文彥博范純仁宣仁后怒其訐欲論之臣公著救之力出知懷州御史言其謝表文過從廣德軍明年提點江東刑獄召拜殿中侍御史遂疏彥博至和建儲之議為不然宣仁后命付史館彥博不自安解平章而去蘇軾為中丞易引前嫌求避改度支員外郎孫升以為左遷又改國子司業不拜提點河東刑獄復入為侍御史上書言天下大勢可異者五一日上下相蒙而毀譽不得其真二日政事苟且而官人不任其責三日經費不充而生財不得其道四日人材廢闕而教養不以其方五日刑賞失中而人心不知所向其言雖頗切直然皆老生常談志於抵阨時事無他奇畫蘇軾守杭

亦浙西災潦甚苦易率其僚楊畏安鼎論軾帖息邀譽眩惑朝聽乞加考實詔下給事中范祖禹封還之謂宜關略不問以活百姓易遂言軾頃在揚州題詩以奉先帝遺詔為聞好語草呂大防制云民亦勞止引周厲王詩以比熙寧元豐之政易駭應制科試文繆不應格幸而濫進與軾昔皆誹怨先帝無人臣禮至指李林甫楊國忠為喻議者由是薄易出知宣州歷京西轉運副使徙蘇州徐加直祕閣元符中累謫保靜軍行軍司馬邵州安置徽宗立召為太常少卿進右諫議大夫陳次升論其為曾布客改權刑部侍郎歷工部吏部未滿歲為真以寶文閣待制知鄧州尋入黨籍卒年七十三

董敦逸字夢授吉州永豐人登進士第調連州司理參軍知穰縣時方興水利提舉官調民鑿馬渡港云可灌田二百頃敦逸言於朝以為利不補害核實如敦逸言免役夫十六萬全舊田三千六百頃徙知弋陽縣寶豐銅冶役卒多困於誘略有致死者敦逸推見本末縱還鄉者數百人稍遷梓州路轉運判官元祐六年召為監察御史同御史黃慶基言蘇軾昔為中書舍人制誥中指斥先帝事其弟軾相為表裏以紊朝政宰相呂大防奏曰先帝聖意本欲富國強兵鞭撻不庭一時羣臣將順太過故事或失當及太皇太后與皇帝臨御因民所欲隨事揀改蓋事理當然爾比惟元祐以來言事官用此以中傷士人兼欲動搖朝廷意極不善軾復奏曰臣昨日取兄軾所撰呂惠卿詔觀之其言及先帝者有曰始以帝堯之仁姑試伯鯀然終孔子之聖不信宰子兄軾亦豈是謗毀先帝者邪臣聞先帝末年亦自深悔已行之事但未暇改爾元祐改更蓋追述先帝美意而已

宣仁后曰先帝追悔往事至於泣下皇帝宜深知於是敦逸慶基並罷敦逸出為湖州通判改知臨江軍紹聖初軾軾失位劉拯訟敦逸無罪哲宗記其入曰非前日白髮御史乎復除監察御史論常安民為二蘇之黨凡論議主元祐者斥去之改工部員外郎遷殿中侍御史左司諫侍御史瑤華祕獄成詔詣掖庭錄問敦逸察知冤狀握筆弗忍書郝隨從旁脅之乃不敢異獄既上於心終不安竟上疏其略云瑤華之廢事有所因情有可察詔下之日天為之陰翳是天不欲廢之也人為之流涕是人不欲廢之也臣嘗閱錄其獄恐得罪天下哲宗讀之怒蔡卞欲加重貶章惇曾布以為不可曰陛下本以皇城獄出於近習故使臺端錄問冀以取信中外今誦敦逸何以解天下後世之謗哲宗意解而止明年用他事出知興國軍徙江州徽宗即位加直龍圖閣知荆南召入為左諫議大夫敦逸極言蔡京蔡卞過惡遷戶部侍郎卒年六十九

上官均字彥衡邵武人神宗熙寧親策進士擢第二為北京留守推官國子直講元豐中蔡確薦為監察御史裏行時相州富人子殺人獄為審刑大理所疑京師流言法官寶莘等受賂蔡確引猜險吏數十人窮治莘等慘酷無敢明其冤均上疏言之乞以獄事詔廷臣參治坐謫知光澤縣莘等卒無罪天下服其持平有巫託神能禍福人致貨甚富均焚像杖巫出諸境還監都進奏院哲宗即位擢開封府推官元祐初復為監察御史議者請兼用詩賦取士宰相遂欲廢經義均言經術以理為主所根者本詩賦以文為主所逐者末今不計本末而欲襲詩賦之弊未見其為得也自熙寧以來京師

百司有謁禁均言以誠待人則人思竭忠以疑遇物則人思苟免願除開封大理外餘皆釋禁以明洞達不疑之意遂諭青苗以為有惠民之名而無惠民之實有目前之利而為終歲之患願罷之復為常平糶糴之法又言官冗之弊請罷粟補吏減任子員節特奏名之濫增攝官之舉數抑胥吏之倖進以情入仕之源詔有司議久之不能有所省因請對力陳之宣仁后曰嘗從我家始乃自后屬而下至大夫悉裁其數又言治天下道二寬與猛而已寬過則緩而傷義猛過則急而傷恩間者監司務為慘刻郡縣望風趣辦不暇以便民為意陛下臨御務從寬大為吏者又復苟簡縱弛猛寬二者胥失願明詔四方使之寬不縱惡猛不傷惠以起中和之風詔下其章蔡確弟碩盜貨官錢以萬計獄既上均論確為宰相挾邪撓法當顯正其罪以厲百官張璪李清臣執政與正人異趣相繼擊去之監察御史張舜民論邊事因及宰相文彥博舜民左遷均言風憲之任許風聞所以廣耳目也舜民之言是當行之其言非當答之願復舜民職不從臺諫約再論均謂事小不當再論王巖叟遂劾均反覆巖叟移官均遷殿中侍御史內不自安引義丐去改禮部員外郎居三年復為殿中侍御史西夏自承樂之戰怙勝氣驕欲復故地朝廷用趙高計棄四砦至是又請蘭州為砦地均上疏曰先王之御外國假惠以濟威威須威以行惠然後外國且懷且畏無怨望輕侮之心今西夏所爭蘭州砦地皆控扼要路輕予恐夏人搆虛照河數郡孤立難守若繼請照河故地將何辭以拒之是傳虎以翼借寇以兵不惟無益祇足為患不如治兵積穀畫地而守使夏人曉然知朝廷意也時

傅堯俞為中書侍郎許將為左丞韓忠彥為同知樞密院三人者論事多同異俱求罷均言大臣之任同國休戚廟堂之上當務協諧若倖倖然辯論不顧事體何以觀視百寮堯俞等雖有辯論之失然事皆緣公無顯惡大過望令就職詔從之御史中丞蘇轍等尚以為言均上疏略曰天下之事以是非為主所論若當雖異不害其為善所論若非雖同未免為不善今堯俞等但不能協和實無大過蘇轍乃以許將當時已定議既而肯同列之議臣以為將舍同列之議上奉聖旨是將順其美不當反以為過惡若使不忠雖與同列協和是乃姦臣爾非朝廷之利也將罷均又言呂大防堅強自任每有差除同列不敢異唯許將時有異同轍素與大防善盡力排將期於必勝臣恐網紀法令自此敗壞矣因論轍當公是非別白善惡不當妄言遂乞罷出知廣德軍改提點河北東路刑獄紹聖初召拜右正言時大防轍已罷均論大防轍六罪並再黜大防失禍由此起又奏罷詩賦專以經術取士宰相章惇欲更政事專黜陟之柄陰去異已出吏部尚書彭汝礪知成都府召朱服為中書舍人均言汝礪不可出服不可用惇怒遷均為工部員外郎尋提點京東淮南東刑獄歷梓州淮南轉運副使知越州徽宗立入為祕書少監遷起居郎拜中書舍人同修國史兼哲宗實錄修撰遷給事中太學生張寅亮應詔論事得罪斥居均言寅亮雖不識忌諱然志非懷邪陛下既招其來又罪其言恐沮多士之氣寅亮得免時宰相欲盡循熙豐法度為紹述以風均均曰法度惟是之從無彼此之辯由是不協以龍圖閣待制知承興軍從襄州崇寧初與元祐黨籍奪職主管崇寧

觀政和中復集賢院修撰提舉洞霄宮久之復龍圖閣待制致仕辛年七十八按宋史此下有來之郭葉壽二傳皆汗險阿忒詆毀正人無善蹟足錄並從明

楊畏字子安其先遂寧人父徙洛陽畏幼孤好學事母孝擢進士第調成紀主簿不之官刻志經術以所著書謁王安石自是尊安石之學以為得聖人之意除西京國子監教授許置薦為監察御史裏行時有御史中丞出為郡守監司薦之畏言侍從賢否上所素知監司乃敢妄薦蓋為異日地爾乞戒其觀望舒置有盜學士院厨錢罪為王安禮所白畏抗章辯論以為可謂之失未可謂之故置罷畏坐左轉宗正丞出提點夔州路刑獄元祐初請祠歸洛畏恐得罪於司馬光嘗曰畏官夔賊雖深山羣獠聞用司馬光皆相賀至光卒畏復曰司馬光若知道更是泉壤契契以不知道故於政事未盡也呂大防劉摯為相俱與畏善用畏為工部員外郎除監察御史擢殿中侍御史畏助大防攻摯十事并言梁燾王巖叟劉安世朱光庭皆其死黨必與為地既而燾等果救摯皆不納摯罷蘇頌為相畏復攻頌以留買易除書為頌罪頌罷畏意欲蘇轍為相宣仁后外召范純仁為右僕射畏又攻純仁不報畏本附轍知轍不相復上疏詆轍不可用其傾危反覆如此百僚莫不側目遷侍御史畏言事之未治有四曰邊疆曰河事曰役法曰內外交政時有旨令兩省官舉臺官畏言御史與宰執最為相開之地宰執既不自差使其屬舉之可乎太常博士朱彥以議皇地祗祭不同白列乞罷畏言彥據經論理若彥罷出恐自是人務觀望不敢以守官為義宣仁后崩呂大防欲用畏諫議大夫范純仁以畏非端士不

可大防乃遷禮部侍郎及大防為宣仁后山陵使異首背大防稱述熙寧元豐政事與王安石學術哲宗信之遂薦章惇呂惠卿可大任廷試進士李清臣發策有紹述意考官第主元祐者居上畏復考悉下之拔畢漸第一惇入相畏遣所親陰結之曰畏前日度勢力之輕重遂因呂大防蘇轍以逐劉摯熹方欲逐呂蘇二人覺罷畏言職畏迹在元祐心在熙寧首為相公開路者也惇至徙畏吏部引以自助中書侍郎李清臣知樞密院安燾與惇不合畏復陰附安李惇覺其情又曾布蔡卞言畏平日所為於惇遂以寶文閣待制出知真定府天下於是目為楊三變謂其進於元豐顯於元祐遷於紹聖也尋落職知魏州入元祐黨後知鄆州復集賢殿修撰知襄州移荆南提舉洞霄宮居于洛未幾知鄧州再丐祠以言者論列落職主管崇禧觀蔡京為相畏遣子姪見京以元祐末論蘇轍不可大用等章自明又因京黨河南尹薛昂政言於京遂出黨籍尋復寶文閣待制政和二年洛人詣闕請封禪嵩山畏上疏累千餘言極其諫倭方治行得疾卒年六十九畏頗為縱橫學有才辨而多捭闔與邢恕締交其好功名富貴亦同然恕疎而多失畏謀必中其究俱為精神禍云

崔台符字平叔蒲陰人申明法科為大理詳斷官校試殿唯仁宗賜以盡美二字熙寧中文彥博薦為羣牧判官除河北監牧使入判大理寺初王安石定按問欲舉法舉朝以為非台符獨舉手加額曰數百年謀用刑名今乃得正安石喜其附已改用之應知審刑院判少府監復置大理獄拜右諫議大夫為大理卿時中官石得一以皇城偵邏為獄台符與少卿楊汲輒迎伺其意所

在以鍛鍊答掠成之都人揣粟至不敢偶語數年間斃文法者且萬人官制行遷刑部侍郎官至光祿大夫元祐初御史林旦上官均發其惡出知潞州又貶秩徙相州後兼監牧使卒年六十四舊制武臣至內殿學班始蔭其族台符言文吏州判司猶許用蔭武臣五歲一遷自借職四十年乃得通朝籍輕重不相準請自供奉官即用蔭從之嘗使遼至其朝久立帳前憤者不贊導問其故曰太子未至台符謂之曰安有君父臨軒而臣子偃蹇不至久立使者禮乎憤者懼贊導如儀

楊汲字潛古泉州晉江人登進士第調趙州司法參軍州民曹潯者兄遇之不善兄子亦加侮焉潯持刀逐兄子兄挾之以走潯曰兄勿避自為姪爾既就更兄子云叔欲給吾父止而殺之吏當謀殺兄汲曰潯呼兄使勿避何謂謀州用其言獻上潯得不死主管開封府界常平權都水丞與侯叔獻行汴水淤田法遂灑汴流漲潦以溉西部瘠土皆為良田神宗嘉之賜以所淤田千畝提點淮西刑獄提舉西路常平修古芍陂引漢泉灌田萬頃召判都水監為大理卿遷刑部戶部侍郎元祐初以寶文閣待制知廬州崔台符被劾汲亦落職知黃州歷徐襄越州紹聖中復為戶部侍郎卒

呂嘉問字望之以蔭入官熙寧初條例司引以為屬權戶部判官筭諸司庫務行連竈法於酒坊歲省新錢十萬緡王安石用魏繼宗議即京城置市易務命嘉問提舉上建置十三事其一欲於律外禁兼井之家輒取利神宗去之安石執不可居二年連以羨課受賞神宗問其擾民語安石曰嘉問奉法不公以是嫉怨神宗曰免行錢所收細瑣市易鬻及果實大傷國體安石

偽藉自解神宗曰即如是士大夫何故以為不便安石請言者姓名令嘉問條析七年早帝憂心惻怛語韓維孫承集市人問之減坐賈錢千萬安石遂持嘉問條析奏曰此皆百姓所願不如人言也嘉問言朝廷所以許民輸錢免行者蓋人情安於樂業厭於追擾議者乃欲除去是殆不然今吏祿可謂厚矣然未及昔日取民所得之半市易所收免行錢亦未足以償倉法所增之祿以此推窮則利害立見矣初市易隸三司嘉問恃勢陵使辭向出其上曾布代向懷不平會神宗出手札詢布布訪於魏繼宗繼宗憤嘉問掠其功列其與初議異者布得實具上嘉問多收息干賞挾官府而為兼井之事神宗將委布考之安石言二人有私忿於是詔布與呂惠卿同治惠卿故憾布至三司召繼宗及市賈問狀其辭同乃脅繼宗使誣布語言增加繼宗不從布言惠卿不可共事神宗欲聽之安石不可神宗遂詔中書曰朝廷設市易本為平準以便民若周官泉府者今願使中

人之家失業宜釐定其制布見神宗曰臣每聞德音欲以王道治天下今所為錢銀乎問架除陌矣嘉問又請販鹽鬻帛豈不詭四方笑神宗領之事未決安石去位嘉問持之以泣安石勞之曰吾已薦惠卿矣既執政前獄遂成布得罪嘉問亦出知常州明年安石復相召檢正中書戶房安石罷以知江寧府歲餘轉運使何琬劾嘉問營繕越法徙潤州復坐免久之入為吏部郎中光祿卿言者交論市易之患被于天下本錢無慮千二百萬緡率二分其息十有五年間子本當數倍今乃僅足本錢益買物入官未轉售而先計息取賞至於物貨苦惡上下相蒙磨折日多空有虛名而已於是削嘉問三

志五四一

秩黜知淮陽軍悉罪前破賞者紹聖中擢寶文閣待制戶部侍郎加直學士知開封府專附章惇蔡下多殺不辜焚去案牘以滅口嘗薦鄒浩浩南遷坐罷知懷州徵宗時屢暴其宿惡至分司南京光州居住鄂州安置然為蔡氏所右其壻劉遠妻序辰其死友鄧洵武羽翼之故不久輒起以龍圖閣學士大中大夫卒年七十七贈資政殿學士初嘉問竊從祖公弼論新法奏藁以示王安石公弼以是斥于外呂氏號為家賊故不得與呂氏同傳

李南公字楚老鄭州人進士及第調浦江令郡猾吏恃守不輸負租南公捕繫之卒實諸法知長沙縣有蔡婦攜兒以嫁七年兒族取兒婦謂非前子訟于官南公問兒年族曰九歲婦曰七歲問其齒曰去年毀矣南公曰男八歲而亂尚何爭命歸兒族熙寧中提舉京西常平

提點陝西河北刑獄京西轉運副使入為屯田員外郎南公有女皆適人而同產女弟年三十不嫁寄他妹家為御史所論罷主管崇福宮為河北轉運副使先是知澶州王令圖請開迎陽歸舊河於孫村置約回水東注南公與范子奇以為可行且欲於大吳北進鋸牙約河

勢歸故道朝廷命使者行視兩人復以前議為非云迎陽下瞰京師孫村水勢不便又為御史所論詔罰金加直祕閣知延安府夏人犯涇原南公出師擣其虛夏人解去進直龍圖閣擢寶文閣待制知瀛州拜戶部吏部

侍郎戶部尚書應知承興軍成都既定河南府鄭州擢龍圖閣直學士初哲宗主入廟南公修奉帝執政指請

耐東夾室禮官爭之不得及更建廟室坐前議弗當奪學士未幾復之遂致仕卒年八十三南公為吏六十年

幹局明銳然反覆詭隨無特操識者非之子諱按宋此下有李南公字諱附傳及董必傳俱無善蹟足錄並從刪

虞策字經臣杭州錢塘人登進士第調台州推官知烏程縣通判斬州通判蔣之奇以江淮發運上計神宗訪東南人才以策對王安禮季常咸薦之擢提舉利州路

常平湖南轉運判官元祐五年召為監察御史進右正言數上書論事西夏未順命策言今邊備解弛戎備不修古之人善鎮靜者警備甚密務持重者謀在其中未

有鹵莽闖疎而日鎮靜持重者又乞詔內而省曹寺監外而監司守令各得以其職陳朝政闕失百姓疾苦星

文有變乞順天愛民警戒萬事思治心修身之道勿以宴安為樂哲宗納后上正始要言遷左司諫曾肇以議

北郊事與朝論不合免禮部侍郎為徐州策時權給事中還其命以筆禮官不當以議禮得罪不從帝親政條

所當先者五十六事後多施行遷侍御史起居郎給事中以龍圖閣待制知青州改杭州過闕留為戶部侍郎

歷刑部戶部尚書拜樞密直學士知承興軍成都府入為吏部尚書疏請徹宗均節財用屬疾祈外加龍圖閣

學士知澶州卒于道年六十六贈左正議大夫策在元祐紹聖時居言職不依人取進亦頗持兩端黨議故免

奕字純臣中進士第虞策之同母弟也崇寧間提舉河北西路常平洛相饑徙之東路既而西部盜起復徙提

點刑獄時朝廷將遣兵逐捕奕條上方略請罷勿用而自計討賊不問月可定轉運使張博以為不可宰相主

博策數月不效卒用奕議悉降之擢監察御史親祭北郊燕人趙良嗣為祕書丞侍祠奕白其長曰今親衛不

用三路人而良嗣以外國降子願得預祠事可乎長用

其言具以請不報陽武民備於富家其室美富子欲私之弗得怒殺之而賂其夫使勿言事覺府縣及大理審獄奕受詔鞠訊皆伏辜坐漏泄語言罷去再踰年還故職提點河北刑獄自何承矩創邊地為塘濼有定界既中貴人典領以屯田開拓為功肆侵民田民上訴屢出

使者按治皆不敢與直奕曲折上之疏其五不可詔罷屯田加直祕閣淮南轉運副使入為開封少尹故時大

理開封治獄得請實蔽罪其後率任情棄法益不用奕言廷尉持天下平京師諸夏本法且不行何以示萬

國請自今非情法實不相當毋得輒請從之遷光祿卿戶部侍郎睦州亂以龍圖閣直學士知鎮江府寇平論

勞增兩秩還為戶部內侍總領內藏子奪額已視戶部如僚屬度支郎方討理滯奉中旨令開封尹與總領者

來奕白宰相曰計臣不才當去之而易能者不可使他

人侵其官即自劾不稱職詔為罷內侍而從奕工部襲慶守張潔使郡人詣闕請登封東平守王靚諫以京東

歲凶多盜不當請封為政者不悅將罪靚奕言靚憂民受君所當獎激奈何用為罪乎靚獲免未幾卒年六十

贈龍圖閣學士

郭知章字明叔吉州龍泉人第進士從劉夔廣西幕府知浮梁分寧縣黃履薦為御史以憂不克拜知海州濮

州提點梓州路刑獄復以鄭雍願臨薦為監察御史哲宗親政上書請用淳化天禧詔增諫官員又比歲選授

監司多繇寺監丞不過知縣資序外官莫重於部使者

豈宜輕用若是宜稍限以節如轉運判官擇實任通判

者提點刑獄擇實任郡守者然後發其治理簡拔用之

又言自大河東北分流生靈被害今水之趨東者已不

可邊順而導之開北而行東其利百倍矣遷殿中侍御史言先帝辟地進建策四岩據高臨下扼戎弼咽喉元祐用事者委而棄之願討贖議奏願行黜罰史院究神宗實錄証罔事知章請貶治呂大防等紹聖復制科知章校試言先朝既策進士即廢此科近年復置誠無所補遂復罷又請復元豐役法大抵迎合時好進左司員外郎改左司諫嘗言爵祿慶賞以勸天下之善刑罰誅戮以懲天下之惡願無假借大臣使行私恩快私忿忠於陛下者必見忌大臣黨於大臣者必上負陛下惟明主裁察權工部侍郎為中書舍人遣使蕭德崇來為夏人請還河西地命知章報聘知章曰夏人累犯邊法當致討以北朝勸和之故務為優容彼若恭順如初當自有恩旨非使人所能預知也歸未至坐營主導河東流議以集賢殿修撰知和州徽宗立曾布用為工部侍郎加實文閣直學士知太原府召拜刑部尚書知開封府為翰林學士言者又論河事罷知鄧州旋入黨籍數年復顯謨園學士政和初卒

劉拯字彥修宣州南陵人進士及第知常熟縣有善政縣人稱之元豐中為監察御史歷江東淮西轉運判官提點廣西刑獄紹興初復為御史言元祐修先帝實錄以司馬光蘇軾之門人范祖禹黃庭堅秦觀為之窟易增減誣毀先烈願明正國典又言蘇軾貪鄙狂悖無事君之義善謗罪抵死先帝赦之敢以怨忿形於詔語醜詆厚誣策試館職至及王莽曹操之事願正其罪以示天下時祖禹等已貶軾謫英州而拯猶驚視不慚也進右正言累至給事中徽宗立欽聖后臨朝而欽慈后葬大臣欲用如禮拯曰母以子貴子為天子則母乃后也

當改園陵為山陵又言門下侍郎韓忠彥雖以德選然不可敗貴戚預政之漸帝疑其阿私觀望黜知濠州改廣州加實文閣待制以吏部侍郎召還帝稱其謙欽慈事喪進兩秩遷戶部尚書察京編次元祐姦黨拯言漢唐失政皆分朋黨今日指前人為黨安知後人不以今人為黨乎不若定為三等某事為上某事為中某事為下而不斥其名氏京不樂又言戶部月賦入不足償所出京益怒徙之兵部旋罷知蘄州徙潤州張商英入相召為吏部尚書拯已昏憤吏乘為姦又左轉工部以樞密直學士知同州時商英去位侍御史洪彥昇併劾之制職提舉鴻慶宮卒

錢適字德循婺州浦江人以進士甲科調洪州推官累通判越州至校書郎徽宗立擢殿中侍御史中丞豐稷論其回邪不可任風憲不報稷復言必用適則願罷臣乃以提舉河北常平崇寧初召為都官員外郎殿中侍御史劾曾布援元祐姦黨摺紹聖忠賢布去遷侍御史閱兩月進中丞蔡京謀取青唐通助成其議會籍元祐黨適以為多漏略給事中劉逢駿之左轉戶部侍郎俄遷工部尚書兼侍讀踰年以樞密直學士知穎昌府言者疏其罪黜為滁州稍復顯謨閣待制直學士徙宣州復為工部尚書舉馮濟自代謂游趣操端勁古人與稽嘗建明典禮忠義凜凜指紳欺服言者又疏其罪以待制知秀州中書舍人候綬封還之又奪待制久之還故職改述古殿直學士屏居十五年方臘陷婺適逃奔蘭溪為賊所殺年七十二按宋史此下有石豫左傳附傳及許敦仁傳均無事蹟足錄並從

同門塔呂思卿方貴盛不肯附以取進凡三十餘年始提舉河南常平連徙河東淮南江南轉運判官提點廣東刑獄入為庫部吏部右司郎中大觀初擢兵部侍郎二年進御史中丞論開封府內侍省京畿秦鳳違法干請詔獎其得風憲體又言開封之治事大理之決獄將作之營繕權貨之人中皆職所當為乃妄以為功一歲遷官之五六宜行抑損遂詔自今但賜束帛鄭居中知樞密院執中言外戚不宜在政地帝還其章而論所以用居中之意初蔡京忌張康國故言執中居言路執中先劾劉炳兄弟宋喬年父子皆京客也帝嘗語執政嘉其不阿康國曰是乃為逐臣地耳已而章果至帝怒黜知滁州未幾徙越州石公弼以為執中反覆得罪未宜殿大府改提舉洞霄宮以集賢殿修撰知揚州加顯謨閣待制知河南府道過都復拜中丞帝以星變逐蔡京言者未已執中言進退大臣當全禮貌於是為京下詔京得不重貶罷恭孫趙適開梓夔諸夷州執中乞正其罪又言八行之舉所得皆鄉曲常人不足以為士願下太學攷其道藝而進退之所論多施行遷禮部尚書張商英罷御史張克公言執中與商英皆由郭天信以進除樞密直學士知越州尋降待制又奪職卒于家按宋史此下有吳材傳無事蹟足錄今從刪

為吳執中所論以顯謨閣直學士知陳州曷與弟煥皆侍從而親喪不葬坐奪職罷郡復以事免官京再輔政召為戶部尚書曷嘗為京畫策排鄭居中故京力援曷由廢黜中還故班御史中丞俞棗發其姦利事京徒與他官微宗所儲三代藝器詔展訂定凡尊爵俎豆盤匱之屬悉改以從古而載所制器於祀儀令太學諸生習肄雅樂閱數日曷與大司成劉嗣明奏有鶴翔宮架之上再為翰林學士東宮建為太子賓客又還戶部大理議戶絕法若祖有子未娶而亡不得養孫為嗣曷曰計一歲諸路戶絕不過得錢萬緡使歲失萬緡而天下無絕戶豈不可乎詔從其議加宣和殿學士知河南府積官金紫光祿大夫與王家交通事敗開封尹盛章議以死刑部尚書范致虛為請乃長流瓊州死年五十七

宋喬年字仙民宰相庠之孫也父充國刻意問學以鄉書試禮部既自謂宰相子輒罷舉仁宗知之召試學士院賜進士出身簽書河南判官判登聞鼓院知太常禮院英宗祐廟議者欲僖祖藏夾室充國請配臧生帝為宋始祖從之東西府建上二箴以戒大臣大臣不悻會廟饗齋其妻遣兩妾至寺充國自劾罷禮院遂致仕充國性剛介孝於奉親平居得微物必先薦家廟乃敢嘗官至大中大夫卒喬年用父蔭監市易坐與倡女私及私役吏失官落拓二十年女嫁蔡京子攸京當國始復起用崇寧中提舉開封縣鎮府界常平改提點京西北路刑獄賜進士第加集賢殿修撰京畿轉運副使進顯謨閣待制為都轉運使改開封尹以龍圖閣學士知河南府京罷相諫議大夫毛注御史中丞吳執中交擊之貶保靜軍節度副使新州安置京復相還舊官知

陳州政和三年卒年六十七諡曰忠文子昇昇字景裕崇寧初由譙縣尉為敕令刪定官數年至殿中少監時喬年尹京父子依憑蔡氏陵轍士大夫陰交諫官蔡居厚使為鷹犬以微猷閣待制知陳州喬年貶昇亦謫少府少監分司南京未幾知應天府喬年卒起復為京西都轉運使滌葺西宮及修三山新河擢至顯謨閣待制方是時徽宗議謁諸陵有司預為西幸之備昇治宮城廣袤十六里創廊屋四百四十間費不可勝會髹漆至灰人骨為胎盡發浴城外二十里古冢凡衣冠壘兆大抵遭暴掘用是遷正議大夫殿中監又奉命補治三陵泄水坑濶計役四百九十萬工未幾卒贈金紫光祿大夫延康殿學士諡曰恭敏按宋史此下有強淵明傳無事蹟足錄今從刪

蔡居厚字寬夫熙寧御史延禧子也延禧嘗擊呂惠卿兄弟有直名居厚第進士累官吏部員外郎大觀初拜右正言奏疏曰神宗造立法度曠古絕擬陛下繼志廣聲政事具舉願如明詔敕有司勒為成書以明一代之制遷起居郎進右諫議大夫論東南兵政七弊及言學官書局皆為要塗宜公選實學多聞之士無使庸常之徒得以幸進河北河東羣盜起太原真定守皆以不能擒捕罷去居厚言將帥之才不儲養於平時故緩急無所可用宜令觀察使以上各舉所知又言比來從事於朝者皆姑息胥吏至用為耳目倚為御導假借色辭過為卑辱浸淫及於侍從今廟堂之上稍亦為之願重為之制改戶部侍郎言者論其在諫省時為宋喬年父子用以集賢殿修撰知秦州降羌在州者逸入京師訴事坐失察制職罷蔡京再相起知滄陳齊三州加徽猷閣待制為應天河南尹初建神霄宮度地汙下為道士交

訴徙汝州久之知東平府復以戶部侍郎召未至又以知青州病不能赴未幾卒按宋史此下有劉嗣明傳無事蹟足錄今從刪

蔣靜字叔明常州宜興人第進士調安仁令俗好巫疫癘流行病者盡死不服藥靜悉諭至罪聚其所事淫像得三百軀毀而投諸江知陳留縣與屯將不協罷去徽宗初立求言靜上言多詆元祐間事蔡京第為正等擢職方員外中書舍人吳伯舉封還之京怒黜伯舉明年遷國子司業帝幸太學命講書無逸篇賜服金紫進祭酒為中書舍人以顯謨閣待制知壽州徙江寧府茅山道士劉混康以技進賜號先生其徒倚為姦利奪民葦場彊市廬舍詞訟至府吏觀望不敢治靜悉抵于法徙睦州移病提舉洞霄宮越九年召為大司成出知洪州復告歸加直學士卒年七十一贈通議大夫

賈偉節開封人第進士累擢兩浙轉運判官條上民間利病加直祕閣為江淮發運副使蔡京壞東南轉般法為直達綱偉節率先奉承歲以上供物徑造都下籍催諸道通負造巨船二千四百艘非供奉物而輒運載者請論以違制花石海錯之急切自此而輿論功進秩遂拜戶部侍郎改刑部歲餘以顯謨閣直學士提舉醴泉觀卒

崔鶴字德符雍邱人父毗徙居潁州遂為陽翟人登進士第調鳳州司戶參軍筠州推官徽宗初立以日食求言鶴上言其略曰毀譽者朝廷之公議故責授朱崖參軍司戶司馬光左右以為姦而天下皆曰忠今宰相章惇左右以為忠而天下皆曰姦此何理也夫乘時抵巇以盜富貴探微揣端以固權寵謂之姦可也包直滿門私調踵路陰交不逞密結禁廷謂之姦可也包直滿門

巧蕩上心以倡優女色敗君德獨操賞刑自報恩怨謂之姦可也蔽遮主聽排斥正人微言者坐以刺議直諫者陷以指斥以杜天下之言掩塞蔽之罪謂之姦可也凡此數者光有之乎惇有之乎光忠信直諫聞於華夷雖古名臣未能遠過惇狃詐凶險天下士大夫呼曰惇賊貴極宰相人所具瞻以名呼之又指為賊豈非以其孤負主恩玩竊國柄邪京師語曰大惇小惇殃及子孫謂惇與御史中丞安惇也小人譬之蝮蝎其兇忍害人根乎天性隨遇必發天下無事不過害陷忠良破善類至緩急危疑之際必有反覆賣國跋扈不臣之心比年以來諫官不論得失御史不劾姦邪門下不駁詔令其持暗默以為得計頃鄒浩以言事得罪大臣拱而觀之同列無一語者又從而擠之夫以股肱耳目治亂安危所係而一切若此陛下雖有堯舜之聰明將誰使言之誰使行之夫日者陽也食之者陰也四月正陽之月陽極盛陰極衰之時而陰干陽故其變為大惟陛下畏天威聽明命獨運乾剛大明邪正毋違經義毋鬱民心則天意解矣帝覽而善之以為相州教授後蔡京復籍上書人以鷗為邪等免所居官久之調積溪令移病歸始居邠城治地數畝為婆娑園屏處十餘年人無貴賤長少悉尊師之宜和六年起通判宣化軍召為殿中侍御史既至而欽宗即位授右正言疏言詔書詔諫臣直論得失以求實是有以見陛下求治之切也數十年來王公卿相皆自蔡京出更持政柄無一人立異安得實是之言聞於陛下哉諫議大夫馮澥近上章曰士無異論太學之盛也澥尚敢為此姦言乎王安石除異己之人著三經之說以取士天下靡然雷同陵夷至于大亂此

無異論之效也京又以學校之法馭士人加軍法之馭卒伍一有異論累及學官若蘇軾黃庭堅之文范鎮沈括之雜說悉以嚴刑重賞禁其收藏其苛錮多士亦已密矣而澥猶以為太學之盛欺罔不已甚乎仁宗英宗選敦朴敢言之士以遺子孫安石目為流俗一切逐去司馬光復起而用之元祐之治天下安於泰山及章惇蔡京倡為紹述之論以欺人主元符應詔上書者數千人京遺腹心考定之同已為正異已為邪澥與京同者也故列於正京之術破壞天下於茲極矣尚忍使其餘靈再破壞邪京姦邪之計大類王莽而朋黨之眾則大過之願斬之以謝天下忽得孽疾不能行三求去乃以龍圖閣直學士主管嵩山崇福宮命下而卒鷗平生為文至多輒為人取去篋無留者詩清峭雄深有法度無子壻衛昂集其遺文傳於世

張根字知常懷州德興人少入太學甫冠第進士調臨江司理參軍遂昌令當改京秩以四親在堂冀以父母之恩封大父母而馳妻封及母遂致仕得通直郎如其志時年三十一屏處十年曾布曾肇鄒浩及本道使者上其行義徽宗召詣闕為帝言人主一日萬幾所恃者心耳願陛下清心省欲以窒禍亂之原遂請罷錢塘製造局帝改容嘉美以為親賢宅教授未幾通判杭州提舉江西常平內侍走馬承授舉劾一路以錢半給軍衣非是自轉運使郡守以下皆罷根言東南軍法與西北殊此事行之百五十年矣帥守監司分朝廷憂顧使有罪猶當審處豈宜以小奄尺紙空十郡吏哉詔皆令復還又言本道去歲蠲租四十萬而戶部責償如初祖宗立發運上供額而給本錢數百萬緡使廣糴以待用此

希思者乃獻為羨餘故歲計不足至為無名之徵詔貸所蠲租而以糴木錢還之六路洪州失官錫繫治兵吏千計根曰此有司失於幾察之過也今羅取無罪之人責以不可得之物何以召和氣乃罷其獄大觀中入對言陛下幸滌煩苛破朋黨而士大夫以議論不一觀望苟且莫肯自盡陛下毀石刻除黨籍與天下更始而有司以大臣仇怨廢錮自如為治之害莫大於此願思所以勵救之即命為轉運副使改淮南轉運使加直龍圖閣上書請常平止聽納息以塞兼井下戶均出役錢以絕姦偽市易惟取淨利以役商賈雖名若非正然與和買不離其直什買而使之倍輸額外無名無數之徵有間矣又請分舉官為三科一縣令二學官三縣丞曹州郡亦分三等明言其人某材堪充某州某官某縣令吏部據以注擬則遴選稍清視平配硬差遠矣詔吏部戶部相度以聞根又以水災多乞蠲租賦活口米常平驛遞奏大略謂今州郡無兼月之儲太倉無終歲之積軍須匱乏邊備缺然東南水旱盜賊間作西北二國窺伺日久安得不豫為之計因條列茶鹽常平等利病之數遂言為今之計當節其大者而莫大於土木之功今羣臣賜一第或費百萬臣所部二十州一歲上供財三十萬緡曾不足給一第之用以寵元勳盛德猶慮不稱況出於閭閻千澤者哉又其次如錫帶其直雖數百緡亦必斂於數百家而後足今乃下被僕隸使混淆公卿間賢不肖無辨如以其左右趨走不欲嬰綬當別為制度以示等威可也書奏權倖側目謀所以中傷之者言交上帝察根誠不之罪也尋以花石綱力陳其弊益忤

權倖乃隨根所書奏贖注切草略為傲慢不恭責監信州酒既又言根非詆常平之法以搖紹述之政再貶濠州團練副使安置郴州尋以討淮賊功得自便以朝散大夫終于家年六十根性至孝父病盡戒鹽根為食淡母嗜河豚及蟹母終根不復食母方病每至雞鳴則少蘇後不忍聞雞聲子素自有傳按宋史此下有根弟模至中書舍人無善蹟足錄今從刪

任諒字子諒眉山入徙汝陽九歲而孤舅欲奪母志諒挽衣泣曰豈有為人子不能養其親者乎母為感動而止諒力學自奮年十四即冠鄉書登高第調河南戶曹以兵書謁樞密曾布既見覺不能合徑去布為相猶欲用之諒子書現以李德裕事布始怒蔣之奇章案在樞府薦為編修官布持其奏不下為懷州教授徽宗見其所作新學碑曰文士也擢提舉夔路學事歷京西河北京東改轉運判官著河北根本籍凡戶口之升降官吏之增損與一歲出納奇贏之數披籍可見上之朝張商英見其書謂為天下部使者之最提點京東刑獄梁山濼漁者習為盜蕩無名籍諒伍其家刻其舟非是不得輒入他縣地錯其間者鑿石為表盜發則督吏名捕跡無所容加直祕閣徙陝西轉運副使降人李阿雅卜知邊廩不繼陰闕地窖粟而叛遣西夏統軍書稱定邊可唾手取諒謀知其謀亟輸粟定邊及諸城堡且募人發所窖得數十萬石阿雅卜果入寇夾藏粟七日而退他日復圍觀化堡而邊儲已足阿雅卜遂解去加徽猷閣待制江淮發運使蔡京破東南轉般漕運法為直達綱應募者幸游手亡賴盜用乾沒漫不可核人莫敢言諒入對首論之京怒會汴泗大水泗州城不沒者兩板諒

親部卒築隄徒民就高漲以米粟水退人獲全京諒以為漂溺千計坐削籍歸田里執政或言水災守臣職發運使何罪帝亦知其任復石文殿修撰陝西都轉運使尋復徽猷閣待制進直學士童貫更錢法必欲鐵錢與銅錢等物價率十減其九詔諒與貫議諒言為六路書寔其策如龍圖閣直學士知京兆府徙渭州以母憂去宣和六年提舉上清寶籙宮修國史初朝廷將有事於燕諒曰中國其有憂乎乃作書貽宰相曰今契丹之勢其亡昭然取之當以漸師出不可無名宜別立耶律氏之法使散為君長則我有存亡繼絕之義彼有瓜分輻裂之弱與鄰崛起之金國勢相萬也至是又言郭藥師必反帝不聽大臣以為病狂出提舉嵩山崇福宮是冬金人舉兵至燕山藥師叛降皆如諒言迺復起諒為京兆未幾卒年五十八

周常字仲修建州人中進士第以所著禮檀弓義見王安石呂惠卿二人稱之補國子直講太常博士以養親求教授揚州年未五十即致仕久之御史中丞黃履薦其恬退起為太常博士辭元符初復申前命兼崇政殿說書遷著作佐郎疏言祖宗諸陵器物服飾務在質素自裕陵至宣仁后寢宮乃施金珠顯收貯景靈殿以違遺訓詔置之奉宸庫擢起居舍人鄒浩得罪常於講席論救貶監彬州酒徵宗立召為國子祭酒起居郎從容言自古求治之主未嘗不以尚志為先然溺於富貴逸樂蔽於諛諛順適則志隨以喪不可不戒元祐法度互有得失人才各有所長不可偏棄時以天醫令記注官卯漏正印勿奏事仍著為令常言本朝記注類多兼諫員故凡言動得以所聞見論可否神宗皇帝時修注官

雖不兼諫職亦許以史事於崇政廷和殿直前陳述陛下於炎燄之候暫停進對亦人情之常若著為定令則必記於日錄傳之史筆使後人觀之將以為倦於聽納而忘先帝之美意矣事遂寢進中書舍人禮部侍郎蔡京用事不能容以賣文閣待制出知湖州尋又奪職居婺州復集賢殿修撰卒年六十七

欽定續通志卷三百六十五

列傳

宋七十

何灌

李熙靖

王雲

譚世勛

梅執禮

程振

劉延慶

何灌字仲源開封祥符人武選登第為河東從事經略使韓縝雖數試其材而常沮抑之不假借久乃語之曰

君奇士也他日當據吾坐為府州大山軍巡檢按東都為府州黃河盜蘇延福狡悍為二邊患灌親梟其首賈

胡曠有泉遼人常越境而汲灌親申畫界堦過其來忿而舉兵犯我灌迎高射之發輒中或著崖石皆沒鏃敵

驚以為神遂逸去後三十年契丹蕭大師與灌會道曩事數何巡檢神射灌曰即灌是也蕭變然起拜為河

東將與夏人遇鐵騎來追灌射皆徹甲至洞胷出背疊貫後騎羌懼而引卻知靈化軍豐州徙熙河都監見童

貫不拜貫憾焉張康國薦於徽宗召對問西北邊事以笏畫御榻指坐衣花紋為形勢帝曰敵在我目中矣提

點河東刺獄遷西上開門使領威州刺史知滄州以治城郭功轉引進使運粟三十萬石於並塞三州灌言水

淺不勝舟陸當用車八千乘沿邊方登麥願以運費增價就糴奏上報可安撫使忌之劾云築梁未畢而冒賞

奪所遷官仍再貶秩罷去未幾知岷州引遼川水溉開田千頃湟人號廣利渠徙河州復守岷提舉熙河蘭湟

弓箭手入言漢金城湟中穀斛八錢今西靈湟廓即其地也漢唐故渠尚可考若先葺渠引水使田不病旱則

人樂應募而射士之額足矣從之甫半歲得善田二萬

六千頃募士七千四百人為他路最重費用兵西邊灌取古骨龍建築震武軍按宋史本傳作何灌取古骨龍進武軍政和六年建築古骨龍城考宋史地理志無馬幾改為震武軍東都事略亦作震武軍今據改加吉州防禦使改知蘭州又攻仁多泉城砲傷足不顧卒拔

震武危甚熙帥劉仲武使灌往救灌以眾寡不敵但虛張聲駭之夏人宵遁灌恐覬其實遣反兵仲武猶奏其逗遛罷為淮西鈐轄從平方臘獲賊帥呂師囊遷同州觀察使浙東都鈐轄改浙西童貫北征徽統制兵馬添

易平以知易州遷靈武軍承宣使燕山路副都總管又加龍神衛都指揮使金人取景州圍薊州貫諉以兵事即復景城釋薊圍郭藥師統蕃漢兵灌白頃年折氏歸

朝朝廷必置一司專部漢兵至于克行乃許同營今但宜令藥師主常勝軍而以漢兵委灌輩貫不聽召還管幹步軍司陪遊使射玉津園一發破的再發則否答曰

太尉不能耶日非也以禮讓客耳整弓復中觀者誦歎帝親賜酒勞之遷步軍都虞候金師南下悉出禁旅付梁方平守黎陽灌謂宰相白時中日金人傾國遠至其鋒不可當今方平掃精銳以北萬有一不枝梧何以善

吾後盍留以衛根本不從明日又命灌行辭以軍不堪戰強之拜武泰軍節度使河東河北制置副使未及行而帝內禪灌領兵入衛鄆王楷至門欲入灌曰大事已定王何所受命而來尊者懼而退灌竟行援兵二萬不能足聽募民充數靖康元年正月二日次滑州方平南

奔灌亦望風迎潰黃河南岸無一人禦敵金師遂直叩京城灌至乞入見不許而令控守西隅背城拒戰凡三日被創沒于陣年六十二帳下韓綜雷彥興奇士也各

手殺數人從以死欽宗哀悼賜金帛命官護葬已而言者論其不守河津追削官秩長子簡至開門宣贊舍人從父戰箭貫左臂拔出之病創死紹興四年中子蘄以灌事泣訴于朝詔復履正大夫忠正軍承宣使

李熙靖字子安常州晉陵人唐衛公德裕九世孫也祖均父公弼皆進士第公弼崇寧初通判露州以議三舍法不便使者劾其沮格詔令坐削黜以死熙靖擢第又

中詞學兼茂選為辟雍錄太學正升博士以父老可外除提舉准東學事使養命下乃得河東而為淮東者臧祐之也蓋省吏取祐之略輒易之或教使自言熙靖曰

事君不擇地吾其可發人之私求自便也宰相聞而賢之留為兵部員外郎遭父憂去還為右司員外郎王黼以太宰領應奉司又方事燕雲立經撫房于中書獨專

之他執政皆不得預熙靖與言曰應奉之職非宰相所當預尚書樞密皆有兵房足以治疆事經撫何為者哉黼積不樂同列五人皆躡躡禁從獨滯留四年都水丞

失職移過於熙靖貶其兩秩又將左轉為園子司業執政交言不可僅遷太常少卿黼罷乃拜中書舍人蔡攸又惡之出知洪州越兩月復以故官召入對言燕山雖

定宜益謹思慮豫防之戒帝嘉之靖康初同譚世勛事龍德宮改顯謨閣待制提舉醴泉觀道君待之甚厚常從容及內禪事曰外人以為災敏功殊不知此自出吾意耳吾苟不欲人言且滅族誰敢哉或謂君似唐睿宗上畏天戒故為之吾有此心久矣熙靖再拜賀敏聞而

五與世勣同贈端明殿學士

王雲字子飛潭州人父獻可仕至英州刺史知澧州黃

庭堅諫於涪獻可遇之甚厚時人稱之雲舉進士從使

高麗撰雜林志以進擢祕書省校書郎出知簡州遷陝

西轉運副使宣和中從童貫宣撫幕入為兵部員外郎

起居中書舍人靖康元年以給事中使幹里雅布軍議

割三鎮以和使還傳道幹里雅布之意以為羣赫得朝

廷所與余觀蠟書堅云中國不可信欲敗和約執政以

為不然罷為徵猷閣待制知唐州金人陷太原召拜刑

部尚書再出使許以三鎮賦入之數雲至真定遣從吏

李裕還言金人不復求地但索五輅及上尊號且須康

王來和好乃成欽宗悉從之且命王及馮渥往未行而

車輅至長垣為所卻雲亦還渥奏雲誕妄誤國雲奏事

勢中變金人必欲得三鎮不然則進兵取汴都中外震

駭詔集百官議雲固言康王舊與幹里雅布結歡宜將

命帝慮為所留雲曰和議既成必無留王之理臣敢以

百口保之王遂受命而雲以資政殿學士為之副前雲

奉使過磁相勸兩部徹近城民舍運粟入保為清野之

計民怨之及是次磁州又與守臣宗澤有憾於是王出

謁嘉應神祠雲在後民遮道諫曰肅王已為金人所留

王不宜北去厲聲指雲曰清野之人真姦賊也王出廟

行或發雲笥得鳥繩短巾蓋雲夙有風眩疾寢則以護

首者民益信其為姦諫而殺之王見事勢洶洶乃南還

相州是役也雲不死王必北行議者以是驗天命云建

譚世勣字彥成潭州長沙人第進士教授郴州時王氏

學盛行世勣雅不喜或問之曰說多而屢變無不易之

論也置其書不觀又中詞學兼茂科除祕書省正字時

相蔡京子攸領書局同舍耶多翁附以取貴仕世勣獨

坐直廬繼書竟日梁師成之客與為隣居數致師成願

交意謝不答在館六年不遷京罷用久次為司門員外

郎又三年遷吏部京復相嫌不附已罷提點太平宮久

之復遷吏部倅臣妄引恩澤任子持不與吏白有某例

世勣曰豈當以暫例破成法已而取中旨行之進少府

監擢中書舍人以謹命令惜名器廣言路吝賜予正上

供省浮費六事言于上又為當路所嫉以徵猷閣待制

知婺州未行復留之徵宗禪位東幸且還使與李熙靖

副執政奉迎遂同主管龍德宮請辨正宣仁國史之謗

述欽聖遺旨以復瑤華大享神祖仍用富弼侑食釋奠

先聖不當以王安石配後皆施行秋七月彗出東方大

臣或謂此四夷將衰之兆世勣面奏垂象可畏當修德

以應天不宜惑諛說進給事中兼侍讀內侍喧爭殿門

詔以贖論世勣駁其不恭因言童貫輩初亦甚微小惡

不懲將馴至大患疏入同類側目何樂建議分外郡為

四道置都總管事得顯決世勣言裂天下以付四人而

王畿所治者纔十六縣獨無尾大不掉之慮乎棗不樂

改禮部侍郎金騎駸駸南下世勣言守邊為上策今邊

不得守守河則京畿自固中策也巡幸江淮會東南兵

以捍敵下策也金人既渡河又請遣大將秦元以所部

邦昌僭國令與李熙靖同直學士院皆稱疾臥不起以

憂卒年五十四建炎初復其守節贈端明殿學士

梅執禮字和勝婺州浦江人第進士調常山尉未赴以

薦為敕令刪定官按東都事略作為詳定武學博士大

司成疆淵明賢其人為宰相相以未嘗議面為嫌執

禮聞之曰以人言而得必以人言而失吾求在我者而

已卒不在謂歷軍器鴻臚丞比部員外郎比部職勾稽

財貨文牘山委率不暇經日苑吏有持茶券至為錢三

百萬者以揚箴旨意追取甚急執禮一聞知其妄欲白

之長貳疑不敢乃獨列上果詐也改度支吏部進國子

司業兼資善堂翊善遷左司員外郎擢中書舍人給事

中林撫以前執政赴闕宿留冀復故職執禮論去之孟

昌齡居鄆質人屋當贖不肯與而請中旨奪之外郡卒

留役中都者以萬數肆逞為姦詔悉令還楊戩占不遣

內侍張佑董葺太廟僭求賞皆駁奏勿行遷禮部侍郎

素與王黼善黼嘗置酒其第夸示園池妓妾之盛有驕

色執禮曰公為宰相當與天下同憂樂今方臘流毒吳

地瘡痍未息是豈歌舞宴樂時乎退又戒之以詩黼愧

怒會孟享原廟後至以顯謨閣待制知蘄州尋奪職明

年徙滁州復集英殿修撰時賦鹽虧額滁亦苦抑配執

禮曰郡不能當蘇杭一邑而食鹽乃倍粟數民何以堪

請於朝詔損二十萬滁人德之欽宗立徙知鎮江府召

為翰林學士道除吏部尚書旋改戶部方軍興調度不

足執禮請以禁內錢隸有司凡六宮廩給皆由度支乃

得下嘗有小黃門持中批詣部取錢而封識不用羣既

悟其失復取之執禮奏審詔責典寶夫人杖黃門金人

圍京都執禮勸帝親征而請太上帝后皇后太子皆出

十害說其用事者言講解之利詞意激激金人聳聽張

按東都事略作為詳定武學博士大

司成疆淵明賢其人為宰相相以未嘗議面為嫌執

禮聞之曰以人言而得必以人言而失吾求在我者而

已卒不在謂歷軍器鴻臚丞比部員外郎比部職勾稽

財貨文牘山委率不暇經日苑吏有持茶券至為錢三

百萬者以揚箴旨意追取甚急執禮一聞知其妄欲白

之長貳疑不敢乃獨列上果詐也改度支吏部進國子

司業兼資善堂翊善遷左司員外郎擢中書舍人給事

中林撫以前執政赴闕宿留冀復故職執禮論去之孟

昌齡居鄆質人屋當贖不肯與而請中旨奪之外郡卒

留役中都者以萬數肆逞為姦詔悉令還楊戩占不遣

內侍張佑董葺太廟僭求賞皆駁奏勿行遷禮部侍郎

素與王黼善黼嘗置酒其第夸示園池妓妾之盛有驕

色執禮曰公為宰相當與天下同憂樂今方臘流毒吳

地瘡痍未息是豈歌舞宴樂時乎退又戒之以詩黼愧

怒會孟享原廟後至以顯謨閣待制知蘄州尋奪職明

年徙滁州復集英殿修撰時賦鹽虧額滁亦苦抑配執

禮曰郡不能當蘇杭一邑而食鹽乃倍粟數民何以堪

請於朝詔損二十萬滁人德之欽宗立徙知鎮江府召

為翰林學士道除吏部尚書旋改戶部方軍興調度不

足執禮請以禁內錢隸有司凡六宮廩給皆由度支乃

得下嘗有小黃門持中批詣部取錢而封識不用羣既

悟其失復取之執禮奏審詔責典寶夫人杖黃門金人

圍京都執禮勸帝親征而請太上帝后皇后太子皆出

十害說其用事者言講解之利詞意激激金人聳聽張

按東都事略作為詳定武學博士大

司成疆淵明賢其人為宰相相以未嘗議面為嫌執

禮聞之曰以人言而得必以人言而失吾求在我者而

已卒不在謂歷軍器鴻臚丞比部員外郎比部職勾稽

財貨文牘山委率不暇經日苑吏有持茶券至為錢三

百萬者以揚箴旨意追取甚急執禮一聞知其妄欲白

之長貳疑不敢乃獨列上果詐也改度支吏部進國子

司業兼資善堂翊善遷左司員外郎擢中書舍人給事

中林撫以前執政赴闕宿留冀復故職執禮論去之孟

昌齡居鄆質人屋當贖不肯與而請中旨奪之外郡卒

留役中都者以萬數肆逞為姦詔悉令還楊戩占不遣

內侍張佑董葺太廟僭求賞皆駁奏勿行遷禮部侍郎

素與王黼善黼嘗置酒其第夸示園池妓妾之盛有驕

色執禮曰公為宰相當與天下同憂樂今方臘流毒吳

地瘡痍未息是豈歌舞宴樂時乎退又戒之以詩黼愧

怒會孟享原廟後至以顯謨閣待制知蘄州尋奪職明

年徙滁州復集英殿修撰時賦鹽虧額滁亦苦抑配執

禮曰郡不能當蘇杭一邑而食鹽乃倍粟數民何以堪

請於朝詔損二十萬滁人德之欽宗立徙知鎮江府召

避用事者沮之泊失守金人質天子邀金帛以數百千萬計日和議已定但所需滿數則奉天子還闕執禮與同列陳知質程振安扶皆主根索四人哀民力已困相與謀室其求而宦者揆宿怨語金帥曰城中七百萬戶所取未百一但許民持金銀換粟麥當有出者已而果然金帥怒呼四人責之對曰天子蒙塵臣民皆願致死雖肝腦不計於金爾何有哉顧比屋樛空亡以塞命耳帥問官長何在振恐執禮遽前曰皆官長也帥益怒先取其副胡舜陟胡唐老姚舜明王僕各杖之百執禮等猶爲之請俄遣還將及門呼下馬擗殺之而梟其首時靖康二年二月也是日天字晝冥士庶皆隕涕憤歎初車駕再出執禮與宗室子昉諸將吳革等謀集兵奪萬勝門夜壽金帥帳迎二帝以歸而王時雍乘哲使范瓊泄其謀故不克死時年四十九高宗即位詔贈通奉大夫端明殿學士議者以爲薄復加資政殿學士程振字伯起按東都事略及宋名臣言行錄俱作字伯玉饒州樂平人少有軼材入太學一時名輩多從之游徽宗幸學以諸生右職除官爲辟雍錄升博士遷太常博士提舉京東西路學事請立廟于鄒祀孟軻以公孫丑萬章樂正克等配食從之提舉京西常平入爲膳部員外郎監察御史辟雍園子司業左司員外郎兼太子舍人始至即言古者大祭祀登饗受爵必以上嗣既禮經所載且元豐藝典具存昨天子展事明堂而殿下不預非所以尊宗廟重社稷也太子嬰然曰宮僚初無及此者由是特加獎異方臘起振謂王黼宜乘此時建革天下繁事以上當天意下順人心黼不懌太子薦之甚力遂擢給事中黼曰振資淺且雅長書命請以爲中書舍人侍郎馮熙載出

知亳州黼怨熙載欲振詆以醜語振不肯黼使言者劾爲黨罷提舉冲佑觀居三年後還故官按東都事略云提舉冲佑觀明年復集殿修撰宋名臣言行錄云明年復集撰尋復徵制中舍與宋史本傳二年後還故官異靖康元年進吏部侍郎上言柄臣不和論議多駁詔令輕改失於事幾金人交兵半歲而至今不解者以和戰之說未一故也裁抑濫賞如黑白易分而數月之間三變其議以私心不除各蔽其黨故也今日一人言之以爲是而行明日一人言之以爲非而止或聖斷踰度而不暇瞻咨或大臣偏見而遂行播告所以動未必善處未必宜乃輒爲之反汗其勢不得不爾也時金兵至河北振請糾諸道兵特角擊之曰彼勢如此陛下尙欲守和議不使少有愆乎上嗟味其言而牽於外廷不能用拜開封尹故時大辟有情可矜多奏取原貨崇寧以來議者請輦轂先彈壓率便文殺之振請復舊制詔捕亡命卒得數千人振請以隸步軍除其罪步軍司欲論如法振曰方多事之際一日殺數千人必大駭觀聽乃盡釋之改刑部侍郎金騎在郊邀車駕出城振爲何臬言宜思所以折之之策輿不從未幾及于難年五十七金人去從子庭訪得其首歸葬之初王黼使其客沈積中圖燕振戒以後禍積中懼而言不可旣而振乃用是死聞者痛之初宜和崇道家之說振侍坐東宮從容言孔子以鴟鴞之詩爲知道其詞不過曰迨天之未陰雨綢繆牖戶而已老子亦云爲之於未有治之於未亂今不固根本於無事之時而事目前區區非二聖人意他日天子爲徽宗道之微宗悟願欲去健羨疏左右近習而宦寺楊戩輩方大興宮室懼不得肆因讒家令馮馮以爲將輔太子幸非常徽宗震怒執馮誅之而太子之

言亦廢振尹京時兩宮方困於巷間振極意彌縫治龍德梁析獄寬其罪不使有纖介可指高宗即位進秩七等仍官其子及親屬三人又贈端明殿學士端平初曾孫東請諡賜諡剛愍同時死者禮部侍郎陳知質失其傳給事中安扶附見父安燾傳劉延慶保安軍人世爲將家雄豪有勇數從西伐立戰功積官至相州觀察使龍神衛都指揮使鄭延路總管遷泰寧軍節度觀察留後改承宣使破夏人成德軍擒其首桑楚降王子尼瑪丹津拜保信軍節度使馬軍副都指揮使從童貫平方臘節度河陽三城又從北伐以宣撫都統制督兵十萬渡白溝延慶行軍無紀律郭藥帥扣馬諫曰今大軍拔隊行而不設備若敵人置伏邀擊首尾不相應則望塵潰潰矣不聽至巨鄉遼將蕭幹帥眾來延慶與戰敗績遂閉壘不出藥師曰幹兵不過萬人今悉力拒我燕山必虛願得奇兵五千倍道襲取令公之子三將軍簡師爲後繼延慶許之遣大將高世宣與藥師先行即入燕城幹舉精甲三千巷戰三將軍者光世也淪約不至藥師失援敗走世宣死之延慶營于盧溝南幹分兵斷饋道擒護糧將王淵得漢軍二人蔽其目留帳中夜半僞相語曰聞漢軍十萬壓吾境吾師三倍敵之有餘當分左右翼以精兵衝其中左右翼爲應殲之無遺陰逸其一人歸報明且延慶見火起以爲敵至燒營而奔相蹂踐死者百餘里自熙豐以來所儲軍實殆盡退保雄州朝議延慶喪師不可不行法坐貶率府卒安置筠州契丹知中國不能用兵由是輕宋未幾復爲鎮海軍節度使靖康之難延慶分部守京城城陷引秦兵萬人奪開遠門以出至龜兒寺爲追騎所

殺光世自有傳

欽定續通志卷三百六十六

列傳

宋七十一

李綱

李綱字伯紀邵武人也自其祖始居無錫父夔終龍圖閣待制綱登政和二年進士第積官至監察御史兼權殿中侍御史以言事忤權貴改比部員外郎遷起居郎宣和元年京師大水綱上疏言陰氣太盛當以盜賊外患為憂朝廷惡其言謫監南劍州沙縣稅務七年為太常少卿時金人渝盟邊報狎至朝廷議避敵之計詔起師動王命皇太子為開封牧令侍從各具所見以聞綱上禦戎五策具語所善給事中吳敏曰建牧之議豈非欲委以留守之任乎巨敵猖獗如此非傳以位號不足以招徠天下豪傑東宮恭儉之德聞於天下以守宗社可也公以獻納論思為職曷不為帝極言之敏曰監國可乎綱曰肅宗靈武之事不建號不足以復邦而建號之議不出於明皇後世惜之主上聰明仁慈公言萬一能行將見金人悔禍宗社底寧天下受其賜翌日敏請對具道所以因言李綱之論蓋與臣同有旨召綱入議綱刺臂血上疏云皇太子監國典禮之常也今大敵入攻安危存亡在呼吸間猶守常禮可乎名分不正而當大權何以號召天下期成功於萬一哉若假皇太子以位號使為陛下守宗社收將士心以死捍敵天下可保疏上內禪之議乃決欽宗即位綱上封事謂方今中國勢弱君子道消法度紀綱蕩然無統陛下履位之初當上應天心中順人欲攘除外患使中國之勢尊誅鋤內姦使君子之道長以副君皇帝付託之意召對延和

殿帝迎謂綱曰朕頃在東宮見卿論水災疏今尚能誦之李綱使金議割地綱奏祖宗疆土當以死守不可以尺寸與人欽宗嘉納除兵部侍郎靖康元年以吳敏為行營副使綱為參謀官金將幹里雅布兵渡河徽宗東幸宰執議請帝出狩襄鄧暫避敵鋒綱曰道君皇帝挈宗社以授陛下委而去之可乎帝默然太宰白時中謂都城不可守綱曰天下城池豈有如都城者且宗廟社稷百官萬民所在捨此欲何之今日之計當整軍馬固結民心相與堅守以待勤王之師帝問誰可將者綱曰朝廷以高爵厚祿崇養大臣蓋將用之於有事之日白時中李邦彥等雖未必知兵然藉其位號撫將士抗敵鋒乃其職也伏讀通鑑輯覽 御批 此亦都戒嚴白時說持義頗正及欽宗以命將為問綱意中豈無一二傑向欲冀其盡職蓋由心嫉二人故不覺欲置之死地以觀其偵事然時危論將不宜復多平日好惡時中忿之私綱固純臣此則不能免責備之議矣 時中忿李綱莫能將兵出戰否綱曰陛下不以臣庸懦儻使治兵願以死報乃以綱為尚書右丞宰執猶守避敵之議有旨以綱為東京留守綱力陳所以不可去之意且言明皇聞潼關失守即時幸蜀宗廟朝廷毀於賊手今四方之兵不日雲集陛下奈何輕舉以蹈明皇之覆轍乎帝意頗悟會內侍奏中宮已行帝色變倉卒降御榻曰朕不能留矣綱泣拜以死邀之帝顧綱曰朕今為卿留治兵禦敵之事專責之卿勿令有疎虞綱惶惑受命未幾復決意南狩綱趨朝則禁衛擐甲乘輿已駕矣綱急呼禁衛曰爾等願守宗社乎願從幸乎皆曰願守綱入見曰陛下已許臣留復戒行何也今六軍父母妻子皆在都城願以死守萬一中道散歸陛下孰與為衛敵兵

已遍知乘輿未遠以健馬疾追何以禦之帝悟遂命輿行綱傳旨語左右曰敢復有言去者斬禁衛皆拜伏呼萬歲六軍聞之無不感泣流涕命綱為親征行營使以便宜從事綱治守戰之具不數日而畢敵兵攻城綱身督戰募壯士絕城而下斬敵將十餘人殺其眾數千人金人知有備又聞徽宗已內禪乃退求遣大臣至軍中議和綱請行帝遣李稅綱曰安危在此一舉臣恐李稅怯懦而誤國事也上不聽竟使稅往金人須金幣以千萬計求割太原中山河間地以親王宰相為質稅受事自不措一辭還報綱謂所需金幣竭天下且不足况都城乎三鎮國之屏蔽割之何以立國至於遣質即宰相當往親王不當往若遣辯士姑與之議所以不可者宿留數日大兵四集彼孤軍深入不得所欲亦將速歸此時而與之盟則不敢輕中國而和可久也宰執議不合綱不能奪求去上慰諭曰卿第出治兵此事當徐議之綱退則誓書以行所求皆與之以皇弟康王少保張邦昌為質伏讀通鑑輯覽 御批 金幣數逾千萬竭知則需索之多特舉以相難意綱不專在金幣也欽宗是時自度力尚能抗則當徐意綱言緩其議盟以待援兵四集為背城之戰成敗亦未可知若竟不能則御大義以死社稷不猶愈于強顏稱臣乎割地請盟苟延旦夕而仍無解于青城之逼類稱臣乎割地請盟苟延旦夕而仍無解于青城之逼類稱臣乎時四方勤王之師漸有至者神師道姚平仲亦以涇原秦鳳兵至綱奏言金人貪婪無厭其勢非用師不可且敵兵號六萬而吾勤王之師集城下者已二十餘萬彼以孤軍入重地猶虎豹自投檻穽中當以計取之不必與角一旦之力若扼河津絕饜道分兵復讎北諸邑而以重兵臨敵營堅壁勿戰如周亞夫所以困七國者俟其食盡力疲然後以一檄取誓書復三鎮縱其北歸半渡而擊之此必勝之

計也帝深以為然約日舉事姚平仲勇而寡謀急於要功先期率步騎萬人夜斫敵營不克半夜中使傳旨論綱令速援之綱將巨出封邱門與金人戰幕天坡伏讀綱

綱令速援之綱將巨出封邱門與金人戰幕天坡伏讀綱綱令速援之綱將巨出封邱門與金人戰幕天坡伏讀綱

綱令速援之綱將巨出封邱門與金人戰幕天坡伏讀綱綱令速援之綱將巨出封邱門與金人戰幕天坡伏讀綱

綱令速援之綱將巨出封邱門與金人戰幕天坡伏讀綱綱令速援之綱將巨出封邱門與金人戰幕天坡伏讀綱

綱令速援之綱將巨出封邱門與金人戰幕天坡伏讀綱綱令速援之綱將巨出封邱門與金人戰幕天坡伏讀綱

綱令速援之綱將巨出封邱門與金人戰幕天坡伏讀綱綱令速援之綱將巨出封邱門與金人戰幕天坡伏讀綱

綱令速援之綱將巨出封邱門與金人戰幕天坡伏讀綱綱令速援之綱將巨出封邱門與金人戰幕天坡伏讀綱

綱令速援之綱將巨出封邱門與金人戰幕天坡伏讀綱綱令速援之綱將巨出封邱門與金人戰幕天坡伏讀綱

綱令速援之綱將巨出封邱門與金人戰幕天坡伏讀綱綱令速援之綱將巨出封邱門與金人戰幕天坡伏讀綱

綱令速援之綱將巨出封邱門與金人戰幕天坡伏讀綱綱令速援之綱將巨出封邱門與金人戰幕天坡伏讀綱

綱令速援之綱將巨出封邱門與金人戰幕天坡伏讀綱綱令速援之綱將巨出封邱門與金人戰幕天坡伏讀綱

宗還次南都以書問改革政事之故且召吳敏李綱綱請行曰此無他不過欲知朝廷事爾綱至具道皇帝聖孝思慕欲以天下養之意請陛下早還京師徽宗泣數

宗還次南都以書問改革政事之故且召吳敏李綱綱請行曰此無他不過欲知朝廷事爾綱至具道皇帝聖孝思慕欲以天下養之意請陛下早還京師徽宗泣數

宗還次南都以書問改革政事之故且召吳敏李綱綱請行曰此無他不過欲知朝廷事爾綱至具道皇帝聖孝思慕欲以天下養之意請陛下早還京師徽宗泣數

宗還次南都以書問改革政事之故且召吳敏李綱綱請行曰此無他不過欲知朝廷事爾綱至具道皇帝聖孝思慕欲以天下養之意請陛下早還京師徽宗泣數

宗還次南都以書問改革政事之故且召吳敏李綱綱請行曰此無他不過欲知朝廷事爾綱至具道皇帝聖孝思慕欲以天下養之意請陛下早還京師徽宗泣數

宗還次南都以書問改革政事之故且召吳敏李綱綱請行曰此無他不過欲知朝廷事爾綱至具道皇帝聖孝思慕欲以天下養之意請陛下早還京師徽宗泣數

宗還次南都以書問改革政事之故且召吳敏李綱綱請行曰此無他不過欲知朝廷事爾綱至具道皇帝聖孝思慕欲以天下養之意請陛下早還京師徽宗泣數

宗還次南都以書問改革政事之故且召吳敏李綱綱請行曰此無他不過欲知朝廷事爾綱至具道皇帝聖孝思慕欲以天下養之意請陛下早還京師徽宗泣數

宗還次南都以書問改革政事之故且召吳敏李綱綱請行曰此無他不過欲知朝廷事爾綱至具道皇帝聖孝思慕欲以天下養之意請陛下早還京師徽宗泣數

宗還次南都以書問改革政事之故且召吳敏李綱綱請行曰此無他不過欲知朝廷事爾綱至具道皇帝聖孝思慕欲以天下養之意請陛下早還京師徽宗泣數

宗還次南都以書問改革政事之故且召吳敏李綱綱請行曰此無他不過欲知朝廷事爾綱至具道皇帝聖孝思慕欲以天下養之意請陛下早還京師徽宗泣數

北兵已去太上還宮上下恬然置事於不問綱獨以為憂與同知樞密院事許翰議調防秋之兵時太原圍未解神師中戰沒師道病歸南仲曰欲援太原非綱不可

北兵已去太上還宮上下恬然置事於不問綱獨以為憂與同知樞密院事許翰議調防秋之兵時太原圍未解神師中戰沒師道病歸南仲曰欲援太原非綱不可

北兵已去太上還宮上下恬然置事於不問綱獨以為憂與同知樞密院事許翰議調防秋之兵時太原圍未解神師中戰沒師道病歸南仲曰欲援太原非綱不可

北兵已去太上還宮上下恬然置事於不問綱獨以為憂與同知樞密院事許翰議調防秋之兵時太原圍未解神師中戰沒師道病歸南仲曰欲援太原非綱不可

北兵已去太上還宮上下恬然置事於不問綱獨以為憂與同知樞密院事許翰議調防秋之兵時太原圍未解神師中戰沒師道病歸南仲曰欲援太原非綱不可

北兵已去太上還宮上下恬然置事於不問綱獨以為憂與同知樞密院事許翰議調防秋之兵時太原圍未解神師中戰沒師道病歸南仲曰欲援太原非綱不可

北兵已去太上還宮上下恬然置事於不問綱獨以為憂與同知樞密院事許翰議調防秋之兵時太原圍未解神師中戰沒師道病歸南仲曰欲援太原非綱不可

北兵已去太上還宮上下恬然置事於不問綱獨以為憂與同知樞密院事許翰議調防秋之兵時太原圍未解神師中戰沒師道病歸南仲曰欲援太原非綱不可

北兵已去太上還宮上下恬然置事於不問綱獨以為憂與同知樞密院事許翰議調防秋之兵時太原圍未解神師中戰沒師道病歸南仲曰欲援太原非綱不可

北兵已去太上還宮上下恬然置事於不問綱獨以為憂與同知樞密院事許翰議調防秋之兵時太原圍未解神師中戰沒師道病歸南仲曰欲援太原非綱不可

北兵已去太上還宮上下恬然置事於不問綱獨以為憂與同知樞密院事許翰議調防秋之兵時太原圍未解神師中戰沒師道病歸南仲曰欲援太原非綱不可

可知使防秋之師果能足用不可保無敵騎渡河之警况臣出使未幾朝廷蓋改前詔所圍結之兵悉罷滅之今河北河東日告危急未有一人一騎以副其求甫集之兵又皆散遣臣誠不足以任此且以軍法勒諸路起兵而以寸紙罷之臣恐後時有所號召無復應者矣疏上不報御批曰促解太原之圍而諸將承受御畫事皆專達宣撫司徒有節制之名綱上疏極諫節制不專之弊時方議和止綱進兵未幾徐處仁吳敏罷相而相唐恪許翰罷同知樞密院而進轟山陳過庭李回等吳敏復謫置涪州綱聞之歎曰事無可爲者矣即上奏丐罷乃命神師道以同知樞密院事領宣撫司事召綱赴闕尋除觀文殿學士知揚州綱具奏辭免未幾以綱專主戰議喪師費財落職提舉亳州明道宮責授保靜軍節度副使建昌軍安置再謫監江金兵再至帝悟和議之非除綱資政殿大學士領開封府事綱行次長沙被命即率湖南勤王之師入援未至而都城失守先是康王至北軍爲金人所憚求遣肅王代之至是康王開大元帥府承制復綱故官且貽書曰方今生民之命急於倒垂諒非不世之才何以協濟事功閣下學窮天人忠貫金石當投袂而起以副蒼生之望高宗即位拜尚書右僕射兼中書侍郎趣赴闕中丞顏岐奏曰張邦昌爲金人所喜雖已爲三公郡王宜更加同平章事增重其禮李綱爲金人所惡雖已命相宜及未至罷之章五上帝曰如朕之立恐亦非金人所喜岐語塞而退岐猶遣人封其章示綱親以沮其來帝聞綱至遣官迎勞錫宴趣見於內殿綱見帝涕泗交集帝爲動容因奏曰陛下總帥於外爲天下臣民之所推戴內修外攘還一聖而撫

萬邦責在陛下與宰相臣自視闕然不足以副陛下委任之意乞追寢成命帝曰朕知卿忠義智略久矣欲使敵國畏服四方安寧非相卿不可卿其勿辭綱頓首泣謝云昔唐明皇欲相姚崇崇以十事要說皆中一時之病今臣亦以十事仰千天聽陛下度其可行者賜之施行臣乃敢受命一曰議國是謂中國之御四裔能守而後可戰能戰而後可和而靖康之末皆失之今欲戰則不足欲和則不可莫若先自治專以守爲策俟吾政事修士氣振然後可議大舉二曰議巡幸謂軍駕不可不一到京師見宗廟以慰都人之心度未可居則爲巡幸之計以天下形勢而觀長安爲上襄陽次之建康又次之皆當詔有司預爲之備三曰議赦令謂祖宗登極赦令皆有常式前日赦書乃以張邦昌僞赦爲法如赦惡逆及罪廢官盡復官職皆汎濫不可行宜悉改正以法四曰議僭逆謂張邦昌爲國大臣不能臨難死節而挾金人之勢易姓改號宜正典刑垂戒萬世五曰議僞命謂國家更大變鮮仗節死義之士而受僞官以屈膝於其庭者不可勝數昔肅宗平賊汗僞命者以六等定罪倣之以勵士風六曰議戰謂軍政久廢士氣怯懦宜一新紀律信賞必罰以作其氣七曰議守謂敵情狡獪勢必復來宜於沿河江淮措置控禦以扼其衝八曰議本政謂政出多門紀綱紊亂宜歸之於中書則朝廷尊九曰議久任謂靖康開進退大臣太速功效蔑著宜慎擇而久任之以責成功十曰議修德謂上始膺天命宜益修孝悌恭儉以副四海之望而致中興翌日班綱議於朝惟僭逆僞命一事留中不出綱言一事乃今日政刑之大者邦昌當道君朝在政府者十年淵聖即位首擢

爲相方國家禍難金人爲易姓之謀邦昌如能以死守節推明天下戴宋之義以感動其心敵人未必不悔禍而存趙氏而邦昌方自以爲得計儼然正位號處宮禁擅降僞詔以止四方勤王之師及知天下之不與不得已而後請元祐太后垂簾聽政而議奉迎邦昌僭逆始末如此昔劉盆子以漢宗室爲赤眉所立其後以十萬眾降光武但待之以不死邦昌以臣易君罪大於盆子不得已而自歸朝廷既不正其罪又尊崇之此何理也陛下欲建中興之業而尊崇僭逆之臣以示四方其誰不解體又僞命臣僚一切置而不問何以厲天下士大夫之節時執政中有論不同者帝乃召黃潛善等議之潛善主邦昌甚力帝顧呂好問曰卿昨在圍城中知其故以爲何如好問附潛善持兩端曰邦昌僭竊位號人所共知既以自歸惟陛下裁處綱言邦昌僭逆豈可使之在朝廷使道路指目曰此亦一天子哉因泣拜曰臣不可與邦昌同列當以勞擊之陛下必欲用邦昌第罷臣帝頗感動乃詔邦昌謫潭州伏讀通鑑輯覽臣高宗以僞獨不知乃問李綱討賊之說猶必懲詢宰執登真以其罪狀尙有可疑蓋其始高宗未嘗不慮邦昌挾可據之勢將不利於己故當其遣使奉迎時尙論宗非惟不觀變及邦昌身自勸進大遣使奉迎時尙論宗非惟不較其僭逆之蹟且陰德離戴之功則其終從竄放特因李綱執持大義如公論所不得已而行之耳他日邦昌既殊旋即官其親屬雖藉以悅吳昇莫儻而下皆遷金而其餘曲亦從可見甚可鄙也吳昇莫儻而下皆遷適有差綱又言近世士大夫寡廉鮮恥不知君臣之義靖康之禍能仗節死義者在內惟李若水在外惟霍安國頗加贈恤帝從其請仍詔有死節者諸路詢訪以聞乃謂綱曰卿今可以受命矣綱拜謝有旨兼充御營使入對奏曰今國勢不逮靖康間遠甚然而可爲者陛下英斷於上群臣輯睦於下庶幾靖康之弊革而中興可

圖然非有規模而知先後緩急之序則不能以成功夫外禦疆敵內銷盜賊修軍政變士風裕邦財寬民力改弊法省冗官誠號令以感人心信賞罰以作士氣擇帥臣以任方面選監司郡守以奉行新政俟吾所以自治者政事已修然後可以起事此所謂規模也至於所當急而先者則在於料理河北河東蓋河北河東者國之屏蔽也料理稍就然後中原可保而東南可安今河東所失者恆代太原澤潞汾晉餘郡猶存也河北所失者不過真定懷衛濟四州而已其餘三十餘郡皆為朝廷守兩路士民兵將所以戴宋者其心甚堅皆推豪傑以為首領多者數萬少者亦不下萬人朝廷不因此時置司遣使以大慰撫之分兵以援其危急臣恐糧盡力疲坐受金人之困金人因得撫而用之皆精兵也莫若於河北置招撫司河東置經制司擇有材略者為之使宣諭天子恩德所以不忍棄兩河於敵國之意有能全一州復一郡者以為節度防禦團練使如唐方鎮之制使自為守非惟絕其從敵之心又可資其禦敵之力使朝廷永無北顧之憂最今日之先務也帝善其言問誰可任者綱薦張所傅亮所嘗為監察御史在靖康園城中以蠟書募河北兵士民得書皆喜應募者凡十七萬人由是所聲震河北故綱以為招撫河北非所不可傅亮者先以邊功得官嘗治兵河朔都城受圍時亮率勤王之兵三萬人屢立戰功綱察其智略可以大用欲因此試之帝乃以所為河北招撫使亮為河東經制副使皇子生肆赦綱奏陛下登極曠蕩之恩獨遺河北河東而不及勤王之師天下歎望夫兩路為朝廷堅守而赦令不及人皆謂已棄之何以慰忠臣義士之心勤王之師

在道路半年環甲荷戈冒犯霜露雖未效用亦已勞矣加以疾病死亡恩恤不及後有急難何以使人願因今赦廣示德意帝嘉納之於是人情翕然間有以破敵捷書至者金人圍守諸郡之兵往往引去而山砦之兵應招撫經制二司募者甚眾有許高許亢者以防河而通瀾嶺南至南康謀變守俘戮之或議其擅殺綱曰高亢受任防河寇未至而遁分途劫掠甚於盜賊朝廷不能正軍法而一守俾能行之真捷吏也使受命捍賊而欲退走者知郡縣之吏皆得以誅之其亦少知所戒乎上以為然命轉一官開封守闕綱以留守非宗澤不可力薦之澤至撫循軍民修治樓櫓屢出師以挫敵綱立軍法五人為伍伍長以牌書同伍四人姓名二十五人為甲甲正以牌書伍長五人姓名百人為隊隊將以牌書甲正四人姓名五百人為軍統制官以牌書隊將正副十人姓名二千五百人為軍統制官以牌書部將正副十人姓名命招置新軍及御營司兵並依新法團練有所呼召使令按牌以遣三省樞密院置賞功司受賂乞取者行軍法遇敵逃潰者斬因而為盜賊者誅及其家屬凡軍政申明改更者數十條又奏步不足以勝騎騎不足以勝車請以車制頌京東西製造而教關之又奏造戰艦募水軍及詢訪諸路武臣材略之可任者以備用又進三議一曰募兵二曰買馬三曰募民出財以助兵費時朝廷議遣使於金綱奏曰陛下以二聖遠狩沙漠思迎還兩宮致天下養今日之事正當枕戈嘗膽內修外攘使刑政修而中國疆則二帝不俟迎請而自歸不然雖冠蓋相望卑辭厚禮恐亦無益今所遣使但當奉表通問兩宮致思慕之意可也帝乃命綱草表以周堂

傅雱為二聖迎問使奉表以往且乞降哀痛之詔以感動天下使同心協力相與扶持以致中興又乞省冗員節浮費帝皆從其言是時四方潰兵為盜者十餘萬人攻劫山東淮南襄漢之閒綱命將悉討平之一日論靖康時事帝曰淵聖勤於政事省覽章奏至終夜不寢然卒致播遷何耶綱曰人主之職在知人進君子而退小人則大功可成否則衡石程書無益也因論靖康初朝廷應敵得失之策且極論金人兩至都城所以能守不能守之故因勉帝以明恕盡人言以恭敬足國用以英果斷大事帝皆嘉納又奏臣嘗言軍駕巡幸之所關中為上襄陽次之建康為下陛下縱未能行上策猶當且遂襄鄧示不忘故都以係天下之心不然中原非復我有車駕還闕無期天下之勢遂傾不復振矣帝為詔諭兩京以還都之意讀皆感泣未幾有詔欲幸東南避敵綱極論其不可言自古中興之主起於西北則足以據中原而有東南起於東南則不能以復中原而有西北蓋天下精兵健馬皆在西北一旦委中原而棄之豈惟金人將乘閒以擾內地盜賊亦將蠶起為亂跨州連邑陛下雖欲還闕不可得矣况欲治兵勝敵以歸二聖哉夫南陽光武之所興有高山峻嶺可以控扼有寬城平野可以屯兵西隣關陝可以召將士東達江淮可以運穀粟南通荆湖巴蜀可以取財貨北距三都可以遣救援暫議駐蹕乃還汴都策無出於此者今乘舟順流而適東南固甚安便第恐一失中原則東南不能必其無事雖欲退保一隅不易得也况嘗降詔許留中原人心悅服奈何詔還未乾遽失大信于天下上乃許幸南陽時黃潛善汪伯彥賈陰主巡幸東南之議客或有謂綱

曰外論洵謂東幸已決綱曰國之存亡於是焉分吾當以去就爭之初綱每有所論諫其言雖切直無不容納至是所言常留中不報已而遷綱尚書左僕射兼門下侍郎黃潛善除右僕射兼中書侍郎張所乞且置司北京俟措置有緒乃渡河北京留守張益謙潛善黨也奏招撫司之擾又言自置司河北盜賊益熾綱言所尚留京師益謙何以知其擾河北民無所歸聚而為盜豈由置司乃有盜賊乎有旨令留守宗澤節制傳亮即日渡河亮言措置未就而渡河恐誤國事綱言招撫經制臣所建明而張所傳亮又臣所薦用今潛善伯彥阻所及亮所以沮臣臣每覽靖康大臣不和之失事未嘗不與潛善伯彥議而後行而二人設心如此願陛下虛心觀之既而詔罷經制司召亮赴行在綱言聖意必欲罷亮乞以御筆付潛善施行臣得乞身歸田

伏讀通鑑綱覽御批傳亮奉命經制不過屬履過征徒爾進退曠日已耳如此怯懦之人奚堪復膺重寄李綱特以已所荐用曲為迴護忿色力爭則不免因私廢公矣且後此永興淪陷亮首先奪門而降綱暗綱退而亮竟罷乃再疏求去帝曰卿所爭細事胡乃爾綱言方今人材以將帥為急恐非小事臣昨議遷幸與潛善伯彥異宜為所嫉然臣東南人豈不願陛下東下為安便哉願一去中原後患有不可勝言者願陛下以宗社為心以生靈為意以二聖未還為念勿以臣去而改其議臣雖去左右不敢一日忘陛下泣辭而退初二帝北行金人議立異姓吏部尚書王時雍問於吳玠莫儁二人微言敵意在張邦昌時雍未以為然適宋齊愈自敵所來時雍入問之齊愈取片紙書張邦昌三字時雍意乃決遂以邦昌姓名入議狀至是齊愈論綱募兵買馬括財三事之非不報擬章將再上時方論僭逆附偽之罪于是逮齊愈引伏遂誅之東市伏讀通鑑綱覽御批罪于足逮齊愈引伏時雍吳玠莫儁范瑗之甘心從賊者情稍有關前此賊竄逆黨齊愈既已漏網既欲追論其事亦當與時雍輩一律處分乃李綱惡其妄言時政遽爾重翻舊案寘之極刑寘不免為私意所累且巨寇尚止投荒附從反行肆市輕重失倫他日張浚劾奏遂張浚為御史劾綱以私意殺侍從且論其買馬招軍之罪詔罷綱為觀文殿大學士提舉洞霄宮尚書右丞許翰言綱忠義捨之無以佐中興會上召見陳東東言潛善伯彥不可任綱不可去東坐誅翰曰吾與東皆爭李綱東戮都市吾在廟堂可乎遂求去後有旨綱落職居鄂州自綱罷張所以罪去傳亮以母病辭歸招撫經制二司皆廢車駕遂東幸兩河郡縣相繼淪陷凡綱所規畫軍民之政一切廢罷金人攻京東西殘毀闕輔而中原盜賊蠶起矣紹興二年除觀文殿學士湖廣宣撫使兼知潭州是時荆湖江湘之間流民潰卒羣聚為盜賊不可勝計綱悉蕩平之上言荆湖國之上游其地數千里諸葛亮謂之用武之國今朝廷保有東南控馭西北如鼎豐嶽鄂若荆南一帶皆當屯宿重兵倚為形勢使四川之號令可通而襄漢之聲援可接乃有恢復中原之漸議未及行而諫官徐俯劉斐劾綱罷為提舉西京崇福宮四年冬金人及偽齊來攻綱具防禦二策謂偽齊悉兵南下境內必虛儻出其不意擣穎昌以臨敵旬彼必震懼還掠王師追躡必勝之理此上策也若駐蹕江上號召上流之兵順流而下以助聲勢使敵人不敵南渡然後以重師進屯要害之地設奇邀擊絕其糧道俟彼遁歸徐議攻討此中策也萬一借親征之名為順動之計使卒伍潰散控扼失守敵得乘間深入州縣望風奔潰則其患有不

可測矣往歲金人利在侵掠又方時暑勢必還師朝廷因得以還定安集今偽齊道之而來勢不能還必謀割據殺民潰卒從而附之苟或退避則無以為善後之策昔苻堅以百萬眾侵晉而謝安以偏師破之使朝廷措置得宜將士用命安知不大決勝望降臣章與二三大臣熟議之詔綱所陳今日之急務付三省樞密院施行時韓世忠屢敗金人於淮楚間有旨督劉光世張浚統兵渡河車駕進發至江上勞軍五年詔問攻戰守備措置緩懷之方綱奏願陛下勿以敵退為可喜而以讎敵未報為可憤勿以東南為可安而以中原未復赤縣神州陷於敵國為可恥勿以諸將屢捷為可賀而以軍政未修士氣未振而疆敵猶得以潛逃為可虞則中興之期可指日而俟議者或謂敵馬既退當遂用兵為大舉之計臣竊以為不然生理未固而欲浪戰以僥倖非制勝之術也今朝廷以東南為根本將士暴露之久財用調度之煩民力科取之困苟不大修守備先為自固之計何以能萬全而制敵議者又謂敵人既退當且保據一隅以苟目前之安臣又以為不然祖宗境土豈可坐視淪陷不務恢復今歲不征明年不戰使敵勢益張而吾所糾合精銳士馬日以損耗何以圖敵謂宜於防守既固軍政既修之後即議攻討乃為得計至於守備之宜則當料理淮南荆襄以為東南屏蔽近年以來大將擁眾兵於江南官吏守空城於江北雖有天險而無戰艦水軍之制故敵人得以侵擾窺伺今當於淮之東南及荆襄置三大帥屯重兵以臨之分遣偏師進守支郡加以戰艦水軍上運下接自為防守敵馬雖多不敢輕犯則藩籬之勢盛而有守備矣然後議攻戰之利分責

諸路因利乘便收復京畿以及故都斷以必為之志而勿失機會攻戰之利莫大於是若夫萬乘所居必擇形勝以為駐蹕之所然後能制服中外以圖事業建康自昔號帝王之宅江山雄壯地勢寬博六朝更都之臣昔舉天下形勢而言謂關中為上今以東南形勢而言則當以建康為便今者鑿與未復舊都莫若且於建康權宜駐蹕願詔守臣治城池修宮闕立官府拓營壁使粗成規模以待巡幸蓋有城池然後人心不恐有官府然後政事可修有營壘然後士卒可用此措置之所當先也至於西北之民皆陛下赤子荷祖宗涵養之深其心未嘗一日亡宋特制於疆敵陷於塗炭而不能以自歸天威震驚必有結納來歸願為內應者宜給之土田子以爵賞優加撫循許其自新使陷溺之民知所依帖莫不感悅益堅戴宋之心此綏懷之所當先也臣竊觀陛下臨御九年國不闕而日蹙事不立而日壞將驕而難御卒惰而未練國用匱而無贏餘之蓄民力困而無休息之期使陛下憂勤雖至而中興之效邈乎無聞則羣臣誤陛下之故也陛下觀近年以來所用之臣慨然敢以天下之重自任者幾人平居無事小廉曲謹似可無過忽有擾攘則錯愕無所措手足不過奉身以退天下憂危之重委之陛下而已大槩以和議為得計而以治兵為失策以退避為愛君而以進禦為誤國上下偷安不為長久之計天步艱難國勢益弱職此之由今天啓宸衷悟前日和議退避之失親臨大敵天威所臨使北軍數十萬之眾震怖不敢南渡潛師宵遁則和議之與治兵退避之與進禦其效槩可觀矣然敵兵雖退未大懲創安知其秋高馬肥不再來擾我疆場使披於奔命

哉臣惟自昔創業中興之主必躬冒矢石履行陣而不避此謂始憂勤而終逸樂也若夫退避之策可暫不可常可一不可再退一步則失一步退一尺則失一尺往時自南都退至維揚則關陝河北河東失矣自維揚退至江浙則京東西失矣萬一敵騎南牧復將退避不知何所適而可乎航海之策萬乘冒不測之險此又不可之尤者也惟當於國家閒暇之時明政刑治軍旅選將帥修車馬備器械時糗糧積金帛敵來則禦俟時而奮以光復祖宗之大業此最上策也臣願陛下自今以往勿復為退避之計臣又觀古者敵國善鄰則有和親仇讐之邦鮮復遣使豈不以釁隙既深終無講好修睦之理耶金人造孽之深知我必報其措意為何如而我方且卑辭厚幣屈體以求之其不見信決矣器幣禮物所費不貲使輶往來坐索士氣而又邀我以必不可從之事制我以必不敢為之謀是和卒不成而徒為此擾擾也非特如此於吾自治自強之計動輒相妨實有所害金人二十餘年以此策破契丹困中國而終莫之悟臣願自今以往勿復遣和議之使俟吾之政事修倉廩實府庫充器用備士氣振力可有為乃議大舉則兵雖未交而勝負之勢已決矣抑臣聞朝廷者根本也藩方者枝葉也根本固則枝葉蕃朝廷者腹心也將士者爪牙也腹心壯則爪牙奮今遠而疆敵近而偽臣國家所仰以為捍蔽者在藩方所資以致攻討者在將士惟陛下使君子小人各得其分則是非明賞罰當自然藩方協力將士用雖疆敵不足畏逆臣不足憂臣昧死上條六事一曰信任輔弼二曰公選人材三曰變革土風四曰愛惜日力五曰務盡人事六曰寅畏天威何謂信任

輔弼夫興衰廢亂之主必有同心同德之臣相與有為今陛下選於眾以圖任遂能捍禦大敵可謂得人然臣願陛下待以至誠無事形跡久任以責成功勿使小人得以間之則君臣之美垂於無窮矣何謂公選人材夫治天下者必資於人才創業中興之主所資尤多艱難之際非得卓犖瓌偉之才則未易有濟然自昔抱不羣之才者多為小人所忌嫉而以道事君者安於義命不復自辨苟非至明之主深察人之情偽安能辨其非辜陛下臨御以來用人多矣世之所許以為端人正士者往往閒廢於無用之地而陛下寢寐側席有乏材之歎蓋少留意而致察焉何謂變革土風夫土風厚則議論正而是非明朝廷賞罰當功罪而人心服攷之本朝嘉祐治平以前可知已數十年來奔競日進論議徇私邪說利口足以惑人主之聽元祐大臣持正論如司馬光之流指為姦黨顛倒是非政事大壞馴致靖康之變非偶然也竊觀近年士風尤薄豈朝廷之福哉大抵朝廷設耳目及獻納論思之官固許之以風聞至於大故必須覈實而後言使其無實得以中善善良皆非所以修政也何謂愛惜日力夫創業中興如建大廈室奧序其規模可一日而成鳩工聚材則積累非一日所致陛下臨御九年於茲境土未復僭逆未誅仇敵未報尚稽中興之業者誠以始不為之規模而後不為之積累故也邊事粗定之時朝廷所推行者不過簿書期會不切之細務至於攻討防守之策國之大計皆未嘗留意夫天下無不可為之事亦無不可為之時惟失其時則事之小者日益大事之易者日益難矣何謂務盡人事夫天之道其實一致人事盡於前則天理應於後今未

嘗盡人事敵至而先自退屈而欲責功於天其可乎臣願陛下詔二三大臣協心同力盡人事以聽天命則恢復土宇迎還兩宮必有日矣何謂寅畏天威夫天之於王者猶父母之於子愛之至則所以爲之戒者亦至故人主之於天威必恐懼修省以致其寅畏之誠比年以來災感失次太白晝見地震水溢或久旱不雨或久雨不霽或當暑而寒乃正月之朔日有食之此皆天意眷佑陛下丁寧反覆以致告戒惟陛下推至誠之意正厥事以應之則變災而爲祥矣疏奏帝爲賜詔褒諭除江西安撫制置大使兼知洪州有旨赴行在奏事畢之官六年綱至引對內殿朝廷方銳意大舉綱陛辭言今日用兵之失者四措置未盡善者五宜預備者三當善後者二時宋師與金人僞齊相持於淮泗者半年綱奏兩兵相持非出奇不足以取勝願速遣驍將自淮南約岳飛爲犄角夾擊之大功可成已而宋師屢捷劉光世張浚楊沂中大破僞齊兵於淮淝之上車駕進發幸建康綱奏乞益飭戰守之具修築沿淮城壘且言願陛下勿以去冬驩勝而自怠勿以目前粗定而自安凡可以致中興之治者無不爲凡可以害中興之業者無不去要以修政事信賞罰明是非別邪正招徠人材鼓作士氣愛惜民力順導眾心爲先數者既備則將帥輯睦士卒樂戰用兵其有不勝者哉淮西酈瓊以全軍叛歸劉豫綱指陳朝廷有措置失當者深可痛惜者及當監前失以圖方來者凡十有五事奏之張浚引咎去相位言者引漢武詠王恢爲比綱奏曰臣竊見張浚罷相恐智謀之士卷舌而不談兵忠義之士扼腕而無所發憤陛下將誰與立國哉張浚措置失當誠爲有罪然其區區徇

國之心有可矜者願少寬假以責來效時車駕將幸平江綱以爲平江去建康不遠徒有退避之名不宜輕動復具奏曰臣聞自昔用兵以成大業者必先固人心作士氣據地利而不肯先退盡人事而不肯先屈今日之事豈可因一叛將之故望風怯敵遽自退屈果出此謀六飛回馭之後人情動搖莫有固志士氣銷縮莫有關心我退彼進使敵馬南渡得一邑則守一邑得一州則守一州得一路則守一路亂臣賊子豈敢從從而附之雖欲如前日還駕還轍復立朝廷於荆棘瓦礫之中不可得也借使敵騎衝突不得已而權宜避之猶爲有說今疆場未有警急之報兵將初無不利之失而遽爲此擾擾棄前功挑後患以自趨於禍敗豈不重可惜哉八年王倫使北還綱聞之上疏曰臣竊見朝廷遣倫使金奉迎梓宮今倫之歸與金使偕來乃以詔諭江南爲名不著國號而曰江南不曰通問而曰詔諭此何禮也金人毀宗社逼二聖而陛下應天順人光復舊業自我視彼則仇讎也自彼視我則腹心之疾也豈復有可和之理然而朝廷遣使通問冠蓋相望於道卑辭厚幣無所愛惜者以二聖在其域中爲親屈已不得已而然猶有說也至去年春兩宮凶問既至遣使以迎梓宮亟往過返不得其要領今倫使事初以奉迎梓宮爲指而金使之來乃以詔諭江南爲名循名責實已自乖戾則其所以同朝廷而生後患者不待詰而可知臣以意料之金以此名遣使其邀求大略有五必降詔書欲陛下屈體降禮以聽受一也必有赦文欲朝廷宣布班示郡縣二也必立約束欲陛下奉藩稱臣稟其號令三也必求歲賂廣其數目使我坐困四也必求割地以江爲界淮

南荆襄四州盡欲得之五也此五者朝廷從其一則大事去矣金人變詐不測貪婪無厭縱使聽其詔令奉藩稱臣其志猶未已也必繼有號令或使親迎梓宮或使軍車入覲或使移易將相或改革政事或竭取租賦或股削土宇從之則無有紀極一不從則前功盡廢反爲兵端以爲權時之宜聽其邀求可以無後悔者非愚則誣也使國家之勢單弱果不足以自振不得已而爲此固猶不可况土宇之廣猶半天下臣民之心戴宋不忘與有識者謀之尙足以有爲豈可忘祖宗之業生靈之屬望弗慮弗圖遽自屈服冀延旦暮之命哉臣願陛下且勿輕許深詔羣臣講明利害疏奏雖與眾論不合帝不以爲忤曰大臣當如此矣九年除知潭州荆湖南路安撫大使綱具奏力辭曰臣迂踈無周身之術動致煩言今者罷自江西爲日未久又蒙擢拔昇以帥權昔漢文帝聞季布賢召之既而罷歸布曰陛下以一人之譽召臣以一人之毀去臣臣恐天下有以窺陛下之淺深今臣數年之間亟奮亟躡上累陛下知人任使之明實有係於國體詔以綱累奏不欲重違遂允其請次年薨年五十八計開帝爲軫悼遣使賻贈撫問其家給喪塋之費贈少師官其親族十人綱負天下之望以一身用舍爲社稷生民安危雖身或不用用又不久而其忠誠義氣凜然動乎遠邇每未使至燕山必問李綱趙鼎安否其爲遠人所畏服如此

欽定續通志卷三百六十七

列傳

宋七十一

宗澤

趙鼎

張浚子杓

宗澤字汝霖婺州義烏人母劉夢天大雷電光燭其身翌日而澤生澤自幼豪爽有大志登元祐六年進士第廷對極陳時弊考官惡直寘末甲調大名館陶尉呂惠卿帥鄆延檄澤視河埽澤適喪長子奉檄遽行會朝廷大開御河方隆冬役夫僵仆於道中使督之急澤上書於帥請少需之至初春可不擾而辦用其言上聞從之惠卿辟為屬辭調衢州龍游令民未知學澤為建庠序設師儒講論經術風俗一變調晉州趙城令下車請升縣為軍不聽澤曰承平時固無慮他日有警當知吾言矣知萊州掖縣通判登州境內官田數百頃皆不生殖歲輸萬餘緡率橫取於民澤奏免之朝廷遣使由登州結女真盟海上謀夾攻契丹澤語所親曰天下自是多事矣退居東陽結廬山谷開靖康元年中丞陳過庭等列薦假宗正少卿充和議使澤曰是行不生還矣敵能悔過退師固善否則安能屈節北庭以辱君命乎議者謂澤剛方不屈恐害和議乃不遣命知磁州時太原失守官兩河者率託故不行澤曰食祿而避難不可也即日單騎就道從羸卒十餘人磁經敵騎蹂躪之餘人民逃徙帑廩朽然澤至繕城壁浚隍池治器械募義勇始為固守不移之計上言邢洺磁趙相五州各蓄精兵二萬敵攻一郡則四郡皆應是一郡之兵常有十萬人上嘉之除河北義兵都總管金人破真定引兵南取慶源恐澤兵躡其後遣千騎直扣磁州城澤擐甲登城令壯

士以神臂弓射走之開門縱擊斬首數百級所獲羊馬金帛悉以賞軍士康王再使金行至磁澤迎謁曰肅王一去不反今敵又詭辭以致大王願勿行王遂回相州有詔以澤為副元帥從王起兵入援澤言宜急會兵李固渡斷敵歸路眾不從迺自將兵趨渡道遇北兵遣秦光弼張德夾攻大破之金人既敗乃留兵分屯澤遣壯士夜擣其軍破三十餘砦時康王開大元帥府檄兵會大名澤履冰渡河見王謂京城受圍日久入援不可緩會簽書樞密院事曹輔齋蠟封欽宗手詔至自京師言和議可成澤曰金人狡詭是欲款我師爾君父之望入援何啻饑渴宜急引軍直趨澶淵次第進壘以解京城之圍萬一敵有異謀則吾兵已在城下汪伯彥等難之勸王遣澤先行自是澤不得預府中謀議矣伏讀通鑑御批康王聞君父之難亟宜投袂入援而乃聽信奸言濡遲不進坐視國家淪亡此與梁湘東王不投臺城何異宜乎南渡以後忍恥事虜貽誤後世也獨是康王出賃金軍時當幹里而詭責而不為動似乎尚有為何一且惟怯至此豈前事云云固當日史官溢美之詞不足盡信耶抑直一庸人遇大事惘然不能出一言史遂謂之不二年正月澤至開德十三戰皆捷以書勸王檄諸道兵會京城又移書北道總管趙野河東北路宣撫范訥知興仁府曾楙合兵入援三人皆以澤為狂不答澤以孤軍進都統陳淬言敵方熾未可輕舉澤怒欲斬之諸將乞貸淬使得效死澤命淬進兵遇金人敗之金人攻開德澤遣孔彥威與戰又敗之澤度金人必犯濮先遣三千騎往援金人果至敗之金人復向開德權邦彥孔彥威合兵夾擊又大敗之澤兵進至衛南度將孤兵寡不深入不能成功先驅云前有敵營澤揮眾直前與戰敗之轉戰而東敵益生兵至王孝忠戰死前後皆敵壘澤下令曰今日進退等死不可不從死中求生士

卒知必死無不一當百斬首數千級金人大敗退卻數十里澤計敵眾十倍於我今一戰而卻勢必復來使悉其鐵騎夜襲吾軍則危矣乃暮徙其軍金人夜至得空營大驚自是憚澤不敢復出兵澤出其不意遣兵過大河襲擊敗之王承制以澤為徽猷閣待制時金人逼二帝北行澤聞即提軍趨滑走黎陽至大名欲徑渡河據金人歸路邀還二帝而勤王之兵卒無一至者又聞張邦昌僭位欲先行詒討會得大元帥府書約移師近都按甲觀變澤復書於王曰自古姦臣在外為恭順而中藏禍心未有竊據寶位改元肆赦惡狀昭著若邦昌者今二聖諸王悉渡河而北惟大王在濟天意可知宜亟行天討與復社稷且言邦昌偽赦或啟姦雄之意望遣使分諭諸路以定民心又上書言今天下所屬望者在於大王大王行之得其道則有以慰天下之心所謂道者近剛正而遠柔邪進公實而退私偽因累表勸進王即帝位於南京澤入見涕泗交頤陳興復大計時與李綱同入對相見論國事慷慨流涕綱奇之上欲留澤潛善等沮之除龍圖閣學士知襄陽府時金人有割地之議澤上疏曰天下者太祖太宗之天下陛下當兢兢業業思傳之萬世奈何遽議割河之東西又議割陝之蒲解乎自金人再至朝廷未嘗命一將出一帥但聞姦邪之臣朝進一言以告和暮入一說以乞盟終致二聖北遷宗社蒙恥臣意陛下赫然震怒大明黜陟以再造王室今即位四十日矣未聞有大號令但見刑部指揮云不得膽播赦文於河之東西陝之蒲解是視天下忠義之氣而自絕其民也臣雖驚怯當躬冒矢石為諸將先得捐軀報國恩足矣上覽其言壯之改知青州時年六

十九矣開封尹闕李綱言殺復舊都非澤不可尋徒知開封府時敵騎留屯河上金鼓之聲日夕相聞而京城樓櫓盡廢兵民雜居盜賊縱橫人情洶洶澤威望素著既至首捕誅舍賊者數人下令曰為盜者賊無輕重並從軍法由是盜賊屏息民賴以安上疏請上還京俄有詔荆襄江淮悉備巡幸澤上疏言開封物價市肆漸同平時將士農民商旅士大夫之懷忠義者莫不願陛下亟歸京師以慰人心其倡為異議者非為陛下忠謀不過如張邦昌輩陰與金人為地爾除延康殿學士京城留守兼開封尹時金遣人使偽楚為名至開封府澤曰此覬我也拘其人乞斬之有詔延置別館澤曰國家承平二百年不識兵革以敵國誕謾為可憑信恬不置疑不惟不嚴攻討之計且有實欲賈勇恩敵所佩之士大夫不以為狂則以為妄致有前日之禍張邦昌耿南仲輩所為陛下所親見也今金人假使偽楚來覬虛實臣乞斬之以破其姦而陛下惑於人言令遷置別館優加待遇臣愚不敢奉詔以彰國弱上乃親札諭澤竟縱遣之有者附潛善意皆以澤拘留金使為非尚書左丞許景衡抗疏力辨且乞厚加任使以成其功真定懷衛開敵兵甚盛方密修戰具為入攻之計而將相恬不為慮澤以為憂乃渡河約諸將其議事宜以圖收復而於京城四壁各置使以領招集之兵又據形勢立堅壁二十四所於城外沿河鱗次為連珠岩連結河東河北山水皆忠義民兵於是陝西京東西諸路咸願聽澤節制有詔如淮甸澤上表諫不報秉義即岳飛犯法將刑澤一見奇之曰此將材也會金人攻汜水澤以五百騎

是知名代請通鑑輯覽御批宗澤忠義凜然屢戰疏正論克捷奉命留守東京賴以保全而前後所陳諸飛於刑罪之中遂成中興名將其明識尤有過人者澤視師河北還上疏請帝亟回汴京以慰元元之心不報復抗疏言堅守和議果不足以息民今之言遷幸者猶前之言和議為可行者也惟陛下熟思而審用之且京師二百年積累之基業陛下奈何輕棄以遺敵國乎詔遣官迎奉六宮往金陵澤上疏言京師天下腹心必不可棄遂條上五事其一言黃潛善汪伯彥贊南幸之非澤前後建議經從三省樞密院輒為潛善等所抑每見澤奏疏皆笑以為狂金將焉珠渡河謀攻汴京諸將請先斷河梁嚴兵自固澤笑曰去冬金騎直來正坐斷河梁耳乃命諸將劉衍趙滑劉達趙鄭以分敵勢戒諸將極力保護河梁以俟大兵之集金人聞之夜斷河梁遁去二年金人自鄭抵白沙去汴京密邇都人震恐僚屬入問計澤方對客圍碁笑曰何事張皇劉衍等在外必能禦敵乃選精銳數千使繞出敵後伏其歸路金人方與衍戰伏兵起前後夾擊之金人果敗金將尼雅滿據西京與澤相持澤遣部將李景良閻中立郭俊民領兵趨鄭遇敵大戰中立死之俊民降景良遁去澤捕得景良斬以徇既而俊民及燕人何仲祖等持書招澤澤數俊民曰汝失利死尚為忠義鬼今反為金持書相誘何面目見我斬之謂史曰我受此土有死而已汝為人將不能以死敵我乃欲以兒女子語誘我乎亦斬之謂仲祖脅從貸之劉衍還金人復入滑部將張搆請往球澤選兵五千付之戒毋輕戰以需援搆至滑迎戰敵騎十倍諸將請少避其鋒搆曰避而偷生何面目見宗公力戰死之澤聞搆急遣王宣領騎五千救之搆死二日

宣始至與金人大戰破走之澤迎搆喪歸恤其家以宣權知滑州金人自是不復犯東京山東盜起執政謂其多以義師為名請下令止勤王澤疏曰自敵圍京城忠義之士憤懣爭奮廣之東西湖之南北福建江淮越數千里爭先勤王當時大臣無遠識大略不能撫而用之使之饑餓困窮弱者填溝壑強者為盜賊此非勤王者之罪乃一時錯置乖謬所致耳今河東西不從敵國而保山峇者不知其幾諸處節義之夫自歟其面而爭先救駕者復不知其幾此詔一出臣恐草澤之士一旦解體倉卒有急誰復有願忠效義之心哉遣人王策為金將往來河上澤擒之解其縛坐堂上為言契丹本宋兄弟之國以義激之策感泣願效死因問敵國虛實盡得其詳遂決大舉之計召諸將謂曰汝等有忠義心當協謀勦敵期還二聖以立大功言訖泣下諸將皆泣聽命金人戰不利悉引兵去澤疏諫南幸言臣為陛下保護京城自去年秋冬至於今春又三月矣陛下不早回京城則天下之民無所依戴不報除賁政殿學士又遣子穎詣行闕上疏曰今收復伊洛而金人渡河捍敵滑臺而敵國屢敗河東河北山峇義民引領舉踵日望官兵之至中興之兆可見在陛下見幾乘時又言昔楚人城郢史氏鄙之今聞有旨於儀真教習水戰是規規為偏霸之謀傳聞四方必謂中原不守但為江寧控扼之計時河北盜楊進聚眾三十萬與丁進王再與李貴王大耶等擁眾各數萬侵掠為患澤遣人諭以禍福悉招降之王善者河東巨寇眾七十萬欲據京東澤單騎馳至善營諭善解甲降先是澤去磁以州事付兵馬鈐轄李侃統制趙世隆殺之至是世隆及弟世興以兵二萬

長飛使立功願棄大敵金人而趨遂升飛為統制飛由

來歸眾懼其變澤曰世隆本吾一校爾何能為世隆至責之曰河北昭沒吾宋法令與上下之分亦昭沒邪命斬之時世與佩刀侍側眾兵露刃庭下澤徐謂世與曰汝兄誅汝能奮志立功足以雪恥世與感泣金人攻滑州澤遣世興至掩其不備敗之澤威聲日著北方聞其名常尊憚之澤疏言丁進數十萬眾願守護京城李成願扈從還闕即渡河勸敵楊進等兵百萬亦願渡河同致死力臣聞多助之至天下順之陛下及此時還京則眾心翕然何敵國之足憂乎又言愛其親以及人之親所以教人孝敬其兄以及人之兄所以教人弟陛下當與忠臣義士合謀肆討迎復二聖今上皇所御龍德宮儼然如舊惟淵聖皇帝未有宮室望改修寶籙宮以為迎奉之所使天下知孝於父弟於兄是以身教也上乃降詔擇日還京既而不果伏讀通鑑輯覽 御批前可恃恐二帝果還於已有不利此言洞見其肺腑觀李綱宗澤等屢請還京之懇切而卒不見聽及一聞信王入汴即有韓日還京之詔于饒仇則甘心避之于兄弟則投袂爭之其忌出于天性乃知前論固不為過常澤前後請上還京二十餘奏每為潛善等所抑憂憤成疾疽發於背諸將入問疾澤矍然曰吾以二帝蒙塵積憤至此汝等能殲敵則我死無恨眾皆流涕曰敢不盡力諸將出澤歎曰出師未捷身先死長使英雄淚滿襟翌日風雨晝晦澤無一語及家事但呼過河者三而薨都人號慟遺表猶贊上還京贈觀文殿學士通議大夫忠諫節澤質直好義親故貧者多依以為活而自奉甚薄常曰君父側身嘗膽臣子乃安居美食邪始澤招集羣盜聚兵儲糧結諸路義兵連燕趙豪傑自謂渡河剋復可指日冀有志弗就識者恨之子穎居戎幕素得士心澤薨數日將士去者十五都人請以穎繼父任

會朝廷已命杜充留守乃以穎為判官充反澤所為願失人心穎屢爭之不從請持服歸自是豪傑不為用羣聚城下者復為盜而中原不守矣穎官終兵部郎中趙鼎字元鎮解州聞喜人生四歲而孤母樊教之通經史百家之書登崇寧五年進士第對策斥章惇誤國累官為河南洛陽令宰相吳敏知其能擢為開封士曹金人陷太原朝廷議割三鎮地鼎曰祖宗之地不可以與人何庸議已而京師失守二帝北行金人議立張邦昌鼎與胡寅張浚逃太學中不書議狀高宗即位除權戶部員外郎知樞密院張浚薦之除司動郎官上幸建康詔條具防秋事宜鼎言宜以大宮所止為行宮車駕所止為行在擇精兵以備儀衛其餘兵將分布江淮使敵莫測巡幸之定上所納之久兩詔求闕政鼎言自熙寧開王安石用事變祖宗之法造生邊患窮困民力敗壞人才至崇寧初蔡京託紹述之名盡祖安石之政凡今日之患始於安石成於蔡京今安石猶配享廟廷而京之黨未除時政之闕無大於是伏讀通鑑輯覽 御批毒固未室致病之由但至高宗南渡以後宋之宗社朝不保暮其先務自當以講求軍事為急趙鼎曰謂時政之闕莫大於安石之配享未罷蔡京之黨未除實廷緩而不切于事即如其言言舉而廓清之又豈遽能靖外患而維國本乎鼎固南來名臣而此疏實不帝乃罷安石配享擢右司諫旋遷殿中侍御史劉光世與韓世忠部將撞相殺奪鼎請鞠治諸將肅然中丞范宗尹言故事無自司諫遷殿中者帝曰鼎在言路極舉職所言四事已施行三十有六遂遷侍御史北兵至江上幸會稽召臺諫議去留鼎陳戰守避三策拜御史中丞請督王瓚進軍宣州周望分軍出廣德劉光世駐蕪黃為邀擊之計又言經營中原當自關中始經營關中當自蜀

始欲幸蜀當自荆襄始吳越介在一隅非進取中原之地荆襄左顧川陝右控湖湘下瞰京洛三國所必爭宜以公安為行闕而屯兵於襄陽運江浙之粟以資川陝之兵經營大業計無出此宰相呂頤浩請帝幸浙西下詔親征鼎以為不可輕舉頤浩惡其異已改鼎翰林學士鼎不拜改吏部尚書又不拜言陛下有聽納之誠而宰相陳拒諫之說陛下有眷待臺臣之意而宰相挾挫沮言官之威堅臥不出疏頤浩過失凡千言乃罷頤浩詔鼎復為中丞除端明殿學士簽書樞密院事金人攻楚州鼎奏遣張俊往援之俊不行山陽遂陷金人留淮上范宗尹奏敵未必能再渡鼎曰勿恃其不來恃吾有以待之三省當以敵退為陛下拔人才脩政事密院常度使復何憂鼎以楚州之失上章丐去會辛企宗除節知建康又移知洪州京西招撫使李橫欲用兵復東京鼎言橫烏合之眾不能當敵恐遂失襄陽已而橫戰不利走襄陽竟陷召拜參知政事宰相朱勝非言襄陽國之上流不可不急取上問岳飛可使否鼎曰知上流利害無如飛者簽樞徐俯不以為然飛出師竟復襄陽鼎乞令韓世忠屯泗上劉光世出陳蔡光世請入奏俯欲許之鼎不可俯齊宿遷令來歸俯欲斬送劉豫鼎復爭之俯積不能平乃求去朱勝非兼知樞密院言者謂當國者不知兵乞令參政通知由是為勝非所忌除鼎知樞密院川陝宣撫使都督川陝荆襄諸軍事鼎所條奏勝非多沮抑之鼎上疏言頃張浚出使川陝君臣相信古今無二而終致物議以被竄逐今臣所請兵不滿數

千半皆老弱所齎金帛至微除命甫下彈墨已行臣日侍宸衷所陳已艱難况在萬里之外乎時人士皆惜其去臺諫有留行者會邊報奮至鼎每陳用兵大計及朝辭留拜尚書右僕射同中書門下平章事兼知樞密院事制下朝士相慶時劉豫子麟與金人合兵大入舉朝震恐鼎論戰禦之計諸將各異議獨張俊以為當進討鼎是其言有勸上他幸者鼎曰戰而不捷去未晚也帝亦曰朕當親總六師臨江決戰鼎喜曰累年退怯敵志益驕今聖斷親征成功可必於是詔張俊以所部援韓世忠而命劉光世移軍建康且促世忠進兵世忠至揚州大破金人於大儀鎮方警報交馳劉光世遣人諷鼎曰相公自入蜀何事為他人任世忠亦謂人曰趙丞相真敢為者伏讀通鑑輯覽 御批高宗決計親征自當奮勵同心力圖興復乃劉光世竟遣人諷鼎且敢云何事為他人任世忠軍國之重如膜外忽君臣之義若路人喪心若此雖寸斬亦不足以蔽其罪獨君臣之忠誠自勵揚州濟師大儀克捷頗懷憤慨之心乃亦有趙丞相真敢為之語何鼎聞之恐上意中變乘間言陛下養兵十年用之正在今日若少加退沮即人心渙散長江之險不可復恃及捷音日至車駕至平江下詔聲逆豫之罪欲自將渡江決戰鼎曰敵之遠來利於速戰速與爭鋒非策也且豫猶遣其子豈可煩至尊耶帝為止不行伏讀通鑑輯覽 御批趙鼎力贊高宗親征駕未行即有齊否非鼎所知之語則其中本無定見及平江問捷高宗遂欲渡江決戰又復阻止是雖有親征之名而無親征之實故其功亦僅收得半非若澶淵之毅然一往勇勵集事也論者以鼎比之寇準其志雖同而才力不逮未幾簽書樞密院事胡松年自江上還云北兵大集然後知鼎之有先見也張浚久廢鼎言浚可大任乃召除知樞密院命浚在江上視師敵兵久駐淮南知南兵有備漸謀北歸鼎曰金人無能為矣命諸將遊

諸淮連敗之金人遁去鼎奏金人遁歸尤當博采羣言為善後之計於是詔呂頤浩等議攻戰備禦措置緩急之方五年上還臨安制以鼎守左僕射知樞密院事張浚守右僕射兼知樞密院事都督諸路軍馬鼎以政事先後及人才所當召用者條而置之座右次第奏行之制以貴州防禦使瑗為保慶軍節度使封建國公於行宮門外建資善堂鼎薦范冲為翊善朱震為贊讀朝論謂二人極天下之選詔范冲刊定神宗哲宗二史鼎以宰相監修是非各得其正上親書忠正德文四字賜鼎又以御書尚書一帙賜之鼎上疏謝劉豫遣子麟猊分路入寇時張俊屯盱眙楊沂中屯潤韓世忠屯楚岳岳飛駐鄂劉光世駐廬沿江上下無兵帝與鼎以為憂鼎移書浚欲令浚與沂中合兵勦敵光世乞捨盧還太平又乞退保采石鼎奏曰豫逆賊也官軍與豫戰而不能勝或更退守何以立國今賊已渡淮當亟遣張俊合光世之軍盡掃淮南之寇然後議去留上善其策詔二將進兵浚軍至藕塘與猊戰大破之鼎命沂中趨合肥以會光世光世已棄廬回江北浚以書告鼎曰上詔俊有不用命者聽以軍法從事光世大駭復進至肥河與麟戰破之麟猊拔柵遁去浚在江上嘗遣其屬呂祉入奏事所言誇大鼎每抑之上謂鼎曰他日張浚與卿不和必呂祉也後浚因論事語意微侵鼎鼎言臣初與浚如兄弟因呂祉離間遂兩睚異今浚成功當使展盡底蘊浚當留臣當去帝曰俟浚歸議之浚嘗奏乞幸建康而鼎與折彥質請回蹕臨安藍浚還乞乘勝攻河南且罷劉光世軍政鼎言擒豫固易耳然得河南能保金人不內侵乎光世累世為將無故而罷之恐人心不安伏讀

御批史稱帝謂後鼎不和必由呂祉若譽高宗有先見者夫其臣也若其臣也黜陟誰則司之而為存局外之論亦可鄙矣浚遂因祉離間生嫌固不免意亦有有心立異夫光世罪狀昭著不可云無故而罷且謂乎二人向具忠愛之忱者而浚滋不悅鼎以觀文殿大學士知紹興府七年帝幸建康罷劉光世以王德為都統制鄺瓊副之並聽參謀兵部尚書呂祉節制瓊與德有宿怨訴於祉不得直執祉以全軍降偽浚引咎去位召鼎入對拜尚書左僕射同中書門下平章事兼樞密使臺諫論淮西無備鼎曰行朝擁兵十萬敵來自足抗之設有他虞鼎身任其責淮西迄無驚帝欲遠竄浚鼎奏浚母老且有勤王功已而內批出浚論置嶺南鼎留不下詰旦約同列球解帝怒殊未釋鼎力懇曰浚罪不過失策耳凡人計慮豈不欲萬全儻因一失便實之死地後有奇謀秘計誰復敢言者此事自關朝廷非私浚也帝意乃解遂以散官分司居永州金廢劉豫鼎遣開招河南守將壽毫陳蔡之閒往往舉城或率部曲來歸得精兵萬餘馬數千知廬州劉錡亦奏言淮北歸正者不絕度今歲可得四五萬金人遣使議和朝論以為不可信帝怒鼎曰陛下於金人有不共戴天之讐今屈己請和不憚為之者以梓宮及母后耳羣臣憤懣之辭出於愛君不可以為罪陛下宜諭之曰講和非吾意以親故不得已為之但得梓宮及母后還敵雖渝盟吾無憾焉帝從其言羣議遂息潘良貴以向子諱奏事久叱之退上欲抵良貴罪常同為之辨欲併逐同鼎奏子諱雖無罪而同與良貴不宜逐二人竟出帝已有先入之言由是不樂於鼎御筆和州防禦使疎除節鉞封國公鼎奏建國雖未正名天下皆知陛下有子社稷大計也

在今禮數不得不異所以繫人心不使之二三而惑也
帝曰姑徐之鼎嘗闢和議與秦檜意不合及鼎以爭璩
封國事拂上意檜乘閒擠鼎及薦蕭振爲侍御史振本
鼎所引及入臺劾參知政事劉大中罷之鼎曰振意不
在大中也振亦謂人曰趙丞相不待論當自爲去就會
殿中侍御史張戒論給事中勾濤濤言戒之擊臣乃趙
鼎意因詆鼎結臺諫及諸將帝聞益疑鼎引疾求免乃
以忠武節度使出知紹興府尋加檢校少傅改奉國軍
節度使檜率執政往餞其行鼎不爲禮一揖而去檜益
憾之鼎既去王庶人對上謂庶曰趙鼎兩爲相於國大
有功再贊親征皆能決勝又鎮撫建康回鑾無患他人
所不及也先是王倫使金從鼎受使指問禮數則答以
君臣之分已定問地界則答以大河爲界至是倫與金
使俱來以撫諭江南爲名帝歎息謂庶曰使五日前得
此報趙鼎豈可去耶初車駕還臨安內侍移竹栽入內
鼎見責之曰艮嶽花石之擾皆出汝曹今欲蹈前轍耶
因奏其事上改容謝之有戶部官進錢入宮者鼎召至
相府切責之奏某人不當獻陛下不當求遂出其人與
郡鼎嘗薦胡寅魏疐晏敦復潘良貴呂本中張致遠劉
大本常同林季仲等數十人分布朝列又論趙鼎胡世
將周秘陳公輔之徒如賢長惡帝爲徙世將而公輔等
尋補外帝嘗中批二人付廟堂升擢鼎奏疏遠小臣陛
下何由得其姓名帝謂常同實稱之鼎曰同知其賢何
不露章薦引始沒薦秦檜可與其大事鼎再相亦以爲
言然檜機穽深險外和中異浚初求去有旨召鼎鼎
至越丐祠檜惡其逼已徙知泉州又諷謝祖信論鼎嘗
受張邦昌僞命遂奪節御史中丞王次翁論鼎治郡廢

弛命提舉洞霄宮鼎自泉州歸復上書言時政檢忌其
復用諷次翁又論其嘗受僞命乾沒都督府錢十七萬
縉論官居興化軍論者猶不已移漳州又責清遠軍節
度副使潮州安置在湖五年杜門謝客時事不掛口有
問者但引咎而已中丞詹大方誣其受賄移吉陽軍鼎
謝表曰自首何歸恨餘生之無幾丹心未泯誓九死以
不移檜見之曰此老偏強猶昔在吉陽三年潛居深處
門人故吏皆不敢通問惟廣西帥張宗元時饋醪米檜
知之命本軍月具存亡申省鼎遣人語其子汾曰檜必
欲殺我我死汝曹無患不爾禍及一家矣先得疾自書
墓中石記鄉里及除拜歲月至是書銘旌云身騎箕尾
歸天上氣作山河壯本朝遺言屬其子乞歸葬遂不食
而死時紹興十七年也天下聞而悲之明年得旨歸葬
孝宗卽位諡忠簡贈太傅追封豐國公高宗耐廟以鼎
配享廟庭擢用其孫十有二人鼎爲文渾然天成凡高
宗處分軍國機事多其視草有擬奏表疏雜詩文二百
餘篇號得全集行於世論中興賢相以鼎爲稱首云
張浚字德遠漢州綿竹人唐宰相九齡弟九皋之後父
咸舉進士賢良兩科浚四歲而孤行直視端無詭言識
者知爲大器入太學中進士第靖康初爲太常簿張邦
昌僭立逃入太學中聞高宗卽位馳赴南京除樞密院
編修官改虞部郎擢殿中侍御史駕幸東南後軍統制
韓世忠所部逼逐諫臣墜水死浚奏奪世忠觀察使上
下始知有國法遷侍御史時乘輿在揚州浚言中原天
下之根本願下詔葺東京闕陝襄鄧以待巡幸拂宰相
意除集英殿修撰知興元府未行擢禮部侍郎除御營
使司參贊公事浚度金人必來攻而廟堂晏然殊不爲

備力言之宰相黃潛善汪伯彥皆笑其過計建炎三年
春金人南侵軍駕幸錢塘留朱勝非於吳門捍禦以浚
同節制軍馬已而勝非召浚獨留時潰兵數萬所至剽
掠浚招集甫定會苗傅劉正彥作亂改元赦書至平江
浚命守臣湯東野祕不宣未幾傅等以檄來浚慟哭召
東野及提點刑獄趙哲謀起兵討賊時傅等以承宣使
張俊爲秦鳳路副總管俊將所部至平江浚知上遇俊
厚可謀大事握手語故相持而泣因告以將起兵問罪
時呂頤浩節制建業劉光世領兵鎮江浚遣人賫蠟書
約頤浩光世以兵來會而命俊分兵扼吳江上疏請復
辟傅等謀除浚禮部尙書命所部詣行在浚以大兵未
集未欲誦言討賊乃託云張俊驛回人情震讐不可不
少留以撫其軍會韓世忠舟師抵常熟張俊曰世忠來
事濟矣白浚以書招之世忠至對浚慟哭曰世忠與俊
請以身任之浚因大犒俊世忠將士呼諸將校至前抗
聲問曰今日之舉孰順孰逆軍皆曰賊逆我順浚曰聞
賊以重賞購吾首若浚此舉違天悖人汝等可取浚頭
去不然一有退縮悉以軍法從事眾咸感憤於是令世
忠以兵赴闕而戒其急趨秀州據糧道以疎大軍之至
世忠至秀卽大治戰具會傅等以書招浚浚報云自古
言涉不順謂之指斥乘輿事涉不遜謂之震驚宮闕廢
立之事謂之大逆不道今建炎皇帝不聞失德一旦遜
位豈所宜聞傅等得書恐乃遣重兵扼臨平亟除俊世
忠節度使而誣浚欲危社稷責柳州安置俊世忠拒不
受會呂頤浩劉光世兵踵至浚乃聲傳正彥罪傳檄中
外率諸軍繼進初浚遣客馮輅以計策往說傅等會大
軍且至傅正彥憂恐不知所出輅知其可動卽以大義

白宰相朱勝非使率百官請復辟高宗御筆除浚知樞密院事浚進次臨平賊兵拒不得前世忠等搏戰大破之傅正彥脫通浚與頤浩等入見伏地涕泣待罪高宗問勞再三曰曩在睿聖兩宮隔絕一日啜羹小黃門忽傳太母之命不得已貶卿柳州朕不覺羹覆于手念卿被謫此事誰任解所服玉帶以賜高宗欲相浚浚以晚進不敢當傅正彥走閩中浚命世忠追縛之以獻與其黨皆伏誅初浚次秀州嘗夜坐警備甚嚴忽有客至前出一紙懷中曰此苗傅劉正彥募賊公賞格也浚問欲何如客曰僕河北人粗讀書知逆順豈以身為賊用特見為備不嚴恐有後來者耳浚下執其手問姓名不告而去浚翌日斬死囚徇於眾曰此苗劉刺客也私識其狀貌物色之終不遇巨盜群慶嘯聚准甸至數萬人浚恐其滋蔓徑至高郵入慶壘喻以朝廷恩意慶感服下拜浚留撫其眾或傳浚為賊所執呂頤浩等遽罷浚梟浚歸高宗驚歎即日趣就職浚謂中興當自關陝始慮金人或入陝取蜀東南不可保遂慷慨請行詔以浚為川陝宣撫處置使得便宜黜陟將行御營平寇將軍范瑣擁眾自豫章至行在先是靖康城破金人逼脅君后太子宗室北行多瑣之謀又乘勢剽掠左右張邦昌為之從衛至是入朝悻傲無禮且乞貸逆黨傅正彥等死罪浚奏瑣大逆不道乞伸典憲翌日召瑣至都堂數其罪送棘寺論死分其軍隸神武軍然後行與沿江襄漢守臣議儲蓄以待臨幸初高宗問浚大計浚請身任陝蜀之事置幕府於秦川別遣大臣與韓世忠鎮淮東令呂頤浩扈蹕來武昌復以張俊劉光世與秦川相首尾議既定浚行未及武昌而頤浩變初議浚既與元

金人已取鄜延驍將羅素貝勒引大兵渡渭攻永興諸將莫肯相援浚至即出行關陝訪問風俗罷斥姦賊以搜獲豪傑為先務諸將惕息聽命會牒報金人將攻東南浚命諸將整軍向敵已而金人大攻江淮浚即治軍入衛至房州知金人北歸復還關陝時金帥烏珠猶在淮西浚懼其復擾東南謀牽制之遂決策治兵合五路之師以復永興金人大恐急調烏珠等由京西入援大戰於富平按建炎以來朝野雜記張浚之使秦蜀也而烏珠至浙江帝淳熙東征浚聞即將見兵十餘萬人入衛明年春至房陵聞敵騎已退乃還是伏浚聞敵再欲至難之參贊軍事劉彥冲亦以為非本計浚曰吾豈不知此顧東南方急不得不爾遂合戰於富平然星冬達蘭不能渡江而陝服之師遂為莫室所敗時幕容獨將亦以為難而不見涇原帥劉錡身率將士薄敵陣殺獲頗眾會環慶帥趙哲擅離所部哲軍將校望見塵起驚遁諸軍皆潰浚斬哲以徇按建炎以來朝野雜記師四十萬照河經略使劉錡為統制承帥吳玠涇原帥劉錡環慶帥趙哲秦鳳統制郭浩皆在行開時哲嘗請分兵浚不聽及敗哲全師而退浚怒其先退斬之然哲當復辟時有功在西邊又為名將故浚誅之當時不以為退保興州命吳玠聚兵扼險於鳳翔之和尙原大

散關以斷敵路關師古等聚熙河兵於岷州大潭孫渥賈世方等聚涇原鳳翔兵於階成鳳三州以固蜀口浚上書得罪帝手詔慰勉紹興元年金將烏嚙攻和尙原吳玠乘險擊之金人大敗走烏珠復合兵至玠及其弟璘復邀擊大破之烏珠僅以身免亟驚其鬚遁歸拜浚檢校少保定國軍節度使浚在關陝三年訓新集之兵當方張之敵以劉子羽為上賓任趙開為都轉運使擢吳玠為大將守鳳翔子羽慷慨有才略開善理財而玠每戰輒勝西北遺民歸附日眾故關陝雖失而全蜀安堵且以形勢牽制東南江淮亦賴以安將軍曲端者建炎中嘗追逐帥臣王庶而奪其印吳玠敗於彭原訴端不接富平之役端議不合其腹心張忠彥等降敵浚初超用端後卒下端獄論死會有言浚殺趙哲曲端無辜而任子羽開玠非是朝廷疑之三年遣王似副浚會金將撒窩曷及劉豫叛黨聚兵入攻破金州子羽為興元帥約吳玠同守三泉金人至金牛宋師掩擊之斬馘及墮溪谷死者以數千計浚聞王似來求解兵柄且奏似不可任宰相呂頤浩不悅而朱勝非以宿憾日毀短浚詔浚赴行在初辛炳知潭州浚在陝以檄發兵炳不遣浚奏劾之至是炳為御史中丞率同列劾浚以本官提舉洞霄宮居福州浚既去國慮金人釋川陝之兵必將併力窺東南而朝廷已議講解乃上疏極言其狀未幾劉豫之子麟果引金人入攻高宗思浚前言策免朱勝非復浚資政殿學士提舉萬壽觀兼侍讀入見高宗手詔辨浚誣除知樞密院事浚既受命即日赴江上視師時烏珠擁兵十萬于揚州約日渡江決戰浚召韓世忠張俊劉光世議事將士見浚勇氣十倍浚既部分諸路身留鎮江節度之世忠遣麾下王愈詣烏珠約戰且言張樞密已在鎮江烏珠曰張樞密貶嶺南何乃在此愈出浚所下文書示之烏珠色變夜遁伏讀通鑑觀與金交兵動輒敗退變色思歸平益烏珠方帥勁旅南與何至聞其來而連變色思歸平益烏珠方帥勁旅南請以出餽道既已不繼又聞太宗病篤故五年除尙書無功而還耳譽浚者遂飾為此說不足信也右僕射同中書門下平章事兼知樞密院事都督諸路軍馬趙鼎除左僕射浚與鼎同心輔治務在塞門門抑近習時巨寇楊么據洞庭屢攻不克浚以建康東南都會而洞庭據上流恐滋蔓為害請因盛夏乘其怠討之具奏請行至醴陵釋邑囚數百皆楊么謀者給以文書

俾招諭諸砦四驩呼而往至潭賊眾二十餘萬相繼來降湖寇盡平帝賜浚書謂上流既定則川陝荆襄形勢接連軍力增倍天其以中興之功付卿乎浚遂奏遣岳飛屯荆襄以圖中原乃自鄂岳轉淮東大會諸將議防秋之宜高宗遣使賜詔趣歸召對便殿進中興備覽四十篇帝嘉歎置之坐隅浚以敵勢未衰而叛臣劉豫復據中原六年會諸將議事江上榜豫僭逆之罪命韓世忠據承楚以圖淮揚命劉光世屯合肥以招北軍命張俊練兵建康進屯盱眙命楊沂中領精兵為後翼以佐俊命岳飛進屯襄陽以窺中原浚渡江徧撫淮上浚入覲奏請幸建康車駕進發浚先往江上謀報劉豫與子猊挾金人入攻浚奏金人不敢悉眾而來此必劉豫兵也俊光世皆張大敵勢浚謂賊豫以逆犯順不勦除何以爲國今日之事有進無退且命楊沂中往屯濠州劉麟逼合肥張俊請益兵劉光世欲退師趙鼎及簽書折彥質欲召岳飛兵東下御書付浚令俊光世沂中等還保江浚奏俊等渡江則無淮南而長江之險與敵共矣且岳飛一動襄漢有警復何所恃詔書從之沂中兵抵濠州光世舍廬州而南淮西洶動浚聞疾馳至采石合其眾曰有一人渡江者斬光世復駐軍與沂中接劉猊攻沂中沂中大破之猊麟皆拔柵遁帝手書嘉獎召浚還勞之時趙鼎等議回蹕臨安浚奏天下事不倡則不起三歲之閒陛下一再臨江士氣百倍今六飛一還人心解體帝幡然從浚計鼎出知紹興府浚以親民之官治道所急條具郡守監司省郎館閣出入迭補之法又以災異奏復賢良方正科七年以浚卻敵功制除特進未幾加金紫光祿大夫問安使何薜歸報徽宗皇帝臨

德皇后相繼崩殂上號慟擗踊哀不自勝浚奏天子之孝不與士庶同必思所以奉宗廟社稷今梓宮未返天下塗炭願陛下揮涕而起斂髮而趨一怒以安天下之民上乃命浚草詔告諭中外辭甚哀切浚又請命諸大將率三軍發哀成服中外感動浚言陛下命臣雪此至恥而臣終贖成功使敵無憚今日之禍端自臣致乞賜罷黜再疏待罪不許乃請乘輿發平江至建康浚總中外之政幾事叢委以一身任之每奏對必言讎恥之大反復再三上未嘗不咨容流涕時事無巨細必以咨浚賜諸將詔往往命浚草之劉光世在淮西軍無紀律浚奏罷光世以其兵屬督府命參謀兵部尚書呂祉往廬州節制而樞密院以督府握兵為嫌乞置武帥乃以王德為都統制即軍中取鄺瓊副之浚奏其不當瓊亦與德有宿怨列狀訴御史臺乃命張俊為宣撫使楊沂中劉錡為制置判官以撫之未至瓊等舉軍叛執呂祉以歸劉豫社不行詈瓊等碎齒折首而死浚引咎求去位帝問誰可代者且曰秦檜何如浚曰近與其事方知其間帝曰然則用趙鼎檜由是憾浚浚以觀文殿大學士提舉江州太平興國宮先是浚遣人持手榜入偽地開劉豫及鄺瓊叛去復遣開持蠟書遺瓊金入果疑豫尋廢之臺諫交詆浚落職以祕書少監分司西京居永州九年以赦復官提舉臨安府洞霄宮未幾除資政殿大學士知福州兼福建安撫大使金遣使來以詔諭為名浚五上疏爭之十年金敗盟復取河南浚大治海舟千艘為直指山東之計十一年除檢校少傅崇信軍節度使充萬壽觀使免奉朝請十二年封和國公十六年彗星出西方浚將極論時事恐貽母憂母誦其父對策語

曰臣寧言而死於斧鉞不忍不言以負陛下鴻慈乃決上疏謂當今事勢譬如養成大疽於頭目心腹之閒不決不止惟陛下謀之於心謹察情偽使在我有不可犯之勢庶幾社稷安全不然後將噬臍事下三省秦檜大怒令臺諫論浚以特進提舉江州太平興國宮居連州二十年徙永州浚去國幾二十載天下士無賢不肖莫不傾心慕之金人憚浚每使至必問浚安在惟恐其復用秦檜懼浚為正論以害己令臺臣有所彈劾論必及浚反謂浚為國賊必欲殺之以張炳知潭州汪錫使湖南使圖浚張常先使江西治張宗元獄株連及浚捕趙鼎子汾下大理令自誣與浚謀大逆會槍死乃免二十五年復觀文殿大學士判洪州浚時以母喪將歸葬會星變求直言浚謂金人數年閉勢決求費用兵而國家滿於宴安蕩然無備乃上疏極言而大臣沈該方俟嵩湯思退等見之謂敵初無覺笑浚為狂臺諫湯鵬舉凌哲論浚歸蜀恐搖動遠方詔復居永州服除落職以本官奉祠三十一年春有旨自便浚至潭聞欽宗崩號慟不食上疏請早定守戰之策未幾金兵大入中外震動復浚觀文殿大學士判潭州時金騎充斥王權兵潰劉錡退歸鎮江遂改命浚判建康府兼行宮留守浚至岳陽買舟冒風雪而行遇東來者云敵兵方焚采石煙焰四達憤無輕進浚曰吾赴君父之急知直前求乘輿所在而已時長江無一舟敢行北岸者浚乘小舟徑進過池陽聞海陵死餘眾猶二萬屯和州李顯忠兵在沙上浚往犒之一軍見浚以為從天而下浚至建康即牒通判劉子昂辨行宮儀物請乘輿臨幸二十二年車駕幸建康浚迎拜道左衛士見浚無不以手加額時浚

起廢復用風采隱然軍民皆倚以為重車駕將還臨安勞浚曰卿在此朕無北顧憂命兼節制建康鎮江府江州池州江陰軍馬金兵十萬圍海州浚命鎮江都統張子蓋往救大破之浚招集忠義及募淮楚壯勇以陳敏為統制且謂敵長於騎我長於步衛步莫如弩衛弩莫如車命敏專制弩治車孝宗即位召浚入見賜坐降問浚從容言人主兢業自持使清明在躬則賞罰舉措無有不當人心自歸敵讎自服除少傅江淮東西路宣撫使進封魏國公翰林學士史浩議欲城瓜州采石浚謂不守兩淮而守江干是示敵以削弱意戰守之氣不若先城泗州及浩參知政事浚所規畫浩必沮之伏讀輟覽 御批孝宗初政即復用張浚可謂銳於任賢設能專心委畀或贊成恢復亦未可定願以浩為藩邸舊臣使預機密守淮之議與浚意見低昂遂兩多方掣肘浚至襄陽地喪師其誤國不亞於檜人主用人願不愼哉薦陳俊卿為宣撫判官帝召俊卿及浚子杖赴行在浚附奏請上臨幸建康以動中原之心用師淮壘進舟山東以為吳璘聲援帝見俊卿等問浚動靜飲食顏貌曰朕依魏公如長城不容浮言搖奪金人以十萬眾屯河南聲言規取兩淮移文索海泗唐鄧商州及歲幣浚言金人詭詐不當為之動以大兵屯盱眙濠廬備之卒以無事隆興元年除樞密使都督建康鎮江府江州池州江陰軍馬時金將富察圖們及知泗州大周仁屯虹縣都督蕭琦屯靈壁積糧修城將為南攻計浚欲及其未發攻之會主宰殿前司李顯忠建康都統邵宏淵亦獻搆二邑之策浚具以聞上報可召浚赴行在命先圖兩城乃遣顯忠出濠州趨靈壁宏淵出泗州趨虹縣而浚自往臨之顯忠至靈壁敗蕭琦宏淵圍虹縣降圖們周仁乘勝進克宿州中原震動孝宗手書勞之曰近

日邊報中外鼓舞十年來無此克捷浚以盛夏人疲急召李顯忠等還師會金帥赫舍哩志寧率兵至宿州與顯忠戰宏淵與顯忠不協邵將各遁去顯忠以勢不可孤立乃夜引歸浚上疏待罪有旨降授特進更為江淮宣撫使宿師之還士大夫主和者皆議浚之非孝宗復賜浚書曰今日邊事倚卿為重卿不可畏人言而懷猶豫前日舉事之初朕與卿任之今日亦須與卿終之浚乃以魏勝守海州陳敏守泗州戚方守濠州郭振守六合治高郵巢縣兩城為大勢修滁州關山以扼敵衝聚水軍淮陰馬軍壽春大飭兩淮守備帝復召杖奏事浚附奏云臣以孤蹤動輒掣肘陛下將安用之因乞骸骨帝覽奏謂杖曰朕待魏公有加不為浮議所惑尋詔復浚都督之號金帥布薩忠義貽書三省樞密院案四郡及歲幣不然以農隙治兵浚言金強則來弱則止不在和與不和時湯思退為右相思退秦檜黨也急於求和遂遣盧仲賢持書報金浚言仲賢小人多妄不可委信已而仲賢果以許四郡辱命朝廷復以王之望為通問使龍大淵副之浚爭不能得未幾召浚入見復力陳和議之失帝為止誓書留之望大淵待命而令通書官胡昉楊由義往諭金以四郡不可割若金人必欲得四郡當遣還使人罷和議拜浚尚書右僕射同中書門下平章事兼樞密使都督如故思退為左僕射胡昉等至宿金人械繫迫脅之昉等不屈更禮而歸之孝宗諭浚曰和議之不成天也自此事當歸一矣二年議進幸建康詔之望等還思退聞之大駭陰謀陷浚俄詔浚行視江淮時浚所招徠山東淮北忠義之士以實建康鎮江兩軍凡萬二千餘人萬弩營所招淮南壯士及江西羣盜

又萬餘人陳敏統之以守泗州凡要害之地皆築城堡其可因水為險者皆積水為置增置江淮戰艦諸軍弓矢器械悉備時金人屯重兵于河南為虛聲脅和有刻日決戰之語及聞浚來亟徹兵歸淮北之來歸者日不絕山東豪傑悉願受節度浚以蕭琦契丹望族沈勇有謀欲令盡領契丹降眾且以檄諭契丹約為應援金人益懼思退乃合王之望盛毀守備以為不可恃令尹穉論罷督府參議官馮方又論浚費國不貲奏留張深守泗不受趙廓之代為拒命浚亦請解督府詔從其請左司諫陳良翰侍御史周操言浚忠勤人望所屬不當使去國浚留平江凡八章乞致仕除少師保信軍節度判福州伏讀通鑑輟覽 御批孝宗初召張浚嚮用之上朕決不許賜書曰倚魏公如長城又曰雖乞去之章日者何以福州之命去之有須與卿終之語若深相倚且戒此蓋其張浚迂闊又若夙所憎疾者然何前後矛盾事竟難成遂無所顧惜其情浚辭改醜泉觀使朝廷遂不覺流竄直是無定見耳浚辭改醜泉觀使朝廷遂決棄地求和之議浚既去猶上疏論尹穉姦邪必誤國事且勸上務學親賢或勉浚勿復以時事為言浚曰吾荷兩朝厚恩久尸重任今雖去國苟有所見安忍弗言行次餘干得疾手書付二子曰吾嘗相國不能恢復中原雪祖宗之恥既死不當葬我先人墓左葬我衡山下足矣訃聞孝宗震悼輟視朝贈太保後加贈太師諡忠獻浚幼有大志及為熙河幕官徧行邊壘覽山川形勢時時與舊戍守將問祖宗以來守邊舊法及軍陣方略之宜故一旦起自疏遠當樞筭之任悉能通知邊事本末在京城中親見二帝北行皇族係虜生民塗炭誓不與敵俱存故終身不主和議每論定都大計以為東南形勢莫如建康可以北望中原常懷憤傷至如錢塘

僻在一隅易於安肆不足以號召北方與趙鼎其政多所引擢人號小元祐所薦虞允文汪應辰王十朋劉琪等爲名臣拔吳玠吳玠於行開謂韓世忠忠勇可倚以大事一見劉錡付以事任卒皆爲名將一時稱羨爲知人浚事母以孝稱學邃於易有文集十卷奏議二十卷子弼杓杓自有傳

杓字定叟以父恩授承奉郎歷廣西經略司機宜通判嚴州浙西使者薦所部吏而不及杓孝宗特令召對差知袁州賊豪彊弭盜賊尉獲盜杓察知其枉縱之未幾果獲真賊改知衢州兄弼喪無壯子請祠以營葬事主管五局觀遷湖北提舉常平改浙西督理荒政蘇湖二州皆闕守命兼攝焉有執政姻黨閉糶杓首治之帝獎其不畏彊禦遷兩浙轉運判官未幾以直徽猷閣升副使改知臨安府奏除逋欠四萬緡米八百斛進直龍圖閣都城浩穰盜聚惡杓分地以警捕夜戶不閉張師尹納女掖庭供給使恃以恣橫杓因事痛繩之徙其家信州權兵部侍郎仍知臨安修三牖復六井府治火延及民居上疏自劾詔削二秩移知鎮江召爲戶部侍郎言事迂時相意高宗崩以集英殿修撰知紹興府董山陵事召還爲吏部侍郎光宗卽位權刑部侍郎復兼知臨安府紹熙元年爲刑部侍郎仍爲府尹內侍毛伯益冒西湖茭地爲亭外戚有殺其僕者杓皆奏論如律進煥章閣學士知襄陽府未幾進徽猷閣學士知建康府繼復命還襄陽寧宗嗣位歸正人陳應祥忠義人党琪等謀襲均州副都統馮湛問道疾馳以聞杓不爲動徐部分掩捕斬其爲首者二人盡釋黨與反側以安升寶文閣學士知平江府未行改知建康府升龍圖閣學士

知隆興府兼江西安撫使奉新縣舊有營田募民耕之畝賦米斗五升錢六十其後議臣請鬻之始征兩稅和買且加折變民重爲困杓悉奏蠲之進端明殿學士復知建康府以疾乞祠卒杓吏材敏給所至以治辦稱南渡以來論尹京者以杓爲首云子忠純忠恕自有傳

欽定續通志卷三百六十八

列傳

宋七十三

朱勝非

范致虛

呂頤浩

呂好問

范宗尹

朱勝非字藏一蔡州人崇寧二年上舍登第靖康元年為東道副總管權應天府金人攻城勝非逃去會韓世忠部將楊進破敵勝非復還視事逾年詣濟州為康王言南京為藝祖興王之地請幸之以圖大計王即位南京建炎改元試中書舍人兼權直學士院時方草勦勝非憑敗鼓草制辭氣嚴重如平時上疏言仁義者天下之大柄中國持之則外夷服而諸夏尊國家與契丹結好百有餘年一旦乘其亂弱為來攻計是中國失其柄而外侮所由招也陛下即位宜益明正始之道思其合於仁義者行之帝為嘉納總制使錢蓋進職勝非言蓋為陝西制置使棄師誤國封還貼黃蓋遂罷諫官衛膚敏坐論元祐太后兄子徒官勝非言以外戚故去諫臣非所以示天下二年除尚書右丞時宰執陸補多濫勝非奏舊制宰執子弟例不掌除只就銓注罷政不以罪然後推恩趙普子弟皆作武臣普再相長子授莊宅使范純仁再相子正平有文行竟死選調章惇子援及持皆高科並為州縣幕職監當惟夏竦子安期累作邊帥授待制直學士王安石薦子雋為崇政殿說書除待制然安期猶有才幹雋猶有學問至蔡京子六人孫四人鄭居中劉正夫子各二人余深王黼白時中蔡卞鄧洵仁洵武子各一人並列從班宣和末諫官疏謂尚從竹馬之遊已造荷囊之列今不可以不戒選中書侍郎三

年帝自鎮江南幸留勝非經理命為控扼使已而拜宣奉大夫尚書右僕射兼御營使會王淵簽書樞密院事兼御營司都統制內侍復用事恣橫諸將不悅於是苗傅劉正彥與其徒王鈞甫馬柔吉王世修謀誣淵結宦

官謀反正彥手斬淵分捕中官皆殺之擁兵至行宮門外勝非趨樓上詰專殺之由帝親御樓撫諭傅正彥語頗不遜勝非乃從皇太后出諭傅等請高宗避位太后抱皇子聽政太后不可願勝非曰今日正須大臣果決相公何無一言耶勝非還告帝曰王鈞甫乃傅等腹心適語臣云二將忠有餘而學不足此語可為後圖之緒於是太后垂簾高宗退居顯忠寺號睿聖宮勝非因請降赦以安傅等又奏母后垂簾須二臣同對此承平故事今日事機有須密奏乞許臣僚獨對而日引傅徒二人上殿以弭其疑

伏讀通鑑輿輿不能奮身勝非總樓任返徒代賊傳言未聞有逼持抹已乖大臣安危相倚之義及隆佑太后出門宣諭義正辭嚴勝非在側使能引伸曉解示以禍福安見不可折羣賊之氣以杜逆謀乃始終解口不語雖聞太后謂讓尚爾嘿然轉請高宗手書諭認致成廢立之勢誠不知其是何肺腑即云委蛇求濟以徐圖匡復或亦權宜應變之方願事已經句並無討賊之計又未密約在外握兵諸將以協力勤王使非張浚諸人慷慨誓師賊為同復勝非將遂安心此願耶設其所建白不過日引賊黨同以弭其疑心坐別無籌畫是惟知一身免禍于國事究何所賴總以春秋之法亦豈是太后語帝曰賴相此人若汪黃在位事已狼藉矣傅正彥乞改年號及移蹕建康勝非恐盡廢其請則倉卒變生乃改元明受傅等欲挾帝幸徽越勝非諭之以禍福而止傅聞韓世忠起兵取其妻子為質勝非給傅曰不若遣之俾逐世忠而慰撫之則平江諸人益安矣傅許諾勝非喜曰二凶直無能為也諸將皆至傅等懼勝非因謂之曰勤王之師未進者使是聞自反正耳不然下詔率百官六軍請帝還官公等置身何

地乎即召學士李邴張守作百官章及太后手詔四月朔勝非率百官詣睿聖宮親掖帝乘馬還宮既復辟勝非曰臣昔遇變義當即死偷生至此欲圖今日之事耳乃乞罷政帝問誰可代者勝非曰呂頤浩張浚問孰優

曰頤浩練事而暴浚喜事而疎伏讀通鑑輿輿不能弭患于未萌復不能靖亂于臨事及諸將賊定禍患實無賴復居政府顧其乞罷時雖舉呂頤浩張浚以代而一則謂其練事而暴一則謂其喜事而疎力為已抑隱然有所為引過求退特藉以杜服帝曰浚太年少勝非曰臣人之口非真能負疚自効也帝曰浚太年少勝非曰臣向被召軍旅錢穀悉付浚此舉浚實主之御史中丞張守論勝非不能預防致賊猖獗宜罷不報授觀文殿大學士知洪州尋除江西安撫大使兼知江州紹興元年馬進陷江州侍御史沈與求論九江之陷由勝非赴鎮太緩降授中大夫分司南京江州居住二年呂頤浩薦兼侍讀又薦都督江淮荆浙諸軍事給事中胡安國侍御史張躋交章論罷之頤浩力引其入再除兼侍讀尋拜尚書右僕射同中書門下平章事丁母憂去起復右僕射兼知樞密院事上吏部七司敕令格式一百八十五卷時員外郎江端友請營宗廟議者非之以為國家期於恢復不常厥居勝非方主和議遂白帝營宗廟于臨安徐俯罷參政勝非薦胡松年侍御史常同劾松年乃王黼客勝非徙同左史莫儔謫曲江其奴為勝非治疽而愈奴為儔請得復官如家劉式嘗言為兵官獲盜勝非不以付部用特旨改官會久雨勝非累章乞免且自論當罷者十一事魏玘亦劾其罪遂罷五年應詔言戰守四事起知湖州引疾歸勝非與秦檜有隙檜得政勝非廢居八年卒諡忠靖勝非張邦昌友婿也始邦昌僭位勝非嘗械其使及金人過江勝非請尊禮邦昌錄其

志五四三九

後以謝苗剽之變保護聖躬功居多既去力薦張浚然李綱罷勝非受黃潛善風旨草制極言其狂妄再相忌趙鼎鼎宣撫川陝欲重使名以制吳玠勝非從中沮抑之人以此益薄其品及著閒居錄亦多其私說云

呂頤浩字元直其先樂陵人徙齊州中進士第父喪家貧躬耕以贖老幼後為密州司戶參軍以李清臣薦為邠州教授除宗子博士累官至河北都轉運使伐燕之役頤浩以轉輸隨神師道至白溝既得燕山郭藥師眾二萬契丹軍萬餘皆仰給縣官詔以頤浩為燕山府路轉運使頤浩奏開邊極遠其勢難守雖窮力竭財無以善後又奏燕山河北危急五事願博議久長之策徽宗怒命穢職貶官而視事如故尋復焉進徽猷閣直學士金人入燕郭藥師劫頤浩與蔡靖等以降敵退得歸復以為河北都轉運使以病辭提舉崇福宮高宗即位除知揚州軍駕南幸除戶部侍郎進戶部尚書劇賊張遇眾數萬屯金山縱兵焚掠頤浩單騎與韓世忠造其壘說之以逆順遇黨釋甲降進吏部尚書建炎二年金人逼揚州軍駕南渡鎮江召從臣問去留頤浩叩頭願且留此為江北聲援不然敵乘勢渡江事愈急矣駕幸錢塘拜同簽書樞密院事江淮兩浙制置使還屯京口金人去揚州改江東安撫制置使兼知江寧府時苗傅劉正彥為逆逼高宗避位頤浩至江寧奉明受改元詔赦會監司議皆莫敢對頤浩曰是必有兵變其子抗曰主上春秋鼎盛二帝蒙塵沙漠日望拯救其肯遽遜位于幼冲乎灼知兵變無疑也頤浩即遣人寓書張浚浚亦謂頤浩有威望能斷大事書來報起兵狀頤浩乃與浚及諸將約會兵討賊時江寧士民洵懼頤浩機楊惟忠

留屯以安人心且恐苗傅等計窮挾帝繇廣德渡江戒惟忠先為控扼備俄有旨召頤浩赴院供職上言今金人乘戰勝之威羣盜有遙起之勢與衰撥亂事屬艱難豈容皇帝退享安逸請亟復明辟以圖恢復遂以兵發江寧舉鞭誓眾士皆感厲將至平江張浚乘輕舟避之相持而泣咨以大計頤浩曰頤浩曩諫開邊幾死宦官之手承乏漕挽幾陷強敵之域今事不諧不過赤族為社稷死豈不快乎浚壯其言即舟中草檄進韓世忠為前軍張俊翼之劉光世為游擊頤浩單騎入朝頤浩奏所統將士忠義所激可合不可離傅等懼乃請高宗復辟師次秀州頤浩勉諸將曰今雖反正而賊猶握兵居內事若不濟必反以惡名加我翟義徐敬業可監也次臨平苗傅等拒戰頤浩被甲立水次出入行陣督世忠等破賊傅正彥引兵遁頤浩等以勤王兵入城都人夾道鴛觀以手加額朱勝非罷相以頤浩守尚書右僕射中書侍郎兼御營使改同中書門下平章事軍駕幸建康聞金人復入召諸將問移蹕之地頤浩曰金人謀以陛下所至為邊面今當且戰且避奉陛下於萬全之地臣願留常潤死守帝曰朕左右不可以無相以韓世忠守鎮江劉光世守太平駕至平江聞杜充敗績曰事迫矣若何頤浩遂進航海之策按頤浩進航海之策其言曰敵兵多驕必不復還二浙彼舟我入我出此兵家之奇也帝然之遂如明州伏讀連監報覽御批呂頤浩與諸將議遷都時即有且戰且避之說其言中早存航海一著以為長算至是遂進策請行居所謂萬全之地顯如是不免于禍而風濤漂出入無時實已損威失重乃猶自謂為兵家之奇亦庸能斷大事何前後之不相符若此豈其義初建炎御營使木以行幸總齊軍政而宰相兼領之遂專兵柄樞府

幾無所預頤浩在位尤顯忒趙鼎論其過四年移鼎為翰林學士吏部尚書鼎辭且攻頤浩章十數上頤浩求去除鎮南軍節度開府儀同三司醴泉觀使奉化賊蔣璉乘亂為變劫頤浩軍中高宗以頤浩故赦而招之尋除江東安撫制置大使兼知池州頤浩請兵五萬屯建康等處又請王瓊師古兵自隸將之鎮而李成遣將馬進圍江州乃駐軍鄱陽會楊惟忠兵請與俱趨南康遣師古救江州賊眾屢戰頤浩惟忠失利師古取奔洪州頤浩乞濟師討李成帝曰頤浩奮不顧身為國討賊羣臣所不及但輕進其失也詔王瓊以萬人速往策應頤浩復軍左蠡又得閩門舍人崔增之眾萬餘軍勢復振命瓊增擊賊敗之乘勝至江州則馬進已陷城矣朝廷命張俊為招討使俊既至遂敗馬進追斬之成以餘眾降劉豫詔以淮南民未復業須威望大臣措置以頤浩兼宣撫領壽春府徐廬和州無為軍招降趙延壽于分寧得其精銳五千分隸諸將張琪自徽犯饒州有眾五萬時頤浩自左蠡班師帳下兵不滿萬人郡人皇駭頤浩命其將閻皋姚端崔邦弼列陣以待琪舉軍舉力戰端邦弼兩軍夾擊大破之拜少保尚書左僕射同中書門下平章事兼知樞密院事二年帝自越州還臨安時桑仲在襄陽欲進取京城乞朝廷舉兵為聲援頤浩乃大議出師而身自督軍北向高宗諭頤浩秦檜曰頤浩治軍旅檢理庶務如種蠡分職可也二人同秉政檜知頤浩不為公論所與多引知名士為助欲傾之而擅朝權高宗乃下詔以戒朋黨除頤浩都督江淮荆浙諸軍事開府鎮江頤浩辟文武士七十餘人以神武後軍及御前忠銳崔增趙延壽二軍從行百官班送頤

幾無所預頤浩在位尤顯忒趙鼎論其過四年移鼎為翰林學士吏部尚書鼎辭且攻頤浩章十數上頤浩求去除鎮南軍節度開府儀同三司醴泉觀使奉化賊蔣璉乘亂為變劫頤浩軍中高宗以頤浩故赦而招之尋除江東安撫制置大使兼知池州頤浩請兵五萬屯建康等處又請王瓊師古兵自隸將之鎮而李成遣將馬進圍江州乃駐軍鄱陽會楊惟忠兵請與俱趨南康遣師古救江州賊眾屢戰頤浩惟忠失利師古取奔洪州頤浩乞濟師討李成帝曰頤浩奮不顧身為國討賊羣臣所不及但輕進其失也詔王瓊以萬人速往策應頤浩復軍左蠡又得閩門舍人崔增之眾萬餘軍勢復振命瓊增擊賊敗之乘勝至江州則馬進已陷城矣朝廷命張俊為招討使俊既至遂敗馬進追斬之成以餘眾降劉豫詔以淮南民未復業須威望大臣措置以頤浩兼宣撫領壽春府徐廬和州無為軍招降趙延壽于分寧得其精銳五千分隸諸將張琪自徽犯饒州有眾五萬時頤浩自左蠡班師帳下兵不滿萬人郡人皇駭頤浩命其將閻皋姚端崔邦弼列陣以待琪舉軍舉力戰端邦弼兩軍夾擊大破之拜少保尚書左僕射同中書門下平章事兼知樞密院事二年帝自越州還臨安時桑仲在襄陽欲進取京城乞朝廷舉兵為聲援頤浩乃大議出師而身自督軍北向高宗諭頤浩秦檜曰頤浩治軍旅檢理庶務如種蠡分職可也二人同秉政檜知頤浩不為公論所與多引知名士為助欲傾之而擅朝權高宗乃下詔以戒朋黨除頤浩都督江淮荆浙諸軍事開府鎮江頤浩辟文武士七十餘人以神武後軍及御前忠銳崔增趙延壽二軍從行百官班送頤

浩次常州延壽軍叛劉光世殲其眾又問桑仲已死遂不進引疾求罷詔還朝以知紹興府朱勝非同都督請軍事願浩既還欲傾秦檜乃引勝非為助給事中胡安國論勝非必誤大計勝非復知紹興府尋以禮泉觀使兼侍讀安國持錄黃不下願浩特命檢正諸房文字黃龜年書行安國以失職求去罷之檜上章乞留安國不報侍御史江躋左司諫吳表臣皆以論救安國罷程瑀胡世將劉一止張燾林待聘樓燬亦坐論檜斥臺省一空遂罷檜相願浩獨秉政屢請興師復中原謂太祖取天下兵不過十萬今有兵十六七萬矣然自金人南牧莫敢嬰其鋒比年韓世忠張俊陳思恭張宗慶秦人

有戰心天將悔禍又金人以中原付劉豫二尺童子知其不能立國願睿斷早定決策北向今之精銳皆中原人恐久而消磨他日難以舉事時盜賊稍息願浩請遣使循行郡國平獄訟宣德意李綱宣撫湖南願浩言綱縱暴無善狀請罷諸路宣撫之名綱止為安撫使時李光在江東與願浩書言綱有大節遠人畏服願浩稱光結黨言者因論光罷之時方審量濫賞願浩時有縱舍右司郎官王岡持不可曰公秉國鈞不平謂何願浩再秉政凡二年高宗以水旱地震下詔罪己求言一日謂大臣曰近蘇湖地震泉州大水輒不以奏何也侍御史辛炳殿中常同論願浩罪遂罷為鎮南軍節度使開府儀同三司提舉洞霄宮改特進觀文殿大學士五年詔問宰執以戰守方略願浩條十事以獻除湖南安撫制置大使兼知潭州時柳衡桂陽盜起願浩遣人悉平之帝在建康除願浩少保浙西安撫制置大使知臨安府行宮留守明堂禮成進封成國公八年上將還臨安除

少傅鎮南定江軍節度使江東安撫制置大使兼知建康府行宮留守願浩引疾求去除醴泉觀使九年金人歸河南地高宗欲以願浩往陝西命中使召赴行在願浩以老病辭且條陝西利害謂金人無故歸地其必有意召趨赴闕既至以疾不能見乃聽歸未幾卒贈太師封秦國公諡忠穆願浩有膽略善鞍馬弓劍當國步艱難之際人倚之為重自江東再相胡安國以書勸其效法韓忠獻以至公無我為先報復恩讎為戒願浩不能用時軍用不足願浩與朱勝非創立江浙湖南諸路大軍月椿錢伏讀通鑑輯覽御批宋自王安石蔡京御批宋自王安石蔡京因高宗親復有月椿之取百姓方凋敝已極區區免役小幾何時復有月椿之取百姓方凋敝已極區區免役小惠元氣豈能遽復旋即加之殿削其何以堪況彼時僅餘東南半壁尚使其羈于塗炭更安望能復復地以保避黎願浩輩謀國不滅罪固無可他於是郡邑多橫賦大為東南患云

續通志 卷三百六十九 列傳 宋

志五四四一

請置講議司引致虛為詳定官議不合改兵部侍郎自是入處華要典大郡者十五年以附張商英貶通州政和七年復官入為侍讀修國史尋除刑部尚書提舉南京鴻慶宮初致虛在講議司延康殿學士劉曷嘗乘蔡京怒擠之後王案坐妖言繫獄事連曷論死致虛爭之曷得減竄士論賢之遷尚書右丞進左丞母喪踰年起知東平府改大名府入見言不當用師契丹恐開邊隙宰相謂其懷異遂聽終喪服除知鄧州改河南府中人規景華苑欲奪故相富弼園宅致虛言其不可乃止復移鄧州提舉亳州明道官帝方好老氏致虛希時好營飭道字賜名鍊真宮靖康元年召赴闕道除知京兆府時金人圍太原聲震關中致虛修戰守備甚力除陝西宣撫使京師被兵詔致虛會兵入援時陝西節制錢蓋兵十萬至穎昌聞京師破而遁西道總管王襄南走致虛獨與西道副總管孫昭遠環慶帥王似熙河帥王倚合步騎號二十萬以右武大夫馬昌祐統之命杜常將民兵萬人趨京師夏假將萬人守陵寢致虛以僧趙宗印為知兵俾充宣撫司參議官兼節制軍馬致虛以大軍遭陸宗印以舟師趨西京金人破京師遣人持登城不下之詔以止援兵致虛斬之遂奪潼關作長城自關迄龍門所築僅及肩宗印又以僧為一軍號尊勝隊致虛勇而無謀委己以聽宗印宗印徒大言實未嘗知兵致虛軍出武關至鄧州千秋鎮金將羅索以精騎衝之不戰而潰死者過半杜常夏假先遁致虛斬之孫昭遠王似王倚等留陝府致虛收餘兵入潼關方致虛之鼓行出關也神將李彥仙曰行者利速多為支軍則舍不至淹散不至覆若眾羣聚而出散一賊於險則皆

潰矣致虛不聽遂底于敗高宗即位言者論其逗撓不進徒知鄧州尋加觀文殿學士復知京兆致虛力辭而薦席益李彌大唐重自代詔以重守京兆致虛復知鄧州次年宗印領兵出武關與致虛合會金將伊珠兵壓境致虛遁宗印兵不戰走安撫使劉汲力戰死焉致虛坐落職責授安遠軍節度副使英州安置高宗幸建康召復資政殿學士知鼎州行至巴陵卒贈銀青光祿大夫

呂好問字舜徒講希哲子也以蔭補官崇寧初治黨事好問以元祐子弟坐廢兩監東獄廟司揚州儀曹時蔡卞為帥欲扳附善類待好問特異好問以禮自持卞不得親及卞得政其黨拔擢略盡獨好問留滯下諷之曰子少親我即階顯列矣好問笑不答靖康元年以薦召為左司諫諫議大夫擢御史中丞欽宗諭之曰卿元祐子孫朕特用卿令天下知朕意所嚮先是徽宗將內禪詔解黨禁除新法盡復祖宗之故而蔡京黨戚根據中外害其事莫肯行好問言時之利害政之闕失太上皇詔旨備矣雖使直言之士抗疏論列無以過此願一施行之又言陛下宵衣旰食有求治之意發號施令有求治之言逮今半載治效逾邇良由左右前後不能推廣德意而陛下過於容養臣恐淳厚之德變為頹靡且今不盡革京貫等所為太平無由可致欽宗鄉納因疏蔡京過惡乞投海外黜朋附之尤者以厲其餘又建白削王安石王爵正神宗配饗表江公望張庭堅任伯雨龔夬等除青苗之令湔元符上書獲譴者章前後數十上每奏對帝雖當食輒使畢其說時金人既退大臣不復顧慮武備益弛好問言金人得志益輕中國秋

冬必傾國復來禦敵之備當速講求今邊事經畫旬月不見施設臣懼奏請皆不行下此臣所深懼也及邊警急大臣不知所出遣使講解金人佯許而攻略自如諸將以和議故皆閉壁不出好問言彼名和而實攻朝廷不謀進兵遣將何也請亟集滄滑邢相之戍以遏奔衝而列勤王之師于畿邑以衛京城疏上不省金人陷真定攻中山上下震駭廷臣狐疑相顧猶以和議為辭好問率臺屬劾大臣畏懦誤國出好問知袁州欽宗憫其忠下遷吏部侍郎既而金人薄都城欽宗思好問言進兵部尚書都城失守召好問入禁中軍民數萬斧左掖門求見天子好問從帝御樓論遣之衛士長蔣宣帥其徒數百欲邀乘輿犯圍而出左右奔竄獨好問與孫傅梅執禮侍宣抗聲曰國事至此皆宰相信任姦臣不用直言所致傳呵之宣以語侵傅好問曉之曰若屬忘家族欲冒重圍衛帝以出誠忠義然乘輿將必甲乘無闕而後動詎可輕耶宣謝服曰尚書真知軍情麾其徒退帝再幸金營好問實從帝既留遣好問還慰撫都城已而金人立張邦昌邦昌入居都省好問曰相公真欲立邪抑姑塞敵意而徐為之圖爾邦昌曰是何言也好問曰相公知中國人情所向乎特畏金人兵威耳金人既去能保如今日乎大元帥在外元祐皇太后在內此殆天意盍亟還政可轉禍為福且省中非人臣所處宜寓直殿廬毋令衛士夾陛敵所遺袍帶勿服車駕未還所下文書不當稱聖旨以好問攝門下省好問仍行舊職時邦昌雖不改元而百司文移必去年號獨好問所行文書稱靖康二年吳玠莫儔請邦昌見金使於紫宸垂拱殿好問曰宮省故吏驟見御正衛必將憤駭變且

不測奈何邦昌嬰然止始金人謀以五千騎取康王好問問即遣人以書白王言大王之兵度能擊則邀擊之不能即宜遠避且言大王若不自立恐有不當立而立者既又語邦昌曰天命人心皆歸大元帥相公先遣人推戴則功無在相公右者若遲疑不決他人聲義致討悔可追邪於是邦昌謀遣謝克家奉傳國寶往大元帥府須金人退乃發金將將還議留兵以衛邦昌好問曰南北異宜北兵不習風土必不相安金欲留一貝勒統之伏讀通鑑輯覽 御批王時雍等擁戴邦昌已甘心為僭竊之臣好問小點乃首發康王正位之議且止金人之留兵通濟州之聲問得以漸壯奸謀其功固為可錄但當議立邦昌時不問好問略為爭執而權門下省之拜又受其偽署而不辭則知後之所為非始終忠于宋蓋與人心未厭宋故為急轉之機以避罪避名所謂小好問曰貝勒貴人有如觸發致疾則負罪益深乃不復留兵金人既行好問趣遣使詣大元帥府勸進請元祐太后垂簾邦昌易服歸太宰位太后自延福宮入聽政高宗即位太后遣好問奉手書詣行在所高宗勞之曰宗廟獲全卿之力也除尙書右丞丞相李綱以羣臣在圍城中不能執節欲悉按其罪好問曰王業艱難政宜含垢繩以峻法懼者眾矣伏讀通鑑輯覽 御批徽欽兩朝一切委靡不振馴致于亡李綱欲悉按圍城中不能執節之罪非惟申嚴臣子大防且藉此可以防患紀而佐維新之治呂好問詭辭沮止不過以曾受偽職冀為自免地耳視從逆為無關輕重且倡為艱難含垢之言峻法滋懼之說則是始終已而為侍御史王賓論劾高宗謂其心跡非他人比好問力求去且言邦昌僭號之時臣若閉門潔身實不為難徒以世被國恩所以受賢者之責冒圖賚書於陛下疏入除資政殿學士知宣州提舉洞霄宮以恩封東萊郡侯避地卒于桂州子本中探中弼中用中忱中孫祖讓祖儉本中祖讓祖儉別有傳

欽定續通志卷三百六十九

列傳

宋七十四

李光

許翰

許景衡

張慤

張所

陳禾

蔣猷

李光字泰發越州上虞人童穉不戲弄親喪哀毀如成人有致賻者悉辭之及葬禮皆中節遊太學登崇寧五年進士第調開化令有政聲改秩知常熟縣朱勳父冲倚勢暴橫光械治其家冲怒風部使者移令吳江改京東西學事司管何文字除太常博士遷司封首論士大夫諛佞成風至妄引荀卿有聽從無諫諍之說以杜塞言路又言怨嗟之氣結為妖沴王黼惡之徙桂州陽朔縣劉安世聞光以論事貶貽書偉之李綱以論水災去國居義興光伺于水驛留數日定交而別除司勳員外郎遷符寶郎郭藥師叛光知徽宗有內禪意因納符謂知樞密院蔡攸曰公家所為皆咈眾心今日之事非皇太子則國家俱危攸矍然不敢為異欽宗受禪擢右司諫上皇東幸檢人間兩宮光請集議奉迎典禮又奏東南財用盡於朱勳西北財用困於李彥天下根本之財竭於蔡京王黼名為應奉實入私室公家無半歲之儲百姓無旬日之積乞依舊制三省樞密院通知兵民財計與戶部量一歲之出入以制國用選吏考核使利源歸一金人圍太原援兵無功光言三鎮之地祖宗百戰得之一旦舉以與敵何以為國望詔大臣別議攻守之策仍間遣使檄河東北兩路盡起強壯策應首尾掩擊遷侍御史時言者猶主王安石之學詔榜廟堂光

又言祖宗規模宏遠安石欲盡廢法度則謂人主當制法而不當制於法欲盡逐元老則謂人主當化俗而不當化於俗蔡京兄弟祖述其說五十年間毒流四海今又風示中外鼓惑民聽豈朝廷之福蔡攸欲以扈衛上皇行宮因緣入都光奏攸若果入則百姓必致生變萬一驚犯屬車之塵臣坐不預言之罪望早黜責時已葺擯景園為宣德宮而太上皇后乃欲入居禁中光奏禁中者天子之宮陛下欲便溫清奉迎入內亦當躬稟上皇下有司討論典禮於是太上皇后居宣德宮金人逼京城士大夫委職而去者五十二人罪同罰異士論紛然光請付理寺公行之太原圍急奉乞就委折彥質盡起晉絳磁隰潞威勝汾八州民兵及本路諸縣弓手俾守令各自部轄其土豪士人願為首領者假以官名應副器甲協力赴援金人劫質親王以三鎮為辭勢必深入請大修京城守禦之備以伐敵人之謀又言朱勳託應奉脅制州縣田園第宅富擬王室乞擇清強官置司追攝勳父子及奉承監司守令如胡直孺盧宗原陸寅王仲閔趙霖宋晦等並根勘計資其強奪編戶產業者還之會李擢復以諫官召光奏蔡京復用時會擢迭為臺官禁不發一語金人圍城與白時中李邦彥專主避敵割地之謀乞寢成命不報光丐外亦不報誓出寅良間耿南仲輩皆謂應在外裔不足憂光奏孔子作春秋不書祥瑞者蓋欲使人君恐懼修省未聞以災異歸之外裔也疏入監汀州酒稅高宗卽位擢秘書少監除知江州未幾擢侍御史皆以道梗不赴建炎三年車駕自臨安移建康除知宣州時范瓊過軍光開門延勞瓊留三日而去無敢譁者光以宣密邇行都乃繕城池聚

兵糧籍六邑之民保伍相比謂之義社擇其健武者統以土豪得保甲萬餘號精練軍又稠險要二十三所謹戍之釐城止為十地分巡內外晝則自便夜則守城有警則戰苗租歲輸邑者悉命輸郡初謹言不便及守城之日瞻軍養民迄賴以濟事聞授管內安撫許便宜從事進直龍圖閣杜充敗降金御營統制王瓊王珉素不相能至是各擁潰兵索鬪光親至營諭以先國家後私讐之義皆感悟解去時奔將散卒至者光悉厚費給遺有水軍叛于繁昌逼宣境卽遣出賊不意擊之遂宵遁進右文殿修撰光奏金人雖深入江浙然違天時地利臣已移文劉光世領大兵赴州併力攻討乞速委宣撫使周望約日水陸並進盜邵青自真州擁舟數百艘剽當塗蕪湖間光招諭之遺米二千斛青喜謂李公不疑我於是秋毫無犯他日舟過繁昌或給之曰宣境也乃掠北岸而去劇盜賊方破寧國縣抵城下分兵四擊光募勇敢劫之賊驚擾自相屠戮朝廷遣統制官巨師古劉晏兼程來援賊急攻京門纒竹木為浮梁以濟須臾軍傳城列砲具立石對樓光命編竹若簾揭之砲至卽反墜不能傷取檉木為撞竿倚女墻以禦對樓賊引却劉晏率赤心隊擣其若賊退晏追之伏發遇害師古以中軍大破賊賊遁去初戚方圍宣與其副並馬巡城指畫攻具光以書傳矢射其副馬前言戚方窮寇天誅必加汝為將家子何至附賊二人相疑攻稍緩始得為備而援師至矣嘗真七首枕匣中與家人約曰城不可必保若使人取匕首我必死汝輩宜自殺無落賊手除徽猷閣待制知臨安府紹興元年除知洪州固辭提舉臨安府洞霄宮除知婺州甫至郡擢吏部侍郎上疏

極論朋黨之害議論之臣各懷顧避莫肯以持危扶顛爲己任駐蹕會稽首尾三載自去秋迄今敵人無復南渡之意淮甸咫尺不經營長江千里不爲限制惴惴焉日爲乘桴浮海之計陛下駐蹕會稽江浙爲根本之地使進足以戰退足以守者莫如建康建康至姑熟一百八十里其隘可守者有六曰江寧鎮曰礪砂夾曰采石曰大信其上則有蕪湖繁昌皆與淮南對境其餘皆蘆條之場或碇岸水勢湍悍難施舟楫莫若預於諸隘屯兵積粟命將士各管地分調發旁近鄉兵協力守禦乞明詔大臣參酌施行時有詔金人深入諸郡守臣相度或守或避令得自便光言守臣任人民社稷之重固當存亡以之若預聞遷避之門是誘之遁也願追寢前詔帝欲移蹕臨安被旨節制臨安府見屯諸軍兼戶部侍郎督營繕事光經營籌節不擾而辦奏蠲減二浙積負及九邑科配以示施德自近之意威方降以管軍屬節制甚懼拜庭下光握手起之勉以忠義勿以前事爲疑方謝且泣旋兼侍讀因奏金人內寇百姓失業爲盜賊本非獲已尚可誠感自李成北走羣盜離心儻因斯時顯用一二酋豪以風厲其黨必更相效慕以次就降擢吏部尚書大將韓世清本苗傳餘黨久屯宣城擅據倉庫調發不行光請先事除之乃授光淮西招撫使光假道至郡世清入謁縛送闕下伏誅初光於上前面稟成算宰相以不預聞怒之未至道除端明殿學士江東安撫大使知建康府壽春滁濠廬和無爲宣撫使時太平州卒陸德囚守臣據城叛光多設方略盡擒其黨秦檜既罷呂頤浩朱勝非並相光議論素與不合言者指光爲檜黨落職奉祠尋復實文閣待制知湖州除顯謨

閣直學士移守平江除禮部尚書光言駐蹕東南兩浙非根本所因之地自冬及春雨雪不已百姓失業乞選臺諫察實以聞兼比歲福建湖南盜作范汝爲楊么相挺而起朝廷發大兵誅討殺戮過當今諸路早荒流丐滿路宜選良吏招懷撫納責諸路監司按貪贓恤流殍議臣欲推行四川交子法於江浙光言有錢則交子可行今已謂楮辦若干錢行若干交子此議者欲欺陛下使陛下異時不免欺百姓也若已楮辦見錢則目今所行關子已是通快何至紛紛其工部鑄到交子務銅印臣未敢給降除端明殿學士守台州俄改温州劉光世張俊連以捷聞光言觀金人布置必有主謀今已據東南形勢敵人萬里遠來利於速戰宜戒諸將持重以老之不過數月彼食盡則勝算在我矣除江西安撫知洪州兼制置大使擢吏部尚書踰月除參知政事時秦檜初定和議將揭榜欲籍光名鎮壓帝意不欲用光檜言光有人望同郡楊煒上光書責以附時相取尊官墮敵計曠大節光本意謂可因和而爲自治之計旣而檜議撤淮南守備奪諸將兵權光極言和不可恃備不可撤檜惡之檜以親黨鄭億年爲資政殿學士光於榻前面折之又與檜語難上前因曰觀檜之意是欲壅蔽陛下耳目盜弄國權懷姦誤國不可不察檜大怒明日光丐去章九上乃除資政殿學士知紹興府改提舉臨安府洞霄宮十一年冬中丞方侯高論光陰懷怨望責授建寧軍節度副使瓊州安置仲子孟堅坐陸升之誣以私撰國史獄成呂愿中又告光與胡銓詩賦倡和譏訕朝政移昌化軍論文考史怡然白適年踰八十始以郊恩復左朝奉大夫任便居住至江州而卒孝宗卽位復資

政殿學士賜諡莊簡幼子孟傳累官至太府丞韓侂胄願見之孟傳曰行年六十去計已決不敢聞也出知江州以朝請大夫直寶謨閣致仕卒年八十博學多聞著述宏富許翰字崧老拱州襄邑人登元祐三年進士第宣和七年召爲給事中爲書抵時相謂百姓困弊起爲盜賊天下有危亡之憂願罷雲中之師修邊保境與民休息高麗入貢調民間運河民間騷然中書舍人孫傅論高麗與國無功不宜興大役傅坐罷翰謂傅不當黜時相怒落職提舉江州太平觀靖康初以給事中召時金人甫退翰造闕卽日賜對除翰林學士尋改御史中丞上疏言邊事因陳決勝之策張邦昌爲太宰翰上疏力爭之种師道罷爲中太一宮使翰言師道名將沈毅有謀山西士卒人人信服不可使解兵柄欽宗謂其老難用翰曰秦始皇老王翦而用李信兵辱於楚漢宣帝不老趙充國而卒能成金城之功自呂望以來用老將收功者難一二數師道雖老可用且謂金人此行存亡所係令一大劍使失利去則中原可保不然將來再舉必有不救之憂宜起師道邀擊之帝不能用罷中大夫同知樞密院論益不合以病去除延康殿學士知亳州坐言者落職提舉南京鴻慶宮高宗卽位用李綱薦召復延康殿學士旣至拜尚書右丞兼權門下侍郎時河北山東大盜李成孔彥舟等聚眾各數十萬皆以勤王爲名願得張所爲帥所賞論黃潛善姦邪由此得罪李綱爲相以所爲河北等路招撫使率成等眾渡河號召諸路爲典復計潛善力沮之宗澤論車駕不宜南幸宜還京師且訊潛善等潛善等請罷澤翰極論以爲不可李綱罷

翰言綱忠義英發捨之無以佐中興今罷綱臣留無益力求去高宗未許時潛善奏誅陳東翰謂所親曰吾與東皆爭李綱者東戮於市吾在廟堂可乎求去益力章八上以資政殿大學士提舉洞霄官復以言者落職紹興元年召復端明殿學士提舉萬壽觀辭不至二月復資政殿學士三年五月卒贈光祿大夫翰通經術正直不撓憾事三朝致位政府徒以翰攸潛善輩橫遭口語志卒不展綱雖力引之不旋踵去翰亦斥逐而死亡云

許景衡字少伊温州瑞安人登元祐九年進士第宣和六年召為監察御史遷殿中侍御史是時王黼蔡攸用事景衡言尚書省比關長官而同知樞密院亦久闕雖三公通治三省然文昌政事之本樞密本兵之地各有攸屬安可久虛其位願博採公議遴選忠賢以補政府之闕遂大忤黼意朝廷用童貫為河東北宣撫使將北伐景衡論其貪糶不可用者數十事不報睦寇平江浙郡縣殘燬而茶鹽比較之法如故景衡奏茶鹽之法當以食之眾寡為歲額之高下今收復之後戶版半耗民力蕭然而茶鹽比較不減於昔民欲無困得乎奏上遂得權免朝廷既興燕雲之師調度不繼謀求益急景衡奏財力匱乏在節用民力困弊在恤民今不急之務若營繕諸役花石綱運其名不一吏員猥多軍額冗濫又無名功賞非常賜予皆負絲緣倖倖干請無厭宜節以祖宗之制而省去之且極論和買和糶鹽法之害不報會知洋州吳巖夫以私書抵執政道景衡之賢因從子增符實郎周離亨以達離亨以其書談致王黼黼用是中景衡遂之欽宗即位以左正言召旋改太常少卿兼太子諭德遷中書舍人侍御史李光正言程瑀以黷亮忤

執政斥景衡為辨白坐落職子嗣高宗即位以給事中召除御史中丞宗澤為東京留守言者附黃潛善等多攻其短欲逐去之景衡奏曰臣自浙渡淮以至行在聞澤之為尹威名政事卓然過人臣以為去冬京城內有如澤等數輩其禍變未至如是之酷今若較其小短不顧盡忠殉國之節則不怨己甚且開封宗廟社稷所在苟欲罷澤別遣留守不識搢紳中威名政事有加於澤者乎疏入上大悟封以示澤澤乃安杭州叛卒陳通作亂權浙西提刑趙叔近招降之請授以官景衡曰官吏無罪而受誅叛卒有罪而蒙賞賞罰倒置莫此為甚卒奏罷之除尚書右丞有大政事必請問極論潛善伯彥共排沮之或言正二月之交乃太一正遷之日宜於禁中設壇望拜高宗以問景衡對曰修德愛民天自降福何迎拜太一之有初李綱議建都以關中為上南陽次之建康為下綱既相遂主南陽之議景衡為中丞奏南陽無險阻且密邇盜賊漕運不繼不若建康天險可據請定計巡幸潛善等傾綱使去南陽之議遂格至是謀報金人攻河陽汜水景衡又奏請南幸建康已而有詔還京罷景衡為資政殿大學士提舉杭州洞霄宮至京口卒年五十七諡忠簡詔賜温州官舍一區

張懋字誠伯河間樂壽人登元祐六年進士第累遷龍圖閣學士計度都轉運使高宗為大元帥募諸道兵勤王懋飛輓踵道建議即元帥府印給鹽鈔以便商旅不閱旬得緡錢五十萬以佐軍高宗器重之命以便宜權大名尹兼北京留守馬步軍都總管懋初聞二帝北行率副總管顏岐等三上箴勸進最後懋上書極論中原不可一日無君高宗為之感悟建炎改元為戶部尚書

除同知樞密院事措置戶部財用兼御營副使建言三河之民怨敵深入骨髓請依唐人澤潞步兵英雄邊子弟遺意募民聯以什伍而寓兵於農使合力抗敵謂之巡社為法精詳前此論民兵者莫及也詔集為書行之遷尚書左丞官至中書侍郎懋善理財論錢穀利害猶指諸掌在朝諤諤有大臣風節伏讀通鑑輯覽 御批張懋官樞密首尾一年所與同列者黃潛善汪伯彥諸奸皆欲深錮與已終果少未嘗失權則平日之依違固位已可概見且周旋既久曲情道上薦于朝遂致為齊齊悖逆之漸尤不免于結黨大臣風節誠何謂耶然論議可否不形辭色未嘗失同列之歡卒諡忠穆

張所青州人登進士第歷官監察御史高宗即位遣所按視陵寢還上疏言河東河北天下之根本昨者誤用姦臣之謀始割三鎮繼割兩河其民怨入骨髓至今無不扼擊若因而用之則可藉以守不則兩河兵民無所係望陛下之事去矣且論還京之利謂國之安危在乎兵之強弱將相之賢不肖不在都之遷不遷又條上兩河利害帝欲以其事付所會所言黃潛善姦邪不可用恐害新政乃罷所御史改兵部郎中尋責所鳳州團練副使江州安置後李綱入相欲薦所經略兩河以其嘗言潛善故難之一日與潛善從容言曰今河北未有人獨一張所可用又以狂言抵罪不得已收拭用之使為招撫冒死立功以贖過不亦善乎潛善許諾乃借所直龍圖閣充河北招撫使賜內府錢百萬緡給空名告千餘道以京西卒三千為衛將佐官屬許自辟置一切以便宜從事所入見條上利害上賜五品服遣行命直祕閣王圭為宣撫司參謀官佐之河北轉運副使張益謙附黃潛善意奏所置司北京非是且言自置招撫河北

盜賊愈熾不若罷之專以其事付帥司李綱言張所今留京師招集將佐尚未及行益謙何以知其擾朝廷以河北民無所歸聚而為盜故置司招撫因其力而用之豈由置司乃有盜賊乎今京東西鞏盜公行攻掠郡縣亦豈招撫司過耶時方艱危朝廷欲有所經理益謙小臣乃以非理沮抑此必有使之者上乃命益謙分析命下樞密院汪伯彥猶用其奏詰責招撫司李綱與伯彥爭於上前伯彥語塞所方招來豪傑以王彥為都統制岳飛為準備將而李綱已罷相朝廷以王彥代之所落直龍圖閣嶺南安置卒于貶所子宗本以岳飛奏補官陳禾字秀實明州鄞縣人舉元符三年進士累遷辟雍博士時方以傳注記問為學未始崇尚義理黜抑浮華入對契旨擢監察御史殿中侍御史蔡京遣酷吏李孝壽窮治章經鑄錢獄連及士大夫甚眾禾奏免孝壽京子儵為太常少卿何執中壻蔡芝為將作監皆疏其罪罷之時天下武備廢弛東南尤甚不請增戍繕城壁以戒不虞或指為生事格不下其後盜起人服其先見遷左正言俄除給事中時童貫權益張與黃經臣胥用事御史中丞盧航表裏為姦搢紳側目禾曰此國家安危之本吾位言責此而不一遷給舍則非其職矣未拜命首抗疏劾貫復劾經臣怙寵弄權誇衒朝列每云詔令皆出其手言上將用某人舉某事已而詔下悉如其言夫發號施令國之重事黜陟明天子大權奈何使宦寺得與臣之所憂不獨經臣此塗一開類進者眾國家之禍有不可遏願亟竄之遠方論奏未終上拂衣起禾引上衣請畢其說衣裾落上曰正言碎朕衣矣禾言陛下不惜碎衣臣豈惜碎首以報陛下此曹今日受富

貴之利陛下他日受危亡之禍言愈切上變色曰卿能如此朕復何憂內侍請上易衣上却之曰留以旌直臣伏讀通鑑輔覽 御批折檻牽繩紀載家共傳為美談夫鑑不治猶可也衣無稱其何以服御且既知旌直貶諫則此舉之矯飾無味更不待言 翌日貫等相率前懇請國家極治安得此不祥語盧航奏禾狂妄謫監信州酒稅遇赦得自便還里初陳瓘歸自嶺外居于鄞與禾相好造其子正彙從學後正彙告京罪執詣闕權亦就逮經臣泣其獄檄禾取證禾答以事有之罪不敢逃或謂其失對禾曰禍福死生命也豈可以死易不義願得分賢者罪遂坐瓘黨停官遇赦復起知廣德軍移知和州尋遭內艱服除知秀州王黼新得政禾曰安能出黼門下力辭改汝州辭益堅曰寧餓死黼聞而銜之禾兄秉時為壽春府教授禾依之以居適童貫領兵道府下謁不得入餽之不受貫怒歸而譖之帝曰此人素如此汝不能容耶久之知舒州命下而卒贈中大夫諡文介著有易傳九卷春秋傳十二卷論語孟子解各十卷

卷

蔣猷字仲遠潤州金壇縣人舉進士政和四年拜御史中丞兼侍讀有直聲嘗論士風浮薄廷臣何人主意承宰執風旨向背以特立不回者為愚其嗤笑之此風不可長輔臣奏事殿上雷同唱和略無所可否非論道獻替之禮內侍省不隸臺察素元豐官制楊戩不當除節度使趙良嗣不宜出入禁中上皆嘉納至揭其章內侍省且詔自今無得規圖節鉞又疏孟昌齡徐鑄等姦狀遷兵部尚書兼禮制局詳議官七年知貢舉改工部吏部尚書以徽猷閣直學士知婺州明年請祠歸宣和末召為刑部尚書兼資善堂朔善請康初奉上表起居太

韓世忠 子彥直 岳飛 子雲

韓世忠字良臣延安人風骨偉岸目瞬如電早年鷲勇絕人能騎生馬駒家貧嗜酒尚氣年十八以敢勇應募鄉州隸赤籍挽強馳射勇冠三軍崇德四年西夏騷動郡調兵捍禦世忠在遣中至銀州夏人嬰城自固世忠斬關殺敵將擲首陣外諸軍乘之夏人大敗既而以重兵次蒿平嶺世忠率精銳鑿解去俄復出間道世忠獨部敢死士殊死鬪敵少却顧一騎士銳甚問俘者曰監軍駙馬鄂伊特也躍馬斬之敵眾大潰經略司上其功童貫董邊事疑有所指飾止補一資眾弗平從劉延慶築天降山岩為敵所據世忠夜登城斬二級割護城甃以獻繼遇敵佛口岩斬敵數級始補進義副尉至滅底河斬三級轉進勇副尉宣和二年方臘反世忠以偏將從王淵討之次杭州賊奄至勢張甚淵惶怖無策世忠以兵二千伏北關堰賊過伏發眾蹂亂世忠追擊賊敗而遁淵嘆曰真萬人敵也盡以所隨白金器賞之且與定交時有詔能得臘首者授兩鎮節鉞世忠窮追至睦州清溪賊深據巖屋為三窟諸將繼至莫知所入世忠潛行溪谷問野婦得徑即挺身仗直前渡險數里擣其穴格殺數十人擒臘以出辛興宗領兵截峒口掠其俘為己功故賞不及別帥楊惟忠還闕直其事轉承節郎三年議復燕山調諸軍至則皆潰世忠往見劉延慶與蘇格等五十騎俱抵滹沱河逢金兵二千餘騎格失措世忠從容令格等列高岡戒勿動屬燕山潰卒

舟集卽命嚴河岸約鼓譟助聲勢世忠躍馬薄敵迴旋如飛敵分二隊據高阜世忠出其不意突二執旗者因奮擊格等夾攻之舟卒鼓譟敵大亂追斬甚眾時山東河北盜賊竄起世忠從王淵梁方平討捕擒戮殆盡積功轉武節郎欽宗卽位從梁方平屯濬州金人壓境方平備不嚴金人迫而遁王師數萬皆潰世忠陷重圍中揮戈力戰突圍出焚橋而還欽宗聞召對便殿詢方平失律狀條奏甚悉轉武節大夫詔諸路勤王兵領所部入衛時勝捷軍張師正敗宣撫副使李彌大斬之大校李復鼓眾以亂淄青之附者合數萬人山東復擾彌大檄世忠將所部追擊至臨淄河兵不滿千分為四隊布鐵蒺藜自塞歸路令曰進則勝退則死者命後隊刺殺於是莫敢返顧皆死戰大破之斬復餘黨奔潰乘勝逐北追至宿遷賊向萬人方擁子女椎牛縱酒世忠單騎夜造其營呼曰大軍至矣亟束戈卷甲吾能保全汝共功名賊駭慄請命因跪進牛酒世忠下馬解鞍飲啖盡於是眾悉就降黎明見世忠兵未至始大悔以功遷左武大夫果州團練使詔入朝授正任單州團練使屯濳沱河時真定失守世忠知王淵守趙遂亟往金人至聞世忠在攻益急糧盡援絕人多勉其潰圍去弗聽會大雪夜半以死士三百擣敵營敵驚亂自相擊刺及旦盡遁後有自金國來者始知其渠帥是日被創死故眾不能支遷嘉州防禦使還大名趙野駭為前軍統制時康王如濟州世忠領所部勸進金人縱兵逼城人心恟懼世忠據西王臺力戰金人少却翌日率眾數萬至時世忠麾下僅千人單騎突入斬其帥遂大潰康王卽皇帝位授光州觀察使帶御器械世忠請移都長安下兵

收兩河時論不從初建御營授左軍統制命討魚臺賊解大刀世忠破魚臺又擊黎驛叛兵敗之皆斬以獻入備宿衛建炎二年升定國軍承宣使帝如揚州世忠以所部從時張遇自金山來降抵城下不解甲人心危懼世忠獨入其壘曉以逆順眾悉聽命李民眾十萬亦降比至有反覆狀王淵遣世忠諭旨世忠知其黨劉彥具議卽先斬彥驅李民出縛小校二十九人送淵斬之事定授京西等路捉殺內外盜賊金人再攻河南翟進合世忠兵夜襲烏舍營不克時丁進失期陳思恭先遁世忠被矢如練力戰得免還汴詰先退者皆斬進由是與世忠有隙尋以叛誅召世忠還授鄜延路副總管加平寇左將軍屯淮陽會山東兵拒尼雅滿聞世忠扼淮陽乃分兵萬人趨揚州自以大軍迎世忠世忠不敵夜引歸敵躡之軍潰于沐陽伏讀通鑑摺覽其兵御批韓世忠歸敵躡之軍潰于沐陽伏讀通鑑摺覽其兵御批韓世忠微臨陣果奮勇爭先未嘗不可以寡敵眾其不能與戰豈非不足自守何遽棄軍而走坐視金人乘勝長驅乎高宗自是不復再至江北偏安之局寔成于此世忠聞名將畏惡尙然劉光世之望風輒潰更不足責矣門宜贊舍人張遇死之三年帝召諸將議移蹕張俊辛企宗請往湖南世忠曰淮浙富饒今根本地詎可舍而之他人心懷疑一有退避則不逞者思亂重湖閩嶺之遙安保道路無變乎淮江當留兵為守車駕當分兵為衛約十萬人分半扈江淮上下止餘五萬可保防守無患乎在陽城收合散亡得數千人聞帝如錢塘卽由海道赴行在苗傅劉正彥反張浚等在平江議討亂知世忠至更相慶慰世忠得書大慟舉酒酌神曰誓不與此賊共戴天士卒皆奮見浚曰今日大事世忠願與張俊身任之公無憂欲卽進兵浚曰投鼠忌器事不可急急則恐有不測已遣馮甘言誘賊矣三月戊戌以所部

發平江張俊慮世忠兵少以劉寶兵二千借之舟行載甲士綿亙三十里至秀州稱病不行造雲梯治器械傳等始懼矯制除世忠及張俊為節度使皆不受時世忠妻梁氏及子亮為傅所質防守嚴密朱勝非給傅令白太后封梁氏安國夫人俾逐世忠速其勤王梁氏即驅出城一夜會世忠於秀州未幾明受詔至世忠曰吾知有建炎不知有明受斬其使取詔焚之進兵益急傅等大懼次臨平賊將苗翊馬柔貢山阻河為陣中流植鹿角梗行舟世忠合舟力戰張俊繼之劉光世又繼之軍少却世忠復舍馬操戈而前令將士曰今日當以死報國面不被數矢者皆斬於是士皆用命賊列神臂弩持滿以待世忠瞋目大呼挺刃突前賊辟易矢不及發遂敗傅正彥擁精兵二千開湧金門以遁世忠馳入帝步至宮門握手世忠手慟哭曰中軍吳湛佐逆為最今尚留肘腋能先誅乎世忠即執湛戮于市又執賊謀主王世修以屬吏詔授武勝軍節度使御營左軍都統制請於帝曰賊擁精兵距甌閩甚邇倘成巢窟卒未可滅臣請討之於是以為江浙制置使自衛信追擊至漁梁驛與賊遇世忠步走挺戈而前賊望見昨曰此韓將軍也皆驚潰擒正彥及傅弟翊送行在傅亡建陽追擒之皆伏誅世忠初陸辭奏曰臣誓生獲賊為社稷聊恥乞殿前二虎黃護倅來獻至是卒如其言帝手書忠勇二字揭旗以賜授檢校少保武宣昭慶軍節度使烏珠將入侵帝召諸將問移蹕之地張俊辛企宗勸自鄂岳幸長沙世忠曰國家已失河北山東若又棄江淮更有何地最為切要即以將才而論世忠謂不當更棄江淮而先為東吳守境也世忠曰善成乃以廣備制何之枕充用人為為失當造後此開先敗乃

而倉皇失據悔亦晚矣南宋是時勢已顛蹶建康臨安所爭無幾然長留淮南以為屏蔽不更愈于專恃長安務淮防既撤而江險亦不足憑其失算更甚矣於是世忠為浙西制置使守鎮江既而烏珠分道渡江諸屯皆敗世忠亦自鎮江退保江陰杜充以建康降敵烏珠自廣德破臨安帝如浙東世忠以前軍駐青龍鎮中軍駐江灣後軍駐海口俟敵歸邀擊之帝召至行在奏方留江上截金人歸師盡死一戰帝謂輔臣曰比臣願浩在會稽嘗建此策世忠不謀而同賜親札聽其留及金兵至則世忠軍已先屯焦山寺金將李選降受之烏珠約戰戰將十合梁夫人親執桴鼓金兵終不得渡盡歸所掠假道不聽請以名馬獻又不聽達蘭在濰州遣貝勒搭尼趨淮東以援相持黃天蕩者四十八日搭尼貝勒軍江北烏珠軍江南世忠以海艦進泊金山下預以鈔緋貫大鉤授驍健者明旦敵舟謀而前世忠分海舟為兩道出其背每絕一纜則曳一舟沉之烏珠窮蹙求會語祈請甚哀世忠曰還我兩宮復我疆土則可以相全烏珠語塞又數日求再會言不遜世忠引弓射之亟馳去謂諸將曰南軍使船如使馬奈何募人獻破海舟策閩人王某者教其舟中載土平版鋪之穴船版以權槳風息則出江有風則勿出海舟無風不可動也又有獻謀者曰鑿大渠接江口則在世忠上流烏珠一夕潛鑿渠三十里且用方士計刑白馬馴婦人心自割其額祭天次日風止海舟不能運金人以小舟縱火矢下如雨孫世詢嚴允皆戰死敵得絕江遁去世忠收餘軍還鎮江初世忠謂敵至必登金山廟觀我虛實迺遣兵百人伏廟中百人伏岸澗約聞鼓聲岸兵先入廟兵合擊之金人果五騎闖入廟兵喜先鼓而出僅得二人逸

其三中有一絳絳玉帶既墜而復馳者詰之乃烏珠也讀通鑑輟覽 御批金山屹峙江心何能馳騎且烏珠是時志在濟江豈肯行賊者不知舟以臨險地致有疑當日金山與南岸背連屬者不知舟以臨險地致有疑所附麗而樹影中流鐘聲兩岸唐時名流流傳蘇軾亦有阻風金山之作則山之不能通陸自昔已然方輿紀要因于金山下增對岸之二字謂廟在鎮江無確據亦世忠屯成德山與金山銀山東西相距均遠登眺亦無所見其為傳會顯然惟王家之及熊克皆云廟在北面較為可信蓋北固鎮江南岸既得據策以馳而山居東北與無山正故可登之以規虛實二人皆以宋人詳宋事自當得實非若宋史成自元時僅據傳聞而不詳形勢徒滋後世之疑議也至謂一人紅袍玉帶墜而復馳者即烏珠其說尤誕金源衣服至大定明昌間始酌用中國制度其初必為宋人誇飾附會一役也烏珠兵無疑即此可證金山馳馬之荒唐矣 是役也烏珠兵號十萬世忠僅八千餘人帝凡六賜札褒獎拜檢校少保武成威德軍節度使神武左軍都統制建安范汝為反辛企宗等討捕未克賊勢熾熾以世忠為福建江西荆湖宣撫副使世忠曰建居閩嶺上流賊沿流而下七郡皆血肉矣亟領步卒三萬水陸並進次劔潭賊焚橋世忠策馬先渡師遂濟賊盡塞要路拒王師世忠命諸軍偃旗仆鼓徑抵鳳凰山頰賊城邑設雲梯火樓連日夜併攻賊震怖五日城破汝為竄身自焚斬其弟岳吉以徇禽其謀主謝嚮施達及裨將陸必疆等五百餘人世忠初欲盡誅建民李綱自福州馳見世忠曰建民多無辜世忠令軍士駐城上毋下聽民自相別農給牛穀商賈弛征禁脅從者汰遣獨取附賊者誅之民感更生家為立祠捷聞帝曰雖古名將何以加賜黃金器皿世忠因奏江西湖南寇賊尚多乞乘勝討平廣西賊曹成擁餘眾在郴邵世忠旋師永嘉若將就休息者忽由處信逕至豫章連營江濱數十里羣賊不虞其至大驚世忠遣人招之成方為岳飛所追遂率眾降得戰士八萬遣詣行在遂移師長沙時劉忠眾數萬據白面山營柵

相望世忠至欲急擊宣撫使孟庚不可世忠曰兵家利害策之審矣非參政所知請期半月效捷遂與賊對壘奕棊張飲堅壁不動眾莫測一夕與蘇格驍騎穿賊營候者呵問世忠先得賊軍號隨聲應之周覽以出喜曰此天賜也夜伏精兵二千於白面山與諸將拔營而進賊兵方迎戰所遣兵已馳入中軍奪望樓植旗蓋傳呼如雷賊回顧驚潰塵將士夾擊大破之斬忠首湖南遂平授太尉賜勞券仍赦樞密以功頒示內外諸將師還建康置背鬼軍皆勇鷲絕倫九月為江南東西道宣撫使置司建康三年三月進開府儀同三司充淮南東西路宣撫使置司泗州時李橫進討偽齊議遣大將以世忠忠勇故遣之賜資甚渥並命諸州督發軍食李橫兵敗還鎮世忠不果渡江四年以建康鎮江江東宣撫使駐鎮江是歲金人與劉豫合兵分道入侵帝手札命世忠飭守備圖進取辭旨懇切世忠受詔感泣曰主憂如此臣子何以生為遂自鎮江濟師俾統制解元守承州侯金步卒親提騎兵駐大儀當敵騎伐木為柵自斷歸路會遣魏良臣使金世忠撤炊爨給良臣有詔移屯守江良臣疾馳去世忠度良臣已出境即上馬令軍中曰既吾鞭所繫於是引軍次大儀勒五陣設伏二十餘所約聞鼓即起擊良臣至金軍金人問宋師動息具以所見對聶嘒貝勒聞世忠退喜甚引兵至江口距大儀五里別將托卜嘉擁鐵騎過五陣東世忠傳小麾鳴鼓伏兵四起旗色與金人旗雜出金軍亂宋軍進逐背鬼軍各持長斧上搃人曾下斫馬足敵被甲陷泥淖世忠麾勁騎四面蹂躪人馬俱斃遂擒托卜嘉等二百餘人所遣董叅亦擊金人於天長縣之碼頭橋金攻承州解

元設水軍夾河而陣日合戰十三相拒未決世忠遣成閱將騎士往援復大戰俘獲甚眾世忠復親追至淮金人驚潰相蹈藉溺死無算捷聞羣臣入賀帝曰世忠忠勇朕知其必能成功沈與求曰自建炎以來將士未嘗與金人迎戰今世忠速捷以挫其鋒厥功不細帝曰第優賞之於是部將重敗陳桷解元呼延通等皆峻擢有差論者以此舉為中興武功第一時達蘭屯泗州烏珠屯竹塾鎮為世忠所扼以書幣約戰世忠許之且使兩伶人以橘茗報聘會雨雪金饋道不通野無所掠殺馬而食蕃漢軍皆怨烏珠夜引軍還劉麟劉猗乘輜重遁五年進少保六年授武宣安化軍節度使京東淮東路宣撫處置使置司楚州世忠披草萊立軍府與士同力役夫人梁親織薄為屋將士有怯戰者世忠遺以巾幅設樂大宴俾婦人妝以恥之故人人奮厲撫集流散通商惠工山陽遂為重鎮劉豫兵數入寇輒為世忠所敗時張浚以右相視師命世忠自承楚圖淮陽劉豫方聚兵淮陽世忠即引軍渡淮秀符離而北至其城下為賊所圍奮戈一躍潰圍而不出遺一鐵呼延通與金將雅哈貝勒搏戰扼其吭而禽之乘銳掩擊金人敗去既而圍淮陽賊堅守不下烏珠與劉猗皆至世忠求援於張俊俊以世忠有見吞意不從世忠勒陣向敵遣人語之曰錦衣驄馬立陣前者韓相公也或危之世忠曰不如是不足以致敵敵果至殺其導戰二人遂引去尋詔班師復歸楚州淮陽之民從而歸者以萬計三月除京東淮東宣撫處置使兼節制鎮江府仍楚州置司賜號揚武翊運功臣加橫海武宣安化三鎮節度使九月帝在平江世忠自楚州來朝會邊報急劉光世欲棄廬州還

太平張俊亦請益兵都督張浚曰今日之事有進擊無退保於是世忠引兵渡淮與金將領哩頁戰劉猗將寇淮東為世忠兵扼不得進初世忠移屯山陽遣聞結山東豪傑約以緩急為應宿州馬泰及大行羣盜多願奉約束者金人廢劉豫中原震動世忠謂機不可失請全師北討招納歸附為恢復計會秦檜王和議命世忠徙屯鎮江世忠言金人詭詐恐以計緩我師乞留此軍蔽遮江淮又力陳和議之非願效死節率先迎敵又言王倫藍公佐交河南地界乞令明具無反覆文狀為後證章十數上皆慷慨激切且請單騎詣闕面奏帝率優詔發答後金果渝盟咸如其言金使蕭哲之來以詔論為名世忠聞之凡四上疏言不可許願舉兵決戰兵勢最重處臣請當之又言金人欲以劉豫相待舉國士大夫盡為陪臣恐人心離散士氣沮沮且請馳驛面奏不許既而伏兵洪澤鎮將殺金使以壞和議不克九年授少師十年金人敗盟烏珠率薩里罕李成等破三京分道深入八月世忠圍淮陽金人來救世忠迎擊於加口鎮敗之又遣解元擊金人於潭城劉寶擊於千秋湖皆捷親隨將成閔從統制許世安奪淮陽門而入大戰門內世安中四矢閔被三十餘創復奪門出世忠奏其功羅武德大夫閔由是知名世忠進太保封英國公兼河北諸路招討使十一年烏珠恥順昌之敗復謀再入詔大合兵於淮西以待既而金敗於柘阜復圍濠州世忠受詔救濠以舟師至招信縣夜以騎兵敗金人於聞賢驛至濠州濠城已三日與金人戰於淮岸夜遣劉寶沂流將劫之金人伐木塞赤龍洲扼其歸路世忠知之全師而還金人自渦口渡淮北去自是不復入侵世忠在楚

州十餘年兵僅三萬而金人不敢犯奏檜收三大將權

四月拜樞密使遂以所積軍儲錢百萬貫米九十萬石

酒庫十五歸於國世忠既為檜所抑及魏良臣使金世

忠又力言自此人情消弱國勢委靡誰復振之北使之

來乞與面議不許遂抗疏言檜謀國檜諷言者論之帝

格其奏不下世忠連疏乞解樞密柄繼上表乞骸十月

罷為醴泉觀使奉朝請進封福國公節鉞如故自此杜

門謝客絕口不言兵時跨驢攜酒從一二奚童縱遊西

湖以自樂平時將佐罕得見其面十二年改潭國公顯

仁皇后自金還世忠詣臨平朝謁后在北方聞其名慰

問者良久十三年封咸安郡王十七年改鎮南武安宣

國節度使二十一年八月薨進拜太師追封通義郡王

孝宗朝追封蕪王諡忠武配饗高宗廟庭世忠初得疾

敕尚醫視疾將吏臥內問疾世忠曰吾以布衣百戰致

年澹然自如若未嘗有權位者號清涼居士子彥直彥

質彥古皆以才見用彥古戶部尚書

彥直字子温生期年以父任補右承奉郎尋直祕閣六

歲從世忠入見高宗命作大字即拜命跪書皇帝萬歲

四字帝喜之拊其背曰他日令器也親解孝宗卮角之

繻傳其首賜金器筆研監書鞍馬年十二賜三品服紹

興中登進士第調太社令父憂服除秦檜害世忠不

附和議出彥直為浙東安撫司主管機宜文字檜死拜

光祿寺丞遷屯田員外郎兼權右曹郎官張浚都督江

淮軍馬檄權計議軍事乾道二年遷戶部郎官主管左

曹總領淮東軍馬錢糧會大軍倉給糧徑乘小輿往察

之給米不如數捕吏實於理拜司農少卿進直龍圖閣

江西轉運兼權知江州時朝廷還岳飛家貲產多在九

江歲久業數易主吏緣為姦姦直搜剔隱匿盡還岳氏

之刑猶引伏方決況人命至重乎議卒格遣使于金方

入境金使芬微問接國書事論難往復數十芬微理屈

幾罹禍者數主議不撓金卒禮遣之帝嘉歎遷吏部侍郎

尋尋權工部尚書復中大夫改工部尚書兼知臨安府

以言罷提舉太平興國宮尋提舉佑神觀奉朝請出知

陽州首捕巨猾王永年窮治之杖徒他州奏免民間積

逋以郡餘財代輸然以累欠內帑坊場錢不發鑄一官

海寇出沒大洋劫掠彥直授將領士豪等方略不旬日

生禽賊首海盜為清奏功進敷文閣學士以弟彥質為

兩浙轉運判官引嫌易泉府句祠奉執差提舉佑神觀

仍奉朝請特令佩魚示異數也入對乞搜訪靖康以來

死節之士以勸忠義又上薦舉乞選人已經開升實歷

六考無贓私罪犯者雜試以經術法律限其員額定其

高下俾孤寒者得以自達定為改官之制帝悉嘉納淳

費中衝濤及岸得免人異之少負氣節沈厚寡言家貧力學尤好左氏春秋孫吳兵法生有神力未冠挽弓三百斤弩八石學射於周同盡其術能左右射同死朔望設祭於其家父義之曰汝爲時用其徇國死義乎宜和四年眞定宣撫劉幹募敢戰士飛應募相有劇賊陶俊賈進和飛請百騎滅之遣卒僞爲商人賊境賊掠以充部伍飛遣百人伏山下自領數十騎逼賊壘賊出戰伴北賊追之伏兵四起先所遣卒擒二賊以歸康王至相飛因劉浩見命招賊吉倩倩以眾降補承信郎以鐵騎三百往李固渡嘗敵敗之從浩解東京圍與敵相持於滑南領百騎習兵河上敵猝至飛麾其徒曰敵雖眾未知吾虛實當及其未定擊之乃獨馳迎敵有梟將舞刀而前飛斬之敵大敗遷乘義郎隸留守宗澤戰開德曹州皆有功澤大奇之曰爾勇智才藝古良將不能過然好野戰非萬全計因授以陣圖飛曰陣而後戰兵法之常運用之妙存乎一心澤是其言康王卽位飛上書數千言大略謂陛下已登大寶社稷有主已具伐敵之謀而勤王之師日集彼方謂吾素弱宜乘其怠擊之黃潛善汪伯彥輩不能承聖意恢復奉車駕日益南恐不足繫中原之望臣願陛下乘敵穴未固親率六軍北渡則將士作氣中原可復書聞以越職奪官歸詣河北招討使張所所待以國士借補修武郎充中軍統領所問曰汝能敵幾何飛曰勇不足恃用兵在先定謀樂枝曳柴以敗荆莫敖采樵以致絞皆謀定也所矍然曰君殆非行伍中人飛因說之曰國家都汴恃河北以爲固苟憑據要衝時列重鎮一城受圍則諸城或撓或救金人不能窺河南而京師根本之地固矣招撫誠能提兵歷境

飛惟命是從所大喜借補武經郎命從王彥渡河至新鄉金兵盛彥不敢進飛獨引所部鏖戰奪其纛而舞諸軍爭奮遂拔新鄉翌日戰侯兆川身被十餘創士皆死戰又敗之夜屯石門山下或傳金兵復至一軍皆驚飛堅臥不動金兵卒不來食盡走彥壁乞糧彥不許飛引兵益北戰於太行山擒金將拓政雅勒呼居數日復遇敵飛單騎持丈八鐵槍刺殺黑風大王敵眾敗走飛自知與彥有隙復歸宗澤爲留守司統制澤卒杜充代之飛居故職二年敵昨城又戰黑龍潭皆大捷從閭劾保護陵寢大戰汜水關射殪金將大破其眾駐軍竹蘆葦與敵相持選精銳三百伏前山下令各以薪芻交縛兩東夜半熱四端而畢之金人疑援兵至驚潰三年賊黃善曹成孔彥舟等合眾五十萬薄南薰門飛所部僅八百眾懼不敵飛曰吾爲諸君破之左挾弓右運矛橫衝其陣賊亂大敗之又擒賊杜叔五孫海於東明借補英州刺史黃善圍陳州飛戰於清河擒其將孫勝孫清授眞州刺史杜充將還建康飛曰中原地尺寸不可棄今一舉足此地非我有他日欲復取之非數十萬眾不可充不聽遂與俱歸師次鐵路步遇賊張用至六合遇李成與戰皆敗之成遣輕騎劫憲臣犒軍銀帛飛進兵掩擊之成奔江西時命充守建康金人與成合寇烏江充閉門不出飛泣諫請視師充竟不出金人遂由馬家渡渡江充遣飛等迎戰王瓊先遁諸將皆潰獨飛力戰會充已降金諸將多行剽掠惟飛軍秋毫無所犯烏珠趨杭州飛要擊至廣德境六戰皆捷擒其將王權俘斂軍首領四十餘察其可用者結以恩遣還令夜斫營縱火飛乘其亂縱擊大敗之駐軍鐘村軍無見糧將士忍饑

不敢擾民金所籍兵相謂曰此岳家軍爭來降附四年烏珠攻常州宜與令迎飛移屯焉盜郭吉聞飛來遁入湖飛遣王貴傅慶追破之又遣辯士馬卓林聚盡降其眾有張威武者不從飛單騎入其營斬之金人再攻常州飛四戰皆捷尾襲於鎮江東又捷戰於清水亭又大捷橫屍十五里烏珠趨建康飛設伏牛頭山待之夜令百人黑衣混金營中擾之金兵驚自相攻擊烏珠次龍灣飛以騎三百步兵二千馳至新城大破之烏珠奔淮西遂復建康飛奏建康爲要害之地宜選兵靜守仍益兵守淮拱護腹心帝嘉納烏珠歸飛邀擊於靜安敗之詔討成方飛以三千人營於苦嶺方遣俄益兵來飛自領千人破之於廣德會張俊兵至方遂降遷通泰鎮撫使兼知泰州飛辭之淮南東路一重難任使收復本路州郡乘機漸進使山東河北河東京畿等路次第而復會金攻楚急詔張俊援之俊解乃遣飛行而命劉光世出兵援飛飛抵承州三戰三捷殺高太保倅隊長七十餘人光世等皆不敢前飛師孤力寡楚遂陷詔飛還守通泰有旨可守卽守如不可但於沙州保護百姓何便掩擊飛以泰無險可恃退保柴墟戰於南霸橋金兵大敗渡百姓於沙上飛以精騎二百殿金兵不敢近飛以泰州失守待罪紹興元年張俊請飛同討李成時成將馬進犯洪州連營西山飛曰賊貪而不慮後若以騎兵自上流絕生米渡出其不意破之必矣飛請自爲先鋒俊大喜飛重鎧躍馬潛出賊右突其陣所部從之進大敗走筠州飛抵城東賊出城布陣飛設伏以紅羅爲幟上刺岳字選騎二百隨幟而前賊易其少薄之伏發賊敗走飛使人呼曰不從賊者坐吾不汝殺坐而降者八

萬餘人進以餘卒奔成於南康飛夜引兵至朱家山又斬其將趙萬成聞進敗自引兵十餘萬來飛與遇於樓

子莊大破成軍追斬進成走斬州降飛齊伏讀通鑑輯史稱岳飛行兵張岳字旗以攝敵蓋其後威望眾著藉此以先聲奪人而樓子莊之戰則不盡然蓋飛設伏已定正欲以兵少誘賊但見其易取而不復致疑斯為制勝之要若徒以旗幟虛名謂操勝券猶淺之乎論

飛張用寇江西飛以書諭之用遂降江淮平俊奏飛功第一加神武右軍副統制留洪州彈壓盜賊授親衛大

夫建州觀察使建寇范汝為陷邵武江西安撫李回檄飛分兵保建昌軍及撫州飛遣人以岳字幟植城門賊

望見相戒勿犯賊黨姚達饒青逼建昌飛遣王萬餘慶討擒之升神武副軍都統制二年賊曹成擁眾十餘萬

由江西歷湖湘據道賀二州命飛權知潭州兼權荆湖東路安撫都總管付金字牌黃旗招成成聞飛將至驚

曰岳家軍來矣即分道而遁飛至茶陵奉詔招之成不從飛奏比年多命招安故盜力強則肆暴力屈則就招

苟不略加勦除益起之眾未可遽殄許之飛入賀州命士募食遠嶺潛趨未明已至太平場破其砦成據險拒

飛飛麾兵掩擊賊大潰成走據北藏嶺上梧關遣將迎戰飛不陣而鼓士爭奮奪二隘據之成又自桂嶺置砦

至北藏嶺連控隘道親以眾十餘萬守蓬頭嶺飛部才八千一鼓登嶺破其砦成奔連州飛謂張憲等曰成黨

敗去追而殺之則魯從者可憫縱之則復聚為盜今遣若等誅其首而撫其眾慎勿妄殺累主上保民之仁於

是憲自賀連徐慶自邵道王貴自郴桂招降者二萬與飛會連州進兵追成走宣撫司降時以盛夏行師瘴地無備有方士無一人死獨者嶺太平授武安軍承宣使屯江州甫入境安撫李回檄飛捕制賊馬友郝通劉

忠李通李宗亮張式皆平之三年虔吉盜連兵寇掠循梅廣惠英韶南雄南安建昌汀邵武諸郡帝乃專命飛

平之飛至虔州固石洞賊彭友悉眾至雲都迎戰躍馬馳突飛麾兵即馬上擒之餘賊退保固石洞洞高峻環

水止一徑可入飛列騎山下令皆持滿黎明遣死士疾馳登山賊眾亂棄山而下騎兵圍之賊呼丐命飛令勿

殺受其降授徐慶等方略捕諸郡餘賊皆破降之初以隆祐震驚之故密旨令飛屠虔城飛請誅首惡而赦脅

從不許請至三四帝乃曲救人感其德繪像祠之餘黨高聚張成犯袁州飛遣王貴平之秋入見帝手書精忠

岳飛字制旗以賜之授鎮南軍承宣使江南西路沿江制置使又改神武後軍都統制仍制置使李山巽全吳

錫李橫牛泉皆隸焉偽齊遣李成挾金人入侵破襄陽唐鄧隨鄂諸州及信陽軍湖寇楊么亦與偽齊通欲順

流而下李成又欲自江西陸行趨兩浙與么會帝命飛為之備四年除兼荆南鄂岳州制置使飛奏襄陽等六

郡為恢復中原基本今當先取六郡以除心膂之病李成遠遁然後加兵湖湘以殄羣盜帝以諭趙鼎鼎曰知

上流利害莫如飛者遂授黃復州漢陽軍德安府制置使飛渡江中流顧幕屬曰飛不擒賊不涉此江抵鄂州

城下僞將京超號萬人敵乘城拒飛飛鼓眾而登超投崖死復鄂州遣張憲徐慶復隨州飛趣襄陽李成迎戰

左臨襄江飛笑曰步兵利險阻騎兵利平曠成左列騎江岸右列平地雖眾十萬何能為舉鞭指王貴曰爾以長槍步卒擊其騎兵指牛皋曰爾以騎兵擊其步卒合戰馬應龍而後騎皆擁入江步卒死者無數成夜遁復襄陽劉豫益成兵屯新野飛與王萬夾擊之連破

其眾飛奏金所愛惟子女金帛志已驕惰劉豫僭偽人心終不忘宋如以精兵二十萬直擣中原恢復故疆誠

易為力襄陽隨鄂地皆膏腴苟行營田其利為厚臣候糧足即過江北勦戮敵兵時方重深入之舉而營田之

議自是興矣進兵鄂州成與金將鈕赫貝勒列若拒飛飛遣王貴張憲掩擊敵眾大潰鈕赫貝勒僅以身免餘

黨高仲退保鄧城飛引兵一鼓拔之擒高仲復鄂州帝聞之喜曰朕素聞岳飛行軍有紀律未知能破敵如此

又復唐州信陽軍襄漢平飛辭制置使乞委重臣經畫荆襄不許趙鼎奏湖北鄂岳最為上流要害乞令飛屯

鄂岳不惟江西藉其聲勢湖廣江浙亦獲安妥乃以隨節度使湖北路荆襄潭州制置使封武昌縣開國子烏

珠劉豫合兵圍廬州帝手札命飛解圍提兵趨廬偽齊已驅甲騎五千逼城飛張岳字旗與精忠旗金兵一戰

而潰廬州平飛奏襄陽等六郡人戶闕牛糧乞量給官錢免官私逋負州縣官以招集流亡為殿最五年入覲

封母國夫人授飛鎮寧崇信軍節度使湖北路荆襄潭州制置使進封武昌郡開國侯又除荆湖南北襄陽路

制置使神武後軍都統制命招捕楊么飛所部皆西北人不習水戰飛曰兵何常顧用之何如耳先遣使招諭

之賊黨黃佐曰岳節使號令如山若與之敵萬無生理不如往降節使誠信必善遇我遂降飛表授佐武義大

夫單騎按其部拊佐背曰子知逆順者果能立功封侯豈足道欲復遣子至湖中視其可乘者擒之可勸者招之如何佐感泣誓以死報時張浚以都督軍事至潭參政席益與浚語疑飛玩寇欲以間浚曰岳侯忠孝人也

兵有深機胡可易言益懸而止黃佐裴周倫皆殺擒
其統制陳貴等飛上其功遷武功大夫統制任士安不
稟王璽令軍以此無功飛鞭士安使領賊曰三日賊不
平斬汝士安宣言岳太尉兵二十萬至矣賊見止士安
軍併力攻之飛設伏士安戰急伏四起擊賊賊走會召
浚還防秋飛袖小圖示浚浚欲俟來年議之飛曰已有
定畫都督能少留不日可破賊浚曰何言之易飛曰
王四廂以王師攻水寇則難飛以水寇攻水寇則易水
戰我短彼長以所短攻所長所以難若因敵將用敵兵
奪其手足之助離其腹心之託使孤立而後以王師乘
之八日之內當俘諸賊浚許之飛遂如鼎州黃佐招楊
欽來降飛喜曰楊欽驍悍既降賊腹心潰矣表授欽武
義大夫禮遇甚厚乃復遣歸湖中兩日欽說余端劉說
等降飛詭罵欽曰賊不盡降何來也杖之復令入湖是
夜掩賊營降其眾數萬么負固不服方浮舟湖中以輪
激水其行如飛旁置撞竿官舟迎之輒碎飛伐君山木
為巨筏塞諸港汊又以腐木亂草浮上流而下擇水淺
處遣善馬者挑之且行且罵賊怒來追則草木壅積舟
輪礙不行飛亟遣兵擊之賊奔港中為筏所拒官軍乘
筏張牛革以蔽矢石舉巨木撞其舟舟盡壞么投水牛
皐擒斬之飛入賊壘餘賊驚曰何神也俱降飛親行諸
岩慰撫之縱老弱歸田籍少壯為軍果八日而賊平浚
嘆曰岳侯神算也初賊恃其險曰欲犯我者除是飛來
至是人以其言為讖獲賊舟千餘鄂渚水軍為沿江之
冠詔兼斬黃制置使飛以目疾乞辭軍事不許加檢校
少保進封公還軍鄂州除荆湖南北襄陽路招討使六
年入觀面陳襄陽自收復後未置監司州縣無以按察

帝從之以李若虛為京西南路提舉兼轉運提刑又令
湖北襄陽府路自知州通判以下賢否許飛得自黜陟
張浚至江上會諸大帥獨稱飛與韓世忠可倚大事命
飛屯襄陽以窺中原曰此君素志也飛移軍京西改武
勝定國軍節度使除宣撫副使置司襄陽命往武昌調
軍居母憂降制起復飛扶榭還廬山連表乞終喪不許
累詔趣起乃就軍又命宣撫河東節制河北路首遣王
貴等攻虢州下之獲糧十五萬石降其眾數萬張浚曰
飛措畫甚大令已至伊洛則太行一帶山砦必有應者
飛遣楊再興進兵至長水縣再戰皆捷中原響應又遣
人焚蔡州糧九月劉豫遣子麟猊分道寇淮西劉光世
欲舍廬州張俊欲棄盱眙同奏召岳飛以兵東下欲使
飛當其鋒而已得退保張浚謂飛一動則襄漢何所制
力沮其議帝慮俊光世不足任命飛東下飛自破曹成
平楊么凡六年皆盛夏行師致目疾至是益甚聞詔即
日啟行未至麟敗飛奏至帝語趙鼎曰劉麟敗北不足
喜諸將知尊朝廷為可喜遂賜札言敵兵已去淮卿不
須進發其或襄鄧陳蔡有機可乘從長措置飛乃還軍
時僞齊屯兵窺唐州飛遣王貴董先等攻破之焚其營
秦圖蔡以取中原不許飛召貴等還七年入見帝從容
問曰卿得良馬否飛曰臣有二馬日啖芻豆數斗飲泉
一斛然非精潔即不受介而馳初不甚疾比行百里始
奮迅自午至酉猶可二百里褫鞍甲而不息不汗若無
事然此其受大而不苟取力裕而不求逞致遠之材也
不幸相繼以死今所乘者日不過數升而秣不擇粟飲
不擇泉攬轡未安踴躍疾驅甫百里力竭汗喘始欲斃
然此其寡取易盈好逞易窮駑鈍之材也帝稱善曰卿

今議論極進拜太尉繼除宣撫使兼營田大使從幸建
康以王德用瓊兵隸飛詔諭德等曰聽飛號令如朕親
行飛數見帝論恢復之略又手疏言金人所以立劉豫
於江南蓋欲荼毒中原以中國攻中國而尼雅滿因得
休兵觀釁臣欲陛下假臣日月便則提兵趨京洛據河
陽陝府潼關以號召五路叛將叛將既還遣王師前進
彼必棄汴而走河北京畿陝右可以盡復然後分兵滑
滑經略兩河如此則劉豫成擒金人失勢社稷長久之
計實在此舉帝答曰有臣如此願復何憂進止之機朕
不中制又召至寢閣命之曰中興之事一以委卿命節
制光州飛方圖大舉會秦檜主和遂不以德瓊兵隸飛
詔詣都督府與張浚議事浚謂飛曰王德淮西軍所服
浚欲以為都統而命呂祉以督府參謀領之如何飛曰
德與瓊素不相下一旦摠之在上則必爭呂尚書不習
軍旅恐不足服眾浚曰張宣撫如何飛曰暴而寡謀尤
瓊所不服浚曰然則楊沂中爾飛曰沂中視德等爾豈
能馭此軍浚聽然曰浚固知非太尉不可飛曰都督以
正問飛不敢不盡其愚豈以得兵為念耶即日呈章乞
解兵柄終喪服以張憲攝軍事步歸廬墓側此謂通變而秦檜以和議阻其行所失更不止于控御無人之患至張浚論將昧于知人而昧于料事飛一一舉人之語雖難聽而議皆切當且于淮西之勢德度不爽其明誠豈浚所及乃浚竟以飛言作意大將蒙容而聽其去既貽國家有強臣叛逆之患復致大將蒙容而聽其去之嫌浚實無所辭咎迫難辨既浚怒奏以張宗元為宣撫作而始悟飛言胸亦晚矣宗元為宣撫判官監其軍帝詔趨飛還職飛力辭詔幕屬造廬以死請凡六日飛趨朝待罪帝慰遣之宗元還言將和士銳人懷忠孝皆飛訓養所致帝大悅飛奏比者寢閣之命咸謂聖斷已堅何至今尚未決臣願提兵進討順天

道固人心以曲直為老壯以逆順為強弱萬全之効可必又奏錢塘僻在海隅非用武地願陛下建都上游用漢光武故事親率六軍往來督戰庶將士知聖意所向人人用命未報而酈瓊叛浚始悔飛復奏願進屯淮甸何便擊瓊期於破滅不許詔駐師江州為淮浙援飛知劉豫結尼雅滿而烏珠惡劉豫可以間而動會軍中得烏珠謀者飛陽責之曰汝非吾軍中人張斌耶吾向遣汝至齊約誘致四太子汝往不復來吾繼遣人問齊已許我今冬以會合寇江為名致四太子於清河汝所持書竟不至何背我耶謀冀緩死即詭服乃作蠟書言與劉豫同謀誅烏珠事因謂謀曰吾今貸汝復遣至齊問舉兵期到股納書戒勿泄課歸以書示烏珠烏珠大驚馳白其主遂廢豫飛奏宜乘廢豫之際擣其不備長驅以取中原不報八年還軍鄂州王庶視師江淮飛與庶書今歲若不舉兵當納節請開庶甚壯之秋召赴行在命詣資善堂見皇太子飛退而喜曰社稷得人矣中興基業其在是乎伏讀通鑑覽 御批高宗擇孝宗不克享有天下人心頗有餘憾一且見目陵之裔復繼大統不覺溢美任情至以中興事業推許孝宗則實過矣孝宗雖承德壽壽學右文不遠偏安之業端處晏然而已中原復地未能復尺寸寸而符籙之役在用非人遂致一敗不振所謂中興者安在岳會金遣使將飛退喜之言蓋出于史家過譽不足信也

胎後世譏槍銜之九年以復河南大赦飛表謝寓和議不便之意有唾手燕雲復讐報國之語授開府儀同三司飛力辭謂今日之事可危而不可安可憂而不可賀可訓兵飭士謹備不虞而不可論功行賞取笑敵人三詔不受帝溫言獎諭乃受會遣士僕謁諸陵飛請以輕騎從灑掃賞飲歡慶以伐謀又奏金人無事請和此必有肘腋之虞名以地歸我實寄之也槍白帝止其行十年金人攻拱毫劉錡告急令飛馳援飛遣張憲姚政赴之帝賜札口設施之方一以委卿朕不遙度飛乃遣王貴牛阜董先楊再興孟邦傑李寶等分布經略西京汝鄭穎昌陳曹光蔡諸郡又命梁興渡河糾合忠義社取河東北州縣又遣兵東援劉錡西援郭浩自以其軍長驅以關中原將發密奏言先正國本以安人心然後不常厥居以示無忘復讐之意帝得奏大褒其忠授少保河南府路陝西河東北路招討使尋改河南北路諸路招討使未幾所遣諸將相繼奏捷大軍在穎昌諸將分道出戰飛自以輕騎駐鄆城兵勢甚銳烏珠大懼會龍虎大王議以為諸師易與獨飛不可當欲誘致其師併力一戰中外聞之大懼詔飛審處自固飛曰金人伎窮矣乃日出挑戰且罵之烏珠合龍虎大王蓋天大王與韓常之兵逼鄆城飛遣子雲領騎兵直貫其陣戒之曰不勝先斬汝糜兵數十合敵屍布野初烏珠有勁軍皆重鎧貫以韋索三人為聯號拐子馬官軍不能當是役也以萬五千騎來飛戒步卒以麻扎刀入陣勿仰視第斫馬足拐子馬相連一馬仆二馬不能行伏讀通鑑覽 御批北人使馬惟以控縱便提為主若三馬聯絡馬力既有參差勢必前此彼却而三人相連或勇或不齊勇且為怯者所累此理之易明者拐子馬之說金史本紀兵志及烏珠等傳皆不載惟見于宋史岳飛劉錡傳本不足為確據況烏珠戰陣素嫻必知得進則進得退則退所向披靡宋人見其勢不可當遂從而妄加之名曰耳即所謂馬被重鎧亦徒束縛而不能馳其騰躍之力尤理所必無紀事家或狃于兵車駢介之說強為傳會不足當有識者一嚼千載傳誣且食之徒無能究其真偽皆為史策無稽之說所官軍奮擊遂大敗之烏珠大慟曰海上起兵皆以此勝今已矣烏珠益兵來部將王貴以五十騎視敵遇之奮斬其將飛時出視敵地望見黃塵

蔽天自以四十騎突戰敗之方鄆城再捷飛謂雲曰賊屢敗必還攻穎昌汝宜速援王貴既而烏珠果至賈將遊奕雲將背鬼戰於城西雲以騎兵八百挺前決戰步軍張左右翼繼之殺烏珠婿夏金吾副統軍尼雅滿蘇貝勒烏珠遁去梁興會太行忠義及兩河豪傑等累戰皆捷中原大震飛奏興等過河人心願歸朝廷金兵累敗烏珠等皆令老少北去正中興之機飛進軍朱億鎮距汴京四十五里與烏珠對壘而陣遣驍將以背鬼騎五百奮擊大破之烏珠遁還汴京飛檄陵臺令行視諸陵葺治之先是紹興五年飛遣梁興等布德意招結兩河豪傑山砦韋銓孫謀等斂兵固堡以待王師李通胡清李寶李興張恩孫琪等舉眾來歸金人動息山川險要一時皆得其實盡磁相間德澤潏潏晉絳汾隰之境皆期日與兵與官軍會其所揭旗以岳為號父老百姓爭挽車牽牛載糗糧以餽義軍頂盆焚香迎候者充滿道路自燕以南金統令不行烏珠欲發軍以抗飛河北無一人從者乃嘆曰自我起北方以來未有如今日之挫劬金帥烏凌阿思謀素號桀黠亦不能制其下但諭之曰毋輕動俟岳家軍來即降金統制王鎮統領崔慶將官李觀崔虎葉旺等皆率所部降以至禁衛龍虎大王下囑扎爾干戶高勇之屬皆密受飛旗榜自北方來降金將軍韓常欲以五萬眾內附飛大喜語其下曰直抵黃龍府與諸君痛飲爾方指日渡河而槍欲畫淮以北棄之風臺臣請班師飛奏金人銳氣沮喪盡棄輜重疾走渡河豪傑向風士卒用命時不再來機難輕失槍知飛志銳不可回乃先請張俊楊沂中等歸而後言飛孤軍不可久留乞令班師一日奉十二金字牌飛憤惋泣

下東向再拜曰十年之力廢於一旦飛班師民遮馬慟
哭請曰我等戴香盆運糧草以迎官軍金人悉知之相
公去我輩無噍類矣飛亦悲泣取詔示之曰吾不得擅
留哭聲震野飛留五日以待其徒從而南者如市亟奏
以漢上六郡閒田處之方烏珠棄汴去有闕書生叩馬
曰太子毋走岳少保且退矣烏珠曰岳少保以五百騎
破五十萬京城日夜望其來何謂可守生日自古未有
權臣在內而大將能立功於外者岳少保且不免況欲
成功乎伏讀通鑑輯覽 御批岳飛奉詔班師議者
馳逐北轉戰孤軍深入之外無援安能保其長操必勝
此即馬書生所以逆料岳少保之且退也飛雖善戰亦
止當一還耳及諸路大兵已撤中原復宋師晉飛以
回軍實亦知難而退者區區功罪之說猶未深察其時
勢之當然也惟是臨安偏據已非一木所能支而復多
方以挫抑其良將自壞長城槍之姦不足置論高宗誠
無人心烏珠悟遂留飛既歸所得州縣旋復失之飛力
請解兵柄不許自慮入覲帝問之飛拜謝而已十一年
謀報金分道渡淮飛請合諸帥之兵破敵烏珠韓常與
龍虎大王疾驅至廬帝趨飛應援凡十七札飛策金人
舉國南來巢穴必虛若長驅京洛以擣之彼必奔命可
坐而敵時飛方苦寒噉力疾而行又恐帝急於退敵乃
奏臣如擣虛勢必得利若以為敵方在近未暇遠圖欲
乞親至蘄黃以議攻卻帝得奏大喜賜札曰卿苦寒疾
乃為朕行國爾忘身誰如卿者師至廬州金兵望風而
遁飛還兵於舒以俟命帝又賜札以飛小心恭謹不專
進退為得體烏珠破濠州張俊駐軍黃連鎮不敢進楊
沂中遇伏而敗帝命飛救之金人聞飛至又遁時和議
既決槍患飛異已乃密奏召三大將論功行賞韓世忠
張俊已至飛獨後槍又用參政王次翁計俟之六七日

既至授樞密副使位參知政事上飛固請還兵柄五月
詔同俊往楚州措置邊防總韓世忠軍還駐鎮江初飛
在諸將中年最少以列校拔起累立顯功世忠俊不能
平飛屈已下之幕中輕銳教飛勿苦降意金人攻淮西
俊分地也俊始不敢行師卒無功飛聞命即行速解廬
州圍帝授飛兩鎮節使益恥楊么平飛獻俊世忠樓船
各一兵械畢備世忠大悅俊反忌之淮西之役俊以前
途糧乏誅飛飛不為止帝賜札褒諭有曰轉餉艱阻卿
不復顧疑疑飛漏言還朝反倡言飛逗留不進以乏餉
為辭至視世忠軍俊知世忠忤槍欲與飛分其背鬼軍
飛義不肯俊大不悅及同行楚州俊欲修城為備飛曰
當戮力以圖恢復豈可為退保計俊變色會世忠軍吏
景著與總領胡紉言二樞密若分世忠軍恐至生事紡
上之朝槍捕著下大理寺將以扇搖誣世忠飛馳書告
以槍意世忠見帝自明俊於是大憾飛遂倡言飛議棄
山陽且密以飛報世忠事告槍槍大怒初槍逐趙鼎飛
每對客嘆息又以恢復為己任不肯附和議讀槍奏至
德無常師主善為師之語惡其欺固志曰君臣大倫根
於天性大臣而忍面諷其主耶烏珠遺槍書曰汝朝夕
以和請而岳飛力以河北圖必殺飛始可和槍亦以飛
不死終梗和議已必及禍故力謀殺之以諫議大夫万
俟卨與飛有怨風高劾飛又風中丞何鑄侍御史羅汝
楫交章彈論大率謂今春金人攻淮西飛略至舒斬而
不進比與俊按兵淮上又欲棄山陽而不守飛累章請
罷樞柄尋還兩鎮節充萬壽觀使奉朝請槍志未伸也
又論張俊劫劫王貴誘王俊誣告張憲謀還飛兵槍遣
使捕飛父子證張憲事證憲事帝曰刑所以止亂勿妄
追認動搖人心槍矯詔召飛父

子使者至飛笑曰皇天后土可表此心初命何鑄鞫之
飛裂裳以背示鑄明其無辜改命万俟卨高誣飛與憲書
問實無左驗鑄明其無辜改命万俟卨高誣飛與憲書
令盧申探報以動朝廷雲與憲書令措置使飛還軍言
其書已焚飛坐繫兩月無可證者或教高以臺章所指
淮西事為言高喜白槍簿錄飛家取當時御札藏之以
滅迹又逼孫革等證飛受詔逗留命評事元龜年取行
軍時日雜定之傳會其獄歲暮獄不成槍手書小紙付
獄即報飛死按三朝北盟會編載高宗紹興十一年十
月十九日癸巳飛死於獄中其時年三十九雲乘市讀
首市人聞之懷槍有獄淚者
通鑑輯覽 御批高宗于岳飛始則賜以精忠旗職
既復手敕褒嘉其子飛之心迹非不深知者乃槍欲詔
飛父子證事不能明其無罪第語勿妄追證及槍矯詔
逮鞫致飛銜不白之冤于獄底高宗竟不復一言致詰
殺其憤憤不應若此然則槍之擅籍家貲徙家嶺南幕
屬于鵬等從坐者六人初飛在獄大理寺丞李若樸何
彥猷大理卿薛仁輔並言飛無罪高俱劾去宗正卿士
褒請以百口保飛高亦劾之竄死建州布衣劉允升上
書訟飛冤下棘寺以死凡傅成其獄者皆遷轉有差獄
之將上也韓世忠不平諸槍詰其實槍曰飛子雲與張
憲書雖不明其事體莫須有世忠曰莫須有三字何以
服天下時洪皓在金國中蠟書馳奏以為金人所畏服
者惟飛聞其死的酒相賀飛至孝母留河北遣人求訪
迎歸母有痼疾藥餌必親母卒水漿不入口者三日家
無姬侍吳玠素服飛願與交驩飾名妹遺之飛曰主上
宵旰豈大將安樂時卻不受玠益敬服少豪飲帝戒之
曰卿異時到河朔乃可飲遂絕不飲帝初為飛營第飛
辭曰敵未滅何以家為或問天下何時太平飛曰文臣
不愛錢武臣不惜死天下平矣師每休舍課將士注坡

跳壕皆重鎧習之子雲嘗習注坡馬蹟怒而鞭之卒有取民麻一縷以束芻者立斬以徇野宿民開門願納無敢入者軍號凍死不折屋餓死不鹵掠卒有疾躬為調藥諸將遠戍遺妻問勞其家死者哭之而育其孤或以子婚其女凡有頒犒均給軍吏秋毫不私善以少擊眾欲有所舉盡召諸統制與謀謀定而後戰故有勝無敗卒遇敵不動故敵為之語曰城山易撼岳家軍難張浚嘗問用兵之術曰仁智信勇嚴關一不可調軍食必蹙額曰東南民力耗散極矣荆湖平募民營田又為屯田歲省漕運之半帝手書曹操諸葛亮羊祜三事賜之飛跋其後獨指操為姦賊而鄙之尤槍所惡也張所死飛感舊恩鞠其子宗本奏以官李寶自楚來歸韓世忠留之寶痛哭願歸飛世忠以書來論飛復曰均為國家何分彼此世忠嘆服襄陽之役詔光世為援六郡既復光世始至飛奏先賞光世軍好賢禮士覽經史雅歌投壺恂恂如書生每辭官必曰將士効力飛何功之有然忠憤激烈議論持正不挫於人卒以此得禍槍死議復飛官万俟卨謂金方頤和一旦錄故將疑天下心不可及紹興末太學生程宏圖上書訟飛冤詔飛家自便初槍惡岳州同飛姓改為純州至是仍舊中丞汪澈宣撫荆襄故部曲合辭訟之哭聲雷震孝宗詔復飛官以禮改葬賜錢百萬求其後悉官之建廟於鄂號忠烈清熙六年諡武穆嘉定四年追封鄂王五子雲霖霖震霆雲飛養子年十二從張憲戰多得其力軍中呼曰贏官人飛征伐未嘗不與數立奇功飛輒隱之每戰手握兩鐵椎重八十斤先諸軍登城攻隨破鄧襄漢平功在第一飛不言逾年銓曹辯之始遷武翼郎楊么平功亦第

一又不上張浚廉得其實曰岳侯避寵榮廉則廉矣未得為公也奏乞擢異數飛力辭不受嘗以特旨遷三資飛辭曰士卒冒矢石立奇功始升一級男雲邁躡崇資何以服眾累表不受願昌大戰無慮十數出入行陣體被百餘創甲裳為赤以功遷忠州防禦使命帶御器械飛又力辭之終左武大夫提舉體泉觀以死年二十三孝宗初與飛同復原官以禮祔葬贈安遠軍承宣使雷忠訓郎閣門祇候贈武略郎霖朝散大夫敷文閣待制贈大中大夫初飛下獄槍令親黨王會搜其家得御札數篋束之左藏南庫霖請於孝宗還之霖子珂彙次淮西十五御札辨驗出師應援之先後皆可考嘉定間為顯天辨誣集五卷天定錄二卷上之震朝奉大夫提舉江南東路茶鹽公事霖修武郎閣門祇候

列傳

宋七十六

劉錡 吳璘

李顯忠 楊存中 郭浩

楊政

劉錡字信叔秦州成紀人瀘州軍節度使仲武第九子也美儀狀善射聲如洪鐘嘗從仲武征討宣和開授閣門祇候高宗即位錄仲武後錡得召見特授閣門宣贊舍人差知岷州為隴右都護與夏人戰屢勝夏人兒啼輒怖之曰劉都護來張浚宣撫陝西以為涇原經畧使兼知渭州浚合五路師潰於富平幕洧以慶陽叛攻環州浚命錡救之留別將守渭自將救環未幾金攻渭錡留李彥琪捍洧親率精銳還救渭已無及進退不可乃走德順軍彥琪遁歸渭降金錡貶秩知縣州兼沿邊安撫紹興三年復官為宣撫使統制金人攻拔和尚原乃分守陝蜀之地召還除江東路副總管六年權提舉宿衛親軍帝駐平江解潛王彥兩軍交鬪俱罷命錡兼將之錡因請以前護副軍及馬軍通為前後左右中軍與遊奕凡六軍每軍千人為十二將前護副軍即彥八字軍也於是錡始能成軍屢從赴金陵七年帥合肥八年戌京口九年擢果州團練使龍神衛四廂都指揮使主管侍衛馬軍司十年金人歸三京充東京副留守節制軍馬所部八字軍纔三萬七千人將發益殿司三千人皆攜其孥將駐於汴家留順昌錡自臨安沂江絕淮凡二千二百里至渦口方食暴風拔坐帳錡曰此賊兆也主暴兵即下令兼程而進未至順昌三百里金人果敗

盟來侵錡與將佐舍舟陸行先趨城中庚寅謀報金人入東京知府事陳規見錡問計錡曰城中自有糧則能與君共守規曰有米數萬斛錡曰可矣時所部選鋒遊奕兩軍及老稚輜重相去尚遠遣騎趨之四鼓乃至及旦得報金騎已入境錡與規議斂兵入城為守禦計人心乃安召諸將計事皆曰金兵不可敵也請以精銳為殿步騎遮老小順流還江南錡曰吾本赴官留司今東京雖失幸全軍至此有城可守奈何棄之吾意已決敢言去者斬惟部將許清號夜叉者奮曰太尉奉命副守汴京軍士扶攜老幼而來今避而走易耳然欲棄父母妻子則不忍欲與偕行則敵翼而攻何所逃之不如相與努力一戰于死中求生也議與錡合錡大喜鑿舟沉之示無去意寘家寺中積薪於門戒守者曰脫有不利即焚吾家毋辱敵手也分命諸將守諸門斥堠募土人為開探於是軍士皆奮男子備戰守婦人礮刀劍爭呼躍曰平時人欺我八字軍今日當為國家破賊立功時守備一無可恃錡於城上躬自督厲取偽齊所造癩車以輪輾埋城上又撤民戶扉周匝蔽之城外有民居數千家悉焚之凡六日粗畢而游騎已涉潁河至城下王寅金人圍順昌錡豫於城下設伏擒千戶阿哈等二人詰之云韓將軍營白沙渦距城三十里錡夜遣千餘人擊之連戰殺獲頗眾既而三路都統葛王襲以兵三萬與龍虎大王合兵薄城錡令開諸門金人疑不敢近初錡傳城築羊馬垣穴垣為門至是與清等蔽垣為陣金人縱矢皆自垣端射著於城或止中垣上錡用破敵弓翼以神臂強弩自城上或垣門射敵無不中敵稍却復以步兵邀擊渴河死者不可勝計破其鐵騎數千特授

鼎州觀察使樞密副都承旨沿淮制置使時順昌受圍已四日金兵益盛乃移砦於城東李村距城二十里錡遣驍將閻充募壯士五百人夜斫其營是夕天欲雨雷光四起見敵輒殲之金兵退十五里錡復募百人以往或請衛枚錡笑曰無以枚也命折竹為器如市井兒以為戲者人持一以為號直犯金營電所燭則皆奮擊電止則匿不動敵眾大亂百人者聞吹聲即聚金人益不能測終夜自戰積屍盈野退軍老婆灣烏珠在汴聞之即索靴上馬過淮留一宿治戰具備糧糧不七日至順昌錡聞烏珠至會諸將於城上問策或謂今已屢捷宜乘此勢具舟全軍而歸錡曰朝廷養兵十五年正為緩急之用況已挫賊鋒軍聲稍振雖眾寡不侔然有進無退且敵營甚邇而烏珠又來吾軍一動彼躡其後則前功俱廢使敵侵軼兩淮震驚江浙則平生報國之志反成誤國之罪眾皆感動思奮曰惟太尉命錡募得曹成等二人論之曰遣汝作閒事捷重賞第如我言敵必不汝殺今置汝綽路騎中汝遇敵則伴作墜馬為敵所得敵帥問我何人則曰太平邊帥子喜聲使朝廷以兩國講好使守東京國逸樂也已而二人果遇敵被執烏珠問之對如前烏珠喜曰此城易破耳即置鵝車砲具不用翌日錡登城望見二人遠來縋而上之乃敵械成等歸以文書一卷繫於械錡懼賊軍心立焚之烏珠至城下責諸將喪師眾皆曰南朝用兵非昔之比元帥臨城自見錡遣耿訓以書約戰烏珠怒曰劉錡何敢與我戰以吾力破爾城直用靴尖趨倒耳訓曰太尉非但請與太子戰且謂太子必不敢濟河願獻浮橋五所濟而大戰烏珠曰諾乃下令明日府治會食遲明錡果為

五浮橋於潁河上敵由之以濟錡遣人毒頰上流及草中戒軍士雖渴死毋得飲于河者敵用長勝軍嚴陣以待諸帥各居一部眾請先擊韓將軍錡曰擊韓雖退烏珠兵尚不可當法當先擊烏珠烏珠一動則餘無能為矣時天大暑敵遠來疲敝錡士氣閒暇敵晝夜不解甲錡軍皆番休更食羊馬垣下敵人馬饑渴食水草者輒病往往困乏方晨氣清涼錡按兵不動逮未申開敵力疲氣索忽遣數百人出西門接戰俄以數千人出南門戒令勿喊但以銳斧犯之統制官趙搏韓直身中數矢戰不肯已士殊死鬪入其陣刀斧亂下敵大敗是夕大雨平地水深尺餘乙卯烏珠拔營北去錡遣兵追之死者萬數方大戰時烏珠被白袍乘甲馬以牙兵三千督戰兵皆重鎧甲號鐵浮圖戴鐵兜牟周匝綴長簷三人為伍貫以韋索每進一步即用拒馬擁之人進一步拒馬亦進退不可却官軍以槍標去其兜牟大斧斷其臂碎其首敵又以鐵騎分左右翼號拐子馬號長勝軍專以攻堅戰酣然後用之自用兵以來所向無前至是亦為錡軍所殺敵自辰至申敵敗遽以拒馬木障之少休城上鼓聲不絕乃出飯羹坐餉戰士如平時敵披靡不敢近食已撤拒馬木深入斫敵又大破之棄屍斃馬血肉枕藉車旗器甲積如山阜初有河北軍告官軍曰我輩元是左護軍本無鬪志所可殺者兩翼拐子馬爾故錡兵力擊之烏珠平日恃以為強者什損七八至陳州數諸將之罪韓常以下皆鞭之乃自擁眾還汴挾聞帝喜甚授錡武奉軍節度使侍衛馬軍都虞候知順昌府沿淮制置使是役也錡兵不盈二萬出戰僅五千人金兵數十萬營西北百十五里每暮鼓聲震山谷然營中

謹華中夜有聲金遣人近城竊聽城中肅然無雜犬聲烏珠帳前甲兵環列持燭照夜其眾分番假寐馬上錡以逸待勞以故輒勝時洪浩在燕密奏順昌之捷金人震恐燕之重寶珍器悉徙而北意欲捐燕以南棄之故議者謂是時諸將協心分路追討則烏珠可擒汴京可復而王師亟還自失機會良可惜也七月命為淮北宣撫判官副楊沂中破敵兵於太康縣未幾秦檜請令沂中還師鎮江錡還太平州岳飛以兵赴行在出師之謀寢矣十一年烏珠復簽兩河兵謀再舉詔大合兵于淮西以待之金人攻廬和二州錡自太平渡江抵廬州與張俊楊沂中會而敵已大入錡據東關之險以遏其衝引兵出清溪兩戰皆勝行至柘臯與金人夾石梁河而陣河通巢湖廣二丈錡命曳薪壘橋須臾而成遣甲士數隊踰橋卧槍而坐會沂中王德田師中張子蓋之軍俱至翌日烏珠以鐵騎十萬分為兩隅夾道而陣德薄其右隅引弓射一人斃之因大呼馳擊諸軍鼓譟金人以拐子馬兩翼而進德率眾鏖戰沂中以萬兵各持長斧奮擊之敵大敗錡與德等追之又敗于東山敵望見曰此順昌旗幟也即退走錡駐和州得旨乃引兵渡江歸太平州時並命三帥不相節制諸軍進退多出於張俊而錡以順昌之捷驟貴諸將多嫉之俊與沂中為腹心而與錡有隙故柘臯之賞錡軍獨不與奉詔班師而濠州告急俊與沂中錡趨黃連埠援之距濠六十里而南城已陷沂中欲進戰錡謂俊曰本救濠今濠已失不如此退師據險徐為後圖諸將曰善三帥鼎足而營或言敵兵已去錡又謂曰敵得城而遠退必有謀也宜嚴備之俊不從命沂中與德將神勇步騎六萬人直趨濠州

果遇伏敗還遲明錡軍至藕塘則沂中軍已入滁州俊軍已入宣化錡軍方食俊遽至曰敵兵已近奈何錡曰楊宣撫兵安在俊曰已失利還矣錡語俊無恐錡請以步卒禦敵宣撫試觀之錡麾下皆曰兩大帥軍已渡我軍何苦獨戰錡曰順昌孤城旁無赤子之助吾提兵不滿二萬猶足取勝況今得地利又有銳兵邪遂設三覆以待之俄而俊至曰謀者妄也乃成方殿後之軍爾錡與俊益不相下一夕俊軍士縱火劫錡軍錡擒十六人梟首壘上餘皆逸錡見俊怒謂錡曰我為宣撫爾乃判官何得斬吾軍錡曰不知宣撫軍但斬劫若賊耳俊曰有卒歸言未嘗劫若呼一人出對錡正色曰錡為國家將帥有罪宣撫當言於朝豈得與卒伍對事長揖上馬去已皆班師俊沂中還朝每言岳飛不赴援而錡戰不力秦檜主其說遂罷宣撫判官命知荆南府岳飛奏留錡掌兵不許詔以武泰之節提舉江州太平觀錡鎮荆南凡六年軍民安之魏良臣言錡名將不當久閒乃命知潭州加太尉復帥荆南府江陵縣東有黃潭建炎間有司決水入江以禦盜由是夏秋漲溢荆衡間皆被水患錡始命塞之斥膏腴田數千畝流民自占者幾千戶詔錡遇大禮許奏文資仍以其姪汜為江東路兵馬副都監三十一年金海陵調軍六十萬自將南來彌望數十里不斷如銀壁中外大震時宿將無在者乃以錡為江淮浙西制置使節制逐路軍馬八月錡引兵屯揚州建大將旗鼓軍容甚肅觀者嘆息以兵駐清江口金人以輿裹船載糧而來錡使善沒者擊沈其舟錡自楚州退軍召伯鎮金人攻真州錡引兵還揚州帥劉澤以城不可守請退軍瓜州金萬戶高景山攻揚州錡遣員

琦拒於阜角林陷圍力戰林中伏發大敗之斬景山俘數百人捷奏賜金五百兩銀七萬兩以犒師先是金人議留精兵在淮東以禦錡而以重兵入淮西大將王權不從錡節制不戰而潰自清河口退師揚州以舟渡真揚之民於江之南留兵屯瓜州錡病求解兵柄留其姪汜以千五百人塞瓜州渡又命李橫以八千人固守詔錡專防江錡遂還鎮江十一月金人攻瓜州汜以克敵弓射却之時知樞密院事葉義問督師江淮至鎮江見錡病劇以李橫權錡義問督鎮江兵渡江眾皆以為不可義問強之汜固請出戰錡不從汜拜家廟而行金人以重兵逼瓜州分兵東出江臯逆趨瓜州汜先退橫以孤軍不能當亦却失其都統制印左軍統制魏友後軍統制王方死之橫僅僅以身免錡憤懣病益甚都督府參贊軍事虞允文自采石來督舟師與金人戰允文過鎮江謁錡問疾錡執允文手曰疾何必問朝廷養兵三十年一技不施而大功乃出一儒生我輩愧死矣召詣闕提舉萬壽觀錡假都亭驛居之金之聘使將至留守湯思退除館以待遣黃衣諭錡徒居別試院錡發怒嘔血數升而卒贈開府儀同三司諡武穆錡慷慨深毅有儒將風金海陵之南也下令有敢言錡姓名者罪不赦枚舉南朝諸將問其下孰敢當者皆隨姓名以答至錡莫有應者海陵曰吾自當之然錡卒以病不能成功

十將按功績記作權靖康初夏人攻懷德軍玠以百餘騎追擊斬首百四十級擢第二副將按功績記作權建炎二年春金人趨涇原都統制曲端守麻務鎮命玠為前鋒進據青溪嶺逆擊大破之權涇原路兵馬都監兼知懷德軍金人攻延安府曲端進兵欲攻其必救遂攻蒲城命玠攻華州拔之冬賊賊史斌寇漢中不克引兵欲取長安曲端命玠擊斬之遷忠州刺史三年宣撫處置使張浚巡關陝參議軍事劉子羽誦玠兄弟才勇浚與玠語大悅即授統制弟璘掌帳前親兵四年春升涇原路馬步軍副總管按神道碑及功績記俱作照河別錄作照河金羅索與薩里罕長驅入關端遣玠拒于彭原店而擁兵邠州為援金兵來攻玠擊敗之金人整軍復戰玠軍敗績端退屯涇原劾玠違節度降武顯大夫罷總管復知懷德軍張浚惜玠才尋以為秦鳳副總管兼知鳳翔府時兵火之餘玠勞來安集民賴以生轉忠州防禦使九月浚合五路兵欲與金人決戰玠言宜各守要害須其弊而乘之按張浚三戰本末略張浚謀以宜守要害以待其弊然後可以徐圖浚曰吾寧不知此顧今東南之事方急不得不為是耳此數語乃浚謀玠傳俱不載附議及次富平都統制又會諸將議戰玠曰兵以利動今地勢不利未見其可宜擇高阜據之使不可勝諸將皆曰我眾彼寡又前阻葦澤敵有騎不得施何用他徒已而敵驟至與柴囊土藉淖平行進薄玠營軍遂大潰五路皆陷巴蜀大震玠收散卒保散關東和尙原積粟繕兵列柵為死守計或謂玠宜退守漢中扼蜀口以安人心玠曰我保此敵決不敢越我而進堅壁臨之彼懼吾躡其後是所以保蜀也玠在原上鳳翔民感其遺惠相與夜輸芻粟助之玠償以銀帛民益

喜輸者益多金人怒伏兵渭河邀殺之且令保伍連坐民冒禁如故數年然後止紹興元年金將摩哩白鳳翔別將放拉扎哈自階成出散關約日會和尙原放拉扎哈先期至陣北山索戰玠命諸將堅陣待之更戰迭休山谷路狹多石馬不能行金人舍馬步戰大敗移砦黃牛會大風雨雷遂遁去摩哩方攻箐關玠復遣將擊退之兩軍終不得合始金人之入也玠與璘以散卒數千駐原上朝問隔絕人無固志有謀劫玠兄弟北去者玠知之召諸將歃血盟勉以忠義將士皆感泣願為用張浚錄其功承制拜明州觀察使居母喪起復兼陝西諸路都統制金人自起海角徃常勝及與玠戰輒北憤甚謀必取玠羅索死烏珠會諸道兵十餘萬造浮梁跨渭自寶雞結連珠營壘石為城進攻和尙原玠命諸將選勁弓強弩分番迭射號駐隊矢連發不絕繁如雨注敵稍却則以奇兵旁擊絕其糧道度其困且走設伏於神全以待金兵至伏發眾大亂縱兵夜擊大敗之烏珠中流矢僅以身免張浚承制以玠為鎮西軍節度使璘為涇原路馬步軍副總管烏珠既敗遂自河東歸燕山復以薩里罕為陝西經畧使屯鳳翔與玠相持二年命玠兼宣撫處置使司都統制節制興文龍三州金久窺蜀以璘駐兵和尙原扼其衝不得逞將出奇取之時玠在河池金人用叛將李彥琪駐秦州睨仙人關以綴玠復合游騎出熙河以綴關師古薩里罕自商於直擣上洋按功績記及張發功績記敘引建炎以來朝野雜記梁洋張械撰其父發墓誌作上津三年正月取金州二月長驅趨洋漢興元守臣劉子羽急命田晟守饒風關以驛書招玠入援玠自河池日夜馳三百里以黃柑遺敵曰大軍遠來聊用止渴薩里罕大驚以

杖擊地曰爾來何速耶遂大戰饑風嶺金人被重鎧登山仰攻一人先登則二人擁後先者既死者代攻玠軍弓弩亂發大石摧壓如是者六晝夜死者由積而敵不退募敢死士得五千將來攻玠小校有得罪奔金者導以祖溪間路出關背乘高以關饒風諸軍不支遂潰玠退保西縣敵入興元劉子羽退保三泉築潭毒山以自固玠走三泉會之未幾金人北歸玠急遣兵邀於武休關掩擊其後軍墜澗死者以千計盡棄輜重去金人始謀本謂玠在西邊故道險東來不虞玠馳至雖入三郡而得不償失進玠檢校少保充利州路階成鳳州制置使四年二月敵復大人攻仙人關先是璘在和尚原餉饋不繼玠又謂其地去蜀遠命璘棄之經營仙人關石殺金平朔築一壘移原兵守之至是烏珠薩里罕及劉夔率十萬騎入侵自鐵山鑿崖開道循嶺東下玠以萬人當其衝璘率輕兵由七方關倍道而至與金兵轉戰七晝夜始得與玠合敵首攻玠營玠擊走之又以雲梯攻壘壁楊政以撞竿碎其梯以長矛刺之璘拔刀畫地謂諸將曰死則死此退者斬金分軍為二烏珠陣於東韓常陣於西璘率銳卒介其間左紫右繞隨機而發戰久璘少憊急屯第二隘金生兵踵至人被重鎧鐵鈎相連魚貫而上璘以駐隊矢迭射矢下如雨死者層積敵踐而登薩里罕駐馬四視曰吾得之矣翌日命攻西北樓姚仲登樓酣戰樓傾以帛為繩挽之復正金人用火攻樓以酒缶撲滅之玠急遣統領田晟以長刀大斧左右擊明炬四山震鼓動地明日大出兵統領王喜王武率銳士分紫白旗入金營金陣亂奮擊射韓常中左月金人始有通玠遺統制官張彥劫嶺山峯王俊

伏河池拒歸路又敗之以郭震戰不力斬之是役也金本謂蜀可圖既不得遠度玠終不可犯乃還據鳳翔授甲士田為久留計自是不妄動捷聞授玠陝川宣撫副使復鳳秦隴三州拜檢校少師奉宣保定軍節度使六年兼營田大使易保平靜難節七年遣裨將馬希仲攻熙州敗績又失鞏州玠斬之玠與敵對壘且十年常苦遠餉勞民屢沈冗員節浮費益洽屯田歲收五十萬斛又調戍兵命梁洋守將洽褒城廢堰民知灌溉可恃願歸業者數萬家九年金人請和帝以玠功高授特進開府儀同三司遷四川宣撫使陝西階成等州皆聽節制遣內侍奉親札以賜至則玠病已甚扶掖聽命帝聞而憂之命守臣就蜀求善醫且飭國工馳視未至玠卒于仙人關年四十七贈少師諡武安玠善讀史凡往事可師者錄實座右用兵本孫武務遠畧不求小近利故能保必勝御下嚴而有恩卒伍至下者得以情達故士樂為之死選用將佐視勞能為高下先後不以親故權貴捷之玠死胡世將問玠所以制勝者璘曰璘從先兄有事西夏每戰不過一進卻之頃勝負輒分至金人則更進退退忍耐堅久與之角逐滋久乃得其情選擇形便出銳卒更迭捷之與之為無窮使不得休暇以沮其堅忍之勢至決機於兩陣之間則璘有不能言者方富平之敗秦鳳皆留金人一意睨蜀東南之勢亦棘微玠身當其衝無蜀久矣故西人至今思之作廟於仙人關號思烈按宋名臣言行別錄載玠思烈追熙中追封涪王子五立廟仙人關賜額曰忠烈追熙中追封涪王子五人拱扶搗擴按神道碑曰忠烈追熙中追封涪王子五人拱扶搗擴子三人拱扶搗無擴名拱名武扶搗

辰追封少好騎射從玠攻戰積功至閬門宣贊舍人紹興元年箭箬關之戰斷摩哩與放拉扎哈兵使不得合金人遁璘功居多超遷統制軍馬子是玠駐師河池璘專守和尚原及烏珠大人玠兄弟以死守之敵陣分合三十餘璘隨機而應至神全伏發金兵大敗烏珠中流矢遁張浚承制以璘為涇原路馬步軍副都總管陝康州團練使三年遷榮州防禦使知秦州節制階文是歲玠敗於祖溪嶺時璘猶在和尚原玠命璘棄原別營仙人關以防金人深入四年烏珠薩里罕果以大兵十萬至關下璘自武階路入援先以書抵玠謂殺金平地闊遠前陣散漫須後陣阻隘然後可以必勝玠從之急修第二隘璘冒圍轉戰會于仙人關敵果極力攻第二隘諸將有請別擇形勝以守者璘奮曰兵方交而退是不戰而走也吾度此敵去不久矣諸軍第忍之震鼓易幟血戰連日金兵大敗自是不敢窺蜀者數年露布獻捷遷定國軍承宣使熙河蘭廓路經畧安撫使知熙州六年親置行營兩護軍璘為左護軍統制九年陞都統制尋除秦鳳路經畧安撫使知秦州玠卒授璘神龍衛四廂都指揮使時金人廢劉豫歸河南陝西地樓昭使陝以便宜欲命三帥分陝而守以郭浩帥鄜延楊政帥熙河璘帥秦鳳欲盡移川口諸軍於陝西璘曰金人反覆難信懼有他變今我移軍陝右蜀口空虛敵若自南山要我陝右軍直擣蜀口我不戰自屈矣當且依山為屯控其要害待其情見力疲漸圖進據煇從之命璘與楊政兩軍屯內地保蜀郭浩一軍屯延安以守陝既而胡世將以四川制置權宣撫司事至河池璘見之曰金太兵屯河中府止隔大慶一橋爾騎兵疾馳不五日至川

吳璘字唐卿玠弟也按王璘璘神道碑曾大父諱智封魏國公大父諱道封楚國公考

口吾軍遠在陝西緩急不可追集關隘不葺糧運斷絕此存亡之秋也璘家族固不足恤如國事何時朝廷恃和忘戰欲廢仙人關於是世將抗奏謂當外固歡和內修守禦今日分兵當使陝蜀相接並言謀知薩里罕密謀取蜀敵情如是仙人關未宜遽廢魚關倉亦宜積糧於是璘僅以牙校三隊赴秦州留大軍守階成山峽戒諸將毋得撤備世將尋真除宣撫置司河池十年金人敗盟詔璘節制陝西諸路軍馬薩里罕渡河入長安趨鳳翔陝右諸軍隔在敵後遠近震恐時楊政在鞏郭浩在鄭延惟璘隨世將在河池世將急召諸將議惟涅原帥田晟與楊政同至參謀官孫澠謂河池不可守欲退保仙人原璘厲聲折之曰懦語沮軍可斬也璘請以百口保破敵世將壯之指所居帳曰世將誓死於此乃遣渥之涇原命田晟以三千人迎敵璘又遣姚仲拒于石壁皆敗之詔同節制陝西諸路軍馬璘以書遺金將約戰金鶴眼即君按三朝北盟會編作胡殘郎君以三千騎衝璘軍璘使李師顏以驍騎擊走之鶴眼入扶風復攻拔之獲三將及百十有七人薩里罕怒甚自戰百通坊列陣二十里璘遣姚仲力戰破之授鎮西軍節度使陞侍衛步軍都虞候十一年與金統軍和珍戰刻家灣敗之復秦州及陝右諸郡初和珍與希卜蘇合軍五萬屯劉家岡按神道碑及宋名臣言行別錄三朝璘請討之世將問策安出璘曰有新立疊陣法每戰以長鎗居前坐不得次最強弓次強弩跪膝以俟次神臂弓約敵相搏至百步內則神臂先發七十步強弓併發次陣如之凡陣以拒馬為限鐵鈞相連俟其傷則更代之遇更代則以鼓為節騎兩翼以蔽於前陣成而騎退謂之疊陣諸將始猶竊議

曰吾軍其職於此乎璘曰此古東伍令也軍法有之諸君不識爾得車戰餘意無出于此戰士心定則能持滿敵雖銳不能當也及與二將遇遂用之二將老於兵據險自固前臨峻嶺後控羸家城謂我不敢輕犯先一日璘會諸將問所以攻姚仲曰戰於山上則勝山下則敗璘以為然乃告敵請戰敵笑之璘夜半遣仲及王彥銜枚截坡約二將上嶺而後發火二將至嶺寂無人聲軍已畢列萬炬齊發敵駭愕曰吾事敗矣希卜蘇善謀和珍善戰二人異議璘先以兵挑之和珍果出鏖戰璘以疊陣法更休迭戰輕裝駐馬亟麾之士殊死鬪金人大敗降者萬人和珍走保臘家城璘圍而攻之城垂破朝廷以驛書詔璘班師世將浩嘆而已明年竟割和尚原以與敵撤戍割地皆秦檜主之也十二年入覲拜檢校少師階成岷鳳四州經畧使賜漢中田五十頃十四年朝議析利州路為東西路以璘為西路安撫使治興州階成和鳳文龍興七州隸焉時和議方堅而璘治軍經武常如敵至十七年徙奉國軍節度使改行營右護軍為御前諸軍都統制安撫使如故二十一年以守邊安靜拜少保按宋史高宗本紀及神道碑俱作二十一年拜太尉二十九年拜少保宋名臣言行別錄作十七年加太尉二十六年領興州駐紮御前諸軍都統制職事改判興州渡江以來未有使相為都統制者時璘已為開府儀同三司故改命之三十一年拜四川宣撫使秋金海陵渡淮遣喀齊喀為西元帥以兵扼大散關遊騎攻黃牛堡璘即肩輿上殺金平駐軍青野原益調內郡兵分道而進授以方畧制置使王剛中來會璘計事璘尋移檄契丹西夏及山東河北聲金人罪以致討未幾兼陝西河東招討使按神道碑及宋名臣言行別錄俱作三十一年追封成國

公明年璘以病還興州總領王之望馳書告執政謂璘多病瘁有緩急蜀勢必危請移璘姪京襄師拱歸蜀以助西師凡五書未報璘已力疾復上仙人關三十二年璘遣姚仲取鞏王彥屯商隴華惠逢取熙河或久攻不下或既得復失竟無成功金人據大散關六十餘日相持不能破仲舍鞏攻德順已踰四旬璘以知夔州李師顏代之遣子挺節制軍馬挺與敵戰於瓦亭敗之璘自將至城下守陴者聞呼相公來觀望咨嗟矢不忍發璘按行諸屯預治黃河戰地斬不用命者先以數百騎嘗敵敵一鳴鼓鼓士空壁躍出突璘軍璘軍得先治地無不一當十至暮璘忽傳呼某將戰不力人益奮搏敵大敗遁入壁會天大風雷金人拔營去凡八日而克璘入城市不改肆父老擁馬迎拜不絕璘尋還河池四月原州受圍璘命姚仲以德順之兵往援璘自趨鳳翔視師諸將雖力戰敵攻益急增兵至七萬五月仲與敵戰於原州之北嶺仲敗績始璘出師王之望嘗言此行士卒銳氣不及前時仲年來數奇不可委以要地及仲至原璘亦遣仲書謂原州未即解且還德順書未達而仲敗璘亦無功還尋奪仲兵欲斬之或勸而止械繫河池獄孝宗受禪賜璘札命兼陝西河東路宣撫招討使按神道碑及宋名臣言行別錄璘策金人必再爭德順亟馳赴先下而完顏錫林等兵果來攻萬戶和和復領精兵自鳳翔繼至璘築堡東山以守敵極力爭之殺傷大半終不能克時議者以為兵宿於外去川口遠恐敵襲之欲棄三路遂詔璘退師敵乘其後璘將士死亡者甚眾三路復為敵有拜少傅隆興二年冬金人侵岷州璘提兵至祁山金人間之退師遣使來告曰兩國已講和矣

會詔至俱解去沈介為四川安撫制置使與璘議不協

兵部侍郎胡銓上書語頗及璘璘抗章請朝上親札報

可未半道請罷宜撫使及致仕皆不允乾道元年按神

道碑及宋名臣言行別錄俱作乾道按神詣闕遣中使勞問召對

便殿許朝德壽宮高宗見璘歎曰朕與卿老君臣也可

數入見璘頓首謝兩宮存勞之使相踵又命皇子入謁

拜太傅封新安郡王越數日詔仍領宣撫使改判興元

府及還鎮兩宮寔饑甚璘入辭德壽宮泣下高宗亦

為之愷然解所佩刀賜之璘至漢中修復褒城古堰漑

田數千頃民甚便之三年卒年六十六贈太師按神道

名臣言行別錄俱作請追封信王上震悼輟朝兩日贈

賜加等高宗復賜銀千兩初璘病篤呼幕客草遺表命

直書其事曰願陛下毋棄四川毋輕出兵不及家事人

稱其忠璘剛勇喜大節畧苛細讀史曉大義代兄為將

守蜀餘二十年隱然為方面之重威名亞於玠高宗嘗

問勝敵之術璘曰弱者出戰強者繼之高宗曰此孫臏

三駟之法一敗而二勝也嘗著兵法二篇大畧謂金人

有四長我有四短當反我之短制彼之長四長曰騎兵

日堅忍曰重甲曰弓矢吾集善漢所長兼收而並用之

以分隊制其騎兵以番休迭戰制其堅忍制其重甲則

勁弓強弩制其弓矢則以遠寇近以強制弱布陣之法

則以步軍為陣心左右翼以馬軍為左右肋拒馬布兩

肋之閒至帖撥增損之不同則係乎臨機知兵者取焉

王剛中嘗談劉錡之美璘曰信叔有雅量無英傑天下

雷同譽之恐不能當敵錡果無功以憂憤卒璘選諸將

率以功有薦才者璘曰兵官非嘗試難知其才以小善

進之則僥倖者獲志而邊人宿將之心愈矣子挺按神

道碑

載璘子

挺字仲烈以門功補官從璘為中郎將部西兵詣行在

高宗問西邊形勢兵力與戰守之宜挺占對稱旨超授

右武郎浙西都監兼御前祇候尋差利路鈐轄改利州

東西路前軍同統制紹興三十一年金人渝盟璘以宣

撫使總三路兵禦之挺願自力軍前璘以為中軍統制

既復秦州金將喀齊魯貝勒介叛將張中彥以兵來爭

挺破其治平砦已而南市城賊亦犄角為援轉戰竟日

不敵出兵殊死戰挺率背窺騎盡易黃旗繞出敵後憑

高突之敵譁遂驚敗挺不自為功狀彥第一士頗多之

璘亦引嫌併匿其功擢榮州刺史尋拜熙河經畧安撫

使明年挺被檄與都統制姚仲率東西路兵攻德順金

左都監空平涼之眾以援喀齊魯又遣精兵數萬自鳳

翔來會仲駐軍六盤挺獨趨瓦亭自冒矢石眾從之金

人捨騎操短兵奮圍挺遣別將盡奪其馬眾遂潰挺

勒兵追之禽千戶耶律糾堅貝勒等百二十七人金人

懲前毖惡兵趨德順璘自秦州來督師先壁於險且治

夾河戰地金人果大至挺誘致之至所治戰地盛兵蹙

之敵不能支一夕遁去鞏州久不下挺以選鋒至城下

諸將咸曰西北坡陁地易攻若分兵各當一面宜得利

挺曰西北雖卑而土堅東南並河多沙礫善圯且兵分

則少以少當堅城可得而下乎乃命悉眾擊東南陬不

二日樓櫓俱盡夜半其將雷千戶約降黎明城破以功

授團練使又以瓦亭功授鄧州防禦使孝宗即位加璘

兼陝西河東路招討宣撫使璘慮敵必再爭德順至白

河池金人果合兵十餘萬列柵以拒有騎數千睨東山

璘命挺領騎馳擊卻之遂據東山築堡以守敵不能爭

乃益修攻具為大軍載土其中將填墮而進挺命掄大

木植中道車至不得前拜武昌軍承宣使尋加龍神衛

四廂都指揮使熙河路經畧安撫使中軍統制時年二

十五會朝廷主議和詔西師解嚴父子遂旋軍乾道元

年升本軍都統制三年以父命入奏拜侍衛親步軍指

揮使節制興州軍馬璘卒起復金州都統金房開達安

撫使改利州東路總管挺力求終喪服除召為左衛上

將軍朝廷方議置神武中軍五千人以屬御前命挺為

都統制挺力陳不當輕變祖宗法事遂寢拜主管侍衛

步軍司公事挺每燕見從容嘗論兩淮形勢曠漫備多

力分宜擇勝地扼以重兵敵仰攻則不克越西南又不

敢我以全力乘其弊蔑不濟者帝頗嘉納璘熙元年改

興州都統拜定江軍節度使奏復軍中互市歲市來羌

馬七百匹西路騎兵遂雄天下始武興所部就餉諸郡

漫不相屬挺奏以十軍為名自北邊至武興列五軍曰

踏白摧鋒選鋒策鋒遊奕武興以西至縣為左右後三

軍而駐武興者前軍中軍營部於是井井除知興州利

州西路安撫使密修皂郊堡增二堡繕戎器儲於兩庫

敵終不覺特加檢校少保成州西和歲大禱挺力為賑

恤諭總賦者分軍儲以佐之全活殆數十萬西和階成

鳳文龍六州器械弗繕挺節冗費庀工徒悉初為之郡

東北有二谷水挺作二隄以捍之紹興二年水暴發入

城挺既賑被水者復增築長隄民賴以安詔問備邊急

務即建增儲之策由是糧糗不乏四年春以疾乞致仕

詔加大尉卒年五十六贈少師開府儀同三司挺少起

勳闕弗居其貴州循將士人人有恩璘故部曲拜於庭

下輒降答之至失律誅治無少貸璘嘗對孝宗言諸子中惟挺可任

李顯忠字君錫按張揆撰李顯忠行狀增綏德軍清澗人也初名世輔南歸賜名顯忠由唐以來世襲蘇尾九族巡檢年十

七隨父承奇出入行陣金人犯鄆延經畧王庶命承奇募閒者顯忠請行與張琦俱有敵入夜宿陶穴顯忠絕

穴中得十七人皆殺之取首二級馬二匹餘馬悉折其足庶大奇之補承信郎充隊將由是知名轉武翼郎充

副將金人陷延安授顯忠父子官承奇泣曰我宋臣也世襲國恩乃為彼用耶會劉豫令顯忠帥馬軍赴東京

承奇密戒之曰汝若得乘機即歸本朝無以我故貳其志顯忠至東京劉麟喜之授南路鈐轄乃密遣其客雷

燦以蠟書赴行在已而豫廢烏珠以萬騎馳獵淮上與顯忠獨立馬圍場開顯忠戒吳俊往探淮水可渡馬處

欲執烏珠歸朝俊還顯忠馳問之為竹刺傷馬而止烏珠授顯忠承宜使知同州顯忠至鄜省侍承奇教顯忠

曰同州入南山乃金人往來驛路汝可於此擒其將渡洛渭由商號歸朝第報我知我當以兵取延安而歸顯

忠赴同州即遣黃土成等持書由蜀至吳報歸朝事元帥薩里罕來同州顯忠以計執之馳出城至洛河舟船

後期不得渡與追騎屢戰皆勝顯忠憩高原望追騎益多乃與薩里罕折箭為誓不得殺同州人不得害我骨

肉皆許之遂推下山崖追兵爭救得免顯忠攜老幼長驅而北至鄜城縣急遣人告承奇承奇即攜家出城至

馬翅谷口為金人所及家屬二百口皆遇害是日天昏大雪延安人聞之皆泣下顯忠僅以一十六人奔夏國

夏人問故顯忠泣具言父母妻子之亡切齒疾首恨不

即死願得二十萬人生擒薩里罕取陝西五路歸于夏顯忠亦得報不其戴天之雙夏主曰爾能立功則不靳

借兵時有羌豪號青面夜叉者久為夏國患乃令顯忠圖之請三千騎晝夜疾馳奄至其帳擒之以歸夏主大

悅即出二十萬騎按行狀作夏主出兵十萬授顯忠乃鼓行而西以文臣王樞武臣伊特鄂為陝西招撫使顯忠為延安招撫使時紹

興九年二月十四日也顯忠引兵至延安總管趙惟清大呼曰鄆延路今復歸宋矣已有赦書顯忠與官吏觀

赦書列拜大哭乃以舊部八百餘騎往見王樞伊特鄂諭之曰顯忠已得延安府見講和赦書招撫可以本部

軍歸國伊特鄂不從曰初經畧乞兵來取陝西今既到此乃令我歸耶顯忠知勢不可乃出刀斫伊特鄂不及

擒王樞縛之夏人以鐵鷄子軍來顯忠以所部拒之夏兵大潰殺死蹂踐無慮萬人獲馬四萬匹顯忠揭榜招

兵每得一人子馬一匹旬日閒得萬人皆驍勇少壯又擒害其父母弟姪者皆斬于東城之內行至鄜州已有

馬步軍四萬餘薩里罕在耀州聞顯忠來一夕遁去四川宣撫吳玠遣張振來撫諭云兩國見議和好不可生

事可量引軍赴行在遂至河池縣見玠玠撫之曰忠義歸朝惟君第一從行使臣崔皇等六百餘人列拜庭下

玠又撫之幅以銀絹詣行府受告勅金帶除指揮使承宣使至行在高宗撫勞再三賜名加資又錫田鎮江以

崔皇輩充將佐烏珠犯河南命顯忠為招撫司前軍都統制與李貴同破靈璧縣烏珠犯合肥手詔以軍與張

俊會顯忠至孔城鎮與敵戰敗之烏珠謂韓常曰李世輔歸宋不曾立功此人敢勇宜且避之乃焚廬江而走

顯忠欲追之與死戰俊以奉旨監護慮失顯忠遂各以

軍還太后至臨安顯忠入覲加保信軍節度使浙東副總管顯忠熟西邊山川險易因上恢復策件秦檜意金

使言顯忠私遣人過界遂降官奉祠台州居住復靈國軍節度使陞都統制三十一年金渝盟詔顯忠以本部

捍禦遣統制官韋永壽等以二百騎至安豐軍與金將小韓將軍兵五千人戰於大人洲按宋史高宗本紀紹興三十一年冬十月

李顯忠遠統制孔福與金人戰于大人洲又按三朝首盟論編載金渝盟條紹興三十一年事本傳作二十九年今既

改敗之俄又增兵萬餘來顯忠率騎軍出自且至午氣百倍以大刀斫敵陣敵不能支殺獲甚眾掩入淮

者不可計金海陵犯淮西朝廷命王權拒于合肥權退保和州又棄軍渡江和州失守金軍駐和之雞籠山將

濟采石朝廷詔以顯忠代權命虞允文趨顯忠交軍軍中大喜於是有采石之捷語在允文傳顯忠退軍沙上

得楊存中報車駕至平江可速進兵顯忠逸銳士萬人渡江盡復淮西州郡軍至橫山澗與金射鵰軍戰統制

頓遇重傷韋永壽死之敵兵敗走金海陵切責諸將不用命諸將弒之而還是役也顯忠所將一萬九千八百

六人皆行賞有差張振功為最詔賜顯忠五子金帶授淮南制置使京畿等處招討使權太尉靈國軍節度使

主管侍衛馬軍司公事赴行在孝宗即位賜田百頃狀作賜田兼權池州駐劄御前諸軍都統制節制軍馬

七十頃隆興元年兼淮西招撫使時金世宗新立山東河北豪傑讜起耶律諸種兵數十萬據數郡之地太行山忠義

耿京王世隆輩皆欲挈地還於朝金懼亟請和顯忠陰結金統軍蕭琦為內應請出師自宿毫趨汴由汴京以

通關陝關陝既通則鄆延一路熟知顯忠威名必皆響應且欲起其舊部曲可得數萬人以取河東時張浚開

都督府四月命顯忠渡江督戰乃自濠梁渡淮至陸溝琦背約用拐子馬來拒與戰敗之琦復背城列陣顯忠躬率將士鏖戰琦敗走遂復靈璧入城宣布德意不戮一人中原歸附者踵接時邵宏淵圍虹縣未下顯忠遣靈壁降卒開諭福金貴戚大周仁及富察圖們皆出降宏淵恥功不己出又有降千戶訴宏淵之卒奪其佩刀顯忠立斬之由是二將益不相能六月兵傅宿州城金人來拒顯忠敗之斬其左翼都統及首虜數千人追奔二十餘里宏淵至謂顯忠曰招撫真關西將軍也顯忠閉營林士為攻城計宏淵等不從顯忠引麾下楊椿上城開北門不踰時拔其城宏淵等殿後趨之乃始渡濠登城城中巷戰又斬數千人擒八十餘人遂復宿州舉寄居官劉時攝州事捷聞授顯忠開府儀同三司殿前都指揮使妻周氏封國夫人宏淵欲發倉庫犒士卒顯忠不可移軍出城止以見錢犒士士皆不悅金帥博索自南京率步騎十萬來晨薄城列大陣顯忠親帥軍遇於城南戰數十合博索大敗遂退走統制李福統領李保各以所部退避皆斬以徇翼日敵益兵至顯忠約宏淵並力夾擊宏淵按兵不動顯忠獨與所部力戰百餘合殺左翼都統及千戶萬戶斬首五千餘人俄增兵復來逼城顯忠用克敵弓射却之宏淵顧眾曰當此盛夏搖扇于清涼猶覺不堪况烈日中被甲苦戰乎人心遂搖無鬪志至夜中軍統制周宏鳴鼓大譟謂敵兵至與邵世雍劉劄各以所部兵遁繼而統制左士淵統領李彥季亦遁顯忠移軍入城殿司前軍統制張訓通馬司統制張師顏池州統制荔澤建康統制張淵各遁去金人乘虛復來攻城顯忠竭力捍禦斬首二千餘

人積屍與羊馬墻平城東北角敵兵二十餘人已上百餘步顯忠取軍所執斧斫之敵始退卻顯忠曰若使諸軍相與犄角自城外掩擊則敵兵可盡金帥可擒河南之地指日可復矣宏淵又言金添生兵二十萬來倘我軍不返恐不測生變顯忠知宏淵無固志勢不可孤立歎咤曰天未欲平中原耶何沮撓若此是舉所喪軍資器械殆盡幸而金不復南顯忠以軍還見浚納印待罪責授果州團練副使潭州安置後朝廷知其故移撫州乾道改元而還會稽復防禦使觀察使浙東副總管賜銀三萬兩絹三萬匹綿一萬兩提舉台州崇道觀召除威武軍節度使左金吾衛上將軍賜第京師上奇其狀貌魁傑命繪像閣下復太尉乞祠提舉興國宮紹興府居住歲賜米二千石淳熙四年召赴行在提舉萬壽觀奉朝請賜內庫金再賞前所賜第賜之七月卒年六十九贈開府儀同三司按行狀載贈開府儀同三司贈西六人其一未仕師政師道皆戰歿師顏 諡忠襄右武大夫高州刺史陞西郡開國子

楊存中本名沂中字正甫紹興開賜名存中代州崞縣人祖宗開承興軍路總管守永興與金人戰死之父震知麟州建寧岩亦死於難存中魁梧沈鷲少警敏誦書數百言力能絕人慨然語人曰大丈夫當以武功取富貴焉用俯首為儒於是學孫吳法善騎射宣和末山東河北羣盜四起存中應募擊賊積功至忠翊郎靖康元年金人再圍汴京諸道兵勤王存中與張俊田師中從信德府守臣梁楊祖以萬兵入援後隸張俊部曲上問將於俊俊以存中對召見賜袍帶時元帥府草創存中晝夜護衛寢幄不頃刻去側帝知其忠謹親信之劇賊李昱據任城久不克存中以數騎入擊殺數百人帝乘

高望見介冑盡赤意其被重創召視之皆汚賊血壯之飲以酒曰酌此血漢存中請復往帝止之存中曰此賊膽碎即成擒矣遂大破之復任城遷開門祇候建炎二年討賊徐明于嘉興先登主帥將屠城存中力諫止之戮其渠魁郡賴以全遷榮州刺史高宗南渡以勝捷軍從張俊守吳門苗劉之變又從俊赴難遷貴州團練使尋為御前右軍統領金人攻明州又從俊與田師中趙密死戰破之以奇功遷文州防禦使御前中軍統制紹興元年從俊討李成諸將議多欲分道進存中曰賊勢如此兵分則力弱又諸將位均勢敵非招討督之必不相為用俊然之整軍至豫章存中率兵數千首破賊于玉隆觀追至筠州賊驍將以眾十萬來援夾河而營存中謂俊曰彼眾我寡擊之當用奇願以騎見屬公以步兵居前俊從之存中夜銜枚渡筠河出西山馳下擊賊俊以步兵夾攻俘八千人諸將夜見存中曰戰未休降卒多忽有變奈何非盡殲之不可存中曰殺降吾不忍諸將轉告俊竟夜坑之乘勝追至九江成遂遁去遷宣州觀察使二年春進神武中軍統制存中固辭且謂神武諸帥如韓世忠張俊皆貴擁旄鉞名望至重如臣么麼一旦位與之抗實不自安不許遣中使宣押乃視事兼提舉宿衛親兵時中軍卒不滿五千疲癯者居半存中請拘神武卒借出於外者歸軍中由是軍政寢修三年嚴州妖賊繆羅據白馬源殺王官存中討平之除帶御器械加保信軍承宣使權發遣鄜延路馬步軍副總管六年為龍神衛四廂都指揮使密州觀察使先是張俊視師謀渡淮以圖劉豫倚韓世忠為用世忠圍淮陽從俊乞張浚將趙密為助浚拒之趙鼎語浚曰存中武

勇不減於密宜令助之浚請於朝故有是命於是存中以入隊萬人趨督府助世忠十月存中與劉猷戰于藕塘大破之猷之初入也淮西宣撫使劉光世欲棄廬州退保太平賊眾十萬已次濠壽聞浚命張俊拒之使存中往泗州與俊合及至泗則光世已舍廬去浚遣人諭之曰一人渡江即斬以徇光世不得已還廬駐兵與存中相廝賊先犯定遠縣存中以兵二千襲賊于越家坊既而與猷兵遇藕塘賊據山列陣矢下如雨存中急擊之且使統制吳錫以勁騎五千突其陣陣亂存中鼓大軍乘之自以精騎衝其脅大呼曰破賊矣賊錯愕駭視前軍統制張宗顏自泗來乘背擊之賊大敗猷以首抵謀主李愕曰適見髯將軍銳不可當果楊殿前也即以數騎遁去餘黨萬人僵立失措存中躍馬叱之皆怖而降麟在順昌孔彥舟方圍光州聞之皆拔營遁去北方大恐所得賊舟數百艘車數千兩捷聞帝遣中使勞賜除保成軍節度使殿前都虞候尋兼領馬步帥七年為淮南西路制置使九年遷殿前副都指揮使十年金人取河南命存中為淮北宣撫副使引兵至宿州以步軍退屯于泗金人詭令來告敵騎數百屯柳子鎮存中欲即擊之自將五百騎按三朝北盟會編作自將騎兵五千夜襲柳子鎮黎明不見敵而還金人以精兵伏歸路存中知之遂橫奔而潰參議官曹勛不知存中存亡以聞朝廷震恐於是有權宜退保之命既而存中自壽春渡淮歸泗人心始安冬引兵還行在十一年烏珠恥順昌之敗復謀來侵詔大合兵於淮西以待之於是存中以殿司兵三萬戍淮與金人戰于柘臯敗之時張俊為宣撫使存中為副使劉錡為判官王德為都統制田師中張子蓋為統制

官金人以拐子馬翼進存中曰敵恃弓矢吾有以居之使萬人操長斧如墻而進諸軍鼓譟奮擊金人大敗退屯紫金山是役也失將士九百人金人死者萬計而濠圍猶未解俊與存中錡先議班師會有云濠路已通者俊謂錡曰吾欲與楊太尉耀兵淮上安撫濠梁之民取宣化歸金陵楊太尉則渡瓜州還臨安明日命二帥行謀報金攻濠甚急倉皇復回避錡會于黃連埠距濠六十里聞城陷召存中錡謀之錡謂存中何以處此存中曰戰爾相公與太尉在後存中當居前錡曰日本來救濠濠已失進無所依人懷歸心勝氣已索不若退師據險俟其去為後圖俊自以為功謂錡毋往命存中與德偕至濠列陣未定烟起城中金人伏騎萬餘分兩翼出存中顧德曰何如德曰德小將焉敢預事存中以策麾軍曰那回諸軍以為令其走也遂散亂南奔無復紀律金人追殺甚眾後一日韓世忠大軍至已無及矣存中乃自宣化渡江歸行在加檢校少保開府儀同三司兼領殿前都指揮使蓋錄柘臯之功而揜濠梁之敗也十二年徽宗梓宮攢示固陵命存中都護竣事拜少傅以保傅為管軍自存中始十四年存中請詣太學謁先聖二十年封恭國公二十八年拜少師恩數視樞密使存中以凡重地皆有統制官獨荆襄無之請於朝於是荆南襄陽初置諸統制存中在殿巖凡二十五載權寵日盛太常寺主簿李浩敕令所刪定官陸游司封員外郎王十朋殿中侍御史陳俊卿相繼以為言三十一年罷為太傅禮泉觀使進封同安郡王賜玉帶朝朔望時金海陵有南侵意存中上備敵十策步帥趙密謀奪存中權因指為喜功生事存中聞之上章乞免密竟代之未幾

邊聲日急九月詔存中為御營宿衛使劉汜戰敗於瓜州命存中往京口為守江計虞允文自采石來會存中與之協力拒敵敵不能濟帝如建康詔存中扈蹕金使復請和存中請拘之江口移書審問若能歸我族屬還舊壤損歲幣復白溝之界以通兄弟之好如是則和議可從不然請斬其使亟圖恢復會駕還以存中為江淮荆襄路宣撫使給舍不書黃命遂寢未幾仍奉祠隆興元年王師潰于符離復起存中為御營使二年金人再入關議割蜀之和尚原以畀之存中言此隴右之藩要敵得之則可以睥睨漢川我得之則可以下兵秦雍議議子金人吳玠力爭不從今璘在遠不及知臣若不言非特負陛下亦有愧於璘近者王師盡銳而後得願毋棄未幾金人復攻淮甸詔存中同都督江淮事時諸軍各守分地不相統一存中集諸將調護之于是始更相為援會金兵已深入朝議欲舍淮保江存中持不可乃已金兵在揚州或勸存中擊之存中不敢渡獨臨江固壘以老之金人尋請盟乾道元年班師加昭慶軍節度使復奉祠時興屯田存中獻私田在楚州者三萬九千畝二年卒年六十五追封和王諡武恭高宗追念舊臣賻錢十萬存中天資忠孝敢勇大小二百餘戰身被五十餘創宿衛出入四十年最寬過孝宗以為舊臣尤禮異之常呼郡王而不名父祖及母皆死難存中既顯請於朝宗閱諭忠介震諭忠毅賜廟曰顯忠曰報忠又以家廟祭器為請遂許祭五世前所無也祖母劉流落蜀隴存中日夜禱祠訪問闕數千里卒迎以歸御軍寬而有紀所用將士專以才勇選不私部曲之舊李顯忠以罪斥存中奏為統制官後為名將嘗以尅敵弓雖勁

而蹶張難遂以意劍馬皇弩思巧製工發易中遠人服其精子僕俠

郭浩字充道順德軍隴千人以父成任三班奉職徽宗時充環慶路部將嘗率百騎抵靈州城下夏人以千騎追之手斬二騎以首還充渭州兵馬都監從神師道進築喜平峽敵據塞水源以渴我師浩率精騎數百奮之敵攻石尖山浩冒陣而前流矢中左脇怒不拔奮力大呼得賊乃已諸軍從之敵遁去由是知名累遷中州刺史欽宗即位進安州團練使以神師道薦召對奏言金人暴露日久思歸乞給輕兵間道馳滑臺時其半度可擊會和戰異議不能用帝問西事浩對曰夏人必乘間盜邊願選將設備已而果攻涇原路取西安州懷德軍紹聖開拓之地復盡失之神師中制置河東辟以自隨建炎元年知原州二年金人取長安涇州守臣夏大節棄城遁郡人亦降浩適夜半至郡所將纔二百人得金人不殺使之還曰為語汝將我郭浩也欲戰即來決戰金人遂引去升本路兵馬鈐轄知涇州權主管鄜延路經略安撫時二敵交侵鄜延之東皆金人西北即夏境其屬朝廷者惟保安一軍德靜一營浩間道至德靜置司招收散亡與敵對壘一年敵不能犯再除涇原路兵馬鈐轄知涇州浩去夏人復來權帥取友諒僅以身免一路盡陷張俊為直撫處置使以浩為秦鳳路提點刑獄權經略使知秦州時浚經略陝西徽五路帥悉所部兵會于富平浩獨謂敵鋒方銳且當分守其地犄角相援埃費而動浚不聽師出果敗五路俱陷浚復以浩舊官移知鳳翔府又退保和尚原金人抵原下浩與吳玠隨方捍禦蜀以安全第功遷正任防禦使紹興元年金

人破饒風嶺盜梁洋入鳳州攻和尚原浩與吳玠往援斬獲萬計遷邠州觀察使徙知興元府饑民相聚米倉山為亂浩討平之徙知利州金人以步騎十餘萬破和尚原進窺川口浩與吳玠大破之遷彰武軍承宣使玠按本路提點刑獄宋萬年陰與敵境通利與浩所鞫不同由是不協朝廷乃徙浩知金州兼承興軍路經略使金州殘弊特甚戶口無幾浩招輯流亡開營田以其規置頒示諸路他軍以匱急仰給朝廷浩獨積贏錢十萬緡以助戶部朝廷嘉之凡有奏請得以直達九年改金洋房州節制金人還河南地以浩為龍神衛四廂都指揮使充陝西宣諭使知金州樓炤行關中辟浩樞密院都統制節制陝西軍馬十年拜奉國軍節度使五路陷徙知夔州移金州仍承興路經略安撫使節制陝西河東兼措置河東路忠義軍馬十一年金人內侵宣撫使胡世將召浩及吳玠楊政會仙人原授以攻取之策浩遣裨將設伏破之十四年召見拜檢校少保還鎮錫以御府金器繡鞍仍官一子文資賜田五十頃別與一子閣職是歲分利州為東西兩路以浩為金房開達州經略安撫使兼知金州樞密院都統制屯金州仍建帥府十五年卒年五十九贈檢校少帥諡恭毅清熙元年賜立廟金州

楊政字直夫原州臨涇人父忠與夏戰歿政甫七歲哀號如成人其母奇之宣和末應募為弓箭手靖康初因拒夏人稍知名建炎間從吳玠擊金人九戰九捷累功至武顯節紹興元年春金人趨和尚原又攻筭關關政引兵大破之遷右武大夫十月金兵大集號十萬自寶雞列柵至原下吳玠相與持累日以政統領將兵迎敵日數十合士卒無不一當百復出奇兵斷其糧道敵少却遮擊之俘獲千人拜恭州刺史時有嫉政者以母妻尚留北境不宜屬以兵權玠不聽政益感奮二年金合步騎數千柵魚龍川口政帥精兵劫破之升隴州團練使移知方山原軍儲毅威在其中三月金大軍來攻城且下政擊敗之改知鳳州三年金攻饒風關政從玠戰關下凡六日改明州觀察使四年薩里罕哀精兵十萬欲道仙人關入蜀至上蒼田玠築壘于關外政曰此地為蜀扼塞當堅守時出奇擊之玠用其言金人變態多端政隨機應之連日百餘戰敵帥督戰益急政命卒以神臂弓射之又選甲士千餘出山谷斷其兵使不得進退又出敵不意夜斫其營敵遂遁去追至河池而還授龍神衛四廂都指揮使環慶路經略安撫使五年金人攻淮玠命政帥師乘機牽制至秦州一戰而拔撫定居民改經略安撫涇原兼帥環慶利路三鎮事叢集剖決無滯母留敵境閒遣人省視之母惟勉以忠義九年春和議成始得迎母及兄弟歸乞祠以便養不許詔封其母感義郡夫人以政為熙河蘭鞏路經略安撫使知熙州進武康軍承宣使十年徙利州又徙興元會金人渝盟政建迎敵之策兼川陝宣撫副使司都統制借統制楊從義劫金人于鳳翔府城南嘗敗之獲戰馬數百母卒起復遂師師趣寶雞渭水上以拒敵衝凡大戰七斬獲甚多川陝宣撫副使胡世將奏鳳翔之捷政奮不顧身功效顯著拜武當軍節度使十一年秋金將和珍希卜蘇合軍五萬來攻政與吳玠郭浩會于仙人原世將授以攻取之策政引兵夜入隴州界取金萬戶通檢于寶雞時通檢居渭北政欲攻拔其城通檢將精甲萬

眾出政帥勇士麀戰遣裨將突出陣後登山執幟金軍見之大呼曰伏發矣乃驚潰政乘勝掩殺擒通檢和議成帝召政還軍民詣部使者借留入見條奏帝善之十三年還鎮加檢校少保久之拜太尉二十七年卒年六十贈開府儀同三司諡襄毅政守漢中十八年六堰久壞失灌溉之利政爲修復漢江水決爲害政築長隄捍之凡利於民者不敢以軍旅廢休兵十餘年未嘗升遷將士上下安之政故爲吳璘裨將及與璘分道建帥執門下之禮益恭世頗賢之

欽定續通志卷三百七十二

續通志 卷三百七十二 列傳 宋

志五四六九

列傳

宋七十七

王德

王彥

魏勝

張憲

楊再興

牛皋

胡閔休

王德字子華通遠軍熟羊若人以武勇應募隸熙帥姚古會金人入侵古軍懷澤間遣德謀之斬一將而還補進武校尉從十六騎徑入隆德府治執偽守姚太師左右驚擾手殺數十百人眾愕眙莫敢前古械姚獻于朝欽宗問狀姚曰臣就捕時止見一夜又耳時遂呼德為王夜又建炎元年以勤王師倍道趨閩改隸劉光世平濟南寇李昱池陽寇張遇光世討李成德為先鋒以百騎覘賊至上蔡驛口橋賊疑為誘騎擁眾欲西德麾騎大呼曰王師大至矣賊駭遁追殺甚眾成奔新息收散卒復戰賊見光世張蓋行陣不介胄知為主帥併兵圍之德突圍擁光世還軍遂襲取李成授武略大夫三年春遷前軍統領屯天長金人攻揚州西軍多潰德趨宣化會叛將張昱張彥園和州太守張頌求援於德德兵傅城下賊不意其至大潰遲明接戰斬昱按宋名臣言有聚兵五萬據和州令德聽其節制德不從育親領三千兵來劫之德盡伏其兵于深林草中直至不見德乘馬往來于草中尋之德與弟青井王世忠挺鎗躍出刺有墜馬斬之復移文城中招有諸將皆降與木傳互俘其兵騎萬數濟自采石光世方討苗劉之逆迎至建康謂德曰江都之擾諸軍不窺則盜公可仗義夜涉大江徇國急變遂以軍屬光世苗劉走閩中詔德追擊隸韓世忠德欲自致功名而世忠必欲德為之使遣親將陳彥章邀德于信州彥章拔佩刀擊德德殺彥章

戶諸市至浦城斬苗瑀擒馬柔吉送行在世忠訟其擅殺下臺獄當死帝命特原之編管郴州時光世屯九江得楊惟忠所失空頭黃敕即以便宜復德前軍統制遣平信州賊姚王念經行次饒州會賊劉文舜圍城德引兵赴之文舜請降德納而誅之倍道趨信州擒念經獻于朝詔還舊秩加武顯大夫榮州刺史四年光世鎮京口以德為都統制金兵復南光世將退保丹陽德請以死捍江分軍扼險度江襲金人收真揚數郡既而又遇敵于揚州北有被重鎧突陣者直前刺德德揮刀迎之即墜馬因麾騎乘之所殺萬計紹興元年平秀州水賊邵青初德與戰于崇明沙青軍大潰他日餘黨復索戰謀言將用火牛德笑曰是古法也可一不可再先命合軍持滿陣始交萬矢齊發牛皆返奔賊眾殲焉青自縛請命德獻俘行在召見便殿遷中亮大夫同州觀察使三年命韓世忠代光世德自京口逆世忠徒步立道左抗言曰擅殺陳彥章請死世忠下馬握其手曰知公好漢鄉來纖介不足真懷乃設酒盡歡而別為行營左護軍前軍統制金兵掠江北破滁州德越江襲奪之追至桑根擒萬戶隆布一人千戶十餘人改環慶副總管六年冬劉豫遣麟兒分道入寇德大敗兇兵于藕塘狃挺身走麟在順昌間之亦拔若遁德追至壽春弗及獲其糧舟四百艘第功除武康軍承宣使員拜相州觀察使七年改昭河蘭廓路副總管行營左護軍都統制駐師合肥會光世罷宣撫詔德盡護其眾以鄆瓊副之瓊與德故等夷恥屈其下率眾叛從劉豫八年命隸張俊名其軍曰銳勝十年解穎昌圍俊檄德就取宿州德倍道自壽春馳至蘄縣與敵游騎遇遂入城偃旗仆鼓騎引

去因潛師宿州夜半薄金營敵阻汴水邀戰德策馬先濟步騎從之金將高統軍投兵降守將馬泰耶律溫馳入城閉門堅守德至呼秦諭之乃自絕而下德叱其子順先登秦率溫降遣詣行在德乘勝趨亳州與俊會于城父時叛將鄆瓊屯毫間德至謂三路都統制曰夜又未易當也遂遁德入亳州白俊曰今兵威已振請乘破竹之勢進取東都俊難之乃班師策功第一拜興寧軍承宣使龍神衛四廂都指揮使再遷待衛親軍馬步軍都虞候封隴西郡侯十一年金人自合肥入侵游騎及江俊議分軍守南岸德曰淮者江之蔽也棄淮不守是謂唇亡齒寒敵數千里遠來餉道決不繼及其未濟急擊之可以奪氣若遲之使稍安則淮非吾有矣俊猶豫未許德請益監曰願父子先越江俟和州下然後宣撫北渡俊乃許德即渡采石俊督軍繼之宿江中德曰明旦當會食歷陽已而夜拔和州晨迎俊入敵退保昭關又擊走之追至柘皋與金人夾河而軍諸將帥皆集惟張俊後至統制田師中欲待之德怒曰事當機會復何待即與劉錡上馬先迎敵楊沂中繼之烏珠以鐵騎十餘萬夾道而陣德曰賊右陣堅吾當先擊之麾軍渡橋首犯其鋒一將被甲躍馬始出德引弓斃之乘勝大呼令萬兵持長斧如牆而進敵大敗退屯紫金山德復尾擊之遂復廬州召拜清遠軍節度使建康府駐劄御前諸軍都統制歷浙東福建總管荆南副都統制二十五年卒贈檢校少保再贈少傅二子琪順亦以饒勇聞王彥字子才上黨人性豪縱喜讀韜略詣京師隸弓馬子弟所徽宗臨軒閱試補下班祗應為清河尉從涇原路經略使种師道兩入夏國有戰功金人攻汴州彥慨

然棄家赴闕求自試討賊時張所為河北招撫使異其才擢為都統制使率裨將張翼白安民岳飛等十一將部七千人渡河與金人戰敗之復衛州新鄉縣傳檄諸郡金人以為大軍至率數萬眾薄彥壘圍之數匝彥以眾寡不敵潰圍出諸將散歸彥獨保其城西山遺腹心結兩河豪傑圖再舉金人購求彥急慮變夜寢屢遷其部曲覺之相率刺面作誓示無他意彥益感勵撫愛士卒與同甘苦未幾兩河響應忠義民兵首領傅選孟德劉澤焦文通等皆附之眾十餘萬皆受彥約束金人患之召其首領俾以大兵破彥壘首領曰王都統若堅如鐵石未易圖金人乃間遣勁騎撓彥糧道彥勒兵待之斬獲甚眾益治兵刻日大舉告期於東京留守宗澤澤召彥會議乃將兵萬餘渡河金人以重兵襲其後而不敵擊既至汴京澤大喜合彥宿兵近甸以衛根本彥即以所部兵馬付留守司量帶親兵趨行在時已遣宇文虛中為祈請使議和彥見黃潛善汪伯彥力陳兩河忠義延頸以望王師願因人心大舉北伐言辭憤激大忤時相意遂降旨免對以彥為武翼閣門宣贊舍人差充御營平寇統領時范瓊為平寇前將軍彥知瓊有逆節稱疾不就乞致仕許之知樞密院事張浚宣撫川陝奏彥為前軍統制浚與金羅索相持于富平欲大舉會諸將議彥曰陝西兵將上下之情未通若少不利則五路俱失不若且屯利闔興洋以固根本敵入境則檄五路兵來援萬一不捷未大失也浚幕府不然其言彥即請為利路鈐轄俄改金均州安撫使知金州時中原盜賊竊起加以饑饉無所資食惟蜀富饒巨盜往往窺覷桑仲既陷淮安襄陽乘勢西向均房失守直搗金

州白土關眾號三十萬仲彥舊部曲也以申牘請於彥曰仲於公無敢犯願假道入蜀就食耳彥乃遣統領官閔立為先鋒擊之立戰死將士或請避之彥叱曰樞相張公方有事關陝若仲越金而至梁洋則腹背受敵大事去矣敢言避者斬即勒兵趨長沙平阻水據山設伏以待賊見官軍少蟻附搏戰彥執職一麾士殊死鬪賊敗走追奔至白磧復房州紹興元年九月權京西南路副總管李忠反擾京西遂攻金州諸關賊眾皆河朔人驍果善戰彥與戰不利關陷彥退屯秦郊令將士盡伏山谷間焚秦郊積聚偽若遁者募敢死士易麾幟設奇以待閔再宿賊至秦郊官軍逆戰大敗之追襲至秦嶺遂復乾祐縣以歸忠走降劉豫初桑仲既敗還襄陽乃鳩集散亡陷鄧州凶焰復熾南攻德安西據均陽分眾三道一攻注口關一出馬郎嶺一擣洵陽前軍去金州不三十里彥曰仲以我寡彼眾故分三道以離吾勢法當先破其堅則脆者自走遣副將焦文通禦注口自以親兵營馬郎相持一月大戰六日賊大敗仲為其下所殺又有王闔董貴卿守中阻兵窺獨不減數萬彥悉討平之是冬偽齊秦鳳經略使郭振以數千騎掠白石鎮彥與關師古併兵禦之賊大敗獲振復秦州張浚承制以彥節制商虢陝華州軍馬三年正月烏珠入侵浚召彥與吳玠劉子羽會于興元陸里罕自上津疾馳不一日至洵陽統制官郭進死之彥退保石泉縣金人入金州彥趨西鄉復僥風關彥與吳玠禦之不能却關破彥收餘兵奔達州五月彥遣兵至漢陰與劉豫將周貴戰大敗之復金州浚承制進彥保康軍承宣使兼宣撫司參議彥不受五年四月差知荆南府充歸峽荆門公

安軍安撫使彥因荆南曠土措置屯田自蜀買牛千七百頭授官兵耕營田八百五十頃分給將士有差六年二月知襄陽府京西南路安撫使彥以岳飛嫌浚浚奏彥為行營前護軍副都統制督府參謀軍事六月以八字軍萬人赴行在至鎮江聞母喪上疏乞解官不許詔免喪服趣入對遂以為浙西淮東沿海制置副使以所部屯通州之料角七年正月彥因遣將捕亡者於解潛軍中軍士交鬪於市言者論其軍政不肅貶秩二等彥不自安乞終餘服復洪州觀察使知邵州彥入辭帝撫勞甚厚九年卒於官年五十彥稱名將當建炎初屢破太敵威聲振河朔時方撓於和議遽召之還又奪其兵柄而使之治郡士議惜之魏勝字彥威淮陽軍宿遷縣人多智勇善騎射應募為弓箭手徙居山陽紹興三十一年金人將南侵勝聚義士三百北渡淮取連水軍宣布朝廷德意連水民翕然以聽遂取海州郡守高文富按宋名臣言行別錄作高文多聞勝起遣兵來捕勝迎擊走之追至城下眾驚傳水陸悉有兵城中大恐文富閉門守驅民上城禦之勝令城外多張旗幟舉煙火為疑兵又遣人向諸城門諭以金人棄信背盟無名與師本朝寬大愛民之意城上民聞之即開門勝遣勇銳者登城樓餘自門入莫有禦者獨文富與其子安仁率牙兵拒守勝整軍與安仁父子戰譙門內殺安仁擒文富民皆按堵勝權知州事遣人諭胸山懷仁沐陽東海諸縣皆定乃蠲租稅釋罪囚發倉庫犒戰士分忠義士為五軍紀律明肅部分如宿將勝自兼部統制益募忠義以圖收復遠近聞之響應旬日得兵數千即具其事報境上帥守左軍統制董成謀出西北取沂

州勝以軍中器甲未備戒勿動成不從勝不獲已率所部千餘人直入沂州巷戰殺其守及軍士三千餘眾悉降得器甲數萬後金人復集生兵成軍幾敗金人遣蒙恬鎮國以兵萬餘取海州抵州北二十里新橋勝設伏于隘陣以待眾殊死戰伏發賊大敗殺鎮國數千人降三百人軍聲益振山東之民咸欲來附勝傳檄招諭結集以待王師之至沂民壁蒼山者數十萬人圍之久不下若首勝稟告急勝提兵往救之陣于山下金人襲之勝單騎而殿以大刀奮擊金人圍之數重勝身被數十鎗刃出圍金人追之馬中矢踏步而入若無敢當者金人絕其水若中食乾精殺牛馬飲血勝禱雨有應遂得水金人周山為營勝度其必復攻海州因開出岩趨城中金人旋解蒼山圍自新橋抵城下勝出戰皆捷金分兵四面攻之勝募士登城以禦矢石如雨者七日金兵死傷者多遂遁去勝嘗出戰矢中鼻貫齒不能食猶親禦戰起義入朝廷尚未知沿海制置使李寶遣其子由海道覘敵至州始遣將詣行在白勝之功金海陵舉兵渡淮慮勝視其後分軍數萬來攻會李寶帥舟師往膠西破金人舟艦勝遣人邀之同擊金人于新橋大敗之金兵退寶復以兵登舟備海道悉獲金舟寶既捷勝亦還州為捍禦計俄金兵營于城北砂巷列陣將攻關門勝開門出諭之責其叛盟失信及兵逼關勝登關門張樂飲酒犒軍士令固守勿出戰踰時乃少遣士出憑險監擊之金人知不可攻率軍轉而渡河襲關後勝飲兵入城金兵追將及勝獨乘馬逐之敵皆辟易士卒後入者不復敢追勝軍已入城金兵徑趨城東欲過砂堰圍城為營勝先據堰備之不得過尋以單騎逐之

東門外大吡之金兵五百皆望風退勝又追十數里士得入城金兵復自西南來襲勝從後吡之兵駭散手殺數人奏功授閤門祇候差知海州兼山東路忠義軍都統遣其子昌同峒崑山首領張榮持旗榜往結山東忠義勝善用大刀能左右射旗揭曰山東魏勝金人望見即退走乃為旗十數書其姓名密付諸將遇塵戰即揭之初勝起義時無州郡糧餉之給無府庫倉廩之儲經畫市易課酒權鹽勸糶豪石環海州度視敵兵攻取處築城浚隄塞關隘在軍未嘗一日懈弛恆如寇至獲金謀者犒以酒食厚賂遣還有自北方來歸者與之同臥起共飲食示以不疑周其糗貧使之感激自是山東河北歸附者眾得金人虛實悉以上聞又第其忠義士功能假授官資因李寶轉達於朝悉如所請金人復以兵十萬攻海州時寶帥海舟抵城北砂巷勝率眾合寶軍大破之斬首不可計堰水為之不流餘悉奔潰勝獨率兵追北二十里盡獲其鞍馬器甲寶亦駐海州為進取計金人復遣烏錦太師發諸路兵二十餘萬來攻海州先自州西南斷勝軍餉道勝擇勇悍士三千餘騎拒于石闌堰金兵不能進連夜始還留千人備險隘金兵十萬來奪勝率眾鏖戰殺數千人餘皆遁去下令守險勿追報寶寶以防海道登舟不復發兵金兵盛集勝力拒之自且至暮敵不能奪無何金兵環城圍數重勝與統制郭蔚分兵備禦偃旗柝寂若無人金軍疑數日不敢攻已乃植雲梯置砲石四面合圍員士填壕勝俟其近城鳴鼓張旗矢石俱發繼以火牛金液凡三晝夜敵不能近於是罷攻修營壘絕河道謀為固守勝俟其不備掩擊或獨出擾之使不得休息又間夜發兵劫其營

或焚其攻具既而金人併力急攻勝告急於李寶寶以間命張子蓋率兵來解圍子蓋先帥騎兵至與勝大敗金軍斬首不可計追數十里餘兵皆遁勝與子蓋議進討子蓋曰受詔解圍不知其他遂率軍還時都督張浚在建康招勝詢以軍務轉閤門宣贊舍人差充山東路忠義軍都統制兼鎮江府駐劄御前軍統制仍知海州隆興元年詔以鎮江御前同統制魏全來守海州督府亦遣賈和仲充山東河北路招撫使節制本路軍馬海州駐劄和仲忌勝讓勝於都督罷其職改京東路馬步軍副總管都督府統制建康府駐劄既而督府知其誣復勝舊職改忠州刺史海州城西南孤山敵至登山瞰城中虛實立見故西南受敵最劇勝築重城圍山在內寇至則先據之不能害勝嘗自創如意戰車數百兩砲車數十兩車上為獸面木牌大槍數十垂簾幕軟牌每車用二人推轂可蔽五十人行則載輻重器甲止則為營掛搭如城壘人馬不能近遇敵又可以禦箭鏃列陣則如意車在外以旗蔽障弩車當陣門其上置牀子弩矢大如鑿一矢能射數人一發三矢可數百步砲車在陣中施火石砲亦二百步兩陣相近則發弓弩箭砲近陣門則刀斧槍手突出交陣則出騎兵兩衛掩擊得捷拔陣追襲少却則入陣間稍憩士卒不疲進退俱利何便出擊慮有拒遏預為解脫計夜習不使人見以其製上于朝詔諸軍遵其式造焉二年以議和撤海州戍命勝知楚州以本州官吏及部兵赴新治詔勝措置清河口時和議尚未決金兵乘其懈以舟載器甲糗糧自清河出欲侵邊勝規知之身帥忠義士拒于清河口金兵詐稱欲運糧往泗州由清河口入淮勝知其謀欲

禦之都統制劉寶以方議和不許金騎軼境勝率諸軍拒于淮陽自卯至申勝負未決金軍增兵來勝與之力戰又遣人告急於寶寶在楚州相距四十里堅謂方講和決無戰事迄不發一兵勝矢盡救不至猶依土阜為陣謂士卒曰我當死此得脫者歸報天子乃令步卒居前騎為殿至淮陰東十八里中矢墜馬死年四十五事聞贈保寧軍節度使諡忠壯時淮南未平詔於鎮江府江口鎮立廟賜號褒忠且令有司刻木以歛葬於鎮江官其二子賜銀絹田宅以劉寶不出救兵削兩領節鉞貶瓊州死

張憲岳飛愛將也飛破曹成憲與徐慶王貴招降其黨二萬有成黨郝政率眾走沅州號曰中賊憲一鼓擒之飛遣憲復隨州敵將王嵩不戰而遁進兵鄧州距城三十里遇賊兵數萬迎戰與王嵩董先各出騎突擊賊眾大潰遂復鄧州紹興十年金人渝盟入寇憲戰穎昌戰陳州皆大捷復其城烏珠頓兵十二萬于臨穎縣楊再興與戰死之憲繼至破其潰兵八千烏珠夜遁憲將徐慶李山復捷于臨穎東北破其眾六千獲馬百匹追奔十五里中原大震會秦檜主和命飛班師憲亦還未幾檜與張俊謀殺飛密誘飛部曲以能告飛事者寵以優賞卒無人應聞飛嘗欲斬王貴又杖之誘貴告飛貴不肯曰為大將寧免以賞罰用人苟以為怨將不勝其怨檜俊不能屈俊劫貴以私事貴懼而從時又有王俊者善告訐號鴟兒以姦貪屢為憲所裁檜使人論之王俊從檜俊謀以憲貴王貴皆飛將使其徒自相攻發囚及飛父子庶朝廷不疑俊自為狀付王俊妄言憲謀還飛兵令告王貴使貴執憲憲未至俊預為獄以待之屬吏

王應求白張俊以為密院無推勘法俊不聽親行鞫鍊使憲自誣謂得雲書命憲嘗還兵計憲被掠無全膚竟不伏俊手自具獄成告檜檜憲至行在下大理寺檜奏召飛父子證憲事帝曰刑所以止亂勿妄追證動搖人心檜矯詔召飛父子至王俊尚誣飛使子鵬孫革致書憲責令虛申驚報以動朝廷雲與憲書規還飛軍其書皆無有乃妄稱憲貴已焚之但以眾證具獄語在飛傳憲坐死籍家賞紹興三十二年追復龍神衛四廂都指揮使閩州觀察使贈憲遠軍承宣使錄其家

楊再興賊曹成將也紹興二年岳飛破成入莫邪關再興走躍入澗張憲欲殺之再興曰願執我見岳公遂受縛飛見再興奇其貌釋之曰我不汝殺汝當以忠義報國再興拜謝飛屯襄陽以圖中原遣再興至西京長水縣之業陽殺孫都統及統制滿在斬五百餘人俘將吏百人餘黨奔潰明日再戰于孫洪澗破其眾二千復長水得糧二萬石以給軍民盡復西京險要又得留馬萬匹芻粟數十萬中原響應復至蔡州焚敵糧飛敗金人于鄆城烏珠合龍虎大王蓋天大王及韓常兵遁之飛遣子雲當敵塵戰數十合敵不支再興以單騎入其軍擒烏珠不獲手殺數百人而還烏珠憤甚併力復來屯兵十二萬于臨穎再興以三百騎按三朝北盟會編作五百騎遇敵于小商橋驟與之戰殺二千餘人及萬戶薩巴貝勒千戶百人再興戰死按三朝北盟會編與再興同戰沒者王蘭高林會天大雨得進官軍乃得還後獲其屍焚之得箭鏃三升牛泉字伯遠汝州魯山人初為射士聚眾與金人戰屢勝補義勇討劇賊楊進于魯山三戰三捷累遷榮州刺史中軍統領金人再攻京西泉十餘戰皆捷加果州

團練使京城留守上官悟辟為同統制兼西京南路提點刑獄金人攻江西者自荆門北歸泉潛軍于寶豐之宋村擊敗之轉和州防禦使充五軍都統制又與貝勒戰魯山鄧家橋敗之轉西道招撫使偽齊乞師于金入寇泉設伏要地自屯丹霞以待敵兵悉眾來伏發俘其將鄭務兒遷安州觀察使尋除蔡唐州信陽軍鎮撫使知蔡州遇敵戰輒勝加親衛大夫會岳飛制置江西湖北將由襄漢規中原命泉隸飛軍飛喜甚即辟為唐鄧襄鄂州安撫使尋改神武後軍中部統領偽齊使李成合金人入寇破襄陽六郡敵將王嵩在隨州飛遣泉行裏三日糧糧未盡城已拔執嵩斬之得卒五千遂復隨州李成在襄陽飛遣泉以騎兵擊破之復襄陽金人攻淮西飛遣泉渡江自提兵與泉會時偽齊驃甲騎五千薄廬州泉遙謂金將曰牛泉在此爾輩胡為見犯眾皆愕然不戰而潰飛謂泉曰必追之去而復來無益也泉追擊三十餘里金人相踐及殺死者相半斬其副都統及千戶五人百戶數十人軍聲大振廬州平進中侍大夫從平楊公破之公技窮舉鍾子儀投于水繼乃自仆泉投水擒公飛斬其首函送都督行府除武奉軍承宣使改行營護聖中軍統制尋充湖北西宣撫使左軍統制加龍神衛四廂都指揮使金人渝盟飛遣泉出師戰汴許間以功最除捧日天武四廂都指揮使成德軍承宣使歷荆湖南路馬步軍副總管紹興十七年上巳日都統制田師中大會諸將舉遇毒明日卒或言秦檜使師中壽泉云初檜主和未幾金渝盟入寇帝手札賜飛從便措置飛乃命泉及王貴董允楊再興孟邦傑李寶等經略東西京汝鄧穎陳曹光蔡諸郡又遣梁興渡

王應求白張俊以為密院無推勘法俊不聽親行鞫鍊使憲自誣謂得雲書命憲嘗還兵計憲被掠無全膚竟不伏俊手自具獄成告檜檜憲至行在下大理寺檜奏召飛父子證憲事帝曰刑所以止亂勿妄追證動搖人心檜矯詔召飛父子至王俊尚誣飛使子鵬孫革致書憲責令虛申驚報以動朝廷雲與憲書規還飛軍其書皆無有乃妄稱憲貴已焚之但以眾證具獄語在飛傳憲坐死籍家賞紹興三十二年追復龍神衛四廂都指揮使閩州觀察使贈憲遠軍承宣使錄其家

河糾合忠義社取河東北州縣未幾李寶捷于曹州捷于宛亭捷于渤海廟董先姚政捷于穎昌劉政捷于中牟張憲復穎昌淮寧府王貴之將楊成復鄭州張應韓清復西京皋及傳選捷于京西捷于黃河上孟邦傑復永安軍其將楊遇復南城軍又與劉政捷于西京梁興會太行忠義及兩河豪傑趙雲李進董榮牛顯張峪等破金人于垣曲又捷于心水追至孟州之邵原金張太保成太保等以所部降又破金高太尉兵于濟源喬握堅等復趙州李興捷于河南府捷于永安軍梁興在河北取懷衛二州大破烏珠軍斷山東河北金帛馬綱之路金人大擾未幾岳飛還朝下獄死世以爲恨云

胡閔休字良弼開封人宣和初入太學時方諱兵閔休著兵書一卷靖康初勅知兵科閔休應試中優等補承信郎金人圍城閔休分地而守二帝詣金營閔休欲結義士劫之何奭禁止之二帝北遷范瓊散勤王師閔休曰勤王師可進不可退檄令隨軍而無靖康年號閔休得之泣下懷檄而走從辛道宗勤王南渡以忠義進兩官湖湘盜起閔休作致寇禦寇二篇言天地之氣先春後秋招之不伏則討之於是以岳飛爲招討使飛辟閔休爲主管機宜文字以誅鍾子儀功進成忠郎飛被誣死閔休發憤杜門佯疾十年卒有勤王忠義集藏于家孫照德安太守

列傳

宋七十八

張俊 從子子蓋 張宗顏 劉光世

王淵 解元 曲端

王友直 李寶 成閔

趙密 劉子羽 呂祉

胡世將 鄭剛中

張俊字伯英鳳翔府成紀人 按宋史地理志成成紀屬秦州三陽人 好騎射負才氣起於諸盜年十六為三陽

夏人仁多泉始授承信郎平鄆州賊李太及河朔山東

武功大夫金人攻太原神師中往援屯榆次金人以數

萬騎壓之俊時為隊將進擊殺傷甚眾獲馬千匹請乘

勝要戰師中以日不利急令退保金人謀俊計不行悉

兵合圍攻益急榆次破師中死之俊與所部數百人突

圍而出且行且戰至烏河川再與敵遇斬五百級金人

圍汴京高宗時為兵馬大元帥 按宋史欽宗本紀靖康元年冬十月命康王為

大元帥 俊勒兵從信德守臣梁楊祖勤王高宗見俊

遂如濟州開啟乾龍節迫夜有告高宗欲俟元帥謁香劫以叛羣議集諸軍屯備俊曰元帥不出姦謀自破賊術窮黎明引軍北遁俊勒兵追殺之進徐州觀察使高宗以俊忠勞日積遷拱衛大夫既而汴京破二帝北遷俊懇辭勸進高宗涕泣不許俊曰大王皇帝親弟人心所歸當天下洵洵不早正大位無以稱人望且白耿南仲奏之表三上高宗發濟州俊便道扈行至應天府高宗始即位初置御營司以俊為御營前軍統制遣還京迎隆祐太后權泰鳳兵馬鈴轄尋奉太后及六宮以歸除帶御器械時江淮羣盜蜂起俊計杜用于淮寧趙萬郭青于鎮江陳通于杭州蔣和尚等于蘭溪皆平之落階官除正任觀察使二年升秦鳳路馬步軍副總管尋破秀州賊數萬縛徐明斬之進武寧軍承宣使帝如揚州召諸軍議恢復俊曰今敵勢方張宜且南渡據江為險練兵政安人心俟國勢定大舉未晚俊又請移左藏庫于鎮江既而敵掩至已逼近旬俊亟奏飭甲乘從帝如臨安苗傅劉正彥反俊時屯兵吳江縣傳等矯詔加俊捧日天武四廂都指揮使以三百人赴秦鳳命他將領餘兵俊知其僞拒不授三軍洵洵俊諭之曰當詣張侍郎求決即領所部八千人至平江張浚語俊以傅等欲危社稷泣數行下俊大慟浚諭以決策起兵問罪俊泣拜且曰此須侍即濟以機衛毋驚動乘輿呂頤浩至俊見之亦涕泣曰今日惟以一死報國劉光世以所部至俊釋舊憾韓世忠來自海上俊借一軍與之俱世忠為前軍俊以精兵翼之光世次之戰于臨平傅等兵敗開城以出世忠俊光世入城見帝于內殿帝嘉勞久之拜鎮西軍節度使御前右軍都統制尋為浙東制置使

金人分兵深入渡江攻浙杜充棄建康韓世忠自鎮江退保江陰帝如明州俊自越州引兵至烏珠攻臨安帝御樓船如溫州留俊於明州以拒敵契即除夕金兵至城下俊使統制劉寶與戰兵少却其將党用邱橫死之於是統制楊沂中田師中統領趙密皆殊死戰沂中舍舟登岸力戰殿師李質以班直來助守臣劉洪道率州兵射其旁大破之殺數千人俊慮敵必再至下令清野多以輕舟伏弩閉關自守四年正旦忽西風起金人乘之果復攻明州俊與劉洪道坐城樓上遣兵掩擊金人奔北死於江者無數夜拔若去屯餘姚且請濟師於烏珠後七日敵再至俊引兵趨入台州明州居民去者十七八未幾江浙羣盜竄起授俊兩浙西路江南東路制置使以所部招收羣盜命後軍統制陳思恭隸之且令兩浙宜撫使周望以兵屬俊劉光世韓世忠之外諸將皆受節度六月改御前五軍為神武軍俊即本軍為神武右軍都統制除檢校少保定江昭慶軍節度使十月浙西羣盜悉平改江南招討使紹興元年帝至會稽時孔彥舟據武陵張用據襄漢李成尤悍彊據江淮湖湘十餘州連兵數萬有席卷東南意多造符讖蠱惑中外圍江州久未解時方慮之范宗尹請遣將致討俊慨然請行遂改江淮路招討使成黨馬進在筠州豫章介江筠之間俊急趨豫章且曰我已得洪州破賊決矣乃敕兵若無人者金鼓不動居月餘進以大書牒來索戰俊以細書狀報之賊以俊為怯俊諜知賊意乃議戰岳飛為先鋒楊沂中由上流徑絕生米渡出賊不意追奔七十里至筠州賊背筠河而陣俊用楊沂中計親以步兵當其前精騎數千授沂中及陳思恭俾從山後來擊以

午為期俊與賊鏖戰至午精騎自山驪下賊駭亂退走大敗復筠州臨江軍追至北奉新樓子莊賊黨商元據草山挾險設伏俊遣步兵從間道直趨山椒殺伏奪險乘勝追至江州成勢迫絕江而遁號俊為張鐵山復江州已而與國軍等處羣盜聞俊兵至皆遁去俊引兵渡江至黃梅縣親與賊戰成德奉新失險之敗據石矢坡憑山以木石投入俊親冒矢石帥眾攻險賊眾數萬俱潰馬進為追兵所殺城北走降劉豫諸郡悉平拜太尉四年十月金人與劉豫分道入侵舉朝震恐或請他幸俊謂趙鼎曰避將何之惟向前進一步庶可脫當聚天下兵守平江徐為計鼎曰公言避非策是也以天下兵守一州非也公但堅前議足矣遂以俊為兩浙西路江南東路宣撫使屯建康既而改淮西宣撫使瀕江相距逾月敵不得入俊遣張宗顏潛渡至六合出其背敵將引去復繼遣王進薄諸淮大敗之獲其將程師回張延壽以獻五年劉麟入寇俊與楊沂中合兵拒于泗州六年改崇信奉寧軍節度使劉麟兵十餘萬犯濠壽詔併以淮西屬俊楊沂中按宋史本傳于紹興六年後即稱中名存中附揚沂亦聽節制與俊合兵拒敵俊分遣存中與張宗顏王璋田師中等自定遠軍次越家坊遇劉猗左右軍擊走之俊率大軍鼓行而前至李家灣遇猗大兵與賊戰獲略盡降者萬餘人猗僅以身免拜少保加鎮洮崇信奉寧軍節度使七年改淮南西路安撫使置司盱眙俊與韓世忠入見議移屯命俊自盱眙屯廬州九年金人約寢兵許之賜俊安民靖難功臣拜少傅按宋史高宗本紀紹興九年金國通好張俊加少傅三朝北盟會編亦作九年本傳作八年今依本紀按三十年金復渝盟破河南順昌府命俊策應劉錡北盟會

編載高宗紹興九年五月金人敗烏珠李成孔產舟鄧瓊趙榮入侵又劉錡與烏珠戰于順昌城下係紹興十年六月事宋史本紀改俊督軍渡江金人引退繼而金人三路都統自東南兩京分道來侵倭亳州北渡河俊收宿亳諸軍擊之盡復衛真鹿邑等地師還十年鄧瓊在亳州俊以大軍至城父都統制王德下符離乘勝趨毫與俊合俊引軍入城金人棄城遁復亳州留統制朱廷守之俊引軍還壽春進少師討濟國公十一年二月烏珠入合肥漸攻歷陽江東制置大使葉夢得見俊請速出軍俊遣兵渡江諭諸將曰先得和州者勝王德頗為諸軍先士鼓舞而行敵已據之德率眾渡采石先登俊宿中流德抵城下金人退屯昭關後三日復敗金將韓常于含山命關師古復巢縣遂復昭關使左軍統制趙奮偃兵篋竹出六丈河以分金勢張守忠以五百騎敗金人于全椒未幾敵斷石梁以拒俊俊疾作力疾引眾涉流登岸追擊之王德與楊存中劉錡會兵敗金人于柘皋按三朝北盟會編載紹興十一年二月三日入和州十八日張俊楊存中劉錡及金人戰于柘皋鎮大破其軍二十日張俊克濠州三月四日金人攻濠州張俊楊存中劉錡在濠州登流星馬急告者日三四通會俊存中劉錡皆退濠州諸軍各入員十日糧米欲越過定遠縣而城已陷九日楊存中率兵襲濠州不克宋史本傳不載俊克濠州拜樞密使俊知朝廷欲罷俊既不受廬又不按濠附議兵首請納所統兵力贊和議與秦檜意合言無不從薦士大夫監司郡守者甚眾雖劉子羽自諭籍起家亦俊力也加太傅封廣國公尋進益國公十二年以殿中侍御史江遯論之罷為鎮洮武武奉寧軍節度使充禮泉觀使初檜以俊助和議德之故盡罷諸將以兵權付俊歲餘俊無去意故檜使遯攻之尋進封清河郡王奉朝請十六年改鎮靜江寧武靜海軍二十一年冬帝幸其

第拜太師以其姪清海軍承宣使子蓋為安德軍節度使其他子弟遷秩者十三人南渡後俊握兵最早屢立戰功與韓世忠劉錡兵飛並為名將世稱張韓劉岳伏通鑑輯覽 御批南渡諸將世以張韓劉岳並稱然當日始終未嘗指數至獨一岳飛耳韓世忠雖時見失當而職功尚不可少岳飛與韓世忠亦不過則見內地羣盜其與金人遇未嘗不望風鼠竄也即如楚州之役張俊與韓世忠之五降御批韓世忠不奉行告趙鼎以何事為他人任患後有無君之心高宗不能明抵之無光世得以榮寵俸終有隙獨以楊存中為腹心識甚矣然濠壽之役俊與錡有隙獨以楊存中為腹心故有濠梁之劫伏讀通鑑輯覽 御批俊懦意無能師克濠既未從其退師據險之謀及聞兵去又不信其嚴兵設備之說且阻錡無問遂至倉卒敗逃死傷慘甚欲邀功而適以喪師不問問其岳飛冤獄韓世忠救之俊獨助檜成其事心術之殊也遠哉帝子諸將中眷俊特厚伏讀通鑑輯覽 御批張俊才勇既不建岳飛作檜遠甚又嫌其驟貴果立顯功猜嫌日積竟至甘心其肆意妄為不加察轉使之榮保功名在檜下高宗任然警救之者不絕口二十四年卒年六十九追封循王子五人子琦子厚子顏子正子仁子蓋字德高父宏從俊軍河上金人破開德府宏戰死子蓋初從韓世忠討苗傅補承信郎累功遷武功郎紹興六年劉猗大舉入寇過定遠縣將趨宣化窺淮詔遣俊會劉九世軍則之子蓋從俊擊猗于藕塘授閩門宣贊舍人明年改昌州刺史江南東路馬步軍都總管十年金人再取河南以興復宿毫功遷登州防禦使兼宣撫司衙兵副統制十一年二月烏珠入廬州攻含山縣漸攻歷陽俊遣兵渡江子蓋從王德拔和州又會劉錡擊金人于柘皋敗之軍勢赫張烏珠復攻濠州子蓋又敗之于州梁橋除與監軍承宣使和議成改建康府駐劄御前諸軍都統制累授安德軍節度使三十二年春

金人攻海州急以子蓋為鎮江府都統往援之即日渡江馳至楚州淮東漕臣龔嵩謂之曰敵眾十倍兵力不支宜張虛聲攻淮陽使之必救則海州可解子蓋曰彼若不救將如之何乃亟趨漣水取便道以進次石淋堰金人陳萬騎於河東子蓋率精銳數千騎擊之謂麾下曰彼眾我寡利在速戰遣統制張玘略陣中流矢死子蓋曰事急矣奮臂大呼馳入陣諸將繼之殊死戰敵大敗擁溺石淋河死者半圍遂解金人復整軍來戰子蓋再率精銳擊之獲其車馬鎧仗萬計退屯泗州孝宗卽位召對賜鞍馬鎧甲束帶且令招集勇敢相時而動子蓋受命還招金大將蕭扎巴耶律薩里將其眾來降尋以疾還鎮江授檢校少保淮東招撫使未赴卒年五十一賜大尉諡恭壯

張宗顏字希賢延安人父吉為涇原將解宣威城圍死之宗顏以父恩補三班供職監閭鄉酒稅積官至涇原副將權殿前司統轄御營軍統制張俊選為統領從俊討浙西寇秀州軍校徐明以城叛宗顏夜襲其城明遁轉忠州刺史遷御前中軍統制金人攻明州宗顏破其前軍盜楊勃破松溪命宗顏及李捧陳思恭討之宗顏次浦城不進勃又掠建州宗顏趨南劍州與勃遇遂歸盜猶未平謬言已擊退侍御史沈與求劾之貶二秩從俊討李成與成將馬進戰玉隆觀觀之遷環慶路馬步軍副總管神武右軍統制改麟州觀察使偽齊挾金人攻宣化鎮後遣宗顏潛渡江出其後襲之不勝後庇之以捷聞遂加沂州防禦使繼以兵襲擊淮北復遷崇信軍承宣使宣撫司前軍統制偽齊入寇督府張浚遣楊沂中與俊合兵禦之徽宗顏自泗州為俊繼與視遇于

李家灣大破之搆龍神衛四廂都指揮使武信軍承宣使八年知廬州總帥事敵數百騎抵城下宗顏以騎百餘禦之敵退紹興九年卒年四十四贈保靜軍節度使諡壯敏

劉光世字平叔保安軍人延慶次子初以蔭補三班奉職累陞鄜延路兵馬都監斬州防禦使方臘反延慶為宣撫使司都統遣光世自將一軍趨衢婺出其不意破之賊平授耀州觀察使陞鄜延路兵馬鈐轄時有事燕薊光世從延慶取易州授奉國軍承宣使金將郭藥師降除威武奉宣使延慶遣諸將擣盧趨燕以光世為後繼光世不至諸將失援而潰降三官河北賊張迪掠濟州境詔光世討之光世曰賊烏合非有紀律乃伴北以邀之賊競進光世引騎貫其中賊大潰復承宣使統鄜延路馬步軍副總管靖康元年金兵攻汴京夏人乘間寇杏子堡堡有兩山對峙地險詭光世據之敵至敗去擢侍衛馬軍都虞候金再攻汴光世入援聞范致虛傳檄諸路引兵會之會有詔止勤王兵光世以為宜速進不可以詔示眾既而聞京城事遂別道趨就至濟州謁康王命為五軍都提舉王卽皇帝位命省視陵寢尋為提舉御營使司一行事務行在都巡檢使斬山東賊李昱遷奉國軍節度使平鎮江叛兵改潞濠太平州無為軍江寧府制置使討張遇於池州遇見官軍不整越湖出官軍後官軍亂光世幾被執王德救之得免遇循江而上光世整兵追至江州斷其後軍破之遇復東下又追擊於江寧二年以功加檢校少保命討李成光世以王德為光鋒大敗之再戰皆捷成遁執其謀主陶子思加檢校少傅帝在揚州金騎掩至天長光世迎敵

未至而軍潰帝倉卒渡江命光世為行在五軍制置使屯鎮江府控扼江口尋加檢校太保殿前都指揮使苗劉為亂素憚光世張浚在平江馳書諭以勤王光世不從呂頤浩遣使至鎮江說之乃引兵會于丹陽兵進光世以選卒為游擊仍分軍殿後遇苗翊馬柔吉軍于臨平與韓世忠等破之至行在遷太尉御營副使光世遣王德助喬仲福追傳至崇安縣盡降其眾傳僅以身免逆將范瓊被執張浚使光世撫定其眾又招賊斬賽降之命光世為江東宣撫使守太平及池州受杜充節制光世言受充節制有不可者六帝怒光世始受命隆祐太后在南昌命光世移屯江州為屏蔽既至日置酒高會金人自黃州渡江凡三日無知之者比金人至遂遁自信州引兵至南康鄧瓊圍固始縣光世遣人招降之又遣王德擒妖賊王念經于信州充御前巡衛軍都統制召赴行在授浙西安撫大使知鎮江府光世言安撫控制一路若但守鎮江則他郡有警不可離任望別除守臣光世專充安撫使從便置司時光世慮金人必過江故預擇便地帝覺之止許增辟通判右諫議大夫黎確疏其擇便求佚帝釋不問加宣武軍節度使開府儀同三司以遣之光世乞便宜行事不許時韓世忠張俊兼領浙西制置使光世復言本路兵火之餘不任三處需求遂罷世忠俊兼領時金兵留淮東光世頗畏其鋒楚州被圍已百日帝手札趣光世援楚者五竟不行但遣王德鄧瓊將輕兵以出時奏殺獲而已楚州破命光世節制諸鎮力守通泰完顏昌屯承楚光世知其眾思歸欲攜貳之乃鑄金銀銅三色錢文曰招納信寶獲敵不殺令持錢文示其徒有欲歸者扣江執錢為信歸者

不絕因勅奇兵赤心兩軍昌遂拔去紹興元年金人渡淮真揚皆闕守命光世兼淮南京東路宣撫使置司揚州措置屯田迄不行張俊討李成又命光世分兵往舒蘄擣其巢穴光世以江北盜未平為辭命兼淮南宣撫使領真揚通承楚州連水軍郭仲威謀據淮南以通劉豫光世遣王德擒之并其眾范宗尹言光世軍多冗費請汰其罷軟者帝因作手書與之淮北人多歸附者命光世兼海泗宣撫使以安輯之五湖捕魚人夏靈聚眾千餘掠人為食郭仲威餘黨出沒淮南郡青據通州光世皆招降之光世請鑄淮東宣撫使印給錢糧增將吏皆從其請仍給鎮江府常州江陰軍苗米三十七萬斛為軍中一歲費二年復命移屯揚州時至鎮江視師光世不奉詔入朝言鄰寇有疑或致生事願仍領浙西為根本計右司諫方孟卿劾之乞召宰執與議使之必往光世猶以乏糧為辭光世之來以緡帛方物為獻帝命分賜六宮中丞沈與求以為不可命還之呂頤浩奏光世軍月費二千萬緡乞差官考覈詔御史江昉度支胡蒙至軍點校終不得實帝方倚其成功尋詔兩漕臣措置鎮江酒稅務又省織御服局七百萬緡以助之加宣武寧國軍節度使光世奏部將喬仲福斬賽防江有勞詔進一官給事中程瑀言光世兵未渡江金人或渡淮江浙必震光世方遣人按行宜興湖泖之間以備退保詔以章示之光世遷延如故三年命光世與韓世忠易鎮同召赴闕授檢校太傅江東宣撫使世忠既至鎮江城下姦人入城焚府庫光世擒之皆云世忠所遣世忠屯登雲門光世引兵出懼其扼己改途趨白鷺店世忠遣兵襲其後光世以聞帝遣使和解仍書賈復寇恟

傳賜之命為江東淮西宣撫使置司池州劉豫將王彥光揚兵淮上有渡江意光世扼馬家渡遣鄭瓊屯無為軍為濠蘆援賊乃退光世奏鄭延李份充閣門祗候言者論其涉私罷之金人劉豫入侵時光世張俊韓世忠權相敵且持私隙帝遣侍御史魏桓至軍中諭以滅怨報國光世乃移書二帥二帥皆復書致情光世始移軍太平以援世忠金兵退光世入覲選少保請以所置淮東田易淮西田紳事中晏敦復言其擾民而止又請並封其三妾為孺人南渡後諸大將封妾自此始會改神武軍為行營護軍以光世所部稱左護軍劉豫築龍城以窺淮西光世遣王師晟破之加保靜軍節度使遂領三鎮張浚無淮上諸屯劉豫挾金人分道入侵命光世屯廬州以招北軍與韓世忠張俊鼎立楊沂中將精卒為後距劉玘驅鄉民偽為金兵布淮境光世奏盧難守欲還太平浚命呂祉馳往軍中督師光世已舍廬州退浚遣人厲其眾曰若有一人渡江即斬以徇光世不得已駐兵與沂中相應遣王德鄺瓊領兵自安豐出謝步遇金將三戰皆敗之張浚入對言光世驕惰不戰不可為大將請罷之帝命與趙鼎議遂遷護國鎮安保靜軍節度使右司諫陳公輔劾其不守廬州張浚言其沈酣酒色不恤國事乞賜罷斥光世亦引疾請罷軍政又獻所餘金穀于朝拜少師充萬壽觀使奉朝請封榮國公賜甲第一區以兵歸都督府初光世麾下多降盜素無紀律至是督府命呂祉節制其軍鄭瓊殺祉驅諸軍降劉豫九年用講和恩賜號和眾輔國功臣進封雍國公陝西宣撫使弟光遠疏其短中丞勾龍如淵再論光世不可遣而止十年金人闕順昌拜太保為三京招撫處

置使以援劉錡光世請李顯忠為前軍都統又請王德自隸德不願受其節制顯忠行至宿泗軍多潰進至和州秦檜主罷兵召還光世入見為萬壽觀使改封揚國公卒年五十四贈太師官其子孫甥姪十四人諡武僖乾道八年追封安城郡王開禧元年追封郡王光世在諸將中最先進律身不嚴取軍無法不肯為國任事建炎初結內侍康履以自固又蚤解兵柄與時浮沈不為秦檜所忌故能竊寵榮以終其身方之韓岳不逮遠矣王淵字幾道熙州人後徙環州善騎射應募擊夏國屢有功累遷熙州河蘭路第三將部將權知鞏州寧遠砦諸羌入寇經略司討之表淵總領岷山蕃兵將與師城澤州羌悉眾來爭淵奮擊大破之追至邈川城移同總領湟州蕃兵將兼知臨宗坐法免宣和三年劉延慶討方臘以淵為先鋒賊將據錢塘勢張甚淵諭裨將韓世忠逆戰而偽遁自以強弩伏數百步外賊追之伏弩卒發逐北至消安賊據幫源湖遂圍而平之授閣門宣贊舍人權京畿提舉保甲兼權提點刑獄公事繼從延慶攻契丹護餉道戰敗為敵所獲已而逃歸猶以出塞遷武功大夫果州團練使又從楊惟忠辛興宗破羣盜高托山等遷拱衛大夫寧州觀察使靖康元年為真定府總管就遷都統制吳湛據趙州叛淵討平之金人攻汴京范訥統勤王兵以淵為先鋒尋以所部歸康王府明年張邦昌僭立康王如濟州命淵以三千人入衛宗廟淵至汴都以朝服見邦昌納謁曰參冢宰相公邦昌始易紫袍延之政事堂淵慟哭宣教康王即皇帝位淵與楊惟忠韓世忠以河北兵劉光世以陝西兵張俊苗傅等以帥府及降羣盜兵皆在行朝不相統一始置御

營司以淵為都統制歷從累月不釋甲帝加揚州授龍神衛四廂都指揮使尋改捧日天武四廂都指揮使進保大軍承宣使時羣盜蠶起以淵為制置使平杭賊提兵四出所向皆捷平軍賊趙萬于鎮江誅杭賊陳通於杭州降張遇於楊子橋期年羣盜略盡遷獨德軍節度使建炎三年二月金人攻揚州帝倉卒渡江淵從至鎮江專管江上海船諸將所部皆不能濟劉光世見帝泣訴淵忿其言斬江北都巡檢皇甫佐以自解自是淵失諸將心帝欲留鎮江以援江北羣臣亦固請淵獨言鎮江止可捍一面若金人自通州渡江以據姑蘇將若之何不如錢塘有重江之險議遂決命淵守姑蘇言戎器全缺兵匠甚少乞括民匠營繕尋自平江赴行在拜簽書樞密院事仍兼都統制命下諸將籍籍帝聞之乃命免奏事簽書仍解都統制以慰眾心先是統制官苗傅自負世將以淵驟用頗觖望劉正彥嘗招巨盜丁進亦以賞薄怨淵而內侍康履願用事及淵入樞府傅正彥以其由宦官薦愈不平俟淵入朝伏兵殺之併殺康履遂成明受之變淵時年五十三淵為將輕財好義家無宿儲每言朝廷官人以爵祿足代耕若事雖刀易若為商賈邪然多殺降人深交內侍故及於禍贈開府儀同三司累加少保官其子孫八人紹興四年又官二人乾道六年諡襄感子倚

討之戰於臨平賊遁追擒于浦城四年三月金人攻浙西世忠治兵京口邀其歸路以海艦橫截大江金人出小舟數十以長鈎板艦元在別舸躍入敵舟以短兵擊殺數十人擒其千戶授忠州團練使統制前軍繼從討閩寇范汝為轉討湖外諸盜時劉忠據白面山憑險築壘世忠討之賊因山設望樓從高瞰下以兵守之屯壯鏡于四山視其指呼而出戰元單騎涉水薄賊若周覽其形勢歸告世忠曰若奪據其望樓則技窮矣世忠然之遣元率兵五百長戟居中翼以弓矢自下趨高賊眾莫支乃據望樓立赤幟大軍並進夾擊之賊遂平改相州觀察使紹興四年金人偽齊合兵入侵世忠自鎮江趨揚州命元屯承州元度金人將至城下遣百人伏要路百人伏嶽廟自以四百人伏路隅令曰俟金人過我當先出掩之伏要路者視我麾旗則立幟以待金人必自嶽廟走伏者背出又決河岸過其歸路金人果走城下伏發金人進退無路乃走嶽廟元追之獲百四十八人止遣二人時城中兵不滿三千金萬戶黑頭虎直造城下約降元匿其兵以微服出偽若降者金人稍懈俄伏發擒黑頭虎未幾金兵四集元戰却之追北數十里金人赴水死者甚眾改同州觀察使六年從世忠出下邳以數百騎破敵伏兵授保順軍承宣使十年略地淮陽至劉令莊騎纒三百當敵騎數千元揮戈大呼眾爭奮敵披靡俄而救至後部疑懼元回顧曰我在此若等無慮眾乃安轉戰自辰至午敵退成列而還加龍神衛四廂都指揮使明年世忠罷兵柄以元為鎮江府駐劄御前諸軍都統制以統其眾又明年進待衛親軍馬步軍都虞候尋授信保軍節度使卒年五十四贈檢校少

保曲瑞字正甫鎮戎人父漢任左班殿直戰死瑞三歲授三班借職警敏知書善屬文長於兵略歷秦鳳路隊將涇原路通安若兵馬監押權涇原路第三將夏人入寇涇原帥司調統制李序與瑞捍禦庫駐兵栢林堡斥堠不謹為夏人所薄瑞力戰敗之整軍還夏人再入寇西安州懷德軍相繼陷沒鎮戎當敵要衝無守將經略使席貢疾栢林功奏瑞知鎮戎軍兼經略使統制官建炎元年金羅素攻陝西入長安鳳翔關隴大震瑞時治兵涇原招流兵潰卒所過人供糧結道不拾遺金游騎入境瑞遣副將吳玠據清溪嶺與戰大破之瑞乘其退遂下兵秦州而義兵已復長安鳳翔統領官劉希亮自鳳翔歸瑞斬之以集英殿修撰知延安府王庶為龍圖閣待制節制陝西六路軍馬遂授瑞吉州團練使充節制司都統制瑞雅不欲庶屬及金人復攻陝西庶召瑞會雍耀問瑞托辭不行庶無如之何則檄責勒瑞還舊任遣陝西節制司將官賀師範趨耀別將王宗尹趨白水且令原慶出師為援三帥各遣偏將劉世忠寇輝來與師範會庶欲往耀督戰已行會麗世才兵至邪端中悔以狀白庶言已赴軍前庶乃止師範輕敵不戒卒遇敵于八公原戰死二將各引去端遂得涇原兵柄既而金人謀知端庶不協併兵攻鄜延時端盡統涇原精兵駐涇化庶日移文趨其進又遣使十數輩往說端端不聽庶知事急又遣屬官魚濟督師端陽許而實無行意權轉運判官張彬為端隨軍應副問師期端曰兵不滿萬不幸而敗則金騎長驅無陝西矣不如蕩其巢穴攻其必救乃遣吳玠攻華州拔之端自引兵趨耀之同官復

迂路由邠之三水與玠會襄樂金攻延安急庶收散亡往援知鳳翔府王燮亦將所部赴之比庶至甘泉而延安已陷庶無所歸以軍付燮自將百騎與官屬馳赴襄樂勞軍庶猶以節制望端欲倚以自副端彌不平端號令素嚴入壁者雖貴不敢馳庶至端令每門減其從騎之半及帳下僅數騎而已端猶虛中軍以居庶坐帳中端先以戎服趨於庭既而與張彬及走馬承受公事高中立同見帳中良久端聲色俱厲問庶延安失守狀欲即軍中殺庶奪其兵夜走靈州見陝西撫諭使謝亮請誅庶亮曰使事有指今以人臣擅誅于外是跋扈也公為則自為端意阻復歸軍明日庶見端為言已自劾待罪端拘庶其官屬奪其節制使庶乃得去王燮將兩軍在慶陽端召之燮不應會有告燮過邠軍士劫掠者端怒命統制官張中孚率兵召燮至慶陽燮已去遽遣兵要之不及初叛賊史斌圍興元不克引兵還關中義兵統領張宗諤誘斌如長安而散其眾欲徐圖之端遣吳玠襲斌擒之而自襲殺宗諤三年遷康州防禦使涇原路經略安撫使時延安新破端不欲去涇原乃以知涇州郭浩權郵延經略司公事自謝亮歸朝廷聞端欲斬王庶疑有叛意以御營司提舉召端端疑不行議者喧言端反端無以自明會張浚宣撫川陝入辨以百口明端不反浚自收攬英傑以端在陝西屢與敵角欲仗其威聲承制築壇拜端為威武大將軍宣州觀察使宣撫處置使司都統制知渭州浚雖用端然未測端意遣張彬以招填禁軍為名詣渭州察之彬見端問曰羅索以孤軍深入吾境我合諸路攻之不難萬一尼雅滿併兵而來何以待之端曰彼將士精銳且因糧於我我

常為客彼常為主今當反之按兵據險時出偏師以擾其耕獲彼不得耕必取糧河東則我為主彼為客不一二年必自困斃乃可圖也萬一輕舉後憂方大彬以端言復命浚不主端說四年春金人攻環慶端遣吳玠等拒于彭原店端自將屯宜祿玠先勝既而金軍復振玠大敗端退屯涇州金乘勝拔邠州而去按張魏公三戰與其父薩里罕及黑峰等攻邠州曲端拒之兩戰皆捷至白店原金引眾來攻又為端所敗本傳於端之敗金不及玠怨端不為援端謂玠前軍已敗不得不據險以防衝突乃劾玠違節制是秋烏珠窺江淮准議出師以捷其勢端曰平原廣野敵便于衝突而我軍未嘗習水戰金人新造之勢難與爭鋒宜訓兵秣馬保疆而已俟十年乃可端既與浚異浚積前疑竟以彭原事罷兵柄與祠再責海州團練使萬安州安置伏讀通鑑魏觀不馴屢形跋扈張浚非不知之以其臨陣威聲尚委制勝為朝廷借禦侮之才故以保其非叛委任不疑雖甚頑劣之才亦當為之感動出死力以相報矣乃陳州之圍復挾彥他私嫌不遵檄赴救儼然仍日王庶待浚浚見其怙終若此尚安望其同心集事乎他日恭州之獄雖由讒語而成而其致釁不可謂非自取也是年浚為富平之役軍敗誅趙哲貶劉錫浚欲慰人望下令以富平之役涇原軍馬出力最多皆緣前師曲端訓練有方敘端左武大夫興州居住紹興元年敘正任榮州刺史提舉江州太平觀徙閬州于是浚自興州移司閬州欲復用之玠與端有憾言曲端再起必不利於張公王庶又從而間之浚入其說亦畏端難制端嘗作詩題柱曰不向關中興事業却來江上泛魚舟庶告浚謂其指斥乘輿於是送端恭州獄武臣康隨者嘗忤端鞭其背隨恨端入骨浚以隨提點夔路刑獄端聞之曰吾其死矣呼天者數聲端有馬名鐵象日馳四百里至是連呼鐵象可惜者又數聲乃赴逮既至隨令獄吏

繫維之糊其口燭之以火端乾渴求飲子之酒九竅流血而四年四十一陝西士大夫莫不惜之伏讀通鑑魏觀三坐以失律之誅亦不為枉王庶以前諸事即不追咎而陝州彭原之敗敗告張浚所目擊若彼時即請朝命諫之誰得而議其非者乃于專後信妻非之讒羅織逮繫且以非法致之死恭州之獄論者咸以為冤浚實不能辭懷私尚殺之罪矣尋追復宣州觀察使諡壯愍端有將略使展盡其才要未可量然剛復恃才凌物此其所以取禍云王友直字聖益博州高平人父佐以材武稱友直年十二隨父游諸兵法紹興三十一年金人渝盟友直結豪傑志恢復迺矯制自擬承宣使河北等路安撫制置使以其徒王任為副使徧諭州縣郡王未幾得眾數萬制為十三軍軍置都統制等官統之進攻大名一鼓而克撫定眾庶諭以紹興年號乃與王任馮毅張昇牛汝霖列奏于朝欲領眾南歸時金人尚在揚州久不報友直將由壽春涉淮道拜勅書勉以率眾擣敵苟應援除友直檢校少保天雄軍節度使王任等並授爵有差得便宜行事旋與敵遇相拒淮北敵兵來益眾友直即率所部渡淮既而審所遇乃歸師悔不襲擊之高宗視師江上見于金陵賜金帶章服錫賚及二子友直恥前功不遂自陳改復州防禦使以忠義軍統制隸鎮江都統司越四月詔借統制張子蓋援海州方接戰友直張一旗大書宋忠義將河北王九郎以自表潛由小徑背敵陣因其輜重扼歸道橋子蓋知友直已乘敵後塵軍進擊敵潰走圍遂解轉宜州觀察使孝宗受禪友直與統制宋寧數出奇轉戰張浚都督江淮一見喜之辟建康前軍統制隆興二年金人犯邊宜諭使王之望命以前軍戍昭關友直不踰時即行他軍同戍者敵至輒退友

直孤軍堅守金兵駐黃山鼓柝相聞益整暇自持乾道元年移鎮江御前諸軍統制俄改步司左軍統制兼左驍衛上將軍初淮北之戰友直母子相失至是訪得之乃與其妻李攜二女自淮而還累遷侍衛親步軍都指揮使朝廷議遣馬步二司移屯重地丞相虞允文欲先發步司友直請以馬司先及馬帥李顯忠屯金陵友直奏馬軍道途轉徙困斃已甚有旨免移步司八年轉承宣使旋除殿前副都指揮使清熙元年授奉國軍節度使四年總殿步司大闕于茅灘鑑仗精明號令閑肅明年進殿前指揮使賜第中郎賜田平江燕射咸預晚節宴安軍政稍失降宜州觀察使尋罷宮觀徙居信州以郊祀恩內徙三奉祠復武靈軍承宣使卒年六十一追復節度使贈檢校少保

李寶河北人按宋名臣言行別錄作乘氏人嘗陷金拔身從海道來歸金主南侵淮浙姦民倪詢梁簡等按宋臣言行別錄作倪詢商簡梁三兒教金造船且為鄉導金使蘇保衡造舟于潞河將繇海道襲浙江迺授寶浙西路馬步軍副總管駐劄平江令與守臣督海舟捍禦賜寶衣帶鞍馬尙方弓刀戈甲及銀絹萬數八月次江陰先遣其子公佐與邊士靈潛伺敵動靜虛實寶將啟行軍士爭言西北風力尙勁迎之非利寶下令敢沮大計者斬遂發蘇州大洋行三日風甚惡舟散不可收寶愴慨顧左右曰天以是試李寶邪寶心如鐵石不變矣酌酒自誓風即止明日散舟復集士靈自密州回得敵耗甚悉且言公佐已挾魏勝得海州寶大喜趣眾乘機進發適大風復作海濤如山寶神色不為動風少殺始縱舟泊抵東海敵已雲合圍海州旌麾數十里寶麾兵登岸以劍畫地令曰此非復吾境

汝等當力戰因擲藥前行遇敵奮擊將士勇無不一當十敵出不意亟引去勝出城迎寶獎其忠義勉以其立功名勝感泣乃維舟犒士遣辯者四出招納降附聲振山東豪傑如王世修輩各著旗集義勇爭應援多者數萬人寶列名上諸朝檄所部會密之膠西命公佐以郡事昇勝與俱發至膠西石臼島敵舟已出海口泊唐島相距僅一山時北風盛寶禱于石臼神俄有風自施樓中來如鐘鐸聲震威奮引舟捩刀待戰敵操舟者皆中原遺民遙見寶船給敵兵入舟中使不知宋師猝至風駛舟疾過山薄敵鼓聲震疊海波騰躍敵大驚擊石舉帆帆皆油纒彌亘數里風浪捲聚一隅窘束無復行次寶亟命火箭環射箭所中煙焰旋起延燒數百艘火所不及者猶欲前拒寶叱壯士躍登其舟短兵擊刺之金所簽中原舊民皆登島脫甲歸命俘大漢軍三千餘人斬其帥完顏鄭嘉勞等六人禽倪詢等上于朝獲其統軍符印與文書器甲糧斛以萬計餘物眾不能舉者悉焚之火四晝夜不滅寶將乘勢席卷公佐切諫以為金主方濟淮聞通泰已陷得遠失近且有腹背憂乃還軍駐東海視緩急為表裏援遣曹洋輕舟報捷詔獎論書忠勇李寶四字表其旗幟除靜海軍節度使沿海制置使賜金器玉帶寶戰具精利宰臣陳康伯取其長槍克敵弓弩俾所司為式製之卒贈檢校少保

成閔字居仁邢州人靖康初應劉韜募捍金兵高宗即位閔領數百騎至揚州韓世忠追苗傅及龔烏珠討范汝為閔皆在戎行又以力戰却敵積功至武功大夫忠州刺史旋以取海州功擢磁州團練使召見賜袍帶錦帛加寶玉束帶時方與金盟世忠罷兵詔進閔棧州防

禦使殿前遊奕軍統制應選保靈軍承宣使紹興二十四年拜慶遠軍節度使金主將南侵詔閔提禁旅三萬鎮武昌命湖北守漕劄岩屋三萬間以待之發折帛米錢茶引共百四十餘萬緡義倉和糶米六十三萬石備軍用仍賜金器劔甲臨遣之閔至鄂未幾進屯應城縣八月除湖北西制置使節制兩路軍馬九月兼京西河北招討使十一月詔回援淮西閔喜於得歸歸已士卒有怨言閔斬之未幾除淮東制置使駐鎮江既而詔閔保上流發張成華旺軍回駐鄂自引兵渡江趨揚州及金人渡淮北去閔列兵南岸軍士聲相聞金人笑之曰寄聲成太尉有勤護送閔至泗州奏已克復淮東尋入朝凡侍從卿監閣門內侍皆有賂遺左正言劉度劾之猶超拜太尉主管殿前司公事尋復為御史論列罷太尉婺州居住奪慶遠節乾道初聽自便歸湖州尋詔復節都統鎮江諸軍九年請祠致仕治園第于平江清熙元年卒年八十一贈開府儀同三司子十一人

路時水潦暴漲涉六晝夜始達宿與敵遇敗之明年敵分兵犯滁濠密進擊之且命張守忠以五百騎出全椒縣伏篁竹間敵疑宵遁密乃引兵出六丈河斷其歸路又敗之進中衛協忠大夫和州團練防禦使尋拜宜州觀察使為龍神衛四廂都指揮使主管侍衛步軍海寇朱明暴橫密授張守忠方略曰海與陸異窮之則日月相持非策之善要在拊定之耳守忠用其計明降進定江軍承宣使崇信軍節度使以年勞轉太尉拜開府儀同三司明年領殿前都指揮使獻本軍酒坊六十六所積錢十萬緡銀五萬兩助軍用詔獎之上疏告老以萬壽觀使奉朝請隆興二年進少保致仕俄報金復犯淮詔密再為殿前都指揮使和議成罷為醴泉使乾道元年致仕卒年七十一贈少傅

劉子羽字彥修建州崇安人資政殿學士幹之長子也宣和末幹帥浙東子羽以主管機宜文字佐其父破睦賊入主太府太僕簿遷衛尉丞從幹守真定會金人入父子相誓死守金人不能拔而去由是知名除直祕閣京城不守幹死之既免喪除祕閣修撰知池州以書抵宰相論天下兵勢當以秦隴為根本收集英殿修撰知秦州未行召赴行在除樞密院檢詳文字建炎三年大將范瓊擁強兵江西召之來不肯釋兵張浚與子羽密謀誅之一日命張俊以千兵渡江若備他盜者使皆甲而來因召俊瓊及劉光世赴都堂議事為設飲食已諸公相顧未發子羽坐廡下恐瓊取黃紙趨前舉以麾瓊曰下有敕將軍可詣大理置對瓊愕不知所為子羽顧左右擁置輿中衛以俊兵送獄光世出撫其眾數

劉在圖城中附金人迫二帝出狩狀且日所誅止瓊爾

汝等固天子自將之兵也眾皆投刃曰諾有旨分隸御營五軍頃刻而定瓊竟伏誅浚以此奇其材宣撫川陝辟子羽參議軍事至秦州立幕府節度五路諸將規以五年而後出師明年除徽猷閣待制金人窺江淮急浚念禁衛寡弱計所以分撓其兵勢者遂合五路之兵以進子羽以非本計爭之浚曰吾豈不知此顧今東南之事方急不得不為是耳遂北至富平與金人戰不利金人乘勝而前宣撫司退保興州人情大震官屬有建策徙治夔州者子羽叱之曰孺子可斬也四川全盛敵欲入寇久矣直以川口有鐵山棧道之險未敢遽窺耳今不堅守縱使深入而吾僻處夔峽遂與關中聲援不相聞進退失計悔將何及今幸敵方肆掠未逼近郡宣撫但當留駐興州外繫關中之望內安全蜀之心急遣官屬出關呼召諸將收集散亡分布險隘堅壁固壘觀釁而動庶幾猶可以補前愆奈何為此言乎浚然其言而諸參佐無敢行者子羽即自請北出復以單騎至秦州召諸亡將諸亡將聞命大喜悉以其眾來會子羽命吳玠柵和尚原守大散關而分兵悉守諸險塞金人知有備引去明年金人復聚兵來攻再為玠所敗浚移治閬州子羽請獨留河池調護諸將以通內外聲援浚許之明年玠戍河池王彥戍金州二鎮皆饑浚乃承制拜子羽利州路經略使兼知興元府子羽至漢中通商輸粟二鎮遂安除竇文閣直學士是冬金人攻金州王彥失守退保石泉子羽亟移兵守饒風嶺馳告玠玠大驚日夜馳三百里至饒風列營拒守金人悉力仰攻死傷山積更募死士由間道自祖溪關入繞出玠後玠遽邀子羽去子羽不可而留玠同守定軍山玠難之遂西子羽

焚興元退守三泉縣從兵不滿三百與士卒取草牙不甲食之遺玠書訣別玠時在仙人關其愛將楊政大呼軍門曰節使不可負劉待制不然政輩亦舍節使去矣玠乃間道會子羽子羽留玠共守三泉玠曰關外蜀之門戶不可輕棄復往守仙人關子羽以潭毒山形斗拔其上寬平有水乃築壁壘十六日而成金人已至距營十數里子羽據胡牀坐于壘口諸將泣告曰此非待制坐處子羽曰子羽今日死于此敵尋亦引去自金人入梁洋西蜀復大震張浚欲移潼川子羽遺浚書言已在此金人必不南浚乃止陸里早由斜谷北去子羽謀邀之於武休不及既回鳳翔遣十人持書旗招子羽按宋言行別錄載陸里早遣十五輩齎書與旗來招子羽子羽斬其十四人令一人還宋史與本傳異子羽斬其九而縱其一還寄語曰欲來即來吾有死爾何可招也先是子羽預徙梁洋公私之積至是金人深入餽不繼又腹背為子羽玠所攻死傷十五六疫癘且作亟遁去子羽出師掩擊墜溪澗死者不可勝計餘兵不能自拔者悉降始金人攻蜀為必取計浚雖劾師卒能全蜀子羽之力居多子羽還興元四年坐富平之役與浚俱罷伏讀通鑑輟覽御批張浚富平之敗心雖可原然失律之法不可追也至劉子羽以參軍杖拄其間既諫浚于未戰之前及浚屢欲退避皆以子羽而止浚既敗浚亦不為無功朝議因其與浚同事並從貶逐殊失黜陟之平豈其前尋為言者所論責授單州團後參畫朝廷若未之聞乎尋為言者所論責授單州團練副使泉州安置吳玠始為裨將未知名子羽獨奇之言於浚浚與語大悅使盡護諸將至是除川陝宣撫副使上疏論子羽之功請納節贖其罪詔聽子羽自便明年復原官提舉江州太平觀張浚還朝議合兵大舉乃請召子羽令諭旨西帥以集英殿修撰知鄂州未幾權

都督府參議軍事與主管機宜文字熊彥詩同撫諭川

陝邊言金人未可圖宜益兵屯田以俟機會時張浚以劉光世驕惰密奏罷之而以其兵屬子羽子羽辭乃以徽猷閣待制知泉州張浚罷相御史常同論子羽十罪上批出白州安置同疏再上以散官安置漳州十一年張浚薦子羽復原官知鎮江府兼沿江安撫使金人入侵子羽建議清野淮東之人皆徙鎮江無以恩信雖兵民雜居無敢相侵者既而金人不至浚問子羽子羽曰異時金人入飄忽如風雨今久遲回必有他意蓋金人以柘皋之敗欲急和也未幾果遣使議和復徽猷閣待制秦檜風諫官論罷之復提舉太平觀十六年卒子琪自有傳

呂祉字安老建陽人宣和初上舍釋褐建炎二年為右正言以論事忤執政通判明州紹興元年為荆湖提刑招捕羣盜有方進直祕閣尋召赴行在韓世忠辟祉議軍事除直徽猷閣充參議官辭不行三年陞直龍圖閣知建康府祉到官與通判府事吳若等共議作東南防守利便三卷上之大略謂立國於東南者當聯絡淮甸荆蜀之勢今臨安僻在海隅移蹕江上然後可以繫南北離散之心四年冬金人攻淮江左戒嚴獨韓世忠統銳卒在高郵金既陷連水破山陽盱眙遂攻承州祉上章言宜遣兵為世忠援既而援兵不至世忠退保鎮江祉再上言置江北於度外非命帥宜撫兩淮之意且恐失中原心唯當急遣諸將且乞親御六師庶幾上下協心可以不戰而勝於是降詔親征車駕至平江金人退師五年召為中書門下省檢正諸房文字尋除兵部侍郎兼戶部侍郎給事中六年遷刑部侍郎都督府參議軍事俄遷吏部侍郎劉豫分道入寇時車駕駐平

江或請回臨安且令守江防海祉獨抗言當振士氣以挫敵鋒不可遽退以示弱劉麟眾十萬已次濠壽劉光世在合肥欲移屯太平州軍已行乃命祉馳往軍前督其還七年遷兵部尚書陞督府參謀軍事往淮西撫諭諸軍浚以劉光世驕惰罷之乃命王德為都統制鄺瓊副之瓊與德素不協祉還朝瓊與德交訟于都督府及御史臺乃命德還建康以其軍隸督府八月復命祉往廬州節制之祉至廬州瓊等復訟德祉諭之曰若以君等為是則大相誑然張丞相但喜人向前儻能立功雖有大過亦謂略況此小嫌乎當方為諸公辦之保無他慮瓊等感泣事小定祉乃密奏乞罷瓊及統制官斬賽兵權其書吏漏語於瓊瓊令人遮祉所遺郵置盡得祉所言大怒怒會朝廷命張俊為淮西宣撫使置司盱眙楊存中為淮西制置使劉錡為副置司廬州召瓊赴行在瓊懼遂叛請將長謁祉坐定瓊袖出文書示中軍統制官張環曰諸兵官有何罪張統制乃以如許事聞之朝廷邪祉見之大驚欲返走不及為瓊所執瓊及兵馬鈐轄喬仲福統制劉承衡皆死之瓊遂率全軍四萬人渡淮降劉豫擁祉次三塔距淮三十里祉下馬曰劉豫逆臣我豈可見之死則死於此又語其眾曰軍中豈無英雄乃隨鄺瓊去從逆乎眾頗感動凡千餘人環立不行瓊恐搖動眾心急策馬先渡祉遇害時有得祉括髮之帛歸吳中者其妻吳氏持帛自縊以徇葬聞者哀之慶元間詔立廟賜額以旌其忠云

胡世將字承公常州晉陵人宿之曾孫登崇寧五年進士第范汝為寇閩以世將為監察御史福建路撫諭使入境韓世忠已平賊還尚書右司員外郎又遷起居郎

中書舍人賜三品服兼修政局坐言者落職奉祠未幾除徽猷閣待制知鎮江府入為禮部侍郎改刑部出知洪州兼江西安撫制置使建昌兵變殺守臣劉滂嬰城以叛世將以便宜發兵討平之除兵部侍郎復知鎮江未幾召為給事中兼侍講直學士院復遷兵部侍郎尋以樞密直學士出為四川安撫制置使兼知成都府宣撫吳玠以軍無糧奏請睡至世將既入境約玠會議蜀之饑運迺嘉陵江千餘里半年始達於是奏用轉般撥運之法軍儲稍充公私便之紹興九年玠卒以世將為寶文閣學士宣撫川陝時關陝初復朝廷分軍移屯熙秦鄜延諸道明年夏金人陷同州入長安諸路皆震蜀兵既分聲援幾絕時世將在河池吳玠請以百口保破敵世將壯之指所居帳曰世將誓死於此乃遣大將吳玠田晟出鳳翔郭浩出奉天楊政由赤谷歸河池不數日隣捷于石壁又拔扶風金人遂巡不敢度隴分屯之軍得全師而還詔除端明殿學士十一年秋朝廷復用兵會母喪命起復遂復隴州破岐下諸屯又取華虢兵威稍振未幾虜發於首除資政殿學士致仕卒年五十八命有司給葬事

鄭剛中字亨仲婺州金華人登進士甲科累官監察御史遷殿中侍御史剛中由秦檜薦檜主和議剛中不敢言移宗正少卿請去不許改祕書少監金歸侵疆檜遣剛中為宣諭使參謀官及還除禮部侍郎復使宣諭川陝論諸將罷兵尋充陝西分畫地界使金使烏凌阿贊謨入境欲盡取階成岷鳳秦秦六州剛中力爭不從欲姑取商秦於大散關立界剛中又堅不從繼除川陝宣撫副使烏珠遣人力求和尚原剛中恐敗和好割秦商

之半棄和尚原以與金剛中治蜀頗有方略宣撫司舊在綿閬間及胡世將代吳玠就居河池饋餉不繼剛中奏利州在潭毒關內與洋諸關聲援相接乞移司利州自是省費百萬剛中始至即欲移屯一軍大將楊政不從呼政語之曰剛中雖書生不畏死聲色俱厲政即聽命都統每入謁必庭參然後就坐吳璘陞檢校少師來謝語閫吏乞講鈞敵之禮剛中曰少師雖尊猶都統制耳儻變常禮是廢軍容行禮如故奏蠲四川雜征又請減成都府路對羅及宣撫司激賞錢時剛中於階成二州營田抵秦州界凡三千餘頃歲收十八萬斛又請分利州爲東西路以興元府利閬洋巴劍州大安軍七郡爲東路治興元命楊政爲安撫以興階成西和文隴鳳七州爲西路治興州命吳玠爲安撫而命郭浩爲金房開達州安撫諸裨將領安撫者皆罷從之弛夔路酒禁復利州錢監爲紹興監秦檜怒剛中在蜀專擅令侍御史汪勃奏置四川財賦總領官以趙不棄爲之不隸宣撫司不棄頗求剛中陰事言於檜檜陽召不棄歸因召剛中剛中語人曰孤危之迹獨賴上知之耳檜聞愈怒遂罷責桂陽軍居住再責濠州團練副使復州安置再徙封州卒

別傳

宋七十九

白時中

徐處仁

馮澥

王倫

宇文虛中

湯思退

宋倬

王綸

尹穡

王之望

徐俯

沈與求

翟汝文

王庶

辛炳

白時中字蒙亨壽春人登進士第累官為吏部侍郎坐事降秩知鄆州已而復召用政和六年拜尚書右丞中書門下侍郎宣和六年除特進太宰兼門下封崇國公進慶國始時中嘗為春官詔令編類天下所奏祥瑞其有非文字所能盡者圖繪以進時中進政和瑞應記及贊及為太宰表賀翔鶴霞光等事圖丘禮成上言休氣充應前所未有乞宣付祕書省時燕山日告危急而時中恬不為慮金人入攻京城修守備時中謂字文粹中曰萬事須是涉歷非公當日擊守城之事吾輩豈知首尾邪欽宗即位召大臣決策守京師問誰可將者李綱言朝廷高爵厚祿蓄養大臣蓋將用之有事之日時中輩雖書生然撫將士以抗敵鋒乃其職也時中勃然曰李綱莫能將兵出戰乎綱曰陛下儻使臣當以死報報是以綱為右丞充守禦使時中尋罷為觀文殿學士中太一宮使御史劾時中孱懦不才詔落職未幾卒

徐處仁字擇之應天府穀熟縣人中進士甲科為永州東安縣令蠻人叛處仁入峒開示恩信蠻感泣誓不復反知濟州金鄉縣以薦召見徽宗問京東歲事處仁以旱蝗對問曰有益賊乎曰有上謂處仁不欺除宗正寺

丞太常博士時初置算學議所祖或以孔子贊易知數處仁言仲尼之道無所不備非專門比黃帝迎日推策數之始也祖黃帝為宜權監察御史遷殿中右正言給事中攝開封府裁決如流因繫常空進戶部尚書繼拜中大夫尚書右丞了母憂免喪以資政殿學士知青州徙知永興軍童貫使陝西欲平物價處仁議不合曰此令一傳則商賈弗行而積藏者弗出名為平價適以增之轉運使阿賈意劾其格德音倡異論侵辱使者詔處仁赴闕尋改知河陽落職知蘄州久之以顯謨閣直學士知穎昌府民有得罪官掖者雖赦不原處仁為奏上童貫乘是擠之奪職提舉鴻慶宮復延康殿學士知汝州再奉鴻慶祠知徐州召為醴泉觀使徽宗訪以天下事處仁對曰天下大事在兵與民今水旱之餘賦役繁重公私凋敝兵民皆困不及今謀之後將有不勝圖者除侍讀復言昔周以冢宰制國用於歲之杪宜會朝廷一歲財用之數量入為出節浮費罷橫斂百姓既足軍儲必豐帝稱善詔置裕民局討論振兵裕民之法蔡京不悅言者謂今設局曰裕民豈平日為不裕民哉乃罷局出處仁知揚州未幾以疾奉祠歸南都方臘為亂處仁亟見留守薛昂為畫守戰之策因語昂曰睢陽蔽遮江淮乃國家受命之地脫有非常吾助君死守語聞於朝起為應天尹河北盜起徙大名尹前尹王革慘而怯盜無輕重悉抵死小有警輒閉城以兵自衛處仁至即大開城門撤牙內甲兵人情遂安上備邊御戎十策進觀文殿學士召為寶錄宮使特陞大學士舊制大觀文非宰相不除前二府得除自處仁始欽宗即位金人攻汴處仁儲糧列備合銳兵萬人勤王奏乞下詔親征以

張國威奏至朝廷適下親征詔書以李綱為行營使即移書綱言備禦方畧金人北歸處仁奏宜仗兵滑擊其半濟必可成功召為中書侍郎入見欽宗問制三鎮處仁言國不競亦陵且定武陛下之潛藩不當棄與吳敏議合敏薦處仁可相拜太宰兼門下侍郎童貫部勝捷軍衛徽宗東巡貫既敗軍士有惡言徽宗將還都人洵懼或請為備處仁曰陛下仁孝思奉晨昏屬車西還天下大慶宜郊迎稱賀軍士妄言臣請身任之乃以處仁為扈駕禮儀使統禁旅從出郊迄二聖還宮部伍肅然初處仁為右丞言六曹長貳皆異時執政之選而部中事一無所可否悉稟命朝廷夫人力不容頓異豈有前不能決一職而後可其政者乎乞詔自今尚書侍郎不得輒以事諉上有條以條決有例以例決無條例則酌情裁決不能決乃申尚書省會處仁以愛去不果行及當國卒奏行之聶山為戶部尚書兼開封尹庫有美珠山密語密德宮宦者用特旨取之處仁奏陛下鑒近患事必由三省今以珠為道君太上皇后壽誠細故且美事然此端一開則前日應奉之徒復縱臣為陛下惜之乃抵主藏吏罪處仁言論初與吳敏李綱合尋亦有異議常與敏爭事擲筆中敏面鼻額為黑唐恪耿南仲聶山欲排去二人而代之位諷言者論之與敏俱罷處仁以觀文殿大學士為中太一宮使尋知東平府提舉崇福宮高宗即位起為大名尹北道都總管卒於郡處仁在宣和開敷請寬民力以弭盜賊尹大名以剛廉稱及為首相無大建明方進言以金人入境社稷再安皆由聖德儉勤致有天人助神師道請合諸道兵屯河陽諸州為防秋計處仁謂金人豈能復來不宜先自

擾以示弱南都受圍時處仁在圍城中都人指為姦細殺其長子庚幼子度吏部侍郎

馮澥字長源普州安岳人父山熙末為祕書丞通判梓州范祖禹薦於朝官終祠部郎中澥登進士第靖康初為左諫議大夫金人圍太原朝廷命李綱宣撫兩河澥奏罷之除尚書左承金人圍汴詔宗室郡王為報謝使澥與曹輔以樞密為副留金營三日歸詔暫權門下侍郎欽宗詣金營澥扈從張邦昌僭位與澥有舊取之歸按三朝北盟會編載靖康二年三月二十三日張邦昌與金帥書乞還馮澥郭仲荀等金人得書遂遣左承馮澥簽書樞密院事曹輔太常少卿汪藻禮部侍郎譚世勳中書舍人孫觀及徐天民蘇餘慶郭仲荀沈疇黃夏卿以澥康邸舊臣命為奉迎使總領迎駕儀物使建炎初除資政殿學士知漳州府紹興三年以資政殿學士致仕卒澥論西事與蔡京忤然議論主熙豐紹聖而排鄒浩李綱楊時君子少之

王倫字正道莘縣人文正公旦弟按宋史王旦傳及碑俱作與弟旭友愛甚裔孫也家貧無行為任俠往來歐陽修撰曰神道篤此作助金史作勉京洛開汴京失守欽宗御宣德門都人喧呼不已倫乘勢徑造御前曰臣能彈壓之欽宗解所佩夏國寶劍以賜倫曰臣未有官豈能彈壓遂自薦其才欽宗取片紙書曰王倫可除兵部侍郎倫下樓挾惡少數人傳旨撫定都人乃息宰相何舉以倫小人無功除命太峻奏補修職郎斥不用建炎元年選能專對者使金問兩宮起居遷朝奉郎假刑部侍郎充大金通問使閤門舍人朱弁副之見金左副元帥宗維議事金留不遣有商人陳忠密告倫二帝在黃龍府倫遂與弁及洪皓以金遺忠往黃龍府潛通意由是兩宮始知高宗已即位久之尼雅滿使烏凌阿思謀即驛見倫語及契丹時事倫曰海

上之盟兩國約為兄弟雲中之役我實饋餉贊成厥功上國之臣嘗欲稱兵南來先大聖惠顧盟好不許厥後舉兵以禍吾國果先大聖意乎主上恭勤期必復古豈歸我二帝太母復我土疆亦足以慰先大聖之靈幸執事者贊之思謀沈思曰君言是也歸當盡達之已而尼雅滿至曰比上國遣使來問其意指多不能對思謀傳侍郎語欲議和決非江南情實侍郎自為此言耳倫曰使事有指不然來何為哉人定者勝天定亦能勝人惟元帥察之尼雅滿不答是後宇文虛中魏行可洪皓崔縱張邵相繼入使皆拘之紹興二年尼雅滿忽自至館中與倫議和縱之歸報是秋倫至臨安入對言金人情偽甚悉帝優獎之除右文殿修撰主營萬壽觀官其二弟一姪時方用兵討劉豫和議中格三年韓肖胄使金還金遣李永壽王詡繼至二人驕倨以倫充伴使倫與道雲中舊故驕倨少損遂拜詔訖事倫請祠劉光世求倫參議軍事辭宰相趙鼎請召倫赴都堂稟議倫陳進取之策不合復請祠七年春徽宗及寧德后計至復以倫為徽猷閣待制假直學士充迎奉梓宮使以朝請郎高公綸副之入辭帝使倫謂金左副元帥昌曰河南地上國既不有與其付劉豫曷若見歸倫奉詔以行因附進太后欽宗黃金各二百兩仍以金帛賜宇文虛中朱弁孫傅張叔夜家屬之在金國者倫至睢陽劉豫館之疑有他謀移文取國書倫報曰國書須見金主面納者所衛命則祈請梓宮也豫脅取不已會逐者至渡河見達蘭於涿州具言豫邀索國書無狀且謂豫忍背本朝他日安保其不背大國是年冬豫廢倫及高公綸還左副元帥昌送倫等曰好報江南自今道塗無壅和

議可以平達倫入對言金人許還梓宮及太后又許歸河南地且言廢豫之謀由己發之帝大喜賜予特異初倫既見昌昌遣使借倫入燕見金主首謝廢豫次致使指金主始密與羣臣定議許和遂遣倫還八年秋以端明殿學士再使金國知閤門事藍公佐為之副申問詳日期還梓宮倫至金國金主為設宴三日遣簽書宣徽院事蕭哲左司郎中張通古為江南詔諭使借倫來朝論以金使肆嫚抗論甚喧多歸罪倫十一月倫至行在引疾請祠不許趣赴內殿奏事時哲等驕倨受書之禮未定御史中丞句龍如淵詣都堂與秦檜議召倫責曰公為使通兩國好凡事當於彼中論定安有同使至而後議者倫泣曰倫涉萬死一生往來虎口者數四今日中丞乃責倫如此檜等共解之曰中丞無他亦欲激公了此事耳倫曰此則不敢不勉倫見通古以一二策動之通古恐遂議以檜見金使于其館受書以歸金許歸梓宮太后及河南地九年春賜倫同進士出身端明殿學士簽書樞密院事充迎梓宮奉還兩宮交割地界使既又以倫為東京留守兼開封尹倫至東京見金右副元帥烏珠交割地界烏珠還燕五月倫自汴京赴金國議事初烏珠還密言於金主曰河南地本達蘭宗磐主謀割之與宋二人必陰結彼國今使已至汴勿令踰境倫有雲中故吏隸烏珠者潛以告倫倫即遣介具言于朝乞為備烏珠遂命中山府拘倫殺宗磐及達蘭十月倫始見金主于御子林致使指金主悉無所答令其翰林待制耶律紹文為宣勘官問倫知達蘭罪否倫對不知又問無一言及歲幣反求割地汝但知有元帥豈知有上國邪倫曰比蕭哲以國書來許歸梓宮太后及河

上之盟兩國約為兄弟雲中之役我實饋餉贊成厥功上國之臣嘗欲稱兵南來先大聖惠顧盟好不許厥後舉兵以禍吾國果先大聖意乎主上恭勤期必復古豈歸我二帝太母復我土疆亦足以慰先大聖之靈幸執事者贊之思謀沈思曰君言是也歸當盡達之已而尼雅滿至曰比上國遣使來問其意指多不能對思謀傳侍郎語欲議和決非江南情實侍郎自為此言耳倫曰使事有指不然來何為哉人定者勝天定亦能勝人惟元帥察之尼雅滿不答是後宇文虛中魏行可洪皓崔縱張邵相繼入使皆拘之紹興二年尼雅滿忽自至館中與倫議和縱之歸報是秋倫至臨安入對言金人情偽甚悉帝優獎之除右文殿修撰主營萬壽觀官其二弟一姪時方用兵討劉豫和議中格三年韓肖胄使金還金遣李永壽王詡繼至二人驕倨以倫充伴使倫與道雲中舊故驕倨少損遂拜詔訖事倫請祠劉光世求倫參議軍事辭宰相趙鼎請召倫赴都堂稟議倫陳進取之策不合復請祠七年春徽宗及寧德后計至復以倫為徽猷閣待制假直學士充迎奉梓宮使以朝請郎高公綸副之入辭帝使倫謂金左副元帥昌曰河南地上國既不有與其付劉豫曷若見歸倫奉詔以行因附進太后欽宗黃金各二百兩仍以金帛賜宇文虛中朱弁孫傅張叔夜家屬之在金國者倫至睢陽劉豫館之疑有他謀移文取國書倫報曰國書須見金主面納者所衛命則祈請梓宮也豫脅取不已會逐者至渡河見達蘭於涿州具言豫邀索國書無狀且謂豫忍背本朝他日安保其不背大國是年冬豫廢倫及高公綸還左副元帥昌送倫等曰好報江南自今道塗無壅和

南地天下皆知上國壽海上之盟與民休息使人奉命
通好兩國耳既就館金主復遣紹文論倫曰卿留雲中
已無還期及貸之還曾無以報反問貳我君臣耶乃遣
藍公佐先歸論成貞正朔誓表冊命等事拘倫以俟報
已而遷之河開遂不復遣十年金渝盟烏珠等復取河
南倫居河開六載至十四年金欲以倫為平灤三路都
轉運使倫曰奉命而來非降也金益脅以威遣使來趣
倫拒益力金杖其使俾縊殺之倫厚使少緩遂冠帶
南鄉再拜慟哭曰先臣文正公以直道輔相兩朝天下
所知臣今將命被留欲汗以偽職臣敢愛一死以辱命
遂就死年六十一於是河開地震雨雹三日不止人皆
哀之詔贈通議大夫賜其家金千兩帛千疋子述與述
兄遵開入金境至河開得倫骨以歸官給葬事後諡愍
節

宇文虛中字叔通成都華陽人登大觀三年進士第歷
官州縣入為起居舍人國史編修官同知貢舉遷中書
舍人宣和間承平日久兵將驕惰蔡攸童貫貪功開邊
將與燕雲之役引金人夾攻契丹以虛中為參議官虛
中以廟謨失察主帥非人將有納侮自焚之禍上書言
用兵之法必先計強弱策虛實知彼知己當圖萬全今
邊圍無應敵之具府庫無數月之儲安危存亡係茲一
舉豈可輕議且中國與契丹講和今逾百年自遭金人
侵削以來嚮慕本朝一切恭順今捨恭順之契丹不羈
縻封殖為我藩籬而遠踰海外引金人以為鄰域金人
藉百勝之勢虛虛驕矜持下莊兩關之計引兵踰境以
百年怠惰之兵當新銳難抗之敵以寡謀安逸之將角
逐於血肉之林臣恐中國之禍未有寧息之期也王黼

大怒降集英殿修撰督戰益虛中建十一策上二十
議皆不報韓里雅布尼雅滿分道入侵童貫聞之憂懣
不知所為即與虛中及范訥等謀以赴闕稟議為遁歸
之計以九月至汴京是日報尼雅滿迫太原帝顧虛中
曰王黼不用卿言今金人兩路並進事勢若此奈何虛
中奏今日宜先降詔罪己更革弊端俾人心悅天意回
則備禦之事將帥可以任之即命虛中草詔畧曰言路
壅蔽而諛日間恩倖持權貪饕得志上天震怒而朕不
悟百姓怨懣而朕不知又言出宮人罷應奉等事帝覽
詔曰今日不吝改過可便施行時守禦難其人欲召熙
河帥姚古與秦鳳帥种師道令以本路兵會鄭洛外援
河陽內衛京城以虛中為資政殿大學士軍前宣諭使
虛中檄趣姚古師道兵令直赴汴京應援金騎至城下
放兵大掠至鄭州為馬忠所敗遂收斂為一西路稍通
師道姚古及其他西兵並得達汴京虛中亦馳歸收合
散卒得東南兵二萬餘人以便宜起致仕官李邁令統
領於汴河上從門外駐兵會姚平仲劫金營失利西兵
俱潰金人復引兵逼城下虛中繼而入欽宗欲遣人奉
使辨劫營非朝廷意虛中承命即往都亭驛見金使王
茵因持書復議和渡濠橋冒鋒刃而進既至敵營露坐
風埃金人注矢露刃周匝圍繞久乃得見康王于軍中
次日侍王至金幕見二太子者禮節倨傲抵暮遣人隨
虛中入城要越王李邦彥吳敏李綱曹晟及金銀驛馬
之類又欲御筆書定三鎮界至方退軍令虛中再往必
請康王歸虛中再出明年從康王還除簽書樞密院事
自是又三往金人固要三鎮虛中泣下不言金帥變色
虛中曰太宗殿在太原上皇祖陵在保州詎忍割棄金

帥遂解兵北去言者劾以議和之罪罷知青州尋落職
奉祠建炎元年竄韶州二年詔求使絕域者虛中應詔
復資政殿大學士為祈請使楊可輔副之尋又以劉誨
為通問使王觀為副明年春金人並遣歸虛中曰奉命
北來祈請二帝二帝未還虛中不可歸於是獨留虛中
有才藝金人加以官爵即受之與韓昉輩俱筆詞命明
年洪皓至上京見而甚鄙之累官翰林學士知制誥兼
太常卿封河內郡開國公書金太祖睿德神功碑進階
金紫光祿大夫金人號為國師然因是而知東北之士
皆憤恨陷北遂密以信義結約金人不覺也金人每欲
南侵虛中以費財勢人遠征江南荒僻得之不足以富
國王倫歸言虛中奉使日久守節不屈遂詔福州存郵
其家仍命其子師瑗添差本路轉運判官檜慮虛中沮
和議悉遣其家往金國以牽制之金皇統四年轉承旨
加特進遷禮部尚書承旨如故虛中恃才輕肆好譏訕
貴人達官往往積不平虛中嘗撰宮殿榜署本皆嘉美
之名惡之者適其字以為謗訕由是媒孽成其罪遂告
虛中謀反羅織虛中家圖書為反具虛中曰死自吾分
至於圖籍南來士大夫家家有之高士談圖書尤多干
我家豈亦反邪并殺士談按金史宇文虛中傳云士談
翰林直學士有文集行世字季默高瓊之後宣和末為
斡林直學士有文集行世字季默高瓊之後宣和末為
死天為之晝晦浩照開贈開府儀同三司諡肅愍賜廟
仁勇且為置後是為紹節按王倫字文虛中宋金兩史
俱有傳宋史所載較詳今刪
此存

湯思退字進之處州人紹興十五年以右從政郎授建
州政和縣令試博學宏詞科除祕書省正字自是登郎
曹貳中祕秉史筆二十五年繇禮部侍郎除端明殿學

上簽書樞密院事未幾參大政先是秦檜當國惡直醜
正必不異和議不隨己過始久於用時思退名位日進
檜病篤招參知政事董德元及思退至臥內屬以後事
各贈黃金千兩德元慮其以我為自外不敢辭思退慮
其以我期其死不敢受高宗問之以思退不受金非檜
黨信用之二十六年除知樞密院事明年拜尚書右僕
射又二年進左僕射明年侍御史陳俊卿論其挾巧詐
之心濟傾邪之術觀其所為多效秦檜蓋思退致身皆
檜父子恩也遂罷以觀文殿大學士奉祠隆興元年符
離師潰召思退復相諫議大夫王大寶上章論之不報
金帥黑舍哩志窺遺書三省樞密院索海酒唐鄧四郡
思退欲與和遣淮西安撫司幹辦公事盧仲賢加樞密
院計議編修官持報書以往既行帝戒勿許四郡仲賢
至宿州布薩忠義懼之以威仲賢皇恐言歸富稟命遂
以忠義遺三省樞密院書來上猶欲止割海酒思退遠
奏以吏部侍郎王之望為通問使知閩門事龍大淵副
之將割棄四州張浚在揚州聞之遣其子斌入奏仲賢
辱國無狀帝怒會侍御周操論仲賢不應擅許四郡下
大理究問召浚赴行在十二月拜思退左僕射浚石僕
射二年浚以金未可與和請帝幸建康圖進兵帝手批
王之望等并一行禮物並回詔荆襄川陝嚴邊備竄仲
賢郴州思退恐奏請以宗社大計奏稟上皇而後從事
帝批示三省曰卿猶欲言和今日敵勢非秦檜時比卿
議論秦檜不若思退大駭陰謀去浚遂令之望大淵驛
疏兵少糧乏樓櫓器械未備又言委四萬眾以守泗州
非計帝頗感之乃命浚行邊還兵罷招納浚力乞罷政
許之帝命思退作書許金四郡既而金專事殺戮帝意

中悔思退復密令孫造論敵以重兵酋和帝間有敵兵
命建康都統王彥等禦之仍命思退督江淮軍辭不行
布薩忠義自清河口渡淮言者極論思退急和微備之
罪遂罷相尋責居永州於是太學生張觀等七十二人
上書論思退王之望尹穉等姦邪誤國招致敵人請斬
之思退憂悸死思退始終與張浚不合浚以雪恥復讐
為志思退每借保境息民為口實更勝迭言思退之計
迄行然終以不免敵既得海酒唐鄧又索商秦皆思退
力也

朱倬字漢章唐宰相敬則之後七世祖避地閩中為閩
縣人世學易入太學宣和五年登進士第調常州宜興
簿金將侵邊居民求避地倬為具舟給食眾賴以濟未
幾民告湧于郡郡檄倬考實乃除田租什九守恐不能
奪張浚薦倬召對除福建廣東西財用所屬官宣諭使
明稟再薦于朝時方以劉豫為憂倬因賜對策其必敗
高宗大喜詔改合入官與丞相秦檜忤出教授越州用
張守薦除諸王府教授檜惡言兵倬論掩蔽事又忤之
梁汝嘉制置浙東表攝參謀有羣寇就擒屬倬獨問獨
竄二人餘獲不問曰吾大父尉崇安日獲寇二百坐死
者七十餘人大父謂此饑民剽食爾烏可盡繩以法吾
其可愧大父乎通判南劍建寇阿魏眾數千劍鄰於建
兵懷不可用倬重賞募卒擒獲境內迄平除知惠州陞
辭因言警策劉豫必敗高宗記其言問卿久淹何所倬
曰厄於檜帝愀然慰諭目送之旬日開除國子監丞尋
除浙西提舉且命自今在內除提舉官令朝辭上殿蓋
為倬設也除石正言累遷中丞嘗言人主任以耳目非
報怨任氣之地必上合天心每上疏輒夙興告若上

帝鑒臨奏疏凡數十如發倉廩蠲米價減私鹽數軍食
率焚稿不傳知貢舉遷參知政事紹興三十一年拜尚
書右僕射金兵徂江倬陳戰備應三策且謂兵應者勝
帝深然之又策敵三事上焉者為耕築計中焉者守備
下則妄意絕江金必出下策果如所料史浩虞允文王
淮陳俊卿劉琪之進用皆倬所進也高宗自建康回鑾
有內禪意倬密奏曰靖康之事正以傳位太遽蓋姑徐
之心不自安屢求去詔以觀文殿大學士提舉江州太
平興國宮孝宗即位諫臣以為言降資政殿學士明年
致仕卒復元職恤典如宰相贈特進孫著淳熙十四年
登第仕至吏部尚書

王綸字德言建康人幼穎悟十歲能屬文登紹興五年
進士第授平江府崑山縣主簿歷鎮江府婺州臨安府
教授權國子正時初建太學亡舊規憑吏省記吏緣為
姦綸釐正之其弊稍革遷敕令所刪定官諸王宮大小
學教授兼權兵部郎官言孔門弟子與後世諸儒有功
斯文者皆得從祀先聖今闕庠序修禮樂宜以其式頒
諸郡縣二十四年以御史中丞魏師遜薦為監察御史
與秦檜論事忤其意師遜遂劾綸且言智識淺昧不能
知綸由此罷去踰年知興國軍檜死召為起居舍人兼
崇政殿說書尋兼權禮部侍郎二十六年試中書舍人
高宗躬親政事收攬威柄召諸賢於散地詔命與委多
綸所草綸奏守臣裕民事之母拘五條從之兼侍講帝
喜讀春秋左氏傳綸進講與帝意合嘗同講讀官薦興
化軍鄭樵學行召對命官且給筆札錄其所著史兼直
學士院遷工部侍郎仍兼直院撰吳玠神道碑稱上旨
賜宸翰褒寵二十八年除同知樞密院事金將渝盟邊

賜宸翰褒寵二十八年除同知樞密院事金將渝盟邊

報香至宰相沈該未敢以聞綸奉參知政事陳康伯同知樞密院事陳誠之其自其事乞備禦已而綸病賜告請祠二十九年六月朝論欲遣大臣爲之使觀敵且堅盟好綸請行乃以爲稱謝使曹勛副之至金館禮甚隆一日急召使入金主御便殿惟一執政在焉連發數問綸條對金主不能屈九月還朝入見言隣國恭順和好皆陛下威德所致宰臣湯思退等皆賀然當時金已謀入江特以善意給綸爾綸舊疾作力何外除資政殿大學士知福州帝解所御犀帶賜之明年知建康府兼行宮留守敵犯江綸每以守禦利害驛聞帝多從之三十一年卒贈左光祿大夫諡章敏無子以兄棹之子爲後

尹穡字少稷建炎中興自北歸南紹興三十二年與陸游同爲樞密院編修官權知院史浩同知王祖舜薦其博學有文召對稱旨二人並賜進士出身孝宗獎用西北之士隆興元年除穡監察御史尋除右正言二年除殿中侍御史歷遷諫議大夫未幾而罷初符離師潰湯思退復相金帥移書索地詔侍從臺諫集議穡時爲監察御史以爲國家事力未備宜與敵和惟增歲幣勿棄四州勿請陵寢則和議可成旣而盧仲賢出使爲金所脅又將遣王之望張浚極言其不可穡爲右正言懼和議弗就因勃發跋扈未幾罷政後將割四郡再易國書歲幣如所索之數而敵分兵入侵帝意中悔穡爲侍御史乞置獄取不肯撤備及棄地者劾其罪牽引凡二十餘人時方以和爲急穡爲諫議大夫敵勢浸遠張近震動都督同都督相繼辭行上書者攻和議之失且言穡專附大臣爲鷹犬如張浚忠誠爲國天下共知穡乃

妄肆詆誅凡大臣不悅者皆逐之相與表裏以成姦謀皆可斬帝雖怒言者而一時主議之臣與穡皆相繼廢黜先是胡銓力言主和非是大臣不悅命銓與穡分往浙東西措置海道二人挈家以行爲言者所劾遂皆罷王之望字瞻叔襄陽穀城人後寓居台州之望登紹興八年進士第授處州入爲太學錄旋遷博士久之出知荆門軍提舉湖南茶鹽改潼川府路轉運判官尋改成都府路計度轉運副使提舉四川茶馬朝臣薦其才召赴行在除大府少卿總領四川財賦金人淪盟軍書旁午調度百出之望區畫無遺事第括民質劑未稅者搜扶隱匿得錢爲繕四百六十八萬眾咸怨之升太府卿孝宗即位除戶部侍郎充川陝宣諭使先是敵帥合喜寇鳳州之黃牛堡吳玠擊走之遂取秦州連復商陝原環等十七郡敵以精兵皆在德順方攻之時陳康伯秉政方議罷德順成虜允文爲宣諭使力爭不從帝以手札命璘退師之望旣代允文宣諭使贊璘命諸將棄德順倉卒引退敵乘其後正兵三萬還者僅七千人將領所存無幾連營慟哭聲震原野帝聞而悔之隆興初右諫議大夫王大寶疏之望罪除集英殿修撰提舉江州太平興國宮未幾除戶部侍郎江淮都督府參贊軍權事之望雅不欲戰請朝因奏人主論兵與臣下不同惟奉天意而已竊觀天意南北之形已成未易相兼我之不可絕淮而北猶敵之不可越江而南也移攻戰之力以自守自守旣固然後隨機制變擇利而應之有旨留中俄兼直學士院湯思退力主息兵奏除之望吏部侍郎爲通問使請議先遣小使覘敵召之望還之望首以守備不足恃爲告帝亟罷都督府以之望爲淮

西宣諭使甫拜命又擢右諫議大夫之望因上章極言廷臣執偏見爲身謀乞明詔在廷平其心於議論之際時思退主和議浚主恢復之望實陰爲思退地也旣而視師江上金復侵邊遂上和戰二策且言措置守禦之備疏奏未達拜參知政事旣入俄兼同知樞密院事敵兵交至濠楚守將或棄城遁帝命湯思退督淮江師未行復令之望督視改同都督力辭不行遂以參知政事勞師江淮之望先嘗貽書敵帥至是王抃使敵軍并割商秦地許歸被俘人世爲叔侄之國敵皆聽許講解而罷帝聞敵帥退令督府擇利擊之之望下令諸將不得妄進朝廷趣行之望言王抃旣還不可冒小利害大計言者論之罷爲端明殿學士提舉江州太平興國宮居天台乾道元年起知福州福建路安撫使捕海賊王大老捷聞加資政殿大學士移知温州尋復罷六年卒之望當秦檜時落落不合或謂其有守紹興末年力附和議與思退相表裏專以割地啖敵爲得計地割而敵勢益張之望迄以此廢焉

徐府字師川洪州分寧人以父禮死國事授通直郎累官至司門郎靖康中張邦昌僭位俯遂致仕時工部侍郎何昌言與其弟昌辰避邦昌皆改名俯買婢名昌奴遇客至卽呼前驅使之建炎初落致仕奉祠內侍鄭謙識俯於江西重其詩薦於高宗胡直儒在經筵汪藻在翰苑迭薦之遂以俯爲右諫議大夫中書舍人程俱言俯以前任省郎遽除諫議自元豐更制以來未之有考之古今非陽城神放則未嘗不循序而進願姑以所應者命之昔元稹在長慶間擢知制誥真不忝矣緣其爲荆南判司命從中出召爲省郎便知制誥遂喧朝論時

謂荆南監軍崔潭峻實引之近亦傳與宦寺倡酬稱其警策恐或者不知陛下得俯之由不報俱遂罷紹興二年賜進士出身兼侍讀三年遷翰林學士俄擢端明殿學士簽書樞密院事四年兼權參知政事宰相朱勝非言襄陽上流所當先取帝曰益就委岳飛參政趙鼎曰知上流利害無如飛者俯獨持不可帝不聽會劉光世乞入奏鼎言方議出師大將不宜離軍俯欲許之鼎固爭俯乃求去提舉洞霄宮九年知信州中丞王次翁論其不理郡事子祠明年卒

沈與求字必先湖州德清人登政和五年進士第累遷至明州通判以御史張守薦召對除監察御史疏論執政遷兵部員外郎即劾以為言苟不當不應得遷詔行其言除殿中侍御史帝在會稽或勸幸饒信有急則入闕與求以為今日根本正在江浙宜進都建康以圖恢復論范宗尹年少為相恐誤國事帝不悅以直龍圖閣知台州宗尹罷召還再除侍御史時軍儲窘乏措置諸鎮屯田與求取古今屯田利害為集議二卷上之江西安撫知江州朱勝非未至而馬進寇江州陷之與求論九江之陷由勝非赴鎮太緩勝非罷去時方多事百司稽違與求援元豐舊制請許臺諫官彈奏帝從之與求再居言路或疑凡范宗尹所引用者將悉論出之與求曰近世朋黨成風人才不問賢否皆視宰相出處為進退今當別人才邪正而言之豈可謂一時所用皆不賢入服其言呂頤浩再相御營統制辛永宗樞密富直柔右司諫韓璜屢言其短與求劾直柔附會永宗兄弟為致身之資帝遂出永宗而璜直柔亦相繼罷黜遷御史中丞時禁衛衰弱諸將各擁重兵與求言漢有南北

軍唐用府兵彼此相維使無偏重今兵權不在朝廷雖有樞密院及三省具房尚書兵部但行文字而已願詔大臣益修兵政助成中興之勢浙西安撫劉光世來朝以綳帛方物為獻帝已分詔六宮與求奏今為何時而有此時已暮疏入帝命追取斥還內侍馮益請別置御馬院自領其事又擅穿皇城便門與求劾益專恣請治其罪謀報劉豫在淮陽造舟議者多欲於明州向頭設備與求言使賊舟至此則入吾腹心之地海舟自京東入浙必由泰州石港通州料角崇明鎮等處次至平江南北洋次至秀州金山次至向頭石港料角等處洶險必得沙上水手方能轉運宜於石港料角等處拘收水手優給錢糧而存養之以備緩急兩浙轉運副使徐康國自温州進發宣和間所製開金銷金屏障什物與求奏曰陛下儉侔大禹今康國欲以微物累盛德乞斥而焚之仍顯黜康國從之與求歷御史三院知無不言前後幾四百奏其言切直自敵己下有不能堪者帝時有所訓教每日汝不識沈中丞邪移吏部尚書兼權翰林學士兼侍讀遂出為荆湖南路安撫使知潭州引疾旬祠許之四年出知鎮江府兼兩浙西路安撫使復以吏部尚書召除參知政事金師將入寇與求贊帝親征帝書車攻詩以賜之曰朕以二聖在遠屈已通和今豫逆亂如此安可復忍與求曰和親乃金人屢試之策不足信也因奏諸將分屯江岸而敵人往來淮甸當遣岳飛自上流取開道乘虛擊之彼必有反顧之憂帝曰當如此措置五年兼權知樞密院事時張浚視師江上以行府為名言知泰州邵彪及其營田利害乞送尚書省有旨從之與求不能平曰三省樞密院乃奉行府文書

那六年張浚復欲出視師不告之同列及得旨乃退而歎曰此大事也吾不與聞何以居位遂丐祠罷出知明州七年帝在平江召見除同知樞密院事從至建康遷知樞密院事卒贈左銀青光祿大夫諡忠敏

翟汝文字公異潤州丹陽人登進士第以親老不調者十年擢議禮局編修官召對除祕書郎三館士建議東封汝文曰治道貴清淨今不啟上述三代禮樂而師秦漢之侈心非所願也責監宿州稅久之召除著作郎遷起居郎皇太子就傅命汝文勸講除中書舍人言者謂汝文從蘇軾黃庭堅游不可當贊書之任出知襄州移知濟州復知唐州以謝章自辨罷未幾起知陳州召拜中書舍人外制典雅一時稱之命同修哲宗國史遷給事中高麗使入貢詔班侍從之上汝文言春秋之法王人雖微序諸侯上不可卑近列而尊陪臣遂命如舊制內侍梁師成強市百姓墓田廣其園圃汝文言於帝師成諷宰相黜汝文出守宣州召為吏部侍郎出知廬州徙密州密負海產鹽蔡京屢變鹽法盜販者眾有司窮治黨與汝文曰祖宗法度獲私商不詰所由欲靖民也今繫而虐之將為厲矣悉縱之密歲貢牛黃汝文曰牛失黃輒死非所以惠農宜輸財分市帝從之欽宗即位召為翰林學士改顯謨閣學士知越州兼浙東安撫使建炎改元上疏言陛下即位赦書上供常數為後獻利之臣所增者當議裁損如浙東和預買絹歲九十七萬六千匹而越州乃二十萬五百匹以一路計之當十之三如杭州歲起之額蓋與越州等杭州去年已減十二萬匹獨越州尚如舊今乞視戶等第減罷楊應誠請使高麗圖迎二帝汝文奏應誠欺罔君父若高麗辭以大

志五四九二

國假道以至燕雲金人卻請問津以窺吳越將何辭以對後高麗果如汝文言帝將幸武昌汝文疏請幸荆南不從紹興元年召爲翰林學士兼侍講除參知政事同提舉修政局時秦檜相四方奏請填委未決吏緣爲姦汝文語檜宜責都司程考吏贖稽遲者懲之汝文嘗受辭牒書字用印直送省部人對乞治堂吏受賂者檜怒而劾汝文專擅右司諫方孟卿因奏汝文與長官立異豈能共濟國事罷去卒先是汝文在密檜爲郡文學汝文薦其才故檜引用之然汝文性剛不爲檜屈對案相詬至目檜爲濁氣云

王庶字子尚慶陽人崇寧五年舉進士第改秩知涇州保定縣以神師道薦通判懷德軍契丹爲金人所破舉燕雲地求援詔師道受降庶謂師道曰國家與遼人百年之好今坐視其敗亡不能救乃利其土地無乃因此基女眞之禍乎不聽宣和七年金果入寇太宰李邦彥夜召庶問計庶曰宿將無如神師道宜付以西兵使之入援邦彥以語蔡攸攸不然以庶爲陝西運判兼制置解鹽事疆事益棘欽宗欲幸襄鄧先命庶益爲京西安撫使益求庶自副高宗卽位除直龍圖閣鄜延經畧使兼知延安府累立戰功進集英殿修撰陞龍圖閣待制節制陝西六路軍馬先是河東經制使王瓌旣遁歸東京留守宗澤承制以庶權陝西制置使會宣諭使謝亮入關庶移書曰夏人之患小而緩金人之患大而迫秋高必大舉盍仗節率兵舉義驅逐渡河徐圖恢復亮不能從金人大入庶調兵自沿河至馮翔據險以守金人先已策兵渡河攻晉寧侵丹州又渡清水河破潼關秦隴皆震庶傳檄諸路會期進擊涇原統制曲端雅不欲

屬庶以未受命辭居數日告身至又辭金人知端與庶不協併兵寇鄜延庶在坊州間之夜趨鄜延以退其衝金人詭道陷丹州州界鄜延之間庶乃自當延安路時端盡統涇原勁兵庶屢督其進端訖不行遂陷延安語在端傳初庶聞圍急自收散亡往援觀察使王瓌亦將所部發興元庶至甘泉而延安已不守既無所歸遂以軍付瓌而自將百騎馳至襄樂勞軍尙倚端爲助庶至端令每門減從騎之半比至帳下僅數騎端厲聲問庶延安失守狀且曰節制固知愛身不知爲天子愛城乎庶曰吾數令不從誰愛其身者端怒謀卽軍中誅庶而奪其兵乃夜走靈州見謝亮曰延安五路襟喉今旣失矣春秋大夫出疆之義得以專之請誅庶亮曰使事有指今以人臣而擅誅于外是跋扈也公則自爲之端沮而歸乃奪庶節制使印又拘縻其官屬會詔庶守京兆庶先以失律自劾得罷丁內艱時張浚自富平敗歸始思庶及端之言可用乃並召之庶地近先至力陳撫秦保蜀之策勸浚收照河秦鳳之兵扼關隴以爲後圖浚不納求終制不許乃版授參議官浚念端與庶必不相容端未至但復其官移恭州庶因謂浚曰端有反心浚亦畏端得士始有殺端意矣語在端傳紹興五年起復知興元府利夔路制置使庶以士卒單寡繕興洋諸邑及三泉縣強壯兩丁取一三丁取二號義士日閱於縣

月閱於州厚犒之不半年有兵數萬浚言于朝陞徽猷閣直學士有議於浚者徒庶知成都改嘉州明年浚劾庶輕率傾險落職奉祠尋起知遂寧固避得請六年除湖北安撫使知鄂州趨闕言紹復大業都荆爲可荆州左吳右蜀利盡南海前臨江漢出三川涉大河以圖中

原曹操所以畏關羽者也帝大異之復顯謨閣待制知荆南府湖北經畧安撫使又復直學士七年十月以兵部侍郎召明年春入對因奏恢復之功十年未立其失在偏聽在欲速在輕爵賞是非邪正混淆誠能賞功罰罪其誰不服又口陳手畫秦蜀利害帝大喜卽日遷本部尙書閱月拜樞密副使議者乞遣重臣行邊遂命庶措置江淮邊防京湖宣撫使岳飛聞庶行邊遺書曰今歲若不出師當納節請開庶壯之庶還朝論金人變詐自渝海上之盟因及飛納節之語當是時秦檜再相以和戎爲事金使烏凌阿思謀至詔趣庶還庶力詆和議乞誅金使其言甚切金又遣蕭通古來許割地還梓宮歸太后庶曰和議之事臣所不知凡七疏乞免官乃以資政殿學士知潭州御史中丞勾龍如淵劾庶本趙鼎所薦欺君罔上庶罷歸至九江被命奪職徙家居焉十三年御史胡汝明論庶譏訕朝政責嚮德軍節度副使道州安置至貶所卒孝宗思庶言追復其官諡敏節子六人之奇乾道中知樞密院事

辛炳字如晦福州侯官縣人登元符三年進士第累官至監察御史兼權殿中侍御史先是蔡京廢發運司轉般倉爲直達綱舟人率侵盜沈舟而遁戶部受虛數人畏京莫敢言炳極疏其弊且以變法後兩歲所得之數較常歲虧欠一百三十有二萬支益廣而入寢微乞下有司計度徽宗以問京京怒以炳爲沮撓責監南劍州新豐場尋提舉洞霄宮起知袁州移無爲軍靖康初召爲兵部員外郎高宗卽位除左司員外郎辭未幾起直龍圖閣知潭州明年張浚調兵潭州以炳情怯不能罷之尋以起居舍人召辭紹興二年復以侍御史召首言

今日公道壅塞風俗頽薄連疏三省所行乖失數十事請諭大臣勿廢都堂公見之禮時福建八州添差至百八十餘員炳言艱危多事之時冗食之官無益當罷從之蘇湖地震下詔求言炳言大臣無畏天之心何事不可爲其言甚峻由是宰執呂頤浩居家待罪炳劾罷頤浩知樞密院事張浚召赴行在炳論其敗事誤國浚坐落職除御史中丞時方遣使議和炳言金人無信和議不可恃宜講求守禦攻戰之策以疾請外除顯謨關直學士知漳州未赴而卒贈通議大夫

列傳

宋八十

朱弁

鄭望之

張邵

洪皓

趙適

朱弁字少章徽州婺源人少穎悟讀書日數千言既冠

入太學晁說之見其詩奇之與歸新鄭妻以兄女新鄭

介汴洛間多故家遺俗弁遊其中聞見日廣靖康之亂

家碎于賊弁南歸建炎初議遣使問安兩宮弁奮身自

獻詔補修武郎借吉州團練使按宋名臣言行錄錄作借右武大夫吉州團練

使為通問副使至雲中見尼雅滿邀說甚切尼雅滿不

聽使就館守之以兵紹興二年金人忽遣宇文虛中來

言和議可成當遣一人詣元帥府受書還虛中欲弁與

正使王倫探策決去留弁曰吾來固自分必死豈應今

日覬倖先歸願正使受書歸報倫將歸弁請曰古之使

者有節以為信今無節有印印亦信也願留印使弁得

抱以死死不腐矣倫解以授弁弁受而懷之臥起與俱

金人迫弁仕劉豫且誅之曰此南歸之漸弁曰豫乃國

賊吾嘗恨不食其肉又忍北面臣之吾有死耳金人怒

絕其餼遺以困之弁忍饑待盡誓不為屈金人亦感動

致禮如初久之復欲易其官弁曰自古兵交使在其間

言可從從之不可從則囚之殺之何必易其官吾官受

之本朝有死而已誓不易以辱吾君也且移書耶律紹

文等又以書訣後使洪皓曰殺行人非細事吾曹遭之

命也要當舍生以全義爾乃具酒食召被掠士夫飲半

醜語之曰吾已得近郊某寺地一日畢命報國諸公幸

瘞我其處題其上曰有宋通問副使朱公之墓於我幸

矣眾皆泣下莫能仰視弁談笑自若曰此臣子之常諸

君何悲也金人知其終不可屈遂不復強王倫還朝言

弁守節不屈帝為官其子林賜其家銀帛會尼雅滿死

弁密疏金國虛實曰此不可失之時也遣李發等開行

歸報其後倫歸又以弁奉送徽宗大行之文為獻其辭

有曰歎馬角之未生魄消雪窖攀龍鬣而莫遺淚灑冰

天帝讀之感泣官其親屬五人賜吳興田五頃帝謂丞

相張浚曰歸日當以禁林處之八年金使烏凌阿思謀

石慶至稱弁忠節詔附黃金三十兩以賜十三年和議

成弁得歸入見便殿弁謝且曰陛下與金人講和上返

梓宮次迎太母盟可守而詭詐之心宜嘿以待之兵可

息而銷弭之術宜詳以講之帝納其言賜金帛甚厚弁

又以金國所得六朝御容及宣和御書畫為獻秦檜惡

其言敵情奏以初補官易宣教郎直祕閣有司校其考

十七年應遷數官檜沮之僅轉奉議郎十四年卒弁為

文慕陸宣公援據精博曲盡事理詩學義山詞氣雍

容不蹈其險怪奇澁之弊金國名王貴人多遣子弟就

學弁因文字往來說以和好之利及歸述北方所見聞

忠臣義士朱昭史玩張忠輔高景平孫益孫公傳偉文

李丹五臺僧寶實婦人丁氏晏氏小校閻進朱勣等死

節事狀請加哀錄以勸來者

鄭望之字顧道彭城人顯謨閣直學士僅之子也少登

崇寧五年進士第自陳留簿累遷樞密院編修官歷開

封府儀工戶曹以治辦稱臨事勁正不受請託宦寺有

強占民田者奏歸之蔡京子欲奪人妾使人諭意望之

拒不受除駕部員外郎兼金部靖康元年金人攻汴京

假尚書工部侍郎俾為軍前計議使未至金人遣吳孝

民來因與偕還望之言金人意在金幣且要大臣同議

迺命同知樞密院事李忱與望之再使金師遣蕭三寶

奴楷稅等還以書求割三鎮欲得宰相交地親王送大

軍過河時高宗在康邸慷慨請行遂與張邦昌乘筏渡

濠自午至夜分始達金砦又除望之戶部侍郎同稅再

至金營仍以珠玉遺金人金人拘留之踰旬會姚平仲

夜劫砦不克幹里雅布以用兵詰責諸使者邦昌恐懼

涕泣王不為動金人遂不欲留王更請肅王乃以兵送

望之詣國王若詰問會再遣宇文虛中持割地詔至望

之得還因盛言敵勢強大我兵削弱不可不和既而金

兵退朝廷以議和非策罷望之提舉亳州明道宮建炎

初李綱以望之張皇敵勢沮損國威以致禍敗責海州

團練副使連州居住綱罷詔望之為戶部侍郎尋轉吏

部侍郎兼主管御營司參贊軍事論航海不便忤旨以

集英殿修撰再領亳州明道宮起知宣州踰年以言章

罷紹興二年會赦復徽猷閣待制致仕七年召赴行在

升徽猷閣直學士復致仕三十一年卒年八十四贈中

大夫

張邵字才彥烏江人登宣和三年上舍第建炎元年為

衢州刑曹會詔求直言邵上疏曰有中原之形勢有東

南之形勢今縱未能爭中原宜進都金陵因江淮蜀

漢閩廣之資以圖恢復不應退自削弱三年金人南侵

詔求可至軍前者邵慨然請行轉五官直龍圖閣假禮

部尚書充通問使武官楊憲副之節日就道至濰州接

伴使置酒張樂邵曰二帝北遷邵為臣子所不忍聽請

止樂至于三四聞者泣下翌日見左監軍達蘭命邵拜

邵曰監軍與邵為南北朝從臣無相拜禮且以書抵之

曰兵不在強弱在曲直宣和以來我非無兵也帥臣初

開邊隙謀臣復啟兵端是以大國能勝之厥後偽楚僭

立羣盜竄起曾幾何時電掃無餘是天意人心未厭宋

德也今大國復裂地以封劉豫窮兵不已曲有在矣達

蘭怒取國書去執邵送密州囚于祚山峇明年又送邵

于劉豫按宋名臣言行續錄載邵監軍即君達蘭於

塞以兵守之四年夏邵聞達蘭過密以書抵 使用之邵

見劉豫長揖而已又呼為殿院責以君臣大義詞氣俱

厲豫怒械置于獄憲遂降豫知邵不屈久之復送于

金拘之燕山僧寺從者皆莫知所之後又作書於金言

劉豫挾大國之勢日夜南侵不勝則首鼠兩端勝則如

養鷹飽則颺去終非大國之利後益北徙會密金嘗大

赦許宋使者自便還鄉人人多占籍淮北冀幸稍南惟

邵與洪皓朱弁言家在江南十三年和議成與皓弁南

歸八月入見奏前後使者如陳過庭司馬朴滕茂實崔

縱魏行可皆殺異域乞早頒恤典邵併攜崔縱柩歸其

家升祕閣修撰主管佑神觀左司諫詹大方論其奉使

無成改台州崇道觀十九年以敷文閣待制提舉江州

太平興國宮知池州再奉祠卒年六十一累贈少師邵

負氣遇事慷慨常以功名自許出使因徙屢瀕於死其

在會寧金人多從之學喜誦佛書雖異域不廢初使金

時遇秦檜於濰州及歸上書言檜忠節議者以是少之

按宋名臣言行續錄載邵上書言臣使北時道遇秦檜

教臣堅持使節臣得奉以周旋又醫官榮州團練使李

子厚語臣云檜在中京嘗代徽宗移書海上盟約及

用兵講和利害適合其意曹勳進其書邵付史館

與通問邵因歷敘金有歸淵聖及諸王宗室意勸其遣

使迎請檢不樂 後弟祁下大理獄將株連邵會檜

死得免子孝覽孝曾孝忠孝曾後亦以出使歿于金

人知為邵子尚憐之

洪皓字光弼番禺人按宋名臣言行續錄載皓其少懷

先徵人唐末徙樂平之洪巖

辭宣和為秀州司錄大水民多失業皓白郡守以拯

荒自任發廩損直以糶民登集皓恐其紛競乃別以青

白幟涅其手以識之令嚴而惠徧浙東綱米過城下皓

白守邀留之守不可皓曰願以一身易十萬人命訖留

之州人號為洪佛子其後秀軍叛縱掠惟過皓門不敢

犯建炎三年帝將如金陵皓上書言內患甫平外敵方

熾若輕至建康恐金人乘虛侵軼宜先遣近臣往經營

俟告辦回鑾未晚時朝議已定不從既而悔之他日帝

問宰輔近諫移蹕者為誰張浚以皓對時議遣使金國

浚及薦皓於呂頤浩召與語大悅皓方居父喪頤浩解

衣巾俾易衰絰入對帝以國步艱難兩宮遠播為憂皓

極言天道好還金人安能久陵中夏此正春秋郊郢之

役天其或者警晉訓楚也帝悅遷皓五官擢徽猷閣待

制假禮部尚書為大金通問使龔璘副之令與執政議

國書皓欲有所易頤浩不樂遂抑遷官之命時淮南盜

賊踵起李成甫就招帥命知泗州羈縻之乃命皓兼淮

南京東等路撫諭使俾成以所部衛皓至南京比過淮

南成方與耿堅共圍楚州責權州事賈敦詩以降敵實

持叛心皓先以書抵成或以汴泗虹有紅巾賊軍食絕

不可往皓聞堅起義兵可據以義遣人密諭之堅意動

遂強成斂兵皓至泗境迎驛介而來龔璘曰虎口不可

入皓遂還上疏言成以朝廷餽餉不繼有引眾建康之

語今新襄據揚州薛慶據高郵萬一三叛連衡何以待

之宜使人諭意優進成官秩畀之以京口綱運如晉明

帝待王敦可也疏奏帝即遣使撫成給米五萬石頤浩

惡其直達而不先白堂秦皓託事稽留貶二秩皓遂請

出滁陽路自壽春由東京以行至順昌聞羣盜李閻羅

小張俊者梗穎上道皓與其黨遇暨曉之二渠魁皆聽

命領兵入宿衛皓至太原留幾一年金遇使人禮日薄

及至雲中尼雅滿迫二使仕劉豫皓曰萬里衝命不得

奉兩宮南歸恨力不能破遂豫忍事之邪願就鼎鑊無

悔尼雅滿怒將殺之旁一人暗曰此真忠臣也目止劍

士為之跪請得流遞冷山惟禱至汴受豫官冷山地苦

寒四月草生八月已雪穴居百家陳王烏舍聚落也烏

舍敬皓使教其八子按宋名臣言行或二年不給以食

錄作教其二子

盛夏衣麤布嘗大雪薪盡以馬矢然火煨麪食之或獻

取蜀策烏舍持問皓皓力折之烏舍銳欲南侵皓曰兵

猶火也弗戢將自焚自古無四十年用兵不止者又數

為言所以來為兩國事既不受使乃令深入教小兒非

古者待使之禮也烏舍或答或默忽發怒曰汝作和事

官而口硬如許謂我不能殺汝耶皓曰自分當死顧大

國無受殺行人之名願投之水以墜淵為名可也烏舍

義之而止和議將成烏舍問所議十事皓條析甚至烏

舍曰汝惟直不誑我吾與汝如燕遣汝歸議遂行會莫

將北來議不合事復中止留燕甫一月烏珠殺烏舍黨

類株連者數千人獨皓與異論幾死故得免方二帝遷

居五國城皓在冷山密遣人奏書以桃梨粟薏獻二帝

始知帝即位皓聞祐陵計北嚮泣血且夕臨諱日撰文

以祭其辭激烈舊臣讀之皆揮涕紹興十年因謀者起

德書機事數萬言藏故絮中歸達于帝帝順昌之役金

人震懼燕山珍寶盡徙以北意欲損燕以南棄之王師

亟還白失機會今再舉尙可十一年又求得太后書遣李徽持歸帝大喜曰朕不知太后靈否幾二十年難遣使百輩不如此一書是冬又密奏書曰金已厭兵若和議未決不若乘勢進擊再造反掌爾又言胡銓封事此或有之金人知中國有人益懼張丞相名動異域惜置之散地又問李綱趙鼎安否獻六朝御容徽宗御書其後梓宮及太后歸音皓皆先報初皓至燕宇文虛中已受金官因薦皓金主聞其名欲以爲翰林直學士力辭之皓有逃歸意乃請于參政韓昉乞於眞定或大名以自養昉怒始易皓官爲中京副留守再降爲留司判官趣行屢矣皓訖不就職昉竟不能屈金法雖未易官而曾經任使者不可歸昉遂令皓校雲中進士試蓋欲以計墮皓也皓復以疾辭未幾金主以生子大赦許使人還鄉皓與張邵朱弁三人在遣中金人懼爲患獨遣人追之七騎及淮而皓已登舟十二年七月見於內殿力求郡養母帝曰卿忠貫日月志不忘君雖蘇武不能過豈可捨朕去邪請見慈寧宮帝人設簾太后曰吾故識尙書命撤之皓自建炎已西出使至是還留北中凡十五年同時使者十三人惟皓邵弁得生還而忠義之聲聞於天下者獨皓而已皓既對退見秦檜語連日不止曰張和金人所憚乃不得用錢塘暫居而景靈宮太廟皆極土木之華豈非示無中原意乎檜不懌除徽猷閣直學士提舉萬壽觀兼權直學士院金人來取趙彬等三十人家屬詔歸之皓曰昔韓起謁環於鄭鄭小國也能引義不與金旣限准官屬皆吳人宜留不遣蓋慮知其虛實也彼方困於蒙古姑示強以嘗中國若違從之謂秦無人益輕我矣旣而復上疏曰恐以不與之

故或致渝盟宜告之曰俟淵聖及皇族歸乃遣又言王倫郭元邁以身殉國棄之不取緩急何以使人檜大怒又因言實納寄聲檜怒益甚翌日侍御史李文會劾皓不省母出知饒州明年大水中官白鏐按宋名臣言行續錄作向鏐從太后北歸素知皓名宣言變理乖蓋洪尙書名聞天下何不用檜聞之愈怒繫鏐大理獄尋流嶺表諫官詹大方遂論皓與鏐爲刎頸交更相稱譽罷皓提舉江州太平觀其實鏐初不識皓也尋居母喪喪他言者猶謂皓睥睨鈞衡終喪除饒州通判李勤又附檜誣皓責濠州團練副使安置英州居九年始復朝奉郎徙袁州至南雄州卒年六十八死後一日檜亦死帝聞皓卒嗟惜之復數文閣學士贈四官久之復徵鞅閣學士諡忠宣皓雖久在北廷不堪其苦然爲金人所敬所著詩文爭鈔誦求錢梓旣歸後使者至必問皓爲何官居何地性急義當艱危中不少變懿節后之戚趙伯璘隸烏舍戲下貧甚皓明之范鎮之孫祖平爲傭奴皓言於金人而釋之劉光世庶女爲人秦豕贖而嫁之他貴族流落賤微者皆力拔以出惟爲檜所嫉不死於敵國乃死於讒慝博學強記子適遵邁

適字景伯皓長子也幼敏悟日誦三千言皓使朔方適年甫十三能任家事以皓出使恩補修職郎紹興十二年與弟遵同中博學宏詞科高宗曰父在遠方子能自立此忠義報也宜升擢遂除敕令所刪定官後三年弟遵亦中是選由是三洪文名滿天下改祕書省正字甫數月皓歸忤秦檜出知饒州適亦出爲台州通判垂滿皓謫英州適復論罷往來嶺南省侍者九載皓卒服闋起知荆門軍應詔上寬恤四事輕茶額錢蠲他州代貢

禮物關試闢以復舊額官田不種者免輸租改知徽州尋提舉江東路常平茶鹽首言役法不均之弊會帝親征適觀金陵言本路旱百姓逐食於淮復遣金兵今各懷歸而田產爲官鬻請聽其估贖之又上疏曰大定新立諸國未必從宜多遣密詔傳諭中原義士各取州縣因以畀之王師但留屯淮泗募兵積粟以爲聲援俟蜀漢山東之兵數道皆集見可而進庶幾兵力不頓可以萬全升尙書戶部郎中總領淮東軍馬錢糧孝宗卽位符離用兵饋餉繁夥適究心調度供億無闕遷司農少卿隆興二年召貳太常兼權直學士院帝欲除諸將環衛官詔討論其制適具唐及本朝沿革十一條上之且言祖宗故事蓋可法則除中書舍人時羽檄奮至書詔填委咨訪躊躇答率稱上旨自此有大用意金旣尋盟首爲賀生辰使金接伴高嗣先自言其父司空有德於皓相與甚驩得其要領以歸乾道初遷翰林學士仍兼中書舍人秦墳久廢忽子祠適奏曰李林甫死後諸子皆流配嶺南秦檜稔惡自斃不肖之孫官職仍舊可謂幸矣宮觀雖小墳得之恐檜黨牽連而進其命遂寢復繳還檜黨巫覡莫伋余堯弼復復之命除端明殿學士簽書樞密院事上諭參政錢端禮虞允文曰三省事與洪

夫林安宅以銅錢多入北境請禁之卽蜀中取鐵錢行之淮上事旣行適言其不可帝問之適曰今每州止得千緡一州以萬戶計之每家才得數百恐民間無以貿易且客旅無回貨鹽場有大利害帝以爲然乃寢前命但於蜀中取十五萬緡行之廬和二州拜尙書右僕射同中書門下平章事兼樞密使未幾春霖適引咎乞退

林安宅抗疏論廷既而臺臣復合奏除觀文殿學士提舉江州太平興國宮尋起知紹興府浙東安撫使再奉祠淳熙十一年卒年六十八諡文惠適以文學聞望遭時遇主自兩制一月入政府驟居相位然無大建明家居十有六年兄弟鼎立子孫森然以著述吟詠自樂近世備福鮮有及之子九人楓樾檉楸楫楹楫楹楫楹

遵字景嚴皓仲子也兒時端重如成人父留沙漠母亡遵孺慕樂號以父蔭補承務郎與兄适同試博學宏詞科中魁選賜進士出身高宗以皓遠使擢為祕書省正字中興以來詞科中選即入館自遵始秦檜子熈為官長警欬為人輕重遵恬然不附麗二年弗遷皓南還與朝論異出守遵遂乞外通判常婺越三州紹興二十五年復入為正字兼權直學士院湯鵬舉副臺端密薦為御史方賜對而父訃聞二十八年免喪召對極陳父寬曰先臣與龔璣同出疆璣仕於劉豫妄殺兵官為豫所誅而秦檜贈以節旄擢用其子先臣拒金人之命留十五歲乃得歸顧南竄嶺外兄弟屏跡在外檜不分忠逆如此高宗悉為道謗語所起遂拜起居舍人奏乞以經筵官除罷及封章進對宴會錫子講讀問答等事萃為一書名之曰邇英記注其後乾道間又有祥曦殿記注又論鑄錢利害遷起居兼權樞密院都承旨奏復經筵官留身奏事且請修起居注二十九年拜中書舍人殿前裨將輔達轉防禦使王綱轉團練使遵言近制管軍官十年始一遷今兩人不滿歲安得爾時勅臣子孫多職居臺省遵乞禁止詔自今功臣子孫序遷至侍從並令入任在京官觀選曰侍從朝廷高選非如磨勘階官安有遷序之制今內外將家無慮二十人若以序

遷不出十年西清次對皆可坐致太祖開國功臣子孫不過諸司今使穆清之地類皆將種非所以示天下又言瑞昌興國之間茶商失業聚為盜賊望揭榜開諭許其自新願充軍者填刺願為農者放還帝皆可其奏論者欲復鄱陽丞平永豐兩監鼓鑄詔給舍議遵曰國朝分道置使釐為三司自中興以來置都大提點官屬太多號令不一鼓鑄益少竊以為復置便三十年正月試吏部侍郎選人詣曹改秩吏倚為市巧生沮閣遵明與約苟於大體無害先行後審薦員有定限而舉者周遮重複或同時一章而巧為兩贖或當薦五員而輒踰十數或當舉職官而詭為京狀或身係常調而妄稱職司或東西分曹而交錯摻補或已予復奪而指云事故凡如是者得通劾之舊制致仕任子隨所在審救牒即請時議必令于元州判奏遵言士大夫或遊宦數千里外臨終謝事其家獲歸故里已為至難今復因此齟齬反覆稽延是明與惡吏為地也乃仍舊貫平江湖秀三州水無以輸秋苗有司抑令輸麥遵言麥價殊不在米下民困如是願量取其半被水害者悉免之金人來索絳陽郭小的安化劉孝恭二百家遵以蜀之李特可為至戒願以根集未足為解報之遷翰林學士兼吏部尚書汪澈論湯思退罷相遵行制無貶詞澈以為言遂去以徽猷閣直學士提舉太平興國宮三十一年遣李寶興金兵寶駐兵平江命遵知平江及寶以舟師擣膠西凡資糧器械舟楫皆遵供億寶成功遵之助為多車駕幸金陵禁衛士句索無藝先是朝廷慮商船為賊得悉拘入官並海縣團萃巨艦及募水手民兵皆繫留未得去必責圩戶自關築且裁省募工錢米之半遵連疏爭

至乞遣朝臣覆按圩遂成松別治溧水永豐圩來調丁米木數甚廣遵謂割股充喉執不從楚地旱遵簡賓佐隨遠近壯老以差賦給蠲租至十九又告繼于江西得活者萬計戍兵乘時盜利曹伍剽於野盡執拘以歸其軍故當大札瘥而呂落晏然徒知建康府江東安撫使兼行官留守孝宗諭當制舍人范成大哀其治績且許入觀時虞允文當國有北征志先調侍衛馬軍出屯其在府者五軍悉送其琴謀築營若無慮萬萬電特敕遵同宰執赴選德殿奏事進資政殿學士以行至則揭榜民苗米唯輸正不輸耗聽民自持斛槩庾人不能輕重其手徧行郊野卜咎地求不妨民居不夷冢墓者營卒醉妄言搖眾斬之三軍無敢譁有畫入旗亭挺刀椎墮者械付獄上奏未下統帥懼得譴請自治之孝宗怒罷統帥遵亦坐貶兩秩未幾五營成復元官仍拜資政殿學士淳熙元年提舉洞霄宮卒年五十五諡文安

邁字景盧皓季子也幼讀書日數千言一過目輒不忘紹興十五年申第授兩浙轉運司幹辦公事入為敕令所刪定官皓忤秦檜投閒檜未已御史汪勃論邁知其父不靖之謀遂出添差教授福州累遷吏部郎兼禮部帝居顯仁皇后喪當孟饗邁請宰相分祭奏可除樞密院檢詳文字建議令民入粟贖罪以紓國用又請嚴法駕出入之儀三十一年議欽宗諡邁曰當如楚人立懷王之義號懷宗以繫復讐之意不用吳璘病篤朝論欲徙吳拱代之邁曰吳氏以功握蜀兵三十年宜有以新民觀聽毋使尾大不掉知樞密院事葉義問出視師奏以邁參議軍事至鎮江聞瓜州軍與金人相持遲速失措會建康走驛告急義問遽欲還邁力止之遷左司

員外郎三十二年春金主遣左監軍高忠建來告登位且議和邁為接伴使知開門張掄副之帝謂執政曰向日講和本為梓宮太后雖屈已卑辭有所不憚今兩國之盟已絕宜正名稱準疆土朝儀歲幣所宜先定及邁掄入辭帝又曰朕料此事終歸於和欲首議名分而土地次之邁於是奏更接伴禮數凡十有四事自渡江以來屈己含忍多過禮至是一切殺之用敵國體凡遠迎及引接金銀等皆罷既而高忠建有責臣禮及取新復州郡之議邁以聞且奏言土疆實利不可與禮際虛名不足惜禮部侍郎黃中問之亟奏曰名定實隨百世不易不可謂虛土疆得失一彼一此不可謂實兵部侍郎陳俊卿亦謂先正名分名分正則國威張而歲幣亦可損矣時議遣使報聘詔侍從臺諫各舉初邁之接伴也既持舊禮折伏金使至是慨然請行於是假翰林學士充賀登位使欲令金稱兄弟敵國而歸河南地夏四月邁辭行書用敵國禮高宗親札賜邁等曰祖宗陵寢隔闕三十年不得以時灑掃祭祀心實痛之若彼能以河南地見歸必欲居尊如故正復屈已亦何所惜邁奏言山東之兵未解則兩國之好不成至燕金閭門見國事謂不如式必欲用舊禮邁執不可既而金鎖使館且暮水漿不通三日乃得見議欲質留左丞相張浩持不可乃遣還孝宗即位殿中侍御史張震以邁使金辱命論罷之明年起知泉州乾道二年復知吉州入對除起居舍人言起居注皆據諸處聞報修纂臬祐故事有邇英延曠二閣注記十年間稍廢不續陛下言動皆罔聞知恐非命侍本意乞命講讀官以日得聖語闕送修注官使謹錄之名曰祥曦記注制可三年遷起居郎拜中書

舍人兼侍讀直學士院仍參史事父兄皆歷此三職邁又踵之邁奏三省事無巨細必先經中書書黃宰執書押當制舍人書行然後過門下給事中書讀如給舍有所建明則封黃具奏以聽上旨惟樞密院既得旨即書黃過門下例不送中書謂之密白則封駁之職似有所偏況今宰相兼樞密因而釐正不為有嫌望詔樞密院凡已被制敕並關左右省依三省書黃以示重出命之意報可除知贛州起學官造浮梁士民安之郡兵素驕遣千人戍九江或怵以至則留不復返眾遂反戈民訛言相驚邁遣一校婉說之俾歸營徐詰什伍長兩人械送潯陽斬於市辛卯歲饑贛適中熟邁移粟濟隣郡尋知建寧府富民有睚眦殺人者持刃拒捕邁正其罪黥流嶺外十一年知婺州奏金華田多沙勢不受水五日不雨則旱境內陂湖最當繕治命耕者出力田主出穀凡為塘堰及湖總八百三十七所發軍素無律春給衣欲以緡易帛吏不可則羣呼嘯聚郡將姑息如其所欲邁至以計逮捕四十有八人置之理戮首惡二人梟之市餘黥撻有差莫敢譁者事聞遷敷文閣待制明年召對首論淮東邊備六要地曰海陵曰喻泖曰鹽城曰寶應曰青口曰盱眙謂宜修城池嚴屯兵立游棧益戍卒又言許浦宜開河三十六里梅里鎮宜築二大堰作斗門遇行師則決防送船又言馮湛創多槳船底平槓浮雖尺水可運今十五六年修葺數少不足用宜募瀕海富商入船子爵招善操舟者以補水軍帝嘉之以提舉佑神觀兼侍講同修國史預修四朝帝紀進敷文閣直學士直學士院講讀官宿直帝時召入談論至夜分拜翰林學士遂上四朝史一祖八宗百七十八年為一書

宣熙改元進樞密閣學士知紹興府過關奏事言新政宜以十漸為戒帝曰浙東民困於和市卿往為朕正之邁至郡覈實詭戶四萬八千三百有奇所減絹以匹計者略如其數提舉玉隆萬壽宮明年再上章告老進龍圖閣學士尋以端明殿學士致仕卒年八十贈光祿大夫諡文敏邁兄弟皆以文章取盛名躋貴顯邁尤以博洽受知所修欽宗紀多本之孫觀附耿南仲惡李綱所紀多失實云

欽定續通志卷三百七十六

列傳

宋八十一

張九成

胡銓

廖剛

李迨

趙開

張九成字子韶其先開封人徙居錢塘權貴欲薦之館閣九成笑卻之紹興二年策進士詔考官直言者置高等九成對策略曰禍亂之作天所以開聖人也願陛下以剛大為心無以憂驚自沮前世中興之主大抵以剛德為尚去讒節慾遠佞防姦皆中興之本也今閭巷之人皆知有父兄妻子之樂陛下貴為天子不得溫清定省感時遇物懷愧于心可不思所以還二聖之車乎又言闕寺聞名國之不祥當使之安掃除之役凡結交往來者有禁干預政事者必誅擢實首選授鎮東軍簽判吏不能欺民冒嵯禁提刑張宗臣欲逮捕數十人九成爭之不能得即投檄歸趙鼎薦於朝遂以太常博士召既至改著作郎言陛下以省刑為急而理官不以恤刑為念欲詔理官活幾人者與減磨勘從之除浙東提刑力辭乃與祠以歸未幾詔除宗正少卿權禮部侍郎兼侍講兼權刑部侍郎法寺以大辟成案上九成閱始末得其情因請覆實因果誣服者朝論欲以平反為賞九成辭之金人議和九成謂趙鼎曰金實厭兵而張虛聲以撼中國因言十事彼誠能從吾所言則與之和鼎既罷秦檜誘之曰且成槍此事又曰立朝須優游委曲九成悉拒之帝問以和議九成曰敵情多詐不可不察又在經筵言西漢災異事檜甚惡之請守邵州既至倉庫虛乏僚屬請督酒租宿負苗絹未輸者九成曰縱未能

惠民其敢困民耶是歲賦入更先他時中丞何錡言其矯偽欺俗傾附趙鼎落職丁憂免喪槍取旨帝曰可與宮觀先是徑山僧宗杲善談禪理從游者眾九成時往來其間槍恐其議已令司諫詹大方論其與宗杲誘訕朝政謫居南安軍在南安十四年廣帥致齋金九成曰吾何敢苟取悉歸之槍死起知温州戶部遣吏督軍糧民苦之九成移書痛陳其弊戶部持之九成即勾祠歸數月病卒寶慶初特贈太師封崇國公諡文忠

胡銓字邦衡廬陵人建炎二年高宗策士淮海銓因御題問治道本天天道本民答云湯武聽民而興桀紂聽天而亡今陛下起干戈鋒鏑開外亂內訌而策臣數十條皆質之天不聽於民又謂今宰相非晏殊樞密參政非韓琦杜衍范仲淹策萬餘言高宗見而異之擢實第五授撫州軍事判官未上會隆祐太后避兵贛州金人躡之銓以漕檄攝本州幕募鄉丁助官軍捍禦第賞轉承直郎紹興五年張浚開督府辟湖北倉屬不赴有詔赴都堂審察兵部尚書呂祉以賢良方正薦賜對除樞密院編修官八年秦檜決策主和金使以詔諭江南為名中外洵洵銓抗疏言曰臣謹案王倫本一狎邪小人市井無賴頓領綠宰相無識遂舉以充使專務詐誕欺罔天聽驟得美官天下之人切齒今者誘致金使以詔諭江南為名是欲劉豫我也劉豫臣事金人一旦猝而縛之曾不旋踵商鑑不遠而倫又欲陛下效之陛下下一屈膝則祖宗廟社之靈數百年之赤子天下士大夫皆當委棄異時無厭之求安知不加以無禮如劉豫也哉

倫之議乃曰我一屈膝則梓宮可還太后可復淵聖可歸中原可得自變故以來主和議者誰不以此說陷陸

下哉然而卒無一驗則其情偽已可知矣而陛下尚不覺悟竭民膏血而不恤忘國大讐而不報舍垢忍恥舉天下而臣之甘心焉就令敵決可和盡如倫議天下後世謂陛下何如主況彼變詐百出而倫又以姦邪濟之所謂願決不可得而此膝一屈不可復伸國勢陵夷不可復振可為痛哭流涕長太息矣向者陛下開關海道危如累卵當時尚不忍北面臣之況今國勢稍張諸將盡銳士卒思奮自如頃者固屢敗之較之往時蹈海之危固已萬萬憾不得已而至於用兵則我豈遽出其下哉今無故而反臣之欲屈萬乘之尊以下拜三軍之士不戰而氣已索此魯仲連所以義不帝秦非惜夫帝秦之虛名惜天下大勢有所不可也今誘議洵洵陛下不聞正恐一旦變作禍且不測國之存亡未可知也雖然倫不足道也秦檜以心腹大臣而亦為之陛下有堯舜之資槍不能致君如唐虞而欲導陛下為石晉近者禮部侍郎曾開等引古誼以折之槍復遂非復諫孫近傳會槍議遂得參知政事伴食中書漫不敢可否槍曰可和近亦曰可和槍曰天子當拜近亦曰當拜參贊大政徒取充位如此有如敵騎長驅尙能折衝禦侮耶臣竊謂秦檜孫近皆可斬也臣備員樞屬義不與槍等其戴天區區之心願斷三人頭竿之藁街然後羈留金使責以無禮徐議興師則三軍之士不戰而氣自倍不然臣有赴東海而死爾寧能處小朝廷求活耶書既上槍以銓狂妄凶悖鼓眾劫持詔除名編管昭州仍降詔播告中外給舍臺諫及朝臣多救之者槍迫於公論乃以銓監廣州鹽倉明年改簽書威武軍判官十二年諫官羅汝楫劾銓飾非橫議詔除名編管新州十八年新州守臣

張棟訐銓與客唱誦諷怨望移謫吉陽軍二十六年
 檜死銓量移衡州銓之初上書也宜興進士吳師古疑
 木傳之金人募其書千金其謫廣州也朝士陳剛中以
 啟事為質其謫新州也同郡王廷珪以詩贈行皆為人
 所訐流謫遠州三十一年銓得自便孝宗即位復奉議
 郎知饒州召對言修德結民練兵觀釁帝日久聞卿直
 諒除吏部郎官隆興元年遷祕書少監擢起居郎論史
 官失職者四一謂記注不必進呈庶人主有不觀史之
 美二謂唐制二史立螭頭之下今在殿東南隅言動未
 嘗得聞三謂二史立後殿而前殿不立乞於前後殿分
 日侍立四謂史官欲其直前而閣門以未嘗預牒今日
 無班次為辭乞自今直前言事不必預牒閣門及以有
 無班次為拘詔從之兼侍講國史院編修官進言乞都
 建康謂漢高入關中光武守信都大抵與人鬪不搯其
 吭拊其背不能全勝今日大勢自淮以北天下之吭與
 背也建康則搯之拊之地也若進據建康下臨中原
 此高光興王之計也詔議行幸言者請紓其期遂以張
 浚視師圖恢復侍御史王十朋贊之克復宿州大將李
 顯忠與邵宏淵不協軍大潰十朋自劾帝怒甚銓上疏
 願毋以小衄自沮時早蝗星變詔問政事闕失銓應詔
 上書數千言始終以春秋書災異之法言政令之闕有
 十而上下之情不合亦有十且言陛下自即位以來號
 召逐臣與臣同召者張壽辛次膺王大寶王十朋今盡
 塞災異之源臣知其必不能也又言近宿州之敗土死
 于敵者滿野而敗軍之將以所得之金賂權貴以自解
 上天見變昭然陛下非信賞必罰以應天不可金人求

成銓曰金人知陛下銳意恢復故以甘言款我願絕口
 勿言和帝以邊事全倚張浚而王之望尹穡專主和排
 浚銓廷責之兼權中書舍人同修國史張浚之子拭賜
 金紫銓繳奏之謂不當如此待勳臣子浚雅與銓厚不
 顧也十一月詔以和戎遣使大詢于庭侍從臺諫預議
 者凡十有四人銓獨上議曰京師失守自耿南仲主和
 二聖播遷自何栗主和維揚失守自汪伯彥黃潛善主
 和金之南侵自秦檜主和議者乃曰外雖和而內不忘
 戰此向來權臣誤國之言也一溺於和而不能自振尚能
 戰乎除宗正少卿乞補外不許先是金將富察圖們大
 周仁以泗州降蕭琦以軍百人降詔並為節度使銓言
 受降古所難六朝七得河南之地不旋踵而皆失梁武
 時侯景以河南來奔未幾而陷臺城宣政間郭勳師自
 燕雲來降未幾為中國患今金之三大將內附高其爵
 祿優其部曲以繫中原之心善矣然處之近地萬一包
 藏禍心或為內應後將噬臍願勿任以兵柄遷其眾於
 湖廣以絕後患二年兼國子祭酒尋除權兵部侍郎又
 月上以災異避殿減膳詔廷臣言闕政急務銓以振災
 為急務議和為闕政其議和之書曰自靖康迄今凡四
 十年三遭大變皆在和議則不可與和彰彰然矣肉食
 鄙夫萬口一談牢不可破非不知和議之害而爭言和
 者是有三說焉曰偷懦曰苟安曰附會偷懦則不知立
 國苟安則不戒虺毒附會則覓得美官小人之情狀具
 於此矣今日之議若成則有可弔者十若不成則有可
 賀者亦十何謂可弔者十真宗皇帝時宰相李沆謂王
 旦曰切勿與遼講和出則無敵國外患者國常亡若一
 講和自必中國必多事矣且謂然既而遂和海內乾

耗始悔不用文靖之言此可弔者一也中原謳吟思歸
 之人日夜引領望陛下拯救一旦議和則中原絕望後
 悔何及此可弔者二也海澗今日之藩籬咽喉也彼得
 海澗且決吾藩籬以瞰吾室扼吾咽喉以制吾命兩淮
 決不可保兩淮不保則大江決不可守大江不守則江
 浙決不可安此可弔者三也紹興戊午和議既成檜建
 議遣二三大臣如路允迪等分往南京等州交割歸地
 一旦叛盟劫執允迪等遂下親征之詔旋復請和其反
 覆變詐如此檜猶不悟奉之如初事之愈謹賂之愈厚
 卒致金兵南侵驚動輦轂太上言欲入海行朝居民一
 空覆轍不遠忽而不戒臣恐後車又將覆也此可弔者
 四也紹興之和首議決不與歸正人口血未乾盡變前
 議凡歸正之人一切遣還如程師回趙良嗣等聚族數
 百幾為蕭牆憂今必盡索歸正之人與之則反側生變
 不與則敵決不肯但已夫反側則肘腋之變深敵不肯
 但已則必別起端端猝有他謀不知何以待之此可弔
 者五也自檜當國二十年開場民膏血以餽敵國迄今
 府庫無旬月之儲千村萬落生理蕭然重以蝗蟲水潦
 自此復和則蠶國害民殆有甚焉者矣此可弔者六也
 今日之患兵費已廣養兵之外又增歲幣以十年計之
 其費無慮數千億而歲幣之外又有私覲之費有賀正
 生辰之使有泛使一使未去一使復來生民疲於奔命
 帑廩涸於將迎瘠國以肥敵陛下何憚而為之此其可
 弔者七也側聞敵人媿書欲書御名欲去國號大字欲
 用再拜議者以為繁文小節不必計較臣切以為議者
 可斬也夫四郊多壘卿大夫之辱獻納二字富弼以死
 爭之今臣子欲君父屈已以從之則是多壘不足辱獻

納不必爭此其可弔者八也臣恐再拜不已必至稱臣稱臣不已必至請降請降不已必至納土納土不已必至銜壁銜壁不已必至與糧輿糧不已必至如晉帝青衣行酒然後為快此其可弔者九也事至於此求為匹夫尚可得乎此其可弔者十也儻乾剛獨斷追回使者魏杞康濟等絕請和之議以鼓戰士下哀痛之詔以收民心天下庶乎其可為也如此則有可賀者亦十省數千億之歲幣一也專意武備足食足兵二也無書名之恥三也無去大之辱四也無再拜之屈五也無稱臣之忿六也無請降之禍七也無納土之悲八也無銜壁輿糧之酷九也無青衣行酒之冤十也十弔而就十賀利害較然如以臣言為不然乞賜流放竄極以為臣子出位犯分之戒時自符離之敗朝論急於議和棄唐鄧海泗四州金又欲得商秦地邀歲幣留使者魏杞分兵攻淮銓以本職措置浙西淮東海道時金兵號八十萬劉寶棄楚州王彥乘昭關濠滁皆陷惟高郵守臣陳敏拒敵射陽湖而大將李寶預求密詔為自安計擁兵不救銓劾奏之寶懼始出師犄角時大雪河冰皆合銓先持鐵鎗冰士皆用命金人遂退久之提舉太平興國宮乾道初以集英殿修撰知漳州改泉州越奏事留為工部侍郎入對言少康以一旅復禹績今陛下富有四海非特一旅而卽位九年恢復之效尙未赫然又言四方多水旱左右不以告謀國者之過也宜令有司速為先備乞致仕七年除寶文閣待制留經筵求去以數文閣直學士與外祠陞辭猶以歸陵寢復故疆為言上所著易春秋周禮禮記解詔藏祕書省尋復原官升龍圖閣學士提舉太平興國宮轉提舉玉龍萬壽宮進端明

殿學士道熙六年召歸經筵銓引疾力辭七年以資政殿學士致仕卒諡忠簡孫槻架皆至尙書廖剛字用中南劔州順昌人登崇寧五年進士第宣和初自漳州司錄除國子錄權監察御史時蔡京當國剛論奏無所避以親老求補外出知興化軍欽宗卽位以右正言召丁父憂服闋除工部員外郎以母疾辭紹興元年盜起旁郡官吏悉逃去順昌民以剛為今剛論從盜者使反業既而他盜入順昌部使者檄剛撫定剛遣長子選諭賊賊知剛父子有信義亦散去除本路提點刑獄尋召為吏部員外郎言古者天子必有親兵自將所以備不虞而強主威漢北軍唐神策之類也祖宗軍制尤嚴願稽舊制選精銳為親兵居則以為衛動則以為中軍此強幹弱枝之道又言國家艱難已極今方圖新若會稽非久駐之地請經營建康親擁六師往為固守計以杜金人窺伺之意遷起居舍人權吏部侍郎兼侍講除給事中丁母憂服闋復拜給事中剛言國不可一日無兵兵不可一日無食今諸將之兵備江淮初無儲蓄日待哺於東南之轉餉浙民已困欲救此患莫若屯田因獻三說將校有能耕當加優賞每耕田一頃與轉一資百姓願耕假以糧種復以租賦詔令都督府措置時朝廷推究章惇蔡卞誤國之罪追貶其身仍詔子孫毋得官中朝至是章傑自崇道觀知婺州章僅自太府丞提舉江東茶鹽事剛封還詔書謂即如此何以示懲乃並與祠權戶部侍郎尋遷刑部侍郎求補外除徽猷閣直學士知漳州七年二月日有食之詔內外官言事剛言陛下有建國之封所以承天意示大公於天下後世也然而未遂正名者豈非有所待耶有所待則是

應天之誠未至也願陛下昭告藝祖在天之靈正建儲君之號布告中外不匿厥言異時雖百斯男不復更易天下孰敢不服帝讀之聳然卽召剛至闕拜御史中丞剛又奏經費不支盜賊不息事功不立命令不孚及兵驕官冗之弊殿前司強刺民為兵及大將恃功希恩所請多廢法剛知無不言論列至於四五驕橫者肅然鄭億年與秦檜有連而得美官剛顯疏其惡檜銜之金人叛盟剛乞起舊用之有德望者處以近藩檜聞之曰是欲實我何地耶改工部尙書而以王次翁為中丞初邊報至從官會都堂剛謂億年曰公以百口保金人今已背約有何面目尙在朝廷乎億年奉祠去次翁與右諫議何鑄劾剛薦劉昉陳淵相為朋比以徽猷閣直學士提舉亳州明道宮明年致仕以紹興十三年卒子四人遲過遂速仕皆秉塵節邦人號為萬石廖氏李迨東平人曾祖參仕至尙書右丞迨以蔭補官初調渤海縣尉時州縣團結民兵起田畝中不閑坐作進退之節或譁不受令迨立賞罰以整齊之累月皆精練部伍如法部刺史按閱無一人亂行伍者遂薦之朝累遷通判濟州時高宗以大元帥過濟郡守自以才不及遜迨行州事迨應辦軍須無闕會大元帥府勸進乘輿儀物皆未備迨請熟典故裁定其制不日而辦除隨軍輦運山東輦運改金部郎從駕至維揚敵犯行在所卽取金部籍有關於國家經賦之大者載以行丁父喪詔起復以中散大夫直龍圖閣為御營使司參議官兼措置軍前財用苗傅劉正彥叛呂頤浩張浚集勤王之師迨謂諸將曰君第行無慮軍食師行所至食皆先具事平同趙哲等入對帝慰勞之詔轉三官辭不拜除權戶

部侍郎四年加顯謨閣待制為淮南江浙荆湖路制置發運使尋以軍旅甫定乞持餘服詔許之紹興二年知筠州明年移信州尋提舉江州太平觀五年以舊職除兩浙路轉運使言祖宗都大梁歲漕東南六百餘萬斛而六路之民無飛挽之擾蓋所運者官舟所役者兵卒故也今駐蹕浙右漕運地里不若中都之遠而公私苦之何也以前所用之舟大半取於民間往往鑿井沈船以避其役如溫明虔吉州等處所置造船場乞委逐州守臣措置募兵卒牽挽使臣管押庶幾害不及民可以漸復漕運舊制詔工部措置尋加徽猷閣直學士升龍圖閣直學士為四川都轉運使兼提舉成都等路茶事并提舉陝西等路買馬自熙豐以來始即熙秦戎黎等州置場買馬而川茶通於永興四路故成都府秦州皆有權茶司至是關陝既失道請合為一司名都大提舉茶馬司以省冗費從之踰年詔迨以每歲收支之數驛奏迨乃考其本末具奏條析紹興四五七等年所收錢物暨所支關各若干萬餘緡云自來遇歲計有闕即添支錢引補助見今汎料太多引價頓落緣此未曾添印兼歲收錢物內有上供進奉等窠名若干係四川歲入舊額其勸諭激賞等項窠名錢物若干係軍興後來歲入所增比舊額已過倍其取於民可謂重矣臣嘗考劉晏傳是時天下歲入緡錢管權居其半今四川權鹽權酒一歲所入過於晏所權已多諸窠名錢亦三倍其數彼以贍中原之軍而有餘今以贍川陝一軍而不足又如折估及正色米一項止以紹興六年朝廷取會官兵數計之官員之數比軍兵之數約計六分之一軍兵請給錢比官員請給不及十分之一即是充濫在官員不在

軍兵也計司雖知充濫力不能裁節之雖是寬贖亦未敢除減此朝廷不可不知也蜀人所苦甚者糴買般運也蓋糴買不科敷則不能集事苟科敷則不能無擾般運事稍緩則船戶獨受其弊急稅戶皆被其害欲省漕運莫如屯田漢中之地約收二十五萬餘石若將一半充不係水運去處歲計米一半對減川路糴買般發歲計米亦可少實民力兼臣已委官於興元洋州就糴夏麥五十萬石岷州欲就糴二十萬石兼用營田所收一半之數十二萬石三項共計五十七萬石每年水運應付閬州以東計米五十八萬石若得此三項可盡數免川路糴買般運此乃恤民之實惠守邊之良策也降詔獎諭以與吳玠不合與祠九年金人歸我三京命迨為京畿都轉運使孟庚時為權東京留守潛通北使迨察其隱微庚不能平訟於朝且使人告迨以兵至恐之迨不為動降聖節庚失於行禮為迨所持庚自劾迨因此求罷去乃落職與祠歸而庚以京師降於金人迨尋復罷圖閣待制知洪州十六年以疾乞祠十八年卒

趙開字應祥普州安居人登元符三年進士第大觀二年權辟應正用舉者改秩即盡室如京師買田尉氏與四方賢俊遊因詞知天下利病所當罷行者慨然有通變球弊之志宣和初除禮制局校正檢閱官數月局罷出知郿陵縣七年除講議司檢詳官開善心計自檢詳罷除成都路轉運判官遂奏罷宣和所增上供認額綱布十萬疋減綿州下戶支移利州水腳錢十分之三又減蒲江六井所增鹽額列其次第謂之鼠尾帳揭示鄉戶歲時所當輪折科等實數俾人人具曉鄉胥不得隱匿竄寄嘗言財利之源當出於一祖宗朝天下財計盡

歸三司諸道利源各歸漕計故官省事理無牽掣窒礙之患因指陳權茶買馬五害大略謂黎州買馬嘉祐歲額糴二千一百餘自置司權茶歲額四千且獲馬兵踰千人猶不足用多費衣糧為一害嘉祐以銀絹博馬價皆有定令長吏旁緣為姦不時歸貨以空券給夷人夷人怨恨必生邊患為二害初置司權茶借本錢於轉運司五十二萬緡於常平司二十餘萬緡自熙寧至今幾六十年舊所借不償一文而歲借乃準初數為三害權茶之初預俵茶戶本錢尋於數外更增和買或遂抑預依錢充和買茶戶坐是破產而官買歲增茶日濫雜官茶既不堪食則私販公行刑不能禁為四害承平時蜀茶之入秦者十八九猶患積壓難售今關隴悉遭災蕩仍拘舊額竟何所用茶兵官吏坐糜衣糧未免科配州縣為五害請依嘉祐故事盡罷權茶仍令轉運司買馬即五害並去而邊患不生如謂權茶未可遽罷亦宜併歸轉運司痛減額以蘇茶戶輕立價以惠茶商如此則私販必衰盜賊消弭本錢既常在而息錢自足朝廷是其言即擢開都大提舉川陝茶馬事使推行之時建炎二年於是大更茶馬之法官買官賣茶並罷參酌政和二年東京都茶務所併條約印給茶引使茶商執引與茶戶自相貿易改成都舊買茶場為合同場買引所就場置茶市交易者必由市引與茶必相隨茶戶十或十五共為一保并籍定茶鋪姓名互察影帶販鬻者凡買茶引每一斤春為錢七十夏五十舊所輸市例頭子錢並依舊茶所過每一斤征一錢住征一錢五分其合同場監官除驗引稱茶封記發放外無得干預茶商茶戶交易事舊制買馬及三千匹者轉一官此但以所

買數推賞往往有一任轉數官者開奏請推賞必以馬到京實收數為格或死於道黜降有差比及四年冬茶引收息至一百七十餘萬緡買馬踰二萬匹張浚宣撫川蜀素知開善理財即承制以開兼宣撫處置使司隨軍轉運使專領四川財賦開見浚曰蜀之民力盡矣鏹銖不可加獨權貨稍存贏餘而貪猾認為已有互相隱匿惟不恤怨詈斷而敢行庶可救一時之急浚銳意興復委任不疑於是大變酒法自成都始先罷公使買俱給酒即舊撲買坊場所置隔槽設官主之麴與釀具官悉自買聽釀戶各以米赴官場自釀凡一石米輸三千按宋史食貨志并頭子雜用等二十二其釀之多寡惟作解輸錢三十錢是視不限數也明年遂徧四路行其法又於秦州置錢引務興州鼓鑄銅錢官買銀絹聽民以錢引或銅錢買之凡民錢當入官者並聽用引折納官支出亦如之民私用引為市於一千並五百上許從便增高其直惟不得減削法既流通民以為便初錢引兩科通行纔二百五十萬有奇至是添印至四千一百九十餘萬人亦不厭其多價亦不削宣司獲偽引三十萬盜五十人浚欲從有司議當以死開白浚曰相君誤矣使偽引加宣撫使印其上即為真黜其徒使治幣是相君一日獲三十萬之錢而起五十人之死也浚稱善悉如開言最後又變鹽法置合同場鹽市與茶法大抵相類鹽引每一斤納錢二十五土產稅及增添等其納九錢四分所過每斤征錢七分住征一錢五分若以錢引輸提勘錢其六十按宋史食貨志作別初變權法怨詈四起至是開復議更鹽法言者遂奏其不便詔以其章示浚浚不為變時浚荷重寄治兵秦州經營兩河旬犒月賞期得士

死力費用不貲盡取辦於開開悉知慮於食貨算無遺策雖支費不可計而贏資若有餘史玠為四川宣撫副使專治戰守於財計盈虛未嘗問惟一切以軍期趣辦與開異趣數以餉饋不繼訴於朝開亦自劾老憊乞去朝廷未許適特置四川安撫制置大使命席益為之益前執政詔位宣撫司上開復與席益不和抗疏乞將舊未宣撫司年計應副軍期不許他司分擘支用又指陳宣撫司截都漕運司錢就果閩糴米非是又言應副吳玠軍須紹興四年總為錢一千九百五十五萬七千餘緡五年視四年又增四百二十萬五千餘緡蜀今公私俱困無所取給乞許以茶馬司奏計詣闕下盡所欲言朝廷既知開與玠及席益有隙乃詔開赴行在以李迨代之會疾作不行提舉江州太平觀七年復右文殿修撰都大主管川陝茶馬開已病累疏乞去詔從所乞提舉太平觀十一年卒

欽定續通志卷三百七十七

列傳

宋八十二

鄧肅

李邠

滕康

張守

富直柔

馮康國

常同

張致遠

薛徵言

陳淵

魏缸

潘良賁

呂本中

鄧肅字志宏南劍沙縣人少警敏能文美風儀善談論李綱見而奇之時東南貢花石綱肅作詩言守令搜求擾民用事者見之屏出太學欽宗嗣位召對便殿補承務郎授鴻臚寺簿被命詣金營留五十日而還張邦昌僭位肅義不屈奔赴南京擢左正言先是金人索帛一千萬肅在其營密覘均與將士之數大約不過八萬人至是為上言之且言金人不足畏但其信賞必罰不假文字故人各用命朝廷則不然有同時立功而功又相等者或已轉數官或尚為布衣輕重上下只在吏手賞既不明誰肯自勸欲望專立功賞一司使凡立功者得以自陳若功狀已明而賞不行或功同而賞有輕重先後者並賞之法帝從之朝臣受僞命者眾肅請分三等定罪乞委留守司按籍考之耿南仲得祿歸其子延禧為郡守肅劾南仲父子同惡沮渡河之戰過勤王之兵今日割三鎮明日截兩河及陛下欲進援京城又為南仲父子所沮誤國如此乞正典刑南仲嘗薦肅於欽宗肅言之不恤上嘉其直賜五品服范滂留守東京肅言請出師兩河望風先遁語人曰留守之說有四戰守降走而已戰無卒守無糧不降則走奔軍之將豈宜與

此納遂罷內侍陳良弼肩輿至橫門外開封買入內女童肅連章論之時官吏多託故而肅建議罰其仕版而取其祿以給禁衛若夫先假指揮徑徒江湖者乞追付有司以正其罪因入對言外夷之巧在文書簡簡故連中國之患在文書煩煩故遲太祖太宗之時法嚴而令速事簡而官清未嘗旁搜曲引以稽賞罰故能以千萬精兵混一六合若今日獻一策明日獻一言煩冗瑣碎惟恐不備此文書所以益煩而政事所以益緩也今兵戈未息豈可揖遜進退尚循無事之時欲乞限以旬日期於必至庶幾法嚴事簡賞罰之權不至濡滯肅在諫垣遇事感激不三月凡抗二十疏言皆切至上多採納會李綱罷肅奏曰綱學雖正而術疎謀雖深而機淺固不足以副聖意惟陛下嘗顧臣曰李綱真以身殉國者今日罷之而責詞甚嚴此臣所以有疑也且兩河百姓無所適從綱措置不一月間民兵稍集今綱既去兩河之民將如何哉僞楚之臣紛紛在朝李綱先乞逐逆臣邦昌然後叛黨稍能正罪今綱既去叛臣將如何哉執政怒肅罷歸居家紹興二年避寇福唐以疾卒李邠字漢老濟州任城縣人別錄作鉅野人崇寧五年進士第累官為起居舍人試中書舍人北方用兵酬功第賞日數十百邠辭命無留難除給事中同修國史兼直學士院遷翰林學士嘗與禁中曲宴徽宗命賦詩高麗使入貢傳錄以歸未幾坐言者罷提舉南京鴻慶宮欽宗即位除徽猷閣待制知越州久之再落職提舉西京嵩山崇福宮高宗即位復徽猷閣待制按宋名臣作復右文除歲召為兵部侍郎兼直學士院苗傅劉正殿修撰跋迫上遜位上顧邠草詔邠請得御札而後敢朱勝非

請降詔赦邠就都堂草之陸翰林學士初邠見苗傅面論以逆順禍福之理且密勸殿帥王元俸以禁暴擊賊元唯唯不能用即詣政事堂白朱勝非適正彥及其黨王世修在焉又以大義責之人為之危邠不顧也時御史中丞鄭穀又抗疏言睿聖皇帝不當改號於是鄭穀為端明殿學士同簽書樞密院事邠與張守分草百官章奏三奏三答及太后手詔與復辟赦文一日而具拜尚書右丞改參知政事尋為資政殿學士權知行臺三省樞密院事以與呂頤浩論不合乞罷遂以本職提舉杭州洞霄宮未閱月起知平江府會兄鄴失守越州坐累落職明年引救復之又升資政殿學士紹興五年詔問宰執方略邠條上戰陣守備措畫綏懷各五事戰陣之利五日出輕兵務遠略儲將帥責成功重賞格大略謂關陝為進取之地淮南為保固之地關陝雖利於進取然不用師於京東以牽制其勢則彼得一力以拒我今大將統兵者數人皆所持以為根本萬一失利將不復用偏裨中如牛泉王進楊珪史康明皆京東土人知地險易可各配以部曲三五千人或出淮陽或出徐泗彼將奔命之不暇此不動而分陝西重兵之一端也關陝今雖有二宣撫其體尚輕非遣大臣不可呂頤浩氣節高亮李綱識量宏遠威名素著願擇其一而用之必有以報陛下又言陛下即位之初韓世忠劉光世張俊威名隱然為大將今又有吳玠岳飛者出矣願詔大將於所部舉智謀忠勇可以馭眾統帥各兩三人朝廷籍記遇有事宜使當一隊毋隸大將則諸人競奮才智皆飛玠之儔矣大將爵位已崇難相統一自今用兵第可授以成算使自為戰勿遣重臣臨之以輕其權而分其

功今卻敵退師之後必論功行賞願因此詔有司預定賞格謂如得城邑及近上首領之類自一命至節度使皆差次使足相當所謂守備之宜有五曰固根本習舟師防他道講遺策列長戍大略謂江浙為今日根本欲保守則失進取之利欲進取則慮根本之傷古之名將內必屯田以自足外必因糧於敵誠得以功名自任者舉淮南而付之使自為進取則不至虛內以事外臣聞朝廷下福建造海船七百隻必如期而辦乞備古制建伏波下瀨樓船之官以教習水戰俾近上將佐領之自成一軍而專隸於朝廷無事則散之緣江州郡緩急則聚而用之臣度敵人他年入寇懲創今日之敗必先以一軍來自淮甸為築室反耕之計以緩我師然後由登萊泛海窺吳越以出吾左由武昌渡江窺江池以出吾右一處不支則大事去矣願講左支右吾之策夫兵之形無窮願詔臨江守臣凡可設奇以誤敵者皆預為指畫今長江之險綿數千里守備非一願差次其最緊處屯軍若干人一將領之聽其郡守節制次緊稍緩差降焉有事則以大將兼統之既久則諳熟風土緩急可用與旋發之師不侔矣所謂措畫之方有五曰親大閱補禁衛講軍制訂使事降敕榜大略謂建炎以來禁衛軍寡乃藉五軍以為重臣常寒心願擇忠實嚴重之將以為殿帥稍補禁衛之闕使隱然自成一軍則其馭諸將也若臂之使指矣今諸郡廂禁充占私役者大郡二三千人小郡亦數百人臣願講求除郡守兵將官自禁軍給事外餘備從衣糧使自備人以役大抵殺廂軍三分之二而以其衣糧之數盡募禁軍金人自用兵以來未嘗不以和好為言此決不可恃然二聖在彼不可遽已

姑以餘力行之臣謂宜專命一官如古所謂行人者當遣使人舉成法而授之庶免臨時斟酌之勞而朝廷得以專意治兵矣劉豫僭叛理必滅之謂宜降敕榜明著豫僭逆之罪曉諭江北士民此亦兵家所謂伐謀伐交者所謂綏懷之略有五曰宣德意先振恤通關津遺材能務寬貸大略謂山東大姓結為山砦以自保願募有心力之人密往詔諭准北遺民來歸者令淮南州郡給以行由差船津濟分人護送有官人先次注授差遣無官而貧乏者令沿江州郡以官舍居之仍量給錢米內有才智可用之人皆從寬貸使之有更生之望不報那開居十有七年卒於泉州年六十二諡文敏

相銜之會布衣省試卷子不合式康以其文取之諫官李處遜論奏遂以集英殿修撰提舉杭州洞霄宮再除中書舍人奏曰去歲郊禮前日食而日官不以聞廷臣不以告使陛下所以應天者未至故逆臣敢萌不軌者無先事之戒也陛下即位行再歲矣惻憫愛民之政徒為空言百姓不被其恩哀痛責躬之詔不善事實四方不以為信忠佞並馳而多士解體刑賞失當而三軍沮氣臣願陛下取建炎初元以來所下詔書所舉政事熟思審度望參稽得失而罷行之帝稱其有諫臣氣除左諫議大夫旬日開封章屢上遂擢翰林學士又除端明殿學士同簽書樞密院事建炎三年宰相呂頤浩議幸武昌為趨陝之計既移輝建康又議欲盡棄中原徙居民於東南康力持不可帝悟而止未幾帝請太后奉神主如江西以參知政事李邴權知三省樞密院事康為資政殿學士同從衛以行邴辭疾又命康權知以劉珪為貳賜康褒詔許綴宰相班奏事康從衛至洪州劉光世護江不密金人絕流而渡康等倉卒奉太后趨虔州殿中侍御史張延壽論康與珪無憂國之心至使太后涉險為敵人追迫責授康祕書少監分司南京永州居住未幾許自便復上朝請大夫提舉明道宮紹興二年九月卒年四十八年追復龍圖閣學士

康又封還詞頭言康義得轉一官今自武義大夫躋上遙郡刺史名遷一官實升五等紊法之甚凡再降旨竟不肯行後軍統制韓世忠以不能戢所部坐贖金康言世忠所部卒伍至奪御器逼諫臣於死地止罰金何以懲後詔降世忠一官知江州陳彥文用劉光世奏錄其守城功遷龍圖閣待制康以光世所上彥文功狀前後概屬閣而未下宰相力主彥文趣康行詞康論不已宰相

康又封還詞頭言康義得轉一官今自武義大夫躋上遙郡刺史名遷一官實升五等紊法之甚凡再降旨竟不肯行後軍統制韓世忠以不能戢所部坐贖金康言世忠所部卒伍至奪御器逼諫臣於死地止罰金何以懲後詔降世忠一官知江州陳彥文用劉光世奏錄其守城功遷龍圖閣待制康以光世所上彥文功狀前後概屬閣而未下宰相力主彥文趣康行詞康論不已宰相

張守字子固常州晉陵人家貧無書從人假借過目輒不忘登崇寧元年進士第中詞學兼茂科除詳定九域圖志編修官改直德郎擢為監察御史丁內艱去建炎初召還賜五品服上在維揚見雅滿將自東平歷泗淮宰臣汪伯彥黃潛善以為李成餘黨不足畏守獨抗疏上防淮渡江利害六事又別疏言金人入淮之路有四

宜擇四路帥守繕兵儲粟以捍禦之又請詔大臣惟以選將治兵爲急凡不急之務付之都司六曹二相滋不悅遂建議遣守撫諭京城守聞命卽就道三年正月還奏金人必來願早爲圖之未幾金人果渡淮上幸臨安累遷御史中丞苗劉既平詔故百官表奏皆守與李邴分爲之守論宰相朱勝非不能思慮預防致賊猖獗乞罷政勝非罷呂頤浩初相舉行司馬光之言欲併合三省詔侍從臺諫集議守言光之所奏較然可行若更集眾徒爲紛紜既而悉無異論竟合三省爲一帝幸建康呂頤浩張浚叶議將奉帝幸武昌爲趨陝之計守與諫議大夫滕康皆持不可曰東南今日根本也陛下遠適則姦雄生窺伺之心又陳十害至殿廡謂康曰幸蜀之事吾曹當以死爭之議遂寢初守爲副端時嘗上疏曰陛下處宮室之安則思二帝母后穹廬曩幕之居享膳羞之奉則思二帝母后瘠肉酪漿之味服細縷之衣則思二帝母后窮邊絕塞之寒苦操與奪之柄則思二帝母后語言動作受制於人享嬪御之適則思二帝母后誰爲之使令對臣下之朝則思二帝母后誰爲之尊禮兢兢栗栗聖心不倦而天不爲之助順者萬無是理也至是詔陳闕政復申前說曰今罪己之詔數下而天未悔禍實有所未至耳漢制災異策免三公今任宰相者雖有勤勞然其器識不足以幹旋機務願更擇文武全材海內所共推者親擢而並用之上書論事或有切直宜加褒擢以來言路除禮部侍郎遷翰林學士知制誥九月拜端明殿學士同簽書樞密院事扈從由海道至永嘉回至會稽四年五月除參知政事守嘗薦汪伯彥沈與求劾其短以資政殿學士提舉洞霄宮起知紹興

府尋以內祠兼侍讀力辭改知福州時右司員外郎張宗臣請令福建築城守奏公私困敝請俟他年遂止尋以變易度牒錢百萬餘緡輸之在助國用時劉豫導金入侵諸將獻俘者相踵守上疏曰兩河山東之民皆陛下赤子驅迫以來豈得已哉宜諭以恩信貸之使歸願留者亦聽則敵兵可不戰而潰金人既退詔諸將渡江追擊守復上疏以敵情難測願留劉光世控禦諸渡上既還臨安又詔問攻戰守備緩懷措置四事守言四事莫急於措置其一措置軍旅其二措置糧食神武中軍當專衛行在而以餘軍分戍三路一軍駐於淮東一軍駐於淮西一軍駐鄂岳或荆南擇要害之地以處之使北至關輔西抵川陝血脈相通號令相聞有唇齒輔車之勢則自江而南可安枕而臥也然今之大將皆握重兵貴極富溢前無祿利之望退無誅罰之憂故朝廷之勢日削兵將之權日重又爲大將者萬一有稱病而賜罷或卒然不諱則所統之眾將安屬耶臣謂宜拔擢麾下之將使爲統制每將不過五千人某布四路朝廷號令徑達其軍分合使令悉由朝廷然後可以有爲也諸將既分屯諸路則所患者財穀轉輸今宜舉兩浙之粟以餉淮東按宋名臣言行別錄作以兩浙之粟江西之粟以餉淮西荆湖之粟以餉鄂岳荆南量所用之數責漕臣將輸而歸其餘於行在錢帛亦然錢糧無乏絕之患然後戒飭諸將不得侵擾州縣以復業之民戶口多寡爲諸州殿最嚴覈實而黜陟之措置既定俟至防秋復遣大臣爲之統督使諸路之兵首尾相應緩懷之略亦在是矣守在閩四年撫綏彫瘵且請于朝蠲除福州所貸常平緡錢十五萬累請去郡以提舉萬壽觀兼

侍讀召還甫兩月復引病旬去知平江府力旬以歸六年十二月召見除參知政事兼樞密院事七年張浚罷劉光世兵權而欲以呂祉往淮西撫諭諸軍守以爲必須得聞望素高能服諸將之心者乃可浚不聽遂有鄙瓊之變及臺諫交章論浚御批安置嶺表守力爲解曰浚爲陛下捍兩淮罷劉光世正以其眾烏合不爲用今已驗矣羣臣從而媒孽其短臣恐後之繼者以浚爲鑒誰肯爲陛下任事乎浚謫永州守亦引咎請去弗許八年正月帝自建康將還臨安守言建康自六朝爲帝王都江流險闊氣象雄偉且據都會以經理中原依險阻以捍禦疆敵可爲別都以圖恢復趙鼎持不可守力求去以資政殿大學士知婺州尋改洪州兼江西南西路安撫使入對帝問以弭盜之策守曰莫先德政伺其不悛然後加之以兵因請出師屯要害既至部揭榜郡邑開諭禍福約以期限許之自新不數月盜平後徙知紹興府會朝廷遣三使者括諸路財賦所至以鞭撻立威韓球在會稽所斂五十餘萬緡守既視事卽求入觀爲上言之詔追還三使時秦檜當國不悅守亦不自安復奉祠建康謀帥上曰建康重地用大臣有德望者惟張守可至鎮數月卒守嘗薦秦檜於時張浚及檜爲樞密使守一日在省閣執浚手曰守前者誤公矣今同班列觀其趨向有患失之心公宜力陳於上守在江右以郡縣供億科擾上疏請蠲和買罷和糴上欲行之時秦檜方損度支爲月進且日憂四方財用之不至見守疏怒曰張帥何損國如是守聞之嘆息卒諡文靖孫抑富直柔字季申宰相弼之孫也以父任補官有才名靖康初召賜同進士出身除祕書省正字建炎二年復以

張浚薦授著作佐郎尋除禮部員外郎起居舍人遷右
 諫議大夫言范致虛自論籍召入不當復用比知鼎州
 遷給事中醫官王繼先以覃恩由團練使轉防禦使法
 當回授得旨特與換武功大夫直柔論武功大夫惟有
 戰功應邊任負材武者乃遷不可以輕授從之遷御史
 中丞徐端明殿學士簽書樞密院事故事簽書有以員
 外郎為之而無三丞為之者時直柔為奉議郎乃特遷
 朝奉郎紹興元年詔禮部太常寺討論隆祐太后冊禮
 直柔曰陛下推崇隆祐天下以為當然願陛下勿復致
 疑既而王居正言太后隆名定位已正於元符宜用欽
 聖詔奏告天地宗廟其典禮不須討論議遂定上虞縣
 丞裏寅亮上書言宗社大計欲選太祖諸孫伯字行下
 有賢德者視秩親王使牧九州以待皇嗣之生退處藩
 服疏入上大歎悟直柔從而薦之召赴行在除監察御
 史於是孝宗立為普安郡王除同知樞密院事侍御史
 沈與求論直柔附會辛道宗兄弟得進并論其所薦右
 司諫韓璜先是直柔嘗短呂頤浩於帝前頤浩與秦檜
 皆忌之由是璜責監潭州酒稅而直柔以本官提舉洞
 霄宮六年丁所生母憂起復資政殿學士知鎮江府辭
 不赴復知衢州以失入死罪落職奉祠尋復端明殿學
 士徜徉山澤放意吟詠與蘇蓮葉夢得諸人游以壽終

子家
 馮康國字元通本名驍遂寧府人為太學生負氣節建
 炎中苗劉作亂張浚倡帥諸將合兵致討念傅等居中
 欲得辯士往說之時輻客浚所慷慨請行至杭說傅正
 彥曰二公誅鋤宦官為功甚大然主上春秋鼎盛天下
 不聞其過豈可遽傳位于襁褓之子二公本心為國奈

何以此負謗天下傅按劍大怒驍辭氣不屈正彥乃善
 諭之曰張侍郎欲復辟固善然須用面議乃遣驍還約
 浚至杭浚復傳書誦言其罪又遣驍移書傅等告以禍
 福驍至傅黨馬柔吉誅之曰昨張侍郎書不委曲二公
 大怒已發兵出杭矣君尚敢來耶驍曰畏則不來則
 不畏王世修欲拘留驍會浚諺為書遺驍云適有客自
 杭來方知二公於社稷初無不利之心甚悔前書之輕
 易也傅等見之喜驍得免俄勤王之兵大集傅等始懼
 驍知其可動乃說宰相朱勝非曰今日之事當以淵聖
 皇帝為主睿聖皇帝宜復為大元帥少主為皇太姪太
 后垂簾勝非令與傅正彥議皆許諸驍又請發傅正彥
 如趙普故事遂皆賜鐵券高宗復辟詔補驍奉議郎守
 兵部員外郎賜五品服更名康國張浚宣撫川陝辟康
 國主管機宜文字浚至蜀遣康國入奏事詔進兩官為
 荆湖宣諭使帝方幸浙東不暇降詔旨康國以自意為
 之言者劾以擅造制書坐貶秩二等紹興三年康國與
 浚俱赴行在浚既黜御史常同因論康國罷之起知萬
 州湖北轉運判官浚相入為都官員外郎言四川正稅
 重者科折輕正稅輕者科折重科折權衡與稅平準故
 無偏重近年監司總漕悉改舊法取數務多失業逃亡
 皆由於此盡從舊法詔以其言下四川憲司察不如法
 者又言蜀苦陸運當論吳玠非防秋月分兵就糧兼選
 守收治梁洋招集流散耕鑿就緒則漕運可省浚去相
 位康國乞補外遷右司員外郎除直顯謨閣知夔州丁
 母憂起復撫諭吳玠軍除都大主管川陝茶馬卒
 常同字子正邛州臨邛人紹聖御史安民之子也登政
 和八年進士第靖康初辟元帥府主管機宜文字除太

常博士高宗南渡辟浙江機幕建炎四年召至行在為
 大宗丞紹興元年乞郡得柳州三年召還首論朋黨之
 禍自元豐新法之行始分黨與邪正相攻五十餘年章
 惇唱於紹聖之初蔡京和於崇寧之後元祐臣僚竄逐
 貶死上下蔽蒙養成外禍今國步艱難而分朋締交背
 公死黨者固自若也臣以為欲破朋黨先明是非欲明
 是非先辨邪正則公道開而姦邪息矣帝曰君子小人
 皆有黨同又對曰君子之黨協心濟國小人之黨挾私
 害公為黨則同而所以為黨則異且如元祐臣僚中遺
 譏謗竄殛流死而後禍亂成今在朝之士猶謂元祐之
 政不可行元祐子孫不可用蓋今日士大夫猶宗京黼
 等傾邪不正之論公論何自而伸願陛下始終主張善
 類勿為小人所惑又奏自古禁旅所寄必參錯相制漢
 有南北軍周勃用之以安劉氏唐李晟亦用神策軍以
 復京師今國家所使惟劉光世韓世忠張俊三將之兵
 耳陛下無心腹禁旅可備緩急頃者苗劉之變亦可鑒
 矣除殿中侍御史時韓世忠劉光世以私忿交兵同奏
 光世等不思待遇之恩而驕很尚氣無所忌憚一旦有
 急其能相為唇齒乎望分是非正國典昔漢諸侯王有
 過猶責師備今兩軍幕屬質畫無狀乞先黜責上以章
 示兩軍呂頤浩再相同論其十事且曰陛下未欲遷罷
 頤浩者豈非以其有復辟之功乎臣謂功出眾人非一
 頤浩之力縱使有功宰相代天理物非以宰相賞功者
 也頤浩罷相復論張浚喪師失地遂詔浚福州居住金
 使李永壽等人見同言先振國威則和戰常在我若一
 意議和則和戰常在彼上因語及武備曰今養兵已二
 十萬同奏未聞二十萬兵而畏人者也偽齊宿遷令張

澤以二千人來歸泗州守徐宗誠納之韓世忠以開朝
論令世忠卻澤等而械宗誠赴行在同奏敵雖議和而
兩界人往來未嘗有禁僞齊尙能置歸受館立賞以招
吾民今乃御澤人心自此離矣況宗誠起土豪不用縣
官財賦募兵自養爲國障捍今因受澤而械之以沮士
氣非策也詔處來歸者於淮南釋宗誠罪四年除起居
郎中書舍人史館修撰先是同嘗上疏論神哲二史在
紹聖時則章惇取王安石日錄私書改修神宗實錄在
崇寧後則蔡京盡焚熒時政記日歷以私意修定哲宗
實錄其間所載是非顛倒不可信於後世宣仁保佑之
德豈容異辭而蔡確厚誣聖后收恩私門望精擇史官
先修哲宗實錄候書成取神宗朱墨史考證修定庶毀
譽是非皆得其實上深嘉納至是命同修撰且諭之曰
向昭慈嘗言宣仁有保佑大功哲宗自能言之因宮中
有不得志於宣仁者因生誣謗欲辨白其事須重修實
錄以保立勞效昭示來世此朕選卿意也同乞以所得
聖語宣付史館仍記于實錄卷末張俊乞復其田產稅
役令一卒持書瑞昌而凌惇其令郭彥參彥參繫之獄
後訴於朝命罷彥參同併封還二命俄除集英殿修撰
知衢州以疾辭徵猷猷閣待制提舉江州太平觀七年
秋以禮部侍郎召還未數日除御史中丞車駕自建康
回臨安同奏旋蹕之初去淮益遠宜遣重臣出按兩淮
詢人情利病察官吏侵擾縱民耕墾勿收租稅數年之
後田野加闢百姓足而國亦足矣乃遣樞密使王庶視
師同乞以此奏付庶詢究罷行又言江浙困於月椿錢
民不聊生上爲減數千緡又言吳玠屯師興利嘗講屯
田願聞其積穀幾何減饋運幾何趙開李迨相繼爲都

漕先後饋運各幾何令制漕帥司條具以聞然後按實
講究以紓民力又言國家養兵不爲不多患在於偏聚
而不同力自用而不同心今韓世忠在楚張俊在建康
岳飛在江州吳玠在蜀相去隔遠情不相通陛下遣樞
臣王庶措置邊防宜令庶會集將帥諭以國體協心禦
敵常令諸軍相接以常山蛇勢緩急應援皆有素定之
術詔付王庶出示諸將同乞郡除顯謨閣直學士知湖
州復召請祠詔提舉江州太平觀紹興二十年卒
張致遠字子猷南劍州沙縣人宣和三年中進士第宰
相范宗尹薦其才召對擢樞密院計議官建寇范汝爲
已降猶懷反側而招安官謝嚮陸榮受賊賂陰與之通
致遠謂告歸知其情還白執政請鋤其根柢於是捕嚮
榮及制置司屬官施宜生付獄按程史施宜生變服爲
備官購求弗得已而投
獄附錄 詔參知政事孟庚爲福州宣撫使討賊韓世
忠副之辟致遠主管隨軍機宜文字賊平除兩浙轉運
判官改廣東招撫劇盜曾交等賊眾悉降紹興四年以
監察御史召未至除殿中侍御史時江西帥胡世將請
增和買絹折納錢致遠上疏言折納絹錢本欲少寬民
力而比舊增半是欲乘民之急而厚其斂也詔從折減
金人與劉豫分道入侵宰相趙鼎勸帝親征致遠入對
獨贊其議還侍御史言聚財養兵皆出民力善理財者
宜固邦本請罷權福建鹽精擇三司使副以常平茶鹽
合爲一官令計經常量入爲出先務省節次及經理詔
戶部講究五年除戶部侍郎進吏部尋復爲戶部言陛
下欲富國強兵願詔大臣力務省節明禁僭侈自宮禁
朝廷始額員可減者減之司屬可併者併之使州縣無
妄用歸其餘於監司監司無妄用歸其餘於朝廷

無橫費日積月聚惟軍須是慮中興之業可致也除給
事中尋以母老乞外以顯謨閣待制知台州朝廷以海
寇鄭廣未平改知福州六年八月廣等降致遠選留四
百人置營城外餘遣還業復遣廣討他郡諸盜數月悉
平八年正月再召爲給事中出知廣州尋以顯謨閣待
制致仕十七年卒年五十八致遠夙亮有學識歷臺省
侍從言論風旨皆卓然可觀趙鼎嘗謂其客曰自鼎再
相除政府外從官如張致遠常同胡寅張九成潘良貴
呂本忠魏正皆有士望他日所守當不渝識者謂鼎爲
知人云
薛徽言字德老温州人登進士第爲樞密院計議官紹
興二年遣使分行諸路徵言以權監察御史宣諭湖南
時郴道桂陽舉譙徽言請于朝不待報即論漕臣發衡
禾米以振而以經制銀市米償之所刺舉二十人使還
宰相呂頤浩以徽言擅易守臣而移用經制銀出知興
國軍俄入爲郎遷右司擢起居舍人時秦檜主議和徽
言與吏部侍郎晏敦復等七人同拜疏爭之一日檜於
上前論和徽言直前引義固爭尋以疾卒贈絹百匹特
與遺表恩
陳淵字知默歙縣人瑾之孫有文學紹興五年廖剛胡
寅朱震張致遠並言淵負材流落召充樞密院編修官
李綱爲江南西路安撫制置大使辟爲制置司機宜文
字七年詔侍從舉直言極諫之士胡安國以淵應召對
改官賜進士出身九年除監察御史尋遷右正言入對
論比年以來恩惠太濫賞給賚予所用既眾而所入實
寡此臣所甚懼也周官唯王及后世子不會說者謂不
得以有司之法治之非周公作法開後世人主侈用之

端也臣謂家宰以九式均節財用有司雖不會家宰得以越式而論之若事事以式雖不會猶會也臣願陛下凡有賜養法之所無而於例有疑者三省得以其議戶部得以執奏則前日之弊息矣鄭億年復資政殿學士奉朝請召見於內殿淵言億年有從賊之醜乞寢其職名不報億年故相居中子秦檜之親黨也由是檜怒之除祕書少監兼崇政殿說書以祖名辭改宗正少卿以何鑄論罷主管台州崇道觀十五年卒

魏疇字邦達和州歷陽人唐丞相知古後也少穎悟時方尚王氏新說疇獨守所學宣和二年上舍及第建炎四年召赴闕改宣教郎除詳定一司敕令所刪定官紹興元年遷樞密院計議官遷考功郎會星變疇因轉對言治平開等出東方英宗問消弭之道韓琦以明賞罰為對比年以來賞之所加有未參選而官已升朝者有未經任而輒為正郎者罰之所加有未到任而例被衝替者有罪犯同而罰有輕重者大臣黜陟不公所以致異帝識其拙擢監察御史遷殿中侍御史臨安火延燒數千家疇言春秋定哀開數言火災說者謂孔子有德而不能用季孫有惡而不能去故天降之咎今朝廷之上有森嚴邪佞之人未遂朋附奔競之徒未汰公忠宿望有猷有守之士未用在位之人未聞推誠盡公宜鑒定哀之失甄別黜陟內侍李廩飲韓世忠家刃傷弓匠事下廷尉疇言內侍出入宮禁而很戾發於孟瀆乃至如此建炎詔令禁內侍不得交通主兵官及預朝政違者處以軍法乞申嚴其禁以謹履霜之戒於是屢杖脊配瓊州遷疇侍御史賜五品服時朱勝非獨相疇論勝非無所建明機務不決軍政不修除授挾私賢士解體

又疏其五罪詔令勝非持餘服又言國家命令之出必先錄黃其遇兩省則給金得以封駁其下所屬則臺諫得以論列此萬世良法也近時三省樞密院閒有不用錄黃而直指揮者亦有雖畫黃而不下六部者望並依舊制時議親征疇請扈從因命督江上諸軍時劉光世韓世忠張俊三大將懷私隙莫肯協心疇首至光世軍論之曰敵眾我寡合力猶懼不支況軍自為心將何以戰諸公當思為國雪恥釋去私隙遂勸其貽書二帥示以無他二帥復書交歡由此眾戰屢捷軍聲大振帝至平江魏良臣王綸使金回約再遣使疇請罷講和二字飭厲諸將力圖攻取遷祕書少監疇在職七閱月論事凡百二十餘章尋乞補外除直龍圖閣知泉州以親老辭知建州尋召還旬祠不允除權吏部侍郎八年金使入境命疇充館伴使疇言頃任御史嘗論和議之非今難以專對秦檜召疇至都堂問其所以不主和之意疇具陳敵情難保檜論之曰公以智料敵檜以誠待敵疇曰相公固以誠待敵第恐敵人不以誠待相公耳檜不能屈乃改命吳表臣詔金使人境欲屈己就和令侍從臺諫條奏疇言賊豫為金人所立為之北面陛下承祖宗基業天命所歸何藉於金國乎傳聞奉使之歸謂金人悉從我所欲必無難行之禮如或有不可從之事一輕許之他時反為所制號令廢置將出其手後有不從便生兵釁予奪在彼失信在我非計之得也雖使還我空地如之何而可保恐欲疲兵息民不可得也更願酌之羣情譯其經久可行者行之其不可從者以國人之意拒之速召大將各帶近上統制官數人同來詳加訪問大將以為不可則其氣益堅何憂此敵未幾丁父

憂免喪除集英殿修撰知宣州不就改提舉太平興國宮自是奉祠凡四任丁內艱以卒

潘良貴字子賤婺州金華人按宋名臣言行以上舍釋褐為辟雍博士遷祕書郎時宰相蔡京以爵祿鉤知名士良貴屹然特立京數遣人致願交意良貴正色謝絕除主客郎中尋提舉淮南東路常平靖康元年召對欽宗問孰可秉鈞軸者良貴極言何與唐恪等四人不可用他日必誤社稷陛下若欲扶危持顛非博詢下僚明揚微陋未見其可當國者指為狂率黜監信州洎口排岸高宗即位召為左司諫既見請誅偽黨使叛命者受刀國門即敵人不取輕讓宋鼎又乞封宗室賢者於山東河北以壯國體巡幸維揚養兵威以圖恢復黃潛善汪伯彥惡其言改除工部良貴以不得其言求去主管明道宮越數年提點荆湖南路刑獄主管江州太平觀除考功郎遷左司宰相呂頤浩從容謂良貴曰旦夕相引入兩首良貴正色對曰親老方欲乞外兩省官非良貴可為也退語人曰宰相進退一世人才以為賢邪自當擢用何可握手密語先示私恩若士大夫受其牢籠又何以立朝即日乞補外以直龍圖閣知嚴州到官兩月請祠主管亳州明道宮起為中書舍人會戶部侍郎向子諤入見語言頗褻良貴改善子諤是日攝起居立殿上徑至榻前厲聲曰子諤以無益之談久煩聖聽此之退者再高宗色變閣門併彈之良貴求去以集英殿修撰提舉江州太平觀起知明州暮年除徽猷閣待制提舉亳州明道宮既歸不出者十年李光得罪良貴坐嘗與通書降二官卒年五十七良貴剛介清苦壯老一節為博士時王黼張邦昌俱欲妻以女拒之晚家居貧

節為博士時王黼張邦昌俱欲妻以女拒之晚家居貧

節為博士時王黼張邦昌俱欲妻以女拒之晚家居貧

甚處之超然秦檜合求郡亦不應其諫草焚削不傳呂本中字居仁元祐宰相公著之曾孫好問之子幼而敏悟公著奇愛之公著薨宣仁太后及哲宗臨奠請童稱立庭下宣仁獨進本中摩其頭曰孝於親忠於君兒勉焉以公著遺表恩授承務郎紹聖開黨事起公著追貶本中坐焉元符中主濟陰簿秦州土曹掾辟大名府帥司幹官宣和六年除樞密院編修官靖康改元遷職方員外郎以父嫌奉祠丁父憂服除召爲祠部員外郎以疾告去再直祕閣主管崇道觀紹興六年召赴行在特賜進士出身擢起居舍人兼權中書舍人內侍李琮失料歷帝以潛邸舊人不用保任特給之本中言若以異恩別給非所謂宮府一體者帝見繳還甚悅令宰臣論之曰自今有所見第言之監階州草場苗五按宋名別錄作苗巨以賊敗有詔從縣本中奏近歲官吏犯賊多至鯨籍然四方之遠或有枉濫何由盡知異時察其非辜雖欲按拭可得乎若祖宗以來此刑嘗用則紹聖權臣當國之時士大夫無遺類久矣願酌處常罰毋令姦臣得以藉口從之七年帝幸建康本中奏曰當今之計必先爲恢復事業求人才卹民隱講明法度詳審刑政開直言之路俾人人得以盡情然後練兵謀帥增師上流固守淮甸使江南先有不可動之勢乃可觀變而動若徒有恢復之志而無其策邦本未強恐生他患今江南兩浙科須日繁閭里告病倘水旱之絕姦宄竊發未審朝廷何以待之近者臣庶勸與師者不可勝數觀其辭固甚順考其實不可行大抵獻言之人與朝廷利害絕不相侔言不酬事不濟則脫身而去朝廷施設失當誰任其咎驚鳥將擊必匿其形今朝廷於進取未有秋毫

之實所下詔命已傳賊境使之得以爲備非策也又委江左形勢如九江鄂渚荆南諸路當備重兵臨以重臣吳時謂西陵建平國之藩表願精擇守帥以待緩急內侍鄭誥落致仕得兵官本中言陛下進臨江潯將以有爲今賢士大夫未能顯用巖穴幽隱未能招致乃起譴以統兵之任何邪命遂寢引疾乞祠直龍圖閣知台州不就主管太平觀召爲太常少卿八年遷中書舍人兼侍講又兼權直學士院金使通和有司議行人之供本中言使人之來正當示以儉約客館芻粟若務充悅適啟其心且成敗大計初不在此秦檜相私有引用本中封還除目檜勉其書行卒不從趙鼎素主元祐之學以本中爲公著後又范冲所薦故深相知會哲宗實錄成鼎遷僕射本中草制有曰合晉楚之成不若尊王而賤霸散牛李之黨未如明是以去非檜大怒言于帝曰本中受鼎風旨伺和議不成爲脫身之計風御史蕭振勅罷之提舉太平觀卒學者稱爲東萊先生賜諡文清

欽定續通志卷三百七十八

列傳

宋八十三

向子諲

陳規

季陵

盧知原

法原

陳桷

李朴

王庠

李璆

衛膚敏

劉珪

胡舜陟

沈晦

劉一止

寧止

慕崇禮

胡交修

向子諲字伯恭臨江人敏中元孫欽聖憲肅皇后再從姪也元符三年以后恩補假承奉郎歷選知咸平縣豪民席勢犯法獄具上開封尹盛章方以獄空覲賞卻不受子諲以問詔許自論決章大怒劾以他事勒停宣和初復官除江淮發運司主管文字淮南歲旱漕不通有欲潛河與江淮平者內侍主其議子諲言河高江淮數丈決難濬之使平曩三日一啟開復作澳儲水放水不乏比年行直達之法加以應奉往來啟閉無節堰閘率不存今復故制嚴禁約則無患使者用其言漕復通進秩一等召對除淮南轉運判官以起發上供不及數降一官七年以直祕閣為京畿轉運副使尋兼發運副使康王次濟州子諲遣進士李植獻金帛及本司錢穀之在濟州者以助軍費張邦昌僭位遣人持敕書往廬州問其家安否子諲檄郡守馮詢提舉范仲使拘之以俟王命邦昌又使其甥劉達齎手書來子諲不啟封焚之械繫達于獄遣子澹請康王率諸將渡河出其不意以救二帝遣將王儀統勤王兵至城下高宗即位遷直龍圖閣江淮發運副使言去歲劉順奉淵聖詔令監司

帥守募兵勤王臣即鑾板獨微所部而六路之閒漠無應者聞有團結起發者類如兒戲陛下復欲起天下之兵而諸路詭習故常恬不知畏將何恃以濟艱難哉願明詔大臣按劾諸路監司向承蠟詔廢格不勤王及名為勤王而稽緩者悉加顯黜命諸路提刑司究實以聞初邦昌為平章軍國事子諲乞致仕避之坐言者降三官起復知潭州按宋名臣言行別錄載以宋良事降三官知龔慶府丁父憂明年奪喪知潭州據此非由降禁卒為亂縱火掠市出瀏陽縣子諲遣通判孟彥卿等進及攸縣平之金人破江西移兵湖南子諲聞警報率軍民以死守金人圍八日登城縱火子諲率官軍奪南楚門遁坐敵至失守落職按宋名臣言行別錄載外援不至凡八日而外城破子諲率眾入子城巷戰兩日乃焚敵棚奪門以出遂渡水軍于湘西郡人以眾義自奮無一人降者敵以故不敢離城縱掠留四日而去子諲即入城撫安上章自劾云宋史不載本傳附錄者以為下文實也罷轉運副使賈收言子諲督兵巷戰又收潰卒復入治事帝亦以子諲與他守臣望風遁者殊科詔復職紹興元年移鄂州主管荆湖東路安撫司劇盜曹成據攸縣子諲軍於安仁遣使詔之成聽命子諲又遣將西扼衡陽南守宜章成逡巡不敢南向者百餘日諸郡遂得割獲既而援兵不至成忿子諲扼已擁眾而南子諲率兵拒之官軍潰度不可遏軍騎入賊中諭以國家威靈成不服執子諲去會宜撫司都統制馬廣遣人持吳敏檄諭成成許受招始釋子諲詔提舉江州太平觀胡安國方避地湖南以書抵秦檜言子諲忠節以無救而陷于賊願復加收用起知廣州時恐賊度嶺故就子諲守之又以言者罷遂致仕尋起知江州改江東轉運使進祕閣修撰江東富餉劉光世軍適劉豫入寇光世軍合淝以乏餉告亟退師子諲馳至合淝具見糧

以聞光世由是得罪遣徽猷閣待制徒兩浙路為都轉運使除戶部侍郎入見論京師舊事頗及珍玩起居郎潘良貴問其言甚怒既而子諲奏金國報聘及莫朱震事反復良久良貴徑至榻前厲聲叱之子諲欲退上謂良貴曰是朕問之也又諭子諲款語子諲復語久不止良貴叱之退者再上色變欲抵良貴罪中丞常同言良貴無罪願許子諲補外上併怒同張九成言士大夫所以嘉子諲者以其能眷眷于善類今以子諲故逐柱史又逐中司非所以愛子諲也上意稍解批諭同同言不已于是三人俱罷子諲以徽猷閣直學士知平江府金使議和將入境子諲不肯拜金詔上章請卻勿受忤秦檜意乃致仕子諲友愛諸弟置義莊贖宗族貧者初漕淮南時張邦昌偽詔至武尉徐端益不拜而走子諲言子朝易端益文資退閒十五年號所居曰蕪林按宋名別錄載每入觀皆求歸帝高之親書蕪林卒年六十八二字以賜據此非自號所居為蕪林也陳規字元則密州安邱人申明法科為安陸令以勤王兵赴汴至蔡州道梗而還會祝進攻德安府守棄城遁父老請規攝守事規遣射士張立率兵討進卻之既而王在復與進合以砲石驚車攻城規連戰敗之賊引去建炎元年除直龍圖閣知德安府李孝義張世以步騎數萬薄城陽稱受詔招規登城視其營壘曰此詐也亟為備夜半孝義兵圍城遂大敗之與羣盜楊進相持十八日進技窮以百人自衛抵濠上求和規出城與語進感之折箭為誓而去董平引眾窺城遣其黨李居正黃進入城求犒規斬進授居正兵為前鋒大破之升祕閣修撰尋除德安府復州漢陽軍鎮撫使賜三品服俄升徽猷閣待制時桑仲略襄漢間其副霍明屯兵郢上

規請于朝就以明守鄂張浚都督蜀道仲引兵窺之為
王彥所敗仲怒從數百騎來講明明殺之奔劉裕拔北
盟會編載王彥敗棄仲于房州在建炎四年十一月
明殺彥仲在紹興二年四月董明棄鄂州走紹興二
年五月宋史本傳似是仲為彥所敗因而講明明因
殺之既殺仲田而奔其黨各事並不聯屬明之棄鄂
李橫圍城不退糧盡水乏乃棄鄂城而逃石崖號為
城城下即漢江兵不能近夜半總石城而下其眾數
百泛舟順風以書招規規械其使以問李橫圍城造天
橋填濠鼓譟臨城規帥軍民禦之砲傷足神色不變圍

急糧盡出家財勞軍士氣益振會濠橋陷規以六十人
持火槍自西門出焚天橋以火牛助之須臾皆盡橫拔
砦去累陞顯謨閣直學士徙知池州入對首言鎮撫使
當罷諸將跋扈請用偏裨以分其勢上嘉訥遷龍圖閣
直學士改知廬州尋召赴行在以疾辭提舉江州太平
觀復起知德安府金人南侵改知順昌府葺城壁招流
亡立保伍會劉錡領兵赴東京留守過郡規出迎坐未

定傳金人已入東京即告錡城中有粟數萬斛勉同為
死守計相與登城區畫分布諸將守四門且明斥候募
士人鄉導間謀布設相畢金遊騎已薄城矣金龍虎大
王者提重兵踵至規躬擐甲胄與錡巡城督戰用神臂
弓射之稍引退復以步兵邀擊溺于河者甚眾規曰敵

志屢挫必思出奇困我不若潛兵斫營使彼晝夜不得
林可養吾銳也錡然之劫其營殺傷甚眾烏珠擁精兵
且至規大饗將士酒半問策將安出諸將或謂今已累
捷宜乘勢全師而歸規曰朝廷養兵十五年正欲為緩
急用况屢挫其鋒軍聲稍振規已分一死錡叱諸將曰

府公文人猶誓死守况汝曹邪已而烏珠至下令晨飯
府庭并兵十餘萬攻城規與錡行城勉激諸將流矢及
衣無懼色軍殊死鬪時方劇暑規謂錡毋多出軍第更

隊易器以逸制勞賤不勝矣遂大敗金兵錡奏功詔褒
諭之遷樞密直學士規至順昌即廣羅粟麥實倉廩會
計議司移粟至河上規請以金帛代輸至是得其用移
知廬州兼淮西安撫既至疾作而卒年七十贈右正議
大夫有攻守方略傳于世初規守德安時嘗條上營屯
田事宜欲做古制合射士民兵分地耕墾軍士所屯之
田皆相險隘立堡砦寇至則保聚捍禦無事則乘時田

作射士皆分半以耕民戶所營之田水田畝賦粳米一
斗陸田賦麥豆各五升滿三年無遺輸給為永業流民
自歸者以田還之凡屯田事營田司兼行營田事府縣
官兼行皆不更置官吏詔嘉獎之仍下其法於諸鎮自
紹興以來文臣鎮撫使有威聲者惟規而已規端毅寡
言笑待人和易以忠義自許好振施家無贏財嘗為女

求從婢得一婦甚閑雅怪而詢之乃雲夢張貢士女也
亂離夫死無所託鬻身求活規即輟女奩嫁之規功名
與諸將等而位不酬勞時共惜之乾道八年詔刻規德
安守城錄頒天下為諸守將法立廟德安賜額賢守追
封忠利侯後加封智敏

季陵字延仲處之龍泉人登政和二年上舍第三遷太
學博士論學術邪正異同長官怒譖之執政論之舒城
縣未幾除太常寺簿遷比部員外郎高宗即位從至揚
州歷太常少卿金人南侵帝幸杭州朝廷儀物皆委棄
之陵奉九廟神主負之以行拜起居郎遷中書舍人三

年六月注雨詔求直言陵言今將帥擁兵自衛侵成跋
扈苗劉竊發勤王之師一至凌轢官吏莫敢誰何此將
帥之權太盛有以干陽也宜寺縱橫上下其憤卒碎賊
手可為戒矣比聞復召監珪黨與相賀此宜寺之習未

革有以干陽也洪範休徵曰肅時雨若謀時寒若咎徵
曰狂恆雨若急恆寒若自古天子之出必載廟主示有
尊也前日倉卒迎奉不能如禮既至錢塘置太廟于道
宮薦享有闕留神御于河許安奉後時此不肅之咎也
比年盜賊例許招安未幾再叛反墮其計忠臣之憤不
雪赤子之冤莫報此不謀之咎也道路之言謂鑿與不

久居此自臣臆度決無是事假或有之不幾于狂乎軍
興以來既結保甲又改巡社既招弓手又募民兵民力
竭而猶誅求焉不幾于急乎此皆陰道太盛所致帝嘉
納之時除梁揚祖為發運使陵封還錄黃又言防秋已
迫願陛下先定兵衛及扈從之臣萬一敵勢猖獗便當
整駕親按營壘召諸道兵以為援留將相大臣相率死
守勿效前日百官跣足奔竄以扈蹕為名棄城池以子

敵使生靈墮塗炭財用填溝壑又論宜撫張浚太專忤
旨罷為徽猷閣待制知太平州未行落職與祠數月復
職范宗尹薦其才命知臨安府復為中書舍人入對言
事有可深慮者四尙可恃者一大駕未有駐蹕之地賢
人皆無經世之心兵柄分而將不和政權去而主益弱

惟祖宗德澤尚存人心未忘所望以中興者此耳陛下
宜有以結之今欲薄斂以裕民財而用度方闕輕徭以
舒民力而師旅方興罪己之詔屢降憂民之言屢聞丁
寧切至終莫之信臣謂動民以行不以言陛下當當賢
祿當功刑當罪施設注措無不當理天下不心服者未

之有也朱勝非除江西帥未行陵言金人往年寓淮南
無去意患在朝夕可謂急矣若願浩既去勝非未至金
人南向兵不素練糧不素積又不設險何以禦之臣願
陛下更擇賢副預為經畫以待詔劉洪道趣往池州措

置防江范宗尹嘗仕偽楚故凡受僞命者皆錄用陵園
上疏曰前日士大夫名節不立以義責之固不容誅以
情恕之亦不幸耳臣願明詔宰執于罪戾中選擇賢能
量付以事勿因一售廢其終身仍詔臺諫為國愛人勿
復言詔勝其疏于朝堂侍御史沈與求劾陵承望宰執
風旨罷官提舉杭州洞霄宮紹興元年復右文殿修撰
二年詔內外官言事陵言軍興以來朝廷詭牒非強以
子民則莫售師旅糧草非強取於民則莫給舊例和買
無本可支者久矣新行和糴能償其直幾何一遇軍興
事事責辦有不足者預借後年之賦雖名日和實強取
之雖名曰借其實奪之兵將衣食不取其飽煖取其豐
美器械不取其堅利取其華美務末勝本初無關心敵
至則偽言退保敵去則盛言收復遇敗以千為一遇勝
以一為千今乘輿服御之費十去七八百官有司之費
十去五六猶無益于國者軍大穴也張浚一軍以川陝
贍之劉光世一軍以淮浙贍之李綱一軍以湖廣贍之
上供之物得至司農大府者無幾也今當議者五一統
領家口隨行一閱敵至擇精銳者護送老小其自隨祇
辦走耳二虜掠婦女軍中多有養既不足盡免作過三
所至州軍邀求犒賞守令憚生事竭取民力以奉之四
詭名虛券隨在批請枉費官物五或假關節或行賄賂
寄名軍籍規冒功賞願詔有司專意講求革因循以作
士氣則軍政立矣復徵猷閣待制帥廣東先是惠州有
狂男子聚眾數千僭號作亂陵入境誘其徒會宴令以
功贖罪不旬日擒之在官三年卒年五十五贈中大夫
功贖罪不旬日擒之在官三年卒年五十五贈中大夫
陵喜言事奏疏可觀然附范宗尹攻張浚幸醫王繼先
授榮州防禦使陵草其制時論亦以此少之

盧知原字行之湖州德清人以父任知歙縣因近臣薦
赴都堂審察累遷梓州路轉運副使時承平既久戎備
皆弛知原招補兵籍築城五十餘里王黼當國費出
無藝知原因疏言之黼怒罷去久之起提點京東刑獄
改江西轉運副使過闕賜三品服先是綱運阻于重江
吏卒並緣為姦知原悉意經理先諸道上海師進一官
尋知直祕閣為江淮荆浙等路發運使升祕閣修撰提
舉河北以言者劾黜職高宗即位復龍圖閣知温州時
葉濃陷建州楊勛陷處州知原繕甲兵增城浚隄聲勢
隱然帝東幸知原繇海道轉粟及金縷十餘萬至台州
召見稱獎擢右文殿修撰舉安撫使在郡四年民籍
像祠之王師討范汝為召為添差兩浙轉運使罷提舉
太平觀都督孟庚辟為參謀改徵猷閣待制知臨安府
諫官唐輝言知原為政乖謬詔復為都督府參謀官章
再上遂以舊職奉祠紹興十一年十月卒弟法原
法原字立之自知雍邱縣積官太府少卿賜同上舍出
身使遼還遷司農卿賜三品服為吏部尚書以官秩次
第履歷總為一書功過殿最開卷瞭然吏不能欺忤王
黼罷為顯謨閣待制紹興元年提舉臨安洞霄宮張浚
承制起知夔州尋為龍圖閣學士川陝等路宣撫處置
副使進端明殿學士金人攻蘭輔叛將史斌陷興州諸
郡多應者法原命諸將堅壁言戰者斬眾以為法未幾
河東經制使王玘以乏食班師法原開關納之與玘同
破斌復興州按三朝北盟會編建炎二年四月金人
既退兵還原將曲端遂下兵秦州而鳳翔
長安各為義兵收復端大恚鳳翔劉彥希殺之會拔賊
史斌復興州不克引兵還關中義兵首領張宗誦玘至
長安而散其眾欲圖之端遣吳玠擊斌斌走鳴嶺
玠為玠所擒端自襲張宗誦殺之收復長安玠以斌凌遲
斬不載有盧法原同破斌事異史方巨盜充斥秦隴
別傳紀此事于紹興元年所載互異

叛兵欲窺蜀法原極意樹術嚴為備禦山川險阻分
地置將自洪岷至階成關師古主之屯通川文龍至威
茂劉錡主之屯巴西前後屢捷法原素與吳玠不睦玠
因奏功訟法原不濟師不饋糧不銓錄立功將士帝手
詔詰問法原自辨甚力上頗不直之憂恚卒于軍
陳梅字季玉温州平陽人以上舍貢辟雍政和二年延
對第三授文林郎冀州兵曹參軍累遷尚書虞部員外
郎七年提點福建路刑獄福州調發防民兵資糧不滿
望殺帥臣變生倉卒吏民奔潰梅入亂兵中諭以禍福
賊氣沮遂梅奏帥臣自斃梅詭從其請開道馳奏以前
奏不實待罪朝廷以梅知變釋之叛兵既調行在道追
殺首惡二十餘人一方以安建炎四年復除福建路提
刑尋以疾乞祠主管江州太平觀紹興二年召為金部
員外郎升郎中抗言今言事者當專講治道之本修政
事以攘敵國不當以細故勤聖慮又言刺史縣令不皆
得人乞選監司重其權久其任除太常少卿又陳攻守
二策在于得人心修軍政五年除直龍圖閣知泉州明
年改兩浙西路提刑乞置鄉縣三老以厚風俗凡宮室
車馬衣服器械定為差等重侈糜之禁八年遷福建路
轉運副使十年復召為太常少卿言禘祭用太牢此祀
典之常駐蹕之初未能備禮止用一羊乞復用太牢十
一年除權禮部侍郎賜三品服普安郡王出閣奉詔與
吏部太常寺討論典故梅等議以國本未立宜厚其禮
以繫天下望乃以皇子出閣禮例上之或以為太重詔
以不詳具典故專任己意懷姦附麗與吳表臣蘇符等
並罷尋以梅提舉江州太平觀十五年知襄陽府充京
西南路安撫使襄漢兵火之餘民物凋瘵梅請于朝乞

軍行減明年金房兵叛將平之而後以聞漢水
決溢濫蕩廬舍躬率兵民捍築隄岸賴以無虞以疾乞
祠除祕閣修撰提舉江州太平興國宮二十四年改知
廣州充廣南東路經略安撫使未至而卒年六十四梅
寬洪醞藉以誠接物而恬于榮利當秦檜用事黃綠攀
附者無不躡登顯要稱獨不附其節有足稱者子汝楫
汝賢汝諧孫峴以詞學擢第官中書舍人直學士院

李璆字西美汴人登政和進士第調陳州教授入為國
子博士出知房州時既權官茶復疆民輸舊額貧無所
出被繫者數百人璆至即日盡釋之宣和三年廷議將
取燕璆上疏切諫大略謂太祖以聖武得天下將士皆
百戰之餘以是而取燕雲宜易為力然趙普輩無敢贊
其決者蓋識天下大勢且重民命故也今承太平之業
父老幸不識兵難不得燕雲地何闕于宋疏奏不省及
燕平責監英州清溪鎮明年放還為郎尋試中書舍人
建言元祐名臣子孫久被廢綱宜少寬之官官譚積出
師河北以無功廢將復進用璆不肯書行山東盜起州
縣不能制河北無見糧軍士洶洶修奏十事件大臣
意罷紹興四年以集英殿修撰知吉州江西兵素剽悍
璆始視事有相謀為亂者亟捕誅首惡撫循其餘大布
恩信境內遂安累遷徽猷閣直學士四川安撫制置使
成都舊城多毀圯璆至首命修築俄水大至民賴以安

三江河有堰可以下灌眉田百萬頃久廢弗修璆率刺史
合力修復竟受其利眉人感之繪像祠于堰所遺歲饑
發倉振活無慮百萬家治蜀之政多可紀
李朴字先之虔之興國人登紹聖元年進士第調臨江
軍司法參軍移西京國子監教授移慶州教授以嘗言

隆祐太后不當廢追官勒停會赦注汀州司戶徽宗即
位右司諫陳瑋薦朴有旨召對朴首言熙寧元豐以來
政體屢變始出一二大臣所學不同後乃更執圓方互
相排擊夫今不治必至不可勝救又言今士大夫之學
惟王氏是聽敗壞心術莫大于此蔡京惡朴願直復以
為慶州教授又嫉言者論朴為元祐學術不當領師儒
罷為肇慶府四會令有姦民言邑東地產金寶立額買
撲破田時發墟墓厚貽乃已朴至請罷之改承事郎知
臨江軍清江縣廣東路安撫司主管機宜文字欽宗在
東宮聞其名及即位除著作郎半歲凡五遷至國子祭
酒以疾不能至高宗即位除祕書監未至而卒年六十

五贈寶文閣待制官其子孫一人朴自為小官天下高
其名蔡京俾所厚道意許以禁從馮熙載亦欲邂逅之
皆力拒不見居官所至有聲在廣南止其帥孫瑛以文
具勤王不若發常賦助邊破漕使鄭良引真臘取安南
之計以息邊患人稱其智
王序字周彥榮州人累世同居號義門王氏祖伯琪以
義聲著于鄉父夢易登皇祐第母向氏欽聖憲肅后之
姑也序幼穎悟七歲能屬文儼如成人年十三居父喪
哀憤深切謂弟序曰制科先君之遺意也吾有志焉遂
閉戶窮經史呂陶蘇轍皆器重之元祐中呂陶以賢良
方正直言極諫科薦之序以宋邦傑學成未有薦者推
使先陶聞益加敬未幾當紹聖諸臣用事遂罷制科序
嘆曰命也無愧先訓以之行已足矣崇寧王午歲應能
書為首選京師蝗序上書論時政得失謂中外壅蔽將
生兵患張得民見之歎其危言下第徑歸奉親養志不
應舉者八年大觀庚寅行舍法州復以序應詔序自陳

蘇軾蘇轍范純仁為知已呂陶王吉嘗薦舉黃庭堅張
舜民王鞏任伯雨為交游不可入舉求仕願屏居田里
母卒終喪復舉八行大司成考定為天下第一詔旌其
門賜號處士尋改潼川府教授賜出身及章服一日四
命俱至竟力辭不受雖處山林唱酬賦詠皆愛君憂國
之言太后念其姑嘗欲官序以遜其弟姪及甥且以田
均給庶兄及前母之姊序卒孝宗諡曰賢節序宣和開
以恩倖至徽猷閣直學士序浮沉其閒各建大第或者
謂其晚節隱操少衰云

王衣字子裳濟南歷城人以門蔭仕中明法科歷深冀
二州法曹掾入為大理評事升寺正林靈素得幸將毀
釋氏以還其私襄州僧杜德寶毀體然香有司觀望靈
素意捕以聞衣據律自傷者杖內批坐以害風教竄流
之停衣官尋子祠歷遷刑部員外郎建炎初為司勳郎
中遷大理少卿三年韓世忠執苗傅劉正彥獻俘檻車
幾百兩衣奏其中婦女有雇買及劫掠以從者詔自傳
正彥妻子外皆釋之范瑄有罪下大理寺衣奉詔鞠之
瑄不服衣責以靖康圍城中逼遷上皇擅殺吳革迎立
張邦昌事瑄稱死罪遂賜死釋其親屬將佐四年升大
理卿先是百司愆戾付寺劾之至三問取伏狀被劾者
懼對莫敢辨衣奏曰伏與辨二事也若一切取伏是以
威迫之不使自直非法意也乞三問未承者聽辨從之
同詳定一司敕令剛雜犯死罪四十七條書成帝嘉其
議法詳明紹興元年權刑部侍郎二年除集英殿修撰
奉祠既而趙令時應詔薦之復召為刑部侍郎為言者
所格四年卒于家衣質直和易持法不阿議者賢之

衛庸字商彥華亭人上舍生登宣和元年進士第

應舉者八年大觀庚寅行舍法州復以序應詔序自陳

授文林郎南京宗子博士尋改教授召對改宣教郎祕書省校書郎命假給事中賀金主生辰膚敏奏曰彼生辰後天寧節五日金人未聞入賀而反先之已失國體萬一金使不來為朝廷羞請至燕山候之彼若不來則以幣置境上而已帝可其奏既至燕金賀使果不至遂置幣而返七年復假給事中以行及慶源府違許九宗還語金國事曰彼且大入其勢不可往膚敏至燕報愈急眾懼不敢進膚敏叱曰吾將君命以行其可止乎既至金國知其兵已舉殊不為屈及將還金人所答國書欲以押字代璽膚敏力爭曰押字豈所以交鄰國論難往復卒易以璽及受書欲令雙跪膚敏曰雙跪乃北朝禮安可令南人之哉爭辨踰時卒單跪以受金人積不說中道羈留且半年至涿州新城與幹里雅布遇遣人約相見拒之不可遂語之曰必欲相見其禮當如何曰有例膚敏笑曰例謂趨伏羅拜北朝止一君耳皇子那君雖貴人臣也一介之使雖賤亦人臣也兩國之臣相見而用君臣之禮是北朝一國有二君也金人氣折始曰惟所欲膚敏長揖而入既坐金人出誓書示之膚敏御不視曰遠使久不聞朝廷事此書真偽不可知因論用兵事又以語折之幾復為所留靖康初始還進三官遷吏部員外郎會高麗遣使來賀命假太常少卿往接之朝論欲改稱宣問使膚敏曰國家厚遇高麗久矣今邊事方作不可遽削其禮失遠人心乃復稱接待使既至明州會京師多難乃便宜稱詔厚賜使者遣還建炎元年復命自劾矯制之罪高宗嘉賞遷衛尉少卿建議兩河諸郡宜降蠟書許以世襲使各堅守陝西山東淮南諸路並合增陴浚隄徙民入城為清野計命大臣

留守汴京車駕早幸江寧帝頗納之遷起居舍人言前日金人憑陵都邑失守朝臣欲存趙氏者不過一二人而已其他皆屈節受辱不以為恥甚者為敵人斂金帛索妃嬪無所不至求其能詐楚如紀信者無有也及金人立叛臣僭竊位號在廷之臣逃避不從及約寇退歸位趙氏者不過一二人而已其他皆委質求榮不以為愧甚者為叛臣稱功德說符命主推戴之議草勸進之文無所不為求其擊朱泚如段秀實者無有也今陛下踐祚之初苟無典刑何以立國凡前日屈節敵人委質偽命者宜差第其罪大則族次則誅又其次置殛下則斥之遠方終身不齒豈可猶畀祠祿使塵班列哉又言今二帝北遷願陛下愈自貶損不忘報雪卑宮室菲飲食惡衣服減嬪御斥聲樂以至歲時上壽春秋錫宴一切罷之雖饗郊廟亦不用樂必俟兩宮還闕然後復常庶幾精誠昭格天地感動人心拜右諫議大夫兼侍讀言行在頗興土木之役非所以示四方乞罷築承慶院昇陽宮又奏凡黜陟自中出者皆由三省乃得奉行或戾祖宗成憲者皆許執奏時內侍李志道以赦恩復保慶軍承宣使添差入內都知膚敏極論罷之又起用園城時致仕內侍容機膚敏言自古帝王未有求闕寺于閑退而用者命遂寢后父那煥除徽猷閣待制太后兄子孟忠厚除顯謨閣直學士膚敏及給事中劉珪皆言非祖宗法煥尋換武職忠厚自若俄遷膚敏中書舍人膚敏懇奏曰事母后莫若孝待戚屬莫若恩勸臣下莫若賞今陛下順太母以非法非所謂孝處忠厚以非分非所謂恩不用臣言而遷其官非所謂賞一舉而三失帝命宰相論膚敏曰朝廷以次遷官非因論事膚敏猶

不拜居家逾月及忠厚改承宣使詔后族勿除從官膚敏始拜命又言中書根本之地凡命令不合公議率封還之會膚敏知貢舉有進士向烈對省試策謬稱臣諫官李處遜乞正考官鹵莽之罪以集英殿修撰提舉洞霄官或謂膚敏論事為黃潛善汪伯彥所惡故因事斥之三年春召見平江膚敏曰臣頃言揚州非駐蹕之地乞早幸江寧今錢塘亦非帝王之都宜須事定亟還金陵因陳所以守長江之策帝善其言扈蹕至臨安俄除刑部侍郎未拜謁告歸華亭就醫許之遷禮部侍郎卒年四十九特贈大中大夫子仲英仲傑作循劉珪字希范湖州長興人登崇寧五年進士第初遊太學以書遺中書舍人鄒浩曰公始為博士多所論奏今庶政豈盡修明百官豈盡忠實從臣繼去豈盡非才言官屢逐豈盡有罪信任踰曩昔而拱默不言天下之士竊有疑焉浩得書愧謝之宣和四年擢監察御史坐言事知舒州留為尚書主客員外郎靖康初議皇帝朝謁上皇儀欲以家人禮見于內庭廷請皇帝設大小次候上皇御坐宰臣導皇帝升自東階拜于殿上則有君之尊有父之敬又謂皇帝朝謁宜令環衛士卒侍立于殿西宰執三衛侍從等官扶持于殿上如請帝坐即宰執等退立西隅遷太常少卿討論皇帝受冊寶故事除中書舍人陳十開端之戒曰陛下即位罷御筆止營繕登復又詔虛誕載內侍之權開言者之路命令既當未嘗數改任用既公率皆稱職賞必視功政必核實此天下所以指日而後太平也比者內降數出三省罕有可否此御筆之開端也教子弟既有其所又徹而新之長入祇候之班勢若可緩亟而成之此營繕之開端也河陽

付之庸才涇原委之貪吏此任用失當之開端也花石等濫賞既治復止馬忠統兵累召此命令數易之開端也三省密院議論各有所見敢擬各舉所知持不同不比之說忘同寅協恭之議此大臣不和之開端也內路之帥擅作聖旨指揮行郡之守稱為外任監當此臣下誕謾之開端也董局務者廣辟官屬侍帷幄者分爭毀廬此內侍恣橫之開端也兩省繳奏多命以次行下或戒以不得再繳臺諫言事失當率責為遠小監當此言路壅塞之開端也恤民之詔累下多是空文無實德此政事失信之開端也隨龍第賞冠帶之士亦推恩金兵扣關禮房之吏亦進秩此爵賞濫濫之開端也是十者杜而止之可以馴致治平因而循之雖有智者不能善其後詹度為都堂稟議中書舍人安扶持不可改命珪書行珪言伐燕之役度以書贊董貫大舉去秋蔡靖屢以金人點集為言度獨謂不應有此遂不設備請寬度嶺表詔予宮祠李綱以觀文殿學士知揚州安扶又持不可珪言韓琦好水之敗韓絳西州之敗皆不免黜責綱勇于報國銳于用兵聽用不審數有敗劾宜降黜以示懲戒綱改宮祠吏部侍郎馮滉言珪持兩端為綱遊說提舉亳州明道宮建炎元年復召為中書舍人時李綱已議營南陽珪極言南陽兵弱財單乘輿無所取給乞駐蹕金陵以待敵汪伯彥黃潛善皆主幸東南帝遂如揚州潛善兄潛原除戶部尚書珪言兄弟不可同居一省帝遣張謨諭旨珪論如初謫潛原提舉醴泉觀遷給事中論內降營繕二事曰陛下以前朝房院而建承慶院議者以為營造寢廣隆祐太后時有御筆工役領之內侍除不歸中書此人言所以籍籍也營繕

悉歸有司中旨皆許執奏則眾論息矣遷吏部侍郎同修國史言淮甸備敵兵食為先今以降卒為見兵以糴本為見糧無一可恃維揚城池未修軍旅多闕卒有不虞何以待之已而金人果乘虛大入帝亟如臨安以珪為龍圖閣直學士知宣州俄復為吏部侍郎以久雨詔求言珪疏論消天變收人心數事詞極激切并陳荆陝江淮守禦之略願申詔大臣悉屏細務惟謀守禦自京及荆淮之郡置大帥屯動兵命沿江之守各上措畫之方明斥堠設險阻節大府之出廣大農之入檢察戰艦而習之則守禦詳盡人心安天意回大業昌矣遷吏部尚書隆祐太后奉神主如江西詔珪為端明殿學士權同知三省樞密院事從行時詔元祐黨籍及上書廢錮人追復故官錄用子孫施行未盡者珪悉奏行之又言常安民張克公嘗論蔡京罪乞厚加恩至洪州疏言陛下遭時艱難躬履儉約前冬幸淮甸供帳弊舊道路險狹未嘗介意今聞衢信以來除治道路科率民丁急如星火廣市羊豕備造服用使農夫不得獲齊民不得休非陛下儉以避難之意也乞降詔悉罷金人攻吉州分兵追太后舟至太和縣衛兵皆置珪奉太后退保度州監察御史張延壽論珪罪珪亦上書自劾論嶺俟命落職提舉江州太平觀延壽論不已責授祕書少監貶衡州紹興元年許自便明年以朝散大夫分司西京卒于梧州年五十五官其二子八年追復龍圖閣學士胡舜陟字汝明徽州績溪人登大觀三年進士第歷州縣官為監察御史奏御史以言為職與殿中侍御史同崇寧間大臣欲便已遂變祖宗成憲南臺御史始有不

御史言事之文以復祖宗之制以內艱去服闋再為監察御史奏河北金兵雖退備禦尤不可不講欽宗即位又言今結成邊患幾傾社稷自歸明官趙良嗣始請戮之以快天下遂誅良嗣又請詔內外之臣並舉文武官才堪將帥者遷侍御史高宗即位舜陟論宰相李綱之罪帝不聽言者論其嘗事偽廷除集英殿修撰知廬州時淮西盜賊充斥廬人震恐日具舟楫為南渡計舜陟至修城治戰具人心始安冀州雲騎卒孫琪聚兵為盜號一海蝦至廬舜陟乘城拒守琪邀資糧舜陟不與時出兵擊其抄掠者琪宵遁舜陟伏兵邀擊得其輜重而歸濟南僧劉文昇聚黨萬餘縱剽掠舜陟遣介使招降之時丁進李勝合兵為盜斬壽開舜陟遣文昇破之張遇自濠州奄至梁縣舜陟使毀竹里橋伏兵河西伺其半渡擊敗之又請守江北以護行宮帝壯其言擢猷閣待制充淮西制置使范瑄自壽春渡淮貽書責贍軍錢帛舜陟諭以逆順瑄乃去以徽猷閣待制知建康府充沿江都制置使諭年改知臨安府復為徽猷閣待制充京畿數路宣撫使尋罷遷廬壽鎮撫使改淮西安撫使廬州潰兵王全與其徒來降舜陟散財發粟流民漸歸改知靜江府御史中丞常同奏舜陟兇暴傾險罷之後十八年復為廣西經略以知邕州俞僊有職為運副呂源所按事連舜陟提舉太平觀先是舜陟與源有隙舜陟因討郴賊劫源沮軍事源訟舜陟受金盜馬非訥朝政遣大理寺官袁柎燕仰之往推劾死獄中舜陟有惠愛邦人聞其死為之哭妻江氏訴于朝詔通判德慶府洪元英究實元英言舜陟受金盜馬事涉曖昧其得人心雖古循吏無以過遂送柎仰之吏部

沈晦字元用錢塘人翰林學士沈邁孫宣和間進士廷對第一除校書郎遷著作佐郎金人攻汴京借給事中從肅王樞出質幹里雅布軍張邦昌僞立請金人歸馮

解等晦因得還真爲給事中高宗卽位言者論晦雖使金艱苦而封駁之職不可以賞勞集英殿修撰知信州帝如揚州將召爲中書舍人侍御史張守論晦爲布

衣時事帝曰頃在金營見其慷慨士人細行豈足爲終身累邪不果召歷知明州處州帝如會稽移守婺州賊

成皋入寇晦用教授孫邦策率民兵出城與戰大敗晦欲斬邦策已而釋之時浙東防遏使傅崧卿在城中單

騎往說皋遂降進徽猷閣待制以言者論晦妄用便宜指揮行事降集英殿修撰提舉臨安府洞霄宮尋復徽

猷閣待制知宣州移知建康府以御史常同論罷紹興四年起知鎮江府兩浙西路安撫使過行在面對言沿

江千餘里若令鎮江建康太平池鄆五郡各有兵一二萬以本郡財賦易官田給之敵至五郡以舟師守江步

兵守隘使彼難自渡五郡合擊敵雖善戰不能一日破諸城也若圍五郡則兵分勢弱或以偏師綴我大軍南

侵則五郡尾而邀之敵安敢遠去時方以韓世忠屯軍鎮江不果用劉麟入寇世忠拒于揚州晦乞促張俊兵

爲世忠援趙鼎稱晦議論激昂帝曰晦誠可嘉然朕知其人言甚壯膽志頗怯晦亦不爲世忠所樂尋提舉臨安府洞霄宮起爲廣西經略兼知靜江府先是南州蠻

首莫公晟歸朝用爲本路鈐轄鞫察之後遁去旁結諸峒蠻歲出爲邊患晦選老將羅統成邊招誘諸酋諭以威信皆詣府請降晦犒遺之結誓而去自是公晟孤立不復犯邊晦在郡歲買馬三千匹繼者皆不能及進徽

猷閣直學士召赴行在除知衢州改潭州提舉太平興國宮卒晦瞻氣過人不能盡循法度貧時尤甚故累致人言然其當官才具亦不可掩云

劉一止字行簡湖州歸安人試太學有司欲舉八行不就登進士第爲越州教授參知政事李昉薦爲詳定一司敕令所刪定官紹興初召試館職言事不克濟者患

在不爲不患其難聖人不畏多難高宗以所言剴切知治道欲驟用執政不樂除祕書省校書郎考兩浙類試

欲得通時務者得張九成眾皆厭服遷監察御史上疏謂天下之治眾君子成之而不足一小人敗之而有餘

君子雖眾道則孤小人雖寡勢易蔓不加察則小人伺隙而入以敗政矣時庶事草創有司以吏所省記爲法

吏緣爲奸一止曰法令具在吏猶得舞文矧一切聽其省記與奪在其牙頰患可勝言哉請以省記之文刊之

頒行踰年而書成秦檜請置修政局一止言宣王內修政事修其外攘之政而已今之所修特簿書獄訟官吏

遷降土木營建之務未見所當急也又謂人才進用太遽仕者或不由銓選朝士入而不出外官雖有異能不

見召用非軍事而起復皆倖門不塞之故請選近臣曠財利者做劉晏法瀕江置司以制國用鄉村置義倉以

備水旱增重監司之選後多採用其言遷起居郎因極陳臺吏宦官之蠹執政植私黨無憂國心翼日罷主管台州崇道觀召爲祠部郎知袁州改浙東路提點刑獄

爲祕書少監復除起居郎擢中書舍人兼侍講莫將賜出身除起居郎一止奏將以上書助和議驟自太府丞綴從班前此未有臣乃與將同命願併臣罷之不報遷給事中徐偉達者嘗事張邦昌爲郎得知池州一止言

偉達既仕倚廷今付以郡無以示天下孟忠厚乞試郡一止言后族業文如忠厚雖可爲郡他日有援例者何以御之汪伯彥知宣州入觀詔以元帥府舊人特依見

任執政給奉一止言伯彥誤國之罪天下共知不當以郡守而例執政帝皆爲罷之子凡貴近之請雖小事亦

論執不置居瑣闥百餘日繳奏不已用事者始息奏一止同周葵薦呂廣問迎合李光罷提舉江州太平觀進

敷文閣待制御史中丞何若奏一止朋附李光偃蹇慢上落職罷祠後八年請老復職致仕秦檜死召至國門

以病不能拜力辭進直學士致仕卒年八十三一止沖澹寡欲嘗誨其子曰吾平生通塞聽于自然惟機械不生故方寸自有樂地博學無不通爲文不事纖刻制誥

坦明有體書詔一日數十輒辦其草顏魯公孫特命官制帝歎賞手書之子繼警從弟寧止

寧止字無虞登宣和進士甲科除太學錄校書郎建炎初爲浙西安撫大使司參議改兩浙轉運判官苗傅劉

正彥之變寧止自毗陵馳詣京口金陵見呂頤浩劉光世勉以忠義退而具軍須以佐勤王除左司郎官辭帝

復位除右司郎官給事中梁揚祖爲發運使寧止再疏論駁以添差江淮荆湖制置發運副使扈從隆祐太后

幸江西尋爲兩浙轉運副使錄勤王功直龍圖閣進祕閣修撰主管崇道觀提點江淮等路坑冶鑄錢知鎮江府兼沿江安撫進右文殿修撰寧止言京口控扼大江

爲浙西門戶請分常州江陰軍及崑山常熟二縣隸本司庶防秋時沿江號令歸一可以固守權戶部侍郎總領三宣撫司錢糧張浚都督諸軍以爲行府屬除吏部侍郎進徽猷閣直學士知秀州升顯謨閣提舉太平觀

卒寧止有文名慷慨喜論事當艱難時上疏言闕失指切隱微多人所難言乞禁王安石日錄復賢良方正科用司馬光十科薦士法倣唐制宰執論事以諫官倚立皆其顯顯者勤王之舉實有輪忠贊謀之勞

胡交修字已楨常州晉陵人登崇寧二年進士第授泰州推官試詞學兼茂科置首選除編類國朝會要所檢閱文字政和六年遷太常博士都官郎徒祠部遷左司官拜起居舍人起居郎除右文殿修撰知湖州建炎初以中書舍人召辭不至改徽猷閣待制提舉杭州洞霄宮三年復以舍人召進給事中直學士院兼侍講入對

首論天下大勢曰淮南當吾膺將士遇敵先奔無藩籬之衛湖廣帶吾魯羣盜乘間竊發有腹心之憂江浙筆吾基根本久未立秦蜀張吾援指臂不相救宜詔二三大臣修政事選將帥蒐補卒乘以張國勢撫綏疲瘵以固國本帝訪以弭盜保民豐財裕國彊兵禦戎之要疏言民惟其凍餓無聊日與死迫然後忍以其身棄之于盜賊陛下寬大之詔開其自新之路禁苛虐之暴豐其衣食之源則悔悟者歸其不變者黨與攜落亦為吏士所係獲而盜可弭盜弭則可以保民矣盜區皆吾稅

稻之地為盜者皆吾南畝之民陛下撫而納之反其田里無急征暴斂敬其不自之心耕桑以時各安其業穀帛不可勝用而財可豐財豐則可以裕國矣日者翟輿連西路董平據南楚什伍其人為農為兵不數年積粟充初雄視一方盜賊猶能爾況以中興二百郡地欲彊兵以禦寇乎世以為名言李成盜江淮廷議欲親征文修謂羣盜猖狂天子自將勝之則不武下時則貽天下

弊此將帥之責何足以辱王師遂格監尋通周祀守

常州坐殘虐免會大旱帝問交修致旱之由對以殆祀伏罰之故乃以祀屬吏祀疑為交修所讒上書告其罪遣大理寺丞胡蒙詣按驗交修無所絀然羣從多抵罪以徽猷閣待制提舉太平觀六年召為給事中刑部侍郎翰林學士知制誥兼侍讀尋遷刑部尚書汀州寧化縣論大辟十人獄已上知州事鄭強驗問無一人當死交修乞治縣令冒賞殺無辜罪江東留獄追逮者尚六百人交修言若待六百人俱至則瘐死者眾矣請以罪狀明白者論如律疑則從輕詔皆如其言朝論欲以四川交子行之諸路交修力陳其害謂崇寧大錢覆轍可鑒當時大臣建議人皆附和未幾錢分兩等市有二價竊民盜鑄死徙相屬以今交子校之大錢無銅炭之費無鼓鑄之勞一夫挾紙日作十數萬真履莫辨售之不疑一觸憲網破家壞產以賞告捕禍及無辜歲月之後公私之錢盡歸藏鐵之家商賈不行井市蕭條比及

悔悟恐無及矣時議大舉交修言吾無以考驗其實遠信之以舉事豈不誤國對帥席益既去帝問交修孰可守蜀者對以臣從子世將可用遂以世將為樞密直學士四川安撫制置使世將在蜀五年號為名帥自重兵聚關外以守蜀餉道險遠漕舟自嘉陵江而上春夏漲而多覆秋冬涸而多膠紹興初宣撫副使吳玠始行陸運調成都潼川利州三路夫十萬縣官部送邀賞爭先十斃三四至是交修言養兵所以保蜀民不堪命則腹心先潰臣愚欲三月以後九月以前第存守關正兵餘悉就糧他州則守關者水運可給分戍者陸運可免帝命學士院議交修意即行行之議徵宗配享功臣交修奏韓忠彥建中靖國初為相賢譽愈然時號小元祐從

之人大允服八年夏以親老除寶文閣學士知信州入辭上欲留侍經筵力言母老願奉祠里中以便養改提舉江州太平興國宮九年六月召還除兵部尚書翰林學士兼侍講時河南新復交修奏京西陝右取士之法乞如祖宗時設諸科之目以待西北之士別為號于南宮以收五路之才詔令五路討論逾年復請補外除端明殿學士知合州卻私請免上供以萬計領州數月卒

交修簡重京言進止有度在詞苑號為稱職自其從祖宿從父宗愈至交修世將皆在禁林中興以後學士三入者自交修始

墓崇禮字叔厚高密人後徙淮之北海祖及父皆中明經進士科崇禮幼穎邁十歲能作邑人墓銘父見大驚曰吾家積善之報其在茲乎及入太學諸生溺于王氏新語少能詞藝者徵宗幸太學崇禮出二表祭酒與同列大稱其工登重和元年上舍第調淄縣主簿為太學

正遷博士改宣教郎祕書省正字建炎初除工部員外郎按宋名臣言行錄作建炎戊申除尚書工部員外郎云云宋史本傳似俱是徵宗時官而于下文駕如平江不合據增尋為起居郎攝給事中召試政事堂為制誥三篇不淹晷而就辭翰奇偉拜中書舍人賜三品服進用之速近世所未有車駕如平江有旨鄒浩追復龍圖閣待制崇禮當行詞推帝所以褒恤遺直之意有曰處

心不欺養氣至大言期瘖意引菑嘗犯于雷霆計不顧身去國再遷于嶺徽羣臣動色志士傾心又曰英爽不忘想生氣之猶在好諛已死知朽骨之尚寒同列推重除試尚書吏部侍郎尋兼直學士院以徽猷閣直學士

知漳州其俗悍強號難治屬有巨寇起建州聲撼鄰境人心動搖崇禮牧民禦眾一如常日說盜息環域內外

安堵如故徒知明州召為吏部侍郎兼權直學士院時
有詔侍從官日輪一員具前代及本朝事關治體者
二事以進崇禮謂非舊典且越職望令謀讀官三五日
一進乃命學士與南省官如前詔又言駐蹕臨安以浙
西為根本宜固江淮之守然後可以圖興復蜀在萬里
外當召用其士夫慰安遠人之心時兵革後省漕簿書
殘毀幾盡崇禮再執銓法熟于典故討論沿革援據該
審吏不得容其私後有詔重刊七司條敕崇禮所建明
悉書為令移兵部侍郎仍進直學士院御筆處分召至
都堂令條具進討固守利害崇禮奏譟傳金人併兵越
川陝蓋以向來江左用兵非敵之便故二三歲來悉力
窺蜀其意以為蜀若不守江浙自搖故必圖之非特報
前日吳玠一敗而已今日利害在蜀兵之勝負九月御
筆除翰林學士自靖康後從官以御筆除拜自此始楊
惟忠邢煥以節度使致仕告由舍人院出崇禮言祖宗
時凡節鉞臣僚得謝並納節鉞別除一官致仕熙寧開富
弼以元勳始令特帶節鉞致仕其後繼者魯公亮文彥
博他人豈可援以為例詔自今如祖宗典故進兼侍讀
兼史館修撰時有旨重修神宗哲宗正史兵火之後典
籍散亡崇禮奏神宗實錄墨本元祐所修已是成書朱
本出蔡卞手多所附會乞將朱墨本參照修定哲宗實
錄崇寧開蔡京提舉編修增飾語言變亂是非難以便
據舊錄修定欲乞訪求故家文獻又奏知湖州汪藻所
編類元符庚辰至建炎已酉三十年事迹乞下藻以已
成文字赴本所參照並從之嘗進唐太宗錄刺史姓名
于屏風故事曰牧民之吏咸得其長則治功成苟能效
當時之事以守令姓名詳列于屏簡在帝心則人知盡

心職業再入翰林凡五年所撰詔命數百篇文簡意明
不私美不寄怨深得代言之體以寶文閣直學士知紹
興府劉豫導金人入侵揚楚震擾高宗躬御戎衣次吳
會崇禮以近臣承方面謂浙東一道為行都肘腋之地
備禦不可不謹密疏于朝得便宜從事于是繕城郭厲
甲兵輸錢帛以犒王師簡舟艦以扼海道疚心夙夜殆
廢食寢及春帝還七州晏然期年上印綬退居台州卒
年六十贈左朝議大夫按宋名臣言行別錄作進
爵高密侯贈朝議大夫崇禮
單心辭章洞曉音律酒酣氣振議論風生晚方登第以
縣主簿舉升華要極潤色論思之選端方亮直不憚強
禦奏論罷政崇禮草詞顯著其惡無所隱槍深憾之及
再相矯詔下台州就崇禮家索其藁按宋名臣言行別
錄作稱詔下台州
取正子八月所賜
御筆與本傳互異自于帝前納之且將修怨會崇禮已
沒故身後所得恩澤其家畏懼不敢陳士大夫亦無敢
為其任保云

欽定續通志卷三百七十九

失陷矣經費之大莫過養兵今人亡而冒請者眾願立諸軍覈實之法重將帥冒請之罪則兵數得實餉給不虛省費裕國此其大者生民常賦之外迫以軍須吏緣為奸斂取百端復為寇所迫逐田桑失時寇去復業未及息肩催科之吏已呼其門矣願詔郡邑招集流散官貸之種俟及三年始責其賦置籍書之以課殿最强兵息民此其先者時多所采納又請復天地日月星辰社稷之祀于是下有司定一歲祭禮遷吏部侍郎時條例散失吏因為奸肖肖立重賞俾各省記編為條目舞文之弊始革陣亡補官得占射差遣而在部常調人守待不能注授肖肖請陣亡惟許本家用恩例異姓候經任收使遂無不均且嚴六部出入之禁而請託不行三年拜端明殿學士同僉書樞密院事充通問使以胡松年副之肖肖奏乃權時之宜他日國家安疆軍聲大振誓當雪此讐恥今臣等行或半年不返必復有謀宜速進兵不可因臣等在彼而緩之也將行母又勉之帝稱為賢母封榮國夫人肖肖至金國金人知其家世甚重之往返纔半年前此金人未嘗報聘至是始遣人偕來肖肖先北使入對與朱勝非議不合力求去以舊職知温州提舉臨安府洞霄宮五年詔問前宰臣戰守方略肖肖言金人畏西兵勁銳善戰今三帥所統多西人吳玠繼有捷奏軍聲益振自荆襄至江淮綿亙數千里宜擇文武臣僚案行計度求險阻之地屯兵積糧則形勢相接今淮東西雖命宣撫使然將屯置司乃在江上所遣偏裨分守不過資以輕兵勢孤力弱難以責其固志當移二將于江北使藩籬可固又言諸大將之兵自主庭戶更相警疾若欲並進進兵宜先命總帥分以精

銳自成一軍號令既一則諸將聽命畿甸山東關河之民當以安集流亡招懷歸附為先今淮南江東西荒田至多若招境上之人授田給糧捐其賦租必將接跡而至又奏江之南岸曠土甚多沿江大將各分地而屯軍士舊為農者十之五六使之力耕農隙則試所習之技藝秋成則均以所種之禾麥或募江北流徙及江南無業願遷之人分給之册為管屯止則固守出則攻討起知常州召赴行在提舉萬壽觀尋除僉書樞密院事和議已定復命為報謝使金人就館議事肖肖隨問隨答眾皆聳聽其還給輿車及頓遞宴設除資政殿學士知紹興府尋奉祠與其弟廣肖寓居于越幾十年事母以孝聞弟不至不食所得恩澤皆先給宗族卒年七十六諡元穆

陳公輔字國佑台州臨海人政和三年上舍及第調平江府教授朱勔方巽倖公輔絕不與交移越州累遷權應天府少尹除祕書郎靖康初二府多宣和舊人公輔言蔡京王黼用事二十餘年臺諫皆緣以進唐重師驥為太宰李邦彥引用謝克家孫觀為纂修蔡攸引用及邦彥作相又附麗以進此四人處臺諫之任臣知其決不能言宰相大臣之過願擇人臣中朴茂純直不附權倖慷慨論事者則所任得人禮義廉恥稍稍振起敵國間之畏服時吳敏李綱不協公輔奏陛下初臨萬幾正賴其同心合謀而二臣不和已有其跡願諭以聖訓俾務一心以安國家徽宗渡江未還人情疑懼公輔力陳父子之義宜遣大臣迎奉欽宗嘉之擢為右司諫孟夏享景靈宮遂幸陽德佑神觀公輔諫不當如平時事宴游論蔡京父子懷奸誤國終未行遣今朝廷公卿百執

事半出其門必有庇之者詔謫京崇信軍節度副使德安府安置又奏朱勔罪惡乞勿許其子姓隨上皇入京時有指公輔為李綱之黨鼓唱士庶伏闕者公輔自列因辭位後陳三事其一言李綱書生不知軍旅遣援太原乃為大臣所陷必敗事其二言余應求不當以言遠謫其三言方復祖宗法度馮淵不宜更論熙寧元豐之政語觸時宰遂與應求程瑀李光俱得罪斥監合州稅高宗即位召還除尚書左司員外郎明年始達維揚初李綱得政公輔自外除郎未至而綱罷改南劍州尋子宮觀紹興六年召為吏部員外郎疏言曰公卿大夫無氣節忠義皆王安石學術壞之議者尚謂安石學術可取臣謂安石學術之非尤甚于政事政事害人學術害人心三經字說詆誣聖人破碎大道春秋正名定分俾亂臣賊子懼安石使學者不治春秋史漢載成敗安危存亡理亂安石使學者不讀史漢以揚雄之仕莽為合于孔子無可無不可之義以馮道之事四姓八君為善避難存身使公卿大夫皆師安石之言宜其無氣節忠義也復授左司諫言中興之治在得天得人以孝感天以誠得民帝善其深得諫臣體賜五品服令尚書省寫圖以便觀覽公輔乞增輪對官令審計官告糧料權貨監倉及茶場等官皆許面對時有詔將駐蹕建康公輔上疏陳攻守之策且乞選大臣鎮淮西增兵將守要害使西連鄧岳東接楚泗皆有犄角之形徽宗計至公輔請宮中行三年之喪視朝服淡黃尋臣未可純吉服明堂未當以徽宗配宜罷臨軒策士又乞權罷講筵事不行遷尚書禮部侍郎會趙鼎言進退人才乃其職分疏稍侵公輔因力請祠集英殿修撰提舉江州太平

觀尋知處州升徽猷閣待制仍提舉太平觀卒年六十六贈大中大夫

張翥字柔直福州人舉進士蔡京當國求善訓子弟者族子應之以翥薦翥再辭不獲遂即館京亦未暇與之接翥嚴毅矜拔意度凝然異于他師諸生已不能堪忽謂之曰汝曹曾學走乎諸生駭而問曰嘗聞先生教令讀書徐行未聞教以走也翥曰天下被而翁破壞至此且夕兵來先至而家汝曹惟有善走庶可逃死爾諸子大驚亟以所聞告京京瞿然見翥深語翥慷慨言曰宗廟社稷危在旦夕宜亟引耆德老成置諸左右以開道人心羅天下忠義之士分布內外遂以楊時薦翥後守南劍州遷福建路轉運判官未行會范汝為陷建州遣葉徹擁眾寇南劍時統制官任士安駐軍城西不肯力戰翥獨率州兵與之戰分為數隊令城中殺羊牛豕作肉串仍多具飯更迭交戰士卒飽而力不乏徹中流矢死眾敗走翥知士安懼無功即函徹首與之州兵皆憤翥曰賊必再至非與大兵合力不能破也士安得之大喜遂馳報諸司謂已斬徹未幾徹二子果引眾聲言復父讐縞素來攻于是士安與州兵夾攻大敗之城賴以全再知處州嘗欲造大舟幕僚不能計其直翥教以造一小舟量其尺寸而十倍算之又築紹興園神廟垣召匠計之云費八萬緡翥與匠者董役內官無所得以直龍圖閣知處州蕩平餘寇進祕閣修撰卒後廟食邵武胡松年字茂老海州懷仁人幼孤貧母粥糲織資給使學讀書尤邃于易政和二年上舍釋褐補濰州教授八年賜對便殿改校書郎兼資善堂贊讀為殿試參詳官遷中書舍人時方有事燕雲松年累章請邊釁一開有

不勝言者咈時相意提舉太平觀建炎間密奏中原利害召赴行在出知平江府以興利除害十七事揭於都市百姓便之加徽猷閣待制奏防江利害一曰立國無藩籬之固二曰遣將無首尾之援三曰不攻敵技之所短召為中書舍人言武昌九江建康京口吳江錢塘明越宜各屯水戰士三千以為備唐恪追復觀文殿學士松年繳奏曰靖康之禍何與輕脫寡謀宜為罪首去年秦檜還朝力稱其抗義守正遂被褒贈已大咈士論今恪子琢自陳其父不獲伸迎請二帝之謀飲藥死宜詔有司詳者實狀庶不為虛美以示激勵除給事中會選將帥松年奏願陛下親出勞軍即行伍蒐簡之必有可為時用者又奏恢復中原必自山東始山東歸附必自登萊密始不特三郡民俗忠義且有通秦飛艘往來之便除兼待講王倫使金還言金人欲再遣重臣來計議以松年試工部尚書為韓自胄副充大金奉表通問使時使命久不通人皆疑懼松年毅然而往至汴劉豫令以臣禮見自胄未答松年曰聖主萬壽豫曰聖意何在松年曰主上之意必復故疆而後已使還拜吏部尚書岳飛收復襄漢合松年籌度守禦事松年奏乞飛班師徐窺劉豫意向若豫置不問其情臣測當飭將士謹疆場可也又條戰艦四利一曰張朝廷深入之軍勢二曰固山東欲歸之民心三曰震疊強敵使不敢窺江浙四曰牽制劉豫不暇營襄漢除端明殿學士僉書樞密院事首奏八事立規摹以定中興之基振紀綱以尊朝廷之勢取將帥使知畏撫士卒使知勸收子奪之柄察毀譽之言無以小疵棄人才無以虛文廢賢效又薦張敵萬在淮南誘敵深入步騎四集悉陷于淖無得解者乞

令統率軍馬別為任使庶幾外間漸多名將謀報劉豫于登萊海密具舟楫淮陽順昌積芻粟欲憑藉金人侵我邊鄙議者謂韓劉岳各當一面可保無虞松年奏三人聲勢初不相屬緩急必不相救況海道闊遠蘇秀明越最為要衝乞選精兵萬人命一大臣往駐建康親督世忠光世守采石馬家渡以張兩軍之勢仍以兵五千屯明州平江控禦江海或無人可遣臣願疾馳以赴其急詔遣松年往江上與諸將會議進討因規敵情帝決意親征遂次平江命松年權參知政事專治戰艦張浚專治軍器俄以疾提舉洞霄宮雖居閒不忘朝廷事屢言和糴科斂防秋利害帝皆嘉納十六年卒年六十松年平生不喜蓄財喜賓客自持囊至執政所舉白代皆一時間人方秦檜秉政松年獨鄙之至死不通一書曹勛字公顯陽翟人父組宣和中為閩門宣贊舍人勛用恩補承信郎特命赴進士廷試賜甲科為武吏如故靖康初為閩門宣贊舍人勾當龍德宮除武義大夫從徽宗北遷過河十餘日謂勛曰不知中原之民推戴康王否翌日出御衣書領中曰可便即真來球父母并持韋賢妃邢夫人信命勛開行詣王又諭勛見康王第言有清中原之策悉舉行之毋以我為念又言藝祖有誓約藏之太廟不殺大臣及言事官違者不祥勛自燕山遁歸建炎元年七月至南京以御衣所書進高宗立以示輔臣勛建議募死士航海入金國東京奉徽宗由海道歸執政難之出勛于外凡九年不得遷紹興五年除江西兵馬副都監改浙東旋奪之十一年烏珠遣使議和授勛成州團練使副劉光遠報之及淮邇烏珠遣還言當遵尊官右職持節而來蓋欲亟和也勛還還忠州

防禦使金使蕭毅等來命助為接伴使未幾落階官為
容州觀察使充金國報謝副使召入內殿帝灑泣諭以
懇請親族之意及見金主正使何鑄伏地不能言助反
覆開諭金主首肯許還梓宮及太后助歸金遣高安居
等衛送太后至臨安命助充接伴使還保信軍承宣使
樞密副使承旨二十九年拜昭信軍節度使副王綸為
稱謝使時金主亮已定侵淮計助與綸還言隣國恭順
和好無他人譏其妄孝宗朝加太尉提舉皇城司開府
儀同三司淳熙元年卒贈官少保

李植字元直泗州臨淮人幼明敏篤學太史晁無咎以
女妻焉靖康初高宗開大元帥府向子諲轉運京畿時
羣盜四起餉道阨絕有以植薦遂借補迪功郎使督四
百艘總押犒師銀百萬糧百萬石招募忠義二萬餘眾
自淮入徐趨濟凡十餘戰卒以計達時高宗駐師鉅野
聞植統眾至士氣十倍首加勞問植占對詳敏高宗大
悅親賜之食承制授承直郎留之幕府植三上表勸進
三降手札獎諭植感激知遇言無不盡為汪伯彥黃潛
善所忌高宗即位為東南發運司幹辦公事尋以奉議
郎知潭州湘陰縣經楊么蕩析植披荆棘立縣治發粟
粟振困乏丞相張浚督師江上薦為朝奉郎鄂州通判
大盜馬友孔彥舟未平植請修戰艦習水戰分軍馬為
左右翼大破彥舟伏兵誅馬友二盜平浚以其功上于
朝轉朝奉大夫通判荆南府秩滿除尚書戶部員外郎
時秦檜當國凡帥府舊僚率皆屏黜浚亦去國植即丐
祠奉親寓居長沙之醴陵十有九年杜門不仕檜死子
諲以戶部尚書居邇列語及龍飛舊事識植姓名除戶
部郎中召植始入見帝曰朕故人也方有意大用以母

老每辭願便養除知桂陽軍丁母憂歸葬哀毀廬墓有
白鷺朱草之祥服闋以錢端禮薦差知瓊州陞解帝慨
然曰卿老矣改知徽州民俗為變轉朝請大夫直祕閣
改知鎮江府遷江淮荆湘都大提點抗治鑄錢公事踰
年金人敗盟朝廷將大舉以植漕運有才略授直敷文
閣京西北路計度轉運使植措畫有方廷議倚重乾
道元年遷提刑江西二年直寶文閣江南東路轉運使
兼知建康軍府兼本路安撫使主管行宮留守司事上
書言防江十策其略曰保荆襄之障以固根本審中軍
所處以俟大舉蒐選強壯以重軍勢度地險阨以保居
民避敵所長擊其所短金人降者宜加賞勸帝嘉其言
以太府卿召赴闕有疾不克上道遂以中奉大夫寶文
閣學士致仕還湘每及國事必憂形于色始終以和議
為恨年七十有六卒諡忠襄子五人汝虞知桃源縣汝
士朝奉大夫汝工知昌化軍

韓公裔字子辰開封人初以三館吏補官學章賢妃閣
賤奏尋充康王府內知客金兵入汴從王出使渡河將
官劉浩吳湛私鬪公裔諭解之次磁州軍民戕奉使王
雲隨王軍入州解公裔復諭退之王之將南也與公裔
謀聞道潛師夜起遲明至相磁人無知者自是親愛愈
篤張邦昌遣人同三舅韋淵來獻傳國璽時淵自稱偽
官議者又謂邦昌不可信王怒將誅淵公裔曰神器自
歸天意也王遂受璽命公裔掌之公裔力救淵釋其罪
元祐后詔王入承大統府僚謂金兵尙近宜屯彭城公
裔言國家肇基睢陽王亦宜于睢陽受命時前軍已發
將趨彭城會天大雷電不能前王異之夜半抗聲語公
裔曰明日如睢陽決矣既而帝位公裔累遷武功大夫

貴州防禦使後以事忤黃潛善適帝幸維揚公裔丐去
潛善以為避事遂降三官送吏部帝幸越念其舊勞召
復故官幹辦皇城司仍帶御器械累遷至廣州觀察使
提舉祐神觀公裔給事藩邸三十餘年恩寵優厚每置
酒慈寧宮必召公裔會修玉牒元帥府事多放佚秦檜
以公裔帥府舊人奏令修書官就質其事俄除保康軍
承宣使檜疑其捨已而求于帝衛之右諫議大夫汪勃
希檜意劾罷公裔遂與外祠帝眷之不衰檜死即復提
舉祐神觀賜第和寧門西升岳陽軍節度使尋致仕高
宗既內禪嘗與孝宗語其忠勞因詔所居郡善視之乾
道二年卒年七十五贈太尉諡恭榮官其親族八人公
裔律身稍謹不植勢不市恩又敢與黃潛善秦檜異斯
亦足取云

欽定續通志卷三百八十

列傳
宋八十五

何鑄

王次翁

范同

楊愿

樓焯

句龍如淵

薛弼

羅如楫

蕭振

何鑄字伯壽餘杭人登政和五年進士第歷官州縣入為諸王宮教授祕書郎御史中丞廖剛薦鑄可備拾遺

補闕之選即命對鑄首陳動天之德莫大於孝感物之道莫過於誠誠孝既至則歸梓宮於陵寢奉兩宮於魏闕紹大業復境土又何難焉帝嘉納之拜監察御史尋遷殿中侍御史上疏論士大夫心術不正徇虛以掠名託名以規利言不由中而首尾嚮背行險自售而設意相傾者為事君之失懷險熾之謀行刻薄之政輕儇不莊慢易無禮者為行己之失乞大明好惡申飭中外蓋有所指也時遷溫州諸宮殿神像於湖州有司迎奉所

過騷然鑄言孝莫大於宣神宣神莫大於得四海之歡心浙東早荒若加勤動恐道路怨吞乞務從簡約事遂已擢右諫議大夫尋拜御史中丞先是秦檜力主和議大將岳飛有戰功金人所深忌檜惡其異已欲除之齎飛故將王貴上變速飛繫大理獄先命鑄鞠之鑄引飛至庭詰其反狀飛袒而示之背背有舊涅盡忠報國四字大字深入膚理既而閱實俱無驗鑄察其冤白之檜檜不悅曰此帝意也鑄曰鑄豈為一岳飛者強敵未滅無

故戮一大將失士卒心非社稷之長計檜語塞伏讀御批通鑑輯覽曰與羅汝楫輩交章論飛准西事者鑄也業已黨附姦惡以與大獄迫目擊奇冤然後欲為昭雪亦已晚矣故論鑄之罪視乃俟萬侯萬飛死獄中等末滅則可以為無罪則不可

改命乃俟萬飛死獄中

知朝廷之尊漸不可長帝令詰宣撫司宣贊舍人陳諤

孫崇節即閩門受旨升轉次翁言關門徑自書旨不由三省非祖宗法寢弗命呼延通因內教出不遜語次翁乞斬通以肅軍且言著令寸鐵入皇城者有常刑遂罷內教韓世忠與劉光世張俊與劉錡皆不相能次翁請遣使切責金人敗盟入侵次翁為秦檜言於帝曰前日國是初無主議事有小變則更用他相後來者未必賢於前人而排斥異黨收召親故於國事初無補願陛下以爲至戒無使小人異議乘間而入檜德之先是檜兄子與其內兄王喚皆以恩幸得官檜初罷政二人攬斥累年至是次翁希檜旨言吏部之有審量皆暴揚君父過舉有傷陛下孝治乞悉罷建炎紹興前後累降指揮由是二人驟進次翁既論罷趙鼎歸會稽上書言時政檜忌鼎復用乃令次翁又言之乞顯置於法且言特進乃宰相階官鼎雖謫降而階官如故是未嘗罷相也遂降散官謫居興化軍右諫議大夫何鑄又論鼎罪重罰輕降朝奉大夫移漳州檜意猶未厭次翁又論鼎

聞邊警喜見顏色繩以漢法當伏不道之誅責以春秋當坐誅意之罰雖再行貶責然朝奉大夫視中大夫品秩不相遠漳州比興化尤為善地以此示罰人將玩刑再移潮州安置次翁除參知政事金人敗於柘皋帝曰將帥成不戰卻敵之功乃輔弼奇謀指蹤之力除一子職名檜召三大將論功行賞岳飛未至檜與次翁謀以明日率世忠俊置酒湖上欲出則語直省官曰姑待岳少保來益令堂廚豐其燕具如此展期以待者六七日飛既至皆除樞密使罷兵柄次翁歸語其子伯庠曰吾與秦相謀之久矣太后回鑿次翁為奉迎扈從禮儀使初太后貸金於金使以犒從者至境金使責償乃入次

翁以未得檜命且懼檜疑其私相結約欲攘其位堅不肯償相持境上凡三日中外憂慮副使王曠哀金與之太后歸泣訴於帝曰王次翁大臣不顧國家利害萬一有變則我子母不相見矣帝震怒欲暴其罪誅之次翁先自檜謂所以然者以未嘗稟命故不敢專檜大喜力為營救奏為報謝使以避帝怒使還帝立中宮奏為冊實副使帝終惡之檜諭次翁辭位遂以資政殿學士奉祠引年歸居明州檜憐之餽問不絕十九年卒年七十一贈宣奉大夫諸子瑁親戚族人添差浙東者又數人皆檜為開陳也檜擅國十九年凡居政府者莫不以微忤出去終始不二者惟次翁

范同字擇善建康人登政和五年進士第再中宏詞科累官至吏部員外郎與秦檜力主和議紹興八年假太常少卿接伴金使蕭哲張通古入境同北向再拜問金主起居軍民見者多流涕除中書門下省檢正諸房公事權吏部侍郎兼實錄院修撰遷給事中十一年檜以和議思諸將難制同獻計於檜請除樞府罷其兵權檜喜乃密奏以柘皋之捷召三大將赴行在論功行賞同入對帝命與林待聘分草三制世忠俊樞密使飛副使並宣押赴樞府治事張俊與檜意合且覺朝廷欲罷兵權即首納所統兵帝召同入對復以同為翰林學士俄拜參知政事兼修實錄同始贊和議為檜所引及在政府或自奏事檜忌之乃俟同因論同貳政之初首為遷葬之議自建康至信州調夫治道怨嗟藉藉近朝廷收天下兵柄歸之宥密同輒於欄人中貪天功以為已有遂罷與同檜意未已商再論責授左奉奉郎祕書少監請居笏州十四年復朝奉大夫提舉江州太平觀移

池州十八年復太中大夫知太平州卒年五十二楊愿字原仲宣和末補太學錄二帝北遷金人問愿名索之愿匿民間上書執政請迎復元祐皇后又奔濟州元帥府勸進辟為屬高宗即位授修職郎御營司辟機宜文字愿新昌縣丞越州判官秦檜薦之召改樞密院編修官登紹興二年進士第遷計議官召試館職罷主管崇道觀復除祕書郎議者謂外任未終改通判明州檜既專政召為祕書丞未幾拜監察御史臺長言愿資淺當先歷郎官改司封員外郎遷右司起居舍人兼權中書舍人初修玉牒特以命愿愿言玉牒當載靖康推戴趙氏事以秦檜建議本末書之十三年權直學士院十四年為御史中丞踰月升端明殿學士僉書樞密院

事兼參知政事按宋史辛補表高宗紹興十四年十二月辛丑楊愿自御史中丞遷端明殿學士除僉書樞密院事仍兼修玉牒十五年罷提舉太平觀初愿與張擴並居西掖一時書命藉擴潤色擴詠二毫筆詩愿以為諂已訴於檜詎御史李文會劾之高閑待經筵帝問張九成安否翱曰又問檜檜曰九成唱異惑眾為臺臣所論于郡乃力乞祠觀其意終不為陛下用帝曰九成清貧不可無祿檜疑閣薦之以語愿愿又喉文會攻問去藤州守臣言遷客李光作詩諷刺時政愿在中司傅會其說謂光縱橫傾險子弟賓客往來吳越誘人上書動搖國是光再移謫瓊海文會既升西府愿覘檜意稍厭即數其害政罷之後二日愿遂補其處帝與檜論事因曰朕為進用士大夫一相之責也一相既賢則所薦皆賢愿曰陛下任相如此蓋得治道之要又論史事檜曰靖康圍城中失節者相與作私史公肆播排帝曰卿不推異姓宜其不容愿曰檜非獨是時不

肯雷同宣和間耿延禧為學官以其父在東宮勢傾一時士皆靡然從之獨檜守正不易蓋自檜再居相位每薦執政必選世無名譽柔佞易制者愿希檜意迎合附下罔上至是斥去天下快之又三年起知宣州玉牒書成加資政殿學士移知建康府二十二年卒年五十二初愿守宣城表弟王炎調蘄水令過之醉中謂愿曰嘗於呂丞相處得公頌歲所通書其間頗及秦丞相之短尚記憶否愿聞之色如死灰遂留炎不聽去會愿移守金陵宴監司大合樂守卒皆怠炎即青溪得客舟以行愿憂撓而卒

樓昭字仲暉婺州永康人登政和五年進士第調大名府戶曹累改尚書考功員外郎帝在建康昭謂今日之計當思古人量力之言察兵家知己之計力可以保淮南則以淮南為屏蔽權都建康漸圖恢復力未可以保淮南則因長江為險阻權都吳會以養國力伏讀通鑑御批樓昭說雖以量力知已為辭視保淮為末務淮防既撤而江險亦不足憑其失算更甚矣於是移蹕臨安擢右司郎中時銓曹員多闕少自倅貳以下多添差昭言光武併省吏員今縱未能損其所素有安可置其所本無紹興二年秦檜罷相昭亦以言者論去六年召為左司員外郎尋遷殿中侍御史明年遷起居郎言參做唐制使戶部長貳兼領諸路漕權內則可以總大計之出入外則可以制諸道之盈虛詔三省相度措置卒施行之又言監司郡守保民甚切乞令侍從官各舉通判資序或當任監察御史以上可任監司郡守者一二人詔從之七年宰相張浚之兄暉賜出身與郡中書舍人張燾封還乃命昭行昭又封還而竟為權起居舍人何掄書黃行下於是燾與昭皆請補外以誌

開修撰知溫州未幾除中書舍人遷給事中兼直學士院九年以金人來和傳較草散文尋兼侍讀除端明殿學士僉書樞密院事繼命往陝西宣諭德意焯奏京城統制吳革知環州田敢成忠郎盧大受皆以節義爲范墮劉豫所害乞賜褒恤又奏陝西諸路陷劉豫都縣有不從僞之人所籍贖產並令驗給還焯至東京檢視宮室尋請永安軍謁陵寢遂至長安會李世輔自夏國欲歸朝焯以書招之世輔以二千人赴行在尋至鳳翔以便宜命郭浩帥師延楊政帥河蘭鞏吳璘帥鳳翔焯欲盡移川口諸軍於陝西璘曰移軍陝右則對口空虛金若自南山擣蜀要我陝右軍則我不戰自屈當依山爲屯控守要害於是璘政二軍獨屯內地焯又會諸路監司於鳳翔皆言蜀邊屯駐大軍之久坐困四川民力乃下其議語在胡世將傳焯還朝以親老求歸省許之命給假迎侍十四年以資政殿學士知紹興府過關入見除僉書樞密院事兼權參知政事尋爲李文會詹大力所劾與祠久之除知宣州徙廣州未行而卒年七十三後諡襄靖焯蚤附蔡京改秩爲臺諫所論其後立朝至位二府皆與秦檜同時其宣諭陝西妄自尊大或論其好貨失將士心云

句龍如淵字行父永康軍道江人政和八年登上舍第沈浮州縣二十年以張浚薦召試館職紹興六年除祕書省校書郎累遷起居舍人八年兼給事中同知貢舉除中書舍人兼侍讀直學士院面命草趙鼎罷相制如淵言陛下驟罷鼎則用人才須聳動四方當速召君子顯黜小人帝曰君子謂誰曰孫近李光小人謂誰曰呂本中先是詞臣曾開以老病辭帝欲用如淵代之而趙

鼎薦本中故如淵微之又言臣觀朝廷事非君臣情通未易能濟大臣論一事不從尚未之覺至再至三遂以爲陛下疏之或疑他人有以間之卽不能盡誠陛下察其不誠又從而疑之安有君臣之間動相疑間而能久於其位者願陛下明諭之帝曰前此未常有以此告朕者卿見秦檜亦宜語此時檜方得君如淵猶恐委檜未專故及之除御史中丞先是檜力主和執政侍從及內外諸臣皆以爲非是上書諫止檜患之如淵爲檜謀擇人爲臺諫使盡擊去檜大喜卽擢如淵中司如淵凡事必言孟庾召節在途士論不與帝曰朕欲遣令使金國在廷莫更有小人否對曰如趙鼎爲相盡贖紀綱乃竊賢相之名而去王庶在樞府盡用姦計乃以和議不合實直而去劉大中不以不孝得罪乃竊朝廷美職而去帝曰卿何不論對曰願陛下不惜孟庾一人以正今日公論其他容臣一一爲陛下別白之於是出庾知嚴州又連論庶大中皆罷之金國遣二使來議和許歸河南地使者踞甚議受書之禮不決外議洵河如淵建議取其書納禁中於是同諫長請對又赴都堂與宰相議取書事宰相皆以爲然帝親筆召如淵李誼入對明日詔宰相就館見金使受其書納入人情始安九年奏召還曾開范同按范同於紹興八年假太常少卿爲接待使九年以吏部侍郎爲實錄院修撰至十一年自翰林學士除參知政事罷未嘗在外無有奏請召還者庶克中興小紀載紹興八年秋七月御史中丞常同出知湖州冬十二月禮部侍郎曾開而罷施庭臣莫將以謂出知婺州范同或係常同之悞而罷施庭臣莫將以謂開同之出雖曰語言之過而其心實出於愛君庭臣將之遷雖曰議論合而其迹終近於希進今國論既定好惡黜陟所宜深謹又論張邦昌時僞臣因赦復職非是帝是其言後卒不行如淵嘗與施庭臣忿爭庭臣謂如

淵有指斥語帝謂秦檜曰以朕觀之庭臣之罪小如淵之罪大按中興小紀及建炎以來繫年要錄俱作如淵世三十一月後因忿方奉此告許也告許之風出於未早論代所未聞以朕觀之庭臣之罪小如淵之罪大與宋史本檜請斥庭臣而從如淵待其求去然後補外帝傳互異檜請斥庭臣而從如淵待其求去然後補外帝不可於是與庭臣皆罷初如淵與莫將及庭臣皆力主和議如淵緣此擢中司而將及庭臣皆峻用如淵入言路卽劾二人至是與庭臣俱罷其後檜擬如淵知遂寧府帝曰此人用心不端遂已兩奉祠卒年六十二如淵始以張浚薦召而終乃翼秦檜擢趙鼎鑿呂本中遂劉大中王庶心迹固可見矣子佃僕似薛弼字直老溫州永嘉人登政和二年進士第調懷州刑曹杭州教授初頒五禮新書釋奠先聖誤用下丁弼據禮是正詔從其議監左藏東庫內侍王道使奴從旁視絹美惡多取之弼白版曹窮治人嚴憚之靖康初金兵攻汴京李綱定議堅守惟弼意與綱同圖解遷光祿寺丞嘗言姚平仲不可恃未幾而敗綱求太原弼言金必再至綱不當去宜先事河北金人果再入始命刑部侍郎宋伯友提舉河防弼以點檢糧草從之爲計畫甚切皆不能用乃乞罷歸改三門白波輦運尋主管明道宮提舉淮東鹽事改湖南運判楊么按楊么卽謂年少寇鼎州王夔久不能平更命岳飛討之么陸耕者爲么水戰樓船十餘丈官軍徒仰視不得近飛謀益造大舟弼曰若是則未可以歲月勝矣且彼之所長可避而不可鬪也今大旱湖水落洪若重購舟首勿與戰遂伐斷江路藁其上流使彼之長坐廢而精騎直擣其壘則破壞在目前矣飛曰善兼旬積寇盡平進直秘閣時道殢相望弼以聞帝惻然命振之且使講求富弼青州荒政

民賴以甦除岳飛參謀官飛母死通於廬山張宗元攝
飛事部曲洵生異語誦諸將數言而定除戶部郎
官再知荆南桃源劇盜伍俊既招安復謀叛提點刑獄
万俟卨不能制乃以委弼弼許俊以靖州俊喜曰我得
靖則地過桃源遠矣俊至則斬以徇遷祕閣修撰陝西
轉運使以左司郎官召知虔州移黃州時福州大盜有
號管天下伍黑龍滿山紅之屬其眾甚盛鈴轄李貴為
賊所獲民作山碧自保守臣莫將議委漳泉汀建募強
壯游手各千人為效用與殿司統制張淵同措置未及
行詔升弼集英殿修撰與將兩易弼至郡漕臣以游手
易聚難散恐為他日患聞於朝事下弼議弼謂昔守章
賁有武夫周虎臣陳敏者丁壯各數百皆能戰視官軍
可一當十乃奏虎臣為副將敏為巡檢選丁壯千人號
奇兵日給糧糧責以滅賊凡四年而賊平弼後知廣州
擢敷文閣待制卒年六十三初秦檜居永嘉弼游其門
弼結万俟卨且為檜用屢更事任通籍從官世以此少
之

羅汝楫字彥濟徽州歙縣人登政和二年進士第監登
聞鼓院遷大理丞刑部員外郎奏命官犯公罪勿取特
旨以終惠臣子又戶口凋耗宜少寬養子之禁拜監察
御史未踰月遷殿中侍御史與中丞何鑄交章論岳飛
罷其樞筮又言朱芾李若虛嘗為飛議曹主帥有異意
而不能諫又言飛獄具寺官聚斷咸謂死有餘罪寺丞
何彥猷李若樸獨以眾議為非欲從輕典皆坐黜王庶
謫道州郡丞孫行檢以官解居之汝楫劾其無忌憚當
斥且令庶徙居劉子羽知鎮江上言和好非久遠計宜
及開暇為備檜怒風汝楫論罷之嘗言國家駐蹕臨安

淮南不可置度外當重防海之寄守長江之要軍竄名
賞籍以勸有功遷起居郎兼侍講兼權中書舍人除右
諫議大夫有南雄守奏對言太后之歸和議之力也當
盡案前言和不便者時相是之驟用為臺官中外悚懼
多束裝待遣汝楫言皆不當罪宜以崇寧事黨為戒議
遂寢遷御史中丞更侍御史汝楫求去遷吏部尚書充
國信使除龍圖閣學士知嚴州秩滿請祠居喪未終而
卒年七十累贈開府儀同三司子穎顛頤頤願類願字
端良朱熹特稱重之知鄂州以父故不敢入岳飛廟一
日姑往祠之甫拜遽卒於像前

蕭振字德起溫州平陽人登政和八年進士第調信州
儀曹時州郡奉神霄宮務侈靡振與守議不合會方臘
寇東南距信尤近守檄振攝貴溪弋陽二邑又檄振督
軍餉振治辦無闕大將劉光世見而喜之調婺州兵曹
兼功曹時振婦翁許景衡以給事中召振祝之曰公至
朝幸勿見薦今執政多私其親願為時革弊景衡然之
時盜賊猖獗奏揚言欲叛以應賊官吏震恐振選諸
邑士兵強勇者幾千人日習武以備蓄異謀者稍懼有
一兵官素得軍士心守疑而罷之羣卒數百人被甲挺
刃斬儀門入振聞即往厲色叱曰車駕南巡大兵咫尺
汝速死耶可急釋械當為汝言眾拜謝而去嘗議城守
振請以錢數萬繕鳩工板築未數月城壘屹然薦於朝
授婺州教授改秩乞祠以執政薦召對敷奏數事皆中
時病拜監察御史明年冬以親老乞補外章七上不許
面奏除提點浙西刑獄尋召為宗正少卿俄擢侍御史
振本趙鼎所薦後因秦檜引入臺時劉大中與鼎不主
和議振遂劾大中以搖鼎大中既出鼎遂罷後振知紹

興府改兵部除徽猷閣待制知湖州陸辭奏曰國家講
和恐失諸將心宜遣使撫諭示以朝廷息兵寬民意雖
兩國通好戰禦之備宜勿弛白檜曰宰相如一元氣不
可有私私則萬物為之不生檜不悅振至州檜欲取羨
餘振遺檜書謂財用在天下如血氣之在一身移左以
實右則病矣檜屬以私事又不克盡從以親老乞祠提
舉太平觀後知台州海寇勢張振至克之二十二年以
楊焯獄詞供涉錫徽猷待制謫居池州初焯將上書責
李光侑秦檜議和時振為侍御史焯見振道書意振然
其言及振知台州而焯治邑有聲遂薦焯改秩又移書
於檜從子秦昌時俾同薦之屬吏密語振曰焯當以書
責李參政及太師昌時義不當舉待制亦不可舉振曰
吾業已許之豈可中輟遂因焯獄中供前事而貶明年
詔除敷文閣待制知成都府安撫置制使軍儲適闕倉
吏以窘告振奏留對糶米八萬斛以足軍食以其直歸
總計所總計者利在括克即先告檜謂振唱為關之之

語風御史劾振要譽復謫池陽而總計者以譖得蜀帥
既而專用羅織括克其民日益思振按建炎以來繫年
四年秋七月右正言鄭仲熊言蕭振要譽復謫池陽
程曩緣趙鼎用事在朝為專門之說振附之如蘇軾
其致振亦何知乃藉為仕進之梯方台州之罷曾未
月起於諸司措畫振為制置使略不關意乃敢言於朝
出為對羅軍糧一萬石載留不發初非真有意於民特
欲以對羅軍糧一萬石載留不發初非真有意於民特
者之賦詔振落職依舊官觀池州居住太府卿總領四
置使兼知成都府據此劾振者鄭仲熊所謂總計者符
川財賦軍馬繫年要與稱行中丞鄭仲熊所謂總計者
可勝計是行中實與鄭稱相為狼狽其時餽遺秦檜四
程子其人可知矣無入心者其鄭仲熊希圖論振詭以
關檜死語得聞帝大感悟遂遣振還成都父老權呼蜀

道振至一切以寬洽或問其故振曰承繼弛革之當嚴
今繼苛刻非寬則民力瘁矣帝嘉振治行進秩四等加
敷文閣學士卒於成都府治年七十二振兩爲蜀守威
行惠孚死之日民無老稚相與聚哭於道好獎善類端
人正士多所交識居瀕江自父微時見過客與掌渡者
爭多溺死振造大舟傭工以濟人感其德名其江爲蕭
家渡云子誠忱

欽定續通志卷三百八十一

列傳

宋八十六

范如圭

吳表臣

王居正

晏敦復

黃龜年

程瑀

張闡

洪凝

趙達

張燾

黃中

孫道夫

曾幾

句濤

李彌遜

范如圭字伯達建州建陽人登進士第授左從事郎武安軍節度推官始至帥將斬人如圭白其謀帥為已署不易也如圭正色曰節下奈何重易一字而輕數人之命帥矍然從之居數月以憂去辟江東安撫司書寫機宜文字近臣交薦召試祕書省正字遷校書郎兼史館校勘秦檜力建和議金使來無所於館將虛祕書省以處之如圭亟見宰相趙鼎曰祕府諫訓所藏可使敵使居之乎鼎竦然為改館既而金使至議多不可從如圭與同省十餘人合議并疏爭之既具草駁遂引卻者眾如圭獨以書責檜以曲學倍師忘讐辱國之罪且曰公不喪心病狂奈何為此必遺臭萬世矣草奏與史官六人上之金歸河南地檜方自以為功如圭論對言兩京之版圖既入則九廟八陵瞻望咫尺今朝修之使未遣何以慰神靈萃民志乎帝泣然曰非卿不聞此言即日命判大宗正事士儂及兵部侍郎張燾以行檜以不先白己益怒如圭謁告去奉柩歸葬故鄉既差主管台州崇道觀杜門十餘歲起通判邵州又通判荆南府荆南舊戶口數十萬寇亂後無復人迹時蠲口錢以安巢之百未還一二也議者希檜意遽謂流庸浸復而增之

積通二十餘萬稍他負亦數十萬版曹日下書責價甚急如圭白帥悉奏蠲之檜死被旨入對語甚切又論東南不舉子之俗傷絕人理請舉漢胎養令以全活之抑亦何踐全聚報吳之意也帝善其言又奏今屯田之法大計謀近效妨遠圖故久無成功宜籍荆淮曠土畫為邱井做古助法別為科條則農利修而武備飭矣以直秘閣提舉江西常平茶鹽移利州路提點刑獄以病請祠時宗藩並建儲位未定道路竊有異言如圭在遠外獨深憂之掇至和嘉祐間名臣奏章凡三十六篇合為一書囊封以獻請深考羣言仰師成憲或以越職危之如圭曰以此獲罪奚憾帝感悟謂輔臣曰如圭可為忠矣即日下詔以普安郡王為皇子進封建王復起如圭知泉州官寄治郡中挾勢為暴占役禁兵以百數如圭以法義正之宗官大沮恨密為浸潤以去如圭遂以中旨罷領祠如故就舍邵武以居士大夫高之卒年五十九如圭所草具屯田之目數千言未及上張浚視師日奏下其家取之浚罷亦不果行子念祖念德念茲吳表臣字正仲永嘉人登大觀三年進士第擢通州司理盛章者朱勳黨也嘗市婢有武臣彊取之章誣以罪繫獄表臣鞠之卒直其事累官監察御史遷右正言高宗詔臺諫條陳大利害表臣請措置上流以長形勢安輯淮甸以立藩蔽擇民兵以守險阻集海船以備不虞其策多見用乞選講官以裨聖德且於古今成敗民物情偽邊防利害詳熟講究由是詔開經筵適臣有請用蔡京王黼之黨者侍御史沈與求乞明指其人顯行黜責執政不悅奪其言職表臣爭曰臺諫為天子耳目所

以防壅蔽杜姦邪若告其切直而黜之後誰敢言請還與求以開言路時防秋議守邊者患乏才表臣曰唐蕭復言於德宗陳少游任兼將相首敗臣節辜皋幕府下僚獨建忠義以臬代游鎮淮南則天下知逆順之理今取忠義不屈有已試之驗者不次而用豈特可勸并禦方略亦堪倚仗於是陳敏等十數人得錄用久之以病請補外以直秘閣知信州紹興元年召為司勳郎中遷左司諫百官陳裕國彊兵策表臣條十事以獻曰蠲稅役以墾開田汰懦卒以省兵費罷添差以澄冗員停度牒以蕃生齒拘佃租以防乾沒委計臣以制邦用獎有功以厲將帥招弓手以存舊籍嚴和買以絕弊倖簡法令以息瘡痍宰相擬表臣為檢正帝曰朕將自用之遂除左司諫給事中胡安國以論事不合罷表臣上疏留之前宰相朱勝非同都督江淮軍馬表臣力言都督不可罷除特讀又累疏爭之不聽遂罷表臣送吏部授台州黃巖丞尋除提點浙西刑獄召為祕書少監同修哲宗實錄帝如建康詔表臣兼留司參議官除中書舍人累遷吏部尚書兼翰林學士時秦檜欲使金議地界指政事堂曰歸來可坐此表臣不答又以議大禮忤意罷去俄起知婺州會大水發常平米振貸以聞郡人德之課最除敷文閣待制三歲請祠進直學士提舉江州太平興國宮家居數年卒年六十七表臣晚號湛然居士自奉無異布衣時鄉論推其清約王居正字剛中揚州人入太學時習新經字說者主司輒置高選居正語人曰窮達自有時心之是非可改邪黃齊知貢舉置次選調饒州安仁丞荆州教授皆不赴大名鎮江兩帥交辟教授府學亦不就范宗尹薦于朝

謂宗尹曰時危如此公不極所學拔元元塗炭中尙誰
待入對言國勢日弱敵氣日驕昔人於難者勉強爲之
今以爲難不復有所爲故也今日雖難於前日安知他
日不難於今日蓋宜和以爲難故有靖康之禍靖康以
爲難故有今日之憂除太常博士遷禮部員外郎建議
合祭天地於明堂請奉太祖太宗配宗尹是之議遂定
天地復合祭侍御史沈與求劾宗尹因及居正宗尹去
居正乞補外不許撫州守高衛言甘露降于州之祥符
觀爲圖以獻居正卻其圖試太常少卿兼修政局參議
遷起居郎爲集諫十五卷以廣帝意詔以事務訪羣臣
居正獻疏數千言論省費九切曰宋興百七十二年所
行多彌文之事今不知隨時以省事而乃隨事以省費
故今日例有減半之說究其實未始不重費願詔大臣
計百事之實而論定之苟非禦寇備敵任賢使能振恤
百姓一切姑置則費省而國裕居正素與秦檜善檜爲
執政與居正論天下事甚銳旣相所言皆不酬居正疾
其詭見帝言曰秦檜嘗語臣共圖中興又自謂使檜爲
相數月必聳動天下今施設止是願陛下以臣所聞問
檜檜街之出居正知婺州州貢羅舊制歲萬匹崇寧後
增五倍建炎中減爲二萬至是主計者請復崇寧之數
居正力言于朝戶部督趣愈峻居正置檄不行語其屬
曰吾願身坐不以累諸君呼吏爲文書付之曰卽有譴
以此自解復手疏五不可以聞詔如建炎中數漕司市
御炭須胡桃文鴉鴿色者居正曰民以炭自業者率居
山谷安知所爲胡桃文鴉鴿色耶入朝以聞詔止之召
爲太常少卿遷起居舍人兼權中書舍人史館修撰帝
欲遷趙令廡居正以爲庶官得遷則宗室爲承宣者不

旋踵求爲節度何以御之遂寢其命陳東歐陽澈已贈
官居正乞重貶黃潛善汪伯彥以彰二子殺身成仁之
美張俊遣卒至彭澤卒故縣吏估俊勢侵辱令郭彥
恭械之俊訴于朝帝爲罷彥恭居正言彥恭不畏疆禦
無可罪俊又乞免徭役居正言兵興以來士大夫及勳
戚家賦役與編戶均蓋徵貴賤上下共濟國事以寬民
力俊反不能體此平和州請蠲進奉大禮絹居正言大
禮進奉乃臣子享上之誠初非朝廷取於百姓之物若
察民力無所從出不能頒降旨蠲之至使州縣自陳已
爲非是乞速如所請除自有自中出者居正奏近習請
託進擬不自朝廷所繫非輕因錄皇祐詔書以進帝皆
嘉納兼權直學士院又除兵部侍郎入對以所論王安
石父子之言不合於道者責得四十二篇名之曰辨學
上之又曰陛下惡安石之學聖心灼見其弊安在帝曰
安石之學難以伯道欲效商鞅富國彊兵今日之禍人
徒知蔡京王黼之罪而不知生於安石居正曰安石得
罪萬世者不止此因陳安石釋經無父無君者帝作色
曰是豈不害名教邪孟子所謂邪說正謂是矣居正退
序帝語繫於辨學首出知饒州尋改吉州侍御史謝祖
信劾居正凶暴詭詐傾陷大臣罷官屏居括蒼三載其
弟駕部郎居修入對帝曰卿兄今安在行大用矣中書
舍人劉大中侍帝論制誥帝曰王居正極得詞臣體侍
御史蕭振論守令賢否帝舉居正守婺免貢羅御炭事
曰守臣愛百姓皆如此朕復何憂起知温州是時檜專
國居正自知不爲所容以目疾請祠言不及時事檜終
忌之風中丞何鑄劾居正爲趙鼎汲引欺世盜名奪職
奉祠凡十年檜死復故職紹興二十一年卒年六十五

晏敦復字景初丞相殊之曾孫第進士爲御史臺檢法
官紹興初大臣薦召試館職不就特命爲祠部郎官遷
吏部以守法忤呂頤浩出知貴溪縣會有爲敦復直其
事者改通判臨江軍召爲吏部郎官左司諫權給事中
爲中書門下省檢正諸房公事淮西宣撫使劉光世請
以淮東私田易淮西田帝許之敦復言光世帥一道未
聞爲朝廷措置毫髮乃先易私畝比者岳飛屬官以私
事干朝廷飛請加罪中外稱美謂有古賢將風光世自
處必不在飛下乞以臣言示光世且令經理淮南收撫
百姓以爲定都建康計中興有期何患私計之未便權
吏部侍郎兼詳定一司敕令渡江後庶事草創凡四選
格法多所裁定敦復素剛嚴居吏部請謁不行銓綜平
允除給事中冬至節旨下禮部取度牒四百充賜于敦
復奏兵興費廣凡可助用度者尤當惜矧兩宮在遠陛
下當此令節欲奉一觴爲萬歲壽不可得有司乃欲單
平時例慶賜乎遂寢有卒失宣帖得中旨給據太醫吳
球得旨免試敦復奏一卒之微乃至上瀆聖聰醫官免
試皆壞成法自崇寧大觀以來姦人欺罔臨時取旨謂
之暗贏指揮紀綱敗壞馴至危亂正蹈前弊不可長也
汪伯彥子召嗣除江西監司敦復論伯彥姦庸誤國其
子素無才望難任澄清改知袁州又奏召嗣旣不可爲
監司亦不可爲守居右省兩月論駁凡二十四事議
者憚之復爲吏部侍郎彗星見詔求直言敦復奏肯康
澄以賢士蔽匿四民遷業上下相徇廉恥道消毀譽亂
眞直言不聞爲深可畏臣嘗卽其言考已然之事多本
於左右近習及姦邪巧佞轉移人主之意臣願防微杜
漸以助應天之實又論比來百司不肯任責瑣屑皆取

決朝省事有不當上煩天聽者例多取旨由是宰執所治煩雜不減有司天子聽覽每及細務非所以為政願詳其大略其細八年金遣使來要難行之禮詔侍從臺諫條奏所宜敦復言金兩遣使直許講和非畏我而然安知其非誘我也且謂之屈已則一事既屈必以他事來屈我今所遣使以詔諭為名備欲陛下易服拜受又欲分廷抗禮還可從乎苟從其一二則此後可以號令我小有違異即成釁端社稷存亡皆在其掌握矣時秦檜方力贊屈己之說外議羣起計雖定而未敢行句龍如淵說檜宜擇人為臺官使擊去異論則事遂矣於是如淵施庭臣莫將皆據要地人皆駭愕敦復同尚書張翥上疏言前日句龍如淵以附會和議得中丞今施庭臣又以此擠橫楊眾論沸騰方且切齒莫將又以此擢左史夫如淵庭臣皆庸人但知觀望將則姦人也陛下奈何與此輩斷國論乎乞加斥逐杜羣枉門力為自治自疆之策既又與翥等入對爭之檜使所親諭敦復曰公能曲從兩地且夕可至敦復曰吾終不為身計誤國家況吾蠶桂之性到老愈辣請勿言檜卒不能屈胡銓之謫也臨安府遣人械送貶所敦復往見守臣張澄曰銓論宰相天下共知祖宗時以言事被謫為開封者必不如是澄媿謝為追還始檜拜相制下朝士相質敦復獨有憂色曰姦人相矣張致遠魏玘間之皆以其言為過至是竄銓敦復謂人曰頃言秦之姦諸君不以為然今方策國便敢爾他日何所不至耶權吏部尚書兼江淮等路經制使尋請外以寶文閣直學士知衢州提舉亳州明道宮閑居數年卒年七十一敦復靜默如不能言立朝論事無所避帝嘗謂之曰卿鯁峭敢言可謂無

忝爾祖矣

黃龜年字德邵福州永福人登崇寧五年進士第調洛州司理參軍累官河北西路提舉入為太常博士靖康元年除吏部員外郎拜監察御史尋除尚書左司員外郎中書門下檢正諸房公事充修政局檢討官乞令檢正官察通進司帝從其請時頤浩再相植黨傾秦檜引朱勝非奉京詞兼侍讀恐中書舍人胡安國持錄黃不下特令龜年書行議者譏其侵官遷殿中侍御史會邊報王倫來歸龜年劾檜專主和議沮止恢復植黨專權漸不可長書上檜罷併劾檜黨王曠王炳王守道皆罷之檜以觀文殿大學士提舉江州太平觀官如故龜年又奏比論檜徇私欺君合正典刑投諸裔土以禦魑魅今乃任便居住雖陛下曲全大臣之禮察檜姦狀暴露復寵以儒學最上職名俾優游琳館聽其自如律斷羣盜必分首從為之從者皆已伏誅獨置渠魁可乎又曰臣聞恩莫隆於父子義莫重於君臣不義則後其君不仁則遺其親君親既然則何忌憚而不為檜厚貌深情矯言偽行進迫君臣之勢陽為面從退恃朋比之姦陰謀沮格上不畏陛下中不畏大臣下不畏天下之議無忌憚如此欺君私己有一即可黜況檜之欺與私顯著者乎章凡三上遂褫檜職復上章曰檜行詭而言譎外縮而中邪以巧詐取相位姦回竊國柄收召僉佞蟠結黨與陛下以智臨而辨之早以剛決而去之速故端人正士舉手相慶蓋以公天下之同惡耳臣願陛下發明詔以檜潛隱惡惡暴白於天下使知陛下不致復作除不得已又所以破為臣姦膽庶朋比之風不致復作除太常少卿累遷起居舍人中書舍人兼給事中侍御史

常同言龜年陰結大臣致身要地又交結諸將趨攝不正罷歸可諫詹大方希榆意劾龜年附麗匪人摺紳不齒落職本貫居住卒年六十三龜年微時承福簿李朝旌許妻以女既登第而朝旌已死家貧甚或勸龜年別娶龜年卒娶之任子恩先奏其弟之子人皆義之子衡仕至湖南提舉程瑀字伯寓饒州浮梁人少有聲大學累官至兵部員外郎金人入侵求可使者瑀請往未行會欽宗即位議割三鎮命瑀往河東秦檜往河中瑀奏臣願奉使不願割地不報至中山諸將已得密諭城守不下瑀與金使王訥俱至燕山還除左正言即言股肱大臣莫肯以身任天下事且論欽慕祖宗而遙追無術欲斥奄宦而寵任益堅欲鋤姦惡而薄示典刑欲汰濫繆而苟容僥倖兼聽而不能行其言委任而不能責其效苟且之習復成黨與之私寢廣最時病之大者帝曰朕非不知此慮有未盡決意行之有失耳瑀曰事固當熟慮然優柔不斷實曠事功帝問李綱宣撫兩路外議謂何瑀曰僉論固以為宜然綱前與大臣議論不合須賴聖明照察其心任之無疑可也復言徐處仁庸俗吳敏昏懦唐恪險政事所以不振請盡黜免別選英賢共圖大計帝嘉納之時御史李光言星變帝疑以問瑀對言陛下母問有無第正心修德則變異可消瑀嘗論蔡京罪帝因言吳敏底京又疑光黨京謂瑀曰須卿作文字來瑀辭改屯田郎官謫添監漳州鹽稅高宗即位召為司封員外郎遷光祿少卿國子司業請祠主管亳州明道宮尋召赴行在疏十事以獻除直祕閣提點江東刑獄召為太常少卿遷給事中兼侍講時建修政局其目曰省費裕

國疆兵息民瑀條上十四事皆切時務時三衛單弱五

安行官籍其家毀版槍死瑀子孫乃免綱云

陛下嚴賊吏之誅鑄租之令已赦復征寬大之澤例為

軍多出於盜瑀言李捧崔增輩各將其徒張俊王瓊本

張開字大猷永嘉人幼力學博涉經史善屬文登宣和

虛文臣願陛下申詔令之禁是數者能次第行之則足

無兵機今呂頤浩出征捧增輩便可使隸戎行帝因言

六年進士第調嚴州兵曹掾兼治右獄時方臘作亂關

以動天地召和氣災異盜賊不足慮也又言金人入侵

頤浩熟於軍事在外總諸將檜在朝廷庶幾內外相應

倡守禦計有義士請身督戰既戰稍卻州將怒付關治

宜守要害防海道三邊不可無良將督視不可無大帥

然檜誠實但太執耳瑀曰如求機警能順旨者極不難

將殺之關力爭曰是士以義請戰官軍御勢不得獨前

疏奏帝嘉納遷將作監進宗正少卿三十二年孝宗卽

得但不誠實則終不可倚帝然之權邦彥除簽書樞密

非首奔者殺之何罪州將意解士得免李回帥江西席

位關權工部侍郎兼侍講是冬給札侍從臺諫條具時

院瑀言邦彥五罪疏三上不報求罷除兵部侍郎不拜

益帥湖南皆辟置幕下羣盜據洞庭官軍多西北人不

務關上十事當時應詔數十人惟關與國子司業王十

以數文閣待制知信州待御史江公躋左司諫方公孟

開水戰關建築造戰艦以大艦為營小艦出戰乘水洩

大加稱賞賜酒及御書時進太上皇帝太上皇后冊寶

言瑀不可去復以為給事中久之復命知信州胡安國

關弗辨求嶽祠歸歷鄂台二州教授紹興十年詔侍從

工部例進官關辭隆興元年真拜工部侍郎會督府請

劉一止言瑀忠信可以備獻納正直可以司風憲不宜

各舉所知給事翰林待聘以關聞召對時金人議和歸

受蕭琦降詔問關請受其降俄報王師收復靈壁虹

去遂復留頤浩薦席益既得旨以御批示後省官瑀曰

關中地關首言關中必爭之地願固守以蔽巴蜀關中

已而王師果失利眾論歸罪於戰關曰陛下出師受降

益為人公豈不知何必用頤浩曰給事不見御批耶瑀

原次言監司郡守薦舉之弊又乞嚴禁恩寵以濟江浙

是也諸將違節度且無援而敗當矯前失安可遽沮銳

曰已見矣公不能執奏乃先示瑀輩欲使不敢論駁耶

水忠召試館職除祕書省正字遷校書郎時諸將恃功

氣帝壯其言益出御前器甲付諸軍手詔勞浚軍聲復

然益之來非公福也頤浩赧然即劾益瑀未幾以言者

遷爵賞有過則姑息又兵布於外禁衛軍寡關上疏極

待讀金副元帥赫舍哩志靈以書論通好所請三事國

罷提舉亳州明道宮尋復徽猷閣待制知撫州又提舉

論之後稍進退諸將必當其實且詔諸道兵以益禁旅

書歲幣之議已定惟割唐鄧海泗未決將遣王之望龍

江州太平興國宮居父母喪服除知嚴州徙宣州復奉

皆如關言十三年遷祕書郎兼國史院檢討官秦檜每

大淵通問而眾言紛紛不已關謂不與四州乃可通和

祠俄召赴行在除兵部侍郎兼侍讀尋遷翔善論金人

薦臺諫必先論以己意嘗謂關曰祕書久次欲以臺中

官二員遞宿學士院以備顧問關入對尤數屢引疾乞

入侵未嘗一大衄有輕我心豈可保其不肯宜省費

相處何如關謝曰丞相見知得老死祕書幸矣檜默然

骸骨帝不忍其去三年關請益力迺除顯謨直學士提

抑末常賦外一毫不取於民民日益厚兵日益彊使金

竟罷主管台州崇道觀歷泉衢二州通判二十五年起

舉太平興國宮陸辭帝問所欲言關奏許和則忘祖宗

人不致窺為長計帝曰且作十年瑀再拜曰十年之說

關提舉兩浙路市舶入為御史臺檢法官升吏部員外

之讐棄四州則失中原之心遣歸正人則傷忠義之氣

願陛下早夜毋忘除兵部尚書檜既主和瑀議論不專

即孝宗在王邸帝選官僚謂莊重老成無踰關者改命

惟陛下毋忘老臣平昔之言其指時事尤諄切帝益益

以和為是檜忌之改龍圖閣學士知信州會大水檜見

祠部兼建王府贊讀三十一年春大雨無麥苗荆浙盜

篤論以秋涼復召加賜金犀帶特許佩魚居家踰月卒

瑀奏續謂同列曰堯之洪水不至如是瑀遂稱疾提舉

起詔侍從臺諫條陳弭災禦盜之術關上疏曰和議以

年七十四特贈端明殿學士子叔椿

江州太平興國宮坐通書李光降朝議大夫卒年六十

來歲有聘幣民不堪命臣願陛下母以金人困中國歸

六瑀在朝無詭隨嘗為論語說至弋不射宿言孔子不

正人時有遣還之命怨聲聞道路臣願陛下母使金人

欲險中人至周公謂魯公則曰可為流涕洪興祖字述

得以甘心州縣吏職卑地遠漁奪之禍被于編籍臣願

其意檜以為議已逐與祖魏安行髮版京西漕司亦奪

洪擬字成季一字逸叟鎮江丹陽人登進士甲科崇寧中爲國子博士宣和中歷監察御史遷殿中進侍御史時王黼蔡京更用事擬中立無所附會殿中侍御史許景衡罷擬亦坐送吏部知桂陽軍改海州時山東盜起屢攻城擬率兵民堅守建炎間居母憂以祕書少監召不起終喪爲起居郎中書舍人言兵興累年饋餉悉出於民無屋而賣屋稅無丁而責丁稅不時之須無名之斂殆無虛日所以去而爲盜今關中之盜不可急宜求所以弭之江西之盜不可緩宜求所以滅之高宗如越

執政議移蹕饒信間擬上疏力爭謂舍四通五達而趨偏方下邑不足以示形勢固守禦遷給事中吏部尚書言者以擬未嘗歷州縣以龍圖閣待制知温州宣撫使孟庾總師討閩寇命擬攝師賊平加秩一等召爲禮部尚書遷吏部修七司敕命擬總之金人再攻准詔問

攻守之策擬言國勢強則戰將士勇則財用足則戰我爲主彼爲客則戰陛下移蹕東南前年幸會稽今年幸臨安與王之居未有定議非如高祖在關中光武在河內也以國勢論之可言守未可言戰時相姑議戰以示武實不能戰也紹興三年以天旱地震詔羣臣言事擬奏曰法行公則人樂而氣和行之偏則人怨而氣乖試以小事論之比者監司守臣獻羨餘則黜之宣撫司獻則受之是行法止及疏遠也有自庶僚爲侍從者臥

家視職未嘗入謝遂得美職而去若鼓院官移疾廢朝謁則斥罷之是行法止及冗賤也權酷立法甚嚴犯者籍家財充賞大官勢臣連營列障公行酷賣則不敢問是行法止及孤弱也小事如此推而極之則怨多而和氣傷矣尋以言者罷爲徽猷閣直學士提舉江州太平

觀始擬兄子駕部郎官與祖擬上封事侵在位者故俱罷起知温州提舉亳州明道宮卒年七十五謚文憲初擬自海州還居鎮江趙萬叛兵逼郡守臣趙子崧戰敗遁去擬挾母出避遇賊至欲兵之擬曰死無所避願勿驚老母賊舍之他賊又至臨以刃擬指其母曰此吾母也幸勿怖之賊又舍去生平樸直端亮爲秦檜所忌而能不撓云

趙遠字莊叔其先秦人徙蜀家於資州遠好聚古書考歷代興衰治亂之迹與當代名人鉅公出處大節紹興二十一年對策論君臣父子之情甚切擢第一時秦檜意有所屬而遠對獨當帝意檜不悅即罷知舉王曦授遠左承事郎簽書劄南東川帝嘗問檜趙遠安在檜以實對久之帝又問除校書郎遠單車赴闕征稅者希檜意搜行橐皆書籍才數金而已既就職未嘗私謁檜意

愈恨遠廣御製芝草詩有皇心未敢晏安圖之句檜見之怒曰遠猶以爲未太平耶又謂遠曰館中祿薄能以家來乎遠曰親老不能涉險遠檜徐曰當以百金爲助遠唯唯而已又遣所親申前言諷遠往謝遠不答檜滋怒欲擠之未及而死帝臨哭檜還即遷遠著作佐郎兼權吏部員外郎帝如景靈宮祕省起居惟遠一人帝屢目遠即日命引見上殿帝謂曰卿知之乎始終皆朕自擢自卿登第後爲大臣沮格久不見卿秦檜日薦士未嘗一語及卿以此知卿不附權貴真天子門生也詔充

普安郡王府教授遠奏言路久不通乞廣賜開納勿以微賤爲間庶幾養成取言之氣帝嘉納之普安府勸講至辰太子事王曰於斯時也斬江充自歸於武帝何如遠曰此非臣子所能王意蓋有所在也二十六年遷著

作郎尋除起居郎入謝帝又曰秦檜炎不附者惟卿一人遠曰受陛下爵祿而奔走權門臣不惟不敢亦且不忍明年同知貢舉盡公考閱以革舊弊遂得王十朋閻安中尋兼給事中未幾除中書舍人登第六年而當外制南渡後所未有也帝語王綸曰趙遠純正可用朕於蜀士未見其比朕所以甫二歲令至此報其不附權貴也先是遠嘗薦杜莘老唐文若孫道夫皆蜀名士至是奉詔舉士又以馮方劉儀鳳李石鄒次雲應詔宰執以問帝曰蜀人道遠其間文學行義有用者不因論薦無由得知前此蜀中宦游者多隔絕不得一至朝廷甚可惜也自檜顯權深抑蜀士故帝語及之遠以疾求外卒年四十一遠嘗自謂司馬溫公不近非色不取非財吾雖不肖庶幾慕之

張燾字子公饒之德興人祕閣修撰根之子也宣和八年進士第三人嘗爲祕書省正字靖康元年李綱爲親征行營使辟燾入幕綱擬親知坐累者十七人燾亦貶建炎初起通判湖州苗劉之亂賊矯詔俾燾撫諭江浙燾不受帝既復辟詔求言燾上書略曰陛下踐阼以來號令之發未足以感人心政事之施未足以慰人望夫天下治亂在君子小人用舍而已小人之黨日勝則君子之類日退將何以弭亂而圖治又言措置江防非計徒費民財損官賦不適於用又言侍從臺諫親望意指

毛舉細務至國家大事坐視不言又言巡幸所至營繕困民越棧會稽似不如是紹興二年呂頤浩薦除司勳員外郎遷起居舍人言自古未有不知敵人之情而能勝者願詔大臣諸將厚爵賞募可任用者往伺敵動靜旣審知之則戰守進退在我皆備彼尙安得出不意侵

吾行闕詔以付都督府及沿邊諸帥遷中書舍人呂祉之撫諭淮西也燾謂張浚曰祉書生不更軍旅何可輕付浚不從遂致酈瓊之變七年張浚特賜進士出身浚浚見也將母至行在帝引對而命之燾言宣和以來姦臣子弟濫得儒科陛下方與浚圖回大業當以公道革前弊今首賜浚第何以塞公議帝念浚功故有是命著作郎兼起居舍人何掄曰賢良之子宰相之兄賜科第不為過乃與書行燾不自安求去不許言者論之以集英殿修撰提舉江州太平觀明年以兵部侍郎召詔引對帝曰卿去緣張浚燾曰公論不與臣若不言豈惟負陛下亦負張浚帝因問朕圖治一紀收效蔑然其弊安在燾曰自昔有為之君未有不定規模而能收效者往者進臨大江退守吳會未朞月而或進或退豈不為敵所窺乎陛下相與斷國論者三三大臣而已一紀之間十四命相執政遞遷無慮二十餘日月逝矣大計不容復誤願以先定規模為急尋權吏部尚書徽猷閣待制黎確卒詔贈官推恩燾言確素號正人一旦臨變失臣節北面邦昌之庭且為將命止勤王之師今曲加贈恤何以示天下詔追奪職名時金使至境詔欲屈已就和令侍從臺諫條上燾言金使之來欲議和好將歸我梓宮歸我淵聖歸我母后歸我宗社歸我土地人民其意甚美其言甚甘廟堂以為信然而羣臣國人未敢以為信然也臣考人事以驗天意陛下飛龍濟州天所命也敵騎屢攻行闕不能為虞甲寅一戰敗敵師丙辰再戰卻劉豫丁巳酈瓊雖叛實為偽齊廢滅之資皆天所贊也願益自修自強以享天心以俟天時今此和議始為之而必無信之可恃彼使已及境勢難固拒使其

果願和好如前所陳必不復強我以難行之禮如其初無此心二三其說責我以必不可行之禮要我以必不可從之事使當絕之謹邊防厲將士相時而動願斷自淵衷毋取必於彼但取必於天而已乃若略國家之大恥置宗社之深讐躬率臣民屈膝而臣事之覬和議之必成非臣所敢知也帝覽奏愀然變色曰卿言可為忠然朕必不至為彼所給燾頓首謝金使張通古齋哲至行在朝議欲帝拜金詔燾曰陛下信王倫之虛詐發自聖斷不復謀議便欲行禮羣臣震懼罔措必已得梓宮已得母后已得宗族始可議通好經久之禮今彼特以通好為說意謂割地講和而已陛下之所願欲而切於聖心者無一言及之其情可見奈何遠欲屈而聽之一屈之後不可復伸廷臣莫能正救曾魯仲連之不如豈不獲罪於天下萬世既而監察御史施廷臣抗章力贊和議擢為侍御史司農寺丞莫將忽賜第擢為起居郎朝論大駭燾率吏部侍郎晏敦復上疏曰仰惟陛下痛梓宮未還兩宮未復不憚屈己與敵議和特以眾論未同故未輕屈幸小大之臣無復異議彼施廷臣乃務迎合輒敢抗章力贊此議姑為一身進用之資不恤君父屈辱之恥罪不容誅乃由察官起擢柱史前日句龍如淵以附會而得中丞眾論固已喧鄙之矣今廷臣又以此而躋橫楊莫將者又以此議由侍承擢石史如淵廷臣庸人將則姦人此輩烏可與之斷國論乎望加斥逐庶幾少杜羣枉之門陛下貴重此身無輕於屈於是將廷臣皆不敢拜燾又面折如淵曰君薦七人皆北面張邦昌今嗚呼附會墮敵計他日必背君親覲燾既力諫拜詔之議秦檜患之燾亦自知得罪託疾在告檜使檮

炤諭之曰北扉闕人欲以公為直院燾大駭曰果有此言愈不敢出矣檜不能奪乃止和議成范如圭請遣使朝八陵遂命判大宗正士褒與燾偕行且命修奉令荆湖帥臣岳飛濟其役燾與士褒道武昌出蔡頴河南百姓權迎夾道曰久隔王化不圖今日復為宋民九年五月至永安諸陵朝謁陵前石澗水久涸二使垂至忽湧溢父老驚歎以為中興之兆燾等入柏城披鉏荆棘隨所葺治留二日而還自鄭州歷汴宋宿泗淮南以歸即奏疏曰金人之禍上及山陵望修武備俟釁隙起而應之帝問諸陵寢如何燾不對唯言萬世不可忘此譬帝默然伏讀通鑑輯覽 御批燾已疏言金人之禍及發掘前此方庭實奉使歸嘗備言之亦何待再問或責燾僅渾涵以對不能陳其狀以激動君心不知高宗始聞燾對而默然旋以不容於檜斥使出外即使燾盡情實對高宗亦且付之無可如何而已又豈能奮發雪恨燾因請永固陵不用金玉大略謂金玉珍寶聚而藏之固足以動人耳目又其為物自當流布於世理必發露無足恠者又言頃劉豫初廢人情恟恟我斥堠不明坐失機會今又聞敵于淮陽作筏造繩索不知安用諸將朝廷戒勿得遣開探遂不復遣我之動息敵無不知敵之情狀我則不聞又黃河船盡拘北岸悉為敵用往來自若無一人敢北渡者願飭邊吏廣耳目先事而防又言酈瓊部伍皆西陲勁兵今在河南尚可用新疆租賦已竭而使命絡繹推恩費用猶循兵興時例願加裁損非甚不得已勿遣使以寬民力又論陝西諸帥不相下動輒喧爭請置一大帥統之庶首尾相應緩急可恃燾所言皆切中時病秦檜方主和惟恐少忤敵意悉置不問成都謀帥帝諭檜曰張燾可第道遠恐其揮行檜以論燾燾曰君命也焉敢辭十月以贊文閣學士知

成都府兼本路安撫使付以便宜陛辭奏曰蜀民困矣官吏從而誅剝之去朝廷遠無所赴懇俟臣至所部首宣德意俾一路咸霑惠澤因言官吏害民者請先罷後劾帝許之又言軍興十餘年日不暇給今和議甫定願汲汲以政刑爲先務帝曰當書之座右肅在蜀四年賊貧吏薄租賦撫雅州蕃部西邊不驚歲旱則發粟民得不饑暇則修學校與諸生講論會有詔令宜撫司納契丹降人肅爲宣撫使胡世將言蜀地狹不能容前朝常勝軍可爲戒世將奏寢其事肅乞祠以李瑒代之肅自蜀歸臥家凡十有三年二十五年冬檜死舊人在者皆起肅除知建康府兼行宮留守金陵積歲負內庫錢帛鉅萬悉爲奏免進端明殿學士二十九年提舉萬壽觀兼侍讀以衰疾力辭不許除吏部尚書初帝知普安郡王賢欲建爲嗣顯仁皇后意未欲遲回久之顯仁崩帝問肅方今大計肅曰儲貳者國之本也天下大計無踰於此帝曰卿言契朕心又勸帝省賜予罷土木減冗吏止北貨上嘉獎之金使施宜生來肅奉詔館客宜生本閩人素聞肅名一見顧副使曰是南朝不拜詔者肅以首邱桑梓動之宜生於是漏敵情肅密奏早爲備先是御前置甲庫凡乘輿所需圖畫什物有司不能供者悉聚焉日費不貲禁中既有內酒庫釀醪醑實其餘頗侵大農肅因對言甲庫萃工巧以蕩上心酒庫醑良醞以奪官課且乞罷減教坊樂工人數悉詔罷之屢以衰疾乞骸三十年以資政殿學士致仕尋遷太中大夫三

而動期於必勝孝宗受禪除同知樞密院遣子挺入解詔肩輿至宮給扶上殿首問爲治之要言內治乃可外攘又乞命百執條弊事詔從之隆興元年遷參知政事以老病不拜臺諫交章留之除資政殿大學士提舉萬壽觀兼侍讀謁告將理許之及家固求致仕後二年卒年七十五諡忠定肅外和內剛帥蜀有惠政民祠之不忘其繳駁施廷臣之奏朝野歸重焉黃中字通老邵武人初以族祖蔭補官紹興五年廷試言孝弟動上心擢進士第三人授保寧軍節度推官二十餘年秦檜死乃召爲校書郎遷普安恩平府教授中在王府時龍大淵已親幸後他教授多蒙其力中獨不徙官遷司封員外郎兼國子司業芝草生武成廟官吏請以聞中不答官吏陰畫圖以獻宰相謂祭酒周紹與中曰治世之瑞抑而不奏何耶紹未對中曰治世何用此爲紹退謂人曰黃司業之言精切簡當惜不爲諫官充賀金生辰使還爲祕書少監尋除起居郎累遷權禮部侍郎中使金回言其治汴宮必徙居見迫宜早爲計上矍然宰相顧謂中曰沈介歸殊不聞此何耶居數日中白宰相請以妄言待罪湯思退怒語侵中已乃除介吏部侍郎徙中以補其處中猶以備邊爲言又不聽遂請補外帝不許曰黃中恬退有守除左史且錫鞍馬金使賀天申節遽以欽宗訃聞朝論俟使去發喪中馳白宰相此國家大事臣子至痛一有失禮謂天下後世何竟得如禮中自使還每進見輒言邊事又獨陳籌備方略高宗稱善不數月海陵已擁眾渡淮中因入謝論淮西將士不用命請擇大臣督師旣而以殿帥楊存中爲御營使中率同列力論不可遣敵旣臨江朝臣爭遣家

逃匿中獨晏然比敵退唯中與陳康伯家屬在城中厭慚服天申節上壽議者以欽宗服除當舉樂中言欽宗未葬不可作樂事竟寢兼給事中內侍遷官不應法諫官劉度坐論近習龍大淵忤旨補郡已復罷之中皆不書曠羣小相與媒孽中罷去尹穉希意詆中爲張浚黨乾道改元中年適七十卽告老以集英殿修撰致仕進敷文閣待制居六年召爲兵部尚書兼侍讀中前在禮部嘗諫止作樂事中去卒用之至是又將錫宴遂奏申前說詔遣范成大使金以山陵爲請中言陛下聖孝及此天下幸甚然欽廟梓宮置不問有所未盡上善其言不能用未滿歲有歸志乃陳十要道以爲用人而不自甲以公議進退人才察邪正廣言路核事實節用度擇監司懲貪吏陳方略老兵籍帝亟稱善中力求去除顯謨閣提舉江州太平興國宮賜犀帶香茗除龍圖閣學士致仕其後帝手書遣使訪朝政闕失進職端明殿學士屬疾手草遺表猶以山陵欽宗梓宮爲言深以人主之職不可假之左右爲戒淳熙七年八月庚寅卒年八十有五詔贈正議大夫諡簡肅孫道夫字太冲眉州丹稜人年十八貢辟雍時禁元祐學生收蘇氏文除籍再貢入優等張浚薦于高宗召對道夫奏願修德以回天意定都以繫人心任賢材圖興復以雪國恥帝在越浚遣道夫奏事賜出身改左承奉郎再詔對言漢中前瞰三秦後蔽巴蜀孔明蔣琬出圖關輔未有不屯漢中者今欲進兵陝右當先經營漢中荆南東連吳會北通漢沔號用武之國晉宋以來嘗倚爲重鎮武帝亦以荆南居上流故以諸子居之今守江當先措置荆南時至則蜀漢師出秦關荆楚師出宛洛

陛下親御六軍由淮甸與諸將會咸陽孰能禦之帝嘉納召試館職除祕書正字權禮部郎官徽宗凶問禮儀多所草定尋權左司員外郎帝問蜀中水運陸運孰便道夫奏水運遲而省費陸運速而勞民宜撫司初由水運率石費錢十千後以為緩從陸起丁夫十數萬率石費錢五十餘千帝曰水運便行之遷校書郎出知懷安軍乞罷都運司以寬民力罷成兵以弭亂階罷泛使以省浮費知資州宣撫鄭剛中薦其治行第一移知蜀州盜不敢入境州產綫先是守以軍匠置機買絲虧直民病之道夫斷其機遇事明了人目為水晶燈籠九年不遷蓋非秦檜所樂也以吏部郎中入對言蜀民二稅鹽酒茶額之弊帝納其言除太常少卿假禮部侍郎充賀金正旦使還擢權禮部侍郎兼侍講奏敵有窺江淮意帝曰朝廷待之甚厚彼以何名為兵端道夫曰彼弑其父兄而奪其位與兵豈問有名臣願預為之圖湯思退沈該不以為然道夫每進對輒言武事該疑其引用張浚忌之道夫不自安請出除知綿州按建炎年要錄浚忌之道夫不自安請出除知綿州內載權禮部侍郎兼侍講張浚道夫罷為右文殿修撰知綿州道夫數言武事沈該疑其引用張浚故出之據此則道夫之數言武事自請致仕卒年六十六道夫居官一意為民不可干以私仕宦三十年俸給多置書籍性剛直喜面折不容人短人以此多不合云

曾幾字吉甫其先贛州人徙河南府幼有識度事親孝入太學有聲賜上舍出身擢國子正遷辟雍博士除校書郎久之為應天少尹庭無留訟關人得旨取金而無文書府尹徐處仁與之幾力爭不得靖康初提舉淮東茶鹽高宗即位改提舉湖北江西浙西提刑會兄開為禮部侍郎與秦檜力爭和議檜怒開去幾亦罷逾月除

廣西轉運副使徙京南路盜駱科起柳之宜章郴桂皆頽洞宣撫司調兵未至裹以捷聞幾疏其實朝廷遣他將平之請祠得崇道觀僑居上饒七年檜死起為浙西提刑知台州治尚清淨民安之黃巖令受賄為兩吏所持合械吏實獄一夕皆死幾詰其罪或曰令丞相沈該客也治之益急質允中薦召對以疾辭除直祕閣歸故治未幾復召對幾言士氣久不振陛下欲起之於一朝矯枉者必過直若賣直干譽者願加優容時帝懲檜擅權之弊方開言路應詔者眾幾懼有獲戾者先事陳之帝大悅授祕書少監幾承平時已為館職去三十八年而復至每會同舍多談前輩言行臺閣典章薦紳推重焉詔修神宗實訓書成權禮部侍郎兄楸開皆嘗貳春官幾復為之人以為榮吳越大水地震幾舉唐貞元故事反覆論奏帝聽其言他日謂幾曰前所進陸贄事甚切已遣漕臣振濟矣引年請告帝留之提舉王隆觀除集英殿修撰又三年升敷文閣待制金兵來中外大震帝召楊存中偕宰執對便殿諭以將散百官浮海避之左僕射陳康伯持不可存中言敵空國遠來已闔淮甸此正賢智馳驚不足之時臣願率先將士從師死敵帝喜遂定議親征有欲遣使請敵求緩師者幾疏言增幣請和有利害為朝廷計正當當膽枕戈且前日詔諸將傳檄數金君臣之過何事可與之和耶帝壯之孝宗受禪幾又上疏數千言將召屢請老乃遷通奉大夫致仕擢其子逮為浙西提刑以便養乾道二年卒年八十二諡文清二子逢

開字天游少好學善屬文崇寧間登進士第調真州司戶累遷國子司業擢起居舍人權中書舍人掖垣草制

多所論駁忤時相意左遷太常少卿責監大監監鹽井匹馬之官不以自卑召還監杭州司易務除直祕閣知和州恩州復為中書舍人罷提舉洞霄宮欽宗即位除顯謨閣待制知穎昌府兼京西安撫使奪職奉祠建炎初復知潭州歷湖南安撫使廣東經略安撫使奉詔駐潮陽招捕虔寇訖事乃之鎮盡平羣盜提舉太平觀復以中書舍人召首論自古興衰撥亂願講明大計使議論一定斷而不行車駕撫巡東南重兵所聚限以大江敵未易擾其所窺伺者全屬願擇重臣與吳玠協力固護進寶文閣待制知鎮江府兼沿江安撫使召為刑部侍郎言畿甸屯營倍于天下周廬宿衛領以三衛今禁旅單弱願參舊制增補帝悉嘉納遷禮部侍郎兼直學士院時秦檜專主和議開當草國書辨視體制非是論之不聽遂請罷改兼侍讀檜嘗招開慰以溫言且曰主上虛執政以待開曰儒者所爭在義苟為非義高爵厚祿弗顧願聞所以事敵之禮檜曰若高麗之於本朝耳開曰主上聖德臣民推戴公當彊兵富國尊主庇民奈何自卑辱至此又引古諺以折之檜大怒曰侍郎知故事檜獨不知耶他日開又至政事堂問計檜執如初詔侍從臺諫集議開復上疏爭之檜曰此事大係安危開曰今日不當說安危只當論存亡檜然會樞密編修胡銓上封事痛詆檜極稱開由是罷以寶文閣待制知婺州旋議奪職同列以為不可提舉太平觀知徽州以病免居閒十餘年黃達如請籍和議同異為士大夫升黜即擢達如監察御史首劾開職復祕閣修撰卒年七十一檜死始復待制云

句濤字景山成都新繁人登崇寧二年進士第調嘉州

法採川陝鑄錢司屬官建炎初通判黔州田祐恭兵道
境上濤白守燕勞之祐恭感厲得無犯湖海賊王闢
破穉歸桑仲郭守忠攻茶務簡窠若將犯夔門夔兵素
單弱宣司檄祐恭捍禦濤帥黔兵佐之賊潰去宣撫張
浚奏濤知巴州不赴翰林侍讀學士范冲薦召見論五
事除兵部郎中七年遷右司郎官兼校正日食上言八
月遷起居舍人兼權中書舍人時沿邊久宿兵江浙罷
於餽餉荆襄淮楚多曠土濤因進羊祐屯田故事事下
諸大將於是邊方議行屯田淮西都統制劉光世乞罷
丞相張浚欲以呂祉代之濤謂莫若就擇將士素所推
服者用之否則劉錡可浚不納祉至果以輕易失士心
未幾鄴瓊叛社死亂時帝駐蹕欲亟還臨安濤入見曰
今江淮列戍十餘萬苟付託得人可無憂顧適此危疑
詎宜輕退以啟敵心因薦劉錡帝卽命以其眾鎮合肥
川陝宣撫使吳玠言都轉運使李迨賂刻賞格迨亦奏
玠苛費帝以問濤濤曰玠功在西蜀縱費盡可瑱瑳第
移迨他路可爾帝然之會金人廢劉豫金房鎮撫使郭
浩遣其弟洙奏事濤察洙警敏可任乞詔諭陝右諸叛
將乘機南歸帝命濤草詔語持以往除中書舍人八年
除史館修撰重修哲宗實錄帝諭之曰昭慈聖獻皇后
病革朕流涕問所欲言后愀然謂朕曰吾逮事宣仁聖
烈皇后見其任賢使能約已便民憂勤宗社疎遠外家
古今母后無與爲比不幸姦邪罔上史官蔡卞等同惡
相濟造謗史以損聖德其以筆屬正官亟從刪削以信
來世朕痛念遺訓未嘗一日輒忘今以命卿六月實錄
成進一秩就館賜宴復修徽宗實錄濤以中書舍人呂
本中薦丞相趙鼎論旨宜婉辭紀載濤曰崇寧大觀大

臣謀國以稔今禍藉有隱諱如天下野史何七月除給
事中求去以徽猷閣待制知池州改提舉江州太平觀
俄除荆湖北路安撫使知潭州秦檜嘗令人諭意欲與
共政濤以書謝之檜遂諷言官論劾濤上書論時事之
害政者大臣密諭王倫變易地界一也蔡攸之妻近居
臨平咫尺行都略不畏避二也小大之臣凡在謫籍皆
已甄敘惡如京黼尙蒙寬宥今侍從之臣初無大過理
宜牽復三也河南故地復歸中國新附之民延頸德澤
承流之寄當加精選四也臺諫爲耳目之司今宰相引
援皆同舍之舊倚爲鷹犬五也帝歎其忠直賜以繒綵
茶藥且分中有大於此者悉以聞秩滿提舉太平觀十
一年帝謂秦檜曰句濤久閒性喜泉石可進職與一山
水近郡檜對承嘉有天台雁蕩之勝帝曰承嘉太遠其
以湖州命之俄以疾卒年五十九帝悼惜之贈左大中
大夫濤以忠亮自許國有大議帝必委心延訪往復酬
詰料邊情如在日前知名之士多所薦進
李彌遜字似之蘇州吳縣人弱冠以上舍登大觀三年
第調單州司戶再調陽穀簿政和四年除國朝會要所
檢閱文字特遷校書郎充編修六典校閱累官起居郎
以封事劾切貶知廬山縣改奉嵩山祠廢斥隱居者八
載宣和末知冀州金人侵河朔諸郡皆警備彌遜捐金
帛致勇士修城堞決河護壘邀擊其遊騎斬首甚眾烏
珠北還戒師毋犯其城靖康元年召爲衛尉少卿出知
瑞州二年建康府牙校周德叛殺官吏彌遜以江東判
運領部事單騎扣賊關以蠟書射城中招降賊通欵聞
關迎之彌遜諭以禍福勉使勤王時李綱行次建康其
謀誅首惡五十人撫其餘黨一郡帖然改淮南運副後

奉輿國宮祠知德州召對首奏當堅定規模排斥姦言
又謂朝廷一日無事幸一日之安一月無事幸一月之
安欲求終歲之安已不可得況能定天下大計乎帝嘉
其讜直輔臣有不悅者以直寶文閣知吉州紹興七年
遷起居郎彌遜自政和末以上封事得貶垂二十年及
復居是職直前論事鯁切如初試中書舍人秦六事曰
固藩維以禦外侮嚴禁衛以尊朝廷練兵以壯國勢節
用以備軍食收民心以固根本擇守帥以責實效試戶
部侍郎秦檜再相惟彌遜與吏部侍郎晏敦復有憂色
八年彌遜上疏乞外甚力詔不允趙鼎罷相檜專國贊
帝通和金國遣烏凌阿思謀等入界索禮軍民皆不平
檜要帝屈己從和樞密院編修官胡銓上疏乞斬檜校
書郎范如圭以書責檜曲學背師忘誓辱國禮部侍郎
曾開抗聲引古誼以折檜相繼貶逐彌遜請對言金使
之請和欲行君臣之禮有大不可帝以爲然詔廷臣集
議卽日入奏彌遜言陛下受金人空言未有一毫之得
乃欲輕祖宗之付託屈身委命自同下國而尊奉之側
持太阿授人以柄危國之道而謂之和可乎借使金人
姑從吾欲假以目前之安異時無厭之求從之則害吾
社稷之計不從則釁端復開是今日徒有屈身之辱而
後患未已又言陛下率國人以事金將何以作天下忠
臣義士之氣力陳不可者二檜嘗邀彌遜至私第曰政
府方虛員苟和好無異議當以兩地相浼答曰彌遜受
國恩深厚何敢見利忘義今日之事國人皆不以爲然
獨有一去可報檜默然次日彌遜再上疏言愈切直又
言送伴使揣摩迎合不恤社稷乞別選忠信之人協濟
國事檜大怒彌遜引疾帝諭大臣留之時和議已決附

會其說者議論靡然九年春再上疏乞歸田以微猷閣直學士知端州改知漳州十年歸隱連江西山是歲烏珠分四道入侵明年又侵淮西取壽春竟如彌遜之言十二年金兵既敗檜收諸路兵復通和好追仇向者盡言之臣曠言者論彌遜與趙鼎王庶曾開四人同沮和議於是彌遜落職十餘年間不通時相書不請磨勳不乞任子不序封爵以終其身二十三年卒詔復敷文閣待制

彌大字似矩登崇寧三年進士第以大臣薦召對除校

書郎遷監察御史假太常少卿充契丹賀正旦使遽起

居郎試中書舍人同修國史童貫宣撫承興走馬承受

白鏐恃賈不報師期朝廷止從薄責彌大為繳奏以為

邊報不至非朝廷福鏐坐除名彌大亦出知光州移知

鄂州召為給事中兼校正御前文籍詳定官拜禮部侍郎

即金人大舉入侵李綱定城守之策命彌大為參議與

綱不合罷未幾除刑部尚書初朝廷許割三鎮畀金人

既而遣种師道師中援河北姚古援河東彌大上疏乞

起河東西境麟府諸郡及陝西兵以濟古之師起河東

路及京東近郡兵以濟師道師中之師為腹背攻劫之

圖遂除彌大河東宣撫副使張師正領勝捷軍敗於河

東潰歸彌大誅之復遣餘卒援真定餘卒叛宣撫罷命

彌大知陝州河東破小將李彥先來謁言軍事彌大壯

之留為將成崱澗開以遏敵詔遣使召援彌大未敢進

會承興帥范致虛亂兵勤王檄彌大充諸道計議行至

方城道阻乃率眾赴大元帥府建炎元年除知淮寧府到郡未幾杜用等夜叛彌大縋城出賊散乃還坐貶秩

尋召為吏部侍郎帝如杭州命權紹興府試戶部尚書

兼侍讀呂頤浩視師以彌大為參謀官彌大奏王導謝安為都督未嘗離朝廷今邊圉幸無他頤浩不宜輕動又言己為天子從官非宰相可辟乞於諸軍悉置軍正如漢朝故事以察官郎官為之陛下必欲留臣當別為一司伺察頤浩過失忤旨出知平江府中丞沈與求劾彌大謀閒君臣妄自尊大奪職歸起知靜江府奏廣西邊防利害入為工部尚書未幾罷去廣西提刑韓璜劾其在靜江日斷強盜死罪引絞入斬貶兩秩紹興十年卒年六十一

陳俊卿

虞允文

辛次膺

陳俊卿字應求興化人紹興八年登進士第授泉州觀察推官服勤職業同僚宴集恆謝不往一日郡中失火守汪藻走視之諸掾屬方飲某所俊卿與卒亦假之行於是例以後至被詰俊卿唯唯稱謝已而知其實問故俊卿曰某不能止同僚之行又資其僕安得為無過時公方盛怒其忍幸自解重人之罪乎藻歎服秩滿秦檜當國察其不附己以為南外睦宗院教授尋添通判南劍州未上而檜死乃以校書郎召孝宗時為普安郡王高宗命擇端厚靜重者輔導之除著作佐郎兼王府教授講經輒寓規戒王好鞠戲因誦韓愈諫張建封書以諷王敬納之累遷監察御史殿中侍御史首言人主以兼聽為美必本至公人臣以不欺為忠必達大體御下之道恩威並施抑驕將作士氣則紀綱正而號令行矣遂劾韓仲通本以獄事附檜寃無辜檜黨盡逐而仲通獨全劉寶總戎京口恣括剋且拒命不分戍二人遂抵罪湯思退專政俊卿言冬日無雲而雷宰相上不當天心下不厭人望詔罷思退又疏言張浚忠盡白首不逾議者言其陰有異志夫浚忠義有素反是則人將去之誰復與為變乎疏入未報因請對力言之上始悟數月以浚守建康又言內侍張去為陰沮用兵且陳避敵計搖成算請按軍法帝曰卿可謂仁者之勇除權兵部侍郎金海陵渡淮俊卿受詔整浙西水軍李寶因之遂有膠西之捷海陵被弑詔俊卿治淮東堡砦屯田所過

安輯流亡金世宗新立申舊好廷臣多附和議俊卿奏和戎本非得已若以得故疆為實利得之未必能守是亦虛文而已今不若先正名名正則國威強歲幣可損因陳選將練兵屯田減租之策擇文臣有膽略者為參佐俾察軍政習戎務以儲將材孝宗受禪言為國之要有三用人賞功罰罪行之以至公願留聖意遷中書舍人時孝宗志在興復方以閩外事屬張浚以俊卿忠義沉靖有謀以本職充江淮宣撫判官兼權建康府事奏曰吳璘孤軍深入敵悉眾拒戰久不決危道也兩淮事勢已急盍分遣舟師直擣山東彼必還師自救而璘得乘勝定關中我及其未至潰其腹心此不世之功也會主和議方堅詔璘班師亦召俊卿奏陳十事定規模振紀綱勵風俗明賞罰重名器遵祖宗之法鑄無名之賦隆興初元建都督府俊卿除禮部侍郎參贊軍事張浚初謀大舉北伐俊卿以為未可會謀報敵聚糧邊地諸將以為為秋必至宜先其未動舉兵浚乃請於朝出師已而邵宏淵果以兵潰俊卿退保揚州主和議者幸其敗橫議搖之浚上疏待罪俊卿亦乞從坐詔貶兩秩諫臣尹樞附思退議罷浚都督改宣撫使治揚州俊卿奏浚果不可用別屬賢將若欲責其後効降官示罰古法也今削都督重權置揚州死地如有奏請臺諫沮之人情解體尚何後効之圖議者但知惡浚而欲殺之不復為宗社計願下詔戒中外協濟使浚自効疏再上帝悟即命浚都督且召為相卒為思退樞所擠遣視師江淮俊卿累章請罪以寶文閣待制知泉州請祠提舉太平興國宮思退既竄太學諸生伏闕下乞召俊卿乾道元年入對因極論朋黨之弊除吏部侍郎同修國史論人才

當以氣節為主氣節者小有過當容之邪佞者縱有才當察之錢端禮起戚里為參政窺相位甚急館閣之士上疏斥之端禮遣客密告俊卿已即相當引其政俊卿深拒不聽翼日進讀實訓適及外戚因言本朝家法外戚不預政有深意陛下宜謹守帝首肯端禮憾之知建康府逾年授吏部尚書時上未能屏鞠戲將游獵白石俊卿引漢桓靈唐敬穆及司馬相如之言力以為戒帝喜曰備見忠讜受詔館金使遂拜同知樞密院事時曾覲龍大淵怙舊恩竊威福士大夫頗出其門及俊卿館伴大淵副之公見外不交一語大淵納謁亦謝不接洪邁白俊卿人言鄭聞除右史某當除某官信乎詰所從邁以淵覲告具以邁語質於帝帝曰朕易嘗謀及此輩必竊聽得之遂出淵覲中外稱快金移文邊吏取前所俘俊卿請報以誓書云俘虜叛亡是兩事俘虜發已多叛亡不應遣且本朝兩淮民上國俘虜亡慮數萬本朝未嘗以為言恐壞和議使兩境民不安鎮江軍帥戚方刻削軍士俊卿奏內臣中有主方者當併懲之即詔罷方以內侍陳瑤李宗回付大理究贓狀十一月當郊而雷帝內出手詔戒飭大臣葉暉魏杞坐罷俊卿參知政事時四明獻銀鑛將召冶工即禁中銀之俊卿奏不務帝王之大而屑屑有司之細恐為有識所窺從官梁克家莫濟俱求補外俊卿奏二人皆賢其去可惜於是奏減福建鈔鹽罷江西和糴廣西折米鹽錢鑄諸道宿逋金穀錢帛以鉅萬計政事稍歸中書矣龍大淵死帝憐曾覲欲召之俊卿曰自出此兩人中外莫不稱頌今復召必大失天下望臣請先罷遂不召殿前指揮使王琪被旨按視兩淮城壁還薦和州教授劉甄夫得召俊卿

言琪薦兵將官乃其職教官有才何預琪事會揚州奏琪傳旨增築城已訖事俊卿請於帝未嘗有是命俊卿曰若詐傳上旨非小故奏言人主萬幾豈能盡防閑所恃者紀綱號令賞罰耳不誅琪何所不為琪削秩罷官先是禁中密旨直下諸軍宰相多不預聞俊卿奏自今百司承御筆處分事須奏審方行從之同知樞密院事劉琪進對爭辨激切忤旨手詔除琪端明殿學士奉外祠俊卿密奏即日奏劄臣實草定以為有罪臣當先罷琪之除命未敢奉詔陛下即位以來納諫諍體大臣皆盛德事今琪以小事獲罪恐自此大臣皆阿順持祿非國家福帝悔久之命琪帥江西四年十月制授尚書右僕射同中書門下平章事兼樞密使俊卿以用人為己任所除吏皆一時選獎廉退抑奔競或才可用而資歷淺密薦於帝未嘗語人每接朝士及牧守自遠至必問以時政得失人才賢否虞允文宣撫四川俊卿薦其才堪相五年正月帝召允文為樞密使至則以為右相俊卿為左相允文建議遣使金以陵寢為請俊卿面陳復手疏以為未可五月帝以射弩絃斷傷目六月始御便殿俊卿疏曰陛下於騎射之末未忘志圖恢復故俯而從事以闕武備激士氣耳願任智謀明賞罰恢信義則英聲義烈不越尊俎固已震敵人於萬里之遠豈待區區騎射於百步間哉願以今日之事永為後戒伏讀通

樞密承旨張說為親戚求官憚俊卿不敢言會在告請於允文得之俊卿聞救已出語吏留之說皇恐來謝允文亦愧猶為之請俊卿竟不與說深憾之吏部尚書汪應辰與允文不合上疏求去俊卿數奏應辰剛毅正直可為執政帝初然之後竟出應辰守平江自是帝意鄉允文而俊卿亦數求去明年允文復申陵寢之議帝手札諭俊卿俊卿奏陛下痛念祖宗思復故疆臣雖疲驚豈不知激昂仰贊聖謨然於大事欲計其萬全俟一二年間吾之事力稍充乃可不敢迎合意指誤國事即請去以觀文殿大學士帥福州陛辭猶勸帝遠佞親賢修政擴敵泛使未可輕遣既去允文卒遣使終不得要領曾觀亦召還建節鉞躋保傅而士大夫莫敢言俊卿至福州政尚寬厚嚴於治盜海道晏清以功進秩轉運判官陳峴建議議改行鈔鹽法俊卿移書宰執極言福建鹽法與淮浙異遂不果行明年請祠提舉洞霄宮歸第弊屋數楹怡然不介意淳熙二年再命知福州累章告歸除特進起判建康府兼江東安撫召對垂拱殿因言將帥當由公選臣聞諸將多以賄得曾觀王抃招權納賄進人皆以中批行之賊吏已經結勘而內批改正將何所勸懲帝曰卿言甚當朝辭奏曰去國十年見都城穀賤人安惟士大夫風俗大變士大夫奔覲抃之門公然趨附十已七八無復顧忌人材進退由私門大非朝廷美事帝曰抃則不敢覲雖時或有請朕多抑之自今不復從矣俊卿曰此曹聲勢既長侍從臺諫多出其門毋敢為陛下言臣恐壞朝廷紀綱廢有司法度敗天下風俗累陛下聖德命二府飲餞浙江亭俊卿去建康十五年父老喜其再來為政寬簡罷無名之賦時御前多行

白劄用左右私人持送俊卿奏非便帝手札獎諭除少保判建康府如故八上章告老以少師魏國公致仕十三年十一月卒年七十四贈太保命本路轉運司給葬事賜諡正獻子五人宥有志於學終承奉郎自有傳虞允文字彬甫隆州仁壽人父祺登政和進士第仕至太常博士潼川路轉運判官允文以父任入官丁母憂哀毀骨立念父之鯁且疾跬步不忍離左右父死紹興二十三年始登進士第通判彭州權知黎州渠州秦檜當國蜀士多屏棄檜死高宗欲收用之中書舍人趙逵首薦允文召對論士風之弊且極論四川財賦科納之弊帝嘉納之除祕書丞累遷禮部郎官金海陵修汴有南侵意允文上疏言金必敗盟兵出有五道願詔大臣豫思備禦時三十年正月也十月借工部尚書充賀正使允文見運糧造舟者多辭歸海陵曰我將看花洛陽允文還奏所見及海陵語申言淮海之備除中書舍人直學士院三衙管軍以宦寺充承受允文言自古人主大權不移於姦臣則落於近倖秦檜盜權十有八年檜死權歸陛下邇來三衙交結中官宣和明受厥鑒未遠帝大悟立罷之金使王全高景山來賀生辰口傳海陵語又得淮南地索將相大臣議事於是召三衙大將趙密等議舉兵侍從臺諫集議宰臣陳康伯傳帝旨今日更不問和與守直問戰當如何造成闕為京湖制置使將禁衛五萬製襄漢上疏允文曰兵來不除道敵為虛聲以分我兵成其出淮姦謀爾不聽卒遣閏七月海陵徙汴允文復語康伯閏軍約程在江池宜令到池者駐池到江者駐江若敵兵出上流則荆湖之軍捍於前江池之軍援於後若出淮西則池之軍出巢縣江州軍出

無為可為淮西援是一軍而兩用之康伯然其說而閔軍竟屯武昌九月海陵命李通為都督督造浮梁於淮水上海陵自將兵號百萬擅相望鉦鼓之聲不絕十月自渦口渡淮先是劉錡措置淮東王權措置淮西至是權首棄廬州錡亦回揚州中外震恐陳康伯力贊親征是月樞臣葉義問督江淮軍允文參謀軍事權白和州遁歸錡回鎮江盡失兩淮矣十一月海陵率軍臨采石而別以兵爭瓜洲朝命成閔代錡李顯忠代權錡權皆召義問命允文往蕪湖趣顯忠交權軍且犒師采石時權軍猶在采石允文至采石權已去顯忠未來敵騎充斥權敗兵三五星散允文謂坐待顯忠則誤國事遂立招諸將勉以忠義曰金帛誥命皆在此待有功服曰今既有主請死戰或曰公受命犒師不受命督戰他人壞之公任其咎乎允文叱之曰危及社稷吾將安避至江濱見江北已築高臺對植絳旗二繡旗二中建黃屋海陵踞坐其下謀者言前一日刑白黑馬祭天與眾盟以明日濟江晨炊玉麟堂先濟者予黃金一兩時敵兵實四十萬馬倍之宋軍纔一萬八千允文乃命諸將列大陣不動分支船為五其二並東西岸而行其一駐中流藏精兵待戰其二藏小港備不測部分甫畢敵已大呼海陵操小紅旗麾數百艘絕江而來瞬息抵南岸者七十艘直薄宋軍軍小卻允文入陣中撫時俊之背曰汝膽略聞四方立陣後則兒女子爾俊仰揮雙刀出士殊死戰中流官軍亦以海驪船衝敵舟皆半沉敵半死半戰日暮未退會有潰軍自光州至允文授以旗鼓從山後轉出敵疑援兵至始遁又命勁弓尾擊追射大敗之僵尸凡四千餘殺萬戶二人俘千戶五人又獲五百

餘人敵兵不死於江者海陵悉殺之怒其不出江也以建康犒將士謂之曰敵今敗明必復來夜半部分諸將分海舟絕上流別遣兵截楊林口敵果至因夾擊之復大戰焚其舟三百始遁去再以捷聞既而敵遣偽詔來諭王權似有宿約允文曰此反間也仍復書言權已置憲典新將李世輔也願一戰以決雌雄海陵得書大怒遂焚龍鳳軍斬梁漢臣及造舟者二人乃趨瓜洲漢臣教海陵濟江者也顯忠至自蕪湖允文語之曰敵入揚州必與瓜洲兵合京口無備我當往公能分兵相助乎顯忠分李捧軍萬六千往京口葉義問亦命楊存中將所部來會允文還建康即上疏言敵敗於采石將微幸於瓜洲今我精兵聚京口持重待之可一戰而勝乞少緩六飛之發至京口敵屯重兵滁河造三牖儲水深數尺塞瓜洲口時楊存中成閔邵宏淵諸軍皆聚京口不下二十萬惟海陵船不滿百戈船半之允文謂遇風則使戰船無風則使戰艦數少恐不足用遂聚財治鐵改修馬船為戰艦且借之平江命張深守滁河口扼大江之衝以苗定駐下蜀為援海陵至瓜洲允文與存中臨江按試命戰士踏車船中流上下三周金山回轉如飛敵持滿以待相顧駭愕海陵笑曰紙船耳一將跪奏南軍有備不可輕顧駐揚州徐圖進取海陵怒欲斬之哀謝良久杖之五十乙未海陵為其下所弒初海陵在瓜洲聞李寶由海道入膠西成閔諸軍方順流而下愈進有淪殺之禍退有敵殺之憂奈何有萬載者曰殺主與南未通和歸鄉則生矣眾曰諾海陵有紫茸細軍不臨陣恆以自衛眾患之有蕭扎巴者給之曰淮東子女

玉帛皆叛海陵且喉使往細軍去而海陵被敵入退屯三十里遣使議和奏聞召入對帝慰藉嘉數謂陳俊卿曰虞允文公忠出天性朕之裴度也詔免扈從往兩淮措置允文至鎮江奏收兩淮三策不報明年正月帝至建康尋議回鑿詔以楊存中充江淮荆襄路宣撫使允文副之給舍繳存中除命於是允文充川陝宣諭使陸辭言海陵既亡新主初立彼國方亂天相我恢復也和則海內氣阻戰則海內氣伸帝以為然允文至蜀與大將吳玠議經略中原玠遂取鳳翔復鞏州金治兵爭陝西新復州郡蜀士欲棄之允文持不可孝宗受禪朝臣有言西事者謂官軍進討東不可過寶雞北不可過德順且欲用忠義人守新復州郡官軍退守蜀口允文爭之不得吳玠遂歸河池蓋用參知政事史浩議欲盡棄陝西臺諫袁季任古附和其說允文再上疏大略言恢復莫先於陝西陝西五路新復州縣又係於德順之存亡一旦棄之則窺蜀之路愈多前後凡十五疏且移書陳康伯康伯牽於同列不能回也上將召允文問陝西事執政忌其來以顯謨閣直學士知夔州尋又命奏事隆興元年入對史浩既素主棄地及拜相亟行之且親為詔有曰棄難助之無多免狼心之未已允文入對言今日有八可戰帝問及棄地允文以笏畫地陳其利害帝曰此史浩誤朕以數文閣待制知太平州尋除兵部尚書湖北宣撫使改制置使時朝廷遣盧仲賢使金議和湯思退又欲棄唐鄧海泗手詔謂唐鄧非險要可寘度外允文五上疏力爭思退怒即奏曰此皆以利害不切於己大言誤國以邀美名宗社大事豈同戲劇帝意遂定思退陽請召允文實欲去之也允文上印

猶以四州不可棄為請乞致仕詔以顯謨閣學士知平江府思退意決和議割唐鄧二年金兵復至思退貶帝悔不用允文言陳俊卿薦允文堪大用除端明殿學士同簽書樞密院事乾道元年拜參知政事兼知樞密院事是秋金遣完顏仲有所議偃蹇不敬允文請斬之廷有異論不果會錢端禮受李宏玉帶事連允文為御史章服所論罷政奉祠三年二月召至闕除知樞密院事兼參知政事吳玠議擇代帝諭允文曰吳玠既卒汪應辰恐不習軍事無以易卿凡事不宜效張浚迂濶軍前事卿一一親臨之即拜資政殿大學士四川宣撫使尋詔依舊知樞密事歸蜀一月召至闕不數月復使蜀太上賜御書聖主得賢臣頌帝又為之製跋陞辭復以所御雙履及甲冑賜焉過郢奏築黃鵠山城過襄陽奏修府城至漢中又往沔陽九月至益昌先被手詔戒九事洎至蜀悉奉而行允以軍政為急又奏閱實諸軍第其壯怯為三上備戰中下備輜重老者少者不預汰兵凡萬人減糈錢四百萬汰去兵有勞績者置員闕處之紹興初興洋義士以七萬計大散之戰將不授甲驛之先官軍死亡略盡命利帥晁公武覈實得二萬三千九百餘人又得陝西弓箭手法參紹興制為一書俾將吏守之以馬政付張松奏依舊制分茶馬為川秦司初在樞府蕭扎巴以刷軍中人為言允文嘗奏論三衙撫存之至是金洋興元歸正人二萬遮道訴繫縲之苦允文分給官田俾咸振業時叩蜀十四郡告饑荒政凡六十五事劍倅獻羨錢五萬御之五年八月拜右僕射同中書門下平章事兼樞密使允文多薦知名士如洪适汪應辰及為相籍人才為三等有所見聞即記之號材館

錄凡所舉帝皆收用如胡銓周必大王十朋趙汝愚晁公武李燾其九章著者也帝以兵冗財匱為憂允文與陳俊卿議革三衙雜役汰冗籍三軍無怨言六年陳俊卿以奏留龔茂良忤帝意帝震怒俊卿待命浙江亭兩日不報允文請對極論體貌之道疊拜榻前遂命判福州詔以范成大為祈請使為陵寢故金不從且謀報欲以三十萬騎奉遷陵寢來歸中外洶洶荆襄將帥皆請增戍允文謂金方懲海陵決不輕動不過以虛聲撼我耳遂奏止之朝論紛紛允文屹不動敵卒無他自莊文太子薨儲位未定允文上疏懇陳七年正月上兩宮尊號議始定下詔皇第三子恭王惇立為皇太子皇子愷以雄武保寧軍節度使判寧國府皇太子尋尹臨安侍衛馬軍司牧地舊在臨安允文謂地狹不利芻牧請令就收鎮江緩急用騎過江便三軍有怨語其後言者以此為言胡銓以臺評去允文奏留之經銓銜薦朱熹帝問允文遂召熹熹不至檢鼓院以六條抑上書人允文力言不可從之會慶節金使烏凌阿天錫入見金主增也驕倨甚固請帝降楊問金主起居帝不許天錫跪不起侍臣錯愕失措允文請大駕還禁中且諭之曰大駕既難再御殿使人來且隨班上壽金使慚而退帝改僕射為左右丞相八年二月授允文特進左丞相兼樞密使梁克家為右丞相允文嘗舉克家自代不許是月以病乞解機政又薦克家靖重有宰相器至是始同相手詔付允文曰朕方欲武臣為樞密曹助如何允文謂助人品卑凡不可用既而以張說簽書樞密院事右正言王希呂與臺官交劾之帝怒希呂甚手詔與遠惡監當允文繳回帝益怒梁克家曰希呂論張說臺綱也在

相教希呂國體也帝怒稍解遂薄希呂之罰四月御史蕭之敏劾允文允文上章待罪帝過德壽宮太上曰采石之功之敏在何許毋聽其去帝為出之敏且書扇製詩以留之允文言之敏端方請召歸以闕言路帝謂其言寬厚命曾懷書之時政記帝命選諫官允文以李彥穎林光朝王質對三人皆鯁亮又以文章推重於時久不報曾輒薦一人賜第擢諫議大夫允文克家爭之不從允文力求去授少保武安軍節度使四川宣撫使進封雍國公陞辭帝諭以進取之方期以某日會河南允文言異時戒內外不相應帝曰若西師出而朕遲回即朕負卿若朕已動而卿遲回即卿負朕帝御正殿酌酒賦詩以遣之且賜家廟祭器九年至蜀大軍月給米一石五斗不足贍其家允文損宣司錢三十萬易米計口增給立戶馬七條括民馬奏選良家子以備戰用初北界有寇隣者擁眾數萬在商就問允文秉政日納欵迨至蜀復遣人致書允文不報羈縻之而已既而隣謀覺金密遣人捕之葉衡奏聞允文上疏自辨因請納祿不報帝嘗謂允文曰丙午之必當與丞相共雪之又曰朕惟功業不如唐太宗富庶不如漢文景故允文許上以恢復使蜀一歲無進兵期上賜密詔趣之允文軍需未備上不樂瀛熙元年薨後四年上幸白石大閱見軍皆少壯謂輔臣曰慶允文行沙汰之效也尋詔贈太傅賜諡忠肅允文慷慨有大志人望而知為任重之器早以文學致身臺閣晚際時艱出入將相垂二十年孜孜忠勤無二焉子三人公亮公著公孫孫八人皆好修剛簡最知名辛次膺宇起季萊州人幼孤力學甫冠登政和二年進

士第感官爲單父丞值山東亂舉室南渡屬閩寇范汝爲陷建州宰相呂頤浩以次膺宰蒲城遏賊衝比至寇黨熊志寧已焚其邑於是披荆棘坐瓦礫中安輯吏民料丁壯治器械拒險阻號令不煩邑民便之數月韓世忠破賊復建州除審計司餘黨范黑龍破隣邑閩帥張守檄次膺俟賊平而後行乃募鄉兵習靈弩賊至與之夾水而陣矢齊發賊奔潰生致首領五人餘悉宥之用參政孟庚薦召對奏用人貴於務實施令在於必行遷駕部願救郡邑省耕薄征務農抑末又奏中原人棄墳墓生業從巡江左饑寒殍仆願加存拊可以堅中原後之心遷吏部郎湖北運判中途召還見高宗於建康行宮首言救世之弊帝稱善敕以所奏榜朝堂擢右正言奏願閱兵將親簡拔攬恩威之柄使人人知朝廷之尊左右近習久則干政願杜其漸兵連不解十年於茲一歲用錢三千萬米四百萬石諸路常賦僅足支其半餘悉取諸民乞罷不急之務節姑息之澤省冗官汰悞兵韓世忠男植祕閣次膺奏曰攻城野戰世忠功也其子何與石渠東觀圖書府也武功何與倖門一啟援例省眾又奏今主議者見小利忽大計偏師偶勝遽思進討便謂攻爲有餘警奏稍聞首陳退舍便謂守爲不足願嚴紀律謹烽燧明間探帝皆信納聞韓世忠將自楚州移軍鎮江復陳可慮者五王倫使北請和次膺言宣和海上的約靖康城下之盟口血未乾兵隨其後今日之事當識其詐時秦檜在投拜爲其妻兄王仲蕤敘兩官次膺劾仲蕤奴事朱勛政府金人罪在不赦又劾知撫州王曉違法佃官田不輸租其父仲山先知撫州屈膝金人喚繼其後何顏見吏民喚檜之妻兄也章留中

次膺再論之曰近臣奏二人繼聞追廢除命是皆曾容私營救陛下曲從其欲國之紀綱臣之責任一切廢格借使貴連宮掖親如肺腑寵任非宜臣亦得論之而大臣之姻婭乃不得繩之耶望陛下奮乾綱之威戒叢蔽之漸求去除直祕閣湖南提刑先是湖南賊龍淵李朝擁眾數萬據衡之茶陵檜匿不奏乃以見闕處次膺陛辭帝曰卿以將母爲請朕不得留湘湖風物甚佳且無盜賊職名異恩卒歲當召既抵長沙賊勢方張戍將抽回始悟檜欲陷之即單車趨茶陵擒賊將戮之募賊黨毛義龍麟等齎榜諭以朝廷抽回戍將務欲招安宜亟降待以不死龍淵李朝相繼降仍請料精銳可得禁旅萬餘次膺笑曰是皆吾民正當棄兵甲持鋤耰趣令復業奏茶陵爲軍金好成赦書至衡陽次膺極陳其詐略曰臣昨在諫列嘗數論金人變詐無常願陛下爲宗社生靈深慮近觀邸報樞密院編修官胡銓妄議和好歷詆大臣除名遠竄已而得銓書藁乃知朝廷遠欲屈已稱藩臣未知其可大臣懷姦固位不恤國計媿嬰趨和謬以爲便臣不知天下之人以爲便乎降萬乘之尊以求說於敵天下之人果能遂忘怨痛以從陛下之志乎書奏不報金陷三京次膺罷奉祠秦檜以其負重名欲先移書當稍收用次膺笑而不答開十六年貧益甚亡毫髮求於人檜死起知婺州三日被召至國門以足疾求去加祕閣修撰還郡再召見歷言仇怨當國老母幾委溝壑因奏國本未立帝改容曰誰可次膺曰知子莫若父擢權給事中蔣璨權戶部侍郎次膺駁璨不守正事交結出璨知平江御史中丞湯鵬舉劾次膺假權報怨除待制宮觀起知泉州移福建帥丁母憂乞納祿

孝宗即位手詔趣召既至奏陛下用賢必考曩事功勿以一人譽用之一人毀去之出令要無反汗納善要如轉圜練兵恤民經理兩淮使敵不能乘虛而入是日除御史中丞朝德壽宮高宗一見謂惜聞卿於強健時帝將以春饗迎高宗詣延祥觀幸玉津園次膺奏欽宗服未終方停策士且金人媢書甫至意在交兵原野間禁衛稀少當過爲之慮兼一出費十數萬緡曷若以資兵食時兩淮盡爲荒野次膺奏乞集遺屯歸業借種與牛或令在屯兵從便耕種此足兵良法至若成閔之貪饕湯思退之朋附葉義問之姦罔皆以次論劾天下遽之帝方厲精政事次膺每以名實爲言多所裨益隆興政元三月知樞密院事符離之師捷奏日聞次膺手疏千言乞持重未幾軍果潰及見帝顏色不樂奏言師潰而歸張浚彈壓必無他此上天大徵戒於陛下帝歎之先見拜參知政事以疾力祈免且奏曰王十朋除侍史雖上親擢天下皆知臣嘗薦其賢湯思退召將至亦知臣嘗疏其姦臣不引避人其謂何除資政殿學士提舉洞霄宮陛辭帝惜其去次膺奏臣與思退理難同列帝曰有謂湯思退可用者次膺奏今日之事恐非思退能辦思退固不足道竊恐誤國家事乾道六年閏五月卒年七十九次膺孝友清介立朝譽謗仕宦五十年無絲毫挂吏議爲政貴清靜先德化所至人稱其不煩

欽定續通志卷三百八十三

列傳

宋八十八

陳康伯

梁克家

汪澈

葉義問

蔣芾

葉頤

葉衡

葛邲

錢端禮

魏杞

周葵

施師點

蕭燧

龔茂良

陳康伯字長卿信州弋陽人父亨仲提舉江東常平康伯幼有學行宣和三年中上舍丙科累遷太學正丁內艱貴溪盜將及其鄉康伯起義丁逆擊俘其渠魁邑得全建炎末為敕令剛定官預修紹興敕令尋通判衢州攝郡事盜發白馬原康伯督州兵濟王師進討克之除太常博士改提舉江東常平茶鹽高宗進蹕建康康伯以職事過闕得對因請擇將帝聞納紹興八年除樞密院大計議官累遷戶部司勳郎中康伯在太學與秦檜有舊檜當國康伯在邸省五年泊然無求不少迎合十三年始遷軍器監借吏部尚書使金至汴將哺不供餉閉戶卧勿問入夜館人扣戶謝不敏亦不對後因金使至詔康伯館伴端午賜扇帕與論拜受禮言者以為生事罷知泉州海盜間作朝廷遣劉寶成閔逐捕康伯以帝意招懷盜多出降籍為兵久之不逞者陰倡亂康伯訊得實論殺之州以無事秩滿三奉祠垂十年檜死起知漢州將出峽召對除吏部侍郎康伯首請節用寬民凡州縣取民無藝許監司互察臺諫彈劾尋兼理戶部乞約歲用會所入儲什之一二備水旱奏上議竟不決兼刑部前此有司希檜意與大獄康伯平獄直寬士大

夫存歿多賴之除吏部尚書尋拜參知政事自孫道夫使北還已間金以買馬非約為言朝廷特和康伯與同知樞密院事王綸白發其端綸使還乃言和好無他康伯持初論不變以通政大夫守尚書右僕射同中書門下平章事例賜銀絹康伯固辭減半又辭兼史院帝嘗謂其靜重明敏一語不妄發真宰相也又命與湯思退輔政事勿憚商論拜光祿大夫尚書左僕射金遣使賀天申節出使言求淮漢地指取將相大臣且以淵聖凶問至康伯主禮部侍郎黃中之論持斬衰三年先是葉義問賀允中使還言金必敗盟康伯請早為之備建四策一增劉錡荆南軍以重上流二分畫兩淮地命諸將結民社各保其境三劉寶獨當淮東將驕卒少不可倚四沿江諸郡修城積糧以固內地至是召三衙帥及楊存中至都堂議舉兵又請侍從臺諫議康伯傳旨曰今日更不問和與守直問戰當如何時帝意雅欲視師內侍省都知張去為陰沮用兵且陳退避策中外妄傳幸閩蜀人情洶洶右相朱倬無一語同知樞密院事周麟之受命聘金俾不欲行康伯獨以為己任奏曰金敵敗盟今日之事有進無退聖意堅決則將士之意自倍願分三衙禁旅助襄陽待其先發應之康伯勉周麟之以國事麟之語侵康伯康伯曰使某不為宰相當自行大臣與國存亡雖死安避麟之竟以辭行罷尋貶責殿中侍御史陳俊卿言當用張浚且乞斬張去為以作士氣康伯以俊卿振職奏權兵部侍郎按宋史陳俊卿張去為陰沮用兵且陳避敵計搗成算請按軍法帝曰卿可謂仁者之勇除權兵部侍郎本傳稱康伯以俊卿振職奏權兵部侍郎金入侵廬州王權敗歸朝臣有遣家

鑄率暹常時人恃以安敵迫江上召楊存中至內殿議之因命就康伯議康伯延之入解衣置酒帝聞之已自寬翼日入奏曰聞有勸陛下幸越趨閩者審爾大事去矣盡靜以待之一日忽下手詔如敵未退散百官康伯焚之而後奏曰百官散主勢孤矣帝意既堅乃請下詔親征以葉義問督江淮軍虞允文參謀軍事伏讀通鑑御批高宗平日畏金幾如嬰兒之善術何以一旦能決策親征蓋爾時勁旅南來危在旦夕無海計既不行勢已無進無退而前此平江之役諸將頗以捷聞因復驚憊倖於萬一非真迫於建王康伯之言也然虛橋之氣曾謂高宗有發憤自強之一招詎旋罷允文尋敗敵於采石海陵為其臣下所弑而還方金之入侵國人即立葛王褒三十二年始遣高忠建來告登位議授書禮康伯以誼折之於是報書始用敵國禮高宗倦勤有與子意康伯密贊大臣遂草立太子詔以進及行內禪禮以康伯奉冊孝宗即位命兼樞密使進封信國公禮遇殊渥但呼丞相而不名康伯自建康扈從回師以病祈去位不允明年改元隆興請益堅遂以太保觀文殿大學士福國公判信州帝慰勞甚勤且曰有宣召慎勿辭宰執即府餞別百官班送都門外已又辭郡丐外祠除醴泉觀使二年八月起判紹興府且令赴闕奏事復辭未幾召陪郊祀時北兵再侵淮甸人情驚駭皆望康伯復相帝出手札遣使即家居召之未出里門拜尚書左僕射同中書平章事兼樞密使進封魯國公親故謂康伯實病宜辭康伯曰今國家危當與疾就道聞邊遽兼程以進至闕下詔子安節增文好謙掖以見減拜賜坐間日一會朝許肩輿至殿門仍給扶非大事不署金師退尋以目疾免朝謁旬餘一奏事乾道元年正月上辛有事南郊康伯起陪祀已即丐歸章屢上不許一日出殿

門喘劇興至第堯年六十有九贈太師諡文恭二子偉節安節康伯於慶元初配享孝宗廟庭改諡文正

梁克家字叔子泉州晉江人紹興三十年廷試第一授

平江簽判海陵被弑履皆言可乘機進取克家移書陳

俊卿謂敵雖退吾兵力未振不量力而動將有後悔俊

卿歸以白丞相陳康伯歎其遠慮召為祕書省正字遷

著作佐郎時災異數見克家奏宜下詔求言從之克家

條六事一正心術二立綱紀三救風俗四謹威柄五定

廟算六結人心其論定廟算謂今邊議不過三說曰將

兵財語甚切直累遷中書舍人使金人使待之金人

來賀慶會節克家請令金使入朝由南門百官由北門

從者毋輒至殿門外以肅朝儀郊祀有雷震之變克家

復條六事遷給事中凡三年遇事不可必執奏無隱嘗

條具風俗之弊列四條曰欺罔苟且循默奔競帝手筆

獎諭乾道五年二月拜端明殿學士簽書樞密院事明

年參知政事又明年兼知院事初修金好金索所獲俘

啟數未已克家請築楚州城環舟師於外邊賴以安在

政府與虞允文可否相濟不苟同皇太子初立克家請

選置官屬增講讀員遂以王十朋陳良翰為詹事中外

稱得人允文主恢復克家奏用兵以財用為先今用度

不足何以集事帝曰朕思卿言至當八年克家為右丞

相兼樞密使允文既罷相克家獨秉政雖近賊權倖不

少假借而外濟以和張說入樞府公議不與寢命俄復

用說怒士夫不附己謀中傷之克家悉力調護善類賴

之議金使朝見授書儀時又移文對境以正其禮克家

議不合遂求去以觀文殿大學士知建康府陸辭帝以

治效為問克家勸帝無求奇功既而三省密院卒移牒

泗州敵不從遣泛使來舉朝震駭後二年湯邦彥坐使

事貶天下益服克家之言治熙八年起知福州在鎮有

治績趙雄奏欲令再任仍知福州召除醴泉觀使九年

九月拜右丞相封儀國公逾月而疾命以內祠兼侍讀

十四年六月薨年六十贈少師諡文靖

汪澈字明遠自新安徙居饒州浮梁第進士教授衡州

沅州用万俟卨薦為祕書正字校書郎輪對乞令帥臣

監司侍從臺諫各舉將帥行其言除監察御史進殿中

侍御史時和戎歲久邊防寢弛澈陳養民養兵自治豫

備之說累數千言顯仁皇后攢宮說役議者欲廣四隅

士庶墳在二十里內皆當遷命澈按視還奏昭慈徽宗

顯肅懿節四陵舊占百步已數十年今日何為是紛紛

漢長樂未央宮夾塋里疾墓未嘗遷國朝宮陵儀制具

在高宗大悟悉如舊葉義問使金還頗知其謀澈言不

素備事至倉卒靖康之變可鑑今將驕卒情宜加蒐閱

使有關心文武職事務選實才不限資格除侍御史左

相楊思退不協人望澈同殿中侍御史陳俊卿劾罷又

論鎮江大將劉寶十罪詔奪節子祠三十一年上元前

一夕風雷雨雪交作澈言春秋魯隱公時大雷震電繼

以兩雪孔子以八日之間再有大變謹而書之今一夕

間二異交至此陰盛之證殆為金人今荆襄無統督江

淮乏備禦因陳修攘十二事殿帥楊存中久握兵權內

結閩寺王十朋陳俊卿等繼論其罪高宗欲存護使去

御史中丞尋遣成閔以所部三萬人屯荆襄以澈為湖

北京西宣諭使過九江辟王炎為屬鄂帥田師中老而

怯立奏易之時欲置襄守荆南澈奏襄陽地重為荆楚

門戶不可棄敵將劉蕚擁眾十萬揚聲欲取荆南又欲

分軍自光黃擣武昌朝廷以敵昔由此入江南令吳拱

嚴護武昌津渡將引兵回鄂澈聞馳書止拱而自發

鄂之餘兵戍黃州俾拱留襄敵騎奄至樊城拱大戰漢

水上敵眾敗走時唐鄧陳蔡汝顏相次歸職方未幾海

陵被弑澈乞出兵淮甸與荆襄軍夾擊其歸師未報而

金新主罷兵請和召澈入為參知政事與宰相陳康伯

同贊內禪孝宗即位銳意恢復首用張浚使江淮澈以

參豫督軍荆襄將分道進討趙撙守唐王宣守鄧招皇

甫周於蔡襄漢沃壤荆棘甯澈請於古長渠築堰募

閩民汰冗卒雜耕為度三十八屯給種與牛授廬舍歲

可登穀七十餘萬斛民憤種私其餘官以錢市之功績

略就隆興元年入奏還武昌而張浚尅期大舉詔澈出

師應之澈以議不合乞合浚并領荆襄諫議大夫王大

寶論澈無制勝策皇甫偶以忠義結山岩扼敵要衝澈

不能節制坐視孤軍墮敵計趙撙以千五百人救方城

敗散五百餘人澈漫不加省乞罷黜澈亦請除資政

殿學士提舉洞霄宮大寶疏再上落職仍祠祿明年知

建康府尋除樞密使在位二年以觀文殿學士奉洞霄

祠尋知鄂州兼安撫使孝宗訪邊事澈奏向者我有唐

鄧為藩籬又皇甫偁控扼陳蔡敵不敢窺襄喪失兩郡

個復內徙敵屯新野相距百里爾臣令趙撙王宣築城

儲糧分備要害有以待敵至於機會之來難以豫料孝

宗善之時議廢江州軍澈言不可知宣國府改福州福

州

州

州

州

州

州

州

州

州

州

州

州

州

州

州

州

州

州

州

建安撫使復請祠尋致仕卒年六十三贈金紫光祿大夫諡莊敏澈為殿中曰薦陳俊卿王十朋陳之茂為臺官高宗次第用之在樞府孝宗密訪人材薦百有十八人自奉清約雖貴猶布衣時

葉義問字審言嚴州壽昌人建炎初登進士第調臨安府司理參軍范宗尹為相義問與沈長卿等疏其姦為饒州教授攝郡歲旱以便宜發常平米賑民提刑黃敦書劾之詔勿問知江寧縣召秦檜所親役同僚不可義問曰釋是則何以服他人卒役之通判江州孫章守張宗元檜檜或以飛語事下漕臣張常先宗元道九江常先檄義問拘其舟義問投檄曰吾寧得罪不為不祥常先白檜罷去檜死湯思退薦之帝記其嘗言范宗尹召至言臺諫廢置在人主檜親黨宜盡罷遂以言得罪者宜敘復擢殿中侍御史樞密湯鵬舉劾檜所為植其黨周方崇李庚置籍臺諫鉅異已者義問累章劾鵬舉有一檜死一檜生之語并方崇等皆罷之又言凡擇將遇一關令樞密院具三名取上旨則軍政盡出掌握遷侍御史朱樸沈虛中奉祠里居義問劾其附秦檜皆移居郊祀赦義問言頃歲告訐者不應例移放從之遷吏部侍郎兼史館修撰尋兼侍讀拜同知樞密院事帝聞金有侵邊意遣義問奉使覘之還奏彼造舟船備器械其用心必有所在宜屯駐沿海要害備之金果南侵命視師義問素不習軍旅會劉錡捷書至讀之至金人又添生兵顧吏曰生兵何物耶聞者掩口至鎮江聞瓜洲官軍與敵相持大失措乃役民掘沙溝植木枝為鹿角禦敵一夕潮生沙溝平木枝盡去會建康留守張燾遣人告急義問乃遵陸云往建康催發軍市人皆媒罵之

又聞敵據瓜洲采石兵甚眾復欲還鎮江諸軍喧沸曰不可回矣則有不測遂趨建康已而海陵被執師退義問還朝力請退遂罷隆興元年中亦卒次磨諭義問頃護諸將幾敗事且以官私其親請饒州乾道元年詔自便六年卒年七十三

蔣芾字子禮常州宜興人之奇曾孫紹興二十一年進士第二人孝宗即位累遷起居郎兼直學士院時宦者梁珂事帝潛即撓權尹禧論珂與珂芾繳奏罷之簽書樞密院事首奏加意防邊又奏拔將才行伍間識其姓名一日披籍可立取具又料簡歸正人仍以北人將之或令深入山東或令自荆襄深入除權參知政事同知國用事芾奏方今財最費於養兵招兵耗靈愈甚臣考覈任事諸軍每月逃亡事故常不下四百人若權停招兵一年有半俟財用稍足招丁壯不惟省費又得精兵帝悟一日因進呈邊報顧芾曰將來都督非卿不可芾奏臣未嘗經歷兵間又奏方今錢穀不足兵士不練將帥與臣不相識願陛下更審思其人南郊禮畢宰相葉頤魏杞罷芾採眾論參已見為籌邊志上之明年拜右僕射同中書門下平章事兼樞密使會母疾卒詔起復拜左僕射芾力辭有密旨欲令歲大舉手詔廷臣議或主和或主恢復使芾決之芾奏天時人事未至拂帝意服闋除觀文殿大學士提舉洞霄宮尋以言者論落職建昌軍居住年有旨自便再提舉洞霄宮卒

以上中下三等定田稅願請分為九等守從之令借之六邑以資溪為式知紹興府上虞縣凡繇役令民自推貨力甲乙不以付吏民欣然若以實應惟租各書其數與民約使自持戶租至庭親視其入咸便之帥曹泳令今歲夏租先期送什之八願請少紓其期泳怒及麥大熟民輸租反為諸邑最泳大喜許薦於朝願固辭贊正中薦願靜退遂召見願論國警未復中原之民日企鑿輿之返其語割切高宗嘉納除將作監簿知處州青田令陳光獻羨餘百萬願以所獻充所賦湯思退之兄居處州家奴屠酤犯禁一繩以法思退不悅移知常州高宗視師建康道毗陵賜對舟次因言恢復莫先於將相故相張浚久謫無恙是天留以相陛下也願初至郡無旬月儲未一年餘籍錢二十萬或勸獻羨願曰名羨餘非重征則橫斂是民之膏血也以利易費心實恥之召為尚書郎除右司詔求直言願上疏謂陛下以手足之至親付州郡之重寄是利一人害一方也人稱其直除吏部侍郎復權尚書時七司弊事未去上疏言選部所以為弊乃與郎官編七司條例為一書帝嘉之令刻板頒示除端明殿學士拜參知政事兼同知樞密院事武臣梁俊彥請稅沙田蘆場帝以問願對曰沙田乃江濱地田隨沙漲而出沒不常蘆場則臣未之詳也且辛巳軍興蘆場田租並復今沙田不勝其擾帝曰誠如卿言願至中書召俊彥切責之曰汝言利求進萬一為國生事斬汝不足以塞責俊彥皇恐汗下詔沙田蘆場並罷御史林安宅請兩淮行鐵錢願力言不可安宅不能平既入樞府乃上章攻願云願之子受宣州富人周良臣錢百萬得監鎮江大軍倉御史王伯庠亦論之願乞下

吏辯明乃以資政殿學士提舉洞霄宮帝令知臨安府
 王炎親翰無秋毫跡獄奏帝以安宅伯庫風聞失實並
 免所居官仍貶安宅筠州召願赴闕勞之曰卿之清德
 自是愈光矣除知樞密院事未拜進尙書右僕射兼樞
 密使願首薦汪應辰王十朋陳良翰周煥陳之茂茂蒞
 林光朝等可備執政侍從臺諫帝嘉納又言自古明君
 用人使賢使愚使姦使盜惟去泰甚帝曰固然虞有禹
 泉亦有共驩周有且奭亦有管蔡在用不用願曰誠如
 聖訓但今日在朝雖未見有其驩管蔡在然有竊弄威
 福者臣不敢隱帝問爲誰願以龍大淵對伏讀通鑑
 用人固當隨才器使賢愚各由生質固不妨並進兼收
 若姦盜法所必懲豈宜進取棄願之言蓋指管仲陳平
 者流耳然管仲陳平不常有而姦盜非盡有奇材也願
 於龍大淵隱約其辭飾爲不經之說思欲遂就調停不
 得謂之盡語在陳俊卿傳帝以國用未裕欲選宰相兼國
 用使參政同知國用事願言今日費財養兵爲甚兵多
 則有冗卒虛籍無事則費財有事則不可用雖曰汰之
 旋即招之欲足國用當嚴於汰緩於招可也帝以爲然
 帝詔以建康劉源常略近習欲遣王并廉其姦願曰臣
 恐廉者甚於姦者乃止乾道三年冬至上親郊而雷願
 引漢故事上印綬以觀文殿學士致仕提舉太平興國
 宮歸至家不疾而卒年六十八贈特進諡正簡
 葉衡字夢錫婺州金華人紹興十八年進士第調福州
 寧德簿攝尉以獲鹽寇改秩知臨安府於潛縣戶版積
 弊富民多隱漏貧弱困于陪輸衡定爲九等自五以下
 除其籍而均其額於上之四等貧者頓蘇薇科爲期限
 榜縣門俾里正諭民不遺一吏而賦自足歲災蝗不入
 境治爲諸邑最郡以政績聞召對遣還擢知常州時水
 災爲災傷發倉爲糜以食饑者或言常平不可輕發衡

曰儲蓄正備緩急可視民飢而不救耶疫大作衡單騎
 命醫藥自隨徧問疾苦活者甚眾檄晉陵丞李孟堅攝
 無錫縣有政聲衡薦於朝即除秀州衡除太守少卿台
 肥瀕湖有圩田衡奏募民以耕歲可得穀數十萬蠲租
 稅二三年後阡陌成做營田官私各收其半從之除戶
 部侍郎時鹽課大虧衡奏年來課入不增私販害之也
 宜自責鹽之地爲之制司火之起伏稽竈之多寡亭戶
 本錢以時給之鹽之委積以時收之擇廉能吏以察之
 私販自絕矣乃命淮南浙東西設措置官三人於通州
 明州秀州丁母憂起復知廬州未行除樞密都承旨奏
 馬政之弊宜命統制一員各領馬若干匹歲終計其數
 爲殿最李屋應賈良方正對策近訐直入第四等衡奏
 陛下赦其狂而取其忠足以顯容諫之盛乃賜厚制科
 出身有言江淮兵籍偽濫詔衡按視且命措置民兵咸
 稱得治兵之要知荆南成都建康府除戶部尙書除簽
 書樞密院事拜參知政事衡奏二事一收守將帥必擇
 材以稱其職必久任以盡其材二令戶部取湖廣會子
 實數盡以京會立限易之從之拜右丞相兼樞密使帝
 銳意恢復凡將帥器械山川防守悉經思慮奏對畢從
 容賜坐講論機密或不時召對一日帝曲宴幸執於凝
 碧帝曰自三代而下至於漢唐治日常少亂日常多何
 也衡奏聖君不常有周八百年稱極治成康而已帝曰
 朕觀無逸篇見周公爲成王時歷言商周之君享國長
 遠真萬世龜鑑衡奏願陛下常以無逸爲龜鑑社稷之
 福帝又言朝廷所用止論其人如何不可有黨如唐牛
 李之黨相攻四十年緣主聽不明至此文宗曰去河北
 賊易去朝中朋黨難朕常笑之伏讀通鑑

心腹之患然當朝政清明舉措公當門戶攻訐之技自
 無所施固一定之理也孝宗宗諱列牛李舊事及用人大
 綱未嘗不明於治體乃未幾入邦彥之讒而葉衡罷
 官觀之黨而葉衡罷官觀之黨而葉衡罷官觀之黨而葉衡罷
 能無愧於心乎衡奏文宗優游不斷故有此語陛下英
 明聖武誠非難事御實實封令與臨安府實思承改台
 入官衡奏選人改官非奏對稱旨則用考舉磨勘一旦
 特旨與之非陛下愛惜人才之意帝亟收前命帝諭執
 政選使求河南衡奏司諫湯邦彥有口辯宜使金邦彥
 請對問所以遣既知薦出於衡恨衡擠已聞衡對客有
 訕上語奏之帝大怒即日罷相責授安德軍節度副使
 郴州安置邦彥以使辱命竄之嶺南詔衡自便復官與
 祠年六十有二卒贈資政殿學士
 葛邲字楚輔其先居丹陽後徙吳縣少警敏以蔭授建
 康府上元丞會金人來侵上元當敵衝調度百出邲不
 擾而辦留守張浚王綸重之登進士第蕭之敏爲御史
 薦其才除國子博士輪對論州縣受納及鬻爵之弊除
 著作郎兼學士院權直除正言論權戚增之害如輩
 下都稅務紹興間所趁茶鹽歲以一千三百萬緡爲額
 乾道六年後增至二千四百萬緡成都府一務初額四
 萬八千緡今至四十餘萬緡通四川酒額遂至五百餘
 萬緡民力重困至若租稅有定數而暗耗日增折帛益
 多民安得不窮乎願明詔有司茶鹽酒稅比原額已增
 至一倍者毋更立新額官吏不增賞庶少蘇疲疻帝特
 召復令條陳邲以六事對皆切中時病除侍御史論救
 荒三事累遷中書舍人歲旱詔求初政得失邲應詔大
 略謂虞允文制國用南庫之積日以厚戶部之入日以
 削故近年以來常有不足之憂罷兵以來諸將皆以賂
 得升其勢必至於括取償俄遷給事中張巖以說之

子除知開裴良琮以顯仁之姪女夫藩官陪都皆繳奏
廣西讓更鹽法邵言鈔法之行漕臣常給羣商沒入其
貨楮弊行之二廣民必疑慮且有後悔除刑部尚書邵
為東宮僚屬八年孝宗眷遇甚渥光宗受禪除參知政
事邵勸帝專法孝宗正風俗節財用振士氣執中道恤
民力選將帥收人才擇監司明法令俱手疏歷言之除
知樞密院事紹熙四年拜左丞相專守祖宗法度薦進
人物博采公論惟恐不聞之未暮年除觀文殿大學士
知建康府政隆興請祠寧宗即位判紹興府簡稽期會
錢穀刑獄必親或謂大臣均佚有體邵曰崇大體而簡
細務吾不為也改判福州道行感疾除少保致仕卒年
六十六贈少師諡文定配饗光宗廟庭

錢端禮字處和臨安府臨安人父沉潼川軍節度使端
禮以恩補官紹興間通判明州加直祕閣累遷右文殿
修撰仕外服有聲高宗材之知臨安府御史中丞汪澈
論判曹關官當遴選權戶部侍郎兼樞密都承旨端禮
嘗建明用楮為弊於是專委經畫分為六務出納皆有
法幾月易錢數百萬孝宗銳意恢復詔張浚出師會符
離稍失利湯思退遂倡和議端禮奏有用兵之名無用
兵之實買怨生事無益於國思退大喜奏除戶部侍郎
未幾兼吏部端禮與戶部尚書韓仲通同對論經費奏
所入有限兵食日增更有調發不易支吾帝云須恢復
中原財賦自足仲通奏恢復未可必且經度目前所用
端禮奏仲通言是乞采納思退與張浚議和戰不決浚
方主戰帝意甚鄉之思退詭求去端禮請對乞留又奏
兵者凶器願以符離之潰為戒早決國是為社稷至計
於是思退復留命浚行邊還戍兵罷招納以端禮充准

東宣諭使王之望使淮西端禮入奏兩淮名曰備守守
未必備名曰治兵兵未必精有用兵不勝德倖行敗輕
躁出師大喪師徒者必勝之說果如此皆誤國甚明端
禮既以是語浚右正言尹穡亦劾浚罷都督自此議論
歸一矣端禮至淮還極言守備疏略恐召金兵宜早定
和議遂除吏部侍郎再往淮上驛疏言遣使發兵當並
行使以盡其禮兵以防其變不必待金書至而後遣使
書中或有見脅之語不若先遣以釋其疑於計為得帝
云端禮所奏未是思退傳旨撤淮泗二州戍兵語在思
退傳金帥布薩忠義分兵入帝意中悔令思退都督江
淮軍馬端禮試兵部尚書參贊軍事思退畏怯不行端
禮赴闕帝曰前後廷臣議論獨卿不變兼戶部尚書俄
拜端明殿學士簽書樞密院事兼權參知政事帝嘗問
欲遣楊由義持金帥書而辭行甚力誰可遣端禮請以
王抃行俾與金帥議許割商秦地歸彼俘人惟叛亡者
不與餘誓目略同紹興世為叔姪之國滅銀絹五萬易
歲貢為歲幣及抃還帝見書金皆聽許端禮贊帝如其
式報之抃遂行謀報北軍已回端禮以和議既定乞降
詔除參知政事兼權知樞密院事時久不置相端禮以
首參闕相位甚急皇長子鄧王夫人端禮女也殿中侍
御史唐堯封論端禮帝姻不可任執政不報遷堯封太
常少卿館閣士相與上疏排端禮皆坐劾刑部侍郎王
弗陰附端禮建為國是之說以助其勢吏部侍郎陳俊
卿抗疏力詆其罪且謂本朝無以戚屬為相逮進讀寶
訓適及外戚因言祖宗家法外戚不與政最有深意陛
下所宜守帝納其言端禮憾之出俊卿知建寧府鄧王
夫人生子太上甚喜先兩月恭王夫人李氏亦生子於

是恭王府直講王淮白端禮云恭王夫人子是為皇長
嫡孫端禮不憚翼日奏嫡庶具載禮經講官當以正論
輔導不應為此邪說遂指淮傾邪不正與外任鄧王立
為太子端禮引嫌除資政殿大學士提舉德壽宮兼侍
讀改提舉洞霄宮起知寧國府移紹興進觀文殿學士
端禮籍人財產至六十萬緡有指闕陳訴者帝聞之與
舊祠侍御史范仲芑劾端禮貪暴不檢降職一等清熙
四年復元職卒贈銀青光祿大夫後諡忠肅孫象祖嘉
定元年為左丞相自有傳

魏杞字南夫壽春人以祖蔭入官紹興十二年登進士
第知宣州涇縣從臣錢端禮薦其才召對擢太常寺主
簿進丞端禮言論准東杞以考功員外郎為參議官遷
宗正少卿湯思退建和議命杞為金通問使孝宗面諭
今遣使一正名二退師三減歲幣四不發歸附人杞條
上十七事擬問對帝隨事畫可陸辭奏曰臣若將指出
疆其敢不勉萬一無厭願速加兵帝善之行次野貽金
所遣大將布薩忠義赫舍哩志寧等方擁兵闕淮遣權
泗州趙房長問所以來意求觀國書杞曰書御封也見
主當廷授房長馳白布薩忠義疑國書不如式又求割
商秦地及歸正人且欲歲幣二十萬杞以聞帝命盡依
初式再易國書歲幣亦如其數忠義以未如所欲遂與
志寧分兵攻楚州戰不利驍將魏勝死之帝怒金反覆
詔以禮物犒督府師杞奏金若從約而金糴不具豈不
脊國體格事機乎乃以禮物行至燕見金主具言天子
神聖才傑奮起人人有敵愾意北朝用兵能保必勝乎
和則兩國享其福戰則將士蒙其利昔人論之甚悉金
君臣環聽拱棟館伴張恭愈以國書稱大宋魯去大字

志五五五五

杞拒之卒正敵國禮伏讀通鑑謂覽批註全史世
姪宋皇帝與宋史異則此云魯杞去大字已無足據信
且兩國名相均當為魯體姓猶子也未去既稱姪稱名
其與石晉之於契丹相去有幾而未去既稱姪稱名
國禮所謂不攜其本而齊其末宋史臣虛詞夸大豈能
掩其損歲幣五萬不發歸正人北還帝慰籍甚渥守起
居舍人遷給事中同知樞密院事進參知政事右僕射

兼樞密使按宋史李孝先道二年三月癸酉魏
權參知政事五月庚戌魏杞自樞密院事除參知政事
政事除左正議大夫右僕射時方借職田請杞言主租食
財同平章事兼樞密使

命蘇庶官一歲至相位帝銳意恢復杞左右其論會郊
祀冬雷用漢制災異策免守左諫議大夫提舉江州太
平興國宮六年授觀文殿學士知平江府諫官王希呂
論杞貪墨奪職後以端明殿學士奉祠告老復資政殿
大學士清熙十一年十一月卒贈特進嘉泰中諡文節

周葵字立義常州宜興人少力學自鄉校移籍京師宣
和六年擢進士甲科調徽州推官高宗移蹕臨安諸軍
交馳境上葵與判官攝郡事應變敏速千里帖然教授
臨安府未上吏部侍郎陳與義密薦之召試館職將試
復引對除監察御史徒殿中侍御史在職僅兩月言事
至三十章且懇條所行不當事凡二十條指宰相不任

責高宗變色曰趙鼎張浚肯任事須假之權奈何遽以
小事形迹之葵曰陛下即位已相十許人其初皆極意
委之卒以公議不容而去大臣亦無固志假如陛下有
過尚望大臣盡忠豈大臣有過而言者一指乃便為形
迹使彼過而不改罪戾日深非所以保全之也高宗改

容曰此論甚奇張浚議北伐葵上章力言此存亡之
機非獨安危所繫或言葵沮大計罷為司農少卿以直

秘閣知信州會罷罷陳與義執政改湖南提刑以親老
易江東皆不就議已定被召論為國有道戰則勝守
則固和則久不然三者在人不在我矣除太常少卿時
秦檜獨相意葵前論事去必憾趙鼎再除殿中侍御史
葵語人曰元鎮已貶葵固不言雖門下客亦不及之也

內降除四人奏言願陛下以仁祖為法大臣以杜衍
為法論始不樂又言國用軍政士民三弊高宗曰國用
當藏之民百姓足則國用非所患又言薦舉改官之弊
宜聽臧舉員詔吏部措置檜所厚樞樞戶部尚書梁汝嘉
將特賜出身除兩府汝嘉聞葵欲劾之謂中書舍人林

待聘曰副端將論君矣待聘乘檜未趨朝亟告之檜即
奏為起居郎葵方待引檜下殿諭問門曰周葵已得旨
除起居郎隔下葵入後省出疏示待聘曰梁仲謨何其
幸也待聘始知為汝嘉所賣出疏示待聘云云見梁汝
嘉傳茲併載葵傳中彼處

應從參政李光擬除呂廣問館職檜不許時有詔從官
薦士葵以廣問應初不相知也光既細葵以不附檜落
職主管玉隆觀復直祿閣起知湖州移平江府時金使
絡繹於道葵不為禮傳運李椿年希檜旨劾之落職主
管崇道觀屏居鄉里憂患頻仍人不能堪葵獨安之檜

死復直祿閣知紹興府過闕權禮部侍郎尋兼國子祭
酒奏科舉所以取士比年主司迎合大臣意取經傳語
可諛者為問目學者競逐時好望詔國學并擇秋試考
官精選通今博古之士置之前列其穿鑿乖謬者黜之
兼權給事中侍御史湯騰舉言葵以魏良臣薦躡處侍

從呂廣問葵之死黨乞并罷之太學生黃作詹淵率諸
生都堂投牒留葵翼日博士何備等言於朝乞懲戒詔
作淵皆送五百里外州縣管葵出知信州隨罷起知信

州引疾改提舉興國宮加直龍圖閣知太平州水壞圩
隄悉繕完凡百二十里傍郡圩皆沒惟當塗歲熟市河
久湮兩場交病葵下令城中家出一夫官給之食併力
浚導公私便之進集英殿修撰敷文閣待制知婺州孝

宗即位除兵部侍郎兼侍講改同知貢舉兼權戶部侍
郎孝宗數手詔問錢穀出入葵奏陛下勞心庶政日有
咨詢若出人意表今皆微文細故此必有小人乘間欲
售其私不可不察蓋指龍大淵曾觀也孝宗色為動海

陵被弑張浚自督府來朝密言敵失泗州其權罪者皆
欲來歸願遣軍渡淮赴之此恢復之機也葵請對謂不
可輕舉累數百言及遣李顯忠邵宏淵取靈壁虹二縣
敗績孝宗思其言拜參知政事葵始終守自治之說兼

權知樞密院事嘗乞召用侍從臺諫孝宗曰安得如卿
直諫者遂薦李浩龔茂良孝宗次第用之太常奏郊牛
斃葵言春秋騷風食牛角免郊况邊虞未靖請展郊以
符天意詔從之虞允文陳康伯相葵即求退除資政殿

學士提舉洞霄宮起知泉州告老加大學士致仕淳熙
元年正月卒年七十有七贈正奉大夫後以子升朝累
贈太傅諡惠簡

施師點字聖與上饒人弱冠游太學尋授以學職以舍
選奉廷對調福州教授未上丁內艱服除為臨安府教
授乾道元年陳康伯薦賜對言歷年屢下詔恤民而惠
未加浹陛下軫念惟恐一夫失所郡臣搜求惟恐財賦
不集毋惑乎日降絲綸思不露被今明堂肆赦戶自四
等以下連自四年以前願悉除免詔從之八年兼權禮
部侍郎除給事中時太子詹事已除帝又特令增員為
二命兼之賜對言比年人物飢餓士氣耗蕩當廣儲人

於是京城大水以至金人入侵今進退一人施行一事
 命由中出人心譁然指為此輩臣願先去腹心之疾然
 後政事闕失可次第言矣內侍梁珂曾覲龍大淵皆用
 事故茂良及之遷右正言會內侍李珂沒贈節度諡靖
 恭茂良諫曰中興名相如趙鼎勳臣如韓世忠皆未有
 諡如朝廷舉行亦足少慰忠義之心今施於珂為可惜
 竟寢其諡嘗論大淵覲森回至是又極言之孝宗諭以
 皆濟邸舊人非他近習比且俱有文學敢諫爭未嘗預
 外事翼日再疏言唐德宗謂李泌人言盧杞姦朕獨不
 知何耶泌曰此其所以姦邪也今大淵覲所為行道之
 人能言之而陛下更稱頌其賢此臣所以深憂疏入不
 報即家居待罪章再上除太常少卿五辭不拜除直祕
 閣知建寧府自以不為羣小所容請祠不允帝後知二
 人之奸既逐於外起茂良廣東提刑就知信州即番山
 之址建學又置番禺南海縣學既成釋奠行鄉飲酒以
 落之城東舊有廣惠庵中原衣冠沒於南者葬之歲久
 廢茂良訪故地更建海會浮圖葺寄暴露者皆掠藏無
 遺召對崇政殿左丞相陳俊卿欲留之右相虞允文不
 樂會俊卿亦罷除直顯謨閣江西運判兼知隆興府帝
 以江西連歲大旱以一路荒政付之茂良戒郡縣免積
 稅上戶止案逋發廢賑贖以右文殿修撰再任疫癘大
 作命醫治瘵全活數百萬進待制敷文閣賞其救荒之
 功召對奏漢池弄兵之盜即南敵負未之民今諸郡荒
 者極多願詔監司守臣條陳募人從便請耕民有餘粟
 雖驅之為寇亦不從矣除禮部侍郎帝亟用茂良手詔
 問國朝典故有自從官徑除執政例明日即拜參知政
 事奏事賜坐帝曰朕每存公道設有僕卿等宜力爭君

臣之間不可事形述茂良曰大臣以道事君遇有不可
 自當啟沃豈容迹見於外請召有司刑定七司法淮南
 早茂良奏取封樁米十四萬委漕帥賑濟或謂救荒常
 平事今遽取封樁米乃不可茂良以為淮南咫尺敵
 境民久未復業饑寒所迫萬一嘯聚患害立見寧能計
 此米乎湖州守奏通判不法得旨下帥臣體訪通判茂
 良鄉人也同列密以省吏付棘寺推鞠欲及茂良奏事
 退同列留身出獄案進帝茂良不知也帝厲聲曰參政
 決無此茂良遜謝不復辯葉衡罷帝命茂良以首參行
 相事慶壽禮行中外觀恩茂良慨然歎曰此當以身任
 怨不敢愛身以弊天下若自一命以上單轉不知月添
 給奉與來歲郊恩奏補幾何將何以給宣諭獎用廉退
 茂良奏朱熹操行耿介屢召不起宜蒙錄用除祕書郎
 未幾手詔付茂良謂虛名之士恐壞朝廷熹迄不至錢
 良臣侵盜大軍錢糧累數十萬茂良奏其事手詔令具
 析俄召良臣赴闕駁駁柄用其後茂良之貶良臣與有
 力焉清熙四年正月召史浩於四明茂良亦覺脊衰因
 疾力求去帝曰朕以經筵召史浩卿不須疑時曾觀欲
 以大資錄其孫按茂良起為廣東提刑時曾觀以逐久
 曾觀事見 召還故當茂良執政時觀又在朝召還
 陳俊卿傳茂良以文武官各隨本色蔭補格法繳進觀
 因茂良入堂道問俾直省官賈光祖等當道不避街司
 叱之光祖曰參政能幾時茂良奏臣固不足道所惜者
 朝廷大體帝諭親往謝茂良正色曰參知政事者朝廷
 參知政事也觀慙退帝諭茂良先遣人於觀衝替而後
 施行茂良批旨取賈光祖輩下臨安府達之手詔宣問
 施行太遽茂良待罪帝使人宣諭委曲令繳進手詔且
 謂卿去雖得美名置朕何地茂良即奉詔謝斷然賜出

身除殿中侍御史庶然附曾觀者也中書舍人林光輔
 繳奏不書黃遂補外茂良力求去帝諭曰俟議恢復卿
 當再來是日除職與郡令內殿奏事乃手疏恢復六事
 帝曰卿五年不說恢復何故今日及此退朝甚怒曰福
 建子不可信如此謝廓然因劾之乃落職放罷尋又論
 茂良擅權不公矯傳帝旨輒斷賈光祖等罪遂責降安
 置英州父子卒於貶所伏讀通鑑體覽 却此茂良
 首吏倚勢敢於抗參政不過一無知妄人何足與較
 亦何致遂傷大體強奏已為過當徑取而捷之不更過
 宗始事調停終加詰責亦不得謂非徇於私見也觀與
 廓然死後茂良家投匭訟寬遂復通奉大夫周必大獨
 相進呈復職帝曰茂良本無罪遂復資政殿學士諡莊
 敏茂良平生不喜言兵去國之日乃言恢復事或謂觀
 密令人誑之云若論恢復必再留茂良信之遂手疏云

列傳

宋八十九

劉琪 王蘭 黃祖舜

王大寶 金安節 王剛中

李彥穎 范成大 黃洽

汪應辰 王十朋 吳芾

陳良翰 杜莘老

劉琪字其父子羽長子也生有奇質從季父子輩學以蔭補承務郎登進士乙科監紹興府都稅務請祠歸杜門力學不急仕進主管西外睦宗院召除諸王宮大小學教授遷禮部郎官秦檜欲追謚其父召禮官會問琪不至檜怒風言者逐之檜死召為大宗正丞遷吏部員外郎置令式庭中使選集者得自繙閱與吏辨吏無得藏其巧兼權祕書少監兼權中書舍人金侵邊王師北向詔檄多出其手詞氣激烈御史杜莘老劾宦者張去為忤旨左遷琪不草制莘老得不去從幸建康兼直學士院車駕將還詔以楊存中為江淮宣撫使琪不書錄黃仍論其不可帝怒謂宰相曰劉琪父為張浚所知此特為浚地耳命再下宰相召琪論旨且曰再繳則累張公琪曰某為國家計豈暇為張公謀執奏如初存中命乃寢真除中書舍人直學士院田師中死其家請以沒入王繼先第為賜李珂關通近習求為督府掾詔從中下琪皆論罷之出知泉州改衢州湖南早李金為亂朝廷憂之以琪知潭州湖南安撫使入境聲言發郡縣兵討擊而移書制使沈介請以便宜出師曰擅興之罪吾自當之介即遣田寶楊欽以兵至琪知其暑行疲怠發

夫數程外迎之代其負任至則犒賜過望軍士感奮琪知欽可用檄諸軍皆受節制下令能捕賊自獻者除罪受賞欽與寶連戰破賊追至莽山賊黨曹彥黃琪執李金以降支黨竄匿者尙眾琪論欽等卻兵聽其自降賊相率納兵給據歸田里第上諸將功狀有差賜璽書獎之除翰林學士知制誥兼侍讀言於帝曰世儒多病漢高帝不悅學經儒生臣以為高帝所不悅特腐儒俗學耳使當時有以二帝三王之學告之知其必敬信功烈不止此因陳聖王之學所以明理正心為萬事之綱帝亟稱善拜中大夫同知樞密院事因言汪應辰陳良翰張栻學行才能皆臣所不逮願亟召用帝可其奏兼參知政事奏除福建鈔鹽歲額二萬萬罷江西和糴及廣西折米鹽錢及蠲諸路累年逋負金錢穀帛巨億計上嘗以久旱齋居禱雨一夕而應琪進言曰陛下誠心感格其應如響天人相與之際真不容髮隱微纖芥之失其應豈不亦猶是乎臣願益謹其獨龍大淵曾觀既被逐未幾大淵死帝憐觀欲還之琪言二人之去天下方仰威斷此曹奴隸耳厚賜之可也若引以自近使與聞機事進退人才非所以光德業振紀綱命遂止殿前指揮使王琪被旨按視兩淮城壁還密窩和州教授劉甄夫帝論執政召之琪請曰此人名位微何自知之帝以琪告琪退追琪至此使責戒勵狀會揚州奏琪檄郡增築新城琪遂奏罷琪語在陳俊卿傳琪時爭之尤力以故獨罷為端明殿學士奉外祠陳俊卿言琪正直有才肯任怨臣所不及願留之詔改知隆興府江西安撫使入辭猶以六事為獻帝曰卿雖去國不忘忠言材美非他人所及行召卿矣至鎮首蠲稅務新額及罷苗倉大

斛屬邑奉新有復出租稅窮民不能輸相率逃去反失正稅并奏除之除資政殿學士知荊南府湖北安撫使以繼母憂去起復同知樞密院事荆襄安撫使琪六上奏懇辭詞甚切最後言曰三年通喪三代未之有改漢儒乃有金革無避之說已為先王罪人今邊陲無警臣乃欲冒金革之名以私利祿之實不亦又為漢儒之罪人乎服闋再除知潭州湖南安撫使過闕入見極論時事進資政殿大學士以行安南貢象所過騷然琪奏曰象之用於郊祀不見於經且使吾中國之疲民困於遠夷之野獸豈仁聖之所為哉湖北茶盜數千人入境疆吏以告琪曰此非必死之寇緩之則散而求生急之則聚而致死揭榜諭以自新聲言兵且至令屬州縣具數千人食盜果散去其存者無幾琪乃遣兵戒曰來毋亟戰去毋窮追不去者擊之耳盜意益緩於是一戰敗之盡擒以歸誅首惡數十餘隸軍籍淳熙二年移知建康府江東安撫使行宮留守會水且早首奏蠲夏稅錢六萬緡秋苗米十六萬六千斛禁止上流稅米過糴得商人米三百萬斛貨諸司錢合三萬遣官糴米上江得十四萬九千斛籍主客戶高下給米有差又運米村落置場平價振糴貧者不敢憤起是年九月盡明年四月闔境數十萬人無一人捐瘠流徙者進觀文殿學士屬疾請致仕疾革草遺奏言恭顯任文近習用事之戒今以腹心耳目寄之此曹朝綱以紊士氣以索民心以離咎皆在此陳俊卿忠良確實可以任重致遠張栻學問醇正可以拾遺補闕亟召用之既又手書訣栻與朱熹其言皆以未能為國雪恥為恨卒年五十七贈光祿大夫諡忠肅琪精明果斷喜受盡言事有小失下吏言

之立改臨數鎮民愛之若父母其歿也有相與祠之者
 王蘭字謙仲廬江人乾道五年擢進士第為信州上饒
 簿鄂州教授四川宣撫司幹辦公事除武學諭孝宗幸
 學蘭迎立道周帝目而異之命小黃門問知姓名由是
 簡記遷樞密院編修官輪對奏五事讀未竟帝喜見顏
 色明日諭輔臣曰王蘭敢言宜加獎擢除宗正丞尋出
 守舒州陛辭奏疏數條皆極言時事之未得其正者帝
 曰卿議論峭直尋出手詔除監察御史一日帝袖出幅
 紙賜之曰比覽陸贄奏議所陳深切今日之政恐有如
 德宗之弊者可思朕之闕失條陳來上蘭即對曰德宗
 在於自用遂非疑天下士退即上疏陳德宗之弊并及
 時政闕失帝嘉納之遷起居舍人言朝廷除授失當臺
 諫不悉舉職給舍始廢繳駁內官醫官藥官賜予之多
 遷轉之易宜有以正之帝竦然曰非卿言朕皆不聞除
 禮部侍郎兼吏部奉手詔舉剛正者為監司即薦潘時
 鄭矯林大中等八人母憂服除為禮部尚書進參知政
 事光宗即位遷知樞密院事兼參政拜樞密使光宗精
 勵初政蘭亦不存形迹除目或自中出未恆人心者輒
 留之納諸御坐或議建皇后家廟力爭以為不可因應
 詔上疏願陛下先定聖志條列八事不報中丞何澹論
 之罷去起帥閩易鎮蜀皆不就後領祠帥江陵寧宗即
 位改帥湖南臺臣論罷歸里奉祠七年卒蘭盡言無隱
 然嫉惡太甚同列多忌之竟以不合去有奏議傳於世
 黃祖舜福州福清人登進士第累任至軍器監丞入對
 言縣令付錢曹專用資格曷若委郡守汰其尤無良者
 帝然之除吏部員外郎出通判泉州將行言抱道懷德
 之士不應書干祿老於韋布乞自科舉後有學行修明

孝友純篤者縣薦之州州延之庠序以表率多士其卓
 行尤異者州以名聞是亦鄉舉里選之意下其奏禮部
 遂留為倉部郎中遷右司權刑部侍郎兼侍講詳定敕
 令司進論語講義金安節言其書詞義明粹乃令國子
 監板行薦李寶為帶御器械兼權給事中戶部奏以官
 田授汰去使臣祖舜言使臣汰者一千六百餘人臨安
 官田僅為畝一千一百計其請而給田則不過數十人
 事不行保義梁舜弼漢陽邦彥養孫也並關門祇候
 祖舜言關門不可以恩澤補知池州劉堯仁升右文殿
 修撰知新州韓彥直升祕閣修撰祖舜言修撰本以待
 文學不可俾得故資政殿學士楊愿家乞遺表恩祖舜
 言願陰濟秦檜中傷善類皆寢其命又言秦熈預其父
 檜謀議不宜贈太傅追奪之遷同知樞密院事金海陵
 侵淮劉記敗王權走帝將誅權以勵其餘祖舜言權罪
 當誅記不容貸第劉錡有大功聞其病已殆權記誅錡
 必媿忿以死是國家一敗兵而殺三將得無快於敵乎
 帝嘉納卒於官諡壯定

王大寶字元龜湖州人政和開貢辟雍建炎初廷試第
 二授南雄州教授以祿不逮養移病而歸聞數年差監
 登聞鼓院主管台州崇道觀趙鼎謫潮大寶日從講論
 語張浚謫居俸不時得大寶以經制錢給之浚曰如累
 君何大寶不為變代還言連英循惠新恩六州民居纒
 數百非愁遷之地月輸免行錢宜蠲減高宗謂大臣曰
 守臣上殿令陳民事遂得知田里疾苦所陳五六得一
 可行其利亦不細矣乃命廣西諸司具減數聞知袁州
 進詩書易解其書甚可采時經筵開官遂除國子司業
 兼崇政殿說書奏江南諸州有月椿錢無定名數吏緣

為姦刻剝民又有折帛錢方南渡兵興物價翔貴令下
 戶折納務以優之今市帛匹四千而令輸六千蓋委監
 司覈月椿為定制減折帛惠小民詔戶部詳具奏直敷
 文閣知温州提點福建刑獄道臨漳有峻嶺曰蔡岡蔡
 薄蔽騎山石壁礮盜乘間剽劫大寶以囊金三十萬募
 民抉藪營道十餘里行者便之提點廣東刑獄孝宗即
 位除禮部侍郎大寶言古致治之君先明國是而行之
 以果斷自軍興以來日征日討議靡定太上傳丕基
 於陛下四方日俟恢復國論未定眾志未孚願陛下果
 斷則無不濟擇右諫議大夫首論朱倬沈該之罪皆行
 其言汪澈督師荆襄大寶劾其不能節制坐視方城之
 敗疏再上澈落職謫台州大寶嘗論及移蹕帝曰吾欲
 亟行大寶奏今日之勢殆未可願少寬歲月張浚復起
 為都督大寶力贊其議符離失律羣言洶洶大寶言危
 疑之際非果斷持重何以息橫議未幾湯思退議罷督
 府力請講和大寶奏謂今國事莫大於恢復莫難於攻
 守莫審於用人宰相以財計之軍儲虛符離師潰名額
 不除意在覈軍籍減月給臣恐不惟邊鄙之憂而患起
 蕭牆矣章三上除兵部侍郎求去胡銓奏曰近日王十
 朋王大寶相繼引去非國之福帝曰十朋力自引去朕
 留之不能得大寶論湯思退太早令為兵部侍郎豈容
 復聽其去未幾以敷文閣直學士提舉太平興國宮他
 日銓奏事帝復諭之曰大寶留之經筵亦固求去勢不
 兩立銓奏自古臺諫論宰相多矣若謂勢不兩立則論
 宰相者皆當去大寶尋請致仕督府既罷撤邊防棄四
 州金復侵邊思退都督軍馬辭不行帝震怒竄思退
 中外以大寶前言不用為恨乾道元年落致仕召為禮

部尚書入對言理財之道當務本抑末右正言程叔達奏大寶乞復免行錢非是以舊職提舉太平興國宮中書舍人閻安中欲留其行叔達併劾之詔大寶致仕尋卒年七十七

金安節字彥亨歙州休寧人博洽經史尤精於易宣和六年繇太學擢進士第調洪州新建縣主簿紹興初范宗尹引為刪定官入對言司馬光以財用之請用宰相領總計使宜以為法除司農丞又遷殿中侍御史論韓世忠子彥直不當因父任除直祕閣不報任申先除待制致仕安節劾其忿戾乞追奪秦檜兄梓知台州安節劾其附麗梁師成梓遂罷檜銜之未幾丁母憂去遂不出檜死起知嚴州除浙西提判入為大理卿首言治民之道先德後刑今守令慮不及遠簿書期會賦稅輸納窮日力辦之而無卓然以教化為務者願申飭守令俾無專事法律苟可以贊教化必力行之時儻偽造鹽引者大臣欲置之死安節力爭以為事已十餘年且自首無死法因得減等兩浙漕屬王悅道鞠仁和令揚績獄不實事下大理安節并建悅道幸醫王繼先子也屢因人求免安節不從累遷禮部侍郎將祠明堂時欽宗凶問至安節言宮廟行禮皆當以大臣攝事從之遷侍講給事中殿院杜莘老論張去為補外安節言不可因內侍而去言官帝遂留莘老金海陵侵淮從幸建康海陵被殺安節陳進取招納備守三策而以備守為進取招納之本帝將還臨安命楊存中宣撫江淮荆襄安節言存中頃以權太盛人言籍籍方解軍政復授茲職非所以全之又言方今正當大明賞罰乃首用劉寶王權刻剝庸懦之人何以激勸將士帝皆納之楊存中議

省江淮州縣安節言廬之合肥和之濡須皆昔人控扼孔道曹丕東置合肥南守襄陽西固析山敵來輒破於三城之下孫權築濡須塢魏軍累次不克守將如甘寧等常以寡制眾蓋形勢之地攻守百倍豈有昔人得之成功今日有之而反棄之耶且濡須巢湖之水上接店步下接江口可通漕舟乞擇將經理存中議遂格孝宗嗣位給廷臣筆札陳當世事安節請嚴內降之科凡內侍省御藥院內東門司冗費一切罷去堂除省歸吏部長官聽辟僚屬以清中書之務文武蔭補各有定制毋令易文資臣僚致仕遺表恩澤不宜奏異姓使得高貴為市帝嘗稱其誠實一日因奏事面勞之曰近不見繳駁有所見但繳駁朕無不聽隆興改元龍大淵賀觀並除知閣門事宰相知安節必以為言使人諷之曰若書行即坐政府矣安節拒不納封還錄黃時臺諫相繼論列不報安節與給事中周必大奏陛下即位臺諫有所彈劾雖兩府大將當罷則罷當貶則貶獨於二臣乃為遷就諱避臣等若奉明詔則臣等負中外之謗大臣若不開陳則大臣負中外之責帝怒安節即自劾乞廢帝意解命遂寢潛邸舊人李珂擢編修官安節又奏罷之拜兵部侍郎金將布薩忠義遺三省樞密院書論和議乃畫定四事詔羣臣議安節謂世稱姪國國號不加大字及用再拜二字皆不可從海西唐鄧為淮襄屏蔽不可與必不得已宜少增歲幣欽宗梓宮當迎奉陵寢地必不肯歸我官每因遣使恭謁但講好之後當益選將厲兵以為後圖已而請祠得請中書舍人胡銓繳奏謂安節太上之舊人而陛下之老成也膂力未愆有愛國心豈宜從其引去帝遂留之踰年權吏部尚書兼侍讀

自是力請謝事詔以敷文閣學士致仕乾道六年卒年七十七贈通奉大夫累贈開府儀同三司少保安節至孝與兄相友愛田業悉推與之又以恩奏其孤子慎初筮仕未嘗求薦於人及貴有舉薦不令人知其除司農丞或語之曰公是命張侍郎致遠為中司時所薦蓋往謝之安節曰彼為朝廷薦人豈私我耶竟不往薦晁公武龔茂良可臺諫皆稱職二人弗知也與秦檜忤不出者十八年及再起論事終不屈人以此服之

王剛中字時亨饒州樂平人紹興十五年進士第二人由推官改左宣義郎故事當召試秦檜怒其不詣已授洪州教授檜死召見擢祕書省校書郎遷著作佐郎孝宗為普安郡王剛中兼王府教授每侍講極陳古今治亂之故君子小人忠佞之辨遷中書舍人言今日先務在擇將帥蒐戰士實邊儲備器械使國勢富強將良士勇帝聽其言以龍圖閣待制知成都府制置四川賜金帶象笏進敷文閣直學士取吏恩威並行羽檄紛沓從容裁決皆中機會敵騎度大散關剛中夜馳二百里起吳璘於帳中責之曰大將與國義同休戚臨敵安得高枕而卧又以蠟書抵張正彥濟師西師大集金兵敗走方議奏捷剛中倍道馳還謂其屬李燾曰將帥之功吾何有焉燾喟曰身督戰而功成不居過人遠矣已乃差擇將士眾所推者上之朝備統帥選又疏蜀名士與幕府之賢備部使者州刺史之佐目使頤指內外響應諸汰遣使臣困絕不能自存剛中以爲冒刃於少壯之年不可斥棄於既老之後悉召至有善射者復其祿秩以禁軍闕額糧給之其罷廢不堪事則給以義倉米成都萬歲池廣袤十里溉三鄉田歲久淤澱剛中集三鄉夫

其疏之累土為防上植榆柳表以石柱府學禮殿東漢興平中建後又建新學遭時多故日就傾圮屬九縣繕完悉復其舊葺諸葛武侯祠平黃巢墓表賢瘞惡以小民有女巫蓄蛇為妖殺蛇黥之孝宗受福以官僚進左朝奉大夫召赴闕以足疾請祠提舉太平興國宮金陵准有旨趣剛中入見陳戰守之策除禮部尚書直學士院兼給事中遷端明殿學士簽書樞密院事進同知院事剛中言戰守者實事和議者虛名不可恃虛名害實事又奏四事開屯田省浮費選將帥汰冗兵屬疾卒年六十三贈資政殿大學士光祿大夫諡恭簡建炎間詔階成岷鳳四州刺壯丁為兵眾以為憂剛中言有五害罷之比去蜀父老遮道有追送數百里者繇布衣至公卿無他嗜好公退惟讀書著文為樂云

李彥穎字秀叔湖州德清人紹興十八年擢進士第主餘杭簿守曹泳豪放酒家業為官監利其貴具彥穎爭之派怒戒吏煨煉不得毫髮罪調建德丞改秩時宰知其才將處之學官或勸使一見彥穎恥自獻調富陽丞御史周操薦為御史臺主簿金敗盟張浚督師進攻帝方向浚執政堅主和陳良翰周操不以為然右正言尹穡陰符執政薦引同己者數言和於帝前帝惑之罷督府良翰操相繼黜而穡遷諫議大夫一日穡以和戰守叩彥穎彥穎曰人所見固不同公既以和議為是局不明陳於帝前以身任之事成功歸於公不成奉身而退若欲享其利而不及其害國事將誰倚穡大怒曰自為諫官前後百餘奏曷嘗及一和字而穡簿有是言自是衛彥穎陰排之改國子博士權吏部郎中以父喪去免喪復為吏部累遷權右史兼兵部侍郎經筵張斌講焉

單言先王正家之道因及時事語激切帝意不懌彥穎曰人臣事君豈不能阿諛取容弒所以敢直言正為聖明在上得盡愛君之誠耳書曰有言逆於汝心必求諸道帝意遽解立皇太子命彥穎兼左諭德首論建置官僚以為詹事於東宮內外無不當省事須白詹事而後行司馬光論皇太子講讀官有奏疏錄以進帝大喜行之皇太子尹臨安兼判官尋兼中書舍人張說再登樞筓彥穎論說無寸長恐人心不服未幾權禮部侍郎兼侍講因言士習非委靡則矯激宜擇篤實亮者用之升詹事見帝言皇太子尹臨安已久雖欲更賞民事然非便宜一意講學他日以告太子趣草奏辭尹事三辭乃免兼吏部侍郎權尚書兼侍讀月食淫雨言甲申歲以淫雨求言今十年矣中間非無水旱而不聞求言之詔豈以言多沾激厭之耶比欺蔽成風特從臺諫猶憤嘿況其他乎陰沴之興未必不由此時廷臣多以中批斥去彥穎又言臣下有過宜顯逐之使中外知獲罪之由以為戒今譖毀潛行斥命中出在廷莫測其故將恐陰邪得伸善類喪氣非盛世事也除吏部尚書遷端明殿學士簽書樞密院事明年參知政事金使至帝遣王抃諭金使稍變受書舊儀久不決彥穎曰須於國體無損而事可濟乃善若如去年張子顏之行不但無益時左司諫湯邦彥新進莫倖幸集事自許立節彥穎言邦彥輕脫必誤國不從遂以邦彥為申議國信使且命福建造海船起兩淮民兵赴合肥訓練并詔諸軍飭戎備中外騷然彥穎復言兩淮州縣去合肥遠者千餘里近亦二三百里令民戶三丁起其二限三月而罷事未集民先失業矣帝作色曰卿欲盡撤邊備耶彥穎曰今不

得已令三百里內家起一丁詣合肥三百里外就州縣訓習日增給錢米限一月罷庶不大擾翌日復執奏從之洎邦彥辱命而還彥穎論其罪貶新州彥穎在東府三歲實攝相事內降繳回甚多內侍白劄籍名造器械并犒師降旨發左藏封樁諸庫錢動億萬計彥穎疏歲中經費以進因言虞允文建此庫以備邊故日封樁陛下有意恢復苟用之不節徒啟他日妄費失封樁初意帝矍然曰卿言是自是絕不支墜馬在告力求去以資政殿學士知紹興府勤約有惠政提舉洞霄宮復參知政事病羸艱拜起力辭帝曰老者不以筋力為禮孟享禮繁特免卿諫官論其子毆人至死奉祠鑄秩起知婺州禁民屠牛捐屬縣稅十三萬三千緡復知紹興府進資政殿大學士再奉祠進觀文殿大學士紹熙元年按宋史本傳說作紹興元年今改正致仕家居凡十載與州縣了不相聞卒年八十一贈少保諡忠文

范成大字致能吳郡人紹興二十四年擢進士第授戶曹監和劑局隆興元年遷正字累遷著作佐郎除吏部郎官言者論其超躐罷奉祠起知處州陞對論力之所及者三日日力曰國力曰民力今盡以虛文耗之帝嘉納處民以爭役鬻訟成大為勸義役隨家貧富輸金買田助當役者甲乙輪第至二十年民便之其後入奏言及此詔頒其法於諸路處多山田梁天監中作通濟堰堰壞成大訪故迹疊石築防置堤閘四十九所上中下概灌有序民食其利除禮部員外郎兼崇政殿說書乾道令以絹計贖估價輕而論罪重成大奏承平時絹匹不及千錢而估價過倍紹興初年遞增五分為錢三千

今緝實當倍時直帝驚曰是陷民深文遂增爲四千而刑輕矣隆興再講和失定受書之禮帝嘗悔之選成大起居郎假資政殿大學士充金祈請國信使國書專求陵寢蓋泛使也帝面諭受書事成大乞併載書中不從至燕山密草奏具言受書式懷之入初進國書詞氣慷慨金君臣傾聽成大忽奏曰兩朝旣爲叔姪而受書禮未稱臣有疏措笏出之金主大駭曰此豈獻書處耶左右以笏標起之成大屹不動必欲書達旣而歸館所金主遣伴使宣旨取奏成大之未起也金庭紛然太子欲殺成大越王止之竟得全節而歸伏讀通鑑覽陷於金地自當急圖克還故壞初無恢復之謀徒以一介行李乞哀謝請誰則憐其志而無割地以舉之日遣使旣已祈請爲名而所爭乃在受書小節雖除中書史稱成大全節而歸其於時事果何裨益耶

除中書舍人初帝書樞實政論賜輔臣成大奏曰御書政論意在飭綱紀振積弊而近日大理議刑遞加一等此非以嚴致平乃酷也帝稱善張說除簽書樞密院事成大當制留詞頭七日不下又上疏言之說命竟寢知靜江府廣西善賈專藉鹽利漕臣盡取之於是屬邑有增價抑配之敝詔復行鈔鹽漕司拘鈔錢均給所部而錢不時至成大奏謂能裁抑漕司強取之數以寬郡縣則科抑可禁帝從之數年廣州鹽商上書乞復令容販宰相可其說成大出銀錢助之人多以爲非下有司議卒不易成大說舊法馬以四尺三寸爲限詔加至四寸以上成大謂互市四十年不宜驟改除敷文閣待制四川制置使疏言羌人桀黠臣當教閱將兵外修堡砦仍講明教閱團結之法使人自爲戰三者非財不可帝賜度牒錢四十萬緡成大謂西南諸邊黎爲要地增戰兵五千奏置都監路分吐蕃入寇之路十有八悉築柵分成戍眾

擾安靜若發飛山軍千人赴之料其三日必遁已而果然白水將王文才私取蠻女常導之寇邊成大重賞檄羣蠻使相疑貳俄擒文才以獻卽斬之蜀北邊舊有義士三萬本民兵也監司郡守雜役之都統司又俾與大軍更戍成大力言其不可詔遵舊法蜀知名士孫松壽年六十餘樊漢廣甫五十九皆掛冠不仕表其節詔召之皆不起蜀士由是歸心凡人才可用者悉致幕下用所長不拘小節其傑然者露章薦之往往顯於朝召對除權吏部尙書拜參知政事爲言者所論奉祠起知明州奏罷海物之獻除端明殿學士尋帥金陵會歲早奏移軍儲米二十萬振饑民減租米五萬水賊徐五竊發號靜江大將軍捕而戮之以病請開進資政殿學士再領洞霄宮紹熙三年按宋史本傳說作紹興元年今改正加大學士四年卒成大素有文名尤工於詩帝嘗命陳俊卿擇文士掌內制俊卿以成大及張震對焉

黃洽字德潤福州侯官人隆興元年賜第二人及第授紹興府觀察判官秩滿就遷不用前名例謁廟堂宰相陳俊卿白於帝改宣義郎除國子博士改差浙東安撫司主管機宜文字繼爲樞密院編修官通判福州奉祠召爲太常丞請外孝宗曰黃洽厚德方任以事不許當對奏三事備事莫若儲才士卒當練其心軍政必預爲謀帝是之又奏願戒飭州郡毋煩擾毋輕易繇祕書郎遷著作郎帝諭詞臣祕閣儲英俊爲異時公卿用行黃洽詞可及之除右正言遷侍御史會水旱頻仍特詔諸路奉行荒政不力差官按視安集洽奏一人兼二三路不過開圖帳戶口多寡地里遠邈安能遍歷乎若專責常平名正而職舉事分而察精又奏藝祖懲藩鎮偏重

之失不欲兵民之權聚於一夫之三個使主兵兼郡寄是台兵民權爲一旦屬邊徼偏重尤甚帝皆嘉納洽所論列未嘗攬摭細故他慝以累其終身除右諫議大夫在經筵言宰相掄才任職當盡公心君子進則庶職舉庶職舉則天下治帝首肯再三除御史中丞奏薦舉請託必競於宰執臺諫之門若宰職臺諫不爲人覓舉使士大夫咸自率厲以公道得之豈不甚善或果知其人露章以薦亦何不可潭州奏強盜罪不至死應配者坐加役流有旨具議洽曰強盜異他盜若止髡役三年之後圍檻一弛猛突四出善良受害可勝數耶況役時必去防閑之具易於走逸患尤甚焉帝深然之除參知政事上商權除目洽罄竭無所顧避帝大喜曰五十年無此差除知樞密院事洽累章求去許之除資政殿大學士知隆興府光宗受禪特詔言事洽奏用人爲萬世不易之論臣前以此納忠壽皇今復告於陛下屢乞歸田尋昇提舉洞霄宮方未得請也人勸之洽第洽曰吾書生蒙拔擢至此未有以報國而先營私乎慶元二年致仕六年七月卒年七十九贈金紫光祿大夫洽賈直端重有大臣體兩朝推爲名臣云

汪應辰字聖錫信州玉山人幼凝重家貧無膏油每拾薪蘇以繼晷十歲能詩未冠首貢鄉舉試禮部居高選時趙鼎爲相延之館塾紹興五年進士第一人年甫十八御策以吏道民力兵勢爲問應辰答以爲治之要以至誠爲本在人主反求而已帝覽其對意其爲老成之士及唱第乃年少子帝甚異之初名洋特改賜應辰帝欲卽除以館職趙鼎言且令歷外任養成其材乃授鎮東軍簽判應辰少受知於喻樗樗擢第知張九成賢問

之於穆往從之游所學益進趙鼎為帥幕府事悉諮焉歲小旱命應辰禱雨名山即應召為祕書省正字時秦檜力主和議王倫使還金人欲以河南地來歸應辰上疏謂和議不諧非所患和議諧矣而因循無備之可畏異議不息非所患異議息矣而上下相蒙之可畏金雖通和疆場之上宜各戒嚴今方且肆赦中外褒寵將帥以為休兵息民自此而始縱忘積年之恥獨不思異時意外之患乎此因循無備之所以可畏也方朝廷力排羣議之初大則竄逐小則罷黜至有一言迎合則不次擢用是以小人窺見閒隙輕躁者阿諛以希寵畏懦者循默以備位而忠臣正士乃無以自立於羣小之間此上下相蒙所以可畏也臣願勿以和好之可無虞而思患預防常若敵人之至疏奏秦檜大不悅出通判建州遂請祠以歸寓居常山之永年院餽粥不繼處之裕如自是凡三主管崇道觀張九成謫邵州交游皆絕應辰時通問通判袁州始至或以其書生易之已乃知吏師所不能及丞相趙鼎歿於朱崖扶喪過郡應辰為文祭之曰兩登上宰皆直艱危之時一斥南荒遂為死生之別事已盡於蓋棺恩特容於歸骨吏付之火其子惜三兵以歸道出衢州章傑為守希檜意指應辰為阿附符移訊鞫徧搜行囊求祭文不可得時胡寅遺檜書謂此事不足竟事乃寢通判靜江府廣州時檜所深忌者趙鼎張浚鼎既死而浚獨存未快其意江西運判張常先箋注前帥張宗元與浚詩言于朝其詞連逮者數十家將誣以不軌而盡去之獄既具檜死應辰幸而免明年召為吏部郎官遷右司母老乞外乃出知婺州郡積欠上供十三萬繕朝廷命憲酒究治應辰謂急則擾民乃

與諸邑獨宿逋去苛斂定期會室滲漏悉為補發尋丁內報廬於墓側服闋除祕書少監遷權吏部尚書李顯忠冒具安豐軍功賞五千餘人應辰奏駁之權戶部侍郎兼侍講金渝盟詔求足食足兵之策應辰奏曰陸贄有云將非其人兵雖多不足恃操失其柄將雖才不為用臣之所憂不在兵之不足在乎軍政之不修自講和以來將士驕惰兵不閱習敵未至則望風逃遁敵既退則謾列戰功不惟俸罰且或受賞望發英斷實善罰惡使人人洗心易慮以聽上命然後號令必行矣三十二年建儲集議太子本生父封爵應辰議稱曰太子本生之親議入內降曰皇太子所生父可封秀王暨內禪擬於傳位日降赦應辰言唐太宗受禪於高祖明年正月始改元乃從其說又議改元重熙應辰謂契丹嘗以紀年遂改隆興一朝大典禮多應辰所定議太上尊號李壽陳康伯密議以光堯壽聖為稱及集議或謂尊號始自開元罷於元豐今不當復況太上視天下如棄敝屣豈復顧此應辰主之尤力或又言主上奉親烏得援元豐自卻為比於是議狀書者半不書者半應辰復與金安節等十二人各陳所見大槩謂光堯近乎神堯壽聖乃英宗誕節嘗以名寺御史周必大亦以為問應辰答以堯豈可光是語有聞之德壽者高宗因帝過宮云汪應辰素不樂吾於是詔尊號之議已嘗奏知不容但已應辰連乞補外遂知福州未幾升敷文閣待制舉朱熹自代在鎮二年會朝廷謀蜀帥乃以敷文閣直學士為四川制置使知成都府以書與宣撫使吳玠合以撫諭詔申嚴號令既至奏免利路民餉運及徙沿邊戍兵就糧內郡縱保勝義士復業存左藏所解白契二百萬

以備不虞皆從之有謂蜀中綱馬驛程由梁洋金房山路險峻宜浮江而下詔吳玠措置執政大將皆主其說應辰與夔帥王十朋力言其不便遂得中止二稅勘合每貫取二十錢乾道詔旨嘗減三之一有欲增之者應辰與兩漕臣列奏其不可乃止吳玠時駐蜀口武興精兵為天下冠既老且病應辰密奏以關陝大將係國安危所當預圖於是執政傳旨若璘不起合制司暫領其任暨璘卒應辰遂攝宣撫蜀道晏然虞允文尋以知樞密院事宣撫四川應辰援張浚例乞罷制司不許總所牒委官覈四川匿稅契應辰奏其不便者四曰妨農廢業曰縱吏擾民曰違法害教曰長姦起訟比戶部已令人自首州縣收併已不少其未盡者有見行法令不宜為此煩擾帝為罷止之蜀大旱詔問救荒之策應辰奏利閬綿梓軍馬糧料隨民力均敷官雖支糶錢民不得半價若選官就歲熟處糶之可以寬民力第無錢束手乞給度牒帝命給度牒四百永為糶本賑濟遂移書諸路漕臣亟救荒且以綿劍和糶告之全蜀蒙惠劉拱拜同知樞密院事進言曰汪應辰陳良翰張栻學行才能臣所不及已得旨召還叩之安仁饑民起為盜害及旁郡即具奏且檄茶馬使招捕旬月間誅其渠魁餘悉撫定或白之虞允文曰汪帥得無掩盜事不上聞乎宜司乃密奏使人給應辰曰叩寇事未敢奏不審制置司如何應辰以奏檢報之允文內愧將行代納成都一府激賞絹估三萬三千九百八十四匹入覲以畏天愛民為言帝曰蜀中除虛額民間當被實惠應辰奏虛額去則州縣寬尚有兩事曰預借曰對糶預借乃州縣累歲相仍對糶則以補州縣關之民輸米一石即就糶一石或

半價或不支且多取贏陛下近指百萬除預領之弊對羅患止數州願并除之則弊革無餘矣除吏部尚書尋兼翰林學士并侍讀論愛民六事廟堂議不合不悅者眾一日陳良祐登對帝告以汪應辰言卿在蜀多誕謾良祐奏臣與應辰昨從班應辰請外得衛州臣惜其去同奏留之時邊奏方急臣不知應辰將為便私計也奏既上應辰以此大憾乃為是說以中臣耳帝曰乃爾邪應辰在朝多革弊事中貴人皆側目德壽宮方磬石池以水銀淨金鳧魚於上帝過之高宗指示曰水銀正之此買之汪尚書家帝怒曰汪應辰力言朕置房廊與民爭利自販水銀耶應辰知之力求去會賜發運使史正志繕錢二百萬為均輸和糴之用應辰三十疏論之遂以端明殿學士知平江府韓玉被旨揀馬過郡應辰簡其禮玉歸譜之曰臣所過州未有若平江之不洽者帝怪之平江米綱至有折閱坐貶秩力疾請祠自是臥家不起矣汪尚書家孝宗既開此言即當詳加體察如其事果實則以大臣而沽直牟利詭責固所應加否則宜為之辨白乃復其夙昔建言之嫌苟然詭譎致應辰不安其官復假他事以罷之是非大公至正之道以效有實非買自應辰家之疑案蓋孝宗既不能處之以光明正大故不免左袒應淳熙三年卒應辰接物溫遜遇事特立不回落落嶺嶠十有七年檜死始還朝方正直敢言不避少從呂居仁胡安國游張斌呂祖謙深器許之嘗釋克己之私如用兵克敵易懲忿窒慾書剛制於酒懲室剛制皆克勝義好賢樂善出於天性尤篤友愛嘗以先疇遜其兄衢雖無屋可居不顧也子達繼登進士第仕至吏部尚書端明殿學士

續通志 卷三百八十五 列傳 宋

策士論考官曰對策中有陳朝政切直者並實上列十朋以權為對大略曰擴權者非欲衡石程書如秦皇傳餐聽政如隋文強明自任不任宰相如唐德宗精於吏事以察為明如唐宣宗蓋欲陛下懲既往而戒未然威福一出於上而已嘗有鋪翠之禁而以翠羽為首飾者自若是豈法令不可禁乎抑官中服澣濯之化衣不曳地之風未形於外乎法之至公者莫如選士名器之至重者莫如科第往歲權臣子孫門客類竊巍科有司以國家名器為媚權臣之具而欲得人可乎願陛下正身以為本任賢以為助博采兼聽以收其效帝嘉其經學淹通議論醇正遂擢為第一學者爭傳誦其策以擬古晁董帝用其言嚴銷金鋪翠之令取交趾所貢翠物焚之謂十朋乃朕親擢授紹興府簽判裁決如神吏姦不行時以四科求士府帥王師心謂十朋身兼四者獨以應詔召為祕書郎兼建王府小學教授先是教授入講堂居賓位十朋不可皇孫特加禮而位教授中坐金將渝盟十朋輪對言禦敵莫急於用人今有天資忠義材兼文武可為將相者有長於用兵士卒樂為之用可為大帥者或投閒置散或老於藩郡願起而用之以寢敵謀以圖恢復蓋指張浚劉錡也又言今權雖歸於陛下政復出於多門是一檜死百檜生也楊存中以三衙而交結北司以盜大權漢之禍起於恭顯王氏相為終始唐之禍起於北軍藩鎮相為表裏今以管軍位三公利源皆入其門陰結諸將相為黨援樞密本兵之地立班甘居其後子弟親戚布滿清要臺諫論列委曲庇護風憲獨不行於管軍之門何以為國至若清資加於噲伍高爵濫於醫門諸軍承受威福自恣甚於唐之監軍皇

城邏卒旁午察事甚於周之監諺將帥下路上結獵三軍道路捕人為卒結怨百姓皆非治世事帝嘉納敢邏卒罷諸軍承受更定樞密管軍班次解楊存中兵權時十朋與馮方胡憲查籙李浩相繼論事太學生為五賢詩述其事除著作郎三十一年正月風雷雨雪交作十朋以為陽不勝陰之驗遣陳康伯書冀以春秋災異之說力陳於上崇陽抑陰以弭天變遷大宗正丞亟請祠歸金侵邊起劉錡為江淮浙西制置使張浚帥金陵悉如其言孝宗受禪起知嚴州召拜司封郎中累遷國子司業言今居位者往往職之不舉宜有以革之人士有大職三任賢納諫賞罰是也帝嘉之除起居舍人升侍講權除侍御史每見帝必陳恢復之計及將北伐上疏曰天子之孝莫大於光祖宗安社稷靖康之禍互古未有陛下英武慨然志在興復竊聞每對羣臣奏事則曰當如叔業時又曰當以馬上治之又曰其事當俟恢復後為之比因宣召語及陵寢聖容惻然曰四十年矣陛下之心真夏少康殷高宗周宣王漢光武之心奈何大臣不能仰副聖心願戒在位者去附和之私心贊國家之大計則中興日月可冀矣因論史浩八罪曰懷姦誤國植黨盜權忌言蔽賢欺君誦上帝為出浩知紹興府十朋再疏紹興密邇行都浩嘗為屬吏姦賊彰聞亦何顏復見其吏民遂改與祠史正志與浩族異拜浩而父事之十朋論正志傾險姦邪觀時求進宜黜之以正典刑林安宅出入史浩龍大淵門盜弄威福至是詐病求致仕十朋并疏其罪皆罷去張浚出師復靈壁虹縣歸附者萬計又復宿州十朋奏王師以弔民為主先之以招納不獲已而戰伐隨之乞以此指戒浚金將旣降

志五五六五

宜速加爵賞以勸來者帝皆嘉納會李顯忠邵宏淵不協王師失律張浚上表自劾主和者乘此倡異議十朋上疏言臣素不識浚聞其誓不與敵俱生心實慕之前因輸對言金必敗盟乞用浚陛下嗣位命督師江淮今浚遣將取二縣一月三捷皆服陛下任浚之難及王師

一不利橫議蠶起臣謂今日之師為祖宗陵寢為一帝復讐為二百年境土非前代好大生事者比益當內修侯時而動陛下恢復志立固不以一勳為羣議所搖然異論紛紛浚既待罪臣其可尚居風憲之職乞賜竄殛因言臣聞近日欲遣龍大淵撫諭淮南信否帝曰無之又言聞欲以楊存中充御營使帝嘿然改除吏部侍郎

力辭出知饒州饒並湖盜出沒其間聞十朋至一夕遁去丞相洪适請故學基金益其圃十朋曰先聖所居十朋何敢子人移知夔州饒民乞留不得至斷其橋乃以車從聞道去眾葺斷橋以王公名之移知湖州召對劉拱請留之帝曰朕豈不知王十朋願湖州被水非十朋莫能鎮撫至郡戶部責虛運三十四萬命吏持券往辦不聽即請祠去起知泉州十朋前在湖割奉錢瓶貢闈又為泉建之尤宏壯凡歷四郡布上恩恤民隱士之賢者詣門以禮致之朔望會諸生學宮講經詢政僚屬間有不善反復告戒俾之自新民輸租俾自槩量聞者相告宿逋亦願償訟至庭溫詞曉以理義多退聽者所至人繪而祠之饒久旱入境雨至湖積霖入境即齋凡禱必應東宮建除太子詹事力辭詔州郡禮致遂力疾造朝

以足疾不能趨詔給扶杖拜謁東宮太子以其舊學待遇有加又詔免朝參賜襲衣金帶疾革累章告老以龍圖閣學士致仕命下而卒年六十紹熙三年

三年誤謚曰忠文十朋事親孝友愛二弟郊恩先奏其今改正謚曰忠文十朋事親孝友愛二弟郊恩先奏其名沒而二子猶布衣書室扁曰不欺每以諸葛亮顏真卿寇準范仲淹韓琦唐介自比子聞詩聞禮皆篤學自立聞詩知光州提點江東刑獄聞禮知常州江東轉運判官為治能守家法人亦思慕之

吳芾字明可台州仙居人舉進士第遷祕書正字與秦檜有舊至是檜已專政芾退然如未嘗識公坐旅進指而退檜疑之風言者論罷通判處發越三郡知處州處舊苦丁絹重芾損之以新丁補其額何溥薦芾材中御史除監察御史時金將敗盟芾勸高宗專務修德痛自悔咎令羣臣陳闕失求合於天地無愧乎祖宗則人心悅服天亦助順矣帝聽其言遷殿中侍御史兩淮戰不利廷臣爭陳退避計芾言今日之事有進無退既而海陵被弒上疏勸親征車駕至建康芾請駐蹕以係中原之望高宗納其說會有密啟還東者下侍從臺諫議芾言今欲控帶襄漢引輪湖廣則臨安不如建康便經理淮甸應接梁宋則臨安不如建康近議者徒悅一時扈從思歸之人非為國計又言去歲兩淮諸城望風奔潰無一城能拒守者此秦檜壅塞言路挫折士氣之餘毒也能反其道則士氣日振而見危授命者有人矣知婺州孝宗初即位陞辭陳裴珣對唐憲宗為治先正其心以為臨御之初出治大原無越於此帝嘉納至郡勸民義役金華長仙鄉氏十有一家自以甲乙第其產相次執役幾二十年芾更其鄉曰循理里曰信義以褒異之知紹興府會稽賦重而折色尤甚芾以攢宮在奏免支移折變鑑湖久廢會歲大饑出常平米募饑民浚治

權刑部侍郎遷給事中改吏部侍郎以敷文閣直學士知臨安府內侍家僮毆傷酒家保芾捕治之徇于市權豪側目執政議以芾使金復除吏部侍郎且議以龍大淵為副芾曰是可與言行事者邪語問得罷不行下遷禮部侍郎力求去提舉太平興國宮時芾與陳俊卿俱以剛直見忌未幾俊卿亦引去中書舍人閻安中為孝宗言二臣之去非國之福起知太平州移知隆興府芾前後守六郡各因其俗為寬猛吏莫容姦民懷惠利再奉祠屢告老以龍圖閣直學士致仕卒年八十嘗曰視官物當如已物視公事當如私事與其得罪於百姓寧得罪於上官立朝不偶晚退閒者十有四年自號湖山居士

陳良翰字邦彥台州臨海人蚤孤事母孝中紹興五年進士第知温州瑞安縣俗號強梗吏治尚嚴良翰獨撫以寬催租不下文符但揭示之民競樂輸聽訟咸得其情或問何術良翰曰第公此心如虛堂懸鏡耳殿中侍御史吳芾薦為檢法官遷監察御史孝宗初元金主新立求和而中原舊人多求歸詔問何以處此良翰言議和復納降皆非是必定計自治而和不和任之乃可張浚軍淮泗以規進取而議者爭獻防江策良翰言當固藩籬專委任今捨淮防江卻地奪便朝廷過聽使督府不得專閫外事誤矣除右正言金再移書求故疆良翰言中原皆吾故土況唐鄧淮泗又金渝盟後以兵取之安得以故疆為言湯思退主遣小使盧仲賢李杲良翰言仲賢輕儇無恥誠自北來難信又言廟堂督府論議不同邊奏上聞皆陽唯諾而陰沮敗之萬一失事機督府安得獨任其責帝稱善朝廷遣史正志至建康與張浚議事乖悖良翰劾之帝曰正志亦無罪良翰言陛下

三年誤謚曰忠文十朋事親孝友愛二弟郊恩先奏其今改正謚曰忠文十朋事親孝友愛二弟郊恩先奏其名沒而二子猶布衣書室扁曰不欺每以諸葛亮顏真卿寇準范仲淹韓琦唐介自比子聞詩聞禮皆篤學自立聞詩知光州提點江東刑獄聞禮知常州江東轉運判官為治能守家法人亦思慕之

三年誤謚曰忠文十朋事親孝友愛二弟郊恩先奏其今改正謚曰忠文十朋事親孝友愛二弟郊恩先奏其名沒而二子猶布衣書室扁曰不欺每以諸葛亮顏真卿寇準范仲淹韓琦唐介自比子聞詩聞禮皆篤學自立聞詩知光州提點江東刑獄聞禮知常州江東轉運判官為治能守家法人亦思慕之

使浚守淮則任浚爲重一即官爲輕且正志居中浚必爲去就帝悟出正志爲福建漕運楊存中爲御營使總殿前軍良翰言存中久擅兵柄太上皇罷之奈何復假使名宜慎覆霜之戒疏三上存中竟罷李斌不敢涉淮良翰奏奪其官仲賢至汴輒許金人以疆土歲幣而還帝大怒下仲賢吏欲誅之宰相叩頭懇請得免復遣王之望龍大淵良翰言前遣使已辱命大臣不悔前失不謂秦檜復見今日且金要我罷四郡屯兵以歸之是不折一兵而坐收四千里要害之地決不可許若歲幣則俟得陵寢然後與庶猶有名今議未決而之望遂行恐其辱國不止於仲賢願先馳一介往俟議決行未晚也詔侍從臺諫議多是良翰遂以胡昉楊由義爲審議官與敵議四郡不合困辱而歸思退尙執前論正言尹穡附思退以撼督府良翰爲左司諫疏論思退姦邪誤國宜早罷黜張浚精忠老謀不宜以小人言搖之孝宗曰思退前議固失然朕愛其警傲冀可效卿其置之若魏公則今日孰出其右朕豈容有此意縱有之亦豈不謀卿等此殆言者有異意卿爲朕諭之良翰頓首謝曰陛下言及此天下幸甚宰相縱無全才寧取樸實猶緩急可倚賴思退庸狡小黠大癡將誤國且警敏二字恐非明主卜相之法既退以上語論同列穡勃然變色明日亦請對遂罷良翰言職兩淮既撤備金大入孝宗始深悔太學生數百人伏闕乞召用良翰胡銓王十朋而斬思退等思退由是始敗良翰累遷兵部侍郎除右諫議大夫奏以蜀漢之師下關陝以荆襄趨韓魏江淮擣青徐此今日大計四川旣命大臣而荆淮未有任責者亦當擇重臣臨之帝稱善進給事中將成閔冒請眞俸

有司坐獲譴閔門王抃矯詔遣妄人謝顯出境顯既抵罪置閔與抃不同良翰皆駁議請正典刑遂改禮部侍郎不拜以敷文閣待制提舉江州太平興國宮召爲太子詹事既見帝屬以調護之責一日召對選德殿出手書唐太宗與魏徵論仁德功利之說俾極陳今日所未至者良翰上疏畧曰仁德治之本功利治之效務本而效自至今承天意結民心任賢能退小人擇將帥收軍情擇監司吏久任皆行之有未至誠能革此八弊則仁德無累功利自致矣詔兼侍講未幾以疾告老除敷文閣直學士提舉太平宮卒年六十五光宗立特諡獻肅杜莘老字起莘眉州青神人唐工部甫十三世孫也紹興間第進士以親老不赴廷對賜同進士出身授梁山軍教授秦檜死魏良臣參大政莘老疏天下利害以聞良臣薦之主管禮兵部架閣文字莘星見東方高宗下詔求言莘老上書論甚懿氣所生多爲兵兆國家爲民息兵而將驕卒惰軍政不肅今因天戒以修人事思患預防莫大於此因陳時弊十事時應詔者眾帝命擇其議論切當推恩以勸之後省以莘老爲首進一階遷敕令剛定官太常寺主簿升博士輪對論金將敗盟宜飭邊備勿恃其不來恃吾有以待之帝稱善再三遷祕書丞論江淮守備擢監察御史遷殿中侍御史陳俊卿既解言職力求去莘老奏曰多事之際令俊卿輩在論思之地必有補益帝以爲然俊卿輩復留金遣使致嫂書傳欽宗凶問請淮漢地指索大臣帝決策親征莘老疏謂當待以不懼勿以小利鈍爲異議所搖諛言所情則人心有恃而士氣振矣宜不限早暮延見大臣侍從謀議國事申救侍從臺諫監司守臣亟舉可用之才又言

親征有期而禁衛纔五千餘羸老居半至不能介冑者願亟留聖慮事皆施行知樞密院事周麟之初請使金及媿書至聞金將盛兵侵邊乃大恐建言不必遣使莘老劾麟之挾姦罔上避事辭難恐懼至於掩泣尋與宮觀疏再上乃責瑞州幸醫承宣使王繼先怙寵干法富浮公室間邊警亟輦重寶歸吳興爲避敵計莘老疏其十罪帝曰初以太后餌其藥稍假恩寵不謂小人驕橫乃爾莘老曰繼先罪擢髮不足數臣所奏其大槩耳帝作色曰有恩無威有賞無罰雖堯舜不能治天下詔繼先福州居住子孫皆勒停籍其貲以千萬計詔入御前激賞庫專以賞將士天下稱快內侍張去爲取御馬院西兵二百髮其頂都人異之口語籍籍莘老彈治帝疑其未審不樂莘老執奏不已乃罷去爲御馬院致仕而莘老亦以直顯謨閣知遂寧府給事中金安節中書舍人劉琪封還制書改司農少卿尋請外仍與遂寧始莘老自蜀造朝不以家行高宗聞其清修獨處甚重之一日因對衰論曰聞卿出蜀卽蒲團紙帳如僧然難及也未幾遂擢用莘老官中都久知公論所予奪姦蠹者皆得其根本朕嘗歎曰臺諫當論天下第一事若有所畏姑言其二是欺其心不敬其君者也及任言責極言無隱取眾所指目者悉擊去聲振一時治郡課績爲諸州最孝宗受禪莘老進三議曰定國是修內政養根本尋卒年五十八

欽定續通志卷三百八十五

列傳

宋九十

周執羔

王希呂

陳良祐

李浩

陳棗

胡沂

唐文若

李燾

周執羔字表卿信州弋陽人宣和六年舉進士廷試徽宗擢爲第二授湖州司士曹事俄除太學博士建炎初乘輿南渡自京師奔詣揚州不及遂從隆祐太后于江西還覲會稽尋以繼母劉疾乞歸就養調撫州宜黃縣丞時四境椒擾潰卒相挺爲變令大恐不知所爲執羔諭以禍福皆欽手聽命既又執首謀者斬以徇邑人德之繪像立祠歷通判湖州平江府召爲將作監丞累遷右司員外郎擢權禮部侍郎充賀金生辰使往歲奉使官得自辟其屬賞典既厚願行者多納金以請執羔始拒絕之使還兼權吏部侍郎同知貢舉以言事忤秦檜御史劾罷之起知眉州徙閬州又改夔州兼夔路安撫使秦檜播叛其豪帥請遣兵致討執羔謂曰朝廷用爾爲長今一方騷擾責將焉往能盡力則賞爾一兵不可得也豪懼斬叛者以獻移知饒州尋除敷文閣待制乾道初守婺州召還提舉佑神觀兼侍講首進二說以爲王道在正心誠意立國在節用愛人二年復爲禮部侍郎孝宗患人才難知執羔曰今一介千進亦蒙賜召口舌相高殆成風俗豈可使之得志哉上曰卿言是也拜本部尙書升侍讀固辭不許統元歷差命執羔釐正用劉義叟法推日月交食考五緯贏縮以紀氣朔寒溫之候撰歷議歷書五星測驗各一卷上之上嘗問豐財之

術執羔以爲蠶民之本莫甚於兵古者興師十萬日費千金今尺籍之數十倍於此罷瘵老弱者幾半不汰之其弊益深論和糴本以給軍興豫凶災蓋國家不得已而爲之若邊境無事妨於民食而務爲聚斂可乎舊糴有常數比年每郡增至一二十萬石今諸路枯旱之餘蟲螟大起無以供常稅况數外取之乎宜視一路一郡一縣豐凶之數輕重行之災甚者蠲之可也詔從之求去上謂輔臣曰朕惜其老成宜以經筵留之除龍圖閣學士提舉佑神觀在經筵二年每勸上以辨忠邪納諫爭上深知其忠明年告老上諭曰祖宗時近臣有年踰八十尚留者卿之齒未也命却其章未幾復申前請詔提舉江州太平興國宮賜茶藥御書時粵江西歲饑盜起執羔陛辭以爲言詔遣太府丞馬希言使諸路振救之乾道六年卒年七十七執羔立朝無朋比治郡廉恕有循吏風手不釋卷尤通於易

王希呂字仲行宿州人渡江後自北歸南既仕寓居嘉興府乾道五年登進士科六年召試授祕書省正字除右正言時張說以攀援戚屬擢用再除簽書樞密院事希呂與侍御史李衡交章劾之上疑其合黨邀名責遠小監當旣而悔之改授官觀去國之日屏徒御躡履以行恬不爲悔由是直聲聞於遠邇淳熙二年除吏部員外郎尋除起居郎兼中書舍人准右擇帥命希呂知廬州兼安撫使修葺城守安集流散兵民賴之加直寶文閣江西轉運副使五年召爲起居郎累遷吏部尙書求去乃除端明殿學士知紹興府尋以言者落職希呂天性剛勁遇利害無回護意惟是之從嘗論近習用事語極切至佐漕江西日嘗作拳石記以示僚屬一幕官舉

筆塗數字舉坐駭愕希呂喜其不阿薦之治郡百廢俱興尤敬禮文學端方之士操行廉潔至無屋可處由紹興歸猶寓僧寺上聞之賜錢造第後以疾卒於家

陳良祐字天與婺州金華人年十九預鄉薦入太學紹興二十四年擢進士第調興國軍司戶以薦除太學錄樞密院編修官累遷軍器監兼鄧王府直講隆興元年出爲福建路轉運副使明道三年除起居舍人兼權中書舍人遷起居郎尋除右司諫首言會子之弊願捐內帑以紓細民之急上曰朕積財何用發內府白金數萬兩收換會子收銅版勿造軍民翕然未幾戶部得請改造五百萬又奏陛下號令在前不能持半歲久以此令民誰能信之既而又欲造會子二千萬屢爭之不得遂請以五百萬換舊會俟通行漸收之當使不越千萬之數上銳意圖治以唐太宗自比良祐言太宗政要願賜省覽擇善而從知非而戒使臣爲良臣勿爲忠臣上曰卿亦當以魏徵自勉又言陛下躬行節儉弗殖貨利或託肺腑之親爲市井之行以公候之貴牟商賈之利占田疇擅山澤犯法冒禁非所以維持紀綱願嚴戒敕時左相丁外艱起復良祐言起復非正禮今無疆場之事宜使之終喪遂寢遷右諫議大夫按齊東野語載張說許之客畢集獨良祐不至說不平奏臣奉旨而後取集客陳良祐不至是違聖意也中批陳良祐除諫議大夫附兼侍講同知貢舉累遷吏部尙書時議遣使請地良祐奏遣使乃啟釁之端萬一敵騎侵邊則民力困於供輸州郡疲於調發兵連禍結未有息期且今之求地欲得河南巽歲嘗歸版圖不旋踵而又失如其不許徒費往來若其許我必邀重幣經理未定根本內虛又將隨而取之矣必須遣使則祈請欽宗梓宮猶爲有辭內視

不足何暇事外適者未懷豈能殺遠奏入忤旨貶瑞州
居住尋移信州九年許令自便淳熙四年起知徽州尋
除敷文閣待制知建寧府卒

李浩字德遠其先居建昌遷臨川浩早有文稱紹興十
二年擢進士第時秦熺以宰相子魁多士同年皆見之
浩獨不往調饒州司戶參軍襄陽府觀察推官繼調金
州教授改太常寺主簿尋兼光祿寺丞輪對首陳無逸
之戒且言宿衛大將楊存中恩寵太過上悟旋令就第
自秦檜用事塞言路及上總覽權綱激厲忠讜此習尚
存朝士多務慎默至是命百官轉對浩與王十朋馮方
查籛胡憲始相繼言事聞者興起浩不安於朝請祠主
管台州崇道觀以歸孝宗卽位以太常丞召時張浚督
師江淮宰相多抑之浩引仁宗用韓琦范仲淹詔章得
象故事乞諭令同心協濟兼權吏部郎官浩雅為湯思
退所厚御史尹穉欲引之以其擠浚因薦浩及對乃明
示不同之意二人皆不樂踰年始除員外郎兼皇子恭
王府直講在王府多所裨益未幾宰相召為郎者四人
將進用之尤屬意浩浩嘿然無一辭同舍皆遷浩獨如
故踰年浙河水災詔郎官館職以上條時政關失浩奏
疏指論近臣併及宰執惟奉行臺諫多迎合百執事顧
忌畏縮反覆數千言用事者深忌之乞外得台州州有
棟中禁軍五百人訓練官貪殘失眾心不逞者因謀作
亂浩推其為首者四人黥徙之迄無事除直祕閣並海
有宿寇久不獲浩募其徒自縛贖罪即得其魁里豪民
鄭憲以貨給事權貴人門囊橐為姦事覺械繫之死獄
中盡籍其家徙其妻孥權貴人教其家訟寃且誣浩以
買妾事言者用是擠之疏方上權參政劉拱越次奏曰

李浩為郡捕治豪民為其所誣臣考其本末甚白帝曰
守臣不畏強禦豈易得耶遂留中不下大理觀望猶欲
還其所沒贖上批其後曰台州所斷至甚允當鄭憲家
貲永不給還流徙如故浩始得安明年除司農少卿時
胡廷和糴米八萬董其事者賤糴淫匿隱尅官錢戶部
不敢詰浩白發其姦下有司窮竟戶部欲就支稽見數
大理附會之浩爭曰非但惠姦且虧軍食上是其言遂
除大理卿浩前在司農嘗因面對陳經理兩淮之策至
是為金使接伴還奏曰臣親見兩淮可耕之田盡為廢
地心嘗痛之條畫營屯以為恢復根本又言比日措置
邊事甚張皇願飭將吏備禦無規微利近功日與大臣
修治具結人心持重安靜以俟敵讎上悉嘉納宰相議
遣使使浩與辨其不可至以官職詠之浩怒以語觸之
且力求外以直竇文閣知靜江府兼廣西安撫使帝諭
大臣曰李浩營田議甚可行大臣莫有應者浩至郡舊
有靈臺通漕運及灌溉歲久不治命疏之民賴其利邑
管所隸安平州其酋恃險謀聚兵為邊患浩遣單使諭
以禍福且許其引赦自新卽謝過焚撤水棚聽約束治
廣二年召還入對論俗不美者八其言曰陛下所求者
規諫而臣下專務迎合所貴者執守而臣下專務順從
所惜者名器而僥倖之路未塞所重者廉恥而趨附之
門尚開儒術可行而有險詖之徒下情當盡而有壅蔽
之患期以氣節而偷惰者得以苟容責以實效而誕慢
者得以自售上問誕慢者謂誰浩具以實對翌日謂宰
相曰李浩直諫遂除權吏部侍郎時政府有怙寵竊權
者黨與非一自浩之人已相側目且欲以甘言誘之浩
中立不倚於是獻議大夫姚憲論浩以彊狠之資狹

姦諛之志實之近列變亂黑白未及正謝而罷乾道九
年提舉太平興國宮明年夏夔路關帥命浩以祕閣修
撰往夔有羈縻州曰思州世襲為守則田氏與具猶子
不協將起兵相攻浩草檄遣官為勸解二人感悟盡釋
前憾邊得以寧踰年以疾請祠提舉玉隆萬壽宮命未
至而卒年六十一詔特贈集英殿修撰浩天資質直涵
養渾厚立朝以時事為己任忠憤激烈言切時弊不以
利害動其心為郡尤潔已自海右歸不載南海一物平
生奉養如布衣時風裁素高人不致干以私云
陳彙字德應紹興餘姚人登政和上舍第教授寧州以
母老改台州士曹治獄平允易越州新昌令以愷悌稱
呂頤浩欲援為御史約先一見彙曰宰相用人乃使之
呈身耶謝不往趙鼎李光交薦其才紹興二年除監察
御史論事不合詔以宰邑有治行除江西運判瑞昌令
倚勢受賂彙首劾罷之明年所按以十數至有望風解
印綬者乞歸養母詔彙善撫字移知台州台有五邑彙
先嘗攝其三民懷惠愛越境歡迎不數月丁母憂州人
相率赴行在請起彙上謂近臣曰陳彙有古循吏風終
喪以司勳郎中召累遷權刑部侍郎時秦檜力主和議
彙疏謂二聖遠狩沙漠百姓肝腦塗地今天意既回兵
勢漸集宜乘時恢復以雪國恥否亦當按兵嚴備乘勢
而動舍此不為乃遽講和何以繫中原之望既而金厚
有所邀議久不決將再遣使彙復言金每挾議和以售
其謀論者因其廢劉豫又還河南地遂謂其有意於和
臣以為不然金之立豫蓋欲自為捍蔽使之南窺豫每
犯順率皆敗北金知不足恃從而廢之豈為我哉河南
之地欲付之他人則必以豫為戒故捐以歸我往歲金

書嘗謂歲帑多寡聽我所裁乃竟反覆如此且割地通和則彼此各守封疆可也而同州之橋至今存焉恐其假和好之說騁謬悠之辭包藏禍心變出不測願嚴戰守之備使人人激厲常若敵至苟彼通和則我之振飭武備不害為立國之常如其不然決意恢復之圖勿徧私曲之說庶梓宮太后可還祖宗疆土可復矣檜憾之

秦因力請去未幾金果渝盟除徽猷閣待制知穎昌府時河南新疆初復無敢往者秦即日就道次壽春則穎已不守改處州又改廣州兵興後廣東盜賊無寧歲十年九易牧守秦盡革弊政以恩先之民皆悅服初朝廷移韓京一軍屯循州會郡寇駱科犯廣西詔遣京討之秦奏廣東累年困於寇賊自京移屯敵稍知畏今悉軍赴廣西則廣東危矣檜以秦為京地坐稽留機事降秩屢上章告老改婺州請不已遂致仕又十二年以病卒於家年六十六秦剛介不事產業先世田廬悉推子兄弟在廣積年四方聘幣一不入私室既謝事歸刺中僑寓僧寺日羅以食處之泰然王十朋為風土賦論近世會稽人物曰杜祁公之後有陳德應云

胡沂字周伯紹與餘姚人父宗伋不逐時好時稱醇儒沂穎異六歲誦五經皆畢不忘一字紹興五年進士甲科累任州縣至二十八年始入為正字累遷右司員外郎孝宗受禪除國子司業鄧王府直講尋擢殿中侍御史有旨侍從臺諫條具方今時務沂言守禦之利莫若令沿邊屯田東作方輿且慮敵人乘時驚擾宜聚兵險隘防守詔行其言御史中丞辛次膺論殿帥成閔贖貨不恤士卒之罪詔罷殿前司職事與沂再言其二十罪遂落太尉婺州居住沂又言將臣定十等之目令其

舉薦施之擇將之頃則可施之養士則未也夫設武舉立武學試之以弓馬又試之以韜畧之文兵機之策蓋將有所用也除高等一二名餘皆吏部授以權節征商所養非所用非所養願詔大臣詳議中舉者定品格分差邊將下準備差遣則人人思奮應上之求矣從之時龍大淵曾覲以藩邸舊恩除知閩門事沂論其市權招士請屏遠之未聽而諫官劉度坐抗論左遷沂累章益懇切曰大淵覲不屏去安知無柳宗元劉禹錫輩撓節以從之者好進者嫉其言其排之沂亦以言不行請去遂以直顯謨閣主管台州崇道觀乾道元年召為宗正少卿兼皇太子慶王府贊禮尋兼侍講進中書舍人給事中進對論命令當謹之於造命之初上曰三代盛時如此卿職在繳駁事有當然勿謂拂君相不言除吏部侍郎兼權尚書沂奏請令敕令所官纂修七司法頒之中外詔行之尋以目疾丐祠六年以徽猷閣待制知處州復引疾提舉江州太平興國宮八年以待制除太子詹事尋復拜給事中進禮部尚書並兼領詹事又改侍讀上願沂厚有大用意而沂資性恬退無所依附數請去虞允文當國希旨建策復中原沂極論金無厭而我諸將未見可任此事者數梗其議遂以龍圖閣學士仍提舉興國宮淳熙元年卒年六十八諡獻肅

唐文若字立夫眉山人父庚在文苑傳文若少英邁不羣為文豪健登進士第分教潼川府給事中勾濤薦自代詔赴行在所既至而勾濤出不得見文若奏書請對翌日召對便殿高宗大悅特旨改合入官通判洋州洋之西鄉縣產茶互陵合八百餘里山窮險賦不盡括使者韓球將增賦以市寵園戶避苛斂轉徙饑饉相藉文

若力爭之賦遂不增再通判遂寧府會大水民多漂死文若至城上發庫錢募游者振活甚眾又力請於朝除田租二萬一千頃免場務稅二十餘所築長堤以遏水勢自是無水患秦檜死上訪蜀士於魏良臣以文若對二十六年以光祿丞召改祕書郎為文思箴以獻其畧曰於赫我皇兵旣休矣兵休如何莫若治兵居安思危邦乃攸寧爰整其旅文王以興載舞千羽舜仁用成向戍弭兵春秋所懲蕭俛去兵禍亂乃萌師則多矣軍則彊矣縱弛不繩猶曰無人兵非以殘以兵休兵凡千五百餘言自檜主和朝論諱言兵故文若以此風馬遷起居郎勸上收用西北人材以固根本上深納之將命以掌制時有為宣和參政請恩為司諫凌哲所彈文若喜其直作禾黍詩以美之侍御史周方崇以為護己劾文若狂誕出知邵州上屢為近臣言唐文若無罪可改近郡知饒州興學宮減田租奇耗二萬石又請歲糴常平義倉之儲什三與民平市農未俱利而粟不腐遂以著令屬臣有劇盜巡尉不能制文若遣牙兵捕而戮之加直敷文閣移知温州三十一年召為宗正少卿金人侵邊文若首建大臣節制江上之議復除起居郎時諸將北出捷書日聞上下有狂志獨文若憂之圖上元嘉北伐故事未幾諸軍退守金主自將圍大將王權於歷陽權遁淮南盡沒詔百官廷議文若畫三策一請上親征二乞遣大臣勞軍三乞起張浚工部侍郎許尹是其言眾遂列奏上之不報文若尋面對上問曰今計交出卿熟張浚否文若曰浚守道篤學天下屬望今四十年矣天不死浚濱海正為今日上矍然起浚知平江府蓋上以浚雖忠愨將士多不附文若復言浚本以孤忠得眾

尋改浚鎮建康府將以為江淮宣撫使中沮之而止乘
 輿幸江表以起居郎兼給事中直學士院同羣司居守
 駕還遷中書舍人孝宗嗣位張浚以右府都督江淮軍
 事文若時以疾請外除敷文閣待制知漢州尋改都督
 府參贊軍事浚使行邊按守備未還除知鼎州改江州
 明年浚入相都督府罷其冬金復大入官軍悉戍淮文
 若謂上流當嚴兵備以定民志奏籍鄉丁五萬訓練有
 法人倚以固解嚴和羅大起郡之數八萬文若以民勞
 堅請得減什三乾道元年卒年六十贈左通奉大夫
 李燾字仁甫眉州丹稜人唐宗室曹王之後也紹興八
 年擢進士第調華陽簿再調雅州推官改秩知雙流縣
 仕族張氏子居喪而爭產燾曰若忍隆先訓乎蓋歸思
 之三日復來迨悔艾無訟又有不白其母而鬻產者燾
 實之理豪強欲跡詭聽讀王氏書獨博極載籍慨然以
 史自任本朝典故尤悉力研覈做司馬光資治通鑑例
 斷自建隆迄於靖康按宋史本傳作迄為編年一書名
 曰長編仍效光體為百官公卿表史官以聞詔給札來
 上制置王剛中幹辦公事知榮州榮因溪為厚夏秋
 率苦水潦燾築防捍之除潼川府路轉運判官入境劾
 守令不職者四人縣多聚斂燾括一路財賦額通有無
 酌三年中數定為科約上之朝頡之州縣乾道三年召
 對首舉藝祖治身治家治官治吏典故以為恢復之治
 乞增置諫官許六察言事請練兵毋增兵杜諸將私獻
 嚴軍中虛籍除兵部員外郎兼禮部郎中會慶節上壽
 在郊禮散齋內議權作樂燾言漢唐祀天地散齋四日
 致齋四日建隆初郊亦然自崇寧大觀法周禮祭天地
 故前十日受誓戒今既合祭宜復漢唐及建隆舊制庶

幾兩得詔垂拱上壽止樂正殿為北使權用正除禮部
 郎中言中興祭禮未備請以開寶通禮嘉祐因革禮政
 和新儀合太常寺參校同異修成祭法四年上續通鑑
 長編自建隆至治平凡一百八卷五年遷祕書少監兼
 權起居舍人尋兼實錄院檢討官子屋試賢良方正直
 言極諫科燾素謂唐三百年不愧此科者惟劉去華心
 慕之嘗以所著通論五十篇見蜀帥張燾欲應詔不偶
 而止至是吏部尚書汪應辰薦屋文行可應詔故有是
 命左相陳俊卿出知福州右相虞允文任恢復事更張
 舊典宰相以燾數言事不樂燾遂請去除直顯謨閣湖
 北轉運副使陞辭以欲速變古為戒又奏禹貢九州荆
 田第八賦乃在三人功既修遂超五等今田多荒蕪賦
 虧十八上命之條畫既至奏荆湖之民結茅而廬築土
 而坊備牛而犁種而殖穀苗未立睥睨已多有橫加
 科斂者今宜寬侵冒之禁依乾德詔書止輸舊稅廣收
 募之術如咸平元豐故事勸課有勞者推恩詔從之總
 餉呂游問入奏燾攝其事歲饑發鄂州大軍倉振之僚
 屬爭執不可燾曰吾自任不以累諸君尋如數償之游
 問返果劾燾專上止令具析不之罪也八年直寶文閣
 帥潼川兼知瀘州首葺石門堡以扼蠻界奏乞戒茶馬
 司市敘州羈縻馬毋溢額戒官民毋於夷漢禁山伐木
 造舟奏移鎮水於開邊舊池皆報可淳熙改元被召適
 城中火上章自劾提刑何熙志奏焚數不實且言長編
 記魏王食肥氣語涉誣謗上曰憲臣按奏火數失實職
 也何預國史命成都提刑李燾究火事詔熙志貶二秩
 罷燾止貶一秩燾及都門乞祠除江西運副且許臨遣
 或勸以方被議無及時事燾曰聖主全度如此竭忠所

以為報遂奏日食地震皆陰盛不可不慮且申無變古
 無欲速兩言又上快箴引太祖罷朝海乘快決事以諫
 上曰朕當揭之座右進祕閣修撰權同修國史權實錄
 院同修撰燾為左史時嘗乞復行明堂禮謂南郊明堂
 初無隆殺合視園壇特免出郊浮費至是申言之詔集
 議燾幸沮止其後周必大為禮部尚書申其說始克行
 權禮部侍郎七月壬戌雷震太祖廟柱壞鳴尾有司旋
 加修繕燾奏非所以畏天變當應以實上論大臣曰燾
 愛朕屢進讜言賜金紫嘗請正太祖東向之位四年駕
 幸太學以執經特轉一官燾論兩學釋奠從祀孔子當
 升范仲淹歐陽修司馬光蘇軾黜王安石父子從祀武
 成王當黜李勣眾議不叶止黜王雱而已真拜侍郎仍
 兼工部燾薦呂祖謙有學識召為祕書郎兼檢討官夜
 直宣引奏近者蒙氣蔽日厥占不肖者祿股肱耳目宜
 謹厥與尋詔監視太史測驗天文互既中制科為祕書
 省正字尋遷著作郎兼國史實錄院修撰檢討官父子
 同主史事搢紳榮之燾感上知遇論事益切每集議眾
 莫敢發言獨條陳可否無所避近臣復舉其次子塾應
 制科以閣試不中程黜屋偶考上舍試卷發策問制科
 為御史所劾語連及燾屋罷燾亦知常德府初政和末
 豐辰沅靖四州置營田刀弩手募人開邊范世雄等附
 會擾民建炎罷之乾道間有建請復置者燾為轉運使
 嘗奏不當復已而提刑尹機迫郡縣行之田不能給燾
 至是又申言之請度田立額且約帥臣張栻列奏詔從
 之境多茶園異時禁切商賈率至交兵燾曰官捕茶賊
 豈禁茶商聽其自如訖無警累表乞開提舉與國宮明
 堂大禮成以其首議復除敷文閣待制頃之屋塾繼亡

上欲以吏事紆燾憂起知遂寧府七年長編全書成上之詔藏祕閣燾自謂此書盡失之繁無失之略故一祖八宗之事凡九百七十八卷卷第總目五卷按文獻通考載治熙長編今重別寫進其九百八十卷計六百四冊其修撰事總目一十卷又緣一百六十卷又八年之事分散為九百八十卷之開文字繁多本末頗難立見翠存梗槩庶易檢尋今創為建隆至靖康舉要六十八卷并卷總目共五卷也上四種通計一千六百三十八卷并卷總目又建炎以來朝野雜記載燾為遂寧守始其全書自建隆至靖康凡九百八十卷舉要六十八卷帝甚重之以其書付秘書省又趙希弁讀書記載續資治通鑑長編九百四十六卷太祖至英宗一百七十五卷神宗朝三卷希弁所載本親書坊所刊者為詳弁自嘗為續資治通鑑長編補註一書以補詔敕奏編等闕又陳振書錄解題云其卷數雖如此而冊數止餘三百蓋逐卷又自分子卷或至十卷或至十餘卷皆現也又玉海載燾又撰江左方鎮年表十六卷自晉永嘉訖陳貞明以孫氏不能保淮李氏不能輸漲又無荆及巴蜀故前而不著又玉海載楊仲良長編紀事本末一百五十卷宋史本傳載一祖八宗之事凡九百七十八卷燾第總目五卷詔未詳備茲採各書附議 依熙寧修三經例損益修換四千四百餘事上謂其書無愧司馬遷燾嘗舉漢石渠白虎故事請上稱制臨決又請冠序上許之竟不克就又奏陛下即位二十餘年志在富強而兵弱財匱與教民七年可以即戎者異矣一日召對延和殿講臣方讀陸贄奏議燾因言贄雖相德宗其實不遇今遇陛下可謂千載一時遂舉贄所言切於今可舉而行者數十事勸上力行之上有功業不足之嘆

燾曰功業見乎變通人事既修天應乃至進敷文閣學士提舉佑神觀兼侍講同修國史薦尤袤劉清之十人為史官因轉對乞用祖宗故事召宰執赴經筵太史官十一月朔日當食心八分燾復條上古今日食是月者三十四事因奏之曰心天王位其分爲宋十一月於卦爲復方潛陽時陰氣乘之故比他食爲重非小人害政即敵人窺中國明日對延和殿又及晉何曾譏武帝無

經國遠圖十一年春乞致仕優詔不允上數問其疾增損給事中宇文价傳旨燾曰臣子戀闕非老病忍乞骸骨因叩价時事勉以忠盡久聞四川乞減酒課額猶手劄贊廟堂行之病革除敷文閣學士致仕口占遺表云臣年七十死不爲天所恨報國倏然願陛下經遠以藝祖爲師用人以昭陵爲則辭氣舒徐乃卒上聞嗟悼贈光祿大夫諡文簡他日謂宇文价曰朕嘗許燾大書續資治通鑑長編七字且用神宗賜司馬光故事爲序冠篇不謂其止此燾性剛大特立獨行在從列每正色以訂國論張栻嘗曰李仁甫如霜松雪柏無嗜好無姬侍不殖產平生生死文字開長編一書用力四十年葉適以爲春秋以後纔有此書累贈太師温國公子屋至塾壁壘壘皆執政別有傳

欽定續通志卷三百八十六

列傳

宋九十一

尤袤 謝謬 顏師魯

袁樞 李椿 劉儀鳳

張孝祥 李衡 王自中

家愿 楊恂 張綱 張大經

蔡洸 莫濛 周宗

劉章 沈作賓

尤袤字延之常州無錫人少穎異入太學以詞賦冠多士尋冠南宮紹興十八年擢進士第嘗為泰興令問民疾苦皆曰邵伯鎮置頓為金使經行也使率不受而空厲民漕司輸藁枯致一束數十金二弊久莫之去乃力請臺闔奏免之縣舊有外城屢殘於敵頽毀甚袤即修築已而金渝盟陷揚州獨泰興以有城得全吏民為立生祠注江陰學官需次七年為讀書計從臣以靖退薦召除將作監簿太宗正關丞人爭求之陳俊卿曰當子不求者遂除袤累遷著作郎兼太子侍讀先是張說自關門入西府士論鼎沸從臣因執奏而去者數十人袤率三館上書諫且不往見後說留身密奏於是梁克家罷相袤與秘書少監陳騷各與郡表得台州前守趙汝愚修郡城工纒什三屬袤成之表命更築加高厚明年大水正值水衝城賴以不沒會有毀袤者帝疑之使人密察民誦其善政不絕口乃錄其東湖四詩歸奏帝讀而歎賞遂以文字受知除淮東提舉常平改江東歲旱單車行部賑一路常平米通融有無以之振貸朱熹知南康講荒政下五等戶租五斗以下悉蠲之表推行於

諸部民無流殍累進直敷文閣江東提刑以梁克家薦召對言水旱之備惟常平義倉願預飭有司隨市價禁科抑則人自樂輸必易集事除吏部郎官太子侍講累遷樞密院正兼左諭德輪對又申言民貧兵怨者甚切夏旱詔求闕失表上封事大略言天地之氣宣通則和雍過則乖人心舒暢則悅抑鬱則憤催科峻急而農民怨關征苛察而商旅怨差注留滯而士大夫有失職之怨廩給朘削而士卒有不足之怨奏讞不時報而久繫囚者怨幽枉不獲伸而負累者怨強暴殺人多特貸命使已死者怨有司買納不即酬價負販者怨人心抑鬱所以感傷天和方今救荒之策莫急於勸分輸納既多朝廷吝於推賞之詔有司檢舉行之清熙十四年冬十月除太常寺少卿自南渡後典禮散失每有討論悉付之表斟酌損益便於今而不戾於古高宗廟號從袤所定也時詔皇太子參決庶務於議事堂表言於太子曰儲副之位止於侍膳問安不交外事撫軍監國自漢至今多出權宜之侯禘廟之後便行懇辭以彰殿下令德權禮部侍郎兼同修國史侍講又兼直學士院力辭聽免直學士孝宗嘗論人才表奏曰近召趙汝愚中外皆喜如王蘭亦望收召帝曰然兼權中書舍人復詔兼直學士院力辭且薦陸游自代帝不許時內禪議已定猶未論大臣也是日論表曰且夕制冊甚多非卿孰能為者故處卿以文字之職表乃拜命內禪一時制冊人服其雅正光宗即位甫兩旬開講筵表願謹初戒始孜孜與念又奏凡事失之於初則後不可救書曰慎厥終謂武臣諸司使入階為常調橫行十三階為要官遙郡

五階為美職正任六階為貴品祖宗待邊境立功者近年舊法頓壞使被堅執銳者積功累勞僅得一階權要貴近之臣優游而應華要請舉行舊法姜特立以為議改太平州除煥章閣待制召除給事中既就職即昌言曰老矣無所補報凡貴近營求內除小礙法制者雖特旨令書有去而已必不奉詔甫數日中貴四人希賞欲自正使轉橫行表繳奏者三竟格不下兼侍講入對言願上謹天戒下畏物情內正一心外正五事澄神寡欲保毓太和虛已任賢酬酢庶務陳源除在京宮觀耶律庫們除承宣使陸安轉遙郡王成特補官謝淵李孝友賞轉官吳元允夏永壽遷秩皆論駁之帝並聽納韓侂胄以武功大夫和州防禦使應辦賞直轉橫行表繳奏謂正使有正法可同授不可直轉侂胄動賢之後不宜首壞國法開攀援之門奏入手詔令書行表復奏侂胄四年間已轉二十七年合轉之官今又欲超授四階復轉二十年之官是朝廷官爵專徇侂胄之求非所以為摩厲之具也命遂格帝以疾一再不省重華宮表上封事曰壽皇事高宗歷二十八年如一日陛下所親見今不待倦勤以宗社付陛下當思所以不負其託望勿憚一日之勤以解都人之惑後數日駕即過重華宮侍御史林大中以論事左遷表率左史樓鑰論奏疏入不報封駁不書黃耶律庫們復以手詔除承宣使一再繳奏輒奉內批特與書行表言天下者祖宗之天下爵祿者祖宗之爵祿壽皇以祖宗之天下傳陛下安可私用祖宗爵祿而加於公議不允之人哉疏入帝震怒裂去後奏付前二奏出表以後表不報使吏收閣命遂不行

中宮謁家廟官吏推賞者百七十有二人表力言其濫乞痛裁節帝從之嘗因登對專論廢法用例之弊至是復申言之除禮部尚書駕當詣重華官復以疾不出率同列奏言壽皇有免到宮之命願力請而往庶幾可以慰釋羣疑增光孝治後三日駕隨出兼侍讀上封事曰近年以來給舍臺諫論事往往不行如黃裳鄭汝楛事遷延一月陳源奉祠人情固已驚愕至姜特立之召尤為駭聞向特立得志之時昌言臺諫皆其門人竊弄威福一旦斥去莫不誦陛下英斷今遽召之自古去小人甚難譬除蔓草猶且復生況加封植乎時帝已屬疾國事多舛表積憂成疾請告不報疾篤乞致仕又不報遂卒年七十遺奏勸帝以孝事兩宮以勤康庶政察邪佞護善類贈金紫光祿大夫表少從喻樛汪應辰游時目之為道學表死數年侂冑擅國於是禁錮道學賢士大夫皆受其禍嘉定五年諡文簡子棗概孫焯

謝諤字昌國臨江軍新喻人紹興二十七年中進士第調峽州夷陵縣主簿未上撫之樂安多盜監司檄諤攝尉餘二十策大要使其徒相糾而以信賞隨之羣盜果解散金渝盟諸軍往來境上選行縣事有治辦聲改吉州錄事參軍囚死者舊瘞以軀往往暴骨諤白郡取船官棄材以棺斂之郡民陳氏僮竊其篋以逃有匿之者陳訴於官詞過其實反為匿者所誣帥龔茂良怒欲坐以罪諤為書白茂良陳氏獲免茂良亦以是知之歲大祲饑民萬餘求廩官吏罔措諤植五色旗分部給糴頃刻而定知袁州分宜縣積積負於郡數十萬歲常賦外又征緡錢二萬餘諤乃疏其弊於諸監司請免之除幹辦行在諸司糧料院遷國子監簿尋擢監察御史奏

減袁州分宜秀州華亭月椿錢諤里居時創義役法編為一書至是上之詔行其法於諸路民以為便遷侍御史再遷右諫議大夫兼侍講嘗因進講論及邊事帝有乘機會之論諤曰機會雖不可失舉事亦不可輕光宗登極獻十箴又論二節三近所當節者曰宴飲曰妄費所當近者曰執政大臣曰舊學名儒曰經筵列職除御史中丞會廢補闕拾遺官諤論其不可廢不聽權工部尚書請祠以煥章閣直學士知泉州又辭提舉太平興國宮紹熙五年卒年七十四贈通議大夫諤為文傲歐陽修曾鞏初居縣南之竹坡名其燕坐曰良齋人稱良齋先生周必大薦士及諤姓名孝宗曰是謂良齋者耶朕見其聖學淵源五卷而得之云

顏師魯字幾聖漳州龍溪人紹興中擢進士第歷知莆田福清縣常決水利滯訟闕陂洫綿四十里歲大祲發廩勸分有方而不遺糶價船粟畢漢市羅更平鄭伯熊為常平使薦於朝師魯陳俊卿尤器重之召為官告院遷國子丞除江東提舉時天雨土日青無光都人相驚師魯陛辭言田里未安狂獄未清政令未當忠邪未辨願詔中外極陳得失求所以答天戒銷患未形帝聽其言尋改使浙西役法敝甚細民至以鷄豚鬻榭折產力過役輒破家師魯下教屬邑預正流水籍稽其役之序寬比限免代輸咸便安之鹽課歲百餘萬本錢久不給亭竈私鬻禁不可止刑辟日繁師魯擲幣縉宿負負戒官吏毋侵移比旁路課獨最帝謂執政曰儒生能辦事如此子職直視闕農民有墾曠土成田未及受租者姦豪多為己利師魯奏但當正其租賦不應繩以盜種法失勸農重本意奏可遂著為令入為監察御史遇事盡

言無所阿撓有自外府得內殿宣引且將補御史員缺師魯亟奏宋璟召自廣州道中不與楊思昂交一談李鄜恥為吐突承璫所薦堅辭相位不拜士大夫未論其才立身之節當以璟鄜為法今其人朋邪為迹人所切齒縱朝廷乏才寧少此輩乎臣雖不肖羞與為伍命乃寢繼累章論除職帥藩者比年好進之徒平時交結權倖一紆郡級皆措克以厚苞苴故昔以才稱後以貪敗淳熙十年繇太府少卿為國子祭酒初帝諭執政擇老成端重者表率太學故有是命首奏宜講明理學嚴禁穿鑿俾廉恥興而風俗厚師魯學行素孚規約率以身先與諸生言學以治己立誠為本藝尤異者必加獎勵由是人知飭勵帝聞之喜曰顏師魯到學未久規矩甚肅除禮部侍郎尋兼吏部有旨改官班特免引見師魯獻規曰祖宗法度不可輕弛願始終持久自強不息因言賜帶多濫應奉微勞皆得橫金如觀瞻何且臣下非時之賜過於優隆梵舍不急之役亦加賜資雖南幣封楮不與大農經費然無功勞而概與之是棄之也萬一有為國制變禦侮建功立事者將何以旌寵之與尤表鄭僑上議高宗廟號尋充遺留禮信使沿途冥設力請徹樂至燕山復辭簪花執射金主鑿其誠許之遷吏部侍郎等除尚書兼侍講屢抗章請老以龍圖閣直學士知泉州臺諫侍從相繼拜疏引唐孔戣事以留行內引奏言願親賢積學以崇聖德節情制欲以養清躬在泉三年專以恤民寬屬邑為政始至即鑄船貨諸商賈九服其清再起知泉州致仕紹熙四年卒年七十五師魯自幼莊重若成人孝友天至常曰窮達自有定分枉道希世徒喪所守故其大節確如金石雖動與俗情不

合而終翁然信服嘉泰二年賜諡定肅

袁樞字機仲建之建安人幼力學周必大劉珙皆期以遠器試禮部詞賦第一人調温州判官教授興化軍乾道七年為禮部試官就除太學錄輪對疏三事一論開言路以養忠孝之氣二論規復當圖萬全三論士大夫多虛誕僥榮利張說自閤門以節鉞發樞密樞方與學省同僚其論之帝雖容納而色不怡樞即求外補出為嚴州教授樞常喜誦司馬光資治通鑑苦其浩博乃區別其事而貫通之號通鑑記事本末參知政事龔夬良奏其書孝宗嘉歎他日問袁樞今日何官茂良實對帝曰可與寺監簿於是以前太宗正簿召登對即因史書歷陳往事自漢武而下至唐玄宗偏聽姦佞放禍亂且曰固有詐偽而似誠實儉佞而似忠鯁者苟陛下日與圖事於帷幄中進退天下士臣恐必為朝廷累遷太府丞時士大夫頗有為黨與者樞奏曰人主有偏黨之心則臣下有朋黨之患比年或謂陛下寵任武士有厭薄儒生之心猜疑大臣親信左右內庭行廟堂之事近侍參君國之謀今雖總權綱專聽覽而或壅蔽聰明潛移威福願可否惟聽於國人毀譽不私於左右帝方銳意恢復樞奏古之謀人國者必示之以弱苟陛下志復讐臣願蓄威養銳勿示其形復陳用宰執臺諫之術時議者欲制宗室應舉鎖試之額限添差獄祠減臣僚薦舉定文武任子嚴特奏之等展郊禋之歲緩科舉之期樞謂此皆近來從窄之論人君惟天是則不可行也遂抗疏勸帝推廣大以存國體兼國史院編修官分修國史傳章停家以其同里宛轉請文飾其傳樞曰子厚為相負國欺君吾為史官書法不隱蓋負鄉人不可負天下

續通志 卷三百八十七 列傳 宋

後世公議樞工部郎官累遷吏部郎官兩淮旱命廉視真揚廬和四郡歸陳兩淮形勢謂兩淮堅固則長江可守今徒知備江不知備淮置重兵於江南委空城於淮上非所以戒不虞瓜州新城專為退保金使過而指議淮人聞而歎嗟誰為陛下建此策也還軍器少監除提舉江東常平茶鹽改知處州樞之使淮人對也嘗言朋黨相附則大臣之權重言路壅塞則人主之勢孤時宰不悅至是赴闕奏事又言威權在下則主勢弱故大臣逐臺諫以蔽人主之聰明威權在上則主勢強故大臣結臺諫以遏天下之公議今朋黨之舊尚在臺諫之官未正紀綱言路將復荆棘矣除吏部員外郎遷大理少卿通州民高氏以產業事下大理殿中侍御史冷世光納厚賄曲庇之樞直其事以聞帝怒立罷世光樞以朝臣劾御史蓋僅見手詔權工部侍郎仍兼國子監祭酒俄有子郡之命既而以事貶兩秩寢前旨光宗受禪敘復元官提舉太平興國宮知常德府寧宗登位擢右文殿修撰知江陵府江陵瀕大江隄壞輒為巨浸民無所託楚故城楚觀在焉為室廬徙民居之以備不虞種木數萬以為捍蔽民德之尊為臺臣劾罷提舉太平興國宮開禧元年卒年七十五

李椿字壽翁洛州永平人父升進士起家靖康之難升翼其父以背受刃與長子俱卒椿年尚幼蒙殯佛寺深窳而詳識之奉繼母南走尋以父澤補迪功郎歷官至寧國軍節度推官吏才精強人稱之張浚辟為制司準備差遣椿奔走淮甸綏流民布屯戍察慮壽軍情相視山水岩險要周密精審所助為多隆興元年春諸將有以北討之議上聞者事下督府椿方奉檄至巢壺奏記浚曰今藩籬不固儲備不豐將多而非才兵弱而未練議論不定縱得其地未易守也既而師出無功浚嘗歎才難椿曰豈可厚誣天下無人唯不惡逆耳而甘遜志則庶其肯來耳浚復除右相椿知事不可為因勸之去明年春浚出視師椿曰小人之黨已勝公無故去朝廷蹤跡必危復申前說甚苦浚心是之而自以宗臣任天下之重不忍決去未幾果罷監登聞鼓院請通判廉州召對知鄂州請行墾田復戶數千曠土大闢移廣西提點刑獄獄未竟者一以平決之釋所疑數十百人奏罷昭州金坑禁仕者毋市南物移湖北漕適歲大稔官強民振糶且下其價米不至益艱食椿損所強糶數而不遏其直未幾米舟湊集價減十三每行部必前期戒吏具州縣所當問事列為籍單車以行所至取吏卒備使令凡以例致饋一不受言事者請下諸道為式召為吏部郎官論廣西鹽法孝宗是其說遂改法焉除樞密院檢詳官小吏持南丹州莫酋表求自宜州市馬者因簽書張說以聞椿謂邕遠宜近故遷之豈無意今莫氏方橫奈何道之以中國地里之近小吏妄作將啟邊釁請論如法說怒椿因求去帝慰諭令安職遷左司復請外除直龍圖閣湖南運副請減桂陽軍月椿錢萬二千緡損民稅折銀之直等十三事俱報可民刻石記之除司農卿椿會大農歲用米百七十萬斛而省倉見米僅支一二月款曰眞所謂國非其國矣力請歲儲二百萬斛為一年之蓄命兼臨安府視事三月竟以權倖不便解去椿在朝遇事輒言執政故不悅及是轉對又以言逆執政出知婺州會詔市牛筋凡五千斤椿奏一牛之筋纔四兩是欲屠二萬牛也帝悟為收前詔除吏部侍郎

志五五七七

又極言闈寺之盛曰自古宦官用事始則人畏之甚則人惡之極則羣起而攻之漢唐勿論靖康明受之禍未遠必有裁制之不使至極則國家免於前日之患宦官亦保其富貴門禁宮戒之外勿得預外事嚴禁士大夫兵將官與之交通帝納疏袖中以入又言當預邊備如欲保淮則楚州盱眙昭信濠梁渦口花壓正陽光州皆不可以不守如欲保江則高郵六合瓜梁濡須巢湖北

映亦要地也以病請祠不許面請益力乃除集英殿修撰知寧國府改太平州賜尚方珍劑以遣既至力圖上流之備請選將練習緩急列艦上可以援東關濡須下可以應采石上章請老以敷文閣待制致仕越再歲上念湖南兵役之餘欲鎮安之謂椿重厚可倚命待制顯謨閣知潭州湖南安撫使累辭不獲乃勉起至則撫摩凋瘵復酒稅法人以為便歲早廢募勸分蠲租十一萬糶常平米二萬活數萬人告歸進敷文閣直學士致仕椿年十五歲避地南來貧無以為養不得專力於學年三十始學身巖然有守存心每主於厚淳熙十年卒年七十三

劉儀鳳字韶美普州人紹興二年登進士第後十年始赴調尉遂寧府之蓬溪監資州資陽縣酒稅為梁州榮州掾二十七年起居郎趙遠稱其富有詞華恬於進取辛執上其名除諸王官大小學教授改國子監丞遷祕書丞禮部員外郎所草牋奏以典雅稱孝宗受禪議上光堯壽聖尊號冊寶有欲俛飲宗服除者太常博士林栗謂唐憲宗上順宗冊寶在德宗服中不必避備樂而不作可也儀鳳獨上議曰謹按上尊號事屬嘉禮果朝必儀郊祀成然後舉行太上皇帝為欽宗備禮終制

見於詔書議者引憲宗故事考之唐史自武德以來皆用易月之制與本朝事體大相遠也乞候欽宗終制檢舉以行議者雖是其言然謂事親當權宜而從厚竟用栗議等兼國史院編修官權祕書少監乾道元年遷兵部侍郎兼侍講儀鳳在朝十年每歸即匿其車騎局其門戶客至無親疏皆不得見俸入半以儲書凡萬餘卷御史張之綱論儀鳳錄四庫書本以傳私室遂斥歸蜀三年輔臣進前侍從當復職者帝曰劉儀鳳無罪可與復集英殿修撰起知邛州改漢州果州罷歸淳熙二年卒年六十六儀鳳苦學至老不倦尤工於詩然頗慕晉人簡傲之風不樂與庸輩接故平生多躑躅一跌遂不振云

張孝祥字安國歷陽烏江人年十六領鄉書再舉冠里選紹興二十四年廷試第一時策問師友淵源秦頊與曹冠皆力攻程氏專門之學孝祥獨不攻考官已定頊冠多士孝祥次之曹冠又次之高宗讀頊策皆秦檜語於是擢孝祥第一授承事郎簽書鎮東軍節度判官論宰相曰張孝祥詞翰俱美故事殿試第一人次舉始召孝祥擢第甫一年即召為祕書省正字奏乞總攬權綱以盡更化之美又言王安石作日錄一時政事美則歸己秦檜信任之專非特安石臣懼其作時政記亦如安石專用己意乞取已修日歷審正黜私說以垂無窮從之遷校書郎尚書禮部員外郎等為起居舍人權中書舍人初孝祥登第出湯思退之門思退為相擢孝祥甚

峻而思退素不喜汪澈孝祥與澈同為館職澈老成重厚而孝祥年少氣銳往往陵拂之至是澈為御史中丞首劾孝祥不在虛祀下孝祥遂罷提舉江州太平興國宮於是湯思退之客稍稍被逐尋除知撫州年未三十蒞事精確老於州縣者所不及孝宗即位復集英殿修撰知平江府事繁劇孝祥剖決庭無滯訟屬巨大姓為姦利孝祥捕治籍其家得穀粟數萬明年吳中大饑迄賴以濟張浚自蜀還朝薦孝祥召赴行在孝祥既素為湯思退所知及受浚薦思退不悅孝祥入對乃陳二相當同心戮力以副陛下恢復之志且靖康以來惟和戰兩言遺無窮禍要先立自治之策以應之復言用才之路太狹乞博采度外之士以備緩急之用帝嘉之除中書舍人等除直學士院兼都督府參贊軍事俄兼傾建康留守改除敷文閣待制留守如舊會金再侵邊孝祥陳金之勢不過欲要盟宣諭使劾孝祥落職復集賢殿修撰知靜江府廣南西路經略安撫使治有聲績復以言者罷俄起潭州為政簡易時以威濟之湖南道以無事復待制徙知荆南湖北路安撫使築守金隄自是荆州無水患置萬盈倉以儲諸漕之運請祠以疾卒孝宗惜之有用才不盡之歎孝祥文章過人尤工翰墨嘗親書奏答高宗見之曰必將名世但渡江初大議惟和戰張浚主復讐湯思退祖秦檜之說力主和孝祥出入

二人之門而兩持其說議者少之李衡字彥平江都人幼善博誦為文操筆立就登進士第授吳江主簿有部使者怙勢作威侵刻下民衡不忍以敲朴迎合投劾而歸後知溧陽縣夏秋二稅以期日榜縣門鄉無吏迹而輸送先他邑辦歷四年獄未嘗繫一重囚隆興二年金犯淮境官沿江者多送其孥衡獨自浙右移家入縣民心大安盜起旁境而溧陽靖晏自如帥汪澈等列上治狀詔進一秩尋召人為監察御史

歷司封郎中樞密院檢詳出知溫發台三州加直祕閣引年之身帝累御其奏除祕閣修撰致仕帝思其樸忠旋召落致仕除侍御史以老固辭不獲命差同知貢舉會外戚張說以節度使掌兵柄衡力疏其事謂不當為人擇官改除起居郎章五上請老愈力仍以祕撰致仕時給事中莫濟不書敕翰林周必大不草制右正言王希呂亦與衡相繼論奏同時去國士為四賢詩以紀之衡後定居崑山結茅別墅聚書萬卷號曰樂菴卒年七十九

王自中字道甫温州平陽人少負奇氣自立崖岸絲是忤世乾道四年議遣歸附人自中伏麗正門爭論且言今內空無賢外空無兵當搜羅豪俊廣募忠力以圖中原坐斥徽州放還滄熙中登進士第舒州懷寧簿嚴州分水令以樞密使王藺薦召對帝壯其言將改秩為籍田令又俾舉所知且嚮用矣以諫疏罷自中本韓彥古客王藺既薦之帝大喜韓彥直彥輩恐其為彥古報讐力請交結於自中而密達意近習謂自中受彥古賂伏關上書薦彥古為相帝遣人物色其事中書舍人王信恒懼自中入臺將不利於王淮知彥直輩語已行亟請對探上意退即走白右正言蔣繼周繼周方敢劾奏讀至受賂伏闕處帝曰卿可謂中其膏肓繼周奏臣非不知孤蹤忤王藺但不敢曠職蓋欲併中藺以媚淮帝但喜繼周善論事不知曲折如此出通判鄂州道除知光化軍改信州丁內艱服闋還朝光宗即位言者不置主管仲祐觀起知邵州興化軍命下而自中已疾慶元五年八月卒年六十

弟為友因王安石廢春秋學憤之者春秋新義愚弱冠遊京師以廣文館進士登第時紹聖元年廷策進士中書侍郎李清臣擬進策問力詆元祐之政原答策惟以守九年之所已行者為言時門下侍郎蘇轍合願誦所對驚喜曰故人子道同志合猶若是也楊畏覆考專主熙寧元豐遂居下第元符三年以日食求言愿時為普州樂至合應詔上言極論時政凡萬言其大要有十一曰謹始以正本二曰敬德以格天三曰謹好惡以防小人四曰審信任以辨君子五曰開言路以來直諫六曰詳聽言以觀事實七曰破黨議以存至公八曰登碩德以服天下九曰從寬厚以盡人才十曰崇名節以厚士風疏上不報崇寧元年詔籍元祐元符上書人姓名愿以選人籍入邪下等論監華州西嶽廟時當改京秩迄不改禁錮不調凡十年大觀四年字呈出降赦黨禁解始改秩調知雙流縣通判文州郡守鄭行純憑內侍勢自恣罷蕃夷互市啟邊隙愿爭之不從徑下令復其舊守怒交章互奏俱報罷而愿以曾入黨籍諭英州酒稅量移黃州數年始予祠興元師臣王庶薦自代通判果州靖康初左丞馮漸薦備諫列除開封府工曹京城失守不克赴高宗南渡擢知閩州會張浚謀大舉愿謂浚厲兵足穀以俟機會浚不悅以便宜移彭州有論邊防書名曰罪言守彭之明年乞骸骨以歸卒道聞愿會孫大西侍講經筵因從容及愿上改容嘉歎取所上書又親書西社同門友元符上書人十大字以賜愿同郡楊恂丹陵人字信仲元豐五年登進士第元符初知廣都縣與愿同時上書語甚切直越三年亦同入黨籍邪下第五等其書以火不存

張綱字彥正涇州丹陽人入太學以上舍及第釋褐徵宗知綱五中首選特除太學正遷博士除校書郎入對論君子小人澗穀小人得志邀功生事禍有不可勝言者今用事者大言罔上風俗侈靡昔本趨末日甚一日宜以祖考躬行之教為法帝稱善論事與蔡京不合擠之去主管玉局觀久之遷故官兼修國朝會要校正御前文字遷著作佐郎屯田司勳郎初朝議遣童貫蔡攸使朔方綱立論不可出師狀不報及金人入汴命綱分守四壁旋解嚴詔登陣足月者遷綱曰主憂臣辱義當爾願因此受賞邪卒不自言出為兩浙提刑移江東池將王進剽悍恣睢曹官以小過違忤遂釘手於門事聞詔乘傳窮竟時國勢未安諸將往往易朝廷進擁甲騎數百突至綱前綱叱進階下即按問罪立具自是無越法者以左司召權監察御史請令郡邑月具繫囚存亡數申提刑司歲終較多寡行殿最進起居舍人改中書舍人建言乞依祖宗法命大臣兼領史事詔宰臣呂頤浩監修國史著為令試給事中宗室令應特轉大中大夫綱言庶官超轉侍從非法且自崇寧以來官職不循資任致綱紀大壞今方丕變其俗奈何以令廢故復違舊章詔以次官命詞舍人王居正復執不行命遂寢宣撫使張俊駐師九江遭營卒以書至瑞昌縣令郭彥章揣知卒與獄囚通乃械繫之俊怒於朝彥章坐免綱言近時州縣吏多獻諛當路彥章不隨流俗是能奉法守職今不獲而黜何以示勸除給事中侍御史魏玠劾綱提舉太平觀進徽猷閣待制引年致仕秦檜用事綱臥家二十年檜死召為吏部侍郎兼侍讀言比年監司資淺望輕請擇七品以上清望官或曾任郡守有治狀者

為之席位望既重材能已試可舉其職從之時以彗出求言綱奏宜命有司詳審章奏必究極其情權吏部尚書除參知政事高宗頻論輔臣寬恤民力蓋懲秦檜苛政期安黎庶綱乃摘其切於利民八十事標以大指乞鑄版宣布中外於是人皆昭知上德意告老以資政殿學士知婺州尋致仕孝宗登極召綱陪祀南郊以老辭命所在州郡恆存問仍賜羊酒卒年八十四初謚文定特賜曰章簡

張大經字彥文建昌南城人紹興十五年中進士第宰吉之龍泉有善政諸司列薦賜對便殿出知儀真時兩淮監司帥守多與事邀功大經獨以平易近民咸德之提舉湖南常平提點湖北刑獄尋移江東他路有巨豪犯法獄久不竟命移屬大經豪挾權勢求脫大經卒正其罪孝宗重風憲之選命條上部使者十人獨可大經遂除監察御史遷大理少卿守殿中侍御史言今日不治由大臣不任責又言諸路荒政不實飛蝗頗多願益加恐懼申飭大臣俾有司輸忠謹修厥職外之監司守臣察貧理冤去苛斂寬民力帝皆嘉納因論近習韓侯薦士將恐無廉恥者望風希旨傷毀士俗又論宦者董璉暴橫將命准甸所至誅求且自號董閭羅帝然之即依奏鑄罷竄南康軍除侍御史嘗言士風未厚吏治未肅民力未蘇和氣未應皆由人心未正願察公正明義利以彰好惡抑浮薄去貪刻則莫不靡然洗濯一歸於正又言監司治民之本不可限以資格帝納其言即選四寺丞同時臨遣試石諫議大夫兼侍講請適漕臣之計以補州郡之有無拘戶絕之租以廣常平之儲符嚴贖罪改正法以懲貪竄收外路詳歸屬吏部以杜私

謁而道孤寒秋早求言大經言民力竭而愁歎多軍士貧而怨嗟眾二者當今大弊州縣之閒絹帛多折其估米粟過收其贏闕市苛征權酷峻禁中外兵帥多出貴倖之門營利自豐素召眾怨教閱滅裂軍容不整且近習甲第名園越法踰制刑別肆在在有之非賂遣何以濟欲願陛下疏斥檢腐抑絕倖門垂意人主之職責成宰輔一提其綱則天下事必有能辦之者除禮部尚書兼侍讀屢請祠帝曰卿公廉必能為朕牧民以徽猷閣學士知建寧府未幾移鎮紹興辭不拜予祠進龍圖閣學士告老以通奉大夫致仕靈宗即位進正議大夫降詔撫問慶元四年七月卒年八十九贈銀青光祿大夫諡簡肅

蔡洸字子平其先興化仙遊人端明殿學士襄之後徙雷川父仲左中大夫洸以蔭補將仕郎中法科除大理評事遷寺丞出知吉州召為刑部郎徒度支以戶部郎總領淮東軍馬錢糧知鎮江府會西溪卒移屯建康舳艦相銜時久旱郡民築陂瀦水灌漑漕司檄郡決之父老泣訴洸曰吾不忍獲罪百姓也卻之已而大雨漕運通歲亦大熟民歌之曰我瀦我水以灌以溉俾我不奪蔡公是賴就除司農少卿言鎮江三邑稅戶客戶輸丁各異請為一體不得自為同異所輸丁絹依和買之直計尺折納人給一鈔官自買絹起發公私皆便帝嘉納以戶部侍郎召試吏部尚書移戶部尚書求去除徽猷閣學士知靈國府奉祠以歸卒年五十七洸事親孝曾祖襄未易名力請於朝賜諡忠惠所得俸每以振親戚之貧者去朝之日囊無餘資至售所賜銀鞍鞵治行人服其清潔云

莫濛字子濛湖州歸安人以祖蔭補將仕郎兩魁法科累官至大理評事提舉廣南市舶張子華以贓敗朝廷命濛往鞫之濛正其罪又言秦熈鄧時中受子華賂計直數千緡還朝除大理寺正吏部火連坐者數百人久不決命濛治之濛察最可疑者留於獄出餘人為耳目以蹤跡約三日復來遂得其實繫者乃得釋黃州倅奏親擒盜五十餘人上命濛窮竟既至成以寃告濛命囚去桎梏引倅至庭詢竊發之由關敵之所遠近時日悉皆抵牾折之語塞濛具正犯數人奏上餘釋之除戶部員外郎朝廷遣濛措置浙西江淮沙田蘆場帝語之曰得此可助經費歸日以版曹處卿濛多方括責得二百五十三萬七千餘畝言者論其丈量失實徵收及貧民責監饒州景德鎮起知光化軍謀知金渝盟郡乏舟

眾以為慮濛力為辦集及敵犯境民賴以濟時餽餉急除淮南轉運判官濛遷延不之任右司諫梁仲敏劾其慢命罷官勒停宣諭使汪澈為言復舊職除湖北轉運判官未幾知鄂州召除戶部左曹郎中出知揚州陞辭上以城圯命濛築堦閱數月告成除直寶文閣學士大理少卿兼詳定司敕令官權知臨安府未幾假工部尚書使金賀正旦金庭賜宴濛以本朝忌日不敢簪花聽樂金遣人趨赴濛堅執不從竟不能奪使還除刑部侍郎改工部侍郎兼臨安府少尹以言者罷起知鄂州卒於官年六十一贈奉正大夫

周琮字彥廣湖州長興人父需官至左中奉大夫宣和間琮以父任為郎歷官至通判建康府紹興三十年命守除陽未赴移越州又徙濠梁淮楚舊有並山水置砦自衛者琮為立約束結保伍金海陵傾國南侵民賴以

民責監饒州景德鎮起知光化軍謀知金渝盟郡乏舟眾以為慮濛力為辦集及敵犯境民賴以濟時餽餉急除淮南轉運判官濛遷延不之任右司諫梁仲敏劾其慢命罷官勒停宣諭使汪澈為言復舊職除湖北轉運判官未幾知鄂州召除戶部左曹郎中出知揚州陞辭上以城圯命濛築堦閱數月告成除直寶文閣學士大理少卿兼詳定司敕令官權知臨安府未幾假工部尚書使金賀正旦金庭賜宴濛以本朝忌日不敢簪花聽樂金遣人趨赴濛堅執不從竟不能奪使還除刑部侍郎改工部侍郎兼臨安府少尹以言者罷起知鄂州卒於官年六十一贈奉正大夫

周琮字彥廣湖州長興人父需官至左中奉大夫宣和間琮以父任為郎歷官至通判建康府紹興三十年命守除陽未赴移越州又徙濠梁淮楚舊有並山水置砦自衛者琮為立約束結保伍金海陵傾國南侵民賴以

全活者不可勝計除直祕閣再任孝宗受禪王師進取
虹縣中原之民翕然來歸諒計口給食行者箠以牛酒
至者處以室廬張浚視師駐於都梁見諒謀稱歎且
曰有急公當與我俱死浚亦感激沒入朝悉陳其狀進
直徽猷閣帥維揚會錢端禮以尚書宣諭淮東復以浚
薦進直顯謨閣時兩淮經踐蹂民多流亡浚極力招輯
按堵如故勸民植桑柘開屯田帝亦專以屬浚屢賜親
札浚奉行益力進直龍圖閣除兩浙轉運副使未幾知
臨安府上言自古風化必自近始貴近奢靡條上禁止
十五事帝嘉納之臨安駐蹕歲久民居日增河洑湫隘
舟楫病之浚請疏浚工畢除祕閣修撰進石文殿修撰
提舉江州太平興國宮以歸帝念之除敷文閣待制起
知寧國府魏王出鎮移守婺州明年春復奉祠亟告老
十月卒年六十積階至右中奉大夫封長興縣男
劉章字文孺衢州龍游人通小戴禮四冠鄉舉紹興十
五年廷對第一授鎮江軍簽判是冬入省爲正字明年
遷祕書郎兼普安恩平兩王府教授遷著作佐郎事王
邸四歲受知孝宗自此始秦檜當國兼不附已風言者
媒孽其罪出倅筠州檜死召爲司封員外郎檢詳樞密
院文字兼玉牒檢討官擢祕書少監起居郎使金還除
權工部侍郎俄兼吏部兼侍講御史論章使胥長買絹
高宗愕然曰劉章必無是事御史執不已罷提舉崇道
觀起居郎王佐訟其冤亦坐劾起知信州未久復請祠
孝宗受禪命知漳州爲諫議大夫王大寶所格等除祕
閣修撰敷文閣待詔召提舉佑神觀兼侍讀遂拜禮部
侍郎奏禁溷淫祀仍於三朝史中刪去道釋符瑞志大
略以爲非春秋法朝廷議經略中原調諸郡兵民頗擾

少卿趙彥端指言非是或譖之彥端懼帝以問章對曰
議論不同或者有之彥端獲免進禮部尚書兼給事
中告歸以顯謨閣學士食祠祿淳熙元年子之衡由御
史檢法出守廣德軍當陛辭帝問章安否旋遣問門祇
候宣問拜端明殿學士賜銀絹四百疋四年上表告老
以資政殿學士致仕卒年八十贈光祿大夫諡曰靖文
沈作賓字賓王吳興歸安人以父任入仕監饒州永平
監冶鑄又承詔造雁翎刀稱旨連進兩資中刑法科歷
江西提刑司檢法官入爲大理評事改秩判紹興府帥
守邱壘遇僚吏剛嚴作賓從容裨贊每濟以寬秩滿知
台州首訪民疾苦弛鹽禁寬租期均徭役更酒政決滯
獄五十日開盡除前政之不便民者那人胥悅而前守
嫉其勝已巧謀孽之罷去民爲立留賢碑除大理正以
親嫌改太府丞遷刑部郎慶元初歷官至淮南轉運判
官以治辦聞直華文閣累擢至太府卿以直龍圖閣帥
浙東知紹興府入對奏徽州南康軍月椿不如期朝廷
科降額比年曰權免一次來年督促如初適足故吏姦
重民害乞明詔示又楚州武鋒一軍已招三千五百餘
人朝廷初欲減戍數年未就紀律一主將望輕二郡守
節制不爲禮三訓練不盡其能願領本州少假借責之
練習期以歲月考其績而黜陟之帝嘉納韓侂胄方用
事族有居越者私釀公行作賓逮治之又論紹興府和
買事語在食貨志除兩浙轉運副使權工部侍郎繼兼
戶部侍郎奏請修紹興三十一年以前故事復敕令所
刪修官五員以待選人有才者又乞申嚴保伍法以言
者罷歸起知鎮江府除集英殿修撰改知寧國府除寶
謨閣待制知潭州除戶部侍郎兼詳定敕令官奏湖北

當儲粟湖南當增兵未幾除龍圖閣待制知平江府請
得節制許浦水軍詔可郡有使臣故海盜也作賓使招
誘其黨既至慰勉之錫衣物又得強勇者幾千人置將
以統之號曰義士復募郡城內外惡少亦幾千人號曰
壯士衣糧器械皆視官軍而輕捷善鬪過之於是海道
不警市井無譁命參贊督府兼權鎮江府請留戍兵
千人又欲以江閩新軍二千人易舊軍千人備不虞朝
廷難之遂請祠言者繼及之復召爲戶部侍郎軍興以
來國力殫耗見存金穀僅支旬日作賓考通負稅吏姦
閩三月卽有半年之儲充館伴使兼權工部尚書除權
戶部尚書以母憂解閣授顯謨閣直學士知建寧府
入覲乞申嚴詭戶之禁除寶謨閣學士江西安撫兼知
隆興府奏部內南安南康龍泉三縣逼近溪峒三縣令
尉及近峒之砦秀洲北鄉蓮塘井禾新縣之勝鄉砦宜
就委帥憲兩可擇才辟置量加賞格又乞詔諸道監司
分詣州郡選禁軍精練閱改刺其懦弱者爲廂軍在郡
擗錢二十餘萬繕屬請獻諸朝作賓謂平生未嘗獻
羨以半歸帥司犒師半隸本府除煥章閣學士提舉隆
興府玉隆萬壽宮進顯謨閣學士致仕卒於家贈金紫
光祿大夫

列傳

宋九十二

周必大 留正 胡晉臣

趙汝愚 子崇憲

周必大子充一字洪道其先鄭州管城人祖統宣和中倅廬陵因家焉父利建太學博士必大少英特父死鞠於母家母親督課之紹興二十年第進士授徽州戶曹中博學宏詞科教授建康府除太學錄召試館職高宗曰掌制手也守祕書省正字兼國史院編修官除監察御史孝宗踐阼除起居郎直前奏事帝曰朕舊見卿文其以近作進帝初御經筵必大奏經筵非為分章析句欲從容訪問裨聖德究治體先是左右史久不除並記注壅積必大請言動必書兼修月進適命必大兼編類聖政所詳定官又兼權中書舍人侍經筵嘗論邊事帝以蜀為憂對曰蜀民久困願詔撫諭事定宜寬其賦應詔上十事皆切時弊權給事中繳駁不辟權倖金索講和時舊禮必大條奏請正敵國之名金為之屈曾覲龍大淵得幸臺諫交彈之並遷知閤門事必大與金安節不書黃且奏曰陛下於政府侍從欲罷則罷欲貶則貶獨於二人委曲遷就恐人言紛紛未止旬日申前命必大格不行遂請祠去久之差知南劍州改提點福建刑獄人對願詔中外舉文武之才區別所長為一籍臧禁中備緩急之用除祕書少監兼直學士院兼領史職鄭問草必大制帝改竄其末引漢宣帝事必大因奏曰陛下取漢宣帝之言親制贊書明示好惡臣觀西漢所謂社稷臣乃鄒林之周勃少文之汲黯不學之霍光至

於公孫宏蔡業章賈號曰儒者而持祿保位故宣帝謂俗儒不達時宜使宣帝知真儒何至雜伯哉願平心察之不可有輕儒名帝喜其精洽欲與之日夕論文德壽加尊號必大曰太上萬壽文表稱嗣皇帝為未安按建炎遙拜徽宗表及唐憲宗上順宗尊號冊文皆稱皇帝議遂定趙雄使金賞國書議受書禮必大立具草略謂尊卑定分或較等威叔姪親情豈嫌坐起帝哀之曰未嘗論國書之意而卿能道朕心中事此大才也兼權兵部侍郎奏請重侍從以儲將相增臺諫以廣耳目擇監司郡守以補郎官尋權禮部侍郎兼直學士院同修國史實錄院同修撰一日詔同王之奇陳良翰對選德殿帝袖出手詔舉唐太宗魏徵問對以在位久功未有成治效優劣苦不自覺命必大等極陳當否必大退而條陳陛下練兵以圖恢復而將數易是用將之道未至擇人以守郡國而守數易是責實之方未盡諸州長吏條來忽去婺州四年易守者五平江四年易守者四甚至秀州一年而四易守吏姦何由可察民瘼何由可蘇帝善其言為革二弊江湖早請捐南庫錢二十萬代民輸帝嘉之兼侍講兼中書舍人未幾辭直學士院從之張說再除簽書樞密院給事中莫濟封還錄黃必大奏曰昨舉朝以為不可陛下亦自知其誤而止之矣會未周歲此命復出貴戚預政公私兩失臣不敢具草帝批王曦疾速讓入濟必大子宮觀說露章薦濟必大於是濟除温州必大除建寧府濟被命即出必大至豐城稱疾而歸濟聞之大悔必大三請祠以此名益重久之除敷文閣待制兼侍讀兼權兵部侍郎兼直學士院帝勞之日卿不迎合無附麗朕所倚重除兵部侍郎等兼太子

詹事奏言太宗儲才為真宗仁宗之用仁宗儲才為治平元祐之用自章蔡沮士氣卒致靖康之禍秦檜忌刻逐人才流弊至今願陛下儲才於閒暇之日帝曰御璫場必大曰固知陛下不忘閱武然太祖二百年天下屬在聖躬願自愛帝容曰卿言甚忠得非虞衡之變乎正以讐恥未雪不欲自逸爾升兼侍讀改吏部侍郎除翰林學士久雨奏請減後宮給使寬浙郡積逋命省部議優恤內直宣引論金星近前星武士擊毬太子亦與臣甚危之帝俾語太子必大曰太子人子也陛下命以驅馳臣安敢勸以違命陛下勿命之可也乞歸弗許上欲召人與之分職因問呂祖謙能文否對曰祖謙涵養久知典故不但文字之工除禮部尚書兼翰林學士進吏部兼承旨詔禮官議明堂典禮必大定園丘合宮互舉之議必大在翰林幾六年制命溫雅周盡事情為一時詞臣之冠除參知政事帝曰執政於宰相固當和而不同前此宰相議事執政更無語何也必大曰大臣自應互相可否自秦檜當國執政不敢措一辭後遂以為當然陛下虛心無我大臣乃欲自是乎惟小事不敢有隱則大事何由蔽欺帝深然之久旱手詔求言宰相謂此詔一下州郡皆之賑濟何以應之約必大同奏必大曰上欲通下情而吾儕阻隔之何以塞公論有介椒房之援求為郎者帝俾諭給舍繳駁必大曰臺諫給舍與三省相維持豈可論意不從失體從則壞法命下之日臣等自當執奏帝喜曰肯如此任怨耶必大曰當子而不子則有怨不當子而不子何怨之有帝曰此任責非任怨也除知樞密院山陽舊屯軍八千雷世方乞止差鎮江一軍五千必大曰山陽控扼清河口若今減而

後增必致敵疑揚州武鋒軍本屯山陽者不若歲撥三千與鎮江五千同戍郭杲請移荆南軍萬二千永屯襄陽必大言襄陽固要地江陵亦江北喉襟於是留二千人帝諭以金既還上京且分諸子出鎮將若何必大言敵惘疑虛喝正恐我先動當鎮之以靜惟邊將不可不精擇拜樞密使帝曰若有邊事宜撫使惟卿可他人不能也上諸軍升差籍時點召一二察能否主帥悚激無敢容私初諸軍點試法其在外解發亦親閱之金州謀帥必大曰與其使明堂若明揚令侍從管軍薦舉或傳大石林牙將加兵於金呼嚕大王分據上京邊臣結約夏國必大皆屏不省勸帝持重勿輕動既而所傳果妄消熙十四年二月拜右丞相首奏今內外晏然殆將一紀此正可懼之時當思經遠之計不可紛更欲速秀州乞減大軍總制錢一萬吏請勸當必大曰此豈勸當時耶立錫之封事多言大臣同異必大曰各盡所見歸於一是豈可尚同陛下復祖宗舊制命三省覆奏而後行正欲上下相維非止奉行文書也高宗升遐議用顯仁例遣三使詣金必大謂今昔事殊不當畏敵曲徇止之賀正使至或請權易淡黃袍御殿受書必大執不可遂為縞素服就帷幄引見十五年思陵發引揆原陵呂端故事請行乃攝太傅為山陵使明堂加恩封濟國公十一月留身乞去帝獎勞再三忽宣諭比年病倦欲傳位太子須卿且留必大奏聖體康強止因孝思稍過何遽至倦勸帝曰禮莫大於事宗廟而孟饗多以病分詣孝莫重於執喪而不得自至德壽宮欲不退休得乎朕方以此委卿必大泣而退十二月壬申密賜紹興傳位親札辛卯命留身議定二月壬戌又命預草詔專以奉几

筵侍東朝為意拜左丞相許國公參政留正拜右丞相壬子始以內禪意諭一府二月辛酉朔降傳位詔光宗即位問當世急務奏用人求言二事三月拜少保益國公李燾草二相制抑揚不同帝詔燾令帖麻改定既而斥燾子郡必大求去何澹為司業久不遷留正奏選之澹憾必大而德正至是為諫長遂首劾必大詔以觀文殿大學士判潭州澹論不已遂以少保充醴泉觀使判隆興府不赴復除觀文殿學士判潭州復大觀文坐所舉官以賄敗降榮陽郡公復益國公改判隆興辭除醴泉觀使靈宗即位求直言奏四事曰聖孝曰敬天曰崇儉曰久任慶元元年三上表引年遂以少傅致仕先是布衣呂祖泰上書請誅韓侂胄逐陳自強以必大代之嘉泰元年御史施康年劾必大首唱僞徒植植黨與詔降為少保自慶元以後侂胄之黨立僞學之名以禁錮君子而必大與趙汝愚留正實指為罪首一年復少傅四年卒年七十有九贈太師諡文忠靈宗題篆其墓碑曰忠文耆德之碑自號平園老叟著書八十一種有平園集二百卷嘗建三忠堂於鄉謂歐陽文忠修楊忠襄邦又胡忠簡銓皆廬陵人必大平生所敬慕為文記之一子綸

留正字仲至泉州永春人六世祖從效事太祖為清遠軍節度使封鄂國公正紹興十三年第進士授南恩州陽江尉清海軍節度判官龔茂良守番禺正言在法劫盜贓滿五貫死海盜加等小民餌利率身陷重辟請鑊梓海上使戶知之民始知避用茂良薦赴都堂審察宰相度允文復薦於帝得對言國家右文而略武備祖宗以天下全力用於西夏承平日久邊不為備至敵人長驅而不能支今當改轍使文武並用孝宗嘉歎書劄中要語下三省施行知循州陞辭言士大夫名節不立國家緩急無所倚仗靖康之變死義者少因亂謀利者多今欲恢復當崇尚名節帝益喜明日諭輔臣留正奏事議論耿耿可與執事官除軍器監簿歷官考功郎官太常諡葉義問恭簡正覆諡言義問將兵出疆不知敵人情偽及金侵邊督視寡謀幾至敗事下太常更議時論避之擢起居舍人尋權中書舍人光宗自東宮朝顧見正謂左右曰修整如此其人可知迺請於帝兼太子左諭德正言記注進御非設官本意乞自今免奏御詔從之為中書舍人兼侍講兼權兵部侍郎除給事中張說子薦往視鎮江戰艦挾勢遊觀沈舟溺卒除知閩門事樞密副承旨正封還詞頭洪邦直除御史正言邦直為邑人所訟不宜任風憲兼權吏部尚書言用人莫先論相陛下志在恢復而相位不能任輔贊望精選人才與圖大計時相益不樂以顯謨閣直學士出知紹興府侍御史范仲芑劾前帥臧六十九萬有詔覈實正明其非辜御史怒并劾正降顯謨閣侍制舉玉隆萬壽宮等復職知贛州奏減上供米不報及為相錮一萬八千石知隆興府進龍圖閣直學士四川制置使兼知成都府平西蜀折租價歲減酒課三十八萬乾道初羌渡河據安靜若侵漢地幾百里正密授諸將方略擒其渠以歸盡俘其黨羌平進敷文閣學士尋詔赴行在正在蜀以簡素化民歸裝僅書數籠人服其清除端明殿學士簽書樞密院事參知政事同知樞密院事孝宗密諭內禪意拜右丞相一日奏事皇太子參決侍立帝顧謂太子曰留正純臣可託光宗受禪主管左右春坊姜特立以隨

龍恩擢知閤門事聲勢浸盛正列其招權預政狀乞斥逐帝意猶未決會副參閣特立調正曰上以丞相在位久欲遷左相葉燾張杓當擇一人執政未知孰先正奏之帝大怒詔特立提舉興國宮孝宗問之曰眞宰相也紹熙元年進左丞相正謹法度惜名器毫髮不可干以私引趙汝愚首從班卒與之共政用黃裳爲皇子嘉王翊善世號得人嘉王感疾正言陛下止有一子隔在宮牆外非便宜令早正元良之位入居東宮則朝夕相見甚順檢漢文帝紀及本朝眞宗仁宗典故并呂誨張方平兩奏節其要語繳奏帝不豫外議洵正與同列聞至福靈殿奏事處分得宜人情以安進封申國公帝疾浸平正乞歸政不許初正帥蜀慮吳氏世將謀去之至是朝廷議更蜀帥正言西邊三將爲吳氏世襲兵柄號爲吳家軍不知有朝廷遂以戶部侍郎邱密行及吳挺死韓侂胄爲吳氏地使吳曦世襲正力請留曦環衛遣張詠代挺後數歲曦入蜀卒稔變壽皇聖政成進少保封衛國公李端友以椒房親手詔除郎正繳還帝不納復執奏曰昔館陶公主爲子求郎明帝不許今端友依憑內援恐累聖德姜特立除浙東副總管尋召赴行在正引唐憲宗召吐突承璀事乞罷相批成命已行朕無反汗卿宜自處正待罪六和塔奏言陛下近年不知何人獻把定之說遂至每事堅執斷不可回天下至大機務至煩事出於是則人無異詞可以固執事出於非則眾論紛起必須惟是之從臣恐自此以往事無是非陛下豈持把定之說言路遂塞因繳進前後錫賚及告敕待罪范村乞歸田里不許壽聖太后將以冬至上尊號冊寶以正爲禮儀使攝太傅於是帝遣左師徐誼諭

續通志 卷三百八十八 列傳 宋

旨正復入都堂視事是行也待罪凡一百四十日冊寶禮成拜少傅封魯國公正力辭五年正月孝宗疾革正數請車駕過宮一日上拂衣起正引裾泣諫隨至福靈殿門正退上疏言極激切六月戊戌孝宗崩光宗以疾未能執喪正率同列屢奏乞早正嘉王儲位又擬指揮付學士院降詔尋有手詔朕歷事歲久念欲退閒正得之始懼請對復不報即出國門上表請老末曰願陛下速回淵鑒追悟前非漸收人心庶保國祚正始議以上疾未克主喪宜立皇太子監國若終喪未倦勤當復辟設議內禪太子可卽位時從臣鄭湜奏與正同既而趙汝愚以內禪請於憲聖正謂建儲詔未下遽及此他日必難處論既違以肩與逃去伏讀通鑑輯覽 御批 聖不能執喪孝道虧而天理絕實無辭以謝天下視正身爲宰輔不請其力疾臨死以盡禮乃見御批未務大臣進退之節若此亦足稱其善其身而置國事如帝爲太上皇帝以正爲大行攢宮總護使人謝復出憲聖命速宣押時汝愚亦以爲請帝親札遣使召正還侍御史張叔椿請議正棄國之罰乃徒叔椿吏部侍郎而正復相入賀且請車駕一出慰都人心及定壽康宮南向撤去新增禁旅詔悉從之進少傅屢辭不拜奏言陛下勉徇羣情以登大寶當遇事從簡示天下以不得已之意實非頒爵之時侂胄浸謀預政數詣都堂正使省吏諭之曰此非知閣日往來之地侂胄怒而退會經筵晚講賜坐正執奏以爲非帝不憚侍御史黃度論馬大同罪正擬度補外帝知其情除度右正言正請掛墮隨龍人帝曰朕未見父母可恩及下人耶積數事失帝意侂胄從而聞之八月手詔正以少師觀文殿大學士判

建康府等又以諫議大夫張叔椿言落職慶元元年六月詔正以上皇付正手詔進入宣付史館復觀文殿大學士初劉德秀自重慶入朝未爲正所知謂正容范仲輔請爲言正曰此人若留之班行朝廷必不靜乃除大理簿德秀憾之至是爲諫議大夫論正四大罪職自是彈劾無虛歲以張釜言責授中大夫光祿卿分司西京邵州居住明年令自便給事中謝源明封還錄黃量移南劍州再許自便復光祿大夫提舉洞霄宮上章乞納祿詔復元官職致仕又以御史林采言依舊官光祿大夫致仕復觀文殿學士金紫光祿大夫嘉泰元年進封魏國公復少師觀文殿大學士開禧二年七月卒年七十八贈太師寶慶三年諡忠宣子恭丙端孫元英元剛

胡晉臣字子遠蜀州人登紹興二十七年進士第爲成都通判制置使范成大以公輔薦諸朝孝宗召赴行在入對疏當今士俗民力邊備軍政四弊試學士院除祕書省校書郎遷著作佐郎兼右曹郎官輪對論三事一無忽講讀官以仁宗爲法一責諫官以糾官邪責宰相以抑奔競三廣聽納通下情以銷未形之患又極論近侍帝覽奏色動晉臣曰陳甚悉至論及兩稅折變帝首肯久之趙雄時秉政手詔下中書問近倖姓名晉臣翼日至中書執政詰其故晉臣曰近習招權丞相豈不知之卽條具大者以聞帝感悟自是近習嚴憚晉臣以親年高求外補知漢州除潼川路提點刑獄以憂去服除再召以五事見曰選將帥廣常平治渠堰更銓法通楮幣帝謂輔臣曰胡晉臣言可行除度支郎累遷侍御史朱熹除兵部郎官以病足未供職侍郎林栗與熹論易

志五五八五

不合因奏熹不即受印為傲慢晉臣上疏留熹而排粟光宗嗣位遷工部侍郎除給事中每以裁濫恩惜名器為重內降持不下帝嘉其有守拜端明殿學士簽書樞密院事正謝日帝命條上軍政利害既而朝重華宮孝宗謂曰嗣君擢任二三大臣深懼朕意聞外庭亦無異詞晉臣拜謝除參知政事兼同知樞密院事帝自南郊後久不御朝晉臣與丞相留正同心輔政中外帖然其所奏陳以溫清定省為先次及親君子遠小人抑僥倖消朋黨啟沃剴切彌縫縝密人無知者未幾卒於位贈資政殿學士諡文靖

趙汝愚字子直漢恭憲王元佐七世孫居饒之餘干縣父善應字彥遠官終修武郎江西兵馬都監純孝篤行稱古君子汝愚早有宏志每曰丈夫得汗青一幅紙始不負此生擢進士第一簽書寧國軍節度判官召試館職除祕書省正字孝宗方銳意恢復始見即陳自治之策遷校書郎知閤門張說擢簽書樞密院事汝愚不往見率同列請祠未報會祖母訃至即日歸因自劾帝不加罪遷著作郎知信州累遷祕書少監兼權給事中內侍陳源有寵於德壽宮添差浙西副總管汝愚言祖宗以童貫典兵卒開邊釁源不宜使居總戎之任孝宗喜詔自今內侍不得兼兵職舊制密院文書皆經門下省張說在西府託言邊機不宜泄汝愚謂東西二府朝廷治亂所關中書庶政無一不由東省何密院不然孝宗命如舊制權吏部侍郎兼太子右庶子論知閣王抃招權預政出外祠以集英殿修撰帥福建陞辭言國事之大者四其一謂吳氏四世專勤兵非國家之利請漸抑之進直學士制置四川兼知成都府諸羌蠻相挺為

邊患汝愚至悉以計分其勢孝宗謂其有文武威風光宗受禪越召未至殿中侍御史范處義論其稽命除知潭州辭改太平州進敷文閣學士知福州紹熙二年召為吏部尚書先是高宗以宮人黃氏侍光宗於東宮及即位為貴妃后李氏意不能平是年冬十一月郊有司已戒而風雨暴至光宗震懼及齋宿青城貴妃暴驚還聞之恚是夕疾作內侍馳白孝宗孝宗倉卒至南內問所以致病之由不免有所戒責光宗常以五日一朝孝宗於重華宮至是往往以傳旨免至會慶節上壽駕不出冬至朝賀又不出都人以為憂汝愚往復規諫帝意乃悟汝愚又屬嗣秀王伯圭調護於是兩宮之情始通光宗及后俱詣北內從容竟日四年汝愚知貢舉與監察御史汪義端有違言汝愚除同知樞密院事義端言祖宗之法宗室不為執政詆汝愚植黨沽名疏上不納又論臺諫給舍陰附汝愚一切緘默不報論汝愚發策譏諭祖宗又不報汝愚力辭帝為徙義端軍器監給事中黃裳言汝愚事親孝事君忠居官廉憂國愛民出於天性義端實忌賢不可不黜帝乃黜義端補郡汝愚不獲已拜命未幾遷知樞密院事辭不拜有旨趣受告汝愚對曰臣非敢久辭臣嘗論朝廷數事其言未見用今陛下過重華留正復相天下幸甚惟武興未除帥臣心不敢安帝遂以張詠代領武興軍汝愚乃受命光宗之疾生於疑畏其未過宮也汝愚數從容進諫光宗出聞其語輒悟入輒復疑五年春孝宗不豫夏五月疾日臻光宗御後殿丞相率同列入請帝詣重華宮侍疾從臣臺諫繼入閣門吏以故事止之不退光宗益疑起入內越二日宰相又請對光宗令知閣門事韓侂胄傳旨

云宰執並出於是俱至浙江亭俟命孝宗聞之憂甚侂胄奏曰昨傳旨令宰執出殿門今乃出都門請自往宜押汝愚等乃還六月丁酉夜五鼓重華大闕押宰執私第報孝宗崩中書以聞汝愚恐帝疑或不出視朝持其劄不上次日帝視朝汝愚以提舉重華宮閣禮狀進帝乃許過北內至日晨不出宰相率百官詣重華宮發喪壬寅將成服留正與汝愚議介少傅吳玘請憲聖太后垂簾暫主喪事憲聖不許正等附奏曰臣等連日造南內請對不獲累上疏不得報今當率百官恭請若皇帝不出百官相與慟哭於宮門恐人情騷動為社稷憂乞太皇太后降旨以皇帝有疾暫就宮中成服然喪不可無主祝文稱孝子嗣皇帝宰臣不敢代行太皇太后壽皇之母也請攝行祭禮蓋是時正汝愚之請垂簾也以國本係乎嘉王欲因簾前奏陳宗社之計使命出簾幃之間事行廟堂之上則體正言順可無後難而吳玘素畏慎且以后戚不欲與聞大計此議竟格丁未宰臣已下待對和寧門不報乃入奏云皇子嘉王仁孝夙成宜早正儲位以安人心又不報越六日再請御批云甚好明日同擬旨以進乞帝親批付學士院降詔是夕御批付丞相云歷事歲久念欲退閒留正見之懼因朝臨伴休於庭密為去計汝愚自度不得辭其責念故事須坐甲以戒不虞而殿帥郭杲莫有以腹心語者會工部尚書趙彥逾至私第語及國事汝愚泣彥逾亦泣汝愚因微及與子意彥逾喜汝愚知彥逾善杲因謬曰郭杲儼不同奈何彥逾曰某當任之約明乃復命汝愚曰此大事已出諸口豈容有所俟乎汝愚不敢入私室退坐屏後以待彥逾之至有頃彥逾遂定明日正以五

更肩輿出城去人心益搖汝愚處之恬然自吳璠之議不諧汝愚與徐誼葉適謀可以白意於慈福宮者乃遣韓侂胄以內禪之意請於憲聖侂胄因所善內侍張宗尹以奏不獲命明日往又不獲命侂胄遂巡將退重華宮提舉閣禮見而問之侂胄具述汝愚意禮令少俟入見憲聖而泣憲聖問故禮曰聖人讀書萬卷亦嘗見有如此時而保無亂者乎憲聖曰此非汝所知禮曰此事人人知之今丞相已去所賴者趙知院旦夕亦去矣言與淚俱憲聖驚曰知院同姓事體與他人異乃亦去乎禮曰知院未去非但以同姓故以太皇太后為可恃耳今定大計而不獲命勢不得不去將如天下何願聖人三思憲聖問侂胄安在禮曰臣已留其俟命憲聖曰事順則可令諭好為之禮報侂胄且云來早太皇太后於壽皇梓宮前垂簾引執政侂胄復命汝愚始以其事語陳騷余端禮使郭杲及步帥閻仲夜以兵衛南北內禮使其姻黨宣贊舍人傅昌朝密製黃袍是日嘉王謁告不入臨汝愚曰禱祭重事王不可不出翌日禱祭羣臣入王亦入汝愚率百官詣大行前憲聖垂簾汝愚率同列再拜奏皇帝疾未能執喪臣等乞立皇子為太子以繫人心皇帝批出有甚好二字繼有念欲退閒之語取太皇太后處分憲聖曰既有御筆相公當奉行汝愚曰茲事重大播之天下書之史冊須議一指揮憲聖允諾汝愚袖出所擬太皇太后指揮以進云皇帝以疾至今未能執喪曾有御筆欲自退閒皇子嘉王擴可即皇帝位尊皇帝為太上皇帝皇后為太上皇后憲聖覽畢曰甚善汝愚奏自今臣等有合奏事當取嗣君處分然恐兩宮父子間有難處者須煩太皇太后主張又奏上皇

病未平職問此事不無驚疑之令都知楊舜卿提舉本宮任其責遂召舜卿簾前面諭之憲聖乃命皇子即位皇子固辭曰恐負不孝名汝愚奏天子當以安社稷定國家為孝今中外人人憂亂萬一變生置太上皇何地眾扶入素輻披黃袍方卻立未坐汝愚率同列再拜宣示語凡筵奠哭盡哀須更立仗訖催百官班帝哀服出就重華殿東廡素輻立內侍扶掖乃坐百官起居訖行禮祭禮汝愚即喪次召還留正長百僚命朱熹待制經筵悉收召士君子之在外者是月帝命汝愚兼權參知政事留正至汝愚之免兼職乃除特進右丞相汝愚辭不拜曰同姓之卿不幸處君臣之變敢言功乎伏讀通御批光憲授事出非常廢立之嫌責所不免觀汝愚之對大表然口雖不自居功而於爪牙之臣則謂頗謂明是於定策二字豈盡釋然於胸中而當時物論紛紛皆以汝愚功在社稷不免掛崇太過異日念乃命人構陷至稱其自負謀禍源未必不可萌於此也乃命以特進為樞密使拜相對祖職諸太廟獨趙忠定特出此典故故隨筆云不汝愚又辭特進孝宗將攢汝愚議攢宮非不制欲改卜山陵與留正議不合侂胄因問之出正判建康命汝愚為光祿大夫右丞相汝愚力辭不許汝愚本倚正共事怒侂胄不以告及來謁故不見侂胄慙忿簽書樞密羅點曰公誤矣汝愚亦悟復見之侂胄終不憚自以有定策功且依託肺腑出入宮掖居中用事朱熹進對以為言又約吏部侍郎彭龜年同劾之未果嘉白汝愚當以厚賞酬勞勿使預政而汝愚謂其易制不為慮右正言黃度欲論侂胄謀泄以內批斥去熹因講畢奏疏極言陛下即位未能旬月而進退宰執移易臺諫皆出陛下之獨斷大臣不與謀給舍不及議此弊不革臣恐名為獨斷而主威不免於下移疏入逮

出內批除嘉宮觀汝愚補還帝且諫且拜侂胄必欲出之汝愚退求去不許吏部侍郎彭龜年力陳侂胄竊弄威福為中外所附不去必貽患又奏近日遂朱熹太暴故欲陛下亦亟去此小人既而內批龜年與郡侂胄勢益張侂胄恃功為汝愚所抑日夜謀引其黨為臺諫以擯汝愚汝愚為人疏不虞其姦趙彥逾以嘗違意於郭杲事定冀汝愚引與同列至是除四川制置意不願與侂胄合謀陸辭曰盡疏當時賢者姓名指為汝愚之黨帝意不能無疑汝愚請令近臣舉御史侂胄密諭中司合薦所厚大理寺簿劉德秀內批擢德秀為察官其黨牽聯以進言路遂皆侂胄之人會黃裳羅點卒侂胄又擢其黨京鐘代點汝愚始孤天子益無所倚信於是中書舍人陳傅良監察御史吳獵起居郎劉光祖各先後斥去羣儗和附疾正士如仇讐而衣冠之禍始矣侂胄欲逐汝愚而難其名或教之曰彼宗姓誣以謀危社稷則一網無遺侂胄然之擢其黨將作監李沐為正言沐彥穎之子也嘗求節度使於汝愚不得泰汝愚以同姓居相位將不利於社稷乞罷其政汝愚出浙江亭待罪遂罷右相除觀文殿學士知福州臺臣合詞乞寢出守之命遂以大學士提舉洞霄宮國子祭酒李祥言去歲國遭大戚中外洵洵留正棄相位而去官僚幾欲解散軍民皆將為亂南宮隔絕國喪無主汝愚以樞臣獨不避損身滅族之禍奉太皇太后命翊陛下以登九五勤勞著於社稷精忠貫於天地乃享受黜黜而去天下後世其謂何博士楊簡亦以為言李沐劾祥簡罷之太府丞呂祖儉亦上書訴汝愚之忠詔祖儉朋比罔上送詔州安置太學生楊宏中周端朝張衍林仲麟蔣傅徐

龍等伏闕言去歲人情驚疑變在朝夕當時假非汝愚出死力定大議雖百李沐罔知儆當國家多難汝愚位樞府操兵柄指揮縱何向不可不以此時為利今上下安恬乃獨有異志乎書上悉送五百里外羈管侂胄忌汝愚益深謂不重貶人言不已以中丞何澹疏落大觀文監察御史胡紘疏汝愚引僞徒謀為不軌乘龍授鼎假夢為符責遠軍節度副使永州安置初汝愚嘗夢孝宗授以湯鼎背負白龍升天後翼寧宗以素服登大寶蓋其驗也而譏者以為言伏讀通鑑輔覽御批乘龍受鼎幻想不經汝愚果有此妖夢胡紘輩又執從而知蓋必自經傳述以為翼寧宗素服即位之驗故遂得執為左證勅其假夢符耳大臣不幸處危疑之關不自知危懼轉化設定策之徵所見已乖正道則其賈禍不得謂非時汪義端行詞用漢誅劉屈氂唐戮李林甫事示欲殺之意迪功郎趙師召亦上書乞斬汝愚汝愚怡然就道謂諸子曰觀侂胄之意必欲殺我我死汝曹尚可免也至衡州病作為守臣錢鏐所窘暴卒天下聞而冤之時慶元二年正月壬午也汝愚學務有用常以司馬光富弼韓琦范仲淹自期凡平昔所聞於師友如張栻朱熹呂祖謙汪應辰王十朋胡銓李燾林光朝之言欲次第行之未果聚族而居門內三千指所得廩給悉分與之菜羹蔬食恩意均洽人無閒言自奉養甚薄為夕郎時大冬衣布裘至為相亦然汝愚既沒黨禁浸解旋復資政殿學士大中大夫已而贈少保侂胄誅盡復元官賜諡忠定贈太師追封沂國公理宗紹配享寧宗廟庭追封福王其後進封周王子九人崇憲其長子也崇憲字履常清熙八年以取應對策第一時汝愚侍立殿上再拜以謝孝宗顧近臣曰汝愚年幾何已有子如汝愚三年頃以進士對策權甲科帝謂執政曰此汝愚

子即前科取應第一人者崇德初仕為保義郎監饒州贍軍酒庫換從事郎撫州軍事推官汝愚劾蜀辟書寫機宜文字改江西轉運司幹辦公事監西京中岳廟汝愚既貶死海內憤鬱崇憲聞門自處居數年復汝愚故官職多勸以仕改奉議郎知南昌縣事奉行荒政所活甚眾升藉田令制曰爾先人有功王室中更譏毀思其功而錄其子國之典也崇憲拜命感泣陳疏力辭以為先臣之冤未悉昭白而其孤先被寵光非公朝所以勸忠孝厲廉恥之意俄改監行在都進奏院復引陳瑾論司馬光呂公著復官事申言之乞以所陳下三省集議若先臣心迹有一如言者所論即近日恩典皆為冒濫先臣復官賜諡與臣新命俱合追寢如公論果謂誣讎乞昭示中外使先臣之讒謗既辨忠節自明而憲聖慈烈皇后擁佑之功德益顯然後申飭史館改正誣史垂萬世之公又請正趙師召妄貢封章之罪究蔡璉與大臣為仇之姦毀龔頤正續稽古錄之妄詔兩省史官考訂以聞已而吏部尚書兼修國史樓鑰等請施行如章從之及誣史未正復進言其略謂前日史官徒以權臣風旨刊舊史焚元藁略無留難今詔旨再三莫有慨然奮直筆者何小人敢於為惡而謂之君子者顧不能勇於為善耶問者愧之其後玉牒日歷所幸以重修龍飛事實進呈因崇憲請也未幾贈汝愚太師封沂國公擢崇憲軍器監丞改太府監丞遷祕書郎辭弗許等為著作佐郎兼權考功郎官嘗因問兩求言乃上封事謂今日有更化之名無更化之實人才國之元氣而忠鯁擯廢之士死者未盡省錄存者未悉褒揚言論國之風采其間輪忠亡隱有所規益者豈惟獎激弗加蓋亦罕見

施用始安取容無所建明者豈惟黜罰弗及或乃遂階通顯至若勉聖學以廣聰明教儲貳以固根本戒宰輔大臣同寅盡瘁以濟艱難責侍從臺諫思職盡規以宣壘蔽防左右近習繕弄之漸察姦餘餘黨窺伺之萌皆懇懇為上言之請外知江州郡民歲苦和糶崇憲疏於朝永蠲之且轉糶旁郡穀別廩儲之以備歲餘瑞昌民負茶引錢新舊累積為一十七萬有奇皆困不能償死則以責其子孫猶弗貸會新券行視舊價幾倍徒崇憲欺曰負茶之民愈困矣亟請以新券一償舊券二詔從之受賜者千餘家刻石記事修陂塘以廣灌溉凡數千所提舉江西常平兼權隆興府及帥漕司事遷轉運判官仍兼帥事初汝愚捐私錢百餘萬創養濟院俾四方賓旅之疾病者得藥與食歲久寢移為它用崇憲至尋修復立規約數十條以愈疾之多寡為賞罰棄兒於道者亦收鞠之社倉久蔽訪其利害而更張之以兵部郎中召尋改司封皆固辭遂直秘閣知靜江府廣西經略安撫使靜江之屬邑十地肥磽略等而陽朔修仁荔浦之賦獨倍自張栻奏減之餘人猶以為病崇憲請再加蠲減詔遞損有差劾瓊守非才激黎峒之變改辟能者代其任有羅葛峒者仍歲寇鈔為暴實民何嚮父子陰誘導之崇憲實之法因嚴民夷交通之禁使邊民相什伍寇至則鳴鼓召眾先後掩擊俘獲者賞不至者懲先是都內郡邑有警輒移統府兵戍之在宜州者百人古縣半之崇憲謂根本單虛非所以窒姦萌適於其地各置兵如戍兵之數而欲成者以歸營為邊要害地自狄青平儂智高所以設防甚嚴至歲久寢弛而溪峒日熾崇憲條上其議朝廷頗采其言然未及盡也崇憲天

性篤孝能守家法所至以惠政聞

欽定續通志卷三百八十八

續通志 卷三百八十八 列傳 宋

志五五八九

列傳

宋九十三

彭龜年

黃度周南

黃黼

黃裳

林大中

詹體仁

羅點

陳駉

彭龜年字子壽臨江軍清江人七歲而孤事母盡孝性穎異讀書能解大義登乾道五年進士第授袁州宜春尉吉州安福丞鄒橋張均同薦除太學博士殿中侍御史劉光祖以論帶御器械吳端徒太府少卿龜年上疏乞復其位貽書宰相云祖宗嘗改易差除以伸臺諫之氣不聞改易臺諫以伸倖臣之私累遷祕書郎兼嘉王府直講光宗嘗親郊值暴風雨感疾大臣希得進見久之疾平猶疑畏不朝重華宮龜年以書譙趙汝愚且上疏言壽皇之事高宗備極子道此陛下所親觀也況壽皇今日止有陛下一人聖心拳拳不言可知特遇過宮日分陛下或遲其行則壽皇不容不降免到宮之旨蓋為陛下辭責於人使人不得以竊議陛下其心非不欲陛下之來自古人君處骨肉之間多不與外臣謀而與小人謀之所以交關日深疑隙日大今日兩宮萬萬無此然臣所憂者外無韓琦富弼呂誥司馬光之臣而小人之中已有任守忠者在焉惟陛下裁察又言使陛下虧過宮定省之禮皆左右小人間謀之罪宰執侍從但能推父子之愛調停重華臺諫但能仗父子之義責望人主至於疑間之根盤固不去曾無一語及之今內侍間謀兩宮者固非一人獨陳源在壽皇朝得罪至重近復進用外人皆謂離間之機必自源始宜亟發威斷首

逐陳源然後肅命變與負罪引應以謝壽皇使父子歡然宗社有承顧不幸歟居亡何光宗朝重華都人歡悅尋除起居舍人入謝光宗曰此官以待有學識人念非卿無可者龜年述祖宗之法為內治聖鑑以進光宗曰祖宗家法甚善龜年曰臣是書大抵為宦官女謁之防此曹若見恐不得數經御覽光宗曰不至是他日龜年奏臣所居之官以記注言動為職車駕不過宮問安如此書者又數十矣恐非所以示後有旨幸玉津園龜年奏不奉三宮而獨出宴遊非禮也又言陛下誤以臣充嘉王府講讀官正欲臣等教以君臣父子之道臣聞有身教有言教陛下以身教臣以言教者也言豈若身之切哉紹熙五年五月壽皇不豫疾侵革龜年連三疏請對不獲命屬帝視朝龜年不離班位伏地扣額久不已血漬鬢鬢光宗曰素知卿忠直欲何言龜年奏今日無大於不過宮光宗曰須用去龜年言陛下屢許臣一入宮則又不然內外不通臣實痛心同知樞密院余端禮曰扣額龍墀曲致忠懇臣子至此為得已邪帝云知之孝宗崩寧宗受禪是夕召對寧宗感額云前但聞建儲之議豈知遽踐大位泣辭不獲至今震悸龜年奏此乃宗祏所係陛下安得辭今日但當盡人子事親之誠而已因擬起居劄子乞日進一通又定過宮之禮乞先一日入奏率百官恭謝寧宗朝泰安宮至則寢門已閉拜表而退時議欲別建泰安宮而光宗無從宮意龜年言古人披荆棘立朝廷尚可布政出令況重華一宮豈為不足哉陛下居狹處太上居寬處天下之人必有諒陛下之心者於是宮不果建遷中書舍人劉慶祖已帶迓郡承宣使而以太上隨龍人落階官龜年繳奏寧宗批

可與書行龜年奏臣非為慶祖惜此一官為朝廷惜此一門耳夫可與書行近世弊令也使其可行臣即書矣使不可行豈敢因再令而遂書哉寧宗嘗謂退朝無事恐自怠惰非多讀書不可龜年奏人君之學與書生異惟能虛心受諫遷善改過乃聖學中第一事豈在多哉一日御筆書朱熹黃裳陳傅良彭龜年黃由沈有開李獻京鐘黃艾鄧驛十人姓名示龜年云十人可充講官否龜年對曰陛下若招徠一世之傑如朱熹輩方厥人望不可專以潛邸學官為之尋除侍講遷吏部侍郎升兼侍讀龜年知事勢將變會暴雨震雷因極陳小人竊權號令不時之弊遣充金國弔祭接送伴使初朱熹與龜年約共論韓侂胄之姦會龜年護客熹以上疏見黜龜年聞之附奏云始臣約熹同論此事今熹既罷臣宜併斥不報迫歸見侂胄用事權勢重於宰相於是條數其姦謂進退大臣更易言官皆初政最關大體侂胄竊弄威福不去必為後患帝覽奏甚駭曰侂胄朕之肺腑信而不疑不謂如此批下中書子侂胄祠已乃復入龜年上疏求去詔侂胄與內祠龜年與郡以煥章閣待制知江陵府湖北安撫使龜年勾祠慶元二年以呂柟言落職已而追三官勒停嘉泰二年復原官起知贛州以疾辭除集英殿修撰提舉中書觀開禧二年以寶謨閣待制致仕卒贈寶謨閣直學士賜諡忠肅未幾加贈龍圖閣學士而擢用其子欽

黃裳字文叔隆慶府普城人登乾道五年進士第調巴州通江尉時蜀中餉師名為和權實則取民裳賦漢中行諷總領李繁為罷權民便之改興元府錄事參軍以四川制置使留正薦召對論蜀兵民大計遷國子博

士光宗登極裳進對謂中興規模與守成不同出攻入守當據利便之勢不可不定行都富國強兵當求功利之實不可不課吏治捍內禦外當有緩急之備不可不立重鎮其論行都以為就便利之勢莫若建康其論吏治謂立品式以課其功計資考以久其任其論重鎮謂自吳至蜀綿互萬里曰漢中曰襄陽曰江陵曰鄂渚曰京口當為五鎮以將相大臣守之五鎮疆則國體重矣除太學博士進祕書郎遷嘉王府翊善講春秋王正月謂必書王正月所以一諸侯之正朔今天下境土比祖宗時不能十之四然猶跨吳蜀荆廣閩越二百州任吾民者二百州守也任吾兵者九都統也苟不能統御則何以服之王曰何謂九都統裳曰唐太宗年十八起義兵平禍亂今大王年過之而國家九都統之說猶有未知其可不及汲於學乎他日王擢用東宮舊人吳端端諸王謝王接之中節裳因講左氏禮有等衰問王比待吳端得重輕之節是得等衰之義王意益向學於是作八圖以獻曰太極曰三才本性曰皇帝王伯學術曰九流學術曰天文曰地理曰帝王紹運以百官終焉各述大旨陳之他日王過重華宮壽皇問所讀書以為太多王曰講官訓說明白心樂之不知其多裳久侍王邸每歲誕節則陳詩以寓諷初嘗製渾天儀與地圖侑以詩章又以王所講三經為詩三章以進王為手書其詩以賜之裳每勸講必援古證今即事明理凡可以開導王心者無不言紹熙二年遷起居舍人奏曰自古人君不能從謀者其蔽有三一曰私心二曰勝心三曰忿心因私而生勝因勝而生忿忿心生則事有不得其理者焉如潘景珪常才也陛下固亦以常人遇之特以臺諫攻

之不已致陛下庇之愈力事勢相激乃至於此宜因事靜察三年試中書舍人時武備弛裳上疏曰壽皇在位三十年拊循將士常恨不得効死以報陛下誠能留意武事三軍之士孰不感激願為陛下用又論荆襄形勢居吳蜀之中其地四平若金八擣襄陽據江陵拔兵以守則吳蜀中斷此今日邊備之最可憂也宜分鄂渚兵一二萬人屯襄漢之間以張形勢而壯重地不省未幾除給事中趙汝愚除同知樞密院監察御史汪義端言祖宗之法宗室不為執政再疏醜詆汝愚乞免官裳奏汝愚事父孝事君忠居官清廉憂國愛民出於天性奴隸知其清明義端所見奴隸不如不可以居朝列於是義端與郡裳在瑣闥甫一月封駁無慮十數韓侂胄落階官鄭汝諧除吏部侍郎裳皆繳其命改兵部侍郎不拜遂以顯謨閣待制充翊善先是光宗以憂疑成疾不過重華宮裳疏請五日一朝至是復苦言之帝曰內侍楊舜卿告朕勿過宮裳請斬舜卿且以八事為奏曰念恩釋怨辨譏去疑責已畏天防亂改過不報裳嘗病疽及是憂憤創復作又奏陛下之於壽皇未盡孝敬之道意者必有所疑父子之間小有猜疑此心一萌方寸遂亂宜及今幡然改過整聖駕謁兩宮以交父子之歡會壽皇不豫中外憂危裳抗聲諫帝起入宮裳挽其裾隨之至宮門揮涕而出乃連章請外謂臣職有三曰侍制曰侍講曰翊善今三職俱廢因出關待命及聞壽皇遺詔乃亟入臨靈宗即位裳病不能朝改禮部尚書尋兼侍讀力疾入謝引魏徵十漸以為戒又奏言陛下近日所為頗異前日除授之際大臣多有不知蓋是時韓侂胄已潛弄威柄而宰相趙汝愚未之覺故裳先事言

之及疾革日占遺表而卒年四十九贈資政殿學士嘉定中諡忠文子瑾孫子敏

羅點字春伯撫州崇仁人登淳熙三年進士第授定江節度推官累遷校書郎兼國史院編修官歲旱詔求言點上封事謂今時姦諛日甚議論凡陋無所可否則曰得體與世浮沈則曰有量畧皆默已獨言則曰沽名取皆濁已獨清則曰立異此風不革陛下雖欲大有為於天下未見其可也自早暵為慮陛下禱羣祠赦有罪曾不足以感動及朝求讜言夕得甘雨天心所昭然不誣獨不知陛下之求言果欲用之否乎願以所上封事反覆詳熟當者審而後行疑者咨而後決如此則治象日著而亂萌自消矣遷祕書郎兼皇太子宮小學教授

寧宗時以皇孫封英國公點兼教授入講至嘯時不輟左右請少憩點曰國公務學不休奈何止之又撫古事勸戒為鑑古錄以進累遷太常少卿兼侍立修注官光宗受禪點被命使金告登寶位會金有國喪迫點易金帶點曰登位吉事也必以吉服從事帶不可易又詰點不當稱寶位點曰聖人大寶曰位不加寶字何以別至尊金人不能奪帝嘗謂點舊為宮僚有所欲言毋憚啟告點言君子得志常少小人得志常多念君子之難進則極所以主張而覆護之念小人之難退則盡所以燭察而隄防之皇子嘉王年及弱冠點言宜擇端良忠直之士參侍燕閒遂除黃裳為翊善又言今道塗之言皆謂陛下每旦視朝勉強聽斷意不在事宮中燕遊之樂錫賚者侈之費已騰於眾口強敵對境此聲豈可出哉紹熙三年冬至車駕將朝賀重華宮既而中輟點言自天子違庶人節序拜觀無有闕者三稱五常所係甚大

不當以常事而忽之上過宮意未決點奏陛下已消日過宮壽皇必引領以俟陛下常人於朋友且不可以無信況人主之事親乎今陛下久闕溫清壽皇欲見不可得萬一憂感疾陛下將何以自解於天下嘗召對便殿點言近者中外相傳或謂陛下內有所制不能遽出溺於酒色不恤政事果有之乎帝曰無是點曰臣固知之竊意宮禁閉或有撓拂之事姑以酒自遣耳夫閭閻匹夫處閨門逆境容有縱酒自放者人主宰制天下此心如青天白日當風雨雷電既濟之餘湛然虛明豈容復有纖芥停留帝猶未過宮點又奏竊聞嘉王生朝稱壽禁中以報劬勞之德父子歡洽寧不動心上念兩宮延望之意點以言不見聽求去不許十二月試兵部尚書五年四月帝將幸玉津園點請先過重華曰陛下為壽皇子四十餘年一無閒言止緣初郊違豫壽皇嘗至南內督過左右之人自此讒聞遂生憂疑以臣觀之壽皇與天下相忘久矣今臣下皆無貳志設有離間誅之

不疑乃若深居不出久虧子道眾口謗讟禍患將作不可以不慮帝曰卿等可為朕調護之點曰陛下出一出即當釋然帝猶未行點乃率講官言之帝曰朕心未嘗不

思壽皇對曰陛下久闕定省雖有此心何以自白及壽皇不豫點又隨宰執班進諫閱門吏止之點叱之而人帝拂衣起宰執引帝裾點亟前泣奏曰壽皇疾勢已危不及今一見後悔何及羣臣隨帝入至福靈殿內侍圍門眾慟哭而退越三日點隨宰執起居詔獨引點入點奏前日迫切獻忠舉措失禮陛下赦而不誅然引祿亦故事也帝曰引祿可也何得輒入宮禁乎點引辛毗事以謝且言壽皇止有一子既付神器惟恐見之不速

耳壽皇崩點請帝奔喪許而不出拜遺詔於重華宮前後與侍從列奏諫請帝過宮者凡三十五疏自上奏者又十六章而奏疏重華上書嘉王及面對口奏不預焉

靈宗嗣位人心始定拜端明殿學士簽書樞密院事帝有事明堂點扈從齋宮得疾卒年四十五贈太保諡文恭點天性孝友無矯激崖異之行而端介有守義利之辨倭如宰相趙汝愚嘗謂靈宗曰黃裳羅點相繼淪謝二臣不幸天下之不幸也

黃度字文叔紹興新昌人好學讀書隆興元年進士知嘉興縣入監登聞鼓院行國子監簿言今日養兵為巨患救患之策宜使民屯田除復府衛以銷募兵具屯田府衛十六篇上之紹熙四年守監察御史蜀將吳挺死度言挺子曦必納賂求襲位若因而授之恐為他日患乞分其兵柄宰相難之後曦割關外四州路金人求王蜀果如度言光宗以疾不過重華宮度上書切諫極陳父子相親之義且言太白晝見犯天關榮感句芒行入太微其占為亂兵入宮不聽乞罷去又言以孝事君則忠臣父年垂八十菽水不親動經歲月事親如此何以

為事君之忠蓋託已為諭冀因有以感悟上心又與臺諫官劾內侍陳源楊舜卿林億年三人為今日禍根罪大於李輔國又言孔子稱天下有道則庶人不議夫人主有過公卿大夫諫而改則過不彰庶人奚議焉惟諫而不改失不可蓋使閭巷小人皆得妄議紛然亂生故勝廣黃巢之流議於下國皆隨以亡今天下無不讓聖德者臣竊危之帝猶不聽遂出修門帝諭使安職度奏有言責者不得其言則去理難復入靈宗即位詔復為御史改右正言韓侂胄用事丞相留正去國侂胄知度

嘗與正論事不合欲讒使擠之度與同列曰丞相已去擠之易耳然長小人聲欲可乎侂胄駭竊政柄以意所好惡為威福度具疏將論其姦為侂胄所覺御筆遽除度直顯謨閣知平江府度言蔡京擅權天下所由以亂今侂胄假御筆逐諫臣按四朝聞見錄載御筆皆侂胄所書為其後王津園之事鄭發王斌邀侂胄車語以有御筆押平章出國門侂胄倉忙使日御筆我所為也此時御筆又為慈明所書附識俛首去不得效一言非國之利也固辭丞相趙汝愚袖其疏入白詔以冲祐祿歸養俄知婺州坐不發覺縣令張元破職罪降罷自是紀綱一變大權盡出侂胄而黨論起矣知泉州辭乃進寶文閣奉祠如故侂胄誅召除太常少卿等兼國史院編修實錄院檢討官朝論欲

侂胄首以泗州五千人還金度以為辱國非之權吏部侍郎兼修玉牒同修國史實錄院同修撰屢移疾以集英殿修撰知福州遷寶謨閣待制始至訟牒日千餘度隨事裁決進龍圖閣知建康府兼江淮制置使賜金帶以行至金陵罷科羅輸送之擾活饑民百萬口除見稅二十餘萬擊降盜卡整斬盜胡海首以獻招歸業者九萬家侂胄嘗募雄淮軍已收刺者十餘萬人別屯數千人未有所屬度憂其為患人給錢四萬復其役遣之遷寶謨閣直學士度以人物為己任推挽不休十上引年之請不許為禮部尚書兼侍讀趣入觀論藝祖垂萬世之統一日純用儒生二日務惜民力帝納其言謝病

勾去遂以煥章閣學士知隆興府歸越提舉萬壽宮嘉定六年十月卒進龍圖閣學士贈通奉大夫度志在經世而以學為本其增周南字南仲平江人年十六遊學吳下視時人業科舉心陋之文詞雅麗精切而皆達於時用每以世道興廢為己任登紹熙元年進士第按四朝聞見錄

按四朝聞見錄

見錄載周南遊太學有時名然願任俠嘗與鄒提遊提
有奏疏未報南嘗見之會廷對策中微諷帝以未報鄭
之意有司已第南為第一光宗遂就南卷首批大臣曰混
之疏入纔六日耳南何自知之迷其策南卷首批大臣曰混
無削棄君之忠周南顯非山林為池州教授會度以
恬退之士可降為第一甲十五人為池州教授會度以
言忤當路御史劾度并南罷之度與南俱入偽學黨開
禧三年召試館職南對策詆權要言者劾南罷之卒於

家
林大中字和叔婺州永康人入太學登紹興三十年進
士第知撫州金谿縣郡督輸賦急大中請寬其期不聽
納告勅投劾而歸己而主太常寺簿光宗受禪除監察
御史上疏言臣昨簿正奉常實陪廟祀見祝於神者或
舛於文稱於神者或詆其字所宜厚者或簡不虔所宜
先者或廢不用更制器服或歲月太疏夙興行事或時
刻太早是皆禮意所未順人情所未安也一日御札示
大中謂言事覺察宜遵舊例大中曰臺臣不當踰分守
固如聖訓然必抗直敢言乃為稱職遷殿中侍御史奏
言進退人才當觀其趨向之大體不當責其行事之小
節趨向果正雖小節可責不失為君子趨向不正雖小
節可喜不失為小人又論今日之事莫大於讐恥之未
復此事未就則此念不可忘此念存於心於以來天下
之才作天下之氣倡天下之義此義既明則事之條目
可得而言治功可得而成矣陳賈以靜江守臣入奏大
中極論其庸回亡識命遂寢紹興二年春雷電交作有
旨訪時政闕失大中疏曰仲春雷電大雪繼作以類求
之則陰勝陽之明驗也男為陽而女為陰君子為陽而
小人為陰當辨邪正毋使小人得以開君子當正始
之道毋使文調之得行司諫郡驛以言事移將作監大
中言臺諫以論事不合而遷臣恐天下以陛下為不能

容守侍御史兼侍講知潭州趙善俊得旨奏事大中上
疏劾善俊而言宗室汝愚之賢當召帝用其言召汝愚
而出善俊時江淮荆襄為國巨屏而權任頗輕大言
宜選行實材略之人付以江淮荆襄經理之任舊制河
北陝西分為四路以文臣為大帥武臣副之中興初沿
江置制置使自秦檜罷三大將兵權專歸武臣而江東
荆襄帥臣不復領制置之職宜仍舊制置而以諸將為
副久其任重其權則邊防立而國勢張矣江浙四路民
苦折帛和買重輸大中曰有產則有稅於稅絹而科折
帛猶可言也如和買折帛則重為民害蓋自咸平馬元
方建言於春預支本錢濟其乏絕至夏秋使之輪納則
是先支錢而後輸絹其後則錢鹽分給又其後則直取
於民今又令納折帛錢以兩縑折一縑之直大失立法
初意朝廷以其言為減所輸者三歲馬大同為戶部大
中劾其用法峻帝欲易置他部大中曰是嘗為刑部固
以深刻稱章三上不報又論大理少卿宋之瑞章四上
又不報大中以言不行求去改吏部侍郎辭不拜乃除
大中直寶謨閣而大同之瑞俱與郡給事中尤袤中書
舍人樓鑰上疏云大言官當與被論者有別尋命知
密國府又移贛州監宗即位召還試中書舍人遷給事
中尋兼侍講知閤門事韓侂胄來謁大中接之無他語
陰請內交大中笑而卻之侂胄怨由此始會吏部侍郎
彭龜年抗論侂胄侂胄轉一官與內祠龜年除煥章閣
待制與郡大中同中書舍人樓鑰劾奏曰陛下眷禮僚
舊一旦龍飛延問無虛日不三數月間或死或斥賴龜
年一人尚留今又去之四方謂其以盡言得罪恐傷政
體且一去一留恩意不粹請留龜年經筵而命侂胄以

外任有旨龜年已為優異侂胄本無過尤可並書行大
中復同奏龜年既已決去侂胄難於獨留宜界外任或
外祠以慰公議不聽太府寺丞呂祖儉以上書攻侂胄
謫置韶州大中掇之汪義端頃為御史以論趙汝愚去
至是侂胄引為右史大中駁之改吏部侍郎不拜以煥
章閣待制知慶元府城南民田湖溢不可種大中捐公
帑治石築之民不知役而蒙其利郡訛言夜有妖大中
謂此必點賊所為立捕鯨之人情遂安勾祠得請給事
中許及之繳駁遂削職後提舉沖佑觀乞休致復原職
監察御史林采論列再落職尋復之大中罷歸屏居十
二年時事一不以掛口及侂胄罪死於瘴鄉雖贈官界
部尚書言呂祖儉以言侂胄得罪死於瘴鄉雖贈官界
職而公議未厭彭龜年面奏侂胄過尤朱熹論侂胄竊
弄威柄皆為中傷降官鐫職卒以老死宜優加旌表其
他因譏切侂胄以得罪者望量其輕重而旌別之除端
明殿學士簽書樞密院事嘉定改元兼太子賓客嘗議
講和事帝曰朕不憚屈已為民講和之後亦欲與卿等
革侂胄弊政作家活耳大中頓首曰陛下言及此宗社
生靈之福也是年六月卒年七十有八贈資政殿學士
正奉大夫諡正惠

陳騷字叔進台州臨海人紹興二十四年試春官第一
秦檜當國以秦墳居其上累官遷將作少監守祕書少
監兼太子諭德太子尹臨安騷謂儲宮下親細務不得
專於學非所以毓德也太子翼然亟辭崔淵以外戚張
說進除祕書郎兼金部郎駁駁還詞頭未幾出知蘇州
易秀州召還首言陛下銳意圖治羣下急於自媒爭獻
疆兵理財之計及界以職報效度間宜杜邪詔之路遷

祕書監兼崇政殿說書治熙五年試中書舍人兼侍講同修國史帝欲采晉宋以下興亡理亂之大端約爲一書謂駉曰惟卿與周必大可任此事言者忌而攻之帝留章不下授提舉太平興國宮起知靈國府改知太平州加集英殿修撰以言者罷起知袁州光宗受禪召試吏部侍郎紹熙元年同知貢舉兼侍講二年春雪雷詔陳時政得失駉疏三十條如宮闈之分不嚴則權柄移內謁之漸不杜則明斷息謀諛於當路則私黨植咨將帥於近習則賄賂行不求議論則過失彰不謹舊章則取舍錯宴飲不時則精神昏賜予無節則財用竭皆切於時病三年三月權禮部尚書六月同知樞密院事四年二月參知政事光宗以疾不朝重華宮會慶節稱壽又不果往駉三入奏廷臣上疏者以百數帝感悟以冬至日朝重華五年正月朔旦稱壽於慈福宮孝宗崩光宗以疾未臨喪駉請正儲位以安人心七月攝行三省事寧宗即位知樞密院事兼參知政事趙汝愚爲右丞相駉素所不快未嘗同堂語汝愚擬除劉光祖侍郎史駉奏曰劉光祖舊與臣有隙光祖入臺臣請避之汝愚愕而止時韓侂胄恃傳言之勞潛竊國柄吏部侍郎彭龜年論侂胄將爲國患不報於是龜年侂胄俱請嗣駉曰以閣門去經延何以示天下龜年竟外補侂胄語人曰彭侍郎不貪好官固也元樞亦欲爲好人耶遂以資政殿大學士與郡辭詔提舉洞霄宮慶元二年知婺州告老授觀文殿學士提舉洞霄宮嘉泰三年卒年七十六贈少傅諡文簡

黃黼字元章臨安餘姚人也少遊太學第進士累遷太常博士輪對言周以輔翼之臣出任方伯漢以牧守之

最擢拜公卿唐不歷過任不拜宰相本朝不爲三司等屬不除清望官乞於時望近臣中擇才略謀慮可以在重致遠者或畀上流或委方面習知邊防利害地形險阨中外軍民亦乎其恩信熟其威名天下無事則取風績顯著者不次除拜以尊朝廷邊鄙有警則任以重寄俾制方面出將入相行太常丞進祕書郎提舉江東常平茶鹽召爲戶部員外郎尋除直祕閣兩浙路轉運判官進直龍圖閣升副使辭改直顯謨閣浙東瀕海之田以旱撈告常平儲蓄不足黼捐漕計貸之毗陵饑民取糠粃雜草根以充食郡縣不以閭閻取民食以進乞指僧牒緡錢賑濟所全活甚眾除中書門下檢正諸房公事守殿中侍御史兼侍講遷侍御史起居郎兼權刑部侍郎以劉德秀論劾奉祠而卒

詹體仁字元善建寧浦城人父愷贛州信豐尉體仁登隆興元年進士第調饒州浮梁尉郡上體仁獲盜功狀當賞體仁謝不就爲泉州晉江丞宰相梁克家薦於朝入爲太學錄升太學博士太常博士遷太常丞攝金部郎官光宗即位提舉浙西常平除戶部員外郎湖廣總領就升司農少卿奏調諸郡賦輸積欠百餘萬有逃卒千人入大冶因鐵鑄錢剽掠爲變體仁語戎帥此去京師千餘里若比上請得報賊勢張矣宜速加誅討帥用其言羣黨悉散除太常少卿陞對首陳父子至恩之說謂易於家人之後次之以睽睽之上九曰見豕負塗載鬼一車先張之弧後說之弧匪寇婚媾往遇雨則吉夫疑極而或凡所見者皆以爲寇而不知實其親也孔子釋之曰遇雨則吉羣疑亡也蓋人倫天理有間隔而無斷絕方其未通也溷鬱煩憤若不可以終日及其醒然

而悟泮然而釋如遇雨焉何其和悅而奮暢也伏惟陛下神心昭融聖度恢豁凡厥疑情一朝煥然若揭日月而開雲霧丕敘彝倫以承兩宮之歡以塞兆民之望時上以積疑成疾久不過重華宮故體仁引睽孤之義以開廣聖意孝宗崩體仁率同列抗疏請駕詣重華宮親臨祥祭辭意懇切時趙汝愚將定大策外庭無預謀者密合體仁及左司郎官徐誼達意少保吳玘請憲聖太后垂簾爲接立計憲宗登極天下晏然體仁與諸賢密贊汝愚之力也時議帝諡體仁言壽皇皇帝事德壽二十餘年極天下之養諒陰三年不御常服漢唐以來未有宜諡曰孝卒用其言孝宗將復土體仁言永阜陵地勢卑下非所以妥安神靈與宰相異議除太府卿尋直龍圖閣知福州言者竟以前論山陵事罷之退居書川日以經史自娛人莫窺其際始體仁使浙右時蘇思旦以胥吏執役後倚侂胄躡躅大官至是遺介通殷勤體仁曰小人乘君子之器禍至無日矣烏得以汚我未幾果敗復直龍圖閣知靜江府閩十縣稅錢一萬四千緡雜賦八千移守鄂州除司農卿復總湖廣餉事時歲凶艱食卽以便宜發廩振拯而後以聞侂胄建議開邊一時爭談兵以規進用體仁移書廟堂言兵不可輕動宜遵養俟時皇甫斌自以將家子好言兵體仁語煥屬謂斌必敗已而果然開禧二年卒年六十四

欽定續通志卷三百八十九

列傳

宋九十四

胡紘

何澹

林栗

高文虎

陳自強

鄭丙

京鎧

謝深甫

許及之

梁汝嘉

胡紘字應期處州遂昌人淳熙中舉進士紹熙五年以京鎧薦監都進奏院遷司農寺主簿祕書郎韓侂胄用事逐朱熹趙汝愚意猶未快遂擢紘監察御史紘未達時嘗謂朱熹於建安熹待學子惟脫粟飯遇紘不能異紘曰此非人情遂亡去及是劾趙汝愚且詆其引用朱熹為偽學罪首汝愚遂謫永州侂胄以汝愚之門及朱熹之徒多不便於己欲盡去之謂不可一一誣以罪則設偽學之目以擯之用何澹劉德秀為言官專擊偽學紘草疏欲攻熹會改太常少卿不果沈繼祖以追論程頤得為察官紘遂以藁授之繼祖論熹皆紘筆也寧宗以孝宗嫡孫行三年服紘言止當服期詔侍從臺諫給舍集議釋服於是從紘太常少卿使草定其禮既而親饗太廟紘既解言責復入疏云比年以來偽學猖獗圖為不軌動搖上皇詆誣聖德幾至大亂賴二三大臣臺諫出死力而排之故元惡殞命羣邪屏跡自御筆有敕偏建中之說或者誤認天意急於奉承倡為調停之議取前日偽學之姦黨次第用之以冀幸其他日不相報復往者建中靖國之事可以為戒陛下何未悟也宜且命退伏田里循省愆咎俄遷紘起居舍人詔偽學之黨宰執權住進擬用紘言也自是學禁益急進起居郎權

工部侍郎移禮部又移吏部坐同知貢舉考宏詞不當而罷未幾學禁漸弛紘亦廢棄卒於家

何澹字自然處州龍泉人乾道二年進士累官至國子司業遷祭酒除兵部侍郎光宗內禪拜右諫議大夫兼侍講澹本周必大所厚始為學官二年不遷留正奏遷之澹憾必大及長諫垣劾必大必大遂策免澹嘗與

所善劉光祖言之光祖曰周丞相豈無可論第其門多佳士不可併及其所薦者澹不聽時姜特立譙熙載以春坊舊恩願用事一日光祖過澹因語澹曰曾龍之事不可再澹曰得非姜譙之謂乎既而澹引光祖入便坐

則皆姜譙之徒也光祖始悟澹諷譎明年澹同知貢舉光祖除殿中侍御史自上學術邪正之章及奏名光祖被旨入院拆號澹謂曰近日風采一新光祖曰非立異也但嘗為大諫言者今日言之耳既出同院謂光祖曰

何自然見君所上章數夕恍惚餌定志九他可知也進御史中丞澹有本生繼母喪乞有司定所服禮寺言當解官澹引不逮事之文乞下給諫議之太學生喬嘉朱有成等移書於澹謂足下自長臺諫此綱常之所係也四十餘年以所生繼母事之及其終也反以為生不逮

而不持心喪可乎奉常禮所由出願以臺諫給舍議之識者有以闕之矣澹乃去終制除煥章閣學士知泉州移明州寧宗即位朱熹彭龜年以論韓侂胄俱絀澹遷為中丞怨趙汝愚不援引汝愚時已免相復詆其廢壞壽皇良法美意汝愚落職罷祠又言專門之學流而為偽願風厲學者專師孔孟不得自相標榜除同知樞密院事參知政事遷知樞密院吳曦賄通時幸規圖帥蜀未及賄澹韓侂胄已許之澹持不可侂胄怒曰始以君

肯相就黜偽學汲引至此今願立異耶以資政殿大學士提舉洞霄宮起知福州澹居外常快快以書祈侂胄有曰迹雖東治心在南園侂胄憐之進觀文殿學士尋

移知隆興府後除江淮制置大使兼知建康府移使湖北兼知江陵奉祠卒贈少師

林栗字黃中福州福清人登紹興十二年進士第調崇仁尉教授南安軍宰相陳康伯薦為太學正守太常博士孝宗即位遷屯田員外郎皇子恭王府直講時金人請和約為叔姪之國且以歸驪為請栗上封事言宗廟之讐而事之以弟姪其忍使祖宗聞之乎無唐鄧則荆襄有齒寒之憂無泗海則淮東之備達於真揚海道之防徧於明越矣為今日計宜停使勿遣遷延其期比至來春別無動息徐於境上移書論以兩國誓言敗之自彼信不由衷雖盟無益自今宜守分界休息生靈不煩

聘使之往來各保疆場之無事焉用疲敝州縣以供信使乎孝宗懲創紹興權臣之弊躬攬權綱不以責任臣下栗言王侯貴戚善撻權左右近習善竊權至有以鹿為馬以雞為鸞之語執政有詠於孝宗曰林栗謂臣等指鹿為馬臣實不願與之同朝乃出知江州有旨省併江州屯駐一軍栗奏辛巳甲申兩淮一再受敵賴江州一軍分布故舒蘄黃三州獨不被兵本州上至鄂渚七百里下至池陽五百里平時屯戍誠若無益萬一有警鄂渚之戍上越荆襄池陽之師下流增備中間千里藩籬誠為虛闕無以一夫之議而廢長江千里之防由是軍得無動以吏部員外郎召冬至有事南郊前期十日百執事聽誓戒會慶節有旨上壽不用樂迨宴金使乃有權用樂之命栗以為不可致書宰相不聽兼皇子慶

王府直講有旨令二王非時招延講讀官相與議論時政期盡規益粟以爲不可疏言漢武帝爲戾太子開博望苑卒敗太子唐太宗爲魏王泰立文學館卒敗魏王古者教世子與吾祖宗之所以輔導太子諸王惟以講經讀史爲事若使議論時政則是對子議父無禮不可不留聖意除右司員外郎遷太常少卿太廟祫享之制始祖東向昭南向穆北向別廟神主附於祖妣之下隨本室南北向而無西向之位紹興乾道間懿節安穆二后升祔有司設幄西向逮安恭皇后新祔有司承前失其西向之位幾與僖祖相對栗辨正之除直寶文閣知湖州栗朝辭曰臣聞漢人賈誼號通達國體其所上書至於痛哭流涕者考其指歸大抵以一身喻天下之勢其言曰天下之勢方病大瘡非徒瘡也又苦踈盪又類辟且病靡臣每見士大夫好論時事輒舉以問之今日國體於四百四病之中名爲何病能言其病者猶未必能處其方不能言其病而輒處其方其誤人必矣聞臣之言者不忿則默問有反以詰臣即對之曰今日之病名爲風虛其狀半身不隨是也風氣在外虛者在內真氣內耗故風邪自外而乘之忽中於人應時僵仆則靖康之變是也幸而元氣猶存故仆而復起則建炎之興是也然元氣雖存邪氣尙盛自准以北皆吾故壤而號令不能及正朔不能加有異於半身不隨者乎非但半身不隨而已半身存者涼凜乎畏風邪之乘而不能以自安也欲起此疾者必禁其嗜欲節其思慮愛其氣血養其精神使半存之身日以充實則陽氣周流脈絡宣暢將不覺台杖而行若急於愈疾而不顧其本百毒入口五臟受風風邪之盛未可卒去而眞氣之存者日以

耗亡故中風再至者多不能救臣愚有感於斯言竊謂賈誼復生爲陛下言無以易此知興化軍又移南劔除夔路提點刑獄改知夔州加直敷文閣夔屬郡曰施州其羈縻郡曰思州施民譚汝翼者與知思州田汝弼交惡會汝弼卒汝翼帥兵伐其喪汝弼之子祖周深入報復兵交於二州之境施黔大震汝翼復繕甲兵科丁壯以重幣借兵諸洞而乞師於帥府粟曰汝翼實召亂者移檄罷兵乃選屬吏往攝兵職以漸收汝翼之權命兵馬鈐轄按閱諸州密檄至施就攝州事汝翼不之覺已乃惶遽遁入成都事聞孝宗親札賜粟及成都制置使陳峴曰田氏猶是羈縻州郡譚氏乃夔路豪族又且首爲嚮導帥聞不能彈壓縱其至此如尙不悛未免加兵除其元惡汝翼逃歸調集家丁及役八峇義軍列陳於沱河橋與官軍戰大潰汝翼遁去俘其徒四十有三人取其巨惡者九人誅之田祖周由是懼與其母冉氏謀獻黔江田業計錢九十萬緡以贖罪蠻遂安既而汝翼入都訴粟受田氏金詔以汝翼屬吏省劄下夔州粟親書奏狀繳還併辨其事帝大怒會近臣有救解者尋坐粟身爲帥臣擅格上命鐫職罷歸既而理寺追究事白貨汝翼死幽置紹興府居頃之詔粟累更事任清介有聞復直寶文閣廣南西路轉運判官累進集英殿修撰知隆興府召對便殿奏乞倣唐制置補關於遺左右各一員不以糾彈爲責從之除兵部侍郎朱熹以江西提刑召爲兵部郎官熹既入國門未就職粟與熹相見論易與西銘不合至是粟遣吏部趣之熹以脚疾請告粟遂論熹本無學術徒竊張載程頤之緒餘爲浮誕宗主謂之道學妄自推尊所至輒攜門生十數人習爲春

秋戰國之態妄希孔孟歷聘之風繩以治世之法則亂人之首也今宋其虛名俾之入奏將置朝列以次收用而熹聞命之初遷延道途邀索高價門生迭爲游說政府許以風聞然後入門既經陞對得官除郎而輒懷不滿傲睨累日不肯供職是豈張載程頤之學教之然也緣熹既除兵部郎官在臣合有統攝若不舉劾厥罪惟均望將熹停罷姑令循省以爲事君無禮者之戒帝謂其言過當而大臣畏粟之強莫敢深論太常博士葉適獨上封事辯之曰考粟之辭始末參驗無一實者其中謂之道學一語無實最甚蓋自昔小人殘害良善率有指名或以爲好名或以爲立異或以爲植黨近忽抑爲道學之目鄭丙唱之陳賈和之居要路者密相付授見士大夫有稍務潔修粗能操守輒以道學之名歸之往日王淮表裏臺諫陰廢正人蓋用此術粟爲侍從無以達陛下之德意志慮而更襲鄭丙陳賈密相傳授之說以道學爲大罪文致言語逐去一嘉固未甚害第恐自此游辭無實讒言橫生善良受害無所不有願陛下正紀綱之所在絕欺罔於既形摧抑暴橫以扶善類奮發剛斷以慰公言於是侍御史胡晉臣劾粟罷之出知泉州又改明州奉祠以卒諡簡肅粟爲人強介有才而性猜急欲快其私忿遂至攻詆名儒廢絕師教殆與鄭丙陳賈何澹劉德秀劉三傑胡絳輩黨邪善正者同科雖疇昔論事雄辨可觀不足以蓋晚節之謬也高文虎字炳如四明人禮部侍郎閱之從子登紹興庚辰進士第調平江府吳興縣主簿曾幾守官在吳文虎從之遊故聞見博洽多識典故除國子正遷太學博士孝宗幸兩學祭酒林光朝訪文虎具儀注文虎韓國朝

以來臨幸故事授之兼國史院編修官與修四朝國史出知建昌軍擢將作丞兼實錄院檢討官修高宗實錄又兼玉牒所檢討官修神宗玉牒自熙寧以來史氏清雜人無所取信文虎盡取朱墨本刊正繆妄一一研覈既奏御又修徽宗玉牒考訂宣和崇觀以來尤為詳審靈宗即位累遷祭酒中書舍人升實錄院同修撰同修國史韓侂胄用事既逐趙汝愚朱熹以其門多知名名士設偽學之目以擯之遂命文虎草詔西掖詞命舊率以數人共一詞文虎以為非所以崇訓戒贊人才也適人各為之遷兵部侍郎除華文閣學士知建寧府力丐祠提舉太平興國宮以臺臣言奪職卒文虎以博洽自負與胡紘合黨共攻道學久司學校專困遏天下士凡言性命道德者皆絀焉

陳自強字勉之福州閩縣人登淳熙五年進士第慶元二年入都待銓自以嘗為韓侂胄童子師欲見之無以自通適僦居主人出入侂胄家為言於侂胄一日召自強比至則從官畢集侂胄設褥於堂鄉自強再拜次召從官同坐侂胄徐曰陳先生老儒汨沒可念明日從官交薦其才除太學錄遷博士數月轉國子博士又遷祕書郎入館半載擢右正言諫議大夫御史中丞入臺未踰月遂登樞府由選人至兩地纔四年嘉泰三年拜右丞相歷封祈衛秦國公韓侂胄顛朝權苞苴盛行自強尤貪鄙四方致書餽必題其緘云某物并獻凡書題無并字則不開縱子弟親戚關通貨賄仕進干請必諸價而後予日押空名刺劄送侂胄家須用乃填三省不與也都城火自強所貯一夕為燬燼侂胄首遺之萬緡執政及列郡聞之莫不有助不數月得六十萬緡遂倍所

失之數創國用司自為國用使以費士寅張巖為同知國用事培克民財州縣騷動方侂胄欲為平章猶畏眾議自強首率同列援典故入奏詔以侂胄為平章軍國事常語人曰自強惟一死以報師王每稱侂胄為恩王恩父而呼堂史史達祖為兄蘇師旦為叔侂胄將用兵遣使北行審敵虛實自強薦陳景俊以往金人有不宜敗好之語景俊歸自強戒使勿言侂胄乃決恢復之議吳曦有逆謀求歸蜀厚賂自強自強語侂胄非曦不足鎮坤維乃縱之歸曦卒受金人命為蜀王侂胄姦凶久盜國柄自強實為之表裏既開邊隙朝野洶洶三遣使請和金人欲縛送首議用兵賊臣侂胄恚憤復欲用兵中外大懼史彌遠建議誅侂胄詔以自強阿附充位不恤國事罷右丞相未幾詔追三官永州居住又責武泰軍節度使韶州安置中書舍人倪思繼奏乞遠竄籍其家詔從之再責復州團練副使雷州安置後死於廣州

鄭丙字少融福州長樂人紹興十五年進士積官至吏部尚書浙東提舉朱熹行部至台州奏台守唐仲友不法事宰相王淮芑之熹章十上丙雅厚仲友且迎合宰相意奏近世士大夫有所謂道學者欺世盜名不宜信用蓋指熹也於是監察御史陳賈奏道學之徒假名以濟其偽乞擯斥勿用道學之目丙倡賈和其後為慶元學禁善類被厄丙罪為多嘗知泉州為政暴急或勸之尚寬丙曰吾疾惡有素豈以晚節易所守哉聞者哂之丙官終端明殿學士卒諡簡肅

京鐘字仲遠豫章人也登紹興二十七年進士第龔茂良帥江西見之曰子廟廊器也及茂良參大政遂薦鐘

入朝孝宗詔侍從舉良縣令為臺官給事中王希呂曰京鐘亟登孺級兩試合有聲陛下求執法官鐘其人也帝引見鐘問政事得失時帝初統萬機銳志恢復羣臣進說多迎合天子意以為大功可且暮致鐘獨言天下事未有驟如意者宜舒徐以圖之帝善其言鐘於是極論今日民貧兵驕士氣頹靡言甚切至帝說擢為監察御史累遷右司郎官金遣賀生辰使來帝居高宗喪不欲引見鐘為檜佐以旨拒之使者請少留闕下鐘曰信使之來以誕節也誕節禮畢欲留何名乎使行帝嘉其稱職轉中書門下省檢正諸房公事金人遣使來弔鐘為報謝使金人故事南使至汴京則賜宴鐘請免宴郊勞使康元弼等不從鐘謂必不免宴則請徹樂遣之書曰鐘聞鄰喪者春不相里殯者不巷歌今鐘銜命而來醫北朝之惠弔是荷是謝北朝勤其遠而憫其勞遣郊勞之使錫式宴之儀德莫厚焉外臣受賜敢不重拜若曰而必聽樂是於聖經為悖理於臣節為悖義豈惟貽本朝之羞亦豈昭北朝之懿哉相持甚久鐘即館相禮者趣就席鐘曰若不徹樂不敢即席金人迫之鐘弗為動徐曰吾頭可取樂不可聞乃帥其屬出館門甲士露刃向鐘鐘叱退之金人知鐘不可奪馳白其主主歎曰南朝直臣也特命免樂自是恆去樂而後宴鐘孝宗聞之喜謂輔臣曰士大夫平居孰不以節義自許有能臨危不變如鐘者乎使選入見帝勞之曰卿能執禮為國家增氣朕將何以賞卿鐘頓首曰北人畏陛下威德非畏臣也正使臣死於北庭亦臣子之常分耳敢言賞乎故事使還當增秩右相周必大言於帝曰增秩常典爾京鐘奇節今之毛遂惟陛下念之乃命鐘權工部侍郎

四川關帥以錢為安撫制置使兼知成都府錢到官首罷征敘弛利以予民瀘州卒殺太守錢倫而斬之蜀以大治召為刑部尚書寧宗即位甚見尊禮由政府累遷為左丞相當是時韓侂胄權勢震天下其親幸者由禁從不一二歲至宰輔而不侂侂胄者往往沈滯不偶錢既得位一變其素守於國事讓無所可否但奉行侂胄風旨而已又薦引劉德秀排擊善類於是有偽學之禁後宦者王德謙除節度使錢乃請裂其麻帝曰除德謙一人而止可乎錢曰此門不可啟節錢不已必及三孤三孤不已必及三公願陛下以真宗不子劉承規為法以大觀宣政開童貫等冒節鉞為戒帝於是謫德謙而黜詞臣吳宗旦或曰亦侂胄意也居無何以年老請免相卒贈太保諡文忠後以監察御史倪千里言改諡莊

定

謝深甫字子肅台州臨海人少穎悟刻志為學中乾道二年進士第調嶧縣尉歲饑有死道旁者一嫗哭訴曰吾兒也傭於某家遭掠而斃深甫疑焉徐廉得嫗子他所召嫗出示之嫗驚伏曰某與某有隙賂我使誣告耳越帥方滋錢端禮皆薦深甫有廩廩才調崑山丞為浙曹考官一時士望皆在選中司業鄭伯熊曰文士世不乏求具眼如深甫者實鮮深甫曰文章有氣骨如太山喬嶽可望而知以是得之知處州青田縣侍御史葛邲監察御史顏師魯禮部侍郎王闡交薦之孝宗召見深甫言今日人才枵中侈外者多妄誕矯詐沽激者多眩激昂者急於披露而或鄰於好夸剛介者果於植立而或鄰於太銳靜退備默者寡有所合或鄰於立異故言未及酬而已輒罷事未及成而已挫抑於是起時徇

利之人專務身謀習為軟熟畏避束手因循苟且年除歲遷亦至通顯一有緩急莫堪倚仗臣願任使之際必察其實既悉其實則涵養之以蓄其才振作之以厲其氣栽培培植勿使沮傷帝嘉納問當世人才對曰薦士大臣職也小臣來自遠方不足以奉明詔帝領之論宰臣曰謝深甫奏對雍容有古人風除藉田令遷大理丞江東大旱擢為提舉常平講行救荒條目所全活一百六十餘萬人光宗即位以左曹郎官借禮部尚書為賀金國生辰使紹熙改元除右正言遷起居郎兼權給事中知閤門事韓侂胄破格轉遙郡刺史深甫封還內降云人主以爵祿磨厲天下之人才以法令隄防天下之僥倖今侂胄竊越五官而轉遙郡俸俸一啟攀援踵至將何以拒之請罷其命進士俞古應詔言事語涉詆訐送瑞州聽讀深甫謂以天變求言未聞旌賞而反罪之則是名求而實拒也右司諫鄧驥論近習左遷深甫請還驛謂不可以近習故變易諫官二年知臨安府三年除工部侍郎入謝光宗面諭曰京尹寬則廢法猛則厲民獨卿為政得寬猛之中進兼吏部侍郎兼詳定敕令官四年兼給事中陳源久以罪斥忽予內祠深甫固執不可姜特立復詔用深甫力爭特立竟不得入張子仁除節度使深甫疏十一上命遂廢每禁庭燕私左右有希恩澤者帝必曰恐謝給事有不可耳寧宗即位除煥章閣待制知建康府召為侍御史中丞兼侍讀上言比年以來紀綱不立臺諫有所論擊不與被論同罷則反除以外任給事有所繳駁不命次官書行則反遷以他官監司有所按察不兩置之勿問則被按者反得美除以奔競得志者不復知有廉恥以請屬獲利者不復知

有彝憲貪墨縱橫莫敢誰何罪惡暴露無所忌憚壞紀綱莫此為甚請風厲在位革心易慮以肅朝著禮官議祗僖祖諱朱熹以為不可深甫言宗廟重事未宜遽革朱熹攷訂有據宜從熹議慶元元年除端明殿學士簽書樞密院事遷參知政事再遷知樞密院事兼參知政事內侍王德謙建節深甫三疏力陳不可蹈大觀覆轍德謙竟斥進金紫光祿大夫拜右丞相封申國公進岐國公光宗山陵為總護使還拜少保力辭改封魯國公嘉泰元年累疏乞避位寧宗曰卿能為朕守法度惜名器不可以言去御筆書說命中篇及金幣以賜之有余嘉者上書乞斬朱熹絕僞學且指蔡元定為僞黨深甫擲其書語同列曰朱元晦蔡季通不過自相與講明其學耳果有何罪予余嘉熹強臣乃敢狂妄如此當相與奏之行遣以厲其餘按宋史傳論云謝深甫出處然慶元之初韓侂胄設僞學之禁網羅善類而一空之深甫秉政適與之同時諍曰不知不可也況於一劾陳備長再劾趙汝愚形於深甫金使入見不如式寧宗起入禁中深甫端立不動金使俟於殿隅帝再御殿乃引使者進書迄如舊儀拜少保乞骸骨授醴泉觀使明年拜少傅致仕有星隕於居第遂卒後孫女為理宗后追封信王易封衛魯諡惠正許及之字深甫温州永嘉人隆興元年第進士知袁州分宜縣以部使者薦除諸軍審計遷宗正簿乾道元年林栗請增置諫員乃倣唐制置拾遺補闕以及之為拾遺班序在監察御史之上高宗崩及之言皇帝既躬三年之喪羣臣難從純吉當常服黑帶王淮當國久及之奏陛下即位二十七年而羣臣未能如聖意者以苟且為安榮以姑息為仁恕以不肯任事為簡重以不敢任

怨爲老成敢言者指爲輕佻鮮恥者謂之林質陛下得若人而相之何補於治哉准竟罷職予祠光宗受禪除軍器監遷太常少卿以言者罷紹熙元年除淮南運判兼淮東提刑以鐵錢濫惡不職貶秩知廬州召除大理少卿寧宗卽位除吏部尙書兼給事中及之早與辭叔似同擢遺補皆爲當時所予黨事旣起善類一空叔似累斥逐而及之詔事侂胄無所不至嘗值侂胄生日朝行上壽畢集及之後至閹人掩關拒之及之俯俸以入爲尙書二年不遷見侂胄流涕序其知遇之意及衰遲之狀不覺膝屈侂胄惻然憐之曰尙書才望簡在帝心行且進拜矣居亡何同知樞密院事當時有由竇尙書屈膝執政之語傳以爲笑嘉定二年拜參知政事進知樞密院事兼參政侂胄旣啟兵端欲令及之守金陵及之辭侂胄誅中丞雷孝友奏及之實贊侂胄開邊及守金陵始詭計免行降兩官泉州居嘉定二年卒

梁汝嘉字仲謨處州麗水人以外祖太宰何執中任入官調中山府司議曹事建炎初知常州武進縣守薦其治狀擢通判州事加直祕閣歷官至轉運副使臨安關守火盜屢作命汝嘉攝事汝嘉修火政嚴巡徼盜發輒得火災亦息遂命爲眞累遷戶部侍郎進權尙書汝嘉素善奏檜殿中侍御史周葵將按之事見葵傳以寶文閣直學士提舉太平觀未幾升學士知明州知浙西沿海制置使更溫宣鼎三郡復奉祠以歸紹興二十三年卒汝嘉長於吏治在臨安風績尤著

欽定續通志卷三百九十

列傳

宋九十五

樓倫

李大性

任希夷

徐應龍

莊夏

王阮

王質

陸游

方信孺

王柝

史浩

王淮

趙雄

權邦彥

程松

陳謙

張巖

樓鑰字大防明州鄞縣人隆興元年試南宮有司偉其

辭藝欲以冠多士策偶犯舊諱知貢舉洪遵奏得旨以

冠末等考官胡銜稱之曰此翰林才也試教官調温州

教授為敕令所刪定官修清照法議者欲降太學釋奠

為中祀鑰曰乘輿臨幸於先聖則拜武成則肅揖其禮

異矣可鈞敵乎改宗正寺主簿歷太府宗正寺丞出知

温州屬縣樂清倡言方臘之變且復起邑令捕數人歸

於郡鑰曰罪之則無可坐縱之則惑民編隸其為首者

而驅其從出境民言遂定堂帖問故鑰曰蘇洵有言有

亂之形無亂之實是謂將亂不可以有亂急不可以無

亂弛丞相周必大心善之光宗嗣位召對奏曰人主初

政當先立其大者至大莫如恢復然當先強主志進君

德又曰今之網密甚矣望陛下軫念元元以設禁為不

得已凡有刑意瑣益者寢而勿行所以保養元氣除考

功郎兼禮部吏銜並絳為姦多所壅底鑰曰簡要清通

尚書郎之選盡革去之改國子司業擢起居郎兼中書

舍人代言坦明得制語體微奏無所回避刑部言天下

獄案多所奏裁中書之務不清宜痛省之鑰曰三宥制

刑古有明訓力論不可會慶節上壽扈從班集乘輿不

出已而玉牒聖政會要書成將進重華又履更日鑰言

臣累燬隨班見陛下上壽重華宮歡動宸極嘉王日趨

朝謁恪勤不懈竊料壽皇望陛下之來亦猶此也又奏

聖政之書全載壽皇一朝之事玉牒會要足成清照末

年之書幸速定其日無復再展以全聖孝於是帝感悟

進書成禮試中書舍人俄兼直學士院光宗內禪詔書

鑰所草也有云雖喪紀自行於宮中而禮文難示於天

下薦紳傳誦之遷給事中乞正太祖東嚮之位別立儲

祖廟以代來室順祖翼祖宣祖之主皆藏其中祫祭即

廟而饗從之朱熹以論事忤韓侂胄除職與郡鑰言熹

鴻儒碩學陛下憫其老當此隆寒立講不復何如俾

之內祠仍令修史少俟春和復還講筵不報鑰宗受禪

侂胄以知閣門事與閣傳命頗有弄權之漸彭龜年力

攻之侂胄轉一官與在京宮觀龜年除待制與郡鑰與

林大中奏乞留龜年于講筵或命侂胄以外祠龜年竟

去鑰遷為吏部尚書以顯讓閣學士提舉江州太平興

國宮聳切婺州移靈國府罷仍奪職告老至再許之侂

胄嘗副鑰為館伴以鑰不附已深嘆之按四朝聞見錄

與物無忤初嘗與韓侂胄善獨因草制以天下公論達

于侂胄故密能去侂胄心敬之亦不以城也鑰久廢侂

胄亦迫于公論欲起而用之風鑰之親戚論鑰之子弟

但求寒賄一紙書即召矣親戚具道侂胄意于鑰之子

弟從容以白鑰欣然命具紙札子弟曰已具矣鑰引紙

大書顏氏家訓子弟累父兄事子弟自此不復敢言矣

附侂胄誅詔起鑰為翰林學士遷吏部尚書兼翰林侍

講時鑰年過七十精敏絕人詞頭下立進草院吏驚詫

時和好未定金求韓侂胄首鑰言和好待此而決姦凶

必諸公爭良能竟呼省吏伸黃紙揭於象闥曰今鑰

部侍郎思議到姦凶已獲之首又何足惜遂函侂胄

首送金非樓詔從之依諸通鑑鑰詔從之御批全人必

論語附識欲得侂胄師旦之首特惡其自誤

用兵也在宋人則不當以此惡侂胄夫侂胄之姦罪素

著乃宋之罪人非金之罪人也恢復況非其罪即云用

兵之議倡自侂胄金宗傑從其謀豈可復委咎於趙汝

愚之子崇憲奏雪父冤鑰乞正趙師召之罪重蔡璉之

誅毀龔頤正續稽古錄以白誣謗除端明殿學士簽書

樞密院事升同知進參知政事位兩府者五年累疏求

去除資政殿學士知太平州辭進大學士提舉萬壽觀

嘉定六年卒年七十七贈少師諡宣獻

李大性字伯和端州四會人其先積中嘗為御史以直

言入元祐黨籍始家豫章大性少力學尤習本朝典故

以父任入官因參選進藝祖廟謨百篇及公私利害百

疏又言元豐制六察許言事章惇為相始禁之乞復舊

制以廣言路從臣力薦之命赴都堂審察僅遷一秩為

湖北提刑司幹官未幾入為主管吏部架閣文字丁母

艱服闋進典故辨疑百篇皆本朝故實蓋羅百氏野

史訂以日歷實錄核其正舛率有據依孝宗嘉之擢大

理司直遷敕令所刪定官添差通判楚州郡守吳曦與

都統劉超合議欲撤城移他所大性謂楚城實晉義烏

閉所築最堅奈何以脆薄易堅厚乎持不可臺臣將劾

其沮撓不果會從官送北客朝命因俸廉訪具以實聞

遂罷戎帥召大性除太府寺丞遷大宗正丞兼倉部郎

尋改工部陳傳良以言事去彭龜年黃度楊方相繼皆

去大性抗疏言朝廷清明乃使言者無故而去臣所甚

惜也數人之心皆本愛君如其愛君任其去而不顧恐

端人正士之去者將不止此孝宗崩光宗疾未能執喪

見於北宮素帷不知是時猶可以不出乎檀弓曰成人有死而不喪者聞子皋將為成宰遂為衰成人曰兄則死而子皋為之衰蓋言成人畏子皋之來方為制服其服乃子皋為之非為兄也若陛下必待使來然後執喪則恐貽譏中外豈特如成人而已哉遷軍器少監權

司封郎提舉浙東常平及浙東提刑兼知慶元府召為吏部郎中四遷為司農卿明年兼戶部侍郎出知紹興府甫一歲召為戶部侍郎升尚書朝請將用兵大性條陳利害主不宜輕舉之說忤韓侂胄意出知平江移知福州又移知江陵充荆湖制置使江陵當用兵後殘燬

饑僅繼以疾疫大性首議振貸凡三十八萬緡有奇前官虛羨凡十有四萬五千緡率調放不督民流移新復業者皆奏免征權邊郡武爵本以勵士冒濫滋眾大性勅兩路戎司冒受逃亡付身凡三千四百九十有七道率繳上毀抹左選為之一清江陵舊使銅鑲錢重楮輕

民持貨入市有終日不得一錢者大性奏乞依襄郢例通用鐵錢於是泉貨流通民始復業除刑部尚書兼詳定敕令尋遷兵部時金國分裂不能自存有舉北伐之議者大性上疏以和戰之說未定乞令朝臣集議從之尋以端明殿學士知平江府引疾丐祠卒于家年七十

七贈開府儀同三司諡文惠李氏自積中三世官于朝父子兄弟相師友而大性與弟大異大東並躋從列為名臣云

任希夷字伯起其先眉州人四世祖伯兩為諫議大夫其後任闕因家邵武希夷少刻意問學為文精苦登淳熙三年進士第調建寧府浦城簿從朱熹學問初主太常寺簿奏紹熙以來禮書未經編次歲月滋久恐或

散亡乞下本寺修纂從之遷禮部尚書兼給事中乞定周惇頤程顥程頤等諡進端明殿學士簽書樞密院事兼權參知政事史彌遠柄國久執政皆具員議者頗譏其拱默尋提舉臨安洞霄宮卒贈少師諡宣獻

徐應龍字允叔淳熙二年第進士調衡州法曹湖南檢法官潭獲劫盜首謀者已繫獄亥指逸者為首吏信之及獲逸盜治之急遂誣服吏以成憲獻于憲司應龍閱實其辭謂首從不明法當奏時周必大判潭州提刑盧

彥德不欲反其事將實逸盜于死應龍力與之辨先是彥德許應龍京削至是怒曰君不欲出我門耶應龍曰以人命傳文字所不忍也彥德不能奪聞者多其有守交薦之改秩知瑞州高安縣呂祖儉言事忤侂胄諫

死高安應龍為之經紀其喪且為文誄之有勸之避禍者應龍曰呂君吾所敬雖緣此獲譴亦所願也主淮西機宜文字知南恩州陳自強當國乃舊同舍應龍丐雷州而去召監都進奏院遷國子博士守工部員外郎進

戶部侍郎應兼權工部侍郎時金主徒汴應龍言金人窮而南奔將溢出而蹈吾之境金亡更生新敵尤為可慮兼侍講言人主不能盡知天下人材當責之宰相宰相不能盡知天下之人材當採之公論遷吏部侍郎進

刑部尚書兼侍讀應龍在講筵多指陳時政一日讀吳起為卒吮疽事應龍奏起恤士卒如此故能得其死力今軍將得以賄遷專事括克未免多怨帝驚曰債帥之風今猶未除耶宰相史彌遠聞而惡之免侍讀未幾兼太子詹事會景獻太子薨請老帝不許徙吏部尚書以煥章閣學士提舉嵩山崇福宮嘉定十七年卒贈開府儀同三司諡文肅子榮叟深叟清叟各有傳

莊夏字子禮泉州人淳熙八年進士慶元六年大旱詔求言夏時知贛州與國縣上封事曰君者陽也臣者君之陰也今威福下移此陰勝也積陰之極陽氣散亂而不收其弊為火災為旱蝗願陛下體陽剛之德使後宮

戚里內省黃門思不出位此抑陰助陽之術也召為太學博士言比年分藩持節詔墨未乾而改除坐席未溫而易地一人而歲三易節一歲而郡四易守民力何由裕遷國子博士召除吏部員外郎累遷宗正少卿兼國

史院編修官尋權直學士院兼太子侍讀時流民來歸夏言荆襄兩淮多不耕之田計口授地貸以屋廬牛具吾乘其始至可以得其欲彼幸其不死可以忘其勞兵

民可合屯田可成此萬世一時也試中書舍人兼太子右庶子左諭德言今日之患莫大于兵冗乞行下將帥令老弱自陳得以子若弟姪若婿壻強壯及等者收刺之代其名糧帝是之除兵部侍郎煥章閣待制與祠歸嘉

定十年卒王阮字南卿江州人曾祖詔神宗時開熙河擒瑪爾戩祖厚繼闢遼都父彥傳靖康時勳王皆有功阮少好學尚氣節辭辯奮發四坐莫能屈嘗謁袁州太守張栻栻

令往見朱熹登陸興元年進士第時孝宗初即位欲成高宗之志首詔經理建業以圖進取而大臣異懦幸安計未決阮試禮部對策曰臨安蟠幽宅阻面湖背海膏腴沃野足以休養生聚其地利于休息建康東南重鎮控制長江呼吸之間上下千里足以虎視吳楚應接梁宋其地利于進取建炎紹興間敵人乘勝長驅直搗上皇遵養時晦駐臨安為休息計三十年來較以曩昔倍萬不侔主上獨見遠覽非以臨安為不足居也職守之

形既分動靜進退之理異也古者立國必有所恃今東南王氣鍾在建業長江千里控扼所會輟而弗顧退守幽深之地如是而曰謀國果得為善謀乎倘六飛順動中原在跬步閒況一建康耶知貢舉范成大得而讀之歎曰是人傑也調南康都昌主簿以廉聲聞移永州教授獻書闕下請罷吳楚牧馬之政而積馬於蜀茶馬司以省往來網驛之費歲時分牧之資凡數千言紹熙中知濠州請復曹瑋方田修种世衡射法日講守備與邊民親訪北境事宜終阮在濠金不敢南侵改知撫州韓侂胄宿聞阮名特命入奏將誘以美官夜遣密客詣阮阮不答陸對畢拂衣出闕侂胄聞之怒批旨子祠阮於是歸隱廬山嘉定元年卒

王質字景文其先鄞州人後徙與國質博通經史善屬文游太學與九江王阮齊名著論五十篇言歷代君臣治亂謂之朴論中紹興三十年進士第用大臣言召試館職不就明年金主南侵御史中丞汪澈宣諭荆襄又明年樞密使張浚都督江淮皆辟為屬人為太學正時孝宗屢易相國論未定質乃上疏曰陛下即位以來慨然起乘時有為之志而陳康伯葉義問汪澈在庭陛下皆不以為才于是先逐義問次逐澈獨徘徊康伯難于進退陛下意終鄙之遂決意用史浩而浩亦不稱陛下意於是決用張浚而浚又無成於是決用湯思退今思退專任國政又且數月臣度其終無益于陛下夫宰相之任一不當則陛下之志一沮前日康伯持陛下以和不成浚持陛下以戰戰不驗浚又持陛下以守守既困思退又持陛下以和陛下亦嘗深察和戰守之事乎李牧在雁門法主于守守乃有戰祖述在河南法主於

戰戰乃有和羊祜在襄陽法主于和和乃有守何至分而不使相合今陛下之心志未定規模未立或告陛下金弱且亡而吾兵甚振陛下則勃然有勒燕然之志或告陛下吾力不足恃而金人且來陛下即委然有盟平涼之心或告陛下吾不可進金不可入陛下又蹇然有指鴻溝之意使臣為陛下謀會三者為一天下烏有不治哉忌者其譏質年少好異論遂罷去會虞允文宣撫川陝辟質偕行一日令草檄契丹文辭激壯允文起執其手曰景文天才也入為敕令所刪定官遷樞密院編修官允文當國孝宗命擬進諫官允文以質鯁亮不回且文學推重于時可右正言時中貴人用事多畏懼質陰沮之出通判荆南府改吉州皆不行奉祠山居絕意祿仕淳熙十五年卒

陸游字務觀越州山陰人年十二能詩文陸補登仕郎鎮薦送第一秦檜孫瑱適居其次檜怒至罪主司明年試禮部主司復置前列檜顯黜之由是為所嫉檜死始赴福州宣德簿以薦除敕令所刪定官時楊存中久掌禁旅游力陳非便帝嘉其言遂罷存中中貴人有市北方珍玩以進者游奏陛下以損名齎自經藉翰墨外屏而不御小臣不體聖意輒私買珍玩虧損聖德乞嚴行禁絕應詔言非宗室外家雖實有勳勞毋得輒加王爵頃者有以師傅而領殿前都指揮使復有以太尉而領閩門事瀆亂名器之加訂正遷大理寺司直兼宗正簿孝宗即位遷樞密院編修官兼編類聖政所檢討官史浩黃祖舜薦游善詞章諳典故召見帝曰游力學有聞言論則切遂賜進士出身入對言陛下初即位乃信詔令以示人之時而官吏將帥一切玩習宜取其尤沮

格者與眾棄之和議將成游又以書白二府曰江左自吳以來未有捨建康他郡者駐蹕臨安出于權宜形勢不固饋餉不便海道逼近涼然意外之憂一和之後盟誓已立動有拘礙今當與之約建康臨安皆係駐蹕之地北使朝聘或就建康或就臨安如此則我得以暇時建都立國彼不我疑時龍大淵會覬用事游為樞臣張謬言觀大淵招權植黨榮感聖聽公及今不言異日將不可去盡遽以聞帝詰語所自來盡以游對帝怒出通判建康府尋易隆興府言者論游交結臺諫鼓唱是非力說張浚用兵免歸久之通判夔州王炎宣撫川陝辟為幹辦公事游為炎陳進取之策以為經略中原必自長安始取長安必自隴右始當積粟練兵有費則攻無事則守吳璘子挺代掌兵頗驕恣傾財結士屢以過誤殺人炎不能制游請以玠子拱代挺炎曰拱怯而寡謀遇敵必敗游曰使挺遇敵安保其不敗就令有功愈不可駕馭及挺子曠僭叛游言始驗范成大帥蜀游為參議官以文字交不拘禮法人譏其頹放因自號放翁後累遷江西常平提舉江西水災奏撥義倉賑濟檄諸郡發粟以予民召還給事中趙汝愚駁之遂與祠起知嚴州過闕陛辭帝諭曰嚴陵山水勝處職事之暇可以賦詠自適再召入見帝曰卿筆力回斡甚善非他人可及除軍器少監紹熙元年遷禮部郎中按四朝聞見錄載手批陸游除禮部郎中按四朝聞見錄載即中之除當在淳熙末年附錄兼實錄院檢討官嘉泰二年以孝宗光宗兩朝實錄及三朝史未就詔游權同修國史實錄院同修撰免奉朝請等兼秘書監三年書成升寶章閣待制致仕游才氣超逸尤長于詩嘉定二年卒年八十五

方信孺字孝若興化軍人有傳才以父崧卿蔭補番禺縣尉盜劫海賈信孺捕之盜方沙聚分鹵獲悍駭欲趨舟信孺已使人負盜舟去矣乃悉縛盜不失一人韓侂胄舉恢復之謀諸將偪軍邊蠻不已朝廷尋悔金人亦厭兵乃遣韓元觀來使而都督府亦再遣壯士遺金書然皆莫能得其要領近臣薦信孺可使自蕭山丞召赴都命以使事信孺曰開豐自我金人設問首謀當何以答之侂胄矍然假朝奉郎樞密院檢詳文字充樞密院參謀官持督帥張巖書通問于金國元帥府至濠州金帥赫舍哩子仁止于獄中露刃環守之絕其薪水要以五事信孺曰反俘歸幣可也縛送首謀于古無之稱藩割地則非臣子所忍言子仁怒曰若不望生還耶信孺曰吾將命出國門時已置生死度外矣至汴見金左丞相都元帥完顏宗浩出就傳金宗浩使將命者來堅持五說且謂稱藩割地自有故事信孺曰昔靖康倉卒割三鎮紹興以太母故暫屈今日顧可用為故事耶此事不獨小臣不敢言行府亦不敢奏也請面見丞相決之將命者引而前宗浩方坐幄中陳兵見之云五事不從兵南下矣信孺辯對不少詘宗浩叱之曰前日與兵今日求和何也信孺曰前日與兵復誓為社稷也今日屈已求和為生靈也宗浩不能詰授以報書曰和與戰俟再至決之信孺還詔侍從兩省臺諫官議所以復命眾議還俘獲罪首謀增歲幣五萬遣信孺再往時吳曦已誅金人猶執初議信孺曰本朝謂增幣已為卑屈況名分地界哉且以曲直較之本朝與兵在去年四月若胎書誘吳曦則去年三月也其曲固有在矣如以強弱言之若得濠我亦得泗漣水若得穹浦橋之勝我有鳳

鳳山之捷若謂我不能下宿諱若圍廬和楚果能下乎五事已從其三而猶不我聽不過再交兵耳金人見信孺忠懇乃曰割地之議姑寢但稱藩不從當以叔為伯歲幣外別犒師可也信孺固執不許宗浩計窮遂密與定約復命再差充通謝國信所參謀官奉國書誓草及許通謝百萬緡抵汴宗浩變前說怒信孺不曲折建白遽以誓書來有誅戮禁錮語信孺不為動將命曰此事非犒軍錢可了別出事目信孺曰歲幣不可再增故代以通謝錢今得此求彼吾有隕首而已將命曰不爾丞相欲留公信孺曰留於此死辱命亦死不若死于此會對兵取散關金人益疑信孺還言敵所欲者五事割兩淮一增歲幣二犒軍三索歸正等人四其五不敢言侂胄大怒奪三秩臨江軍居住信孺自春至秋使金三往返金人憤其不屈議用弗就已而王柟出使定和議增幣兩首皆前信孺所指不可者柟白廟堂信孺辯折敵帥于強復未易告語之時信孺當其難柟當其易柟每見金人必問信孺安在公論所推雖敵人不掩也乃詔信孺自便尋知韶州累遷淮東轉運判官兼提刑知真州即北山置水築石隄表二十里人莫知其所為後金人薄儀真守將決水匱以退敵城乃獲全山東初內附信孺言豪傑不可以虛名駕馭武夫不可以弱勢彈壓宜選威望重臣將精兵數萬開幕山東以主制客以重馭輕則可以包山東固江北而兩河在吾目中矣坐責降三秩再奉祠稍復官信孺性豪爽揮金如糞土所至賓客滿其後車使北時年纔三十既齟齬歸營居室嚴實自放於詩酒以卒

王柟字汝良大名人祖倫同簽書樞密院事倫使北死孝宗訪求其孫之未祿者三人官之柟其一也調通州海門尉乘輕舟入海捕刺盜小吳郎并其徒十七人獲之獄成不受賞韓侂胄以恢復起兵端天子思繼好息民凡七遣使無成續遣信孺往將有成說矣坐白事忤侂胄得罪欲再遣使近臣以柟薦擢監登聞鼓院假右司郎中使持書北行柟歸白其母母勉之乃拜命疾驅抵敵所金將烏庫哩等四人列坐問韓侂胄貴顯幾年矣柟對曰十餘年平章國事纔二年耳又問今欲去此人可乎柟曰主上英斷去之何難四人相顧而笑有完顏天寵者袖出文書云王柟雖持韓侂胄書乃朝廷有旨遣其來元帥府議和宜詳議以報于是金人知侂胄已誅和議遂決柟持金人牒歸求雨侂胄首以起居郎許奕為通謝使柟為通謝所參謀官柟自軍前再還議以侂胄首易淮陵地從之柟奏和約之成皆方信孺備嘗險阻再三將命之功臣因人成事乞錄信孺功而蠲其過朝論以柟不掩人揚已多之守軍器少監知楚州累官至太府卿告歸以右文殿修撰知太平州加集英殿修撰致仕卒贈寶章閣待制

史浩字直翁明州鄞縣人紹興十四年登進士第調紹興餘姚縣尉歷温州教授郡守張九成器之秩滿除太學正升國子博士因轉對言普安恩平二王宜擇其一以係天下望高宗納之除秘書省校書郎兼二王府教授三十年普安郡王為皇子進封建王除浩權兼王府教授詔建王府置直講贊讀各一員浩守司封即官兼直講一日講周禮言膳夫掌膳羞之事歲終則會惟王及后世子之膳羞不會至酒正掌飲酒之事歲終則會惟王及后之飲酒不會世子不與焉以是知世子膳羞

可以不會世子飲酒不可以無節也王作而謝曰敢不佩斯訓三十一年遷宗正少卿會金師侵邊下詔親征時兩淮失守廷臣爭陳退避計建王抗疏請率師為前驅浩為王力言太子不可將兵以晉申生唐肅宗靈武之事為戒王大感悟立俾浩草奏請扈蹕以供子職辭意懇到高宗方怒覽奏意頓釋知奏出于浩語大臣曰真王府官也既而殿中侍御史吳芾之以皇子為元帥先視師浩復遣大臣書言建王生深宮中未嘗與諸將接安能辦此或謂使王居守浩復以為不可帝亦欲令王備識諸將遂扈蹕如建康三十二年帝還臨安立建王為皇太子浩除起居郎兼太子右庶子孝宗受禪遂以中書舍人遷翰林學士知制誥張浚宣撫江淮將圖恢復浩與之異議欲城瓜洲采石浚奏不守兩淮而守江不若城泗州除參知政事有詔議應敵定計洪遵金安節唐文若等相繼論列宰執獨無奏帝以問浩浩奏先為備禦是謂良規儻聽淺謀之士與不教之師寇去則論賞以邀功寇至則斂兵而遁跡謂之恢復得乎薦樞密院編修官陸游尹穡召對並賜出身隆興元年拜尚書右僕射首言趙鼎李光之無罪岳飛之久冤宜復其官爵祿其子孫悉從之李顯忠邵宏淵奏乞引兵進取浩奏二將輒乞戰豈督府命令有不行耶浚請入覲乞即日降詔幸建康帝以問浩浩陳三說不可退又以詰浚曰帝王之兵當出萬全豈可嘗試以圖僥倖復辯論于殿上浚曰中原久陷今不取豪傑必起而收之浩曰中原決無豪傑浚曰彼民閒無寸鐵待我兵至為內應浩曰必待我兵非豪傑矣浚因內引奏浩意不可回恐失機會乞出英斷省中忽得宏淵出兵狀始知不由

三省徑檄諸將浩語陳康伯曰吾屬俱兼右府而出兵不與聞焉用相為不去尚何待乎伏讀通鑑輯覽人于史浩本不同謂味浩之人對將康伯與浚並從議數心曲可知則所謂味浩之言正欲浚之同去始以交相倚重之言飾之耳居心巨測若此豈特爾夫不可與事君哉因又言康伯欲納歸正人臣恐他日必為陛下子孫憂浚銳意用兵若一失之後恐陛下終不得復望中原御史王十朋論之出知紹興府先是浩因城瓜洲白遣太府丞史正志往視之正志與浚論辯十朋亦疏史正志朋比併及浩遂與祠自是不召者十二年起知紹興府浙東安撫使持母喪歸服闋知福州消照初除少保觀文殿大學士醴泉觀使兼侍讀五年復為右丞相帝曰自葉衡罷虛席以待卿久矣浩奏蒙恩再相惟盡公道庶無朋黨之弊帝曰宰相豈當有黨人主亦不當以朋黨名臣下朕但取賢者用之否則去之樞密都承旨王抃建議以殿步二司軍多虛額請各募三千人充之已而殿前司輒捕市人市城騷動被掠者多斷指示不可用軍人情眾因奪民財浩奏盡釋所捕而禽軍民首謹嗽者送獄獄成議罪欲取兵民各一人梟首以徇浩曰諸軍掠人奪貨至于閭則始費者軍人也軍法從事固當若市人陸慶童特與抗鬪爾可同罰乎陛下恐軍人有語故一其罪以安之夫民不得其平言亦可畏等死死國可乎是豈軍人語帝怒曰是比朕為秦二世也浩徐進曰自古民怨其上者多矣豈必二世尋求去拜少傅保寧軍節度使充醴泉觀使兼侍讀後有言慶童之冤者帝曰史浩嘗力爭坐此求去至今悔之趙鼎嘗薦劉光祖試館職光祖對策論科場取士之道帝親批其後略曰用人之弊人主乏知人之哲宰相不能擇人國朝以來過于忠厚

宰相而談國大將而敗軍未嘗誅戮要在人君擇相相必為官擇人懋賞立乎前誅戮設乎後人才不出吾不信也手詔既出中外大驚議者謂曾觀視草為光祖甲科發也帝遣親持示浩浩奏唐虞之世四凶極惡止于流竄三考之法不過黜陟未嘗有誅戮之科誅戮大臣秦漢法也太祖制治以仁待臣下以禮列聖傳心迨至仁宗而德化隆洽本朝之治與三代同風此祖宗家法也聖訓則曰過于忠厚夫為國而底于忠厚豈有所謂過哉臣恐議者以陛下自欲行刻薄之政歸過祖宗不可不審也及自經筵將告歸乃於小官中薦江浙之士十五人有旨令升擢皆一時選也如薛叔似楊簡陸九淵石宗昭陳謙葉適袁燾趙靜之張子智後皆擢用不至通顯者六人而已十年請老除太保致仕封魏國公晚洽第鄆之西湖上帝為書明良慶會名其閣按建炎野雜記載宣政間大臣賜書閣名得御筆閣名若蔡京曰君臣慶會王黼曰得賢治定是也紹興初高宗以平江朱勳南園賜韓忠武題其賜書閣曰懋功後泰申王閣曰一德格天楊和王閣曰風雲慶會史會稽王閣曰明良慶會又皇甫坦舊學名其堂光宗御極進太師紹興五年卒年八十九封會稽郡王寧宗即位賜諡文惠御書純誠厚德元老之碑賜焉嘉定十四年追封越王按建炎以來朝野雜記載中興宰相追封王爵改諡忠者二人秦檜以久任史浩以舊恩皆異數也定配享宗廟庭浩喜薦人才嘗擬陳之茂進職與郡帝知之茂嘗毀浩曰卿豈以德報怨耶浩曰臣不知有怨若以為怨而以德報之是有心也莫濟狀王十朋行事詆浩尤甚浩薦濟掌內制帝曰濟非議朝者乎浩曰臣不敢以私害公遂除中書舍人兼直學士院待之如初子彌大彌正彌達彌堅彌遠嘉定初為右丞相有傳王淮字季海婺州金華人登紹興十五年進士第為台

州臨海尉郡守蕭振許以公輔器振帥蜀辟賓幕府遷校書郎除監察御史尋遷右正言宰相湯思退無物望准條其罪數十於是策免吏部侍郎沈介之欺世盜名都司方師尹之狡險大將劉寶培克結權倖皆劾罷之又奏自治之策治內有三正心術寶慈檢去壅蔽治外有四固封守選將帥明賞罰儲財用帝深嘉歎除祕書少監兼茶王府直講時恭王生子推准白于丞相曰恭王夫人李氏生皇嫡長孫乞討論典禮錢端禮怒其名稱奏准有年鈞以長之說帝曰是何言也豈不啟邪心出准知建寧府改浙西提刑人見陳閩中利病甚悉帝寢嘉之且令一至東宮皇太子待以師儒特施拜禮尋召除太常少卿除中書舍人兼直學士院龍大淵贈太師仍昇儀同三司恩數張說除太尉在京宮觀皆封還詔書除翰林學士知制誥帝命擇文學行誼之士准薦鄭伯熊李燾程叔達皆擢用淳熙二年除端明殿學士簽書樞密院事辛棄疾平茶寇上功太濫准謂不核真偽何以勸有功文州番部擾邊吳挺奏庫彥成失利靖州夷人擾邊楊俊奏田洪失利准謂二將戰沒若罪之何以勸來者除同知樞密院事參知政事時宰相久虛准與李彥穎同行相事准謂授官當論賢否不事形迹誠賢不敢以鄉里故舊廢之非才不敢以己私庇之擢知院事樞密使上言武臣獄祠之員宜省准曰有戰功者壯用其力老而棄之可乎趙雄言宗室獄祠八百員宜罷准曰堯親睦九族在平章百姓之先骨肉之恩疏可乎時辛棄疾平江西寇王佐平湖南寇劉焯平廣西寇准皆處置得宜論功惟允八年拜右丞相兼樞密事先是自夏至秋不雨至是得雨帝喜命口算諸郡絹錢

盡蠲一年為緡八十餘萬趙雄罷相蜀士之在朝者皆有去意准謂此唐李黨禍之胎聖世所宜有皆以次進遷蜀士乃安樞密都承旨王抃怙寵為姦准極陳其罪謂人主受謗鮮不由此帝即斥之章穎論事狂直帝將黜之准曰陛下下樂聞直言士大夫以言相高此風可賀也黜之適成其名帝悅穎復留時以荒政為急准言李椿年老成練達擬除長沙帥朱熹學行篤實擬除浙東提舉以倡郡國其後推賞帝曰朱熹職事留意與升直徽猷閣成都闕帥帝加訪問准以留正對帝曰非闕人乎准曰立賢無方湯之執中也必曰闕有章惇呂惠卿不有曾公亮蘇頌蔡襄乎必曰江浙多名臣不有丁謂王欽若乎帝稱善拜左丞相天長水害七十餘家或謂不必以閩淮曰昔人謂人主不可一日不開水旱盜賊記曰四方有敗必先知之豈可不以閩鎮江飢民強借救粟執政請痛懲之准曰令甲饑民罪不至死進士八人求以免舉恩為升等准曰八人得之則百人援之曩願以執政之咨補官求諸鎔曹准以此門不可啟絕其請上章力求去以觀文殿大學士判衢州准力辭改提舉洞霄宮光宗嗣位詔詢初政准對以盡孝進德奉天敬民用入立政罔不在初淳熙十六年卒贈少師謚文定初朱熹為浙東提舉准素不喜熹陳賈為監察御史上疏言近日道學假名濟偽之弊請詔痛革之鄭丙為吏部尚書相與叶力攻道學熹由此得祠其後慶元偽學之禁始此

趙雄字温叔資州人為隆興元年類省試第一虞允文宣撫四蜀辟幹辦公事入相薦于朝乾道五年召見便殿孝宗即日手詔除正字范成大使金將行雄當登對允文招與之語既進見雄極論恢復孝宗大喜曰功名與卿共之即除右史兩月除舍人金使耶律子敬質會慶節雄館伴子敬披露事情不敢隱遷者以聞帝夜召雄雄具以子敬所言對帝喜金使入辭故事當用樂雄奏卜郊有日天子方齋樂不可用帝難之遣中使諭雄雄請復置恢復局日夜講磨條具合帝意除中書舍人時金將起河南之役議盡歸諸陵梓宮帝命雄出使賀生辰仍止奉遷陵寢及正受書儀雄既見金主爭辯數四其臣屢喝起雄辭益力卒得請嘗上疏論恢復計大略謂莫若由蜀以取陝西得陝西以臨中原是秦制六國之勢也淳熙二年召為禮部侍郎除端明殿學士簽書樞密院事一日奏事帝曰近世士大夫好高論聽言農事微有西晉風豈知周禮與易言理財周公孔子曷嘗不以理財為務且不獨此士夫諱言恢復不知其家有田百畝內五十畝為人所據亦投牒理索否雄曰陛下志在大有為敢不布堯言書之時政記升同知樞密院事五年參知政事十一月拜右丞相朱熹累召不出雄請出以外郡命知南康軍熹極論時事帝怒雄令分析雄奏熹狂生詞窮理短罪之適成其名若天潢地育置而不問可也會周必大亦力言之乃止紹興帥張津獻羨餘四十萬緡雄乞降旨下紹興以其錢為民代輸和買身丁折帛錢之半使取諸民者民復得之足以見聖王之德自雄獨相蜀人在朝者僅十數及眷衰有言其私里黨者帝疑之已而陳峴為四川制置王溥為茶馬命從中出雄求去詔勉留曰丞相任事不避怨遷才無鄉黨蓋有所激也先是蜀人未嘗除蜀帥雄請外

除罷文殿大學士四川制置使王蘭為御史以故事不可上疏論之雄乞免改瀘南安撫使帝思雄不忘改知江陵府請城江陵城成民不告擾光宗將受禪召雄雄上萬言書陳修身齊家以正朝廷之道言甚剴切詔授宣武軍節度使開府儀同三司進衛國公改帥湖北疾甚改判資州又除潼川府改隆興府紹熙四年卒年六十五贈少師嘉定二年諡文定

權邦彥字朝美河間人登崇寧四年太學上舍第調滄州教授入為太學博士改宣教郎除國子司業宣和二年使遼明年抗表請帝臨雍為學官積十餘年改都官郎中直祕閣歷知易州相州復召為都官郎中與王黼議不合黼職知冀州金人再入高宗開大元帥府起兩河兵衛汴京邦彥提所部兵與宗澤自瀘淵趨薊城據刀馬河諸道兵莫有進者會敵兵大至移屯南華二帝北遷邦彥與澤五表勸進建炎元年五月召還命知荆南府改東平府時東州半已入金至是圍益急邦彥誓以死守居數月城破猶力戰不已民義而從之突圍以出遂奔行在有司議失守罪將重坐之帝以其父母妻子皆沒于敵纜貶二秩俄除寶文閣直學士兼知江州本路制置使既抵鎮二年冬聞父死乃解官四年起復知建康府辭不許劇盜張琪殘徽州邦彥遣裨將平之

改江淮等路制置發運使以治辦稱紹興元年召為兵部尚書兼侍讀三年除端明殿學士簽書樞密院事初邦彥獻十議以圖中興大略謂宜以天下為度進圖洪業恢復土宇勿苟安于東南駕御諸將當威之以法而限之以爵命讀講之臣取累朝訓典及三代漢唐中興故事日陳于前以裨聖學又監觀傷善妨賢之譏偷安

苟容之輩市恩立威之姦懷該罔上之欺聽其言察其事則忠邪判愛民先愛其力寬民先節其用股已奉以佐國當自執政始分圖而屬大事類非偏裨之所能為必得賢臣大將然後可制置一官可省宜令沿江州縣各備境內總以漕帥上自荆鄂江池下至采石京口委任得人乃防秋上策宗室中豈無傑然有人望可濟艱難賈魯勿留宿衛者願求其人置諸左右人事盡則天悔禍不可獨歸之數呂頤浩素善邦彥薦用之給事中程瑀劾邦彥五罪三疏不報邦彥在樞密又言宜乘機者三警奕之爭先安可隨應隨解不制人而制于人哉

邦彥兼權參知政事帝嘗對輔臣言湖南事願常言李綱縱暴恐治潭無善狀帝曰綱在宣和開論水災已得時望邦彥曰綱元無章疏第略虛名耳蓋助頤浩以排綱也三年卒邦彥與政幾一年碌碌無所建明充位而已無子以姪嗣衍為後

程松字冬老池州青陽人登進士第調湖州長興尉章森吳曠使北松為僚從慶元中韓侂胄用事曠為殿帥時松知錢塘縣詔事曠以結侂胄侂胄以小故出愛姬松聞以百千市之至則盛供帳舍諸中堂夫婦奉之謹居無何侂胄意解復召姬姬具言松謹待之意侂胄大喜除松幹辦行在諸軍審計司守太府寺丞未閱旬遷監察御史擢右正言諫議大夫呂祖泰上書乞誅侂胄

蘇師旦松與陳燾劾祖泰當誅祖泰坐鎮決流嶺南通鑑輯覽御批松既與祖泰狎友及其上書獲譴惟恐祖泰改之不遺餘力小人巨測固不足論然松語事侂胄祖泰當有不知臭味既已差池何松滿歲未遷必與之相狎取人不端謂非自貽患哉松滿歲未遷意殊快快乃獻一妾于侂胄曰松壽侂胄訝其名問之答曰欲使賤姓名當蒙記憶爾除同知樞密院事自宰

邑至執政纔四年開禧元年以資政殿大學士知成都府四川制置使侂胄決議開邊以松為宣撫使與元都統制吳曦副之尋加曠為陝西招撫使許便宜從事松將東軍三萬駐興元曠將西軍六萬駐河池松至益昌欲以執政禮責曠庭參曠問之及境而返松用東西軍一千八百人自衛曠多抽摘以去松殊不悟曠遣其容納款于金獻闕外四州地求為蜀王有告曠叛者松晒其狂及金人取成州守將棄關遁吳曠焚河池還興州松以書從曠求援兵曠答以鳳州非用騎之地漢中平衍可騎以驅馳當發三千騎往益給之也未幾金人封曠為蜀王曠遣松書諷使去松不知所為與元帥劉甲茶馬范仲任見松謀起兵誅曠松恐事洩取禍即揖二人起去會報金人且至百姓奔走相蹂躪一城如沸松亟望米倉山遁去由閬州順流至重慶以書抵曠勾賂禮買舟稱曠為蜀王曠遣使以匣封致餽松望見大恐

疑其劍也亟逃奔使者追及松不得已啟視之則金寶也松乃兼程出峽西向掩淚曰吾今獲保頭顱矣曠誅詔落職降三官筠州居住再除順昌軍節度副使澧州安置又謫果州團練副使賓州安置死賓州

陳謙字益之温州永嘉人乾道八年進士授福州戶曹主管刑工部架閣文字遷國子錄敕令所刪修官樞密院編修官陳中興五事至李綱議建議鎮事帝曰綱何足道謙曰陛下用大臣審出綱上宜如聖訓今願出綱下遠甚奈何帝盛然遂極論數刻孝宗內禪通判江州知常州提舉湖北常平平辰州峒峒加直煥章閣除戶部郎中總領湖廣財賦謙乃丞相趙汝愚會客黨論起坐斥後數年起為提點成都府路刑獄移京西運判復

直煥章閣韓侂胄謀擾金人令獻馬者補官七州民相扇爲盜謙移書侂胄曰今若倚羣盜行剽掠之策豈得以敗亡爲戲乎旣而屢論襄師皇甫斌李奕罪且求罷帝諭薛叔似協和之遷司農少卿湖廣總領除宣撫司參謀官金兵深入陷應城樊漢川漢陽空城走武昌震懼謙以竇謨閣待制副宣撫未幾奪職罷後復知江州侂胄死和議已決謙復罷奉祠卒年七十三謙有雋聲早爲善類所子晚坐僞禁中廢首稱侂胄爲我王士論繇是薄之也

張巖字肖翁大梁人徙家揚州紹興末渡江居湖州爲人機警柔同善諧登乾道五年進士第歷官爲監察御史與張釜陳自強劉三傑程松等阿附時相韓侂胄誣逐當時賢者巖道學之禁進殿中侍御史累遷給事中除參知政事以言者罷爲資政殿學士知平江府旋升大學士知揚州時邊釁方開詔巖與程松分帥兩淮已而召還爲參知政事兼同知國用事開禧二年遷知樞密院事明年除督視江淮軍馬時方信孺使金議和值吳曦以蜀叛議未決曦伏誅金人尋前議信孺再行侂胄趣巖遣畢再遇田琳合兵勦敵且募生擒僞帥未幾川陝戰屢勦大散關陷敵情復變巖開督府九閱月費耗縣官錢三百七十餘萬緡見和議反復乃言不知兵固求去侂胄誅御史章燮論巖與蘇師旦朋姦誤國奪兩官燮宗謂兵燹方開巖嘗言其不可許自使復原官奉祠以銀青光祿大夫致仕卒贈特進

列傳

宋九十六

徐誼 吳獵 項安世

薛叔似 劉甲 楊輔

劉光祖

徐誼字子宜一字宏父温州人乾道八年進士累官太常丞孝宗論樂制誼對以宮亂則荒其君驕商亂則賊其官壞帝遽改容曰卿可謂不以官自情矣知徽州至郡歛縣有妻殺夫繫獄以五歲女為證誼疑曰婦人能一掌致人死乎緩之未覆也會郡究實稅於庭死者父母及弟在焉乃言我子欠租久繫饑而大叫役者批之墮水死矣然後免者得釋吏皆坐罪移提舉浙西常平守右司郎中遷左司孝宗疾寢棘光宗久稽定旨誼入諫退告宰相曰帝慰納從容然目瞪不瞬意思恍惚真疾也宜禱祠郊廟進皇子嘉王參決丞相留正不克用孝宗崩帝不能喪祭奠有祝有司不敢攝百官皆未成服誼與少保吳玘議請太皇太后臨朝扶嘉王代祭及將禪正憂懼仆於殿庭而去誼以書謂趙汝愚曰國家安危在此一舉汝愚問策安出誼曰此大事非憲聖太后命不可而知閣門事韓侂胄憲聖之戚也同里蔡必勝與侂胄同在閣門可因以勝招之侂胄至汝愚以內禪議遣侂胄請於憲聖侂胄因內侍張宗尹闕禮達汝愚憲聖許之寧宗即位誼遷檢正中書門下諸房公事兼權刑部侍郎進權工部侍郎知臨安府侂胄恃功以賞薄寢歛望誼告汝愚曰異時必為國患宜飽其欲而遠之不聽汝愚雅器誼除授建明多咨訪誼隨事裨

助不避形迹怨者始欲嘗勸汝愚早退汝愚亦自請名在屬籍不宜久司揆事願因阜陵訖事以去寧宗已許之侂胄出入禁中無度誼密啟汝愚無計防之乃直面諷侂胄侂胄疑將排己首謁誼退裝裝誼還謁留之通殷勤誼不往吏部侍郎彭龜年論侂胄罪狀侂胄疑汝愚誼知其情益怨恨以御史劉德秀胡紘疏誼責惠州團練副使南安軍安置移袁州又移袁州久之許自便復官提舉崇道觀起守汀州加集英殿修撰升寶謨閣待制移知建康府兼江淮制置使初金攻廬楚不下留兵綴濠州以待和時時鈔掠淮人大驚復進流江南在建康者以數十萬計誼晝夜拊循益嚴備禦請專捍敵勿從中御朝廷懼生事移知隆興府以卒誼嘗與紹興老將接於行陣之法分數奇正皆有指授自為圖式後諡忠文

吳獵字德夫潭州醴陵人登進士第初主潯州平南簿時張栻經略廣西檄攝靜江府教授劉焯杖栻以獵薦辟本司準備差遣盜李接起陷容雷高化真鬱林等州獵請賞勞誅罪焯於是錄鬱林功誅南流縣尉鬱林巡檢人人驚勵爭死鬪不踰時盜悉就擒尉宰相王淮甥也獵坐降官久之知常州無錫縣用陳傅良薦召試守正字光宗以疾久不覲重華宮獵上疏曰今慈福有八十之大母重華有垂白之二親陛下宜於此時問安上壽恪其子職辭甚切又白宰相留正乞召朱熹楊萬里時陳傅良以言過宮事不行求去獵責之曰今安危之機判然可見末間有牽裾折檻之士公不於此時有所奮發為士大夫倡第潔身而去於國奚益傅良為改容謝之寧宗即位遷校書郎除監察御史帝趣修大內

將移御獵言壽皇破漢魏以來之薄俗服高宗三年之喪陛下萬一輕去喪次將無以慰在天之靈又言陛下即位未見上皇宜篤屬精誠以俟上皇和豫而祇見焉會偽學禁與獵言陛下臨御未數月今日出一紙去宰相明日出一紙去諫臣昨又聞侍講朱熹遽以御札昇祠中外惶駭謂事不出於中書是為亂政獵既駁史浩諫又請以張浚配享阜陵曰艱難以來首倡大義不以成敗利鈍異其心精忠茂烈未有過於張浚也孝宗皇帝規恢之志一飯不忘歷考相臣終始此念足以上配孝宗在天之意亦惟浚一人耳議皆不合出為江西轉運判官尋罷久之黨禁弛起為廣西轉運判官除戶部員外郎總領湖廣江西京西財賦韓侂胄議開邊獵貽書當路請號召義士以保邊場刺子弟以補軍實增棗陽信陽之戍以備衝突分屯陽羅五關以扞武昌杜越境誘竊以謹邊陲選試良家子以衛府庫且謂金人懲紹興末年之敗今其來必出荆襄諭湖乃輸湖南米於襄陽凡五十萬石又以湖北漕司和糴米三十萬石分輸荆鄂安信四郡蓄銀帛百萬計以備進討拔董遵孟宗政柴發等分列要郡厥後皆為名將召除秘書少監首陳邊事乞增光鄂江黃四郡戍屬江陵告饑除祕閣修撰主管荆湖北路安撫司公事知江陵府陸辭請出大農十萬緡以賑饑者道武昌遣人招商分糴至郡減價發糴米價為平獵計金攻襄陽則荆為重鎮乃修成高氏三海築金鸞內湖通濟保安四置達於上海而注之中海拱長林藥山棗林四置達於下海分高沙東獎之流由寸金隄外歷南紀楚望諸門東匯沙市為南海又於赤湖城西南遇走馬湖射斗陂之水西北實李

公置水勢四合可限戎馬金人圍襄陽德安游騎迫竟陵朝廷命獵節制本路兵馬獵遣張榮將兵援竟陵又招神馬披潰卒得萬人分援襄陽德安加實諷閣待制荆湖宣撫使時金人再侵竟陵張榮死之襄陽德安俱急吳曦俄反於蜀警報至獵請魏了翁攝參議官訪以西事募死士入竟陵命其將王宗廉死守調大軍及忠義保捷分道夾擊金人遂去又督董達等援德安董世雄孟宗政等解襄陽之圍西事方殷獵為討叛計請於朝以王大才彭輅任西事仍分兵抗均房諸險漕粟歸峽以待王師及曦誅除刑部侍郎充四川宣諭使朝廷命旌別淑慝以敷文閣學士四川安撫制置使兼知成都府嘉定六年召還卒家無餘資蜀人思其政畫像祠之獵初從張栻學乾道初朱熹會栻於潭獵又親炙湖湘之學一出於正獵實表率之諡文定

項安世字平父其先括蒼人後家江陵治熙二年進士召試除秘書正字光宗以疾不過重華宮安世上書言陛下仁足以覆天下而不能施愛於庭闈之間量足以容羣臣而不能忍於父子之際有父子然後有君臣父子之情終無可斷之理愛敬之念必有油然而時聖心一回何用擇日早往則謂之省暮往則謂之定疏入不報等遷校書郎寧宗即位詔求言安世應詔言管夷吾治齊諸葛亮治蜀立國之本不過曰量地以制賦量賦以制用而已用不賦賦而至於侈且濫內外上下之積不得而不空天地山川之藏不得而不竭今天下之費最重而當省者兵也能用土兵則兵可省能用屯田則兵可省其次莫如宮掖兵以待敵國常畏而不敢省宮掖以私一身常愛而不忍省不敢省者事在他人不忍

省者在陛下也陛下肯省則省之宮中既省則外庭之官吏四方之州縣從風而省時朱熹召至闕未幾予祠安世率館職上書留之不報俄為言者劾去通判重慶府未拜以偽黨罷安世素善吳獵二人坐學禁久廢開禧用兵獵起帥荆渚安世方丁內艱起復知鄂州俄准漢師潰薛叔似以怯懦為侂冑所惡安世因貽侂冑書其末曰偶送客至江頭飲竹光酒半醉書不成字侂冑大喜曰項平父乃爾閒暇遂除戶部員外郎湖廣總領會叔似罷金園德安益急諸將無所屬安世不俟朝命徑遣兵解圍高悅等與金人力戰馬雄獲萬戶周勝獲千戶安世第其功以聞獵代叔似為宣撫使尋以宣諭使人蜀朝命安世權宣撫使又升太府卿有宣撫幕官王度者吳獵客也安世招軍名項家軍多不逞好擄掠獵斬其為首者安世憾之至是斬度於大別寺獵間於朝安世坐免後以直龍圖閣為湖南轉運判官未上用臺章奪職而罷嘉定元年卒

辭叔似字象先其先河東人後徙永嘉游太學解褐國子錄初登對論祖宗立國之初除二稅外取民甚輕自熙寧以來賦日增而民困滋甚孝宗嘉納因曰朕在宮中如一檜叔似曰此非所望於陛下當論功業如何正使海內富庶如文景不過江左之文景法度修明如明章不過江左之明章陛下即位二十餘年國勢未張未免牽於苟安無事之說帝默然後數日宰執進擬朝士帝出寸紙書叔似及應孟明姓名嘉其奏對也遷太常博士尋除樞密院編修官時做唐制置補闕拾遺宰臣啟擬令侍從臺諫薦人帝自除叔似左補闕叔似遂劾首相王淮去位光宗受禪時傳金使人界使名未正叔

似奏自壽皇一正匹敵之禮金人常有南顧之虞使名未正而遽受之祇以重其玩侮翼日復奏謀國者畏敵太過帝奮然開納除將作監出為江東轉運判官俄以諫臣論罷主管冲佑觀等除湖北運判加直秘閣移福建召為太常少卿兼實錄院檢討官守祕書監權戶部侍郎初丞相周必大請擇侍從臺諫忠直者提舉太史局益用神宗朝司馬光與王安禮故事躔度少差豫圖銷弭遂命叔似提舉等兼樞密都承旨以劉德秀疏罷提舉興國宮起知贛州移隆興府廬州召除在京宮觀兼侍讀進權兵部侍郎兼同修國史兼國用司參議官兩浙民有身丁錢叔似請於朝遂蠲之試吏部侍郎兼侍讀充荆湖宣諭使時韓侂冑開邊除兵部尚書宣撫使叔似方乞降官會分撥緡連募兵鬻馬辟致僚佐而皇甫斌唐州之師已敗矣遂劾斌南安軍安置叔似料敵必侵光黃委總領陳謙按行五關發鄂卒守三關金果入侵謙駐漢陽為江左節制等除叔似端明殿學士兼侍讀時宣司兵成襄陽都統趙鼎副統魏友諒與統制呂渭孫不相下渭孫死之叔似遂自劾委任失當叔似夙以功業自期逮臨事絕無可稱以御史王益祥論奪職罷祠侂冑誅諫官葉時再論降兩官論福州以兵端之開叔似迎合故也久之許自便嘉定十四年卒贈銀青光祿大夫諡恭翼叔似雅慕朱熹窮道德性命之旨談天文地理鐘律象數之學

劉甲字師文其先承靜軍東光人元祐宰相擊之後也父著為成都漕幕葬龍游因家焉甲治熙二年進士累官至度支郎中遷樞密院檢討兼國史院編修官實錄院檢討官使金至燕山仲吳完顏者名犯仁廟嫌諱甲

力辭完顏更名修自紹興後凡出疆過忌俱辭設宴皆不得免秦檜所定也九月二十三日金宴甲以宣仁聖烈后忌辭還除司農少卿進太常權工部侍郎升同修撰除質謨閣待制知江陵府湖北安撫使甲謂荆州爲吳蜀裔高保融分江流滯之以爲北海太祖常令決去之蓋保江陵之要害也即因遺址浚築亘四百里移知廬州程松爲四川宣撫使吳曦副之以甲知興元府利東安撫使時蜀口出師敗劄金陷西和成州曦焚河池縣先是曦已遣姚淮源獻四川於金鑄印立曦爲蜀王甲時在漢嘉未至鎮也金人破大散關興元都統制母思以重兵守關而曦陰徵幕關之戍金自板谷谷繞出關後思挺身免甲告急於朝乞下兩宣撫司協力扞禦松謀遁甲固留不可遽以便宜檄甲兼沿邊制置曦遣後軍統制王鉞準備將趙觀以書致甲甲援大義拒之因臥疾曦又遣其弟叆邀甲相見甲叱而去之乃援顏真卿河北故事欲自拔歸朝先募二兵持帛書遺參知政事李璧告變且曰若遣吳總以右職入川即日可瓦解矣曦僭王位甲遂去官朝廷久乃微聞曦反狀韓侂胄猶不之信甲奏至舉朝震駭璧袖帛書進帝覽之稱忠臣者再召甲赴行在命吳總以直學士知鄂州多賜告身金錢使招諭諸軍爲入蜀計復命以帛書賜甲曰所乞致仕實難允從已降指揮召赴行在今朝廷已遣使與金通和襄漢近日大捷北兵悉已渡江而去恐蜀遠未知更在審度事宜從長區處二兵皆補官甲舟行至重慶聞安丙等誅曦復還漢中上奏待罪詔趣還任甲奏叛臣子孫族屬及附僞罪狀公論快之會宣撫副使安丙以楊巨源自負倡義之功陰欲除之語在

巨源傳巨源既死軍情巨測除甲宣撫使未幾金自鶻嶺關割金崖進屯八里山甲分兵進守諸關截潼川成兵駐饒風以待之金人知有備引去侂胄誅上念甲精忠拜質謨閣學士賜衣帶鞍馬是歲和議成朝廷聞彭輅與丙不協以書問甲又俾諭丙減汰諸軍勿過甚及訪蜀人才之可用者蓋自楊輔召歸西邊諸事朝論多於甲取決人無知者紹興中蜀軍無見糧糶爲科糶孝宗聞其病民命總領李繁以本所錢招糶糧不給又命勸糶其半勸糶之名自此始久之李昌圖總計復奏令金梁守倅任責收糶而勸糶遂罷及是宣總司合金洋興元三郡勸糶小麥三十萬石甲之下總所照李繁成法措置從之明年罷宣撫司合利東西爲一帥治興元移甲知潼川府安丙既同知樞密院事董居誼爲制置使甲進質謨閣學士知興元府利路安撫使節制本路屯駐軍馬朝廷計居誼猶在道命甲權四川制置司事先是大臣撫蜀者諸將事之有所謂互送禮實賂賂也甲下令首罷之凡丙所立茶鹽柴邸悉廢之又乞以阜郊博易鋪場還隸沔戎司復通吳氏莊歲收租四萬斛有奇錢十三萬以裨總計從之丙增多田稅甲命屬吏討論由一府言之歲減凡百六十萬緡米麥萬七千石邊民感泣嘉定七年卒於官年七十三甲幼孤多難母病到股以進平生常謂吾無他長惟足履實地書所爲夜必書名曰自監理宗詔諡清惠

楊輔字嗣勳遂寧人乾道二年進士甲科召試館職除祕書省正字遷校書郎出知眉州累遷戶部郎中總領四川財賦升太府少卿利西安撫使吳挺病輔以吳氏世帥武興久恐生變密白二府早擇人望以鎮方面又貽書四川制置邱密言統制官李黃乃吳氏腹心緩急不可令權軍密然之挺卒宿檢輔權帥事輔謂職爲王人若輕往第疑軍心遂索印即益昌領事復數月奏以權興州事楊虞仲兼權召守祕書監禮部侍郎以顯謨閣待制知江陵府移襄陽又移潼川召還等以數文閣直學士知成都府兼本路安撫使韓侂胄決意用兵以吳曦爲四川宣撫使假以節制財利之權輔知曦有異志貽書大臣言自昔兵帥與計臣不相統攝故總領有報發覈察之權今所在皆受節制內憂不輕因託言他事遣人以警書告於朝帝意輔能誅曦密詔投質謨閣學士四川制置使許以便宜從事時人望輔倡義劉光祖李道傳皆勉之輔自以不習兵事且內郡無兵可用遷延兩月但爲去計曦移輔知遂寧府輔遂以印授通判韓植而去安丙楊巨源密謀誅曦以輔有人望謂密詔自輔所來聞者皆信曦既誅丙趣輔還成都除四川宣撫使奏言臣以衰病軟懦而居建元功者之上徒恐牽制敗事安丙才力強濟賞罰明果乞以事任付丙又論蜀中三帥惟武與事權特重故致今日之變乞並置兩帥分其營屯隸屬安丙奏乞兩宣撫分司朝廷察丙與輔異召輔赴闕議者謂蜀亂初平如輔未宜去乃復以爲制置使兼知成都府再被召踰年纔抵建康復引咎不進帝召輔益堅乃之鎮江俟命著作佐郎楊簡言輔營棄成都不當召乃除兵部尚書兼侍讀以龍圖閣學士知建康府兼江淮制置使卒於官諡曰莊惠

劉光祖字德修簡州陽安人幼出於外祖賈暉後以暉遺澤補官登進士第廷對言陛下睿察太精宸斷太嚴求治太速喜功太甚又言陛下躬擐甲胄開馭毬馬一

巨有警豈能親董六師以督戰乎夫人主自將危道也臣恐毬馬之事敵人聞之適以貽笑不足以示威除劔南東川節度推官辟潼川提刑司檢法清熙五年召對論恢復事請以太祖用人為法且曰人臣獻言不可不察其一不量可否勸陛下輕出驟進則是即日誤國其一不思振立苟且偷安則是久遠誤國除太學正召試守正字兼吳益王府教授遷校書郎除右正言知果州以趙汝愚薦召入光宗即位除軍器少監兼權侍左郎官又兼禮部時殿中侍御史闕帝方嚴其選謂宰臣留正曰卿監郎官中其有人正沈思久之曰得非劉光祖乎帝曰是久在朕心矣光祖入謝劾罷戶部尚書葉翥太府卿兼中書舍人沈揆結近習圖進用徒太府少卿求去不已除直祕閣潼川運判改江西提刑又改夔州時孝宗不豫帝久不過宮光祖致書留正趙汝愚曰宜與羣賢并心一力若上未過宮宰執不可歸安私第林陳二關自以獲罪重華日夜交謀其間宜用韓魏公逐任守忠故事以釋兩宮疑諉大臣亦當收兵柄密布腹心俾緩急有可仗者聞孝宗崩又貽書汝愚勉以安國家定社稷之事靈宗即位除侍御史司農少卿人對獻謹始五箴又論人主有六易天命易恃天位易樂無事易安意欲易奢政令易息歲時易玩又有六難君子難進小人難退苦言難入巧佞難遠是非難明取舍難決又言陛下以隆慈之命踐祚於素幄蓋有甚不得已者宜躬自貶損盡禮於上皇使聖意懽然知釋位之樂然後足以昭陛下之大孝帝感然為納進起居舍人論政令當出中書陛下密而行之人主操柄無要於此知閣門專執死貞數推厥福故首及之遷起居郎集議下

孝宗山陵與朱熹皆謂會稽山陵土薄水淺乞議改卜既而熹與祠光祖言漢武帝之於汲黯唐太宗之於魏徵仁宗之於唐介皆楚怒旋悔熹明先聖之道為今宿儒又非三臣比今一旦無故去之可乎再疏不聽以劉德秀幼出為湖南運判不就主管玉局觀趙汝愚既罷相侂冑擅朝遂目士大夫為偽學逆黨禁錮之光祖撰涪州學記謂學之大者明聖人之道以修其身而世方以道為偽小者治文章以達其志而時方以文為病好惡出於一時是非定於萬世諫官張釜指為誘訕比之楊惲謫居房州久之許自便起知眉州復職將漕利路以不習邊事辭進直寶謨閣主管沖佑觀吳曦叛誅以書屬宜撫使楊輔講行營田前日利歸吳氏者悉收之公上以首餉軍費獎名節旌死事以激忠烈之心除潼川路提刑權知瀘州侂冑誅召除右文殿修撰知襄陽府進寶謨閣待制知遂寧府改荆湖制置使以寶謨閣直學士知潼川府詔以閔雨求言光祖請改正憲聖慈烈皇后諱日先是后崩以慶元三年十一月二日郊禋期迫或謂侂冑曰帝親郊不可不成禮且有司所費既夥奈何已之侂冑入其言五日祀園丘六日始宣遺詔於是光祖言憲聖陛下之曾祖母克相高宗再造大業侂冑敢視之如卑喪遷就若此賊臣就戮盡告謝祖宗改從本日從之升顯謨閣直學士提舉玉隆萬壽宮引年不許提舉西京嵩山崇福宮嘉定十五年卒進華文閣學士謚文節趙汝愚稱光祖論諫激烈似蘇軾懇惻似范祖禹世以為名言子端之靖之謂之茲之

列傳

宋九十七

余端禮 李璧 邱密 倪思 宇文紹節 李繁

余端禮字處恭衢州龍游人第進士知湖州烏程縣民
開賦丁絹錢率三張出一縑不輸絹而折其估一縑于
錢後增至五千民不勝病端禮以告于府事得上聞又
自詣中書陳便宜歲蠲絹錢六萬召對時孝宗志在恢
復端禮言謀敵決勝之道有聲有實敵弱者先聲後實
以響其氣敵強者先實後聲以俟其機昔越謀吳外講
盟好內修武備陽行成以種蠶陰結援於齊晉教習之
士益精而獻遺之禮益密用能一戰而霸者伺其機而
圖之所謂先實而後聲也今日之事與越相若願陰設
其備而密為之謀觀變察時則機可投矣古之投機者
有四因其內讐而擊之此投隙之機也因外患而伐之
此搗虛之機也敵國不道因其離而舉之此乘亂之機
也敵人勢窮蹙其後而蹙之此乘弊之機也機之未至
不可以先機之已至不可以後帝喜曰卿可謂通事體
矣後以薦為監察御史遷大理少卿轉太常少卿詔以
來歲祈穀上帝仲春躬耕籍田令禮官討論明道故事
端禮言祈穀之制合祭天地於圜丘前期享於太廟視
冬至郊祀之儀此國朝故事也若乃明道之制則以宮
中火後考室落成故於太安殿恭謝天地此特一時謝
災之事耳今欲祈穀耕籍必合祭天地於圜丘前期朝
享於景靈宮太廟欲如明道之制行於殿庭不可詔太
常禮部集議有言禮可以義起者端禮曰禮固有可義

起至於大體則不可易古者郊而後耕以其於郊故謂
之郊猶祀於明堂故謂之明堂如明道謝災之制則與
祈穀異今以郊而施之殿庭亦將以明堂而施之壇壝
乎帝為之止權兵部侍郎兼太子詹事進吏部侍郎出
知太平州奉祠光宗立召見言天子之孝不與庶人同
今陛下之孝於壽皇當如舜之於堯行其道可也武之
於文繼其志述其事可也凡壽皇睿謀聖訓仁政善教
所嘗施於天下者願與三三大臣朝夕講求而力行之
則足以盡事親之孝矣授集英殿修撰知贛州還為吏
部侍郎權刑部尚書兼侍講以煥章閣直學士知建康
府召拜吏部尚書擢同知樞密院事興州帥吳挺死端
禮謂樞密趙汝愚曰吳氏世握蜀兵今若復令承襲將
為後患汝愚是其言合辭以奏光宗意未決端禮言汝
愚所請為蜀計為東南計夫置大將而非其人無蜀
也無蜀是無東南也今軍中請帥而遲遲不報人將生
心不聽後挺子曦卒以蜀叛如端禮言帝以疾不朝重
華宮孝宗崩又不能發喪人情恟然端禮謂宰相留正
曰公獨不見唐肅宗朝羣臣發哀太極殿故事乎宜請
太皇太后代行祭奠之禮於是宰執以請於太皇太后
留正懼入臨重華宮仆地致仕而去太皇太后垂簾策
皇子嘉王即皇帝位王流涕避端禮奏太上違豫大
喪之主安危之機在於呼吸太皇太后非為陛下計乃
為太上皇帝計為宗社計今堅持退讓不思國家之大
計是守匹夫之小節而昧天子之大孝也宣宗不得已
側身就御坐之半端禮與汝愚再拜同請宣宗乃正御
坐退行禮祭禮進端禮知樞密院事兼參知政事汝愚
去右丞相位端禮代之始端禮與汝愚同心其政汝愚

管曰士論未一非余慮恭不能任及韓侂胄覆威柄
汝愚等欲疎斥之謀泄而汝愚遂端禮不能過但長吁
而已浙西常平黃灝以放民租寬知婺州黃度以庇屬
吏褫職罷郡二人皆侂胄所憾端禮執奏竟不免於罪
太府丞呂祖儉坐上書忤侂胄南遷端禮救解不獲公
議始歸責焉他日見帝言除從官中書不知朝綱已紊
禍根已滋即丐去不許進左丞相端禮在相位期年頗
知擁護善類然為侂胄所制抑鬱不愜志稱疾求退以
觀文殿大學士提舉洞霄宮居頃之判潭州移慶元復
帥潭卒授少保鄒國公致仕贈太傅諡忠肅子燦工部
尚書
李璧字季章眉之丹稜人父燾典國史璧少英悟日誦
萬餘言屬詞精博周必大見其文異之曰此謫仙才也
孝宗嘗問燾燾謂諸子孰可用燾以璧對以父任入官後
登進士第召試為正字宣宗即位徙著作佐任郎兼刑部
郎權禮部侍郎兼直學士院時韓侂胄專國建議恢復
宰相陳自強請以侂胄平章國事遂召璧草制同禮部
尚書蕭達詩論典禮命侂胄三日一朝序班丞相上璧
受命使金行次揚州忠義人朱裕挾宋帥藎澣水金人
憤甚璧乞帑帑首境上詔從其請璧至燕與金人言披
露肝膽金人之疑頓釋璧歸侂胄用師意方銳璧言進
取之機當重發而必至毋輕出而苟且既而陳景俊使
北還贊舉兵甚力錢象祖以沮兵議忤侂胄得罪貶璧
論襄陽形勢深以心腹為憂欲待敵先發然後應之侂
胄意不懌於是四川荆淮各建宣撫而師出矣璧度力
不能回乃人秦自秦檜首倡和議使父兄百世之譽不
復開於臣子之日今廟謀未定士氣積衰苟非激昂易

克不應臣愚以為宜亟貶秦檜示天下以警恥必復之志疏奏秦檜坐貶王爵議者謂壁不論檜之無君而但指其主和其言雖公特以迎合侂胄用兵之私而已初侂胄召葉適直學士院草出師詔適不從乃以屬壁由是進權禮部尚書侂胄既喪師始覺為蘇師旦所誤一夕召壁飲酒酣及師旦事壁微擿其過視侂胄意向乃極言師旦情勢招權使明公負謗非竄謫此人不足以謝天下師旦坐貶官壁又言郭倬李汝翼偵軍誤國之罪宜誅之以謝淮民拜參知政事金遣使來徵示欲和意邱密以聞壁貽密書俾遣小使致書金帥求成金帥

報書以用兵首謀指侂胄侂胄大恚不復以和為意壁言張浚以討賊復讐為己任隆興之初事勢未集亦權宜就和苟利社稷固難執一侂胄不聽以張巖代密壁力爭言邱密素有人望侂胄變色曰方今天下獨有一邱密邪吳曦叛據蜀稱王楊巨源安丙誅之事聞壁議須用重臣宣撫薦制置使楊輔為宣撫使而使安丙輔之丙殺楊巨源輔恐召變以書舉劉甲自代侂胄疑輔避事壁曰孝宗聞吳璘病亟詔汪應辰權宣撫使職事蜀賴以安此故事也於是命甲權宣撫使方信孺使北歸言金人欲縛送侂胄故侂胄忿甚用兵之意益急壁方與其政或勸其速去毋與侂胄分禍壁曰噫國病矣我去誰適謀此會禮部侍郎史彌遠謀誅侂胄以密言告壁及錢象祖象祖欲奏密壁言事留恐泄侂胄訖誅壁兼同知樞密院事御史葉時論壁反復誦劄三秩謫居撫州後輔臣言誅侂胄事壁實預聞乃令自便復官提舉洞霄宮久之復以御史奏劄三秩罷嗣越四年復除蕭明嚴學士知遂寧府未至而潰兵張福人益昌

戕王人略聞剽果至遂寧壁傳檄諭之福等讀檄泣下約解甲降會官軍至挑賊賊悉燔其城顧府治曰李公旦夕來居此其勿毀壁馳書大將張威使調嘉定黎雅峇丁牌手來會戰威夜遣人叩門來言曰賊壘堅不可破將選死士梯而登以火攻之壁曰審爾必多殺士卒盡先斷賊汲路與糧道使不得食即自成擒矣以長圍法授之威用其謀賊遂平壁尋疾奉祠嘉定十五年六月卒進資政殿學士諡文懿壁嗜學如飢渴經百氏搜抉靡遺於典章制度尤綜練為文情逸壁父子與弟里皆以文學知名蜀人比之三蘇云

邱密字宗卿江陰軍人隆興元年進士為建康府觀察推官丞相虞允文奇其才奏除國子博士孝宗論允文舉自代者允文首薦密有旨賜對遂言恢復之志不可忘恢復之事未易舉宜甄拔實才責以內治遵養十年乃可議北向時方遣范成大使金祈請陵寢密言泛使

所據亦須理索否密對曰臣但能詆之不能請之孝宗怒密退待罪孝宗察其忠不譴也遷太常博士出知秀州華亭縣捍海堰慶且百年鹹潮歲大入壞並海田蘇湖省被其害密至海口訪遺址已淪沒乃奏荆築三月堰成三州島嶼復為良田除直隸開知平江府入奏內殿因論楮幣折閱請公私出內並以錢會各半為定法詔行其言天下便之知吉州召除戶部郎中遷樞密院

接伴令沿途遵執密具奏謂不可以此啟敵疑心不奉詔并械之營密不禮金使子祠起知鄂州移江西轉運判官提點浙東刑獄進直徽猷閣知平江府升龍圖閣移帥紹興府改兩浙轉運副使以葛去光宗即位召對除大常少卿兼權工部侍郎進戶部侍郎擢煥章閣直學士四川安撫制置使兼知成都府密素以吳氏世掌兵為慮陸辭奏曰臣入蜀後吳挺脫至死亡兵權不可復付其子臣請得便宜撫定諸軍以俟朝命挺死密即奏乞選他將代之仍置副帥別差興州守臣併利州西路帥司歸興元以殺其權提長子曦勿令奔喪起復知和州屬總領楊輔就近節制諸軍微利路提刑楊虞仲

往攝興州朝廷命張詔代挺以李仁廣副之遂革世將之患其後郭某繼詔復兼利西路安撫某死韓侂胄復以兵權付曦曦叛議者乃服密先見密宗即位召召以中丞謝深甫論罷之居數年復職知慶元府既入奏韓侂胄招以見出奏疏幾二千言示密蓋北伐議也知密平日主復讐翼可與其功名密曰中原淪陷百年在我固不可一日忘然兵交勝負未可知首事之禍其誰任之此必有夸誕貪進之人攘臂以僥倖萬一宜亟斥絕不然必誤國矣進數文閣學士改知建康府將行侂胄

檢詳文字被命接伴金國賀生辰使金曆九月晦與統天曆不合密接使者以恩意乃徐告以南北曆法異同合從會慶節正日隨班上壽金使初難之卒從其言孝宗嘗謂密曰使人聽命成禮而還刺之力也先是王抃

曰此事姑為遲之密因贊曰翻然而改誠社稷生靈之幸惟無搖於異議則善矣侂胄聞金人置平章宣撫河南奏以密為簽樞宣撫江淮以應之密手書力論金人未必有意欺盟宜申警軍實使吾常有勝勢若蒙自彼作我有辭矣宣撫遂寢侂胄移書欲除密內職宣諭兩淮密報曰使名雖異其為示敵人以嫌疑之蹟則同

復除蕭明嚴學士知遂寧府未至而潰兵張福人益昌

宗嘗謂密曰使人聽命成禮而還刺之力也先是王抃

兩淮密報曰使名雖異其為示敵人以嫌疑之蹟則同

且彼平章宜撫既寢尤不宜輕舉侂冑滋不悅升賈文閣學士刑部尚書江淮宜撫使時宋師克泗州進圍宿壽既而師潰侂冑遣人議招收潰卒且求自解之計密謂宜明蘇師且周筠等偵師之姦正李汝翼郭倬等喪師之罪密欲全淮東兵力為兩淮聲援奏泗州孤立淮北所屯精兵幾二萬萬一金人南出清河口及侵天長等城則首尾中斷墮敵計矣莫若還兵盱眙從之金人擁眾自渦口侵淮南或勸密棄廬和州為守江計密曰棄淮則與敵共長江之險矣吾當與淮南俱存亡益增兵為防進端明殿學士侍讀尋拜簽書樞密院督視江淮軍馬有自北來者韓元靖自謂琦五世孫密詰所以來之故元靖言兩國交兵北朝皆謂出於太師意今相州宗族墳墓皆不可保故來依太師爾密使畢其說始露講解意密遣人護送北歸俾扣其實其回也得金行省幅紙密以聞於朝遂遣王文采持書幣以行文采還金帥答書辭順密復以聞遂遣陳璧充小使璧回具言金人詰使介既欲和矣何為出兵真州以襲我然仍露和意也密白廟堂請自朝廷移書續前議又謂彼既指

侂冑為元謀若移書宜覓免係銜御批通鑑輯覽在宋自金人分道大舉宋無不望風奔潰密受命宣撫自不得不主和以紓國患顧侂冑之為首謀金人久已深悉請於移書內舒兒繫密以真塗飾一時耳侂冑目金人其果可欺耶識見卑鄙適足貽笑耳

大怒罷密以知樞密院事張巖代之既以臺論提舉洞霄宮落職侂冑誅以資政殿學士知建康府尋改江淮制置大使兼知建康府淮南運司招輯邊民二萬號雄淮軍月廩不繼公肆剽劫密乃隨雄淮所屯分隸守臣節制其西路則同轉運使張穎揀刺為御前武定軍以三萬人為額分為六軍餘汰歸農自是月省錢二十八

萬緡米三萬四千石武定既成軍伍淮西賴其力以病丐歸拜同知樞密院事卒諡忠定密儀狀魁傑機神英悟嘗慷慨謂人曰生無以報國死願為猛將以滅敵其忠義性然也

倪思字正甫湖州歸安人乾道二年進士中博學宏詞科累遷祕書郎除著作郎兼翰林權直光宗即位典冊與尤表對掌故事行三制並宣學士帝欲試思能否一夕併草除公師四制訓詞精敏權侍立修注官直前奏請增置諫官專責以諫事又乞召內外諸將訪問以知其才否累除中書舍人兼直學士院同修國史尋兼侍講初孝宗以戶部經費之餘則於三省置封樞庫以待軍用至紹熙移用始頻按宋史本傳作紹興考紹興為不當云紹興應是光宗高宗年號封樞庫置於孝宗時年號紹熙之誤今改正會有詔發緡錢十五萬人入帑備犒軍思謂實給他費請毋發且曰往歲所入約四百六十四萬緡所出之錢不及二萬非痛加撙節則封樞自此無儲遂定議犒軍歲以四十萬緡為額由是費用有節又言唐制使諫官隨宰相入閣今諫官月一對耳乞許同宰相宣引庶得從容論奏帝稱善除禮部侍郎

帝久不過重華宮思疏十上言多痛切會帝召嘉王思言壽皇欲見陛下亦猶陛下之於嘉王也帝為動容時李皇后寢預政思進講姜氏會齊侯於濼因奏人主治國必自齊家始家之不能齊者不能防其漸也始於褻狎終於恣橫卒至於陰陽易位內外無別甚則離間父子漢之呂氏唐之武韋幾至亂亡不但魯莊公也帝悚然兼權吏部侍郎出知紹興府宣宗即位改婺州未上提舉太平興國宮召除吏部侍郎兼直學士院御史姚愈劾思出知太平州歷知泉州建寧府皆以言者論去

久之召還試禮部侍郎兼直學士院侂冑先以書致殷勤曰國事如此一人望豈宜專以潔己為賢哉思報曰但恐方拙不能徇時好耳時赴召者未引對先謁侂冑或勸思不可入見首論言路不通自呂祖儉謫徒而朝士不敢論忠自呂祖泰編窳而布衣不敢極說膠庠之士欲有吐露恐之以去籍論之以呈藁誰肯披肝歷膽觸冒威尊近者北伐之舉僅有一二人言其不可如使未舉之前相繼力爭之更加詳審不致輕動又言蘇師且賊以巨萬計胡不驟戮以謝三軍阜南斌喪師襄漢李爽敗績淮甸秦世輔潰散蜀道皆罪大罰輕又言士大夫寡廉鮮恥列拜於勢要之門甚者匍匐門實稱門生不足稱恩坐恩主甚至於恩父者諛文豐啓又在所不論也侂冑聞之大怒思既退謂侂冑曰公明有餘而聰不足也周筠與師且並為姦利師且已敗筠尚在人聰不足也周筠與師且並為姦利師且已敗筠尚在人

言平章騎虎不下之勢此李林甫楊國忠晚節也侂冑悚然曰聞所未聞司諫毛憲劾思子祠侂冑殛復召首對乞用涪照例令太子開議事堂閉習機政又言侂冑擅亂凡事取內批特旨當以為戒除權兵部尚書兼侍讀求對言大權方歸所當防微一有干預端倪必且仍蹈覆轍厥今有更化之名無更化之實今侂冑既誅而國人之言猶有未靖者蓋以樞臣猶兼官宮不時宣召宰執當同班同對樞臣亦當遠權以息外議樞臣謂史彌遠也金人求侂冑首命廷臣集議思謂有傷國體

按葉紹翁四朝聞見錄云先是有百官詣朝堂集議面言事樞密章良能建議以為姦囚已斃之首又何足惜時王介抗議謂侂冑首命不足惜而國體為可惜良能以語侵介介奮起爭之會倪思亦謂一侂冑與頭顱何必諸公爭介議遂不勝良能得免省吏仲黃紙揭於象魏曰今據禮部侍郎倪思議到姦囚已斃之首又何

彌遠也金人求侂冑首命廷臣集議思謂有傷國體按葉紹翁四朝聞見錄云先是有百官詣朝堂集議面言事樞密章良能建議以為姦囚已斃之首又何足惜時王介抗議謂侂冑首命不足惜而國體為可惜良能以語侵介介奮起爭之會倪思亦謂一侂冑與頭顱何必諸公爭介議遂不勝良能得免省吏仲黃紙揭於象魏曰今據禮部侍郎倪思議到姦囚已斃之首又何

彌遠也金人求侂冑首命廷臣集議思謂有傷國體按葉紹翁四朝聞見錄云先是有百官詣朝堂集議面言事樞密章良能建議以為姦囚已斃之首又何足惜時王介抗議謂侂冑首命不足惜而國體為可惜良能以語侵介介奮起爭之會倪思亦謂一侂冑與頭顱何必諸公爭介議遂不勝良能得免省吏仲黃紙揭於象魏曰今據禮部侍郎倪思議到姦囚已斃之首又何

彌遠也金人求侂冑首命廷臣集議思謂有傷國體按葉紹翁四朝聞見錄云先是有百官詣朝堂集議面言事樞密章良能建議以為姦囚已斃之首又何足惜時王介抗議謂侂冑首命不足惜而國體為可惜良能以語侵介介奮起爭之會倪思亦謂一侂冑與頭顱何必諸公爭介議遂不勝良能得免省吏仲黃紙揭於象魏曰今據禮部侍郎倪思議到姦囚已斃之首又何

彌遠也金人求侂冑首命廷臣集議思謂有傷國體按葉紹翁四朝聞見錄云先是有百官詣朝堂集議面言事樞密章良能建議以為姦囚已斃之首又何足惜時王介抗議謂侂冑首命不足惜而國體為可惜良能以語侵介介奮起爭之會倪思亦謂一侂冑與頭顱何必諸公爭介議遂不勝良能得免省吏仲黃紙揭於象魏曰今據禮部侍郎倪思議到姦囚已斃之首又何

彌遠也金人求侂冑首命廷臣集議思謂有傷國體按葉紹翁四朝聞見錄云先是有百官詣朝堂集議面言事樞密章良能建議以為姦囚已斃之首又何足惜時王介抗議謂侂冑首命不足惜而國體為可惜良能以語侵介介奮起爭之會倪思亦謂一侂冑與頭顱何必諸公爭介議遂不勝良能得免省吏仲黃紙揭於象魏曰今據禮部侍郎倪思議到姦囚已斃之首又何

足惜遂面侂胄首送金據此則國體可惜之語蓋發於王介而思實勸其勿爭且章良能所議實定於思之一言與宋史所徒禮部尚書史彌遠擬除兩從官參政錢象祖不與聞思言奏擬除日宰執當同進比專聽侂胄權有所偏覆輒可鑿既而史彌遠上章自辨思求去帝留之思乞對言前日論樞臣獨班恐踏往徽宗社堪再壞耶宜親擢臺諫以革權臣之弊並任宰輔以鑒專擅之失彌遠懷志思請去益力以實讓聞直學士知鎮江府移福州彌遠拜右丞相陳晦草制用昆命元龜語思嘆曰董賢為大司馬冊文有允執厥中一言蕭咸以為堯禪舜之文長老見之莫不心懼今制詞所引此舜禹揖遜也天下有如蕭咸者讀之得不大駭乎乃上省牘請貼改麻制詔下分析彌遠遂除晦殿中侍御史即劾思藩臣僭論麻制鑄職而罷自是不復起矣按葉紹翁錄云晦上章備舉果朝自趙潛以下凡拜相麻制用元龜事至六七且謂臣等學詞科於思非不記此類文字特出於一旦私情遂忘故典以藩臣而議麻制不慈無以示後思遂不復敢辯免所居官與與德秀最厚蓋以此可補宋史所未備久之除寶文閣學士提舉嵩山崇福宮嘉定十三年卒諡文節

宇文紹節字挺臣成都廣都人祖虛中簽書樞密院事父師瑗顯謨閣待制父子皆以使北死無子李宗愨之命其族子紹節為之後補官仕州縣九年第進士累遷寶謨閣待制知廬州時侂胄方議用兵紹節至郡議修築古城砌造砦柵專為固圉計准西轉運判官鄧友龍謬於侂胄謂紹節但為城守徒耗財力無益於事侂胄以書讓紹節紹節復書謂公有復讐之志而無復讐之略有開邊之害而無開邊之利不量國力為進取計非所敢知侂胄得書不樂乃以李爽代紹節召為兵部侍郎兼中書舍人兼直學士院以寶文閣待制知鎮江府

吳曦據蜀趣紹節赴闕任以西討之事紹節至謂大臣曰今進攻則瞿唐一關彼必固守若駐軍荆南徒損威望聞隨軍轉運安丙素懷忠義若授以密旨必能討賊成功大臣用其言遣丙所親以帛書達上意丙卒誅曦權兵部尚書未幾除華文閣學士湖北宣撫使知江陵府統制官高悅在成所肆為殺掠遠近苦之紹節召寅帳前收其部曲俄有訴悅縱所部為寇者紹節杖殺之兵民皆歡升寶文閣學士試吏部尚書尋除端明殿學士簽書樞密院事安丙宣撫四川或言丙有異志語聞廷臣欲易丙紹節曰方誅曦初安丙一搖足全蜀非國家有顧不以此時為利今乃有他耶願以百日保丙丙卒不易朝廷於蜀事多所咨訪紹節審而後言皆周悉事情嘉定六年卒進資政殿學士致仕又贈七官為少師非常典也諡曰忠惠

李紫字清叔崇慶晉原人第進士為隆州判官攝綿州歲祲出義倉穀賤糶之而以錢貸下戶又聽民以茅積易米作粥及褚衣親衣食之活十萬人明年又饑叩蜀彭漢成都盜賊竄起綿獨安堵知永康軍移利州提點成都路刑獄兼提舉常平歲凶先事發廩蠲租所活百七十萬人知興元府安撫利州東路漢中久饑劔外和羅在州者獨多紫督匹馬行阡陌問訪求民瘼有老嫗進曰民所以飢者和羅病之也泣數行下紫感其言奏免之民大悅徙倉部員外郎總領四川賦財軍馬錢糧升郎中淳熙三年廷臣上言四川歲糶軍糧名為和羅實科糶也詔制置使范成大同紫相度以聞紫奏諸州歲糶六十萬石若從官糶歲約百萬緡如於經費之中斟酌損抑變科糶為官糶貴賤賤時不使虧毫忽之價

出納貶量勿務取圭撮之贏則軍不乏興民不加賦乃書利民十一事上之前後三年紫上奏疏者十有三天子降詔難問者凡人訖如其議民既樂與官為市遠邇謹趨軍餉坐給而田里免科糶始知有生之樂會歲大稔米價頓賤父老以為三十年所無梁洋開繪紫像祠之范成大驛疏言闕外多熟倍於常年實由罷糶民力稍紓得以盡於農畝孝宗覽之曰免和羅一年田開和氣若此乃知民力不可重困也擢紫守太府少卿范成大召見孝宗首問糶事可久行否成大奏李紫以身任此事臣以身保李紫孝宗大悅曰是大不可得李紫也上意方嚮用而紫亦欲奏鑄監酒和買之弊以盡滌民害會有疾卒詔以紫能官致仕恩外特與遺表擇一人庶官前此所未有初紫宰眉山校成都漕試念吳氏世襲兵柄必稔蜀亂發策云久假人以兵柄未有不為患者以武官之明不能銷大臣握兵之禍以憲武之烈不能收藩鎮握兵之權危劉氏殲唐室鮮不由此吳挺以為怨後紫總餉事挺謬奏軍食確惡孝宗以問紫紫緘其樣以進挺之矣遂窮踰三十年吳曦竟以蜀叛安丙既誅曦每語人吾等焦頭爛額耳孰如李公先見者乎紫講學臨政皆有源委云

欽定續通志卷三百九十三

列傳

宋九十八

鄭穀 王庭秀

仇愈

高登

婁寅亮

宋汝為

王信

汪大猷

袁燮

吳柔勝

游仲鴻

李祥

王介

宋德之

楊大全

鄭穀字致剛建州人政和八年舉進士授安陸府教授權信陽縣尉召為御史臺主簿張邦昌之僭號也挺身見高宗于濟州既即位擢監察御史選右司諫升為諫議大夫帝至杭州穀奏曰陛下南渡出于倉卒省臺寺監百司之臣獲濟者鮮當擢吳中之秀以為用況天下賢俊多避地吳越宜令守臣體訪境內寄居待闕及見任宮觀等京朝官以上各具姓名以聞簡拔任使庶幾速得賢才以濟艱危詔從之苗傅劉正彥等逆亂殿庭立面折二囚且謂逆賊凶燄熾甚非請外援無可為者乃上章待罪求去退見呂頤浩議興復計太后降詔不允朱勝非言穀面折二囚事拜御史中丞時二囚竊威福之柄肆行殺戮日至都堂侵紊機政穀言黃門宦者之設本以給事內庭供掃除而已俾與政事則貪暴無厭待以兵權則慘毒無已皆前世已行之驗也故宦官用事于上則生人受禍于下匹夫力不能勝則羣起而攻之是以靖康之初羣起而攻之者庶民也睿聖皇帝南渡駐蹕未安羣起而攻之者眾兵也今當痛革前弊並令選擇其人曾經事任招權納寵者屏之遠方俾無浸淫以激眾怒則賞罰之柄自朝廷出國勢尊矣仍論

軍法便宜止行于所轄軍伍其餘當聞之朝廷付之有司明正典刑所以昭尊君之禮而全臣子忠義之節也疏留中不出穀對請付外行之又論黃潛善汪伯彥均于誤國而潛善之罪居多今同以散官竄調湖南錢伯言與黃願皆棄城呂源與梁楊祖皆擁兵而逃今願罷官楊祖落職而源伯言未正典刑非所以勸懲詔賞削有差傳正彥日至都堂議事穀奏將帥之臣不可預政及聞以簽書樞密院召呂頤浩以禮部尚書召張浚分張浚兵以五百人歸陝西而浚不受尚書之命浚不肯分所部兵遂謫浚居郴州擢浚以節度知鳳翔穀知出二囚姦謀具章乞留頤浩知金陵浚不當貶不報穀遂遣所親謝靈變姓名微服為賈人徒步如平江見浚等具言城中事以為嚴設兵備大張聲勢持重緩進使賊自遁無驚動三宮此上策也浚等聞之皆感激奮厲為赴難計俄詔晉聖皇帝為皇太弟天下兵馬大元帥幼主為皇太姪即與大臣進議以為在庭公卿百司羣吏皆昔之臣屬也今則與之比肩事主矣稽之于古則無所法行之于今則實逆天或者謂大元帥可以任軍旅之大事臣竊以為不然昔舜之禪禹也猶命禹再征有苗則禹雖受禪而征伐之事舜猶親之唐睿宗傳位皇太子以聽小事自尊為太上皇以聽大事如是無不可者則稽之于古為有法行之于今為得宜太后垂簾同聽政以安人心退與御史王庭秀上疏力爭太后召穀與宰相同對簾前穀乞召庭秀太后諭曰今欲令睿聖皇帝總領兵馬爾穀奏曰臣不知其他但人君位號豈容降改聞之天下孰不懷疑雖前世衰亂分裂之時固未有旬日之間易兩君一朝降兩朝位號者也太后令

穀至都堂朱勝非出朱兩等所上書以示穀庭秀穀庭秀力言昨日詔書不可宣布必召變勝非與執政顏岐王孝迪路允迪皆在坐尚書左丞張澂獨曰事勢若此豈爭此名位耶澂欲出穀等共止之穀與李邠並為端明殿學士同簽書樞密院事高宗復位進簽書執政甫百日而卒高宗甚悼之謂大臣朕喪元子猶能自排遣于穀殆不能釋也

庭秀字穎彥慈溪人與黃庭堅楊時遊其為學勞搜遠紹不苟趣時好造詣深遠操持堅正發為文辭俊邁宏遠登政和二年上舍第歷官州縣時御史李光薦為御史臺檢法官宣和靖康時進言皆發于忠義高宗即位御史中丞言僞楚時庶官中如虞諤王庭秀者初非疾病毅然致為臣而歸願褒擢之拜監察御史奏乞威斷當出于人主而所遣宣諭官當令舉廉吏又言刑名有疑慮者令州郡法官申憲司閱實具奏以取裁決遷殿中侍御史論黃潛善賈官售寵罷之既與鄭穀力爭降封高宗事未幾出知瑞州右正言呂祉奏朝廷今日緣論大臣移一言官明日罷一言官則後日大臣行事有失誰敢言者遂召為吏部郎改左司言朝廷比來深疾貪吏然州縣之閒豈無廉介自將沈于下僚者宜命五使所至以廉潔清修可以師表吏民者以名來上參之公議不次升擢以厲士風從之遷檢正中書門下省諸房公事與宰相議多不合不自安引疾求去詔直祕閣主管崇道觀而歸

仇愈字泰然益都人大觀三年進士授邠州司法讞獄詳恕多所全活為鄆城令滿秩耆幼遮泣不得去徒武陟令屬朝廷方調兵數十萬于燕山愈餽饌畢給時主

將縱士卒過市掠物不予直他邑官逃避念先期趨備申嚴約束遂以不擾已而念送運餉于涿值大軍潰于盧溝河囊橐往往委以資敵念開關營護無一毫棄失調高密丞俗尚歸訟念攝縣事判決如流事無淹夕猾吏楊蓋每陰疏合過脅持為姦念暴其罪黥之無不悅服州闕司錄命念攝事既行邑氓萬餘邀留至擁歸縣廨時天寒皆然火警守念由它道得出或追拜馬首曰公舍我去我必使公復來它日念方白事郡牙忽數千人徑奪以歸守將不能遏劇寇起萊密聞案念名戒其黨毋犯高密境民賴以安密卒開關掠害官吏幾盡獨噉曰無驚仇公南遷知建昌軍入為考功員外郎時仕者宛轉兵間亡告牒十常七八而銓部無案籍懇丐者甚多真偽錯亂念親為考覈其可據者悉責保識因上聞行之遷右司及中書門下檢正諸房公事俄為沿海制置使守與宰相厚善給言士卒將為變致遣精兵密捕統制官徐文覺之初謀縱軍剽略頃之泛海去呼曰我以仇公故不殺人不焚屋廬一城晏然猶坐削兩官主管太平觀以淮西宣撫知廬州劉豫子麟合金兵大入民情洶懼宣撫司統制張琦者冀乘危為亂驅居民越江南走欲先脅念出擁甲士數千突入露刃登樓揚白麾左右驚潰迫念上馬念徐謂曰若輩無守土責吾當以死殉國寇未至而逃人何賴焉堅不為動神色無少異琦等錯愕遽散其徒人心遂定時金人出入近境念求援于宣撫司不報又遣其子自開道赴朝廷告急雖旌其子以官而援卒不至帝方下詔親征而詔亦不至淮甸喧言將棄兩淮為保江計念錄詔語揭之郡縣讀者至流涕戚思自奮監押間僅死于賊餘

眾來歸州帑置竭無以為賞念悉引班坐榻以酒食慰勞之眾皆感勵募廬壽兵得數百益鄉兵二千出奇直抵壽春城下敵三戰皆北卻走度淮其後麟復增兵來寇念復壽春俘敵甚眾獲旗械數千焚糧船百餘艘降渤海首領二人初金人圍濠州旬日未下屬天寒馬多僵死乃悉眾向淮東樞密使張浚方視師金陵念以策說之曰金重兵在淮東師老食匱若以精兵二萬一自壽陽一自漢上徑趨舊京當不戰而退繼以大軍尾擊茂有不濟者昔人謂一日縱敵數世之患願無失時之悔浚不能用麟復以步騎數千至合肥謀言烏珠為之殿人心怖駭不知所為會京西制置使遣牛皋統兵適至念顧左右曰召牛觀察來擊賊皋既至以忠義撼之皋素勇甚以二千餘騎馳出短兵相接所向披靡敵稍懼散而復集者三其副徐慶忽墜馬敵趁之皋掖以上手刺數人因免胄大呼曰我牛皋也嘗四敗烏珠可來決死寇畏其名遂白潰以念克復守禦功加徽猷閣待制明年宣撫司始遣大將王德來時寇已去德謂其伍曰當事急時吾屬無一人渡江擊賊今事平方至何面目見仇公耶德麾下多女真渤海歸附者見念像不覺以手加額初宣撫司既不以一卒援諸郡但令焚積聚棄城退保文移不絕于道又請浚督行之浚檄念度其宜處之念謂殘破之餘兵食不給誠不能支敵然帥臣任一路之責誓當死守今若委城使金人有淮西治兵艦于巢湖必貽朝廷憂力陳不可浚避其言而卒全活數州之眾詔詣闕軍民號送之改浙東宣撫使知明州以挫豪強獎善良為理吏受賕雖一錢不貸姦猾敏述州糧兵火既燬念斥厨錢助其費買田行鄉飲酒

禮歲饑發官儲損其直民無死徙朝廷聞之進秩一等再召進對帝親加褒諭欲留寘近密言者以念在郡多黥胥吏為慘酷請授外藩時嗣猥未息乃進直學士為湖南安撫使禁盜鑄錢者趨使為農物價既平商賈遂通數月召還加寶文閣學士陝西都轉運使時金人無故歸侵疆其計巨測念力陳非策固辭不行秦檜方主和議以為異已落職以左朝奉郎少府少監分司西京全州居住起知河南府未行金人果復陷所歸郡邑如念言迺復待制再知明州改知平江府陛辭言我軍已習戰非復前日故劉錡能以少擊眾敵大挫衄若乘已振之勢鼓行而前中原可傳檄而定帝嘉之以言罷提舉太平觀積官至左朝議大夫爵益都縣伯卒贈左通議大夫念性至孝母沒時方崎嶇轉徙居喪盡禮沿海制置使陳彥文薦于朝起復之不就端方擬特自初官訖通顯無所附麗令鄧城時丞相范宗尹方為邑子以文謁念念他日語其父是子公輔器也宗尹既當國未嘗以私見在明州嘗欲薦一幕官問曰君日費幾何對以十口之家日用二千驚曰吾為郡守費不及此屬僚所費倍之安得不貪遂止高登字彥先漳浦人少孤力學持身以法度宣和間為太學生金人犯京師登與陳東等上書乞斬六賊廷臣復建和議奪神師道李綱兵柄登與東再抱書詣闕軍民不期而會者數萬王時雍縱兵欲盡殲之登與十人屹立不動欽宗即位擢吳敏張邦昌為相敏又雪前相李邦彥無辜乞加恩禮起復之登上書曰陛下自東宮即位意必能為民興除大利害人人趨足以待惟新之政奈何相吳敏張邦昌又納敏黨與之言播告中外將

復用李邦彥太上皇久處邦彥等于政府綱紀紊亂民庶愁怨方且日以治安之言誘誤上皇以致大禍倉皇南幸不獲寧居主辱臣死此曹當盡伏誅今乃偃然自恣朋比為姦蒙蔽天日陛下從敏所請人心自此離矣凡五上書皆不報因謀南歸忽聞邦昌各與遠郡一時小人相繼罷斥與所言偶合者十七八登喜曰是可以盡言矣復為書論敏未能報初金人至六館諸生將遁去登曰君在可乎與林邁等請隨駕隸岳山帳中而帝不果出金人退師敏遂派學官起羅織屏斥還鄉紹興二年廷對極意盡言無所顧避有司惡其直授富川主簿憲董奔聞其名檄職六郡獄復命兼賀州學事學故有田舍法罷歸買馬司登請復其舊守從之攝獄事有囚殺人守欲奏裁曰陰德可為登曰陰德豈可有心為之殺人者死而可幸免則被死之冤何時銷滿秩士民丐留不獲相率餽金五十萬不告姓名白于守曰高君貧無以養願太守勸其咸受登辭之不可復無所歸請置于學買書以謝士民歸至廣會新興大饑帥連南夫檄發廩振濟復為糜于野以食之願貸者聽所全活萬計歲適大稔而償亦及數民投牒願留者數百輩因奏辟終其任召赴都堂審察遂上疏萬言及時議六篇帝覽而善之下六議中書秦檜惡其議己不復以聞授靜江府古縣令道湖州守汪藻館之藻留與修徽宗實錄固辭或曰是可以階改秩登曰但意未欲爾遂行廣西帥沈晦問登何以治縣登條十餘事告之晦曰此古人之政今人詐疑不可行對曰忠信可行蠻貊謂不能行誠不至爾豪民秦琥武斷鄉曲持吏短長號秦大蟲邑大夫以下為其所屈登至頗革而登喜其遷善補處

學職它日疏有請屬登謝卻之或怒謀中以免法會有愬琥侵貸學錢者登白郡及諸司實之法忿而死一郡快之帥胡舜陟謂登曰古縣秦太師父舊治實生太師于此盡建祠祀之登曰棺為相亡狀祠不可立舜陟大怒摭秦琥事移荔浦丞康寧以代登登以母病去舜陟遂創棺祠而自為記且誣以專殺之罪詔送靜江府獄舜陟遣健卒捕登屬登母死舟中藥葬水次航海詣闕上書求納官贖罪帝閱之故人有為右司者謂曰丞相云嘗識君子太學能一見終身事且無憂上書徒爾為也登曰某知有君父不知有權臣既而中書奏故事無納官贖罪仍送靜江獄登歸葬其母訖事詣獄而舜陟先以事下獄死矣事卒照白廣漕鄭鬲趙不棄辟攝歸善令遂差考試摘經史中要語命題策闕浙水災所致之由郡守季仲文卸馳以達槍槍震怒坐以前事承旨編管容州漳州遣使臣謝大作持省符示登登讀畢即投大作上馬大作曰少入告家人無害也登曰君命不敢稽大作愕然比夜巡檢領百卒復至登曰若朝廷賜我死亦當拜赦而後就法大作感登忠義為泣下奮劍叱巡檢曰省符在我手中無它語也汝欲何為吾當以死捍之高不棄亦坐鐫一官登謫居授徒以給家事一不介意惟聞朝廷所行事小失則輒蹙不樂大失則慟哭隨之臨卒所言皆天下大計後二十年丞相梁克家疏其事以聞何萬守漳言諸朝追復迪功郎後五十年朱熹為守奏乞褒錄贈承務郎登事其母至孝舟行至封康閉阻風方念無以奉晨膳忽有白魚躍于前其學以慎獨為本云

婁寅亮字陟明永嘉人政和二年進士為上虞丞建炎

四年高宗至越寅亮上疏云先正有言太祖舍其子而立弟此天下之大公周王夢章聖取宗室育之宮中此天下之大慮也仁宗感悟其說詔英祖入繼大統文子文孫宜君宜王遺孳變故不斷如帶今有天下者獨陛下一人而已屬者椒寢未繁前星不耀孤立無助有識寒心天其或者深戒陛下追念祖宗公心長慮之所及乎崇寧以來諛臣進說獨推濮王子孫以為近屬餘皆謂之同姓遂使昌陵之後寂寥無聞奔迸藍縷僅同庶庶恐祀豐于昵仰違天監太祖在天莫肯顧歆是以二聖未有回鑾之期金人未有悔禍之意中原未有息肩之日臣愚不識忌諱欲乞陛下下于子行中遴選太祖諸孫有賢德者視秩親王俾牧九州以待皇嗣之生退處藩服并選宣祖太宗之裔材武可稱之人升為南班以備環衛庶幾上慰在天之靈下係人心之望帝讀之咸悟樞密富直柔薦之紹興元年召赴行在以其言宗社大計也既入見復申前疏之請望宣告大臣行之擢監察御史時相秦檜以其直柔所薦惡之諷言者論寅亮匿父喪不舉下大理鞠問無實猶坐為族父冒占官戶罷職送吏部由是坐廢

宋汝為字師禹豐縣人靖康元年金人犯京師闔門遇害汝為思報國家及父兄之讐建炎三年金人再至謁部使者陳邊事遣對行在高宗嘉納特補修武郎假武功大夫開州刺史奉國書副京東運判杜時亮使金時劉豫節制東平丞相呂頤浩因致書豫汝為行次壽春遇完顏宗弼軍不克與時亮會獨馳入其壁將上國書宗弼盛怒劫而縛之欲加僇辱汝為一無懼色曰死固不辭然銜命出疆願達書吐一辭死未晚宗弼顧汝為

不屈遂解縛延之曰此山東忠義之士也命往見豫汝為曰願伏劍為南朝鬼豈忍背主不忠于所事力拒不
行乃至京師瀕死者數四豫僭號汝為持頤浩書與之
開陳禍福勉以忠義使歸朝廷豫悚而立曰使人使人
使豫自新南歸人誰直我獨不見張邦昌之事乎業已
至此夫復何言即拘留汝為然以汝為儒士乃授通直
郎同知曹州以誘之固辭遂連結先陷于北者凌唐佐
李亘李儔為心腹以機密歸報朝廷唐佐等所遣僧及
卒為邏者所獲汝為所遣王現那邦光善達朝廷皆官
之紹興十三年汝為亡歸作恢復方略獻于朝且曰今
和好難定計必背盟不可遽弛時秦檜當國置不復問
獨禮部尚書蘇符憐之為言于朝換宣教郎添差通判
處州高宗憶其忠特轉通直郎汝為遂上丞相書言用
兵之道取勝在乎得勢成功在乎投機女真乘襲取契
丹之銳一旦長驅直擣京關升平既久人不知兵故彼
得投其機而速發既而關右河朔豪傑士民避地轉關
將士戮力勇氣萬倍願當一戰加以金人兵老氣衰思
歸益切是以去歲順昌孤壘力挫敵鋒此國家乘勝進
戰之時也惜乎王師遽旋撫其機而不發遂未能成恢
復之功今聞其力圖大舉轉輸淮北其設意豈小哉烏
珠不死兵革不休雖欲各保邊陲安可得也今當乘去
歲淮上得勝之勢特降哀痛之詔聲言親征約諸帥某
月日各到東京協謀併力以攻獲烏珠為急又言烏珠
好勇再起兵端所恃者不過自能聚兵台勢料王師以
諸帥分軍爾今計其步騎不過十萬王師雲集其眾數
倍合勢刻期並進戮力何憂乎不勝若以諸帥難相統
屬宜除川陝一路專當薩里罕權合諸帥為兩節制公

選大臣任觀軍容為宣慰之職往來調和諸帥使之上
下同心左右戮力則勢既合不為敵所料矣不然分軍
出陳蔡直擣東都敵必首尾勢分復以重兵急擊然後
以舟師自淮經新河入鉅野澤以步兵自洛渡懷衛入
太行山以襲其內舟師入鉅野則齊魯搖步兵入太行
則三晉應敵勢雖欲合而不分亦難乎為計矣久之有
告汝為于金人以蠟書言其機事者大索不獲尋知南
歸檜將械送金人汝為變姓名為趙復徒步入蜀汝為
身長七尺疎眉秀目望之如神仙楊企道者遇之溪上
企道曰必奇士也款留之見其議論英發洞貫古今靖
康間離亂事歷言之企道驚遂定交假僧舍居之檜死
汝為曰朝廷除此巨蠹中原恢復有日矣企道勸其理
前事汝為慨然太息曰吾結髮讀書奮身一出志在為
國復讐收還土宇頗為諸公所知命繆數奇軋于權臣
今老矣新進貴人無知我者汝為能知死期嘗祭其先
終日大慟將終神色不亂汝為倣儻尚氣節博物洽聞
飲酒至斗餘未嘗見其醉或歌或哭涕泣俱下其容蜀
也史載之邵博字文亮臣李燾相得甚歡趙沂王京魯
關民先楊案惠疇經紀其喪事三十二年其妻錢莫知
汝為死詣登聞鼓院以狀進詔索之不得隆興二年其
子南強以汝為之死哀懇于朝參知政事虞允文錢端
禮以聞特官一子
王信字誠之處州麗水人既冠入太學登紹興三十年
進士第試中教官授建康府學教授進所著唐太宗論
贊及負薪論孝宗嘉歎特循兩資授太學博士時須次
者例從外添差温州教授郡機發議遣官振救之父老
願得信任其事守不欲以煩信請益力信聞之欣然為

行偏至病者家全活不可勝記差敕令所刪定官法令
有不合人情自相抵牾吏得以傳會出入者悉釐正之
轉對言敵情不可測和議不可恃今日要當先為自備
之策以待可乘之機帝以為是又論太學正錄掌規矩
之員多博士掌訓導之員少請以正錄兩員升為博士
從之論除官陞宄之弊乞精選監司而擇籍名郡將代
半歲乃注人帝親以其章授宰臣行權考功郎官蜀人
張公遷初八年免銓至是改秩吏妄引言復令梃之信
鈞考其故吏怖服有三蜀士實礙式吏受賕為地工部
尚書趙雄蜀人也以屬信信持弗聽已而轉吏部閱審
成贖嗟激不已以聞于帝它日帝謂尚書蔡沈曰考功
得王信銓曹遂清武臣給告不書年齒磨轉蔭薦肆為
姦欺為擿最者數事告宰相付之大理獄事連三衙殿
帥王友直銳爭之帝審知其非沮之曰考功所言公事
也汝將何為獄具皆伏辜因請置籍以梃後忠授軍器
少監仍兼考功郎官丁母憂吏願無再為考功起知永
州入奏事留為將作少監復考功郎官轉軍器少監兼
右司郎官升員外郎四方有以疑獄來上者信反復披
覽常至夜分升左司員外郎轉對論士大夫趨向之弊
居官者逃一時之責而後之禍患有所不恤獻言者求
一時之合而行之可有所不計集事者以趨辦為能
而不為根本之慮謀利者以羨餘為事而不究源流之
實持論尚刻薄而寢失祖宗忠厚之意革弊類煩碎而
不明國家寬大之體願酌古之道當時之宜示好惡於
取舍之間使天下靡然知嚮又論朝廷有恤民之政而
州縣不能行恤民之實水旱州郡租賦或漏放或倚閭
住催然倚閭住催之名可以並緣為擾願明與減放又

論豫備三說收逃亡之卒選忠順之官嚴訓練之職又言屯田利害帝皆納其說兼玉牒所檢討官提領戶部酒庫久之帝諭信曰知朕意否行用卿慮書生不長於財賦故以命卿果能副朕所委爲中書門下檢正諸房文字遷太常少卿兼權中書舍人假禮部尚書使于金肆射都亭連中其的金人賦曰尙書得非黑王相公子孫耶謂王德用也歸言金人必衰之兆有四在我當備之策有二帝首肯之太史奏仲秋月五星會于軫信

言休咎之徵史策不同然五星聚者有之未聞七政其集也分野在楚願思所以順天而應之因條上七事又言陛下即位之初經營中原之志甚銳然功之所以未立者正以所用之人不一其人不一故其論不一其論不一故其心不一願豫求至當之論使歸於一宦者甘

昇既遠之矣屬高宗崩用治喪事人莫敢言昇提擬舉德壽宮信亟執奏舉朝皆悚翰林學士洪邁適入帝語之曰王給事論甘昇事甚當朕持白太上皇后聖訓以爲今一宮之事異於向時非我老人所能任小黃門

空多類不習事獨昇可任責分吾憂渠今已歸居室尙不能言豈敢蹈故態以是駁疏不欲行卿見王給事可道此意信問之乃止信遇事剛果論奏不避權要繇此人多嫉之信亦力求去提舉崇福宮詔求言信條十事以獻其目曰法戒輕變令貴必行寬州郡以養民力修軍政以待機會郡當分其緩急縣當別其劇易嚴銅錢

之禁廣積聚之備處歸附之人收逃亡之卒起知湖州信未涉州縣據校剖析敏如流泉擢集英殿修撰知紹興府浙東安撫使奏免通官錢十四萬緡七萬匹縣十萬五千兩米二十萬斛山陰境有獫狫湖四環皆田歲

苦濠信創啟斗門導停瀆注之海築十一壩化雁浸爲上腴民給俸以祠更其名曰王公湖築漁浦隄禁民不舉子買學田立義冢職修理加煥章閣待制徙知鄂州改池州初信扶其父喪歸自金陵草履徒行雖疾風甚雨弗避也由是得寒淫疾及聞孝宗遺詔悲傷過甚疾復作至是寢劇上章請老以通議大夫致仕有星隕于其居光如炬不及地數尺而散數日信卒遺訓其子以忠孝公廉

汪大猷字仲嘉慶元府鄞縣人紹興七年以父恩補官授衢州江山縣尉曉暢吏事登十五年進士第授婺州金華縣丞爭財者論以長幼之禮悅服而退李椿年行經界法約束嚴甚檄大猷覆視龍遊縣大猷請不實者得自陳毋速加罪改建德遷知崑山縣差總領淮西江

東錢糧幹官改幹辦行在諸司糧料院參知政事錢端禮宣諭淮東辟幹辦公事充參議官遷大宗丞兼吏部郎官又兼戶部右曹入對言總覈名實責任臣下因才而任毋違所長量能授官毋拘流品孝宗顧謂左右曰

疏通詳雅而善議論有用之才也除禮部員外郎丞相洪邁薦兼吏部侍郎仍遷主管左選莊文太子初建東宮兼太子左諭德侍講兩日一講孟子多寓規戒太子嘗出龍大淵禁中所進侍燕樂章論宮僚同賦大猷曰

鄭衛之音近習爲倡非講讀官所當預白于太子而止遷祕書少監修五禮會要兼權刑部侍郎又兼崇政殿說書又兼給事中孝宗清燕每訪政事嘗曰朕每厭官

嘗煮鹽居近場監貨錢射利隱寄田產善及編氓宜取一等以上充役又論賜田勸戚豪奪相先陵韓州縣惟當賜金使自求之又論沒入贖產止可行於強盜賊吏至於倉庫綱運之負陷者惟當卽其業收租以償既足則給還使復故業轉對言捕酒之害及居官者不得鑄銅爲器帝嘉獎曰卿前後所言皆今日可行之事權刑部侍郎升侍講言有司卒用新制棄舊法輕重舛悖無

所遵承使舞文之吏時出以售其姦請明詔編纂書成上進帝大悅尙書周執羔韓元吉樞密劉琪以強盜率不處死無所懲艾右司林栗謂太祖朝強盜贖滿三貫死無首從不問殺傷景祐增五貫固從寬今設六項法非手刃人例奏裁黥配何所懲艾請從舊法贖滿三貫

者斬大猷曰此吾職也遂具奏曰強盜烏可恕用舊法而痛懲之固可也天聖以來益用中典復失禁姦之意今所議六項法犯者以法行之非此而但取財惟再犯者死可謂寬嚴適中若皆寘之死地未必能禁其爲盜

盜知必死將甘心於事主矣望稍開其生路遂從大猷議借吏部尙書爲贖金國正且使至盱眙得印榜云強盜止用舊法罷六項法還朝自劾求去帝聞之復行六項法改權吏部侍郎兼權尙書以言去授敷文閣待制

提舉太平興國宮起知泉州毘舍邪嘗掠海濱居民歲遣戍防之勞費不貲大猷作屋二百區遣將留屯久之戍兵以眞臘大賈爲毘舍邪邪境大猷曰毘舍邪面目黑如漆語言不通此豈毘舍邪耶遂遣之故事蕃商與人爭鬪非傷折罪皆以牛贖大猷曰安有中國用鼻夷俗者苟在吾境當用吾法三佛齊請鑄銅瓦三萬詔泉廣二州守臣督造付之大猷奏法銅不下海中國方禁

銷銅柰何爲其所役卒不與進敷文閣直學士留知泉州改知隆興府江西安撫使以大暑討禾新禾山洞寇不利自劾降龍圖閣待制落職南康軍居住提舉太平興國宮復龍圖閣待制提舉上清太平宮復敷文閣待制升學士卒贈二官大猷與丞相史浩同里又同年進士未嘗附麗以干進浩深歎美之好周施敘宗族外族爲興仁錄率鄉人爲義莊眾皆欣勸

袁燾字和叔慶元府鄞縣人生而端粹專靜少長讀東都黨錮傳慨然以名節自期入太學登進士第調江陰尉浙西大饑常平使羅點屬任振恤燾命每保畫一圖田疇山水道路悉載之而以居民分布其間凡名數治業悉書之合保爲都合都爲鄉合鄉爲縣征發爭訟追胥披圖可立決以此爲荒政首除沿海制屬寧宗卽位以太學正召時朱熹諸儒相次去國丞相趙汝愚罷燾亦以論去自是黨禁興矣嘉定初召主宗正簿樞密院編修官累遷司封郎官因對言陛下卽位之初委任賢相正士彙集而竊威權者從旁睨之彭龜年逆知其必亂天下顯言其姦龜年以罪而去權臣遂根據幾危社稷陛下追思龜年蓋嘗臨朝太息曰斯人猶在必大用之固已深知龜年之忠矣今正人端士不乏願陛下常存此心天下何憂不治臣昨勸陛下勤於好問而聖訓有曰問則明夫既知如是而明則當知反是而問遷國子司業祕書少監進祭酒祕書監延見諸生必迪以反躬切己忠信篤實是爲道本兼崇正殿說書除禮部侍郎兼侍讀時史彌遠主和變爭益力臺諭劾燾罷之以寶文閣待制提舉鴻慶宮起知温州進直學士奉祠以卒燾初入太學陸九齡爲學錄同里沈煥楊簡舒璘亦

皆在學以道義相切磋後見九齡之弟九淵發明本心之指乃師事焉學者稱之曰潔齋先生後諡正獻子甫自有傳

吳采勝字勝之宣州人幼聽其父講伊洛書已知有持敬之學不妄言笑長游郡泮人皆憚其方嚴登淳熙八年進士第調都昌簿丞相趙汝愚知其賢差嘉興府學教授將賓之館閣會汝愚去御史湯碩劾采勝嘗救荒浙右擅放田租爲汝愚收人心且主朱熹之學不可爲師儒官自是閒居十餘年嘉定初主管刑工部架閣文字遷國子正采勝始以朱熹四書與諸生誦習講義策問皆以是爲先又於生徒中得潘時舉呂喬年白子長擢爲職事使以文行表率於是士知趨向伊洛之學晦而復明遷太學博士又遷司農寺丞出知隨州時再議和好尤戒開邊隙旁塞之民事與北界相涉不問法輕重皆殺之郡民梁皋有馬爲北人所盜追之急北人以矢拒皋皋與其徒亦發二矢北界以爲言郡下七人于獄采勝至立破械縱之具始末報北界而已收土豪孟宗政扈再興隸帳下後宗政再興皆爲名將築隨州及棗陽城招四方亡命得千人立軍曰忠勇廩以總所闕額營柵器械悉備除京西提刑領州如故改湖北運判兼知鄂州甫至值歲歉卽乞糴于湖廣大講荒政十五州被災之民全活者不可勝計改知太平州除祕閣修撰主管亳州明道宮卒諡正肅二子淵潛俱登進士各有傳

游仲鴻字子正果之南充人淳熙二年進士第初調健爲簿李昌聞總蜀賦辟羅買官奇其才曰吾輩餉積年惟得一士召入首薦之擢四川制置司幹辦公事見重於制置使趙汝愚敕州董蠻犯健爲境憲將合兵討之仲鴻請行詰其蠶端以州負馬直也乃使人諭蠻曰歸俘則還馬直不然大兵至矣蠻聽命仲鴻受其降而歸改秩知中江縣總領楊輔檄置幕下時關外營田凡萬四千頃畝僅輸七升仲鴻建議請以兵之當汰者授之田存赤籍遲以數年汰者畧耕者多則橫斂一切之賦可次第以減輔然之大將吳挺沮而止趙汝愚移帥閩舉仲鴻自代制置使京鐘轉運劉光祖亦交薦于朝紹興四年赴召趙汝愚在樞密謂仲鴻直諫多聞訪以蜀中利病汝愚欲親出經略西事仲鴻曰宥密之地斡旋者易公獨不聞呂申公經略西事當在朝廷之語乎汝愚悟而止差幹辦諸司糧料院光宗以疾久不朝重華宮仲鴻遺汝愚書陳宗社大計書有伊周霍光語汝愚讀之駭立焚之不答又遺書曰大臣事君之道苟利社稷死生以之既不死曷不去汝愚又不答孝宗崩仲鴻泣謂汝愚曰今惟有幸百官哭殿庭以請親臨宰相留正以病去仲鴻亟簡汝愚曰禱日不決禍必起矣汝愚又不答後三日嘉王卽位于重華宮汝愚既拜右丞相以仲鴻久游其門辟嫌不用初汝愚之定策也知閣韓侂胄頗有勞望節鉞汝愚不與侂胄方居中用事甚甚汝愚迹已危方益自嚴重選人求見者例不許仲鴻勸以降意容接覲過異論而汝愚以淮東西總賦積弊奏遣仲鴻覈實仲鴻曰丞相之勢已孤不憂此而顧憂彼耶改監登聞鼓院以行會侍講朱熹以論事去國仲鴻上疏曰陛下宅憂之時御批數出不由中書前日宰相留正之去去之不以禮諫官黃度之去去之不以正近臣朱熹之去復去之不以道自古未有舍宰相諫官講

官而能自為聰明者也願亟還熹毋使小人得志以養成禍亂監察御史胡紘希侂胄意誣汝愚久蓄邪心竄語人以乘龍授鼎之夢又謂朝士中有推其宗派以為裔出楚王元佐正統所在者指仲鴻也初欲直書仲鴻名同臺張孝伯見之曰書其名則寬之矣凡阿附宰相本冀官爵此人沈埋六院且二年心迹可察卒不書其名慶元元年汝愚罷相仲鴻遷軍器監主簿力丐外除知洋州朱熹聞其出曰信蜀士之多奇也越三年起知嘉定府擢利路轉運判官數忤宣撫副使吳曦曦言仲鴻老病朝命易他部未幾曦叛宣撫司幕官薛紱訪仲鴻於果山仲鴻對之泣指案上一編書示紱曰開禧丁卯正月游某死謂家人曰噫運吾死即填其日時宣撫大使程松已棄其師運仲鴻以書勸成都帥楊輔討賊輔不能用至是松至果仲鴻謂紱曰宣威肯罰則吾以積奉二萬緡備兵護宣威之成都松不顧而去總賦劉崇之繼至仲鴻遣其子侶往見以告松者告之崇之復不聽未幾曦誅參政李壁奏除利路提點刑獄尋乞休致子祠而歸遷中奉大夫嘉定八年卒年七十八劉光祖表其隧道曰於乎慶元黨人游公之墓紹定五年諡曰忠子侶清祐五年為右丞相各有傳

李祥字元德常州無錫人隆興元年進士為錢塘縣主簿時姚憲尹臨安俾攝錄參邏者以巧發為能每事下有司必監視鍛鍊囚服乃已嘗誣告一武臣子諂朝政鞫于獄祥不使邏者入門既而所告無實具以白尹尹驚曰上命無實乎祥曰即坐譴自甘憲具論如祥意帝駭曰朕幾誤矣卿吾爭臣也遂賜憲出身為諫大夫祥調濠州錄事參軍安豐守臣冒占民田訟屢攻而不決

續通志 卷三百九十四 列傳 宋

監司委祥卒歸之民累遷軍器少監提舉淮東常平茶鹽淮西運判兩淮鐵錢比不定祥疏乞官賜錢米銷濫惡者廢定城與國漢陽監更鑄紹興新錢從之遷國子司業宗正少卿國子祭酒丞相趙汝愚以言去國祥上疏爭之曰頃壽皇崩兩宮隔絕中外洵洵留正棄印亡去國命如髮汝愚決策立陛下天下復安社稷之臣也奈何使精忠巨節佛鬱黯闇何以示後世除直龍圖閣湖南運副言者劾罷之於是太學諸生楊宏中周端朝等六人上書留之俱得罪主沖佑觀再請老以直龍圖閣致仕嘉泰元年八月卒諡肅簡

王介字元石婺州金華人從朱熹呂祖謙遊登紹熙元年進士第廷對陳時弊大略言近者罷拾遺補闕有遠諫之意小人倡為朋黨有厭薄道學之名帝嘉其直擢居第三人簽書昭慶軍節度判官廳公事除為國子錄上疏言壽皇親挈神器授之陛下孝敬豈可久闕乎又言婦事舅姑如事父母不可虧宮中之禮不報孝宗崩介又力請帝過宮報喪喪果疏激切人歎其忠宣宗即位介上疏言陛下即位未三月策免宰相遷易臺諫悉出內批非治世事也崇寧大觀間事出御批遂成北狩之禍杜衍為相常積內降十數封還今宰相不敢封納臺諫不敢彈奏此豈可久之道遷太學博士時韓侂胄居中潛弄威福之柄猶未肆也而文墨論議之士陰附之以希進于是始無所憚矣侂胄始疑介前封事既已且其弟仰曾嘗以舊職求自通介拒絕之侂胄怨益深添差通判紹興府尋知邵武軍會學禁起諫大夫姚愈劾介與袁燮皆偽學之黨且附會前相汝愚主管台州崇道觀久之差知廣德軍侂胄之隸人蘇師旦忿介不通

謂目為偽黨併及甲寅廷對之語以告侂胄有勸其自明者介曰吾髮已種種豈為鼠輩所使那侂胄亦畏公議不敢發知饒州未赴召為祕書郎遷度支郎官師旦已建節介與同列謁政府遇之於庭客皆踰階而揖介不顧於是殿中侍御史徐椿劾介資淺立異奉祠除都大坑治侂胄誅朝廷更化介召還除侍左郎官兼右司太子舍人累遷國子祭酒會以不雨詔百官指陳闕失時宰相史彌遠以母喪起復介手疏歷論時政推本洪範借恆暘若之證又言漢法天地降災策免丞相乞令彌遠終喪擇公正無私者置左右王呂蔡秦之覆轍可以為戒接送伴金國賀生辰使還奏故事兩國通廟諱御名而本朝止進御名高宗至光宗皆傳名而不傳諱紹熙初黃裳嘗以為言而未及釐正願正典禮以尊宗廟除祕書監陞太子右諭德其在春宮篤意輔導每遇講讀因事規諫太子嘗欲索館中圖書卻而弗與及張燈設樂則諫止之且乞選配故家以正始絕令旨以杜請謁官僚分日直以資見聞遷宗正少卿兼權中書舍人繳駁不避權貴張允濟以閹職為州鈐介謂此小事而用權臣例破祖宗制不可不封還詞頭丞相語介曰此中官意介曰宰相而逢宮禁意向給舍而奉宰相風旨朝廷紀綱掃地矣居數日除起居舍人介奏宰相以私請不行而托威福于宮禁權且下移誰敢以忠告陛下者乞歸老不許言本朝循唐入閣之制左右史不立前殿若御後殿則立朵殿下何所聞見而修起居注乎乞依歐陽修王存胡銜所請分立殿上吏部侍郎許奕以言事去國介奏曰陛下更化三年而言事官去者五人倪思傅伯成既去其後蔡幼學鄒應龍相繼而出

志五六二五

今許奕復陷前轍此五臣者四為給事一為諫大夫兩年之間盡聽其去或謂此皆宰相意自古未有大臣因給舍論事而去之者是大臣誤陛下也將恐成孤立之勢疏奏乞補外以右文殿修撰知嘉興府歲餘升集英殿修撰知襄陽府京西安撫使徙知慶元府兼沿海制置使以疾奉祠嘉定六年卒年五十六端平三年鄧守趙汝談請于朝特贈中大夫寶章閣待制諡忠簡子栻自有傳

宋德之字正仲其先京兆人隋諫大夫遠謫彭山子孫散居於蜀遂為蜀州人德之以應舉擢慶元二年外省第一為山南東道掌書記召除國子正遷武學博士與諸生論八陣之象本乎八卦皆動物也奇正之變往來相生而不窮知此然後可以致勝遷編修樞密院時兵毀有萌會赤告見太陰犯權星未滅日內北門鵝尾災延及三省六部詔求言德之奏離為火為日為甲冑坎為水為月為盜為隱伏故失其性赤氣見憂在甲兵水失其性太陰失度憂在隱伏因疏七事皆當今至切之患乃曰水火小變不足慮天象之變臣竊危之他日又曰今敵未動而輕變祖宗常制命武臣帥邊以自遺患晉叛將唐藩鎮之禍基于此矣時吳曦在西陲皇甫斌在襄陽郭倪李爽在兩淮德之預以為慮除太常丞出知開州會曦變託跌足以避僞事平始赴闕擢本路提點刑獄制帥安丙奏德之傲視君命不俟代者之來徑用觀察使印領事詔降一官改潼川路轉運判官湖南路提刑改湖北召為兵部郎官朝論有疑安丙意丞相史彌遠首以問德之德之對曰蜀無安丙朝廷無蜀矣人有大功實不敢以私嫌廢公議忤時相意遂罷安

丙深感德之嘗謂人曰丙不知正仲正仲知丙丙負正仲正仲不負丙請昏于德之不許論者益稱德之之賢起知眉州監特奏名試得疾而卒德之大父耕性剛介一朝棄官去莫知所終從父廉語德之曰吾昔至臨安府有人言蜀有宋宣教者過浙江而去吾適越求之則入四明矣德之渡浙江尋訪至雪竇有蜀僧言聞諸耆老云山後有爛平山有三居士焉其一宋宣教也德之躋攀至爛平見丹竈置祠其上而歸

楊大全字渾甫眉之青神人乾道八年進士調溫江尉攝邑有政聲紹熙三年召除監登聞鼓院五年光宗以疾久不克省重華宮廷臣多論諫者太學生汪安仁等二百餘人上書而龔日章等百餘人以投匭上書為緩必欲伏闕大全謂院以登聞名實明目達聰之地也今乃使人視為具文吾以何顏尸此職乃為書以諫力請過宮不報大全于是三上疏其略曰陛下自夏秋以來執政從官之死者皆不信卒之果然乎不然乎建康趙濟死武興吳挺死今尚不以為然則事有幾微于朕兆者可諫陛下乎萬一變起蕭牆禍生肘腋陛下必將以為不信坐受其危亡矣外間傳聞以為壽皇將幸越幸矣與此愛陛下之深欲泯其迹也陛下當亟圖所以解壽皇之憂疏入又不報寧宗即位遷宗正寺主簿慶元元年易宗正寺主簿遷司農寺丞修高宗實錄充檢討官先是韓侂胄用事私臺諫之選為己羽翼且欲得知名士借其望以壓羣言一時之好進者恨不預此選也會御史虛位有力薦大全者屬大全一往見且曰公朝見除日夕下矣大全笑謝決不往明日遂丐外特實錄將上帝必推恩大全去不少待于是除知金州至姑蘇

以病卒

辛棄疾

何異

劉宰

劉燦

柴中行

辛棄疾字幼安齊之歷城人少師蔡伯堅與黨懷英同學號辛党始筮仕決以著懷英遇坎因留事金棄疾得離遂決意南歸海陵殂中原豪傑並起耿京聚兵山東稱天平節度使節制山東河北忠義軍馬棄疾為掌書記即勸京決策南向僧義端者喜談兵棄疾閒與之遊及在京軍中義端亦聚眾千餘說下之使隸京義端一夕竊印以逃京大怒欲殺棄疾棄疾曰句我三日期不獲就死未晚揣僧必以虛實奔告金帥急追獲之義端曰我識君真相乃青兗也力能殺人幸勿殺我棄疾斬其首歸報京益壯之紹興三十二年京令棄疾奉表歸宋高宗勞師建康召見嘉納之授承務郎天平節度掌書記併以節使印告召京會張安國邵進已殺京降金棄疾還至海州與眾謀曰我緣主帥來歸朝不期事變何以復命乃約統制王世隆及忠義人馬全福等徑趨金營安國方與金將酣飲即眾中縛之以歸金將追之不及獻俘行在斬安國於市仍授前官改差江陰僉判棄疾時年二十三乾道四年通判建康府六年孝宗召對延和殿時虞允文當國帝銳意恢復棄疾因論南北形勢及三國晉漢人才持論勁直不為迎合作九議并應問三篇美芹十論獻于朝言逆順之理消長之勢技之長短地之要害甚備以講和方定議不行遷司農寺主簿出知滁州權兵燼并邑凋殘棄疾寬征薄賦招

流散教民兵議屯田乃荆莫枕樓繁雄館辟江東安撫司參議官留守葉衡雅重之衡入相力薦棄疾慷慨有大略召見遷倉部郎官提點江西刑獄平劇盜賴文政有功加祕閣修撰調京西轉運判官差知江陵府兼湖北安撫遷知隆興府兼江西安撫以大理少卿召出為湖北轉運副使改湖南尋知潭州兼湖南安撫益連起湖湘棄疾悉討平之疏曰比年李全賴文政陳子明李嗣相繼竊發皆能一呼嘯聚千百殺掠吏民死且不顧至煩大兵翦滅良由田野之民郡以聚斂縣以科率吏以乞取豪民以兼并盜賊以剽奪害之夫民為國本而貧吏迫使為盜今年勦除明年割鬻譬之木焉日刻月節不損則折望陛下申飭州縣以惠養元元為意有違法貪冒者使諸司各揚其職無徒按舉小吏以應故事又以湖南控帶二廣與溪峒蠻獠接連草竊間作豈惟風俗頑悍實武備空虛所致乞依廣東摧鋒荆南神助福建左翼例別荆一軍以湖南飛虎為名止撥屬二牙密院專聽帥臣節制調度庶使夷獠知有軍威望風懾服詔委以規畫適度馬營殷壘故基起蓋若柵招步軍二千人馬軍五百人儻人在外戰馬鐵甲皆備先以緡錢五萬於廣西買馬五百匹詔廣西安撫司歲帶買三千匹時樞府數沮撓之棄疾行愈力卒不能奪經度費鉅萬計棄疾善幹旋事皆立辦議者以聚斂開降御前金字牌俾日下住罷棄疾受而藏之出責監辦者期一月飛虎營柵成違坐軍制如期落成開陳本末繪圖繳進帝遂釋然時秋霖幾月所司言造瓦不易問須瓦幾何曰二十萬棄疾令廂官自官舍神祠外應居民家取溝甃瓦二不二日皆具僚屬歎伏軍成雄鎮一方為江

上諸軍之冠加右文殿修撰差知隆興府兼江西安撫時江右大饑詔任責荒政始至榜通衢曰閉籩者配疆糴者斬次令盡出公家官錢銀器召官吏儒生商賈市民各舉有幹實者量借錢物逮其責令運糴不取子錢期終月至城下發糶於是連檣而至其直自減民賴以濟時信守謝源明乞米救助幕屬不從棄疾曰均為赤子皆王民也即以米舟十之三子信帝嘉之進一秩以言者落職久之主管仲觀紹熙二年起福建提點刑獄召見遷大理少卿加集英殿修撰知福州兼福建安撫使棄疾為憲時嘗攝師每歎曰福州前枕大海為賊之淵上四郡民頑獷易亂帥臣空竭急綏奈何至是務為鎮靜未期歲積鏹至五十萬緡勝曰備安庫謂閩中土狹民稠歲儉則糴于廣今幸連稔宗室及軍人入倉請米出即糴之候秋價賤以備安錢糴二萬石則有備無患矣又欲造萬鎧招強壯補軍額嚴訓練則盜賊可以無虞事未行臺臣王藹劾其用錢如泥沙殺人如草芥旦夕望端坐閩王殿遂旬祠歸慶元元年落職四年復主管仲觀久之起知紹興府兼浙東安撫使寧宗召見言鹽法加實謀閣待制提舉佑神觀奉朝請尋差知鎮江府進寶文閣待制又進龍圖閣知江陵府令赴行在奏事試兵部侍郎辭免進樞密院都承旨未受命卒賜對衣金帶守龍圖閣待制致仕特贈四官棄疾豪爽尚氣節識拔英俊所交多海內知名士嘗跋紹興開詔書曰使此詔出於紹興之前可以無事譬之大恥使此詔行於興隆之後可以卒不世之大功帥長沙時士人或想考試官濫取第十七名春秋卷棄疾察之信然索亞騰春秋卷兩易之啟名則趙鼎也棄疾怒曰佐國

元勳忠簡一人胡為又一趙鼎擲之地次閱禮記卷兼疾曰觀其議論必豪傑士也此不可失敬之乃趙方也嘗謂人生在勤當以力田為先北方之人養生之具不求於人是以無甚富其貧之家南方多未作以病農而兼井之患與貧富斯不侔矣故以稼名軒為大理卿時同僚吳交如死無棺斂棄疾歎曰身為列卿而貧若此是廉介之士也既厚賻之復言于執政詔賜銀絹棄疾嘗同朱熹遊武夷賦九曲權歌熹書克已復禮夙興夜寐題其二齋室熹歎為學禁方嚴門生故舊至無送葬者棄疾為文往哭之曰所不朽者垂萬世名孰謂公死凜凜猶生棄疾雅善長短句悲壯激烈紹定六年贈光祿大夫咸清閣史館校勘謝枋得遇棄疾墓旁僧含有疾聲大呼於堂上若鳴其不平自昏暮至三鼓不絕聲枋得秉燭作文且且祭之文成而聲始息德祐初枋得請于朝加贈少師諡忠敏

何異字同叔撫州崇仁人紹興二十四年進士調石城主簿知萍鄉縣丞相周必大參政留正以院轄擬異孝宗問有無列薦正等以萍鄉政績對迺遷國子監主簿遷丞轉對所言帝喜之曰君臣一體初不在事形迹有所見聞於銀臺司繳奏擢監察御史異奏與丞相留正舊同官不敢供職御札不許引嫌遂拜命遷右正言時光宗愆于定省異入疏諫不報約臺官聯名言姦人離閉父子當明正典刑又不報勾外授湖南轉運判官偶攝師事長蠻侵擾邵陽異募山丁捕首亂者蒲來矢以眾來降尋為浙西提點刑獄累遷權禮部侍郎太常寺太廟芝草生韓侂胄率百官觀焉異謂其色白慮生兵妖侂胄不悅又以劉光祖於異交密言者遂以異在言

路不彈丞相留正及受趙汝愚薦劾罷之久乃予祠起知夔州兼本路安撫異以夔民士狹食少同轉運司羅米椿積立循環通濟倉七月丙戌西北有星白芒隆地其聲如雷異曰戊日酉時火土交會而妖星自東南衝西北化為天狗蜀其將有兵乎勾祠以實謨閣待制提舉太平興國宮後四年吳曦果叛起知潭州乞開子祠者再嘉定元年召為刑部侍郎五月不雨異上封事言近日號令或從中出而執政不得與聞其事臺諫不得盡行其言陛下閱念饑民藥病殞死遐荒僻嶠安得實惠多方稱提不如縮造幣幣阜通商米不如稍寬關市之征明年權工部尚書告老抗章言近臣求去類成虛文無以為風俗廉恥之勸以寶章閣直學士知泉州從所乞予祠進寶章閣學士轉一官致仕卒年八十有一異高自標致有詩名

劉宰字平國金壇人既冠入鄉校卓然不苟於去就取舍紹興元年舉進士調江寧尉江寧巫風為盛宰下令保伍互相糾察往往改業為農歲早帥守命振荒邑境多所全活有持妖術號真武法穿雲子寶華主者皆禁絕之書其坐右曰毋輕出文引毋輕事筆楚綠事出郊與吏卒同疏食水飲去官惟篋藏主簿趙師秀酬倡詩而已調真州司法詔仕者非偽學不讀周惇頤程頤等書才得考試宰喟嘆曰平生所學者何卒弗與狀授泰興令有殺人獄具謂禱於叢祠以殺一人刀忽三躍乃殺三人是神實殺我也為請之州毀其廟斬首以徇鄰邑有租牛縣境者租戶於主有連姻因喪會竊券而逃他日主之子征其租則曰牛鬻久矣子累年訟于官無券可質官又以異縣置不問至是恕于宰宰曰牛失十

載安得一旦復之迺召二勾者勞而語之故託以它事繫獄鞠之勾者自詭盜牛以賣遣詣其所驗視租戶曰吾牛因某氏所租勾者辭益力因出券示之相持以來盜券者慍然為歸牛與租富室亡金釵惟二僕婦在置之有司咸以為冤命各持一蘆曰非盜釵者詰朝蘆當自若果盜則長於今二寸明且視之一自若一去其蘆二寸矣訊之伏罪有姑嫜婦不養者二召二婦并姑置一室或餉其婦而不及姑徐伺之一婦每以已餽饋姑姑猶呵之其一反之如是累日遂得其情韓侂胄方謀用兵宰適在京啟鄧友龍薛叔似極言輕挑兵端為國深害迄如其言為浙東倉司幹官執事修舉亟引去默觀時變頓不樂仕尋告歸監南岳廟屢辭辟召以直祕閣主管仙都觀拜改秩子祠之命辭祕閣不允端平元年升直寶謨閣祠如故且盡還磨勘歲月未幾遷太常丞郡守以朝命趣行不得已勉就道至吳門拜疏徑歸一時譽望收召略盡所不能致者宰與崔輿之耳帝側席以問侍御史王遂且俾宣撫遷將作少監又以直敷文閣知靈國府皆不拜進直顯謨閣主管玉局觀帝猶冀宰一來也召奏事訖不為起尋卒鄉人罷市走送袂相屬者五十里宰剛大正直明敏仁恕施惠鄰邦置義倉創義役三為粥以與饑者自冬徂夏日食凡萬餘人薪粟衣纈藥餌棺衾之類靡不獲某無田可耕某無廬可居某之子女長矣而未婚嫁皆汲汲經理橋有病涉路有險阻雖巨役必捐貲先倡而程其事宰生理素薄見義必為既竭其力藉質貸以繼之若定折麥錢額更縣斗斛如制毀淫祠八十四所凡可以白于有利於鄉人者無不為也隱居三十年無嗜好惟書靡所不

於鄉人者無不為也隱居三十年無嗜好惟書靡所不

誼雖博考訓注多所自得云

劉煥字晦伯建陽人與弟韜仲受學于朱熹呂祖謙乾道八年舉進士調山陽主簿煥正版籍吏不容姦調饒州錄事通判黃奕將以事汗煥而已自以贓抵罪去都大坑治耿某閔遺骸暴露議用浮屠法葬之水火煥貽書曰使死者有知禍亦慘矣請擇高阜為叢冢以葬調連城令罷添給錢及綱運例錢免上供銀錢及綱本二稅甲葉鈔鹽軍期米等錢大修學校乞行經界改知閩縣治以清簡庭無滯訟興利去害知無不為差通判潭州未上丁父憂偽學禁與煥從嘉武夷山講道讀書怡然自適調贛州坑冶司主管文字差知德慶府大修學校奏便民五事又奏罷兩縣無名租錢糾集武勇民兵入奏言前者北伐之役執事者不度事勢貽陛下憂今雖從和議願益恐懼修省必開言路以廣忠益必張公道以進人才必飭邊備以防敵患提舉廣東常平令守臣歲以一半易新春末支及冬復償存其半以備緩急通欠亭戶錢十萬轉運司五萬煥以公使公用二庫贏錢補之奏義倉客丁錢小官奉給舉留守令吏商各弊召入首論公道明則人心自一朝廷自尊雖危可安也公道廢則人心自一朝廷自輕雖安易危也帝嘉獎遷尙左郎官請節內外冗費以收楮幣轉對言願於經筵講讀大臣奏對反復問難以求義理之當否與政事之得失則聖學進而治道隆矣乞收拾人才及修明軍政遷浙西提點刑獄巡按不避寒暑多所平反有殺人而匿權家者吏弗敢捕煥竟獲之遷國子司業言於丞相史彌遠請以熹所著論語中庸大學孟子之說以備勸講正君定國慰天下學士大夫之心奏言乞罷偽學之

續通志 卷三百九十五 列傳 宋

詔息邪說正人心宗社之福又請以熹白鹿洞規頒示大學取熹四書集註刊行之又言浙西根本之地宜詔長吏監司禁戢強暴撫柔善良務儲積以備凶荒禁科斂以紓民力兼國史院編修官實錄院檢討官接伴金使于盱眙軍還言兩淮之地藩蔽江南干戈盜賊之後宜加經理必於招集流散之中就為足食足兵之計臣觀淮東其地平博膏腴有陂澤水泉之利而荒蕪實多其民勁悍勇敢習邊鄙戰鬪之事而安集者少誠能經畫郊野招集散亡約頌敵以授田使毋廣占拋荒之患列溝澗以儲水且備戎馬馳突之虞為之具田器貨種糧相其險易聚為室廬使相保護聯以什伍教以擊刺使相糾率或鄉為一團里為一隊建其長立其副平居則耕有警則守有餘力則戰帝嘉納之進國子祭酒兼侍立修注官論貢舉五弊兼權兵部侍郎改兼權刑部侍郎封建陽縣開國男賜食邑權刑部侍郎兼國子祭酒兼太子左諭德升同修國史實錄院同修撰時廷臣爭務容默有論事稍切者眾輒指以為異煥奏願明詔大臣崇獎忠讜以作士氣深誠諛佞以肅具僚乞擇州縣獄官冬雷帝恐懼煥奏遴選監司以考察貪吏為先訪求民瘼有澤未下流令未便民者悉以實上變而通之則民心悅而天意解矣又請擇沿途邊諸將兼工部侍郎奏乞使沿邊之民各自什伍教閱于鄉有急則相救援無事則耕稼自若軍政隱然寓於田里之閒此非止一時之利也請城沿邊州郡罷遺賈正使試刑部侍郎兼職依舊賜對衣金帶辭不允兩請致仕不允奏絕金人歲幣建制置司於歷陽以援兩淮夏早應詔上封事曰言語方壘而導之使言人心方懣而疏之使通上

既開不諱之門下必有盡言之士指陳政事之闕失明言朝廷之是非或者以為好名要譽而陛下聽之則苦言之藥至言之實陛下棄之而不恤甘言之疾華言之腴陛下受之而不覺矣乞罷瑞慶聖節謝絕金使進封子爵權工部尚書賜衣帶鞍馬兼太子右庶子仍兼左諭德每講讀至經史所陳聲色嗜欲之戒輒懇切再三敦陳之卒贈光祿大夫官其後賜諡文簡

柴中行字與之餘干人紹熙元年進士授撫州軍事推官權臣韓侂胄禁道學校文轉運司移檄令自言非偽學中行奮筆曰自幼讀程頤書以收科第如以為偽不願考校調江州學教授母喪免廣西轉運司辟為幹官帥將薦之使其客嘗中行中行正色曰身為大帥而稱人為恩主恩相心竊恥之毋污我攝昭州郡事獨丁錢減苗斛振饑贏轉運司委中行代行部由桂林屬邑歷柳象實入邕管問民疾苦先行而後問捐鹽息以惠遠民嘉定初差主管尚書吏部架閣文字遷太學正陞博士轉對首論主威奪而國勢輕次論士大夫寡廉隅之骨鯁宜養天下剛毅果敢之氣末論權臣用事苞苴成風今舊習猶在宜舉行先朝痛繩賊吏之法謂太學風化首童子科覆試胄子舍還有挾勢者中行力言于長守法無秋毫私遷太常主簿轉軍器監丞出知光州嚴保伍精閱習增闢屯田城壕營器器械糧糧百爾具備治行為淮右最又條畫極邊次邊緩急事宜上之朝廷大槩謂邊兵宜如蛇勢首尾相應敵或合兵大入則鄰道接之分兵輕襲則鄰郡援之援兵既多雖危不敗又言淮襄土豪丁壯往者用兵傾賞效力者朝廷吝賞失信宜亟加收拾亦可激昂得其死力遷西京轉運使兼

志五六一九

提點刑獄中行謂襄陽乃自古必爭之地修禦尤宜周密時任邊寄者政令煩苛日夜與民爭利中行諷之不聽天方旱盡捐酒稅斥征官黠務吏甘澍隨至官取鹽鈔贏過重課日增入中日寡鈔日壅中行揭示通衢一錢不增商賈大集改直祕閣知襄陽兼京西帥仍領漕事江陵戎司移屯襄州兵政久弛中行白于朝考覈軍實舊額二萬二千人存者纔半亟指補虛籍自是朝廷以節制之權歸帥司重劾李琪不法以懲貪守明庭再興有功以厲宿將遷江東轉運司判官旋改湖南提點刑獄豪家習殺人或收養亡命橫行江湖一繩以法華亭令貪虐法從交疏薦之中行笑曰此欲斷吾按章也卒發其辜入為東部郎官言好進好同好欺士大夫風俗三弊選曹法大壞吏緣為姦中行遇事持正不為勢屈由是銓綜平允擢宗正少卿上疏謂陛下初政則以剛德立治本更化則以剛德除權姦顧乃垂拱仰成安於無為夫剛德實人主之大權不可以久出而不收覆轍在前良可鑒也又曰朝廷用人外示涵洪而陰掩其迹內用牢籠而微見其機觀聽雖美實無以大服天下之心臣下納說非觀望則希合非回緩則畏避而面折廷諍之風未之多見此任事大臣之責也兼國史編修實錄檢討孟春大雨震雷雷電交作邊烽告急至失地喪師淮甸震洶中行亟奏內外二失朝廷十憂大要言今日之事人主盡委天下以任一相一相盡以天下謀之三數腹心而舉朝之士相視以目噤不敢言甚至邊庭申請久不即報脫有闕誤咎當誰執調祕書監崇政殿說書極論往年以道學為僞學者欲加遠竄杜絕言語使忠義士箝口結舌天下之氣豈堪再沮壞如此耶

又謂欲結人心莫若去貪吏欲去貪吏莫若清朝廷大臣法則小臣廉在高位者以身率下則州縣小吏何恃而敢為又論內治外患辨君子小人大略謂執政侍從臺諫給舍之選與三衙京尹之除皆朝廷大綱所在故其人必出入主之親擢則權不下移今或私謁或請見或數月之前先定或舉朝之人不議附會者進大臣為其說所誤邊境之臣實遁者按以為誣真怯者譽以為勇金帛滿前是非交亂以欺廟堂以欺陛下願明詔大臣絕私意布公道進祕閣修撰知贛州治盜有方境內清肅旬祠得請以言罷理宗即位以右文殿修撰主管南鴻慶宮賜金帶卒按宋史此下有李孟傳前李光突係一人兩見此從刪

列傳

宋一百

陳敏

張詔

畢再遇

安丙

楊巨源

李好義

陳敏字元功贛之石城人父皓有才武建炎末以破贛賊李仁功補官至承信郎敏身長六尺餘精騎射積官至忠靖即以楊存中薦擢開門祇候時間地多寇殿司兵往戍率不習水土至是始募三千兵置左翼軍以敏為統制漳州駐劄敏按諸郡要害凡有十三處悉分兵扼之盜發輒獲贛州齊述據城叛嘯聚數萬將棄城南寇敏聞之曰贛兵精勁善走嶮若朝廷發兵未至萬一奔衝江湖闔廣騷動矣不俟命領所部馳七日徑抵贛圍其城踰月朝廷命李耕以諸路兵至破之累功授右武大夫封武功縣男領興州刺史召赴闕高宗見其狀貌魁岸除破敵軍統制尋以所部駐太平州紹興三十一年海陵來攻成閩為荆湖路招討使以敏軍隸之陞馬司統制軍于荆漢閩敏說閩曰金人精騎悉在淮汴都必無守備若由陳蔡徑擣大梁潰其腹心此救江淮之術也不聽從閩還駐廣陵時金兵尚未渡淮敏又說閩邀其歸師復不聽敏遂移疾歸姑孰孝宗即位張浚宣撫江淮奏敏為神勁軍統制浚視師改都督府武鋒軍都統制朝廷遣李顯忠北伐浚欲以敏偕行敏曰盛夏興師非時且金人重兵皆在大梁我客彼主勝負之勢先形矣願少緩浚不聽令敏屯盱眙顯忠至符離果失律敏遂入泗州守之金人議和詔敏退守滁陽敏請於朝謂滁非受敵之所改成高郵兼知軍事與金人戰

射陽湖敗之焚其舟追至浦城復敗之乾道元年遷宣州觀察使召除主管侍衛步軍司公事居歲餘敏抗章曰久任周廬無以効鷹犬況敵情多詐和不足恃今兩淮無備臣乞以故部之兵再戍高郵仍請更築其城乃落常階除光州觀察使分武鋒為四軍陞敏為都統制兼知高郵軍事仍賜築城屯田之費敏至郡板築高厚皆增舊制自寶應至高郵按其舊作石礎十二所自是運河通泄無衝突患四年北界人侍旺叛于連水軍密款本朝稱結約山東十二州豪傑起義以復中原帝以問敏敏曰旺欲假吾國威以行劫爾必不能成事願勿聽適屯田統領官與旺交通旺敗金有間言帝知非敏罪乃召敏為左驍衛上將軍言事者議欲戍守清河口敏言金兵每出清河必遣人馬先自上流潛渡今欲必守其地宜先修楚州城池蓋楚州為南北襟喉彼此必爭之地長淮二千餘里河道逼北方者五清汴渦穎蔡是也通南方以入江者惟楚州運河耳北方舟艦自五河而下將謀渡江非得楚州運河無緣自達昔周世宗自楚州北神堰鑿老鶴河通戰艦以入大江南唐遂失兩淮之地由此言之楚州實為兩朝司命願朝廷留意及是再出守高郵乃詔與楚州守臣左祐同城楚州祐卒遂移守楚州北使過者觀其雉堞堅新號銀鑄城以歸正人二百家逃歸降授忠州團練使罷為福建路總管累除武鋒軍都統制兼知楚州復光州觀察使以疾卒特贈慶遠軍承宣使

張詔字卿成州人少隸張俊帳下積功守和州嘗被旨介聘一日金人持所繪祐獻二陵像至館中皆北地眼詔向之再拜孝宗問而嘉之由是驟用紹熙五年除興州都統制兼知興州代吳挺慶元二年趙彥逾帥蜀以闕外去興元遠緩急恐失事機復請分東西為二帥詔遂兼西路安撫司公事先是趙汝愚為從官時每奏吳氏世掌蜀兵非國家之利請以張詔代領武興之兵蓋汝愚之意欲以吳曦為文臣帥以杜他日握兵之漸而未及行也汝愚既知樞密院力辭不拜白於光宗曰若武興朝除帥則臣夕拜命帝許之乃以詔為成州團練使興州諸軍都統制詔在興州甚得士心六年卒郭杲代之

畢再遇字德卿兗州人父進建炎間從岳飛護衛入陵轉戰江淮間積階至武義大夫再遇以恩補官隸侍行馬司武藝絕人挽弓至二石七斗背挽一石八斗步射二石馬射一石五斗孝宗召見大悅賜戰袍金錢開禧二年下詔北伐伏讀通鑑輯覽 御批寧宗時事與適且父兄俱留金庭使能發憤自強雪國恥而復之帝用兵未嘗無詔且當時亦有韓岳諸將可資恢復之力也寧宗朝所謂老成宿將者為誰且當和議久成金羣臣咸請先舉而金主堅守和約拒而不許乃無端稱仇頓忘其為稱臣稱臣之國尚得謂之有名及援師直自解州以殿帥郭倪招撫山東京東遣再遇與統制陳孝慶取泗州再遇請選新刺敢死軍為前鋒倪以八十人付之招撫司剋日進兵金人聞之閉權場塞城門為備再遇曰敵已知吾濟師之日矣兵以奇勝當先一日出其不意孝慶從之再遇襲士卒激以忠義進兵薄泗州泗州有東西兩城再遇令陳戈旗舟楫於石匣下如欲攻西城者乃自以麾下兵從陡山徑趨東城南角先登殺敵數百金人大潰守城者開北門遁西城猶堅守再遇立大將旗呼曰大宋舉將軍在此爾等可速降旋有淮平知縣緇城而下乞降於是兩城皆定郭倪來

饗士出御寶刺史牙牌授再遇辭曰國家河南八十有一州今下泗州兩城即得一刺史繼此何以賞之且招撫得朝廷幾牙牌來固辭不受尋除環衛官倪調李汝翼郭倬取宿州復遣孝慶等繼之命再遇以四百八十騎為先鋒取徐州至虹遇郭李兵裹創旋問之則曰宿州城下大水我師不利統制田俊邁已為敵擒矣再遇督兵疾趨次靈壁遇孝慶駐兵于鳳凰山將引還再遇曰宿州雖不捷然兵家勝負不常豈宜遽自挫吾奉招撫命取徐州假道于此靈死靈壁北門外不死南門外也會倪以書抵孝慶令班師再遇曰郭李軍潰敵必追躡吾當自禦之金果以五千餘騎分兩道來再遇合敢死二十人守靈壁北門自領兵衝敵陣金人見其騎遂遁再遇手揮雙刀絕水追擊殺敵甚眾甲裳盡赤逐北三十里金將有持雙鐵簡躍馬而前再遇以左刀格其簡右刀砍其脇金將墮馬死諸軍發靈壁再遇獨留未動度軍行三十餘里乃火靈壁諸將問夜不火火今日何也再遇曰夜則照見虛實晝則煙埃莫覩彼已敗不敢迫諸軍乃可安行無虞汝輩安知兵易進而難退邪還泗州以功第一自武節郎超授武功大夫除左驍衛將軍於是邱密代鄧友龍為宣撫使檄倪還維揚尋棄泗州命再遇還盱眙遂知盱眙軍改鎮江中軍統制兼守如故以鳳凰山功授達州刺史其冬金人以騎步數萬戰紅五百餘艘渡淮泊楚州淮陰間宣撫司檄再遇援楚遣段政張貴代之再遇既去盱眙政等驚潰金人入盱眙再遇復定盱眙除鎮江副都統制金兵七萬在楚州城下三千守淮陰糧又載糧三千艘泊大清河再遇諜知之曰敵眾十倍難以力勝可計破也乃遣統領

許俊間道趨淮陰夜二鼓銜枚至敵營各携火潛入伏糧車間五十餘所聞哨聲舉火敵驚擾奔逸擒其將二十三人金人復自黃狗灘渡淮過口成將望風遁濠濠相繼失守又破安豐再遇謂諸將曰楚城堅兵多敵糧草已空所慮淮西耳六合最要害必并力攻之乃引兵赴六合尋命節制淮東軍馬金人至竹鎮距六合二十五里再遇登城偃旗鼓伏兵南土門列弩手土城上敵方臨濠聚弩俱發宋師出戰聞鼓聲城上旗幟並舉金人驚遁追擊大敗之金將以十萬騎駐成家橋馬鞍山進兵圍城數重欲燒礮水決濠水再遇合勁弩射退之既而金帥合兵進攻益急城中矢盡再遇令人張青蓋往來城上金人意其主兵官也爭射之獲矢二十餘萬赫舍哩引兵退已乃益增兵環城四面營帳亘三十里再遇合臨門作樂以示閑暇而間出奇兵擊之敵晝夜不得休乃引退再遇料其且復來乃自提兵奪城東野新橋出敵之背金人遂遁去追至滁大雪雨乃旋獲驃馬一千五百餘鞍六百衣甲旗幟稱是授忠州團練使三年除鎮江都統制兼權山東京東招撫司事還至揚州除驍衛大將軍金圍楚州已三月列屯六十餘里再遇遣將分道擣擊軍聲大振楚圍解兼知揚州淮東安撫使揚州有北軍二千五百人再遇請分隸建康鎮江軍每隊不過數人使不得為變更造輕甲長不過膝披不過肘兜鍪亦殺重為輕馬甲易以皮車牌易以木而設轉軸其下使一人之力可推可擊務便捷不使重遲敢死一軍本烏合亡命再遇能駕馭得其用陳世雄許俊等皆再遇所薦張健雄特勇桀驁再遇狀其罪于朝命以軍法戮之諸將懼服嘉定元年除左驍衛上將

軍和好成累疏乞歸田里賜詔不允除保康軍承宜使尋令帶職奏事提舉佑神觀六年提舉太平興國宮十年以武信軍節度使致仕卒年七十贈太尉累贈太師諡忠毅再遇姿貌雄傑早以拳力聞屬時寢兵無所自見一旦邊事起諸將望風奔衄再遇威聲始著遂為名將云

安丙字子文廣安人淳熙間進士調大足縣主簿秩滿詣闕陳蜀利病十五事言皆剴切丁外艱服除辟利西安撫司幹辦公事調曲水丞吳挺為帥知其才邀致之改秩知新繁縣丁內艱服除知小溪縣通判隆慶府嘉泰三年郡大水丙白守張鼎發常平粟賑之尋又鑿石徙溪自是無水患知大安軍歲旱民艱食丙以家財即下流糶米數萬石以賑事聞詔加一秩開禧二年邊事方興程松為四川宣撫使吳曦副之丙陳十可憂於松繼而松開府漢中道三泉夜延丙議丙又為松言曦必誤國松不省蓋丙嘗為其父客素知曦既而曦奏丙為隨軍轉運司居河池時梁洋義士方襲取和尚原旋為金人所奪守將棄甲而走十一月金人攻湫池堡破天如踐虛邑曦已潛遣其客姚淮源交金人至是曦還與州留丙魚關已而檄還武興十二月金人持其詔及金印至置口曦密受之宣言使者欲得四川以和馳書諷松去曦受金詔稱蜀王勝諭四川二年正月曦僭號建中大夫丞相長史權行都省事先是從事郎錢鞏之從曦在河池嘗夢曦禱神祠以銀杯為瓊樽之神起立謂曦曰公何疑公何疑後政事已分付安子文矣曦未省

神又曰安子文有才能辦此輩之覺心異其事具以語曦事既讞丙不得脫度徒死無益陽與而陰圖之遂與楊巨源李好義等謀誅曦語見巨源好義傳徐景望在利州逐土人擅財賦丙遣弟煥往約諸將相與拊定及景望伏誅軍民無敢譁者是傳檄諸道按堵如故曦僭位凡四十一日三月陳曦所以反及矯制平賊便宜賞功狀自劾待罪函曦首級遵制法物與曦所受金人詔印及所匿庚牌附驛朝廷初聞變莫知所為韓侂胄與曦書亦謂嗣殲茅土之封亟召知鎮江府宇文紹節問之紹節曰安丙非附逆者必能討賊於是密降帛書曰安丙素推才具有志事功今聞曦謀不軌爾為所脅諒以凶焰方張恐重為蜀禍故權且從之爾豈一日忘君父者如能圖曦報國以明本心即當不次推賞雖二府之崇亦無所吝更宜審度機便務在成事以副委屬之意帛書未至露布已聞上下動色交慶加丙端明殿學士中大夫知興州安撫使兼四川宣撫副使詔獎諭恩數視執政如帛書也伏讀通鑑輯覽 御批

長史之命觀顏赴召其視楊震仲等之抗詞死節抱愧已多及其既至興州又以病疾臥家坐觀成敗使非楊巨源等倡義誅則丙且終為逆黨矣迨巨源與好義定約報丙始出視事則其肅怯畏縮之狀已可概見乃事成之後丙遂據有其功遂以滅口用心蜀之為功歸宋人既不能追討其從逆巨源而反蓋以定蜀之總由於主暗臣邪耳

時都統孫忠銳由鳳州進攻大散關不克統領強德等出奇道由松林堡破金峯鳳州以關鑰付庸將陳顯大散關復陷巨源自請收復丙遣朱邦寧佐之丙深惡忠銳檄赴司議事欲廢之巨源至鳳斬忠銳及其子揆丙遂以忠銳附偽進表之罪聞于朝先是誅曦功巨源補朝奉郎與通判差遣巨源遣其親校傅檜懇功于朝語見巨源傳於是丙拜疏句間

至是金人揭示境上得丙首者與銀絹二萬匹兩即授四川宣撫時方議和丙獨戒飭將士恫疑虛喝以攻為守威聲甚著詔以蜀平遣吳玠撫諭四川時沿邊關隘悉為金毀丙遣時相書略謂西和一面已修仇池聚糧積芻使軍民可守若敵至則堅壁不戰彼欲攻則不可欲越則不敢若西和可守成州自不被兵成州黑谷南谷亦皆頓重兵天水雖不可守距天水十里所見劍白環堡與西和相為犄角又增堡雞頭山咸以民卒守之及修黃牛堡築興趙原屯千餘人鳳州秋防原尤為險絕紹興初州治于此宣撫吳玠嘗作家計紫節即馬嶺堡正扼鳳州之後凡此數堡既堅金人決不敢近而河池魚關皆大軍屯聚其他徑路雖闕之裏如大安亦陰招民卒授以器械為掩擊之備矣又云見於關表廣結義士月給以糧俾各保田廬墳墓建事定則係之尺籍而勸之耕庶可經久以丙所見直為守計則精選五萬人亦為有餘好義守西和謂四州兵後民不聊生請蠲租以惠創痍丙請于朝又以沔州都統司所統十軍權太重故自吳璘至挺曦皆有尾大不掉之憂乃請分置副都統制各不相隸以前右中左後五軍隸都統司踏白摧鋒選鋒策鋒遊奕五軍隸副司詔皆從之時方信孺使還金人和意未決且欲得首議與師之人侂胄大怒上手書賜丙謂金人必再至當激勵將士戮力赴功侂胄既誅賜丙金器細幣進資殿學士和議成還大散關牙關丙分遣僚吏經量洋沔興元大安民田別定租稅右丞相史彌遠起復丙移書曰昔仁宗起復富鄭公文潞公孝宗起復蔣丞相皆力辭名教所係人言可畏祈閣下速辭成命以息議者之口論者趨之陞大學

士四川制置大使兼知興元府謀知金人還計關輔柔傑款塞願降者眾丙以為此正再問告晉之時乃與宰臣書謂當與問罪之師朝論憂丙輕舉乃詔丙益修守備七年春丙使所愛吏安蕃何九齡合官軍夜襲秦州敗歸王大才執九齡等七人斬之而訟丙于朝三月詔丙同知樞密院事兼太子賓客賜手書召之行次廣德軍進觀文殿學士知潭州湖廣安撫使至官留意學校請于太常荆大成樂而政尙嚴酷轉運判官章徠劾丙不報御史李安行併徠劾之徠罷丙授崇信軍節度使開府儀同三司萬壽觀使遣問門舍人聞人瑛錫命賜旗節金印衣帶鞍馬三辭還蜀董居誼帥蜀大失士心金人乘之破赤丹黃牛堡入武休關直擣梁澤至大安宋師所至輒潰散入巴山十二年聶子述代之時丙之子癸仲知果州述即檄兼參議官四月紅巾賊張福莫簡叛入利州子述遁去總領財賦楊九鼎與賊遇走匿民舍賊追殺之子述退保劍門檄癸仲兼節制軍馬任討賊之責癸仲召戎帥張威等軍來會賊自閬趨遂寧所過無不殘滅丙欲自持十萬緡借子述往益昌募士子述曰大臣非得旨未可輕出丙遂如果州時四川大震甚於曦之變張方首奏勸望如丙今猶可用魏了翁移書宰執謂安丙不起則賊未即平蜀未可定雖賊亦日須安相公作宣撫事乃定耳李壁李望時並鎮潼遂亦皆以國事勉丙五月丙至果州起起丙為四川宣撫使子便宜尋降制授保寧軍節度使兼知興元府利東安撫使丙奏臣不辭老以報國但事不任怨難以圖成將恐騰謗交攻使臣獨抱赤心無從上白昔秦使甘茂攻宜陽至質之以息壤在彼魏使樂羊攻中山至示

之以謗書一篋君臣之間似不必爾然自古及今諂以疑間而成禍以忌嫉而得況臣已傷弓於既往豈容不懲沸於方來詔曰昔唐太宗以西寇未平詔起李靖靖憊慨請行不以老疾為解代宗有朔方之難圖任郭子儀聞命引道亦不以讒惑自疑皆能乘時立功焜耀竹帛朕甚慕之今蜀道僻擾未寬願憂朕起卿燕閒付以方面而卿忠於報國諄不辭難朕之用人庶幾於唐宗卿之事朕無愧于李郭矣勉圖偉功以濟國事尋命丁煇改知興元府發果州至遂寧賊猶負固于普州之茗山丙下令諸軍合圍絕其樵汲之路以困之未幾張威李賁俘獲張福等十七人以獻丙命爵王大才以祭九鼎七月盡俘餘黨千餘人皆斬之班師迺移治利州賜保靈軍節度使印癸仲亦加三秩進直華文閣起復主管宣撫司機宜文字明年進丙少保丙以闕表營田多遺利命官括之有文珍者方持母喪以便宜起復幹辦魚關糧料院俾之措置且以宣撫副使印假之而馮安世者又卽利州置根括局於是了翁遺丙書謂幕府舉辟當用經術信厚之士不可用冒喪之人雖今日理財難拘故常然告絕產首白契許隱田何富民過失糾鹽酒戶虧額報怨挾憤招權納賄者必且紛然而公任其怨丙復書曰關外糴買當用四百萬緡而總所見緡止二十五萬多方措置非得己而不已儻皆清流何由辦事其後安世不法滋甚近臣有以書抵丙而安世之徒亦發其事丙械送大安窮治之丙卒以少傅致仕贈少師賜沔州祠額為英惠廟理宗親札賜諡忠定

中武舉又不中劉光祖見而異之薦之總領錢糧陳燧以右職舉為鳳州堡子原倉官馳騁射獵領財養士沿邊忠義咸服其才分差魚關糧料院移監興州合江瞻軍倉吳曦叛巨源陰有討賊志結義士三百人給其錢糧有遊奕軍統領張林者力能挽兩石弓隊將朱邦寧身長六尺勇力過人皆為曦所忌雖屢戰有功亦不加賞林等憾之時林在置口邦寧在合江巨源因與深相締結并集忠義人朱福陳安傳檜之徒曦脅安丙為丞相長史丙稱疾眉士程夢錫見丙丙歎曰世事如此世無豪傑夢錫因及巨源之謀丙乃屬夢錫以書致巨源延之卧所巨源曰先生而為逆賊丞相長史耶丙號哭曰目前兵將我所知不能奮起必得豪傑乃滅此賊則丙無復憂巨源曰先生之意決乎丙指天誓曰若誅此賊雖死為忠鬼夫復何恨巨源大喜曰非先生不足以主此事非巨源不足以了此事當是時李好義好問亦結李貴揚君玉李坤辰凡數十人坤辰邀巨源與好義會巨源又大喜曰吾與長史議以三月六日邀曦謁廟合勇士刺之好義曰彼出則齷齪從衛且千人事必難濟聞熟食日祭東園圖之此其時也巨源然之好義願一見長史以為信巨源曰吾今先為長史言之來日偽宮令長史問君先世是己巨源以告丙明日好義在偽宮見丙揖之丙曰卿與尊父同僚揚省幹盛談才略且夕以職事相委其謀乃決君玉先屬其鄉人日子申擬詔文不雅馴巨源更為之例用合江倉朱記巨源好義憂事浸世遂以三月乙亥未明好義率其徒入偽宮巨源持詔乘馬自稱奉使人入內戶曦改戶欲逸李貴執殺之衛者始拒關聞有詔皆卸巨源好義迎丙宣詔以曦

首徇三軍推丙權四川宣撫使巨源權參贊軍事丙奏功于朝以巨源第一詔補承事郎巨源謂丙曰關外四州為蜀要害蓋乘勢復取好義亦以為言丙慮軍無見糧巨源力言四州不取必有後患自請為隨軍措置糧運於是分遣好義復西和州張林李簡復成州劉昌國復階州孫忠銳復散關俄詔巨源轉朝奉郎與通判差遣兼四川宣撫使司參議官丙素惡忠銳聞忠銳失守散關徹其還欲廢之先命巨源偕邦寧以沔兵二千策應巨源至鳳州因忠銳出迎伏壯士於幕後突出斬之并其子揆丙遂以忠銳附偽賀表聞于朝且待罪先舉論誅叛詔書至沔州巨源謂人曰詔命一字不及巨源疑有以蔽其功者俄報王喜授節度使巨源彌不平時趙彥呐以在夔誅祿福得州通判巨源曰殺祿福與通判殺吳曦亦與通判耶以感謝丙曰飛矢以下聊城深慕魯仲連之高誼解印而去彭澤庶幾陶靖節之清風又遣愬功于朝而從興元都統制彭略之書遺韓侂胄輅陽許而陰以白丙或言巨源與其徒米福車彥威謀為亂丙命喜鞠之福彥威皆抵罪正將陳安復告巨源結死士入關欲焚沔州治俟丙出則殺之丙積前事因欲去巨源然未有以發也會巨源在鳳州以檄書遣金鳳翔都統使其辭若用問者且自稱宣撫副使而以參議官印印之金以檄至丙巨源方與金戰敗于長橋丙乃移書召巨源巨源疑焉有梁泉主簿高岳成者巨源薦為隨軍撥運來見巨源質其歸巨源信之時輅已至沔六月巨源還幕府丙密命輅收巨源巨源殊不知以為謁己也語畢輅起巨源送之資次武士就挽其裾巨源猶叱之則己為聖至庭下巨源大呼曰我何罪丙

隔屏遣人謂之曰若為詐稱宜撫副使命械送閩州獄
巨源曰我一時用間異時必有為我明其事丙餉以香
酒巨源曰一身無愧死且無憾惟有妹未嫁宜撫念之
巨源舟抵大安龍尾灘將校樊世顯者呼於岸巨源知
將見殺指其地而語之曰此好一片葬地世顯曰安有
是舟行數步謂曰宣參久渴莫進杯酒巨源辭以不飲
又曰宣參荷械已久盍少蘇巨源未及答左右遽取利
刀斷其頭不絕者踰寸遂以巨源自殛聞宣撫司後數
日丙命瘞之巨源死忠義之士為之扼腕聞者流涕劍
外士人張伯威為文以弔其辭尤悲切巨源之屬吏也
李璧在政府聞之曰嘻巨源其死矣丙以人情洵河封
章求免楊輔亦謂丙殺巨源必召變請以劉甲代之初
巨源與好義結官軍而丙密為反正之計各未相知合
巨源於好義者李坤辰而合好義於丙者巨源也巨源
遺光祖書述丙酬答之語梓釵傳之丙已弗樂浸潤
不已遂成此禍成忠即李瑛投匭獻所作巨源傳為之
恣寬朝廷亦念其功賜廟褒忠贈寶謨閣直學士大
子制置使崔與之請官給其葬加贈寶謨閣直學士大
中大夫嘉熙元年理宗特賜諡忠愍子履正終大理卿
四川制置副使

李好義下邳人祖師中建炎間以白丁守華州積官忠
州團練使父定一興州中軍統制好義弱冠從軍善騎
射西邊第一初以準備將討文州蕃部有功開禧初韓
侂胄開邊吳曦主帥好義為興州正將數請出精兵襲
金人曠蓄異謀不納未幾關外四州俱陷金人長驅入
散關曠受金人說以蜀叛好義自青坊開變亟歸與其
兄對哭謀誅之會曠遣李貴追殺宣撫程松貴語其徒

日程宣撫朝廷重臣不可殺好義知其赤心可以所謀
告之貴遂約李彪張淵陳立劉虎張海等好義又密結
親衛軍黃術趙亮吳政等女弟夫楊君玉亦與知好義
戒言曰此事誓死報國救四蜀生靈慎毋泄留其母以
質好義兄弟謀曰今日人皆可殺曠皆可為曠曠死後
若無威望者鎮撫恐一變未息一變復生欲至期立長
史安丙以主事蓋曠嘗授丙偽丞相而丙託疾不往故
兄弟有是謀也既而君玉與李坤辰來坤辰因言丙亦
與合江倉楊巨源陰結忠義欲圖曠好義遂遣君玉偕
坤辰約巨源以報丙丙大喜曰非統制李定一之子乎
此人既來斷曠之臂矣遂與好義約二月晦舉事見巨
源傳適約彪術貴等七十有四人及士人路良弼王芾
好義夜饗士塵眾受甲與好古好仁及子姓拜決于家
廟屬妻馬氏曰日出無耗當自為計死生從此決矣馬
氏叱之曰汝為朝廷誅賊何以家為我決不辱李家門
戶馬氏之母亦曰行矣勉之汝兄弟生為壯夫死為英
鬼好義喜曰婦人女子尚念朝廷不愛性命我輩當如
何眾皆踴躍既行小將祿禕引十卒來助各以黃帛為
號好義誓於眾曰入宮妄殺人掠財物者死時偽宮門
洞開好義大呼而入曰奉朝廷密詔安長史為宣撫令
我誅反賊敢抗者夷其族曠護衛千兵皆棄挺而走遂
至偽殿東角小門入世美堂近曠寢室曠聞外閤倉皇
而起露頂徒跣開寢戶欲遁見貴復止以手捍內戶貴
前爭戶戶紐折曠走貴追及手執其髻舉刃中曠頰曠
素勇有力撲貴仆于地不能起好義急呼王換谷其腰
者二曠負病手縱貴起遂斫其首引眾擁曠首出偽宮
亟馳告丙宣詔持曠首撫定城中市不改肆好義請乘

時取關外四州巨源贊之丙大喜巨源輔行王喜忌其
能沮之好義曰西和乃腹心之地西和下則三州可不
戰而復矣今不圖後悔無及願得馬步千人死士二百
齋十日糧可濟丙從其請忠義響應次獨頭嶺進士王
榮仲兄弟率民兵會合十戰至山砦高堡七日至西和
好義率眾攻城親犯矢石金西和節使完顏欽奔遁好
義整眾而入籍府庫以歸于官好義初欲乘勝徑取秦
隴以牽制淮兵而宣撫司令謹守故疆不得侵越士氣
皆沮好義以中軍統制知西和州卒丙以勞績上于朝
特贈檢校少保仍給田以贍其家後吳獵為請諡曰忠
壯好義喜誦孟子及左傳以為終身行此足矣誅曠時
惟幼子植留家迄事人爭冒功賞君玉欲注植名好義
指心曰惟此物不可欺曠既誅好義集於丙家王喜後
至心懷邪謀欲刃好義丙力解救然日以殺好義為心
及好義守西和喜遣其死黨劉昌國聽節制好義與之
酬酢歡飲達旦好義心腹暴痛洞瀉而昌國遁矣既驗
口鼻爪指皆青黑居民莫不冤之摧鋒一軍幾至於變
既而昌國白日見好義持刃刺之驚怖仆地疽發而殂
喜曠大將也貪淫狠愎誅曠之日不肯拜詔遣其徒入
偽宮虜掠殆盡又取曠姬妾數人其後欲戕好義為曠
復讐丙不能止便宜處以節度使知興州而恨猶未已
嘗出兵於船柵嶺鋒未及交棄軍先遁金人遂由黑谷
長驅入境朝廷慮喜為變授節度使移剌鄂都統制而
死

欽定續通志卷三百九十六

列傳

宋一百一

趙方

賈涉

扈再興

孟宗政

張威

趙方字彥直衡山人父棠少從胡宏學慷慨有大志嘗見張浚於督府浚雅敬其才欲以右選官之棠不為屈崇以策言兵事浚奇之命子栻與棠交方遂從栻學淳熙八年舉進士調蒲圻尉疑獄多所委決授大寧監教授俗陋甚方擇可教者親訓誨之人皆感勵自是始有進士知青陽縣告其守史彌遠曰催科不擾是催科中撫字刑罰無差是刑罰中教化人以為名言主管江西安撫司機宜文字京湖帥李大性辟知隨州南北和議成諸郡浸弛備方獨招兵擇將拔土豪孟宗政等補以官提舉京西常平兼轉運判官提點刑獄時劉光祖以首德為帥方事以師禮自言吾性太剛每見到公使人更和緩嘗請光祖書勸謹和緩四字揭坐隅以為戒以兵部員外郎召尋加直祕閣改湖北轉運判官兼知鄂州升直煥章閣兼權江陵府增修三海八園以壯形勢進祕閣修撰知江陵府主管湖北安撫司使兼權荆湖置司時金偏于兵計其必南徙日夜為備荆門有東西兩山險要方築堡其上增戍兵以遏其衝進右文殿修撰金樊快明謀歸宋追兵至襄陽方遣孟宗政扈再興以百騎邀之殺千餘人金人遁去權工部侍郎寶謨閣待制京湖制置使兼知襄陽府謀知金人決意來攻乃下防夏之令金相高琪及其樞密烏庫噶慶壽侵陳光化隨襄陽信陽均州方夜半呼其子范蔡曰朝廷和戰

之說未定觀此益亂人意吾策決矣惟有提兵臨邊決戰以報國耳遂抗疏主戰親往襄陽金人圍襄陽急方遣宗政再興等援襄陽仍增戍光化信陽均州以聯聲勢已而襄陽守趙觀敗金人于城外再興宗政至與觀夾擊又敗之襄陽圍解方申飭諸將當遏于境上不可使入而後拒時麥正熟方遣兵護民刈之令清野以俟再疏力陳不可和者七戰議遂定金將完顏薩布入境兵號十萬方部分諸將金人攻襄陽者宗政敗之于向家川攻隨州者劉世興敗之于磨子平相持踰年方調世興移師與許國再興援襄陽張興李雄相援隨州隨州圍解再興等轉戰入襄陽時宗政守城伏兵城東金人遇伏敗走未幾再至再興又敗之自是無日不戰金人三面來攻宗政出東門再興出南門世興出北門大合戰敗之金人朝進莫退力不能捍諸將表裏合謀國自南山進張威自漢河進世興李琪出城與國會再興出城與威會角追擊金人遂潰光化守潘景伯亦設伏敗金人于趙家橋孟宗政又破之于隨州鴨兒山擒薩布妻弟王綽哈金人遂誅薩布方以功遷龍圖閣待制封長沙縣男賜食邑金人復大舉命額爾克圖襄陽壅其外繞以土城方計其空國而來若擄其虛襄陽圍自解乃命國東向唐州再興西向鄧州又命子范監軍蔡後殿時宗政在城中日夜嚴戰焚其攻具金人不敢近城西師由光化境出砦于三尖山拔順陽縣金人率眾仰攻大敗再興與國兩道並進掠唐鄧境焚其城柵糧儲棗陽城堅金頓兵八十餘日方知其氣已竭乃召國再興還併東師隸于再興冠期合戰再興敗金人于漢河又敗之城南宗政自城中出夾擊殺其眾三萬金

人大潰額爾克圖單騎遁獲其賞糧器甲不可勝計進方煥章關直學士奏乞均官民軍兵廩給自備馬者倍之又奏使民兵夏歸以省月給秋復詣屯守禦從之方料金人數不得志于襄陽必將同時並攻諸城當先發以制之命國宗政出師向唐再興向鄧戒之曰毋深入毋攻城第潰其保甲燬其城若空其賞糧而已宗政進破湖陽縣擒其千戶趙興爾國遣部將耶律均與金人戰于北陽戮其將李提控再興破高頭城大敗金兵遂薄鄧州唐州兵來援迎敗之降者踵至已而金兵至樊城方命再興陣以待之方視其師金人三日不動遂通金將駙馬阿哈侵淮西樞密完顏頌囉屯唐州為後繼方先攻唐伐其謀及使再興發襄陽兵擊其西國發桐柏兵擊其東再興敗金人于唐城斬頌囉圍其城五匝垂下會斬黃繼紹詔運方遣救方奉命國保鄂再興援淮西國還鄂州保江再興軍至斬之靈山伺金人歸而擊之土豪祝文蔚橫突入陣金人大敗國遣張寶將兵來會李全等兵亦至金人遂潰再興追逐六十里擒其監軍哈達進方顯謨關直學士大中大夫權刑部尚書俄得疾進微猷開學士京湖制置大使歸還力疾備師第其功上之病革曰未死一日當立一紀綱引再興臥內勉以協心報國貽書宰相論疆場大計尋卒是夕有大星隕于襄陽以端明殿學士正議大夫致仕贈銀青光祿大夫累贈太師諡忠肅方起自儒生帥邊十年以戰為守合官民兵為一體通制總司為一家持軍嚴每令諸將飲酒勿醉當使日日可戰淮蜀沿邊屢遭兵禍而京西一境獨全嘗問相業於劉清之清之以留意人才對故知名士如陳旼游九功輩皆拔為大吏諸名將

多在其麾下若扈再與孟宗政皆起自土豪推誠擢任致其死力藩屏一方使朝廷無北顧之憂故其沒也人皆惜之子董楚范葵范葵有傳

買涉字濟川天台人幼好讀書慷慨有大志以父任高郵尉尉萬安丞寶應擇合堂差涉至邑請城之役興以憂去金人侵光州起涉竟前役通判真州改大理司直知盱眙軍准人季先鐸說楚州守應純之以招山東人純之令鐸遣周用和說楊友劉全季全等以其眾

至先招石珪葛平楊德廣通號忠義軍珪等反斃鐸于渾水純之罷通判梁丙行守事欲省其糧使自潰珪德廣等以漣水諸軍渡淮屯南渡門焚掠幾盡謂朝廷欲和金置我軍何地丙遣李季先拒之不止事甚危涉

時在寶應上書曰降附踵至而金乃請和此正用高澄間侯景遺策恐山東之禍必移于兩淮況金人所乏惟財與糧若舉數年歲幣還之是以肉啗餒虎啗盡將反噬至若忠義之人源源而來不立定額自為一軍處之

北岸則安能以有限之財應無窮之須饑則噬人飽則用命其勢然也授淮西提點刑獄兼楚州節制本路京東忠義人兵涉亟遣傳翼諭珪等逆順禍福自以輕車

抵山陽德廣等郊迎伏地請死誓以自新金太子及布薩萬忠盧國瑞等數十萬人且以計誘珪等涉慮珪等為金用亟遣陳孝忠向滁州珪與夏全時青向濠州

先平德廣趨濠李全李福要其歸路以傳翼監軍數日孝忠捷至珪屢破金人遂與先及全趨安豐時金人環百餘岩攻具甫畢珪等解其圍李全挾布薩萬忠

以歸見李全傳金人不窺淮東者六七年南渡門之變平德廣等質預涉既受降電弗問平等尚懷異志涉密

使先以計殺之而先之勢亦孤忠義諸軍在漣水山陽者既眾涉慮其思亂因濠濠之役分珪孝忠夏全為兩屯李全軍為五若又用陝西義勇法涅其手合諸軍汰

者三萬有奇涅者不滿六萬人正軍常屯七萬餘使主勝客朝廷歲省費十三四涉又遣李全以萬人取海州復取密灘王琳以寧海州歸遂收登萊二州青州守張

林以濱棣淄州降又取濟沂等州自是恩博景德至邢洛十餘州相繼請降涉傳檄中原以地來歸及反戈自效者朝廷裂地封爵無所吝仍厲諸將圖未下州郡擢

太府少卿制置副使兼京東河北節制金十餘萬眾侵黃州淮西帥趙善湘請援于朝涉遣李全等赴之翟朝宗等為後繼丞相史彌遠擬升全留後涉曰始全貧窶

無聊能輕財與眾同甘苦故下樂為之用逮為主帥所為反是積愆既多眾皆不平近棄西城免死為幸若無

故升遷以驕其志非全之福亦豈國家之福曷若待事定與諸將同升可也金人破黃陷蕪安慶甚危全馳至

遂定全至久長鎮與京湖制置使趙方二子范葵遇犄角連戰俱勝遣彭義斌等追至下灣渡盡掩金人于淮

遷權吏部侍郎金人再侵淮西先是蘄州受圍余暉往接乃鼓家宵遁涉斬暉以徇諸將畏懼無不用命淮西

之勢大振初翟朝宗得玉璽獻諸朝至是趙拱還又得玉印文與璽同而加大統司計議官趙拱往河北蒙古

軍前議事得皇帝恭膺天命之寶玉璽以歸及翟朝宗所得寶檢並徽進于朝與本傳所載朝宗得者為玉璽

意者昔之患不過金今之患又有山東忠義與北邊宜亟圖之彌遠不憚李全卒以璽質為節度使涉又言盜賊血氣正盛官職過分將有後憂彌遠不以為然涉曰

朝廷但知官爵可以得其心寧知驕則將至于不可勸按宋史李全傳全忌季先詣于涉誘殺之先黨迎石耶珪為統帥全因請討珪其後珪降蒙古漣水軍遂并

屬于全是涉之處全皆為失策涉知慶賞過涉時已疾分足長其驕心不知全之驕涉有以成之也涉時已疾

力辭事任直金人大入彊起視事金將時全赫林富珠哩達格率細軍及眾軍三道渡淮涉以赫林善戰乃命

張惠當之惠金驍將所謂賽張飛者既歸宋金人殺其妻所部花帽軍有紀律他軍不及也惠率諸軍出戰自

辰至酉金人大敗達格溺死陷失大半細軍喪者幾二千涉既病乃以所獲京河版籍及金銀牌銅印之屬上

于朝卒超贈龍圖閣學士光祿大夫涉父偉嘗守開江貽書丞相趙雄極論武興守吳挺之橫他日陞對又乞

裁抑郭棟郭杲兵權孝宗嘉納後反為所擠以歿涉弱冠直父冤不避寒暑泣懇十年至伏書闕下子似道有

傳 厄再興字叔起淮人也有膂力善機變每戰被髮肉袒徒跣揮雙刃奮呼入陣人馬辟易金人侵襄陽東陽京西制置使趙方檄再興等禦之金人來自團山勢如風

世與各當一面戰數十合大敗金兵金帥完顏額爾克
擁步騎數萬傳城再與與宗政縱之涉濠半渡擊之又
令守壩者佯走金人爭鬪急擊之多墮水中金人初對
樓驚車革洞決濠水運土石填城下再與與死士著鐵
面具披氈列陣以待之金人計無所施而去葉旗甲輜
車滿野大戰于范家莊金人敗追之至泊湖禽其巡檢
杭實禮酒都監納喇福昌降其壯丁獲牛馬甚眾自是
與宗政世與無日不戰再與又破順昌縣奪甲馬三千
破浙川鎮殺金人三百追至馬磴砦焚其城柵又敗其
護駕騎軍于灤河入鄧州破高頭砦其步軍五千騎軍
五百焚其積聚遂營于高頭進攻唐州至三家河金騎
軍二千步軍七千出城迎戰又敗之死者十七八追及
城下金將從義者收殘騎三百奔城再與據門拒戰斬
從義遂圍唐州分兵焚蕩州境截其歸路若干久長嚴
陣以待之搜勦殘兵獲其副統軍廣威將軍納達塔尋
以病卒子世達亦以名將稱官至都統制

孟宗政字德夫絳州人父林從岳飛至隨州因家焉宗
政自幼豪偉有膽略常出沒疆場間開禧二年金將完
顏董侵襄鄧宗政率義士據險邀擊奪其輜重宣撫使
吳玠奇之補承節郎襄陽令京西路分道方吳柔勝皆
薦其才轉秉義郎京西鈐轄劄襄陽嘉定十年金人
侵襄陽襄陽方檄宗政節制神勁報捷忠義三軍宗政
與統制扈再與陳祥分爲三軍設伏三所蹀血以戰金
兵敗走尋報襄陽圍急宗政午發峴首運明抵襄陽馳
突如神金人大駭宵遁方時移帥京西聞捷大喜差權
襄陽軍初既事一愛僕犯新令立斬之軍民服栗于是
築隄積水修治城堞簡閱軍士十一年金帥完顏薩布

擁步騎圍城宗政與再與合兵角敵歷三月大小七十
餘戰宗政身先士卒金人戰輒敗忿甚周城間濠四面
控兵列濠外飛鋒鎗以絢鈴自警鈴響則犬吠宗政厚
募壯士乘間突擊金人不能支盛兵薄城宗政隨方力
拒隨守許國援師至白水鼓聲相聞宗政率諸將出戰
金人奔潰轉武德郎十二年金帥完顏額爾克布擁步
騎傳城宗政囊煉盛沙以覆樓柵列翼濬水以隄火募
砲手擊之一砲輒殺數人金人選精騎二千號弩子手
擁雲梯天橋先登又募鑿銀礮石工晝夜招城運茅葦
直抵圍樓下欲焚樓宗政先燬樓掘深坑防地道期戰
柵防城隕穿窬才透卽施毒煙烈火鼓鞀以熏之金人
室以濕氈析路以剝土城頽樓陷宗政撤樓益薪架火
山以絕其路列勇士以長槍勁弩備其衝距樓陷所數
丈築偃月城袤百餘尺翼傳正城深坑倍仰躬督役五
日成金人摘強兵披厚鎧重彩鐵面而前又濕氈濡革
蒙火山覆以冰雪擁雲梯徑抵西北圍樓登城城中軍
以長戈舂其喉殺之敢勇軍自下夾擊金兵兵墜死療
瘡自斫至夕死傷踵接梯橋盡燬金人俄乘順風渡濠
飛脂革燒戰柵宗政激將士血戰凡十五陣金兵死者
千餘弩子手十七八射其都統燹天反風金人愈忿砲
愈急會王大任領銳卒一千冒重圍轉闖入城內外合
戰士氣大振賈買入金營自哺至三更金人橫屍遍地
奪其銅印十有六額爾克棄帳走獲輜重牛馬萬計捷
至朝廷方錄前戰守功升武功大夫兼閣門宣贊舍人
重賜金帶制置司以湖陽縣金兵迫境檄宗政圍之宗
政一鼓而拔燔燒積聚夷蕩營皆俘掠以歸金人自是
不窺襄漢襄陽許國移金陵宗政代爲荆鄂都統制乃

知襄陽宗政以迫濠而陣適于西北濠外滿水爲濠以
限騎中原遺民來歸者以萬數宗政發廢貯之爲給田
拘屋與居籍其勇壯號忠順軍俾出沒鄧鄂間威振境
外俄病疽卒轉右武大夫團練使防禦使宗政于有功
者恕必賞有罪者親必罰好賢樂善出于天性未嘗學
兵法而暗與之合死之日邊城爲罷市慟哭子珙有傳
張威字德遠成州人策選鋒軍騎兵也隆慶府後軍效
用威貧甚賣藥自給或言其才勇乃令戍邊開禧用兵
威與金人戰輒捷累功補本軍將領吳曠既誅遣將收
復李貴復西和州威率眾先登敗金人戰于板橋遂取
西和升統制由是威名大振天水縣當金人西入路乃
升縣爲軍命威爲守屢立奇功擢充利州副都統制調
荆鄂都統制襄陽府駐劄改沔州都統制嘉定十二年
金人分道入蜀侵狄池堡又侵白環堡威部將石宜董
昭連却之既而金人侵成州威自西和退保仙人原時
興元都統制吳政戰死黃牛堡李貴代政亟走武休金
人已破武休遂陷興元又陷大安軍先是利州路安撫
使丁焞聞金人深入亟遣書招威東入救蜀又檄忠義
總管李好古北上捍禦好古出魚關與統領張彪遇以
彪棄連竹關故斬之彪威弟也威聞彪死按兵不進焞
聞之謂僚佐曰吳政身死李貴復以兵敗金人所憚惟
威今好古擅殺其弟失威心奈何且金人在東非威地
分今可無好古不可無威遂因好古入見數其擅殺彪
罪斬之遣書速威進救蜀且使進士田遂往說之威威
激夜半調發鼓行而前破金人于金斗鎮金人雖敗未
退威頓兵不動潛遣石宜等襲于大安軍大破之金人
之來也擇兩齒馬及精兵凡三千人至是職焉俾其將

巴圖魯大將包長壽聞之宵遁興元叛兵張福莫簡作亂以紅帕蒙首號紅巾隊焚利州殺總領楊九鼎破關果入遂寧遊騎在潼漢界將窺成都制置司謂賊勢欲西非威不可禦乃遣威提精兵六千人自劍綿至廣漢盛夏暑劇林士三日俄安丙熾威東進時賊自遂寧入普州茗山威進兵重圍絕其糧道未幾擒福等十七人戮之簡自殺賊遂平西夏來約夾攻金人丙許之遣王仕信會夏人于鞏又命威與利帥程信興帥陳立等分道並進威向秦州議初起威謂金人尚彊夏人反覆未可輕動丙不聽卒遭威威黽勉而行令所部毋得輕發諸將至城下無功而還丙怒奏罷其兵柄是歲卒于利州終揚州觀察使威初在行伍以勇見稱進充偏將每戰輒克金人聞其名畏懼之臨陣戰酣精采愈奮兩眼皆赤時號張紅眼又號張鵠眼威立淨天鵠旗以自表每戰不操他兵有木棊號紫大蟲圍而不刃長不六尺揮之掠陣敵皆靡荆鄂多平川廣野威曰是騎兵之利也鐵騎一衝吾步窮矣蜀中戰法不可用乃意創法名撤星陳分合不常聞鼓則聚聞金則散騎兵至則聲金一軍分爲數十族金人隨而分兵則又鼓而聚之倏忽之間分合數變金人失措然後縱擊之以此輒勝威御軍紀律嚴整兵行常若銜枚罕聞其聲每遇百姓避路買食物則買倍于市迄無敢喧云

列傳

宋一百二

汪若海

張運

柳約

李舜臣

孫逢吉

章穎

商飛卿

劉穎

徐邦憲

李宗勉

袁甫

劉敏

王居安

汪若海字東叟歛人未弱冠遊京師入太學靖康元年金人來侵朝廷下詔求知兵者若海應詔未三刻而文成擢高等時已割河北地其年冬再圍京師若海謂河北國家重地當用河北以攬天下之權屬康王起兵相州乃上書樞密曹輔請立王為大元帥擁兵鎮撫河北以倚金人之後則京城之圍自解輔大喜即以其書進欽宗用為參謀遣如康王所宰相何臬執異議以道梗為辭不果遣京城失守二帝北行袖書抗尼雅滿請存趙氏絕而出謁康王於濟州謂神器久虛異姓僭竊宜蚤即位以圖中興一日間二被顧問補修職郎充帳前差使高宗既即位推恩改承奉郎遷江南經制使轉承事郎監登聞檢院五府交辟改屬右府朝廷以張浚宣撫川陝議未決若海曰天下者常山蛇勢也秦蜀為首東南為尾中原為脊今以東南為首安能起天下之脊哉將圖恢復必在川陝迺往見浚極談終日浚大驚辟以自隨以親老辭繼論軍食迂執政通判沅州以讒奪籍謫英州道出臨川時節制江夏軍馬李允文擁眾數十萬跋扈不用命朝廷命招討使張俊屯江西參謀官湯東野與若海故得若海道中喜甚謂曰李允文懷反

側非君莫能開其自新若海即馳往諭以成敗逆順示以朝廷威德復談三策以動之辭旨明暢允文大感悟即舉軍東下若海復為書招其徒張用曹成李宏馬友同歸朝廷用一見以其眾二十萬解甲效順惟成疑貳有他志若海移書責之成怒將殺若海若海夜宿王林軍帳以計得林軍印遂奪其眾五千人翼日成遂遣若海遺宏書使刺成以自歸宏得書圖成而力不勝復走長沙刺友羣盜解散若海遂以林五千人歸招討使張俊俊乃班師凱旋軍容愈盛時朝廷方出師若海以為為國家者當化盜賊為我用不可失英雄為國患因獻平寇策朝廷悉用之其後李宏為劉忠所并死長沙劉忠為韓世忠所破走到豫曹成走廣而復降湖湘遂安尋復承務郎監潭州南岳廟通判辰州紹興九年復三京祇謁陵寢事還以前功旬月四遷至承議郎通判順昌府金人奄至太尉劉錡甫至眾不滿三萬遣人丐援于朝無敢往者若海毅然請行具述錡方略善用兵以偏師濟之必有成功朝廷從之金兵果敗去辟准北宣撫司主管機宜文字拓阜之役復以勞兩轉至朝散郎通判洪州未上丁內艱服除添差通判信州秩滿遷湖北帥司參議知道州陞辭得對帝曰久不見卿卿向安在授直祕閣知江州丁父憂時方經略中原朝廷議起若海而若海死矣若海豁達高亮深沈有度恥為世俗章句學為文操紙筆立就踔厲風發高宗嘗以片紙書若海名論浚曰似此人材卿宜收拾會浚去國不果召

年進士第賜同上舍出身調桂陽監藍山縣丞縣關令運攝縣事縣與諸瘴接壤因俗為治吏民安之臨武寇與諸獠合大剽掠運親帥兵厲之遷潭州攸縣尉高宗南渡劇賊王在據岐山潭帥徵兵成岳運將二千人先至岳賊平改臨江新淦丞縣新被兵令不能支沿江撫諭使張匯劾罷之以運攝縣事運撥燬燼考版籍正租賦數月之間敵除而民定紹興五年通判鼎州賊楊么黃誠擁眾數萬殘破城邑跳梁湖北高宗遣張浚以都督董師岳飛以招討舉兵擊之賊率輕銳趨武漢南與以臨鼎州城中大震運與太守程昌萬勦兵登城控扼上下以張其勢賊宵潰潰賊雷德進柵險稱亂帥檄運討之運將都統梁吉等率兵直搗其巢破四十二柵降其眾金人侵廬壽等州大將駐兵淮濡以拒之運餉餉未嘗乏絕丁母及父憂服除起知桂陽監五月而境內稱治與部使者奏升監為軍大庠庠序之教祠漢以來守令有功德于桂陽者衛風唐堯等七人于學刻續顏氏家訓四時纂要等書散之民間使之修德而務本召入對除知達州方大早入境而雨奏除病民五事召為度支郎中臨安樓店務錢歲三十餘萬繕請以十萬歸省額戶部所儲三佛齊國所貢乳香九萬一千五百斤直可百二十餘萬繕請分送江浙荆湖漕司賣之以糴軍餉及陳諸路綱運七弊懲革十術遠近遞輸以均勞逸事皆施行兼樞密院檢詳遷軍器監尋改大理少卿請正兩浙鹽法以寬私鑿之禁尤明於治獄獄為之空拜刑部侍郎言諸斥逐累赦未還者宜從洩洗諸申請條制多重復抵悟失於太煩諸編置不以赦原不以蔭論之類失于太重外路刑獄三經翻異移送大理刀

鉅敷施非所以示遠及諸不便皆從之又請廣儲蓄與鼓鑄修屯田作鄉兵亦皆聽納兼權戶部侍郎時久雨傷蠶麥及邊報有警詔侍從臺諫陳災異禦侮之策運言天災人事有甚可畏而不足畏者視吾政之修不修有甚可憂而不足憂者視吾自治之善不善及宜邊淮建三大鎮以守之會金人渝盟特遷戶部侍郎以專餽餉丞相陳康伯議遣李寶自四明控制海道眾論紛紜運直入質快以為上策金人果敗走因上疏乞降詔撫將士蠲租賦遣信使結豪傑堅城守督漢中將士趨關陝以制其後置四鎮三帥於兩淮襄漢之間以為內固以圖進取以御營隨軍都轉運使從帝勞師江上及駕還因入對固請補外乃授集英殿修撰出知太平州當兵饑疾癘之餘殫勞徠安輯之方嚴斥堠攻守之備理財賦造戰艦繕甲兵申禁令民賴以安孝宗既受禪運亦請老以敷文閣待制提舉江州太平興國宮尋授廣東經略不赴乃復祠祿乾道七年翻大餓運首發粟二千石以賑之自是民爭出粟以濟連上章致政不許以疾卒贈少師左光祿大夫官其後三人嘉定六年贈開府儀同三司

柳約字元禮秀州華亭人大觀三年上舍進士試中學官為霸州教授徙睦州人為辟府正遷博士改宣議郎充廣親宅宗子博士約深於經學屬辭粹微大為學者師募提舉福建鹽事召對論內外學正次乞罷內外官到堂日投牒求官以厚風俗授秘書省校書郎進著作佐郎徽州司錄改通判宿州召拜監察御史靖康初兼權殿中侍御史論三鎮不可棄改尚書工部員外進左司員外郎父憂去官服除以直顯謨閣充御營司參謀

官遷太常少卿高宗將幸平江約疏言兵可進毋退以示怯於敵乃以直龍圖閣知台州未赴徙嚴州兼浙西兵馬都監節制管內軍馬當是時金人大入杜充擁眾北去列郡震恐莫有奔問官守者約於橫濱中屹保孤城悉力捍禦境內安堵上書請糾合諸郡克復吳會帝嘉其忠進右文殿修撰守郡如故詔以軍興費出無藝吏慢弗虔柳約獨謹賦輸率先程督進秩一等又詔約郡當兵衝而能不辭難不避事益嚴列柵保級一方朕甚嘉之其以約充集英殿修撰召入對獎勞再三擢權戶部侍郎約於是感激盡言凡例外宣索皆執奏不進論吳玠等罪未正非所以勵臣節諸大將提兵入覲各名其家將有尾大不掉之患皆人不敢言者會高麗請修貢議遣使報聘上顧廷臣無出約右加試戶部侍郎充其選且將大用當路患之諷言者誣以事罷為提舉太平觀居七年復祕閣修撰金人歸侵疆起知蔡州被命而往一無顧避既而金人渝傳檄河南守臣皆舉城降約獨遣使數輩于武昌得報而後返未幾以敷文閣待制食祠祿十有五年卒贈四官約天性至孝母病甚泣禱于天願損壽以益母壽母尋愈約竟先母兩月卒

李舜臣字子思隆州井研人生四年知讀書八歲能屬文少長通古今推迹興廢洞見根本慨然有志于天下紹興末張浚視師江淮舜臣應詔上書言乘輿不出無以定大計宜徙幸武昌又謂江東六朝皆嘗取勝北方不肯乘機爭天下宜為今日監著江東勝後之鑑十篇上之中乾道二年進士第對策論金人無可和之議宰輔大臣不當以奉行文字為職業考官惡焉絀下第調

印州安仁縣主簿歲大稔饑民千百持鋤棘大呼響震邑市令懼閉門舜臣曰此非盜也何懼為亟出慰勞遣之教授成都府時虞允文撫師關上辟置幕府用舉者改宣教郎知饒州德興縣專尚風化民有母子昆弟之訟連年不決為陳慈孝友恭之道遂為母子兄弟如初間詣學講說邑士皆稱蜀先生罷百姓預賃償前官積逋踰三萬緡民病差役舜臣勸糾諸鄉以稅數低昂定役期久近為義役明年役成民大便利遷宗正寺主簿重修裕陵玉牒當會布呂惠卿初用必謹書或謂非執政除免格不應書舜臣曰治忽所關何可拘常法他所筆削類此尤遂於易嘗曰易起于畫理事象數皆因畫以見舍畫而論非易也畫從中起乾坤中畫為誠敬坎離中畫為誠明朱熹晚歲每為學者稱之子心傳道傳性傳以性傳官二府贈太師追封崇國公

孫逢吉字從之吉州龍泉人也隆興元年進士第授郴州司戶乾道七年太常黃鈞薦於丞相虞允文梁克家將處以學官逢吉竟就常德教授以歸李燾劉琪鄭伯熊劉焯相繼薦之知萍鄉縣以治最聞紹熙元年遷祕書郎兼皇子嘉王府直講二年春二月雷雪之沴交作詔求直言疏八事去蔽諛親講讀論駁崇氣節省用度惜名器拔材武飭戎備擢為右正言建言都城之民安居憚徙宗成營繕寢廣每建一第撤民居數百吝怨者多時親王方更造樓觀未已聞之亟令罷役初工部侍郎兼知臨安府潘景珪結貴倖以進司諫鄧驛屢數其罪景珪反以計傾之除驛匠監造吉曰優遷其官而罷言職後來者且以言為戒兩疏乞收驛新命不報併劾景珪脅持臺諫及視朝綱景珪遂罷在諫垣七十日

章二十上詞旨劉切皆人所難言者改國子司業求去
為湖南提刑以秘書監召兼吏部侍郎未幾在經筵持
論切直小人多不便潛激帝怒中批與祠劉光祖與逢
吉同在講筵吏請曰今日某侍郎輪講以疾告孫侍郎
居次請代之逢吉問某侍郎講義安在取觀之則講詩
權輿篇刺康公與賢者有始而無終與遂朱熹事相類
逢吉欣然代之講因於上前爭論甚苦帝曰朱熹言多
不可用逢吉曰熹議祧廟與臣不合他所言皆正朱見
其不可用淺失帝意會彭龜年論韓侂胄專僭出補郡
逢吉入疏曰道德崇重陛下所敬禮者無若朱熹志節
端亮陛下所委信者無若彭龜年熹既以論侂胄去龜
年復以論侂胄紕臣恐賢者皆無固志陛下所用皆庸
鄙儉薄之徒何以立國侂胄見而惡之丞相趙汝愚既
罷侂胄專國一日從臣扈從重華宮帝行禮畢駕輿扈
從者出宮門上馬忽傳呼侂胄至扈從者卻入敏板甚
恭逢吉曰既出復入揖臣子事君父之禮當如是耶不
揖而去會部中會食吏密報優人王喜除閣職逢吉即
言於帝前效朱侍講進趨以儒為戲者豈可令汗閣職
卽抗疏力爭之同列密以告侂胄時王喜之命實未出
遂以誣詆出知太平州丐祠提舉江州太平興國宮起
知贛州已屬疾卒諡獻簡弟逢年逢辰皆有文學行義
時稱孫氏三龍

自穎始久不遷及奏考試官孝宗曰章穎可乃知帝猶
記其議論也頃之遷太學博士丁內艱服闋添差通判
贛州除太常博士御史中丞何澹聞繼母訃引不逮事
之文穎定議解官除左司諫時左相留正去右相葛邲
當國穎論邲不足任大事凡二十餘疏從官議欲超除
穎俾去言職庶可兩留光宗曰是好諫官何以遷之邲
始出穎屢疏請帝問安重華宮悉焚其藁寧宗卽位除
侍御史兼侍講尋權兵部侍郎韓侂胄用事穎侍經幃
帝曰諫官有言及趙汝愚者卿等謂何同列謾無可否
穎奏言天地變遷人情危疑加以敵人媢侮國勢未安
未可容易進退大臣願降詔宣諭汝愚無聽其去不報
奏請待罪於郡御史劾穎阿黨罷太學生周端朝等六
人伏闕辨汝愚被誣且謂章穎言發於忠首遭斥逐端
朝等皆被罪自是黨論遂起矣穎家居久之起知衢州
侍御史林行可劾罷之尋知贛州御史王益祥復劾寢
其命再祠需次知建寧府侂胄誅集英殿修撰累遷
刑部侍郎兼侍講對延和殿帝歎曰卿為權臣沮抑甚
久穎乞修改甲寅龍飛事迹誣筆除吏部侍郎尋遷禮
部尚書升侍讀詔穎以紹熙慶元譙令憲玉牒辨誣余
端禮趙彥逾甲寅龍飛記及趙汝愚當時所記事考訂
削誣從實上之丐去奉祠以嘉定十一年卒年七十八
穎操履端直生平風節不為窮達所移雖仕多偃蹇而
清議與之方黨論之興朱熹遺以書略曰世道反覆已
足流涕而握其事者怒猶未已未知終安所至極耶然
宗社有靈公論未泯異日必有任是責者非公吾誰望
耶贈光祿大夫諡文肅

任無為軍教授累官至工部郎官時韓侂胄柄國氣焰
薰灼飛卿既至未嘗輒一造請諭月卽丐去提舉福建
路常平茶鹽事權監察御史以言事迂侂胄罷為奉常
請外以祔閣修撰為荆湖南路轉運判官後改司農卿
總領江東淮西軍馬錢糧金陵故有帥漕治所合戎騎
二帥留鑰內侍號六司宴飲餽遺費動萬計飛卿以身
率儉節縮浮苛糧饑時斂散稍稍以裕開開禧中就擢
戶部侍郎侂胄將舉師嘗問餉計豐約飛卿以實告比
調遣浩繁不克支屬有旨俾飛卿軍前傳宣撫勞值金
兵大至幾不免以憂卒

劉穎字公實衢州西安人紹興二十七年進士調溧陽
主簿時張浚留守建康金帥初退府索民租未入者穎
白浚言師旅之後宜先撫摩當盡蠲通賦浚喜卽奏開
免由是知名遺其子棡與游教授全州改官知鉛山縣
以外艱去再知常熟縣簽判潭州王佐為帥負其能盛
氣以臨僚吏及陳峒反所擒賊多穎計策佐上其功曰
簽判宜居臣上召監進奏院進太常寺主簿遷丞兼兵
部郎官提舉浙西常平茶鹽疏濬水湖以泄吳松江一
水禁民侵築毋使逼塞大流民田賴之就遷提刑以洗
冤澤物為任問語獄察不應繫者縱遣之御史以介僻
劾罷除江西運判江州德化縣田逃徙大半守乞蠲稅
不報穎以見種之稅均於荒萊民願耕者第減之上供
自若而逃田盡復除直祕閣淮東轉運副使初水敗楚
州城修補未竟劉超欲移築穎因接有金國使人對言
國家何苦捐百萬緡為軍帥幸實地耶光宗從之除戶
部郎中淮東總領務場以額鈔抵實陰耗餉計二十年
無知此弊者穎究數得之以所實數論賞而總餉增羨

遷司農少卿淮西總領前主計者請自為都釀抱淨息而利贏餘其後稍虧反以大軍錢佐之邀糴江淮回易如負販狀類以為失王人之體遂罷之內府宣限既迫每移供軍錢以應歲輸穎蒐吏弊沈冗員分月綱解自是不復那移尋除直寶謨閣江東運副知平江府皆未行除宗正少卿遷起居郎累除敷文閣待制致仕嘉定改元召赴行在落致仕除刑部侍郎辭進龍圖閣待制知婺州請老以寶謨閣直學士致仕六年卒于家年七十八贈光祿大夫在孝宗朝人臣爭承意自獻穎奏今日之失在輕聽人言昔之施為今復棄置大損盛德孝宗嘉納之光宗時論人主難克而易流者四曰逸豫無節賜予無度儒臣易疎近倖易昵富宗時學禁初起黨論日興穎奏願陛下御之以道容之以德不然元祐崇觀之事可鑒也其言皆切中于時自浙西請外凡徒靡節十餘年有以淹速訊之穎笑曰吾所欲也其在從班日韓侂胄舊與周旋無間方居中用事而穎謝絕之常言士以不辱身為重其為少宗正丞相趙汝愚適歸相過于廢寺泥雨不能伸足但僧牀立語曰寄謝余參政某雖去而人才猶在朝廷幸善待之穎曰相公人才即參政人才也使果賢參政之責非宰相之憂也余參政端禮也余繼相卒于善類多所全佑穎之助云

徐邦憲字文子婺州義烏人幼穎悟從陳傳良究名物義理以通史傳百家之書紹熙四年試禮部第一人登進士第三遷為祕書郎韓侂胄開兵端同惡附和無敢先發一語議其非者邦憲獨首言之丐外知處州陛辭力諫用兵不可太驟再歲召還言求名義以息兵莫若因建儲而肆赦借殊常之恩為弭兵之名因行赦有大

需德澤發倉粟以賑餓殍及農時而復民業如此則建儲之義正與息兵相為表裏也又上侂胄書侂胄惡其言嗾御史徐榘擊之鑄秩罷之未幾復官除江西憲改江東漕以戶部郎為淮西總領侂胄已誅尚書倪思舉邦憲自代召對上言今日更化未可與紹興乙亥同論秦檜專權天下猶可以緝理今侂胄專權天下敗壞盡矣權工部侍郎知臨安府丐祠知江州奏乞郡得節制屯戍兵至郡疾以寶謨閣待制致仕卒于官年五十七諡文肅

李宗勉字彊父富陽人開禧元年進士歷黃州教授累遷國子博士寶慶初添差通判嘉興府三年召為祕書郎紹定元年遷著作郎入對言邊事宜夙夜震懼以消咎殃明年兼權兵部郎中時李全叛謀已露人莫敢言宗勉獨累疏及之又言欲人謀之合莫若通下情欲財計之豐莫若節國用欲邦本之固莫若寬民力尋改兼侍右郎官明年入對言天災甚切四年差知台州明年直祕閣知婺州端平元年進直寶章閣依舊任越月以宗正丞兼權右司召改尚左郎官兼職仍舊尋兼左司而對言四事守公道以悅人心行實政以興治功謹命令以一觀聽明賞罰以示勸懲次言格弊願詔有司始自乘與宮掖下至百司庶府覈其冗蠹者節之歲省十萬則十萬之楮可損歲省百萬則百萬之楮可損行之既久損之既多錢楮相當所至流轉則操吾贏縮之柄不在楮矣拜監察御史時方謀出師汴洛宗勉言今朝廷安恬無異于常時士卒未精銳資糧未充行器械未犀利城壁未繕修守禦猶不可而欲進取可乎借曰今日得蔡明日得海又明日得宿辜然得之者未必可守

萬一含怒蓄忿變生倉猝將何以濟臣之所陳豈曰外患終不可平土宇終不可復亦欲量力以有為相時而後動耳願詔大臣愛日力以修內治合人謀以嚴邊防節冗費以裕邦財招彊勇以壯國勢仍飭沿邊將帥毋好虛名而受實害左控右扼毋失機先若使本根壯固士馬精彊觀釁而動用兵未晚已而洛師潰又言昔之所慮者在當守而冒進今之所慮者在欲守而不能何地可控扼何兵可調遣何將可捍禦何糧可給餉皆當預作措畫又言內降之弊皆大臣所當執奏迨其命令已下闕失已彰然後言事之人從而論列之其累聖德多矣況言之未必聽聽之未必行乎進左司諫明年兼侍講首言均房安斲光化等處兵禍甚烈然江面可藉以無憂者猶有襄州今又告變襄州失則江陵危江陵危則長江之險不足恃江陵或不守則事迫勢蹙必有存亡之憂拜殿中侍御史時淮西制置使兼沿江制置副使史嵩之兼知鄂州就鄂建牙宗勉言荆襄殘破淮西正當南北之交嵩之當置司淮西則脈絡相連可以應援邈在鄂渚豈無鞭不及腹之慮若云防江為急欲藉嵩之於鄂渚經理然齊安正與武昌對如就彼措置防扼則藩籬壯而江面安矣所謂欲保江南先守江北也當別擇鄂守徑令嵩之移司齊安詔侍從兩省臺諫條陳邊事宗勉率合臺奏蜀之四路已失其二成都隔絕莫知存亡諸司退保夔門未必能守襄漢昨失九郡今鄂破荆門又破江陵孤城何以能立兩淮之地人民奔迸嗚呼危哉陛下誠能以身率先服御飲宴一從簡儉放後宮浮食之女罷掖庭不急之費止錫寶絕工役出內帑儲蓄以風動四方然後動諭或晚世臣隨力輸

財以佐公家之調度分上流淮西淮東爲三帥而以江
淮大帥總之以公私之財公給四處俾之招潰卒募流
民強壯者以充遊兵以補運籍仍選沿流諸郡將士爲
捍禦之圖猶可支吾或謂其勢強盛宜于講和欲出金
緡以奉之是抱薪救火空國與敵矣進工部侍郎兼給
中仍侍講擢諫議大夫兼侍讀言邊事當增兵防扼上
流又言求諫非難而受諫爲難受諫非難而從諫爲難
進端明殿學士同簽書樞密院事未幾進簽書時王穉
復求歲幣銀絹各二十萬宗勉言輕諾者多後患當守
元約可也史嵩之開督府力主和議宗勉言嵩之職在
督戰如收復襄光控扼施澧招集山岩保固江流皆今
所當爲若所主在和則凡有機會可乘不無退縮之意
必至虛損歲月坐失事功進參知政事及拜左丞相兼
樞密使守法度抑僥倖不私親黨召用老成尤樂聞讜
言趙汝騰嘗以宗勉爲公清之相以光祿大夫觀文殿
大學士致仕卒贈少師諡文清

袁甫字廣微寶文閣直學士燮之子嘉定七年進士第
一簽書建康軍節度判官應公事授祕書省正字入對
論君天下不可一日無懼心今之可懼者大端有五端
良者斥諂諛者用可懼也兵戈旣興餽餉不繼可懼也
獨運密謀之意勝虛心咨訪之意微可懼也外患未弭
內患方深可懼也恭儉有餘剛斷不足可懼也其他禍
幾亂萌不可悉數次乞嚴守帥之選併大軍之權與屯
田之利遷校書郎轉對言邊事之病不在外而在內偷
安之根不去規模終不立壅蔽之根不去血脈終不通
忌嫉之根不去將帥終不可擇欺誕之根不去兵財終
不可治出通判湖州考常平弊原以增積貯核隱產增

附嬰兒局遷祕書郎尋遷著作佐郎知徽州治先教化
崇學校訪便民事上之請蠲減婺源細絹萬七千餘匹
茶租折帛錢萬五千餘貫月椿錢六千餘貫請照咸平
紹興乾道寬恤指揮受納徵絹定每匹十兩請下轉運
常平兩司豫蓄常平義倉備荒興修陂塘架橋梁丁
父憂服除知衢州立句講務以理義淑士心歲撥助養
士千緡西安龍游常山三邑積窘預借爲代輸三萬五
千緡蠲四萬七千緡都有義莊買良田二百畝益之移
提舉江東常平適歲旱亟發庫庾之積凡州縣窶名隸
倉司者無新舊皆住催爲錢六萬一千緡米十有三萬
七千麥五千八百石遣官分行賑濟饑者予粟病者予
藥尺籍之軍弱者市民之失業者皆曲軫之又告于朝
曰江東或水而旱或旱而水重以雨雪連月道殣相望
至有舉家枕籍而死者此去麥熟尚餘事勢益急詔給
度牒百道助費時江閩寇迫饑信慮民情易動分榜諭
安之檄諸郡關制司聞于朝爲保境捍患之圖寇迄不
犯遂提點本路刑獄兼提舉移司番陽霜殺桑春夏雨
久湖溢諸郡被水連請于朝給度牒二百道賑恤之盜
起常山調他州兵千人屯廣信以爲備都城大火上封
事言上下不交以言爲諱災變之作端由于此願下哀
痛之詔以回天意詔求直言復上疏言災起都邑天意
益欲陛下因其所可見察其所不可見行至公無私之
心全保護大臣之體率屬羣工大明黜陟與天下更始
詞甚切直行部問民疾苦薦循良劾姦貪決滯獄所至
詣學宮講說歲大旱請于朝得度牒緡錢紙以助賑
恤疫癘大作劫藥院療之前後持節江東五年所活殆
不可數計轉將作監領事如故繼力辭常平事彗星見

詔求直言疏言皇天所以震怒者由愁苦之民衆人民
所以愁苦者由貪冒之風熾願一變上下交征之習爲
大公至正之歸帝親政以直徽猷閣知建寧府明年兼
福建轉運判官閩鹽隸漕司例運兩綱供費後增至十
有一吏卒並緣爲姦且抑州縣變賣公私苦之甫奏復
舊例丁米錢久爲泉漳興化民患會知漳州趙以夫請
以廢寺租爲民代輸甫并捐三郡歲解本司錢二萬七
千貫助之郡屯左翼軍本備嗣寇招捕司移之江西甫
檄使還營俄寇作唐石卽調之以行而賊悉平遷祕書
少監入見奏無逸之義言知農夫稼穡艱難自然逸欲
之念不起乞力守更化以求求賢如不及之初意遷起
居舍人兼崇政殿說書於經筵奏剛之一字最切于陛
下所謂真剛者當爲之事必行不當爲者則斷在勿行
又乞專意經訓養育精神務令充實兼中書舍人時相
鄭清之以國用不足履敝使輸券甫奏避貴賤應有力
者頑不應命而追呼迫促破家蕩產悲痛無聊者大抵
皆中下之戶嘗講罷帝問近事甫奏惟履敝事人心最
不悅又嘗讀資治通鑑至漢高祖入關辭秦民牛酒因
奏今日無以予人反橫科之其心喜乎怒乎本朝立國
以仁陛下以爲此舉仁乎否乎帝爲惘然時朝廷以邊
事爲憂史嵩之帥江西力主和議甫奏曰臣與嵩之父
彌忠有故嵩之易於主和彌忠每戒其輕易臣謂不特
嵩之之易於主和抑朝廷亦未免易於用人也疏入不
報遂乞歸不允授起居郎兼中書舍人未幾擢嵩之刑
部尚書甫復奏論誥命不與書行迺出甫知江州王遂
抗疏力爭帝曰以授其兄袁肅報行誤耳合遂勉甫
無他志翼日迺與肅江州而殿中侍御史徐清史復論

甫守沙日賊六十萬湯巾等又爭之清吏亦悔未幾改知婺州不拜嘉熙元年遷中書舍人入見帝問邊事甫奏當以上流為急議和恐誤事時清吏與甫並召邊而清吏未至甫奏臺諫風聞言事初亦何心今人物渺然有如清吏宜在朝廷辭避實惟臣故乞趣其赴闕又奏備邊四事曰固江陵堰瓦梁與流民復業責邊闔遣回敵使按甫奏備邊四事宋史本傳載實邊闔回敵使一事當時蒙古使覲視虛實久未出境故疏及之今據甫所著嵩之移京湖沿江制置使知鄂州甫奏曰嵩之輕脫難信去年嵩之在淮西王檣由淮西而來北軍踵之今又併湖南付之臣恐其復以謀淮西者誤湖南疏留中不行翼日權吏部侍郎即疾至八疏賜告一月遷兵部侍郎兼給事中岳珂以知兵財召甫奏珂總餉二十年焚林竭澤究竟從外補遷吏部侍郎兼國子祭酒日召諸生叩其問學理義講習之益時邊遽日至甬條十事至為詳明權兵部尚書暫兼吏部尚書卒贈通奉大夫諡正肅甫少服父訓謂學者當師聖人以自得為貴又從楊簡問學自謂吾觀草木之發生聽禽鳥之和鳴與我心契其樂無涯云

劉敞字聖伯樂清人早有令聞年三十四以清祐十年試入太學時丁大全方為臺屬劾奏丞相董槐迫逐去國將奪其位敞率同舍生伏闕上書忤執政送南安軍安置歸別其母解氏解氏曰為臣死忠以直被貶分也速行及大全貶敞還太學未幾侍御史陳垓劾程公許右正言蔡榮誣劾黃之純二公罷出敞又率諸生上書其略曰臣聞扶植宗社在君子扶植君子在公論祖宗建置臺諫本以伸君子而折小人昌公論而杜私說迺今老贊自肆姦種相仍以詔諫承風旨以傾險設機

阱以澗盜官爵宰相所不樂者外若示以優容而陰實願指臺諫以去之臺諫所彈擊者外若不相為謀而陰實奉宰相以行之陛下萬機之暇試以公許之純與垓榮等熟思而靜評之其言論孰正孰邪孰忠孰佞雖中智以下之主猶知判別是非況以陛下明聖而顧不察此自昔天下之患莫大于舉朝無公論空國無君子脫有緩急彼一二儉人者陛下獨可倚仗之乎又諫游幸言自十數年間創龍翔創集慶創西太一而又示之以遊幸導之以禱祠蠱之以虛誕不經之說宰相以下希寵而不言與夫言之而不力皆非所以愛陛下也以材署昭慶軍節度掌書記由學官試館職咸治三年拜監察御史論內降恩澤曰臣覩陛下自郊祀慶成以來恩數稠繆指揮煩數邸報之間以內批行者居其半前之恩數未竟後之恩數已乘宰執懼有所專而不敢奏給舍臺諫懼有所忤而不敢言更如此者數年將何以為國四年改正字丁父憂服除授集英殿修撰沿海制置知慶元府事建濟民莊以濟士民之急資貢士春官之費備郡庠者老緩急之需又請建慈湖書院八年召還拜刑部侍郎九年改朝奉郎試吏部尚書兼工部尚書兼中書舍人兼侍讀疏請給王十朋祠堂田土十年丁母憂明年江上潰師丞相陳宜中起復敞為端明殿學士不起及賈似道韓震死宜中謀擁二王由温州入海以兵逆敞共政將遜相位于是敞託宗配于母弟成伯遂起及羅浮以疾卒其配林氏舉家蹈海未幾海上事亦瓦解矣

王居安字資道黃巖人始名居敬字簡邈避祧廟嫌易之始能言讀孝經有從旁指日曉此乎即答曰夫子教

人孝耳入太學淳熙十四年舉進士授徽州推官連遭內外艱柄國者以居安十年不調將徑授職事官居安自請試民事乃授江東提刑司幹官人為國子正太學博士入對言人主當以知人安民為要人未易知必擇宰相輔侍從之賢使引其類民未易安必求愷悌循良之吏以布其澤遷校書郎居安乞召試言祖宗時惟進士第一不試蘇軾以高科負重名英宗欲授館職琦猶執不從執政謂居安曰朝廷于節度尚不較況館職乎居安因言節鉞之重文非位極武非勳高胡可妄得丞相言不較過矣時蘇師旦命且下故居安言及之改司農丞御史迎意論劾主管仙都觀踰年起知興化軍既至條奏便民事之行經界且言蕃舶多得香犀象翠崇侈俗洩銅鏹有損無益宜遏絕禁止通商賈以損米價誅劇盜以去民害召為祕書丞轉對言置宣司不聞進取之良規遣小使寂無確許之實報但當嚴飭守備益兵據險以待之此廟算之上也李壁嘗語人曰比年論疆事無若王祕丞之明白者遷著作郎兼國史實錄院檢討編修官兼權考功郎官擢右司諫首論侂胥以預聞內禪之功竊取大權數年之間位極三公列爵為王姦心逆節具有顯狀儻不明正典刑何以昭國法誠取侂胥肆諸市朝是戮一人而千萬人獲安其生也非常之罪當伏非常之誅詎可以常典論右丞相陳自強姦儉附麗贖亂國經較其罪惡與侂胥相去無幾乞追責遠竄以為為臣不忠朋儕誤國者之戒又劾曦外嬖郭倪郭儀竄嶺表天下快之繼兼侍講方侂胥用事籍天下之口使不得議已太府寺丞呂祖儉以謫死布衣呂祖泰上書直言中以危法流之遠郡居安奏請明其寃

王居安字資道黃巖人始名居敬字簡邈避祧廟嫌易之始能言讀孝經有從旁指日曉此乎即答曰夫子教

以仰忠鯁之氣趙彥逾與樓鑰林大中章變並召居安言鑰與大中宗廟社稷之靈天下蒼生之福彥逾始以趙汝愚不與同列政地遂啟侂胄專政之謀汝愚之斥死彥逾之方居多陛下乃使與二人者同升不幾于靈鑰同邪正並用乎疏已具有微聞者除日夜下遷起居郎兼學政殿說書于是為諫官才十有八日既供職即直前奏曰陛下特遷臣柱下史者豈非欲使臣不得言耶二吏得直前奏事祖宗法也遂極論之又言臣為陛下耳目官諫紙未乾乃以迂權要徙他職不得其言則去臣不復留矣帝為改容御史中丞雷孝友論其越職奪一官能踰年復官知太平州當邊遽甫定歲儉汰夫軍羣寇攘居安威惠流行晏然若無事時將副劉佑為怨家詣闕告密置獄金陵居安以書抵當路辯其冤或謂佑自誣服得無嫌于黨逆乎居安曰郡有無辜冤奚以守為事果白以直龍圖閣提點浙西刑獄葛擇者用威屬恩補官豪於賞嘗憾父之變既去而誣以盜株連瘞死者數人擇乃未嘗一造庭居安一閱得實立捕繫罪械送他州權工部侍郎以集英殿修撰知隆興府初盜起郴黑風峒羅世傳為之倡勢張甚湖南所在發兵扼要衝義丁表裏應少賊乏食援懈主兵者稍堅持之則就禽矣會江西帥欲以買降為功遣人間道說僞歸與權賊喜謀益逞陰治城外送款身受官峒中不委云府義丁皆恚曰作賊者得官我輩捐驅墮產業何所得于是五合六聚各以峒名其鄉李元勵陳廷佐之徒並起為賊矣放兵四劫江西列城皆震朝廷調汀鄂之兵屯衡嶺而他兵駐龍泉者命吉守節制焉吉守師往幾為賊困池兵乘援失利遂以居安為帥

居安以書曉都統許俊曰賊勝則民皆為賊官軍勝則賊皆為民勢之張翕決于此舉居安督戰于黃山勝之賊始懼走韶州為摧鋒軍所敗勢日蹙吉守以祠去命居安節制江池大軍駐廬陵督捕嶺事召土豪問便宜皆言賊恃險陟降如猿狖若鈔吾糧吾事危矣居安曰吾自有以破賊會元勵執練木橋賊首李才全至居安厚待才全而賞元勵眾皆感羅世傳果疑元勵之貳已遂交惡元勵率眾攻世傳居安語俊曰兩虎鬪于穴吾可成卞莊子之功世傳嗾練木橋賊黨襲元勵俘其孥禽元勵以獻時青草峒賊亦就禽並磔于吉之南門元勵既誅世傳以功負恃益驕蹇名效順而實自保俊請班師居安不許俾因賊堡壁固守居亡何世傳果與兄世祿俱叛乃密為方略遣官兵合圍之世傳自經死斬其首以徇羣盜次第居安之在軍中也賞厚罰明將吏盡力始終用以賊擊賊之策故兵民無傷者江西人祠而祝之刻石紀功徙鎮襄陽以言者罷開居十有一年嘉定十五年與魏了翁同召遷工部侍郎時方受寶皆賈人對言人主畏無難而不畏多難與地寶王之歸盍思當時之所以失言極切至甫兩月以集英殿修撰提舉玉隆宮未幾以寶謨閣待制知温州郡政大舉理宗即位以敷文閣待制知福州升龍圖閣直學士轉大中大夫提舉崇福宮將行臨寇起靈化居安以書諭汀守曰土瘠民貧業于鹽可盡禁耶且彼執三首惡以自贖宜治此三人他可勿治部使者遣左翼軍將鄧起提兵往起貪夜冒險與寇角以死軍潰民相驚逃去事聞命居安專任招捕居安既留募軍校劉華邱鏡首授以計畫至汀而賊已至郡矣州人大懼賊知帥有

無納意即引退華銳出人賊中指期約降有以右班職汀守首倡強好大言以知兵自任欲出不意為己功賊知其謀敗降約而建劍諸郡並江西嘯聚蜂起矣居安議不合歎曰吾可復求焦頭爛額之功耶即拜疏歸居安以書生于兵事不學而能必誅峒寇而降汀寇皆非苟然者卒累贈少保居安宅心公明待物不貳

欽定續通志卷三百九十八

列傳

宋一百三

崔與之

陳居仁 卓

劉漢弼

許奕

崔與之字正子廣州人少卓犖有奇節不遠數千里遊太學紹熙四年舉進士廣之士繇太學取科第自與之始授潯州司法參軍郡守欲移兌常平之積堅不可守敬服更薦之調淮西提刑司檢法官民有窘於豪民遭負毆死其子誣之者其長欲流之與之曰小民計出倉猝忍使一家轉徙乎況故殺子孫罪止徒卒從之知建昌之新城歲適大歉有彊發民廩者執其首折手足以徇盜爲止勒分有法貧富安之開禧用兵軍旅所需天下騷然與之獨買以係省錢吏告月解不登曰甯罷去和糴令下與之獨以時賈糴令民自槩通判邕州守武人苛刻衣賜不時給諸卒大閱漕司檄與之攝守叛者帖然乃密訪其首事一人斬之閩郡以甯權發遣賓州軍事郡政清簡尋特授廣西提點刑獄徧歷所部至浮海巡朱崖秋毫無擾州縣而停車裁決獎廉劾貪風采凜然朱崖地產苦登民或取葉以代茗州郡征之歲五百緡瓊人以吉貝織爲衣衾工作皆婦人役之有至期年者棄稚違老民尤苦之與之皆爲榜免其他利疾罷行甚取瓊之人次其事爲海上澄清錄嶺海用刑慘酷貪吏厲民迺疏爲十事申諭而痛懲之高惟自賞刻之號嶺海便民榜廣右僻縣多石選攝事者類多貪黷與之請授廣東循梅諸邑減舉員賞格以勸選人熙甯免役之法獨不及海外四家民破家相望與之議舉行未

果以詔顏戮戮守瓊遂行之召爲金部員外郎時郎官多養資望不省事與之鉅細必親省決吏爲欺者必杖之金南遷於汴朝議疑其進迫特授直寶謨閣權發遣揚州事主管淮東安撫司公事奏選於將集民兵爲邊防第一事既至浚濠廣十有二丈深二丈西城濠勢低因疏塘水以限戎馬開月河置釣橋州城與堡若城不相屬舊築夾土城往來爲易以壁因滁有山林之阻創五砦結忠義民兵金人至淮西沿邊之民得附山自固金人亦疑設伏自是不能深入揚州兵久不練分彊勇鎮淮兩軍月以三十八日習馬射令所部兵皆傲行之浙東饑流民渡江與之開門撫納所活萬人楚州工役繁士卒叛入射陽湖亡命多從之者與之給旗帖招之首謀者禽戮分其餘隸諸軍山東李全以眾來歸與之移書宰相謂自昔召外兵以集事者必有後憂宰相欲圖邊功諸將皆懷僥倖都統劉瑄承密劄取泗州兵渡淮而後牒報瑄全軍覆沒與之憂憤馳書宰相言與之乘部五年子養士卒卒今以萬人之命壞於一夫之手敵將乘勝襲我金人入境宰相連遺與之三書俾議和與之答曰彼方得勢而我與之和必遭屈辱今山砦相望邊民米麥已盡輸敵野無可掠諸軍與山砦併力勦逐勢必不能久駐況東海漣水已爲我有山東歸順之徒已爲我用一旦議和則漣海二邑若爲區處山東諸酋若爲措置望別選通才以任和議與之自劉瑄敗亟修守戰備遣精銳布要害金人深入無功而和議亦寢時議將姑闕兩淮制置命兩淮帥臣互相爲援與之啟廟堂曰兩淮分任其責而無制閩總其權則有警不能疾馳相救制閩俯瞰兩淮特一水之隔文移往來朝發夕至

無制閩則事事稟命朝廷必稽緩誤事議遂寢召爲祕書少監軍民遮道垂涕與之力辭召命竟還將度嶺趣召不已行次池口聞金人至邊乃造朝奏今邊聲可慮者非一惟山東忠義區處要不容緩前後累書數千言每歎養虎自遺後患陞祕書監兼太子侍講權工部侍郎未幾成都帥董居誼以贖貨爲叛卒所逐總領楊九鼎遇害蜀大擾與之以選爲煥章閣待制知成都府本路安撫使至卽帖然時安丙握蜀重兵久每忌蜀帥之自東南來者至是獨推誠相與丙卒詔盡護西蜀之師開誠布公兼用吳蜀之士拊循將士人心悅服先是軍政不立戎帥多不協和劉昌祖在西和王大才在沔州大才之兵屢誣昌祖不救遂棄卓郊吳政屯鳳州張威屯西和金人自白還堡突入黑谷威不尾襲而迂路由七方關上青野原金人遂得入鳳州與之戒以同心體國於是戎帥協和軍政始立先是丙嘗納夏人和從之請會師攻秦鞏而夏人不至遂有卓郊之敗與之至是飭邊將不得輕納踰年夏人復攻金人遣百騎入鳳州邀守將求救援兵與之都統李冲來言曰通問當遣介持書不當遣兵徑入若邊民不相悉或有相傷則失兩國之好宜歛兵退屯夏人知不可動不復有言初金人旣弊率取南歸者所在而有或疑不敢納與之優加餉賞以來之未幾金萬戶呼延越等扣洋州以歸與之察其誠納之籍其兵千餘人皆精悍善戰金人自是不窺興元旣復鏤榜邊關諭招納金人謀得之自是上下相疑多所屠戮人無固志蜀盛時四戎司馬萬五千有奇開禧後安丙裁去三之一嘉定損耗過半比與之至馬僅五千與之移檄茶馬司許戎司自於關外收市如

舊嚴私商之禁給細茶增馬價使無為金人所邀總司之給料不足者亦移檄增給之乞移大帥於興元雖不果行凡關外林木厚加封殖以防金人突至隔第關盤車嶺皆極邊號天險因厚開探者賞使覘之動息悉知邊防益密總計告置首撥成都府等錢百五十萬緡助糴本又慮關外歲糴不多運米三十萬石積沔州倉以備不測初至府庫錢僅萬餘其後至千餘萬金帛稱是蜀知名士若家大西游似李性傳李心傳度正之徒皆薦達之沔帥趙彥呐方有時名與之獨察其大言亡實它日誤事者必此人移書廟堂欲因乞祠而從之不可付以邊藩之寄後果如其言與之以疾丐歸朝廷以鄭損代既受代金諫知之大入與之再臨邊金人乃退召為禮部尚書不拜便道還廣蜀人思之自其像於成都仙遊關以配張詠趙抃名三賢祠端平初帝既親政召為吏部尚書數以御筆起之皆力辭金亡朝廷議取三京間之頓足活歎俄授廣東經略安撫使兼知廣州摧鋒軍州摧鋒軍遠戍建康留四年比撤戍歸未踰嶺就留戍江西又四年轉戰所向皆捷而上功幕府不報求撤戍又不報遂相率倡亂縱火惠陽郡長驅至廣州城與之家居肩輿登城叛兵望之俯伏聽命曉以逆順禍福其徒皆釋甲而首謀數人懼事定獨受禍遂遁入古端州至是與之間命亟拜即家治事屬提刑彭鉉討捕俄而新調諸軍畢集賊敗請降桀黠不悛者戮之其餘分隸諸州帝於是注想彌切拜參知政事拜右丞相皆力辭乃訪以政事之孰當罷行人之才孰當用舍與之力疾奏天生人才自足以供一代之用惟辨其君子小人而已忠實而有才者也才雖不高而忠實有守

者次也用人之道無越於此陛下厲精圖治擢用老成然以正人為迂闊而疑其難以集事以忠言為矯激而疑其近於好名任之不專信之不篤如真德秀洪咨夔魏了翁方此柄用相繼此而去至於敢諫之臣忠於國言未脫口斥逐隨之人才豈易得而輕棄如此陛下已往而圖方來昨以直言去位者亟言峻擢補外者蚤與召還收攬大權獨斷謂之悉歸獨斷者必是非利害胸中卓有定見而後獨斷行之大抵獨斷當以兼聽為先儻不兼聽而斷其勢必至於偏聽實為亂階威令雖行於上而權柄潛移於下矣又曰邊臣主和朝廷雖知而未嘗明有施行憂邊之士剴切而言一鳴輒斥假使和而可保亦當議而行之可也又曰比年以變故層出盜賊跳梁雷電震驚星辰乖異皆非細故京城之災七年而兩見惟有求直言可以裨助君德感格天心又曰戚畹舊僚凡有絲髮夤緣者孰不乘閒伺隙以求其所大欲近習之臣朝夕在側易於親昵而難於防閑司馬光謂內臣不可令其采訪外事及問以羣臣能否蓋干預之門自此始也帝覽奏嘉歎趣召愈力控辭至十有三疏嘉熙三年乃得致仕以觀文殿大學士提舉洞霄宮廩祿之餘皆以均親黨卒年八十有二封至南海郡公諡清獻

洪咨夔字舜俞於潛人嘉定二年進士授如皋主簿尋試為饒州教授授南外宗學教授以言去丁母憂服除應博學宏詞科直院莊夏舉自代崔與之帥淮東辟置幕府邊事纖悉為盡力邱壽傳代與之為帥金人攻六合揚州閉門設守咨夔亟詣壽傳言曰金人忌楚必未至揚乃先自示弱不特淮左之人心動而金人且驕必

來矣第當遠斥堠精開探簡士馬張外郡聲援而大開城門晏然如平時若金人果來某當深任之壽傳愧謝與之帥成都請於帝授咨夔藉田令通判成都府與之為制置使首檄咨夔自近辭曰今當開誠心布公道合西南人物以濟國事乃一未有聞而先及門生故吏是示人私也卒不受惟以通判職事往來效忠蜀人高之尋知龍州歲貢麩金率科鑛戶咨夔曰將奉上乃厲民乎出官錢市之江油之民歲成邊復苦餽饟為請于制漕司免之毀鄧艾祠更祠諸葛亮告其民曰毋事仇讐而忘父母還朝為祕書郎遷金部員外郎會詔求直言慨然曰吾可以盡言悟主矣其父見其疏曰吾能喫茄子飯汝無憂史彌遠讀至濟王之死非陛下本心大悲擲于地轉考功員外郎轉對復言李全必為國患於是臺諫李知孝梁成大交論鑄二秩讀書故山七年而彌遠死帝親政以禮部員外郎召入見帝問今日急務對以進君子而退小人開誠心而布公道且言在陛下一念堅凝又問在外人物對以崔與之護蜀而歸閒居十年終始全德之老臣若趨其來可為朝廷重真德秀魏了翁皆陛下所簡知當聚之本朝翼日與王遂並拜監察御史咨夔感歎知遇謂遂曰朝無親擢臺諫久矣要當極本窮原而先論之乃上疏曰臣歷考往古治亂之原權歸人主政出中書天下未有不治權不歸人主則廉級一夷綱常且立不立奚政之問政不出中書則腹心無寄必轉而他屬矣權之攬陛下親政以來威福操柄收還掌握天下始知有吾君元首既明股肱不容於自惰撤副封罷先行坐政事堂以治事天下始知有朝廷此其大權大政亦略舉矣然中書之弊端其大者有

四一日自用二日自專三日自私自四日自固願陛下於從容論道之頃宣示臣言俾大臣充初志而加定力懲往轍而圖方來以仰稱厲精更始之意帝嘉納之又首乞罷樞密使薛極以厲大臣之節章三上卒出之其他得罪請議者相繼劾去朝綱大振明年改元端平吝愛預乞於正月朔下詔求直言使人人得盡言無隱又乞令內職任之穹者各舉所知皆從之時登進諸儒以廣講讀說書之選吝愛言聖學之實所當講明而推行者有六一親睦本支二正始閭門三警肅侍御四審正邪用舍五儲養文武之才六憂根本無生事邀功又言常平義倉鹽課及苗稅多取之弊京湖以八陵圖來上吝愛援紹興留司奉表八陵及東晉大都督親謁五陵故事乞先詔制臣往省俟還別議朝祭擢殿中侍御史會王定入臺察力詆蔣重珍吝愛乃按定疾視善長乞罷之越三日左遷定而擢吝愛中書舍人尋兼權吏部侍郎與真德秀同知貢舉俄兼直學士院時吝愛口瘻已深帝勉留之遷吏部侍郎兼給事中奏比徇私成俗化實未更所恃以一公鑠萬私者獨陛下耳而好樂營繕親原近屬保護舊臣若未能無所繫累帝在位踰一紀國本未立未有敢深言之者吝愛乞擇宗室子養之併為濟王立後擢給事中史嵩之入相召赴闕下進刑部尚書拜翰林學士知制誥求去愈力加端明殿學士卒御筆洪吝愛夔亮忠愨有助新政與執政恩例特贈兩

議開邊奕貽書曰今日之勢如元氣僅屬不足以當寒暑又因轉對論今日之急惟備邊而朝廷晏然百官充位如平時京西淮上之師敗同罰異總領王人也而聽宣撫司節制或為參謀廟堂之議外廷莫得聞護聖之軍半發於外而禁衛單薄乞勸賊吏承廢勿用特與放行以啟僥倖者宜加過絕所言皆侂胄所不樂也蜀盜既平以起居舍人宣撫四川按宋史職官志宣撫使充宣諭使以從官為之奕時為起統護諸將以二府大臣居舍人應是宣諭本傳宣撫使宣撫使從中遣必淹時乃至既又徒云犒師而不以旌別淑慝為指無以慰蜀父老之望執政是其言遺奕使金奕與骨月死訣詣執政趣受指請行執政曰金人要索議未決者尚多今將奈何奕曰往集議時奕嘗謂增歲幣歸俘虜或可耳外此其可從乎不可行者當死守之尋遷起居郎兼權給事中以國事未濟力辭不許金人問奕名久禮迓甚恭方清暑離宮相距二十里至是特為奕還內方射奕破的有十一乃卒行成遣奏帝優勞久之奕復奏和不可恃宜葺紀綱練將卒使屈信進退之權復歸於我權禮部侍郎條六事以獻俄兼侍講會諫官王居安傅伯成以言事去職奕上疏力爭之其後又因災異申言曰比年上下以言為諱諫官無故而去者再矣以言名官且不得盡況疏遠乎又論用兵以來資賞汎濫僥倖捷出宜加裁制夏早詔求言奕言當以實意行實政活民於死不可責償於禱祠之間而已也蝗至都城然後下禮寺講酬祭孰非王士顧及境而懼偶不至輦下則終不以為災乎又曰更化之初人有厚望久而無以相遠此謗謠之所從生又曰內降非盛世事王璿進狀不實而經營以求僥倖裝伸何人驟為帶御器械時應詔者

甚眾奕言最為剴切攝兼侍讀每進讀至今古治亂必參言時事願陛下試思設遇事若此當何以處之必拱默移時俟帝疑思乃徐竟其說遷吏部侍郎兼權給事中論駁十有六事皆貴族近習之撓政體者而封還劉德秀贈典高文虎之奉祠士論尤韙之加楊次山少保承陽郡王奕疏言自古外戚恩寵太甚鮮不禍告又言史彌遠力辭恩命宜從之以成其美疏入不報奕遂臥家求補外以顯謨閣待制知瀘州彌遠問所欲言奕曰比觀時事調護之功深扶持之意少非朝廷之力也嘉敘瀘俱接夷壤東蠻米在大入俘殺兵民四路創安邊司窮治其事奕得夷人質之以致所掠由是迂安邊司夷酋王榮浮楸木萬計入買奕慮其蕩水陸之險驅之安撫使安丙新立大功讒忌日間宰相錢象祖出謗書問奕奕喟而言士不愛一死而困於眾多之口亦可悲也奕願以百口保之象祖艷然曰公悉安子文若此乎適宇文紹節宣撫荆湖還亦曰僕願亦百口以信許公之言於是異論頓息移知夔州表辭不行改知遂甯府作隄數百丈民德之進龍圖閣待制加寶謨閣直學士知潼州府霖雨壞城撤而築之以煩民又捐緡錢十二萬為十縣民代輸會金入敗盟蜀道震擾奏請速選威望大臣宣撫信賞必罰以獎忠義收人心又言忠義之招體勢倒持兵食頓增未知攸濟且斬將之人未聞褒擢敗軍之將未見施行事勢不決將有後時之悔御史劾奕欺罔降一官詔提舉王隆宮未數月特復元官提舉崇福宮還家草遺表曰自念本非衰病初染微疴當湯駛可去之時臣以疾而為諱及鍼石已窮之後醫

束手而莫圖靖言膏肓所致之由大抵脈絡不通之故皆寓諷諫之意進顯謨閣直學士致仕贈通議大夫初奕之守瀘帝禮禮部尚書章穎曰許奕已去乎起居舍人真德秀侍帝前論人才上以骨鯁稱之奕天性孝友送死恤孤恩意備至

陳居仁字安行興化軍人父膏初為汾州教授佐守臣張克戢捍金人後知惠州單馬造繒裘墨髻曉降之鄣僧王法恩謀逆事覺或請屠城膏方為御史力論多殺非聖世事脅從者悉寬宥之居仁以廕授鉛山尉紹興二十一年舉進士秦檜與膏有故有勸以一見可得美官居仁曰是有命焉終不自通移丞豐令入監行在點檢贍軍激賞酒庫所羅場詔修高宗聖政與范成大並充檢討官淮甸交兵魏杞以宗正少卿使金辟居仁幕下時和戰未決金兵駐淮北人情恟懼突騎大至彎弓夾道居仁上馬猶從容舉酒屬杞天寒且醕此觴觀者壯之乃諭金人開道入卒成禮減威幣而還因出疆賞轉承議郎授諸王宮大小學教授杞秉國柄居仁忍貧需遠次未嘗求進虞允文欲引以為用不就允文欲與論兵謝不能退而貽書謂有定力乃可立事若徒為大言終必無成幸成亦旋敗允文為之色動徙主軍器監簿轉對言立國須定規模陛下非無可致之資而規模未立孝宗初頗不憚曰朕未嘗不立規模居仁奏陛下銳意恢復繼乃通和和戰守三者迄今未定孰為規模耶允文曰此正前日定力之論某今益知此言之當也歷遷祕書丞入對論文武並用長久之術陛下獎進武臣深得持平救偏之道然未必得智謀勇略之士或多便佞輕躁之徒將復有偏勝之患帝嘉納禮部郎官

嘗言臺閣宜多用明習典故之士帝問其人居仁以李燾莫濟對甫數日召燾居仁力請外乃知徽州至郡告以天子節經費以惠儉瘠不能推廣聖德吏則有罪乃招三衙軍植二表於庭有輪綱中度而遭抑退者抱所輸立表下親視之人無留滯吏不能措手輸稅者恆裹贏以歸鄰州有訟多詣臺省乞決於居仁秩滿郡人挽留由開道始得去入對帝舉新安之政獎之請編類隆興以來寬恤詔令有曰法久則易玩事久則易怠惟申加戒飭有以儆其觀聽則千萬年猶一日帝曰名言也又言歸正忠順過於優渥而遇戰士反輕此曹出萬死策勳今老矣添差已罷廩稍半給至旬於市軍士解體乞加優恤以終始念功之意堅後生圖報之心帝嘉之

會駕大閱白石即命再添差兩任衣糧全給三軍為之呼舞留為戶部右曹郎官命未下朝方推會要賞帝曰陳居仁治行為天下第一可因是并賞之特轉朝議大夫兼權度支又兼權禮部會樞屬關員方進擬帝曰豈有人才如陳居仁而可久為郎乎即授樞密院檢詳文字尋為右司遷左司又遷檢正中書門下省諸房公事歷兼左藏諸庫居仁親視案牘有誣枉者七人皆當敘復執政難之居仁退疏其寃狀帝曰居仁精審尚復何疑詔以早求言居仁乞命公卿務行寬大假吏部尚書使金還遷起居郎尋兼詳定一司敕令兼權中書舍人泛恩濫賞封繳無所避因言恩惠不及小民名為寬適負責以惠頑民耳名為赦有罪實以惠姦民耳願盡放天下五等戶身丁四等戶一半從之安定王子彤乞封妾為夫人居仁繳奏帝喜謂有補風教又論君人之道貴執要今陛下親細故而忽遠散事末節而忘大體願

舉綱要以御臣下省思慮以頤精神詰旦令清中書之務權直學士院帝曰內外制向委數人今陳居仁一人當之不見其難乞詔大臣博議絕浮費汰冗兵計當省之數定錮除之目此富民之要術也以集英殿修撰知鄂州築長隄扞江新安樂寮以養貧病之民撥閒田歸之進煥章閣待制移建甯府歲饑出儲粟平其價弛逋負以巨萬計代輸畸零商稅有因告羅殺人者會赦免居仁曰此亂民也釋之將復出為惡遂誅之觀察推官柳某死貧不克歸二子行乞于道聞而憐之予之衣食買田以養之擇師以教之鎮江大旱又移居仁守鎮江請以緡錢十四萬給兵食不報為書以義撼丞相然後許發時密往覘之聞遣糶運於荆楚商人商人曰是陳待制耶爭以粟就糶居仁區畫有方所存活數萬計因饑民治古海鮮界港為石礎丹徒境上蓄泄以時以通漕運加寶文閣待制知福州入境有饑民嘯聚部分牙兵遮擊之首惡計窮自經死治宗室之暴橫申蠱毒之舊禁有召命求聞者再進華文閣直學士提舉太平興

國宮卒贈金紫光祿大夫居仁風度凝遠處已應物壹以誠信臨事毅然有守所至號稱循吏皆立祠祀之子卓卓字立道紹熙元年進士其後知江州移甯國府丞相以故欲見之卓謝不往丞相益器之李全叛褫其爵詔書至准人益自勵太廟災降罪已詔京師感動皆卓所草也為簽書樞密院事未幾旬祠還里平生不營產業以贊書所酬金築世綸堂居十有六年卒年八十有六將葬事不能具丞相吳潛聞貽書制置使以助其孫定孫力請諡於朝廷迺諡清敏劉漢弼字正甫上虞人生二歲而孤母謝氏撫而教之

嘉定九年舉進士授吉州教授歷江西安撫司幹官浙西提舉茶鹽司幹官召試館職改祕書省正字積官至戶部侍郎致仕漢弼學明義利之辨爲正字時應詔言事極論致菑弭菑之道爲校書郎轉對舉蘇軾所言結人心厚風俗存紀綱又論制閩當復其舊戎司當各還其所邊郡守當用武臣又論決和戰以定國論合江淮以壹帥權公賞罰以勵人心廣規模以用人材爲著作佐郎言兵財楮幣權不可分又言取士之法詞學不當去宏博字混補不如復待補之便爲著作爲考功員外所陳皆切於時務及爲言官帝獎諭曰以卿純實不欺故此親擢宜悉心以告漢弼以臺綱久弛疏三事曰定規橐正體統遠謀慮首論給事中錢相巧於迎合睥睨政地直學士院吳愈不稱其職罷去之又劾中書舍人濮斗南左正言葉賁疏留中不出賁松陽人爲時相史嵩之腹心有使賁互按者明日賁有他命而漢弼出知温州嵩之久擅國柄帝益患苦之既復以左司諫召首贊帝分別邪正以息眾疑奏疏論立聖心正君道謹事機伸士氣收人才五事帝嘉其言併付外行之及爲侍御史密奏曰自古未有一日無宰相之朝今虛相位已三月願奮發英斷拔去陰邪庶可轉危而安否則是非不兩立邪正不並進陛下雖欲收召善類不可得矣臣聞富弼之起復止於五請蔣芾之起復止於三請今嵩之既六請矣願聽其終喪亟選賢臣早定相位帝覽納遂決乃命范鍾杜範並相百官舉劾相慶漢弼之力爲多又累章言金淵鄭起潛陳一薦謝達韓祚濮斗南王德明皆疇昔託身私門爲之腹心盤據要路公論之所切齒者至論馬光祖奪情總賦淮東乃嵩之預爲引例

之地乞勒令追服終喪以補名教帝嘗屬漢弼以進人才退而條具以奏皆時望所歸重漢弼以受知特異而姦邪未盡屏汰論議未能堅定爲慮遂感末疾居亡何遂卒特贈四官諡曰忠漢弼之沒也太學生蔡德潤等百七十有三人伏闕上書以爲暴卒而程公許著漢弼墓銘亦與徐元杰並言其旨微矣

嘉定九年舉進士授吉州教授歷江西安撫司幹官浙西提舉茶鹽司幹官召試館職改祕書省正字積官至戶部侍郎致仕漢弼學明義利之辨爲正字時應詔言事極論致菑弭菑之道爲校書郎轉對舉蘇軾所言結人心厚風俗存紀綱又論制閩當復其舊戎司當各還其所邊郡守當用武臣又論決和戰以定國論合江淮以壹帥權公賞罰以勵人心廣規模以用人材爲著作佐郎言兵財楮幣權不可分又言取士之法詞學不當去宏博字混補不如復待補之便爲著作爲考功員外所陳皆切於時務及爲言官帝獎諭曰以卿純實不欺故此親擢宜悉心以告漢弼以臺綱久弛疏三事曰定規橐正體統遠謀慮首論給事中錢相巧於迎合睥睨政地直學士院吳愈不稱其職罷去之又劾中書舍人濮斗南左正言葉賁疏留中不出賁松陽人爲時相史嵩之腹心有使賁互按者明日賁有他命而漢弼出知温州嵩之久擅國柄帝益患苦之既復以左司諫召首贊帝分別邪正以息眾疑奏疏論立聖心正君道謹事機伸士氣收人才五事帝嘉其言併付外行之及爲侍御史密奏曰自古未有一日無宰相之朝今虛相位已三月願奮發英斷拔去陰邪庶可轉危而安否則是非不兩立邪正不並進陛下雖欲收召善類不可得矣臣聞富弼之起復止於五請蔣芾之起復止於三請今嵩之既六請矣願聽其終喪亟選賢臣早定相位帝覽納遂決乃命范鍾杜範並相百官舉劾相慶漢弼之力爲多又累章言金淵鄭起潛陳一薦謝達韓祚濮斗南王德明皆疇昔託身私門爲之腹心盤據要路公論之所切齒者至論馬光祖奪情總賦淮東乃嵩之預爲引例

欽定續通志卷三百九十九

列傳

宋一百四

杜範

楊簡 錢時

張處

呂午 沅

吳昌裔

汪綱

陳宓

杜範字成之黃巖人嘉定元年舉進士調金壇尉再調婺州司法紹定六年遷大理司直端平元年改授軍器監丞明年入對言陛下親覽大政致弊必有原救弊必有本積三四十之蠹習有不可勝救者其原不過私之一字耳陛下固宜懲其弊原使私意淨盡顧以天位之重而或蔽其私憾天命有德而或濫於私子天討有罪而或制於私情左右近習之言或溺於私聽土木無益之工或侈於私費隆禮貌以尊賢而用之未盡溫辭色以納諫而行之惟艱此陛下之私有未去也和衷之美不著同列之意不孚紙尾押敕事不預知同堂決事莫相可否集議盈庭而施行決於私見諸賢在列而密計定於私門此大臣之私有未去也君相之私容有未去則教條之頒徒為虛文近者召用名儒願以其講明見之施行政祕書郎尋拜監察御史奏曩者權臣所用臺諫必其私人其所彈擊悉承風旨是以紀綱蕩然風俗大壞陛下親政首用洪咨夔王遂痛矯宿弊斥去姦邪然廟堂之上言及貴近或委曲回護而先行巧詞之請事有掣肘或彼此調停而卒收論罪之章亦有彈墨尙新而已顏除目沙汰未幾而旋得美官自是臺諫風采昔之振揚者日以鏗朝廷紀綱昔之漸起者日以壞理宗深然之丞相鄭清之妄逸邊功用師河洛兵民死

者十數萬資糧器甲悉委於敵邊境騷然中外大困範率合臺論其事併言制閫之詐謀罔上是凡侍從近臣之不合時望者監司都守之貪暴害民者皆以次論斥清之愈忌之改太常少卿轉對言今日之病莫大於賄賂交結之風名譽已墜者賈左右之譽以固寵宦遊未達者惟梯級之求以進身邊方帥臣黃金不行於反間而以探刺朝廷厚賜不優於士卒而以交通勢要以致賞罰顛倒威令慢藐罪貶者拒命不行棄城者巧計求免提援兵者召亂而肆掠當重任者怙勢而奪據下至禁旅驍悍難制監軍羣聚相剽劫望陛下母以小恩廢大誼毋以私情撻公法嚴制官掖不使片言得以入於閫禁約閹宦不使讒諂得以售其姦範自入臺屢丐祠至是復五上歸田之請皆不允遷祕書監兼崇政殿說書元兵徇江陵範乞屯兵蕪黃以防窺江且令沿江帥臣兼江淮制置大使以重其權令淮西帥臣急調兵撥糧以援江陵拜殿中侍御史辭不獲範始以不得其言不去為恨至是遂極言臺諫失職之弊時襄蜀俱壞江陵孤危兩浙震恐復言清之橫放邊費幾危宗祀及其子招權納賄貪冒無厭盜用朝廷錢帛以易貨外國且有實狀併言簽書樞密院事李鳴復與史寅午彭大雅以賄交結曲為之地鳴復抗疏自辨範又極言其寡廉鮮恥鳴復將出關帝道使召回範復與合臺奏鳴復欺君罔上無所不至如臣等言是即乞行之所言若非早賜罷斥改起居郎範奏臣論鳴復未見施行忽拜左史之命則是所言不當姑示優遷臣前者嘗奏臺諫但為仕途之捷徑初無益朝廷之紀綱躬言之躬蹈之臣之罪大矣即渡江而歸授江東提點刑獄尋改浙西提

點刑獄範力辭鳴復亦出守越嘉興二年差知甯國府明年至郡適大旱範即以便宜發常平粟又勸富公富人積粟者發之民賴以安始至倉庫多空未幾米餘十萬斛錢亦數萬悉以代輸下戶糧兩淮饑民渡江者多剽掠其首張世顯尤勇悍擁眾三千餘人至城外範遣人輒之俾勿擾以侯處分世顯乃陰有窺城之意範以計擒斬之餘眾悉使歸四年還朝首言早曠薦臻物價騰踊行都之內氣象蕭條左浙近輔猝死盈道流民充斥剽掠成風新興北兵乘勝而喜關中原羣盜假名而崛起疆場之臣肆為欺蔽勝則張皇而言功敗則掩覆而不言脫使乘上流之無備為飲馬長江之謀其誰舉捍之內憂外患之交至天人心之俱失皆權相三十年釀成之耳於是範去國四載矣帝無勞備至遷權吏部侍郎兼侍讀以久旱復言望陛下下一酒舊習以新天下出宮女以遠聲色斥近習以防蔽欺省浮費以給國用薄征歛以寬民力且儲貳未立國本尙虛乞選宗姓之賢者育之宮中而教導之又言銓法之壞廟堂既有堂除復時取部缺以徇人情士大夫既陷賊濫乃聞以不經推勘而改正凡此皆徇私忘公之害未幾復上疏請詔中外臣庶思當今急務各務悉力盡思以陳持危制變之策拜吏部侍郎兼中書舍人復極言吳賜不節修造不時玩寇縱欲數事兼權兵部尙書改禮部尙書兼中書舍人淳祐二年擢同簽書樞密院事範既入都堂凡行事有得失除授有是非悉抗言無隱情丞相史嵩之外示寬容內實忌之四年遷同知樞密院事以李鳴復參知政事範不屑與鳴復其政去之帝遣中使召回且敕諸城門不得出範太學諸生亦上書留範而

斥鳴復並斥嵩之嵩之令諫議大夫留晉之等論範及鳴復範遂行會嵩之遭喪謀起復不果於是拜範右丞相範以遜游似不許遂力疾入親帝親書開誠心布公道集眾思廣忠益賜之範上五事曰正治本肅官闈擇人才惜名器節財用仍乞早定國本以繫人心時親王近戚多求降恩澤引前朝杜衍例範皆封還乞撥堂除闕歸之吏部以清中書之務惟留書庫架閣京教及要地幹官人皆以為不便未幾赴選調者無淹滯合資格者得美闕眾始服帝命宰執各條當今利病與政事可行者範上十二事曰公用舍儲材能嚴薦舉懲職貪專職任久任使抵倖倚重闕寄選軍實招土豪疏溝洫治邊理財時孟珙權重兵久居上流朝廷素疑其難制至是以書來賀範復之曰古人謂將相調和則士豫附自此但相與同心徇國若以術相籠架非範所屑為也珙大感服未幾元軍大入五河絕中流置營柵且以重兵綴合肥令不得相援為必取壽春之計範命雜揚鄂渚二帥各調兵東西來應卒以捷聞範記功行賞莫不曲當軍士皆悅未幾卒贈少傅諡清獻

楊簡字敬仲慈溪人乾道五年舉進士授富陽主簿會

陸九淵道過富陽問答有所契遂定師弟子之禮按陸九淵

象山集象山過富陽夜集雙明閣數提本心二字因問

如何是本心陸曰惻隱之心象山之端也只此是本心簡

曰兒時已曉此語畢竟如何象山終不易其說次日有

一鸞扇者送至庭簡驚其曲直說又問象山曰適來簡

扇說者知其為是非者知其為非此即君子之心簡

忽大省振而歸拱坐達旦質明北面執弟子禮終身師事富陽民多服買而不知學簡興學養士文風益振為

紹興府司理行獄必親臨端默以聽使自吐露越陪都臺府鼎立簡中平無頗推理之從一府史觸怒帥令鞫之簡曰無罪命鞠平日簡曰吏過詎能免今日實無罪

必適往事置之法某不敢奉命帥大怒簡取告身納之

爭愈力常平使者朱熹薦之先是丞相史浩亦以簡薦

差浙西撫幹白尹張杓宜因凶歲戒不虞乃命簡督三

將兵接以恩信出諸葛亮正兵法肄習之軍政大修知

樂平縣興學訓士諸生聞其言有泣下者楊石二少年

為民害簡實獄中諭以禍福咸感悟願自贖由是邑人

以訟為恥夜無盜警路不拾遺紹熙五年召為國子博

士會丞丞相趙汝愚簡上書言汝愚之忠未幾亦遭斥

主管崇道觀嘉定中歷遷祕書省著作佐郎兼權兵部

郎官轉對極言經國之要弭災厲消禍變之道北境傳

誦為之涕泣詔以旱蝗求直言簡上封事言旱蝗根本

近在人心入對答問往復漏過八刻帝目送久之以面

對所陳未行求外補知温州移文首罷妓籍尊敬賢士

私憾五百為羣過境內分司幹官檄永嘉尉及水岩兵

捕之巡尉不白郡簡驚曰是可輕動乎萬一召亂貽朝

廷憂兵之節制在郡將違節制是不嚴天子命應新建

旂立巡尉庭下數其罪命斬之郡官交進為致悔罪意

長久得釋奏罷分司其紀律如此寓官置民田負其直

簡追其隸責之而賞所負勢家第宅障官河即日撤之

城中謹誦名楊公河簡在郡廉儉自將奉養非薄常曰

吾敬以赤子膏血自肥平問巷雍陸無分爭聲民愛之

如父母咸畫像事之遷駕部員外郎改工部員外郎遷

軍器監兼工部郎官轉朝奉大夫又遷將作監兼國史

院編修官兼實錄院檢討官轉朝散大夫金八大饑來

歸者日以數千萬計邊吏臨淮水射之簡戚然曰得土

地易得人心難中土故民顧新斗升粟而迎殺之斬脫

死乃速得死豈相上帝殺四方之道哉即日奏哀痛

言之不報會有疾請去益力乃以直寶謨閣主管玉局

觀除寶謨閣待制理宗即位進寶謨閣直學士寶慶元

年轉朝議大夫慈溪縣男尋授華文閣直學士敷文閣

直學士累加中大夫尋以寶謨閣學士太中大夫致仕

卒贈正奉大夫其論治務最急者五一曰謹擇左右大

臣近臣小臣二曰擇賢以久任中外之官三曰罷科舉

而行鄉舉里選四曰罷設法道淫五曰治伍法修諸葛

武侯之正兵以備不虞其次急者有八一曰募兵屯田

以省養兵之費二曰限民田以漸復井田三曰罷妓籍

從良四曰漸罷和買折帛暨諸無名之賦及權酷而禁

羣飲五曰擇賢士教之太學教成使分掌諸州之學又

使各擇井里之士聚而教之教成使各分掌其邑里之

學六曰取周禮及古書會議熟講其可行於世者行之

七日禁淫樂八曰修書以刑邪說此簡之志也後咸淳

間制置使劉敞即其居作慈湖書院門人錢時字子是

涪安人幼奇偉不羣絕意科舉究明理學主講席學者

興起政事多所裨益丞相喬行簡知其賢特薦之朝且

曰時夙負才識尤通世務田里之休戚利病當世之是

非得失莫不詳究而熟知之不但通詩書守陳言而已

授祕閣校勘未幾出佐領東昌幕太史李心傳奏召史

館檢閱轉對數陳剴切皆聖賢之精微旋以國史宏綱

未畢求去授江東帥屬歸寶祐閣守季鏞祠子學

張處字子宓慈溪人慶元二年進士故事潛邸進士升

名慮不以其陳授州教授為浙東帥屬帥督新昌舊道

慮手書諫曰越人之瘠宜咻撫摩之今夏稅當寬為

之期尙可理舊逋耶力辭不行主管戶部架閣文字改

大學正時新進者多逞小才害大體轉對言立國有大

經人主當以靜制天下之動今日之治或有鄰於銀薄而佛人心傷國體者宜有以革之遷太常博士又遷國子博士時金垂亡因論自治之道謂天下之治必有根本城郭所以禦敵也使溝壑有轉徙之民則何敵之能禦諸將所以備患也使枵腹盼盼不得食則何患之能備繕城郭聚米粟恃此而不惜乎民則其策下矣時以早求言即上疏曰上天之心即我祖宗之心數年以來蓋有為祖宗所不敢為者議者惟知衰靡之俗不可不振起圯壞之風不可不整刷不知元氣已傷而不可再擾人心方蘇而不可駭動也且造楮初欲便民朝廷既以一切之政賦其聽復以一定之價迫之從郡縣之閒遂騷然矣監司郡守老成遲鈍者悉屏而不用而取夫新進喜功名者為之見事則風生臨事則痛決事未果集而根本已蝕國未有益而民生已困凡此皆有累於祖宗仁厚之德此早勢之所以彌甚也遷國子監丞轉對願力主正論勿使迎合之人得以投吾機遷祕書郎預編寶宗會要遷著作佐郎兼權都官郎官轉對言邊事有二病戰者當知彼和則當請於彼惟守則自求諸己當明告天下日講求其所以守之之策用人不可以嘗試任人不可以自疑遷祕書丞改著作郎以疾乞外出知南康至郡剖決滯訟眾皆悅服轉運使以錢萬二千緡置平糶於郡處復出錢萬二千緡以增益之民賴其利將增建禁旅營地屬民者索質劑視元直憤之徙知處州移知温州力辭遂直祕閣主管千秋鴻禧觀參議置制使幕中使者尙威力懷諫自用慮守正不阿每濟以寬大又上書論海防利便主管玉局觀端平初召為國子司業兼侍講以禮記月令進讀至獄訟必端平

之語因敷暢厥旨入陵來復將議修奉而論者未能協一慮議曰當乘此時遣官肅清威儀申祗奉故事如或為其所給功未即就亦足以感動天下忠臣義士之心力辭勸講之職升國子祭酒以為月令之書雖出於呂不韋然人主後天而奉天時此書不為無助乃因已講者為十二卷乞按月觀之兼權工部侍郎兼國子祭酒命下而卒詔贈四官諡文靖按兩浙名賢錄載處卒諡文靖宋史本傳不載今據補呂午字伯可歙縣人嘉定四年進士授烏程主簿郡守致之幕下事一決於午守張忠恕丞相浚之孫薦午尤力調當塗縣丞守吳柔勝謂午有操守俾其子淵潛定交馬會司理攝蕪湖縣廬州遣兩兵會公事司理遂以廬兵奪縣民為言柔勝怒悉真獄屬午問之午謂廬州有公憤不可謂奪民柔勝愈怒再以屬午午執前說柔勝益加怒謂我不忍廬兵奪吾百姓欲黥二兵午徐曰廬州初無公憤則可有則縣不為處置而反罪廬兵恐不可久之卒從午請由是柔勝益知午陳貴誼守太平屬午安集淮南流民江東提舉徐僑知午在郡辟為幕屬既而僑行部以田事迂丞相史彌遠以言罷午還當塗改知餘杭縣亦以言罷公論大不平然午自此名益重浙東提舉章良朋留之幕良朋旋兼沿海制置司事海寇未平問策安在午廉知調軍出海糧盡即還軍獲寇物官盡拘收乃與制置司幹官施一飛議糧盡再給不許擅還賊舟所有悉以給軍海道遂清差知龍陽縣才簿書賢士大夫以待用而午治縣之政亦書之差兩浙轉運司主管文字運使罷以午護印半年或問彌遠

何以不注官彌遠曰爾謂護印官不能耶午間之力辭差監三省樞密院門兼監提轉封樁上庫丁父憂免喪遷太府寺簿拜監察御史帝親擢也鄭清之喪師至是丁輟死於成都史嵩之孟珙在京湖嵩之尋升督府陳輝杜杲在淮泗王鑑在黃州計用兵十七萬人圍始解獨周葵在淮東不受兵而坐視不出兵應援午疏論邊關角立當協心釋嫌而乃幸災樂禍無同舟共濟之心葵以為午黨京湖制司而嵩之亦憾午乃遷宗正少卿兼國史院編修官實錄院檢討官出知泉州初左丞相李宗勉深以葵之言為疑會來自淮東者乃言臺官皆與葵交書獨呂御史無之宗勉始以午為賢語人曰呂伯可獨立無黨者嵩之得彌遠人才簿心知敬午而內怨所論兵事及午移浙東提刑嵩之令鄂咏嗾董復亨論罷中外不直嵩之提舉崇禧觀再移浙東提刑復為監察御史入見帝曰卿向來議論甚明切兼崇政殿說書嵩之不欲午之經筵欲臧之以午嘗劾王瓚姻家史洽遂以瓚為右正言午即治裝去帝手詔趣留之午力辭不允由是再留而議論愈不合遷起居郎兼史院官官至十奉大夫開居一紀卒年七十有七累贈至華文閣學士通奉大夫子沆沆字叔朝以恩補將仕郎端平三年銓試第一授黃巖縣主簿改知於潛縣重囚逸聞沆直至自歸通判婺州朱君章訟爭田四十有二年吳王府爭墓二十有九年沆皆決之歷四轉六院之文思官告書擬尚書左右郎官事賈以道議行公田彗星見沆請罷公田還民及理宗崩似道矯詔廢十七界會子行闕子沆力言非便似道大怒調將作監簿久之與雲臺觀起知興國軍未赴論

仍雲臺觀起知全州未赴與仙都官德祐元年三學伏闕上書訟沆屈召赴行在沆不復出卒年八十有一

吳昌裔字季承中江人蚤孤與兄泳痛自植立不逐時好得程頤張載朱熹諸書輒研經不倦嘉定七年舉進士聞漢陽守黃幹得熹之學往從之調閩中尉利路轉運使曹彥約聞其賢俾司糴場時歲饑議糴上流昌裔請發本倉所儲數萬而徐糴以償從之調眉州教授眉士故尙蘇軾學昌裔取諸經爲之講說祠周惇頤及頤頤載熹揭白鹿洞學規做潭州釋奠儀簿正祭器土習丕變制置使崔與之薦之改知華陽縣修學宮來四方士斥羨錢二十萬緡買良田備旱通判眉州攝郡事御軍有紀律尋權漢州核兵籍興社倉郡政畢舉興元帥趙彥呐議東納武仙西結秦華人莫敢言昌裔獨力辨其非未幾武仙敗二州之民果叛端平元年入爲軍器監簿改將作監簿太常少卿兼吳益王府教授轉對首陳六事其目曰天理未純天德未健天命未敕天工未亮天職未治天討未公凡君臣之綱兄弟之倫舉世以爲大戒而不敢言者皆痛陳之至於邊臣玩令陟罰無章尤拳拳焉拜監察御史彈劾無所避時有爭常州田萬四千畝平江亦數百畝株連百餘人視其贖乃趙善湘之子汝橋汝梓也州縣不敢決昌裔連疏劾罷之冬游雷春大雨雪昌裔草疏凡上躬缺失宮庭廢私廟堂除授皆以爲言又言將帥方命女寵私謁舊黨之用邊疆之禍皆此陰類又念蜀事帖危條四事以進實規撫審功賞訪軍實儲帥才時有果閬州守臣逃遁而進職有知遂甯李煒父子足迹不至邊廷而受賞憤軍之趙楷棄城之朱揚祖皆不加罰又帥臣趙彥呐年老智衰

其子淫刑驍貨士卒不用命安矣仲恥遭梓彈經營復用欲起諸籍以代帥垣昌裔皆抗疏彈擊又歷言三邊之事且援靖康之弊痛哭言之黜爲大理寺少卿屢疏引去不許會杜範再入臺擊參政李鳴復謂昌裔與範善必柅爲謀者數讒之以權工部侍郎出參贊四川宣府司軍事人曰此李綱救太原也太原不可救特以綱主戰故出之耳昌裔曰君命也不可不亟行慷慨襍被出闕忽得疾中道病甚帝聞之授秘閣修撰改嘉興府昌裔曰吾以疾不能歸救父母上負聖恩下負此心若舍遠就近舍危就安人其謂我何辭至四五而言者以避事論矣改贛州辭以右文殿修撰主管鴻慶宮遷浙東提刑辭改知婺州婺告旱民日夜望之乃不忍終辭減騶從供帳遣僚佐召邑令周行阡陌蠲粟八萬一千石錢二十五萬緡有奇加集英殿修撰以寶章閣待制致仕卒昌裔剛正莊重遇事敢言典章多所矚習初昌裔與徐清叟杜範一日並入臺皆天下正士四方想聞風采人至和三諫詩以侈之然才七閱月以遷故莫不惋惜云後諡忠肅

汪綱字仲舉黟縣人簽書樞密院勅之曾孫也以祖任入官淳熙十四年中銓試調鎮江府司戶參軍馬大同鎮京口強毅自任綱言論獨不詭隨議者欲以兩淮鐵錢交子行於沿江廷議令大同倡率行之綱貽書曰邊面行鐵錢慮銅寶洩於外耳私鑄盛行故錢輕而物重今若場務出納不以鐵錢取息堅守四色請買舊制治鑄定額不求餘美重禁以嚴私鑄支散邊戍與在軍中半者無異不以鐵錢準折則淮民將自便之何至以敵內郡邪大同始悟試湖南轉運司又中綱笑曰此豈足

以用世澤物耶乃刻意問學精究義理調桂陽軍平陽縣令縣運溪峒蠻蛋與居綱一遇以恩信科罰之害既三十年綱下車首白諸臺罷之桂陽歲貢銀二萬九千餘兩而平陽當三分之一綱謂向者銀礦全發價輕可勉以應今地寶已竭市於他郡其價倍徙力請蠲損之歲饑旁邑有曹伍者羣聚惡少入境強貸發廩至千餘挾界頭牛橋二若兵爲援地盤踞萬山間前後今未嘗一涉其境不虞綱之至也相率出迎綱已夙具酒食令之曰汝何敢亂順者得食亂者就誅夜宿岩中呼若官詰責不能防守狀皆皇恐伏地請死杖其首惡發粟賑糶民賴以安改知金壇縣親嫌更弋陽縣父義和爲侍御史丁父喪服除知蘭溪縣決擿如神歲旱郡倚辦勸分綱謂勸分所以助義倉一切行之非所謂安富恤貧也願假常平錢爲糶本使得循環迭濟又躬勸富民浚築塘堰大興水利饑者得食其力全活甚眾郡守張抑及部使者列綱爲一道荒政之冠以言去邑人相率投匭直其事綱力止之繼知太平縣擢監行在左藏西庫屬金宣宗初立遣使來告襲位議者即欲遣幣綱言使名不遜當止之境上姑命左帑視例計辦或且留京口總司令盱眙守臣諭之曰紀年名節皆犯先朝避忌歲幣乃爾前主所增今既易代當復隆興大定之舊檢此議定而後正目生辰之使可遣遲以歲月吾擇邊將葺城堡簡軍實儲峙糧糧使沿邊屹然有不可犯之勢聽其自相攻擊然後以全力制其後廟堂聽之提轄東西庫又幹辦諸司審計司以選知高郵軍陸辭言揚楚二州當各屯二萬人壯其聲勢而以高郵爲家計若高郵三面阻水湖澤奧阻戎馬所不能騁獨西南一路直

距天長無險可守乃去城六十里隨地經畫或浚溝塹或備設伏以扼其衝又慮湖可以入淮招水卒五千人造百艘列三砦以戒非常興化民田濱海昔范仲淹築堰以障烏鹵守毛澤民置石礎函管以疏運河水勢歲久皆壞綱乃增修之部使者聞于朝增一秩提舉淮東常平淮米越江有禁綱念淮民有警則室廬莫保歲凶則轉徙無歸豐年可以少蘇重以苛求自分畛域豈爲民父母意哉請下金陵糴三十萬以通淮西之運京口糴五十萬以通淮東之運又言兩淮之積不可多異潤之積不可少平江積米數百萬陳陳相因久而紅腐宜視其收貯近久取餉輩下百司諸軍江上歲俸當至京者貯之京口金陵轉漕兩淮中都諸倉亦當廣糴以補其數制置使訪綱備禦孰宜先綱言淮地自昔號財賦淵藪西有鐵冶東富魚稻足以自給淮右多山淮左多水足以自固誠能合兩淮爲一家兵財通融聲勢合一雖不假江浙之力可也祖宗盛時邊郡所儲足支十年慶厯開中山一鎮尙百八十萬石今宜上法先朝令商旅入粟近塞而算清錢貨於京師入粟拜爵守之以信則輸者必多邊儲不患不豐州郡禁兵本非供役乃就糧外郡耳今不爲戰鬪用乃使之其力役緩急戍守專倚大軍指日待更不安風土豈若土兵生長邊地墳墓室家人自爲守邪當精擇伉壯廣其尺籍悉綠御前軍額分孽券給以助州郡衣糧之功大率如山陽武鋒軍制則邊面不必抽江上之戍江上不必出禁關之師生券更番勞費俱息時有獻言制司廣買荒田開墾以爲營田綱以爲荒瘠之地不難辦而工力水利非久不可棄產欺官良田終不可得耗費公帑開墾難就曷若勸

民盡耕開田則澮理塞則官爲之助變瘠爲沃使民有餘蓄晷錯入粟之議本朝便糴之法在其中矣制司知其無益乃止淮東煮鹽之利本居天下半歲久弊滋鹽本日侵帑儲空竭又會餉所復鹽鈔舊制弗許商人預供貼鈔錢鹽司坐是窘不能支綱扶掖隱伏凡虛額無實詭爲出內飛走移易事制曲防課乃更羨綱約已率下辭臺郡之互餽獨增場官奉以養其廉擢戶部員外郎總領淮東軍馬財賦綱核名實警稽慢區畫處分餉事賴以不乏移疾乞閒得直祕閣知婺州改提舉浙東刑獄皆屢辭不得請慮囚至婺有奴挾刃欲殘其主不遇而殺其子誦調妄牽連徑出斬之釋衢囚之寃者台盜鍾百一非其盜尉覲賞躡申制司綱謂治盜雖尙嚴豈得鍛鍊傳會以成其罪於是得減死禱雨龍瑞宮有物蜿蜒朱色盤旋壇上者三日綱曰吾欲雨而已毋爲異以惑眾言未竟雷雨大至歲以大熟進直煥章閣知紹興府主管浙東安撫司公事兼提點刑獄訪民瘼罷行尤切蕭山有古運河西通錢塘東達台明沙漲三十餘里舟行則膠乃開浚八千餘丈復創甬江口使泥淤弗得入河水不得洩於涂則盡發以達城闔十里創一廬名曰施水主以道流於是舟車水陸不問晝夜暑寒竟行利涉歎所忘勸屬邑諸縣瀕海而諸暨十六鄉瀕湖蕩濼灌溉之利甚博勢家巨室率私植堰岸圍以成田湖流既東水不得去雨稍多則溢入邑居田間寢蕩瀕海藉塘爲固隄岸易圯鹹鹵害稼歲損動數十萬畝蠲租亦萬計以綱言詔提舉常平司發田園奇援巧請一切峻卻而湖田始復郡備繕錢三萬專備修築而海田始固綱謂是邦控臨水道密拱都畿而軍籍單弱乃

招水軍刺叉手教習甚專不合他役創營千餘間寬整堅密增置甲兵威聲赫然兼權司農卿尋直龍圖閣因任理宗即位詔爲右文殿修撰加集英殿修撰復因任又加寶謨閣待制寶慶三年大水綱發粟三萬八千餘緡錢五萬賑之蠲租六萬餘石捐瘠頓蘇無異常歲越有經總制窠名四十一萬其中二十五萬則紹興以來虛額也前後帥懼負殿以修奉攢宮之資僞增焉綱謂負殿之責小罔上之罪大摭其實以聞詔免九萬五千緡而宿弊因是著明也紹定元年召赴行在綱入見言臣下先利之心過於徇義爲身之計過於謀國媮情退縮奔競貪黷相與爲欺宜有以轉移之帝曰聞卿治行甚美越中民力如何對曰去歲水潦諸暨爲甚今歲幸中熟十年之閒于里晏平皆朝廷威德所及臣何力之有權戶部侍郎越數月上章致仕特畀二秩守戶部侍郎仍賜金帶卒綱學有本原多聞博記遇事立決公庭如水卑官下吏一言中理慨然從之爲文尤長於論事援據古今辨博雄勁服用不喜奢麗供帳車乘雖敵不更

陳宏字師復丞相俊卿之子少嘗及登朱熹之門熹器異之長從黃幹遊以父任歷泉州南安鹽稅知安溪縣嘉定七年入監進奏院時無敢慷慨盡言者宏上封事言官闕儀刑有未正朝廷權柄有所分政令刑賞多所舛逆奏入丞相史彌遠不樂而中官慶壽三牙獻遺至是爲之罷卻尋遷軍器監簿九年轉對言人主之德貴乎明大臣之心貴乎公臺諫之言貴乎直指陳故事視前疏尤剴切焉宏遂請罷歸在告日擢太府丞不拜出知南康軍至官歲大稔奏蠲其賦十之九會流民羣集

宓就役之築江隄而給其食時造白鹿洞與諸生討論
改知南劍州時大旱疫癘通賦十數萬且弛新輸三之
一躬率僚吏持錢粟藥餌戶給之創延平書院悉做白
鹿洞之規知漳州未行聞甯宗崩嗚咽累日亡何請致
仕寶慶二年提點廣東刑獄章復三上迄不就以直祕
閣主管崇禧觀宓拜祠命而辭職名進職一等致仕卒
初宓之在朝也寺丞丁焞往使金宓歎曰世讐未復何
以好爲後數年聞關外不靖以書抵焞曰蜀口去關外
雖遠實如一身近事可寒心皆士大夫之罪豈非賄道
不絕之故耶焞服其言宓天性剛毅信道尤篤嘗爲朱
墨銘謂朱屬陽墨屬陰以驗理欲分寸之多寡自言居
官必如顏真卿居家必如陶潛而深愛諸葛亮身死家
無餘財庫無餘帛庶乎能蹈其語者端平初殿中侍御
史王遂首言宓事先帝有論諫之直而不及俟聖化之
更宜褒其身後以勸天下之爲臣者帝爲感動詔贈直
龍圖閣

列傳

宋一百五

王寔

高定子

高斯得

張忠恕

唐瑋

王寔字定叟東陽人少有奇氣試有司不偶去就武舉
寔定四年中絕倫異等齋行簡考藝別頭喜曰吾為朝
廷得一帥才矣授承節郎從鄂帥鍾與嗣成邊為隨軍
都錢糧官總領募奎委寔專一教閱總效軍等委帥師
守禦黃州沿江制置副使李璣置幕下淮右兵叛遣
寔招諭之寔於軍事知無不言謂招募良家子不可以
黃緣關節冒濫防守江面全藉正軍若義勇民兵特可
為聲援耳而所謂大軍羸病者多兵械損舊豈不敗事
調兵防江當於江岸創屋居之使之專心守禦諸軍伍
法既廢平居則無以稽其虛籍冒請之弊無以糾其竄
逸生事之人緩急則無以稽其併力向敵之志無以連
其逃陳不進之心此尉繚子所以著東部伍之令太公
謂伍法為要者謂此也用兵不以人數多寡為勝負惟
教習之精否則勝負之形可見矣理宗即位特差充浙
西副都監湖州駐劄時潘甯等起兵事甯定寔因緩撫
之鎮江都統趙勝辟為計議官時李全寇鹽城攻海陵
勝出戍揚州屬官多憚從行寔慨然曰此豈臣子辭難
之日身先士卒大小十八戰無一不利奪賊壕築土城
焚城門賊氣為懾差知應州兼沿邊都巡檢使節制黃
莆後營彈壓諸道軍馬諸道兵二十萬將往收復楚州
寔帥所部為犄角之助大帥薦之召試為閤門舍人又
對言恢復之說有二日規撫日機會顧今日之規撫安

在哉守令所以牧民而惠養之未加將帥所以御軍而
拊循之未至邦財未裕而楛券之弊深深軍儲未豐而
和籩之害徒慘官有土地而荒蕪民因賦役而破蕩獄
訟類成冤抑銓曹率多淹留薦舉無反坐貪徒得以引
類而通班按刺不徇公微官易以迂意而連謫以言郡
計則紛耗於囊橐包直以言戰功則多私於親昵故舊
至如降卒中處養費遺患輕敵開邊以肉餒虎夫以規
撫之切要者而不滿人意如此臣敢輕進恢復之說以
誤上聽誠懲其舊而圖其新規撫既立然後義旗一麾
諸道竝進臣力向此願效前驅帝稱其言可宋升武功
大夫出知濠州節浮費糶粟買馬以備不虞等差知安
豐軍臣僚上言王寔在濠人甚安之不宜輕易詔再任
濠職事修舉北兵至浮光其民奔遁相屬于道朝論以
為寔可守之乃知光州兼沿邊都巡檢使冒雪夜行倍
道疾馳至州分遣間探整飭戰守之具大戰于謝合橋
光人遂安尋為吉州刺史仍知光州寔固辭丞相鄭清
之制置使史嵩之皆數以書留寔寔不從且曰士大夫
當以世從道不可以道從世也再授閤門舍人遷達州
刺史右屯衛大將軍兼知蘄州不赴遷淮西馬步軍副
總管兼淮西遊擊軍副都統制論遊擊軍十事不報提
舉崇禧觀知高郵軍流民弟邦傑聚眾三千人為盜寔
勦其渠魁餘黨悉散時議出師和者甚多寔以為莫若
遣間探覘敵情如不得已然後行之否則無故自勞其
根本是外兵未至而內兵先慘烈也諸軍舉行惟高郵
遲之境內賴以安全由是與時迕而譏者益眾提舉雲
臺觀執政期論邊事且謂朝廷即有齊安之命寔曰秋
防已急邊守不宜臨時更易蓋少需之乃授帶行左領

軍衛大將軍充沿江制置副使司計議官寔乃撰沿江
等邊誌一編上之制置使董槐鄧泳交薦差知壽昌軍
改蘄州建學舍祠忠臣嘗歎曰兩淮藩籬也大江門戶
也三輔堂奧也藩籬不固則門戶且危門戶既危則堂
奧豈能久安乎於是貽書丞相杜範乞瞰江審察形勢
也三新城斬春置于龍眼磯安慶置于孟城滁陽置于
宣化不報卒初其父析業寔獨以讓其兄處宗族有恩
章嘗訓其子弟曰窮理盡性學之本也

高定子字瞻叔利州路提點刑獄兼知沔州稼之弟也
嘉泰二年舉進士授郫縣主簿吳曦畔乞解官養母曦
誅攝府事宇文公以忠孝兩全薦之調中江縣丞其父
就養得疾定子衣不解帶者六旬居喪哀毀骨立服除
辟丹稜令尋以同產弟魏了翁守眉改監資州酒務丁
母憂服除差知夾江縣前是酒酷貨林于商人定子給
錢以糴且寬權酷民以為便麻菽舊有征定子悉弛之
會水潦洊饑發縣廩給諸富家俾以時價糴至秋而償
須與米溢于市四川總領所辟主管文字同幕有以趣
辦為能迫促諸郡者定子曰使者斥去之總領所治利
州倚酒權以佐軍用吏姦盤錯定子躬自究詰酒政遂
平後來者復欲增課定子曰前以吏蠹亦既革之今又
求益是再權也乃止制置使鄭損剛復自用誤謂總領
所擅十一州小會子之利奏請廢之令下民疑而罷市
定子力爭謂小會子實以代錢百姓貿易賴是以權川
引罷則關隴之民交病況又隆興開得言為之非擅也
乃得存其半損又欲增總領所鹽課取舊貨軍費定子
辨其顛末損乃釋然尋差知長甯軍長甯地接夷獠公
家百需皆仰消井鹽利來者往往因以自封殖制置司

家百需皆仰消井鹽利來者往往因以自封殖制置司

又權入其半定子至爭於制置使得獨重賦差知綿州元兵穿鳳州塞破武休下興元小校張鉞以其徒潰入文州殺守臣楊必復將自龍趨綿以聞成都安撫使黃伯固聞之亟奏定子兼參議官措置文龍備禦定子乃部分諸軍扼清塘嶺鉞就擒已而劔南大震定子語僚吏曰諸君去留不敢拘若某則守城郭封疆之臣有死而已乃下令招潰卒人給緡錢五十米一石命都監陳訓專任接納訓忽奔告曰諸軍雖受招不肯釋甲奈何定子乃令帳下率衣甲於兩廡以俟戒毋輕動俄而諸軍盛陳兵以至吏士皆股栗定子坐堂上傳令勞苦之諸軍皆拜定子開諭以理使還本部以俟給犒諸將聞之亦來上謁定子復慰安之皆曰制置使未知存亡諸軍無主定子曰大帥不過暫移治爾苟終不獲我當為汝曹主張且諸軍至此以無糧故吾州當任供億又曰敵將復會于此盍避之定子曰我文官也不畏汝汝將軍也世世衣食縣官乃欲避敵乎今諸軍大集萬一敵至能戮力出戰是汝曹立功報國之機不猶愈於深入內郡為罪滋大乎取悅而去乃遣吏給犒如令闢寺觀祠宇以舍之亡幾何敗將和彥威陳邦佐曹旒張涓姚承祖等皆集于彰明剽掠尤甚彥威遣邦佐入州大言駭眾謂定子曰知府何不去和太尉兼兩戎司威權甚重麾下兵且二萬餘欲來駐此今至矣定子謂曰本州素非備禦之地大將以兵入欲何為者第來吾固有以相待邦佐色沮乃曰已遣幕府來議至則一遊士爾繆為恭敬要索甚大定子答曰軍將入吾境當受吾節制惟各守紀律則給以錢糧若敵至為國一死則忠臣孝子愈於病五日不汗死者幕府真能對出彥威符移有

云大府招散軍人給錢米若干今所部不下二萬人願知數得之定子報曰本州已下此令何敢食言但所給者乃潰軍就招免罪之人都統所部非潰也若以此例相給其肯受乎彥威得檄甚慙乃乞別給錢糧以饒軍定子即捐四十萬緡與之仍趣其還成蓋定子身任兩司之責極其勞勩以收捕張鉞功進三官以防遏招收潰兵功又進一官進直寶章閣再任頃之召入奏事極言時弊時史彌遠執國柄久曰陛下優禮元勳俾得以弛繁機而養靜壽朝廷得以新百度而革因循不亦善乎既對人為定子危之定子曰垂逢得喪是有命焉吾得盡言乃報君職分也越兩月遷刑部郎中尋以直寶謨閣江南東路轉運判官陛辭帝曰淮師巡邊卿知之乎輔車之勢漕運為急卿是行宜斟酌緩急以相通融定子疏論邊事甚周悉帝嘉納高踰年召入奏事會稼死事于沔州引疾乞歸田里不許尋遷軍器監又遷太府少卿升計度轉運副使有事于明堂天大雷雨詔求言定子反覆論敬懼災異之意復召入遷司農卿兼玉牒所檢討官入對言內治不修外懼不謹近親有豫政之漸近習有弄權之漸小人有復用之漸國柄有陵夷之漸士氣有委靡之漸主勢有孤立之漸宗社有玷危之漸天變日多地形日蹙昔有危服今有危形昔有亡理今有亡證又請明詔沿流帥守將吏思出奇乘險求為水陸可進之策升兼樞密都承旨又遷太常少卿兼國史院編修官累言邊事遷起居舍人尋兼中書舍人參贊京湖江西督視府事定子親往周視新城大橋諸軍激厲守將遷禮部侍郎仍兼中書舍人即軍中賜金帶詔以督府事入奏既至帝勞問甚渥特進一官尋

兼崇政殿說書兼直學士院未幾改侍講權禮部尚書升兼侍讀入奏言國無仁賢無禮義無政事有類叔世帝疎然尋兼直學士修孝宗甯宗日歷書成上進擢拜翰林學士知制誥兼吏部尚書升兼修國史實錄院修撰乞召收李心傳卒成四朝志傳時禮部尚書杜範吏部侍郎李韶皆以伉直稱或乞身求去或臥家不出定子言人主寄耳目者臺諫補耳目之所不逮者法從之論思百官之輪對宜速返李韶以開不諱之門勉起杜範以伸敢言之氣因乞歸田甚力進端明殿學士簽書樞密院事尋兼權參知政事仍舊職知福州福建安撫大使力辭退居吳中以資政殿學士轉一官致仕卒贈少保高斯得字不妄利州路提點刑獄知沔州稼之子也申成都路轉運司試補入大學紹定二年舉進士授利路觀察推官越二年辟差四川茶馬幹辦公事李心傳以著作佐郎領史事即成都修國朝會要辟為檢閱文字端平二年稼死事于沔時元兵屯沔斯得日夜西嚮號泣會其僮至自沔知稼戰沒處與斯得潛行至其地遂得稼遺體奉以歸見者感泣服除哀傷不已無意仕進心傳方修四朝史辟為史館檢閱秩同祿閣校勘蓋創員也斯得分修光甯二帝紀尋遷史館校勘又遷軍器監主簿兼史館校勘時丞相史嵩之柄國斯得遇對空臆蓋言冬雷斯得應詔上封事乞擇才並相由是迂嵩之意遷太常寺主簿仍兼史館校勘時斯得叔父定子以禮部尚書領史事時人以爲美談會太學博士劉應起入對拄藜之藜之志使其黨言叔父兄子不可同朝以斯得添差通判紹興府治祐二年

按宋史本傳作道熙二年考高熙李

宗年號也清祐為理宗年號高孝光當四朝國史四朝成于理宗清祐二年清照應為清祐之誤今改帝紀書成上之嵩之妄加毀譽於理宗濟王改斯得所草甯宗紀末卷斯得與史官杜範王遂辨之然書已登進心傳藏斯得所草題其末前史官高某撰而已踰年添差通判台州範既入相召為太常博士遷祕書郎六年正月朔日食斯得應詔上封事言大姦嗜權巧營毒服陛下奮獨斷而罷退之是矣諫憲之臣交疏其惡或請投荒或請勒休乃一切寢而不宣俾於襄經之時妄致掛冠之請因降命苟塞人言是以謫言並與善類解體謂聖意之難測而大姦之必還莽卓操懿之禍將有不忍言者時監察御史江萬里及它臺諫累疏論嵩之罪惡竟不施行第因嵩之致仕子祠而已故斯得封事首及之又言大臣貴乎以道事君今乃獻替之義少而容悅之意多知恥之念輕而患失之心重內降當執奏則不待下殿而已行濫恩當裁抑則不從中覆而遠命嫉正庇邪喜同惡異任術詭道樂媮憚勞陛下虛心委寄所責者事而其應乃爾時范鍾獨當國過失日章故斯得及之又言便嬖側媚之人尤足為清明之累陰姦伏蠱互煽交攻陛下之心至是其存者幾希矣言尤切直帝嘉納焉又言羣臣龐雜官禁奇衰驥賁外交坐視不問大權旁落養成積輕之勢以開窺覷之漸於是羣檢悚懼合力排擠斯得遂求補外在告百餘日差知嚴州斯得三請乞祠不許嚴環山為郡雖豐歲猶仰他州夏早斯得錫租發廩招糴勸分請于朝得米萬石以賑濟遷浙東提點刑獄遂劾知處州趙善瀚知台州沈堡等七人以勢厲民疏上不報改江西轉運判官斯得具辭免上奏曰臣劾奏趙善瀚等七人未聞報可善瀚

者侍御史周坦之婦翁沈璧者簽書樞密院事史宅之妻黨祖宗以來未有監司按吏一不施行者臣身為使者劾吏不行反叻易節乞併臣鑄罷以戒奉使無狀章上七人竟罷去未幾坦亦罷移湖廣提點刑獄薦通判潭州徐經孫等六人攸縣富民陳衡老以家丁糧食資強賊劫殺平民首吏受賕左右之斯得研鞫得其狀黥配首吏追毀衡老官資簿錄其家衡老婿吳自性與衡老館客大學生馮焯等謀中傷斯得盜拆官檣斯得復正其罪具得自性等交通省部吏胥情狀黥配自性及省寺高鑄等二十餘人加直祕閣湖南轉運判官改禮部郎中權左司力辭內批兼侍立修注官言水災日顯陛下立罷新寺土木速反廷旨諸臣過絕妄說主張善良謹重刑辟愛轄土類抑遠佞臣絕其干撓則天意可回和氣可召會給事中趙汝騰去國斯得言汝騰一世之望宗老之重飄然引去臣深惜之時上封事言得失者眾或惡其謹諷遂謂空言無補國事斯得因轉對言諸臣之言上則切劇聖主下則砥礪大臣內則摧壓姦衷外則銷遏寇虐願以為無補於實政乎空言之議好名之說欲一網君子而盡去之其言易入其禍難言不可不深留聖慮者也監察御史蕭泰來論罷踰年以直實文閣知泉州力辭遷福建路計度轉運使朝廷行自實田斯得言按史記泰始皇三十一年令民自實田主上臨御適三十一年而異日書之史冊自實之名正與秦向丞相謝方叔大媿即為之罷重槐入相召為司農卿程元鳳入相改祕書監丁大全相監察御史沈炎論斯得以閩漕交承錢物安吉守何夢然奉行其事陵鏤甚至無所得大全罷拜浙西提點刑獄炎浙西人泣于

上前乞更之移浙東提舉常平命下給事中章鑑繳還斯得杜門不出彗星見應詔上封事曰陛下專任一相虛心委之果得其人宜天心克享災害不生而大水為災連年早曠今妖星突出其變不小若非大失人心何以致天怒如此之烈似道匪不以閩度宗即位召為祕書監又論罷復遷祕書監屢辭不許擢起居舍人兼國史院編修官實錄院檢討官兼侍講進讀之時每於天命去留之際人心得失之因前代治亂之故祖宗基業之難必反復陳之兼權工部侍郎元軍下襄陽斯得疏論言事最為切要遷工部侍郎求外以顯文閣待制知建甯府度宗崩陳宜中入相以權兵部尚書召斯得病國事之貽危疏言誅姦臣以謝天下開言路以回天心衆人才以濟國事旌節義以厲懦夫竭財力以收散亡忠憤激烈指陳當時之事無所遺擢翰林學士知制誥兼侍讀進端明殿學士簽書樞密院事兼參知政事臺諫徐直方等四人論似道誤國之罪乞安置嶺表簿錄其家丞相留夢炎庇護似道止令散官居住且謂簿錄擾及無辜斯得謂散官則安置追降官分司則居住祖宗制也夢炎語塞夢炎乘間直罷去平章事王掄監察御史俞浙併罷斯得於是宋亡矣

張忠恕字行父右僕射浚之孫以祖任監樓店務入府幕時韓侂胄權勢熏灼嘗奪民間已許嫁女夫家以告忠恕白尹歸其父母尹不能難再調廣西轉運司主管文字改通判沅州主管京湖宣撫司機宜文字知澧州開禧末人為籍田令屬太廟鳴吻為雷雨壞神主遷御忠恕因輪對請廣言路通下情甯宗嘉納嘉定五年遷軍器丞累遷司農丞知甯國府夏旱請于朝得賜僧牒

五十米十萬七千餘石常平使者欲均齊而勿勒糶忠
 愆慮後無以濟遂核戶口計歲月嚴戒諸邑諭大家發
 蓋藏按宋史本傳載字下旁注闕字下空白以言去主
 管冲佑觀起知鄂州改湖北轉運判官兼知鄂州召為
 屯田郎官丁內艱免喪為戶部郎官入對極言邊事理
 宗卽位忠恕移書史彌遠請法孝宗行三年喪既而宰
 輔率百僚請太后同聽政忠恕復貽書史彌遠謂英宗
 以疾仁哲以幼母后垂簾有不容已惟欽聖出於勉強
 務從抑損今吾君長矣若姑援以請此亦中策爾詔羣
 臣集議廟制忠恕謂九廟非古若升先帝則十世之廟
 昉于今日於禮無稽寶慶初詔求直言忠恕上封事陳
 八事一曰天人之應捷於影響正統所係不宜諉之分
 野二曰人道莫先乎孝送死尤為大事孝宗朝衣朝冠
 皆以大布迨甯考以適孫承重光宗雖有疾未嘗不服
 喪宮中慶元開再期而祥百僚始純服吉今若甫經練
 祭雖朝臣一帶之微不復有凶吉之別則是三年之喪
 降而為期害理滋甚三曰太后方御垂簾之請而慶壽
 前期陛下吉服稱觴播為詩什此世俗之見非所以表
 儀於天下四曰陛下斬然在疚大婚之期固未暇問然
 非豫講夙定恐俛說乘閒而入望嚴取舍而正法度廣
 詢謀而協公議五日陛下於濟王之恩自謂彌縫曲盡
 矣然不留京師徒之外郡不擇牧守混之民居一夫奮
 呼闔城風靡尋難弭患莫副初心謂當此時優崇禮典
 選立嗣子則陛下所以身處者庶幾無憾而造軌騰磅
 者靡所致力六曰近幸倖倖之徒凡直言正論率指為
 奸名歸過夫奸名歸過其自為者非也若首萌逆憶厭
 惡之心則自今言者望風見疑此危國之鳩毒七日當

今名流雖已衰頹而搜羅未廣遺才尚多經明行修如
 柴中行陳孔碩楊簡識高氣直如陳宓徐僑傅伯放僉
 論所推史筆如李心傳何惜一官不俾與聞是以正士
 不過小人見親八曰士習日異民生益艱第宅之麗聲
 伎之美服用之侈餽遺之珍向來宗戚闈官猶或聞見
 今搢紳士大夫殆過之公家之財視為己物凡可以得
 賄者無不為也疏入朝紳傳誦始魏了翁嘗勉忠恕以
 植立名節無憤家聲及是歎曰忠獻有後矣真德秀聞
 之更納交焉忠恕又因輪對引伯父斌告孝宗之語曰
 當求聽事之臣不求辦事之臣欲求仗節死義之臣必
 求犯顏敢諫之臣語益剴切忠恕自知不為時所容力
 請外補遂以直祕閣知贛州抵郡才兩月言者指為朋
 比落職降兩官罷紹定三年復元官進秩一等提舉冲
 佑觀卒遷一官致仕魏了翁嘗許忠恕拳拳體國似浚
 撥繁劇劇似其父杓敏華就實則有志義理之學嘗有
 閩平杖之教矣

唐璘字伯玉古田人遊太學嘉定十年舉進士時臺臣
 李安行奏次對官不許論邊事璘對策極詆之調吳縣
 尉有殺人于貨挾其舟亡者有司求賊急屠者自告吾
 兒實殺之兒亦自誣伏璘問舟安在錢何用其辭差為
 緩之果得賊太湖與舟俱至舉縣咸服璘有勢家治圃
 將鑿渠通舟謬言古有渠常平使者王之璘視乾道故
 籍則誠民田也力爭連使者意移監縣稅璘遂以直閣
 調瑞州學教授用白鹿洞教法崇禮讓後支藝士翁然
 知綱監行在權貨務門辟淮東運司權轄綱運官屬出
 師楚州捷聞以金人據淮陰欲乘勢取之璘言捷奏多
 誇詎得信乎須聚兵二十萬日費米斛餘五千緡錢餘

二萬調夫萬人僅能使賊全師北去今出沒連海謀結
 北邊政欲迭出撓我憂方大爾淮陰堅壘與楚城等濠
 之廣又過之我士疲丁困可一拔得乎恢復美名也而
 賈實禍機竊危之不聽制司恥楚城之捷自趙范與英
 出議贖淮陰二城為功泊聞金變即轉攻之師死傷者
 六萬璘在兵閒著論論直書其事上之知晉陵縣隣州
 田訟至有泣懇諸使願送晉陵可否者制置使陳韓留
 守建康辟為通判舉府事以聽監六部門擢監察御史
 臺吏且至璘皇駭趨避不敢詣闕母曰人言此官好汝
 何得憂璘曰此官須為朝廷爭是非一拂上意或迂權
 貴恐為大人累母曰爾第盡言吾有爾兄在璘入就職
 故事御史惟常服拜下有論奏繳進至是獨召對緝熙
 殿疏言天變而至於怒民怨而幾於離海宇將傾天下
 有不可勝諱之慮陛下謂此何時縱欲累德文過飾非
 疏遠正人狎暱戚宦宰相不顧民命輕挑兵端不度事
 宜頓空國帑委政厥子內交商人賄塗大開媚姪敢預
 邪謀蓋正無將之誅以著不忠之戒崔與之操行類楊
 綰雖修途暮景力不速心而命下之日問者與起喬行
 簡頗識大體朝望稍孚而除授偏私事多遺忘宜擇家
 相贊宗子輔民物以慰父母之望又請號召土豪經理
 荆襄亟擇帥臣安集淮西帝皆為改容嘉納之至問邊
 事甚悉璘感激知遇自是彈擊無所避再疏鄭清之妄
 庸誤國乞褫職罷祠其子士昌招權納賄拔庸將為統
 帥起賊吏為守臣乞削籍廢棄鄭性之懦而多私黨庇
 姦庸臣受其改官舉狀蒙薦之國事至此不敢顧私
 李鳴復甘心詔鄭損得薦入朝適清之議張天綱之獄
 迎合從輕遂擢臺端趙忱夫遣史寅午噶清之父子鳴

復又結寅午得登政府會杜範亦論鳴復不行而範去
璘遂力勾外疏七上授廣西運判改知嘉興府尋改江
東運判時邊事急置四察訪使就詔璘分建康太平池
州江西璘揭榜馬前咨所部以利害又戒土豪團結漁
業水手茶鹽舟夫蘆丁悉備燎舟之具人人思奮卽選
將總二州兵舟以耀敵檄當塗宿設戰具防采石撥和
糴續生券且奏損總領所錢二十萬繕助江防軍聲大
振尋升直華文閣知廣州廣東經略安撫使梅州寇作
璘示以威信寇尋息江淮早議下廣右和糴璘言公家
赤立糴本無所辦終恐日取於民重朝廷多事之憂明
年上章乞致仕帝思見之亟命入奏擢太常少卿尋丁
內艱璘居喪哀毀不食久之疾革卒璘立臺僅百日世
謂再見唐介至切劇上躬盡言無隱帝益嚴憚之居官
大節則母教之助爲多

列傳

宋一百六

婁機

沈煥舒

曹彥約

范應鈴

徐經孫

湯琦

蔣重珍

牟子才

朱翬孫

歐陽守道

婁機字彥發嘉興人乾道二年進士授鹽官尉調合山主簿郡委治銅城圩八十有四役夫三千有奇設廬以處之器用材植一出於官民樂勸趨兩旬告畢七攝鄰巨率以治績聞調於潛縣丞輕賦稅正版籍簡獄訟與學校為江東提舉司幹辦公事易淮東已而復舊改知西安縣通判饒州平反冤獄蜀帥袁說友辟參議幕中不就改幹辦諸司審計司轉對請裁損經費又論刑名寔慮之弊按宋史刑法志紹興末凡大辟雖刑法相當宗乾道中議者多以刑名寔慮情理可憫奏裁貨減至孝獄之弊益甚愿遷秘書郎請繪編中興館閣書目又請寬恤淮浙被旱州縣時皇太子始就外傳選學官以機兼資善堂小學教授機日陳正言正道又以累朝事親修身治國愛民四事手書以獻太子寅之坐右遷太常丞仍兼資善旋遷右曹郎官秘書省著作郎改兼駕部都城大火機應詔上封事言朝臣務為奉承不能出己見以裨國論外臣不稱職至苛刻以困民財將帥偏裨務為交結而不知訓閱以疆軍律時年七十旬間不許權監察御史論京官必兩任有舉主年三十以上方許作縣又論郡守輕濫太甚貽害千里蘇師旦怙勢妄作蒙蔽自肆語及者皆罪去而獨憐機韓侂胄議開邊機極口沮之謂恢復之名非不美今士卒驕逸遂驅於

續通志 卷四百二 列傳 宋

鋒鏑之下人才難得財力未裕萬一兵連禍結久而不解奈何侂胄聞之不說其議愈密外廷罔測又上疏極論雖密謀人莫得知而羽書一馳中外皇惑侍御史鄧友龍初不知兵騰書投合安薦大將既召遷專主此議機語友龍曰今日孰可為大將孰可為計臣正使以殿巖當之能保其可用乎遷右正言兼侍講首論廣蓄人才乞詔侍從臺諫學士待制三牙管軍各舉將帥邊郡一二人召問甄拔優養以備緩急進太常少卿兼權中書舍人詔遣官論刑襄機冒言曰使往慰安人情則可必欲開邊啟釁有死而已不能從也泗州捷聞愈增憂危且曰若自此成功以擲列聖之宿憤老臣雖死亦幸諫官但恐進銳退速禍愈深耳友龍至不能堪曰不逐此人則異議無所回機遂以言去侂胄誅召為吏部侍郎兼太子左庶子還朝言至公始可以服天下權臣以私意橫生敗國殄民今當行以至公若因私恩未報首為汲引私讐未復且為沮抑一涉於私人心將無所觀感矣又言兩淮招集敢勇不難於招而難於處若非繩以紀律課其勤惰必為後害仍請檢校權臣內侍等沒人家貴專為善兵之助機里人有故官吏部喪未舉而子赴調者機謂彼既冒法禁而部胥不之問即撻數吏使之治而後來聞者趨之兼太子詹事著歷代帝王總要以裨考訂遷給事中海巡八廟親從都軍頭指揮使年勞轉資恩旨太濫乞收寢未應年格之人年已及者子之帝稱善飛蝗為災機應詔言和議甫成先務安靜葺鏹漏以成紀綱節財用以固邦本練士卒以壯國威遷禮部尚書兼給事中擢同知樞密院事兼太子賓客進參知政事當于戈甫定信使往來之始瘡痍方深敵

蠹紛然機彌縫裨贊甚多尤惜名器守法度進退人物直言可否不市私恩不避嫌怨嘉定二年八月行皇太子冊命機攝中書令讀冊祀明堂為禮儀使數上章告老帝不許皇太子遣官屬勉留之以資政殿學士知福州力辭提舉洞霄宮以歸遂卒贈金紫光祿大夫加贈特進機居鄉以誠接物是非枉直判於語下不為後言人憚服之稱獎人才不遺寸長訪問賢能疏列姓名及其可用之實以備采取其所薦進亦不欲人之知也沈煥字叔晦定海人試入太學始與臨川陸九齡為友從而學焉乾道五年舉進士授餘姚尉揚州教授召為太學錄以所躬行者淑諸人蚤暮延見學者孜孜詢誘長貳同儗忌其立異會充殿試考官唱名日序立庭下帝偉其儀觀遣內侍問姓名眾滋忌之或勸其姑營職道未可行也煥曰道與職有二乎適私試策策引孟子立乎人之本朝而道不行恥也言路以為誚已請黜之在職纔八旬調高郵軍教授後充幹辦浙東安撫司公事高宗山陵百司次舍供帳酒食之需供給不暇煥亟言於安撫使鄧汝諧曰國有大戚而臣子安樂自如安乎汝諧屬煥條奏充修奉官移書御史請明示喪紀本意使貴近哀戚之心重則芟舍非食自安不煩彈劾而須索絕矣於是治並絲為姦者追償率故者支費頓減歲早常平使分擇官屬賑恤得上虞餘姚二縣無復流殍改知婺源三省類薦書以聞遂通判舒州卒丞相周必大聞之曰追思立朝不能推賢揚善子愧叔晦益者三友叔晦不予愧也煥人品高明而其中未安不苟自恕常曰畫觀諸妻子女夜卜諸夢寐兩者無愧始可以言學追贈直華文閣特諡端憲煥之友舒璘

磷字元質一字元質奉化人補入太學張栻官中都磷往從之又從陸九淵遊朱熹呂祖謙學於發磷徒步往謁之舉乾道八年進士兩授郡教授不赴繼為江西轉運司幹辦公事或忌磷所學望風心議及與磷處了無疑間為徽州教授作詩禮講解家傳人習自是其學凌盛丞相留正稱磷為當今第一教官司業汪達首薦之知平陽縣郡政頗苛及磷以民病告辭嚴義正守為改容秩滿通判宜州卒磷樂於教人嘗曰師道尊嚴磷不如叔晦若啟迪後進則磷不敢多遜哀變謂磷篤實不欺無毫髮矯偽楊簡謂磷孝友忠實道心融明樓鑰謂磷之於人如屈然之陽春道祐中特諡文靖

曹彥約字簡甫都昌人清熙八年進士嘗從朱熹講學歷建平尉桂陽司錄長溪令知樂平縣主管江西安撫司機宜文字知澧州未上辭叔似官撫京湖辟主管機宜文字漢陽關守檄攝軍事時金人大入郡兵素寡弱彥約搜訪土豪得許尚裨總民兵趙觀俾防水道免仲昇將宣撫司軍屯邵城金重兵圍安陸遊騎圍漢川彥約授觀方略結漁戶拒守南河觀逆擊斬其先鋒且遣死士焚其戰艦晝夜殊死戰北渡追擊金人大敗去又遣仲昇切金人若殺千餘人仲昇中流矢死奏觀補成忠郎漢川簿尉贈仲昇修武郎官其後二人彥約以守禦功進秩二等就知漢陽嘉定元年詔求言彥約上封事謂敵豈不以歲幣為利為其所向輒應所求輒得以我為易與而縱其欲莫若遲留敵使督責邊備假以歲月當知真偽尋提舉湖北常平權知鄂州兼湖廣總領改提點刑獄遷湖南轉運判官時盜羅世傳李元礪李新等相繼竊發桂陽茶陵安仁三縣皆破壞地千里莽

為盜區彥約至彼督運人心始定遷直祕閣知潭州按約所著昌谷集有直祕閣知潭州謝表考宋史地理志漳州屬福建路據本傳彥約未嘗知潭州也其謝表有運判官遷知潭州正合又云至若程魁之假息故令轉虎之安壞亦指湖南羣湖南安撫時江西言欲招安李元礪朝命下湖廣議招討之宜彥約言今不行討捕曲徇招安失朝廷威重若元礪設疑詞以款重兵則兵不可撤戍民不得安業元礪果不降彥約乃督諸將逼賊巢而屯擊破李新於鄴泆新中創死罪推李如松為首如松降遂復桂陽世傳素與元礪有隙至是密請元礪自效彥約錄賞格報之且告於朝世傳遂禽元礪餘黨悉平世傳既自以為功遲留以徵重賂時池州副都統許俊駐兵吉之龍泉厚賂以結世傳超格許轉官資世傳遂以元礪解江西胡渠為右司欲以世傳盡統諸峒而為之帥悉徹江西湖南成兵彥約固爭之然世傳終桀驁不肯出峒彥約密遣羅九遷為開誘胡友陸許以重賞友陸遂殺世傳按宋史王居安傳擢右侍郎官以右正言鄭昭先言寢其命久之以為利路轉運判官兼知利州關外乏食彥約悉發本司所儲減價遺糶勸分免役通商蠲稅民賴以濟時河州都統制王大牙驕橫制置使董居誼既不得其柄反曲意奉之彥約以蜀之邊面諸司並列兵權不一微有小警紛然奏議理財者歸怨於兵弱提兵者歸怨於財寡乃作病夫議獻之廟堂大略謂古之臨邊求一賢者而盡付之兵權兵權正則事體重兵權專則號令一今使知事者不敢任事畏事者常至失事卒有緩急各持己見兵權財計互相歸咎乃欲幸勝以為功苟安以求免時朝論未以為然差知密國府又改知隆興府江西安撫居亡何蜀邊被

兵內有張福莫簡之變彥約之言無一不驗遷大理少卿又權戶部侍郎以實諷閣待制知成都改知福州又改知潭州彥約力辭提舉明道觀尋以煥章閣待制提舉崇福宮理宗即位擢兵部侍郎兼國史院同修撰實慶元年入對勸帝講學防近習次言當以慶歷元祐聽言為法以紹聖崇觀諱言為戒願陛下倚忠直如舊龜去表佞若孟賊其有阻撓諫言者必加斥逐會下詔求言彥約上封事曰陛下謹定省以事長樂開王社以篤天倫孝友之行宜足取信天下然兄弟至親猶誤于狂妄小人之手道路異說猶襲於尺布不縫之謠漢淮南王欲危社稷張蒼馮敬等請論如法文帝既赦其罪廢徙王不幸而死封其二子於故地此往事之明驗本朝太宗皇帝之所已行也今若徇文帝緣情之義法太宗繼絕之意雖不止謗而謗息矣又薦隆州布衣李心傳素精史學之實史館從之尋兼侍讀俄遷禮部侍郎加實諷閣直學士提舉佑神觀兼侍讀授兵部尚書力辭不拜改實諷閣學士知常德府陸辭言下情未通橫欲未革帝曰其病安在對曰臺諫專言人主不及時政下情安得通包直公行於都城則州郡橫欲無可疑者提舉崇福宮卒以華文閣學士轉通議大夫致仕贈宣奉大夫嘉熙初賜諡文簡

范應鈴字旗叟豐城人稍長厲志於學丞相周必大見其文嘉賞之開禧元年舉進士調元新尉縣當龍泉茶陵溪峒之衝寇甫平喜亂者詐為驚擾應鈴廉得主名控而治之縣十三鄉寇擾者不時安撫使移司兼郡初奏弛八鄉民租二年詔下如章既而復催以檢核之數應鈴力爭不從即詣郡言於帥曰某非徒為八鄉貧民

乃深爲州計耳民貧迫之急將以不肖之心應之租不可得而禍未易弭也帥色動令免下戶既出令復徵之應鈴又力爭訖得請民大感悅調衡州錄事總領聞應鈴名辟爲屬改知崇仁縣始至明約束信期會正紀綱曉諭吏民使知所趨避然後罷鄉吏之供需校版籍之欺蔽不數月省簿成卽以其簿及苗稅則例上之總領所自此賦役均聽訟發墮如神事依期結無不心服將代整治而始至歲杪與百姓休息閭閻負獨租稅釋囚繫恤生瘞死崇孝勸睦仁民厚俗之事悉舉以行調提轄文思院幹辦諸軍審計添差通判撫州以言者罷與祠內艱服除通判蘄州時江右峒寇爲亂吉州八邑七被殘燬差知吉州慨然曰此豈臣子辭難時耶卽奉親以行下車首以練兵足食爲先務去冗吏覈軍籍汰老弱以次罷行禾新禾山羣盜嘯聚數日閒應者以千數應鈴察過客趙希邵有才略檄之攝邑調郡兵結隅保分道擣其巢穴禽之誅其爲首者七人一鄉以定贛叛卒朱先賊殺主帥應鈴曰此非小變也密遣謀以厚賞捕之部使者劾其輕發鏑一官閒居六年養親讀書泊如也起廣西提點刑獄多所平反丁錢蠹民力奏免之召爲金部郎官入見首言今以朝行暮改之規撫欲變累年上蕪下慢之積習以悠悠內治之敝政欲圖一旦赫赫外攘之大功又曰公論不出於君子而參以逢君之小人紀綱不正於朝廷而牽於弄權之閹寺言皆讜直識者趨之遷尙左郎官尋爲浙東提點刑獄力勾便養改直祕閣江西提舉常平併詭寄三萬戶風采凜然外艱服除遷軍器監尙左郎官召見奏曰國事大且急者儲貳爲先陛下不斷自宸衷徒眩惑於左右近習

之言轉移於宮庭嬪御之見失今不圖竊臣乘夜半片紙或從中出忠義之士束手無策矣帝爲之動容屬鹽法屢變商賈之贏上奪於朝廷之自鬻下奪於郡郡之拘留九江豫章扼其襟喉江右貧民終歲食淡商與民俱困應鈴力陳四善願用祖宗入粟易鹽之法授直寶謨閣湖南轉運判官兼安撫司峒獠將何三族聚千餘人執縣令殺王官帥憲招捕逾年不至應鈴曰招之適以長寇亟捕之可也卽調飛虎等軍會總總禽蔣時選父子及凶渠五人誅之脅從者使之交業未一月全師而歸授直煥章閣上疏謝事不允擢大理少卿再請又不允一旦籍府庫校簿書決官事已遂及家務纖悉不遺僚屬勸以清心省事曰生死數也平生學力正在今日帥別之傑問疾應鈴整冠肅入言論如平常之傑退卽逝應鈴光明磊落落守正不阿別白是非見義必爲不以得失利害動其心書債不交上官薦舉不徇權門當官而行無敢撓以非義所至無留訟無滯獄繩吏不少貸亦未嘗沒其貲曰彼之貨以悖入官又從而悖入之可乎進修潔案竅賊振樹風聲聞者興起家居時人有不平不走官府而走應鈴之門爲不善者輒相戒曰無使范公聞之讀書明大義尤喜左氏春秋徐鹿卿曰應鈴經術似兒寬決獄似雋不疑治民似龔遂風采似范滂理財似劉晏而正大過之人以爲名言

徐經孫字中立初名子柔寶慶二年進士授瀏陽主簿潭守俾部牙契錢至州有告者曰朝廷下方令頒行十七界會令若此錢皆用會小須則幸而獲大利矣經孫曰此錢取諸保司出諸公庫吾納會而私取其錢外欺其民內欺其心奚可哉詰曰悉以所部錢上之辟承與令知臨武縣通判潭州累擢監察御史劾京尹厲文翁言僞而辨直寶章閣福建提點刑獄號稱平允歲餘升安撫使召爲祕書監兼太子諭德經孫爲安撫時陳韓家居門人故吏有撓法者不得還相與搖撼至是韓起家判本郡懷私逞忿無復交承之禮卽日劾奏通判語侵經孫謂廣卷府庫而去於是罷通判削其秩經孫造朝具白於政府事上聞帝大怒諭宰執曰陳韓老嫗至此宜亟罷之於是經孫再詣政府言某韓門生也前日之白公事也苟韓以是得罪人謂我何請之不置俾自乞聞明通判無罪識者趨之遷宗正少卿起居舍人起居郎遷刑部侍郎兼給事中升太子左庶子太子詹事敷陳經義隨事放迪太子入侍必以其所講聞悉奏之帝未嘗不稱善景定三年春雷詔求直言經孫對曰三數年來言論者以靖其爲主有懷者以譁評爲戒忠謹之氣鬱不得行上帝降監假雷以鳴切中時病公田法行經孫條其利害忤丞相賈似道拜翰林學士知制誥未踰月諷御史舒有開奏免罷歸授湖南安撫使知潭州不就拜端明殿大學士閒居十年卒贈紫金光祿大夫經孫所薦陳茂濂爲公田官分司嘉興聞經孫去國曰我不可以負徐公遂以親老謝歸終身不起

湯璿字君保瀏陽人淳熙十四年進士調德安府學教授轉三省樞密院架閣遷國子博士時召朱熹爲侍講未幾辭歸朝廷從其請子祠璿上疏言熹以正學爲講官四方瞻望其有啟沃之益曾未踰時輒聽其去必駭物論宜追召熹還仍授講職疏上不報由是浸惡權相意而璿之直聲亦大聞於時應禮部駕部二郎官出知常州入爲大理少卿進直徽猷閣卒璿負直概與韓侂

自陳自強不合故屢嗾言者中傷璿生平奉祠閒居之日多於揚歷其在禮曹例掌三省奏記臨安大火靈宗遇災避正殿中書二表請復不許璿屬辭務持大體不為阿曲言者據其語涉訕上而朝廷實知其無他故起復制詞有清風峻節之語擢嘗擇得蔣重珍云

蔣重珍字良貴無錫人嘉定十六年進士第一簽判建康軍改昭慶軍尋易奉國軍紹定二年召入對以自天子至庶人所當先知者本心外物之界限為言界限明知有天下治亂而已何樂其尊知有生民休戚而已何樂其奉且論苞苴有昔所未有之物故吾民罹昔所未有之害苞苴有不可勝窮之費故吾民有不可勝窮之憂遷祝書省正字以伯父喪子告會行都火應詔言

陛下臨御八年未聞有所作為進退人才與廢政事天下皆曰此丞相意一時恩怨雖歸廟堂異日治亂實在陛下焉有為天子為人之主而自朝廷達於天下皆言相而不言君哉天之所以火宗廟火都城者殆以此臣所以痛心者九廟至重事如生存而微小塗大不防於火之未至宰相之居華屋廣裘而焦頭爛額獨全於

火之未然紹定四年九月丙戌夜臨安火起及太廟相史彌遠府獨全蓋殿帥足見知有權勢不知有君父馮軻率衛卒力救之也矣他有變故何所倚仗陛下自視不亦孤乎帝讀之感動授寶章閣主管雲臺觀它日星變求言復申前說又進為君難六箴召為祕書郎兼莊文府教授端平初入

對上五事且曰隱蔽君德昔咎故相故臣得以專詆權臣昭明君德今在陛下故臣得以責難君父乞召真德秀魏了翁用之帝曰人主之職無他惟辨君子小人重珍對曰小人亦指君子為小人此為難辨人主當精擇

人望處之要津正論日聞則必知君子姓名小人情狀矣兼崇政殿說書每草奏齋心盛服有密啟則手書削

稟帝稱其平實遷著作佐郎邊帥以八陵圖來上詔百官集議重珍言史嵩之既失相位猶欲邀功自固請擇賢帥如漢用充國使之親至邊境審度事勢條上便宜丞相主出師關洛重珍力爭會邊帥議和戰不一復召

集議重珍奏曩之專意備守不得已則用應兵今不敢變前說不聽遂自幼以密勿清光乃不能遏兵端之免說書職遷著作郎兼權司封郎官起居舍人關洛師大勦復進兵重珍言若取敗而欲勝之則心不平而成忿

氣不平而成怒生靈之命豈可以忿怒用哉又論禁旅貧弱教習頻嚴輒不能堪不稍變通非消變之道兼國史院編修官實錄院檢討官言更化以來舊敝未去者五徇私調停覆護姑息依違是也今又益之以輕易遷

起居郎以疾求去以集英殿修撰知安吉州權刑部侍郎三辭不許自幼其不能取信朝廷之罪乞鑄斥置閣敬從觀愈力而疾不可起詔守刑部侍郎致仕卒贈朝請大夫諡忠文

牟子才字存參井研人少從其父客陳咸咸張樂大宴子才閉戶讀書若不聞見者咸異之學於魏了翁楊子謨虞剛簡又從李方子方子朱熹門人也嘉定十六年舉進士對策詆丞相史彌遠調嘉定府洪雅縣尉改辟

此可峻擢之左丞相李宗抱祕書郎右丞相史嵩之怨子才言已遽曰姑遷校助俄宗勉卒嵩之獨相亟請

通判吉州轉通判衢州日食詔求言上封事萬言極陳時政得失且乞蚤定立太子入為國子監主簿兼史館校勘踰年遷太常博士鄭清之再相子才條上便宜言

今日有徵欽時十證又請為濟王立後以回天怒校書郎徐霖言諫議大夫鄭家臨安府尹趙與憲不報子才謂宗尤無恥請先罷宗至若嵩之謀復相清之諛引嵩

之黨別之傑其政皆歷歷為帝言之清之卒詔子才還朝遷著作郎兼崇政殿說書子才隨事奏陳兼國史院編修官實錄院檢討官兼權禮部郎官時修四朝史

乃復兼史館檢討信州守徐謂禮奉行經界苛急又以奇杖比校催科饑民嘯聚為亂子才言於上立罷經界謫謂禮浙東福建九郡同日大水子才言今日納私謂溺近習勞土木庇小人失人心五者皆蹈宣和之失苟

不恐懼修省臣恐宣和京城之水將至矣變理陰陽大臣之事宜論大臣息乖爭以召和氣除壅蔽以通下情今遣使訪問水災德至渥也願出內帑賑之又言君子難聚而易散今察者將散其幾有十又言諡以勸懲當出自朝廷母待其家自請左司徐霖言諫議大夫葉大有帝大怒遂霖給事中趙汝騰繳之徙他官汝騰即出

王又重獲罪善人盡矣行都大火子才應詔上封事言甚切直兼直舍人院會泰來亦遷起居郎恥與泰來同列上疏力辭帝爲出泰來而子才亦請去不已曰泰來既去臣豈得獨留帝不允又言蜀當以嘉渝夔三城爲要欲保夔則巴蓬之間不可無屯以控扼之欲保渝則利閬之間不可無屯以遏截之欲守嘉則潼遂之間不可無屯以犄角之屯必萬人而後可升兼侍讀御史徐經孫劾府尹厲文翁不報出關子才奏留之文翁改知紹興府又繳其命伯玉降官已逾年舍人院不敢行詞子才曰故事文書行不過百刻卽爲書行以爲敘復地帝曰諫詞皆衰詔可更之子才不奉詔丞相又遣帝意子才曰腕可斷詞不可改丞相欲改則自改之乃已淮東制置使賈似道以海州之捷子才草獎諭詔第述軍容之盛不言其功且語多戒敕似道不樂又言全蜀盛時官軍七八萬人通忠義爲十四萬今官軍不過五萬而已宜招新軍三萬并撫慰田楊二家使歲以兵來助如此則蜀猶可保不則不出三年蜀必亡矣遷起居郎言外郡以進奉易富貴左右以土木壘上心小人諱競朋比陷君子此天災所以數見也明堂禮成帝將幸西太乙宮款謝實欲遊西湖兩子才力諫止又言首蜀尾吳幾二萬里今兩淮惟賈似道荆蜀惟李曾伯二人而已可爲寒心謂宜於合肥別立淮西制置司江淮別立荆湖制置司且於漣楚黃均房巴閬蘇劔要害之郡或築城或增戍以守之似道聞之怒曰是欲削吾地也權兵部侍郎屢辭帝不允升同修國史實錄院同修撰吳子聰之姑知古爲女冠得幸子聰因之以進得知閣門事子才繳之帝曰子聰之除將一月矣乃始繳駁何

也子才曰文書不過百刻此舊制也今子聰錄黃二十餘日乃至後省蓋欲俟其供職使臣不得繳之耳給舍紀綱之地豈容此輩得行私其間于是子聰改知澧州子才力辭去帝遣檢正姚希得挽留不可以集英殿修撰知太平州至郡首教民孝弟以前人慈竹義木二詩刻而頌之閒詣學爲諸生講說經義修采石戰艦百餘艘造兵仗以千計前政員上供綱及總所綱悉爲補之蠲黃池酒息秋苗夏稅吟零益平糶倉米又以緡錢二十六萬抵庫歲收其息以助糴本召入對權工部侍郎時丁大全與董宋臣表裏濁亂朝政子才累疏辭歸初子才在太平建李白祠自爲記曰白之斥實由高力士激怒妃子以報脫鞵之憾也力士方貴偃豈甘以奴隸自處者白非直以氣陵亢而已蓋以爲掃除之職固當爾所以反其極重之勢也其後分提禁旅蹀血宮庭雖天子且不得奴隸之矣又寫力士脫鞵之狀爲之贊而刻諸石屬有拓本遺宋臣宋臣持一碑泣愬於帝乃與大全合謀嗾御史交章誣劾子才在郡公燕及餽遺過客爲入已降兩官猶未已帝疑之密以槩問安吉守吳子明子明奏曰臣嘗至子才家四壁蕭然人咸知其貧陛下無信讒言帝語經筵官曰牟子才之事吳子明謂無之何也眾莫敢對戴慶阿曰臣憶子才嘗繳子明之兄子聰帝曰然事遂解蓋公論所在雖仇讐不可廢也未幾大全敗宋臣斥誣劾子才者悉竄嶺海外乃復子才官職提舉玉隆萬壽宮帝卽欲召子才會似道入相素憚子才又憾草詔事僅進寶章閣待制知温州又嗾御史造飛語目子才爲譖黨將中以危禍上意不可奪遂以禮部侍郎召屢辭不許乃賜御筆曰朕久思見

卿故有是命卿其勿疑爲我彊起故事近臣自外召者必先見帝乃供職子才至北關請內引奏事宦者在旁沮之帝特令見大說慰諭久之時似道自謂有再造功四方無虞皆其力故肆意逸樂惡聞讒言子才言開慶之時天下岌岌殆矣今幸復安不知天將去疾遂無復憂耶抑順適吾意甚異時不可測之禍也奈何懷寔安以鴆毒而不明閒暇之政刑乎忠厚我朝之家法乃者小人妨國始用一切以戕其脈今當反其所爲奈何愈益甚乎言論國之元氣也言及乘輿尙見優假事闕廊廟忿怒斯形朝政之闕失臣下之蔽蒙何由上達乎帝曰非卿不聞此言宣坐賜茶問外事甚悉子才具以田里疾苦對帝蠶蠶久之卽兼侍讀尋兼同修國史實錄院同修撰宋臣有內侍省押班之命舉朝爭之不能得子才入疏詰朝帝出其疏示輔臣皆曰子才有憂君愛國之眞無要譽沽名之巧擢權禮部尙書祀明堂子才爲執綬官帝問漢唐文物占對詳贍時士大夫小迂權臣輒竄流子才請重者量移輕者放還兼直學士院每直輒召對內殿語至夜分或就賜酒果兼給事中彗星見應詔上封事請罷公田更七司法正爲尙書力辭不許升修國史實錄院修撰徐敏子以屋敕量移似道惡其爲酒所用諷後省繳之子才不可棄李呂宙之等上書攻似道似道怒欲殺之以他事下天府獄子才請宥之似道徑從天府斷獄不復以問蓋懼子才再有所論駁也度宗在東宮雅敬子才言必稱先生卽位授翰林學士知制誥力辭請去進瑞明殿學士以資政殿學士致仕卒贈四官官其後二人子才性孝友在吉州文天祥以童子見卽期以遠大所薦士若李帝趙卯發劉黻

家鉉翁皆忠義士平江守吳淵籍富民田以千餘畝遺子才皆卻之身後家無餘貲買金帶乃克葬子獻大理少卿

朱魏孫字興甫浮梁人治祐四年進士授臨江軍學教授丞相史嵩之聞魏孫名欲致之館下以祿未及親辭喪父服除授福州學教授差充江東安撫司幹辦公事丁大全在臺勢欲燬灼天久陰雨魏孫貽書政府言河積陰之道去茲邪罷手實竊米稅茲邪指大全也丞相董槐得書嘉歎主管尚書刑工部架閣文字宦者董宋臣寵幸用事魏孫發策試胄子極論宦寺專權之患宋臣諷言者論罷之馬光祖辟添差江東安撫司機宜文字擢史館校勘遷太學博士屬帝親擢監察御史兼崇政殿說書首疏論大全權姦誤國之罪倡言學校六士之冤又以翁怒人才凝固人心精擇人言增禁旅以壯帝畿擇良守以牧內郡遷全才以守江面殿舟師以防海道因地募兵以應突至之敵并力合勢以援必守之地時有建議遷都四明者魏孫亟上疏言變輿若動則三邊之將士瓦解而四方之盜賊蠱起必不可遂止魏孫在講筵言及宋臣撓政事忤旨遷大理少卿又遷司農少卿兼太子右諭德詔許乘馬赴講魏孫論導得體行說經義有關於君道者必委曲敷暢陰寓警戒太子每為之改容兼國史院編修官實錄院檢討官兼權直舍人院遷宗正少卿母憂服除授秘書監兼太子左諭德改監察御史兼崇政殿說書姓名已付外矣尋復改命浙西行公田吏並緣為姦魏孫疏其弊推春秋尊王紂霸之旨勸帝崇仁政用吉士行正論擢殿中侍御史兼侍講請嚴京師淫聲奇服之禁他所論苗耗役害及

經理川蜀皆當世急務宋臣復出朝論紛然魏孫因對力斥其姦卒奪祠升侍御史兼侍講長星出東方魏孫力詆外戚內臣及進奉羨餘失人心者且曰回天心自人心始辭旨懇切帝為之感動升侍讀魏孫之再入臺屬疆場多事屢陳備禦之策理宗春秋高倚成賢似道似道擅命魏孫隨事進諫不肯阿附至若行公田之政屢於經筵密以告帝似道自是深忌之魏孫累疏求去理宗崩度宗即位擢右諫議大夫以疾乞辭職遷吏部尚書不拜帝以舊學故雅欲留魏孫辭益力以華文閣學士知臺國府似道諷言者論罷久之提舉太平興國宮復華文閣學士知袁州至郡宣布德意以戢暴禁貪為先務郡會受租榜除斛面取贏之數許民自概量興學校以勸士升敷文閣學士知福州福建安撫使未幾卒於袁之郡治贈四官與恩澤二令所在給喪事歐陽守道字公權一字迂父吉州人初名異自以更名應舉非是當祭必稱異少孤貧無師自力於學里人聘為子弟師主人囑其每食舍肉密歸遺母為設二器馳送乃肯食肉年未三十翁然以德行為鄉郡儒宗江萬里守吉州守道適貢於鄉萬里獨異視之清祐元年舉進士廷對言國事成敗在宰相人才消長在臺諫昔者當國惡箴規言者疑觸迂及其去位其謂非才或有迎合時宰自效殷勤亦有疾惡乖方苟求疵類以致忠邪不辨黜陟無章唱名徐儼夫為第一儼夫握守道起曰吾愧出君上矣授雲都主簿丁母憂服除調贛州司戶萬里入為國子祭酒薦為史館檢閱召試館職授秘書省正字安南國王陳日昷傳位其子求封太上國王下省官議守道謂太上者漢高帝以尊其父異朝未之有

改若賜詔書稱太上國王非便南越尉佗嘗自稱蠻夷大長老禮方伯自稱曰天子之老大夫致仕曰老自稱亦曰老自夷蠻言之則有尉佗之故事自中國言之亦方伯致仕者之常易太以老無損或去上存太所以別於少也謂父為太則子為少矣遷校書郎兼景憲府教授遷祕書郎轉對言欲家給人足必使中外臣庶無復前日言利之風而後可以言罷徒步出錢塘門唯書兩篋而已理宗遺詔聞與其徒相嚙哭踊僅奴孺子各為悲哀咸治三年特旨與祠詔大臣舉賢才少傅呂文德舉九十六人守道預焉添差通判建昌軍以書謝廟堂曰史贊大將軍不薦士今大將軍薦士矣而某何以得此於大將軍哉幸當蒙召擢備數三館異時或者謂其放廢無聊託身諸貴人虧傷國體則宜得而解頰仍賦祠祿足矣遷著作佐郎兼崇政殿說書兼權都官郎官經筵所進皆切於當世務帝為動色遷著作郎卒家無一錢云

孟珙

杜杲

王登

楊揆

張惟孝

陳咸

孟珙字璞玉隨州襄陽人四世祖安嘗從岳飛軍中有功嘉定十年金人攻襄陽駐團山父宗政時為趙方將以兵禦之珙料其必闕樊城獻策宗政由羅家渡濟河宗政然之越翼日諸軍臨渡布陣金人果至半渡伏發礮其半宗政被檄接襄陽臨陣嘗父子相失珙望敵騎中有素袍白馬者曰吾父也急麾騎軍突陣遂脫宗政以功補進勇副尉十二年完顏額爾克步騎二十萬分兩路攻襄陽環集城下珙登城射之將士驚服宗政命珙取它道劫金人破若十有八斬首千餘級大俘軍器以歸金人遁以功升下班祇應十四年入謁制置使趙方一見奇之辟光化尉轉進武校尉十六年以功特授承信郎丁父憂制置使起復之珙辭訖葬趣就職又辭轉威忠郎理宗即位特授忠翊郎尋差峽州兵馬監押兼在城巡檢京湖制置司差提督虎翼突騎軍馬又辟京西第五副將權管神勁左右軍統制初宗政招唐鄧蔡壯士二萬餘人號忠順軍命江海總之眾不安制置司以珙代海珙分其軍為三眾乃帖然紹定元年珙白制置司勸平堰於襄陽自城至軍西十八里由八疊河經漸水側水跨九阜建通天槽八十有三丈溉田十萬頃立十莊三轄使軍民分屯是年收十五萬石又命忠順軍家自畜馬官給芻粟益蓄息一年升京西第五正將襄陽軍總轄本軍屯駐忠順三軍明年差京西兵

馬都監毋憂起復京西兵馬鈐轄襄陽軍駐劄仍總三軍六年蒙古將諾延布展迨金主完顏守緒逼蔡制置司檄珙成鄂討金唐鄧行省武仙仙時與武天錫及鄧守伊喇環相犄角為金盡力欲迎金主入蜀掠光化錄剽甚天錫者鄧之農夫乘亂聚眾二十萬為邊患珙逼其壘一鼓拔之壯士張子良斬天錫首以獻乃授江陵府副都統制制置司檄珙問邊事珙曰金人若向呂堰則八千人不為少然須木查騰雲呂堰等若受節制乃可濟已而劉全雷去危兩部與金人戰於夏家橋小捷有頃金人向呂堰珙喜曰吾計得矣亟命諸軍追擊呂堰進逼大河退逼山險若軍四合金人棄輜重走伊喇環遣其部曲馬天章奏書請降珙入城伊喇環伏階下請死珙為之易衣冠以賓禮見初仙屯順陽為宋軍所撓按金史武仙傳仙自鄂州還屯順陽宋將孟珙帥兵五千襲之仙舉敗珙與數百人脫去生擒其統制統領等數十人與宋退屯馬蹬金順陽令李英以縣降申州安撫張林以州降珙言歸附之人宜因其鄉土而使之耕因其民人而立之長少壯籍為軍俾自耕自守才能者分以土地任以職使各招其徒以殺其勢制置司是之七月仙愛將劉儀領壯士二百降珙問仙虛實儀陳仙所據九砦其大砦石穴山以馬蹬沙窩砦山三砦蔽其前三砦不破石穴未易圖也若先破離金砦則王子山砦亦破砦山沙窩孤立三帥成擒矣珙翼日遣兵向離金虛虜執黑旗帥眾入砦金人不疑為宋軍乃分據巷道大呼縱火掩殺盡晝是夜壯士楊青等擣王子山砦護帳軍酣寢王建入帳中斬金將首囊佩之平明視之金小元帥也丙辰出師馬蹬遣樊文彬攻其前門成明等邀截西路一軍圍訖石烈一軍圍小總帥砦火

燭天殺僇山積餘逸去者復為成明伏軍所得壯士老少萬餘人來歸師還至沙窩西與金人遇大捷是日三戰三克未幾丁順等又破摩和爾砦珙召儀曰此砦既破板橋石穴必震汝能為我招之必來迺遣德行威見德敘王顯金鎮撫安威故舊招之必來迺遣德行威見德敘情好甚歡介德往見顯顯即日以書乞降德復請珙遣劉儀候之顯軍約五千猶未解甲珙令作棹棹陣入陣周視良久乃去如素所無循襲以牛酒皆醉飽歌舞珙料武仙將上砦山絕頂窺伺令樊文彬駐軍其下前當設伏後遮歸路已而仙眾果登山及半文彬麾旗伏兵四起仙眾失措藉厓谷山為之頽殺其將烏舍槍七百三十人棄鎧甲如山薄暮珙進軍至小水河儀還具言仙不欲降謀往商州依險以守然老稚不願北去珙日進兵不可緩夜漏十刻召文彬等授方略明日攻石穴九砦時積雨未霽文彬患之珙曰此雪夜擒吳元濟之時也策馬直至石穴分兵進攻自寅至巳力戰九砦一時俱破武仙走追及於鮎魚砦仙望見易服而遁復戰於銀葫蘆山軍又敗仙與五六騎奔追之隱不見降其眾七萬人獲甲兵無算還軍襄陽修武郎鄂州江陵府副都統制元兵遣宣撫王概約其攻蔡制置使謀於珙珙請以二萬人行因命珙盡護諸將金兵二萬騎繇真陽橫山南來珙鼓行而前金人戰敗卻走迨至高黃陂布展遣圖爾哈特默和克齊阿實克三人來逐珙與射獵割鮮而飲馳入其帳布展喜約為兄弟酌馬酒飲之金兵萬人自東門出戰珙遮其歸路掩入汝河擒其偏裨八十有七人得蔡降人言城中飢珙曰已窘矣當防突圍珙與布展約南北軍毋相犯決堰水布虎落

布展遣萬戶張秉帥精兵五千人入城金人鈞二卒以
往柔中流矢如蟬琪摩先鋒救之挾柔以出黎明琪進
逼石橋鈞致生俘郭山戰少卻金人突至琪躍馬入陣
斬山以徇軍氣復張殊死戰進逼柴潭立柵翼日命諸
將奪柴潭樓金人爭樓諸軍魚貫而上遂拔柴潭樓蔡
人恃潭為固外即汝河潭高於河五六丈樓伏巨弩相
傳下有龍人不敢近將士疑畏琪召麾下飲再行曰樓
伏弩能及遠而不可射近彼所恃此水耳決而注之淵
可立待皆曰隄堅未易鑿琪曰鑿其兩翼可也潭果決
實以薪葦遂濟師攻城擒其兩將斬之獲其殿前右副
點檢溫端礫之城下進逼土門端平元年正月黑氣壓
城上日無光降者言城中絕糧已三月欲降者眾琪下
令諸軍銜枚分運雲梯布城下琪帥師向南門至金字
樓列雲梯令諸將聞鼓則進馬義先登趙榮繼之萬眾
競登大戰城上降其丞相烏陣哩噶老殺其元帥烏凌
阿及偏裨二百人門四開招布展入江海執其參政張
天綱以歸琪問金主所在天綱曰城危時即取寶玉寶
小室環以草號泣自經曰死即火我琪還軍襄陽特授
武功郎主管侍衛馬軍行司公事擢建康府都統制兼
權侍衛馬軍行司職事制置司奏調琪襄陽兼鎮北軍
都統制鎮北軍者琪所招中原精銳百戰之士萬五千
餘人分屯灑北樊城新野唐鄧間俄令赴樞密院稟議
授帶御器械二年授主管侍衛馬軍司公事時暫黃州
駐劄朝辭帝曰卿名將之子忠勤體國破蔡滅金功績
昭著琪對曰宗社威靈陛下聖德三軍將士之勞臣何
力之有帝問恢復對曰願陛下寬民力蓄人材以俟機
會問和議對曰臣介冑之士當言戰不當言和賜資甚

厚兼知光州又兼知黃州三年琪至黃增埧浚隄蒐訪
軍實邊民來歸者日以千數為屋三萬間居之厚加賑
貸又慮兵民雜處因高阜為齊安鎮淮二砦以居諸軍
初章家山毋家山兩堡為先鋒虎翼飛虎營兼主管管
內安撫司公事節制黃蘄光信陽四郡軍馬蒙古兵攻
蘄州琪遣兵解其圍又攻襄陽隨守張龜壽金門守朱
陽祖鄧守喬士安皆委郡去復州施子仁死之江陵危
急詔沿江淮西遣援眾謂無踰琪者乃先遣張順渡江
琪以全師繼之蒙古兵發兩路一攻復州一在枝江監
利縣編筏窺江琪變易旌旗服色循環往來夜則列炬
照江數十里相接又遣外弟趙武等共戰躬往節度破
砦二十有四還民二萬嘉熙元年封階縣男擢高州刺
史忠州團練使兼知江陵府京西北安撫副使鄂州
諸軍都統制蒙古大將特默岱入漢陽境大將昆布哈
入淮甸蘄守張可大舒州李士達委郡去光州董堯臣
以州降合三郡人馬糧械攻黃守王鑑江帥萬文勝戰
不利琪入城軍民喜曰吾父來矣駐帳城樓指畫戰守
卒全其城斬逗留者四十有九人以徇將士彌月苦戰
病傷者相屬琪遣醫視療士皆感泣二年授靈遠軍承
宣使帶御器械鄂州江陵府諸軍都統制授樞密副都
承旨京西北路安撫制置副使兼督視行府參謀官
升制置使兼知岳州迺檄江陵節制司擣襄郢於是張
俊復郢州賀順復荆門軍十二月劉全戰冢頭樊城即
神山屢捷三年春曹文鏞復信陽軍劉全復樊城遂復
襄陽授樞密都承旨制置使兼知鄂州全遣譚深復光
化軍息蔡降琪命以兵逆之得壯士百餘籍為忠衛軍
初詔琪收復京襄琪謂必得郢然後可以通餽餒得荆

門然後可以出奇兵由是指揮方略發兵深入所至以
捷聞琪奏略曰取襄不難而守為難襄樊為朝廷根本
今百戰而得之當加經理如護元氣非甲兵十萬不足
分守乃置先鋒軍以襄郢歸順人隸焉謀報蒙古兵欲
大舉臨江琪策必道施黔以透湖湘請粟十萬石以給
軍餉以二千人屯峽州千人屯歸州忠衛舊將晉德自
先化來歸琪獎用之琪弟瑛以精兵五千駐松滋為藥
聲援遣千德與增兵守歸州隘口萬戶谷蒙古兵自隨
闕江琪密遣劉全拒敵遣伍思智以千人屯施州蒙古
大將塔喇海并圖陸帥師入蜀號八十萬琪增置營砦
分布戰艦遣張舉提兵間道抵均州防遏蒙古兵度萬
州湖灘施藥震動琪兄環時為湖北安撫副使知峽州
急以書謀備禦琪請於督府帥西上環調金鏢一軍
迎拒於歸州大堽砦劉義捷於巴東縣之清平村琪弟
瑋選精兵二千駐澧州防施黔路四年進封子琪條上
流備禦宜為藩籬三層乞制副司及移關外都統一
軍於夔任涪南以下江面之責為第一層備鼎澧為第
二層備辰沅靖桂為第三層峽州松滋須各屯萬人舟
師隸焉歸州屯三千人鼎澧辰沅靖各五千人榔桂各
千人如是則江西可保又遣楊鼎張謙往辰沅靖三州
同守俸曉諭熟蠻講求思播施黔支徑以圖來上會謀
知蒙古兵於襄樊隨信陽招集軍民布種積船材於鄧
之順陽乃遣張漢英出隨任義出信陽焦進出襄分路
掩其勢遣王堅潛兵燒所積船材又度師必因糧於蔡
遣張德劉整分兵入蔡火其積聚制拜寧武軍節度使
四川宣撫使兼知夔州招集麻城縣巴河安樂磯管公
店淮民三百五十有九人皆沿邊經戰之士號寧武軍

令璋領之進封漢東部侯兼京湖安撫制置使回鶻
爾巴圖爾帥壯士老稚人馬來降勅飛鵝軍改節爾名
艾忠孝充總轄之補以官四川制置使陳隆之與副使
彭大雅不協交章於朝琪曰國事如此合智并謀猶懼
弗克而兩司方勇於私闖豈不愧廉藺之風乎馳書責
之釐蜀政之弊為條班諸郡縣曰差除計屬曰功賞不
明日減剋軍糧曰官吏貪贖曰上下欺罔又曰不擇險
要立砦柵則難責兵以衛民不集流離安耕種則難責
民以養兵乃立賞罰以課殿最俾諸司奉行之兼襄路
制置大使兼范田大使軍無宿儲琪大與屯田調夫築
堰募農給種上屯田始末與所減秀食之數降詔獎諭
淳祐二年琪以京裏死節死事之臣請於朝建祠岳陽
歲時致祭有旨賜名閔忠廟准東受兵樞密俾琪應援
遣李得帥精兵四千赴之琪子之經監軍謀知京北府
伊克諾延以騎兵三千經商州取鶻領關出房州竹山
遣王令屯江陵等進屯鄂州劉全屯沙市焦進提千人
自江陵荆門出襄棧劉全齎十日糧取道南漳入襄與
諸軍合蒙古兵至三州琪下令應出戍主兵官不許失
棄寸土權開州梁棟之糧請還司琪曰是棄城也棟至
夔州使高達斬其首以徇由是諸將稟命惟謹蒙古兵
至瀘琪命重慶分司發兵應援遣張祥屯涪州拜檢校
少保進封漢東郡公琪言沅之險不如辰靖之險不如
沅三州皆當措置而靖尤急今三州粒米寸兵無所從
出此京湖之憂一江防上自秭歸下至壽昌亘二千里
自公安至峽州灘積凡十餘處隆冬水涸節節當防兵
諱備多此京湖之憂二今尺籍數虧旣守灘積又守關
隘此京湖之憂三陸抗有言荊州國之藩表如其有虞

非但失一郡當傾國爭之若非增兵八萬併力備禦雖
韓白復生無所展巧今日事勢大略相似利害至重四
年兼知江陵府五年御筆以職事修舉轉行兩官許令
回授琪至江陵登城歎曰江陵所恃三海不知沮洳有
變為桑田者敵一鳴鞭即至城外蓋自城以東古嶺先
鋒直至三汊無所限隔迺修復內隘十有一別作十隘
外有距城數十里者沮漳之水於舊自城西入江因障
而東之俾遠城北入於漢而三海遂通為一隨其高下
為置蓄泄三百里間渺然巨浸土木之工百七十萬民
不知役給圖上之琪以身鎮江陵而兄璟帥武昌故事
無兄弟同處一路者乞歸田不允元大將大納至江陵
遣楊全伏兵荆門以戰琪先期謀知達於樞密檄兩淮
為備兩淮不知也後果如所報琪奏襄蜀蕩析土無所
歸蜀士聚於公安襄士聚於鄂渚臣作公安南陽兩書
院以沒入田廬隸之使有所教養請帝題其榜賜馬初
琪招鎮北軍駐襄陽李虎王旻軍亂鎮北亦潰乃厚招
之降者不絕行省范用吉密通降款以所受告為質琪
白於朝不從琪歎曰三十年收拾中原人今志不克伸
矣病遂革乞休致授檢校少師宣武軍節度使致仕終
於江陵府治是月朔大星隕於境內聲如雷卒之夕大
風發屋折木特贈少師三贈至太師封吉國公諡忠襄
廟曰威愛琪忠君體國之念可貴金石在軍中與參佐
部曲論事言人人異琪徐以片語折衷眾志皆慚詞士
遊客老校退卒壹以恩意撫接名位雖重惟建鼓旗臨
將吏面色凜然無敢涕唾者退則焚香掃地隱几危坐
若蕭然事外遠貨色絕滋味其學邃於易六十四卦各
繫四句名警心易贊亦通佛學自號無庵居士

杜杲字子昕邵武人父穎仕至江西提點刑獄杲以父
任授海門買納鹽場未上福建提點刑獄陳彭壽檄搆
闖尉江淮制置使李珪羅致幕下濠州受兵檄杲提偏
師往援甫至民蔽野求入避濠守固拒杲啟鑰納之金
人圍城數重杲登陴中矢益自鼓勵卒全其城調江山
丞兩浙轉運使朱在辟監崇明鎮崇明改隸淮東總領
與總領岳珂議不合慨然引去珂以貢蘆錢劾朝廷察
蘆無虧三劾皆寢淮西制置曾式申辟盧州節度推官
浮光兵變杲單騎往誅其渠魁守將爭餉金幣悉封貯
一室將行屬通判鄭準反之安豐守告戍將扇搖軍情
且為變帥欲討之杲曰是激使叛也請與兩卒往呼將
諭之曰而果無他可持吾書詣制府將即日行一軍帖
然知六安縣民有變其妻者治命與二子均分二子謂
妾無分法杲書其贖云傳云子從父合律曰違父教令
是父之言為令也父令子違不可以訓然妾守志則可
或去或終當歸二子部使者季衍覽之擊節曰九州三
十三縣令之最也知定遠縣會李全犯邊衍時為淮帥
辟通判濠州朝廷以杲久習邊事擢知濠州制置大使
趙善湘謀復盱眙密訪杲杲曰賊恃外援當斷盱眙橋
梁以困之卒用其策成功金眾數萬駐榆林阜請降輜
重甚富或請誘而圖之杲曰殺降不仁奪貨不義納之
則有後患論而遣之召奏事差主管官告院知安豐軍
善湘與趙范弟葵出師遷淮西轉運判官詔問守禦
策杲上封曰沿淮早蝗不任征役中原赤立無糧可因
若虛內事外移南實北腹心之地必有可慮時在外諫
出師者惟杲一人及兵敗洛陽人始服其先見奉崇道
祠再知濠州未行改安豐蒙古兵圍城與杲大戰明年

大兵復大至又大戰擢將作監圖書慰諭之丞相李宗勉參知政事徐榮叟曰帥淮西無逾杜杲者詔以安撫兼廬州進大府卿淮西制置副使兼轉運使復與蒙古兵戰累疏請老不許權刑部尚書禧祐元年乞去愈力擢工部尚書遂以直學士奉祠帝欲起之帥廣西以言者罷帝曰杜杲兩有守功若脫兵權使有後禍朕何以使人乃起知太平州俄擢華文閣學士沿江制置使知建康府行宮留守節制安慶和無為三郡復與蒙古兵戰於宜州進敷文閣學士遷刑部尚書引見帝加獎勞乞歸不許兼吏部尚書杲隨資格通其礙銓宗為精梁成大子賂當國者求銓試杲曰昔沈繼祖論宋文公成進徽猷閣奉祀請老升實文閣致仕帝思前功進龍圖閣卒遺表上贈開府杲淹貫多能為文麗密清嚴善行草急就章晚歲專意理學嘗言吾兵開無悖謀左畫得於四書子庶

庶字康侯幼働儻有大志性剛勁通宋典故善為文從父兵開習邊事未入仕已立戰功明堂恩補官蒙古兵圍安豐兵將不相下庶調護成得其歡心卒協力捍禦杲帥淮西辟書寫機宜文字遷將作監簿杲在建康庶通判和州權知真州郡素缺備庶大修守禦後歷遷司農丞知和州陞辭言今天時不可幸地利不可恃人和不可保苟恃天幸恃長江恃清野而付邊事於素不諳歷之人未見其可帝嘉納尋兼淮西提點刑獄浚城濠增守備修學宮知真州兼淮東提點刑獄逾年進直秘閣移淮西兼廬州安撫副使治績甚多就任加刑部郎中升實文閣與蒙古兵戰於望仙白沙城升華文閣開

慶元年進大理少卿淮東轉運副使兩淮制置司參謀官特授兩淮制置使如揚州射陽湖饑民哺聚庶曰吾赤子也遣將招刺得丁壯萬餘數止首惡數人抗章自劾召赴行在等直實文閣知隆興府江西轉運副使卒王登字景宋德安人少讀書喜古兵法慷慨有大志不事生產出制置使孟瑛幕府權知巴東縣獻俘制置司登念奮自書生不拜竟棄功去消祐四年舉進士調興山主簿總領賈道檄修江陵城條畫有法明年制置使李曾伯經理襄陽登在行以積功升尋以母憂去及吳淵為制置使邊事甚亟因憶弟潛盛言王登才略具書幣招之登方與客奔發書衣冠拜家廟長揖出門淵慨然曰事亟矣奈何登曰亟呼諸將共議眾至驩躍曰景宋在此淵曰汝輩欲西門去景宋欲從方城如何眾曰惟命登曰用兵慮不一登書生不遇馮斌觀戰請五大帥中擇一人為節制淵曰請監丞出正謂此也即書銀牌曰監丞代某親行將士用命不用命賞罰畢具申登至沙市稚牛醞酒得七千人誓曰登與諸將義同骨肉今日之事登不用命諸將殺登以獻主帥諸將有一不用命登有制在不敢私也眾股慄聽命竟立奇功於沮河趙葵為制置使見登握手曰景宋一身膽惜相見晚也俾參宣撫司兼京西兩節馬光祖為制置使辟充參謀官遷軍器少監京西提點刑獄登威聲日振有余思忠及徐制幾議於光祖曰京湖知有王景宋不知有馬制置非久易位矣光祖疑焉出登屯鄧州後以幹辦鍾蜚英調護情好如初侍御史戴慶珂劾思忠其黨遇元龍沈着在幕中又傾之以是議論不合才略不能施議者惜焉開慶元年登提兵援蜀約日合戰夜分登經

理軍事忽絕制五藏出血幕客唐舜申至登尙瞪目視几上文書俄而卒他日舜申舟經漢陽有蜀聲呼唐舜申者三左右曰景宋聲也是夕舜申暴卒

揚揆字純父撫州臨川人少能詞賦故人薦淮閩杜杲幕杲曰風神如許他日不在我下由是治法征謀多忤於揆逾年安豐被兵揆慨然請行乃以奇策解圍奏補七官揆念置身行伍開騎射所當工夜以青布藉地乘生馬以躍初過三尺次五尺至一丈制置使孟瑛辟於幕嘗用其策瑛嘗燕客有將校語不遜命斬之揆從容曰斬之誠是第方會客廣謀議非其地非其時也瑛大服未幾有大將立功珙坐受其拜揆為動色因歎曰大將立功庭參納拜信與整不如毛錐子也於是謝絕賓客治進士業遂登第調麻城尉向士璧守黃州檄入幕尋以戰功升三官無何得心疾日我不可用矣遂調潭州節度推官趙葵為京湖制置使揆與偕行王登遊於沙市極談至夜分揆退曰王景宋滿身是膽惜欠沈細者如揆副之何事不可為也但恐終以勇敗後登死人以為知言逾時士璧守峽州招之病不果行而卒贈架閣

張惟孝字仲友襄陽人長六尺通春秋下第乃工騎射城中亂爭出關惟孝拔劍殺數人趨白河見一舟壯鉅甚急登之舟人不可惟孝曰今日之事非汝即我能殺我者得此舟眾披靡遂以舟達鄂州兵亂奔沙洋別之傑為帥盡隘諸湖不泄水惟孝令二人賈服前行密窺隘兵曰易耳耳乃與十騎衣黑袍假為敵兵日後隊至守隘四五百人悉潰舟趨藕池開慶元年卜居江陵至沙市眾舟大集不可涉頃有裝冠張蓋從者數十則

宣撫姚希得之弟也合曰敢有爭岸者投水中惟孝
晚良久提劍驅左右而出舉白旗以麾合眾船登岸母
敢亂次餘官鍾蜚英見而異之以告唐舜申舜申曰吾
故人也具言惟孝平生蜚英謂曰今日正我輩趨事赴
功之秋惟孝不答又叩之則曰朝廷負人明日蜚英導
希得羅致之宴仲宣樓蜚英酒酣曰有國而後有家天
下如此將安歸乎惟孝躍然曰從公所命乃請空名帖
三十以還逾旬以三十騎俱擁甲士五千至旗幟鮮明
部伍嚴肅上至公安下及墨山游路相繼希得大喜請
所統姓名惟孝曰朝廷負人福難禍易聊爲君侯紓一
時之難耳姓名不可得也時鼎澧五州危甚於是擊鼓
耀兵不數日眾至萬人數戰俱捷江上平制使呂文德
招之不就而遁物色之不可得或云已趨淮甸後不知
所終

陳咸字逢儒監察御史升卿次子爲叔父巨卿後登涪
熙二年進士第調內江縣尉縣吏受賄賦民不均咸以
聞於部使者爲下令聽民自陳利病而委咸均其賦改
知果州南充縣轉運司辟主管文字歲旱稅司免下戶
兩稅轉運使安節以爲虧漕計咸白安節曰苟利於民
違之不可因言今楮幣行於四川者幾虧三百萬苟增
印百萬足以補放免之數安節從之軍多濫請咸每裁
損帥屬以爲言咸曰咸首可斷濫請不可得蜀歲收激
賞權輸絹錢民以爲病咸白安節覈入節出奏歲減二
十餘萬緡權知資州時久旱咸被命即請帥臣發粟二
千餘石以賑明年東西川皆旱總制二司議蠲民賦而
慮虧國課咸請增印未補發引百有九萬以償所蠲議
遂決大修學宮政以最聞改知普州開禧元年邊事興

四川宣撫使程松奇其才辟主管機宜文字咸首貽書
論兵不可輕動勸松搜人才練軍實考圖籍以疏財用
之源視險要以決攻守之計約大將面會以免疑忌之
嫌捐金帛募死士以明間探之遠出虛擄奇之策審於
當用倖勝趨利之謀寢而勿行松復書深納然實不能
用副使吳曦蔑視松易置將兵不關白正使松務爲簡
貴咸憂之復說松收梁洋以北義士爲緩急用據險扼
立關堡杜支徑以備不虞松又不能用遷利路轉運判
官及曦叛於金關外四州繼沒人情大駭咸留太安軍
督軍糧檄其守楊震仲賑流民備姦盜眾稍安安丙密
以曦反謀告咸咸即遣人告松松不之察曦以咸蜀名
士欲首脅之以令其餘檄咸議事咸不往遂之利州李
道傳問咸計將安出咸曰事極不過一死耳必不爲吾
蜀累也語家子欽曰咸受國厚恩義當擊賊恨無兵權
獨有下策削髮以全臣節會曦以書招之急咸答書勸
其稟命既而欲親諭之遂行知曦已僭亂曰吾書不可
用矣還至后鐵入帳中以刀自斷其結披緇而出景望
遣兵拘咸於岸曦聞怒甚吳晁勸曦召咸主武興寺因
殺之安丙力爲解救乃得釋歸曦既誅咸語諸子曰吾
不能討賊而棄官守罪也上表自劾安丙楊輔等皆勉
其出丙等奏以咸總蜀賦從之時僭亂後帑藏赤立咸
至武興與丙商權利病兵政財計合爲一家規畫備至
故軍興增支之數八千七百五十餘萬皆不取於民咸
總賦之始贍軍帑廩縉不過一千四百五萬餘糧不過
九十一萬餘料不過二萬餘成晝夜精調調度有方不
二歲益昌大軍庫有楮引百八十萬成都免引場榷撥
二百一十餘萬城下三倉軍糧四十餘萬石預借米本

一百一十餘萬又別貯軍糧百四十九萬石料七萬餘
而布帛絲綿銅鐵錢與祠牒不預焉蜀錢引舊約兩界
五千餘萬半藏於官自軍興引皆散於民宣總三司增
制三界通行八千餘萬價日益落咸捐一千二百餘萬
緡以收十九界之半又與丙議合茶馬司之力再收九
十一界續造九十三界以兌之於是引價復昂糧價頓
減嘉陵江流忽淺或云金人截上流咸疏而導之自益
昌至於魚梁饋運無阻金州地險咸增饋米以實之人
皆曰金州之險金人不可向何益之爲咸曰敵至而慮
無及矣未幾金人攻上津守賴以固召爲司農少卿卒
丙列奏其功賜諡勤節初宣諭使吳玠嘗表其節詔進
二秩咸乞回贈所生父母焉

欽定續通志卷四百二

列傳

宋一百八

趙汝談

趙汝謙

趙希鉉

趙彥呐

趙善湘

趙與權

趙必愿

趙汝談字履常生而穎悟年十五以大父思補將仕郎登治熙十一年進士第丞相周必大得其文異之曰他日有大名於世調汀州教授授廣德軍添差江西安撫司幹辦公事嘗從朱熹訂疑義十數條熹嗟異之佐丞相趙汝愚定大策汝愚欲驟以詞掖處之力辭去持祖母服汝愚去國與其弟汝謙上疏按汝謙傳云汝謙言汝談汝愚是汝談與汝謙兄弟言非是且汝謙同上也今據增與字乞留汝愚斬侂冑兄弟罹黨禍斥去等調安慶府教授添差浙東安撫司幹辦公事丁母憂免喪召爲大社令以參知政事李璧薦召試館職擢正字是時吳曦叛上下束手或請就以曦爲王汝談詰之曰孰欲王曦者可斬其人不能對遂以言去主管崇道觀添差通判嘉興府改知無爲軍與光州守柴中行安豐守陸峻俱稱循吏時金人內變有旨令獻料敵備邊二策宋沿邊諸郡權大削所言後皆有驗改湖北提舉常平賑饑盡力知温州改知外宗正遷江西提舉常平廩宗崩以哀痛得疾理宗表力寓勸戒陳頌曰此諫書也數旬祠授江西轉運判官辭不獲命之官一月以言者罷先是汝談因疾去官言者謂其傲脫軒冕不樂爲世用至是彌遠不與祠迺杜門著述端平初以禮部郎官召入對言倚用老成廣集忠智訪求眾弊之原辟取可行之策又言大佞似忠大姦似聖改祕書

少監兼權直學士院時集議出師汝談言反覆不可輕戰而和尤非計既而三京收復雖前言用兵不便者亦喜汝談獨有憂色未幾洛師敗朝論始服其先見遷宗正少卿兼崇政殿說書因講論語而言漢元帝恭儉無過惟以剛不克改明不能繹優柔不斷漢業遂衰權吏部侍郎升侍讀兼直學士院兼同修國史院同修撰以所注易進講時朝議履畝稱楮汝談言非便近時宰意京師軍變宰相乞貶秩帝已允汝談奏恐失體持不可草答詔以爲貶秩易番舉措難宰相滋不悅以言去國提舉崇禧觀起知婺州召赴行在權禮部侍郎兼學士院力辭兼直時金兵新破三關增秩稱提官楮四部獲賞汝談獨感額登對首疏言邊面無可倚仗乞簡拔俊傑如吳用周瑜魯肅晉任祖逖陶侃故事使之各分方面推轂授權巴蜀一人荆襄一人兩淮各一人一切便宜行事不復更從中御庶幾伸縮由己機用出心蓋推廣鄉者備邊之策且曰臣之此策行於開禧末用兵之前決不至罹今日之患其論格法尤中時弊權給事中權刑部尚書及卒轉兩官遺表上又轉四官汝談天資絕人沈思高識自少至老無一日去書冊其論易以爲爲占者作書堯舜二典宜合爲一禹功只施於河洛洪範非箕子之作詩不以小序爲信禮記雜出諸生之手周禮直傳會女主之書要亦卓絕特立之見爲文章有技巧篤於倫誼而忘仇怨嘗議論韓非李斯皆有苟卿之才惟其富貴利欲之心重故世得而賤之惟卿獨能守其身不苟希合士何可不自重哉

趙汝謙字蹈中少儉儻有軼材智略出人上龍泉葉適嘗過其家勸之學汝謙折節讀書與兄汝談齊名天下

稱爲二趙以祖遺恩補承務郎應泉州市舶務利州大軍倉屬從臣薦宗室之賢者監行在右藏西庫韓侂胄謀逐趙汝愚汝謙兄弟言非是且上言訟汝愚冤侂胄懼其詞直使其黨胡紘再攻汝愚以汝謙兄弟受汝愚厚恩私屬爲之畫策斥使去國坐廢十年調華亭浦東鹽場棄職去辟浙西安撫司幕官調發書昭慶軍節度判官皆不赴以前官改鎮東軍登嘉定元年進士第爲大社令遷將作監簿大理司農丞與史彌遠不合請外改湖南提舉常平易江西等提點刑獄瑞州大姓幸氏貪徐氏田不可得強取其禾終不與誣以殺婢真徐獄徐訴其冤汝謙以反坐法黥竄幸氏籍其家幸氏走告急於中宮徙汝謙湖南既至則表直臣龔夫墓瀏陽有豪民羅氏奪民田汝謙復懲以法遷知温州按危稹漳州有經總制無名錢歲五千緡周民爲甚前守趙汝謙奏調五之二此事本傳不載是汝謙又曾知漳州矣卒汝謙常言宗子不忘君孝子不辱身臨難則功業當如朱虛立身當如子政

趙希鉉字君錫舊名希詰登慶元二年進士第改賜今名少扶父喪歸道遇寇左右駭散希鉉拊棺慟哭不懼寇義而去學於陳傅良徐誼既舉進士調汀州司戶嗣寇李元礪方起汀人震懼都會僚佐護守城希鉉下坐無一語守異之曰不言得無有所見乎希鉉曰守城非策也距城三十里有關曰古城若悉精銳以扼其衝賊不足慮矣守以付希鉉希鉉至關審形明開申令謹候分畫相定賊已遣謀窺關希鉉得謀詰之縱其舉火相示而羸師以誤之夜半賊數百銜枚突至希鉉嚴兵以待賊且至始命矢石俱下賊無一免餘黨聞風而遁事聞詔升州推官治疑獄決滯訟攝下邑弭亂卒調主管

襄州路轉運司帳司疏大寧鹽井利病使者上諸朝民便之改知玉山縣未行召對首言民力困於食吏軍力困於饋帥國家之力則外困於歸附之卒內困於浮冗之費次論四蜀銓科舉之弊次論大寧鹽井本末寧宗嘉納之授大理寺丞遷大宗正丞權工部郎官會朝議燕邸近屬赴朝參者少命希館易班希館力辭弗克特換授吉州刺史提舉佑神觀未幾廷臣言宗姓換班人嘗舉進士請視朝士聽輪對於是希館次對時首論今日多事之際未有辦事之人朝紳以寂寞為清重以刻薄為舉職以無所可否為識體固寄以大言為有志以使過為知恩臣非敢厚誣天下為無人患在選擇未得其道器使未當其才爾授成州團練使進和州防禦使理宗即位進潭州觀察使以公族近邸恩特加厚又進安撫軍承宣使引對言初政急務莫先於明道總治統收人心帝為動容越明年論祠祭不蠲禁衛不肅慈明宮上壽升節度封信安郡公卒希館風資疑重負抱魁磊揚人之善不記人之過急人之難不忘人之恩居官祁寒盛暑未嘗謁告衣食取裁足而已追封信安郡王趙彥呐字敏若居彭州按宋史本傳作彭州人彥呐登趙宗室不得云彭州人今改四川類試第少以材稱吳曦叛以祿禧偽守護彥呐結義上殺之遂顯名嘉定十二年關外西和州新被兵制使安丙檄使經理金人再至戰卻之因請修州北水關募民耕戰以守又勸丙盡捐關外四州租結民兵使各自為守皆不行在州五年得軍民心轉提點刑獄尋帥兩時譽甚都及推輿之代丙始察其大言無實謂他日誤事者必此人請廟堂母付以邊藩等奪其節制寶慶元年乃移帥興元二年會鄭損棄四州退保三關彥呐

力爭不勝罷歸家者五年紹定四年桂如淵代損起彥呐於副使更李黃黃伯固皆彥呐副之端平元年遂升正使丞相戴清之趣其出兵以應入洛之役不從秦鞏之豪汪世顯久求內附至是彥呐為力請數四清之亦訖不從三年金人大入至三泉彥呐大敗貶衡州其子沈夫用事亦竄嶺南史嵩之留之江陵兩年卒趙善湘字清臣濮安懿王五世孫父武翼郎不陋從高宗渡江間明州多名儒徙居焉善湘以恩補保義郎累轉忠訓郎慶元二年舉進士以近屬轉秉義郎換承事郎調金壇縣丞五年知餘姚縣開禧元年添差通判婺州嘉定元年以招茶寇功赴都堂審察提轄文思院出判無為軍十三年歷遷進直寶文閣以平固始寇功賜金帶許令服繫十七年拜大理少卿進右文殿修撰知鎮江府封祥符縣男賜食邑寶慶二年進封子加食邑紹定元年以朔防江軍寧淮軍及平越州畔寇劉慶福等功皆升其官三年進煥章閣直學士仍任進封伯加食邑以李全犯淮東進煥文閣學士江淮制置使乃命專討許便宜從事四年進封侯加食邑及戮全善湘遣使以露布上乃進兵部尚書仍兼任以平閩寇功轉江淮安撫制置使五年復泰州淮安州鹽城淮陰縣四城及策應京湖功進瑞明殿學士與執政恩例仍任升留守加食邑以受金樞密副使納哈塔邁珠降復盱眙軍泗壽二州功進資政殿學士加食邑遣使賜手詔金器等物九疏乞歸皆不許請愈力進大學士提舉洞霄宮封天水郡公加食邑監察御史劾奏善湘御筆以善湘有討逆復城之功廢其奏嘉熙二年授沿海制置使兼知慶元府帥節制改知紹興府兼浙東安撫使三年兩

請休致四乞歸田復提舉洞霄宮清祐二年帝手詔求所解春秋進觀文殿學士守本官致仕卒贈少師贈贈加等趙與懌字悅道燕懿王八世孫嘉定七年進士調會稽尉改建寧司戶參軍中明法科攝浦城縣遷大理評事轉對言天變民情國威三事又言死囚以取會駁勸動涉歲時類瘋死而干證者多斃逆旅宜精擇憲臣悉使詳覆果可疑則親往鞠正必情法輕重可閔始許審委遷籍田合歷遷宗正丞兼權都官郎官改倉部權度支以直寶章閣知安吉州郡計仰權酷禁網峻密與懌首捐以子民設銅鉦懸門欲懲者擊之冤無不直喪母朝廷屢起之不可議使守邊授淮西提點刑獄弗能奪再期以刑部郎官召乞終禫奏祠復半載乃趨朝自恢復退師又議納使與懌言在朝迎合政出多門必得智識氣節之士布列中外兼權檢正遷宗正少卿兼權戶部侍郎尋兼知臨安府浙西安撫使同詳定劄決明暢罪者咸服郊祀之夕大風雷與懌言國本未定又陳弔盜固本之策有以刑罰衡數言於帝者與懌言導民有本人心本善有感必從或謂厲以威待以術者非知本之論且言朝令夕改非以新旁踐曲非以肅紀綱帝為悚然明年改元嘉熙與懌殘破或望風棄地召見便殿言韓琦當仁宗朝猶晝夜泣血今主憂臣辱矣因具言防邊之道其後多見施行與懌招刺三千人為忠毅軍又言禁衛虛籍及京口諸郡悉宜募兵統以郡將財先贍軍餘始上供乞省不急之費薦文武士四十八遷戶部侍郎兼權兵部尚書論邊事至為深切星變上章請罷大火力言災變之烈謂臣罪擢髮莫數猶欲以

去國爲言少悟上聽頗祇畏天威思以實德及民始自上躬痛加節約廣推振恤五請竄於是中書方大琮言與權素自潔修疏財輕爵人所共知不幸遇此觀其待罪之章懇切至到未嘗不歎其知義也乞命所請使小大之臣皆知引咎乃收一階尋復之與權請先敘復同降官屬又言艱難不可爲之時當慷慨厲志深爲人才兵力思遷戶部尚書兼權吏部累乞祠不許論權幣自嘉定以一易二失信天下嘗出內幣收換屢稱提而折閱益甚嘗請兩界並展十年勿議造新賁州縣毋以損污抑沮至是遂請不立界限以絕其疑所以區畫者甚備其後詔宰相徧詢侍從與權又以前說陳之有欲以端平錢當五行使與權謂開禧嘗以一當三何救於楮且曰士大夫不清白奉法恪意扶持雖日易一法無裒於楮而國非其國矣每言端平以來竄賊吏禁包苴戒奔競敢橫敏而風俗沈疇自若疏之別邪正警偷惰獎用恬退質直之士以絕躁競浮靡之習內廷有關於除授者必斥暗室有涉於誘議者必思又言軍政弛而尺籍不明總兵者或緣功賞開隙隙內則班行推求速化守牧類多貪庸楮幣日非浮冗不節指陳無虛日大風震雷數見因具陳邊事且言人才國用民力兵威願乘此機加意根本遷吏部尚書力求歸田會湖汐齧隄執政道帝意留治之授端明殿學士知臨安府浙西安撫使江隄竣事獄空力乞罷依舊端明殿學士提舉萬壽觀出關遣使趣還會饑民相攜溺死帝仍付臨安府事恩例視執政與權涕泣奉詔上則祈哀朝下則推誠勸分甘雨隨至米商來集流移至者有以濟之力求納祿授資政殿學士提舉萬壽觀與權三爲府尹盡力民

事都人稱趙端明必以手加額曰趙佛子也久之以舊職知温州政事必親吏不敢欺水砦修貢院以侍讀召辭不許入對言爵祿之濫因及國本事五句歸又不許升大學士薦士六十人史嵩之將復入相人言不已帝以問與權言嵩之老師費財私暱貪富過立名譽必不宜復用時嵩之猶子瑛卿誦言其過忽鑿而杜範劉漢弼徐元杰二賢暴死人皆疑嵩之致壽與權請優恤以壞證付庸醫僅支殘息徒運巧心天下事尙堪再誤耶時相忌之尋授安德軍節度使開府儀同三司萬壽觀使日食應詔言事益切建儲未定乃申言之又言人才乏使賊吏不悛民昔流而南今流而北盜昔伏於遠今伏於近體認不眞賢否無別國將誰與立邪願富一代之儲使小人無間可投以絕隱伏之禍帝爲改容袁士宋斌少從黃幹李燔登朱熹之門學禁方嚴躡旅困沮年且八十與權延之事以父行奏乞用旌禮布衣故事死葬西湖上歲一祭焉帝逐二諫臣與權力爭之五乞免朝請三乞致仕俱不允賜泰卦詩忠邪辨自是國事皆縷縷言之有不勝書蓋其忠君憂國本諸天性拜少傅卒遺表猶不忘規正賄賂有加詔有司治葬贈少師追封奉化郡王諡清敏累贈太師與權嘗謂士大夫有貪聲則雖奇才奧學徒以蠹國害民爾故斂之夕而金帶猶質錢民家云

趙必愿字立夫廣西經略安撫崇憲之子也以大父汝愚遺表補承務郎開禧元年銓監平江府糧料院調常熟承嘉定七年舉進士知學安縣判如流吏不能困修學政立催科法列戶名爲三等以三期爲約足者旌之未足者寬以趣之踰期不納者里胥程督之民皆感慄願輸半胥吏鬻鹽之弊擅發光化社倉活饑民帥怒逮吏欲懲之必愿曰芻牧職也吏何罪束擔俟譴帥無以詰而止舊有均惠倉無所儲必愿捐婚錢增糴至二千石力主義役之法鄉選善士任以推排入資買田助役則免有產之家有感化者出已田以倡遂遍行一邑上下便之臺府以聞下其式八郡四十八縣秩滿授湖廣總所幹辦公事丁父憂貽書問學於黃榦服除差充兩浙運司主管文字再考特差充提領安邊所主管文字差知全州陞辭奏乞下道江二州訪周敦頤之後知常州改知處州陳折帛納銀之害皆得請移泉州罷白土課及免差吏權鐵諷諸邑行義役秋旱力講行荒政乞撥永儲廣儲二倉米賑救差主管官告院越五日詔依舊差兼知台州一循大父之政政教兼舉端平元年以直秘閣知婺州至郡免催紹定六年分小戶綾羅錢三萬緡有奇立消良頑慢二籍勸懲人戶措置廣惠倉及諸倉積穀奏乞寬減內帑綾羅申省免用舊例預解諸色窠名錢罷開化稅場遷大府寺丞尋遷度支部中詔以汝愚配享宣宗從必愿請也兼右司郎中引見疏言陛下英明密運斷出於獨固欲一切轉移之然朝廷除授軍國賞罰本至公也今有姓名未達於廟堂而遷擢忽由於中出斥逐三衛竟不指名罪狀陛下雖有去弊之心而動涉可疑之迹陛下亦何樂此時論偉之三京兵敗邊事甚重詔條上守禦計必愿言十事下哀痛之詔合江淮之兵抹江陵之急節財用之宜廢議和之使撫無歸之民處北來之眾置鎮撫之使擇帥闕之代拔未用之將皆切於邊要政府議楮幣日輕欲合諸州

再用印及他為稱提之法按建炎以來朝野雜記載稱為四川宣撫副使始命益梓利三路茶鹽酒課及租佃官田應輸錢引者每千別輸三十錢為鑄本於是三路每歲共得錢四十三萬一千緡為鑄本又得其贏十八萬緡文以其二十四萬七千緡為鑄本又得其贏十八萬緡有奇以助軍食必愿力爭不可嘉熙元年貽書政府論之用至今不減

邊防事宜授右司郎中火災必愿應詔上封事又論濟王及國本事遷左司郎中又遷司農少卿兼左司轉對言正氣日消月沮母令人臣以指斥懷疑毋致陛下以厭言得諄時直士相繼去故必愿及之兼敕令所刪修官拜司農卿兼職如故累遷宗正少卿詔依舊太府卿仍兼職且兼中書門下檢正諸房公事轉對言今日之事動無良策惟在側身修行祈天永命而已遷起居舍人兼職仍舊大水上封事請宜合眾謀屈羣策上而摺紳下而芻蕘各陳所見擇其可用之策以授任事之臣庶幾千慮一得暫兼權右郎官言財不可輕施妄用長此不已必至顛覆權吏部右侍郎兼國史修撰時邊事急必愿應詔言宜敕彭大雅自重慶領王青之兵東下以復夔賁李安民及歸峽二守以自教調一將督中流之師以伐其順流之謀調一將自閬道出鼎澧之後以折其擣虛之鋒調一將助芮興之勢以備江陵之急又宜下湖南遣飛軍及團結民兵之類守沅江益陽江以防衝突長沙盡收江上民船無資敵用區畫皆中事機遷戶部侍郎權戶部尚書疏言端平元年洛師輕出連年喪失郡縣去冬安豐危而復安特天幸爾君臣動色太平自賀雷作於雪宴之先期蜀警於大宴之册命戒心一弛赫鑿已隨之矣又乞諭太府丞駭戶部收支數目庶見多寡益虛之實有餘則儲之以待朝廷之取撥開則助之以示官府之一體一疏迂丞相史嵩之乞免

官乞祠皆不許以司諫鄭起潛論列以實謨闕直學士奉祠辭職名不許消祐五年以華文閣直學士知福州福建安撫使三辭不許聞人聞必愿至欣然歎美必愿平易近民忠信厚俗惻怛勤政行鄉飲酒旌退士獎高年裁僧寺實封之數尤留意武事甫入境即以軍禮見戎帥申明左翼軍節制事宜措置海道修水教士卒知勸居官四年累乞歸及命召又三辭皆不許卒遺表上贈銀青光祿大夫必愿才周器博心平量廣而又蚤聞家庭忠孝之訓師友正大之言故所立卓然可稱云

非寧宗意立理宗又獨相九年擅權用事專任僥性理宗德其立己之功不思社稷大計雖臺諫言其姦惡弗恤也彌遠死寵渥猶優其子孫厥後為製碑銘以公忠翊運定策元勳題其首濟王不得其死識者羣起而論之而彌遠反用李知孝梁成大等以為鷹犬於是一時之君子貶竄斥逐不遺餘力云

鄭清之字德源慶元之鄞人初名鑾字文叔少從樓昉學嘉泰元年入太學十年登進士第調陝州教授帥趙方嚴重新許可清之往白事命其子范葵出拜方掖清之無答拜且曰他日願以二子相累湖北茶商羣聚暴橫清之白總領何炳曰此輩精悍宜籍為兵緩急可用炳亟召募之號茶商軍後多賴其用調湖廣總所準備差遣國子監書庫官十六年遷國子學錄丞相史彌遠與清之謀廢濟國公事見皇子竑傳俄以清之兼魏惠憲王府教授遷宗學論遷太學博士皆仍兼教授寧宗崩丞相入定策詔旨皆清之所定理宗即帝位授諸王宮大小學教授遷宗學博士宗正寺丞兼權工部郎兼崇政殿說書帝問外人因問子庫進絲履有誇議清之言禁中服用頗事新潔者帝曰故事月進鞞數兩朕非敵不易何由致誇清之奏孝宗繼高宗故儉德易章陛下繼寧考故儉德難著寧考自奉如寒士衣領重澣革烏屢補今欲儉德著聞須過於寧考方可帝嘉納寶慶元年遷起居郎二年進給事中紹定元年遷翰林學士知制誥兼侍讀升兼修國史寶錄院修撰端明殿學士簽書樞密院事三年授參知政事兼簽書樞密院事四年兼同知樞密院事六年彌遠卒命清之為右丞相兼樞密使端平元年帝既親總庶政赫然獨斷而清之亦

慨然以天下為己任伏讀通鑑編覽 御批理宗受故事前此之謂失制權者九年直待彌遠死後始親清之因黨附彌遠而進其品誼已築可知安望其有所樹立乃觀然以天下為己君若召還真德秀魏了翁崔臣其將誰欺其亦無恥之甚矣召還真德秀魏了翁崔與之季車徐僑趙汝談尤熺游似洪咨夔王遂李宗勉杜範徐清叟袁甫李韶時號小元祐大者相繼為宰輔惟與之終始辭不至遺逸如劉宰趙蕃皆見旌異是時金雖亡而入洛之師大潰二年前疏乞罷不可拜特進左丞相兼樞密使三年八月霖雨大風四疏去九月

禮祀雷變請益力乃授觀文殿大學士醴泉觀使兼侍讀四疏控辭依舊大學士提舉洞霄宮嘉熙二年封申國公清祐四年依前觀文殿大學士醴泉觀使兼侍讀屢辭不允拜少保觀文殿大學士醴泉觀使兼侍讀進封衛國公五年正月上壽畢疏乞歸不允拜少傅依前觀文殿大學士醴泉觀使兼侍讀進封越國公居無何喪其子士昌決意東還又不許拜少師奉國軍節度使依前醴泉觀使兼侍讀越國公進讀仁皇訓典謂仁祖之仁厚發為英明故能修明紀綱而無寬弛不振之患孝宗之英明本於仁厚故能涵養士氣而無僑勵峭刻之習蓋仁厚英明二者相須此仁祖孝宗所以為盛也帝褒論之六年拜太保力辭故事許回授子孫清之請追封高祖洽帝從之蓋異恩也七年拜太傅右丞相兼樞密使越國公中使及門清之方放浪湖山寓僧剎竟夕不歸詰旦內引叩首辭免帝勉諭有外間所不及知者甫退則中使接踵而至帝以邊事為憂詔趙葵以樞使視師陳鏗以知樞密院事帥湖廣二人方辭遜會清之再相力主之於是戰于泗水渦口木庫皆以捷聞九年拜太師左丞相兼樞密使辭太師不拜依前太傅每

謂天下之財困於養兵兵費困於生券思所以變通之週調成防邊命樞屬量遠近以便其道塗時緩急以次其遺發又議移歲調兵屯以成淮面併軍分項日以節稟稍先移鎮江策勝一軍屯泗水公私便之諸路虧鹽執其事者破家以償清之覈其犯科者追理呈誤者悉蠲之全活甚眾沿江算舟之賦素重清之次第停罷如池之雁沒有大法場之目其錢分隸諸司清之奏罷其竝緣漁取者蓋數倍公家之入合分隸者從朝廷償之執下清之方與客飲舉杯曰今日飲此酒殊快四上謝事之章十年進十龜元吉箴一特敬二典學三崇儉四力行五能定六明善七謹微八察言九惜時十務實疏

奏敬天之怒易敬天之休難天怒可憂而天休可喜憂則懼心生懼則怒可轉而為林喜則玩心生玩則休或轉而為怒帝大喜命史官書之十一年十疏乞罷政皆不許拜太師力辭以太傅保寧軍節度使充醴泉觀使進封齊國公致仕卒遺表聞特贈尚書令追封魏郡王賜諡忠定清之不好立異湯巾嘗論事侵清之及清之再相巾求去清之曰已欲作君子使誰為小人力挽留之徐清叟嘗論列清之乃引之共政趙葵視師年餘乞罷上未有以處之清之曰非使作用不足以酬勞陛下豈以臣故耶臣必不因葵來遽引退臣願為左使葵居右立理宗駭駭至宰輔然端平之間召用人清之之力也至再相則年齒衰暮政歸妻子而閒廢之人或因緣以賄進為世所少云

史嵩之字子由彌遠從弟彌忠之子嘉定十三年進士調光化軍司戶參軍歷通判襄陽府紹定元年以經理

屯田襄陽積穀六十八萬加其官權知襄陽軍二年遷軍器監丞兼權知襄陽軍尋兼制置司參議官三年東陽屯田成轉兩官以明堂恩封鄞縣男賜食邑以直祕閣京西轉運判官兼提舉常平兼安撫制置司參議官四年遷大理少卿兼京西湖北制置副使五年加大理卿兼權刑部侍郎升制置使兼知襄陽府賜便宜指揮六年遷刑部侍郎仍舊職端平元年破蔡減金獻俘上露布降詔獎諭進封子加食邑移書廟堂乞經理三邊不合句詞歸侍手詔勉留之會出師與淮閩協謀倚角嵩之力陳非計疏為六條上之詔令嵩之籌畫糧餉嵩之奏言臣熟慮根本周思利害刑襄連年災患極力賑救尙不聊生征調既繁夫豈堪命其勢必至於主戶棄業逃亡役夫中道竄逸無歸之民聚而為盜饑饉之卒未戰先潰若夫和好之與進取決不兩立臣受任守邊適當事會交至之衝雷同和附以致誤國其罪當誅確守不移之恩上迂丁寧之旨罪亦當誅迂旨則止於一身誤國則及天下丞相鄭清之亦以書言勿為異同嵩之力求去朝陵之使未還而諸軍數道竝進復上疏乞黜罷權兵部尚書不拜乞祠進寶章閣直學士提舉太平宮歸養田里尋以華文閣直學士知隆興府兼江西安撫使帝自帥潰始悔不用嵩之言召見力辭權刑部尚書引見疏言結人心作士氣嚴實理財等事且言今日之事當先自治不可專恃和議乞祠以前職知平江府母病乞侍醫藥不俟報可而歸進寶章閣學士淮西制置使兼沿江制置副使兼知鄂州既內引賜便宜指揮兼湖廣總領兼淮西安撫使嘉熙元年進華文閣學士京西荆湖安撫制置使依舊沿海制置副使兼節制

光黃斬舒乞免兼總領從之廬州圍解詔獎諭之以明堂恩進封伯加食邑條奏江淮各三事又陳十難又言江陵非孟珙不可守乞勉諭之漢陽受攻嵩之帥師發江陵奏誅張可大竄盧普李士達以其棄城也二年黃州圍解降詔獎諭拜端明殿學士職任依舊恩數視執政進封奉化郡侯加食邑詔入覲拜參知政事督視京西荆湖南北江西路軍馬鄂州置司兼督視淮南西路軍馬兼督視光斬黃夔施州軍馬加食邑城黃州復光州滁州三年授宣奉大夫右丞相兼樞密都督兩淮四川荆西北軍馬進封公加食邑兼督江西湖南軍馬改都督江淮京湖四川軍馬薦士三十有二人其後董槐吳潛皆號賢相按嵩之為相一時正人如杜範游去史但稱其薦士而不言復信陽以督府米拯淮民之饑復襄陽嵩之言襄陽雖復未易守自是邊境多以捷聞降詔獎諭四年乞祠趣召奏事轉三官依前右丞相兼樞密使眷顧特隆賜資無虛日久早乞解機政地震屢疏乞罷免皆不許清祐元年進玉斧箴安南入貢不用正朔嵩之議用范仲淹邵西夏書例以不敢聞于朝還之二年進高孝光宣帝紀孝宗經武要略監宗寶錄日曆會要玉牒進金紫光祿大夫加食邑是冬封永國公加食邑四年遭父喪起復右丞相兼樞密使累賜手詔遣中使趣行於是太學生黃愷伯等武學生翁日善等京學生劉時舉等宗學生與寰等凡三百餘人及建昌軍學教授盧鉞皆上書論嵩之不當起復不報將作監徐元杰奏對及劉鎮上封事帝意頗悟初嵩之從子環卿嘗以書諫曰伯父比所行寔不克終用人之法不待舉刺而改官者有之譴責未幾而旋蒙敘理者有之

丁難未幾而遽被起復者有之不知斯人者果能運籌帷幄馳身鞍馬而得之乎抑亦獻賂幕賓效顰奴僕而得之乎徒聞苞苴公行政出多門便嬖私昵狼狽萬狀祖宗格法壞於今日也自開督府東南民力困於供需州縣倉卒置於應辦輦金帛輓芻粟絡繹道路不知所幹何事所成何功近聞蜀川不守議者多歸退師於鄂之失盡損藩籬深入堂奧伯父謀身自固之計則安其如天下蒼生何萬一不畏強禦之士繩以春秋之法聲其討賊不效之咎當此之時雖優游菽水之養其可得乎異日國史載之不得齒於趙普開國勳臣之列而乃廁於蔡京誤國亂臣之後遺臭萬年果何面目見我祖於地下為今之計莫若盡去在幕之羣小悉召在野之君子相與改弦易轍戮力王事庶幾失之東隅收之桑榆如其視失而不知救視非而不知革天下大勢駸駸日趨於危亡之域矣居無何環卿暴卒相傳嵩之致毒云嵩之為公論所不容居閒十有三年寶祐四年春授觀文殿大學士加食邑八月卒遺表上贈少師安德軍節度使進封魯國公諡忠簡以家諱改諡莊肅德祐初以右正言徐直方言奪諡

董槐字廷植濠州定遠人少喜言兵陸贄孫武曹操之書曰使吾得用將汎掃中土以還天子槐貌甚偉廣類豐頤又美髯論事慷慨自方諸葛亮周瑜父承遇槐嚴聞其自方怒而嘻曰不力學又自喜大言此狂生耳吾弗願也槐心愧乃益自摧折學於永嘉葉師雍聞輔廣者朱熹之門人復往從廣廣歎其善學嘉定六年登進士第調靖安主簿丁父憂起為廣德軍錄事參軍民有誣富人李桷私鑄兵結豪傑以應李全者郡捕繫之獄

槐察其枉以白守守不聽守以憂去槐攝通判州事卒脫桎獄紹定二年遷鎮江觀察推官明年入為主管刑部架閣文字遷籍田令特差權通判鎮江府會全判涉淮臨大江槐即日將兵濟江而西全遁去嘉熙元年遷宗正寺簿出知常州提點湖北刑獄常德軍亂夜縱火而諫槐騎從數人於火所問亂故亂者曰將軍馬彥直奪吾歲請吾屬將責之償不為亂也槐坐馬上召彥直斬馬前亂者還入伍中明日乃戮首亂者七人而購彥直之家差充歸峽岳察訪使二年兼權知常德府尋兼軍器少監依舊提點刑獄三年以直實謨閣知江州東都督府參謀流民渡江而來歸者十餘萬議者皆謂方軍與郡國急儲粟不暇食民也槐曰民吾民也發吾粟振之胡不可當是時宋與金為鄰國而襄漢揚楚之間豪傑皆自相結以保其族無賴者往往去為羣盜浮光人翟全寓黃陂有眾三千餘稍出擄掠槐命客說下全從之陽為洲使雜耕斬春閒又享賜之用為裨將於是曹聰劉清之屬皆來自歸四年進直華文閣知潭州主督湖南安撫司公事方三邊急於守禦督撫日夜徵發民且因槐為畫策應之令民不傷而軍須亦不匱涓祐二年遷左司郎官進直龍圖閣沿江制置副使兼知江州主管江西安撫司公事視其賦則吏侵甚下教曰吾涖州而吏猶為盜不自悔吾且誅之吏乃震恐願自新槐因除民患害凡利有宜弛以利民惟恐不盡弛大計軍實常若敵至裨將盧淵因猾不受命斬以徇軍中肅然累進集英殿修撰沿江制置副使江東安撫使兼知建康府兼行宮留守軍政弛弗治乃為賞三等以教射春秋教肄士卒坐作進退擊刺之技歲餘盡為精兵六

年召至闕辭出知靜江府兼廣西經略安撫使又辭權廣西運判兼提點刑獄即日就道至邕州上守禦七策邕州之地西通諸蠻夷南引交趾及符奴月烏流麟之屬數寇邊槐與約無相侵推赤心遇之皆伏不動又與交趾約五事一無犯邊二歸我侵地三還擄掠生口四奉正朔五通貿易於是遣使來獻方物大象南方悉定七年進寶章閣待制八年遷工部侍郎職事依舊兼轉運使九年召赴闕封定遠縣男遷兵部侍郎升給事中上疏請抑損戚里恩澤以慰天下士大夫羣臣奏事少與法違懼槐不敢上進封子拜端明殿學士簽書樞密院事進封侯十二年為同知樞密院事寶祐元年權參知政事二年進參知政事四川制置使余晦以戰敗奪官詔判襄制置使李曾伯往視師曾伯辭槐曰事如此尚可坐而睨乎上疏請行頓重兵夔門以固荆蜀輔車之勢詔報曰腹心之臣所與其理天下者也宜在朝廷不宜在四方復上疏曰天下之事不進則退人臣無敢為歧意者苟以臣為可任宜少聽臣自效即臣不足與軍旅之事願上官爵不許進封濠梁郡公帝曰鄉用槐槐言事無所隱帝問羅民粟積邊對曰吳民困甚有司急糴不復省民民惟邦本願先垂意根本帝問修太乙祠對曰土工游起民罷于徵發非所以事天也帝問邊事對曰外有敵國計先自強自強者人畏我不畏人又言敵國在前宜拔財能用之士大夫有過失為執法吏所刺劾終身擯弗用深為朝廷惜此苟非姦妄皆願為昭洗勿廢其他善又遺謫之臣久墮遐方稍稍內徙令得生還願弗用可矣槐每奏帝輒稱善三年拜右丞相兼樞密使槐自以為人主所振拔苟可以利安國家

無不為然務先大體任人先取故舊之在疏遠者在官者率滿歲而遷嗜進者始不說矣又言臣為政而有害政者三戚里不奉法執法大吏久於其官而擅威福皇城司不檢士三者弗去政且廢願除之於是嫉之者滋甚帝年浸高操柄獨斷羣臣無當意者漸喜狎佞人丁大全善為佞竊弄威權帝弗覺悟大全已為侍御史遣客私自結於槐槐曰吾聞人臣無私交吾惟事上不敢私結約大全度槐弗喜已銜甚乃日夜刻求槐短槐入見極言大全妄佞不可近帝曰大全未嘗短卿勿疑伏通鑑輯覽 御批大全刻求槐短絕不一露端倪以靜待槐之舉動而槐入告果極言其那佞不覺已墮其術中向安望能聽納乎理宗末嘗短卿獨勿疑之語論者止譏其曲事調停不知理宗亦為大全所愚迷而不悟意中固已輕重而重丁故於進言之時不復能察其曲直一指之蔽不見泰山小入巧偽百出理宗為足以語槐曰臣與大全何怨願陛下拔臣至此臣知大全姦妄而噤不言是負陛下也且陛下謂大全忠而臣以為姦不可與俱事陛下矣即上書乞骸骨不報四年策免丞相以觀文殿大學士提舉洞霄宮時大全亦論劾槐書未下自發省兵迫遣之於是太學諸生陳宜中等上書爭之語見大全傳五年及景定元年俱用祀明堂恩加食邑進封吉國又進封許國公三年卒遺表上贈太子少師諡文清

葉夢鼎字鎮之台之靈海人本陳待聘子後於母族少從直龍圖閣鄭霖宗正少卿趙逢龍學以太學上舍試入優等兩優釋褐出身授信州軍事推官攝教事講荒政遷太學錄涓祐二年雷變上封事言召人才戒媒近明年輪對言君子直言軍制楮幣任官分闈六事召試館授祕書省正字四年升校書郎兼莊文府教授五年遷祕書郎轉對言定國本求哲輔專闡帥獎用介直雷

變上言援唐康澄五可畏之說遷著作佐郎六年拜軍器少監兼兵部郎官轉對言國計邊事國體三事又言外有窺邊之大敵內有何隙之巨姦奇表蠱媚於宮闈熏腐依憑於城社強藩悍將牙孽易搖草竊姦充肘腋階變權知袁州轉運司和糴米三萬斛夢鼎言袁山多而田少朝廷免和糴已百年自今開之百姓子孫受無窮之害從之十一年本生母憂免喪拜司封員外郎論對言陛下感於左右之議說例視言者為好名近歲以來稍犯人主之所難者不顯罷則陰黜不久外則投閒去者屢召而不還來者一鳴而輒斥兼玉牒檢討官以直祕閣提舉江西常平兼知吉州節制悍將置社倉義倉平反李義山受賊之寃以國子司業召寶祐元年考試集英殿授崇政殿說書遷國子祭酒二年兼權禮部侍郎諫幸西太乙宮三年權禮部侍郎仍兼祭酒升兼同修國史實錄院同修撰尋兼侍讀五年以集英殿修撰差知贛州丁大全柄國欲挽夢鼎登朝卒辭謝之六年改知建寧府又改知隆興府開慶元年復知建寧府作橋梁置驛舍建大安關決疑獄景定元年召為太子詹事遷吏部侍郎賜寧海縣食邑二年權兵部尚書兼權吏部尚書三年遷兵部尚書兼修國史兼實錄修撰遷吏部尚書拜端明殿學士同簽書樞密院事同提舉編修經武要略兼太子賓客進封寧海伯七年簽書樞密院事進封臨海郡侯以明堂恩進封臨海郡公丞相買似道欲造關子罷十七十八兩界會子夢鼎以為屬民乃止罷十七界公田法行夢鼎又以為屬民政行之浙右而止五年進同知樞密院事權參知政事以彗星出夢鼎言政上下恐懼交修之日乞解機政不許奏免

浙西經界理宗崩議太子即位太后垂簾聽政夢鼎曰母后垂簾豈是美事進參知政事加食邑夢鼎力辭似道懇留之不可帝勉諭再三詔闔門封還奏疏理宗復土攝少傅竣事引疾歸里累詔力辭授資政殿學士知慶元府沿海制置使肅清海寇罪止首惡羨餘之費悉卻不受建濟民倉以備饑歲造驛舍以待賓旅咸清三年再召為參知政事加食邑六辭不許詔著作佐郎盧鉞與台州守項公承趨行拜特進右丞相兼樞密使累辭不許乃與似道分任利州轉運使王价嘗以言去官非其罪也及死其子懇求遺澤至是夢鼎明其無罪似道為恩不已出罷省部吏數人榜其姓名于朝夢鼎怒曰我斷不為陳自強即求去似道之母讓似道曰葉丞相安於家食未嘗希進汝強與相印今乃牽制至此若不從吾言吾不食矣似道曰為官不得不如此會大學諸生亦上書言似道專權固位乃悔悟求解而夢鼎屢上章乞間冬雷引咎求去愈力四年策場妃宰相無拜禮吏贊拜夢鼎以笏揮之趨出明日乞還田里詔勉留之詔免諸州守臣上殿奏事夢鼎言祖宗謹重牧守之寄將赴官必令奏事蓋欲察其人品及面諭以廉律已愛育百姓其至郡延見吏民具宣上意庶幾求無負臨遣之意今不遠數千里而來咫尺天顏而不得見甚非立法本意又乞容受直言進少保五年引杜衍致仕單車宵遁故事累辭乃授觀文殿學士判福州福建安撫大使進封信國公不拜充禮泉觀使又不拜七年再充禮泉使九年授少傅右丞相兼樞密使引疾立辭幸祿耶曹奮至趣行扶病至嶧縣請辭不獲乞還山林疏奏願上厲精算欲規當國者收人心固邦本勵將帥飭州

縣重振恤扁舟徑歸伏讀通鑑輯覽 御批大臣進分乃宋之士大夫習染相沿在位者不得志往往不待報而行或遂遁去姑無論其人賢否而乘君臣大體一節已不可謂之姑無論其人賢否而乘君臣大體往直是為過禍苟全之計更不止僅圖自了矣使以禍福告夢鼎語之曰廉恥事大死生事小萬無可回之理似道大怒臺臣奏從歸田之請詔仍少保觀文殿大學士禮泉觀使不請祠祿德佑初咨訪故老夢鼎上封事曰敦敦道訓廉德厲臣節拯民瘼重士選勸吏廉懲吏姦補軍籍授判慶元府沿海制置大使力辭依前禮泉觀使兼侍讀不拜二年益王即位于閩召為少師太乙宮使航海遂行道梗不能進南向慟哭失聲而還後二年卒子應及大府寺丞知建德府軍器少監駐戍軍馬應有朝請郎太社令馬廷鸞字翔仲饒州樂平人本灼之子繼灼兄光後甘貧力學既冠里人聘為童子師遇有酒食饌則念母藜霍不給為之食不下咽登淳祐七年進士第調池州教授以禮帥諸生寶祐三年遷太學錄召試館職時外戚謝堂厲文翁內侍盧允升董宋臣用事廷鸞試策言彊君德重相權收直臣防近習大與時迂遷祕書省正字四年尤婿提舉吏事辟為史館校勘初丁大全令浮梁雅慕廷鸞彌欲鉤致之廷鸞不為動試策稍及大全及廷鸞當輪對大全私謂王持盈往闕焉廷鸞素厚持盈且同館不虞其謀也密露大意持盈曰君猶未改秩姑託疾為後圖乎廷鸞曰此微臣千一之遭其何敢不力持盈以告大全及復對殿門格不得見翼曰以監察御史朱熠劾罷宋臣遣索奏藁藁雖焚聞者淺廣忘者愈深而廷鸞之名重天下開慶元年吳潛入相召為校書郎景定元年兼浙靖惠王府教授時大全黨多斥宋

臣尚居中言路無肯言者廷鸞與諸學官抗疏論之宋臣竟坐謫徙安吉州兼權樞密院編修官賈似道自江上還位望赫奕廷鸞未嘗親之遷樞密院編修官兼權倉部郎官二年進著作佐郎兼右司遷將作少監廷鸞論貢舉三事嚴鄉里之舉重臺省之覆試訪山林之遺逸又言荒政宜蠲除被災州縣租賦之不可得者擢軍器監兼左司兼太子右諭德升左諭德行國子司業兼翰林權直擢祕書少監升權直學士院四年擢起居舍人兼太子右庶子兼國史院編修官實錄院檢討官再

召用宋臣廷鸞引何邨之說進極言宋臣不可用帝從之薦士二十人進中書舍人程奎汙穢詭祕不當補將仕郎王之淵為大全黨不當通判江州朱熠不當知慶元府及為制置使林爽趙必造張稱孫不當與郡皆繳還詞頭遷禮部侍郎度宗登極詔皆廷鸞所草兼侍讀

辭不許疏列孝宗之政以告升直學士院咸淳元年進端明殿學士簽書樞密院事兼同提舉編修經武要略三年同知樞密院事兼如舊人奏言培命脈植根本宗寬大行仁厚又言恢大度以優容虛聖心而延佇推內

恕以假借忍難行而聽納則情無不達理無不盡姦人破膽直士吐氣天下事尚可為也兼權參知政事五年進參知政事兼同知樞密院事進右丞相兼樞密使八年九疏乞罷政九年依舊觀文殿大學士知紹興府浙

江安撫大使按宋史宰輔表度宗咸淳八年十一月乙卯馬廷鸞罷右相除觀文殿學士知饒州已未免知饒州以觀文殿學士鄧陽郡公提舉洞上疏

霄宮九年十二月甲子除浙東安撫使知紹興府上疏辭免依舊職提舉臨安府洞霄宮廷鸞辭相位帝惻怛久之曰丞相勉為朕留廷鸞言臣死亡無日恐不得再見君父然國事方殷疆圉孔棘天下安危人主不知國

家利害羣臣不知軍前勝負列闕不知陛下與元老大臣惟懷承圖臣死且瞑目頓首涕泣而退德祐初召不至自罷相歸又十七年而卒子端臨

欽定續通志卷四百五

列傳

宋百十

傅伯成

葛洪

曾三復

黃囑若

袁韶

危輿

程公許

羅必元

王遂

傅伯成字景初吏部員外郎察之孫少從朱熹學登隆興元年進士第調連江尉試中教官科授明州教授以年少嫌以師自居日與諸生論質往復後多成才改知閩清縣丁父艱服除知連江縣東湖溉田二千餘頃隄壞即下流南港為石隄三百尺民蒙其利慶元初召為將作監進太府寺丞言呂祖儉不當以上書貶又言於御史朱熹大儒不可以偽學目之又言朋黨之弊起於人主好惡之偏坐是不合出知漳州以律己愛民為本推熹遺意而遵行之創惠民局以濟民病革禮鬼之俗由郡南門至漳浦為橋三十五治道千二百丈兩為部使者遷工部侍郎時權臣方開邊語尙秘伯成言天下之勢譬如乘舟中興且八十年矣外望若堅緻歲月既久罅漏寔多苟安旦夕猶懼覆敗乃欲徵倖圖古人之所難臣則未之知也相府災同列相率喧丞相或以為偶然伯成正色謂天意如此官師相規時也丞相色動遂陳三事一曰失民心二曰隳軍政三曰啟邊釁進右司郎官權幸有私調者皆峻拒之出為湖廣總領朝議欲納金人之叛降者伯成言不宜輕棄信誓乞戒將帥毋生事御史中丞鄧友龍遂劾伯成罷之嘉定元年召對面論前日失於戰今日失之和小使雖返要求尙多陛下不獲已悉從之使和議成猶可以紓一時之急否

則虛帑藏以資敵人驅降附以絕來者非計也今之策雖以和為主亦宜密為戰守之備權戶部侍郎史彌遠初拜相麻詞有昆命元龜之語閩帥倪思以為不當用御史劾罷思伯成因對及其事帝曰過當者再對曰思固過當但恐摧抑太過遂奏言路乞明詔臺諫侍從竭盡底蘊無以思為戒李璧論居撫州伯成言倪胄之誅璧與有功不酬進功乃追前罪他日負罪之臣不容以功贖過矣伯成未為諫官也嘗言彌遠謀誅胄事不遂則其家先破倪胄誅而彌遠代之勢也諸公要相協和共議國事若立黨相擠必有勝負非國之福又勸丞相錢象祖安危大事以死爭之差除小者何必乖異拜左諫議大夫抗疏十有三皆軍國大義或致彌遠意欲使有所彈劾謂將引以共政謝之曰吾豈傾人以為利哉疏乞詔大臣以公滅私左遷權吏部侍郎以集英殿修撰知建康府蔡元定請死道州歸葬建陽乃雪其冤於朝進寶謨閣待制知鎮江府全活饑民壅蔽野不勝數制置司欲移焦山防江軍於圖山石碑伯成謂虛此實彼利害等耳包港在焦圖之中不若兩岩之兵迭成焉圖山岩兵素與海盜為地伯成廉知姓名會都都試捕而鞠之無一逸去獄具請貸其死黥隸諸軍嘉定八年召赴闕病不能進除寶謨閣直學士通奉大夫致仕理宗即位升直學士落致仕子祠進昭明天常扶持人極之說詔進一官寶慶元年與楊簡同召尋加寶文閣學士提舉佑神觀奉朝請雖力以老病辭而愛君憂國之念不少袁開大理評事胡夢昱坐論事貶感然語所親日向呂祖儉之謫吾為小臣猶嘗抗論今蒙國恩叨縈至此而不言誰當言者遂抗疏曰臣恐陛下不

復聞天下事矣方今內無良吏田里怨咨外無明將邊陲危急而廉恥道喪風俗益偷賄賂流行公私俱困謂宜君臣上下憂邊恤民以弭禍亂奈何今日某人言某事未幾而斥明日某人言某事未幾而斥則是上疏者以其工驩兜之刑加之矣不報伯成純實無妄表裏洞達每稱人善不啻如已出語及姦人誤國邪人害正詞色俱厲不少假借常蘇戶諫疏草畢亟命繕寫朝服而逝年八十有四贈開府儀同三司端平三年賜諡忠簡葛洪字容父婺州東陽人從呂祖謙學登淳熙十一年進士第嘉定開為樞密院編修官兼國史院編修官實錄院檢討官遷守尙書工部員外郎兼樞密院檢詳諸房文字上疏言今之將帥其才與否臣不得而盡知惟忠誠所在凡為人臣者斯須所不可離職思其憂謂之忠公爾忘私謂之忠純實不欺謂之忠附循士卒訓齊戎旅帥之職也乞嚴飭將帥上下振厲申敘軍實常有寇至之憂磨礪振刷以求更新亦庶乎其有用矣帝嘉納之進直煥章閣為國子祭酒仍兼國史編修實錄檢討遷工部侍郎仍兼祭酒兼同修國史實錄院同修撰拜工部尙書亦兼祭酒兼侍讀進端明殿學士同簽書樞密院事拜參知政事封東陽郡公贊策討平李全援王素諫仁宗御王德用進女事以止備嬪御世多稱之以資政殿學士提舉洞霄宮進大學士召赴行在仍舊職充萬壽觀使兼侍讀尋提舉萬壽觀兼侍讀守本官致仕卒諡端獻杜範稱其侃侃守正有大臣風云曾三復字無玷臨江人乾道六年進士淳熙末為主管官告院遷太府寺簿歷將作大府丞登朝數年安於平進紹熙初出知池州改常州召為御史檢法拜監察御

史轉太常少卿進起居舍人遷起居郎兼權刑部侍郎以疾告老詔守本官職致仕三復性耿介恥奔競故位不速進在臺餘兩年持論正平不隨不激其沒也士論惜之

黃疇若字伯康隆興豐城人清熙五年舉進士授祁陽縣主簿邑民有訴僧為盜且殺人移鞠治疇若疑其無證以白提點刑獄馬大同且爭之甚力已而得真盜大同薦之調柳州教授又調靈川令會萬安軍黎蠻竊發經略司選疇若條畫招捕事宜疇若謂須稽原始亂為區處之方再任嶺外用舉改改知廬陵縣州常以六月督疇若稅疇若念民方艱食取任內縣用錢三千餘緡為民代輸兩年諸司舉為邑長官召赴都堂審察差監行在都進奏院開熹元年都城火疇若應詔上言曰當今之急務有三一曰賦斂征求之無藝二曰都鄙軍民之無法三曰守令牧養之無狀歷遷著作郎拜監察御史首章乞天子擇宰相宰相擇監司又言善為國者必以恐懼修省之訓陳於前善為相者必以危亡災異之事告於上韓侂胄敗疇若上章句去帝批其奏曰卿懷忠盡朕固知之疇若遂疏劾友龍陳景俊之惡先是江淮督府既罔功罷不更置疇若奏以為和戰未決不遣近臣置幕府無以統諸將乞詔大臣科條人才為宣撫使帝即日以邱甯為江淮制置使尋遷疇若殿中侍御史兼侍講朝廷與金人約和金人約致侂胄首詔令臺諫侍從兩省雜議疇若與章燮等奏乞梟首然後兩送敵國人譏其有失國體又奏今帑藏無餘歲幣必睥睨於百姓願自宮禁以及宰執百官共為撙節逐年積積遂罷安邊所疇若乞令後省額聚更化以來臣下章

奏察其可行者以聞付之中書都城穀踊貴詔減價糶椿管米十萬石於是淮浙流民交集臨安府按籍賑濟僅不滿五千人以三月後麥熟罷為限各給糧遣歸疇若乞令覈實近甸之人願歸就田者勿問其有未能歸者更賑濟兩月淮民見在都城者其家既破又無贏費必難遽去仍與賑恤俟早熟乃罷於是詔賑濟至六月乃止帝以蝗災令刺舉監司不才者疇若同臺監攷察上之及言湖廣黑風峒寇實由官不為決訟所致宜戒湖廣諸司申明法禁平心決訟勿令管官巡尉侵漁權戶部侍郎自軍興費廣朝廷給會子數多至是折閱日甚朝論頗嚴稱提民愈不售疇若奏曰物少則貴多則賤理之常也曷若令郡縣姑以漸稱提先收十一界者消戩勿復支出上下流通則不稱提矣由是峻急之令少寬又乞撥買官田充糶本以廣常平之儲會旱蝗又奏官吏苛刻科役煩併賦斂繁重刑罰淹延四事進華文閣待制知成都府避諱改實謨閣待制詔凡屬軍民利病吏治臧否並許諮訪以聞當徵積欠十餘萬疇若亟命榜九巨盡蠲之考官吏冗員非救命差注者悉罷之為民代輸六年布估錢二十萬二千四百緡又別立庫儲二十五萬三千緡期於異日接續代輸又糶米十五萬石有奇足廣惠倉之儲又減他賦之重者民力遂寬初沈黎蠻屢犯邊至則鏖榜曉以禍福青彌兩羌遂乞降四年董蠻合其部族入寇健為利店亟調兵且設方略捕之皆遁去先是疇若廉知嘉定邊備廢弛而平戎莊子弟可用遂徵嘉定府權免平戎莊是年炭估麻租令莊子弟即日上述為守備會嘉定關守蠻窺利店無備遂入寇疇若復選西軍欲且往防拓牒轉運司

折支不報蠻再犯龍馬堡轉運司始願從所請蠻復到龍門隘知有備乃退進龍圖閣待制依舊知成都府大使司之師出東路提刑亦徵兵三垂告警敘南之報復急兩路震動疇若亟移書兩軍俾速還師守險為後圖西師遂退守沐川既而疇若兼制敘州兵甲公事既得專行益嚴守備蠻首昔丑竟降朝廷賞平蠻功進疇若一秩疇若留蜀四年弊根盡穴苗穉髮柳如乞棟留移屯西兵義勇以防竊發以救偏重更用東南賢士使蜀四路而拔蜀守之有治功者為東南監司庶杜州縣姻婭之私輕取錢引貼期之費以紓民力皆抗疏請於朝乞力行之復念大元城乃張儀所築高駢所修圯壞歲久復修費重乃以節縮餘錢四十萬貫為修城備召對延和殿遷權兵部尚書太子右庶子八年四月不雨詔求直言疇若條具三事首言比稱提指幣州縣奉行切迫故因坐減陌被估籍者眾乞與給還乞蠲閣下戶疇若稅賦乞賑贖雄淮軍之乏尋皆行之落權升左庶子仍兼修中權太子詹事疇若引范蠡故事乞歸田里十年差知貢舉試禮部尚書以足疾乞歸進煥章閣學士知福州力辭乃改提舉鴻慶宮關外軍潰言者論及疇若落職罷祠後以煥章閣學士致仕

袁詔字彥清慶元府人清熙十三年進士嘉泰中為吳江丞蘇師旦恃韓侂胄威福撓投法提舉常平黃榮檄詔覈田以定役師旦密諭意言吳江多姻黨相容當薦為京朝官詔不聽是歲更定戶籍承徭賦皆師旦黨師旦諷言者將論去榮亟以是事白於朝且薦之未幾師旦敗改知桐廬縣桐廬多宗室持縣事無有善去者詔始至絕私謁莫敢撓錢塘岸歲為潮蓄率取石桐廬

詔言廟子山有石不必旁取郡遂得求免嘉定四年召爲太常寺主簿父老旗鼓蔽江以餞至于富陽泣謝曰吾曹不復輪石矣後爲右司郎官接伴金使使者索歲幣語慢甚曰昔兩國誓約止令輪燕不聞在汴使者語塞十三年爲臨安府尹幾十年理訟精簡道不拾遺里巷爭呼爲佛子平反冤獄甚多紹定元年拜參知政事胡夢昱論濟王事當遠竄詔獨以夢昱無罪不肯署文書李全叛揚州告急飛檄截道都城爭有逃避者乃拜詔浙西制置使仍治臨安鎮遏之丞相史彌遠懲韓侂胄用兵事不欲聲討詔與范楈言於彌遠曰揚失守則京口不可保准將如卞整崔福皆可用適福至詔夜與同見彌遠言福實可用彌遠從之遂討全紹卒以言罷端平初奉祠卒年七十有七贈少傅後以郊恩累贈太師越國公韶之父爲郡小吏給事通判廳動謹無失因致豐饒夫妻俱近五十無子往臨安置妾既得妾察之有憂色麻束髮外以采飾間之爲故趙知府女家四川父歿家貧爲以爲歸葬計即送還其母聘財相奉聞其家尚不給囊中資盡與之遂獨歸妻迎問之曰妾安在告以其故妻喜曰君設心如此行當有子矣明年

賞以精間牒次論和戰守利害而請顯意於守是歲春至夏不雨種應詔言安邊所征斂之害與無罪而籍沒之害楮幣之改以一奪二鹽鈔之更以新廢舊至於沮格軍賞放散死士皆足以召恐而致早又論謀國者欲以安靖爲安靖憂國者欲以振厲爲安靖自二議不合是以國無成謀人無定志願詔大臣合二議共圖之且欲下兩淮帥臣講明守禦之備又言事無成規者皆不可爲意向不明無以一眾聽信誓不立無以結人心報應不亟無以趨事機賞罰不果無以作士氣番易柴中行去國極賦詩送之迂宰相出知湖州尋以通金華徐僑書論罷提舉千秋鴻禧觀久之知漳州漳俗視不葬親爲常往往復寄僧利槓命營高燥地爲義塚三約期責之葬其無主名若有主名而力弗給者官爲葬之凡二千三百有奇刻石以識臨漳臺據郡西山最勝處作龍江書院其上既成橫經自講人用欲動邑令有賄聞者劾去之籍其財以還民郡有經總制無名錢歲五千緡厲民爲甚前守趙汝謙奏鑄五之二緡疏于朝悉罷之會常平使有言槓不欲辯即自請以歸久之提舉崇禧觀與鄉里者艾七人爲眞率會卒年七十四槓性至孝父疾願損已算益親年疾尋愈眞德秀登從班舉槓自代沒又爲銘其墓弟和字祥仲禮元年進士爲上元主簿大闢祠宇祀程顥眞德秀爲記知德興賑荒有惠政

生紹
危稹字逢吉撫州臨川人舊名科清熙十四年舉進士孝宗更名稹調南康軍教授歷遷諸王宮教授稹謂以教名官而實未嘗教請改創宗子學立課試法如兩學從之嘉定九年新學成改充博士其教養之規稹所論建遷祕書郎著作佐郎兼吳益王府教授升著作郎兼屯田郎官稹始進對請敘復軍功之賞以立大信按拭功臣之罪以厲忠節置局以立武事遣使以省邊防厚

程公許字季與一字希穎徽州宣化人少知孝敬大母候疾公許不交睫者數月病革嘗其痰沫既卒哀毀踰制嘉定四年舉進士調溫江尉未上丁母憂服除授華陽尉再調綿州教授制置使崔與之大加器賞改秩知

崇寧縣饒預借免抑配人甚德之差通判簡州改隆州未上會金人侵閩中制置使桂如淵逝三川震動朝廷擢李璣代之辟公許通判施州行戶房公事當兵將奔潰之後公許盡力佐之節浮費疏利原民不增賦而用自足時諸將乘亂抄劫事定自危以重賂結幕府大將和彥威懷金寶以獻公許正色卻之吳彥誠增牒於書尾以進公許卷還之而責其使聞者畏服有獻謀招秦鞏大姓於重者眾多從與獨公許謂山東覆轍未遠反覆論難重從之其後趙彥呐聞復行其策未幾金人擣成都大姓者實導之始服公許先見端平初授大理司直遷太常博士嘉熙元年御史杜範論執政李鳴復不行徙右史竟拂衣東歸鳴復坐政府自若公許論對言志士仁人嬰逆鱗買眾怒不過爲陛下通耳目爲朝廷立綱紀而已今也假以職而棄其諫幸其退而優其遷則是自裂其綱紀自蔽其耳目遂使居是職者雖被親擢言不得行始焉固辭而弗從終焉強留而飲愧臣恐自此同類沮失各起退心來者相戒以爲容默陛下愈孤立無助矣夏行都大火殿中侍御史蔣峴逢君希寵初爲邪說禁錮言者公許應詔曰羣臣忠告者眾而聖意確不可回聖意不可回而言者不免於激陛下宜以大舜無藏怒宿怨爲心而參酌於漢文帝之待淮南厲王我太宗待秦邸之故事以召和氣弭咎災特在一念轉移之頃耳遷祕書丞兼考功郎官竟爲峴劾去差主管雲臺觀李宗勉入相以著作佐郎召兼權尚佐郎官兼直舍人院遷著作郎時諫官郭昂卿以論事不報出關徐榮叟亦抗章引去公許奏乞遷言官俾安厥位既而史嵩之自江上入相臺諫謝方叔王萬及昂卿相

繼他徙公許又奏外難憑陵國勢岌若綴旒朝廷上自爲弗靖陽爲遷除陰奪言職此中外所以怏怏遷將作少監大旱應詔疏時事四條又言儲極虛位天下寒心時朝廷令侍從臺諫條具易格利害尋降旨以新造十八界折五行使公許繳申省謂廟堂決意更革本欲重十八界亦當令十六界十七界稍有分別若一時皆以五折一安保將來十七界與十八界並行而不折閱乎曷若將十七界且以三兌一使民間尚知寶此一界不至一旦貿易不行令三界各有等第庶幾公私兩便嵩之格不行徑揭黃榜公許謂不經鳳閣鸞臺不得爲敕朝廷出令而宰相擅行如此則掖垣可廢累上奏牘徑欲引去宗勉及參知政事游似面奏留之兼國史編修實錄檢討清祐元年遷秘書少監輪對言蜀事十條兼直學士院拜太常少卿力請外爲右正言濮斗南論罷尋以直寶謨閣知袁州請鑄和羅之半改命郡吏部總所綱運而厚其賞免募平民甚便之新周敦頤祠葺張拭書院聘宿儒胡安定爲諸生講說以杜範薦召拜宗正少卿再遷起居舍人濮斗南繳還疏有臣等恥與爲伍之語遂以舊職提舉玉局觀範見疏曰程季與肯與汝爲伍耶退處二年召赴行在屬嵩之以父憂去位經營起復益憚公許密東韓祥喉啜中侍御史王贊奏寢召命帝雖曲從而意不悅及逐不才臺諫權公許起居郎兼直學士院公許入奏不可不堅疑者七帝語之曰卿一去三年今用卿出自朕意是日晚命下嵩之罷起復相范鍾及杜範三制皆公許爲之兼權中書舍人時一相尙遊機務多壅公許奏輔臣崇執謙遜遊遠形迹相示以色而不言事幾無窮日月易失今最急莫

若疆場之事帥才不蓄一旦欲議易置茫然莫知所付九江擇守至以近所廢斥朋附爲欺之臺察充其選同時任言責者雖心迹有顯晦過惡有重輕而獲罪於清議則同一人技拭之驟若是三人者寧不引領以望玷缺之復況近者言官方以劉晉之鄭起潛濮斗南三人乞明正其罪以示警戒而忽聞龔基先之用議者咸謂改紀之初所爲錯繆邪枉窺伺善類何可高枕而臥帝見公許疏稱善且言基先之用太早右史徐元杰暴亡司諫謝方叔御史劉應起言不報公許奏置獄勒勸當於朝紳中選公正明決無所顧忌者專蒞其事盡情研究務使得實不報物論沸騰臨安尹趙與憲奏乞置獄天府帝從之公許繳奏與憲乃嵩之死黨乞改送大理寺命臺臣鞠之詔殿中侍御史鄭案案回懦首鼠事竟不自然公論莫不偉公許權禮部侍郎鄭起潛劉晉之及陳一薦以臺臣論劾遷謫公許疏其附下罔上之罪乞下各州軍嚴行押發鄭清之以少保奉祠侍講幄中批復其子士昌官職與內祠且許侍養行在所蓋士昌嘗以詔獄追逮或云詐以死聞清之造闕號泣請于帝故有是命公許繳奏士昌罪重京都浩穰發究雜糅恐其積習沉痾重爲清之累莫若且與甄復少慰清之內祠侍養之命宜與收廢帝密遣中貴人以公許疏示清之項容孫以罪遣還家道死時敕官復職公許駁奏命遂格遷中書舍人進禮部侍郎嵩之免喪以觀文殿大學士提舉洞霄宮臺諫給舍交章論奏公許疏乞睿斷亟下明詔正邦典殿中侍御史章棖正言李昂英以論執政及府尹帝怒出二人公許力爭之公許自繳士昌之命清之日夜於經筵短公許周坦妻與清之妻善因

拜坦殿中侍御史坦首疏劾公許以寶章閣待制知建寧府諫議大夫鄭案又劾之命遂寢清之再相公許屏居湖州者四年再提舉王隆觀差知婺州未上帝欲召爲文字官清之奏已令守發帝曰朕欲其來乃授權刑部尙書屢辭弗獲入對上疏言貨財興繕逐諫臣開邊釁時弊之事薦知名士二十九人時罷京學類申散遣生徒公許奏京學養士其法本與三學不侔往者立類申之法重輕得宜人情便安今既未能盡復舊數莫若權宜以五百爲額仍用類申之法使遠方遊學者得以肄習其閒京邑四方之極而庠序一空弦誦寂寥非所以作成士氣尊崇教化也清之益不樂授藥殿中侍御史陳垓以劾公許參知政事吳潛奏留之帝夜半遣小黃門取垓疏入後二日二府奏公許不宜去同知樞密院徐清叟上疏論垓大學生劉敞等百餘人布衣方和卿伏闕上書論垓朝廷尋授寶章閣學士知隆興府而公許已死矣遺表上進龍圖閣學士致仕贈宣奉大夫官其後公許沖澹寡欲晚年惟一僮侍食無重味一裘至十數年不易家無羨儲敬愛親戚備至蜀有兵難族姻奔東南者多依公許以居

羅必元字亨父隆興進賢人嘉定十年進士調咸寧尉撫州司法參軍崇仁丞復攝司法真德秀入參大政必元移書曰老醫嘗云傷寒壞證惟獨參湯可救之然其活者十無二三先生其今之獨參湯乎調福州觀察推官有勢家李遇奪民務支園必元直之遇爲言官以私憾罷之知餘干縣趙福王府驕橫前後宰貳多爲擠陷至是以汝愚墓占四周民山亦爲直之言于州曰區區小官罷去何害人益壯其風力清祐中通判贛州賈似

道總領京湖剋剝至甚必元上疏以為蠹國脈傷民命似道銜之改知汀州為御史丁大全按去後起幹行在糧料院錢塘有海鯨為患漂民居方士治之都人鼓扇成風必元上疏力止之度宗即位以直寶章閣兼宗學博士致仕卒年九十一必元嘗從危積包遜學最為有淵源見理甚明風節甚高至今鄉人猶尊慕之云

王遂字去非一字穎叔樞密副使韶之玄孫後為鎮江府金壇人嘉泰二年進士調富陽主簿歷官差幹辦諸司審計司紹定三年福建寇擾甫定朝廷選賢能吏勞來安集以遂知邵武軍兼福建招捕司參議官遂過江山浦城道中遇邵武避地之人即遺金為歸資從者如市至郡撫摩創痍翦平凶孽民恃以安未幾言者以遂妄自標致邀譽沾名罷改知安豐軍遷國子監主簿又遷太常寺主簿拜監察御史疏奏極論進君子退小人又言正風俗息奔競又言朝廷謂史嵩之小黠為大智近功為遠略忽臣之言必欲僥倖嵩之於不敗非為國至計也欺君誤國天下知之而朝廷猶且惑焉勢甚凜凜也遷右正言尋拜殿中侍御史疏言三十年來凶德參會未有如李知孝梁成大莫澤肆無忌憚者三凶之罪上通於天乞重其刑又取劉光祖為殿中侍御史時奏格擇其關於風化切於時宜者請頒示中外皆從之又請於並准置屯田且條上邊事曰當今之急務在朝廷者五定規摹明意嚮一心力謹事權審號令在邊閫者六恤歸附精開謀節財用練士兵擇將才計軍實又言君德必純乎剛帝皆善之以寶章閣直學士知建寧府以歷遷華文閣直學士差知隆興府兼江西轉運副使改知太平州復知隆興兼江西安撫使召赴闕授權

工部尚書遂與同里劉宰素同志宰嘗稱遂為文雅健無世俗浮靡之氣足以名世遂守平江宰贈之言曰士友當親而賢否不可不辨財利當遠而會計不可不明折獄以情毋為私意所牽薦士以才毋為權要所奪當言則言不視時而退縮可去則去不計利而遲回庶幾名節之全不愧簡冊所載益格言也

欽定續通志卷四百六

粗定始有安土之志玠大更敝政遴選守宰築招賢之館于府之左供帳一如帥所居下令曰集眾思廣忠益諸葛孔明所以用蜀也欲有謀以告我者近則徑詣公府遠則自言于郡所在以禮遣之高爵重賞朝廷不吝以報功豪傑趨期立事今其時矣士之至者玠不厭禮接咸得其歡心言有可用隨其才而任之苟不可用亦厚遺謝之播州冉氏兄弟璉璞有文武才隱居蠻中前後聞帥辟召堅不肯起聞玠賢相謂曰是可與語矣遂詣府上謁玠素聞冉氏兄弟刺人即出見之與分廷抗禮賓館之奉冉安之若素有居數月無所言玠將謝之適為設宴玠親主之酒酣坐客方紛紛競言所長璉兄弟飲食而已玠以微言挑之卒默然玠曰是觀我待士之禮何如耳明日更闢別館以處之且日使人窺其所為兄弟終日不言惟對踞以望畫地為山川城池之形起則漫去如是又旬日請見玠屏人曰某兄弟辱明公禮遇思有以少裨益非敢同眾人也為今日西蜀之計其在從合州城乎玠不覺躍起執其手曰此玠志也但未得其所耳曰蜀口形勝之地莫若釣魚山請從諸此若任得其人積粟以守之賢于十萬師遠矣巴蜀不足守也玠大喜曰玠固疑先生非淺士先生之謀玠不敢掠以歸已遂不謀於眾密以其謀聞于朝請不次官之詔以璉為承事郎權發遣合州璞為承務郎權通判州事徙城之事悉以任之命下一府皆諠然同辭以為不可玠怒曰城成則蜀賴以安不成玠獨坐之諸君無預也卒築青居大獲釣魚雲頂天生凡十餘城皆因山為壘葺布星分為諸郡治所屯兵聚糧為必守計且誅瀆將以肅軍令又移金戎于大獲以護蜀口移沔戎於青

居興戎先駐合州舊城移守釣魚其備內水移利戎于雲頂以備外水於是如臂使指氣勢聯絡又屬嘉定俞興開屯田于成都蜀以富實十年冬玠率諸將巡邊直擣興元元兵與之大戰十二年又大戰于嘉定初利司都統王夔素殘悍號王夜叉恃功驕恣桀驁不受節度所至劫掠每得富家毒虐以脇取金帛稍不遂意即死其手蜀人患苦之且悉斂都將俸馬以自入將戰迺高其估實與之朝廷雖知其不法在遠不能詰也大帥處分少不嫌其意則百計撓之使不得有所為玠至嘉定夔帥所部兵迎謁才羸弱二百人玠曰久聞都統兵精今疲敝若此殊不稱所望夔對曰夔兵非不精所以不敢即見者恐驚從人耳頃之班聲如雷江水如沸聲止圓陣即合旗幟精甲器械森然沙上之人彌望若林立無一人敢亂行者舟中皆戰悼失色而玠自若也徐命吏班賞有差夔退謂人曰儒者中迺有此人玠久欲誅夔獨患其握重兵居外恐輕動危蜀謀于親將楊成成曰夔在蜀久所部兵精前時大帥夔皆勢出其右意不止此也視侍郎為文臣必不肯甘心從令今縱弗誅養成其勢後一舉足西蜀危矣玠曰我久欲誅之獨患其黨與眾未發耳成曰侍郎以夔在蜀久有威名孰與吳氏夔固弗若也夫吳氏當中興危難之時能百戰以保蜀得之四世恩威益張根本益固蜀人知有吳氏而不知有朝廷一旦曠為叛逆諸將誅之如取瓜瓠況夔無吳氏之功而有曠之逆心恃稀突之勇敢慢法度縱兵殘民奴視同列非有吳氏得人之固也誅之一夫力耳待其發而取之難矣玠意遂決夜召夔計事潛以成代領其眾夔才離營而新將已單騎入矣將士皆愕眙相

顧不知所為成以帥指臂曉之遂相率拜夔至斬之成因察其所與為惡者數人稍稍以法誅之乃薦成為文州刺史戎帥欲舉統制姚世安為代玠素欲革軍中舉代之弊以三千騎至雲頂山下遣都統金某代世安世安閉關不納且有危言然常疑玠圖已屬丞相謝方叔家子姪自永康避地雲頂世安厚結之求方叔為援方叔因倡言玠失利戎之心非我調停且旦夕有變又陰嗾世安密求玠之短陳于帝前于是世安與玠抗玠鬱鬱不樂寶祐元年聞有召命愈不自安一夕暴下卒或謂仰藥死蜀之人莫不悲慕如失父母玠自入蜀進華文閣待制賜金帶權兵部尚書進徽猷閣學士升大使又進龍圖閣學士端明殿學士及召拜資政殿學士恩例視執政其卒也特贈五官以監察御史陳大方言奪職六年復之玠之治蜀也任都統張實治軍旅安撫王惟忠治財賦監簿朱文炳接賓客皆有常度至于修學養士輕徭以寬民力薄征以通商賈蜀既富實乃罷京湖之餉邊關無警又撤東南之戌自寶慶以來蜀閫未有能及之者惜其遽以太平自託進蜀錦蜀箋過于文飾久假便宜之權不顧嫌疑昧于勇退遂來護賊之口而又置機捕官雖足以廉得事情然寄耳目於羣小虛實相半故人多懷疑懼至於世安拒命玠威名頓挫蕭志以沒子子如孫取當如孫仲謀之義遭論政師忠慝大理寺丞為賈似道所殺汪立信澈從孫也立信曾大父智從澈宣諭湖北道六安愛其山水因居焉清祐元年立信獻策招安慶劇賊胡興劉文亮等借補承信郎六年登進士第理宗見立信狀貌雄偉顧侍臣曰此闖帥才也授烏江主簿辟沿

江制幕荆湖制司幹辦通判建康府荆湖制置趙葵辟
充策應使司及本司參議官葵去馬光祖代之立信是
時猶在府也鄂州圍解買似道既罔上要功惡聞外之
臣與已分功適行打算法于諸路欲以軍興時支散官
物爲罪擊去之光祖與葵素有隙且欲迎合似道即召
吏稽旬簿書不能得其疵迺以開慶二年正月望夕張
燈宴設錢三萬緡爲葵放散官物聞于朝立信力爭之
謂不可且曰方艱難時趙公莅事勤勞而公以非理擲
拾之公一旦去此後來者復效公所爲可乎光祖怒曰
吾不才不能爲度外事知奉朝命而已立信遂投劾去
初立信通判江陵府葵制置荆湖嘗以公事劾立信及
在沿江府亦謀議竊諸立信于葵蓋未嘗有一日之驩
也擢京西提舉常平改知昭信軍累官升江西安撫使
乞祠祿差知鎮江尋充湖南安撫使知潭州至官供帳
之物悉置官庫所積錢連歲代納潭民夏稅貧無告者
子錢粟病者加藥餌雨雪早潦軍民皆有給興學校士
習爲變以潭爲湖湘重鎮荆威敵軍所募精銳數千人
後來者賴其用權兵部尚書荆湖安撫使置知江陵府
時襄陽被圍危急立信上疏請益安陸府屯兵凡邊戍
皆不宜抽減黃州守臣陳奔素蓄異志朝廷宜防之迺
移書似道謂今天下之勢十去八九爲今日之計者其
策有三夫內郡何事乎多兵宜盡出之江干以實外禦
算兵帳見兵可七十餘萬人老弱柔脆十分汰二爲選
兵五十餘萬人而沿江之守則不過七千里若距百里
而屯屯有守將十屯爲府府有總督其尤要宮處輒參
倍其兵無事則泛兵長淮往來游徼有事則東西齊奮
戰守並用刁斗相聞餽餉不絕互相應援以爲聯絡之

因選宗室親王忠良有幹用大臣立爲統制分東西二
府以蒞任得其人率然之勢此上策也久拘聘使按元
祖本紀中統元年夏四月辛丑以即位詔天下丁未以
翰林侍讀學士鄒魯爲國信使使於宋先是賈似道還
朝稱鄒魯通國不知其遣宋京師和無益于我徒使
恐經至謀洩遂拘經於真州凡十七年敵得以爲辭請禮而歸之許輸歲幣以緩師期不二三
年邊邊稍休藩垣稍固生兵日增可戰可守此中策也
二策果不得行則天敗我也若銜璧與觀之禮則請備
以俟似道得書大怒抵之地詎曰暗賊狂言敢爾蓋以
立信目微眇云尋中以危法廢斥之咸淳十年元兵大
舉伐宋似道督諸軍出次江上以立信爲端明殿學士
沿江制置使江淮招討使俾就建康府庫募兵以援江
上諸郡立信受詔不辭即日出道以妻子託愛將金明
執其手曰我不負國家爾亦必不負我遂行與似道遇
蕪湖似道拊立信背哭曰不用公言以至于此立信曰
平章平章暗賊今日更說一句不得似道問立信何向
曰今江南無一寸乾淨地某去尋一片趙家地上死第
要死得分明爾既至則建康守兵悉潰而四面皆北軍
立信知事不可成歎曰吾生爲宋臣死爲宋鬼終爲國
一死但徒死無益耳率所部數千人至高郵欲控引淮
漢以爲後圖已而聞似道師潰蕪湖江漢守臣皆望風
降遁立信歎曰吾今日猶得死于宋土也迺置酒召賓
佐與訣手爲表起居三宮與從子書屬以家事夜分起
步庭中慷慨悲歌握拳撫案者三以是失聲三日扼吭
而卒以光祿大夫致仕遺表聞贈太傅元丞相巴延入
建康金明以其家人免或惡立信於巴延以其二策及
其死告且請戮其孥巴延歎息久之曰宋有是人有是
言哉使果用我安得至此命求其家厚恤之曰忠臣之

家也金明以立信之喪歸葬丹陽立信子麟內書寫機
宜文字在建康不肯從眾降崎驅走闕以死初立信之
未仕也家甚貧會歲大祲吳淵守鎮江命爲粥以食流
民使其客黃應炎主之應炎一見立信與語心知其非
常人言于淵淵大奇之禮以上客凡供糗服御視應炎
爲有加應炎甚怏怏淵解之曰此君吾地位人也但遭
時不同耳君之識度志業皆非其倫也盍少下之是年
試江東轉運司明年登第後其踐歷略如淵而卒死于
難人謂淵能知人云
向士璧字君玉常州人負才氣精悍甚自好紹定五年
進士累通判平江府以言罷起爲淮西制置司參議官
又以言罷起知高郵軍制置使邱密又論罷起知安慶
府知黃州累遷湖北安撫副使兼知峽州兼歸峽施黔
南平軍紹慶府鎮撫使遷太府少卿大理卿進直龍圖
閣合州告急制置使馬光祖命士璧赴援數立奇功帝
亦語羣臣曰士璧不待朝命進師歸州且捐家貲百萬
以供軍費其志足嘉進祕閣修撰樞密副都承旨仍舊
職開慶元年涪州危又命士璧往援北兵夾江爲營長
數十里阻舟師不能進至浮橋時朝廷自揚州移賈似
道以樞密使宜撫六路進駐峽州檄士璧以軍事付呂
文德士璧不從以計斷橋奏捷具言方略未幾文德亦
以捷聞士璧還峽州方懷傾奪之疑尋辟爲宜撫司參
議官遷湖南安撫副使兼知潭州兼京西湖南北路宜
撫司參議官加右文殿修撰尋授權兵部侍郎湖南安
撫使兼知潭州頃之升湖南制置副使元將烏蘭哈達
兵自交趾北還前鋒至城下攻圍急士璧極力守禦聞
後隊且至遣王輔佑率五百人往覘之以易正大監其

軍遇於南岳市一戰有功潭州圍遂解事聞賜金帶令服繫進兵部侍郎兼轉運使餘依舊職似道入相疾其功非獨不加賞反諷監察御史陳寅侍御史孫附鳳一再劾罷之送漳州居住又稽守城時所用金穀逮至行部責償幕屬方元善極意逢迎似道意士壁坐是死復拘其妻妾至徵之其後元善改知吉水縣俄歸得狂疾常呼士壁時輔佑亦遠請及文天祥起兵召輔佑于諫所則死矣德祐元年詔追復元官仍還從官恩數立廟潭州明年太府卿柳岳乞錄用其子孫詔從之

胡穎字叔獻潭州湘潭人父璵娶趙方弟雍之女二子長曰顯有拳勇以材武入官數有戰功事見趙范傳穎自幼風神秀異機警不常成童即能倍誦諸經中童子科復從兄學弓馬母不許曰汝家世儒業不可復爾也遂感勵苦學尤長於春秋紹定三年范討李全檄穎入幕穎常微服行諸營察眾志嚮歸必三鼓後全敗遺穎獻俘于朝以賞補官五年登進士第即授京秩歷官知平江府兼浙西提點刑獄移湖南兼提舉常平即家置司性不喜邪佞尤惡言神異所至毀淫祠數千區以正風俗衡州有靈祠吏民夙所畏事穎微之作來諭堂奉母居之以樞密都承旨為廣東經略安撫使潮州僧寺有大蛇能驚動人前後仕於潮者皆信奉之穎至廣州聞其事檄潮州僧僧昇蛇至則其大如柱而黑色載以關檻穎令之曰爾有神靈當三日見變惟過三日則汝無神矣既及期蠢然猶鼠蛇耳遂殺之毀其寺并罪僧移節廣西尋遷京湖總領財賦咸清閒卒贈四官穎為人正直剛果博學強記吐辭成文書判下筆千言援據經史切當事情臨政善斷不畏強禦在浙西榮王府

十二人行劫類悉斬之一日輪對理宗曰聞卿好殺意在浙獄穎曰臣不敢屈太祖之法以負陛下非嗜殺也帝為之默然

冷應激字公定隆興分寧人寶慶元年進士調廬陵主簿即以廉能著有勳事臺府者必曰願下廬陵清主簿尤為楊長孺所識拔調靜江府司錄參軍治獄平恕轉運使范應鈴列薦于朝知萬載縣大修學舍招俊秀治其業旌其通經飭行者以勸歲歉棄孩滿道乃下令恣民收養所棄父母不得復問全活甚眾葉夢得列其行事風厲餘邑通判道州入監行在權貨務遷登聞鼓檢院景定元年奉使督餉江上還知德慶府前守政不立縱豪吏漁獵峒獠遂大為變徧城六十里而營應激未入境馳檄諭之曰汝等不獲已至此新太守且上轉禍為福一機也魯從影附亦宜早計去就不然不免矣獠感悟欲自歸或謀主不果眾稍引去應激知其勢解即厲士馬出不意一鼓擒之縱遣歸農猶千餘人乃請諸監司歸郡之避難留幕府者誅豪吏之激禍者屬縣租賦誘道阻久不至郡應激為之期曰首輸者與減分未至則憤所減民惟恐後不一月訖事凡諸綱官廩稍軍券前政積不得者悉補還之期年報政奏罷抑配鹽法及其用楮券折銀綱等五事以紓民力詔就升本道提舉常平兼轉運使俾行其說首勅守令貪橫不法十餘人列郡肅然最聞加直祕閣時經略使陳宗禮人為參知政事帝問誰可代卿者宗禮以應激對旋召為都官郎官未行就升直寶章閣知廣州主督廣南東路經略安撫司公事馬步軍都總管領漕庾如故五司叢劇應激即分時理務不擾不倦常日治官事當如家事惜官

物當如己物方今國計內虛邊聲外震吾等受上厚恩安得清談自高以誤世陶士行十望之吾師也自聞襄樊受圍日繕器械裕財粟以備倉卒後卒賴其用屢平大寇未嘗輕殺笞杖以降亦加審慎至其臨事輒斷雖勢要不為撓奪後卒于家

曹叔遠字器遠温州瑞安人少學于陳傅良登紹熙元年進士第久之李壁薦為國子學錄近韓侂胄罷通判涪州後守遂寧營卒莫簡苦總領所侵刻相率稱亂勢張甚入遂寧境輒戢其徒無肆暴曰此江南好官員也入朝為工部郎出知袁州以太常少卿召權禮部侍郎遇事獻替多所裨益終徽猷閣待制諡文肅嘗編永嘉譜識者謂其有史才子咸角孫部皆登進士第族子幽州教授調重慶府司法參軍郡守度正欲薦之幽辭曰章司錄母老請先之正敬歎改知建昌縣復故尚書李常山房建齋舍以處諸生擇祕書丞兼倉部郎官出為浙西提舉常平陳和羅折納之弊建虎邱書院以祀尹焯移浙東提點刑獄寒食放囚歸祀其先因感泣如期至召為左司諫與王萬壽孫卿徐清吏俱負直聲當時號嘉熙四諫上疏言立太子厚倫紀以弭火災又論余天錫李鳴復之過迂旨遷起居郎進禮部侍郎不拜疏七上進古詩以寓規正久之起知福州再以待郎召為臺臣所沮而止遂守寶章閣待制致仕卒諡文恭子愉老亦登進士第

王萬字處一家世婺州父遊淮開萬因生長濠州少忠伉有大志究心當世急務尤精於邊防要害登嘉定十六年進士第調和州教授端平元年主管尚書吏部架

閣文字遷國子學錄明年添差通判鎮江府鄭清之初謀乘虛取河洛萬謂當急爲自治之規已而元兵壓境三邊震動理宗下罪已詔吳泳起草又以咨萬萬謂兵固失矣言之甚恐亦不可今邊民生意如髮宜以振厲奮發興感人心爲條具沿邊事宜徧告大臣要官論兩淮形勢用兵屯田又謂戎司舊分地戍守宜與盡還舊制及請寬邊民請團民兵請援淳光請邊民之能捍邊者常厚其賞而小其官使常得其力其後兵興用窘履畝之令行則又言之廟堂日令民更化可反爲故相之所不爲乎其他敷陳往往累數萬言其自任之篤切於當世如此三年授樞密院編修官嘉熙六年兼權屯田耶中因轉對言天命去留原於君心凡惻然有鑄於心而未能安者皆心之未能合乎天者也天人合一天命在我矣差知台州至郡日惟蔬飯終日坐廳事事至立斷吏無所售往往改業散去民亦化之不復訟上下肅然郡以大治才五月乞祠去三年遷屯田員外郎兼編修轉對言君臣上下盡克私心以服人心以回天心遷尙右郎官尋兼崇政殿說書四年擢監察御史首論史宅之故相之子彙者弄權不當復玷從班帝命丞相再三諭旨迄不奉詔帝不得已出宅之知平江府又論之疏凡五上史嵩之自江上董師入相萬又首論之謂其事體迫遽氣象傾搖太學生欲趣其歸則賄賂之迹已形近或謂其族人發其私事肆爲醜詆者以相國大臣而若此非書之所謂大臣矣然當時論相之事已決疏入遷大理少卿萬即日還常熟寓舍遷官皆力辭乞休致詔特轉朝奉郎守太常少卿致仕卒嵩之罷相羸方交論其非上思萬先見親賜御札謂萬立朝蹇諤古之

遺直爲郡廉平古之遺愛聞其母老家貧朕甚念之賜新會五千貫田五百畝以贍給其家初萬之學專有得於時習之語謂學莫先於言願行言然而行未然者非言之僞也習未熟也熟則言行一矣故終其身行無不顧其言發於設施論諫皆根於中心云
馬光祖字華父婺州金華人寶慶二年進士調新喻主簿已有能名從真德秀學改知餘千縣差知高郵軍選軍器監主簿累進直徽猷閣江西轉運副使兼知隆興府以右正言劉漢弼言罷後九年起直徽猷閣知太平州進直寶文閣遷太府少卿仍知太平州再遷司農卿浙西總領兼權江東轉運使拜戶部尙書兼知臨安府歷陳京師艱食和糴增價海道致寇三害加寶章閣直學士沿江制置使江東安撫使知建康府兼行宮留守兼節制和州無爲軍安慶府三郡屯田使加煥章閣尋加寶章閣學士始至官即以常例公用器皿錢二十萬緡支犒軍民減租稅養鰥寡孤疾無告之人招兵置砦給錢助諸軍昏嫁屬縣稅折收絲綿絹帛倚閣除免以數萬計興學校禮賢才辟召僚屬皆極一時之選拜端明殿學士荆湖制置知江陵府去建康之民思之不已帝問命以資政殿學士沿江制置大使江東安撫使再知建康士女相慶光祖益思寬養民力興廢起壞知無不爲蠲除前政逋負錢八百萬緡魚利稅課悉罷減子民修建明道南軒書院及上元縣學擲節費用建平糶倉貯米十五萬石又爲庫貯糶本二百餘萬緡修飭武備防拓要害邊賴以安公田法行光祖移書賈似道言公田法非便乞不及江東必欲行之罷光祖乃可進

大學士兼淮西總領召赴行在遷提領戶部財用兼知臨安府浙西安撫使會歲饑榮王府積粟不發虞光祖謁王辭以故明日往亦如之又明日又往臥客次王不得已見焉光祖厲聲曰天下孰不知大王子爲儲君大王不於此時收人心乎王以無粟辭光祖探懷中文書曰某莊某倉若干王無以辭得粟活民甚多進同知樞密院事尋差知福州福建安撫使以侍御史陳堯道言罷以前職提舉洞霄宮再以沿江制置江東安撫使知建康郡民爲建祠六所乞致仕不許咸淳三年拜參知政事五年拜樞密院事兼參知政事以監察御史曾淵子言罷給事中盧鉞復繳奏新命以金紫光祿大夫致仕卒諡莊敏光祖在外練兵豐財朝廷以爲京尹則朝治浩穰風積凜然三至建康終始一紀威惠並行百廢無不修舉云按宋史汪立信傳有光祖欲報趙葵陳迎合制道立信爭之不得一事其爲人可知矣本傳所言不無溢詞

欽定續通志卷四百七

喬行簡

范鍾

游似

趙葵 兄范

謝方叔

喬行簡字壽朋婺州東陽人學于呂祖謙之門登紹熙四年進士第歷官知通州條上便民事主管戶部架閣召試館職為秘書省正字兼樞密院編修官升秘書郎為淮西轉運判官知嘉興府改淮南轉運判官兼淮西提點刑獄提舉常平言金有必亡之形宜靜以觀變因列上備邊四事會近臣有主戰者師遂出金人因破斬黃移浙西提點刑獄兼知鎮江府遷起居郎尋遷宗正少卿秘書監權工部侍郎皆任兼職理宗即位行簡貽書丞相史彌遠請帝法孝宗行三年喪應詔上疏曰求賢求言二詔之頒果能確守初意深求實益則人才振而治本立國威張而姦宄銷臣竊觀近事似或不然蓋以所召者非久無宦情決不肯來之人則年已衰暮決不肯來之人耳彼風節素著持正不阿廉介有守臨事不撓者論薦雖多固未嘗收拾而召之也其所施行褒賞者往往皆未節細故無關於理亂粗述古今不至於抵觸然後取之以示吾有聽受之意其間亦豈無深憂遠識高出眾見之表忠言至計有補聖德之聰者固未聞采納而用之也夫賢路當廣而不當狹言路當開而不當塞治亂安危莫不由此升侍讀兼國子祭酒吏部侍郎權禮部尚書權刑部尚書拜端明殿學士同簽書樞密院事進簽書樞密院事太后崩疏言向者陛下內廷舉動皆有稟承小人縱有壘或千求之心猶有所忌

憚而不敢發今者安能保小人之不萌是心陛下又安能保聖心之不無少肆陛下為天下君當懋建皇極一循大公不應私徇小人為其所誤以春秋方富之年居聲色易縱之地萬一於此不能自制必於盛德大有虧損又論火災求言乞取其切者付外行之又論許國不當換文資其當慮者有五鄭損不當帥蜀又言時青者以官則國家之節度以人則邊陲之大將一日遽為李全所戕是必疑其終為我用慮變生肘腋故先其未發驅除之竊意軍中必有憤激思奮之人莫若乘勢就淮陰一軍拔其尤者以護其師然後明指殺青者之姓名俾之誅戮加贈恤之典於青則其勢自分而吾得藉此以制之可以折其姦心而存吾之大體不然跋扈者專殺而不敢誅有功者見殺而不敢懲則所當慮者不獨李全一人而已又言山陽民散財殫非凶賊久安之地當日夜為鴟張之計揚州城勢堅壯足以坐制全淮此曹未必無窺伺之心或為所入則淮東俱非我有不可不先為之慮也又請屯駐重兵海道內為吳越之捍蔽外為南北之限制又論李全攻圍泰州勦除之兵今不可已此賊氣貌無以踰人未必有長算深謀直剽悍勇決能長雄於其羣耳況其守泗西城則失西城守下邳則失下邳守青社則失青社既又降北此特敗軍之將十年之內自白了三孤功薄報豐反背義忘恩此天理人心之所共憤惟決意行之後皆如行簡所料拜參知政事兼知樞密院事時議收復三京行簡在告疏言所憂有三願堅持聖意定為國論以絕紛紛之說不果從進知樞密院事時議御閣不果反驟汰之殿司軍閥為之黜主帥罷都司官給黃榜撫存軍愈呼噪行簡以

聞戮為首者二十餘人眾乃帖息尋拜右丞相言三京捷敗之餘事與前異但當益修戰守之備襄陽失守請急收復或又陳進取之計行簡奏今內外事勢可憂而不可恃者七言甚懇切師得不出端平三年九月有事于明堂大雷雨行簡與鄭清之並策免既去而獨趨召行簡還京留之拜左丞相接韓琦故事乞以邊陲財用分委三執政請修中興五朝國事十上章請謝事嘉熙三年拜平章軍國重事封肅國公每以上游重地為念請建節度宣撫使提兵戍夔遷事稍寧復告老章十八上四年加少師保靈軍節度使醴泉觀使封魯國公淳祐元年二月薨于家年八十六贈太師諡文惠行簡歷練老成識量宏遠居官無所不言好薦士多至顯達至於舉錢時吳如愚又皆當時隱逸之賢者

范鍾字仲和婺州蘭溪人嘉定二年舉進士歷官調武學博士添差通州太平州知徽州召赴闕遷刑部郎官又遷尚右郎官兼崇政殿說書進對帝曰仁宗時甚多事鍾對曰仁宗始雖多事乃以憂勤致治徽宗始雖無事餘患至於今日帝悅尋遷吏部郎中兼說書又遷秘書少監國子司業遷兵部侍郎權兵部尚書嘉熙三年拜端明殿學士簽書樞密院事四年授參知政事淳祐元年乞歸田里不許四年知樞密院事五年特拜左丞相兼樞密使封東陽郡公再乞歸田里不許六年復請許之加觀文殿大學士醴泉觀使兼侍讀辭不拜以保晚節乃提舉洞霄宮九年卒鍾為相直清守法重惜名器雖無赫赫可稱而清德雅量與杜範李宗勉齊名贈少師諡文肅

游似字景仁利路提點刑獄仲鴻之子嘉定十四年進

士應官為大理司直升大理寺丞遷太常丞累遷軍器監宗正少卿權禮部侍郎有事於明堂疏言欲盡事天之禮當盡敬天之心心存則政事必適其宜言動必當其理兩賜必循其序夷夏必安其生權禮部尚書言軍賞冒濫請給告之制奏功者書填真命付之候從軍十年別能立功升至統領已上方許從所屬保明申朝廷立名給告則冒濫者革功勞者勸遷禮部尚書又遷吏部尚書入侍經幄帝問唐太宗貞觀治效何速如是似對曰人主一念之烈足以旋乾轉坤或謂霸圖速而王道遲不知一日歸仁期月而可王道曷嘗不速一念有時間斷則無以挽回天下之大勢至於憂勤既切而佐理非人亦何以布宣九重之實乃據太宗事以陳且謂太宗矜心易啟漸弗克終僅止貞觀之治陛下嗣服十有五年艱危之勢滋甚回視太宗治效敏速相越乃爾意者親儒而從諫敬畏以檢身未若貞觀之超卓乎節用以致愛選廉以其理未若貞觀之切至乎願陛下益加聖心嘉熙三年拜端明殿學士同簽書樞密院事封南充縣伯拜參知政事四年知樞密院事兼參知政事淳祐四年提舉萬壽觀兼侍讀仍奉朝請授知樞密院事兼參知政事進爵郡公五年拜右丞相兼樞密使十上章乞歸田里帝不許七年特授觀文殿大學士禮泉觀使兼侍讀進爵國公十一年轉兩官致仕卒特贈少師

趙葵字仲南京湖制置使方之子方在襄陽命葵專督飲食供養之事與兄范俱有志事功方器之聘鄭清之全子才為之師又遣從南康李燾為有用之學每聞警報與諸將偕出遇敵則深入死戰諸將惟恐失制置子盡死救之屢以此獲捷一日方賞將士恩不償勞軍為變葵時十二三覺之亟呼曰此朝廷賜也本司別有賞資軍心賴一言而定人服其機警嘉定十年金兵侵襄陽圍襄陽時邊烽久熄金兵猝至人情震懼方帥范葵往戰敗走之十三年方遣葵及都統扈再興攻金至高頭高頭金人必守之處也出勁兵拒葵葵率先鋒奮擊再興繼進殲之翼日進次鄧州金人阻泚河以拒葵麾軍進擊楊義諸將繼至金兵亦大出合戰大破之俘斬及降者幾二萬獲萬戶而下十數人奪馬八百逐北直傳城下而還十四年金人侵斬州葵與范攻唐鄧方命之曰不克敵無相見也三月丁亥至唐州薄城而陳金大將阿哈引兵出戰葵帥精騎赴敵再興從之大捷斬馘萬餘時金人陷斬州者至天長數十騎出山椒葵帥楊大成以十四騎逐之金騎漸益至數百葵力戰連破之而金步騎大集會范再興軍合戰至夜分始解庚寅官軍分二陣范將左再興將右葵帥突騎左右策應金人背山亦分為二以相當而不先動范曰金人必復謀夜戰以倖勝乃預備大鼓令軍中間擊鼓聲始動若彼未至五十步內而輒動者斬未幾金兵稍下山再興遽衝之果為敵所乘遂逼范軍范舉鼓應軍突鬪葵繼進殲金兵數千敵併力向再興葵率士豪祝文尉等以精騎橫衝之金人僵屍相屬復相持至夜分金人雖斂而陣如故范葵急會將校選死士數千黎明四面奮擊呼聲撼山谷金人走乘勝逐北斬首數千級副都統投戈降拔所掠子女萬餘得輜重器械山積補葵承務耶知襄陽軍范授安撫司內機方卒十五年起復直祕閣通判廬州進大理司直准西安撫參議官十七年李全往

青州淮東制置使許國檄葵議兵葵至曰君侯欲圖賊而坐賊奔中悔已無及惟有重帳前兵猶足制之爾國曰兵不能集集不能精奈何曰請視兩路兵別其精銳君侯留三萬帳前賊不敢動矣國曰不若集淮兵來閱而君董之既足示眾亦可選銳葵曰有兵之郡必當衝要守將豈可空壁以從制使命耶必將力爭于朝分留自衛一得朝命必匿其強壯遣老弱以備數本欲選銳適得其鈍本欲示眾適示單弱徒啟戎心國不聽卒敗寶慶元年范知揚州乞調葵以強勇雄邊軍五千屯寶慶備賊葵在廬州數費私錢會諸將毬射與制置使會式中不合葵去之言者以為擅遂奉祠三年起為將作監丞紹定元年出知滁州二年全將入浙西告羅實欲覘畿甸也初全之獻俘也朝廷授以節鉞葵策其必叛乃上書丞相史彌遠曰此賊若止於得粟尚不宜使輕至內地况包藏禍心不止告糴若不痛抑其萌則自此肆行無憚至滁以其地當賊衝又與金人對境實兩淮門戶修城浚隍經武不少暇命秦喜守清平趙必勝守萬山以壯形勢葵母疾謁告省侍不得到股雜藥以寄之母卒葵求解官不許不得已卒哭復視事全造舟益急葵復致書史彌遠曰李全既破鹽城反稱陳知縣自棄城益欲欺朝廷以款討罪之師彼得一意修舟楫造器械窺伺城邑或直浮海以擣腹心此其姦謀明若觀火葵自聞鹽城失守日夕延頸以俟制帥之設施今乃聞遣王節入鹽城祈哀於逆葵又聞遣二吏入山陽請命于賊婦堂堂制閫如此舉措豈不墮賊計貽笑天下又聞張國明前此出山陽已知賊將舉鹽城之兵今若聽國明言更從濶略則自此人心解體萬事渙散葵非

欲張皇生事故費李全決非忠臣非孝子丞相苟聽蔡之言翻然改圖發兵討叛則豈獨可以強國勢安社稷蔡父子世受國恩亦庶幾萬一之報使丞相不聽蔡言不發兵討賊則豈特不可以強國勢安社稷而蔡亦不知死所不復可報君相之恩矣安危治亂係朝廷之討叛與不討爾又言於朝曰蔡父子兄弟世受國恩每見盜賊侵侮未嘗不為忠憤所激今大逆不道遷視朝廷負君相躬翼之恩無如李全前此畔逆未彰猶可言也今已破蕩城邑略無忌憚若更從隱忍則將何以爲國欲望特發剛斷明其爲賊即日命將遣師水陸並進誅鋤此逆以安社稷以保生靈蔡雖不才願身許朝廷如或不然乞將蔡早賜處分以安邊鄙以便國事彌遠猶未欲與討參知政事鄭清之贊決之乃加蔡直寶章閣淮東提點刑獄兼知滁州刻日約蔡蔡帥雄勝盪淮武定彊勇步騎萬四千命王鑑扈斌胡顯等將之以蔡兼參議官顯穎之兄也拳力絕人方在襄陽每出師必使顯及蔡各領精銳分兵赴戰摧堅陷陣聚散離合前無勁敵以功至檢校太尉已而全攻揚州東門蔡親出搏戰賊將張友呼城門請蔡出及出全在隔濠立馬相勞苦左右欲射全蔡止之問全來何爲全曰朝廷動見猜疑今復絕我糧餉我非背叛索錢糧耳蔡曰朝廷資汝錢糧寵汝官職待汝以忠臣孝子而乃反戈攻陷城邑朝廷安得不絕汝錢糧汝云非叛欺人乎欺天乎切責之言甚多全無以對彎弓抽矢向蔡而去於是數戰皆捷四年正月壬寅遂殺全

伏請通鑑輯覽 御批 李全屢作不靖敗害朝臣 我跡久已彰著且既降蒙古即非全屢作不靖敗害朝臣 失策及子而不受更非爵祿可領而其不臣之跡彌復 然尚安得爲恭順乃爲其外飾之貌所愚遂爾不絕 轉冀少寬北顧之憂宋君臣何憐情乃爾爾盜糧而

城隍守進攻淮亂其何能已乎事見全傳進蔡福州 視察使驍騎上將軍蔡辭不受召封樞密院稟議受寶 章閣待制樞密副都承旨依舊職仍落起復尋進兵部 侍郎六年詔授淮東制置使兼知揚州入對帝曰卿父 子兄弟宣力甚多卿在行陣又能率先士卒捐身報國 此尤儒臣之所難朕甚嘉之蔡頓首謝曰臣不佞忠孝 之義嘗奉教於君子世受國恩當捐軀以報陛下端平 元年朝議收復三京蔡上疏請出戰乃授權兵部尚書 京河制置使知應天府南京留守兼淮東制置使時盛 暑行師汴隄破決水潦泛溢糧運不繼所復州郡皆空 城無兵食可因未幾北兵南下渡河發水腫兵多溺死 遂潰而范上表劾蔡詔與全子才各降一秩授兵部侍郎 淮東制置使移司泗州嘉熙元年以寶章閣學士知 揚州依舊制置使二年以應援安豐捷奏拜刑部尚書 端明殿學士特子執政恩例復兼本路屯田使蔡前後 留揚八年墾田治兵邊備益飭涓祐二年進大學士知 潭州湖南安撫使改福州三年葬其母乞追服終制不 允蔡上疏曰移忠爲孝臣子之通誼教孝求忠君父之 至仁忠孝一原並行不悖臣不佞戒謹持循惟恐失墜 往歲叨當事任服在戎行偕同氣以率先冒萬死而不 顧捐軀戡難效命守封是以孝事君之義也陛下昭示 顯揚優崇寵數使爲人子者感恩爲人親者知勸矣臣 昨於草土被命起家勉從權制今釋位去官已追服居 慮乞從葬制又不許再上疏命提舉洞霄宮不拜涓祐 四年授同知樞密院事疏奏今天下之事其大者有幾 天下之才其可用者有幾從其大者而講明之疏其可 用者而任使之有勇略者治兵有心計者治財寬厚者

任牧養則正者持風憲爲官擇人不爲人而擇官用之 既當任之既久然後可以責其成效又乞亟與宰臣講 求規畫凡有關於宗社安危治亂之大計者條具以聞 審其所先後緩急以圖籌策則治功可成外患不足畏 又乞朔游擊軍三萬人以防江詔從之拜知樞密院事 兼參知政事又特授樞密使兼知政事督視江淮京西 湖北軍馬封長沙郡公尋知建康府行宮留守江東安 撫使九年特授光祿大夫右丞相兼樞密使封信國公 四上表力辭言者以宰相須用讀書人罷爲觀文殿學 士充醴泉觀使兼侍讀仍奉朝請尋判潭州湖南安撫 使加特進寶祐二年宣撫廣西三年改鎮荆湖城荆門 及鄂州改授湖南路安撫使判潭州再辭依舊職醴泉 觀使五年進少保宣遠軍節度使進封魏國公醴泉觀 使四辭免開慶元年判慶元府沿海制置使尋授沿江 江東宣撫使又授江東西宣撫使節制調遣饒信袁臨 江撫吉隆興官軍民兵訪問百姓疾苦罷行黜陟並許 便宜從事景定元年授兩淮宣撫使判揚州進封魯國 公尋奉祠咸淳元年加少傅二年乞致仕特授少師武 安軍節度使進封冀國公舟次小孤山卒年八十一是 夕五洲星隕如箕贈太傅諡忠靖

范字武仲少從父軍中嘉定十三年嘗與弟葵殲金人 于高頭十四年出師唐鄧范與葵監軍孟宗政時知襄 陽憚於供億使人問曰金人在蘄黃而君攻唐鄧何也 范曰不然徹襄陽之備以救蘄黃則唐鄧必將躡吾後 且蘄黃之寇正銳曷若先擣唐鄧以示有餘唐鄧應我 之不暇則吾圍不守而自固敵在蘄黃師日以老然後 回師蹙之可勝敵而無後患又敗金人於天長與弟葵

俱授制置安撫司內機事具奏傳十五年丁父憂起復直祕閣通判揚州十六年為軍器監丞以直祕閣知光州十七年入為知大宗正丞刑部侍郎試將作監兼權知鎮江府進直徽猷閣知揚州淮東安撫副使劉全王文信二軍老幼留揚州范欲修軍政懼其徒漏泄兵機乃時餽勞二家既大喜范即遣徐晞稷書令教二人挈家歸楚二人從之范厚賈以遣有孫海者其眾亦八百范併請抽還楚州又請初馬軍三千招游手之強壯者及籍牢城重役人充之別籍民為半年兵春夏在田秋冬教閱官免建砦而私不廢農彭義斌使統領張士顯見范請合謀討李全范告于制置使趙善湘曰以義斌暨全如山壓邪然必請而後討者知有朝廷也失此不右而右凶徒則權綱解紐矣萬一義斌無朝命而成大勳是又唐藩鎮之事非計之得也莫若移揚州增戍之兵往盱眙而四總管兵各留半以備金人餘皆起發擇一能將統之命葵摘淮西精銳萬人與會于楚州出許浦海道五十艘入淮以斷賊歸路密約義斌自北攻之事無不濟四總管權位相侔雖能得其歡心而不能制其死命如用璋須令親履行陣指蹤四人不可止坐籌帷幄也不報范又曰國家討賊則自此中與否則自此不振若朝廷不欲張皇則范乃提刑職在捕盜但令范以本路兵措置楚州鹽賊范當調時青張惠兩軍之半及其船數百徑薄楚城以遏賊路調夏全范成進之半據漣海而守之又移揚州之戍以戍盱眙然後親提精銳雄勝強勇等就時青于城外示賊以形勢諭賊以禍福賊必自降若猶拒守則南北軍民雜處必有內應者矣別約義斌攻之於北山陽下則進駐漣海以應

之撫歸附家屬以離其黨不出半月此賊必亡若是則不調許浦水軍但得趙葵三千人亦足矣若朝廷憚費則全有豫買軍需錢二十萬在真州且漣楚積聚多自足用丞相史彌遠報范書令論四總管各享安靖之福范所遣計議官聞之曰但恐禍根轉深不能安靖爾各揮涕歸會全且至范又獻計曰撫機不發事已無及今逆全不得志義斌而復慮四總管應之歸據舊巢其謀必急然蹙之於喪敗之餘者易圖之於休息之後者難別事機既變局面不同若廟算果定不欲出教令但得密賜指授范一切伏藏不動只約義斌使自彼攻其所必救則機會在我而前日之策可用矣還報戒范無出位專兵范乃為書謝廟堂決之曰今自上自一人下至公卿百執事又下至士民軍吏無不知禍賊之必反雖先生之心亦自知其必反也眾人知之則言之先生知而獨不言不言誠是也內無臥薪嘗膽之志外無戰勝攻取之備先生隱忍不言而徐思所以制之此廟謨所以為高也然以撫定責之晞稷而以鎮守責之范責晞稷者函人之事也責范者矢人之事也既責范以惟恐不傷人之事又禁其為傷人之痛惡其為傷人之言何哉其禍賊見范為備則必忌而不得肆其姦他日必將指范為首禍激變之人劫朝廷以去范先生始末之信也左右曰可卿大夫曰可先生必將曰是何惜一趙范而不以紓禍哉必將縛范以授賊而范遂為宋屍錯雖然使以范授賊果足以紓國禍范死何害哉欲望矜憐別與開慢差遣彌遠得書為之動心二年春奉祠三年知安慶府未行改知池州繼兼江東提舉常平彌遠訪將材於葵以范對進范直敷文閣淮東提點刑獄兼知

滁州范曰弟而薦兄不順以母老辭乃上書彌遠曰淮東之事日異日新然有淮則有江無淮則長江以北港汊蘆葦之處敵人皆可潛師以濟江面數千里何從而防哉今或謂巽辭厚惠可以陷賊而不知陷彼款兵之計或謂斂兵退屯可以緩賊而不知成彼深入之謀或欲行清野以嬰城或欲聚烏合而浪戰或以賊詞之乍順乍逆而為喜懼或以賊兵之乍進乍退而為寬緊皆失策也失策則失淮失淮則失江而其失有不可勝諱者矣夫有邊寇之兵有游擊之兵有討賊之兵今竇應之逼山陽天長之逼盱眙須各增戍兵萬人遣良將統之賊來則堅壁以挫其鋒不來則耀武以壓其境而又觀釁伺隙時遣偏師掩其不備以示敢戰使雖欲深入而畏吾之擣其虛此邊寇之兵也盱眙之寇素無儲蓄金人亦無以養之不過分兵擄掠而食當量分精兵授以勇校募土豪出奇設伏以勦殺之此游擊之兵也維揚金陵合肥各聚二三十萬人人物必精將校必勇器械必利教閱必熟紀律必嚴賞罰必公其心術念慮必人人思親其上而死其長信能行此半年而可以強國一年而可以討賊矣賊既不能深入擄掠復無所獲而又懷見討之恐則必反而求贖於金人矣或謂揚州不可怨之怒之吾於是可嫁禍於金人矣或謂揚州不可屯重兵恐連敵禍是不然揚州者國之北門一以統淮一以蔽江一以守運河豈可無備哉善守者敵不知所攻今若設寶應天長二屯以扼其衝復重二三帥間以張吾勢敵將不知所攻而敢犯我揚州哉朝廷乃召范稟議復令知池州紹定元年試將作監知鎮江府三年丁母憂未解官不許起復直徽猷閣淮東安撫副使尋

轉右文殿修撰賜章服金帶不得已卒喪復視事又爲書告廟堂請罷調停之議一請檄沿江制置司調王明本軍駐泰興港以扼泰州下江之捷徑一請檄射陽湖人爲兵屯其半高郵以制賊後屯其半瓜州以扼賊前一請速調淮西兵合滁陽六合諸軍圍救江面朝旨乃許范射陽湖兵毋過二萬人就聽節制范又遣善湘書曰今日與宗社同休戚者在內惟丞相在外惟制使與范及范弟葵耳賊若得志此四家必無存理於是討賊之謀遂決遂戮全進范兵部侍郎淮東安撫使兼知揚州兼江淮制置司參謀官以次復淮東加吏部侍郎進工部尚書沿江制置副使權移司兼知黃州尋兼淮西制置副使未幾爲兩淮制置使節制巡邊軍馬仍兼沿江制置副使又進端明殿學士京河關陝宣撫使知開封府東京留守兼江淮制置使入洛之師大潰乃授京湖安撫制置使兼知襄陽府范至則倚王旻葵文彬李伯淵黃國弼數人爲腹心朝夕酣狎了無上下之序民訟邊防一切廢弛屬南北軍將交爭范失於撫御於是北軍王旻內叛李伯淵繼之焚襄陽北去南軍大將李虎不救焚不定變乃因之劫掠城中官民尙四萬七十有奇錢糧在倉庫者無慮三十萬弓矢器械二十有四庫皆爲敵有蓋自岳飛收復百三十年生聚繁庶城高池深甲於西陲一旦灰燼禍至慘也言者劾范降三官落職依舊制置使尋奉祠以言罷論者未已再降兩官送建寧府居住嘉熙二年敘復官職與官觀四年知靜江府後卒于家

或者猶恐前習便嬖之人有以私陛下之聽而悅陛下之心則前日之畏者愈憂者喜慮者玩矣左右前後之人進憂危恐懼之言者是納忠於上也進燕安逸樂之言者是不忠於上也凡有水旱盜賊之奏者必忠臣也

有詔諷蒙蔽之言者必佞臣也陛下享玉食珍羞之奉當思兩淮流卒轉擊之可矜聞管絃鐘鼓之聲當思西蜀白骨如山之可念又言崇儉德以契天理儲人才以供天職恢遠略以需天討行仁政以答天意帝悅差知衍州除宗正少卿又除太常少卿兼國史編修實錄檢討時劉漢弼杜範徐元杰相繼死方叔言元杰之死陛下既爲命官鞠獄立賞捕姦罪人未得忠寬未伸陛下苟不始終主持將恐紀綱掃地而國無以爲國矣遷殿中侍御史進對言操存本於方寸治亂係於天下人主宅於法宮蠖蟻之遷朝夕親近者左右近習承意伺旨之徒往往覘上之所好不過保恩寵希貨利而已而冥冥之中或有游揚之說潛伏而莫之覺防微杜漸實以是心主之又言今日爲兩淮謀者有五日明開謀二日修馬政三日營山水砦四日經理近城之方田五日加重邊絕遊騎及救奪擄掠之賞罰請行限田請錄朱熹門人胡安定呂燾蔡模詔皆從之權刑部侍郎兼權給事中升兼侍講正授刑部侍郎權國史編修實錄檢討拜端明殿學士簽書樞密院事參知政事淳祐九年拜參知政事封永康郡侯十一年特授知樞密院事兼參知政事尋拜左丞相兼樞密使進封惠國公勅帝以愛身育德屬監察御史洪天錫論宦者盧允升董宋臣疏留中不下大宗正寺丞趙崇禧移書方叔云闕寺驕恣特甚宰執不聞正救臺諫不敢誰何一新入孤立之

察官乃銳意出身攻之此豈易得哉側耳數日寂無所聞公議不責備他人責備宰相不然倉卒出御筆某人授少卿亦必無可過之理矣丞相不可謂非我責也丞相得君最深名位已極儻言之勝宗社賴之言之不勝則去去則諸君必不容不爭是勝亦勝負亦勝况未必去耶方叔得書有報色翼日果得御筆授天錫大理少卿而天錫去國於是太學生池元堅太常寺丞趙崇潔左史李昂英皆論擊允升宋臣而讓者又曰天錫之論方叔意也及天錫之去亦曰方叔意也方叔上疏自解於是監察御史朱應元論方叔罷相既罷允升宋臣猶以爲未快厚賂太學生林自養上書力詆天錫方叔且曰乞誅方叔使天下明知宰相臺諫之去出自獨斷於內侍初無預焉書既上學舍惡自養黨姦相與鳴鼓攻之上書以聲其罪授方叔觀文殿大學士提舉洞霄宮復以監察御史李衢兩劾職罷祠後依舊職與祠起居郎召澤中書舍人林存劾罷監察御史章士元請更與降削竄廣南景定二年請致仕乃敘復官職度宗即位方叔以一琴一鶴金丹一粒來進丞相賈似道恐其希望諷權右司郎官盧越左司諫趙順孫給事中馮夢得右正言黃鏞相繼請奪方叔官職封爵制置使呂文德願以己官贖其罪咸淳七年詔敘復致仕八年卒特贈少師方叔在相位子弟干政若讒余玠之類是也

欽定續通志卷四百八

列傳

宋一百十三

吳潛

程元鳳

江萬里

王燦

章鑑

陳宜中

文天祥

吳潛字毅夫宣州寧國人祕閣修撰柔勝之子嘉定十年進士第一授承事郎簽鎮東軍節度判官改簽廣德軍判官丁父憂服除授祕書省正字遷校書郎添差通判嘉興府權發遣嘉興府事轉朝散郎尚書金部員外郎紹定四年遷尚右郎官都城大火潛上疏論致災之由願陛下齊戒修省恐懼對越閭官之竊弄威福者勿親女寵之根萌禍患者勿昵以暗室屋漏為尊嚴之區以恒舞酣歌為亂亡之宅庶幾天意可回天災可息又言重地要區當豫畜人才以備患又貽書丞相史彌遠論事一曰格君心二曰節奉給三曰賑恤都民四曰用老成廉潔之人五曰用良將以禦外患六曰革吏弊以新治道授直寶章閣改吏部員外郎遷太府少卿淮西總領又告執政論用兵復河南不可輕易兵事一開調度廣廣百姓狼狽何所取資自後與師入洛潰敗失亡潛之言率驗遷太府卿兼權沿江制置知建康府江東安撫留守上疏論保蜀之方護襄之策防襄之算備海之宜進取有甚難者三事端平元年詔求直言潛所陳九事一曰願天命以新立國之意二曰植國本以廣傳家之慶三曰篤人倫以為綱常之宗主四曰正學術以還斯文之氣脈五曰廣畜人才以待乏絕六曰實恤民力以致寬舒七日邊事當鑒前轍以圖新功八曰楮

幣當權新制以解後憂九曰賊盜當探禍端而圖要策以直論忤時相罷奉千秋鴻禧祠改祕閣修撰權江西轉運副使兼知隆興府主管江西安撫司擢太常少卿奏造斛斗輸諸郡租寬恤人戶培植根本凡十五事進右文殿修撰集英殿修撰樞密都承旨督府參謀官兼知太平州五辭不允又言和戰成敗大計宜急救襄陽等事貽書執政論京西既失當招收京淮丁壯為精兵以保江西權工部侍郎知江州辭不赴請養宗子以係國本以鎮人心改權兵部侍郎兼檢正論士大夫私意之弊以為襄漢潰決與河破亡兩淮椒擾三川陷沒欲望陛下念大業將傾士習已壞以靜專察郡情以剛明消眾惡警于有位各勵至公毋以術數相高而以事功相勉母以陰謀相許而以識見相先協謀并智戮力一心則危者尚可安而衰證尚可起也又請分路取士以收淮襄之人物試工部侍郎知慶元府兼沿海制置使改知平江府條具財計彫敝本末以寬郡民與轉運使王楚爭論利害授寶謨閣待制提舉太平興國宮改玉隆萬壽宮試戶部侍郎准東總領兼知鎮江府言邊儲防禦等十有五事改寶謨閣直學士權兵部尚書浙西制置使申論防拓江海團結措置等事進工部尚書改吏部尚書兼知臨安府乃論艱屯塞困之時非反身修德無以求亨通之理乞遴選近族以係人望而俟太子之生帝嘉納以臺臣徐榮叟論別提舉南京鴻慶宮遂請致仕母憂服除轉中大夫試兵部尚書改端明殿學士簽書樞密院事進封金陵郡侯以亢旱乞罷免改資政殿學士提舉洞霄宮改知福州兼本路安撫使徙知紹興府浙東安撫使召同知樞密院兼參知政事入對

言國家之不能無弊猶人之不能無病願陛下篤任元老為醫師博采眾益為醫工使臣輩得效牛溲馬勃之助不辱陛下知人之明淳祐十一年人為參知政事拜右丞相兼樞密使明年以水災乞解機政以觀文殿大學士提舉洞霄宮又四年授沿海制置大使判慶元府至官條具軍民久遠之計告于政府奏皆行之以久任勾祠且累章乞歸田里進封慶國公判寧國府還家以醴泉觀使兼侍讀召入對論畏天命結民心進賢才通下情帝嘉納拜特進左丞相進封慶國公奏乞令在朝之臣各陳所見以決處置之宜改封許國公元兵渡江攻鄂州別將由大理下交陟破廣西湖南諸郡潛奏今鄂渚被兵湖南擾動推原禍根良由近年姦臣檢士設為虛議迷國誤軍其禍一二年愈酷附和逢迎媵阿陷媚積至于大不靖臣年將七十捐軀致命所不敢辭所深痛者臣交任之日上流之兵已踰黃漢廣右之兵已蹈寶柳謂臣壞天下之事亦可哀已又論國家安危治亂之原蓋自近年公道晦蝕私意橫流仁賢空虛名節喪敗忠嘉絕響諛佞成風天怒人怨稔成兵戈之禍積為宗社之憂章鑑高鑄嘗與丁大全同官傾心附麗躡蹊要途蕭泰來等羣小嚙啗國事日非浸淫至于今日陛下毋使小人翕聚以貽善類之禍沈炎實趙與憲之腹心爪牙而任臺臣甘為之博擊姦黨盤據血脈貫穿以欺陛下致危亂者皆此等小人為之又乞令大全致仕炎等與祠高鑄羈管州軍不報屬將立度宗為太子潛密奏云臣無彌遠之材忠王無陛下之福帝怒潛卒以炎論劾落職命下中書舍人洪芹繳還詞頭不報請建昌軍尋徙潮州責授化州團練使循州安置潛預知

死日語人曰吾將逝矣夜必雷風大作已而果然四鼓開霽撰遺表作詩頌端坐而逝時景定三年五月也循人聞之咨嗟悲慟德祐元年追復元官仍還執政恩數明年以太府卿柳岳請贈諡特贈少師

程元鳳字申甫徽州人紹定元年進士調江陵府教授端平元年差江西轉運使幹辦公事淳祐元年遷禮兵二部架閣父憂服闋遷宗學博士以詩禮講榮王府旁諷曲論隨時規正多所裨益王亦傾心敬聽輪對極論世運剝復之機及人主所當法天者理宗覽之曰有古遺直風六年進祕書丞兼權刑部郎官七年兼權右司郎官遷著作郎仍權右司郎官輪對指陳時病尤激切當國者以為厲已召外知饒州郡初罹水災元鳳訪民疾苦夙夜究心修城堞置義阡寬誅求察誣證進江淮荆浙福建廣南都大提點坑冶仍兼知饒州治司歲有冬夏帳銀悉舉以補郡積年諸稅徵之不足者芝生治所取以治行之致元鳳曰五穀熟則民蒙惠此不足異也召奏事辭不允遷右曹郎官疏言實學實政國本人才吏治生民財計兵威八事尋兼右司郎官拜監察御史丞相鄭清之久專國柄老不任事臺官潘凱吳燧合章論列清之不悅改遷之二人不拜命去元鳳上疏斥清之罪其言明白正大凱燧得召還有事于明堂元鳳疏言祈天以實不以文又言邊備謂當申徹軍實以起積玩之勢及言濫刑之弊十二年拜右正言兼侍講以祖諱辭詔權以右補闕繫銜余晦以從父天錫特恩妄作三學諸生伏闕上書白其罪狀司業蔡抗又力言之元鳳數其罪劾之奏上以晦為大理少卿抗為宗正少卿元鳳又上疏留抗而黜晦以安士心乃命抗仍兼司

業晦子郡升殿中侍御史京城災疏言輟土木無益之役以濟暴露之民移繇流泛之思以給顛沛之眾務行寬大之政固結億兆之心旁招俊乂而私昵無濫及之恩屏去奸私而貪黷無覆出之患謹便變之防而不使之弄權抑恩澤之請而不至於無節言多剴切寶祐元年兼侍讀遷侍御史言法孝宗八事薦名士二十餘人進尚書吏部侍郎亟辭出關不允有事于南郊元鳳為執紼官答問多所開陳帝因欲幸西太乙宮力諫止之三年遷權工部尚書力求補外特授端明殿學士同簽書樞密院事簽書樞密院事兼權參知政事進參知政事尋進拜右丞相兼樞密使進封新安郡公力辭御筆勉諭猶周回累日而後治事疏奏正心待臣進賢愛民備邊守法謹徵審令八事高孝光寧四朝國史未就奏轉任尤煇領其事纂修成之會丁大全謀奪相位元鳳力辭授觀文殿大學士判福州福建安撫使又力辭

依前職提舉洞霄宮開慶兵與上手疏收人心重賞罰團結民兵數事俄起判平江府兼淮浙發運使四上章乞免三年御筆趣行奏免修明局米五萬石拜特進依前職充醴泉觀兼侍讀度宗即位進少保咸淳三年拜少傅右丞相兼樞密使進封吉國公以言罷依舊少保觀文殿大學士醴泉觀使乞致仕不許四年罷觀使以守少保觀文殿大學士致仕卒遺表間特贈少師元鳳之在政府也一契家子求貳令元鳳謝之曰除授須由資其人果請不許乃以先世為言元鳳曰先公疇昔相薦者以某粗知情退故也今子所求職次豈先大夫意哉矧以國家官爵報私恩某所不敢有嘗遺元鳳論列者其後見其可用更薦拔之每日前日之彈劾成其才

也今日之擢用盡其才也江萬里字子遠都昌人少神雋有鋒穎連舉於鄉入太學有文聲理宗在潛邸嘗書其姓名几研間以舍選出身歷池州教授沿江制置司準備差遣兩浙安撫司幹辦公事召試館職累遷著作佐郎權尚左郎官知吉州創白鸞洲書院兼提舉江西常平茶鹽召為屯田郎官未行遷直秘閣江西轉運判官兼權知隆興府創宗濂書院遷考功郎官命旋寢久之以駕部郎官召遷尚右

兼侍講史嵩之罷相拜監察御史仍兼侍講未幾遷右正言殿中侍御史又遷侍御史未及拜萬里器望清峻論議風采傾動一時帝眷注尤厚嘗召祠省母疾不許屬弟萬頃奉母歸南康旋以母病聞萬里不俟報馳歸至祁門得訃而議者謂萬里母死祕不奔喪反挾妾媵自隨於是側目萬里者相與騰謗萬里無以自解坐是閒廢者十有二年後陸德輿嘗辨其非辜於帝前賈似道宣撫兩浙辟參謀官及似道同知樞密院為京湖宣撫大使以萬里帶行實章閣待制為參謀官元兵圍鄂似道以右丞兼樞密使移軍漢陽萬里遷刑部侍郎似道入相萬里遷權吏部尚書又拜端明殿學士同簽書樞密院事隨以言者去官後以原職知建寧府兼權福建轉運使已而加資政殿學士依舊職知福州兼福建安撫使度宗即位召同知樞密院事又兼權參知政事萬里始雖俛仰容默為似道用然性峭直臨事不能無言似道常惡其輕發故每人不能久在位似道以去要君帝初即位呼為師相至涕泣留之萬里以身掖帝云自古無此君臣禮陛下不可拜似道不可復言去似道不知所為下殿舉笏謝萬里曰微公似道幾為千古

罪人然以此益忌之帝在講筵每問經史疑義及古人姓名似道不能對萬里常從旁代對時王夫人頗知書帝語夫人以爲笑似道聞之積愆怒謀逐之萬里四旬祠不候報出關加資政殿大學士知慶元府兼沿海制置使不拜子祠後二年知太平州兼提領江淮茶鹽兼江東轉運使召拜參知政事進封南康郡公既至拜左丞相兼樞密使句祠加觀文殿大學士知福州辭依舊職提舉洞霄宮又授知潭州湖南安撫大使加特進尋子祠時咸淳九年萬里年七十有六矣明年元兵渡江萬里隱草野間爲遊騎所執大詬欲自戕既而脫歸先是萬里聞襄樊失守鑿池芝山後圃扁其亭曰止水人莫論其意及聞警執門人陳偉器手曰大勢不可支余雖不在位當與國爲存亡及饒州城破軍士執萬頃索金銀不得支解之萬里竟赴水死左右及子鎬相繼投沼中積尸如疊翼日萬里子獨浮出水上從者草斂之萬里無子以蜀人王孺子爲後卽鎬也事聞贈太傅益國公後加贈太師諡文忠萬頃歷守大郡爲提舉江西常平茶鹽官至正郎城破時彬州守趙崇標寓居城中亦死之

王煥字仲潛一字伯晦紹興新昌人登嘉定十三年進士第知常熟縣紹定四年江淮制置司辟通判泰州五年差知滁州端平元年知瑞州熙嘉元年提轄左藏東西庫兼提轄封樁下庫二年遷籍田令兼督視幹辦公事淳祐二年改監三省樞密院門乞免所居官詔從之四年再任五年遷太府寺丞祕書丞戶部郎官淮西總領主管右曹六年爲尙書左司員外郎賜對乞祠不許七年遷祕書少監以待御史周坦言罷爲福建提點刑

獄差知温州十年差知寧國府遷太府卿寶祐元年兼權兵部侍郎試司農卿疏奏願詔大臣相與憂亂而思治懼危而圖安哀何警省修德行政推抑羣陰之氣嚴保護微陽之根本使內治明如天日外治勁如風霆則精神運動陽氣昭蘇世道昌明物情熙洽上以遐續天命於隴告之餘下以固結人心於解紐之際其孰能禦之以右文殿修撰提舉太平興國宮五年京湖宣撫大使趙葵辟爲判官開慶元年召赴行在授集英殿修撰樞密都承旨權吏部侍郎景定元年爲眞侍郎兼太子左庶子極言正論太子聽而說之帝聞之甚喜二年遷禮部尙書權吏部尙書加龍圖閣學士知平江府淮浙發運使五年召赴行在進端明殿學士提舉佑神觀兼侍讀召赴行在咸淳元年拜簽書樞密院事同知樞密院事兼權參知政事二年以疾乞祠不許帝遣尙醫視之復兩乞歸皆不許拜參知政事三年知樞密院事兼參知政事立皇太子加食邑三辭免官不許乞祠祿仍投資政殿學士知慶元府兼沿海制置使八年加觀文殿學士提舉萬壽宮兼侍讀詔遣刑部郎官董樸起之四上疏辭免始從之十年以煥爲左丞相章鑑爲右丞相並兼樞密使尋授煥特進加食邑乞致仕兩乞辭免皆不許德祐元年兩乞改命經筵又再乞以舊職奉京祠侍讀皆不許右丞相章鑑參知政事陳宜中奏諭留煥以鎮人心以康世道從之煥兩請毋署省院公積不許又奏乞將臣先賜罷斥臣本志誓死報國願假臣以宣撫招討等職臣當招募忠義共圖興復鑑宜中又奏檣單車絕江已至蕭山乞遣中使趣還治事乃授觀文殿大學士浙西江東路宣撫招討大使置司在京以備

咨訪乞解大使職名不許進少保左丞相兼樞密使尋加都督諸路軍馬辭皆不許奏言今天下所以大壞至此者正以一私蟠塞貴罰無章故也救之之策在反其所以壞之之由大明賞罰動合乎天庶幾人心興起天下事尙可爲也因言賈似道誤國喪師之罪於是始降詔切責似道不忠不孝六月庚子朔日食煥奏日食不盡僅一分白晝晦冥者數刻陰盛陽微災異未有大於此者臣待罪首相上佐天子理陰陽下遂萬物外鎮諸侯皆其職也氣祿充塞而未能消生民塗炭而未能拯反覆思之咎實在臣乞罷黜以答天譴詔不許第降授金紫光祿大夫而已辭降官乞罷斥又不許尋進平章軍國重事辭不許或請出宜中或夢炎出督吳門否則臣雖老無能爲若效死封疆亦不敢辭詔三省集議乞罷平章事不許京學生上書詆宜中宜中亦上疏乞骸骨初宜中在相位政事多不關白煥或謂京學之論實煥嗾之詔煥與宜中必難共處兼煥近奏乞免平章侍經筵辭氣不平遂罷煥平章依前少保特授觀文殿大學士充體泉觀使煥爲人清修剛勁似道歸天台葬母遇新昌煥獨不見之後以元老入相位值國勢危亡之際天下所屬望也而卒與宜中不協而去云章鑑字公秉分宜人以別院省試及第累官中書舍人侍左郎官崇政殿說書進簽書樞密院事兼權參知政事遷同知樞密院事咸淳十年王煥拜左丞相鑑拜右丞相並兼樞密使明年元兵逼臨安鑑託故徑去遣使亟召還朝既至罷相子祠殿帥韓震之死鑑與曾淵子明震無他至是御史王應麟繳其錄黃謂震有逆謀鑑與淵子曲庇之坐是削一官放歸田里後有告鑑家匿

賢聖者霜晨鑑方擁敗衾卧兵士至大索其室惟破篋貯一玉杯餘無一物人頗歎其清約鑑在朝日號寬厚然與人多許可士大夫目為滿朝歡云

陳宜中字與權永嘉人也少甚貧而性特俊拔有賈人推其生時以為當大貴以女妻之既入大學有文譽寶祐中丁大全以戚里婢婿事權倖盧允升董宋臣因得寵於理宗擢為殿中侍御史在臺橫甚宜中與黃鑄劉

劼林則祖陳宗曾唯六八上書攻之大全怒使監察御史吳衍劾宜中削其籍拘管他州司業率十二齋生冠帶送之橋門之外由是士論翕然稱之號為六君子按辛雜識載宜中等六人以甲辰歲史當之起復宜中諱上書時人號為六君子與宋史本傳異附識

建昌軍大全既竄丞相吳潛奏還之賈似道入相復為之請有詔六人皆免省試令赴景定三年廷試而宜中

中第二人六人中宜中尤達時務由紹興府推官數年遷監察御史程元鳳再相似道恐其侵權欲去之宜中首劾元鳳縱丁大全肆惡基宗社之禍命格除太府卿宜中亦自請外為江東提舉茶鹽常平公事咸淳四年

改浙西提刑五年召為崇政殿說書累遷禮部侍郎兼中書舍人七年閩闕帥以華文閣待制知福州在官得民心歲餘入為刑部尚書十年拜簽書樞密院事兼權

參知政事德祐元年升同知樞密院事二月似道喪師蕪湖乃以宜中知樞密院兼參知政事已而翁應龍自軍中歸宜中問似道所在應龍以不知對宜中以以為似道已死即上疏乞正似道誤國之罪似道行時以所親

信韓震總禁兵人有言震欲以兵劫遷者宜中召震計事伏壯士袖鐵椎擊殺之以示不黨於似道按辛雜識載似道元年正月似道出師臨行與殿帥韓震京尹曾淵子約日或江上師有健跌即遣軍艦航海且留二子於震家

及師黃魯港口似道以蠟書趣韓宜中本為似道所引至是一反實政召震會議差天府增級顧信等數人擬中乃挾二王航海去附識時右丞相章鑑宵遁曾淵子等請命宜中攝丞相事詔以王楙為左丞相拜宜中

特進右丞相四月楙還朝請事即與宜中不合臺臣孫曠叟請寬籍潛說友吳益李珣宜中以為簿錄非盛世事祖宗忠厚未嘗輕用之珣方召入朝遽加重刑恐後無以示信楙力爭以為當如曠叟議會留夢炎自湖南

入朝楙與宜中俱乞罷政請以夢炎為相太皇太后乃以宜中為左丞相夢炎為右丞相楙進平章軍國重事楙拜命即日就民居以丞相府讓宜中宜中上疏以為

一辭一受何以解天下之譏亦去遣使數輩遮留之始至時命張世傑等四道進師二丞相都督軍馬而不出督楙請以一丞相建闕吳門以護諸將不然則已請行

宜中媿始與夢炎上疏乞行邊事下公卿議不決七月世傑等兵果敗於焦山楙奏言事無重於兵今二相並建都督廟算指授臣不得而知比者六月出師諸將無

統臣豈不知吳門距京不遠而必為此請者蓋大敵在境非陛下自將則大臣開督今世傑以諸將心力不一而敗不知國家尚堪幾敗耶臣既不得其職又不得其

言乞罷免不允楙子乃嘯京學生伏闕上書數宜中過失數十事其略以為趙潛與章鑑皆棄城遁宜中乃借使過之說以報私恩令狐鑿潛說友皆以城降乃受其

包苴而為之羽翼文天祥率兵勤王信讓而沮撓之似道喪師國陽請致罰而陰祐之敵兵薄國門勤王師乃留之京城而不遣宰相當出督而畏縮猶豫第令集議而不行呂師夔恨子野心而使之通好乞盟張世傑步兵而用之於水劉師勇水兵而用之於步指授失宜

因以敗事臣恐誤國將不止於一似道也書上宜中竟去遣使召之不至其後罷楙命臨安府捕逮京學生召之亦不至太皇太后自為書遣其母楊使勉諭之宜中始乞以祠官入侍乃拜醴泉觀使十月王寅始造朝尋

為右丞相然事已去矣宜中倉皇發京城民為兵民年十五以上者皆籍之人皆以為笑十一月遣張全合尹

玉麻士龍兵援常州玉與士龍皆戰死全不發一矢奔還文天祥誅誅全宜中釋不問已而常州破兵薄獨松關鄰邑望風皆遁宜中遣使如軍中請和不得即率羣

臣入宮請遷都太皇太后不可宜中痛哭請之太皇太后乃命裝俟升車給百官路費銀及暮宜中不入太皇

太后怒曰吾初不欲遷而大臣數以為請願欺我邪脫管耳擲之地遂閉閣羣臣求內引皆不納蓋宜中實以

明日遷倉卒陳失審耳宜中初與元丞相巴延期會軍中既而悔之不果往巴延將兵至皋亭山宜中宵遁

陸秀夫奉二王入温州遣人召宜中宜中至温州而其母死張世傑昇其棺舟中遂與俱入閩中益王立復以為左丞相并澳之敗宜中欲奉王走占城乃先如占城

論意度事不可為遂不反二王累使召之終不至至元十九年元軍伐占城宜中走暹後沒於暹宜中為人多術數少為縣學生其父為吏受賊當黜宜中上書溫守魏克思請貸之克思以為黠吏卒寘之法其後宜中為浙西提刑克思郊迎宜中報禮不書銜亦云部下民陳某克思皇恐不敢受袖而謝之宜中陽禮之而陰據其過無所得其後克思發賈德生冒借官木事忤似道廢罷家居宜中入乃極言克思居鄉不法事似道令章鑑劾之貶嚴州克思之死宜中擠之為多

文天祥字宋瑞又字履善吉之吉水人也體貌豐偉美
哲如玉秀眉而長目顧盼炯然自爲童子時見學宮所
祠鄉先生歐陽修楊邦又胡銓像皆諡忠即欣然慕之
曰沒不俎豆其間非夫也年二十舉進士對策集英殿
時理宗在位久政理寢怠天祥以法天不息爲對其言
萬餘不爲囊一揮而成帝親拔爲第一考官王應麟奏
曰是卷古誼若龜鑑忠肝如鐵石臣敢爲得人賀尋丁
父憂歸開慶初元兵伐宋官董宋臣說帝遷都人莫
敢議其非天祥時入爲寧海軍節度判官上書乞斬宋
臣以一人心御批南渡備處臨安形勢已失四明
存前車可鑒開慶雖曰重國事非理宗祗應博訪
盈庭息浮議以勵職守乃董宋臣忽倡退避之謀何子
舉復主固守之策此南宋安危之關鍵而議遂阻皆
出自寺人之口可見舉朝皆庸懦怯之流無一人實
心爲國者然宋室時勢至此已無不報即自免歸後稍
遷至刑部郎官宋臣復入爲都知天祥又上書極言其
罪亦不報出守瑞州改江西提刑遷尙書左司郎官累
爲臺臣論罷除軍器監兼權直學士院賈似道稱病乞
致仕以要君有詔不允天祥當制語皆諷似道時內制
相承皆呈藁天祥不呈藁似道不樂使臺臣張志立劾
罷之天祥既數斥援錢若水例致仕時年三十七咸道
九年起爲湖南提刑因見故相江萬里萬里素奇天祥
志節語及國事愀然曰吾老矣觀天時人事富有變吾
聞人多矣世道之責其在乎君若其勉之十年改知贛
州德祐初江上報急詔天下勤王天祥捧詔涕泣使陳
繼周發郡中豪傑并結溪峒蠻使方輿召吉州兵諸豪
傑皆應有眾萬人事聞以江西提刑安撫使召入衛其
友止之曰今敵兵三道鼓行破郊畿薄內地君以烏合
萬餘赴之是何異驅羣羊而搏猛虎天祥曰吾亦知其

然也第國家養育臣庶三百餘年一旦有急徵天下兵
無一人一騎入關者吾深恨於此故不自量力而以身
徇之庶天下忠臣義士將有聞風而起者義勝者謀立
人眾者功濟如此則社稷猶可保也天祥性豪華平生
自奉甚厚至是盡以家貲爲軍費每與賓佐語及時事
輒流涕撫几言曰樂人之樂者憂人之憂食人之食者
死人之事八月天祥提兵至臨安除知平江府時以丞
相陳宜中未還朝不遣十月宜中至始遣之朝議方擢
呂師孟爲兵部尙書封呂文德和義郡王伏讀通鑑輒
批呂文德喪心負國反面事敵不加以門誅已屬寬典批
危急之際懷去就者正多尤當明誅賞以就敵屬乃於
叛臣族屬不惟不申刑憲重予褒崇將何以警亂賊
又豈區區王爵足以動其心者欲賴以求好師孟益偃
宋廷舉措若此所見何異孩稚欲賴以求好師孟益偃
塞自肆天祥陛辭上疏言朝廷姑息牽制之意多奮發
剛斷之義少乞斬師孟聲鼓以作將士之氣且言宋懲
五季之亂削藩鎮建郡邑一時雖足以矯尾大之弊然
國亦以衰弱故敵至一州則破一州至一縣則破一縣
中原陸沈痛悔何及今宜分天下爲四鎮建都督統御
於其中以廣西益湖南而建闢於長沙以廣東益江西
而建闢於隆興以福建益江東而建闢於鄱陽以淮西
益淮東而建闢於揚州賁長沙取鄂隆興取蕪黃鄱陽
取江東揚州取兩淮使其地大力眾足以抗敵約日齊
奮有進無退日夜以圖之被備多力分疲於奔命而吾
民之豪傑者又伺間出於其中如此則敵不難卻也時
議以天祥論闊遠書奏不報十月天祥入平江元兵已
發金陵入常州矣天祥遣其將朱華尹玉麻士龍與張
全援常至虞橋士龍戰死朱華以廣軍戰五牧敗績玉
軍亦敗爭渡水挽全軍舟全軍斷其指皆溺死玉以殘

兵五百人夜戰比旦皆沒全不發一矢走歸元兵破常
州入獨松關宜中夢炎召天祥棄平江守餘杭明年正
月除知臨安府未幾宋降宜中世傑皆去仍除天祥樞
密使尋除右丞相兼樞密使如軍中講和與大元丞相
巴延抗論皋亭山丞相怒拘之偕左丞相吳堅右丞相
賈餘慶知樞密院事謝堂簽書樞密院事家鉉翁同簽
書樞密院事劉呢北至鎮江天祥與其客杜沂十二人
夜亡入真州苗再成出迎喜且泣曰兩淮兵足以興復
特二閩小隙不能合從耳天祥問計將安出再成曰今
先約淮西兵趨建康彼必悉力以扞吾西兵指揮東諸
將以通秦兵攻灣頭以高郵寶應淮安攻楊子橋以
揚兵攻瓜步吾以舟師直擣鎮江同日大舉灣頭楊子
橋皆沿江脆兵且日夜望我師之至攻之即下合攻瓜
步之三面吾自江中一面薄之雖有智者不能爲之謀
矣瓜步既舉以東兵入京口西兵入金陵要浙歸路其
大帥可坐致也天祥大稱善即以書遺二制置遣使四
出約結天祥未至時揚有脫歸兵言密遣一丞相入真
州說降矣庭芝信之以爲天祥來說降也使再成亟殺
之再成不忍給天祥出相城壘以制司文示之閉之門
外久之復遣二路分覘天祥果說降者即殺之二路分
與天祥語見其忠義亦不忍殺以兵二十人道之揚四
鼓抵城下聞候門者談制置司下令捕文丞相甚急眾
相顧吐舌乃東入海道遇兵伏環堵中得免然亦饑莫
能起從樵者乞得餘糲糲糲行入板橋兵又至眾走伏葦
篠中兵入索之執杜沂金應而去虞候張慶矢中目身
被二創天祥偶不見獲許應解所懷金與卒獲免募二
樵者以黃荷天祥至高郵汎海至温州聞益王未立乃

上表勸進以觀文殿學士侍讀召至福拜右丞相尋與
 宣中等議不合七月乃以同都督出江西遂行收兵入
 汀州十月遣參謀趙時賞諡趙孟深將一軍取宣寧都
 參贊吳浚將一軍取零都劉洙蕭明哲陳子敬皆自江
 西起兵亦會鄒淵以招諭副使聚兵靈都元兵攻之淵
 兵敗同起事者劉欽鞠華叔顏斯立顏起巖皆死武岡
 教授羅開禮起兵復永豐縣已而兵敗被執死於獄天
 祥聞開禮死制服哭之哀至元十四年正月元兵入汀
 州天祥遂移漳州乞入衛時賞孟深亦提兵歸獨浚兵
 不至未幾浚降來說天祥天祥縛浚殺之四月入梅
 州都統王福錢漢英跋扈斬以徇五月出江西入會昌
 六月入興國縣七月遣參謀張汭監軍趙時賞趙孟深
 等盛兵薄贛城鄒淵以贛諸縣兵擣永豐其副黎貴達
 以吉諸縣兵攻泰和吉八縣復其半惟贛不下臨洪諸
 郡皆送款潭趙璠張虎張唐熊桂劉斗元吳希夷陳子
 全王夢應起兵邵永開復數縣撫州何時等皆起兵應
 天祥分宣武軍建昌三縣豪傑皆遣人如軍中受約束
 元江西宣慰使李恒遣兵援贛州而自將兵攻天祥於
 興國天祥不意恒兵猝至乃引兵走即鄒淵于永豐淵
 兵先憤恒窮追天祥方石嶺鞏信拒戰箭被體死之至
 空坑軍士皆潰天祥妻妾子女皆見執時賞坐肩輿後
 兵問謂誰時賞曰我姓文眾以為天祥擒之而歸天祥
 以此得逸去孫卓彭震龍張汭死於兵繆朝宗自縊死
 吳文炳林棟劉洙皆被執歸隆興時賞奮罵不屈有係
 累至者輒麾去云小小簽廳官耳執此何為由是得脫
 者甚眾臨刑洙頗自辯時賞叱曰死耳何必然於是棟
 文炳蕭敬夫蕭燾夫皆不免天祥收殘兵奔循州駐南

嶺黎貴達潛謀降執而殺之至元十五年三月進屯麗
 江浦六月入船澳益王祖衝王繼立天祥上表自劾乞
 入朝不許八月加天祥少保信國公軍中疲且起兵士
 死者數百天人祥惟一子與其母皆死十一月進屯湖
 陽縣潮州盜陳懿劉興數叛附為潮人害天祥攻走懿
 執興誅之十二月趨南嶺鄒淵劉子俊又自江西起兵
 來再攻懿黨懿乃潛遁元帥張弘範兵濟潮陽天祥方
 飯五坡嶺張弘範兵突至眾不及戰皆頓首伏草莽天
 祥倉皇出走走千戶王惟義前執之天祥吞腦子不死鄒
 淵自頸眾扶入南嶺死官屬士卒得脫空坑者至是劉
 子俊陳龍復蕭明哲蕭資皆死杜澣被執以憂死惟趙
 孟深遁張唐熊桂吳希夷陳子全兵敗被獲俱死焉唐
 廣漢張斌後也天祥至潮陽見弘範左右命之拜不拜
 弘範遂以客禮見之與俱入匡山使為書招張世傑天
 祥曰吾不能扞父母乃教人叛父母可乎索之固乃書
 所過零丁洋詩與之其末有云人生自古誰無死留取
 丹心照汗青弘範笑而置之匡山破軍中置酒大會弘
 範曰國亡丞相忠孝盡矣能改心以事宋者事皇上將
 不失為宰相也天祥泣然出涕曰國亡不能救為人臣
 者死有餘罪況敢逃其死而二其心乎弘範義之遣使
 護送天祥至京師天祥在道不食八日不死即復食至
 燕館人供張甚盛天祥不寢處坐達旦遂移兵馬司設
 卒以守之時元世祖多求才南官王績翁言南人無如
 天祥者遂遣績翁諭旨天祥曰國亡吾分一死矣儻緣
 寬假得以黃冠歸故鄉他日以方外備顧問可也若遽
 官之非直亡國之大夫不可與圖存舉其平生而盡棄
 之將焉用我績翁欲合宋官謝昌元等十人請釋天祥

為道士留夢炎不可曰天祥出復號召江南置吾十人
 於何地事遂已天祥在燕凡三年世祖知天祥終不屈
 與宰相議釋之有以天祥起兵江西事為言者不果釋
 至元十九年有閩僧言土星犯帝坐疑有變未幾中山
 有狂人自稱宋主有兵千人欲取文丞相京城亦有匿
 名書言其日燒蕞城葦葦兩翼兵為文丞相可無憂者
 時盜新殺左丞相阿哈瑪特命撤城葦遷瀛國公及宋
 宗室開平疑丞相者天祥也召入諭之曰汝何願天祥
 對曰天祥受宋恩為宰相安事二姓願賜之一死足矣
 然猶不忍遽麾之退言者力贊從天祥之請從之俄有
 詔使止之天祥死矣天祥臨刑殊從容謂吏卒曰吾事
 畢矣南鄉拜而死數日其妻歐陽氏收其屍面如生年
 四十七其衣帶中有贊曰孔曰成仁孟曰取義惟其義
 盡所以仁至讀聖賢書所學何事而今而後庶幾無媿

列傳

宋一百十四

宣耀

薛極

陳賁誼

曾從龍

鄭性之

余天錫

許應龍

林略

徐榮叟

劉伯正

李性傳

陳韓

宣耀慶元府人嘉泰三年太學兩優釋褐歷官以太學博士召試為祕書省校書郎升著作佐郎兼權考功郎官知吉州福建提點刑獄遷考功員外郎又遷祕書少監守起居舍人為起居郎編孝宗寶訓試吏部侍郎權兵部尚書嘉定十四年同知樞密院事兼參知政事明年拜參知政事以資政殿學士奉祠端平三年召赴闕升大學士提舉洞霄宮以觀文殿大學士致仕卒贈少師詔繪嘗預定策以王堯臣故事贈太師諡忠靖

薛極字曾之常州武進人以父任調上元主簿中詞科為大理評事通判温州知廣德軍以參知政事機鑰薦遷大理正刑部郎官封郎中權右司郎中遷右司郎中拜司農卿兼權兵部侍郎尋為真嘉定八年疏奏願陛下深思願設之難益懷鼓業之念勿謂帝德罔愆而怠於進修勿以天災代有而應不以實政綱雖舉必求益其所未至德澤雖布必思及其所未周昔以今日遇災警懼之心未為異時暇逸之戒遷權刑部尚書尋試戶部尚書兼權吏部尚書遂為真十五年特賜同進士出身拜端明殿學士簽書樞密院事紹定元年拜參知政事兼同知樞密院事尋知樞密院事兼參知政事封毗陵郡公以觀文殿大學士知紹興府兼浙東安撫使

端平元年加少保和國公致仕卒按宋史宰輔表理宗薛極自參知政事除同知樞密院事十二月卒薛極自金紫光祿大夫知樞密院事連權密使十二月庚辰薛極以觀文殿大學士知紹興府本傳于極進樞密使不載陳賁誼字正甫福州福清人慶元五年進士授瑞州觀察推官中博學宏詞科授江西南東路安撫司機宜文字遷太社令再遷太學博士時議更楮幣法賁誼轉對言人主令行禁止者以同民之所好惡楮券之令反使姦惡獲逞道路怨非所以祈天永命固結人心因援熙寧新法為辭又言明鏡果敢之才足以集事而失於剝輕老成寬博之士足以厚俗而失於循理執若舉之以眾取之以公主更幣之法者乃摘新法等語激怒時相且謂賁誼引類植黨人為危之遷太常博士以兄賁謙兼禮部郎官引嫌遷將作監丞兼魏惠憲王府小學教授轉對謂言路雖開觸犯忌諱者指為好名切劇時政者指為玩令利害關於天下是非公於人心一人言之未已或至累十數人言之則又指為朋黨是非易位忠佞不分史彌遠益不樂遷祕書郎出知江陰軍提舉江西常平召赴行在未至授禮部郎官屬金人大擾淮蜀貴誼言人才所以立國今旁蹊曲徑倖門四開言路所以通下情今媿阿循默囊括不言民力已竭而科斂之外餽遺以謀進者未已軍中恥言敗北陣亡者不恤恥言棄潰逃竄者復招又言婉順巽從者是災疾也非愛我也宜屏之外之矯拂救正者是藥石也愛我者且用之聽之彌遠滋不樂諷言者論罷主管崇禧觀起知徽州召授司封郎官兼翰林權直兼玉牒所檢討會有事明堂章首引包拯皇祐中乞因肆赦除聚斂培克之弊富察州縣府庫致羨之由做成周邦響必及死王事者

之子與漢置羽林孤兒專取從軍死事之後教以五兵理宗即位以為宗正少卿兼侍講兼權直學士院尋遷起居舍人賈慶初詔舉賢能才識之士賁誼乃言曰世以容默滯固為賢以苛刻生事為能以褊狹趣辦為才以輕疏嘗試為職及茲初政當求忠實正直奉公愛民知禮義廉恥而不越防範者以充中外之選又言成王之初元臣故老警以無逸者欲其克壽勉以敬德者欲其永命期以豈弟者欲其受命之長則可謂愛君切而慮患深矣遷中書舍人升兼直學士院內侍濫受恩賞輒封還詔書將郊賁誼以民生實艱吏員尙眾征斂幾於奪取公費掩為私藏宜大明黜陟庶有以見帝于郊遷禮部侍郎仍兼中書舍人權刑部尚書升修玉牒官兼侍讀為禮部尚書兼給事中端明殿學士簽書樞密院事紹定六年冬帝始親政進參知政事帝面諭之曰頃聞憂國之言朕所不忘兼同知樞密院事出師汴洛時賁誼已移疾猶上疏力爭五上章乞歸轉四官加邑封致仕卒贈少保資政殿大學士

曾從龍字君錫左僕射公亮四世從孫初名一龍慶元五年擢進士第一始賜今名授簽書奉國軍節度判官廳公事遷兵部員外郎左司郎中起居舍人兼太子右諭德使金還轉官疏言州郡累月關守而以次官權攝者彼惟其攝事也自知非久何暇盡心於民事獄訟淹延政令玩弛舉一郡之事付之胥吏幸而除授一人民望其至如渴望飲足未及境而復以他故罷去矣且每易一守供張借請少不下萬緡郡帑所入歲有常數而頻年將迎所費不可勝計然則輕於易置公私俱受其病欲望明詔二三大臣郡守有關即時進擬其有求避

志五七三

續通志

卷四百十

列傳

宋

憚行者悉杜絕其請其繳劾彈拄者疾速行之蓋郡計寬則民力裕利害常相關故也開禧間勾外知信州或卒行掠境內從龍寘于法索得婦人衣命梟于市召權禮部侍郎兼中書舍人兼太子左諭德繳還張鑑復官詞頭以鉉抑令姪女竭資財結姻蘇師旦之子故也為吏部侍郎仍兼職權刑部尚書嘉定六年秋陰雨乞放緊囚進對言修德政蓄人材飭邊備帝善其言七年知貢舉疏奏國家以科目網羅天下之英雋義以觀其通經賦以觀其博古論以觀其識策以觀其才異時謀王斷國皆繇此其選比來循習成風文氣不振學不務根柢辭不尚體要涉獵未精議論疏陋綴緝雖繁氣象萎蕪願下臣此章風厲中外澄源正本莫甚於斯詔從之進端明殿學士簽書樞密院太子賓客改參知政事疾胡榘愴王排沮上論陳其奸罪榘喉言者劾罷以前職提舉洞霄宮起知建寧府丁內艱服除為湖南安撫使撫安峒窳威惠並行興學養士湘人紀之石改知隆興府復提舉洞霄宮改萬壽觀兼侍讀奉朝請端平元年授資政殿大學士沿江制置使兼知建康府兼行宮留守拜參知政事兼同知樞密院事時有三京之役極論南兵輕進易退未幾言驗進知樞密院事兼參知政事以樞密院使督視江淮荆襄軍馬疏言邊鄙遠聲援不接請並建二閩詔許之專界江淮以荆襄屬魏了翁朝論邊用不給詔從罷了翁并領督府及從龍卒贈少師弟用虎天麟治風皆願任

制知建寧府端平元年召為吏部侍郎入對言陛下大開言路以通壅蔽心苟愛君誰不欲言言不切直何能感動譬如積水久壅一決其勢必盛其聲必激故言者多則易於取厭言之激則難於樂受若少有厭倦動於詞色則讒詬乘間或不自知矣又言願陛下明詔百辟滌去舊污一以清白相師權之所在勢所必趨恐懼戒謹尤防以微以保終譽毋招誘議則朝綱肅而國體尊矣又曰為君者不以堯舜自期則無善治告君者不陳堯舜之道則無遠猷擢左諫議大夫言臺臣交章互詆願陛下監古今天下安危之變君子小人消長之機公以處之適得其當況夫聽言之道宜以事觀若言果有關國體有補治道有益主德則言之過激夫亦何傷彼雖采名我實有益惟虛心納善若決江河則激者自平矣拜端明殿學士簽書樞密院事進同知樞密院事兼權參知政事尋拜參知政事兼同知樞密院事尋知樞密院事兼參知政事加觀文殿學士致仕寶祐二年卒

後可冀也集孺黨且詰其遇以行天錫引見彌遠善相大奇之計事泄不便遽復使歸保長大慙其鄉人亦竊笑之逾年彌遠忽謂天錫曰二子可復來乎保長謝不遣彌遠密諭曰二子長最貴宜撫於父家遂載與歸天錫母朱為沐浴教字禮度益閑習未幾召入嗣沂王迄即帝位是為理宗天錫嘉定十六年舉進士歷監慈利縣稅籍田令超授起居舍人遷權吏部侍郎兼玉牒所檢討官兼崇政殿說書遷戶部侍郎兼知臨安府浙西安撫使試戶部侍郎權戶部尚書皆兼知臨安府升兼詳定敕令官以寶文閣學士知婺州仍舊職奉祠起知寧國府進華文閣學士知福州召為吏部尚書兼給事中兼侍讀疏奏臣荷國恩起家分闈旋蒙趣觀蹟玷邇聯時權禮部侍郎曹圃實在諫省蓋嘗抗疏謂用臣太驟臣與圃交最久相知最深今觀其所論於君父有陳善之敬友朋有責善之道而圃遂遷官臣竟汗要路幽以不得其言累疏勾去夫亟用舊人而遂退亡莊士則將謂之何哉圃老成之望直諫多益實之近班可以正乃辟可以儀有位欲望委曲留行使之釋然無疑安於就職則陛下既昭好賢之美而微臣亦免妨賢之媿帝從之嘉熙二年拜端明殿學士同簽書樞密院事尋拜參知政事兼同知樞密院事封奉化郡公授資政殿學士知紹興府浙東安撫使以觀文殿學士致仕朱氏亦封周楚國夫人壽過九十將以生日拜天錫為相而天錫卒贈少師尋加太師謚忠惠弟天任為兵部尚書兄弟友愛方資時率更衣以出終城同舍從子晦歷官尚書出帥全蜀常置義莊以贍宗族然在蜀以違言論知閬州王惟忠死士論少之

按宋史此下有李鳴復鄒應龍二傳無事蹟足錄今從刪

余天錫字純父慶元府昌國人丞相史彌遠延為弟子師性謹愿絕不預外事彌遠器重之是時彌遠在相位久皇子茲深惡之念欲有廢置會沂王宮無後丞相欲借是陰立為後備天錫秋告歸試于鄉彌遠曰今沂王無後宗子賢厚者幸具以來天錫渡江與越偕同舟舟抵西門天大雨僧言門左有全保長者可避雨如其言過之保長知為丞相館客具雜菜甚肅須臾有二子侍立全曰此吾外孫也日者嘗言一兒後極貴問其姓長曰趙與莒次日與莒天錫憶彌遠所屬其行亦良是告于彌遠命二子來保長大喜醫田治衣冠心以為沂邸

鄭性之字信之初名自誠福州人嘉定四年進士第一歷官知贛州改知隆興府後以寶章閣待制提舉玉隆萬壽宮進華文閣待制提舉上清太平宮進敷文閣待

許應龍字恭甫福州閩縣人五歲通經旨坐客曰小兒氣食牛應龍應聲丈夫才吐鳳為對四坐嘉歎入太學嘉定元年舉進士調汀州教授差浙東宣撫司掾差戶部架閣遷籍田令太學博士時李全時青輩歸附應龍入對有并蜂是懲養虎遺患之說後皆如所言遷國子博士國子丞宗學博士理宗即位應龍首陳正心為治國平天下之綱領遷祕書郎兼權尙左郎官遷著作郎外知潮州盜陳三槍起贛州出沒江閩廣開勢熾甚而盜鍾全相挺為亂樞密陳帥江西任招捕三路調軍分道追勦盜逼境上應龍亟調水軍禁卒士兵弓級分扼要害明開謀守關隘斷橋開塹斬木塞塗點集民兵激勸總諭以保鄉井守室廬全妻子蒐補親兵日加訓閱既而橫岡桂嶼相繼以捷聞招捕司遣統領官齊敏率師由漳趨潮截嶺寇餘黨應龍論敏曰兵法攻取今鍾寇將窮陳寇猖獗若先破鍾則陳不戰擒矣敏惟命於是諸寇皆平方未解嚴時有行旅數人隅總搜其囊中金銀指為賊黨應龍辨其非盜釋之皆羅拜感泣始人疑應龍儒者不閑戎事及見其區畫事宜分別齊民靜練雍容莫不歎服僉屬請上功應龍曰守職扞城保民何功之云距州七十里曰山斜嶺獠所聚有耕土田不輸賦禁兵與閩應龍平決之其首感悅率父老鳴缶擊箏踊躍詎郡謝去之日閩郡遮道攀送端平初召為禮部郎官入對帝謂應龍曰卿治潮有聲與李宗勉治台齊名應龍頓首曰民無不可化顧牧民者如何耳臣治州幸免曠瘠皆陛下德化所暨臣非日能之兼榮文恭王府教授力辭遷國子司業祭酒徐僑議學校差職欲先書望應龍以為不若差以資格資格一定

續通志 卷四百十一 列傳 宋

則僥倖之門杜而造請之風息僑以為然時有憑勢干職者力卻之遷國子祭酒攝侍右侍郎兼學士院權直是日罷鄭清之喬行簡制應龍所草也翼日文德殿宣布畢帝遣中使召應龍諭之曰草制甚善應龍復謝曰臣聞昔人有言進人若將加諸膝退人若將墜諸淵今二相乞罷機政與陛下體貌大臣之意兩盡其美可也帝善之就令草敕書戒諭諸閫權吏部侍郎兼侍講兼權直學士院試吏部侍郎升侍讀權兵部尙書時楮幣虧甚行簡主行稱提之說州縣希旨奉承貧富猜懼應龍奏從民便節用二說行簡然之兼吏部尙書遷兵部兼中書舍人三上章旬外不允兼給事中兼吏部尙書請外詔免兼中書拜端明殿學士簽書樞密院事累辭會正言郭壽卿有論疏以端明殿學士提舉洞霄宮卒年八十有一贈資政殿學士銀青光祿大夫應龍不躁不競不激不隨不妄薦士而亦無傷人害物之事潮州之治最可紀也

林略字孔英温州永嘉人慶元五年舉進士歷饒州大興監教授辟幹辦四川茶馬司公事崔與之帥蜀目之曰此臺閣之端也薦之遷武學博士國子監丞太常寺丞奉祠拜宗正少卿兼崇政殿說書遷右司諫尋遷左司諫兼侍講告于帝曰虛心以為從諫之本從諫以為承治之本拜殿中侍御史升侍御史試右諫議大夫嘉熙三年以端明殿學士同簽書樞密院事以言罷提舉洞霄宮以資政殿學士致仕淳祐三年卒特贈宣奉大夫徐榮學字茂翁煥章閣學士應龍之子嘉定七年舉進士歷官通判臨安府遷太學博士兼崇政殿說書遷祕書郎升著作佐郎兼侍左郎官出為江東提點刑獄直祕閣知婺州遷著作郎兼禮部郎官以集英殿修撰知靜江府兼廣西經略安撫使召為行在司諫復兼說書兼侍講嘉熙四年拜右諫議大夫夫人對言自楮幣不通物價倍長而民始怨自米運多阻粒食孔艱而民益怨此見之京師者然也外而郡邑苛征橫斂無所不有嚴刑峻罰靡所不施和釋則科抑以取贏軍需則並緣而規利逃亡強令代納蠲放忍至重催犯私販者不問多寡繫遭縣徒逋官課者不恤有無動輒監繫囹圄充斥率是干連詞訟追呼莫非枝蔓如此則民安得而不怨甚者富家巨室武斷鄉閭貴族豪宗侵牟民庶如冤者不敢告負抑者不得伸怨氣薰蒸天示之應此亢陽之所以為沴也遷樞密院事淳祐二年乞歸田里以資政殿大學士簽書樞密院事淳祐二年乞歸田里以資政殿大學士提舉洞霄宮六年轉一官致仕卒按宋史此下有今從刪

志五七一五

運使以寶章閣直學士知太平州召為禮部侍郎兼中書舍人遷吏部侍郎權刑部尚書清祐四年拜端明殿學士簽書樞密院事兼權參知政事真拜參知政事以監察御史孫起子言罷授資政殿學士提舉洞霄宮監察御史蔡次傳言之降一官尋復舊官致仕卒贈正奉大夫加少保時論謂伯正立朝以靜重鎮浮不求名譽善藏其用云按宋史足錄今從刪

李性傳字成之宗正寺主簿舜臣之子也嘉定四年舉進士應幹辦行在諸軍審計事進對有崇尚道學之名未遇其實帝曰實者何在性傳對曰在陛下格物致知以為出治之本遷武學博士尋為太常博士升太常寺丞兼權工部郎中兼權都官郎官遷起居舍人疏言東周以後諸侯卿大夫皆以既葬而除服秦漢之際尤為淺促孝文定為三十六日之制則視孝惠以前已有加矣東漢以後又損之為二十七日謂之以日易月則薄之至也千數百年惟晉武帝魏孝文為能復古之制而羣臣沮格未克盡行惟孝宗通喪三年近古所獨陛下繼之至性克盡前烈有光乞以此疏付之史官庶幾四海聞風民德歸厚遷起居郎權刑部侍郎進禮部侍郎以臣僚言罷尋以寶章閣待制知饒州改知鹽國府再知饒州復以言罷召為兵部侍郎權兵部尚書吏部尚書臣僚論舜臣立廟封爵事落職提舉太平興國宮道祐四年權禮部尚書五年拜端明殿學士簽書樞密院事兼權參知政事尋同知樞密院事未幾落職於郡十二年以資政殿大學士提舉洞霄宮寶祐二年依舊職

提舉萬壽觀以觀文殿學士致仕卒特贈少保
陳輝字子華福州侯官人父孔碩為朱熹呂祖謙門人

韓讓父郊恩與弟蕞登開禧元年進士第從葉適學嘉定十四年賈涉開淮閩薛京東河北幹官韓謂山東河北遺民宜使歸耕其土給耕牛農具分配以內郡之貧死者然後三分齊地張林李全各處其一其一以待有功者河南首領以三兩州來歸者與節度使一州者守其土忠義人盡還北然後括淮甸開田做韓琦河北義勇法募民為兵給田而薄征之擇士豪統率鹽丁又別廩為一軍此第二重藩籬也十五年淮西告捷韓策金人必專向安豐而分兵綴諸郡使下整張惠李汝舟范成進各以其兵屯廬州以待之金將盧誠搃新勝於潼關乘銳急戰當持久困之不過十日必遁設伏邀擊必可勝又使時青夏全候金人深入以輕兵擣其巢穴第一策也其後金人果侵安豐韓如時瞻輜師改淮東制置司幹辦公事再如時瞻見劉璋調下整張惠范成進夏全諸軍應援搆虛皆行韓策遂有堂門之捷俘其四駟馬者遷將作監丞又遷太府寺丞差知真州淮東提點刑獄加直寶章閣依舊提點刑獄兼知寶應州遷宗正寺丞權工部郎中改倉部員外郎入對言臣所陳夏周漢唐數君之事如布德兆謀任賢使能信賞必罰區處藩鎮不事姑息規摹莫大於此又言人主所以御天下者賞罰而已紹定二年冬盜起閩中帥王居安屬韓提舉四隅保甲韓有親喪辭之轉運使陳汶提舉常平史彌忠告急于朝謂非韓莫可平明年以寶章閣直學士起復知南劍州提舉汀州邵武軍兵甲公事福建路兵馬鈐轄同其措置招捕盜賊兼福建路招捕使未幾加提點刑獄韓籍土民丁壯為一軍沙縣紫雲基告急

沙縣破賊由間道趨城忠勇軍破之於高橋賊乃趨邵

武勢益熾時有議當招不當捕者韓言始者賊僅百計招而不捕養之至千又養之至萬今復養之將至於無算求淮西兵五千人可圍萬全詔韓兼福建路招捕使賊急攻汀州淮西帥曾式中調精兵三千五百人由泉漳間道入汀擊賊于順昌勝之六月兵大合加福建提點刑獄七月韓親提兵至沙縣順昌將樂清流宣化督捕所至克捷九月分兵進討十月進攻五賊營若平之十一月破譚瓦礫賊起之地夷其巢穴十二月誅汀州叛卒論降連城七十有一若汀境皆平四年正月遣將破下壘張原若二月躬往邵武督捕餘寇賊首晏彪迎降韓以其力屈乃降卒誅之進右文殿修撰依舊提點刑獄招捕使兼知建寧府衢州寇汪徐來二破常山開化勢張甚韓命淮將李大聲提兵七百出賊不意夜薄其營賊出迎戰見算子旗驚曰此陳招捕軍也皆大哭急擊之衛寇悉平六年進寶章閣待制知隆興府贛寇陳三槍據松梓山若出沒江西廣東所至屠殘韓遣官吏諭降賊輒殺之乃謂盜賊起於貪吏劫其尤者二人又謂寇盜稽誅以臣下欺誣事權濩散所致若決計蕩除數月可畢十一月詔節制江西廣東福建三路捕寇軍馬韓奏遣將劉師直扼梅州齊敏扼循州自提淮西兵及親兵擣賊巢穴十二月兼知贛州端平元年正月進華文閣待制江西安撫使二月至贛斬將士張皇賊勢及掠子女貨財者齊敏李大聲所至克捷三月分兵守大石堡截賊糧道遂破松梓山三槍與餘黨縱崖而遁韓親督諸將乘春瘴未生薄松梓山賊悉精銳下山迎敵旗幟服色甚盛韓軍步騎夾擊又縱火焚之土皆攀崖上賊巢蕩為煙埃賊首張魔王自焚斬千五百級

擒賊將十二得所掠婦女牛馬及僭偽服物各數百計
三槍中箭與敵軍遇擊敗之賊遁翼日追及下黃又敗
之餘眾尚千餘雜獮略盡三槍僅以數十人遁至興寧
就擒檻車載三槍等六人斬隆興市初賊跨三路數州
六十岩至是悉平詔稱韓忠勤體國討慮精密進權工
部侍郎仍知隆興兼江西安撫使未幾爲工部侍郎改
江東安撫使知建康府兼行宮留守二年入奏事帝稱
其平寇功韓頓首言曰臣不佞徒有孤忠仗陛下威靈

苟逃曠敗耳何功之有遷權工部尚書又權刑部尚書
沿江制置大使依舊江東安撫使知建康府往來巡視
鄂州江面措置捍禦三年加寶謨閣學士嘉熙元年進
煥章閣學士四年拜刑部尚書辭免加徽猷閣學士知
潭州荆湖南路安撫使淳祐四年召爲兵部尚書拜端
明殿學士同簽書樞密院事兼參知政事尋拜參知政
事兼同知樞密院事七年知樞密院事湖南安撫大使
兼知潭州九年以觀文殿學士福建安撫大使知福建
五上章辭以舊職提舉洞霄宮開慶元年召赴闕落致
仕充醴泉觀使兼侍讀景定元年授福建安撫大使兼
知福州久之提舉佑神觀力請致仕明年卒年八十有
三贈少師謚忠肅崔福者故羣盜嘗爲官軍所捕逸去
因隸軍籍初從趙葵收李全有功名重江淮又累從韓
捕賊積功至刺史大將軍從後韓留隆興既而韓移金
陵而福猶在隆興屬通判與郡僚燕滕王闕福恚其不
見招道遇民懇寬者福攜其人直至飲所責以郡官不
理民事麾諸卒盡碎飲具官吏皆惴恐竄去莫敢嬰其
鋒韓知之遂檄建康署爲幹轄福又奪統制官王明鞍
馬及迫逐總領所監酒官親屬韓戒諭之不聽會淮兵

有警步師王鑑出師鑑請福行韓因厚遺之福不樂爲
鑑用遇敵不擊託以葬女擅歸亦不聞于制置司鑑怒
遂自其前後過惡請必正其慢令之罪會韓亦厭忌之
遂坐以軍法然後聲其罪于朝且自劾專殺之罪下詔
獎諭免其罪福勇悍善戰頗著威聲其死也軍中惜之
時論以爲良將難得而韓以私忿殺之然福跋扈之迹
已不可掩殺身之禍亦有以自取之也

欽定續通志卷四百十

列傳

宋一百十五

王伯大

鄭案

應麟

徐清叟

李曾伯

王塾

蔡抗

馬天驥

皮龍榮

沈炎

王伯大字幼學福州人嘉定七年進士歷官主管戶部
架閣遷國子正知臨江軍歲饑賑荒有法遷國子監丞
知信陽軍改知池州兼權江東提舉久之依舊直祕閣
江東提舉常平仍兼知池州端平三年召至闕下遷尚
右郎官尋兼權左司郎官遷右司郎官試將作監兼右
司郎中進直寶謨閣樞密副都承旨兼左司郎中進對
言陛下親政五年于茲盛德大業未能著見於天下而
天下之謗議者藉藉未已夫以陛下之好惡用舍無非
有招至人言之道誠能布所失於天下凡人言所不貸
者一朝赫然而盡去之如日月之更如風雷之迅則天
下之謗自息矣又極言邊事曲盡事情以直寶謨閣知
婺州遷祕書少監拜司農卿後為祕書少監進太常少
卿累官至刑部尚書淳祐七年拜端明殿學士簽書樞
密院事兼權參知政事八年拜參知政事以監察御史
陳垓論罷以資政殿學士知建寧府寶祐元年卒
鄭案不詳何郡人初歷官為祕書省校書郎遷著作佐
郎兼權侍右郎官陞著作郎兼侍講拜右正言言丞相
史嵩之以父憂去遂欲起之意甚厚也奈何謗議未息
事關名教有尼其行帝答曰卿言雖切事理進退大臣
豈易事也罷殿中侍御史疏言臺諫以糾察官邪為職

國之紀綱係焉比劉漢弼劾奏司農卿謝遠陛下已行
其言矣未及兩月忽復敘用何其速也漢弼雖亡官不
可廢臣非為漢弼惜為朝廷惜又奏劾王瓚龔基先朝
清獻鐫秩罷祠皆從之三人者不才臺諫也遷侍御史
疏言比年以來舊章浸廢外而諸閫不問勲勞之有無
而爵秩皆得以例遷內而侍從不問才業之優劣而職
位皆可以例遷執政之歸休田里者與之貼職可也而
凡補外者皆授之矣故自公侯以至節度有同序補自
書殿以至祕閣錯立周行名器之輕莫此為甚遷左諫
議大夫淳祐七年拜端明殿學士同簽書樞密院以監
察御史陳求魯論罷淳祐九年卒案之居言路嘗按工
部侍郎曹幽主管吏部架閣文字洪芹則大傷公論云
應麟字之道慶元府昌國人刻志于學嘉定十六年試
南省第一遂舉進士為臨江軍教授入為國子學錄兼
莊文府教授遷太學博士又遷祕書郎請蚤建太子入
對帝問星變應麟請修實德以答天戒帝問州縣貪風
曰貪贖由殉色而起成湯制官刑微有位首及於巫風
淫風者有以也帝問藏書應麟請先儒解經注史因及
程迥張根所著書皆有益世教帝善之遷祕書省著作
佐郎兼權尚左郎官兼翰林權直又遷著作郎仍兼職
以言罷淳祐二年敘復奉祠遷宗正寺丞兼權禮部郎
官以言罷差知台州召兼禮部郎官遷祕書少監仍兼
職兼權直學士院又遷起居舍人權兵部侍郎時暫兼
權吏部侍郎兼直學士院帝一夕召條草麻夜四鼓五
制皆就帝奇其才遷吏部侍郎仍兼職進翰林學士兼
中書舍人八年授同知樞密院事兼參知政事九年拜
參知政事封臨海郡侯乞歸田里以資政殿學士知平

江府提舉洞霄宮寶祐三年殿中侍御史丁大全論罷
尋卒德祐元年詔復元職致仕
徐清叟字真翁煥章閣學士應龍之子嘉定七年進士
歷主管戶部架閣遷籍田令疏言邇者江右閩嶠盜賊
竊發監司帥守未免少立威名專行誅戮此特以權濟
事而已而偏州僻壘習熟見聞轉相倣倣亦皆不俟論
報輒行專殺欲望明行禁止一變臣下嗜殺希進之心
以無隆祖宗立國仁厚之意遷軍器監主簿入對言太
后舉哀之日陛下以後服下同媵妾令別置大袖一襲
文思院觀望欲如后飾再造其一以進詔卻之此真知
嫡庶之辨者請宣付史館以垂法後世遷太常博士入
對疏言陛下親政以來精神少振而氣脈未復條目畢
舉而綱紀未張公道若伸而私意之未盡克者則亦風
化之先務勸戒之大權與夫選用之要術猶有闕略而
未之講明者爾何謂風化之先務曰原人倫以釋羣惑
者是已何謂勸戒之大權曰惜名器以示大義者是已
何謂選用之要術曰因物望而進人才者是已蓋欲請
復皇子竑王爵裁抑史彌遠恤典召用真德秀魏了翁
也兼崇政殿說書遷祕書郎陞著作佐郎兼權司封郎
官遷軍器少監皆兼職依舊遷將作監拜殿中侍御史
兼侍講遷太常少卿兼權戶部侍郎兼侍講三疏勾外
給事中洪咨夔起居舍人吳泳皆抗疏留之尋權工部
侍郎以右文殿修撰知泉州集英殿修撰知靜江府廣
西經畧安撫使遷侍右侍郎主管雲臺觀召赴闕遷戶
部侍郎再為侍右侍郎以寶章閣直學士知温州改知
福建安撫使改知婺州以煥章閣直學士差知泉州辭
免改知袁州又改知紹興府兩浙東路安撫使辭免改

知潭州尋知廣州兼廣東經略安撫使召赴闕樞兵部尚書兼侍讀淳祐九年兼同修國史實錄院同修撰樞吏部尚書遷禮部尚書拜端明殿學士簽書樞密院事進同知樞密院事封晉寧郡公奏修四朝國史志傳五上章乞改機政帝不許十二年拜參知政事尋知樞密院事兼參知政事監察御史朱應元論罷以資政殿大學士提舉玉隆萬壽宮改洞霄宮復以監察御史朱熠論罷久之以舊職提舉洞霄宮開慶元年召赴闕以舊職提舉祐神觀兼侍讀出知泉州復提舉祐神觀景定三年轉兩官致仕卒贈少師諡忠簡清叟父子兄弟皆以風節相尚而清叟劾罷袁甫於公論少貶云

李曾伯字長孺潭懷人後居嘉興歷官通判濠州遷軍器監主簿添差通判鄂州兼沿江制置副使司主管機宜文字遷度支郎官授左司郎官准西總領尋遷右司郎官太府少卿兼左司郎官兼敕令所刪修官遷太府卿准東制置使兼准西制置使詔軍事便宜行之曾伯疏奏三事答天心重地勢協人謀又言邊餉貴於廣積將材貴於素儲賞與不可以不精戰士不可以不恤又條上淮面舟師之所當戒湖而險阻之所當治加華文閣待制又加寶章閣直學士進樞兵部尚書淳祐六年正月朔日食曾伯應詔歷陳先朝因天象以謹邊備圖帥材乞早易闕寄放歸田里又請修浚泗州西城加煥章閣學士言者相繼論罷九年以舊職知靜江府廣西經畧安撫使兼廣西轉運使陳守邊之宜五事進徽猷閣學士京湖安撫制置使知江陵府兼湖廣總領兼京湖屯田使進龍圖閣學士疏言襄陽新復之地城池雖修浚田野未加闢室廬雖草創市井未阜通請蠲租三

年詔從之加端明殿學士兼夔路策應東閣進資政殿學士制置四川邊面與執政政恩例尋授四川宣撫使特賜同進士出身召赴闕加大學士知福州兼福建安撫使辭免以大學士提舉洞霄宮起為湖南安撫大使兼知潭州兼節度廣南移治靜江開慶元年進觀文殿學士以諫議大夫沈炎等論罷景定五年起知慶元府兼沿海制置使咸淳元年殿中侍御史陳宗禮論劾職德祐元年追復元官曾伯初與賈似道俱為闔帥邊境之事知無不言似道卒嫉之使不竟其用云

王埜字子文寶章閣待制介之子也以父廢補官登嘉定十二年進士第仕潭時帥真德秀一見異之延致幕下遂執弟子禮德秀欲授以詞學埜曰所以求學者義理之奧也詞科惟強記者能之德秀益加器重紹定初訂邵盜作辟議幕參贊攝邵武縣後復攝軍事盜起唐石親勒兵討之後為樞密院編修兼檢討襄蜀事急議遣使講和時相依違不決史嵩之帥武昌首進和議埜言今日之事宜先定規模并力攻守上疏言八事繼為副都承旨奏請出師絕和使命准東西夾攻不然則害將深理宗深然之各樞密院下三閣諭旨嘉熙元年輪對采事係安危者四端而專以司馬光仁明武推說復推廣前所言八事以孝宗講軍實激發帝意淳祐初自江西赴闕奏祈天永命十事嵩之起復傾國爭之埜上疏乞聽終喪後又言嵩之當顯絕而終斥之嚴君子小人之限拜禮部尚書奏十事終之曰陛下下一心十事之綱紀也前後奏陳皆明正劄切鑿鑿可行其為兩浙轉運判官以察訪使出視江防首嘉興至京口增修官民兵船守險備具為江西轉運副使知隆興府繼有它命

時以米綱不便就湖口造轉船倉請事畢受代知鎮江府兼都大提舉浙西兵船江面幾千里調兵捍禦以守江尤重于淮瓜洲一渡甚狹請免鎮江水軍調發專一守江置遊兵如呂蒙所言蔣欽將萬人巡江上增創水艦就揚子江習水戰登山指麾之是冬揚子橋有警急調湯孝信所領遊兵救之淳祐末遷沿江制置使江東安撫使節度和州無為軍安慶府兼三郡屯田行宮留守巡江引水軍大閱軸轡相銜幾三十里憑高望遠考求山川險阻謂要務莫如屯田講行事宜修飭行宮諸殿室排京口法創遊擊軍萬二千蒙衝萬艘江上晏然寶祐二年拜端明殿學士簽書樞密院事封吳郡侯與宰相不合言者攻之以前職主管洞霄宮卒贈七官位特進埜因德秀知朱熹之學知建寧府創建安書院祠熹以德秀配工于詩書法祖唐歐陽詢

蔡抗字仲節處士元定之孫紹定二年進士其後差主管尚書刑工部架閣文字召試館職遷祕書省正字陞校書郎兼樞密院編修官遷諸王宮大小學教授疏奏權姦不可復用國本不可不早定帝善其言遷樞密院編修官兼權屯田郎官遷著作佐郎兼侍右郎官江東提點刑獄加直樞閣特授尚書司封員外郎進直寶章閣尋加寶謨閣移浙東召為國子司業拜宗正少卿進直龍圖閣知隆興府試國子祭酒拜太常少卿權工部侍郎遷工部侍郎時暫兼禮部侍郎兼權吏部尚書加端明殿學士同簽書樞密院事差兼同提舉編修經武要略同知樞密院事拜參知政事落職子祠起居郎林存請加資削從之未踰年復端明殿學士提舉洞霄宮乞致仕轉一官守本官職致仕卒諡文簡以犯祖諱更

諡文肅按宋史此下有張璠傳無事蹟足錄今從刪

馬天驥字德夫衢州人紹定三年進士遷祕書省正字校書郎陞著作佐郎輪對假司馬光五規之名條上時弊詞旨切直遷考功郎官入對言周世宗當天下四分

五裂之餘一念振刷猶能轉弱為強陛下有能致之資乘可為之勢一轉移間耳遷祕書省直祕閣知吉州遷宗正少卿以祕閣修撰知紹興府主管浙東安撫司公

事兼提舉常平權兵部侍郎授沿海制置使差知慶元府改知池州兼江東提舉常平改知廣東兼廣東經略安撫使寶祐四年遷禮部侍郎拜端明殿學士同簽書

樞密院事封信安郡侯五年以殿中侍御史朱熠右正言戴慶珂監察御史吳衍翁應弼等論罷依舊職提舉

洞霄宮景定元年知衢州以兵部侍郎章鑑論罷詔依舊職子祠起知福州福建安撫使以職事修舉陞大學士改知平江府又改知慶元府兼沿海制置使提舉洞

霄宮職罷祠咸淳三年追奪執政恩數送信州居住四年放令自便後卒於家按宋史此下有朱熠饒虎臣戴慶珂三傳俱無事蹟足錄並從刪

皮龍榮字起霖一字季遠潭州醴陵人清祐四年進士歷官主管吏部架閣文字遷宗學諭授諸王宮大小學

教授兼資善堂直講入對請以改過之實易運化之名一過改而一善著百過改而百善融遷祕書郎陞著作郎入對因及真德秀崔與之廉龍榮曰今天下豈無廉者願陛下崇獎之以風天下執賞罰之公以示勸懲帝以為然兼兵部郎官差知嘉興府召赴闕遷侍右郎官兼資善堂贊讀又遷吏部員外郎兼直講入對言忠王之學願陛下身教之於內帝嘉納遷將作監兼尚右郎

官祕書少監兼吏部郎中宗正少卿起居郎兼權侍左侍郎兼給事中吏部侍郎兼贊讀封醴陵縣男遷集賢殿修撰提舉太平興國宮召見進刑部侍郎加寶章閣待制荆湖南路轉運使權刑部尚書兼翊善景定元年

四月拜端明殿學士簽書樞密院進封伯權參知政事兼太子賓客二年拜參知政事仍兼太子賓客封壽沙郡公三年罷為湖南安撫使判潭州四年以資政殿大

學士提舉洞霄宮以右正言曹孝慶論罷咸淳元年以舊職奉祠殿中侍御史陳宗禮監察御史林拾先後論劾削一官它日帝偶問龍榮安在賈似道恐其召用陰

諷湖南提點刑獄李雷應劾之雷應至官謁龍榮龍榮託故不出既退又斥罵之或以語雷應不能平遂疏其罪又謂每對人言有吾擁至尊于膝上之語詔徙衡州

居住湖南提刑治衡州龍榮恐不為雷應所容未至而歿龍榮少有志略精于春秋學性抗直似道當國不肯降志又以度宗舊學卒為似道所摯德祐元年復其官

致仕二年太府卿柳岳乞加贈諡未及行而未亡沈炎字若晦嘉興人寶慶二年進士調嵯縣主簿廣西

經畧司准備差遣湖南安撫司幹辦公事討郴寇有功改知金華縣擢為監察御史右正言左司諫殿中侍御史景定元年拜右諫議大夫加端明殿學士同簽書樞

密院事兼太子賓客二年拜同知樞密院事兼權參知政事以資政殿學士提舉洞霄宮三年進大學士致仕卒贈少保炎居言路賞劾福建轉運使高斯得觀文殿學士李曾伯沿江制置司參謀官劉子澄左丞相吳潛然論罷右丞相丁大全及其黨與則為公論也欽定續通志卷四百十一

列傳

宋一百十六

楊棟

姚希得

包恢

常挺

陳宗禮

常楙

家鉉翁

李庭芝

楊棟字元極眉州青城人紹定二年進士第二授簽書劍南西川節度判官廳公事未上丁母憂服除遷荆南制置司改辟西川入爲太學正父憂服除召試授祕書省正字兼吳益王府教授遷校書郎樞密院編修官入對言飛蝗蔽天願陛下始終一德庶幾感格天心消弭災咎又言邇來中外之臣如主生理財聽其言無非可用跡其實類皆欺誑上下相蒙無一可信陛下先之以至誠而後天下之事可爲也又言祖宗立國不恃兵財法惟恃民心固結而已願陛下常有忠厚之意勿用峻急之人理宗悅以臣僚言奉祠起知興化軍孔子之裔有居涵頭鎮者棟爲建廟闢田訓其子弟遷福建提點刑獄尋加直祕閣兼權知福州兼本路安撫使遷都官郎官又遷左司郎官尋爲右司郎官除宗正少卿進對帝曰止是正心修身之說乎棟對曰臣所學三十年止此一說用之事親取友用之治凋郡察冤獄至爲簡易時有女冠出入宮禁頗通請謁外廷多有以爲言者棟上疏曰陛下何惜一女冠天下所側目而不亟去之乎帝不謂然棟曰此人密交小人甚可慮也又言京襄兩淮四川殘破郡縣之吏多是兵將權攝科取無藝其民可矜非陛下哀之誰實哀之帝從之遷太常少卿起居郎差知滁州以殿中侍御史周坦論罷起直龍圖閣知

建寧府不拜提舉千秋鴻禧觀遷起居郎兼權左侍郎繼遷吏部侍郎以集英殿修撰兼中書舍人出知太平州以右補闕蕭泰來論罷依舊職提舉太平興國宮起知婺州召奏事以舊職奉祠度宗立爲太子帝親擇棟太子詹事遷工部侍郎仍爲詹事兼中書舍人兼直學士院權刑部尚書兼國子祭酒遷禮部尚書加端明殿學士同簽書樞密院事兼太子賓客進同知樞密院事兼權參知政事拜參知政事台州守王華甫建上蔡書院言于朝乞棟爲山主詔從之因卜居天台尋授資政殿學士知建寧府不拜以舊職提舉洞霄宮復依舊職知慶元府沿海制置使以監察御史胡用虎言罷仍奉祠加觀文殿學士知慶元府沿海制置使又不拜仍奉祠乃以資政殿學士充萬壽觀使卒遺表上帝特贈少保棟之學本諸周程氏爲海內重望方賈似道入相登用故老列之從官棟亦預焉及彗星見棟乃言蚩尤旌非彗也故爲世所少云或謂棟姑爲是言陰告于帝謀逐似道似道覺之遂蒙疑而去云

姚希得字逢原一字叔剛潼川人嘉定十六年進士授小溪主簿待次三年朝夕討論六經諸子百家之言謂盤石令會屬有兵難軍需調度不擾而集更調嘉定府司理參軍改知浦江縣巨室挾勢邑號難治希得殺強扶弱聲聞著聞同知樞密院事游似以希得名聞召審察遷行在都進奏院通判太平州改福州徒步至候官吏不知爲通判也召爲國子監丞遷大府寺丞時帝斥逐權姦召召名德舉朝相慶希得以外觀形狀似若清明之朝內察脈息有類危亡之證乃上疏言君子非不收召而意向猶未調一小人非不斥逐而根株猶未

痛斷大權若操握而不能無旁陰曲遷之疑大勢若更張而未見有長治久安之道廷臣之所諷諫封囊之所奏陳非不激切而陛下固不之罪亦不之此行此臣之所甚懼也內小學之建人皆知陛下有意建儲然歲月逾邁未親施行人心危疑無所係屬秦漢而下嗣不蚤定事出倉卒或官闈出令或宦寺主謀或姦臣首議此皆足以危人之國也今女冠者流眾所注目近璫小臣時竊威福國有善類猶人有元氣善類一敗一消元氣一病一衰善類能幾豈堪數消消極則國隨之矣陛下明於知人公於用人固無權姦再用之意然道路之人往往竊議此元祐紹聖將分之機也禍根猶伏而未去不幾於安其危乎帝改容曰朕決不用史嵩之遷知大宗正丞兼權金部郎官李韶以病告十上疏欲去希得言韶有德望雖以病告局若留奉內祠侍經軀亦足爲朝廷重又言財用困竭民生憔悴移此不急之費以實軍儲以厚民生敬天莫大於此豈在崇大宮宇莊嚴設像哉又條救錢楮三策請置惠民局帝皆以爲可行進祕書丞尋遷著作郎授江西提舉常平役法久壞臨川富室有賂吏求免者希得竟罪之遂提點刑獄加直祕閣未幾加度支員外郎尋直寶章閣移治贛州盜有僞號崔太尉者據石壁連結數郡劉老龍等聚眾焚掠一方縉驛希得指授方畧不五旬平之以直寶章閣廣西轉運判官兼權靜江府尋授直徽猷閣知靜江府主管廣西經畧安撫司公事兼轉運判官母喪免召爲祕書少監兼中書門下省檢正諸房公事入對言君子小人邪正之辨且曰君子犯顏敢諫拂陛下之意退甘家食此乃爲國計非爲身計也小人自植朋黨擠排正人甘言

佞語一切順陛下之意遂取陛下官爵此乃為身計非為國計也遷宗正少卿兼權給事中兼權刑部侍郎時西方用兵有為嵩之復出計者謂非此人不能辦帝有意再用之希得必執之出旨諭意希得毅然具疏密奏

不報又繳鄧泳子祠之命右正言邵澤監察御史吳衍殿中侍御史朱熠相繼論罷久之以集英殿修撰提點千秋鴻禧觀未幾依舊職兩淮宣撫使司判官俄加實

誤閣待制移京西湖南北四川詔敘復元官護江陵有功召為戶部侍郎帝曰姚希得才望可為闡帥乃進煥

章閣待制知慶元府沿海制置使繼陞敷文閣待制詔增沿海舟師希得為之廣募水軍造戰艦蓄糧食蠲米一萬二千石舊運一百萬去官庫餘羨悉以代民輸召

為工部尚書兼侍讀入侍經筵帝問慶元之政甚悉以華文閣直學士沿江制置使知建康府江東安撫使行

宮留守希得按行江上慰勞士卒眾皆歡悅深陽饑發廩勸分全活者眾勅監江軍自建康太平至池州列岩

置屋二萬餘間屯戍七千餘人帝聞之一再降詔獎諭加寶章閣學士尋加刑部尚書依舊任兼淮西總領景

定五年召為兵部尚書乃言用人才修政事治兵甲惜財用四事拜端明殿學士簽書樞密院事會星變上疏引咎乞解機務兼權參知政事度宗即位授同知樞密院事兼權參知政事尋授參知政事以言罷授資政殿學士提舉洞霄宮起知潭州湖南安撫使以疾甚辭乃仍舊職奉祠請致仕詔不許力請以資政殿大學士金紫光祿大夫依舊潼川郡公致仕咸淳五年卒遺表聞

幕希得曰吾起身書生安用此命以緡縶易之蜀之親族姻舊相依者數十家希得廩之終身昏喪悉捐己力晚年計口授田各有差

包恢字宏父建昌人自其父揚世父約叔父遜從朱熹陸九淵學恢少為諸父門人講大學其言高明諸父驚焉嘉定十三年舉進士調金谿主簿邵武守王遂辟光

澤主簿平寇亂建寧守袁甫薦為府學教授監虎翼軍募土豪討唐石之寇授掌故沿海制置司幹官會歲

饑盜起金壇墮陽開恢部諸將為十誅夷之沿江制置使陳韓辟為機宜復有平寇功改知吉州永豐縣未行

差發運幹官福建安撫使陳壇檄平寇遷武學諭宗正寺主簿添差通判台州徐鹿卿討温寇辟兼提點刑獄

司主管文字議收捕改通判臨安府遷宗正寺主簿知台州有妖僧居山中號活佛男女爭事之因為姦利豪

賈風靡恢誅其僧進左司郎官未行改湖北提點刑獄未行移福建兼知建寧閩俗以九月祠五王生日靡金

帛傾市奉之恢曰彼非犬豕安得一日而五子同生非不祥者乎而尊畏之若是眾咸悟為之衰止兼轉運判官以侍御史周坦論罷光州布衣陳景夏上書云包恢剛正不屈之臣言者汗鱗之耳又四年起為廣東轉運判官權經畧使遷侍右郎官尋為大理少卿即日除直顯文閣浙西提點刑獄是時海寇為亂恢單車就道調許敬浦分屯建砦一旦集諸軍討平之嘉興更因和羅受賊百萬恢被旨慮囚曰吾用此消沴氣乃減死斷其手進直龍圖閣權發運陞秘閣修撰知隆興府兼江西轉運有母憇子者年月後狀作疏字恢疑之呼其子至泣不言及得其情母媼居與僧通惡其子諫以不孝坐

之狀則僧為之也因責子侍養跬步不離僧無由至母乃託夫諱日入寺作佛事以籠盛衣帛因納僧於內以歸恢知之使人要之置籠公庫逾旬吏報籠中臭達於外恢命沈於江語其子曰為汝除此害矣又姑死者假

子婦棺以斂家貧不能償婦想子恢怒買一棺給其婦卧棺中以試就掩而葬之改湖南轉運使罷景定初

拜大理卿樞密都承旨權禮部侍郎尋為中書舍人林希逸奏恢守法奉公其心如水權刑部侍郎進華文閣

直學士知平江府兼發運召起闕辭改知紹興又辭度宗即位召為刑部尚書進端明殿學士簽書樞密院事

封南城縣侯郊祀禮成還以資政殿學士致仕恢歷仕所至破豪猾去姦吏治蠹獄課益鹽理銀欠政聲赫然

嘗因輪對曰此臣心惻隱所以深切為陛下告者陛下側隱之心如天地日月其閉而食之者曰近習曰外戚

耳參知政事董槐見而歎曰吾等有慚色矣他日講官因稱恢疏剴切願容納理宗欣然曰其言甚直朕何嘗

怒直言經筵奏對誠實懇惻至身心之要未嘗不從容諄至度宗至比恢為程頤程頤恃其父疾濼濯掃除之役不命僮僕年八十有七臨終舉盧懷慎臥躄窮約事戒諸子斂以深衣作書別親戚而後卒遺表聞贈少保諡文肅

百官之憲度選太常少卿兼國子司業遷起居郎權工部侍郎兼直學士院遷工部侍郎給事中右諫議大夫陳堯道論罷以寶章閣直學士知漳州改知泉州權兵部禮部尚書遷吏部尚書咸淳三年授同知樞密院事兼權參知政事封合沙郡公拜參知政事四年致仕尋卒贈少保

陳宗禮字立之少貧力學袁甫爲江東提點刑獄宗禮往問學焉淳祐四年舉進士調邵武軍判官入爲國子正遷太學博士國子監丞轉祕書省著作佐郎入對言

火不循軌帝以星變爲憂宗禮曰上天示戒在陛下修德布政以回天意又曰天下方事於利欲之中士大夫奔競趨利惟至公可以遏之兼考功郎官陸著作郎遷

尙左郎官兼右司時丁大全擅國柄以言爲諱宗禮歎曰此可一日居乎陸對言願爲宗社大計毋但爲倉廩府庫之小計願得天下四海之心毋但得左右便嬖戚

晚之心願寄腹心於忠良毋但寄耳目於卑近願四通八達以來正人毋但旁蹊曲逕類引貪濁拜太常少卿

以直寶謨閣廣東提點刑獄進直煥章閣遷祕書監以監察御史虞慮言追兩官送永州居住景定四年拜侍御史直龍圖閣淮西轉運判官遷刑部尙書以起居舍

人曹孝慶言罷度宗卽位兼侍講拜殿中侍御史疏言恭儉之德自上躬始清白之規自宮禁始左右之言利

者必斥踐墜之私獻者必誅以詩進講因奏帝王舉動無微不顯古人所以貴於慎獨也權禮部侍郎兼給事中進讀孝宗聖訓因奏安危治亂常起於一念慮之閒

念慮少差禍亂隨見天下之亂未有不起於微而成於著又言不以私意害公法適國家之福帝曰孝宗家法

惟賞善罰惡爲尤謹宗禮言有功不賞有罪不罰雖堯舜不能治天下信不可不謹也遷禮部侍郎尋權禮部尙書乞奉祠帝曰豈朕不足與有爲耶以華文閣直學

士知隆興府再辭依舊職與待次差遣逾年依舊職廣東經畧安撫使兼知廣州加端明殿學士簽書樞密院

事尋兼權參知政事疏奏國所以立曰天命人心因其警而加敬畏天命未有不可回也因其未墜而加綏定

人心未嘗不可回也卒遺表上贈開府儀同三司盱江郡侯諡文定

常楫字長孺顯謨閣直學士同之曾孫入太學淳祐七年舉進士調常熟尉公廉自持不畏彊禦臨安府尹馬

光祖又薦於朝辟差平江府百萬倉檢察不受和糶事例戡吏卒苛取發運使趙興憲兼提點刑獄屬楫檢覆

雪無錫翟氏冤獄監江淮茶鹽所蕪湖局不受商稅贏光祖益敬之改知嘉定縣歲大水勸分和糶按籍均敷

發運使王煇提點刑獄孫子秀俱特薦于朝簽書臨安府判官不爲權勢撓有爲淮東提舉常平辟楫提管楫

兩浙轉運使禁散吏姦不以急符督常賦海鹽歲爲鹹潮害楫請于朝捐金發粟復輟已帑大加修築新塘

三千六百二十五丈名曰海晏塘是秋風濤大作塘不浸者尺許民得奠居歲復告稔遷戶部侍郎受四方民

詞務通下情兼中書門下省檢正諸房公事兼刑部侍郎極論檢覆之弊士進故事首論雷雪非時之變帝意

不悅勾祠不許以集英殿修撰知平江值旱蠲苗九萬稅十三萬賑十六萬又蠲新苗二萬八千九萬公私

之力飛蝗幾及境疾風飄入太湖節浮費修府庫既代有送還事例自給吏卒外餘金萬楮楫悉不受吏驚曰

人言常侍郎不愛錢果然改浙東安撫使值水災捐萬楮以賑之復請糶于朝得米萬石蠲新苗三萬八千又

以諸暨被水尤甚給二萬楮付縣折運民食不至之絕民各嗣于家兩浙及會稽山陰死者暴露與貧而無以

爲殮者迺以十萬楮置普惠庫取息造棺以給之尋以刑部侍郎召申明期赦改教法與廟堂爭可否辨僞關

獄救八倉虧欠免死罪平反天井巷殺人獄全活者甚

眾兼給事中封還隆國夫人從子黃進觀察使錄黃帝

怒似道以御書令委曲書行楫迄不奉命以寶章閣待

制提舉太平興國宮德祐元年拜吏部尙書以老病辭

累召不許專官趨行甚峻楫入見首言雲川之變非其

本心置之死過矣不與立後又過矣巴陵帝王之胄生

不得正命死不得血食沉冤幽憤鬱結四五十年之久

不爲妖爲札於冥冥中者幾希願陛下勿搖浮議特發

合以疾謁告二年拜參知政事爲夏士林繳駁拜疏出閣後六年卒

家鉉翁眉州人以廕補官累官知常州政譽翕然遷浙東提點刑獄入爲大理少卿直華文閣以祕閣修撰充紹興府長史遷樞密都丞旨知建寧府兼福建轉運副使權戶部侍郎兼知臨安府浙西安撫使遷戶部侍郎權侍右侍郎仍兼樞密都丞旨賜進士出身拜端明殿學士簽書樞密院事元兵次近郊丞相吳堅賈餘慶檄告天下守令以城降鉉翁獨不署元帥遣使至欲加縛鉉翁曰中書省無縛執政之理堅奉表祈請于元以鉉翁介之禮成不得命留館中聞宋亡旦夕哭泣不食飲者數月元以其節高欲尊官之以示南服鉉翁義不二君辭無詭對宋三宮北遷鉉翁再率故臣迎謁伏地流涕頓首謝奉使無狀不能感動上衷無以保存其國見者莫不歎息文天祥女弟坐兄故繫官鉉翁傾橐中裝贖出之以歸其兄璧鉉翁狀貌奇偉身長七尺被服儼雅其學邃於春秋自號則堂改館河間乃以春秋教授弟子數爲諸生談宋故事及宋興亡之故或流涕太息元成宗卽位放還賜號處士錫資金幣皆辭不受又數年以壽終

李庭芝字祥甫其先汴人十二世同居號義門李氏後徙隨之應山縣金亡襄漢被兵又徙隨然特以武顯庭芝生時有芝產屋棟鄉人聚觀以爲生男祥也遂以名少穎異日能誦數千言而智識恒出長老上王晏守隨庭芝年十八告其諸父曰王公貪而不恤下下多怨之隨必亂請徙家德安以避諸父勉強從之未決旬旻果爲部曲挾之以叛隨民死者甚眾嘉熙末江防甚急庭

芝得鄉舉不行以策干荆帥孟珙請自劾珙善相人且夜夢車騎稱李尚書謁己明日庭芝至珙見其魁偉顧諸子曰吾相人多無如李生者其名位當過我時四川有警卽以庭芝權施之建始縣庭芝至訓農治兵選壯士雜官軍教之期年民皆知戰守善馳逐無事則植戈而耕兵至則悉出而戰襄帥下其法於所部行之清祐初始去舉進士中第珙辟幕中主管機宜文字珙卒遣表舉買似道自代而薦庭芝於似道庭芝感珙知己扶其柩葬之興國卽棄官歸爲珙行三年喪似道鎮京湖起爲制置司參議移鎮兩淮與似道議柵清河五河口增淮南烽百二十繼知濠州復城荆山以備淮南皆切中機會開慶元年似道宣撫京湖留庭芝權揚州尋以元兵在蜀奏知峽州以防蜀江口朝廷以趙與憲爲淮南制置李應庚爲參議官應庚發兩路兵城南城大暑中喝死者數萬李瑄窺其無謀奪漣水三城渡淮奪南城鄂兵解庭芝丁母憂去朝議擇守揚者帝曰無如李庭芝乃奪情主管兩淮制置司事庭芝再破瑄兵殺瑄將厲元帥夷南城而歸明年復敗瑄于喬村破東海石圍等城又明年瑄降徙三城民於通泰之閒又破蕪縣殺守將庭芝之初至揚時揚新遭火廬舍盡燬州賴鹽爲利而亭戶多亡去公私蕭然庭芝悉貸民逋負假錢使爲屋屋成又免其假錢凡一歲官民居皆具鑿河四十里入金沙餘慶塲以省車運兼浚他運河放亭戶負鹽二百餘萬亭民無車運之勞又得免所負逃者皆來歸鹽利大興始平山堂瞰揚城元兵至則構望樓其上張車弩以射城中庭芝乃築大城包之城中募汴南流民二萬人以實之有詔命爲武銳軍又大修學爲詩書俎

豆與士行習射禮郡中有水旱卽命發廩不足則以私財賑之揚民德之如父母劉槃自淮南入朝帝問淮事槃對曰李庭芝老成謹重軍民安之今邊塵不驚百度具舉皆陛下委任得人之效也咸清五年北兵圍襄陽急夏貴入援大敗虎尾州范文虎總諸兵再入又敗文虎以輕船遁兵亂士卒溺漢水死者甚眾冬命庭芝以京湖制置大使督師援襄陽文虎聞庭芝至貽書似道曰吾將兵數萬人襄陽一戰可平但無使聽命于京闕事成則功歸恩相矣似道喜卽除文虎福州觀察使其兵從中制之文虎日攜美妾走馬擊毬軍中爲樂庭芝屢欲進兵曰吾取旨未至也明年六月漢水溢文虎不得已始出一師未至鹿門中道遁去庭芝數自劾請代不允竟失襄陽陳宜中請誅文虎似道庇之止降一官知安慶府而貶庭芝及部將蘇劉義范友信廣南庭芝罷居京口未幾元兵圍揚州制置印應雷暴死卽起庭芝之十年築清河口詔以爲清河軍十二月元兵破鄂詔天下勤王庭芝首遣兵爲諸道倡德祐元年春似道兵潰蕪湖沿江諸郡或降或遁無一人能守者庭芝率所部郡縣城守有李虎者持招降榜入揚州庭芝誅虎焚榜梟俊五人於市而日調苗苗成戰其南許文德戰其北姜才施忠戰其中時出金帛牛酒燕犒將士人人爲之死鬪朝廷亦以督府金勢之加庭芝參知政事七月以知樞密院事徵入朝從夏貴知揚州貴不至事遂已十月元丞相巴延入臨安留元帥阿珠軍鎮江以遏淮兵阿珠攻揚久不拔乃築長圍困之冬城中食盡死者滿道明年二月饑益甚赴濠水死者日數百道有死者

眾爭割啖之立盡宋亡謝太后及少帝爲詔諭之降庭芝登城曰奉詔守城未聞有詔諭降也已而兩宮北遷至瓜洲復詔庭芝曰比詔卿納款日久未報豈未悉吾意尙欲固圉耶今吾與嗣君旣已臣服卿尙爲誰守之庭芝不答命發弩射使者斃一人餘皆退去姜才出兵奪兩宮不克復閉城守三月夏貴以淮西降阿珠驅降兵至城下以示之旌旗蔽野幕客有以言覘庭芝者庭芝曰吾惟一死而已阿珠使者持詔來招降庭芝開壁納使者斬之焚詔陣上已而知淮安州許文德知盱眙軍張思聰知泗州劉興祖皆以糧盡降庭芝猶括民間粟以給兵粟盡令官人出粟粟又盡令將校出粟雞牛皮麩糞以給之兵有烹子而食者猶日出苦戰七月阿珠請赦庭芝焚詔之罪使之降有詔從之庭芝亦不納是月益王遣使以少保左丞相召庭芝庭芝以朱煥守揚與姜才將兵七千人東入海至泰州阿珠將兵追圍之朱煥旣以城降驅庭芝將士妻子至泰州城下陣將孫貴胡惟孝等開門降庭芝聞變赴蓮池水淺不得死被執至揚州朱煥請曰揚自用兵以來積骸滿野皆庭芝與才所爲不殺之何俟於是斬之死之日揚之民皆泣下有宋應龍者爲泰州諮議官奉守孫良臣之弟舜臣自軍中來說降良臣召應龍與計應龍極陳國家恩澤君臣大義請殺舜臣以戒持二心者良臣不得已殺之及泰州降應龍夫婦自經死提刑司諮議褚一正置司高郵督戰被創沒水死知興化縣胡拱辰城破亦死

欽定續通志卷四百十二

列傳

宋一百十七

林勳

劉才邵

許忻

應孟明

曾三聘

徐僑

度正

牛大年

陳仲微

林勳賀州人政和五年進士為廣州教授建炎三年獻本政書十三篇言國家兵農之政率因唐末之故今農貧而多失職兵驕而不可用是以饑民竄卒類為盜賊宜假古井田之制使民一夫占田五十畝其有羨田之家毋得市田其無田與游惰末作者皆驅之使為隸農以耕田之羨者而雜紐錢穀以為十一之稅宋二稅之數視唐增至七倍今本政之制每十六夫為一井提封百里為三千四百井率稅米五萬一千斛錢萬二千緡每井賦二兵馬一匹率為兵六千四百人馬三千四百匹歲取五之一以為上番之額以給征役無事則又分為四番以直官衛以給守衛是民凡三十五年而役使一遍也悉上則歲食米萬九千餘斛錢三千六百餘緡無事則減四分之三皆以一同之租稅供之匹婦之貢絹三尺綿一兩百里之縣歲收絹四千餘匹綿三千四百斤非蠶鄉則布六尺麻二兩所收視絹綿率倍之行之十年則民之口算官之酒酤與凡茶鹽香礬之權皆可弛以予民其說甚備書奏以勳為桂州節度掌書記其後勳又獻比較書二篇大畧謂桂州地東西六百里南北五百里以古尺計之為方百里之國四十當墾田二百二十五萬二千八百頃有田夫二百四萬八千出米二十四萬八千斛祿卿大夫以下四千人祿兵三十

萬人今桂州墾田約萬四十二頃丁二十一萬六千六百一十五稅錢萬五千餘緡苗米計五萬二百斛有奇州縣官不滿百員官兵五千一百人蓋土地荒蕪而游手末作之人眾是以地利多遺財用不足皆本政不修之故朱熹甚愛其書東陽陳亮曰勳為此書考古驗今思慮周密可謂勤矣世之為井田之學者孰有加於勳者乎

劉才邵字美中吉州廬陵人以大觀二年前上舍釋褐為贛汝二州教授復為湖北提舉學事管幹文字宣和二年中宏詞科遷司農寺丞靖康元年遷校書郎高宗即位以親老歸侍居閒十年御史中丞廖剛薦之召見遷秘書丞歷駕部員外郎遷吏部員外郎典侍右遷事先是宗室注官觀岳廟例須赴部遠者或難於行才邵言許經所屬以聞於部依條注擬行之遷軍器監既而遷起居舍人未幾為中書舍人兼權直學士院帝稱其能文時宰忌之出知漳州即城東開渠十有四為陂與斗門以灌匯決溉田數千畝民甚德之兩奉祠紹興二十五年召拜工部侍郎兼直學士院尋權吏部尚書以疾請祠加顯謨閣直學士卒贈通奉大夫才邵氣和貌恭方權臣用事之時雍容遜避以保名節焉

許忻拱州人宣和三年進士高宗時為吏部員外郎有旨引見是時金國使人張通古在館忻上疏極論和議不便曰臣兩蒙召見擢實文節今茲復降睿旨引對今見陛下於多故之時欲采干慮一得之說以廣聰明是臣圖報萬分之秋也故敢竭愚而效忠臣聞金使之來陛下以祖宗陵寢廢祀徽宗皇帝顯肅皇后梓宮在遠母后春秋已高久闕晨昏之奉淵聖皇帝與天族還歸

無期欲屈己以就和遣使報聘茲事體大固已詔侍從臺諫各具所見聞矣不知侍從臺諫皆以為可乎抑亦可否雜進陛下未有所擇乎抑亦金不復邀我以難行之禮乎是數者臣所不得而聞也請試別白利害為陛下詳陳之夫金人之始入也固嘗云講和矣靖康之初約肅王至大河而返己而挾之北行迄無首耗河朔千里焚掠無遺老稚係纍而死者億萬計復破威勝隆德等州淵聖皇帝嘗降詔書謂金又渝盟必不可守是歲又復深入朝廷制置失宜都城遂陷敵愾懼我百萬之眾必以死爭也止我諸道勤王之師則又曰講和矣乃邀淵聖出郊次邀徽宗繼往追取宗族殆無虛日傾竭府庫靡有孑遺公卿大臣類皆拘執然後偽立張邦昌而去則是金人所謂講和者果可信乎此已然之禍陛下所親見今徒以王倫繆悠之說遂誘致金人責我以必不可行之禮陛下遂已屈己從之臣是以不覺涕泗橫流也夫彼以詔諭江南為名而來則是飛尺書下本朝豈講和之謂哉我躬受之真為臣妾矣臣竊料陛下必不忍為也萬一奉其詔令則將變置吾之大臣分部吾之諸將邀求無厭靡有窮極當此之時陛下從之無以立國不從之復責我以違令其何以自處乎脫或包羞忍恥受其詔論而彼許我者不復如約則徒受其辱而貽萬世之讖縱使如約則是我今日所有土地先拱手而奉敵人矣祖宗在天之靈以為何如徽宗皇帝顯肅皇后不共戴天之讐遂不可復也豈不痛哉陛下審思之斷非聖心所能安也國家兩嘗得勝於淮甸雖未能克復中原之地而大江之南亦足支吾軍聲相震國勢相安故人因王倫之往復遣使來嘗試吾若從其

勢相安故人因王倫之往復遣使來嘗試吾若從其

請正墮其計不從其欲且復攜我之金幣而去亦何適而非彼之利哉為今之計獨有陛下幡然改慮布告中外以收人心謂祖宗陵寢廢祀徽宗皇帝顯肅皇后梓宮在遠母后淵聖宗族屬未還故遣使迎請冀遂南歸今敵來邀朝廷以必不可從之禮實王倫賣國之罪當行誅責以釋天下之疑然後激厲諸將謹捍邊陲無墮敵計進用忠正黜遠姦妄振紀綱修政事務為實效不事虛名夕慮朝謀以圖興復庶乎可矣今金使雖已就館謂當別議區處之宜臣聞萬人所聚必有公言在廷諸臣與中外一心皆以金人之詔為不可從公言如此陛下獨不察乎今日之舉存亡所繫愚衷感發不能自己望鑒其惓惓之忠特垂采納更與二三大臣熟議其便社稷天下幸甚疏入不省後忤故乞從外補乃授荆湖南路轉運判官謫居撫州起知邵陽卒

應孟明字仲實婺州永康人少游太學登隆興元年進士第試中教官調臨安府教授繼為浙東安撫司幹官樂平縣丞侍御史葛邲監察御史王藺薦為詳定一司勅令所刪定官輪對首論南北通好疆場無虞當選將練兵常如大敵之在境而可以一日忽乎貪殘苛酷之吏未去吾民得無不安其生者乎賢士匿於下僚忠言壅於上聞無乃眾正之門未盡開而兼聽之意未盡乎乎君臣之間戒懼而不自持勤勞而不自盡進君子退小人以民隱為憂以邊陲為警則政治自修紀綱自張矣孝宗曰朕早夜戒懼無頃刻忘退朝之暇亦無他好正恐臨朝或稍晏則萬幾之曠自此始矣次乞申嚴監司庇貪吏之禁薦舉徇私情之禁帝嘉獎久之他日宰相進擬帝出片紙於堂中書二人姓名曰卿何故不及

此其一則孟明也乃拜大理寺丞故大將李顯忠之子家僅溺死有司誣以殺人逮繫幾三百家孟明察其冤白於長官釋之出為福建提舉常平陛辭帝曰朕知卿愛百姓惡職吏事有不便於民宜悉意以聞因問當世人才孟明對曰有才而不學則流為刻薄惟上之教化明取舍正使回心向道則成就必倍於人帝曰誠為人上者之責孟明至部具以臨遣之意咨訪之帝一日御經筵因論監司按察願謂講讀官曰朕近日得數人應孟明其最也尋除浙東提點刑獄以鄉部引嫌改使江東會廣西謀帥帝謂輔臣曰朕熟思之無易應孟明者即以手筆賜孟明曰朕聞廣西鹽法利害相半卿到任自可詳究其事進直祕閣知靜江府兼廣西經畧安撫初廣西鹽易官般為客鈔客戶無多折閱逃避遂抑配於民行之六年公私交病追逮禁錮民不聊生孟明徐具驛奏除其弊詔從之禁卒朱興結集黨侶弄兵雷化聞聲勢漸長孟明遣將縛致轅門斬之光宗即位遷浙西提點刑獄尋召為吏部員外郎改左司遷右司再遷中書門下省檢正諸房公事寧宗即位拜太府卿兼吏部侍郎慶元初權吏部侍郎卒孟明以儒學奮身受知人主官職未嘗倖遷韓侂胄嘗遺其密客誘以諫官俸誣趙汝愚孟明不答士論以此重之

三聘謂丞相今泯默而退耶亦將取今日所難言者別白言之而後退凡今闕庭之內閣門衽席之間父子夫婦之際羣臣莫敢深言者避嫌遠罪耳丞相身退計決言之何嫌乎遷祕書郎帝欲幸玉津園三聘上疏言今人心既離大亂將作小大之臣震怖請命而陛下安意肆志而弗聞知萬一敵人謀知馳一介之使問安北宮不知何以答之姦宥窺聞傳一紙之檄指斥乘輿不知何以禦之望亟備法彌朝謁不然臣實未知死所也孝宗病革復上疏言道路流言洵洵日甚臣恐不幸而有狂夫姦人託忠憤以行詐假曲直以動眾至此而後悔之則恐無及矣帝意為動及孝宗崩帝疾不能執喪朝諭益震洵三聘謂今日事勢莫若建儲或戒之日前日臺諫諸公謂汝奪其職今復有疏耶三聘曰此何時而可避煩言也寧宗立兼孝功郎後知郢州會韓侂胄為相指三聘為故相趙汝愚腹心坐追兩官久之復元官與祠差知郴州改提點廣西湖北刑獄皆辭不起侂胄誅諸賢遭竄斥者相繼召用三聘祿不及終不自言嘉熙開三聘已卒有旨特贈三官直龍圖閣賜諡忠節徐僑字崇甫婺州義烏人早從學於呂祖謙門人葉邦涑熙十四年舉進士調上饒主簿始登朱熹之門熹稱其明白剛直命以教名齋入為祕書省正字校書郎兼吳益王府教授直寶謨閣江東提點刑獄以忤丞相史彌遠劾罷寶謨初葛洪喬行簡代為請嗣迄不受祿紹定中告老得請端平初與諸賢俱被召遷祕書少監太常少卿趣入觀手疏數千言皆感憤剴切上劄主闕下逮羣臣分別黑白無所回隱帝數慰諭之願見其衣履垢敝慨然謂曰卿可謂清貧僑對曰臣不貧陛下乃貧

相進擬帝出片紙於堂中書二人姓名曰卿何故不及

曾三聘字無逸臨江新淦人乾道二年進士調贛州司戶參軍累遷軍器監主簿有旨造剋車弩三聘謂剋車弩六人挽之而箭之所及止二百六十步今所用克敵弓較之工費不及十之三一一人挽之而射可及三百六十步利害曉然乃不果造光宗不朝重華官中外疑懼三聘以書抵丞相留正未及言會以他事不合求去

耳帝曰朕何為貧僑曰陛下國本未建疆宇日蹙權幸用事將帥非材旱蝗相仍盜賊並起經用無藝帑藏空虛民困於橫斂軍怨於培克羣臣養驕而天子孤立國勢阡危而陛下不悟臣不貧陛下乃貧耳又言今女謁閹宦相為囊橐旋為二豎以處國膏肓而執政大臣又無和緩之術陛下此之不慮而耽樂是從世有扁鵲將望見而卻走矣時貴如閻氏方有寵而內侍董宋臣表裏用事故僑論及之帝為之感動改容咨嗟太息明日手詔罷邊帥之尤無狀者申傲羣臣以朋黨為之戒命有司裁節中外浮費而賜僑金帛甚厚僑固辭不受侍講開陳友愛大義用是復皇子竑爵請從祀周敦頤程頤程頤張載朱熹以趙汝愚侑食宣宗帝皆如其請金使至僑以無國書宜館之於外如叔向辭鄭故事忝命相意力勾休致帝諭留甚勤遷工部侍郎辭堅遂命以內祠侍讀不得已就職遇事盡言以疾申前請乃以寶謨閣待制奉祠卒諡文清僑學一以真踐實履為尚奏對之言剖析理欲因致勸懲若其守官居家清苦刻厲之操人所難能也

度正字周卿合州人紹熙元年進士歷官為國子監丞時士大夫無賢賢皆策李全必反而不敢言正獨上疏極言之且獻斃全之策有三其言鯁亮激切運軍器少監輪對言陛下推行聖學當自正家始進太常少卿適太廟災為二說以獻其一則用朱熹之議其一則因本朝廟制而參以熹之議自西祖東為一列每室之後為一室以藏祧廟之主如僖祖廟以次祧主則藏之昭居左穆居右後世穆之祧主藏太祖廟昭之祧主藏太宗廟仁宗為百世不遷之宗後世昭之祧主則藏之高宗

為百世不遷之宗後世穆之祧主則藏之室之前為兩室三年祫享則帷帳幕之通為一室盡出諸廟主及祧廟主並為一列合食其上往者此廟為一室凡遇祫享合祭於室名為合享而實未嘗合享今增此三室後有藏祧主之所前有祖宗合食之地於本廟之制初無更革而頗已得三年大祫之義遷禮部侍郎兼侍右郎官兼同修國史實錄院同修撰禮部侍郎轉一官守禮部侍郎致仕卒贈四官按宋史此下有程秘傳瑞列論謂其竊取富貴今從刪

牛大年字隆叟揚州人慶元二年進士歷官將作監主簿入對言人生居富貴崇高之位重而承宗社之托尊而為臣辟之戴天心靡常則可畏也又言士氣有扶持作興之意而後摺紳無貪名嗜利之習無貪名嗜利之習而後有持正秉義之操陛下為之振起機括一運天下轉移而風俗易矣遷軍器監主簿太宗正丞四川提舉茶馬兼權總領知黎州節制黎雅州屯戍軍馬加直寶章閣為工部郎官入對請懲貪吏遷侍左郎中進直華文閣浙東提點刑獄遷守秘書少監宗正少卿升祿書監遷起居舍人升起居郎兼崇政殿說書以寶章閣待制提舉太平興國宮宰特贈四官大年清操凜然所至以廉潔自持

陳仲微字致廣瑞州高安人其先居江州旌表義門嘉泰二年舉進士調莆田尉會守令闕通判又罷輒不任臺閩委以縣事時歲凶部卒并儻民作亂仲微立召首亂者戮之籍閉耀抑強羅一境以肅囊山浮屠與郡學爭水利久不決仲微按法日曲在浮屠他日沿檄過寺其徒久揭其事鐘上以為冤旦暮祝詛然莫省為仲微

也仲微見之曰吾何心哉吾何心哉質明首僧無疾而死寓公有誦仲微於當路而密授以薦薦者仲微受而藏之踰年其家負縣租竟逮其奴寓公有怨言仲微還其贖緘封如故其人慚謝終其任不敢撓以私遷海鹽丞鄰邑有疑獄十年郡命仲微按之一問立決改知崇陽縣賔食公署旁日與父老樵豎相爾汝下情畢達吏無所措手通判黃州職兼餽餉以身律下隨事檢柅軍興賴以不乏制置使上其最辭曰職分也何最之有復通判江州遷幹辦諸司審計事知贛州江西提點刑獄忤丞相賈似道監察御史舒有開言罷久之起知惠州遷太府寺丞兼權侍右郎官輪對言祿餌可以鈞天下之中材而不可啖嘗天下之豪傑名航可以載天下之猥士而不可以陸沈天下之英雄似道怒又諷言者罷奪其官久之敘復時國勢危甚仲微上封事其畧曰誤襄者老將也夫襄之罪不專在於庸閭疲將孩兵也君相當分受其責以謝先皇帝在天之靈天子若曰罪在朕躬大臣宜言咎在臣等宜布十年養安之往繆深懲六年玩寇之昨非救過未形固已無極追悔既往尚愈於逆惟君相幡然改悟天下事尚可為也乃出仲微江東提點刑獄德祐元年遷祿書監尋拜右正言左司諫殿中侍御史益王即位海上拜吏部尚書給事中匡山

兵敗走安南越四年卒年七十有二仲微天稟篤實雖生長富貴而惡衣非食自同窶人故能涵飮六經精研理致於諸子百家天文地理醫藥卜筮釋老之學靡不搜獵云按宋史此下有梁成大李知孝二傳成大知孝皆變詐傾險殘害正人為史彌遠鷹犬無一善蹟可錄

欽定續通志卷四百十三

列傳

宋一百十八

吳泳

徐範

李韶

王邁

史彌鞏

陳埴

趙與憲

李大同

黃贊

楊大異

吳泳字叔永潼川人嘉定二年進士歷官爲軍器少監行太府寺丞行校書郎升祕書丞兼權司封郎官兼樞密院編修官升著作郎時暫兼權直舍入院輪對言願陛下養心以清明約己以恭儉進德以剛毅發強毋以旨酒違善言毋以嬖御嫉壯士毋以靡曼之色伐天性杜漸防微澄源正本使君身之所自立者先有其地夫然後移所留之聰明以經世務移所舍之精神以強國政移所用之心力以恤罷民移所當省之浮費以犒邊上久戍之士則不惟可以消弭災變攘除姦凶殄滅外患雖以是建久安長治之策可也他日入對又言誦往哲之遺言進謀國之上策實不過曰內修政事而已然所謂內修者非但車馬器械之謂也衰職之闕所當修也官師之曠所當修也出令之所弗清所當修也本兵之地弗嚴所當修也直言敢諫之未得其職所當修也折衝禦侮之弗堪其任所當修也陛下退修於其上百官有司交修於其下朝廷既正人心既附然後申警國人精討軍實合內修外攘爲一事神州赤縣皆在吾指顧中矣火災應詔上封曰京城之災京城之所見也四方有敗陛下亦得而見之乎夫慘莫慘於兵也而連年不戢則甚於火矣酷莫酷於吏也而頻歲橫征則猛於

火矣閩之民困於盜浙之民困於水蜀之民困於兵橫斂之原既不澄於上包苴之根又不絕於下譬彼壞木疾用無枝而內涸之形見矣遷祕書少監兼權中書舍人尋遷起居舍人兼權吏部侍郎兼直學士院疏言世之識治體而憂時幾者以爲天運將變矣世道將降矣國論將更矣正人將引去而舊人將登用矣執持初意封植正論茲非砥柱傾頽之時乎若使廉通敏慧者專治財賦淑慎曉暢者專御軍旅明清敬謹者專典刑獄經術通明使道訓典文雅麗則使作訓辭秉節堅厲使備風憲奉法循理使居牧守剛直有守者不聽其引去恬退無競者不聽其里居功名慷慨者不佚之以祠庭言論闡爽者不寘之於外服隨才器使各盡其分則短長小大安有不適用者哉又言謹政體正道揆厲臣節綜軍務四事權刑部尚書以寶章閣直學士知靈國府提舉太平興國宮進寶章閣學士差知温州道開温州饑至處州乞蠲租科降救饑者四萬八千有奇放夏稅一十二萬有奇秋苗二萬八千有奇病者復與之藥事間賜衣帶鞍馬改知泉州以言罷

徐範字彝父福州侯官縣人少孤刻苦授徒以養母與兄同舉于鄉入太學未嘗以疾言遽色先人丞相趙汝愚去位祭酒李祥博士楊簡論救之俱被斥逐同舍生議叩關上書書已具有閩士亦署名忽夜傳韓侂胄將實言者重辟閩士怖請削名範之友亦勸止之範慨然曰業已書名矣尙何變書秦侂胄果大怒謂其扇搖國是各送五百里編管範論臨海與兄歸同往禁錮十餘年至嘉定元年進士第授清江縣尉辟江淮制置司準備差遣屬邊事紛紜營若子弟募隸軍籍者未及涇洶

洶相驚一夕秉燭招刺千餘人踊躍爭奮差主管戶部架閣改太學錄遷國子監主簿入對言時平不急之務無用之官猶當痛加裁節矧多事之秋所貴全萬民之命紆一時之急獨奈何坐視其無救而以虛文自蔽哉願懲既往之失廢無用之文一意養民以培國本旬外添差通判澤州湖湘大旱振救多所裨益知邵武軍尋召赴行在言功利不若道德刑罰不若恩厚雜伯不若純王異端不若儒術諛佞不若直諫便嬖不若正人奢侈不若詩書盤遊不若節儉玩好不若宵衣旰食窮黷不若偃兵息民是非兩立明白易見幾微之際大體所關積習不移治道妍矣遷國子監丞徙太常寺丞權都官郎官改祕書丞著作郎起居郎兼國史編修實錄檢討以朝奉大夫致仕卒贈朝請大夫集英殿修撰

李韶字元善彌遜之曾孫也父文饒爲台州司理參軍每謂人曰吾司臬多陰德後有與者韶五歲能賦梅花嘉平四年與其兄靈同舉進士調南雄州教授校文廣州時有當國之親故私報所業韶卻之調慶元丞相史彌遠薦士充學職韶不與袁燮求學宮射圃益其居亦不與燮以此更敬韶以廉勤薦遷主管三省架閣文字遷太學正改太學博士上封事諫濟王獄獄且以書曉彌遠言甚懇到又救太學生甯式迂學官旬外添差通判泉州郡守游九功素清嚴獨異顧韶改知道州葺周惇頤故居錄其子孫於學宮且周其家紹定四年行都災部應詔言事提舉福建市舶會星變又應詔言事入爲國子監丞改知泉州兼市舶端平元年召明年轉太府寺丞遷都官郎官遷尙左郎官未幾拜右正言奏乞以國事邊防二事專委丞相鄭清之喬行簡各任責論

汰兵節財及襄蜀邊防又論史嵩之王遂和戰異議迄無成功請出遂於要藩易嵩之於邊而使各盡其才史宅之將守袁州詔率同列一再劾之俱不報乞解言職拜殿中侍御史辭不允奏曰頃同臣居言職者四人未踰月徐清叟去未三月杜範吳昌裔獨臣尚就列清叟昨日言三漸臣繼其說李宗勉又繼之陛下初不加怒而清叟竟去猶曰清叟倡之也今臣與範昌裔言未嘗不相表裏二臣出臺臣獨留豈臣言不加切於二臣邪抑先去二臣以警臣使知擇而後言邪清叟所言三漸臣猶以為未甚切今國柄有陵夷之漸士氣有萎靡之漸主勢有孤立之漸宗社有阽危之漸上下偷安以人言為諱此意不改其禍豈直三漸而已時魏了翁罷督子祠詔訟曰了翁刻志問學幾四十年忠言讜論載在國史去就出處具有本末端平收召論事益切去年督府之遺體統不一識者逆知其無功了翁迫於君命驅勉驅馳未有大闕襄州變出肘腋未可以為了翁罪樞庭之召未幾改鎮改鎮未久有旨予祠不知國家四十年來收拾人才如了翁者幾人願亟召還處以臺輔又劾奏陳洵益刑餘腐夫粗通文墨掃除賤隸竊弄威權乞予洵益外祠劾女冠吳知古在宮掖招權納賄宜出之禁庭帝怒詔還笏殿陛乞歸會祀明堂雷電免二相詔權工部侍郎正言遷起居舍人復疏洵益知古不報辭新命不許應詔上封事幾數千言帝諭左右曰李韶真有愛朕憂國之心凡三辭不獲以生死祈哀乞去帝感額謂韶曰曲為朕留退復累疏乞補外以集英殿修撰知漳州號稱廉平朝廷分遣部使者諸路稱提官樞詔疏極言其弊嘉熙二年召明年上疏乞寢召命云端

平以來天下之患莫大於敵兵歲至和不可戰不能格券日輕民生流離物價踊貴遂至事無可為臣竊論以為必自上始九重菲衣惡食卧薪嘗膽使上下改慮易聽然後可圖今二患益深雖欲效忠他莫有以為說此其不敢進者一史宅之故相子子郡外議皆謂援之徒將自是復用故嘗論列至再今聖斷赫然用舍由已人才一變矣環視前日在廷之臣流落擯棄臣雖欲貪進未知所以處其身此其不敢進者二始臣為郎蜀受兵方亟廟堂已遣小使至特起嵩之於家而言者攻擊不已臣妄論以為講和固非策而首兵亦豈能無罪故居言路首乞出高論者付以兵事使稍知敵情者嘗試其說於閩外不知事勢推移遂竟罷廢而款敵無功者白麻揚廷矣或者將議臣前日有所附會此臣重不敢進者三又臣昨彈內侍女冠不行退惟聖主高明必不容其干政然未幾首相去位臣亦出臺傳聞其人謂臣受廟堂風旨故決意勾外今臣言迄不行苟貪君命竊恐或者譏臣向何所聞而去今何所見而來此臣重不敢進者四四年詔趣赴闕辭遷戶部侍郎再辭不允五年改禮部侍郎辭詔不允今所在州軍護送至關嵩之遣人謂韶曰毋言濟邸宮媼國本詔不答上疏曰臣生長清熙初猶及見度江盛時民生富樂吏治修舉事變少異政歸私門紹定之末元氣索矣端平更化陛下初意豈不甚美國事日壞其人或罷或死莫有為陛下任其責者考論至是天下事非陛下所當自任而力為乎左氏載史墨言魯公世從其失季氏世修其勤蓋言所由來者漸矣陛下臨御日久宜深思熟念感福自己誰得盜之舍此不為悠悠玩愒乃幾於左氏所謂世從其

失者蓋以世卿風嵩之也疏出嵩之不悅曰治春秋人下語毒當是時杜範亦在列二人廉直中外稱為李杜遷吏部侍郎兼中書舍人三辭不許清祐元年疏言濟王國本宮媼三上疏乞歸以賣章關直學士知泉州辭乞界祠不許既歸三辭仍舊職提舉鴻慶宮清祐二年被召再辭詔本州通判勸勉赴闕遷禮部侍郎三辭遷權禮部尚書復三辭不許入見疏曰陛下所謀者嬪妃近習所信者貴戚近親按政和令諸國戚命婦若女冠尼不因大禮等輒求入內者許臺諫察彈奏乞申嚴禁廷之籍以絕天下之謗世臣貴戚牽連並進何示人以不廣也借曰以才選他時萬一有非才者按是以求進將何以抑之耶又曰聞之道路德音每下昆蟲草木咸被潤澤恩獨不及於一枯藁咸斷出自公卿大夫莫敢後先令獨不行於一老媪小大之臣積勞受爵皆得以延於世而國儲君副社稷所賴以靈長獨不早計而預定又疏乞還不許兼侍讀三辭不許又三疏乞歸時游似以人望用然有牽制之者詔奏云始而授之如不得已既乃疑之反使不得有所為是豈專任責成之體擢翰林學士兼知制誥兼侍讀不拜詔不許又三辭不許嵩之服除有鄉用之意殿中侍御史章棣正言李昂英監察御史黃師雍論列嵩之甚峻詔落職子祠詔同從官抗疏引春秋桓公五年書蔡人衛人陳人從王伐鄭言陛下不能正姦臣之罪其過不專在上蓋大臣百執事不能輔天子以討有罪皆春秋所不赦乞斷以春秋之義亟賜裁處詔嵩之勒令致仕既而嵩之進觀文殿大學士韶上疏爭之甚力未幾棣昂英他有所論列並罷言職韶復上疏留之七年韶上十疏句去以端明

殿學士提舉玉隆宮時直學士院應縣中書舍人趙汝
鷹拜疏留部內祠未報詔辭解甚剴切謂中書之手
可束臺諫之口可鈴朝廷之事所當力爲不可收舉皆
莫有任其責者甚非所以示四方一體統改提舉萬壽
觀兼侍讀卽出國門力辭道次三衢趣詔受命再辭仍
奉祠玉隆八年被召辭不許再辭仍舊職奉祠萬壽兼
侍讀令守臣以禮趣行又辭不許九年仍奉祠玉隆十
一年祠滿再任卒年七十五詔忠厚純實平粹簡澹不
溺於聲色貨利默坐一室門無雜賓云

王邁字貫之興化軍仙遊人嘉定十年進士爲潭州觀
察推官調浙西安撫司幹官考廷試詳定官王元春欲
私所親寘高第邁顯隨其謬元春怒噉諫官李知孝誣
邁在殿廬語聲高免官調南外睦宗院教授眞德秀方
守福州邁竭忠以裨郡政赴都堂審察丞相鄭清之曰
學官掌故不足浼吾貫之俄召試學士院策以楮幣邁
援據古今考究本末謂國貨楮多弊始於兵乾清初行
楮幣止二千萬時南北方休息也開禧兵興增至一億
四千萬矣紹定有事山東增至二億九千萬矣議者徒
患楮窮而弗懲兵禍姑以今之尺籍校之嘉定增至二
十八萬八千有奇用寡謀之人試直突之說能發而不
能收能取而不能守今無他策核軍實空邊釁球楮幣
第一義也又言修內司營繕廣內帑宣索多厚施緇黃
濫子嬪御若此未嘗裁撙徒聞有括田權鹽之議者向
使二事可行故相行之久矣更化伊始奈何取前所不
屑行者而行之乎眞德秀病危問邁所對善之帝再相
喬行簡或傳史嵩之復用邁上封事曰天下之相不與
天下共謀之是必冥冥之中有爲之地者且舊相姦儉

刻薄天下所知復用則君子空於一網矣又言吳知古
陳洵益撓政輪對言君不可欺天大臣不可欺君厚權
臣而薄同氣爲欺天之著邁由疏遠見帝空臆無隱帝
爲改容言者劾邁論邊事過實魏了翁侍經筵爲帝言
惜其去改通判漳州禮祀雷雨邁應詔言天與靈考之
怒久矣趨葉致疾妖治伐性初秋踰旬曠不視事道路
憂疑此天與靈考之所以怒也隱刺覆絕攸嬉尊寵網
淪法數上行下效京率外兵狂悖迭起此天與靈考之
所以怒也陛下不是之思方用漢災異免三公故事環
顧在廷莫知所付遂相推與之臣恐與之不至政柄他
有所屬此世道否泰君子小人進退之機也於是臺官
李大同言邁交結德秀了翁及洪咨夔以收虛譽削一
秩免蔣峴劾邁前疏妄論倫紀請坐以非所宜言之罪
削二秩久之復通判贛州改福州建康府信州皆不行
滄祐改元通判吉州右正言江萬里疏疏榻前曰邁之
才可惜不卽召將有老不及之歎帝以爲然有尼之者
遂止知邵武軍在郡詔以亢旱求言邁驛奏七事而以
微龍翔宮立濟王後爲先時鄭清之再相以左司郎官
召力辭以直祕閣提點廣東刑獄亦辭改侍右郎官諫
官焦炳炎論罷子祠卒贈司農少卿邁以學問詞章發
身尤練世務易戒戒潭人曰此君不可犯奪勢家冒占
田數百畝以還民李宗勉嘗論邁然邁評近世幸輔至
宗勉必曰賢相徐清叟與邁有違言邁晚應詔謂清叟
有人望可用世服其公云

史彌鞏字南叔彌遠從弟也好學彊記紹熙四年入太
學升上舍時彌遠柄國寄理不獲試淹抑十載嘉定十
年始登進士第時李專開鄂閩知彌鞏持論不阿辟諂

幕府事壽昌成卒失律欲盡誅其亂者乃請誅倡者一
人軍心感服改知溧水縣首嚴庠序之教端平初入監
都進奏院轉對有君子小人才不才之奏護蜀保江之
奏嘉熙元年都城火彌鞏應詔上書謂修省之未至者
有五又曰天倫之變世孰無之陛下友愛之心亦每發
見洪咨夔所以蒙陛下殊知者謂雪川之變非濟邸之
本心濟邸之死非陛下之本心其言深而有以契聖心耳
矧以先帝之子陛下之兄乃使不能安其體魄於地下
豈不千和氣召災異乎出提點江東刑獄歲大旱饑信
南康三郡大疫謂賑荒在得人俾釐戶爲五甲乙以等
第賑糶丙爲自給丁糶而戊濟全活者口一百一十四
萬有奇微之休寧有淮民三十餘輩操戈劫人財逮捕
法曹以不傷人論罪彌鞏曰持兵爲盜貨之是滋盜也
推情重者懲數人一道以靈饒州兵籍盜數供億不繼
請汰冗兵令下營門大譟乃呼諸校謂曰汰不當許自
陳政譁者斬咸叩頭請罪諸營帖然稟給亦大省召爲
司封郎中以兄子嵩之入相引嫌勾祠遂以直華文閣
知婺州時年已七十勾祠提舉崇禧觀里居絕口不道
時事卒年八十眞德秀嘗曰史南叔不登宗衮之門者
三十年未仕則爲其寄理已任則爲其排擠嚙然不污
有如此五子長官之終刑部郎官能之有之胄之俱進
士官之子蒙卿咸清元年進士調江陰軍教授蚤受業
色川陽格爲學淹博善書立言一以朱熹爲法

陳垣字和仲慶元府鄞人大父叔平與同郡樓鑰友善
死鑰哭之垣纔四歲出揖如成人鑰指槩中銀杏使屬
對垣應聲曰金桃問何所據對以杜詩鸚鵡啄金桃鑰
竦然曰亡友不死矣長受周官於劉著頃刻數千百言

陳垣字和仲慶元府鄞人大父叔平與同郡樓鑰友善
死鑰哭之垣纔四歲出揖如成人鑰指槩中銀杏使屬
對垣應聲曰金桃問何所據對以杜詩鸚鵡啄金桃鑰
竦然曰亡友不死矣長受周官於劉著頃刻數千百言

陳垣字和仲慶元府鄞人大父叔平與同郡樓鑰友善
死鑰哭之垣纔四歲出揖如成人鑰指槩中銀杏使屬
對垣應聲曰金桃問何所據對以杜詩鸚鵡啄金桃鑰
竦然曰亡友不死矣長受周官於劉著頃刻數千百言

輒就試江東轉運司第一試禮部復為第一嘉定十年登進士第調黃州教授喪父毀瘠考古禮定時祭儀制祭器行之忽歎曰俗學不足學乃師事楊簡攻苦食淡晝夜不怠免喪史彌遠當國謂之曰省元魁數千人狀元魁百人而恩數踰等盍令省元初授堂除教授當自君始填謝曰廟堂之議甚盛舉自填始得無嫌乎徑部注處州教授以去士論高之理宗卽位詔求言填上封事曰今日之弊莫大於人心之不合紀綱之不振風俗之不淳國敝人偷而不可救願陛下養之以正勵之以實莅之以明斷之以武而填直聲始著於天下與郡守高似孫不合去歸奉其母召為太學錄踰年始至轉對言天道無親民心難保日月逾邁事會莫留始之銳久則怠始之明久則昏垂拱仰成盛心也不可因以負有為之志遵養時晦至德也不可因以失乘時之機帝嘉納之遷太學博士主宗正寺簿都城火填步往王牒所盡藏玉牒於石室詔遷官不受應詔言應上天非常之怒者當有非常之舉動歷陳致災之由遷太常博士獨為袁燮議諡餘皆閣筆因歎曰幽厲雖百世不改諡有美惡豈諛墓比哉會朱端常子乞諡填曰端常居臺諫則逐善類為藩收則務刻剝宜得惡諡以戒後來乃諡曰榮願議出宰相而下皆肅然改容考功郎陳者覆議合宦者陳洵益欲改填終不答李全在楚州有異志填以書告彌遠痛加警悔以同羣心蚤正典刑以肅權綱大明黜陟以飭政體不納未幾賈竑入內填又言乞去君側之蠱媚以正主德從天下之公論以新庶政彌遠召填問之曰吾甥始好名邪填曰好名孟子所不取也夫求士於三代之上惟恐其好名求士於三代之下

惟恐其不好名耳力句去添差通判嘉興府彌遠卒召為樞密院編修官入對首言天下之安危在宰相南渡以來屢失機會秦檜死所任不過万俟卨沈該耳侂冑死所任史彌遠耳此今日所當謹也次言內廷當嚴宦官之禁外廷當嚴臺諫之選於是洵益陰中之監察御史王定幼填出知常州改衡州寇下日發察坑遵江山縣而東填獲謀者卽遣人致牛酒諭之曰汝不為良民而為劫盜不事耒耜而弄甲兵今享汝牛酒冀汝改業否則殺無赦於是自首者日以百數獻器械者重酬之遂以潰散改提點都大坑治徒福建轉運判官侍御史蔣峴常與論中庸不合又劾之主管崇道觀踰年遷浙西提點刑獄歲旱盜起捕斬之盜懼徙去安吉州俞垓與丞相李宗勉連姻恃勢贖貨填親按臨之弓手戴福以獲潘丙功為副尉宗勉倚之為心腹盜橫貪害填至福聞風而去貽書宗勉曰填治福所以報丞相也傳聞實走丞相賢輔弼不宜有此宗勉答書曰福罪惡貫盈非君不能治宗勉雖不才不敢庇姦凶惟君留意及獲福豫章眾皆欲殺之填曰若是則刑濫矣乃加墨徇於市囚之圖土以吏部侍郎召及為國子司業諸生成相慶以為得師未幾兼玉牒檢討國史編修實錄修撰乃辭兼史館歷陳境土之蹙民生之艱國計之匱又言明用舍以振紀綱躬節儉以汰冗濫屏姦妄以勵將士抑貴近以寬糴糶結鄉社以防竊發黜增劾以培根本乞補外不許又辭免和糴轉官賞亦不許知温州未上以言罷填家居時自娛於泉石四方學者踵至輕財義明白洞達一言之出終身可復忽臥疾戒其子抽架上書占之得呂祖謙文集其墓誌曰祖謙生於丁巳歲沒

於辛丑歲填曰異哉我生於慶元丁巳今歲在辛丑於是一甲矣吾死矣夫子蒙年十八上書萬言論國事吳子良奇之妻以女為太府寺主簿入對極言實似道為相時國政闕失為淮東總領似道誣以貪汙貶建昌軍簿錄其家惟青瑣耳德祐初禮部侍郎李珣乞放便以刑部侍郎召不赴卒趙與憲字德淵太祖十世孫居湖州嘉定十三年進士積官至吏部尙書以觀文殿學士知紹興府浙東安撫使復為淮浙發運使差知平江府特轉兩官致仕景定元年卒特贈少師與憲所至急於財利幾於聚斂之臣矣李大同字從仲婺州東陽人嘉定十六年進士歷官為祕書丞兼崇政殿說書拜右正言兼侍講疏言趙冀分野乃有榮或之變則我師之出豈無當長慮而卻顧者陛下勿以星文為小異而或加忽語言政事必求有以格於天心而弭災異至於進兵攻討尤切謹重遷太常少卿又遷起居郎拜殿中侍御史權刑部侍郎遷吏部侍郎進工部尙書以竇謨閣直學士知平江府提舉江州太平興國宮乞致仕不許後卒於家黃喆字子耕隆興分寧人嘗從郭雍朱熹學熹深期之而喆亦以道自任反復論辯必無所疑然後止舉太學進士為瑞昌主簿兼文思院知盧陽縣五溪獠獷悍喆為詩諭之獠感悅有公事莫敢違通判處州經總制有額無錢俗號殿最綱喆會十年中成賦酌取之關免逋負錢額鈞等獨以最聞主管官告院大理寺簿軍器監丞歲餘三遷喆乃不樂閒行西湖慨然曰我昔在南山一水一石無不自題品今無復情味何邪旬外知台

州謝良佐子孫居台者既播越流落留求之民間收而教之勤苦夙夜先勸後禁訟牒銷縮部稱治平爲濟羅窟爲抵當庫葬民之棲寄暴露者爲棺千五百置養濟院又勸安濟坊以居病囚葉適謂替條目建置憂民如家遷袁州哭從弟袁甚得疾卒

楊大異字同伯唐天平節度使漢公之後十世祖祥避地醴陵因家焉祥事親孝親亡哀泣盡繼以血廬墓終身有白芝白烏白兔之瑞事聞於朝褒封至孝公賜名木植墓道以旌其孝大異從胡安受春秋大義登嘉定十三年進士第授衡陽主簿有惠政調龍泉尉攝邑

令適歲饑提刑司遣吏和糶米二萬石於邑米價頓增民乏食大異卽以提刑司所糶者如價發糶民甚德之提刑趙與憲大怒詆其罪弗得坐以方命移安遠尉邑

有响寇擾民官兵致討積年弗獲檄大異往治之大異以一僕負告身自隨肩輿入賊峒傳呼尉至賊露刃成列以待徐諭以禍福皆伏地叩頭改過自新留告身爲質借其渠魁數輩出降以賞遷吉州戶曹改廣西經

幹復以弭盜賞除四川制置司參議官北兵入成都大異從制置使丁黼老戰兵敗身被數創死關門皆遇難詰曰其部曹竊往瘞之大異復蘇負以逃獲免進朝奉郎宰石門縣就除通判溧陽攝州事皆有惠政去官之日老弱攀號留之大異易服潛去擢知登聞鼓院遷大理寺丞平反冤獄者七召對極言時政得失迨宰相意

出知澧州理宗曰是四川死節更生者楊大異耶論事剴切有用之材也何遽出之對曰是人尤長於治民命子節兼庾事進直祕閣提點廣東刑獄兼庾事時常平司通貢山積械繫追索蠹百出大異與之約悉縱遣

之負者如期畢輸吏無所容其姦訪張九齡曲江故宅建曲江書院以祀九齡改提點廣西刑獄兼漕康二司所至姦吏屏息寇盜絕迹凡可以爲民興利除害者必奏行之復建宣成書院祀張栻呂祖謙廣海幅員數千里道不拾遺報政爲最未六十卽丐致仕不允章四上除祕閣修撰大中大夫提舉崇禧觀禮陵縣開國男食邑三百戶賜紫金魚袋歸里第與居民無異學者從之講肄諄諄相與發明經旨條析理學食祿者二十四年卒年八十二子寔霖處在忠義傳

欽定續通志卷四百十四

列傳

宋一百十九

陸持之 徐鹿卿 趙逢龍

趙汝騰 孫夢觀 洪天錫

黃師雍 徐元杰 孫子秀

李伯玉

陸持之字伯微知荆門軍九淵之子也七歲能為文九淵授徒象山之上學者數百人有未達持之為敷釋之荆門郡治火持之倉卒指授中程九淵器之韓侂胄將用兵持之憂時不憚乃歷聘時賢將有以告見徐誼於九江時議防江持之請擇僚吏察地形孰險而守孰易而戰孰隘而伏毋專為江守具言自古興事造業非有學以輔之往往皆以血氣盛衰為銳惰故三國兩晉諸賢多以盛年成功名公更天下事變多矣未舉一事而朝思夕惟利害先入於中愚恐其為之難也誼憮然又之鄂謁辭叔似項安世之荆謁吳獵爭欲留之尋皆謝歸嘉定三年試江西轉運司預選常平使哀變薦於朝謂持之議論不為空言緩急有可倚仗不報嘉定十六年寧宗特詔持之祕書省讀書固辭不獲既至又詔以迪功郎入省乞歸不許理宗即位轉修職郎差幹辦浙西安撫司以疾請致仕特命改通直郎

徐鹿卿字德夫隆興豐城人博通經史以文學名於鄉後進爭師宗之嘉定十六年廷試進士有司第其對居二詳定官以其直抑之猶寘第十調南安軍學教授張九成嘗以直道論居鹿卿撫其言行刻諸學以訓先是周惇頤程顥與其弟頤皆講學是邦鹿卿申其教由是

禮義之學復明立養士綱條學田多在溪岨異時征之無藝農病之鹿卿無恤無通租者其後盜作環城皆燬惟學宮免曰是無撓我者辟福建安撫司幹辦公事會訂邵寇作鹿卿贊畫備禦動中機會避寇者八城多方賑濟全活甚眾郡多火災救護有方會都城火鹿卿應詔上封事言積陰之極其徵為火指言戒嬖寵溺燕私用小人三事尤切真德秀稱其氣平論正有憂愛之誠心改知尤溪縣德秀守泉辟宰南安鹿卿以不便養辭德秀曰道同志合可以拯民何憚不來鹿卿入白其母欣然許之既至首罷科斂之無名者明版籍草預借決壅滯達冤抑邑以大治德秀尋帥閩疏其政以勸列邑歲饑處之有法富者樂分民無死徙最聞令赴都堂審察以母喪去詔服闋起樞密稟議首言邊事楮幣主管官告院幹辦諸司審計司故相子以集英殿修撰食祠祿又幫司農少卿米麥鹿卿曰奈何為一人壞成法持不可遷國子監主簿入對陳六事曰洗凡陋以起事功昭勸懲以收主柄清班著以儲實才重藩輔以蔽都邑用閩越舟師以防海合東南全力以守江帝皆嘉納改樞密院編修官權右司贊畫二府通而守法會右史方大琮編修劉克莊正字王邁以言事黜鹿卿贈以詩言者併劾之太學諸生作四賢詩知建昌軍未上而崇教罷會兩保與建黎原鐵城之民修怨交兵鹿卿馳書諭之斂手聽命既至則寬賦斂禁培克汰賊濫抑強禦恤寡弱黜黜吏訓戍兵初百丈皆擇兵官城屬縣治行大孚田里歌誦督府橫取秋苗削面建昌為米五千斛鹿卿爭之曰守可去米不可得民恐失鹿卿請輸之以其命鹿卿曰民為守計則善矣守獨不為民計乎卒爭以

免召赴行在將行盜發南豐捕斬渠首二十八餘不問釋度支郎官兼右司入對極陳時弊改侍右郎官兼敕令刪修官兼右司鹿卿又言當時並相之弊宰相以甘言誘鹿卿退語人曰是牢寵也吾不能為宰相私人言者以他事詆鹿卿主管雲臺觀越月起為江東轉運判官歲大饑人相食留守別之傑諱不詰鹿卿命掩捕食人者尸諸市又奏援真德秀為漕時撥錢以助賑給不報遂出本司積米三千餘石減半價以糶及減抵當庫息出緡錢萬有七千以予貧民勸居民收字遺孩日給錢米所活數百人宴集不用樂會岳珂守當塗制置茶鹽自詭興利橫斂百出商旅不行國計反屈于初命鹿卿覈之吏爭竄匿鹿卿寬其期限躬自鈎考盡得其實珂辟置貪刻吏聞告許以罔民沒其財民李士賢有稻二千石囚之半歲鹿卿悉縱舍而勸以其餘分皆感泣奉命珂罷以鹿卿兼領太平仍暫提舉茶鹽事弛苛征蠲米石蕪湖兩務蘆稅江東諸郡飛蝗蔽天入當塗境鹿卿露香默禱忽飄風大起蝗悉渡淮之傑密請移鹿卿浙東提點刑獄加直祕閣兼提舉常平鹿卿言罷浮鹽經界鹹地先撤相家所築就捕者自言我相府人鹿卿曰行法必自貴近始卒論如法丞相史彌遠之弟通判温州利韓世忠家寶玩籍之鹿卿奏削其官初鹿卿檄衢州推官馮惟說決葵獄惟說素廉平至則辨曲直出淹禁大家不快其為會鄉人居言路迺屬劾惟說州索印紙惟說笑曰是猶可以仕乎自題詩印紙而去衢州鄭逢辰以舉鹿卿以委使不當相寵自劾且共和其詩御史兼二人劾罷之及知泉州改贛州皆辭遷浙西提點刑獄江淮都大抗治皆以病固辭遂主管玉局

觀及召還又辭改直寶章閣知密國府提舉江東常平
又辭清祐三年以右司召辭辭丞相杜範遺書曰直道
不容使人擊節君不出豈以馮惟說故耶惟說行將有
命矣鹿卿迺出擢太府少卿兼右司入對請定國本正
紀綱立規模時事多艱人心易搖無獨力任重之臣無
守節仗義之士願蚤決大計帝嘉納之兼中書門下省
檢正諸房公事兼崇政殿說書逾年兼權吏部侍郎時
議使執政分治兵財鹿卿執議不可以疾勾祠遷右文

殿修撰知平江府兼發運副使力勾祠帝諭丞相挽留
之召權兵部侍郎固辭帝令丞相以書招之鹿卿至又
極言君子小人切于當世之務兼國子祭酒權禮部侍郎
鹿卿言瑣闥之職無所不當問比年命下而給舍不
得知請復舊制從之帝眷過深篤而忌者浸多有撰偽
疏託鹿卿以傳播詆誣宰相至百執事鹿卿初不知也
遂力辨帝前因乞去帝曰去則中姦人之計矣令臨安
府根捕事連勢要獄不及竟遷禮部侍郎累疏告老授
寶章閣待制知密國府而引年之疏五上不允提舉鴻
禮觀遂致仕進文華閣待制卒遺表聞贈四官鹿卿居
家孝友喜怒不形恩怨俱泯宗族鄉黨各得歡心居官
廉約清峻毫髮不安取一廬僅庇風雨諡清正

趙逵龍字應甫慶元之鄞人刻苦自修為學淹博純實
登嘉定十六年進士第授國子正太學博士屢知興國
信衝衛袁五州提舉廣東湖南福建常平每至官有司
例設供張悉命撤去日具蔬飯坐公署事至即面問決
遺為政務寬恕無論憫恤一以天理民彝為言民是以
不忍欺居官自常奉外一介不取民賦有遺負悉為代
輸尤究心荒政以羨餘為平糶本遷將作監拜宗正少

卿兼侍講凡道德性命之蘊禮樂刑政之事縷縷為上
開陳疏奏甚眾慕悉焚棄年八十有八終於家遂龍家
居講道四方從遊者皆為鉅公名士丞相葉夢鼎出判
慶元修弟子禮常謂師門庠墮欲市其鄰居充拓之遂
龍曰鄰里粗安一旦驚擾彼雖勉從我能無媿於心遂
龍寡嗜欲不好名歎歷日久泊然不知富貴之味或問
何以裕後遂龍笑曰吾憂子孫學行不進不患其饑寒
也

趙汝騰字茂實宗室子也居福州寶慶二年進士遷籍
田令積官至禮部尚書兼給事中兼修國史實錄院修
撰嘗輪對言節用先自乘輿官掖始又奏言前後姦諛
之臣傷善害賢自取穹官要職何益於陛下而深損於
聖德興利之臣移東就西順適宮禁自遂谿壑無厭之
欲何益於陛下而深成於國脈則陛下私惠羣小之心
可以息矣又言陛下有用君子之名無用君子之實兼
直學士院拜翰林學士兼知制誥兼侍讀辭歸故里累
召力辭以龍圖閣學士知紹興府浙東安撫使召至闕
以端明殿學士提舉佑神觀兼翰林學士承旨知泉州
知州南外宗正事復提舉佑神觀兼侍讀兼翰林學士
承旨景定二年卒遺表上特贈四官

孫夢觀字守叔慶元府慈溪人寶慶二年進士調桂陽
軍教授浙西提舉司幹辦公事差主管吏部架閣文字
為武學論輪對言人主不容有所憚尤不容有所玩權
則有言而不能容玩則雖容其言而不能用力請外添
差通判嚴州主管崇道觀召為武學博士太常寺丞兼
諸王宮大小學教授大宗正丞兼屯田郎官將作少監
知嘉興府仍舊班兼右司郎官將作監轉對極言風憲

之地未聞有十人疏攻一疎者封駁之司未聞有三舍
人不肯草制者道揆不明法守滋亂天下之權將所有
寄而倒持之患作當路者滋不悅出知泉州兼提舉市
舶改知密國府獨通減賦無算泛入者盡籍于公帑戶
部遣官督賦急若星火闔郡皇駭莫知為計夢觀曰吾
嘗委官以去母寧病民以留力勾祠且將以府印牒所
遣官所遣官聞之夜遁他日夢觀去密國人言之為之
流涕丞相董槐召還帝問江東廉吏槐首以夢觀對帝
說乃遷司農少卿兼資善堂贊讀論對謂今內外之臣
特陛下以各遂其私而陛下獨一無可恃可為寒心次
論郡國為斯民計朝廷當為郡國計乞命大臣靡自前
主計之臣奪州縣之利而歸版曹者復歸所屬庶幾郡
國蒙一分之寬則斯民亦受一分之賜帝善其言遷太

府卿宗正少卿兼給事中起居舍人起居郎八上章辭
免以監察御史吳燧論罷直龍圖閣與祠授祕閣修撰
江淮等路提點鑄錢司公事甫至官即復召為起居郎
兼侍右侍郎權吏部侍郎奏事抗論益切以寵賂彰仁
賢逆貨物徧聚為言且謂木易相之前弊政固不少既
易相之後弊政亦自在廷之士皆危之夢觀曰吾以
一布衣蒙上恩至此雖捐軀無以報利鈍非所計也力
求補外以集英殿修撰知建寧府獨租稅省刑罰俄得
疾口授遺表不忘規諫遂卒帝悼情久之夢觀退然若
不勝衣然義所當為奮往直前其居敗屋數間布衣蔬
食而重名節云

洪天錫字君疇泉州晉江人寶慶二年進士授廣州司
法調潮州司理勢家奪民田天錫言於守還之帥方大
琮辟真州判官留置幕府改秩知古田縣行鄉飲酒禮

邑劇憊懇猥多天錫剖決無留難有倚王邱勢殺人者誅之不少貸調通判建寧府大水擅發常平倉賑之擢諸司糧料院拜監察御史累疏言天下之患三宦官也外戚也小人也劫董宋臣謝堂厲文翁理宗力護文翁天錫又言不斥文翁必爲王府累帝命吳燧宣諭再三天錫力爭謂貴倖作姦犯科根柢蟠固乃遲回護惜不欲繩以法勢燄愈張紀綱愈壞異時禍成雖欲治之不可得矣帝又出御札俾天錫易疏欲自戒飭之天錫又言自古姦人雖憑怙其心未嘗不畏人主之知苟知之而止於戒飭則憑怙愈張反不若未知之爲愈也章五上出關待罪詔二人已改命宋臣續處之天錫言臣留則宋臣去宋臣留則臣當斥願早賜裁斷越月天雨土天錫以其異爲蒙力言陰陽君子小人之所以辨又言修內司之爲民害者蜀中地震浙閩大水又言上下窮空遠近怨嫉獨貴戚巨闈享富貴耳舉天下窮且怨陛下能獨與數十人者共天下乎會吳民仲大論等列懇宋臣奪其田天錫下其事有司而御前提舉所移文謂田屬御莊不當白臺儀鸞司亦牒常平天錫謂御史所以雪冤常平所以均役若中貴人得以控之則內外臺可廢猶爲國有紀綱乎乃申劾宋臣并盧允升而枚數其惡帝猶力護之天錫又言修內司供繕修而已比年動日御前姦賊之老吏跡捕之兇渠一竄名其間則有司不得舉手狡者獻謀暴者助虐其展轉受害者皆良民也願毋使史臣書之曰內司之橫自今始疏上至六七最後請還御史印謂明君當爲後人除害不當留患以遺後人今朝廷輕給舍臺諫輕百司庶府而北司獨重倉卒之際臣實懼焉言雖不果行然終宋世闖人不

能竊弄主威者皆天錫之力而天錫亦自是去朝廷矣改大理少卿再遷太常皆不拜改廣東提點刑獄五辭明年起知潭州久之始至官戢盜賊尊先賢踰年大治直寶謨閣遷廣東轉運判官決疑獄劾貪吏治財賦皆有法召爲祕書監兼侍講以曠辭升祕閣修撰福建轉運副使又辭度宗卽位以侍御史兼侍讀召累辭不許在道問監察御史張桂劾罷之乃疏所欲對病民五事曰公田曰關子曰銀綱曰鹽鈔曰賦役又言在廷無嚴憚之士何以寢姦謀遇事無敢諍之臣何以臨大節進工部侍郎兼直學士院加顯文閣待制湖南安撫使知潭州改漳州皆力辭又明年改福建安撫使力辭不許亭戶買鹽至破家隕身者天錫首罷之罷荔枝貢召爲刑部尚書詔憲守之臣趨行無虛日不起久之進顯文閣直學士提舉太平興國宮三降御札趣之又力辭踰年進華文閣直學士仍舊宮觀尋致仕加端明殿學士轉一官疾革遺表以規君相特贈正議大夫諡文毅天錫言動有準繩居官清介臨事是非不可回折黃師雍字子敬福州人少從黃幹學入太學寶慶二年舉進士詔爲楚州官屬出盜賊白刃之衝不畏不懼李全反狀已露師雍密結忠義軍別部都統時青圖之謀泄全殺青師雍不爲動全亦不加害秩滿朝議褒異師雍恥出史彌遠門不往見之調婺州教授學政一以呂祖謙爲法李宗勉趙必願汝談皆薦之師雍慕徐僑有清望欲謁之會其有召命師雍曰今不可往也僑聞而賢之至闕以其學最聞宗勉在政府力言于丞相喬行簡行簡已許以朝除師雍以書見行簡勸其歸老行簡不悅宗勉之請遂格知遂之龍溪轉運使王伯大上

其已最行簡罷宗勉與史嵩之入相召師雍審察將至而宗勉卒嵩之延師雍密示相親意師雍不領遷糧料院又曰料院與相府密邇所以相處師雍亦不領嵩之獨相權勢寢盛上下懼禍未有發其姦者博士劉應起首疏論嵩之帝感悟思逐嵩之師雍與應起相善故嵩之疑師雍左右之諷御史梅杞擊師雍差知興化軍旋奪之改知邵武軍及應起爲監察御史師雍遷宗正寺簿尋亦拜監察御史首疏削金淵秩送外居在再疏斥趙綸項容孫史宥之嵩之終喪正言李昂英殿中侍御史章瑛共疏乞竄宥之師雍亦上疏論列帝感悟卽其日詔勒令致仕權直舍人院劉克莊封還詞頭乞界嵩之以貼職如宰臣去國故事遂得守金紫光祿大夫觀文殿學士致仕議者曰大夫官也觀文職也元降御筆但云守官無本官職之辭觀文之命自克莊啟之朋邪願望不可赦師雍遂劾克莊臨事失身犯義免所居官攻亦繼劾克莊師雍又乞籍嵩之家隸張叔儀皆從之未幾昂英劾臨安尹趙與憲及執政攻亦劾執政帝怒昂英并及攻鄭榮乘間劾昂英又嗾同列再疏以昂英屬某人攻屬師雍師雍毅然不從獨擊葉闔乃與憲腹心攻昂英去國榮於是薦周坦葉大有入臺首劾程公許江萬里善類日危矣未踰月坦攻參政吳潛去陳垓爲監察御史時宋與憲坦垓大有合爲一師雍獨立宋惡之尤甚思所以去師雍未得招四人共謀之會大早求言應詔者多指桑坦等爲起災之由牟子才李伯玉盧鉞語尤峻坦等僞撰匿名書誣三士師雍榻前辨謂匿名書條令所禁非公論也不知何爲至前因發其僞撰之迹適鉞疏譽師雍桑乃以鉞附師雍帝不聽擢

師雍左司諫未幾柔入政府謝方叔趙汝騰疏其姦柔遂罷去師雍與丞相鄭清之故同舍然以劾劉用行魏峴皆清之親故清之不樂坦喜曰吾得所以去之矣遣其婦日造清之妻譜曰彼去用行峴乃去丞相之漸也帝將以師雍為侍御史清之曰如此則臣不可留遷起居舍人兼侍講即力言去清之猶冀師雍少貶師雍曰吾欲為全人終不屈數月坦卒劾師雍及高斯得俱罷久之以直質文閣奉祠陳垓又劾同列寢之清之卒起師雍為左史既而改江西轉運使遷禮部侍郎命下面卒於江西官舍師雍簡淡寡欲靖厚有守言若不出口而於衰正之辨甚明視外物輕甚故博采公論當官而行愛護名節無愧師友云

徐元杰字仁伯信州上饒人幼穎悟誦書日數千言每冥思精索聞陳文蔚講書鉛山實朱嘉門人往師之後師事真德秀紹定五年進士及第簽書鎮東軍節度判官廳公事嘉熙二年召為祕書省正字遷校書郎奏否泰剝復之理因及右轄久虛非骨鯁者文身足負荷斯世者不可輕畀又言皇子竑當置後及早立太子乞早定大計時諫官蔣峴方力排竑置後之說遂力請外不許即謁告歸句祠章十二上三年遷著作佐郎兼兵部郎官以疾辭差知安吉州辭召赴行在奏事辭益堅清祐元年差知南劍州會峽陽寇作擒渠魁八人斬之餘釋不問父老或相語曰侯不來我輩魚肉矣郡有延平書院率郡博士會諸生親為講說民訟率呼至以理化誨多感悅而去輪苗聽其自斃閩郡德之丁母憂去官眾遮道跪留既免喪授侍左郎官言敵國外患乞以宗社為心言錢塘駐蹕宜抑文尚質兼崇政殿說書每入

講必先期齋戒嘗進仁宗詔內降旨揮許執奏及臺諫察舉故事為戒語多切宮壺拜將作監進揚雄大匡箴陳古節儉時天久不雨轉對極論洪範天人感應之理及古今遇災修省之實辭益忠懇丞相史嵩之丁父憂有詔起復中外莫敢言惟學校叩關力爭元杰時適輪對言臣前日晉侍經筵承聖問以大臣史嵩之起復臣奏陛下出命太輕人言不可沮抑今觀學校之書使人感歎家庭之變哀戚終事禮制有常臣竊料其何至於忽送死之大事輕出以犯清議士論所以慄慄者實以陛下為四海綱常之主大臣身任道揆扶翊綱常者也自聞大臣有起復之命雖未知其避就若何凡有父母之心者莫不失聲涕零是果何為而然人心天理實無之臣懇懇納忠何敢詆訐特為陛下愛惜民彝為大臣愛惜名節而已帝亦察其忠亮每從容訪天下事經筵益申前議未幾夜降御筆黜四不才臺諫起復之命遂寢元老舊德次第收召元杰亦兼右司郎官拜太常少卿兼給事中國子祭酒權中書舍人杜範入相復延議軍國事為書無慮數十所言皆朝廷大政邊鄙遠慮每裁書至宗社隱憂處輒問筆揮涕書就隨削彙雖子弟無有知者六月朔輪當侍立以暴疾謁告特拜工部侍郎隨乞納祿詔轉一官致仕夜四鼓遂卒先元杰未死之一日方謁左丞相范鍾歸又折簡察院劉應起將以翼日奏事是夕俄然大作詰朝不能進朝夜煩愈甚指爪忽裂以死朝紳及三學諸生往弔相顧駭泣帝震悼曰徐元杰前日方侍立不聞有疾何死之遽耶亟遣中使問狀已而太學諸生伏闕認其為中毒且曰昔小人有傾君子者不過使之自死於蠶烟瘴雨之鄉今

蠶烟瘴雨不在嶺海而在朝廷望奮發睿斷大明典刑於是三學諸生相繼叩闕訟冤臺諫交疏論奏監學官亦合辭聞于朝二子直諫直方乞以恤典充賞格有旨付臨安府逮醫者孫志宜及常所給使鞠治既又改理寺詔殿中侍御史鄭秉董之且募告者賞緡錢十萬官初品大理寺正黃濤謂伏暑證二子乞斬濤謝先臣然獄迄無成海內士人傷之帝悼念不已賜諡忠愍

孫子秀字元實越州餘姚人紹定五年進士調吳縣主簿有妖人稱水仙太保郡守王遂將使治之莫敢行子秀奮然請往焚其廬碎其象沉其人於太湖曰實汝水仙之名矣妖遂絕日詣學官與諸生討論義理辟淮東總領所中酒庫檄督宜興縣圍田租既還白水災總領患曰軍餉所關而敢若此獨不為身計乎子秀曰何敢為身計寧罪去爾力爭之遂免調潯州教授至官改知金壇縣嚴伍釐經界結義役一切與民休息訟者使齋牒自詣里正并鄰證來然後行不實者往往自匿其牒惟豪黠者有犯則痛繩不少貸淮民流入以萬計賑給撫恤樹廬舍括田使耕拔其能者分治之崇學校明教化行鄉飲酒禮訪國初茅山書院故址新之以待遠方遊學之士通判慶元府主管浙東鹽事先是諸場鹽百袋附五袋名五釐鹽未幾提舉官以為正數民困甚子秀奏蠲之辟幹辦行在諸司糧料院衢州寇作水冒城郭朝廷擇守屬子秀行子秀謂捕賊之責雖在有司亦必習土俗之人乃能剪其憑依截其奔突乃立保伍選用土豪首旌常山縣令陳謙亨萬士周還瀆等捍禦之勞具表于朝乞加優賞人心由是競勸未幾盜復起江山玉山開甫七日而眾禽四十八人以來終子秀之

選用土豪首旌常山縣令陳謙亨萬士周還瀆等捍禦之勞具表于朝乞加優賞人心由是競勸未幾盜復起江山玉山開甫七日而眾禽四十八人以來終子秀之

任賊不復動水潦所及則爲治橋梁修堰廩補城壁浚水原助葺民廬賑以錢米招通鄰縣餉餉苗萬五千石有奇盡代納其夏稅并除公私一切之負毋溪沙壅之田請於朝永蠲其稅民用復蘇南渡後孔子裔孫萬衢州詔權以衢學奉祀因循踰年無專饗之廟子秀撤廢佛寺奏立家廟如闕里旣成行釋菜禮以政最邇太常丞以言罷未幾遷大宗正丞遷金部郎官金部舊賣州郡以必不可辦之泛數吏顛倒爲姦欺子秀日夜討論給冊轉遞以均其輸人人如債切身不遺一字而輸足遷將作監淮東總領辭改知寧國府辭爲左司兼右司再兼金部與丞相丁大全議不合去國差知吉州尋鐫罷時嬖倖朱熹凡三劾子秀閩慶元年爲浙西提舉常平先是大全以私人爲之盡奪亭民鹽本錢充獻羨之數不足則估籍虛難一路騷動亭民多流亡子秀還前政鹽本錢五十萬貴奏省華亭茶鹽分司官定衡量之非法多取者於是流徙復業徙浙西提點刑獄兼知常州淮兵數百人浮寓貢院給餉不時死者相繼子秀請於朝創名忠衛軍置若以居截撥上供贍之盜劫吳大椿前使者諱其事誣大椿與兄子熿爭財自劫其家追毀大椿官編置千里外徙黥其賊獲子秀廉得實乃悉平反之尋以兼郡則行部非便得請專臬事擊貪與廉風采凜然狂狷爲清進大理少卿直華文閣浙東提點刑獄兼知婺州婺名勢家有田連阡陌而無賦稅者子秀悉覈其田書諸贖勢家以爲厲已曠言者罷之尋遷湖南轉運副使以迎養非便辭移浙西提點刑獄子秀冒暑周行八郡三十九縣獄爲之清安吉州有婦人怨人殺其夫與二僕部守捐貲萬緡連繫考掠十餘人

終莫得其實子秀密訪之乃婦人賂宗室子殺其夫僕救之併殺以滅口一問卽伏誅又釋僞會之連逮者遠近稱爲神明初獄訟之滯皆由期限之不應使者下車或親書戒州縣勿違而違如故則怒之怒之改匣又違則又重怒之至再三而專卒四出巡尉等司繳限抱匣費不貲則其勢必違子秀與州縣約到限者徑詣庭下吏不得要索亦無違者其後創循環總匣屬各州主管官凡管內諸司報應皆併入匣一日一遣公移則又總實於匣以往於是事無大小纖悉畢具而風聞者反謂專卒凌州縣劾罷之子秀笑而已移江東提點刑獄度宗卽位進太常少卿兼右司尋兼知臨安府以言罷起知婺州卒子秀少從上虞劉漢游落英發抵掌極談神采飛動與人交久而益親死生患難營救不遺力間一善則手錄之

李伯玉字純甫饒州餘干人端平二年進士第二初名減以犯理宗潛諱更今名授觀察推官太學正兼莊文府教授太學博士召試館職歷詆貴戚大臣直聲暴起改校書郎奏言臺評迎合上意論罷尤煇楊棟盧鉞三人忠表不辨乞同罷帝不允監察御史陳瑛連劾罷之奉雲臺祠差知南康軍遷著作佐郎兼沂靖惠王府教授兼考功郎官兼尚書右司員外郎引故事彈臺臣蕭泰來遷著作郎帝怒降兩官罷敘復知邵武軍改湖北提點刑獄移福建遷尙右郎官侍御史何夢然論伯玉迺吳潛之死黨卒祠遷福建提舉常平淮西轉運判官召赴經筵遷考功郎兼太子侍讀拜太府少卿祕書少監起居郎工部侍郎度宗卽位兼侍講權禮部侍郎升兼同修國史實錄院同修撰賈似道嘗集百官議事忽

厲聲曰諸君非似道拔擢安得至此眾默然莫敢應者伯玉答曰伯玉殿試第二名平章不拔擢伯玉地步亦可以至此似道雖改容而有怒色既退卽治歸以顯文閣待制知隆興府右正言黃萬石論罷召入觀擢權禮部尙書兼侍讀似道益專國柄帝以伯玉舊學進之臥內相對泣下欲用以參大政似道益忌之而伯玉尋病卒伯玉嘗請罷童子科以爲非所以成人材厚風俗趙汝騰嘗薦八士各有品目於伯玉曰銅山鐵壁立朝風節大較似之

欽定續通志卷四百十五

列傳

宋一百二十

劉應龍

潘枋

趙景緯

馮去非

徐宗仁

危昭德

楊文仲

謝枋得

洪芹

徐霖

陳埜

劉應龍字漢臣瑞州高安人嘉熙二年進士授零陵主簿饒州錄事參軍有毛隆者務剽掠殺人州民被盜遙呼盜曰汝毛隆也盜亦曰我毛隆也既訟於官捕隆置獄應龍曰盜誠毛隆其肯自謂因言於州州不可乃委它官隆誣伏抵死未幾盜敗應龍繇是著名改知崇仁縣淮西失守江西諸州有殘破者縣佐貳聞變先遁應龍固守不去先是理宗久未有子以弟福王與芮之子為皇子丞相吳潛有異論帝已不樂元兵渡江朝野震動逐丞相丁大全復起潛為相帝問潛策安出潛對曰當遷幸又問卿如何潛曰臣當死守於此帝泣下曰卿欲為張邦昌乎潛不敢復言未幾北兵退帝語羣臣曰吳潛戕朕朕遂罷潛相帝怒潛不已應龍朝受命帝夜出象簡書疏藁授應龍使劾潛應龍謂潛本有賢譽獨論事失當臨變寡斷祖宗以來大臣有罪未嘗輕肆誅戮欲望姑從寬典以全體貌帝大怒迺按劾丁大全請加竄斥疏言內莫急於蘇民瘼以固國本外莫急於討軍實以振國威又言時政四事廣發廢以振民饑通商販以助民食勸分富室以助官糴嚴等第以覈民數稽檢放以蘇民窮嚴賊盜以除民害賈似道素忌潛會京師米貴應龍為勸糶歌官者取以上聞帝聞知應龍所

作問似道米價高當亟處之似道訪其由亦怒應龍遷司農少卿尋以右諫議大夫孫附鳳言遂去國景定三年湖南饑起提舉常平以採荒功遷直寶章閣廣南東路轉運判官遷祕書監兼國史編修實錄檢討知隆興府兼江西轉運副使奏免和糴二十萬石擢權戶部侍郎兼侍講時似道當國百官奏對稍切直者輒黜應龍言臣觀今日之事可言者多矣邇日以來靖恭自守者以論事為忌指陳稍切者聯翩引去豈兩省繳駁過甚重其疑欺抑廷臣奏對拂意速其畏欺朝廷清明之時而言者已懷疑畏臣恐正臣奪氣鯁臣吃舌宜非盛世所有遂許當路自侍從兩省以下無不切齒未幾以集英殿修撰知建寧府亟辭中書舍人盧鉞希指封還錄黃久之起為江東轉運使辭南海寇作朝廷患之乃以顯謨閣待制知廣州廣東經略安撫使寇聞應龍至遁去應龍勦逐之南海大治特旨屢召拜戶部侍郎仍兼侍讀七上奏辭免德祐元年遷兵部尚書寶章閣直學士知贛州兼江西兵馬鈐轄青海軍節度使力辭隱九峯子元高亦舉進士知侯官縣沒洪天錫歎曰朝廷失一御史矣

潘枋字庭堅福州閩人端平二年策進士枋對曰陛下承休上帝販德匹夫何異為人子孫身荷父母劬勞之賜乃指豪奴悍婢為恩私之地欲父母無怒不可得也又曰陛下手足之愛生榮死哀反不得視士庶人此如一門之內骨肉之間未能親睦是以僮僕疾視鄰里生侮宜厚東海之恩裂淮南之士以致人和時對者數百人庭堅語最直會殿中侍御史蔣峴劾方大琮劉克莊王邁前倡異論併誣妨姓同逆賊策語不順請皆論以

漢法枋調鎮南軍節度推官衢州推官歷浙西提舉常平司遷太學正旬日出通判潭州日食應詔上封事曰熙寧初元日食詔郡縣掩骼著為令故王一抔淺土其為暴骸亦大矣請以王禮改葬又移書丞相游似申言之似心善其言方將收用之而枋卒

洪芹尚書右僕射適之曾孫以大父澤入官甫更調登進士第自南平司法改欽州教授使者愛其才先後並薦之有旨召審察丁內外艱入主省架閣遷太學博士輪對發明絜矩之道擢國子博士出通判南劍入為太常博士累遷將作少監屬詞臣無當上意慨然思得天下士丞相程元鳳言當今地望無踰洪芹者進兼翰林權直祕書少監開慶元年升直學士院繼權禮部侍郎中書舍人屬兵興帝悟柄任非人自貽國禍詔書所至聞者奮激蓋芹所草也丁大全罷相出典鄉郡芹遷禮部侍郎繳奏大全鬼域之資穿窬之行暴戾淫黷引用凶惡陷害忠良竭塞言路濁亂朝綱乞盡從諫臣所請追官遠竄以伸國法以謝天下沈炎乘上怒攻丞相吳潛芹獨繳奏曰方國本多虞潛星馳赴闕理紛鎮浮陳力為多一旦視為弁髦得無如詩所謂將安將樂女轉棄子乎慷慨敢言天下義之遷禮部侍郎帝銳意鄉用而以論去退寓永嘉怡然自適咸淳初起知寧國府卒

趙景緯字德父臨安府於潛人少勤學弱冠得周惇頤程頤兄弟諸書讀之恨不及登朱熹之門熹門人葉味道謂之曰度正吾黨中第一人遂往見首誨以求放心為本由是往來味道度正之間研索益精入太學登潛祐元年進士第授江陰軍教授丁母憂以祿不逮養服

闕不調召為史館檢閱特授祕書郎兼史館校勘進直祕閣差知台州皆辭不許至郡以化民成俗為先務約束官吏擾民五事舉遺逸車若水林正心於朝旌孝行平重刑懲誹訐治豪橫建黃巖縣社倉六十有六浚河道九十里築隄路三十里節浮費為下戶代輸秋苗奏蠲五邑坊河渡錢期年之內乞歸田里者再進考功郎官兼沂靖惠王府教授御筆兼崇政殿說書又皆辭不許乃造朝侍緝熙殿以易進講論聖人體元之妙在惟幾人君得此則天下有治而無亂人事有吉而無凶矣又曰惕厲祗懼乃天心之所存聖人先處於憂故能無憂先處以危故能無危若乃先自處於安樂則憂危乘之矣又論監司守令與其糾劾於有罪之後而未必盡得其情孰若精擇於未用之先而使之各稱其職慧出於柳應詔上封事願陛下捐內帑以絕壅利之誘出嬪嬙以節用度之奢弄權之貂寺素為天下之所共惡者屏之絕之毒民之恩澤侯嘗為百姓之所憤者黜之棄之擇忠鯁敢言之士置之臺諫以通關焉之壅選慈惠忠信之人使為守宰以保元氣之殘又必稽乾清以來凡利源窳名之在百司庶府者悉隸其舊以濟經用之急公用派買不均之弊聽民自陳隨宜通變以安田里則人心悅天意解矣兼國史院編修官實錄院檢討官拜太府少卿以直敷文閣知嘉興府又皆辭不許至郡首以護根本正風俗為先務拜宗正少卿御筆兼侍講兼權工部侍郎時暫兼權中書舍人又皆辭不許以禮記進講開陳敬恕之義封還濫恩詞頭帝從之進權禮部侍郎兼修玉牒升兼侍讀仍辭不許進聖學四箴一曰惜目力以致其勤二曰精體認以充其知三曰屏嗜

好以專其業四曰謹行事以驗其用五疏乞歸里帝勉留之請益力特授集英殿修撰知建寧府辭不許乃還家召為中書舍人三辭不許請益力進顯文閣待制依所乞子祠辭職名不許遂差提舉玉隆萬壽宮疾卒詔特贈四官至中奉大夫諡文安景緯天性孝友雅志沖澹親沒無意仕進故其立朝之日不久云
馮去非字可遷南康都昌人淳祐元年進士嘗幹辦淮東轉運司治儀真歐陽修東園在焉使者黃濤欲以為佛寺時已許薦去非力爭不得宣不受使者薦謂告而去寶祐四年召為宗學論丁大全為左諫議大夫三學諸生叩閭言不可帝為下詔禁戒詔立石三學去非獨不肯書名碑之下方監察御史吳衍翁應弼劾諸生下獄去非復調護宗學生之就逮者未幾大全簽書樞密院事參知政事蔡抗去國去非亦以言罷歸舟泊金焦山有僧止謁去非不虞其為大全之人也周旋甚款僧乘間致大全意願毋遽歸少俟收召誠得尺書以往成命卽下去非奮然正色曰程丞相蔡參政率老夫至此今歸吾廬山不復仕矣斯言何為至我絕之不復與言
徐霖字景說衢州西安人年十三有志聖人之道取所作文焚之研精六經之奧探賾先儒心傳之要淳祐四年試禮部第一知貢舉官入見理宗曰第一名得人嘉獎再三登第授沅州教授時宰相史嵩之挾邊功要君植黨顯國霖上疏厲言其姦深之狀以為其先也奪陛下之心其次奪士大夫之心而其甚也奪豪傑之心今日之士大夫嵩之皆變化其心而收攝之矣且其變化之術甚深非章章然號於人使之為小人也常於善類

擇其質柔氣弱易以奪之者親任二三其或稍有異已則潛棄而擯遠之以風其餘彼以名節之尊不足以易富貴之顯義利之辨亦終暗於妻妾宮室之私則亦從之而已疏奏見者為霖危之未幾嵩之匿父喪求起復君子並起而攻之按癸辛雜識載淳祐初年喬行簡李三學生上書攻之明年徐霖伏闕上書論其罪是歲仲冬嵩之父彌忠疽於家不即奔喪公論沸騰未幾御史高之起復將作監徐元杰少帝大感悟丞相范鍾進監史季溫右史韓祥皆有疏論帝大感悟丞相范鍾進所召試館職二人上思霖之忠親去其一易霖名及試則曰人主無自強之志大臣有患失之心故元良未建凶姦未竄是時丞相杜範已故而鍾雖得位畏姦人復出為已禍故也擢祕書省正字霖辭不獲命遂就職會日食霖應詔上封事曰日陽類也天理也君子也吾心之天理不能勝乎人欲朝廷之君子不能勝乎小人宮闈之私暱未屏瑣閣之姦衰未辨臺臣之討賊不決精誠感浹日為之食又數言建立太子遷校書郎七年夏大旱霖應詔言諫議大夫不易則不雨京兆尹不易則不雨不報去國帝遣著作郎姚希得留之不還御筆改合人官迺改宣教郎霖屢辭曰為身死而不敢欺其君父今以官高而自眩於平生失其本心何以暴其忠志八年夏添差通判信州霖皆力辭尋令守臣勉諭之特改宣教郎主管雲臺觀霖適拜受十二年遷祕書省著作郎霖辭不許按癸辛雜識載霖去國傳旨令姚希得傳旨勉諭然不從活潑太甚其居衢也屢有召皆不就除著作郎則翻然而來及去趨汝騰其出關蓋霖鼠兩端與外差迥同而來及去趨汝騰其出關蓋霖之無忌憚皆汝騰成其狂後察官蕭泰來數其十二狂與宋史郡于是聲名附識兼國史編修實錄檢討帝曰今日所當言者當備陳之霖復以正太子名為言兼權尙左郎官兼崇政殿說書迺上疏言葉大有陰柔姦黠

爲羣儉冠不宜久長臺諫乞斥去不報兼權左司霖知無不言於是讒嫉者思以中傷而帝亦不悅乞補外知撫州祠先賢寬租賦賑饑窮諒悍將建營堦一月而政舉化行以言去士民遮道不得行及暝始由徑以出寶祐元年差知衡州三年當之官遂辭差知袁州五年丁外艱明年開慶元年差主營崇禎觀景定二年知汀州明年卒尙書省請加優異詔與一子恩澤度宗賜祭田百畝以旌直臣

徐宗仁字求心信之永豐人清祐十年進士歷官爲國子監主簿開慶元年伏闕上書曰今天下如器之缺而未墜於地存亡之機固不容髮環視四境類不足恃而所持以維持人心奔走豪傑者惟陛下賞罰之微權在耳自幹腹之兵越江踰廣以來凡閱數月尙未聞有死戰陣死封疆死城郭者豈賞罰不足以勸懲之耶今通國之所謂侏罽者不過丁大全袁玠沈翥張鎮吳衍翁應弼石正則王立愛高鑄之徒而首惡則董宋臣也廷紳抗疏學校叩闕至有欲借尙方劍爲陛下除惡陛下乃釋而不問彼方捷厚貨挾聲色高臥華屋三軍之在行者捐軀兵革百姓之罹難者流血鋒鏑陛下亦當一念及此乎又極論邊事謂惠愛而威不振又請使有言責者皆得以盡其言則國論伸而國威振遷國子監丞祕書省著作佐郎考功郎官太府少卿又遷太常少卿知憲國府監察御史郭闔論罷德祐元年起授吏部侍郎權禮部尙書兼益王府贊讀衛益王走海上厓山兵敗死焉

危昭德昭武人寶祐元年進士歷官爲史館檢閱校勘武學諭宗正寺簿兼崇政殿說書遷祕書郎疏言國之

命在民之命在士大夫士大夫不廉股民膏血爲己甘腴民不堪命矣又言願陛下與二三大臣察利害之實究安危之本凡荒政之當舉者不可一日而置念又言願陛下舉考課之事內以責諸彈糾之職外以責諸監司郡守之計進兼侍講又言民者邦之命脈欲壽國脈必厚民生欲厚民生必寬民力且條上厲民四弊又言願陛下爲萬世根本之慮爲一時倉卒之防必求安節之亨毋招不節之咎又乞察欣瘁休戚之故酌利害損益之宜遷起居舍人兼國史編修實錄檢討尋遷殿中侍御史侍御史諫作宗陽宮權工部侍郎兼同修國史實錄院乞致仕特轉一官昭德在經筵以易春秋大學衍義進講反覆規正者甚多子徹孫咸清元年進士陳璿字子爽嘉興人歷京湖制置使司主管機宜文字差知德安府歷遷太府卿司農卿權工部侍郎入奏言願陛下轉移世道之樞機砥礪士大夫之廉恥使知名義爲重利祿爲輕久去國以恬退聞者召之久立朝以

更迭請者從之甘言容悅者必斥真情句閱者勿留如此則君臣上下皆以真實相與四維既張士大夫難進易退之風當見於聖世以言罷未幾進集英殿修撰知婺州改知太平州兼江東轉運副使請調放諸郡災傷加戶部侍郎准東總領尋提領江淮茶鹽所兼知太平州發公帑代三縣輸折絲帛錢五十萬九千三百六十餘貫又作浮淮書堂以處兩淮之民而教之積官加端明殿學士咸淳四年卒謚清毅塋屢歷節軍民愛戴幕客盛多而塋又樂薦士焉

楊文仲字時發眉州彭山人七歲而孤母胡年二十有八守節自誓教養諸子文仲既冠以春秋貢其母喜曰

汝家至汝三世以是經收效矣清祐七年文仲以胄試第一入大學九年又以公試第一升內舍時言路頗壅因季冬雷震首帥同舍叩閣極言時事有曰天本不怒人激之使怒人本無言雷激之使言一時爭傳誦之升上舍爲西廊學錄丞相謝方叔嘗問文仲曰今日何事最急對曰國本未建莫大於此上意未喻當以死請可也寶祐元年登進士第調復州學教授轉運使印應飛辟入幕明發婦冤獄應飛悉從文仲議且薦之荆湖宜無使趙葵署文仲佐分司幕姚希得江萬里合薦文仲學爲有用辟四川宣撫司準備差遣添差沿海制置司幹辦公事召爲戶部架閣遷太學正升博士時從叔父棟爲祭酒講學益臻精選國子博士勾外添差通判台州故事守貳尙華修正月望取燈民間吏以白文仲曰爲吾然一燈足矣勸農東郊守因欲泛湖文仲即先馳歸添差通判揚州牙契舊額歲爲錢四萬緡累政增至十六萬開告訐以求羨文仲曰希貴以擾民吾不爲也卒增十八界一而已制置使李庭芝檄主管機宜文

字時有沙田使者欲舉行之文仲力爭以爲事不可妄興蓋與民之惠有限不擾之惠無窮事遂不行召爲宗學博士近輔兵變水忠輪對言皇天眷命垂四百年天命久熟之餘國脈癯老之候此豈非一大喜懼之交乎願陛下內擴聰明自作主宰又曰春多沈陰豈但麥秋之憂於時爲夬尤軫莫陸之慮天目則洪水發焉蘇湖則弄兵興焉峩冠于于而每見大夫之乏使佩印纍纍而常慮貪賈之無厭將習黃金橫帶之娛兵疲赤籍掛虛之冗蚩蚩編氓得以輕統府瑣瑣警邏輒以憂朝廷設不幸事有大於此者國何賴焉帝殊聽顧問甚至遷

太常丞尋兼權倉部郎官兼崇政殿說書遷將作少監又遷將作監文仲在講筵每以積誠感動常進讀春秋帝問五霸何以為三王罪人文仲奏云齊桓公當王霸升降之會而不能為向上事業獨能開世變厲階臣考諸春秋桓公初年多書人越二十年伐楚定世子之功既成然後書侯之辭迭見此所以為尊王抑霸之大法然王豈徒尊哉蓋欲周王子孫率修文武成康之法度以扶持文武成康之德澤則王跡不熄西周之美可尊如此方副春秋尊主之意盛夏建宗陽宮壞徙民居盡旬騷然文仲疏諫移閭閻之聚為香火之庭不得為善計矣陛下紹祖宗之位豈以黃老之居為輕重哉翌日面奏益懇至詔卿監以上薦人才文仲薦陳存呂折鍾季玉等十有八人名士二人金華王栢天台車若水也兼國子司業兼侍立修注官又以球太學教諭彭成天迂似道主管崇禧觀出知衡州運餉有法而民不擾以所當得米八千石立思濟倉召為祝書少監尋兼崇政殿說書以疾乞致仕不許兼國史院編修官實錄院檢討官遷太常少卿兼國子司業遷起居舍人少帝即位授權工部侍郎兼權侍右郎官尋兼給事中有事明堂議以上公攝行文仲議曰今祇見天地之始雖在幼冲比即喪次已勝拜跪執禮無違所當親饗時丞相王煥陳宜中不協文仲疏言事危且急矣祖宗所深賴億兆所寄命在乎二相苟以不協之故今日不戰明日不征時不再來後悔何及尋兼國子祭酒元兵渡江畿甸震動朝士多棄去者侍從班惟文仲一人詔旌在列不去者二階文仲疾益甚旬祠以集英殿修撰知漳州三上章乞致仕改知泉州因將家踰嶺南待次卒而宋亡矣

謝枋得字君直信州弋陽人也為人豪爽每觀書五行俱下一覽終身不忘性好直言一與人論古今治亂國家事必掀髯抵几跳躍自奮以忠義自任徐霖稱其如驚鶴摩霄不可籠繫寶祐中舉進士對策極攻丞相董槐與宦官董宋臣意擢高第矣及奏名中乙科除無州司戶參軍即棄去明年復出試教官中兼經科除教授建寧府未上吳潛宣撫江東西辟差幹辦公事團結民兵以扞僭偽撫科降錢米以給之枋得說鄧傅二社諸大家得民兵萬餘人守信州暨兵退朝廷覈諸軍費幾至不免五年彗星出東方枋得考試建康適似道政事為問自言兵必至國必亡潛使陸景思銜之上其橐於似道坐居鄉不法起兵時冒破科降錢且誦謗迫兩官謫居與國軍伏讀通鑑輯覽謹按 御批試士而以於國家廢與則非草野所宜安論且明知大勢已去為臣子者應痛切深何忍於盈庭發策之時斥言宗社枋得固素知大業者而其情過激遂乖敬 咸淳三年放歸德祐元年呂文煥尊大元兵東下鄂黃蘄安慶九江凡其親友部曲皆誘下之遂屯建康枋得與呂師夔善乃應詔上書以一族保師夔可信乞分沿江諸屯兵以之為鎮撫使之行成伏讀通鑑輯覽謹按 御批顯然而其部曲又爭相降附呂氏之罪惡更無可原枋得因素稱守道重者何亦狃於私交保其可信且欲藉以行成其視可馬遷之於李陵殆有甚矣且願身至次年安仁之戰卒敗于師夔能無有悔耶

歸不及而反以江東提刑江西招諭使知信州明年正月師夔與武萬戶分定江東地枋得以兵逆之使前鋒呼曰謝提刑來呂軍馳至射之矢及馬前枋得走入安仁調淮士張孝忠逆戰團湖坪矢盡孝忠揮雙刀擊殺百餘人前軍稍卻後軍繞出孝忠後眾擊潰孝忠中流矢死馬奔歸枋得坐敵樓見之曰馬歸孝忠敗矣遂奔信州師夔下安仁進攻信州不守枋得乃變姓名入建寧唐石山轉茶坂寓逆旅中日麻衣躡屨東鄉而哭人不識之以為被病也已而去賣卜建陽市中有來卜者惟取米屨而已委以錢率謝不取其後人稍稍識之多延至其家使為弟子論學伏讀通鑑輯覽謹按 御批枋得固講理學者嚴而敗死國事可也乃變姓名而竄遁以論學為人所宗正所謂進退無據史尚有與辭豈正見哉天下既定遂居閩中至元二十三年集賢學士程文海薦宋臣二十二二人以枋得為首辭不起又明年行省丞相蒙古岱將旨詔之執手相勉勞枋得曰上有堯舜下有巢由枋得名姓不詳不敢赴詔丞相義之不強也二十五年福建行省參政管如德將旨如江南求人材尚書留夢炎以枋得薦枋得遺書夢炎曰江南無人材求一瑕呂節甥程嬰梓白廝養卒不可得也紂之亡也以八百國之精兵而不敢抗二子之正論武王太公櫛櫛無所容急以興滅繼絕謝天下殷之後遂與周並立使三監淮夷不叛武庚必不死殷命必不黜夫女真之待二帝亦慘矣而我宋今年遣使祈請明年遣使問安王倫一市井無賴狎邪小人謂梓宮可還太后可歸終則二事皆符其言今一王倫且無之則江南無人才可見也今吾年六十餘矣所欠一死耳豈復有它志哉終不行郭少師從少帝北遷既而南歸與枋得道時事曰大元本無意江南屢遣使使頓兵令毋深入待還歲幣即議和無枉害生靈也張宴然上書乞斂兵從和上即可之兵交二年無一介行李之事乃挈數百年宗社而降因相與痛哭福建行省參政魏天祐見時方以求材為急欲薦枋得為功使其友趙孟迥來言枋得罵曰天祐仕閩無

毫髮推廣德意反起銀冶病民願以我輩飾姦邪及見
天祐又傲岸不爲禮與之言坐而不對天祐怒強之而
北枋得卽日食菜果二十六年四月至京師問謝太后
攢所及少帝所在再拜慟哭已而病遷憫忠寺見壁間
曹娥碑泣曰小女子猶耳吾豈不汝若哉留夢炎使醫
持藥雜米飲進之枋得怒曰吾欲死汝乃生我邪棄之
地終不食死伯父徽明以特奏恩爲當陽尉攝縣事於
天基節上壽元兵奄至徽明出兵戰死二子趨進抱父
屍亦死

